

大樹緊那羅王所問經卷第一

化

姚秦龜茲三藏鳩摩羅什譯

如是我聞一時佛住王舍城祇闍崛山與大比丘衆六万二千人俱菩薩摩訶薩七万二千衆所知識皆從十方世界來集得陀羅尼無尋辯才進入念慧慙愧具足其志堅固猶如金剛善修成就一切佛法志意清淨成就具足自不忘失菩提之心亦能令他而不忘失善調柔施攝伏諸根善能知捨所愛之物以清淨戒善自莊嚴於諸衆生其心平等以柔和忍力而自莊嚴於无量衆由他阿僧祇劫勤修進力於諸禪定解脫三昧遊戲神通自在無尋善以智慧分別一切諸法句義其心不動如大山王於諸衆生其心平等如地水火風善離愛恚常行慈心恒遣慈光遍照衆生安住大悲常勤觀察一切衆生住於大喜樂法具足住於大捨得無二智利衰毀譽稱譏苦樂皆以超過如是世法慧光善伏自衆他衆降伏衆魔世

所難遇如優曇華為諸眾生中大師
子吼究竟涅槃勝怖樂甚深四無所畏
為如來印之所印之所記无錯如說
而行於深法藏義味相應蔽諸日月
名稱流聞遍十方界若為諸佛之所
護持守護法藏常不斷絕三寶種性
善能遊過無邊佛剎善解了知隨宜
給侍諸佛世尊聽聞受法常勤精進
教化眾生得到方便智慧彼岸善隨
一切諸眾生根如應說法善知一切
諸眾生等意之行相其心淨妙善巧
言說為大醫王善療眾病已於無量
阿僧祇佛所種諸善根善集相好福
德莊嚴善能解了空无相願善解諸
法如幻如焰如水中月如夢鏡像解
一切法如虚空相善能解了一切眾
生音聲言說善分別法樂說无盡善
能觀察出世之慧成就大力近佛十
力得明肉眼天眼慧眼法眼佛眼善
度莊嚴助道法分善解超度一切諸
道明了菩薩法藏所攝善能轉於不
退法輪得三昧印相善能知到金剛
場三昧一切諸法自在三昧常現在

前持大寶炬其心謙下於諸衆生常
觀一切諸衆生心亦常觀諸衆生智
慧近佛智慧令諸衆生施作佛事所
作事辦皆已聚集一切功德盡未來
劫說其功德不可窮盡其名曰寶住
菩薩寶有菩薩寶手菩薩寶花菩薩
寶王菩薩喜見菩薩愛意菩薩愛眼
見菩薩持地菩薩作喜菩薩大勢菩
薩大德菩薩降魔菩薩摩鳩提菩薩
儒天菩薩昇陀羅香菩薩寶菩薩等
觀菩薩无高下菩薩善御菩薩一切
衆生不請友菩薩弥勒菩薩雲音菩
薩持山嚴菩薩山積菩薩上友菩薩
勇友菩薩光明菩薩光德菩薩燈王
菩薩觀志菩薩光莊嚴菩薩雜綵冠
菩薩天冠菩薩天王菩薩天眼觀菩
薩觀世音菩薩善辭菩薩思志等菩
薩善住志菩薩善住業菩薩不動足
集菩薩金剛足進菩薩越三界足菩
薩疾辯菩薩速辯菩薩無斷辯菩薩
住辯菩薩妙音菩薩梵音菩薩喜一
切衆生音菩薩文殊師利法王子菩
薩如是等上首七万二千人於此三

千大千世界釋梵護世并餘大威德
諸天龍夜叉乾闥婆迦樓羅緊那羅
摩睺羅伽人與非人比丘比丘尼優
婆塞優婆夷皆來集會為欲聽法
余時世尊與无量百千大眾恭敬圍
遶而演說法余時天冠菩薩即從座
起正衣服偏袒右肩右膝著地合掌
向佛以偈讚曰

超世為世作燈明 智慧利益於世間
令結闇者得光明 我今稽首離世間
十方行施寂殊勝 善自調心到彼岸
人天龍神所供養 稽首敬礼燒結仁
勝相多利益世間 金色圓光普周遍
持淨妙戒大梵音 稽首三界寂無比
度諸衆生到彼岸 調伏諸論無能動
善了知諸衆生心 稽首敬礼勝大悲
斷諸結使不生著 以力降怨善住戒
天中之天淨結垢 我稽首礼降諸怨
衆寶中寂无瑕穢 常樂智慧為先首
除斷貪瞋愚癡垢 稽首心等如虛空
演說四諦度四流 說甘露法施淨眼
遊行三界為利衆 我稽首礼持輪相
常為人天所供養 常化衆生令度脫

虛空人天所供養

我稽首礼人中勝

常樂集於正善法

常以慈心等世間

人尊調御住正道

稽首攝持一切德

淨音所說勝妙善

適意柔軟梵音聲

善解衆音到彼岸

稽首美妙如實說

趣空無相及无作

能察甚深難見法

善能進趣入解脫

稽首善知解脫道

世尊善解知因緣

常能斷離二邊見

實說因緣業果報

我稽首礼見世間

無有來者亦去者

無慢善能觀諸法

如幻如焰水中像

稽首敬礼善法眼

生若無生都无生

若生及滅亦無滅

其所止處如法住

調御善住如是處

所有言說便真實

善住如如巨傾動

金剛山身无動搖

我稽首礼巨傾動

其身口意等無異

名聞無量遍三界

我今欲問勝丈夫

願尊勿慮為演說

余時天冠菩薩偈讚佛已白佛言世

尊我今欲於如來應供正遍覺勝妙

法中少有所問若佛聽許乃敢諮請

余時佛告天冠菩薩善男子恣汝所

問隨汝所疑如來當說悅可汝心余

時天冠菩薩白佛言世尊云何菩薩

得成雜種莊嚴之辯世尊云何菩薩
得增勝智善知分別甚深之法世尊
云何菩薩善知諸根世尊云何菩薩
善能解知如應說法世尊云何菩薩
善知一切衆生心行世尊云何菩薩
知一切因行果報亦知出過所行无
失世尊云何菩薩莊嚴布施世尊云
何菩薩莊嚴戒忍精進禪智世尊云
何菩薩善能解知莊嚴梵道世尊云
何菩薩不失神通世尊云何菩薩斷
諸結使世尊云何菩薩度到彼岸世
尊云何菩薩能現一切聲聞緣覺及
諸衆生形色威儀無有別異世尊云
何菩薩觀於生死不住涅槃世尊云
何菩薩觀衆生界不動法界世尊云
何菩薩不退失利觀現失利世尊云
何菩薩有大財寶封邑無盡以方便
力現為貧窮世尊云何菩薩行於諸
行今有作門入無作門世尊云何菩
薩善觀諸法世尊云何菩薩決定分
別一切諸法世尊云何菩薩行諸世
法不為所汙世尊云何菩薩於諸自
在不觀望他世尊云何菩薩不離見

佛世尊云何菩薩善自調伏无諸惡
法世尊云何菩薩善為師導而不恡
法世尊云何菩薩為諸衆生作實依
止世尊云何菩薩能轉一切諸佛法
輪世尊云何菩薩於一切法得灌頂
位今時世尊讚天冠菩薩善哉善哉
善男子汝今所問多所利益安樂世間
利安人天攝取未來諸菩薩等善男子
汝常曾於恒河沙等佛世尊所諮請
問難今復當大利益安樂未來菩薩
令此大乘得久住世善男子汝之所
問善心諦聽吾當演說天冠菩薩白
言世尊受教而聽善男子菩薩成就
四法得於雜種莊嚴之辯何等為四
是菩薩於一切衆生無侵害心捨諸
一切所愛之物心無悔恡有說法者
不斷其說起隨喜心歡喜踊躍讚言
善哉勸請說法若於晝夜若在僧中
若在佛塔以菩提心常為先道起志
欲心喜樂諸法而是菩薩專心志欲
以法等施不期利養善男子是為善
薩成就四法得成雜種莊嚴之辯善
男子菩薩成就四法得增勝智善知

分別甚深之法何等四順因緣法知
我實性知入一切衆生實性知生死
行無有來者无有去者知一切法虛
空印相是為四善男子菩薩成就四
法善知諸根何等四善知法界門觀
諸法門無有障碍知諸神通善調伏
心无有二行是為四善男子菩薩成
就四法善能解知如應說法何等四
辯智度衆生智分別法智自淨其心
亦淨一切衆生之心是為四善男子
菩薩成就四法善知一切衆生心行
何等四智慧超出智無有碍入於方
便諸有所作終不中悔能自覺了是
為四善男子菩薩成就四法善知造
因所得業報亦知出過所行无失何
等四不說斷滅亦不說常因於業報
如實而知如法而現諸法示相是中
无我無我所知於所作不失果報是
為四善男子菩薩成就四法莊嚴布
施何等四莊嚴於相莊嚴於好无比
喻色無盡封邑及以寶手是為四善
男子菩薩成就四法莊嚴持戒何等
四作轉輪王而善莊嚴菩提之心作

釋提桓因而善莊嚴菩提之心作大
梵王而善莊嚴菩提之心不墮惡道
生人天善處而善莊嚴菩提之心是
為四善男子菩薩成就四法莊嚴忍
辱何等四出梵音聲迦陵頻伽聲多
人所愛心意悅樂堅修善法得金色
膚是為四善男子菩薩成就四法莊
嚴精進得不可壞何等四得一切衆
生無能壞者為諸衆生作不請友有
所為作專志不懈心无疲厭樂集多
聞堅智莊嚴是為四善男子菩薩无
厭成就四法莊嚴於禪何等四無諸
鬧乱无有放逸無有慳慢不捨調伏
心是為四善男子菩薩成就四法莊
嚴智慧何等四不說我人衆生壽命
得无尋辯善能分別一切句義於一
切法無有疑惑是為四善男子菩薩
成就四法莊嚴梵道何等四在空淨
處生起慈心為化衆生起於悲心守
護正法起於喜心生如來智起於捨
心是為四善男子菩薩成就四法不
失神通何等四入於四禪而不退失
入四空定知於方便心得自在知一

切法神通遊至無量佛刹是為四善
男子菩薩成就四法斷諸結使何等
四內自寂靜亦寂靜外善觀諸法
知如幻化有大智力非憍慢力是為
四善男子菩薩成就四法度到彼岸
何等四知於欲流不證離欲知於有
流隨意往生知於見流不捨諸見知
无明流不逆緣法是為四善男子菩
薩成就四法能現一切聲聞緣覺及
諸衆生形色威儀無有別異何等四
善起如幻三昧如實而知一切法相
善觀五通自觀己身知如幻化是為
四善男子菩薩成就四法觀於生死
不住涅槃何等四諸佛護持自大悲
心善巧方便不捨本願是為四善男
子菩薩成就四法觀衆生界不動法
界何等四觀自實性解於法性觀衆
生性不疑智性觀諸衆生同涅槃性
是為四善男子菩薩成就四法不退
失利觀現失利何等四善男子以專
志心趣向涅槃修入生死專志欲於
一切佛法現為聲聞緣覺調伏是為
四善男子菩薩成就四法有大財寶

封色无盡以方便力現為貧窮無諸財賄何等四或現作於轉輪大王釋梵天王為化尊勝諸衆生故現作貧窮為化貧窮諸衆生故見來求者盡捨一切所有財物見大富者現无盡寶有自在力是為四善男子菩薩成就四法今有作門入無作門何等四說一切行無常淨於智行得於覺知一切行無我離於諸見得涅槃法寂智進行是為四善男子菩薩成就四法善觀察諸法何等四善淨慧眼得明法眼佛眼現前於一切法得灌頂位是為四善男子菩薩成就四法決定分別一切諸法何等四辯智無滯解了諦智住四依智不捨陀羅尼智是為四善男子菩薩成就四法行於世法不為所汙何等四觀知世法超出過於世間衆生斷除愛恚无所染汙畢竟明淨是為四善男子菩薩成就四法於法自在不觀望他何等四定得自在智得自在慧得自在方便得自在是為四善男子菩薩成就四法不離見佛何等四自往見佛亦勸

衆生自往聽法亦勸衆生自發菩提
心亦勸衆生發菩提心常不捨離念
佛三昧是為四善男子菩薩成就四
法善自調伏无諸惡法何等四出世
明慧觀察智見顯示解脫善集法忍
斷離一切不善法習是為四善男子
菩薩成就四法善為師導而不恡法
何等四專心利益一切衆生志意堅
固無所憊恨常行教化一切衆生自
捨已樂修集智慧常為一切衆生作
利成於已利是為四善男子菩薩成
就四法為諸衆生作實依止何等四
捨於已利常求利他自捨諸樂為諸
衆生求於法樂如所聞法為人廣說
无有疲倦以法養命不以衣食是為
四善男子菩薩成就四法能轉一切
諸佛法輪何等四得陀羅尼得無斷
辯知入一切衆生心行不觀種姓而
為說法引入涅槃是為四善男子菩
薩成就四法於一切法得灌頂位何
等四出過諸行住菩薩行得无生法
忍示現生死為不退轉印之所印入
如來印住第十地善知諸地是為菩

薩成就四法於一切法得灌頂位佛
說如是諸四法時三千大千世界六
種震動大光普照於上空中百千億
天作天伎樂歌詠讚歎雨天曼陀羅
華作是歎言如來世尊無量阿僧祇
劫所集无上正真道法皆悉於是諸
四法中開示顯說若有衆生得聞是
經受持讀誦兼復書寫於大衆中廣
分別說當知是人不從小功德來若
有衆生聞於如是諸四句法聞已信
解受持讀誦在大衆中廣為人說不
離菩提心彼人不久當於人天諸大
衆中大師子吼如今如來大師子吼
我等今者快得善利得聞如是諸四
句法復能信解演說如是諸四法時
八万四千人天發阿耨多羅三藐三
菩提心万二千菩薩得無生法忍尔
時天冠菩薩白言世尊菩薩成就幾
法佛涅槃後得聞是經受持讀誦兼
復書寫於大衆中廣說顯示佛告天
冠菩薩善男子菩薩成就八法佛涅
槃後受持讀誦書寫此經於大衆中
廣分別說何等八志意成就專向善

提究竟行慈於諸衆生無侵害心住於大悲化諸衆生常求法利樂法欲法求法集法心無滿足如海吞流放捨身命守護正法厚種善根集諸福德發起大願諸佛護持降諸魔怨離大衆畏天冠是為菩薩成就八法佛涅槃後能得受持讀誦書寫如是經法在大衆中廣為人說當于

演說如是法時於此三千大千世界亦復六種震動坑坎堆埤諸山汙穢江河池流及諸大海皆不復現亦不惱觸水性衆生今時三千大千世界悉平如掌微妙莊嚴於此三千大千世界百歲枯樹皆生花葉傾向於佛諸生卉樹花葉果茂亦傾向佛此大地上生諸蓮花大如車輪雜色可愛妙香適意大光普照遍此三千大千世界上虛空中有諸天子不現其形鼓衆伎樂聞是樂音雪山王中香山王中所有諸天倍出妙香令此三千大千世界普悉大香時雪山王香山王中雨衆妙花皆流趣佛遍滿三千大千世界其餘諸樹亦悉雨花於上空中

有一寶蓋覆万由旬是大寶蓋垂真珠貫鈴網莊嚴諸鈴網中所出音聲柔軟悅意有大妙音遍聞三千大千世界尔時大德舍利弗見是變現合掌向佛白言世尊是何光瑞有是希有未曾之相普此三千大千世界皆悉莊嚴甚可愛樂佛告舍利弗是大樹緊那羅王從香山中與無量緊那羅無量乾闥婆无量諸天无量摩睺羅伽大衆圍遶欲來見佛礼拜供養是大樹緊那羅王欲來見佛先現此相語言未久大樹緊那羅王與无量緊那羅衆無量乾闥婆衆无量天衆无量摩睺羅衆大衆圍遶作八万四千伎樂以淨妙歌善和衆樂復有無量百千衆生皆悉隨從菩薩神通大力所持上昇虛空普雨衆花來詣佛所到已及諸侍從頂礼佛足右遶七匝住世尊前尔時大樹緊那羅王以已所彈琉璃之琴闍浮檀金花葉莊嚴善淨業報之所造作在如来前善自調琴及餘八万四千伎樂是大樹緊那羅王當彈此琴鼓衆樂時其音

普皆聞此三千大千世界是琴音聲
及妙歌聲隱蔽欲界諸天音樂亦時欲
界所有諸天皆捨音樂來詣佛所是
大樹緊那羅王當鼓琴時三千大千
世界所有叢林諸山謂須彌山王靈
山目真隣陀山摩訶目真隣陀山黑
山及衆藥草樹木叢林悉皆涌沒涌
漸遍涌等遍涌動漸遍動等遍動震
漸遍振等遍震猶如有人極為醉酒
前却顛倒不能自持諸山須彌頗峨
涌沒亦復如是大樹緊那羅王當鼓
琴時佛大衆中人王衆等比丘比丘
尼優婆塞優婆夷天龍夜叉乾闥婆
阿修羅迦樓羅緊那羅摩睺羅伽釋
梵護世若人非人及離欲者唯除菩
薩不退轉者其餘一切諸大衆等聞
是琴聲及諸樂音各不自安從座起
舞時諸一切聲聞大衆聞琴樂音不
能堪耐各從座起放捨威儀誕貌逸
樂如小兒舞戲不能自持亦時天冠菩
薩語是一切諸大聲聞大迦葉等汝
諸大德已離煩惱得八解脫見四聖
諦云何今者各捨威儀如彼小兒舉

身動舞於時大德諸聲聞等答言善男子我於是中不得自在何以故由是琴音我等各各不安樂坐其體動舞不能自持所有心念不能令住余時天冠菩薩語大德迦葉言如何者年少欲知足修行頭陀常樂空靜天人阿修羅敬汝如塔大德云何不能持身猶小兒舞云何不護是大衆心大迦葉言善男子如旋嵐大風吹諸樹木藥草叢林彼無有力能自安持非彼本心之所欲樂然彼鼓動不能自持善男子今此大樹緊鄰羅王鼓作琴樂妙歌和順諸簫笛音鼓動我心如旋嵐風吹諸樹身不能自持是善丈夫誓願威勢福德神力於諸聲聞及諸緣覺所有威德彼為殊勝余時天冠菩薩語大迦葉汝今觀是不退菩薩威德勢力彼琴樂音不能令其動搖驚揚大德迦葉誰見如是而當不發无上正真菩提道心何以故今有無量智所有威力不如琴聲令如是等大威德人聞是琴聲不能自持其向大乘不退轉者不能令動余

時大樹緊鄰羅王更易調琴并及八
万四千餘樂佛威袖力及大樹緊鄰
羅王宿善根力之所持故諸琴樂音
說是偈言

一切諸法向寂靜 如是乃至上中下
空靜寂滅无惱患 無垢寧上今顯現
諸衆生等無衆生 過去現在亦復尔
以音聲說令衆聞 是聲同等如法界
諸世界同無世界 說事猶如虛空相
无生無增亦無減 顯示虛妄如虛空
善覺諸佛悉同等 法界決定無毀壞
解達施戒及智慧 一相平等同無相
諸結寂滅永无結 妄想於彼生分別
無内元外亦無中 從於妄想顛倒有
若法非法無妄想 推求諸法无所有
覺了名色如實性 彼行於世無染著
過去未來無邊量 所演說法亦如是
本際寂滅无盡滅 無有方所無住處
以文字故說是法 而此文字是盡相
知是文字盡相已 於一切法無妄想
持心等持無所持 彼此不違於法相
心及數法无有生 知一切法入平等
際無際斷無所斷 前後及中同亘得

了知三世平等已

彼知無邊无有量

世間貪著於名色

有邊无邊皆寂靜

了知因緣法相已

無我衆生命妄想

所起我見永無起

一切諸法亦無起

若所起者本无起

彼常隨順順法忍

其性猶如雲中電

一切法如我實性

我人衆生性自空

入此陀羅尼印相

隨所覺知三脫門

一相無相等同相

一切有法無邊量

法法自无有妄想

以文字說分別法

若上若中及與下

文字亦无有妄想

推求分別真實義

義及文字共相應

以音聲說無二義

若知本性常寂靜

彼本際性常自斷

若本際性常自斷

為利世故修諸行

推求本際无本際

彼大慈悲寂清淨

若大慈悲寂清淨

苦樂同等而修行

亦復無高亦无下

彼名知利大丈夫

法眼寂靜寂靜

若見不見常寂靜

亦復无增亦無減

彼性離作常寂靜

如空中聲亘捉持

雖可聞知不可說

是演說者及聽者

悉皆不實得自在

當諸琴樂演出是偈法音之時八千

菩薩得无生忍尔時天冠菩薩白佛

言世尊如是妙偈從何而出佛言善男子汝今自問大樹緊那羅三彼當答汝今時天冠菩薩問於大樹緊那羅王緊那羅王如是妙偈從何而出答言善男子從諸衆生音聲中出又問諸衆生音聲從何而出答言善男子衆生音聲從虛空出天冠菩薩問言緊那羅王衆生音聲非口出耶答言善男子是衆生音為從身出為從心出天冠答言不從身出亦不從心可以故身癡无知如草木瓦石心無形色不可覩見無有觸尋不可宣說猶如幻化大樹緊那羅言善男子若離身心從何而出天冠答言從於思惟出生音聲又問若无虛空聲何由出天冠答言若無虛空聲終不出緊那羅言善男子是故當知一切音聲從虛空出當知是聲即虛空性聞已便滅若其滅已同空性住是故諸法若說不說同虛空性是故應當不捨空際如音聲分諸法亦尔若以音聲有所說法而是諸法於音聲中求不可得音聲於法求亦叵得善男子是

故說言一切諸法不可言說但以音聲名為言說當知言說為无所說又以音聲名為言說然是音聲本无住處若無住處则无堅實則名為實若其是實則不可壞若不可壞則無有起若无有起則無有滅若無有滅是名清淨若是清淨是則白淨若是白淨是則無垢若是无垢是則光明若是光明則是心性若是心性則是出過若是出過則出過諸相若出過諸相則是正位若菩薩在正位是則名得无生法忍若得無生法忍一切能忍亦忍於空亦忍於人何以故不離於人名之為空人即是空忍於無相亦忍於相何以故是相實性即是无相忍於無願亦忍於願何以故願實性相即是无願一切法性及衆生性一切常滅亦如是忍何以故一切衆生生死之性猶如幻夢是名菩薩得無生法忍不違一切法不逆一切法若順此忍則亦忍順隨諸法去若無去則无來若無去來知一切法是常住性如法常住衆生亦尔若得是處

如法隨順如處修行是名成就无生
法忍一切言說即是音聲為語他故
起是音聲是无生法忍無有能說无
有能聽何以故是義不可得故而是
法忍非聲非說善男子如來世尊有大
威德同不可得義不可得義說於有得

大樹緊那羅王所問經卷第一

癸卯歲高麗國大藏部監奏
勅彫造

大樹緊那羅王所問經卷第二

化

姚秦龜茲三藏鳩摩羅什譯

今時天冠菩薩白言世尊未曾有也
而是大樹緊那羅王成就如是不忘
議法世尊是緊那羅王乃能成就如
是勝妙神通之力復能演說甚深法
忍世尊緊那羅王於幾佛所種諸善
根有如是辯佛言善男子假使能數
恒河沙等世界星宿不能數是緊那
羅王所事如來應正遍覺善男子是
人已於今許佛所修行梵行集於無
上正真之道是故得有如是辯才今
時天冠問緊那羅王汝於今許無量
佛所種植无量無邊善根何故不成
无上正道今時大樹緊那羅王語天
冠菩薩善男子菩薩摩訶薩有十二
無滿足法何等十二謂供養給事諸
佛世尊无有滿足集諸善根無有滿
足聽集法寶無有滿足修禪解脫无
有滿足修觀寂法無有滿足流通顯
法无有滿足教化衆生無有滿足守
護正法無有滿足不捨阿練若處无

有滿足諸波羅蜜莊嚴佛土無有
滿足修集福慧元有滿足集助菩提
法無有滿足善男子是名菩薩十二
有滿足今時大樹緊鄰羅王自言世
尊我聞菩薩所有三昧名曰寶住若
有菩薩得是三昧一切法寶諸功德
法自然而得善哉世尊唯願如來演
說於是寶住三昧菩薩聞已於一切
法而得自在隨增長法今時佛告大
樹緊鄰羅王如是緊鄰羅王有於三
昧名曰寶住汝今善聽善思念之吾
今當說如是菩薩寶住三昧善哉世
尊願樂欲聞受教而聽佛告大樹緊
鄰羅王若有菩薩欲令佛寶種性不
斷法寶種性僧寶種性不斷絕者修
集起生八十種寶何等八十不忘一
切智寶之心不捨離於志意寶心不
捨修諸善根寶心不捨堅入寂定寶
心生起一切布施寶心不怖望報清
淨寶心迴向菩提故莊嚴身寶心滿
三善故莊嚴口寶心離四過故莊嚴
意寶心捨離无明愛恚見故持戒不

毀不穿不壞不缺寶心不穿不壞不
缺不汙戒莊嚴故無惱害寶心於諸
衆生意平等故柔忍寶心能忍難事
故不憂身命清淨寶心淨菩提故无
愛患寶心無高下故堅固牢強莊嚴
寶心無憂慮故一切所作成就寶心
无慢緩故堅固念慧進入寶心能善
修集助菩提法故起禪解脫三昧寶
心得心自在故集法寶心集自財故
聞正法已能持寶心得無畏故不怯
法寶心心無怯故不期利養說法寶
心捨離惡欲不望報故修正念寶心
正流趣故如所聞法成滿寶心如聞
行故智觀寶心降伏智故大慈寶心
化衆生故大悲寶心觀衆生故大喜
寶心愛樂法故大捨寶心諸法寂故
不耽生死寶心集諸善根故化衆生
寶心不住自樂故四攝寶心為攝法
故起神通寶心一切神通現變化故善
知識寶心為聞法故離惡知識寶心
集善根故為一切衆生正修寶心如
涅槃故離諸一切結病寶心入一切
衆生所志欲故於一切法生樂想寶心

寂諸病故善修學習無慢實心知大
人法故滅憍慢實心於諸衆生謙卑
下故無幻偽實心无諂誑故和敬實
心令法久住故護法實心報去來現
在諸佛恩故知恩報恩實心親友究
竟故不望報實心無所親故常出家
實心不忘所作故愛樂實心護白
淨故聖種少欲知足實心集持戒故
莊嚴一切頭陀功德實心於諸衆生
無有過故少欲知足實心慧无足故
獨處實心身意寂靜故求法無厭實
心滿相好故莊嚴集智无厭實心斷
諸一切衆生疑故念佛實心不難見
佛故念法實心不離聞法故念僧實
心不退菩薩僧故念戒實心不捨善
提心故念捨實心捨結使故念天寶
心繫在一生補處菩薩地故義辯寶
心覺一切義故法辯實心不壞法界
故詳辯實心覺了一切諸音聲故樂
說辯實心悅可一切諸衆生故得陀
羅尼寶心隨所聞法不忘失故依義
實心知文字實性故依智實心知識
如幻故依了義經實心於了義中无

違諍故依法寶心覺了人實性故觀一切行無常寶心不住一切三界中故觀一切法無我寶心我及衆生俱無我故觀於涅槃寂靜寶心究竟寂靜故觀空無相无願解脫門寶心入甘露門故觀一切法無生寶心得无生法忍故見一切法如幻如夢如焰如影如響如水月寶心不住諸見故順因緣法寶心離斷常見故離諸邊見垢穢寶心離於二故入無二法門寶心覺一道故離一切行寶心至正位故正觀法位寶心一切法平等故集助一切菩提法寶心覺了一切諸佛法故如是緊那羅王若有修集如是等法善修好修正住獲得如說修行是名菩薩寶住三昧若能如是則便得是寶住三昧若有菩薩已遠得寶住三昧无世間寶出世間寶而是菩薩不得自在緊那羅王云何世間寶云何出世間寶緊那羅王世間寶者謂人天豪尊若帝釋豪尊梵王豪尊護世豪尊轉輪王豪尊居士豪尊婆羅門豪尊長者豪尊刹利豪尊雖得

如是人天豪尊而不放逸以不放逸能集一切助菩提法是名世間寶何等名為出世間寶所謂聖慧是出世間何以故智慧悉攝出世間法是故說入般若慧門名出世間緊那羅王譬如大海為衆流主如須弥山為衆山王猶如衆星月為其主如諸藥草火珠光明日為其衆一切禽獸師子為衆一切民庶王為其衆三十三天帝釋為衆諸梵天中梵王為衆如是緊那羅王所有一切出世間法智慧為首是故說言般若為諸衆經中主能度諸流是安去道故是名為炬照結闇故是名勇健除衆怨故是名醫王和衆藥故是名為師知諸書故是名為箭射結的故是名為力究竟害纏故是名大象拔結樹故是无違諍悉平等故是无鬪諍无訟訴故是名不逆善隨順故是名無瞋究竟盡故是名善知四聖諦故是名為念正念處故是名為正能正斷故是名示現神足力故是名為戒障諸根故是名降伏有大力故是名為覺善覺知故

是名開示示正道故是名為寂寂靜
定故是名為明作慧明故是名作明
離障翳故是至正處作照明故是名
除斷除結塵故是无波浪度諸流故
是不可見過境界故是无境界離內
外故是名為空離見岸故是名无相
離覺觀故是名無願出三界相故是
名一相無有相故是虛空相无相似
故是害愛慢離魔業故施無妄想不
依於戒不住忍辱不起精進不染著
禪无言說門無一切門方便自誥无
我無衆生度到彼岸集諸善根無作
无作者過諸作道緊那羅王是則名
為出世間寶諸般若寶是智慧寶即
是寶住三昧之體若菩薩得寶住三
昧一切衆寶皆悉來集緊那羅王喻
如大海為衆流主集一切寶一切衆
寶皆悉來歸於是海中出生諸寶如
是緊那羅王菩薩得是寶住三昧為
諸一切衆生之主集一切寶一切法
寶皆悉歸趣緊那羅王寶住三昧能
集一切諸法之寶是中不斷於三寶
種是寶住三昧名為集聚諸法之寶

今時天冠菩薩白言世尊是大樹緊
那羅王已逮得是寶住三昧耶佛言
善男子汝今自問大樹緊那羅王當
為汝說時天冠菩薩即問大樹緊那
羅王緊那羅王汝今已逮得是菩薩
寶住三昧耶答言善男子是三昧中
無住无得是三昧中無有得者而是
三昧非色受想行識而是三昧非色
可見无聲可聞非是住相非是滅相
無有處相非无相非一相所言相者
都无有相無能為作三昧相者自無
有相亦非无相是三昧相應如是修善
男子是三昧者等一切法若等諸法
亦等於我若等於我亦同等於一切
衆生是故善男子是三昧等一切衆
生何以故一切衆生即是空相空相
是三昧相一切衆生即是無願相无
相是三昧相一切衆生即是無願相无
願相是三昧相一切衆生及一切法
是寂靜相寂靜相是三昧相一切衆
生是无我相無我相是三昧相三昧
相者無能以身觸无能以心觸凡可
觸法若等不等一切皆為善調伏故

而演說之時天冠菩薩即白佛言希
有世尊是大樹緊那羅王處在如是
放逸之中乃能演說甚深妙法佛言
善男子菩薩從慧方便地中出生示
現一切所作不為一切所作染汙善
男子是大樹緊那羅王以此琴樂諸
簫笛音及妙歌音調伏七十億緊那
羅衆令住菩提三十億乳闍婆於无
上道而得調伏其內眷屬八万四千
住一切智彼有如是大方便智善男
子我唱是言是謂菩薩隨所居住在於
大處隨是諸處多利衆生善男子猶
如無薪火則不然如是善男子菩薩
處寂亦復如是不能熾然教導衆生
善男子如大薪聚火則熾然善男子
菩薩亦今處在多衆教導熾然善男
子是故當知菩薩住在寂尊處隨
所生處多利衆生天冠菩薩復白佛
言是大樹緊那羅王云何以琴及妙
歌聲諸伎樂音教化衆生佛告天冠
菩薩善男子緊那羅等乳闍婆等摩
睺羅伽等好樂音樂是大樹緊那羅
王善自調琴和衆伎樂是緊那羅衆

乳圍婆衆摩睺羅衆起大愛樂信解
增敬得是愛樂信解增敬已於是音
中出於佛聲法聲僧聲不忘菩提心
聲施聲戒聲忍聲進聲禪聲慧聲慈
聲悲聲喜聲捨聲念處聲正斷聲神
足聲根聲力聲覺聲道聲定聲智慧聲
禪定解脫三昧之聲无常聲苦聲无我
聲寂聲空聲无相聲無願聲无生聲
無起聲无行聲菩薩法藏所攝法聲
陀羅尼金剛句三昧滿聲不退轉法輪
聲一切決定法王聲大海莊嚴三昧
聲一切法流入平等三昧聲等一切
法自在三昧聲莊嚴智慧三昧聲寶
住三昧聲寶有三昧聲寶降伏三昧聲
寶炬三昧聲娛樂三昧聲蓮花莊嚴
三昧聲過蓮花三昧聲遍一切處三昧
聲一切法白蓮花三昧聲增益三昧聲
大奮迅三昧聲師子奮迅三昧聲日燈
三昧聲无量旋三昧聲前進三昧聲金
剛場三昧聲金剛幢三昧聲金剛不壞
三昧聲地持三昧聲山燈三昧聲山幢
三昧聲寶藏三昧聲寶華三昧聲寶心
自在三昧聲觀一切衆生心三昧聲出

增長一切行三昧聲修深堅三昧聲雜
辯三昧聲無觀三昧聲觀一切衆生
三昧聲遊戲三昧聲出一切神通境
界三昧聲降魔界三昧聲現一切色
三昧聲入一切三昧聲分一切身三昧
聲住一切行三昧聲慧燈三昧聲手
燈三昧聲觀菩提三昧聲過樂辯三
昧聲作入一切功德三昧聲善男子
是琴歌音諸伎樂中出於如是三
昧法聲令諸衆生受化而去菩薩摩
訶薩成就如是希有之法說是大樹
緊那羅王諸功德行神力之時以佛
力故有天曼陀羅花聚令諸大衆各
散大樹緊那羅王大樹緊那羅王以
神通力右手接持无一花墮地而不
在手今時大樹緊那羅王即以供散
於如來上當散花時佛神力故今是
衆花成一寶蓋覆十世界是寶蓋中
垂懸无量千万億數寶真珠貫二
珠貫出於無量万億光明一一光明
出寶蓮花雜色妙好妙香適意諸花
臺中一切皆現釋迦牟尼如來色像
結加趺坐如是諸佛皆讚大樹緊那

羅王善哉善哉緊那羅王乃能教化
无量衆生菩薩應當如是施作既出
世間還來世間教化衆生生死已盡
還來受有得涅槃位還遊三界於是
中生教化衆生今時大樹緊那羅王
作如是念我今當作一寶蓋覆一
一佛上今時是王即入三昧名莊嚴
寶蓋當其入是三昧之時有妙寶蓋
二各覆諸如來上一切大衆右手
亦各執持寶蓋以為已用供養於佛
是時大樹緊那羅王復作是念我今
當請釋迦如來及諸菩薩并聲聞僧
一切大衆至香山中我宮殿食令無
量无边天龍夜叉乾闥婆阿修羅迦
樓羅緊那羅摩睺羅伽等集令聽法
我身當供如來給使令彼衆生長
夜利益安隱快樂今時大樹緊那羅
王作是念已頂礼佛足合掌白言唯
願世尊及菩薩衆并聲聞僧哀愍我
等至香山王受請七夜令无量衆生
增長善根世尊我今堪任能為走使
哀愍大樹緊那羅王及菩薩衆諸聲
聞僧當至香山七日之中憐愍我故

尔時緊那羅王知佛可已歡喜踊躍
遍滿其身與其夫人男女眷屬作衆
伎樂供養於佛礼世尊足右遶三帀
出衆而去還至香山是時大樹緊那羅
王於香山中莊嚴自已所住園林為
供如來莊嚴妙地縱廣五百由旬青
琉璃地閻浮檀金以為間錯衆寶雜
色互相映發是時場上敷百千萬妙座
以寶蓮花而間錯之敷置百千万億
天衣復於場上為佛如來敷師子座
高三十二由旬衆寶嚴飾衆寶欄楯
而圍遶之張施幢蓋堅衆寶幢无量
香垞燒堅黑沉水上張繒綵以承塵
露周遍垂懸幡蓋繒綵散衆天花於
座四面作大寶樹雜色妙好外多衆
來及自眷屬皆悉已集便為說偈而
教授之

佛出於世時乃值 猶如優曇鉢羅花
人尊今已出現世 善好恭敬供養之
捨憊懈怠及誑偽 亦離慳貪及幻惑
皆當捨離諸戲笑 善好恭敬於導師
所有衆妙適意花 天中勝花香山花
皆當聚集置一處 當以供養於人仙

所有衆妙適意香 堅黑沉水及栴檀
當於此間香山中 燒用供養勝衆生
所有伎樂妙歌音 緊那羅等所愛樂
各各善調諸音樂 當以供養丈夫仙
幢幡寶蓋及妙衣 柔軟善染適天意
張設以待供如來 難值難得无有比
供養佛已至善處 或為帝釋四天王
或作梵王自在王 常作人天中尊王
形色威德及名稱 眷屬侍從及珍寶
所有言教悉受用 供養佛已得是利
諸天歡樂及人樂 欲於生死常歡樂
欲得常樂及樂具 當供養是勝衆生
欲得緣覺聲聞乘 及得寂上勝妙乘
又欲降伏於魔怨 當作供養供法王
尔時大樹緊那羅王如是教令諸眷
屬已即時集聚諸花香鬘塗香末香
辦百味食已在香山王前作衆音樂
歌諸偈頌白言時到

佛能利益施安樂 和顏喜笑柔軟語
妙華善聽人天供 時到善逝今可來
十力降伏諸魔力 降伏他衆利益世
斷除諸垢无垢濁 時到利益世尊來
樂頭陀行無染著 勝集念慧堅固者

勝人常出過世間

歡喜心來作利益

隱蔽日月珠光明

釋梵天有諸光明

牟尼光明皆喜樂

光明自在蔽諸光

天龍緊那羅歌聲

是聲增結不滅欲

佛音柔軟梵音聲

能滅諸結與安樂

世醫遊行於十方

不能治世煩惱病

十力醫王演妙音

滅諸結使與安樂

大名大威力無等

无比無錯無濁語

伏怨寂怨離諸怨

世尊利益願時來

施調施主慧甘露

持戒行戒尊寂勝

善巧調忍熏修心

念我故來可愛者

善具進力相應法

住於禪定具神通

慧調伏意慙德備

持百福相願時來

大慈悲心意平等

離愛欲過无使患

善知梵道住佛道

世尊施樂願時來

尔時世尊知大樹緊那羅王白言時

到告諸比丘各持衣鉢受七夜請差

守房人大樹緊那羅王白言時到是

時天冠菩薩作是念言我今當化作

大寶臺令佛世尊及諸菩薩眾大聲

聞僧安處寶臺坐於蓮花莊嚴座上

置之右掌乘空而往至香山中天冠

菩薩作是念已即入三昧以三昧力

作大寶臺縱廣高下各十由旬雜色
好妙四方四柱莊嚴差別時寶臺中
出於百千寶蓮花座復為世尊敷寶
蓮花師子之座上高七仞余時天冠
菩薩化作寶臺及花座已白言世尊
願就寶臺坐師子座及諸菩薩聲聞
大眾憐愍我故世尊我今當以如是
寶臺置於右掌者香山余時世尊
愍天冠菩薩即昇寶臺就師子座諸
菩薩眾及聲聞僧次第而坐時天冠
菩薩即擎寶臺置右掌中上果虛空
往赴香山余時欲界諸天色界諸天
見天冠菩薩作是神變歡喜踊躍生
希有心為供養佛及天冠菩薩故持
花香鬘塗香末香作眾伎樂末詣寶
臺在虛空中供養於佛乃至香山余
時大樹緊那羅王遙見如來坐寶臺
中從空而來見已與已眷屬八万四
千諸緊那羅等持香花鬘末香塗香
作於八万四千伎樂以清妙歌善和
眾樂往迎如來到已及諸眷屬頂礼
佛足以所賣持諸花香鬘塗香末香
供養佛已引前而去余時世尊知已

至彼與諸菩薩大聲聞僧釋梵護世及諸大衆詣大樹緊鄰羅王所莊嚴道場坐所敷座。爾時大樹緊鄰羅王語釋梵護世及諸天子諸大德等可前就坐。所為如來施設飲食當共同甘。爾時緊鄰羅王與諸妻子男女眷屬手自斟酌敬意奉食種種甘美味具足。從於菩薩善根所生供養如來菩薩聲聞一切大衆悉皆充足。既充足已。緊鄰羅王知各洗鉢澡手已畢。與已眷屬於如來前次第而坐。欲得聞法。爾時世尊為緊鄰羅王及諸大衆演說妙法。示教利喜。爾時世尊即為演說如是妙法。緊鄰羅王菩薩有三十二法。淨檀波羅蜜何等三十二。緊鄰羅王菩薩不忘菩提之心而為先導而行布施。不讚下乘而行布施。諸所為者無傷毀心而行布施。有來求者无侵害心而行布施。又所請者起福田想而行布施。諸所詣者起於師想起善知識想而行布施。捨內慳結而行布施。无所貪惜歡喜踊躍而行布施。申手正直善好放捨。无所

期為而行布施生增上心不生下心
而行布施不生惡處而行布施不望
果報無所怖望而行布施欲於佛法
而行布施心無惱熱而行布施以攝
為首而行布施我當教導化諸衆生
而行布施我當護法而行布施我當
順用如來言教而行布施我應當作
降魔伴黨而行布施我宜應當正覺
菩提而行布施我應當作善丈夫業
而行布施我應當離餓鬼惡道而行
布施我應當集修捨心因而行布施
我當獲得大財封邑攝取他人而行
布施我應當行和敬之法而行布施
我當不離得善知識而行布施我應
當於一切衆生无瞋害眼而行布施
我應當以布施善根向無上道而行
布施我應當學餘菩薩捨而行布施
我宜應當莊嚴相好而行布施我宜
應當淨佛國土而行布施緊邨羅王
是為菩薩三十二法淨檀波羅蜜緊
邨羅王菩薩復有三十二法淨尸波
羅蜜善自淨身是名為戒淨貪瞋癡
故善自淨口是名為戒不自欺誑佛

及諸天是無虛相故善自淨心是名
為戒離无明貪瞋邪見故淨十善業
是名為戒生人天故不忘菩提心是
名為戒不貪餘乘故志意清淨是名
為戒捨幻偽故稱讚賢聖是名為戒
勤攝非聖故以慈為首是名為戒於
諸衆生心平等故修大悲心是名為
戒趣向教化諸衆生故善好等學是
名為戒畢竟無缺故慙愧所攝是名
為戒怖畏惡道故无有穿漏是名為
戒不中捨故無有瑕疵是名為戒究
竟白法故自己自在是名為戒至餘
佛土故尊重豪貴是名為戒智者所
讚故能超出過是名為戒離惡道故
善安止住是名為戒一切安樂恚具
足故諸佛所讚是名為戒是佛戒故
不自慢緩是名為戒堅實救拔世
間人故不自高毀他是名為戒善棄
捨故修行棄捨是名為戒離諸煩惱
故自己修行是名為戒一切助道善
提法故作於歡喜是名為戒離愛貪
故善攝取他是名為戒隨如說故調
伏出家是名為戒捨離一切家繫縛

故堅欲修行是名為戒欲樂法故決定少欲及與知足是名為戒依聖種故樂修頭陀是名為戒欲捨一切諸惡法故無著相應是名為戒觀無眾生故隨順不違是名為戒順緣法故離一切見是名為戒離斷常故緊那羅王是為菩薩三十二法淨尸波羅蜜緊那羅王菩薩復有三十二法淨忍波羅蜜何等三十二不堅著身是名知忍不住壽命是名知忍无侵害心是名知忍堪耐惡言是名知忍悲於下劣是名知忍不輕未學是名知忍有大勢力能苦切他而不為之是名知忍節節支解不起瞋恚是名知忍無有廢泄是名知忍不生瞋害是名知忍無不與語是名知忍有於志意是名知忍其心无濁是名知忍無燒乱心是名知忍護他人心是名知忍以財利益是名知忍知覺大悲是名知忍滅除憍慢是名知忍謙下一切諸眾生等是名知忍不增熾然是名知忍樂於寂靜是名知忍閑晏无為是名知忍自觀已過是名知忍他

人有缺不見其過是名知忍如法財
封是名知忍有於信財是名知忍心
无熱惱是名知忍意念安樂是名知
忍先意問訊无有瞋面是名知忍順
甚深法是名知忍順三脫門是名知
忍解無生无起是名知忍於無生法
忍緊那羅王是為菩薩三十二法淨
忍波羅蜜緊那羅王復有三十二法
淨進波羅蜜何等三十二緊那羅王
菩薩不斷佛種行進波羅蜜不斷僧
種行進波羅蜜受無量生死行進波
羅蜜集无量善根行進波羅蜜供養
給事無量諸佛行進波羅蜜為欲攝
持無量聞故行進波羅蜜為欲教導
无量諸衆生故行進波羅蜜欲以妙
說悅可一切諸衆生故行進波羅蜜
為令一切衆生逆流故行進波羅蜜
為諸衆生當設何宜行進波羅蜜捨
一切所有行進波羅蜜護一切戒无
有毀缺行進波羅蜜一切柔和忍力
無患行進波羅蜜出過一切所作事故
行進波羅蜜欲起一切禪定解脫諸
三昧故行進波羅蜜滿无量智故行

進波羅蜜欲以一切諸佛國土所有
 莊嚴嚴已佛土故行進波羅蜜大力
 堅固越到彼岸故行進波羅蜜降伏
 一切諸魔場故行進波羅蜜具佛十
 切外道論故行進波羅蜜具佛十
 無畏法故行進波羅蜜莊嚴身口意
 故行進波羅蜜能辦衆事无休息故
 行進波羅蜜心無怯弱故行進波羅
 蜜其心勇健故行進波羅蜜不共一
 切煩惱結住故行進波羅蜜摧伏一
 切諸煩惱故行進波羅蜜滅一切結
 故行進波羅蜜度諸流故行進波羅
 蜜脫未脫者安未安者度未度者故
 行進波羅蜜集百福德莊嚴相故行
 進波羅蜜守護一切佛正法故行進
 波羅蜜神通遍至一切佛剎供養礼
 拜右遶恭敬於諸佛故行進波羅蜜
 此諸精進從寂靜生身心寂靜住無
 出无入無上无下為於無生无起所
 攝緊那羅王是為菩薩有三十二法
 淨進波羅蜜緊那羅王三菩薩又有三
 十二法淨禪波羅蜜何等三十二法
 所謂念淨慧淨進淨輕淨堅實淨心

體性淨不忘苦提心淨功德根淨無
所依淨我我所淨起神通淨身寂靜
淨修治心淨內寂靜淨外威儀淨斷
諸見著淨觀无我無衆生無人无壽者
無丈夫淨不住三界淨助苦提法現
前淨悲觀衆生淨除智障淨智慧超
出淨不違因果淨決定法忍淨修行
无常苦空法淨轉方便淨方便攝淨
近道場淨不怖聲聞緣覺衆淨滿
足无漏淨心不散亂得佛定淨觀衆
生心如應說淨緊鄰羅王是為菩薩
三十二法淨淨波羅蜜緊鄰羅王菩
薩復有三十二法淨般若波羅蜜何
等三十二求集多聞无有厭足善巧
思惟分別諸法以已智慧覺了諸法
善分別陰善分別界趣法界故善於
諸入知分別故善於緣法知因住故
善於諸諦知解滅故知於正位不入
正位故觀察无起起自心故知諸法
無生本際淨故知諸一切衆生无我
離倒見故知一切法同是一法本際
離欲故知諸世界是一世界同虛空
故知一切佛同是一佛入不思議法

界故善知分別一切章句善文字故
知元導辯廣演說法悅可一切諸衆
生故知陀羅尼無忘失故知諸魔業
教化諸魔向菩提故觀知諸法如幻
住於分別有差別故解知諸法如電
水月夢影響法諸法究竟無成就故
覺知一切衆生心性本自淨故善分
別觀生死涅槃善學方便故善知解
空無相元願示解脫門故知一切法
本性寂靜本無縛導故知一切法離
障得明害無明闇故善知於智施慧
光明為欲解脫一切衆生演說法故
知一切法無去來故知所作業不相
違故知示衆生示生死故得成四辯
解義法辭樂說辯故所說无錯法無
不空自己寂靜調順解真知於涅槃
智慧趣向諸佛智慧守護法城持一
切法得受記地所作究竟住不退轉
菩薩之地緊鄰羅王是為菩薩三十
二法淨般若波羅蜜緊鄰羅王菩薩
復有三十二法淨方便波羅蜜何等
三十二觀察衆生自无衆惡有無量
福而不休息若有少福亦不休息為

化衆生而行惠施不求福田於諸衆
生起福田想不望果報教化下劣現
為下劣教諸衆生護持口業現女人
像化諸年少現作童子化諸童女現
一切色不違衆生自無憍恣現作憍
恣為化憍恣諸衆生故示現狂亂隨
衆所解而為說法百歲持戒為化一
人放捨此戒所有一切娛樂之具而
共同之攝令入法自住頭陀為不活
畏諸衆生故現不活畏示現一切外
道法中修出家行不可佛法現為婬
女若在王宮現妙女身為化慳著婬
欲衆生於大衆中多人集處現衆伎
術或現蕭笛琴瑟鼓貝常為第一於
是衆中歌儻戲笑皆出法音現衆伎
術隨諸衆生所喜樂者為教化故而
示現之現神通力施衆生財然後說
法失財衆生為現實寶藏然後說法有
諸衆生憂箭所逼隨其所宜而為示
現然後說法若長者居士及諸小王
內宮婦女憂元子息為欲化導令其
歡喜現為其子於大伴中作大伴主
將諸人衆至空曠野糧食之盡求索

无所以神通力化作飲食令充足已
如應說法令不退轉於無上道若有
衆生從生而盲群相隨逐若一若二
若三若四乃至一十一百若千二千
乃至十千於彼衆前現為盲人現極
貧窮從外乞求給施諸盲令其得眼
覩見諸色隨應說法使不退轉於無
上道若復有諸多衆生造衆過罪為
王所繫菩薩為脫是諸衆生牢獄繫
閉現為罪人同入是中以神通力悉
解相械施與衣裳充足飲食若為說
法令不退轉於无上道若有衆生犯
罪應死為教化故作化人代彼罪
人令其全命得无憂慮慰喻令喜而
為說法畢定住於無上正道若有衆
生諍諸財利奴婢畜生舍宅田地共
相搗打鬭諍訟訴以方便力現大財
寶酬報是人令兩和合然後說法令
住善提行方便菩薩現作聾盲喑啞
形殘醜陋之身捨已妙形同作彼像
化衆生故或復現作外道導師在遠
而去住讚歎三寶冀望佛種故方便
菩薩捨諸禪定生於欲界化衆生故

或復現為諸无學人怖望得樂示現
涅槃倍勤精進修諸法行方便菩薩
示現修行獲得正位現入涅槃而甫
修行於勝妙行方便菩薩為未得正
位欲涅槃者於是人前現如來像為
令其人住菩提故緊那羅王是為菩
薩三十二法具方便波羅蜜說是諸
波羅蜜時大樹緊那羅王諸眷屬中
九十萬六千衆生發於無上正真道
心如來衆中八十菩薩得无生法忍
大樹緊那羅王得智燈三昧是時大
樹緊那羅王從佛聞法示教利喜已
歡喜踊躍得未曾有以無價衣供上
世尊菩薩聲聞各各施衣以所住園
林及中所有的一切奉施供佛如來亦
時大樹緊那羅王有八千子以衆寶
花莊嚴八千微妙蓋以奉供如來當
奉蓋時佛神力故令諸寶蓋在虛空
中合為一蓋覆百由旬時緊那羅王
八千諸子見佛神力歡喜踊躍得未
曾有專心志意發阿耨多羅三藐三
菩提心堅不退轉各發心已白言世
尊願與我等助菩提法我等聞已當

修行之

大樹緊那羅王所問經卷第三

癸卯歲高麗國大藏都監奉
勅周造

大樹緊那羅王所問經卷第三

化

毗奈耶三藏鳩摩羅什譯

今時世尊知緊那羅王諸子之心所欲樂已上昇虛空高七多羅樹放大光明是光遍照於此三千大千世界欲界諸天所有伎樂輒闍婆緊那羅等所有伎樂不鼓自鳴出微妙音香山王中所有樹木亦皆悉出微妙樂音今時世尊復於身上諸毛孔中各放無量萬億光明一一光端各有蓮花一一花中各有菩薩三十二相而自在嚴坐花臺中於時世尊以神通力令諸伎樂演出智偈問諸所疑令諸花臺所有菩薩以二偈答其所問云何而發起无上菩提心終不忘此心乃至覺菩提專至心成就為諸衆生故起大悲莊嚴不忘菩提心彼志意云何彼當云何行所說大悲心云何生起是志意无諂偽所修行無詐住衆生涅槃彼大悲如是云何行於施施已心无熱亦不怖望報迴向於菩提所施一切捨彼施已无悔趣向菩提道是不望果報

云何住於戒 不生於戒慢 投於毀禁者
大乘无有上 戒是菩提心 空無不起慢
起於大慈心 投諸毀禁者 云何忍衆生
罵詈及呵唾 心終不起瞋 倍增生歡喜
我為衆生醫 療治衆病患 若聞惡言已
不起於瞋恚 云何彼行進 云何修集行
云何心無倦 修於菩提行 精進護衆生
護法常勤進 善根悉充足 彼心无疲倦
云何修正念 勇健勝進行 云何修禪定
心無有馳散 无有馳想念 慧無有諂偽
以方便行禪 彼心无馳散 云何得智慧
云何見正直 云何作決定 云何分別法
修聞增智慧 本習正直心 決定行法施
隨義而修行 云何彼求聞 云何得多聞
云何聞如說 大人云何去 彼恭敬故聽
習近多聞者 說不為財利 大人如是去
云何彼行慈 云何行大悲 喜捨悉成就
云何住梵道 慈心悉平等 大悲无疲倦
隨喜名為喜 是能至梵道 云何得見佛
見已生信心 云何彼聞法 云何除斷疑
修行念於佛 得見世導師 信心得具足
聞法已無疑 云何福莊嚴 云何智莊嚴
若定及與慧 彼云何莊嚴 莊嚴福无厭

學問莊嚴智 心寂名為定 知法名為智
云何彼行處 居住止何相 彼行處云何
彼云何修行 彼行法空處 捨是彼岸句
彼行住四禪 修行脫衆生 云何是魔業
佛正業云何 造作何等業 得於菩提護
下乘為魔業 大乘為勝道 捨離一切惡
得於菩提護 云何近善友 惡友何等相
云何平等去 捨離於邪見 若讚菩提道
善親近彼人 菩提心善淨 捨離惡知識
知諸業行已 修行正直見 捨離邪相應
此不失正見 云何護正法 及教化衆生
彼方便云何 能得成菩提 精進護正法
方便能教化 捨離二邊流 能得勝菩提
云何作智業 云何適意業 云何速受教
常恭敬右遶 无諍是智業 不起於諍訟
口柔軟善語 恭敬而右遶 道是何等相
云何是非道 云何能安彼 叵思衆住道
六度為正道 下乘為非道 學方便智已
令衆生住道 云何得大富 云何獲大利
寶藏為何在 云何滿衆生 七財為大富
寂靜為大利 陀羅尼寶藏 辯說令充滿
彼父母是誰 親族何等相 侍從有何相
嚴節智慧者 慧母度彼岸 助道法親族

諸善根侍從 莊嚴於智者 解法无我已
慈心普遍世 無我及與慈 是義云何等
若解知於空 彼自了无我 是為最上慈
今世知於空 未來無有來 諸行性如是
業報亦如是 云何而有生 第一義无是
亦無有去者 入於世諦道 說業及業報
若空與無相 及无願解脫 一相同無相
云何而生道 空即是无相 以無相故得
一相同一義 故說解脫門 云何觀於空
云何觀衆生 空及與衆生 云何而得生
智慧觀於空 方便觀衆生 大悲以教化
趣向於涅槃 无生無有起 一切法如是
云何生諸行 應當解此義 無生與无滅
是智所行處 從於捨願生 此方便所達
云何得授記 云何不退轉 云何忍所緣
云何得決定 住平等授記 法界不退轉
無生是忍緣 智法得決定 道場何所場
菩提何等相 誰名為如來 云何佛得明
虛空名道場 菩提虛空相 不依於身心
如如名如來

尔時大樹緊那羅王諸子聞說如是
法已得柔順法忍各各以自所著瓔
珞供上如來而作是言世尊今我等

為佛出世我等今日乃得聞是甚深
之法希有世尊乃能令諸伎樂音中
說偈問疑令菩薩像答其所問能斷
一切諸大衆疑我等聞已得大法明
世尊是誰所持時佛答言諸賢士等
當知皆是如來之力佛力如是不可
思議今時大樹緊那羅王子自言世
尊願令一切諸衆生等得如是力今
時大樹緊那羅王夫人嫫女八万四
千其手各各持真珠貫往世尊所到
已頭頂敬礼佛足各以珠貫供散佛
上當其散時佛神力故於虛空中化
成八万四千真珠大臺四方四柱莊
校分明諸寶臺中各有床座衆寶瓔
珞百千天衣是諸座上各有如來結
加趺坐三十二相八十種好而自莊
嚴今時緊那羅王八万四千諸夫人
等見佛神力歡喜踊躍得未曾有皆
以深心發阿耨多羅三藐三菩提心
得不退轉既發心已歡喜踊躍皆共
同聲以偈歌詠讚歎如來
最勝無上應供養 其所利益叵思議
善學利益調伏法 我今頂礼於勝人

離貪瞋癡及諂偽 離煩惱習無畏聲
從大寶藏開示法 稽首讚札離欲尊
五眼清淨无結垢 善能降伏諸怨敵
不染三有如蓮花 得到彼岸我頂礼
能與世間明慧眼 能蔽日月諸光明
出生轉輪聖王種 持於輪相我讚札
心常不染著諸色 導師作歸作救護
無與尊等况有勝 妙音演說我頂礼
於利无利等無著 悉知一切諸世法
墮愛網者令解脫 導師世尊我讚札
常調伏心住禪定 燒諸結使住十方
演說法施非食施 无上福田我頂礼
所說微妙具相好 棄捨遠離於左道
語聲柔軟如雷音 稽首超過於三界
人尊已離焦熱惱 神通遊至无量土
造堅牢船度世間 我稽首札讚如來
世尊演說信及進 度脫世間諸結尋
聲聞所有六通行 離於六道稽首讚
我今稽首金山色 稽首調伏寂定根
我今稽首滿月面 稽首侍德人中上
摧伏一切衆生結 超度四流難度河
我等今者歸命是 調根世尊我敬礼
尊本世時大布施 施乞求者心歡喜

寂妙瓊愛惠施仙 健施善斷我頂礼
見諸癡慢醉衆生 善知是等所造因
得道寂勝无有上 尊善導引安是處
陰界本性常空寂 諸結無實虛偽有
導師斷世諸疑悔 時語世尊我讚礼
常住實法諸三昧 於法自在到彼岸
智慧調御寂無上 我稽首礼大商主
離於幻偽諸欺誑 大力降伏諸魔軍
明智善道人中上 猶大猛風无尋著
盡諸流底到彼岸 人尊寶藏無窮盡
如恒河沙諸如來 尊本行時常供養
得於世中不動搖 離愛過患到彼岸
親近諸佛住善處 是故敬礼人中上
棄生老病死畏怖 憶念千億本生處
極大愛網甚可畏 慧日光照令枯乾
導師獨覺悟諸法 手足輪有吉祥相
吉祥奉施柔軟草 吉祥世尊我頂礼
自在超出陀羅尼 常以法施非財施
仁尊擊於大法鼓 法王世尊我讚礼
從釋王種中出生 諸根常寂心亦寂
三有導師常寂滅 寂靜心者我讚礼
魔王執持利劒來 及諸魔衆樹王下
不能令尊一毛豎 不動如山稽首讚

人尊到彼精進岸

為諸衆生荷忍苦

生死都盡不受有

說忍世尊我讚礼

得大勢力無傾動

善住无畏處非處

安無量衆住菩提

世尊善住我讚礼

知諸有為不堅牢

捨離眷属行出家

三有知寂無有上

智到彼岸我讚礼

衆生苦惱无救護

以三寶法充足之

安置住於無難道

實救世尊我頂礼

尊修智力知諸根

破壞惡魔諸軍衆

所說音聲寂尊妙

善修諸根我讚礼

聽聞正法欲為根

復以此欲欲菩提

平等普陰不擇親

實覆世者我讚礼

善逝自覺了諸法

自轉無上聖法輪

知諸行相猶如夢

令諸衆生識真實

尔時大樹緊那羅王諸夫人等偈讚

佛已白言世尊我等皆發無上道心

終不以是女人之身成阿耨多羅三

藐三菩提善哉世尊願為我等如應

說法令我等輦轉捨女身得男子身

疾成無上正真之道尔時世尊語緊

那羅王諸夫人等諸姉諦聽善思念

之吾當演說轉捨女身成男子身疾

得無上正真之道善哉世尊受教而

聽佛言諸姉女人成就於一法行捨
女人形得男子身疾得無上正真之
道何等為一謂菩提心一切智心同
為一心一切三界寂勝之心不忘一
切善根莊嚴諸姉是為女人成就一
法轉捨女身得男子身疾成無上正
真之道復次諸姉女人成就二法轉
捨女身得男子身疾成無上正真之
道何等二謂親近佛非事餘天離於
邪見是為二轉捨女身乃至疾成無
上正真之道復次諸姉女人成就三
法轉捨女身得成男子何等三所
謂身戒口戒意戒是為三復次諸姉
女人成就四法轉女人身得成男子
何等四謂無為心而行布施不以詐
偽修持於戒以恭敬意趣向賢聖聽
受正法是為四復次諸姉女人成就
五法轉女人身得成男子何等五謂
愛法樂法欲法聽法既聞法已正念
觀察穢猊女身常喜欲得成男子身
是為五復次諸姉女人成就六法轉
女人身得男子身何等六謂速疾柔
軟質直無偽无幻無詐正直之心是

為六復次諸姉女人成就七法轉女人身得成男子何等七所謂念佛欲得佛身故常念正法欲得佛法故常恒念僧自得僧故常恒念戒擔願淨故常恒念捨捨諸煩惱故常恒念笑明了善提心故觀諸衆生歡喜心故是為七復次諸姉女人成就八法轉女人身成男子身何等八不貪著食不貪飲宴不貪丈夫不貪末香塗香不貪遊觀園林不貪戲笑不貪歌音及諸伎樂不貪儻戲不貪交酒會樂是為八復次諸姉女人成就九法轉女人身得男子身何等九不說有我不說有衆生不說有壽命及人丈夫不說斷見不說常見不著有見不著无見善解因緣法是為九復次諸姉女人成就十法轉女人身得男子身疾得阿耨多羅三藐三菩提何等十於諸衆生修行慈心於他財封不生貪愛不思念他男子之人失命因緣終不妄語不作兩舌不虛惡語不無義語不起無明不為瞋牽有正直見依於業報諸姊是為女人成就十法轉

女人身得男子身疾得阿耨多羅三藐
三菩提復次諸姉女人應當觀察深
法觀色如水沫不貪醉色觀受如泡
於樂受中不生貪著於苦受中而不
捨離於不苦不樂受中不生癡結觀想
如焰是中不起男想女想觀行如芭
蕉解知諸行無有堅實如是觀已不
住諸法不起想著觀識如幻解知心
識如幻人來如是知已於一切法都
無所染觀知此身地水火風四大和
合諸大所成假名為身猶如草木牆
壁瓦礫是身如影無我衆生无命無
人無有丈夫因業所作而自迴轉諸
界妄想猶如空聚如實觀眼唯是肉
段其性空寂如是正觀耳鼻舌身意
性空寂解身如鏡像解知言說猶如
響聲觀心如幻如是諸姉女人觀察
如是諸法速轉女身成男子身疾得阿
耨多羅三藐三菩提是時大樹緊那羅
王夫人姝女聞佛說此轉女身法聞
此法門歡喜踊躍得未曾有頂礼佛
足至心不起是時世尊知緊那羅王
諸夫人等心所念已即便微笑佛之

常法若微笑時若干百千青黃赤白
紅紫等光從面門出遍照無量无邊
世界上至梵世蔽日月光還來在於
佛前而坐遶佛三匝從頂上入尔時
大德阿難即從坐起正衣服偏袒右
肩右膝著地合掌向佛而說偈言

我問無垢喜見面	我問無垢特威德
我問善能斷諸疑	為何緣故而見笑
我問持淨寂妙色	我問能利益世間
我問人天中寂上	為哀念誰而現笑
我問樂施善調伏	我問樂持清淨戒
我問樂忍得忍力	何所利故而現笑
我問住於精進力	我問住禪具神通
我問其智等虛空	無等何緣而現笑
我問善逝大慈心	我問大悲哀世間
我問樂喜及大捨	以何因緣而現笑
我問度到三垢邊	我問無垢淨三眼
我問常樂三脫門	以何緣故而現笑
我問能摧伏他眾	我問能說甘露法
我問能闍蔽諸魔	大悲願說笑因緣
我問能持勝十力	我問猶如金山色
我問得到功德頂	為何利益而現笑
尔時佛告大德阿難汝今見是大樹	

緊那羅王諸夫人不令於我所種善根已志誠發於阿耨多羅三藐三菩提心欲轉女身取男子身頂禮我足阿難白言已見世尊佛告阿難緊那羅王諸夫人等以此志誠殖諸善根於此命終捨女人身得成男子生兜率天與弥勒菩薩共守護我無量阿僧祇劫所集無上正真道法弥勒成佛復當供養如是次第賢劫千佛皆悉供養漸次滿足助菩提法是大樹緊那羅王得成佛時是諸女等當生其國彼佛如來當授其記今時大樹緊那羅王白言世尊今佛世尊已為我等大作佛事除淨惡道安住善道示菩提道住於智慧大寶之藏成辦一切出世善根說助成就波羅蜜伴示善方便勸菩提心聞法充足得示教利喜愛樂深法悉得安住不退轉地世尊我等今者當作知恩非不知恩世尊我等今者若以肉血髓髓尚不報恩況餘珍寶今時會中有餘菩薩作如是念是大樹緊那羅王幾時當得阿耨多羅三藐三菩提得成佛

如是解知諸法已 能持諸佛空法藏
善自調伏於財施 以空淨戒自調伏
忍性常盡無有相 精進勝妙常寂滅
禪性寂靜无戲論 智亦空寂無戲論
若有能入如是法 是名為度到彼岸
慈心無我无衆生 大悲清淨如虛空
大喜大捨恚空寂 是道梵道常寂勝
是四所攝為寂勝 如來說是能普攝
此攝所攝永解脫 彼得攝法之彼岸
衆生無我无衆生 不得壽命及士夫
六根常自寂靜相 能如是知名菩薩
無有菩薩有衆生 亦復不生無我慢
離二無著无戲論 是名無著實菩薩
諸法无實猶浮雲 無有來者无去者
其體常住法界性 善逝如如而覺了
諸法非有亦非無 以因緣故諸法有
如電暫現尋復滅 其心常樂如是觀
心行非色不可捉 世間如是同叵捉
若知心性本清淨 無有結使諸闇冥
說身如木如牆壁 癡无有主如瓦礫
能如是知本性已 更不作心依倚身
口說清淨猶如風 猶如山谷中響聲
知諸音聲亦如是 於諸音聲不滌欲

住在空虛不墮落 虛空无住亦無處
知於諸法如空已 如是衆生住於如
虛空本無生及燒 千万億劫而不燒
知於諸法如虛空 彼至百千界離燒
須弥輪圍及諸山 大城村邑及草木
能知是等如虛空 神通遠至千億界
地大水火及風大 四大猶之如虛空
能知此等皆平等 勇健乘空千億界
三界所有諸音聲 勝妙增上及中下
無量百千億劫說 不見本性知所在
彼勝无有別異相 雖知不能覺於心
心意等同入寂靜 諸如来等同於法
百千万劫修善根 本為菩薩修行時
知菩提同一切法 彼得受記大名稱
諸法境界性自淨 如来境界无有量
如是知於平等已 持德如是得授記
今我無有色受陰 想思行陰亦如是
解知菩提得授記 不受陰記界入記
其所得忍本空寂 忍及與盡等無二
是無量名无生忍 如是則得於授記
无有能盡於無盡 盡問不起一切法
通達忍已得授記 無句入句无有相
實无有數無二邊 无有異作當作實

若如是者佛授記 今我性等一切法
已性無我等空性 菩提之性猶虛空
若能如是得授記 是名邪行非正行
若以心意而修行 平等法中行勝行
是等皆恚在地住 我今在上空中住
知住地者不同等 不著三界智轉增
是故得授无上記

尔時大樹緊那羅王說此偈已從虛
空下頂礼佛足合掌向佛如是白言
世尊為我已作佛事授我滿足無上
道記世尊我於過世所修諸行則為
不空我為不誑所作諸行尔時大眾
中有菩薩摩訶薩作是念言是大樹
緊那羅王於何佛所初種善根彼佛
如來号字何等是時天冠菩薩知諸
菩薩心之所念白言世尊是大樹緊
那羅王於何佛所初種善根發菩提
心彼佛世尊号字何等尔時佛告天
冠菩薩善男子乃徃過世无量無邊
阿僧祇劫復過無量无边阿僧祇劫
彼時有佛号曰寶聚如來應供正遍
覺乃至佛世尊是佛世界名淨莊嚴
劫名淨聚是寶聚如來應正遍覺其

菩薩衆有六十億一切皆是无量壽
進得陀羅尼不退無上正真之道其
佛壽命六十億歲彼國土中所受用
物皆悉具足琉璃所成如兜率天飲
食豐多土無餘乘純一大乘余時有
轉輪大王名尼泯陀羅王域自在有
四万夫人千子具足勇健妙色能伏
他衆是時尼泯陀羅王請寶聚如來
及菩薩僧滿一億歲施諸所安衣服
飲食牀敷醫藥一切樂具作於如是
无量供養供如來已成此善根及四
万夫人并諸千子復有八万四千衆
生同發無上正真道心發道心已復
更滿於一億歲中以諸樂具恒常供
養寶聚如來過是後已捨於王位授
最長子名曰淨戒自捨國位彼佛法
中剷除鬚髮以信出家如是千子轉
相禪位各各出家唯除最小王子名
曰覺悲正法治國不加兵仗善得自
在統領國土善男子余時尼泯陀羅
王及其諸子既出家已寶聚如來初
中及後所說諸法悉能受持善男子
汝意云何謂異人乎勿有疑也彼轉

輪王尼浪陀羅即今大樹緊那羅王
是其王諸子今皆修行於菩薩道善
男子是大樹緊那羅王於彼寶象如
來法中初發无上菩提心自是之後
不離見佛聞法供僧教化衆生而不
遠疾取於無上正真之道我今授是
无上道記當得作佛号功德王光明
如來時天冠菩薩自言世尊未曾有
也如來智慧不可思議乃能知於如
是久遠佛言如是善男子如法所言
如來知見無量无邊何以故善男子
過去無量一切衆生如來悉能知彼
諸心如是十方如是處處如是所作
若善不善及無記業如是一切所有
心轉如來悉知若現在起心若善不
善若无記心如是十方如是處處如
是所作如來悉知如來應正遍覺所
有知見如是無量若未來世一切衆
生當起諸心如來悉知說是如來無
量智時三万二千衆生本未發心今
始慙重發阿耨多羅三藐三菩提心
尔時大樹緊那羅王請佛供養及讚
菩薩聲聞大衆七夜已訖復更以諸所

須樂具及其宮殿園林場地悉以奉
施作如是言願佛世尊屈意數來憐
慰我故當大安樂當大利益諸乳閼
婆緊鄰羅摩眼羅伽余時大樹緊鄰
羅王子名無垢眼以寶珠網奉上如
來白言世尊我緊鄰羅耽醉華香耽
醉歌舞耽醉歡喜唯願世尊當為我
等說所入法門當令我等捨離狂醉
修集菩提助道之法

余時世尊告緊鄰羅王子無垢眼賢
士自余已去我當護汝令諸伎樂出
六十四護助菩提妙法之音何等六
十四所謂演出布施之聲戒聲忍聲
進聲禪聲智慧之聲慈聲悲聲喜聲
捨聲四攝法聲不忘无上菩提心聲
不厭生死聲集善根聲佛聲法聲比
丘僧聲念處聲正斷聲神足聲根聲
力聲覺聲道聲定聲慧聲无常聲苦
聲无我聲寂聲无行聲靜聲無生聲
无起聲如聲法性聲實際聲无我聲
無眾生聲无命聲無丈夫聲無人聲
无來聲無去聲无處聲無住聲空聲
無相聲无願聲離聲滅聲無所有聲

因緣聲無物聲无聚聲無依聲護正
法聲降魔聲善方便聲教化衆生聲
如幻如化如電水月夢響之聲法界
破壞聲如說如作聲集諸善根而不
忘失無放逸聲如是賢士當令汝等
諸樂音中出如是等六十四種護助
菩提道法之聲當令汝等得不放逸
滿助菩提法

大樹緊那羅王所問經卷第三

癸卯歲高麗國大藏都監奉
勅彫造

大樹緊那羅王所問經卷第四

化

姚秦龜茲三藏鳩摩羅什譯

尔時一切大眾得未曾有合掌礼佛作如是言希有世尊如来乃能善護念諸菩薩摩訶薩以神通力而護持之佛言如是如是如汝所言如来護念於諸菩薩何以故護念諸菩薩即是護念一切衆生汝諸正士若佛如来護諸菩薩即便為護一切衆生何以故是菩薩為一切衆生發大莊嚴大莊嚴已令无量衆生離生死餓拔出安置令住正道諸正士是故汝等我涅槃後應當守護於諸菩薩若護菩薩當知則護諸衆生已若菩薩施衣服飲食卧具病藥即是施與一切衆生若以樂具施與菩薩便為已施諸衆生已何以故是諸菩薩出息入息常為一切諸衆生故尔時欲界諸天色界諸天乾闥婆摩睺羅等及諸大眾聞佛所說深心隨喜以諸妙花珍寶瓔珞種種末香散如来上尔時大樹緊那羅王作是念言今者如来

及諸菩薩大聲聞眾將欲還歸以我
神力從此而往作大寶車令佛菩薩
聲聞大眾乘之而去我及眷屬當共
牽車則為具足供養如來今時大樹
緊那羅王作是念已即以天寶造作
寶車高五由旬縱廣正等亦五由旬
眾寶間錯无量寶樹以為莊嚴於此
車上為佛如來作師子座莊嚴校飾
上高七刃敷置無量天諸寶衣一切
菩薩及諸聲聞各為設座其諸天子
釋梵護世乾闥婆等為聽法者悉為
設座今時緊那羅王作大寶車及敷
諸座已合掌白言唯願世尊及諸大
眾就寶車坐憐愍我故今時世尊及
諸菩薩聲聞大眾一切餘眾悉坐寶
車所敷座上今時緊那羅王以佛神
力及已神力以是寶車置右掌中上
昇虛空高七多羅樹緊那羅王八千
諸子及無量乾闥婆緊那羅摩睺羅
伽各以金璫牽挽寶車遊空而去八
万四千諸緊那羅作於八万四千伎
樂在如來前引導而去以諸偈頌並
讚歎佛

足滿八万及四千 是等緊部羅身形
清妙歌音和衆樂 讚嘆如來實功德
寂勝相好有威德 寂勝妙色衆所愛
常住清淨實功德 世尊有是大功德
於上虛空侍左右 无有能見如來頂
猶如大山堅不動 有如是身可樂德
遊空自在隨所至 導師有是大神力
猶如虛空淨无垢 世尊善斷脫結使
阿修羅等及羅刹 釋梵天王及淨居
日月星宿珠火光 毫相光明悉隱蔽
智慧力能如大海 發起衆生諸心行
三明普能照三界 頭頂敬礼世所敬
摧伏四魔諸結使 說四聖諦涅槃道
四神足力無所畏 如來行步寂殊勝
祥徐進趣无傾動 常習調心住三昧
所說微妙悅世間 亦不依止是言說
言說柔軟善妙音 遠聞无量諸刹土
若有衆生聞是音 一切安樂生歡喜
三千世界諸海水 一毛孔中悉容受
終不惱觸水衆生 其神通力无損減
三千世界所有山 悉皆安置一毛中
徃至无量千億界 然其身力无損減
又於無量百千劫 勤苦无量調伏施

善修學戒護諸根 忍辱精進禪慧力
供養無量億諸佛 護持是諸佛所說
其心終不生疲厭 大慈大悲利益世
於无為中不卑下 於有為中不自高
猶如大地無傾動 住世法中如蓮花
諦觀察了諸法空 都無有相猶水月
如幻如化如水沫 亦如夢電熱炎相
實性无我無有人 極淨无燒無有主
猶如虛空淨无垢 一切有物如實性
一切諸因及與緣 流轉造法无有主
是能覺了菩提道 是故号之名為佛
是諸衆生獲大利 若見導師及聞者
彼終不畏墮惡道 是人常至於善道
我等今得供上人 一切皆供我亦供
以此迴向菩提心 願使一切如人尊
假令能量於虛空 能以毛滴盡海水
日月星宿墜虛空 无有能盡佛功德
尔時世尊乘於寶車遊空而去放金
色光是光遍照於此三千大千世界
王舍大城祇闍崛山光照倍明時三
舍城阿闍世王及其夫人眷屬兵衆
諸比丘比丘尼優婆塞優婆斯婆羅
門居士見光瑞已持諸香花末香塗

香幢幡寶蓋及諸伎樂出王舍城往
迎如來既出城已詣祇闍崛山遙聞
緊都羅所作樂音微妙歌聲遍滿祇
闍崛山之中尔時大樹緊都羅王以
佛神力從於虛空下大寶車安著祇
闍崛山之中尔時世尊從寶車下詣
自住房敷座而坐時諸菩薩大聲聞
衆亦皆下車礼如來足次第而坐尔
時阿闍世王及夫人嫫女内外眷屬
比丘比丘尼優婆塞優婆塞羅門
居士各以所持諸供養具供養如來
踟蹰合掌問訊世尊將無疲耶安善
遊耶問訊已畢却坐一面尔時天冠
菩薩白言世尊是大樹緊都羅王及
緊都羅衆牽如來車乘空來此得幾
所福佛言善男子是大樹緊都羅王
及餘眷屬發道心者從今已往當得
五通乃至成佛從一佛土至一佛土
不離見佛聞法供僧世世所生常識
宿命得善好辯音聲美妙亦不捨離
教化衆生世世所生勤護正法勤化
衆生尔時阿闍世王語大樹緊都羅
王緊都羅王快得善利如來今者歎

汝功德緊鄰羅王汝之功德我亦莫望同有少分時大樹緊鄰羅王語阿闍世王大三當知我所有功德悉施於汝及諸衆生何以故大王菩薩所有諸功德事悉與一切衆生共之何以故大王菩薩之法无所慳恡所有功德悉施衆生其心喜悅无熱無惱大王當知菩薩以此功德迴向於一切智亦為育養一切衆生何以故大王菩薩護念諸衆生故修行菩提為衆生依大王汝今亦得獲大善利得佛世尊文殊師利為善知識親近聽聞不實无明黑闇翳障逆罪疑心熱惱除滅得大法明得法明故无有惱熱安隱而住是故大王當自勉勵咸作法器若聞於法乃至一句不忘不失名護正法尔時天冠菩薩白佛言世尊菩薩成就幾法能為法器是時佛告天冠菩薩善男子菩薩法器有三十二何等三十二佛護持是菩提心器專心質直是無偽器增長志意是善根器修行於道是菩提柱器正意思是多聞器慧是出道器進是

集義器施是大富器戒是滿願器忍
是三十二丈夫相器進是一切佛法
之器禪是練心器慧是度障器大慈
是等諸眾生器大悲是救拔貧窮器
大喜是喜樂佛法器大捨是捨離愛
患器善知識是諸善根器修進多聞
是般若波羅蜜器出家是離縛尋之
器阿練兒處是少事務無惱亂器樂
於寂靜是諸禪定神通之器四攝法
是化眾生器護持諸法是照明器陀
羅尼是聞於一切未聞法器辯才是
斷一切疑器念佛是得見諸佛器无
惱害心是護一切善根之器空法是
斷我見之器因緣是捨諸所珍器無
生法忍是捨諸障尋授記器緣不退
地是无畏器善男子是為菩薩三十
二法器說是法時十千眾生發阿耨
多羅三藐三菩提心而作是言世尊
願使眾生得是法器亦令我等成此
法器如佛所說今時世尊告大樹緊
鄰羅王善男子汝還所止汝諸眷屬
或能憂惱緊鄰羅王自言世尊若其
菩薩有憂惱者是則不名為菩薩也

何以故世尊能忍憂悵是名菩薩世尊云何菩薩有於憂悵云何菩薩无有憂悵佛告緊那羅王菩薩成就四法則有憂悵應當覺知何等四聞有无量无边衆生心生驚畏聞受无量无边生死心生驚畏聞佛如来无量智慧心生驚畏聞集无量福德莊嚴滿足相好心生驚畏緊那羅王菩薩成就是四法者則生憂悵緊那羅王菩薩成就四法心无憂悵應當覺知何等四聞有无量无边衆生我當安置於涅槃道而无憂悵聞無量生死而不驚畏修諸善根心无憂悵聞佛如来無量智已我當成滿如是大智而无憂悵聞集無量福德莊嚴成滿相好而无憂悵是為四緊那羅王菩薩復成就四法有於憂悵應當覺知何等四時時欲證於聲聞乘時時欲證於緣覺乘法欲滅時捨不護持不勸他人令住菩提是為四緊那羅王菩薩復成四法无有憂悵應當覺知何等四有逼切苦不捨菩提心不生聲聞緣覺心寧捨身命不捨正法乃

至百由旬外勸人令發菩提之心是
為四緊那羅王菩薩復成就四法則
有憂悵應當覺知何等四見來乞者
生瞋呵唾自樂安卧不修多聞若已
聞法不為衆說是為四緊那羅王菩
薩復成四法无有憂悵應當覺知何
等四見乞者已生善知識想無侵
害心不樂自樂常欲樂人修集多聞
無有厭足所聞持法於大衆中廣為
人說不期利養是為四緊那羅王菩
薩復成四法則有憂悵應當覺知何
等四不集波羅蜜道不修攝法不勤
精進教化衆生於少功德自生知足
不修菩薩無量功德是為四緊那羅
王菩薩復成四法則无憂悵應當覺
知何等四常勤精進修諸波羅蜜如
救頭然常勤精進集四攝法常勤精
進教化衆生精進勤修滿諸功德修
集菩薩无量功德是為四今時世尊
說是四法已遣大樹緊那羅王告阿
闍世王大王汝今聞說菩薩如是四
句無憂法不阿闍世王即白佛言聞
已世尊是故大王若諸菩薩行菩提

者不應憂悵阿闍世王自言世尊云
何菩薩修菩提行今時世尊為欲成
滿緊那羅闍婆摩睺羅伽等諸樂
音中所出法音又欲報答阿闍世王
所問菩薩修菩提行而說偈頌以顯
其義

若欲修行利益行 聞於法已如說行
修行菩提寂勝行 行彼修時无憂悵
修安樂行為衆生 諸衆生中等行慈
修行菩提寂勝行 彼無若干雜種行
為諸衆生修堅行 志意清淨修行者
修行菩提寂勝行 彼行終不墮惡道
修於布施捨捨行 行於一切悉捨行
修行菩提寂勝行 彼人無有慳悵行
修行淨戒寂靜行 身口清淨无垢行
修行菩提寂勝行 彼終無有毀梵行
修行忍辱利益行 離於瞋恚過咎行
修行菩提寂勝行 彼无瞋恚毒過行
修行精進力柱行 於生死中無厭行
修行菩提寂勝行 彼終无有懈怠行
修於禪定三昧行 身心獨寂無內行
修行菩提寂勝行 彼終无有憤內行
修行智慧菩提行 一切法行亦如是

修行善提軍勝行	彼終无有不知行
修行慈心利益行	於諸衆生勝悲行
修行善提軍勝行	彼終無有害他行
修行空行寂靜行	無相无願清淨行
修行善提軍勝行	彼終無有所願行
修行真行實諦行	滿一切智具足行
修行善提軍勝行	彼終无有障碍行
修行信行歡喜行	善念思惟无亂行
修行善提軍勝行	彼終無有不信行
修行禪定解脫行	獲得五通之妙行
修行善提軍勝行	彼終无有罣碍行
修行於佛行及法行	供給僧寶清淨行
修行善提軍勝行	彼有軍上勝實行
修行於法行及空行	教化一切衆生行
修行善提軍勝行	彼終无有止住行
修行於因行果報行	斷於一切有邊行
修行善提軍勝行	彼終無有染著行
修行淨行無垢行	解脫一切結使行
修行善提軍勝行	彼終無有惱熱行
修行於安隱解脫行	施諸衆生无畏行
修行於善提軍勝行	彼有一切滿願行
修行於日行及月行	猶如蓮花无汙行
修行善提軍勝行	彼為人天所敬礼

修行釋行梵王行	為滿白法之妙行
修行菩提寂勝行	彼令魔軍怖畏行
修行上行及勝行	斷於貪欲瞋恚行
修行菩提寂勝行	彼終无有瞋癡行
修行外道禁戒行	慧眼清淨之妙行
修行菩提寂勝行	彼終無有妄想行
修於調伏寂靜行	無有名色狂亂行
修行菩提寂勝行	彼為人天所敬禮
修於易行利益行	斷於左道勝妙行
修行菩提寂勝行	彼人常有智慧利
修行健行勤進行	能怖魔軍勇猛行
修行菩提寂勝行	彼人道場无不知
修顯露行无屏行	得於陀羅尼妙行
修行菩提寂勝行	彼人不失果報行
修於玉行寂靜行	常一切時出家行
修行菩提寂勝行	彼有如說修行行
修於長者及勝行	行於世間无勝行
修於方便相應行	捨於禪樂微妙行
修行菩提寂勝行	彼終无有惱熱行
修於世行離世行	欲界色界无色行
修行菩提寂勝行	彼終無有恐怖行
修於遍行一切行	滿足諸根善如行
修行菩提寂勝行	彼智猶若如虛空

說是菩薩諸行法時五百菩薩得无
生法忍阿闍世王及其眷屬王舍城
中婆羅門居士及緊那羅眷屬之中
八千衆生發阿耨多羅三藐三菩提
心已白言世尊我等當於如上所說
菩薩所行菩提諸行如說修行今時
世尊語大樹緊那羅王汝今可去還
其所止今時大樹緊那羅王及其夫
人并諸子息一切眷屬頂礼佛足右
遶三匝悔過世尊作諸伎樂天雨衆
華放大光明地六種動即便還往詣
香山中今時釋提桓因白言世尊是
大樹緊那羅王乃能如是真實供佛
真實供法佛言憍尸迦不但於汝名
為真實普勝三千大千世界所有釋
梵護世天王聲聞緣覺是緊那羅王
真實殊勝何以故天主菩薩發心已
勝一切聲聞緣覺憍尸迦无有能勝
於菩薩者唯除如来何以故從於菩
薩出生如来從於如来出生一切聲
聞緣覺今時釋提桓因於如来所聞
是語已涕泣流淚作如是言我今永
為離於大乘今時瞿夷天子語釋提

桓因父王天主如是如是一切諸行
一切諸法无有覆障從妄想起不能
發生无上正真大道之心不能悲念
一切衆生不能修於大慈之心父王
天主今覆何言已入正位燒敗種子
於此大乘永非其器瞿夷天子說是
語時三十三天中五百天子皆發无
上正真道心尔時瞿夷天子白言世
尊我欲親見菩薩所行百千万億難
行苦行乃至然燈佛所得无生忍願
佛少說我等聞已如說修行當得是
法尔時世尊告瞿夷天子無有菩薩
不種善根得无生忍菩薩多種无量
善根然後乃得無生法忍瞿夷天子
菩薩成就是四法者得無生法忍何
等四諸佛平等諸法平等世界平等
衆生平等瞿夷是為菩薩成就四法
得無生法忍復成四法何等四翫樂
四空翫樂大悲三解脫門翫樂方便
六波羅蜜翫樂禪定及五神通是為
四復成四法何等四解知陰性即是
菩提知諸界性集於菩提信菩提性
即是界性知諸入性集於菩提以菩

提性觀於諸入一切諸法集於菩提
 菩提之性即諸法性定无有疑是為
 四復成四法何等四知一切法住於
 實際不動搖故知一切法住於如中
 信三世法等不壞性故觀諸法平等
 如虛空性故瞿夷是為菩薩成就四
 法得无生法忍說是法時五百菩薩
 得無生法忍瞿夷天子得於順忍尔
 時世尊將封印此經法告大德阿難
 阿難汝受持此經名曰大樹緊那羅
 王入作一切法門行經大德阿難白
 言世尊我已受持未曾有也世尊
 是經極為甚深微妙其義決定文
 辭莊嚴世尊無有餘經能勝此經
 今此經中無不開示者世尊我於
 目前得法光明不如此經我今自
 覺於是經中獲得百千万億切德
 世尊我今以此有限量智入聲聞位
 聞此經已尚得如是大法光明况復
 菩薩摩訶薩成就无量大海法器无
 畏大智修集諸法為諸衆生作不請
 友無量大智聞如是法得幾法門佛
 言阿難若是三千大千世界一切所

有日月光明是菩薩等所得法明一
毛孔光悉能隱蔽是諸日月所有光
明阿難若佛如來一切毛孔悉放光
明是諸光明悉有智慧何以故佛諸
所有皆智慧故阿難如來有此智慧
光明如來以此智慧光明能知一切
衆生心行若有衆生聞此經者皆當
得是大慧明照若書寫受持讀誦通
利於大衆中廣為人說正念思惟如
說修行是人終不離菩提心教化衆
生大悲莊嚴著大慈鎧為除衆魔阿
難當知如是之人定趣道場今時阿
難白言世尊以佛力故我今已受持
此經法世尊若有善男子善女人受
持此經讀誦書寫於大衆中廣為人
說得幾功德佛言阿難若有菩薩善
男子善女人於初日分以滿三千大
千世界所有七寶施湏陀洹斯陀舍
阿那含阿羅漢及諸緣覺乃至諸佛
如是日中日沒初中後夜如上布施
滿於千歲阿難汝意云何是善男子
善女人所得功德寧為多不甚多世
尊甚多善逝世尊若於一日所得功

德无量無邊況復十歲佛言阿難我
今唱令是善男子善女人為得菩提
為化衆生為轉法輪受持是經讀誦
書寫於大衆中廣為顯示其福為勝
何況復能如說修行阿難若於是經
受持乃至一四句偈在大衆中廣為
人說其福為勝何以故如是之施名
為法施諸施中寂如是之施即是法
施是為勝捨謂捨於法是名上受謂
受於法是名上持謂持於法何以故
阿難施於法已能滅結使財寶施已
增長煩惱是故菩薩為滅結使當行法
施佛所印可如是法施則能攝取一
切功德阿難菩薩法施有三十二切
德名稱何等三十二有正憶念有於
智慧有於進趣有離慳結有少婬欲
有少瞋恚有少愚癡降伏自他所有
結使多人愛敬諸天讚嘆諸龍夜叉
乾闥婆等常隨守護不空受用人之
供養衣服飲食卧具醫藥不求而得
名稱遠聞十方世界諸惡鬼等不得
其便諸佛世尊之所讚譽守護正法
持佛法藏不墮一切諸惡道中生於

人天不以為難不離見佛不離聞法
不離供僧得識宿命生淨佛土生生
之處諸根具足得三十二相莊嚴之
身實為上主種陀羅尼根本種子作无
斷辯智因得智人眷屬集大智因速
疾得法不起不正憶念之心捨離一
切世間財施得大法藏辯才无盡阿
難菩薩法施有是三十二功德名稱
尔時釋提桓因白佛言世尊我等亦
當受持此經世尊如來涅槃後有法
器衆生我要當令得聞此經其信
解我當守護何以故世尊我等欲得
如上功德尔時世尊讚釋提桓因善
哉善哉天主汝今乃能勤守護法作
師子吼天主汝今以此護法善根隨
我法在阿修羅衆惡當降伏諸天得
勝何以故憍尸迦得見如是无畏法
故謂於諸法無所染著天主諸所有
畏皆由住著於我見故天主若無所
著是護正法尔時娑婆世界主大梵
天王白言世尊我亦當捨无量禪樂
詣諸城邑聚落郡縣流通此法我亦
當往至彼聽法令說法者得堅念力

何以故從是法中出生无量聲聞緣
覺釋梵護世今時四天大王白佛言
世尊我等四王是佛聲聞當堅守護
於是經法令得久住我諸眷屬若有
不信佛此法者摧伏令信於佛法中
勤加精進親附愛樂世尊若有天龍
夜叉乾闥婆阿修羅迦樓羅緊那羅
摩睺羅伽等有惡心者若欲降伏當
誦此呪

所謂多羅卑一使卑二使那卑三婆羅

卑四呼婁三摩呵呼婁六呼婁呼婁七

使婆娑八婆娑九波離車陀尼期那

呢十波迦奢呢十一希持希持十二毗持十三

阿車十四多車十五摩羅使唎呢伽睺十六薩

婆波提十七薩婆彌利車波毗多那

大阿那憂多羅薩婆復多那佛陀

跋尼多十九四天大王所見呪句二十是

呪神力諸欲求短恚能降伏二十一

今時世尊告弥勒菩薩天冠菩薩諸

善丈夫我今以此無量千万阿僧祇

劫所集難得阿耨多羅三藐三菩提

法囑付汝等令得久住中无斷滅時

弥勒菩薩天冠菩薩白言世尊我等

於佛般涅槃後當廣流布於此經法
諸有厚種善根菩薩諸衆生等令至
其手使得自在降伏憍慢能持是經
令信欲解佛涅槃後若有得聞是經
法者受持讀誦書寫解說當知皆是
弥勒菩薩天冠菩薩神力所持尔時
魔王波旬來至會中白言世尊若為
聲聞所說諸法我於是中无一毛豎
今者世尊演說如是菩薩道法菩薩
印印如來護持一切衆生之所歸趣
說如是法我今已為憂箭所中我今
自知便為生老願佛世尊執持我手
更莫演說如是極大功德力經勿令
我等重被憂箭佛告波旬汝勿愁苦
多有衆生在汝境界不信是經少有
衆生能信受者波旬當知如從大地
抓取少土信甚深法諸衆生等如是
甚少如餘大地其不信者如是多矣
波旬其不信者盡是汝許是故波旬
應生歡喜波旬衆生之界無量无邊
說是法時無量衆生住於无上正真
道心九万二千菩薩得无生法忍八
万四千衆生遠離塵垢得法眼淨八

千比丘盡於諸漏心得解脫時此三千大千世界六種震動大光普照天雨衆花百千伎樂不鼓自鳴百千方億那由他天歡喜踊躍稱讚歌嘆我等今於閻浮提中再見法輪轉世尊昔在波羅捺國轉正法輪所利衆生今說是經所利衆生是為殊勝其有衆生持是經者是人不久當轉法輪今時弥勒菩薩天冠菩薩大德阿難等白言世尊當何名此經云何受持佛言善男子是經名為大樹緊那羅王所問亦名宣說不思議法品如是受持佛說是經已弥勒菩薩天冠菩薩大德阿難等一切大衆天龍夜叉乾闥婆聞佛所說皆大歡喜大樹緊那羅王所問經卷第四

癸卯歲高麗國大藏都監奉勅彫造

佛說道神足無極變化經卷第一

化

西晉安息三藏安法欽譯

聞如是一時佛遊於忉利天上在巴
質樹下紺琉璃石佛坐其上為母說
法盡夏三月與大比丘僧眾俱比丘
八千皆得羅漢諸垢已盡神足備具
能有所作為菩薩七万二千人神通
已達皆得陀鄰尼悉知一切人心之
所行所欲自在遍至諸無央數佛刹
時佛與无央數之眾眷屬圍遶而為
說法今時諸天眾中有二天子一名日
月天子二名日月星天子在眾會中坐
於是月天子從座起更整衣服前下
右膝叉手長跪白佛言願欲說者今
欲所問佛言恣所欲問於是月天子
踊躍即說偈問佛言

為一切大悲純厚而得利立之得至道
甚淨施甘露既已得自安滅除諸垢穢
復能安一切是故願欲問於无數劫中
所行甚勤苦悉捨諸所有布施无厭足
為一切等心等憂於眾人今願用是故
欲問人中尊其有見佛身眾好自在嚴

皆發踊躍意所得因福田廣長无邊際
無量過大海是故今欲問其德無過者
亦无有異意復无有異心三界將中雄
了知一切念其身所當行未曾隨他人
是故今欲問於世之大智若有德无德
歎譽及毀謗有名若無名若苦及与樂
皆知世八事分別而具了是故願欲問
已離於諸畏復護一切人自身守无異
於是无增減三界皆悉念有慈於他人
不疑无瞋恨是故願欲問持行譬如地
布施与持戒其心甚清淨寧自没身命
終不犯於戒如身口所行意亦復如是
是故願欲問過度於世者忍辱調其意
堅立而自損是皆智所造悉見勤苦處
諸好惡瞋恚一切皆能忍是故願欲問
所為皆辦託精進力甚强超越於諸議
為世作勤苦未曾自為身晝夜常仍求
如駛流入海是故願欲問其德知與天
於是諸欲事三界不復為一切諸恩愛
皆悉能降伏憚旬皆已具神足亦復然
是故願欲問人中之猛雄於是大智慧
已度无所樂劫劫諸惡事皆悉為捨離
若在於空閑自在知諸法是故願欲問

別於俗而作神足功德智滅諸不可行
從是到他刹不譽慈心想供養於諸佛
於佛亦无想是故願欲問愛世人示現
是時魔皆來悉共大聚會即以道法力
衆魔皆自壞於是降魔已自致道乃成
是故願欲問其功為軍勝一切住於地
金座地踊出即時遠覺道佛智不可量
便起到他處皆悉解諸議是故願欲問
人中之軍上一切智功德為尊中復尊
已得如佛意如法說經行合會為已度
導師為一切以故問其議三界皆蒙恩
於是月天子說偈讚佛已白佛言世
尊云何菩薩摩訶薩逮大神通智之
持得軍度無極云何菩薩得不可思
議善權方便得知他人心之所議云
何菩薩得知一切法為一行為一味
為一入為一教說云何得智自恣為
他人說云何菩薩得甚深戒不有放
逸行自致无上正真道而不離佛所
問如是世尊願為解說之
佛告月天子善哉善哉天子欲習如
來業欲被大僧那僧涅欲入大戰中
作大導師欲度一切欲作大船欲轉

大法輪欲作大布施欲作大法身欲作大法雨欲然大法火欲擊大法鼓欲舉大法幡欲說大法界欲放大法聲欲治大法英欲現大法智欲斷邪見祀祠欲建立滿大祠乃欲作如是狀貌不可計數事乃為一切故持是議以問如來佛語天子諦聽諦聽善思念之吾當為汝說之菩薩摩訶薩得大智至甚深微戒自致無上正真之道成軍正覺如是天子聽佛世尊所說於是月天子與諸大眾叉手受教而聽佛語天子菩薩有四事法逮得第一老別大通之持何等為四一者得知一切法狀貌无所增減二者求索一切法三者一切法无有盡得定安隱得學之證四者不見一切諸法難於法性者不於餘法界有所怖望而想視是為四事云何天子知法之狀貌知過去亦空當來亦空今現在亦空諸所有亦皆空如空如是天子長坐三昧索空各不知處是名為患了知如是天子知是處名為分別曉了曉了諸決便持轉相教授是處

知處造立處分別處如是處解議處
展轉相傳是名曰功德如是天子云
何得一切法法亦不想我我亦不想
法法起則起法住則住天子一切法
如是是是我所非我所悉已無菩薩如
是者為轉前為轉前者便不復樂起
滅處所以者何諸所无所有故於
無所有於餘法而思惟雖思惟不於
餘法有所學亦不有所說亦不有所
住雖於餘法作大明於法亦不為亦
不學如是天子云何菩薩得知諸法
等如虛空心天子造作三界如是天
子心无有形亦不可見無住止處亦
不可知如幻是心心法求心亦不可
得如是心心法求心了不可得是心
復不可知如是心一切法亦不可得
復不可得持法了无所有視諸所有
審如化如影如是知一切法已為過
已過者一切諸不學而自知如是知
諸法等如虛空如是天子如虛空不
可見亦无有生亦無有長者知一切
諸法亦復如是如是虛空亦如虛空
寂而淨如是諸法亦寂而清淨如是

天子云何菩薩得知一切諸法法性如是天子菩薩作是學諸法亦不見亦不可得眼亦不見耳耳亦不知耳耳亦不見眼眼亦不知眼鼻亦不見舌舌亦不知舌舌亦不見鼻鼻亦不知鼻鼻亦不見身身亦不知身身亦不見意意亦不知意一切諸法若行若住法當云何而等知法性為在所如是眼見知分別於法不言是不是亦不隨以是故得知常住處亦不於法作衰所以者何外亦不入內亦不受於衰不衰當作如是知如是見亦不於法有所生有所住如是住為患見如是天子是為法性如是法性亦不起亦不滅於是處无所所有然後現諸法以住无所生无所起是止處如是審諦如當眼所見智亦尔亦不於法性亦无所脫而興隆而住止彼諸法法性以畢足如是天子是為四事法菩薩得大神通智之持得寧度无極如是天子云何為神通云何為智天子神通者於一切諸法要義悉知彼一一之智皆悉了是故天子名為

神通於一切諸法而自知我我名天子我者而不佞是為法黠如是天子菩薩用是故疾得大神通之持智於所願而无厭所以者何欲滿所願故如是智天子過於人眼逮得天眼淨悉見十方不可計无央數億千万諸佛刹中於諸刹中見諸佛世尊及諸弟子衆持天耳悉聞諸佛世尊所說法皆悉聞知諸佛刹土中一切人民學不學上中下事皆悉了知能持神足遍遊到諸佛刹悉知前世无央數劫中所更索知一切人意中所念所從來生本末皆悉逮知持是智以自證便能為一切說法如是智天子菩薩摩訶薩逮得一切智佛所作者皆得住疾逮得諸佛法成无上正真之道寧正覺佛尔時便說偈言

於是大神通悉為已滿足善權之所施見則功德相如是皆從一悉了知諸法甚深淨戒德亦皆由是致以如是之故皆悉知諸法終不於是行念有踰過者一切諸所有其法亦如是譬之如虛空法義无老特於是審諦法尔乃得見法

不疑於法界用是曉了知不以服法故
而悉具足知分別而曉了自致得神通
其諸過去法皆悉為虛空諸有當來法
亦復无所有今諸現在法亦等悉如空
如是所見者一切皆同等是三世諸法
皆悉如虛空亦非是我所亦不非是我
以自知一生一切亦復尔如是諸所見
便為得轉信於彼如是知功德不復同
為一切說法亦不想於法亦无有恚恨
不言是與非亦不有所疑亦復无所覺
其已如是者便為立諸法於是諸所習
為皆无有餘於是无餘法諸法皆悉尔
亦不於異法而復有所見如是亦不生
亦不為復有於是无所入亦復无所得
便為逮得德為一切說法普演於法義
於道无所念其心於三界為已甚佳快
心已如是者為都不可見无色若如影
其像亦如是於法有所求其心為已止
若有於是法欲求索其心法亦不見心
心亦不見法其於如是心心而復求心
心已如是者悉已見諸習諸法亦如是
无能黠法者諸所有思想不能作妨碍
一切未成法我當悉辦之其法如虛空

常住无增減譬若如虛空 所生无所有
其已如是者為見一切法 亦不於虛空
而有所作為如是名為好 諸法亦如是
眼亦不見耳 耳亦不見眼 舌亦不見鼻
鼻亦不見舌 身亦不見意 意亦不見身
各各在其處 處處不相見 若從他人聞
或自從已知 如是而悉能 為人說法界
法界如是者 乃為悉平等 六衰不知我
我亦不知衰 如是皆悉知 所學諸法事
學已如是者 其慧无有量 為悉見十方
無數億千佛 乃與弟子眾 尊說法悉聞
其有於是法 廣普為人說 於是无量慧
為已甚清淨 善說戒之德 而具足得聞
曉了於諸議 分別為皆滿 皆悉知一切
其心之所念 便以神足力 遊於億刹土
百億千万劫 無數恒邊沙 前世之所行
皆悉見了知 而便於是行 為已逮五通
便因是前近 安隱无上覺 佛之所住者
皆為已得住 其未逮道者 當道求其議
於是視諸法 皆空无所見 便發踊躍意
歡喜无過者 一切諸魔眾 无能動其毛
疾逮得正覺 无上之寂尊
天子復有四事法菩薩摩訶薩逮得

不可思議善權方便之功德何等為
四一者遠前世智慧功德二者其有
无所依者寒凍者苦者苦痛者愁憂
者若見是輩眾苦毒者便發意踊躍
欲救之皆教令求佛道三者以諸法
持佛意繫於一切持前世久遠功德
福祐勸助復持一切過去諸佛福祐
功德勸助皆令解脫憂苦放赦去離
都持是功德奉上諸勤苦厄難者四
者未曾發意不滿一切願亦未曾發
意漏脫使人不至道亦未曾令一切
不至道如我心欲至道道亦迎我心
如是智便迎於心心便逮道智持遍
想拘舍羅於功德而增益不於法界
有所壞於所可思議法所學无有獸
足於諸功德亦不獸足如是作諸功
德倍復无獸足不於心法有所亡心
於功德亦無所亡常奉行於布施心
清淨无所怖望常奉持禁戒而不缺
減於忍辱力而不動轉加於精進而
不懈怠於禪三昧而不亂於智慧而
不愚常供養於一切而無所貪以慈
報恩而无所憂思惟所生逮无所生

憂其所說法憂歆令皆度脫天子菩薩行如是其有知小福者以遍想拘舍羅所作無央數不可量如是天子菩薩於是一切法逮得不可計智於諸法无所不知无所不了何以故天子一切法空無想不願如是空不可計心逮得不可計作小功德持遍想拘舍羅所作无央數不可量何以故如是道不可量心亦如是如是行不可量无邊際不可量法隨无邊際不可量法如是諸佛世尊道法亦復无邊際不可量復次天子菩薩以遍想拘舍羅於一切行皆悉過上過上已隨一切人所喜樂布施者所求者說法者以法而度脫之復次天子菩薩已如是者逮得无央數不可計所行法則於布施持戒忍辱精進一心智慧皆悉具足於勤苦人无有輕易之心於戒无缺減以戒有所長益為一切人忍辱若罵詈輕易者皆悉忍之於精進合會諸善德於憚逮得諸定於智慧无所罣碍復次天子菩薩以遍想拘舍羅於弟子而現行隨其法教

化之自於內无所怖望於辟支佛而
現行以其法教化之於其內無所怖
望如是天子菩薩以是四事法得不
可思議善權慧佛令時說偈言

其苦凡有二謂我及他人自戚於我苦
并復能滅彼憂念一切人令心了道事
於法心亦令皆使解一議用福一切人
三世勤苦行諸佛所行福一切皆勸助
以是功德福奉上施一切於諸心所願
疾遠得佛慧令一切發意皆學正真道
心不於餘道而復有所求心不怖望道
視亦不可見道相心如是心相亦俱然
法等如是等於我亦无我自知見功德
增益淨功德於身无所增法界難思議
常住於道處是乃為求佛其心未曾念
豪華以自益心恒存於道精進而不懈
布施而无厭常堅護於戒忍辱亦如是
不造立人根日日行精進常自念身空
於禪而寂靜慧能度一切養育於一切
所作如蓮花施與持清淨不望於他人
常願求佛慧諸法具了一曉習一切法
其慧難思議為一切說顯而无有諸事
若有應此行是則為菩薩皆悉解了

施少報无量不想有與無心未曾放恣
悉知一切行如所願度脫布施隨所欲
說法種隆化既施而无悔於戒不虧缺
忍辱及精進禪慧不自大布施與持戒
忍辱及精進於禪定三昧慧施而降調
其於聲聞行及與辟支佛隨所樂度脫
於内而不隨堅住於是法菩薩无所著
權慧難思議疾速降一切

復次天子菩薩有四事法一切法為
一味為一入為一說其智皆解達於
衆議何等為四如是天子菩薩於法
界得一切智功德而无所破壞信一
切諸法皆空亦不於法界言是我作
非我作何以故是我作亦非不是我
作皆非所以者何壞諸不可習便逮
得皆知一切法智天子是為四事法
菩薩得知一切法為一味為一入為
一說如是智為悉解達衆智議如是
知如是視若於俗若於道便以慈轉
法教若有行者行之若有恩者恩之
若有住立者立之便以法住立之以
法大悲而轉之不於衆法言念是尊
者是為卑亦不於入法亦不於行法

亦不於若干法而有所見習知凡人
法便復行凡人法於凡人法亦无所
舉亦無所下於是一事壞習法亦余
便廣說一切法於諸法界不見有所
壞何以故為得一忍為忍於空於忍
空而不疑如一入諸法入亦余如无
所生入天子如是菩薩為親近佛世
尊无上正真之道亦不想念近佛不
近佛何以故亦不見壞一事所以者
何亦不見一切人異亦不見道異亦
不見一切人亦復不見於道佛余時
說偈言

不於法界言是非 不於法界无所壞
法界如是一切如 若不思惟不了義
已信於法一切空 六衰久長與空會
一切法寂得自在 若一處空餘皆余
於法无見无能視 亦復无我不可獲
若我學得如是者 如為審諦曉道意
行應寂靜逮空藏 止與相隨諸法處
皆知諸法為寂然 於是寂淨无不可
世寧世間法皆知 於是不疑不轉還
不斷於願願來願 聞法常念不懈慢
於无央數不可計 其身所作不自見

展轉五道不見法 凡人羅漢乃能知
凡人所習常念說 如是之事羅漢法
亦復不舉亦不下 寂靜不受介乃知
一切法數皆悉知 不於法界有所壞
忍辱虛空等元異 諸法虛空皆如是
忍辱如空无所念 一切諸法入一智
如无從生不生習 如有所行道不難
如是親近无量道 於是心念无懈勌
若我他人法如是 所求无得則覺道
天子菩薩復有四事法於甚深戒行
不放逸何等為四如是天子菩薩自
思惟何等名為戒如是自視身所行
皆知身所行善口所言善心所念善
是名曰為戒云何身所行口所言心
所念不犯身事不煞不盜不婬是名為
身行善云何口所言善不惡口不兩舌不
妄言不綺語是為口所言善云何意
所念善不嫉不恚不邪見是名為意
所念善如是為自視悉見用是故皆
具得如身口意所行不作是事无有
能普說其德者亦不青黃赤白紅不
離色亦不眼識而可識如是亦不意
識分別而可識何以故於是不生無

所生於起无所起如是不生無所生
不起无所起於是便逮得无能說普
演之德是時心安住而不搖如是不
相逢无能普演如是無有能普演說
亦不自言我能作是說作是行者心
亦不可見如是說心戒亦復不可見
迹如是天子菩薩逮得甚深戒之德
復次天子菩薩逮知離所見身功德
知於所見无所起若戒若惡戒等无
所作復次天子菩薩逮得住入甚深
法要作如是祠諸所學事深遠之行
皆悉行於一切諸乘行皆悉行是名
曰為戒如是行為不自欺亦不欺他
人如是者名曰甚深戒復次天子菩
薩得不犯戒不虧戒不亡戒云何菩
薩不犯於戒不虧於戒不亡於戒天
子能自護者便能護於戒天子自知
者便能知戒不輕易於戒於所學无
所缺於戒而不亡用是故不亡於戒
一切他人法皆悉知何所是他人我
為在何所亦不恨他人亦尔天子用
是故能度脫一切人天子是為四法
菩薩得甚深戒而不放逸佛尔時便

身口意所行法潔淨復淨其行勝珍寶
是戒應菩薩是十无過上默持護菩薩
身口意不虧是戒為寂默不作亦不生
於生而無生无種无處住无智云何得
不會不作戒眼視不可見亦非耳鼻口
非身意所識不造六情根所住亦无處
是戒甚清淨戒亦无所住守戒不放逸
於戒无我想護戒無戒想以是得深戒
於是見身行離於諸所見不隨望見處
於戒无想念如律入深法諸行皆辦畢
滅有便能護於戒无異想有我便有戒
無我亦无戒是說為恐畏知我則有戒
空寂戒无念寂靜戒无著空寂戒无時
寂戒不思惟不虧戒无上於戒不貢高
戒亦无我想是則甚深戒於戒甚勇悍
不為不善哉一戒具衆行一切法亘得
戒有想為癡无戒言守戒是為滅戒果
不脫於五道遠離諸所見我所皆不見
戒亦無所見不畏於五道視不見為見
不增不善戒於我而无病習戒皆悉見
佛說道神足無極變化經卷第一

癸卯歲高麗國大藏都監奉

勅彫造

佛說道神足無極變化經卷第二

化

西晉安息三藏安法欽譯

於是月天子白佛言世尊甚可怪如
來深微乃如是是佛世尊無上正真
甚可怪菩薩所施行如是名為眼見
諸法行不起自好益身敗道之行從
久遠已斷離身想之行於无央數劫
行而不墮聲聞辟支佛地而不墮落
究竟於道滿足佛法有幾法行世尊
菩薩於深法行不於億百千万佛而
作證佛語天子菩薩有四事遠深法
行不於億百千万佛所作證何等
為四如是天子菩薩堅住於諸要持
一切智出家大吼逮精進而不弱為
一切故捨諸所有堅住於施與便逮
大悲事如佛所說所問皆報答逮得
善權方便於一切功德已成復成於
餘德天子是為四事菩薩於深法行
不於无央數億百千万佛所而求證佛
於是說偈言

堅住於所作其智亦如是前世所作智
亦終不放捨以一切智故所為而不憂

一切像色貌皆悉具了知所行常精進
終不為放逸心亦不懈倦所行亦如是
其諸所作為皆悉憂一切如是於眾生
常而有等心常興大悲意憂念一切人
愍傷諸勤苦皆欲令安隱願疾得作佛
斷絕諸苦惱逮得眾珍寶其處不可盡
常以善權慧教學諸方便勤力作功德
行是无厭足所造有究竟其行常如應
安之於道次不志念居處以如是法者
悉皆堅持之菩薩行是者諸行皆悉了
於是甚深法所行皆備具於億百千佛
所作不懈倦

尔時月天子問佛言云何菩薩得甚
深之行佛告天子菩薩亦不於凡人
法有所望亦不於佛法有所求亦不
於凡人法有所疑於佛法凡人法等
無有異不於凡人法有所求於佛法
亦無所得亦无所亡於凡人亦無異
於佛法亦無異亦不作是念不言凡
人法不尊佛法為尊於凡人法亦无
所斷於佛法亦无所斷如是生生復
生是名曰凡人法如是佛法是二法
為空為寂為定如是為知无處亦不

於凡人法有所求亦不於佛法有所
求不於凡人法處有所有亦不於佛
法處有所有如是二者亦不見凡人
亦不見不凡人如是知為如眼見所
見者皆空皆无相皆亦無願如是智
慧如眼所見如是智為佛法亦不於
佛有與无亦不念於是有所安有所
苦亦不念是好是醜是皆空亦如空
空亦不於空而見空亦不知亦不求
何以故已足習有老有起故如是天
子法法乎法名法住法滅法寂於是
亦不自見亦無所見亦不自知亦無
所知所以者何若凡人若弟子若辟
支佛若三耶三佛若受決若深行天
子菩薩不於諸法空佛法空何以故
如是天子法乎法音聲彼善音是善
音於是不可得如是不可得於是為
无我如是為无我於是不說有住不
住而去天子諸法如是不可數佛法
亦不別天子其譬如如是當作是視諸
法佛法常念作是行復念如是行於
是起无識念行於無識念於佛法亦
无所惟如此者為以應從思惟為以

起不復作是智不於法界有所增亦
不在亦不不在復次習法智无能於
法有所增減所以者何若有愛欲法
无愛欲法皆覺知何所是欲何所為
无欲已了知於是不復隨是故天子
菩薩得甚深之行終不見於法亦終
不於佛法如是視如是見如是觀為
不見作是視天子菩薩衆魔若魔天
不能壞如是說天子佛說如是

天子白佛言世尊菩薩摩訶薩所作
甚奇特具足知是諸慧事乃如是了
知於生死乃作是求道而不懈倦如
是起滅上下可盡佛言天子譬如幻
如化若來若去若坐若所求若所說
亦皆无所有天子譬如幻化欲知一切
諸法悉如是一切諸所起滅過去當
來今現在其劫數亦如是菩薩亦不
念起亦不念前世所行天子復問云
何世尊菩薩若不念有起生處佛何
以得來上忉利天到所生母所盡夏
三月世尊不從摩耶生耶佛報天子
言如來所生不用生死法住如如住
如者不來不去佛生如是佛復言天

子佛從般若波羅蜜生諸佛世尊皆從般若波羅蜜生何以故三十二大人相不從摩耶生天子般若波羅蜜如是學般若波羅蜜佛母身三十二大人相皆從學般若波羅蜜月天子白佛言我熟思惟般若波羅蜜无所生无所滅云何世尊言般若波羅蜜是諸佛之母乎佛報言如天子所言菩薩當學菩薩所學遠般若波羅蜜便得佛身相三十二大人之相歸之十種力四无所畏佛十八法大慈大悲三昧獨行遊步佛慧知他人意皆來歸之此皆不從摩耶生是故天子當知佛慧從般若波羅蜜生有無央數諸慧之事不可計今粗舉其事皆悉如是天子復問諸佛世尊法皆悉具足如是如如來如者隨如得成如是天子所見事如是視佛從般若波羅蜜生亦不從生般若波羅蜜不於法有想根亦无起根亦无爭除云何世尊般若波羅蜜所生答言天子如法如來如如者隨所作法於是法不生不起不滅如是天子不生不起不

滅如是如是異為智慧慧從般若波
羅蜜生名曰怛薩阿竭從般若波羅
蜜所生如是生為不復生不起不滅
如是天子不生不起不滅菩薩學疾
近般若波羅蜜天子般若波羅蜜智
不可盡復不可盡般若波羅蜜復言
世尊是智慧云何思惟云何當知是
般若波羅蜜不可盡智復言天子不
於智慧思惟而有智如是天子於智
慧有思惟有智是不為智慧不可盡
慧何以故天子心知有勞終不能得
不可盡知當令如是不為智慧天子智
慧无思惟智若智慧有盡不為智慧
天子復問云何世尊不可盡從何所
問從何所知答言天子是不可盡不
從放恣而等求復問世尊是不放恣
為何等類答言天子諸惡行於三界
而不捨亦不離三界中諸惡已復捨
三界諸惡行如是天子各隨所為不
放恣其報云何於三界不起不滅是
其報復問世尊頗有弟子從是聞遊
過三界為人說法者不佛言天子於
欲界能為弟子說弟子法不能於欲

界有所益於色界无色界能為弟子
說弟子法都无所益以三昧遊三界
而說法不能了佛世尊之所說亦不
見以三昧力遊於欲界有所說而無
色天子雖遊欲界復不能有所脫以
三昧力遊於色界无色界无色界所
說而無益於色界无色界都不能有
所脫雖遊三界但能自脫身不能益
他人如是天子雖知三界不戀於三
界坐守空法亦不習於欲界不能於
色界亦復不能於无色界如是不能
於三界亦不生於三界亦生於三界
所去亦不知處如是天子是輩捐身
於是處无能知亦不見往亦不見還
何以故一切諸法於三界不相逢天
子譬如虛空不生不可見无有作者
不復會以過去如是天子三界一切
諸法皆如是說是法時天諸天眾中
七万二千天子遠塵離垢諸法法眼
淨万六千天子前世已作功德今復
聞說是法皆發阿耨多羅三耶三菩
心八千菩薩得不起法忍

余時眾會者皆承佛威神皆自見未

曾所見華在其祴上志以散佛應時
佛威神令是華遍滿忉利天上是時
釋提桓因前白佛言甚可恠世尊是
諸族姓子所散華本所不見今時月
天子謂釋提桓因言拘翼世尊亦是
未曾可見者華亦如是何以故拘翼
持是心見世尊者是心為滅盡不可
得見如是拘翼其有可見之事皆前
所未曾見釋提桓因問天子仁者云
何見佛天子報如是世尊見我我見
世尊亦復如是釋提桓因又問云何
見答言拘翼如來如如色如如痛想
行識如我作是見如來拘翼我不以
色觀如來亦不以痛想觀如來亦不
以行識見如來所以者何色自然不
起不滅痛想行識亦如是五陰法之
相是相不相皆如普照拘翼如來如
是不可見拘翼復有欲見如來當如
佛見我我見佛亦今復問天子云何
如佛見仁天子答言今佛在此自可
問佛

於是釋提桓因前白佛言云何世尊
如來見月天子佛言不以色見亦不

痛痒思想生死識見亦不以前世見
亦不持當來見亦不現在見亦不凡
人見亦不於凡人解脫見亦不於學
見亦不於不學法事見亦不阿羅訶
見亦不阿羅訶法事見亦不於弟子
法見亦不於辟支佛地見亦不於佛
地見所見如是拘翼如是為見佛如
是見佛為无所見如是无所見是為
等見如是示現是名為一切示現審諦
示現如是觀拘翼是名為如來如來
於法界无所缺減拘翼於拘翼意云
何如來如是見如是觀為見何等答
言是名為見佛世尊如來是名為得
不於色如是如來於此无有能得計
數者復問世尊如是為見佛耶答言
如是拘翼菩薩為逮得无所從生忍
於一切諸法界皆為等住亦不離是
法而見法釋提桓因復白佛言是月
天子為得无所從生法忍佛答釋提
桓因言持是事自以闍闍天子當為
汝發遣

於是釋提桓因問月天子仁者今為
得是無所從生法忍耶月天子答言

拘翼頗有无所生而起不釋提桓因言不天子復言拘翼設无所生不起者云何復問得无所從生法忍天子復言拘翼法界无所生其譬正如此是故法界亦不起亦不滅都不可知尔時釋提桓因便發是念言如月天子所說為已得无所從生法忍為遠近佛為遠三耶三菩尔時月天子知釋提桓因心所念語釋提桓因言拘翼无所得忍者得三耶三菩座不難有不得忍者去三耶三菩座大遠釋提桓因復言天子云何作是說天子報言拘翼已得忍者能作是說其不得是者不能近三耶三菩阿惟三佛座得无所從生忍故能說无所從生如无所生如是者道釋提桓因復問天子道從何所求天子答言拘翼道於三界而无我作是求道釋提桓因復問三界无我云何求天子答言如法者不生不生復不生當道作是求作是求已如是求不求於求是者為无所起

是時釋提桓因白佛言甚可恠世尊

月天子所說甚深乃尔從何所沒而
來生此於是沒當復生何所時月天
子語釋提桓因言拘翼如幻師化作
男子若女人從何所沒來生於此於
是沒復生何處釋提桓因復報天子了
幻與化无起无滅不可見不可知是无
所有天子語拘翼言如是說幻化從
無合會來生滅亦至无合會所如是
幻化黠慧者所不用亦不近釋提
桓因言如是天子如所說天子報釋
提桓因言拘翼如卿所問我所答亦
尔如卿諸法如幻化念欲持是事以
問佛是天子從何所沒而來生此於
是沒當生何所天子語釋提桓因言
於拘翼意云何如如來化所化如若
去來上下可見知不釋提桓因答言
天子如是不可得見天子復言是化
寧可有所作為不釋提桓因言能有
所作天子復言如是拘翼化一切諸
法等如此若去來上下作是觀拘翼
於是无能有所作於拘翼意云何不
於是見色聲香味細滑法亦尔是化
人寧能見聞知如是事不釋提桓因

言天子不可得見聞知天子言如是
拘翼如是一切分數知諸法亦如是
若見若聞若心念法亦不染亦不汙
亦不於是止亦不近亦不離於見於
聞於念如是所語如是法為一切說
為衆所說而无有異

於是釋提桓因白佛言世尊是月天
子說无處所不生不起不滅是天子
不在弟子地不在菩薩地見菩薩云
何當憶念无央數劫生死之事育養
衆生云何都不可得知佛語釋提桓
因言拘翼其有菩薩得不起法忍者
亦不念生亦不念起亦不念滅欲觀
是輩菩薩當如觀百歲般泥洹阿羅
漢不可得知何以如是亦无他人想
亦无我想復無無他人想復无无我
想復如是拘翼精進樂勤苦行菩薩
所作亦不念生亦不念滅亦无他人
想亦无我想諸法體性本皆泥洹如
是拘翼一切亦不縛亦不解不了知
是法是菩薩為是故為解為示現思
念故為起大悲是菩薩不疲厭於无
央數拘利百千劫而不懈怠譬如拘

翼有人墮火坑中有大悲男子不愛
軀體不惜壽命捨五所欲及諸所樂
入火坑中抱是人出亦自出復出彼
人於拘翼意云何是人所作為難不
釋提桓因言世尊是人所作甚難甚
難佛言如是拘翼是何足為難菩薩
所作又難於此以脫諸欲發意欲持
諸供養之具以其所有將護給與一
切如是拘翼復有過於是者以是光
明之德照示一切如是皆過一切弟
子及辟支佛上菩薩摩訶薩自致阿
耨多羅三耶三菩阿惟三佛

復次拘翼如是說從何所沒來生於
此聽者拘翼東方於是國分從是佛
剎度九十二那術百千佛國名羅他
那薩遮

晉言珠寶寶壽與藏

世界中

以衆寶為樹其枝葉華實无央數色
其經行處以无央數寶而校成其國
中所有皆衆寶以為校莊无空缺處
其地皆紺琉璃无央數寶以相雜廁
復次拘翼有世界名羅陀那光祇

晉言珠寶寶壽

是世界拘翼佛名羅陀

那文陀羅帝耶阿丹竭羅油

晉言珠寶

如來无所著等正

覺今現在說法其佛國中无有母人亦不聞母人亦无弟子緣一覺道純是菩薩滿佛刹中

復次拘翼是珍寶臺場出過上聚如來无所著等正覺其世尊一一說法七十二拘利菩薩皆得不起法忍菩薩得是忍已意念若豪名多本珍寶上天世大性一切皆以断用是故一切諸佛刹皆悉為之動即時三千大千刹中若干无央數珍寶蓮華雜華色甚鮮好悉滿其中以散佛上皆於佛上化成華盖遍覆佛刹已是菩薩便踊於虛空飛到他方佛前而供養礼事欲繞問評欲聞法

復次拘翼得法忍菩薩不樂住一處便能遍到諸佛刹不得法忍菩薩不能到他方

復次拘翼彼佛世尊出來十二劫彼佛所止處夜常三說法說法已七十二年拘利菩薩得不起法忍如是拘翼得不起法忍菩薩不能到他方刹

是菩薩乃於彼間沒而生他方剎土。如是拘翼以是比類當作是視如是。不可計億佛剎諸菩薩皆悉念拘翼。是彼珍寶積聚剎土中所有的一切皆无有憂入三惡道亦無苦智亦無樂智亦无所問亦无所說亦无勤苦亦无食飲何以故諸菩薩以法歡喜為食飲彼土中无羅漢辟支佛名如是拘翼珍寶積聚國土中是剎中世尊珍寶豪場出過上聚如來至真等正覺。是月天子從彼佛剎沒來生此忉利天故來欲見佛礼我繞我問評我欲有所問故來因是所問會无央數千人廣有所知又會餘菩薩於不起法忍皆使滿具拘翼是月天子故來見佛欲護一切法欲持於法佛般泥洹已後寂後法欲盡時當於是間得道生於人中持是所說甚深甚深法廣有所照普以教授滿百千人於是不起法忍皆樂欲學久遠寂後法欲盡時於是盡終生第四梵天會於弥勒菩薩所講說諸佛世尊道事不可計數百千天子前世初未曾起道意。

今聞是說皆發阿耨多羅三耶三菩
心弥勒来下得正覺時是菩薩承事
弥勒佛万歲居家常供養弥勒及衆
僧乃後時與四千人俱以家之信出
家為道便作沙門作沙門已於弥勒
如来至真等正覺所盡形壽常持法
弥勒般泥洹後至於法往常持法於
是賢劫中千佛中少四佛皆當供養
承事今所佛於是諸佛世尊所說經
當修梵清淨之行寂後過七恒沙等
劫當於是世作佛号字月光曜如来
无所著等正覺所願皆滿

於是月星天子語是天子言善哉今
為佛之所授決當得阿耨多羅三耶
三佛卿本有何等恩有何等供養作
何等愛敬喜樂歡喜事施於佛乃使
如来獨授卿決是時月天子語月星
天子言如来者亦不以善與人決亦
不有所畏故與人決亦不言是人可
與是不可與菩薩者自學菩薩法世
尊便記其決卿云何作是問我仁有
何等恩於佛所使佛作是敬作是愛
作是念作是歡喜作是賜遺月星天

子問月天子言是歡喜當從何所見
月天子答月星天子言歡喜從心求
月星天子復言心不想心誰作是踊
躍者報言踊躍不可持亦不可獲是
上踊躍如不可獲踊躍之寂也月天
子語月星天子如是踊躍於是踊躍
有所不可者不為踊躍是踊躍於放
逸事而不為於是踊躍中而常踊躍
不復生廢退意如是月星天子當於
是法求用是故得踊躍於法所作而
不放逸於是求於是不求亦不離求
何以故不於法界求亦不於所求如
是月星天子

佛說道神足無極變化經卷第二

癸卯歲高麗國大藏都監奉
勅彫造

佛說道神足無極變化經卷第三

化

西晉安息三藏安法敏譯

於是月星天子語月天子言如是菩薩學名為學菩薩復問何所是菩薩學報言天子菩薩學於菩薩於是無身无身行无口无口行無意無意行是為菩薩學菩薩於身无所學亦无所獲亦無所失亦无所亡如是天子菩薩學復言天子如是學為如來所授決耶月天子語月星天子言不作是學者世尊不與決何以故不念於是學不念有所說亦不念我亦不念有所求亦不念我有所學是名為學語分部於世不合會其有言我作是學為不諦為非說不念言有我亦不言是諦亦不言我是菩薩學復問若有幾事天子得審諦報佳答言於所願常高舉而不下亦不中間於願常在心未曾休懈雖有是而不作是法為寂是法不如於是法審諦覺知是名為住為審諦住復問言天子持何所法得如來授決報言不於凡人法

有所捨亦不於佛法有所得用是故
如來授決天子如是法无所捨於是
法无所得我以是故為如來所授決
復問如是凡人為皆授決何以故如
者不捨凡人亦不捨凡人法於佛法
亦无所得復言天子何因緣為凡人
法復言法空法界亦空復言天子何
因緣為佛法如者拘利佛亦如報言
天子能於虛空界於法界能有所捨不
報言天子不於如如者於拘利佛為
可有所得報言不久天子如是天子
次第說於凡人法无所捨於佛法无
所得用是為如來所授決復言云何
於空界法界於如於拘利佛從是得
決耶報言天子不尔復問言云何天
子於空界於法界於如於拘利佛於是
不得決餘諸佛復從何所得決報言
怛薩如受決如空界法界怛薩拘利
佛如是天子法平法如此法平法也
如是授決是為受決為得決已不離
阿耨多羅三耶三菩不離阿惟三佛
於是月星天子前白佛言世尊是月
天子逮得深慧所說乃尔佛言如是

說法天子菩薩為逮得忍若求索若發遣若於一切諸法界若說若有所說不能於法界有所見不能有所語亦不能有所傳何以故於法界无所語亦无所說如是法界如是人界如是人界是為佛力處如是佛力處一切諸法如是如是天子如是菩薩為如法住如是住不復信餘事亦不隨餘事如是者當復因何等令佛有所說余時賢者大目犍連於釋提桓因宮紫紺殿上為諸天子眾說法余時大目犍連從座起便仿佯心念言如來无所著等正覺在此閻浮提為已空閻浮提有无央數人飢虛欲作功德不見佛不聞法於所作為轉減於是大目犍連作是念已持天眼遍視閻浮提便見佛如來无所著等正覺在薄沙宮中食與大比丘眾千二百五十人俱是時大目犍連復自見在佛左而坐自見身形被服坐在佛邊无有增減復自思惟得无世尊還閻浮提復更視巴質樹下見佛世尊與无央數諸天眾圍繞而為說法見舍利

弗坐佛之右自見目連與諸比丘坐
佛之左復與大比丘俱於是賢者大
目捷連見甚大可怪諸佛世尊所作
為不可思議諸佛世尊為威神為大
為能為大分於閻浮提說法如故而
不斷絕於第二忉利天上為諸天說
法尔時大目捷連復大疑怪復更諦
視見佛在舍衛祇洹給孤獨園與无
央數眾圍繞而為說法復自見在於
會中如其像貌舍利弗摩訶迦旃延
分釋須菩提離越賢者子劫頻奴一
切諸大弟子眾皆悉見如在舍衛如
在羅閱祇如在忉利天於是大目捷
連復重思惟閻浮提復見迦維羅衛
大國尼拘類見佛從尼拘類園出入
迦維羅衛大國而行分衛復見比丘
形像如目連於是復見佛在維耶離
大國與大比丘眾俱至離垢月童子
家飲食目連復自見色像貌與大比
丘眾俱於是大目捷連見佛在波羅
柰大國從分衛還自見色像貌亦在
其中復思惟遍視閻浮提所在處皆
見有佛若樹下若巖石間及閻浮提

地上佛悉遍滿皆見佛比丘僧俱圍繞若干百千所在聚落皆悉遍見於是目連重復甚大疑怖更思惟已持天眼視鬱單曰見佛與比丘僧俱受食亦自見身在其中亦見餘弟子復視弟子遠亦見佛在大身衆人中而為說法於拘耶尼地亦復如是見佛世尊坐禪无央數千衆皆見為佛作礼諸弟子衆亦各各隨其色像貌而坐三昧三摩越亦自見身在其中於是目連倍復疑怖復坐思惟地上諸神於是復見佛與諸弟子衆亦復自見在其中及衆弟子如是虛空中諸神亦見佛在其中為虛空中諸无央數百千諸天而為說法亦自見身與衆弟子在其中如是第一四王天上炎天梵術天尼摩羅提天波羅尼蜜起耶拔致天乃至梵天遍視復見佛在梵天與无央數百千梵天圍遶而為說法亦自見身色像貌及一切衆會者皆悉如大目捷連神足變化在所作為皆悉亦自見在中為一切而說法皆如目連復變諸會者皆如舍

利弗比丘智慧光明於大眾中為師
弟子法

於是大目犍連驚怖衣毛為豎甚可
恠踊躍歡喜則生善心三反自稱譽
言乃余乃余諸佛世尊甚大可恠无
量尋行所作亦甚可恠大踊所成歡
喜踊躍五體投地讚歎言南無佛今
時聞大音聲響忉利天皆為震動於
是无央數百千天聚會俱到佛所白
佛言唯世尊何因緣有是大音聲感
動是地乃余所問如是如來佛言如
是天子大目犍連於佛大地踊躍自
歸五體投地感動使余佛言如是天
子是比较目連當自來問於是比丘目
連起住疾疾往到佛所前以頭面著
佛足遶佛三匝已住佛前叉十指為
佛作礼是時目連於佛前說偈言
持力不可稱佛為已遠得如佛之所行
世雄難思議垢垢已離三心意皆已調
天人之中尊一切所供養雖有百千日
滿於虛空由盲者无所見盲者不蒙光
十力放光明弟子因所見一切諸弟子

不能及佛明從胎盲无見弟子行亦不能知佛慧亦復不能持雖有信受是如來之法教於是无能知不及尊所行譬若如大海欲比牛跡水其德如須弥喻之於芥子如日之光明寧與螢火等佛世尊之德弟子不能及不可以須弥方之譬芥子日月之光明比之於螢火比之牛跡水不可以大海比之於弟子不可以菩薩譬若如盲人以比有目者若復有乞人以比遮迦越譬如月光明比之以星宿如佛世尊德弟子不能當在於人間行復現須弥頂所現譬如幻一切蒙福祐不知佛在彼我憶天下空不復得見佛及與比丘僧我於此宮舍常止坐其中為諸天姝女教誡說法事便自以天眼觀視閻浮利即見諸百國謂之无福地思惟是天下便即見世尊在於羅閱祇與弟子共食在萍沙王家處於大宮中與諸衆會俱眷屬而圍繞在於是見佛譬視冰山雪自見目連身住止在佛左又見舍利弗侍在佛之右并復及於餘一切諸弟子我自憶呼佛下在閻浮利還在忉利天佛故在其處

於是熟自視止在忉利天諦復自思惟
處在閻浮利又復見世尊在於舍衛國
坐於大眾中一切廣說法亦復自見身
在於大會中亦見舍利弗及與諸弟子
復現於釋種現行而分衛見在維耶離
而行受人食現住波羅柰行步而出入
諸有所在處皆自見其身現到鬱單曰
與諸弟子衆共行而分衛見到阿耨達
亦現在於彼與其弟子衆皆坐而共食
又復見世尊現至拘耶尼復在弗于逮
為無數拘利而為說其義皆自見目連
在彼作變化自現神足力示人本所行
於是諸地神見其所居處虛空諸神天
為之理法事皆悉具示之今觀无上法
在於四王天皆為說正法於炎天所見
亦復悉如是見在兜術天亦復見魔天
現於尼摩羅波耶尼蜜天悉見諸弟子
并及與世尊在於梵天上所見亦如是
為諸拘利梵皆為其說法於是自見身
遍在諸梵中一切餘弟子其衆皆如是
前諸過去佛所行皆如是經行及與樹
若龕及卧處於是皆悉見無數諸法王
其如是比類皆如釋師子我自在是間

所見甚可怪其所見法事雄特无過是
諸佛之世尊可怪放光明乃作是變化
神足中軍尊在於忉利天說法不往來
悉遍閻浮提處處皆悉見國邑與郡縣
乘落及餘處常等讚歎之為其而說法
如我之所覩為皆見世尊并見諸弟子
為皆得寂定大拘路拘路復及與離越
迦旃延分稱及與大迦葉我皆為已見
諸佛世尊跡无数所讚歎聞之若如海
於是悉自見其身皆在中无央數之德
其場聚如是如是大音聲為在須彌頂
以是礼世尊其德難思議恐怖求自歸
衣毛為之豎今願持五體頭面自歸礼
如是大音聲普周无不聞諸是三千界
皆為大震動在於須彌頂廣放大光明
我亦於是住皆悉而遍見我於是驚怖
疾疾到佛所時即便往詣前見人中尊
而問於是法恐懼心所怪皆施行何等
能作是變應何所是佛事惟願為說之
如是閻浮利天上亦如此於東西南北
四面俱皆是若在於梵天虛空亦復尔
我自呼有德施祐謂為益自恃得道時
神足為无比我求甚使疾焦燒道根本

違失如來行 遠離於佛慧 於是自思念
是心无解脫 本造當如是 發心求佛道
今悔无所益 於行爲了盡 諸情恙已斷
於佛法无益 譬如人入海 行採求衆寶
捨摩尼不取 而更求汚泥 自察如我智
并復及餘人 棄於世尊行 而反求弟子
若疑有懈怠 是行不得佛 精進發道意
合會諸善德 如是勤苦行 可得過三界
其能作是行 佛慧可疾得 惟願稽首礼
歸命諸世尊 其有逮得是 持寂尊佛慧
能現无極變 獨有釋師子 諸有見聞者
疑惑爲永除

尔時佛讚賢者大目犍連如汝境界
能視能見復次目連如諸佛世尊境
界不可思惟令一切人及蚘飛蠕動
皆得辟支佛都合會是智共消息不
能知不能見何況汝一弟子而欲計
量知是一處之所作尚不能知况佛
境界而欲得知耶如是目連復次當
來輩皆共聚會是輩聚會已共坐一
處視道變化如是如來等正覺變化
現道神足名為道變化神足變化無
極變化法言所說目連則言如是世

尊賢者大目捷連聞佛所說已自見
身在蓮華上放身光明而在梵天自
於其處所語四天下皆聞於是目連
說偈言

佛出於世間 甚為難得值 無數億百千
難計拘利劫 譬如優曇鉢 其華甚難值
如是佛難見 世尊過於是 譬之若尊王
飛行遶迦越 常而有神足 福德力亦尔
其子有千人 七寶皆悉具 往到於佛所
聽受上法言 梵天與帝釋 所欲得自在
若欲樂天上 復樂於人間 五樂以自娛
恣心歡喜樂 往到法王所 一切可得願
若能棄離 一切諸愛欲 到於泥洹寂
如服甘露味 其欲逮无極 得寂神足力
當詣世雄所 聽受上法言 若有辟支佛
及與諸弟子 於是兩足中 佛為最尊上
降伏於魔王 并及諸官属 當往到如來
見於法之主
於是大目捷連發起无央數那術億
百千天子欲界色界疾疾各以所有
天華天香天傳飭華天澤香皆持欲
往到佛所各持是華供養散於佛上
以頌面稽首礼佛足却住一面於是目

捷速以神足力聚會諸天衆共在一處已便往到佛所前以頭面著佛足皆却住一面佛亦時語目連言目連聽我所說道神足變化無極法言於是目連受教而聽復次目連三千大千剎土百億日月百億大海百億須弥山百億四天下是名三千大千世界為一佛剎於目連意云何呼一閻浮利謂我於是中得道目連莫作是視何以故目連於一切四天下隨其所願上中下而為說法知誰當得阿惟三佛誰在母腹中誰在兜術天誰復般泥洹皆悉知

復次目捷速於是三千大千剎土東方去是四天下万二千四天下其四天下世界名无塵有佛号字比羅耶摩提

晉言如鏡明无垢

今現在說法

復次目連彼四天下世界人民无婬怒癡常親近道法樂聽受奉行彼有求菩薩道者少求辟支佛道者求弟子行者甚衆多復次目連彼佛如鏡明无垢一一所說法九十九億人解弟子乘於彼不說沙門之四德不如

是聞說沙門之四德何等四德須陀洹斯陀舍阿那含阿羅漢復次目連彼世界人在一坐皆得六通之證逮八惟務禪皆自念知為脫於生死歡喜踊在虛空中去地七仞坐於虛空便般泥洹身中出火還自燒身亦无有骨亦不見灰都无所有如目連彼佛現在說法寂然度人寂然般泥洹彼世界无取无與若飢渴所念飲食皆自然在前衣被服饒譬如切利天上若起若滅若生不因母人胞胎生无有女人因福自然而生其地皆作黃金色復次目連彼佛如來國土人民壽五百歲有長有短於目連意云何能知彼佛如鏡明无垢如來不目連則言不知彼土如來則我身是我於彼間以法而教導如是目連如是比名為道神足无極變化也一切弟子辟支佛皆悉過其上

復次目連於是三千大千剎土南方去是万八千四天下世界名羅陀那三披

晉言寶華有世界

其世界有三

寶黃金白銀水精彼世界佛号羅陀

那捷頭

道神足經第三卷
晉言寶品

如來至真等正覺

今現在而說法

六目連復次彼佛

如來為辟

行者說法彼佛世界

少菩薩

二行者於彼剎没生於空

无佛處於彼處皆當得辟支佛於目連意云何知彼佛寶品如來无所著等正覺不目連言不知天中天佛言則我身是我於彼聞說法以教導人如是名為道神足无極之變化也一切弟子及辟支佛去佛甚遠

復次目連於是三千大千剎土西方去是四天下二万二千四天下其世界名羅陀那質多

晉言名寶意其

世界有七寶黃金白銀琉璃水精馬瑙赤真珠車渠是為七寶如是目連彼世界以寶為樹其經行處皆寶以寶為交露帳以寶為欄楯皆以雜寶而校莊之以寶為浴池中有八味之水食欲皆自然念便自然至譬如梵術天上諸天被服飲食彼土人民亦如是彼國土不聞母人亦不見母人亦无有母苦生者亦无男子母人合會者亦无姪洑於欲亦无姪洑於財

亦不煙洗於懈慢亦不從胞胎生彼世界一切人生皆從蓮華藏化生於彼目連復次寶意世界佛号寶等有如來无所著等正覺於彼說法彼佛如來不說餘事純以菩薩篋藏令一切發三善心今不可復計阿僧祇人皆得无所從生法忍復不可計阿僧祇人皆受決當為阿耨多羅三耶三菩彼佛世界无有弟子緣一覺行者皆悉菩薩亦无有思愛心亦不念滿彼四天下彼國如來壽八万四千歲其土人民壽亦如有長有短彼國人壽盡不墮三惡道不生邊地彼國菩薩若於是壽盡倍復生清淨刹土面見諸佛世尊於彼天若天龍捷沓起其心不念一等无異皆有薩芸若意諸天龍捷沓起雖有是名志願同一雖若干智等以无上智若諸天龍捷沓起若人常服於智如是於目連意云何彼寶等有如來現在說法汝知不目連言不及天中天佛言彼佛則我身是我於彼間以法而教導如是比名為道神足元極之變化也非

是羅漢辟支佛所能及知

復次目連於是三千大千剎土北方
去是四天下世界三万六千四天下
名无恐懼世界其世界有兩寶黃金
白銀彼佛世界无泥犁身无畜生身
无餓鬼不畏生邊地於彼无有虧戒
者於所見亦不毀亦不虧種姓亦不
於餘道及尼捷波起而有所信知彼
目連无恐懼四天下世界佛号无畏
與如來无所著等正覺於彼說法其
佛如來便往到佛樹下到佛樹下已
七十二億那術魔往到其所是諸魔
是時如來現如菩薩求道未逮薩芸
若是時魔便化作七十二億那術樹
是時菩薩亦化作七十二億那術菩
薩各坐一一所作樹下是時魔恐怖
而大驚恠自念言何所為審是菩薩
者欲於是座牽出之是時諸化菩薩
語魔化幻如汝諸魔衆一切諸法皆
亦如是云何言何所審是菩薩者而
欲牽出之我於是間禪念思惟如我
前後所作福常發阿耨多羅三耶三
菩心以勸人令發意求菩薩道汝云

何无勸助意反欲牽出菩薩禪定思惟若我所作惡事不勸人令求菩薩者自然滅去何須乃欲相牽耶以是故非汝所能牽莫於是而作自侵於是魔復問菩薩言汝作幾所福而發阿耨多羅三耶三菩心復能勸人令索菩薩道報言衆魔譬如恒邊沙一沙為一佛剎滿其中珍寶持是施與持是發道意其所作功德復過於是如是復次衆魔如恒邊沙等世界一切人皆滿其中施以所安恭敬承事至千劫中如是功德福祐持用求道魔復問言卿所作功德乃尔其有索菩薩棄處者其罪云何菩薩報言如所說尔所恒邊沙一切人若有索繫是人眼皆出之則作罪如是為多不魔報其多菩薩報魔言若牽菩薩者其罪甚倍多於是為牽阿耨多羅三耶三菩尔時魔衆七十二億那術以是方便見是變化皆發阿耨多羅三耶三菩心是時諸發意菩薩天華天香天不飭華天澤香皆舉持散菩薩上天上千種諸伎樂持用供養娛樂

菩薩如是音樂聲皆說如是疾疾令
三界之導師疾成阿耨多羅三耶三
菩阿惟三佛作是讚歎已便見菩薩
坐於樹下已得阿耨多羅三耶三菩
阿惟三佛於是更有異百千天子心
念如是諸魔衆今來到是不復入三
惡道亦當得脫便當為阿耨多羅三
耶三菩心於是无恐懼施言今得佛
是故名无恐懼如來何以故名為无
恐懼施无恐懼與審如是說是名時
諸世界皆聞知佛為得道佛言如是
目連彼世无恐懼施如來則我身是
我於彼世界以法而教導如是目連
如來名為道神足无極之變化也一
切弟子緣一覺所不能持

佛說道神足無極變化經卷第三

壬寅歲高麗國大藏都監奉

勅彫造

佛說道神足無極變化經卷第四

化

西晉安息三歲中法欽譯

復次目連於是三千大千剎土東南
方去是剎八万四千四天下國土名
三暢陀質

晉言遍等

其佛名質多拘

冲怛薩阿竭阿羅訶三耶三佛

晉言

白華如來無所著等正覺

現在說法

彼四天下世界盡甚好東西南北十
八街巷珍寶滿地柔軟譬如天衣地
生柔軟之草高四寸其地所有各各
異種衆色如是皆悉遍行步若下足
蹈地草皆柔軟可意足舉則生如故
其地皆平如掌目連是遍等世界皆
如此有城名毖陀鬱沉

晉言善尊其

城中人安隱豐饒熾盛大樂東西長
三十二俞旬南北廣十二俞旬如是
目連彼善尊城人皆共居其中其國
人民繁衆多於耆迦摩竭拘留諸人
民數如是目連其幻華如來世尊於
善尊城中遊行止頓其中一會說法
為師子吼令三十部術人皆得阿羅
漢復有三十部術人得阿那舍復有

三十那術人得斯陀舍復有三十那
術人得須陀洹復有三十那術人發
辟支佛行復倍不可計數發阿耨多
羅三耶三菩提心復異不可計數人
皆悉作功德目連是彼四天下世界
有樹名末頭三被

晉言此樹

譬如蜜

其華果實常有不乏其華果實味譬
如百味飲食彼若男子母人欲得一
華一果得以食之安隱飽滿七日不
飢不羸色貌不減身體康強輕便有
氣力食是已訖如服甘露亦无小便
亦不大行亦无涕唾彼无田殖殖者
無舉賈償債者其國中皆共食是華
果彼國初不知有貧富俱等无異彼
世界如來目連有九十六億那術百
千弟子衆其菩薩衆復倍於弟子有
園名三舅陀拘冲

晉言法國

有雜果

諸弟子衆食飲常在是園中坐其弟
子衆菩薩衆皆坐樹下若欲食時樹
自然動搖華果落墮皆在鉢中食飲
飽訖樹不動搖華果不墮還如本故
如是目連彼世界所有事物過倍於
是不可計目連彼世界如來則我身

是我於彼世界以法而教導如是目連名為如來道神足無極之變化也一切諸弟子緣一覺所不及知

復次日連於是三千大千剎土西南方去是四天下世界七万四天下世界其世界名比實毘填

晉言容受

有八万國王一一天下有八万城城外有八万聚落八万王所治處八万城八万四千小城二處城聚落處城小城拘利百千皆滿其中彼諸王皆奉行法非法之事皆悉除盡是諸王各有八万四千夫人嫫女亦時嫫女端正世之寡上一一諸王各有五万二千女皆端正於世寡上是諸王法无鞭杖亦无兵器是諸王各各自治在其國目連彼容受世界佛号波多羅陀邨賴比怛薩阿竭阿羅訶三耶三佛

晉言寶放光明如來无所著

等正覺現在說法彼如來目連得阿

耨多羅三耶三菩時於彼四天下踊在虛空中去地七刃結加趺坐一加趺坐放大光明彼時四天下世界皆

悉相見雨於天華諸音樂器不鼓自
鳴一一樂器出百千音聲地為六反
震動諸伎樂音譬如梵音聲不可計
百千所作功德所致轉於法輪一切
諸欲垢皆悉盡無餘泥洹持菩薩所
知為衆說法彼如來說法以是四天
下世界八万諸王及夫人姝女諸子
諸女見佛變化已乃皆發阿耨多羅
三耶三菩心彼國中一切人民男子
女人男兒女兒皆遠塵離垢諸法法
眼生是諸王及夫人姝女諸兒諸女
從佛求作沙門是時如來皆悉聽為
沙門為沙門已所在在所在處及
城郭縣邑聚落其所至到處皆步行
不乘車馬卧起飲食常於寺舍不復
田作種植皆食自然天人來下而悉
供養是時如來再會說法時一切諸
弟子行者皆得斯陀含菩薩行者皆
得歡喜忍三會說法時一切人皆得
阿那含菩薩行者皆逮得五通四會
說法時一切皆得阿羅漢菩薩行者
皆得不起法忍夫人姝女男女皆得
不起法忍今時夫人姝女及諸女皆

轉女人身患得男子不復見女像時
彼如來皆授決為阿耨多羅三耶三
菩於目連意云何乃知彼土寶放光
明如來无所著等正覺不目連言不
及天中天佛言則我身是名為如來
道神足無極之變化也是故目連一
切弟子緣一覺所不能及知也

復次目連於是三千大千刹土西北
方去是五万五千四天下世界其世
界名捷沓提

晉言香氣

世界純以

洿勒迦抄羅拏檀其拏檀大如一錢
者價當是世彼世界有樹三疊陀捷
陀

晉言其香普熏

彼世界一一樹

其香四百里其土皆生蓮華大如車
輪一華者有不可計百千葉无央數
色其華柔軟如天綖絰華生高二丈
華其香遍四天下香甚香彼世界四
天下梅檀為交露經行處亦皆梅檀
波曇華來在兩邊彼世界无城郭縣
邑聚落但有交露帳覆蓋其上其世
界人民食飲譬如第五尼曷羅天上
復次彼放香普熏世界佛号捷陀勿
賴比

晉言香氣放光明

如來無所著

等正覺現在說法彼如來世界純是
菩薩行无有弟子緣一覺行者其彼
世界四天下悉遍滿皆得神足其菩
薩皆得不可思議忍彼菩薩輩中有
菩薩名薩想曇无惟屈羅遊晉言一

切法無極積聚

得不可思議願事已

得三忍神通為達其所報答皆悉過
上供養甚多不可計諸佛復次目連
彼一切法无極積聚菩薩自念今欲
問佛儻肯說者而欲問之作是念已
便從坐起放身一一毛之光明照四
百里放身光明遍境界若干百千種
華无央數色色甚鮮好是華在於虛
空去地七尺心念欲持是供養應時
虛空中聞柔軟音樂之聲譬如天樂
是音樂聲皆出八種法印之聲一一
法印之聲出八万四千拘利經卷出
七万二千偈是時菩薩便踊在虛空
中結加趺坐會九十六拘利那術百
千人皆住阿惟越致地皆得无所從
生法忍當為阿耨多羅三耶三菩如
是像色貌菩薩目連滿彼世界一切
人无有盲者亦无瘡者亦无跛者亦

无韻者無貧者無醜惡者彼一切人
民皆是菩薩有三十二大人相其世
界无有他餘異雜行彼國中亦无飲
食者但以禪歡喜為飲食其國中无
有羗虜夷狄雜類之人亦无三惡道
亦无邊地亦不於彼間没而致他方
國土生若有没滅者便逮得如來佛
言如是目連彼世界如來則我身是
我於彼土以法而教導是名道神足
无極之變化也一切弟子緣一覺所
不能及知

復次目連於是三千大千刹土東北
去是四万二千四天下世界其世界

名榆末陀那

晉言應時

彼世界人民

婬欲甚多貪婬瞋恚愚癡慳貪肉憤
強額諸根習邪无信嫉妬犯惡多疑
弊惡急性嬾墮懈怠恚忘慙无所畏
有吾我人壽命无黠智譬如野禽畜
獸不知慙著无有礼節心意癡狂彼
世界醜惡面目無色无所省錄其處
土地但有汚泥及諸不淨生活勤苦衣
食不充恚鬪更相罵詈六月一雨一
歲再雨五穀不豐惡行所致其世界

地堅如鐵石炭獄不平譬如蒺藜蹈
傷人脚毒惡止上及地但生荆棘彼
世界所出水人民飲之濁惡鹹苦臭
穢不淨衣被皆用草蒿貧窮困厄更
相看視轉相作使彼世界國王急性
常喜瞋恚其中人民役使作務甚大
勤苦治生田作穀粟錢財王皆奪取
鞭杖暴瘡无不被殃如是目連其國
界中現世受殃甚劇乃尔如是比類
彼復倍過此其世界中人命盡皆墮
地獄餓鬼畜生三惡道中復次目連
彼四天下世界如來名振波迦論真
陀摩都迦樓晉言傷悲憐念如來無
所著等正覺而為說法彼佛如來目
連現十八大變化而為說法七百歲
說法竟七百歲无有一人解法者是
時世尊亦不厭倦說法如故常持大
悲而為解說如是目連彼佛世尊若
至聚落郡國縣邑若散居恒遊行无
一處所到其國人民罵詈輕易挽滅
唾言持怒作等其世尊恚忍誘恤養
護欲使度脫得至泥洹目連是時如
來於尔所歲中說法常養護之說法

時有八万四千那術人皆得阿羅漢
復八万四千那術人得阿那含復八
万四千那術人得斯陀含復八万四
千那術人得須陀洹諸大衆一日之
中皆除鬚髮作沙門悉受大戒是時
學者不學者於三月中前所諸惡從
佛受誨皆得離之一時俱般泥洹彼
佛恒常在復養護緣一覺及菩薩行
者其所作罪惡故而生彼國彼受苦
痛乃尔一時皆得畢離於是目連復
白佛言惟世尊是輩菩薩作何等罪
生於彼國土佛告目連菩薩有四事
法往生彼國何等為四一者倚菩薩
名而求供養不學菩薩事二者目連
於菩薩事不能行而懈怠雖見亦復
不能持三者目連菩薩見餘菩薩得
供養便妬嫉之言何以供養是斷截
他人功德而輕易之四者目連菩薩
不能護身口意以是故得是用是事
目連得生彼國佛言目連彼佛則我
身是我於彼國以法教導人名為如
來權道神足無極之變化也弟子緣
一覺所不能及知其如是目連如來

於是三千大千世界作佛事如是目連如汝輩不盡志現所以者何弟子不能及持以是故不能志現

復次目連於是三千大千世界百拘利四天下世界彼如來隨一切意而為說法復次有四天下世界如梵天形像被服而為說法彼世界如來不出家除鬚髮復次有如釋提桓因形體被服而為說法或如日天王形體被服而為說法或復如遮迦越王形體被服而為說法如是比目連於是三千大千世界中如一切人之所願而為說法如是比無央數復有異无央數不可計數佛刹土所為一切弟子緣一覺所不能及知譬如目連月宮殿日宮殿日月天各坐其殿亦復不出亦復不入坐照見天下如是目連佛世尊亦不徙是起亦不到彼坐志見不可計佛刹志皆示現隨一切人上中下之所願皆養護之而為說法是賢者大目捷連白佛言何所審是佛世尊者若忉利天若閻浮利若天宮若三千世界此彼四天下世界復

異世界說法乃尔所世界何所審是
佛者我曹當云何知無極大觀之議
大界之服云何得知目連所問如是
世尊佛告大目捷連言如汝所問能
受持不今為汝說之目連譬如幻師
化作人若男子若女人何所審是男
女者目連白佛言无有審是者何以
故是幻呪術力之所成於是无有持
佛語目連是幻誰之所化是幻能所
作耶目連白佛言可作世尊佛語目
連如是一切諸法如幻化而無持在
所作為如是目連幻師所化術力所
成化幻多有所作為是幻皆等无有
持如是目連如来以智慧一切諸刹
而等示現如是皆悉无持為一切所
作而常等如是為佛事以是故為大
无極達觀如是等所為之大報如目
連諸佛世尊皆一等无若干如是比
目連諸法常等住如諸法等住成道
亦尔法界而无持亦不若干目連汝
熟思惟如来於廣遠諦尋跡求佛能
化作恒邊沙如来三十二相一等无異
亦能令說法六十衆事所說同聲是諸

如來悉皆知一切人心之所行是諸如來皆悉知一切人當得解脫者如解脫印印六情根而為說法令稍稍得滿智是諸如來為一切現說法以一切聞之皆奉行等知諸苦皆盡是諸如來有三事變化說法為四面等說法是諸如來悉現諸佛事於目連意云何乃尔所諸佛何所審是寧持者如來幻幻如來何者為持目連白佛言於是中如來无有能得知持者何以故如怛薩无若怛薩所作而无增減於怛薩无若干作若色若像若報答若慧若神足若說法若脫一切人如是如來於是衆事不能若干說如是目連所作如是作如是見如化幻分諸法亦尔是故諸法无有持无若干如此目連化幻分知諸法亦尔凡人於此不能作若干乃况諸佛世尊何以故目連一切諸法習於空故念獸不用欲不欲若有若无即住其中能所作如所得於法界亦不起亦不滅目連如法界如來皆見皆知皆覺如是目連如今閻浮利地人滿其中

如來示現示現變化若作如來若作比丘僧其人展轉不自知為如來若比丘僧置是閻浮利中人目連滿是四天下若天若人及蛭蠃蠕動之類諸可所生者目連今所人皆住佛前乃今久遠前世是一切皆住於佛前皆現如來若比丘展轉不相知復置是四天下目連於是三千大千刹土中一切蛭蠃蠕動之類滿其中皆今得人身得人身已皆令一等如是目連得人身得人身已皆一種類皆現如來比丘僧展轉不相知目連復置是三千大千刹土人民如是目連東方恒邊沙刹土東方南方西方北方四維上方下方如是十方一切諸世界是為甚多不可計界都普一切皆令得作人身得作人身已如是人輩目連如來一種類一一皆使如如來皆復作比丘僧如是輩展轉復不能自知復置目連十方十恒邊沙佛刹中目連如如來今坐於是持佛眼視諸佛刹中持佛所知譬如數於百千劫說不能究竟如是不可計佛刹

於是間坐見乃余所佛刹如恒薩阿
竭慧譬喻所說令一切皆如辟支佛
索不能知不能數不能稱不能視辟
支佛常皆不能知何況弟子以是故
如來皆見知如是百如是千如是百
千如是拘利百千如是恒迦羅如是
頻毘如是阿壽如是阿僧祇如是不
可計數如是恒邊沙如是三千大千
不可計數國皆悉遍滿中如是目連
佛言如是數无所罣碍眼所見直一
而視而不睥睨視亦不延頸視持佛
眼一而視遍悉見十方不可計无央
數難思議无邊无际刹土中如是以
論佛刹土其中人民及蜎蜚蠕動之類
如是如是以一切薩怛薩之界多於
地土之分如是薩怛薩前世初未曾
有行皆令得人身已皆使作遮迦越
王一二遮迦越王各各坐有官屬一
遮迦越王者其官屬都盧皆如余所
遮迦越王展轉如是如是目連都盧
余所遮迦越王官屬為一遮迦越王
官屬如此數如是以皆為如來其
像色貌皆一種類如是因緣一切

皆住前一遮迦越王及其官屬在前皆各自見有如來諸比丘僧諸遮迦越王各自呼獨有如來謂其餘皆无各各皆悉各各自見一如來謂餘為无各各皆悉尔如是諸遮迦越王及其官屬身一一諸毛皆各一如來一如來皆各有比丘僧如是非是如來道神足无極之變化其間是者不敢微意言非是如來无極示現之變化也若有起念是真為如來无極示現變化之所為如是為不可計慧所為事目連如是於目連意云何如我令乃尔所人皆立之於遮迦越王處如是品福分如是品福分皆使得作遮迦越王七寶皆具如是福分寧多不目連白佛言甚多甚多天中天使一人得者其福无能計量乃尔所人不可計不可限其多安過之安佛言目連如是所說當受持熟思惟之如是諸薩怛薩作遮迦越王所福分如是福分甚多不如如來一毛之福出過是上无央數

於是目連白佛言如是為是如來之

德是為如來為大神足為大分為大能如是世界我悔无所及何以故於諸法神通達而自損目連復自佛言彼諸一切聞是如來道神足无極之大變化皆逮得大德其有聞已發一心念其中事欲求解脫欲學逮滿欲得是道神足无極之變化者為發阿耨多羅三耶三菩心世尊如此輩人當頭面礼之所以者何如是人得不久是輩終不復畏墮三惡道亦不復疑如是如是議亦不願天龍鬼神捷杳怨亦不願作梵天如是世尊目連於是聞道神足無極變化起住叉手發聲言南无佛世尊當為聞是輩人作礼令是人疾逮所願欲發者已發者皆令是輩人逮得无極如佛无極令心於是不復轉不猶豫不復疑信尔時諸天龍閼叉捷杳怨釋梵護持世者供養於佛以及於法言皆悉願樂是時百千種諸音樂器不鼓而自鳴天優鉢羅波曇拘文芬陀利華滿於忉利天上聞是法言品所說時七万二千那術諸天從本來作功德皆

發阿耨多羅三耶三菩心皆說是言
我曹於後當來世當在諸天及世間
人前作大師子吼如今日佛世尊師
子之吼

今時月天子月星天子前白佛言世
尊是族姓子族姓女於是法言品所
說若受若持若念若說於大衆中普
廣說之當得幾所福祐功德佛語天
子於是三寶若族姓子族姓女不斷
不忘求逮以於是法言若自持為他
人說何以故如天子聞是法亦不於
弟子心有所求亦不於辟支佛心有
所求心常在阿耨多羅三耶三菩何
以故持淨解脫天子得利諸根於是
法言為逮為起道起歡喜心於解脫
而不疑天子當持是法言而廣說之
不斷三寶而得住於是法言若持若
諷誦若為人說於天子意云何不斷
三寶而常住若有於是法若持若說
於天子云何不斷於三寶而住供養
於千佛衣被飲食牀卧具病瘦醫藥
所當得於百千劫中寧有能計是人
所得功德者不无有能知者世尊佛言

如是天子於是所說法言有智慧者知是福不可計无有限量若有於是法言若持於衆中說其福過是无能計者於是弥勒白佛言世尊是法言名為何等當云何持奉行佛語弥勒卿弥勒是法言名為於忉利天所說持一名為道神足无極變化持是属累以相寄卿弥勒當審諦持於大會中審諦具足說之弥勒如是像經於閻浮利天下甚難得聞如是弥勒如我所說佛說已皆歡喜月天子月星天子弥勒菩薩賢者大目捷連諸天龍閼叉捷陀羅阿須倫阿須倫民莫不樂聞歡喜前為佛作礼

佛說道神足無極變化經卷第四

癸卯歲高麗國大藏都監奉
勅周造

佛昇忉利天為母說法經卷上

化

西晉月氏三藏竺法護譯

聞如是一時佛遊於忉利天上晝度樹下无垢白石愍哀其母度脫之故正夏三月與大比丘衆俱比丘八千皆阿羅漢諸漏已盡得大神足威曜無極生死悉斷无復塵垢棄捐重擔所作已辦逮得已利心即從計致平等忍心已得解度於智慧普則正土於世福地多所祐安唯除一人賢者阿難菩薩七万二千人一切大聖神通已達逮得摠持辯才无碍各從他方異佛世界皆來集會尔時世尊與无央數百千之衆眷屬圍遶而為說經時於衆會有二天子名曰月氏月上月氏天子即從坐起更整衣服偏袒右肩叉手長跪而白佛言吾欲諮問如來至真等正覺假使聽者乃敢自陳佛告天子欲問如來何所義乎月氏天子以偈頌曰

其於衆生類興發愍哀心逮求于佛道志无垢甘露自傷已身行及慈哀群黎

余以斯等故諮問釋師子於億劫積行
悉能忍勤苦一切而布施志寂然无念
等心於群生療化已平均我問此勝義
導利梨底者假使見正道妙相自在嚴
无垢三十二英特之福田逮斯功德者
奉敬乎巨海今予問大聖欲了斯義歸
假使无異心则无有别念常志求妙慧
人中巍巍尊而无聲聞意不慕緣覺事
今余問此義堅固无過者有利若无利
等心於毀譽有名若无名苦樂不以移
雖處於俗法則不以動轉今我問此義
遠離恐懼者以愛己身事等念於梨底
未曾有若干咸化于三處而以修慈心
有諂无厭穢今余問此義賢將持土地
心恒行精勤布施戒離邪其身逮寂然
戒品不永滅身口意常正將御順擁護
今問寂勝義處垢而无塵其忍辱調柔
達已如遵修能修任苦患憤擄放逸衆
遊救於一切而不生瞋恚因此故問義
欲决諸狐疑各常力精進恭順不違義
悉愍傷世間不為己身施行道无厭足
如海受衆流是故問寂勝其德如大海
雖存於三處不退從諸想以賢聖之慧

伏除諸垢塵承禪定妙通神足自娛樂
今故問此義昔往開化衆智慧度彼岸
聖達无有際棄捐衆思想出家除根株
憺怕得自在曉了斯法慧是故今啓問
无極大聖人所分別神足解了隨順行
遊億娑佛土无有國土想供養億娑佛
无有諸佛想是故問此義觀者普受欣
其離欲塵魔忽化陰身魔棄捨於死魔
降伏諸天魔蠲除一切魔則達成佛道
是故問斯義永棄於衆冥乃震動天地
樹木及山巖覺了成佛道无量寂勝慧
假使已一心習於寂定明是故問此義
諮啓如斯像曉了一切慧威耀甚巍巍
設住於佛教善建立法行導利于衆聖
靡所不開化今故問斯義濟遊三處者
月氏天子又問世尊唯然大聖何謂
菩薩得大聖通殊特之行度於彼岸
何謂菩薩至不可思議善權方便徧
勸助慧何謂菩薩一切諸法以為一
議入於一味所趣同均入於一慧平
等之說何謂菩薩奉深禁戒行无放
逸逮成无上正真之道為取正覺
佛言善哉善哉月氏天子多所哀念

多所安隱愍傷諸天及十方人乃能
發意啓問如來如此之義諸菩薩行
佛道正真慧被大鎧者建立大乘度
大欲御大船轉大法輪施无極法恢
弘慧典欲放大雨欲演普光慕擊大
鼓志大雷震樂立巨幢願吹大珂執
大法英攬大法典演无極明欲照世
間務令大乘永存不斷願大祀祠究
竟足滿以此比類无極之德愍傷群
庶故問如來諦聽諦聽善思念之吾
當為汝分別說之如諸菩薩大士之
行致大聖通具足深戒至於無上正
真之道為寂正覺唯然世尊願樂欲
聞月氏天子與諸大衆受教而聽佛
告天子菩薩有四法行得大聖通殊
特之行度於彼岸何謂為四菩薩大
士曉了諸法而應真諦於一切法無
所倚著等念諸法而无有盡逮于聖
慧而造明證遊一切法親近衆典雖
在諸法无有脫者不見異法何謂諸
法而應真諦如過去空當來現在亦
自然空天子欲以曉了是空平等三
世空无所想彼諸有慧分別處所建

立開化解暢道品便通正業達其義
理是謂曉了而應真諦何謂於一切
法无所倚著一切諸法住於我所現
有所住於我非我則謂菩薩曉了諸
法而无吾我不依倚身是則名曰無
所倚著假使菩薩於斯諸法身无所
著无所著已不住異法其於諸法不
生不住亦能於彼無所倚著已无所
倚供養諸法則於諸法而无所倚二
何謂菩薩曉了一切猶如虛空其三
界者心之所為不計斯心无有色像
亦不可觀无有處所无有教令猶如
幻化因其心本而求諸法則不可得
若以於心不求于心則無所獲心不
可逮以不得心一切諸法亦不可得
諸法則无有法无形類想亦无有影
而无所有及與實諦亦无所觀無所
觀者於一切法心无所入知一切法
无所成就亦无所生譬如虛空猶如
天子欲察虛空永無有生无所成就
了一切法亦復如是猶如虛空名曰
虛無彼則憺怕一切諸法亦復如是
但假字耳彼則寂寞三何謂菩薩於

一切法而親近典也菩薩大士觀察
思惟一切諸法於斯无知亦无所見
眼不知耳亦无所見耳不知眼亦無
所見鼻不知舌亦无所見舌不知鼻
亦无所見身不知意亦无所見意不
知身亦無所見一切諸法雖有癡騃
快眇凶暴見於法界慧常平等所行
具足其六情界有所照來則有所在
計於本者无有內法教於外者彼无
外法教內法者所見如是觀若斯者
則无有法无有起者亦无有法有所
作為若有住者觀無所見佛語天子
是為法界法无所起亦无所滅而亦
不住則无所有假使有念諸法不住
不生不起無有處所如是觀者真諦
慧備无有諸法及與法界不見解脫
斯一切法親近諸典是為四法菩薩
大士得大聖通殊特之行度於彼岸
四何謂聖通所去通者於一切法不
信他慧而有諮受所以言慧於一切
法不造二事所謂无二彼则无名法
不可知設使天子具足斯慧其菩薩
者速逮聖通以成就願具足所曉菩

薩曉了如是慧者則淨道眼超天世人便觀十方無量无限億百千姦諸佛國土佛天中天所有聖衆悉聞諸佛所說經法彼佛國土群萌之類其心所念善惡好醜悉識知之人民伴黨行來如是逮及若斯自知往古所周旋處以慧明證解已本際他人衆生始無所由所居止處悉證明之從緣說是佛告天子菩薩大士雖未得至一切通慧聖明之智巍巍如是為諸衆生興立佛事速疾具足一切佛法逮得无上正真之道為最正覺於是世尊即說頌曰

以善權慧方便道明則具足成於大聖通而常遵修深妙禁戒尋用一義解一切法分別真諦一切經典其明目者无所倚著常觀諸法猶若虛無以有所察宣揚悉空習近諸法彼假号法不見諸法有解脫者其不見者靡所不觀已得聖通所見若斯假使過去法已空者當來諸法亦如是空分別現在則亦若茲是乃謂為真諦之見一切諸法三界常空斯明知者无念不念已无有應應不應者其无所畏為觀真諦

若慧如是無著方便講說經法无有法想
意无所念则无所著无所著者則不動搖
一切諸法自然而興其自然者本淨无我
曉了諸法而无吾我尔乃不起无他異法
其不生者不有不來察計於彼则无所倚
而反講說諸法處所雖演佛道不念有我
一切三界心之所由彼心則亦不可常觀
无色无人猶如幻化當以斯法務求於心
彼以此法求於心已則知无心亦无心法
假使已心求心處所則便不觀心之本淨
已於諸法无所著者雖在梨庭不隨衆想
一切諸法无意无成常分別知猶如虚空
如觀虚空不生不有分別諸法亦復如是
假号虚空諦无有實說有言辭彼法虚空
其眼未曾觀見於耳其耳亦不觀見於眼
舌不屬鼻鼻不屬舌斯等展轉而不相見
其身未曾察見於意意亦不察身之形類
各各如是不能相知以是之故斯常憺怕
計著衆惡諛諂癡騃諸法之界常等均平
其內事者不知於外若外事者亦不知內
以是之故曉法所趣成就智慧常不可限
觀見十方億姪諸佛及諸聲聞无有罪疊
又彼諸佛所說經典无量聖達清淨之義

悉得逮聞所演美辭則能受持普修平等
便能了知衆生心念具足飛到億萬佛土
識念往古無數世事億百千劫如恒河沙
逮成於此妙五聖通則得親近安住之慧
彼以佛故有所顯發无放逸道興造利義
假使聞斯如是空法生欣踊心樂微妙樂
魔不能得彼之瑕短則能疾成覺了上道
佛告天子菩薩大士有四事法至不
可議善權方便何謂為四菩薩曉了
往返度流之法猶如已身若干種痛
苦毒之患觀所遊起亦欲蠲除他人
之苦修行精進勸諸衆生趣於聖路
令一切法留存道心為諸群衆積累
德品三世亦然而已勸助一切諸佛
集三世行勸助德品所作善本加施
衆生放捨弘施有所開化亦不生心
其不勸進一切智者心不離脫亦不
見道心不離道道不離心如道之相
身相若斯以慧平等於心於道亦無
所倚順權方便長益德本不見法界
有所增益彼於諸法无所思議積功
累德未曾厭倦不以心業求曉了心
彼若布施則無妄想奉修禁戒亦無

所失遵行忍辱亦无所住所行精進
亦无憊怕一心禪定无所依倚奉
行智慧亦无所習勸化衆生亦无所
著以愍哀故嚴淨佛土求於聖達無
所起慕講說經法亦无所入如是天
子菩薩所行所造德本雖為薄少善
權方便不可限量乃至大道何謂菩
薩所造德本雖為薄少善權方便得
至无量乃致大道菩薩大士於一切
法念發无量觀察諸法無有計限得
邊際者所以者何天子欲知一切諸
法則空无想亦无有願其以空者則
亦無量假使暢達无量心者講法雖
少善權方便廣大無際所以者何佛
道无量勸心无限至無際法則為諸
佛世尊之道復次天子菩薩大士善
權方便勸勉衆生令入正行憂群萌
類所樂法者而勸立之若施有所救
濟為說經法復次天子菩薩大士不
以布施而為審諦言是我所持戒忍
辱精進一心智慧亦復如是不名我
所又有所施若持戒者亦无所念常
順禁戒具足忍辱見人所作是非悉

忍奉行精進修清白行一心禪思曉
了方便觀察智慧復次天子菩薩大
士分別曉了善權方便與聲聞俱而
開化之不樂所行所修堅固與緣覺
俱不樂所行堅固其志是為四法菩
薩大士致不可議善權方便於是世
尊即說頌曰

曉了於二事 已身及他人 當除吾苦患
療盡衆惱熱 愍念於衆生 勸使在道心
思惟一切法 演令入一義 一切群生慶
合集於三世 普於諸佛德 悉當勸化之
而悉曉了斯 皆以施衆生 真心而惠施
猶以佛慧故 一切所發心 悉勸助佛道
不失於道心 見諸法悉脫 察心及於道
不見有二事 其相有所存 了心相同等
法等故平等 不一无所有 明知權方便
長益清白法 其種無為益 法界不可議
志求於佛道 常以不厭倦 不以心念心
吾長清白議 不忘失道心 所作而勸助
布施不望報 護戒无所念 常修行忍辱
不立計有人 恒奉行精進 身口心寂然
禪定无所倚 智慧度无極 開化解衆生
不處於顛倒 嚴淨諸佛土 志性无剛強

常志于佛道於法無所捨豁受一切典故慧不可議為衆生說法不著於文字造行如是者速成佛元難心不想於空不慢无所念無想无所願不可稱限量知群衆所行隨之因開化自在而布施說法給所乏

有施衆生不言我獲不高於戒不忽忍辱不慢精進不著禪定而於智慧無所吝惜常喜布施講論衆戒遵修謙下恒行勇猛雖奉禪思永無所著興發智慧而以布施在於緣覺聲聞之中菩薩大士遊於此黨假使處中有所造業明眼達士不樂彼行以能建立如斯法者是則名曰菩薩之行曉了善權不可思議所為惠施至無限量佛告天子菩薩有四事法一切諸法以為一議入於一味所趣同等入於一慧平等之說何謂為四菩薩大士曉了法界无所破壞解諸法空而普遊至於諸法議無所同像平等吾我及於他人曉了諸法悉為憺怕是為

四曉了是慧所觀若此於世俗法及度世法靡不通達不造二觀若罪若福有尋無尋若聞不聞有為無為於此諸法不造不觀不見諸法有所受者无凡夫法無羅漢法无若干觀其凡夫法不為清淨也不察羅漢法獨解明不舉不下分別一議趣憺怕門演暢講說散一切法而於諸法不見散壞修行一忍永無有二以入一議普入諸法所謂入者无所從生是為天子菩薩大士得近無上正真之道成軍正覺亦不念言我近若遠所以者何不處一議見異群黎亦觀觀人與道別異又思惟之人不可得尔乃是道於是世尊即說頌曰

而於法界 無所破壞 又彼法界 无能散者 計如法界 諸人若斯 但假有字 無有若干 了諸法空 則致響忍 其內若外 有為無為 觀察斯法 悉無所有 分別一議 皆知為空 諸所現法 無所同像 不著已身 及與他人 若不計念 有吾我人 其行未曾 有若干想

修於寂然 志在憺怕 普觀一切
諸法所存 於一切法 靖默无念
遊于憺怕 而無所著 講說現在
及度世事 彼則不興 造盡滅盡
若福若罪 若聞不聞 不念於法
不取音聲 不在有為 亦不無為
常等一觀 不喜二事 不觀諸法
有所受者 不得凡夫 及阿羅漢
不說凡夫 癡穢不淨 此則名曰
阿羅漢法 亦无所舉 不有所下
分別一議 而志寂然 曉了諸法
皆無所壞 亦不毀散 一切法界
不謂忍別 與空異耶 普知諸法
一切志空 不著於空 無倚了忍
以入一議 志了一切 此無所起
其本清淨 如是行者 疾成佛道
速得親近 无量正覺 不計有身
不念道心 一切諸法 吾我及彼
志無所著 得平等覺
佛告天子菩薩有四事法奉深禁戒
行無放逸何謂為四菩薩大士而自
念言何謂禁戒則順觀察思惟其議
若身行善口言至誠心念柔順是為

禁戒又復念言何謂身善何謂言誠
何謂心柔不犯身事而不然生盜竊
姪姪是身行善口不說非妄語兩舌
惡口謔言是口言誠心不念非念餘
瞋恚邪見之事是心念柔彼諦觀察
而自念言假使不犯身口心者不可
分別其處所在青黃赤白紫紅之色
計於眼者不分別識耳鼻口心亦復
如是不分別識所以者何彼亦不生
亦无生者亦无起者亦無不起設不
有生无所生者亦不有起無所起者
則不堪任分別識法又更念言今時
察之則无所有亦無有戒則无所行
已無所行則不可知已不可知不當
於彼有所倚著造此行已則無所見
當今之時不見有戒已不見戒勸彼
戒者亦无所見是為天子菩薩大士
奉深禁戒復次天子若有菩薩曉不
貪身不處見身亦不覩見修於持戒
亦不犯禁亦無所著復次天子菩薩
大士入深法藏在所護禁威儀礼節
行步進止安詳順教是曰為戒不自
見已之所興行不見他人之過咎是

故名曰深妙之戒。復次天子菩薩不犯於戒，亦不毀戒，又不弄戒。其反已者，則以反戒。若不反已，則不反戒。以不反戒，則无所犯已。不犯戒，則不弄戒。便无所度。所以不弄不度戒者，了一切法，悉度脫。故以度脫者，則无有我。亦不無我。既无有人，何所度者？是為四。於是世尊即說頌曰：

其身清淨，言無誤失，心念鮮明，行無瑕穢，而常自護，謹慎於行。彼菩薩者，乃謂奉戒，將順奉行於斯十善。聰明菩薩，若能護此，則身口意，無所犯負。斯能名曰奉明達戒。其無所造，不起無生。彼無形色，無有處所。已無像貌，則無所住。便不可得，何所歸趣。戒不有造，常如無為。則不可以眼觀察之。耳無所聞，無鼻无舌。身不可別，及心所念。設不分別於六根者，則達諸趣。无所依倚。設如是觀，乃清淨戒。未曾違戒。有所立處。彼無有成。無意无正。護於禁戒。无吾我想。將養於禁。

亦無戒想

修深要戒

志得自在

以能分別

所見身者

即不墮落

六十二疑

其無所見

不覩處所

雖奉禁戒

不自憍恣

則能順入

深妙法藏

所行禮節

為不妄想

善修安詳

將順謹慎

其禁戒者

无有異著

不倚吾我

亦不依戒

已无吾我

則无禁戒

不念已身

及與禁戒

如是乃謂

為法器耳

无吾我者

不依倚戒

不計身者

不想念法

無身見者

无有戒心

不犯戒者

无有脫禁

亦不建立

於禁戒中

不計有身

則无戒想

深妙之戒

謂無所犯

假使勇猛

奉戒如是

彼則未曾

有所毀犯

如是戒者

聖賢所歎

於一切法

而無所著

愚騷之夫

住吾我想

將護禁戒

言我畏慎

則失戒寶

永无有餘

便不度脫

三界之患

假使有人

除諸見網

則不見彼

違失禁戒

其人心計

無有吾我

順奉禁戒

不墮疑見

便不恐懼

墮於愚趣

若使分別

禁戒如是

則不覩見 犯禁戒者 不察吾我
不見三世 况當觀察 犯戒毀禁
月氏天子白佛言得未曾有夫中天
諸佛世尊道法微妙无上正真甚深
難及菩薩所作第一巍巍乃能奉修
如此之法而无所住亦无所修除去
一切諸所妄想離吾我念行無數劫
而不墮落聲聞緣覺而不中道違失
道意具足佛法入不歛漏云何菩薩
奉行何法修微妙典於真本際而不
取證世尊告曰天子聽之菩薩有四
事行深妙法於真本際而不取證何
謂為四菩薩大士堅固志願建立要
行具一切智奉修精進而不怯弱不住
立者不捨衆生於大哀不斷教善權
方便勸衆德本是為四行深妙法於真
本際而不取證於是世尊即說頌曰
其明智者 志願堅強 未曾違失
往古所曉 為一切智 精修慇懃
終不處於 興廢異乘 奉行精進
常无放逸 敢所遵修 心不怯弱
亦不捐捨 一切衆生 而普等心
群萌之類 常加愍哀 普世群衆

能忍勤苦 意不轉移 志不欲令
道教斷絕 猶如有人 積無數寶
而善覺了 善權方便 勸一切德
行无厭足 遊趣軍要 懷於愍哀
不於中間 滅盡諸漏 其有稟授
於此經典 其菩薩者 名曰勇猛
而常奉修 深妙之法 彼則未曾
倚著本際

月氏天子復白佛言何謂菩薩奉行
深要佛告天子於是菩薩未曾破壞
凡夫之法而普成就於佛道議亦不
謗毀凡夫之法亦不覩見佛法長益
亦不遠離於凡夫法亦不求慕欲得
佛道不興斯行凡夫法異佛道異乎
亦不念言凡夫之法瑕穢卑賤佛之
道法為微妙乎不作斯行凡夫之法
則為斯漏佛之道法无穿漏乎又復
念言凡夫之法及與佛法二者俱法
虚无寂寞但假号耳思想致穢凡夫
之法亦無成就諸佛之法亦无具足
凡夫之法而無有實亦无自然諸佛
之法悉无有實亦無自然若欲理者
凡夫之法而无所知亦不無知不生

無生若觀察者推其本末若以空慧
無相之慧无願之慧智慧明省是為
佛法不可別知佛法所處觀此本末
彼恚則空空不見空亦无所知亦無
所觀恚為本淨无明故起是以天子
法者无法諸法自然住立諸法憺怕
其憺怕法則無有二其无二者则无
凡夫亦無聲聞亦无緣覺平等佛道
亦無所教深妙之行為菩薩行菩薩
深修分別正教无有一法非佛法也
所以者何其言法者習俗為法无習
俗言有所言者則無所得其无所得
则无所興以無所興则无形教一切
諸法恚无形像假使諸法無有限數
不離佛法是故天子當作斯觀一切
諸法恚為佛法無有想行其念想行
尋即興廢二事之識是等之類以識
為行佛法无漏亦復於彼而不想求
於彼生起聲聞之行其解了者法界
无塵亦無寂然假使於法而不受法
則无有法其塵勞法及寂然法豈可
獲到塵勞寂然乎欲作斯求終不可
得如是天子假使菩薩曉了如是則

為名曰深妙之行其於諸法及與佛法无所見者以无所見則為離見其所見者為無所見假使菩薩如是觀者魔及官属不能得便莫能勝也

佛昇忉利天為母說法經卷上

癸卯歲高麗國大藏都監奉

勅彫造

佛昇忉利天為母說法經卷中

化

西晉月氏三藏竺法護譯

月氏天子便白佛言唯然世尊至未曾有菩薩大士所行難及如是像類觀察諸法志於所趣終始沒生坐起語言亦無想念念佛言譬如天子幻師所化來往周旋坐起經行而出言教彼无想念如是天子其有曉了諸法如幻普現五趣不有所生彼则无想其菩薩者不念於生亦無所起用本願故有所建立現有所生天子復問如尊所教而言菩薩不念所生亦不往生云何大聖如來至真愍哀垂念所生之親上忉利天一時三月如來不為從王后摩耶而由生乎佛告天子菩薩不從王后摩耶所生常應如法天子又問如來至真云何生乎佛言天子如來則從智慧度无極生設人觀察推其本末過去當來現在諸佛誰為母者則當了之智慧度无極是其母也所以者何天子其三十二大人相非從摩耶而所生學大智慧

真諦之誼乃能致此自然成就如來
之身其十力者不從王后摩耶而生
本時奉行智度无極得十種力四無
所畏十八不共諸佛之法亦復不從
王后摩耶而生大慈大悲无見頂及
不虛見佛眼佛慧佛之辯才知人心
念所從來生神足善權如是比類不
可限量皆因智慧所度无極所以如
來名曰為佛斯諸功德悉為不從王
后摩耶而生天子當知悉從大智度
无極行學此道品如來因斯致如是
像无量佛法如來弘德緣是之故名
曰如來是故天子當作斯觀如來則
從智慧度无極生不因王后摩耶所
生天子又問唯然世尊智度无極法
無有母亦无所生亦无所滅云何世
尊智度无極而生如來佛言天子因
其法故号曰如來其彼法者則无有
生亦無有終不生不滅其无有生无
終沒者不起不滅斯无色法則為智
度无極所生以故名曰智度无極生
於如來其所生者都无所生亦不終
沒亦无所起佛言天子其不生不沒

不起不滅是則名曰智度無極之處
所也智度無極者如有所生如有所
行而智度無極者未曾有生亦无所
行天子又問唯然世尊智慧有想有
分別而依智慧如有所生如有所行
佛言天子智慧无想亦无分別假使
智慧而有所想有分別者則為不行
智慧之事所以者何有所想念有所
見者則不應行也設於智慧无所思
想無所分別彼能名曰奉行智慧又
問世尊何謂依行答曰天子其依行
者无所言取何所依乎佛語天子无
言取者則以放捨三界所生其取言
者則便不離三界所生是故天子演
此教耳其无言取何所依行而生三
界令有所依天子又問云何世尊為
諸聲聞講說經法度三界乎佛告天
子吾為聲聞欲界因緣而說經法又
如來身不得欲界於色无色界為諸
聲聞而演經典如來不得色无色界
之所處亦无所度而聲聞衆度於欲
界佛亦不得色无色界而聲聞衆超
度過出色无色界又復天子不得三

界不倚三界計於空无柔順之法不
順欲界於三界中而无所慕生於三
界亦无所生不知所趣天子欲知何
謂度者賢聖之教但假言耳推於正
義无有度者无往無反所以者何觀
一切法無有度者譬如虚空究竟
自然无有生者亦无所著无有作者
亦无所有亦無不有觀一切法亦當
如斯於是世尊說是語時彼諸天衆
七万二千天遠塵離垢諸法眼生
万六千天子宿殖德本悉發无上正
真道意千菩薩德本普具得不起法
忍佛之威神令其械上自然有華自
昔未有各取此華供養如来應時彼
華普悉遍布初利天上

今時天帝前白佛言吾未曾見如此
華華族姓子等奉如来者月氏天子
報天帝釋拘翼且聽今所散華如来
上者衆人未曾見斯聖尊所以者何
所因心見如来者彼心忽然已過去
滅而不可見是故拘翼有所見者一
切諸法皆為本空本所不見拘翼又
問天子今為見如来乎答曰見矣拘

翼察之假使如來有色有為乃當見耳設使如來有痛痒思想生死識者吾當見之如來无色痛想行識亦无合會亦无所有五陰法想則无有想不可色觀又復向者拘翼所云若見如來乎如令如來見於我身吾觀如來亦復如是又問天子云何如來見尔身乎天子荅曰如來在前便可啓問時天帝釋前白佛言云何世尊見於天子世尊告曰不以色見不以痛痒思想生死識見不見過去當來現在亦不以見凡夫之法亦復不離凡夫之法不見所學及與不學亦不學成究竟諸法不見羅漢法不見聲聞亦不以見緣覺之地无緣覺地佛之所見為如此也其作斯觀則為正觀其正觀者則无所見其无所見則平等觀不為邪觀拘翼欲知如來所觀如斯無異如是觀者普見一切名曰一切審觀是故如來名曰為佛如來所興不壞法界於意云何如來所見如是法者為見何等荅曰世尊如是如來不見名号亦无有色於此所察

則无法數无所興造又復問曰唯然
世尊如佛所見月氏天子見如是乎
荅曰拘翼其有逮得起法忍菩薩
行者於諸法界隨順住者法不見法
則无所有為自然法又問世尊月氏
天子得法忍乎佛告拘翼汝以自問
月氏天子當為發遣於是天帝問月
氏曰仁者為得起法忍乎天子荅
曰於拘翼意无所從生有發起乎荅
曰不也報曰設無從生不有發起云
何逮得起法忍一切法界悉无所
起此之謂也其法界者不起不滅亦
无所得時天帝釋心自念言如今天
子有所講說以為逮得起法忍以
為親近无上正真之道月氏天子即
知帝釋心之所念報天帝曰拘翼欲
得法忍者不為親近无上正真道其
不有起法忍乃能親近无上正真之
道又問天子何故說此荅曰有所得
者則墮顛倒亦无所得其道心者无
有成覺不起忍者是曰无所從生其
无所起乃成正覺又問天子道當何
求荅曰拘翼其道心者當於已身自

然求之又問其已身自然之者當於何求答曰其法不生亦无生者亦无所生當於彼求當造斯求求如求意不求名稱而无所求則无所求則無所住時天帝釋前白佛言至未曾有天中之天月氏天子深入智慧魏魏難限於何終沒而來生此於斯沒已當於何生月氏天子答天帝曰假使幻士有所變化為男為女為於何沒而來生此於是沒已當復所趣答曰化者无所至趣又其化者無有沒生所以者何化者無想答曰拘翼設使无想云何如是斯幻化人往至于彼沒來生斯於此沒已當生某處設有斯念則非明智人所嗤笑答曰如是天子誠如所云今者拘翼所發問者亦復如是一切諸法悉為如幻而問如來今此天子於何所沒而來生此沒斯何趣於意云何如幻所化寧有去來豈可得見沒所生乎答曰不也所因化者欲有所興有所造乎答曰无有所作報曰如是其曉了一切諸法皆如幻化則能示現去來沒生彼雖

現此亦无想念亦无所作於意云何其於夢中觀色若聞聲者鼻所嗅香口所嗜味身遭細滑心所識法寧可謂之實有所有答曰不也天子報曰如是拘翼其有曉了諸法如夢如自然者有所見聞心於諸法无所染汙亦不離塵亦无所求亦不憂戚如所聞法悉分別之為他人說於諸言聲亦无所著時天帝釋前白佛言唯然世尊月氏天子不得所生不沒不生當以何義開化衆生群衆有生而有終沒於聲聞之地不生不沒不生不沒非菩薩地云何菩薩之行當在生死遊无央數億百千劫

佛告天帝其有菩薩速得成就不起法忍不念於生亦无終沒猶如羅漢滅度已來積於百年所以者何觀察菩薩亦復如是菩薩者无吾我想无他人想菩薩所行又復過彼不念於生無終沒想無有吾我他人之想皆悉滅度一切諸法无有本末假使不了於是法者则无所覺大悲菩薩設无數劫億百千劫遊於終始不以懈

倦譬如男子於四微道燒大屋宅無所復慕行大慈者亦復如是不惜身命在於五樂棄捐之去於所樂欲如遠大火在於火中悉能忍之其身不燒於意云何其所作為難不乎若曰甚難天中之天佛言拘翼菩薩所行復過於此度脫一切諸欲塵垢而現於生教化群黎是故當觀菩薩大士超越一切聲聞緣覺遠得無上正真之道為最正覺

今時佛告天帝向者仁問於何所沒而得生此聽佛所說東方去斯九十二億百千佛土而有世界名曰積寶其國有无央數衆寶樹木枝葉華實各各別異經行遊觀棚閣講堂悉用七寶彼國土地悉紺琉璃以無央數百千衆寶合成積寶世界佛号寶場威神超王如來至真等正覺現在說法其佛國土元有二衆聲聞緣覺之所教業純諸菩薩具足如昔周滿佛土其佛說法一會時三十六億菩薩遠得不起法忍衆適得忍尋則躡身在於虛空四丈九尺動於三千大千

世界則无央數七寶百千蓮華自然布地无不周接即從虛空詣他佛土奉覲異國如來正覺稽首歸命諮問經法聽所說誼其佛興來以十二劫晝夜各三講說經法以故拘翼當作斯觀其佛之界諸菩薩衆不可計億無有損耗衆寶積聚佛之國土无異聚名無有山林谿谷諸洲无談語者无有衆患羅漢緣覺无食飲者所以者何斯諸菩薩昔以樂法悅豫為食今此天子從積寶世界沒來詣此處初利天故來見佛稽首歸命諮問經典為无数人演斯經法廣解其誼又復欲令諸餘菩薩具足興發於斯法忍佛言天帝月氏天子佛欲釋命當護正法受持奉行如來滅度之後寂於末世法欲盡時當住此閻浮提於彼世時當授人民如是比像深妙之法優與无量精進將養化不可計億百千人住斯法忍法沒盡後人闍終沒生兜術天弥勒菩薩所啓受於此諸佛世尊微妙之道化於无量百千天子立無從生或發无上正真道意

彌勒菩薩成正覺時住閻浮提十歲
供養彌勒如來及諸弟子為二万人
俱捨家之地離家為道行作沙門啓
受經法盡其形壽常持正法佛滅度
後而以此法將濟群生急當復值於
斯賢劫千佛興者次第供養九百九
十六佛世尊急於大聖淨修梵行過
七十五江河沙劫尋得无上正真之
道為軍正覺号曰日曜如來至真等
正覺其佛土名一切具足

於是月上天子謂月氏曰於斯世尊
授仁者決當成无上正真之道而今
如來獨為歡豫偏見愍念而授決乎
月氏天子答月上曰如來至真永無
所欲亦无所難亦无疑結假使授決
无所怖望若有菩薩學開士行以故
如來而授決耳何因如來獨當歡豫
偏見愍念而授決乎又問天子當何
以歡豫之信當於信求又曰假使於
心而想心者計於彼人无歡信者无
所受取无受取者第一歡豫計於彼
信其無瑕穢无歡豫者乃為信樂若
於言辞无所言者乃為信樂彼則未

曾无歡豫信也亦無結恨是故天子假使有人求歡豫信便當修行无言辞法所精進行如無所行亦无不行無憂无喜所以者何其法界者亦无有行亦不行不進不息月上天子謂月氏曰所可名曰菩薩學者為何謂乎月氏答曰所謂菩薩學者則无有身亦不護體又无有舌亦不護口又無有心亦不護意是為菩薩第一之學也所謂學者其无所受亦無所行若无所起亦無不起是為菩薩學也又復問曰仁者學斯如來授決乎答曰天子吾不學此而見授決所以者何學如此者不得吾我及我所耶其不念知有所學斯名曰學也天上世間不能得短亦無有失若有念言我有所學則不為趣於正業也不逮平等用自謂言我所學故又問曰以何等事謂逮平等也答曰天子假使行者不上不下不處中間不著所行不有所作有所行者而无所造是菩薩行其作斯念是為尊法此卑賤法於斯諸法曉了平等不為二念如是

行者謂逮平等又問曰於今仁者逮何等法乃為如來所見授決月氏答曰亦不蠲除凡夫之法亦不逮成諸佛之法如來以此授吾之決吾於是法无所斷除又於諸法亦无所得故見授決又問曰計如是者愚真凡夫急當得決所以者何亦不蠲除凡夫之法斯則名曰為凡夫矣焉致佛法又重問曰何故解凡夫法乎月氏答曰吾以空義為諸法界解佛法耳其本際者實无有本也謂空法界可滅乎答曰不能也本際无本豈可獲乎答曰不也是故天子吾說此言亦不滅除凡夫之法亦不逮成諸佛之法如來以此授於吾決又復問曰空與法界本際无本有言辭乎答曰无也假使空與法界本際无本无有言辭道无言說於今云何授仁者決答曰天子今授吾決猶如空義諸法之界本際无本是為諸法之所歸誼如法无法受決亦如授別亦如授別竟者亦復如是等覺亦如逮成无上正真之道亦復如是於是月上天子前白

佛言唯然世尊月氏天子入深智慧
巍巍難及佛告天子菩薩以速成法
忍者其法如是有所分別若發道誼
演經典者解脫一切法界之事又其
法界所可講說亦无言辭宣暢示衆
所以者何理於法界无有言辭亦无
所說計如法界人界亦如如衆生界
佛界亦如佛界法界亦如假使菩薩
入此誼者則能獨立不從他受
佛昇忉利天為母說法經卷中

壬寅歲高麗國大藏都監奉
勅彫造

佛昇忉利天為母說法經卷下

化

西晉月氏三歲竺法護譯

於是賢者大目犍連咸請勸發於无
央數億百千姪諸天子衆欲行天人
色行天人各各疾取華香擣香雜香
繒幡各往詣佛供養世尊前礼足下
却住一面時目犍連還詣大聖稽首
于地還住佛前佛告目連汝聽如來所
現神足正覺變化有經名曰如來感
動威變善思念之目連應曰受教而
聽佛告目連斯三千大千世界百億
日月百億四大海百億須弥山王百
億四天下是則名曰三千大千世界
一佛國土於意云何佛為獨在一閻
浮提成正覺乎莫作斯觀所以者何
吾普悉遍諸四方面佛之世界順如
所應為衆生類講說經法或以成佛
或復自現從在胞胎或復示現在梵
術天或復現身已滅度矣

佛告目連於此三千大千世界在于
東方去此万二千四大天下四大之
域則有世界名曰無垢其佛号曰離

垢意如來至真等正覺現在說法斯
四大域佛之世界所與衆生煙怒癡
薄易可開化少菩薩學及辟支佛乘
多諸聲聞又目捷連離垢意如來一
一集會說經法時導九十九億諸聲
聞等其土所化不別四證如此國土
不說須陀洹斯陀舍阿那含其彼世
界一坐聽經證六神通至八脫門逮
獲神足踊在虛空四丈九尺身中出
火還耶維已而般泥洹忽即燿滅無
有烟炭其土如來常說經法未曾休
廢救濟群生亦无懈怠諸聲聞等曰
日滅度亦不販賣估作治產欲得飲
食從意應至不傳口教衣食屋宅悉
為化生如忉利天皆自然生不由胞
胎紫金為地離垢意如來壽五百歲
其土人民亦復如是亦有中天目連
欲知彼界如來講說法者豈異人乎
勿造斯觀所以者何則吾身是也佛
之神足威變所為則非一切聲聞緣
覺之所能及也

佛告目連於斯三千大千世界南方
去此十八四大域其四大域名曰寶

成而以三寶金銀琉璃為地為樹有
佛号曰寶體品如來至真等正覺現
在說法但演宣示緣覺之法少聲聞
乘諸菩薩學亦復薄甚及緣覺乘若
使彼國土忽終沒者則生他方空佛
境界成緣覺道於目連心所憶云何
寶體品如來講說經者豈異人乎莫
造斯觀所以者何則吾身是如來於
彼現威神變講說經法則非一切聲
聞緣覺之所及知也

佛告目連於斯三千大千世界西方
去此二十四大域其四域界名寶
錦悉以七寶金銀琉璃水精珊瑚虎
珀車渠馬瑙合成土地其境樹木衆
寶化成經行棚閣欄楯花園皆以七
寶其浴池中滿八味水清澄且美猶
如梵術天上諸天宮殿飲食被服彼
界人民亦復如是等无老特又其土
地無女人名亦復不從女人生矣人
民之類不興穢濁化生蓮華結加趺
坐其土衆生无婬怒癡无貪欲想无
瞋恚想無危害想亦无胞胎彼佛号
曰寶成如來至真等正覺現在說法

其佛所說不講異義但演菩薩法典之藏持金剛分別三場奉修六度无極之行彼无央數不可思議衆生之類皆發無上正真道意不可計人得不起法忍授无量人無上正真道慧其界无有二乘之名聲聞緣覺之言行純有大乘无諸情欲一切鮮潔而无穢濁諸菩薩衆充滿世界其佛壽命八万四千載世人終後不趣地獄餓鬼畜生不墮八難斯諸菩薩若遷神命即便往生清淨佛土現在佛所天龍鬼神阿須輪捷陀羅迦留羅真陀羅摩睺勒心皆同一志一切智諸通之慧不樂異義惟樂佛法天龍鬼神形體被服舉動進止不可分別惟名異耳天龍鬼神及世人民皆同一源无有異流於目連心意之云何實成如來豈異人乎於彼境界講說經道開發教化一切群衆勿造斯觀也所以者何則吾身是斯即如來神足變化則非聲聞緣覺之所及知也佛告目連於此三千大千世界北方去是計三十六四大諸域其四大域

名无恐懼黃金白銀交成其界彼土
无有地獄餓鬼畜生之患難也亦無
八處之恐懼也人民所行無犯禁戒
及與邪見志性札節調順无平暴者
亦无外道衆邪異學之名聲也佛号
無畏如來至真等正覺現在說法其
佛始往詣樹下時須摩提等七十二
姪諸魔往欲與佛戰又彼如來為菩
薩時行无放逸成諸通慧魔便遮往
應時如來隨諸魔數化諸佛樹變諸
菩薩其數亦尔各各別坐於佛樹下
時諸魔恠未曾有何所為審菩薩身
者吾等當往妨廢所興壞其道意諸
化菩薩告衆魔曰一切諸法皆如幻
化於今仁者欲何所亂假使卿等能
分別了發於无上正真之道福德慶
者若復勸助使發道意遮發道意又
來壞乱之罪豐者卿等未曾乃復懷
害諸魔又問發无上正真道意及勸
化人發大道者其福云何菩薩答曰
正使江河沙等諸佛世界滿中七寶
以用布施發道意者福德超彼又復
正使江河沙等諸佛國土所有衆生

恚共供養一切施安奉衆學者恣其所欲設復有人勸發道意德超于彼又復問曰假使有人亂壞道意其罪如何諸菩薩曰設復有人普取衆生挑其瞳子罪寧多不答曰甚多報曰壞道意者罪過於彼時無數億諸魔之衆聞此言說覩大變化皆發无上正真道意皆以天華天香雜香散華燒香奉諸菩薩鼓諸音樂百千之數各歎頌曰願令聖衆疾得無上正真之道時彼菩薩成軍正覺尋有異天而舉聲曰斯諸魔衆皆脫惡趣乃發道意如來為施无恐懼義以是之故如來名曰為无所畏无所畏如來豈異人乎莫造斯觀所以者何則吾身是也佛言目連佛變斯名于彼世界示現說法是為如來威神之感則非一切聲聞緣覺之所能及

佛告目連於此三千大千世界東南去斯八万四千諸四大域其域名曰普錦綵色佛号衆華如來至真等正覺現在說法彼四大域種種妙好八品珍寶以成為地交露寶帳其地柔

軟如上妙衣以玆為草自然四寸遍布于地足踏其上則便陷偃舉足還復其地平正猶若如掌普錦世界有大城郭名曰上賢人民熾盛安隱無患米穀平賤快樂不倫人民繁滋其城東西長千二百八十里南北廣六百四十里上賢大城人民所居衆多難計復多於此安迦摩竭拘婁沙國衆華如來常遊在於上賢大城若一說法化三垓人得羅漢證有三垓人至阿那含有三垓人至斯陀含寂寞之行有三垓人得道迹證有三垓人化緣覺乘又兩倍人皆發无上正真道意有无数人皆殖衆德本彼四大域其境界中而有一樹名蜜合成常有華實其味甚美如百味饌男子女人若取華實當食之者晝夜七日飽不飢渴顏容姝好色中改變精氣充滿勢力強盛形體輕便食是已後亦不大行亦不小便無有涕唾土不耕種賈販求利服是華實自然安隱亦无貧富飲食居宅等无老特又彼如來諸聲聞等六十四億百千諸姪諸

菩薩衆復倍此數而彼如來所遊觀園名曰普華佛所食處佛與聲聞諸菩薩衆適坐飯頃尋時諸樹曲躬作禮有此華實自然來入比丘鉢中飯食已竟有諸樹木復重作禮復住如故佛言目連彼之世界功德巍巍乃如是矣衆華如來則吾身是今續現在以此名号講說經義則非一切聲聞緣覺之所能知也

佛告目連斯三千大千世界西南方去此七大四域有四方界名曰選擇一一方域有八万四千國一一國有八万四千王一一王有八万四千城其州域大邦郡國縣邑村落人民之衆億百千垓具足備滿斯一切王棄去非法一一王者有八万四千夫人姝女一切姝女國中第一為真玉女一一國王有五百子或有千二百子者一一諸王以正治國不加鞭杖刀刃不設各各教化不令而從佛名釋寶光明如來至真等正覺現在說法彼佛所遊厥四方域精舍香座高四丈九尺一一座牀香氣流布於四天

下而雨天華散於釋寶光明如來上
百千伎樂自然和鳴天地忽然為大
震動音聲如梵積累功德不可稱計
百千之福為轉法輪斷諸塵勞泥洹
无垢名日將護諸菩薩容如來說法
為四大八万四千王住在宮中及諸
妹女男女大小聞了道義悉得速塵
離垢諸法法眼生諸王妻子中宮眷
屬悉發无上正真道意皆同一音各
自宣言志願出家如來勸讚悉使一
時同作沙門若遊郡國縣邑丘聚村
落造行亦不種作自然生粳米諸天
悉來供養之其佛第一講法諸聲聞
衆皆得立于須陀洹果諸菩薩衆皆
逮信忍第二說法得斯陀含果諸菩
薩衆皆悉逮得柔順法忍第三法會
講說經典住阿耨含諸菩薩學獲致
五通第四說法立於羅漢諸菩薩學
得不起法忍諸王中宮女子宮屬皆
轉女身得為男子斯諸如來悉授其
次皆當逮得无上正真之道於意云
何彼界如來名釋寶光明豈異人乎
莫造斯觀所以者何則吾身是也以

此名号于彼世界示現說法如來變
動則非一切聲聞緣覺之所能知也
佛告目連於是三千大千世界西北
方去此五十五四大方域有四方域
号名香土以上妙好栴檀雜香為閻
浮提土地有樹名曰普香一一樹者
香聞四十里自然蓮華大如車輪有
無數葉香氣普流極柔軟好絕細絲
衣色不可計光耀煒煒生高二丈一
一蓮華其香之氣遍四天下香周无
量香為重閣香為經行池生蓮華無
有郡縣國邑丘聚村落惟有高臺无
央數十滿其境界猶如第六无惱樂
天自然之物人民之安飲食遊居等
无差特彼土如來說經法時惟演清
淨諸大人教捨於聲聞緣覺之事神
通菩薩周遍四方不可思議諸菩薩
衆速得法忍諸菩薩中有菩薩名曰
變衆法王志願高妙獲威成三忍明
神通辯才巍巍供養稽首歸命无央
數億百千諸佛變衆法王菩薩大士
勸請世尊演說經典佛即聽之宣揚
道義即於佛前從座而興高四百里

因從毛孔悉放光明普照世界自然
化生微妙蓮華其色像貌生无央數
億百千業遍布境界積四丈九尺諸
天伎樂不鼓自鳴出八部音法印之
聲一一法印捺八十四億經典之訓
一一經典攝二万二千香氣之數言
從虛空中自然而達九十六百千億
人立不退轉當成无上正真之道皆
逮得至不起法忍諸菩薩衆如是比
像周遍彼土其境人民无有盲聵亦
无跛蹇亦无惡色瑕穢之難无貧匱
者斯衆菩薩三十二相莊嚴其身无
有異樂以法為樂亦不食飲服志禪
定以為供養彼无八處及興惡趣假
使壽終无有別趣惟歸佛道佛言目
連於意云何釋賢光明如來則吾身
是也如來于彼變化感動則非一切
聲聞緣覺之所能知也

佛告目連於是三千大千世界東北
方去此四十二四方大域有別大界
名曰志危其土人民婬怒癡威弊惡
慳貪手執刀杖无信嫉妬犯戒瞋恚
多為徒倚懈怠怠慢突放心恣意而不

安詳計有吾我貪人壽命復元智慧
不知時節不曉著慙恚性平暴而無
恭敬彼土衆生顏貌變惡下劣卑賤
相求長短欲相危害害意相罵詈誹謗
相言風雨不時邪辟相教其地堅鞭
麤惡之瑕荆棘汙穢周布土境斯諸
人民形體顏貌似冰麻油草木藍色
衣服醜陋飲食麤惡貧窮困厄土石
七凶人民情念是天宮殿人民之黨
若得財寶悉沒王藏彼土人民遭衆
罰厄加之杖痛一類无老也佛言目
連彼土人民勤苦之患現在如是假
使命過終沒之後悉墮地獄餓鬼畜
生其佛名曰心念悲哀如來至真等
正覺講說經法現十八變而演典籍
七百歲中无有一人受法教者其佛
世尊不以懈厭興發大哀益加演經
其佛若入郡國縣邑邦域村落人民
見之皆共罵詈誹謗毀辱唾賤凡石
打之彼如來尊欲開化故亦不退止
時佛復於七百歲中說經八十四姨
人皆得羅漢得阿那含斯陀含須陀
洹各各亦復八十四姨悉於一日出

作沙門受成就戒一切學者及不學者於三月竟不樂餘談一日之中皆般泥洹又其如來續存處世復有五
人學菩薩乘宿有餘盟生彼佛土遭勤苦惱佛為說經目連白佛言其土
菩薩以何罪殃生彼土弊惡之處耶佛告目連菩薩以四事法生於惡
處受于惱患也何等四假使菩薩慕供養利不學道法即生惡處復次目
連菩薩又喜誹謗正法既自不學又止他人令不受持復次目連菩薩呵
折他人斷不得共行誹謗之復次目連菩薩不護身口意者以是四法生
於惡趣而受惱患佛言在彼世界講說經者則吾身是也如來現變感動
威神則非一切聲聞緣覺之所能知目連白佛如來至真惟於此三千大
千世界現作佛事復於餘國異佛土乎佛告目連今余所見世尊示現與
聲聞俱吾又復於斯三千大千世界百億四大域隨人所樂察其本志各
為說法又佛於斯三千世界四方大域以梵天色像說法或如來像而現

教化或現白衣不著袈裟或如帝釋
示現說法或如四王轉輪聖王如是
一切行權方便為說經典如來于斯
三千大千世界各各隨心之所意樂
所應度者衆生之類而為說法開化
之也及在他方无量佛土一切聲聞
緣覺之衆所不能知也如日月宮而
不動移普悉現于郡國縣邑村落丘
聚州域大邦如來若斯自於佛土而
不動搖則便皆現於无央數諸佛國
土隨從群衆本志所應為說經典
目連白佛言今所現佛何所審實初
利天上閻浮提者諸天宮中三千大
千域者在他方異佛世界說法者乎
惟天中天當何因知審真佛者施何
所佛福祐大且不可稱限佛告目連
吾今問尔從意報之卿意云何猶如
幻師化造化人為男為女何所審實
目連答曰無有實者天中天所以者
何幻術力化有所變悉无所有不
可別知又問目連所可故化寧有所
辯不平曰辯之天中之天佛言如是
一切諸法亦如幻化不可別知等无

耆特亦不作猶如幻師任力祝術多
所化變所可化者等无耆特佛亦如
是以智慧聖而普示現諸佛國土所
造平等而无耆特恙為佛事其有供
養斯諸佛者建立福祐德量一等諸
佛世尊无有耆別是一切法恙无所
生亦無有實猶如幻化法異亦无耆
別佛言目連如來發意之頃以一毛
孔現江河沙等如來至真三十二相
具足微妙自然顏貌隨形而化普為
說法而口宣示以六十音一切如來
曉了衆生心之所行衆生群衆心之
所好恙知根源順諸群衆而為說法
有所演說衆生恙受則除苦患斯諸
如來皆以三品感動變化說衆經法
恙以四辯分別之慧皆現佛德於目
連意所趣云何何所如來為第一尊
形像威容初寂勝耶化佛者乎佛所
化如來耶目連答曰无有尊卑天中
之天所以者何有所變動等无耆別
故也是故无異顏貌威容辯才聖達
神足說法有所度脫不可分別言有
耆特也佛言是故目連當造斯觀其

有自然化現法者无有差特不可別知佛言目連設了諸法自然化者則不分別言凡夫有異况佛法乎所以者何目連一切諸法悉本清淨諸法皆空人迷惑者反住衆想為應不應從其所喜而為馳騁其法界者亦無所起亦無所滅法界平等如來善解其有解斯悉於閻浮提衆生之類前化現諸佛形像相好及諸比丘而令人民无覺知者置是目連閻浮提人也正使四方大須弥方域諸天人民及餘所生群萌伴黨如來現入一毛孔於諸人中變化示現及與聖衆諸人各各不能相見不知所入置是目連假使三千大千世界衆生之類復令稍漸悉得人身一切群生比丘聖衆人民之黨如來普現於一毛孔不能相知為何所入也置是目連正所東方江河沙等諸佛國土及於十方諸佛世界衆生之類無量世界一切悉變逮得人身如來遍令一切人民及與聖衆入一毛孔不使衆生知為所入也置是十方江河沙等諸佛國

土群萌之類佛言目連今佛現在无
量尋眼見諸佛國能以具足聖達佛
眼引若干變而為譬喻於百千劫說
諸佛土不能究竟諸佛國土不可限
量又斯一切群萌之黨悉令得道猶
如緣覺不能計數稱量知限何況聲
聞惟有如來能知多少國土所有廣
狹大小遠近深淺毫毛分寸分了微
塵正使无量无限不可計會江河沙
等三千大千世界滿其中塵佛眼无
極以无量尋聖達皆見此諸佛國復
過于彼斯諸佛土所有群萌不可限
量人界若斯衆生甚多多於地土斯
諸衆生稍稍漸得為人身一切悉為
轉輪聖王一一聖王如彼衆生眷屬
之數亦復如斯一切聖王及與官屬
如來悉能各各現入於一毛孔及與
聖衆各不覺知不知所入也各見如
來一切毛孔普現佛身及與聖衆如
來所現威神之變終不損耗正使一
劫不可計劫无量无限劫中現變如
來威聖道德之光不可稱盡巍巍神
妙乃如是也於意云何諸轉輪王及

與七寶所獲功德寧增多不乎答曰
甚多甚多天中天无量安住佛言目
連今吾告汝如彼一切衆生之類皆
為轉輪聖王與七寶福志合集之不
及如來所造成滿一毛之福德善之
慶超出于彼无以為喻也

余時賢者目連白佛言惟然世尊我
得善利慧及餘福佛為法師聖尊无
限神妙乃尔威豪无極明達浩浩堂
堂光輝无邊不可窮底又天中天有
所興造无所損耗於一切法靡不暢
達我以違失如是之像无尋之慧其
有衆生得聞若斯佛之所為威聖之
變一心能聞一句義者則得善利无
極之慶何況信持諷誦讀者便當具
足如斯神足發興无上正真之道如
是等人當為歸命天中之天元有恐
畏不當復疑有向惡趣尔時諸天龍
神釋梵四天王從世尊聞佛所示現
感動變化異口同音而咨嗟曰南無
諸佛歸命世尊假使有人能發斯心
清淨意者吾亦歸命為之作礼興隆
大道亦當逮獲若茲變化猶若如來

之所感動也吾等不疑无猶豫結時
天龍神捷陀羅釋梵四王五體投地
歸命斯經則以恭敬稽首礼佛百千
伎樂自然為鳴散天青蓮芙蓉莖華
遍忉利天佛說經時七十二垓天人
昔者以來未起道心今皆發无上正
真道意各自說言吾於來世於天上
世間人民之前當暢宣顯大師子吼
亦如今日如來所為興發師子大吼
之導

於斯月氏天白佛言若有族姓子族
姓女受斯經典持諷誦讀廣為人說
得何福祐佛言假令族姓子族姓女
受斯經典持諷誦讀為他人說當值
三寶而不斷絕所以者何其聞經者
不發聲聞緣覺之心惟志无上正真
道意所以者何有學是經其人則好
微妙之義諸根明達靡不信樂是故
天子當造斯觀能受奉持諷誦讀其
經典者為護三寶令不斷絕於天子
意所察云何其護三寶使不斷者設
令千佛各壽一劫寧能數盡其功德
乎答曰不能天中之天佛言以故天

子當了知之若有受持斯經典者德不可量也於斯慈氏菩薩白佛言是經名曰何等何因持名佛告弥勒是經名曰忉利天品佛現感動威神之變奉持之佛言慈氏殷勤受持諷誦說者若為他人分別解義多所成就於衆人民若斯像經流布天下甚難得值佛說如是月氏天子月上天子慈氏菩薩賢者目連諸天龍神阿須輪世間人民莫不歡喜作礼而退

佛界忉利天為母說法經卷下

癸卯歲高麗國大藏都監奉

勅彫造

佛說寶雨經卷第一 願不迴轉菩薩記被

唐天生三藏達摩流支譯

如是我聞一時薄伽梵住伽耶城伽
耶山頂與大苾芻衆七万二千人俱
皆是阿羅漢諸漏已盡无復煩惱得
真自在心善解脫慧善解脫如調慧
馬亦如大象已作所作已辦所辦弃
諸重擔逮得已利盡諸有結明了正
法心得自在到勝彼岸通達法界為
法王子於諸刹養心無所著善得出
家成具足戒意解圓滿住涅槃路唯
除一人謂長老阿難陀猶居學地
菩薩摩訶薩八万四千人皆是一生
補處於一切智現前能入隨順尊重
得无所著陀羅尼門住首楞嚴三昧
遊戲神通證無功用離一切障起大
慈悲遍滿十方一切世界善攝无邊
諸佛刹土空性所行安住无相心如
虛空如甚深海如妙高山八風不動
亦如蓮花無所染著如明淨寶如鍊
真金為欲利益諸有情故起无邊智
入佛境界其名曰寶熾菩薩寶手菩

薩寶印手菩薩寶冠菩薩寶鬘菩薩
寶積菩薩寶性菩薩寶頂菩薩寶幢
菩薩金剛藏菩薩金藏菩薩寶藏菩
薩德藏菩薩離垢菩薩如來藏菩薩
智藏菩薩日藏菩薩定藏菩薩蓮花
藏菩薩解脫月菩薩普月菩薩淨月
菩薩觀自在菩薩大勢至菩薩普賢
菩薩普眼菩薩蓮花眼菩薩普威儀
菩薩端嚴菩薩普慧行菩薩法慧菩
薩勝慧菩薩上慧菩薩金剛慧菩薩
師子遊戲菩薩大音聲王菩薩師子
吼菩薩甚深音聲菩薩无滌著菩薩
離一切垢菩薩月光菩薩日光菩薩
智光菩薩智德菩薩賢德菩薩月德
菩薩蓮花德菩薩寶德菩薩曼殊室
利法王子菩薩摩訶薩等

復有十六善大丈夫賢護菩薩而為
上首

復有賢劫菩薩慈氏菩薩而為上首
復有四大王衆天四大天王而為上首
復有三十三天衆帝釋天王而為上首
復有時分天衆時分天王而為上首
復有知足天衆知足天王而為上首

復有樂變化天衆樂變化天王而為
上首

復有他化自在天衆他化自在天王
而為上首

復有白分魔王衆商主魔羅而為上首
復有梵天王衆大梵天王而為上首
復有淨居天衆摩醯首羅天王而為
上首

復有无量百千阿素羅衆毗摩質多
羅阿素羅王睽末羅阿素羅王婆稚
阿素羅王羅怛羅阿素羅王等而為
上首

復有无量百千諸龍王衆阿那婆達
多龍王摩那斯龍王娑揭羅龍王和
修吉龍王等而為上首

復有无量百千諸龍王子威光而為
上首

復有無量百千諸龍王妹女及餘无
量天龍藥叉健達縛阿素羅揭路荼
緊捺羅莫呼羅伽人非人等皆來集會
時伽耶山頂周四踰繕那地及虛空
無微塵許衆不充滿為欲供養佛世
尊故敷師子座其師子座高一踰繕

那以无量百千綺妙繒綵寶鈴寶網
寶蓋莊嚴復有百千繒帶垂下其師
子座及地方處皆以金剛所成堅固
難壞平坦如掌灑掃清淨散衆天花
甚可愛樂於其地上出生无量百千
紫金色蓮花琉璃為莖帝青為臺香
氣芬馥悅可衆心其座四邊生四寶
樹高半踰繕那枝條蔭映三俱盧舍
今時如來於大衆中坐師子座以清
淨智轉妙法輪降伏魔怨世法不染
無有驚怖如師子王如清淨池亦如
大海如妙高山如日光耀如月清涼
如大龍王普雨法雨如梵天王起諸
法衆以无量無邊諸弟子等及百千
帝釋梵王護世四天王等一切大衆
前後圍遶瞻仰尊顏目不暫捨
今時世尊從於頂上放大光明蔽於
衆會其所放光名曰普耀有无量光
明而為眷屬遍滿十方一切世界還
於佛所右遶三匝攝入面門然佛面
門無有異相譬如月光遍於虛空无
有異相如是光明入佛面門无有異
相亦復如是又如灌水及蘇油等入

於沙聚然彼沙等无有異相光入面門亦復如是

今時東方有一天子名日月光乘五色雲來詣佛所右遶三匝頂礼佛足退坐一面

佛告天曰汝之光明甚為希有天子汝於過去无量佛所曾以種種香花珍寶嚴身之物衣服卧具飲食湯藥恭敬供養種諸善根天子由汝曾種無量善根因緣今得如是光明照耀天子以是緣故我涅槃後寂後時分第四五百年中法欲滅時汝於此瞻部洲東北方摩訶支那國位居阿鞞跋致實是菩薩故現女身為自在主經於多歲正法治化養育衆生猶如赤子今修十善能於我法廣大住持建立塔寺又以衣服飲食卧具湯藥供養沙門於一切時常修梵行名曰月淨光天子然一切女人身有五障何等為五一者不得作轉輪聖王二者帝釋三者大梵天王四者阿鞞跋致菩薩五者如來天子然汝於五位之中當得二位所謂阿鞞跋致及輪

王位天子此為寂初瑞相汝於是時受王位已彼國土中有山涌出五色雲現當彼之時於此伽耶山北亦有山現天子汝復有無量百千異瑞我今略說而彼國土安隱豐樂人民熾盛甚可愛樂汝應正念施諸無畏天子汝於彼時住壽無量後當往詣觀史多天宮供養承事慈氏菩薩乃至慈氏成佛之時復當與汝授阿耨多羅三藐三菩提記

今時月光天子從佛世尊聞授記已踊躍歡喜身心泰然從座而起遶佛七匝頂礼佛足即捨寶衣服身之具奉上於佛作如是言世尊我於今者親在佛前得聞如是本末因緣授阿耨多羅三藐三菩提記已獲大善利作是語已遶佛三匝退坐一面

今時東方過殑伽沙世界有世界名蓮花其佛号曰蓮花眼如來應正等覺明行圓滿善逝世間解無上丈夫調御士天人師佛薄伽梵為諸菩薩開示正法其所演說唯是一乘彼佛剎中无有聲聞辟支佛名一切有情

皆是阿鞞跋致迴向阿耨多羅三藐三菩提而彼世界諸菩薩等皆以禪定法喜為食無段食等彼佛光明清淨遍滿不假日月星宿之光地平如掌無諸草木牆壁凡礫及以山川清淨嚴飾

今時釋迦牟尼佛所放光明既遍其國而彼大衆倍增歡喜彼有菩薩名止一切蓋何故菩薩而受此名若諸有情聞其名者即能斷除諸障結縛名止一切蓋今時止蓋菩薩乘佛光明詣彼佛所從蓮花下徧袒右肩右膝著地合掌恭敬而白佛言世尊如是種種清淨光明悅樂身心從何而至今時蓮花眼如來告止蓋菩薩言善男子西方去此佛剎過殑伽沙世界有佛國土名曰索訶其中有佛号釋迦牟尼如來應正等覺明行圓滿善逝世間解无上丈夫調御士天人師佛薄伽梵若諸有情聞彼佛名於阿耨多羅三藐三菩提得不退轉如是種種清淨光明從彼如來之所現耳其有衆生遇斯光者身心悅樂今時

止蓋菩薩白佛言世尊以何因緣聞
彼佛名即於阿耨多羅三藐三菩提
得不退轉

佛告止蓋菩薩善男子由彼如來往
昔修菩薩行時發是誓願若我得成
佛已一切有情聞我名者皆於阿耨
多羅三藐三菩提得不退轉止蓋菩
薩白其佛言世尊若如是者彼世界
中諸有情等但聞佛名皆於菩提不
退轉耶佛言不也止蓋菩薩言世尊
彼諸衆生既已預聞彼佛名号云何
於中有退不退佛言善男子但使得
聞如來名号皆與彼作不退因緣是
故亦名阿鞞跋致
善男子譬如植種未經腐敗至彼後
時水土和合於意云何如是種子名
為生不止蓋菩薩白其佛言世尊如
是種子无有損壞若遇因緣而定得
生佛言善男子如是如是彼諸衆生
由聞佛名必定當成阿鞞跋致得授
阿耨多羅三藐三菩提記
今時止蓋菩薩白佛言世尊我今欲
往索訶世界礼拜釋迦牟尼如來應

正等覺承事供養尊重讚歎願見聽
許今時世尊告止蓋菩薩言善男子
汝欲往彼今正是時其諸菩薩又白
佛言世尊我亦欲往索訶世界禮拜
親覲恭敬供養釋迦牟尼佛

今時世尊告彼諸菩薩言善男子汝
若欲往今正是時汝等於彼國土莫
生輕賤放逸之心所以者何彼國有
情多諸貪欲瞋恚愚癡不敬沙門婆
羅門造作非法麤惡獷戾矯詐輕險
貢高我慢愛著慳吝嫉妬懈怠毀破
禁戒行諸不善无量煩惱之所繫縛
而彼如來能於惡世教化有情彼諸
菩薩白其佛言世尊釋迦牟尼如來
甚為希有能為難事

佛告諸菩薩如是如是如汝所說於
惡世中若諸有情一彈指頃能生淨
信或持禁戒或離慳貪或起大悲發
阿耨多羅三藐三菩提心過於清淨
國土百千劫行

今時止蓋菩薩及諸菩薩承佛教已
頂禮佛足從本住處將欲往詣索訶
世界為欲供養釋迦牟尼佛故即以

種種神通變化示現寶樹花樹果樹
劫波樹等皆以真金琉璃頗胝迦寶
而嚴飾之高廣微妙枝條扶踈或復
示現種種衣服嚴身之具妙香寶蓋
諸天音樂如雲而下現如是等无量
變化謂衆菩薩言諸仁者彼索訶世
界多諸苦惱汝等各現神變令彼有
情獲寂勝樂時諸菩薩皆曰唯然
今時止蓋菩薩及諸菩薩身出種種
清淨光明其光遍滿三千大千世界
其中所有地獄傍生琰魔鬼界蒙光
觸身皆得離苦悉獲安樂慈心相向
遠離貪瞋如父母想又於世界閻冥
之中日月光明所不能及而皆大明
各得相見威光照耀充滿世界所有
諸山鐵圍山大鐵圍山目真隣陀山
摩訶目真隣陀山并餘黑山上至梵
世下至阿鼻地獄靡不周遍威光至
處一切有情求食得食求衣得衣求
乘得乘求財得財盲者得視聾者得
聞狂者正念苦者得樂懷孕之者自
然平安

今時止蓋菩薩與諸菩薩到索訶世

界已詣伽耶山以諸菩薩威神力故
三千大千世界寶網弥覆莊嚴顯現
於虛空中遍布大雲雨天妙蓮花華
花妙果或雨天花鬘好香末香架架
衣服珠蓋幢幡現如是等種種供具
之時索訶世界一切有情皆得寂上
无量快樂今時伽耶山頂及諸方國
所有株杙一切叢林由菩薩威神力
故悉不復現又復顯示一切寶樹花
樹果樹栴檀沉水劫波樹等枝葉花
果次第莊嚴甚可愛樂於虛空中奏
天伎樂供養讚歎

今時止蓋菩薩摩訶薩即從坐起偏
袒右肩右膝著地向佛合掌恭敬而
白佛言世尊我欲少問如來應正等
覺唯願聽許佛告止蓋菩薩言善男
子隨汝所問當為汝說一切如來皆
同許可今汝應當善自攝心止蓋菩
薩聞佛許已白佛言世尊云何菩薩
得施圓滿云何淨戒圓滿云何住忍
圓滿云何精進圓滿云何靜慮圓滿
云何般若圓滿云何方便善巧圓滿
云何大願圓滿云何勝力圓滿云何

得智圓滿世尊諸菩薩云何等於地
云何等於水云何等於火云何等於
風云何等於空云何得如月云何得
如日云何如師子云何善調伏云何
性寂靜云何如蓮花云何廣大心云
何清淨心云何無猶豫心云何而得
智慧如海云何而得微妙智善巧云
何成就應理辯才云何而得解脫辯
才云何而得清淨辯才云何能令一
切衆生歡喜滿足云何言說令他信
受云何名為能說法者云何而得隨
順法行云何而得諸法善巧云何而
得法界善巧云何行於空云何行无
相云何行無願云何得慈自性云何
得悲自性云何得喜行云何得捨行
云何能得遊戲神通云何能得離八
無暇云何住菩提心而不退轉云何
而得宿住智通云何而得近善知識
云何而得遠離惡知識云何證得如
來法身云何修得金剛之身云何而
得為大商主云何於道而得善巧云
何演說得不顛倒云何常得諸三摩
呬多云何菩薩受糞掃衣云何而得

受用三衣云何而得不隨他行云何
常乞食云何得一坐云何得一食云
何得阿蘭若云何得樹下坐云何露
地坐云何塚間住云何得常坐云何
隨敷坐云何修瑜伽者云何能持素
怛纜藏云何能持毗奈耶藏云何而
得軌則所行境界具足威儀云何得
離慳怯嫉妬云何於一切有情得平
等心云何得善巧供養如來云何降
伏我慢云何多淨信云何於世俗而
得善巧云何於勝義而得善巧云何
深入緣起善巧云何自了知云何能
知於世云何得生清淨佛土云何得
處胎塵垢无染云何樂出家云何得
淨命云何無疲倦云何奉順如來教
勅常不違越云何和顏微笑永无頽
感云何具足多聞惣持云何善巧攝
受正法云何為法王子云何而得釋
梵護世之所隨從云何了他意樂隨
眠云何成熟有情善巧云何得隨順
住云何共安隱住云何而得攝事善
巧云何成就相好端嚴云何而得依
止所作云何而得如藥樹王云何精

勤修福德業云何修證變化善巧云何速證无上菩提

尔時世尊告止蓋菩薩言善男子善哉善哉汝為利益无量有情故為安樂无量有情故為哀愍一切世間故問如是義諦聽諦聽善思念之當為汝說尔時止蓋菩薩聞是語已白佛言唯然世尊願樂欲聞佛言善男子有十種法諸菩薩摩訶薩若能成就即得施波羅蜜多何等為十一者成就法法施二者成就无畏施三者成就財施四者成就无怖望施五者成就慈愍施六者成就不輕慢施七者成就恭敬施八者成就供養施九者成就无所依施十者成就清淨施善男子云何菩薩成就法施所謂攝受正法受持讀誦无所怖求不為利養恭敬故不為名聞勝他故唯為一切苦惱有情令罪銷滅演說妙法無所怖望如為王王子及旃陀羅子演說妙法心尚無二况為一切大眾說法心不平等雖復行施而不恃此心生我慢善男子是名菩薩成就法施善男

子云何菩薩成就無畏施所謂菩薩
自捨離科罰及一切器仗亦教他學捨
離科罰及一切器仗又復觀察一切
有情如父母想如男女想如親屬想
何故菩薩作如是念如佛所說一切衆
生未有不曾為我父母男女眷屬於
微細蟲猶割身肉而布施之何況廣
大有情而令驚怖是名菩薩成就无
畏施善男子云何菩薩成就財施所
謂菩薩觀見一切有情造極惡業施
財攝取令彼遠離所作惡業安置善
處復起思惟佛說布施是菩薩菩提
由布施故得斷三種不善之法所謂
慳怯嫉妬惡思是故我應學於如來
隨所有財常行布施雖復施與不起
慢心是名菩薩成就財施善男子云
何菩薩成就不憍望施所謂布施終
不為自身故不為財物故不為眷屬
故不為利養故然諸菩薩行布施時
其心清淨由是因緣遠離一切希望
報恩而行布施是名菩薩成就不希
望施善男子云何菩薩成就慈愍施
所謂菩薩見諸有情受於苦惱飢渴

貧露衣服垢弊孤獨无怙無所依止
遠離福業无所趣向由此菩薩作是
思惟起慈愍心我為利益彼有情故
發阿耨多羅三藐三菩提心此諸有
情受於苦惱无歸無怙无所依處流
轉生死我當何時為諸有情為歸為
怙為所依處由是菩薩慈愍經心於
常常時於恒恒時隨所有物施彼有
情雖有饒益衆生善根終不恃此起
於高慢是名菩薩成就慈愍施善男
子云何菩薩成就不輕慢施所謂施
時終不棄擲輕欺而與曾无瞋嫌要
頡之意不恃富貴自在傲慢非求多
聞名稱憍逸所施與時歡喜恭敬尊
重讚歎自手授與是名菩薩成就不
輕慢施善男子云何菩薩成就恭敬
施所謂菩薩見阿遮利耶鄔波馱耶
及修梵行所有尊者恭敬頂礼問訊
起居但是所作種種善根願我同作
所作成就是名菩薩成就恭敬施善
男子云何菩薩成就供養施所謂菩
薩供養三寶云何供養佛謂於如來
制多之中若花若香若散若燒及塗

掃地若制多破壞應當修理是名菩薩善供養佛云何供養法謂諸菩薩聽聞正法若書寫受持讀誦通利思惟修習不顛倒思惟不顛倒修習是名菩薩善供養法云何供養僧謂供給衣服飲食卧具湯藥下至水器眾具皆足是名菩薩善供養僧如是供養佛法僧時是名菩薩成就供養施善男子云何菩薩成就无所依施所謂菩薩行布施時終不為求天王位果及生餘天亦不求人王及小王等是名菩薩成就無所依施善男子云何菩薩成就清淨施所謂菩薩行施之時觀察施物及能所施皆非實有離諸障尋貪染過患是名菩薩成就清淨施善男子若能成就此十種法是名菩薩成就施波羅蜜多

復次善男子菩薩成就十種法即能圓滿戒波羅蜜多何等為十一者守護波羅提木又律儀二者守護菩薩淨戒律儀三者遠離一切熱惱四者遠離不如理思惟五者驚怖所作諸業六者驚怖所作違犯七者怖見他

物八者要期堅固九者得淨尸羅而無所依十者尸羅三輪清淨善男子云何菩薩守護波羅提木又律儀所謂菩薩善學如來所說素怛纜毗柰耶法善受學處菩薩修學及以學處不著種族故不執異見故不著徒衆故不見補特伽羅過患生尊重心故是諸菩薩所修學處是名菩薩守護波羅提木又律儀云何守護菩薩淨戒律儀所謂菩薩如是思惟若但學波羅提木又終不令我得阿耨多羅三藐三菩提由是菩薩於諸如來素怛纜中所說菩薩學處及菩薩律儀戒我應修學何者是菩薩學處何者是菩薩律儀戒謂諸菩薩不住非處順時而語知時知方菩薩若不如是即令有情不生敬信由是菩薩隨順一切諸有情故令至菩提及為己身菩提資糧速圓滿故成就具足威儀行法音聲柔軟辯才簡要无所執著恒修寂靜顏自熙怡是諸菩薩於如來所說素怛纜中成就學處修律儀戒是名守護菩薩淨戒律儀云何菩

薩遠離一切纏障熱惱所謂菩薩不為貪瞋癡等毒火所燒亦復不為闕緣衆具熱惱所燒以諸菩薩修習貪欲能對除法及遠離能起貪欲緣故何者是貪欲對除何者是起貪愛緣謂修不淨觀是貪對除世間妙色是貪起緣云何修習觀不淨法謂諸菩薩觀察自身髮毛爪齒皮膚血脉筋肉骨髓脾腎心肺肝膽腸胃生熟二藏肪膏腦膜涕唾涎淚膿汗脂痰瘡及塵垢大小便利流溢種種臭穢不淨如是觀察不淨體性深生厭離不起貪心設有頑罵癡迷狂亂幻无了解見是事時尚不起貪何況智者由是菩薩修不淨觀云何遠離起貪愛緣謂諸菩薩見於世間端嚴妙相可愛色像便生染著適悅身心即自思惟如世尊說愛欲境界猶如幻夢悟已即无云何智者於幻夢境而起貪心是名菩薩修習對除貪欲自性及彼起緣云何菩薩修瞋對除云何遠離能起瞋緣所謂菩薩於諸有情多修習慈由是因緣對除瞋恚若起瞋恚

於因於緣有執著時彼諸菩薩由是
伏滅瞋恚隨眠是名菩薩修習對除
瞋及起瞋緣云何菩薩修習對除云
何遠離能起癡緣由彼菩薩如是觀
察便得離癡由離癡故无諸熱惱遠離
樂欲及衆資具是名菩薩修習對除
癡及起癡緣云何菩薩而得遠離不
如理思惟謂諸菩薩靜處獨坐終不
思惟云我居靜處不雜亂住我順如
來毗柰耶法其餘沙門婆羅門等皆
雜亂住多所執著不順如來毗柰耶
法是名菩薩遠離不如理思惟云何
菩薩怖畏所作諸不善業謂諸菩薩
起正思惟修諸善法以如來說諸苾
芻等應當恭敬守護淨戒專修定業
習學般若何以故以恭敬心作福德
業能招端正可愛果報殊勝果報菩
薩如是遠離一切諸不善業是名菩
薩而能怖畏所作諸業云何菩薩驚
怖違犯所謂菩薩見違犯中如微塵
量深生怖畏下至少罪心懷大懼况
多違犯而生隨喜何以故由知如來
說苾芻當知多服毒藥能令人死少

服毒藥亦令人死苾芻當知若多犯罪即生惡趣若少犯罪亦生惡趣菩薩如是正思惟時驚怖違犯是名菩薩驚怖違犯云何菩薩怖見他物謂此菩薩與城邑聚落諸婆羅門刹帝利等心相體信彼婆羅門刹帝利等或以金銀末尼真珠珂貝珊瑚璧玉吠琉璃寶及資身具而寄菩薩菩薩受時獨一无二雖无忌憚菩薩於彼終无惡思而輒受用又復菩薩執知衆事若牽堵波物若四方僧物及僧祇等物於諸物中亦不受用何以故由世尊說若他飲食資生之具一切物等他不與時皆不應用菩薩如是起思惟已寧自割身肉而自食之然於他物終无侵犯是名菩薩怖見他物云何菩薩誓願堅固所謂菩薩若為惡魔及魔天衆以諸妙欲來燒菩薩令起貪愛菩薩於彼心无惑著而不生退是名菩薩誓願堅固云何菩薩於淨尸羅心无所著謂諸菩薩善護禁戒終不起心以此尸羅令我生天及王等家是名菩薩於淨尸羅心无

所著云何菩薩三輪清淨謂諸菩薩
於身口意皆得清淨云何身得清淨
謂身所有一切惡行皆得永離何者
是身惡行所謂煞生及不與取欲邪
行業常遠離故是名身得清淨云何
菩薩語得清淨謂語惡行皆得永離
何者是語惡行謂虛誑離間麤惡雜
穢等語常遠離故是名語得清淨云
何菩薩意得清淨謂意所有一切惡
行皆得永離何者是意惡行謂貪染
瞋恚邪見皆遠離故是名意得清淨
是名菩薩三輪戒淨善男子菩薩摩
訶薩成就此十種法得尸羅圓滿
佛說寶雨經卷第一

癸卯歲高麗國大藏都監奉
勅彫造

佛說寶雨經卷第二

被

唐天竺三藏達摩流支譯

復次善男子菩薩摩訶薩成就十種法得忍圓滿何等為十一者內忍圓滿二者外忍圓滿三者法忍圓滿四者隨佛教忍圓滿五者无分限忍圓滿六者无分別忍圓滿七者不待事忍圓滿八者無恙忍圓滿九者悲忍圓滿十者誓願忍圓滿云何菩薩內忍圓滿善男子謂諸菩薩於內所有憂悲苦惱能安忍住心无逼迫是名菩薩內忍圓滿云何菩薩外忍圓滿善男子謂諸菩薩聞他謾言罵詈毀訾父母親屬阿遮利耶鄔波駄耶及聞誹謗佛法僧寶菩薩聞已不起瞋恨反報毀訾亦不為彼瞋恚隨眠之所隨逐堪忍彼惱能安隱住是名菩薩外忍圓滿云何菩薩法忍圓滿謂諸菩薩於佛所說素怛纜中一切甚深微妙法義无來無去自性寂靜離分別取自性涅槃菩薩聞已不驚不怖作是思惟我若不了諸深妙法終

不能得阿耨多羅三藐三菩提由是因緣攝取諸法思惟修習心生信解是名菩薩法忍圓滿云何菩薩隨佛教忍圓滿謂諸菩薩若起瞋恚為損害時菩薩自應如是思惟而此瞋恚從何而起從何而滅是誰所起云何而起有所緣耶菩薩如是思惟彼能起之因了不可得能滅之因亦不可得能起既无所起非有乃至所緣皆不可得由是菩薩安忍而住瞋无緣起是名菩薩隨佛教忍圓滿云何菩薩無分限忍圓滿謂諸菩薩非晝分忍夜分不忍非夜分忍晝分不忍非自國忍他國不忍非他國忍自國不忍非於名聞者忍无名聞者不忍非於无名聞者忍有名聞者不忍由是菩薩於一切時及一切國名聞有无皆悉能忍是名菩薩無分限忍圓滿云何菩薩無分別忍圓滿謂諸菩薩非惟父母妻子親屬於是處忍餘所不忍是故菩薩下至旃荼羅等亦能行忍是名菩薩无分別忍圓滿云何菩薩不待事忍圓滿謂諸菩薩修忍

辱時不為財物不為驚怖不為行恩
不為順世及著耻故如是菩薩自性
常忍是名菩薩不待事忍圓滿云何
菩薩得无恚忍圓滿謂諸菩薩設未
遇彼瞋恚因緣及未遇他瞋心常安
忍若遇因緣及遇他瞋或復輕欺拳
打手搏刀杖損害麤言毀責菩薩遇
已作是思惟被輕毀業是我所造我
今應受定非父母親屬所造是故我
今歡喜忍受亦非内外地界所受水
火風界亦復如是菩薩由是无倒觀
察遇因緣時於瞋不瞋二俱能忍是
名菩薩得無恚忍圓滿云何菩薩悲
忍圓滿謂諸菩薩於彼貧苦一切有
情為作君主若王小王有大財寶多
諸資具若為一切貧苦有情罵詈呵
責惱乱之時終无恚恨損害之心亦
不自高現主威勢但起思惟此諸有
情是我所攝我應養育而守護之由
是菩薩不生損害以是因緣起大悲
心忍受安住是名菩薩悲忍圓滿云
何菩薩擔願忍圓滿謂諸菩薩如是
思惟我曾於彼一切如來應正等覺

所作師子吼擔修菩提成正覺已於
生死海煩惱泥中濟拔一切諸有情
等菩薩由是不生瞋惱是故我應精
勤修習為拔濟故為成熟故為欲調
伏安樂有情若自起瞋及損害彼即
不舍客云何而能生於悲忍拔濟有
情善男子如有良醫善能針療見有
衆生患目瞶者作是思惟我應愍彼
為除眼瞶令无暗障今時良醫起思
惟已自患眼暗善男子汝意云何而
此醫師堪能療彼有情眼瞶除暗障
不止蓋菩薩白佛言不也世尊佛告
止蓋菩薩言善男子菩薩亦作是
思惟我今不應以般若針斷世間瞶
由自心有无明暗障如何能滅他無
明惑由是因緣終不損害修忍安住
是名菩薩得擔願忍圓滿善男子菩
薩成就此十種法得忍圓滿

復次善男子菩薩成就十種法得精
進圓滿何等為十一者如金剛精進
二者得无逮精進三者離二邊精進
四者廣大精進五者熾盛精進六者
性常精進七者清淨精進八者不共

精進九者不輕賊精進十者不倨傲
精進善男子云何如金剛精進謂諸
菩薩發起精進勤修而住諸有情界
未涅槃者令證涅槃未得度者令其
得度未解脫者令得解脫未安隱者
令得安隱未現等覺者令現等覺菩
薩如是勤修而住今時天魔伺求其
短將欲破壞至菩薩所作如是言善
男子汝勿作此勤苦精進何以故我
曾如是發起精進勤修而住諸有情
界未涅槃者令證涅槃未得度者皆
令得度未解脫者令得解脫未安隱
者令得安隱未現等覺者令現等覺
如此精進誰惑愚夫皆為虛妄非真
實法善男子如是勤修起精進者我
未曾見一有情能於阿耨多羅三藐
三菩提而現等覺善男子我知无量
俱脰有情皆能證入二乘涅槃善男
子汝徒精進來虛妄法速捨是心離
諸苦惱今時菩薩作是思惟決定是
魔惱壞於我菩薩悟已知是魔說而
告之言汝惡思惟欲破壞我汝但自
憂勿憂我事世尊已說魔羅波旬一

切世間各隨逐業若自若共而感生

廣

處魔羅汝今亦隨逐業亦自亦共而感生處汝應如是隨業而往莫惱亂我無義利故又於長夜自受苦惱尔時魔羅情智狹劣自生慙耻即捨惡心隱沒不現由是菩薩若一切魔王及諸魔衆來惱亂時欲求其短故相破壞而菩薩心終不傾動無下勇捍堅固不退是名菩薩如金剛精進善男子云何菩薩得無逮精進謂諸菩薩發起如是種種精進諸餘菩薩雖復久遠積集淨業安住真性終不及此發起種種精進菩薩數分不及迦羅等分乃至計喻及鄔波尼殺曇分亦不能及何況一切聲聞緣覺是中菩薩發心精進力能攝取一切佛法復能捨離一切罪業諸不善法是名菩薩得无逮精進云何菩薩離二邊精進謂諸菩薩常起精進不增不減何以故以極增上生倨傲故以極下劣生懈怠故是故精進常不增減是名菩薩離二邊精進云何菩薩廣大精進謂諸菩薩發起精進願我如是

當得如來妙色端嚴諸佛所有无見
頂相圓光隨好微妙具足又復發起
如是精進願我當得无量無量諸佛
大智及大威德勝義性等是名菩薩
廣大精進善男子云何菩薩熾盛精進
謂諸菩薩發起精進永離一切塵垢
過患如末尼珠及紫金等遠離一切
塵垢過患光明炫曜殊妙赫奕菩薩
精進如是熾盛永離一切塵垢過患
何者名為精進塵垢何者名為精進
過患所謂懈怠嬾惰不節飲食不自
知量非理作意起惡思惟如是說名
精進塵垢亦名過患菩薩精進永能
捨離是故精進清淨無垢鮮白熾盛
無復過患是名菩薩熾盛精進云何
菩薩性恒精進謂諸菩薩於諸威儀
能常發起種種精進性恒勤勇无休
廢時若身若心曾無懈怠是名菩薩
性恒精進云何菩薩清淨精進謂諸
菩薩發起如是恒常精進所有眾罪
諸不善法无利益事障於道乃至
微細極小不善一念惡心亦不發起
况復廣大諸不善法是故菩薩賢悉

除斷頓涅脤理聖道資糧趣菩提分
如是善法菩薩修習令增長廣大圓
滿菩提是名菩薩清淨精進云何菩
薩不共精進謂諸菩薩如是思惟設
使十方殑伽沙界火聚遍滿如阿鼻
獄過彼世界有一衆生受諸苦惱无
歸无依及無怙恃菩薩哀愍彼一有
情度猛火聚徃彼教化尚不辭勞况
多有惱而不救濟菩薩如是大悲精
進外道二乘所不能及是名菩薩不
共精進云何菩薩不輕賤精進謂諸
菩薩終不起心以我精進微弱下劣
及懈怠故修習菩提自謂難得又復
不作如是思惟我亦不能荷擔如是
於无量劫及千万劫積集苦行如救
頭然方證菩提不作如是退屈之心
由是菩薩發如是心所有過去如來
應正等覺現在如來應正等覺未來
如來應正等覺彼諸如來於无量劫
精進修行皆現等覺由是諸佛非不
多時修行精進得有如是現正等覺
我亦如是理應多劫修種種行當得
阿耨多羅三藐三菩提以三世如來

同行精進已成佛故又我寧為一切有情精勤修習而處地獄終不為已修行精進而證涅槃是名菩薩不輕賤精進云何菩薩不倨傲精進謂此菩薩起精進時終不味著自倨輕他誰有智者希他思念而行精進是名菩薩不倨傲精進善男子菩薩摩訶薩能成就此十種法故得精進圓滿復次善男子菩薩成就十種法得靜慮圓滿何等為十一者積集福德二者能多厭離三者勤修精進四者具足多聞五者得不顛倒勤修領受六者法隨法行七者成利根性八者得心善巧九者得奢摩他毗鉢舍那善巧十者得不執著云何菩薩積集福德謂諸菩薩愛樂大乘復能積集一切善根所生之處攝善知識而能修習種種妙行又常願生大婆羅門家刹帝利家大居士家所生之處恒得正信由是因緣增長无量廣大善根為常不離善知識故善知識者所謂諸佛一切菩薩由是菩薩串習善根增長熾盛觀察世間苦惱逼迫衆病

所集愚暗所蔽无所安住何以故以
欲因緣故云何菩薩能多厭離謂諸
菩薩由前因緣我今不應於此世間
行於貪欲以彼貪欲但由妄情分別
生故諸佛廣說一切貪欲種種過患
所謂欲如火標如鑊如劍亦如利刀
又如毒蛇如水聚沫如肉腐敗臭穢
可惡由是菩薩起厭離心剷除顛髮
而披法服出家正信趣於非家云何
菩薩勤修精進謂此菩薩既出家已
發大精進未得令得未解令解未證
今證云何菩薩具足多聞謂此菩薩
由前因緣多聞領受於世俗諦及勝
義諦深妙理中善能宣說云何菩薩
得不顛倒勤修領受謂此菩薩於諸
諦理領納於心精勤修習无倒善巧
云何菩薩法隨法行謂此菩薩得善
巧已法隨法行所謂正語正業正命
正思惟正精進正念正定正見是為
菩薩修習道支云何菩薩而得利根
謂此菩薩習道支已利根明悟能正
了知菩薩由此安住寂靜遠離執著
一切憤內不樂多言復能捨離欲尋

患尋害尋及不死尋遠離眷屬名稱
利養云何菩薩得心善巧謂此菩薩
由前因緣得心善巧身常寂靜觀察
其心於善不善及與无記自念我今
心住何性若住勝善清淨心生信樂
歡喜云何勝善謂三十七菩提分法
若住不善應當厭離發起精進便能
永斷諸不善法云何名為諸不善法
謂貪瞋癡貪有三種謂上中下云何
上貪謂此貪欲遍滿身心隨順下劣
心常染著於一切時無有慙愧云何
无慙謂貪欲者恒起思惟尋求欲境
心生愛重耽著讚美是名无慙云何
無愧謂貪欲者為欲因緣能於父母
及餘尊者起於諍論輕欺損害重彼
貪欲是名无愧謂貪欲者由是因緣
生於惡處是故說名增上貪欲云何
中貪謂貪欲者行貪欲已即生厭離
起變悔心不復隨順是名中貪云何
下貪謂貪欲者起貪欲時或摩觸身
纔共語言或時見已欲心便息是名
下貪所有一切活命資具心若執著
慙說名貪云何名瞋是瞋應知亦有

三種謂上中下去何上瞋謂瞋恚者起種種瞋於五无間隨造一業或謗正法謗正法者其罪過彼五无間業數分不及迦羅分不及乃至計喻鄔波尼殺曇分亦所不及由是因緣生捺洛迦若生人中形貌慘黑眼目恒赤為人暴惡常行損害由是因緣生捺洛迦是名上瞋云何中瞋謂瞋恚者造罪業已速能改悔即起對除是名中瞋云何下瞋謂瞋恚者由起瞋故出麤惡言輕調譏嫌集不善業經一剎那及一臘縛一牟呼栗多即能改悔修習對除是名下瞋是瞋應知亦有三種謂上中下去何上瞋謂愚癡者恒住貪瞋曾无憂悔是名上瞋云何中瞋謂愚癡者起少不善即能於彼梵行者前發露懺悔不見惡業可受重故是名中瞋云何下瞋謂愚癡者於佛所制非性戒中少有毀犯或一二三便能捨離是名下瞋菩薩於彼貪瞋癡法皆能遮止由心善巧得善巧已終无喜樂於彼染著何以故得心善巧故若住無記即勤觀察

惟起正念云何無記謂起心時心不在內亦不在外非住於善非住不善不住毗鉢舍那亦復不住於奢摩他而心下劣引起睡眠令心昧略猶如士夫極重睡眠初覺之時根識昏昧不能明了住無記心亦復如是以忘記心不明了故菩薩於中心精勇銳安住歡喜是名菩薩得心善巧云何菩薩得奢摩他毗鉢舍那善巧謂此菩薩心善巧已觀察諸法如幻如夢思惟諸法此是善法此非善法此出離法此不出離法謂諸菩薩觀一切法皆依於心心為自性心為上首能攝受心善調伏心善了知心故能攝此一切諸法既善調伏又善了知由此因緣便能修習奢摩他法如是繫心如是止心及安住心勤修如是奢摩他故便能安住心一境性菩薩住心一境性已入定觀察得離生喜樂心得喜已遠離欲界惡不善法及有尋有伺是名修行住初靜慮又離尋伺不味喜樂觀无常已出初靜慮住內等淨得定生喜樂是名菩薩入第

二靜慮次猒離喜及觀苦已住捨正
念正知及樂心安正受佛說成就住
捨念樂入第三靜慮修行而住作空
解已入第四靜慮便捨我執捨我執
故苦樂亦斷憂喜滅故住不苦樂捨
念清淨是名修習第四靜慮又菩薩
觀身與虛空等既信解已捨諸色想滅
有對想離種種想捨色想故滅有對
想離異想故入无邊空是謂修習空
无邊處超過一切空无邊已有識等
生入無邊識是謂修住識無邊處超
過一切識无邊已入無所有是謂修
住無所有處超無所有修習而住非
想非非想處又諸菩薩遠離能緣想
受心故名住滅定雖入彼定終不樂
著出彼定已與慈心俱捨怨憎心遠
損害想廣大無量平等无二極善修
習於一方面意解遍滿入定而住諸
餘三方四維上下周遍世間與悲心
俱捨怨憎心離損害意廣大无量平
等無二極善修習於一方面無邊世
界意解遍滿入定而住諸餘三方四
維上下周遍世間菩薩與喜心俱捨

怨憎心離損害意廣大无量平等無
二極善修習於一方面意解周遍入
定而住諸餘三方四維上下周遍世
間菩薩與捨心俱離怨憎心捨損害
意廣大无量平等無二極善修習於
一方面意解周遍入定而住諸餘三
方四維上下周遍世間云何菩薩得
不執著謂此菩薩得五神通亦不執
著常能希求菩提資糧諸法圓滿善
男子菩薩摩訶薩成就此十種法故
得靜慮圓滿

復次善男子菩薩成就十種法得般
若圓滿何等為十一者無我善巧二
者業果善巧三者有為善巧四者生
死流轉善巧五者捨離生死善巧六
者得二乘善巧七者大乘善巧八者
捨離魔業善巧九者得不顛倒般若
十者得無等般若善男子云何菩薩
得無我善巧謂諸菩薩學般若故能
正觀色受想行識觀察色時生不可
得集不可得滅不可得如是觀察受
想行識生集滅法俱不可得以勝義
中不可得故非於世俗勝義世俗諸

法自性但有言說實无可得由是因緣菩薩長時不捨精進為欲利益諸有情故如救頭然由是菩薩得无我善巧云何菩薩得業果善巧謂諸菩薩如是思惟一切世間自性皆空如戲場處健達縛城一切有情雖非實有然執著我由是不能通達聖道是諸有情如是思惟若无有我及无有情命者生者意生士夫若補特伽羅摩納縛迦若養育者即无善惡業異熟果體性可得以正般若如實了知是名菩薩得業果善巧云何菩薩得有為善巧謂諸菩薩以正般若了知一切諸有為法如是思惟諸有為法念念還謝無久住相猶如危露譬若瀑流云何如是法中而生貪著即懷憂惱若起執著易壞諸法何名智者由是因緣於滅壞法不樂執著起厭離心是名菩薩得有為善巧云何菩薩得生死流轉善巧謂諸菩薩如是思惟一切世間无明所覆常處生死為愛羅縛由愛為因而生於取由取為因生善惡業由生業故今有相續由

有為因而起於生由生為因故有老死憂悲苦惱衆苦集故如是展轉相續不斷如汲灌輪上下迴轉生死相續亦復如是由此菩薩以正般若如實了知是名菩薩得生死流轉善巧云何菩薩得捨離生死善巧謂諸菩薩如是思惟離無明故不著諸行捨諸行故則無有愛遠離愛故則無有取能離取故有不相續捨彼有故則無有生能離生故永斷老死憂悲苦惱由是菩薩以正般若如實了知是名菩薩得捨離生死善巧云何菩薩得二乘善巧謂諸菩薩如是思惟此法能得預流一來及不還果阿羅漢故永盡諸漏斷諸結習无復相續生死流轉遊履涅槃思惟此法得辟支佛如犀角喻獨一而行一切菩薩以正般若了知此法終不取證何以故若諸菩薩如是思惟我為利益諸有情界作師子吼我當拔濟住於生死諸有情類發大誓願終不獨一出離生死是名菩薩得二乘善巧云何菩薩得大乘善巧謂諸菩薩於學戒中觀學者不可得所學亦不可得戒所

得果亦不可得然不執空墮於斷見
是名菩薩大乘善巧云何菩薩而得
捨離魔業善巧謂諸菩薩遠離一切不
善丈夫亦不住彼惡國之中又能遠
離隨世俗見修習呪術而求利養及
尊重供養復能遠離障菩提法諸煩
惱等而能修習諸對除道是名捨離
魔業善巧云何菩薩得不顛倒般若
謂諸菩薩修習般若於諸世間經書
呪術工巧處中常為教化諸有情故
終不為已求知解故亦不為身得名
聞故又復不為得利養故為開演聖
教大威德故終不欲為顯己德故專
起思惟殊勝正教於如來制毗奈耶
中示現功德終不墮於異道諸見是
名菩薩得不顛倒善巧云何菩薩得
無等般若謂諸菩薩所學般若超過
二乘一切世間天魔梵世及諸外道
婆羅門等八部諸衆一切有情而無
等於菩薩般若惟除如來應正等覺
是名菩薩元等般若善男子菩薩能
成就此十種法得般若圓滿
佛說寶雨經卷第二

癸卯歲高麗國大歲都監奉
勅圖造

佛說寶雨經卷第三

被

唐天竺三藏達摩流支譯

復次善男子菩薩成就十種法得方便善巧圓滿何等為十一者得迴向方便善巧二者令諸外道歸向方便善巧三者轉捨境界方便善巧四者除遣惡作方便善巧五者救護有情方便善巧六者施與有情活命方便善巧七者得受取方便善巧八者捨離非處住於是處方便善巧九者示現教導勸勵慶喜方便善巧十者供養承事方便善巧云何菩薩得迴向方便善巧謂諸菩薩以非他攝所有花果晝夜六時奉獻諸佛及諸菩薩以此善根迴向阿耨多羅三藐三菩提菩薩以非他攝所有香樹若諸寶樹若劫波樹於晝夜六時供養諸佛及衆菩薩以此善根迴向阿耨多羅三藐三菩提菩薩又於素怛纜中所有廣大承事供養聞已起於淨信樂心迴此供養一切諸佛及諸菩薩又復菩薩能於十方諸菩薩所及餘有情所造

善業令菩提資糧皆得圓滿發淨意
樂深心慶喜以此善根迴向阿耨多
羅三藐三菩提菩薩若以香花奉獻
如來制多及佛形像以此迴向令諸
有情離破戒垢得佛戒香菩薩又常
灑掃塗地持此迴向令諸有情離惡
威儀修善法式齊整圓滿又諸菩薩
奉獻花蓋以此迴向令諸有情捨離
熱惱又彼菩薩入僧伽藍發如是心
今有情等入涅槃城出伽藍時願令
有情出生死獄若開房門願令有情
開諸善趣出世智門若閉房門願令
有情閉惡趣門菩薩坐時願令有情
皆得坐於妙菩提樹右脅卧時願令
有情安住涅槃從卧起時願令有情
離纏障起若往便利願令有情向大
覺路正便利時願令有情拔諸毒箭
若洗淨時願令有情洗煩惱垢一切
過患若洗手時願令有情離穢濁業
若洗足時願令有情離障塵垢嚼楊
枝時願令有情捨離垢穢菩薩自身
所作諸業持此迴向利益安樂一切
有情菩薩禮拜如來制多願令有情

常得諸天及世間礼是名菩薩迴向
方便善巧云何菩薩令諸外道歸向
方便善巧謂此菩薩於彼彼類外道衆
中能變化作諸外道形謂遮洛迦波
利縛羅杜迦昵健陀弗多羅於彼法
中受持讀誦菩薩為欲成熟有情如
是思惟我若先作阿遮利耶則不能
令傲慢有情隨順調伏由是我往外
道法中示現出家為作弟子既出家
已勇猛精進隨彼修習種種諸行博
學多聞究盡彼法七麁穢食所作皆
勝彼諸外道威儀行法由是菩薩為
諸外道尊重師範所有言說悉皆信
受隨順調伏菩薩了知此諸有情歸
向我已說彼外道邪見過失所學之
法復非正教以不能說獸離貪欲令
斷滅故由是外道受菩薩化捨離邪
道入正法中菩薩又於一切外道修
習五通梵行之中勤行精進證五神
通又復修習成就靜慮諸三摩地三
摩鉢底勝諸外道所得五通聰慧超
彼為作師範菩薩了知所化外道皆
成熟已說彼靜慮諸三摩地三摩鉢

底種種過失所學之法復非正教以彼不說厭離貪欲對除道故由是外道受菩薩化捨離邪道入佛法中是名菩薩令諸外道歸向方便善巧云何菩薩轉捨境界方便善巧謂此菩薩觀見一切多貪有情方便調伏化作女身端嚴殊妙勝餘女身有情見者心生染著菩薩見彼如是染著即便於彼寢卧之處示現命終於一剎那一年呼栗多現腫爛相臭穢可惡有情見已起大驚怖生苦惱心情深厭捨誰能令我離於如是穢惡之處今時菩薩即於彼前隨機演說如是諸法於三種菩提定隨證一是名菩薩得轉捨方便善巧云何菩薩除遣惡作方便善巧謂此菩薩見諸有情造無間罪及起一切諸不善業失心憂悔菩薩往彼作如是言善男子云何失心憂悔而住彼有情言大士我造元間諸不善業恐於長夜受諸苦惱無利益故不安樂故以是因緣失心憂悔是時菩薩為彼有情廣說正法令深悔過受菩薩戒若此有情未

能悔過是時菩薩欲令彼人心生信
 伏為現神通廣說彼人思惟之事有
 情由是於菩薩所生信伏心歡喜信
 樂生信樂已根性成熟菩薩為彼廣
 說妙法彼人即能隨順領受菩薩又
 復於彼人前化作父母說如是言汝
 可觀之我即是汝同伴丈夫汝莫悔
 過此所造業畢竟不墮捺洛迦中亦
 不退失利益安樂如是說已即便殺
 害所現父母菩薩於彼有情之前示
 現神變彼人思惟有智之者尚殺父
 母不失神通況我无智而造此業墮
 捺洛迦退於利樂今時菩薩為彼有
 情演說妙法令其惡業漸得輕微猶
 如蚊翼是名菩薩除遣惡作方便善
 巧云何菩薩救護有情方便善巧謂
 此菩薩觀見有情根器成熟堪為說
 法彼之有情造作一切極不善業菩
 薩為欲利益彼人方便調伏化作種
 種諸有情類應以大王身得調伏者
 即現大王身而為說法應以小王身
 得調伏者即現小王身而為說法應
 以婆羅門刹帝利身得調伏者即現

婆羅門剎帝利身而為說法應以天
身得調伏者即現天身而為說法應
以執金剛身得調伏者即現執金剛
身而為說法應以怖畏得調伏者現
作怖畏而為說法應以繫縛殺害打
罵得調伏者即為示現如是等事而
為說法應以愛語得調伏者即現愛
語而為說法若有有情類欲造彼無
間罪時於菩薩身興損害意其得神
通菩薩即為示現種種方便或時遮
止或復禁制或移向他方於彼人前
又復示現似彼所造無間業事或復
示現捺洛迦相制彼所造無間罪業
令不現前其有未得神通菩薩善能
觀察彼諸有情壽命長短見彼有情
欲造無間作是思惟此諸有情將起
重罪而發大悲心生憂惱菩薩觀彼
猶如掌中置菴羅果作是思惟我為
利益一有情故能於阿鼻受大苦惱
即此有情乃至未住無餘涅槃常能
如是無別方便而能遮止此諸有情
造惡業已將欲生彼捺洛迦中由我
未得神通自在無有方便移彼不信

壽命短促諸惡有情置於他方恐彼有情由不善業生阿鼻獄菩薩以是發起悲心思惟有情各隨自業无異方便而能救濟但起慈心平等教誡示為科罰是名菩薩救護有情方便善巧云何菩薩施與有情活命方便善巧謂諸菩薩觀見有情不堪受法但求衣食以為自足不能了知聖法調伏菩薩教示此諸有情等數伎術文字注記如是事業為成於善不成惡法是名菩薩施與有情活命方便善巧云何菩薩得受取方便善巧謂此菩薩得珍寶聚如妙高山而不受取若得下劣資生雜物而即受之何以故謂此菩薩如是思惟此諸有情慳怯嫉妬貪愛所蔽惜自他物不令自他而得受用由此因緣處生死海常被漂沒菩薩欲令彼有情等於長夜中得具足利益及安樂故而便為受雖受彼物不起貪愛无屬已心但為供養諸佛法僧令諸有情同獲勝利及為饒益貧苦有情施主由是歡喜踊躍是名菩薩得受取方便善巧

云何菩薩捨離非處住於是處方便
善巧謂諸菩薩觀見有情堪能受法
於阿耨多羅三藐三菩提應現等覺
然彼有情為得聲聞辟支佛乘發起
方便常勤修習菩薩說法令彼有情
捨離二乘引導迴向大乘法中是名
菩薩捨離非處住於是處方便善巧
云何菩薩示現教導讚勵慶喜方便
善巧謂諸菩薩能令有情未發菩提
心者令發菩提心已發菩提心者雖
復持戒心易知足若少精進而多懈
怠菩薩教令常修精進若諸有情雖
少持戒多有毀犯由是因緣信不清
淨常无喜樂為破戒垢覆心而住菩
薩為彼有情演說種種妙法令彼有
情心生淨信歡喜悅樂是名菩薩示
現教導讚勵慶喜方便善巧云何菩
薩得承事供養方便善巧謂諸菩薩
既得出家於諸利養知量知足所受
利養无非法者又諸菩薩獨處閑靜
入定而住隨順諸佛及菩薩行如是
思惟我欲承事供養如來謂此菩薩
隨順思惟已而作種種承事供養一

切如來得六殊勝波羅蜜多修行圓滿云何修六波羅蜜多諸行圓滿謂於承事供養等中嚴辦資具此是菩薩施波羅蜜多謂於承事供養等中發心饒益一切有情此是菩薩戒波羅蜜多謂於承事供養等中心能安住歡喜悅樂此是菩薩忍波羅蜜多謂於承事供養等中心无厭倦此是菩薩勤波羅蜜多謂於承事供養等多謂於承事供養等中心能種種差別觀察此是菩薩般若波羅蜜多是名菩薩承事供養方便善巧善男子菩薩成就此十種法得方便善巧圓滿復次善男子菩薩成就十種法故得願圓滿何等為十一者无下劣願二者无怯弱願三者為欲利益一切有情勤修行願四者為諸佛如來讚歎發願五者善能摧伏一切魔願六者成就不由他願七者得无边願八者不驚怖願九者不疲厭願十者得圓滿願云何菩薩无下劣願謂此菩薩不樂諸有而發於願是名菩薩无下

劣願云何菩薩無怯弱願謂此菩薩不厭三界求離貪欲住於寂滅而發於願是名菩薩无怯弱願云何菩薩為欲利益一切有情勤修行願謂諸菩薩發如是願諸有情界乃至盡證无餘涅槃我方於後證大圓寂是名菩薩為欲利益一切有情勤修行願云何菩薩為諸佛如來讚所發願謂此菩薩發如是願諸有情界乃至未發菩提心者皆願發心願發心已次第修行菩提分行次修行已坐菩提樹於彼已得坐道場者我當承事恭敬供養請轉法輪若般涅槃我當勸請久住世間為欲利益諸有情故是名菩薩為諸佛如來讚所發願云何菩薩善能摧伏一切魔願謂此菩薩發如是願若我當來現等覺時於佛土中永无一切天魔之衆亦復不聞諸魔名字是名菩薩善能摧伏一切魔願云何成就不由他願謂此菩薩不由他故於阿耨多羅三藐三菩提而方發願然以般若觀有情界受於苦惱既觀見已為欲救護發

阿耨多羅三藐三菩提心是名菩薩而能成就不由他願云何菩薩得无邊願謂此菩薩不為菩提少分資糧而發於願然此菩薩為發大願偏覆左肩右膝著地起淨信心觀十方界現住諸佛一切菩薩或有菩薩住於苦行或坐道場或見諸佛或現等覺或轉法輪觀見彼已發淨意樂於彼十方諸佛菩薩或住苦行或現等覺及轉法輪菩薩於彼一信解深心慶喜迴向阿耨多羅三藐三菩提是名菩薩得无邊願云何菩薩得不驚怖願謂諸菩薩有新發心聞甚深法聞於諸佛廣大威德聞諸菩薩遊戲神通聞於甚深方便善巧菩薩聞已不驚不怖作是思惟謂諸如來所證菩提所住境界成熟有情皆無邊量於彼法中我不能知諸佛證知我應當知是名菩薩得不驚怖願云何菩薩不疲厭願謂諸菩薩雖見有情志性頑愚又難調伏於此有情終不疲厭或有菩薩見諸有情志性頑愚難調伏者而生疲厭由疲

狀故棄捨有情發如是願我求生於清淨世界終不用聞如是諸惡有情之名雖復願生清淨世界終不得生以棄捨有情不成熟故於此義中又聰慧菩薩發如是心於諸世界諸有情中精進下劣有懈怠者頑冥瞢瞶如彼啞羊如有有情為一切佛及諸菩薩觀察簡擇及遍有情界中无般涅槃法者並皆棄捨我今欲令如此有情悉當集會我佛剎中又我欲令此諸有情坐於道場成阿耨多羅三藐三菩提而此菩薩發如是心思惟之時念念之中諸魔宮殿悉皆震動又為一切諸佛如來之所稱歎如是菩薩必定得生清淨佛土又能速疾於阿耨多羅三藐三菩提而現等覺是名菩薩得不疲厭願云何菩薩得圓滿願謂此菩薩坐道場已摧破魔軍於阿耨多羅三藐三菩提道而現等覺願既圓滿无復更發善男子譬如蘇油於其鉢中平滿盛已更不容受如極微量一滴蘇油是故說名得圓滿願菩薩如彼盛蘇油鉢能於菩

提現等覺已願既滿足无復更發一
切妙願是名菩薩得圓滿願善男子
菩薩成就此十種法得大願圓滿
復次善男子菩薩成就十種法修力
圓滿何等為十一者他不映蔽修力
圓滿二者不被摧伏神力圓滿三者
於福德力修習圓滿四者於般若力
修行圓滿五者於眷屬力同得圓滿
六者於神通力修得圓滿七者於自
在力修得圓滿八者於惣持力而得
圓滿九者無能改易神變力圓滿十
者他不違越教力圓滿善男子云何
菩薩他不映蔽修力圓滿謂此菩薩
一切外道諸異論者不能映蔽是名
他不映蔽修力圓滿云何菩薩不被
摧伏神力圓滿謂此菩薩諸有情中
終无有能摧菩薩力是名不被摧伏
神力圓滿云何菩薩於福德力修習
圓滿謂此菩薩修習一切世出世間
所有福德善提資糧悉皆積集无有
少分不圓滿者是名菩薩於福德力
修習圓滿云何菩薩於般若力修行
圓滿謂此菩薩於諸佛法以正般若

而觀見之唯除如來一切種智非不
已證非不了知是名菩薩於般若力
修習圓滿云何菩薩於眷屬力同得
圓滿謂此菩薩所有眷屬於戒及見
威儀淨命皆悉圓滿所有眷屬一切
皆同菩薩所行是名菩薩於眷屬力
同得圓滿云何菩薩於神通力修得
圓滿謂此菩薩神通勝力超諸世間
及彼二乘神通境界菩薩樂欲於一
毛端安贍部洲乃至四洲若干世界
二千三千大千世界又復菩薩樂欲
於一微塵量中安處无量殑伽沙界
如是世界若二若三若四若五或十
二十三四五十乃至不可說不可說
不可說殑伽沙界安置於一極微塵
中其微塵量不增不減彼諸世界於
一微塵中各各安處不相障碍其中
有情亦无燒乱迫迮之相是名菩薩
於神通力修得圓滿云何菩薩於自
在力修得圓滿謂此菩薩意所樂欲
七寶充滿大千世界饒益有情乃至
樂欲種種諸寶於不可說不可說界
皆得充滿是名菩薩於自在力修得

圓滿云何菩薩於惣持力而得圓滿
謂此菩薩乃至聞於所不可說不可
說數諸佛土中一切如來演說正法
義句有異名理不同菩薩能於一剎
那中若一臘縛一牟呼栗多於義句
名理領受了知並能修習是名菩薩
於惣持力而得圓滿云何菩薩无能
改易神變威力圓滿謂此菩薩所有
神變唯除如來應正等覺一切有情
終无有能改易菩薩是名菩薩得無
改易神變威力圓滿云何菩薩得不
違越教力圓滿謂此菩薩所有教勅
言无有二有情信順无違越者唯除
方便善巧利樂是名菩薩得不違越
教力圓滿善男子菩薩成就此十種
法修力圓滿

復次善男子菩薩成就十種法得智
圓滿何等為十一者於補特伽羅无
我智得圓滿二者於法無我智得圓
滿三者於无限量智得圓滿四者於
三摩地所行境界智得圓滿五者修
神變智而得圓滿六者不攝取智修
得圓滿七者觀有情所行智得圓滿

八者於無功用智得圓滿九者諸法相智修得圓滿十者於出世智修得圓滿云何菩薩於補特伽羅无我智圓滿謂此菩薩隨諸蘊相觀見生起又於諸蘊觀見滅壞菩薩正觀諸蘊生時性不堅固无實所作即是空性及正觀察諸蘊滅時體性破壞菩薩如是思惟諸蘊畢竟无我亦無有情无有命者無養育者無補特伽羅愚夫異生執著於我如是思惟蘊即非我我即非蘊然諸蘊中妄執有我不能了知真實法故生死流轉猶如旋輪菩薩如實了知諸法是名菩薩於補特伽羅無我智得圓滿云何菩薩於法無我智得圓滿謂此菩薩如實了知增益損減諸法體性菩薩又復如是思惟法之與名更互為客但由虛妄分別安立法及名字俱无自性依想心量及隨世俗法及名字更互為客非无有體及以作用此依他緣說有法性待他眾緣而得起故菩薩如實了知一切待緣而起緣盡而滅是名菩薩於法无我智得圓滿云何

菩薩於无限量智得圓滿謂此菩薩
無限量智非初剎那起後剎那不起
非此方起餘方不起以无碍智於一
切剎那一切方所而常相續恒遍起
故是名菩薩於無限量智得圓滿云
何菩薩於三摩地所行境界智得圓
滿謂此菩薩能悉了知二乘所得諸
三摩地能悉了知菩薩所得諸三摩
地及能了知一切如來諸三摩地又
此菩薩亦能了知二乘修習住三摩
地及三摩地所行境界亦能了知一
切菩薩住三摩地及三摩地所行境
界亦能了知如來所住諸三摩地及
三摩地所行境界以如來力加持菩
薩故能了知佛三摩地菩薩若以自
所成就異熟果智即不能知佛三摩
地以自成就異熟果智能悉了知餘
三摩地是名菩薩於三摩地所行境
界智得圓滿云何菩薩修神變智而
得圓滿謂此菩薩能正了知聲聞神
變能正了知緣覺神變能正了知菩
薩神變何況一切有情所有神變而
不能知是名菩薩修神變智而得圓

滿云何菩薩不攝取智修習圓滿謂
此菩薩所成就智一切外道及諸惡
魔聲聞緣覺不能攝取是名菩薩不
攝取智修習圓滿云何菩薩觀有情
所行智得圓滿謂此菩薩以清淨智
觀有情界見有情中或未發菩提心
或已發菩提心或未得菩提心或已
得菩提心或住初地乃至十地或已
現等覺或正現等覺轉法輪時或於
所化一切已辨入般涅槃或有聲聞
乘般涅槃時或有辟支佛乘般涅槃
時或生善趣或生惡趣菩薩悉見是
名菩薩觀有情所行智得圓滿云何
菩薩於无功用智得圓滿謂此菩薩
行住去來若動若寂任運常起无功
用智如人睡眠出息入息而無功用
應知菩薩无功用智亦復如是於一
切境智起無尋是名菩薩於无功用
智得圓滿云何菩薩諸法相智修得
圓滿謂此菩薩了知諸法皆同一相
謂能了知一相無相及諸幻相妄分
別相是名菩薩諸法相智修得圓滿
云何菩薩出世間智修習圓滿謂此

菩薩得無漏智超過一切世間諸智
是名菩薩出世間智修習圓滿善男
子菩薩成就此十種法得智圓滿
復次善男子菩薩成就十種法得如
大地何等為十一者廣大无量二者
一切有情之所受用三者捨離恩怨
四者普能承受大法雲雨五者為諸
有情之所依止六者諸善種子之所
依處七者如大寶器八者如大藥器
九者得不傾動十者得不驚怖善男
子云何菩薩廣大无量猶如大地周
遍廣大无有邊量菩薩如是周遍廣
大福智資糧无有限量是名菩薩得
廣大無量云何菩薩為一切有情之
所受用譬如大地為種種資具一切
有情之所受用菩薩如是攝取彼彼
布施持戒忍辱精進靜慮般若波羅
蜜等種種資糧為諸有情之所受用
是名菩薩為一切有情之所受用云
何菩薩捨離恩怨善男子譬如大地
平等載育无恩無怨無瞋無喜種種之
想菩薩如是於有情中无有恩怨不生
瞋喜是名菩薩捨離恩怨云何菩薩

普能承受大法雲雨譬如大地普能
承受廣大雲雨悉皆含容菩薩如是
承受如來發起廣大善法雲雨能忍
能持是名菩薩普能承受大法雲雨
云何菩薩為諸有情之所依止善男
子譬如大地為諸有情來去所依菩
薩如是平等普為一切有情往於善
趣及向涅槃之所依故是名菩薩為
諸有情之所依止云何菩薩為諸善
種之所依處善男子譬如大地能為
一切種子依處菩薩如是能為有情
一切善法種子依處是名菩薩諸善
種子之所依處云何菩薩如大寶器
善男子譬如大地為諸寶器能現種
種諸珍寶故菩薩如是能現種種諸
功德寶是名菩薩如大寶器云何菩
薩如大藥器善男子譬如大地一切
諸藥依之出現能除世間一切諸病
菩薩如是諸大法藥依之而出所現
法藥能滅世間煩惱諸病是名菩薩
如大藥器云何菩薩得不傾動善男
子譬如大地非蚊蚋等力所虧損世
間諸風不能撼動菩薩如是不為一

初有情內外苦惱之所傾動是名菩
薩得不傾動云何菩薩得不驚怖善
男子譬如大地若有諸龍及諸獸王
哮吼音聲无有驚怖菩薩如是聞彼
諸魔一切外道哮吼音聲不生怖畏
是名菩薩得不驚怖善男子菩薩成
就此十種法得如大地
佛說寶雨經卷第三

癸卯歲高麗國大藏都監奉
勅彫造

唐天竺三藏達摩流支譯

復次善男子菩薩成就十種法得如
於水何等為十一者隨順善法二者常
能生長一切白法三者歡喜淨信悅
樂滋潤四者令一切煩惱相續朽敗
五者自性澄清无濁潔淨六者息滅
一切煩惱燒然七者捨離一切諸欲
愛渴八者甚深難度九者於等不等
地方充滿十者息滅一切諸煩惱塵
云何菩薩隨順善法譬如大水若行
若流若出皆能隨順滋潤草木菩薩
如是於諸善法隨順修行隨順流布
隨順出離是名菩薩隨順善法云何
菩薩能生一切白善之法善男子譬
如水性能生一切草木叢林生已增
長菩薩如是以三摩地水能生一切
菩提分法生已增長乃至能成薩婆
若樹以得一切佛果智樹所有種種
諸白善法令諸有情之所受用是名
菩薩能生一切諸白善法云何菩薩
得歡喜淨信悅樂滋潤善男子譬如

於水自性流潤及能令他一切滋潤
菩薩如是常懷淨信歡喜悅樂自性
滋潤及能令他一切有情歡喜淨信
悅樂滋潤云何歡喜謂常希求出世
間法云何淨信謂能歸依於佛法僧
云何悅樂謂彼所有清淨之心而常
悅樂是名菩薩歡喜淨信悅樂滋潤
云何菩薩令一切煩惱相續根栽皆
悉朽敗善男子譬如於水能令一切
若樹若草其根腐敗菩薩如是以修
行所依三摩地水能令一切煩惱根
栽相續腐敗既腐敗已煩惱相續體
不可得煩惱臭穢无有餘習是名菩
薩令一切煩惱相續根栽皆悉腐敗
云何菩薩自性澄清无濁潔淨善男
子猶如於水自性澄清無濁潔淨云
何自性澄清謂能遠離纏及睡眠云
何無濁謂能遠離貪瞋癡故云何潔
淨能令諸根得潔淨故是名菩薩自
性澄清无濁潔淨云何菩薩息滅一
切煩惱燒然善男子猶如水性於有
情熱惱及熱時熱處悉令息滅菩薩
如是能以法水息滅有情諸煩惱熱

是名菩薩息滅一切煩惱燒然云何
菩薩捨離一切諸欲愛渴善男子猶
如有情為渴所逼若得於水即便止
渴菩薩如是一切有情為彼欲境渴
所逼故生諸苦惱菩薩即為雨大法
雨有情由此離境界渴是名菩薩捨
離一切諸愛欲渴云何菩薩甚深難
度善男子如大深水甚為難度菩薩
如是成就般若圓滿甚深不為諸魔
一切外道之所能度是名菩薩甚深
難度云何菩薩於等不等地方充滿
善男子如水瀑流於等不等諸地方
所皆悉遍滿菩薩如是法水瀑流於
等不等諸有情界遍能充滿由菩薩
哀愍諸有情故發起瀑流廣大法水
而不逼迫諸有情界不同於水是名
菩薩於等不等地方充滿云何菩薩
息滅一切諸煩惱塵善男子譬如於
水能令一切堅硬地方普皆柔軟及
諸塵土皆能止息菩薩如是以般若
所依三摩地水令諸有情堅硬染心悉
皆柔軟及能息滅煩惱塵土是名菩
薩息滅一切諸煩惱塵善男子菩薩

成就此十種法等之於水

復次善男子菩薩成就十種法等之於火何等為十一者能燒諸煩惱聚二者能成熟佛法三者能乾諸煩惱泥四者如大火聚五者如火光明六者能令驚怖七者能令安隱八者能令一切有情共得九者能令供養十者得不輕欺云何能燒諸煩惱聚善男子譬如大火能燒一切草木叢林諸穢惡聚菩薩如是以智慧火能燒一切纏及隨眠貪瞋癡等煩惱惡聚是名菩薩能燒一切諸煩惱聚云何菩薩能成熟佛法善男子譬如火性成熟一切種種飲食諸藥等物菩薩如是以內證般若成熟佛法而不退失是名菩薩成熟佛法云何菩薩能乾諸煩惱泥善男子譬如大火能乾於泥菩薩如是悉能乾竭諸煩惱泥是名菩薩能乾一切諸煩惱泥云何菩薩如大火聚善男子譬如有人為極寒苦之所逼迫然大火聚得離寒苦菩薩如是若諸有情為煩惱寒苦之所逼迫以般若火令得銷滅是名

菩薩如大火聚云何菩薩如火光明
善男子譬如有人於雪山頂毘陀羅
山頂然大火聚赫奕熾盛光耀周遍
一踰繕那或二踰繕那或三踰繕那
菩薩如是以智慧明光耀周遍百踰
繕那或千踰繕那或百千踰繕那乃
至無量阿僧企耶諸世界中一切有
情皆蒙智光明耀周遍有情遇此智
光明故破壞一切無明黑闇是名菩
薩如火光明云何菩薩能令驚怖善
男子譬如獸王及諸惡獸見大火聚
即生怖畏既驚怖已捨離於此遠至
他方一切魔王及諸魔衆亦復如是
若見菩薩心生怖畏由彼自念威光
下劣捨離菩薩遠至餘處尚不欲聞
菩薩之名何況近見是名菩薩能令
驚怖云何菩薩能令安隱善男子譬
如有人在於曠野飢渴困乏險難艱
辛迷失方所見大火聚即往趣之或
遇村落或牧牛處彼人見已遠離一
切所有怖畏心得安隱有情亦余在
於生死曠野險難飢渴困乏迷失正
路見菩薩已遠離一切煩惱驚怖心

得安隱是名菩薩能令安隱云何菩薩能令一切有情共得善男子譬如火聚溫暖勢力一切有情之所共得善王王等及旃荼羅子皆共得之菩薩亦尔所有恩力一切有情若王王等及旃荼羅子皆共得之是名菩薩能令一切有情共得云何菩薩能令供養善男子譬如火聚能令人間城邑聚落事火婆羅門刹帝利等之所供養菩薩亦尔應為世間天人阿素洛等猶如佛想而皆供養是名菩薩能令供養云何菩薩得不輕欺善男子如微小火不可輕欺以性能燒故菩薩亦尔住解行位廬學大乘雖未能有廣大威力一切世間天人阿素洛等終不輕慢何以故世間天龍藥叉健達縛阿素洛等了知菩薩不久坐於菩提道場當成阿耨多羅三藐三菩提是名菩薩得不輕欺善男子菩薩成就此十種法得如於火復次善男子菩薩成就十種法等如於風何等為十一者等於風行无有處所二者等風所行究竟不盡三者

能得摧破有情我慢山峯四者能得
起於大法雲雨五者能得除滅一切
有情煩惑熱惱六者能普施與一切
有情等流淨法出息入息活命善巧
七者能持无量大法雲雨八者能得
安立取勝大法一切宮殿種種莊嚴
九者能於衆會決定演說種種妙法
猶如風吹諸劫波樹適意之花如雨
而下十者於阿僧祇劫積集无量清
淨法輪及三摩地解脫惣持於彼大
海蘇迷廬山輪圍山等之所圍遶衆
會之處若有衆生堪應調伏可成熟
者發智風輪轉滅所依一切無餘善
男子云何等於風行無有處所善男
子譬如風行於一切處无有住著亦
無處所无所依止亦無色相能作自
事謂令一切宮室蘇迷廬山及諸海
等有所動搖皆得成辦能令他見苦
薩亦復如是行一切處得无所著何
者是一切處謂蘊界處一切法中蘊
謂色蘊受蘊想蘊行蘊識蘊界謂眼
界色界眼識界耳界聲界耳識界鼻
界香界鼻識界舌界味界舌識界身

界觸界身識界境界法界意識界處
謂眼處色處耳處聲處鼻處香處舌
處味處身處觸處意處法處菩薩又
於世出世法一切天人富貴熾盛轉
輪聖王釋梵護世大自在天及聲聞
緣覺諸地菩薩乃至一切智中於此
諸處得无所著又能遠離非有非無
非一性非異性非真實性非虛妄性
等無量分別之所分別以無有所緣
故然菩薩所行解脫无尋復能示現
普遍十方无量無邊諸世界中現作
釋梵護世等身為欲饒益一切有情
行一切處經於多劫終不可見由離
邊際故以法性身遠離分別所分別
故善男子是名菩薩等於風行无有
處所善男子云何菩薩等風所行究
竟不盡善男子如風順行无量世界
能吹諸物速疾迴轉各有所作菩薩
亦尔如風觸物速疾行於一切方所
究竟不盡謂能行於一切如來道場
衆會及諸菩薩道場衆會又於一切
世間所有宮室之中普遍安立宣暢
演說周遍觀察世俗勝義无量諸法

是名菩薩等風所行究竟不盡善男
子云何菩薩能得摧破一切有情我
慢山峯善男子譬如風吹能令曼陀
羅山峯林伍屈摧折墮落菩薩亦亦
如彼風吹能令有情我慢憍醉縱逸
峯林摧折墮落何者名為我慢山峯
謂諸有情恃已所有色力等相受用
自在長壽元病能得活命工巧多聞
聰明智慧有勝眷屬言辭辯了令衆
樂聞由是憍醉自讚已能菩薩為欲
摧破有情我慢山峯故能示現色力
之相受用等事取勝自在過於彼人
為說正法摧破有情我慢高山悉能
安置清淨善處是名菩薩能得摧破
我慢山峯善男子云何菩薩能得起
於大法雲雨善男子譬如風力周遍
四方發起大雲其雲如輪有種種色
雷音遠震如海中聲美妙明朗甚深
柔軟又出種種音樂歌聲能令悅意
電光為變莊嚴晃耀晝夜恒常而雨
大雨又雨種種諸寶之雨流雲周遍
弥覆百千俱胝那由多界令諸有情
歡喜悅樂又令世間一切草木叢林

苗稼皆得生長菩薩亦令以大悲為
風發起十方無邊世界種種身相以
之為雲所出光明晃耀殊勝色相顯
現如彼電變光飾嚴淨為諸有情之
所愛樂出大音聲說真實法猶如雷
震美聲深遠言辭美妙別有六萬種以
此音聲為盡虛空周遍法界一切有
情雨大法雨覆護一切世界有情在
於惡趣及諸无暇受苦之者皆令離
苦復能加持此諸有情安置一切嚴
淨世界然皆令得取勝喜悅生安樂
心富貴熾盛令得種種相好圓光其
光清淨分明晃耀又於一切諸法會
中以法雨水灌人天頂令得取勝歡
喜悅樂成就圓滿一切世間及出世
間諸白淨法皆令生長如彼雲雨能
令藥草叢林苗稼皆得生長是名菩
薩能廣發起大法雲雨善男子云何
菩薩能得除滅一切有情煩惱熱惱
善男子如風吹擊諸雲藏時周遍流
注清淨香雨能作清涼除滅有情一
切熱惱菩薩亦令大悲為風以正法
為水清淨戒香及不空願香饒益有

情謂親近菩薩同居之時若聞說法
若見若觸皆蒙獲益是名菩薩不空
願者以此无上和合香水能令惡趣
一切有情貪瞋癡等邪見惡行貧窮
困苦於其境界所愛乖離非愛和合
起非法貪能生衆病如是熱惱皆得
銷滅又能置於无憂惱地是名菩薩
能得銷滅一切世間煩惱炎熱云何
菩薩能普施與一切有情等流淨法
出息入息活命善巧善男子如因風
力有出入息能令一切有情活命菩
薩亦尔如彼風力能施一切白淨之
法能與種種富貴滿足能令有情各
得歡喜

復次善男子譬如風力廣能安立一
切世界種種莊嚴謂風能持金剛輪
等七寶洲海輪圍山大輪圍山四大
洲渚蘇迷盧山大蘇迷盧山及餘寶
山香山雪山帝釋宮殿瞻部洲等及
小千中千大千世界菩薩亦尔大悲
為風謂能施與周遍十方一切有情
諸福德聚悉令生長安立成就如因
風力成就雪山菩薩施與世間福田

應知亦尔如風成就四大洲渚蘇迷
盧山等菩薩成就聲聞應知亦尔如
風能持小千世界菩薩能成辟支佛
果應知亦尔如風成立中千世界如
是成立菩薩乘果當知亦尔如風成
立大千世界菩薩如是成如來身百
福之相出過一切世間一切世界甚
深清淨究竟圓滿遍虛空界聞佛名
稱一切供養於一切時安立三摩呬
多常住現前應知亦尔如風能成諸
大海水菩薩能成三摩地海應知亦
尔如風成立小中大洲及諸山等菩
薩成就諸陀羅尼以方便成熟諸弟
子衆及一切有情應知亦尔如風成
立帝釋宮殿菩薩能成清淨佛刹功
德莊嚴應知亦尔如風能成劫波樹
林菩薩成就諸地波羅蜜多及三摩
地神通自在諸陀羅尼三明智光現
正等覺力及无畏不共大悲於一切
法寂勝自在應知亦尔善男子何者
名為諸佛世尊百福之相善男子譬
如十方一一方面如阿僧企耶殑伽
河沙世界其中所有一切有情二

成就十三千大千世界中所有輪王
福德之聚彼諸有情成就如是福德
之聚惣為一聚成一大轉輪王福德
之量於其東方過前所說世界數量
復有世界數量如前其世界中所有
衆生一一成就如前所說一大輪王
福德之量如是次第南西北方四維
上下亦復如是乃至盡彼虛空界中
一切世界所有衆生一一成就如前
所說一大輪王福德之量善男子假
使十方一一方面如阿僧企耶殑伽
河沙世界其中所有一切有情二
成就十三千大千世界中所有帝釋
福德之聚彼諸有情所成如是帝釋
福德之聚以此福聚合成一大帝釋
福德之量於其東方過前所說世界
數量復有世界數量如前其世界中
所有衆生一一成就如前所說一大
帝釋福德之量如是次第南西北方
四維上下亦復如是乃至盡彼虛空
界中一切世界所有衆生一一成就
如前所說福德之量善男子譬如十
方一一方面如阿僧企耶殑伽河沙

世界其中所有一切有情一一成就
十三千大千世界中所有梵王福德
之聚彼諸有情所成如是梵王福德
之量惣為一聚以是福聚合成一大
梵王福德之量於其東方過前所說
世界數量復有世界數量如前其世
界中所有衆生一一成就如前所說
一大梵王福德之量如是次第南西
北方四維上下亦復如是乃至盡彼
虛空界中所有衆生一一成就如前
所說一大梵王福德之量善男子以
如是算數世界所有衆生成就聲聞
及辟支佛證得十地大智光明法雲
灌頂成十自在諸大菩薩福聚之量
亦復如是善男子惣以如是十方三
世盡虛空際一切世界所有衆生微
塵數等以彼如是一切種類若干有
情福德之聚如是積數滿於百倍成
就如來一毛孔中福德之聚以彼如
來一切毛孔福德之聚如是積數滿
十阿僧企耶百千倍數成就八十隨
好之中一隨好福德之量以彼一切
隨好福德如是積數滿十不可說不

可說倍成就如來二十九相如是積
數滿十不可說不可說俱脰倍成就
如來眉間白毫之相其白毫相光明
嚴淨過於圓滿清淨月輪其量千倍
如是積數滿十不可說不可說千俱
脰倍成就如來无觀頂相其无觀頂
相烏瑟膩沙之所莊嚴出過世間所
有積數滿十不可說不可說俱毘鄰
庾多數百千倍成就如來梵音聲相
自在能種種說詞韻和雅一切世間
无不等聞復令衆生歡喜滿足善男
子是名諸佛百福之相善男子如來
以是无盡福智資糧普遍之所莊嚴
令一切有情而得受用善男子若於
十方遍於法界盡虛空性諸世界中
所有衆生悉住第十法雲之地皆得
種種殊勝三業之所莊嚴於十自在
中能得自在以贍部洲金而為諸器
種種諸寶之所莊嚴量如虛空其數
等於殍伽河沙以此寶器盛取如來
一毛孔中福德之聚於一剎那盛取
而去盡未來際盛而復往如來一毛

孔中福德之聚不增不減善男子一切如來百福體相不可思議何者諸地有十二種一未發菩提心地二極喜地三離垢地四發光地五焰慧地六極難勝地七現前地八遠行地九不動地十善慧地十一法雲地十二普光明佛地何者是願未發菩提心地謂此菩薩出過一切愚夫所行滅壞之法勝於一切三界人天釋梵護世聲聞緣覺超過一切世間所得殊勝三業種種莊嚴之所莊嚴圓光晃曜十方無邊一切世界由精進力一剎那中於阿僧企耶諸世界中來而復往无有障導於一切世界四大洲中普現蓮花為大光明寶網莊嚴以承其足於千世界中莊嚴寶座无量無邊精勤修行毗鉢舍那善能了知一切諸法於所緣境無有障導意所喜樂能現十種廣大瑞相乃至示現阿僧企耶極大瑞相得不退轉來往諸方而无障導放不思議大光明網而能莊嚴無量佛剎善巧神變於不可說諸世界中示現能作无量無邊

世界之主似佛影身為主自在承受
灌頂為大施主能於一切世出世間
雨於无量法寶光明作大祠會如雲
普遍周匝施與終无限尋廣大莊嚴
能令見者之所愛樂隨順一切世間有
情意樂滿足又能震動阿僧企耶一
切世界徃返遊行哀愍无邊諸惡趣
等一切有情復能供養無邊諸佛於
一切法門悉能受持又於阿僧企耶
諸三摩地惣持解脫神通智明常能
遊戲愛樂无邊諸法苑樂无所憊望
於无邊數俱脰大劫得無功用離分
別喜及增上光明經於无量俱脰那
庾多百千蓮花數劫入於大乘種種
修習利他之行攝取出離福智資糧
由昔行因有无量種今得增長百千
數倍以此增上取極增上信解法性於
無間時得鳳地位此是菩薩未發證
性菩提心地善男子譬如轉輪聖王
已得超過人中色相而未能得過於
諸天淨妙色相菩薩如是已得超過
一切世間聲聞辟支佛地未得勝義
菩薩之地

復次普光明佛地者證離中邊无復餘垢於一切法而得自在一剎那中普遍觀察一切有情獲得一切義利之相

復次云何名為諸三摩地謂諸菩薩證三摩地有其十種一涌出寶三摩地二善住三摩地三不動三摩地四不退三摩地五寶積三摩地六日光三摩地七一切義成三摩地八智炬三摩地九現在佛前住三摩地十健行三摩地是諸菩薩證三摩地无量無邊以如是等而為上首

復次菩薩陀羅尼有十二種一灌頂陀羅尼二有智者陀羅尼三音聲清淨陀羅尼四無盡筵陀羅尼五无邊旋陀羅尼六海印陀羅尼七辯峯陀羅尼八蓮花莊嚴陀羅尼九入无著門陀羅尼十決定入无碍解陀羅尼十一諸佛莊嚴神變陀羅尼十二成就佛身無邊色相出現於世陀羅尼是諸菩薩證陀羅尼无量無邊以如是等而為上首云何菩薩六種神通一天眼智通二天耳智通三他心智通

四宿住隨念智通五神境智通六漏
盡智通云何菩薩十種自在一命自
在由此壽命經於无量阿僧企耶能
持令住二心自在由心自在調伏方
便入不可說諸三摩地能得自在三
財自在由此示現一切世間莊嚴妙
飾四業自在能隨諸業及於異熟而
示現之五生自在能於一切世界示
現受生六勝解自在謂能示現諸佛
身相於諸世界充滿令見七願自在
謂隨於彼非時非刹能現等覺八神
通自在於一切世界示現無邊種種
神變九法自在謂能於彼離中邊法
門明了顯現十智自在謂於一剎那
中遍能了知三世如來十力無畏无
尋解脫佛不共法諸相隨好復能示
現無上等覺又於一剎那中能遍了
知三世諸佛一切剎土極微塵數又
能示現起一切智現正等覺成就種
種具足寂勝此是菩薩十種自在云
何菩薩十力一意樂力二增上意樂
力三加行力四般若力五願力六修
行力七乘力八神通力九菩提力十

能轉法輪力云何菩薩四无所畏一
聞陀羅尼受持讀誦演說其義得无
所畏二由證無我不惱乱他及不現
惡相俱生无過守護威儀三業清淨
得无所畏三以般若而為方便善能
通達所受持法常不忘失又能示現
不為放逸令諸有情出離清淨无有
障碍得无所畏四不於餘乘而求出
離終不忘失一切智心能得圓滿種
種自在方便利益一切有情得无所
畏是名菩薩四无所畏云何菩薩十八
不共法一諸菩薩行施不隨他教二
持戒不隨他教三修忍不隨他教四
精進不隨他教五靜慮不隨他教六
般若不隨他教七行於攝事能攝一
切有情八能解迴向九方便善巧為
主自在令一切有情有所修行復能
示現於寂上乘而得出離十不退大
乘十一善能示現於生死涅槃而得
安樂言音善巧能隨世俗文同義異
十二智為前導雖現前起種種受生
而无所作離諸過失十三具足十善
身語意業十四為攝諸有情恒不捨

離常能忍受一切苦蘊十五能為示
現一切世間之所愛樂十六雖於衆
多苦惱愚夫及聲聞中住而不志失
一切智心如寶堅固清淨莊嚴十七
若受一切法王位時以繒及水繫灌
其頂十八能不捨離諸佛正法示現
怖求名是名菩薩十八不共之法

佛說寶雨經卷第四

癸卯歲高麗國大藏都監奉
勅彫造

佛說寶雨經卷第五

披

唐天竺三藏達摩流支譯

善男子云何名為如來十力一處非
處智力二去來現在異熟業因要期
智力三種種種勝解智力四種種界智
力五根勝劣智力六遍趣行智力七
一切靜慮解脫三摩地三摩鉢底出
離難染清淨智力八宿住隨念智力
九生死智力十漏盡智力是名如來
十種智力云何如來四无所畏一諸
法現等覺無畏二一切漏盡智無畏
三障法不虛決定授記无畏四具足
修行證於出離无畏是名如來四無
所畏云何十八佛不共法一如來无
有誤失二无卒暴音三无忘失念四
無不定心五無種種想六无不擇捨
七欲无減八精進無減九念无減十
定無減十一慧无減十二解脫無減
十三於過去世智見無著无碍十四
於未來世智見无著無碍十五於現
在世智見无著無碍十六一切身業
智為前導隨智而轉十七一切語業

智為前導隨智而轉十八一切意業
智為前導隨智而轉是名十八佛不
共法

善男子云何如來大悲善男子如來
成就大悲有三十二種能於十方无
量无邊一切世界諸有情中起於種
種大悲不可思議云何三十二種大
悲一者一切諸法皆无我有情不
信諸法無我是故如來為彼有情而
起大悲二者一切諸法无實有情衆
生自謂有實有情是故如來為諸有
情起於大悲三者一切諸法无實命
者有情謂言有實命者是故如來為
諸有情而起大悲四者一切諸法无
補特伽羅有情執有補特伽羅是故
如來為諸有情而起大悲五者一切
諸法无實體性有情執法實有體性
是故如來為諸有情而起大悲六者
一切諸法无實處所有情執著有實
處所是故如來為諸有情起於大悲
七者一切諸法无實執藏有情妄執
有實執藏是故如來為諸有情起於
大悲八者一切諸法无我我所有情

執有實我我所是故如來為彼有情
起於大悲九者一切諸法无實主宰
有情妄執有實主宰是故如來為諸
有情而起大悲十者一切諸法無實
事物有情妄執有實事物是故如來
為彼有情起於大悲十一諸法无生
有情妄執諸法有生是故如來為諸
有情而起大悲十二一切諸法无起
無滅有情妄執有起有滅是故如來
為諸有情而起大悲十三一切諸法
無有雜染有情妄執實有雜染是故
如來為諸有情而起大悲十四諸法
無貪有情起貪是故如來為諸有情
而起大悲十五諸法離瞋有情起瞋
是故如來為諸有情而起大悲十六
諸法離癡有情起癡是故如來為諸
有情而起大悲十七一切諸法皆因
緣生自性寂靜自性清淨有情妄執
有實可得是故如來為諸有情而起
大悲十八一切諸法無來而諸有情
妄執有來是故如來為彼有情起於
大悲十九一切諸法无去而諸有情
妄執有去是故如來為彼有情起於

大悲二十一一切諸法無實造作有情
妄執有實造作是故如來為諸有情
而起大悲二十二一切諸法无有戲
論有情愛樂執有戲論是故如來為
彼有情而起大悲二十三諸法體空
衆生執有是故如來為諸有情而起
大悲二十四諸法無願有情妄執諸法
有願是故如來為彼有情而起大悲
二十五此界有情安住世間由各執
著互相評論起貪瞋癡觀見如是諸
有情故我今當為有情說法令彼永
斷貪瞋癡故是以如來為諸有情起
於大悲二十六謂諸有情安住世間
具足顛倒墜險惡路墮於非處我應
令彼諸有情等入真實路由是如來
為諸有情起於大悲二十七此界有
情戀著世間貪愛所蔽侵奪他財心
无厭足我應令彼諸有情類得聖法
財謂施戒聞等是故如來為彼有情
而起大悲二十八一切有情為貪愛
驅役耽染舍宅妻子財物諸穀麥等

經求守護與諸財物而作奴僕我應
為彼演說妙法觀舍宅等畢竟無常
不堅之法是諸有情要作堅想是故
如來為諸有情起於大悲二十九此
界有情不為欺誑更相侵奪以惡活
命我為說法令諸有情得清淨活命
是故如來為諸有情而起大悲三十
此界有情親近惡友得諸供養及讚
歎等之所饒益自謂是我真實知識
我應為彼一切有情真善知識我應
為作畢竟善友令彼有情眾苦息滅
而得究竟安樂涅槃是故如來為諸
有情而起大悲三十一三界有情在
於居家一向煩勞眾苦器中於一切
時愛樂戀著我應為彼說如是法令
諸有情於三界中而得出離是故如
來為彼有情而起大悲三十二解脫
聖者作如是說一切諸法由因而生
眾緣長養果相滋茂若諸有情起於
懈怠即為捨離增上殊勝無染正智
及寂上涅槃此諸有情雖復希求下
劣聲聞辟支佛乘我應為彼說如是
法令諸有情樂廣大慧希求佛智是

故如來為諸有情而起大悲善男子
此是如來所成大悲有三十二種於
有情中起應知即是菩薩摩訶薩真
實福田威光熾盛具不退者復能利
益一切有情善男子一切如來及諸
菩薩得自在者所有功德無量無邊
阿僧企耶此百福相而為上首若諸
如來經無量劫演說如是無量無邊
諸功德相終不可盡我今略說為令
有情生喜樂故是名菩薩攝取有情
清淨等流一切諸法出息入息活命
善巧善男子云何菩薩能持無量大
法雲雨善男子譬如風輪廣大無邊
普遍世界堅固不動於成壞時能持
雲雨海及大洲等真隣陀山摩訶
真隣陀山輪圍山大輪圍山諸香山
等河林宮室以彼風輪為所依持菩
薩摩訶薩亦復如是以無量無邊諸
陀羅尼而為風輪發起一切正等覺
雲如成劫時安立世界蘇迷盧山輪
圍山大輪圍山香山雪山海及大洲
河林宮殿又復流澍大法雲雨能持
世間及出世間無邊法蘊百福之相

諸地波羅蜜多一切三摩地諸陀羅尼神通自在力无畏等及無尋解不共大悲成就一切佛及菩薩是名菩薩能持无量大法雲雨善男子云何菩薩能得安立最勝宮殿種種莊嚴善男子譬如風力周遍安立一切宮殿種種莊嚴令諸草木萌芽增長根莖枝葉花果茂盛又復能令一切有情支分老別菩薩如是以無邊智无著智无尋解智辯才智如風布列一切世間及出世間種種具足復能了知示現施與種種老別今當略說謂此諸法能生惡趣及生善趣所生為主謂此諸法生捺洛迦及以傍生謂此諸法生琰魔界或生人天或生釋梵護世諸天謂此諸法所生之處色相端嚴人所喜見聰明智慧及好眷屬又菩薩善巧了知此法是諸明處種種伎能種種工巧一切色類及諸異論又能顯示有聲聞種姓故起聲聞乘有辟支佛種姓故起辟支佛乘有大乘種姓故起菩薩乘今當略說發起種種自利利他殊勝功德得普

賢地及一切智復能了知此是諸地
此是波羅蜜多此是諸三摩地此是
諸陀羅尼此是神通此是諸明此是
自在此是解脫此是諸力此是无畏
此是无尋解此是諸佛不共之法善
男子菩薩以蓮花等數惣持善巧建立
如是无量諸法種種莊嚴善男子是
名菩薩能得安立最勝大法一切宮
殿種種莊嚴善男子云何菩薩能於
衆會決定演說種種妙法猶如風吹
諸劫波樹於常常時雨適意花如雨而
下善男子如風吹動諸劫波樹適意
之花如雨而下及諸珍寶莊嚴之具
衣服飲食種種具足微風吹動展轉
出現遍於天人衆生得已无復憂惱
心生慶悅獲增上喜身心安樂歡娛
遊戲受法施樂於一切時色相端嚴
威力速疾受諸勝樂而无退減菩薩
亦亦猶如彼風於清淨世界請諸如來
及諸菩薩於衆會中決定演說相應
妙法雨法寶花如雨而下謂契經應
頌記別諷誦自說緣起譬喻本事本
生方廣希法論議或上或下若順若

逆種種演說復能示現一切世俗所
有言說於其所緣無我法性寂靜清
淨演說解釋離諸染相復能顯現一
切諸法平等法門令有情入復能示
現不可思議如幻諸法令如幻智之
所趣向復令有情於一切法種種增
長遊戲神通歡喜悅樂但有問答能
令知足離於中邊發起廣大善巧神
通由彼常能愛樂法苑身无疲厭語
及意業終不違犯一切人天威德廣
大具足受用一切諸法恒不退減常
起般若明輝觀察趣向增上殊勝之
法是名菩薩能於衆會決定演說種
種妙法如劫波樹於常常時雨適意
花如雨而下善男子云何菩薩於阿
僧祇劫積集無量清淨法輪及三摩
地解脫惣持於彼大海及迷廬山輪
圍山等之所圍繞衆會之處若有衆
生堪應調伏成熟者中發智風輪轉
滅所依一切無餘善男子譬如劫盡
壞世界時以无尋風力速疾吹壞三
千大千世界百千那由多蘇迷廬山
輪圍山等及諸大海破壞離散猶若

虛空都無所有菩薩亦介於多劫中
積集種種福智資糧之所在嚴能於
一切衆會之中發智風輪以速疾神
力示現神變發大音聲說諸法蘊无
尋法輪令一切有情所起我慢如山
峯者皆得銷滅復能證得勝法光明
毗鉢舍那常現在前如理思惟一切
諸行內心正住三摩呬多諸三摩地
皆得具足破壞離散諸蘊界處一切
諸行不堅之身了知一切虛妄分別
即能超出一切世間无有色相不可
思議增長出世福德圓滿復能示現
一切色相了知轉得清淨所依盡未
來際一切時住是名菩薩於阿僧祇
劫積集无量清淨法輪及三摩地解
脫惣持於彼大海及迷廬山輪圍山
等之所圍遶衆會之處若有衆生堪
應調伏成熟者中發智風輪轉滅所
依一切無餘善男子菩薩成就此十
種法等之於風

今時止蓋菩薩白佛言世尊說此十
種法門種種具足甚為希有一切有
情悉皆喜足世尊若有天人於此法

中能起淨信勝解修行如佛所說當證具足今世後世能得釋梵所有安樂一向利他

佛告止蓋菩薩善男子如是如是觀彼有情當得出過一切世間若有能於是諸法中而修行者永斷一切諸不善法成就一切清淨善法為諸世間之所歸依若誹謗者是名愚人墮於惡處受諸苦惱又為一切世間天人阿素洛等之所輕賤

復次善男子菩薩成就十種法故等於虛空何等為十一者得離於垢二者得無所著三者能證寂靜四者證无邊般若五者得无邊智六者於平等法界能隨順行七者得淨勝解信一切法猶若虛空八者得無所住九者超過所行十者超過計度善男子菩薩成就此十種法故等於虛空復次善男子菩薩成就十種法等於虛空何等為十一者於可愛不可愛色中不貪不瞋二者於愛不愛聲中不貪不瞋三者於愛不愛香中不貪不瞋四者於愛不愛味中不貪不瞋

五者於愛不愛觸中不貪不瞋六者於愛不愛法中不貪不瞋七者於利衰中不貪不瞋八者於毀譽中不貪不瞋九者於稱譏中不貪不瞋十者於苦樂中不貪不瞋善男子菩薩成就此十種法等於虛空

復次善男子菩薩成就十種法等之於月何者為十一者能令一切有情身得悅樂二者得喜樂見三者增長白淨諸法四者能斷黑闇之法五者能令稱讚六者得身清淨七者得寂上乘八者常得莊嚴九者得愛樂法十者得大威神及大威德善男子云何菩薩令一切有情身得悅樂善男子如月出現能作清涼性可愛樂今諸有情身得悅樂菩薩亦令出現於世能除有情一切熱惱性可愛樂令一切有情身得悅樂云何菩薩得喜樂見善男子如月出現光色鮮潔令諸有情歡喜樂見菩薩出現亦復如是諸根寂靜威儀功德清淨具足為一切有情歡喜樂見云何菩薩能得增長白淨諸法善男子譬如白月日

日增長乃至圓滿種種光色皆得具足菩薩亦亦爾發心時乃至坐於菩提道場諸白淨法漸漸增長乃至圓滿一切種智云何菩薩能斷一切黑闇之法善男子譬如黑月所有光色日日減少至十五日諸光色相皆不可得菩薩如是證出世智諸不善法漸漸除滅乃至坐於菩提道場一切無有云何菩薩能令稱讚善男子如月出現能使人間城邑聚落諸刹帝利婆羅門等若男若女悉皆稱讚菩薩如是如月出現為一切世間天人阿素洛健達縛等悉皆稱讚云何菩薩身得清淨善男子如月天子業果成就得清淨身光色明朗菩薩如是出現於世證於法性從法化生不依父母羯邏藍等不淨所生故身得清淨光色明朗云何菩薩得取上乘善男子如月天子乘取上乘光耀四洲菩薩如是乘取上乘智慧光耀无量無邊一切世界云何菩薩常得莊嚴善男子如月天子威德莊嚴其莊嚴具常不萎歇菩薩如是以功德法常

自在嚴去何菩薩得愛樂法善男子
如月天子於一切時愛樂欲樂菩薩
如月於一切時愛法苑樂不愛欲樂
去何菩薩得大威神及大威德善男
子如月天子有大神通及大威德菩
薩亦余有大神通及大威德謂大福
性及大智性善男子菩薩成就此十
種法故等於月

復次善男子菩薩成就十種法等之
於日何等為十一者能破一切无明
黑闇二者能調伏有情令得覺悟三
者能光耀十方四者能出現善法五
者諸漏滅盡六者能作光明七者能
映蔽一切外道邪論八者能示現高
下九者起所作業所謂一切白淨善
法十者得善人愛樂去何菩薩能破
一切無明黑闇善男子如日出現破
諸黑闇善男子如日出亦復如是能破一
切无明黑闇去何菩薩調伏有情令
得覺悟善男子如日出現能令一切
蓮花開敷菩薩日出調伏有情令得
覺悟去何菩薩能光耀十方如日出
現光耀十方菩薩日現以般若威力

光明朗耀於十方界而不燒乱諸有情等云何菩薩能出現善法善男子如日天子出現之時於瞻部洲光明可得菩薩出世以智光明現諸善法云何菩薩諸漏已盡如日沒時於瞻部洲名日光隱沒菩薩煩惱得滅盡時說名永斷一切諸漏云何菩薩能作光明善男子如日出現為瞻部洲一切有情作種種光明菩薩出現為一切有情放智慧光明能破愚癡一切闇障云何菩薩能映蔽一切外道邪論如日出現能盡映蔽彼日不念我能映蔽一切無明然法性如是菩薩日出能現威光映蔽外道諸邪異論菩薩不作如是思惟我能映蔽諸邪異論然法性如是云何菩薩能示高下善男子如日出現於瞻部洲高下有情悉能顯示菩薩日現以智慧光於等不等有情悉見謂入諸聖道說名為等處於非道說名不等云何菩薩起所作業善男子如日出現令一切農夫起所作業菩薩日現發起一切善法之業云何菩薩得善人愛

樂善男子如日出現為諸善人之所
愛樂諸惡人類所共憎嫉菩薩日現
聰慧善人之所愛樂愚夫種類无智
惡人向諸邪道背於涅槃樂生死者
所共憎嫉善男子菩薩成就此十種
法等之於日

復次善男子菩薩成就十種法猶如
師子何等為十一者得不驚怖二者
得无怯懼三者得不退道四者如師
子吼五者得無所畏六者遊行園林
七者依止巖窟八者得无所取九者
勢力勇猛能破他軍十者守護一切
善法苗稼云何菩薩得不驚怖善男
子譬如師子所遊行處終无驚怖自
見已身无有等者菩薩如是所行之
處无有驚怖自見已身无與等者云
何菩薩得无怯懼善男子猶如師子
聞彼野干諸惡獸聲終无怯懼菩薩
如是能於一切他諍論時終无怯懼
不自沉没亦无倨傲云何菩薩不退
於道善男子譬如師子喫使前來其
心終无退避於道菩薩如是能於一
切諍論之處喫菩薩來心无退屈云

何菩薩如師子吼善男子譬如師子
哮吼之時惡獸野干各於方處驚駭
馳走菩薩如是說无上乘如師子吼
能令一切外道野干執我我所諸惡
獸等於諸方所馳走而去菩薩雖作
是師子吼終不惱乱一切有情但欲
令彼執我我所諸有情類皆令調伏
永捨離故云何菩薩得無所畏善男子
譬如師子普觀諸處得無所畏菩薩
如是普能觀察諸有情界威儀清淨
得无所畏云何菩薩遊行園林譬如
師子自性无畏能現威勢遊諸園林
菩薩如是自性寂靜常能遊戲无畏
法林云何菩薩依止巖窟善男子譬
如師子依據山窟菩薩如是常能安
住智慧巖窟云何菩薩得无所取善
男子譬如師子弃捨藏積得無所取
菩薩如是弃捨一切煩惱重擔永无
所取云何菩薩如彼師子性能勇猛
有大勢力獨一元二能破他軍善男
子菩薩坐於菩提道場獨一无二力
能摧破諸魔軍衆云何菩薩守護一
切善法苗稼善男子譬如師子所遊

行處近於村邑一切惡獸无能損壞
近彼苗稼菩薩如是所近人間及遊
行處一切外道諸惡禽獸無能損壞
善法苗稼善男子菩薩成就此十種
法得如師子

復次善男子菩薩成就十種法能善
調伏何等為十一者菩提心堅固二
者所作能淨菩提之心三者密護諸
根四者能趣向正道五者能荷重擔
六者終无厭倦七者得於正命利益
有情八者捨離一切矯詐言論九者
永離諂誑十者自性質直善男子菩
薩成就此十種法能善調伏

復次善男子菩薩成就十種法得自
性寂靜何等為十一者得瑜伽師二
者多習空性三者開發聖道離一切
纏无有障導四者順如來教修行无
違五者隨順諸法平等理趣通達實
相遊止世間心常下劣如旃荼羅子
六者於一切時常能起於七句之想
遠離我慢憍醉放逸七者於佛法中
無有疑惑於佛正智現前能證八者
於一切法無有猶豫以自內證知法

性故九者不由他悟自見道故十者為世福田向善提故善男子菩薩成就此十種法得自性寂靜

復次善男子菩薩成就十種法得如蓮花何等為十一者无所染著二者不為少分罪垢所染三者得妙戒香四者常得清淨五者面門微笑六者得不鹿獮七者能現吉祥八者開發覺悟九者成熟覺悟十者為他攝取云何菩薩无所染著善男子譬如蓮花從水出現無所染著何以故由彼蓮花性清淨故菩薩如是雖從生死水中出現既出現已无所染著何以故菩薩能證方便般若法自性故由菩薩善巧處生死中不為生死過患染著以方便般若能攝彼故云何菩薩不為少分罪垢所染善男子譬如蓮花不為少分水所染汙菩薩如是不為少分罪垢所染云何菩薩得妙戒香善男子如地方所有能生蓮花之處其香普遍彼彼地方菩薩如是遊行一切人間地方戒香遍滿彼遊行處云何菩薩常得清淨善男子

如地方所生蓮花處即為一切世間聚落諸婆羅門刹帝利等悉皆以彼為清淨處菩薩如是所生之處寂靜清淨故常為諸佛護持憶念及諸菩薩之所稱歎又為天龍藥叉健達縛阿素洛緊捺洛莫呼洛伽人非人等皆往趣之云何菩薩面門微笑善男子譬如蓮花周遍開敷一切有情若有見者心皆悅樂菩薩如是於一切時和顏微笑離於煩惱諸根清淨云何菩薩得不麤獷善男子譬如蓮花其性柔軟而不麤獷菩薩如是性恒柔軟語无麤獷又無矯詐云何菩薩能現吉祥善男子譬如有人若覺若夢乃至於一坐時多若見蓮花以為吉祥瑞應之相稱揚讚歎菩薩如是於一切時若有見者為善吉祥稱揚讚歎為大利益乃至能得一切智故云何菩薩開發覺悟善男子譬如蓮花敷榮之時名為開發菩薩如是若得般若菩提分花開敷之時說名覺悟云何菩薩成熟覺悟善男子譬如蓮花成熟之時若有見者能令眼

根增上悅樂若有觸者能令身根增上悅樂若歡喜者能令意根增上悅樂菩薩如是若得般若光明成就就能令見者眼根清淨能令聞者耳根清淨能令觸時及供養者身根清淨能令稱揚讚歎功德思惟之者意根清淨云何菩薩為他攝取善男子譬如蓮花開敷之時能令一切人及非人之所攝取菩薩如是所生之處為一切佛及諸菩薩釋梵護世之所攝取善男子菩薩成就此十種法得如蓮花佛說寶雨經卷第五

癸卯歲高麗國大藏都監奉
勅彫造

佛說寶雨經卷第六

被

唐天竺三藏達摩流支譯

復次善男子菩薩成就十種法得廣大心何等為十一者我當積集一切平等諸波羅蜜多是名發起廣大之心二者我當圓滿一切佛法是名發起廣大之心三者我當調伏一切有情是名發起廣大之心四者我當坐於菩提道場於阿耨多羅三藐三菩提而現等覺是名發起廣大之心五者現等覺已轉於法輪若諸沙門婆羅門及天魔梵世間人等一切無能同我轉者是名發起廣大之心六者我為利益一切有情往於無量无边諸世界中為彼彼有情作利益事是名發起廣大之心七者我當積集般若以為船筏度生死海中一切有情令至彼岸是名發起廣大之心八者見諸有情无主無歸无救無護无有處所我當為彼而作眷屬與彼有情為救護等是名發起廣大之心九者於一切佛取勝事業我當示現能作

諸佛寂勝事業佛師子吼我當能作
大師子吼佛所遊戲我當遊戲大龍
觀察我當觀察我所得者令諸天魔
梵世沙門婆羅門一切世間天人阿
素洛等皆當得之是名發起廣大之
心十者佛大威德調伏有情我當調
伏不為麤惡行不為无利苦行不為
下劣行是名發起廣大之心善男子
菩薩成就此十種法得廣大心

復次善男子菩薩成就十種法得清
淨心何等為十一者得圓滿意樂以
此意樂性不動故常安住故无虛偽
故二者遠離不如理作意謂我當作
佛師子吼終不發起聲聞作意亦不
發起緣覺作意亦不發起少分作意
三者永離一切塵垢謂能除去諸煩
惱塵四者永離身現矯詐謂能遠離
一切矯詐威儀異相五者永離語言
矯詐終不示現不真實語六者永離
心業矯詐謂身无所著故語言知足
故心無怖求故七者報恩於少分恩
常不忘失况有多恩而不念報八者
知恩於有恩者必无隱諱亦不輕賤

見彼有德踊躍歡喜稱揚讚歎除彼世間无慙愧者九者如言而作謂諸菩薩亦現美言稱心相應心常寂靜不懷怨結尊重於他不生輕慢實言而說无有矯詐不為慳吝嫉妬詬誑之所隨逐菩薩終不令他鬪戰亦非展轉破壞於他說真實義隨利益事而皆與之十者於如來教中永離誹謗謂此菩薩發阿耨多羅三藐三菩提心已剷除鬚髮覆袈裟衣於如來教中正信出家非因王力逼令出家不為盜賊抑令出家不為負債方便出家不為驚怖而求出家非怖不活邪命出家希求正法以信出家菩薩常為求善知識親近承事聽聞正法聞已修行又復菩薩不為我慢之所掩蔽離我慢故又不顛倒取以無顛倒領受性故證通達道得通達故證於法性得法性故證法性已決定能得阿耨多羅三藐三菩提是名菩薩於佛教中離諸誹謗善男子菩薩成就此十種法得清淨心

復次善男子菩薩成就十種法得无

猶豫心何等為十一者深信如來身
業秘密二者深信如來語業秘密三
者深信如來意業秘密四者深信菩
薩積集五者深信菩提六者能信如
來出現七者能信演說一乘實相八
者能信宣說種種實相九者能信如
來言音深遠十者深信如來知有情
意樂而調伏之云何菩薩深信如來
身業秘密善男子謂諸菩薩若聞如
來法身之性寂靜身性无等身性無
量身性不共身性金剛身性作是思
惟此為真實非是虛誑謂此菩薩於
彼法中心無猶豫是名菩薩深信如
來身業秘密云何菩薩深信如來語
業秘密謂諸菩薩聞於如來為諸有
情現前授記不現前授記秘密記已
菩薩如是思惟如來言音終无虛誑
得无誤失由此因緣語得真實何以
故由如來永斷一切過患故永斷一
切諸塵垢故永斷一切諸熱惱故永
無一切諸煩惱故能得自在皎潔澄
清无諸穢濁若如來之言有虛誑誤
犯無容是處惟此真實非為虛誑菩

薩於此法中得无猶豫是名菩薩深信如來語業秘密云何菩薩深信如來意業秘密若諸菩薩聞於如來意之秘密謂如來所有意樂法義依止於心依心而住一切菩薩聲聞緣覺及諸有情無能知者惟除如來之所加持何以故如來甚深難可度量超過計度及計度所行廣大无量猶若虛空超越一切虛妄計者所有境界菩薩如是正思惟此是真實非為虛誑於彼法中得无猶豫是名菩薩深信如來意業秘密云何深信菩薩積集謂聞諸菩薩現前利益一切有情是諸有情所作之事皆能作之終无疲倦亦不驚怖復能荷負大願重擔有大勢力勇猛堅固遍能積集諸波羅蜜多次第積集一切佛法得无導智无邊智性无等智性不共智性精進堅固被甲堅固擔願堅固擔願不動擔願不共以為无上菩提因緣是諸菩薩次第修習今生增長圓滿廣大菩薩如是思惟此為真實非是虛誑菩薩於彼諸法之中得无猶豫是名

菩薩能得深信積集六何菩薩深信
菩提及如來出現謂諸菩薩如是思
惟聞諸菩薩坐菩提道場已无著無
碍无障得天眼智通天眼耳智通他心
智通宿住隨念智通神境智通漏盡
無著无碍無障由是因緣能遍觀察
諸有情界此類有情成就身惡行成
就語惡行成就意惡行受諸邪法起
於邪見誹謗聖者由是因緣身壞命
終墮諸惡趣生捺落迦中復能觀察
如是有情成就身善行成就語善行
成就意善行領受正法起於正見不
謗聖者以是因緣命終之後生諸善
趣得生天中菩薩如是能實觀察諸
有情界善不善業已作是思惟我於
往昔行菩薩行有如是願若自覺悟
令他覺悟我願既滿意樂亦足惟此
真實非是虛妄菩薩能於彼法之中
得无猶豫由是菩薩能證菩提名為
正覺善男子是名菩薩深信菩提及
如來出現六何菩薩深信演說一乘
實相謂諸菩薩如是思惟聞於如來

一乘法已唯此真實非是虛妄恒不變易何以故由從一乘出諸乘故善男子譬如瞻部洲中有諸小洲雖各異名然彼同依於瞻部洲由是說名一瞻部洲所說一乘亦復如是由如來乘出現諸乘而諸乘等雖有異名然同依止如來乘故說名一乘菩薩能於彼正法中得无猶豫是名菩薩深信演說一乘實相云何菩薩能深信演說種種實相謂諸菩薩如是思惟聞於如來素怛纜中宣說如是種種實相已唯此真實非為虛誑何以故由諸如來能調伏故隨諸有情種種勝解演說妙法菩薩於此正法之中能无猶豫是名菩薩能深信演說種種實相云何菩薩得深信如來言音深遠謂諸菩薩如是思惟聞於如來言音深遠已唯此真實非為虛誑何以故以諸天子少福善根尚得深遠美妙音聲何況如來以於無量百千數劫積集妙行由是菩薩於彼法中得无猶豫是名菩薩深信如來言音深遠云何菩薩得深信如來知有

情意樂而調伏之謂諸菩薩如是思惟聞於如來能知一切有情意樂種種隨眠種種勝解一音說法皆令調伏各隨意解斷除疑惑成熟有情一有情如是思惟各謂如來獨為我故演說妙法如來於此實无分別我為能說有情為所化惟此真實非為虛妄菩薩能於彼法之中得无猶豫是名菩薩深信如來知有情意樂而調伏之善男子菩薩成就此十種法心無猶豫

復次善男子菩薩成就十種法得智如海何等為十一者得如寶所二者甚深難度三者廣大無量四者隨順漸深五者不與煩惱死尸同住六者皆同一味七者容受駛流八者潮不過時九者與大有情為所依止十者無有窮盡云何菩薩得如寶所善男子譬如大海有諸寶所瞻部洲人皆來取寶終无窮盡菩薩如有功德寶所一切有情取功德寶亦无窮盡云何菩薩甚深難度善男子譬如大海甚深難度菩薩如是成就智慧甚

深大海一切有情无能越度云何菩
薩廣大无量善男子譬如大海周遍
廣大菩薩如是智慧之海廣大无边
云何菩薩隨順漸深善男子譬如大
海隨順向下漸促漸深菩薩如是一
切智海隨順法性漸促漸深云何菩
薩不與煩惱死尸同住善男子譬如
大海不宿死尸何以故以海性法尔
故菩薩如是不與煩惱死尸丈夫同
處而住何以故以菩薩法如是故云
何菩薩皆同一味善男子譬如大海
諸瀑流水澍入之者一切皆同一鹹
味性菩薩如是積集无量白淨之法
至一切智皆得同於一切智味云何
菩薩容受駛流善男子譬如大海容
受無量諸駛流水而無增減菩薩如
是容受無量法雨駛流无增無減云
何菩薩潮不失時善男子譬如大海
潮不失時菩薩如是教化有情隨其
根性不失於時云何菩薩與大有情
為所依止譬如大海與大有情為所
依止菩薩如是為一切有情諸白淨
法之所依止云何菩薩得无窮盡善

男子譬如大海為一切有情汲引其
水无有窮盡菩薩如是為諸有情種
種說法無有窮盡善男子菩薩成就
此十種法得智如海

復次善男子菩薩成就十種法得微
妙智善巧何等為十一者得希求出
離善巧二者得通達一切法善巧三
者得悟入一切法平等善巧四者得
悟入一切法幻相善巧五者得遍知
一切法善巧六者得緣起甚深難度
善巧七者得業不思議善巧八者得
了知隨所說義善巧九者得證知如
實義善巧十者得真實善巧善男子
云何菩薩得希求出離善巧乃至云
何得真實善巧謂此菩薩觀察如是
一切有情處於世間常為貪欲之所
燒然瞋恚之所昏繞愚癡黑暗之所
盲冥菩薩作是思惟此諸有情云何
能得出離善巧菩薩為彼希求通達
諸法以通達故悟入一切諸法平等
以悟入故了知虛幻之相以了知故
如實遍知一切諸法以遍知故隨順
思惟甚深緣起以思惟故隨順觀業

不思議性菩薩作如是觀一切法中
都元有實而業有種種異由是菩薩
即能悟入微妙智慧而於諸佛及菩
薩所聞說法要即了其義以了義故
得見真實見真實故於生死海中度
脫有情善男子是名菩薩得希求出
離善巧乃至得真實善巧善男子菩
薩成就此十種法得微妙智

復次善男子菩薩成就十種法得應
辯才何等為十一者於諸法中施設
無我二者无有情三者无命者四者
无養育者五者无補特伽羅六者遠
離作者受者七者遠離知者見者八
者空无所有無主九者虛妄分別空
十者一切諸法施設緣生善男子以
一切諸法無我无有情無命者无養
育者无補特伽羅遠離作者受者遠
離知見者空無所有無主虛妄分別
從緣所生如是此應隨順法性善男
子所有應隨順法性不相違法性相
應法性悟入法性明了法性如是法
性菩薩摩訶薩皆應遍知是名應辯
善男子菩薩成就此十種法得應辯才

復次善男子菩薩成就十種法得解脫辯何等為十一者得无著辯二者得无盡辯三者得覺悟辯四者得不怯弱辯五者得謙卑辯六者得无畏辯七者得不共辯八者得无蔽辯九者得无邊辯十者得无尋辯善男子菩薩摩訶薩成就此十種法得解脫辯才

復次善男子菩薩成就十種法得清淨辯才何等為十一者得无鬚叟辯二者得不雜亂辯三者得不下劣辯四者得不倨傲辯五者得義不退失辯六者得文字不下劣辯七者得方便不下劣辯八者得時不下劣辯九者得不麁獷辯十者得明了辯善男子菩薩摩訶薩於衆會中遠離怖畏故得无鬚叟辯才安住智慧故得不雜亂辯才菩薩於衆會中无所畏故如師子王不驚不怖得不下劣辯才無煩惱故得不倨傲辯才善男子有煩惱者即有倨傲非無煩惱有倨傲也證法性故得於義不退失辯才善男子未證法者於義有失非已得者

有退失也於一切言論无所畏故得
文字不下劣辯才善男子知少分論
者而於文字即有退失非知一切論
者名下劣也積集諸方便故得方便
不下劣辯才無善巧者而於方便即
有退失有善巧者无下劣也善男子
菩薩摩訶薩知長時知應時知初中
後時非先說後非後說先應時而說
故得時不下劣辯才永離語言戲論
故得无麁獷辯才善男子以有戲論
名為麁獷無戲論者非麁獷也善男
子菩薩摩訶薩諸根聰利故得明了
辯才諸根鈍者即不明了非根利者
不明了也善男子菩薩成就此十種
法得清淨辯才

復次善男子菩薩成就十種法得一
切衆生歡喜滿足何等為十一者得
可愛語二者面門微笑遠離嗔惑三
者能演說義四者能演說法五者能
平等說六者无有貢高七者遠離輕
賤八者无染九者不瞋十者得種種
辯才善男子云何得愛語菩薩言辭
能令有情心喜悅故云何面門微笑

菩薩和顏安慰能令有情得安隱故
云何能演說義菩薩言辭應量說故
云何能演說法菩薩凡所演說饒益
有情故云何平等說菩薩恒以等心
授有情法故云何無有貢高菩薩遠
離我慢憍逸同類性故云何遠離輕
賤菩薩說法尊重法故云何无染菩
薩尸羅極清淨故云何不瞋菩薩性
能行忍辱故云何得種種辯才菩薩
言辭美妙悅衆生故善男子菩薩成
就此十種法能令有情歡喜滿足
復次善男子菩薩成就十種法能令
有情領受所說何等為十一不為非
器者說法二不為瞋害者說法三不
為增上慢者說法四不為外道說法
五不為不生尊重者說法六不為无
淨信者說法七不為諂誑者說法八
不為愛樂活命者說法九不為規求
利養得他尊重嫉妬慳慳所纏者說
法十不為頑鈍瘖啞者說法何以故
菩薩摩訶薩不以慳慳法故而不為
說亦不為師奉秘而不說亦不為有
情輕於我故亦不為棄捨法故但以

非法器故而不為說止蓋菩薩白佛
言世尊何等有情諸佛菩薩為之說
法佛言善男子若諸有情具足信根
成熟法器承事諸佛心無論曲亦无
虛誑威儀无詐不貪利養意樂具足
為善丈夫聞法覺悟善能開曉聰慧
利根隨所說義即能了知為得法故
勤修精進順如來法依教修行善男
子如是種類諸有情等佛及菩薩為
之演說善男子菩薩成就此十種法
即能領受所說之法。

復次善男子菩薩成就十種法能為
說法之師何等為十一者為積集佛
法故能演說法然佛法不可得積集
亦不可得二者為積集諸波羅蜜多
故演說法波羅蜜多不可得積集亦
不可得三者為積集菩提故演說法
然菩提不可得積集亦不可得四者
為斷煩惱故演說法然煩惱不可得
斷亦不可得五者為斷貪離貪滅貪
故演說法然斷離滅及貪俱不可得
六者為得預流一來不還向果故演
說法然預流一來不還向果俱不可

得七者為得阿羅漢向果故演說法
然阿羅漢向果俱不可得八者為得
緣覺向緣覺果故演說法然緣覺向
果俱不可得九者為永斷執著我故
演說法然我與執著俱不可得十者
為顯示業及異熟故演說法而業及
異熟俱不可得何以故彼諸菩薩作
是思惟由彼名字故說有法其所說
法本不可得所以者何法非文字文
字非法但於俗諦法中順世俗故於
無名法中施設其名勝義諦中元有
名字但是虛妄施設假立作其名字
誘引愚夫故作是說善男子菩薩成
就此十種法故能為說法師

復次善男子菩薩成就十種法得隨
法性行何等為十一者菩薩隨法性
行不離於色亦不離受想行識二者
隨法性行不離欲界三者隨法性行
不離色界四者隨法性行不離无色
界五者隨法性行不捨於法六者隨
法性行不執著於法七者隨法性行
而不捨於有情八者隨法性行而不
行於斷見九者隨法性行而不行於

常見十者隨法性行而不捨於正道
所以者何菩薩成就般若方便善巧
故雖隨順法性然於色等不捨不著
亦不行善男子菩薩成就此十種法
得隨法性行

復次善男子菩薩成就十種法得法
界善巧何等為十一者有智慧二者
攝取善知識三者勤行精進四者離
一切障五者極清淨六者尊重教誡
七者多修空性八者離諸慢見九者
向於道十者見真實義善男子菩薩
摩訶薩有智慧者求善知識見善知
識故得歡喜悅樂於善知識生如佛
想依止彼住依止彼故得勤行精進
永斷一切不善法圓滿一切善法以
勤修精進故滅除一切障得无障碍
開示正道遠離身口意麁重由離障
故得取極清淨既清淨已得尊重教
誡得教誡已能多修行空性修行空
已即得遠離傲慢之見遠離傲慢見
已得向正道菩薩得住道已見於真
義止蓋菩薩白佛言世尊云何名真
義佛言善男子真義者即是實義增

語止蓋菩薩白佛言世尊云何名實
義佛言善男子所謂不虛妄是實義
止蓋菩薩白佛言世尊云何名不虛
妄佛言善男子所謂真如是不虛妄
無別異也止蓋菩薩白佛言世尊何謂
真如佛言善男子此法自內所證非
有文字能施設之何以故此法超過
一切文字言說及戲論故離諸入出
无有計度非計所行無相離相非諸
愚夫所行之處遠離一切諸魔境界
及以一切煩惱境界非識所行住无
所住自性寂靜超過衆聖智之所入
由是因緣自內所證无垢無染清淨
微妙寂上无比恒常不動性不滅壞
若諸如來出現於世若不出世如是
法界自性常住善男子為利益故是
諸菩薩勇猛修行无量苦行證此法
性得法性已安置有情住如是法善
男子如是名為真如亦名實際名一
切智亦名一切種智名不思議界亦
名不二界止蓋菩薩白佛言世尊云
何於此法中現證云何自內所證佛
言善男子應以出世間般若自內所

證止蓋菩薩白佛言世尊若如是者
般若現證即是自內證耶佛言不也
善男子般若如實觀見法身為內證
也止蓋菩薩白佛言世尊若以聞所
成慧思所成慧如是證法為內證乎
佛言不也終不但以聞所成慧思所
成慧為內證也善男子以是因緣我
當為汝說於譬喻譬若有人熱際之
餘在於曠野從東方來將詣西方復
有一人從西方來件於東方其人熱
乏為渴所逼請示我路何處應有泉林
池沼清淨冷水我若得之熱惱渴乏
皆得止息從東來人語西來者作如
是言我諸道路知有水處我經嘗飲
從是東行去此不遠便有二道應捨
左路趣於右道若見青山彼有林泉
清淨冷水能解渴乏汝可往彼必得
捨除熱渴之患善男子於意云何彼
熱渴人唯聞水名但思水事即得除
其熱渴患不止蓋菩薩白佛言世尊
彼熱渴人要當內證清涼之水然後
除其熱渴之患善男子如是如是非

但聞思即能證得自內所證真如之法善男子言曠野者即是生死言熱渴者即是一切有情於境界中為煩惱熱之所渴乏示道路者即是諸佛菩薩善知識也經自嘗飲者即是善巧能知一切智道自內所證勝法性也復次善男子我今更說譬喻曉悟於汝假使如來住世一切為瞻部洲人讚歎諸天所食甘露色香美味清淨微妙若觸彼時受其安樂於意云何然彼有情聞是語已即得如是自內所證甘露味不止蓋菩薩白佛言不也世尊彼人雖聞佛說甘露終不能得甘露之味佛言善男子汝於此喻應如是知非唯聞思即能得彼自內所證善男子譬如有人食美果已於未食人前讚歎其果香味具足於意云何彼未食人能得內證知其味不也世尊佛言善男子彼亦如是汝於此喻應如是知非唯聞思即能證得自內所證如是說已止蓋菩薩白佛言世尊甚為希有如來今者善能為我說斯法要若有得聞如是法門

應當證得何以故世尊彼善男子得此法因決定當得此法性故佛言如是如是既知因已當得此法善男子菩薩成就此十種法得法界善巧

佛說寶雨經卷第六

癸卯歲高麗國大藏都監奉
勅彫造

佛說寶雨經卷第七

被

唐天竺三藏達摩流支譯

復次善男子菩薩成就十種法而得空性何等為十一者能知力空性二者能知无畏空性三者能知不共法空性四者能知戒蘊空性五者能知三摩地空性六者能知般若空性七者能知解脫蘊空性八者能知解脫智見蘊空性九者能知空空性十者能知勝義空性菩薩雖行於空而不為斷復不執空亦不見空性亦不依空性亦不入於無所有性善男子菩薩成就此十種法而行於空

復次善男子菩薩成就十種法得无相行何等為十一者遠離外相二者遠離內相三者遠離戲論相四者遠離分別相五者遠離有所得相六者遠離所作事相七者遠離所行相八者遠離所緣相九者能知識不可得相十者所知事物不可得相善男子菩薩成就此十種法得无相行

今時止蓋菩薩白佛言世尊如是十

種法菩薩應學云何當學佛言善男子佛所行處不可思量以彼遠離思量境界性故善男子若諸有情思惟如來法性境界心即迷悶終不能覩法性此岸彼岸但生劬勞何以故如來境界不可思議甚深難測超過一切虛妄計度所有境界超過一切有所得者所有境界以是義故非彼虛妄計者思惟度量止蓋菩薩白佛言世尊我今欲有少問惟願如來哀許我請為我解說佛言善男子一切諸佛皆許疑問隨汝所欲當為解說止蓋菩薩白佛言世尊夫自讚者非正士法云何如來自讚所行之境超過一切佛言善哉善哉善男子諦聽諦聽當為汝說善男子如來不為我慢貢高貪著利養承事給侍名聞識知恐他映蔽而自讚歎善男子如來无矯无詐言不諛諂唯除利益一切有情獲安樂故證法性故於如來所發淨信心歡喜悅樂當成法器復能演說饒益有情止蓋菩薩白佛言世尊一切有情不能知如來功德威力今

者如來源自讚耶佛言善男子此土衆生信根薄弱少智力下劣而不能知如來功德及以威力是故如來自讚令知譬如醫師善知方藥能療衆病醫所住處多有病疾更无餘醫能療治者今時醫師作是念言此諸人等病苦所逼而於良藥既不能知亦不知我能除其病是時醫師於病者前而自讚言我能識病亦善知藥今時病人既已識知彼是良醫深生敬信依之將養所有病苦皆得除愈善男子於意云何如彼醫師亦得名為自讚以不止蓋菩薩言不也世尊佛言善男子如是如是諸佛如來為无有上為大醫王善知有情煩惱病因能與法藥然諸有情不能了知諸佛如來善除其病今時諸佛便自讚歎功德威力衆生聞已深起敬信依止如來除煩惱病如來今時為大醫王施大法藥令煩惱病皆得除愈何等名為大法藥也大法藥者所謂不淨觀慈緣起等善男子由是因緣如來遍觀而自讚歎

復次善男子菩薩成就十種法遠離一切依止願何等為十一者不依布施有所希求二者不依持戒有所希求三者不依忍辱有所希求四者不依精進有所希求五者不依靜慮有所希求六者不依般若有所希求七者不依三界有所希求八者不依菩提有所希求九者不依正道有所希求十者不依涅槃有所希求何以故以諸菩薩遠離一切依止相故善男子菩薩摩訶薩无所依止故而能遊行一切世間善男子菩薩成就此十種法即能遠離一切依止願

復次善男子菩薩成就十種法而行於慈何等為十一者无方所慈二者無差別慈三者得諸法慈四者得決定思惟一緣之慈五者无滯碍慈六者恒利益慈七者於一切有情心平等慈八者无損害慈九者遍一切慈十者出世間慈善男子菩薩成就此十種法是名修慈自性

復次善男子菩薩成就十種法而行於悲何等為十一者見諸有情无歸

无護受苦惱者即起哀愍發菩提心
二者發菩提心已勇猛精進速入法
性三者入法性已饒益有情四者為
慳慳有情令其布施五者為毀禁有
情令其持戒六者為瞋害有情令其
忍辱七者為懈怠有情令其精進八
者為散乱有情令其靜慮九者為惡
慧有情令其智慧十者雖為有情受
諸苦惱志必拔濟无有疲厭於大菩
提終不退轉善男子菩薩成就此十
種法是名修悲自性

復次善男子菩薩成就十種法而行
於喜何等為十一者我得出離諸有
牢獄猛火熾然如是生喜二者我能
斷除久遠相續生死之縛如是生喜
三者我已能度種種尋伺邪執雜乱
生死大海如是生喜四者我能傾折
憍慢久遠之幢如是生喜五者我能
以金剛智破煩惱山乃至无有如微
塵許如是生喜六者我今自既安隱
亦復能令他得安隱如是生喜七者
我於長夜睡眠之中而得覺寤亦能
令他於長夜中為受繩所縛癡蓋所

覆盲冥有情皆令覺寤如是生喜八者我於一切惡趣既得解脫亦能令他而得解脫如是生喜九者我於長夜生死曠遠困乏飢渴獨行无伴流轉無窮不識正道不知方所既能識道復能示道如是生喜十者我今能向一切智城如是生喜善男子菩薩成就此十種法是名修喜

復次善男子菩薩成就十種法而能行捨何等為十一者於眼所見色中得捨行故二者於耳所聞聲中得捨行故三者於鼻所嗅香中得捨行故四者於舌所嘗味中得捨行故五者於身所受觸中得捨行故六者於意所知法中得捨行故作是行時於色等境不惱壞不損害不滅盡七者於苦苦中得捨行故八者於壞苦中得捨行故九者於行苦中得捨行故作是行時於苦苦壞苦行苦性中不惱壞不損害不滅盡十者於所作已辦有情中得捨行故發歡喜淨信悅樂之心作是思惟彼諸有情雖已自度我當令彼而得度脫行於捨心善男

子菩薩成就此十種法故名修捨
復次善男子菩薩成就十種法得遊
戲神通何等為十一者示現隱沒二
者示現受生三者示現少年遊戲後
宮四者示現出家五者示現苦行六
者示現往於菩提道場七者示現降
伏衆魔八者示現成等正覺九者示
現轉正法輪十者示現大般涅槃
今時止蓋菩薩白佛言世尊何因緣
故諸大菩薩於觀史多天宮示現滅
沒乃至示現入大涅槃佛言善男子
菩薩於觀史多天宮尊嚴勝超過一
切世間諸欲境界而无染著為有情
故示現隱沒有情見已捨離常想起
無常想以彼无常為依止故得不放
逸善男子彼諸有情未離放逸雖於
菩薩生淨信心然由耽嗜諸欲境界
未能承事供養菩薩作是思惟菩薩
與我長時在世我等於後往菩薩所
承事供養而不晚也為令是有情
起戀慕心捨於放逸現隱沒耳而彼
有情觀无常已不復放逸當得阿耨
多羅三藐三菩提善男子若有衆生

應處母胎而調伏者菩薩即處母胎中現其功德威神希有之事為說種種微妙之法衆生聞已當得阿耨多羅三藐三菩提善男子若諸有情應見菩薩為童子時後宮遊戲而調伏者菩薩令彼有情得成熟故亦為守護下劣有情少信根者現為童子宫中遊戲善男子若諸有情應見菩薩出家而成熟者菩薩為欲令其得成熟故示現出家善男子若天龍藥叉健聞縛應以苦行得調伏者菩薩為化彼故及為降伏諸外道故示現苦行善男子若諸有情長夜怖求發如是願菩薩若詣菩提道場我當往彼勤修供養菩薩為如是等諸有情故示現往詣菩提道場為令有情隨順供養決定當得阿耨多羅三藐三菩提善男子若諸有情我慢貢高憍奢縱逸為欲令彼捨離如是煩惱事故降諸魔故而能示現坐於道場若諸有情樂寂靜者菩薩為令畢竟證得寂勝寂高殊勝法故示坐道場成正覺是故菩薩現正覺已三千大千

世界悉皆寂靜无復衆聲彼諸有情見斯事已咸作是言願我未來證菩提時亦如菩薩坐於道場成等正覺善男子若諸有情以彼邪師為一切智受於邪法此世他世不能出離成等正覺菩薩為欲降伏彼故及為善根成熟故復有衆生堪為法器堪示道故菩薩即現成等正覺徃彼波羅疵斯城示現三轉十二行法輪善男子若諸有情宜聞涅槃而調伏者菩薩即現大般涅槃而調伏之善男子以是因緣菩薩於觀史多天寂勝宮中示現隱沒乃至示現大般涅槃善男子菩薩成就此十種法得遊戲神通復次善男子菩薩成就十種法能離八无暇何等為十一者捨離不善法二者於如來所說學處終不違越三者遠離慳貪四者已曾供養諸佛如來五者勤修福業六者智慧圓滿七者得方便善巧八者本願具足九者獸離世法十者勤行精進善男子菩薩以離衆惡業故不墮塗獄諸有情等生塗獄中者為无量苦之所逼惱

生瞋恚心菩薩不令十善業道性成就故終不生於塗獄之中善男子菩薩於如來學處不違越故不墮畜生趣中生其中者極受熾盛无量苦惱善男子菩薩不慳貪故不生餓鬼之中生其中者極受熾盛飢餓苦惱善男子菩薩已曾承事供養諸佛如來故而不生於邪見之家若生其中諸緣不具與善知識不得和合是故菩薩不生其中遇善知識修行善法由是得生正見之家諸緣具足增長廣大殊勝善根善男子菩薩諸根終无缺減若缺減者於佛法中即非法器然菩薩以積集福業故於佛法僧及制多所承事供養故得諸根具足堪為法器善男子菩薩不生邊地何以故邊地之人頑冥愚癡猶如啞羊如是等類於善惡言義不能了知不孝父母不敬沙門婆羅門是故菩薩常生中國利根智慧聰悟明達於佛法中堪為法器善男子菩薩不於長壽天生若生其中不得值遇无量諸佛出現於世不得道果无能利益是故

菩薩生於欲界遇佛出現承事供養
成熟衆生所以者何以能得彼巧方
便故善男子菩薩不生无佛世界其
中无佛法僧而應供養常生具足三
寶佛土之中所以者何以諸菩薩具
本願故善男子菩薩聞是无暇之處
深生厭離隨如是類得厭離已勤修
精進獲諸善法永斷一切諸不善法
善男子菩薩成就此十種法遠離八
无暇

復次善男子菩薩成就十種法得不
退轉菩提之心何等為十一者遠離
虛誑諂曲二者質直清淨離諸疑惑
三者遠離師奉四者遠離法慳五者
不作減法因緣六者如說而行終不
虛誑七者攝取大乘八者於大乘人
常生尊重同法想故九者得趣向大
乘隨順悟入十者於說法師作善知
識想善男子菩薩成就此十種法即
得不退菩提心

復次善男子菩薩成就十種法得宿
住隨念智何等為十一者承事諸佛
二者攝受正法三者持戒清淨四者

無有惡作五者得无障碍六者歡喜
無量七者得多修行八者得三摩四
多九者得化生十者得識无愚癡善
男子菩薩承事无量諸佛故得尊重
正法於諸正法受持讀誦為他廣說
不顧身命勤修正法故得尸羅所謂
身語意戒皆得清淨由戒清淨故得
无惡作無惡作故得無障碍由无障
碍故得歡喜无量歡喜無量故得多
修行多修行故得三摩地得三摩地
故能趣清淨趣清淨故恒得化生得
化生故識无愚癡識无愚癡故得憶
念生智由是能隨憶念多生一生二
生乃至无量百千生善男子菩薩成
就此十種法得宿住隨念智
復次善男子菩薩成就十種法不離
善知識何等為十一者見佛聞佛念
佛二者聽聞正法三者承事衆僧四
者不離諸佛菩薩問許起居五者常
近多聞說法之師六者常得聽聞諸
波羅蜜七者恒聞菩提分法八者恒
聞三解脫門九者恒聞四梵行十者
恒聞一切智性善男子菩薩成就此

十種法親近善知識

復次善男子菩薩成就十種法遠離
惡知識何等為十一者遠離毀禁補
特伽羅二者遠離破見補特伽羅三
者遠離壞威儀補特伽羅四者遠離
邪命補特伽羅五者遠離習近憤鬧
補特伽羅六者遠離懈怠補特伽羅
七者遠離耽著生死補特伽羅八者
遠離違背正覺補特伽羅九者遠離
愛著家業補特伽羅十者遠離一切
煩惱善男子菩薩雖復遠離如是諸
惡知識然於彼處不起損害輕賤之
心菩薩應發如是之心由佛說言若
興雜亂衆生而相染習便即為彼之
所破壞是故我應遠離如是諸雜亂
處善男子菩薩成就此十種法遠離
惡知識

復次善男子菩薩成就十種法得法
性身何等為十一者得平等身二者
得清淨身三者得無盡身四者得積
集身五者得法身六者得甚深難測
不可計度身七者得不可思議身八
者得寂靜身九者得等虛空身十者

得智身善男子菩薩成就此十種法
得如來法性身止蓋菩薩言世尊諸
菩薩等於何位中得證如來法性之
身佛言善男子初地菩薩得平等身
何以故以永離一切不平等故悟入
一切菩薩平等法性故二地菩薩得
清淨身以尸羅清淨故三地菩薩得
無盡身以永離一切瞋害故四地菩
薩得善積集身以積集佛法故五地
菩薩證得法身以能通達一切法故
六地菩薩得不可計度甚深難測身
以積集不可計度甚深難測法故七
地菩薩得不可思議身以積集不思
議佛法及能積集方便善巧故八地
菩薩得寂靜身以遠離一切戲論及
煩惱故九地菩薩得等虛空身以无
邊身充滿故十地菩薩證得智身以
積集一切智故止蓋菩薩言世尊如
來法身與菩薩法身有何差別佛言
善男子二種法身性无差別功德威
力而有差別止蓋菩薩白佛言世尊
云何性无差別而有差別佛言善男
子佛與菩薩法性無差別何以故此

二種身同一性故但功德威力有老
別耳止蓋菩薩白佛言世尊佛與菩
薩功德威力云何應知有其老別佛
言善男子我今為汝廣說譬喻以明
斯義善男子如未足珠有瑩拭者有
未瑩者雖同是寶而已瑩者光明具
足人所愛樂未已瑩者所有光明猶
不具足善男子如來珠寶與菩薩珠
寶體性雖同然亦有異何以故如來
珠寶已清淨故離一切垢故菩薩身
中法性珠寶未能普照一切世界何
以故以有餘故猶有垢故如未足珠
未已瑩者是故如來法身與菩薩法
身如是老別善男子如白分月從初
一日至十五日光明照耀漸漸圓滿
雖同是月光明不等而菩薩法身如
來法身雖同一性相然功德威力如
是老別

復次善男子菩薩成就十種法得金
剛堅固之身何等為十一者貪瞋癡
等不能沮壞二者忿恚結妬我慢貢
高顛倒之見不能沮壞三者世間八
法不能沮壞四者惡趣苦惱不能沮

壞五者一切諸苦不能沮壞六者生老病死不能沮壞七者外道諸論不能沮壞八者魔及魔衆不能沮壞九者聲聞辟支佛不能沮壞十者諸欲境界不能沮壞善男子菩薩成就此十種法得金剛堅固之身

復次善男子菩薩成就十種法為大商主何等為十一者得平等意樂二者應受供養三者能作出離四者能為所依五者能作饒益六者善能積集道路資糧七者得好財寶八者心无止足九者常為導師十者善巧隨順往一切智城善男子云何菩薩得平等意樂乃至云何得善巧隨順往一切智性大城善男子譬如商主得諸國王及國王子等之所愛樂菩薩亦亦為法商主得諸如來及聲聞等之所愛樂善男子譬如商主應得聚落婆羅門及刹帝利等之所供養菩薩亦亦為法商主應得有學无學及餘天龍等之所供養善男子譬如商主經於曠野飢饉之處導引衆商令得安樂無有疲厭菩薩亦亦為法商

主經於生死曠野之中能令衆生免
離逼迫皆獲安樂善男子譬如商主
能與一切貧苦衆生作大依止令得
出離曠野飢饉菩薩亦令為法商主
能與外道遮落迦波離婆羅杜迦令
得出離生死全其軀命善男子譬如
商主能得饒益王臣及諸人民菩薩
亦令為法商主能得饒益愛著生死
諸衆生等善男子譬如商主將多商
人往於諸方經過曠野飢饉之處善
能積集衆多資糧越於險難得至大
城而獲安樂菩薩亦令為法商主善
能積集福智資糧導引衆生超過生
死曠野之中得至諸佛一切智城善
男子譬如商主養育衆人欲往他方
積集珍寶所謂金銀末尼真珠吠琉
璃螺貝璧玉珊瑚等寶菩薩亦令為
法商主養育衆生欲往一切智慧大
城善能積集佛法珍寶善男子譬如
商主怖求一切財物終无厭足菩薩
亦令為法商主怖求一切正法財寶
無有厭足善男子譬如商主於衆商
中而為上首積集資財能為主故取

尊勝故能令衆商信受語故菩薩亦
今為法商主於一切衆生中最尊勝
故能為主故積集功德言不虛妄故
善男子譬如商主能以善巧超過險
路至彼大城菩薩亦今將諸衆生超
過生死到智慧城善男子是名菩薩
得等意樂乃至善巧到一切種智慧
大城

復次善男子菩薩成就十種法而能
於道善巧何等為十一者能知平等
道二者能知不平等道三者能知安
隱道四者能知善巧道五者能知有
水草道六者能知諸方道七者能知
相道八者能知正道九者能知邪道
十者能知出離道善男子菩薩成就
此十種法即能於道善巧

復次善男子菩薩成就十種法得不
顛倒道何等為十一者若諸有情應
以大乘而調伏者為說菩薩道而調
伏之不為說聲聞道二者若諸有情
應以聲聞乘而調伏者為說聲聞道
而調伏之不為說菩薩道三者若諸
有情應以一切智而調伏者為說一

切智道而調伏之不為說緣覺道四者若諸有情應以緣覺乘而調伏者為說緣覺道不為說一切智道五者若諸有情執著我法為說无我及以空法不說我與有情命者養育者補特伽羅六者若諸有情執著二邊為說離二邊道不說依止二邊七者若諸有情心散乱者為說奢摩他毗鉢舍那不說散乱道八者若諸有情著戲論者為說真如不說愚夫耽著戲論九者若諸有情耽著生死為說涅槃不說生死十者若諸有情著於邪道為說無結无棘刺道不說普遍煩惱棘刺道善男子菩薩成就此十種法即能成就不顛倒道

復次善男子菩薩成就十種法而能善行於三摩呬多心何等為十一者善行身念處二者善行受念處三者善行心念處四者善行法念處五者善行境界念處六者善行阿蘭若念處七者善行村邑國土王都聚落念處八者善行利養尊重名聞念處九者善行如來施設學處念處十者善

行煩惱及隨煩惱雜染念處云何苦
薩行身念處善男子菩薩以正般若
簡擇諸法與身俱者能捨惡法觀察
是身從頭至足無我我所性不久停
終當壞滅筋脉纏縛臭穢不淨菩薩
如是觀察之時而不於中樂欲貪著
以是義故身中所有諸可惡法唯除
菩薩自在能捨非諸有情是名善行
於身念處云何菩薩行受念處善男
子菩薩作是思惟所有諸受悉皆是
苦愚夫顛倒謂之為樂一切智者知
樂即苦是故勇猛修行斷苦令他有
情亦如是學菩薩摩訶薩觀察受時
終不染著亦不瞋恚是名菩薩善行
受念處云何行心念處善男子菩薩
作是思惟心實無常執著為常實是
其苦執著為樂本無有我執著為我
本來不淨執著為淨其心輕動无時
暫停以不停故於諸雜染能為根本
壞滅善道開惡趣門生長三毒與隨
煩惱等作其因緣為主為導又能積
集淨不淨業迅速流轉如旋火輪亦
如奔馬如火焚燒如水增長遍知諸

境如世彩畫菩薩如是觀察心時便得自在得自在已於諸法中亦无罣碍是名菩薩善行心念處云何菩薩行法念處善男子菩薩如實了知諸不善法貪瞋癡等及依止此所起餘法及能修習煩惱對治今諸惡法皆悉永斷既能了知一切善法於中安住要期發願復能安立一切有情如是修學是名菩薩善行法念處云何菩薩行境界念處善男子菩薩於可意不可意色聲香味觸法中无染無著亦不發起瞋恚之心菩薩作是思惟我不應於都无法中而生貪染我若生染即是愚夫及愚癡性為不了性為不善性如世尊言若為貪愛所染即便頑鈍不能了知善不善法由此因緣墮於惡趣菩薩作是思惟我不應於空法中發起瞋恚我若起瞋即不能忍是瞋恚經為諸聖人之所訶責及梵行者之所譏嫌菩薩觀察境界之時不為境縛亦无執著復教化人如是修學是名菩薩善行境界念處

佛說寶雨經卷第七

癸卯歲高麗國大藏都監奉
勅彫造

佛說寶雨經卷第八

唐天生三歲遠摩流支譯

云何菩薩善行阿蘭若念處善男子
菩薩作是思惟住無諍行及住寂靜
行若有天龍藥叉健達縛等他心神
通能知我心心所有法是故我應如
理作意遠離不如理作意於如理法
中增廣修習是名菩薩善行阿蘭若
念處云何菩薩善行村邑聚落國土
王都念處善男子菩薩若有非法之
處當須捨離所謂酒肆婬里王家博
弈醉徒聚戲歌舞非是出家之所行
處皆應遠離是名菩薩善行人間念
處云何菩薩善行利養承事尊重讚
歎念處善男子菩薩能於利養等中
發如是心為諸施者作福田故分散
施故終不耽著生於愛染亦不為已
執我我所所受之物與一切有情共
之迴施一切苦惱之者由此因緣菩
薩所得利養等事終不倚恃而生我
慢貢高之心作是思惟所得名聞利
養等事體性空寂都不可得終當磨

滅敗壞之法不可信也誰有智者於
無常法中而生愛著復起憍逸我慢
貢高是名菩薩善行如來施設學處念處善
何菩薩善行如來施設學處念處善
男子菩薩作是思惟過去諸佛習是
學處既能修習已現等覺入般涅槃
未來諸佛如是修習當現等覺入般
涅槃現在諸佛既修習已今現等覺
入般涅槃菩薩摩訶薩能於如是所
學之處發起信心尊重勇猛依之修
習是名菩薩善行如來施設學處念
處云何菩薩善行一切煩惱及隨煩
惱雜染念處善男子菩薩於煩惱及
隨煩惱雜染法中善能念之從何因
起何緣所生如是緣起如是緣生悉
皆捨離是名菩薩善行煩惱及隨煩
惱念處善男子菩薩成就此十種法
恒常證得三摩呬多心

復次善男子菩薩成就十種法受糞
掃衣何等為十一者誓願堅固二者
謙下自卑三者无厭弃四者無所著
五者離過患六者見功德七者不自
讚八者不毀他九者戒具足十者諸

天之所親近善男子云何菩薩誓願
堅固乃至諸天之所親近善男子善
薩得信及意樂具足於諸佛所深起
信心設因護命不毀誓願亦无轉動
由誓願堅牢故得謙下心心謙下故
得無我慢人所弃捨糞掃之服盡皆
收用洗濯縫綴乃無疲倦亦不弃捨
由是義故无所執著雖云此衣麤弊爛
壞復生汗垢多諸蚤虱不以為患見其
功德糞掃衣仙人服用如來所讚佛
說吉祥遠離慳貪隨順聖種以是因
緣得不自讚亦不毀他得戒具足戒
具足故諸天來下而親近之恒為諸
佛之所稱歎諸大菩薩而訓誨之復
得人非人等之所擁護若聚落城邑
刹帝利婆羅門等頂戴尊重同梵行
者常所咨嗟善男子菩薩成就此十
種法受糞掃衣止蓋菩薩白佛言世
尊諸菩薩等其心廣大何因緣故行
下劣行

佛言善男子諸菩薩等有大勢力方
能行此下劣之行无勢力者即不能
行何以故大力菩薩為護世間而能

對治未起煩惱非无力者行下劣也
善男子於意云何如來行解為廣大
耶為下劣乎止蓋菩薩自佛言世尊
我今於此不堪訓對何以故如來无
所證无行解以不見法故不可測量
我今何能辯如來所行優劣佛言善
男子於汝意云何如來於四洲中一
切有情天龍藥叉健達縛等示現如
是下劣之行復為如是衆生讚歎杜
多功德止蓋菩薩自佛言世尊如來
為調伏初發起大乘對治一切有情
未起煩惱故示現下劣苦行佛言善
男子如是如有大勢力諸菩薩等
為欲調伏諸有情故著糞掃衣而无
下劣亦復如是善男子是名菩薩受
糞掃衣

復次善男子諸菩薩成就十法受用
三衣何等為十一者知足二者少欲
三者遠離希求四者无積聚五者離
損失六者離積聚損失苦惱七者離
憂惱八者離愁歎九者无所取一者
勤修習故盡諸有漏善男子菩薩於
下劣衣而得知足以知足故而能少

欲以少欲故无所希求不希求故曾
無積聚无所聚故無損失以不損失
故即無苦惱无苦惱故無有愁歎无
愁歎故亦无所受无所受故能勤修
習盡諸有漏善男子是名菩薩成就
十法得受用三衣

復次善男子菩薩成就十種法得不
隨他行何等為十一者不隨貪愛行
二者不隨瞋怒行三者不隨愚癡行
四者不隨損害行五者不隨慳恠嫉
妬行六者不隨我慢行七者不隨令
他了知名稱行八者不隨尊重利養
行九者不隨恭敬天魔行十者不隨
貢高行善男子菩薩成就此十種法
是故說名不隨他行

復次善男子菩薩成就十種法名為
乞食一者為攝受諸有情故而行乞
食二者為次第故而行乞食三者為
不疲厭故而行乞食四者為知足故
而行乞食五者為分布故而行乞食
六者為不耽嗜故而行乞食七者為
知量故而行乞食八者為善品現前
故而行乞食九者為善根圓滿故而

行乞食十者為離我執想而行乞食
善男子云何菩薩攝受有情乃至為
離我執想善男子菩薩見一切有情
受諸苦惱雖復成就微少善根而此
善根暫時非久為欲攝益如有有情
故而行乞食菩薩入於城邑聚落之
時住於正念具足威儀諸根寂然亦
不高舉不令放逸得次第故終不捨
彼貧窮之家入富貴家所謂婆羅門
若刹帝利居士大家次第乞時從一
家詣一家乃至事畢終無違越唯除
惡處不應乞食所謂惡狗家新產犢
家惡種類家若男子若女人若童男
若童女起煩惱處及譏嫌處諸外道
處如是之處皆應捨置菩薩次第乞
食之時不生厭離亦不疲倦於彼有
情無所憎愛由不疲厭而生知足於
好於惡隨應受取若得食已至於佳
處收鉢多羅及以衣服於如來像前
或制多前或率堵波前供養恭敬尊
重讚歎以所得食分為四分一分施
與同梵行者一分施與貧窮之人一分
施與惡趣有情一分自食菩薩雖食

而於食事無貪无染亦無愛著唯為活命而受於食不使身羸亦不令重所以者何身若極羸廢修善品身若極重增長睡眠菩薩食已能令善品增長現前由勤修故无有懈怠亦無嬾墮而得圓滿菩提資糧由彼善能成熟菩提分法遠離我執得无我故能捨身肉施與有情善男子菩薩成就此十種法能行乞食

復次善男子菩薩成就十種法得於一坐何等為十一者坐菩提道場諸魔驚怖而獨不動二者證出世靜慮諸魔驚怖而獨不動三者得出世般若諸魔驚怖而獨不動四者得出世智諸魔驚怖而獨不動五者證其空性諸魔驚怖而獨不動六者證諸法如實諸魔驚怖而獨不動七者證正覺道諸魔驚怖而獨不動八者證於實際諸魔驚怖而獨不動九者證於真如諸魔驚怖而獨不動十者得一切智諸魔驚怖而獨不動言一坐者所謂一切智坐亦名法座善男子菩薩成就此十種法能得一坐

復次善男子菩薩成就十種法得一食何等為十一者不恣貪食二者无染著食謂得食已於時非時不應更受若糝油石蜜等種種滋味三者若見他人受糝等時不起瞋惱四者若他人受糝等時不生嫉妬五者菩薩行一食時若遇重病應受糝等六者菩薩行一食時必有命難應食糝等而便受之七者菩薩行一食時若有八者菩薩行一食時若有如上三難食糝等已而不追悔九者菩薩行一食時若有三難應食糝等而不疑惑十者菩薩行一食時若有三難須食糝等當作藥想善男子菩薩成就此十種法故得一食

復次善男子菩薩成就十種法得阿蘭若何等為十一者久住梵行二者於毗奈耶而得善巧三者諸根圓滿四者具足多聞五者善說法要六者離我所執七者猶如野獸八者得身遠住九者得居寂靜十者不猷離無蓋覆善男子云何菩薩久住梵行乃

至不厭離阿蘭若善男子菩薩捨家
出家於毗奈耶中三業清淨具足尸
羅性多善巧樂習威儀於佛所說長
幼法中不假他緣自能解悟及於教
義能得善巧又能了知持犯之處見
持戒者能生恭敬見毀戒者便能捨
離又復多時數數悔過於所作罪追
悔惡作終不覆藏復能了知所犯之
罪有上中下又能了知所造惡業招
異熟果時分長短菩薩修行清淨故
得諸根圓滿眼根不減耳根无缺身
分具足方堪住彼阿蘭若處獨靜無
人不為憊乱乞食易得非遠非近多
諸林木花果枝葉皆悉茂盛清淨美
水取不為勞龕室安隱无有惡獸山
路幽靜去住无難如是之處乃可依
止菩薩依止如是處已隨先所誦及
以所聞晝夜三時恒常修習誦經之
聲不廢不細善攝諸根不令變異所
受用物皆悉清淨了知諸法老別之
相捨離昏沉思惟教理其心不動亦
不外緣若有王王子及刹帝利婆羅
門等至菩薩所菩薩見已恭敬問評

讚言善來大王如所敷設請王就坐
王若坐時菩薩亦坐王若不坐菩薩
亦立詳觀王等諸根躁動菩薩即應
讚言大王善能利益王之園內多有
持戒福德多聞智慧沙門若婆羅門
之所居住无有盜賊及官人等之所
侵欺復觀王等諸根寂然安隱調伏
菩薩今時當為演說種種諸法王若
不樂說種種法菩薩即當隨順說猒
離法王若不欲樂聞猒離之法即應
為說如來甚深廣大之法及大威德
如是及餘人間聚落婆羅門刹帝利
諸有來者隨宜為說亦復如是菩薩
以多聞故即能說法令聽聞者心皆
歡喜於菩薩所生淨信心以能說法
修習善品對除煩惱又以多聞力故
得離我執復能遠離我執怖畏故於
阿蘭若處不驚不懼得无所畏菩薩
住阿蘭若處現前觀察無所住著非
如野獸无所觀察菩薩住阿蘭若處
無有怖畏無有過患非如野獸恒畏
中傷菩薩住阿蘭若處為聚落中若
男若女若童男若童女散乱心故為

攝受正法故為無所住者故非如野獸為護命故遠避人間菩薩由遠住故得現前寂靜見阿蘭若有大功德復見寂靜無獸離无覆蓋修習諸法住阿蘭若是名菩薩久住梵行乃至不獸離不覆蓋善男子菩薩成就此十種法得阿蘭若處住

復次善男子菩薩成就十種法能樹下坐何等為十一者不得依止極近聚落樹下而坐二者不得依止極遠聚落樹下而坐三者不得依止棘刺稠林樹下而坐四者不得依止葛蒙密蔓及猱猴處樹下而坐五者不得依止枯葉樹下而坐六者不得依止猿猴住處樹下而坐七者不得依止多有鳥處樹下而坐八者不得依止惡獸住處樹下而坐九者不得依止近道路處樹下而坐十者不得依止處惡人處樹下而坐菩薩應當依止无障難處樹下而坐身得輕安心常悅樂善男子菩薩成就此十種法得樹下坐

復次善男子菩薩成就十種法能露

地坐何等為十一者於春夏秋冬不應依止牆壁處坐二者不應依止林樹下坐三者不得依止穢處草積處坐四者不得依止山腹巖坎處坐五者不得依止河岸坎中而坐六者不得以物遮寒而坐七者不得以物障風而坐八者不得以物障雨而坐九者不得以物障熱而坐十者不得以物承露而坐若諸菩薩在露地坐身遇諸病又復无力應入寺中作如是念如來為欲對除煩惱處處廣說杜多功德我今雖復在於寺中心不受樂又不耽著勤修正法對除煩惱作是思惟我住寺中但為攝受諸施主故不為長養於自身故作露地想善男子菩薩成就此十種法得露地坐復次善男子菩薩成就十種法得塚間坐何等為十一者謂諸菩薩於好住處極生厭離二者諸菩薩等於一切時恒起死想三者諸菩薩等恒常能起餘殘之想四者諸菩薩等常觀於身分起赤想五者諸菩薩等常觀於身分起青想六者諸菩薩等常觀

於身分起膿想七者諸菩薩等常觀
於身起腠脹想八者諸菩薩等常觀
於身起乾焦想九者諸菩薩等常觀
於身起離散想十者諸菩薩等常觀
於身起骨鎖想善男子菩薩於塚間
坐為利益哀愍諸有情故住於慈心
亦為持淨戒故成就軌則故不起食
肉之心何以故善男子塚間周遍多
有非人之所依住若見菩薩食噉於
肉生不淨信起煩惱心由是菩薩不
應食肉善男子菩薩住於塚間若入
伽藍先當礼拜如來制多次應礼拜
長老苾芻後復問許少年苾芻不坐
僧家牀席等物恭敬而立何以故善
男子菩薩為欲隨順世間將護有情
故不坐僧家牀席等物塚間菩薩順
聖者故若違逆世間非聖者故若一
苾芻將自坐物請菩薩坐塚間菩薩
應審觀察彼苾芻意樂後无追悔及
餘眾僧不起瞋嫌然自應起下劣之
心如旃荼羅童子方坐此座善男子
菩薩成就此十種法得塚間坐
復次善男子菩薩成就十種法能得

常坐何等為十一者常坐為不惱身故二者常坐為不惱心故三者常坐為不惛睡故四者常坐為不疲厭故五者常坐為欲圓滿菩提資糧故六者常坐為心一境性故七者常坐為證現前道故八者常坐為趣菩提道場故九者常坐為利益一切有情故十者常坐為欲永斷諸煩惱故善男子菩薩成就此十種法能得常坐

復次善男子菩薩成就十種法得隨敷坐何等為十一者於其敷具无所耽嗜二者終不自為施設敷具三者不遣他人施設敷具四者不現於相令他施設敷具五者隨彼所有若草若葉便即應坐六者諸地方處若多毒虵蚊螫孔穴即應捨離並不應坐七者菩薩欲卧身向右邊累足而卧以法衣覆身正念正知起明了想八者右脅而卧不著睡眠九者但為長養諸大種故乃至為活命故十者菩薩於恒恒時及常常時令善品現前善男子菩薩成就此十種法得隨敷坐復次善男子菩薩成就十種法得修

習瑜伽者何等為十一者能常修不
淨二者能常修慈悲三者能常修緣
起四者於諸過患常修善巧五者能
常修空性六者能常修无相七者能
常修瑜伽八者能常勤修九者得不
悔過十者能具足戒善男子云何菩
薩能修不淨善男子菩薩獨處宴坐
端身舒緩結加趺坐現前觀察心極
猒離安住正念心不外緣作是思惟
人中所有一切飲食若淨若穢若好
若惡有味无味若食噉已身火所觸
皆成不淨爛壞可惡而不隨順一切
世間諸愚夫等耽嗜染著我等聖者
依毗奈耶法能以正智觀察自身不
起染著亦不耽嗜然復我心亦不生
於猒離是故菩薩能修不淨云何菩
薩能修慈悲善男子謂諸菩薩於閑
靜處獨處宴坐端身舒緩結加趺坐
現前觀察心極猒離安住正念心不
外緣作是思惟諸有情輩多起瞋害
作不善業復常親近不善丈夫无狀
於我起怨讎想或於過去或於未來
或於現在起如是業我意令彼一切

有情所起瞋害皆得斷除令彼坐於
菩提道場如是之事不唯言說實是
菩薩甚深意樂隨順思惟是名菩薩
能修慈悲云何菩薩能修緣起謂諸
菩薩若起貪愛及瞋恚心作是思惟
由我起於貪瞋等法能起之我既從
緣生所起貪瞋及貪等境亦從緣起
誰有智者於衆緣生虛妄法中起我
執者是名菩薩能修緣起云何菩薩
於諸過患能修善巧謂諸菩薩為欲
斷除自身過患故常修習若他相續
有諸過患堪為說者令彼斷除不堪
為者菩薩即應捨離而去云何過患
謂於佛法僧於戒於聖於梵行者及
於世間尊卑長幼性不恭敬此是過
患自恃己身常起我慢輕賤於他染
著現前種種境界背於涅槃起我見
有情見命者見補特伽羅見斷見空
見執常无常性不承事一切聖者親
近愚夫遠離持戒供養破戒捨善丈
夫近不善丈夫誹謗甚深素怛纁藏
於此藏門常懷驚怖懈怠懶惰輕賤
己身性無辯才威光下劣所不應悔

而乃悔之所應悔者而不能悔恒為
蓋纏之所繫縛幻惑誑諂之所隨逐
昏沉睡眠之所覆蔽性常愛樂恭敬
利養貪著種姓愛戀眷屬樂國土眾
會捨所受持法性樂親近順世間呪
而常厭離出世正法串習不善不修
諸善讚出家人惡若於女人及諸丈
夫童男童女諸外道等皆悉讚歎不
樂住於阿練若處食不知量於其尊
者不樂親近誦習之時自為分限非
所行處不見過惡性不恭敬微細尸
羅於小罪中心不驚怖見愚癡者諸
根暗昧歎為寂靜見智慧者諸根明
利撥為囂舉行於倨傲顛倒執著性
樂麁言於愛不愛諸色之中隨順執
著見起瞋者不生慈心見受苦者不
起悲愍見有病者无厭離心見彼死
者无有驚怖不求出離焚燒之處不
觀察身不觀察戒於已作當作現作
之法性不觀察不應思惟而起思惟
不應計度而生計度不應怖求而有
怖求於非出離作出離想於彼非道
而作道想未得謂得應作不作耽著

惡法捨離善品惡說大乘讚歎小乘
毀世深信大乘補特伽羅讚歎深信
小乘補特伽羅常為諍論恒起鬭訟
性懷麁獷好為惡語倨傲多言嚴切
暴惡貪婪矯詐性多虛妄語无倫次
愛樂戲論此是過患菩薩能於如是
過患得善巧已勤修空性為欲捨離
諸戲論故菩薩雖復勤修空性然心
流散於彼彼處而心樂住菩薩遍求
於彼彼境自性皆空求不可得所取
之境體既是空能取之心性亦非有
所觀心境了知是空能觀察智體實
非有菩薩觀察空性之時修无相性
菩薩雖復勤修无相猶有彼彼諸相
現前菩薩又觀現前諸相體性皆空
如是諸相既不可得觀內身相亦不
可得於身念住亦不可得心不執著
外諸相中念住體性亦不可得菩薩
捨離如是諸相常能發起修習意樂
菩薩修習諸三摩地於其境界无間
而住謂心一境性是奢摩他如實觀
察是毗鉢舍那菩薩修習三摩四多
心得無悔又復歡喜何以故戒清淨

故以諸菩薩戒清淨故得於瑜伽具足戒者增長瑜伽修習瑜伽是故說名得瑜伽者善男子菩薩成就此十種法能修習瑜伽者

復次善男子菩薩成就十種法能持素怛纁藏何等為十一者聽聞領受為守護正法故不為資財故二者聽聞領受為守護住持故不為利養故三者聽聞領受為三寶種不斷故不求供養故四者聽聞領受為正攝受發趣大乘諸有情故不為名稱讚歎故五者聽聞領受為欲利益无依無怙諸有情故六者聽聞領受安樂苦惱諸有情故七者聽聞領受為諸有情無慧眼者得慧眼故八者聽聞領受為發趣聲聞乘諸有情等演說聲聞乘道故九者聽聞領受為發趣大乘道故十者聽聞領受為自身證无上智故不為希求下劣乘故善男子菩薩成就此十種法能持素怛纁藏復次善男子菩薩成就十種法能持毗奈耶藏何等為十一者能了知毗奈耶二者能了知毗奈耶義三者能

了知毗奈耶甚深理趣四者能了知毗奈耶微細五者能了知應作不應作六者能了知自性違犯七者能了知施設違犯八者能了知所學波羅提木又緣起九者能了知聲聞毗奈耶十者能了知菩薩毗奈耶善男子菩薩成就此十種法能持毗奈耶藏復次善男子菩薩成就十種法能善軌則所行境界具足威儀何等為十一者善學聲聞一切學處二者善學緣覺一切學處三者善學菩薩一切學處四者於諸學處得善學已能善軌則所行具足五者軌則所行皆具足已便能捨離非沙門行六者以是因緣菩薩不行非處非時七者菩薩能於沙門所行威儀軌則皆具足已若沙門若婆羅門皆无有能非理譏毀八者由此菩薩亦能令他善學如是一切學處九者菩薩所行軌則圓滿已得端嚴寂靜具足威儀十者成就威儀而無矯詐善男子菩薩成就此十種法能善軌則所行境界威儀具足

佛說寶雨經卷第八

癸卯歲高麗國大藏都監奉
勅彫造

佛說寶雨經卷第九

被

唐天竺三藏達摩流支譯

復次善男子菩薩成就十種法離慳
慳嫉妬何等為十一者得自為施主
二者能勸他布施三者能讚歎布施
四者慶慰他施五者讚餘施主令得
歡喜六者見施他時終不起念但施
於我勿施餘人如是之物唯我應有
七者菩薩發心令一切有情皆得利
益謂能濟彼活命資具八者菩薩發
心令諸有情皆得安樂所謂成就世
出世間所有安樂九者我當勤修為
欲利益諸有情故十者我應發起捨
離慳慳嫉妬之心善男子菩薩成就
此十種法便能永離慳慳嫉妬

復次善男子菩薩成就十種法能於
一切有情得平等心何等為十一者
於一切有情得平等方便二者於一
切有情得心无障導三者於一切有
情得無惱壞心四者修行布施五者
修習持戒六者修習安忍七者修習
正勤八者修習靜慮九者修習般若

為欲利益諸有情故十者積集一切
智因菩薩積集終不依止二種之心
平等普為一切有情而積集故菩薩
若能如是積集速證法性能出一切
生死熱惱亦能令他出離生死菩薩
平等於諸有情心不貪愛亦无憎嫉
善男子譬如長者有其六子皆志端
嚴稱可父意長者憐愍心无偏念平
等養育然彼諸子幼小愚癡未有善
巧長者舍宅忽然失火是時諸子各
各別處善男子於汝意云何是時長
者頗作是念我令諸子前後出不止
蓋菩薩言不也世尊何以故由彼長
者心平等故於其諸子隨得隨出佛
言如是如是菩薩亦令一切有情在
於生死熱惱宅中愚癡无智復無善
巧如有有情於六道中各各別住菩
薩以方便故皆令得出復能置於寂
靜之界善男子菩薩成就此十種法
於一切有情得平等心

復次善男子菩薩成就十種法得善
巧供養一切如來何等為十一者以
法供養即供養一切如來非財供養

二者如說修行即為供養一切如來
非財供養三者為利益安樂諸有情
故即為供養一切如來非財供養四
者為攝諸有情故即為供養一切如
來非財供養五者隨所作事皆為利
益諸有情故即為供養一切如來非
財供養六者不捨離誓願即為供養
一切如來非財供養七者不捨菩薩
所作事業即為供養一切如來非財
供養八者如理思惟故即為供養一
切如來非財供養九者心无厭倦故
即為供養一切如來非財供養十者
不捨離菩提心故即為供養一切如
來非財供養云何為法供養善男子
以法身即是諸如來故法供養已即
為供養一切如來云何如說修行謂
如說修行成如來故云何為利益安
樂一切有情謂如來出現為利益安
樂一切有情故云何為攝受諸有情
謂如來出現攝受一切諸有情故云
何為利益諸有情以所作事業皆為
利益諸有情故云何不捨離誓願以捨
離誓願不能利益諸有情故云何不

捨菩薩所作事業若違背菩薩所作
事業即不能供養一切如來云何如
理思惟謂不如理思惟不能供養諸
如來故云何心不疲厭謂心若疲厭
即不能供養一切如來云何不捨苦
提心以捨離苦提心即不能供養一
切如來何以故善男子以諸菩薩為
利益有情當得阿耨多羅三藐三菩
提若无有情則諸菩薩不現等覺是
故以法供養即得供養一切如來非
財供養善男子菩薩成就此十種法
即得善巧承事供養一切如來

復次善男子菩薩成就十種法能降
伏我慢何等為十一者菩薩捨家出
家所有親屬皆捨離我猶如死尸以
是因緣能降伏我慢二者我毀形好
著壞色衣身貌異俗由是因緣能伏
我慢三者我剝除鬚髮手執應器巡
家乞食以是因緣能降伏我慢四者
巡家乞食如旃荼羅子起下劣心以
是故能降伏我慢五者從他乞食我
命因他應念已身如乞求者由是故
能降伏我慢六者我所得食雖為他

人之所輕賤為乞食故而無厭倦由是故能降伏我慢七者供養尊者阿遮利耶作福田想由是故能降伏我慢八者我具威儀軌則所行為欲令他同梵行者見皆歡喜以是故能降伏我慢九者未得佛法願我當得以是故能降伏我慢十者我能於彼忿怒損害諸有情中常起忍辱以是故能降伏我慢善男子菩薩成就此十種法能降伏我慢

復次善男子菩薩成就十種法能得淨信何等為十一者以宿植善根具足因緣故出生福德二者不由師教而得正見三者捨離虛誑諛曲之行得意樂具足四者无邪曲性得質直心五者由利根故得智慧具足六者以清淨心流注相續故能捨離睡眠障等七者捨離惡知識依止善知識八者希求善法不起我慢九者演說正法無顛倒取十者以廣大信能知如來廣大威德善男子菩薩成就此十種法得清信心

止蓋菩薩白佛言世尊我於如來廣

大威德願樂欲聞少分之義佛言善男子汝應諦聽善思念之我今為汝宣說如來廣大威德少分之義止蓋白佛言善哉世尊願樂欲聞善男子如來成就大慈平等普為一切有情如來於一有情起於大慈與一切有情而无有異如來大慈雖遍有情界盡虛空界然大慈邊際實不可得善男子如來成就大悲不與一切聲聞緣覺諸菩薩共如來於一有情起大悲時與一切有情而无有異善男子如來成就說法無盡於无量劫無量阿僧企耶名言各別道理不同為一切有情能頻演說然佛所說法無窮盡善男子如來成就无量問難能答能釋善男子假使一切有情乃至入於有情數者同時問佛名句文身各各有異如來於一剎那或一臘縛一牟呼栗多能答能釋而无窮盡善男子如來成就靜慮所行境界得无障碍善男子假令一切有情皆住十地諸菩薩位如是菩薩一時皆入无量百千諸三摩地如是入時經於無量百

千諸劫所入靜慮各各不同實不能
知佛三摩地及所行境界邊際可得
善男子如來成就无量色身若諸有
情應以如來色身而教化者如來即
能於一剎那或一臘縛一牟呼栗多
各各於彼有情之所示現如來色身
之相若諸有情應見種種別類有情
色身之相如來即能於一剎那或一
臘縛或一牟呼栗多各各於彼有情
之前示現種種別類有情色身之相
善男子如來眼所取境有無量種諸
有情等天眼所見肉眼不見者如是
種類有情滿於超過算數思量世界
之中世尊如實觀見今所有情猶如
掌中阿摩羅果善男子如來耳所取
境有无量種如前所說無量无边諸
世界中有情充滿然彼世界一切有
情於一剎那一臘縛時一牟呼栗多
頃同時出聲然彼諸聲音韻屈曲言
詞大小宣說有異如來聞彼音聲各
各差別皆能了知善男子如來成就
聖智无盡無量猶若虚空善男子盡
有情界所有衆生各各構畫別別思

惟作種種業如來於一剎那於一臘
縛一牟呼粟多悉能了知此諸有情
如是構畫如是思惟如是造業得如
是果如來以无尋智悉能了知彼諸
有情三世業果何以故如來常在三
摩呬多故何以故如來念无失故諸
根不散故心不馳流故何以故善男
子如來住寂靜故甚寂靜極寂靜故
能斷一切諸煩惱故善男子若彼衆
生有諸煩惱心則馳散不能得彼諸
三摩地如來无彼煩惱塵垢起无漏
智證得一切諸法自在平等理性通
達一切諸三摩地三摩鉢底所行境
界善男子如來所有四種威儀一一
皆住於三摩地乃至如來入於涅槃
經今所時住三摩地何況少時而不
在定善男子如來於无量劫積集資
糧由是如來常住三摩呬多善男子
如來不可測量不可思惟不可計度
止蓋菩薩白佛言不也世尊以如來
於三阿僧企耶積集資糧而證得故
佛言善男子我於无量劫積集資糧
證得如來不思議境非唯於彼三僧

祇却而證得故然由菩薩悟解平等
諸法性已方得入彼三僧祇數非風
發心

止蓋菩薩言若諸有情得聞如來大
威德者能起淨信歡喜悅樂世尊彼
諸有情當知即是有福德者作諸善
者斷業障者若起信解則親近菩提
何況聞已受持讀誦究竟通利為他
廣說世尊如有有情不久堪成如來
威德佛言如是如是善男子此諸有
情當為無量諸佛攝受當得承事无
量諸佛種諸善根若善男子善女人
得聞如來廣大威德終不應起猶豫
疑惑於如來威德能意樂思惟心淨
勝解著新淨衣如法供養能於七日
七夜專念思惟心不散亂滿七日七
夜已即於其夜得見如來若所作法
不具足者是人臨命終時心不散亂
當得如來現前而住

止蓋菩薩白佛言世尊者諸有情聞
說如來大威德時生不信不佛言有
善男子若諸有情聞說如來大威德
時意樂猛利麁惡楚毒起損害心於

說法師起惡知識想由是因緣身壞
之後生捺洛迦善男子若諸有情聞
說如來廣大威德心生淨信於說法
師起善知識想及導師想善男子決
定應知此諸有情生生之處曾聞如
來廣大威德或此諸有情作如是思
惟我應往昔於諸佛會中曾聞此法
門由斯我等聞於如來廣大威德心
生淨信如世尊說今聞如來廣大威
德生淨信者以昔曾聞故

今時世尊即現舌相覆於面輪次覆
於身及師子座并諸菩薩聲聞之衆
釋梵護世乃至覆於一切大會今時
世尊還攝舌相告大衆言善男子如
是舌相由如來得不妄語故汝等應
當深生淨信能於長夜利益安樂說
此法時八万四千菩薩得无生法忍
無量百千有情遠塵離垢得法眼淨
其餘无量有情曾未能發菩提心者
皆得發心

今時薄伽梵告止蓋菩薩言善男子
菩薩成就十種法於世俗中而得善
巧何等為十一者於世俗諦施設有

色勝義諦中色不可得亦无執著於世俗中施設受想行識勝義諦中乃至於識皆不可得亦無執著二者於世俗中施設地界於勝義中地不可得亦无執著雖於世俗施設水火風界及空識界於勝義中乃至識界俱不可得亦无執著三者雖於世俗施設眼處於勝義中眼處不可得亦无執著雖於世俗施設耳處乃至意處於勝義中乃至意處皆不可得亦无執著四者雖於世俗施設有我於勝義中我不可得亦无執著五者雖於世俗施設有情於勝義中有情不可得亦无執著六者雖於世俗施設命者養育意生補特伽羅摩納縛迦於勝義中皆不可得亦无執著七者雖於世俗施設世間於勝義中世間不可得亦无執著八者雖於世俗施設有世間法於勝義中世間法不可得亦無執著九者雖於世俗施設佛法於勝義中佛法不可得亦无執著十者雖於世俗施設菩提於勝義中所證菩提及能覺者俱不可得亦无執

著善男子因想施設所有言說是名世俗雖勝義中世俗不可得離於世俗則無勝義善男子若菩薩於世俗中能得善巧非勝義諦是故說名世俗善巧善男子菩薩成就此十種法得世俗善巧

復次善男子菩薩成就十種法得勝義善巧何等為十一者證得無生法性二者證得不滅法性三者證得不壞法性四者證得不入不出法性五者證得超過言語所行法性六者證得无言說法性七者證得離戲論法性八者證得不可說法性九者證得寂靜法性十者證得聖者法性何以故善男子以勝義諦不生不滅不壞無入无出超過言路非文字取故非戲論證故不可言說湛然寂靜為諸聖者自內所證善男子以諸如來若有出現若不出現其勝義理常住不壞為是義故菩薩剷除鬚髮身服袈裟心生正信遠離於家趣於非家是名出家得出家已精勤修習如頭繫繒絲為火所燒無暇救火專求勝義

若無勝義則梵行唐捐諸佛出世亦
无義利善男子由有勝義故諸菩薩
於此法中能得善巧善男子菩薩成
就此十種法得勝義善巧

復次善男子菩薩成就十種法得緣
起善巧何等為十一者能知空性二
者能知无所有性三者能知不堅固
性四者能知如影性五者能知如像
性六者能知如響性七者能知如幻
性八者能知无住性九者能知搖動
性十者能知緣起性菩薩作是思惟
諸法如是空如是无所有如是不堅
固如是喻影如是喻像如是喻響如
是喻幻如是无住如是搖動如是緣
起復作思惟於此諸法能了知生能
了知滅菩薩又復思念一切諸法何
因故生何因故滅由无明為緣能生
諸法无明是首無明為依依无明已
諸行得生依諸行已諸識得生依識
生已名色得生依名色已六處得生
依六處已諸觸得生諸觸生已施設
於受以有受故施設於愛愚夫為愛
所逼迫故施設於取取謂受取以取

生故有相續生依止有故而得於生
依止生故而得有老以有老故補特
伽羅皆有其死以有死故即能生於
憂悲苦惱諸法積集為大苦聚是故
智者應當精勤壞滅无明拔其根本
無明滅故而諸法滅善男子譬如命
根滅已餘根皆滅如是无明滅故即
無所依以无依故煩惱不起以生死
因滅故諸趣果滅由是菩薩能證涅
槃善男子菩薩成就此十種法得緣
起善巧

復次善男子菩薩成就十種法故能
自了知何等為十一者菩薩觀察自
身是誰種姓於婆羅門刹帝利種若
居士家富貴貧賤諸種姓中何種姓
生菩薩雖能於諸富貴種姓中生終
不恃此而起憍慢若於貧賤種姓中
生作是思惟我昔曾作諸雜業故由
是令我生此種姓以是因緣厭離諸
有以厭離故而求出家二者得出家
已應作是念為何義利而求出家作
是思惟我今出家為欲自度令他得
度自得解脫令他解脫是故菩薩常

應遠離懈怠嬾惰三者菩薩應念我
今出家於諸罪障不善之法皆應除
滅所以者何若有諸罪已能斷除應
自心生歡喜悅樂若未除斷為令斷
故應勤修習四者菩薩應當如是觀
察我既出家一切善法皆得增長所
以者何若諸善法已得增長心生喜
樂若未增長為令增長懇懃修習五
者菩薩又應如是觀察若增長善法
除滅罪障我當依止如是尊者由是
因緣菩薩應隨鄔波駄耶持戒破戒
少聞多聞若有名稱若无名稱起導
師想猶如世尊生於淨信歡喜悅樂
六者菩薩當於阿遮利耶應常尊重
恭敬供養作是思惟我今依止阿遮
利耶故於菩提分法未圓滿者願得
圓滿於煩惱法未得除斷願得除斷
菩薩奉事阿遮利耶如鄔波駄耶想
若有善法隨順攝受若不善法了知
不作由此心生歡喜悅樂七者菩薩
應起思惟誰是我師復作是念一切
智者是我之師云何一切智者謂了
知諸法哀愍世間能起大悲為大福

田與一切世間天人阿素洛等為大軌範是我導師菩薩由此歡喜悅樂得大利益復作思惟諸佛世尊是我之師佛所演說聖道學處我當修習乃至命終亦无違犯我應如是尊重諸佛恭敬供養心常隨順八者菩薩作是思惟我從誰乞而得於食菩薩復念我應從彼城邑聚落諸婆羅門刹帝利等而乞於食我令如是諸有情等以施食故獲大果報獲大義利獲大威德故從乞食九者菩薩作是思惟城邑聚落諸婆羅門刹帝利等應作何想而與我食菩薩復念彼應於我作沙門想作苾芻想作福田想而與我食我應思念但是沙門及福田者所有功德我皆修習十者菩薩作是思惟无始生死我今出離云何出離菩薩思念我得出家成苾芻法是第一出離我今成就沙門功德是第二出離我常精進離於懈怠證於法性故能出離无始生死是第三出離我當於阿耨多羅三藐三菩提而現等覺是第四出離菩薩由作如是

觀察能自了知善男子菩薩成就此十種法得自了知

復次善男子菩薩成就十種法能知於世何等為十一於倨傲者能自卑下二於憍慢者能離憍慢三於邪曲者能為質直四於虛誑者能真實言五於惡語者能為愛語六於堅強者能柔軟語七於暴惡者常能忍辱八於瞋怒者能修於慈九於苦惱者能修於悲十於慳吝者能修於施善男子菩薩成就此十種法能知於世淨佛刹何等為十一者成就於戒无缺无雜戒無點汙戒得清淨二者為一切有情心得平等三者以能成就廣大善根四者於利養名稱恭敬讚歎心常捨離无所染著五者得清淨信心无疑惑六者常修精進離懈怠心七者能入寂定无散乱心八者能得多聞而无惡慧九者成就利智非鈍根性十者有慈悲性无損害心止盡菩薩白佛言世尊於此十法為要具足方始得生若有關者能得生不

佛言善男子若有菩薩成就一法得無缺減无少違犯鮮白清淨彼諸菩薩即得具足成就十法善男子菩薩成就此十種法生清淨佛刹

復次善男子菩薩成就十種法得處胎藏塵垢不染何等為十一者造如來像二者修理破壞諸佛制多三者以諸妙香塗佛制多而為供養四者以諸香水洗如來像而為供養五者於佛制多中掃灑塗地而為供養六者親能承事供養父母七者親能供養阿遮利耶鄔波馱耶八者親能供養修梵行者而菩薩心無有憊望九者菩薩願以善根迴施有情由我善根今不染著胎垢而生十者菩薩如是迴向意樂怨重猛利甚深善男子菩薩成就此十種法得處胎藏塵垢無染

復次善男子菩薩成就十種法得捨家出家何等為十一者得无所取二者不雜亂住三者得厭背境界四者離境界愛著五者不起染著境界過患六者於佛施設所有學處恭敬尊

重能善修習勇猛精進七者於飲食
衣服資具醫藥隨所受物心常知足
八者於鉢多羅及袈裟資具善能捨
離一切積集九者於境界中心常怖
畏起於厭離十者常勤修習能於現
前寂靜而住善男子菩薩成就此十
種法得捨家出家

復次善男子菩薩成就十種法能得
淨命何等為十一者能善捨離為利
養故矯詐諂曲二者能善捨離為利
養故而現其相三者善能捨離為利
養故虛言鼓動四者善能捨離惡求
利養五者善能捨離非法利養六者
善能捨離不淨利養七者不耽著利
養八者得不染著利養九者得性不
熱惱十者於如法利養善能知足善
男子云何善能捨離為利養故矯詐
諂曲謂此菩薩不為利養因緣故身
語心業而為矯詐云何身不矯詐謂
此菩薩若見施主及助施者不現威
儀云何不現威儀謂此菩薩若舉足
時不詐徐步若下足時不前視一尋
現思惟相亦不詐偽不顧直視云何

語不矯詐謂此菩薩不為利養故安
徐細語柔軟愛語及隨順語云何心
不矯詐若有施主及助施者請喫之
時菩薩不為利養語現少欲心廣貪
求內懷熱惱是名菩薩不為利養故
矯詐諂曲云何善能捨離為利養故
而現其相菩薩若見施主及助施者
終不現相自言我之衣鉢病緣醫藥
而彼施主及助施者雖不惠施菩薩
終不從彼乞求是名菩薩善能捨離
為利養故而現其相云何菩薩善能
捨離為利養故虛言鼓動菩薩若見
施主及助施者終不詐言某甲施主
持某事物而惠施我我以某物而報
彼恩又言某甲以我持戒多聞少欲
持彼彼物而施與我我起悲心憐愍
彼故而攝受之是名菩薩善能捨離
為利養故虛言鼓動

佛說寶雨經卷第九

癸卯歲高麗國大藏都監奉
勅彫造

佛說寶雨經卷第十

被

唐天竺三藏達摩流支譯

云何菩薩善能捨離惡求利養善男子
菩薩不為利養故身心行惡身行
惡者為利養故馳走來往而犯尸羅
心行惡者怖求利養若見餘人所得
利養及同梵行者興心損壞是名菩
薩捨離惡求利養云何菩薩捨離非
法利養謂此菩薩不行矯詐取於利
養不以斗秤而行欺誑他所委信終
不侵損不行矯詐是名菩薩捨離
非法利養云何菩薩捨離不淨利養
謂此菩薩所得利養若牽堵波若法
若僧共有之物或不與亦不許可
雖得彼物必不受之是名菩薩捨離
不淨利養云何菩薩不耽著利養謂
此菩薩得利養時不攝為己物不自
稱富者亦无積聚時時施與沙門婆
羅門等若施與父母及輔翼左右親
友眷屬時時自用雖自受用亦无染
著菩薩不得利養之時心不生苦亦
无熱惱若彼施主及助施者雖不惠

施菩薩於彼不起瞋心若得如法利
養及隨僧次一切如來皆同許可諸
菩薩等无有呵責諸天讚歎同梵行
者无有譏嫌於此利益常能知足善
男子菩薩成就此十種法能得淨命
復次善男子菩薩成就十種法得心
無厭倦何等為十一者為諸有情故
雖久住生死而無厭倦二者為諸有
情故於生死苦而无厭倦三者於利
益有情中而無厭倦四者諸所作事
常為有情而无厭倦五者能令有情
作善事業而無厭倦六者為聲聞乘
補特伽羅宣說道法而無厭倦七者
不於聲聞乘補特伽羅前現不信彼
聲聞乘法八者攝受菩提分法而无
厭倦九者圓滿菩提資糧而無厭倦
十者於涅槃界不求現證亦无趣向
涅槃意樂由此菩薩能隨順大菩提
故趣向大菩提故親近大菩提故善
男子菩薩成就此十種法得心无厭倦
復次善男子菩薩成就十種法能行
一切如來教勅何等為十一者修不
放逸捨諸放逸故二者得身善律儀

身不行惡故三者得語善律儀語不行惡故四者得意善律儀意不行惡故五者怖畏他世能盡捨離諸不善法六者能說正理離諸非理七者能善說法訶責非法八者能得捨離譏嫌之業於清淨業隨順修行九者於如來教中不說過患能盡捨離諸煩惱毒十者於如來法性能隨順守護防禦一切惡不善法善男子菩薩成就此十種法能行一切如來教勅復次善男子菩薩成就十種法得面門微笑永離嘖感何等為十一者得諸根明淨二者得諸根遍淨三者得諸根不缺四者得諸根離垢五者得諸根白淨六者得永離損害七者得永離睡眠八者得永離纏縛九者得永離結恨十者得永離忿怒善男子菩薩成就此十種法得面門微笑永離嘖感

止蓋菩薩白佛言世尊如我解佛所說義趣由諸根清淨故諸菩薩得面門微笑復由永離諸煩惱故得无嘖感佛言善男子如是如是如汝所說

復次善男子菩薩成就十種法能得多聞何等為十一者如實了知如是貪火熾然生滅二者如實了知如是瞋火熾然增長三者如實了知如是癡火昏亂增長四者如實了知有為之法悉皆无常五者如實了知如是諸行一切皆苦六者如實了知如是世間並皆是空七者如實了知如是一切諸行无我八者如實了知如是愛著皆名戲論九者如實了知一切諸法因緣所生十者如實了知涅槃寂靜如是之義非但言說要以聞思修所成慧方於此義如實了知如是知已悲心堅固為諸有情發起精進善男子菩薩成就此十種法能得多聞復次善男子菩薩成就十種法攝受正法何等為十一者於後時後分後五十歲正法將滅時分轉滅諸有情類不能修持住非道中智燈已滅无能說者此時若有能於廣大素怛纁中有大利益有大威德生諸善法如有情母受持讀誦種種承事恭敬供養二者展轉為他宣說開示三者能

於修學如是廣大經典補特伽羅所
生於淨信歡喜踊躍攝受於彼四者
聽聞正法无所怖望五者於此法師
起導師想六者能於正法起甘露想
七者能於正法起仙藥想八者於其
正法起良藥想九者專求正法不顧
身命十者怖求正法起修行想善男
子菩薩成就此十種法能攝受正法
復次善男子有十種法菩薩成就為
法王子何等為十一者具諸相莊嚴
二者身得隨好三者諸根具足皆悉
圓滿四者於一切如來所行之處隨
順修行五者於一切如來所得聖道
隨順得之六者於一切如來所有覺
悟隨順悟之七者能得除滅世間苦
惱八者善學一切聖者所行九者得
善修習梵行十者能住一切智城是
諸如來所住之處善男子菩薩成就
此十種法為法王子
復次善男子菩薩成就十種法得釋
梵護世之所承奉何等為十一者能
於善提而不退轉二者一切諸魔所
不能動三者於佛法中而无退失四

者隨順能入諸真實相五者隨順通達一切諸法悉皆平等六者能於一切佛法之中不籍他緣而能信解七者得善證智八者成就不共一切聲聞辟支佛法九者能超過彼一切世間十者證无生法忍善男子菩薩成就此十種法得釋梵護世之所承奉復次善男子菩薩成就十種法能知有情意樂隨眠何等為十一者如實了知一切有情貪心意樂二者如實了知一切有情瞋心意樂三者如實了知一切有情癡心意樂四者如實了知一切有情上品意樂五者如實了知一切有情中品意樂六者如實了知一切有情下品意樂七者如實了知一切有情諸善意樂八者如實了知一切有情堅固意樂九者如實了知一切有情常起隨眠十者如實了知一切有情暴惡隨眠善男子菩薩成就此十種法能知有情意樂隨眠復次善男子菩薩成就十種法能得成熟有情善巧何等為十一者若諸有情應以如來色相而得度者即現

如來色相二者應以菩薩色相而得
度者即現菩薩色相三者應以緣覺
色相而得度者即現緣覺色相四者
應以聲聞色相而得度者即現聲聞
色相五者應以帝釋色相而得度者
即現帝釋色相六者應以魔王色相
而得度者即現魔王色相七者應以
梵天色相而得度者即現梵天色相
八者應以婆羅門色相而得度者即
現婆羅門色相九者應以刹帝利色
相而得度者即現刹帝利色相十者
應以居士色相而得度者即現居士
色相善男子若諸有情應以如是色
相方便得調伏者菩薩為彼示現種
種色相方便而調伏之善男子菩薩
成就此十種法能得成熟有情善巧
復次善男子菩薩成就十種法得隨
順住何等為十一者質直心二者柔
軟心三者不邪曲心四者无損害心
五者無垢心六者清淨心七者无堅
韌心八者无麤惡言九者能常忍辱
十者具足隨順善男子菩薩成就此
十種法得隨順住

復次善男子菩薩成就十種法得安樂住何等為十一者能得正見具足清淨二者得戒具足三者軌則清淨四者得順所行境五者元所染著六者成就悲愍七者能常憂念八者能得同類九者能發起一乘十者不事餘師善男子菩薩成就此十種法得安樂住

復次善男子菩薩成就十種法得攝事善巧何等為十一者為攝有情修利益施二者為攝有情修安樂施三者為攝有情修無盡施四者為攝有情修義六者為攝有情修言說法七者為攝有情示言說理八者為攝有情以善利益九者為攝有情同飲食等饒益彼故十者為攝有情同於活命資具等事饒益彼故善男子法利益者所謂法施安樂施者所謂財施無盡施者謂常宣說道路示人言說利益者謂說善根言說義者謂說真實言說法者謂順如來教演說之法言說理者謂不壞實義善利益者謂令衆

生除滅不善置於善處同飲食等饒
益彼者謂同受用種種飲食衣服等
事同於活命資具等事饒益彼者謂
同受用金銀末足真珠璧玉吠琉璃
寶螺貝珊瑚象馬車乘如是等事善
男子菩薩成就此十種法得攝事善巧
復次善男子菩薩成就十種法能得
端嚴何等為十一能得寂靜威儀二
能得无矯詐威儀三能得清淨威儀
四能令見者之所愛樂五能令見者諸
惡止息心意寂靜六能令見者无有
厭足七能令見者心意悅樂八能令
見者心无罣碍九能令見者所願滿
足十能令見者心生淨信善男子菩
薩成就此十種法能得端嚴

復次善男子菩薩成就十種法為所
依止何等為十一者能守護他以諸
有情怖煩惱故二者能得出離以生
死曠野多飢渴故三者善能拔濟謂
令有情出生死海故四者能作眷屬
以諸有情多惇獨故五者為大醫師
以能對除煩惱病故六者能作依怙
以諸有情无依恃故七者能作依止

以諸有情無依處故八者能作歸依
以諸有情无依託故九者能為智燈
以諸有情住無明故十者能作歸趣
就此十種法得為所依

復次善男子菩薩成就十種法如大
藥樹何等為十善男子如大藥樹能
令有情皆得受用一者受用其根二
者受用其莖三者受用其枝四者受
用其葉五者受用其花六者受用其
果七者見時受用其色八者嗅時受
用其香九者嘗時受用其味十者摩
時受用其觸善男子菩薩如是從蘊
發心乃至成佛能施彼彼一切有情
諸煩惱病種種法藥令得受用或受
用菩薩施波羅蜜多或受用菩薩戒
波羅蜜多或受用菩薩忍波羅蜜多
或受用菩薩精進波羅蜜多或受用
菩薩靜慮波羅蜜多或受用菩薩般
若波羅蜜多或見菩薩身而得勝利
或聞菩薩名而得勝利或味菩薩切
德而得勝利或復供養菩薩而得勝
利善男子菩薩成就此十種法如大

藥樹

復次善男子菩薩成就十種法能勤
修福德何等為十一者於三寶中隨
力供養二者於諸有情病患之者能
施醫藥三者於一切有情飢渴逼者
能施飲食四者於一切有情為寒熱
等所侵逼者能施衣服五者於阿遮
利耶鄔波馱耶心常尊重恭敬供養
六者於同梵行者問訊起居合掌札
拜恭敬供養七者建立伽藍樹林園
苑八者於時時時能以資財穀麥等
物庫藏所有而行惠施九者於其奴
婢及傭力者平等憐愍而養育之十
者於時時時能尊重供養持淨戒者
及諸沙門婆羅門等善男子菩薩成
就此十種法能勤修福德
復次善男子菩薩成就十種法得變
化善巧何等為十一者於一佛剎身
相不動能於无量佛剎諸如來所聞
甚深義二者於一佛剎身相不動能
於无量佛剎諸如來所聽聞正法三
者於一佛剎身相不動能於无量佛
剎諸如來所恭敬供養四者於一佛

剎身相不動能於无量佛剎土中修
集菩提資糧圓滿五者於一佛剎身
相不動能於无量佛剎土中見諸菩
薩現正等覺恭敬供養尊重讚歎六
者於一佛剎身相不動能於无量佛
剎土中示詣道場七者於一佛剎身
相不動能於无量佛剎土中自現等
覺令他皆見八者於一佛剎身相不
動能於无量佛剎土中轉正法輪九
者於一佛剎身相不動能於无量佛
剎土中示般涅槃十者於一佛剎身
相不動能於无量佛剎土中從塵發
心乃至成佛經今所時觀諸有情應
調伏者即能現作種種變化而調伏
之菩薩雖現如是變化而不分別我
能變化於所變境亦不分別如是之
事我所化作止蓋菩薩白佛言世尊
菩薩能作種種變化云何於此能化
之者及所化事得无分別佛言善男
子我今為汝當說譬喻汝應諦聽善
男子譬如日月光耀四洲廣能利益
諸有情等而彼日月雖能利益一切
有情而不分別我為能耀亦不分別

彼有情等以為所耀然日月天子由其往昔異熟業成能作如是利有情事善男子諸菩薩等亦復如是雖種種變化而無功用於能化所化不起分別我是能化有情為所化何以故如是種種變化之事一一皆是菩薩善業得成熟故由昔修行發如是願作如是事以此故得於能化所化離於分別善男子菩薩成就此十種法得變化善巧

復次善男子菩薩成就十種法速疾能於无上菩提而現等覺何等為十一者得具足施以善積集成就施故二者得具足戒成就淨戒无有缺漏亦无雜染超過一切聲聞緣覺三者具足安忍四者具足正勤五者具足靜慮六者具足般若七者具足方便八者具足勝願九者具足諸力十者具足正智菩薩以能成就智故超過一切聲聞辟支佛地由能成就不共智故又能超過菩薩羣地乃至能超於第九地由菩薩得智具足故善男子菩薩成就此十種法故能速疾於

无上菩提而現等覺世尊說此法門之時此三千大千世界六種震動又此世界所有蘇迷盧山及牟尼真隣陀山摩訶牟尼真隣陀山輪圍山大輪圍山及寶山等一切諸山為供養佛故峯岫仞屈向伽耶山又此世界所有一切花果樹等悉皆仞屈向伽耶山供養於佛及供養法復有无量百千俱胝那庾多菩薩以種種衣服諸莊嚴具其積量如蘇迷盧山供養佛法復有无量百千俱胝釋梵護世合掌向佛恭敬禮拜以曼陀羅花摩訶曼陀羅花散於佛上復有无量百千天子於虛空中各執天衣舉手旋轉作百千種聲以諸天花散於佛上而作是言過去諸佛已出世間轉正法輪世尊今者又復出現轉妙法輪若諸有情曾於過去供養諸佛修行福業積集善根如是有情今時方得聞此法門何況聞已深生淨信復有无量百千莫呼洛伽亦為供養此法門故出大音聲猶如雷震其聲普遍復變化作種種香雲雨諸香水其雨遍此三

千大千世界及伽耶山頂亦不燒乱
諸有情類復有無量百千諸龍妹女
於世尊前作種種音樂讚歎供養復
有無量百千健達縛緊捺洛右遶三
千大千世界及伽耶山出美妙音讚
歎供養復有無量百千俱脰藥叉雨
衆蓮花而為供養復有無量百千諸
婆羅門及刹帝利以諸花鬘燒香和
香塗香末香衣服花蓋及諸幢幡而
供養佛復有無量世界之中所有諸
佛為供養釋迦牟尼佛及供養法故
各放眉間光明其光明中現種種色
種種形種種光謂青黃赤白及紅頗
脰迦所放光明其光右遶此大千界
而能破彼一切闇障光復右遶伽耶
山頂及如來身然從世尊頂上而入
復有妙風所吹之處觸者安樂世尊
說此法門之時於衆會中有七十二
那庾多菩薩得無生法忍無量百千
俱脰那庾多有情遠塵離垢得法眼
淨無量百千俱脰有情未發心者發
菩提心時伽耶山有一天女名曰長
壽久住此山率其兵衆將諸眷屬來

詣佛所於衆會中從坐而起為供養
佛往自宮殿取供養具還至佛所恭
敬供養而白佛言我知世尊於過去
世無量生中常住在此伽耶之山曾
有七万二千諸佛皆為世尊說此法
門文句義理今者世尊還住此山而
為我等說此法門所有文句佛言天
女汝今得聞如是法寶為大義利尔
時復有諸天子衆作是思惟此長壽
天女經尔所時承事如來聞此法門
云何不能轉此女身

尔時止蓋菩薩知諸天子心所思惟
而白佛言世尊有何因緣此長壽天
女經尔所時供養如來復聞此法門
大威神力而今不能轉此女身佛言
善男子此長壽天女住不可思議解
脫法門為利益一切有情因緣故善
男子我知此天女於往昔時以能勸
請超過算數諸佛如來發菩提心乃
至涅槃故此天女有大威德於賢劫
中供養諸佛於此佛剎當現等覺号
長壽如來應正等覺時薄伽梵告天
女言天女汝應示現自身佛剎尔時

天女當即現入一切色身三摩地入此定已時此三千大千世界平坦如掌吠琉璃寶以成此界除去諸惡山石草木處處示現諸劫波樹流泉浴池八功德水充滿池中於其水上衆花弥覆復能除彼下劣有情乃至不聞女人之名處處示現種種蓮花大如車輪於蓮花中有諸菩薩結加趺坐亦復示現薄伽梵身謂長壽如來應正等覺為諸菩薩敷演妙法无量百千俱胝那由更多釋梵護世諸大菩薩前後圍遶說此法門今時長壽天女從定而起於世尊前右遶三匝大衆之中隱沒不現

止蓋菩薩白佛言世尊若有善男子善女人聞此法門若能受持若讀若誦若復思惟為他廣說如是之人生幾所福佛言善男子若有人能布施三千大千世界一切有情如是布施相續不斷經於无量百千諸劫若善男子及善女人有能書寫如此法門善詳校已能施與他生淨信者是人功德勝前福德何以故善男子以彼

財施是下劣之法有滅壞故法施殊勝有大威力何以故善男子以諸有情染著財產經无量時生死流轉樂世間法終不能受廣大法味善男子若有能以三千大千世界中所有衆生皆能安置於十善道復有能於此殊勝法門聽聞讀誦思惟修習為他演說是人功德勝前福德何以故善男子十善業道因此法門而出生故善男子若復有人教化三千大千世界一切有情皆得聲聞辟支佛果若有聞此法門受持讀誦思惟修習為他廣說是人功德勝前福德何以故善男子依此法門得諸聲聞辟支佛果又依此法門得諸菩薩及出世間諸佛之果善男子若能聽聞受持讀誦此法門者此人即是已於一切素怛纜中受持讀誦何以故以此法門是諸法母善男子非不得此法性而能證得廣大法性今時諸大聲聞承佛威神從坐而起偏袒右肩右膝著地恭敬合掌而白佛言世尊我等聞此法門必定能出廣大生死佛言諸

苾芻如是如是如汝所說

今時薄伽梵告大衆言善男子若於如是諸地方處說此法門當知其地定菩提道場轉法輪處又應思惟其地即是大制多處亦是我等一切導師在中而住何以故善男子以法性即是大菩提故亦是轉法輪故又法身即是諸如來故若供養法即是供養一切如來若說法師所在地方當於此處起制多想於法師處起尊重想起善知識想起於演說正道路路想若見法師應當歡喜淨信悅樂邀請上座恭敬供養讚歎善哉善男子我若讚說法師功德乃至劫盡亦不能說少分功德何以故若有善男子善女人愛樂法者於說法師所行之處以自身血灑其道路亦不能報彼說法師少分恩德何以故以說法師即能住持如來法眼甚希有故善男子諸說法師若欲說此法門之時若正說若已說應現无畏不應沉沒不現憂惱無損害心著新淨衣應生淨信他讚歎時不應倨傲不起我慢不自

讚毀他無所怖望應常恭敬演說此法
今時釋提桓因白佛言世尊若諸地
方有能說此法門之處我當將諸兵
衆及與眷屬往詣其處為欲聽聞此
法門故及能守護彼說法師佛言憍
尸迦善哉善哉汝今正應作如是事
汝當守護如來法性

今時止蓋菩薩白佛言世尊當何名
此法門我等云何受持佛言善男子
此名寶雨法門亦名寶積功德亦名
智燈亦名止一切蓋菩薩所問法門
汝當受持時薄伽梵說此經已歡喜
無量止一切蓋及諸菩薩一切聲聞
釋梵護世及大自在淨居諸天无量
百千天子及諸天龍藥叉健達縛阿
素洛揭路荼緊捺洛莫呼洛伽聞佛
所說歡喜奉行

佛說寶雨經卷第十

癸卯歲高麗國大藏都監奉
勅彫造

寶雲經卷第一

草

梁扶南三藏曇陀羅仙譯

如是我聞一時佛在伽耶山頂與大比丘僧七万人俱所作已辦捨諸重擔其心自在盡諸有結正見解脫皆如大龍善解法界是法王子能捨利養善具出家善受具戒意所欲者志得滿足住涅槃道唯除阿難在於學地諸大菩薩八万四千人俱皆是一生補處向一切智無有退轉志求佛地近於彼岸得阿僧祇諸陀羅尼逮得諸禪首楞嚴三昧遊戲神通大慈大悲遍滿十方乃至無量無邊佛土行空境界除諸蓋障盡三毒根善遊无相室宅恒欲救濟一切衆生善知諸佛世界得無尋智心如虛空深廣如海猶如須弥八風不動心如蓮華不著塵水意如真實内外明徹如淨真金中无瑕穢其名曰寶光菩薩寶掌菩薩寶印手菩薩寶天冠菩薩寶鬘菩薩寶積菩薩寶藏菩薩寶山頂菩薩寶幢菩薩金剛胎菩薩金胎菩薩

薩寶胎菩薩功德胎菩薩淨无垢胎
菩薩如來胎菩薩智胎菩薩日胎菩
薩三昧胎菩薩蓮華胎菩薩解脫月
菩薩普月菩薩觀世音菩薩普賢菩
薩普眼菩薩蓮花眼菩薩大眼菩薩
普威儀菩薩普端嚴菩薩普行菩薩
知定意菩薩法意菩薩勝意菩薩增
長意菩薩金剛意菩薩師子神通菩
薩大音聲王菩薩師子吼意菩薩深
音聲菩薩无染汙菩薩離一切垢菩
薩月光菩薩日光菩薩智光菩薩智
功德菩薩月功德菩薩蓮花功德菩
薩寶功德菩薩文殊師利菩薩跋陀
婆羅等十六賢士賢劫千菩薩摩訶
薩等弥勒取為上首四天王諸天等
四天王取為上首忉利諸天等帝釋
取為上首焰摩天焰摩天王取為上
首兜率陀天兜率陀天王取為上首
化樂諸天化樂天王取為上首他化
自在諸天他化自在天王取為上首
善黨諸天薩陀取為上首一切諸梵
天王大梵取為上首首陀會諸天摩醯
首羅取為上首毗摩質多羅阿修羅

王婆稚阿修羅王羅睺阿修羅王等
無量百千億阿修羅王阿那婆達
多龍王摩那斯龍王娑伽羅龍王難
陀龍王和修吉龍王德叉迦龍王如
是等百千億諸龍及諸龍子諸龍綵
女如是等百千万億衆天龍夜叉軋
闍婆阿修羅迦樓羅緊那羅摩睺羅
伽人非人等百千億衆皆來集會介
時伽耶山頂方四由旬微塵針鋒虛
空及地大衆充滿悉敷師子座莊嚴
光顯高一由旬嚴饒第一廣半由旬
八千天衣遍布其上地悉平正變為
金剛懸諸繒幡香汁灑地无量天花
遍滿在中其座左右生諸蓮花大如
車輪百千万綦真金為莖皆以紺琉
璃為臺因陀且為鬚香潔適意觸時
快樂如是妙花以供養佛彼師子座
於其四角各生寶樹高十五里其樹
蔭蓋及半由旬如是莊嚴師子之座
佛坐其上心意清淨善轉法輪降伏
魔怨不為八法之所汙染得无所畏
智辯无滯心无怯弱猶如師子意行
清淨如明冽池深廣如海能出衆寶

猶如須弥處於大海如日盛明照於一切如月盛滿恁令清淨雨大法雨如彼龍王慶衆高顯如大梵天无量弟子恁皆調順无量釋梵四天王等瞻仰觀佛心无高下能令大衆溫光如日衆寶莊嚴今時世尊身色熙怡如日溫照一切大衆如寶莊嚴頂上放光名曰周遍普照百千世界无量諸光以為眷屬俱照十方遶佛三匝光從口入而口無異相辟如淨月明照虚空然於虚空亦无異相光從口入亦復如是辟如沙聚蘇油注中不見增損佛光入口亦復如是

今時東方過无量恒河沙世界有國名蓮花自在彼世界有佛名蓮花眼如來應供正遍知明行足善逝世間解无上士調御丈夫天人師佛世尊為諸菩薩說一乘法彼國无有聲聞辟支佛名時諸衆生皆得阿鞞跋致趣向阿耨多羅三藐三菩提此諸衆生无有搗食唯有法喜禪悅等食彼國雖有日月星辰不以為明唯有佛光照於彼土无有山林株杪荆棘地

平如掌彼有菩薩摩訶薩名除一切
蓋障聞其名者一切罪障皆悉除滅
時除蓋障菩薩摩訶薩蒙光觸身即
詣蓮華眼佛所頭面著地為佛作禮
却住一面坐蓮花上復有元量菩薩
亦蒙光明往詣佛所頭面著地頂禮
佛足却坐一面除蓋障菩薩從坐而
起整其衣服偏袒右肩右膝著地
合掌向佛而白佛言世尊以何因
緣有斯光明遇斯光者心意快樂
如是之光從何而來蓮花眼佛答
言善男子西方有世界名娑婆佛
号曰釋迦牟尼如來應供正遍知明
行足善逝世間解无上士調御丈夫
天人師佛世尊聞彼佛名皆得阿鞞
跋致如是之光彼佛所放除蓋障菩
薩復白佛言世尊以何因緣聞彼佛
名皆得阿鞞跋致趣阿耨多羅三藐
三菩提蓮華眼佛復告除蓋障菩薩
言彼佛行菩薩道時發大誓願若我
成佛聞其名者皆發阿耨多羅三藐
三菩提心得阿鞞跋致除蓋障菩薩
復白佛言世尊若聞彼佛名皆發阿

釋多羅三藐三菩提得阿鞞跋致者
彼國衆生皆已得不蓮華眼佛答言
善男子有得不得除蓋障菩薩復白佛
言世尊彼國衆生可不聞耶蓮華眼佛
答言善男子亦得聞名除蓋障菩薩白
佛言世尊如其聞者云何有得不得蓮
華眼佛答言善男子彼國衆生志是
阿鞞跋致亦非阿鞞跋致除蓋障菩
薩白佛言世尊云何志是阿鞞跋致
亦非阿鞞跋致蓮花眼佛答言善男
子聞彼佛名者雖得阿鞞跋致種子
因緣不具行未滿足不得受記善男
子我今為汝說譬譬如種樹有其種
子難於腐敗具足生牙因緣當言為
生為不生耶除蓋障菩薩白佛言世
尊是名為生蓮華眼佛答言善男子
聞佛名者得其種子具足因緣便得
受記除蓋障菩薩摩訶薩白佛言世
尊我欲往娑婆世界礼拜恭敬釋迦
牟尼佛蓮華眼佛即便答言善男子
今正是時可往礼拜彼諸菩薩白佛
言世尊我等亦當隨從除蓋障菩薩
往詣娑婆世界礼拜恭敬尊重讚歎

蓮華眼佛告諸菩薩言今正是時可
往詣彼莫生下劣放逸之心何以故
彼界衆生多諸貪欲瞋恚愚癡不肯
恭敬沙門婆羅門好作非法心意麁
弊惡口罵詈很快難調慳貪嫉妬態
怠懶惰放逸破戒元量煩惱之所縛
纏於惡生中而為說法今時彼諸菩
薩白佛言世尊釋迦牟尼佛甚為希
有能於彼惡世界衆生中而為說法
蓮華眼佛答言善男子彼佛世尊實
為希有如汝所言常處惡衆生中而
為演法彼惡世界能起一念善心者此
亦難有何以故清淨世界衆生守信修
善不難惡世界中於彈指頃發生信心
歸依佛法僧於彈指頃能修持戒於彈
指頃生離欲心於彈指頃生於慈悲
發阿耨多羅三藐三菩提心此則甚
難諸菩薩白佛言希有世尊希有善
逝今時諸菩薩除蓋障菩薩摩訶薩
寂為上首今時除蓋障菩薩摩訶薩
并諸菩薩受佛教已歡喜踊躍頂禮
佛足各還本坐此諸菩薩有寶寶樹
華果具足有寶琉璃樹者有寶頗梨

樹者有賣金樹者有賣衆寶樹者有賣華樹者有賣果樹者有賣衣雲者有賣環玕瓔珞者有賣香雲者有賣華鬘雲者有賣寶蓋雲者有賣寶幢幡雲者有賣音樂雲者悉皆來集除蓋障菩薩摩訶薩所共詣娑婆世界除蓋障菩薩摩訶薩告衆菩薩言彼娑婆世界衆生多受苦惱汝等各各現神通力令彼衆生使得快樂時諸菩薩皆言唯然今時除蓋障菩薩摩訶薩以神通力身出光明清淨无垢遍照娑婆三千大千世界此光能照地獄餓鬼畜生閻羅王趣諸苦惱者蒙光觸身身受快樂貪欲瞋恚令除滅慈心相向猶如父母三千大千世界諸閻冥處日月諸光所不及處以菩薩光故皆得相見三千大千世界鐵圍山大鐵圍山目真隣陀山摩訶目真隣陀山及諸餘山幽冥之處悉蒙光照上及梵天下至阿鼻地獄如是中間光明普照又諸菩薩皆放身光蒙其光者餓者得食渴者得飲裸者得衣貧者得財盲者能視聾者

能聽症者能言變者能行狂者得正
苦者得樂諸懷孕者今安隱產當介
之時衆苦悉除共諸菩薩俱時而到
伽耶山頂寶網弥覆三千大千世界
於虛空中蓮華雲雨蓮華妙果雲雨
妙果華鬘雲雨華鬘香雲雨香白疊
雲雨白疊末香雲雨末香衣服雲雨
衣服寶蓋雲雨寶蓋寶幢雲雨寶幢
寶幡雲雨寶幡如是衆雲隨種而雨
雨觸身時柔軟快樂今時伽耶山坑
坎堆阜自然平坦諸山樹木變為寶
林亦作栴檀沉水及諸香樹周遍嚴
飾百千天樂於虛空中不鼓自鳴諸
樂音中俱出偈頌

生於林毗羅 不由結業有 挺特元有比
我今礼於彼 心平如虛空 至於伽耶山
我今歸寂妙 无上勝菩提 坐於道樹下
始悟於正覺 指地以為證 魔怨皆退散
我今到伽耶 稽首无垢尊 世間皆幻化
亦如沫泡炎 虛誑如水月 法相亦如是
我今来至此 敬礼正智樹 辟如伎藝人
能現諸權變 諸法若干種 辟如天馬紅
稽首礼不動 功德之伏藏 我今從彼来

敬礼无上尊 深起大悲心 无量百千劫
修於戒定慧 積集諸善業 我今從彼來
礼於淨月面 百千億菩薩 无量諸天衆
皆從彼而來 為礼除闇尊 獲得法伏藏
慈悲為衆演 能作利益者 寂是无等尊
我今從彼來 稽首於正覺 慈悲濟衆生
寂靜而憺怕 蓮華不著水 煩惱不染心
我今來歸命 礼此寂勝德 清淨身无垢
衆相開花敷 八十好為果 世間得依怙
我今從彼來 稽首於寶樹 具无量枝條
我等悉供養

今時尊者目連從坐而起長跪合掌
偏袒右肩白佛言世尊我今不見其
形而聞衆妙偈頌

佛告目連東方過此无量恒河沙佛
土蓮華世界有佛名為蓮華淨眼今現
在彼為大衆說法彼有菩薩摩訶薩
名除蓋障復有无量百千億菩薩皆
來至此娑婆世界為欲礼拜恭敬於
我至心聽法故彼諸菩薩造此偈頌
佛語以訖彼諸菩薩即到佛前除蓋
障菩薩摩訶薩取為上首皆共頭面
頂礼佛足却住一面合掌向佛以偈

歸命大名稱 具足智慧者 歸命大精進
寂勝牟尼尊 能拔於三有 越渡煩惱岸
神光照世間 歸命无等尊 四方蒙光照
周遍悉解脫 歸命无等稱 不動如山王
深廣如大海 智慧无有量 一切諸外道
无能擾乱者 我今稽首礼 歸命於法王
第一寂滅道 无生亦无滅 體相如涅槃
歸依說法王 能轉法輪者 顯現於正道
安住於真諦 開演於涅槃 而授菩提記
善知於法相 及以煩惱性 如說而修行
觀察於律儀 貪欲諸瞋恚 无量心垢穢
一切諸塵障 於菩提樹下 智火悉燒盡
濟度於衆生 自度亦度彼 生死曠野中
勉濟諸衆生 長寢於重昏 三有之獄縛
勸令早覺悟 趣向歸依處 當為作親友
究竟不放逸 隨從而來者 皆住於菩提
為欲聽正法 願時而解說

今時除蓋障菩薩摩訶薩偈讚佛已
佛告諸菩薩各還本坐除蓋障菩薩
摩訶薩及諸菩薩皆坐蓮華臺上除
蓋障菩薩摩訶薩從坐而起整其衣
服偏袒右肩右膝著地合掌向佛而

白佛言世尊欲有所問唯願聽許佛
即荅言若有疑者隨汝所問我當為
汝分別解說除蓋障菩薩白佛言世
尊云何菩薩具足於施具足於戒具
足於忍具足精進具足禪定具足智
慧具足方便具足於願具足於力具
足於智云何菩薩與地等云何菩薩
與水等云何菩薩與火等云何菩薩
與虛空等云何菩薩如月云何菩薩
如日云何菩薩如師子云何菩薩為
善調云何菩薩為善御云何菩薩如
蓮華云何菩薩得大意云何菩薩得
淨意云何菩薩得無疑網心云何菩
薩甚深如大海云何菩薩得微細智
云何菩薩得隨順辯云何菩薩得无
盡辯云何菩薩得淨辯云何菩薩能
令衆生得少欲知足云何菩薩得隨
應辯云何菩薩作法師云何菩薩得
隨順法云何菩薩得善解法界云何
菩薩行空境界云何菩薩行无相境
界云何菩薩行无願境界云何菩薩
行慈云何菩薩行悲云何菩薩行喜
云何菩薩行捨云何菩薩得遊戲神

通云何菩薩得離八難處云何菩薩
得不忘菩提心云何菩薩得宿命智
云何菩薩得不離善知識云何菩薩
得離惡知識云何菩薩得佛清淨身
云何菩薩得金剛身云何菩薩得大
商主云何菩薩得善知諸道云何菩
薩得示不顛倒道云何菩薩常得定
心云何菩薩得糞掃衣云何菩薩得
三衣云何菩薩得旃衣云何菩薩得
乞食法云何菩薩得一坐食法云何
菩薩得一受食法云何菩薩得非食後
食云何菩薩得阿練若行云何菩薩
得樹下坐云何菩薩得露地坐云何
菩薩在塚間行云何菩薩常坐不卧
云何菩薩能隨敷坐云何菩薩善知
教授禪法云何菩薩能持修多羅云
何菩薩能持律藏云何菩薩能持威
儀云何菩薩善知可行處云何菩薩
善知修行法云何菩薩除於貪嫉云
何菩薩於一切衆生能起等心云何
菩薩善知供養如來云何菩薩除於
憍慢云何菩薩善得信敬心云何菩
薩善解第一義諦云何菩薩善知十

二因緣云何菩薩善知己體相云何
菩薩善知世間相云何菩薩生淨佛
國土云何菩薩處胎不汙云何菩薩
捨家出家云何菩薩得清淨命云何
菩薩心不愁惱云何菩薩善隨佛教
云何菩薩常和顏語捨離瞋感云何
菩薩具足多聞云何菩薩善持正法
云何菩薩作法王子云何菩薩為四
天王帝釋梵天之所供養云何菩薩
知他體相云何菩薩善知成熟衆生
云何菩薩善修柔和行云何菩薩共
住安樂云何菩薩善修四攝法云何
菩薩得威儀端正云何菩薩善為衆
生作依憑處云何菩薩喻如樂樹云
何菩薩常修諸善云何菩薩善作變
化云何菩薩摩訶薩速成阿耨多羅
三藐三菩提

佛告除蓋障菩薩摩訶薩善哉善哉
善男子汝欲利益天人拔濟一切衆
生故發是問我今當為汝說除蓋障
菩薩摩訶薩白佛言善哉世尊願時
演說佛即告言善男子我今當說汝
等諦聽菩薩成就十法能具足檀何

等為十法施具足无畏施具足財施
具足不望報施具足憐愍施具足不
輕心施具足尊重施具足恭敬承事
施具足不求有施具足清淨施具足
善男子云何名菩薩法施具足无怖
望心自受持法為人演說不求利養
不為名譽為除一切衆生過惡不為
於利心无高下平等說法若為王若
王等旃陀羅等說法等无差別不以此
施貢高憍慢若能如是是名菩薩法施
具足云何名菩薩无畏施具足菩薩
自離刀杖亦教人離刀杖於一切衆
生生父母想男女想親友想何以故
佛說一切衆生从无始劫来無非父
母男女菩薩常於微細中捨身而與
况復餘大衆生是名菩薩无畏施具
足云何名菩薩財施具足菩薩見衆生
多作諸惡便積聚財寶而施與之令
離惡業安置善處又聞佛世尊作如
是說檀是菩薩能除慳貪嫉妬之垢
如佛所說習行於施不以施故而心
自高是名菩薩財施滿足云何名菩
薩不望報施具足不為得眷屬故施

不為得親友故施不為欲故施菩薩
作是念施菩薩淨戒是常行法以是
因緣故是名菩薩不望報施具足云
何名菩薩成就憐愍施具足菩薩見
衆生飢渴受苦裸形弊衣无所依怙
无歸無趣无居住處離於福業便生
殷重憐愍之心我今為苦衆生故發阿
耨多羅三藐三菩提心但以衆生輪
轉受苦裸形弊衣无怙無歸无趣飢
寒困苦我當何時為是衆生作衣服
飲食乃至歸依舍宅現有財物悉施
與之雖作是施而不生念存有我人
財物等想如是施者是名菩薩憐愍
施具足云何名菩薩不輕心施具足
不分別施等大悲施不輕心施心不
憐惜施不瞋忿施不憍逸施不為得
名稱施不為我能多聞故施如是之
施名為專心施尊重施恭敬施自手
施如此等施是名菩薩不輕心施具
足云何名菩薩承事施具足若同梵
行可尊事者若和上阿闍梨等如是
之人淨生殷重起迎合掌瞻仰恭敬
若有所作躬代營佐如是施者是名

菩薩承事施具足云何名菩薩恭敬
施具足供養佛供養法供養僧香華
伎樂遶如來塔塗掃佛地若諸塔廟
朽故崩落修治嚴飾如是名為恭敬
佛恭敬法者聽法讀誦受持書寫解
說思惟其義如法修行不顛倒取義
是名恭敬法恭敬僧者衣服飲食卧
具湯藥種種雜物供給所須奉施於
僧乃至貧下无所有時當用淨水敬
心持施如此施者名恭敬僧施若能
如是供養三寶是名菩薩恭敬施具
足云何名菩薩不求有施具足菩薩
施時不生是念我當生天亦不生念
我當為王及諸輔相大臣官屬是名
菩薩不求有施具足云何名菩薩清
淨施具足菩薩諦觀此施无垢無穢
无雜如是施者是名菩薩清淨施具
足善男子具此十事是名菩薩具足
於檀善男子菩薩復有十法名成就
淨戒何等為十善學波羅提木叉戒
善持菩薩緘密戒滅諸煩惱除不善
覺怖畏惡業於小罪中尚生驚怖心
常恐畏受持頭陀法堅固不闕持戒

不為求有造業淨三業戒云何名菩薩善學波羅提木叉戒菩薩於戒律諸經是佛所制皆專心受持不為種族故持戒不為我見故持戒不為攝徒眾故持戒不見他瑕缺而輕毀戒是名菩薩善持波羅提木叉戒云何名菩薩善持緻密戒菩薩作是念非但波羅提木叉戒能使我成阿耨多羅三藐三菩提諸餘菩薩威儀戒行我亦當學如法修行云何是菩薩戒菩薩不應行處終不往來非時不語善知時節善知方俗順適人心不令眾生起於譏嫌善護眾生令至菩提亦自具足菩提威儀言辭柔軟少於言說不好親近大臣群官恒修阿練若行和顏悅色能具如是菩薩威儀戒及餘經中諸菩薩戒悉具修行是名菩薩密緻戒云何名菩薩滅一切結使皆悉熈然貪欲瞋恚愚癡及餘纏障一切眾具亦皆熈然於貪欲處生對治法能起欲處皆悉除斷云何是貪欲處於美色邊能起欲因緣云何名不淨想如觀已身髮毛爪齒皮

膚血肉筋脉骨髓汗淚涕唾肪膏腦膜咽喉心膽肝肺脾腎腸胃百脉生藏熟藏屎尿膿汁菩薩常觀三十六物若能如是不生貪心若愚癡嬰兒顛狂心亂見是三十六物猶不起欲想况復智者諸菩薩等常觀是不淨云何當復起於欲想菩薩摩訶薩見所愛色適意之時便生染心初見色時即自念言如佛所說色如夢響元有實事云何智者妄於夢中而生欲想是故菩薩能生欲處悉皆遠離云何菩薩於可瞋中生對治法而能離瞋及瞋因緣菩薩於諸衆生常生慈心以是因緣便得除瞋若有惱害因緣瞋恚起時當深繫念對治之法是名菩薩除瞋方便云何菩薩除癡方便當念癡心不識善惡常守愚闇後受苦果无智自蔽惱他緣少不如貪瞋多有怨害如是觀時則滅癡心是名菩薩熈然煩惱云何名菩薩除不善覺住於空靜阿練若處作如是念我今遠離於憤鬧處在閑靜地履行佛教諸餘沙門婆羅門親近憤鬧多

有擾亂遠離佛教是名菩薩除不善
覺云何名菩薩怖畏惡業觀察選擇
曾聞佛說專心修福堅持淨戒善學
智慧以何因故取得勝報具福德業
遠離諸惡是名菩薩怖畏惡業云何
名菩薩畏於微惡於小罪邊常生大
畏心終不輕微小之惡以何因緣曾
聞佛說少毒然人況復多毒微細惡
中尚能將人至三惡道况復多惡而
心不畏是名菩薩畏微小惡云何名
菩薩心常恐懼為人體信婆羅門刹
利居士等以體信故即寄金銀種種
珍寶信心用付不立時證菩薩終不
生於隱匿之心若佛物法物僧祇物
四方僧物菩薩寧當自食已肉終不
侵他若飲若食供身之具不敢輒毀
是名菩薩心常恐懼云何名菩薩受
持頭陀法堅固不闕若魔眷屬及諸
天等以妙財色欲來擾逼菩薩菩薩
即時志固不動而心不毀是名菩薩
受持頭陀法堅固不闕云何名菩薩
持戒不為求有造業菩薩持戒不求
世間果報但為滿足一切善法得无

上道是名菩薩持戒不為求有造業
云何名菩薩淨於三業云何淨身業
離煞盜淫以是義故名為淨身業云
何淨於口業離惡口妄言兩舌綺語
是故名為淨於口業云何淨於意業
除貪瞋癡邪見是名淨於意業是名
為菩薩淨於三業善男子具此十事
是名菩薩成就淨戒

善男子菩薩摩訶薩復有十法能淨
於忍何等為十內忍外忍法忍隨佛
教忍无方所忍修處處忍非所為忍
不逼惱忍悲心忍捨願忍云何名菩
薩內忍菩薩飢渴寒熱憂悲疼痛身
心楚切能自忍受不為苦惱是名菩
薩內忍云何名菩薩外忍菩薩從他
聞惡言罵詈毀辱誹謗或毀辱父母
兄弟姊妹眷屬和上阿闍梨師徒同
學或聞毀佛法僧有如是種種毀訾
菩薩忍辱不生瞋恚是名菩薩外忍
云何名菩薩法忍佛於諸經說微妙
義諸法寂靜諸法寂滅如涅槃相不
驚不怖菩薩作是念言我若不解是經
不知是法終不得阿耨多羅三藐三

菩提是故菩薩勤求諮問讀誦是名
菩薩法忍云何名菩薩隨佛教忍菩
薩瞋惱毒心起時作是思惟此身從
何而生從何而滅從我生者何者是
我從彼生者何者是彼法相如是從
何因緣起菩薩作是思惟時不見所
從生亦不見所緣起亦不見從我生亦
不見從彼起亦不見從因緣生作是
思惟亦不瞋亦不惱亦不毒瞋怒之
心即便減少是名菩薩隨佛教忍云
何名菩薩无方所忍或有夜忍晝不
忍或晝忍夜不忍或彼方忍此方不
忍或此方忍彼方不忍或知識邊忍
不知識邊不忍或不知識邊忍知識邊
不忍菩薩不介於一切時一切方常
生忍心是名菩薩无方所忍云何名
菩薩修處處忍有人於父母師長夫
妻男女大小內外如是中生忍餘則
不忍菩薩忍者則不如是如父母邊
生忍旃陀羅邊生忍亦介是名菩薩
修處處忍云何名菩薩非所為忍不
以事故生忍不以利故生忍不以畏
故生忍不以受他恩故生忍不以相

親友故生忍不以愧故生忍菩薩
常修於忍是名菩薩非所為忍善男
子云何名菩薩不逼惱忍若瞋因緣
煩惱未起不名為忍若遇瞋因緣時
拳打刀杖手脚蹴踏惡口罵詈於如
是中心不動者則名為忍菩薩若有
人來起發瞋恚亦忍不起發瞋恚亦
忍是名菩薩不逼惱忍云何名菩薩
悲心忍今時菩薩若作王若王等有
大劫業為苦衆生而作其主是苦衆
生若來罵辱觸惱之時菩薩不以我
是主故而生瞋恚如是衆生我當拔
濟常為擁護云何而得生於瞋惱是
故我今悲心憐愍不生忿恚是名菩
薩悲心忍云何名菩薩誓願忍菩薩
作是念我先於諸佛前曾作師子吼
發誓願言我當成佛於一切生死泥
沮中為拔諸苦衆生我今欲拔不應
瞋恚而惱於彼若我不忍尚不自度
況利衆生善男子譬如良醫善知治
眼見諸衆生多有患目或患眼翳或
患眼膜種種患眼不可稱計是醫若
言我欲療治衆生眼患彼時醫師後

自盲冥佛言如此醫師能治他眼不
除蓋障菩薩摩訶薩白佛言不也世
尊佛告除蓋障菩薩摩訶薩欲除一
切衆生无明冥者應先自除闇障後
及於人若内无智慧能治他疾是義
不然以是因緣當修於忍不應生瞋
是名菩薩大誓願忍善男子具此十
事是名菩薩能淨於忍善男子菩薩
復有十法名為精進滿足何等為十
如金剛精進无等精進處中精進顯
勝精進熾盛精進常恒精進清淨精
進不共二乘精進不輕賤精進不退
轉精進云何菩薩如金剛精進未解
者令解未涅槃者令得涅槃未安者
令安未度者令度未得阿耨多羅三
藐三菩提者當令得阿耨多羅三藐
三菩提若作如是修行精進時天魔
波旬來謂菩薩言汝今故作如是
精進徒自勤苦終无所獲何以故我
亦曾作如是精進未解者令解未涅
槃者令得涅槃未安者令安未度者
令度未得阿耨多羅三藐三菩提者
當令悉得如是等事皆是妄語但誑

凡愚無有真實我未曾見如是精進
而得阿耨多羅三藐三菩提者善男
子我曾見无量衆生如是精進有得
阿羅漢涅槃如是精進有得辟支佛
涅槃魔王復言善男子雖行精進未
有得阿耨多羅三藐三菩提汝今思
惟疾捨是心空無所獲徒自勞苦汝
今速求二乘可得早離生死菩薩即
作是念此是魔說欲壞我心汝但少
事而自憂已莫為多事反憂我耶隨
所造業各得受報依止於業業為親
友汝亦有此隨業受報依止於業業
為親屬惡魔波旬汝今速疾復道還
去汝惱我故當長夜受苦魔即慙愧
隱形而去是名菩薩如金剛精進魔
不能壞云何名菩薩无等精進今時菩
薩所行精進起諸菩薩百千万億等
數譬喻所不能及况餘聲聞二乘學
者而能及乎一切諸佛善法以精進
力故恚能攝取一切惡法無不捨離
是則名為无等精進云何名菩薩處
中精進勤不過分亦不懈怠如是精
進名為處中精進云何名菩薩高勝

精進菩薩發大精進願使現身如佛
色相若我得佛无見頂相圓光一尋
佛之相好无尋智慧大自在者願我
志得是名高勝精進云何名菩薩熾
盛精進譬如真金摩尼珠寶无有垢
穢光明熾盛端嚴殊顯真金精曜無
量焰熾摩尼寶珠煥然炳徹菩薩精
進亦復如是无諸垢穢何者是精進垢
何者是精進翳解怠是精進垢懶墮
是精進翳食不知足是精進垢貪嗜
睡眠是精進翳好樂親近是精進垢
不見无我是精進障如是名為精進
垢精進障除如是垢障是名菩薩熾
盛精進善男子云何名菩薩常恒精
進舉動威儀不離精進行住坐卧不
曾休廢身心不態是名菩薩常恒精
進云何名菩薩清淨精進如上常恒
精進有所起惡不善之業能障道法
能作衰損皆悉除斷一切善法於涅
槃因不作障尋能助道法安止道處
皆悉修廣增長熾盛乃至微細一念
之惡不令得起况復大惡是名菩薩
清淨精進云何名菩薩不共二乘精

進菩薩摩訶薩周遍十方如恒河沙
數世界滿中阿鼻地獄猛火熾盛如
此世界外有極苦衆生无依無救乃
至若一衆生如是苦惱菩薩能忍大
火過无量恒河沙世界拔濟成熟一
衆生苦為一尚今况多衆生而不救
濟一切外道二乘學人所不能及是
名菩薩不共二乘精進云何名菩薩
不自輕賤精進菩薩作是思惟三世
諸佛皆從微少精進修無量德乃能
久積苦行成等正覺是故我今因少
精進漸殖德本不久亦應得佛不疑
是名菩薩不自輕賤精進云何名菩
薩不退轉精進菩薩不以已身精進
微薄不以貧窮又少財寶而生捨心
常修精進向阿耨多羅三藐三菩提
過去未來現在三世諸佛皆以積善
微細精進志得菩提我今不以微賤
而自輕毀以微精進故為一切衆生
積集衆善成阿耨多羅三藐三菩提
不為已樂而入涅槃寧為衆生久處
地獄是名菩薩不退轉精進善男子
具此十事是名菩薩滿足精進

寶雲經卷第一

癸卯歲高麗國大藏都監奉
勅彫造

寶雲經卷第二

頁

梁扶南三藏曇摩陀羅仙譯

善男子菩薩摩訶薩復有十法名具
禪波羅蜜何等為十多集福德深厭
諸惡能勤精進具於多聞不顛倒解
解法向法利根聰明有純善心善解
定智不著禪相云何名為多集福德
久於大乘積集善根在所生處常護
持善戒遇善知識世世恒生種族刹
利大姓婆羅門大家居士生處恒生
正見家增長善法憶所修善方便不
捨常不離善知識菩薩諸佛漸漸增
長觀察諸法世間大苦常為災患之
所逼惱無有暫停長為衆苦无明所
盲皆因愛欲欲為根本我今不應同
於凡夫親近於欲欲者諸佛世尊說
從妄想生无量因緣毀訾過患譬如
以木貫人心腎欲如利戟欲如劒刃
欲如毒蛇欲如鋒焰欲如膿爛不可
觸近欲如聚沫欲如熱焰欲如幻化
欲如夢想欲為不淨令人臭穢欲如
熟癰欲如腐敗爛肉作如是厭惡欲

想剝除鬚髮捨離產業出家學道被服法衣而作沙門正法出家信家非家出家學道發大精進未得善法者能令使得未得智者能令得智未得證者當令得證如是因如是緣以是事故即得多聞於世諦第一義諦志能宣說善知世諦即第一義諦善知不顛倒法如法體相何者是善知法相正見正志正語正業正命正方便正念正定得見正道利根轉勝心常在道以利根故多生厭惡遠離大眾憒鬧之處遠離欲覺貪瞋邪見殘害之心遠離眷屬遠離名聞利養遠離一切身心常念自觀察已心為念善不善无記若念善應念勝善念勝善者心生歡喜起發信樂云何是勝善心三十七品云何是三十七品四念處四正勤四如意足五根五力七覺分八正道法是名勝善是真道支心猶不善極生厭惡多作觀察勤行方便斷於不善何等不善貪欲瞋恚愚癡貪欲有三種上中下何者是上貪欲欲心遍身正見衰損離欲心少離於慙

愧云何離慙愧心若攝身靜念獨處
林野今時思惟欲覺增長熾盛貴於
欲覺讚歎欲覺以欲覺故作是思惟
時无有愧心云何無慙以欲業欲作欲
因緣於父母所生懃恨語於尊重處
而无畏難亦不著愧自現有德以是
欲故命終之時墮於惡趣是名上欲
云何名為中欲若受欲已心生厭離或
起悔心是名中欲云何名為下欲若
摩觸之時欲想即息或共言語雖有
染想生念即滅或見欲時欲想亦息
是名下欲欲者一切衣服飲食供身
之具恚名為欲瞋恚亦有三種上中
下何者為上瞋若惱彼時深生忿怒
或作五逆或五逆中作一一逆或誹
謗正法等如是之罪非竿數譬喻之
所能及身壞命終墮大地獄受罪餘
報得生人中膚體黑瘦兩目皆赤志
逞常怒多懷擾害以是義故名為上
瞋云何名為中瞋所作諸惡速疾變
悔即修對治之法是名中瞋云何名
為下瞋或出惡言或起譏訶或集微
惡業或時時起發尋生對治是名下

瞋愚癡亦有三種上中下何者為上
癡作惡不悔不生慙愧心无厭時如
是名為上癡云何名為中癡身作惡
時尋生變悔於同梵行邊發露懺悔
不顯已德是名中癡云何名為下癡
依如來所制非性重罪少有所犯是
故名為下癡菩薩摩訶薩善心起時
能迴貪瞋癡能除欲愛能除欲樂能
除欲著以善心故令欲不起云何名
為無記心此心起時不緣外不緣內
不緣善不緣不善不從定不從智如
從眠起目覩不了不緣善惡名為无
記若无記心生時菩薩方便自策發
起善心令生歡喜安住於善是名菩
薩得於善心以善心故觀察一切諸
法如幻如夢如熱時焰如呼聲響此
是善法此非善法此法跡乘此法不
跡乘菩薩摩訶薩觀於一切法發起
善心以法為想心為先導當善持其
心調順其心善持諸法調伏諸法見
正法已以是緣故便得寂定心為境
界以心繫心漸入寂定以心住心正住
三昧心寂定故便能專一心專一故

次第無間得定心故心常寂靜心寂靜故心生喜樂便除欲愛諸惡不善有覺有觀定生喜樂成就初禪无覺少觀定生喜樂成就二禪除喜得樂念捨得第三禪離喜樂行捨心得第四禪除我見離憂喜捨苦樂淨念捨行四禪一切解脫離色相如虚空衆生心相虚空相等作一解脫觀以是故色相滅空相生惱壞相已滅无邊虚空相成從無邊虚空相以次觀識識無邊故虚空相滅觀識漸損乃至少識名為不用處復觀此識若有若无是名非想非非想處滅諸想受是名滅定菩薩雖入滅定而不捨教化衆生亦不永樂滅定以為寂靜不捨滅定而能慈悲普覆衆生於滅定中乃至起悲喜捨心亦復如是菩薩今時便獲五神通而不以十二門禪五神通等以為自足方求上法阿耨多羅三藐三菩提莊嚴之具功德滿足善男子具此十事是名菩薩具禪波羅蜜

善男子菩薩復有十法名為智慧滿

足何等為十具無我善善解業報善
解有為法善解生死相續不絕善解
生死出要之法善解聲聞辟支二乘
之法善解摩訶衍善解遮魔業智慧
不顛倒智慧无等智慧善男子云何
具无我善善善以智觀察色受想行
識觀色不生不起不見起因受亦不
生不起不見起因想亦不生不起不
見起因行亦不生不起不見起因識
亦不生不起不見起因滅亦不生不
起不見起因第一義諦亦不見不生
不起世諦第一義諦但有假名而无
實體雖知諸法虛寂而不捨於精進
深矜一切衆生如救頭然如救衣裳
然勤修方便不態不捨為一切衆生
故而求阿耨多羅三藐三菩提果莊
嚴具足是名善善無我善根云何名
善善善知業報善善選擇觀察一切
衆生皆如幻相如乾闥婆城水中之
月體性空寂一切衆生染著我見及
我所見以是因緣不見正道衆生作
如是想若無我无人無衆生无壽命
无丈夫者若悉皆无誰受善惡六趣

差別菩薩摩訶薩雖知業報不斷不
常而受不捨是名菩薩善知業報云
何名菩薩善知有為而不取有為相
如實正見知有為法迅速不停念念
流動猶華上露如山澗水駛流赴下
間無暫息亦如沙鹵无有牢固何有
智者當生樂著而戀親愛見有為法
如是之相云何智者而生憂悲以是
因緣深樂涅槃厭惡生死是名菩薩善
知有為法云何名菩薩善解生死流轉
菩薩觀察一切眾生無明所盲漂流生
死恒為愛羅諸結所縛以是因緣故
受以受故造善惡業以業因緣故有
有因緣故生生因緣故死憂悲苦惱
眾苦聚集生死流轉于為上下猶如
火輪是故菩薩正觀生死如實而知
是名菩薩善解生死流轉云何名菩
薩善解生死出要之法無無明則无
行無行則无識無識則无名色无名
色則无六入無六入則无觸無觸則
无受無受則无愛无愛則無取无取
則無有无有則无生無生則無老死
憂悲苦惱眾苦聚集菩薩以如實知

見十二因緣是名菩薩善解生生死出
要之法云何名菩薩善解聲聞辟支
二乘之法菩薩觀察如此法時成須
陀洹成斯陀含成阿那含成阿羅漢
斷諸結漏得成辟支佛成辟支佛已
如犀一角善解聲聞辟支佛法而不
取證何以故我攝受一切衆生故作
師子吼而作是言我當拔一切衆生
曠野生死之苦以是故我今不應獨出
生死是名菩薩善解聲聞辟支佛法
云何名菩薩善解摩訶衍法菩薩善
學一切諸法而不得諸法相善修學
道而不得是道相不見能行者不見
所行法亦不見所至到處以是因緣
相貌而不墮於斷見是名菩薩善解
摩訶衍云何名菩薩善知遮魔業智
慧菩薩善知不親近惡知識亦不至
惡國而常遠離世俗談話不樂親近
諸餘非法不求利養亦於此法不生
欣樂一切結使能障菩提者悉皆遠
離善知對治法是名菩薩善知遮魔
業智慧云何名菩薩不顛倒智慧善
學世諦第一義諦及諸經論善學世

間雜論為成熟衆生故雖廣聞多學而不為於顯已功德但為成熟衆生雖明知世典而常尊佛法以為寂勝終不染於外道邪見是名菩薩不顛倒智慧云何名菩薩无等智慧不見若天若人沙門婆羅門諸外道與菩薩智慧等者除諸如來世尊等正覺餘天人阿修羅无有能及菩薩智者是名菩薩无等智慧善男子具此十事是名菩薩滿足智慧

善男子菩薩復有十法名滿足方便何等為十善解方便迴向善迴外道諸見善迴五塵善除疑悔善救護衆生善知衆生濟命善受供養善移聲聞辟人二乘學者入於大乘善知示教利喜善知供養恭敬云何名菩薩善解方便迴向一切所有若花若果若香若香樹若寶若寶樹若疊若疊樹一切空澤曠野無主非我所諸物盡皆盡三時夜三時迴心施佛以是善根迴向阿耨多羅三藐三菩提於修多羅經中讚歎供養三寶之處深生隨喜十方世界一切菩薩及諸衆生若起一念

善根身心隨喜志皆迴向香花供養
諸佛形像塔廟以是善根願令一切
衆生志除破戒非法臭穢當使一切
衆生皆得諸佛戒香之身若有掃塔
塗地願使一切衆生志得端正莊嚴
之具若以花蓋供養佛塔願一切衆
生除煩惱熱若入僧坊塔寺願一切
衆生入涅槃城若出塔寺願一切衆
生永離生死若開門時願一切衆生
開善趣門若閉門時願一切衆生閉
惡趣門若欲坐時願一切衆生當坐
道場若欲起時願一切衆生於煩惱
淤泥志令超出若右脇卧時願一切
衆生得右脇涅槃若著衣時願一切
衆生著慙愧衣若捉鉢時願一切衆
生滿足佛法若欲食時願一切衆生志
得法食若大小便利時願一切衆生蠲
除垢穢无婬怒癡若洗手時當願衆
生志離染穢若洗脚時願一切衆生
除煩惱垢若嚼楊枝時願一切衆生
種種垢穢皆志得除若身行止及舉
動時願一切衆生志得安樂若礼塔
寺時願一切衆生亦皆敬礼是名善

薩善解方便迴向云何名菩薩善迴
外道諸見能令異學九十六種調伏
出家欲調伏時而不貢高為作師範
要先恭事現為弟子然後調伏隨諸
外道所有威儀法則悉皆習學究盡
勝彼令調伏已而反制之使為弟子
信受其語今時便為說言汝先所學
法元有難欲亦无出要乃以正道誘
化其心令立佛法是名菩薩善調外
道諸見云何名菩薩善迴五塵見諸
衆生貪欲熾盛為化彼故現作女身
端正殊妙超諸女人使彼染著即復
現身變為死屍臃腫臭爛衆生見者
恚生驚怖即便厭惡我今云何疾得
遠離臭穢之身菩薩今時即復本形
而說法要皆令堅固无上道心是名
菩薩善迴五塵云何名菩薩善除疑
悔若見衆生作五逆罪及餘諸惡菩薩
即語衆生言汝今何為愁苦如是彼人
答言我作五逆罪愁憂悔恨捨此身已
當久受苦惱長夜寒損元有義利菩
薩為現神變適其心念令彼信服便
生信敬愛樂菩薩又復化作父母而

加逆害彼作是念菩薩神足威力无量猶害父母况我愚癡而能不作菩薩答言我真汝伴同作逆罪菩薩便為說種種法令彼逆罪即得輕微猶如蚊翅是名菩薩善除疑悔云何名菩薩善能救拔衆生菩薩觀彼衆生堪為法器而造諸惡菩薩即為現形種種說法應現王身得度者即現王等身應現刹利身得度者即現刹利身應現婆羅門身得度者即現婆羅門身應現天身得度者即現天身應現金剛力士身得度者即現金剛力士身應現恐怖身得度者即現恐怖身應見繫閉鞭打驚怖身應見親友愛樂現繫閉鞭打驚怖身應見親友愛樂身得度者即現親友愛樂身所應見者皆為現之是名菩薩善能救拔衆生云何名菩薩善知衆生濟命菩薩摩訶薩見衆生無所堪任不識正法惟知貪欲飲食衣服更無餘求菩薩亦時為示竿數醫方種種伎術如是善者皆令學習悉令不乏衣服飲食是名菩薩善知衆生濟命云何名菩薩善

解受供菩薩

今時得大寶聚如須弥山志能受之
若得少施微毫縷綻亦皆受用菩薩
以何緣故大小皆受見衆生慳貪嫉
妬无有施心又見衆生出沒生死如
水中魚深愍衆生漂溺巨海為作利
益令使快樂受財寶已為供養佛法
僧給施窮乏隨所施處而為說法皆
發阿耨多羅三藐三菩提心是名菩
薩善解受供云何名菩薩善能移於
二乘入於大乘菩薩見衆生堪任大
器乃至作聲聞辟支佛二乘精進勤
修苦行今時菩薩今住大乘及其徒
衆志皆令轉捨於小心為繼佛種不
斷三寶故是名菩薩移於二乘安住
大乘云何名菩薩善能示教利喜未發
菩提心者能令發心懈怠懶墮者令
勤精進若以少善而自足者方便發
起令具諸善若有虧損少戒生大障
碍而心遠離一切諸善者菩薩即為
說法令其歡喜具修戒行是名菩薩
善能示教利喜云何名菩薩善能恭
敬供養三寶出家菩薩少欲知足不

積財寶唯以法施為利。今時在閑靜處獨坐思惟。我今為何不作供養佛。想即自思惟種種運心供養諸佛。如是思惟已。便能具足六度。云何具足六度。以種種供養而具檀波羅蜜。恒與一切衆生善。是名尸波羅蜜。歡喜忍樂。是名羣提波羅蜜。心身不態。是名毗梨耶波羅蜜。專心不散。是名禪波羅蜜。莊嚴衆行。皆志具足。是名般若波羅蜜。菩薩如是靜處思惟。時能具六波羅蜜。是名菩薩善解恭敬供養三寶。善男子。具此十事。是名菩薩具足方便。

善男子。菩薩復有十法。名方便發願。何等為十。不作卑下發願。不畏生死發願。出過一切衆生發願。一切諸佛讚歎發願。能摧伏一切魔發願。不為他教故發願。無邊發願。不恐畏發願。無憂發願。具足發願。云何名菩薩不作卑下發願。菩薩摩訶薩。不為三有受樂故發願。是名菩薩不作卑下發願。云何名菩薩不畏生死發願。不求二乘。不為厭惡生死。不為滅除生死。故發

願是名菩薩不畏生死發願云何名
菩薩出過一切衆生發願菩薩願使
一切四生衆生志成菩提如般涅槃
而我或入涅槃或不入涅槃是名菩
薩出過一切衆生發願云何名菩薩
一切諸佛讚歎發願菩薩發願我化
一切衆生皆發阿耨多羅三藐三菩
提心行菩薩道乃至坐於道場我當
勸請令轉法輪佛若入涅槃我當勸
請令久住世利益衆生是名菩薩一
切諸佛讚歎發願云何名菩薩摧伏
一切諸魔發願菩薩願使一切衆生
成佛時國土不聞惡魔名字是名菩
薩摧伏一切諸魔發願云何名菩薩
不為他教故發願終不受他教故發阿
耨多羅三藐三菩提心自以智慧觀
察世界衆生受无量苦為拔濟故發
阿耨多羅三藐三菩提心是名菩薩
不為他教故發願云何名菩薩無邊發
願菩薩不為方所少緣發願菩薩整
其衣服右膝著地叉手合掌心生厭
惡於十方一切世界所有菩薩若坐
道場勤修苦行初成佛者轉法輪者

當志觀察照見我心勸請隨喜願轉法輪一切十方菩薩從初發意行六波羅蜜皆作无量難行苦行乃至坐於道場降魔成佛及轉法輪於此一善心我皆隨喜發阿耨多羅三藐三菩提心是名菩薩无边發願云何名菩薩不恐畏發願菩薩從初發心聞深妙法不生驚畏聞佛本行无量功德不生驚畏聞菩薩深遠遊戲神通不生驚畏菩薩深遠善權方便不生驚畏菩薩作是念佛菩提无量无边世界无量无边佛所成熟衆生无量无边非我智力之所能知惟佛與佛乃能究竟故名菩薩不恐畏發願云何名菩薩无憂發願菩薩見諸衆生癡无慧目懽快難調不可降伏破戒懶惰衆惡志具為如此等深起厭心求生淨土願令我等不聞如是諸惡之名當行慈悲智慧具足菩薩發心便作是念一切世界中少智衆生愚癡瘖啞无涅槃分不生信心者而為一切諸佛菩薩之所棄捨如此衆生我皆調伏乃至坐於道場得阿耨

多羅三藐三菩提發此心時一切魔
宮悉皆震動十方諸佛發聲讚歎莊
嚴淨土速成正覺是名菩薩無憂發
願云何名菩薩具足發願菩薩發心誓
願降魔成阿耨多羅三藐三菩提是
名菩薩具足發願譬如油鉢若已平
滿更投一滯終不復受菩薩成佛衆
願滿足亦復如是更無減少一塵之
願善男子具此十事是名菩薩方便
具足發願

善男子菩薩復有十法名力具足何
等為十人不輕力不為他所伏力具
福業力具智慧力具徒衆力得神通
力自在之力陀羅尼力菩薩定持不
可動力所言無二力云何名菩薩人
不輕力一切外道聲聞二乘无能過
者一切衆生亦无有與菩薩力等者
是名菩薩人不輕力云何名菩薩具
福業力無有世間出世間所修之福
功德莊嚴能與菩薩力齊等者是名
菩薩具福業力云何名菩薩具智慧
力菩薩智力有所舉動於前後際无
有錯謬是名菩薩具智慧力云何名

菩薩具徒衆力菩薩徒衆不壞正見
無毀威儀常修淨命所攝大衆皆同
菩薩正直之行是名菩薩具徒衆力
云何名菩薩具神通力菩薩以世俗
五通勝於聲聞二乘五通能以一塵
容閻浮提及四天下或千世界或二
千世界或三千大千世界乃至恒河
沙等三千大千世界而微塵不增世
界不減其中衆生亦不迫近无覺知
想不相妨尋是名菩薩具神通力云
何名菩薩得自在力菩薩有自在力
欲使三千大千世界種種珍寶遍滿
其中即如其意是名菩薩自在之力
云何名菩薩得陀羅尼力菩薩若聞
无量無邊諸佛說法異聞異字能於
一念種種音聲悉皆受持思惟修行
是名菩薩陀羅尼力云何名菩薩定
持无戲動力一切衆生无能擾壞令
其心乱是名菩薩定持不戲動力云
何名菩薩所言无二力菩薩心思後
言口無二語惟除方便利益之說是
名菩薩言无二力若有記別終不錯
謬一切衆生所有智慧无能出過苦

薩之者善男子具此十事是名菩薩
得力具足

善男子菩薩復有十法名具足智何
等為十知人無我智具足知法無我
智具足遍知諸方智具足善知禪定
境界處所具足智持具足无等智具
足善知衆生根行智具足无作智具足
善知一切法相知智具足善知出世間智
具足云何名菩薩知人无我觀五陰
不堅無牢固虛妄无真實乃至滅謝
亦不見有去菩薩作是念此五陰无
我无衆生無壽命无養育无人凡夫
愚人謂實有我故妄取我想猶如鬼
魅妖異所著衆生妄計亦復如是或
陰即是我我即是陰或陰是我我所我
所是陰著虛妄我不見真實於生死
中如旋火輪虛妄无實菩薩如實能
知是名菩薩知人无我具足云何名
菩薩觀法无我知如實相見生見滅
知一切物猶如假借但有名用假施
設生无有實體假施設法亦不斷不
常但從緣而生從緣而滅菩薩如實
而知諸法真實是名觀法無我具足

云何名菩薩一切處遍知一切處遍知者非一剎那中知非一剎那中不知非此方知彼方不知而能普於十方得无尋智是名菩薩一切處遍知云何名菩薩善知禪定境界處所知聲聞定知辟支佛定知菩薩定知諸佛定如是諸定皆悉了知聲聞二乘但知自分境界餘則不知菩薩定者知己境界兼知二乘及如來禪定究竟定相以佛力故亦悉能知是名菩薩善知禪定境界處所知名菩薩智持具足菩薩善知聲聞持辟支佛持菩薩持況餘衆生而不能知是名菩薩智持具足云何名菩薩无等智具足一切外道二乘諸智无有能及菩薩智者惟除如來一切種智是名菩薩无等智具足云何名菩薩善知衆生根行具足菩薩能以淨无尋智遍觀世界有衆生能生菩提有衆生不能生菩提有衆生滿足菩提有衆生不滿足菩提有衆生住於初地乃至住於十地有衆生坐於道場有成正覺有轉法輪乃至入般涅槃有聲聞乘

涅槃有辟支佛乘涅槃有生善趣者
有生惡趣者是名菩薩善知衆生根
行具足云何名菩薩無作智具足於
四威儀行住坐卧念念無作心恒成
就譬如有人於出入息乃至睡眠常
無所作菩薩如是心无思惟亦非造
作而無尋智自然成就是名菩薩无
作智具足云何名菩薩善知一切法
相具足了達諸法皆同一相云何一
相皆盡空相如幻相虛妄相是名菩
薩善知一切法相具足云何名菩薩
善知出世間智具足菩薩知无漏智
出一切世間諸智是名菩薩出世間
智具足善男子具此十事是名菩薩
得一切智滿足善男子菩薩復有十
法名得地三昧何等爲十如地廣大
無邊如地一切衆生依止存濟如地
於一切衆生悉有育養之恩終不計
恩如地普能容受諸大雲雨能爲一
切衆生依止住處能生善種及一切
種如大寶器能出一切大藥不可傾
動不驚不畏云何名菩薩如地廣大无
邊周匝十方無邊无量菩薩亦具德

智慧莊嚴願行无邊無量是名菩薩
如地廣大無邊云何名菩薩如地一
切衆生依止存濟各從所欲稱意極
給周濟无導菩薩亦尔施戒忍辱精
進禪智乃至衆具皆悉與之而心無
限導是名菩薩如地一切衆生依止
存濟云何名菩薩有育養之恩而不望
報猶如大地等无好惡加報不欣無
亦不恨是名菩薩育養之恩而不望
報云何名菩薩如地普能容受大
法雲雨亦如大地天注雲雨普皆容
受无不堪持菩薩摩訶薩亦復如是
一切諸佛興大密雲普注法雨如其
所說悉能受持是名菩薩如地普能
容受大法雲雨云何名菩薩能為一
切衆生依止住處又如大地草木叢
林一切衆生行住坐卧皆依於地菩
薩亦尔一切衆生修行善趣二乘學
法及以涅槃一切皆因菩薩而有是
名菩薩能為一切衆生依止住處云
何名菩薩善種子之所依處譬如大地
一切種子依地而生菩薩亦尔一切
善業天人種子皆依菩薩而生是名

菩薩善種子之所依處云何名菩薩
如大寶器譬如大地能出眾寶是諸
寶物皆出於地菩薩摩訶薩亦復如
是功德善寶一切樂果悉出菩薩是
名菩薩如大寶器云何名菩薩能出
一切大藥譬如大地出眾妙藥能治
種種諸病菩薩摩訶薩亦復如是能
出一切諸妙法藥能除一切諸煩惱
病是名菩薩能出一切大法藥器云
何名菩薩不可傾動譬如大地風不
能動蠅蚋螫蝸不能虧損菩薩摩訶
薩亦復如是一切內外諸緣逼惱不
能擾動是名菩薩不可傾動云何名
菩薩不驚不畏譬如大地師子虎狼
龍象雷電哮吼不能驚畏菩薩摩訶
薩亦復如是一切外道九十六種所
不能動是名菩薩不驚不畏善男子
具此十事是名菩薩得地三昧
善男子菩薩復有十法譬如大水何
等為十如水流注溉潤赴下能生眾
生善芽種子欣樂敬信浸爛一切煩
惱根芽如水清淨不濁除滅一切熾
熱之患能除貪欲愛心之渴深廣難

度如水澆溉高下皆滿能除一切諸結塵垢云何名菩薩如水流注溉潤赴下生長草木而各滋茂菩薩亦復如是以諸切德如水溉下流潤微善亦令增長是名菩薩如水流注溉潤赴下云何名菩薩能生衆生善芽種子如水能潤草木叢林悉得生長菩薩以禪定水澆潤覺意正直道支令得增長漸漸長養成一切智樹是名菩薩能生善牙種子以若干種諸佛法果利益衆生菩薩摩訶薩亦復如是以清淨法增長流潤是名菩薩能生善牙種子云何名菩薩欣樂敬信如水自濕亦能濕彼菩薩亦復如是身自恭敬信樂亦能令他恭敬信樂是名菩薩恭敬信樂云何名菩薩浸爛一切煩惱根牙譬如大水能浸草木根牙令使爛壞菩薩摩訶薩亦復如是修禪定水浸煩惱根牙令悉爛壞乃至結使習氣垢穢悉皆无餘是名菩薩浸爛一切煩惱根芽云何名菩薩如水清淨不濁水之體性常恒不濁菩薩摩訶薩亦復如是體性不

濁云何菩薩體性不濁結使貪欲瞋
恚愚癡志斷无餘善護諸根清淨如
水是名菩薩如水清淨不濁云何名
菩薩除滅一切熾熱之患譬如夏月
以水洗浴身則清涼菩薩亦復如是
能以法水除煩惱熱是名菩薩除滅
一切熾熱之患云何名菩薩能除貪
欲愛心之渴譬諸泉水能除人渴菩
薩摩訶薩亦復如是能以法水悉除
衆生五欲之渴是名菩薩能除貪欲
愛心之渴云何名菩薩深廣難渡禪
定智水一切衆魔及諸外道无能度者
是名菩薩深廣難度云何名菩薩如
水澆溉高下皆滿菩薩亦復如是於
善惡衆生以法水普潤令不苦惱是
名菩薩如水澆溉高下皆滿云何名
菩薩能除一切諸結塵垢菩薩以禪
定水淹灑六塵諸根清淨色聲不染
是名菩薩能除一切諸結塵垢善男
子具此十事是名菩薩譬如大水
善男子菩薩復有十法譬如大火何
等為十能燒一切結使之薪能成熟
一切佛法能乾煩惱淤泥如炸火聚

如火照明能令驚怖能令安慰若有
利養與衆共之為人供養人不敢輕
云何名菩薩能燒一切結使之薪如
火能燒草木及諸叢林菩薩亦亦以
智慧火能燒煩惱結使叢林是名菩
薩能燒一切結使之薪云何名菩薩如
火能成熟一切諸物菩薩亦復如是以
智慧火能成熟一切佛法堅固不
壞是名菩薩成熟一切佛法云何名
菩薩能乾煩惱淤泥如火能乾濕物
菩薩亦亦能以智火乾有漏淤泥是
名菩薩能乾煩惱淤泥云何名菩薩
如炸火聚若人爲寒所逼得火則除苦
薩亦復如是見諸衆生爲於煩惱寒
苦所逼菩薩以智慧火能令悉暖是
名菩薩如炸火聚云何名菩薩如火
照明譬如有人在雪山頂然大炸火
周匝百里及二百里皆悉照明菩薩
摩訶薩亦復如是於無明山頂然智
慧火聚於百千世界皆得照明是名
菩薩如火照明云何名菩薩能令驚
怖譬如獐鹿虎豹見火驚恐皆悉遠
走若天若魔及魔眷屬見菩薩智火

威德皆悉速走是名菩薩能令驚怖
云何名菩薩能令安慰譬如有人在
曠野黑闇中迷失方所遇見火聚便
往趣之或值聚落放牧人處得到彼
已恐怖悉除心得安慰菩薩摩訶薩
亦復如是衆生於生死曠野黑闇之
中迷失方所遇見菩薩火聚而往趣
之到已煩惱怖畏悉得消除是名菩
薩能令安慰云何名菩薩利養與衆
共有譬如大火能令王若王等旃陀
羅男女等悉得火煖菩薩摩訶薩亦
復如是與一切衆生王若王等若旃
陀羅男女等以智慧火消煩惱冰悉
令得煖是名菩薩利養與衆共有云
何名菩薩為人供養譬如大火剎利
婆羅門城邑聚落悉皆供養菩薩摩
訶薩亦復如是為天人阿修羅及魔
眷屬悉皆恭敬供養如世尊像是名菩
薩為人供養云何名菩薩人不敢輕
譬如有人得一少火以能燒故心不
敢輕菩薩摩訶薩亦復如是初發一
念之善未有大力天人阿修羅及魔
眷屬无能敢輕者何以故是人不久

當坐道場成阿耨多羅三藐三菩提
是名菩薩人不敢輕善男子具此十
事是名菩薩譬如大火

善男子菩薩復有十法猶如虛空何
等為十廣大无尋寂滅無相无边空
智无边空慧廣大如法界知一切法相
如虛空一切法不住出過一切形相
出過一切思議量數善男子具此十
事是名菩薩猶如虛空

善男子菩薩復有十法心如虛空何
等為十若心所喜樂亦不著心不喜
樂亦不瞋於色聲香味觸亦不著不
瞋乃至於一切法亦不著不瞋於利
衰毀譽稱譏苦樂於此四法亦不著
不瞋善男子具此十事是名菩薩心
如虛空善男子菩薩復有十法猶如
滿月何等為十能使一切衆生得清
涼樂見者愛樂能使善法日日漸增
能令惡法日日損減如月盛滿體相
勝妙體性清淨得无上乘常自在嚴
得法喜樂乘第一乘有大神通威德
自在云何名菩薩能與一切衆生作
清涼樂如月天子初出之時悉與衆

生清淨快樂而衆樂觀心无疲厭菩薩之月亦復如是除其煩惱鬱蒸之熱皆令衆生得清涼樂歡喜愛樂是名菩薩能與一切衆生作清涼樂云何名菩薩見者愛樂如月初出衆生喜見利喜快樂菩薩之月亦復如是初出之時衆生喜見无不悅樂諸根寂定如水澄清威儀具足是名菩薩見者愛樂云何名菩薩能使善法日日增長如月初出日日圓滿菩薩之月亦復如是從初發心漸漸增長乃至菩提坐道樹下功德滿足是名菩薩能使善法日日增長云何名菩薩能令惡法日日損減譬如黑月圓滿光明以漸損減至月盡時光明悉滅隱蔽不現菩薩一切衆惡次第漸滅乃至菩提悉皆除盡是名菩薩能令惡法日日損減云何名菩薩如月盛滿如從月初至盛滿時衆所瞻仰剎利婆羅門城邑聚落一切男女無不稱讚菩薩之月亦復如是常為天人一切衆生皆悉稱讚是名菩薩如月盛滿云何名菩薩體相清淨如月天子

身相清淨是本業果報菩薩摩訶薩
亦復如是無垢清淨從化而生不由
父母精氣而生從法而生是名菩薩
體相清淨云何名菩薩得无上乘如
月天子乘於淨乘照四天下菩薩摩
訶薩亦復如是乘於大乘能使无量
百千万億世界衆生悉皆照明是名
菩薩得无上乘云何名菩薩常自在
嚴如月天子花鬘顯現菩薩摩訶薩
亦復如是常以功德瓔珞而自在嚴
是名菩薩常自在嚴云何名菩薩得
法喜樂如月天子遊戲五欲心常樂
著菩薩亦復如是遊戲諸法心常喜
樂不染五欲是名菩薩得法喜樂云
何名菩薩有大神通威德自在如月
天子有大威德菩薩亦復如是具諸
功德自在智慧神通變化隨意无碍
是名菩薩有大神通善男子具此十
事是名菩薩如月天子

寶雲經卷第二

癸卯歲高麗國大藏都監奉
勅彫造

寶雲經卷第三

草

無依南三藏曼陀羅仙譯

善男子菩薩復有十法名為如日何等為十能除無明黑闇能令信心開敷能令十方周匝皆暖能令善法生長能令有漏滅沒能作照明能使邪道異見蔽障不現能令高下丘坑悉顯能令善業皆悉得起能令智者喜樂愚者增惡去何名菩薩能除無明黑闇譬如日出衆闇皆息菩薩日出能除衆生無明之闇譬如日出衆華開敷菩薩日出應受化者亦皆開敷如日出時周匝十方能令使暖菩薩日出功德智慧令十方暖不擾衆生如日將出見其明相知有日出菩薩亦復如是以智光明照諸世間衆生則知菩薩日出如日入時諸方昏冥衆物不現菩薩以智慧光入諸三昧煩惱昏冥一切結漏悉滅不現如日出時光照闇淨提滅一切闇菩薩智光亦能普照如日出時譬諸小明星火之光悉不復現而日无心譬諸

小明法相自今菩薩日出則譬諸異見群邪外道如日出時於閻浮提高下好惡悉皆顯現菩薩日出時正道邪道亦各差別邪謂八邪正謂八正如日出時田夫耕農諸作悉起菩薩日出信心衆生普皆修善如日出時善人樂見奸盜衆生悉惡不喜菩薩日出賢智樂見群邪外道一切不喜善男子具此十事是名菩薩如日善男子菩薩復有十法譬如師子何等為十無所畏不畏大衆去終不還餘師子吼具足辯才樂處林野在於山窟摧伏大衆具勇猛力善能守護善男子云何無所畏譬如師子往還出入無所忌難何以故不見與已等故菩薩摩訶薩亦復如是周旋往返無所畏難何以故不見與已等故譬如師子不畏大衆菩薩摩訶薩亦復如是諸有大衆欲來講論不生畏難心亦不高不下譬如師子心无怯弱臨陣戰鬪而心不退直進不還菩薩亦亦如師子吼飛落走伏鮫魚龜鼈水性之屬潛隱水底人畜皆驚菩薩

亦亦作無我師子吼能令一切外道
野干著我見者十方驚走菩薩不欲
令彼生其驚怖但欲除彼我見心故
亦為化餘信心衆生如師子王勇猛
無畏遍觀四方心無怯弱菩薩摩訶
薩亦復如是其行純淨常諦觀察三
昧智慧譬如師子樂處林野菩薩摩
訶薩亦復如是常樂閑獨離於憒鬧
又如師子樂處山窟菩薩亦亦樂處
禪定三昧山窟譬如師子无所結縛
菩薩摩訶薩亦復如是已志遠離結
使重擔而行无染著譬如師子无有
伴黨能摧諸軍衆菩薩摩訶薩亦復
如是獨坐道場摧伏魔衆善男子猶
如師子近聚落住能令獐鹿不害苗
稼菩薩亦亦隨住方面能令衆魔一
切外道不壞正法善男子具此十事
是名菩薩譬如師子
善男子菩薩復有十法名為善調何
等為十菩提心堅牢修治菩提守護
諸根趣向正道善持重擔為衆生故
不辭勞苦正命自活能除詭曲虛妄
之說幻惑患除心常正直善男子具

此十事是名菩薩善調

善男子菩薩復有十法名為善乘何等為十雖行禪定恒修空相雖盡煩惱障而常修道善順佛教而无所違等觀諸法善解法界心常自卑如旃陀羅善除憍慢貢高吾我見法決定无有疑悔善察諸法得決定相善於正道不隨他教善向菩提為世福田善男子具此十事是名菩薩善乘善男子菩薩復有十法譬如蓮華何等為十其體清淨不著於水不染少惡戒香具足修清淨行和顏悅色柔軟不鞞見者皆吉心意調熟生已多想云何不著如蓮華生水淤泥不染菩薩雖生世間而不為世法所著何以故得方便智慧故猶如蓮華水不能染菩薩亦尔不為少惡之所染著如蓮華生處香氣滿中菩薩亦尔隨所生處戒香悉滿譬如蓮華隨所住處體性清淨刹刹婆羅門城邑聚落之所稱讚菩薩摩訶薩亦復如是戒行清潔天人阿修羅夜叉乾闥婆迦樓羅緊那羅摩睺羅伽人非人等之

所稱讚常為諸佛之所護念如蓮華
開敷衆皆愛樂菩薩摩訶薩亦復如
是和顏悅色諸根清淨譬如蓮華柔
軟不鞫菩薩如是體性柔軟言无麤
獷譬如蓮華常是吉相乃至夢中亦
名為吉有義有吉菩薩摩訶薩亦復
如是一切是吉究竟必得證一切智
以是義故名一切吉譬如蓮華未開
敷時不名具足華既開敷則名清淨一切
具足菩薩摩訶薩亦復如是慧覺開
敷是名為佛如蓮華開敷能令眼見
快樂香氣充滿身觸柔軟心得喜悅
則意受樂菩薩摩訶薩亦復如是智
慧成熟慧光明相能令見時眼得清
淨聞時耳得清淨戒香遠聞鼻得清
淨觸身供養身得清淨思惟功德意
得清淨蓮花生時生已有想佛及菩
薩四天王等若見菩薩出時亦皆守
護生已有想善男子具此十事是名
菩薩譬如蓮華

善男子菩薩復有十法名勝大心何
等為十滿足諸波羅蜜故名勝大心
滿足一切佛法故名勝大心化一切

衆生故名勝大心成佛道樹得阿耨
多羅三藐三菩提故名勝大心初成
正覺轉於法輪若沙門婆羅門若人
若天魔梵所不能轉及餘世間亦不
能轉而我當轉故名勝大心菩薩為
欲利益衆生不但於此世界乃至無
量無邊世界悉以正法攝取衆生故
名勝大心菩薩以智慧船為欲度此
生死大海流轉衆生故名勝大心衆
生无救無依无舍無主我當親友為
作歸依舍宅故名勝大心欲示如來
威德自在在我當為作佛師子吼我當
遊戲佛之神通欲現龍鳥威儀視不
迴顧欲使天人一切衆生无與等者
若魔與梵沙門婆羅門及阿修羅无
與等者故名勝大心佛大威德所化
度者我欲度之非凡小行非鹿弊行
非是難行非下劣行故名勝大心善
男子具此十事是名菩薩寂勝大心
善男子菩薩復有十法名清淨心何
等為十體性具足體性不動體性質
直無虛偽相除諸惡行不發聲聞心
不發辟支佛心不自為已結使垢障

而修功德少恩尚憶況復大恩而不
念報施恩於人而不自恃言行相應
終不謬失不隱已過不譏他短菩薩
終不外現軟語而心懷恨亦不瞋感
瞋色卒暴令惱衆生自无諍心亦不
令他而起於諍不作兩舌破壞聞乱
於人身常恭敬所言真實言行相稱
作業皆善於如來法不說過惡云何
不說過惡菩薩發菩提心剷除驕賤
被著法服如來法中而得出家不畏
王故出家不畏王臣故出家不作盜
賊故出家不負債故出家不怖畏故
出家不為邪命故出家信心故出家
得出家已恒求善法親近善友隨順
善友於善知識所聽受善法聞法修
行心不憍慢終不顛倒妄取於法為
除顛倒令入正道入正道已便得正
見得正見已去阿耨多羅三藐三菩
提不遠善男子具此十事是名菩薩
清淨心

善男子菩薩復有十法名深信不疑
何等為十信如來身密信如來口密
信如來意密信諸菩薩所行信菩提

法信於諸佛隨所起作皆令滿足信
諸佛出生信諸佛一乘信諸佛深遠
音聲信諸佛隨應衆生說法云何信
如來身密信如來法身信如來寂滅
信如來无等無量身信如來堅固身
信如來不壞身信如來金剛身從如
實生信知不虛誑亦不生疑惑是名
信如來身密又復思惟聞如來口密
現前受記密受記未發心受記初發
心受記信諸佛常以四依說法信諸
佛知無失信諸佛口无失信諸佛如
上所說言不虛妄何以故諸佛已盡
一切過故離一切垢故除一切塵无
一切熱盡諸結業自在无寻心常寂
滅不濁不穢澄潔清淨若使如來有
身口過則无是處如實不虛不妄决
了此處不生疑惑是名信如來口密
菩薩又作是念聞如來意密心有所
作皆隨智慧聲聞緣覺一切菩薩則
不能了唯除如來欲使知者何以故
如來智海甚深難度不思議故超過
一切心意表故無量无邊與虛空界
等出過一切外道占相卜筮呪術所

知心常如實无有虛妄復聞菩薩為
衆生故所作事業不生疲厭不生驚
畏志力堅實荷負重擔能生大欲滿
足諸波羅蜜一切佛法以漸而滿其
心无碍無與等者堅固精進堅固莊
嚴堅固智慧堅固誓願不動誓願无
等誓願何以故稱菩提相故以漸增廣
乃至滿足如實知之無有虛妄心無
疑惑云何能修信不疑作是念從初
發心乃至坐於道場得无障無碍遍
知一切法明了無礙得天眼天耳他
心宿命如意足智漏盡智於一刹那
頃悉知三世以如是智觀衆生界見
衆生身業不善口業不善意業不善
誹謗賢聖起大邪見亦知作邪見因
緣身壞命終墮大地獄觀如是衆生
身業修善口業修善意業修善不謗
賢聖正見成就以是因緣身壞命終
生於天上如是觀諸衆生善惡差別
而作是念我今修菩薩道時發大誓
願若我自成菩提亦使他成我誓願
滿足言行真實无有虛妄而於此處
亦无疑惑我聞如來唯有一乘此事

真實而不顛倒無有虛妄何以故譬
如閻浮提多諸小渚是諸小渚皆依
閻浮提住亦同名閻浮提如來一乘
亦復如是一切諸乘皆出大乘是故
一乘名如來大乘亦於此中不生疑
惑如實而知是以菩薩信如來乘亦
曾聞如來種種說法種種修多羅无
不真實何以故如來隨所化衆生隨
問何法稱彼而答然於此處如實能
知信受不疑曾聞諸佛深遠妙聲此
事真實心無所惑何以故諸天以少
修福尚得深妙柔軟之聲况復如來
具足无量百千万億功德深信此處
不生疑惑是名菩薩信於如來深遠
之聲又信如來能以一音演說諸法
隨其類根悉除疑惑而諸衆生皆謂
世尊獨為已說佛以一音演說諸法
衆生隨類亦各信解非作想亦非不
作想如實而知無有虛妄能於此處
不生疑惑善男子具此十事是名菩
薩深信不疑

善男子菩薩復有十法譬如大海何
等為十是大寶藏深遠難度廣大无

量次第漸深不與煩惱同處而宿寂
滅一相衆流竟注皆悉容受潮不失
時能為他人作歸依處而無竭盡云
何菩薩是大寶藏亦如大海一切衆
寶皆出其中間淨提人悉來竟取不
能令減菩薩亦亦猶如寶藏無邊衆
生悉以信心修菩薩行功德寶藏亦
復不減是名菩薩如大寶藏譬如大
海深廣難度菩薩亦復如是智慧法
海一切衆魔及諸外道无能度者是
名菩薩深廣難度譬如大海廣大無
邊菩薩亦亦功德智慧廣大無邊是
名菩薩猶如大海深廣無邊譬如大
海次第漸深菩薩摩訶薩成一切智
以漸轉深是名菩薩猶如大海以漸
轉深譬如大海不宿死尸何以故海
法亦故菩薩法海一切結漏煩惱死
尸及惡知識亦不同宿何以故菩薩
法亦故譬如大海衆流注中皆同一
味菩薩摩訶薩亦復如是白淨善業
無量一切功德到種智海亦同一味
等无差別譬如大海能容百千衆流
然其大海不增不減菩薩亦亦聽受

一切佛法亦為衆生分別解說而无
增減是名菩薩猶如大海不增不減
去何譬如大海潮不過限菩薩亦復
如是於所應成熟衆生亦不過限
猶如大海一切大身衆生依止窟宅
菩薩摩訶薩亦復如是為一切大心
衆生作依止窟宅是名菩薩猶如大
海依止窟宅譬如大海無有窮盡菩
薩摩訶薩亦復如是為一切衆生如
應說法亦无窮盡善男子具此十事
是名菩薩譬如大海

善男子菩薩復有十法名微細智何
等為十善知出要善知出要法善知
一切法等同一相善知一切法如幻
相善知一切法相善知其甚深十二因
緣善知諸業不可思議善知一切法
義善知如實義善知如實智善男子
云何名菩薩善知出要法菩薩能以智
慧觀察一切衆生貪瞋熾然愚癡闇冥
思惟如是衆生云何出要觀察等同
一相知一切法如幻相如實知一切
法能度其甚深因緣能知業不可思議
知一切諸法无相而知種種諸業能

知緣起及諸業相以如是微細智故
於諸佛所說法志了其義以解義故
所見真實以見真實故便能度脫衆
生生死善男子具此十事是名菩薩
微細智

善男子菩薩復有十法得隨應辯何
等為十佛如是說一切諸法无我無
衆生无壽命無人無作者无知者无
見者一切諸法念如是相一切法空
一切法虛妄欺誑無主一切法妄想
無實皆從因緣起善男子具此十事
是名菩薩隨應辯

善男子菩薩復有十法名為辯辯何
等為十言論无滯語无竭盡言辯柔
潤悅澤無窮不懼大衆辯不卑小辯
无畏忌辯無與等者言不為他所惡
言雖无量而不離四依義善男子具
此十事是名菩薩辯辯

善男子菩薩復有十法名為淨辯何
等為十辯无謬訛辯無恐畏辯不卑
劣辯不廣高義不卑小辯无闕短其
聲清徹聲无闕短言則應時无有漏
失辯不廣廣去何名菩薩得不謬訛

辯以无大衆威德畏故言不蹇吃云
何名菩薩得不恐怖辯以體性正直
故无所忌云何名菩薩得不卑劣辯
以何因故菩薩處於大衆猶如師子
無所忌難云何名菩薩辭不麤高以
何因故除結使故善男子有煩惱故
辭必麤高云何名菩薩義不卑小以
何因故善得法故已深解法其義明
了云何名菩薩辭无闕短以何因故
善解諸論故若解論鮮少則言辯有
闕云何名菩薩聲无闕短何以故菩
薩悉解一切諸音聲故云何名菩薩
知時而語若應前語不著於後若應
後語亦不著前何以故菩薩善知時
故云何名菩薩辯不麤獷非所喜者
則不為說何以故一切口過由諸結
習以斷惡故所言柔軟菩薩摩訶薩
无不了辯何以故菩薩諸根已悉利
故善男子諸根闇鈍故有不了辯利
則不令善男子具此十事是名菩薩
淨辯

善男子菩薩復有十法名樂說辯何
等為十愛語不攀感語義語法語等

語不自高語不輕他語不染語不惱
觸語種種言辯善男子菩薩愛語能
令衆生心生喜樂和顏悅色咸使安
慰菩薩義辯能以美語令衆悅樂菩
薩法辯教授利益菩薩等辯常以等
心為衆生說法能令一切悉皆喜悅
菩薩不自高說法除諸憍慢自是心
故菩薩同事說法悅衆生故菩薩不
輕他說法心能專一故菩薩不染語
堅持淨戒悅衆生故菩薩不惱觸語
以忍辱力悅衆生故菩薩種種言辯
能以樂說悅衆生故善男子具此十
事是名菩薩樂說之辯善男子菩薩
復有十法名善說法能令衆生信受
何等為十堪任法器者而為說法稱
其根性而為說法不為譏呵者說法
不為外道異見者說法不為憍慢无
誠心者說法不為无信心者說法不
為諂誑偽者說法不為求活命者說
法不為求利養慳貪嫉妬者說法不
為顛狂愚癡瞋呬者說法善男子菩
薩以何因故不作法慳已所得法悉
與衆生令他信解不為師匠秘而不

說菩薩終不於衆生起不慈愍心亦不外於衆生但不任法器者則入捨心除蓋障菩薩白佛言世尊而此衆生若不為說者當為誰說佛言有信心者我當為說善根成熟堪任法器者當為說之於過去佛種諸善根心不諂曲无虛偽者亦非幻惑詐現威儀者不求名聞為利養者常為善知識之所守護者有智聞之能隨信解者諸根利者聞法能行動精進者能隨順佛教者若有如是善男子等諸佛菩薩而為說法善男子具此十事是名菩薩善能說法令衆生信受善男子菩薩復有十法名為說法法師何等為十修集佛法而能說法亦不見法而能修集亦不見法能斷結使而為說法亦不見所斷結使亦不見法厭惡離欲寂滅作如是說法亦不得厭惡亦不得離欲亦不得寂滅相得須陀洹果說法不見有須陀洹相得斯陀含果說法不見有斯陀含相得阿那含果說法不見有阿那含相得阿羅漢果說法不見有阿羅漢

相得辟支佛果說法不見有辟支佛
相斷除著我說法亦不見我不見著
見業果報說法亦不見業果報相何
以故菩薩觀諸假名不必依法名中
无法法中無名但以世俗假設名字
流布世間世諦故而有假名於第一
義諦觀之則无念是虛妄誑惑凡夫
善男子具此十事名菩薩說法法師
善男子菩薩復有十法名為堅法何
等為十菩薩摩訶薩雖觀色真實而
不壞色相觀受想行識真實亦不壞
受想行識相菩薩雖觀欲界真實而
不壞欲界相雖觀色界真實而不壞
色界相雖觀無色界真實而不壞无
色界相雖觀諸法真實而不壞諸法
相雖觀諸法真實而不壞於假名衆
生雖觀法虛寂而不畢竟墮於斷見
雖觀諸法真實而不壞於正道菩薩
以巧方便智善知有无而不取相善
男子具此十事是名菩薩堅法
善男子菩薩復有十法善知法界何
等為十有慧依善知識能勤精進遠
離陰蓋清淨恭敬多習空觀除著諸

見趣向於道所見真實善男子菩薩
有慧習近善知識見善知識愛敬喜
悅於善知識生世尊想依善知識住
因善知識故得勤精進因善知識故
能除一切惡法雖滿足一切善法而
勤精進不倦除滅陰蓋已无蓋障故
而勤修道得身口意業清淨除諸習
惡得清淨故能恭敬供養得恭敬
供養故而得空觀修空觀故除諸假
名除諸假名故能向正道向正道故
能見真實除蓋障菩薩白佛言世尊
云何名為見真實佛即答言所見不
虛名為真實除蓋障菩薩白佛言世
尊云何名真實佛復答言不虛妄法
名為真實除蓋障菩薩白佛言世尊
云何名為不虛妄佛即答言如實非
不如實名不虛妄除蓋障菩薩白佛
言世尊云何名為如實佛即答言此
法惟可心知難以口說非是文字所
能宣釋除蓋障菩薩白佛言世尊云
何法相離於文字言語道斷出過一
切心所行處離諸戲論无造無作亦
無彼此非籌量計校之所能及亦非

相貌過於一切凡愚所見出過魔界出過一切結使處所出過一切心意識表不住寂滅賢聖處所而諸賢聖之所證知善男子具此十事是則名為究竟如實是一切智所說不思議境界不二境界除蓋障菩薩白佛言世尊是如實相云何證云何見佛告善男子出世間智乃能證見自得此法除蓋障菩薩復白佛言世尊此法體性究竟清淨非染汙法是澄靜法微妙寂勝法常住不動非敗壞法有佛无佛法性常余菩薩摩訶薩精勤修行難行苦行百千萬億難行苦行為得此法安立衆生除蓋障菩薩復白佛言世尊如是名以聞慧聞以思慧思身得證不佛言善男子不尔何以故以智慧觀如實法而身得證除蓋障菩薩白佛言世尊不從聞慧聞思慧思身得證耶佛言善男子不也不以聞思慧故身能得證善男子汝今諦聽我當說喻善男子譬如春末盛熱大曠野中有人從東來欲向西有人從西來欲東過從西來者為熱所逼語彼人言

我今為熱所逼極甚渴乏示我道路何處當有清涼池泉可止渴乏東方來人善知塗徑善知道相即答彼云道中有好清冷美水無諸鹹苦我以於彼洗浴飲飽得來至此善男子汝欲趣彼其路衆多去此不遠便有二道一者是左道二者是右道汝今當從右道而往棄其左道去此不久當見叢林鬱茂清涼此叢林中多妙池泉衆流美味可以洗浴飲除渴乏佛言善男子彼渴乏者聞水思惟時得已止渴不除蓋障菩薩白佛言不也世尊雖聞清涼而身未證知佛言善男子此亦如是不以聞思慧等便能證知實相之法大曠野者譬如生死渴乏之人是具縛凡夫煩惱熱逼便生愛渴善知道者譬如菩薩善知一切智道能飲水者譬如善得法味洗浴清涼譬如身證澄清淨潔无諸鹹苦譬如實法善男子汝今善聽我更說喻假使如來住閻浮提若壽一切說須陀味香氣勝妙甘美清淨食時受樂悉皆讚歎其味無比若使有人雖見

其色而未食者已得味不除蓋障菩薩白佛言不也世尊佛言善男子我今為汝復更說喻譬如有人曾食美果於未得者前讚歎此果色香味具彼人聞說是果時已知彼果色香味不除蓋障菩薩白佛言不也世尊佛言善男子凡夫愚人亦復如是不以聞思中慧便能證知真實法相除蓋障菩薩白佛言世尊今為我故快說此喻若得聞者不久亦當獲得法利何以故若聞此法必證阿鞞跋致當得阿耨多羅三藐三菩提佛即答言如汝所說聞此法者必證阿鞞跋致當得阿耨多羅三藐三菩提善男子具此十事是名菩薩善知法界善男子菩薩復有十法名善住空處何等為十善知力空善知無畏空善知不共法空善知戒聚空善知定聚空善知慧聚空善知解脫聚空善知解脫知見聚空善知空空善知實諦空雖知於空而不取空相不作空見不依止空不以此空因緣相續墮於斷見善男子具此十事是名菩薩善住空處

善男子菩薩復有十法名住無相何等為十除外相除內相除戲論相除一切計有相除一切境界相除一切舉動相除一切趣向處所相除一切造作相除一切識相除一切識所緣相除蓋障菩薩白佛言世尊若諸菩薩已能如是住於無相者佛住無相當復云何佛即答言如來境界不可思議何以故非智思量故若欲忍者心則狂亂一切衆生盡共度量不能知於如來此彼岸事何以故如來境界深遠不可思議猶如虛空出過一切諸數量表取著見者心常顛倒故非等數之所思計除蓋障菩薩白佛言世尊欲有疑問唯願聽許善男子隨汝意問吾今當為分別解說一切諸佛亦悉聽許除蓋障菩薩白佛言世尊若著我所非智人法世尊是大法主云何當得而自稱譽佛言善哉善哉善男子諦聽諦聽當為說之除蓋障菩薩白佛言唯然世尊諸佛如來不以憍慢而自稱譽不為利養不為名聞不為使他知不虛妄自稱不誣曲

欺偽何以故但為利益一切衆生令
得安樂修行法故何以故欲令衆生
於如來所深生信敬心甚歡喜堪為
法器者使長夜安隱獲得善利常受
快樂乃至得阿耨多羅三藐三菩提
除蓋障菩薩白佛言世尊衆生豈不
知如來是天中尊自在法王佛言善
男子不知何以故下劣衆生業行卑
漏少智少信常為不善諸惡所持不
知如來有大威德為如此等是以如
來自稱實德令彼衆生信受修行善
男子譬如醫師善知醫法醫所佳處
多諸病苦更无餘醫能療治者是諸
人等不知此醫有大威德是時良醫
觀諸病者不識方藥亦復不知所不
應食今時良醫起大慈悲我當療治
除其病苦今時良醫於衆人前自歎
已德而作是言我善知是病及知病
因善知藥病隨應而授今時衆生於
良醫所心生信敬以信心故便即依
憑今時良醫以若干種藥隨授而與
諸人服已病悉除愈善男子今時彼
醫是自稱譽不除蓋障菩薩白佛言

不也世尊佛言善男子如來世尊如
大醫王能治衆生煩惱之病亦知煩
惱所因起處以大法藥而普與之衆
生愚癡為煩惱所覆不知如來是大醫
王如來處處於衆生前常自歎說今
時衆生便生信敬歸依如來聖主世
尊猶如醫王以大法藥能滅衆生煩
惱之病云何名為是大法藥貪欲者
以不淨治瞋恚者以慈心治愚癡者
以因緣法治如是等无量法藥恚能
對治諸煩惱病善男子如來見有如
是无量利故而自讚歎善男子具此
十事是名菩薩住於无相

善男子菩薩復有十法名為无願何
等為十雖行布施不依布施而有願
求雖持禁戒亦不依禁戒而有願求
忍辱精進禪定智慧亦復如是雖依
三界而不願求三界相雖求菩提而
不取菩提相雖行正道而不取正道
相雖求涅槃而不取涅槃相何以故
菩薩離一切願求相故雖行一切佛
法而心常無所願求善男子具此十
事是名菩薩无願

善男子菩薩復有十法名修慈无量
何等為十不作方所慈不隨所親慈
常行法慈依定修慈不為離瞋修慈
恒為利益一切衆生而起於慈常為
衆生修等之慈不為離惱害修慈遍
於十方普皆修慈出世間修慈具此
十事是名菩薩修慈无量

善男子菩薩復有十法名悲无量何
等為十見衆生無依無救无怙為苦
所惱菩薩即發菩提心得如法修行
獲得法已利益衆生於貪衆生教令
布施破戒衆生教修持戒惱害衆生
教修忍辱慍急衆生教修精進乱心
衆生教修禪定愚癡衆生教修智慧
若見剛強諸惡衆生不受教者而苦
薩心亦不退沒雖為衆生久受諸苦
志必濟彼无有疲厭善男子具此十
事是名菩薩修悲无量

善男子菩薩復有十法名喜无量何
等為十見諸衆生於生死熾然得離
三有虛偽之主而生歡喜斷絕生死
震動來往結業之索生歡喜心見生
死海中魔竭惡覺水羅刹難今得遠

離生死大海如是衆難生歡喜心傾
倒魔幢生歡喜心以智金剛摧結使
山令無塵末生歡喜心我今自得止
息亦令他得止息生歡喜心我今自
於生死長眠境界心得覺悟而諸衆
生為愛所縛無明所盲亦當令彼志
得覺悟生歡喜心我今自得解脫離
諸惡趣險難之處亦當度脫諸墮惡
趣險難之者生歡喜心於生死曠野
六趣險路獨行無侶周迴往返不善
知道不識方所我今得知正道識於
方所生歡喜心我今得近一切智城
隣於佛坐生歡喜心善男子具此十
事是名菩薩喜心無量

善男子菩薩復有十法名捨无量何
等為十眼見好色而無染著入於捨
心耳聞聲鼻嗅香舌嘗味身觸細滑
意知諸法如是五塵不取其相亦不
惱逼常行捨心苦苦行苦壞苦於此
三受心無增減而不惱逼常行捨心
所作已辦盡諸有結常行捨心菩薩
作是思惟我欲度之彼已自度常行
捨心善男子具此十事是名菩薩捨

心無量

寶雲經第三卷 第五十七頁 草

善男子菩薩復有十法名遊戲神通
何等為十現捨壽現受生現為童子
種種戲笑現作出家現作苦行現向
菩提樹現降魔勞怛現樂寂靜現轉
法輪現入涅槃除蓋障菩薩白佛言
世尊以何因緣現兜率陀天捨壽乃至
現入涅槃佛答言兜率陀天染著五
欲多生常想見菩薩於一切衆生中
最上軍勝不染五欲而身終沒能破
衆生常想之病得无常想心不放逸
兜率陀天多諸放逸不生恭敬信樂
之心染著愛欲不受正法長夜嬉戲
自恣娛樂是以菩薩為欲除彼放逸
心故示現捨壽今時衆生見菩薩捨
壽皆除放逸生厭離心除放逸故便
發阿耨多羅三藐三菩提心菩薩現
處母胎多有異相亦令衆生信受其
化雖處母胎為衆說法皆得阿毗跋
致疾向阿耨多羅三藐三菩提若有
衆生見菩薩嬰孩時善根得熟菩薩
為此衆生得成熟善根故現處嬰孩
若有衆生見菩薩出家善根增長菩

薩便為是等捨家出家若有眾生志
著塵弊菩薩現作苦行而成熟之天
龍夜叉乾闥婆應見苦行成熟者即
為現之而使成熟亦為調伏諸外道
等無量眾生長夜發願菩薩疾趣菩
提樹我當隨逐今時菩薩即便現趣
菩提樹下時是眾生得阿毗跋致乃
至發阿耨多羅三藐三菩提心又為
眾生憍慢貢高自恃勢力菩薩為欲
破彼憍慢心故現坐道場摧伏魔怨
令使信伏菩薩為樂寂靜眾生增長
善根故現坐道場菩薩坐道場時能
使三千大千世界一切眾聲悉皆不
現三千大千世界即便寂靜令樂寂
靜者生希有想皆發阿耨多羅三藐三
菩提心能令眾生悉得寂靜又有眾
生自謂大師作一切智想不知出要道
不識出世法亦不知現生後報為欲
摧伏如此眾生故見堪任法器成熟
眾生為是等故現成無上三菩提道
詣波羅捺三轉四諦法輪又有眾生
應現涅槃而成熟者為欲成熟彼眾
生故現入涅槃菩薩以如是緣如是

義故現坐道場乃至現入涅槃善男子具此十事是名菩薩遊戲神通善男子菩薩復有十法名離八難何等為十離惡業不善如來所制禁戒終不毀犯除於貪嫉於過去佛所種諸善根恒修福業智慧具足善知方便善知發願多厭惡心能勤精進菩薩不造惡業而入地獄雖處地獄終不受於地獄苦報所不喜者亦不能惱雖墮地獄而不久處亦復不生惱害之心菩薩志性調柔恒修十善以十善故不墮地獄菩薩不毀佛戒墮畜生中雖現畜生而不受於畜生之苦菩薩不起貪嫉墮餓鬼中雖現餓鬼而不受於餓鬼之苦菩薩終不生邪見家雖生邪見處必遇善知識何以故已於過去修諸善故亦於過去佛久殖善根故常生正見家具善因緣具善因緣故功德增廣菩薩終不諸根毀缺若根減少不任法器菩薩積德久遠修福不勌於諸形像塔寺及法僧中處處修福心常不懈以常修故諸根具足無有闕少堪為法器

菩薩終不生邊地愚騃闇啞諸惡之
處僻如白羊愚癡無智而不能識善
惡義趣不任法器亦復不識沙門婆
羅門菩薩生於中國聰慧利根有大
智見又心信樂親近有智而於善惡
善知分別堪為法器深信沙門婆羅
門何以故菩薩本修智慧力故菩薩
不生長壽天若生長壽天不覩佛出
世遠離道果不能成熟衆生是故菩
薩生於欲界佛出世時必當遭遇能
化衆生以何因緣善方便故菩薩終
不生於无佛世界亦不生於不聞法
處乃至不生無衆僧可供養處菩薩
生處必遇三寶何以故本誓願力故
菩薩生處必有厭惡心不憍慢而自
貢高若聞八難諸惡之處必生厭離
心不喜樂勤修精進具諸善法除滅
惡法善男子具此十事是名菩薩離
於八難

寶雲經卷第三

癸卯歲高麗國大藏都監奉
勅彫造

寶雲經卷第四

草

梁扶南三藏曇摩陀羅仙譯

善男子菩薩摩訶薩復有十法名不
忘失菩提之心何等為十心無諂偽亦
無幻惑心常吉實澄清淨白於佛法
僧終不生疑受持佛法者亦不生疑
不生師想而恡於法除却法慳終不
作滅佛法因緣言行相應終不虛妄
受持大乘若見受持者常能恭敬於
摩訶衍以漸深入於說法者生於佛
想生善知識想善男子具此十事是
名菩薩常不忘失菩提之心

善男子菩薩復有十法能識宿命何
等為十曾多恭敬供養諸佛受持諸
佛法能淨持戒除諸疑悔除諸蓋障
多歡喜心樂於禪定常受化生得不
妄識供養佛者恒於正法常生恭敬
受持正法者亦常恭敬以是因緣能
受持法讀誦書寫廣為人說不惜身
命專為正法淨修戒行身口意業悉
皆清淨以戒清淨故心無疑悔淨持
戒故无有蓋障无蓋障故心得歡喜

心歡喜故得修禪定得修禪定故生
處清淨生處清淨故便得化生得化
生故得不妄識得不妄識故便得宿命
得宿命故能知一身二身乃至知百千
身善男子具此十事是名菩薩得宿命
智善男子菩薩復有十法得不離善知
識何等為十得不離值佛若聞佛若
憶佛得不離常聞法得不離常供養
僧得不離諸佛菩薩禮拜問訊恭敬
合掌供養等得不離多聞人值說法
人得不離聞諸波羅蜜得不離聞諸
道品覺意之法得不離聞三解脫門
得不離聞四梵當得不離聞一切種
智善男子具此十事是名菩薩得不
離善知識

善男子菩薩復有十法得遠離惡知
識何等為十遠離破戒惡知識遠離
破正見者遠離壞威儀者遠離邪命
者遠離樂世俗言說多憤鬧者遠離
多懈怠者遠離樂著生死者遠離背
菩提者遠離在家之眾遠離一切結
使菩薩雖樂遠離如是等事終不生
惱害亦不生輕毀之心菩薩作如是

念我曾聞佛說衆生性欲相染以習
近故多有所壞是故我應一切遠離
善男子具此十事是名菩薩遠離惡
知識

善男子菩薩復有十法得如來法身
何等為十等身无二身清淨无盡身
久習善身法身非竿數籌量甚深之
身不思議身寂滅身虚空身智身善
男子具此十事是名菩薩得如來法
身除盖障菩薩白佛言世尊菩薩何
時當得如來法身滿答言善男子初
地菩薩得等身何以故初地菩薩除
一切惡身與諸菩薩同是名等身二
地菩薩得清淨身以持戒清淨故三
地菩薩得无盡身以除瞋惱害故四
地菩薩得久積一切善身以修集一
切佛法故五地菩薩得於法身以禪
定力知一切佛法故六地菩薩非世
間竿數籌量所不能知身以深遠故
七地菩薩得不思議身以善方便故
八地菩薩得寂滅身善除調戲盡一
切煩惱故九地菩薩得虚空身得无
碍身遍虚空故十地菩薩得妙智身

何以故遍知一切菩薩諸地法故除
蓋障菩薩白佛言世尊菩薩法身如
來法身无差別耶佛言身无差別但
功德有異除蓋障菩薩白佛言世尊
云何身无差別功德有異佛言身名
无異何以故身口一相故而功德相
各有差別云何身中別見功德相佛
言善男子我今為汝說喻以釋此義
譬如摩尼珠皆同名摩尼此珠名雖
是一若瑩磨治饒光則明顯心意悅
樂譬如如來身不瑩治者猶如菩薩
身如來身摩尼寶菩薩身摩尼寶如
實无異然如來摩尼寶菩薩摩尼寶
然其光明色相各異何以故如來身
摩尼寶无量滿衆生界滿虛空界清
淨離一切塵垢菩薩身摩尼寶有限
不能滿虛空界何以故有垢障故善
男子譬如月初至十五日名盛滿月後
十五日亦名為月乃至月盡皆名為月
雖月名同而明不如十五日月盛然
月法亦而如來身菩薩之身俱名為
月如月名同而實亦同然光明照曜
菩薩如來而各不同菩薩之身光明

照耀不及如來其光熾盛譬如月末時月月初之月不可相比善男子以是故如來身菩薩身二身雖同功德有別善男子菩薩復有十法名金剛不壞身何等為十貪欲瞋恚愚癡不能壞惱害憍慢著我自恃見顛倒不能壞世八法不能壞惡道不能壞一切苦不能壞生老病死憂悲苦惱不能壞一切外道異見不能壞一切魔天及魔眷屬不能壞一切聲聞辟支佛不能壞一切欲界不能壞善男子具此十事是名菩薩金剛不壞身善男子菩薩復有十法名大商主何等為十能使商人隨順言教能使商人供養恭敬能作引導不畏諸難能為衆人作依憑處能令人依常得活命豐饒資糧多諸珍寶心无止足常為前導得至一切種智大城善男子云何名善菩薩能使商人隨順言教譬如商主善導衆商若有所說皆悉隨從菩薩亦令善化衆生能令一切悉皆隨從譬如商主為諸商人恭敬供養菩薩商主亦復如是學无學人天

龍鬼神輒闖婆阿修羅迦樓羅人非人等亦皆悉來恭敬供養譬如商主善於曠野賊難之處能令衆伴安隱得過菩薩商主亦復如是於生死曠野煩惱賊處能將諸人安隱得過譬如商主能將諸人出於曠野令濟身命菩薩亦復如是令諸外道鉢羅婆殖丘軋陀等於生死曠野將導使出濟其軀命或有王者大臣官屬及諸衆生樂生死者亦依菩薩大商主故悉得全濟如大商主善備資糧所須珍寶能將衆人過險道已便得安隱乃到大城菩薩商主亦復如是欲至佛所多共衆伴經歷生死險遠曠野到彼岸城當修功德以自莊嚴禪定解脫悉令具足菩薩商主欲至一切種智大城具一切佛法功德珍寶譬如商主集諸珍寶无有止足菩薩亦集法財寶无有厭足譬如商主善導衆商聰慧寂勝財產巨富所有言說衆悉奉用菩薩商主亦復如是爲衆導首功德无量於法自在所言无二善能將導起過險路至彼大城菩

薩商主亦復如是將導諸衆生起生死險能到涅槃種智大城善男子具此十事是名菩薩為大商主
善男子菩薩復有十法名善知道何等為十知於平道知險惡處知安隱道知不安隱處知諸奇道知諸道處知止住處所知於道相知道曲直知道出要善男子具此十事是名菩薩善知於道

善男子菩薩復有十法知道不顛倒何等為十應示大乘道度者即示大乘道不示聲聞道應示聲聞道度者即示聲聞道不示大乘道應示一切種智道得度者即示一切種智道不示聲聞道應示緣覺道得度者即示緣覺道不示一切種智道著我見衆生不為說空无我不著我見者不為說苦无常無我著二邊者不為說中道著中道者不為說二邊失心狂亂者不為說奢摩他毗婆奢那著邪道者為說正道令離結使棘刺之屬善男子具此十事是名菩薩不顛倒道
善男子菩薩復有十法名為常在禪定

何等為十觀身身念處觀受受念處
觀心心念處觀法法念處阿練若處
攝心而行觀於五欲攝心而行於村
里營舍城邑聚落國土方所攝心而
行於名聞利養攝心而行於如來所
制禁戒攝心而行諸於煩惱起瞋恚
處及心諂曲攝心而行云何觀身念
處攝心而行以正智慧選擇諸惡除
去不善從足至頂乃至腦膜觀察諸
分无我我所念念不住是敗壞法筋
脉所纏臭穢可惡純集惡色如是觀
察橫生身想我所之想以是因緣以
是相貌諦觀身相心得自在云何觀
受念處菩薩作是念觀察一切諸受
悉皆是苦凡夫愚人倒生樂想愚癡
无智不識苦樂賢聖之人志觀是苦
勤修方便斷除是苦亦教餘衆生如
是觀受不憎不愛斷於諸受云何觀
心意止觀心无常而作常想苦作樂
想无我我想不淨淨想心甚獼猴如
風動搖念念不住速疾變異是結使
根本惡道之源常生諂曲為煩惱主
亦是貪欲瞋恚愚癡因緣是一切法

宗主工匠心為前道心從緣起悉知諸法心如畫師畫一切像而心不知心集諸業善惡所由心如循環如火輪心如火種然三有新心能生物猶如大水觀察之者當知心相是大患本不令是心而得自在若能於心得自在者於一切法亦得自在云何觀法念處不善之法如實而知貪欲瞋恚愚癡及所依起一切惡法能修對治貪瞋癡等斷除不善觀諸善法心樂隨順繫心專念順行諸善亦教他人同已所觀云何觀於五欲攝心修行於五欲中不生喜樂亦不憎惡於色聲香味觸亦不生愛亦不憎惡於此无體相法生憎愛心便同愚癡凡夫嬰孩不善之者又世尊說若於法生愛樂亦生染著若生染著便成愚癡若生愚癡便是不識善惡以是因緣墮於惡道是故於此空法不應憎惡若憎惡者名不堪忍若不堪忍則增長恚心為阿耨梨之所呵責亦為同梵行者之所譏嫌如是觀察五欲修行正念心不染著亦不憎惡亦

教他人作如是觀云何名阿練若處
攝心離亂如法修行名阿練若處名
為无諍住處亦名寂滅住處此阿練
若處有諸天龍鬼神他心智者善見
我心是故我今不應起不善思覺斷
除不善覺勤修善覺當今善覺常得
增廣云何菩薩於里巷村營城邑聚
落國土方所是中行住坐卧於不善
處於出家所不應行處悉皆遠離何
處是不應行處酤酒家姪女家王家
碁博之處醉客之處歌舞伎樂之處
如是種種非是出家所應到處皆悉
不往如是村邑聚落之處攝心而行
云何於名聞利養攝心而行於得利
養處欲使檀越增長福業不為貪著
所得財利不作已想與一切苦惱衆生
悉皆共之以是施因緣得名稱讚歎
雖得名稱讚歎而不自舉不生憍慢
不自憍逸如是名稱讚歎不久自滅
誰有智者於无常迅速不住之法不
可保信云何於中生於愛憎何有智
者生已有想生憍逸心是名菩薩於
名聞利養攝心而行云何菩薩於如

來所制禁戒常念修行過去諸佛履
行禁戒而得成佛乃至涅槃未來諸
佛亦履行禁戒而得成佛乃至涅槃
現在諸佛亦履行禁戒而得成佛乃至
涅槃作是觀察能持禁戒終不毀犯
是名善修是名善持云何菩薩於諸
煩惱塵垢蓋障能善修習攝心而行
菩薩善知煩惱結使塵垢蓋障善知
其因善知所因起處從是因出菩薩
於結使蓋障常念攝心如是修行善
男子具此十事是名菩薩常在禪定
善男子菩薩復有十法名為糞掃衣
何等為十以能受持終不毀壞心常
卑下而不疲厭不以此事而得解脫
不見其過見功德利不自高已不多
棄積善持禁戒諸天親近云何受持
能不毀壞菩薩有信敬心體性具足
於如來所深生敬信寧捨身命不捨
所受所受不動以所受堅固心能卑
下以卑下故不生我慢以意卑下故
便於惡賤糞掃之物取以淨洗洗以
縫染心不疲厭不疲厭故常取糞掃
衣亦不以小行而懷自足方進求上

法必獲前利亦不現此糞掃衣過我
常著糞掃衣乃至今若不以此衣而
為麤弊亦不作念此衣麤弊多有蚤
虱若常著者令身垢汙當念思惟著
糞掃衣有諸功德賢聖所服遠離欲
者之所修行是名聖種諸佛所讚如
來所譽以是因緣故不自稱譽不應
自高亦不下他是名戒具足戒具足
故諸天親近諸佛讚歎菩薩守護善
能觀察人非人等剎利婆羅門聚落
邑主恭敬礼拜同梵行者之所讚歎
善男子具此十事是名菩薩糞掃衣
除蓋障菩薩白佛言世尊菩薩志大
何緣樂此下劣麤弊佛答言善男子
菩薩為護眾生德力所能非諸凡愚
下劣所堪為未生煩惱作障導故佛
語除蓋障菩薩善男子汝謂如來為
是大志為是小乎除蓋障菩薩白佛
言世尊我无此辯當何能答何以故
无有能知如來量者現見如來知一
切法受糞掃衣者能制結使不見如
來有所遮制此四天下天人龍鬼皆
有卑下之志如來雖見卑下但為成

熟彼衆生故於諸衆生前讚歎頭陀
汝今當知如是因緣除蓋障菩薩白
佛言世尊為成熟衆生及新學者菩
薩遮斷結使故說此事善男子威德
力菩薩為化衆生現受糞掃衣非志
卑漏以是義故菩薩受糞掃衣

善男子菩薩復有十法名受取三衣
何等為十少欲知足不多貪求不多
積聚无積聚故離諸過患无失壞故
離諸憂惱離憂惱故離衆苦聚集離
衆苦聚集故无有愛欲无愛欲故
能盡諸漏少欲菩薩趣得為足知足
之人少得而足以少欲故無多所求
離所求故无多積聚離積聚故无惱
失苦无惱失苦故无有憂愁无有憂
愁故无有苦惱无有苦惱故無有受
用无有受用故使得漏盡善男子具
此十事是名菩薩受持三衣

寶雲經卷第四

壬寅歲高麗國大藏都監奉

勅彫造

寶雲經卷第三

草

梁扶南三藏異地羅仙譯

善男子復有十法名菩薩具旃衣何等為十不隨染欲名為旃衣不隨瞋故名為旃衣不隨癡故名為旃衣不隨惱害故名為旃衣不隨貪嫉故名為旃衣不隨憍慢吾我故名為旃衣不為人知故名為旃衣不為名聞利養故名為旃衣不使魔得自在故名為旃衣心不高下故名為旃衣善男子具此十事是名菩薩旃衣

善男子菩薩復有十法名為乞食何等為十為益眾生令得福故是以乞食次第乞食好惡隨時不生悔恨少欲知足乞食得已與人共同於食好惡不生增減不生貪著於食知量趣向於善修集善根離諸取著云何乞食為益眾生菩薩乞食見諸眾生善根鮮少受乞食法為利益眾生故若城邑聚落到中乞食繫念不捨威儀具足若願視時終不輕躁舉動安庠諸根寂定諦視目前不過一尋於佛

法僧深生信敬然後乞食次第乞食
心无筭擇剎利婆羅門富貴之家一
向次第食足便止除惡狗新生犢母
先破禁戒墮畜生中若男若女童男
童女諸能擾惱者皆悉不往可譏嫌
處亦皆不往次第乞食不得生者不
得生瞋於諸衆生不起憎愛於好於
惡其心正等少欲知足隨得多少還
至僧坊安置衣鉢至洗足處若到佛
像塔寺衆僧所恭敬供養乞食之食
分作四分一分與同梵行者第二分
與窮下乞食之者第三分與諸鬼神
第四分自供身食我今食者但念修
道不應於食而起染著亦不憍逸貪
嗜无厭作如是食為存此身濟其軀
命是故於食趣得安身不使羸之亦
不令肥何以故若身羸瘦妨廢行道
若食厚重復多睡眠為行道故於食
知節不多不少勤修精進除去懈怠
為滿菩提覺支滿菩提覺支故我見
得減我見滅故能以身肉施於衆生
善男子具此十事是名菩薩乞食法
善男子菩薩復有十法名為一處坐

何等為十於菩提樹一坐道場降伏
魔官皆志驚怖此處不動得出世定
此處不動得世間慧此處不動得出
世間智此處不動得空三昧此處不
動得覺一切法此處不動得八正道
此處不動得於真實此處不動得於
如實此處不動得一切種智坐善男
子一坐者即是法坐菩薩不動搖故
名為一坐善男子具此十事是名菩
薩一坐法

善男子菩薩復有十法名一受食何
等為十不貪食不染著食以言食足
一切不受蘇油黑石蜜阿摩勒汁甘
蔗汁及諸果汁時非時都不飲食見
他飲食而不生惱常一受食菩薩設
有患苦若為命難善法留難當念之
時不生疑悔作樂想服善男子具此
十事是名菩薩一受食法

善男子菩薩復有十法名為阿練若
處何等為十又習梵行善解毗尼諸
根具足具足多聞廣博多智除去我
見辟如獐鹿不肥不瘦心常默惡樂
處閑靜阿練若處云何又修梵行善

男子菩薩摩訶薩於佛法中出家學
道三業清淨淨持禁戒善知諸法善
知威儀行止之處來去坐卧盡依法
律於如來法中上中下坐教戒威儀
能教禪法如此之法已自體解不從
他受知義知出要知坐知出罪避諸
毀犯精勤修戒少有所犯譏呵懺悔
隨所犯處及以不犯恙能了知若犯
重事乃至中下恙能分別受報輕重
近遠諸根具足依阿練若處所依之
處不為他惱常樂乞食往返不近不
遠近清淨水不汙不濁多諸林樹无
恐怖處花果具足遠離惡獸多諸龕
窟往返不難寂靜第一菩薩如此處
晝誦三遍夜亦三遍聲不高下善守
諸根心不散亂深信歡喜能憶偈句
善取因相除去睡眠王若王等若諸
王子婆羅門刹利及餘人民往至菩
薩阿練若處比丘唱言善來大王可
坐此處彼若坐時菩薩共坐彼若不
坐菩薩不坐彼王根若不定應當讚
歎大王善得大利王之國界多諸持
戒沙門婆羅門住王界中不為惡臣

盜賊之所惱害王若利根柔和善順
堪為法器當為種種說法若不樂種
種說法當為說五欲无常令知厭惡
若不樂厭惡當復為說諸佛有大慈
悲威德自在之所行處剎利婆羅門
邑主長者及以國人隨宜為說如是
多聞堪法器者即便為說種種之法
聞已信受心生悅樂皆令歡喜多聞
廣博故无煩惱起善修對治能除我
見故不生怖畏智辯具足故无大眾
畏勇猛无難具如是事能得阿練若
處安止而住繼心厭惡樂獨靜處猶
如野鹿常在山林阿練若比丘不如
野鹿恒懷驚怖譬如野鹿見人避走
以畏死故菩薩摩訶薩亦復如是於
憤鬧處一切男女悉皆遠離何以故
令我心乱遠離定故不得厭惡修於
功德復樂寂靜我今不應染近憤乱
令失定心住阿練若處善男子具此
十事是名菩薩阿練若處
善男子菩薩復有十法名樹下止處
何等為十不近聚落依止樹木而住
不近於饒棘刺處依止而住不近摩

樓陀蘭草之處依止而住不依枯葉
處住不依猥猴處住不依鳥獮窟處
住不依惡獸處住不依盜賊危難處
住菩薩所依止處无諸恐怖令心悅
樂善男子具此十事是名菩薩樹下
止處

善男子菩薩復有十法名為露地坐
何等為十春夏秋冬夏不依牆壁住亦
不依樹下住不依叢草積住不依山
掩處住不依河岸住不作障寒具不
作障風具不作障遮雨具不作遮熱
具不作障露具菩薩在於露地而身
有病形體羸弱應至僧坊便作是念
如來為遮諸結使故說於頭陀我今
雖在僧坊當斷除結使我今雖在僧
坊中不生貪著心我不為己身但為
僧坊檀越成諸功德故常作露地想
具此十事是名菩薩露地而坐
善男子菩薩復有十法名塚間坐何
等為十隨所住處多獸惡心常修死
想敗殘想血塗想青淤想臃脹想燒
然想解散想骨想塚間坐者常修慈
心生利益想憐愍眾生淨持禁戒威

儀不闕終不食肉何以故不遠塚間
有諸非人及惡鬼神以食肉故心皆
厭賤无喜見者常作惱害塚間比丘
往至僧坊先礼佛塔却礼上坐與諸
下坐談論語說立住而去不坐僧祇
旃蓐何以故為護惜僧物故如凡夫
愚人鄙賤塚間設若有人施於牀敷
請命使坐問言為是汝已有為是僧
有觀前人意不生悔心然後始坐心
生下劣如旃陀羅子善男子具此十
事是名菩薩塚間坐法

善男子菩薩復有十法名常坐不卧
何等為十不為苦身故常坐不為苦
心故常坐不為止睡故常坐不為疲
極故常坐為滿足菩提故常坐欲使
心專一故常坐欲使向正道故常坐
欲坐道場為得菩提故常坐欲利益
衆生故常坐為斷一切結使故常坐
善男子具此十事是名菩薩常坐不卧
善男子菩薩復有十法名為隨敷坐
何等為十不貪著敷故隨敷而坐不
自安敷亦不使他敷不作形相使他
敷敷若草若枯樹枝葉隨在上坐若

有蟻子蚊蚋蠅毒蝸之處即時捨去不住於中若欲卧時右脇而卧足相疊善斂衣服不令解散若睡眠時當繫心明相作必起意不著睡眠以為喜樂右脇卧時若有疲極終不更轉左脇而卧為調和四大常不離善善男子具此十事是名為菩薩隨敷而坐法

善男子菩薩復有十法名成就禪何等為十多修不淨觀多修慈心多修十二因緣多修離過患法多修於空多修无相多修習禪多修不悔恨持戒完具善男子云何多修不淨觀菩薩獨處閑靜默然攝意默思現前正身端坐支節完具深心喜悅結加趺坐作是思惟如人飲食美味好漿及餘麀溢是諸美味及不美味皆依此身變成不淨膿血臭穢悉皆可惡一切衆生貪嗜美味心恒樂著我今當願依佛正法如實之相觀察此身不可染著亦不厭離速求涅槃是名菩薩多觀不淨云何菩薩多修慈心如上染處端身獨坐寂靜思惟衆生多

有瞋恚便生惱害作諸不善若有衆
生與我等者云何來世自生怨恨如
是衆生我當方便斷其瞋恚作如是
念深心思惟不但口說云何菩薩多
修十二因緣衆生多起貪欲瞋恚有
如是等皆因緣生假使餘法一切皆
從因緣而起云何智者見如是相一
剎那頃從因緣法皆恚是空不應為
此而自毀害云何菩薩多修難過患
法若自生過尋能除斷見他過患深
入捨心云何尋自除患患者於諸佛
不生信敬心於法僧所亦不生信敬
心於戒不生信敬心於和上阿闍梨
時類宿舊有智者邊上中下坐亦不
生信敬心自高已身卑下他人於五
欲所心樂趣向背捨涅槃我見衆生
見壽者見人者見計有虛空起於斷
見深著有想起於常見於賢聖所背
捨遠離親近凡愚遠離持戒者親近
破戒者近惡知識遠離善知識誹謗
經法常生不信聞諸深義心生驚畏
懈怠懶惰於修法所輕而不為意志
下劣無有言辯應不疑處返生疑惑

於可疑處而不生疑為五蓋所覆幻
惑詔說睡眠所覆貪著利養世間名
稱愛樂種姓恃於居業愛著徒眾遠
離正法樂俗談話捨離禪思見善不
欣聞惡貪樂而心不肯親近出家但
念親近年少婦女童男童女不怖阿
練若愛食不知量不親近有智師友
善人不知誦習經行時節亦不知所
應行來往返之處於微細戒而作輕
心輕於小惡視瞻不端舉動輕躁恒
作左法言語麁獷於好惡色心皆貪
著好喜瞋恚不修慈心於苦眾生不
生憐慈見病苦者亦不厭惡聞死不
驚為常震熾然不求出要不觀察身不
守禁戒不觀己身可作不可作可覺
不覺可思不思非道為道道為非道
未得謂得若少營福便多封著而心
錯亂於大功德終不修行謗毀摩訶
衍誹謗聲聞誹謗樂大乘者誹謗樂
小乘者亦生誹謗譏呵於戒為戒聞
諍為人剛強言常麁惡而自貢高无
懷慙色不知著猒躁惡麁弊言辭不
遜好喜綺語常行惡口多諸妄語調

戲无度有如是等過為離此過患法
離一切調戲修習空定多修空故處
處觀察體性悉空能觀空智此亦是
空作是觀已繫心无相觀内外法不
得身相亦不得繫念相今時不見繫
心於身亦不得身相亦不得外相亦
不得念外相去除外相身相亦除除
斷内相心樂善法修道增廣次第不
斷常念定慧修功德本正觀諸法如
實深義是名為慧善攝乱意歡喜无
悔是名為定何以故淨持戒故菩薩
能淨持戒必成就禪戒具足禪道是
故持戒具足名為修禪善男子具此
十事是名菩薩善修禪法

善男子菩薩復有十法名持修多羅
何等為十為守護法聞則能持不為
財物飲食故持為紹三寶種佛法不
斷不為利養故持為使摩訶衍廣流
布故持不為恭敬利養故持无救眾
生為作救護故持不為名稱讚歎故
持為苦惱眾生使得樂故持為令眾
生得慧眼故持為求聲聞者令得聲
聞道故持為修摩訶衍成就摩訶衍

故持為成一切種智故持不為求下
乘故持善男子具此十事是名為善
薩持修多羅

善男子菩薩復有十法名為律師何
等為十善解毗尼所起因緣善解毗
尼甚深之處善解毗尼微細之事善
解毗尼此事得彼事不得善解毗尼
性重戒善解毗尼制重戒善解毗尼
制起因緣善解聲聞毗尼善解辟支
佛毗尼善解菩薩毗尼善男子具此
十事是名為菩薩善持律師

善男子菩薩復有十法名善知威儀
善知可行不可行處善知行法善知
威儀舉止何等為十善學聲聞戒善
學辟支佛戒以善學故威儀具足威
儀具足故不可行處終不往彼不應
往方亦不往彼非時不行沙門所行
處行不可行處不行是故威儀具足
沙門婆羅門所譏呵處亦終不住以
是故沙門婆羅門无譏呵者亦能教
他修行如是威儀禁戒以是義故威
儀具足寂滅威儀无諠誑威儀善男
子具此十事是名菩薩威儀進止所

行具足

善男子菩薩復有十法名除嫉妬何等為十自行布施亦教他人行布施讚歎布施法見他布施心生隨喜為說法要讚歎彼人令使歡喜終不思念但施於我莫施於彼願一切眾生皆得施利所須具足皆得快樂得世間利樂得出世利樂我今勤為眾生修元上道為欲利益故云何當起嫉妬之心善男子具此十事是名菩薩能除嫉妬

善男子菩薩復有十法能為眾生起平等心何等為十為一切眾生作修福因緣令一切眾生心无嫌恨不使一切眾生起於瞋忿為一切眾生故布施持戒忍辱精進禪定智慧為一切眾生故發一切種智心為一切眾生故自滿一切種智心皆不生二想所作功德與一切眾生悉皆共之緣一切眾生以為境界如是思惟時能速成就菩薩之法速成就菩薩法故能觀生死如火熾然自乘此法能出生死亦使眾生得濟苦海皆起等心

不生增減善男子譬如長者唯有六子其心愛著於諸子中悉皆平等為設方便然諸子等幼小无智不能行來不識善惡其家火起是諸小兒各在異處善男子而此長者寧可作心此子應出彼不應出此子先出彼應後出除盖障菩薩白佛言不也世尊何以故是長者等心於子无差別故善男子菩薩亦復如是於諸衆生心皆如子愚小无智於生死摩竭熾然世界是諸子等各處六道菩薩隨應成就皆悉拔濟咸令得出置寂滅處善男子具此十事是名菩薩於一切衆生得平等心

善男子菩薩復有十法名善供養佛何等為十以法供養於佛以救拔濟衆生供養於佛以教化衆生令立諸善供養於佛常與一切衆生利供養於佛不捨願行供養於佛不捨菩薩所行供養於佛言行相應供養於佛心无疲厭供養於佛不捨善提供養於佛不以財施供養於佛何以故善男子如來法身不待財施供養惟以

法施供養為上以具足供養利益衆生令得安樂常獲善利善男子若不
能利益衆生放捨善法所作疲厭好
憍妄語志意下劣心生疲倦離菩提
心有如是等不能為諸衆生而作利
益何以故菩薩要依衆生修諸功德
乃至成阿耨多羅三藐三菩提若無
衆生終不能成阿耨多羅三藐三菩
提无上正覺為具佛道以法供養為
最第一不以財施為真供養善男子
具此十事是名菩薩能善供養

善男子菩薩復有十法名摧伏憍慢
何等為十菩薩或時出家作是思惟
父母眷屬已捨出家猶如被棄壞爛
死尸云何於中當起憍慢我今剷除
鬚髮毀形向道節身知足著壞色衣
改先所好修出家法捨俗威儀云
何當起憍慢之心剃頭持鉢而行乞
食作乞食想不應憍慢當自卑下如
旃陀羅子我今乞食由他濟命云何
憍慢而自毀傷是故思惟摧伏憍慢
我今受乞食法為他所賤人與食時
如似捨棄如是思惟云何憍慢我今

於一切衆生恒如和上阿闍梨想應
加謙敬摧伏憍慢我與諸同學同梵
行者善護威儀常念順行不應到於
非律儀處當使諸同梵行者見我歡
喜如此思惟時摧伏憍慢我未曾得
行佛法今得修行於瞋恚惱害衆生
中當念忍辱如是思惟時摧伏憍慢
善男子具此十事是名菩薩摧伏
憍慢

寶雲經卷第五

二寅歲高麗國大藏都監奉

勅彫造

寶雲經卷第六

草

梁扶南三藏曇陀羅仙譯

善男子菩薩復有十法名為信敬何等為十善根深厚宿殖德本得於正見不隨他信不歸依他志性恒正不為虛妄其心質直无有諂曲利根智慧功德具足除諸陰蓋其心清淨常依善知識遠離惡知識摧伏憍慢聞深妙法能善諦受終不顛倒妄解如來甚深法藏威德自在善男子具此十事是名菩薩能多信敬

尔時除蓋障菩薩白佛言世尊我今於如來大威德所願說少法令我得聞善男子汝今善聽當為說之如來要法威德少分善哉世尊願為演說佛言如來大慈等與一切衆生樂若於一衆生起慈心時乃至十方衆生亦復如是遍一切衆生界亦滿虛空界无能遍知如來甚深境界邊際如來有大悲心不與聲聞辟支佛共如來於一衆生起於悲心乃至一切衆生亦復如是為作利益如來大悲无

有邊際非諸二乘所能究竟善男子
如來說法不可窮盡能於一時普為
十方衆生說法若一切百千萬億劫
尤量阿僧祇劫作如是說一切衆生
无有能知如來說法邊際本末假使
無量衆生一時問難而如來於一念
中各隨其類一音能答然如來辯才
无有窮盡如來有無量阿僧祇禪定
三昧之所行處善男子假使一切衆
生皆得十住各各皆入無量三昧於
百千劫中各入異定如是經无量劫
猶不能盡知如來三昧境界如來又
作无量阿僧祇應身令一切衆生應
受化者悉見如來皆現其前於一念
頃一一色相皆生信解各有差別如
來又復一時皆現其前隨其所應而
為說法令諸衆生悉皆受行善男子
如來天眼所見境界无量無邊非肉
眼所見是天眼境界如來於一念中
悉皆見之如觀掌中阿摩勒果如來
天耳所聞境界无量無邊如上天眼
一切衆生異類音聲隨其大小於一
念頃悉分別知如來復有無量無邊

无寻智慧无與等者不可為辟一切
衆生若心念所知隨其根性種種差
別如來於一剎那頃志分別知隨彼
衆生各各所念各各所作隨造善惡
所得業報如來能以三達無寻智慧
於剎那頃志分別知善男子如來常
在禪定何以故如來終無忘念如來
諸根无有錯謬如來斷一切結使其
心寂靜若雜結使其心散乱離清淨
法如來已離一切業習塵垢永盡无
漏无為於法自在一切三昧三摩提
无量境界已度彼岸如來常在三昧
常一威儀乃至涅槃如來於无量百
千億劫修集所得无有衆生能思惟
分別知其量者除盖障菩薩白佛言
世尊如來不從阿僧祇劫積集功德
耶佛言不尔何以故善男子菩薩不
能思議如來境界如來境界不可思
量但為淺近衆生說三阿僧祇修集
所得菩薩而實發心以來不可計數
除盖障菩薩白佛言世尊若衆生久
修善根植諸業行除去盖障多有信
解近於阿耨多羅三藐三菩提得聞

如來无量威德聞是法已歡喜信樂
况復受持讀誦書寫供養為人廣說
如是之人不久亦當得大威德堪任法
器佛言如汝所說如是如是如此衆
生為佛所護久種善根親近諸佛聞
佛有大威德善男子善女人而於其
中不生疑惑善男子善女人心不錯
乱不錯乱故思惟如來有大威德深
生殷重信樂之心七日七夜著鮮淨
衣恭敬供養專念如來大功德寶心
不移易必得見佛若不滿七日乃至
一日一夜命終之時亦得見佛除盖
障菩薩白佛言世尊頗有衆生於如
來所說不信受者佛即荅言善男子
有或有衆生聞佛所說不肯信受深生
惱害於說法者生惡知識想以是因
緣身壞命終墮於地獄善男子若聞
如來有大威德生世尊想生大師想
如此之人已於前世得聞如來无量
功德以是因緣今復續聞即自思惟
我等先身必曾從佛聞如此法今時
如來即出廣長舌相自覆其面其舌
廣長踰於髮際乃至覆頭覆頭已復

覆其身覆身已覆師子座又覆菩薩
聲聞緣覺護世四天王梵天帝釋遍
覆一切无量大眾佛還攝舌相告諸
大眾善男子等如是舌相无虛妄耶
善男子若信是事長夜安隱得諸利
樂說是語時八万四千衆生得无生
法忍无量衆生遠塵離垢得法眼淨
无量衆生未發菩提心者皆發阿耨
多羅三藐三菩提心

佛復告除蓋障菩薩言善男子菩薩復
有十法名滿世間善何等為十雖說
於色而於實諦不見有相亦不著色
相受想行識亦復如是雖說於地而
於實諦不見有相亦不著地相水火
風空識亦復如是雖說於眼而於實
諦不見有相亦不著眼相雖說鼻舌
身意法等相雖說有我而於實諦不見
有相亦不著我相衆生壽者命者丈
夫人而於實諦不見有相亦不取著
但世諦假施設有第一義諦則不可
得亦不取著世諦假施設有第一義
諦无有體相亦不取著世流布中而

有佛法差別若於實諦亦无佛法善惡之相但世諦中而有菩提第一義諦則无菩提亦无取著善男子假施設法名為世諦終不說世諦為第一義諦善男子菩薩摩訶薩善於世諦不名為善於第一義諦善男子具此十事是名菩薩滿世間善善男子菩薩復有十法名為善說第一義諦何等為十成就无生法忍成就滅法成就不壞法非造作法是究竟法非處所法无言語法无調戲法是寂滅法是賢聖法何以故善男子第一義諦不生不滅非壞非所作亦非盡非文字亦非調戲所得善男子第一義諦非言語道法相寂滅賢聖之所證覺善男子第一義諦非壞敗相諸佛出世及不出世法相常亦以是因緣故菩薩剷除鬚髮信家非家出家學道正信出家身服袈裟著壞色衣精勤修道如救頭然捨諸虛妄志求實法善男子若无實法則虛出家諸佛如來亦虛出世以是因緣有真實法善男子具此十事是名菩薩善解第一

善男子菩薩復有十法名為善知十
二因緣何等為十善知體相空善知
剎那法善知不堅法善知如影如水
中月如呼聲響善知法如幻善知法
如電善知法如焰如因緣生法此志
是空一剎那頃不堅法如是乃至因
緣生法此法生亦見生住亦見住異
壞亦見異壞菩薩如是思惟以何因緣
生以何因緣滅菩薩復更思惟因无
明故能生諸法无明力故諸法得出
一切諸法无明為導一切諸法依止
无明依無明故能生於行依行故生
識識因緣生名色名色因緣生六入
六入因緣生觸觸因緣生受受因緣
故凡愚衆生於受少分便起染愛愛
因緣生取取因緣生有有因緣生生
生因緣有老死丈夫夫人老死死因緣
憂悲苦惱衆苦聚集以是因緣生大
苦陰以深智慧懇懃方便當斷无明
拔无明根滅於无明無明相應法一
切盡滅譬如命根盡時諸根都盡无
明盡時依无明法一切悉盡无明滅

故諸煩惱滅煩惱滅故生死因皆滅
生死滅故近於涅槃善男子具此十
事是名菩薩善知十二因緣

善男子菩薩復有十法名善知我何
等為十菩薩作如是觀察我生誰家
為是婆羅門家為是刹利家為是長
者家為是下賤家菩薩雖生上族家
而无憍慢想若生下賤處而作是念
我本曾作不善諸業以惡業故今生
下賤家以是因緣多修惡多修惡
惡故欲得出家既出家已作是思惟
我為何事而求出家夫出家法為自
度脫亦度於彼以是因緣不應慙急
而自懶墮作是思惟我今出家當何
不善若有少惡速疾除斷於諸善法
深起愛樂歡喜无厭所未斷惡方便
令斷如是復更觀察我等出家云何
增廣善法善法增已當倍愛樂深心
歡喜善法未增當令增廣我今依怙
師僧增廣善法以是因緣於和上所
若持戒若破戒若多聞若少聞若聰
明若无智患皆恭敬生世尊想於諸
世尊恭敬供養信樂歡喜於和上所

亦復如是於阿闍梨復生恭敬我依
阿闍梨故善法增廣菩提法分未滿
足者當令使滿諸結未斷者當令使
斷於阿闍梨復生和上想供養如前
愛樂歡喜增長右法損減左法如是
左法不令增長復更觀察誰是我世
尊一切種智是我世尊能一切覺能
一切說救濟世間憐愍衆生具大悲
心是大福田是我世尊天人之師以
是因緣以是相貌應生信敬愛樂歡
喜又復思惟我得大利遇佛世尊如
來制戒我今寧捨身命終不毀犯如
來制戒是名善受佛教我今當應從
誰受供如我今者當從刹利婆羅門
聚落城邑受彼供施令彼果報尊貴
富樂我亦不應虛受人供如是刹利
婆羅門聚落城邑皆作何想我今思
惟有何功德而施飲食刹利婆羅門
聚落城邑當念我是沙門作福田想
我今應當具滿沙門所行之道比丘
功德沙門功德福田淨業宜稱其名
我今處生死中當自拔出我今已得
出家善利我今初得无上大利我得

出家即是无上大利我今能稱出家
之法亦是无上大利我今當勤精進
遠離懈怠亦疾速出生死灾患善男
子菩薩出家常應執念如是思惟善
男子具此十事是名菩薩善知於我
善男子菩薩復有十法名善知世法
何等為十於自高人起卑賤想於憍
慢人起恭敬想於諂曲人起質直想
於妄語人起真實想於憎惡人起愛
樂想於剛強人起柔軟想於不忍人
起忍辱想於瞋忿人起慈心想於苦
惱人起悲心想於多貪人起施與想
善男子具此十事是名菩薩善知世法
善男子菩薩復有十法名能生淨佛
國土何等為十持戒清淨无闕戒無
嫌戒於一切衆生心常平等同其事
業具諸功德遠離名聞讚歎利養不
染八法深信不疑勤修精進无有懈
怠攝心禪定无諸錯乱善修多聞遠
離无智利根聰慧滅除愚闇於瞋惱
衆生恒修慈心除盖障菩薩白佛言
世尊若十事不具能生淨土不佛即
答言善男子若能於一事具足无闕

當知十事悉皆清淨以是義故名具
十事得生淨土善男子具此十事是
名菩薩能生淨佛國土

善男子菩薩復有十法名胎不染汙
何等為十作諸形像如來塔寺若有
毀壞嚴飾修治復以諸香泥塗於佛
塔如來形像常以香湯洗浴於如來
塔塗掃清淨於父母所躬自供養於
和上阿闍梨同梵行者心常恭敬供
養不為財利以此善根迴與一切衆
生願令皆得胎不染汙心常殷重如
是思惟善男子具此十事是名菩薩
胎不染汙

善男子菩薩復有十法名捨家出家
何等為十无所受用於可染處終不
親近背於五欲除諸愛渴於如來所
制禁戒終不毀犯少欲知足衣服飲
食床敷卧具趣得支命終不貪積於
五欲所常生畏怖恒念厭離修集善
法善男子具此十事是名菩薩捨家
出家

寶雲經卷第六

癸卯歲高麗國大藏都監奉

勅彫造

寶雲經卷第六

四九
草

梁扶南三藏舅施羅仙譯

善男子菩薩復有十法名為正命何等為十心不諂曲不外現相貌而求利養不作抑揚顯已異眾不外弊五欲而心求利養不取非法財不取不清淨財不著利養不染利養而常知足於如法利恒生知足云何菩薩心不諂曲不以利養令身口意曲云何不身諂曲菩薩不為見檀越故現諸威儀云何作威儀見檀越時伍視徐行如猫伺鼠是名身諂曲云何口諂曲菩薩不為利養作柔軟語作愛語作庠序語隨他所愛語隨他意語如是等語皆恚不作云何意諂曲口說知足而心貪著佛言內燒內熱口言知足心常貪著若不如是名不諂曲云何名不外現相貌菩薩不以見檀越時作諸相貌我衣服短少我鉢器減少湯藥卧具減少菩薩不以見檀越故作如是說云何名不作抑揚方便鼓動菩薩口終不言彼有檀越與我此物

為憐愍故受我今持戒清淨具足多聞少欲信心檀越皆樂施給不作此說者是名不作抑揚云何名外弊五欲而心求利養菩薩終不外現苦行作五熱炙身拔髮自餓如是等苦而要財利於他利養不懷憎嫉亦无熱惱是名不外弊五欲心求利養云何名不取非法利養不輕秤小斗欺誑於他受人財物終不侵欺云何名不取不清淨財若有人施佛法僧物及僧祇物如是之物取為己用乃至博貿販賣出息生利而自入己如是等物名非法財菩薩摩訶薩遠離如是等物是名清淨活命菩薩若得利養不生我所想財利歸己亦不生能得想亦不作積聚守護想常念施與沙門婆羅門父母師長眷屬貧窮乞乞恒作是想若須食時當求支命於諸美味心无染著若不得時亦不憂惱亦不生熱不得令彼信心檀越生於不信若得如法利養皆與僧同能如是者佛亦印可諸菩薩衆所不譏呵亦為諸天常隨讚歎同梵行者心无譏嫌

於利養中常生知足得離邪命善男子具此十事是名菩薩清淨活命善男子菩薩復有十法名不疲厭何等為十常為衆生久處生死心无疲厭為衆生故能受生死於无量苦亦无疲厭為聲聞人教修禪法不生疲厭心不輕賤修行覺法不生疲厭具菩提法不生疲厭雖求涅槃而不證涅槃漸深流注至菩提法岸善男子具此十事是名菩薩心不疲厭

善男子菩薩復有十法名隨順佛教何等為十不住放逸處除諸放逸善攝其身亦不令身起諸過惡善攝其口亦不令口起諸過惡善攝其心亦不使令心起諸過惡畏後世苦而具一切善法修行一切善法而斷一切不善法說一切善法而毀訾一切惡法毀訾一切惡業修行一切善業於如來法不說其過消滅一切諸垢煩惱守護如來所制聖戒善男子具此十事是名菩薩順如來教

善男子菩薩復有十法名和顏悅色離於瞋感何等為十諸根澄淨諸根

清淨諸根不闕諸根離垢諸根白淨
除於惱害除諸結使得不起結使除
嫌恨心遠離瞋恚除蓋障菩薩白佛
言世尊如我解佛所說諸根清淨故
得和顏悅色和顏悅色故離諸結使
離諸結使故得不瞋感佛言善男子
如是如是諸根清淨和顏悅色除諸
結使離於瞋感善男子具此十事是
名菩薩和顏悅色離於瞋感

善男子菩薩復有十法名為多聞何
等為十見生死熾然如實而知見瞋
恚熾然如實而知見无明闇亂生死
熾然如實而知見一切有為法恚皆
无常如實而知見一切有為法恚皆
是苦如實而知見世間空如實而知
一切法无我如實而知一切衆生著
於調戲如實而知解一切法從因緣
生如實而知寂滅涅槃如實而知但
從聞思慧不取口語如是知已為衆
生故深發大悲勤加修習具於精進
善男子具此十事是名菩薩多聞
善男子菩薩復有十法名持正法何
等為十法欲壞時有五濁惡起德薄

衆生多住邪道智燈欲滅无有導師
能說正法諸大修多羅雖有深義无
能說者亦无讀誦受持之者今時菩薩
見法壞時能受持經藏讚歎讀誦為
人開示分別解說其中有人聞已生
信心樂歡喜不為財利但欲聽法於
說法者生世尊想於所聞法生甘露
想作不死想如諸妙藥不惜身命勤
求正法聞已修行善男子具此十事
是名菩薩善能持法

善男子菩薩復有十法名法王子何
等為十以相具嚴身衆好如妙華諸
根滿足无有缺減如來所親近法亦
能親近如來所行道亦能順行如來
所解法亦能順解成熟苦惱衆生善
修學戒長夜勤行四无量心於如來
所止之城亦能住中善男子具此十
事是名菩薩法王之子
善男子菩薩復有十法名出過帝釋
護世之法何等為十於菩提心无有
退轉一切衆魔不能動搖於一切佛
所種諸善根能入一切甚深法藏於
一切法得平等智於佛法中不從他

信得清淨智不共聲聞辟支佛法住
无生忍出過一切護世之法善男子
具此十事是名菩薩出過一切帝釋
護世之法

善男子菩薩復有十法能知衆生根
性内外結使何等為十若體性貪欲
如實能知體性瞋恚如實能知體性
愚癡如實能知善知煩惱上中下差
體性内外如實能知善知善體性如
實能知善知堅體性如實能知善知
長體性如實能知善知慘惡體性如
實能知善知一衆生亦知一切世界
衆生體性善男子具此十事是名菩
薩善知根性結使内外

善男子菩薩復有十法名能成熟衆
生何等為十應見佛身得度者即現
佛身應見菩薩身得度者即現菩薩
身應見緣覺身得度者即現緣覺身
應見聲聞身得度者即現聲聞身應
見帝釋身得度者即現帝釋身應見
魔身得度者即現魔身應見梵王身
得度者即現梵王身應見婆羅門身
得度者即現婆羅門身應見刹利身

得度者即現剎利身應見長者身得度者即現長者身如是等身隨其所應志為現之善男子具此十事是名菩薩成熟衆生

善男子菩薩復有十法名善調順何等為十質直柔軟无諂曲心无惱害心无垢汙心常清淨心无麤穢心除瞋恚心除麤惡語多諸忍辱能止諍論善男子具此十事是名菩薩能善調順

善男子菩薩復有十法名安樂共住何等為十正見清淨具足修行具足清淨戒具足諸所行處應出家法起煩惱處不於中住其心調柔於同梵行者如牛念犢修行平等常樂菩提第一正道唯佛為尊不求餘神善男子具此十事是名菩薩安樂共住善男子菩薩復有十法名為攝法何等為十以施攝衆生以樂攝衆生无盡施攝衆生利益攝衆生義益攝衆生說法攝衆生化導攝衆生除衰與利攝衆生同飲食攝衆生資命所須恚與共之攝衆生云何施攝衆生常以法

施永濟其苦是名為施云何施樂施
食令安无飢渴想是名施樂云何无
盡施教修禪定遠離散乱是名无盡
施云何利益施教授善法增長信心
是名利益施云何義益施教如實法
深了空相是名義益施云何說法施
依修多羅隨所應聞終不邪說是名
說法施云何化導施說如實法无錯
謬相是名化導施云何名為除衰興利
施勤滅惡法安置善法是名除衰興
利施云何同飲食施所有飲食悉與
衆共是名同飲食施云何名資命所
須施烏馬七珍乃至供身衆具雜物
盡與衆共是名資命所須物施善男
子具此十事法是名菩薩修行攝法
善男子菩薩復有十法名為端正何
等為十寂滅威儀不詐詭威儀清淨
威儀人見愛敬威儀如月威儀視不
獸足威儀意所悅樂威儀一切樂見
威儀能使一切歡悅威儀能使一切
信樂威儀善男子具此十事是名菩
薩端正

善男子菩薩復有十法名可依憑何

等為十能擁護衆生使離煩惱能令衆生出於生死曠野嶮難能使衆生出生死魔竭能為无救衆生作親友處能為煩惱病衆生而作良醫无救護者能為救護无舍宅者為作舍宅无歸依者為作歸依无洲渚者為作洲渚未到者能令作到善男子具此十事是名菩薩常可依憑

善男子菩薩復有十法名大藥樹何等為十譬如藥樹名曰善見若有衆生得樹根者而病除愈有得莖者而病除愈有得枝者而病除愈有得葉者而病除愈有得花者而病除愈有得果者而病除愈有見色者而病除愈有聞香者而病除愈有得味者而病除愈有得觸者而病除愈善男子菩薩摩訶薩亦復如是從初發心為无量衆生有若干種諸煩惱病有依捨得活有依戒得活有依忍得活有依精進得活有依禪定得活有依智知味得活有同事得活善男子具此十事是名菩薩如大藥樹

善男子菩薩復有十法名勤修福業
何等為十常於三寶隨力供養於病
者所施給醫藥於飢渴者隨施飲食
見裸寒者施其衣服於和上阿闍梨
常恭敬供養信受言教於同梵行者
起迎恭敬禮拜問訊造作園林池井
乃至穀帛施與一切及家奴婢僕使
內外眷屬亦等施之與持戒沙門婆
羅門常念親近往反恭事善男子具
此十事是名菩薩勤修福業

善男子菩薩復有十法名為善能作
化何等為十於一佛國身相不動而
能遍諸佛剎問答諮請於一佛國不
動亦能悉遍一切佛國聽受妙法於
一佛國不動能遍供養十方諸佛於
一佛國不動而能遍諸佛國莊嚴菩
提志皆滿足於一佛國不動而於一
切佛國初成佛時坐於道場菩提樹
下恭敬供養尊重讚歎於一佛國不
動能以自身現一切佛土坐於道場現
成佛道於一佛土不動能現一切佛
土轉於法輪於一佛土不動能現一
切佛土入於涅槃於一佛土不動能

現一切十方佛土應受化者悉現其身菩薩得无作神力於一切十方佛土不作變化想亦不作變化隨諸衆生所應見者悉皆現之今時除蓋障菩薩白佛言世尊云何菩薩能作如是變化復言亦不作變化想亦作不變化善男子汝今諦聽我當說喻譬如日月光照四天下利益世間能於衆生常作利安而日月亦不作想我能照諸衆生有大利益然諸衆生悉蒙光照菩薩亦今以本善業誓願因緣得无作法自然成就故能不作變化想亦不作變化然於一切有利益處悉現變化善男子具此十事是名菩薩變化

善男子菩薩復有十法名速疾成阿耨多羅三藐三菩提何等為十修行布施令使布施滿足修行持戒不闕戒不譏嫌戒出過聲聞辟支佛戒清淨戒身滿足忍辱滿足精進滿足禪定滿足智慧滿足方便滿足願滿足力滿足智滿足過一切聲聞辟支佛從初地乃至九地菩薩所不能及善

男子具此十事是名菩薩速疾得阿耨多羅三藐三菩提說是經時三千大千世界六種震動此三千大千世界中間諸須彌山王目真隣陀山摩訶目真隣陀山鐵圍山大鐵圍山寶山黑山如是諸山悉皆曲躬向伽耶山何以故如来自在神通力故三千大千世界中一切華樹一切果樹一切香樹皆來曲躬向伽耶山何以故如来自在神通力故无量億那由他百千億諸菩薩悉脫身上妙衣及諸瓔珞供養如來神通力故積過須彌若干種衣服瓔珞无量百千億帝釋護世梵天王等合掌頂礼曷陀羅華摩訶曷陀羅華散諸佛上曷殊沙華摩訶曷殊沙華盧之華摩訶盧之華以散佛上百千万億諸天在虛空中皆散天衣作衆伎樂歡喜踊躍出大音聲各以天華供養於佛而作是言佛更出世再轉法輪衆生有福宿殖德本於過去佛所久種善根得聞此經聞之尚難况復信解書寫受持今時無量百千摩睺羅伽於此演法出大雷

音遍三千大千世界以種種香汁雨
伽耶山无量百千龍王在於佛前作
衆伎樂無量百千闍婆緊那羅以
柔軟音讚歎供養遶伽耶山无量百
千夜叉雨諸蓮華放清涼風無量百
千他方諸佛皆出白毫相光供養如
來及所說法出白毫相光作種種色
青黃赤白紫頗梨色遶於三千大千
世界除一切閻遶伽耶山從佛頂
沒无量百千婆羅門刹利聚落城邑
香華瓔珞末香衣服繒蓋幢幡以供
養佛說是經時如是等无量供養七
十二那由他菩薩得无生法忍无量
百千衆生離諸塵垢得法眼淨无量
百千億衆生發阿耨多羅三藐三菩
提心伽耶山神名為无死與其眷屬
皆從坐而起自入宮室取供養具而
供養佛供養佛已白佛言世尊我憶
往昔共七万二千佛皆在此一伽耶山
說是經典文字章句如今不異佛言
快得善利汝等得聞如是寶雲經有
一天子作如是念是伽耶山神久聞
此法供養七万二千佛去何不轉女

身除蓋障菩薩摩訶薩知彼天子心之所念白佛言世尊以何因緣無死天神有大神德聞是法寶供養今所諸佛云何不轉女身佛答言善男子為利益衆生故以何因緣為不可思議解脫善男子我憶過去於竿數佛所見是无死天神發阿耨多羅三藐三菩提心無死天神有大威德神通供養賢劫千佛於此國土當得成佛号曰无死阿羅訶三藐三佛陀佛告无死今可現汝所成佛國土今時無死天神即入現一切色三昧現一切色三昧已此三千大千世界地平如掌皆紺琉璃一切穢惡諸黑山等悉皆滅沒處處皆見劫鉢之樹衆寶樹衆香樹處處皆見流泉浴池八功德水充滿其中一切惡趣下賤之人悉皆不現國中无有女人之名處處皆有蓮華大如車輪菩薩而在其上結加趺坐彼無死佛在蓮華上坐為諸菩薩演說法要无量百千億釋梵四天王等圍遶又有无量百千万億衆生悉來供養佛為說法次第諦聽无

死天神從現一切色三昧起頂礼佛足右遶佛已即隱不現除蓋障菩薩摩訶薩白佛言世尊善男子善女人作幾許福得聞是經佛言若人至心善聽此經憶念受持讀誦書寫廣為人說佛言復有善男子善女人於此三千大千世界百千億劫修行布施不如善男子善女人信心清淨書寫供養以清淨心故得福甚多何以故財施微少法施廣大生死衆生於生死中作無量財施未曾得聞出世法施若善男子善女人使三千大千世界衆生皆立十善復有善男子善女人聞此正法次第受持讀誦廣分別說其福亦過於上何以故十善果報生此世界故若善男子善女人能令三千大千世界衆生悉得須陀洹果斯陀含果阿那含果阿羅漢果得辟支佛果設得如是功德猶故不如聞上一句之義次第受持讀誦書寫為人廣說何以故聲聞辟支佛功德皆從此經出故因於此經能出一切菩薩及諸佛出現於世若讀誦此經次

第句義分別解說即是受持一切佛法何以故此經即是一切經母若不
得此經諸大勝法皆悉不得此經即
是菩薩具戒一切諸聲聞弟子皆從
坐而起偏袒右肩合掌白佛言世尊
我等於大生死間是經故皆得出離
佛言比丘如是如是今時世尊普告
大衆善男子善女人若國土方域有
是經典文字章句次第當知此處即
是道場處即是轉法輪處即是諸佛
大塔像處有此經處即是世尊何以
故善男子法即是菩提法即是轉法輪
善男子此法即是佛供養於法即是供
養佛若有說法法師處此處即是佛
塔於此法師當生殷重想善知識想
作示正道想見是法師應生愛樂信
敬歡喜應起遠迎請令就坐應當讚
歎善哉善哉快說法要若一切若減
一切若過一切讚歎如是讚歎猶不
能盡何以故善人好樂法者種種讚
歎尊重恭敬猶不能盡所行之處假
使有人能以血灑地猶故不名盡心
供養何以故如此法師則為受持如

來一切佛種如此法師應如師子无
畏不應作下劣想不作毀害心著淨
潔水深生信敬得他讚歎而心不高
亦不起我慢亦不輕他不為財利專
心說法尔時釋提桓因白佛言世尊
若有世界能說是經文字章句次第
之處我當躬自將諸眷屬往彼供養
擁護法師佛言善哉善哉憍尸迦是
汝應作尔時除蓋障菩薩摩訶薩白
佛言世尊此次第所說當云何名斯
經善男子此經文字章句次第當名
寶雲亦名寶藏亦名智燈亦名除蓋
障菩薩之所受持尔時除蓋障菩薩
及諸菩薩聞已諸大聲聞帝釋大梵
護世天王摩醯首羅并諸天子而為
上首乃至天龍夜叉乾闥婆阿修羅
迦樓羅摩睺羅伽无量百千億衆皆
稱善哉善哉歡喜奉行

寶雲經卷第七

癸卯歲高麗國大藏都監奉
勅彫造

佛說阿惟越致遮經卷上

草

西晉月氏三藏竺法護譯

不退轉法輪品第一

聞如是一時佛遊舍衛祇樹給孤獨園與大比丘衆千二百五十人俱彼時世尊於後夜起三昧正受号離垢光文殊師利童子菩薩亦以普明三昧弥勒菩薩導衆大士普顯三昧於是賢者舍利弗後夜寤起自出其室發心往詣文殊師利欲入其室未入之頃見佛神室則前進矣覩十萬蓮華不可稱計圍繞佛屋又復遙聞大音樂聲若干種響其大蓮華自然衍光遍照祇樹舍周舍衛靡不見焉三千大千佛之境界光耀巍巍時舍利弗即立不行抑而不候文殊師利不自覺耳處于其室住文殊師利前覩加趺坐淡然而定時舍利弗即為彈指永不寤矣聲發洪音亦不興也又一心觀文殊師利現大變化感動如此自察其身在大海愕然欲出文殊師利三昧之室了不能退將以神

足起踊於空亦復尋矣盡現神力不
得遊騰又見已身與文殊師利及其
室宇自然東行時舍利弗立文殊師
利前結加趺坐視之無厭尔時東方
度是佛土恒沙等刹其世界名不退
轉音佛号寔選光明蓮華開剖賢者
舍利弗從文殊師利見彼聖尊一切
毛孔悉出蓮華又其蓮華各周四十
万里皆照三千大千佛土彼諸蓮華有
十万數妙實為莖及以金剛紫磨黃
金師子之座一切菩薩皆坐其上於
無上正真之道不退轉以得摠持五
通自樂成就法忍三十二相莊嚴其
身最選光明蓮華開剖如來至真等
正覺齊生蓮華清淨无瑕其色百千
不可稱數青琉璃莖殊妙交絡上好
栴檀珍寶為座殊異殊鈴垂布四面
彼座獨空文殊師利即處於上與其
蓮華師子之座踊變上至三十三天
尋還詣佛稽首作礼繞佛三匝還坐
蓮華彼世尊前叉手自歸於是寔選
光明蓮華開剖如來等正覺問文殊
師利仁者何來枉至此土文殊師利

答曰唯然世尊從忍界來今時彼佛侍者号柔音軟響菩薩大士志于无上正真之道逮不退轉則蓮華上更整衣服長跪叉手問彼佛曰其斯忍土離是幾何其佛告曰西方去此恒沙等刹有忍世界是文殊師利從彼土來柔音軟響菩薩又問佛言其忍世界佛号云何今現在乎世尊告言字曰能仁如來至真等正覺現在講法又問佛言其佛大聖云何現法佛言開三道教侍者又問何謂為三聲聞緣覺及引佛道釋迦文佛說法如此是三道教侍者又問諸佛世尊說經開化不普等乎佛言悉等柔音軟響又問佛言何謂為等世尊告曰講不退轉此謂平等又問何故能仁如來至真等正覺宣三道教其佛告言彼土人民剛強難化心劣意弱難以一乘救化度矣以是之故諸佛世尊善權方便而為說法能仁如來興五濁世以斯善權隨時之義而濟度之又復問曰唯然世尊彼忍世界講法所化勤勞之難乃如是乎佛言實然有

勤危患侍者復問我等世尊快哉善利不生彼土佛言且止无得說此宜當捨之自改悔過又問何故改往修來而忍世界講法甚難以故吾等不願彼土世尊答曰諸賢莫念重說此辞當自改過所以者何於是佛土修二十億那術百千劫殖衆德本不如忍界從明至食為人講說度无極法開化愚冥歸命三寶今受五戒釋于聲聞緣覺之道是菩薩大士甚難於彼何況誨之使為沙門捐俗近道以法將護勸助導示善法之義或復昌顯立之大道此為菩薩大士難及之教所以者何其忍世界多有患難又問何患世尊答曰柔音軟響使賢者身壽於那術億百千劫聞受无數諸佛國土本命極長不可窮究共計忍界懷姪怒癡无量惡法而不可盡今吾口說彼人罪福因緣所著又以佛慧了了分別其忍世界瑕穢之垢未央可竟今時柔音軟響菩薩大士三反揚聲而歎頌曰妙哉能仁如來寂慈師子人中之王道德巍巍无所罣

尋念世尊明肅然恭敬因本功德其
意之願而為衆生乃忍勞黷講說道
義除姪怒癡无量蹇法教發聲聞緣
覺之心開化以漸使逮佛聖顯道深
慧用一切故遊衆德本志无榮異諸
菩薩等取七寶華其色光耀无數百
千清淨无埃又無量葉生金剛莖其
華之藕上猶交露微妙栴檀衆寶合
成瓔珞分布而為莊嚴心達眼明宿
之本德所發興化現雅聖行猶如幻
化欣悅盛意踊在虚空手執此華遥
向釋迦文如來至真等正覺願彼忍
界一心散華如雨寶蓋繒綵幢幡東
志供養能仁如來已散衆香而燒栴檀
雜香擣香自於彼土五心投地西向
稽首應時讚曰南无能仁佛等正覺
及彼忍界菩薩大士无極德鎧志於
精進意无慢恣德備巍巍其心究竟
極尊聖妙奉於正法以法為力慈愍
衆生而奮大光等習一乘異口同音
俱共歎曰願欲奉覲能仁如來至真
等正覺及諸菩薩佛之教訓今不斷
絕於是取選光明蓮華開剖如來聞諸

菩薩歌頌之聲察其心源為諸菩薩
大士行以佛法分別要義令心悅豫
告菩薩言諸族姓子汝等寧覩能仁无
著正覺及忍世界諸菩薩學人民之
虔修彼佛教順化衆生欲度危厄志
懷慈愍於深妙法未嘗恐懼不以為
難未嘗謗訕殖衆德本心无所著不
望想報奉於六度无極之行菩薩大
士生忍世界即崇能仁如來宿之本
願遵奉正法以道為力覺諸佛行菩
薩答曰唯然世尊承佛聖旨普悉見
矣又去來現在諸佛之慈恩也永無
疑網取選光明蓮華開剖如來等正
覺告柔音軟響菩薩汝等當與文殊
師利俱至忍界奉修訓誨使心燿然
柔音軟響菩薩白文殊師利吾等欲
詣能仁如來觀忍世界承仁聖慧令
願得果文殊答曰快哉行矣衆族姓
子諸佛世尊難見難遇所以者何億
世時有當共僉然供養奉事所以出
世於十方界矜愍衆生化入大道令逮
覺慧當為一切歧行喘息人物之類
供順修禮諸佛世尊諮問經典令十

方人獲致上慶菩薩答曰今吾等身
與尊者俱奉見諸佛歸命啓受習學
聖智慈化羣黎

於是文殊師利稽首禮彼寂選光明
蓮華開剖如來至真等正覺繞其三
帀與諸菩薩恭肅敬意及舍利弗聞
佛說法受其教命視佛无厭觀身五
事若如幻各以華香旃檀雜香擣香
繒絲幢幡以供養佛蒙佛本德心堅
意固遵奉三寶欲度衆生奉侍佛焉
說此適竟如申辭頃忽然不現則至
東方恒沙等刹佛世尊前皆聽諸佛
等行是經講不退轉方等无垢清淨
之明彼諸佛土悉无女人亦无聲聞
緣覺佛教一切佛土德義悉等鮮潔
之命猶如寂選光明蓮華開剖如來
佛土等无差特菩薩道場充滿佛國
彼諸世尊蓮花皆同出其瞿中文殊
師利普如座上感動變化威儀如一
供養諸佛東方南方西方北方東南
西南西北東北上方下方時於十方
各如恒沙諸佛之土文殊師利悉現
其前无不同遍彼諸如來盡悉講是

不退轉輪方等无瑕一切侍者恭敬
肅肅志存大道在蓮華上長跪叉手
自問其佛能仁如來何故興此三道
之教恚欲往詣能仁如來諮啓法化
從文殊師利求恩見濟十方亦告諸
菩薩曰汝等待衛文殊師利俱至能
仁如來佛土於是忍界閻浮提處夜
尚未明賢者阿難時見光明從軒窓
入即從卧起欲出精舍覩其祇洹光
耀如晝仰觀虛空亦不見月察其祇
樹但覩其水青青如璧柔軟且清了
不復見樹木房室心自念言今日且
當講大深法以故先現此之瑞應於
時阿難舉足入水水不著足无所濕
溺欣然大悅往詣神室欲見世尊見
千萬蓮華繞佛神室又聞洪音作若
千伎蓮華出光照於祇洹及舍衛城
三千大千世界靡不明達志懷欣豫
偏袒右肩長跪叉手稽首作札自歸
於佛明星出時夜以向曉諸大蓮華
繞佛室者大蓮華入於祇洹正住於
中阿難心念今吾宜往為佛施座此
則說法本之瑞應適布座竟尋時三

千大千世界六及震動十方佛土各
十恒沙亦復如是大意咸達莫不驚
欣青蓮華紅蓮華黃蓮華白蓮華普
遍佛國自然生樹枝葉華實亦以茂盛
諸比丘衆各欲出屋不能自致見祇
樹園為水所溺水軟且清住精舍戶
惟見大光各心念言今日當說大微
妙法以故先現此之變應彼時世尊
能仁大聖從三昧興出其神室就師
子座佛身適坐應時十方一切世界
諸佛世尊身奮大光色色各異不可
稱計於彼黎民莫不覩焉於是文殊
師利周於十方與衆菩薩遊諸佛土
普供養遍是大菩薩導衆大士神足
示現不可思議救利萌類持順佛法
教化度脫隨衆所樂而以開導為十
方人各說法竟文殊師利見能仁如
來坐師子牀諸菩薩俱於祇樹園從
地踊出與无央數億億百千那由
他一切菩薩繞佛世尊无量之而各
化蓮華不可稱計有十万葉其色各
異以供養佛是諸蓮華布佛境界无
空缺處又此菩薩散旃檀香雜香搗

香妙香其香悉熏三千大千之國土
皆興美香布施遵戒忍辱精進一心
智慧善權方便神通之香分流法香
六度无極菩薩微妙道慧之香具足
經義修行之香是輩衆香盡衍大光
其明周遍十方佛前勇猛意强承佛
威化供養能仁如來至真等正覺過
大精進勤修正道其心堅固莫能踰
者歸命如來時文殊師利與諸菩薩
一切衆生莊嚴如意摩屈現衆寶樹
八品行行有名寶樹邊豎幡交露珠
帳紫磨黃金而以校成明月珠地化
造屋室講堂樓閣天窓軒牖刻鏤龍
疏泉源陂池江河之流苑囿泉水中
生蓮華青紅黃白紫皆明珠无不周
遍地出甘露有八味水欲悅衆生示
現大道發菩薩意之所當行故為一
切垂哀變化文殊師利承佛聖旨順
已道力能仁如來本之肝願故以此
變開化衆生柔音軟響菩薩等俱多
所勸助不可思議无心不善心思
唱導被大德鎧順其精進身行高德
昔心所志莊嚴虛空一切畢竟皆住

佛前於是世尊遊以道教放法光明
照文殊師利及諸菩薩大士之等使
有牀座應時自然十萬蓮華從佛身
出光色無數不可稱限百千顯耀而
獨照明以寶為莖珍寶之珠遍垂周
帀摩尼交露栴檀雜香師子之座是
諸菩薩大士之衆皆坐其上處于虛
空時能仁佛臍中有光号曰金剛又
名救濟衆生之類而放此明億百千
蓮華光曜各異无能計量蓮華光明
清淨微妙紫磨金色交露之帳甚香
鮮潔顯照十方无所罣碍此蓮華中
自然化出億千蓮華一切諸佛皆受
法界平等一類訓誨衆生起度脫門
及言教聲空无思想不願之法無有
邪行不起不滅三世等空其目清淨
自然軌迹化出億千名寶蓮華文殊
師利安詳雅步其心寂然則坐其上
不著佛身佛體无想心念世尊覺了
一切所志三昧号踰金剛而學能仁
如來至真等正覺之法則行越空无
不慕三昧
於是世尊見文殊師利及十方佛國

菩薩大士坐訖念定修諸佛法供養
過去無數大聖文殊師利所見攝持
心不怯弱順佛道行處師子座時佛
則告賢者阿難汝去遍令舍衛祇樹
園中內外比丘比丘尼清信士清信
女信樂三寶佛衆僧殖諸德本行欲
向城志使來集今當說法阿難受教
遍行宣命比丘對曰吾等今夜見大
瑞應即時察知當講大法行深要事
欲得往會不能自致時阿難問何所
妨尋答曰皆見祇樹為水所溺水青
如壁柔軟且清不見樹木屋室悉沒
惟見大光以此之故不能自致於是
阿難具以啓佛佛告阿難此比丘等
閉隔不解都无有水橫造水想如此
比丘無水謂有不但齊是心意不開
無色痛痒思想生死之識反謂有矣
不持信謂持不奉法想奉未致八等
心想獲矣道迹往來不還无著之道
亦復然矣不成聲聞心念辦矣不了
緣覺心想致矣汝復更往重告來會
阿難受勅二令語如世尊教還白
佛言今四部衆皆來集會

於是世尊告賢者目連汝至三千大千世界悉呼深學菩薩大士被无極鎧志求大乘比丘比丘尼清信士清信女天龍鬼神犍沓起阿湏倫迦留羅真陀羅摩睺勒人與非人使知今日有大法會未聞之要四部弟子人與非人或天上或處世間皆以奉敬過去諸佛志於大乘學住一道心慕大慧妙尊取上巍巍无極菩薩大士被巨德鎧求利法義精進不廢悉使來會聽深妙法目連受教承佛聖旨自以道力如申臂須遍三千大千世界宣告如有未嘗法當共普聽尋以神足還住佛前白世尊曰宣告已周今時四輦圍繞充滿四十萬里諸天龍神住於虛空五十万里无空缺處

今時文殊師利白世尊曰今四輦人志來聚會諸天龍神填於虛空悉共一心叉手礼佛皆觀如來威神之變光耀暉暉靡不通達衆會坐定恭敬恭肅願佛說法於時世尊即尋欣笑七寶蓮華從地踊出蓮華之葉有无央

數百千交露之帳如大高車超天帝座垂明月珠赤珠瓔珞衆珍為幢向於八方欲濟八難一切衆會四輩弟子比丘比丘尼清信士清信女諸天龍神捷奢瑟等人與非人悉坐其上普察尊顏文殊師利所從菩薩大士之等相好具足威神巍巍志同一類在蓮華上一心叉手恭敬元元察佛聖德及文殊師利志求大道於是文殊師利前白佛言今四輩衆諸天龍神咸皆渴仰願佛讚說不退轉輪離垢之法此比丘比丘尼清信士清信女諸天龍神无央數千懷篤信想奉法之想志八等想道迹往來不還无著聲聞緣覺各興此想是故世尊蠲除此念何故如來光于持信至於奉法顯緣覺行於是世尊默然不應舍利弗白佛言唯然大聖吾於後夜寤起出屋詣文殊師利覩世尊室則欲進前見十萬蓮華繞如來室出大光明照于祇樹舍衛國城及三千大千刹土聞洪法音伎樂之聲惟佛解說此何感應佛言今當講此不退轉輪

文殊師利俱共分別是之本瑞阿難白
佛今於後夜見大光明從軒牕入寤
從坐起出見祇洹為水所溺水軟且
清不見樹木及與精舍但見大光此
何感應佛言今文殊師利當說深法
不退轉輪是之本瑞於是世尊為賢
者阿難說頌曰

此諸佛不我一乘而无上其軟音勇猛
因緣興問斯是乘則清淨佛道无有上
普柔音勇猛今所興問斯此乘无想念
清淨離調戲普軟音勇猛今所興問斯
普軟音所問救濟一切乘非處无所成
不起亦不滅一切所咨嗟此不成道集
世尊為本无此教則成實普軟音勇猛
今所興問此於此離響者一切聲平等
普軟音所問因動而有聲其聲不可獲
法无響音无字普軟音所問法聲等如風
離形无所立欲令度響著阿難且聽是
普音之所問道正法時身塗想亦復空
諸佛等正覺空寂无有相說設若不說
一切法無住平等覺无色道迹之所趣
獲来不還及此佛所說法離形遠眾相
如虚空无数佛道如不著此為普音聞

過去當來佛 于今亦復然 為現道慧意
未嘗見有塗 不可覩法界 但以音聲耳
分別經本无 此法乃為道 布施度无極
淨戒亦復然 忍辱度无極 此說現佛道
精進度无極 一心亦俱然 智慧度无極
現道之慧明 佛善權方便 神通度彼岸
假聲講佛道 於俗无所著 為現三乘教
宣揚說果聲 導師之所講 隨順察本性
吾興五濁世 知劣態廢人 故為佛乘者
使人成大聖 吾現四果音 已成无著道
因音謂聲聞 諸法无緣會 所謂眾合會
教皆有所立 現在獲因緣 故說目前法
羅漢謂聲聞 因觀成緣覺 永不起法忍
菩薩之所覩 其空无有想 平等禪不願
三脫之門音 以故說泥洹 不著於往古
來現在亦然 十方之所興 不起无所有
普音今所問 法深妙无量 遠力之至誠
不廢致果想 以專於一乘 不想一切法
故啓問於佛 德果之緣念 此三世平等
空寂而无想 已度一切音 不倚著佛道
猶如有二十 江水之流沙 菩薩數如此
普音之所化 從諸佛聽採 菩薩所修行
三塗適平等 讚揚入大乘 普音志勇猛

為決除衆網興著生德果故問吾道惠
此佛所建立修願亦如是遊演三乘等
以濟勤苦患普音志勇猛因為此等造
啓道師講法示菩薩道行諸天億百千
處空供養佛志好於德果欲決此猶豫
其四輩比丘比丘尼居士想著於德果
故分別令解普柔是以問拔除諸疑網
此諸菩薩會猶欲採此法
阿惟越致遮經持信品第二

於是世尊說此偈已賢者阿難前問
佛言唯然大聖文殊師利今問如來
不退轉輪乎告曰如是乃當講說不
退轉輪耶佛言阿難諸佛世尊因不
退轉為應說法阿難又問寂勝何緣
轉持篤信至於緣覺如來惟顯菩薩
法乎答曰如此阿難當知惟暢菩薩
經典為上所以者何吾身故興五濁
世用態廢者志懷羸劣諸佛當以善
權方便隨時之宜講說經道少有志
樂微妙之訓多慕卑劣是以如來善
權方便而為現法開演大乘乃應本
要是以觀心順所發意而救度之志
若得入調柔安隱无所造立苦樂得

除誘無從生不起不滅無為之安漸
向大慧一切之智於是世尊默而不
語也

尔時阿難問文殊師利如来何故默
而不言答曰俗人少有信此法說此
諸羅漢無數百千心中愕然不解如
來何故說此殊異經教吾今日覩此
四輩人心驚狐疑曷因如来演處持
信至于奉法緣覺有尋欲令進達此
無數億諸天龍神咸共猶豫何因如
來顯叙菩薩道迹往來不還无著緣
覺之道无量菩薩億百千娛不了
世尊以菩薩道歎詠執信至于奉法
四果緣覺一切江河川流泉源室不通
行飛鳥在空中不能進退日月不前翳無
光耀黯黯晝昏所以者何此法微妙難
解如此是故如来默然不言彼時十
万蓮華繞佛室者一切同聲咸共勸
助唯然世尊講不退輪清淨方等經
典之要吾等常從九十二億百千娛
佛聞此經慧於斯佛土弘修是法時
舍利弗復前求哀惟願大聖演不退
輪吾今後夜與文殊師利俱遊等至

十方無數佛土聞諸佛世尊說是妙法於時虛空中八十五億百千娑天自歸請求欲令如來說不退輪吾等此土從九十二億百千娑佛諮受此法賢者阿難復白佛言惟願加哀說不退輪何因世尊咨嗟篤信奉法之義至于緣覺此四輩人靜然无聲欲聽世尊分別說之今無史數百千之衆閉結不解何故世尊光顯菩薩持信奉法至于緣覺當决大疑惟願如來興隆大哀蠲除所滯普共證明信以聖道佛告阿難如是如來至真等正覺不釋明證而說經道阿難白佛何謂明證衆祐荅曰明證經籍及諸聽者然後說法如來法力寂明等覺因其明證而為分別阿難諦聽善思念之今為汝了如來所因光美菩薩持信奉法至于緣覺於是阿難與諸大衆受教而聽佛言阿難何因如來讚揚菩薩篤持信乎於是菩薩開化无量不可計人使立篤信得覩諸佛已見大聖不著佛身色痛痒思想生死識亦无所慕五陰如空是謂菩薩執

持篤信又阿難菩薩信諸法空如來
所說等無有異又阿難菩薩信成佛
慧心自念言何因致其平夷之智了
不見慧之所歸趣如是等觀謂持篤
信又菩薩不信五欲獲致道力是謂
篤信又菩薩何緣調心分流法施獨
遠如來至真等正覺其心澹然篤于
法施心懷此念是謂持信又菩薩一
切所有皆能惠施不惜身命勸助於
道不擇布恩无所矜恡一切是福勸
助於道等造空觀不見菩薩如是察
正則謂為信又菩薩篤于佛道而心
不荒好寂寞法攘捨六情不慕諸種
志於聖軌其不篤道開化立之令順
佛經勸使興樂發大道意不得彼心
而无所著等於法界何謂知等惟言
聲矣等諸四大諸種叵獲有信所作
萬物無常苦空非身則致此力信聖
戒義而无放逸清淨之禁定意正受
寂滅无為信一切界悉歸空盡身等
无異是則信根如此等觀不捨衆生
覩一切人法界同等則不復見法界
所在所以者何一切羣黎究歸法界

假使篤信諸法如此是謂持信又菩薩皆信衆生諸有欲貪亦不有受猶空自然不見衆生之所立居省視一切鼓行喘息人物之類志是泥洹所以者何衆生空故審實本无故見衆生志為泥洹令無數人奉信如此以是菩薩則謂持信於是佛頌曰

開化无数人令見无量佛於彼无所著是則謂持信信解一切法分別皆為空篤樂如此教是則謂持信志慕於道慧心常思於彼吾已當因緣逮心所志明於五樂之欲未嘗信樂之以得此信力是則謂持信信於奉禁戒吾何因逮成興行於法施猶如佛大聖彼勇猛之士心信行布施志无所想報是則謂持信敢有乞求者一切等心施既興无施想是則謂持信好樂於惠與一切无貪垢皆已向聖道是則謂持信蠲除於六情覩了无所求以獲得法力是則謂持信恭肅向於佛究竟心鮮潔常篤於道法是則謂持信遠捨於六病其心无所求五陰以永除是則謂持信若人不如道勸化令欣樂不疑於佛法是則謂持信

若見歡喜者勸導其道意自察心不得
是則謂持信慧平等六裹法界不差特
於土无所獲土界言聲耳心常思終始
若空无吾我於慧有大力是則謂持信
好修聖禁戒清淨无放逸戒定具足成
是則謂持信好樂寂然界衆生亦復然
彼為有至相是則謂持信不捨一切人
法界亦如是計彼衆生種經界无思議
如法界无異是信乃為了以故歎篤信
菩薩无所畏衆生皆自然計了无住處
普了明法空彼處不可得一切人无為
其羣黎亦空此為寂涅槃故為一切顯
菩薩若勇猛解衆生如此以故得名号
稱揚於持信行篤法如是歎之為持信
阿難當持是分別說亦然阿難吾因此
遵行道无餘是法成等覺菩薩演光明
如是阿難如來至真等正覺以此之
故歎立菩薩則為持信計視此義善
權方便而開導之

阿惟越致遮經奉法品第三

佛告阿難如來至真等正覺何因讚
揚菩薩奉持法乎菩薩於此存於佛
道而不退轉執持覺軌了了分別不

越法界不可思議逮得經籍所可捻
持常處不動志順法句質一切疑諸
法自然无所倚著所可捻持不有依
立順於捻持不專經本志常樂聖欽
敬道者於一切法而无所受以不受
行乃為演說法志性仁調進止安隱
講寂然經於此持法不倚不捨一切
自然則聖道相以獲此義未嘗越失
其身所行體常堅住世非有處何謂
菩薩常觀察之未嘗見此身安諦住
自順正法等于境界不去不來作是
解知諸佛菩薩所可說法逮得此籍
清淨无垢見一切法无合無散觀諸
經典忽然不現所以不見諸法无為
以故不見以不見法則无所持知界
虛空則演經籍諸想自然不有調戲
无形清涼離心無心心不可得設不
可得則為道心而无所去來講寂然行
不有言說无所慕求於法如此无依
因者所以不倚不興法貌常順經典
是菩薩法而无所著不生泥洹彼說
此義猶如顯致不慕種姓以獲如此
捨諸種姓逮菩薩行无所得法於諸

往返不去不來一切諸慧无去來今
執信如是不動不搖不退不捨奉持
諸法不急不緩是謂持法得菩薩道
既得聖行則无所得以成如是菩薩
大士名曰奉法佛於是頌曰

一切諸佛法未嘗有退轉奉持經如此
是則為持法講諸佛佛法无想不自然
甚深不可得是則為持法未嘗毀諸界
法界无思議以得致彼義則謂為持法
奉法懇懇懇諸佛之所行其心无所著
則謂為持法所執无進退一切法自然
衆經无所著則謂為持法不立於寂滅
奉持履大迹以隨順彼典則謂為持法
道常為法身慕求微妙說棄捐於懈怠
是則為持法聽經則採受學思而翫習
性仁遊居安是則為持法常講澹然義
執經而不著得致无想行是則為持法
堅心立於道明智行无住於身常无身
彼解深如是以致於空身法界則平等
无往亦无來分別身諸想諸佛及菩薩
所可講說法普逮此經典是則為持法
一切法无為彼界甚清淨以奉此經者
是則為持法廣察一切經適見便不見

若不見諸法 彼則无所持 是諸界皆空
則為講法界 自然離衆想 无形不調戲
其心捨諸有 志亦不可得 設不能逮心
此念為寂上 所志無有意 講法寂然義
无言无所著 是心乃為尊 以能奉此法
所興不有著 不倚於諸界 是則為持法
菩薩所奉法 如是應經籍 不依无所舉
示現无有造 如是行善訓 順彼諸種姓
以得是義者 故讚揚種姓 以殖於此姓
謂為菩薩義 能順此捨持 是則為持法
了不見諸法 一切無所趣 其若咸馳至
亦不是彼法 當來亦无趣 其解一切法
分別了捨持 不制不動搖 非捨无所追
彼則興造法 不舉无所下 捨持樂於法
於諸法无法 講說不有著 不得於諸經
是則為持法 阿難吾以故 開演菩薩行
逮致微妙道 是則讚諸法 阿難吾以故
歌頌奉法者 用人想道玄 開導此等類
降此无数法 菩薩之所讚 善權永安隱
故歎於此經

佛告阿難是故如來至真等正覺讚
揚菩薩捨持之法此所現義亦善權
方便

阿惟越致遮經八等品第四

佛告阿難如來至真等正覺何故讚揚菩薩八等之義於此菩薩遠于八邪獲致脫門而无所著不倚八正度凡夫法立於道義獲致中正起于凡俗願立道慧不見得塗出於邪運常住正觀獲平等跡離於貪身願住道義逮致佛身除超人想常思佛教等心一切遠衆生者常處无猗諸法志斷所以者何法不可獲身所崇力離世俗籍慕度世典獲定法界不逮道法亦不離俗釋有无義遵修平夷捨斷著想去來現在心念无殊不得道意所以者何等志一切遵修普慧毒火刀杖不能危身志捨諸界致于佛土不離諸道立无去來道所往來輒弘大安故曰菩薩塗不有住所以者何佛道則空是故无處以无所住刀不向身无能害者斯謂獲安適逮此行无學不學亦非所求不得聖賢志未嘗慕以是之故刀不能害身无能動搖一切道遵空分別空慧刀不能害用弘大慈愍於衆生得寂定界建

澹然界弘施非哀棄猶曠志其行慈者
則發明慧以慈化世成就大衆不得
人處厥慈具足刀不能傷等於欲界
色界无色界等于法界平均之界道
無若干不興識念无有瞋恚離於調
戲寂然无音法界如此度諸所有善
薩造行諸可專心一切音聲所至到
處法莫有所奉不住終始羣黎所趣
但音聲耳肝爲了了講法化者有无
說想與其言也以捨我想度諸音聲
越于等邪逮得是教解一切法言音
聲耳亦不獲法莫有度者是謂八等
未嘗慕著一切音聲佛於是頌曰
以住於八等逮致八解門於八无所著
是謂爲八等越八凡夫行得住於正議
不覩中間慧是謂爲八等超度俗夫行
得住于佛道於是无所獲是謂爲八等
遠離衆邪見遵修於正見獲致平等道
是謂爲八等以除於貪已而立正聖道
逮致得佛身是謂爲八等棄捐衆生想
常志修佛行平均吾我人是謂爲八等
得越衆生想住於无所處諸法盡逝過

是謂為八等

捐離於俗法

奉修聖正教而致寂然義

是謂為八等

所去為俗法佛道亦如是

於此法无得

是謂為八等言有一本耳

無有二元際

蠲除如此念是謂為八等

不處於中間

无志斷著行道慧如平一

是謂為八等

不得過去心當來亦如是

平夷於現在

是謂為八等始无心所由

其發道意者

此心不可獲何緣如致道

以入無所著

如聖无可獲以故刀與毒

莫能危之者

脫離於五道衆相之所由

具足於往返

是故謂无欺道捨不周旋

所言音聲耳

棄除諸響著是故不自欺

不得其所由

從來亦如斯去來惟音身

但勸於學者

安化故有言其安亦復空

以應如此學

故能不自欺菩薩所翫習

了學如此慧

一切无所斷是謂不自欺

彼不自貪已

設有利刀刃不能加害身

莫有動搖者

普慈於一切樂道之大哀

捐除恚害心

利刀莫能加設有欲害者

自計身空无

而致獲佛道刀則何緣傷

逮得澹然句

棄除諸惡道一切殃盡滅

刀刃不能害

成就於明慧聖達无所乏

顯耀逮佛道以故刀不害欲界及色界
无色為三界等同斯三界是故不自欺
等種成正覺不見名別異无陰豈所淨
清淨遠調戲入斯平等跡故曰為菩薩
若著音聲者无離於五道雖言至法界
講其无所去以逮不住忍謂之為八等
分別諸響應講說寂然法無念非有名
故謂為八等除釋一切音而得无聲界
不著一切響是謂為八等因聲解諸法
一切法自然諸法无有名不見有度者
阿難我是故讚揚正八等義響而趣斯
是亦无所獲

佛告阿難如來至真等正覺歎美菩
薩演八等聲斯議所趣權慧方便也
阿惟越致遮經道跡品第五

佛復告阿難如來何故咨嗟菩薩為
道跡乎軌能通流至於佛心菩薩住
此諸所興造永无所立不進不態度
一切法逮于佛流不著仁慧非猗於
法無所著行而弗有處具足妙行得
獲聖跡精進菩薩其力堅強心慈忍
辱未嘗慙怠捐除憍情慕求妙道世
遵寂上不著聖行亦無所住存在斯

道而求諸法其所索者永无可獲未
嘗動搖雖住於道計聖生死佛慧平
等棄離衆樂而等陰蓋滅除一切貪
身邪見勤修觀佛察彼精進以觀聖
軌悉除諸想起度吾我是謂道跡不
著佛路得无為覺不疑聖慧佛之戒
禁不猗於世不覩其戒以無所見則不
有求戒莫而慕除釋三結正住三界
乃獲大安護衆生想不猗不塗捨一
切著乃得佛道致寂然跡不計身命
一切所有施而无惜諸根常悅捐除
恚色遵修聖行雖以惠與无所放施
救羣生隘既有所度不住无為越一
切想興无念法棄捐人想而逮斯慧
不懼衆會論于寂滅用淨佛道超度
諸難不畏生死所以者何逮澹然法
而無瑕穢聖化妙安知無往來鋤衆
類想但正道明志清淨行時佛而頌曰
講論彼道跡佛聖无思議計衆有住者
則為道所持聖慧寂上安不猗衆想網
空寂不有住於彼无所得以獲斯道者
菩薩志堅強惟趣是聖教世尊无有上
志道不有貪心常採大慧以是為道跡

不倚无所著。所謂生死想。佛念亦如是。
具足正平等。是謂解道跡。无有衆陰盖。
演拈於道法。是故除一切。了斯為道跡。
衆生皆倚身。興心觀佛道。其意志所察。
常覩于聖路。身本時興結。凶危想有我。
以故无塵埃。不著于佛道。初志懷狐疑。
將無不得佛。以釋斯猶豫。正立于佛道。
假使識於戒。及佛所演禁。蠲除諸戒想。
无應不應禁。超度於三結。等住于三界。
則獲致佛道。分別衆生想。習空明軌迹。
而願求大慧。逮志聖寂然。不著于佛道。
常捨心布施。棄捐瞋恚色。以故无有命。
存道无放逸。一切不矜憍。救濟衆惱患。
是故謂道跡。住處于上路。未嘗興諸想。
當習无所著。斯已而不懼。不遊无禁戒。
若習諸經籍。善權捨諸求。覺了衆音響。
處世无所畏。設至於衆會。則不有諸難。
便唱澹然法。淨治于聖道。造時興人想。
以解自然行。用无强著故。則捨衆畏難。
若捨衆患害。便不畏終始。逮得淨然道。
離垢安寂上。等了惡道休。斯以无所懼。
平等上聖軌。道恩則不離。斯即菩薩法。
為現道跡事。用解廢劣人。導利彼故說。

以微妙善權 講論佛聖道 若入菩薩者
是已為唱導 導師所演法 常合善方便
本行亦若茲 志慕于佛道 我是故阿難
分別說道跡 朦冥如意塞 多想求如此
為說不能解 愚駭心冥冥 謗訕慧精進
聽諸志深要 阿難吾是故 歎美於道跡
設了菩薩无 是輩能解耳 无數百千籍
訓化於道跡 履軌之音聲 為現佛道明
佛告阿難如來至真等正覺光耀菩
薩謂為道跡當知是義善權方便也
阿惟越致遮經往來品第六
佛復告阿難如來何故暢說菩薩為
往來乎於是菩薩入於佛道不可思
慧志求聖覺无量因緣於諸憤肉无
所興造設致大道慧斷諸繆慕索佛
明求不乱禪越一切定釋諸塵埃乃
遠致法等佛典籍了一切經惟求此
義如來所護道德之明人未嘗動无
所轉移則為法界憂念衆生心閑意
塞遭衆苦患不了經典慕求佛道立
之此慧而志大明根力覺意脫門正
受分別是義吾身如何開化衆人今
慕佛道常以此明勸化道場而求佛

眼心无陰盖若入正觀導利世間所志
慧因諸聖之上其不了慧一切諸法之
所歸趣明不可獲以是之聖不求衆生
便當立之於此諸慧了法无處以故當
來觀羣萌界求无上處慕於不念非
得彼界不来不往成就衆生往亦不
往開化人民了黎民處分別此義隨
其開化觀是諸法一切衆生皆存法
界察以不見等御法界則省一切經
典平夷觀于大道以佛聖慧不得人
無了人道等求如是像无持之慧離
垢塵埃故慧无非處其以无慧求大
明軌不可望聖是慧慧中之大明慧
不有諸求求亦無所慕是謂聖明之
智菩薩所行能得是者以故求來此
謂往來於是頌曰

此智有往返佛慧難思議是故謂往來
志求於佛道開化多因緣乃成於佛路
是事順慧均慕求不復還不徇一切禪
勸化諸塵埃欲救濟斯等具足於往來
佛經平等法分別人无相曉了如本无
已故謂往返所可獲法者達了一切慧
吾亦當獲是欲求所住處未嘗動衆生

及計諸法界故謂於往來不近所歸處
憂念無數人少智既遭患欲立於斯慧
則求佛入道根力及覺意講詠三脫禪
分別斯義已故求佛聖道志慕於道場
過去佛所猗故謂為往來則立存大聖
慕樂慈愍眼佛眼無思議是故為往來
慕于佛大道諸佛之聖求世尊微妙義
自志斯深慧一切智寂上明智之所了
一切法之歸其慧不可得及以求道者
濟之無數人立之於上慧以故為往來
來者有所求懷來覩佛界人界不思議
故以為往來於彼救衆生省察衆生界
求之不可得故以為往來慕心於法界
羣黎无所趣及一切人界若曉了彼處
順所遊分別覩一切諸法見以則不現
常一心定意求佛大聖道如是微妙慧
无垢而清淨而明所分別其智不可獲
菩薩所欣樂開化於衆生則獲彼明智
何緣來至此吾是故阿難論講于往來
為少智之人覩示所興念吾是故阿難
論說於往來人懷精進者余乃曉了此
有德者分別解深妙之義能獲於斯德
速得成大道

佛告阿難如來至真等正覺頒宣菩薩為往來當知是義亦是善權方便也

佛說阿惟越致遠經卷上

癸卯歲高麗國大藏都監奉
勅彫造

佛說阿惟越致遮經卷中

草

西晉月氏三藏竺法護譯

不還品第七

佛復告阿難何故如來說美菩薩為
不還乎於是菩薩一切所存處處造
行超越諸有而逮佛明蠲除諸行降
伏此已則不復還所以者何見一切
法不有往還超度凡夫捐捨俗慧入
佛明智獲無所住諸法平夷所以者
何用致寂界非動凡夫不立聖道塞
諸惡路免濟情欲於食無食逮上明
迹拔去諸見則無所著无有諸邪六
十二見已越生死觀於汨汨踰之无
為釋棄衆想不隨經籍淨垢惡道捐
棄貢高不懷自大出於无照憂惱之
先破壞愛欲滅除衆冥拔去貪樂捨
置塵埃憍慢自恣止息斯尋遠離世
智故思佛乘等獲聖慧菩薩捐志捨
愛欲界則習本淨過去聖滅之志厭
慧无上諸佛所解欲以顯思一切衆
生極尊無極為一切乘此則佛慧菩
薩獲斯諸想无想等除一切狐疑之

界菩薩逮是則不復還又問阿難其
有人不住於道志當立之以道是者
覺了衆生明尔則道能覺如是則制
人想所以者何知於空事人界難議
平等道慧所以者何分別若此群黎
之種則空淨界人種亦空遠於衆想
一切諸人與空無特許不有身不獲
不住彼則亦空虛空無空免一切想
無念致道蠲除衆生虛空之想无棄
不棄所以者何一切諸法皆為平淨
一切衆生而無所捐等於所釋故無
所得已不有獲是以不來此者乃計
為之不還有為无為於一切法覺了
所會越度諸患故謂不還於是佛頌曰
彼則無所生造行如所處蠲除諸所住
是謂不復還曉知於往還不著一切法
所住不可得是故不還此其凡夫之行
及佛世雄教不然无所量故謂不復還
諸法无復來亦不得諸住以獲无去來
是謂不復還其人未嘗住不至於三塗
逮致佛道明則謂為不還决除一切欲
於食而不著得至於道場則謂為不還
衆見之所行分別六十二不墮於彼際

則謂為不還 此法無終始 已捨離諸畏
斯慧如本无 是故不至此 所應無為寂
不著諸塵勞 逝除彼衆想 是故不誚此
已斷諸惡道 洗去衆垢著 學寂然无為
則謂不復還 降伏於弊魔 及官屬兵刃
永无有衆念 是故不誚此 挽拔癡憂惑
蠲除愛欲根 斷截盛貪婬 是故不誚此
降制諸塵垢 拔去於衆想 究竟至尊慧
故謂不復還 捐去衆愁惑 破壞於貢高
憶斷於五陰 故謂不復還 志無得光明
佛乘无有上 不貪愛欲患 故謂不復還
已知佛藏處 諸截中第一 過去佛所辯
是故不誚此 彼處於尊乘 佛聖无有上
截去諸狐疑 是故不誚此 受千无数人
勸立於佛道 以得立聖軌 是故不誚此
曉了空无界 等心於人界 遠離諸著想
是故不誚此 曉了一切界 法界亦如是
衆生不可得 是故不誚此 分別黎民界
虚空無思念 一切法如是 是故不誚此
其人而无心 退除於衆想 諸念不成道
則謂為不還 吾是故阿難 歎說於不還
諸事永不來 得住於佛道
佛告阿難是故如來至真等正覺歎

美菩薩為不還亦當知此為善權方便也

阿惟越致遮經無著品第八

佛復告阿難何謂如來歎美菩薩為
无著也是菩薩沒一切行離於處土
不倚諸佛度脫衆生不有所造塵勞
之垢及與苦樂以滅色欲救濟一切
故謂為无著弗得衆生不獲欲埃非
貪如故謂無著釋去侵欺覆无所住
一切法空以了寂靜不習衆想諸想
以定則除衆思不計有人壞滅所志
而智空法得無所著佛道无思具足
不怙故謂无著演說典籍破壞衆瑕
歎於徃古等正覺教當來現在而不
放逸清淨離穢唯論寂然故謂无著
菩薩大士開化諸人立于佛道求聖
路者於一切法而無所慕具足慈心
行佛之仁永不有覆彼慈如此故謂
无著化立衆生亦不得人究竟大哀
曉了不覆故謂无著為衆生故加恩
見道法无法想斷除如此故謂無著
讚揚覺力計有願數獲於不住知拔
除衆根志化衆生了清淨法使成道

義永不有倚故謂不著觀不依處制
不貪身於諸万物非有所依求及與
衆會不毀万物講有為法如是无本
故謂无著遊諸佛土去无所至不起
本末覩佛聖尊覺道无寂故謂无著
非有依處立如斯土於無量刹平等
諸國不調戲界清淨不足住福德之
域空无諸刹不退轉地無有女人釋
去塵勞睡眠之志得佛聖國除陰盖
土降魔官属去諸怨敵入寂然土感
動變化立於願刹土衆求國菩薩具
足之威耀住无所住觀獲佛意淨印
印多所安國捨離一切瓔珞寶飾衆
垢之瑕究無為地一切寂尊成如是
像微妙佛處諸法皆空具足道行故
謂无著蠲除衆樂諸根不可於一切
法不瞋不怒寂平等乘則為佛慧身
口心同習無上寂慕求聖道不著軌
迹不想思人悲念衆生無心不心勸
化無數億百千人使立大道開示萌
類使念佛法等諸人物導利無數衆
衆黎民令發聖意而無等倫一切諸
法均空特異本空慧同立之不想能

等如是知無所倚已了若此應其衆

生而為說法不慕諸利无倚經籍具足離根講法如是永不有言多所化濟不見度人救於衆生者斷諸事免諸貪身超越貢高覩一切法不起不滅開化羣黎万物之想令不壞色痛痒思想生死之識凡夫不動則應解脫而立佛法者道迹者化之不倚則成除勗導利所依令无佛想則為勉濟勸發菩薩弘不念心救道因緣諸憤乱意離癡狂詐具足三昧成就定意不懷衆想拔於邪智令覩正慧化發聲聞慕反迹者割倚父母妻子舍宅兄弟姊妹令除恩愛度著國土財色万物貪求之想塵勞顛倒開化諸著万物之想慕離於家而為寂志懶廢羸劣等脫諸相成人佛土欲垢之法興發道意心不有二未嘗生念是無為法此生死法因緣無緣道意俗心犯戒護禁開化此輩興二相者使其无念度諸根本故曰無著衆祐賢聖憐急精進男子女人頑愚聰達明聖間結導利此等令元二心救進衆

生故曰无著是諸菩薩成不退意或有受別又復不著斯諸菩薩近道遠道分別此義不生二想得遠聖路至不起餘而般泥洹便離發意而不有倚緣此諸法以開化人如是自然解一切法演無根本故曰无著時佛歎曰釋除一切行所尊亦如是棄捐諸言教故曰為无著鋤捐諸塵埃度脫動苦患救濟于衆生名之曰无著察人不可得欲垢亦如之諸法无可獲故曰為无著蠲去衆顛倒立心處不惑分別知法空可曰為无著了解知空義无有諸想著除去一切顛号曰為无著捐除一切想及人衆惡念心無邪乱意故曰為无著解空无所依佛道不可量品勉大精進故曰為无著講經所因緣淡靖无調戲勸人立道德與名曰无著真人修行慈欲令衆生安勸人不可得故曰名无著本无講經籍加恩衆生類未嘗有人想故曰為无著正真根力覺為人分別說己身遠此慧故曰為无著知人之寂定清淨法致道開演大聖教故曰為无著不信諸万物現目之所觀一切虛無有

是謂為无著 无倚諸佛土 在國行仁義
平等覺所處 為衆生講法 真人覺正教
則覩于无見 如諦觀聖覺 是謂為无著
成就自然國 今我得知之 究竟无本始
是謂為无著 除去諸所知 心不懷瞋害
應真如无恨 習成寂然道 定意而不滅
靖泊无所起 念道亦如是 故謂為无著
人物不增動 衆生界如是 億萌亦普然
化立道之義 群生及與道 所處永无念
計慧慈平一 是謂為无著 平等无像類
一切法亦然 心正若如道 故曰无思念
所謂為應真 諸法非所著 能為人分別
寂尔而無倚 為人講法義 雖言而无教
普度无量人 見衆不有動 衆生无可獲
諸民除斷著 拔人離邪見 度衆勤苦惱
一切法不起 所處亦無滅 觀衆生諸想
脫群民困厄 无增壞諸色 痛痒亦如是
想識於生死 濟之令无他 不動賢聖法
凡夫亦如斯 立之以佛義 度使志无著
衆人懷果想 及緣覺之念 超越於覺意
為人說此法 以興發道心 常依所布施
戒忍亦如是 故講无所倚 知解之顛倒
興習於精進 以除斯諸想 故說无著法

道意之所念 邪智若慧明 於此无所倚
故說无著法 是法不生念 了别无若干
而說如此法 故說无所著 自計已有身
聲聞多所念 以為除此想 故說无所著
諸法非有思 解知不若干 演說斯无根
故曰為无著 父母兄弟子 空寂之所有
則為生死行 不能成佛道 慕妻及姊妹
所倚皆婦妾 設其不有依 故名曰无著
造興生死事 則有親族念 見因有情欲
吾宿之友黨 自念身有我 心馳衆諸事
分別墮顛倒 必則處魔教 棄捐於生死
終始之灾患 讚揚沮洳德 故說於无著
所講勞垢法 興衰及諍訟 斯皆言聲耳
是曰為无著 衆所多覓利 放逸貪万物
欲救此等類 故說无著法 戀慕室家者
心念行學道 頑鈍意如斯 顯舉於无著
唯見卑賤法 不覩真妙義 弗省於衆念
故度至无著 除棄凡夫義 專精慕佛法
拔去衆民求 故曰為无著 若覩善惡行
如是衆數法 無量人亦然 故救放无著
以具諸相好 精進不可計 而倚於此相
仁賢得濟度 莊嚴諸佛土 成就尊上法
依怙覺正利 度之至无著 无為法之義

若得或不獲斯乃聖道行則能立正願
无戒不覩犯放逸及智慧闇昧軟弱人
便著斯三事衆生興此相諸念不可計
蠲除若干意故說无著法存慕聖衆祐
亦念於无德分別凡人法故說无所著
以得如是行男子及女人賢聖與凡夫
斯則興二心人起此二事愚行之所為
用倚是二際故度至无著迴動不退轉
興造而不作欲以近聖道故興心此念
獲致於大道不起无所滅心常懷想著
用求於无為於彼受衆生仁人念萌類
以故曰无著救濟諸求想是則菩薩法
為現阿羅漢因以發法忍自謂為无著
講說羅漢事斯應為菩薩名住无所著
獲致无上道

佛告阿難如來至真等正覺讚歎說
菩薩无著亦當知之善權方便也

阿惟越致遮經聲聞品第九

佛告阿難何故如來光耀菩薩為聲
聞乎菩薩大士開化无数不可計人
令聞佛法分別經籍故謂聲聞使聽
聖道淨不放逸故謂聲聞使聽无為
安隱甘露根力覺意意止意斷具足

此事速至道慧故謂聲聞令得空慧
身无堅固闇昧之人閉塞不解所以
者何乃貪已身諸入之事眼存為色
了觀如是則成佛眼其目普見不可
思議眼无所倚究竟此目致一切法
故謂聲聞計此諸法如呼之響莫得
著音非有說者亦无聽者無香想香
亦不有嗅譬如有人卧出夢中嗅種
種香計此無香此則或事思想所為
一切諸香人所嗅者譬若如夢而無
堅固解斯音者則謂聲聞舌之味味
亦復為空若肉段如為舌或智者了
之不為味或譬如聚沫以離諸論无
可為喻明者觀之知无所有不可得
持想著味者則致惡罪莫思六界以
分別味心則開解意不放逸若知此
者心想无為各各分別謂所聽義而
聞此空故謂聲聞曉了其諸入之事
聽之為空身自寂然未嘗有生不知
所起無生不生則為聖道故謂聲聞
若所聽者皆无所有解身自然不起
不滅故謂聲聞聽于布施惠以法行
不可思議佛猶此路致於佛道心有

所施不自見心以無意志逮得聖慧
所以者何如其所種必獲其實亦不
有果說果之聲聽衣食施計物之施
所與薄耳一切所捨法施為尊無得
貪惜莫懷施想雖有所惠不得怖望
譬如幻人無有心意不與想念欲成
行者无得想施所以者何施不怖望
則順道行故謂聲聞離諸所音一切
塵埃都无所聽離諸有為不可以音
聽受佛法分別諸響而无所倚所以
者何二事造聲雖有二事则无所有
因緣合致則有二事用有人故而致
法音故謂聲聞於是佛頌曰

使无央數人聞佛无念法以故謂聲聞
則勇猛菩薩聞寂定之道恬靜不放逸
无量人聽法故謂為聲聞聽落泊安隱
諸樂非有像以故為聲聞至寂然无為
聽于覺根力具足意止斷自究竟斯事
故謂為聲聞聽身所有空不可得堅固
愚駭之所慕故當時了體其目无所覩
不聽亦如茲衆生為見侵聞塞不了了
若得成佛眼等自不可議致之在本无
開化諸闇昧无量人間經諸法非有與

此以得名号 標在于聲聞 其无所聽受
了之如呼響 不見有說者 亦復无所聞
所以名聲聞 令眾人聽受 計本不有聞
莫為音所惑 譬如人寐夢 嗅於元數香
恍惚不可得 遊逸嗅於空 了香亦如此
未嘗有嗅香 無量人失志 菩薩令開明
計舌无所倚 肉段不知味 設使肉解甘
舌亦當識之 无倚此諸想 念美為凶危
六界不可念 分別諸味種 菩薩大勇猛
目覩分別此 因聽而致之 故曰為聲聞
自分別已體 是則空自然 能了此虛无
則無起不生 若无所興隆 則解此聖道
令羣黎聽法 是則謂聲聞 計心言本淨
無形不可得 是者莫有人 聽此為聲聞
猶如幻化生 滅盡則亦空 若有觀衆想
了之為聲聞 又聽所施與 法施不可念
是軌為聖路 余乃成佛道 隨其本所種
獲果亦如之 不可思議施 成大道无念
衣食施薄福 法施為最廣 未嘗有憎惜
此則聖意塗 引无想之心 布施不有著
如是惠施者 疾致成佛道 釋去一切心
計耳无所聞 超度諸合會 故謂為聲聞
因呼有響應 假使不著音 則於衆聖尊

佛法无有上諸可不聞響一切而无倚
不二無若干暢音有聲聞無數佛演法
令彼聞其音計所聞如響樂人成佛道
善遊諸佛土所聞不以乱平等覺所震
世尊無有上聽千三千世所住如虚空
計人等猶寂若涅槃无形世人所著想
計倚有四大是則為虚空涅槃為想念
解諸種如是莫得計堅固本无生死者
不滅盡塵勞万物不究竟計人弗可得
此諸法寂然未有觀衆界令黎民聽此
夙夜亦如之彼不興衆念我化諸人聞
使人得聽法如此為弟子所聞无所聞
故歎曰聲聞雄人念往古聽受最上法
觀不分別經一切法一切講音无所偏
救度一切會為衆人說法是則為聲聞
則謬无為界清淨不放逸諦觀无說法
佛法亦如之觀法不去遠佛之所講揚
彼法亦不近是故无所倚所以謂弟子
聽採隨此教勸化於羣黎斯乃為閻法
阿難我是故講說聲聞化假号曰弟子
則菩薩大士

佛告阿難是故如來至真等正覺歎
說菩薩為聲聞當知是義亦善權方

便也

阿惟越致遮經緣覺品第十

佛告阿難何故如來頌宣菩薩為緣覺乎於是菩薩目覩諸法何謂目覩一切法空无有像類而不可壞現在覺觀法不可滅故謂緣覺諸佛經籍不可思議曉了諸萌恚如泥洹无有内外則不可獲一切諸法不起不滅人之本際則泥洹也所号本淨但著言耳則无所有法不可逮因名演稱語无所達所以者何其言則空口之所說不解已無法本之際佛道之无分別觀斯故曰緣覺自察色陰但是聲耳此色陰者計於色生唯有名矣以離言聲则无有陰其色陰者无身無我所以者何因口作号所言亦空不起不滅所言自然不著吾我不得久存况口言乎目覩色陰則為痛痒痛痒陰滅則不有名因口之說号為痛痒痛痒陰身无我所以者何所謂痛陰其言則空不起不滅言不著身則無所住况於言乎曉痛痒陰即觀想陰若寂想陰則無思想陰号耳

無身无我所以者何口之所說思想
陰者其言則空不起不滅分別言已
不著自然心無所立何況口言觀想
陰已則生死陰已滅行陰则无生死
所謂行陰无身無我所以者何所号
行陰言其則空不起不滅但著言耳
不得久存况口所說觀行陰已則有
識陰假使識陰悵然寂滅則此識陰
但陰聲耳所以者何其号識陰是則
空耳不起不滅其言自然无所住止
况言說乎是五陰者皆無所有分別
本无故曰緣覺所以者何斯口之言
緣對而致無緣不緣諸因講說有言
无言五陰之事於此一切永无所著
不造衆因故曰緣覺於是佛頌曰
目覩一切法分別知之空不著於諸色
究竟莫有相現在觀此法解空知自然
分別了濬泊不可得根源現在獲於斯
曉五陰如此則為平等覺緣覺无思念
衆生志无為其心不可獲本際无有起
淨无無思議一切人不起觀見无所滅
諸法无動興是謂为无為衆生皆遇此
省察是所趣无人猶若影故曰为无為

不用是名稱群黎為涅槃不起无所滅
如口所歎詠敢可說悉空人不解非言
是故為衆生示現說涅槃口所發假言
无處亦无念因口而有訓求本不可得
陰不在本際口言无所顯諸聲所稱說
人際亦无念一切願涅槃本无及始際
澹然无放逸則救有所將本淨遊乎響
衆生亦復然无形則空寂本淨无心念
法本為若此假名而讚揚其源不可得
所以有言說不以諛諂事而可分別解
其際則空无便了衆生本其言不依諸
口言无所顯諸群黎如此則不著人本
所發陰則空其聲无所別其說亦如此
而際亦復然其无諦如是覺已无所念
是則平等道緣覺无思議覺了於本色
此但陰聲耳寂滅斯色陰則无有言聲
自然釋之去是則口无形吾我既自然
觀之无有處因言謂之陰色本不有身
其聲皆歸空不起亦不滅因口而告言
求本不可得其說因癡興号之謂色陰
現在觀識陰諸聲无所有此陰以寂滅
則无有響陰於此遠離身所謂吾我者
計已自然空未嘗有堅住口之所緣陰

識陰則虛空 口言本則寂 不起無所滅
若有所頌說 察之悉本無 無點之所言
故演為色陰 諸音无有說 其限不可得
不起无所滅 無處而不決 無塵勞侵欺
亦不造諸法 不執無所捨 莫調不迟沮
彼亦無寂滅 不有所覩見 不樂施欲埃
不怠不精進 不乱不一心 彼亦无守戒
非物可成就 何故當持禁 五道非有念
无思亦如斯 不恐无所畏 不脫而不縛
雖講无所演 是為色所入 一切法音然
無獲莫著言 現在遠是覺 无盡之法說
以成是三昧 则无諸響聲 目自分別此
響之等如響 諸法亦如是 无言不有著
曉了因緣者 知音无所著 故号平等道
是謂為緣覺

佛告阿難菩薩大士現在分別有明
无明是行非行有識不識色與不色
六入無入諸習不習痛痒非痛痒恩
愛莫莫愛不受捨受有與不有生若不
生老病死患一切自然察之本無如
是觀者故曰緣覺於是佛頌曰

現在了无慧 未嘗倚為明 不成立有形
若如水中影 聰達曉諸義 不著一切法

假使不倚經 是則慧者相 明與身无異
一切諸法相 覺了此緣趣 故曰為緣覺
所号身之行 其軀无所造 永不有内外
則超生死體 終始猶芭蕉 非根无有賴
不起莫有滅 等譬如虛空 現在曉了此
則勇猛菩薩 斯号平等聖 緣覺如无念
分別一切法 寂行如幻化 其識自然亦
現在曉了之 忽然解斯心 知識行如之
諸所道示想 明識諸法空 分別識其然
一切无所著 了如是法者 知識亦如幻
所可号名色 身及諸音聲 衆貌空不成
是謂自然相 心馳騁六情 如幻化无言
現語非音聲 計自然志空 久遠來習之
因發諸入處 彼則分別習 名自然如空
習以成志无 進念起衆更 若曉習本寂
則知法無住 目觀習自然 觀衆更志寂
不興凶罪殃 故曰為緣覺 曉了諸痛痒
皆空如本淨 譬如泡起頃 志敬空无形
斷除衆恩愛 則從无著法 情欲已永盡
故曰為緣覺 若受而不受 則空无有有
非形何成就 譬之如野馬 吾无所興想
身生亦如是 計本自然生 无根非有形
以離起滅法 則不畏當終 未當復成身

一切得自在現在獲此慧永无有著者
又緣覺之音則造菩薩行

佛告阿難如來至真等正覺以是之
故讚揚菩薩為緣覺也亦當知是善
權方便如來用是之故光耀菩薩大
士持信奉法八等道迹往來不還無
著聲聞緣覺也

阿惟越致遮經釋果想品第二

賢者阿難而說偈言

世尊所演說假号名沮洳喻之若虛空
度於无所有雖有所講說則非以辭言
諸佛行善權合集說法耳

於是阿難說此偈已前白佛言惟天
中天其世人民不解如來至真等正
覺隨時之化則自侵欺不了如來何
因分別菩薩大士持信奉法至于緣
覺也

世尊告曰若有明者於過去佛積功
累德心開意達不見侵欺所以者何
曉了諸法譬若幻夢影響野馬水月
所以者何菩薩大士分別此慧則不
自侵慙勤修學如來之法精進不懈
則不自枉佛於是頌曰

世尊之所讚讚揚於聖道是故之因緣
苦慙行勇猛少智懈怠者不能解此義
故當修精進如來以此說道意所遊生
世尊有開化故分別此慧清淨之明哲
彼解道意者知聖不可獲若致得知軌
心覺五事空空者不知空寂定非不言
志除一切音故讚唱空法捉空无所得
未嘗能獲者假使不可持則知為空義
設有解是五分別了空慧成得无放逸
則不自侵欺

尔時五億比丘志懷持信即從坐起
住世尊前叉手自歸異口同音而歌
頌曰

今世尊大聖 蠲除諸狐疑 平等覺所宣
志立于大道

復有五億比丘聞是之說皆志奉行
志住佛前等心頌曰

唯世之光耀 吾今離猶豫 聖尊之所歎
分別佛大道 志願奉法迹 正慧无罣碍
道德自然成 開化諸十方

復有千億比丘懷八等想聞此歎頌
即從坐起叉手而立俱歌頌曰

志所懷八等 今則釋疑網 心已分別了

所因見八等

復有十億比丘懷道迹念自從坐起又手而立同說偈曰

導師及吾類 以獲致法明 乃知平等覺 所因演道迹

復有二百五十万比丘志懷往來心則從坐起叉手自歸同歎頌曰

我等本依倚 志懷往來心 今日永無難存亡無放逸

復有五十億比丘懷不還想而說頌曰導師尊無上 今日無調戲 永捨諸果想 致聖導光耀

復有三十五億比丘懷无著想興立四禪即從坐起叉手說是偈曰

今吾不猶豫 遠致无餘法 解諸乘平等 辭之若如幻

復有五十八億比丘意懷聲聞即從坐起叉手而立則讚偈曰

吾等犯斯言 意欲度衆生 所演謂聲聞 今日乃達知

復有五億比丘即從坐起興緣覺想叉手而立同心頌曰

今日乃目覩 緣覺之所因 世尊分別說

緣覺无思想

復有百万比丘居謂成道迹往來不
還无著果想即從坐起叉手而立說
是頌曰

吾了平等法 則捨女人身 各各成佛聖
當為世尊上

復有八百八十万清信士清信女悉
懷道迹想往來不還念即從坐起叉
手立佛前心同意等俱共頌宣而頌曰
吾等念心淨 譬如琉璃器 於是當捨家
興佛之法教

復有六十億姪彼諸天人住于虛空
而雨天華散於佛上俱供養世尊即
下叉手立於佛前而歌頌曰

吾本懷諸乘 果想亦如是 今日以永除
覺成无上道

阿惟越致迦經降魔品第十二

于時無數百千比丘舍利弗目犍連
須菩提阿難律離越劫賓奴等從坐
起叉手而立白世尊言吾等今日聖
道具足不違大意降棄魔怨備究五
逆得悉五樂成就邪見捨離正見吾
等今日已言无数万人命悉成佛

道至无餘界而已滅度時世尊默然
於是衆中无量百千諸來在會聞此
所言而皆狐疑此謂何乎義所趣耶
心懷瞑然如阿羅漢乃興此言豈况
凡夫住者直立坐者默坐不能起立
賢者阿難承聖尊旨悉知无数百千
諸衆心之所念問文殊師利曰聞耆
年言會者皆疑不審所論為何端趣
又佛世尊默然不言文殊師利乃曰
唯仁阿難此經名曰不退轉輪菩薩
之地是耆年等所可講說諸得不退
菩薩大士目覩信耳阿難又問耆年
何故說此言耶世尊默然此耆年等
於无上正真不退轉也答曰唯然當
成正覺不復迴還也文殊師利謂賢
者阿難無黯之行則曰其母是諸人
者究盡除害无善思想貪著情色斯
則為父除不善想遠諸情念至无著
意釋凡夫法洗滌不淨想別聖俗碎
破衆念不壞大法興如來意以除諸
想於一切法無所從生是故耆年講
說此語吾等今日具足五逆所以然
者逆無往反耆年所言成五樂者察

其五樂皆如夢幻影響野馬了知此
慧行无缺減則為五樂所以者何无
有根本設无其源則為盡除乃應平
等講具聖慧即逮法忍此者名曰五
樂備足耆年所說吾等今日得離正
見住邪見者觀一切法皆處邪見欺
哉諸法詐妄至誠盡无所有譬之虛
空非有像貌虛實去來志无歸趣不
可將護所以者何其本自然計此諸
法則皆平一如諸法等邪見亦然此
比丘輩非等无邪所以者何以離諸
想致佛聖道獲衆覺法飽滿經義而
无所得是故阿難是諸比丘志共說
言吾等今日具足邪見釋於正見此
耆年等所謂今日吾等言无数百千
人命說斯語時不可計无数千万人
神聞之諸法譬若如幻夢影響野馬
蠲除人想无有吾我逮壽命人起衆
德本發大道意無所殖種興修道義
及餘比丘比丘且清信士清信女捨
我人壽無身之想不復頻更終始之
患所以者何无我人想不盡想永盡
无餘逮致究竟不起法忍故說此言

吾等今日害無數百千人命斯諸耆
年屬者所云今日吾等遠得佛道致
無餘界而滅度者開化无量億百千
人命棄衆塵埃令獲聖道所以者何
皆發无上正真道意說此語時志遠
無所從生法忍以故咨嗟自讚頌言今
日我類拔去情欲成佛道法无塵勞
形除有餘穢故謂我輩今獲大道於
無餘界而滅度矣是賢者等以在大
乘不願在天惟仁阿難族姓子族姓
女發無上正真道意以起俗事其心
清淨不為俗法之所繫縛乃應發心
越一切義道捨諸想究竟經典則无
餘界而滅度矣是為阿難習菩薩乘
行菩薩者不習日行愚騃之人隨日
念耳非明智者所以者何設无此誠
信要御諸天宮殿则无光明便无出
入過去无晦則無晝夜便不思想愚
冥之人興晝夜念菩薩大士寂修大
道習善知識無有穹志晝夜想也所
以者何永除衆念乃致佛道於是文
殊師利則說頌曰

所謂不懷施 愛已計有身 彼若不斷除

則謂不可機分別於瞋恚自然不生想
聖道以无處彼則不可動所可數母者
終始所由生拔去此根無則謂為害命
不順念為父所樂情欲法是等解本无
究竟莫有根化之歸无身不知明所趣
不動無所住向者故說此所修羅漢法
凡夫法亦然諸可盡愛欲向者故說此
大興有為想察吾我自然諸法无所懷
則无音聲說如來之所知古昔之所念
即拔此根株則謂无從生以捨是想樂
等同而无二假使曉了斯則謂平等教
所言五欲樂俗人讚此五蠲除非常想
念之如幻化具足不乏少則懷愛欲无
以故此等類世尊前歎之分別諸罪福
譬之若如夢究竟无從生其慧曉了斯
識邪瞋恚法空寂无能固邪見為欺哉
彼分別妙智一切法不實莫有近法者
虛事不可倚如虛空无處普解觀一切
故難為正見此法則平夷了慧見正等
厭愚冥之人起人想則没索人不可得
則无有死者无量人起生則捨壽命想
便以无衆念計命者罪重蠲除衆生想
非有計壽命以故說此言吾害无数人

捨諸塵勞埃 法无應不應 解道无形貌
則无所壞除 降伏諸魔力 逮清淨道法
諸法莫有諍 不起不有滅

時文殊師利說此偈已應時五千懷
狐疑者心開意解獲大光明而得具
成有起無所從生法忍各取身衣供
養奉上文殊師利同時說言願令吾
等致是法慧所說若斯開化羣黎分
別深慧無所罣碍亦如仁者

於是世尊讚文殊師利曰善哉善哉
斯寂妙勝決諸疑網近佛聖籍賢者
阿難前白佛言文殊師利何所開化
而今世尊讚之如是世尊則曰文殊
師利誘化無數百千人類令入大道
志解了此深經之義阿難白曰唯然
世尊講不退轉輪入聖軌乎佛言如
是阿難講不退輪興化大道所以者
何文殊師利則是善友導利群黎阿
難又問唯天中天今此比丘立佛前
者志懷持信奉法之念八等道迹往
來不還无著聲聞緣覺之想此輩之
類發大道意耶世尊告曰是輩懈
廢羸劣心昧无愷悌志難可開化慢

懈不違意在衣食非習深法慕于法
利興有為事憤內之緣感於八等迷惑
率暴而不安詳諸根不定放逸其心
貢高自大志計有身及壽命人不捨
衆瑕犯戒貪嫉想求佛法患從惡友
樂于邪智不肯奉受智度无極順從
外緣貪利財色衣食之樂古今以來
夙興夜寐而不專精進違失道義兩
舌惡口妄言綺語其志懷害轉共諍
訟重于罪福不信空无相不願之法
蠲於衆行不起不滅壞一切法永無
有想此之謂也於是佛默然无所加
言賢者阿難承佛威神問文殊師利
曰何故世尊默而不言文殊師利報
曰寔於後末五濁世時人法如是不
信深經佛故默然阿難又問頗有信
者志不信乎荅曰信者少耳辟如阿
難明智者鮮愚冥人多所以者何不
樂修行以故不了如是阿難其聞是
法鮮有好喜多不欣樂設有信者為
衆棄捐不見恭敬所入郡國縣邑墟
聚諸人忽笑所以者何宿罪由致陰
蓋所覆本功德薄阿難又問向者講

說少有信者義何所趣文殊師利答曰是輩之類則為捨佛不信大道阿難白佛唯願演之樂者雖鮮聞佛所說志當欣踊尔時世尊周觀四方便出其舌覆三千大千世界因從舌根出大光明照恒沙等剎時四部衆承佛聖旨目覩東方恒沙等國諸佛世尊咸說此法不退轉輪是間會者志遙聞之等无差別四輩之會覩斯變化一切等心異口同音皆白佛言唯願大聖遵崇所歎不退轉輪如佛所言誠不異吾等目視无量不可思議諸佛世尊講斯深經等无差特唯佛說之於是世尊還納其舌告阿難言噉妄言者寧獲斯舌阿難啓曰不也天中天奉至誠者開化正義稱讚切德遵无數劫聞于大慧乃致此耳是故聖尊惟當說之設族姓子有信樂者學雖寡鮮聞是說已覩其明證即當欣然興之不廢佛告阿難一切四輩未遭斯典志於騁騁比丘比丘尼清信士清信女天龍鬼神阿須倫健耆和真陀羅摩睺勒聞是經籍得不

退轉當至无上正真道寂正覺而於此土講於法義等无有異如我今也。尔時四輩及天龍鬼神欣然大悅疑網永裂皆手擎華香共散佛上諸有女人下身寶璣以散佛上心同意等。普白佛言今日大聖如來至真等正覺乃无二言佛復告阿難實如所云誠不有異如來所演實无二言除諸瑕疵愚冥之貪假使慧觀佛天中天則獲如願阿難問佛何謂慧觀佛世尊問之汝不解之乎答曰不敏安能及之衆祐告曰假使有人聞能仁佛皆不退轉成佛聖路所以者何佛道普慧有益无損除貪恚癡豈况一華奉如來乎吾滅度後若持舍利供養自歸念得如意阿難又問精進不疑專心聽經皆不退轉當成佛耶佛言其有人聞能仁佛皆當遠得无上正覺所以者何設不尔者佛語為異則有二言佛問阿難如拘類樹陰五百車若五百衆處在其下悉荷覆蓋其種大小答曰甚小佛言阿難如拘類樹其種小小溉灌時節稍稍長大

而布枝葉廣覆四遠况篤佛道聞聖尊名亦當如是斯種德本漸修其行非壞不腐至於无上正真之道所以者何此一切法殖種之源永非倚住羣萌本无故不有敗一切法種无所倚演阿難問佛唯佛說之是聖本願諸佛世尊道法然耶佛言本發意願其聞我名志不轉退成寂正覺諸佛之法皆亦應然所以者何諸佛法等阿難又問設使等者何用願乎佛告阿難菩薩大士聞說斯經假使發願或不興願會當證明逮聞是法阿難曰佛言未嘗有世尊斯法微妙諸佛世尊乃以大慧開化羣黎佛言如是如是阿難諸覺洪明多所開化立于聖旨吾於佛土慈愍致行喘息之類不惜身命一切所有施而不吝精進不懈於一切法而无所著行菩薩法積功累德欲救眾生修深經籍乃得佛道阿難問佛難及世尊今說此經弊魔不來廢乱學者不令興德發于无上正真道耶佛言魔不聞之所以者何文殊師利神足之變也於是文

殊師利即釋威神時魔波旬遙於虛
空聞講不退法輪之聲聽能仁佛所
說法言心懷恐懼衣毛則堅口說此
言以得勝我共於力勢以空余界无
復國土愁憂涕淚老極憔悴群如百
歲男子朽耄時魔波旬體變如此四
部兵合集三千大千世界各各異魔
及魔官屬等類諸天往詣佛所兵仗
嚴整衆魔之威逼加菩薩初成佛時
現於身老執杖戰痛面皺皮緩置四
部兵住於虛空普共遙聞不退轉能
仁佛音心悉得定時魔自知非我所
有孤獨一身而无侍從直前詣佛白
世尊曰今吾一身都无侍從羸瘦老
極无將扶者又无力勢不能自勝以
空我界非有國土如來大慈咸哀衆
生亦可憐我世尊盡度永空吾界而
无扶我給授水漿佛告魔言人種甚
多不可思議假使諸佛日日興盛如
恒沙等發起无量不可稱計億百那
術衆生之類人種不盡魔白佛言唯
然世尊人種雖多今吾孤獨不有徒
使无扶接余假令行道忽極躃地不

能自起願見安撫得歡喜悅唯願世
尊哀速撫育使眷屬興與佛告魔言且
自安志不聞斯法離於信者志是汝
伴魔即歡喜善心生矣意與口言吾
當化人雖聞是法令不信樂志懷狐
疑已有猶豫必從我教時魔波旬復
白佛言惟願加哀引以大慈重見慰
撫令吾踊躍无有憂感佛向者講聞
能仁名志不退轉必當速成无上正
真之道願聖默然勿宣是旨是羣萌
黨聞便加精進立于大道佛報魔言
汝且安心勿得懷懷當令衆生不立
道意存於人種人人各安使不動搖
不震于色痛想行識佛當開導不離
邪見非立正觀及六十二諸所疑惑
一切無動不念過去當來今現在非
離害羣生無盜姪嫉妄言兩舌惡口
綺語及嫉恚疑亦不勸人入于正道
亦不化人於布施持戒忍辱精進一
心智慧亦不教人導奉四恩惠施人
受利人等利一切救濟合度无所倚
動不想人種无念父母兄弟妻子及
與男女釋除親友夙夜日月一月半

月諸動之想波旬且安吾當勸人令除六度无極思想及大道意力无畏根力覺意八正之行佛法聖衆及一切法切智道義之想化諸羣黎於一切法使不動轉時魔歡喜不自勝即於其處顏色窈窕面目光澤華散佛上遶佛三匝則偈說曰

平等覺世尊 吾心本欣踊 正覺言无特所造必如意

於是魔波旬說此偈已即還天宮與諸眷屬五樂自娛不復憂感發大意者世尊說此降魔品時三千大千剎土六種震動阿難白佛今魔威德地大動乎佛言講是降魔品時六萬四千人得不起法忍阿難又問寧有狐疑不了者世尊曰向者見此恚懷疑結心各念言余以聞之此語何謂何所歸乎不復相見阿難白佛惟願世尊速為衆會現大光明決其疑網所以如來為魔說之波旬且安吾化羣黎使不住道於是衆生界而不動搖不發道意无倚智慧不捨邪見不處正觀於六十二疑而不轉移亦无去

來現在之想非離然盜貪姪妄言綺
語兩舌惡口及嫉恚疑令不施與戒
忍精進一心智慧不順父母兄弟妻
子无有晝夜一月半月離是衆想亦
非動搖令不奉六度無極及无所畏
根力覺意佛法聖衆并一切智使不
轉移波旬且安吾當開化一切衆生
使不動義不立於行唯然世尊所因
講斯速分別之使此會者无餘疑結
心開意解及於後世邊地諸國遭值
聖明稟受經典持誦誦讀勿復猶豫
尔時世尊則說頌曰

聖道无所住 慧軌非有處 說此大義時
人解及應造 塗及一切人 无二不有處
佛以是故說 今覺非有處 莫能動衆生
人種亦如之一切不有形 至竟无所獲
群黎類皆空 人界不可思 彼則普无念
曉了一切慧 衆人不可動 假名曰身命
四大而合成 此滅度空寂 分別五陰空
自然不有動 滅度不可獲 設搖而不移
陰止无所震 曉了不吾我 離形寂然空
究竟非有著 身與五陰同 裏行亦如之
无行以為行 諸陰猶虚空 所謂寂定界

不起亦不生 斯諸陰蓋入 未能傾轉者
計已身吾我 其法莫搖者 尚不獲身震
故佛說此言 衆生不侵欺 計本不可得
逮之而无心 自然不可獲 所可去諸見
凡有六十二 無自然如斯 猶如水中月
其六十二見 譬之若如影 離有形无我
自然不動震 過去當來想 現在亦如之
諸想无處所 譬之如野馬 是法空无念
計人不可得 諸衆生无處 則不可動搖
其人喜然生 由入大曠野 立志於滅度
故不可動搖 雖轉於衆生 彼则无所有
計曰不可得 則日而不動 說道有過去
未嘗有生者 佛以了故說 人而不可動
假使然生者 法施无思議 以乃成道慧
彼則不可動 所謂邪淫者 愛欲无可得
以故分別說 彼則不可動 其妄言之法
起者不有脫 精進而獨尊 彼則不可動
兩舌及惡口 譏言亦如是 觀一切諸誨
如幻如无形 皆无有處所 不可有所倚
諸陰譬如響 其念莫有者 所謂不懷施
愛已計有身 聖道以无處 彼則不可動
分別於瞋恚 自然不生想 彼若不可斷
則謂不可搖 曉了衆邪見 奉修於正法

起度諸有言

彼則不可動

離勸助智慧

一切寶清淨

愍哀著色財

獨捨眾惡罪

所見及奉戒

捨遠於聖道

智慧不興此

莫求於正真

異學懷邪心

斯外諸忍辱

等求平等道

不倚於無為

精進于三事

異道之明說

是不歸聖慧

此謂明智行

多修於三昧

倚一切諸想

非佛之所歎

亦不勸助彼

愛欲之瑕疳

非明哲之稱

得不興眾想

佛慧不可量

菩薩行勇猛

攝取眾生類

則為說此義

雖受無所動

寂除眾生想

則發菩薩意

遺意無所起

彼則不可動

思父母兄弟

姊妹及男女

一切猶如幻

彼則不可動

一切是諸念

計之無所有

群黎法患空

彼則不可動

其夙夜之想

一月十五日

一切除想念

譬如野馬水

布施奉禁戒

忍辱精進想

一切於此念

是諸想不動

定意之智慧

菩薩之道力

修於無所畏

釋除諸妄念

覺意及思道

免去聖軌累

明智未嘗動

不為諸想惑

佛法之所求

如此眾聖想

無有若干念

言行之所動

佛慧無罣碍

道想之所依

則為遠佛道

佛聖非思議

佛分別說化

魔品時十億

之眾壞除

疑網成就大明逮不起法忍得法忍已一切同心說此偈言

引道之尊聖佛軌忽无思為吾等大師
道曷斷狐疑具一切光明使住佛明道
其耀照十方目覩億千佛普見衆庶元
於色无所著蒙世尊之恩吾等法眼淨
尔時百億人衆各脫身衣以覆佛上
供養大聖則歎斯言令一切人逮聞
此法光明具足所願必獲阿難白佛
其有聞是開化魔經受持諷誦為得
何福佛言其福大浩阿難復問何謂
為浩佛言若善男子善女人則旦供
養百佛日中晡時人定夜半天曉肅
肅各各供養百佛世尊一日一夜中
合六百佛一切所安隨其所宜如此
比像具足千歲其福多少阿難言福
大多大多天中天不可為喻佛言假
使是分別魔經受信不疑德過於彼
佛說阿惟越致經卷中

癸卯歲高麗國大藏都監
勅彫造

佛說阿惟越致遮經卷下

草

西晉月氏三藏竺法護譯

如來品第十三

尔時三菩薩各從遠來見此變化佛
所演法得未曾有阿難白佛此三菩
薩從何所來世尊告曰東方去是恒
沙等剎有世界曰身起湏弥山住在
本土聞說斯經故來到是時三菩薩
來住佛前皆以香華供養世尊俱白
佛言余等僉然信樂斯法不懷狐疑
所以者何心中燿然譬如目覩如來
至真等正覺恩之所覆時一菩薩前
白佛言如我所言至誠不虛吾於是
經都无狐疑第二菩薩復白佛言余
於此法亦復不疑第三菩薩復白佛
言我之所言至誠不虛所謂佛者乎
則是佛曉了斯經无有疑網
尔時眾中無數百千諸來會者悉共
叉手不樂本座佛興於世此徒何故
乃宣斯言其餘眾入各各默聲各心
念言今佛現在自當分別阿難復白
佛此等菩薩皆号云何佛告阿難一

菩薩者名得如來住第二菩薩名志
得世尊音第三菩薩名志逮得佛聲
如是何難如彼所言等元有異其義
趣此阿難白佛言今此無數百千之
衆擾動不安志各叉手一心向佛不
知斯義為何趣也是輩功德轉當增
加譬如男子端正殊妙顏貌潔白淨
水自洗以栴檀香熏浴其體著好衣
畢其人體色益自光耀是輩功德信
樂大道叉手向佛福轉難及佛今時
說頌曰

如來知過去 當來亦如是 見諸法本元
故曰為如來 悉達現在事 未來悉觀喻
不造立三行 究竟如无想 如往古諸佛
所覺不可計 无從來一等 故曰為如來
如往古諸佛 所猗求聖道 覺者亦當然
故曰為如來 諸法本所立 道聲寂然定
音歸不可得 故曰為如來 專應過去戒
當來亦復然 現在獲本无 故曰為如來
如勇猛忍辱 為菩薩之人 彼學亦如是
此人則无上 本為菩薩時 獲勤力如是
志所行精進 故曰為如來 如諸法平等
所說无特異 不著念在有 故曰為如來

平等不有念常自然等正无有平等想
非思莫發念本无成三昧具足此音聲
遵修於定意故曰為如來諸法悉本淨
本无不有處一切無所稱因緣不有形
曉了智慧相明空法亦尔至誠无所疑
智慧度无極如聖之所度逮本无思議
彼明不可得則无量滅度猶獲智慧爽
過度亦復然以是慧无處故曰為如來
佛道不可獲如意之所念不得一切法
故曰為如來獲致於无為假使多所逮
諸法非有數歎道不可限世尊之威耀
無有修軌迹彼道則雅諦志從智慧興
道尊如無漏各分別如是彼道則正真
塗志應自然有曉了聖化法所御平等
將令至本无故曰為如來聖與平等同
所住順明軌道與身本无故曰為如來
今吾講說法聲平等如是假使住於斯
尔乃求大道我是故阿難口出是語耳
此事如所言則為識之行曉了不退轉
則勇猛菩薩故以修精進讚揚其義耳
阿難是因緣菩薩志所演所以謂如來
勇猛菩薩智順此諸因緣其法為何類
何因謂世尊菩薩修无畏講道億百劫

所因成大聖 佛道无思念 成就慧明跡
皆自為身求 永覩无所畏 故曰為世尊
未嘗懼生死 終始无所立 以是度群生
故曰為世尊 何謂畏生死 云何住終始
何因度眾生 世尊取上覺 无道利法者
法亦不有壞 非堅无有散 度人勤苦患
是不畏生死 此非住終始 度群黎如此
故曰為世尊 未曾懼諸法 永不畏諸義
及一切佛經 令聞无数法 非底不有邊
眾生法悉空 諸佛道自然 不覩諸法本
即依順此經 專精於諸法 智空法自然
不恐無所畏 曉了道慧空 知諸法侵欺
分別无所倚 精進次第演 則解諸法本
勗勉一切難 棄捐眾惡道 未嘗有恐懼
免眾生惡塗 過度億人民 越終始大懼
常不動生死 今乃度羣生 過之度彼岸
至上尊无為 得致号之人 故曰為世尊
為人分別說 說法猶虛空 亦不有畏難
故曰為世尊 因依一切法 多所而開導
則逮成佛道 分別說如此 則無所畏難
開化問萬人 度无数羣生 超越諸所畏
故曰為世尊 釋去諸人想 專修于道念

拔除羣萌志故曰為世尊得離衆思想
菩薩无所慕以故得号字則亦謂世尊
寂滅致等法曉了一切義當來所立志
則亦謂世尊不求上妙道彼亦不求名
若脱无為稱為人講經義道捨衆憍慢
則不有立願人求尊名稱則不慕佛道
計音如響音等因興衆想念貪著虛偽聲
我名譽乃尔不存一切響口言无所著
菩薩不放逸故曰為世尊大聖所說音
如是譬像法假有菩薩号故曰為世尊
以故當了之莫不迷惑者至誠求佛道
無數无有漏是緣乃餘事歎說世尊音
阿難知隨因而号為菩薩我是故阿難
口出此語耳所緣諸明智佛号為世尊
覺了衆塵埃未嘗為之惑平等覺除欲
是故号曰佛何以為世尊顯示斯名号
曷從言白佛而講說道法佛法无所
曉了空寂滅一切無有著故号字為佛
覺了體悉空見體无所碍彼不有堅固
身不可久得愚騃離慧明不要謂常要
覺此悉本无故号曰為佛分別无明慧
自然不有形逮得大聖智故名曰為佛
過去所思想分別學无想曉衆想无處

不為念所惑 覺知往古色 无生不有處
愚者為想惑 計色无所成 分別色本无
不可得根源 不著一切法 则无有痛痒
曉想辭如幻 无物不有形 已分別斯慧
一切法如是 摠持无所行 一切身無古
空義非有御 故身不可得 人身不堅要
若如芭蕉樹 志分別此義 故号曰為佛
其識自然空 計身无有内 外亦不可獲
識之何等類 觀識无所有一切法亦然
不得處形貌 究竟不可獲 識之所知然
計本恣等寂 若了曉想者 則莫有所見
明不作是觀 一切人亦然 群生萌類同
以故无能知 自然不有啓 諸法无所行
一切莫有受 人法亦俱然 一切法忍過
覺了未嘗生 无若干放逸 故号曰為佛
曉了佛衆經 所經如正諦 一切法无處
故名号曰佛 如空諦法尔 所覺經本无
猶佛道无異 莫能得根本 從始發意来
所因志大道 則了不有志 諸法无所獲
何緣發其志 而慕求聖道 其心與道同
覺了无形類 吾以故阿難 演出此經耳
所因講聖軌 吾為佛道師 以斯法像類
其音号曰佛 假使作彼教 乃為求佛道

則得近正道 其知是法者 不復懷二心
一切法如是 不疑佛經籍 則致世寂上
若解此講者 普說法若斯

佛分別說此如來世尊佛義之時則
无央數百千人衆前白佛言吾等除
疑无復結網所以菩薩因由得名号
之如來世尊為佛曉了此法自逮見
心一切法空人為之惑父母妻子戀
恨恩情如來手授深妙之義其心堅
住不復輕發了不動法如空不搖无
能震者如是世尊一切諸法无所轉
移所以者何諸法如空今時無數百
千之衆稽首佛足遶聖三匝則還復坐
阿惟越致迦經開化品第十四

今時有菩薩名諸根常悅說是頌曰

衆人興果想 救濟于異念 平等於實道
稽首世明智 常講說德實 演果為平等
得平夷正覺 稽首世明智 无数人貪果
猗行衆生實 佛悉度此等 稽首世明智
說法无差特 所徃而正均 覺諸法平等
稽首世明智 人多慕德果 勗勉令不著
解脫衆顛倒 稽首世明智 所興德具足
使衆堅住道 成就一切德 稽首世明智

於是諸根常悅菩薩說偈讚佛已達
佛三昧去佛不遠瞻聖尊顏不以爲
厭心開意悅

於是蓮華首藏菩薩即從座起蓮華
散佛已讚曰

衆人皆懷想 度脫諸所著 永離於恐懼
稽首上能仁 寂除一切處 說法无境界
英雄超諸受 稽首上能仁 尊解諸法空
自然无堅固 平等法越難 稽首上能仁
斷除諸根株 衆生著塵勞 勉濟使无畏
稽首上能仁 无恐而不懼 爲大師子吼
超度諸境界 稽首上能仁 无有衆憂患
感惱已永盡 心除遠凶害 稽首上能仁
蓮華首藏菩薩大士讚佛已訖即白
佛言若人行此當爲作禮寂後世時
聞是深經智慧明達未曾恐懼

復有菩薩名離欲迹前白佛言假使
有人聞此深經歡喜信者則謂明智
當以華香夙夜供養

復有菩薩号曰廣心前白佛言說此
經法尊興佛道不疑此者德不可量
致供養利其心堅固信是經者所願
者得其不信者爲魔所固則隨魔行

復有菩薩名曰蓮華目前白佛而讚
頌曰

若信是經者 為世作眼明 元有狐疑心
指示人道路

復有菩薩名心信悅佛前頌曰

聞斯經法者 歡喜信為上 是等之人輩
則為世神明

復有菩薩名喜神靈而說頌曰

其聞是經者 信之而不疑 為世之威神
人中之上尊

復有菩薩名日常感前白佛言而說
頌曰

若有疑是經 當為興悲哀 志在虛妄法
則數數生死

復有菩薩名曰寶衣而說偈曰

無數億衣服 清淨善微妙 疾化度尊長
今未曾狐疑

復有菩薩名曰樽食佛前說頌曰

其信此深經 當為施美食 一切味具足
專精大聖行

復有菩薩名曰見人住聖佛前說頌曰

其疑是經者 當為興悲哀 啼哭墮泣淚
不信深經法 或從地獄來 或還入惡道

用須臾之間 狐疑此像法 為惡友所攝
不解深妙義 為疑網所縛 以故歸非處
則不順正戒 觀瞋恚懷惱 於是所住時
喻之如死獸 既不修道術 慙怠不精進
信邪無智慧 不信此典籍 慕終始羣生
著吾我恩愛 猗在三界患 不信斯微妙
懷害為愚冥 著在欲所樂 貪猗自見身
誹謗是道教 志慕好衣服 追逐美飲食
少存清白法 故誹謗斯經 人在樂欲界
貪慕无德實 其人則自遠 不近於世尊
復有菩薩名曰棄惡法 佛前說頌曰
當棄是輩人 譬如遠溷廁 愚者疑此經
猗界而未脫 當共遠離之 猶若死臭屍
其疑深經者 遠之當如此 有人誹謗者
如賊危聚落 則住在冥處 見惡意捨走
觀此即當馳 是賊凶惡物 若誹謗此經
不見意無乱

尔時阿難前白佛言未嘗有天中天
是諸菩薩分別經慧乃如是乎因三
昧力說是語也承佛聖旨曉了之乎
佛言承佛威神緣此經義得三昧力
逮至元為所以者何今是住者族姓
子等於六十億諸佛聞此經藉信樂

讚誦亦如於今志三昧力承佛威神
講此經所以者何如彼所言等元有
異則為明證阿難問佛其聞是經即
歡喜信而不狐疑族姓子族姓女得
何福祐佛告阿難族姓子族姓女志
求無上正真之道假使七寶滿此天
下施與如來若復有人聞此深經即
歡喜信非以狐疑福過於彼佛言置
是滿天下寶如恒沙等諸佛世界滿
中珍寶供養如來其聞此經歡喜信
者福過于彼佛尔時頌曰

假使是天下七寶滿其中以供施如來
世尊成諦惠 智人間是經 信樂不迴動
此福最為上 其德不可限 使如恒沙等
諸佛界如是 供養聖世尊 不及聞是經
阿難白佛言族姓子族姓女聞是經
法而歡喜信持諷誦其福如何佛言
若族姓子族姓女求無上正覺百劫
供養如來布施持戒忍辱精進一心
智慧又得五通各各百劫曉了世間
無所復疑不受此經其人則為不供
養佛佛尔時頌曰

若具足百劫 奉供養世尊 飲食普備悉

則不供養佛 其受是經者 則奉於大聖
捨離猗道想 法供養諸佛 如此順尊教
乃為奉事佛 法供養等覺 如來則法身
假使滿百劫 選擇好衣服 奉世尊正覺
此非供養佛 其受是經者 乃為尊恭肅
此應奉事佛 勝以衣被服 若於百劫中
明珠好華香 進世尊等覺 不應供養佛
設有受此經 皆除猗果想 是則為供養
世尊寂上惠 若起七寶塔 為世雄興立
皆高如須弥 不為供養佛 假使受此經
不自覩吾我 是供養寂尊 一切无有上
若具足百劫 有人奉禁戒 不持此經籍
彼戒无名聞 其受是經者 此戒大名稱
若奉清淨戒 此戒无有上 无量不可議
明智順是經 因緣而奉事 其禁常備足
彼禁恣究竟 不謂之毀戒 其學是經典
即當如上教 其不學是經 則非求佛道
奉聖雖具足 則亦无所學 修戒如是像
分別此經義 其持是卷者 禁戒則具足
假使百劫中 一心奉忍辱 設有瞋罵者
皆忍一切人 若受是經者 聞持而諷誦
忍此寂為上 微妙不可量 或斷手足者
心未嘗懷恨 不厭不以劇 其心初不起

如是之忍辱 行之於百劫 遵行如是者
此忍元有持 若受是經者 聞持而諷誦
此忍取為上 微妙不可量 若持此經卷
其忍取為上 巍巍元等倫 則不有虛偽
不斷至誠教 佛慧莫有上 非輕毀此經
一切逮如願 假使百劫中 精進不懈怠
夙夜興不寐 一切得如願 若修學此經
講說成明智 是精進為上 勤修元踰者
若滿百劫中 為五通神仙 不逮聞是經
則為無神足 假使受此法 分別而元著
神通為以達 一切莫有上 設於百劫中
修奉於智慧 超度世間明 娛樂所獨行
如不學此卷 則不成智慧 斯聖達勇猛
能持此深經 此者則道智 曉了聖明慧
若聞深經要 歡喜受奉持 有分別深慧
曉諸法所趣 當從說是經 此像之智慧
修習正經典 一智元有二 故修精進行
順持要經藉

今時賢者阿難於佛前說頌曰

假使四千里 若遠四千里 則往聽是經
順度佛德果 便往到其家 不以道為難
智者當速行 所在推是經 其欲速禪思
越度諸一切 誦說此經道 受持解其義

設求一切安志慕菩薩行講說是經典
則至安樂國得觀平等覺阿彌陀无念
而修隨經義一切佛所演
佛言善哉善哉阿難審如所言等无
有異族姓子族姓女讀此經者諷誦
之時其心不乱離一切想自在其舍
見佛世尊讀經不乱臨壽終時目覩
無數諸佛世尊所以者何族姓子族
姓女一切諸佛皆敬護之受持是經
而讀誦誦之所致之也

阿惟越致遮經師子女品第十五

今時私休童女與五百童女俱問佛
言唯然世尊女人若學是經卷者獲
何功德設誦讀福何所趣佛言女
人若求無上正真之道欲學此經觀餘
女人所以者何若學此經專精不乱
不劫他女貪於塵勞猶是之緣致女
人身私休又問何謂女人之塵勞也
為欲所惑奚受女身答曰若有女人
見他婦女端正姝好寶瓔珞身不以
願樂自觀察已辟如穢廁心不樂欲
造汙路觀不以為清若貪樂是則受
女身又計女人多懷嫉妬心口各異

而不相副不應前後雖見比丘但求
名聞不用經法多懷瞋恚喜會人客
未寄利求如此像經若讀誦者心在
著求其志憤亂遊于塵埃以是之故
受女人形不能除罪此以女人設除
愛欲不興邪想受此經本持諷誦讀
所以者何是深尊經除女塵色又問
假使女人不願其身受此經法持諷
誦讀以何因緣轉女像耶佛言欲轉
女身受此經籍持諷誦讀不願女人
常畏穢之辟如有人見大熾火自投
其中而口說言莫令火燒無使傷肌
於童女意云何彼人言尔寧得願乎
答曰不得天中之天所以者何計於
火種主有所燒爛壞肌肉不得无傷
佛言如是此經亦然燒盡塵埃愛欲
無餘設使貪著情欲之態累世自危
是故女人欲轉是身速當究竟成於
聖道見无央數諸佛世尊備無量辯
當受此經持諷誦讀私休童女及五
百人俱白佛言吾等省念世尊往古
從定光佛如來至真等正覺受此經
本持諷誦讀為无量億百千之衆演

說其義阿難白佛此私休身雖為女人則非女也所以者何今吾寧後而目察觀私休童女示現變化乃如是乎慙傷女人欲以度脫攝諸男子不見處所以是感動化衆女人佛言阿難其私休者非男非女无有此法所以者何觀諸法本不得男子亦無女人一切諸法皆無可獲等不差特所以者何如是計之非男非女私休童女分別此經无所罣碍逮得法明是故阿難若有女人欲求男子當順私休修行之法受是經卷持諷誦讀

尔時五百比丘尼前白佛言吾等之類從今日始受是經本持諷誦讀不樂女人穢猥此身從今以往不復座寐諷誦此經通利乃定時佛讚曰善哉是之所說諷誦斯言被大德鎧通達精進不慕女像是故仁者益加勤修受此經本持諷誦讀時比丘尼聞佛所說欣然大悅即脫身衣以覆佛上而歎頌曰

我今日得樂望為男子身正覺言无異必獲世上尊

於是五百長者妻聞比丘尼被是德
鎧即從座起前白佛言唯天中天吾
從今始受此經卷持誦誦讀願令我
等獲得自在不繫綴人莫察他顏離
於魔使難固之患所以者何正使女
人生于王家則有所屬不得自在盡
其形壽給事夫智是故我等今日始
遵精進假使有人說此經中一句之
義不敢誹謗至窮命盡不近夫智令
我等讀解此經於時世尊讚長者妻
言善哉善哉是女人等今於佛前大
師子吼此言甚佳被無極鎧如人所
志不察他顏不負重擔十月懷軀亦
不加遺而入胞胎所生佛國清淨佛
土無女人處莫有痼疾阿難問佛此
諸姊等所生世界其号云何而无痼
疾佛言世界号寶蓮華藏當生彼土
又問佛言聖号為何如來至真等正
覺佛言佛号一切諸寶妙珍之光如
來至真等正覺現在說法是長者妻
學此經籍見彼如來時長者妻歡喜
踊躍善心生矣即解頸著百千之寶
七寶珠瓔以散佛上同聲說偈言

今日獲大望 當棄女人身 等覺言元特
口演至誠語 當除此愚形 女人殃罪體
癡駭志貪著 不解知本無 非更於胞胎
除去所受身 逮得元上義 未嘗有所處
時長者妻說是偈已 瞻仰尊顏目未
嘗瞬

阿惟越致送經歎法師品第十六

於是天帝釋則取天華已散佛上而
白佛言唯然世尊吾以奉受此微妙
經答曰是故拘翼蒙此經恩天阿須
倫不興戰鬪

於是文殊師利欲以開化無數百千
人民之衆使立德本前白佛言如來
至真等正覺本發道意而諷誦此大
法之本佛言是故仁者於不可計百
億那術菩薩取尊光明智聖普遍十
方諸佛之土猶日宮殿無所不照說
是語時此之國土六反震動遍雨天
華阿難白佛地何故動而雨天華佛
告阿難元數億天聞文殊師利之所
讚詠心懷踊躍散此天華而興立願
吾等亦當受此經卷逮得道慧如文
殊師利適說此言衆罪悉畢得近此

經以故欣然稽首佛足復禮文殊師利是故地動阿難問佛是經之德廣大无極其聞此經其得不少不可妄遇佛言如是阿難族姓子族姓女前後供養无央數佛今乃逮聞是經法耳若聞信樂受持諷誦則為天上天下聖神佛語阿難假使是經所流布處則不虛妄有佛比倫若有受持諷誦學者則壞羅網降伏弊魔則逮法瑛而演法明勗勉衆冥得至道場若有從我聞是經籍歡喜受持而諷誦學則為佛子從法身生欲服聖食坐於佛樹如吾坐時講說經法如佛所演當受是經持諷誦讀阿難問佛惟願世尊說當來者後豈有人受此經法持諷誦讀佛言阿難於今現在佛前信者彼人後世乃信之耳受持諷誦佛觀天上天下人間諸魔梵天沙門梵志諸天人民及阿湏倫不聞是經後世聞之而信樂者未之有也於今聞者後乃信耳譬如長者及長者子財富無數獨處藏寶行到他國於阿難意計之云何其人藏寶不還得

耶答言得之所以者何知其藏處
求輒得之佛言如是今聞是經後世
歸之猶取藏寶如佛於此道眼覩之
其今現世聞是經法歡喜信者受持
誦誦後世必獲亦如是阿難汝坐佛
前聽是深經

阿惟越致遮經譏謗品第十七

今時阿難白佛言其聞是經而不信
樂此毀謗罪何所趣佛告阿難汝
且默然用是問為阿難白佛願佛說
之若不信者聞謗罪或能自改佛
言得五逆罪又復如害三千大千世
界人命其罪云何阿難言甚多甚多
天中天凶殃無量佛言謗法者罪
至於此若復有人破壞損毀恒邊沙
等佛之塔寺佛泥洹後火燒寺舍罪
寧多不答曰甚多甚多天中天是輦
之人不當見聞佛言阿難當為其人
現說此罪若復有人毀亂滅盡過去
當來現在佛法其罪如何阿難言其
罪甚深不可稱計佛言謗是經者其
殃如斯若止餘人使不學者罪當奈
何佛言假使三千大千世界衆生修

行十善又發元上正真道意若有一人盡挑其眼彼罪何如阿難言其罪甚多甚多天中天無央數劫中常當生盲又泥犁火燒之難竟佛語阿難我故語汝懇懃囑累假使有人誹謗禁止一人不得為此法罪踰於彼阿難又問若復有人發求大道狐疑是經亦不誹謗罪何所起佛言其人發意前後狐疑若干之數常當違遠諸佛世尊隨其疑數又從疑數更若干劫乖闕道教阿難白佛若不信喜禁止衆人令不學之其人受殃身大小如受罪多少佛言且止阿難用是問為阿難白佛願世尊演說此四輩中或有尠者及當來世邊地之士諸大國人聞是經法多有疑者當令信解不復誹謗佛言其人身當長一萬婁周遍勤苦毒痛不可計之阿難問佛言其舌大小佛言其舌廣長各四萬里駕犁耕舌五百億載各五百億歲當吞銷銅其火焰赫及雨身上燒灸無煮所以者何此不護舌之所致也於是四輩諸來衆會衣毛皆豎淚出

而懼顛倒躡地同時舉聲求哀悔過
當為是善男子善女人請救其罪乃
當毒痛若干之惱其身長大苦不可
言復有餘人其淚流面前白佛言不
能自察今世後世心起狐疑今現佛
前及達十方諸佛世尊經籍之教陰
蓋所覆不自見過今悉自歸佛前首
罪不敢覆藏惟佛原之辟如愚騃无
知之人乖其理政自覩罪咎惟佛大
哀願見原赦佛告四輩善哉善哉族
姓子族姓女疑於是法觀已過罪悔
彼殃疊猶曰除冥

今時阿難前白佛言今此衆會志懷
狐疑亦當復獲如此罪耶佛言阿難
雖懷狐疑今復悔過是輩之罪猶當
輕微阿難又問願佛說之佛言臨壽
終時墮地獄痛一一毛孔當更無數
不可計患猶是餘息所以者何在於
佛前捨疑悔過加及十方無數諸佛
哀施恩德是故阿難善男子善女人
當自察之得身如此遭無量痛聞是
經卷歡喜不當狐疑其不欲捨佛法
聖衆去來今佛聖法之教當信是經

持諷誦讀！

阿惟越致遮經卷下 第三十頌

阿惟越致遮經囑累品第十八

賢者阿難白世尊曰諸佛大聖悉等
同一說不退輪乎佛言如是等元有
異阿難問佛假使諸佛同等講不退
輪何因大聖向者說言假使有人不
欲遠達佛法聖衆佛所興顯去來今
佛不當遠離此經之卷阿難又問佛
說法何所光興佛言不退輪衆為顯
佛盡合集聚會不退轉種如來所演
也阿難又曰諸不退轉菩薩大士應
聖衆乎佛言阿難清淨正意發大道
心觀察此意是輩皆應不退轉衆阿
難白佛至未嘗有諸佛世尊善權方
便隨時之義顯揚大道今時天帝釋
即以天華散於佛上而歎頌曰令一
切人承善權方便演說經藉佛言拘
翼其聞是經歡喜信者此輩之人猶
當以此善權方便說法開化多所發
起亦復如我等元有異今時有無數
諸天之衆皆以天華供養世尊俱說
斯言令一切人逮得此法阿難白佛
惟願世尊建立大慈令是經卷後世

人蒙之佛告阿難善男子善女人來
在此會後世必值得是經卷假使差
跌在大海中應得是經耳當聞之所
以者何過去諸佛之所神變攝是經
法阿難白佛雖為過去諸佛威神亦
復現在今者如來至真等正覺之所
建立也說是語時三千大千世界六
返震動應時佛前无央數億百千之
華衆寶蓮華自然湧出普光衆會各
照十方恒沙等國今時會者遍見十
方恒沙等刹佛世尊前有寶蓮華億
百千葉无不連者也時天帝釋自變
其形作長者身擎若干等華分布四
輩而說此言願持此華已散如來至
真等正覺又加供養此深經義四輩
如言各各取華散諸佛上衆會皆見
所散之華在諸佛上化成華蓋應時
四輩各自佛言此何本瑞光明巍巍
乃如是乎地大震動又衆寶華化現
在佛前所散諸華一切佛上變成寶
蓋佛言阿難皆是經卷之變應也故
當知建立此經流布一切受者則思
今時阿難復白佛言今者世尊聖旨

之德建此經也佛言如是建立護以
及現在佛亦復若此等无差特阿難
問佛今此經卷所名云何如何奉持
佛言阿難是經名曰不猗果實除
德迹想又名持信奉法道迹往來不
還无著聲聞緣覺也又名開化弊魔
又名遵奉六度無極當持所以者何
聞此經若信樂者即當具足六度无
極阿難又問云何信樂而奉持者具
足六度無極佛語阿難若族姓子族
姓女信喜是經不疑布施則度无極
不毀失戒則禁无極在所忍辱則忍
無極亦不應懈怠離于怯弱則進无
極所為興立如不輕舉則禪無極一
切無念等于諸法則智無極是故阿
難說是經卷号之名曰六度無極又
名不退轉輪方等之法阿難白佛唯
然世尊聞是經名則為大饒益何況
受持諷誦者乎佛言如是難值阿難
又問聞是經名能超幾劫佛言阿難
聞是經不退轉輪歡喜信者則當越
除无數千百劫終始之患假使又聞
棄除貢高信發道意是輩云何佛言

阿難佛皆授決得為无上正真之道
意也

今時四輩衆會人人其前化有蓮華
光色無量一一華者有無央數百千
諸華各懷悅豫則取蓮華供養世尊
同音歎曰願令吾等值是法世亦效
如今分別說之時佛即笑便有伎樂
而自然鳴香聞十方無數千天空中
雨華梅檀栗金及天心華諸天之衣
散世尊上賢者阿難長跪叉手前白
佛言佛不妄笑會當有意佛語阿難
今諸四輩天龍鬼神人及非人聞是
經者後世所生輒值此經演說其義
如我今日等无有異佛說是時賢者
阿難文殊師利菩薩諸天世人莫不
歡喜

佛說阿惟越致遮經卷下

癸卯歲高麗國大藏都監奉

勅彫造

佛說廣博嚴淨不退轉輪經卷第一 木

宋涼州沙門智嚴譯

如是我聞一時佛在舍衛國祇陀林中給孤獨園精舍與大比丘衆千二百五十人俱。爾時世尊於夜後分入無垢光三昧。文殊師利法王子於夜後分入遍照三昧。弥勒菩薩摩訶薩於夜後分入遍燄三昧。爾時尊者舍利弗於夜後分明相出。時佛神力故從自房出。詣文殊師利房。爾時尊者舍利弗欲入文殊師利房。時遙見佛精舍邊有十千蓮花迴旋圍繞。聞大音樂歌頌之聲。彼諸蓮花出大光明。遍照祇洹及舍衛國。乃至三千大千世界。

爾時尊者舍利弗便不復見文殊師利房。而自見身在文殊師利前。立見文殊師利結加趺坐。而入三昧。即便彈指不能令寤。高聲聲咳亦不能寤。爾時尊者舍利弗見文殊師利如此神力。自見其身處大海水。欲從其所。以神力足力乘虛還詣本所住房。而不

能去

尔時尊者舍利弗即於文殊師利前
結加趺坐一心瞻仰目不雙瞬時文
殊師利與舍利弗東行過一恒河沙
世界到一佛土其世界名說不退轉
音聲佛号華光開敷遍身如來即見
彼佛身諸毛孔皆出蓮花其花遍滿
一万由旬皆出光明遍照三千大千
世界其華開敷有百千葉金剛為根
光網為莖阿牟荼馬瑠為鬚閻浮那
提寶為臺其花臺上有菩薩坐已於
阿耨多羅三藐三菩提不退轉得陀
羅尼具五神通逮得諸忍以三十二
相而自嚴身身真金色

尔時華光開敷遍身如來臍中出一
蓮花光色嚴淨有百千葉金剛為根
青琉璃為莖因陀羅網寶為鬚優勒
迦婆羅栴檀寶王為臺其花明淨塵
垢不汙空無坐者尔時文殊師利往
蓮花臺上結加趺坐即與花俱上昇
虛空乃至有頂還至佛所右遶三匝
頭頂札敬還坐花上一心合掌瞻仰
世尊尔時花光開敷遍身如來知而

故問文殊師利從何所來文殊師利
白花光開敷遍身如來言我從娑婆
世界來尔時彼佛有二侍菩薩摩訶
薩一名美音二名妙音已於阿耨多
羅三藐三菩提不退轉從蓮華臺下
整衣服右膝著地一心合掌白佛言
娑婆世界去此近遠尔時花光開敷
遍身如來告二菩薩摩訶薩言善男
子娑婆世界今在西方過恒河沙佛
土文殊師利從彼土來時二菩薩復
白佛言娑婆世界現在說法佛名何
等佛言彼佛名釋迦牟尼今現在說
法復白佛言彼佛世尊為說何法佛
言釋迦牟尼佛說三乘法復白佛言
云何名三乘佛言三乘者所謂聲聞
乘辟支佛乘佛乘時二菩薩白佛言
諸佛說法皆不等耶佛言諸佛說法
皆志平等時二菩薩白佛言云何平
等佛言一切諸佛皆說廣博嚴淨不
退轉輪法是故平等時二菩薩白佛
言何故釋迦文佛說三乘法
佛言娑婆世界衆生心樂小法不堪
大乘諸佛如來以方便力說三乘法釋

迦文佛出五濁世彼諸衆生不能堪
受大乘之法以方便故分別說三時
二菩薩白佛言釋迦文佛於娑婆世
界說法甚難佛言如是如是彼佛說
法實為甚難時二菩薩白佛言我等
今已獲大善利不生彼國佛言善男
子莫作是言應速悔過時二菩薩白
佛言世尊我聞彼國說法甚難乃無
一念樂生彼國何故悔過佛言速捨
此語應當悔過所以者何若於此土
二十億百千那由他劫種諸善根不
如彼佛世界以一食頃說諸波羅蜜
教一衆生受三自歸奉持五戒遠離
聲聞心如是菩薩所行甚難何況以
出家正法發菩提心而作饒益如是
菩薩信為甚難功德無量所以者何
娑婆世界多穢惡故時二菩薩白佛
言娑婆世界有何穢惡佛告美音妙
音娑婆世界穢惡之事以我神口盡
汝壽量說不可盡所以者何彼土衆
生煩惱厚重多行貪欲瞋恚癡無
量無邊諸不善法我以佛智乃能
具知

時二菩薩即三讚歎善哉善哉釋迦牟尼善哉善哉釋迦師子善哉善哉釋迦仙王作是歎已一心合掌懺悔
先來諸不善心若離貪欲瞋恚愚癡
無量無邊諸不善法若曾發心求聲
聞辟支佛今志懺悔亦欲明淨求佛
智心順解脫心為得佛智故為一切
衆生故以無著善根相應心持七寶
花其花皆出百千光色有百千葉金
剛為根曰陀羅寶網為頸優勒迦娑
羅栴檀寶王為臺以一切諸寶王為
莖其花明淨塵垢不汙可以眼識識
不可以手觸猶如幻化果報從三昧
正觀生於虛空中遶散釋迦文佛上
所散之花於虛空中變成花鬘華雲
華蓋寶鬘寶雲寶蓋繒鬘繒雲繒蓋
供養釋迦牟尼佛復以百千種色花
鬘末香塗香細末栴檀遶散釋迦
牟尼佛上而以供養即於彼處五體投
地頂礼釋迦牟尼佛足作如是言南
無釋迦牟尼佛及娑婆世界諸菩薩
摩訶薩發大莊嚴成就大精進力諸
先舊者能持正法有大威力能利益

一切衆生而作光明正求一乘能守
護三世佛法城塹不斷佛種住娑婆
世界者作如是言我今應往彼土見
釋迦牟尼佛并諸菩薩摩訶薩及餘
衆生

尔時花光開敷遍身如來聞二菩薩
作如是言又籌量觀察深心所行復
以佛法誠勅安慰告言善男子汝今
欲往娑婆世界見釋迦牟尼佛并諸
菩薩及餘衆生者當生尊重心憐愍
心饒益心所以者何彼諸菩薩於甚
深法不生怖畏亦不誹謗能奉三世
諸佛教戒以無著心種諸善根不為
果報勤行諸波羅蜜此諸菩薩摩訶
薩等以本願故生彼佛土為守護諸
佛法城塹故亦欲遍學一切佛法故
汝等今欲往彼見耶時二菩薩白佛
言世尊若承佛神力及三世諸佛威
勢護助願欲往見尔時華光開敷遍
身如來告美音妙音菩薩摩訶薩今
欲往者當與文殊師利法王子俱往
善男子當共汝往尔時美音妙音菩
薩摩訶薩語文殊師利法王子言我

今因仁者力欲往娑婆世界見釋迦
如來并諸菩薩及餘衆生文殊師利
言善男子我今欲往十方世界多供
養恭敬尊重讚歎禮拜諸佛為令一
切衆生入佛菩提得佛智故時二菩
薩語文殊師利言我今亦共仁者至
十方世界多供養恭敬尊重讚歎禮
拜諸佛如仁者為一切衆生入佛菩
提得佛智故我亦隨學今時文殊師
利頂札花光開敷遍身如來右遶三
匝尊重恭敬與彼菩薩并尊者舍利
弗受佛教已一心瞻仰漸漸却退以
如幻花而用散佛以衆花鬘聚塗香
末香聚諸幢幡蓋聚皆是先佛威神
之力能生歡喜踊躍欣樂以供養佛
以供養法為令衆生得解脫故供養
佛已猶如壯士屈申臂頃於彼佛前
忽然不現在東方恒河沙佛前自然
而現皆悉如上說廣博嚴淨不退轉
輪法彼佛世界無有女人亦無聲聞
辟支佛乘世界莊嚴皆如蓮華開敷
遍身如來佛土菩薩莊嚴充滿其國
亦復如是彼國諸佛臍中皆出一大

蓮花文殊師利而坐其上恭敬供養
現諸神變皆亦如上南西北方四維
上下亦復如是二方面恒河沙諸
佛如來文殊師利而現其前彼諸世
尊皆說廣博嚴淨不退轉輪法亦遣
侍者菩薩摩訶薩此諸菩薩下蓮花
臺一心念佛合掌恭敬諮問彼佛云
何名三乘亦欲回文殊師利威神力
往娑婆世界見釋迦牟尼佛聽受法
教文殊師利皆悉安慰十方世界諸
菩薩摩訶薩我當共汝至娑婆世界
見釋迦牟尼佛如是時間於此娑婆
世界閻浮提中夜猶未曉

尔時尊者阿難從房門孔有光來入
即從牀起出自房時見有光明照祇
陀林日猶未出見祇陀林大水盈滿
其水澄清無諸擾濁房舍園林悉皆
不現便作是念今日必說未曾有法
故現斯瑞尔時尊者阿難舉足入水
不沒不濕心生歡喜詣佛精舍見一
万蓮花廻旋圍遶世尊精舍聞大音
樂歌頌之聲彼諸蓮花出大光明照
祇陀林及舍衛國乃至三千大千世

界佛威神故乃令阿難心生歡喜右
膝著地一心合掌頂礼世尊如是時
問天已明了尔時佛精舍邊迴旋蓮
華中有一蓮華忽然而來至祇陀林
處中而住尊者阿難見是事已便作
此念我今應往為佛世尊敷置法座
所以者何今有此瑞必說大法尔時
阿難為佛世尊敷置法座當尔之時
大地六變震動乃至十方恒沙世界
皆亦震動動遍動等遍動起遍起等
遍起震遍震等遍震揺遍揺等遍揺
踊遍踊等遍踊吼遍吼等遍吼是時
天雨優鉢羅華波頭摩花拘物頭華
分陀利花如是等花遍滿三千大千
世界華果諸樹自然而現時比丘僧
欲出祇陀園門而不能出見祇陀林
大水盈滿其水澄清無諸擾濁房舍
園林悉皆不現唯見大光遍照祇洹
集在房門而作是言今現此瑞必說
大法

尔時世尊從三昧安祥而起出自精
舍昇所敷座當尔之時釋迦牟尼佛
及十方佛放大光網其光皆有百千

種色照明正法今諸衆生生歡喜故
爾時文殊師利遊諸佛土皆與二菩
薩俱所經佛土皆志禮拜供養諸佛
尊重讚歎為衆生故為得佛智故為
攝衆生受教化故現不可思議神變
之事隨其所樂而為說法時文殊師
利法王子知釋迦牟尼佛已昇法座
與諸菩薩摩訶薩從地踊出住於佛
前與無量阿僧祇百千萬億那由他
菩薩摩訶薩遶釋迦牟尼佛滿百千
匝持百千萬種種色花其花有不可
思議百千萬葉皆生歡喜踊躍欣樂
以散佛上所散諸花遍滿三千大千
世界復以優迦娑羅細末栴檀而散
佛上復以種種花香其香亦有百千
種色常出戒香忍香精進香禪香慧
香智方便香神通香六波羅蜜香無
所著香具諸道品方便之香其栴檀香
能生歡喜踊躍欣樂其香光明皆是
十方諸佛神力之所守護為供養釋
迦牟尼佛故發大精進勇猛精進超
勝精進堅固精進無等等精進供養
釋迦牟尼佛爾時文殊師利與諸菩

薩摩訶薩便莊嚴此土化作八楞摩
尼寶樹八觚分明亦有種種寶樹莊
嚴寶蓋幢幡以摩尼寶網及諸鈴網
而嚴飾之變此大地成摩尼寶於其
地上造諸堂閣窓牖都欄妙寶牆壁
大小諸河泉源花池優鉢羅花波頭
摩花芬陀利花摩尼寶花充滿其中
以甘露水其水八味流注池中有種
種鳥遊集其上作是變現為令衆生
心歡喜故為得佛智故發大堪忍故
發菩薩心故現如是等無量神變是
諸佛力亦是文殊師利法王子力亦
是釋迦牟尼佛本願之力今時文殊
師利及諸菩薩摩訶薩作是神變已
住於佛前

今時世尊放從法生光遍照文殊師
利及諸菩薩摩訶薩身為令坐故佛
便微笑身出蓮花其花有百千種色
出無量百千不可思議光金剛為根
目陀羅寶為鬚優勒迦娑羅栴檀寶
王為臺在虛空中諸菩薩摩訶薩於
其華上結加趺坐釋迦牟尼佛於自
臍中放一光明其光名日照諸衆生

寂勝金剛王即此光中有億那由他蓮花其花亦出若干種色其色寂靜無量無邊過於日光清淨香潔遍照十方其蓮花中自然變成微妙花帳而是花帳諸佛所護從法性生安隱寂靜順解脫門空無相無作不生不滅相應踰過三世平等眼所見文殊師利安坐花帳身相顯現一念合掌正念觀佛所謂佛能通達一切諸法能生金剛三昧於一切法無所得三昧今時世尊知文殊師利及十方諸佛所使菩薩摩訶薩樂求法者專向一乘已於先佛種諸善根為文殊師利之所守護無怯弱心勤修精進求佛菩提如是等衆安隱坐已
今時世尊告阿難汝往遍告祇陀林中諸比丘比丘尼優婆塞優婆夷使集聽法時尊者阿難詣諸比丘房而告之言諸大德世尊今勅汝等來集聽法諸比丘言大德阿難我等先見此瑞不能得往阿難言以何事故而不能往諸比丘言我等見祇陀林中大水盈滿其水澄清無諸擾濁大光

遍照房舍園林悉不復現以是事故
不能得往時尊者阿難還至佛所白
佛言彼諸比丘不能得來所以者何
彼作是言我等見是祇陀林中大水
盈滿其水澄清無諸擾濁大光遍照
房舍園林悉不復現以是事故不能
得來佛告阿難彼諸比丘於非水中
而作水想不但於非水中而作水想
亦於非色中而作色想非受想行識
中作受想行識想非堅信作堅信想
非堅法作堅法想非八人作八人想
非須陀洹果作須陀洹果想非斯陀
含果作斯陀含果想非阿那含果作
阿那含果想非阿羅漢果作阿羅漢
果想非聲聞乘作聲聞乘想非辟支
佛乘作辟支佛乘想阿難汝往重告
諸比丘比丘尼優婆塞優婆夷來集
聽法此法皆是汝等昔所未聞時尊
者阿難復往諸比丘所而告之言諸
大德世尊告勅汝等來集聽法如是
音聲遍舍衛國諸比丘比丘尼優婆
塞優婆夷普聞此聲時尊者阿難知
四部衆聞此語已還至佛所而白佛

言我以遍告四衆來集聽法

尔時世尊告大目犍連汝速往詣三千大千世界遍告諸菩薩摩訶薩發大莊嚴者及諸比丘比丘尼優婆塞優婆夷天龍夜叉捷闍婆阿修羅迦樓羅緊那羅摩睺羅伽人與非人敬信佛法僧久種善根者集祇陀林聽受正法此法汝等昔所未聞天人阿修羅及餘世間所不能轉唯於先佛所久種善根樂求大乘寂勝乘第一乘無上乘無等等乘菩薩摩訶薩發大莊嚴勤行此法者能受能轉時尊者大目犍連受佛教已即於佛前忽然不現猶如壯士屈申臂頃遍至三千大千世界菩薩摩訶薩比丘比丘尼優婆塞優婆夷天龍夜叉捷闍婆阿修羅迦樓羅緊那羅摩睺羅伽人與非人敬佛法僧久種善根者而告之言世尊告勅汝等來集聽法尔時大目犍連承佛威力及已神足還至佛所白佛言諸聽法衆皆悉已集尔時四衆普來集會縱廣一千由旬在上諸天及餘衆生住虛空中者縱廣

余時文殊師利法王子白佛言世尊
今此四衆諸來集者一心合掌頂禮
如來供養恭敬世尊威德未敢就坐
唯願世尊垂哀聽坐今時世尊熙怡
微笑是時有無量閻浮那提金色蓮
花從地踊出各百千葉尸利迦寶為
根因陀羅尼寶為鬚赤真珠為臺七
寶為莖大如車輪諸來會者在於佛
前皆坐其上與文殊師利諸來菩薩
摩訶薩三十二相而自在嚴身真金
色入於三昧身出光明今時文殊師
利及諸菩薩摩訶薩諸來四衆蓮花
臺上曲躬恭敬一心合掌瞻仰世尊
時文殊師利白佛言世尊今此四衆
虛空諸天皆已坐定唯願如來等正
覺說廣博嚴淨不退轉輪法今此會
衆比丘比丘尼優婆塞優婆夷百千
諸天皆生須陀洹果想斯陀含果想
阿那含果想阿羅漢果想聲聞乘想
辟支佛乘想唯願世尊為除此衆如
是諸想以何因緣世尊說須陀洹果
斯陀含果阿那含果阿羅漢果聲聞

乘辟支佛乘世尊默然時尊者舍利
弗白佛言世尊我夜後分明相出時
從自房出詣文殊師利房欲入房時
遙見佛精舍邊有十千蓮花迴旋圍
大光明照祇陀林及舍衛國乃至三
千大千世界如是之相是何先瑞佛
告舍利弗此是文殊師利所請法瑞
尔時阿難白佛言世尊我夜後分房
門孔中有光來入即從牀起出自房
時見有光明照祇陀林猶如日出見
祇陀林大水盈滿其水澄清無諸擾
濁房舍園林悉皆不現如是之相是
何先瑞尔時世尊告阿難言此是文
殊師利所請廣博嚴淨不退轉輪法
瑞尔時世尊即為阿難而說偈言
佛乘無有上 清淨無濁穢 文殊無畏者
今問如此事 是乘無分別 無漏無戲論
文殊無畏者 今問如此事 此乘無所有
畢竟無所生 是處不可著 文殊今已問
是中終不說 出生於諸果 諸佛導世者
說此微密語 菩提無音聲 亦無來去相
文殊無畏者 今問如此事 雖說諸音聲

其性不可得 文殊所問法 無音聲文字
音聲猶如風 無性無住處 文殊所問法
遠離諸音聲 阿難今善聽 文殊所問法
諸佛微密語 宣說菩提空 諸佛菩提法
皆忘空寂相 無有諸方所 亦無有住處
菩提如虛空 無生亦無滅 亦無來去相
唯佛能顯示 猶如虛空中 無有諸相貌
文殊今問此 妙淨菩提法 去來今諸佛
等說此菩提 非是可見法 亦無能見者
如此法性相 以音聲顯現 法界與菩提
二俱不相見 淨檀波羅蜜 尸羅亦復然
能淨忍辱者 顯現佛菩提 能淨於精進
禪定亦復然 淨慧淨智者 能顯見菩提
能淨於方便 到神通彼岸 無依無倚者
以聲說菩提 我說三乘法 諸果差別名
隨其所樂聞 分別而為說 五濁世衆生
其心多怯弱 畏佛智慧故 不趣佛菩提
成就第四果 名曰阿羅漢 從聲得悟者
是名為聲聞 我說縛解相 因緣各差別
曉了此諸緣 能現見諸法 便名阿羅漢
亦号辟支佛 通達無生法 是名為菩薩
空三昧無作 無相無所有 從此解脫門
能入於涅槃 於前中後際 終不生染著

已離於方所 是故名無為 阿難汝當知
文殊問甚深 能解微密語 不分別諸果
文殊住一乘 不分別諸法 以是故問佛
諸果相所以 三世皆平等 空寂無性相
遠離語音聲 不分別菩提 文殊所教化
諸來大菩薩 二十恒河沙 其數不減少
今來詣我所 欲聞菩薩行 亦欲聽三乘
種種差別相 文殊無畏者 為除彼疑心
是故今問我 果相及乘相 此是佛威神
亦是本願力 為拔苦衆生 分別說三乘
文殊無畏者 懇懃勸請我 唯願大法王
說菩薩所行 百千億諸天 供養佛世尊
皆著諸果相 願除此疑心 今此四部衆
比丘等來集 著諸果音聲 不解微密語
為除彼疑故 文殊今明我 以是衆因緣
諸菩薩來集

摩訶般若經卷第一

癸卯歲高麗國大藏都監奉
勅彫造

佛說廣博嚴淨不退轉輪經卷第二

木

宋涼州沙門智嚴譯

尔時阿難白佛言文殊師利法王子
問佛世尊廣博嚴淨不退轉輪法耶
佛言阿難如是如是文殊師利法王
子問我廣博嚴淨不退轉輪法所以
者何諸佛世尊皆轉廣博嚴淨不退
轉輪法阿難白佛言以何因緣世尊
說堅信堅法八人須陀洹斯陀舍阿
那含阿羅漢聲聞辟支佛耶世尊彼
之所行是菩薩法耶佛告阿難如是如
是彼所行者是菩薩法所以者何五濁
衆生心樂小法不求大乘是故諸佛以
方便力隨衆生性而為說法以諸衆
生多樂小法不堪大乘如來以方便
力觀其深心令發道意入佛智慧阿
難如來以如是方便度諸衆生到安
隱處無為無作離心數法皆悉平等
永滅苦樂無有方所亦無住處安隱
寂靜無餘涅槃

尔時世尊說是語已而便默然時尊
者阿難問文殊師利言以何因緣故
如來默然文殊師利言尊者阿難以

諸衆生聞說是法少能信者是故默然世尊說微密之語唯我能了今四部衆咸生此疑以何緣故世尊說堅信法乃至聲聞辟支佛耶今此百千萬億那由他諸菩薩摩訶薩皆生疑心世尊何故說堅信堅法乃至聲聞辟支佛乘以佛默然而不說此難信法故諸河泉源小大諸水湛然不流空中諸鳥亭住不飛日月不行一切燈炬無復光照一切衆生無有威光所以者何世尊默然而不解說難信法故今時世尊所住精舍一万蓮華迴旋圍遶者皆發此言唯願世尊說廣博嚴淨不退轉輪法所以者何我等曾於此處聞九十二億百千那由他諸佛皆說此法是時尊者舍利弗白佛言世尊願說廣博嚴淨不退轉輪法所以者何我夜後分與文殊師利法王子至東方恒河沙佛土是諸如來皆說此法南西北方四維上下無量無邊不可計數諸佛世尊皆宣此法時虛空中有八十萬五千那由他諸

天白佛言世尊願說廣博嚴淨不退轉輪法所以者何我等曾於此處聞九十二億百千那由他諸佛皆說此法今時尊者阿難白佛言世尊以何因緣說堅信堅法乃至聲聞辟支佛今此四衆咸皆默然乃至無有聲咳之聲今此會中百千萬億衆生皆生疑惑世尊何故說堅信堅法乃至聲聞辟支佛乘唯願世尊拔此大衆心中疑箭此諸大衆是佛時證佛告阿難如是如是諸佛世尊所說之法皆有時證阿難白佛言誰是證耶佛告阿難難法是我證諸佛如來以法為證而有所說

佛告阿難諦聽諦聽善思念之吾當為汝分別解說菩薩摩訶薩名曰堅信乃至名曰辟支佛乘時尊者阿難諸大聲聞皆悉一心聽佛所說佛告阿難菩薩摩訶薩令無量无邊阿僧祇衆生信佛知見信佛知見已不著色不著受想行識以不著色不著受想行識故是菩薩摩訶薩名為堅法復次阿難菩薩摩訶薩信諸佛所說

法皆忠空寂信此法者是菩薩摩訶
薩名為堅信復次阿難菩薩摩訶薩
信於佛智便作是念我等亦當成就
此智亦不見此智是故阿難菩薩摩
訶薩名為堅信復次阿難菩薩摩訶
薩於五欲樂不生欣樂成就信力是
故菩薩摩訶薩名為堅信復次阿難
菩薩摩訶薩作是念如佛世尊以不
可思議法施諸衆生我亦應學以不
可思議法施諸衆生如是菩薩摩訶
薩名為堅信復次阿難菩薩摩訶薩
心生歡喜捨一切物乃至自身尚以
布施何況餘物信行此施而不倚著
於一切處不生慳慳以此因緣迴向
菩提亦不起菩提見是菩薩摩訶薩
名為堅信復次阿難菩薩摩訶薩信
心清淨無有怯弱於佛法僧心得淳
淨守護六情無所願求無信衆生於
佛法僧令生信樂已生信樂心不放
逸發菩提心不著心相信知六界與
法界等云何信知所謂此界以諸音
聲文字故說實不可得信知諸行是
無常苦空無我之法亦信無漏聖戒

非戲論法具諸三昧信一切衆生即
是滅界衆生之相即是滅相以無依
心見諸衆生即是法界而於此法不見
法界所以者何法界即是衆生無心
之界菩薩摩訶薩如是信者名為堅
信一切衆生無有住處所以者何自
性空故亦復不見衆生形相見諸衆
生同涅槃相所以者何衆生界空是
故即見是涅槃相若有能信如是法
者今多衆生得如是信是故阿難菩
薩摩訶薩名為堅信今時世尊欲重
宣此義而說偈言

能令諸衆生 信向佛知見 心不生染著
是名為堅信 信諸佛說法 其性相皆空
能信解此法 是名為堅信 信諸佛知見
是不可思議 發心而勤求 我應得是智
不生信樂心 貪求五欲樂 是信力成就
是名為堅信 信諸牟尼尊 以法施衆生
我亦應隨學 是名為堅信 信能行布施
乃至捨自身 亦不生施想 是名為堅信
信能施一切 不生慳慳心 盡迴向菩提
是名為堅信 信向於諸佛 其心無穢濁
亦信無心法 是名為堅信 能守護六情

亦不復願求 已信解此法 是名為堅信
諸不信衆生 以信而建立 今隨順佛法
是名為堅信 以此信向心 盡迴向菩提
而不得心相 是名為堅信 知六界平等
即與法界同 以音聲分別 不得諸界性
信諸行無常 苦空無有我 成就是信力
是名為堅信 信無漏聖戒 非是論戲法
具戒三昧者 是名為堅信 信諸衆生界
即是滅界性 能信如是相 是名信中信
衆生無依性 即是諸法界 如此諸法界
其性難思議 若能如是信 隨順彼法相
此無畏菩薩 是名為堅信 信諸衆生身
畢竟無所住 其性本空無 是故無處所
衆生是涅槃 其性即空故 以是義顯示
寂靜涅槃相 若能如是信 名無畏菩薩
如是諸衆生 皆名為堅信 阿難善受持
亦如是宣說 若有如是信 是名為堅信
如是等諸法 餘無量無邊 佛為諸菩薩
說是差別相

如是阿難如來應正等覺以方便力
為聲聞人說菩薩摩訶薩名為堅信復
次阿難今當為樂此法衆生復以偈
頌說菩薩摩訶薩名堅信義今時世

尊即說偈言

續傳法苑珠林卷第七 跋木

三

皆共和合一心聽 我說佛子諸功德
布施持戒及精進 忍辱禪定智慧身
信向樂求如是法 不信者信佛淨智
有如是信名菩薩 導化世間無厭倦
信解諸法無分別 其性空寂佛所說
若能善解如是法 是名菩薩堅信者
信佛知見無有量 發心欲求如是智
無上大人所有智 我當何時得此智
不信欲樂是淨法 不為欲因行惡業
以信力故樂求法 有此勝信名菩薩
信諸如來以法施 我亦應當如是學
佛所說法隨順行 有此勝信名菩薩
信能捨此上饒饒 象馬金寶及奴婢
男女眷屬所愛妻 大小村城及國土
亦以手足支節施 破骨出髓無所畏
耳鼻眼目及以頭 有此勝信名菩薩
信知此身內無主 是故能以惠施他
亦復能以妙法施 以是因緣求佛智
信能捨此無我身 見來求者心歡喜
如是衆生我善友 為菩提捨危脆身
信如是法菩提因 以清淨心化世間
聞法不疑佛知見 有此勝信名菩薩

知眼無常及耳鼻舌身及意亦復然
知是虛偽不牢固為菩提因志能捨
見苦衆生無信手化令住信能信施
目住慈心愍世間皆令信佛取上智
見著六塵行惡者化令迴心趣佛智
不得此心菩提因能信菩提無心相
見諸衆生界無智不知六界是平等
此法皆同法界相以音聲說不可得
見諸衆生在生死無常計常癡冥中
教信諸行是無常今信解空無有我
見諸衆生行惡戒教令信佛無上戒
自淨戒定諸功德有此勝信名菩薩
見諸衆生多懶墮教令信佛大精進
知精進力自調伏能持此信名菩薩
見愚衆生計壽命教信陰身無有壽
了知滅界同法界若知此法是勝信
分指此身無去住雖復異世業不亡
所造善惡諸業因終不遠離此法性
見衆生性無依法此界亦同諸衆生
法界平等不思議無畏菩薩如是信
佛說此信無有二勤修善行知諸法
亦為他說如是信而不染著於三有
信如是等衆生性無有決定常住處

空不可取無相法 能信是法名菩薩
是諸衆生如空定 亦不寂靜涅槃界
不可說有諸性相 知是法者名持信
見諸衆生信邊法 以寂靜法而導之
故於三界得高稱 亦名持信勝菩薩
若有如是妙勝信 發無畏心樂求法
我法若有黠慧人 廣向時衆而宣說
已說堅信諸功德 及餘種種差別相
不著三界清淨心 憐愍衆生良福田
長夜布施自調伏 住清淨戒修忍辱
精進修定及智慧 行菩薩行心調伏
以諸相應方便智 導衆生到安隱處
能令不墮諸惡趣 有如是智名菩薩
以真淨心動世界 震起波踊有六種
光照花上坐菩薩 皆說寂靜空無法
東方國土及南方 西方北方亦復然
上方下方及四維 皆同說此寂靜法
寧捨身命不疑佛 亦教他人信佛智
若諸衆生有是信 佛及行者能證知
復次阿難云何如來說菩薩摩訶薩
名為堅法阿難當知菩薩摩訶薩於
佛正法終不退轉受持佛法為他宣
說終不毀犯於不可思議真如法界

應當逮得如是等法堅心受持而無怯弱能觀諸法真實之相不生染著故而於此法無所受持於法非法亦不生著應如是持樂求諸法求已能受受已能持持已能說歡喜調柔易可共住常樂宣說寂靜之法不動法界能逮諸法真實之相於諸法中善得調伏亦不毀損常住妙身如此之身常住故妙應知此身無始無終無聚無散應如是知如佛世尊為諸菩薩分別解說於此法中亦應逮得見一切法清淨無垢善解諸法無可著處諸法性虛不可得見以不見故無所受持宣說法界無相無性無有言說亦無所有無有思想遠離思想心不可得其性寂靜離諸音聲無有言說非境界法常樂受持宣說是法而於是法心無所依以如是等無所有法種種差別為菩薩摩訶薩說而於此法不作合散無種種相如其所說皆已逮得已得此法名為性地性地菩薩摩訶薩乃至於少法中不生來去想已能受持不來去法而於此法

不生增減亦無聚散若能受持不增
不減不聚不散如是等法是名堅法
菩薩摩訶薩於諸法性得無所得以
於此法性無所得故是菩薩摩訶薩
名為堅法今時世尊欲重宣此義而
說偈言

於諸佛正法而無所退轉 能持如是法
是名為堅法 未曾有毀犯 不思議法界
能逮如是法 是名為堅法 久發心受持
諸佛所說法 心無有怯弱 是名為堅法
於一切法性 正趣而勤求 不生染著心
是名為堅法 不著亦不住 亦能教示他
能持如是法 是名為堅法 調柔易共住
宣說寂靜法 不動彼法性 是名為持法
了知諸法體 而無有性相 於此法決定
是名為持法 亦未曾毀損 常住真妙身
當知此身者 即以法為體 此身無終始
諸法之所成 於此無增減 是名為持法
佛為諸菩薩 宣說諸法相 能得此法
是名為持法 此界性自空 於法無染著
能持如是法 是名為持法 觀察一切法
性空不可見 以不見法故 亦復無所持
以無所持故 能顯示法界 無性相音聲

其體無所有 遠離諸思想 心亦不可得
以不得心故 名不可思議 已遠離心想
宣示寂靜法 無音聲境界 名不可思議
能持如是法 亦復無所信 不依無所信
不依無所有 佛為諸菩薩 宣說如是法
不合亦不散 亦無種種相 若說於此行
得住於性地 已住於性地 即名性地人
住性地菩薩 畢竟無所依 能持如是法
是名為持法 以是故阿難 菩薩摩訶薩
於法無所得 即名為持法 若有諸衆生
佛道生遠想 以方便力故 令到究竟處
如是法及餘 為諸菩薩說 以微妙方便
顯示佛知見 持法大明人 唯佛能證知
及修行此法 無畏諸菩薩 不可思議智
說持法差別 法非法清淨 安住是法中
如是阿難如來正等覺以方便力故
為聲聞人說菩薩摩訶薩名為堅法
復次阿難云何如來說菩薩摩訶薩
名為八人阿難當知菩薩摩訶薩已
過八邪修八解脫不著八正過凡夫
法而無所作遠平等道過凡夫法勤
求菩提不得菩提離諸邪見而修正
見逮平等道離自身相雖未得佛身

而求菩提離衆生想而修佛想逮平等想離衆生操窟法求無操窟法於諸法中而無所住所以者何不見有法而可住者過世間法開通聖法已逮滅界亦不得世間及出世間法遠離有無是法非法善能觀察斷常二邊觀去來現在心相乃至菩提心相亦不可得所以者何已逮衆生心相平等法故是以毒不能害火不能燒刀不傷身所以者何已能遠離諸境界故雖未得佛行已於諸趣無有決定所以者何菩提離諸趣故菩提趣者安靜無為菩提性空無有處所是以刀不傷身名不可害其乘速疾名不可害所以者何速達此乘無有罣碍以是事故刀不傷身亦有遍緣衆生慈菩提行慈一切衆生界不可得無所行慈一切法空慈趣寂靜界慈離瞋恚慈行智明慈能照菩提衆生界不可得慈遍緣衆生故刀不能傷知欲色無色界皆悉平等亦知法界平等如菩提無種種相不可知不可著無戲論無垢穢安隱寂靜離諸音

聲菩薩摩訶薩能了知是界於諸趣
中所有言說音聲皆能了知所以者
何以於無來去法界中得無住法忍
故善知一切衆生言音而為解說寂
滅之法不作是念我於是時為此衆
生說法已遠離我想諸音聲故知諸
法寂靜故於諸法中不取其相不可
得故不著言說故是菩薩摩訶薩名
為八人亦時世尊欲重宣此義而說
偈言

已過於八難 正住八解脫 不著八正見
是名為八人 已過凡夫法 而不住正道
處中離二邊 是名為八人 已過凡夫法
而離求菩提 不得菩提相 是名為八人
遠離諸邪見 能修行正見 逮得平等道
是名為八人 遠離自身相 而不住菩提
雖未得佛身 是名為八人 除去衆生想
能修行佛想 已逮平等相 是名為八人
離衆生揀窟 求無揀窟法 不住於諸法
是名為八人 已過世間法 而開通聖法
成就於滅界 是名為八人 諸佛所說法
及餘世間法 不得此法相 是名為八人
見有是一邊 見無第二邊 能捨如是見

是名為八人 觀察中道法 及與斷常邊
知是平等想 是名為八人 不得過去心
及與未來心 現在心不住 是名為八人
所說寂初心 能生菩提者 此心不可得
云何得菩提 若能遠得此 不得菩提心
故毒火不能 傷害壞其身 其趣雖不定
遍修如是行 逮無去來法 故名不可害
菩提無趣相 以音聲故說 善解音聲相
故名不可害 去相不可得 來相亦復尔
音聲說去來 故名速疾乘 是故名安隱
亦名為空無 亦名速疾乘 亦名不可害
如是速疾乘 菩薩應通達 無能望身者
是故名不害 設以利刃刀 不能傷其身
不見於身相 故刀不能害 遍緣眾生慈
及以菩提慈 行菩提慈故 不為刀所害
無行無眾生 不得眾生界 寂靜無生慈
遍緣眾生慈 遠離瞋恚慈 及行智明慈
能照菩提慈 遍緣諸眾生 解刀是空法
善修於身相 未得菩提道 不為刀所害
已逮寂靜界 遠離諸惡趣 惡業不能障
不為刀所害 遠離於無明 已證知明法
逮得菩提照 是名為八人 能知欲色界
無色界是空 皆志是平等 是名為八人

界與苦樂等。無有種種相。無智無分別。
清淨無戲論。已逮此平等。菩薩無所依。
所說諸音聲。能遍至諸趣。來去諸音聲。
皆歸於法界。於無住法中。得此最上忍。
善解衆生音。為說寂滅法。不生如是心。
我為彼說法。已過音聲法。不取種種相。
知諸法寂滅。是名為八人。已過諸音聲。
通達音聲界。不著音聲者。故名為八人。
阿難以是事。是名為八人。雖作如是說。
其實不可得。

如是阿難如來等正覺。以方便力為。
聲聞人說菩薩摩訶薩名為八人。
復次阿難云。何如來說菩薩摩訶薩。
名須陀洹。阿難當知。不可思議佛道。
名須陀洹。菩薩摩訶薩住無所住。近。
於佛道。不受諸法。無所依倚。亦無所。
緣。不住諸法。畢竟無生。菩薩摩訶薩。
為得是道。故堅固精進。堅固思惟。無。
有懈怠。終不違逆。心無所依。諸佛所。
乘。無上最勝出要之道。不著此道。亦。
不住中。以如是道。推求諸法。雖復推。
求。而無所得。而於彼道。不動。不住於。
道。想生死。想佛。想能生平等。於結障。

法平等諸法平等諸佛平等遠離身
見能生佛見開悟諸見修對治想已
過我想阿難以是事故菩薩摩訶薩
名須陀洹不著佛道逮無染道不疑
佛菩提不選擇戒乃至不見佛戒以
不見故不選擇戒不分別戒永斷三
結不住三界已遠佛道離衆生想無
所依止離依止法專求佛道得安隱
寂靜道不惜身命以歡喜心能捨一
切物顏貌和悅無有嗔感為菩提故
而行布施無有少物而不能捨為濟
苦衆生故今到涅槃故為修有相法
故得無相法故離衆生想入衆無畏
說寂靜法淨菩提道無所怖畏乃至
無有死畏所以者何以逮得寂靜法
遠離塵垢安住佛道善修惡趣諸平
等想無戲論道阿難以是事故菩
薩摩訶薩名須陀洹今時世尊欲重
宣此義而說偈言

不思議佛道名為須陀洹若有住此道
必流入菩提此道如虛空不依一切法
無緣無所住所有不可得菩薩堅精進
能逮如是法諸佛導世者無上出要道

不滌著此道亦復不住中以此道推求
不見一切法此道無動搖亦復無住中
不懈怠如佛不逆無所畏所說生死相
佛想亦復然能於此平等知是須陀洹
諸結及與障能覆佛道者皆未能遠離
是名須陀洹能斷於身見而生於佛見
開悟諸邪見善修對治想善修自身想
知我想過患是名須陀洹不著於佛道
設生此猶豫我不得菩提即得無滌著
而求於佛道亦不選擇戒不願佛尸羅
已斷於戒想不分別尸羅永斷於三結
不住於三界已逮得佛道善修衆生想
以無所緣道而求於菩提已遠寂靜道
佛無垢菩提好樂行布施和顏無顛蹙
不惜於身命為無戲論道為苦惱衆生
一切皆能捨今過須陀洹妙勝果之上
遠離諸有想善通達無相以是故無有
惡名諸怖畏所說法非法二俱能遠離
於中不滌著無有惡名畏若入六衆時
其心無所畏宣說寂滅法已淨菩提道
若起衆生想能生其真實以是故無垢
遠離一切畏已離一切怖乃至無所畏
已得寂靜道安隱無有上知悉趣平等

而不生怖畏。此道現在前。無有吾我想。
菩薩如是法。名為須陀洹。為樂小法者。
而作如是說。以微妙方便。宣說於佛法。
於道放逸者。今入如是法。諸佛之導師。
捨方便而說。為諸久行人。求取勝道者。
以是故阿難。我說須陀洹。點慧諸衆生。
能解了是事。以是故阿難。我說須陀洹。
不點慧衆生。謬分別是事。凡小無智心。
不解微妙語。愚心起諍訟。不解微妙義。
滿足多百法。乃名須陀洹。以須陀洹名。
顯示諸佛法。

如是阿難。如來等正覺。以方便力為。
聲聞人說菩薩摩訶薩名須陀洹。
廣博嚴淨經卷第二

癸卯歲高麗國大藏都監奉
勅彫造

佛說廣博嚴淨不退轉輪經卷第三 木

宋涼州沙門智嚴譯

復次阿難云何如來說菩薩摩訶薩
名斯陀舍阿難當知菩薩摩訶薩隨
學佛智解了菩提不從緣生為無緣
智故而求佛智以衆曰緣求無處所
禪而求佛智得燒煩惱法燒諸煩惱
得佛平等法求未得法如諸佛阿羅
訶三藐三佛陀雖度衆生而不動衆
生求不動衆生界有諸衆生慧心微
薄愁憂苦惱不解法界欲令此衆住
於智故而求佛智於根力覺道解脫
三昧先自覺悟覺悟衆生而求佛智
所可用智能至道場為得此智而求
佛智佛眼是不可思議無障碍眼恒
以此眼利益世間為求是智眼故求
智中勝智所可用智知一切法如如
亦不可得此智所可用智令一切衆生
住是智中所謂不住一切法智以是事
故而求此間來已見衆生界是不可
思議界求是界已不得此界衆生從
何而生不知衆生生處從衆生界有

老別名觀察法界衆生界時不見是
老別相見衆生界盡入法界見法界
是平等道佛法道是衆生不可得道
衆生平等智道為求是無比智故此
智清淨離塵垢不得此智不可以此
智求知此智是無所知智菩薩摩訶
薩以此智故而有老別未得此智為
求此智而來此間阿難以是事故菩
薩摩訶薩名斯陀舍今時世尊欲重
宣此義而說偈言

隨學諸佛智 其智無有上 以求佛智故
是名斯陀舍 所說衆因緣 能生於菩提
為如是緣故 是故來此間 所說無處禪
能燒諸煩惱 以是故來此 為生此禪故
先所未得法 一切智所行 我亦欲求故
而來於此間 不動諸衆生 法界亦如是
為不移動故 是故來此間 苦惱無點慧
愁憂諸衆生 欲令如是衆 住佛無量智
諸根力覺道 解脫及與禪 自覺覺他故
而求於佛智 能趣向道場 先佛所行法
為求此法故 是故來此間 為求如是智
不思議佛眼 求如是眼故 而來於此間
諸佛導世師 所行巧方便 為求如是智

諸智中取勝。諸所可用智。能知諸法如
此智不可得。云何求諸法。願令多衆生
安住無上智。亦欲令他知。故來於此間。
來已見衆生。其界不思議。是以斯陀舍
來此求衆生。以求衆生界。衆生不可得
是故雖來求。亦復不可知。不知諸衆生
及以衆生界。若能知此界。知衆生老別
觀察一切法。觀已無所見。安住於定心
而求諸佛法。若有此淨智。無垢性清淨
亦不得此智。而知於所知。以如是衆生
能逮得此智。名無依菩薩。是故來此間
阿難以是事。名為斯陀舍。無點慧衆生
謬分別是事。阿難以是事。名為斯陀舍
勤精進衆生。乃能知是事。慧者解微密
於深法決定。能解如是義。速能生菩提
如是阿難如來等正覺。以方便力為
聲聞人說菩薩摩訶薩名斯陀舍
復次阿難云何如來說菩薩摩訶薩
名阿那含阿難當知菩薩摩訶薩已
過分行得佛所行遠離一切諸所行
法知無來去法於諸法中無所依無
所住是故不來此間所以者何亦不
見法來去相故已過凡夫離凡夫想

亦離佛想過無所住法無有因緣能使來者所以者何已逮寂靜界故諸佛導世者說凡夫禪不往生彼離諸難處永斷愛欲不貪搏食永離食想逮得菩提亦諸邪見無所貪著知六十二見性同涅槃離諸蓋想離諸法中所有過患清淨無垢制伏憍慢拔無明箭已害愛結無復喜愛燒諸煩惱離一切想拔憂惱箭離慢大慢善知諸音逮得照明乘不可思議佛乘得菩薩摩訶薩性離欲汙泥得先佛所藏寂勝智藏無增無減得一切衆生乘中寂上佛乘離有無想斷一切疑菩薩摩訶薩成就如是等法不來此間名阿那含復次阿難菩薩摩訶薩有緣衆生今住菩提云何而住所謂衆生即是菩提菩提即是衆生能覺衆生想所以者何已了知性空故知衆生界是不可思議界故是故能覺此想能知衆生界即是虛空界虛空界空故遠離衆生界虛空界離虛空性無所止住虛空界虛空性空以如是法令諸衆生迴向善菩提所以者何

亦離佛想過無所住法無有因緣能使來者所以者何已逮寂靜界故諸佛導世者說凡夫禪不往生彼離諸難處永斷愛欲不貪搏食永離食想逮得菩提亦諸邪見無所貪著知六十二見性同涅槃離諸蓋想離諸法中所有過患清淨無垢制伏憍慢拔無明箭已害愛結無復喜愛燒諸煩惱離一切想拔憂惱箭離慢大慢善知諸音逮得照明乘不可思議佛乘得菩薩摩訶薩性離欲汙泥得先佛所藏寂勝智藏無增無減得一切衆生乘中寂上佛乘離有無想斷一切疑菩薩摩訶薩成就如是等法不來此間名阿那含復次阿難菩薩摩訶薩有緣衆生今住菩提云何而住所謂衆生即是菩提菩提即是衆生能覺衆生想所以者何已了知性空故知衆生界是不可思議界故是故能覺此想能知衆生界即是虛空界虛空界空故遠離衆生界虛空界離虛空性無所止住虛空界虛空性空以如是法令諸衆生迴向善菩提所以者何

能燒諸煩惱 亦離諸有想 決定勝妙果
是名阿那含 已拔憂惱箭 除去諸憍慢
善知五陰相 是名阿那含 已逮諸照明
不思議佛乘 遠離欲汙泥 是名阿那含
已得大智藏 先佛之所藏 諸藏中取勝
是名阿那含 已安住無上 諸佛之大乘
永斷諸疑心 是名阿那含 有緣諸衆生
皆令住菩提 為彼住菩提 而不來此間
能知諸空界 衆生界難思 已離如是想
是名阿那含 能知衆生界 及以法界空
不得諸衆生 是名阿那含 其心更不求
取著諸有相 已到無相處 是名阿那含
阿難以是事 名為阿那含 以無所住法
而住佛法中

是故阿難如來等正覺以方便力為
聲聞人說菩薩摩訶薩名阿那含
復次阿難云何如來說菩薩摩訶薩
名阿羅漢阿難當知菩薩摩訶薩離
諸分行應行佛行拔濟一切衆生行
破諸煩惱應為煩惱所苦衆生解煩
惱縛而不得衆生亦不得煩惱縛應
作是事名阿羅漢捨有所得住無所
得知一切空此空亦空通達無相以

離諸相離一切想知衆生想是過患
法能捨無智達無心法曉了空法應
逮菩提應生不可思議佛菩提以是
事故名阿羅漢應宣說法如三世佛
已說今說當說其所說法皆悉寂靜
無有戲論清淨無穢通達是事故名
阿羅漢應令衆生住於菩提知一切
法及與菩提是無所有而不可取應
修佛慈不著衆生慈以如是慈遍緣
衆生而不得衆生已逮衆生不可得
慈故名阿羅漢應說諸法利益衆生
而不起法非法想於諸法中應常在
先是名阿羅漢應為衆生說根力覺
道而於此法不染不著故名阿羅漢
應令衆生知清淨菩提令彼衆生起
如是菩提故名阿羅漢應於世間衆
生利養而不貪著應為衆生說不貪
著利養法說此法故名阿羅漢應往
諸佛世界應見諸佛如佛見佛見如
是佛世界已應當發心求如是世界
所謂不可思議世界不可量世界無
等等世界無邊世界無戲論世界不
可說世界空世界無相世界無作世

界不退轉世界離女人世界離姪欲
世界無煩惱世界佛無尋辯世界菩
薩世界無障尋世界無染世界降魔
世界無怨敵世界無畢竟涅槃世界此
諸世界於一切世界中上應求如是
世界故名阿羅漢末生諸法應生起
故名阿羅漢於欲不染於可瞋法不
生瞋故名阿羅漢於無上滅集智速
通達故名阿羅漢以阿羅漢故名為
菩提以菩提故名阿羅漢菩提不動
以衆生界不動故應令百千萬億衆
生住菩提道住菩提道故名阿羅漢
一切衆生及與菩提從無分別生應
以是平等法教諸衆生此平等法於
一切法中無與等者此平等菩提從
無分別生應知如是法知是法已為
衆生說無有增減成就無增減法故
名阿羅漢應說如是離音聲法故名阿
羅漢應解如是多衆生著所謂衆生
不可得著衆生斷常著衆生身見著
不能過著見諸法不生不滅無為無
作著不壞色著不壞受想識行著離
凡夫法著建立諸佛法著須陀洹果

想著斯陀舍果想著阿那舍果想著
阿羅漢果想著辟支佛果想著如來
等正覺想著菩提心想著為菩提
故行施著為菩提故護戒著取瞋
恚想行忍著取懈怠想行精進著
取亂心想生禪定著取惡慧想修
智慧著於父母妻子男女眷屬兄
弟姊妹所愛諸親著欲見愛念諸親
著樂談說著煩惱法出要法作二見
著貪利養著見在家出家著見卑勝
法著離凡夫法著緣佛法著見下上
法著具足諸相方便著生佛世界想
著應除衆生如是著故名阿羅漢亦
不分別是衆生是涅槃法是衆生非
涅槃法是衆生能生法是衆生不能
生法是衆生行菩提是衆生不能行
菩提是衆生持戒是衆生毀戒是衆
生多福是衆生少福不起如是二見
名阿羅漢亦不分別是衆生是福田
是衆生非福田是衆生精進是衆生
不精進是衆生凡小是衆生智明此
是女人此是男子此是非男非女此
是法此是非法不起如是二見名阿

羅漢亦不分別是衆生於菩提退轉
是衆生於菩提不退轉是衆生於菩
提得自在是衆生於菩提不得自在
是衆生近菩提是衆生遠菩提發如
此心我當得菩提入無餘涅槃略說
能除衆生一切著故名阿羅漢阿難
阿羅漢如是除衆生著已亦為衆生
說衆生實性說如是法故菩薩摩訶
薩名阿羅漢今時世尊欲重宣此義
而說偈言

已能捨一切 所有諸分行 能捨分行故
是名阿羅漢 能斷諸煩惱 及苦衆生結
皆令得解脫 是名阿羅漢 遠離有所得
住無所得法 知一切法空 是名阿羅漢
已能知解空 亦通達無相 遠離一切相
是名阿羅漢 應行取勝行 諸佛之所行
度脫諸衆生 生死大險難 已離一切相
知衆生想過 能捨諸想故 是名阿羅漢
捨諸無知想 通達無心法 已知空法故
是名阿羅漢 應速得諸佛 不思議菩提
應勤行精進 是名阿羅漢 應宣說諸法
清淨無戲論 令衆生住道 是名阿羅漢
應以遍緣慈 令衆生安樂 而不得衆生

是名阿羅漢	應宣說諸法	於衆取第一
無法非法想	是名阿羅漢	應為諸衆生
說根力覺道	不滌著此法	是名阿羅漢
應令他衆生	覺清淨法	亦能生菩提
是名阿羅漢	應不生貪著	世所有利養
不貪利養故	是名阿羅漢	應往詣諸佛
嚴淨妙世界	諸佛所住處	為衆生說法
應當發是心	求此嚴淨界	應求是界故
是名阿羅漢	於欲無所滌	瞋處不生瞋
知菩提平等	是名阿羅漢	已於滅集智
通達寂滅相	以菩提道故	是名阿羅漢
於諸衆生界	不移動衆生	令多億衆生
皆住菩提道	衆生及菩提	從無分別生
能知此平等	是名阿羅漢	一切法等中
此法等寂上	此等及菩提	從無分別生
知己為他說	而無有增減	亦從此法生
故名阿羅漢	應為此衆生	說無音聲法
解脫多衆生	而無有動者	衆生不可得
及斷常二邊	為除諸邪見	令得脫衆苦
著諸法生滅	無為無作相	諸苦惱衆生
以相而分別	不毀壞於色	於受亦復然
想行及與識	令離此諸著	於此凡夫法
而見有移動	住佛法不住	皆令得解脫

位於諸果想緣覺想亦然為衆生說法
令離佛想著著於菩提心著施亦復然
著於戒忍者為說無著法取於懸息想
分別行情進定心要舌想惡慧及妙慧
不分別此法知無種種相應當如是說
是名阿羅漢堅著於我想聲聞多分別
為除分別故應為彼說法父母及妻子
無慧故貪著此道非菩提是生死所行
此是我兄弟姊妹愛念心除彼貪愛著
是名阿羅漢故作巧談說發他喜勇心
生意欲得見先舊諸所親若得相見時
展轉生愛著無智顛倒故屬魔不自在
遠離諸利養知利養過患應為諸衆生
說諸利養過此是煩惱法此是出要法
不著此二見是名阿羅漢貪著於利養
而不能自解能除彼著故是名阿羅漢
此是在家法此是出家法凡小起分別
應為解彼著於一切法中而見有卑勝
著是器非器應解如是著遠離凡夫法
而緣於佛法應為彼說法離得不得著
大小非堅法如是甚衆多當應為解著
衆生如是相能生諸相好其事亦衆多
唯有調柔者能除彼想著諸佛妙世界

興起修淨心 著彼世界想 應當為除却
淫脬非淫脬 能生不食生 此行菩提道
斗不來菩提 惡戒及善戒 有福及無福
愚智諸衆生 而作種種相 如是諸衆生
多有種種想 為除此想故 應為彼說法
此是良福田 此非良福田 分別愚智法
其事亦衆多 取著於女想 亦復分別男
是聖是非聖 分別起二見 衆生無慧心
起於此二見 著此二見者 應當為除斷
退轉不退轉 有記及無記 此近於菩提
此不近菩提 已遠於菩提 畢音般淫脬
行如是諸相 分別於淫脬 唯有調柔者
除衆生是想 是名阿羅漢 亦名除想者
此是菩薩法 說名阿羅漢 若見此本緣
知是阿羅漢

如是阿難如來等正覺以方便力為
聲聞人說菩薩摩訶薩名阿羅漢
復次阿難云何如來說菩薩摩訶薩
名為聲聞阿難當知菩薩摩訶薩以
佛法聲不可思議法聲寂靜菩提法
聲無戲論法聲無垢清淨法聲令無
量無邊不可計衆生聞故名為聲聞
復以淫脬是無比法安樂法聲念處正

勤神足根力覺道法聲令多衆生速
能勤求名為聲聞說此身空非堅固
法堅固不可得凡夫愚小貪著此身
為解說聲又說眼入所見虛妄應生
佛眼不可思議法眼以此眼故令多
衆生無愚惑聲又說諸法無生相聲
名為聲聞又說音聲其喻如響不應
於聲而生染著無有聞者亦無說者
於香不生嗅想無有嗅香者如人夢
中嗅衆多香實無有香亦無嗅者以
顛倒故起嗅香想此香猶如夢法而
不可信亦無牢固說是法聲名為聲
聞復說舌入猶如肉段不能知味如
此肉段猶如聚沫實無所有如是味
想不可思議味界無心離諸心法不
應生心知心是不住相說如是法聲
令衆生聞名為聲聞又於此法了了
現見如其所見能宣說聲又說是身
空無性相以無相故不生亦無所生
為多衆生說是菩提法聲名為聲聞
復說意入空無所有亦無自性其猶
如幻不生不滅說是法聲名為聲聞
又說不可思議法施此法能得菩提

菩提不可思議法施亦不可思議能
生不可思議菩提法所以者何如其種
子果實亦然此中無果以音聲故說
果復說財施下劣法施寂勝除却慳
心無所分別不生施想猶如幻師於
所幻事無所分別如是以無所分別
心而行布施能生菩提說是法聲名
為聲聞此聲離一切說息諸煩惱過
諸言說離諸染著以是音聲為諸衆
生宣說佛法所以者何此音聲一切
音中寂上以是音聲宣說佛法此聲
不可破壞亦無所依從無二無別生
如其所生說無二無別佛法是故阿
難菩薩摩訶薩以如是法聲令衆生
聞名為聲聞今時世尊欲重宣此義
而說偈言

以不可思議寂上佛法聲今多衆生聞
菩薩名聲聞能為多衆生說菩提寂滅
計沙共成論是名為聲聞宣說涅槃樂
其樂無有比亦說寂滅相是名為聲聞
說念處正勤根力及覺道速生此法故
是名為聲聞宣說此身空牢固不可得
為諸凡小者顯說是身相又說於眼入

所見皆虛妄 無智諸衆生 於此生染惑
應生於佛眼 難思平等眼 於無生法中
亦不生惑者 知聲猶如響 解耳亦復然
此中無聞者 亦復無說者 以無聞說故
不應生染著 宣示諸衆生 是名為聲聞
如人於夢中 嗅種種諸香 但依顛倒起
而實無所有 應如是知鼻 不能嗅彼香
為顛倒衆生 菩薩宣說是 說舌是空無
肉段不知味 若肉能知味 手觸時應知
宣說如是想 味想多過患 當知此味界
是不可思議 菩薩無所依 能現見了了
宣說現見法 是名為聲聞 宣說如是身
空無有性相 空無性相故 不生無所生
菩提亦如是 不生無所生 為多衆生說
故名為聲聞 說意入性相 其實無所有
說無所有法 故名為聲聞 宣說布施法
法施難思議 此施能出生 無上佛菩提
財施是下劣 法施為取勝 能除慳貪心
得至菩提果 離諸宣說聲 息諸煩惱聲
離諸染著聲 無垢清淨聲 寂上微妙聲
其聲性寂靜 以此寂靜聲 說難思佛法
此聲不可壞 亦復無所依 說無二無別
故名為聲聞 以如是音聲 宣諸佛所說

隨音聲而說 而求菩提道 常為他宣說
嚴淨佛世界 無上道世師 諸佛所住處
說此三千界 如虛空而住 如空諸衆生
皆同涅槃相 所說四十四 今衆生差別
皆悉如虛空 不思無分別 此界亦如是
莫生堅固想 此中無生死 無煩惱可滅
生中無法生 亦無有衆生 此皆寂靜故
無有見生者 恒為衆生說 晝夜不斷絕
而不生是念 我為衆生說 聲聞如是知
亦為衆生說 無聞能聞故 是名為聲聞
其心意勇猛 宜說最上法 若能知此法
亦知諸法如 聲聞說如是 無淨無有漏
亦為多衆生 說無染著法 若知無染界
清淨無戲論 於諸佛法中 欲觀不能見
諸佛所說法 遠則不可見 近亦復無有
而能得見者 聲聞說是法 今多衆生信
安住是法中 故名為聲聞 阿難以是事
我說是聲聞 當知是聲聞 是無依菩薩
是故阿難如來等正覺以方便力為
聲聞人說菩薩摩訶薩名為聲聞
復次阿難云何如來說菩薩摩訶薩
名辟支佛阿難當知菩薩摩訶薩於
一切法現見了了以現見了了故能

知聖法而於諸法不增不減覺一切法無有增減現見了了名辟支佛覺知一切不可思議法覺知一切衆生等同涅槃而不可得不生不滅不生不滅故即是實際照涅槃際衆生際一切諸法無所有際稱名字際不可言說際不依言說不可以言說說所以者何言說法空不得自在言說不能知衆生際及以法際現見了了覺知此際名辟支佛現見色陰以言說故名為色陰而此色陰無有言說離言說故但以言說名為色陰此中無我我所所以者何言說說者此二皆空不得自在不生不滅言說無知云何能說此是色陰受想行識亦應如是了了現見現見識陰以言說故名為識陰而此識陰無有言說離言說故但以言說名為識陰此中無我我所所以者何言說說者此二皆自在不生不滅言說無知云何能說此是識陰於此五陰言說諸緣了了現見名辟支佛所以者何此陰言說諸緣此緣無緣非緣能知阿難是苦

摩訶訶薩名辟支佛今時世尊欲重
宣此義而說偈言

現見一切法 知聖法亦然 無譚不可壞
畢竟無有相 現見一切法 其性相自空
若知自性相 畢竟無所有 已達此現見
與彼法無異 是名為正覺 難思辟支佛
衆生如涅槃 其始不可得 無始無終際
是名為實際 衆生如涅槃 畢竟無有生
若法無有生 說名為涅槃 衆生如涅槃
亦有諸照用 照用無有我 故名為涅槃
衆生如涅槃 立種種名字 不生亦不滅
以言說故說 言說性是空 言說無所知
以無所知故 衆生是涅槃 言說不自在
無我無有心 以言說無性 畢竟無所有
言說不依際 亦復無所住 言說所說者
難思衆生際 衆生際涅槃 不思議實際
安隱無戲論 寂勝歸依處 猶如電光際
即是衆生際 無緣無處所 不思議實際
一切法邊際 無有衆名字 以名字名故
其際不可得 實際不可名 亦無能知者
衆生際無我 當知此際空 言說不依際
言說無所宣 若能了知此 無有衆生際
言不目在空 言不知諸際 言說所言者

難思衆生際 如是等諸際 自然能覺知

是名為正覺 難思辟支佛 現見於色陰

以名字故說 此陰無言說 常離言說故

遠離於所知 所知名計壽 能知此所知

而無有住處 所說名色陰 色陰無有我

言不自在空 畢竟無生滅 所言言說性

畢竟無所有 以無所有故 能說色陰名

受想亦如是 行識亦復然 以無有言說

說是五陰名 此陰不可說 亦復不可斷

不生亦不滅 無處非無常 非煩惱出要

非報亦非業 非取亦非捨 非戲論寂滅

亦非奢摩他 非毗婆舍那 非多欲知足

非懈怠精進 非掉亦非悔 亦無有增減

不得所生法 而可以為戒 不修無分別

宣說無分別 無怖無有諍 無縛亦無解

以此入言說 言說無所入 言說及諸法

無言說而說 自能遠現見 說法無窮已

依如是三昧 不著諸言說 有此現見智

知言說平等 如言說諸法 以無言說說

已遠此現見 更不復隨他 是名為正覺

難思辟支佛

復次阿難菩薩摩訶薩現見無明

及行非生想知識自性知名色自

性知六入自性知觸自性知受自性知愛自性知取自性知有自性知生自性知老死自性於此法中了了現知名辟支佛亦時世尊欲重宣此義而說偈言

現見於無明 畢竟不能生 猶如水中影
終始無所有 明見一切法 而無動搖相
若見法如是 是故名爲明 明性如虛空
一切法皆亦 若得此現見 是名辟支佛
如說此身行 而不在於內 亦不在於外
此身行不生 身行如芭蕉 畢竟無堅固
不生亦不滅 其性如虛空 無畏諸菩薩
若得此現見 是名爲正覺 難思辟支佛
了知一切法 其性常如幻 亦能深信解
識無所有性 觀察如此識 所行而虛妄
以有此知故 能知識性空 已知智非知
一切處無染 若知如是法 識則同於幻
如說諸名色 無受不可說 而知其性相
畢竟無所有 能說諸入性 而無有取相
能如是知入 此是性空故 觸性無不在
住於諸入中 觀察此觸時 如幻無所有
觸性本自空 分別故能知 而此諸觸性
住處無方所 若能現見觸 智者能遠離

有慧遠離觸 是名辟支佛 能知受相空
受亦無自性 如泡不牢固 畢竟無所有
已斷一切愛 通達無愛法 已到愛盡處
是名辟支佛 知取無所取 亦知是虛無
不生無所有 如熱時炎水 本來諸有想
及本有生想 若知此性想 畢竟無所有
已離一切老 更不復受死 而於一切處
不復更受身 已逮此現見 而無有所依
以辟支佛名 宣說諸菩薩
如是阿難如來等正覺以方便力為聲
聞人說菩薩摩訶薩名為辟支佛如
是阿難諸佛如來說菩薩摩訶薩名
為堅信堅法八人須陀洹斯陀含阿
那含阿羅漢聲聞辟支佛今時尊者
阿難便說偈言

自在導世師 不可說而說 於空中作結
即空而解之 佛有大方便 說無著法者
於不可說法 而能分別說
廣博嚴淨不退轉輪經卷第三

癸卯歲高麗國大藏都監奉
勅彫造

佛說廣博嚴淨不退轉輪經卷第四 本

宋涼州沙門智嚴譯

今時阿難白佛言世尊一切世間必
生疑惑不能解了如來等正覺以何
緣故說堅信堅法乃至辟支佛耶今
時世尊告阿難言阿難當知若有衆
生於先佛所造衆善行能解如來密
語不生疑惑所以者何能知如來密
語如幻如熱時炎如夢所見如影如
響阿難若如是知密語者不生疑惑
是故阿難菩薩摩訶薩於如來等正
覺密語應如是知若有勤行精進不
得精進勤修智慧不得智慧者不生
疑惑今時世尊欲重宣此義而說偈言
諸佛導世者 微密語難知 為發大莊嚴
無異菩薩說 懈怠無智者 不能解密語
應當勤精進 為解密語故 如幻炎夢見
如雷亦如響 以言說顯現 如是等諸法
如是知諸佛 所說微密語 能以如是慧
眼淨微密智 不應如是知 菩提可宣說
應如是覺知 無言說故空 空不能知空
空不分別空 斷一切分別 顯亦如是空

虛空無所歸 亦無有取捨 以無取捨故
是故知法空

佛告阿難若如是知有為法皆悉如
夢而不放逸者不生疑惑說是法時
五億比丘生堅信想者即從坐起整
其衣服偏袒右肩右膝著地一心合掌
皆共和合住於佛前而說偈言

今日牟尼尊 除我等疑心 得解微密義
以信求菩提

復有五億比丘生堅法想者從諸比
丘聞此偈已即從坐起乃至合掌住
於佛前而說偈言

今蒙菩提照 除我等疑冥 得解微密義
堅法求菩提

復有十億比丘生八人想者從諸比
丘聞此偈已即從坐起乃至和合住
於佛前而說偈言

先住八地心 今日皆除捨 得解微密義
八人求菩提

復有十一億比丘生須陀洹想者從
諸比丘聞此偈已即從坐起乃至和
合住於佛前而說偈言

今於佛法中 得斷諸疑網 解佛微密語

宣說須陀洹

復有二萬五千比丘生斯陀含想者
從諸比丘聞此偈已即從坐起乃至
和合住於佛前而說偈言

我等本深著志樂斯陀含今皆得離著
寂滅無戲論

復有五百億比丘生阿那含想者從
諸比丘聞此偈已即從坐起乃至和
合住於佛前而說偈言

今遭救世尊遠離諸戲論得菩提光照
未拔諸果想

復有三萬五千億得四禪比丘生阿
羅漢想者從諸比丘聞此偈已即從
坐起乃至和合住於佛前而說偈言
我已離煩惱通達無異法知諸乘平等
皆悉如幻法

復有二萬比丘生聲聞想者從諸比
丘聞說偈已即從坐起乃至和合住
於佛前而說偈言

離縛字足尊止我等虛說密說聲聞義
我今皆通達

復有五千比丘生辟支佛想者從諸
比丘聞此偈已即從坐起乃至和合

住於佛前而說偈言

我等今現見 辟支佛所行 解佛微密義
難思辟支佛

復有一万比丘尼生須陀洹果想斯陀
含果想阿那含果想阿羅漢果想者
從諸比丘聞說偈已即從坐起乃至
和合住於佛前而說偈言

今知平等法 永斷女身分 佛無有異言
必成人中尊

復有八万八千優婆塞生須陀洹果
想斯陀含果想阿那含果想者從諸
比丘聞此偈已即從坐起乃至和合
住於佛前而說偈言

我等心無垢 如淨毗琉璃 為修佛法故
今日當出家

今時虛空中有六十億那由他諸天
以天曼陀羅華而散佛上散已住立
而說偈言

本有諸樂想 亦有諸果想 今日悉除捨
必當成菩提

今時有百千阿羅漢舍利弗大目捷
連須菩提阿泥盧頭離婆多劫賓那
等即從坐起整衣服偏袒右肩右膝

著地一心合掌皆共和合住於佛前
而白佛言世尊我等今日志願滿足
能降伏魔摧諸怨敵具足成就五無
間業我等今日滿足成就五欲功德
我等今日邪見具足遠離正見我等
今日害多百千衆生之命我等今日
已逮菩提印於今日無餘涅槃而般
涅槃今時世尊默無所說

今時會中有百千衆生皆生疑惑我等
今者如在閻中云何諸大羅漢作如
是語何況凡夫以疑惑故不能從此
至彼從彼至此坐不能立立不能坐
今時尊者阿難知此百千衆生心之
所疑亦以佛神力故問文殊師利法
王子言今此大衆百千衆生聞諸大
德比丘作如是語皆生疑惑世尊默
然而無所說願文殊師利說其因緣
此諸大德比丘以何因緣說此密語
今時文殊師利法王子語尊者阿難
言阿難當知此是不退轉菩薩地事
唯有不退轉菩薩乃能證知此諸大
德比丘密語尊者阿難問文殊師利
言此諸大德比丘皆是不退轉菩薩

耶文殊師利言如是如是此諸大德
比丘皆是菩薩已於菩提得不退轉
阿難請文殊師利言願說諸大德比
丘微密語義

文殊師利言無明能生生死是故名
母斷無明故名為害母父名不正思
惟及以喜愛彼以永斷名為害父以
諸法不可壞方便壞衆多想亦壞諸
行名為壞僧應壞凡夫法名阿羅漢
以不滅方便滅羅漢想名救羅漢以
不滅方便滅如來想名出佛身血如
是等想已斷已害畢竟無餘阿難以
是事故諸大德比丘作如是語我等
今日具足成就五無間業所以者何
於此法中不聚不散不減不滿是故
名為五無間業滿足成就阿難當知
彼作是說我等今日滿足成就五欲
功德者彼諸比丘於此五欲了知如
夢如幻如熱時炎如影如響彼於此
智滿足成就而於五欲無增無減所
以者何能知此法畢竟而無所有以
無所有故能如實知而於彼法得如
是忍故名滿足成就五欲功德阿難

以是事故彼諸比丘作如是說我等今日滿足成就五欲功德阿難當知彼作是說我等今日滿足成就邪見遠離正見者彼諸比丘知諸法邪見諸法邪阿難邪名有為諸法皆是虛妄此虛妄法猶若虛空不增不減亦不住方亦無所屬所以者何離自性故彼知是法皆悉平等以平等故正見亦等彼已遠離如是等想所以者何若有等想有不等想彼諸比丘無有等想及不等想所以者何諸佛之法離一切想彼於佛法通達無生不得無生法是故阿難彼諸大德比丘作如是語我等今日具足成就邪見遠離正見阿難當知彼作是說我等今日害多百千衆生命者阿難彼諸比丘今此時會百千衆生諸天及人知有為法皆悉如幻如影如響知此法故離衆生想離壽想人想離一切法想以一切法不可種方便種菩提善根諸比丘比丘尼優婆塞優婆夷從諸比丘聞此密語亦得離衆生想壽想人想不數數死所以者何若者

衆生想壽想人想則數數死彼已遠
離如是法故畢竟不生是故阿難彼
諸比丘作如是說我等今日害多百
千衆生命根阿難當知彼作是說我
等今日已逮菩提於無餘涅槃而般
涅槃者阿難彼諸比丘令此大衆百
千萬億那由他諸天及人即於今日
得離煩惱得逮菩提所以者何此諸
大衆皆發阿耨多羅三藐三菩提心
而於今日聞說金剛句法皆得無生
法忍得見菩提以是事故而作是說
我等今日逮得菩提我等今日於無
餘涅槃而般涅槃者彼不斷煩惱不
修佛法無餘煩惱是故阿難彼諸比
丘作如是說我等今日已逮菩提於
無餘涅槃界而般涅槃言今日者阿
難當知即於此日不生亦無所生故
名今日天生正音不生
與今日音同也
是故阿難求菩薩乘若善男子善女
人發阿耨多羅三藐三菩提心者於
一切法應當漸損以不可得法發菩
提心於一切法是名為出離菩提想
於一切法是名為入無餘涅槃而般

涅槃阿難求菩薩衆族姓子不應深
著日想不應以日而生晝想阿難愚
小之人以日為晝想無點慧故所以
者何若令此晝是真實是堅牢是常
住者應有積聚不應過去唯應有晝
不應有夜阿難當知有晝夜想者此
是凡小是故阿難求菩薩衆族姓子
有深心者為善知識所護不應生晝
夜想所以者何求離一切想是菩提
道故今時文殊師利法王子欲重宣
此義而說偈言

無明名為母 能生生死故 已拔其根本
是故名為害 不正觀思惟 喜愛名為父
彼皆如實知 畢竟無所有 以知無所有
而害其根本 不緣無所有 是故名為害
所說羅漢法 及與凡夫法 彼已以智壞
是故名為害 所有衆多相 已知其性相
以不可壞法 壞相名壞僧 本來所分別
如來諸法想 彼已斷遠離 知其不生滅
此想次第起 思量知是空 如所說平等
彼已能證知 所說欲功德 其名有五種
遠離此諸想 知想皆如幻 是諸比丘等
於欲無增減 於導世師前 而作如是說

知欲性皆空 猶如夢所見 畢竟無所生
於此智得滿 以邪智知法 虛偽不牢固
邪名為虛妄 於此智得滿 有為法虛妄
而無有遠近 無知無近遠 如五指摩空
彼說諸正見 皆見是平等 如諸法平等
知見等亦然 凡小多分別 衆生想故死
若不得衆生 亦無有死想 有緣諸衆生
除其計壽想 知計壽過患 除其如是想
遠離衆生想 及與計壽想 彼作如是說
害多衆生命 已遠離死想 遠無分別法
知不壞菩提 不增無果報 死生不可聚
覺了清淨法 一切法無諍 不生常寂滅
不應分別晝 亦不分別夜 於不來去法
而求於菩提 凡小恒分別 以日用為晝
欲求菩提者 莫作是分別 彼以是密語
宣說如是法 以知此法故 能作如是說
文殊師利法王子說此偈已 尔時會
中百千衆生已拔疑箭無復疑惑逮
大照明於諸法中得無生法忍各自
脫身所著上服以奉文殊師利法王
子皆作是言願使我等於未來世說
是妙法覺悟衆生如今文殊師利法
王子覺悟衆生尔時世尊告文殊師

利言善哉善哉文殊師利除衆生疑
照明佛法法應如是今時阿難白佛
言世尊今此百十衆生所有疑箭非
是世尊所拔斷耶佛告阿難今此百
十衆生皆是文殊師利本所教化成
就善提聞彼說法皆能信解阿難白
佛言是諸衆生皆於善提不退轉耶
佛告阿難如是如是是諸衆生已於
善提而不退轉所以者何為文殊師
利善知識所護念故

尔時阿難白佛言世尊此諸比丘生
堅信想生堅法想生八人想生須陀
洹想生斯陀含想生阿那含想生阿
羅漢想生聲聞想生辟支佛想者皆
於善提不退轉耶佛告阿難是處難
信樂小法者懶墮懈怠不勤精進貪
著飲食貪著欲染親近樂行欲染法
者好喜談說無益之語乱心失念不
具威儀心意躁擾不攝諸根輕躁嬉
戲愚很多語如是衆生信是法難阿
難著增上慢不能護身貪著身命遠
閑居處捨多聞法破戒憍慢毀法竊
法不尊重法毀滅正法貧窮法財喜

樂非法誹謗正法樂行非法不知恩
報恩不敬佛法僧阿難如是衆生信
是法難慳心堅著惡戒瞋心不解佛
法成就惡慧貧窮智慧惡友所護遠
離善友不為般若波羅蜜所護不為
諸陀羅尼經王所護起有得見深重
利養貪著衣鉢於衣鉢物極生重心
不尊重和上阿闍梨於初夜後夜不
勤行方便阿難如是衆生信是法難
殺生偷盜邪婬妄語兩舌惡口說非
時語貪瞋邪見親近邪見修行廣布
邪方便法無慚無悔朋黨交遊獨行
無伴離沙門法行非沙門法不信空
無相無作無為不生不滅一切諸法
非破壞相阿難當知如是衆生信是
法難今時世尊說是語已即便默然
今時阿難承佛威神問文殊師利法
王子言文殊師利世尊何故默無所
說文殊師利言將來惡世衆生成就
如是惡不善法不能信解如是深法
以是事故世尊默然尊者阿難問文
殊師利言來世衆生少有信解如是
法不文殊師利言來世衆生信以

者甚少猶如衆生不識珍寶者多識者甚少所以者何非其智力所及阿難衆生亦尔聞說此法信解者少設有信解如是法者不為國土城村人民所敬國土人民咸共輕賤而遠離之所以者何此人先世作法留難業因緣故今受此報阿難請文殊師利言惟願為此少信解衆生敷演此義文殊師利言此事問佛佛當演說尔時阿難即便問佛

尔時世尊四面願視即出舌相遍覆三千大千世界於其舌相復放光明遍照十方恒河沙世界皆令周遍時四部衆佛神力故皆見十方恒河沙諸佛世界諸佛世尊皆說是法悉得聞知聞是法已皆共和合勸請世尊唯願如來宣說此法莫令斷絕世尊今十方諸世界中無量無邊不可限量諸佛世尊宣說是法我等悉得見聞其所說法無有增減如今世尊等無有異尔時世尊還攝舌相告阿難言汝頗曾見不實語人有是廣長舌相不耶阿難白佛言無也世尊此是

世尊誠實說于戒定忍辱憐愍愍益
慈悲喜捨一切智果所得舌相是故
世尊唯願為此少信衆生族姓男女
敷演此義因是事故諸不信者以此
證知皆令得信

尔時世尊告阿難言今此四衆諸來
會者比丘比丘尼優婆塞優婆夷天
龍夜叉乾闥婆阿修羅迦樓羅緊那
羅摩睺羅伽人非人等聞說此法者
皆於阿耨多羅三藐三菩提不退轉
漸次修行當得阿耨多羅三藐三菩
提即於此處宣說是法無有增減如
我今日等無有異尔時四衆比丘比
丘尼優婆塞優婆夷天龍夜叉乾闥
婆阿修羅迦樓羅緊那羅摩睺羅伽
人非人等皆大歡喜踴躍無量其中
或有以衣散佛者或以華者或以諸
鬘所謂須臾那鬘金鬘銀鬘明珠
鬘頗梨鬘車渠鬘馬瑙鬘象瑠璃日
光寶鬘雜七寶鬘以如是等鬘而散
佛上諸天以鬘陀羅華摩訶曼陀羅
華波流沙華摩訶波流沙華曼殊沙
華摩訶曼殊沙華迦迦勒羈華摩訶

如迦勒鞞華盧遮摩祇華摩訶盧遮
摩祇華輪遮摩祇華摩訶輪娑摩祇
華如是等諸華而散佛上復以天優
鉢羅華波頭摩華拘物頭華分陀利
華而散佛上於虛空中作天伎樂種
種歌頌讚歎佛德諸龍王等皆雨真
珠散於佛上一切女人即脫身上妙
好瓔珞以散佛上脫身上服以用奉
佛即整衣服右膝著地一心合掌住
於佛前皆共和合而作是言諸佛如
來言無有二智無障罣記說教等必
當作佛

今時世尊告阿難言如是阿難是諸
女人必於阿耨多羅三藐三菩提不
退轉所以者何諸佛世尊永斷愚癡
貪欲瞋恚及諸憍慢塵垢黑闇一切
塗著燒燃煩惱永盡無餘成就精進
成就諸力威德尊嚴神足自在光明
照曜眷屬成就尊貴威勢色族姓處
皆悉具足相好具足光明具足到安
隱處如釋如梵如欲界中尊威儀具
足戒行具足觀察具足天龍夜叉乾
闥婆阿修羅迦樓羅緊那羅摩睺羅

伽人非人等皆共尊重恭敬讚歎不
染世法永捨一切諸有為法成就解
脫諸佛之法見聞不虛阿難白佛言
世尊云何諸佛世尊聞不虛耶
佛告阿難汝不知耶阿難白佛言世
尊實所未知唯願說之云何如來聞
不虛耶

佛告阿難一心善聽吾今解說阿難
當知若有衆生已聞今聞當聞釋迦
牟尼佛名者是諸衆生皆於阿耨多
羅三藐三菩提不退轉所以者何諸
佛菩提無虛妄故亦無貪欲及以瞋
恚阿難何況今日現於我前能以一
華散我上者若有衆生我泥洹後形
像舍利能持一華以供養者如是衆
生亦於阿耨多羅三藐三菩提不退
轉阿難白佛若有畜生聞釋迦牟尼
佛名者皆於阿耨多羅三藐三菩提
不退轉耶佛告阿難若有畜生聞釋
迦牟尼佛名者是諸衆生皆種阿耨
多羅三藐三菩提種子因緣所以者
何諸佛如來其有聞者聞必不虛是
故諸佛如來言無有二阿難譬如尼

拘陀樹枝葉茂盛能蔭百人至五百人阿難於意云何其樹種子為大小耶阿難白佛言世尊其子甚小佛告阿難是尼拘陀樹種子雖小得地水火風虛空衆緣故而得生長漸次廣大如是阿難彼諸衆生種菩提種子漸次增長當成阿耨多羅三藐三菩提而不可腐敗不可敗壞所以者何以不住一切法作種子故而不腐敗亦無毀壞

余時阿難白佛言世尊為是諸佛本願之力為是諸佛法應余耶佛告阿難是我本願若有聞我名者必不退轉阿耨多羅三藐三菩提亦是諸佛法應如是所以者何一切諸佛法皆等故阿難白佛若諸佛法等以何緣故立誓願耶佛告阿難諸佛世尊宣說法時會中諸菩薩摩訶薩聞佛說法即立誓願使我將來成佛說法見聞不虛亦復如是余時阿難白佛言甚奇世尊成就如此希有之法復以此法利益衆生佛告阿難如是如是如汝所說我為利益諸衆生故遍諸

佛土供養諸佛不惜身命捨一切物
無有慳慙勤修精進積集難得無所
依倚菩提之道於一切法而無所取
以攝衆生

廣博嚴淨經卷第四

癸卯歲高麗國大藏都監奉

初彫造

佛說廣博嚴淨不退轉輪經卷第五 木

宋涼州沙門智嚴譯

今時阿難白佛言世尊甚為希有魔王波旬聞說此經不作留難佛告阿難以不聞故不作留難所以者何文殊師利法王子以神力隱蔽令不得聞故無留難今時文殊師利法王子還攝神力惡魔波旬即於夢中聞說新異不退轉法輪亦聞稱釋迦牟尼佛名即便驚悟愁憂恐怖身毛皆豎即從牀上自投於地作如是言先所降伏今不伏我先所領土今不屬我愁憂苦惱發聲啼失以愁憂苦惱發聲啼失故身形老瘦猶如百歲老人今時惡魔波旬將四種兵及三千大千世界所有魔天來詣佛所猶如菩薩坐道樹時魔嚴兵衆來詣佛所亦復如是今時惡魔波旬身形老劣如百歲人頭佷脊腰行步遲重喘息短氣舉身戰掉扶杖而行來詣佛所當魔波旬來詣佛時於虛空中所將眷屬四種兵衆聞說不退轉法輪亦聞

釋迦牟尼佛名時四種兵及諸眷屬自然而住不能得前生如是念我等不復隨從波旬今時波旬單獨羸老白佛言乃至不留一人扶接我者本降伏者今不伏我先所領土今不屬我世尊憐愍一切衆生我今亦在衆生數中而不垂愍乃至不留一人授我水者今時世尊告波旬言衆生界多是無盡法波旬當知假令日日恒河沙等諸佛出世一一諸佛於日日中度恒河沙衆生今般涅槃而衆生界猶不可盡時魔波旬復白佛言衆生界雖不可盡如我今者單獨羸老在道行時若其顛蹕乃至無有扶接我者唯願世尊安慰我意令我歡喜速得還去佛告波旬且安意去若有衆生不信不解不退法者是諸衆生皆屬於汝是汝眷屬汝得自在一切皆是扶接汝者今時波旬聞是語已歡喜踊躍作如是言我今當為衆生作諸留難令於此法不信不解生於疑惑生疑惑故當屬於我我得自在今時波旬復白佛言唯願世尊重安

愿我令我歡喜而得還去佛自說言若有衆生聞我名者皆於阿耨多羅三藐三菩提而不退轉從今已往更莫復說所以者何若有衆生聞此語已勤行精進求佛菩提今時世尊告波旬言汝安意去我當令諸衆生乃至無有住菩提者亦復無有出衆生界者無有衆生離色陰者離受想行識陰者波旬且安意去我常令諸衆生無有離身見者離戒取見取者離有所得者離六十二見者離過去未來現在想者離煞生者離不與取邪淫者離妄語綺語惡口兩舌者離貪恚邪見者波旬且安意去我不教衆生而行布施持戒忍辱精進禪定智慧亦不教衆生行四攝法不令衆生離衆生想離堅著想離父母想離兄弟姊妹男女想離晝夜想離半月一月一年想離布施持戒忍辱精進禪定智慧想菩提心想力無畏想根力覺道想佛法僧想障菩提想一切種智想波旬汝且安意去我當令衆生於一切法無遠離想今時波旬歡喜踊躍拔愁

憂箭即於是處還復本形以諸天花而散佛上遶佛三匝住於佛前而說偈言

今日兩足尊 說此微妙音 佛無有三言
今我大歡喜

時魔波旬說此偈已歡喜安意漸離佛去還本天宮皆共和合受五欲樂以自娛樂更不復生留難之心說此降伏遣魔法時大地六種震動阿難白佛言世尊以何因緣大地震動佛告阿難說此降伏遣魔法時六萬四千菩薩於諸法中得無生法忍阿難白佛言世尊今此會中頗有疑惑是法者不佛告阿難今此會中有十億衆生皆生疑惑心意迷悶作如是說為是何語將非我等錯謬聞耶以是事故不知時方亦不自知從何所來欲至何所以疑惑故各不相見阿難白佛唯願世尊以慈悲心為此衆生速作照明莫令此衆懷疑惑故墮於惡趣以何因緣而作是說惡魔波旬且安意去我不令衆生住於菩提乃至波旬且安意去我不令衆生於一

切法無遠離想唯願世尊為此衆生
速作照明亦令將來衆生速照明故
受持此法而不忘失願分別說今時
世尊便說偈言

菩提無住相 亦無能住者 是故說衆生
無住菩提者 菩提與衆生 無二無有異
是故說衆生 無住菩提者 亦無有衆生
能離衆生界 無所有不生 畢竟不可得
難思衆生界 其性本自空 假令一切智
不見其離想 我所說諸陰 無衆生能離
此陰與衆生 無異常寂滅 已知陰是空
而不離其性 說其體是一 不可取而離
已能知諸陰 不取不可離 無我無自性
畢竟無所依 諸陰如虛空 陰所行亦尔
行無所行故 說陰如虛空 如說虛空界
非生非能生 陰性亦如是 無有能離者
身見自性相 無法而可得 以不可得故
我說不可離 疑無有自性 畢竟不可得
以不得疑故 衆生無能離 無有諸衆生
能持選擇戒 見取諸衆生 亦復不可得
計有得法者 衆生不可得 有得法無心
不離於自性 如所說諸見 凡有六十二
如是等諸見 皆如水中影 已知此諸見

皆如水中影 無我無所有 自性不可得
過去未來想 及與現在想 此想無所有
亦如水中影 此想無有我 衆生不可得
以不得衆生 是故不可離 然害諸衆生
必趣嶮惡處 安置涅槃中 無有能動者
衆生若可得 可有離動相 衆生無有實
故說不可離 菩提名不與 未曾有與者
雖勤作方便 而無動離者 不行施衆生
教行勝法施 雖勤作方便 而無動離者
亦不得衆生 依倚婬欲者 欲中無有邪
可與非邪合 妄語諸衆生 有緣者應化
雖勤作方便 而無動離者 兩舌與惡口
及以非時言 如是等言說 如響令人惑
此法無處所 亦不可染著 此諸聲如響
知其無所依 本所有無明 深計著於我
以知我真實 無能動離者 亦能知瞋恚
畢竟無有相 菩提無相故 無能動離者
若能知邪見 是名為正見 以過著見法
無能動離者 不教諸衆生 而以女色施
賢聖所禁制 是施有過患 邪見所持戒
聖道所捐棄 智者不應教 以此求聖法
外道所稱讚 種種諸忍相 此忍非正道
令人到涅槃 外道所稱讚 五熱精進法

不能至菩提 智者應捨離 外道諸禪定
盡行諸有想 非諸佛所讚 是以不教他
不用世俗慧 教化諸衆生 此慧不能得
不思議佛慧 於清淨衆生 成就無畏者
我說於是衆 不行四攝法 深敬念佛者
不教離是著 佛有無染智 亦無諸障罣
深敬念法者 不教離是著 離欲寂勝法
云何而可離 不著衆生想 而發菩提心
菩提不可著 云何而得離 父母及兄弟
姊妹男女想 此想皆如幻 云何而可離
此想一切處 無法無所有 無法無有故
云何而可離 晝想及夜想 半月一月想
此想無真實 如熱時炎水 施想與戒想
忍辱精進想 此想非真想 云何以想離
定想及慧想 菩提心之想 力無畏諸根
是想皆虛誑 諸覺及道想 佛想與法想
皆從無知起 云何離此想 分別諸僧想
此想亦衆多 從分別起故 我說不可離
不著菩提想 及一切智想 此想遠諸佛
不思議菩提 以是故我說 波旬無智人
不離此諸想 而遠求菩提 諸法及菩提
皆悉知如如 宣說不離義 去魔憂惱心
世尊決定說 此降伏遣魔法時會中

十億衆生拔猶豫箭無復疑惑逮大
照明於諸法中得無生法忍會中十
億衆生皆共和合住於佛前而說偈言
不思議佛道 今我以證知 佛是導世師
除斷我疑心 以逮大照明 安住佛法中
諸方明淨故 得見一億佛 亦得見其法
知色等不生 遭遇救世師 得淨如是智
亦得見一億 諸佛嚴淨土 無上導世師
皆悉住其中

今時十億衆生說此偈已脫身所著
上妙之服為供養法歡喜奉佛作如
是言願令此法流布一切衆生皆得
耳聞今時阿難白佛言世尊若有衆
生聞是降伏遣魔法者能信能解不
生疑惑是善男子善女人得幾所福
佛告阿難若善男子善女人聞此降
伏遣魔法一經耳能信能解不疑惑
者功德甚多不可限量阿難白佛言
其所得福可以方喻知不佛告阿難
若善男子善女人於日初分供養百
千諸佛於日中分供養百千諸佛於
日後分供養百千諸佛尊重讚歎以
上妙房舍一切所須皆悉充足經百

千劫是善男子善女人所得功德寧
為多不阿難白佛言世尊甚多甚多
不可限量難以喻知佛告阿難若善
男子善女人聞此降伏遣魔法一經
耳能信能解不疑惑者其福勝彼
今時虛空中有三善男子求菩薩乘
自然而現漸漸而來各各執持千大
蓮花其花高廣踰須弥山有百千万
億葉出百千万億光色今時尊者阿
難及諸時會皆共遙見三善男子求
菩薩乘者漸漸而來見已生希有心
今時阿難白佛言世尊此善男子為
從何來佛告阿難東方過恒河沙佛
土有世界名花高須弥山此善男子
於彼世界聞說此法及上目緣以是
故來阿難白佛彼世界佛名号何等
佛告阿難彼佛名華高須弥山王如
來等正覺今現在說法今時三善男
子求菩薩乘者前詣釋迦牟尼佛頭
面礼足右遶三匝右膝著地一心合
掌以所執華而散佛上作如是言世
尊我等今於此法能信能解不生疑
惑所以者何我等於此法中無有疑

惑猶如如來。今時第一善男子求菩薩乘者。白佛言。世尊。若作是說。我是如來。此言便是正說。所以者何。我於此法不生疑惑。故今時第二善男子求菩薩乘者。白佛言。世尊。若作是說。我是世尊。此言便是正說。所以者何。我於此法不生疑惑。故今時第三善男子求菩薩乘者。白佛言。世尊。若作是說。我是佛。此言便是正說。所以者何。我於此法不生疑惑。故

今時會中百千衆生。心皆擾動不安。本坐作是念。無有二佛。竝出世間。今此善男子。以何等故。發如是言。作是念已。展轉相語。且共默然。世尊在座。自當解說。此諸菩薩。如是語義。今時阿難。白佛言。世尊。此諸菩薩名字何等。乃能作是大師子吼。佛告阿難。其一菩薩名樂求如來音聲。第二菩薩名樂求世尊音聲。第三菩薩名樂求佛音聲。阿難當知。以是緣故。彼菩薩摩訶薩。作如是說。阿難。白佛言。世尊。今此會中有百千衆生。心皆擾動作是念。無有二佛。竝出世間。以何緣故。

彼作是說唯願如來敷演其義今此
大衆心不擾動所種善根增益明淨
世尊如人澡浴嚴治髮爪膚色鮮淨
復以赤栴檀水更浴其身膚色鮮淨
倍勝於前世尊是諸衆生亦復如是
若聞說是語義所種善根增益明淨
倍勝於前今時世尊即說偈言

皆共一心聽 我說是語義 何故名如來
世尊及佛耶 能知過去如 亦知未來如
見一切法如 是故名如來 如先昔諸佛
行不思議施 我亦行此施 是故作是說
如先昔諸佛 求無依倚道 我亦如是求
是故名如來 不住一切法 求寂靜菩提
亦不得菩提 是故名如來 如昔諸菩薩
勤苦行忍辱 我亦行是忍 能到忍彼岸
如我昔精進 勤求於菩提 彼亦勤精進
是故名如來 彼已能通達 諸法平等相
亦不生心念 是故名如來 不念一切法
其性常平等 知此平等已 而無差別心
已能通達此 如如平等定 通達此定故
是故名如來 所說一切法 各自有性相
已知此性相 畢竟常寂然 知相名為慧
知虛名為智 若能知衆生 名到慧彼岸

如先昔智者 智慧到彼岸 亦不得此慧
到彼岸寂然 彼亦得此慧 而到於彼岸
不得此慧故 是故名如來 不得菩提如
其性相難議 不得一切法 是故名如來
已能達無著 不著如如來 不著一切法
通無著道故 如先導世師 能知見正道
此道真實相 未曾有始終 彼亦如是修
取勝無上道 此道無始終 性空無所有
知道無始終 諸法皆平等 亦知如平等
是故名如來 道如菩提如 及與不住如
知如如虛空 是故名如來 我所說諸法
其如常平等 若能見以如 應當求菩提
阿難以是事 彼作如是說 如說能修行
彼亦如是行 若能行是行 能作如是說
知是不退轉 無畏諸菩薩 阿難應當知
無畏諸菩薩 能作如是說 自言是如來
阿難白佛言 世尊以何因緣得何等
法名世尊耶 今時世尊便說偈言
皆共一心聽 於百千億劫 求如是菩提
無量難思議 為諸眾生故 求如是菩提
未曾有怖畏 是故名世尊 不畏於生死
正住生死中 化度諸眾生 是故名世尊
去何不怖畏 云何住生死 云何度眾生

去何名世尊 生死無有法 而可破壞者
不牢不破壞 以此度衆生 是名不怖畏
是名住生死 是名度衆生 是名為世尊
知諸法虛空 而無怯弱心 宣說諸法相
而無所怖畏 已斷諸怖畏 遠離諸難處
不畏難處故 度難處衆生 度多億衆生
過生死險難 亦不得生死 及所度衆生
安置諸衆生 寂靜涅槃岸 亦不得衆生
是名為世尊 恒為諸衆生 說如虛空法
未曾生怖畏 是名為世尊 法性無差別
說有種種名 平等如菩提 菩提不可得
教導諸衆生 今趣向菩提 雖教如是法
未曾有所說 不可說而說 度脫多衆生
無畏無所取 是故名世尊 遠離一切想
能修菩提相 已過一切想 是名為世尊
已能滅諸想 煩惱無有餘 以是故得稱
名之為世尊 以慧觀諸法 知諸法平等
常不求少法 是故名世尊 不重於名譽
亦不求名譽 恒為諸衆生 說離名譽法
菩提離名譽 彼亦如是求 若有重名譽
是名遠菩提 是聲猶如響 分別故多種
橫生諸分別 我有如是名 不著一切聲
亦不依倚名 無戲論菩提 是名為世尊

知如是諸法名之為世尊亦不得菩提
是故名世尊知如是諸法而無有所著
求如是菩提解脫無有漏阿難以是事
及諸餘因緣菩薩摩訶薩自言是世尊
阿難白佛言世尊以何因緣得何等
法名為佛耶尔時世尊便說偈言
覺知一切法此法無所有已覺無有法
是故名為佛覺了諸煩惱不令得自在
以智離煩惱是故名為佛能覺此身空
此身無所屬此身不牢固牢固不可得
愚於不牢身而生堅牢想彼如實覺知
是故名為佛覺無明無智自性無所有
已得於明智是故名為佛所有過去想
覺知是無想想無相故更不隨此相
修未來諸想現在想亦然已修一切想
是故名為佛覺知色前際未曾有生起
凡小雖分別不能令色生覺受無根本
根本不可得於一切法中亦無有受者
知想猶如幻其性無所有於一切法中
不為想所累知行不能作種種諸身相
身空行亦空是故無所作知行及與身
猶如芭蕉樹如實能覺知是故名為佛
觀識之實性亦不在身內亦不在身外

而可有是識於一切法中識性不可得
而於此身中無形無處所能如是知識
識性無所有無想猶如幻未曾見識生
於一切法中無有見識者一切衆生性
未曾有作者衆生無作者諸法畢竟然
若法若衆生無有來去相覺一切諸法
畢竟無有相無分別戲論是故名爲佛
如諸佛不住佛正法大乘不住一切法
是故名爲佛如如諸法如諸佛不住如
佛如菩提如是竟不可得爲求菩提故
應發如是心能覺此心相少法不可得
爲求菩提故應發如是心此心菩提等
亦覺知如幻阿難以是事彼作如是說
自言我是佛如佛導世師以佛之名聲
說如是等法若有住此法盡願求菩提
若有知此法是則近菩提於一切法中
不生諸疑惑於諸法無疑必爲世間上
已知此法故能解密語義

今時世尊說如來世尊佛名已是時
會中百千衆生白佛言世尊我等無
復疑網逮大照明得解菩薩摩訶薩
名爲如來世尊佛義以一切法不可
得故於諸法中逮得法忍如來今者

猶如父母矜接我等不令我等心有
擾動亦得覺知不擾動法猶如虛空
不可擾動所以者何我等今者覺一
切法猶如虛空無擾動故尔時會中
百千衆生頭面礼佛右邊三匝去佛
不遠默然而坐

尔時會中有菩薩摩訶薩名常笑諸
根清淨即從坐起以種種華而散佛
上即說偈言

衆生多果想 能解彼果想 離果得具足
故礼世間智 衆生貪著果 行種種果名
唯佛能除斷 故礼世間智 宣說果平等
而以覺悟他 說果是假名 故礼世間智
宣說平等法 住平等法中 覺一切法等
故礼世間智 衆生得果想 除此有得心
唯佛能除斷 故礼世間智 具知果寂滅
不住種種果 諸佛善密語 故礼世間智
尔時常笑諸根清淨菩薩摩訶薩說
是偈已讚歎世尊頭面礼足右邊三
匝去佛不遠一心觀佛目不暫眴歡
喜而住

尔時會中有菩薩摩訶薩名蓮花德
藏即從坐起以花散佛說此偈言

衆生多有想 能解此有心 離怖無所取
故礼牟尼尊 於諸有寂靜 說無所有法
遠離一切有 故礼牟尼尊 知有是空無
其性無有我 以遠離有畏 故礼牟尼尊
遠離諸憂戚 能拔憂戚者 永斷諸繫縛
故礼牟尼尊

尔時蓮華德藏菩薩摩訶薩說此偈
已讚歎世尊復更說偈而白佛言
於後惡世中 若有聞此經 不生怖畏者
皆應合掌礼

尔時無垢意菩薩摩訶薩即於佛前
而說偈言

若有聞此經 不生疑惑者 於一切時中
應以衆花散

尔時廣思惟菩薩摩訶薩即於佛前
而說偈言

此經中廣說 無量諸佛法 衆生聞是法
不疑惑者少 貪著於己身 生種種身想
得聞如是經 亦是顛倒說 當知屬於魔
為魔所抑持 無智聞此經 返更生疑惑
尔時青蓮華目菩薩摩訶薩即於佛
前而說偈言

若有聞此經 不生疑惑者 猶如世間眼

亦名施眼者

唐傳藏淨經第二卷

第十八根本

五

尔時樂供養塔菩薩摩訶薩即於佛前而說偈言

若有聞此經 深生信樂者 此人處世間 猶如取上塔

尔時渴仰意菩薩摩訶薩即於佛前而說偈言

雖在生死中 應救生渴仰 不著一切法 能不疑此經

尔時樂以衣施菩薩摩訶薩即於佛前而說偈言

應以多億衣 細軟而平正 以供覆其身 不疑此法者

尔時樂以食施菩薩摩訶薩即於佛前而說偈言

所說諸餽饍 味中取上者 應以供其人 不疑此法者

尔時悲念樂見衆生菩薩摩訶薩即於佛前而說偈言

悲念諸衆生 應救數涕泣 而於此經中 無有信樂意 若人少時間 疑惑於此經 當知地獄來 還趣向地獄 親近惡知識 不解是深法 無明網所覆 不向此妙趣

破戒自纏累 惡意好求短 貪著於利養
能誹謗是經 不勤求菩提 懈怠不精進
惡慧樂小法 不信解是經 貪利養衆生
計我隨愛欲 深著於三世 不能信是經
愚很惡心性 染愛盲無智 好樂多談說
而不信是經 好選擇衣服 貪味嗜飲食
少於白法者 能誹謗是經 著果諸衆生
好說著果法 解佛微密語 如是者甚難
過去先昔佛 無上導世師 盡能供養者
能信解是經

今時遠離惡法菩薩摩訶薩即於佛
前而說偈言

愚心貪著果 能誹謗是經 應遠離是人
猶如臭糞穢 亦如爛死屍 行者皆遠避
謗此經衆生 皆應常遠離 猶如劫村賊
住大曠野中 聞者皆馳走 恐為我作難
應如是馳走 遠離是惡賊 瞋恚懷惡意
誹謗是經者

廣博嚴淨經卷第五

壬寅歲高麗國大藏都監奉
勅彫造

佛說廣博嚴淨不退轉輪經卷第六

木

東涼州沙門智嚴譯

尔時阿難白佛言世尊甚為希有是諸菩薩摩訶薩決定善說菩提之法世尊為是自三昧力為是佛威神力為是此經三昧力能作是說耶佛告阿難是諸善男子曾於六十億那由他諸佛所聞說是經無有增減如我今者說微密語等無有異彼不以三昧力故能作是說所以者何彼於此經現見通達故尔時阿難白佛言世尊若有聞此經能信能解不生疑惑者世尊是善男子善女人得幾所福佛告阿難若善男子善女人欲求阿耨多羅三藐三菩提以滿閻浮提七寶施諸如來若有善男子善女人得聞是經信解不疑阿難當知其所得福甚多甚多阿難置閻浮提假使以恒河沙世界滿中七寶施諸如來若有得聞此經信解不疑其福勝彼尔時世尊欲重宣此義而談偈言
若以閻浮提 滿中七寶施 奉諸佛如來

慈悲導世者 亦如恒河沙 數等諸世界
滿中諸珍寶 以奉上諸佛 若有聞此經
能信能解者 亦不生疑惑 其福勝於彼
今時阿難白佛言世尊若有善男子
善女人得聞是經能信能解能信解
已復能受持讀誦通利是善男子善
女人得幾所福佛告阿難若善男子
善女人求阿耨多羅三藐三菩提遠
離是經於百劫中行檀波羅蜜奉施
諸佛如是於百劫中護戒忍辱精進
禪定起五神通修行智慧以遠離此
經故不如善男子善女人得聞是經信解不
疑受持讀誦志令通利其福勝彼今
時世尊欲重宣此義而說偈言

若滿百劫中 以種種餽饌 以供導世師
未名供養佛 若能持此經 是名供養佛
諸佛教法故 是無上恭敬 若滿百劫中
以種種衣散 救世大精進 未名供養佛
若能持此經 是取勝供養 是名供養佛
勝前以衣施 若滿百劫中 以種種華散
救世大精進 未名供養佛 欲以取勝供
供養諸佛者 應當持此經 不捨著諸果
此供是大供 諸供中取上 若能持此經

而不計於我 若滿百劫中 堅固守淨戒
若不持此經 彼皆無名稱 若能持此經
此戒有名稱 於諸戒中上 勝先行戒施
雖有純淨戒 無量難思議 應當常勤求
受持如是經 如此經中說 善修戒行者
不名為惡戒 亦不名破戒 若持此經戒
名持善提戒 持善提定戒 具足無作戒
如是等諸戒 皆於此經說 若能持此經
具足一切戒 若人滿百劫 能行大忍辱
衆生惡口罵 其心皆能忍 若截其手足
其身不擾動 未曾起惡心 瞋恨於他人
行如是忍辱 如忍辱仙人 雖經百劫中
其忍不為上 若有聞此經 信解能堪忍
是忍名為上 是忍名賢善 是忍名取勝
是忍無有上 若能持此經 而無所染著
欲求無染著 諸佛無上智 不應生染著
速受持此經 若滿百劫中 常立不坐卧
除却諸睡眠 勤行大精進 智者勤精進
流布如是經 是人到無畏 勝彼大精進
若滿百劫中 能起五神通 不得聞此經
其智不為上 若能持是經 通達無依義
於諸神通中 是神通最上 若滿百劫中
修行諸智慧 此慧是世間 分別世間法

若不學此經 不名為明慧 若能學是經
是名堅固慧 若有聞此經 信樂無有上
是人名為慧 亦名通達者 欲以如是慧
能知諸法如 應宣說此經 當得如是慧
慧者所行法 皆此經中說 應當勤精進
受持於此經

尔時阿難即於佛前而說偈言

應往一由旬 乃至百由旬 聽受如是經
能捨離諸果 設有大火坑 縱廣一由旬
智者從中往 聽受如是經 欲得諸聖戒
於諸戒中上 應流布是經 能淨於戒身
欲得諸聖禪 於諸禪中上 應流布是經
燒一切煩惱 欲得諸聖慧 於諸慧中上
應流布是經 能淨諸法界 欲往詣諸方
嚴淨諸世界 其界名喜樂 應流布是經
欲見阿閼佛 諸牟尼中尊 應當持是經
廣為衆生說 若欲淨菩薩 種種之所行
應流布是經 得往安樂界 得見彌陀佛
光明不可議 應流布是經 諸佛之所說
尔時世尊告阿難言善哉善哉如汝
所言所以者何若善男子善女人以
不散心讀誦此經為他解說欲見諸
佛即皆得見若以散乱心讀誦此經

為他解說其人命欲終時眼見百千
諸佛所以者何一切諸佛皆守護是
善男子善女人故尔時會中有一童
女名曰師子與五百童女俱即從坐
起偏袒右肩右膝著地一心合掌白
佛言若有女人受持此經讀誦通利
有何功德尔時世尊告師子言若有
女人欲求阿耨多羅三藐三菩提受
持是經讀誦通利當知是身取是後
邊所以者何若有女人以不散乱心
受持是經讀誦通利所有煩惱受女
人身者不現在前師子白佛言世尊
何等煩惱能受女身佛告師子凡諸
女人見他女人形容端正以金銀珍
寶種種珠璣嚴飾其身受眾快樂見
已生愛著心不能如實觀察此身但
是糞聚臭穢不淨假以綵色眾香塗
熏惑愚者眼便生染著起諸煩惱故
受女身復次師子女人之性多諸慳
嫉言說時異心思時異現前語異屏
處語異為氣味故有諸女人不為正法
瞋恚所弊睡眠所蓋樂喜談說以是
緣故不能受持此經又於晝夜多染

汙心少出要心成就如是諸惱心故
恒受女身不能令止是故師子若女
人欲不起煩惱不受女身者應當受
持讀誦此經為他解說所以者何此
經能除女人諸煩惱故師子復白佛
言世尊若有女人不為離女身受持
此經讀誦通利者當受女身不佛告
師子若有女人雖不為離女身受持
此經讀誦通利當知此身寂是後邊
除其神足現女身者師子譬如有人
投大火聚而作是言莫燒我身燒我
膚色於意云何是人所語得稱意不
師子白佛言不也世尊所以者何
火性壞人形色佛告師子此經亦
令燒諸煩惱令無有餘是故師子若有
女人欲不受女身欲速得一切佛法
欲得見無量無邊諸佛欲得無閼辯
才欲以慈心遍緣一切衆生者應受
持此經讀誦通利為他解說今時師
子及五百童女白佛言世尊我等於
燃燈佛所受持是經如是展轉至于
今日

今時阿難白佛言世尊是師子童女

未盡女身分耶佛告阿難於意云何
汝謂師子是女人耶阿難白佛言如
是世尊佛告阿難莫作是言所以者
何是師子及五百童女以神通力現
為女身憐愍饒益未來世中諸女人
故所以者何一切男子不得隨意入
諸家中是故阿難師子童女以神通
力現受女身而此女人無女人法無
男子法無非男非女法所以者何女
人法男子法非男非女法不可得故
阿難是師子於此法中不得一切法
成就法忍速大照明是故阿難一切
女人應當隨學如師子童女受持是
經讀誦通利為他解說今時會中有
五千比丘尼即從坐起偏袒右肩右
膝著地一心合掌白佛言世尊我從
今日受持是經讀誦通利為他解說
所以者何我不願樂更受女身受持
是經若不究竟讀誦通利終不坐卧
亦不睡眠佛告諸比丘尼善哉善哉
作如是言發大莊嚴而自莊嚴以大
精進而自精進所以者何汝等不樂女
身樂求佛法是故汝等倍加精進堅心

受持讀誦是經悉入通利為他解說當知汝等所受女身寂是後邊尔時諸比丘尼聞佛所說歡喜踊躍各各脫身所著鬱多羅僧以散佛上而說偈言佛無有二語必成男子身說我等作佛我志願滿足

尔時會中有五千居士婦從諸比丘尼聞是偈已即從坐起偏袒右肩右膝著地一心合掌白佛言世尊我等今者受持是經讀誦通利為他解說所以者何我等今者欲得遠離不自在身視人顏色猶如婢妾女人之身雖生王家長養令大姊與他王不得自在盡其形壽奉事其夫懷妊十月受種種苦以是事故我等從今勤加精進受持是經為他解說受一食法奉持齋戒脇不觸地乃至奪命誓不與夫携手親近要當受持讀誦是經尔時世尊告諸居士婦言善哉善哉諸善女人快說此言汝等從今更不屬他常得自在不視他顏色無懷妊苦不更虞胎生無姪欲無女人虞諸佛世界尔時阿難白佛言世尊此諸姉等

所生之處世界何名佛号何等佛告
阿難世界名衆寶華光佛号放衆寶
摩尼王光如來等正覺今現在說法
此諸女人當生彼國諸居士婦受持
是經故得見彼佛今時諸居士婦聞
說是已皆生歡喜踊躍無量即解頸
十千真珠瓔珞持用散佛即於佛前
而說偈言

我等獲善利 得遠離女身 佛無有二語
所說皆真實 永棄如是身 卑陋女人相
但誑無智人 不能如實知 更不如嫗妾
屬他不自在 亦不復十月 懷妊受衆苦
終不復更受 處胎諸惡法 已得離胎智
此智無有上

今時諸居士婦說此偈已頭面礼佛
右遶三匝去佛不遠皆共就坐一心
觀佛目不暫瞬

今時釋提桓因以天拘數摩花而散
佛上作如是言世尊我當受持是經
讀誦通利為他解說佛告釋提桓因
憍尸迦汝若如是終不更與阿修羅戰
今時文殊師利法王子欲令百千衆
生所有善根轉明淨故白佛言世尊

如來昔者從我聞說是經發菩提心
佛告文殊師利以是事故汝於百千
萬億那由他菩薩衆中取為明照於
十方世界開悟衆生如日光明即時
大地震動天雨衆華遶佛世尊積至
于膝今時阿難白佛言世尊以何因
緣大地震動散衆天華積至于膝佛
告阿難今百千萬億那由他諸天從
文殊師利聞說此言歡喜踊躍散衆
天華皆發是言我等當受持讀誦是
經為他解說如文殊師利法王子快
說是言我等亦當隨學如文殊師利
照明世間我等亦當如是照明說此
語時皆得憶念是經如現在前是故
心生歡喜踊躍無量復聞我從文殊
師利得聞此經阿難是故大地震動
天雨衆華今時阿難白佛言世尊此
經成就諸大功德此經成就未曾有
功德非是成就少善根衆生得聞此
經佛告阿難如是如是如汝所言若
善男子善女人供養無量百千諸佛
乃聞是經聞已信解受持讀誦為他
解說阿難此善男子在天人中當知

如塔若有受持讀誦是經者其人所住方面便有明正法人復次阿難若有受持是經讀誦通利為他解說乃至書寫經卷而供養者當知是人離諸惡趣已能降伏惡魔波旬建立法幢能行法施燃大法炬破無明闇吹大法蠶趣向道場擊大法鼓開甘露門降大法雨充足一切樂求法者門諸法藏諸佛所聚出大法財知一切法遠離諸想所謂色受想行識想眼耳鼻舌身意思想色聲香味觸法想遠離一切諸法想乃至佛法僧想阿難若有從我聞此經者受持讀誦當知是人便是我子從佛口生從法身生是故阿難若有衆生欲食如來食欲坐道場欲說正法如我今者應受持是經讀誦通利為他解說乃至書寫經卷受持供養

尔時阿難白佛言世尊未來世中受持是經讀誦通利為他解說乃至書寫經卷而供養者皆是今日受持讀誦是經者耶佛告阿難如是如是所以者何我未曾見諸餘世間天人魔

梵沙門婆羅門人及非人於未來世能
說是經令他聞者無有是處阿難能
於今日積聚法財於未來世隨意受
用譬如居士若居士子其家大富多
饒財寶金銀琉璃真珠摩尼珂貝璧
玉倉庫盈溢奴婢僮僕爲馬牛羊如
是衆多往至餘方遊戲觀看其人後
時還至財所得受用不阿難白佛言
世尊自在受用是其財故如是阿難
若於我前得聞此經於未來世亦復
得聞受持讀誦如是經典而設供養
猶如今日阿難我以佛眼見有信解
受持是經讀誦通利爲他解說乃至
書寫經卷如今阿難而供養者亦見
誹謗不信受者今時阿難白佛言世
尊若有衆生不信解是經而誹謗者
其人罪報當生何處佛告阿難且止
不須問也阿難白佛言世尊惟願說
之爲不信此法衆生生信樂故佛告
阿難其人罪報生處與五無間業等
阿難於意云何假使有人於一日中
悉斷三千大千世界衆生命根其人
生處罪報云何阿難白佛言甚惡世

尊佛告阿難其人罪報亦與彼等阿
難於意云何假使有人若壞若燒恒
河沙諸佛般泥洹後所起塔廟得罪
多不阿難白佛言甚多世尊眼不應
視耳不應聞佛告阿難其人生處罪
報云何阿難白佛言世尊甚惡甚重
佛告阿難其人罪報亦與彼等阿難
於意云何假使有人壞亂過去未來
現在諸佛正法其罪云何阿難白佛
言甚重世尊佛告阿難其人罪報亦
與彼等阿難白佛言世尊若有毀訾
誹謗令衆生遠離是經其罪云何佛
告阿難於意云何三千大千世界衆
生皆行十善求阿耨多羅三藐三菩
提假使有人毀壞其眼其罪多不阿
難白佛言甚多世尊當於百千萬億
那由他劫在地獄中受諸苦惱
佛告阿難我今語汝若有衆生毀謗
此經乃至一人令遠離者當知此罪
亦與彼等阿難白佛言世尊若有菩
薩欲求阿耨多羅三藐三菩提於此
經中雖有疑心而不誹謗其罪云何
佛告阿難若生疑心則逆諸佛而有

罪過經一億劫遠離苦提阿難白佛
言世尊若有衆生誹謗是經今多衆
生而遠離者所受罪身大小云何佛
告阿難且止不須問此罪身大小阿
難白佛言世尊惟願說之令此四衆
來世衆生慚愧怖畏佛告阿難其人
罪身長一萬由旬受無量苦阿難白
佛言其人不能護口所受舌報大小
云何佛告阿難其罪人舌縱廣一千
由旬五百鐵犁光焰熾燃以耕其舌
復有五百鐵丸光焰熾燃雨其舌上
以其前世不護口故今時四衆皆生
怖懼身之皆豎涕泣流淚舉身投地
皆共同聲作如是言世尊我等今者
為彼族姓子族姓女發露懺悔願令
遠離如是罪身不受衆苦會中復有
涕泣流淚作如是言世尊我等若於
此生若前百千萬億劫由他生曾起
疑心作是衆苦曰緣者我等今於如
來等正覺前及餘百千萬億不可限
量諸佛世尊前發露懺悔諸佛如來
願以佛眼見知我等今者所有
罪業皆悉發露不敢覆藏我等愚小

無知無覺無有方便惟願諸佛以憐
愍故受我等悔佛告諸善男子善哉
善哉汝等今於我前不覆藏罪發露
懺悔於我法中便為增益阿難白佛
言世尊今此會中生疑心者皆受如
是地獄苦耶佛告阿難今此會中生
疑心者以悔過故其罪甚少阿難白
佛言彼人受罪為多少耶佛告阿難
其人欲命終時身上一一諸毛孔中
受無量苦亦不經久所以者何以於
我前及餘無量無邊諸佛世尊悔過
罪故阿難是故諸族姓子族姓女不
欲受如是罪身如是罪舌如是衆苦
者應當信解是經莫生疑惑阿難若
有善男子善女人不欲捨佛捨法捨
比丘僧不欲捨過去當來現在諸佛
正法者應受持是經讀誦通利為他
解說書寫經卷而供養之阿難白佛
言世尊如來今者說不退轉輪經以
何緣故作如是說若不捨僧不捨何
僧佛告阿難僧者所謂不退轉者說
名為僧為不退轉法來集會者亦名
為僧阿難白佛言退轉菩薩不在僧

數中耶佛告阿難若有深發菩提心
不見此心者皆入不退轉僧中阿難白
佛言希有世尊諸佛成就大方便力
以方便故說如是法今時釋提桓曰
以天曼陀羅華而散佛上白佛言世
尊願令一切衆生皆成就如是方便
佛告釋提桓曰憍尸迦若有信解是
經者皆當成就如是方便演說諸法
如我今者等無有異今時有百千諸
天以天曼陀羅花而散佛上作是言
願令一切衆生逮得是經今時阿難
白佛言世尊惟願如來憐愍未來衆
生守護是經今時佛告阿難若善男
子善女人在大海中應聞是經是善
佛如來已守護故阿難白佛言世尊
先佛如來雖守護是經如來今者憐
愍衆生當守護是經今時大地六變
震動即於佛前有閻浮提金色天
華自然而現其華有百千萬億葉出
大光明遍照十方恒河沙諸佛世界
是時四衆皆見十方恒河沙世界諸
佛世尊是諸佛前亦有閻浮提金

色天花有百千万億葉自然而現出
大光明遍照十方今時釋提桓因即
自化身作居士形持種種花與諸四
衆作如是言諸仁今者可以此花散
如來上亦用供養是經法故是時四
衆即取其花散如來上佛神力故所
散之花於諸佛上變成花盖是時四
衆白佛言世尊以何緣故大地震動
是大蓮花於諸佛前自然而現乃至
東方恒河沙諸佛世界南西北方四
維上下恒河沙諸佛世界亦復如是
佛告四衆若先有此相當知諸佛已
守護是經今時阿難白佛言世尊如
來今者已守護是經耶佛告阿難如
是如是我已守護阿難白佛言唯佛
世尊守護是經餘世界佛亦守護是
經耶佛告阿難十方恒河沙諸佛世
尊亦守護是經阿難白佛言世尊當
何名是經云何受持佛告阿難此經
名不著諸果亦名遠離諸果亦名說
堅信堅法八人須陀洹斯陀含阿那
含阿羅漢聲聞辟支佛密義亦名降
伏遣魔亦名與六波羅蜜相應所以

者何若善男子善女人信解是經受持讀誦乃至書寫經卷而供養者便具足修行六波羅蜜阿難白佛言世尊云何信解是經受持讀誦具足修行六波羅蜜耶佛告阿難若善男子善女人信解是經名檀波羅蜜不生疑惑名尸波羅蜜堪任此法名羼提波羅蜜心無怯弱名精進波羅蜜心不擾動名禪波羅蜜不分別一切法名般若波羅蜜是故阿難此經名六波羅蜜相應亦名一切諸佛正說亦名廣大不退轉輪亦名廣博嚴淨不退轉輪阿難如是等名汝當受持阿難白佛言世尊問此經名尚應聽受何況具聞初中後說佛告阿難如是如是如汝所言阿難白佛言世尊若有得聞此經名者能却幾劫生死罪耶佛告阿難若有得聞廣博嚴淨不退轉輪經名者聞已信解阿難當知是諸衆生得却百千劫生死阿難白佛言世尊若有衆生得聞是經能信解已發菩提心者逮得何法佛告阿難如是衆生已逮受記當得阿耨多

羅三藐三菩提

今時四衆各各自見其所坐前有大蓮華自然而現其華開敷有百千葉亦有百千萬億光色是時四衆心生歡喜踊躍無量即取是華以散佛上作如是言願使我等於未來世宣說是經猶如世尊等無有異余時世尊即便微笑當余之時一切音樂不鼓自鳴一切衆香自然芬熏百千萬億虛空諸天於虛空中作大音樂復有百千萬億諸天於虛空中雨天細末栴檀種種天香天阿迦樓香細末多摩羅香復雨天閻浮那提金栗銀栗天摩尼寶復雨曼陀羅華摩訶曼陀羅華波樓沙華摩訶波樓沙華曼陀沙華摩訶曼陀沙華迦迦羅華摩訶迦迦羅華樓遮摩那華摩訶樓遮摩那華輪婆摩那華摩訶輪婆摩那華天優鉢羅華拘物頭華芬陀利華如是衆華而散佛上種種天香種種天鳥乃至諸天所有珍寶皆悉雨之虛空諸天現身在地而作音樂以供養佛世間諸人各各脫身所著衣服而

散佛上復有諸人脫手足瓔珞咽臂
瓔珞所著天冠華鬘而散佛上復有
諸人以金銀天冠衆寶天冠衆華天
冠栴檀天冠散佛上者復有諸人歡
喜踊躍稱慶無量當今之時牛馬歡
悅出和柔聲虛空衆鳥出和雅音地
獄畜生離苦獲安餓鬼充足離飢渴
苦天龍夜叉乾闥婆阿修羅迦樓羅
緊那羅摩睺羅伽人非人等皆悉歡
喜踊躍無量是時衆生皆得慈心慈
心相向無有忿恨今時阿難白佛言
世尊以何因緣世尊微笑諸佛如來
不以無緣而笑今時世尊告阿難言
今此四衆比丘比丘尼優婆塞優婆
夷天龍夜叉乾闥婆阿修羅迦樓羅
緊那羅摩睺羅伽人非人等今於我
前得聞此經及未來世得聞經者皆
於阿耨多羅三藐三菩提而不退轉
後成佛時宣說是經無有增減如我
今日等無有異佛說是經時有無量
無邊不可思議不可限量百千萬億
那由他天龍夜叉乾闥婆阿修羅迦
樓羅緊那羅摩睺羅伽人非人等皆

於阿耨多羅三藐三菩提而不退轉
佛說是經已文殊師利法王子無邊
無量諸菩薩摩訶薩尊者阿難諸大
聲聞及諸四眾比丘比丘尼優婆塞
優婆夷天龍夜叉乾闥婆阿修羅迦
樓羅緊那羅摩睺羅伽人非人等及
諸世間聞佛所說皆大歡喜
廣博嚴淨經卷第六

癸卯歲高麗國大藏都監奉
勅雕造

不退轉法輪經卷第一

木

僧祐錄要公涼土異經在北涼錄第三譯

序品第一

如是我聞一時佛在舍衛國祇樹給
孤獨園與大比丘僧千二百五十人
俱及諸菩薩摩訶薩衆無量無邊阿
僧祇數尔時世尊於中夜後入廣大
光明照三昧是時文殊師利法王子
於中夜後入大光明照三昧弥勒菩
薩於中夜後亦入遍炬三昧是時世
尊從三昧起與舍利弗於中夜後共
出其房到文殊師利法王子所住之
處時尊者舍利弗見文殊師利法王
子房及世尊房左右皆悉滿中池水
其池水中亦有無量種種蓮華遍布
水上而諸蓮華各放光明普照祇洹
及舍衛國乃至三千大千世界皆悉
照明大聞法音遍於十方一切世界
其中菩薩等共諮請發問論議時尊
者舍利弗既入室已見文殊師利寂
然禪定在前而立尊者舍利弗即便
彈指馨咳出聲尔時世尊及舍利弗

等見文殊師利法王子神通變化各見其身在大海中是時舍利弗在文殊師利室中不能得出欲踊虛空亦不能去而不自知從何處來况復能以神通而去是時尊者舍利弗結加趺坐忽然而見文殊師利在其目前正身端坐文殊師利神通力故不離本處令舍利弗見文殊師利過恒河沙有世界名阿鞞跋致論議音聲彼中有佛号善住光華開敷現在於世有無量億千菩薩圍遶見彼佛身於諸毛孔皆出蓮華其一一華光明遍照三千大千世界華有千葉皆以紺瑠璃為莖馬瑙為鬚衆寶為臺其華臺上見諸菩薩結加趺坐彼諸菩薩皆住阿鞞跋致當得阿耨多羅三藐三菩提於諸陀羅尼門成就大忍以三十二相而自莊嚴身色如真金微妙第一小時善住光華開敷佛齊中出大蓮華其色衆多華葉無量亦以紺瑠璃為莖金剛為葉曰陀瑠璃為鬚龍堅栴檀王為臺世間塵水所不能染舍利弗見此華臺空無所有

文殊師利入中而坐與蓮華臺俱上
至有頂文殊師利遶佛三匝一心合
掌頂禮佛足於蓮華臺中結加趺坐
正念向佛是時善住光華開敷如來
問文殊師利言汝從何方而來到此
文殊師利白佛言世尊我從娑婆世
界故到此土彼佛國中有二菩薩一
名善音二名善聲是二菩薩摩訶薩
皆已住阿鞞跋致地決定當得阿耨
多羅三藐三菩提俱從蓮華臺中而
出更整衣服右膝著地一心合掌各
白佛言世尊娑婆世界去此幾何尔
時善住光華開敷佛答二菩薩言娑
婆世界去此佛刹恒河沙世界之外
文殊師利從彼而來是時善音善聲
菩薩俱白佛言世尊於彼世界佛号
何等今欲知之尔時善住光華開敷
佛即便答言娑婆世界有佛如來多
陀阿伽度阿羅呵三藐三佛陀号釋
迦牟尼今現在世是二菩薩復更問
言釋迦牟尼佛為說何法彼佛答言
說三乘法而彼菩薩復白佛言云何
名為三乘法佛言所謂聲聞乘辟支佛

乘佛乘釋迦牟尼佛常作如是說三
乘法時彼菩薩復白佛言世尊諸佛
說法何故不同佛言一切諸佛有所
說法悉皆同等彼諸菩薩復白佛言
云何同等佛言不退法輪一切諸佛
皆悉等說時彼菩薩復白佛言世尊
何以故釋迦牟尼佛說三乘法佛言
娑婆世界衆生心多下劣若說一乘
則不能解是故釋迦牟尼佛以善方
便為諸衆生出五濁世分別說三引
導衆生今入一乘時二菩薩白佛言
世尊釋迦牟尼佛說法為最甚難佛
言釋迦牟尼佛說法實為甚難善音
善聲菩薩白佛言世尊我等今者快
得善利不生如是下劣惡國今時佛
答二菩薩言莫作是語當疾捨離善
音善聲菩薩復白佛言世尊以何因
緣令捨是語彼惡世中說此法難以
是故我等今者不生喜樂佛言於此
世界二十億那由他劫修諸善根不如
娑婆世界於一食頃與諸般若波羅
蜜相應令一衆生歸依三寶受持五
戒遠離聲聞辟支佛心使發無上菩

提道意甚難於彼二十億那由他者
況復有能勸人出家讚歎功德廣為
說法令出三界作如是教逮得己利
修集善法入諸禪定何以故此諸衆
生多為煩惱之所濁亂是二菩薩復
白佛言世尊云何於彼世界諸衆生
等多為煩惱而濁亂耶佛言若我盡
壽更為汝等說娑婆世界衆生濁亂
貪欲瞋恚愚癡無量諸惡不善諸法
猶不可盡惟佛能知業報善惡今時
善音善聲彼菩薩等俱共歎言是真
釋迦牟尼佛是真釋師子是真釋仙
作如是等三種讚歎善哉說法善知
心念亦為廣說諸不善法貪欲瞋恚
愚癡邪見無量諸惡巧說善趣及向
聲聞辟支佛道皆歸於佛成就佛智
第一清淨發菩提心隨順解脫入佛
智慧為諸衆生成熟善根心無所染
彼諸菩薩皆悉共取七寶蓮華若干
種色有百千萬億葉如金剛寶藏天
紺琉璃為鬚龍堅栴檀為臺衆寶為
莖不著塵水眼識所知其華微妙於虛
空中而自迴轉不可執持猶如影幻

從業報生亦從解脫諸三昧生於虛空中取已遥散娑婆世界釋迦牟尼佛上持諸華鬘華蓋悉是衆寶亦有寶雲寶蓋及雜綵繒蓋末香塗香無量種色供養釋迦牟尼佛已五體投地向佛作禮皆作是言南無釋迦牟尼佛此娑婆世界菩薩摩訶薩莊嚴大乘精進無懈修諸功德悉能護持過去未來現在諸佛一切正法為欲拔濟苦惱衆生作大照明住於一乘我等欲往見釋迦牟尼佛及娑婆世界諸大菩薩摩訶薩衆以大莊嚴而自莊嚴為紹佛種使不斷絕善住光華開敷如來聞諸菩薩作是語已觀察其心復重為說諸佛功德示教利喜告諸菩薩言汝當隨學釋迦牟尼佛本所行道於一切衆生發大慈心生利益心於諸深法莫生驚怖及諸誹謗而起無相具足善根不求果報如是菩薩摩訶薩皆悉當往釋迦牟尼佛國以本願力俱生於彼護持正法隨順諸佛本所修學汝可往見彼二菩薩作如是言我當乘佛神力及過

去未來諸佛之力而詣於彼善住光
華開敷如來告善音善聲菩薩等汝
今當共文殊師利詣娑婆世界亦語
文殊師利與二菩薩俱共到彼時二
菩薩語文殊師利言我等欲見釋迦
牟尼佛及諸菩薩一切大眾當依汝
神力得見彼佛文殊師利語二菩薩
言善男子汝等應當先禮彼佛亦應
親近供養恭敬無數諸佛悉為利益
十方世界一切衆生為欲增長佛菩
提故亦為成就佛智慧故彼二菩薩
即如其教作如是言我等亦當隨逐
供養諸佛如來親近禮拜尊重讚歎
當學文殊師利為欲利益一切衆生
今時文殊師利便禮善住光華開敷
如來遶佛三匝恭敬尊重與諸菩薩
并舍利弗俱詣於彼到已聽法受佛
教勅諦觀如來散華供養末香塗香
繒蓋幢幡清淨第一志為過去諸佛
神力之所護持念慧堅固志遍供養
佛法僧寶為一切衆生得解脫故如
大力士屈申辭頌於彼東方恒河沙
佛前忽然而見於諸佛所即便勸請

廣說清淨不退轉法輪是諸佛國無
有女人亦無二乘聲聞辟支佛名亦
如善住光華開敷佛國等無有異諸
世界中純大菩薩以為莊嚴是諸菩
薩毛孔窟中皆出蓮華蓮華臺中皆
有菩薩一一蓮華臺上皆有文殊師
利志作如是神通變化供養諸佛南
西北方四維上下乃至十方世界志
有文殊師利說不退轉法輪皆有二
菩薩從華臺中而出問佛彼娑婆世
界云何名為說三乘法皆志欲隨文
殊師利見釋迦牟尼佛今時文殊師
利法王子於十方世界安慰諸菩薩
等我當共汝俱往至彼娑婆世界到
閻浮提天將欲明是時阿難天既未
曉門簷孔中而見光明即起出外便
見大光遍照祇洹淨水澄潔湛然盈
滿淵明鏡徹無諸塵垢林樹精舍志
皆不現阿難見已即作是言今何因
緣忽有是相尋念此瑞必說大法今
時阿難入其水中足不沉沒水不著
身心意歡喜即往佛所逮佛住處有
十千蓮華聞大音樂見諸蓮華皆出

光明其光遍照祇洹精舍及舍衛國
閻浮提內三千大千世界悉皆大明
如晝光照阿難踊躍發大歡喜右膝
著地恭敬合掌一心向佛尔時明相
便已顯現日欲出時見十千蓮華中
有一蓮華於祇洹林寂勝特出尊者
阿難發心念言今日世尊必應說法
我當敷座以待如來見有如是說法
相故即便為佛敷師子座於一瞬頃
剎那中間佛坐已定尔時大地六種
震動乃至十方恒沙世界亦復如是
六返震動三千大千世界遍布天華
拘物頭華分陀利華優鉢羅華諸果
華樹自然而出時諸比丘皆悉欲出
見其大水而心驚怖都不敢出見祇
洹林僧房池水悉已盈滿清淨無垢
一切樹木及諸僧房堂舍園苑亦皆
不現惟見光明無不遍照諸比丘等
俱作是言今此瑞相必說大法尔時
世尊從禪定起安詳而坐十方世界
一切諸佛放大光明若干寶網百千
萬億無數種色眼識所識不可執提
文殊師利共十方恒河沙等諸佛世

界大菩薩等為欲利益無量衆生於
一一諸佛多陀阿伽度阿羅訶三藐
三佛陀皆悉禮拜供養恭敬尊重讚
歎與如是等諸菩薩摩訶薩俱神通
變化不可思議欲令衆生使信佛法
教化利益隨其所應皆得聞見方便
為說悉令解悟尔時文殊師利知釋
迦牟尼佛坐已一切大地六返震動
有諸菩薩從地踊出一阿僧祇百阿
僧祇乃至百千万億那由他數阿僧
祇等悉來集會俱共遶佛至百千市
復持無數蓮華若干種色其葉无量
不可思議而散佛上能令衆生一心
專念發趣勝慧所散之華遍覆三千
大千世界龍堅栴檀種種香持戒
忍辱精進禪定智慧方便神通波羅
蜜皆是無想助道之香并諸栴檀衆
雜妙香悉為十方諸佛神通之所護
持以用供養釋迦牟尼佛尔時文殊
師利為欲供養諸如來故與衆菩薩
莊嚴妙塔持諸摩尼八楞寶珠及衆
寶樹繒盖幢幡以雜寶網羅覆其上
亦以摩尼造作僧房門屏戶牖種種

嚴飾池泉流渠及諸大河優鉢羅華
拘物頭華分陀利華衆寶蓮華而覆
水上八功德水亦常盈滿異類衆鳥
皆悉遊集諸天寶樹隨念皆現救度
衆生使得解脫為修佛智發菩提心
皆是文殊師利不可思議神通變化
乘佛神力及誓願力亦是釋迦牟尼
佛本行願力文殊師利作是變化為
欲成就調伏衆生心不思議見不思
議發大莊嚴入聖境界今時文殊師
利并諸菩薩摩訶薩衆莊嚴一切如
意花樹至於佛前是諸菩薩若欲坐
時文殊師利先現其相於刹部須無
相蓮花從毛孔出莖若干種無量百
千雜色其葉無數不可思議金剛寶
藏以為光網天紺琉璃以為其鬚龍
堅栴檀以為其臺有諸菩薩而在其
中結加趺坐今時釋迦牟尼佛放廣
中光普照六道幽闇之處億千種光
皆如阿提目多伽色種種無數光明
細軟如蓮華藏清淨香潔周遍十方
通達無碍蓮花臺中出妙樓閣佛所
護持與法界等如寂滅樂解脫之色

空無相無願無作無為無生無滅與
三世等志入空界過於眼境文殊師
利在樓閣上正身端坐心不動搖念
佛境界自證空法得金剛三昧善學
釋迦牟尼佛法決定成就無緣三昧
深入佛慧文殊師利并諸菩薩摩訶
薩於十方世界作佛事已心樂正法
常勤修集亦於過去諸佛法中久種
善根皆是文殊師利之所攝持志行
菩提心無退沒猶如師子處無畏座
佛告阿難汝語祇洹諸比丘衆及舍
衛國諸比丘尼如來世尊今欲說法
令舍衛國優婆塞優婆夷等信樂三
寶善根純熟志皆來集一時聽法介
時尊者阿難從其僧房及經行處皆
即告言佛欲說法時有比丘已來集
者復有比丘住在房中各言已見說
法光相而我等輩不能得往阿難復
問何故不來諸比丘言今見祇洹大
水盈滿無諸樹木惟見光明未敢便
去余時阿難即往佛所白言世尊諸
比丘不能得來何以故見祇洹中大
水悉滿清淨無垢亦復不見精舍樹

木以是義故皆不得來佛告阿難彼諸比丘於無水中而生水想無色中生於色想無受想行識中生受想行識想無聲聞辟支佛作聲聞辟支佛房及經行處悉來聽法尔時阿難即承佛教到舍衛國勅諸比丘并比丘尼優婆塞優婆夷等世尊今者為欲說法令使我喚宜速往聽諸比丘比丘尼優婆塞優婆夷皆悉來集至於佛前佛告目連汝今當從三千大千世界諸菩薩摩訶薩等發大莊嚴比丘比丘尼優婆塞優婆夷皆趣大乘天龍夜叉乾闥婆阿修羅伽樓羅緊那羅摩睺羅伽人非人等亦皆集會而來聽法所未聞者皆悉得聞天人阿修羅皆來聽法已於過去無量諸佛宿殖善根發趣大乘求大乘者成最勝乘亦名清淨第一之乘菩薩摩訶薩發大莊嚴而自在莊嚴修此乘者普告令知悉來集會目連白佛言唯然世尊如壯力士屈伸臂頃遍至三千大千世界於諸菩薩大莊嚴所諸

比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等以佛神力及誓願力皆悉聞知即還佛所白言世尊我悉告已尔時四衆一切雲集縱廣千由旬高五千由旬滿中天人心樂聞法文殊師利白佛言世尊四衆已集是時諸天遍滿虛空皆悉合掌而白佛言今此大衆皆悉驚懼如來威德不敢輒坐惟願世尊賜聽令坐尔時如來即現瑞相於剎那頃有閻浮提金蓮華百千萬億葉從地踊出光色照耀猶如火藏以天琉璃為鬚赤真珠為臺七寶為蓋一切大衆皆各自知坐如來前比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等皆面向佛瞻仰世尊尔時文殊師利菩薩取為上首諸菩薩摩訶薩皆以三十二相而自嚴身色如真金勇猛精進威德熾盛尔時諸菩薩摩訶薩文殊師利等皆從華臺起合掌向佛勸請世尊一心念佛尔時文殊師利白佛言

世尊四衆皆集寂然已定一切諸天
遍滿虛空惟願世尊廣說清淨不退
法輪是時比丘比丘尼優婆塞優婆
夷無量百千諸天有信行法行者并
諸八輩有須陀洹想斯陀含想阿那
含想阿羅漢想聲聞想辟支佛想佛
想各作是想願佛演說安慰其心何
因緣故說信行法行乃至八輩須陀
洹斯陀含阿那含阿羅漢何以故作
如是說世尊默然尔時尊者舍利弗
白佛言世尊我於夜後分天欲明時
從坐而起出其住處即向文殊師利
房到已前入其舍見如來室有十千
蓮華周匝踊出天鼓自鳴聞歌詠聲
見祇洹林及舍衛國三千大千世界
光明普照今何因緣而現此瑞舍利
弗作是語已佛即告言為說法故先
現斯瑞是時文殊師利請問如來為
說何法先現此瑞尔時阿難復白佛
言世尊我於夜後天欲明時於戶牖
中光從而入見已即從坐起便出其
房見祇洹林滿中淨水無垢無濁不
見樹木精舍僧房惟見大光何因何

緣先現此瑞。尔時世尊告阿難言。如
來為說清淨法輪。亦是文殊師利神
力。勸請瑞相。尔時世尊為文殊師利
即說偈言。

此乘清淨 成得佛智 文殊妙辯
發問斯義 一乘無垢 得佛上智
文殊為顯 故作斯問 乘無分別
離諸戲論 文殊為顯 故作斯問
本無有來 亦復無去 猶如涅槃
文殊所問 實無得果 亦無所說
但以方便 引導衆生 遠離音聲
聲即一相 文殊為顯 故作斯問
尋聲求聲 無聲可取 聲名字空
文殊所問 是聲如風 無所依止
聲即解脫 文殊所問 阿難諦聽
文殊所問 方便菩提 皆無所有
佛及菩提 有聲無實 亦無方所
諸法皆然 菩提無色 因緣無生
無有去來 是諸佛說 無為無相
如空無見 菩提無說 文殊所問
去來今佛 一切皆然 智無方所
無聞無見 性相如是 顯現法界
但以假名 開示真實 修清淨施

持戒無缺	忍辱堅固	志求菩提
精進無懈	修禪攝意	智慧清淨
以求菩提	佛善方便	度諸神通
無依衆生	為說菩提	分別三乘
四果差別	以如實智	隨應救世
現五濁刹	為諸下劣	於一乘道
驚疑不信	故說四果	開示羅漢
從聲聞門	入佛教門	說數無數
因緣差別	現見四諦	證諸法相
聲聞羅漢	緣覺辟支	同得無生
是為菩薩	行空無相	無願三昧
入解脫門	安住涅槃	去來今際
心無所著	能開十方	無生無為
如是深法	阿難文殊	方便發問
無相慧力	乘一乘道	知法無相
是故問佛	今說諸果	三世平等
知空無相	諸聲寂滅	無佛菩提
無數恒沙	諸佛世界	求求菩提
文殊召集	聞彼諸佛	菩薩所行
欲說三乘	集娑婆界	文殊發問
為決疑惑	乘果分別	請說菩提
以佛神力	及檀願力	故說三乘
度苦衆生	今勤修習	文殊聲辨

願救世說 菩薩所行 億千諸天
供養救世 生果想者 安慰彼疑
如是比丘 及比丘尼 清信男女
作取勝相 文殊所問 為慰疑惑
是諸菩薩 為法故來

不退轉法輪經信行品第二

爾時世尊說是偈已阿難白佛言如
來今為文殊師利轉不退法輪作如
是問佛言如是如是阿難復白佛言
世尊如來今轉不退法輪耶佛言如
是如是阿難如來實轉不退轉法輪
阿難復白佛言如來去何方便說於
信行法行如是八輩須陀洹斯陀含
阿那含阿羅漢聲聞辟支佛是諸人
等如來皆為顯示菩薩法耶何故復
言為下劣衆生出五濁世不解大乘
如來自在成就方便見諸衆生大心
者少多懷下劣是故世尊知其根性
開示佛法方便濟度以無量善法教
化衆生令滅諸苦得盡生死離諸衰
惱令住正證無為涅槃乃至使得一
切種智爾時世尊告阿難言菩薩摩
訶薩為無量无边衆生今生信解佛

之知見及無數諸佛所知之法無色
乃至受想行識無染無著是名信行
復次阿難菩薩摩訶薩能信如來一
切法空作如是解亦復名為菩薩信
行菩薩摩訶薩信佛智慧心生欣樂
云何智慧都不見法以不見故名為
信行復次阿難菩薩摩訶薩不染五
欲不捨信心是名菩薩信行菩薩摩
訶薩復作是念以不思議法施諸衆
生猶如如相能信如是不思議法施
者是名菩薩信行菩薩摩訶薩以歡
喜故能捨己身而不厭足於一切處
不生嫉恚所作之施皆志迴向作是
迴向已而亦不取菩提之想以不壞
故是名菩薩信行復次阿難菩薩摩
訶薩以清淨信正念向佛心無垢穢
亦信無垢諸法平等無有衆生壽命
我人無陰界入亦自不著壽命處所
是名信行解脫教化衆生令信佛法
以調伏心迴向菩提亦不見心相能
知六界陰入平等志同法界以無分
別故則知法界無有異相是名信施
一切無常一切行苦一切行空一切

行無我於是法中得智慧力信施信
聖戒不戲論戒得禪定力信寂滅界
是名信施菩薩雖教化衆生常信寂
滅然不取於衆生之相觀諸衆生同
於寂滅善知一切衆生無相志同法
界非見非不見何以故法界即是一
切衆生心界是名菩薩摩訶薩信行
復次阿難菩薩摩訶薩觀一切衆生
無有真實無住無滅性相本空是故
不見一切衆生無依止處觀一切衆
生同涅槃界何以故一切衆生悉入
空界菩薩能令如是無量衆生皆生
信解是名菩薩摩訶薩信行亦時世
尊欲重宣此義而說偈言

多信衆生 見無數佛 不著色相
是名信行 信一切法 開示空相
成就解脫 是名信行 常信正法
欣樂求佛 何時當得 不思議智
觀察五欲 無可信者 逮得信力
是名信行 如是之信 寂為善哉
當修法施 供養大仙 不思議施
故得信辯 無下劣想 是名信行
悉捨一切 所愛之身 而無捨想

是名信行	能施一切	不懷嫉妬
捨菩提想	是名信行	信心清淨
無諸濁穢	亦無壽命	是名信行
雖修行施	不求果報	得深信力
是名信行	棄捨六入	不念果報
善解六界	是名信行	已自調伏
亦調伏他	今信佛法	是名信行
得是信已	迴向菩提	而無心相
是名信行	知於六界	悉同法界
雖說法界	不得界相	諸行無常
苦空非我	亦不取著	是名信行
能信聖戒	無諸戲論	成就禪定
是名信行	信諸衆生	同寂滅相
知無相已	是名信行	不著衆生
同入法界	是衆生界	即不思議
以信生信	是名為信	菩薩無畏
是名信行	衆生決定	無所有想
體性如空	無處無證	衆生涅槃
是二俱空	於彼生信	是名信行
菩薩無畏	信諸衆生	不取名字
從信而生	能如是信	常念不失
阿難憶持	顯示分別	如是諸法
無量無數	佛所證覺	菩薩顯現

復次阿難如來多陀阿伽度如是深
義具足信力則為廣說是名菩薩摩
訶薩信行尔時世尊見諸衆生信力
堅固復重頌曰

一切聞者心皆歡喜 是諸佛子
所說功德 菩薩顯現 不可思議
諸佛菩提 不信者信 不洩假名
亦無心數 不著十方 名最勝信
菩薩顯說 常修信法 不取於空
顯示寂滅 救世所說 如是解脫
色相亦然 如說修行 菩薩顯說
智者能信 佛不思議 無量憶念
菩薩所信 虛空無邊 佛智無量
号名大夫 志求無著 不為貪欲
造作不善 而捨樂法 是名菩薩
能行法施 菩薩之信 善指所印
法施不思議 信施而飲食 摩尼金象馬
車乘奴婢等 妻子諸男女 捨所有國土
手足支節等 頭目及髓腦 眼耳與鼻舌
菩薩之勝信 捨身無染著 亦不念行施
我本修法施 以求於佛智 捨身無染著
一切施歡喜 恒與善知識 棄捨危脆身
於諸衆生中 信心常清淨 聞法信諸佛

是名為菩薩	知眼耳鼻舌	身根皆無常
不堅如聚沫	深信而捨身	為無依衆生
建立於四攝	慈心於一切	信佛無量智
見造惡衆生	為發無上心	深信於菩提
不取諸心相	衆生不求道	愚惑於六界
謂一切真實	無界說界相	見流轉衆生
愚癡著諸邊	菩薩信無我	諸行皆无常
見諸破戒者	信戒不思議	淨戒立禪定
菩薩住攝心	若見懈怠者	求佛精進力
調伏諸三昧	捨持正法智	愚癡著壽命
觀陰無壽者	衆生性寂滅	諸法相亦然
信陰無來去	善惡業不斷	回淨不淨業
不離於生死	衆生同法界	法界即生死
是名不思議	菩薩無畏信	勝信不思議
精勤修法智	不為於少智	名為淨信說
同信諸衆生	常住無所有	於空無有著
一切法不住	衆生空亦空	同於涅槃界
說法常無相	今衆生信解	一切法性空
平等觀衆生	三有中勝智	得如是信持
亦名最上信	好樂無畏法	佛法中智人
自信勸他信	如是展轉教	增長諸功德
淨心無染著	利益之福田	欣樂調伏施
淨戒及忍辱	精進禪定等	智慧為開導

方便現淨智 今衆得勝樂 命終離惡趣
菩薩智最勝 神通化衆生 世界六種動
光明悉普照 菩薩之妙智 無相師子吼
東西南北等 四維及上下 皆出於法音
擔於佛不疑 教他亦令然 以是因緣故
顯現無量相 住於此智者 惟佛能證知
不退轉法輪經卷第一

癸卯歲高麗國大藏都監奉
勅彫造

不退轉法輪經卷第二

六

信行品之餘

僧祐錄云安公涼上異經在北涼錄第三譯

阿難是名如來多陀阿伽度阿羅呵
三藐三佛陀為諸菩薩如是方便演
說信行

阿難言云何如來復為諸菩薩說於
法行佛語阿難汝今當知菩薩摩訶
薩不住佛法而能顯示不離法界究
竟不思議界受持諸法心無下劣雖
說諸法而於法相無所取著無念無
住惣持諸法如實相性不取於法不
捨非法非樂於法非不樂法雖能如
是而離諸法相以善調伏心常安樂
善說諸法而無擾亂於諸法相不離
於身亦不住身是身前際等法界如
虛空無來無去同真際如如相是佛
所說菩薩證知清淨無垢觀一切法
空無見無取何以故無故離故不著
故不見諸法無所執持無有諍論顯
現法界無言無說體性本空心行處
滅是心不可得亦不可思議但示寂

滅無緣境界護持諸法無所依止何
以故一切法無體無相故是菩薩法
一相無相不可稱譽無果說法若為
他說法相名字一切章句皆已自證
成就此法名為種性菩薩摩訶薩得
是種性已於諸法中無來無去無取
無捨持一切法無動無壞以不壞故
是名法行成就法故便見一切諸法
無相得法利故亦名法行亦時世尊
而說偈言

法無退轉 諸佛亦尔 若能持者
是名法行 顯示佛法 無形無相
甚深無染 是名法行 不離諸界
即不思議 到於法界 是名法行
護持諸法 如佛顯示 心無瑕穢
是名法行 轉不退輪 名為無相
而不取著 是名法行 無取無住
受持法智 如是持者 是名法行
心常好樂 求法無厭 遠離懈怠
是名法行 聞法受持 無漏無依
善住安樂 是名法行 若說法者
不念不著 無相受持 是名法行
善身善住 住無處所 是身非身

名知身相	無去無來	顯示菩薩	空界性相	是名法行	若無所見	無有諍論	離諸心相	名不思議	無緣無說	不可依止	如是法者	顯示無作	得如是利	無可譏呵	見法無減	不見有法	如是持法	是無作法	法相如如	是名持法	得深法利	顯示持法
無前後際	名知身相	得是法已	一切無著	又於諸法	則無障罣	無言無說	而無所得	無來無去	名不思議	名無所有	菩薩所說	名為行處	名為行處	得如是界	雖行無去	若來若去	亦無動搖	若無增減	無緣無說	是故阿難	是名持法	為不信者
等於法性	亦如諸佛	是名法行	能如是持	空無所見	顯示無相	亦無所有	若心無得	非不顯現	若持是法	是名持法	無合無散	是種性處	從是種性	是名持法	來而不采	諸法亦尔	不增不減	是名持法	得此法者	顯示菩薩	是故阿難	而說是法

如是分別 為菩薩說 皆以方便
開示佛法

如是阿難如來正覺為諸菩薩摩訶
薩說斯方便顯示持法

佛告阿難云何如來為諸菩薩摩訶
薩說八正道法云何菩薩摩訶薩離
於八邪向八解脫出過凡夫修八正
道而無到處遠離諸邊住於中道越
凡夫地安住菩提亦不住菩提相離
諸邪見修於正見不取身相亦復不
住菩提之相佛身無為離於諸數修
佛相者則得衆生一相無相出離衆
生生死陰界安住無為畢竟空舍見
一切法無生無住何以故諸法性相
皆無住故遠離世間及出世間住寂
滅處不染世間不著出世間若法非
法有為無為皆悉遠離捨於斷常住
平等相知過去未來現在心數無有
異相亦不得菩提心相何以故一切
諸心皆平等故身相亦亦是故不為
毒火刀箭之所傷害何以故已離一
切煩惱毒故常生淨國離諸惡趣雖
住諸趣而證菩提常住安隱亦無依

止以如是義一切刀兵不能加害何
以故見寂滅菩提空無住處以無住
故一切毒箭皆不能害是名無縛乘
於疾乘亦不住乘是名無縛何以故
無所得故是故刀箭不害其身知諸
法空求不可得一切毒害所不能侵
何以故行善之慈遍覆一切故行善
提慈不得諸衆生故行空之慈諸法
寂滅故行無熱慈遠離諸煩惱故行
如是慈能令刀兵皆不害身欲色無
色界亦悉平等知一切界一切法性
同於菩提等無異相若能如是心無
思慮亦無調戲寂滅清淨菩薩摩訶
薩知一切法如呼聲響離一切相盡
同法界無歸無趣善解一切音聲語
言無亦無說離音聲相不自高已離
於我想過於一切言說音聲而無過
相是故悉知一切法寂滅亦不得一
切法相出過諸法心無所歸於諸言
音亦不染著今時世尊而說偈言
離於八邪 而修八正 九次八解
是名八輩 出過凡夫 不住菩提
法中之雄 是名八輩 出過凡夫

不住菩提	離菩提相	是名八輩
捨諸邪見	修行正見	既到道已
是名八輩	過諸身相	不住菩提
離證佛身	是名八輩	離衆生想
常修佛想	度禪定想	是名八輩
離衆生窟	入涅槃城	諸法無住
是名八輩	出於世間	開示聖道
會寂滅界	是名八輩	離諸世間
說佛法相	心無所證	是名八輩
無有有際	亦無無際	遠離有無
是名八輩	寂滅無為	捨於斷常
深入平等	是名八輩	不取過去
及未來心	現在亦尔	是名八輩
說有初心	而發菩提	心相自空
何名菩提	無到無出	亦無菩提
毒火刀箭	所不能害	斷於諸趣
永離依止	無來無去	而無所害
無向菩提	顯說音聲	自證如實
不由他教	不得是趣	及諸非趣
聲念念滅	大乘速顯	常說安隱
第一空法	若能速證	是名無縛
疾乘是法	菩薩所記	心無棄捨
是名無縛	刀兵惡趣	所不侵逼

身得無畏

毒不能害

菩薩行慈

普遍一切

離於諍訟

是名無縛

不取身相

善分別身

到菩提道

棄捨惡趣

除其愚癡

神通自在

得明菩提

是名八輩

知欲色界

及與無色

三界同相

是名八輩

諸界平等

離惱菩提

妄想無智

所不能染

出一切相

無所譏嫌

若有所說

皆趣法界

說無所趣

同於法界

心住法忍

是名八輩

若欲修行

住寂滅法

不自稱已

而為他說

出過聲相

度無聲相

不著音聲

是名八輩

因聲解脫

知法無相

亦無住處

無趣無出

阿難當知

如是八輩

於諸說中

寂為第一

今時世尊告阿難言汝今當知如來

等正覺為諸菩薩摩訶薩方便說亦

如是八輩

阿難言云何如來世尊為諸菩薩摩

訶薩說須陀洹佛言須陀洹者所為

得入聖道流名不思議佛法若菩薩

摩訶薩能如是修不見道及所修道

度一切相流注佛法非色非生於一
切法無著一切法無處一切法無緣
一切法無住一切法無所有一切法
不成就菩薩摩訶薩若到是道得堅
精進堅勢力堅智堅慧不生懈怠安
住寂滅乘如實道救護衆生取勝無
上不取是道亦復不住修如是道求
一切法而無所得不沒不動無住想
無道想無世間想無佛想志皆平等
無諸蓋障智行境界無所罣碍於一
切法及諸邪見住平等相關佛知見
示深法門分別身見出過我想是名
須陀洹不取佛道究竟無尋樂求佛
道不著有戒亦不取佛戒非戒取戒
非取相戒三結已離不住三界如佛
所學修行聖道離一切想不取於緣
無諸障碍入於佛道心得寂滅不著
壽命我人等見諸根清淨遠離煩惱
為修菩提而行於施志捨一切救苦
衆生使度四流令立涅槃盡諸有相
顯示無相若見四衆不生怖畏志求
寂滅淨菩提道已離怖畏無有死畏
何以故現證寂滅離諸塵垢善住佛

道知去來趣亦無去來而善分別衆
生之想心無戲論究竟佛道是名菩
薩摩訶薩須陀洹相

不退轉法輪經聲聞辟支佛品第三

尔時世尊即說偈言

說於四道	佛難思議	若有住者
不退菩提	猶如虛空	無所依止
無住無緣	離於取著	是名為道
得堅固意	乘如是乘	無上救世
不住彼此	不處中流	不著佛道
名須陀洹	一切世間	及佛餘法
究竟彼岸	名須陀洹	滅諸蓋障
顯示佛道	盡一切相	名須陀洹
不高已身	而起佛法	開示知見
入於佛慧	先起我想	顛倒衆惡
如是知已	不著佛道	本疑於佛
為得不得	究竟無著	不取道想
不起戒取	善住佛戒	常修正勤
不取戒想	斷於三結	不著三界
行於佛道	知衆生想	雖修菩提
而不取想	心行寂滅	清淨佛道
歡喜布施	遠離憊感	住於正命
心無戲論	志捨一切	濟苦衆生

得無上施 名須陀洹 斷數數生
無相無著 遠離恐怖 出世間畏
法及非法 一切皆捨 不著諸陰
名世間明 安慶四衆 而無所畏
顯示寂滅 淨修佛法 無衆生想
亦非實想 是名無染 分別怖畏
離一切畏 亦無死畏 處於寂滅
離垢安隱 已過惡趣 是故不畏
善說諸道 無漏無相 菩薩之法
示須陀洹 為諸下劣 故作是說
以巧方便 顯示佛法 為放逸者
故顯此法 救世世尊 多方便說
隨其本行 而示佛道 阿難當知
是須陀洹 為小智者 說如是事
不解方便 愚癡狹劣 不識甚深
而生評論 以百千法 示須陀洹
須陀洹者 顯菩提法

如是阿難如來等正覺為諸菩薩摩訶薩以善方便說須陀洹

阿難言云何名如來等正覺為菩薩摩訶薩說斯陀舍阿難當知菩薩摩訶薩隨順於智佛智不可思議修無量因亦不取因相及菩提智能斷一

切惑而求佛智慧讚歎金剛三昧出
過一切諸禪定上滅一切結煩惱暗
障悉見於佛得一切佛法平等正觀
以無量因求無所得如佛證法不動
衆生亦不動於衆生之界而取法界
無量衆生於曠劫中多所乏少不能
成就菩提之道引諸衆生到不退轉
志求於佛根力覺道禪定解脫名無
色定我今當以如是等法開示衆生
今得解悟而求佛道欲坐道場求如
實智通達佛眼不思議眼為欲利益
一切衆生求於佛眼如是智慧為取
為上志知諸法甚深之相而自於智
無所分別安立衆生住於諸法中使
知一切法不住為得是法而來集會
名斯陀含來已見衆生界及不思議
界通達無尋不取境界亦無得無到
云何當有成就衆生不見成就衆生
故於一切法及衆生界非見非不見
而知衆生流注法界明了法界同於
菩提解於法界及衆生界無量佛道
無得無分別同於道智近無等智離
垢清淨得無所得證無所證是名真

智菩薩摩訶薩求如是智名斯陀舍
今時世尊而說偈言

隨順此智者	是名不思議	為求佛慧故
故名斯陀舍	無量回緣說	成就菩提道
修行是法故	我常往來求	不動三昧相
滅除煩惱結	是故專修習	成就而不退
亦知法非法	通達無尋相	住諸法實際
修於斯陀舍	隨順佛所說	如聞而修行
為得此法故	我常往來求	法界亦曾有
不動於衆生	是名斯陀舍	寂滅去來相
衆生無智慧	愚癡甚苦惱	為欲安立故
而求佛智慧	相力覺道等	禪定及解脫
勤修三昧相	而求佛智慧	究竟菩提道
諸佛之所行	是名斯陀舍	發行而常求
若得如是法	佛眼難思議	是名斯陀舍
恒求於佛眼	如佛所應求	為救護依止
我今所求者	一切智最上	是智之所知
諸法相真實	於智無染著	是智為最上
是智之所知	諸法相真實	心常無所染
恒求如是法	利安諸衆生	一切智中上
是名斯陀舍	往來之所求	諦觀於法界
衆生不思議	是名斯陀舍	為求衆生界
知衆生界已	不著於衆生	是名斯陀舍

而求無所得 若不得衆生 一切法無相
能作如是知 開導諸衆生 雖觀一切法
不見觀察相 執心無亂意 而求諸佛法
如是清淨智 遠離一切垢 不得是智相
是名為求道 開示諸衆生 菩薩所不譏
是名究竟智 為得彼故來 阿難汝當知
為說斯陀舍 少智諸衆生 妄相著是非
阿難汝當知 為說斯陀舍 使精勤衆生
今作如是解 常善修多聞 決定甚深法
逮得真實義 速成於菩提

阿難是名如來等正覺為諸菩薩摩訶薩
訶薩方便說斯陀舍阿難言云何名
如來等正覺為諸菩薩摩訶薩說阿
那含佛告阿難菩薩摩訶薩出過一
切世間之相究竟佛行心無行處雖
知去來而常不取去來之相知一切
法無依住亦不來還何以故不見諸
法有去無去出過凡夫除凡夫想不
著佛想逮無住法何以故究竟一切
寂滅法界亦不得佛與凡夫老別之
相遠離惡道除其貪欲不著衆味離
於四食開示知見不取一切六十二
見不見有相不著無相患離有無於

諸障作涅槃相無轉無不轉除惡
逆垢摧伏衆魔遠離愚癡拔無明箭
竭無明種害無明怨照除貪瞋斷諸
結使開示諸有拔愛欲箭除諸憍慢
曉了陰相究竟明處常樂佛乘不思
議乘到於一切諸法實相菩薩摩訶
薩若能如是出於淤泥離於繫著得
本願藏亦得過去未來諸佛之藏志
於一切伏藏中上亦為過去諸佛之
所建立而心平等不高不下得如是
乘於諸衆生為取為勝第一無上菩
薩摩訶薩究竟佛乘於一切法志得
無相菩薩摩訶薩於諸法中斷於疑
網證不還果復次阿難菩薩摩訶薩
以四邪擔攝取一切衆生安立一切
衆生悉入佛乘住菩提道云何安住
菩提所謂衆生相如實覺悟住衆生
界何以故善知空界不思議界離衆
生想何以故是賢聖界即衆生界不
思議界即是空相亦無衆生離諸結
使猶如虛空無形相實無所有無染
無著知一切衆生志皆平等不出不
沒究竟菩提離衆生相猶如空界無

所覺了何以故無法可得如是無得
即是一切法相及衆生相心所覺了
即非覺了何以故無法可得如是無
得即是無證是故名為得阿耨舍一
切衆生一切諸法佛法僧等出如是
相名阿耨舍介時世尊即說偈言
不復還來 滅凡夫法 捨世間行
名阿耨舍 知無去來 無住無依
無有處所 是故不來 捨於凡夫
為佛教護 更不復來 名阿耨舍
法無有去 亦無來相 無來無去
名阿耨舍 斷諸貪欲 不著四食
不退道場 名阿耨舍 除滅一切
六十二見 而無所去 名阿耨舍
離一切有 心無常相 解了如實
是故不來 涅槃寂滅 離諸煩惱
滅去來相 是故不來 斷諸惡趣
離一切垢 證於涅槃 是故不來
摧伏怨敵 諸魔軍將 超出假名
是故不來 拔無明箭 害一切愛
棄捨喜欲 是故不來 滅諸結使
開示陰相 得決定智 名阿耨舍
拔憂惱刺 破憍慢山 善解五陰

名阿耨舍 究竟照明 莊嚴佛乘
出欲淤泥 名阿耨舍 悉知伏藏
諸伏藏上 佛所安置 是故不來
安住寂勝 佛乘無上 斷除諸結
名阿耨舍 以四弘誓 建立菩提
住菩提已 是故不來 知諸空界
難可思議 除滅諸想 是故不來
於諸衆生 及法界相 而無所得
是故不來 心無所取 不隨於相
安住菩提 名阿耨舍 衆生界空
不可思議 知如是法 是故不來
如是阿難 顯示耨舍 諸無尋相
安立佛法

阿難當知如來等正覺為諸菩薩摩
訶薩隨宜方便說阿耨舍佛告阿難
我今復說菩薩摩訶薩阿羅漢滅一
切行修佛所行捨諸有為而能成熟
一切衆生亦斷一切衆生苦惱是名
阿羅漢不得衆生相亦不得苦惱相
是名阿羅漢滅諸取著住於無相知
諸法空離一切相志無所有除諸衆生
一切妄想顛倒癡惑了達空法不可
思議是阿羅漢得不思議菩提成就

如是法故名阿羅漢如過去諸佛所
應說法未來現在一切諸佛亦如是
說無有戲論具足清白演說真實菩
提之法名阿羅漢安立衆生住菩提
道無所取著名阿羅漢應行諸波羅
蜜慈得佛大慈滿足衆生無相之慈
亦能安立一切衆生如是修慈無所
分別不取衆生及以慈相名阿羅漢為
一切衆生說法而於諸法都無所取
若能如是名阿羅漢分別顯示根力
覺道於諸衆生無染無著名阿羅漢
善知一切衆生心行發起菩提能如是
者名阿羅漢演說一切有為諸行而
不取著名阿羅漢亦為諸餘一切衆
生說無著行無取行作如是說名阿
羅漢遊諸佛國心無去相志到佛所
以無相智如佛而見名阿羅漢若能
如是成就佛國具足諸功德亦名不
思議平等無垢清淨福田空行福田
阿鞞跋致福田第一清淨無女人相
福田離諸結使貪欲福田如佛證知
能盡一切蓋障福田摧伏諸魔塵勞
福田悉制外道邪見福田一切福田

莊嚴福田離於一切怖畏福田無諍
福田寂滅福田神通福田取勝福田
無窟宅福田無盡福田具足菩薩所
行福田得佛自在取上福田佛所護
持福田變化福田以是法印印諸衆
生今得安隱巧說福田一切瓔珞莊
嚴佛界決定涅槃寂滅福田亦於一
切福田中成就如是福田能知一切
法不生不滅名阿羅漢除諸染著見
來瞋者而心不惱名阿羅漢於一切
法不取其相名阿羅漢滅除習智修
取上智而能速證名阿羅漢以是威
儀建立菩提菩提勢力名阿羅漢如
是菩提亦名不思議不思議者亦名
不動如是不動能令無數億種衆生
安立菩提無所取著皆住平等同於
壞相無所有相知一切法皆入菩提
住無所住阿羅漢如是知已能為衆
生說如斯法而不染著雖有言說亦
無說相度諸衆生亦復不取諸衆生
想斷常二邊於身不動不斷煩惱而
離憍慢於一切法無生寂滅無行不
壞色相不壞受想行識諸凡夫法相

而心不動以求解脫安住佛法亦非
安住須陀洹果相解脫斯陀含阿那
含阿羅漢果相解脫妄見一切起諸
顛倒取佛智慧解脫妄見取菩提心
解脫妄見修菩提施解脫妄見修菩
提戒解脫妄見惱害忍辱解脫妄見
懈怠精進解脫妄見亂想禪定解脫
妄見愚癡智慧解脫妄見聲聞凡夫
解脫妄見父母妻子男女眷屬如
是等一切解脫妄見貪著諸欲无量
苦惱而生親愛起於染著是結使法
是惱害處於此法中生二種相為除
妄想度脫衆生名阿羅漢為除利養
貪求妄想及在家出家想於諸鄙賤
及軍勝法皆患平等而亦不見此凡
夫法彼是佛法為斷如是妄想顛
倒說解脫法若欲嚴淨佛國教化成
就如是衆生是名涅槃如是衆生不
名涅槃如是衆生生於諸有如是衆
生不生諸有如是衆生行於菩提如
是衆生不行菩提如是衆生毀破禁
戒如是衆生受持禁戒如是衆生名
有智慧如是衆生名無智慧若有衆

生起於二心而生妄想為除如是衆
生妄想非福田非不福田如是衆生
勤行精進如是衆生不勤精進是愚
癡法是智人法是女人法是男子法
是聖法是非聖法起於二想為除如
是二心妄想故菩薩住於不退菩提
亦非不退菩提有受菩提記亦非受
菩提記有近菩提座非近菩提座有
如是二心起虛妄想如是菩提逮得
菩提菩薩不得菩提真實解脫以要
言之著一切法皆是妄想是故阿難
阿羅漢為斷一切衆生妄想使得解
脫故能如是說無相法是名菩薩摩
訶薩阿羅漢亦時世尊而說偈言

除一切行 離生死行 出於世間
名阿羅漢 滅煩惱結 度脫一切
諸苦衆生 名阿羅漢 不得衆生
及諸結使 於法無利 名阿羅漢
滅除妄想 住無妄想 知諸法空
名阿羅漢 知空取勝 而得無相
盡一切相 名阿羅漢 滅諸衆生
一切惡相 棄一切相 名阿羅漢
除諸邊際 得無想法 而自證知

名阿羅漢	為得菩提	難可思議
發勝精進	名阿羅漢	若說於法
無毀無濁	安立菩提	名阿羅漢
為淨福田	今衆得樂	不得衆生
名阿羅漢	若說諸法	一切無取
無法非法	名阿羅漢	覺道根力
為衆顯示	得第一果	名阿羅漢
善知衆生	淨於菩提	為說是相
名阿羅漢	世間所說	一切諸行
於行無著	名阿羅漢	勇猛世尊
難思福田	隨佛住處	為人演說
若欲見佛	無見不見	如佛所見
名阿羅漢	是應福田	賢聖福田
無上精進	名阿羅漢	遠離染欲
於瞋不瞋	亦說菩提	名阿羅漢
知一切法	寂滅無相	是故菩提
名阿羅漢	不動一切	諸衆生界
今無數億	安住菩提	衆生菩提
悉住無相	知彼平等	名阿羅漢
得無等等	同一切法	而知無相
平等菩提	能如是解	說名羅漢
知如實法	清淨無濁	為衆說法
而無所說	度無量衆	亦無動搖

不得衆生	斷常諸邊	而衆皆見
度脫苦惱	究竟諸法	無生無滅
而已方便	度脫衆生	不壞於色
受想行識	亦復如是	即名解脫
於諸凡夫	而無動相	建立佛法
安住解脫	能令衆生	不念果報
佛解脫相	為人說法	妄取菩提
修行布施	持戒忍辱	為除妄想
懈怠懶墮	取相精進	除解脫相
羅漢所說	生禪定想	愚無智慧
為令解脫	說阿羅漢	此無相法
能除虛妄	如是說法	名阿羅漢
衆生虛妄	取聲聞想	無解脫相
羅漢說法	父母妻子	愚癡取著
則非菩提	染著生死	兄弟姊妹
妄生親愛	寂滅解脫	名阿羅漢
造諸行業	貪著親愛	見即生戀
本是我親	更相染著	手共親愛
不識離別	今魔自在	不離世間
為取極惡	如是過患	羅漢所說
於諸結使	皆患覺悟	二俱虛妄
羅漢所說	為利多人	行無戲論
如是解脫	羅漢所說	在家出家

多生妄想	凡愚取著	羅漢解脫
見家繫縛	廣顯正法	凡愚妄想
羅漢解脫	棄捨凡夫	無利佛法
捨利無利	名阿羅漢	見有高下
若干等種	衆生取想	羅漢解脫
成就取相	多所修習	如是著相
善能解脫	得佛福田	究竟真實
妄取是田	羅漢解脫	無滅非滅
亦物非物	雖修菩提	不得菩提
持戒毀戒	有智無智	衆生愚癡
起於二想	人多取著	有若干種
解脫此想	羅漢所說	作福田想
非福田想	無智凡愚	作種種想
於諸女人	及與男子	聖非聖法
作二種心	如是衆生	凡愚無智
取著二想	羅漢解脫	退不退法
有記無記	近坐菩提	不取菩提
得菩提已	畢竟寂滅	永離生死
取涅槃想	斷衆生縛	滅一切相
是故羅漢	為名解脫	菩薩法介
現為羅漢	不起法忍	即羅漢智
如是羅漢	菩薩不譏	心常住於
最上菩提		

尔時世尊告阿難言汝今當知是名
如來等正覺為諸菩薩摩訶薩方便
說阿羅漢阿難言云何如來等正覺
復為諸菩薩摩訶薩說名聲聞佛言
阿難菩薩能使無量阿僧祇衆生以
佛法聲令一切聞故名聲聞亦令得
聞不可思議聲聞不可思議聲已而
於菩提無有戲論以清淨聲令彼得
聞亦名聲聞又使得聞唯涅槃樂更
無餘樂聞如是聲亦名聲聞又使得
聞根力覺道禪定解脫諸三昧等念
處正勤證於無餘如是之法令無數
衆皆悉得聞亦名聲聞是身苦空無
我而諸陰相皆不可得凡夫愚癡分
別此身妄起取著聞如是聲亦名聲
聞又得眼界虛偽不實乃至佛眼皆
同眼界不可思議能令衆生如實而
見於一切法無成就相名成就眼如
是法相使衆生聞名為聲聞如呼聲
響今衆生聞名為聲聞不應於聲而
妄取著無有聲相亦無所得聞如是
聲名為聲聞不應於香而取香相亦
無所得聞如有人夢中聞香實無有

香於無香中妄起香想但是顛倒自
生分別而取香相凡愚信受聞如是
聲名為聲聞舌入相空猶如肉段不
能知味亦如聚沫不可為喻過於喻
故非味非具分別味相實無所得如
是味界及不思議界平等無二離心
無念亦無思惟實無心想聞如是聲
名為聲聞已所知法皆令他聞名為
聲聞若聞於身分別身相身相體性
本空非生非不生是名菩提今無量
衆得聞是聲名為聲聞心性無體實
無所有皆如幻化非生非滅能令衆
生皆患得聞名為聲聞佛告阿難聲
聞法施不可思議得證是道名不思
議以是不思議法施能生菩提何以
故種子相似生故無果為果非財施
所得從聞信解名為聲聞財施微小
法施為上如是法施不嫉於他亦無
施相不著是施譬如幻化無分別不
生願求不取施想無願求故阿難當
知如是施者成就菩提從聞信解名
為聲聞盡一切相離諸結使出過聲
聞一切僧上發大音聲演說佛法何

以故得具足聲出過一切諸音聲故
出是聲已令聞佛法知諸聲相非一
非異成就正信說法無二亦非不二
聞如是法名為聲聞今時世尊而說
偈言

無量衆生聞佛法不思議
菩薩廣大辯
是名為聲聞
聞已信菩提
無濁無戲論
令一切悉聞
是名為聲聞
聞於涅槃樂
是樂寂第一
普令聞寂滅
是名為聲聞
諸力及覺道
念處與根等
速得於究竟
是名為聲聞
聞此身苦空
無有堅實相
貪恚癡所侵
是故分別身
亦聞於眼入
非實而見實
衆生多愚癡
凡夫盲無智
若得於佛眼
正見不思議
速得如是眼
無復諸愚癡
諸法無成就
一切衆生聞
以如是因緣
亦名為聲聞
一切諸法相
猶如呼聲響
此中無聞者
亦無有說者
令無數衆聞
是名為聲聞
此中無所聞
無有染著者
譬如人夢中
雖聞多種香
無一成就者
如是知香體
遠離一切垢
亦無聞香者
菩薩之解脫
多顛倒衆生
聞舌猶肉段
不能得知味
肉段若知味
亦應知平等
分別如是相
貪味為最惡

此界難思議 是名知於味 決定知味已
菩薩無所著 今衆聞決定 是名為聲聞
觀身分別相 本性空無生 若知於真實
無生無能生 菩提如是相 亦無生能生
普令衆生聞 是名為聲聞 意亦如是知
體性無所有 空無體性故 能令一切聞
如物法無生 無滅亦無二 無相無所見
是名為聲聞 咸使聞其施 法施不思議
修行趣道場 成就於菩提 譬如種種子
各得相似果 修施不思議 證道亦復然
志施諸財物 法施為最勝 捨心無貪嫉
是名菩提道 心常不取著 雖施無依怙
若能如是施 速證於菩提 能離一切相
悉捨諸結使 無有諸染著 是名為聲聞
其聲其微妙 於諸聲最上 此聲令遠聞
佛法不思議 能令一切知 諸聲無所依
非一亦非異 是名為聲聞 欲令一切聞
諸佛之所說 隨所聞法音 皆發於菩提
聞諸福田中 佛福田最勝 隨佛所住處
親近救世尊 使聞三千界 安住於虛空
衆生亦復亦 皆同涅槃相 所說四大界
分別為衆生 猶如虛空相 等於不思議
諸界如是相 亦無有能知 是中無生死

無惱無涅眼 諸法無真實 衆生亦皆然
是名寂滅界 云何見生者 為无量衆生
晝夜常聞知 不著已名利 但為衆生說
當知是聲聞 欲令一切聞 實非聲聞法
但現為聲聞 世雄假名說 說法中取上
是故知衆生 一切皆如相 是名為聲聞
無漏除結縛 解脫一切結 而為衆生說
顯示離諸縛 清淨無調戲 見已為人說
佛法皆亦然 不久當得見 如佛所說法
菩薩所修行 於法無染著 是名為聲聞
無縛而清淨 亦使一切聞 如聞而修行
阿難汝當知 我以方便說 如是知聲聞
菩薩無所依

阿難當知是名如來等正覺為諸菩
薩摩訶薩方便說名聲聞阿難言云
何如來等正覺復為諸菩薩摩訶薩
說辟支佛法佛言阿難菩薩現見一
切法云何現見所謂知諸法無諍皆
是假名不壞法性而能見法證法是
名辟支佛佛不思議於一切法及諸
衆生同涅眼相等無差別無形無相
清淨寂滅實際衆生際涅眼際猶如
影幻無分齊無所有於此諸際亦無

際相非言非說無所依止亦無所說
向以故如我空無生無滅知衆生際則
知法際生死際即是佛際知如是際
是名辟支佛現知於色色者則名色
陰色陰盡已但有言說無我我所何
以故如說色陰但有言說是空無生
無滅言無言相云何以言說說是色
陰亦現見受想行識乃至說是識陰
知假名識陰等但有言說言說皆空
無生無滅非實非虛言說尚無何況
陰相如是五陰從假名起是名辟支
佛何以故因於名字言說為色色但
假名無因非因說名為因是陰因緣
不可說相一切諸法無依無緣如是
覺知名辟支佛今時世尊而說偈言
現見一切法 皆悉知無諍 不生亦不壞
無有濁亂相 現見一切法 本性皆空寂
體相如是者 則無有決定 現見究竟處
一切法亦然 是名為正智 緣覺不思議
衆生及涅槃 前際不可得 是際無有生
佛亦難思議 如衆生涅槃 無生無出處
若法無生相 是名為涅槃 衆生與涅槃
皆如水中影 有像無衆生 是名為涅槃

衆生與涅槃 一切假名說 無生亦無滅

但有假名字

如是言說相 知無有衆生 是義應當知

衆生即涅槃 一切言說空 無心亦無法

以言說非言 決定無知者 非言際無依

言說亦無住 如是言說相 衆生不思議

衆生及涅槃 實際非實際 出離得安隱

未趣寂滅宅 一切衆生際 猶如於影響

無因亦無緣 實際不思議 一切諸法本

但以假名說 是際無所有 不得名字相

實際無言說 亦無能知者 以空無實際

衆生不思議 實際無言說 言說無所成

真實相如如 衆生亦無際 言說相自空

非以言故知 如汝之所說 衆生其能思

如是實際相 非思議能知 是名正覺說

辟支難思議 現見於色陰 但有假名字

如是陰相性 常離於言說 無有真實相

乃名為出世 如是知諸陰 本性無住處

是色無所有 假名以為陰 但有空名字

不生亦不滅 言說及諸法 無有決定處

若無有言說 是名說色陰 現見於痛陰

想行亦如是 乃至識陰等 但有假言說

見陰不可說 離於一切相 本性無所有

不生亦不住 如所說真實 遠離一切法
如是知諸相 體性無住處 假名之所說
說陰等亦空 知言說空已 無生亦無滅
言說及諸法 無有決定處 若無有言說
是名為識陰 是陰離言說 不可得限量
無生無滅相 亦無所依處 解脫諸煩惱
非業非果報 非覺亦非陰 非言非涅槃
是想無決定 亦無有智慧 內外不可得
無懈怠精勤 無調戲疑惑 亦無有成就
不驚不怖畏 無有一切色 亦不見於空
無相亦復然 無有一異相 非縛亦非解
一切諸言音 是聲無所入 是名為律陀
非言所能及 究竟於現見 而說無盡法
得是三昧已 不著於言說 此智若現見
等說阿律陀 律陀同諸法 默然而演說
於此現見倒 不從他因緣 是名為正覺
緣覺不思議
不退轉法輪經卷第二

癸卯歲高麗國大藏都監奉
勅彫造

不遠轉法輪經卷第三

木

重釋二乘相品第四

僧祐錄去安公原主異經在北涼錄第二譯

阿難如是菩薩摩訶薩現知明無明
知行無行知識知識知名色知名
色相知六入知六入相知觸知觸相
知受知受相知愛知愛相知取知取
相知有知有相知生知生相知老死
知老死相修集現見名辟支佛今時
世尊而說偈言

現見無明而無所知亦無成就
如水中影明亦不動不著於法
若不著法是名明相無明如空
一切法相到於現見是名緣覺
若說諸行非內非外亦非從佛
而起於行是行假名決定非有
無生無滅猶如虛空到此現見
菩薩無畏是名正覺緣覺難思
知一切法皆如幻化明如幻已
是名現見不如實知是識行處
是想分別知識法空識智非智
一切不著若知於法識如幻想

名色因緣 皆有為相 無決定體
亦無成就 離於六入 說六入相
言說音聲 體性皆空 觸無因緣
從六入生 分別是觸 如幻皆空
是觸無體 徒妄想生 觸無真實
亦無住處 現見於觸 知無觸相
成就厭離 名辟支佛 若證於受
不堅如泡 性相皆空 究竟無實
斷於愛結 得無受法 得盡諸欲
是名緣覺 分別於取 空無所有
如熱時炎 無有成就 無有作想
生想亦尔 知生體性 空寂無有
得離於老 亦不畏死 無所成就
不受後有 現見此法 無所依止
以緣覺聲 實修菩薩
阿難汝今當知是如來等正覺為諸
菩薩摩訶薩方便說辟支佛尔時阿
難即從坐起整其衣服合掌向佛而
說偈言

涅槃非涅槃 救度於世間 猶如空中結
以空而自解 若能如是說 亦名有所說
世尊善方便 而說無著法
尔時阿難說是偈已白佛言世尊一

切世間愚癡所蔽而自欺誑不解如
來作假名說信行法行八輩等法須
陀洹斯陀含阿那含阿羅漢聲聞緣
覺今時佛告阿難汝於過去佛不忘
假名殖諸善根以善解假名故不為
愚闇之所劫奪何以故假名諸法如
幻如水中影如熱時炎如呼聲響如
是假名阿難汝今當知不為諸惡之
所侵害具足莊嚴而自莊嚴能知諸
法假名因緣無所忘失成就精進而
亦不取精進之相無有忘失得最勝
智亦不取智相今時世尊即說偈言
愚癡諸衆生 懈怠少智者 則不知假名
應當勤精進 能解於假名 如實知諸陰
救度於世間 今得真實智 知假名空已
便即菩提覺 亦不得菩提 是名說菩提
假名即空相 空不能知空 空但有音聲
離一切諍論 顯示如是義 於空無所取
亦是阿難當知空法甚深無量不生
放逸亦無所失是名說辟支佛具足
行地今時衆中有五百億比丘皆得
信行從座而起在世尊前俱說偈言

離疑得正智 救世無上主 世尊說假名
信行住菩提

今時衆中復有五百億法行比丘聞說
偈已從座而起整其衣服俱說偈言
我等除疑惑 菩提之照明 如來說假法
法行住菩提

今時衆中復有十億八輩比丘聞說
偈已從座而起住於佛前俱說偈言
我先離疑悔 久修於八輩 如來說假名
八輩住菩提

今時衆中復有十億須陀洹聞說偈
已從座而起住於佛前俱說偈言

我今蒙照明 救世之聖主 知佛所說法
開示於假名

今時衆中復有二百五十萬斯陀舍比
丘聞說偈已從座而起住於佛前俱
說偈言

我先有取著 而得斯陀舍 今離諸妄想
寂靜無戲論

今時衆中復有十億阿那含聞說偈
已從座而起住於佛前俱說偈言
救世無上尊 令我離戲論 拔離果想已
照明菩提道

尔時衆中復有三十五億比丘皆住
四禪得阿羅漢聞說偈已從座而起
在於佛前俱說偈言

我今得離垢 自證於無餘 諸乘入一乘
如幻無決定

尔時衆中復有二万比丘聞說偈已
從座而起住於佛前俱說偈言

我本著妄說 世尊說假名 自謂為聲聞
住於假名法

尔時衆中復有五千比丘住辟支佛
乘聞是偈已從座而起住於佛前俱
說偈言

我今得現見 為緣覺菩提 如來說假名
緣覺不思議

尔時衆中復有百萬比丘取須陀
洹斯陀含阿那含阿羅漢果想聞說
偈已從座而起住於佛前俱說偈言
願於女身相 皆入平等法 世尊无異說
照明為寶上

尔時衆中復有八百萬億優婆塞優
婆夷皆作須陀洹斯陀含阿那含阿
羅漢果想聞說偈已從座而起住於
佛前而說偈言

我今心無垢 淨如毗琉璃 今始名出家
得住於佛法

今時虛空中有六十億那由他諸天
以天曼陀羅華而散佛上於如來前
俱說偈言

我先取乘想 貪著於諸果 我今悉捨離
始覺菩提道

不退轉法輪經除想品第五

今時衆中復有無量百千阿羅漢舍
利弗大目犍連須菩提阿那律阿菟
樓駄劫賓那憍梵波提而為上首從
座而起整其衣服住世尊前曲躬恭
敬白佛言世尊我今發真實願離於
妄想摧伏衆魔具足五逆具足五欲
具足邪見離於正見斷於無量衆生
命者我今當今志成菩提入無餘涅
槃今時世尊默然而住無量百千在
會大衆皆生疑惑何故今耶而今我
等盡皆盲冥無所覺知諸阿羅漢尚
作是說何況凡夫各坐一處而不動
搖一切坐者不能得起若有立者亦
不能坐皆言何故作如是說今時阿
難即為大衆百千萬億衆生故以佛

神力令自知心亦知他心問文殊師利言如是大衆百千億等聞諸羅漢作是說已皆生疑惑唯願文殊為我分別說其因緣尔時如來默然而住文殊師利告阿難言是不退轉地菩薩見諸大德因緣故作如是說阿難言文殊師利不退轉地是菩提耶文殊師利答言如是如是不退轉地是諸大德菩提阿難問言諸尊者何故作如是說尔時文殊師利語阿難言無明為母從行生愛究竟滅盡恚除怨害倒想為父離於顛倒除滅欲愛作阿羅漢堅固不壞盡凡夫想及以僧想壞是想故能修一切無壞法想乃至不取如來之想習學無生究竟永離尊者阿難諸大德作如是說我今云何具足五逆何以故無來去想是故名為具足五逆又阿難言何者為五欲是諸比丘知於五欲如夢如幻如水上泡如呼聲響如是智慧具足云何具足智慧不增不減云何五欲亦不增不減何以故如是五欲究竟無體無相如實知已即五欲相得

證智慧是故名爲具足五欲以是義
故諸大德作如是說我今具足五欲
阿難何者是具足邪見離於正見於
一切法而皆取著是名邪見邪見者
是虛妄想一切諸法非依非無依猶
如虛空無歸無依何以故一切法無
實可得應如是知一切法皆悉平等
除其等想是名正見何以故如是等
想即是惡想以是義故諸大德比丘
不見等想亦不見惡想何以故盡一
切想名佛菩提逮菩提已而亦不見
少法可得阿難以是因緣大德比丘
作如是說離於正見具足邪見阿難
何以故是諸比丘言我今實斷百千
衆生命諸大德出是語時百千萬億
諸天聞如是說皆即得解諸法如夢
如幻如水中影如呼聲響得如是解
已便斷衆生丈夫壽命及人等想亦
即得解脫無有種於菩提善根一切諸
法皆無起無作無所修習聞說假名
深信無疑及優婆塞優婆夷等皆悉
除斷衆生丈夫壽命及人等想除是
想已便得不復數數受生何以故斷除

衆生丈夫壽命人及餓鬼想有是想
故數受生死離是想已即得究竟自
證無生以是因緣諸大德如是方便
善說假名言斷無量衆生之命是故
說言具足得佛菩提我今於無餘涅
槃而般涅槃得佛相好以是教化無
量百千万億衆生滅諸結使如佛所
證何以故今諸衆生皆發阿耨多羅
三藐三菩提心得無生忍已今得菩
提亦不捨煩惱不近佛法從意生煩
惱盡滅無餘以是因緣諸大德皆言
我今得到菩提阿難是故今者名為
無生何以故如是善男子善女人發
阿耨多羅三藐三菩提心照明諸法
發菩提心已亦無所得離菩提相及
一切法相於無餘涅槃入般涅槃阿
難如是族姓男女乘菩薩乘不以見
日而生晝想凡夫愚人若見日時便
作日想則非智者何以故阿難若日
有體非虛妄者則可積聚以虛妄故
亦無過去未來夜亦如是若日作日
想夜作夜想則是凡愚妄想所見阿
難是菩薩乘修行阿耨多羅三藐三

苦提有善知識不應晝生晝想夜生
夜想何以故離一切想能住菩提如
來之道今時文殊師利而說偈言

無明以為母 從行之所生 若斷其根本
是名為除害 喜愛諸倒想 是說名為父
若能如實知 究竟無所有 知彼患虛妄
則斷諸根本 無緣亦無住 是說名除害
若說諸羅漢 凡夫不思議 如實不壞相
是滅名究竟 我本著僧想 如實知是已
諸法皆無壞 亦令一切聞 先取於如來
是名為虛妄 知彼無異想 平等同一空
拔斷其根本 是名無生智 若能如是說
顯現禪定力 若說具諸欲 如是五名字
能離如是想 猶如於幻夢 不增亦不減
是名具五欲 在於救世前 彼作如是說
知欲本性空 猶如夢化相 畢竟無有生
具足如實智 知諸邪見過 虛妄生分別
以此究竟智 一切皆具足 虛妄無取著
離於和合相 如是善知已 無相無所有
同智一切過 邪見正見等 逮得真實法
邪正相俱滅 衆生生死想 愚癡妄分別
若不得衆生 則無有生死 衆生多方便
捨離於命想 遠離是想已 知命相最惡

若離衆生想 分別壽命等 斷多衆生命
是彼之所說 捨離於死想 愚癡所分別
究竟得無生 是名為實法 滅除諸結使
得證於無相 菩提無有色 無滅亦無果
魔怨不能障 自覺於菩提 諸法無諍論
無生性寂滅

今時文殊師利說是偈已如是無量
百千衆生除諸疑悔離疑悔已心生
歡喜得法照明各脫上服供養文殊
師利作如是言能令我等皆得此法
悉作是說亦令衆生心證諸法皆得
如彼文殊師利所解實相今時阿難
白佛言世尊云何如是百千萬億衆
生皆生疑悔何故如來不自為說今
斷疑悔於是佛告阿難言如是百千
萬億衆生皆從文殊師利發菩提心
於文殊師利而得調伏阿難復言皆
得阿耨多羅三藐三菩提耶佛言如
是阿難一切衆生皆不退轉於阿耨
多羅三藐三菩提何以故皆由文殊
師利善知識故阿難言如是等諸比
丘信行法行須陀洹斯陀含阿那含
阿羅漢聲聞辟支佛想盡不退轉於阿

證智慧是故名爲具足五欲以是義故諸大德作如是說我今具足五欲阿難何者是具足邪見離於正見於一切法而皆取著是名邪見邪見者是虛妄想一切諸法非依非無依猶如虛空無歸無依何以故一切法無實可得應如是知一切法皆悉平等除其等想是名正見何以故如是等想即是惡想以是義故諸大德比丘不見等想亦不見惡想何以故盡一切想名佛菩提逮菩提已而亦不見少法可得阿難以是因緣大德比丘作如是說離於正見具足邪見阿難何以故是諸比丘言我今實斷百千衆生命諸大德出是語時百千萬億諸天聞如是說皆即得解諸法如夢如幻如水中影如呼聲響得如是解已便斷衆生丈夫壽命及人等想亦即得解脫無有種於菩提善根一切諸法皆無起無作無所修習聞說假名深信無疑及優婆塞優婆夷等皆悉除斷衆生丈夫壽命及人等想除是想已便得不復數數受生何以故斷除

心不信法不能解了是故如來默然而住阿難言復有衆生能信如是法不文殊師利荅言亦有衆生少能信者阿難少有衆生能識於寶多有衆生不識是寶阿難少有衆生能生信解如是說法城邑聚落多有衆生棄捨不信何以故是彼衆生宿世因緣本作謗法罪業障故阿難言唯願文殊當今是諸衆生信解所說文殊師利言汝當問佛佛自為汝分別解說余時阿難白佛言惟願世尊時為我說族姓男女少信解者彼得聞已生大歡喜余時世尊遍觀四方面門出舌普覆三千大千世界從其舌根出大光明遍照東方恒河沙等諸佛世界如是南西北方四維上下各於十方恒河沙世界余時四衆以佛神力亦見東方恒河沙世界諸佛同說此法亦皆遙聞不增不減如是次第十方世界亦復如是於是世界諸佛說法如此大衆皆悉見聞得見聞已亦皆一心勸請世尊惟願哀愍重為我等分別演說使見無量無邊不可稱

數諸佛所說不增不減不可思議諸佛正法唯願世尊時為說之還攝舌相佛告阿難頗有作妄語人能得如是舌相不耶阿難言不也世尊若有實語柔軟語諸有智者善能調順利益語慈悲喜捨如是等乃至一切智人得是舌相惟願世尊為族姓男女有少信者分別解說亦為憐愍不解者說當使此輩心生悔恨今時佛告阿難四衆已集正身端坐天龍夜叉乾闥婆阿修羅緊那羅迦樓羅摩睺羅伽人非人等諸來在坐能聽法者皆不退轉於阿耨多羅三藐三菩提心各於此地而說正法不增不減如今所說今時四衆及天龍夜叉乾闥婆阿修羅迦樓羅緊那羅摩睺羅伽人非人等心生歡喜皆脫上服以奉於佛或散華香或散華鬘或以金鬘或以銀鬘或以琉璃鬘或以頗梨鬘或以馬瑙鬘或以毗盧旃鬘或以鬘陀羅花摩訶曼陀羅華曼殊沙華摩訶曼殊沙花或以所作之花而散佛上或以天優鉢羅華拘物頭華芬陀

利華以散佛上於虛空中天樂自鳴
龍雨真珠諸婦女等以身瓔珞各脫
上服以供養佛整其衣服右膝著地
合掌向佛皆共同音白佛言世尊如
來無二亦時佛告阿難如是如是如
彼所說如來無二永盡愚癡如來世
尊無有慳惜無一切過已離過故離
於諸欲一切塵垢清淨無染憍慢貪
嫉恚斷無餘智慧具足覺悟正法到
於彼岸猶如大梵得大自在威儀具
足究竟諸行得四具足天龍夜叉乾
闥婆阿修羅迦樓羅緊那羅摩睺羅
伽人非人等而不取著有為無為不
染生死從佛世尊得正解脫得具足
見無闕失見具足親近阿難言云何
如來得具足見無闕失見具足聞佛
具足見佛具足親近佛告阿難汝不
知耶阿難言我實不知佛言汝今諦
聽當為汝說阿難言唯然世尊願為
解說阿難汝今聞我釋迦牟尼佛已
聞當聞如是等皆得不退於阿耨多
羅三藐三菩提何以故一切法身若
有所說其見聞者皆悉利益阿難若

以一華供養如來及般涅槃後為佛
舍利起塔供養亦得不退於阿耨多
羅三藐三菩提阿難乃至畜生得聞
佛名亦得阿耨多羅三藐三菩提耶
佛言阿難復有人聞釋迦牟尼佛音
聲稱其名号皆是阿耨多羅三藐三
菩提種子若善男子善女人聞釋迦
牟尼佛名号如其所說皆實不虛阿
難譬如尼拘陀樹若一若二若三若
四乃至五十百千無量等衆止息其
下皆蒙覆蔭阿難於汝意云何尼拘
陀子為大小耶阿難言尼拘樹子取
為甚小佛告阿難如是尼拘陀樹以
水雨糞土人功因緣積其日月漸漸
長大阿難言如是世尊佛告阿難以
尼拘樹子本甚微小以水土日月因
緣故漸漸長大如是阿難得聞釋迦
牟尼佛名善根種子終不敗壞不退
於阿耨多羅三藐三菩提亦復如是
何以故無相種子於一切不住是故
不壞以不壞故如是種子不可毀壞
亦不取相是故於一切法不壞阿難
白佛言世尊為是如來本願之力為

是諸佛法應尔耶佛即答言以本願力故若有衆生聞我名者皆得不退於阿耨多羅三藐三菩提一切諸佛法亦如是何以故一切佛法皆平等故阿難言一切佛法平等有何利益佛言能令衆生雖不聞法以發願力故亦使得同聞法利益尔時阿難白佛言世尊如來成就未曾有法故能大利益諸菩薩摩訶薩等佛言如是如是阿難我今雖為衆生作大利益若聞法者無不得住利益福田我於過去供養諸佛不惜身命一切皆捨離諸貪嫉勤修精進諸根清淨於一切法不取不著無所依止是故阿難我成菩提能大利益一切衆生

不退轉法輪經降魔品第六

尔時阿難白佛言世尊說是不退轉法輪能令惡魔使不擾乱何以故佛言是文殊師利神通之力能使波旬不令得聞文殊師利發真實誓能令惡魔聞空中聲釋迦牟尼佛轉不退法輪尔時波旬身毛皆豎心生驚怖作如是言見此世界皆非世界憂愁

涕泣身變朽老如百歲人髮白面皺
是時魔王形體膚髮亦皆俱老尔時
魔王將四種兵魔及魔天皆詣佛所
亦如如來初成道時嚴治器械而來
向佛各見己身皆悉朽老如百歲人
形體寧曲持杖而行到於佛前時四
種兵及虛空諸天皆聞釋迦牟尼佛
轉不退法輪而此四兵皆不能進即
住一面心生驚疑不能得隨魔王
意尔時魔王獨至佛所無有伴黨而
白佛言世尊我今衰老願賜手力本
所有國皆非我有如來大悲憐愍一
切寧不與我一人以為手力於是佛
告波旬我觀衆生界分甚多譬如恒
沙無有量數日日成佛得般涅槃若
一劫若過一劫不能令彼衆生界減
尔時魔王白佛言世尊衆生界分雖
多無量我無一人可為手力或當傾
危誰見扶持惟願如來慈哀慰喻令
得還宮并諸眷屬於是佛告波旬顛
倒衆生諸不信者皆屬於汝是汝手
力是卿等侶尔時波旬甚大喜悅作
如是言我今當令一切衆生不起信

心皆生疑惑墮疑惑者恚是我力尔
時波旬白佛言唯願世尊重見慰喻
令我歡喜如佛言曰若得聞佛稱其
名号皆得不退於阿耨多羅三藐三
菩提唯願如來默然莫作是說若有
聞者是諸衆生當勤精進修於菩提
唯願世尊如是慰喻尔時佛告波旬
勿生愁惱歡喜而去我今當令無一
衆生發菩提心亦無衆生而能動於
衆生界者乃至無一衆生於色動及
受想行識動乃至無一衆生於身見
疑戒取等動亦無衆生於過去未來
現在想動無有衆生於煞盜婬妄語
兩舌惡口綺語貪欲瞋恚邪見等動
乃至不見衆生於諸邪有而能動者
我亦不見衆生修行布施持戒忍辱
精進禪定智慧不見衆生於衆生想
壽命想父母想兄弟想妻子男女想
晝夜想一月想半月想歲數想劫想
施想戒想忍辱想精進想禪定想智
慧想力無畏想五根想七覺意想八
正道想佛想法想僧想菩提想無尋
想一切法不動想無有衆生於此諸

想而能動者波旬勿生憂惱歡喜而去。今時波旬聞是語已離諸憂惱便大歡喜。即於此處還復壯年。并以天華而散佛上。遶佛三匝於世尊前而說偈言。

我今心歡喜救世三佛陀。佛所說無異真實不虛妄。

今時波旬說是偈已歡喜而去。還於本宮五欲自娛。更不復起擾亂之心。魔去不久。今時大地六種震動。阿難白佛言。世尊。今此大地以何因緣六種震動。非魔力耶。佛言。是我神力為遣魔故。今此大地六種震動。今時有六十四百千衆生得無生法。忍是故大地六種震動。阿難白佛言。世尊。頗有衆生起疑惑不。佛言。復有十億衆生心生疑惑。我等今者無謬聞乎。各皆迷亂不識。四方從何而來。以癡冥故。悉不相見。今時阿難白佛言。唯願世尊當疾哀愍。為彼衆生作大照明。今離疑惑。如來所說假名法相。若不可知。悉墮地獄。阿難白佛言。世尊。如來何故令此魔王心得少惱歡喜而

去都無一人住於菩提亦無衆生能動衆生界於色受想行識亦無能動乃至身見一切取相六十二見過去未來現在種種相動者亦無衆生於然盜姪妄語惡口兩舌綺語貪瞋恚邪見等動者何故如來作如是慰喻魔王波旬言無衆生修行布施持戒忍辱精進禪智乃至無衆生壽命父母兄弟妻子男女晝夜等想亦無一月半月歲數時節諸劫之想如來何故作如是說慰喻波旬少惱而去亦無衆生於菩提心想動於根力無畏想動根覺意道想動無佛想法想僧想菩提想無尋想動菩薩想動如來何故慰喻波旬少惱而去復言當使無一衆生同於法想世尊何故作如是說唯願如來為此等衆作大照明當使未來一切衆生得蒙照明得照明已當令此法次第相續使不斷壞若有衆生深心信解受持是法者當為是人演其因緣如來何故作如是說今時世尊即為無數百千衆生除諸疑惑重說偈言

菩提無住處 亦無能住者 以是因緣故
說無住菩提 菩提及衆生 非一亦非異
以是因緣故 說無住菩提 衆生本不動
其界亦復然 是法無成就 究竟無所得
衆生體相空 其界難思議 無有能動者
惟一切智知 如所說諸陰 衆生無動相
陰即是衆生 無二無住相 陰以空為體
性相即不動 若無相可取 云何有動者
是故知諸陰 亦無有動相 言說未寂滅
無相亦無體 身即是陰相 陰即名行處
非行處而行 說陰名為空 所說空界者
不生亦不起 如是同於陰 是名不可動
身見相無體 亦無法可得 不得故無動
我今如是說 不取衆生相 究竟無所住
亦無有心相 形處不可得 若說於諸見
現示六十二 如是衆生等 亦如水中像
諸見同水像 六十二亦然 無我無所有
其性不可動 過去及未來 現在亦復尔
無相無所有 皆如炎水像 是名為無我
不得衆生想 衆生不可動 亦無能動者
譬如煞生者 處生死曠野 亦住於寂滅
是名為不動 欲令衆生動 衆生不可得
實無有衆生 是名說不動 菩提無有漸

亦無有能度 是故當勤修 不得於動者
法施不思議 度過去衆生 應當勤修習
是名不可動 度脫於邪欲 亦不得邪想
應當勤修習 是名不可動 妄語諸衆生
為令得解脫 當發大精進 如彼不動相
惡口及兩舌 綺語亦復然 如是平等相
如炎無所有 諸法皆如是 亦無依止處
猶如呼聲響 善知寂滅相 過去諸無明
著我故生憂 若證於無我 是名為不動
能知煩惱害 體性本無相 無相即菩提
是名為不動 深證諸邪見 得修於正智
離邪見藁林 是名為不動 若心得無欲
現受寶女抱 乃至諸童女 智者所遠離
以邪相持戒 而不捨正法 智者無心意
惟求於聖道 是名修法忍 顯示於外道
無心而行忍 亦不近涅槃 外道自顯異
五熱為精進 非智所修學 苦行非菩提
外道所說定 取相為行處 非佛所讚歎
亦不令他學 菩薩無所畏 能攝諸衆生
以是目緣說 取相所不動 非取著所攝
能生菩提心 菩提不取相 是故不能動
父母兄弟等 姊妹及妻子 譬如於幻化
是故不能動 一切取相法 皆悉無所有

若住無所有 是故不能動 若有晝夜想
一月及半月 如是一切想 如炎水中像
布施及持戒 修忍辱精進 皆起於取著
是相則為動 菩薩大勢力 禪定修智慧
若有無畏想 一切想非想 覺意及正道
本有菩提想 愚癡之所起 智者則遠離
佛及衆法想 乃至有僧想 如是種種想
皆說為動想 菩提名無想 種智即菩提
遠離如是想 菩提難思議 是故作是說
來者如水像 若動彼想已 則不遠菩提
菩提與衆生 一切法如如 故我如是說
不知惡魔心

佛次第說遣魔偈已十億衆生斷除
疑惑得法照明於一切法得無生忍
得是忍已十億衆生住於佛前而說
偈言

佛道難思議 最勝之第一 故号为世尊
除疑蒙安慰 一切皆照明 安住於佛道
神光遍十方 見無數億佛 見佛得聞法
色相莊嚴身 除穢得淨智 救世能度者
於億福田中 佛福田最勝 隨佛所住處
無上救世尊

今時十億衆生聞說偈已皆以盛服

供養於佛及供養法作如是言當令一切衆生悉聞是法皆共來集今時阿難白佛言世尊轉是遣魔法輪諸族姓男女得聞是已皆悉解脫信受無疑得幾所福佛言阿難若族姓男女日初出時親近供養恭敬尊重讚歎百佛於中時親近供養百佛乃至晡時供養百佛於初夜時供養百佛於中夜時供養百佛於後夜時供養百佛以衆妙樂具敷上衣服於二萬歲供養於佛日常六時尊重讚歎行住坐卧修行供養初不暫息阿難於汝意云何得福多不阿難言得福甚多不可以譬喻知其限數佛言阿難若族姓男女得聞如是遣魔章句其義次第聞已復能信解不生疑惑是人功德倍多於彼

不退轉法輪經卷第三

癸卯歲高麗國大藏都監奉
勅彫造

不退轉法輪經卷第四

十

僧祐錄云安公案云此經在北涼錄第二譯

受記品第七

佛告善男子復有三菩薩摩訶薩從東方來住大乘道持曼陀羅華百千萬葉如日初出阿難見已一切衆會亦皆同見生未曾有想尔時阿難白佛言世尊是三族姓子從何處來佛言從東方過恒河沙須彌蓮華世界有佛名雲上功德如來今現在彼山中有三善男子初聞法時於彼國來尔時三菩薩住世尊前以曼陀羅華散於佛上散已作如是言我於此法深生信解無有疑惑何以故如來世尊已於此法得無疑滯是故我今亦無疑滯尔時是三菩薩其第一者白佛言世尊若有人說如來我即如來於此法中都無疑惑第二菩薩復白尊亦於此法志無疑惑第三菩薩白佛言世尊若有人稱說阿羅訶三藐三佛隨我即阿羅訶三藐三佛隨亦

於此法志無疑惑。今時大衆無量百千億衆生。志皆戰動。心不喜樂。我從昔來。初不聞說於一世界。而有二佛云。何今者是。三大士各稱為佛於世。尊前。互相指言。唯佛如來。天人中尊。於一切法。皆得自在。明達三世。志無罣碍。是三菩薩。何故今日俱作是說。今時阿難白佛言。世尊。是三菩薩名。字何等。能於佛前作師子吼。佛時答言。其第一者。名樂欲。世尊聲正住。第二者。名樂欲。世尊聲正住。第三者。名樂欲。佛聲正住。阿難以是目緣。故此三大士作如是說。阿難白佛言。世尊。如是百千萬億衆生。心皆驚駭。以此事故。是諸菩薩更作是說。復有聞者。心不驚疑。增長淨善。譬如年少好自嚴飭。形體淨潔。加復洗浴香油塗身。以赤栴檀香汁灑體。復倍香潔其身。光澤若聞此法。信受不疑。亦復如是。阿難白佛言。世尊。云何菩薩作如是說。佛言。此三菩薩善解假名。故作是說。阿難言。如是如是。此菩薩等善說假名。惟願世尊重為我說。亦令大衆

蒙法照明。今時世尊便為如是百千萬億衆生解其疑悔。決定善根。即於今時而說偈言。

若能見過去。未來亦復然。如實知諸法。是名為如來。現在亦如是。去來悉同等。非一亦非異。究竟寂滅相。譬如過去佛。行施不思議。彼施亦如是。是故說假名。譬如過去佛。住無身菩提。彼住亦復尔。是名為如來。一切法不住。菩提亦寂滅。不得菩提相。是名為如來。若說過去戒。未來亦如是。現在皆同等。是名為如來。過去世行忍。菩薩截手足。彼忍亦如是。是名住於忍。若發大精進。本末於菩提。得是精進已。是名為如來。一切法平等。獲彼如實證。亦不取我相。是名為如來。不取於諸法。一切悉平等。知彼平等已。無相無所有。如是等三昧。不取諸法相。安住於禪定。是名為如來。一切法性相。及所說諸法。知其性相已。如實無所有。當知諸法空。智慧非福田。知彼非智已。得到智彼岸。若到於彼岸。智慧不思議。而不得此智。到寂滅彼岸。如相非到智。無有此彼岸。不得如是智。是名為如來。

菩提非如得 凡愚所不思 一切法無尋
是名為如來 若得於無尋 而到大智處
一切法無利 證無尋菩提 如本所修道
救世者濟度 得彼無依道 能知於體相
如是修習已 獲於寂勝道 調伏此道已
知一切皆空 知其初中後 皆與諸法同
此法平等已 是名為如來 道若如菩提
是名住菩提 猶如虛空相 是名為如來
如是說法已 如志平等相 若於此無疑
是名住菩提 阿難知假名 言說為如來
言說亦如是 智者所行處 菩薩無所畏
明智不退轉 一切所行處 作如是顯說
阿難是次第 如來之所說 為諸菩薩等
令得於無尋

余時阿難作如是言而說偈曰

以何因緣故 能知諸法相 是菩薩元導
亦名為世尊

世尊答曰

於百千萬億 無量無數劫 尔乃成菩提
佛道難思議 成就菩提已 為衆生住世
處處實无上 是名為世尊 久起輪迴趣
不受於生死 救度衆生故 是名為世尊
不處輪迴趣 亦不入生死 云何拔衆苦

号世無上尊	不念於諸法	亦不懷危脆
不得衆生相	能度諸苦惱	無生死輪轉
亦不住生死	令衆如是住	是名為世尊
得諸法無畏	於佛亦復然	無邊無有際
說法若干種	諸法究竟空	佛法之體性
如是成就已	而不見諸法	若能專修行
空空之體性	心得於無畏	是名知空法
如實知諸法	一切皆妄想	顯現無所畏
如是實法相	已過怖畏處	亦離於淨居
無恐亦無畏	超度諸惡道	勉濟億衆生
生死之大畏	不得於生死	而能度衆生
安置於衆生	寂滅涅槃岸	亦無衆生相
是名為世尊	諸法猶虛空	顯示現衆生
於彼亦無畏	是名為世尊	一切法平等
顯現若干種	菩提無分別	不得菩提相
衆生如是學	得成於菩提	如說如修行
則無恐怖想	分別菩提想	猶如衆生想
超過一切想	是名為世尊	滅除一切想
菩薩則無垢	不得名字相	是名為世尊
能知一切法	同於盡滅離	過去不可得
是名為世尊	不重名字故	是以不求名
離著名字者	而為廣說法	菩提離名字
如彼之所住	衆生重名字	遠離於菩提

不違經上略云云 第一
名如呼聲響 分別則多種 聲亦無分別
而恃空名稱 不著一切聲 名亦無所依
菩提無戲論 是名為世尊 如是等諸法
世尊之所說 非菩薩所得 是名為世尊
若解於修道 無有能知者 安住於菩提
除尋名無漏 阿難是假名 但以言語說
是以我今稱 自号为世尊
阿難復說偈言

以何因緣故 菩薩作是說 復以何因緣
自号稱為佛

佛答言

阿難是佛子 一切法無尋 覺悟元尋法
自号稱為佛 佛知煩惱過 不使得自在
已離於結使 自号稱為佛 但以空為佛
亦無有身相 此中無真實 云何身可得
不堅生堅想 凡愚計為身 如實覺悟已
自号稱為佛 覺愚癡無智 體性無所有
明智之所得 自号稱為佛 本有過去想
覺已得無想 知想及無想 不令想自在
覺了於色陰 本自無生住 凡愚妄分別
非色非成就 覺知無根本 本來無有性
是故無所受 一切法無依 想如熱時炎
因緣無所有 是故滅除想 一切法亦然

不得是身行 身相不堅固 若知身行空
是故不著身 是身及行相 皆悉如芭蕉
如是覺真實 自号稱為佛 求識真實相
不在於身內 亦復不在外 云何有生處
是識若無生 一切法亦然 悉無其處所
有為不可得 如是知識已 畢竟無所有
體性猶如幻 亦無有生者 若不能見識
衆生亦復然 實無有衆生 云何能知識
是識無有實 諸法畢竟空 法及於衆生
一切無成就 一切法無相 彼已決定覺
寂滅無戲論 自号稱為佛 證知於佛法
正覺之所住 一切法皆無 自号稱為佛
如來猶菩提 正覺之所住 佛及菩提相
空竟不可得 若生於心處 亦如住菩提
心同菩提已 佛猶如幻化 阿難是假名
但以言語說 以如名為佛 我是救世者
如是相似生 同佛音聲說 若得此法音
安住於菩提 不著於菩提 當作如是知
不應起疑意 一切法無求 於諸法無疑
衆生中取上 如是相似法 當知真實相
作如是說 如來世尊佛等 二号於是
百千億數衆生 白佛言 世尊我等實
蒙光明得除疑悔 菩薩摩訶薩能作

如是種種假名說為如來世尊及佛
我今如是知已如是解已於一切法
逮得忍力如來世尊作大利益猶如
父母以佛神力及智慧手挽出我等
今不迷亂而無所擾猶如一切不動
世尊譬如虛空無能動者如是世尊
於一切法心得不動亦復如是何以
故一切諸法皆同虛空如佛覺了無
有動相今時百千億大衆逮佛三匝
去佛不遠却坐一面說是如來世尊
佛名品時常照淨根菩薩從坐而起
更整衣服偏袒右肩右膝著地持種
種華散於佛上各以偈頌讚歎世尊
衆生貪著果 志今得解脫 成就離果想
故我礼智者 能說於諸果 今知平等想
正覺證平等 歸命礼最上 衆生多貪著
行處種種果 佛以解脫故 我今礼智者
顯現於諸法 安住平等處 得覺平等已
敬礼牟尼尊 衆生多繫縛 種種諸果報
佛志令解脫 歸命礼最上 成就寂滅道
不住種種果 善知假名相 頂礼世智者
今時照明淨根菩薩摩訶薩說是偈
已逮佛三匝去佛不遠瞻仰尊顏目

不暫捨是時蓮華勝藏菩薩摩訶薩
從坐而起整其衣服偏袒右肩右膝
著地以種種華而散佛上復以偈頌
讚歎於佛

衆生多取想 能令志除滅 離畏得歡喜
敬礼牟尼尊 寂滅離諸有 無畏而說法
是名世雄猛 敬礼牟尼尊 知有本空寂
其體不可得 諸有中取妙 敬礼牟尼尊
永離於三有 滅除諸結使 離畏得無畏
敬礼牟尼尊 無畏亦無懼 施中得取上
出過一切施 敬礼牟尼尊 離畏得無畏
拔除憂毒箭 解脫於諸法 敬礼牟尼尊
尔時蓮華功德藏菩薩說如是偈讚
世尊已而白佛言若有衆生於後末
世得聞是經心不驚畏我當礼敬尔
時離垢意菩薩於世尊前復說偈言
常應散衆花 智者所修行 得聞是經已
當令得解脫

尔時離垢意菩薩摩訶薩於世尊前
復說偈曰

佛法甚深廣 顯說如是經 當有少衆生
信受不疑惑 貪著於我見 於身取身想
不信於此經 是名無智者

尔時蓮華眼菩薩摩訶薩於世尊前
復說偈言

實為諸衆生 開示眼目導 如是之經法
唯善者不疑

尔時不思議解脫菩薩摩訶薩於世
尊前復說偈言

世号人中尊 衆生不思議 說如是等經
聞則無疑悔

尔時常憶念菩薩摩訶薩於世尊前
復說偈言

若不憶念者 數數生死中 不著於諸法
修行則無疑

尔時寶衣解脫菩薩摩訶薩於世尊
前復說偈言

多衣滿一億 淨潔而細緻 初摩而纏覆
修行則無疑

尔時施食菩薩摩訶薩於世尊前復
說偈言

所設衆飲食 具足諸餽饍 日日應常施
修行無有疑

尔時悲行菩薩摩訶薩於世尊前復
說偈言

應悲諸衆生 數數而號哭 此經甚深妙

談論佛告溥首豈能樂住說斯法乎
有所及屢屈意分別溥首白佛世尊
所因法義致正覺者又計彼法有言
教乎告曰溥首法無言教又問其法
寧有言辭有所思念講論說乎告曰法
无言辭無所思念亦无論說又問假
使諸法无言無念亦无論說則不可
講持心梵天謂溥首曰仁豈不為他
人衆生講說法乎答曰梵天可講法
性分別二耶報曰不然又問其法性
者不可銜之一切法乎答曰如是報
曰若茲梵天法性无二然而法性銜
一切法何因當為他人衆生講說法
乎又問溥首其有說法計吾我者豈
不謂為二事者乎答曰假使梵天有
所獲致而有所說有聽者乎又問如
來豈不講說法乎答曰梵天如來所
說則無有二所以者何如來無二不
造二事又問假使諸法无有二者誰
造為二答曰衆生徇名而受吾我愚
駭凡夫便造二事其二事者終不為
二何況無數以不造二其真際者則
无有二不造二事又問其無二者寧

逮得無尋何以故如是族姓子以於六十億佛所從於佛口常聞此法不增不減亦如從我得聞不異是故億念過去一切諸禪定力及佛神力阿難言如是如是信如所說此諸菩薩現可證知

不退轉法輪經現見品第八

尔時阿難白佛言世尊若聞是法次第信解不生疑惑如是族姓男女得成就幾所福佛告阿難若族姓男女住阿耨多羅三藐三菩提復以閻浮提滿中七寶供養者是人功德不如得聞此經次第句義信解不疑其福甚多置閻浮提滿中七寶供養諸佛假設恒河沙世界滿中珍寶供養諸佛復有善男子善女人得聞是經次第句義信解不疑心亦不悔是人功德復倍於彼尔時世尊而說偈言
假使三千界 滿中諸珍寶 供養於如來
救度於世間 若佛說此經 有能諦聽者
智慧得解脫 其福倍過彼 譬如恒河沙
於此諸世界 七寶悉充滿 盡施一切智
於佛之所說 信受是經典 是為解脫智

其福亦倍彼

余時阿難白佛言世尊若有族姓男
女信解是經受持讀誦復為人說得
幾所福佛告阿難如是族姓男女住
無上道於百劫中修行布施供養如
來遠離此經百劫持戒百劫忍辱精
進禪定智慧復於百劫得五神通修
世間智具足戒身若有遠離此經典
者是則不名尊重供養於諸如來若
有善男子善女人信解是經受持讀
誦復為他說其所得福倍多於上余
時世尊而說偈言

假使滿百劫一切諸餽饌供養救世者
不名尊重供若欲供養者當受持是經
捨除福報想修行法供養如是供養者
是名真供養以法為供養如來法身故
假使滿百劫以衣服供養救世之世尊
多諸衣服施不名為供養有能持經者
是名真供養取上之第一假使滿百劫
常散諸天華奉上諸世尊不名為供養
若作第一供救世能度者應受持此經
能除果報相若造七寶塔為救世建立
一切如須弥不名供養佛此為最大供

眾供養上。能持此經者。不見我身相。
假使滿百劫。修持於禁戒。而不持此經。
不名為最勝。聽經而持戒。於戒為最上。
亦於持經中。而無持經想。不名為犯戒。
亦不為破戒。能學此經者。如我之所說。
若能學此經。亦善學菩提。雖同學菩提。
而實無所學。能如是持戒。此經所顯示。
於戒得具足。是名持戒者。假設滿百劫。
有人修忍辱。過罵不還報。一切皆能忍。
乃至截手足。而不起異想。亦不生怨嫌。
一切無所念。能行是忍者。具足滿百劫。
雖修如意忍。而心不為勝。是忍最第一。
亦名為善修。若復聞此經。信解而受持。
是名最勝忍。第一無有上。若於此經中。
聞已能信解。欲求於無尋。無上佛智者。
當受持此經。則能速具得。假使滿百劫。
精進常不坐。經行已過時。除去於睡眠。
智者修是經。應為人演說。則得無所畏。
是名勝精進。假設滿百劫。而得五神通。
若不聞此經。不名勝神通。若能持此經。
是名勝神通。神通中最上。知義而不著。
假設滿百劫。常作明智人。成就世間智。
決了於世間。若不學此經。不名為智者。

若能持此經 乃名為勇健 若能如是知
是名為智者 受持此經典 聞則能信解
顯示於此經 智者所行處 若能持此經
應加勤精進

尔時阿難復說偈言

行滿百由旬 或至千由旬 當詣於智者
有是經法處 常應到彼所 為聽是經故
聽已而信解 其心恒隨順 假滿世界火
百千億由旬 若有此經處 智者宜疾聽
若求聖禪定 諸禪中取上 當說如是經
為滅諸結使 若有欲捨去 樂著於世間
為顯示此經 如佛之所說 若欲見諸佛
阿闍為取上 於諸受持中 此經為第一
欲得一切樂 修諸菩薩行 應當說此經
速到安樂處 欲見三佛陀 安養難思議
應為演此經 如佛之所說

尔時佛告阿難善哉善哉說是經時
族姓男女若得聞者心不散乱讀誦
此經遠離一切諸親近處亦志滅除
一切想識若欲見佛即便得見臨壽
終時則能面見百千諸佛何以故如
是族姓子等為一切諸佛之所護念
說是經已復能受持讀誦信解亦為

若能持此經 乃名為勇健 若能如是知
是名為智者 受持此經典 聞則能信解
顯示於此經 智者所行處 若能持此經
應加勤精進

尔時阿難復說偈言

行滿百由旬 或至千由旬 當詣於智者
有是經法處 常應到彼所 為聽是經故
聽已而信解 其心恒隨順 假滿世界火
百千億由旬 若有此經處 智者宜疾聽
若求聖禪定 諸禪中取上 當說如是經
為滅諸結使 若有欲捨去 樂著於世間
為顯示此經 如佛之所說 若欲見諸佛
阿闍為取上 於諸受持中 此經為第一
欲得一切樂 修諸菩薩行 應當說此經
速到安樂處 欲見三佛陀 安養難思議
應為演此經 如佛之所說

尔時佛告阿難善哉善哉說是經時
族姓男女若得聞者心不散乱讀誦
此經遠離一切諸親近處亦志滅除
一切想識若欲見佛即便得見臨壽
終時則能面見百千諸佛何以故如
是族姓子等為一切諸佛之所護念
說是經已復能受持讀誦信解亦為

為憤內親近俗事而於此經作不利
益不肯聽受不說不誦晝夜常起諸
煩惱心遠離解脫有如是等心故受
女身不得遠離是故師子一切女人
皆悉應作如是觀察我當云何斷諸
結使不令復有如是女人無利益事
當聽是經受持讀誦亦為他說何以
故得聞是經分別次第必能離於一
切結使時師子言若有女人讀誦此
經為他解說求捨女身當可得不
佛言師子若有女人受持讀誦此經
典者是取後女身更不復受除其方
便神通變化現受女者師子譬如有
人然大火聚而自投之既投火已復
作是言莫燒我身亦使我身莫作異
色師子於汝意云何是人雖作此語
得如所言不師子答言不也世尊何
以故是大火聚性能燒物滅除身色
佛言師子此經亦復如是能燒一切
結使行薪若欲捨女身相即得離欲
成就佛法欲見無量無數阿僧祇諸
佛得無尋辯欲發慈心一切衆生者
亦當受持讀誦書寫此經是時師子

及五百童女白佛言世尊我從定光
佛所得聞是經受持讀誦我今復為
無量衆生重說顯示今時阿難白佛
言世尊今此師子及五百童女何故
不轉女身佛告阿難汝今謂是師子
及五百童女是實女耶阿難言如是
世尊佛答阿難莫作是語何以故如
此師子及五百童女皆亦現為女身
非真實也何以故但為未來衆生示
現變化憐愍一切諸女人故現為女
像厭離女身何以故若作男形則不
能入一切處故阿難此師子等亦非
男非女何以故一切諸法皆非男非
女出過一切法無相可得是真照明
阿難是師子等隨順世法故受女身
為化諸女隨已修學今時有五百比
丘尼從坐而起頭面礼足白佛言世
尊我等從今以往當受持讀誦書寫
此經為他解說何以故我等受此女
身無所利益宜速厭離自從今日若
未解者當令得解若未聞者當令得
聞初中後夜除其睡眠繫念思惟佛
言諸比丘尼善哉善哉汝等發大莊

嚴以自在嚴興大精進勇猛第一皆
志厭離樂捨女身為欲利益一切佛
法受持此經書寫讀誦為他演說汝
等皆是寂後受於女身諸比丘尼聞
是語已踊躍歡喜皆脫上服以供養
佛作是施已而說偈言

我等蒙安慰 為得男子身 如來無二言
人中寂上說

今時四部衆中有五百長者夫人從
坐而起整其衣服右膝著地長跪叉
手白佛言世尊我等亦從今日受持
讀誦書寫解說但是女身為他所制
不得自在懷妊十月云何當得免斯
苦耶何以故若處深宮為王拘攝或
為父母兒婢禁制從今已徃當勤精
進專行修習乃至終身受持正法於
是世尊讚歎五百長者夫人善哉善
哉如汝所說汝等從今永捨女身不
復繼屬承事他人亦無懷妊十月等
苦離於婬欲及諸胞胎世世常生淨
佛國土今時阿難白佛言世尊如是
諸姊得離女身生何淨土佛言此諸
姊等當生寶藏蓮花光世界阿難白

佛言世尊如彼世界佛号何等佛言
於彼世界有佛号一切寶如意王光
明如來至真等正覺今現在彼為諸
衆生種種說法如是族姓女等悉生
彼國於彼佛所得聞此經尔時長者
夫人聞佛說已歡喜踊躍即解瓔珞
價直百千以奉散佛如是供養供養
已即說偈言

我等蒙安慰捨離於女身如來無二言
所說皆真實女身為最惡當願速捨離
凡愚之所迷不知真實相胎生女取惡
願更不復受得離女胎已菩提為無上
尔時諸長者夫人瞻仰如來目不暫
捨釋提桓因以天曼陀羅華散於佛
上我等亦當受持此經佛言憍尸迦
汝若與阿修羅戰時常使得勝不令
退散尔時文殊師利法王子與百千
億衆生皆悉發於善根因緣文殊師
利白佛言世尊如來未發菩提心時
我已轉此不退法輪佛言文殊師利
十方無量億諸菩薩等皆發大勝光
明猶如日輪如是大地亦皆六返震
動諸天雨華盈沒於膝尔時阿難白

佛言世尊以何目緣大地六返振動
諸天雨華佛言是無量百千億天聞
文殊師利所說心生歡喜故雨此華
而作是言我等皆當受持書寫讀誦
此經亦願當得如文殊師利說如是
法得聞經已心生歡喜大地一切普
皆振動諸天雨華余時阿難白佛言
世尊是經能成諸大功德是經甚深
寂為希有若有衆生得聞是經一經
耳者當知是人從小功德來佛言
如是阿難當知是族姓男女皆已供
養過去諸佛是故今於此會得聞是
經心生信解乃能受持讀誦解說有
此經處即是一切天人中塔利益無
量其福不虛若是經卷所住之處及
能受持乃至書寫者皆應供養如世
尊想聞是經者命終皆得不墮惡道
降伏衆魔建立法幢常然法炬照諸
幽冥能吹法蠶到菩提樹擊大法鼓
開闡法門雨大法雨有求法者皆志
滿足顯示法界盡開過去諸佛伏藏
知一切法除色受想行識想遠離眼
耳鼻舌身意識離一切法想乃至佛

想若聞是經信解受持讀誦之者是
真佛子皆從法生阿難若有善男子
等若欲食法味坐於道場菩提樹下
如我不異皆當受持讀誦此經為他
人說乃至手持經卷恭敬供養阿難
白佛言世尊於末劫中當有人能受
持讀誦手持此經恭敬供養不佛言
若今聞經明信解了於將來世亦能
受持讀誦為他解說手持此經礼拜
供養若有沙門婆羅門天人及阿修
羅今聞此經於未來世更不聞者無
有是處何以故以今聞法因緣力故
若於後世亦得聞法必能信解譬如
長者多諸男女其家大富財寶无量
金銀琉璃珊瑚琥珀車乘馬瑙真珠
珂貝奴嬭僮僕為馬車乘有如是等
一切財寶置之於後遊行他方還至
本處得此寶不阿難言得何以故此
諸財寶本屬已故佛言阿難如是法
寶今得聞者即是已法後還復聞我
今亦以佛眼見現在世受持讀誦此
經典者後則還得如今無異若未來
世有諸衆生受持此經者皆以佛眼

觀察如今所見等無有異若有誹謗
此經典者我以佛眼明見此人亦如
今日阿難白佛言世尊若人不信不
解誹謗是經當趣何所佛言止止阿
難莫作是問阿難白佛言世尊唯願
說之當使未來衆生有不信者聞斯
果報則便恐怖今生信解佛言若是
誹謗不信果報所受苦痛與五逆業
其罪同等若以利刀煞害衆生滿三
千大千世界於意云何是人罪報當
趣何所阿難言是人業報當趣惡道
佛言阿難汝今應當作如是知若恒
河沙諸佛入涅槃後為供養舍利造
作塔廟有人惡心焚燒毀壞於意云
何是人當得幾所罪報阿難言如是
人等受報甚苦則不可說亦不可聞
若誹謗此經說其過惡所得罪報亦
復如是不可得聞何以故是人毀壞
過去未來現在諸佛一切法眼故佛
言若見有人受持讀誦此經典者而
起誹謗輕笑毀訾教他不信令使是
人不得讀誦如法受持當知是人其
罪甚重復多於彼阿難言若滿三千

大千世界衆生具足十善住菩提道
若有壞如是等人眼者得幾所罪佛
言是人當於無量阿僧祇劫所受諸
身則常生盲於地獄中受苦無間常
挑其目佛言若有一人於此經中而
生誹謗心不信者我說是人罪亦如
彼阿難言若有菩薩住於菩提信解
此經受持不疑當趣何所佛言是名
隨順供養諸佛等無有異阿難言若
復有人不信是經而自誹謗亦教他
人今生誹謗如此人者當受何身受
何等苦佛言止止阿難莫作是問阿
難言惟願世尊時為解說今此四衆
若有疑惑生不信者聞佛說已當自
悔過得生信心佛言若復有人不信
是經向他誹謗當得十千由旬身受
如是大形獲無量苦阿難言是人不
慎舌故復有何相佛言此人罪報其
舌縱廣一千由旬以五百億大熱鐵
犁而耕其舌復以五百億大熱鐵丸
雨其舌上何以故不慎惡業誹謗過
故受如是苦今時四衆聞是語已身
毛皆豎悲泣盈目自投於地皆共同

聲唱如是言世尊若族姓男女如是
誹謗當獲斯罪是故我今代其懺悔
使滅衆罪不受如是大惡果報今於
佛前及餘十方無量佛前我等愚冥
不自知過唯有佛眼實見實證皆悉
懺悔自今以後不敢重作猶如嬰兒
無所識知不能曉了分別善根我今
至誠深自各責惟願世尊當垂憐愍
受我懺悔佛言善我善我是時四衆
各言我今誠心自歸所有諸罪悉皆
懺悔不敢覆藏佛言汝等如是至心
白佛言世尊今此衆中有生疑者惡
業罪障亦如是耶佛時答言於此衆
中若生疑者可即懺悔所有餘罪受
報輕微阿難言云何受罪輕微佛言
是人臨命終時諸毛孔中皆悉受苦
喻如泥犁等無有異何以故能信如
來所說言教及信無量阿僧祇佛亦
自悔過阿難是族姓男女則不捨過
去未來現在一切佛眼若彼欲見無
量阿僧祇佛及見無量金剛葉蓮華
光明遍照殊勝妙相今時釋提桓因

現長者身以種種華散諸四衆唱如是言當以此華供養於佛乃至供養如是經典今時四衆即取諸華以散佛上變成華蓋而白佛言世尊以何回緣現是瑞相今於佛前有是蓮華及無量恒河沙一切佛前亦復皆有如是等華佛言為說是經功德威力故現此瑞如是相者當知皆是神力所持今時阿難白佛言世尊佛威神力乃至如是護持法耶佛言阿難實我神力護持是法乃至恒河沙諸佛亦皆護持今時阿難白佛言世尊此經當何名斯經云何受持佛言是經名為無著果無有種種諸雜惡報如是受持信行法行八輩須陀洹斯陀含阿那含阿羅漢辟支佛解是假名無有真實如是受持名為捨魔如是受持亦名六波羅蜜如是受持何以故阿難若有如是信解受持讀誦書寫此經為他人說當知是善男子善女人即是具足六波羅蜜阿難言云何受持讀誦書寫此經為他人說即得具足六波羅蜜佛言善善男子善

女人等有能信解此經典者即具足檀波羅蜜於此法中心不犯戒是名具足尸波羅蜜若讀是經心忍不退是名具足羂提波羅蜜能於此經心不退沒是名具足毗離耶波羅蜜信樂此經心不散亂是名具足禪波羅蜜諦了此經無分別相是名具足般若波羅蜜是故此經與六波羅蜜相應亦名一切諸佛所說不退法輪廣博嚴淨阿難言是善具足受持佛言如是如是實如汝說阿難言得聞此經是人生死餘幾所耶佛言若人得聞不退法輪廣博嚴淨方等經名此人生死餘則千劫阿難言若聞此經名字信解能受發菩提心是人功德當住何地佛言若有得聞是經名者則受阿耨多羅三藐三菩提記得不退轉地今時四眾前皆有蓮華座若干種色復有百千萬億種業時諸四眾踊躍歡喜各取此華以奉散佛而作是言我等皆當為人廣說如是經典分別顯示使不

斷絕尔時世尊熙怡微笑作天伎樂
香風時來其氣芬馥多有諸天於虛
空中亦作無量種種天樂雨諸天香
細末栴檀沉水膠香閻浮檀金末及
諸銀末摩尼寶網羅覆其上及五種
色曼陀羅華摩訶曼陀羅華曼殊沙
華摩訶曼殊沙華迦迦羅華摩訶迦
迦羅華一切優鉢羅華拘物頭華
芬陀利華及香瓔珞塗香末香一切
諸天所有供養遍滿虛空地上人民
亦整衣服散花供養復有諸餘衆生
皆以辟脚寶環手釧解頸諸瓔無量
寶冠以奉上佛復有諸餘衆生以其
金銀散於佛上復有諸餘衆生心皆
歡喜出大音聲唱言善哉善哉及諸
爲馬出和雅音虛空諸鳥隨類音聲
以用供養地獄衆生皆得變樂畜生
衆生更相愛念如父母想閻羅王界
一切衆生亦變受樂餓鬼衆生皆悉
得除飢渴苦惱尔時天龍夜叉乾闥
婆阿修羅迦樓羅緊那羅摩睺羅伽
人非人等各受快樂更相慈愍猶如
父子尔時阿難白佛言世尊如來今

者以何因緣而微笑耶。爾時佛告阿難：一切四衆比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等，若於今世後世聞此經者，皆得不退轉於阿耨多羅三藐三菩提，能為他人廣說是經，無所損減。亦如我今分別解說等，無有異。阿難聞此經已，心生信解，即是佛種。何況受持讀誦修行，當知是人去一切種智，則為不遠。當得一切智，自然智，是故此經名不退轉法輪之印，能為諸菩薩等作大利益。亦為一切衆生發於無上道心。因緣能發心已，便於此經具足成就。阿難如來以一切智示諸衆生，若復有人雖離佛智，但聞此經，即得自然智及佛智。利亦即受記，是故此經名為不退轉法輪。廣博嚴淨，亦名成就具足善根莊嚴方便，為作利益行大乘者。阿難當知，今時如來廣說是經，無量菩薩皆得成就無生法忍，無量無邊阿僧祇等億數衆生皆悉得住不退轉於阿耨多羅三藐三菩提。佛說經

已文殊師利舍利弗阿難等及諸四
衆比丘比丘尼優婆塞優婆夷天龍
夜叉乾闥婆阿修羅迦樓羅緊那羅
摩睺羅伽人非人等皆大歡喜頂受
奉行作礼而去

不退轉法輪經卷第四

癸卯歲高麗國大藏都監表

勅彫造

不必定入定入印經翻譯之記

亦

出世智道亦名為印此經印義或然不然私情有指未許官用何者私情今且當向發心修行證會名入所乘強劣有定不定聖說定入說不定入言義如是決定名印說如是故名如是經其門要密通必有寄魏尚書今儀同高公深知佛法出自中天翻為此典万未有一採挾集人在第更譯沙門曇林瞿曇流支興和四年歲次降婁月建在戌朔次甲子壬午之日出此如左九千一百九十三字不必定入定入印經

元魏婆羅門瞿曇般若流支譯

如是我聞一時婆伽婆住王舍城耆闍崛山中與大比丘衆一千二百五十人俱六十億百千那由他菩薩其名曰

文殊師利童子觀世自在菩薩摩訶薩得大勢菩薩藥王菩薩藥上菩薩常雷音王菩薩如是等上首六十億百千那由他菩薩一切皆得寂靜論

義神通三昧建首楞嚴勇伏三昧得
深海水潮不過限三昧得受位陀羅
尼得集無邊諸佛身色究竟陀羅尼
今時文殊師利童子白佛言世尊惟
願世尊為諸菩薩說必定不決定入
智印法門以彼印故令我得知此菩
薩必定此菩薩不決定此不定阿耨
多羅三藐三菩提退無上智道佛言
文殊師利此中則有五種菩薩何等
為五一者羊乘行二者象乘行三者
月日神通乘行四者聲聞神通乘行
五者如來神通乘行文殊師利如是
名為五種菩薩文殊師利初二菩薩
不決定阿耨多羅三藐三菩提退無
上智道後三菩薩必定阿耨多羅三
藐三菩提不退無上智道
文殊師利言世尊何者二菩薩不必
定阿耨多羅三藐三菩提退無上智
道世尊何者三菩薩必定阿耨多羅
三藐三菩提不退無上智道佛言文
殊師利羊乘行菩薩象乘行菩薩此
二菩薩不決定阿耨多羅三藐三菩
提退無上智道文殊師利月日神通

乘行菩薩聲聞神通乘行菩薩如來
神通乘行菩薩此三菩薩必定阿耨
多羅三藐三菩提不退無上智道
文殊師利應云何知羊乘行菩薩文
殊師利譬如有人他方五百佛之世
界微塵等數世界之外彼有因緣有
大因緣彼有所作有大所作彼有所
重有大所重為彼事故欲過如是微
塵世界到於彼處如是思惟我乘何
乘而能得過如是世界得到彼處如
是之人即便思惟若我今者乘於羊
乘則應得過如是世界到於彼處文
殊師利如是之人既思惟已即乘羊
乘發行彼道經長久時到百由旬大
風輪起吹令迴還八十由旬文殊師
利於意云何如是之人乘彼羊乘於
彼世界能過到不若經一劫若一百
劫若一千劫億百千劫若不可說不
可說劫彼人能過一世界不文殊師
利答言世尊彼若能過一世界者無
有是處如是之人乘彼羊乘若經一
劫若一百劫若一千劫億百千劫若
不可說不可說劫若能得過一世界

者無有是處佛言如是文殊師利若
善男子若善女人發阿耨多羅三藐
三菩提心已聲聞乘人相隨止住近
聲聞人習聲聞人恭敬供養聲聞乘
人共為知識財物交通與共同住若
在林中若在寺舍若經行處同一處
行讀聲聞乘誦聲聞乘思聲聞乘信
聲聞乘復教他人讀誦思信如是之
人住聲聞乘攝聲聞乘種善根行聲
聞所牽故得鈍智退無上智道如是
菩薩修菩提心慧根慧眼而復後時
住聲聞智種善根行則還愚鈍破壞
不成

文殊師利譬如有人若患眼病若有
目瞋如是之人為開眼故一月療治
勤不休息過一月已眼得少開彼有
怨惡常伺其便把碎華茨著其眼中
今彼人眼轉闇更閉不得開明如是
如是文殊師利若彼菩薩修菩薩心
慧根慧眼而復後時住聲聞智種善
根行則還愚鈍破壞不成文殊師利
此羊乘行菩薩應知

文殊師利應云何知象乘行菩薩文

殊師利辟如有人如是微塵世界之外彼有目緣有大目緣彼有所作有大所作彼有所重有大所重為彼事故欲過如是微塵世界到於彼處如是思惟我乘何乘而能得過如是世界到於彼處如是之人即便思惟若我今者八分相應乘象乘者則應得過如是世界到於彼處文殊師利如是之人既思惟已即乘八分相應象乘發行彼道百年常行二千由旬大風輪起吹令迴還一千由旬文殊師利於意云何如是之人乘彼象乘於一世界為能過不若經一劫若一百劫若一千劫億百千劫若不可說不可說劫彼人能過一世界不文殊師利答言世尊彼若能過一世界者無有是處如是之人乘彼象乘若經一劫若一百劫若一千劫億百千劫若不可說不可說劫若能得過一世界者無有是處佛言如是

文殊師利若善男子若善女人發阿耨多羅三藐三菩提心已聲聞乘人相隨止住近聲聞人習聲聞人共為

知識與共同住若在林中共若在寺舍
若經行處司一處行讀聲聞乘誦聲
聞乘思聲聞乘信聲聞乘復教他人
讀誦思信如是之人住聲聞智攝聲
聞乘種善根行聲聞所牽故得鈍智
退無上智道如是菩薩修菩提心種
善根行安住大乘而復後時住聲聞
智種善根行則還愚鈍破壞不成
文殊師利譬如大木廣千由旬大海
所漂於大海中濟渡衆生空行夜叉
出置陸地繫縛在於五百由旬大鐵
塊上文殊師利於意云何如是大木
彼大海水復能漂不復能海中濟衆
生不文殊師利答言不能佛言如是
文殊師利若彼菩薩修菩提心種善
根行修行一切智智海道牽迴令退
則不能向一切智智大海之道不能
救拔生死大海一切衆生文殊師利
此象乘行菩薩應知

文殊師利應云何知月日神通乘行
菩薩文殊師利譬如有人如是微塵
世界之外彼有因緣有大因緣彼有
所作有大所作彼有所重有大所重

為彼事故欲過如是微塵世界到於彼處如是思惟我乘何乘而能得過如是世界到於彼處如是之人即便思惟若我今者乘於月日神通乘者則應得過如是世界到於彼處文殊師利如是之人既思惟已即乘月日神通之乘發行彼道文殊師利於意云何如是之人乘於月日神通之乘於彼世界能過到不文殊師利答言世尊久時則能佛言如是文殊師利若善男子若善女人發阿耨多羅三藐三菩提心已不與一切聲聞乘人相隨止住不近一切聲聞乘人不習一切聲聞乘人不作知識財物不交不共同住若在林中若在寺舍若經行處不同處行亦不讀誦聲聞乘法不思不信聲聞乘法不教他人讀誦信學乃至一偈亦不學習不讀不誦彼人若讀則讀大乘彼人若誦則誦大乘若有所說則說大乘乃至一偈文殊師利此是月日神通乘行菩薩應知

文殊師利辟如有大迦樓羅王大力

少壯隨意所念須彌山頂能到異處如是如是文殊師利月日神通乘行菩薩戒聞深心大力少壯勇健能得隨心所念佛佛世界皆能過到於諸如來衆會輪由皆能示身

文殊師利應云何知聲聞神通乘行菩薩文殊師利譬如有人如是微塵世界之外彼有因緣有大因緣彼有所作有大所作彼有所重有大所重為彼事故欲過如是微塵世界到於彼處如是思惟乘何神通而能得過如是世界到於彼處如是之人即便思惟我今若乘聲聞神通則應得過如是世界到於彼處文殊師利如是之人既思惟已即余便乘聲聞神通發行彼道文殊師利於意云何如是之人聲聞神通於彼世界能過到不文殊師利答言能過佛言如是文殊師利若善男子若善女人發阿耨多羅三藐三菩提心已不與一切聲聞乘人相隨止住不近一切聲聞乘人不習一切聲聞乘人不作知識財物不交不同修行不共語說不共同住

若在林中若在寺舍若經行處不同
處行不讀不誦聲聞乘法不思不信
聲聞乘法不教他讀不教他誦乃至
一偈於聲聞乘不相應誦亦不教他
彼人若讀則讀大乘彼人若誦則誦
大乘亦教他人讀誦大乘若有所說
則說大乘彼於信解大乘菩薩摩訶
薩等讀大乘人誦大乘人攝大乘人
敬重正信隨順修學與共相應隨逐
不捨依附親近如法供養共為知識
與共同住若在林中若在寺舍若經
行處與共同行於大乘人攝大乘人
受大乘人持大乘人第一敬重取勝
供養所謂燈明種種華香末香塗香
妙鬘塗身如是供養如是之人讀誦
大乘第一喜心為他人說心不輕蔑
未學菩薩正面言語先意問說不作
惡語不麁獷語常說愛語說美妙語
如是之人乃至失命身死目緣不捨大
乘常攝一切行大乘人學大乘人讀
大乘人誦大乘人攝大乘人如力攝
取如法攝取如心所堪彼人如是無人
憎惡無與諍對常求一切未曾聞經

心常敬重所從聞者心不輕蔑未學
菩薩於他人過若實不實不說不枉
不求他便常勤修學慈悲喜捨文殊
師利此是聲聞神通乘行菩薩應知
文殊師利應云何知如來神通乘行
菩薩文殊師利譬如有人如是微塵
世界之外彼有因緣有大因緣彼有
所作有大所作彼有所重有大所重
為彼事故欲過如是微塵世界到於
彼處如是思惟乘何神通而能得過
如是世界到於彼處如是之人即便
思惟我今若乘如來神通則應得過
如是世界到於彼處文殊師利如是
之人既思惟已即尔便乘如來神通
發行彼道文殊師利於意云何如是
之人如來神通於彼世界能遠過不
文殊師利答言能過佛言如是文殊
師利若善男子若善女人發阿耨多
羅三藐三菩提心已不與一切聲聞
乘人相隨止住不近一切聲聞乘人
不習一切聲聞乘人不作知識財物
不交不同修行不共語說不共同住
若在中林中若在寺舍若經行處不同

處行不讀不誦聲聞乘法不思不信
聲聞乘法不教他讀不教他誦乃至
一偈於聲聞乘不相應讀不相應誦
亦不教他彼人若讀則讀大乘彼人
若誦則誦大乘亦教他人讀誦大乘
若有所說則說大乘如是之人身口
意淨善持戒法亦令他人身口意淨
令住善法彼於修行大乘菩薩摩訶
薩等讀大乘人誦大乘人攝大乘人
敬重正意隨順修學與共相應隨逐
不捨依附親近如法供養共為知識
與共同住若在林中共住若在寺舍若經
行處與共同行於大乘人攝大乘人
受大乘人持大乘人第一敬重寂勝
供養所謂燈明種種華香末香塗香
妙鵝塗身如是供養如是之人讀誦
大乘第一喜心教他人讀教他人誦
心不輕蔑未學菩薩於餘菩薩安住
令學常說愛語說美妙語如是之人
乃至失命身死因緣不捨大乘常攝
一切行大乘人學大乘人讀大乘人
誦大乘人攝大乘人第一敬重心生
大喜設大供養亦令他人如是修學

有大深心彼人如是無人憎惡不與
諍對常求一切未曾聞經第一深心
殺重心求心常敬重所從聞者於彼
人所生於師心亦令他人如是修學
心不輕蔑未學菩薩於他人過若實
不實不說不枉不求他便亦教他人
如是修學文殊師利如是菩薩恒自
觀察失菩提心諸衆生界亦常教他
如是觀察失菩提心諸衆生界如是
菩薩恒自觀察失菩薩行諸衆生界
亦常教他如是觀察失菩薩行諸衆
生界如是菩薩恒自觀察失菩提業
諸衆生界亦常教他如是觀察失菩
提業諸衆生界如是菩薩恒自觀察
失菩薩道諸衆生界亦常教他如是
觀察失菩薩道諸衆生界如是菩薩
恒自觀察失於一切菩薩威儀諸衆
生界亦常教他如是觀察失於一切
菩薩威儀諸衆生界如是菩薩恒自
觀察失菩薩取諸衆生界亦常教他
如是觀察失菩薩取諸衆生界如是
菩薩恒自觀察失於一切菩薩方便
諸衆生界亦常教他如是觀察失於

一切菩薩方便諸衆生界如是菩薩
恒自觀察失菩薩意諸衆生界亦常
教他如是觀察失菩薩意諸衆生界
如是菩薩恒自觀察失於菩薩有為
行力諸衆生界亦常教他如是觀察
失於菩薩有為行力諸衆生界如是
菩薩恒自觀察失於如法住菩薩行
諸衆生界亦常教他如是觀察失於
如法住菩薩行諸衆生界

如是菩薩恒自觀察失於菩薩慈悲
喜捨諸衆生界亦常教他如是觀察
失於菩薩慈悲喜捨諸衆生界如是
菩薩恒自布施亦教他施如是菩薩
自不枉他亦教他人令不枉他如是
菩薩恒自觀察失於佛法諸衆生界
亦常教他如是觀察失於佛法諸衆
生界如是菩薩恒自觀察離善法欲
諸衆生界亦常教他如是觀察離善
法欲諸衆生界如是菩薩恒自觀察
縛衆生界亦常教他如是觀察縛衆
生界如是菩薩恒自觀察長久遠時
病衆生界亦常教他如是觀察長久
遠時病衆生界如是菩薩恒自觀察

失正法行諸衆生界亦常教他如是
觀察失正法行諸衆生界如是菩薩
恒自觀察失於具足福德智等諸衆
生界亦常教他如是觀察失於具足
福德智等諸衆生界如是菩薩恒自
觀察失於如來善根種子諸衆生界
亦常教他如是觀察失於如來善根
種子諸衆生界

如是菩薩恒自觀察一切孤獨諸衆
生界亦常教他如是觀察一切孤獨
諸衆生界如是菩薩恒自觀察一切
久睡諸衆生界亦常教他如是觀察
一切久睡諸衆生界如是菩薩恒自
觀察下劣種姓諸衆生界亦常教他
如是觀察下劣種姓諸衆生界如是
菩薩恒自觀察失大乘信諸衆生界
亦常教他如是觀察失大乘信諸衆
生界如是菩薩恒自觀察失於持戒
諸衆生界亦常教他如是觀察失於
持戒諸衆生界如是菩薩恒自觀察
失順入法諸衆生界亦常教他如是
觀察失順入法諸衆生界如是菩薩
恒自觀察失忍樂行諸衆生界亦常

教他如是觀察失忍樂行諸衆生界
如是菩薩恒自觀察失奢摩他毗婆
舍那諸衆生界亦常教他如是觀察
失奢摩他毗婆舍那諸衆生界如是
菩薩恒自觀察失施調御持戒樂行
諸衆生界亦常教他如是觀察失施
調御持戒樂行諸衆生界如是菩薩
恒自觀察失念意行知足慚愧諸衆
生界亦常教他如是觀察失念意行
知足慚愧諸衆生界

如是菩薩恒自觀察失次第入波羅
蜜道諸衆生界亦常教他如是觀察
失次第入波羅蜜道諸衆生界如是
菩薩恒自觀察失佛善根諸衆生界
亦常教他如是觀察失佛善根諸衆
生界如是菩薩恒自觀察失善知識
諸衆生界亦常教他如是觀察失善
知識諸衆生界如是菩薩恒自觀察
失於利益一切衆生諸衆生界亦常
教他如是觀察失於利益一切衆生
諸衆生界如是菩薩恒自觀察失法
隨順諸衆生界亦常教他如是觀察
失法隨順諸衆生界如是菩薩恒自

觀察失智隨順諸衆生界亦常教他
如是觀察失智隨順諸衆生界如是
菩薩恒自觀察失義隨順諸衆生界
亦常教他如是觀察失義隨順諸衆
生界如是菩薩恒自觀察失於了義
修多羅義諸衆生界亦常教他如是
觀察失於了義修多羅義諸衆生界
如是菩薩恒自觀察失四正勤諸衆
生界亦常教他如是觀察失四正勤
諸衆生界如是菩薩恒自觀察失實
法律語說善行諸衆生界亦常教他
如是觀察失實法律語說善行諸衆
生界

如是菩薩恒自觀察貧衆生界亦常
教他如是觀察貧衆生界如是菩薩
恒自觀察一切世界慈心普遍亦常
教他如是觀察一切世界慈心普遍
有如是心彼諸衆生無主無歸彼諸
衆生一切焰然彼諸衆生一切無舍
彼諸衆生一切無救彼諸衆生一切
無明我於何時能為作主與作歸依
與作舍宅與作救護與作燈明
文殊師利辟如有大迦樓羅王少壯

多力隨心憶念何所希望則能飛上
須弥山頂尔乃下入大海之中取龍
婦女舉在虛空如是如是文殊師利
如來神通乘行菩薩有大福德善根
勢力速疾奮迅隨何等處如來聚會
隨心欲往則能疾到一切惡道惡業
衆生所生之處皆悉能到能興作主
作歸依處令離諸惡興作舍宅興作
救護興作燈明文殊師利此是如來
神通乘行菩薩應知

文殊師利若善男子若善女人以天
妙衣天百味食於日日中施與十方
一切世界微塵等數諸佛如來一一
如來日日如是復持珠寶滿於恒河
沙等世界以用布施如是乃至恒河
沙劫常如是施所有福德文殊師利
若復更有若善男子若善女人教一
衆生令其得住須陀洹果此福勝彼
過阿僧祇

文殊師利若善男子若善女人能安
十方一切世界微塵等數一切衆生
悉令得住須陀洹果所有福德文殊
師利若復更有若善男子若善女人

教一衆生令其得住斯陀舍果此福
勝彼過阿僧祇

文殊師利若善男子若善女人能安
十方一切世界微塵等數一切衆生
悉令得住斯陀舍果所有福德文殊
師利若復更有若善男子若善女人
教一衆生令其得住阿那舍果此福
勝彼過阿僧祇

文殊師利若善男子若善女人能安
十方一切世界微塵等數一切衆生
悉令得住阿那舍果所有福德文殊
師利若復更有若善男子若善女人
教一衆生令其得住阿羅漢果此福
勝彼過阿僧祇

文殊師利若善男子若善女人能安
十方一切世界微塵等數一切衆生
悉令得住阿羅漢果所有福德文殊
師利若復更有若善男子若善女人
教一衆生令其得住辟支佛道此福
勝彼過阿僧祇

文殊師利若善男子若善女人能安
十方一切世界微塵等數一切衆生
悉令得住辟支佛道所有福德文殊

師利若復更有若善男子若善女人
令一衆生住羊乘行菩提之心此福
勝彼過阿僧祇

文殊師利若善男子若善女人能安
十方一切世界微塵等數一切衆生
住羊乘行菩提之心所有福德文殊
師利若復更有若善男子若善女人
令一衆生住鳥乘行菩提之心此福
勝彼過阿僧祇

文殊師利若善男子若善女人能安
十方一切世界微塵等數一切衆生
住爲乘行菩提之心所有福德文殊
師利若復更有若善男子若善女人
令一衆生住於月日神通乘行菩提
之心此福勝彼過阿僧祇

文殊師利若善男子若善女人能令
十方一切世界微塵等數一切衆生
患住月日神通乘行菩提之心所有
福德文殊師利若復更有若善男子
若善女人令一衆生住於聲聞神通
乘行菩提之心此福勝彼過阿僧祇
文殊師利若善男子若善女人能安
十方一切世界微塵等數一切衆生

患住聲聞神通乘行菩提之心所有
福德文殊師利若復更有若善男子
若善女人令一衆生得住如來神通
乘行菩提之心此福勝彼過阿僧祇
文殊師利若善男子若善女人能以
天衣天百味食於日日中施與十方
一切世界微塵等數一切衆生如是
乃至恒河沙劫常如是施所有福德
文殊師利若復更有若善男子若善
女人惟以一食於一日中一時施與
一優婆塞信入三歸受持五戒於佛
法中清淨心者此福勝彼過阿僧祇
文殊師利若善男子若善女人能以
天衣天百味食於日日中施與十方
一切世界微塵等數諸優婆塞信入
三歸受持五戒於佛法中信清淨者
如是乃至恒河沙劫常如是施所有
福德文殊師利若復更有若善男子
若善女人惟以一食於一日中一時
施與八萬四千中取初一人此福勝彼
過阿僧祇

文殊師利若善男子若善女人能以
天衣天百味食於日日中施與十方

一切世界微塵等數八輩僧中初第一人如是乃至恒河沙劫常如是施所有福德文殊師利若復更有若善男子若善女人惟以一食於一日中一時施與一須陀洹此福勝彼過阿僧祇

文殊師利若善男子若善女人能以天衣天百味食於日日中施與十方一切世界微塵等數須陀洹人如是乃至恒河沙劫常如是施所有福德文殊師利若復更有若善男子若善女人惟以一食於一日中一時施與一斯陀含此福勝彼過阿僧祇

文殊師利若善男子若善女人能以天衣天百味食於日日中施與十方一切世界微塵等數斯陀含人如是乃至恒河沙劫常如是施所有福德文殊師利若復更有若善男子若善女人惟以一食於一日中一時施與一阿那含此福勝彼過阿僧祇文殊師利若善男子若善女人能以天衣天百味食於日日中施與十方一切世界微塵等數阿那含人如是

乃至恒河沙劫常如是施所有福德
一阿羅漢此福勝彼過阿僧祇

文殊師利若善男子若善女人能以
天衣天百味食於日日中施與十方
一切世界微塵等數阿羅漢人如是
乃至恒河沙劫常如是施所有福德
文殊師利若復更有若善男子若善
女人惟以一食於一日中一時施與
一辟支佛此福勝彼過阿僧祇

文殊師利若善男子若善女人能以
天衣天百味食於日日中施與十方
一切世界微塵等數辟支佛人如是
乃至恒河沙劫常如是施所有福德
文殊師利若復更有若善男子若善
女人惟以一食於一日中一時施與
一羊乘行菩薩衆生此福勝彼過阿
僧祇何以故文殊師利菩薩何時何
所攀緣發菩提心彼心生時乃至無
有一不善業而不捨離無一佛法而
不生者文殊師利菩薩如是不可思
議功德成就

文殊師利辭如世間迦羅頻迦可喜
鳥王在知歲中繫未開時深響美音
已勝一切群衆諸鳥如是如是文殊
師利菩薩初發菩提心者在無明繫
雖業煩惱闇翳障導蔽覆其眼而
勝一切聲聞緣覺已能攝取善根願
行妙音聲說

文殊師利若善男子若善女人能以
天衣天百味食於日日中施與十方
一切世界微塵等數諸衆衆行菩薩
衆生如是乃至恒河沙劫常如是施
所有福德文殊師利若復更有若善
男子若善女人惟以一食於一日中
一時施與一衆衆行菩薩衆生此福
勝彼過阿僧祇

文殊師利若善男子若善女人能以
天衣天百味食於日日中施與十方
一切世界微塵等數諸衆衆行菩薩
衆生如是乃至恒河沙劫常如是施
所有福德文殊師利若復更有若善
男子若善女人惟以一食於一日中
一時施一月日神通衆行菩薩此福
勝彼過阿僧祇

文殊師利若善男子若善女人能以
天衣天百味食於日日中施與十方
一切世界微塵等數日日神通乘行
菩薩如是乃至恒河沙劫常如是施
所有福德文殊師利若復更有若善
男子若善女人惟以一食於一日中
一時施一聲聞神通乘行菩薩此福
德勝彼過阿僧祇

文殊師利若善男子若善女人能以
天衣天百味食於日日中施與十方
一切世界微塵等數聲聞神通乘行
菩薩如是乃至恒河沙劫常如是施
所有福德文殊師利若復更有若善
男子若善女人惟以一食於一日中
一時施一如來神通乘行菩薩此福勝
彼過阿僧祇

文殊師利若善男子若善女人能以
天衣天百味食於日日中施與十方
一切世界微塵等數如來神通乘行
菩薩如是乃至恒河沙劫常如是施
所有福德文殊師利若復更有若善
男子若善女人聞此法門聞已生信
此福勝彼過阿僧祇

文殊師利若善男子若善女人能作
十方一切世界微塵等寺一一寺中
皆悉安置百萬三千大千世界微塵
等數諸辟支佛令住其中以天閻浮
卍陀金寶電摩尼珠及真珠寶作瓔
珞形莊嚴房舍堅立寶幢懸繒幡蓋
以自在王珠寶網簾周遍懸鈴龍堅
栴檀處處塗治曼陀羅華摩訶曼陀
羅華曼珠沙華摩訶曼珠沙華婆離
師迦華多羅尼華前多羅尼華婆羅
那華優鉢羅華鉢頭摩華拘物頭華
分陀離迦華散如是等種種妙華於
日日中以天妙衣天百味食與辟支
佛如是乃至恒河沙劫於一切時如
是供養所有福德文殊師利若復更
有若善男子若善女人若聞佛名一
切智名若如來名世間主名若自稱
說或見畫像或見乃至土木等像此
福勝彼過阿僧祇何況復有合十爪
掌此福尚多過阿僧祇何況復有若
與燈明華香塗香乃至口說一切德
者所有福德轉勝轉多於是次第受

大富樂乃至終得到一切智

文殊師利譬如一帝極微細水墮大海中不盡不減乃至劫盡大火燒時如是如是文殊師利若種極少如來善根不盡不減乃至一切智智火生文殊師利譬如月輪勝一切星第一端嚴有多光明其體圓滿所謂高廣增上寬大如是如是文殊師利極細微少如來善根諸餘一切善根中勝有多光明其體圓滿所謂高廣增上寬大文殊師利如是如是如來應正遍知不可思議功德成就

文殊師利若善男子若善女人能以天衣天百味食於日日中施與十方一切世界微塵等數一切諸佛一切菩薩一切聲聞如是乃至恒河沙劫常如是施所有福德文殊師利若復更有若善男子若善女人聞此法門聞已生信此福勝彼過阿僧祇何況復有若自書寫令他書寫此福轉勝過阿僧祇以此福德證佛智因是故為勝

文殊師利若有男子若有女人若棄

若偷无量無數聲聞緣覺若衣若食
所有罪聚文殊師利若復更有若是
男子若是女人以瞋惡心若糞若偷
信大乘人若一小食若一中食此罪
多彼過阿僧祇何以故文殊師利一
切過去未來現在聲聞緣覺於无量
億阿僧祇劫修行布施持戒忍辱精
進禪慧皆為自斷已身煩惱菩薩不
尔乃至微少捨一掃食施於畜生皆
為不斷三寶種子

文殊師利若有男子若有女人瞋心
破壞无量無數聲聞緣覺所有戒聚
定聚慧聚及解脫聚破其解脫知見
之聚如是破壞乃經劫數所有罪聚
文殊師利若復更有若是男子若是
女人以瞋惡心破信大乘一菩薩戒
若令他破乃至一戒此罪多彼過阿
僧祇何以故文殊師利所有的一切聲
聞緣覺布施持戒忍辱精進禪慧解
脫解脫知見如是等聚皆為自斷已
身煩惱菩薩不尔乃至一日乃至一戒
所有福聚皆為斷除一切衆生墮惡
道因一切惡業乃至為證一切智智

文殊師利若有男子若有女人繫縛
十方一切世界一切衆生在牢獄中
所有罪聚文殊師利若復更有若是
男子若是女人於菩薩所起瞋惡心
不用眼者撥身迴面此罪多彼過阿
僧祇

文殊師利若有男子若有女人拔出
十方一切世界一切衆生所有眼目
所有罪聚文殊師利若復更有若是
男子若是女人以瞋惡心不看菩薩
信大乘者此罪多彼過阿僧祇

文殊師利若有十方一切世界一切
衆生劫數眼聞文殊師利若善男子
若善女人慈心憐彼一切衆生令其
得眼乃經劫數所有福德文殊師利
若復更有若善男子若善女人以清
淨心看於菩薩信大乘者此福勝彼
過阿僧祇

文殊師利若善男子若善女人能使
十方一切世界一切衆生開獄繫縛
令得出已復令得作轉輪聖王王國
安樂復令得住帝釋王樂所有福德
文殊師利若復更有若善男子若善

女人以清淨心欲見菩薩信大乘者
以清淨心讚彼菩薩此福勝彼過阿
僧祇

文殊師利若善男子若善女人能安
十方一切世界一切衆生住緣覺道
所有福德文殊師利若復更有若善
男子若善女人令一菩薩信大乘者
增長佛種至一善根此福勝彼過阿
僧祇

文殊師利若有菩薩信大乘者能安
十方一切世界一切衆生住菩提心
所有福德文殊師利若復更有其餘
菩薩信大乘者不求資生乃至誦一
無餘伽他此福勝彼過阿僧祇

文殊師利若有男子若有女人能令
十方一切世界微塵等數緣覺之人
劫數墮於地獄畜生所有罪聚文殊
師利若復更有若是男子若是女人
斷一菩薩發菩提心菩提心斷此罪
多彼過阿僧祇

文殊師利若有男子若有女人能斷
十方一切世界微塵等數一切衆生
發菩提心菩提心斷所有罪聚文殊

師利若復更有若是男子若是女人
斷一衆生信於大乘不作菩薩大乘
行斷此罪多彼過阿僧祇

文殊師利若有十方一切世界一切
衆生生於地獄畜生餓鬼閻魔羅處
文殊師利若有菩薩能令如是一切
衆生出於地獄畜生餓鬼閻魔羅處
住菩提心所有福德文殊師利若復
更有其餘菩薩令一衆生信於大乘
入於大乘此福勝彼過阿僧祇

文殊師利若有男子若有女人能令
十方一切世界微塵等數緣覺退還
所有罪聚文殊師利若復更有若是
男子若是女人今信大乘一菩薩退
此罪多彼過阿僧祇

文殊師利若有男子若有女人若於
十方一切世界微塵等數諸辟支佛
供養財利生嫉妬心斷其供養財利
因緣四方四維惡說毀訾彼辟支佛
而不讚說所有罪聚文殊師利若復
更有若是男子若是女人於一菩薩
信大乘者供養財利生嫉妬心斷其
供養財利因緣而不讚說此罪多彼

過阿僧祇

文殊師利若善男子若善女人為攝
正法乃至微少一小瓶水淨心施與
信大乘者至一菩薩所得善根業因
果報得阿僧祇轉輪聖王國土富樂
何況施與精勤讀誦大乘經典菩薩
之人此福勝彼過阿僧祇

尔時世尊說此經已文殊師利法王
之子彼諸菩薩諸大聲聞諸天及人
并阿修羅乾闥婆等聞世尊說歡喜
奉行

不必定入定入印經

癸卯歲高麗國大藏都監奉
勅彫造

大同新翻三藏聖教序

御製

木

蓋聞大乘奧典光秘蹟於瓊編三藏
玄樞著靈文於寶偈斯乃牢籠繫象
演暢幽深雖第一義空名言之路雙
絕諸法無相聽說之理兼亡然則發
啓善根寔資開導弘宣妙旨終寄顯
揚至若庶野初開儼尊容於常住龍
宮載闢緘舍利於將來所以地涌全
身為鑒說經之兆空懸寶殿爰標闡
法之微八万四千分布閭閻淨之境三
十六億莊嚴平等之居敷演一音則
隨類而解廣陳三句則劫壽難窮自
夜掩周星宵通漢夢玉毫流彩式彰
東漸之風金口傳芳遂覩後秦之譯
修多祇夜之秘躅因緣譬喻之要宗
徠記之而本生方廣之與論議雖立
名差別而究理不殊同歸實相之源
並湊涅槃之會朕幼崇釋教夙慕歸
依思欲運六道於慈舟迥超苦海駘
四生於彼岸永離蓋經窮貝誥之遺
文集蜂臺之秘錄今於大福先寺翻
譯院所更譯三藏所言入定不定印

經者此明退不退之心前二後三雖有遲速如來設教同趣菩提既顯神呪之功莊嚴取上爰述下生之記說法度人三藏法師義淨等並緇俗之網維紺坊之龍象德苞初地道輔弥天光我紹隆之基更峻住持之業以久視元年歲次庚子五月五日繕寫畢切重開甘露之門方布大雲之蔭所冀芥城數極鳥筆猶傳拂石年窮樹經無泯弘濟翼於百億遷拔被於恒沙部帙條流列之於左
入定不定印經

三藏法師義淨奉制譯

如是我聞一時薄伽梵在王舍城鷲峯山中與大苾芻衆千二百五十人俱菩薩摩訶薩六十億百千那由更多其名曰妙吉祥菩薩觀自在菩薩大勢至菩薩藥王菩薩藥上菩薩集雷音王菩薩如是等菩薩摩訶薩而為上首一切皆得寂靜決擇三摩地健行三摩地甚深不動海潮三摩地成就灌頂陀羅尼成就無邊諸佛色身陀羅尼今時妙吉祥菩薩白佛言世

尊惟願世尊為諸菩薩演說入定不定印法門我等入此法印故便能解了此是不定菩薩求無上正等正覺於無上智道而有退轉此是決定菩薩求無上正等正覺於無上智道而不退轉此時世尊告妙吉祥童子言不退轉今時世尊告妙吉祥童子言妙吉祥當知菩薩有五種行何等為五所謂羊車行鳥車行日月神力行聲聞神力行如來神力行妙吉祥是為菩薩五種行妙吉祥初二菩薩於無上正等正覺是不決定後三菩薩於無上正等正覺是得決定妙吉祥菩薩白佛言世尊云何二不定菩薩為求無上正等正覺於無上智道而有退轉云何三決定菩薩為求無上正等正覺於無上智道而不退轉佛告妙吉祥所謂羊車行為車行此二菩薩為求無上正等正覺於無上智道而有退轉日月神力行聲聞神力行如來神力行此三菩薩為求無上正等正覺於無上智道而不退轉妙吉祥云何羊車行菩薩譬如有人為大事因緣故重事因緣故欲過五

佛剎微塵數世界彼自思惟我今當乘何乘而能越過如是世界便作是念當乘羊車過彼世界妙吉祥是人即乘羊車隨路而去久受勞苦行百踰繕那忽遇大風吹令却退八十踰繕那妙吉祥於汝意云何是人乘彼羊車或一劫或百劫或千劫或億劫或不可說不可說劫而能超越一世界者無有是處佛言如是如是妙吉祥若善男子善女人發心希求無上正等正覺便與聲聞同共住止承事親近狎習談論若在園林及於寺中同經行處讀誦思惟聲聞乘教解釋其義或復教他讀誦思惟聲聞乘教解釋其義由此受持聲聞乘教植善根故智慧微劣退無上智道雖先修習菩提之心慧根慧眼然由受持聲聞乘教植善根故令其根鈍即便退失無上智道妙吉祥譬如有人患目闇闇欲令開故經月醫療其目便愈

時有怨家即以一掬華爰細末置其眼中遂還闇閉如是如是妙吉祥彼菩薩雖先修習菩提之心慧根慧眼然由受持聲聞乘教植善根故令其根鈍即便退失無上智道妙吉祥如是名為羊車行菩薩妙吉祥云何為車行菩薩譬如有人為大事因緣故重事因緣故欲過如前微塵世界彼自思惟我今當乘何乘而能超過如是世界便作是念我當乘彼八支具足上妙為車過彼世界妙吉祥是人即乘為車隨路而去經于百年行二千踰繕那忽遇大風吹令却退千踰繕那妙吉祥於汝意云何是人乘彼象車或一劫或百劫或千劫或十億劫或不可說不可說劫而能超越一世界耶妙吉祥言不也世尊是人乘彼為車或一劫或百劫或千劫或十億劫或不可說不可說劫而能超越一世界者無有是處如是如是妙吉祥若善男子善女人發心希求無上正等正覺便與聲聞同共住止承事親近狎習談論共為受用若在園林

及於寺中同經行處讀誦思惟聲聞
乘教解釋其義或復教他讀誦思惟
聲聞乘教解釋其義由此受持聲聞
乘教植善根故智慧微劣退無上智
道雖先修習菩提之心慧根慧眼然
由受持聲聞乘教植善根故令其根
鈍即便退失無上智道妙吉祥譬如
大木長百千踰繕那墮大海中隨波
流沉有諸空居衆多藥叉於大海中
牽之令住復以縱廣五千踰繕那鐵
磔繫之令住妙吉祥於汝意云何此
之大木能越大海與諸有情作利益
耶妙吉祥言不也世尊佛言如是如
是妙吉祥彼菩薩雖復修習菩提之
心受持大乘植諸善本然由修習聲
聞法故於一切智海牽之令退不能
進趣一切智海於生死海中不能救
濟一切有情妙吉祥如是名為爲車
行菩薩

妙吉祥云何日月神力行菩薩譬如
有人為大事因緣故重事因緣故欲
過如前微塵數世界彼自思惟我今
當作何神通力而能超越如是世界

便作是念我當作彼日月神力過彼
世界妙吉祥是人即便作日月神力
隨路而去妙吉祥於汝意云何是人
能越彼世界耶妙吉祥菩薩白佛言
世尊是人能越如是世界而於長路
多歷勤苦佛言如是妙吉祥若善男
子善女人發心希求無上正等正覺
不與聲聞同共住二承事親近狎習
談論亦不共彼受用衣食不在園林
及於寺中同經行處讀誦思惟聲聞
乘教乃至一頌亦不教他讀誦思惟
聲聞乘教常惟讀誦大乘演說大乘
妙吉祥如是名為日月神力行菩薩
妙吉祥云何聲聞神力行菩薩譬如
有人為大事因緣故重事因緣故欲
過如前微塵數世界彼自思惟我今
當作何神通力而能超越如是世界
便作是念我當作彼聲聞神力過彼
世界即以聲聞神力過彼世界妙吉
祥於汝意云何是人能越彼世界耶
妙吉祥菩薩白佛言世尊是人能越
如是世界佛言如是如是妙吉祥若
善男子善女人發心希求無上正等

正覺不與聲聞同共住止承事親近
狎習談論亦不共彼受用衣食不在
園林及於寺中同經行處讀誦思惟
聲聞乘教乃至一頌亦不教他讀誦
思惟聲聞乘教常惟讀誦演說大乘
於深信大乘讀誦大乘攝受大乘者
生恭敬心親奉歸向而共住止承事
親近狎習談論常求大乘受持讀誦
復以種種香花塗香末香燈明花鬘
敬心供養常惟讀誦大乘經典以歡
喜心為人演說於未學菩薩心生恭
敬含笑先言語不應獷所說柔軟令
人樂聞假使遭遇失命因緣亦不捨
離大乘之心若有菩薩發趣大乘讀
誦大乘攝受大乘常於此人起增上
心而為供養亦不與他共為諍競於
未曾聞大乘經典常樂希求於說法
者起恭敬心生大師想於未學菩薩
亦生敬心於他過咎若實不實不應
訶責亦不好求他人過失常樂修行
慈悲喜捨妙吉祥如是名為聲聞神
力行菩薩

妙吉祥云何如來神力行菩薩譬如

有人為大事因緣故重事因緣故欲過如前微塵數世界彼自思惟我今當作何神通力而能疾過如是世界便作是念我當作彼如來神力越彼世界即以如來神力超彼世界妙吉祥於汝意云何是人能越彼世界耶妙吉祥菩薩白佛言世尊是人速能超彼世界佛言如是如是妙吉祥若善男子善女人發心希求無上正等正覺不與聲聞同共住止承事親近狎習談論亦不共彼受用衣食不在園林及於寺中同經行處讀誦思惟聲聞乘教乃至一頌亦不教他讀誦思惟聲聞乘教常惟讀誦大乘演說大乘於身語心常令清淨於戒善法亦常安住亦能令他淨身語心安住戒法若有菩薩發趣大乘讀誦大乘攝受大乘常於此人恭敬歸向承事親近狎習談論所有衣食共為受用與彼菩薩而共同住同經行處常求大乘攝取大乘受持大乘以種種香花塗香末香燈明花鬘敬心供養常惟讀誦大乘經典以歡喜心演說大

乘於未學菩薩不起慢心於餘菩薩亦令安住含笑先言語不虛擲所說柔軟令人樂聞於他亦尔假使遭遇失命因緣亦不捨離大乘之心若有菩薩發趣大乘讀誦大乘攝受大乘以增上心歡喜親奉亦教於他恭敬供養亦不與他共為諍競於未曾聞大乘經典常樂希求於說法者起恭敬心生大師想於未學菩薩不生慢心於他過咎若實不實不應訶責亦不好求他人過失既自行已復教餘人如是修學

妙吉祥如是菩薩自觀有情失菩薩業者教令得業亦能令他教諸有情失菩薩業者教令得業自觀有情失菩薩道者教令得道亦能令他觀諸有情失菩薩道者教令得道自觀有情失菩薩行者教令得行亦能令他觀諸有情失菩薩行者教令得行自觀有情失菩薩因者教令得因亦能令他觀諸有情失菩薩因者教令得因自觀有情失菩薩善巧者令得善巧亦能令他觀諸有情失菩薩善巧

者令得善巧自觀有情失菩薩事者
教令得事亦能令他觀諸有情失菩
薩事者教令得事自觀有情失菩薩
加行力者令得加行亦能令他觀諸
有情失菩薩加行力者令得加行自
觀有情失菩薩行依止處者令得依
處亦能令他觀諸有情失菩薩行依
止處者令得依處自觀有情失慈悲
喜捨者令得慈悲喜捨亦能令他觀
諸有情失慈悲喜捨者令得慈悲喜
捨自觀有情失平等行者令得平等
行亦能令他觀諸有情失平等行者
令得平等行自觀有情不信三寶者
三寶者令信三寶自觀有情失善法
欲者令得善法欲亦能令他觀諸有
情失善法欲者令得善法欲自觀有
情被繫縛囚執者令得解脫亦能令
他觀諸有情被繫縛囚執者令得解
脫自觀有情有痛苦者施以醫藥亦
能令他觀諸有情有痛苦者施以醫
藥自觀有情失於佛所植善根者令
得善根亦能令他觀諸有情失善根

者今得善根自觀有情無依怙者為
作歸趣亦能令他觀諸有情無依怙
者為作歸趣自觀有情久睡眠者令
得覺悟亦能令他觀諸有情久睡眠
者令得覺悟自觀有情生下賤者令
生勝處亦能令他觀諸有情生下賤
者令生勝處自觀有情失菩提心者
令得菩提心亦能令他觀諸有情失
菩提心者令得菩提心自觀有情失
法足者令得法足亦能令他觀諸有
情失法足者令得法足自觀有情失
福智資糧者令得資糧亦能令他觀
諸有情失福智資糧者令得資糧自
觀有情失大乘信者令入正信亦能
令他觀諸有情失大乘信者令得正
信自觀有情失戒護者令住戒護亦
能令他觀諸有情失戒護者令住戒
護自觀有情失法隨法者令其得法
亦能令他觀諸有情失法隨法者令
得其法自觀有情失和忍者令得和
忍亦能令他觀諸有情失和忍者令
得和忍自觀有情失止觀者令住止
觀亦能令他觀諸有情失止觀者令

得止觀自觀有情失菩薩精進者今
住精進亦能令他觀諸有情失菩薩
精進者令得精進自觀有情失布施
調順知足者令得施等亦能令他觀
諸有情失施等者令得施等自觀有
情失念慧持行者令得念等亦能令
他觀諸有情失念等者令得念等自
觀有情失趣彼岸道者令趣彼岸道
亦能令他觀諸有情失趣彼岸道者
令趣彼岸道自觀有情不生佛家者
令生佛家亦能令他觀諸有情不生
佛家者令生佛家自觀有情失善友
者令得善友亦能令他觀諸有情失
善友者令得善友自觀有情失利有
情心者令得利有情心亦能令他觀
諸有情失利有情心者令得利有情
心自觀有情失依法者令得依法亦
能令他觀諸有情失依法者令得依
法自觀有情失依智者令得依智亦
能令他觀諸有情失依智者令得依
智自觀有情失依義者令得依義亦
能令他觀諸有情失依義者令得依
義自觀有情失依了義經者令得依

了義經亦能令他觀諸有情失依了
義經者令得依了義經自觀有情失
四正勤者令得四正勤亦能令他觀
諸有情失四正勤者令得四正勤自觀
有情失實語法語利益語調伏語者
令住實語法語利益語調伏語亦能
令他觀諸有情失實語法語利益語
調伏語者令住實語法語利益語調
伏語自觀有情見貧賤者令得富貴
亦能令他觀諸有情見貧賤者令得
富貴菩薩摩訶薩於諸有情起大慈
心悲令周遍作如是念彼諸有情無
依無怙無歸無趣無洲無渚無舍宅
無救護者我於何時能為有情作救
護耶妙吉祥譬如少壯妙翅鳥王有
大勢力隨意飛上妙高山頂如來神
力行菩薩亦復如是具大善根勇疾
之力隨意能趣佛會中生能興惡趣
有情而作救護妙吉祥如是名為如
來神力行菩薩

妙吉祥若善男子善女人於日日中
以天妙衣天百味食供養十方一切
世界微塵數諸佛復滿恒河沙數世

界如意寶珠而用布施乃至恒河沙
劫如是供養若復有人教一有情得
預流果其福勝彼無量無數妙吉祥
若善男子善女人教彼十方一切世
界微塵數有情得預流果若復有人
教一有情得一來果其福勝彼無量
無數妙吉祥若善男子善女人教彼
十方一切世界微塵數有情得一來
果若復有人教一有情得不還果其
福勝彼無量無數妙吉祥若善男子
善女人教彼十方一切世界微塵數
有情得不還果若復有人教一有情
得阿羅漢果其福勝彼無量無數妙
吉祥若善男子善女人教彼十方一
切世界微塵數有情得阿羅漢果若
復有人教一有情證獨覺果其福勝
彼無量無數妙吉祥若善男子善女
人教彼十方一切世界微塵數有情
得獨覺果若復有人教一羊車行菩
薩令其安住菩提之心其福勝彼無
量無數妙吉祥若善男子善女人教
彼十方一切世界微塵數有情得羊
車行菩提之心若復有人教一有情

得爲車行菩提之心其福勝彼無量
無數妙吉祥若善男子善女人教彼
十方一切世界微塵數有情得爲車
行菩提之心若復有人教一有情得
日月神力行菩提之心其福勝彼無
量無數妙吉祥若善男子善女人教
彼十方一切世界微塵數有情得日
月神力行菩提之心若復有人教一
有情得聲聞神力行菩提之心其福
勝彼無量無數妙吉祥若善男子善
女人教彼十方一切世界微塵數有
情得聲聞神力行菩提之心若復有
人教一有情得如來神力行菩提之
心其福勝彼無量無數妙吉祥若善
男子善女人於日日中以天妙衣天
百味食供養十方一切世界微塵數
有情乃至恒河沙劫如是供養若復
有人以一飲食施一近事歸依三寶
受五學處於佛教法生正信者其福
勝彼無量無數妙吉祥若善男子善
女人以天妙衣天百味食供養十方
一切世界微塵數近事乃至恒河沙
劫如是供養若復有人以一飲食施

第八人其福勝彼無量無數妙吉祥
若善男子善女人以天妙衣天百味
食供養十方一切世界微塵數第八
人乃至恒河沙劫如是供養若復有
人以一飲食施一預流果其福勝彼
無量無數妙吉祥若善男子善女人
以天妙衣天百味食供養十方一切
世界微塵數預流果乃至恒河沙劫
如是供養若復有人以一飲食施一
來果其福勝彼無量無數妙吉祥若
善男子善女人以天妙衣天百味食
供養十方一切世界微塵數一來果
乃至恒河沙劫如是供養若復有人
以一飲食施一不還果其福勝彼無
量無數妙吉祥若善男子善女人以
天妙衣天百味食供養十方一切世
界微塵數不還果乃至恒河沙劫如
是供養若復有人以一飲食施一阿
羅漢果其福勝彼無量無數妙吉祥
若善男子善女人以天妙衣天百味
食供養十方一切世界微塵數阿羅
漢果乃至恒河沙劫如是供養若復
有人以一飲食施一獨覺其福勝彼

無量無數妙吉祥若善男子善女人
以天妙衣天百味食供養十方一切
世界微塵數獨覺乃至恒河沙劫如
是供養若復有人以一飲食施一羊
車行菩薩其福勝彼無量無數何以
故妙吉祥是菩薩摩訶薩隨於何時
隨以何事發菩提心即於今時無一
不善而不捨棄無一佛法而不生長
妙吉祥由是菩薩具足如是不可思
議勝功德故妙吉祥譬如迦陵頻伽
鳥王在眾鳥中雖自未開已能勝彼
一切群鳥由有深妙美音聲故如是
如是妙吉祥菩薩初發菩提之心處
無明聲雖業煩惱闇翳覆障然能勝
彼聲聞獨覺由有迴向善根行願妙
音聲故妙吉祥若善男子善女人以
天妙衣天百味食供養十方一切世
界微塵數羊車行菩薩乃至恒河沙
劫如是供養若復有人以一飲食施
一為車行菩薩其福勝彼無量無數
妙吉祥若善男子善女人以天妙衣
天百味食供養十方一切世界微塵
數為車行菩薩乃至恒河沙劫如是

供養若復有人以一飲食施一日月
神力行菩薩其福勝彼無量無數妙
吉祥若善男子善女人以天妙衣天
百味食供養十方一切世界微塵數
日月神力行菩薩乃至恒河沙劫如
是供養若復有人以一飲食施一聲
聞神力行菩薩其福勝彼無量無數
妙吉祥若善男子善女人以天妙衣
天百味食供養十方一切世界微塵
數聲聞神力行菩薩乃至恒河沙劫
如是供養若復有人以一飲食施一
如來神力行菩薩其福勝彼無量無
數妙吉祥若善男子善女人以天妙
衣天百味食供養十方一切世界微
塵數如來神力行菩薩乃至恒河沙
劫如是供養若復有人聞此法門深
心信受其福勝彼無量無數妙吉祥
若善男子善女人造立十方一切世
界微塵數寺供養三千大千世界微
塵數獨覺其僧房舍皆以閻浮檀金
之所成就以電燈末尼寶而為莊校
一切光寶以為階陛末尼真珠衆寶
璎珞以為嚴飾幢蓋繒幡處處懸列

如意珠王寶網鈴鐸以為其帳龍護
栴檀以為香泥用塗其地曼陀羅花
摩訶曼陀羅花曼殊沙花摩訶曼殊
沙花蘂末那花咀鉢羅花拘物頭花
分陀利花婆利沙花咀羅尼花瞿咀
羅尼花跋羅花蘂健地花如是等諸
上妙花而為散布以天妙衣天百味
食而供養之乃至恒河沙劫如是供
養若復有人得聞佛名若一切智名
若世間主名若觀形像乃至經卷所
有畫像其福勝彼無量無數何況有
人合十拍爪而為恭敬其福勝彼無
量無數況復以諸燈明香花乃至讚
佛一相功德其福轉勝於當來世受
大富樂乃至到於一切智智妙吉祥
如一滴水投大海中乃至劫火起時
終不中盡妙吉祥菩薩亦亦以少善
根迴向成佛乃至一切智火生時終
不中盡妙吉祥譬如月輪能勝眾星
光明圓滿廣大高勝菩薩亦亦以少
善根迴向成佛而能勝彼聲聞獨覺
由其善根廣大高勝妙吉祥如來應
正等覺有如是等不可思議功德妙

吉祥若善男子善女人以天妙衣天
百味食供養十方一切世界微塵數
聲聞獨覺及諸菩薩乃至恒河沙劫
如是供養若復有人能於此經心生
信受其福勝彼無量無數何況有人
書寫為人演說其福寂勝何以故是
成佛因故妙吉祥若有男子女人以
瞋惡心侵奪無量聲聞獨覺飲食衣
服若復有人以瞋惡心侵奪信樂大
乘菩薩乃至少許飲食衣服或一日
中令其不食其罪重彼無量無數何
以故一切三世聲聞獨覺於無數劫
修行施戒忍辱精進禪定智慧皆為
自身斷除煩惱菩薩不尔乃至毫釐
施傍生時皆為三寶不斷絕故妙吉
祥假使有人以瞋惡心毀壞無量無
邊無數獨覺戒定智慧解脫解脫知
見假使有人以瞋惡心於一信樂大
乘菩薩損壞戒支及所學事令不成
就其罪重彼無量無數何以故一切
三世聲聞獨覺於無數劫所有戒定
智慧解脫解脫知見皆為自身斷除
煩惱菩薩不尔乃至一日修戒定慧

解脫解脫知見皆為有情斷除煩惱
妙吉祥假使有人以瞋惡心繫縛十
方一切有情置牢獄中若復有人以
瞋惡心於菩薩所不欲眼視背之而
去其罪重彼無量無數妙吉祥假使
有人以瞋惡心挑出十方一切世界
有情眼目若復有人以瞋惡心於菩
薩所不欲眼視背之而去其罪重彼
無量無數妙吉祥假使十方一切有
情皆被挑目復有餘人於彼有情起
大慈心令眼平復所得功德若復有
人以清淨心而往瞻視大乘菩薩其
福勝彼無量無數妙吉祥假使有人
能令十方所有獄囚皆得解脫受轉
輪聖王天帝釋樂若復有人以清淨
心瞻視讚歎大乘菩薩其福勝彼無
量無數妙吉祥假使有人能令十方
一切有情證獨覺果所得功德若復
有人教一信樂大乘菩薩曾於佛所
種一善根令得增長其福勝彼無量
無數

妙吉祥若有深信大乘菩薩於十方
世界一切有情皆令安住菩提之心

所得功德若復有人以大乘法乃至
一頌教示於他其福勝彼無量無數
妙吉祥假使有人以十方世界微塵
數獨覺置於地獄餓鬼傍生若復有
人於一初發菩提心者而作障導其
罪重彼無量無數妙吉祥假使有人
於十方世界一切有情發菩提心者
而作障導若復有人於一深信大乘
菩薩菩提之心而作障導其罪重彼
無量無數妙吉祥假使十方一切有
情皆墮地獄餓鬼傍生琰摩王界設
復有人救濟令出復教安住菩提之
心所得功德若復有人令一有情於
大乘中深生信解其福勝彼無量無
數妙吉祥假使有人於十方世界滿
中獨覺而生輕慢若復有人於一初
始發心菩薩生輕慢心其罪重彼無
量無數妙吉祥假使有人於十方世
界微塵數獨覺斷絕利養於十方界
彰其惡名若復有人於一深信大乘
菩薩斷絕利養彰其惡名其罪重彼
無量無數妙吉祥若善男子善女人
於一深信大乘菩薩為求正法故乃

至施一水瓶由此福業當得無量轉
輪聖王勝妙果報何況施與受持讀
誦深生信解菩薩摩訶薩

尔時世尊說此經已妙吉祥童子及
諸菩薩摩訶薩諸聲聞衆天龍藥叉
健闍婆阿蘇羅揭路荼人非人等皆
大歡喜信受奉行

入定不定印經

癸卯歲高麗國大晟都監袁
勅彫造

等集衆德三昧經卷上

頌

西晉月氏三藏竺法護譯

聞如是一時佛遊於維耶離大樹重
閣精舍與大比丘衆俱比丘一万皆
學戒具足曉了聖達菩薩二万悉不
退轉逮諸施持辯才无碍悉得神通
分別解暢定意所行心性進止而甚
堅強懷來智慧善權方便度於彼岸
其名曰意行菩薩吉意菩薩上意菩
薩持意菩薩增意菩薩金剛意菩薩
無限意菩薩法意菩薩慈氏菩薩薄
首菩薩鈎璫菩薩釋梵四王天及諸
天子万四千人亦皆來會

今時世尊與無央數百千之衆眷屬
圍繞而為說經欲放軀命自期三月
當取滅度鈎璫菩薩即從坐起更整
衣服偏袒右肩長跪叉手而白佛言
甚哉如來欲捨壽命期於三月當般
泥洹世尊唯說諸菩薩護菩薩救攝
菩薩所說菩薩所現菩薩所殖衆德
之本不斷佛教將濟法眼恩惠聖衆
不捨群生為講說法起無為道如來

滅後法澤廣被菩薩大士不廢無上
正真之道常不離佛聽經供僧而
立要志心意堅固遵法散誼其念所
趣靡不覺達體解所歸多所殊越恒
懷慙耻自淨無犯所慮慷慨威儀具
足所建勇猛降制勞穢伏諸欲垢无
所畏憚遊於衆會而不忘難毛衣不
堅唯天中天云何菩薩大士進益衆
德不乏智慧不違禪定所慕道心未
嘗缺廢內性引毅結友究竟至于滅
度言行相副所遵佛法无有邪偽常
護正戒所聞不惑攝淨三禁而尚忍
辱每行等心無有暴慢向於黎元善
修精進心无懈厭諸所應行一切成
辦一心行棹其意安詳曉了正受一
切所奏志建智慧離于邪見六十二
疑於諸訓典明練光達所當救納
而行四恩弘濟多護天上世間遠離
所樂常念無常心如門閭住諸通慧
意不存慕聲聞緣覺光闡法教降制
魔怨及諸外道念宣法王所講風化
崇順法誨不求天人如佛之教以法
為業不貪衣食无有愛欲廣度一切

釋除恚恨愍哀群生消却愚癡不一
切法諸魔埃垢行摧方便无邊之慧
部分普勸

佛告那羅延

晉名須彌力士

菩薩曰

善哉善哉多所哀念多所安隱傷愍
諸天世間人民乃問如來如斯之誼
諦聽諦聽善思念之當為仁說菩薩
大士所行殊特無量之德鈎鑠白佛
願樂欲聞鈎鑠菩薩及與衆會受教
而聽佛言有三昧名等集衆德假使
菩薩逮斯定者衆德進益不乏智慧
不違禪定所慕道心未曾闕廢心性
弘毅未曾離佛恒聞經法供養聖衆
行于四恩彼如是已不捨群生於時
世尊咨嗟等集衆德三昧宣揚其名
默然無言

是時維耶離大城中有大力士名維

摩羅嚧移

晉言離垢威

心自念言吾

為力士於斯天下力勢强盛无有倫
匹曾聞沙門瞿曇猛勢無量其力魏
巍恣要有十體諸骨解猶如鈎鑠而
得自在吾欲往試觀銓其道於我孰
踰念已尋出維耶離城往詣大樹重

閻精舍欲觀世尊而見如來與无央
數百千之衆眷屬圍繞而為說經照
臨大會猶如須弥起現大海瞻覩威
容神曜光光心懷踊躍不能自勝稽
首佛足却坐一面佛知力士心之所
念欲為療除憍慢貢高自用之穢便
告賢者大目犍連吾憶往昔為菩薩
時兄弟挽射彎弓放箭箭所至處亦
今攝取釋女瞿夷欲充所用目連對
曰唯然世尊於時不見箭何所奏佛
放右掌光光照三千大千世界於斯
佛土鎮世鐵山太鐵圍山箭徹其中
目連尋光乃見箭處佛告目連寧見
箭乎對曰已見又而告曰往取箭來
時目犍連自現神足一切衆會莫不
見者如勇猛士屈申辟頃斯須即到
大鐵圍山欲拔佛箭三千大千世界
皆為震動而箭不揺一切諸會天龍
鬼神帝釋梵王靡不肅驚阿難整服
長跪問佛地何故動普世惶悸佛告
阿難憶吾往古挽射放箭箭徹太山使
目連取盡其神力箭不可拔三千大
千世界乃為之動而不能得阿難啓

曰唯垂尊授佛即許之授以道力則承聖旨攬拔得箭還用進佛目連白佛云何世尊為菩薩時挽射放箭箭徹鐵山用父母力神足力乎佛告之曰是父母力非神力也假用神力其箭當達元量無限諸佛世界目連又曰云何菩薩以父母力射箭乃入鐵圍太山道力功德而佐攝取何以為喻佛告目連十凡象力則不如一正象之力十正象力不如一龍象力十龍象力不如一大象力十大象力不如一術事象力十術事象力不如一青象力十青象力不如一普妙象力百普妙象力不如一大臣象力百大臣象力不如一力士力百力士力不如一大力士力百大力士力不如一上力士力百上力士力不如半鉤鐮力士力百半鉤鐮力士力不如一具足力士力百具足力士力不如一大鉤鐮力士力百大鉤鐮力士力不如一法忍菩薩力百法忍菩薩力不如一究竟菩薩力百究竟菩薩力不如一生補處菩薩功德之力適生墮地則

行七步佛言目連他方世界現在諸
佛建立倫土究竟菩薩之所遊處適
生墮地行七步者其地下至六百八
十萬由延盡斯下已乃得水界各各
分別其水滍如車釐上至梵天承佛
威神愍哀衆生世界不損無所燒害
究竟菩薩威神勢力巍巍如是十究
竟菩薩力不如如來至真等正覺力
是謂世尊父母之力其諸菩薩宿命
德本所受之決亦非神足道力變化
設使菩薩示現神變功德之力往詣
道場坐佛樹下以神足之力一足指
舉江河沙等世界先以目前用置殊
異無量無限諸佛國土其於衆生无
所燒害是為菩薩神德變化足一指
力如來神足變化之力復過於無
量无極不可思議假令如來普具示
現神變威力汝等覩之則不能信何
况外術衆邪異學又目捷連菩薩往
至佛樹下時攝四大種立為一種已
立一種在於世界无有增減於時弊
魔行到道場與無數億百千官屬覓
侍難當如來一切尋摧伏之何以為

一謂平等力有十力常加大慈哀諸
衆生無所毀觸何等十力有非處處
有限无限如審悉知過去來今如審
悉知一心脫門定意正受如審悉知
見諸人根種種別異如審悉知見他
群生心意所念如審悉知若干種身
無數形體如審悉知衆庶所行所行
者好醜不同如審悉知道眼徹觀終
始所趣此沒生彼彼沒生此名字種
姓父母兄弟其身口意行惡誹謗聖
賢邪見顛倒終墮惡趣其身口意行
善不謗聖賢正見奉順終墜善處如
審悉知道耳洞聽天世間地獄餓鬼
蜎飛蠕動鼓行喘息十方諸佛世界
若此言聲亦無音響亦无所著如審
悉知心觀五趣一切本際諸漏已盡
無有塵垢終始悉斷神真聖達解名
色原如審悉知是為十力如來之力
復過於此不可思議暢徹十方无去
來今於是離垢威力士從佛世尊聞
斯菩薩父母諸力歡喜踊躍恠未曾
有善心生焉即從座起偏袒右肩長
跪叉手白佛言今我聽受世尊所說

為菩薩時父母之力及十種力屏除
貢高憍慢自大歸命三寶願發無上
正真道意愍傷衆生使獲大安哀令
我得十種諸力如天中天具足无異
時會大衆聞斯力士誓願弘廣滿十
千人發無上正真道意同時舉聲而
歌頌曰僥令我等速得道力亦如如
來至真等正覺

於是鈎鑠菩薩白世尊曰今者大聖
何故稱歎等集衆德三昧而便默然
唯願如來分別講演等集衆德定意
宣暢菩薩大士諸行使發意者速得
斯定佛告力士菩薩初發意者欲至
无上正真之道當受尊定所以者何
若初發意受持尊定尋具普入一切衆
德譬如力士川流泉原江河大流恚
歸于海所殖功德布施持戒所習平
等思惟道慧有漏無漏俗業度世天
上人中所立福祚皆來歸湊於初發
意菩薩之行是故族姓子族姓女欲
攝衆福當發無上正真道意譬如須
弥大山鐵圍山雪山黑山諸藥草木
及餘叢林洲域大邦郡國縣邑并四

天下日月運照苞在三千大千世界如是力士其凡庶履跡无著緣覺休枯菩薩如來大聖之德其初發意為菩薩者悉得通入於此福祚以是之故當作斯觀若發无上正真道意則悉該攬於諸德矣

佛告力士譬如四域群生之類轉輪聖王居為尊上功祚殊勝使四天下衆庶人民福如轉輪聖王之德等無差異合集斯福巍巍之德為一聖王使三千大千世界衆生之德各各皆如轉輪聖王一一聖王使倍三千大千世界衆生之數惣集諸福為一人德使江河沙等諸佛世界所有人民各各履祚如彼一人於鈎鑠意云何寧能限量斯福德乎鈎鑠對曰唯天中天計聖王德不可思議何況一切為轉輪德莫能稱限世尊告曰正使撰合此衆生德无量之祚以比一發意菩薩百倍千倍万倍億倍巨億万倍計空不及無以為喻是為初發意菩薩等集衆德三昧第一所入佛告鈎鑠譬諸梵天於千世界悉樂行慈若復有

人皆以七寶滿千世界以用布施比
十世界梵天行慈行慈之福其德殊
勝若三千世界至于五千十千若至
百千世界梵天普共行慈若以七寶
周遍充滿百千世界以用布施所殖
德祚以比百千世界梵天行慈行慈
福多不可稱限正使三千大千世界
衆生之疇其福德如百千世界梵天
行慈行慈心普向于群萌計其福德
比初發意行者所尊慈祚百倍千倍
万倍億倍巨億万倍計空不及无以
為喻所以者何其初發意志於無上
正真道者德不可限以是之故當作
是見當作是知假使能發大道意者
則為具足一切衆德若族姓子族姓
女欲得周滿无量之祚當發无上正
真道意佛言力士是為等集衆德定
意第二所入

佛告鈞鑠東方虛空所覆世界空之
遠近可限量乎答曰世尊无限無量
不可計數元有邊際天中天佛言如
何引喻智者解趣十方世界虛空所
覆不可盡極猶若等集衆德定意福

作功德起彼無量轉加具足為衆生
故以諸道德將護其心以大精進成
滿所行假使有人於此三千大千世
界下盡水際上至三十三天滿中芥
子一一芥子為一佛國過於東方若
千佛土著一芥子各各如是令芥子
盡不能窮極東方世界設令江河沙
等世界滿中芥子有人盡取芥子一
一破碎各如江河沙數芥子之限於
鈎鑠意云何寧有人能籌計分別知
所破碎芥子數乎鈎鑠答曰唯天中
天破一芥子所分之限假使智慧如
舍利弗周滿天下閻浮提土一劫之
中籌之計之不能稱量芥子之數何
况欲知江河沙等世界破芥子數設
令有人過諸芥子佛土著一芥子如
是之比令破芥子悉盡无餘東方世
界不可窮極得其邊際南方西方北
方東南方西南方西北方東北方上
方下方亦復如是如是鈎鑠如十方
界所有虛空諸佛國土皆以七寶遍
布其中悉令充滿盡用布施所得功
德豈多不乎鈎鑠白佛甚多甚多天

中天無量也世尊告曰其初發意菩薩行慈之德過於彼施滿于東方无限世界七寶之福百倍千倍万倍億倍巨億万倍計空不及無以為喻辟如虛空无有能度得邊際者菩薩之慈猶如虛空無所不覆菩薩如是所行大慈所蓋无际辟如衆生受形立體所周佛土所在世界若干之數菩薩行慈使此群萌皆得成就為轉輪王具足功德如釋如梵踐祚之數又計菩薩大士建立淨性質直无諂欲度衆生住於大哀常行慈愍所行七步攝取功勳起諸群黎為釋為梵轉輪聖王之福慶也百倍千倍万倍億倍巨億万倍計空不及無以為喻是謂等集衆德定意第三所入

佛告鈎鐸三千大千世界一切衆生威神功德皆令巍巍如轉輪王如釋如梵功德之慶不比初發意菩薩之慈正使一切十方衆生皆為釋梵轉輪聖王百千万倍不比菩薩行大慈哀又使三千大千世界衆生之疇一切皆使如清信士所有功德比舍利

弗福慧之明百倍千倍万倍億倍巨
億万倍不相及逮正使三千大千世
界滿中人衆如舍利弗智慧功德等
无有異以方比於緣覺智慧功德百
倍千倍万倍億倍巨億万倍計空不
及無以為喻縱使三千大千世界遊
居衆生一切成具緣覺之德智慧功
德等无老特欲比五劫生行菩薩百
倍千倍万倍億倍巨億万倍計空不
及無以為喻是為等集衆德定意第
四所入

說是經時二万二千人皆發無上正
真道意三千大千世界六反震動其
大光明普照世間億百千娑諸天伎
樂不鼓自鳴而雨天花覆蓋道場紛
葩佛上周遍衆會積至于膝釋梵四
天王天龍鬼神皆誦歎言唯然世尊
族姓子族姓女心懷至誠而發无上
正真道意如向大聖所講說者我等
稟誼假使不發大道意者終不逮成
等集衆德定意正受况當能致一切
功德無量也

是時離垢威力士白佛言唯然世尊

當行何法而能成就逮得等集衆德
之定乎佛告族姓子有一法修致斯
定何謂一發心調習諸通之慧是為
一法逮得斯定復有二法修獲斯定
何謂二若聽聞法諮稟无厭如所聽
受思察其誼是為二復有三法修獲
斯定何謂為三消損諸惡勸集善業
殖衆德本是為三復有四法修獲斯
定何謂四禁戒清淨所見清淨其心
清淨智慧清淨是為四復有五法修
獲斯定何謂五所言至誠志性堅固
其意質朴而無諛諂其心清淨建立
無差常以等心一切衆生是為五復
有六法修獲斯定何謂六歸附善友
遠離惡友捨廢衆會習寂無坐順行
大慈愍傷衆生是為六復有七法修
獲斯定何謂七建立寂然分別惟觀
除于報應將御緣起離求所見曉了
罪福恙由牽連道利結尋使至平等
入于道誼用道法故忍於恚罵而无
恨心是為七復有八法修獲斯定何
謂八身行澹泊口言靜默心惟寂寞
觀痛痒察諸法惡本未起而不想念

令不復興惡本威發隨念蠲除善本
未起思順令滋善本熙隆將養護之
是為八復有九法修獲斯定何謂九
觀過去法而知無常於當來法而无
所生今現在法而无有二逮入三世
而悉平等一切諸法猶如法忍不著
於空分別無想離於所願設使所生
有所救護是為九復有十法修獲斯
定何謂十脫於無我忍於无命了於
无人無常句跡一切所生皆為苦患
無為寂然則為救護離顛倒度衆生
順典誥如所聞法尋即奉行佛告離
垢威是為十法菩薩所行因此逮得
等集衆德三昧之定離垢威白佛言
菩薩大士積累功効无極大德乃得
逮聞斯定意耳欲使諸德正真之行
當聞斯定欲得獲暢不可思議功祚
之福當聞斯定欲令大賴無有盡耗
當學斯定離垢威復白佛言菩薩大
士以何療得无盡之福德如大海慶
不可議功祚不廢佛告離垢威菩薩
有三事逮無盡福德如大海慶難思
議功祚不廢何謂三一曰好喜布施

二曰護持禁戒三曰博聞不倦是為
三彼族姓子何謂菩薩好惠布施不
當貪財不當以物誘進教化假使有
物不肯施與受者不當受其物也設
使受者不捨所取不當勸御彼等眷
屬設使乞者有所求索發无受心不
可勸化國王財寶產養之業屋宇舍
宅假使乞者有所求索其心无異又
族姓子菩薩大士當發此心我為一
切衆生之故惠施軀命若有人來欲
有所得象馬車服頭目髓腦眼耳鼻
口支體手足肌腠肉血隨其所欲各
各施與心不懷恨忍辱施與既有所
施不望其報所可惠捨無所貪慕供
給衆生衆生獲恩得給所乏從是已
往所欲攝取群萌之類得佛道時為
說經法令得速解設族姓子若有菩
薩發心如是是謂菩薩不惜身命不
惜身命若沒其體不犯衆惡不害生命
以養其身不以命故犯於不善不以
財業越毀他人不以眷屬熾盛怨訟
鬭諍不危他子以育妻息已所不意
無加於人已知止足則發一心志不

意樂諸不善事況當復犯若干之非
除貪嫉棄衆惡常知止足行於正真
無有異心則逮平等逮平等已无有
衆邪則獲慈心已習慈心便遇善友
已得善友則便得聞寂然之法已聞
寂然便建立行已建立行則化衆生
化衆生已則便講說立寂然誼假使
菩薩不為衆生不修寂然則不微妙
已不微妙不獲道眼不得道眼不至
善摧不能覩見一切衆生根本所趣
是族姓子菩薩好意行布施者得廣
名聞復過於斯不可稱限

復次族姓子觀内外法念之一等察
其内地及省外地而无有二所以者
何是身如草木凡石之類無要无人
無有想念无有堅固四大合成假令
有人斷截破壞取撥持去不得自在
莫起想念勿得貪身無惜壽命吾不
恨彼於其所起恚意也益加慈哀
向彼衆生譬如族姓子有大藥樹掘
取其根莖節枝葉花實樹不念誰取
我根莖枝葉花實亦不念言莫取我
根莖枝葉花實其藥樹者一切无念

亦無所想亦於衆人無所恚恨其疾
病者服藥則愈如是族姓子行菩薩
者當自觀身四大為家猶如藥樹其
有衆生欲得我身頭眼體節枝幹手
足髓腦血肉恣意與之如是族姓子
菩薩所施其德无盡作是施已為慳
貪者欲令惠施故勸助之其貧窮者
化示大財其少福者化具足德未發
道意令行菩薩勸誨善本欲令清淨
一切福慶勸化衆生導以清淨以是
布施疾近於道得至無盡何謂布施
盡菩薩布施有四事盡何謂四不好
勸助不恚說法願生卑處樂近惡友
是為四復有四行菩薩布施疾近於
道何謂四多所勸助行權方便建立
於法習近善友是為四復有三法菩
薩布施不為虛妄何等為三發菩薩
意多所慰哀攝護一切衆生之類諦
奉行如來教命是為三菩薩欲施當
建三法何謂三住佛法立精講勸衆
生便存大安是為三菩薩復有二事
不為虛妄誠審布施何謂二大慈大
哀是為二菩薩復有二事有所取施

何謂二慳貪嫉妬是為二菩薩復有二法布施有所歸何謂二智慧具足聖達周滿是為二菩薩復有二法布施有所起何謂二至无盡慧趣無起慧是為二菩薩所施有四法何謂四布施等與亦不想報調定安寂所施具足欲成其道是為四菩薩所施以是之故自然得趣無盡德海若有菩薩欲脩海德則當習行如是係施精進之行離垢威力士白世尊曰未曾有也天中天如今如來分別講說諸菩薩法諸佛經典之所持護菩薩大士作是行者終不毀失正達慧德假使有人如是布施功德之福具足成滿亦當若茲佛言是族姓子審如所云其有發意行施如斯則便歸趣無盡海德則不貧匱於聖賢業則致大財此之等類具足法財則致大富具足七寶無極之德致百福相以莊嚴身為諸群萌福慶之田以給衆生今時世尊告離垢威何謂菩薩戒德之禁護於禁戒未曾違捨見犯戒者為興悲哀見奉禁者遵行堅固淨身

三護口四淨心三當順奉行此十善
事以斯戒法開化他人不自稱歎不
毀他人不以禁戒而自哀譽亦不以
戒而自憍慢常以禁戒而自調定不
釋節限而知止足住於聖賢自護其
心見解廢者不觀其隙勞來病瘦所
施不倦無所怖望不以究竟行如所
言无所侵犯於諸所行生死之事無
所適莫竭所求望常近於佛而遵慈
心若有行慈及无慈者普等救護不
失其心不老戒品不志餘乘以斯道
乘勸發他人無有安不事于天一切
遠離諸犯戒禁動不安者勸慰使安
療除狐疑今不懷恨所生之處而得
自在而无適莫所可遊至無所闕減
假使所生不以為厭修建精進攝心
自檢所行不乱學无所樂亦無所畏
是族姓子菩薩所行戒品之業設危
身命終不毀戒不以國故而護禁戒
不為釋梵天上之尊不以財利報應
之驗故及以眷屬傲貴顏貌褒歎名
稱亦復不為勢力牀槍座具病瘦醫
藥故而護禁戒不倚於天貪所生不

依內外不慕他人不冀後世不自著
已不著他人亦不貪色痛痒思想生
死識亦不怙眼耳鼻口身心亦復不
倚陰種諸入而護禁戒不畏地獄而
求濟護不憚畜生不懼餓鬼不為鬼
神不以人間窮乏厄匱故而護禁戒
志唯在於建立佛道若聞法者念欲
奉行則已効立聖衆之德常欲度脫
除生老死憂病懊惱勤苦之患而護
禁戒不以財業而護禁戒欲安衆生
隱群萌度梨庶脫黏黨樂佛法致老
特慕轉法輪將養聖衆不斷佛教不
廢法誨不懷衆議而護禁戒也戒定
慧解度知見品故而護禁戒應尋神
通六達之故也所遵之戒不犯不缺不
毀無有邪業順佛之教无所亡失而
當平等順行三昧智者所歎佛所咨
嗟無所乖違隨法所化奉行為要其
人如是遵常戒品而志具足不失菩
薩十法之事何謂十然後當得轉輪
聖王之位終不著錯修聖王教奉宣
佛道而不放逸臨據帝釋而不邀迭
常受佛道而不放逸昇生梵天而不

詭異在于梵天願欲見佛而不老不
常值世尊心懷悅豫所聞經典未曾
斷絕聽受佛法未曾中忘如所聞者
即能奉行識念菩薩聖衆之慧无所
亡失辯才無量未曾空乏菩薩之本
所願者得所立之事則有報應常為
諸佛正士之等不見毀訛其佛弟子
疾獲神通具諸敏慧護於戒禁能如
是者是為菩薩十法之行不退不轉
菩薩大士護斯戒品諸天龍神所共
營衛將護歌歎守禁戒者諸鬼神衆悉
歸奉事神龍悉敬世間人民等而供
順諸佛世尊常欲見之諸明智者而
俱宗仰愍傷世間而行慈心而為衆
生護斯禁戒於是菩薩不歸四趣何
等四不歸於據无閑之處亦不歸於無
佛之土不生邪見歸闇塞家亦不隨
歸一切惡趣菩薩若護於戒品者逮
獲斯德復有四法無所忘失何等四
不忘佛道心不捨佛如所聞法終不
中廢不失禪定意念无数無量諸劫
菩薩若護於此戒品便逮斯德菩薩
復有四法逮得光觀何謂四尋時逮

得觀於明法獲致人明毒刀恐懼疾病闇冥之想志為辟除諸功德无能乱者是為四

假使菩薩能護禁戒順斯教者超度十畏何謂十遠離地獄畜生餓鬼貧匱无稱世界魔畏聲聞緣覺所趣寂滅所受脆生諸天人間及龍鬼神捷沓起阿須倫真陀羅摩休勒諸所恐難毒刀杖火蛇虺師子虎狼諸難度于邪見能護戒品如是行者菩薩之法是為十勉越斯難又族姓子戒立佛法以為光明佛法則立於戒菩薩之道若能奉戒則近定意緣從禁戒得至智慧解脫之行度知見事何謂為戒皆能永脫一切塵勞何謂塵勞罪福所連三界所著斯則塵勞當以何度此諸塵勞無念无想無思无住而無所行无所興立亦無所惟於一切法而無所求斯則名曰度諸塵勞若族姓子菩薩大士未涉塵勞則為无有清淨戒品所以者何正使往至於梵天者自以欲塵假令上至三十三天亦為欲塵以是之故族姓

子當作斯觀處三界者則為無有清
淨戒品離垢威白佛言設在三界悉
塵勞者而世尊云則為不順清淨戒品
云何菩薩離於欲塵逮清淨戒住於
三界而不沾汙世尊告曰族姓子知
乎為菩薩者無身塵勞亦无毀戒亦
無所住見衆庶人著於三界故則為
犯戒是菩薩以二事故行善摧法欲
除三垢故處三界善摧方便菩薩大
士自无塵勞現在三界欲以開化群
萌之類辟離垢威而有男子盡於虛
空若書文字現之志現寧為難不答
曰甚難天中天佛言菩薩所興又難
於彼自無塵勞現于三界開化衆生
時離垢威而歎頌曰

唯天中天 菩薩所興 具足无極
而行大悲 已現脫門 轉復反入
所有城郭 教授衆生 星導之綱
譬如有人 身生疾病 療除危苦
非他人也 等無有異 如是世尊
今日去害 近世清淨 於道菩薩
因此解脫 以是之故 勸化衆生
及諸異學 由斯方便 救濟衆生

唯天中天 菩薩大士 發大悲心
聲聞緣覺 所不能及 所以者何
聲聞緣覺 无有大悲 善摧方便
具足之行

等集衆德三昧經卷上

壬寅歲高麗國大藏都監奉

勅彫造

等集衆德三昧經卷中

賴

西晉月氏三藏生法護譯

尔時世尊復告離垢威力士言族姓
子菩薩若聞如此行跡當勤奉行云
何求聞稟聽尊長常行恭敬棄捐憍
慢言語柔和志性仁調觀念於法猶
如醫藥於師和上設世尊想自察其
身思撰法藥發醫王想於諸衆生為
疾病想若務求法不當愛身不貪命
不倚壽不慕於容被服常好經典以
法為本一切所有施而不恆志利法
誼放忽財利將護法寶離俗所珍以
利法故滅除一切世間財賄以法寶
利蠲除凡俗所慕之珍欲除衆生塵
勞愛欲一切之瑕常當慕求正法之
典欲度一切衆生之類皆至滅度便
當護持導以正法以能導護正法典
者則能普獲將養一切所行德本以
是之故假使有人欲求佛道若欲逮
成取正覺者欲得豎立於法柱者當
學博聞譬如族姓子須弥山王為天
大柱若天上柱則為巍巍多所覆蓋

所在嚴飾於忉利天佛言如是菩薩
大士博覽廣聞則為慧柱所可遊居
天上世間光色巍巍設族姓子若有
菩薩志願佛道我當成佛則當曉了
權便博聞常修精進一切衆生在於
邪智則為然設智慧燈明假使菩薩
入博聞時精勤求慧則為具足衆生
之智所作已辦尔時諸天則為其
人舉聲咨歎歡喜善心生焉今此正
士如是誼像博聞之力逮十種力致
寂正覺諸根明達如是利誼為菩薩
行執智慧刀割截一切塵勞之欲若
有菩薩如是像誼堪任明慧所說經
法則能蠲除衆生塵勞危厄若有菩
薩如是像誼便能說法滅除愛欲如
是菩薩則能歸趣往古世尊所可遊
居如是誼像則能降伏魔及官屬如
是堪任以十二事法輪為轉如族姓
子菩薩大士精勤博聞立於聖達應
時即普三千大千世界所有衆魔皆
為憂愁悵感難可今此菩薩不從我
教違吾本心皆見棄捐不得自由所
以者何族姓子從聞獲智智於塵勞

為寂尊其無塵欲魔不得便以是之
故當作斯觀假使菩薩開入博聞分
別經典好樂於法從是已往所可教
授降制衆魔塵欲魔陰蓋魔起滅魔
天魔官屬是為四魔自然為伏又族
姓子猶如往古諸菩薩者所入博聞
分別法誼好樂經典今當粗舉略說
其要乃至曩昔久遠世時無央數劫
不可稱限廣普无量不可思議彼時
劫中有一仙人名曰鬱怛處在林樹
得五神通常行等心慈悲喜護遊居
幽藪心自念言吾行慈心其身柔濡
常悅安隱不可以慈滅除衆生自在
愛欲亦不可去瞋恚愚癡曠絕邀路
塵勞之欲不以此慈能致聖賢之正
見也不可致福安能逮成賢聖等觀
復自念言常以二事可緣致賢聖正
見何謂二聽省他音因緣思惟靜志
在行尋即歡喜發大精進亦復入于
法我於何所得聞是說則以法故欲
求經典入於郡國縣邑丘聚欲求經
卷永不可聞時魔天人往至其所言
族姓子吾有佛名將護讀誦假族姓

子自逼迫身日自暴炙自聞其身所
護音聲然後乃書如是諸頌余乃令
仁得聞此頌四句之絕於時族姓子
鬱怛仙士心自念言我從無數難限
劫來棄捐此身樂於牢獄搥杖鞭撻
或以利刀段段解身形體離散肌肉
斷絕以愛欲故致得繫縛這是衆患
不可稱數不用此身不用危痛痒未
曾以身加益一切假使能已導利群
生吾當以此無堅固身求得經典我
獲善利心懷悅豫當從天人逮得聞
典志未曾有興世尊心而懷恭恪則
取利刀自割其身日中自炙從耳聽
聞而謂天言願天演說佛名將護讀
誦吾恭敬法故放捨身不惜壽命以
是因緣等集所聞時族姓子覩見上
仙恭恪樂法巍巍如是顏色黢黯憔
悴功德難覩即沒不現於是上仙心
自念言將無試吾聞此偈乎為之恭
敬奉順法故自捨其身不惜壽命得
聞之耶吾所合集恭敬經典所殖德
本不失其功不見欺惑假使我身至
誠不虛質直無諂愍哀衆生不貪身

命捨其體壽聞此法者由是誠諦於
此現世他方佛國奉修法者斯等之
人今現面像使我見之得聞經法
這立此願口復說言應時下方過
三十二諸佛國土有世界名普等離
垢彼佛号曰无垢稱王如來至真等
正覺今現在說法於時其佛即見上
仙心之所念又欲教化閻浮提人辟
如勇士屈申臂頃彼佛如是斯須之
頃從己佛土忽然不現即住止于上
仙之前及與菩薩五百俱其如來這
現世間自然大光普有所照而取天
花億百千伎樂不鼓自鳴諸菩薩會
于彼林藪於時巖樹一切根株莖節
枝葉華實皆出法音上勝仙士適聞
彼佛見其形像心無所畏即時其體
平復如故无有創疣於是族姓子上
仙見無垢稱王如來至真等正覺相
好巍巍猶須弥山威神光明踰於日
月神妙聖達為天人尊諸根寂定若
虛空不增不减歡喜踊躍善心顯發
即從坐起更整衣服偏袒右肩右膝
著地叉手白佛是我世尊安住大聖

我歸命佛及法聖衆唯佛世尊為我
說法若聞經者建立奉行蠲除衆生
所貪受行興于正見而說經典時族
姓子彼無垢稱王如來至真等正覺
緣仙士故為諸天子及諸菩薩分別
說此等集衆德三昧之定於衆會中
八千天子往古造行修治誼理即逮
法忍上勝仙士聞是三昧踊躍歡喜
入於微妙尋時逮得無盡辯才時彼
如來說八章句又復攝取何等為八
一切諸法皆為本淨從想著致原自
然淨也諸法無漏一切諸漏皆為盡
故也諸法无著皆度一切諸所著故
也諸法不虛亦無有明吾我及人平
等一切諸法門故也諸法何門普現
一切諸法門故也諸法無來亦无往
也諸法懷來斷除一切諸所趣故也
諸法平等於三世無去來今故也而
无有二是為上勝八章句說一切啓
度厭諸所有無有衆患

佛告上勝仙士有八門句至无有二
何謂八諸法假号倚名故也諸法像
色猶從名興故也諸法合會依著字

故也諸法識自由恣故也諸法自然則以無明自然故也諸法為盡習行愚故也諸法无處立於門者住無常故也諸法平等以一精進趣於門故也是為上勝八句門也本无有二而致於二

佛告上勝復有八精進句至无有盡而得自在何謂八無者修精進事勸助咒願所修經典為現无處彼者行精進句便能示現究竟法誼不者遵精進句為除名色為示現法所說經法悉令蠲除他者奉于精進現寂然法六者志于精進講說經法超度一切諸所罣碍無本者念精進句為現如来无本之法因者精進為現一切緣法罪福為盡等者精進三昧示現諸法分別所趣是為上勝八精進句无盡辯才

佛告上勝復有八法為妙法句覺了諸法為志平等何謂八空為印句而無所倚而為現法无想印句無所建立而現經典无願印句不依不倚不著不求而為現法本際印句為本空

句而等御之為現經典法界印句等
御諸法而為本現無本印句現入諸
法猶如印句蠲除去來今所本現法
滅盡印句究竟滅盡永除諸法之所
本現是為上勝八印句也皆悉分別
平等諸法而得成就

是故於斯上勝自在之句及所問句
精進句并諸印句常當安詳順行其
句而精進學如是族姓子於彼无垢
稱王分別所問於此遣智至彼世界
及餘菩薩五千億百千娑菩薩斯須
之間如發意須自還佛土雖還本土
無去无來其土人民不見如來為去
為來於是族姓子上勝仙士獲無盡
辯意不疑妄亦无所失得為諸天之
所擁護救護諸天降伏衆魔及外異
道行入郡國縣邑州域大邦為一切
人講說經法分別演斯等集衆德三
昧具足千歲宣現此典開化八万四
千群萌之類住於聲聞發起八万四
千衆生志於緣覺八万四千梨庶皆
發無上正真道意勸助八万四千蒸
民後悉當為轉輪聖王八万四千建

立帝釋梵天慈悲喜護無央數人得
生天上上勝仙士至于末後仙沒之
時生於無垢稱王如來至真正覺之
土在於普等无垢世界與万四千天
子俱佛言族姓子欲知尔時上勝仙
士為異人乎勿造斯觀所以者何則
吾是也吾以至誠建立心願即致下
方所在世界無垢稱王如來至

以是之故族姓子當作是觀於樂法
菩薩如來未曾取滅度正法之教亦
无滅盡其好樂法為菩薩者他方世
界諸佛世尊則現目前樂法菩薩若
在巖處若在樹下獨閑居者若中間
坐即時得見受持門置于手掌若
現械上若在頭上若在頂上近而不
遠樂法菩薩已為曾見過去諸佛又
諸天人發其辯才亦復從受辯才之
慧樂法菩薩於此經典无有窮盡諸
佛世尊及諸天人不奪其願道所建
立猶得自在欲得住立百歲千歲一
劫過劫亦得由已樂法菩薩除老病
死興發其心其意所在堅強久固御
於大智辯才之慧樂法菩薩未曾發

意犯於他人以是之故離垢威聞斯
博聞所積行者遵奉精進便當速獲
於此名德當復過是復倍無數若有
菩薩欲得獲致福藏德普慶元終既
祿無窮已菩薩所厚功祚无量不可
稱限无能盡極其邊際者離垢威知
其大海水尚可數滌測知限量得
其底泥菩薩所興三事戒聞施惠不
可勝限得其邊際三千大千世界尚
可稱量知其鉢兩盡其邊際欲盡菩
薩所興三事戒聞施道不可限量是
為族姓子三事行品三事之中博聞
為尊為勝為長為無疇疋譬如須弥
山王持戒施惠猶如芥子在須弥山
側當觀博聞則須弥山王也譬如飛
鳥翱翔虚空足影所翳寧幾如乎持
戒施惠猶如斯也譬如虚空引普无
際博聞之德其若茲矣所以者何族
姓子施有二益離貧匱得大富戒有
二益度惡趣生昇天聞有二益得聖
慧除邪疑其布施者不離諸漏所受
之陰其持戒者所受諸陰亦與漏俱
其博聞者無有諸漏亦不受陰以是

之故離垢威士謂菩薩博聞之應佛說施戒博聞之時三万二千群生植衆德本皆發无上正真道德五百比丘漏盡意解得法眼淨

於是離垢威士白佛言菩薩幾法行疾得不起法忍佛言族姓子菩薩有四法行疾得不起法忍何謂四一觀身如影而得解脫二入於諸法如呼聲響曉了其心猶如幻化察一切法皆歸盡滅是為四菩薩疾得不起法忍復有四法何謂四普修引慈加諸衆生設使學者起於人想勸使曉解一切諸法令知盡无不造有事普皆觀見諸佛之法不以肉眼亦非天眼亦非法眼无所依倚分明曉了心之所入亦無有心亦不見心亦无緣會是為四復有四何謂四一切所有施而不恡棄捐邪見奉清淨禁寂除塵勞是為四復有四何謂四遵忍辱力入于諸法悉知盡索而崇精進好澹泊法是為四復有四何謂四逮得禪定則無所倚察於智慧亦不輕戲攝摧方便不著衆生皆具所行入元

等倫是為四復有四何謂四常行大
慈導利衆生具足大悲不厭終始行
于大喜欣樂於法行于大護除諸倚
著是為四復有四何謂四證明部分
於三脫門除諸三世過去來今超度
三界觀一切法本淨無穢佛言離垢
威是為四法行菩薩大士疾得不起
法忍

佛說此時離垢威菩薩逮得不起法
忍歡喜踊躍昇虛空去地四丈九
尺三千大千世界六反震動其大光
明普照世界而雨天花百千伎樂不
鼓自鳴於時世尊知離垢威菩薩所
念尋時欣笑五色光從口出照於十
方無數佛國還繞三匝從頂上入賢
者阿難即從坐起更整衣服偏袒右
肩右膝著地叉手白佛以偈讚曰
得尊淨智慧 其目清明好 諸根為寂定
澹泊度无極 光明照七尺 金容神巍巍
何故現欣笑 唯願為分別 知諸天人行
心意所歸趣 三世之清淨 觀之所像類
其慧常通達 未曾有墨尋 何故現欣笑
月夜哀為說 過世天中天 將來之世尊

今現十方佛 智慧暢无量 修行志清白
療愈若王病 一切靡不了 願為分別說
其身普周遍 於此諸佛國 言音悉暢達
無數之刹土 心向一切人 常垂弘大慈
寂勝哀為說 敷演斯笑意 所在究練法
寂然如月遊 無喻如幻化 自然若如夢
所獲致得利 常如雨泡起 何故現欣笑
無師子師子 解空无有想 超度願脫門
諸法為自然 了現究竟誼 寂默常調定
遊步如虛空 願佛分別意 今笑何感療
孰為發妙心 志願尊覺慧 誰令力除魔
應坐樹王下 寂勝今日誰 而為起擁護
何故現欣笑 大雄發遣說 諸聲聞之衆
不能蹈斯地 一切之緣覺 莫敢逮此道
是諸佛境界 其德如大海 何感而欣笑
世勝哀說之

佛告阿難 尔為寧見離垢威踊在虛
空去地四丈九尺乎 對曰 已見天中
天佛言 離垢威力士菩薩過三百不
可計會 劫當逮得无上正真為寂正
覺 号力嚴淨王如來正真等正覺明
行成為善逝世間解无上士道法御
天人師為佛衆祐在于東方世界名

清淨劫名淨歎力嚴淨王如來清淨
世界富樂熾盛人民安隱米穀平賤
使樂難及諸天人播殖無數彼國人
民被服飲食居止舍宅譬如第四兒
率天上其佛說法無有奇特異種之
說唯但宣暢菩薩德藏其佛國土无
有聲聞緣覺之名皆純菩薩逮得法
忍諸菩薩衆其甚多無極其佛壽命无
有限量其土無有八擾之難降伏衆
魔抑制怨敵无有群邪諸外異道其
佛世界地紺琉璃紫磨黃金分錯其
間於是離垢威菩薩從虛空下稽首
佛足歸命世尊從佛請求欲得出家
尔時鈎鎖菩薩前白佛言唯天中天
恠未曾有如今大聖講說經典其有
諸天在於虛空名德高妙皆詣如來
適見如來尋時歡喜棄捐貢高自大
之念稽首世尊投身自歸大聖乃能
開化於此離垢威力士憍高自大來
詣佛所逮得大法當為無量不可思
議衆生之類演說經法令除慢恣唯
然世尊其離垢威菩薩大士為從幾
佛如來至真等正覺殖衆德本乃能

疾逮如是神通世尊告曰鈎鑠欲知其離垢威力士菩薩已曾得供養六十二億諸佛大聖殖衆德本建立無上正真之道當復奉事無數諸佛淨修梵行鈎鑠又問唯然世尊以何所殖無德之本而忘道意心懷憍慢自大之性來詣世尊欲有所試佛告鈎鑠有四事法為菩薩行而忘道意何謂四心懷憍慢不恭敬法輕易善師從後謗議是為四復有四法何謂四而復習樂聲聞之衆與同所歸志樂下度誹謗菩薩忘法師恩是為四復有四何謂四其行諛諂於法慢誕二事自沽求於利養而著奉侍是為四復有四何謂四不覺魔事為罪所蓋纏綿蔽法志性怯弱鈎鑠是為四法菩薩忘失道意鈎鑠又聽離垢威用何等故為菩薩行而忘道意往古世時此賢劫中初始有佛号曰拘婁秦如來至真等正覺興出于世於彼世時有善財大勢貴姓極富梵志時有一子魔所惑立自發貢高不欲往詣於如來所長益法與沙門梵志諸長

者俱聞諍罵詈多所誹謗不肯受法
亦不見法不得法師亦不恭敬承順
其教當尔現世違失五法何謂五則
離於佛不復相見不得聞法不復建
立菩薩之業不復諮問所當行者而
復忘失衆德之本無堅固意在於道
心攝取不善尋時則離於道行心尔
時尋離此五法行佛言鈎鑠欲知是
時所名善財大勢貴姓梵志子乎豈
是異人勿作斯觀所以者何則今離
垢威菩薩是也於彼世時心懷自大
尋則忘失所修道意久復將護宿命
德本諸通慧心又有餘福不復誹謗
於諸通慧故為力士而有大力勢承佛
聖旨不為衆惡聞佛音聲便自發來
自以已力欲比如來又聞世尊說菩
薩力尋即棄捐貢高慢恣往古所殖
衆善之本則現目前便逮法忍威神
通慧无所想念尔時力士鈎鑠菩薩
謂離垢威唯族姓子興發何法逮得
法忍離垢威答曰發起一切凡夫之
法又問云何而發答曰所發起者至
後究竟永無所有亦非不異其所發

起常不復令有所依倚亦無所證鈎
鑠又問族姓子凡夫之法及與佛法
有何差別寧有若干乎即便答曰假
号而名因有若干其誼无異又問唯
族姓子其凡夫法以何解誼答曰無
常亦无想念無顛倒誼又問族姓子
所謂誼者何所歸趣答曰鈎鑠其達
誼者亦不蠲除凡夫之法亦不獲於
佛道法又問族姓子何謂法誼答曰
無有二誼為諸法誼又問不曰其正
見者有二因緣從他聞若思惟厥行
猶具又問鈎鑠如來不說但歸要誼
之故誼則成要因此何緣要得誼乎
不取美辭又問鈎鑠答曰教不但取
要誼終不毀壞為菩薩美辭乎則无
有失自損毀也假使有得美辭誼者
彼所逮者亦无所獲其菩薩者不歸
於要誼而說法誼以聰喆故其不逮
得不用誼報一切諸法猶得自在為
尊為長為無等倫所可分別限時消
滅究竟滅度本末永寂則為相誼世
尊所說以故鈎鑠其歸命誼則不御
法亦无所念亦無御者不捨不御其

無所念則為堅要其要堅者彼乃謂
誼鈎鐐又問唯族姓子豈有方計其
歸要誼彼則歸要一切法乎答曰有
族姓子又問以何因緣答曰諸法无
本一切悉空諸法澹泊假使歸要於
空誼者要澹泊誼亦復如斯以是之
故族姓子其歸要誼則為道歸一切
諸法答曰族姓子佛不言曰了一切
諸法悉歸要御答曰如斯以是之故
一切諸法推究本誼根原所歸要者
其究竟誼是等之門則第一誼如云
何當求所如所也求如是行者設无
有法亦非法亦無所起亦无所滅諸
賢聖道無有二道亦无所作亦非不
作亦非无造如是則造菩薩之道道
無所造亦不求誼亦儀不錯乱離垢
威說是語時五百比丘八百天子遠
離塵垢得法眼淨離垢威菩薩謂鈎
鐐曰族姓子如來所說但歸要誼不
取美辭計此誼者無有二行究竟其
誼亦无所生是故如來說此誼耳但
歸要誼不取美辭其歸要誼并及美
辭本淨平等志性自然無所超越如

來故曰但歸要誼不取美辭

復次族姓子如來所以說此言者何以二事故興於正見何等為二聽察他音緣省思惟其不博聞於法律者順以三昧在於終始墮于貢高類斯之故世尊告曰聽省法律乃為博聞多所勸助以聽經法志以奉行淨於所療至賢聖道又問云何比丘思惟療行答曰以法療行亦無所行是為思惟要事有療行族姓子是為療行之所謂者復次族姓子假使菩薩療行不發音聲不起吾我有所講說諸行處者若說去者若說還者一切皆亦无住亦無所得亦无過去亦無當來亦不現在修此諸事是謂思惟要者而以療行設見諸法一切自然志歸滅盡設受諸法思觀要淨假令察見一切諸法本淨同像亦觀要淨設見一切諸法諸法自然從本淨起亦觀要淨設使觀見一切諸法本末不生究竟無起究竟无滅亦觀要淨設使觀見一切諸法本淨滅度亦觀要淨亦不寂然亦無所觀是謂為觀

是所觀者亦無所觀亦无所見假使
无見無所觀者所見如是亦不見則
不名曰有所見也於是世尊讚離垢
威菩薩曰善哉善哉族姓子有所說
者當如仁說其思要淨為菩薩者法
不虛妄其思要淨為菩薩者法无陰
盖其思要淨為菩薩者无有此法亦
無脫門其思要淨為菩薩者所行法
者亦无所除亦無所行亦无去來是
則等觀為正見也見一切法以平等
故亦不不等如有所見又問云何一
切諸法而不等如有所見如无所見
又族姓子此諸法者亦無欣見亦无
不見本末平等亦无所生此之謂也
亦無所生亦无所有不越所見不入
寂然此謂平等亦不有不無所有
亦非自然非不自然是謂平等是所
言者亦無所說行无所生亦無有見
亦无越度平等寂然斯謂等觀以能
入于平等故也又復重問何故名曰
平等入寂然乎答曰等於吾我亦等
非我一切諸法亦無形像亦无毀訾
是謂平等入于寂然於是鈎鑠菩薩

白佛言唯然世尊至未曾有正入寂然所由相者本淨滅度菩薩皆知如是諸法若復聞者乃能信解有所遊居亦不中半而取滅度佛告鈞鑠以故菩薩善摧方便而以為樂以摧方便修具足行發一切心歸於遊處四法何等四行大慈無極哀為諸通慧不斷佛教是為四假使能奉宣修此法則入寂然所趣之相一切本淨志為滅度以至寂寞諸法之行這聞此已則便信樂所可遊居亦不中半而取滅度是故分別諸法之原彼則寂寞亦无澹泊亦不墮落所以者何不欲棄捨一切衆生離垢威菩薩白佛言何所菩薩純淑如佛所言不墮寂寞世尊告曰族姓子假使菩薩无有諸見亦無想念是為純淑於諸聲聞一切衆生不修平等離佛法教亦不勸樂大乘之行疑諸通慧離於无願亦不滅度入於寂滅則於其中證菩薩心志在聲聞緣覺而入滅度又族姓子菩薩若能入於寂然相者皆能分別一切諸法有所興發志為一切

順佛法衆遵修大乘為諸通慧之所
興居愍傷一切群萌之類普見一切
與志願俱未曾斷絕他人所僥以是
之故族姓子當作斯觀計於菩薩而
皆純淑遊於寂然離垢威白佛言未
曾有世尊菩薩所行而有老特恚非
聲聞緣覺之地所能及也於是鈎鑠
菩薩白佛言今此溥首童真者在是
會中靜然而坐亦不講說於此三昧
世尊尋見文殊師利心之所念以心
請觀溥首童真溥首童真謂鈎鑠菩
薩菩薩所行不以功德遵修佛道不
以利養不以生天不以財業不以名
聞老歎德稱宣暢其績不以衣食牀
卧病瘦醫藥生活之業不以國王大
臣賞賜故鈎鑠又問溥首菩薩以何
等故行菩薩道溥首答曰為衆生故
如愍傷之故以法之誼開化群黎志
大乘故除於虛妄諸勤勞患生寂然
故已忍勞苦欲安衆生令得所願无
所狐疑無怖望故則无所著亦无所
倚亦无所受亦不專處亦不究竟無
有善哉亦不吾我无有斯念亦不

轉亦不還及設使諸法無所動轉亦不肅震无有將往無所危害无有歡喜亦不愁感已獨勇猛无能勝者無能伏者莫能踰者亦不憔悴无所畏難不恐不懼不卒不暴無有自大亦无心意常處寂寞常住无念同誼一乘一教同像常作等行悉欲救度衆生之故溥首言族姓子菩薩所行如斯比類是故造行鈎鑠又問溥首何所施造為菩薩行溥首答曰設族姓子其為菩薩不行於盡亦无所起亦無不起究竟諸盡盡所當盡不念諸本末無起亦无所生亦無聰明造行如是為菩薩行乃應道行復次鈎鑠菩薩大士不行盡過去意於當來意無所起行於現在意而無所住亦无所行心亦不著去來今也遵修如是為菩薩行乃應道行復次鈎鑠布施道心衆生如來則無有二持戒忍辱精進一心智慧道及衆生至于如來則無有二假使菩薩常遵此六度無極有所行者所行之相不憂終始遵修如此為菩薩行乃應道行

等集衆德三昧經卷中

癸卯歲高麗國大藏都監奉
勅彫造

等集衆德三昧經卷下

頽

西晉月氏三藏竺法護譯

復次鈎鑠菩薩所遵不行色空色者
自空亦不空痛痒思想生死識行識
自然空亦不教人行色為空色者則
空本末盡無則曰自然痛痒思想生
死識則亦為空若欲盡者本末盡空
故曰識空亦曰自然若已盡者一切
諸法亦當復盡若諸法盡色亦當盡
痛痒思想生死識識以便盡假使一
切諸色盡者一切諸法亦當復盡設
使諸法盡者識亦當盡假使菩薩遵
修如是為菩薩行則應道行復次鈎
鑠菩薩菩薩所行亦不斷除凡夫法
行至於佛法亦不殷勤度生死行也
亦不具足於滅度事亦不覩見不善
法興亦不觀察於諸善法之所由來
不以惠故亦不見識不用識故而見
於慧亦不破壞諸法界行有所信喜
至於解脫也假使菩薩遵修如是為
菩薩行則應道行復次族姓子菩薩
大士若造行者法界无量人界無限

而悉信解法界无限慧界人界悉盡
所行法界人界則無有二不以法界
而有所損亦无有盡想亦如是人界
亦然人界有相法界無相及與人界
如此相者則无有相其無有相觀一
切法悉無有相不盡人界行无所畏
益從無要思想而興起發也顛倒之
事誑詐化惑相處其中其所行者不
除欲塵不慕所生亦不名聞亦不計
常亦无所壞亦不滅除我人壽命假
使菩薩遵修如是為菩薩行則應道
行說是菩薩所行者品時百千天子
逮得法忍今時離垢威菩薩即尋啓
受舉大音聲而歎頌言使一切人群
萌之類所願皆得普獲利誼如佛世
尊悉令信樂此三昧定

今時魔王波旬謂溥首童真曰我為
堪任歎菩薩道如菩薩行乎溥首答
曰可行也時魔言曰一切人行則菩
薩行諸聲聞緣覺行則菩薩行下一
切居家所習陰擔之行則菩薩行一
切魔行則菩薩行所以者何菩薩皆
當同處其中一切悉學是菩薩學鈞

鎖菩薩往詣魔所而謂之曰云何菩薩而悉普學魔答曰八万四千種衆生之行二万一千則屬貪欲行二万一千屬瞋怒行二万一千屬愚癡行二万一千屬等分行是等之類皆悉遍入菩薩之行是故鈎鎖行貪欲行而離於欲行瞋怒行而離於怒行愚癡行而離於癡行等分行而離等分適无所著又族姓子若有菩薩普遵一切衆生之行則能遍察群萌之行開化一切黎庶之類若有菩薩所修如是為菩薩行則應道行又問魔曰何謂一切魔行為菩薩行答曰菩薩皆當入諸魔心之所行故也不以起為起不隨魔事之所教也覺了魔行化衆生行觀其所行不修彼行獨於魔衆而示現不行魔行又當修學魔之治化雖在魔中而无魔事又問魔曰何謂一切聲聞緣覺行為菩薩行答曰族姓子假使菩薩為諸聲聞緣覺講說經法具足所願在於彼行遵崇長益精進之行當求斯惠不用彼乘而取滅度也復次族姓子一切

諸行皆自然行為泊落行菩薩
所當信樂行者其行已過一切所
行如審諦行一切諸行无所住一
切諸行悉無為行亦无合會無所
起行无所住行菩薩當崇如是之行
魔王又問溥首仁可垂恩重複說此
諸所行乎溥首答曰辯才堪任皆度
一切所有境界為菩薩行所以者何
其彼行者不與眼界而俱合也不與
色界而合會也不與耳聲鼻香舌味
身更意法意界而俱合也以是故魔
當作斯觀假使能度諸境界者号曰
正士復次天子菩薩設能如是行者
不為斯惑諸佛世尊如是行為菩薩
行則應道行又問何謂溥首菩薩所
行而不欺惑諸佛世尊及一切法溥
首菩薩答曰如來所說誠諦解諸法
空一切悉无逮取正覺假使菩薩依
倚見身及諸佛法并見泥洹則為欺
惑諸如來也天子欲知如來行者於
一切法而無想著乃逮正覺假使菩
薩於一切法有所想求與想遊居則
為欺惑於如來也天子如來審實誠

諦無所從出亦无所生亦無所起亦
无所有亦無所倚亦无有相来無所
来亦无所住本性清淨本性明達本
淨滅度猶如虚空無有形貌解一切
法亦恚如是乃逮正覺假使菩薩在
於諸法有往有来有入有出若所起
忽然現者出於所有依因於相若有
往返若有所立无有清淨若有塵勞
終始周旋獲色所有而為放逸有所
思念即為斯惑如来假使天子若有
菩薩等御解空了一切法皆於諸見
而无思想等御所行解一切法恚除
諸想等御无願分別諸法度於三界
等御如空解一切法不著本淨遵修
如是為菩薩者不為斯惑諸佛世尊
於時大聖讚溥首曰善哉善哉童真
如是行者為菩薩行若有菩薩所行
如是疾得受决佛言溥首吾憶往古
錠光佛時已身勸助行清白法所行
無行亦不寂滅得受决也所以者何
處一切行名曰所現光這覩斯已何
為想行時有色莫若而志利義適從
錠光如来大聖受决則了本淨即時

普解一切諸法悉无所起然後錠光
如來所見受決仁於來世當得作佛
号曰能仁如來至真等正覺明行成
為善逝世間解无上士道法御天人
師為佛衆祐於彼世時尋逮得不起
法忍以是之故溥首若有菩薩欲疾
逮得不起法忍當修此行救諸退轉
心無所著不以利業精進行法无所
脫度无所度無所度乃得解脫溥首
又問佛言唯然世尊得法忍時為何
所逮世尊告曰不得於色乃逮法忍
痛痒思想生死識亦無所得乃逮法
忍不得陰種諸入乃逮法忍不得計
常空淨安隱及與我身乃逮法忍又
復永覩不得一切諸法乃逮法忍佛
言溥首諸法悉盡故曰為无所得溥
首法忍無逮亦无所得隨習俗行故
名曰得非凡夫法亦非學法非不學
法非緣覺法非菩薩法亦非佛法有
所行也於一切法都无所行故名曰盡
逮得法忍一切諸法亦不可得是故
曰盡逮得法忍假使法忍空无所有
於一切想諸所行者而无所畏故曰

盡索逮得法忍彼無有眼亦无眼識
無有耳亦无耳識無有鼻亦无鼻識
無有舌亦无舌識無有身亦無身識
无有意亦無意識諸畏无盡則曰法
忍無為界則謂法忍无有意界乃謂
法忍皆悉盡索乃得法忍說是法忍
諸法盡索時五百菩薩得不起法忍
同音舉聲白佛言唯然世尊我等當
具等集衆德三昧亦當普徧於一切
法逮无所起是深妙法諸菩薩學所
當承順若有聞者當歡喜信受持讀
誦如法奉行於是鈎鑠菩薩謂溥首
曰有所言曰所作已辦衆事成就菩
薩當以幾法所作衆事究竟成辦溥
首荅曰族姓子若有菩薩知一切法
而无所作如是菩薩所作已辦究竟
成就一切諸法悉無所有亦无所行
曉了諸法能如斯者所作已辦究竟
成就亦不有智亦无有二所作已辦
究竟成就亦不離作亦非不作亦無
不作所作已辦究竟成就有所者有
宣揚所作已辦究竟成就若得恩者
報所得恩所作已辦究竟成就遭无

反復加以反復所作已辦究竟成就
當供養者為之謙卑自屈施禮所作
已辦究竟成就知反復者若離反復
者若能辦事離不辦事所作已辦究
竟成就若輕易者而見忽損稽首為
礼所作已辦究竟成就有所作者不
得所作法之所行有所遭覩不得所
過所作已辦究竟成就若布施者勸
使入道所作已辦究竟成就亦不得
施亦不得道亦不得我亦不得人亦
不得他所作已辦究竟成就不護禁
戒忍辱精進一心智慧亦无所護勸
使趣道所作已辦究竟成就若有施
與持戒忍辱精進一心智慧勸使入
道所作已辦究竟成就非智非愚无
我無他亦无所得所作已辦究竟成
就身行口言意念奉行衆善分別此
事若身口意所作行衆善亦無所得亦
无所著是則名曰所作已辦究竟成就
尔時常堅精進菩薩謂溥首曰我為
應往說菩薩所作已辦究竟成就乎
溥首荅曰堪任族姓子白溥首曰若
勸一人令聞道音所作已辦菩薩筵

藏應時自恣若令得佛音法音聖衆
之音則當察之所作已辦若化一人使
受戒禁使歸命佛及法聖衆志在三
寶所作已辦具足菩薩篋藏供養若
所遊居若有施者若有受者勸助志
道此二事者則是菩薩清淨衆祐若
有施者及有受者已斯法行而勸化
之此二事者悉是菩薩清淨衆祐假
使菩薩思惟念佛若復思念經法聖
衆菩薩衆生所作已辦菩薩篋藏而
受供養假使菩薩修行慈心悲喜護
心若值一人下劣貧匱盜賊屠魁罵
詈銜口而能忍之不以瞋怒續行慈
心歡悅之意以待其人欲益利誼益
加精進所作已辦若獲百利若千利
若百千利億百千利若以珍寶滿閭
浮提得斯利者未曾以寶而發兩舌
又復諮啓問他人慧寧失身命不從
其後而說惡也不忘於法不承非法
觀此菩薩所作已具究竟成就復次
溥首假使菩薩七日斷供而不得食
若復有人受飲食者其人則近諸通
慧心不為虛妄又欲度脫一切衆生

欲念救濟群萌之類觀此菩薩所作
究竟假使天下普遍滿水周匝其地
當越度此行求聽法若遍滿火亦當
越度行求聞法亦不惜身亦不貪命
亦不受壽而造斯觀陰種諸入易易
得耳諸佛世尊難得值遇經法難聞
恭恪於法亦復難遭若入此數觀斯
菩薩究竟成就復次菩薩若聞四句
之頌歡喜踊躍不願享祚為轉輪聖
王寧以四句頌令人得聞熙怡豫悅
不樂帝釋位寧立眾施誘化猶犬禽
獸龍神不生梵天欣樂諸通慧心不
貪三千世界之七寶喜踊願志殖一
德本不僥一切眾生供養之利菩薩
所行修如斯者當觀菩薩成就究竟
常堅精進菩薩復謂溥首有菩薩常
堅精進常求博聞心當念此假使有
人段段節節解其身者當發歡喜以
自勸勉是皆俗法之所致也專志修
行念於佛道寧失軀命終不犯戒不
捨大乘不為愚心不興邪力致忍辱
力口言不虛恚能堪任終不懈怠修
精勤行嚴淨佛土而救眾生不為非

法普求一切諸度无極不求伴黨不
望衆生堅住智慧不斷佛教忘性强
猛一切所作無不成辦其意仁和棄
捐媮媚无所貪慕不惜身命曉練便
宜不久立者令得自歸奉戒清淨先
人問訊語言柔軟辞不綺飾譬若如
地離於所求无所求無所結倚性行
純善所答安隱所說常快敬受善課
棄除貢高常遜卑意所言至誠无有
忿訟所說如實无有譏諛言行相應
遵尚等心愍於衆生常有慈心向諸
群萌志於大哀為梨庶故无有瑕疵
建立一切衆德之本而懷欣豫一切
所有施而不惜當以行護救濟所欲
及得財業當行安隱放捨一切諸所
貪愛無有我所不倚所有終不自大
蠲除三垢志求解脫離於想念所思所
著不墮諸見无六十二當行博聞具
足七財心常強勇所聞曉解未曾有
厭當學智慧有所建立住於勇猛降
伏塵勞離於欲垢療治一切衆生之
病常為衆祐未曾捨離諸通慧心成
就福田令諸衆生悉得蒙恩行如蓮

花於諸世俗而无所著猶如舩師度
諸群生四病之患志如王路不得輕
慢貴賤中間之人當如泉源川流江
河所說經典而不可盡行如大海所
聞智慧苞无崖底無量之德之所積
聚性如須弥起現于世峻極而高常
樂精進志性慷慨心不怯劣心如門
梱志願堅固意如鷄毛調和其性當
行尊心濟導衆生修於自在勸助其
意志存奇雅微妙解脫行如天帝懷
來衆生遵如梵天分別權宜清淨之
行於一切法而得自在常當行慈究
竟滅度行如終沒若有觸犯作與不
作悉能忍辱心如嚴父所受至重志
如伴黨作諸德本而无所著意無所
倚於諸境界行無危害而修慈仁所
在吉祥於所生也為布施士謂法施
也斷除一切諸不善法奉行一切衆
善之法遵無放逸除於自恣憍慢之
事學戒精進所行堅強為无放逸修
菩薩行乃能致得無上正真之道為
取正覺於時世尊讚常堅精進菩薩
曰善哉善哉族姓子說菩薩行使乃

如是建立衆德若有菩薩設欲速得
等集衆德三昧普當分別一切功德
離諸罪疊

尔時鈎鑠菩薩前白佛言若有菩薩
速得於是等集衆德三昧功德瑞應
比類若何佛告鈎鑠今此等集衆德
三昧菩薩大士獲此定者則能遠離
惡趣之地無有八擾厄難之處除斷
窮饘供饒豐浹自然富樂諸根具足
便能成就三十二大士之相法无窮
盡速得辯才獲于總持常不失意於
一切福得自在成轉輪王无所倚導
為諸群黎之所奉事為天帝釋所見
咨嘆梵天稽首而為作礼速獲神通
靡不明達得其本願自在所生行摧
方便進退智慧不隨禪教遵修智慧
離一切見揔尊特貴聲聞緣覺所不
能及離諸恐懼聲聞緣覺智慧分別
諸根曉了衆生本末娛樂諸見志于
一心脫門之事住无處所常順所施
建立于戒護三清淨分別忍辱竟無
有形離諂偽想講說精進志无懈倦
解說禪定常度寂然敷演智慧日常

覩見而悉分別目无所著而常棄捐
除於六徑未曾違遠常見諸佛好樂
聽法奉事聖衆殷勤修行不離於空
无想無願所聞經典歌頌一切諸佛
功德悉受佛誨即以諮受善為衆生
分別說之在兜率天未曾捨離不退
轉法若欲遊行一切佛土無有罣碍普
見諸佛降伏魔怨无有四魔見深法
忍處不退轉法逮明神通在於道業
法靡不博懷來寂然清白覩見所行
具足佛法現不退轉行之所趣除一
切著所可罣碍見吾我色猶如幻現
觀察悉見一切身復無能勝者謂諸
異道受護正法諸佛尊典不惜身命
其行殷勤持御正誼現佛境界常无
永絕雖已泥洹而不滅度得無所畏
遊在衆會而無恐難聰明歡達隨其
所作而善蠲除去於一切貢高自大
修大莊嚴以幻三昧有所感動若放
光明而悉覆蔽日月星明火電得堅
強力身如鈎鑠行如金剛皆度一切
諸惡所乏普道場淨遊无量佛土普
聞其聲佛所建立身口意淨降伏魔

兵神足變化度於无極震動一切諸
佛國土得昭明慧分別法誼之所歸
趣辯才具足慧無罣碍為諸衆生導
行精進興顯佛事而无放逸於諸通
慧現佛境界如是鈎鑠若有菩薩逮
得於斯等集衆德三昧是諸菩薩瑞
應因緣儀像衆德名聞之事魏魏如
是鈎鑠白佛皆令一切衆生之類俱
共逮此等集衆德三昧所以者何唯
然世尊若有逮得於此定者衆德名
聞堂堂乃尔聲聞緣覺所不能及假
使有人聞此三昧而不信者則當知
為魔所燒固佛言如是如是鈎鑠誠
如所云假使有人信是三昧名德之
勲不可思議為佛所護於是鈎鑠又
問溥首曰若有菩薩意欲逮得等集
衆德三昧當行何法溥首荅曰若有
菩薩意欲逮得等集衆德三昧未曾
毀壞凡夫之法當修斯行所造行者
於佛道法亦无所得若欲行者當作
此行無法无見亦無所憂
復次鈎鑠若有菩薩欲得斯定誓歎
終始不為生死之所沾汙得於无為

不於聲聞緣覺之乘而取滅度也復
次鈎鑠菩薩欲得斯定意者具足衆
德當學所學之禁戒也亦不想念有
漏之福無漏之德无罪不罪不有不
无不著不捨不去不來世不度世未
曾懷念如此諸想等御法界信樂衆
德有福无福有常無常有念无念不
入終始所著之相為一切人遊入衆
德不為一人處遊福祐以一人德普
入衆生之所有福若漏無漏不復分
別不以此教一切佛德則一佛德當
作斯念所可教化說諸佛法无有老
特當信知此其所學福無所學福若緣
覺福若菩薩福若如來福此則无常
亦無形貌色像也當喜信樂一切諸
德福之所湊辟如鈎鑠諸有形色皆
有四大亦復如是諸菩薩法皆度衆
生至于脫門奉行等福當所為者所
興盛者無常盡法

復次鈎鑠若有菩薩欲得此定意於
四无量不懷恐懼何等四人界無量
佛土无限佛慧無邊衆生之行无有
邳是為四復次鈎鑠若有菩薩欲得

此定常當勸助四不可思議何等四罪
福報應不可思議衆生之行不可思
議而所趣路無有差特諸菩薩慧不可
思議神足力勢脫門諸菩薩之所歸
趣不可思議所生清淨是為四是故
鈎鑠若有菩薩於此三昧見無盡當
行四法何等四於斯建立菩薩之福
住不可盡具足衆行亦不可盡无尋
辯才亦不可盡智慧所達亦不可盡
是為四復有四事何等四勤精於法
積衆德本而無厭極當念勤行入聞
无厭而說經典當念勤行勸助無邊
衆善之德觀諸佛土所見莊嚴以入
已土而成清淨是為四

鈎鑠菩薩謂溥首譬如琉璃明月珠
寶所著器中若在金器銀器水精器
車樂器則以琉璃明月珠寶器威德
之故不失自然如是溥首若有菩薩
住是三昧若在居家若復出家住在
沙門計於法界自然之行无二脫門
又溥首菩薩何行有所遵修不失三
昧有所逮得德慧無盡溥首答曰鈎
鑠欲知菩薩當行四事何謂四不惜

身壽命不求一切供養之利行空无
想無願不志聲聞緣覺之乘欲得佛
慧思惟其行於諸通慧放捨所思所
想可應不應一切衆生等入行度我
人壽命亦不可得是為四鈎鑠又問
溥首此三昧者然後歸趣何所菩薩
若取經卷著在身懷若興忍辱設使
居家若出家學因緣學行乎溥首答
鈎鑠曰後若有得此三昧者假使有
人逮聞其名則非居家出家因緣所
以者何是故鈎鑠若有菩薩住三昧
則離二想所在遊行其壽智慧不可
盡極無所忘失開化衆生不以為厭
不自示現菩薩形類又在所奏一切
无邊亦無因緣譬如鈎鑠日月所遊
一切无邊菩薩如是觀無倚行若在
家地隨家依倚亦不出家為出家行
亦復不著出家之德於斯二事亦无
所慕所以者何菩薩所出悉無所著
譬如鈎鑠无所得者乃成正覺於此
菩薩有四事行何等四為尊為上而
為寂勝棄除一切諸所見事及入一
切諸佛之法是為四鈎鑠又問溥首

云何菩薩處於遊居溥首答曰菩薩
有四事行何等四慈悲喜護是為四
其有奉行是四梵行吾乃謂斯為遊
居復有四何等四若復遊處聚落舍
室則處遊居假使復在於閑居行若
在棚閣重屋作行則亦處於遊居是
為四溥首復謂鈎鑠曰其不奉修此
四梵行而自念言我處於遊居其人則
為欺諸天人所以者何諸佛世尊說
四梵行乃謂遊居其四梵行則處其
頂是清淨行而處於遊居在於國土受
分衛食威神在頂是故鈎鑠其有不
見四梵行者則為遠離四等心行若
復有修梵淨行皆患因從四梵行起
得賢聖慧不為世間自見身也貢高
自大不除人想鈎鑠又問溥首云何
菩薩奉慈心行何謂悲何謂喜何謂
護溥首答曰則以幻事救護一切衆
生之類則為行慈而以幻事度脫衆
生則為行悲若以幻事安隱群萌則
為行喜說以幻事令諸梨底逮得滅
度則為行護復次鈎鑠信解衆生界
空則為行慈信解法界衆生之界无

作非不作則為行悲信解了知諸群
萌界無著无脫則為行喜信解了知
梨庶之界来無所来則為行護復次
鈞鑠一切衆生无有吾我亦不恐怖
則為行慈一切衆生恚為澹泊亦不
畏懼則為行悲一切諸法法界平等
亦不懷懼則為行喜信解分別一切
佛土無盡之國則為行護復次鈞鑠
无危害相則謂為慈無等倫相則謂
為悲无有二相則謂為喜無有名无
所著相則謂為護復次鈞鑠无所住
慈不為大慈無所住悲不為大悲彼
何謂不為大慈猶如聲聞發是念言
今諸衆生皆獲安隱是聲聞慈不為
大慈何謂大慈假使等心於群萌類
而皆度脫衆惱之患是為大慈彼何
謂悲不為大悲梨庶之類生在五趣
愍傷哀之於生死中而欲拔濟是謂
為悲不為大悲何謂大悲見於五趣
生死蒸庶所生之處而行愍哀自捨
身安救護五趣便能濟拔衆生之界
尋時建立於平等道是謂大悲是故
鈞鑠當作斯觀聲聞有慈不為大慈

亦復有悲不為大悲是故鈎鎖若有
菩薩當具足行大慈大悲溥首說是
語時八千天人皆發无上正真道意
俱共歎言唯然世尊我等亦當奉修
此行如今向者溥首所說百千天人
逮得是三昧八千菩薩得不起法忍
於是鈎鎖菩薩白佛言如來願說百
福之相作何功德而佛世尊成斯相
乎時佛告曰譬如鈎鎖江河沙等諸
佛世界悉共合集滿中衆生功德具
足為轉輪王一身之德是諸衆生所
有功德皆如轉輪聖王悉共同合為
天帝釋一身之福復有別異江河沙
等諸佛世界一切衆生使其福德具
足成就如天帝釋悉復合集此衆生
福如帝釋福尔乃及於一梵天福復
有別異江河沙等諸佛世界衆生之
類其福各各譬如梵天悉備具足是
諸衆生其福各各等如梵天合集此
福以為成一聲聞之福復有別異江
河沙等諸佛世界衆生之類各各功
德如聲聞者悉合此福令具足備尔
乃合為一緣覺福復有別異江河沙等

諸佛世界一切衆生其福如緣覺者
悉備具足今乃合為一菩薩福菩薩
之福則過於彼不可稱限假使逮得
等集衆德三昧定者正使三千大千
世界滿中衆生悉令逮得等集衆德
三昧定者合集於此衆生三昧之德
以為一無量等祠无瑕之慧無想著
慧是故鈎鐐如是比慧所可祠祀皆
悉合集而為法祠撰合斯福乃為如
來一大人相如是比類三十二相各
各若茲乃成如來具足身相一切衆
生不能思議是故名曰不可思議如
來之身百福之相佛說此百福功德
大人相時三千大千世界六反震動
其大光明普照世界而雨天花百千
伎樂不鼓自鳴諸天世人恠未曾有
踊躍欣喜各各叉手為佛作禮舉聲
而歎俱白佛言若族姓女其發无上
正真道意為得善利無極之慶乃當
逮得如是之比百福之相悉具足備
則為超過釋梵四王一切聲聞及諸
緣覺唯然世尊其有聞此等集衆德
三昧快哉快哉為得菩薩利若得聞

名其德難及何況其人聞信樂奉行
假使有人持是三昧所遊之處則為
擁護其土衆生令此經典所遊之處
計其土地佛所建立假使世尊江河
沙等諸佛世界滿其中火當入中過
求聞是法聞是經者則歸大安世尊
告曰如是如是天子誠如所云假使
有人聞是三昧而不信樂不能聞受
為魔所固其有菩薩不得逮聞是三
昧者亦不受持諷誦說者吾不名之
為聞多智天子白佛唯佛世尊如來
聖旨建立此法令於後世遍得宣布
今時世尊放眉間相及鬚相光其光
普照無量无邊諸佛世界尋其光明
自然出聲而歎頌曰如來已為建立
斯法

今時世尊告賢者阿難今吾不久當
般泥洹餘有三月佛語阿難已為勸
助吾囑累汝於此經典汝當受持為
諸衆會廣分別說若有人及菩薩學
持三昧則為其人佛不滅度法不滅
盡所以者何其有阿難受行其法則
為見佛若為衆會講論說者此為護

法時賢者阿難淚出而白佛言唯然
世尊願住一切復過一切多所慰傷
多所哀念多所安隱天上世間世尊
告曰阿難且止莫憂勿愁向者吾不
說乎具足是法者佛則永存亦復不
離諸佛世尊所以者何不當以色觀
如來也亦非相好若觀此法則為見
佛佛說如是鈎鑠菩薩薄首菩薩離
垢威菩薩及諸菩薩賢者阿難及大
聲聞一切衆會諸天龍神乾沓惹世
人阿須倫莫不歡喜稽首作禮
等集衆德三昧經卷下

壬寅歲高麗國大藏都監奉

勅彫造

集一切福德三昧經卷上

頤

姚秦三藏鳩摩羅什譯

如是我聞一時佛在毗舍離菴羅樹園大法講堂與大比丘衆十千人俱皆阿羅漢諸漏已盡無復煩惱心得自在心得好解脫慧得好解脫其心調柔如大龍王所作已辦捨離重擔逮得已利盡諸有結到於彼岸菩薩摩訶薩二万人俱皆不退轉得陀羅尼及無尋辯獲大神通善能出生諸深三昧念慧堅擔智慧方便到於彼岸其名曰行志菩薩摩訶薩師子志菩薩摩訶薩妙色志菩薩摩訶薩增去志菩薩摩訶薩增長志菩薩摩訶薩無量志菩薩摩訶薩法志菩薩摩訶薩薩彌勒菩薩摩訶薩文殊師利童子菩薩摩訶薩那羅延菩薩摩訶薩如是上首二万菩薩復有四万天子皆向大乘及餘無量釋梵護世今時世尊與無量百千万億大衆恭敬圍遶而為說法今時世尊却後三月當捨身命入般涅槃當于是時佛法勝妙

極為增盛隱蔽一切諸外道等

今時千世界主那羅延菩薩從坐而起整於衣服右膝著地合掌向佛白言世尊如來不久當捨身命畢竟涅槃今如來法極為最上能悉隱蔽一切外道无信敬者善哉世尊惟願如來護諸菩薩令得現生一切諸善善根增上其心歡悅增益威德不斷佛種護持法眼及與僧眼惟願如來攝救一切諸衆生等分別演說向涅槃道所說正法若佛滅後令諸菩薩流通不斷及阿耨多羅三藐三菩提久住於世不離見佛聞法供養僧增益念力不忘諸法增益慧力覺了深法增長進力得進解義得具慚力淨自心故具足愧力捨離一切諸惡法故得堅固力威儀具足故有牢強勇健除斷一切諸結使故有大雄猛所住无畏故世尊云何菩薩摩訶薩不失功德不失正法不失慧不失智不失善薩心志念堅固親友究竟令諸衆生乃至涅槃如說如作不誑衆生住滿佛法不求自施悉捨於一切自如教

住住三淨戒自住淨忍心无虛獲於
諸衆生其心平等自住精進作一切
業自住諸禪具三善戒自善住慈不
依著於一切禪定自住明慧離諸邪
見一切法中得於照明以四攝法攝
取衆生無有疲倦不求恩報常念修
行一切人天所有善處住一切智心
如門闔心不趣向聲聞緣覺心常趣
法不趣於欲為法王利非人天利行
智慧行佛智所說以法養命非飲食
活遠離貪欲攝受一切遠離瞋恚於
諸衆生無侵害心遠離愚癡離諸法
闇出過衆魔離諸結惱善巧方便善
趣諸門如是問已尔時世尊告千世
界主那羅延善哉善哉那羅延汝今
乃能為諸菩薩問於如來如是之義
那羅延汝今諦聽善思念之當為汝
說菩薩摩訶薩如是諸行所得功德
復過於是時那羅延菩薩歡喜白言
善哉世尊受教而聽佛告那羅延菩
薩摩訶薩有三昧名集一切福德菩
薩成就是三昧者不失功德不失正
法不失於慧不失於智不失見佛聞法

供僧勤修四攝自住布施乃至自住
於善方便成就此功及餘功德尔時
世尊數演說是集一切福德三昧名
已即便默然

尔時有大力士名曰淨威成就大力
居毗舍離大城作如是念我大力士
成就大力閻浮提中所有衆生无有
大力與我等者我先聞有沙門瞿曇
成就大力具足十力那羅延身復作
念言我當往觀沙門瞿曇何如我也
尔時淨威力士出毗舍離大城趣菴
羅園大法講堂到已瞻觀如来應正
遍覺佛大威德百千万衆恭敬圍遶
而演說法猶如須弥顯于大海周匝
端嚴極為微妙當初覩見於如来時
得大信樂愛敬之心即前投地礼如
来足右遶三匝却住一面合掌頂上
一心觀佛是時世尊知是淨威力士
心已欲降伏故告大目連目連汝往
取吾昔苦薩時為娉瞿夷釋種女故
搏力時箭尔時目連白世尊言我都
不見知在何處尔時世尊從於右足
放大光明名曰照明是光遍照三千

大千此佛世界時三千大千世界之
下大金剛輪箭在彼堅尔時世尊告
大目連汝見此界大金剛輪箭在彼
堅不目連白言已見世尊佛告目連
汝取持來時大目連即下至彼如大
力士屈申臂頃一切大衆皆見其去
即便持來授與如來作如是言世尊
是菩薩時父母生力為神通力佛言
是菩薩時父母生力非神通力目連
菩薩若以神通之力是箭即過无量
無邊諸佛世界大德目連白言世尊
乃是菩薩父母所生福德之力佛告
目連如十人力等一健牛力十健牛
力等一青牛力十青牛力等一凡象
力十凡象力等一羅迦象力十羅迦
象力等一迦尼象力十迦尼象力等
一香象力十香象力等一毗陀象力
十毗陀象力等一無闍象力十無闍
象力等一伊沙陀象力十伊沙陀象
力等一安禪象力十安禪象力等一
婆摩象力十婆摩象力等一青象力
十青象力等一黃象力十黃象力等
一赤象力十赤象力等一白象力十

白象力等一赤蓮花象力十赤蓮花
象力等一紅蓮花象力十紅蓮花象
力等一香象力十香象力等一大香
象力十大香象力等一繫繖師子王
力士力等一大力士力十大力士力
等一遮菟羅力十遮菟羅力等一大
遮菟羅力十大遮菟羅力等一波建
提力十波建提力等一大波建提力
十大波建提力等一地天子力十地
天子力等一堂天子力十堂天子
力等一持風天力十持風天力等
一持鬘天力十持鬘天力等一常
醉天力十常醉天力等四天王中一
天子力一切四天中天子力等一天
王力十天王力等三十三天中一天
子力一切三十三天中天子力等一
帝釋力十帝釋力等焰天中一天子
力一切焰天中天子力等一焰天王
天子力一切兜率陀天中天子力等
一兜率陀天王力十兜率陀天王力
等化樂天中一天子力一切化樂天

中天子力等一化樂天王力十化樂
天王力等他化自在天中一天子力
一切他化自在天中天子力等一他
化自在天王力十他化自在天王力
等魔天中一天子力一切魔天中天
子力等一魔王力十魔王力等半那
羅延力十半那羅延力等一那羅延
力十那羅延力等一大那羅延力十
大那羅延力等一百劫修行菩薩力
十百劫修行菩薩力等一千劫修行
菩薩力十千劫修行菩薩力等一万
劫修行菩薩力十万劫修行菩薩力
等二十万劫修行菩薩力十十万劫修
行菩薩力等一百万劫修行菩薩力
十百万劫修行菩薩力等一千万劫
修行菩薩力十千万劫修行菩薩力
等一百千万劫修行菩薩力十百千
万劫修行菩薩力等一十千万劫修
行菩薩力十十千万劫修行菩薩力
等一百十千万劫修行菩薩力十百
千千万劫修行菩薩力等一千千千
万劫修行菩薩力十千千万劫修
行菩薩力等一百千千万劫修行

菩薩力十百千千萬劫修行菩薩
力等一萬千千萬劫修行菩薩力
十萬千千萬劫修行菩薩力等一
無生法忍菩薩力十得无生法忍菩
薩力等一十地菩薩力十十地菩薩
力等一後身菩薩力是故目連菩薩
成就如是力故生便即能行於七步
目連若此世界佛不持者便壞不住
何以故菩薩摩訶薩當其生已行七
步時此界大地從廣六十八千由旬
菩薩生已當下足時便當却沒深百
千由旬還舉足時復當踊出百千由
旬以佛持故令是世界不動无壞衆
生無惱寂後身菩薩始初生時則便
具有如是力目連十初生菩薩力等
一威年菩薩力目連菩薩摩訶薩成
就是力趣向道場覺於菩提如是當
趣道場時力比道場上座時之力超
過百千復以如是無量无邊阿僧祇
不可得不可壞力成就具足乃至成
阿耨多羅三藐三菩提目連假使一
切世界衆生悉得具足垂成菩提菩
薩之力比於如來處非處智力百千

万億分不及其一乃至算數譬喻所
不能及得具如是十種之力名為如
來應供正遍覺是故目連如來之力
為本善根之所護持無增无減此中
不明菩薩通力菩薩若用神通力者
能以恒河沙等世界置於足指一毛
端上擲過无量無邊恒河沙世界如
是往來不令衆生有於苦惱如是神
力無量无边不可思議不可稱量不
可數知無等等若當如來盡現所有
神通力者汝等聲聞尚不能信况復
其餘諸衆生也目連菩薩趣詣道場
上時觀於地大水火風大恚為一界
所謂空界是故大地而不壞敗衆生
无惱時淨威力士從如來所聞說菩
薩父母生力聞已驚恠身毛皆豎生
希有心從坐而起正於衣服右膝著
地合掌向佛白言世尊我今憍慢恚
皆摧滅從如來所聞菩薩力故世尊
我今歸依佛法衆僧發心无上正真
道心為欲安樂一切衆生願得具足
如來之力尔時復有十千天子聞淨
威力士作如是語皆發無上正真道

心亦作是念世尊願令我等得如是力如今如來應供正遍覺今時那羅延菩薩白言世尊云何名為菩薩所修集一切福德三昧如來先說是名字已即便默然世尊今當敷演解說是集一切福德三昧云何菩薩得是三昧今時世尊告千世界主那羅延菩薩那羅延無有菩薩發於无上正真道心而不隨是集一切福德三昧者何以故一切福德無有不入初發心中那羅延猶如江河一切諸流無有不入大海中者如是那羅延所有福德若施戒修有漏无漏世間出世間若天若人所有福德皆悉攝在發菩提心中是故那羅延若善男子善女人欲集一切諸福德者當發无上正真道心那羅延猶如寶山所謂須彌輪圍山及諸餘山藥木叢林村邑聚落大小諸城閭浮提弗婆提瞿耶尼鬱單越諸四天下及千世界二千世界三千大千世界欲界色界无色界日月星宿若日月蝕一切皆攝三千

大千世界之內乃至百億四天下皆
悉在中如是那羅延所有一切諸凡
夫福若學人福無學人福若菩薩福
若如來福一切皆攝在於菩薩初發
心中是故那羅延若欲攝取一切福
德當發菩薩阿耨多羅三藐三菩提
心那羅延若四下一切衆生悉具
轉輪大王福德若有初發大乘道心
福德智慧殊勝於彼那羅延如四天
下一切衆生乃至三千大千世界所
有衆生是衆生界之所攝者是一一
衆生皆具轉輪大王福德是諸轉輪
大王福德為一轉輪大王德聚是一
一衆生復具是德於意云何是諸福
德寧為多不那羅延言是一人福尚
多無數况復无量阿僧祇人所有德
聚佛言那羅延置是三千大千世界
所有衆生乃至恒河沙等世界所有
衆生悉具轉輪大王福德那羅延於
意云何是諸德聚寧為多不那羅延
言世尊若一千大千世界衆生具
足轉輪大王所有德聚尚多无量無
邊阿僧祇况復無量无边世界衆生

具足轉輪大王福德之聚卽羅延我
今知已而唱是言有初發菩提之心
所有德聚比前德聚百分不及其一
千分百千分百千万億分乃至算數
譬喻所不能及卽羅延是名初說入
集一切福德三昧復次卽羅延如千
世界梵王慈心普遍滿此一千世界
卽羅延有人復以滿千世界七寶布
施於意云何是人施福梵王慈福何
者為勝卽羅延言世尊梵王慈福无
量無邊卽羅延置是千世界梵王慈
心若二千世界梵王慈心普遍滿此
二千世界卽羅延若復有人以滿二
千世界七寶持用布施汝意云何是
人施福梵王慈福何者為勝卽羅延
言世尊梵王慈福無量无邊卽羅延
如三千大千世界梵王慈心普遍滿
此三千大千世界若復有人以滿三
千大千世界七寶布施於意云何是
人施福梵王慈福何者為勝卽羅延
言世尊梵王慈福無量无邊卽羅延
言世尊梵王慈福無量无邊卽羅延
言世尊施福比慈百分不及一千分
百千分乃至算數譬喻所不能及佛

言如是四千世界梵王慈心亦遍滿
此四千世界五千世界梵王慈心亦
遍滿此五千世界十千世界梵王慈
心亦遍滿此十千世界百千世界梵
王慈心亦遍滿此百千世界那羅延
若人以滿百千世界所有七寶持用
布施所得福聚比慈福德慈福為勝
那羅延正使是等三千大千世界之
中一切衆生各具慈心如百千世界
大梵天王所有慈心是諸慈心福德
之聚欲比菩薩初發道心專志增上
為脫一切所有衆生無幻无偽實
為一切衆生修行慈心福德百分不
及一千分百千分億分百億分十億
分乃至算數譬喻所不能及那羅延
是故當知若欲修集一切福德是善
男子善女人應發阿耨多羅三藐三
菩提今發當發具足如是無量无邊
福德之聚是第二說入集一切福德
三昧復次那羅延汝意云何東方虛
空為普遍不南西北方四維上下所
有虛空為普遍不那羅延言世尊東
方虛空尚不得邊何況十方不可說

無量无边隨有世界虚空普遍佛言
那羅延假令有人乃至百千万億劫
中引諸喻說欲盡虚空得其邊際不
得其邊那羅延我今引喻以明斯義
為欲成滿是集一切福德三昧故亦
令增益諸有修集福德衆生增長志
欲令向大乘菩薩摩訶薩滿大精
進那羅延若以芥子盛滿三千大千
世界乃至非想非非想處滿中芥子
假令有人持過東方百千恒河沙等
世界下一芥子如是東行盡是芥子
猶不能得世界邊際南西北方四維
上下亦復如是那羅延若復恒河沙
等世界滿中芥子那羅延頗有人天
能數如是一切芥子知其數不時那
羅延自言世尊若四天下一切衆生
成就智慧如舍利弗於一劫數猶尚
不能數其一分况能數盡大芥子聚
那羅延假令有人過於東方恒河沙
世界著一芥子如是東行盡是芥子
猶故不得世界邊際南西北方四維
上下亦復如是那羅延如是世界虚
空普遍設有人天以滿中七寶持用

布施那羅延於意云何是福德聚寧
為多不那羅延言無量世尊无邊世
尊佛言那羅延是人所有福德之聚
欲比初發道心菩薩成就志欲無幻
无偽勤修精進為脫一切衆生起大慈
大悲所集德聚是施德聚百分不及二
乃至算數譬喻所不能及那羅延十方
一切所有諸物虛空皆悉周遍那羅延
菩薩慈心亦復如是遍滿十方諸佛世
界所有衆生皆悉普遍那羅延是菩薩
慈心所及衆生令悉具足轉輪大王
所有福德如是帝釋所有福德如是
梵王所有福德若有菩薩初發道心
專志趣向無幻无偽勤修精進為脫
一切所有衆生起慈悲心而趣向之
行於愍悼所得福德是福勝彼一切
衆生具轉輪王帝釋梵王所得功德
那羅延是第三說入集一切福德三
昧復次那羅延假令三千大千世界
所有衆生皆具轉輪大王福德比帝
釋福德百分不及一乃至算數譬喻
所不能及那羅延假令三千大千世
界所有衆生皆為帝釋比梵王所有

福德百分不及一乃至算數譬喻所不能及。那羅延假令三千大千世界一切衆生皆悉具足大梵天王所有福德比一。斷欲優婆塞所有福德百分不及一。乃至算數所不能及。那羅延假令三千大千世界所有衆生皆為斷欲優婆塞。所有福德比舍利弗所有福德百分不及一。乃至算數譬喻所不能及。那羅延假令三千大千世界所有衆生福德智慧如舍利弗比一。緣覺所有福德百分不及一。乃至算數譬喻所不能及。那羅延若令三千大千世界所有衆生悉具緣覺所有福德智慧比一。五百劫中修行菩薩所有福德智慧百分不及一。入集一切福德三昧。應如是學。說是法時。三萬二千衆生皆發無上正真道心。此三千大千世界六種震動。人天伎樂同時俱作。人天雨花。積至于膝。天龍夜叉。乾闥婆。釋梵護世。皆作是言。世尊是初發心者。悉勝我等。世尊我等亦當利是善男子。善女人。已發心發當發。阿耨多羅三藐三菩提心者。如

我等解佛所說義若有衆生不發无上正真道心則不能趣是集一切福德三昧不能正入若有衆生發於無上正真道心則能得趣是集一切福德三昧亦能正入今時淨感力士白言世尊以何等法能得成就攝此集一切福德三昧佛言善男子成就一法攝此集一切福德三昧何等一法謂不捨於一切智心善男子是名成就一法攝此集一切福德三昧復次善男子復成就二法攝此集一切福德三昧復次善男子復成就三法攝此集一切福德三昧何等三謂離諸惡修行善法善巧迴向善男子是名成就三法攝此集一切福德三昧復次善男子復成就四法攝此集一切福德三昧所謂戒淨見淨心淨慧淨善男子是名成就四法攝此集一切福德三昧復次善男子復成就五法攝此集一切福德三昧何等五所謂專意發菩提心常真實語无有誑偽無

有嫉妬於一切衆生心常平等善男子是名成就五法攝此集一切福德三昧復次善男子復成就六法攝此集一切福德三昧何等六所謂親近於善知識離惡知識遠離衆關閉居寂靜不捨大慈於諸衆生起大慈心善男子是名成就六法攝此集一切福德三昧復次善男子復成就七法攝此集一切福德三昧何等七所謂修定善於智慧善知於因善知於緣正直而住修集於道修行道時无有懈怠善男子是名成就七法攝此集一切福德三昧復次善男子復成就八法攝此集一切福德三昧何等八謂調柔身調柔心觀受觀法未生惡法令其不生已生惡法斷之令滅未生善法方便令生已生善法護令增長善男子是名成就八法攝此集一切福德三昧復次善男子復成就九法攝此集一切福德三昧何等九觀過法無盡現法无盡來法無盡觀法如幻等覺三世如一切法知而忍之不謗於空不分別無相不願諸有善

男子是名成就九法攝此集一切福德三昧復次善男子復成就十法攝此集一切福德三昧何等為十謂解无我忍於無命不疑无入緣法無常於諸生處如地獄想觀四大如毒蛇觀入如空聚觀陰如壯體流出諸有想樂修解脫善男子是名成就十法攝此集一切福德三昧今時淨威力士白佛言世尊若善薩摩訶薩欲成就一切福德莊嚴者應聽是三昧善薩摩訶薩欲集一切福德者應聽是三昧若善薩摩訶薩欲得不思議福德者應信是三昧應聽是三昧若善薩摩訶薩欲得無盡福德者應當修行於是三昧若善薩摩訶薩欲到一切福德大海者應當受持讀誦修說於是三昧若善薩摩訶薩欲得百福相者應當修行於是三昧今時淨威力士復白佛言世尊善薩摩訶薩何法相應成就滿此一切福德莊嚴修集一切福德不可思議福德无盡福德大海福德滿百福相今時佛告淨威力士善男子有於三法為福德柱福

德莊嚴福德來集福德增廣福德无
盡福德大海福德叵思何等三謂一
布施莊嚴持戒莊嚴多聞莊嚴善男
子云何菩薩摩訶薩修行布施莊嚴
善男子菩薩摩訶薩應生是心若布
施時不見施心不見所施及以受者
不見眷屬若有乞者來有所求為攝
護故不以王位封邑財物諸珍寶等
而有慍惜生於異心善男子是菩薩
摩訶薩作如是念今我此身悉已給
施一切衆生况餘財物若已施者終
無悔心須財施財須食施食須飲施
飲須眼施眼須肉施肉須血施血須
髓施髓須於支節施與支節須頭施
頭我志當施况餘財物穀米金銀衣
服瓔珞象馬車乘國城王宮男女妻
妾奴婢眷屬無不捨者若有衆生隨
其所須而求索之我隨所有志當施
與无有憂悔不望其報起慈悲心為
攝衆生攝取衆生乃至成佛終無有
盡善男子若有菩薩發如是心名菩
薩布施莊嚴復次善男子菩薩不自
觀計身命寧捨身命終不為惡不為

養身邪命自活寧捨身命不惱於他不
為封邑造行諸惡不為眷屬熾然諱
訟不為妻妾及以男女嫉利他財不
生慳心常恒少欲乃至不生一念惡
心况復多也為斷慳貪不生瞋恚无
瞋恚故正行相應正行相應故到於
正處到正處故正戒相應正戒相應
故親善知識恭敬供養恭敬供養善
知識故得聞正法聞正法已如說修
行如說修行已則能利益邪道眾生
不作眾惡隨順善法得知方便知眾
生根善男子而是菩薩行施莊嚴得
是功德復次善男子菩薩摩訶薩不
生內外想若內地大若外地大等无
異想何以故身猶如牆壁草木如影
如炎無知无思無作无堅四大所攝
若有斫截刀杖凡石撾打之者終不
生報不觀計身不愛壽命於諸眾生
不起瞋恚彼眾生所修慈悲心善男
子猶如藥樹若有取根莖節枝葉花
驢及果終不作念取根莫取莖取莖
莫取根如是乃至枝葉果實亦尔而
是藥樹都无想念然能寂滅一切眾

生若上中下所有病患如是善男子
菩薩摩訶薩於四大身生藥樹想隨
諸衆生須手與手須脚與脚須眼與
眼須肉與肉須五與五須骨與骨須
髓與髓須頭與頭須支節者施與支
節善男子若是菩薩以如是心行施
莊嚴趣向無盡菩薩摩訶薩行布施
時為慳衆生令成滿施少福衆生具
滿福德貧窮衆生滿大封邑若捨支
節為令衆生具滿支節如是布施不
向三處何等三不求王位自在不求
大富自樂不向聲聞緣覺菩提如是
布施為滿四淨何等四淨謂佛土淨
菩薩僧淨化衆生淨迴向一切智淨
菩薩摩訶薩應當如是迴向四淨復
次菩薩摩訶薩施住無盡何等名為
菩薩施住善男子菩薩摩訶薩有四
法布施是施有盡何等四謂不迴向
無有方便所為下劣近惡知識善男
子是名菩薩四法布施是施有盡善
男子菩薩有四法布施施住无盡何
等四謂迴向菩提有巧方便為得法
王近善知識善男子是名菩薩四法

施住而不可盡復次善男子菩薩摩訶薩應念三法而行布施謂念不離菩提之心憐愍一切所有衆生不違佛語不望果報善男子是名菩薩念於三法而行布施復次善男子菩薩摩訶薩安置衆生於三法中而行布施何等三謂安衆生菩提道中而行布施為安衆生善讀法中而行布施為安衆生著無上門中而行布施善男子是名菩薩摩訶薩安置衆生於三法中而行布施復次善男子菩薩摩訶薩希望二法而行布施何等二摩訶薩希望有大封邑能行捨心善男子是名菩薩希望二法而行布施復次善男子菩薩摩訶薩為滿二法而行布施謂智與慧善男子是名菩薩摩訶薩為滿二法而行布施復次善男子菩薩摩訶薩修行四施何等四謂等心行施不望果報施向菩提施滿調家施善男子是名菩薩

修行四施是故善男子菩薩欲趣至
無盡福應當修行如是布施令時淨
威力士即白佛言希有世尊如來說
施攝取一切佛之正法世尊若有菩
薩成就是施元有能量是菩薩福
佛言如是如是善男子若有菩薩成
就具足如是布施知是菩薩成就具
足無盡福德大海福德不貧聖法成
大封邑住在法流獲得大財具足七
財成大福德持百福相為大福田養
育一切諸衆生等

集一切福德三昧經卷上

癸卯歲高麗國大藏都監奉
勅彫造

集一切福德三昧經卷中

七

姚秦三藏鳩摩羅什譯

尔時佛告淨威力士善男子云何菩薩摩訶薩淨戒莊嚴謂戒淨无缺不捨學戒愍於毀禁極敬持戒淨身三業淨口四過淨意三業自成十善教他十善不自稱譽不起戒慢勤進修戒頭陀德中心不動轉住於聖種自護已心不見他過不作衆惡不願諸有亦不喜樂勸他修善勤營助他不怖望樂勸人布施不捨阿練若處為病給使作已歡喜如說如作失利不憂得利不高毀譽稱譏及與苦樂心不傾動斷除愛恚不懷忿嫌修行慈心視怨如親不以戒自高不向餘乘不礼餘天捨離諸見盖覆使纏斷除滅悔捨財无悔心生歡喜不生諸有心不願樂忍於疲苦善護進心遠離著心不驚怖畏無生法忍善男子菩薩摩訶薩為集此戒乃至失命終不毀犯不為王位護持禁戒不為生天不為帝釋不為梵王護持禁戒不為封邑不為自在不為妙色護持禁戒不為

端正不為名稱不為讚歎不為利養
不為恭敬不為活命不為飲食不為
卧具不為病藥護持禁戒不為眼色
不為耳聲鼻香舌味身觸心法護持
禁戒不依倚色不依受想行識護持
禁戒不依欲界色界無色界護持禁
戒不畏地獄餓鬼畜生不為救護護
持禁戒不畏人道貧窮困苦護持禁
戒不畏天道貧窮苦故護持禁戒不
畏天龍夜叉乾闥婆阿修羅緊那羅迦
樓羅摩睺羅中貧苦惱故護持禁戒
為佛種故護持禁戒為住聽法如聞
而行護持禁戒為僧種故護持禁戒
為欲出過生老病死憂悲苦惱故護
持禁戒為欲解脫諸衆生故護持禁
戒為安樂利益諸衆生故護持禁戒
欲住佛法故護持禁戒欲轉法輪故
護持禁戒為集聖種故護持禁戒為
不斷佛法僧種故護持禁戒為妙神
通故護持禁戒為戒定慧解脫解脫
知見故護持禁戒為神足變化應現
无方護持禁戒如是持戒不毀不缺
不穿堅實無所作為具足成就精妙

無染清淨香潔智者所讚諸佛所歎
如法修行堅固真實若菩薩成就如
是持戒不失十法何等十法謂不失
於轉輪王位既在是位不生放逸怖
望欲得无上菩提願得見佛不失帝
釋既得是處不生放逸怖望欲得无
上菩提願得見佛不失梵王既在是
處不生放逸怖望欲得无上菩提願
得見佛淨信正直真不失聞法如所聞
法善能分別不失攝取菩薩智慧不
失無斷无尋辯才不失集聚一切善
根不失一切諸佛聲聞緣覺所讚不
失疾能通達一切諸佛智慧若菩薩
成就如是持戒不失此十法菩薩成
就如是戒聚諸天常礼諸龍宗敬夜
叉常供諸軋闍婆亦常供養阿修羅
敬侍諸王婆羅門長者居士皆尊重
之智者常趣諸佛常念諸天世人常
師事之常愍衆生若菩薩如是淨持
戒聚不生四處除化衆生何等四不
生邊地不生無佛國不生邪見家不
生惡道菩薩如是淨持戒聚不生四
處復次善男子菩薩如是淨持戒聚

不失四法何等四所謂不失菩提之心不失念佛不失聞法既聞法已乃至無量阿僧祇劫而不忘失是為菩薩淨持戒聚不失四法善男子若菩薩如是淨護戒聚不值四處不值法滅不值刀兵劫不值飢餓劫不值劫燒菩薩如是淨持戒聚不值是四復次善男子菩薩如是淨持戒聚得四勝法所謂不誑佛不誑諸天不誑衆生不誑自心菩薩如是淨持戒聚得四勝法復次善男子菩薩成就護持戒聚離十種畏何等十離地獄畏離畜生畏離餓鬼畏離貧窮畏離不稱讚畏離諸經畏離諸聲聞緣覺位畏離天龍夜叉乾闥婆阿修羅迦樓羅緊那羅摩睺羅伽拘絢茶羅刹等畏離魁膾刀杖火毒等畏離諸師子虎豹熊羆及多勒叉狐狼蟒蛇猫鼠百足毒蛇蛇蟻王賊等畏菩薩如是住淨戒聚離十種畏善男子菩薩持戒則能發起一切佛法乃至起於無上菩提何以故若有持戒便有三昧若有持戒便有智慧若有持戒便有解脫

若有持戒便有解脫知見善男子云
何名戒戒者名為寂調結使以何緣
故名為結使以染汙三有諸衆生故
名為結使云何名寂无妄想無分別
无起著永不思念一切諸法是名寂
調一切結使善男子若菩薩摩訶薩
不能如是知寂調結使是不名為戒聚
清淨何以故若不能知寂調結使雖
生梵世猶為結染乃至非想非非想
處猶為結使善男子是故當知寂三
界結名淨戒聚尔時淨威力士白佛
言世尊若離三界諸結使染名淨戒
聚世尊何故為菩薩時離三界結還
生其中尔時世尊告淨威力士善男
子菩薩摩訶薩不以自結生於三界
以方便故同在三界無三界結化衆
生故善男子假使人天能盡虛空現
諸色像於意云何為希有不如是世
尊如是善逝是人所作甚為希有佛
言善男子菩薩捨離一切結使處在
三界現三乘化是乃希有淨威力士
言世尊是菩薩成就住解脫門憐愍
衆生還住三界世尊辭如有人從魁

膾所得全身命既得脫已復還其所
而語之言汝今殺我莫煞餘人世尊
是三界者如魁膾舍一切衆生喻應
死者生死諸行猶如魁膾從得脫者
猶如菩薩脫三界已為化衆生為脫
衆生還住三界世尊是菩薩大悲諸
聲聞緣覺所不能及何以故聲聞緣
覺无是大悲無善方便无淨戒莊嚴
世尊復告淨威士善男子云何菩
薩摩訶薩善能修集多聞莊嚴求學
多聞善男子菩薩摩訶薩於諸和上
阿闍梨所恭敬供養尊重讚歎隨教
而行除捨憍慢速受教誨於正法中
生起藥想於和上阿闍梨所生起佛
想於自身所起病人想於說法者起
明醫想為集佛法不受身命於諸財
物衣鉢之餘起惱結想雖具封祿不
生愛著為重法故一切悉捨為護正
法應捨一切世間珍寶為得法故應
捨一切名譽讚歎為得法王捨諸王
位為捨一切諸結使故應當勤修集
法相應為救一切諸衆生故應當勤
修集法相應菩薩摩訶薩修集諸法

者一切善根自然而得是故善男子
菩薩摩訶薩欲成菩提欲堅立智柱
應修多聞善男子如帝釋堂因柱得
住三十三天在中歡樂如是善男子由
菩薩智柱一切諸天世人悉蒙受樂善
男子若有菩薩發菩提心菩提所攝
言欲作佛於多聞中而不勤修諸衆
生中取為無智是故善男子菩薩摩
訶薩應勤精進修集多聞諸衆生中
為多聞柱是時諸天歡喜踊躍是善
丈夫堅牢精進修集智慧必能獲得
於佛十力是善丈夫當以慧力斷諸
結網是善丈夫當演說法斷於一切
衆生結使是善丈夫當往至彼菩提
樹下諸佛坐處是善丈夫當以自力
降一切魔是善丈夫當轉十二行相
法輪善男子若有菩薩修多聞時一
切魔宮皆悉闇蔽三千大千世界魔
王皆悉憂惱作如是言是人今者勝
過我等其餘魔天各作是言是人降
伏於我等主我等一切悉屬是人何
以故善男子由是菩薩集多聞慧能
寂結使以无結使魔不得便已有多

聞則能分別既能分別則能修行已
能修行魔不得便修多聞者遠離邪
見得住正見已能正住魔不得便則能
正修已能正修能分別義離諸非義便
能正度義及非義善男子以是緣故應
如是知善男子菩薩修集是多聞時
除四種魔所謂陰魔煩惱魔死魔天
魔善男子如本菩薩集多聞時欲法
利法善住於法我今少說善男子乃
往過世阿僧祇劫無量無邊不可思
議今時有大仙人名曰寂勝住山林
中具五神通常行慈心作如是念我
今山中修行慈心无所利益不但慈
心能滅衆生無量劫中所集煩惱非
此慈心能起正見復作是念因於何
事能起正見作是念言有二因緣能
起正見謂從他聞聞已正思以是二
法能生正見是時便生求多聞心當
從何處得聞善說為法因緣集法相
應今時仙人至諸聚落封邑郡縣王
城處處推求多聞了不能得說法之
師時魔天子來至其所作如是言我
今有佛所說一偈是寂勝仙聞佛偈

名即語之言為我演說時天報言汝
今若能剥皮為紙以血為墨拈骨為
筆書寫此偈乃當相與佛所說偈善
男子時寂勝仙作是念言今我此身
無量生死在在生處賊兵剋膽百千
劫中常以无事墮在彼手利刀割截
分解支節或為欲故或財利故熬縛
捶打繫閉呵罵受無量苦都无利益
唐受割截我今當以此不堅身易得
妙法歡喜踊躍我得大利聞是法語
於此天所生師宗想即以利刀自剥
身皮乾以為紙復刺出血用以為墨
復拈其骨削以為筆合掌向天而作
是言天為我說佛所得偈如先所勅
剥皮為紙出血為墨拈骨為筆我志
作已善男子時魔天子見寂勝仙恭
敬為法見已愁悴即便隱去善男子
時寂勝仙見天沒已作如是念我今
為法生恭敬心剥皮為紙拈骨為筆
我今如此恭敬求法而是善根終不
敗亡若我此言誠實不虛起慈悲心
為諸衆生不惜身命剥皮為紙出血
為墨拈骨為筆若我至心誠實不虛

餘方世界大慈大悲能說法者當現
我前善男子取勝大仙作是語時一
念之頃東方去此佛土三十二佛刹
彼有國土名普无垢是中有佛号淨
名王如來應供正遍覺今者現在知
寂勝仙心念所作亦欲教化是閻浮
提諸衆生故譬如壯士屈申臂頃乘
空而來到是取勝仙人前住及五百
菩薩是淨名王如來放大光明遍照
彼林天雨衆花時彼樹林枝葉花果
皆出法音尔時无量百千万億諸天
來集是時彼仙得淨名王佛光觸身
已苦痛悉除還復如故無有瘡癰尔
時彼仙頭面敬礼佛世尊足右遶三
匝合掌頂上白淨名王佛而作是言
世尊是我師善逝是我師世尊我今
歸依佛歸依法歸依僧惟願世尊為
我說法我聞法已不信衆生行邪見
者壞正見者行黑闇者導示正故而
為說法善男子尔時淨名王佛因寂
勝仙及諸天子諸菩薩等為其演說
此集一切福德三昧法彼天衆中八
千天子本種善根皆發无上正真道

心寂勝大仙得大喜悅生於大信得
无昇辯彼佛如來復為演說八金剛
句何等八一切諸法性本淨句一切
諸法離結使故一切法無漏句盡諸
漏故一切法離巢窟句過巢窟故一
切法无門句無有二故一切法普遍
句示解脫門故一切法无去句無去
處故一切法无來句斷諸來故一切
法三世等句去來現在無二相故彼
淨名王佛演說如是八金剛句是中
開解一切法義復更演說餘八法門
今菩薩摩訶薩疾成就智何等八謂
一切法名字門以名分別一切法故
一切法音聲門以言分別令歡喜故
一切法共要門一切諸法決定相故
一切法言說門虛妄自在故一切法
自相門離他相故一切法畢竟盡
門無所有故一切法分別門從分別
有故一切法平等門等一味故寂勝
是名八法門疾成就智寂勝復有八
字種子門能成就於无盡辯才何等
八一切法阿字種子門示法無生故
一切法地字種子門示第一義法故

一切法那字種子門示字名色故一
切法遽字種子門示現一切法調伏
故一切法婆字種子門示一切法入
平等故一切法多字種子門示如不
壞故一切法迦字種子門滅苦業故
一切法摩字種子門究竟成就斷一
切法故是名八字種子門能成就於
無盡辯才是故取勝是八字種子句
門八法句門八金剛句門正念修行
常離憤內恒善思惟觀察修集功德
之利善男子淨名王如來說是法已
放大光明遍照世界震動大地即沒
不現與諸菩薩還至彼土彼諸衆生
都不覺知佛來去時善男子尔時寂
勝大仙成就聖辯諸天侍衛諸天守
護為降魔故至諸聚落諸城國邑為
諸衆生廣敷演說此集一切福德三
昧滿千千歲常演說法令八万四千
衆生住聲聞乘八万四千衆生住緣
覺乘八万四千衆生住於大乘八万
四千衆生作轉輪王八万四千衆生
作釋提桓因八万四千衆生得作梵
王八万四千衆生修行於慈八万四

千衆生修行於悲八万四千衆生修
行於喜八万四千衆生修行於捨无
量衆生得生天上是取勝大仙後乃
命終即往生彼淨名王佛普無垢土
及八万四千天子亦生彼土善男子
於意云何今時取勝仙者豈異人乎
汝勿有疑即我身是我本如是欲法
敬法說誠實言便能敬感彼淨名王
佛來至我所是以當知若有菩薩恭
敬求法則於其人佛不沮脛法亦不
滅何以故淨威若有菩薩專志成就
求正法者雖在異土常面覩佛得聞
正法淨威若菩薩摩訶薩欲法敬法
令諸山巖樹木林藪出諸法藏陀羅
尼門及諸經卷自來在手淨威諸有
菩薩敬法欲法若有諸天曾見佛者
來至其所從於佛所得聞諸法具為
演說淨威利法菩薩若其壽盡諸佛
世尊增益其壽佛力持故欲住千歲
即便能住二千三千四千五千乃至
一劫若減一劫隨意得住淨威若有
菩薩敬法欲法不老不病得憶念力
進趣智慧得於辯才若有菩薩敬法

欲法得見佛已捨離諸見趣入正見
淨威若有菩薩敬法欲法一切衆生
無能侵害是故淨威是大衆生應當
勤修多聞莊嚴所獲功德復過於是
淨威若有菩薩住是三福莊嚴福柱
廣福增福無盡福不思議無有能得
是福邊者淨威可以一毛數大海滯无
有能盡是菩薩莊嚴福聚淨戒多聞
慧聚得其邊者淨威能稱三千大千
世界草木山林及諸衆生得其輕重
不能稱量如是菩薩莊嚴福戒多聞
慧聚得其邊者是名解說智莊嚴已
今時淨威力士白佛言世尊布施莊
嚴淨戒莊嚴多聞莊嚴是三莊嚴何
者為最何者為勝佛言淨威三莊嚴
中多聞莊嚴最可稱歎最勝尊上无
上無上上善男子如須弥邊者一芥
子而是施福及淨戒聚亦復如是猶
如芥子多聞莊嚴如須弥山善男子
如一小鳥所住虚空施戒莊嚴亦復
如是多聞莊嚴如餘虚空善男子布
施莊嚴能作二事何等二能除貧窮
成大封祿淨戒莊嚴亦作二事何等

二一 離惡道二至善處善男子多聞

莊嚴亦作二事何等二謂能除去一切諸見能集一切智慧莊嚴善男子布施莊嚴是有漏報淨戒莊嚴亦有漏報善男子多聞莊嚴无漏無報是故善男子菩薩摩訶薩應勤精進修多聞慧說是施福淨戒多聞莊嚴法時三千衆生本種善根便發無上正真道心五千天子於諸法中遠離塵垢得法眼淨淨威力士得无生法忍今時淨威力士白佛言世尊菩薩摩訶薩成就幾法疾能獲得無生法忍佛言善男子菩薩成就四法疾能獲得无生法忍何等四謂解知身猶如鏡像解知言說猶如響聲解心如幻解諸法無二淨威當知菩薩成就是四法者疾能獲得无生法忍復次善男子菩薩摩訶薩成就四法疾能獲得無生法忍何等四謂慈悲普覆遍一切衆生无衆生想解諸法空不見所解觀見佛淨不以肉眼住於慧眼善分別心而不見心不依倚心善男子菩薩成就是四法者疾能獲得無生

法忍復次善男子菩薩成就四法疾能獲得無生法忍何等四所謂不捨一切衆生捨離諸見護持淨戒寂一切結善男子菩薩成就四法者疾能獲得无生法忍復次善男子菩薩成就四法疾能獲得无生法忍何等四謂有忍力法轉增勝勤行精進解法寂靜善男子菩薩成就四法者疾能獲得无生法忍復次善男子菩薩成就四法疾能獲得无生法忍何等四所謂得禪而不依禪以慧分別無有戲論成就方便攝取衆生增長諸行善知諸行善男子菩薩成就四法者疾能獲得无生法忍復次善男子菩薩成就四法疾能獲得无生法忍何等四謂以大慈救諸衆生謂以大悲不厭生死謂以大喜欣樂於法謂以大捨斷一切愛善男子菩薩成就四法者疾能獲得无生法忍復次善男子菩薩成就四法疾能獲得无生法忍何等四謂得三解脫門解知三世超過三界信法性无生善男子菩薩成就四法者疾能獲得

元生法忍演說如是諸四法時淨威
力士得無生法忍歡喜踊躍上昇虛
空高七多羅樹尔時三千大千世界
六種震動人天伎樂同時俱作天雨
花雲大光普照遍此世界尔時世尊
即便微笑諸佛常法若微笑時若干
百千青黃赤白紅紫等光從面門出
遍照无量無邊世界上過梵世還遠
身三面從頂相入時大德阿難即從
坐起整衣服偏袒右肩右膝著地合
掌向佛白言世尊佛不妄笑今者世
尊何緣而笑說偈問曰

得无上智無垢眼 諸根寂靜到彼岸
大光須弥金山色 導師以何因緣笑
善知衆生諸根行 淨慧相應知三世
得於無想取上智 面如滿月說笑緣
如過去佛及未來 現在諸佛尊亦尔
種種真實清淨行 善知一切如實義
其身普遍諸佛界 音聲亦滿諸佛界
慈心普遍諸衆生 願說誰與智相應
自在知法如水月 如幻化相亦如夢
如空如電清淨法 今人師子何緣笑
解空無相无願法 善知實性常調心

如風遊行虛空中

惟願演說何緣笑

今佛智慧知誰心

誰應道樹下降魔

誰當坐於金剛座

人仙今者何緣笑

非是聲聞之境界

亦非緣覺之所及

是佛大海智境界

願說所為之因緣

今時佛告阿難汝今見是淨威力士

住虛空不阿難是淨威力士過三百

億阿僧祇劫當得作佛号多莊嚴王

出現於世如來應供正遍覺明行足

善逝世間解无上士調御丈夫天人

師佛世尊於此東方國名嚴淨劫名

梵歎阿難當知是多莊嚴王佛嚴淨

國中當得成佛其土豐樂安隱熾盛

是諸人衆所受用物如兜率天是莊

嚴王佛不說餘法惟菩薩乘乃无聲

聞緣覺乘名純菩薩僧皆得法忍無

諸八難无有魔怨及諸外道彼佛壽

命無有限量琉璃為地閻浮那提金

花以間錯之今時淨威力士從空而

下頂礼佛足合掌向佛求索出家佛

即聽許今時那羅延菩薩自言世尊

未曾有也善逝未曾有也乃能以是

勝妙善法善調衆生乃至能令如是

憍慢競勝衆生是等當見佛如來時
即得歡喜除捨憍慢礼如來足如此
淨威大慢力士除捨慢已得勝上法
復當調伏無量衆生除捨憍慢世尊
是淨威力士為曾供養幾佛世尊種
諸善根乃能如是速疾開解今時佛
告鄒羅延菩薩鄒羅延是淨威力士
曾於過世供養六十二億諸佛種諸
善根從今已後當復值遇无量無邊
阿僧祇佛恭敬供養尊重讚歎淨修
梵行鄒羅延言世尊是淨威力士復
以何緣懷大憍慢求佛競勝佛告鄒
羅延菩薩摩訶薩有四法忘菩提心
何等四謂增上慢不敬重法輕善知
識說不實語鄒羅延菩薩有此四法
忘菩提心鄒羅延菩薩摩訶薩復有
四法忘菩提心所謂讚歎趣向聲聞
緣覺乘者呵向大乘毀訾菩薩恡惜
於法鄒羅延菩薩有是四法忘菩提
心鄒羅延菩薩復有四法忘菩提心
何等四於諸衆生行幻惑術詐偽親
近於善知識合偶言說為利養故鄒
羅延菩薩有是四法忘菩提心鄒羅

延菩薩復有四法忘菩提心何等四

不覺魔事不除業障志意羸弱无方便慧那羅延菩薩有是四法忘菩提心那羅延是淨威力士本造惡業忘菩提心我今當說汝善聽之乃往過世此賢劫中有佛出世号迦迦孫是佛法中有大婆羅門名曰善財起大憍慢得增上慢不往佛所憍慢增上與說王法諸婆羅門而共諍競是憍慢故獲得現報退失多事謂不見佛不聞正法亦不得聞趣向菩薩大乘之法亦不得聞諸天淨法亦不得聞功德善根迴向菩提而不堅固為此五惡法遮持故離菩提心那羅延於意云何尔時善財婆羅門者豈異人乎汝勿有疑即今淨威力士是也以憍慢故忘菩提心以菩提心本善根故不墮惡道雖成大力猶有憍慢佛力所持得聞佛力及菩薩力捨離傲慢將來見佛不作衆惡因本善根今現發起速疾得是无生法忍尔時那羅延菩薩語淨威力士汝住何法得無生忍而受記別淨威答言我以

生起諸凡夫法得受記別鄒羅延言
云何而生淨威答言生如不生如是
生滅如不滅如是滅如是而生亦復不
住鄒羅延言善男子若其余者佛法
凡夫法有何老別淨威答言以文字
故有老別耳若以其義則无老別鄒
羅延言是凡夫法有何義也淨威答言
無妄想无分別是凡夫法義鄒羅延
言是義何趣淨威答言而是義者離
凡夫法趣於佛法鄒羅延言佛法有
何義淨威答言不作二是佛法義鄒
羅延言善男子如佛所說依法不依
人又復說言有二因緣起於正見何
等為二因外言聲內善思惟如是之
義即是文字淨威答言鄒羅延依法
菩薩不取文字不取非文字若得文
字是即為義而是義者是不得義是
故不依於義一切諸法都无有義何
以故一切諸法不可得故非方不離
方隨所住處即處自滅如佛所說畢
竟滅想是名為義是故鄒羅延依義
者無法可依无不可依若依非依是
名為義鄒羅延言善男子頗有依義

即是依於一切法也淨威言有鄒羅
延一切法空一切法寂一切法空依
亦如是一切法寂依亦是如是如是鄒
羅延若依是義即依諸法鄒羅延言
淨威若如是者一切諸法常自是依淨
威答言如是如是鄒羅延一切諸法
皆第一義依第一義者彼得安樂彼
應當求於第一義若能不起法及非法
不求二不求不二是名為聖分別選
擇而是選擇無作无不作若無作无
不作是名為作所求求者義不相違
淨威力士說是法時五百比丘不受
諸法漏盡心得解脫八千天子遠離
塵垢得法眼淨尔時鄒羅延菩薩語
淨威力士如佛所說依義不依文然
此衆生不解是義行於二行是不解
文亦不解義為是不解故說依義不
依於文依文依義是義出過於諸文
字善男子如佛所說有二因緣能生
正見謂彼有人不聞正法調伏法中
以少緣故便生歡喜言我出生死彼
是增上慢本是增上慢為勸是人令
勤修行彼聞法已即便修行趣於正

道是故

佛說聞已得知法聞已不作惡聞已離
无利聞已得涅槃那羅延言云何比
丘念法相應淨威答言無相應无不相
應若能如是念法相應那羅延言彼
修行者是語相應復次那羅延若有
比丘與念法相應則不起瞋不起憍
慢是名正思惟若有觀察說法去來現
在若解所說為斷故說為解故說為
修故說不得過去世之所作不得未
來世之所作不得現在世之所作是
正修行若正觀一切法性常滅是名
正修思惟所見若見一切法性常寂
是名修正思惟所見若正觀一切法
性常定是名修正思惟所見若正觀
諸法畢竟不生是名修正思惟所見
若正觀一切法實無常是名修正思
惟所見若正觀一切法无常滅是名
修正思惟所見若彼見者及以所見
都不可見如如見如不見如是名為
說示思惟是時世尊讚淨威力士善
哉善哉善男子汝之所說如是相應
若能如是則於諸法无有愚癡如是

修行則無有障正修行者无縛無解
何以故正思惟者於一切法无斷無
趣若如是者名為正見見一切法如
是正見云何正見謂不見法所言見
者是說無生不實之言語不實者說
无生名如我所說諸法無生以慧初
見若至正位名為正見若如是見名
至正位以何因緣名為正位我與無
我二俱平等如无我等諸法等起是
名正位

集一切福德經卷中

癸卯歲高麗國大藏都監奉
勅彫造

集一切福德三昧經卷下

六
賴

姚秦三藏鳩摩羅什譯

尔時那羅延菩薩即白佛言希有世尊希有善逝諸法如是性常寂滅菩薩摩訶薩能聽是法能知是法能信是法不中沮脬佛告那羅延菩薩方便力能如是若菩薩成就善方便者於念念中能得四法何等四謂大慈大悲知一切智佛出於世不斷法種如是四法修行諸法知衆生界是正位相知一切法性常寂滅聞知信解不中沮脬是名調伏法知利衆生知已而見乃至不見何以故不捨一切諸衆生故尔時淨威力士白言世尊菩薩摩訶薩如佛所說不墮正位佛言善男子是菩薩摩訶薩不作諸見然事無不辨聲聞之人不緣一切衆生不緣佛種不緣法種不緣大乘捨一切智不觀一切智不願一切智滅有為法入聲聞位菩薩摩訶薩緣一切衆生緣不斷三寶種緣於大乘觀一切智不觀於命知諸法一相不

入正位緣諸衆生遊戲諸禪不墮聲聞
位善男子是故當知菩薩摩訶薩常
恒無我不墮正位尔時淨威力士白
佛言希有世尊希有善逝菩薩所行
一切聲聞緣覺之人所不能及尔時
文殊師利法王子在會而坐鄒羅延
菩薩白佛言世尊是文殊師利法王
之子在此會坐乃能於是集一切福
德三昧而無所說尔時文殊師利語
鄒羅延菩薩言善男子菩薩摩訶薩
不為福德故修行菩提菩薩不為利
養名稱不為生天不為封邑不為眷
屬不為讚歎不為自樂修行菩提鄒
羅延言文殊師利菩薩以何而行菩
提文殊師利言善男子菩薩為悲諸
衆生故修行菩提為於法故為脫一
切衆生苦故為斷不實諸煩惱故忍
自苦故無所為故修行菩提不惜身
命觀知无主無宰无居無相无思無
轉无壞無遷流轉无侵毀害勇健無
降無知解无懶墮無怖无畏無驚无
恐无高無下无諂曲堅住不動樂寂
獨一一道一起住於一道修行一道

為度一切諸衆生故為如是利故菩薩摩訶薩修行菩提又問文殊師利菩薩云何修行菩提文殊師利言善男子菩薩摩訶薩無生无滅非無生滅行畢竟滅无有餘生無所言說菩薩如是修行菩提復次鄢羅延菩薩知過心已滅无所能行未來心未至無所能行現心不住无所能行不著去來現在之心菩薩摩訶薩能如是行名修行菩提復次鄢羅延菩薩若知施及菩提衆生如來等无二行持戒菩提衆生如來等無二行忍辱菩提衆生如來等无二行精進菩提衆生如來等無二行禪定菩提衆生如來等無二行智慧菩提衆生如來等無二行善菩薩如是行六波羅蜜則不壞敗行之性相菩薩如是修行菩提復次鄢羅延菩薩觀色空無有行如觀色空觀受想行識空无有行色空無盡色畢竟盡以其空故受想行識識空无盡識畢竟盡以其空故如其性盡一切法盡色無盡受想行識无盡若有菩薩如是行者是名為修菩提

之行復次那羅延菩薩勤斷凡夫法
行不生佛法行不出生死行不滿沮
睺行不見一切不善法成不集善法
不異處觀如是解知不壞行性是菩
提行那羅延菩薩如是行是名為修
菩提之行復次那羅延菩薩摩訶薩
解衆生界无量法界無量衆生界法
界无盡滅行何以故衆生界法界無
有二故無有二作无有二相不增不
減法界不增衆生界不減衆生界如
法界相衆生界相亦復如是又菩薩
解知諸法无相不盡法界行不盡衆
生界行不盡法界行不增法界行不
盡衆生界行不增衆生界行亦不住
餘妄想顛倒所起結使如是正觀善
知諸行不壞諸有行不壞我衆生壽
命行那羅延菩薩如是行名修菩提
行文殊師利法王子演說如是諸行
法時十六天子先向大乘今者逮得
無生法忍今時淨威力士為欲供養
守護是經便作是言世尊若有衆生
信解是經當得一切諸善吉利今時
離魔菩薩語文殊師利我亦欲說等

薩所行文殊師利言善男子今正是
時汝可演說離魔菩薩言文殊師利
行一切法行是菩薩行行一切魔行
是菩薩行行一切衆生行是菩薩行
若行學行無學行是菩薩行行緣覺
行是菩薩行何以故菩薩摩訶薩應
遍學故尔時鄒羅延菩薩問離魔天
子云何菩薩學行一切諸衆生行天
子答言鄒羅延菩薩應學八万四千
行何等八万四千行謂二万一千是
貪欲行二万一千是瞋恚行二万一
千是愚癡行二万一千是等分行善
薩志應入是諸行行於貪欲斷離貪
欲行於瞋恚斷離瞋恚行於愚癡斷
離愚癡行於等分行斷離等分行善薩
行一切衆生行不染衆生行現行一
切諸衆生行為化衆生故是名菩薩
行善提行鄒羅延言天子云何一切
魔行是菩薩行天子言一切魔行入
善薩心菩薩應覺隨所起魔業而不
隨之不為魔行之所繫縛入一切行
而修行之應示魔天令不得便當教
化魔離於魔業鄒羅延言天子云何

學聲聞緣覺行是菩薩行天子言善男子如是一切行是實性行是无報行是无住行是无趣行是无生行解知自行菩薩應當如是修行離魔天子如是說已語文殊師利法王子善男子汝今復說如是之行文殊師利言天子菩薩所行過諸境界何以故此行非是眼境界數亦非色聲香味觸法境界之數天子是故當知是善丈夫所行諸行過諸境界復次天子若菩薩摩訶薩如是修行則是諸佛之所許可無有過咎若如是行是名菩薩修行正行天子言文殊師利善利言天子一切諸法實際自空如來如是而覺知之若菩薩住如是法行佛所許可若乃至沮脰生見著行則誑諸佛天子一切諸法實際元相如來世尊如是覺知若有菩薩為諸法作相與相俱住則誑諸佛一切諸法實際无願如來世尊如是覺知無行無實无生無起无所有無形无相亦非無相无來無去无住本性清淨本

性明了其性常滅一切諸法猶如虛空如來世尊如是覺知若是菩薩於諸法性若有少得則誑如來應正遍覺天子若是菩薩共空俱住生於見著是菩薩共無相俱住生於見著若是菩薩共无願俱住生於見著則誑諸佛若是菩薩出過三界知一切法無實无生無起无有無形无相無來无去無住本性清淨本性照明本性常滅同如虛空本性無垢若如是知是名菩薩不誑諸佛今時世尊讚文殊師利善哉善哉文殊師利快說此語若是菩薩如是修行名菩提行疾得受記文殊師利我昔過土於然燈佛前所住諸行都不得記何以故我有相行有所依行有所著行我於是後見然燈佛得過諸行當初見時離諸行九知一切法自性不生時然燈佛授我記言汝於是後當得作佛号釋迦牟尼如來應正遍覺我於是時得無生忍是故文殊師利若有菩薩欲速疾得无生法忍於是品中應如是修不著諸法今時文殊師利自言

世尊菩薩摩訶薩為緣何法得無生
忍佛言文殊師利緣陰界入得无生
忍彼得一切諸法之忍亦復緣於常
樂我淨彼得法忍文殊師利所言忍
者名緣一切諸法無盡所言忍者名
之為正文殊師利忍之所緣非與世
法而共俱行非凡夫法非學法非无學
法非緣覺法非菩薩法非佛法而共
俱行不與一切諸法俱行名為得忍捨
於一切諸法想著名之為忍是忍亦
不在於眼色耳聲鼻香舌味身觸意
法數中無盡不盡名之為忍是忍亦
復不離是界是名為忍說是忍時有
五百菩薩本先佛所種諸善根得无
生忍作如是言此集一切福德三昧
能令我等住於所住亦令我等滿無
量法世尊菩薩摩訶薩應至心聽其
深諸法應當修集今時那羅延菩薩
問文殊師利云何菩薩於是深法所
作已辦文殊師利言若有菩薩知一
切法无作無不作是名菩薩所作已
辦若知一切諸法无行作已不執不
作無忘是名菩薩所作已辦若是菩

薩隨所作无思是名知恩有為無為
不生高下不得作者亦有所作謂作
布施住於迴向亦不得施不得菩提
不得自他是名菩薩所作已辦守護
淨戒迴向菩提亦不得戒修行忍進
禪定智慧亦不得慧是名菩薩所作
已辦若不得身口意善業知是菩薩
所作已辦若不得身不得口意所集
莊嚴知是菩薩所作已辦余時常精
進菩薩語文殊師利我亦欲說菩薩
摩訶薩所作已辦文殊師利言善男
子今正是時汝便可說常精進菩薩
語文殊師利言若菩薩能令一衆生
入佛法中如是菩薩所作已辦若有
菩薩受衆生食若施與他不以畏故
皆悉攝在無上菩提是名菩薩福田
清淨若彼施者及與受者如法而作
是名菩薩二俱清淨若是菩薩以佛
音聲令他得聞自住施戒忍進禪
慧作正憶念於大衆中說六波羅蜜
令他得聞憶念受持如此善根知是
菩薩所作已辦能消供養若是菩薩
修行忍辱若為怨賊旃陀羅等之所

罵辱不瞋不惱為是衆生今生信喜
勤修精進住精進力知是菩薩所作
已辦若是菩薩以真金寶滿四天下
不貪是寶而作妄語若他問法不相
明黨說言非法知是菩薩所作已辦
若有菩薩七日絕食若有人來作如
是言汝若能捨菩提之心殺諸衆生
當與汝食而是菩薩終不為之知是
菩薩所作已辦復次文殊師利若是
菩薩見滿世界利刀猛火當從中過
而往聽法不受身命作如是學念陰
入界易得佛難可遇法難可聞敬法
衆生甚亦難得作是念已入衆聽法
知是菩薩所作已辦復次文殊師利
若是菩薩從他人聞一四句偈若戒
若施心生歡喜勝得轉輪立大王位
若以此偈令一人聞勝得帝釋及梵
王慶知是菩薩所作已辦復次文殊
師利若是菩薩能住衆中在多聞中
生大喜悅以此多聞向一切智不得
滿三千大千世界珍寶生大歡喜以
自善根為一衆生迴向佛道用為欣
慶知是菩薩所作已辦復次文殊師

利菩薩為化諸衆生故應勤精進堅
自莊嚴修集多聞捨身支節於世八
法其心無異若是菩薩為佛慧故寧
捨身命不捨持戒菩薩應當作於忍
辱能忍諸惡不善音聲菩薩應當勤
加精進莊嚴佛土菩薩應當獨一寂
處為不敗失菩提道故菩薩應當不
失正念為修集六波羅蜜故菩薩應
當无所執著勤進戒滿已作善業不
捨一切諸衆生故菩薩應當堅捨莊
嚴為佛法種故菩薩應當離諸諂偽
身口意法善質直故菩薩應當自淨
志欲為救歸依諸衆生故菩薩應當
无所觀作不著身命故菩薩應當甘
軟好語善來問訊故菩薩應當常先
意語無有瞋憤不言說故菩薩應當
猶若如地无愛憎故菩薩應當柔和
善軟同心歡樂故菩薩應當善易教
誨速受教故菩薩應當除捨憍慢謙
下一切諸衆生故菩薩應當猶之如
狗不誑一切衆生不違本誓故菩薩
應當諸衆生中起大慈心一切空故菩
薩應當諸衆生中起大悲心為諸衆

生作大利故菩薩應當生於大喜欣
樂修集諸善根故菩薩應當修行大
捨不觀一切五欲樂故菩薩應當不
貪慳惜自捨身故菩薩應當不著我
所不貪一切諸財物故菩薩應當修大
捨心捨一切妄想故菩薩應當具滿大
財聖七財故菩薩應當牢堅志固一
切善根故菩薩應當無有滿足修集
无量佛功德故菩薩應當智慧勇健
摧四魔故菩薩應當作大醫王善治
一切煩惱病故菩薩應當為作應供
不捨善提心故菩薩應當作於福田
為諸衆生作光明故菩薩應當猶如
蓮花不為世泥所染汙故菩薩應當
猶如船筏度諸衆生故菩薩應當猶
之如橋於上中下一切衆生无別想
故菩薩應當猶如大池專意正法水
無盡故菩薩應當猶如大海一向多
聞无伏足故菩薩應當猶如大山無
能動故菩薩應當善安止住如門闍
故菩薩應當無所染著一切所有諸
財物故菩薩應當令心自在不退轉
故菩薩應當猶如大王為尊勝故菩

菩薩應當猶如帝釋一切衆生所尊貴
故菩薩應當猶如梵王自在法王故
菩薩應當安樂一切諸衆生等究竟
安樂至涅槃故菩薩應當為作父母
與諸衆生衣服利故菩薩應當无所
傷損一切善不善法故菩薩應當無
所侵害親非親中心平等故菩薩應
當不親不信所生諸入故菩薩應當
為法施主一切悉捨故菩薩應當離
於一切放逸懈怠為集菩提故文殊
師利菩薩常應牢強精進修集一切
諸戒德行為得无上正真道故尔時
世尊讚常精進菩薩摩訶薩善哉善
哉善男子善說諸行所應住想善男
子若菩薩摩訶薩欲速得此集一切
福德三昧者應當勤修一切福德不
應捨離一切福德尔時那羅延菩薩
白言世尊若有得此集一切福德三
昧者不墮惡道不生八難斷諸貧窮
心常自在諸根具足以三十二大丈
夫相善自在莊嚴得大辯才及无盡法
得陀羅尼得不忘念起一切福轉法
輪故得灌頂位釋梵護世一切衆生

所供養故得具諸通達一切死此生
彼故得大自在在所生諸所入故
得大封邑增長諸法故得智光明離
惡邪見故得大稱讚一切聲聞緣覺
地故得大調伏一切聲聞緣覺人故
善分別諸根教化衆生故神通自在
諸禪解脫三昧門故得无作施解知
施故得無住戒三戒淨故有無量忍
慈心普遍諸衆生故修行精進心无
疲倦故得禪波羅蜜解知寂靜為化
衆生生欲界故淨慧莊嚴善觀音聲
故是名淨眼能見道故不離見佛及
與聞法不離於空無相无作能持一切
佛所有法不離覩見得不退轉菩薩
之僧去無障碍一切佛土諸功德故
降伏諸魔勝四魔故得深法忍不退
轉法故疾能通達滿足佛法所未聞
法自來入耳欲願具足取一切佛土
諸功德故彼得安隱離諸習故得自
在身普遍三界而示現故一切外道
不能降伏善守護法於諸佛所捨失
身命守護正法故見佛境界而不畢
竟入涅槃故得無所畏在衆无畏故

有所在作為以智為首心無所營故
現大莊嚴神通變化故得大勢力過
諸宮故淨音聲揚遍聞一切諸世界
故心大勇健催伏一切諸魔軍故到
神通彼岸能動一切佛世界故得大
辯才法辭及義無尋滯故知解无尋
而無放逸住作佛事示諸衆生一切
智故那羅延若菩薩入是集一切福
德三昧得於如是相貌事像无量功
德今時那羅延菩薩自言世尊願諸
衆生得集一切福德三昧如此菩薩
得是三昧所有功德今諸衆生得是
功德一切聲聞及諸緣覺之所無有
世尊若有菩薩不得聞於是三昧寶
雖聞不解當知是人為魔所持佛言
那羅延如是如是如汝所說若有菩
薩聞是三昧所生功德若已生若今生
若當生無量无边今時那羅延菩薩
問文殊師利若有菩薩欲修集行是
三昧者當行何法文殊師利言菩薩
欲得是三昧者不捨凡夫法為持佛
法如是修行不與法相應不與非法
相應如是修行雖流轉生死不學生

死法不為生死所染雖學涅槃不入
聲聞緣覺涅槃復次那羅延若有菩
薩欲學此三昧應益增長集一切福
德不於有漏无漏諸功德中生起妄
想若善不善有為無為世間出世間
若罪若福起於分別解一切福德皆
入法性若福法行若罪法行若无記
法行皆入法性應如是見諸衆生福
等不實起是衆生福佛福悲皆同等
不見差別法界無異起无差別若凡
夫福學福无學福緣覺福菩薩福正
覺福悲皆不實無有物故无有方處
無非方處應如是知應解福性衆生
同等善男子如一切色皆依四大菩
薩之福亦復如是遍一切處終不起
於福德狂逸應知无常盡滅之法那
羅延若菩薩欲得此三昧者於四法
中而不驚畏何等四於諸衆生大悲
無邊佛刹无邊佛智無邊入一切衆
生心行無邊那羅延菩薩於此四無
邊中不應生畏又復菩薩應當解知
四不思議何等四業及業報不可思
議一切衆生種種諸行若干差別不

可思議佛如來行不可思議菩薩生
起諸清淨行不可思議那羅延是名
為四不可思議應當解知善男子菩
薩解知得四無盡何等四福德無盡
滿擔無盡樂說無盡究竟智無盡那
羅延是為菩薩得四無盡那羅延菩
薩應當修行四法何等四莊嚴善根
無有滿足方便迴向一切無盡無有
滿足一切佛土諸莊嚴事取以莊嚴
自己佛土無有滿足梵本中那羅延
菩薩應當如是修集行是四法亦時
那羅延菩薩復問文殊師利此集一
切福德三昧經當至何等菩薩之手
若是經卷若至舍宅若禪若忍若在
家若出家文殊師利言那羅延若菩
薩摩訶薩聞是三昧若至於耳若至其
手若至舍宅彼人若當不起誹謗如
是之人我不名之為在家者當名是
人為出家者何以故由是菩薩勤修
分別是三昧故彼人當能除一切想
在在在處處一切福德及與智慧無盡
無散那羅延菩薩為化諸衆生故示
現種種形色相貌那羅延是人遍至

一切諸處猶如日月照四天下一切
悉現如是那羅延菩薩亦不依諸
難雖在家中而不依家亦非出家不依
沙門法二俱叵說何以故菩薩不依
一切所有及諸入故那羅延如琉璃
寶器隨所在處不失其性如是那羅
延若有菩薩住是三昧雖復在家當
說是人名為出家能不失是法界體
性今時那羅延問文殊師利菩薩摩
訶薩住在何處而能不失是集一切
福德三昧得於如是無盡福德智慧
莊嚴文殊師利言菩薩摩訶薩有四
住處何等四所謂菩薩不住身命及
諸利養尊重讚歎住空无相無願三
昧不住聲聞緣覺正位怖望佛智及
無尋辯而无貢高妄想分別亦不執
著如是住處是菩薩住解脫一切所
有衆生不住我人衆生壽命及與丈
夫那羅延是為菩薩四所住處寂勝
住處莊嚴无盡大福德聚莊嚴無盡
大智慧聚斷一切見成就具足起諸
佛法那羅延問文殊師利菩薩云何得
是住處得名出家文殊師利言那羅

延菩薩有四法得是住處謂住慈住
悲住喜住捨那羅延是為菩薩住四
住處那羅延菩薩若住村邑聚落若
住空處若住是四梵行住處名正住
處若離是四梵行住處雖正殿堂樓閣
中住不名住處那羅延是人名為欺
誑一切人天阿修羅虛食供養那羅
延菩薩若住餘諸梵行皆攝在此四
梵行中何以故那羅延是梵行住處
甚難得故若有不見是四梵行緣聖
禪者是世身見不斷於慢那羅延言
文殊師利云何菩薩得名住此慈悲
喜捨文殊師利言那羅延若有菩薩
作如是念我要當度一切衆生是名
住慈我要當脫一切衆生是名住悲
我要當令一切衆生得住佛法是名
住喜我要當以出世間法寂靜一切
諸衆生等是名住捨復次那羅延菩
薩若解諸法界空是名住慈菩薩若
解諸法界寂是名住悲菩薩若解一
切法界无著無縛无解是名住喜菩
薩若解一切法界無去无來是名住
捨那羅延是名菩薩住慈悲喜捨復

次那羅延菩薩若見無我之法而不驚畏是名住慈若見一切衆生寂滅而不驚畏是名住悲若聞一切佛法同等如一佛法而不驚畏是名住喜若聞一切剎無盡而不驚畏是名住捨復次那羅延无所罣滯是名為慈救衆生苦是名為悲恚無所惱是名為喜不高不下是名為捨復次那羅延有慈悲非大慈大悲大慈大悲聲聞緣覺之所無有聲聞緣覺所有慈悲不能安樂一切衆生是名慈悲非大慈悲云何名為大慈大悲若於一切衆生等起平等心脫其苦惱是名菩薩大慈大悲若生五道為諸衆生自捨已樂作如是念是諸衆生墮在邪道我當安止令住正道是名菩薩大慈大悲那羅延是故當知聲聞緣覺有慈有悲無大慈大悲那羅延是故菩薩應當修滿大慈大悲說是大慈大悲法時八千衆生發阿耨多羅三藐三菩提心作如是言我等亦當住如文殊師利所說大慈大悲八千菩薩得集一切福德三昧八千衆生遠離

塵垢得法眼淨。今時鄢羅延菩薩白。言世尊。如來世尊名百福相。以何因緣得如是相。佛告鄢羅延。若於十方。各如恒河沙等世界。所有衆生皆成轉輪大王。所有功德福聚等。一帝釋。所有福德。十方恒河沙等世界。所有衆生成就福聚。皆如帝釋。是諸帝釋。所有福聚等。一梵王。所有福聚。鄢羅延。若恒河沙等世界。所有衆生。成就福聚。皆如梵王。是諸梵王。所有福聚等。一聲聞。所有福聚。鄢羅延。若恒河沙等世界。所有衆生。皆成聲聞。所有德聚等。一緣覺。所有福德。鄢羅延。恒河沙等世界。所有衆生。皆悉成就緣覺。德聚。鄢羅延。是諸一切聲聞緣覺。所有德聚。盡合為一菩薩。成就是集一切福德。三昧有如是福。所有德聚。復過於鄢羅延。是菩薩所成福德。善根。无量無邊。鄢羅延。若使十方。如恒河沙等世界。所有一切衆生。皆悉逮得。是集一切福德。三昧。福德之聚。是諸德聚。復百千倍。猶不等佛。一相福。是名如來百

福德相一切衆生无能思量是故如來名不思議百福德相說是百福德相法時而此三千大千世界六種震動大光普照百千伎樂不鼓自鳴天雨妙花一切世間諸天世人阿修羅等歎未曾有大聲唱善五體投地礼世尊足作如是言若有衆生發於無上正真道心快得善利當得如是百福德相莊嚴之身勝諸一切釋梵護世聲聞緣覺所有德聚其有衆生得聞此集一切福德三昧寶者得大利益既得聞已當如說行世尊所在國土有是經處當知是中善男子善女人佛力所持能流通此經世尊若使滿於世界大火當從中過往聽是經佛言如是如是善男子如汝所言若有善男子善女人不聞是經當知是人為魔所持善男子若菩薩聞此三昧經不能受持我不說彼名為得聞若聞不持不讀不誦不轉不於大衆廣分別說不名多聞今時大衆皆共同聲白言世尊願護是經名集一切福德三昧令廣流布今時世尊放於

日毫藏相光明遍照元量無邊世界
是光明中出如是音聲如來應供正
遍覺已護是經今時佛告大德阿難
阿難如來不久當般涅槃却後三月
入無餘涅槃阿難我今以此三昧經
典付囑於汝受持讀誦廣分別說阿
難若有衆生持是經者則於其人佛不
涅槃法亦不滅何以故阿難若有開示
是經典者當知是人則為見佛若大衆
中分別演說顯示文義當知是人守
護正法今時阿難悲泣流淚自言世
尊願住一劫若住百劫若住千劫多
所安隱多所饒益利安人天佛告阿
難汝勿悲泣汝若受持是經讀誦令
廣流布使不漏失隨今所時常為見
佛何以故佛如來者都不可以色身
所見不可以三十二相所見不可以諸
好而見阿難若有得見如是等經則
為見佛說是經已文殊師利法王子
鄒羅延菩薩淨威力士及大菩薩僧
大德阿難等聲聞大衆一切人天諸
龍夜叉乾闥婆阿修羅世間人民聞
佛所說皆大歡喜

集一切福德經卷下

癸卯歲高麗國大藏都監奉
勅彫造

持心梵天所問經卷第一

一名莊嚴佛法諸教
又名佛說等御諸法經

五

西晉月氏三藏竺法護譯

明網菩薩光品第一

聞如是一時佛遊王舍城加隣竹園
中與大比丘衆俱比丘六万四千菩
薩七万二千一切大聖神通已達遠
得捻持辯才無閼三昧已定慧无
所畏曉了諸法自然之行得不起法
忍其名曰薄首童真真寶事童真寶印
手童真寶首童真真空藏童真發意轉
法輪童真明網童真除諸陰蓋童真
一切施童真真勝藏童真真蓮華行童真
師子童真真月光童真真尊意童真自嚴
童真真賢護之等十六正士賢護寶事
恩施帝天水天賢力上意持意增意
善建不虛見不置遠不損意善導日
藏持地如是之類七万二千四大天
王天帝釋帝釋翼從忉利諸天焰天
兜術天不憍樂天他化自在天沙
天等梵身天及餘諸天并龍鬼神捷
沓耆阿湏倫迦留羅真陀羅摩睺勒
人與非人悉來集會彼時世尊與無

史數百千之衆眷屬圍繞而為說法
於是明網菩薩即從坐起偏袒右肩
長跪叉手稽首佛足尋時感動三千
大千世界普雨雜花散衆會上白世
尊曰惟問正覺愚癡所趣若哀聽者
乃敢自陳佛告明網恣所欲問諸眩
惑者如來至真當為解說况可尔心
明網菩薩得聽所啓即白佛言唯然
世尊如來儀像光曜難當超於日明
億百千倍姿顏威嚴而不可逮極上
窮下無能諦瞻遵建所修莫能計量又
我自念其有得見至真容體思察所行
皆佛大聖威神所接有所興發輒到永
安世尊告曰明網菩薩誠如所云見
如來身必獲志願不失所僥若有所
問亦復如是則謂明網衆祐有光名
曰寂然言事假使衆生值斯光明見
如來者觀察形色眼根明徹未曾晦
冥又如來光名辯才無畏設值斯光
堪問如來諮難所趣又如來光名積
善德設值斯光能啓問佛轉輪聖王
諸所德行又如來光名清淨了設值
斯光能啓問佛獲致帝釋所因生事

又如來光名遠威然錠設值斯光能
啓問佛生梵天事又如來光名脫欲
塵門設值斯光能啓問佛聲聞之乘
又如來光名曰專一遵澹泊行設值
斯光能啓問佛緣覺之乘又如來光
名一切慧持讚容設值斯光能啓問佛
大乘之慧正覺佛慧又如來光名曰
樂持異步設值斯光如來遊步經行
普獲安隱壽終之後得生天上又如
來光名嚴一切清淨瓔珞如來入城
若放光明設值斯光一切獲安應時
彼城衆寶瓔珞自然莊嚴又如來光
名壞除假使如來演斯光者感動無
量不可稱限諸佛世界舉要言之復
次明綱如來光明名曰積安若地獄
類值斯光者衆惱苦患自然休止又
如來光名曰起慈若禽獸類值斯光
者未曾興惡轉相危害又如來光名
曰濟所造餓鬼餓倫值斯光者不復
飢渴又如來光名曰離垢假使盲者
耳聞值斯光者聾者得聽又如來光
名曰有志設值斯光乱者得正又如

來光名曰樂錠設值斯光自然改惡
修立十善又如來光名曰脫門值斯
光明令邪見者逮獲正見又如來光
名曰趣天值斯光者令慳貪類好喜
慇施又如來光名無熱惱設值斯光
其犯惡者奉持禁戒又如來光名曰
持心諸瞋恨者逮得忍辱又如來光
名曰慈懃其懈怠者逮得精進又如
來光名曰正定其放逸者獲致禪定
又如來光名曰顯曜諸惡智者逮得
黠慧又如來光名曰清澄其狐疑者
逮得篤信又如來光名曰穩持其少
智者令得博聞又如來光名遵句跡
其無慙愧逮得知著耻又如來光名
曰滅除其貪婬者洒釋情態又如來
光名曰安樂使瞋恚者無有怒害又
如來光名曰照曜令癡行者除去愚
冥又如來光名曰普存令等分行恚
捨等分又如來光名曰普現色身假
使衆生值斯光明見諸如來无央數
色不可計數百千形像

佛告明網今吾為汝粗舉其要耳假
使一切若復過劫咨嗟講說如來光

明論闡經法不能究盡如來光明光
明名号明網菩薩白世尊曰至未曾
有天中之天如來之身不可限量魏
巍之德不可思議隨宜方便敷演經
法昔所未聞今乃被蒙其有菩薩聞
說斯光名号歡喜而信樂者皆當逮
得如如來身巍巍具足又聞世尊演出
如來佛所有光名曰勸化諸所遊在
他方異國菩薩大士轉相誘進相誘
進已盡今來會於斯忍界其有菩薩
欲所諮啓便詣如來請問經疑
余時世尊見明網菩薩所可諮請即
如其像放身光明普照无量佛土不
可稱限諸佛世界又其光明招請無
數億千菩薩尋會忍界於時東方去
是七万二千諸佛世界國名清淨佛
号月明如來其佛之土而有梵天名
曰持心菩薩大士而不退轉聖慧神
足力自娛樂時彼光明適勸進已則
自往詣月明如來至真等正覺所稽
首礼足而白佛言唯然世尊欲至忍
界奉見能仁如來至真等正覺稽首
供侍諮受所問忍界聖尊欲得見我

其佛告曰便往梵天且知是時與元
數億諸菩薩衆尋至忍界又謂梵天
雖至忍界即當奉行十志性行何謂
為十當受言無言善聞惡聞善與不
善一而行悲喜二而等治療下賤中
上三若輕易恭敬則一心向四不見
他閑不求瑕穢五等以一味於若干
乘六而忍畏惡惡趣之聲七於諸菩薩
興衆祐想八於五濁世佛之國土想
九如見如來等正覺十是為十事佛
言梵天懷此志性可遊彼土於是持
心自其正覺我於佛前不敢發音為
師子吼不於緣行現奇特相唯欲淨
修志性之行等立定意乃遊彼土時
月明佛諸餘菩薩而歎頌曰吾得善
利唯然世尊為獲嘉慶不生彼界衆
生患難勞集乃然月明世尊告諸菩
薩諸族姓子勿作斯言所以者何於
吾之士設百千劫淨修梵行不如忍
界從旦至食不行害心斯為殊勝於
時彼土乃二千菩薩俱誓願曰吾當
具足清淨志性各共侍衛梵天大士
造觀能仁如來至真等正覺持心梵

天即與乃二千菩薩如勇猛士屈申
右臂斯須之頃於其佛土忽然不現
則立忍界奉見能仁稽首于地退住
一面於是世尊告明綱曰汝乃覩見
持心梵天乎對曰已見大聖即言斯
持心者曉了方便諮啓幽滯分別尊
法辯才善妙名冠開士衆會之寂慈
象至誠道利勸化遊居所在多所悅
可於時持心乃二千菩薩稽首礼畢
繞佛三匝各以神力則化作座自處
其上持心梵天叉手白佛以頌讚曰
其妙音聲 所在通達 威德流聞
聞于十方 在所國土 見諸取勝
一切咨嘆 大聖之行 我處異土
清淨无垢 其界無有 惡趣之名
尋而捨離 如斯佛土 修濟大哀
故來到此 佛之聖慧 無有損耗
一切如來 皆悉平等 來今徃古
降伏志性 將護如是 諸佛國土
恢設異行 一切清淨 嚴修至戒
常遵梵行 其懷害者 報之以慈
心意如是 而有殊特 以能清淨
三品之業 而順將護 身口心意

三趣之患	勤苦諸惱	現在為法
皆以滅盡	若諸菩薩	其生於斯
此等未曾	懷貯危懼	所造之業
至於惡趣	上下道足	皆已斷除
其有菩薩	心設患狀	將御擁護
于斯正法	此等後世	所處之地
不失其志	不離智慧	其欲斷截
衆結之縛	假使淨除	塵垢之欲
則當將護	佛土之法	則便超越
至諸通慧	設異佛土	無數億劫
執持正法	若講說者	不如忍界
說經至食	是為殊勝	則第一尊
吾亦覩見	妙樂世界	及復省察
安樂佛土	彼无苦惱	衆患音聲
設若修善	不足為性	假使蠲除
衆塵堂室	愚兒害人	常忍所加
當以經法	勸化他人	令至上道
此乃甚難	當稽首彼	无上之尊
行于愍哀	脫勤苦法	斯未曾有
如來所行	心懷毒者	開化以法
設入衆會	則為導師	是菩薩者
十方聞名	於法無罣	猶如巨海
故為彼說	斯佛之道	帝釋梵天

及護世者

諸天龍神

須倫真陀

無數悉來

等集于斯

欲求經義

從志解說

比丘丘尼

清信士女

普皆來臻

於此衆會

願佛為普

講說經法

若有聞者

所趣吉祥

假使志願

信好導師

聲聞之衆

及與緣覺

能仁悉了

隨志化治

惟為斯黨

使一切疑

今吾勸進

諮啓法王

為衆生故

志求佛道

其立佛言

而不斷絕

以修慈心

為无量寶

假使十方

聞佛名德

勇猛逮得

無量之慧

當為斯等

說無比行

隨其衆生

所知志跡

非諸聲聞

弟子之地

一切緣覺

所不能及

余等信樂

取勝所度

世尊之慧

不可思議

鄙自歸命

於世導師

今願諮問

大聖此義

假使有猷

心惡勞患

唯為解說

佛之要道

四法品第二

於是持心梵天說此偈讚佛已長跪
叉手前白佛言何謂菩薩志性堅強
意不懈歇何謂菩薩所言柔和辭无

惱熱何謂菩薩所造德本超諸衆生
何謂菩薩威儀安詳而不平暴何謂
菩薩於清淨白法多所長益何謂菩
薩所至土地遊步究縛何謂菩薩在
於衆生行權方便何謂菩薩於彼等
倫分別教化何謂菩薩能護道心何
謂菩薩專在衆生心不憤亂何謂菩
薩務求善本存在法議何謂菩薩曉
了所念而不捨信何謂菩薩於諸塵
勞部分開化何謂菩薩所入衆會能
行權便何謂菩薩恢闡法施流演剖
判何謂菩薩知報應力失德本者何
謂菩薩曉於衆生不起之慧六度無
極何謂菩薩暢達方便存於禪定何
謂菩薩於諸佛法而不退轉何謂菩
薩未常違疑諸佛言教

佛告持心梵天善哉善哉乃能諮問
如來如斯之議諦聽諦聽善思念之
甚哉世尊願樂欲聞持心梵天受教
而聽佛告梵天菩薩有四事法志性
堅強而不懈歇何謂為四惡衆生
不厭精進終始如夢平等佛意是為
四復有四事所言柔和辭无惱熱何

謂為四菩薩專一以一人故分別諸
法菩薩專一不樂一切諸趣所生苦
薩專一讚揚大乘菩薩專一講說清
淨不失淨業是為四又有四事所造
德本起諸衆生何等四禁戒博聞布
施捨家是為四又有四事威儀安詳
而不平暴何等四无利無譽无名無
苦是為四又有四事於清淨法多所
長益功德之本何等四具足行信勸
於他人假使布施不望其報將養護
法為諸菩薩廣說慧地是為四又有
四事所至土地遊步究縛何等四興
起德本棄諸瑕穢曉了勸助懇懇精
進是為四又有四事在於衆生行權
方便何等為四順從衆生勸化德本
悔過罪疊解說佛事是為四又有四
事於教等倫分別教化何等四慙傷
人物習已安隱忍辱安詳謙不驕慢
是為四又有四事能護道心何等四
意常念佛一切德本至於道心習近
善友咨嗟大乘是為四又有四事專
在衆生心不憤乱何等為四不為聲
聞心若緣覺心求法無厭如所聞法

為他人說是為四又有四事務求善
本存在法議何等四除去一切塵勞
之病猶如醫王順於德本而不違失
諸議道想滅群累苦志泥洹議是為
四又有四事曉了所念而不捨信何
等四興不起忍超不滅忍忍緣起報
忍无所住亦無異心汲汲之事是為
四又有四事於諸塵勞部分開化何
謂四所念順議將護禁戒曉諸法力
樂處燕居是為四又有四事所入眾
會能行權便何等四志樂法議不求
他短而行恭敬無有憍慢求索善德
不為已施所造德本勸施他人是為
四又有四事恢闡法施流演剖判何
等四將護正法化已及彼使入智慧
修正士業示現塵勞瞋恨之結是為
四又有四事知報應力失德本者何
等四終不覩見他人瑕闕奉行慈心
攝諸瞋怒顯揚報應於諸法事常念
道心是為四又有四事曉於眾生不
起之慧六度無極何等四則以布施
如為歡黨并化他人曉了四恩化於
眾生好喜深法順於經典是為四又

有四事暢達方便存於禪定何等四
分別心事罪福所趣勤力德本不捨
衆生修行權慧是為四又有四事於
諸佛法而不退轉何等四將護無量
生死之患供養奉侍無數諸佛而常
遵修無限慈心曉了无際諸佛之慧
是為四又有四事未曾違疑諸佛言
教何等四不釋本慧言行相應捐棄
重貪若建立者處於本性是為四世
尊發遣說四事時二江河沙諸天子
等皆發無上正真道意五千人得不
起法忍此諸菩薩各從無數佛國來
會者供養世尊三千大千世界皆悉
周遍華至千膝
分別法言品第三

於是明網菩薩謂持心梵天曰仁者
乃問順妙尊議曉了菩薩方便之趣
佛分別說何謂菩薩有所問事而應
順議持心答曰等於吾我而問事者
為順議問等問他人行之所操為應
順也等問法像為應順也又明網不
計吾等不計他等不計法等是為應
順也其問起生其問滅盡若問處

所為應順也設有問者法无所起及
與滅盡處所之行為應順也若問他
人塵勞之欲若有問闢諍顛倒為應
順也其問生死問度生死問於无為
為應順也其不問塵勞亦不顛倒亦
不生死亦不度生死亦無泥洹為應
順也所以者何察諸法者亦不寂然
不除欲垢顛倒生死無為為應順也
其問所獲為應順也設復有問有所
造證若有約時有所除斷若有所行
為應順也若有不問所得受證衆想
之念不以約時而無所著无斷除想
亦無行見為應順也為一切故而發
是問心无所著志不存問為應順也
其有而問斯衆德善為如應順斯不
善德為不如應斯為俗事斯為度世
斯為罪事斯无罪業斯為諸漏斯為
所有斯無所有其有作是二事問者計
此一切為不應順也其不二事不見
二問為應順也其有若干視諸佛者
為如應順計法若干為如應順聖衆
若干為如應順衆生若干國土若干
為如應順道乘若干不想若干為如

應順法无所屬無有若干而問一議
為如應順一切法如應一切法无應又
問梵天何謂一切諸法如為應順一切
諸法為不應順答曰能分別者一切諸
法諸法如應假使心法其心精進彼不
應順計一切法諸法相寂空無所有為
應順也其不欣樂寂然法者為應順也
此專精業所當造者斯在憍慢斯有
所作如斯行者亦復如應又問何謂
諸法有所觀察答曰已性寂然離欲
之際為觀諸法又問梵天少有是類
了不應者不離於欲而順道議答曰
明細多族姓子族姓女不離欲際而
順如應道議之法今已入者甫當入
者則於其人不入智法亦无所得亦
無有人亦无當入所以者何大哀世
尊不有云乎其聞於佛所說法者
若行精進便當如說而奉行之終
不復歸於土地處有所獲致其不
歸趣無復生死不至泥洹所以者何
世尊所了无有生死亦無泥洹又問
梵天佛者不度生死業而說法乎答
曰世尊寧復自說吾度生死乎答曰

不也故族姓子佛世尊者不捨生死
不求泥洹設有生死泥洹之想則不
度二彼無生死何所度者不得泥洹
所以者何不等生死至泥洹乎梵天
答曰亦不生死亦無泥洹也

於是世尊讚持心梵天曰善哉善哉
梵天欲有所說當作斯說乃為是說
說是應順語時二千比丘漏盡意解
梵天不復得於生死亦无泥洹如來
說言示有生死無周旋者亦无滅度
亦無所憂亦不見人有滅度者設使
梵天入此議者則於其人无生死法
無泥洹法於是衆會五百比丘即從
坐起私竊而去而說此言吾等見中
淨修梵行心自念言當得滅度而無
有人得滅度者空復志求學斯道乎
安成慧耶

於是明網菩薩前白佛言唯然世尊
假使欲令法起生者則於其人佛不興
出彼不起度生死之難也天中天求
見泥洹故唯天中天所謂泥洹蠲除
一切衆想之念亦不汲汲於諸通慧
為殊異也若所釋是等比丘即為自

欺也天中天於正法律而行出家墮
外邪見而以志觀泥洹之處譬如麻
油酪酥醍醐然即滅盡諸法世尊永
悲滅度其永滅度吾則謂之為甚慢
矣唯天中天其修行者則無所修逮
平等者終不造立所起之法及與滅
盡亦無有求欲得法者亦无平等
於是明網菩薩謂持心梵天梵天說
此五百比丘聞所說法即從坐起私
竊亡去知斯等類意之所趣何不入
法其有信樂若以度脫於諸見網持
心答曰族姓子汝往遊至江河沙等
諸佛國土劫數求索不能得難如是
像法亦无有脫譬如癡子畏於虛空
而馳迸走在所至趣不能離空此比
丘等亦復如是正使達行不可稱限
空相自然无想之相亦復自然無願
之相亦復自然猶如復有第二士夫
求於虛空八方上下欲得於空心自
念言我欲得空我欲得空所欲遊至
口自說空而不知空言與其身行於
空中而不觀空如是族姓子斯諸比
丘求於滅度行於泥洹而求滅度不

解所入所以者何所謂言曰得滅度者但假号耳猶如虛空若有行空經遊虛空所言亦空其泥洹者假託言耳於是五百比丘聞說是語漏盡意解逮得神通各歎頌曰唯然世尊一切諸法皆悉滅度假使有人求滅度者則於其人佛不興世我等大聖非為凡夫亦無所學亦无不學不生死不泥洹無滅度法所以者何又諸通慧我等已離所有道慧興諸佛法於是尊者舍利弗謂諸比丘曰仁等已得造立入於斯慧自獲利耶答曰吾等已入造於塵勞而无所作又問何故說此諸比丘曰唯舍利弗設斷塵勞便入欲塵不欲滅度由是之故吾等說言已得入矣造於塵勞而無所作舍利弗言善哉善哉族姓子當咨嗟之諸仁所立衆枯之地諸比丘曰唯舍利弗仁者世尊亦復是卿不淨衆枯何況我等至清淨乎又問此言何謂諸比丘曰佛知諸法界本悉清淨於是持心梵天白世尊曰唯然世尊何謂世之衆枯佛告梵天不為世法

之所迷惑不耻世法又問世尊云何
淨畢衆祐之事乎答曰若於諸法无
所受故又問誰為世間之福田乎答
曰若有不失佛道故又問何謂衆生
之善友答曰不捨一切群衆故又問
誰於如來有反復乎答曰其不違疑
佛教命者又問何謂奉事如來乎答
曰其曉了解不起際故又問何謂親
近如來行乎答曰寧失身命不毀禁
戒故又問何謂恭敬於如來者乎答
曰設使行者將養諸根故又問何謂
世間大財富乎答曰七寶滿具故又
問何謂於世知厭足者乎答曰其已
逮得度世智慧故又問何謂曉了乎
答曰其於三界悉无所願故又問何
謂諫喻於世乎答曰其有休息一切
結縛故又問何謂處世而安隱乎答
曰其不貪者無受財故又問何謂不
貪乎答曰无有陰蓋故又問何謂離
於陰蓋乎答曰捨於六入亦無所釋
故又問何謂已過乎答曰曉了道慧
故又問何謂菩薩為布施主乎答曰
勸化一切衆生之類入諸通慧心故

又問何謂禁戒乎答曰不捨道心故
又問何謂為忍乎答曰見心滅盡故又
問何謂精進乎答曰若求於心不得
處所故又問何謂一心乎答曰心休息
故又問何謂智慧乎答曰於一切法
无音聲故又問何謂菩薩行慈者乎
答曰不隨一切諸想行故又問何謂
菩薩行哀者乎答曰無諸法念故又
問何謂菩薩行喜者乎答曰不計吾
我故又問何謂菩薩行護者乎答曰
不計彼我想故又問何謂菩薩博立
篤信乎答曰不捨諸法清白故又問
何謂菩薩博聞住空者乎答曰不猗
切音聲故又問何謂為慇答曰曉
了內法蠲除故也又問何謂為愧答
曰不習外事故也又問世尊何謂菩
薩普無不入於是世尊以頌答曰
其身清淨 不犯衆惡 口言清淨
常說至誠 秉意清淨 常行慈心
斯謂菩薩 普無不入 遵修慈行
不猗染塵 專於哀行 无有恚害
加以仁護 無有愚癡 斯謂菩薩
普无不入 若遊聚落 閑居亦然

縣邑燕處

衆會無差

未曾違失

威儀禮節

斯謂菩薩

普無不入

皆悉遍信

諸佛正法

又常樂喜

无我之典

悅喜聖衆

無所有議

斯謂菩薩

普无不入

脫於色欲

不知所行

度於瞋怒

亦無所度

曉了衆行

之所歸趣

斯謂菩薩

普无不入

亦不造著

於欲之界

亦不住立

於形之界

不著无形

皆亦如是

斯謂菩薩

普無不入

信樂諸法

一切悉空

然而衆生

馳騁思想

由是之故

不盡諸漏

斯謂菩薩

普無不入

方便曉了

緣一覺乘

示以音聲

而教化之

於佛大乘

靡不達了

斯謂菩薩

普无不入

一切皆知

所當至處

未曾違失

導師之教

常行等心

於諸憎愛

斯謂菩薩

普無不入

未曾想念

過去之法

當來現在

亦復如是

一切遊居

无所倚著

斯謂菩薩

普無不入

於是持心梵天白世尊曰何謂菩薩

度於世法不處世法現入於世度脫

衆生於世間法示現世間平等世法
因緣遊世雖處於世不壞世法不失
道法於是世尊尋時歎頌答持心曰
吾說世五陰於世无所著以不貪著世
不捨世間法菩薩能了彼解知世自然
諸陰為元本不著世間法有利若無利
老歎若謗毀有名若无名耻世苦樂法
彼用大智慧雖遊於世法不見世所貪
道意不可動得利不以悅弃捐亦不感
堅住如太山無能動搖者老歎若毀譽
其志常平等名无名苦樂堅住於等心
曉知世自然因從顛倒興不生於世間
明達獨遊步若入於世俗綜了所至處
是故隨習俗度脫衆生苦勇猛雖遊世
在俗如蓮花不破壞世俗分別了法性
假使行在世不分別世法故遊於彼間
究縛世俗相世相如虛空亦無處空相
已能解了此則不著世俗隨方俗所知
順而化衆生貫達世自然不毀敗於俗
設无有五陰斯謂世自然其不昧了者
常倚於世俗若能捨諸陰不起無所有
雖現於世間於俗無所著其不了世法
熾然於諍訟斯虛妄无誠常立處二相

吾未曾預世亦無所諍訟 佛以是之故

部分自然法

法者无所諍 諸佛之所說 通了世平等

不虛無至誠 兩舌若誠諦 逮得於教命

假使為毒害 與外道无異 諸法誠審者

無實无有虛 是故世尊說 度世無二法

吾所達世惠 斯為方俗法 則无虛無實

見世之罪惡 為世之光明 逮成大名聞

佛所開了世 清淨无瑕穢 假有觀俗者

身以觀自然 則見等正覺 現在十方者

知諸法因緣 諸法無自然 若剖指因緣

則能綜理法 其能解達法 則能曉了空

設能解識空 則能別導師 設分別講世

而求於音聲 雖行世間事 不與世間俱

若墮於諸見 一切不及此 假名遊於世

而不著俗事 佛滅度之後 其樂於忍者

於彼佛現在 導師之法身 若持如此法

則為供養佛 處世為世尊 導師之所知

設弊魔波旬 不能得其便 若在於人間

廣說斯經者 是當大智慧 主布施一切

戒禁為具足 曉佛導師者 斯度忍力勇

遊步於精進 聰達樂禪定 分別於世間

說佛空无法 其聞斯等類 大士不復久

度道場降魔

解諸法品第四

佛復告持心梵天如來已度世間境界示世俗教習樂於俗欲度於世樂滅方俗是謂世間之五陰也其自念言世我所度滅盡於世求於五陰遊於道者則名曰二所慕之徑復次梵天所以名曰五陰者何其五陰者方俗言耳求諸見故捨受方俗其所見者自然之想斯則名曰為滅盡也滅盡向道不受諸見則為滅俗欲向正道是故梵天佛說斯言世有三刺之門及三重擔習俗於世滅於世滅盡於世間而求度脫

於是持心梵天白世尊曰假使如來說四諦事諦何所歸佛告梵天是為苦諦習諦斯非聖諦是為盡諦向道之諦斯非聖諦所以者何假使諸苦為聖諦者一切牛馬騾驢犬豕畜生伴黨悉獲聖諦若以諸習為聖諦者一切五趣所生群黎當獲聖諦若以苦盡為聖諦者一切衆生見斷滅事便當悉除獲致聖諦至由道諦一切

有為志當獲致賢聖之道勢力聖諦以是之故梵天觀察苦習盡道以為聖諦其有曉了苦無所起斯謂聖諦其人行習者不為聖諦其滅盡法不起不滅斯謂聖諦假使平等一切諸法而無有二等於徑路斯賢聖諦佛告梵天所以曰諦无有虛者何謂為虛自計有身而念有人而脩有壽而言有命著於男女倚於三有離於所有恃於所起依於所滅受於生死怙於泥洹是謂為虛此諸所受於諸所受無所依倚亦無所求斯謂為諦欲除苦者則名曰虛滅於習者斯亦為虛吾當盡證是亦為虛修行徑路亦復為虛所以者何佛所教化八道品者若四意止斯亦謂虛又問何謂佛之所教所當思者答曰無意无念一切諸法亦復如是斯乃名曰佛之所教所當思者為四意止則無所住不處諸想已不住於一切想者則住實際已住實際則無所住意无所處意有所住則為不實名曰為虛以是之故當作斯觀无實無虛乃為聖諦審者

為諦所謂諦者无所生無所諦如來
雖興為無所起如來不住於法性及
與泥洹也亦无生死常審諦定所以
者何其聖諦者無有生死亦无泥洹
佛言梵天若有順時證斯四諦名曰
正諦

佛告梵天將來之世當有比丘不能慎
身不護禁戒不能制心不精智慧而
當講說發生苦諦謂趣習諦馳騁於
斯壞於三有諸所生處又說當求行
於徑路是謂二諦馳騁其行是等愚
騷吾則名之異學伴黨非佛弟子非
我聲聞志趣邪徑破壞正諦而自放
逸吾處道場佛樹下時不歸誠諦亦
無虛妄佛於諸法亦无所趣以是之
故求如來法勿觀二事勿言有二為
二問也白曰不敢也天中天答曰是
為顛倒迷惑之道不能蠲除一切所趣
於是持心白世尊曰如來之法而無
顛倒亦无所得所以者何如來逮成
佛時所号名曰平等覺者為何謂耶
答曰於梵天意所察云何佛所說法
為有為無為實為虛答曰為虛天中

天无所有也安住至聖又問梵天其
虚無法為有所住為无所住答曰天
尊其虚無者亦无所住亦無不住又
問云何梵天而於諸法亦不有住亦
不無住大聖報曰云何得道答曰彼
无得道告曰梵天如來坐於樹下處
在道場曉了欲塵所處顛倒本常清
淨空無自然所曉了者如无所了亦
不不了所以者何以是之故吾所了
法逮正覺者無見无聞無念无知無
受无著亦無所趣皆以超越一切諸
性無言无辭無字无句亦無言教如
是梵天諸法如空而余欲得逮諸法
乎答曰不也天中天又復世尊諸佛
大聖甚不可及至未曾有具誠諦法
諸佛世尊至有大哀分別曉了寂然
之法而以文字為他人說其有信樂
如來說法立諸德本具足所當斯等
衆生則於諸佛无有罪咎所以者何
一切世間悉共信之志無所著又天
中天世人信法法是我所倚俗著法
法无實無虚无法非法而世俗人依
倚泥洹於斯察之無有終始亦无泥

洎俗倚善德无有善德亦無不善俗
倚安樂無苦无樂俗倚佛興佛亦不
生亦不滅度又復說法當得審諦顯
揚聖衆以無為事而為審諦其經典
者於世可信譬如假喻從水生火從
火出水忘因緣合佛言如是覺了塵
欲則成佛道所由因緣所以者何如
來所因覺了塵勞成正覺者无逮正
覺既有所說而不見色亦無所念亦
不造二亦無所證不得滅度亦无寂
然唯然世尊若族姓子族姓女設有
曉了信斯法者則能蠲除一切諸見
而得解脫當為稽首歸命作礼奉若
如來於過去佛已為造行則為善友
所見攝護志樂微妙殖衆德本已為
逮得安諦之藏攬持法府則滅衆罪建
立道業則致貴姓摠持如來言教之
宗則為大施放捨塵垢則護戒力無愛
欲力則致忍力無疆志勇為精進力
而无懈厭為禪定力棄除罪業為智
慧力捨離邪見一切諸魔莫能迴動
仇敵怨讎無能得勝終不誑惑於世
間人所言至誠講說曉了諸法本淨

則為真實說究竟法則為如來之所
攝護則樂仁和遊居安處則為財富
於賢聖業則知止足於賢聖行善見
長養懇懃供事則當見信度於彼岸
為志脫者而勗勵之樂得脫者即令
勉濟無所依者而使憑附樂无為者
從得泥曰樂於道者為具敷而慕超
越者而為示現又諸方術則為醫王
一切病者為設良藥致於智慧則為
力援逮獲勢勢以為歡樂得出自在
不依因人亦不從受無有恐懼衣毛
不豎如師子步致得妙乘為如神龍
安和其心猶如調象遊在衆中若如
神仙則致勇猛降伏怨敵遊于大會
志強无懼意果自恣而無所畏所說
正諦恣無有難迴應勞法如月盛滿
智慧光明如炬遠照如日之昇無所
不耀滅除衆冥若如錠燎離於諸著
无有增減持行如地衆生仰活猶若
良田百穀滋殖洗一切垢僻若如水
滅除諸想猶若如火於一切法而无
所著猶若如風不可動搖如須弥山
志性堅強猶若金剛鐵圍之山諸外

異學莫能當者聲聞緣覺无能及者以法等味譬若如海則為度師蠲除一切塵勞之渴慕求經法未曾厭足則於智慧而無充溢則為聖皇而轉法輪顏貌殊特如天帝釋心得自在有如梵天演法雷震猶如天陰為雨甘露如澍洪澤則得長益根力覺意則得起度生死之患便得進入於佛聖慧則得逮近致佛正道當獲博聞無有倫匹以過於量悉无有量智慧辯才而無等侶逮得於持志性堅強意逮聰明觀群生性循觀諸法其志果暢常行慈愍哀世間人已得起度世俗之事行無所著猶如蓮華不為俗法之所染汙諸明智者悉愛敬之諸博聞者多信從之為衆智士常所恭順諸天世人悉奉事之諸禪思衆稽首為礼諸賢聖衆咸來宗侍聲聞緣覺所共欽慕則好遠離土地之行則無諂飾不貪利養威神巍巍履賢聖跡端正殊雅色貌難及威曜光光不可稱究則以相好而自莊嚴則能執持佛之言教則能順護諸法訓典亦能獎濟賢聖之衆便

常逮見諸佛正覺因當速成諸佛之眼而為諸佛所見授記則當獲致具足三忍尋當得坐於佛樹下便能降伏魔及官屬得諸通慧而轉法輪則能興發造諸佛事趣於深法不恐不畏不難不壞唯天中天吾於一劫若復過劫咨歎顯揚斯正士等不能究竟得其邊際所行至德諸佛之道深妙若茲難受難解不可觀見難曉難了若有受持而諷誦讀便復奉行若能廣演普分布者於彼法說則能立衆第一焉信

佛告梵天仁所咨嗟諸正士者至真之德安能究盡不能及知如佛所究如來則以無闕之慧申暢其德今乃達了究盡之耳如來所說句議旨趣斯諸正士悉當了達而普順從不為逆亂所為至誠不為迷惑悉建正議志不馳騁於嚴飭事曉如應辟猶若如來所演言教譬若大聖講誡諦法又若如來所說法者復超於此嚴飭章句不能究盡覺了所有无偕無逆无制無通余乃達識而不放逸在於

嚴飾不脩言辭之所知也設無言辭
則是如來說法之辭如來所可講說
經者方便宣法如來加以興无極哀
而為衆生敷陳經典佛告梵天假使
菩薩能分別了如來五力所因療治
是為菩薩則能建立造諸佛事又問
世尊何謂如來五力所療大聖答曰
謂法言辭入如應說善權方便光顯
於法不失句義分別道跡入於大哀
佛言梵天是為如來五力所療一切聲
聞緣覺之等所不能及又問世尊以
何言辭如來演教世尊告曰過去當
來現在之教欲塵之語顛倒之言世
俗度世有漏無漏所著无著有罪無
罪所有无有我人壽命逮造證辭周
旋生死滅度之辭是為梵天諸所言
說斯衆辭者觀辭如幻無所成故
觀辭如夢見無實故觀辭如響報應
緣對聲故觀辭如影現緣合有故觀
辭如鏡像照現故觀辭如形印之有
故觀辭如燬顛倒見故觀辭如空所
有盡故觀辭無言不可得故佛語梵
天假使菩薩能曉了此諸法言辭是

菩薩者乃能講說諸法言辭又於諸法无所依倚以无所倚則能逮得无寻辯才以能逮得无寻辯才則能為諸聖闍之衆顯曜平等亦與同處講說經法而不質闍於一切辭不壞法性遊諸言辭及所破壞悉无所倚設使梵天如來所說顯無言辭則為講法梵天欲知何所菩薩而於如來行誠諦事善權方便于斯梵天如來於塵而現結恨又於結恨而現塵勞菩薩急當曉了彼趣何謂梵天如來於塵而現結恨塵勞自然等无差特故又於結恨而現塵勞依於結恨而行惠施泥洹清淨謂諸愚癡不能曉了衆惱之患故又彼菩薩曉了所有布施之事後世大寶故則无所趣无所趣者則曰無為禁誡泥洹悉无所有亦无所行故忍辱无為虚無所有故精進无為遵修意故禪思無為无所悅故智慧無為逮得相故於欲離欲之本際者法性无欲故瞋恚本際計於法性无結恨故愚癡本際計於法性无愚癡故生死无為之本際者則

無所生其无為者不倚生死至誠虛妄所見言辭虛妄至誠則致慢恣復次梵天如來次第而因真諦隨其因緣而計有常知有吾我則為蠲除非議之事其邪見者而無篤信興造及業令知反復去於无信悉除所願邪見身者如來悉知便為斯等分別說之見所應者如來則為說誠諦教假使衆生棄捐貢高自大事者如來則以已誠諦教而講說之是為梵天如來至真至真言教菩薩於彼則當曉了斯方便行設使歸此一切所說權方便者如來興者便得解脫於非邪事而篤信者則見諸色之所報應而起衆生便因如來得解脫也若演法身便為如來真諦之辭解脫邪法而行篤信因法而度散文字者衆生之類不為說此解邪見法未曾信斯亦无所得亦無差別言有泥洹則為邪信處於顛倒塵勞無為无有滅度斯則為信而得解脫无所生法不壞諸法言有人者則為邪信入於寂然而欲度者便無有人其邪信者即

自解脫真諦之事是故梵天於斯菩薩不能曉了真諦言辭權方便者於一切音無所恐畏為无量人衆生之類開導利義于彼梵天如來至真以何方便為衆生說法其布施者得大富有持戒生天忍辱端正精進獲明若禪思者致悅不乱學習智慧者滅除塵勞愛欲之著若博聞者疾速智慧行於十善乃得慶天及在人間行慈悲喜護致昇梵天觀察寂然澹泊獲果致逮學地得不學地緣覺之地清淨衆祐佛之道地所示現慧无有邊際等於泥洹滅一切苦佛言梵天吾則應時善權方便為諸衆生布告顯示如是像法如來未曾心懷衆想計吾我人壽命也如來所行亦無所得亦不慳貪亦无所施亦不持戒亦不毀禁亦不忍辱亦不瞋恚亦不精進亦不懈怠亦不禪定亦不乱意亦不智慧亦不愚癡亦无有道亦不滅度亦無所安亦无衆患佛言梵天教化衆生使令精勤專修奉行所因精勤專修奉行當入斯法如本志願

或有獲致道跡往來不還無著者至
於緣覺若復得入逮成无上正真
之道至無為度是為梵天如來至
真善權方便而為衆生敷陳經典彼
又菩薩當為衆生善權方便興設大
哀常以正法而將濟之何謂如來之
所說者法无有眼亦無有脫耳鼻口
身意亦復如是无有脫者所以者何
眼者則空而無有吾亦无我所則恚
本淨耳鼻口身意亦復如是彼則為
空便無有吾亦无我所則恚本淨佛
言梵天是為一切恚歸脫門有所歸
趣為之眩惑色聲香味細滑法其六
事者亦復如是一切諸法皆恚為空
无想無願无起無滅亦无有住亦不
不住所可謂者意不住生本淨自然
澹泊寂寞佛言梵天如來一切恚以
文字演為脫門或以等御癡騃之句
普順文字心當觀之為真諦教如來
一切所可分別恚至解脫敢可說
者恚誠諦句如來說經無有塵勞
所演法者皆无解脫歸滅度也是
為如來所說典籍斯謂菩薩所當

學者佛告梵天如來至真以何方
便遍修大哀而為衆生講說法乎
如來則以三十二事有所發遣而加
大哀濟于衆生何為三十二無有吾
我於一切法令衆生類解信无身如
來於彼而興大哀一於一切法衆生
無受而反有人如來於彼興發大哀二
一切諸法則無有命而衆生反計有
命如來於彼興顯大哀三一切諸法
而無有壽而衆生反計有壽如來
於彼興顯大哀四一切諸法為無
所有而衆生反計有處所如來於
彼興顯大哀五一切諸法都无所
依而衆生反有所倚著六一切諸
法悉為虛無而衆生反志有所樂七
一切諸法悉无吾我而衆生反計有
吾我八一切諸法悉無有主而衆生
反專志貪受九一切諸法悉无可受
而衆生反依倚形貌十一切諸法悉
无所生而衆生反著於所生十一一
切諸法悉无有沒而衆生反貪於生死
十二一切諸法悉無欲塵而衆生反沒
溺塵垢十三一切諸法悉无貪欲而衆

生反為所染汙

五

一切諸法悉無恙

怒而衆生反懷憎結恨

五

一切諸法

悉无愚癡而衆生反為之迷惑

六

一

切諸法悉無所從來而衆生反樂倚

所趣

七

一切諸法悉无所趣而衆生

反依于終始

八

一切諸法悉無造行

而衆生反務建所修

九

一切諸法悉

無放逸而衆生反馳騁縱恣

十

一切

諸法悉為空靜而衆生反處於所見

一切諸法悉為無想而衆生反想

行為上

十一

一切諸法悉無有願而衆

生反志于所僥

十二

已為遠離若干種

事有所受者世俗所怙瞋怒結恨所

獲患厭不與怨敵而集會也及諸不

忍處於仁和

十三

遵修顛倒為世所習

遊於邪徑則能棄除所生之處

十四

彼

則無有審道所趣則為煩惱得于財

利世俗所依則而志慕一切資業當

以折制諸无厭欲即使具足賢聖之

貨信戒慙愧聞施智慧建立於此具

足七財

十五

吾謂衆生為恩愛僕以無

堅要為堅要相財業家居妻子之娛

便无有安所以謂之為恩愛僕衆生

之類無有堅要為堅固想當為講說
計有常者為現无常七吾謂衆生求
財利業則為仇怨而反謂之為是親
友吾為建立顯親友行而為蠲除勤
苦之患究竟滅度八吾謂衆生以及
邪業各各處於若干言教當為講說
清淨微妙无業之命分別說法九吾
謂衆生為諸塵垢而現汙染於家居
事多有患害擾攘之務而為說法當
令出去等度三界十處於所作一切
諸法因貪起住衆緣所處諸立之相
衆生於彼而修懈廢當為說法至聖
解脫勸令精進為度堅要而說經法
悉使獲安又加於是而復及捨无閑
之慧十一取尊滅度志于下賤聲聞緣覺
當為顯示微妙之行如來因此則於
衆生興闡大哀 佛告梵天是為三十
二事如來開導順化衆生數弘大哀
斯為如來謂行大哀佛告梵天若有
菩薩奉行於斯三十二事合集大哀
如是菩薩為大士者名大福田為大
威神樂於巍巍至不退轉為衆生故
而造立行佛說此大哀法門品時三

万二千人發無上正真道意三万二
千菩薩得不起法忍

持心梵天所問經卷第一

癸卯歲高麗國大藏都監奉

勅彫造

西晉月氏三藏法師護譯

難問品第五

於是明網菩薩白世尊曰持心梵天而從如來聞說大衆所分別法不喜不感持心答曰設族姓子修知二行彼人則有歡喜愁感實際所處永无二事由是之故不喜不感猶如幻師所幻奇異之術又彼化人所行而至無喜无感是族姓子已得遊入諸法自然之相自然觀於如來所現變化不喜不感如來所化聞於如來所說辯才不喜不感假使如是分別諸法一切如幻等無差特不於如來殷勤喜悅不於衆生有下劣意明網又曰仁者已解諸法幻相乎答曰族姓子假使有行諸法有處乃能問斯又問梵天仁何所行答曰一切愚夫所遵行者吾之所設行在于彼又問愚夫行姪怒癡狐疑計身是吾軀體是我所有行在邪見云何仁者行在于彼答曰卿為欲令凡夫之士至無凡

夫成就法乎報曰吾不欲樂凡夫之事安當志于諸法成就乎喻族姓子一切諸法無所成就法无所住無積聚處無有結恨无所志失亦無懷來報應不也答曰族姓子離婬怒癡不行諸法是謂為相有行凡夫斯賢聖行其有行者則興二事又族姓子一切所行為無所行一切所教為无有教一切所處為无所處一切所趣為無所趣又問梵天何謂一切所行為无所行答曰假使遵行億百千娑諸劫之教不知法性之所增減以是之故一切所行為無所行又問梵天何謂為一切所教為无所教一切所處為無所處答曰一切諸法如來所教如來所處以是之故一切所教為无所教一切所處為無所處又問何謂一切所趣為无所趣答曰計無有人有所趣生以是之故一切所趣為无所趣尔時世尊讚持心曰善哉善哉若欲說者當造斯講於是明網菩薩問持心曰如向仁者所說一切愚夫所行吾之所修行在于彼設

如是者則為致行有所獲矣。答曰：豈可遊在所生，致所行也？又問：梵天設不遊生焉，能教化於衆生乎？答曰：猶若如來之所化生，吾如彼生。又問：如來所化，豈有生乎？答曰：寧有變現所當現乎？佛之境界，誰所興乎？報曰：有現所現，及與境界，雖有所現，為無所現。答曰：吾之所生，當造斯觀。其所生者，因緣立界。又問：仁者，豈為因緣生死行乎？答曰：吾無因緣生死之行。又問：以是之故，何所因緣？而緣境界有所恐懼？答曰：猶如因緣，因緣界懼，亦復如是。計無本者，无所退轉。於是耆年舍利弗前，白佛言：唯天中天，假使有人而與斯等諸天龍俱入於言，辭獲福无量。所以者何？如今世尊，能得逮聞斯諸正士之所名号，為甚快矣。何況乃值講說法乎？譬如有樹生立於地，而於虛空現千莖節枝葉花實，如是大聖斯諸正士之所行，相當作斯觀，住於諸法，而現所生終始存沒周旋往來。現諸佛土，而以上妙如是。此慧无碍辯才自在遊已，已見如是智慧變化。

何族姓子及族姓女不發无上正真道乎

尔時會中有一菩薩名曰普花謂舍利弗今者耆年豈不得入此法性乎佛說耆年智慧寂尊何故不堪如是感動所變化乎荅曰世尊說余於聲聞上知其境界又問衆可解說法境界乎荅曰不也又問云何耆年有所講說如其境界荅曰如其所入所說亦然又問耆年能令法性无邊際乎而造證耶荅曰如是又問何謂隨其所入所說亦然唯舍利弗隨其所入之所節限有所講說節限亦然則為限節自縛法性也其法性者无有邊際又問普花其法性者無入相乎荅曰唯舍利弗假使法性无有入相然於法性無所入相仁何因設殷勤法性志解脫乎荅曰不也又問若於平等順如所入法性亦然荅曰普花吾身欲見亦欲聞之荅曰唯舍利弗云何法性為有所念一切諸法為有所說有所聞乎荅曰不也又問仁者何故說言欲有所見有所聞乎荅曰普花世尊

說曰則有二人得福无量專精說法
一心聽者以是之故仁者講法吾當
聽之梵天又問者年豈能滅於思想
而思惟定聽於法乎答曰族姓子其
滅定者無有二事聽法之理報曰者
年舍利弗身寧樂志乎寂於本淨及
諸法乎答曰如是族姓子一切諸法本
淨寂滅報曰是故者年舍利弗不能
堪任常定聽法所以者何一切諸法
本悉寂靜

舍利弗問卿族姓子寧能堪任不從
定起而講法乎答曰唯然舍利弗省
察諸法豈可獲乎而仁說言不從
定起能說法耶答曰不然梵天又曰
是故仁者一切凡夫愚戇之黨常得
定意者年又曰凡夫愚戇以何定意
而三昧乎答曰一切諸法而无所趣
斯曰常定又問如是等習凡夫愚戇
及與賢聖無差別乎答曰唯舍利弗
誠如所云吾之所察又不欲令凡夫
愚戇及與賢聖造若干也所以者何
諸賢聖法無所滅除愚戇之法亦无
所興猶法界等以斯之故无有度者

則復而問族姓子諸法無本為何謂
耶答曰如耆年身所分別知豈復興
發賢聖法乎答曰不然又問仁為滅
除凡夫法乎答曰不也又問豈復遠
得賢聖法乎答曰不也又問寧復分
別凡夫法乎答曰不然又問云何耆
年分別知時答曰如所聞法離於凡
夫則為无本平等亦如無有解脫滅
度亦如無本亦如答曰唯舍利弗其
无本者無有老別不若干也其无本
者無所歸趣所謂无本如無本者一
切諸法悉入无本

於是耆年舍利弗前白佛言唯天中
天猶如大火熾盛赫弈无所不燒諸
族姓子亦復如是諸所說法皆分別
了一切法性處靡不盡世尊告曰然
舍利弗諸族姓子講說法性如汝所
云今時明網菩薩謂舍利弗佛歎仁
者智慧為尊歎於耆年以何智慧答
曰明網當知諸聲聞中倚于音聲但
自照身而得解脫歎我於中而為尊
耳不在菩薩而有智慧也又問唯舍
利弗察於智慧有言相乎答曰不然

又問其智慧者行不普乎不平等耶
答曰如是誠如所云智慧平等又問
何故諸法普等乃為智慧而又講說
智慧之限答曰然族姓子智慧法性
無有邊限繫在限者從其境界因本
慧行而有所入又問仁之所知其無
限者而可限乎答曰不然又問以何
齊限而自繫闕有所說乎時舍利弗
嘿然無言

於是賢者大迦葉承佛聖旨前白佛
言唯然世尊明網菩薩何故号曰為
明網也於是世尊見於耆年大迦葉請
欲令衆會德本具足告於明網汝族
姓子自現本德所造之業而致淨光
當為天上及世間人顯示暉曜令菩
薩衆所為善本志純熟者或發道心
使得精進明網菩薩聞佛音詔更整
衣服便從右掌縟網指爪尋放光明
通徹无量不可稱限照於十方諸佛
國土無有邊際而悉普周一切无量
不可計會諸佛世界地獄餓鬼畜生
群萌盲聾瘖瘂跛蹇疾病尪羸狂騃
愚冥懷姪怒癡裸形不蔽若飢若渴

若繫若縛負墮醜陋老耄年邁法應
當死慳貪嫉妬犯戒瞋恚懈怠放意
惡智無信而元博聞不知慙愧墮於
邪見六十二疑生於八難不閑之處
患蒙斯光尋時皆安時彼衆生則无
貪姪不患瞋怒不迷愚癡無有結恨
亦无熱惱當尔之時世尊之前諸來
衆會菩薩聲聞天龍鬼神捷沓恕阿
須倫迦樓羅真陀羅摩睺勒比丘比
丘尼清信士清信女普現一像恚為金
色一切等現相好形容皆如如來普
現一等元見頂相身如金剛一切盡坐
自然蓮華珠交露帳衆寶之蓋一切恚
等而無老別現自然身如佛无異一
切色身恚獲安隱猶如菩薩逮得三
昧各興歡豫彼時衆會恆未曾有各
各相見恚如世尊而无老別不復自
覩疵瑕之體適放是光尋時下方有
四菩薩自然踊出叉手而住各自念
曰今者當礼何所如來空中有聲則
語之曰明網菩薩殊特光明普令衆
會悉現一色為如來像時四菩薩得
未曾有則舉聲曰假令至誠吾等所

建如今所觀像色一類無異諸法平等而尤老別以斯真諦而無虛者吾等特當觀能仁佛瑞應之體設見如來當奉事之於時世尊蓮花交露師子之座去地七尺時四菩薩稽首佛足俱發聲言至未曾有天中之天如來智慧不可窮極明網菩薩本性清淨德願乃余演其光明今諸衆生威容顏貌所現若茲於時世尊告明網菩薩汝族姓子還攝光明所顯弘曜以作佛事多所建立令無量人志于道心明網菩薩聞佛教命則還攝光應時衆會一切如故威儀禮節復現如前如來獨處於師子牀耆年大迦葉前白佛言斯四菩薩從何所來四菩薩曰吾從下方異佛界來又問世界所名答曰衆寶普現又問如來至真其号云何現說法乎答曰号一寶蓋如來于彼講法又問彼之世界去是遠近答曰世尊知之又問仁等何因至此答曰明網菩薩演放光明吾於本土見其光明下方佛國聞于能仁世尊明網之名故詣此土欲覲世

尊稽首奉事欲覩正士明網菩薩時大迦葉前白佛言衆寶普現世界一寶蓋佛土去是幾所佛告迦葉下方去此七十二江河沙等諸佛國土乃得衆寶普現世界一寶蓋佛所處此四菩薩從彼聞來又問世尊幾如之頃乃達到此告曰一發意頃便來至斯迦葉白佛難及大聖菩薩大士所放光明神足聖達巍巍如是明網菩薩演其光明照遠無際斯四菩薩尋即至此其誰見是神足威變智慧所為而不願樂建立大乘世尊告曰如汝所云諸菩薩行不可思議聲聞緣覺所不能及也

問談品第六

於是大迦葉謂明網菩薩族姓子光猶若如來威容姿顏紫磨金形衆會蒙曜色像普齊答曰唯大迦葉當問世尊而發遣之耆年尋時前問大聖佛告迦葉明網菩薩得為佛時當余衆會悉紫金容咸樂一義同心篤信達諸通慧無有聲聞緣覺之名純諸菩薩大士之衆迦葉白佛其有菩薩

生彼佛土便當謂之為如來耶世尊
告曰如是迦葉如你所言便當謂之
為如來也尔時四万四千人皆發无
上正真道意願生彼土異口同音僉
共歎曰明細菩薩得佛道時吾等悉
當生彼佛土於是迦葉復白佛言明
細却後幾如當成無上正真道為寂
正覺乎佛告迦葉自問明細久如成
佛當為汝發遣之耆年迦葉問明細曰
仁族姓子久如當成无上正真為寂
正覺乎答曰唯迦葉若有人問言幻
師化人久如當成無上正真為寂正
覺乎以何答彼報曰族姓子幻師所
化虚而无實何所答乎答曰如是一
切諸法猶如幻化自然而成何問如
斯仁當久如成寂正覺又問云何族
姓子猶如幻師所化幻者寂漠不可
分別無有想念亦无言辭仁謂諸法
亦如是乎以何限節利益衆生開導
之乎答曰如道自然人亦自然如人
自然幻亦自然如幻自然衆生自然
如衆生自然諸法自然亦復如此唯
大迦葉以計於斯不當觀採有益無

益亦不有利亦不无利無度不度又問不立衆生於佛道乎答曰如來之道有立想乎報曰不也以是之故吾不建立衆生之類於佛道也亦不令志聲聞緣覺又問族姓子如今仁者於何所立答曰如無本立吾之所立亦復如是又問如无本者則無所立亦无退還答曰如是猶如無本而无所立亦無退還其无本者亦復如茲立无所立以是之故吾謂諸法無立無退又問明網仁者何以開化衆生而言无立無退還乎答曰其有解達志有所願微妙之事不化衆生其於諸法有退還者亦不開化又問卿族姓子不還衆生出生死乎答曰吾亦不得生死事亦無所見况還衆生又問仁者豈不化於終始展轉衆生之倫至泥洹乎答曰吾亦不得泥洹亦無所見何因勸化衆生類乎辭如族姓子設無始終不得滅度今何以故勸化開導无央數人行佛道乎斯等衆生不求滅度耶答曰假使菩薩若得生死者有泥洹也為衆生想而言有

人以行佛道不可為菩薩不當謂之求
於佛道也又問卿族姓子於何所行
答曰吾身所行不行生死不行滅度
元衆生想唯大迦葉向者問言於何
所行如化如來之所行者吾之所行
亦從于彼報曰族姓子如化如來不
有所行答曰一切衆生相亦如是不
當觀之而有所行也又問族姓子觀
衆生行相如是乎何故衆生行姪怒
癡其化如來无所染汙亦無結恨无
所忘失是故耆年今欲相問如其所
知以報答之又如耆年豈為有此姪
怒癡乎報曰不然又問其姪怒癡寧
為盡乎報曰不然假使耆年无姪怒
癡亦不滅除其姪怒癡徒著何所報
曰唯族姓子愚癡凡夫處於顛倒思
想衆念有所慕求應與不應則便習
行於姪怒癡又諸聖賢則以法律覺
了顛倒便不習行思想衆念无應不
應則便無復姪怒癡也於迦葉意所憶
云何其處顛倒而生諸法從致法耶
因有所生為無所生報曰族姓子其
不有生則无所生答曰唯然大迦葉

意趣云何其不有生無所有者寧有
所生乎報曰不然答曰如是唯大迦葉
其不有生欲令生者於何所生乎報曰
不然又問者年為求所生緣是致生姪
迦葉何從得致姪怒癡乎衆生猗耆
致塵勞耶報曰如是如是族姓子一
切諸法本為患淨無姪怒癡答曰吾
以是故而說此言一切諸法悉如幻
化如来自然之相說是語時四万四
千菩薩得柔順法忍

於是大迦葉白佛言其有目見明綱
菩薩不歸惡趣諸魔官屬不能得便
假使有人聞說法者斯菩薩等終不
墮落聲聞緣覺所處之地其見教授
有所講者佛已歎於明綱菩薩國土
之德佛告迦葉明綱菩薩所遊佛土
則所遊處開化度脫無數衆生迦葉
為見諸族姓子蒙光者乎答曰已見
世尊告曰假使三千大千世界滿
中芥子斯數可知別其多少明綱菩
薩所開化人立于佛道不可計量迦
葉欲知明綱菩薩假使衆生見其光

明以權方便而說經法又復迦葉聽我所說此族姓子國土老特名德嚴淨明細處所明細菩薩六百七十万阿僧祇劫過是數已當得作佛号普明變動光王如來至真等正覺明行成為善逝世間解無上士道法御天人師為佛世尊世界名等集殊勝適詣佛樹則得為佛其佛國土无有諸魔及諸魔天一切皆忘無上正真之道其佛國土以妙栴檀而為土地世界平正猶如手掌若網縵也其界衆生身體柔軟土地和良安隱豐熟一切衆寶合成佛國無沙礫石荆棘之穢无有惡趣勤苦之患亦無八難不閑之劇其佛境域悉生蓮花斯諸蓮華悉以寶成其花甚香若干種色世界廣大東西南北不可得限普明變動光王如來有無央數諸菩薩衆隨其音聲佛法聖衆威神變化已光莊嚴逮總持藏辯才无闕智慧名德獲大神通降伏衆魔志意所遊常知著耻精修聖明以慧教化佛言迦葉又彼佛土不生女人一切菩薩生寶蓮花自

然長大斯諸菩薩以禪為食屋宅經
行床榻卧具宮殿浴池園觀產業辟
若天上其普明變動光王如來所講
經法无文字說唯諸菩薩蒙佛光明
適照其身即便逮得不起法忍光明
消竭姪怒癡垢又其餘明至他佛界
消滅衆生色欲之塵令无瑕疵斯等
順律佛告迦葉其光明中自然演出
法門之音出三十二事何謂三十二諸
法空我淨一切見故諸法無想我離
想念故諸法无願我度三界故諸法
無欲我本淨寂然諸法无怒我蠲除
衆想諸法無癡我離諸幽冥諸法无
來我都無所起諸法當來我順於遊
觀諸法无住我為自然立諸法永度
我無去來今諸法无異我則為自然
諸法无生我為無報應諸法无造報
我無所興故諸法无作我因行而起
諸法無形我緣念而有諸法无貌我
離諸所生諸法審諦我覺了真實諸
法至誠我為同一等諸法無人我无
獲人故諸法無壽我為真究竟諸法
愚駭我不受教故諸法護視我蠲除

諸結諸法无著我為無熱惱諸法无
近我本淨無塵諸法一品我真際寂
然諸法澹泊我為一等定諸法住本
原我因對而發諸法無本行我而緣
破壞諸法等御法我一切普入諸法
无緣我不相雜錯諸法覺我順如所
現諸法無為我无衆事對佛言迦葉
是為普明變動光王如來光明出是輩
聲以斯光明而照菩薩因作佛事其
佛國土無有魔事无所妨廢佛言迦
葉又彼如來壽無有量

於是賢者大迦葉白世尊曰設使有
人欲取佛國當受清淨佛之境界亦
當如斯今族姓子即當具足一切普
徧佛言如余所云從不可計億百千
族諸如來所志願清淨

尔時持心梵天謂明網菩薩今者如
來受族姓子决乎答曰梵天如來皆
受一切人决又問云何授决答曰隨
其所作而受報應斯為受决又問以
何因故授報應决所以授於仁者之
决答曰梵天所謂緣者身无所作口
无言辞意不可見是為罪福之所作

乎報曰不然又問其佛道者有行相乎報曰不然道無有形亦无所有道即無名而无行相又問設無有行豈可令道有行之貌而有獲乎報曰不然是故梵天當作斯說设无所造無有果報無有行貌无行貌性乃名曰道猶如道者獲者亦如受决亦如不以行貌而受决也又問族姓子不行六度無極然後授决乎答曰如是梵天行六度无極然後受决又復聖賢捨一切塵是則名曰施度無極设无所行無所造者是則名曰戒度無極靡所不堪是則名曰忍度无極假使澹泊是則名曰進度無極隨如應住是則名曰寂度无極而忘曉了是則名曰智度無極设令梵天若有菩薩而奉行斯六度无極寧有行乎答曰無有行也所以者何如應行者設有行者有所行者则无所行無所行者斯乃為行答曰是故梵天當建斯說無所行者則為道行又而梵言余已受决至于道乎设使法性已無本者斯无本者所見受决吾之受决亦

復如此答曰族姓子其無本者及與法性悉無授決答曰授決之相亦復如是猶如无本及與法性等無老特於是持心梵天白世尊曰其菩薩者為何所行而得受決至於无上正真道乎佛告梵天假使菩薩所行不起於行亦無所滅不行於善亦无有惡不隨世行亦不度世無有罪行亦无有福不犯於行亦無不犯无有漏行亦無不漏无有造行亦無不造不為有行亦不離行不專修行不離專精无斷除行亦無不除无生死行亦無滅度無有見行亦无所聞無意念行亦无所知而不行施亦無慳貪不奉梵行亦无所犯而無忍行亦无不忍無精進行亦无懈怠不行禪定無所專一不行智慧亦无不智亦無達行亦无所入佛告梵天假使菩薩所行若茲如來則為受斯決矣當成無上正真之道所以者何設使梵天應如行者有所行者志有所造若行於道而起想行若無想行而行於道有所造行若无造行行於道者有所放逸

無所放逸有所戲樂无所戲樂斯為
道者則非道行以是之故梵天當知
莫作斯觀皆度一切諸所造行則為
菩薩乃得受決又復問曰唯然世尊
所謂授決而得決者為何謂耶世尊
答曰一切諸法除諸有二則名受決於一
切法而不造二則名受決於諸所起而
等衆色則名受決其身口意所為澹
泊則名受決佛告梵天吾自憶念往
古世時今時有劫劫名喜見而於彼
劫供養七十二婢諸如來等斯諸如
來不見授決復次有劫劫名善化于
彼劫中加復供養二十二億諸如來
等不見授決復次有劫劫名梵歎吾
於彼劫而復供養万八千佛不見受
決復次有劫劫名欣樂吾於彼劫加
復供養三百二十万諸如來衆彼如
來等不見受決過是然後復次有劫
名大演而於彼劫亦復興出八百四
十万諸如來衆吾悉供養斯諸如來
以若干種隨其所安而奉進之又彼
諸佛不見受決佛告梵天今吾一劫
若復過劫說諸如來所有名号昔所

供養諸佛之數又復在彼淨修梵行
一切布施所有供具靡不獻進遵一
切戒而患具足奉忍辱慈離於結恨
慙懃精進一切所聞皆苞覽持一心
定意所行寂漠坐而專思亦有講問
音聲智慧斯諸如來不見受決所以
者何用所造行而有荷故梵天欲知
當造斯觀皆當超度一切諸行斯乃
名曰菩薩受決然後值見定光如來
尔乃獲致不起法忍定光正覺見授
决言汝於來世當得作佛号能仁如
來至真等正覺明行成為善逝世間
解無上士道法御天人師為佛衆祐
當彼世時乃超衆行具六度无極所
以者何皆患棄捨一切想故是則名
曰施度無極蠲除一切所在緣使名
曰戒度无極忍於諸性名曰忍度無
極於一切行皆患寂然名曰進度无
極於一切念而無習行名曰寂度無
極了本清淨不起法忍是則名曰智度
無極見錠光如來尋則具足六度无
極吾初發意來一切放捨所可施與
百倍千倍万倍億倍巨億万倍喻五

蓮花供養之德不可相比無以為喻
從初發意布施知足奉禁順戒忍辱
仁和究竟受耻堪任於法精進懇懃
遵修不倦禪定寂漠常无有著從初
發意觀察智慧常不放逸計斯智慧
諸度無極百倍千倍万倍億倍巨億
万倍不可相比無以為喻是故梵天當
造斯觀在彼世時尋即具足六度无極
又問世尊云何具足六度無極大聖
告曰不念於施不著於戒不想忍辱
不專精進禪无所住智慧無二是為
具足六度无極又問假使具足六度
無極何所具足答曰設使具足六度
无極便即具足於諸通慧又問世尊
設具六度云何便具諸通慧乎答曰
梵天若等布施則等諸通慧以等戒
者則等通慧設等忍者則等通慧如
等精進則等通慧若等禪者則等通
慧等智慧者則等通慧以能等此則
等諸法便能平等於諸通慧復次梵
天念具足施則具通慧念戒念忍念
進念寂念慧念具足者則具諸通慧
矣離諸通慧念斯名具足六度無極

備諸通慧也如是梵天已能具足六度無極則便具足諸通之慧又問云何具諸通慧大聖告曰眼不受色耳不受聲鼻不受香口不受味身不受細滑意不受法其無有內亦无有外而不所由亦無所受亦不自念具足周辯諸通之慧已具足此名曰諸通慧眼不著色耳聲鼻香舌味身更意法而無所著以故如來慧无罣闕所見無限達諸通慧則復不受諸通慧也所以者何若欲成就諸通慧器則不成器而無有器已无有器則日暴露已能平等暴露行者為諸通慧斯無所受猶如梵天一切所為悉依倚空空无所倚一切悉達無所不知而志求倚諸通之慧如諸通慧无所倚求又問世尊諸通慧者為何謂耶何因名曰諸通慧乎世尊答曰諸通慧者假託名耳忘無所著普了衆行无有聲聞緣覺之事名諸通慧心探一切念而療治之名諸通慧而皆分別諸所至趣名諸通慧智不可限曉衆生行名諸通慧分識一切隨時而順有

所學不復學緣覺之慧無所不達應
時現教名諸通慧等療隨行順不失
時名諸通慧曉知諸藥所可療者名
諸通慧滅除衆病名諸通慧拔諸星
闕猗著根原名諸通慧常三昧定名
諸通慧了一切法无有疑網名諸通
慧究竟普達靡所不知開暢世間度
世之慧名諸通慧綜練分別所說同
備一切敏達梵天是故名諸通慧於
是持心梵天白世尊曰至未曾有天中
之天諸佛世尊而無有心因慧名心心
本清淨如來至真究竟曉了衆生心
行唯然大聖考有族姓子族姓女聞
諸通慧其誰不發无上正真道乎乃
致斯類無量之德興發殊特於是明
細菩薩白世尊曰假使菩薩希望名
德而志道者則為不慕佛道不立大
乘所以者何一切諸法則无名德無
有伴黨天中天斯非菩薩之名德也
天中天無有緣應尔乃名曰建志佛
道因於大哀欲滅衆生苦患惱故忍
於已勞不以厭倦不畏終始以无量
故不斷佛教故護正法故敬聖衆故

又以善法除惡法故諸見脫門以解
度故療除諸病令滅盡故救濟一切
生善處故將順拯拔所愛憎故於世間
法无所著故嶮道逐生死令得出故使
處無為務安隱故唯天中天又諸菩
薩不當疑望不為衆生有所造作而
有怖望亦無所疑天中天菩薩大士
不以苦樂而患厭也天中天何謂菩
薩種姓清淨世尊答曰菩薩不以族
姓轉輪聖王不以帝釋梵天有所生
處種姓清淨菩薩所立能具德本興
發他人衆善之原是为菩薩種姓清
淨又在畜生所生之處則離諸見慈
悲喜護等與法藥除意瑕穢是則菩
薩種姓清淨施為種姓无所怯故戒
為種姓無熱惱故忍為種姓離瞋恚
故進為種姓无懈怠故禪為種姓一
心定故慧為種姓無闇蔽故斯為菩
薩棄諸瑕穢不捨道心則為菩薩之
種姓也不樂聲聞緣覺乘故

談論品第七

於是持心梵天白世尊曰溥首童真
在斯衆會默然而坐無所言講亦不

談論佛告溥首豈能樂住說斯法乎
有所及屢屈意分別溥首白佛世尊
所因法義致正覺者又計彼法有言
教乎告曰溥首法無言教又問其法
寧有言辭有所思念講論說乎告曰法
无言辭無所思念亦无論說又問假
使諸法无言無念亦无論說則不可
講持心梵天謂溥首曰仁豈不為他
人衆生講說法乎答曰梵天可講法
性分別二耶報曰不然又問其法性
者不可銜之一切法乎答曰如是報
曰若茲梵天法性无二然而法性銜
一切法何因當為他人衆生講說法
乎又問溥首其有說法計吾我者豈
不謂為二事者乎答曰假使梵天有
所獲致而有所說有聽者乎又問如
來豈不講說法乎答曰梵天如來所
說則無有二所以者何如來無二不
造二事又問假使諸法无有二者誰
造為二答曰衆生徇名而受吾我愚
駭凡夫便造二事其二事者終不為
二何況無數以不造二其實際者則
无有二不造二事又問其無二者寧

可知乎答曰梵天假使可知則為二
事其可知者識無二法知教者也如
來雖說有至誠法如如者則无所說
所以者何又其法者無有文字又問
如來說法何所歸趣答曰梵天趣無
所趣則為如來之所說法又問如來
說法豈不歸趣於泥洹乎答曰梵天
其泥洹者寧有歸趣而反還耶又問
其泥洹者無有歸趣亦无還反答曰
如是如來說法趣無所趣又問聽者
云何答曰心等之故又問云何心等
答曰如無言教亦无所聞又問如來
說法聽者何謂答曰假於法性無所
聞者又問當何因由曉了法乎答曰
能分別者則不諍訟又問云何比丘
意諍訟乎答曰斯者如應此不如應
是為諍訟斯有因緣此无因緣是為
諍訟斯為欲塵此為結恨是為諍訟
斯為善事此不善事是為諍訟斯為
奉戒此為犯禁是為諍訟斯當奉
行此宜捨離是為諍訟斯有所獲此
為時節是為諍訟又謂梵天有名無
名興於有數合會之事是皆名曰為

諍訟事如來說法无有諍訟無有漏
失無有異行无衆訟理則為沙門沙
門无欲平等色像又問何謂比丘奉
如來教如佛所言答曰假使梵天遭
諸驅逐而見教誠不以為患順如所
教而不放逸不在二慧則順言教設
貪衆求入不以惑則順言教不諍所
志則順言教若護法者則順言教不
乱正辭則順言教又問何謂比丘護
正法乎答曰假使普行而不乱者則
護正法不違法性則護正法又問何
謂比丘親近如來順教行諦答曰設
使比丘而於諸法不遠不近亦无所
見是比丘者則親如來奉順教也為
次第行又問云何比丘奉事如來而
侍從乎答曰梵天設使比丘身无所
造亦無所行无言無意則奉如來為
侍從也又問何謂供養如來答曰其
不衣食恭敬承順者也又問誰為見
如來耶答曰其無肉眼亦无天眼亦
無慧眼无所倚者也又問誰見法乎
答曰其不滅盡緣起者也又問誰為
覩見緣起者乎答曰其有平等不見

起者也若使平等不復起者則无所生又問誰為逮神通者答曰其不起漏亦無所滅者又問誰為學如來所學答曰其无所造若無所起无所捨者又問何謂獲致乎等答曰於諸三界皆无所逮也又問何謂善開化乎答曰於諸法所有无所著也又問何謂為安乎答曰無吾我者也又問誰為脫乎答曰不為諸縛之所繫綴者也又問誰為度耶答曰不處生死不滅度者也又問漏盡比丘為何所盡答曰梵天於諸所盡而无所盡其諸漏者則無有本了知无本此名漏盡又問何謂誠諦獨諸言辭答曰其能分別解諸難者又問誰為成道答曰愚癡凡夫乃成為道亦不懷來於賢聖事无所歸趣曉了一切終始者也又問其誠諦者當以何見答曰其誠諦者則無有見所以者何其習所見則為虛妄无所觀者為誠諦見又問何所觀者為誠諦見答曰於一切見而无所觀則為諦見又問其誠諦者當於何求答曰當於四顛倒中求又問何故

說斯為何謂耶答曰四顛倒者推其
本末彼不永存亦无有安亦無吾我
無有嚴淨及與實事其无常者非常
亦然其無安者非安亦然其无身者
非身亦然其無空者非空亦然又若
梵天於一切法无所樂者為求聖諦
其求真諦則不知苦便不斷習不造
盡證不念由道又問當以何便念由
道乎答曰無念造行无不造行除於二
事於道无道而求道者於一切法而
不可得斯乃名曰為由道耳若於由
道无所起者无所不起亦無所斷无所
不斷無有生死亦无減度所以者何亦
无有起无有不起則為名曰賢聖之道
尔時梵志大姓之子名曰普行問薄
首曰何謂清信士而歸命佛歸命法
歸命衆答曰設族姓子不興二見斯
清信士則歸命佛應歸命法及與聖
衆不自見身不覩他人亦不見佛不
自覲已亦不見法則不覲已不見聖
衆則不覲已不興諸見則清信士為
歸命佛及法聖衆設清信士不入志
慕如來之色亦不志于痛痒行識亦

無造行亦无所知志趣如來是則名曰
歸命於佛而於諸法無所想念而於
諸法无所同像亦無比類是則名曰
為歸命法於諸有形而无所倚亦不
志樂於有形者亦不志樂於無形者
是名曰歸命聖衆若清信士不得於
佛亦不得法及與聖衆則為歸命佛
法聖衆普行菩薩又而問曰假使菩
薩志求佛道為奚所析答曰則為所
空所以者何道等如空又問云何菩
薩謂求道者答曰設使菩薩於一切
求而無所求了知諸法已知諸法則
了衆生是為菩薩志析佛道於是普
行菩薩白世尊曰唯然大聖何故菩
薩名為菩薩佛告族姓子假使菩薩
覩邪見類興發愍哀而為分別正見
之事誘進衆生使入正道是故菩薩
為菩薩也所以者何其菩薩者亦无
有御亦無不御為衆生故而心發願
為若干種墮於邪見衆生之故而建
志願故族姓子菩薩為墮邪見衆生
而發愍哀建立道志故為菩薩也
於是道意菩薩白世尊曰我各志樂

所名菩薩佛告曰若欲樂者可說之
耳道意白佛許如世間男子女人晝
夜精進奉八關齋無所毀失亦不缺
戒如是大聖行菩薩者從初發意未
成正覺常八關齋是故名曰為菩薩
也堅意菩薩曰假使菩薩堅固之性
行慈具足是故名曰為菩薩也

度人菩薩曰譬若如船又如橋梁若
有人來患過度之不以勤勞亦无想
念其有喻心如足行者是故名曰為
菩薩也

棄惡菩薩曰假使菩薩適能等立於
佛土者則能蠲除一切眾惡斯則名
曰為菩薩也

光世音菩薩曰假使眾生適見菩薩
則得歸趣志于佛道但察名号則得
解脫斯則名曰為菩薩也

得大勢菩薩曰舉脚經行三千大千
佛之世界一切魔宮悉為之動是則
名曰為菩薩也患厭菩薩曰假使江
河沙劫彼於晝夜懇懃精進若十五
日旦夕造行若於一月若十二月若
於一年設若千年億百千歲乃有佛

與若復施與江河沙等諸如來淨
修梵行然後授決則為衆生而發大
哀建立於道亦不想念無有放逸亦
无所疑心不懈歇斯則名曰為菩薩也
導師菩薩曰假使衆生墮邪道者為
發大哀立之正道不以戲逸有所怖
望斯則名曰為菩薩也

大山菩薩曰其於諸法等如大山而
無想念斯則名曰為菩薩也

鈎鎖菩薩曰其有所見亦不覩除一
切塵勞斯則名曰為菩薩也

勇心菩薩曰假使以心念一切法而
發忍辱無所增減斯則名曰為菩薩也
欲師子變菩薩曰其无恐懼而無畏
者於深妙法降化諸外異學斯則名
曰為菩薩也

無念菩薩曰假使以心入於心者而
无有念亦無不念斯則名曰為菩薩也
善潤天子曰假使生於諸天宮殿而
無染汙亦不歸於離欲之法斯則名
曰為菩薩也

誠言菩薩曰假使轉行於至誠者其
言所入如審諦者亦無不諦斯則名

曰為菩薩也

愛敬菩薩曰一切見色悉如佛像斯則名曰為菩薩也

常憐菩薩曰見于衆生沒於終始一切諸樂而不興樂我當度脫於衆生類斯則名曰為菩薩也

莫能當菩薩曰唯然世尊不為欲魔之所危陷斯則名曰為菩薩也

常笑喜根菩薩曰踊躍無量諸根欣悅具足已願所作已辦斯則名曰為菩薩也

壞諸疑網菩薩曰其不離意亦无狐疑於一切法斯則名曰為菩薩也
師子童女曰其無女法无男子法而能示現若干種形開化衆生斯則名曰為菩薩也

寶女曰不以珍寶而有所樂唯樂三寶佛法聖衆斯則名曰為菩薩也

離憂施清信士曰設無顛倒亦无迷惑菩薩於道於一切法而無所得亦無所起亦无所滅斯則名曰為菩薩也
賢護長者曰設使菩薩假以名号導御衆生至於佛道斯則名曰為菩薩也

寶月童女曰假使常遵童真梵行所
施平等無所想念而不習欲何況志
求於財富乎斯則名曰為菩薩也
香花菩薩曰如忉利天子而以戒香
熏塗已形為菩薩者无異香流唯以
戒禁之法香也斯則名曰為菩薩也
造樂菩薩曰其不志樂於異法者唯
志三法奉侍於佛講說經法教化衆
生斯則名曰為菩薩也
持心梵天曰假使菩薩不志於法亦
不慕於諸佛訓典欽尚光明而入趣
者斯則名曰為菩薩也

慈氏菩薩曰假使菩薩覩見衆生行
慈三昧得齊衆生斯則名曰為菩薩也
溥首童真曰假使菩薩說一切法亦
无所說亦無法想亦不興發諸法之
念斯則名曰為菩薩也

明網菩薩曰假使菩薩所有光明滅
諸欲塵斯則名曰為菩薩也

普花菩薩曰在於十方諸佛國土見
諸如來猶如衆花斯則名曰為菩薩也
如是諸菩薩各各辯現陳唱本志於
是世尊告普行菩薩假使菩薩為諸

衆生忍衆惱患則無忘失一切德本
而不棄捨衆生之類斯則名曰為菩
薩也

持心梵天所問經卷第二

癸卯歲高麗國大藏都監奉
勅彫造

持心梵天所問經卷第三

賴

論寂品第八

西晉月氏三藏生法護譯

尔時持心梵天謂普行菩薩曰族姓
子仁者以何行為行答曰其所行者
一切有為悉無所有而隨衆生所著
行者又問一切衆生所有為著行者
何謂為衆生行答曰從諸如來之所
行也又問計諸如來為何所行而以
為行答曰一切永空而以為行又問
一切愚癡凡夫諸所行者又諸如來
之所行者亦如是乎設如斯者何謂
如來之境界耶答曰仁欲使空有別異
乎報曰不也答曰云何世尊不云諸
法空乎報曰如是答曰以是之故一
切諸法无有差別又此所行而無有
相梵天當知如來不處諸法為若干也
於是持心梵天問普首曰所謂行者
所行為何答曰行四梵行乃名為行
又問梵天其四梵行而為行者不為
遊空所在造行常修四梵具足諸行
乃為遊空假使梵天行在閑居若處

曠野而常具足於四梵行此乃名曰
行遊于空設令復處講堂棚閣紫金
床座敷具重疊而不遵修於四梵行
此則不曰遊于空也用不曉了行之
所致又問以何等行為慧見行答曰
假便行者空不見身也又問其不見
我為觀慧乎答曰如是梵天其不見
我則觀慧矣猶如梵天有聰明王若
聖達帝其臣吏者則有智慧而為帝王
之所敬重如是如是其不見我乃觀淨
慧又問誰不見我答曰无吾我法斯
等之疇則為具足所有身也如是一
類名曰見我又問如今所說吾觀其
誼不見我者則為見佛所以者何吾
我自然佛亦自然溥首如來所見何
等答曰離吾我見所以者何其不見
我則為見法其見法者即為見佛又
問溥首无我因緣若成就者則致平
等答曰梵天假使成就諸有形事寧
可謂之致平等乎又問云何溥首為
何所獲得致平等而成就耶答曰無
所蠲除亦不造證其奉此者獲致平
等又問其慧眼何所觀乎答曰梵天

其慧眼者不有所見其慧眼者不見
有為及與無為所以者何想念有為
其无想念則為慧眼光曜達者則已
超度所有眼跡以是之故為無所見
又問溥首因緣吾我成就平等比丘
由是不獲果耶荅曰梵天寧可使令
無平等者得果證乎不為等療正使
遵修不得果證離於想念乃覩獲矣
設處憍慢非平等療若有憍慢若不
憍慢不得約時又問溥首以何等法
而為約時而云約時荅曰其法不生
亦不今生亦無當生是則諸法之約
時也吾說約時則謂此矣又問溥首
如是生者為何約時荅曰如是約時
其不生者是謂為生超度一切諸行
所見斯則名曰為平等也又問其平
等者為何謂耶荅曰平等吾我及與
滅度而不為二是則名曰為平等也
其平等者無所倚據是謂平等所演
平均是謂平等无利與不利誼與不誼
是謂平等蠲除一切所可思念是謂
平等於時世尊讚溥首曰善哉善哉
快說斯言實如所云說是語時七千

比丘漏盡意解二万二千天子遠塵
離垢得法眼淨一万比丘離於愛欲
二百天人發無上正真道意五百菩
薩得不起法忍

於是持心梵天白世尊曰溥首童真
為作佛事溥首尋時答梵天曰佛无
興出何所為法若不作法有所處乎
又問溥首世尊不為化無量人至滅
度耶仁者不為不可稱計衆生之類
造利誼乎答曰梵天无有人類及欲
令有乎報曰不也答曰梵天卿反欲
令人物之品成就人乎報曰不也答
曰梵天卿復欲令如来无寻若無所
有令興發乎報曰不也答曰何所人
類如来所濟令得滅度報曰溥首其
法不生向者所說如茲計之无有生
死亦無滅度亦无所獲答曰如是梵
天如来至真不得生死亦不滅度又
復梵天世尊所化解脫聲聞計於彼
等亦无生死亦無滅度則為滅度所
謂梵天為滅度者方俗言耳假託名
号所謂生死亦習俗言而无終始周
旋者也亦無滅度報曰溥首誰當肯

信此言者乎答曰其於諸法无所著

者也又問溥首其有所猗為何著乎

答曰梵天其有所猗為著虛妄假使

梵天彼誠諦者則無其慢於此亦不

有所樂也何況當復猗著空乎是故

見誠諦者則无所著已无所著則无

生死已無生死不離生死已不離生

死斯乃名曰為滅度矣又問溥首其

滅度者為何志求於滅度乎答曰梵

天其滅度者名轉相因為諸識行其慧

之行諸行澹泊不有所由則無所處

其无所處斯乃名曰為滅度矣无處

行者則曰永滅斯為道約時也無有

生者是乃名曰為四諦也於是普行

菩薩問溥首曰今所說者悉誠諦言

也答曰族姓子一切所言皆為誠諦

又問溥首其所言者虛妄響像亦誠

諦乎答曰實為誠諦所以者何其所

言者皆無處所而无所立已得自在

名曰誠諦斯一切言悉為誠諦其諸

天人如來至真亦說言教計斯諸言

亦無若干亦无有異所以者何一切

所說皆如來諄一切如來亦无所行

亦無進退其有言辭若復演教皆亦如是言教為教以是之故一切所言平等文字以等文字則能一等於文字矣已能等一切文字者則得自在便能平等一切言辭普行平等又問溥首如來至真豈不分別賢聖言辭無賢聖辭荅曰仁者欲令諸賢聖眾為文字教乎復又欲令无有文字賢聖教乎報曰如是溥首荅曰其賢聖文字無賢聖文字有想念乎報曰不也荅曰是故文字无有想念假使棄捨一切想念斯曰賢聖無有言辭其賢聖者不以文字有所說也无有人想亦無法想猶如伎樂及與大鼓節奏之鼓因緣有聲亦无想念賢聖亦然現有所說而有言辭亦無所著又問溥首如來言曰設聚會者當興二事若講論法若如賢聖而嘿寂然於彼溥首何謂論法何謂聖寂荅曰設不諍於佛不反經法不乱聖眾斯乃名曰為講法矣若思法者其志佛者離於色欲所謂法者无為無形所謂聖眾賢聖寂然也復次族姓子其四意止遵

修精勤分別解者斯為論法心無所
念於一切法斯則名曰賢聖寂然族
姓子其有精勤分別解說於四意斷
斯謂論法所論於法於平等者不為
平等亦不造取則名聖寂若有遵修
講四神足斯為論法設復无身無言
无心則名聖寂遵修解說五根五力
則為論法又若無聲不信於法則无
賢聖擇取諸法專精一意而自建立
等成本解脫於諸法而志信之一切
所說而志決了行于智慧是則名曰
賢聖解脫遵賢聖脫於七覺意則謂
論法等察色欲不舉不下得此行者
則名聖寂遵修精勤解八聖道是則
名曰為論法矣已見種種姓之所生處
辟如浮筏不著於法不著非法則名
聖寂族姓子知其有解了三十七品
法之所歸斯則名曰為講論法假使
於此以法證身則不離身觀於法者
則不離法其有見者而无本見若不
見二則不觀二如其所見現在智慧
之所見者則不有見其不見者乃名
聖寂又族姓子其分別說不我同像

不他同像不法同像斯則論法設不得法離於一切文字之教音聲言說棄除憍慢興發澹泊其心寂然究竟於行斯則名曰賢聖寂然又族姓子若他衆生及餘異人各各覩見斯諸人根為分別說假使定意若心亂者斯諸賢聖為寂然也有所建立而無憤亂

於是普行菩薩問溥首曰如今仁者有所論說吾觀誼歸一切聲聞及與緣覺無有法說元賢聖寂所以者何不能曉了衆生根本不究平等又復溥首誰當說彼有平等意誰為順法住賢聖寂耶當謂如來為平等也諸佛世尊乃能曉了衆生根本而常專定於時世尊告溥首曰實如普行族姓子之所說也諸佛世尊乃能了耳於是賢者須菩提白世尊曰我親面從世尊啓受告諸比丘若聚會坐當興二事一講論經典二遵賢聖寂設聲聞衆不奉行何因如來為諸聲聞說斯法言當分別說講論經典若不尔者賢聖寂然世尊告曰於須菩

提意云何諸聲聞衆以無所問能有
講論賢聖寂然而為行乎答曰不也
天中之天故須菩提當造斯觀一切
聲聞及與緣覺无有法說賢聖寂然
於是薄首謂賢者須菩提者舊豈知
如來所見衆生根本於此所造八万
四千行分別說者寧諷誦乎耆年於
彼以何智慧而觀解脫答曰不及報
曰卿便定意有三昧名觀衆生心住
此定者便能觀察見衆生心已心他
心而不罣闕答曰不及薄首又曰唯
須菩提如來有言八万四千行因其
所行而分別說了於醫藥三昧正受
而不動搖普知一切衆生之心是故
須菩提當造斯觀此非聲聞緣覺地
之所能及唯須菩提有婁行人緣以空
事而得解脫如來悉知若不因空或
復有人而懷怒行覩見瑕疵因其瞋
恚而得解脫不以慈心如來悉知或
復有人而懷癡行因以講說而得解
脫不以說法如來悉知或復有人懷
等分行不緣空行亦不以觀而得解
脫不以慈心亦不瞋恨而得度世不

以勸讚不以說法而得解脫又復如
來因隨說法應其行根緣厥形類而
得解脫如來悉知是故須菩提當造
斯觀如來禪定講說尊法名賢聖寂
於時須菩提謂溥首曰緣覺以是不
任講法無賢聖寂唯有菩薩具足斯
法乃能講說及賢聖寂答曰如來明
其所知靡不通達世尊告須菩提有
三昧名入一切音整其亂心菩薩以
此三昧正受定行普具衆德等脩諸
行於是溥首菩薩問普行菩薩曰族
姓子說八万四千行八万四千諸品藏者
是則名曰講說經法曉一切想至滅
寂定此乃名曰賢聖寂然又族姓子
佛以一劫復過一劫分別決此所說
法義斯乃名曰賢聖寂然彼時世尊
告普行曰族姓子乃去往昔過無數
劫不可計會無有限量不可思議介
時有佛名曰普光如來至真興出于
世劫曰名聞世界名愛見普光如來
愛見世界豐熟安隱米穀平賤無患
快樂天人繁熾其佛世界以一切寶
合成爲地以衆香樹而熏香柔軟細

好譬如妙衣等以衆寶蓮花莊嚴愛見世界有四百億四域天下一一四域三百三十六万里一一城郭縱廣四十万里皆以珍寶自然莊嚴二大城有二十郡而為部黨及諸縣邑一大城所有國主典領無量百千居民又彼人民取目所覩但見好意可意所敬一切衆民悉得念佛三昧之定以故彼佛世界名愛見設諸菩薩詣異佛國土則不以樂於他世界若普光如來說三乘教為諸聲聞講說經法廣復加意而解釋誼則興二行宣暢說法聖澹泊行東方世界有二菩薩止在醫王如來佛土一名欲盡二名持意詣普光如來所稽首于地右繞三匝叉手而住彼佛世界名清淨普說三昧以一事故界名清淨假使菩薩逮得斯定則捨一切衆想塵勞便得佛法光明以故世界名曰清淨過去諸法皆悉清淨當來諸法亦悉清淨現在諸法亦皆清淨此名二清淨所以名清淨者謂真清淨真清淨者亦无所生亦無清淨其清淨

者本源清淨故名本清淨其本清淨則一切法何所法者而本清淨空則本淨便皆遠離一切諸法恚為虛妄无想本淨又一切法則以蠲除諸所思想邪念之事恚為消滅其无願者則為本淨一切諸法為不應行為無所願堪任究竟以離自然能為本淨斯則名曰本淨明顯本淨光耀如生死淨泥洹本淨亦復如是如泥洹淨一切諸法本淨亦然斯則名曰為本淨也心之顯明猶族姓子虚空无處無所志願設姓能一療治塵勞心之本淨無有處所无所志求則能蠲去塵勞之欲斯族姓子心本清淨心為顯明猶如虚空雲霧烟塵不害虚空亦無所壞亦无所照虚空本淨無能汙者亦无塵勞是究竟說永無所汙故曰虚空假使思惟順如應者凡夫愚戇言發塵勞心之本淨无能汙處以無能汙是故名曰本末清淨設不染汙故曰本淨是故解脫為解脫也斯族姓子清淨世界而普等入彼時世尊為諸菩薩而分別說聞斯三昧心則趣法

光明之耀於時盡意菩薩白普光如
來我身曾聞天中之天又斯普入當何
方便而修行乎普光佛告盡意菩薩
諸賢至此為族姓子當行二行何謂
為二分別說法賢聖寂然澹泊之行
又族姓子彼之菩薩因從世尊聞稽
首佛足右繞三匝即時而退尋便至
於別異遊觀於化棚閣因而遵行時
有梵天名曰善光與七万二千諸天
梵俱往詣菩薩稽首足下適見此已
即問菩薩時族姓子輒有所說普光
如來而聚會耶諸比丘坐亦說經言
當行二事分別說法賢聖寂然而无
所念彼族姓子何謂說法賢聖寂然
彼時菩薩謂善光梵天梵天且聽粗
荅所問如來目觀分別說耳度於無
極是族姓子乎彼菩薩衆以此二句
而為衆會廣說其義時七万二千梵
天咸發無上正真道意得不起法忍
善光菩薩得普明三昧是族姓子諸
菩薩不可制止無閼辯才興發難問
誰講說法賢聖寂然而開演說於七
万六千歲宣布二句而發遣之不得

一句之邊崖況復二句於時如來住
在虛空而發斯言止族姓子勿得言
說興於諍訟聞其譬喻諸所言說如
呼聲響所因得脫便而順從因響便
入其辯才者有所分別無盡之行不
可究竟吾發意頌於一切中若復過
劫若是問誼歎彼賢辯不可究竟不
得邊崖卿賢者等不能窮盡辯才之
慧又而復次寂靜佛言寂然澹泊無
有文字誼宜之事又不以利養如供
養利是為誼宜又所救濟心念識之
從如來聞有所解說則時嘿然故族
姓子菩薩一念之頃能歎訟說百千
劫數所演辯才行此然後當造斯念
而有菩薩名曰巍巍救護盡意在於
人間而說此語普行梵天及二菩薩
所入之地省察往昔豈異人乎勿造
斯觀所以者何尔時盡意菩薩者今
溥首是持意菩薩今普行是善光梵
天今持心梵天是也

力行品第九

於是普行菩薩白佛大聖曰至未曾
有天中之天諸如來世尊道德高妙

乃能如是獲大利義因從精進而常
勤力其懈怠者雖百千佛奈之何耶
唯然世尊其為道者當專精勤溥首
童真問普行曰仁族姓子豈能別知何
所遵修名於菩薩為精勤乎答曰假
使菩薩遵修行者而有時節無所思
念不捨精勤又問何謂精勤而有時
節亦無所念答曰假使行者不想諸
法則而時節為无所念又問何謂如
時而無所念答曰設於諸法恚能奉
行觀見平等則為時節亦无所念又
問豈可能令見等行乎答曰不也設
見平等者則便墮於六十二見不為
平等持心梵天問溥首曰其平等者
不見諸法乃名平等溥首答曰何故
梵天而不見乎報曰除於二事故不
有見無所見者乃為等見又問豈在
梵宮為等見乎報曰何等為見答曰
其所見者如色無本不造老別如有
所見也痛痒行識而无有本等不老別
設使溥首觀於五陰而無本者則為
示現於世間矣為平等見也又問在
於梵宮行何所行答曰盡於諸相則

為是行是為溥首世俗所行又問設使諸相滅世心相者云何盡於心相行乎答曰溥首世間之相不為盡也又問何謂分別為諸相行為世間行答曰其都盡者則無所盡其有盡者而不可盡又問梵天如來至真豈不有云其盡法者謂有為事答曰其盡法者未曾復盡如來說曰其盡法者謂有為事又問梵天何謂名曰為有為事答曰其盡法者名曰有為又問梵天有為之事為何所立答曰住於无為自然之處則為有為又問有為無為斯諸法者有何差別答曰有為无為諸法之者以方俗事言有差別方俗說斯是為有為此為無為其有為法及无為法則無殊別法无有異又問梵天所言法者為何謂耶答曰所云法者無有差別是謂為法又問何謂為言答曰有所囑累有所講說是謂言說所以者何一切言說平等相像如來分別為平等也有所說者不為差別是故名曰為言說也又復溥首一切所言為無所言斯則名曰无所

逮得為佛所言平等覺者不有所獲
無所言行又問何謂平等覺佛所念
行答曰不行於色不行諸相不行於
法又問難獲之相而有說法為念行
乎答曰不也其有相者法則無本无
有真實而不老別此為如來之所念
行其所行者為無所行亦无有本亦
無所說亦无所失又問梵天云何如
來成平等覺答曰溥首如來曉了一
切諸法志為本淨自然无本逮平等
覺以故因号平等正覺

志大乘品第十

於是普行菩薩白世尊曰何謂大聖
名於菩薩志于大乘當何以觀世尊
以頌答普行曰

若志求佛道 未曾慕於色 如色道亦然
斯為意慕道 色與道无異 行者亦如茲
所願無所壞 則道第一慧 无壞義道義
道者無利義 其修第一義 乃為志求道
於陰求佛道 衆種及諸入 曉是為等覺
與道無老別 如使不受法 无上下中閒
亦無所棄捐 乃為志求道 若法若非法
不想此二事 以不獲兩緣 乃為志求道

有為則二事	無為則无二	棄指分別事
乃為修道行	而超度凡夫	住立於寂然
不得賢聖果	世衆祐無著	觀於世間法
處俗如蓮花	遵修尊妙行	乃為志求道
於世所在遊	于彼而造行	俗人所縛著
明哲則解脫	不畏於生死	菩薩志性強
无怯而堅固	修行於佛道	設使曉了者
分別於法性	於法與非法	一切无所想
不釋離諸法	專修于佛道	未曾有墮落
彼道无有想	諸法無有相	辟之如虛空
無相不无相	明者不念斯	於行勇方便
善摧度無極	則令他衆生	具足所志樂
常摠持正法	住立於平等	是則為正法
在典无衆念	諸佛雖興出	則為無所起
常住於正法	斯能奉經典	一切法現在
如法及非法	所說亦如斯	則住於无本
遵修微妙道	而不了魔事	於諸法亦然
則不受道教	志願於佛道	而以建行慢
則無有慧教	所說无所獲	諸佛慧無量
於法不著法	于彼无所倚	斯道度彼岸
布施志於道	心樂于施捨	降伏一切有
不著於佛道	法不可得勝	亦不可奉受
諸法亦如是	不得心形像	致究竟解脫

曉了一切法 彼修慙哀句 則為無諸見
彼等計吾我 則無有二事 不處於貢高
不慕諸所有 一切行布施 勸助於佛道
布施及道德 不處計有二 禁戒无所行
常立於正道 亦無有想念 言吾立禁戒
無為无所生 聖達了禁戒 以故戒清淨
解結如虛空 身如鏡中像 言如呼聲響
了心若如幻 不以戒念悞 斯則遵師教
彼樂於寂然 滅除一切惡 澹泊度无極
所謂禁戒者 則無有二事 悉分別法性
此戒则无漏 忍辱度無極 堪任一切患
衆生亦復然 平等立衆想 不犇於虛空
諸法無所住 彼无有罵詈 則亦無所有
設節節解身 心不懷怨恨 其心无所住
亦不處内外 自觀立四衆 如能忍怨讎
終不為惡行 忍辱猶若地 現在還致此
乃名曰忍辱 斯一切衆生 不能令瞋恚
勸助樂大乘 勢強無所畏 其心意所行
未曾有所著 因從始原際 生死不可知
則以一人故 擔被大力鎧 其法未曾生
豈能有壞乎 顛倒之處力 不了於本際
諸種立天眼 法性无思議 曉了如是者
不起无所盡 衆生不了斯 諸法與非法

常精勤此義	顛倒於放逸	諸佛不得入
究竟无所有	無行常被鎧	觀精進老特
選擇一切法	如幻若野馬	彼獲无堅惡
猶如觀虛空	思想於虛偽	猗著無所益
以故說平等	得至于滅度	以此精進義
遵修无所壞	行所行離行	精進取為上
道行為寂然	遵修于空義	勿信於虛偽
厭意畏生死	勇猛樂閑居	明無常如擴
慧者娛樂禪	神通度无極	如聚閑居然
所住志平等	威儀無想念	在在意常定
本淨等于法	寂然无諸漏	信樂於解脫
於度常等定	斯均等懷來	恒立於平等
不諍乱平等	是故曰平均	不為心見惑
道心一切普	開化於衆生	是故曰平等
常念於諸佛	如來則法身	於色無所著
是故曰平等	意念行經典	若法與非法
其心靡所念	是故曰平等	心念於聖衆
謂衆則无為	離於數无數	明達於禪定
普見諸佛土	十方諸衆生	於眼無有色
不想行有二	或聞一切佛	所可說經法
不以耳音聲	退轉為二想	一切衆生心
一心悉知之	無人亦无意	則無有衆想
識念億万族	猶江河沙劫	亦无有前後

所知為若茲 遊達億千國 現神足無限
於時明哲者 身口心不乱 能分別經典
辯才而獨步 講說億千劫 法性無所失
智慧度无極 方便了五陰 遵修无所戲
為人說經法 曉了因緣便 棄指所分別
其以塵勞故 則了諸清淨 因緣得解脫
則無有諸見 如是曉眾事 諸法无形像
自觀見佛身 觀空志能忍 觀終始滅度
一切無所有 了智慧本淨 於世因所念
以離窮冥眾 乃為修道行 斯乘為大乘
佛慧无思議 撫照於眾生 勸此无上乘
計一切諸道 斯乘為最尊 如是於彼乘
僉了一切學 假使一切人 靡能限此乘
吾等大乘者 聽省濟群生 其建志大乘
猶辟如虛空 未曾有貪婬 於眾生无著
虛空無邊限 无色不可見 大乘亦如茲
無限无有漏 假使一切人 志學於此乘
受使亦如斯 是乘為殊特 設於百千劫
所遵行乘者 歎德不能盡 大乘之切祚
則棄指无礙 歡達得自在 假使此尊經
有人執斯頌 終不墮惡趣 然後得自由
在天上人間 敬斯經亦然 吾當授其决
悉使得佛道 若聞此經者 取後不恐懼

斯等有正法 則立於雅典 便為轉法輪
住此經如是 一切思惟之 退轉于生死
則近等正覺 持是經如是 其執持斯經
則巨勇猛力 降伏衆魔兵 大進無極慧
猶如錠光佛 授決得法忍 其敬此經者
吾亦當授決 諸佛无由生 救世護乳導
若講斯經者 則為造佛事
佛說此頌時分別音聲行之所趣十
千天子則發無上正真道意二千菩
薩得不起法忍千比丘漏盡意解三
万二千人遠塵離垢得諸法眼生
行道品第十一

尔時溥首白世尊曰今日吾省大聖所
說分別厭義其有志願求佛道者則
為希慕於邪見矣所以者何唯然世
尊因獲邪見逮佛道耳欲有所得故
發志願則為方便至于邪見所以者
何天中之天又見其道不住欲界不
住色界不住無色界道无所住以是
之故不當志願譬如男子而取段鐵
燒著火中不欲願火不當手觸所以
者何燒人手故火不自燒取者燒耳
其有志願求佛道者則為求火而自

燒耳唯然世尊道無志求以度二事
而无所趣喻如男子志願虛空吾欲
遊步行於空中其人不能行於虛空
溥首又曰無能成立於虛空者其達
道意如虛空者道無所住則度於二
假使菩薩无有二想建立道意設有
菩薩興為二想志求佛者若念佛道
念于終始設念道者則念邪見假使
念道念滅度者則非菩薩不為行道也
於是持心梵天問溥首曰菩薩何行
應道行乎荅曰梵天若有菩薩行一
切法而於諸軌志無所行是為菩薩
欽崇道行超諸行性斯謂梵天為菩
薩者遵尚道行又問溥首何謂菩薩
超諸行界奉修道行荅曰離一切著
及諸想行亦復釋置眼耳鼻口身意
如是行者則超行界又問設使超度
為何謂也荅曰平等於乘則為超度
等一切法乃為道耳持心又問道云
何住行者方便荅曰如彼道矣又問
其道云何荅曰梵天又其道者無去
來今是故菩薩淨于三場住於佛道
設如過去若如當來復如現在意罔

而趣則無行念如是住者則无所住
普住一切若此住者則得達至於諸
通慧又問何名為諸通慧答曰悉達
一切不以為智是故名曰為諸通慧
又問何謂為慧答曰所以謂慧无老
別故無異念故又如衆生所有亦如
悉无老特又問何謂衆生答曰其名
本淨衆生澹泊以是之故其名本淨
衆生如是等無老別假使有念道有
老別衆生不同則不順道設道如此
衆生亦然以是之故無有老別則不
得歸為老別也又吾我等道亦平等
道以平等吾我亦等猶斯之故故无
殊別所以者何衆生無我亦无有身
以故無老如身无異一切諸法亦復
如是持心又問如來所說至誠無虛
所以分別斯諸法矣答曰如來未曾
分別說法所以者何如來不得於諸
法也况當分別又問如來豈不現法
教乎是則有為是則無為斯為世事
斯度世行答曰所趣云何孰為於此
分別身行為言教乎報曰不也薄首
又問所謂身者則便起身而滅盡乎

答曰不也報曰如是梵天所可言曰
法言教者斯則為興虛空言教其无
言教亦復如是有諸法者所可言教
法无所起亦无所滅无所言教為法
言教設使无法亦無言教斯则无言
所以者何如諸法教其無言教亦復
如是是故名曰无所言教如来所住
則無所住無所住者故曰無本

歎品第十二

於是四天王天帝釋梵忍積天來在
衆會則以天花供養散佛致敬以訖
而說斯言若族姓子族姓女假使得
聞溥首童真所說經法歡喜信者則
便降魔及外異學所以者何則離一
切諸見之想設令聞說此深妙法不
恐不怖亦不懷懼則為諸佛之所建
立法流布處則為如来遊其土地間
此法者則當察彼為轉法輪若於郡
國丘聚縣邑州域大邦遊步經行觀
此經典所流布者終不為魔之所得
便亦不迷惑亦無所猗於往古世悉
造行已若人耳聞斯經名者以比丘
句不求減度不用魔事當受斯經唯

然世尊斯經典者若違法明吾等志
信不敢違失如來溥首梵天之教設
若觀見彼法師者吾等當觀如見世
尊當從其人聽受法典隨侍法師此
族姓子常為諸天之所擁護假使有
人得是經典書讀誦持无央數千諸
天子俱共行聽受會中所說

詠德品第十三

今時世尊讚大衆會及釋梵曰善哉
善哉如尔所云假使三千大千世界
滿中七寶持用布施若一得聞此經
法者斯之功德出彼福上佛言置是
三千大千世界滿中珍寶正使江河
沙等滿中七寶持用興福不如再聞
是經法者其功德本出於彼上族姓
子族姓女設能得聞此經典者若為
利養若為榮色若為財業若為眷屬
為法之主生於天上若在人間求望
豐饒若為邪術異學之法若求音聲
博聞多識又志自在為堅固慧慕得
善友若求神通三達之智欲獲一切
善法功德若以覺意安立衆生令無
苦患若求无為族姓子族姓女當聞

是經受持誦讀廣為人說吾未曾見
有受是經至心奉行而无獲者今佛
懇勸囑累尔等若有從人得聞是經
從師和上而聽受者佛不覩見一切
世間及俗供養有能奉敬報其恩者
所以者何度世之法不以俗養而可
畢了其度世法俗間之供不可相比
則於世間而無所著世俗之法不可
淨畢非勞異法非以世俗希僥供法
而可畢了一切報應而有及復斯經
典者无有異事及復之報如所云法
度於馳騁而無所行斯則為行其有
成就則為恭敬於法師矣則為淨畢
一切報恩若入郡國縣邑有所服習
分衛之具多祈福度此等之類奉如來
教遵修如命則得超度踰於衆冥則
豎幢幡斯等勇猛而能戰鬪多所降
伏則為師子離諸恐怖則為龍象自
抑制心則為神仙所言至誠超越一
切諸邪異學以為良醫療一切痛為
不畏難說深妙法斯等布施捨一切
塵則奉淨戒寂然澹泊度於无極以
離吾我及所有身為大情進至於無為

於無數劫患厭終始樂於禪定具足
一心為大智慧而能分別一切章句
曉了示現諸慧之誼則為大德無數
百千福不可計相自莊嚴慧不可極
便為覆蓋日月之光為大勢力於十
種力捻持力要斯等傳倫則為大雲
闡法雷音注大法雨則能滅除一切
塵勞先獲第一無為滅度則護生死
慰除恐懼則為錠明照耀衆冥畏忌
魔網則為救濟令得自歸則為一切
衆生之度則處佛樹逮得法眼而以
得觀諸法无本曉了空法建立大哀
住無極慈則得親近一切衆生背卑
劣乘向于大乘燒諸顛倒壞未平等
越度名字而舉德号則立道場降伏
衆魔於諸魔界而得自在則轉法輪
召諸賢者佛設一劫復過一劫咨嘆
歎此正士之事不能究竟得其邊際
功祚巍巍嘉慶如是唯有如來辯才
具足能歌歎此奉持法者

等行品第十四

尔時于彼衆會之中有一天子名現
不退轉白世尊曰何謂奉法遵經典

者世尊告曰天子欲知奉法遵經典者能崇順諸法是則名曰奉遵於法若能崇順一切法者此則名曰奉修於法所以者何其不崇順於諸法者則不造法亦无不造有所作者為無所作斯則名曰奉修於法若不遵修諸善德本亦无不善斯則名曰奉修於法亦不有漏亦無不漏亦无有罪亦无不罪亦非世俗亦非度世亦非有形亦不無形亦非生死亦非滅度亦无所行亦無不行斯則名曰奉修於法若能奉行一切諸法斯則名曰奉修於法無有法想而奉行法斯則名曰奉修於法其自說言吾遵行法不為奉行其奉法者而悉蠲除一切諸法則為奉法其於所行而无所行奉行於法斯則名曰奉修於法於時現不退轉天子白世尊曰假使大聖而於此中不行至誠斯等之類不為遵奉不應順法所以者何奉至誠者无有終沒不住生路何所奉行住平等路乃為行耳唯然大聖奉行平等者则无邪法所以者何一切諸法皆

志平等而無殊特於是持心梵天問
現不退轉天子亦為奉行於此行乎
答曰梵天吾當奉行假使世尊說三
行者便當奉行於二事矣有所行者
若所行已則无所行又復梵天吾已
奉行離諸二行猶若諸法奉行諸法
亦復如是遵法亦如所修亦如斯則
名曰奉修法矣又問天子未曾得見
此佛土乎答曰吾未曾見於斯佛土
又問豈為不想斯佛土乎無應不應
於所見者而无所見答曰梵天今者
吾身亦不有想亦無不想无應不應
吾以曾見亦未曾見又問天子天子
所見為云何乎答曰吾未曾見諸賢聖
王一切凡夫愚戇之類度諸惡趣亦復
不度如是梵天其平等者則得度矣名
曰正見觀未曾見亦无有名亦無所
趣眼不別識耳鼻口身意意不別識
亦復如是其有所見如无本者其如
眼者吾我亦然其無本者则无所見
則平等見

持心梵天經卷第三

癸卯歲高麗國大藏都監奉

勅彫造

持心梵天所問經卷第四

頽

西晉月氏三藏三法護譯

授現不退轉天子別品第十五

今時天帝釋白世尊曰唯天中天猶摩尼珠所入著處則於其處人目覩見珠之光明如是世尊斯諸正士奉行具足無思議法自在所遊普則悉以法寶光明而自恣照輒便修習顯曜本際堪任自由而演辯才其自恣者則於諸法无所倚著不著彼我自恣辯者則無反耶亦不顛倒常得自在自恣辯者淨於往古不得當來不見現在自恣辯者信諸不信度諸不脫自恣辯者攝諸憍慢開化自大使無異矣自恣辯者至今諸魔不得其便有所聽省超度魔事自恣辯者其諸善法未加勸者則今興發善法已生進不遠忘塵勞若起使蠲除之塵勞未興令不得生自恣辯者其諸菩薩未被德鎧使得被之其以被者則不退轉自恣辯者不斷正法將護正典以是比例辯才之誼則能降伏一

切異學所以者何計於小獸終不能
堪師子之吼見於師子不能自進何
況入窟遊樹間乎如是世尊一切異
學不能堪任演於天上師子之吼於
是現不退轉天子問帝釋曰向所云
師子吼何謂拘翼師子吼乎答曰天
子其於諸法不可倚著亦无言說此
則名曰見師子吼觀無所倚言乎寂
然其有倚著寂然行者為師子吼為
蟲狐鳴見平等處有所說故又復天
子余當復說何謂所為為師子吼天
子答曰拘翼欲知其不倚著於如來
者亦無言說何況其餘異因緣耶是
故名法為師子吼奉平等教曰師子
吼講說一品曰師子吼聞有所說而
不恐懼曰師子吼若說經法不起不
滅無有自然曰師子吼處於塵勞而
不懷結无有合會亦不解散說如斯
法曰師子吼所以言曰師子吼者若
能專至不計有人而无吾我一切諸
法假習俗言所以言曰師子吼者而
以專一顯揚空法所以言曰師子吼
者口有所講護于正法所以言曰師

子吼者闕除一切衆生苦患當成佛道
宣暢斯教所以言曰師子吼者所念
財業清淨之本而知止足讚揚斯教
所以言曰師子吼者在於閑居不擇
所行布施之本而造九首為師子吼
不捨禁戒為師子吼等心親友及與
怨敵為師子吼不釋宣遠亦无所近
為師子吼除諸塵勞為師子吼等觀
智慧為師子吼天子說是師子吼時
三千大千世界六反震動百千伎樂
不鼓自鳴其大光明普照世間及諸
天宮百千天人舉聲歎曰吾等為已
於閻浮提再見法輪也用此天子師
子吼故今時世尊尋即欣笑佛正覺
法假使笑時無央數光從佛口出青
黃赤白黑紫紅色照於无量不可計
會諸佛世界靡不周遍上至梵天志
皆覆蔽日月之明繞身三匝還從頂
上入燿然不現持心梵天即從坐起
叉手向佛以偈頌曰

諸通慧殊特 普知一切有 皆悉分別了
三世衆生行 隨其所信喜 而以慧解脫
其心有超異 一切志授決 諸聲聞緣覺

悉非是其地。佛慧為若茲。無量持无限。
曉了衆生心。何因說所趣。度脫于衆生。
殊勝難可當。從意之所樂。善拘懷除穢。
其光明這出。蔽日月輝梵。通照鐵圍山。
億劫諸須弥。願說其旨趣。何緣而感欣。
瞋狀以永除。能仁寂澹泊。慈愍普觀察。
天上及世間。視佛无厭足。觀體得利安。
所因欣笑者。安住說史義。選擇察諸法。
自恣如虛空。若雲霧電煥。虛若聚沫幻。
見所有如夢。若如水中月。善哉演說意。
何故而欣笑。除一切想見。能仁超度空。
諸通慧消穢。常離諸想著。則無三處顛。
禪定以平等。所以奮光明。唯正分別說。
无文字言辭。不著於音響。安住為說經。
不慕衆生法。一一了衆會。欲令曉佛慧。
知神足根力。取勝善哉說。佛者為醫王。
蠲除一切苦。勇猛御至安。濟愚戇放逸。
力勢超鈞鑠。人衆悉歸命。光說人神尊。
何因而欣笑。

佛告持心梵天。見現不退轉天子乎。
對曰。以見天中天。佛言。梵天現不退。
轉天子三十二不可計。阿僧祇劫。
當得作佛。号曰須弥燈王。如來至真。

等正覺明行成為善逝世間解無上
士道法御天人師為佛世尊世界名
善化劫名淨歎其佛國土當有二寶
以紺琉璃紫磨金色淳菩薩衆降伏
魔怨所居室宅衣食被服當如第六
化應聲天如來殷勤多所開化於是
持心梵天謂現不退轉天子曰如來
已為授仁者史荅曰如來已為見授
決矣猶如無本授无本決及與法界
授我之決亦復如是報曰又以無本
及與法界則无有決荅曰如來不授
於無本法界之決所說授決一切菩
薩亦復如是不當觀於有所授決又
問仁者不徒住由正覺淨修梵行
分別曉了如佛授決乎荅曰梵天其
无所習此等疇類乃修梵行又問何
謂其無所習乃修梵行荅曰其不習
于欲界色界及无色界此等之倫乃
修梵行復次梵天無所習居不用我
居不習有人不習有壽不習有命斯
等之匹乃修梵行舉要言之假於諸
法不習諸法是乃名曰淨修梵行又
問所言淨修梵行為何謂乎荅曰淨

修梵行不住二道此之謂也又問不住二道為何所立答曰不住二道則為建立一切法言所以者何無所立者則為賢聖之所遵修而得超度又問遵修何等為道行耶答曰有遵修行者不墮於行亦不離行亦復无有行於法者亦復無有離於法者是則名曰遵修道行精順如應又問以何等行而為道行答曰無見无聞無念无知無教无得亦無造證於一切法而無所行是則名曰遵修道行又問何謂菩薩堅彊精進答曰假使菩薩而不見法行有一事亦復不見有若干行是謂菩薩堅彊精進被戒德鎧設於法界而無所壞已无所壞則無所近亦不離法亦無所違不見塵勞亦無結恨是為菩薩第一之行為精進也不舉不下於一切法奉修精進假使梵天無身因緣无口因緣無心因緣是為第一精進之行於是世尊讚現不退轉天子曰善哉善哉如汝所云復告持心如是梵天如今天子之所說者是為第一精進之行其無身

行亦无口行亦無心行佛告梵天吾
念過去往古久遠世時一切知靜寂
實之德專修精進恭敬奉事處在閑
居而與博聞於衆生類而行慈愍以
何等行一切遵修暴露精進如來不
見授於無上正真道次所以者何坐以
住於身口意故尔時梵天如是色像
遵修精進此具足行如今向者天子
所言然於後世見錠光佛所見授次
當於來世而成為佛号曰能仁如來
至真等正覺明行成為善逝世間解
無上士道法御天人師号佛世尊是
故梵天若使菩薩疾欲受次當以是
比遵修精進曉知諸法而无所行梵
天問曰何謂世尊而无所行世尊告
曰究竟平等正均空无而為精進何
謂究竟平等正均空無而為精進答
曰過去心滅當來未至現在不住其滅
盡者則不復起設使獲者无有起想
如是住者常無所住其為法者設使
正法平等興者则无所起無所起者
便無過去當來現在設使无有去來
今者便為本淨則無所起是為梵天

究竟平等正均空無而為精進如是
菩薩疾得授決則逮法忍具足衆行
佛謂梵天設使菩薩於一切法而無
所習則曰布施而不將護一切法者
則曰奉戒若不思念一切諸法則曰
忍辱而於諸法無所因緣則曰精進
而以平等一切諸法則曰定意於一
切法而無所想則曰智慧斯則名曰不
造增益亦不損耗无作不作常行布
施無所怖望護持禁戒而等同像遵
修忍辱内外清淨奉行精進具足成
就禪定一心志无所著欽尚智慧而
無有想如是忍辱具足行者菩薩備
行普現衆行志无所著以無所著等
於世法得利不喜无利不感咨嗟毀
訾獲名失稱遭樂逢苦設以值此不
動不搖不以增減不喜不感已過世
間之所有法不以苦患亦不以惱不
以肅震無念不念则无二事離諸因
緣趣無二法其墮二見發於大衰而
興已心開化衆生是為梵天第一精
進用獲無我為忍故也則向群衆入大
悲哀所生之處攝取救護佛說是精

進行時八千菩薩得不起法忍佛悉授決當得無上正真之道皆同一字名曰堅彊精進如來至真等正覺明行成為善逝世間解無上士道法御天人師為佛世尊各各興於異佛世界今時大迦葉白世尊曰譬諸大龍而欲雨時雨於大海此諸正士亦復如是天中之天猶如大海而興是像放大法雨諸大正士則為巨海心亦若斯以真實性而演法雨佛告迦葉如今所言此諸大龍不以貪嫉而不能堪受大雨之滂設使迦葉斯諸大龍而出大雨雨天下者令閻浮提樹葉以是之故諸大龍王不放大雨雨閻浮提如是迦葉斯諸正士不惜法雨而不為人及衆生類演出法澤又復迦葉若器堪任應佛法者斯諸正士則沒海意覺諸衆生如其心念演出法雨譬如迦葉諸龍雨時墮諸大滂猶如車輪大海悉受此之大雨不以為足亦不充滿此諸正士亦復

如是若於一劫若百千劫聞所說法
又於諸法不增不減不以為滿譬如
迦葉彼於大海處處諸水万川四流
歸於海者會為一味鹹苦如鹽斯諸
正士若干音聲各演異教而令聞法
適省聽已悉歸一義為解脫味趣空
無味譬如迦葉大海之中而有清淨
無垢之寶淨潔无瑕則以不受不時之
水亦不受穢此諸正士亦復如是清
淨無垢不受一切結恨懈怠瞋怒之
瑕譬如迦葉大海之中而極幽深難
得其底邊際難限此諸正士亦復如
是所了聖慧而甚遼遠心入玄妙幽
奧難量聲聞緣覺所不能及譬如迦
葉大海之中穢无央數不可計水此
諸正士亦復如是積聚種殖不可限
量智度無極合會諸法故喻大海如
是色像則曰正士譬如迦葉大海之
中積聚無量若干種寶此諸正士亦
復如是以若干教无量法寶自然充
滿譬如迦葉大海之中有三部寶真
身之寶清水之寶為財業寶此諸正
士亦復如是說經法時從人根原心

所應脫而今得度得聲聞乘或緣覺乘
或至大乘辟如迦葉大海之中稍稍廣
大水漸流入轉成深廣菩薩如是志諸
通慧行諸通慧漸得成就於大聖道
辟如迦葉大海之中不受死尸不與
同處此諸正士亦復如是不習聲聞
緣覺之心不與同歸不與貪嫉毀戒
結恨懈廢瞋恚心者而與同歸不與
懈廢亂意惡智所行者而同歸也不
與吾我人壽命見者遊居辟如迦葉
若火災變消竭川流大江洲池悉以
枯涸然後大海乃盡無餘如是迦葉
流布正法普諸土地先以施行習正
法然後施於海意衆覺諸正士等正
法歸之又復迦葉此諸正士寧棄身
命不捨正法諸正士黨流布正法不
當復為造如茲觀辟如大海有如意
珠名曰金剛諸寶等集踊出七日上
至梵天而悉燒化及諸世界三千大
千佛土悉盡無餘乃至他方佛言迦
葉其如意珠詣異世界當見燒壞未
之有也如是迦葉此諸正士盡一切
法興顯發起於七正法令世依怙便

復遊至他方佛土何謂為七諸外異
道隨親惡友墮邪見行轉相賊害受
墮諸見壞諸德本不得等時是為
興顯發起於此七法斯諸正士為如應
器見衆生本遊彼佛國不離諸佛常
見正覺聽於經典勸化衆生殖衆德
本譬如迦葉无央數人含血之類依
於大海遊居其中菩薩如是無央數
人衆庶之類悉來集會而依倚之遊
居同歸歸於三趣何謂為三生於天
上具足人間成就滅度譬如迦葉大
海之中龍阿湏倫而得自在此諸正
士亦復如是普悉降伏一切魔衆於
是耆年大迦葉啓問世尊唯天中天
計於大海尚可測量竭其邊際此諸
正士不可限量得其崖底世尊報曰
迦葉欲知三千大千世界之中所有
諸塵尚可數知斯諸正士至真之行
不可思議究所歸趣於時世尊說此
頌曰

猶如大海 一切之才 而悉受之
不以猷足 志求法者 亦復如是
好樂正典 不以充滿 猶如大海

受无量水	志来歸之	而不拒逆
聰達之等	亦復如是	不以智慧
而為具足	大海不惡	汙濁之潦
其諸清流	亦復歸趣	遵修行者
亦復如是	而不受諸	塵勞垢穢
猶若大海	不可限量	極廣弘遠
不可卒知	智慧德海	亦復如是
衆生度人	无能解暢	大海之中
若干歸趣	萬川四流	合為一味
若干種人	僉来聽法	悉歸一乘
同誼之典	非一品類	号曰為海
前者成海	而得建立	無所畏者
志願如茲	普為衆生	而興道意
譬如大海	衆寶積聚	則在於彼
而无所著	諸菩薩衆	亦如積珍
而以顯發	成千三寶	猶如江海
而有三寶	雖余其海	亦無想念
群聖達士	說法如斯	則以三乘
開導衆生	猶如江海	稍益廣大
衆流志歸	而得充滿	諸菩薩衆
志諸通慧	用群萌故	常遵修行
猶如大海	不受死屍	其海之法
則為如斯	建立菩薩	求道如是

不將慎身 不與同歸 猶若海中

而生衆寶 須弥為妙 處立堅固

劫燒起時 終不能焚 便則起遊

異佛世界 正法滅時 亦復如是

強精進者 而攬持之 已觀察見

無任器者 便則往詣 他方佛所

谿谷江河 泉原枯竭 然後海水

乃為消涸 劫燒起時 則為若茲

大千世界 悉亦崩毀 凡夫之衆

行在國土 假使正法 已沒盡者

勇猛之徒 護法如斯 朽棄軀體

不惜壽命 已覺正法 欲消滅盡

正覺現在 若滅度後 斯等志性

清淨如是 建立法者 所當遵修

如億衆生 依怙於海 非一品故

而有斯慶 其大名稱 志願如是

一切衆庶 心普得解 尚可限量

分別知之 於佛世界 諸有大海

斯等所行 不可別知 緣覺之衆

及諸聲聞 无有等倫 况復出表

諸菩薩行 堅強精進 心如是者

宜為稽首 當得佛道 開度黎元

斯為衆寶 譬如巨海 當供養此

常福德田	此為良土	上妙醫王
療治一切	諸疥疾者	便為救濟
受歸度脫	將護燈錠	為顯光明
於闇昧世	興明徹眼	其得眼者
進成甘露	則為帝王	常曰法王
斯為天帝	多思誼利	亦為梵皇
思惟四禪	則便轉於	正法之輪
斯則導師	開示塗路	處在諍訟
為現蹊徑	則為勇猛	多所降伏
蠲除諸塵	為清淨土	遵清白法
如月盛滿	演放光明	猶如日出
智慧超卓	如須弥山	處於三界
為雨甘露	斯等難當	猶如師子
其心調柔	譬如賢象	若如大地
載諸山陵	降伏一切	諸外異道
行常鮮潔	譬若如水	威曜難當
其若如火	无所罣碍	猶若如風
以離懈廢	又若如地	斯等棄慢
拔離瞋恚	為如樂樹	無有想念
其戒清淨	无著蓮華	於世八法
無有依倚	所行譬如	優曇鉢花
无數億劫	音聲難致	於諸人尊
則有反復	為住佛教	不斷正典

志願堅強	為懷愍哀	遵固慈心
喜悅超絕	則以救護	於五色欲
善求合會	取勝財業	斯等布施
而有殊特	所奉禁戒	則無等倫
以忍辱力	秉意勇猛	精進解達
而不厭倦	斯等禪定	神足通慧
往至佛土	無量億姪	得見諸佛
逮聞經典	如其所聞	則便習持
則能暢了	衆人之行	隨其所應
所信諸根	安隱諦學	善擢方便
則為外道	顯示證明	便能通辯
一切諸法	僉然和同	分別報應
而能解了	因緣法律	離吾我見
常在平等	便以觀察	如應順法
則為曾更	出家學矣	過去當來
一切諸法	已住於法	綜了法界
敏識空慧	而無有形	則能興發
老特矜哀	便能攝護	勤苦衆生
遵修解脫	所當行法	計有吾我
而有妄想	愚駭所行	隨邪放逸
斯等曉練	虛偽之法	而則講說
蠲除諸見	無常為常	空謂有實
以苦為樂	非身謂身	凡夫之士

攝取顛倒 而不分別 生死之際
若能政理 攝顛倒原 則知无人
無壽元命 已能淨修 平等行者
則曉非常 苦空非身 迦葉斯等
名稱功德 所趣御之 猶若持地
令聞无量 慧不可限 若能遵修
菩薩亦然 設使周滿 三千世界
悉以敬侍 建志菩薩 供養羅漢
復倍是數 終不能及 逮菩薩志
吾亦建立 斯等之類 過去正覺
當來如是 又今現在 十方聖尊
為諸建志 欲得佛者
建立法品第十六

於是持心梵天問普首童真曰願勸
如來至真等正覺令此經典於後末
世五濁俗時建立流演普首答曰於
梵天意所趣云何如來豈為班宣申
暢於此法乎欲令如來建立法耶報
曰不也是故梵天一切諸法无所建
立亦無有念亦无言說故無流演亦
无所護其欲建立斯經典者則為欲
成立虛空矣設使菩薩歸趣斯典非
為順法菩薩普入一切徑路而無諍

訟又菩薩者於諸衆會假現名目說
經法者則當如茲不為聽經所以者
何無所聞者乃為聽經又問普首此
為何謂无所聞者為聽經乎答曰眼
耳鼻口身意無所流聞乃為聽經其
有染汙於諸入者則无所聞便在於
色聲香味細滑欲法斯等聽經則為
虛妄時諸會中諸天子衆三万二千
比丘五百比丘尼三百清信士八百
清信女斯等咸聞普首童真之所說
法應時逮得不起法忍各各舉聲而
歌頌曰如是普首誠如所云无所聞
者乃為聽經持心梵天問諸得法忍
菩薩曰卿族姓子豈為得聞此經典
乎答曰已聞梵天無所聞故又問賢
者云何曉了斯經典乎答曰如无所
知無所不知又問賢者為何所獲逮
法忍乎答曰建一切法又問當以何
緣端趣法乎答曰无所至者則歸趣
法又問諸賢現在目覩法乎答曰梵
天於一切法現在已身衆生志性皆
為本淨時衆會中有一天子名離垢
英問持心曰假使梵天若得聽聞斯經

法者如來則為授決處乎答曰輒便
授決當得无上正真之道所以者何
其法典者則為亡失報應之果積累
一切衆德之法便降伏魔及與忤僻
斯經典者尋離一切貪欲之諍多所
勸化而今喜悅設有信樂斯經典者
心懷欣豫而諦執持則獲賢聖平等
究竟而善執持斯經典者一切諸佛
加威護之設天上世間諸天人民阿
須倫而專念向斯經典者得不退轉
不見侵欺又斯經典至于道場惠施
真諦誦習佛法其有不學則為斷絕
於正法輪又斯經法決諸狐疑至賢
聖路諦聽經典至解脫故諦持經典
欲執御故諦說經典用福慶故善護
經典好法訓故加施安隱為經典者
歸滅度故不斷經典與壞魔異學故當
曉歸命於斯經典與衆祐无著故斯經
典者多所悅喜明達法故斯經典者
多所踊躍為慧解故斯經典者御智
慧音除一切見所歸趣故斯經典者
為導慧解音壞愚癡故斯經典者為善
應順隨其所入故斯經典者善究竟

誠次第美辭故斯經典者分別義理
說第一故不捨經義不獲聖慧斯經
典者則為帑藏給諸虛匱元有熱惱
濟眾感賓等諸音響平等為食遵修
慈心樂為禪定積累精進為諸懈怠
以禪定意濟諸乱意則以光耀照諸
邪智梵天欲知斯則建立於經典矣
一切諸佛之所將護時天子說此經
典功德所訓時此三千大千世界六
反震動世尊讚彼天子曰善哉善哉
如汝所言於是持心梵天白世尊曰
今此天子本昔曾聞斯經典乎為從
過去如來啓受之耶佛告梵天此天
子者從六十四億諸佛所悉得聽聞
又告持心離垢英身過四十万劫當
得作佛号寶燄如來至真等正覺世
界曰寶積其於中間諸佛世尊所興
起者悉供養之當復得聞於斯經典梵
天欲知此諸比丘比丘尼清信士清信
女天龍鬼神健沓耆耉應斯經典逮得
法忍者皆當生彼寶燄如來佛之國
土而現在於寶積世界於時離垢英
天子白世尊曰今我坦然不遠求道

亦不願道設不欣樂於佛道者亦无所依亦不得道亦无所想念何故世尊而授我決大聖告曰天子知之草木莖節枝葉華實著於火中若有人來說言勿燒草木莖節華實令火不燒未之有也不用彼言而不焦燒如是天子假使菩薩不悅樂道无所依倚志不建立亦不願美一切諸佛則為授決設使天子若有菩薩不志樂道无所依倚无所建立无所僥願无所得者斯等菩薩乃為如來所見授決當得無上正真之道今時會中五百菩薩白世尊曰余等不建立道无所志願亦无所得无所欣樂无所依倚无所想念無所想報時諸菩薩承佛聖旨察虛空中現於上方八万四千佛斯諸如來悉授其決當成无上正真之道彼菩薩白世尊曰至未曾有天中之天如來善說快乃若茲其於道法無所欣樂无所依倚无所建立无有志願無所得者乃為如來而見授決唯然世尊吾等今見上方去此八万四千諸佛國土又斯諸佛授

我等決當成无上正真之道

諸天歡品第十七

於是普首童真白世尊曰唯願如來建立是法使於末後五濁之世流布天下在閻浮利斯等則為被大德鎧以三品事致耳聞之若族姓子族姓女設使興立魔因緣者不隨其教魔及官屬不得其便以能受此經典要者不退不轉至於無上正真之道佛告普首善聽思念斯經典者則當久存天龍鬼神捷沓起又有神呪名曰選擇當分別說神呪句義所摠持者其有法師族姓子族姓女則得救護為天龍鬼神捷沓起阿須倫迦留羅真陀羅摩睺勒之所救護若族姓子若行此徑路若在閑居若處室宇若住房舍經行思惟若在衆會順義澹泊執持辯才尋隨方便至於堅強力勢超異怨家盜賊不得其便彼輒如是寂然經行坐起卧寐如斯普首号曰神呪之句義也

優頭梨頭頭梨 末𪔐 遮𪔐 弥離
栴離栴 𪔐弥𪔐睺樓 睺樓音 睺

留伊拔

𑖀𑖦𑖫𑖞

𑖀𑖦𑖫𑖞

丘丘離佉羅祇

阿𑖀提

揭提

初往至

摩醯𑖀

摩𑖀夷摩𑖀

抱捷提

薩披樓

薩披樓

𑖀披娑揭提

新頭𑖀

南无佛檀𑖀

南无佛檀𑖀

栗提南無曇

𑖀𑖦𑖫𑖞

南无僧披醯

南无僧披醯

多善披扇𑖀

薩披波披

弥多羅

弥多羅

弥浮提壽

薩遮尼𑖀羅

披羅摩

披羅摩

𑖀波世多

梨夷波

世多阿致禪

世多阿致禪

提

薩𑖀浮𑖀

迦羅呵

南無佛

𑖀𑖦𑖫𑖞

提𑖀𑖦𑖫𑖞

𑖀𑖦𑖫𑖞

𑖀𑖦𑖫𑖞

佛所說

𑖀𑖦𑖫𑖞者吉佛語

普首童真是為神

普首童真是為神

呪之句

設有菩薩遵修奉行斯經典

者則為已安祥

尋後將護而不平暴

者則為已安祥

尋後將護而不平暴

者則為已安祥

尋後將護而不平暴

靡有乱心

其行清淨造次第行而知

止足卧寐寂寞樂於澹泊不習多事

止足卧寐寂寞樂於澹泊不習多事

止足卧寐寂寞樂於澹泊不習多事

止足卧寐寂寞樂於澹泊不習多事

止足卧寐寂寞樂於澹泊不習多事

止足卧寐寂寞樂於澹泊不習多事

身心寂淨樂于慈哀樂於法樂建立

誠諦无所侵欺存在獨處精進說法

誠諦无所侵欺存在獨處精進說法

誠諦无所侵欺存在獨處精進說法

誠諦无所侵欺存在獨處精進說法

誠諦无所侵欺存在獨處精進說法

誠諦无所侵欺存在獨處精進說法

誠諦无所侵欺存在獨處精進說法

思惟專精樂于道義棄捐除去非義

思惟專精樂于道義棄捐除去非義

思惟專精樂于道義棄捐除去非義

思惟專精樂于道義棄捐除去非義

之念限節燕處以為娛樂則以獲致

之念限節燕處以為娛樂則以獲致

之念限節燕處以為娛樂則以獲致

之念限節燕處以為娛樂則以獲致

為他人說向於法門現于終始親友

為他人說向於法門現于終始親友

為他人說向於法門現于終始親友

為他人說向於法門現于終始親友

怨讎等心加之棄衆想念不惜身命

怨讎等心加之棄衆想念不惜身命

怨讎等心加之棄衆想念不惜身命

怨讎等心加之棄衆想念不惜身命

能觀衆業所行具足樂護禁戒多修

能觀衆業所行具足樂護禁戒多修

能觀衆業所行具足樂護禁戒多修

能觀衆業所行具足樂護禁戒多修

忍力而無虛言面目和悅離於憔悴

忍力而無虛言面目和悅離於憔悴

忍力而無虛言面目和悅離於憔悴

忍力而無虛言面目和悅離於憔悴

无惡顏色先人談言問訊恭恪棄捐
嫉癩樂善柔濡所遊居安是為普首
建立行者若族姓子諷誦斯呪其族
姓子見法師者現獲十力何謂為十
已逮心力未曾有志至於意力曉了
所念所至力者所入經典无不解達
堅固之力行在生死慙愧之力彼我
志護博聞之力具足智慧惣持之力
所聞志攬辯才之力佛所建立而得
擁護深法之力逮得五通不起法忍
力具足通慧佛語普首菩薩若有法
師建立是法諷誦奉持則當逮得此
十種力佛說於此神呪力業所行術
時其四天王驚悸毛豎与無央數百
千鬼神眷属圍繞往詣佛所稽首佛
足白世尊曰我之枝黨則奉佛教獲
通流跡又我等身若有眷属將詣族
姓子族姓女為法師者若講說法
獲斯經典奉卷受持諷誦讀者四天
當往將護使得澹泊若在縣邑郡國
州城大邦居家出家我四天王與其
眷属當擁護此族姓子女供侍奉事
令得安隱無危害者亦無伺求得其

便者若斯經典所可流布國土處所當
令宿衛面四十里諸天龍神鳩洎眷
屬子孫無得其便尔時惟樓勒叉護
怨大天王說此頌曰

我所有眷屬諸子及宗親吾能順堪任
供奉此聰達

時惟樓博元大天王則說頌曰

吾為法王子以法而化成供養諸佛子
奉建道意著

提頭賴堅大天王即說頌曰

則當為將護普周遍十方其有持斯典
佛正覺所說

惟沙慢息大天王即說頌曰

若建立道心供養後學者衆生緣供養
不任報其恩

於是息意大天王有太子名田諦顏
以七寶蓋奉上如來尋說頌曰

今我當受斯如來之經典輒為他人說
人心之志性世尊知我心曉了宿世行
如意之所建於世當成佛今奉正覺蓋
莫能觀尊顏願我逮如是元見頂相者

正覺唯來時人尊無慈心清淨目昧察
衆眼觀衆庶世尊則授汝智慧度彼岸

於是壽終後 則生兜術天 兜術天上沒
見弥勒取勝 當於二万歲 供養佛乃生
彼則出家已 淨修于梵行 便於賢劫中
普見一切佛 皆悉供養已 淨修梵行竟
訖六十億劫 當得成正覺 作佛名寶蓋
佛号莊嚴 淳悉諸菩薩 常當講妙法
其命壽一劫 佛滅度之後 愍傷衆生故
正法住半劫

於是釋提桓因與无央數百千天人
眷屬圍繞白世尊曰我當擁護於斯
法師持是典者供養奉事而順其志
其誦說經吾當故往諮受斯法當令
法師勢力强盛辯才次第演說如流
使无諸尋而不遺漏尔時天帝釋太
子名曰瞿或七寶瓔珞奉進如來說
此頌曰

世尊我目覩 如來之所行 又若已尊修
志慕求佛慧 古世之所行 所施无所冀
我當學斯教 布慧諸所有 亦為受斯經
然從法王得 數數每講說 當報道師恩
平等以時節 與此經典俱 供進飲食饌
奉持佛道故 唯聲聞不任 將順斯典誥
我當護正法 調御於來世 唯垂見慰撫

決斷諸天疑 吾身當久如 得成若能仁
於時尊授決 明達諸通惠 汝當得正覺
如今觀佛身 行億千劫中 若復暨百娑
當為世光明 号曰慧成就
於是梵忍天白世尊曰唯然大聖捨
於憚行則當往詣族姓子女而聽說
法若說此經多所降伏釋梵諸天我
能堪任供養奉事斯族姓子天上世
間諸天人民悉當加敬而奉事之時
梵忍天說此頌曰

其執持此經 比丘比丘尼 清信士女等
則為普濟世 若習斯曲者 歎詠諸至誠
吾唯能堪任 論說於此經 敷華當重疊
上至于梵天 以為座坐上 令說斯經法
于彼罄揚聲 善哉所造說 然後於末世
若手執此經 政使億國土 令滿其中火
則當往詣彼 求還聞斯典 寶積如須弥
以此寶施與 因得聞是經 嚴淨千佛土
囑累品第十八

尔時世尊則如其像而出頂光便現
神足感魔波旬與諸兵衆往詣佛所
白世尊曰吾與眷屬於如來前而自
約誓若斯經典所流布處諸郡國土

而有法師敷陳經典宣于法會又吾身擔益當加護令得暢達不興危害於是世尊紫金色光普照佛土告普首曰如來以為建立斯典并及將護持經法者加以法恩流布天下閻浮利域至竟正法不為毀滅于時衆會普持雜華一切名香散如來上各歎斯言當令此法而得久住於閻浮利常令弘普靡不周接尔時世尊告賢者阿難曰當受斯經應曰唯願奉持佛告阿難斯經志願至于天上用受持故當為衆會而分別說賢者阿難白世尊曰其有受持斯經典者若誦誦讀為他人說其福如何世尊告曰假使以七寶普用周遍滿於虛空中以布施者當知其有案如文句說此經典則為供養如來至真及與聖衆一切施安若復有人受此經典書著竹帛執持供養其人現在獲得十藏何謂為十見佛之藏逮得天眼聞法之藏獲致天耳聖衆之藏得不退轉菩薩賢聖無盡寶藏逮致寶掌像色之藏則得具相眷屬之藏營從不散无

聞寶藏逮得於持志念之藏逮得辯
才無畏之藏攝諸異學功德之藏衆
生稟仰聖慧之藏普獲一切諸佛之
法佛說此經時七十二族天逮得法
忍无量衆人悉起道意不可限人漏
盡意解賢者阿難白世尊曰何名斯
經云何奉持佛告阿難是經名等御
諸法當奉持之又名莊嚴佛法復名
持心梵天所問普首所暢當堅奉持
佛說如是普首童真持心梵天普行
族姓子賢者大迦葉賢者阿難諸天
人民阿須倫聞佛所說莫不歡喜

持心梵天經卷第四

癸卯歲高麗國大藏都監表
勅彫造

思益梵天所問經卷第一

及

序品第一

姚秦龜茲國三藏鳩摩羅什譯

如是我聞一時佛住王舍城迦蘭陀竹林與大比丘僧六万四千人俱菩薩摩訶薩七万二千人皆衆所知識得陀羅尼無尋辯才及諸三昧於諸神通無所罣碍善能曉了諸法實性悉皆逮得无生法忍

其名曰文殊師利法王子寶手法王子寶積法王子寶印手法王子寶德法王子虛空藏法王子發心轉法輪法王子網明法王子障諸煩惱法王子能捨一切法法王子德藏法王子花嚴法王子師子法王子月光法王子尊意法王子善莊嚴法王子及跋陀婆羅等十六賢士跋陀婆羅菩薩寶積菩薩星德菩薩帝天菩薩水天菩薩善力菩薩大意菩薩殊勝意菩薩增意菩薩善發意菩薩不虛見菩薩不休息菩薩不少意菩薩導師菩薩曰藏菩薩持地菩薩如是等菩薩

摩訶薩七萬二千人及四天王釋提
桓因等忉利諸天夜摩天兜率陀天
化樂天他化自在天及梵王等諸梵
天并餘无量諸天龍鬼神夜叉捷閼
婆阿修羅迦樓羅緊那羅摩睺羅伽
人與非人普皆來集。爾時世尊大衆
恭敬圍遶而為說法。於時綱明菩薩
即從坐起偏袒右肩右膝著地頭面
禮佛足合掌向佛動此三千大千世
界引導起發一切大衆而白佛言。世
尊我欲從佛少有所問。若佛聽者乃
敢諮請。佛告綱明。恣汝所問。當為解
說。悅可尔心。於是綱明既蒙聽許心
大歡喜。即白佛言。世尊。如來身相超
百千万日月光明。我自惟念。若有衆
生能見佛身。甚為希有。我復惟念。若
有衆生能見佛身。皆是如來威神之
力。佛告綱明。如是如是。如汝所言。若
佛不加威神。衆生無有能見佛身。亦
無能問。綱明當知。如來有光名。寂莊
嚴。若有衆生遇斯光者。能見佛身。不
壞眼根。又如來光名。無畏辯。若有衆
生遇斯光者。能問如來其辯無盡。又

如來光名集諸善根若有衆生遇斯
光者能問如來轉輪聖王行業因緣
又如來光名淨莊嚴若有衆生遇斯
光者能問如來天帝釋行業因緣又
如來光名得自在若有衆生遇斯光
者能問如來梵天王行業因緣又如
來光名離煩惱若有衆生遇斯光者
能問如來聲聞乘所行之道又如來
光名善遠離若有衆生遇斯光者能
問如來辟支佛所行之道又如來光
名益一切智若有衆生遇斯光者能
問如來大乘佛事又如來光名為往
益佛來去時足下光明衆生遇者命
終生天又如來光名一切莊嚴若佛
入城放斯光明衆生遇者得歡喜樂
一切嚴飾之具莊嚴其城城中寶藏
從地踊出又如來光名曰震動佛以
此光能動无量無邊世界又如來光
名曰生樂佛以此光能滅地獄衆生
苦惱又如來光名曰上慈佛以此光
能令畜生不相惱害又如來光名曰
涼樂佛以此光能滅餓鬼飢渴熱惱
又如來光名曰明淨佛以此光使盲

者得視又如來光名曰聰聽佛以此
光能令衆生聾者得聽又如來光名
曰慚愧佛以此光能令衆生狂者得
正又如來光名曰止息佛以此光能
令衆生捨十不善道安住十善道又
如來光名曰離惡佛以此光能令邪
見衆生皆得正見又如來光名曰能
捨佛以此光能破衆生慳貪之心令
行布施又如來光名無惱熱佛以此
光能令毀禁衆生皆得持戒又如來
光名曰安樂佛以此光能令瞋恨衆
生皆行忍辱又如來光名曰勤修佛
以此光能令懈怠衆生皆行精進又
如來光名曰一心佛以此光能令妄
念衆生皆得禪定又如來光名曰能
解佛以此光能令愚癡衆生皆得智
慧又如來光名曰清淨佛以此光能
令不信衆生皆得淨信又如來光名
曰能持佛以此光能令少聞衆生皆
得多聞又如來光名曰威儀佛以此
光能令无慙衆生皆得慙愧又如來
光名曰安隱佛以此光能令多欲衆
生斷除婬欲又如來光名曰歡喜佛

以此光能令多愁衆生斷除瞋恚又
如來光名曰照明佛以此光能令多
癡衆生斷除愚癡又如來光名曰遍
行佛以此光能令等分衆生斷除等
分又如來光名示一切色佛以此光
能令衆生皆見佛身无量種色網明
當知如來若以一切若減一切說此
光明力用名号不可窮盡今時網明
菩薩白佛言未曾有也世尊如來身
者即是無量无边光明之藏說法方
便亦不可思議世尊我自昔來未曾
聞此光明名号如我解佛所說義若
有菩薩聞斯光明名号信心清淨皆
得如是光明之身世尊惟願今日放
請菩薩光令他方菩薩善能問難者
見斯光已發心來此娑婆世界

今時世尊受網明菩薩請已即放光
明照此三千大千世界普及十方無
量佛土於是諸方無量百千万億菩
薩見斯光已皆來至此娑婆世界今時
東方過七十二恒河沙佛土有國名
清淨佛号曰月光如來應供正遍知
今現在其佛土有菩薩梵天名曰思

益住不退轉見此光已到日月光佛
所頭面作禮白佛言世尊我欲詣娑
婆世界釋迦牟尼佛所奉見供養親
近諮受彼佛亦復欲見我等其佛告
言便往梵天今正是時彼娑婆國有
若干千億諸菩薩集汝應以此十法遊
於彼土何等為十於毀於譽心無增
減聞善聞惡心无分別於諸愚智等
以悲心於上中下衆生之類意常平
等於輕毀供養心無有二於他闕失
不見其過見種種乘皆是一乘聞三
惡道亦勿驚畏於諸菩薩生如來想
佛出五濁生希有想梵天汝當以此
十法遊彼世界思益梵天白佛言世
尊我不敢於如來前作師子吼我所
能行佛自知之今當以此十法遊彼
世界一心修行今時日月光佛國有
諸菩薩白其佛言世尊我得大利不生
如是惡衆生中其佛告言善男子勿
作是語所以者何若菩薩於此國中
百千億劫淨修梵行不如彼土從旦
至食無瞋尋心其福為勝即時有万
二千菩薩與思益梵天俱共發來而

作是言我等亦欲以此十法遊彼世界見釋迦牟尼佛於是思益梵天與萬二千菩薩俱於彼佛土忽然不現譬如壯士屈申臂頃到娑婆世界釋迦牟尼佛所却住一面今時佛告網明菩薩汝見是思益梵天不唯然已見網明當知思益梵天於諸正問菩薩中為最第一於諸善分別諸法菩薩中為最第一於諸說隨宜紙意菩薩中為最第一於諸慈心菩薩中為最第一於諸喜心菩薩中為最第一於諸捨心菩薩中為最第一於諸軟語菩薩中為最第一於諸不瞋辱菩薩中為最第一於諸先意問訊菩薩中為最第一於諸決疑菩薩中為最第一於諸禮佛足右遶三匝合掌向佛以偈讚曰世尊大名稱普聞於十方所在諸如來無不稱歎者有諸餘淨國无三惡道名捨如是妙土慈悲故生此佛智無減少與諸如來等以大慈本願處斯穢惡土若人於淨國持戒滿一切此土須臾間

行慈為寂勝若人於此土起身口意罪
應墮三惡道現世受得除生此土菩薩
不應懷憂怖設有惡道罪頭痛則得除
此土諸菩薩若能守護法世世所生處
不失於正念若人欲斷縛滅煩惱業罪
於此土護法增益一切智淨土多億劫
受持法解說於此娑婆界從旦至食勝
我見喜樂國及見安樂土此中無苦惱
亦無苦惱名於彼作功德未足以為奇
於此煩惱處能忍不可事亦教他此法
其福為寂勝我礼无上尊大悲救苦者
能為惡衆生說法為甚難佛集無量衆
十方世界中名聞諸菩薩聽法无厭足
佛集十方界名聞諸菩薩聽法無厭足
如海吞衆流為如是等人廣說於佛道
釋梵四天王諸天龍神等皆集欲求法
隨所信樂說比丘比丘尼及清信士女
是四衆普集願時為演說有樂佛乘者
及緣覺聲聞佛知其深心悉皆為斷疑
不斷佛種者能出生三寶為是諸菩薩
我今請法王名稱普流布十方菩薩聞
皆悉共來集為說無上道此無上大法
二乘所不及我等信力故得入如是法

不可思議慧非我等所及佛雖無疲倦
而我有所請悔過於世尊願說菩提道
四法品第二

尔時思益梵天說此偈已白佛言世
尊何謂菩薩其心堅固而無疲倦何
謂菩薩所言決定而不中悔何謂菩
薩增長善根何謂菩薩无所恐懼威
儀不動何謂菩薩成就白法何謂菩薩
善知從一地至一地何謂菩薩於衆生中
善知方便何謂菩薩善化衆生何謂菩
薩世世不失菩提之心何謂菩薩能
一其心而無雜行何謂菩薩善求法
寶何謂菩薩善出毀禁之罪何謂菩
薩善障煩惱何謂菩薩善入諸大衆
何謂菩薩善開法施何謂菩薩得先
因力不失善根何謂菩薩不由他教
而能自行六波羅蜜何謂菩薩能轉
捨禪定還生欲界何謂菩薩於諸佛
法得不退轉何謂菩薩不斷佛種
尔時世尊讚思益梵天善哉善哉能
問如來如此之事汝今諦聽善思念
之唯然世尊願樂欲聞佛告思益梵
天菩薩有四法堅固其心而不疲倦

何等四一者於諸衆生起大悲心二者精進不懈三者信解生死如夢四者正思量佛之智慧菩薩有此四法堅固其心而不疲倦梵天菩薩有四法所言決定而不中悔何等四一者決定說諸法無我二者決定說諸生處無可樂者三者決定常讚大乘四者決定說罪福業不失是為四梵天菩薩有四法增長善根何等為四一者持戒二者多聞三者布施四者出家是為四梵天菩薩有四法無所恐懼威儀不轉何等四一者失利二者惡名三者毀辱四者苦惱是為四梵天菩薩有四法成就白法何等四一者教人令信罪福二者布施不求果報三者守護正法四者以智慧教諸菩薩是為四梵天菩薩有四法善知從一地至一地何等四一者久殖善根二者離諸過咎三者善知方便迴向四者勤行精進是為四梵天菩薩有四法善知方便何等四一者順衆生意二者於他功德起隨喜心三者悔過除罪四者勸請諸佛是為四梵天

菩薩有四法善化衆生何等四一者
常求利安衆生二者自捨已樂三者
心和忍辱四者除捨憍慢是為四
梵天菩薩有四法世世不失菩提之
心何等四一者常憶念佛二者所作
功德常為菩提三者親近善知識四
者稱揚大乘是為四梵天菩薩有四
法能一其心而無雜行何等四一者
離聲聞心二者離辟支佛心三者求
法無厭四者如所聞法廣為人說是
為四梵天菩薩有四法善求法實何
等四一者於法中生實想以難得故
二者於法中生藥想療衆病故三者
於法中生財利想以不失故四者於
法中生滅一切苦想至涅槃故是為
四梵天菩薩有四法善出毀禁之罪
何等四一者得無生法忍以諸法無
來故二者得無滅忍以諸法无去故
三者得因緣忍知諸法因緣生故四
者得無住忍无異心相續故是為四
梵天菩薩有四法善障煩惱何等四
一者正憶念二者障諸根三者得善
法力四者獨處遠離是為四梵天菩

薩有四法善入諸大衆何等四一者求法不求勝二者恭敬心無憍慢三者惟求法利不自顯現四者教人善法不求名利是為四梵天菩薩有四法善開法施何等四一者守護於法二者自益智慧亦益他人三者行善人法四者示人垢淨是為四梵天菩薩有四法得先因力不失善根何等四一者見他人闕不以為過二者於瞋怒人常修慈心三者常說諸法因緣四者常念菩提是為四梵天菩薩有四法不由他教而能自行六波羅蜜何等四一者以施導人二者不說他人毀禁之罪三者善知攝法教化衆生四者解達深法是為四梵天菩薩有四法能轉捨禪定還生欲界何等四一者其心柔軟二者得諸根力三者不捨一切衆生四者善修智慧方便之力是為四梵天菩薩有四法於諸佛法得不退轉何等四一者受無量生死二者供養无量諸佛三者修行無量慈心四者信解无量佛慧是為四梵天菩薩有四法不斷佛種何

等四一者不退本願二者言必施行
三者大欲精進四者深心行於佛道
是為菩薩有四法不斷佛種說是諸
四法時二萬二千天及人皆發阿耨
多羅三藐三菩提心五千人得無生
法忍十方諸來菩薩供養於佛所散
天花周遍三千大千世界積至于膝
分別品第三丹李菩薩正問品第三

今時網明菩薩問思益梵天言佛說
汝於正問菩薩中為最第一何謂菩
薩所問為正問耶梵天言網明若菩
薩以彼我問名為邪問分別法問名
為邪問若無彼我問名為正問不分
別法問名為正問又網明以生故問
名為邪問以滅故問名為邪問以住
故問名為邪問若不以生故問不以
滅故問不以住故問名為正問又網
明若菩薩為垢故問名為邪問為淨
故問名為邪問為生死故問名為邪
問為出生死故問名為邪問為涅槃
故問名為邪問若不為垢淨故問不
為生死出生死故問不為涅槃故問
名為正問所以者何法位中無垢无

淨無生无死無涅槃又網明若菩薩
為見故問為斷故問為證故問為修
故問為得故問為果故問名為邪問
若無見无斷無證无修無得无果故
問名為正問又網明是善是不善名
為邪問是世間法是出世間法是罪
法是无罪法是有漏法是无漏法是
有為法是无為法如是等二法隨所
依而問者名為邪問若不見二不見
不二問名為正問又網明若菩薩分
別佛問名為邪問分別法分別僧分
別衆生分別佛國分別諸乘問名為
邪問若於法不作一異問者名為正
問又網明一切法正一切法邪網明
言梵天何謂一切法正一切法邪梵
天言於諸法性無心故一切法名為
正若於無心法中以心分別觀者一切
法名為邪一切法離相名為正若不
信解達是離相是即分別諸法若分
別諸法則入增上慢隨所分別皆名
為邪網明言何謂為諸法正性梵天
言諸法離自性離欲際是名正性網
明言少有能解如是正性梵天言是

正性不一不多網明若有善男子善女人能如是知諸法正性若已知若今知若當知是人无有法已得無有法今得無有法當得所以者何佛說無得无分別名為所作已辦相若人聞是諸法正性勤行精進是名如說修行不從一地至一地若不從一地至一地是人不在生死不在涅槃所以者何諸佛不得生死不得涅槃網明言佛不為度生死故說法耶梵天言佛所示法有度生死耶網明言無也梵天言以是因緣當知佛不令衆生出生死入涅槃但為度妄想分別生死涅槃二相者耳此中實無度生死至涅槃者所以者何諸法平等無有往来无出生死无入涅槃今時世尊讚思益梵天言善哉善哉說諸法正性應如汝所說說是法時二千比丘不受諸法漏盡心得解脫佛告梵天我不得生死不得涅槃如來雖說生死實无有人往来生死雖說涅槃實无有人得滅度者若有入此法門者是人非生死相非滅度相今時會中五

百比丘從坐而起作是言我等空修梵行今實見有滅度者而言無有滅度我等何用修道求智慧為

今時網明菩薩白佛言世尊若有於法生見則於其人佛不出世世尊若有決定見涅槃者是人不得生死所以者何涅槃名為除滅諸相遠離一切動念戲論世尊是諸比丘於佛正法出家而今墮於外道邪見見涅槃決定相譬如從麻出油從酪出酥世尊若人於諸法滅相中求涅槃者我說是輩皆為增上慢人世尊正行道者於法不作生不作滅無得无果網明謂梵天言是五百比丘從坐起者汝當為作方便引導其心入此法門令得信解離諸邪見梵天言善男子縱使令去至恒河沙劫不能得出如此法門譬如癡人畏於虛空捨空而走在所至處不離虛空此諸比丘亦復如是雖復遠去不出空相不出无相相不出無作相又如一人求索虛空東西馳走言我欲得空我欲得空是人但說虛空名字而不得空於空中

行而不見空此諸比丘亦復如是欲求涅槃行涅槃中而不得涅槃所以者何涅槃者但有名字猶如虛空但有名字不可得取涅槃亦復如是但有名字而不可得今時五百比丘聞說是法不受諸法漏盡心得解脫得阿羅漢道作是言世尊若人於諸法畢竟滅相中求涅槃者則於其人佛不出世世尊我等今者非凡夫非學非無學不在生死不在涅槃所以者何佛出世故名為遠離一切動念戲論今時長老舍利弗謂諸比丘汝今得正智為已利耶五百比丘言長老舍利弗我等今者得諸煩惱不可作而作舍利弗言何故說此諸比丘言知諸煩惱實相故言得諸煩惱涅槃是無作性我等已證故說不可作而作舍利弗言善哉善哉汝等今者住於福田能消供養諸比丘言大師世尊尚不能消諸供養何況我等舍利弗言何故說此諸比丘言世尊知見法性常淨故於是思益梵天白佛言世尊誰應受供養佛告梵天不為世

法之所牽者世尊誰能消供養佛言
於法無所取者世尊誰為世間福田
佛言不壞菩提性者世尊誰為衆生
善知識佛言於一切衆生不捨慈心
者世尊誰知報佛恩佛言不斷佛種
者世尊誰能供養佛佛言能通達无
生際者世尊誰能親近佛佛言乃至
失命因緣不毀禁者世尊誰能恭敬
於佛佛言善覆六根者世尊誰名財
富佛言成就七財者世尊誰名知足
佛言得出世間智慧者世尊誰為遠
離佛言於三界中无所願者世尊誰
為具足佛言能斷一切諸結使者世
尊誰為樂人佛言無貪著者世尊誰
无貪著佛言知見五陰者世尊誰度
欲河佛言能捨六入者世尊誰住彼
岸佛言能知諸道平等者世尊何謂
菩薩能為施主佛言菩薩能教衆生
一切智心世尊何謂菩薩能奉禁戒
佛言常能不捨菩提之心世尊何謂
菩薩能行忍辱佛言見心相念念滅
世尊何謂菩薩能行精進佛言求心不
可得世尊何謂菩薩能行禪定佛言能

除身心塵相世尊何謂菩薩能行智
慧佛言於一切法無有戲論世尊何
謂菩薩能行慈心佛言不生衆生想
世尊何謂菩薩能行悲心佛言不生
法想世尊何謂菩薩能行喜心佛言不
生我想世尊何謂菩薩能行捨心佛
言不生彼我想世尊何謂菩薩安住
於信佛言信解無濁法世尊何謂菩
薩安住於空佛言不著一切語言世
尊何謂菩薩名為有慙佛言知見內
法世尊何謂菩薩名為有愧佛言捨於
外法世尊何謂名為菩薩遍行佛言
能淨身口意業今時世尊而說偈言
若身淨無惡口淨常實語心淨常行慈
是菩薩遍行行慈無貪著觀不淨無恚
行捨而不癡是菩薩遍行若聚若空野
及與衆大衆威儀終不缺是菩薩遍行
知法名為佛知離名為法知無名為僧
是菩薩遍行知多欲所行知恚癡所行
善知轉此行是菩薩遍行不依止欲界
不住色無色行如是禪定是菩薩遍行
信解諸法空及無相无作而不盡諸漏
是菩薩遍行善知聲聞乘及辟支佛乘

通達於佛乘是菩薩遍行明解於諸法
不疑道非道憎愛心無異是菩薩遍行
於過去未來及與現在世一切無分別
是菩薩遍行

此并奉為菩薩出過世間品第四

今時思益梵天白佛言世尊何謂菩
薩過世間法通達世間法通達世間
法已度衆生於世間法行於世間而
不壞世間今時世尊以偈答言

說五陰是世世間所依止依止於五陰
不脫世間法菩薩有智慧知世間實相
所謂五陰如世間法不染利衰及毀譽
稱譏與苦樂如此之八法常牽於世間
大智慧菩薩散滅世間法見世壞敗相
處之而不動得利心不高失利心不下
其心堅不動譬如須弥山利衰及毀譽
稱譏與苦樂於此世八法其心常平等
知世間虛妄皆從顛倒起如是之人等
不行世間道世間所有道菩薩皆識知
故能於世間度衆生苦惱雖行於世間
如蓮華不染亦不壞世間通達法性故
世間行世間不知是世間菩薩行世間
明了世間相世間虛空相虛空亦無相
菩薩知如是不染於世間如所知世間

隨知而演說 知世間性故 亦不壞世間
五陰無自性 是即世間性 若人不知是
常住於世間 若見知五陰 無生亦无滅
是人現行世 而不依世間 凡夫不知法
於世起諍訟 是實是不實 住是二相中
我常不與世 起於諍訟事 世間之實相
悉已了知故 諸佛所說法 皆悉無諍訟
知世平等故 非實非虛妄 若佛法決定
有實有虛妄 是即為貪著 與外道无異
而今實義中 无實無虛妄 是故我常說
出世法無二 若人知世間 如是之實性
於實於虛妄 不取此惡見 如是知世間
清淨如虛空 是大名稱人 照世間如日
若人見世間 如我之所見 如斯之人等
能見十方佛 諸法從緣生 自無有定性
若知此因緣 則達法實相 若知法實相
是則知空相 若能知空相 則為見導師
若有人得聞 如是世間相 雖行於世間
而不住世間 依止諸見人 不能及此事
云何行世間 而不依世間 若佛滅度後
有樂是法者 佛則於其人 常現於法身
若人解達此 則守護我法 亦為供養我
亦是世導師 若人須臾聞 世間性如此

是人終不為惡魔所得便若能達此義則為大智慧法財之施主亦是具禁戒若知世如此忍辱力勇健具足諸禪定通達於智慧所在聞是法其方則有佛如是諸菩薩不久坐道場若有深愛樂如是世間法則能降衆魔疾得無上道

解諸法品第四

此品名丹平無下二十四下余時下方為數功德品第五

佛復告思益梵天如來出過世間亦說世間苦世間集世間滅世間滅道梵天五陰名為世間苦貪著五陰名為世間集五陰盡名為世間滅以無二法求陰但有言說於中取相分別生見而說是名世間苦不捨是見是名世間集是見自相是名世間滅隨以何道不取是見是名世間滅道梵天以是因緣故我為外道仙人說言仙人於汝身中即說世間苦世間集世間滅世間滅道今時思益梵天白佛言世尊所說四聖諦何等是真聖諦梵天苦不名為聖諦苦集不名為聖諦苦滅不名為聖諦苦滅道不名為聖諦所以者何若苦是聖諦者一切牛驢畜生等

皆應有苦聖諦若集是聖諦者一切在所生處衆生皆應有集聖諦所以者何以集故生諸趣中若苦滅是聖諦者觀滅者說斷滅者皆應有滅聖諦若道是聖諦者緣一切有為道者皆應有道聖諦梵天以是目緣故當知聖諦非苦非集非滅非道聖諦者知苦無生是名苦聖諦知集無和合是名集聖諦於畢竟滅法中知無生无滅是名滅聖諦於一切法平等以不二法得道是名道聖諦梵天真聖諦者無有虛妄虛妄者所謂著我著衆生著人著壽命者著養育者著有著無著生著滅著生死著涅槃梵天若行者言我知見苦是虛妄我斷集是虛妄我證滅是虛妄我修道是虛妄所以者何是人違失佛所護念是故說為虛妄何等是佛所護念謂不憶念一切諸法若行者住是念中則不住一切相若不住一切相則住實際若住實際是名不住心若不住心是人名為實語者非妄語者梵天是故當知若非實非虛妄者是名聖諦梵天

實者終不作不實若有佛若無佛法
性常住所謂生死性涅槃性常實所
以者何非離生死得涅槃名為聖諦
若人證如是四諦是名世間實語者
梵天當來有比丘不修身不修戒不
修心不修慧是人說生死相是苦諦衆
緣和合是集諦滅法故是滅諦以二
法求相是道諦佛言我說此愚人是
外道徒黨我非彼人師彼非我弟子
是人墮於邪道破失法故說言有諦
梵天汝且觀我坐道場時不得一法是
實是虛妄若我不得法是法寧可於
衆中有言說有論議有教化耶梵天
言不也世尊梵天以諸法無所得故
諸法離自性故我菩提是無貪愛相
今時思益梵天白佛言世尊若如來
於法無所得者有何利益說如來得
菩提名為佛佛言梵天於汝意云何
我所說法若有為若無為是法為
實為虛妄耶梵天言是法虛妄非實
於汝意云何若法虛妄非實是法為
有為無梵天言世尊若法虛妄是法
不應說有不應說無於汝意云何若

法非有非无是法有得者不梵天言

無有得者梵天如來坐道場時惟得

虛妄顛倒所起煩惱畢竟空性以无

所得故得以無所知故知所以者何

我所得法不可見不可聞不可覺不

可識不可取不可著不可說不可難

出過一切法相無語无說無有文字

無言說道梵天此法如是猶如虚空

汝欲於如是法中得利益耶梵天言

不也世尊諸佛如來甚為希有成就

未曾有法深入大慈大悲得如是寂

滅相法而以文字言說教人令得世

尊其有聞是能信解者當知是人不

從小功德來世尊是法一切世間之

所難信所以者何世間貪著實而是

法無實无虛妄世間貪著法而是法

无法無非法世間貪著涅槃而是法

無生死無涅槃世間貪著善法而是

法无善無非善世間貪著樂而是法

無苦无樂世間貪著佛出世而是法

无佛出世亦無涅槃雖有說法而是

法非可說相雖讚說僧而僧即是

無為是故此法一切世間之所難信

譬如水中出火火中出水難可得信
如是煩惱中有菩提菩提中有煩惱
是亦難信所以者何如来得是虛妄
煩惱之性而無法不得有所說法亦無
有形雖有所知亦無分別雖證涅槃亦
无滅者世尊若有善男子善女人能
信解如是法義者當知是人得脫諸
見當知是人已親近无量諸佛當知是
人已供養无量諸佛當知是人為善
知識所護當知是人志意曠大當知
是人善根深厚當知是人守護諸佛
法藏當知是人能善思量起於善業
當知是人種姓尊貴生如來家當知
是人能行大捨捨諸煩惱當知是人
得持戒力非煩惱力當知是人得忍
辱力非瞋恚力當知是人得精進力
無有疲憊當知是人得禪定力滅諸
惡心當知是人得智慧力離惡邪見
當知是人一切惡魔不能得便當知
是人一切怨賊所不能破當知是人
不誑世間當知是人真是真語者善說
法相故當知是人真實語者說第一
義故當知是人善為諸佛之所護念

當知是人柔和軟善同止安樂當知
是人名為大富有聖財故當知是人
常能知足行聖種故當知是人易滿
易養離貪著故當知是人得安隱心
到彼岸故當知是人度未度者當知
是人解未解者當知是人安未安者
當知是人滅未滅者當知是人能示
正道當知是人能說解脫當知是人
為大醫王善知諸藥當知是人猶如
良藥善療衆病當知是人智慧勇健
當知是人為有大力堅固究竟當知
是人精進力不隨他語當知是人
為如師子無所怖畏當知是人為如
象王其心調柔當知是人為如老象
其心隨順當知是人為如牛王能導
大衆當知是人為大勇健能破魔怨
當知是人為大丈夫處衆无畏當知
是人無所忌難得無畏法故當知是
人無所畏難說真諦法故當知是人
具清白法如月盛滿當知是人智慧
光照猶如日明當知是人除諸闇冥
猶如執炬當知是人樂行捨心離諸
憎愛當知是人載育衆生猶如地當

知是人洗諸塵垢猶如水當知是人
燒諸動念猶如火當知是人於法无
障猶如風當知是人其心不動如須
弥當知是人其心堅固如金剛山當
知是人一切外道競勝論者所不能
動當知是人一切聲聞辟支佛所不
能測當知是人多饒法寶猶如大海
當知是人煩惱不現如波陀羅當知
是人求法無厭當知是人以智慧知
足當知是人能轉法輪如轉輪王當
知是人身色殊妙如天帝釋當知是
人心得自在如梵天王當知是人說
法音聲猶如雷震當知是人降法甘
露猶如時雨當知是人能增長無漏
根力覺分當知是人已度生死汙泥
當知是人入佛智慧當知是人近佛
菩提當知是人能多學問無與等者
當知是人無有量已過量當知是人
智慧辯才無有障碍當知是人得憶
念堅固得陀羅尼當知是人知諸衆生
深心所行當知是人得智慧力正觀
諸法解達義趣當知是人勤行精進
利安世間當知是人超出於世當知

是人不可汙染猶如蓮華當知是人
不為世法所覆當知是人利根者所
愛當知是人多聞者所敬當知是人
智者所念當知是人人天供養當知
是人為坐禪者之所敬礼當知是人善人
所貴當知是人聲聞辟支佛之所貪
慕當知是人貪小行當知是人不
覆藏罪不顯功德當知是人威儀備
具生他淨心當知是人身色端正見
者悅樂當知是人有大威德衆所宗
仰當知是人以三十二相莊嚴其身
當知是人能繼佛種當知是人能護
法寶當知是人能供養僧當知是人
諸佛所見當知是人為得法眼當知
是人以佛智慧而得受記當知是人
具足三忍當知是人安住道場當知
是人破壞魔軍當知是人得一切種
智當知是人轉於法輪當知是人作
無量佛事若人信解如是法義不驚
疑怖畏者得如是功德是人於諸佛
阿耨多羅三藐三菩提甚深難解難
知難信難入而能信受讀誦通利奉
持為人廣說如說修行亦教他人如

說修行如是之人我以一切若減一
劫說其功德猶不能盡
思益梵天所問經卷第一

癸卯歲高麗國大藏都監奉
勅彫造

思益梵天所問經卷第二

及

姚秦龜茲國三藏鳩摩羅什譯

解諸法品第四之餘

丹如來五力說品第六
五幅世尊何謂大慈下為如來大悲品第七

佛告梵天汝何能稱說是人功德如
如來以無尋智慧之所知乎是人所
有功德復過於此若人能於如來所
說文字言說章句通達隨順不違不
逆和合為一隨其義理不隨章句言
辭而善知言辭所應之相知如來以
何語說法以何隨宜說法以何方便
說法以何法門說法以何大悲說法
梵天若菩薩能知如來以是五力說
法是菩薩能作佛事梵天言何謂如
來所用五力佛言一者語說二者隨
宜三者方便四者法門五者大悲是
名如來所用五力一切聲聞辟支佛所
不能及世尊何謂為說法佛言梵天如
來說過去法說未來現在法說垢淨法
說世間出世間法說有罪無罪法說有
漏无漏法說有為無為法說我人衆生
壽命法說得證法說生死涅槃法梵天
當知是諸言說如幻人說無決定故

如夢中說虛妄見故如響聲說從空
出故說如影衆緣合故說如鏡中像
因不入鏡故說如野馬顛倒見故說
如虛空無生滅故當知是說為无所
說諸法相不可說故梵天若菩薩能
知此諸說者雖有一切言說而於諸
法无所貪著以不貪著故得無尋辯
才以是辯才若恒河沙劫說法无盡
无尋諸有言說不壞法性亦復不著
不壞法性梵天是名如來說也梵天言
世尊何謂隨宜佛言如來或垢法說
淨淨法說垢菩薩於此應知如來隨
宜所說梵天何謂垢法說淨不得垢
法性故何謂淨法說垢貪著淨法故
又梵天我說布施即是涅槃凡人無
智不能善解隨宜所說菩薩應如是
思量布施後得大富此中無法可得從
一念至一念若不從一念至一念即
是諸法實相諸法實相即是涅槃持
戒是涅槃不作不起故忍辱是涅槃
念念滅故精進是涅槃無所取故禪定
是涅槃不貪味故智慧是涅槃不得
相故貪欲是實際法性無欲故瞋恚

是實際法性無瞋故愚癡是實際法性無癡故生死是涅槃无退無生故涅槃是生死以貪著故實語是虛妄生語見故虛妄是實語為增上慢人故又梵天如來以隨宜故或自說我是說常邊者或自說我是說斷邊者或自說我是說無作者或自說我是邪見者或自說我是不信者或自說我是不知報恩者或自說我是食吐者或自說我是不受者如來無有如此諸事當知是為隨宜所說欲令衆生捨增上慢故若菩薩善通達如來隨宜說者若聞佛出則便信受示衆生善業色身果報故若聞佛不出亦信受知是諸佛法性身故若聞佛說法亦信受為喜樂文字衆生故若聞佛不說法亦信受知諸法位性不可說故若聞有涅槃亦信受滅顛倒所起煩惱故若聞無涅槃亦信受諸法無生滅相故若聞有衆生亦信受入世諦門故若聞無衆生亦信受入第一義故梵天菩薩如是善知如來隨宜所說於諸音聲無疑无畏亦能利益无量

衆生

世尊何謂方便佛言如來為衆生說
布施得大富持戒得生天忍辱得端
正精進得具諸功德禪定得法喜智
慧得捨諸煩惱多聞得智慧故行十善
道得人天福樂故慈悲喜捨得生梵
世故禪定得如實智慧故如實智慧
得道果故學地得無學地故辟支佛
地得消諸供養故佛地得無量智慧
故涅槃得滅一切苦惱故梵天我如是
方便為衆生讚說是法如來實不得
我人衆生壽命者亦不得施亦不得
慳亦不得戒亦不得毀戒亦不得忍
辱亦不得瞋恚亦不得精進亦不得
懈怠亦不得禪定亦不得亂心亦不
得智慧亦不得智慧果亦不得菩提
亦不得涅槃亦不得苦亦不得樂梵
天若衆生聞是法者勤行精進是人
為何利故勤行精進不得是法若須
陀洹果斯陀含果阿那含果阿羅漢
果辟支佛道阿耨多羅三藐三菩提
乃至涅槃亦復不得梵天是名如來
方便說法菩薩於此方便說法中應

勤精進令諸衆生得於法利世尊何
謂如來法門佛言眼是解脫門耳鼻
舌身意是解脫門所以者何眼空無
我无我所性自尔耳鼻舌身意空无
我无我所性自尔梵天當知諸入皆
入此解脫門正行則不虛誑故色聲香
味觸法亦復如是一切諸法皆入是
門所謂空門無相門无作門无生門
無滅門无所從來門無所從去門无退
門無起門性常清淨門離自體門又
梵天如來於一切文字中示是解脫
門所以者何諸文字無合无用性鈍
故梵天當知如來於一切文字中說
聖諦說解脫門如來所說法無有垢
一切諸法皆入解脫令住涅槃是名
如來說法入於法門菩薩於此法門
應當修學世尊何謂大悲佛言如來
以三十二種大悲救護衆生何等三十
二一切法無我而衆生不信不解說有
我生如來於此而起大悲一切諸法無
衆生而衆生說有衆生如來於此而起
大悲一切法無壽命者而衆生說有壽
命者如來於此而起大悲一切法无

人而衆生說有人如來於此而起大
悲一切法無所有而衆生住於有見
如來於此而起大悲一切法無住而
衆生有住如來於此而起大悲一切
法無歸處而衆生樂於歸處如來於
此而起大悲一切法非我所而衆生
著於我所如來於此而起大悲一切
法無所屬而衆生計有所屬如來於
此而起大悲一切法无取相而衆生
有取相如來於此而起大悲一切法
無生而衆生住於有生如來於此
而起大悲一切法無退生而衆生住
於退生如來於此而起大悲一切法
无垢而衆生著垢如來於此而起大
悲一切法離染而衆生有染如來於
此而起大悲一切法離瞋而衆生有
瞋如來於此而起大悲一切法離癡
而衆生有癡如來於此而起大悲一
切法無所從來而衆生著有所從來如
來於此而起大悲一切法无所去而
衆生著於有去如來於此而起大悲
一切法無起而衆生計有所起如來
於此而起大悲一切法无戲論而衆

生著於戲論如來於此而起大悲一切法空而衆生墮於有見如來於此而起大悲一切法無相而衆生著於有相如來於此而起大悲一切法无作而衆生著於有作如來於此而起大悲世間常共瞋恨諍競如來於此而起大悲世間邪見顛倒行於邪道欲令住於正道如來於此而起大悲世間饕餮無有厭足互相齋奪欲令衆生住於聖財信戒聞施慧等如來於此而起大悲衆生是產業妻子恩愛之僕於此危脆之物生堅固想欲令衆生知悉無常如來於此而起大悲衆生身為怨賊貪著養育以為親友欲為衆生作真知識令畢衆苦究竟涅槃如來於此而起大悲衆生好行欺誑邪命自活欲令行於正命如來於此而起大悲衆生樂著衆苦不淨居家欲令出於三界如來於此而起大悲一切諸法從因緣有而衆生於聖解脫生於懈怠欲說精進令樂解脫如來於此而起大悲衆生棄捨寂上无尋智慧求於聲聞辟支佛道欲引

導之令發大心緣於佛法如來於此而起大悲梵天如來如是於諸衆生行此三十二種大悲是故如來名為行大悲者若菩薩於衆生中常能修集此大悲心則為入阿惟越致為大福田威德具足常能利益一切衆生說是大悲法門品時三万二千人皆發阿耨多羅三藐三菩提心八千菩薩得無生法忍

難問品第五

并幻化品第八

尔時網明菩薩摩訶薩白佛言世尊是思益梵天云何聞是大悲法門而不喜悅梵天言善男子若識在二法則有喜悅若識在無二實際法中則无喜悅譬如幻人見幻戲事無所喜悅菩薩知諸法相如是則於如來若說法若神通亦無喜悅又善男子如佛所化人間佛說法不喜不悅菩薩知諸法相與化无異於如來所不加喜悅於諸衆生無下劣想網明言梵天汝今見諸法如幻相耶梵天言若人分別諸法者汝當問之網明言汝今於何處行梵天言一切凡夫所行處吾

於彼行網明言凡夫人行貪欲瞋恚
愚癡身見疑網我我所等邪道汝
於是處行耶梵天言善男子汝欲得
几夫法決定相耶網明言我尚不欲
決定得凡夫何況凡夫法善男子若
是法無決定者寧有貪欲瞋恚愚癡
法耶網明言無也善男子一切法離
貪恚癡相行相亦如是善男子凡夫
行賢聖行皆無二无差別善男子一
切行非行一切說非說一切道非道
網明言何謂一切行非行梵天言善
男子若人千萬億劫行道於法性不
增不减是故言一切行非行何謂一
切說非說梵天言善男子如來以不
說相說一切法是故言一切說非說
何謂一切道非道梵天言以無所至
故一切道非道尔時世尊讚思益梵
天言善哉善哉說諸法相應當如是
網明菩薩謂梵天言汝說一切凡夫
行處吾於彼行者則有行相梵天言
若我有所生處應有行相網明言汝
若不生云何教化衆生梵天言佛所
化生吾如彼生網明言佛所化生無

有生處梵天言寧可見不網明言以佛力故見梵天言我生亦如是以業力故網明言汝於起業中行耶梵天言我不於起業中行網明言云何言以業力故梵天言如業性力亦如是是二不出於如

今時舍利弗白佛言世尊若有能入是菩薩隨宜所說法中者得大功德所以者何世尊乃至聞是上人名字尚得大利何況聞其所說譬如有樹不依於地在虛空中而現根莖枝葉華果甚為希有此人行相亦復如是不住一切法而於十方現有行有生死亦有如是智慧辯才世尊若有善男子善女人聞是智慧自在力者其誰不發阿耨多羅三藐三菩提心今時有一菩薩名曰普華在會中坐謂長老舍利弗仁者已得法性佛亦稱汝於智慧人中為最第一何以不能現如是智慧辯才自在力耶舍利弗言普華佛諸弟子隨其智力能有所說普華言舍利弗法性有多少耶舍利弗言無也普華言汝何以言佛諸

弟子隨其智力能有所說舍利弗言
隨所得法而有所說普華言汝證法
性無量相耶舍利弗言然普華言汝
云何言隨所得法而有所說如法性
無量相得亦如是如得說亦如是何
以故法性無量故舍利弗言法性非
得相普華言若法性非得相者汝出
法性得解脫耶舍利弗言不也普華
言何故尔耶舍利弗言若出法性得
解脫者則壞法性普華言是故舍利
弗如仁者得道法性亦尔舍利弗言
我為聽來非為說也普華言一切法皆
入法性此中寧有說者聽者不舍利
弗言不也普華言若然者汝何故言
我為聽來非為說耶舍利弗言佛說
二人得福無量一者專精說法二者
一心聽受是故汝今應說我當聽受
普華言汝入滅盡定能聽法耶舍利
弗言入滅盡定無有二行而聽法也
普華言汝信佛說一切法是滅盡相
不舍利弗言然一切法皆滅盡相我
信是說普華言若然者舍利弗常不
能聽法所以者何一切法常滅盡相

故舍利弗言汝能不起于定而說法
耶普華言頗有一法非是定耶舍利
弗言無也普華言是故常知一切凡
夫常在於定舍利弗言以何定故一
切凡夫常在定耶普華言以不壞法
性三昧故舍利弗言若然者凡夫聖
人無有差別普華言如是如是我
欲令凡夫聖人有差別也所以者何
聖人無所斷凡夫无所生是二不出
法性平等之相舍利弗言何等是諸
法平等相普華言如舍利弗所得知
見舍利弗汝生賢聖法耶答言不也
汝滅凡夫法耶答言不也汝得賢聖
法耶答言不也汝見凡夫法耶答言
不也舍利弗汝何知見說言得道答
言汝不聞凡夫如即是漏盡解脫如
漏盡解脫如即是無餘涅槃如舍利
弗是如名不異如不壞如應以是如
知一切法尔時舍利弗白佛言世尊
譬如火一切諸炎皆是燒相如是
諸善男子所說法皆入法性佛告舍
利弗如汝所言是諸善男子所說法
皆入法性尔時網明菩薩謂舍利弗

佛說仁者於智慧人中為最第一以
何智慧得第一耶舍利弗言所謂聲
聞因聲得解以是智慧說我於中為
第一耳非謂菩薩網明言智慧是戲
論相耶答言不也網明言智慧非平
等相耶答言如是網明言今仁者得平
等智慧云何說智慧有量答言善男
子以法性相故智慧無量隨入法性
多少故智慧有量網明言無量法終
不作有量仁者何故說智慧有量即
時舍利弗默然不答

丹今時上有菩薩光明品第七

尔時長老迦葉承佛聖旨白佛言
世尊是網明菩薩以何因緣号網明
乎佛告網明善男子現汝福報光明
因緣令諸天人一切世間皆得歡喜其
有福德因緣者當發菩提心於是網
明即受佛教偏袒右肩從右手赤白
莊嚴抓指開放大光明普照十方无量
無邊阿僧祇佛國皆悉通達其中地
獄畜生餓鬼盲聾瘖瘂手足拘攣老
病苦痛貪欲瞋恚愚癡裸形醜陋貧
窮飢渴困國繫閉困厄垂死慳貪破
戒瞋恚懈怠妄念无慧少於聞見無

慚無愧慚邪疑網如是等衆生遇斯
光者皆得快樂無有衆生為貪欲瞋
恚愚癡惱慢憂愁懷恨等之所惱也
其在佛前大會之衆菩薩摩訶薩天
龍夜叉乾闥婆等及比丘比丘尼優
婆塞優婆夷衆是諸衆生同一金色
與佛無異有三十二相八十隨形好
無見頂者皆坐寶蓮華座寶交絡蓋
羅覆其上等无差別諸會衆生皆得
快樂譬如菩薩入發喜莊嚴三昧時
諸大衆得未曾有各各相見如佛無
異不見佛身為大已身為小又以光
明力故尋時下方有四菩薩從地踊
出合掌而立欲共礼佛作是念言何
者真佛我欲礼敬即聞空中聲曰是
網明菩薩光明之力一切大衆同一
金色與佛無異時四菩薩發希有心
作如是言今此衆會其色无異一切
諸法亦復如是若我此言誠實无虛
世尊釋迦牟尼當現異相令我今得
供養礼事即時佛以蓮華寶師子座
上昇虚空高一多羅樹於是四菩薩
頭面礼佛足作如是言如來智慧不

可思議網明菩薩福德本願亦不可思議能放如是无量光明今時佛告網明菩薩言善男子汝今已作佛事令無量衆生住於佛道可攝光明於是網明即受佛教還攝光明攝光明已此諸大衆威儀色相還復如故見佛坐本師子座上今時長老迦葉白佛言世尊此四菩薩從何所來四菩薩言我等從下方世界來迦葉言其國何名佛号何等四菩薩言國名現諸寶莊嚴佛号一寶蓋今現說法大迦葉言其佛國土去此幾何四菩薩言佛自知之大迦葉言汝等何故來此四菩薩言是網明菩薩光明照彼我等遇之即聞釋迦牟尼佛名及網明菩薩是故我等今來見佛并網明上大迦葉白佛言世尊一寶蓋佛現諸寶莊嚴世界去此幾何佛言去此七十二恒河沙佛土大迦葉言世尊是四菩薩從彼發來幾時至此佛言如一念頃於彼不現忽然而至大迦葉言世尊此諸菩薩光明遠照神通速疾甚為希有今是網明菩薩

光明遠照是四菩薩發來速疾佛言
迦葉如汝所說菩薩摩訶薩所行不
可思議一切聲聞辟支佛所不能及
尔時長老迦葉謂網明菩薩言善
男子汝現光明照此大會皆作金色
以何因緣網明言長老迦葉可問
世尊當為汝說即時大迦葉以此白
佛佛言迦葉是網明菩薩成佛時其
會大眾同一金色咸共信樂一切智
慧其佛國土乃至无聲聞辟支佛名
唯有清淨諸菩薩摩訶薩會大迦葉
白佛言世尊生彼菩薩當知如佛佛
言如汝所說生彼菩薩當知如佛於
是會中四万四千人皆發阿耨多羅
三藐三菩提心已願生彼國白佛言
網明菩薩得成佛時我等願生其國
問談品第六 丹經此品名
尔時長老迦葉白佛言世尊網明
菩薩幾時當得阿耨多羅三藐三菩
提佛言迦葉汝自問網明於是迦葉
問網明菩薩言善男子仁者幾時當
得阿耨多羅三藐三菩提網明言大
迦葉若有問幻所化人汝幾時當得

阿耨多羅三藐三菩提是幻人當云
何答大迦葉言善男子幻所化人無
決定相當何所答網明言大迦葉一
切諸法亦如幻所化人無決定相誰
可問言汝幾時當成阿耨多羅三藐
三菩提大迦葉言善男子幻所化人離
於自相無異无別無所志願汝亦如
是耶若如是者汝云何能利益无量
衆生網明言阿耨多羅三藐三菩提
即是一切衆生性一切衆生性即是
幻性幻性即是一切法性於是法中
我不見有利不見無利大迦葉言善
男子汝今不令衆生住菩提耶網明
言諸佛菩提有住相耶大迦葉言無
也網明言是故我今不令衆生住於菩
提亦不令住聲聞辟支佛道大迦葉
言善男子汝今欲趣何所網明言我
所趣如如趣大迦葉言如無所趣亦
無有轉網明言如如無趣无轉一切
法住如相故我亦无趣無轉大迦葉言
若無趣无轉汝云何教化衆生網明
言若人發願則是不能教化衆生若
人於法有轉是亦不能教化衆生大

迦葉言善男子汝不轉衆生生死耶
網明言我尚不得生死何況於生
死中而轉衆生大迦葉言汝不令
衆生得涅槃耶網明言我尚不見涅
槃何況教化衆生令住涅槃大迦葉
言善男子若汝不得生死不見涅槃
何故今為無量衆生行於菩提此豈
不為滅度衆生耶網明言若菩薩得
生死分別涅槃因衆生行於菩提此
則不應說為菩薩大迦葉言善男子
汝今於何處行網明言我非生死中
行非涅槃中行亦不以衆生相行大
迦葉如汝所問汝何處行者如佛所
化人行處吾於彼行大迦葉言佛所
化人無有行處網明言當知一切衆
生所行亦如是相大迦葉言佛所化
人無貪无恚無癡若一切衆生所行
如是相者衆生貪恚癡從何所起網
明言我今問汝隨意答我大迦葉汝
今寧有貪恚癡不答言不也網明言
是貪恚癡盡滅耶答言不也網明言
若大迦葉今無貪恚癡亦不盡滅者
汝置貪恚癡於何所耶答言善男子

凡夫從顛倒起妄想分別生貪恚癡
耳賢聖法中善知顛倒實性故无妄
想分別是以無貪恚癡大迦葉於汝
意云何若法從顛倒起是法為實為
虛妄耶答言是法虛妄非是實也網
明言若法非實可令實耶答言不也
網明言若法非實仁者欲於是中得
貪恚癡耶答言不也網明言若然何
所是貪恚癡能惱衆生者答言善男
子若尔一切法從本已來離貪恚癡
相網明言以是故我說一切法相如
佛所化說是法時四万四千菩薩得
柔順法忍

丹育菩薩校記品第十一
二十五幅梵天上有薩婆若品第十一

尔時長老迦葉白佛言世尊若網
明菩薩所見衆生不應復畏墮三惡
道若聞網明所說法者魔不得便若
為網明所教化者不畏墮聲聞辟支
佛道世尊願說網明功德莊嚴國土
佛言迦葉是網明菩薩在在國土遊
行之處利益無量衆生迦葉汝見網
明所放光明不答言已見佛言若三
千大千世界滿中芥子尚可算數今
網明光明令諸衆生住菩提者不可

數也迦葉是網明菩薩所放光明饒
益尚余何況說法汝今諦聽我當粗
略說其功德迦葉是網明菩薩過七
百六十万阿僧祇劫當得作佛号普
光自在王如來應供正遍知世界名曰
集妙功德其佛趣菩提樹時國中諸
魔魔民悉皆正定於阿耨多羅三藐
三菩提其佛國土以真栴檀寶為地
地平如掌柔濡細滑如迦陵伽衣處
處皆以衆寶莊嚴無三惡道亦无八
難其國廣長皆以妙寶蓮華色香妙
好以為校飾普光自在王如來有無
量菩薩僧善修无量法門得無量自
在神通皆以光明莊嚴其身得諸陀
羅尼藏無尋辯才善能說法光明神
力皆悉通達能破魔怨慙愧念慧諸
妙功德以修其心彼佛國土無有女
人其諸菩薩皆於寶蓮華中結跏趺
坐自然化生以禪樂為食諸所須物經
行之處房舍牀榻園林浴池應念即至
迦葉是普光自在王如來不以文字說
法但放光明照諸菩薩光觸其身即得
無生法忍其佛光明復照十方通達

无寻令諸衆生得離煩惱又其光明
常出三十二種清淨法音何等三十二
所謂諸法空無衆生見故諸法无相離
分別故諸法无作出三界故諸法離
欲性寂滅故諸法離瞋無有寻故諸
法離癡无闇冥故諸法無所從來本
无生故諸法無所去无所至故諸法
不住無所依故諸法過三世去來現
在无所有故諸法無異其性一故諸
法不生離於報故諸法无業業報作
者不可得故諸法不作無所起故諸
法無起无為性故諸法无為離生滅
故諸法真不從和合生故諸法實一
道門故諸法無衆生衆生不可得故
諸法無我第一義故諸法鈍無所知
故諸法捨離憎愛故諸法離煩惱无
有熱故諸法無垢性不汙故諸法一
相離欲際故諸法離相常定故諸
法住實際性不壞故諸法如相不分
別故諸法入法性遍入故諸法無緣
緣不合故諸法是菩提如實見故諸
法是涅槃无因緣故迦葉普光自在
王如來光明常出如是清淨法音

能令諸菩薩施作佛事其佛國土无有魔事佛壽无量阿僧祇劫大迦葉白佛言若人欲得清淨佛土者應取如網明菩薩所修功德具足清淨國土如是迦葉是網明菩薩於諸無量阿僧祇佛所隨願修行功德具足故尔時思益梵天謂網明菩薩仁者已得從佛受記網明言一切衆生皆從佛受記梵天言於何事中而得受記網明言隨業受報而得受記梵天言汝作何業而得受記網明言若業非身作非口作非意作是業可得示不梵天言不可示也網明言菩提是起作相耶梵天言不也何以故菩提是无為非起作相故網明言可以起作相得無為菩提不梵天言不也梵天是故當知若無業无業報無諸行无起諸行是名菩提如菩提性得亦如是如得性受記亦如是不可起作法而得受記梵天言善男子汝不行六波羅蜜然後得受記耶網明言如汝所說菩薩行六波羅蜜而得受記梵天若菩薩捨一切煩惱名為檀波羅蜜於

諸法無所起名為尸羅波羅蜜於諸法
无所傷名為羼提波羅蜜於諸法離
相名為毗梨耶波羅蜜於諸法无所
住名為禪波羅蜜於諸法無戲論名
為般若波羅蜜梵天菩薩如是行六
波羅蜜於何處行梵天言無處行也
所以者何凡所有行皆是不行若行
即是不行若不行即是行梵天以是
故當知無所行是菩提如汝所問汝
得受菩提記者如如法性得受記我所
受記亦如是梵天言善男子如如法
性無受記網明言諸菩薩受記相皆
亦如是如如法性尔時思益梵天白
佛言世尊菩薩以何行諸佛授阿耨
多羅三藐三菩提記佛言若菩薩不
行生法不行滅法不行善不行不善
不行世間不行出世間不行有罪法
不行無罪法不行有漏法不行無漏
法不行有為法不行無為法不行修
道不行除斷不行生死不行涅槃不
行見法不行聞法不行覺法不行知
法不行施不行捨不行戒不行覆不
行忍不行善不行發不行精進不行

禪不行三昧不行慧不行行不行知
不行得梵天若菩薩如是行者諸佛
則授阿耨多羅三藐三菩提記所以
者何諸所有行皆是取相無相無分
別則是菩提皆有所是无所是是
菩提諸所有行皆是分別無分別是
菩提諸所有行皆是起作无起作是
菩提是故當知若菩薩過諸所行則得
受記唯然世尊受記者有何義佛言
離諸法二相是受記義不分別生滅道
是受記義離身口意業相是受記義
梵天我念過去有劫名熹見我於此
劫供養七十二那由他佛是諸如來
不見授記又過是劫劫名善化我於
此劫供養二十二億佛是諸如來亦
不見授記又過是劫劫名梵歎我於
此劫供養万八千佛是諸如來亦不
見授記又過是劫劫名無咎我於此
劫供養三万二千佛是諸如來亦不
見授記又過是劫劫名莊嚴我於此
劫供養四百四十万佛我皆以一切
供養之具而供養之是諸如來亦不

見授記梵天我於往昔供養諸佛恭敬尊重讚歎淨修梵行一切布施一切持戒及行頭陀離於瞋恚忍辱慈心如所說行勤修精進一切所聞皆能受持獨處遠離入諸禪定隨所聞慧讚誦思問是諸如來亦不見授記何以故依止所行故以是當知若諸菩薩出過一切諸行則得受記我若以一劫若減一劫說是諸佛名号不得盡梵天我於是後見燃燈佛即得無生法忍佛時授我記言汝於來世當得作佛号釋迦牟尼如來應供正遍知我今時出過一切諸行具足六波羅蜜所以者何若菩薩能捨諸相名為檀波羅蜜能滅諸所受持名為尸羅波羅蜜不為六塵所傷名為羼提波羅蜜離諸所行名為毗梨耶波羅蜜不憶念一切法名為禪波羅蜜能忍諸法無生性名為般若波羅蜜我於燃燈佛所具足如是六波羅蜜梵天我從初發菩提心已來所作布施於此五華布施百分不及一百千分百千万億分乃至竿數譬喻所不能

及我從初發心已來受戒持戒行頭
隨於此常減戒百分不及一乃至竿
數譬喻所不能及我從初發心已來
柔和忍辱於畢竟忍法百分不及一
乃至筭數譬喻所不能及我從初發
心已來發勤精進於此不取不捨精進
百分不及一乃至筭數譬喻所不能
及我從初發心已來禪定獨處於此
無住禪定百分不及一乃至筭數譬
喻所不能及我從初發心已來思惟
籌量智慧於此無戲論智慧百分不
及一百千分百千萬億分乃至筭數
譬喻所不能及梵天是故當知我今
時得具足六波羅蜜世尊云何名具
足六波羅蜜梵天若不念施不依止
戒不分別忍不取精進不住禪定不
二於慧是名具足六波羅蜜又問具
足六波羅蜜已能滿足何法佛言具
足六波羅蜜已能滿足薩婆若世尊
云何具足六波羅蜜已能滿足薩婆
若梵天布施平等即是薩婆若平等
持戒平等即是薩婆若平等忍辱平
等即是薩婆若平等精進平等即是

薩婆若平等禪定平等即是薩婆若
平等智慧平等即是薩婆若平等以
是平等等一切法名為薩婆若又梵
天具足布施相持戒相忍辱相精進
相禪定相智慧相是名薩婆若梵天
如是具足六波羅蜜能滿足薩婆若
世尊云何當知滿足薩婆若梵天若
不受眼不受色不受耳不受聲不受
鼻不受香不受舌不受味不受身不
受觸不受意不受法若不受是內外
十二入名為滿足薩婆若我得如是
滿足薩婆若於眼無所著於色耳聲
鼻香舌味身觸意法無所著是故如
來名為無尋知見薩婆若梵天薩婆
若於法無所受何以故以無用故无
用即是无所有義無所有義即是空如
虛空義同虛空相是薩婆若是故於法
无所受梵天譬如一切所作皆因虛
空而虛空無所依如是諸智慧皆從
薩婆若出而薩婆若无所依梵天白
佛言世尊世尊所說薩婆若薩婆
若者為何謂也梵天一切所行是智為真
非諸聲聞辟支佛所及故名薩婆若

諸有所行皆能成就故名薩婆若能
破一切所念戲論故名薩婆若諸所
教勅諸所防制如此衆生所行之法
皆從中出故名薩婆若得諸聖智若
學智若無學智若辟支佛智皆從中
出故名薩婆若正行故名薩婆若能
分別一切藥故名薩婆若能滅一切
衆生病故名薩婆若能除一切煩惱
習氣故名薩婆若常在定故名薩婆
若一切法中無疑故名薩婆若一切
世間出世間智慧皆從中出故名薩
婆若善知一切智慧方便相故名薩
婆若念時思益梵天白佛言未曾有
也世尊諸佛如來智慧甚深心無所
緣而知一切衆生心心所行世尊薩
婆若有如是無量功德其誰善男子
善女人不發阿耨多羅三藐三菩提
心於是網明菩薩白佛言世尊若有
菩薩希聖功德利而發菩提心者不
名發大乘也所以者何一切法無功
德利以無對處故世尊菩薩摩訶薩
不應為功德利故發菩提心但為大
悲心故滅衆生諸苦惱故不自憂苦

故生諸善法故解脫諸邪見故滅除
諸病故捨我所貪著故不觀憎愛故
不沒世法故默患有為故安住涅槃
故發菩提心世尊菩薩不應於衆生
求其恩報亦不應觀作與不作又於
苦樂心不傾動世尊何謂菩薩家清
淨佛言善男子菩薩若生轉輪聖王
家不名家清淨若生帝釋中若生梵
王中亦不名家清淨在所生處乃至
畜生自不退失善根亦令衆生生諸
善根是名菩薩家清淨又網明慈是
菩薩家心平等故悲是菩薩家深心
念故喜是菩薩家生法喜故捨是菩
薩家離貪著故不捨菩提是菩薩
家不貪聲聞辟支佛地故

思益梵天所問經卷第二

癸卯歲高麗國大藏都監奉
勅彫造

思益梵天所問經卷第三

及

姚秦龜茲國三藏鳩摩羅什譯

談論品第七

丹菩薩集二品第十二

尔時思益梵天白佛言世尊是文殊師利法王子在此大會而無所說佛即告文殊師利汝於此會所說法中可少說之文殊師利白佛言世尊佛所得法寧可識不佛言不可識也世尊是法可說可演可論不佛言不可說不可演不可論世尊若是法不可說不可演不可論者則不可示尔時思益梵天謂文殊師利汝不為衆生演說法乎文殊師利言梵天法性中有二相耶梵天言無也文殊師利言一切法不入法性耶梵天言然文殊師利言若法性是不二相一切法入法性中云何當為衆生說法梵天言頗有說法亦无二耶文殊師利言若決定得說者聽者可有說法亦無有二文殊師利如來不說法耶文殊師利言佛雖說法不以二相何以故如來性无二故雖有所說而无二也梵天

言者一切法無二其誰為二文殊師利言凡起貪著我故分別二耳不二者法性終不為二雖種種分別為二然其實際無有二相梵天言云何識無二法文殊師利言若无二可識則非无二所以者何無二相者不可識也梵天二即是識業不可識法佛所說也是法不尔如所說何以故是法无文字故文殊師利佛所說法終何所至文殊師利言佛所說法至无所至梵天言佛所說法不至涅槃耶文殊師利言涅槃中可得至耶梵天言涅槃无来處无至處文殊師利言如是佛所說法至無所至梵天言是法誰聽答言如所說梵天言云何如所說答言如不識不聞梵天言誰能聽如來如是法答言不漏六塵者梵天言誰能知是法答言無識无分別無諍訟者梵天言云何比丘名多諍訟答言是好是惡此名諍訟是理是非理此名諍訟是垢是淨此名諍訟是善是不善此名諍訟是持戒是毀戒此名諍訟是應作是不應作此名諍訟以是

法得道以是法得果此名諍訟梵天
若於法中有高下心貪著取受皆是
諍訟佛所說法無有諍訟梵天樂戲
論者無不諍訟樂諍訟者無沙門法
樂沙門法者無有妄想貪著梵天言
云何比丘隨佛語隨佛教答言若比
丘稱讚毀辱其心不動是名隨佛教
若比丘不隨文字語言是名隨佛語
又比丘滅一切諸相是名隨佛教不
違於義是名隨佛語若比丘守護於
法是名隨佛教不違佛語是名隨佛
語梵天言云何比丘能守護法答言
若比丘不逆平等不壞法性是名能
守護法梵天言云何比丘親近於佛
答言若比丘於諸法中不見有法若
近若遠是名親近於佛梵天言云何
比丘給侍於佛答言若比丘身口意
無所作是名給侍於佛梵天言誰能
供養佛答言若不起福業不起無動業
者梵天言誰能見佛答言若不著肉
眼不著天眼不著慧眼是名能見佛梵
天言誰能見法答言不逆諸因緣法
者梵天言誰能順見諸因緣法答言

不起平等不見平等所生相者梵天
言誰得真智答言不生不滅諸漏者
梵天言誰能隨學如來答言不起不
受不取不捨諸法者梵天言誰名正
行答言不墮三界者梵天言誰為善
人答言不受後身者梵天言誰為樂
人答言無我无我所者梵天言誰為
得脫答言不壞縛者梵天言誰為得
度答言不住生死不住涅槃者梵天
言漏盡比丘盡何事耶答言若有所
盡不名漏盡知諸漏空相隨如是知
名為漏盡梵天言誰為實語答言離
諸言論道者梵天言誰為入道答言
凡夫有入聖道行者知一切有為法
无所從來无所從去則為入道梵天
言誰能見聖諦答言无有見聖諦者
所以者何隨所有見皆為虛妄无所
見者乃名見諦梵天言不見何法名
為見諦答言不見一切諸見名為見
諦梵天言是諦當於何求答言當於
四顛倒中求梵天言何故作如是說
答言求四顛倒不得淨不得常不得
樂不得我若不得淨是即不淨若不

得常是即無常若不得樂是即為苦
若不得我是即无我梵天一切法空
無我是為聖諦若能如是求諦是人
不見苦不斷集不證滅不修道梵天
言云何名修道答言若不分別是法
是非法離於二相名為修道以是道
求一切法不得是名為道是道不令
人離生死至涅槃所以者何不離不
至乃名聖道

尔時有摩訶羅梵天子名曰等行問
文殊師利何謂優婆塞歸依佛歸依
法歸依僧答言優婆塞不起二見不
起我見不起彼見不起我見不起佛
見不起我見不起法見不起我見不
起僧見是名歸依佛歸依法歸依僧
又優婆塞不以色見佛不以受想行
識見佛是名歸依佛優婆塞於法无
所分別亦不行非法是名歸依法若
優婆塞不離有為法見無為法不
離無為法見有為法是名歸依僧又
優婆塞不得佛不得法不得僧是名
歸依佛歸依法歸依僧

尔時等行菩薩問文殊師利言是諸

菩薩發菩提心者為趣何所答曰趣於虛空所以者何阿耨多羅三藐三菩提同虛空故等行言云何菩薩名發阿耨多羅三藐三菩提心答言若菩薩知一切發非發一切法非法一切衆生非衆生是名菩薩發阿耨多羅三藐三菩提心今時等行菩薩白佛言世尊所言菩薩菩薩者為何謂耶佛言善男子若菩薩於邪定衆生發大悲心於正定衆生不見殊異故言菩薩所以者何菩薩不為正定衆生不為不定衆生故發心但為度邪定衆生故而起大悲發阿耨多羅三藐三菩提心故言菩薩

今時等行菩薩白佛言
下丹為名字義品第十三

今時菩提菩薩白佛言世尊我等亦樂說所以為菩薩佛言便說菩提菩薩言譬如男子女人受一日戒无毀無缺若菩薩如是從初發心乃至成佛於其中間常修淨行是名菩薩堅意菩薩言若菩薩成就深固慈心是名菩薩度衆生菩薩言譬如槁船渡人不倦無有分別若心如是是名菩薩斷惡道菩薩言若菩薩於諸佛國

授足之處即時一切惡道皆滅是名
菩薩觀世音菩薩言若菩薩衆生見
者即時畢定於阿耨多羅三藐三菩
提又稱其名者得免衆苦是名菩薩
得大勢菩薩言若菩薩所授足處震
動三千大千世界及魔宮殿是名菩
薩無疲倦菩薩言若恒河沙等劫為
一日一夜以是三十日為一月十二月
為歲以是歲數若過百千万億劫得
值一佛如是於恒河沙等佛所行諸
梵行修集功德然後受阿耨多羅三
藐三菩提記心不休息無有疲倦是
名菩薩導師菩薩言若菩薩於墮邪
道衆生生大悲心令入正道不求恩
報是名菩薩須彌山菩薩言若菩薩
於一切法無所分別如須彌山一於
衆色是名菩薩那羅延菩薩言若菩
薩不為一切煩惱所壞是名菩薩心
力菩薩言若菩薩以心思惟一切諸
法無有錯謬是名菩薩師子遊步自
在菩薩言若菩薩於諸論中不怖不
畏得深法忍能使一切外道怖畏是
名菩薩不可思議菩薩言若菩薩知

心相不可思議無所思惟分別是名
菩薩善寂天子言若菩薩能於一切
天宮中生而无所染亦不得是無染
之法是名菩薩實語菩薩言若菩薩
有所發言常以真實乃至夢中亦無
妄語是名菩薩喜見菩薩言若菩薩
能見一切色皆是佛色是名菩薩常
憐菩薩言若菩薩見隨生死衆生其
心不樂世間諸樂欲自度己身亦度
衆生是名菩薩心無罣菩薩言若菩
薩於一切煩惱衆魔而不瞋罣是名
菩薩常喜根菩薩言若菩薩常以善
根自滿其願亦滿他願所作皆辦是
名菩薩散疑女菩薩言若菩薩於一
切法中不生疑悔是名菩薩師子童
女菩薩言若菩薩无男法無女法而
現種種色身為成就衆生故是名菩
薩寶女菩薩言若菩薩於諸寶中不
生愛樂但樂三寶是名菩薩毗舍佉
達多優婆夷言若菩薩有所得者則
無菩提若不得一切法不生一切法
不滅一切法是名菩薩跋陀婆羅居
士言若菩薩衆生聞其名者畢定於

阿耨多羅三藐三菩提是名菩薩寶
月童子言若菩薩常修童子梵行乃
至不以心念五欲何況身受是名菩
薩忉利天子曼陀羅花香菩薩言若
菩薩持戒熏心常流諸善法香不流
餘香是名菩薩作喜菩薩言若菩薩
喜樂三法謂供養佛演說法教化衆
生是名菩薩思益梵天言若菩薩所
見之法皆是佛法是名菩薩弥勒菩
薩言若菩薩衆生見者即得慈心三
昧是名菩薩文殊師利法王子言若
菩薩雖說諸法而不起法相不起非
法相是名菩薩網明菩薩言若菩薩
光明能滅一切衆生煩惱是名菩薩
普花菩薩言若菩薩見諸如來滿十
方世界如林花敷是名菩薩如是諸
菩薩各各隨所樂說已

尔時佛告等行菩薩若菩薩能代一
切衆生受諸苦惱亦復能捨一切福
事與諸衆生是名菩薩

論齋品第八

尔時思益梵天問等行菩薩言善男
子汝今以何行為行答言我以隨一切有

為法衆生行為行又問隨一切有為法衆生以何為行答言諸佛所行是隨一切有為法衆生行也又問諸佛以何為行答言諸佛以第一義空為行又問凡夫所行諸佛亦以是行有何差別等行言汝欲令空中有差別耶答言不也等行言如來不說一切法空耶答言然是故梵天一切法无有差別是諸行相亦復如是所以者何如來不說諸法有差別也

今時思益梵天問文殊師利言所言行行為何謂耶答言於諸行中有四名行處行能行四梵行是名行處行梵天若人成就四梵行雖於空閑曠野中行是名行處行若人成就四梵行雖於樓殿堂閣金銀牀槍妙好被褥於此中行不名行處行亦復不能善知行處相又問菩薩以何行知見清淨答言於諸行中能淨我見又問若得我實性即得實知見耶答言然若見我實性即是實知見譬如國王典金藏人因已出用知餘在者如是

因知我實性故得實知見又問云何
得我實性答言若得无我法所以者
何我畢竟無根本無決定故若能如
是知者是名得我實性又問如我解
文殊師利所說義以見我故即是見
佛所以者何我性即是佛性文殊師
利誰能見佛答言不壞我見者所以
若何我見即是法見以法見能見佛
又問頗有無所行名為正行耶答言有
若不行一切有為法是名正行又問
云何行名為正行答言若不為見故
行不為斷不為證不為修故行是名
正行又問慧眼為見何法答言若有
所見不名慧眼慧眼不見有為法不
見無為法所以者何有為法皆虛妄
分別無虛妄分別是名慧眼無為法
空無所有過諸眼道是故慧眼亦不
見无為法又問頗有因緣正行比丘
不得道果耶答言有正行中无道無果
无行無得无有得果差別梵天無所
得故乃名為得若有所得當知是為
增上慢人正行者無增上慢無增上
慢則無行无得又問得何法故名為

得道文殊師利言若法不自生不他
生亦不衆緣生從本已來常無有生
得是法故說名得道又問若法不生
為何所得答言若知法不生即名為
得是故佛說若見諸有為法不生相
即入正位又問何等名為正位答言
我及涅槃等不作二是名正位又行
平等故名為正位以平等出諸苦惱
故名為正位入了義中故名為正位
除一切憶念故名為正位今時世尊
讚文殊師利言善哉善哉快說此言
誠如所說說是法時七千比丘不受
諸法漏盡心得解脫三萬二千諸天
遠塵離垢得法眼淨十千人離欲得
定二百人發阿耨多羅三藐三菩提
心五百菩薩得無生法忍

今時思益梵天白佛言世尊是文殊
師利法王子能作佛事大饒益衆生
文殊師利言佛出於世不為益法故
出不為損法故出梵天言佛豈不滅
度无量衆生仁者亦不利益无量衆生
耶文殊師利言汝欲於無衆生中得
衆生耶答言不也梵天汝欲得衆生

決定相耶答言不也梵天汝欲得諸佛有出生相於世間耶答言不也梵天何等是衆生為佛所滅度者梵天言如仁所說義無生死無涅槃文殊師利言如是諸佛世尊不得生死不得涅槃佛諸弟子得解脫者亦不得生死不得涅槃所以者何是涅槃是生死但假名字有言說耳實無生死往來滅盡得涅槃又問誰能信是法耶答言於諸法中無貪著者又問若貪著者於何貪著答言貪著者虛妄梵天若貪著者是實者終无增上慢人以貪著虛妄故行者知之而不貪著者若不貪著則無有流若无有流則無往來生死若無往來生死是則滅度又問何故說言滅度答言滅度者名為衆緣不和合若无明不和合諸行因緣則不起諸行若不起諸行是名為滅不起相是畢竟滅得是道故則無生處如是名為四聖諦

今時下母為如來二事品第五

今時等行菩薩謂文殊師利言如汝所說皆為真實答言一切言說皆為真實又問虛妄言說亦真實耶答言如是

所以者何是諸言說皆為虛妄無處
無方若法皆虛妄無處無方是故一
切言說皆是真實善男子提婆達語
如來語無異无別所以者何一切言
說皆是如來言說不出如故一切言
說有所說事皆以無所說故得有所
說是故一切言說皆等文字同故文
字無念故文字空故等行言如來不
說凡夫語言賢聖語言耶文殊師利
言然以文字說凡夫語言亦以文字
說賢聖語言如是善男子諸文字有
分別凡夫言說是賢聖言說耶等
行答言不也文殊師利言如諸文字
无分別一切賢聖亦無分別是故賢
聖無有言說所以者何賢聖不以文
字相不以衆生相不以法相有所說
也譬如鐘鼓衆緣和合而有音聲是
諸鐘鼓亦无分別如是諸賢聖善知
衆因緣故於諸言說無貪无尋等行
言如佛所說汝等集會當行二事若
說法若聖默然何謂說法何謂聖默
然答言若說法不違佛不違法不違
僧是名說法若知法即是佛離相即

是法無為即是僧是名聖默然又善男子因四念處有所說名為說法於一切法無所憶念名聖默然因四正勤有所說名為說法以諸法等不作等不作不等名聖默然因四如意足有所說名為說法若不起身心名聖默然因五根五力有所說名為說法若不隨他語有所信為不取不捨故分別諸法一心安住無念念中解一切法常定性斷一切戲論慧名聖默然因七菩提分有所說名為說法若常行捨心無所分別无增無減名聖默然因八聖道分有所說名為說法若知說法相如揲喻不依法不依法名聖默然善男子於是三十七助道法若能開解演說名為說法若身證是法亦不離身見法亦不離法見身於是觀中不見二相不見不二相如是現前知見而亦不見名聖默然又善男子若不妄想著我不妄想著彼不妄想著法有所說名為說法若至不可說相能離一切言說音聲得不動處入離相心名聖默然又善男

子若知一切衆生諸根利鈍而教誨
之名為說法常入於定心不散亂名
聖默然等行言如我解文殊師利所
說義一切聲聞辟支佛無有說法亦
無聖默然所以者何不能了知一切
衆生諸根利鈍亦復不能常在於定
文殊師利若有真實問何等是世間
說法者何等是世間聖默然者則當
為說諸佛是也所以者何諸佛善能
分別一切衆生諸根利鈍亦常在定
佛告文殊師利如是如是如等行所
說唯諸佛如來有此二法

今時須菩提白佛言世尊我親從佛
聞汝等集會當行二事若說法若聖
默然世尊若聲聞不能行者云何如
來勅諸比丘行此二事佛告須菩提
於汝意云何若聲聞不從他聞能說
法能聖默然不須菩提言不也須菩
提是故當知一切聲聞辟支佛無有
說法无聖默然今時文殊師利謂須
菩提言長老須菩提如來了知衆生
八万四千行汝於此中有智慧能隨
其所應為說法不答言不也今須菩

提能入觀一切衆生心三昧住是三昧通達一切衆生心心所行自心他心無所妨碍不答言不也須菩提如來於衆生八万四千行隨其所應為說法樂又常住定平等相中心不動搖而通達一切衆生心心所行須菩提是故當知一切聲聞辟支佛不及此事須菩提或有衆生多婬欲者以觀淨得解脫不以不淨唯佛能知或有衆生多瞋恚者以觀過得解脫不以慈心唯佛能知或有衆生等分行者不以觀淨不以不淨不以觀過不以慈心不以不共語不以說法得解脫者隨其根性以諸法平等而為說法使得解脫唯佛能知是故如來於諸說法人中為最第一禪定人中亦最第一念時須菩提問文殊師利若聲聞辟支佛不能如是說法不能如是聖默然者諸菩薩有成就如是功德能說法能聖默然不答言唯佛當知於是佛告須菩提有三昧名入一切語言心不

散乱若菩薩成就此三昧皆得是功德
尔時文殊師利謂等行菩薩善男子
為衆生八万四千行故說八万四千
法藏名為說法常在一切滅受想行
定中名聖默然善男子我若一切若
減一切能說是義是名說法相是聖默
然相猶不能盡於是佛告等行菩薩
善男子乃往過去無量无邊不可思
議阿僧祇劫時世有佛号曰普光劫
曰名聞國名意見彼國嚴淨豐樂安
隱天人熾盛其地皆以衆寶莊嚴柔
軟細滑生寶蓮花一切香樹充滿其
中常出妙香善男子意見國土有四
百億四天下二天下縱廣八万四
千由旬其中諸城縱廣一由旬皆以
衆寶校飾一城者有一万五千聚
落村邑而圍遶之一一聚落村邑无
量百千人衆充滿其中彼時人民所
見色像心皆喜悅无可憎惡亦悉皆得
念佛三昧是以國土名曰意見若他
方世界諸來菩薩皆得快樂餘國不
尔善男子其普光佛以三昧法為弟
子說亦多樂說如是法音汝等比丘當

行二事若說法若聖默然善男子尔時上方醫王佛土有二菩薩一名無盡意二名益意來詣普光佛所頭面礼足右遶三匝恭敬合掌却住一面時普光佛為二菩薩廣說淨明三昧所以名曰淨明三昧者若菩薩入是三昧即得解脫一切諸相及煩惱著亦於一切佛法得淨光明是故名為淨明三昧又前際一切法淨後際一切法淨現在一切法淨是三世畢竟淨無能令不淨性常淨故是以說一切諸法性常清淨何謂諸法性淨謂一切法空相雖有所得故一切法無相相離憶想分別故一切法无作相不取不捨無求无願畢竟離自性故是名性常清淨以是常淨相知生死性即是涅槃涅槃性即是一切法性是故說心性常清淨善男子譬如虚空若受垢汙無有是處心性亦如是若有垢汙无有是處又如虚空雖為烟塵雲霧覆翳不明不淨而不能染汙虚空之性設染汙者不可復淨以虚空實不染汙故還見清淨凡夫心亦如

是雖邪憶念起諸煩惱然其心相不可垢汙設垢汙者不可復淨以心相實不垢汙性常明淨是故心得解脫善男子是名入淨明三昧門彼二菩薩聞是三昧於諸法中得不可思議法光明尔時無盡意菩薩白普光佛言世尊我等已聞入淨明三昧門當以何行行此法門佛告無盡意善男子汝等當行二行若說法若聖默然時二菩薩從佛受教頭面禮佛足遶三帀而出趣一園林自以神力化作寶樓於中修行時有梵天名曰妙光與七万二千梵俱來至其所頭面禮足問二菩薩善男子普光如來說言汝等比丘集會當行二事若說法若聖默然善男子何謂說法何謂聖默然二菩薩言汝今善聽我當少說唯有如來乃通達耳於是二菩薩以二句義為諸梵眾廣分別說時七万二千梵皆得無生法忍妙光梵天得普光明三昧是二菩薩於七万六千歲以無尋辯力答其所問不懈不息分別二句互相問答而不窮盡於是普

光佛在虛空中作如是言善男子勿於文字言說而起諍訟凡諸言說皆空如響如所問答亦如是汝等二人皆得無尋辯才及无盡陀羅尼若於一切若百劫說此二句辯不可盡善男子佛法是寂滅相第一之義此中无有文字不可得說諸所言說皆無義利是故汝等當隨此義勿隨文字是二菩薩聞佛教已默然而止佛告等行以是當知菩薩若以辯才說法於百千万劫若過百千万劫不可窮盡又告等行於意云何彼二菩薩豈異人乎勿造斯觀無盡意者今文殊師利是益意菩薩者今汝身是妙光梵天者今思益梵天是

伽行品第九

并無此品福末今時文殊師利下為得聖道品第十六

今時等行菩薩白佛言未曾有也世尊諸佛菩提為大饒益如所說行精進衆生世尊其懈怠不能如說行者雖值百千万佛无能為也當知從勤精進得出菩提今時文殊師利謂等行菩薩善男子汝知菩薩云何行名勤精進答言若菩薩能得聖道名勤

精進又問云何行能得聖道答曰若
於諸法无所分別如是行者能得聖
道又問云何名得聖道已答曰若行
者於平等中見諸法平等是名得聖
道已又問平等可得見耶答言不也
所以者何若平等可見則非平等思
益梵天謂文殊師利若行者於平等
中不見諸法是名得聖道已文殊師
利言何故不見思益言離二相故不
見不見即是正見又問誰能正見世
間答言不壞世間相者又問云何為
不壞世間相答言色如無別无異受
想行識如無別无異若行者見五陰
平等如相是名正見世間又問何等
是世間相答言滅盡是世間相又問
滅盡相復可盡耶答言滅盡相者不
可盡也又問何故說言世間是滅盡相
答言世間畢竟盡相是相不可盡所
以者何已盡者不復盡也又問佛不
說一切有為法是盡相耶答言世間
是盡相終不可盡是故佛說一切有
為法是盡相又問何故數名有為法
答言以盡相故名有為法又問有為

法者為任何所答言無為性中住又問有為法無為法有何差別答言有為法無為法文字言說有差別耳所以者何以文字言說言是有為是無為若求有為無為實相則無差別以實相无差別故又問何等是諸法實相義答言一切法平等无有差別是諸法實相義又問何等為義答言以文字說令人得解故名為義所以者何實相義者不如文字所說諸佛雖以文字有所言說而於實相無所增減文殊師利一切言說皆非言說是故佛語名不可說諸佛不可以言相說故又問云何得說佛相答言諸佛如來不可以色身說相不可以三十二相說相不可以諸功德法說相又問諸佛可離色身三十二相諸功德法而說相耶答言不也所以者何色身如三十二相如諸功德法如諸佛不即是如亦不離如如是可說佛相不失如故又問諸佛世尊得何等故号名為佛答言諸佛世尊通達諸法性相如故說名如來正遍知者

志大乘品第十

思益梵天經卷第二第二十四大及
丹大乘行品第十七

三

於是等行菩薩白佛言世尊何謂菩薩發行大乘今時世尊以偈答言

菩薩不壞色 發行菩提心 知色即菩提
是名行菩提 如色菩提然 等入於如相
不壞諸法性 是名行菩提 不壞諸法性
則為菩提義 是菩提義中 亦无有菩提
正行第一義 是名行菩提 愚於陰界入
而欲求菩提 陰界入即是 離是無菩提
若有諸菩薩 於上中下法 不取亦不捨
是名行菩提 若法及非法 不分別為二
亦不得不二 是名行菩提 若二則有為
非二則無為 離是三邊者 是名行菩提
是人過凡夫 亦不入法位 未得果而聖
是世間福田 行於世間法 處中如蓮華
遵修家上道 是名行菩提 世間所行處
悉於是中行 世間所貪著 於中得解脫
菩薩無所畏 不沒生死淵 无憂無疲倦
而行菩提道 斯人能善知 法性真實相
是故不分別 是法是非法 行於佛道時
無法可捨離 亦无法可受 是名菩提相
一切法無相 猶若如虛空 終不作是念
是相是可相 善知世所行 遍知方便力

能充滿一切衆生之所願 常住於平等
護持佛正法 一切无所念 是則如來法
若有佛無佛 是法常住世 能通達此相
是名護持法 諸法之實相 了達知其義
安住於此中 而為人演說 行於甚深法
魔所不能測 是人於諸法 無所貪著故
願求諸佛慧 亦不著願求 是慧於十方
求之不可得 諸佛慧無尋 不著法非法
若能不著此 究竟得佛道 其諸樂善人
布施轉高尊 捨一切所有 而心不傾動
諸法不可捨 亦復不可取 一切世間法
根本不可得 能知一切法 非施非捨相
是名大施主 於法無所見 是等諸菩薩
不計我我所 是故行施時 不生貪惜心
諸所有布施 皆迴向佛道 布施及菩提
不住是二相 無作无起戒 常住於此中
亦不作是念 我住是持戒 智者知戒相
不生亦不作 是故戒清淨 猶若如虛空
觀身如鏡像 言說如響聲 心則如幻化
不以戒自高 其心常柔軟 安處寂滅性
悉除一切惡 通達於善法 持戒及毀戒
不得此二相 如是見法性 則持無漏戒
已度忍辱岸 能忍一切惡 於諸衆生類

其心常平等 諸法念念滅 其性常不住
於中無罵辱 亦無有恭敬 若節節解身
其心終不動 知心不在內 亦復不在外
身怨及刀杖 皆從四大起 於地水火風
未曾有傷損 通達於此事 常行忍辱法
菩薩行如是 衆生不能動 勇猛勤精進
堅住於大乘 是人於身心 而無所依止
雖知生死本 其際不可得 為諸衆生故
莊嚴大誓願 法無決定生 何許有滅相
本際不可得 為顛倒故說 法性不可議
常住於世間 若能知如是 不生亦不滅
菩薩念衆生 不解是法相 為之勤精進
今得離顛倒 諸佛常不得 衆生決定相
而彼引本願 當觀精進力 思惟一切法
知皆如幻化 不得堅牢相 觀之如虛空
從虛妄分別 貪著生苦惱 為斯開法門
今得入涅槃 為彼行精進 而不壞於法
離法非法故 常行真精進 是等行遠離
了達無諍定 獨處无憤內 常畏於生死
樂住於閑居 猶如犀一角 遊戲諸禪定
明達諸神通 心常住平等 處空閑聚落
威儀无變異 恒樂於禪定 信解常定法
及寂滅無漏 其心得解脫 故說常定者

自住平等法 以此導衆生 不違平等行
故說常定者 志念常堅固 不忘菩提心
亦能化衆生 故說常定者 常念於諸佛
真實法性身 遠離色身相 故說常定者
常修念於法 如諸法實相 亦无有憶念
故說常定者 常修念於僧 僧即是無為
離數及非數 常入如是者 悉見十方佛
一切衆生類 而於眼色中 終不生二相
諸佛所說法 一切能聽受 而於耳聲中
亦不生二相 能於一心中 知諸衆生心
自心及彼心 此二不分別 憶念過去世
如恒河沙劫 是先及是後 亦復不分別
能至無量土 現諸神通力 而於身心中
無有疲倦想 分別知諸法 樂說辯无盡
於无央數劫 開示法性相 智慧度彼岸
善解陰界入 常為衆生說 无取無戲論
善知因緣法 遠離二邊相 知是煩惱因
亦知是淨因 信解因緣法 則無諸邪見
法皆屬因緣 無有定根本 我見與佛見
空見生死見 涅槃之見等 皆無是諸見
无量智慧光 知諸法實相 無間无障碍
是行菩提道 是乘名大乘 不可思議乘
患客受衆生 猶不盡其量 一切諸乘中

是乘為第一如是大乘者能出生餘乘
餘乘有限量不能受一切唯此無上乘
能悉受衆生若行此無量虛空之大乘
於一切衆生元有慳慳心虛空無有量
亦無有形色大乘亦如是无量無障碍
若一切衆生乘於此大乘當觀是乘相
寬博多所容無量無數劫說大乘功德
及乘此乘者不可得窮盡若人間是經
乃至持一偈永脫於諸難得到安隱處
敬念此經者捨是身已後終不墮惡道
常生天人中於後惡世時若得聞是經
我皆與授記究竟成佛道若住此經者
佛法在是人是在佛法亦能轉法輪
若人持是經能轉無量劫生死諸往來
得近於佛道若能持是經精進大智慧
是名極勇猛能破魔軍衆我於燃燈佛
住忍得受記若有樂是經我授記亦然
若人於佛後能解說是經佛雖不在世
為能作佛事

佛說是偈時五千天子皆發阿耨多
羅三藐三菩提心二千菩薩得無生
法忍十千比丘不受諸法漏盡心得
解脫三万二千人遠塵離垢於諸法

中得法眼淨

思賢覺天經卷第三 第三十九張 及

行道品第十一

丹發菩提心品第十八

余時文殊師利法王子白佛言世尊如我解佛所說義若有人發菩提願是為邪願所以者何諸有所得悉皆是邪若計得菩提而發願者是人諸所作行皆為是邪所以者何菩提不在欲界不在色界不在無色界菩提无有住處不應發願世尊譬如有人願得虛空寧得虛空不佛言不也世尊菩薩亦復如是發同虛空相菩提之願即是發虛空願菩提出過三世非是受相不可願也若菩薩起二相發菩提心作是念生死與菩提異邪見與菩提異涅槃與菩提異是則不行菩提道也

余時思益梵天謂文殊師利菩薩云何行名菩提行答言若菩薩行一切法而於法無所行是名行菩提行所以者何出過一切所行是行菩提又問云何出過一切所行是行菩提答言離眼耳鼻舌身意諸緣相是名出過一切所行又問出過有何義答言不

出過平等所以者何一切法平等即
是菩提又問云何是發菩提願答言
當如菩提又問云何為菩提答言菩
提非過去非未來非現在是故菩薩
應以三世清淨心發菩提願梵天如
過去未來現在法從本以來常不生
不生故不可說如是發願无所發願
是發一切願所以者何以是行道能
得薩婆若又問何故說言薩婆若答
言悉知一切真智慧故名薩婆若又
問何等是真智慧答言無變異相如
衆生無變異相真智慧亦无變異相
又問云何是衆生相答言假名字畢
竟離是衆生相如是相則無變異若
衆生與菩提異是為變異如菩提相
衆生亦亦是故無變異菩提不可以餘
道得但以我平等故菩提平等衆生
性平等無我故如是可得菩提是故
菩提无有變異所以者何如虛空無
變異相一切諸法亦無變異相

尔時思益梵天謂文殊師利如來是
實語者能說如是法文殊師利言如
來於法无所說何以故如來尚不得

諸法何況說法思益言如來豈不說諸
法是世間是出世間是有為是無為
耶文殊師利言於汝意云何是虛空
可說可分別不思益言不也文殊師
利言今說虛空名字以所說故有生
有滅耶思益言不也文殊師利言如
來說法亦復如是不以說故諸法有
生有滅如此說法是不可說相亦以
此法有所教誨是无所教誨所以者
何如說法性不說法性亦如是是故
說一切法住於如中是如亦無所住
思益梵天所問經卷第三

癸卯歲高麗國大藏都監奉
勅彫造

思益梵天所問經卷第四

及

姚秦龜茲國三藏鳩摩羅什譯

稱歎品第十二

丹無此品名

今時釋梵四天王俱在會中即以天花散於佛上而作是言世尊若善男子善女人聞文殊師利說是法有信解者當知是人能破魔怨所以者何文殊師利今所說法能破一切邪見妄想世尊若善男子善女人聞是法不驚不怖當知是不從小功德來若是經所在之處當知此處則為諸佛擁護受用若聞是經處當知此處轉於法輪是經在所在處聚落村邑山林曠野塔寺僧坊經行之處諸魔外道貪著之人不能侵燒世尊若人多供養過去諸佛乃能得聞如是經典世尊我等於此經中得智慧光明而不能得報佛及文殊師利思益梵天之恩世尊我等所從聞經於是法師生世尊想我等常當隨侍說是經者此善男子常為諸天之所擁護若人書寫是經讀誦解說時無量諸天

為聽法故來至其所

思益梵天經卷第四

第張

及

論

詠德品第十三

丹無此品名

今時世尊讚釋梵四天王等大眾言
善哉善哉如汝所說若三千大千世
界滿中珍寶以為一分聞是經者所
得功德以為一分福勝於彼置是三千
大千世界若恒河沙等十方世界滿
中珍寶聞是經者所得功德復勝於
彼諸善男子若欲得功德者當聽是
經欲得身色端正欲得財富欲得眷
屬欲得自在欲得具足天樂人樂欲
得名稱欲得多聞憶念堅固正行威
儀戒定智慧解達經書欲得善知識
欲得三明六通欲得一切善法欲得阿
耨多羅三藐三菩提欲得與一切衆
生樂具欲得涅槃者當聽是經受持
讀誦如法修行廣為人說諸善男子
若行是經者我不見其人不得如此
具足快樂諸善男子我今語汝若人
所從聞是經處若和上若阿闍梨我
不見世間供養之具能報其恩是法
出於世間世間供養所不能報是法
度於世間世間財物所不能報是法

無染染汙之物所不能報諸善男子
是法餘無能報惟有一事如說修行
若人於此法中能如說行者是名能
報師恩亦為恭敬於師淨畢報恩是
名不空食人信施是名順如來語順
如來教是名越渡諸流是名過諸險
道是名建立勝幢是名能破敵陣是
名師子之王無所畏故是名爲王心
柔軟故是名牛王外道論師無能壞
故是名醫王能療一切衆生病故是
名無所驚怖能說甚深法故是名能
具足捨捨諸煩惱故是名持清淨戒
究盡善法故是名得大忍辱離我我
所故是名大精進力於無量劫心无
倦故是名具足禪定常念繫心住一
處故是名有大智慧善解言說諸章
句故是名有大威德以無量福莊嚴
身相故是名有大威德能蔽日月諸
光明故是名大力持佛十力故是名
大雲能震法雷故是名大雨能滅煩惱
塵故是名爲舍至涅槃故是名大救
救生死畏故是名燈明離無明闇故
是名歸趣魔所怖者之所依故是名

衆生究竟之道是名得位坐道場故
是名已得法眼是名見諸法如是名
知空法相是名安住大悲是名安立
大慈是名不捨一切衆生是名背於
小乘是名向於大乘是名除捨顛倒
是名至於平等是名入於法位是名
安住道場是名破壞諸魔是名轉於
法輪諸善男子我若一切若減一切
稱揚讚歎說是如說修行功德不可
窮盡如來之辯亦不可盡

等行品第十四

丹無此品名

今時會中有天子名不退轉白佛言
世尊所說隨法行隨法行者為何謂
耶佛告天子隨法行者不行一切法
所以者何若不行諸法則不分別是
正是邪如是行者則不行善不行不善
不行有漏不行無漏不行世間不行
出世間不行有為不行无為不行生
死不行涅槃是名隨法行若起法相
者是則不名隨法行也若念言我行
是法是則戲論不隨法行若不受一
切法則隨法行於一切法無憶念無
分別無所行是名隨法行今時不退

轉天子白佛言世尊若能如是隨法行者是人畢竟不復邪行所以者何正行者名為畢竟住邪道者無隨法行住正道者有隨法行世尊行正行者無有邪法所以者何諸法平等无差別故尔時思益梵天謂不退轉天子汝於此中隨法行不答言若世尊所說法中有二相者我當行隨法行今以無二相是隨法行於中行者及所行法俱不可得梵天我以不二法行隨法行離諸分別故如諸法如行是名隨法行思益言汝未曾見此佛土耶天子言此佛土亦未曾見我思益言此佛土不能思惟分別見與不見天子言我亦不思惟分別曾於佛土見與不見思益言何人未見能見答言一切凡夫未見聖法位若能入者是為先所未見而見是法位相非眼所見非耳鼻舌身意識所知但應隨如相見如眼如乃至意如法位如亦如是若能如是見者是名正見授不退轉天子記品第十五

客主入於寶洲其所見皆是寶物如是成就不可思議功德者有所樂說皆是法寶所樂說者皆是實際所樂說者於諸法中無所貪著不著彼我所樂說者皆是真實无有顛倒所樂說者過去際空未來際不可得現在際不起見所樂說者不信解者得信解信解者得解脫所樂說者破增上慢无增上慢者自說所作已辦所樂說者魔不得便所聽法者超度魔事所樂說者未生善法令生已生善法令得增長所樂說者已生諸煩惱令斷未生諸煩惱令不生所樂說者未大莊嚴者令大莊嚴已大莊嚴者令不退轉所樂說者不斷滅諸法而護佛法世尊以是樂說能降伏一切外道所以者何一切野干不能於師子王前自現其身况聞其吼世尊一切外道諸論議師不能堪忍無上師子之吼亦復如是

八幡余時佛告下丹為梵行
車強精進品第二十

尔時不退轉天子謂釋提桓因憍尸迦所言師子吼師子吼者為何謂耶答言若行者說法无所貪著是名師子

吼若行者貪著所見而有所說是野
干鳴不名師子吼起諸邪見故天子
汝當復說所以為師子吼者天子言
憍尸迦有所說法乃至如來尚不貪
著何況餘法是名師子吼又憍尸迦
如說修行名師子吼決定說法名師
子吼說法无畏名師子吼又憍尸迦
若行者為不生不滅不出故說法名
師子吼若為無垢无淨無合无散故
說法名師子吼又憍尸迦師子吼名
決定說一切法無我无衆生師子吼
名決定說諸法空師子吼名守護法
故而有所說師子吼名作是願言我
當作佛滅一切衆生苦惱師子吼名
於清淨所湏物中少欲知足師子吼
名常能不捨阿蘭若住處師子吼名
行施唱導師子吼名不捨持戒師子
吼名等心怨親師子吼名常行精進
不捨本願師子吼名能除煩惱師子
吼名以智慧善知所行說是師子吼
法時三千大千世界六種震動百千伎
樂不鼓自鳴其大光明普照天地百
千諸天踊躍歡喜言我等聞不退轉

天子說師子吼法於閻浮提垂見轉法輪時佛微笑諸佛常法若微笑時若干百千種青黃赤白紅紫等光從口中出普照無量無邊世界上過梵世蔽日月光還繞身三匝從頂相入於是思益梵天向佛合掌以偈讚曰
度一切慧最勝尊 悉知三世衆生行
智慧功德及解脫 唯願演說笑因緣
佛慧無量無障導 聲聞緣覺所不及
知衆生心隨意說 願衆上尊說笑緣
佛光可樂淨無穢 普照天人蔽日月
須弥鐵圍及衆山 願無比尊說笑緣
大聖寂然離瞋恨 天人瞻仰無厭足
一切皆蒙得快樂 願為分別笑因緣
通達諸法空无我 水沫雲露夢所見
水中月影虛空相 願以妙音說笑緣
離分別想諸邪見 了空無相及无作
常樂禪定寂然法 願說放此淨光緣
不著文字言音聲 說不依法及衆生
彼各自謂為我說 願神通智說笑緣
佛為醫王滅衆病 那羅延力救世者
趣舍燈明究竟道 天人供養說笑緣
尔時佛告思益梵天汝見是不退轉天

子不唯然已見梵天此不退轉天子
從今已後過三百二十萬阿僧祇劫
當得作佛号須弥燈王如來應供正
遍知明行足善逝世間解無上士調
御丈夫天人師佛世尊世界名妙化劫
名梵歎其佛國土以閻浮檀金琉璃
為地純以菩薩為僧无諸魔怨所湏
之物應念即至佛壽無量不可計數
於是思益梵天謂不退轉天子如來
今已授仁者記天子言梵天如與如
法性受記與我受記亦復如是思益
言如法性不可授記天子言如法性
不可授記者當知一切菩薩受記亦
復如是思益言若如來不與汝記汝
於過去諸佛所則為空住梵行天子
言若無所住是住梵行思益言云何
无住而住梵行荅言若不住欲界不
住色界不住無色界是住梵行又梵
天若行者不住我不住衆生不住壽命
者不住人者是住梵行以要言之若不
住法不住非法是住梵行又問梵行者有
何義荅言住不二道是梵行義又問
住不二道為住何所荅言住不二道

是即不住一切諸法所以者何衆賢
聖無所住不取於法能度諸派又問
云何為修道答言不墮有不墮无亦
不分別是有是無習如是者名為修
道又問以何法修道答言不以見聞
覺知法不以得不以證於一切法無
相无示名為修道又問何謂菩薩牢
强精進答言若菩薩於諸法不見一
相不見異相是名菩薩牢强精進大
莊嚴也於諸法不壞法性故於諸法
无著無斷无增無減不見垢淨出於
法性是名菩薩第一精進所謂身無
所起心無所起於是世尊讚不退轉
天子善哉善哉讚已語思益梵天言
如此天子所說身無所起心無所起
是為第一牢强精進梵天我念宿世
一切所行牢强精進持戒頭陀於諸
師長供養恭敬在空閑處專精行道
讀誦多聞愍念衆生給其所須一切
難行苦行懇懃精進而過去諸佛不
見授阿耨多羅三藐三菩提記所以
者何我住身口心起精進相故梵天
我後得如天子所說牢强精進故然

燈佛授我記言汝於來世當得作佛
号釋迦牟尼是故梵天若菩薩疾欲
受記應當修習如是牢強精進謂於
諸法不起精進相世尊何等是不起
相精進佛言三世等空精進是名不
起相精進世尊云何為三世等空精
進佛言過去心已滅未來心未至現
在心無住若法滅不復更起若未至
即无生相若無住即住實相又實相
亦無有生若法无生則無去來今若
无去來今者則從本已來性常不生
是名三世等空精進能令菩薩疾得
受記梵天菩薩成就如是法忍者能
了達一切法無所捨是名檀波羅蜜
了達一切法无漏是名尸波羅蜜了
達一切法無傷是名羂提波羅蜜了
達一切法无所起是名毗梨耶波羅
蜜了達一切法平等是名禪波羅蜜
了達一切法無所分別是名般若波羅
蜜若菩薩如是了達則於諸法无增
無減无正無邪是菩薩雖布施不求
果報雖持戒无所貪著雖忍辱知内
外空雖精進知無起相雖禪定无所

依止雖行慧無所取相梵天菩薩成
就如法忍雖示現一切所行而無
所染汙是人得世間平等相不為利
衰毀譽稱譏苦樂之所傾動出過一
切世間法故不自高不自下不喜不
感不動不逸无二心離諸緣得無二
法為隨見二法衆生起大悲心為其
受身而教化之梵天是名第一牢強
精進所謂得無我空法忍而於衆生起
大悲心為之受身說是牢強精進相
時八十菩薩得无生法忍佛為受記
皆當得阿耨多羅三藐三菩提各於
異土得成佛道皆同一号号堅精進
尔時大迦葉白佛言世尊譬如諸大
龍若欲雨時雨於大海此諸菩薩亦
復如是以大法雨雨菩薩心佛言迦
葉如汝所說諸大龍王所以不雨閻
浮提者非有怪也但以其地不堪受
故所以者何大龍所雨澍如車軸若
其雨者是閻浮提及城邑聚落山林
陂池悉皆漂泳如漂棄葉是故大龍
不雨大雨於閻浮提如是迦葉此諸
菩薩所以不雨法雨於餘衆生者亦

無恚心以其器不堪受如是等法是
故此諸菩薩但於甚深智慧无量大
海菩薩心中雨如是等不可思議無
上法雨迦葉又如大海堪受大雨澍
如車軸不增不減此諸菩薩亦復如
是若於一劫若復百劫若聽若說其
法湛然不增不減迦葉又如大海百
川衆流入其中者同一鹹味此諸菩
薩亦復如是聞種種法種種論議皆
能信解為一空味

前福尔時大迦葉下月本
為海喻品第二十一

迦葉又如大海澄淨无垢濁水流入
即皆清潔此諸菩薩亦復如是淨諸
結恨塵勞之垢迦葉又如大海甚深
無底此諸菩薩亦復如是能思惟入无
量法故名為甚深一切聲聞辟支佛
不能測故名為无底迦葉又如大海
集無量水此諸菩薩亦復如是集無
量法无量智慧是故說諸菩薩心如
大海迦葉又如大海積聚種種無量
珍寶此諸菩薩亦復如是入種種法
門集諸法寶種種行道出生無量法
寶之聚迦葉又如大海有三種寶一
者少價二者有價三者無價此諸菩

薩所可說法亦復如是隨諸衆生根
之利鈍令得解脫有以小乘而得解
脫有以中乘而得解脫有以大乘而
得解脫迦葉又如大海漸漸轉深此
諸菩薩亦復如是向薩婆若漸漸轉
深迦葉又如大海不宿死屍此諸菩
薩亦復如是不宿聲聞辟支佛心亦
不宿慳貪毀戒瞋恚懈怠亂念愚癡
之心亦不宿我人衆生之見迦葉又
如劫盡燒時諸小陂池江河泉源在
前枯竭然後大海乃當消盡正法滅
時亦復如是諸行小道正法先盡然
後菩薩大海之心正法乃滅迦葉此
諸菩薩寧失身命不捨正法汝謂菩
薩失正法耶勿造斯觀迦葉如彼大
海有金剛珠名集諸寶乃至七日出
時火至梵世而此寶珠不燒不失轉
至他方大海之中若是寶珠在此世
界世界燒者無有是處此諸菩薩亦
復如是正法滅時七邪法出乃至
於他方世界何等七一者外道論
二者惡知識三者邪用道法四者平
相惱亂五者入邪見棘林六者不修

福德七者無有得道此七惡出時是
諸菩薩知諸衆生不可得度尔乃至
於他方佛國不離見佛聞法教化衆
生增長善根迦葉又如大海為無量
衆生之所依止此諸菩薩亦復如是
之樂迦葉又如大海鹹不可飲此諸
菩薩亦復如是諸魔外道不能吞滅
於是大迦葉白佛言世尊大海雖深
尚可測量此諸菩薩不可測也佛告
迦葉三千大千世界微塵猶可數知
此諸菩薩功德無量不可數也尔時
世尊欲重宣此事而說偈言

譬如大海能悉受 一切衆水無滿時
此諸菩薩亦如是 常求法利无厭足
又如大海納衆流 一切悉歸無損益
此諸菩薩亦如是 聽受深法无增減
又如大海不受濁 濁水流入悉清淨
此諸菩薩亦如是 不受一切煩惱垢
又如大海无涯底 此諸菩薩亦如是
功德智慧無有量 一切衆生不能測
又如大海无別異 百川流入皆一味
此諸菩薩亦如是 所聽受法同一相

又如大海所以成 非但為一衆生故
此諸菩薩亦如是 普為一切發道心
如海寶珠名集寶 因是寶故有衆寶
菩薩寶聚亦如是 從菩薩寶出諸寶
如大海出三種寶 而此大海无分別
菩薩說法亦如是 三乘度人無彼此
又如大海漸漸深 此諸菩薩亦如是
為衆生故修功德 迴向甚深薩婆若
又如大海不宿死 此諸菩薩亦如是
發清淨心菩提願 不宿聲聞煩惱心
如大海有堅牢寶 其實名曰集諸寶
劫盡燒時終不燒 轉至他方諸佛國
正法滅時亦如是 堅精進者能持法
知諸衆生不可度 轉至他方諸佛所
三千世界欲壞時 火劫將起燒天地
百川衆流在前涸 余時水王於後竭
行小道者亦如是 法欲盡時在前滅
菩薩勇猛不惜身 護持正法後乃盡
若佛在世滅度後 是心中法寶不滅
深心清淨住是法 以此善法修行道
百千衆生像止海 海成非為一衆生
菩薩發心亦如是 為度一切衆生故
十方世界諸大海 猶尚可得測其量

是諸菩薩所行道	聲聞緣覺不能測
迦葉當知諸菩薩	勇猛精進迴向心
願欲作佛度衆生	尚無與等何況勝
是德寶聚如大海	是可供養良福田
是為最上大醫王	能療一切衆生病
是世歸依作救護	洲渚燈明究竟道
能與世間無明眼	得眼則能服甘露
是為世間諸法王	是為帝釋决斷智
是為梵王行四禪	是為能轉梵法輪
是為大智導世師	示諸邪徑正真道
是為勇猛能破魔	是為清淨除惱穢
是修白法如滿月	光明高顯猶如日
智慧超出如須弥	猶如密雲雨甘露
是无所畏如師子	是心調柔如象王
是則譬如金剛山	一切外道不能壞
是則清淨猶如水	是有威猛如大火
是則如風無障尋	是則如地无能動
是拔惱憊我根等	是如藥樹无分別
是持淨戒如蓮花	是於世法無所染
是如優曇鉢羅花	千萬億劫時一出
是為知報佛之恩	是為不斷諸佛種
是為精進行大悲	是用慈喜而起出
是能捨離五欲心	是常求佛法寶財

是行布施為寂勝 是持淨戒无等侶
是忍辱健無疇疋 是勤精進无厭倦
是行禪定具神通 能至無量諸佛土
常見諸佛聽受法 如其所聞為人說
是知衆生所行道 隨其性欲根利鈍
是名善知方便力 是然慧燈得濟處
是能善知一切法 皆從和合因緣生
是能決了因緣相 離於我見樂平等
是能正觀於諸法 為從何來至何所
善知諸法无去來 常住法性而不動
是見有為法皆空 增益大悲濟衆生
衆生妄想起衆苦 為欲度故修行道
凡夫分別我我所 行於種種諸邪見
是能曉了法實相 為斷諸見講說法
無常為常不清淨 无我謂我苦為樂
凡夫顛倒貪著故 生死前際不可知
是能知此從顛倒 无我無人無衆生
我當如是修正道 無常我樂及不淨
迦葉當知此菩薩 我所稱讚諸功德
於其所行不可盡 猶如大地舉一塵
若發菩提心不退 三千大千供養具
若復有供過於是 悉應供養如是人
若人發心願作佛 是則恭敬供養我

於諸去來現在佛 亦皆恭敬供養已
建立法品第十六 丹天子授記品第二十二

余時思益梵天謂文殊師利法王子
當請如來護念斯經於後末世五百
歲時令廣流布文殊師利言於意云
何佛於是經有法有說有示可護念
不思益言不也梵天是故當知一切
法無說无示無有護念是法終不可
滅不可護念若欲護此法者為欲護
念虛空梵天菩薩若言欲有所受法者
即非法言所以者何出過一切言論
是名菩薩樂無諍訟梵天若有菩薩
於此衆中作是念今說是法當知是
人即非聽法所以者何不聽法者乃
為聽法梵天言何故說不聽法者乃
為聽法文殊師利言眼耳鼻舌身意
不漏是聽法也所以者何若於內六入
不漏色聲香味觸法中乃為聽法今
時會中三萬二千天子五百比丘三
百比丘尼八百優婆塞八百優婆夷
聞文殊師利所說皆得無生法忍得
是忍已作是言如是如是文殊師利
如仁者所說不聽法者乃為聽法

今時思益梵天問得忍諸菩薩言汝等豈不聽是經耶諸菩薩言如我等聽以下聽為聽又問汝等云何知是法耶答言以不知為知又問汝等得何等故名為得忍答言以一切法不可得故我等名為得忍思益言云何隨是法行答言以不隨行故隨行又問汝等於此法中明了通達耶答言一切諸法皆明了通達無彼我故今時會中有天子名淨相謂思益梵天若有但聞此經佛不與受記者我當授其阿耨多羅三藐三菩提記所以者何此經不破因果能生一切善法能壞魔怨離諸憎愛能令衆生心得清淨能令信者皆得歡喜除諸瞋恨斯經一切善人之所修行斯經一切諸佛之所護念斯經一切世間天人阿修羅所共守護斯經決定至不退轉故斯經不誑至道場故斯經真實能令衆生得諸佛法斯經能轉法輪斯經能除疑悔斯經能開聖道斯經求解脫者所應善聽斯經欲得陀羅尼者所應善持斯經求福之人所應

善說斯經樂法之人所應善念斯經
能與快樂至於涅槃斯經若魔外道
有所得人所未能斷斯經應受供養
人能隨其義斯經能令利根者欣悅
斯經能令智慧者歡喜斯經能與人
慧離諸見故斯經能與人智破愚癡
故斯經文辭次第善說斯經究竟善
隨義說斯經多所利益說第一義斯
經愛樂法人之所貪惜斯經有智之
人所未能離斯經施者之大藏斯經熱
惱者之清涼池斯經能令慈者心等斯
經能令懈怠者精進斯經能令妄念者
得定斯經能與愚者慧明梵天斯經
一切諸佛之所貴重淨相天子說是
法時三千大千世界皆大振動佛即
讚言善哉善哉天子如汝所說

尔時思益梵天白佛言世尊是天子
曾於過去諸佛所聞是經耶佛言是
天子已於六十四億諸佛所得聞是
經過四万二千劫當得作佛号寶莊
嚴國名多寶於其中間有諸佛出皆
得供養亦聞是經梵天是諸比丘比
丘尼優婆塞優婆夷諸天龍鬼神在

此會中得法忍者皆當得生多寶國土
尔時淨相天子白佛言世尊我不求
菩提不願菩提不貪菩提不樂菩提
不念菩提不分別菩提云何如來見
授記耶佛告天子如以草木莖節枝
葉投於火中而語之言汝等莫然汝
等莫然若以是語而不然者無有是
處天子菩薩亦如是雖不喜樂貪著
菩提當知是人已為一切諸佛所記
所以者何若菩薩不喜不樂不貪不
著不得菩提則於諸佛必得受阿耨
多羅三藐三菩提記尔時會中有五
百菩薩白佛言世尊我等今不求菩
提不願菩提不喜樂菩提不貪著菩
提不思念菩提不分別菩提作是語
已以佛神力即見上方八万四千諸
佛授其阿耨多羅三藐三菩提記
尔時五百菩薩白佛言未曾有也世
尊如來所說甚善快哉所謂菩薩不
求不願不貪不喜不得菩提而諸佛
授記世尊我等今見上方八万四千
諸佛諸佛皆與我等受阿耨多羅三
藐三菩提記

諸天歎品第十七思益梵天經卷第四 第二十三張及如來神呪品第二十三

尔時文殊師利白佛言惟願世尊護念是法於當來世後五百歲廣宣流布此間淨提令得久住又令大莊嚴善男子善女人咸得聞之設魔事種種起而能不隨魔若魔民亦不得便以受持是經故終不退失阿耨多羅三藐三菩提尔時佛告文殊師利如是如是汝今善聽欲令此經久住故當為汝說云諸天龍夜叉乾闥婆阿修羅迦樓羅茶等呪術若法師誦持此呪則能致諸天龍夜叉乾闥婆阿修羅迦樓羅緊那羅摩睺羅伽等常隨護之是法師若行道路若失道時若在聚落若在空中若在僧房若在宴室若經行處若在衆會是諸神等常當隨侍衛護益其樂說辯才又復為作堅固憶念慧力因緣無有怨賊得其便者使是法師行立坐卧一心安詳文殊師利何等為呪術章句

鬘頭餘一頭頭餘二摩餘三遮餘四魔餘五梯餘緹餘六弥餘七睺樓八睺樓九睺樓十埵婆餘十一聾多餘十二翹丘餘十三

阿那祇

古伽

帝

十五

摩醯

十九

摩那

七

婆

摩祇

十八

婆睺

九

地薩

十

波樓

十一

帝

婆伽

十二

帝

十三

頭

十四

南無

十五

佛

帝

十六

摩

十七

涅

十八

伽

十九

陀

祇

二十

婆

二十一

扇

二十二

陀

二十三

祇

薩

二十四

婆

二十五

波

二十六

祇

二十七

魔

帝

二十八

祇

二十九

彌

三十

浮

三十一

提

履

三十二

薩

三十三

婆

三十四

浮

三十五

多

伽

三十六

舍

三十七

多

三十八

阿

三十九

羅

提

四十

佉

四十一

提

四十二

薩

四十三

婆

浮

四十四

多

四十五

伽

四十六

舍

四十七

多

阿

四十八

羅

四十九

提

五十

佉

五十一

提

薩

五十二

婆

五十三

浮

五十四

多

五十五

伽

舍

五十六

多

五十七

阿

五十八

羅

五十九

提

佉

六十

提

六十一

薩

六十二

婆

六十三

浮

多

六十四

伽

六十五

舍

六十六

多

六十七

阿

羅

六十八

提

六十九

佉

七十

提

七十一

薩

婆

七十二

浮

七十三

多

七十四

伽

七十五

舍

多

七十六

阿

七十七

羅

七十八

提

七十九

佉

提

八十

薩

八十一

婆

八十二

浮

八十三

多

伽

八十四

舍

八十五

多

八十六

阿

八十七

羅

提

八十八

佉

八十九

提

九十

薩

九十一

婆

調柔惡言能忍顏色和悅無惡安容
先意問訊除去憍慢同心歡樂文殊
師利此諸法師住如是法誦是呪術
即於現世得十種力何等為十得念
力不忘失故得慧力善擇法故得行
力隨經意故得堅固力行生死故得
慚愧力護彼我故得多聞力具足慧
故得陀羅尼力一切聞能持故得樂
說辯力諸佛護念故得深法力具五
通故得無生忍力速得具足薩婆若
故文殊師利若法師能住是行誦持
呪術現世得是十力佛說是呪術力
時四天王驚怖毛豎與无量鬼神眷
屬圍遶前詣佛所頭面禮足白佛言
世尊我是四天王得須陀洹道順佛
教者我等各當率諸親屬營從人民
衛護法師若善男子善女人護念法
者能持如是等經讀誦解說我等四
天王常往衛護是人所在之處若城
邑聚落若空閑靜處若在家若出家
我等及眷屬常當隨侍供給令心安
隱無有厭倦亦使一切無能燒者世
尊又是經所在之處而五十里若天天

子若龍龍子若夜叉夜叉子若鳩脰
茶鳩脰茶子等不能得便今時毗樓
勒迦護世天王即說偈言

我所有眷屬親戚及人民 皆當共衛護
供養是法師

今時毗樓婆叉天王即說偈言

我是法王子 從法而化生 求菩提佛子
我皆當供給

今時捷獸羅吒天王即說偈言

若有諸法師 能持如是經 我常當衛護
周遍於十方

今時毗餘婆那天王即說偈言

是人發道心 所應受供養 一切諸衆生
無能辦之者

今時毗餘婆那天王子名曰善寶持
七寶蓋奉上如來即說偈言

世尊我今當 受持如是經 亦為他人說
我有如是心 世尊知我心 及先世所行
從初所發意 至誠求佛道 世尊无見頂
今奉此妙蓋 願我得如是 無見之頂相
我以愛敬心 瞻仰於世尊 願成清淨眼
得見弥勒佛 度智慧世尊 即時以偈答
汝於此命終 即生兜術天 從兜術下生

得見弥勒佛 二万歲供養 今乃行出家
既得出家已 淨修於梵行 賢劫中諸佛
一切悉得見 亦得供養之 於彼修梵行
過六十億劫 汝當得成佛 号名為寶蓋
國土甚嚴淨 唯有菩薩僧 為講說妙法
壽命盡一劫 若滅度已後 正法住半劫
利益諸衆生

今時釋提桓因與無數百千諸天圍
遶白佛言世尊我今亦當衛護能持
如是比經諸法師等供養供給是經
所在之處若讀誦解說我為聽受法
故往詣其所又當增益法師氣力法
句次第令不漏失

今時釋提桓因子名曰劬婆伽持真
珠蓋七寶莊嚴奉上如來即說偈言
我常現了知世尊之所說 亦當如是行
求佛一切智 世尊於前世 無物不施與
我當隨此行 亦捨諸所有 我今法王前
受持如是經 當數為人說 以報如來恩
若愛念是經 是即與我同 我當供養之
為得菩提故 世尊聲聞人 不能守護法
於後恐怖世 我當護是經 世尊安慰我
又斷諸天疑 我今當久如 得佛如世尊

佛通達智慧 即時與受記 汝後當作佛
如我今無異 過於千億劫 又復過百億
尔乃得成佛 号曰為智王

尔時娑婆世界主梵天王白佛言世
尊我捨禪定樂往詣法師若善男子
善女人能說是法者所以者何從如
是等經出帝釋梵王諸豪尊等世尊
我當供養是諸善男子是諸善男子
應受一切世間天人阿修羅之所供
養尔時妙梵天王即說偈言

比丘比丘尼 諸清信士女 其能受是經
是世供養處 乃至有一人 能行是經者
我要當為之 演說如是經 敷眾妙花座
高至于梵天 於此座上坐 演說如是經
若於惡世中 所從聞此經 應發希有心
踊躍稱善哉 若無量世界 大火悉充滿
要當從中過 往聽如是經 能開佛道經
若欲得聞者 積寶如須弥 應盡供是人
囑累品第十八 卅第三十四

尔時世尊現神通力令魔波旬及其
軍眾來詣佛所作是言世尊我與眷
屬今於佛前立此誓願是經所流布
處若說法者及聽法者并彼國土不

起魔事亦當擁護是經。今時世尊放
金色光照此世界。告文殊師利言。如
來今護念是經。利益諸法師。故是經
在閻浮提。隨其歲數。佛法不滅。今時
會中衆生。以一切花。一切香。一切末
香。而散佛上。作是言。世尊。願使是經
久住閻浮提。廣宣流布。於是佛告阿
難。汝受持是經。不阿難言。唯然。受持。阿
難。我今以是經。囑累於汝。受持讀誦。
為人廣說。阿難白佛言。世尊。若人受
持是經。讀誦解說。得幾所功德。佛告
阿難。隨是經。所有文字章句之數。盡
壽以一切樂具。供養。今所諸佛及僧。
若人乃至供養。是經。卷恭敬尊重。讚
歎其福。為勝是人。現世得十一功德之
藏。何等為十一。一見佛。藏得天眼。故聽法
藏。得天耳。故見僧。藏得不退轉。菩薩僧
故。無盡財。藏得寶手。故色身藏。具三
十二相。故眷屬藏。得不可壞眷屬。故
所未聞法。藏得陀羅尼。故憶念藏。得
樂說辯。故无所畏。藏破壞一切外道
論。故福德藏。利益衆生。故智慧藏。得
一切佛法。故佛說是經時。七十一。那

由他衆生得無生法忍無量衆生發
阿耨多羅三藐三菩提心無數衆生
不受諸法漏盡心得解脫今時阿難
即從坐起偏袒右肩頭面礼佛足白
佛言世尊當何名此經云何奉持佛
告阿難此經名為攝一切法亦名莊
嚴諸佛法又名思益梵天所問又名
文殊師利論議當奉持之佛說是經
已文殊師利法王子及思益梵天等
行菩薩長老摩訶迦葉慧命阿難及
諸天衆一切世人受持佛語皆大
歡喜

思益梵天所問經卷第四

癸卯歲高麗國大藏都監奉
勅彫造

勝思惟梵天所問經卷第一

及

元魏天竺三藏菩提流支譯

歸命一切諸佛菩薩如是我聞一時
婆伽婆住王舍城迦蘭陀竹林與大
比丘僧六万四千人俱菩薩摩訶薩
七万二千人皆是智者之所識知得
具足陀羅尼得無障導樂說辯才得
諸三昧得大神通奮迅无導畢竟得
無所畏如實善知諸法體相得无生
法忍其名曰文殊師利法王子寶手
法王子寶印手法王子寶德法王子
虛空藏法王子發心轉法輪法王子
網明法王子奮迅法王子功德藏法
王子能捨一切法法王子鉢頭摩莊
嚴法王子師子法王子月光法王子
月明法王子寔勝意法王子一切莊
嚴法王子

跋陀婆羅等上首十六大賢士其名
曰跋陀婆羅菩薩寶積菩薩善將導
菩薩人德菩薩善護德菩薩大海德
菩薩帝釋王德菩薩上意菩薩勝意
菩薩增上意菩薩不空見菩薩善住

菩薩善奮還菩薩无量意菩薩不休
息菩薩曰藏菩薩持地菩薩如是等
菩薩摩訶薩七万二千人及四天王
天帝釋王上首三十三天夜摩天兜
率陀天化樂天他化自在天及梵王
等諸餘梵天并餘無量天龍鬼神夜
叉乾闥婆阿修羅迦樓羅緊那羅摩
睺羅伽人與非人普皆來集余時世
尊有百千万大衆集會恭敬圍遶而
為說法

余時網明童子菩薩即從坐起整服
右肩右膝著地頂礼佛足合掌向佛
動此三千大千世界觀察三千大千
世界一切衆生而白佛言世尊我欲
少問若佛聽者乃敢諮請佛言網明
恣汝所問我當解說悅可余心於是
網明童子菩薩既蒙聽許心大歡喜
即白佛言世尊如来身相超百千万
日月光明我自惟念若有衆生能見
佛身及思惟者甚為希有我復思惟
若有衆生能見佛身及思惟者皆是
如来威神之力
佛言網明如是如是如汝所言若佛

如來不加威神衆生無有能見佛身
及思惟者亦無有能問如來者何以
故網明如來有光名寤莊嚴若以此
光觸諸衆生遇斯光者能見佛身思
惟佛身不壞眼根網明如來有光名
無畏辯若以此光觸諸衆生遇斯光
者能問如來其辯無盡網明如來有
光名集一切諸善根本若以此光觸
諸衆生遇斯光者能問如來轉輪聖
王行業因緣如來有光名淨莊嚴若
以此光觸諸衆生遇斯光者能問如來
天帝釋王行業因緣如來有光名曰
自在若以此光觸諸衆生遇斯光者
能問如來大梵天王行業因緣如來
有光名離煩惱若以此光觸諸衆生
遇斯光者能問如來聲聞乘人所行
之道如來有光名善遠離若以此光
觸諸衆生遇斯光者能問如來緣覺
乘人所行之道如來有光名益一切
智智若以此光觸諸衆生遇斯光者
能問如來寂上佛乘大乘之道如來
有光名曰往益佛來去時足下光明
若以此光觸諸衆生遇斯光者隨所

壽終生於天上如來有光名一切莊嚴若佛入城放斯光明衆生遇者得樂歡喜諸莊嚴具莊嚴其城如來有光名曰分散若以此光觸諸世界無量無邊世界震動

如來有光名曰生樂若以此光觸諸衆生能滅地獄衆生苦惱如來有光名曰上慈若以此光觸諸衆生能令畜生不相煞害如來有光名曰涼樂若以此光觸諸衆生能滅餓鬼飢渴熱惱如來有光名曰明淨若以此光觸諸衆生能令盲者得眼能視如來有光名曰聽聰若以此光觸諸衆生能令聾者得耳聞聲如來有光名曰止息若以此光觸諸衆生住十不善惡業道者能令安住十善業道如來有光名曰慚愧若以此光觸諸衆生能令狂者皆得正念如來有光名曰離惡若以此光觸諸衆生令邪見者皆得正見如來有光名曰能捨若以此光觸諸衆生能令慳者破慳貪心修行布施如來有光名無悔熱若以此光觸諸衆生令毀禁者皆得持戒

如來有光名曰安樂若以此光觸諸
衆生能令瞋者皆行忍辱如來有光
名曰勤修若以此光觸諸衆生令懈
怠者皆行精進如來有光名曰一心
若以此光觸諸衆生令忘念者皆得
禪定如來有光名曰能解若以此光
觸諸衆生令愚癡者皆得智慧如來
有光名無垢淨若以此光觸諸衆生
令不信者皆得正信如來有光名曰
能持若以此光觸諸衆生令少聞者
皆得多聞如來有光名曰威儀若以
此光觸諸衆生无慚愧者皆得慚愧
如來有光名曰安隱若以此光觸諸
衆生令多欲者斷除婬欲如來有光
名曰歡喜若以此光觸諸衆生令多
怒者斷除瞋恚如來有光名曰照明
若以此光觸諸衆生令多癡者觀十
二緣斷除愚癡如來有光名曰遍行
若以此光觸諸衆生令等分者斷除
等分

網明如來有光名曰示現一切種色
若以此光觸諸衆生能令遇者皆見
佛身種種異色無量種色過百千萬色

網明當知如來若以一劫若餘殘劫
依於如來光明說法不可窮盡是故
如來應正遍知光明功德無量無邊
不可窮盡

今時網明童子菩薩白佛言希有世
尊如來示現無量無邊身光莊嚴不
可思議方便善巧相應說法世尊我
未聞此諸光明名世尊如我解佛所
說法義世尊若有菩薩得聞如此諸
光明名能生淨信恭敬心者彼諸衆
生畢竟定得如來如是光明之身世
尊惟願今放請菩薩光覺諸菩薩今
他方菩薩善問難者皆悉覺知既覺
知已發心來此娑婆世界既來此已
問於如來供養如來問答如來

今時世尊既受網明菩薩請已即放
光明照於他方無量無邊諸佛世界
於是諸方無量菩薩依佛光明觸其
身故皆來至此娑婆世界今時東方
過七十二恒河沙等諸佛國土有佛
國土名曰清淨彼中有佛号月光明
如來應正遍知現在現命現住惟為
諸菩薩摩訶薩說清淨法彼佛國土

有菩薩梵天名勝思惟住不退輪蒙
佛光明解其身已到彼佛所頂礼佛
足自言世尊何因何緣於此世界大
光明現月光明佛告言梵天西方去
此過七十二恒河沙等諸佛世界有
佛世界名曰娑婆彼中有佛号釋迦
牟尼如来應正遍知現在現命現住
為衆說法是彼佛身所放光明為集
十方諸大菩薩摩訶薩故梵天言世
尊我今欲詣娑婆世界奉見彼佛供
養彼佛礼拜親近諮問問答深細意
問彼佛世尊亦欲見我其佛告言便
往梵天今正是時彼國今有若干千
億諸大菩薩現前集會梵天汝今應
以十種清淨堅固心遊彼世界所謂
於毀於譽心無增減故聞善聞惡等
以慈心故於諸愚智等以悲心故於
上中下衆生之類意常平等故於輕
毀供養心無有一故不見他人功德
過失故見種種棄皆是一味故聞三
惡道心不驚怖故於諸菩薩生世尊
想故佛出五濁生希有想故梵天汝
當依此十種清淨堅固心遊彼世界

尔時勝思惟梵天白其佛言世尊然我不敢於如来前作師子吼我所能行佛自知之時月光明如来國土餘諸菩薩白其佛言世尊我得大利不生如是國土不生如是惡衆生中其佛告言諸善男子勿作是語何以故若菩薩於此國中滿百千劫淨修梵行不如於彼娑婆世界從旦至中無瞋導心其福為勝何以故以彼世界多有垢染多有諸難彼諸衆生多有垢染多有鬭諍故即時彼國有萬二千諸菩薩等欲與勝思惟梵天俱共發來而作是言如来知我行菩薩行我等亦欲以此十心一心遊行娑婆世界見釋迦牟尼佛礼拜供養一心定意遊行彼國尔時勝思惟梵天與萬二千諸菩薩等頭面礼拜月光明佛於其國土忽然不現譬如壯士屈申臂頃一剎那頃一羅婆頃一元侯多頃到娑婆世界釋迦牟尼佛所頭面礼拜足右遶三匝却住一面尔時佛告網明菩薩言網明汝見勝思惟梵天來不網明菩薩白佛言如是世尊唯

然已見佛言網明此勝思惟梵天於一切正問諸菩薩中為最第一於一切善巧隨意所宜說法諸菩薩中為最第一於一切美妙音聲諸菩薩中為最第一於一切美妙言語諸菩薩中為最第一於一切先意問評諸菩薩中為最第一於一切應以言語供養諸菩薩中為最第一於一切無障尋言語諸菩薩中為最第一於一切密意言語諸菩薩中為最第一於一切無瞋恨心諸菩薩中為最第一於一切慈心行諸菩薩中為最第一於一切悲心行諸菩薩中為最第一於一切喜心行諸菩薩中為最第一於一切捨心行諸菩薩中為最第一於一切善問疑心諸菩薩中為最第一於一切勝思惟梵天與萬二千諸菩薩等頂禮佛足右遶三匝合掌向佛偈讚請曰世尊大名勝普聞於十方所在諸如來無不稱歎者有諸餘淨國无三惡道名捨如是妙土慈悲故生此佛名智无減與諸如來等以大悲本願處斯穢惡土若人於淨國梵行滿一切此土須臾間

行慈為取勝 若人於此土 有身口意罪
應墮三惡道 現世受得除 生此土菩薩
不應懷憂惱 設有惡道罪 頭痛則得除
此土諸菩薩 若能守護法 世世所生處
不失於正念 若人欲斷縛 滅煩惱業罪
於此土護法 增益一切智 淨土多億劫
受持清淨戒 於此娑婆國 從旦至中勝
我見安樂國 無量壽佛國 無苦及苦名
彼作福非奇 於此煩惱處 能忍不可忍
亦教他此法 其福為取勝 我礼無上尊
大悲救苦者 能忍惡眾生 說法甚為難
佛集十方界 名聞諸菩薩 聽法無厭者
廣為說佛道 釋梵天四王 諸天龍神等
皆悉欲求法 願隨信樂說 比丘比丘尼
及清信士女 是四眾普集 願時為演說
有樂佛乘者 及聲聞緣覺 佛知其深心
願悉為斷疑 不斷佛種者 能出生三寶
為是諸菩薩 我今請法王 名稱普流布
十方菩薩聞 皆悉共來集 願說無上道
法非二乘境 我等信力入 不可思議慧
惟是佛境界 我今有所請 悔過於世尊
如來無疲倦 願說菩提道
今時勝思惟 梵天偈讚歎 已白佛言

世尊云何菩薩其心堅固而不疲倦
云何菩薩所言決定而不中悔云何
菩薩增長諸善根云何菩薩無所恐
畏威儀不轉云何菩薩增長諸白法
云何菩薩善知從一地至一地云何
菩薩善知方便教化衆生云何菩薩
隨順諸衆生云何菩薩不失菩提心
云何菩薩能一其心而不散亂云何菩
薩善求於法云何菩薩善出毀禁之
罪云何菩薩善斷諸煩惱云何菩薩
善往諸大衆云何菩薩善開法施云
何菩薩得先因力不失善根云何菩
薩不由他教而能自行六波羅蜜云
何菩薩能轉捨禪定還生欲界云何
菩薩於諸佛法得不退轉云何菩薩
不斷佛種如實修行

今時世尊讚勝思惟大梵天言善哉
善哉梵天善哉梵天汝今善能問於
如來如是之義梵天汝今至心諦聽
我為汝說大梵天言如是世尊願樂
欲聞佛言梵天諸菩薩摩訶薩畢竟
成就四法其心堅固而不疲倦何等
為四一者於諸衆生起大悲心故二

者精進常不懈故三者信解生死如夢故四者正思惟無等等佛之智慧故梵天諸菩薩摩訶薩畢竟成就如是四法其心堅固而不疲倦梵天諸菩薩摩訶薩畢竟成就四法所言決定而不中悔何等為四一者決定說諸法無我故二者決定說諸生處無有樂者故三者決定常讚大乘故四者決定說罪福業不失故梵天諸菩薩摩訶薩畢竟成就如是四法所言決定而不中悔梵天諸菩薩摩訶薩畢竟成就四法增長諸善根何等為四一者持戒故二者多聞故三者布施故四者出家故是為四法梵天諸菩薩摩訶薩畢竟成就四法無所恐懼威儀不轉何等為四一者不畏不得財利故二者不畏毀辱故三者不畏惡名故四者不畏苦惱故是為四法梵天諸菩薩摩訶薩畢竟成就四法增長諸白法何等為四一者教諸衆生修行大菩提故二者布施不求果報故三者守護正法故四者以智慧教諸菩薩故是為四法梵天諸菩

薩摩訶薩畢竟成就四法善知從一地至一地何等為四一者集諸善根故二者遠離一切諸過咎故三者善知方便迴向故四者常勤精進故是為四法梵天諸菩薩摩訶薩畢竟成就四法善知方便教化衆生何等為四一者隨順衆生意故二者於他功德起隨喜心故三者悔過除罪故四者勸請諸佛故是為四法梵天諸菩薩摩訶薩畢竟成就四法隨順諸衆生何等為四一者常求利安一切衆生故二者自捨已樂故三者心和忍辱故四者除捨憍慢故是為四法梵天諸菩薩摩訶薩畢竟成就四法不失菩提心何等為四一者常憶念佛故二者所作善根不離菩提心故三者親近善知識故四者讚歎大乘故是為四法梵天諸菩薩摩訶薩畢竟成就四法能一其心而不散亂何等為四一者遠離聲聞心故二者捨辟支佛心念故三者求法無厭足故四者如所聞法廣為人說故是為四法梵天諸菩薩摩訶薩畢竟成就四法

善求於法何等為四一者於法生珍
寶想以難得故二者於法生妙藥想
療衆病故三者於法生財利想以不
失故四者於法生滅苦想至涅槃故
是為四法梵天諸菩薩摩訶薩畢竟
成就四法善出毀禁之罪何等為四
一者得無生忍以諸法內觀故二者
得無滅忍以諸法無去故三者得因
緣忍觀諸法因緣故四者得無住忍
無新无舊故是為四法梵天諸菩薩
摩訶薩畢竟成就四法善斷諸煩惱
何等為四一者正觀察故二者遠離
未來諸障增長諸白法故三者得善
法力故四者獨處遠離故是為四法
梵天諸菩薩摩訶薩畢竟成就四法
善往諸大衆何等為四一者求法不
求勝故二者恭敬心無憍慢故三者
惟求於法不自顯現故四者教人善
法不求名利故是為四法梵天諸菩
薩摩訶薩畢竟成就四法善開法施
何等為四一者守護法故二者自益
智慧亦益他人故三者行善人法故
四者示人垢淨故是為四法梵天諸

菩薩摩訶薩畢竟成就四法得先因
力不失善根何等為四一者於他闕
失不見其過故二者於瞋怒人常修
慈心故三者常說諸法因緣故四者常
念菩提故是為四法梵天諸菩薩摩
訶薩畢竟成就四法不由他教而能
自行六波羅蜜何等為四一者以施
導人故二者不說他人毀禁之罪故
三者善知攝法教化衆生故四者達
解深法故是為四法梵天諸菩薩摩
訶薩畢竟成就四法能轉捨禪定還
生欲界何等為四一者其心柔軟故
二者得諸善根力故三者善修智意
方便力故四者不捨一切諸衆生故
是為四法梵天諸菩薩摩訶薩畢竟
成就四法於諸佛法得不退轉何等
為四一者堪受無量生死故二者供
養無量諸佛故三者修行無量大慈
故四者修行無量大悲故是為四法
梵天諸菩薩摩訶薩畢竟成就四法
不斷佛種如實修行何等為四一者
不退本願故二者如實修行故三者
於諸善法大欲精進故四者深心行

於佛道故梵天諸菩薩摩訶薩畢竟
成就如是四法不斷佛種如實修行
說如是等諸四法時二萬二千諸天
及人皆發阿耨多羅三藐三菩提心
五千菩薩得無生法忍十方世界諸
來菩薩供養於佛所散天華周遍三
千大千世界積至于膝

尔時網明童子菩薩問勝思惟大梵
天言梵天佛說汝於一切正問諸菩
薩中為第一云何菩薩所問為正
問耶梵天言網明若菩薩見我故問
名為邪問非為正問見他故問名為
邪問非為正問分別法問名為邪問
非為正問網明若菩薩無我見問無
他見問無法見問名為正問非為邪
問復次網明若菩薩以生故問名為
邪問以滅故問名為邪問以是處非
處故問名為邪問網明若菩薩不以
生故問不以滅故問不以是處非處
故問名為正問復次網明若菩薩為
染故問名為邪問為淨故問名為邪
問為生死故問名為邪問為出生死
故問名為邪問為涅槃故問名為邪

問網明若菩薩不為染淨故問不為生死出生死故問不為涅槃故問名為正問何以故於法位中無染无淨無生死无涅槃故復次網明若菩薩為得故問非為正問為取故問非為正問為證故問非為正問為分別故問非為正問為知故問非為正問為依止故問非為正問為修故問非為正問為修見故問非為正問是故網明以何處無得無取无證无分別无知無依止无修無修見故問是為正問復次網明若菩薩是善法是不善法是有漏法是无漏法是有罪法是无罪法是有為法是无為法在世間法是出世間法網明如是等二法隨所依而問者名為邪問網明若菩薩不見二不見不二無相无相等行問名為正問復次網明若菩薩分別佛問名為邪問分別法問名為邪問分別僧問名為邪問分別佛國土問名為邪問分別衆生問名為邪問分別乘問名為邪問網明若菩薩於法不作一異問者名為正問復次網明

一切法正一切法邪網明菩薩言梵
天云何一切法正云何一切法邪梵
天言網明諸法不可思議故一切法
名為正若不可思議而思議者一切
法名為邪一切法寂靜名為正思惟
若不信解是寂靜者是即分別諸法
若分別諸法則入增上慢若入增上
慢隨所分別皆名邪問網明菩薩言
梵天云何名為諸法正性梵天言網
明諸法離自性離欲際是名正性
網明菩薩言梵天少有衆生能解如
是諸法正性梵天言是法正性不一
不多網明若有善男子善女人能如
是知諸法正性若已知若今知若當
知是人無有法已得無有法今得無
有法當得何以故佛說无得無分別
名為所作已辦相網明若有善男子
善女人得聞如是諸法正性勤行精
進是名如實修行彼人不戲諸法若
不戲諸法彼人無有法得若无有法
得彼人不住世間不住涅槃何以故
諸佛不得生死不得涅槃故
網明菩薩言梵天如來可不為度生

死故說法耶梵天言佛所示法有度
生死耶答言無也如來不令衆生離
於世間亦不令衆生得於涅槃梵天
言善男子以是因緣當知如來不令
衆生出於生死入於涅槃但為化度
妄想分別生死涅槃二相者耳此中
實無出於生死至涅槃者何以故諸
法平等實無有人往來生死亦无有
人入於涅槃無染无淨故

尔時世尊讚勝思惟大梵天言善哉
善哉梵天善哉梵天若有欲說諸法
正性應當如汝之所說也說是法時
二千比丘不受諸法漏盡心得解脫
如來復告大梵天言梵天我不得生
死不得涅槃何以故如來雖說生死
實無有人往來生死雖說涅槃實无
有人得涅槃者若有得入如此法門
當知是人非生死相非涅槃相今時
會中五百比丘即從坐起而作是言
若無世間无涅槃者我等便為空修
梵行為何義故修行正道諸禪三昧
三摩跋提

尔時網明菩薩法王子白佛言世尊

若有於法而起生見起滅見者世尊
彼人不過生死則於其人佛不出世
世尊若有決定見涅槃者彼人亦不
度生死亦不得涅槃何以故世尊言
涅槃者名為除滅諸相遠離一切動
一切我想一切發一切戲故世尊是
諸比丘已於如來正法出家而今墮
在外道邪見於涅槃樂中求決定相
譬如從麻出油從酪出酥世尊若人
於諸法寂滅相中求涅槃者我說是
輩為增上慢邪見外道世尊正行道
者於寂滅法不作生相不作滅相無
得无果余時網明菩薩法王子問勝
思惟大梵天言是五百比丘從此衆
座而起去者云何而為作諸方便引
導其心入此法門令得信解離惡邪
見梵天言善男子縱令使去至恒河
沙諸佛國土不能得出如此法門譬
如癡人畏於虛空捨空而走在所至
處不離虛空此諸比丘亦復如是雖
復遠去不出空相不出無相相不出
无願相又譬如人求索虛空東西馳
走言我欲得空我欲得空於空中行

而不見空此諸比丘亦復如是欲求
涅槃行涅槃中而不得涅槃何以故
言涅槃者但有名字猶如虛空但有
名字不可得取涅槃亦尔但有名字
而不可得尔時五百比丘聞說是已
不受諸法漏盡心得解脫得神通已
而作是言世尊者人乃於諸法畢竟
寂滅相中求涅槃者則於其人佛不
出世世尊我等今者非凡夫非學非
無學非阿羅漢不在世間不在涅槃
何以故以離一切動一切我想一切
發一切戲故名為諸佛出世尔時長
老舍利弗問諸比丘言汝等今者真
是沙門所作自利皆悉已辦耶諸比
丘言長老舍利弗我等今者得諸煩
惱漆不可作而作舍利弗言汝諸長
老以何意故如是說耶諸比丘言舍
利弗我等以知諸煩惱相是故說言
得諸煩惱漆不可作而作舍利弗我
意在此故如是說我已得諸煩惱漆
不可作而作舍利弗言善哉善哉汝等
今者住於福田能消供養諸比丘言
舍利弗大師世尊猶尚不能消諸供

養何況我等能消供養舍利弗言汝以何故作如是說諸比丘言舍利弗大師世尊知見法性性常淨故

尔時勝思惟梵天白佛言世尊誰是世間應受供養佛言梵天不為世法之所牽者勝思惟大梵天言世尊誰能消諸供養佛言梵天謂於諸法無所取著者梵天言世尊何者清淨堪為福田能受供養佛言梵天謂不壞菩提心者梵天言世尊誰為衆生善知識耶佛言梵天謂於一切衆生不捨慈心者梵天言世尊誰知報佛恩佛言梵天謂不斷佛種者梵天言世尊云何供養於佛佛言梵天以通達無生際故梵天言世尊誰能親近於佛佛言梵天乃至失命因緣不毀禁戒者世尊誰能恭敬於佛佛言善護六根者世尊於世間中誰名財富佛言成就七財者世尊誰名知足佛言得出世間勝般若者世尊誰為遠離佛言於三界中無所願者世尊誰為世間无諸惡行佛言能斷一切諸結使者世尊誰名樂人佛言無貪著

者世尊誰能到彼岸佛言能捨六入
者世尊誰能住彼岸佛言梵天到平
等道者世尊云何諸菩薩能增長施
佛言菩薩能為衆生說一切智心故
世尊云何諸菩薩能奉持戒佛言常
能不捨菩提心故世尊云何諸菩薩
能行忍辱佛言以見一切智心无盡
故世尊云何諸菩薩能行精進佛言
觀察一切智心不得故世尊云何諸
菩薩能行禪定佛言能覺一切智心
自性清淨故世尊云何諸菩薩能行
般若佛言於一切法无諸戲論故世
尊云何諸菩薩能行慈心佛言不生
衆生想故世尊云何諸菩薩能行悲
心佛言不生法想故世尊云何諸菩
薩能行喜心佛言不生我想故世尊
云何諸菩薩能行捨心佛言不生彼
我想故世尊云何諸菩薩安住於信
佛言信一切法無言語故世尊云何
諸菩薩住於聞慧佛言不著一切名
字法故世尊云何諸菩薩住於有慚
佛言知見內法故世尊云何諸菩薩
住於有愧佛言捨於外入故世尊云

何名為菩薩遍行一切功德處佛言
能淨身口意業今時世尊而說偈言
身淨無諸惡口淨无妄語心淨離諸垢
是菩薩遍行觀不淨無貪行慈无瞋恚
行智故無癡是菩薩遍行若在聚空野
及與處大衆威儀終不轉是菩薩遍行
信知法為佛信離名為法信知無為僧
是菩薩遍行知多欲所行多瞋癡所行
善知轉此行是菩薩遍行不依止欲界
不住色无色行如是禪定是菩薩遍行
知解諸法空及無相无願而不盡諸漏
是菩薩遍行善知聲聞乘及辟支佛乘
通達於佛乘是菩薩遍行明解於諸法
不疑道非道憎愛心平等是菩薩遍行
於過去未來及與現在世一切無分別
是菩薩遍行

勝思惟梵天所問經卷第一

癸卯歲高麗國大藏都監奉
勅彫造

勝思惟梵天所問經卷第二

及

元魏天竺三藏菩提流支譯

尔時勝思惟梵天白佛言世尊云何
菩薩過世間法現住世間法而不為
彼世法所染如實善知世間諸法隨
世間法而不為世間法之所染教化
衆生令離世間得世間法平等行於
世間而不壞世間法尔時世尊即以
偈頌答梵天曰

我說陰是世世間所依止不依止五陰
得脫世間法菩薩有智慧知世間實性
雖五陰相應而不為陰染得失及稱譏
毀譽苦樂等如此之八法常牽於世間
大智慧菩薩如實知世法見世敗壞相
處之而不動得利心不高失利心不下
其心堅不動不隨世間法得失及毀譽
稱譏苦樂等於此世八法其心常平等
知世間虛妄依二顛倒起菩薩默慧人
不行世間道世間所有道菩薩皆識知
故能於世間度衆生苦惱雖行於世間
如蓮華不染亦不壞世法通達法性故
世間行世間不知是世間菩薩行世間

明了世間相 世間虛空相 虛空亦無相
菩薩如是知 不滌於世間 如所知世間
隨知而演說 知世間性故 而不壞世間
五陰無自性 是即世間性 若人不知是
常住於世間 若見知五陰 无生亦無滅
是人行世間 而不依世間 凡夫不知法
於世起諍訟 是實是不實 住是二相中
我常不與世 起於諍訟事 世間之實相
忘已了知故 諸佛所說法 皆悉无諍訟
知世平等故 非實非妄語 若佛法決定
有實有妄語 是即為貪著 與外道无異
而今佛法中 無實无妄語 是故我常說
出世法無二 若人知世間 如是之實性
於實於虛妄 不取此惡見 如是知世間
清淨如虛空 是大名稱人 照世間如日
若人見世間 如我之所見 如斯之人等
能見十方佛 諸法從緣生 自無有定性
若知此因緣 則達法實相 若知法實相
是則知空相 若貪知空相 則為見導師
若有人得聞 如是世間相 雖行於世間
而不住世間 依止諸見人 不能及此事
云何行世間 而不依世間 若佛滅度後
有樂是忍者 佛則於其人 常現於世間

若人解達此則守護我法亦為供養我
亦是世導師若人須臾間世間性如此
是人終不為惡魔所得便為解達此義
則為大智慧是人為大富法財之施主
若知世如此亦是具禁戒彼忍力勇健
進取大精進具足諸禪定獲得大神通
智慧如寶知一切世間道若能如是行
彼成就三昧樂於寂靜處則超於般若
隨聞是法處則有佛不空如是諸菩薩
不久坐道場若有深知見如是世間性
則能降衆魔獲得無上道

如來復告聖勝思惟大梵天言梵天
如來出過世間而說世間世間集世
間滅世間滅道梵天言世間者我說
五陰名為世間貪著五陰名為世間
集五陰盡名為世間滅觀察五陰不
見二法名為世間滅道復次梵天所
言五陰五陰者但有言說於中取言
語邪見名為世間不捨是見名世間
集是見自相名世間滅隨以何道不
取是見名世間滅道梵天我意在此
是故我今即此一尋身中說世間苦世
間集世間滅世間滅道今時勝思惟

梵天白佛言世尊如佛所說四聖諦者未知何等是實聖諦佛言梵天所言苦諦非實聖諦梵天所言苦滅諦非實聖諦梵天所言滅苦道諦非實聖諦梵天若彼苦是實聖諦者一切牛猪諸畜生等應有實諦何以故以彼皆受種種苦故以是義故苦非實諦梵天若彼集是實聖諦者六道衆生應有實諦何以故以彼因集生諸趣故以是義故集非實諦梵天若彼滅是實聖諦者一切世間墮邪斷見說滅法者應有實諦何以故彼說滅法為涅槃故以是義故滅非實諦梵天若彼道是實聖諦者緣於一切有為道者應有實諦何以故以彼依有為法求離有為法故以是義故道非實諦梵天是故當知苦諦集諦滅諦道諦非實聖諦梵天實聖諦者知苦无生是名苦實聖諦知集無和合是名集實聖諦於畢竟滅法中知无生無滅是名滅實聖諦於一切法平等以不二法得道是名道實聖諦梵天實

聖諦者非妄語非實語梵天何者是妄語所謂著我者衆生者命者丈夫著人者常見者斷見者有見者離有見者生見著滅見著生死見著涅槃見梵天是名妄語梵天若不著如是見不觸如是見不取如是見是名為實語梵天若行者言我知若是名妄語若行者言我證滅是名妄語若行者言我修道是名妄語何以故以不隨順佛所許念故名妄語梵天云何隨順佛所許念謂不憶念一切諸法若不憶念一切諸法是名隨順佛所許念若行者住是念中則不住一切相若不住一切相則住實際若住實際是名不住心若不住心是人名為非實語非妄語者梵天是故當知若非實語非妄語者是名聖人實聖諦也梵天言實實者古今實故若佛出世若不出世法性常如是法界恒如是世間涅槃亦如是常如是故名為實聖諦何以故非離生死名為聖諦亦非令取涅槃名為聖諦梵天若人證如

是四諦是名實語者梵天於當來世
有諸比丘不修身不修戒不修心不
修慧是人說生相是苦諦衆緣和合
是集諦滅法是滅諦以不二法求相是
道諦梵天我說彼愚癡人是外道徒
黨墮於惡道我非其師彼人非我聲
聞弟子如是之人隨外邪道破失法
故說言有諦梵天且觀我坐道場時
不得一法是實是妄語若佛不得法
是法寧可於衆中有言說有論義有
教化耶梵天言不也世尊佛言梵天
以諸法無所得故諸法離自性故我
菩提是无貪愛相

今時勝思惟梵天白佛言世尊若如
來於法无所得者以何義故說如來
坐道場名為佛證何法故說如來名
為應正遍知佛言梵天於汝意云何
我所說法若有為若无為是法為實
為虛妄耶梵天言世尊是法虛妄非
實修伽陀是法虛妄非實佛言梵天
於汝意云何若法虛妄非實是法為
有為無梵天言世尊若法虛妄是法
不應說有不應說无佛言梵天於汝

意云何若法非有非無是法有得者
不梵天言世尊若法無者彼法不得
言有不得言無佛言梵天若法非有
非无彼法云何證梵天言世尊彼法
不證佛言梵天如來坐道場時唯知
虛妄顛倒所起諸煩惱染畢竟不生
以無所得故得以无所知故知何以
故梵天我所得法不可見不可聞不
可覺不可識不可憶不可取不可著
不可說不可難出過一切境界無語
无說無行不求无有文字無言語道
非識境界无字非言語所說梵天彼
法如是猶如虚空汝乃欲於如是法
中而得證耶梵天言不也世尊諸佛
如來甚為希有成就不可思議未曾
有法深入大慈大悲得如是寂滅相
法而以文字語言教人令得世尊者
有衆生得聞是法能信解者當知是
人不從小功德來何以故世尊是法
一切世間之所難信何以故世間不
能信如是法故佛言梵天云何是法
一切世間之所難信梵天言世尊世
間貪著諦而是法無如是此法非實

非妄語世間貪著法而是法無法无實
非法世間貪著涅槃而是法无生死
無涅槃世間貪著善法而是法无善
无非善世間貪著樂而是法无苦無
樂世間貪著佛出世而是法无佛出
世亦無涅槃雖有說法而是法非可
說相雖讚歎僧而僧即是無為是故
此法一切世間之所難信世尊譬如
水中出火火中出水難可得信如是
煩惱中有菩提菩提中有煩惱是亦
難信何以故如來得是虛妄煩惱之
性無法可證有所說法而不可見雖
有所知而無分別雖證涅槃而無所
知雖修諸行而不作二相雖有證法
而无所得雖滅諸障而无所滅世尊
若善男子善女人有能信解如是法
義當知是人得脫諸見當知是人供
養諸佛以曾親近无量諸佛故當知
是人得善人護以為一切諸善知識
所護念故當知是人信大妙法以妙
善根得增上故當知是人善得法財
太妙寶藏以能守護佛法藏故當知
是人隨順作業以能善作所作法故

當知是人種姓尊貴以得生於如來
家故當知是人能行大捨以捨一切
諸煩惱故當知是人得持戒力以無
起心破戒法故當知是人得忍辱力
以是人能捨身命故當知是人得精
進力以是人心不疲倦故當知是人
得禪定力以燒一切不善法故當知
是人得智慧力以離一切惡行見故
當知是人不為他敗以過一切惡魔
境故當知是人怨不能伏以離一切
諸對敵故當知是不誑世間以其
不誑諸如來故當知是人真語者
諸法自性善能說故當知是人實
語者說第一義實法相故當知是人
得善護念以諸如來所護念故當知
是人柔和軟善以同止住善安樂故
當知是人名為大富以是人有聖法
財故當知是人常能知足以其具足
行聖種故當知是人易滿易養以如
是人離食貪故當知是人得安忍力
以如是人到彼岸故當知是人為能
度者以是人能度未度故當知是人
為能解者以是人能解未解故當知

是人為能安者以是人能安未安故
當知是人為能滅者以令未脫得解
脫故當知是人為能示者以能為人
示正道故當知是人知正道者以是
人能脫未脫故當知是人為大醫王
以能善知諸法藥故當知是人為如
良藥以療衆生煩惱病故當知是人
為有大力以是人智慧力故當知
是人有不退力以有堅固畢竟法故
當知是人精進力以常修行不依
他故當知是人為如師子以離怖畏
毛豎等故當知是人猶如大龍以是
人心善調柔故當知是人為如大象
以其善能調伏心故當知是人為如
牛王以其善能導大衆故當知是人
為大勇健以能破壞諸魔怨故當知
是人為不畏者以得遠離大衆畏故
當知是人無所畏懼以是人得無畏法
故當知是人无所忌難以是人能說
諦法故當知是人為如明月以得滿
足諸白法故當知是人照明如日以
智慧光能照明故當知是人為如燈
炷以離一切諸闇冥故當知是人心

堅如地以得遠離憎愛心故當知是
人平等如地以能容受諸衆生故當
知是人不住如風以其不著一切法
故當知是人能淨如水以蕩一切煩
惱垢故當知是人為如猛火以燒一
切諸動念故當知是人如須弥山以
其堅固不可動故當知是人金剛堅
固如鐵圍山不可壞故心堅固故當
知是人不可降伏以一切怨不能伏
故當知是人不可度量以非二乘所
度量故當知是人豐寶如海以其多
饒正法寶故當知是人為如大海以
盡一切諸煩惱故當知是人為不厭
足以常求法不厭足故當知是人為
滿足者以有智慧知足法故當知是
人如轉輪王以是人能轉法輪故當
知是人如帝釋王以如是人住持色
故當知是人如梵天王以如是人得
自在故當知是人為降大雨以是人
能雨法雨故當知是人為降甘露以
甘露法雨衆生故當知是人能自增
長以得諸根力覺分故當知是人為
到彼岸以能出過世間溺故當知是

人為入彼岸以其能入佛智慧故當知是人則為近到以其得近佛菩提故當知是人則為無等以足智慧增上滿故當知是人為無等等以有聞慧無等等故當知是人不可測量以過諸量非可測故當知是人无有障碍以樂說辯无滯著故當知是人憶念堅固以得具足聞持力故當知是人則為能去以是人得義隨順故當知是人為得善意以能觀察入正法故當知是人善知衆生以是人得衆生心故當知是人勤行精進以為利安諸世間故當知是人為已出世以是人心過世間故當知是人為不可汙以心無染如蓮華故當知是不為所覆以世八法所不覆故當知是人為得快愛以諸黠慧之所愛故當知是人為可貴重有多聞慧可貴重故當知是人為他供養以智慧人之所知故當知是人所應供養以諸天人所供養故當知是人可歸命以諸衆生所歸命故當知是人善人所貴以諸聖人所歸敬故當知是人則

為可求以二乘人所供養故當知是人遠離所求以離一切二乘行故當知是人為不諂曲以無點汙諂曲法故當知是人則為端正以具威儀脩成就故當知是人最為可愛以過世間一切色故當知是人為可依以有威德得具足故當知是人莊嚴具足以有諸相莊嚴身故當知是人間錯其身以有八十隨形好故當知是人則為能護以是人能護佛種故當知是人則為能收以得不斷佛法種故當知是人能遮諸惡以其常能護聖僧故是人諸佛見是人得法眼是人諸佛佛智記是人滿足三忍是人滿足道場是人能降伏眾魔是人已得一切智是人能轉法輪是人能作佛所作事世尊若有善男子善女人得聞如是甚深法義聞已不驚不增上驚不上上驚是人則得如是功德世尊我以一切若餘殘劫說彼善男子善女人所得功德猶不可盡若諸佛菩提如是難知難見難覺能信能取能受能持能讀能誦為他廣說如

是等法既能自住復令他人住是法中
今時如來告勝思惟大梵天言梵天
汝少分知彼諸菩薩摩訶薩色及功
德而讚歎之如佛所知以我具足有
無障尋佛之智故梵天彼善男子善
女人有如是等无量功德復有無量
過於是有者若有能知如來所說甚深
之法解義解句及解字者則能證知
彼甚深意隨順不違隨順相應非不
相應能解其義不隨名字如是菩薩知
所說法以依何等言語如來說法以
依何等意如來說法以依何等方便
如來說法以依何等入如來說法以
依何等大悲如來說法梵天若有菩
薩知此如來五力行智是菩薩於諸
衆生作住持事梵天言世尊何者如
來五力行智佛言梵天一者言語說
法二者意說法三者方便說法四者
入說法五者入大悲說法梵天如是
名為如來所用五力行智此深法中
非諸聲聞辟支佛等所知境界

梵天言世尊云何菩薩知如來言語
說法佛言梵天如來說過去法說未

來法說現在法說染法淨法說善法
不善法說世間法出世間法說有漏
法無漏法說有罪法無罪法說有為
法無為法說我衆生人丈夫法說得
證法說生死法涅槃法梵天當知是
諸言說如說幻事應知以无決定故
說如夢事虛妄見故如響聲說從空
聲出故言說如影因緣合故言說如
印不轉入故所說如焰顛倒見故如
說虛空不生不滅故無說可說應知
以無言語故梵天若菩薩能知如是
諸說法者是菩薩雖有一切言語說
法而於諸法無所言說以不貪著法
故得無障尋樂說辯才以是辯才乃
至若於恒河沙等劫種種說法無盡
無尋諸有所說不離法界故不執著
差別之相故梵天是名如來言語說法
梵天云何菩薩知如來甚深意力方
便說法梵天如來或染法說淨或淨
法說染菩薩於此如來深意應如是
知梵天云何如來染法說淨梵天以
不見染法體故如是如來染法說淨
梵天云何如來淨法說染梵天以不

見淨法體故如是如來淨法說染
復次梵天我依布施即示涅槃凡夫
無智不能善解隨意所說唯諸菩薩
善知我意應如是信深善法意作是
思惟行布施者於未來世得大富貴
而此法中無有一法可從一念至於
一念轉至後世以彼涅槃非轉法故
若無一法可從一念至於一念轉至
後世即是一切諸法實相諸法實相
即是涅槃持戒是涅槃不作不起故
忍辱是涅槃以念念滅故精進是涅
槃無所取捨故禪定是涅槃以不貪
味故般若若是涅槃以不得相故貪欲
是實際法性無欲相故瞋恚是實際
法性無瞋相故愚癡是實際法性無
礙相故世間是涅槃无退無生故涅
槃是世間以其執著故實語是虛妄
以生諸見故虛妄是實語為增上慢
人故

復次梵天如來以隨意故或自說言
我是說常邊者或自說言我是說染
者或自說言我是說斷邊者或自說
言我是說无業者或自說言我是說

無業作者或自說言我是邪見者或
自說言我是不信者或自說言我是
不知恩者或自說言我是劫盜者或
自說言我是吐者或自說言我是不
受者而如來無有如此諸事梵天當
知是為如來隨意以依何意憍慢衆
生能捨我慢梵天如來依如是深意
說法梵天若菩薩知如來隨行方便
說者若聞佛出世則能信受示衆生
善業色身果報故若聞佛不出世亦
信受以是諸佛法性身故若聞佛說
法亦信受以為喜樂文字衆生故若
聞佛不說法亦信受諸佛法性不可
說故若聞有涅槃亦信受以滅顛倒
所起煩惱故若聞無涅槃亦信受諸
法不生不滅相故若聞有衆生亦信
受入世諦門故若聞無衆生亦信受
入第一義故梵天菩薩摩訶薩如是
善知如來隨行方便說法於諸言說
音聲無畏應知亦能利益無量衆生
梵天云何菩薩知如來方便說法梵
天如來為衆生說布施得大富故持
戒得生天故忍辱得端正故精進得

具智故禪定得寂靜故慧捨諸煩惱
故多聞得智慧故行十善業道得人
天富樂成就故慈悲喜捨得生梵世
故奢摩陀得毗婆舍那故學地得無
學地故辟支佛地清淨消諸供養故
佛地示無量智故涅槃滅一切苦惱
故梵天我以如是善巧方便為諸衆
生讚說是法如來實不得我衆生壽
命及丈夫等應知而如來亦不見布
施不見布施果亦不見慳不見慳果
亦不見持戒不見持戒果亦不見毀
戒不見毀戒果亦不見忍辱不見忍
辱果亦不見瞋恚不見瞋恚果亦不
見精進不見精進果亦不見懈怠不
見懈怠果亦不見禪定不見禪定果
亦不見亂心不見亂心果亦不見般
若不見般若果亦不見愚癡不見愚
癡果亦不見苦樂亦不見苦樂果亦
不見湏陀洹不見湏陀洹果乃至不
見菩提不見涅槃果梵天如來常為
衆生說法而諸衆生依如來教如所
說法如實修行勤修諸行為何義修
行勤行彼行而諸衆生修行彼法而

不能得而不能證所謂須陀洹行乃至阿羅漢果乃至不得緣覺之地不得阿耨多羅三藐三菩提乃至不得涅槃以是義故彼諸衆生不得涅槃不見涅槃梵天是名如來方便說法梵天諸菩薩摩訶薩應勤修行為令衆生攝取妙法

梵天云何菩薩知如來入說法梵天眼是入解脫門如是耳鼻舌身意是入解脫門何以故眼空無我无我所自性空故耳鼻舌身意空無我无我所自性空故梵天當知諸入皆是入解脫門應知正行則不誑故如是色聲香味觸法皆是入解脫門所謂空門無相門无願門不行門不生不滅門无所從來無所至去門不退不生門自性清淨寂靜門復次梵天如來於一切名字示是解脫門何以故以諸名字無合无用故以自性頑故梵天當知如來即於一切諸文字中說於聖諦應知即於一切所說法中說解脫門梵天无有名字言語說法諸佛如來不說實諦梵天如來說法無

有法染一切所說法中示解脫門令
入證智令入涅槃梵天是名如來入
說法門梵天菩薩摩訶薩應學此法
梵天云何如來以大悲心普為一切
衆生說法梵天如來具有三十二種
相應大悲普為一切衆生說法何等
名為三十二種相應大悲梵天所謂
一切法無我而諸衆生不信不解計
言有我如來於此諸衆生等而起大
悲一切法無衆生而諸衆生計有衆
生如來於此諸衆生等而起大悲一
切法無壽者而諸衆生計有壽者如
來於此諸衆生等而起大悲一切法
無丈夫而諸衆生計有丈夫如來於
此諸衆生等而起大悲一切法无所
有而諸衆生住於有見如來於此諸
衆生等而起大悲一切法無住而諸
衆生住於諸法如來於此諸衆生等
而起大悲一切法無歸處而諸衆生
樂於歸處如來於此諸衆生等而起
大悲一切法非我所而諸衆生著於
我所如來於此諸衆生等而起大悲
一切法無所屬而諸衆生計有所屬

如來於此諸衆生等而起大悲一切
法無取相而諸衆生皆有取相如來
於此諸衆生等而起大悲一切法無
生而諸衆生住於有生如來於此諸
衆生等而起大悲一切法無退生而
諸衆生住於退生如來於此諸衆生
等而起大悲一切法無染而諸衆生
染著諸法如來於此諸衆生等而起
大悲一切法離貪而諸衆生恚皆有
貪如來於此諸衆生等而起大悲一
切法離瞋而諸衆生恚皆有瞋如來
於此諸衆生等而起大悲一切法離
癡而諸衆生恚皆有癡如來於此諸
衆生等而起大悲一切法無所從來
而諸衆生著所從來如來於此諸衆
生等而起大悲一切法无所至去而
諸衆生著於後生如來於此諸衆生
等而起大悲一切法無作而諸衆生
皆有所作如來於此諸衆生等而起
大悲一切法無戲論而諸衆生有諸
戲論如來於此諸衆生等而起大悲
一切法空而諸衆生墮於有見如來
於此諸衆生等而起大悲一切法無

相而諸衆生取著於相如來於此諸衆生等而起大悲一切法無願而諸衆生等而起大悲一切世間衆生常共瞋嫌諍鬪如來於此諸衆生等而起大悲一切世間邪見顛倒行於邪道為欲令其住正道故如來於此諸衆生等而起大悲一切世間墮於顛倒墮於險難住於非道為欲令其入實道故如來於此諸衆生等而起大悲一切世間衆生常為慳貪所縛不知厭足奪他財物以為教化令住聖財信戒聞捨慧慚愧故如來於此諸衆生等而起大悲一切世間衆生常為財物屋宅妻子恩愛而作僮僕於此危脆無堅之物生堅固相為欲令彼畢竟定知悉无常故如來於此諸衆生等而起大悲一切世間凡夫衆生身為怨賊而常貪著供養恭敬名稱讚歎以為親友衆生雖謂是善知識而是衆生惡知識也為作親友真善知識令其畢竟斷於衆苦畢竟獲得涅槃樂故如來於此諸衆生等而起大悲

一切世間衆生皆樂行欺誑業田宅
等中邪命自活以為說法令行正命
出三界故如來於此諸衆生等而起
大悲一切諸法皆從因緣勤修諸行
乃得成就而諸衆生墮於懈怠是故
不能得聖解脫為令勤進獲得解脫
堅固法故如來於此諸衆生等而起
大悲梵天衆生棄捨無上大乘无尋
勝法勝涅槃法而求下劣小乘之法
所謂聲聞辟支佛乘為彼衆生令知
愛樂大乘之法所謂令知觀察佛乘
故如來於此諸衆生等而起大悲梵
天如來如是於諸衆生行三十二大
悲之心以是義故如來名為行大悲
者若菩薩於衆生中常能修集此三
十二大悲心者是菩薩摩訶薩則得
名為大福田也具大威德得為不退
為諸衆生利益應知

說是大悲法門品時三万二千人皆
發阿耨多羅三藐三菩提心八千菩
薩得無生法忍七万二千天子得離
垢法眼

尔時網明童子菩薩白佛言世尊此

勝思惟梵天云何聞是大悲法門相應說法而不喜悅梵天言善男子若識在二法則有喜悅若識在無二實際法中則无喜悅善男子譬如如來所作幻人聞於如來所說法事不喜不悅如是善男子知一切法皆如幻相故於如來不生勝想於餘衆生不生劣想細明菩薩問梵天言善男子知一切法云何名為如幻相耶答言善男子若人分別一切諸法行二處者汝當問之問言梵天汝於何處行耶答言善男子隨諸凡夫以何處行吾於彼行細明菩薩言梵天凡夫之人行於貪瞋愚癡身見戒取疑網我我所等所求邪道善男子汝豈可於是處行耶梵天問言善男子汝欲得凡夫法決定相耶答言梵天我尚不見有諸凡夫何況其法梵天問言善男子若是諸法無決定者汝心云何有彼貪欲瞋恚愚癡諸染法耶答言無也梵天言善男子一切諸法離於貪欲瞋恚癡相行相亦如是善男子所有凡夫行即是賢聖行無二元

差別善男子一切行非行一切說非
說一切道非道曰何謂一切行非行
善男子若人行道千萬億劫然於法
性不增不減故一切行非行曰何謂
一切說非說善男子如來以不可說
相說一切法故一切說非說曰何謂
一切道非道善男子以無所至故一
切道非道今時世尊讚勝思惟大梵
天言善哉善哉梵天善哉梵天若欲
說法當如是說

勝思惟梵天所問經卷第二

癸卯歲高麗國大藏都監奉
勅彫造

勝思惟梵天所問經卷第三

及

元魏天竺三藏菩提流支譯

尔時網明童子菩薩謂勝思惟大梵
天言善男子汝說一切凡夫行處吾
於彼行者見有行相梵天言善男子
若我有所生處應有行相問言梵天
汝若不生云何教化諸衆生耶梵天
答言佛所化生吾如彼生網明菩薩
言佛化所生无有生處梵天問言寧
可見不答言梵天以佛力故見梵天
言善男子我生亦如是以業力故網
明菩薩問言梵天汝於起業中行耶
梵天答言我實不於起業中行問言
梵天云何無業而言以業力故梵天
答言善男子如業力亦如是是二不
出於如

尔時長老舍利弗白佛言世尊若能
入是大龍密意所說法中當知彼人
得大功德何以故世尊聞是上人名
字至難何況復有聞其所說世尊譬
如有樹不依地住在虛空中而現根
莖枝葉華果如是世尊此大人行相

亦復如是不住一切法而於十方示現有行有生退死諸佛國土處處現見而亦復有如是智慧辯才樂說世尊若有智慧善男子善女人聞是智慧自在力者其誰不發阿耨多羅三藐三菩提心

尔時會中有一菩薩摩訶薩名曰普華問長老舍利弗言大德舍利弗汝為證法性為不證耶而不能如是以大智慧奮迅說法佛說大德於智慧人中寂為第一大德何以不現如是智慧辯才自在力耶答言善男子隨智慧力佛說我於聲聞弟子智慧人中寂為第一能有所說大德舍利弗法性境界有多少耶答言无也大德舍利弗若法性境界無多少者汝云何言隨智慧力佛說我於聲聞弟子智慧人中寂為第一能有所說答言善男子於聲聞中隨所得法而有所說大德舍利弗汝證法性境界有量相耶答言無也大德舍利弗若如是者汝云何言隨所得法而有所說大德舍利弗如法性無量相證亦如是

如證說亦如是何以故法性无量相
故舍利弗言善男子法性非證相大
德舍利弗若彼法性非證相者汝出
法性得解脫耶答言不也大德舍利
弗何故尔耶答言善男子若出法性
得解脫者則壞法性普華菩薩言是
故舍利弗如汝證法法性亦如是舍
利弗言善男子我為聽來非為說也
大德舍利弗一切諸法皆入法性此
法性中寧有說者有聽者不答言無
也大德舍利弗若如是者汝云何言
我為聽來非為說耶答言善男子佛
說二人得福無量一者專精說法二
者一心聽受以是義故普華應說我
應聽受大德舍利弗汝入滅盡定能
聽法耶答言善男子入滅盡定無有
二行而聽法也大德舍利弗汝信諸
法皆是自性滅盡相不答言善男子
如是諸法皆是自性滅盡之相我信
是說普華菩薩言若如是者則舍利
弗常一切時不能聽法何以故以一
切法常是自性滅盡相故舍利弗言
善男子仁能不起于定而說法耶曰

頗有一法非是定耶答言無也大德
舍利弗以是義故當知一切愚癡凡
夫應常在定舍利弗言以何定故一
切凡夫常在定耶曰以不壞法性三
昧故舍利弗言善男子若如是者凡
夫聖人無有差別大德舍利弗如是
如是我不欲令凡夫聖人有差別也
何以故聖人无所得一法凡夫无所
生一法是二不過法性平等之相舍
利弗言善男子仁以何等是諸法性
平等之相曰如舍利弗所得知見大
德舍利弗汝生賢聖法耶答言不也
汝滅凡夫法耶答言不也汝得賢聖
法耶答言不也汝見凡夫法耶答言
不也大德舍利弗若如是者汝何知
見說言得法耶答言善男子可不聞
如凡夫无智慧如即是漏盡解脫如
漏盡解脫如即是無餘涅槃如普華
菩薩言大德舍利弗如不異如不改
如不變如不壞如應以是如知一切法
今時長老舍利弗白佛言世尊譬如
大火一切炷焰悉皆能燒如是此諸
善男子所說法性悉皆能燒一切煩

惱佛言舍利弗如汝所言是諸善男
子所說法性悉皆能燒一切煩惱

尔時網明童子菩薩問長老舍利弗
言大德舍利弗佛說大德於智慧人
中寂為第一何等是智慧而舍利弗
於智慧人中寂第一耶答言善男子
所謂聲聞因聲得解自照身相少分
智慧以是智慧佛說我於聲聞弟子
智慧人中寂為第一非菩薩中智慧
第一日智慧是戲論相耶答言非也
日智慧非平等相耶答言是也日今
大德證平等智慧云何而說智慧有
量答言善男子以法性相故智慧无
量隨入法性多少故智慧有量日頗
有無量相法作有量說耶答言無也
網明菩薩言若如是者云何舍利弗
依量說法尔時舍利弗默然不答
尔時長老迦葉承佛威神而白佛
言世尊是網明童子菩薩以何因緣
号曰網明尔時佛告網明童子菩薩
言善男子現汝自身善根所成功德
光明令諸天人一切世間心得歡喜
其有福德善根熟者當發阿耨多羅

三藐三菩提心

今時網明童子菩薩聞佛勅已而白
佛言善哉世尊唯然受教作是語已
整眼右肩右膝胡跪即於右手白赤
莊嚴羅網拍間放大光明普照十方
無量無邊阿僧祇世界皆悉周遍其
中地獄畜生餓鬼畜鬻背偃無手无
足種種諸病貪惡衆生愚癡裸形諸
飢渴者若縛若禁貧窮惡色老邁垂
死及嫉妬等種種苦惱諸有慳貪破
戒瞋恚懈怠妄念無慧不信少聞少
見无慚無愧墮邪疑網是等衆生遇
斯光者皆得快樂一切歡喜無一衆
生有貪欲恚愚癡憍慢憂愁患等不
得快樂不歡喜者其在佛前大會之
衆菩薩摩訶薩及諸聲聞天龍夜叉
乾闥婆阿修羅迦樓羅緊那羅摩睺
羅伽人與非人比丘比丘尼優婆塞
優婆夷等是諸大衆皆同一色金色
無異謂如來色時會大衆皆悉如是
身中快樂心得歡喜譬如菩薩入喜
樂食發起莊嚴三昧無異時諸大衆
悉得希有各各相見如佛无異不見

佛身為高已身為下又以網明童子
菩薩光明力故尋時下方有四菩薩
從地踊出名願力起菩薩名勝賢菩
薩名智月光菩薩名不可降伏菩薩
是四菩薩合掌而立作是念言何者
是佛我欲禮敬即聞空中聲曰是網
明童子菩薩光明力故一切大眾同
一金色與佛無異時四菩薩發希有
心作如是言我今實語如此眾會其
色無異一切諸法亦復如是即發誓
言若我此語誠實不虛今世尊釋迦
牟尼當現異相令我得見供養禮事
今時佛告網明童子菩薩言善男子
止此神力汝今已作佛所作事汝今
已令無量眾生住於佛道今時網明
童子菩薩受佛教勅即止神力攝光
明事攝光明已一切大眾威儀色相
還復如本身口无異即時如來身相
顯現在師子座如本無異時四菩薩
即見如來頭面礼足而作是言如來
世尊智慧境界不可思議及網明童
子菩薩福德善根願力境界不可思
議依彼功德能與眾生如是快樂令

得歡喜

勝覺天經卷第三 第八張 及

今時長老。大迦葉白佛言。世尊。此四菩薩。從何所來。四菩薩曰。我等下方佛世界來。大迦葉言。其國何名。佛号何等。四菩薩曰。國名現諸寶莊嚴。佛号一寶蓋。今現說法。大迦葉言。其佛國土。去此幾何。四菩薩曰。佛自知之。大迦葉言。仁等。今者何故來此。四菩薩曰。是網明童子菩薩。光明照彼。我等遇之。即聞釋迦牟尼佛名。及聞網明童子菩薩。是故我等今來至此。見釋迦牟尼佛。并網明上人。時大迦葉即白佛言。世尊。一寶蓋佛。現諸寶莊嚴世界。去此幾何。佛言。迦葉。彼國土去此過七十二恒河沙等諸佛國土。大迦葉言。世尊。是四菩薩。發彼國來。幾時至此。佛言。迦葉。如一念頃。於彼國沒。忽然而至。大迦葉言。希有世尊。然諸菩薩。光明遠照。神通速疾。甚為希有。今是網明童子菩薩。光明遠照。是四菩薩。發來速疾。乃能如是。佛言。迦葉。如汝所說。菩薩摩訶薩。神通之力。所行速疾。不可思議。一切聲聞辟

支佛等所不能及

勝梵天經卷第三 第九張及

七

尔時長老迦葉問網明童子菩薩言善男子仁現光明照此大會皆作金色以何因緣答言大迦葉可問世尊當為汝說時大迦葉以此白佛佛言迦葉是網明童子菩薩成佛之時其會大眾同一金色咸共信樂一切智慧其佛國土乃至元有聲聞辟支佛名唯有清淨諸大菩薩摩訶薩衆長老迦葉白佛言世尊生彼菩薩當知如佛佛言迦葉如汝所說生彼菩薩悉皆如佛是時會中四万四千人聞已皆發阿耨多羅三藐三菩提心既發心已願生彼國而白佛言世尊若網明童子菩薩得成佛時我等皆當往生其國

尔時長老迦葉白佛言世尊是網明童子菩薩幾時當得阿耨多羅三藐三菩提佛言迦葉汝自問之於是大迦葉自問網明童子菩薩言善男子仁者幾時當得阿耨多羅三藐三菩提耶網明菩薩言大迦葉若有人問幻化人言仁者幾時當得阿耨多

羅三藐三菩提是幻化人當云何答
曰幻所化人無決定相當何所云答
曰一切諸法皆亦如是無決定相云
何問言幾時當得阿耨多羅三藐三
菩提耶曰幻所化人離於自相無異
无別無所志願仁亦如是耶仁若如
是何能利益无量衆生大迦葉阿耨
多羅三藐三菩提即是一切衆生性
一切衆生性即是幻性幻性即是一
切法性於是法中我不見有利不見
無利大迦葉言善男子仁今豈可不
令衆生住菩提耶曰諸佛菩提有住
相耶答言無也大迦葉以是故我不
令衆生住於菩提我亦不令住於聲
聞辟支佛道大迦葉言善男子仁於
今者為趣何所曰我所趣者乃趣於
如曰如無所趣亦无有轉曰如無趣
亦无轉一切諸法皆住如相以是故
我無趣无轉大迦葉言若一切法皆
住如相無趣无轉仁復云何教化衆
生網明菩薩言若人發願是則不能
教化衆生若人於法有轉是亦不能
教化衆生大迦葉言善男子仁可不

轉衆生生死世間耶大迦葉我尚不
得世間何況於世間中而轉衆生大
迦葉言善男子仁可不令衆生得涅
槃耶大迦葉我尚不見涅槃何況教
化衆生令得涅槃大迦葉言善男子
如其仁者不得世間不得涅槃何故
諸菩薩行菩薩行為救無量諸衆生故
行於菩提此豈不為滅度衆生耶大
迦葉若菩薩見於世間分別涅槃取
衆生相行菩提者此則不應說為菩
薩大迦葉言善男子仁者今於何處
行耶大迦葉我非世間中行非涅槃
中行亦復不以衆生相行大迦葉如
汝所問仁者今於何處行者如佛所
化人行處吾於彼行大迦葉言佛所
化人無有行處大迦葉當知一切衆
生行處亦如是相大迦葉言善男子
佛所化人無貪恚癡若使一切衆生
所行如是相者一切衆生貪欲恚癡
為何所趣大迦葉我今問汝隨意答
我大迦葉汝今寧有貪恚癡不答言
無也曰是貪恚癡為盡滅不答言不
也曰若大迦葉今无貪欲瞋恚愚癡

亦不盡滅者汝置貪恚癡於何所耶
答言善男子凡夫之人從顛倒起妄想分別生貪恚癡賢聖法中善知顛倒之實性故是以不起妄想分別故無貪欲瞋恚愚癡大迦葉於汝意云何若法從顛倒起是法為實為虛妄耶答言善男子是法虛妄非是實也曰若法非實可今實耶答言不也曰若法非實汝大迦葉於中欲得貪恚癡耶答言不也曰若如是者為於何所是貪恚癡能染衆生者答言善男子若如是者一切諸法從本已來自性離於貪恚癡相網明菩薩言大迦葉是故我說一切法相如佛所化說是法時四万四千菩薩得柔順法忍尔時長老迦葉白佛言世尊若有得聞網明童子菩薩名者彼人不復墮三惡道若有得見網明童子菩薩身者當知彼人一切魔業不能障難若有衆生得聞網明童子菩薩所說法者彼諸衆生不墮聲聞辟支佛地若蒙網明童子菩薩所教化者彼諸衆生於大菩提畢竟不退世尊願說

網明童子菩薩善根功德莊嚴佛土
佛言迦葉是網明童子菩薩隨其所
在諸佛國土遊行之處皆能利益无
量衆生迦葉如是網明童子菩薩所
放光明汝見不耶答言已見佛言迦
葉三千大千世界滿中芥子尚可華
數今是網明童子菩薩光明所照令
住阿耨多羅三藐三菩提者彼諸衆
生不可數也迦葉汝知網明童子菩
薩所放光明利益尚余何況說法所
利益者汝今諦聽我當少分說其功
德善根莊嚴淨佛國土迦葉是網明
童子菩薩過七百六十萬阿僧祇劫
當得作佛号曰普光自在王如來應
正遍知世界名曰集妙功德迦葉其
佛往趣菩提樹時國中諸魔及魔眷
屬諸天人民皆悉畢定於阿耨多羅
三藐三菩提迦葉其佛國土地平如
掌柔軟細滑如迦陵伽安樂處地一
切諸寶以為莊嚴世界無有三惡道
名亦無八難其佛國土無有高下九
磔棘刺土石等穢妙寶蓮華以為莊
嚴彼諸蓮華皆是真實出美妙香世

界長廣迦葉彼佛世界有如是等勝
功德集普光自在王如來多有無量
諸菩薩僧一切善修無量法門悉得
無量自在神通皆以光明莊嚴其身
得陀羅尼諸勝三昧無尋辯才善能
說法彼諸菩薩光明神力無不通達
悉得諸通無畏辯才善能降伏諸魔
怨敵彼諸菩薩修行念慧生慚愧等
上妙智慧諸勝功德以修其心迦葉
彼佛國土无女人名其諸菩薩皆悉
化生於寶蓮華中結跏趺坐禪喜樂
食諸所須物經行之處房舍牀榻園
林浴池應念即得

迦葉彼普光自在王如來不以文字
說法但放光明照諸菩薩即得无生
法忍復照十方通達无尋令諸衆生
得離煩惱又其光明常出三十二種
淨妙法音何等三十二謂一切法空
以離諸見清淨故一切法無相以離
一切分別所分別故一切法无願以
出三界故一切法離欲以自性寂滅
故一切法離瞋以无有尋相故一切
法離癡以无闇冥故一切法無所從

未以本不生故一切法无去以無所
至故一切法無住以无所依住故一
切法過三世以去來現在無所有故
一切法无異以其性一故一切法不
生以離於業報故一切法无業報以
不見因故一切法非作以非可作故
一切法無名以不可得立名故一切
法無起以不生不滅故一切法不實
以本不起故一切法實以一道門平等
故一切法無衆生以不見衆生故一
切法無我以第一義攝故一切法能
以无所知故一切法捨以離憎愛故
一切法離煩惱以無有取故一切法
无煩惱以自性不染故一切法一相
以實際平等故一切法離相以常寂
定故一切法住實際以性不壞故一
切法如相住以本不壞故一切法入
法性以通入故一切法無緣以諸緣
不合故一切法諸緣生以滿足平等
故一切法是菩提以如實見故一切
法是涅槃以不成就故迦葉彼普光
自在王如來光明常出如是三十二
種淨妙法音迦葉若有衆生生彼國

者當知是人能作佛事迦葉彼佛世尊壽命無量迦葉彼佛國土無有魔事能與諸菩薩而作留難長老迦葉白佛言世尊若其有人欲得清淨佛國土者應取如彼網明菩薩所修善根功德莊嚴清淨佛土佛言迦葉是網明童子菩薩乃於無量百千萬億那由他諸如來所發清淨願修行功德莊嚴具足故得如是清淨佛土是故迦葉若善男子若善女人欲取如是淨佛國土應學網明童子菩薩所修願行

今時勝思惟梵天謂網明童子菩薩言仁者已得從佛受記網明童子菩薩言梵天一切衆生皆如來授記曰於何事中而得授記曰隨業受報而得受記曰汝作何業而得受記問言梵天若業非身作非口作非意作是業可得示不梵天答言不可示也問言梵天仁以何故而作是說梵天頗有菩薩行可作相耶答言不也以菩提非諸行相故問言梵天菩提是起作相耶答言非也以菩提是無為非

起作相問言梵天可以起作相得无
為菩提不答言不也網明菩薩言梵
天是故當知依此義意何等處无業
無業果不作不行是菩提如菩提說
亦如是如說受記亦如是不可以起
作法而得受記

梵天問言善男子汝不行六波羅蜜
然後得受記耶答言梵天如汝所說
菩薩行六波羅蜜而得受記梵天若
菩薩捨一切煩惱名為檀波羅蜜於
諸法無所起名為尸波羅蜜於諸法
无所傷名為羣提波羅蜜於諸法雖
相名為毗梨耶波羅蜜於諸法無所
住名為禪波羅蜜於諸法无戲論名
為般若波羅蜜梵天菩薩如是行六
波羅蜜於何處行梵天言善男子无
處行也何以故凡有所行皆是不行
若行即是不行若不行即是行網明
菩薩言梵天以是義故當知無所行
是菩提如汝所問汝得受菩提記者
如真如法性得受記我亦如是受記
梵天依此法應知无行是菩薩行梵天
如汝所言汝得受記如真如及法界

受記如是我受記梵天言善男子有有真如法界受記網明菩薩言梵天如是相記如真如法界

今時勝思惟梵天白佛言世尊菩薩以何行故得為諸佛授阿耨多羅三藐三菩提記佛言梵天若菩薩不行生法不行滅法不行善法不行不善法不行世間法不行出世間法不行有漏法不行無漏法不行有罪法不行無罪法不行有為法不行無為法不行修道不行斷除不行世間不行涅槃不行見法不行聞法不行覺法不行知法不行施不行捨不行戒不行覆不行忍不行善不行發不行精進不行禪不行三昧不行慧不行行不行知不行得梵天若菩薩如是行者諸佛則授阿耨多羅三藐三菩提記何以故梵天諸有所行皆有所是无所是是菩提諸有所行皆是分別無分別是菩提諸有所行皆是起作无起作是菩提諸有所行皆是戲論無戲論是菩提梵天依此義故是以當知若菩薩過諸所行則得受記

今時勝思惟梵天白佛言世尊世尊
言受記受記者以何等法名為受記
佛言梵天離諸法二相名為受記不
分別生滅名為受記離身口意業相
名為受記梵天我念過去今時有劫
名曰善見我於彼劫供養七十二那
由他佛是諸如來不授我記又過是
劫劫名善化我於彼劫供養七十二
億佛是諸如來亦不授我記又過是
劫劫名梵歎我於彼劫供養八万八
千佛是諸如來亦不授我記又過是
劫劫名無咎我於彼劫供養三万二
千佛是諸如來亦不授我記又過是
劫劫名莊嚴我於彼劫供養四千八
万佛皆以一切供養之具而供養之
是諸如來亦不授我記梵天我於往
昔已曾一劫及餘殘劫供養諸佛盡
心恭敬尊重讚歎淨修梵行一切布
施一切持戒及行頭陀離於瞋恚忍
辱慈心如所說行勤修精進一切所
聞皆能受持獨處遠離入諸禪定隨
所聞慧讀誦思問是諸如來亦不授
我記何以故以依止文字問於諸佛

是以諸佛不授我記何以故以依止
所行故是以當知若諸菩薩出過諸
行則得受記梵天我於是後見然燈
佛即得無生法忍時然燈佛授我記
言善男子汝於來世當得作佛号釋
迦牟尼如來應正遍知我於今時出
過諸行滿足六波羅蜜何以故若菩
薩能捨諸相名為檀波羅蜜能滅諸
所受持名為尸波羅蜜不為境界所
傷名為羼提波羅蜜離諸所行名為
毗梨耶波羅蜜不憶念一切法名為
禪波羅蜜能忍諸法無生性故名為
般若波羅蜜梵天我於然燈佛所滿
足如是六波羅蜜

梵天我從初發菩提心已來所作布
施於此捨相布施百分不及一百千
分百千万億分乃至等數譬喻所不
能及梵天我從初發心已來持戒行
頭陀於此常滅戒百分不及一乃至
等數譬喻所不能及梵天我從初發
心已來柔和忍辱於此畢竟忍法百
分不及一乃至等數譬喻所不能及
梵天我從初發心已來發勤精進於

此不取不捨精進百分不及一乃至
竿數譬喻所不能及梵天我從初發
心已來禪定獨處於此無住禪定百
分不及一乃至竿數譬喻所不能及
梵天我從初發心已來思惟籌量智
慧於此無戲論智慧百分不及一百
千分百千万億分乃至竿數譬喻所
不能及梵天是故當知我於今時已
得滿足六波羅蜜梵天言世尊世尊
云何名為滿足六波羅蜜佛言梵天
若不念施不依止戒不分別忍不取
精進不住禪定不二於慧梵天是名
滿足六波羅蜜

梵天言世尊滿足六波羅蜜已能滿
足何法佛言梵天滿足六波羅蜜已
能滿足薩婆若梵天言世尊云何滿
足六波羅蜜已能滿足薩婆若佛言
梵天布施平等即是薩婆若平等持
戒平等即是薩婆若平等忍辱平等
即是薩婆若平等精進平等即是薩
婆若平等禪定平等即是薩婆若平
等智慧平等即是薩婆若平等以是
平等一切法名為薩婆若

復次梵天滿足布施相持戒相忍辱相精進相禪定相智慧相是名薩婆若梵天如是滿足六波羅蜜能滿足薩婆若梵天言世尊何者是薩婆若滿足佛言梵天若眼不見色乃至意不知法梵天若如是觀察內外六入是名滿足薩婆若梵天如是滿足薩婆若所謂不著眼乃至不著意以是義故名為如來無障无闕薩婆若智梵天薩婆若於法无所受何以故以薩婆若非受法器故梵天言非器者此名无物能受感故言無物者則名為空空同虛空是名薩婆若以是義故不能受法梵天譬如一切所作皆依虛空而彼虛空無所依也如是薩婆若智皆從薩婆若出而薩婆若无所依也

勝思惟梵天白佛言世尊所說薩婆若薩婆若者為何謂耶以何義故名薩婆若佛言梵天一切諸行彼薩婆若智知所謂聲聞辟支佛及一切世間以是義故名薩婆若諸有所行平等智知諸心知諸行知諸慈悲知諸

學知諸發起修行故名薩婆若能離一切諸相能破一切諸覺故名薩婆若如實知說不說如實知一切衆生心行故名薩婆若如實知一切證智故名薩婆若如實知无學智聲聞辟支佛智如實知一切種智皆是薩婆若中出以是義故名薩婆若如實知正行皆從薩婆若出故名薩婆若如實知一切藥故名薩婆若能令一切病滅故名薩婆若能離一切縛故名薩婆若能除一切煩惱習氣故名薩婆若常在一切定故名薩婆若一切法中無疑故名薩婆若從彼薩婆若出一切世間出世間智慧故名薩婆若知一切智慧方便相故名薩婆若梵天一切諸法方便從此法出故名薩婆若今時勝思惟梵天白佛言希有世尊諸佛如來智慧甚深心无所緣而知一切衆生心心所行世尊彼薩婆若有如是等元量功德其誰智慧善男子善女人聞薩婆若不發阿耨多羅三藐三菩提心

勝思惟梵天所問經卷第三

癸卯歲高麗國大藏都監奉

勅彫造

勝思惟梵天所問經卷第四

點 及

元魏天竺三藏菩提流支譯

尔時網明童子菩薩白佛言世尊若有菩薩怖望功德利而發菩提心者不得名為發大乘也何以故一切諸法無功德利以無對治處故世尊菩薩摩訶薩不應為功德利故發菩提心但為大悲故為滅衆生諸苦惱故生諸善法故解脫諸邪見故滅除諸病故捨我所貪著故不觀憎愛故不沒世法故默患有為故安住涅槃故發菩提心世尊菩薩不應於諸衆生求其恩報亦不應觀作與不作又於苦樂心不傾動

世尊何謂菩薩摩訶薩諸善根清淨佛言善男子菩薩善根若生轉輪聖王位處不得名為善根清淨若生帝釋王中若生梵天王中亦不得名善根清淨在所生處乃至畜生自不失善根亦令衆生生諸善根是名菩薩善根清淨復次網明云何菩薩善根清淨善男子布施善根清淨以捨一

切資生故持戒善根清淨以除熱惱
得清涼故忍辱善根清淨以心不分
別故精進善根清淨以離懈怠故禪
定善根清淨以不念餘乘故智慧善
根清淨以離諸見故慈善根清淨以
平等見故悲善根清淨以直心清淨
故喜善根清淨以樂諸法不生憂故
捨善根清淨以離諸過故不捨菩提
心善根清淨以不貪聲聞辟支佛
地故

尔時文殊師利法王子在於大會默
然而住無所論說尔時勝思惟梵天
白佛言世尊世尊此文殊師利法王
子在大會坐云何於此所說法中默
然而住無所論說尔時世尊告文殊
師利法王子言文殊師利汝今於此
所說法中可少說之文殊師利白佛
言世尊佛所證法為何等相佛言文
殊師利佛所證法无有相貌文殊師
利言世尊彼法可說可演可論不佛
言文殊師利彼法不可說不可演不
可論也文殊師利言世尊若彼法不
可說不可演不可論者則不可示

余時勝思惟梵天謂文殊師利法王子言文殊師利汝不為衆生演說法耶文殊師利問言梵天於法性中頗有二相耶答言無也文殊師利問言梵天一切諸法不入法性中耶答言如是文殊師利言若彼法性是不二相一切諸法入法性中云何當為衆生說法梵天問言頗有說法亦無二耶答言梵天若決定得說者聽者可

有說法而无有二梵天問言如來豈可不說法耶答言梵天佛雖說法不以二相何以故如來說法无二說故雖有所說而无二也梵天問言若一切法無二云何諸凡夫无二作二答言梵天凡夫之人貪著我故分別為二若不二者終不為二雖復種種分別為二然其實際无有二相梵天問言云何而識無二法耶答言梵天若无二可識則非无二何以故梵天无二相者不可識也梵天而如來不說二法彼法如說无如是也何以故以彼法無名字章句故梵天問言如來說法取何法耶答言梵天如來說法

無所取也梵天問言佛所說法可不
取涅槃耶問言梵天於涅槃中涅槃
有取捨耶答言涅槃不去不來文殊
師利言如是梵天佛所說法不去不
來梵天問言是法云何聽答言如所
說梵天問言云何如所說答言梵天
如不識不聞如不識不聞如是說梵
天問言誰能聽如來如是法答言梵
天不著不漏諸境界者梵天問言誰
能知是法答言梵天以何等人不諍
訟無識不隨喜者

梵天問言云何比丘名多諍訟答言
梵天若比丘是好是惡是相應是不
相應此名諍訟是理是非理此名諍
訟是垢是淨此名諍訟是善是不善
此名諍訟是法可呵是法不可呵是
法有漏是法无漏是法世間是法出
世間是法有為是法无為是持戒是
破戒是可作是不可作是可得是不
可得梵天此名諍訟梵天若於法中
有高下心貪著取受皆是諍訟佛所
說法无有諍訟梵天樂戲論者無不
諍訟樂諍訟者无沙門法樂沙門法

者無有妄想梵天問言云何比丘隨
佛語隨佛教答言梵天若比丘稱讚
毀辱其心不動是名隨佛教不隨文
字語言是名隨佛語又若比丘滅一
切法相是名隨佛教不違於義是名
隨佛語又若比丘守護於法是名隨
佛教不違佛語是名隨佛語

梵天問言云何比丘能守護法答言
梵天若比丘不違平等不壞法性是
則名為能守護法梵天問言云何比
丘親近於佛答言梵天若比丘於諸
法中不見有法若近若遠是則名為
親近於佛梵天問言云何比丘給侍
於佛答言梵天若比丘身口意无所
作是名比丘給侍於佛梵天問言誰
能供養佛答言梵天不起罪業不起
福業不起無動業者梵天問言誰能
見佛答言梵天若不著肉眼不著
天眼不著慧眼不著法眼不著佛
眼者梵天問言誰能見法答言梵天
不逆諸因緣法者梵天問言誰能順
見諸因緣答言梵天不起平等不見
平等不生不滅者梵天問言誰得真

智答言梵天不生不滅諸漏法者梵
天問言誰能隨學如來戒答言梵天
不起不受不取不捨者梵天問言誰
名正行答言梵天不隨三界者梵天
問言誰為善人答言梵天不受後身
者梵天問言誰為樂人答言梵天無
我无我所者梵天問言誰為得脫答
言梵天不壞縛者梵天問言誰為得
度答言梵天不住世間不住涅槃者
梵天問言漏盡比丘盡何事耶答言
梵天若有所盡不名漏盡知諸漏空
相隨如是知名為漏盡梵天問言誰
為實語答言梵天離諸言論道者梵
天問言誰為入道答言梵天凡夫者
有入道聖行者知一切有為法无所
從來無所至去則無入道梵天問言
誰能見聖諦答言梵天若於諸法无
所見者何以故隨所有見皆為虛妄
無所見者乃名為實梵天問言不見
何法名為見諦答言梵天不見一切
法名為實諦梵天問言如是實法當於
何求答言梵天當於四顛倒中求梵
天問言汝以何意作如是說答言梵

天求四顛倒不得常不得樂不得我
不得淨若不得常以常无故是即無
常以何處無樂是即為苦以何處无
我是即无我以何處無淨是即不淨
梵天諸法無我是為聖諦若人求實
諦是人不知苦若人斷集是人不知
集若人見滅是人不知滅若人求道
是人不知道梵天問言云何修道文
殊師利答言梵天若不分別是法是
非法離於二相名為修道以如是道
求一切法不可得故是名為道如是
道者不住世間不住涅槃何以故不
離不至乃名聖道

今時平等行梵天婆羅門大婆羅子
白文殊師利法王子言文殊師利云
何優婆塞歸依佛歸依法歸依僧答
言善男子若優婆塞不起二見云何
名為不起二見謂不起我見不起他
見不起我見不起佛見不起我見不
起法見不起我見不起僧見是名優
婆塞歸依佛法僧復次善男子若優
婆塞不以色見佛不以受想行識見
佛是名優婆塞歸依佛善男子若優

婆塞不分別諸法不戲論諸法是名
優婆塞歸依法善男子若優婆塞信
無為法僧而不離有為法信無為法
是名優婆塞歸依僧復次善男子若
優婆塞不見佛不見法不見僧是名
優婆塞歸依佛歸依法歸依僧

今時平等行梵天婆羅門大婆羅子
白文殊師利法王子言文殊師利是
諸菩薩發菩提心者為趣何所答言
善男子趣於虛空何以故阿耨多羅
三藐三菩提同虛空故平等行言文
殊師利云何菩薩名發阿耨多羅三
藐三菩提心答言善男子若菩薩知
一切發非發一切法非法一切衆生
非衆生是名菩薩發阿耨多羅三藐
三菩提心

今時平等行梵天婆羅門大婆羅子
白佛言世尊所言菩薩菩薩者為何
謂耶以何義故名為菩薩佛言善男
子若菩薩於邪定衆生起大悲心於
正定衆生不見殊異故名菩薩何以
故善男子菩薩不為正定衆生不為
不定衆生故發心但為度脫邪定衆

生故而起大悲發阿耨多羅三藐三
菩提心故名菩薩何以故善男子菩
薩於邪定衆生起大悲心願大菩提
故名菩薩尔時名菩提菩薩白佛言
世尊我亦樂說以何義故名爲菩薩
佛言便說菩提菩薩言譬如善男子
女人受一日八戒無毀无缺若菩薩
如是從初發心乃至成佛於其中間
常修淨行故名菩薩世尊若菩薩從
初發心乃至道場不動心故名爲菩
薩堅意菩薩言若菩薩成就深固慈
心常念衆生故名菩薩度衆生菩薩
言譬如橋船渡人不倦无有分別若
菩薩有如是心度一切衆生故名菩
薩斷惡道菩薩言若菩薩於諸佛國
土足投地處即時一切惡道皆滅故
名菩薩觀世自在菩薩言若菩薩衆
生見者即得必定於阿耨多羅三藐
三菩提又稱其名得免驚怖故名菩
薩得大勢至菩薩言若菩薩足投地
處震動三千大千世界及魔宮殿故
名菩薩無疲倦菩薩言若菩薩劫數
猶如恒河沙等爲一日夜以如是日

三十為月數如是月十二為歲以是
歲數若過百千万億數初得值一佛
如是乃於恒河沙等諸如來所行諸
梵行修集功德然後乃受阿耨多羅
三藐三菩提記心不休息無有疲倦
故名菩薩導師菩薩言若菩薩於墮
邪道諸衆生等生大悲心令入正道
不求恩報故名菩薩大彌樓山菩薩
言若菩薩於一切法無所分別如彌
樓山一於衆色故名菩薩毘羅延菩
薩言若菩薩不為一切煩惱所壞故
名菩薩心力菩薩言若菩薩以心思
惟一切諸法而自身心不壞不損故
名菩薩師子遊步自在菩薩言若菩
薩於諸論中不怖不畏得深法忍能
使諸魔一切外道悉皆驚怖故名菩
薩不可思議菩薩言若菩薩知心及
法不可思議無所思惟无所分別故
名菩薩善寂天子言若菩薩能於一
切天宮中生而无所染亦不得是無
染之法故名菩薩實語菩薩言若菩
薩有所發言常以真實乃至夢中亦
无妄語故名菩薩喜見菩薩言若菩

薩能見一切色皆是佛色故名菩薩
常悲菩薩言若菩薩見墮生死苦惱
衆生不著自身一切諸樂唯除法樂
教化衆生故名菩薩心无尋菩薩言
若菩薩能於一切煩惱衆魔而不瞋
尋故名菩薩常喜根菩薩言若菩薩
常以喜根自滿其願亦滿他願所作
皆辦故名菩薩散疑女菩薩言若菩
薩於一切法中不生疑悔故名菩薩
師子童子菩薩言若菩薩亦無男法
亦無女法而現一切種種色身以為
成就諸衆生故故名菩薩寶女菩薩
言若菩薩於諸寶中不生愛樂但樂
三寶故名菩薩毗舍佉達多優婆夷
言若菩薩有所得者則無菩提若不
得一切法不生一切法不滅一切法
故名菩薩跋陀婆羅大賢士言若菩
薩有諸衆生聞其名者即得必定於
阿耨多羅三藐三菩提故名菩薩寶
月童子言若菩薩常能修行童子梵
行乃至不以心念五欲何況身受故
名菩薩切利天子曼陀羅華香菩薩
言若菩薩持戒薰心常流功德諸善

法香不流餘香故名菩薩作喜菩薩
言若菩薩喜樂三法謂供養佛守護
正法教化衆生故名菩薩勝思惟梵
天言若菩薩見一切法皆是佛法故
名菩薩弥勒菩薩言若菩薩衆生見
者即得入於大慈三昧故名菩薩文
殊師利法王子言若菩薩雖說諸法
而不起法想不起我想不起他想故
名菩薩網明童子菩薩言若菩薩光
明能滅一切衆生諸煩惱闇故名菩
薩普華菩薩言若菩薩見滿十方諸
佛世界衆華敷榮故名菩薩如是諸
菩薩隨其樂說辯才各各說已今時
佛告平等行梵天婆羅門大婆羅子
言善男子若菩薩能代一切衆生受
諸苦惱亦復能捨一切福事與諸衆
生故名菩薩

今時勝思惟梵天問平等行梵天婆
羅門大婆羅子言善男子仁者今以
何行為行答言梵天以何等行一切
有為法諸衆生行我如是行梵天問
言一切有為法諸衆生以何為行答
言梵天諸佛所行是一切有為法諸

衆生行梵天問言諸佛以何為行答
言梵天諸佛以第一義空為行梵天
問言善男子若一切凡夫所行諸佛
亦以是行佛與衆生有何差別平等
行梵天婆羅門大婆羅子言梵天仁
者欲令室中有差別耶答言不也文
殊師利問勝思惟大梵天言梵天如
來可不說一切法空耶答言如是文
殊師利言是故梵天一切諸法无有
差別是諸行相亦復如是无差別相
是故如來不說諸法有種種相

平等行梵天婆羅門大婆羅子問文
殊師利法王子言文殊師利如諸言
語所說行者何等名行答言善男子
以何等處有四正行是人名為行處
梵天善男子以何等人行四梵行彼
人所行非是梵行以何等行行四梵
行彼人名為成就梵行善男子雖於
空閑曠野中行離於梵行彼人不名
成就梵行非是善巧知於梵行善男
子復有雖於樓殿堂閣金銀牀檣妙
好被褥於此中行成就梵行彼人真
實成就梵行真是善巧知於梵行曰

若見我見非智見耶答言善男子如是如是善男子若見我見彼非智見善男子如人如實善知金性則知柔軟不柔軟者如是見我能清淨智日為說何者是我見耶答言善男子所謂無我法體常也善男子我常無體本來不成以彼如是畢竟決定故說名我曰如我解文殊師利所說法義若見我者即是見佛何以故我體佛體无分別故文殊師利何等人能見如来耶答言善男子若能不改我見相者何以故我見法見佛見平等曰頗有無所行名為正行耶答言有善男子若不行一切有為法者是名正行曰云何而行名為正行答言善男子若不為知故行不為斷故行不為證故行不為修故行是名正行曰頗有人不見佛而彼人慧眼清淨答言有善男子諸佛如來不見二相彼人則有聖眼清淨曰慧眼見何等法答言善男子若見一法不名慧眼善男子慧眼不見有為諸法亦復不見無為法也何以故以彼般若无分別故以

是義故般若不見有為諸法彼無為
法亦過慧眼是故不見曰頗有正行
比丘不得道果答言有善男子於正
行中无果無得亦无正行彼處亦無
修行一法善男子亦於彼處無果可
得以無分別故善男子若不得一法
乃名為得善男子若分別言我有所
得彼人我慢以正行中无增上慢以
無增上慢则无證無得曰為得何法
說名得道答言善男子以何等法不
生本來不生後亦不生為得彼法故
說實法曰若法不生何等法證答言
善男子若知不生即說彼知名為證
法見有為法一切不生是即名為得
證正定曰以何名為證正定耶答言
善男子我及涅槃平等無二無有差
別故說名為證正定也以隨正定是
故說名證正定也以畢竟得平等法
故說名正定又以能令得了義故說
名正定以不戲論諸三昧故說名正
定尔時世尊讚文殊師利法王子言
善哉善哉文殊師利快說此言誠如
汝說如是文殊師利汝說此法時七

千比丘不受諸法漏盡心得解脫三
萬二千諸天遠塵離垢於諸法中得
法眼淨有十千人離欲得定有二百
人發阿耨多羅三藐三菩提心五百
菩薩得無生法忍

尔時勝思惟梵天白佛言世尊是
文殊師利法王子能作佛事大饒益
衆生令无量衆生入於涅槃佛言善
男子汝亦饒益无量衆生令入涅槃
文殊師利問言梵天汝謂衆生有數
量耶答言不也問言梵天頗有衆生
如來說不又頗有衆生有衆生體不
答言無也問言梵天於汝意云何汝
謂如來有生有滅耶答言不也問言
梵天若如是者何等衆生如來令入
於涅槃耶梵天答言以何等法性文
殊師利法王子如是說法如是無世
間无涅槃文殊師利言梵天如是如
是如來不見世間不見涅槃梵天如
來所化聲聞弟子彼人亦不見世間
不見涅槃梵天所言涅槃唯是言說
然無有人行於世間亦无有人行於
涅槃梵天問言諸有所說諍訟言語

如此言語說何等法答言梵天是戲論耳不說衆生梵天若有戲論然則常無我慢以是義故於無物中而戲論也以知元實有戲論故不見戲論若不見戲論彼人不行世間若不行世間則不異見以不異見故說涅槃梵天開言文殊師利所言入涅槃者以何等對治而說涅槃答言梵天入涅槃者彼此因緣不相和合不起無明不起世間行若不起行是則不生若不生者即名涅槃若不起諸行名為寂靜彼法名為得證聖道以常不生如是名為說四聖諦

今時平等行梵天婆羅門大婆羅子謂文殊師利法王子言文殊師利如仁所說皆是真實文殊師利言善男子一切言說皆是真實曰虛妄言說亦真實耶答言如是何以故善男子是諸言說皆為虛妄元處無方若法虛妄無處元方即是真實以是義故一切言說皆是真實善男子提婆達多所有語言與如來語元異無別何以故諸有言說一切皆是如來言說

不出如故諸有言語所說之事一切皆以無所說故得有所說是以一切言說皆等文字同故文字空故曰如來可不說凡夫語賢聖語耶文殊師利言如是善男子可不如彼文字言語聖人說法凡夫亦以文字章句有所說耶荅言如是曰頗有文字分別言語此是凡夫文字言語此是聖人文

字言語耶荅言無也文殊師利言善男子如彼言語名字章句不分別无分別如是一切聖人離諸分別是故聖人無名字說聖人所行非言語相亦非法相非衆生相如鼓鼙等衆緣和合而有音聲是諸音聲無所分別如是善男子諸賢聖人善知一切衆因緣故於諸言說悉皆平等無所分別平等行菩薩言文殊師利如佛所說大衆集會當行二事若如實說法若聖默然文殊師利何者如實說法何者是聖默然荅言善男子若說法不違佛不違法不違僧是名如實說法若知法即是佛離相即是法無為即是僧是名聖默然又善男子若依

四念處有所說是名如實說法若於一切法無所憶念是名聖默然若依四正勤有所說是名如實說法若於平等不作平等非不作平等是名聖默然若依四如意足有所說是名如實說法若不捨身口意是名聖默然若依五根五力有所說是名如實說法若不隨他語而有所信為不取不捨故分別諸法一心安住无念念中若信諸法自性清淨離一切戲論諸因緣行是名聖默然若依七菩提分有所說是名如實說法若常行捨心無所分別无增無減是名聖默然若依八聖道有所說是名如實說法若知諸法相如彼揅喻不依法行不依非法行是名聖默然善男子於三十七菩提分法若能以言語建立開示分別演說是名如實說法如實說故是名如實說法若身證是法而不離身見法亦不離法見身於是觀中不見二相不見不二相如是現前見而不見是名聖默然

復次善男子若不妄想善我亦不妄

想著他不妄想著法非法非非法妄想而有所說是名如實說法若得不可說法想能離一切名字言語音聲得不動處入離行心是名聖默然復次善男子若於一切衆生知諸根力如是說法是名如實說法若常在於定心不散亂是名聖默然

今時平等行梵天婆羅門大婆羅子白文殊師利法王子言文殊師利如我解文殊師利所說法義諸聲聞人辟支佛等一切無有如實說法无聖默然何以故不能了知一切衆生諸根利鈍亦復不能常在定故文殊師利世間若有以真實語而問言曰誰是世間如實說法何者世間聖默然住當為說言諸佛是也文殊師利當為正說諸佛是也何以故諸佛如來具諸根力善知衆生諸根利鈍常在定故佛告文殊師利法王子言如是如是如平等行善男子所說唯諸如來有此二法

今時長老須菩提白佛言世尊我親從佛聞從佛親受汝等集會當行二

事若如實說法若聖默然世尊若聲聞人不能行者云何如來勅諸比丘行如實說法行聖默然佛言須菩提於汝意云何若聲聞人不從他聞能如實說法聖默然不須菩提言不也世尊佛言須菩提是故當知一切聲聞辟支佛人皆悉无有如實說法無聖默然尔時文殊師利法王子問長老須菩提言長老須菩提如來如實了知衆生八万四千心行汝知不乎汝於此中能有智慧隨其所應為說法不答言不能文殊師利言今須菩提能入觀一切衆生心三昧通達一切衆生心心所行自心他心无所尋不答言不能文殊師利言如來如實了知衆生八万四千心行隨其所應為說法藥又常住定平等相中心不動搖而常通達一切衆生心心所行而不思惟無障无闕今須菩提能如是不答言不能文殊師利言如來如實了知衆生八万四千心行如實說法藥而常在定平等相中心不搖動亦常通達一切衆生心心所行而不

思惟无障無碍須菩提是故當知一切聲聞辟支佛人非其境界須菩提或有衆生多婬欲者以觀淨故而得解脫不以不淨唯佛能知或有衆生多瞋恚者以觀過故而得解脫不以慈心唯佛能知或有衆生等分行者不以淨觀不以不淨觀不以觀過不以慈心不以不共語不以說法而得解脫者隨其根性以諸法平等而為說法令得解脫唯佛能知是故須菩提佛於如實說法人中取為第一於聖默然中取為第一

尔時長老須菩提白文殊師利法王子言文殊師利若諸聲聞辟支佛人不能如是如實說法不能如是聖默然者諸菩薩摩訶薩有能成就如是功德如實說法聖默然不答言唯佛當知於是佛告長老須菩提言須菩提有三昧名入一切語言心不散亂諸菩薩等若能成就此三昧者一切皆得如是功德尔時文殊師利謂正

等行菩薩言善男子為諸衆生八
四千行故說八万四千法藏名為如
實說法常在一切滅受想行定中名
聖默然善男子我若一切若餘殘劫
說是二義如實說法聖默然相不可
窮盡然說法辯才亦不盡也於是佛
告平等行菩薩言善男子乃往過去
無量无边於不可數阿僧祇劫時世有
佛号曰普光如來乃至佛婆伽婆劫
名名稱國名喜見彼普光如來喜見
世界七寶莊嚴豐樂安隱无諸怖畏
天人熾盛其地皆以衆寶莊嚴善男
子彼喜見國土有四百億諸四天下
一一天下縱廣八万四千由旬其中
諸城縱廣正等各一由旬皆以衆寶
而為校飾彼一城皆有二万五千
聚落而圍遶之一一聚落无量百千
万數人衆充滿其中安居止住人見
色像心皆喜悅无可憎惡亦皆志得
念佛三昧是以國土名曰喜見若他
方世界諸來菩薩皆得快樂餘國不
尔善男子其普光佛以三乘法為弟
子說亦多廣說如是法言若如實說

法若聖默然善男子今時上方藥王
佛國有二菩薩一名无盡意二名益
意詣慧見國普光佛所頭面礼足右
遶三帀恭敬合掌却住一面時普光
佛為二菩薩廣分別說淨明三昧言
善男子何故名曰淨明三昧善男子
若有菩薩入是三昧即時得離一切
煩惱於諸佛法得淨光明是故名曰
淨明三昧又前際一切法淨後際一切
法淨現在一切法淨是三世法畢竟清
淨以彼清淨常清淨故是以說言一切
諸法自性清淨常清淨也何謂諸法
自性清淨謂一切法自性是空離一
切法有所得故一切諸法自性无相
離一切法諸分別故一切諸法自性
無願以一切法不取不捨无求無欲
諸法畢竟自性離故是名諸法性常
清淨以何等世間性涅槃亦尔同彼
法性以何等涅槃性一切諸法亦同
彼性以是故說一切諸法自心性清
淨善男子譬如虚空若受垢染無有
是處心性亦尔若有垢染无有是處
善男子譬如虚空雖為烟塵雲霧覆

翳不明不淨而不能染虛空之性善
男子虛空之性若染汙者終不得名
為清淨也以彼虛空實不可染是故
說為虛空虛空如是善男子雖有為
行一切衆生有不正念起諸煩惱然
其彼心自性清淨不可染汙若染汙
者彼常垢汙不可清淨以不染汙是
故彼心自性清淨心得解脫善男子
如是名入淨明三昧門善男子彼普
光佛為二菩薩說如是法彼二菩薩
聞是三昧於諸法中得不可思議法
之光明

勝思惟梵天所問經卷第四

癸卯歲高麗國大藏都監奉
勅彫造

勝思惟梵天所問經卷第五

反

元魏天竺三藏菩提流支譯

今時無盡意菩薩白普光如來言世尊我等已聞入淨明三昧門當以何行行此法門時普光佛告無盡意菩薩言善男子有二法行汝等當行若如實說法若聖默然時二菩薩從佛受教頭面礼足遶佛三匝遶已而出趣一園林有妙池水自以神力化作寶樓於中修行時有梵天名曰妙光與諸梵俱七万二千來至其所頭面礼足問二菩薩言善男子普光如來說如是言汝等善男子大衆集會當行二事若如實說法若聖默然善男子何謂如實說法何謂聖默然二菩薩言梵天汝今至心善聽我當少分為汝說之如汝所問唯有如來乃通達耳於是二菩薩以二句義為諸梵衆廣分別說時諸梵衆七万二千皆得無生法忍妙光梵天得普光三昧時二菩薩於是七万六千歲中以樂說力無尋辯才答其所問如實說法

若聖默然不懈不息分別二句手相
問答而不窮盡於是普光如來在虛
空中作如是言善男子汝等勿於文
字言說而起諍訟凡諸言說皆空如
響如所問答亦復如是汝等二人皆
悉獲得無尋辯才及无盡陀羅尼若
於一劫若於百劫說此二句辯不可
盡善男子諸佛之法是寂滅相第一
之義此中寂靜畢竟寂靜無字无義
不可言說所有言說皆是无義是故
汝等諸善男子當依於義莫依名字
時二菩薩聞佛教已默然而止善男
子以是義故當知菩薩若以辯才有
所說法於百千万劫若復過於百千
万劫不可窮盡善男子於意云何彼
二菩薩豈異人乎無盡意者今文殊
師利是益意菩薩汝身是也妙光梵
天勝思惟是

尔時平等行菩薩白佛言希有世尊
諸佛菩提為大饒益精進衆生如說
行者得出菩提世尊衆生懈怠其有
不能如說行者雖復值遇百千万佛
無能為也是故當知從勤精進得出

菩提

勝梵天經卷第五 第三張 八

第

今時文殊師利問平等行梵天婆羅
門大婆羅子言善男子汝知菩薩云
何修行名勤精進答言文殊師利若
菩薩能得聖道名勤精進曰云何修
行能得聖道曰若於諸法無所分別
如是行者能得聖道曰云何名為得
聖道曰若行者於平等中見諸法
等是則名為得聖道已問言善男子
所言平等可得見耶答言不也何以
故文殊師利若平等法可得見者則
非平等文殊師利若能不見諸法平
等是則名為見於平等

今時勝思惟梵天問文殊師利法王
子言善男子諸法平等可得見不答
言梵天不可見也若見平等非平等
見梵天言文殊師利若行者於一切
法平等相中不見諸法是則名為得聖
道已問言梵天何故不見梵天答言
離於二相是故不見文殊師利如是
不見即是正見問言梵天於世間中
誰能平等見梵天答言諸佛如來問
言梵天云何能見梵天答言文殊師

利如色真如不異作受想行識真如
亦不異作文殊師利如五陰平等名
為見平等問言梵天何者是世間梵
天答言滅盡是世間問言梵天若彼滅
盡是世間者世間之相盡以不耶梵
天答言世間之相不可盡也問言梵
天以何義故說言世間是滅盡相梵
天答言世間畢竟是滅盡相以是義
故相不可盡何以故以是盡故不復
更盡問言梵天佛可不說諸有為法
是盡相耶梵天答言盡法相者彼常
不盡是故佛說一切有為相不盡也問
言梵天何故數名有為法耶梵天答
言以其盡故名有為法問言梵天有
為諸法為住何所梵天答言有為法
住無為性中問言梵天若如是者有
為之法與無為法有何差別梵天答
言有為之法與無為法文字言說有
差別耳何以故文字言說即是有為
是無為故若求有為無為法相則無
差別以彼法相無分別故問言梵天
何等法上有此言語梵天答言得無
為法則不分別法上言語問言梵天

何等言語名為義耶梵天答言所謂
為他令心取相說彼言語何以故一
切文字名為戲論而佛如來不住戲
論不依不說文殊師利一切言語本
非言語是故佛說一切諸法不可說
也何以故諸佛如來非彼言語而得
名故問言梵天諸佛如來云何得名
梵天答言諸佛如來非色非相非法
得名問言梵天諸佛如來可離色法
而得名耶答言不也文殊師利何以
故以色身如及法體如彼二如法非
一非異諸佛如來如是得名如來如
實真如得名若佛如來如實得名彼
則不失問言梵天諸佛如來得何法
故号名為佛梵天答言文殊師利諸
佛如來皆以通達一切法性清淨真
如如彼真如如是而證諸佛如來如
是得名是故号為正遍知者今時平
等行梵天婆羅門大婆羅子白佛言
世尊云何菩薩摩訶薩住大乘中而
說言住今時世尊以偈答曰

菩薩不壞色 住於菩提心 知色如菩提
是點慧菩薩 如色菩提然 平等入如相

不壞諸法性

是點慧菩薩

不壞菩提義

則為菩提義

是菩提義中

亦無有菩提

正行第一義

是名住菩提

菩薩點慧人

如是解菩提

愚於陰界入

而欲求菩提

陰等是菩提

不別有菩提

點慧諸菩薩

於上中下法

不取亦不捨

是名住菩提

點慧不分別

法非法為二

亦不得不二

是名行菩提

若二則有為

非二則無為

離是二邊者

是名行菩提

是人過凡夫

亦不入法位

未得果名聖

是世間福田

觀察世間法

處中若蓮華

遵行最上道

是名住菩提

世間行何處

菩薩彼處行

一切諸世間

悉沒何等法

點慧如實知

於中得解脫

點慧則不畏

沒於世間洲

不怯心劣心

行於菩薩行

菩薩點慧人

善知法性相

是故不分別

是法是非法

點慧菩薩行

無法可捨離

亦無法可起

是名菩提相

一切法無相

猶如虛空相

點慧者不念

是相是可相

菩薩常護法

以住於平等

平等即是法

以不分別法

世有佛無佛

一切諸法空

點慧諸菩薩

不捨彼法體

現見佛諸法

所有法體相

為於衆生說

以住真如故

諸魔不能惻

以諸行甚深 點慧不取法 遍知諸法故
求知佛智慧 而不住於彼 智不有住處
非不住異處 諸佛慧無身 不著法非法
若能不著此 究竟得菩提 其諸樂善人
布施轉高尊 捨一切所有 而心不傾動
諸法不可捨 亦復不可取 一切世間法
我本不可得 如實知諸法 非縛非解脫
佛說是施主 無所見法故 是等諸菩薩
不計我我所 是故行施時 不生貪惜心
諸所有布施 皆迴向佛道 布施及菩提
不住是二相 無作无起戒 常住戒法中
亦不作念言 我住是持戒 點慧知戒相
不生亦不作 是故菩薩戒 清淨如虛空
觀身如鏡像 言說如響聲 心則如幻化
不以戒自高 其心常柔軟 安住寂滅性
悉滅一切惡 通達於善法 持戒及毀戒
不得此二相 如是見法性 則持無漏戒
已到忍辱岸 能忍一切惡 於一切諸法
其心常平等 諸法念念滅 其性常不住
於中無罵辱 亦無有恭敬 若節節解身
其心終不動 知心不在內 亦不在外故
身怨及刀杖 皆從四大起 點慧悉現見
名為忍辱人 於地水火風 未曾有傷損

通達於此事 常行忍辱法 菩薩行如是
衆生不能動 勇猛勤精進 堅住於大乘
是人於身心 而無所依止 雖知生死本
其際不可得 為一衆生故 莊嚴大誓願
法本不生滅 何處有滅相 本際不可得
顛倒見起滅 法性常令住 故不可思議
若能知如是 不生亦不滅 菩薩念衆生
不解是法相 為之勤精進 今得離顛倒
諸佛常不見 衆生決定相 而不捨發心
是名精進人 思惟一切法 知皆如幻化
智慧不得堅 觀法如虛空 從虛妄分別
貪著生垢染 為斯開法門 令得入涅槃
為彼行精進 而不壞於法 離法非法故
常行真精進 是等行遠離 以得無譏定
獨內俱不住 而常畏世間 樂住於閑居
猶如犀一角 遊戲諸禪定 明達諸神通
心常住平等 等空閑聚落 平等无分別
常令名寂靜 常解知寂靜 無漏无分別
信法得解脫 故說名寂靜 來去皆平等
彼常住平等 不滅於平等 故說住平等
自住平等法 以此道衆生 不違平等行
故說常定住 志念常堅固 不忘菩提心
而能化衆生 故說常定者 常念於諸佛

真實法性身遠離色身相故說常定者
常修行諸法如諸法法體而无有憶念
故說常定者常不捨念僧知僧是无為
離於數寂靜善思惟默慧十方佛國土
悉見於諸佛而於眼色中終不生二相
諸佛所說法一切能聽受而於耳聲中
亦不生二相能於一心中知諸衆生心
自心及彼心此二不分別憶念過去際
如恒河沙劫是先及是後亦復不分別
能遍至無量不思議佛所而於身心中
無有疲倦相分別知諸法樂說辯無盡
於元央數劫開示法性相智慧到彼岸
以解陰界入常為衆生說無取无戲論
善知因緣法遠離二邊相知是煩惱因
亦知是淨因信解因緣法則无諸邪見
法皆属因緣無有定根本默慧无我見
佛見與空見世間涅槃見皆無如是見
以智慧光明知一切法性无間無障碍
是智者行道是業名大乘不思議佛乘
悉容受衆生是大乘菩提一切諸乘中
是乘為第一如此大乘者能出生餘乘
餘乘有限量不能受一切唯此無上乘
能悉受衆生若行此無量虚空之大乘

於一切衆生無有慳吝心有智者住此
無垢之大乘此乘如虛空无色不可示
若有諸衆生乘此大乘者當觀是乘相
寬博多所容無量無數劫說大乘功德
及乘此乘者功德不可盡若住此大乘
被人離諸難得值諸無難此是智慧人
聞是妙經典乃至四句偈不墮於惡道
得到安隱處愛敬此經者是天亦是人
以捨是身已常生人天故於後惡世時
若得聞是經我皆與授記究竟成佛道
若後惡世時手執此妙典即是住真法
能轉此法輪若人持是經能轉無量劫
生死趣往來得近於佛道若能持是經
智慧大精進是人極勇猛能降伏諸魔
然燈授我記令得無生忍愛樂此經者
我授記亦然若佛不出世無度衆生時
愛樂此經者作佛所作事

說此偈時五千天子皆發阿耨多羅
三藐三菩提心二千菩薩得無生法
忍十千比丘立不受諸法漏盡心得解
脫三万二千人遠塵離垢於諸法中
得法眼淨尔時文殊師利法王子白
佛言世尊如我解佛所說法義若有

人發菩提願者是為邪願何以故一切諸法若有所得悉皆是邪若有人計有得菩提而發願者如是之人諸所作行皆為邪行何以故以彼菩提不住欲界不住色界亦復不住無色界故若彼菩提无有住處不應發願世尊譬如有人願得虚空彼人寧有得虚空不佛言不也如是世尊菩薩亦發虚空相菩提之願當知即是發虚空願是菩提無願出過三世非是受相若菩薩起於二相發菩提心作如是念異彼生死而有菩提異彼菩提而有涅槃然彼菩薩非菩提行今時勝思惟梵天問文殊師利法王子言文殊師利云何菩薩摩訶薩行菩提行答言梵天若菩薩行一切法而於諸法無所行者是為菩薩行菩提行何以故梵天過諸所行是名菩薩行菩提行又復問言文殊師利云何菩薩行過諸所行是行菩提行答言梵天遠離一切諸攀緣相離於眼耳鼻舌身意諸緣之相是名菩薩出過一切諸境界行又復問言文殊師利

言出過者以何意故如是說耶答言
梵天不過平等何以故梵天諸法平
等即是菩提又復問言云何菩薩起
菩提願答言梵天當如彼菩提又復
問言云何菩提答言梵天菩提者非
過去非未來非現在是故菩薩三世
清淨觀起菩提願梵天如過去未來
現在諸法本來不生若本不生則無
修行如是起願彼人无有處所發願
何以故如是發願行菩提行得一切
種一切智智又復問言何義名為一
切智智答言梵天一切悉知是故說
為一切智智又復問言以何等法是
一切智智答言梵天無別異相以何等
處無衆生相如彼衆生如是而知是
故名為無別異相又復問言云何名
為元衆生耶答言梵天言衆生者但
有名字離名字性則無衆生離彼衆
生則无名字是故名字不異衆生衆
生之性不異名字若有菩提異衆生
者應有二相以如菩提衆生亦亦以
是義故不異衆生有菩提也以不異
故菩提平等菩提平等則我平等如

是平等而得菩提彼法無異以是義
故彼無異也我常平等如彼无我是
故無我无異於我如彼虛空無有異
相如是平等一切諸法无有異相
今時勝思惟梵天謂文殊師利法王
子言文殊師利當知如來是實語者
以如實解如是法故文殊師利法王
子言梵天佛於諸法無所修行何以
故如來猶尚不得諸法何況修行梵
天問言文殊師利如來豈可不知諸
法是有為法是无為法在世間法是
出世間法耶文殊師利問言梵天於
意云何頗有人能修行虛空知虛空
不答言不也問言梵天所說虛空虛
空頗有生滅不耶答言不也文殊師
利言梵天如是諸法猶如虛空如彼
虛空無有生滅一切諸法亦復如是
不以說故便謂諸法有生有滅梵天
如此說法无有所說一切諸法而可
說也以一切法不生不滅故無可說
若所說法不生不滅無可說者說亦
如是无法說也何以故如彼法說以
何等識說彼諸法彼識亦亦以是義

故言說諸法真如法住无真如住而
真如不住

尔時四天王釋提桓因大梵天王娑
婆世界主集在會中即以天華散於
佛上而作是言世尊若善男子善女
人聞文殊師利法王子說如是法有
信解者當知是人能破魔軍及諸怨
敵何以故以法王子文殊師利善說
諸法離一切相若有善男子善女人
得聞如是甚深法門不驚不怖能信
解者當知是人必定不從小功德來
若是經典所在之處當知其處佛所
住持若有得聞如是甚深法門之處
當知其處佛轉法輪隨是經典在何
住處若聚落城邑山林曠野塔寺僧
房經行之處諸魔外道貪著之人所
不能行若多供養過去諸佛乃能得
聞如是經典於是經中我等獲得智
慧光明而不能得仰報如來文殊師
利勝思惟梵天之大恩也我等常於所
從聞經說法法師生世尊想能以血
肉而供養之猶不報恩我等諸人於
是法師生世尊想我等諸人常當隨

侍說是法者此善男子常為諸天之
所衛護世尊若人書寫如是經典若
讀若誦若解說時無量諸天為聽法
故往至其所

今時世尊告四天王釋提桓因梵天
王等諸大眾言善哉善哉諸善男子
如汝所說如是如是若有三千大千
世界滿中七寶布施福德以為一分
閼是法門所得功德其福勝彼諸善
男子置是三千大千世界有人若如
恒河沙等十方世界滿中七寶布施
福德以為一分聞是法門所得功德
復過於彼諸善男子若有欲得諸功
德者當聽是經若有欲得身色端正
欲得財富欲得眷屬欲得自在欲得
具足天樂人樂欲得名稱欲得多聞
憶念堅固正行威儀戒定智慧解達
經書欲得善知識欲得樂說辯才欲
得三明六通欲得一切善法欲得與
諸衆生一切樂具欲得涅槃者當聽
是經敬信是經受持讀誦如說修行
廣為人說

諸善男子若有人能行是經者我不

見其有不攝受如此一切諸勢力者諸善男子我今語汝若人所從聞是經者若是和上若阿闍梨我未曾見世間所有供養之具能報其恩以是法門出於世間世間供養所不能報何以故以是法門過於世間世間財物所不能報是法無染染汙之物所不能報不可得以世間資生飲食卧具所能報恩

諸善男子說是法者餘不能報惟有此事謂如說行若有人能於此法門如說行者是人名為能報佛恩是人亦名恭敬於師淨畢報恩是人亦空食人信施是人名為順如來教是人名為越度衆流是人名為過諸險道是人名為建立勝幢是人名為能破敵陣是人名為師子之王无所畏故是名為王能降魔故是名牛王外道論師無能壞故是名醫王療衆病故是人名為无所怖畏能說如是甚深法故是人名為能具足捨能捨一切諸煩惱故是人名為持清淨戒究竟一切諸善法故是人名為得大忍辱

以得遠離我我所故是人名為大精
進力於無量劫心无倦故是人名為
具足禪定心常繫念住一處故是人
名為有大智慧善解言說諸章句故
是人名為有大功德以無量福嚴身
相故是人名為有大威德能蔽日月
諸光明故是人名大力持佛十力故
是人名大雲能震法雷故是人名大
雨滅煩惱塵故是人名歸依以至涅
槃故是人名大救救生死畏故是人
名燈明離无明闇故是人名歸趣魔
所驚怖者之所歸依故是人名究竟
大道之衆生是人名得位以坐道場
故是人名得法眼是人名見真如是
人名知空是人名為安住大悲是人
名為安立大慈是人捨一切衆生
是人名為背於小乘是人名為向於
大乘是人名為除捨顛倒是人名為
至于平等是人名為入於法位是人
名為安住道場是人名為破壞諸魔
是人名為住一切智是人則能轉于
法輪是人能作佛所作事諸善男子
我若一切若餘殘劫稱揚彼人讚歎

彼人說其如說修行功德不能窮盡
如來之辯亦不可盡所有功德亦不
可盡

尔時會中有一天子名不退轉在大
會坐時不退轉天子白佛言世尊世
尊所說隨法修行隨法修行者云何
說名隨法修行佛言天子如我所說
隨法行者謂不修行一切諸法是名
修行一切諸法何以故若人修行一
切諸法彼法不作亦非不作若法不
作亦非不作是則名為隨法修行如
是行者則不行善不行不善不行有
漏不行無漏不行世間不行出世間
不行有為不行無為不行生死不行
涅槃是則名為隨法修行若不修行
一切法者名為修行以世間人有法
相者不如實行若有法相彼人則无
如實修行若人不能住於法中不如
實行一切諸法以一切法無有對故
如是說名如實修行

尔時不退轉天子白佛言世尊若能
如是如實行者是人畢竟如實修行
何以故實法行者名為畢竟如實修

行非是住於邪行道者住正道者有
隨法行世尊行正行者無有邪法何
以故諸法平等元差別故

今時勝思惟梵天問不退轉天子言
善男子汝住如實修行中耶答言梵
天若使世尊所說法中有二相者我
則住於如實修行今以諸法無有二
相是乃名為如實修行梵天而我如
實住彼行中以常不作亦不戲論如
真如法如是修行如實之法我住彼
法如彼法行是故我說住於修行梵
天言天子我嘗於此佛國土中不曾
見汝天子言梵天我亦於此佛國土
中不曾見我梵天言天子此佛國土
非是分別無所分別我見不見天子
言梵天我亦如是亦不分別無所分
別曾於佛土見與不見問言天子何
人能見未曾見耶答言梵天謂諸凡
夫一切未曾見聖法位若能入者是
則名為先所未見而能見也是法位
如非眼識見亦復非是耳鼻舌身意
識所知但諸聖人如彼真如如是而
見如眼耳如乃至意如及法位如亦

復如是若有能作如是見者是名正見
今時釋提桓因白佛言世尊譬如商
主入於寶洲眼所見者皆是寶物如
是成就不可思議諸功德者有所樂
說皆是法寶皆示實際以是諸善男
子不著我見不著衆生見故是諸善
男子有所樂說皆不顛倒是諸善男
子有所樂說能清淨本際不見後際
不見現在際是諸善男子有所樂說
若無信者能令生信若已信者令得
解脫是諸善男子有所樂說若憍慢
者能令降伏無憍慢者令如實知是
諸善男子有所樂說一切諸魔不能
得便其有聞者過諸魔業是諸善男
子有所樂說若有未生諸善法者則
能令生若有已生諸善法者能令不
減是諸善男子有所樂說現在煩惱
已生能斷未生煩惱能令不生是諸
善男子有所樂說若有未發菩提心
者則能令發已發心者能令不退是諸
善男子有所樂說能令一切諸法不
斷攝取一切諸法不減是諸善男子
有所樂說能令滿足一切佛法世尊

以是樂說能善降伏一切外道何以故世尊一切野干師子王前不能勝身何況出聲世尊一切外道諸論義師亦復如是不能堪忍堪作無上師子王吼

尔時不退轉天子問釋提桓因言憍尸迦所言師子吼師子吼者為何謂耶以何義故名師子吼荅言天子若行者說法無所貪著而有所說是則名為師子吼也若行者貪著所見而有所說是野干鳴不得名為師子吼也以起一切諸邪見故天子汝當復說云何名為師子吼者天子荅言憍尸迦若行者有所說法乃至如來尚不貪著何況餘法是則名為師子吼也又憍尸迦若行者如說修行如是說法名師子吼決定說法名師子吼說法無畏名師子吼又憍尸迦若行者為得諸法不生不滅不為法生不為法滅如是說法名師子吼又憍尸迦若行者為無垢无淨無合无散是故說法名師子吼又憍尸迦師子吼者名決定說一切諸法悉無有我无衆生

等名師子吼以決定說諸法皆空无
相無願名師子吼守護法故而有所
說名師子吼為諸衆生令得解脫發
菩提心說如是言我當作佛如是說
法名師子吼若能清淨資生知足如
是說法名師子吼常能不捨阿蘭若
處如是說法名師子吼若自行施化
他令施如是說法名師子吼若能不
捨成就威儀如是說法名師子吼等
心忍親如是說法名師子吼常修精
進不捨本願如是說法名師子吼能
除煩惱如是說法名師子吼能以智
慧善知所行如是說法名師子吼當
說如是師子吼時於此三千大千世
界六種震動百千伎樂自然出聲放
大光明普照天地百千諸天踊躍歡
喜而作是言此不退轉天子所說師
子吼法我等得聞於閻浮提則為弄
見轉于法輪時佛微笑諸佛常法若
微笑時則有若干百千万種青黃赤
白紅紫等光從口中出普照無量无
邊世界上過梵世蔽日月光照已還
攝遶身三匝從頂相入於是勝思惟

梵天向佛合掌偈讚請曰

度一切慧寂勝尊 悉知三世衆生行
智慧功德及解脫 願為演說笑因緣
佛慧無量不思議 知衆生心无障碍
隨應說法稱根性 聲聞緣覺所不及
惟願寂勝無上尊 為我演說笑因緣
古淨無垢月光明 如帝釋王梵天王
普照天人須弥山 及鐵圍等一切山
惟願寂勝无比尊 為我演說笑因緣
大聖寂然離瞋恨 天人瞻仰無歇足
一切皆蒙得快樂 願為分別笑因緣
通達諸法如虚空 水沫電雲幻無影
水中月等虚空相 願以妙音說笑緣
離分別相諸邪見 了空无相及無作
常樂禪定寂然法 願說放此淨光緣
不著文字言語聲 為諸衆生常說法
不著我法無垢慧 一一法句如來說
智通根力皆具足 華光智慧為我說
如來世尊能永滅 生老病死一切苦
那羅延力勇猛力 降伏一切諸魔力
能與衆生無歸者 而作歸依法燈明
惟願勇猛天人師 為我分別說笑緣
今時世尊告勝思惟大梵天言梵天

是不退轉天子汝為見不大梵天言
如是世尊唯然已見佛言梵天此不
退轉天子從今已後過三百二十萬
阿僧祇劫當得作佛号須弥燈王如
來應正遍知乃至佛婆伽婆世界名
善化劫名梵歎其佛國土閻浮檀金
琉璃為地純菩薩僧勇猛降伏諸魔
怨敵所須之物應念即至如兜率天
佛壽無量不可計數說法无過於是
勝思惟梵天謂不退轉天子言天子
如來今已授仁者記天子言梵天我
之受記如與真如法界授記與我授
記亦復如是梵天言法性法界不可
授記天子言如法性法界不可授記
當知一切菩薩授記亦復如是梵天
言天子若佛如來不與汝記汝於過
去諸如來所是則便為空修梵行天
子言梵天若无所住是住梵行問言
天子云何无住而住梵行答言梵天
若不住欲界不住色界不住無色界
是住梵行復次梵天若不住我不住
衆生不住壽命不住人者是住梵行
以要言之若不住法不住非法是住

梵行問言天子所說梵行為有何義
答言梵天住不二道是梵行義問言
天子住不二道為住何所答言梵天
住不二道是即不住一切諸法何以
故以衆賢聖皆無所住不取於法不
度諸流問言天子云何修道答言梵
天不墮有無故不分別是有是无如
是修者名為修道問言天子為以何
法而修道耶答言梵天不以見聞覺
知等法亦不以得亦不以證於一切
法無相无示名為修道

勝恩惟梵天所問經卷第五

癸卯歲高麗國大歲都監奉
勅彫造

勝思惟梵天所問經卷第六

及

元魏天竺三藏菩提流支譯

尔時勝思惟梵天問不退轉天子言
天子何謂菩薩堅固精進答言梵天
若菩薩於諸法不見一相不見異相
是名菩薩堅固精進若菩薩於諸法
不壞法性故於諸法無著无断無增
無減不見垢淨出過法性是名第一
堅固精進所謂菩薩身無所起心无
所起於是世尊讚不退轉天子言善
哉善哉讚天子已語勝思惟大梵天
言如此天子向來所說身無所起心
無所起是為第一堅固精進梵天我
念往昔一切所行堅固精進持戒頭
陀供養諸佛恭敬尊重而彼諸佛皆
不授我阿耨多羅三藐三菩提記於
諸佛所如是供養恭敬尊重於空閑
處思惟坐禪習多聞慧愍念衆生給
其所須一切所行難行苦行動行精
進而彼諸佛不授我記何以故我於
尔時住身口心起精進故梵天我乃
於後得如天子上來所說堅固精進

然後方為燃燈如來授我記言汝於
來世當得作佛号釋迦牟尼是故梵
天若有菩薩欲得如來速疾授記應
當修行如天子說堅固精進謂於諸
法不起精進梵天言世尊云何三世
平等精進佛言梵天過去心已滅未
來心未至現在心无住若法已滅不
復更起若法未至即無生相若法无
住即住實相若如是者則非過去非
是未來非是現在若非過去非是未
來非是現在是名自性如是自性即
是不生梵天是名三世平等精進能
令菩薩疾得授記梵天菩薩成就如
是法忍信一切法無所捨故是名菩
薩布施精進信一切法無諸漏故是
名菩薩持戒精進信一切法无所傷
故是名菩薩忍辱精進信一切法无
所起故是名菩薩勤行精進信一切
法悉平等故是名菩薩禪定精進信
一切法不分別故是名菩薩般若精
進梵天菩薩如是信於諸法不增不
減不邪不正而常布施不求果報常
持禁戒无所貪著修行忍辱知内外

空修行精進知無所起修行禪定无
所依止修行般若无所取相梵天菩
薩成就如是法忍雖復亦現於一切
法有所修行而无染汙是人名得諸
法平等不為世法得失毀譽稱讚苦
樂之所傾動出過一切世間法故亦
不自高亦不自下不喜不憂不動不
逸无有二心離於諸見得無二法於
諸衆生墮二見者起大悲心以為教
化諸衆生故而現受身梵天是名第
一堅固精進所謂得無我忍忍於衆
生起大悲心攝受衆生當說如是大
精進時八千菩薩得無生法忍佛為
授記皆當得成阿耨多羅三藐三菩
提各於異土得成佛道皆同一号号
堅精進

尔時慧命大迦葉在大會坐而白佛
言世尊譬如大龍若欲雨時雨於大
海不雨餘處此菩薩亦復如是以大
法雨為大海心諸菩薩說不為餘者
佛言如是如是迦葉如汝所說諸大
龍王所以不雨閭浮提者非有恡妬
但以其處不堪受故何以故大龍所

雨澍如車軸閭浮提中不能容受者
其雨者是閭浮提城邑聚落山林陂
池皆悉漂流如漂棄葉是故大龍不
以大雨雨閭浮提如是迦葉此諸菩
薩不雨法雨於餘衆生亦无恡妬但
以其器不能堪受如是等法以是義
故此諸菩薩但於甚深無量无边智
慧大海菩薩心中雨如是等不可思
議無上法雨迦葉譬如大海堪受大
雨澍如車軸不增不减此諸菩薩亦
復如是若於一劫若復百劫若聽若
說其法湛然不增不减迦葉譬如大
海四天下中百川衆流入其中者同
一鹹味此諸菩薩亦復如是聞種種
法種種論義皆能信解皆為一味所
謂空味迦葉譬如大海清淨無垢濁
水流入即皆澄淨此諸菩薩亦復如
是能淨一切瞋恨害垢迦葉譬如大
海甚深無底不可度量此諸菩薩亦
復如是悉皆能入甚深法相一切聲
聞辟支佛等不能度量迦葉譬如大
海集無量水集无量寶此諸菩薩亦
復如是集無量法无量智慧無量法

寶以是義故說諸菩薩心大如海迦
葉譬如大海積聚種種無量珍寶此
諸菩薩亦復如是一切皆入種種法
門集諸法寶種種行道出生無量法
寶之聚迦葉譬如大海生三種寶
一者少價二者大價三者無價此諸
菩薩所可說法亦復如是隨諸衆生
根之利鈍令得解脫有以小乘令得
解脫有以中乘令得解脫有以大乘
令得解脫迦葉譬如大海終不偏為
一衆生有此諸菩薩亦復如是不唯
獨為一衆生故發菩提心迦葉譬如
大海漸漸轉深漸漸稱意此諸菩薩
亦復如是向薩婆若漸漸轉深漸漸
隨意迦葉譬如大海不宿死屍此諸
菩薩亦復如是不宿聲聞辟支佛心
亦復不宿慳貪毀禁瞋恚急亂念
愚癡如是等心亦復不宿我人衆生
如是等鬼迦葉譬如劫盡燒世界時
諸小陂池江河泉源在前枯竭然後
大海乃當消盡正法滅時亦復如是
諸行小道正法先盡然後菩薩大海
之心正法乃滅迦葉此諸菩薩寧失

身命不捨正法迦葉大海之水則有
滅盡而諸菩薩摩訶薩等甚深正法
不盡不滅迦葉汝謂菩薩失正法耶
勿作斯觀迦葉如彼大海有金剛珠
名集衆寶於千世界大海之中轉作
金剛摩尼寶珠乃至第七日出之時
大火猛焰上至梵世而此寶珠不燒
不失轉至他方大海之中若是寶珠
在此世界世界燒者無有是處此諸
菩薩亦復如是正法滅時七邪法出
尔乃至於他方世界何等為七一者
外道論二者惡知識三者邪用道法
四者互相惱亂五者入邪見棘林六
者不能壞不善根七者無有證會法
者是等七惡出於世時此諸菩薩知
諸衆生不可得度尔乃至於他方佛
國亦常不離見佛聞法教化衆生增
長善根迦葉譬如大海無量衆生之
所依止得安樂處此諸菩薩亦復如
是衆生依止得三種樂人樂天樂涅
槃之樂迦葉譬如大海其水極鹹餘
處衆生鹹不能飲此諸菩薩亦復如
是諸魔外道不能吞滅迦葉譬如大

海水中衆生不於餘處求覓水飲而
即飲此大海鹹水此諸菩薩亦復如
是不於餘處推求法味以飲服之唯
自飲服諸佛法味今時大德迦葉白
佛言世尊大海雖深尚可測量此諸
菩薩一切聲聞辟支佛等不能測量
是故說此諸菩薩心猶如虛空佛言
迦葉恒河沙等諸世界中大海之水
猶可測量此諸菩薩智慧大海不可
測量今時世尊偈重說言

譬如大海能悉受 一切衆水無滿時
此諸菩薩亦如是 常求法利無厭足
譬如大海納衆流 一切悉歸不盈少
此諸菩薩亦如是 聽受深法無增減
譬如大海性不濁 濁水流入悉澄清
此諸菩薩亦如是 能淨一切煩惱垢
譬如大海深无底 此諸菩薩亦如是
功德智慧無有量 一切外道不能測
譬如大海等一味 百川流入味不殊
此諸菩薩亦如是 所聽受法一空味
譬如大海在世界 非但為一衆生有
此諸菩薩亦如是 普為一切發道心
如海寶珠名集寶 因是寶故有衆寶

菩薩寶聚亦如是

從菩薩寶出三寶

譬如大海有三寶

而彼大海無分別

菩薩說法亦如是

三乘度人无彼我

譬如大海漸漸深

此諸菩薩亦如是

為衆生故修功德

漸入甚深薩婆若

譬如大海不宿死

此諸菩薩亦如是

發清淨心菩提願

不宿聲聞緣覺心

譬如大海有寶珠

劫盡燒時寶不燒

菩薩於法欲滅時

大智護持令不滅

如彼寶珠不燒失

轉至他方大海中

知諸衆生非法器

默慧菩薩至餘國

三千世界欲燒時

劫火將起燒天地

百川衆流在前涸

尔乃水王於後竭

行小道者亦如是

法欲盡時在前滅

菩薩勇猛不惜身

護持正法乃不盡

若佛在世若滅後

是心中寶實不滅

深心清淨住是法

以此善法修行道

百千衆生依止海

海有非為一衆生

菩薩發心亦如是

為度一切衆生故

十方世界諸大海

猶尚可得測其量

是諸菩薩所行道

聲聞緣覺不能測

十方世界虚空界

空界猶尚可測量

諸菩薩行虚空界

不可測量此行界

迦葉當知諸菩薩勇猛精進堅固心
願欲作佛度衆生尚無與等何況勝
斯德寶聚如大海是可供養良福田
是為家上大醫王能療一切衆生病
是為歸依作救護洲渚燈明究竟道
能與無明世間眼得眼則能服甘露
是為世間諸法王是為帝釋決斷智
是為大梵行四禪是為能轉梵法輪
是為大智導世師示著邪徑正真道
勇猛能住大菩提是為清淨除穢惱
是修白法如滿月光明高顯猶如日
菩薩智慧慧生增長如大雷聲雨法雨
是無所畏如師子是一切諸魔不能伏
菩薩堅固如須弥是有威猛為如火
離濁清淨為如水无能動轉為如地
是無障導為如風拔我慢根貪嫉等
以是菩薩離限心世間八法不染汙
如藥樹王无分別千萬億劫不可見
菩薩為如優曇華是為不斷諸佛種
是為知報佛之恩是用喜捨而超出
是為堅固行大悲是常求佛法寶財
是能捨離五欲心善住持戒无等侶
是行布施為最勝

善住忍力健無匹 是勤精進无疲倦
是行禪定具神通 能至無量諸佛土
常見諸佛聽受法 如其所聞為人說
善知衆生所行行 隨其性欲根利鈍
是名善知方便力 是然慧燈得濟處
是能善知一切法 是知衆生得解脫
修行堅固如實知 如是回生如實知
是於諸法正觀察 為從何來至何所
善知諸法無去來 常住法性而不動
是見有為法皆空 增益大悲濟衆生
妄想煩惱故受苦 為度之故修行道
凡夫分別我我所 行於種種諸邪見
是能曉了法實相 為斷諸見講說法
無常為常不淨淨 无我謂我苦為樂
凡夫顛倒貪著故 生死前際不可知
能知如是顛倒法 无我無人无衆生
菩薩如是修正道 無常无樂無我淨
迦葉當知此菩薩 我所讚歎諸功德
於其所行不可盡 猶如大地舉一塵
發菩提心若不退 三千大千供養具
若復有供過於此 是人應受此供養
若人發心願作佛 是則恭敬供養我
於諸去來現在佛 亦皆恭敬供養已

尔時勝思惟梵天語文殊師利法王子言文殊師利當請如來應正遍知護此法門後世末世依於如來住持之力令此法門廣行流布文殊師利法王子言梵天於意云何汝謂如來於此法門有法有說可示可護不耶答言不也文殊師利言梵天是故當知一切諸法無說无示無滅无護若有擁護此法門者為護虛空梵天若有菩薩作如是言我護法者彼諸菩薩非是正說何以故以此法門出過一切諸言語故是名菩薩樂無諍訟梵天若有菩薩於此眾中作是念言今說是法當知是人即非聽法何以故不聽法者乃為聽法梵天問言文殊師利以依何意作如是言不聽法者乃為聽法文殊師利答言梵天不漏眼耳鼻舌身意是為聽法何以故若於眼等內六入中不漏色聲香味觸法乃為聽法

尔時會中三万二千天子五百比丘三百比丘居八百優婆塞八百優婆夷聞法王子文殊師利如是所說一

切皆得無生法忍得是忍已作如是言如是如是文殊師利如仁所說不聽法者乃為聽法今時勝思惟梵天問於得忍諸菩薩言汝等豈不聽是法門耶諸菩薩言如我等聽以不聽為聽梵天問言汝等云何知是法門答言梵天以不知為知梵天問言汝等以得何等法故名得法忍答言梵天以一切法皆不可得是故我等名得法忍梵天問言汝等云何隨是法行答言梵天以不隨行是隨法行梵天問言汝等可不明了通達此法門耶答言梵天一切諸法我等悉皆明了通達無彼我故

今時會中有一天子名曰無垢集在會坐謂勝思惟大梵天言梵天若有但聞此經法門不為如來與授記者我當授其阿耨多羅三藐三菩提記何以故以此法門不失因果而能出生一切善法能壞魔怨離諸憎愛能令衆生心得清淨能令信者皆得歡喜以此法門除諸瞋恨以此法門一切善人之所修行以此法門一切諸

佛之所護念以此法門一切世間天人阿修羅所共守護以此法門決定必得至不退轉以此法門真實不誑至道場故以此法門真實不倒能令衆生得諸佛法以此法門能轉法輪以此法門能除疑悔以此法門能開聖道以此法門求解脫者所應善聽以此法門若有欲得陀羅尼者所應善持以此法門求福之人所應善說以此法門樂法之人所應善護以此法門能與快樂至於涅槃以此法門若魔外道有所得人而不能斷以此法門應受供人能隨其義以此法門能令利根行者欣悅以此法門令真智者皆悉歡喜以此法門能與人慧離諸見故以此法門能與人智破愚癡故以此法門文辭次第善說法故以此法門究竟善巧隨義說故以此法門多所利益說第一義以此法門愛樂法人之所貪惜以此法門有智之人所不能離以此法門是行施者之大寶藏以此法門是熱惱者之清涼池以此法門能令瞋者慈者心皆平等

以此法門令懈怠者皆行精進以此法門令妄念者皆得禪定以此法門與愚癡者般若之明梵天此法門者一切諸佛之所貴重无垢天子說是法時於此三千大千世界六種震動佛即讚言善哉善哉無垢天子如汝所說今時勝思惟梵天白佛言世尊是无垢天子曾於過去諸如來所聞是法門耶佛言梵天是无垢天子已於過去六十四億諸如來所聞是法門復過四万二千劫已當得作佛号无垢莊嚴國名寶莊嚴於其中間諸佛出世一切供養亦於彼佛聞是法門梵天是諸比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽人非人等在此會中得法忍者皆當得生寶莊嚴國今時無垢天子白佛言世尊我不求菩提不願菩提不貪著菩提不喜樂菩提不思念菩提不分別菩提云何如來授我記耶佛言天子如以草木莖節枝葉投於火中而語之言莫然莫然若以是語而不然者無有是處

如是天子菩薩亦尔雖不求菩提不願菩提不貪著菩提不喜樂菩提不思念菩提不分別菩提當知是人已為一切諸佛所記何以故若諸菩薩不求菩提不願菩提不貪著菩提不喜樂菩提不思念菩提不分別菩提則於諸佛必得授於阿耨多羅三藐三菩提記

尔時會中五百菩薩白佛言世尊我等今者不求菩提不願菩提不貪著菩提不喜樂菩提不思念菩提不分別菩提作是語已以佛神力即見上方八万四千諸佛授其阿耨多羅三藐三菩提記

尔時五百菩薩白佛言希有世尊如来善說若諸菩薩不求菩提不願菩提不貪著菩提不喜樂菩提不思念菩提於菩提不分別無分別如是菩薩當知已為諸佛授記世尊我等今見上方八万四千諸佛皆與我等授阿耨多羅三藐三菩提記

尔時文殊師利法王之子白佛言唯願世尊護是法門於當來世閻浮提

中令得久住又令大莊嚴善男子善
女人咸得聞之設有種種諸魔事起
而能不隨亦令諸魔若諸魔民不得
其便以其受持是法門故則得發於
阿耨多羅三藐三菩提心今時佛告
文殊師利法王子言如是如是汝今
善聽為此法門久住世故當為汝說
召諸天龍夜叉乾闥婆鳩脩茶等呪
術章句常隨擁護如是法門若諸法
師善男子善女人誦持此呪則能致
彼天龍夜叉乾闥婆鳩脩茶阿修羅
迦樓羅緊那羅摩睺羅伽等常隨擁
護是善男子善女人若行道路若失
道時若在聚落若在空中閑若在僧房
若在宴室若經行處若在眾會是諸
神等常當隨侍衛護是人益其樂說
辯才之力又復為作堅固憶念慧力
因緣無有怨賊得其便者今是法師
行立坐卧一心安詳文殊師利何等
名為呪術章句

多軌他

徒結反長音也自下不言
長者悉是短音第一句

真愛頭

重音自下
皆同不言

重者悉
是輕音

𑖀

里德反自下
皆同第二句

頭頭

𑖀

摩

𑖀

𑖀𑖀
𑖀𑖀

下皆同
𑖀𑖀

𑖀

正何
𑖀𑖀

摩

𑖀𑖀
𑖀𑖀

𑖀

𑖀

𑖀

𑖀𑖀
𑖀𑖀

自下 彌締 **搏** 離 離 離 侯樓侯樓侯

樓八聖 長 婆 離 九 鞞 多 長 地 除 法 法 法

一 法 離 法 離 法 泥 苑 開 反 自 下 阿 僧 泥

伽提摩子 離 零 刺 反 向 下 摩 那 婆 娑 留

婆 泥 五 跋 大 音 捷 反 巨 言 大 重 音 薩 婆 留

帝 七 婆 囉 下 皆 同 婆 長 伽 帝 八 辛 頭

麗 九 南 無 佛 提 重 音 避 耶 延 賀 反 自 遮 長

離 帝 麗 二 南 無 達 摩 耶 二 尼 菟 伽 而 重

娑 尼 長 音 南 磨 僧 伽 耶 四 娑 婆 系 五

多 波 長 音 閉 六 避 喻 此 二 字 聲 波 檀 長 音 多 尼

七 薩 婆 波 波 二 菟 尼 八 枝 反 榮 大 提 離 長 音 迷

點 帝 天 薩 婆 浮 此 音 重 而 長 提 避 耶 二 字 聲 相 薩 多

經 音 尼 離 池 恕 一 婆 藍 柳 結 呼 合 口 聲 摩

波 菟 二 摩 何 長 音 離 師 避 此 音 重 而 鉢 囉

餘 世 何 哆 特 磨 反 三 十 四 多 多 囉 反 勞 鉢 提 虱 天 疑 恰

帝 三 薩 婆 伽 囉 勞 俄 賀 重 音 南 磨 薩

娑 佛 提 避 耶 避 耶 二 字 重 音 而 聲 相 音 三 十 七 悉 經 始 八 十 男

哆 囉 勞 鉢 鉢 大 長 音 三 十 九 潛 婆 賀 婆 賀 二 字 音 長 四 十

文 殊 師 利 是 咒 章 句 若 諸 菩 薩 摩 訶

薩 等 欲 修 行 此 勝 法 門 者 當 誦 持 之

應 一 心 行 不 調 戲 不 散 亂 舉 動 進 止

悉 令 淨 潔 不 畜 餘 食 少 欲 知 足 獨 處

遠 離 不 樂 憤 內 身 心 遠 離 常 以 慈 悲

以法喜樂常住實語不欺誑人貴於
坐禪樂欲說法行於正念常離邪念
恒欲頭陀於得不得無有憂喜趣向
涅槃畏厭生死等心憎愛和合離別
不怯身命及一切物無有貪惜威儀
成就常樂持戒忍辱調柔惡言能忍
顏色和悅常行精進助成一切衆生
善事先意問評除去憍慢同心歡樂
文殊師利如是善男子行如是呪持
讀誦者文殊師利如是法師即現身
中得十種力何等為十一得念力不
忘諸法故二得意力方便善巧擇諸
法故三得法力以能隨順修多羅意
善覺了故四得堅固力以常不捨如
實修行故五得慚愧力護彼我故六
得多聞力具足慧故七得陀羅尼力
一切所聞皆能持故八得樂說辯力
諸佛護念故九得深法力具足五通
故十得無生法忍力一切智智速得
滿足故文殊師利若諸法師有能誦
此陀羅尼呪住如是行彼善男子即
於現世得是十力如來說說是呪術力
時四大神王驚怖毛豎與無量鬼神

眷屬圍遶前詣佛所頂禮佛足白佛
言世尊我是四神王得須陀洹道若
有法師順佛教者我等常當率諸親
屬營從神民護是法師若善男子若
善女人護念法者有能受持是等法
門讀誦解說我等四王常往其所衛
護是人隨在何處若城邑聚落若空
閑靜處若在房中若在家若出家我
等四王及諸眷屬常當隨侍供給所
須令心安隱無有厭倦亦使一切無
能燒者世尊我等四王隨是法門所
在之處常令其方面百由旬若天天
子若龍龍子若夜叉夜叉子若鳩摩
荼鳩摩茶子等不能得便

尔時毗流博叉天王而說偈言

我所有眷屬親戚及諸民皆當共衛護
供養是法師

尔時毗流勒叉天王而說偈言

我是法王子從法而化生佛子發心人
我皆當供給

尔時提頭賴吒天王而說偈言

若有諸法師持佛修多羅我常當衛護
周遍於十方

尔時毗沙門天王而說偈言

是人發道心 所應受供養 一切諸衆生
無能知之者

尔時毗沙門天王子名曰善實持七
寶蓋奉 上如來而說偈言

世尊我今當受持是法門 亦為他人說
我有如是心 世尊知我心 及先世所行
初始發道心 至誠求佛道 世尊無見頂
今奉此妙蓋 願我得如是 無見頂之相
我以愛敬心 瞻仰於世尊 願二足之尊
慈悲觀察我 我求佛淨眼 願見阿逸多
度智慧世尊 即時以偈答 汝於此命終
即生兜率天 從兜率下生 得見弥勒佛
一万歲供養 尔乃行出家 甄得出家已
淨修於梵行 賢劫中諸佛 一切悉得見
亦皆供養之 於彼修梵行 過六十億劫
汝當得成佛 号名為寶蓋 國土甚嚴淨
惟有菩薩僧 為講說妙法 壽命盡一劫
佛滅度已後 正法住一劫 像法住半劫
清淨勝妙法 安隱諸衆生
尔時釋提桓因與無數百千辯天圍
遶而白佛言 世尊若有能持是等法
門彼諸法師 我常衛護 供養供給隨

是法門所在之處若讀若誦若解說者我及眷屬以為聽受是法門故往詣其所增益法師勢力無畏法次第意令不漏失今時釋提桓日子名曰善護持妙寶蓋諸寶間錯奉上如來而說偈言

我常如實知世尊前世行我亦如是行求佛一切智世尊於往昔無物不施與我當隨此行亦捨諸所有我今法王子受持是法門當數為人說以報如來恩受是法門者是即與我同我無侍彼人為得菩提故世尊聲聞人不能守護法於後恐怖世我護是法門世尊安慰我又斷諸天疑我今當久如得佛如世尊佛通達智慧授一切智記汝後當作佛如我今無異過於千億劫復過百億劫今乃得成佛号名為智成

今時娑婆世界主大梵天王白佛言世尊若善男子善女人等其有能說是法門者我為供養彼法師故捨禪定樂往詣其所何以故是等法門出生帝釋大梵天王諸豪尊等我今當當供養如是諸善男子如是說法諸

善男子應受世間大梵天王一切天人阿修羅等之所供養今時妙梵天王而說偈言

比丘比丘尼諸清信士女受持此法門
是世供養處乃至有一人能行是法門
我妙梵天王要當為之說數眾妙華座
高至於梵天於此座上坐演說是法門
若於惡世中從聞是法者應發希有心
踊躍稱善哉若無量世界大火志充滿
要當從中過往聽是法門若有欲得聞
開佛道法門應如須彌寶供養從聞者
今時世尊現神通力令魔波旬及其
軍眾來詣佛所作如是言世尊我與
眷屬今於佛前立此誓願隨是法門
所流布處若說法者及聽法者并彼
國土不起魔事亦當擁護如是法門
今時世尊放金色光照此世界告文
殊師利法王子言文殊師利我今住
持如是法門以為利益諸法師故隨
是法門在閻浮提歲數久近佛法不
滅今時會中諸眾等以一切華以
一切香一切末香而散佛上作如是
言世尊願是法門行閻浮提久住於

世廣宣流布於是世尊告阿難言汝
今受持如是法門阿難自言唯然受
持佛言阿難我今當以如是法門囑
累於汝受持讀誦廣為人說

尔時阿難即白佛言世尊若人受持
如是法門書寫讀誦為人解說彼人
為得幾許功德佛言阿難隨是法門
所有文字章句之數若人盡壽以一
切種勝妙樂具供養尔許諸佛及僧
若復有人乃至供養是法門恭敬尊
重而讚歎之其福為勝是人現得十
一切德之藏何等為十二見佛藏得天
眼故二聽法藏得天耳故三見僧藏得
不退轉菩薩僧故四無盡財藏以得
寶手故五色身藏以得具足三十二
相故六眷屬藏得不可壞諸眷屬故
七聞所未聞諸法之藏以得諸持陀
羅尼故八憶念藏以得樂說無尋辯
故九无畏藏破壞一切外道論故十
福德藏利益一切諸衆生故十一智
慧藏以得一切諸佛法故佛說如是
修多羅時七十二那由他菩薩得無
生法忍无量衆生發阿耨多羅三藐

三菩提心無數衆生不受諸法漏盡
心得解脫

尔時慧命阿難即從坐起整服右肩
頂礼佛足白言世尊當以何名名此
法門云何奉持佛言阿難此法門者
名為平等攝一切法如是受持名為
莊嚴一切佛法如是受持名勝思惟
梵天所問如是受持名為文殊師利
論義如是受持佛說是法門已文殊
師利法王之子勝思惟梵天平等於
善男子網明菩薩長老摩訶迦葉慧
命阿難及十方世界諸來菩薩天龍
夜叉乾闥婆王阿修羅等受持佛語
皆大歡喜

勝思惟梵天所問經卷第六

癸卯歲高麗國大藏都監奉
勅彫造

持人菩薩經卷第一

萬

西晉月氏三藏竺法護譯

持人菩薩經四事品第一

聞如是一時佛遊王舍城加隣竹園中與大比丘衆千二百五十菩薩不可計一切大聖神通以達辯才無尋慧不可量諸根寂定見一切本應病與藥靡不蒙濟為法橋梁度脫三界也。爾時世尊與无央數百千之衆眷屬圍遶而為說經時持人菩薩即從坐起正服長跪前問佛言菩薩何行建立誓願無限功勲曉了諸法分別一切諸度无極識解無量方便善權弘要被不可喻戒德大鎧真正道義為衆生願弘恩仁慈覆如虛空不可測度其心清淨德行具足布施持戒忍辱精進一心智慧普度无極若有衆生欲奉斯業殊特之原無上大道今故為斯如此等類啓問如來菩薩大士諮問如來言教處所周遊三界所行脩悉勤修禁戒无所忘講奉清淨行遊居成辦遵無極慧无量方便隨時開化

為此衆生有心存法不能自達故問
如來何謂菩薩曉了諸法能以隨時
為人班宣其心堅強力念不忘致微
妙慧解一切法章句誼理所生之慶
常識宿命不中忽忘至成無上正真
之道為取正覺也佛言善哉善哉持
人菩薩多所哀念多所安隱慰傷諸
天及十方人乃為一切諮問如來如
斯要義功勳之德不可盡極決一切
疑猶豫羅網以大弘慈加於衆生顯
示大明現在將來諸菩薩施行无蓋
哀為衆生故普現大道興舉弘誓將
護一切為開發化濟衆生不墮三惡勤苦
使度彼我拔濟衆生不墮三惡勤苦
之獄乃以勸之使立大道無上正真
欲脫衆生生老病死啼哭之惱憂困
之患使長安隱將來取後末世流布
正法消大恐懼令无所懼諦聽諦聽
善思念之持人菩薩與諸大衆受教
而聽佛語持人菩薩有四事義觀其
言教曉了諸法能以隨時為人頒宣
何謂為四心念成就逮致正真志存
道法未曾忽忘性行柔和庠序仁慈

其心所興與衆殊異是為四復有四
事何謂為四分別道義決諸種姓曉
了衆行義理所趣宣布一切諸法至
要達諸法本隨而開度是為四復有
四事何謂為四解無央數所行諸法
以行超越暢无量法所當應宜剖判
所行無底功勲識別諸法因斷諸習
是為四復有四事何謂為四因其正
行逮無上正真之道疾具足滅道行
之法三十七品通達諸法自然之智
无所依仰解權方便成一切愍是為
四復有四事何謂為四心離穢垢不
懷慳嫉以是恩仁攝衆生類其戒清
淨所行解明常奉精進未曾懈怠勤
修清淨建立成就曉了順行專思道業
是為四復有四業何謂為四志性清淨
所願解明所行功勲至德清淨忍辱
仁和建立妙法以逮顯明無所不照
分別經義暢入道門是為四復有四
業何謂為四夙夜勤修求一切智志
存一心定意正受曉了脫門奉于大
哀无極之慈喜護濟厄逮致深慧修
清淨行暢達正義解了道行是為四

復有四業何謂為四遵承智慧所行
具足聖明清淨志願弘大愛樂至德無
量尋慧心存普救未曾捨行是為四復
有四事察言觀義心誓堅固何謂為
四其意堅強所求具足性行安詳所
思備悉其行究竟不斷道念修四意
止成就雅德是為四復有四事察言
觀義志存堅固何謂為四意以得立
心念佛業道品之法三十有七意根
通利曉了徃宿无央數劫所生之處
意以平正聖慧清淨無能毀斷疾成
佛道攝取至真佛一切智是為四事
復有四事何謂為四察識方便慕具
慧義曉了勤修顯真諦慧緣是親近
得至佛道所行精進未嘗忽忘是為
四復有四事志性堅固何謂為四常
奉精進不遠佛道志性安和能制其
意普解諸法未曾放逸解暢衆道諸根
寂定常應經義不違佛教是為四復
有四事志性堅固何謂為四立清淨
戒所行無穢去五陰蓋不為所蔽心
无所著未曾懈廢蠲除衆罪所滅塵
勞是為四復有四事志性堅固何謂

為四心不憤亂求正真法方便安心
順一切法曉了隨時不失儀節所生
之處不貪家業志存沙門是為四復
有四事志性堅固何謂為四常親善
友遠惡知識志慕深法未曾放逸歸
命諸佛諸菩薩俱諮問禁戒曉了諸
觀是為四復有四事觀義察言普解
法句何謂為四建眾方便了諸道業
解諸法門因緣報應志上慧義分別
佛道解暢諸法章句所趣是為四苦
薩復有四事觀義察言曉了分別諸
法章句何謂為四解暢宣布真實言
教敷演諸法无所不達剖判諸法方
便具足明知諸義本所從習是為四
復有四事觀義察言何謂為四奉行
聖慧分別道業遠得勢力宣布諸法
速成佛道清淨之慧明度無極普以
備足是為四復有四事分別諸法何
謂為四曉了所習精進修行消滅因
緣靡所不了因其速得應真之力
隨時勤修奉受正典是為四復有四
事分別諸法何謂為四曉了万物一
切無常分別万物本因所習精練諸

物皆歸滅盡解知无常便修道業八
正真元是為四復有四事分別諸法
何謂為四曉了衆行合會諸習分別
一切滅盡諸習逮得因緣无極大力
方便斷別合散之行是為四復有四
事分別諸法何謂為四解暢諸義言
辭所趣曉了衆義不從他受敷演諸
法一切衆相慧印之源令一切法立
无相慧是為四復有四事所生之處
常識宿命心念不忘至成無上正真
之意何謂為四諸根明利暢善惡法
以了他人意念是非一切陰蓋咸得
休息所生之處常念不忘志在无上
正真之道是為四復有四事心念不
忘至成正覺何謂為四常行定志曉
習方便智慧通暢明慧為首明所行
觀無所不觀分別道慧光明遠照是
為四復有四事心念不忘至成正覺
何謂為四逮得提持无所生慧以得
超越永盡聖慧以消滅慧觀于三界
以無底慧觀見三世是為四復有四
事所生之處常識宿命无能乱者至
成正覺何謂為四以斷結者莫能乱

者口之所言未曾闕漏皆達一切諸道是為四佛於是頌曰

其心念成就 志性常明了 未曾忽忘法
由是致正覺 曉了一切法 柔和行仁慈
以達諸法無 解无央數行 傳承真智慧
聖達以具足 去心之穢垢 未曾懷嫉妬
方便以隨時 分別無上慧 志願甚弘大
乃至取正覺 其意得自在 道品三十七
心根以通達 識宿無數劫 知苦所由生
習因本根无 一切所有盡 解之悉本無
以菩薩正法 開化三界凡 使諸无明者
皆通無上道

佛告持人菩薩有五事行清淨力逮
斯德句何謂為五以仁和性本淨慧
力所願清淨聖明慧力德本清淨道
力無量所誓清淨則是慧力休息罪
業慧力清淨是為五清淨慧力復有
五事何謂為五其力以暢威儀禮節
斯念成就清淨慧力善權方便曉無
纖力為衆生故聖力解明以通達力
勤修瑞應是為五復有五事清淨慧
力逮是一切功勳之業何謂為五布

施清淨則謂慧力救攝衆生則清淨
力建立大慈則淨慧力心懷大哀則
淨慧力以無極喜護淨慧力是為五
復有五事為清淨力逮是功勲何謂
為五其戒清淨成无權慧以戒禁行
救濟慧行忍清淨莫能懷恨以淨慧
力救濟無勢博聞清淨力靡不通是
為五復有五事具諸功勲何謂為五
以精進行志性慧力以能勤修應清
淨慧一心慧力疾得定意了禪定慧
以寂然淨察三界空是為五復有五
事逮是功勲何謂為五智慧清淨博
聞無厭以見世力得度世力强而有
勢救脫劣弱以聖明力曉了清淨以
淨慧力暢達有无生死無為是為五復
有五事成聖明力逮是功勲何謂為
五以承智力剖判諸觀以曉了力究
竟本淨慧明解脫以成聖力盡無生
慧致于道力以一相自然淨用智力
察所有本淨是為五佛告持人菩薩
大士常當奉行如是比像清淨之法
佛於是頌曰

五力无能當 乃致清淨慧 五陰盡消除

神通自然成 布施持戒忍 精進一心慧
六度本無形 行者因有名 道行為一切
諸有不達經 解三界猶幻 乃致无從生
佛告持人菩薩大士有三事法雖在
盛色以法淨力常勤修慧何謂為三
好樂道法精進不倦行無放逸是為
三復有三事在於色法慧力清淨疾
成佛道至一切智所以者何勤精進
者無放逸本成就諸法以是清淨遠
致道力速成精進一切愍慧行不迴
轉以不迴轉究暢道法成就功德已
成功勲疾逮諸法通達慧力以逮是
者則世衆祐便致暢畢無尋之德乃
行如來逮得聖慧觀如來不久證明
如來道慧佛告持人佛往宿世行菩
薩業无央數劫為燈光佛所見授決
取後究竟逮如是像清淨慧力所度
無極若有菩薩致是慧者便轉法輪
我亦如今所轉法輪暢師子吼亦復
若斯以致斯慧便於諸法而得自在
已得自在便成大道若欲逮是无極
道慧當學是法亦復不久當疾得佛
無極正覺

持人菩薩經卷第一 第十張 萬
持人菩薩經妙慧超王佛品第二

佛告持人乃往過去久遠世時无央
數劫不可稱限越是無量尔時有佛
号妙慧超王如來至真等正覺明行
成為善逝世間解无上士道法御天
人師為佛世尊其佛世時諸聲聞眾
不可計數其諸菩薩无央數會皆是
其佛本學道時至願所致佛國清淨
功勲巍巍其佛國土無三惡趣八難
之處眾生安隱福同快樂皆離貪欲
除去五盖如是比像无世俗義唯以
道品而相娛樂以四禪定而行正受
佛言持人其妙慧超王如來壽八十
億姪百千劫其國土人壽三十億姪
當尔世時無有國王典制万民唯以
妙慧超王如來至真為法王咸共稱
曰无上道王其妙慧超王如來至真
諸菩薩眾能為一切普決疑網多所
歡悅頌宣菩薩無極法藏時諸菩薩
聞佛所說如是比像清淨法力五百
菩薩一心精進夙夜懇懃不想念坐
不想求食盡其形壽不念服飾唯念
至真無極道王恩是像法清淨法力

以是一心德本所致於彼壽終生於東方去是佛土八千億國適生未久亦逮此法識念不忘悉見宿命叡詰聰明諸根通達无所不覩探古知今又其佛土佛号無量華王講說經法是五百人生彼佛土尋時其身年如十六即報父母出家捐業行作沙門淨修梵行在其佛所奉行精進六十億歲佛語持人於彼世時五百菩薩如是比像值見諸佛二十億普在其所夙夜精進妙慧超王如來至真使五百人於万劫中值二万佛而授其决當逮無上正真之道以億万劫供養奉事二万佛訖是五百人皆同一劫次第成佛是故持人菩薩大士速欲達成无上正真為取正覺當精進學如是比像清淨慧力經典之要夙夜勤修勿得懈怠為放逸行所以者何諸佛本學皆由精進无逸為本致取正覺普具道品佛皆識念往昔古世精進如是見是十二億諸佛世尊所生之處當得意力探古知今無所不通各各識知一切宿命如近不遠悉

觀見之皆由精進學是法故無放逸
行夙夜勤修未曾懈廢

尔時世尊以无極慈興大悲哀觀于
四方即如其像三昧正受化現諸佛
周遍三千大千世界各為衆生頒宣
經道決諸狐疑聞各開解莫不歡悅
復重為演菩薩之法尔時世尊尋現神
足顯其威德使竹園中諸會菩薩皆
見十方諸如來在其世界敷演經法
時諸菩薩各從坐起叉手自歸為佛
作礼各自歎曰至未曾有諸佛世尊
威德聖慧不可思議道法超殊巍巍
無量猶如虚空不可攀逮時佛即告
諸菩薩曰是不為難如來至真不可
限喻所以者何族姓子解諸法界无
所不達所解法界如來至真其一毛
德神足變化不可稱限光明普照江
河沙等十方世界其光明中各演音
聲頒宣經道其一毛孔億百千族神
足變化不足為難所以者何如來至
真神足功勳不可限量巍巍如是又
族姓子如來至真見衆生心以為說
法少有信樂如是像法精進勤修志

樂慕求是无量法亦復希有所以者何如來今興在五濁世何謂五濁一者人多弊惡不識義理二者六十二疑邪見強盛不受道教三者人多愛欲塵勞興隆不知去就四者人壽命短往古世時八万四千歲以為甚損今壽百歲或長或短五者小劫轉盡三灾當起無不被害若有在此五濁惡世能信樂是如斯像法深妙道義有一人好能受如此佛正真慧是為甚難至未曾有何况信樂如來所行受持乎族姓子佛從古無央數劫被大德鎧長夜遵習如是像法精進忍辱仁慈博愛若見衆生在於厄難勤苦之患无救護者心生恐懼墮於惡趣願生彼土導利衆生救濟衆厄令入正道如來至真德不可量如空無侶勇健獨步度脫十方是佛往昔過去世時本願清淨今有信樂是无量法深妙之義愛喜受持皆往古昔曾見被訓故今信喜現人少有信樂於斯如來所顯如來十力四無所畏十不共諸佛之法空无之慧希有好

喜入斯法者若有入斯皆是如來威德所致神足變化勇猛功勲佛以慧力善權方便長夜開化勤修不解皆由往宿矜矜一心不捨此法常行大慈修無蓋哀大喜大護救濟衆生又族姓子諸菩薩學少有愍念於五濁世成取正覺為諸衆生在五濁世開導大難亦復希有如吾於今所立教訓所以者何往古宿命通大精進積功累德每生自剋布施頭目肌肉交體妻子國邑群從車乘无所愛惜不計身命無所貪慕三界无怙惟道可恃以無極力行權方便開化衆生能成无上正真之道佛悲憶念往宿世時一日之中所施無量并惠身命无所愛惜皆由愍念衆生之故開化盲冥令見道明亦識往宿無數世時見飢饉者无有飲食供養之具可用施者割已股肉煮之炙之持用授之不以作患心不懷恨惟行大哀愍傷衆生奉无極慈以是之故當作斯觀遵修如是通大精進開化衆生如斯精進積累功德達致無上正真之道是

故諸仁諸族姓子勤學如是微妙精進以習如是無極道法亦當如我往昔所行菩薩之業開化衆生如是无異頒宣經道亦如我今有所救脫是賢劫中所興千佛皆當咨嗟吾本所行各當說言能仁如來本行精進不可限量不可班喻道慧巍巍所度无極於五濁世五逆乱中開化衆生如是無窮不可計盡是故族姓子假使有人如是比像奉精進行受樂勤修而无放逸疾成正覺又吾於是逮無上正真道為寂正覺臨滅度時所度无量若有能遵如是精進應如至教而不懈廢取如芥子佛之舍利建立塔寺皆當得佛滅度之業所以者何佛興愍哀為諸將來衆菩薩施本為菩薩行佛道時曾所訓誨由是緣故顯示大道又復慈愍墮八難者故興大哀普布舍利若取舍利大如芥子建立塔寺面見如來手自供養滅度自後觀其舍利心懷悅豫所立地處以是地施於舍利而興塔寺隨心所願興于大哀本宿命時行菩薩法等

心衆生誓願所致舍利遍流佛所積
功累德光光不可限量巍巍如是愍
念衆生興于大哀取後末世立無極
慈加於一切若有菩薩受是像法好
喜慕樂勤修精進而不放逸用至願
故取後末世受如是像弘雅經典能
持講誦為他人說令普流布建立菩
薩若有持誦為他人說以是像典勸
諸菩薩令學誦誦轉復宣布所以者
何若是景摸久在天下則佛正道永
長現矣如來常存以是觀之族姓子
佛本往世如是方便攝護衆生建是
經典以用將養未來俗世在五濁世
宣布斯典若族姓子所在郡國縣邑
州域大邦如是像典所流布現受持
誦誦廣為人說如是學士族姓子等
見佛現在臨滅度時如來遊彼佛則
現在而不滅度所以者何族姓子佛
不曾說乎佛者法身若見法者則觀
如來莫以色身觀於如來若信正典
聞見受持則觀如來聞法奉行住如法
教乃曰見佛聞宣正典順法入道乃
曰見佛佛以未曾以法生法以能行

法敷演正典不懷妄想猗求諸法則
觀如來一切諸法悉无所著尔乃名
曰觀如來耳若族姓子不見諸法則
觀如來所以者何如來至真不存有
法非法之辯不當觀見如來所以者
何如來曾說假引譬喻猶如縛械尚
當除法况非法乎以除是法非法之
行乃見如來所以者何如來至真皆
除諸法不宣諸法而有處所也無所
興起亦无名号况復講說諸處所乎
所以者何皆除一切諸法若能順斯
如來觀者則見如來也佛本以斷一
切諸法乃觀正覺所以然者一切諸
法皆虛不真觀一切法本無本淨觀
真諦者乃見如來又族姓子不得諸
法則无諸法謂無放逸彼无有法亦
無非法以无有法亦無非法乃以了
斯義以了斯義乃見本淨以平等觀
乃見如來見法如是則見如來觀如
來然見平等覺若有異觀如來至真
則為邪觀已邪觀者則為虛觀不真
諦觀也又族姓子其真諦者消除一
切音聲言辭不真不虛亦無真虛獨

去一切諸所有業忘不復得一切所受乃見如來所以者何如來至真不觀諸法有所生者若令生者以除一切所見諸法乃曰自然以解自然如是觀佛乃謂吾等觀佛如是所見若斯佛之所說也如是觀佛皆入一切諸法本無已了一切諸法本无便了諸一切本無興顯道法分別諸行一切本淨一切諸法歸于本无一切諸法皆如來法也自然入道一切諸法皆以普入如來境界一切諸法界不可議成取正覺故族姓子佛說言一切諸法皆如來界無有境界為如來界所以者何一切諸法所有境界計彼諸法无有境界則如來界也一切諸法以為境界無斯諸界乃曰有界所有界者亦如來界一切衆生行无境界而悉曉了真諦淨界雖知是法永不解達如來至真解達如是無所不通是故名曰无有境界也如來界無所有界則如來界也所以者何佛說諸界真諦本末无有諸界乃如來界一切諸界如來界也无界非界分

別曉了靡所不達是謂證明無所有
界則如來界也唯族姓子解一切法
是无境界則如來界也乃入道義觀
如是法尔乃逮致如來境界樂无所
樂是如來界而無所著亦无憎愛所
以者何以知無界乃曰佛界故言無
有界則如來界用一切法不可得故
无有處所於一切法無所著故是則
名曰如來境界遊居入慧一切諸法
悉無所入故无六門亦無所入所以
者何族姓子皆无有門亦無所入則
无有見所以者何如來至真不得諸
法有所入處也而有所見也有所說
者也亦無善惡麤細微妙言辭本末
是則名曰入一切法入無有相无應
不應一切諸法不精進不懈怠無合
不散是乃名曰一切法門曰无名門
無言辭門無所入門无所著門無訓
誨門无生門永寂然門不以是門可
用知法若見法者不以法門永寂然
門不以是門可用知法若見法者不
以法門能證諸法亦無所出入所以
者何一切諸法皆无有門門不可得

一切諸法為虛偽門一切諸法悉本清淨一切諸法門不可量一切諸法無斷不斷无有邊際故曰族姓子一切諸法悉不可得皆虛無實一切諸法門不可量不可得限其本際門不可盡極无能斷壞得本際者若壞本際真實之義也若族姓子及族姓女至斯法門悉解達了因得普入一切法門皆能頌宣衆生心時佛復告持人菩薩若有菩薩大士欲以方便解一切法分別諸法義之所趣欲得意力具足成就隨時之宜入於諸法所生之處心斷絕若以寂定心念成無上正真之道志習入斯比像法門若能逮得是法門光勤學斯法速疾歸附持人菩薩經卷第一

癸卯歲高麗國大藏都監奉
勅彫造

持人菩薩經卷第二

萬

西晉月氏三藏竺法護譯

持人菩薩經持施王品第四 闕第三品

佛告持人乃往過去無央數劫加復越是不可計劫。尔時有佛号意普王。王如來至真等正覺。明行成爲善逝。世間解。无上士。道法御。天人師。爲佛世尊。其佛世時有八十億娑沙門衆。皆阿羅漢。諸漏已盡。習學不學。阿耨含斯陀舍須陀洹。亦復如是。各八十億娑諸菩薩八十四億兆。載集會佛所。佛言。持人。彼時如來壽八万歲時。世有王名曰持陀。君二万國民人。熾盛風雨時節。五穀豐饒。万姓安隱。王所居城廣長。正方各四百八十里。其城皆以琦玕四寶成之。其牆七重。樹木深遼。欄楯周匝。各復七重網縵珠珞。各復七重。諸牆壁上及諸行樹皆以四寶交露帳幔而圍繞覆。其二万國各有五百郡縣屬之。又其樹上皆生好衣自然七寶。諸細被服一一池水各有五百浴池。從之。又其浴池皆

七寶成生七寶蓮華青紅黃白滿其
池中其華大如車輪斯池中水自然
八味其土國王有八万四千夫人姝
女中宮正后有二太子一名無限意
二名无限界其太子各十六時二太
子適卧寐於夢中見如來形像端正
姝好紫摩金色相好莊嚴威德巍巍
不可限量光照十方夢中見是心中
踊悅欣然無量其二太子從夢覺已
心中坦然各以宿懷識道正真而歎
頌曰

我今夜夢見天人中寂勝體紫摩金色
百福成其相以在其夢中觀一切功勲
以得覲尊顏懷悅豫无量觀聖神光明
猶日演暉曜意中甚歡樂超越一切衆
威光極高峻猶如寶山王若目覩其形
靡不抱欣喜

佛告持人其二太子見是瑞應往見
父母具說此意我等兄弟今日夜夢
中目見如來至真故啓二親欲往奉
詣如來興現在世教化以來久矣我
等放逸沒五所欲不覺佛興而為五
陰之所縛結諸惡羅網之所覆蔽在

於自大無恭恪心以斯迷惑不見如
來諮受道慧二親然之時二太子啓
父母已往詣意普王王如來所前稽
首足白世尊曰罪蓋所覆迷世榮祿
邪位所惑不時奉覲諮受訓誨慙愧
形顏世尊大哀威光見照開發愚冥
乃得奉覲今欲請佛菩薩聖衆盡斯
三月供以飲食衣服牀卧具病瘦醫
藥一切所安其彼大城園觀樓閣父王
所居嚴飾莊校懸繒幢蓋浴池蓮華
啓其二親貢上如來諸菩薩學諸聲
聞等供佛聖衆見盡三月一切所安
父母同心亦皆哀之供養盡節辭其
二親在如來所信无慕家出家學淨
行作沙門時意普王王如來至真見
二太子捨國出家察其志性則為二
人無限意无限界班宣於斯曉了菩
薩五陰衰品二太子聞咸共啓受八
万四千歲未曾睡寐亦不思食復不
寢卧唯坐思義經行諷誦八万四千
歲未曾起想有他異念常正精思暢
五盛陰了之虛無本末恍惚空不
實存在顛倒是五盛陰以解如是不能

覺者迷惑其中當修梵行思是法已
解達深義不見盛陰之所歸趣志存
大猷无所希冀壽終之後生兜術天
其時如來滅度之後從兜術天下還
生世間閻浮利地大長者家至年十
六夜卧夢中見如來像在於夢中復
從如來聞如是法曉了菩薩斯五盛
陰諸種入品從夢覺起心懷悲喜於
一万歲淨修梵行復分別了是五盛
陰諸種入品終而復始壽終之後生
忉利天適生尋復終沒還生世間在
梵志家見本宿世意普王王家後末
世餘正法訓留一千歲以宿本德信
不慕家出家為道博學廣聞智如大
海曉了盛陰諸種衰入求其本末覺
如真諦時方便勸立二万世間人二
万億天人皆發无上正真道意以是
因緣其二太子行菩薩業俱共和同
見十億姪諸佛世尊寂後末世逮得
無所從生法忍更復值供億姪兆載
諸如來衆二人俱等於一劫中逮得
无上正真道為取正覺一号無量音
二号无量光是故持人若有菩薩疾

欲得成無上正真道為寂正覺當勤
修學如是像典如來所暢諸陰入種
分別有无諸法之無

持人菩薩經十八種品第五

佛告持人何謂菩薩曉了諸種若能
分別十八諸種而順思惟識別于觀
眼種本末則無眼界悉空无我我所
入不久存眼種虛無則曰自然用眼
自然故曰不真因迷惑思想而合成
眼无所成不得識行為虛空形猶如
虛空悉無所成悉无所有亦無處所
眼无内外亦無中間欺詐之業无有
真實不可護持從因緣生無去來今
則為自然本淨无形罪福所成從顛
倒興為現在緣之所見轉故曰眼空
界不可見計於眼者則無有界識遊
其中因曰眼界眼根清淨其色是耀
合于意根因緣所縛三事合會眼色
識集眼界空其眼界不成界無界其
明智者乃覺知是故菩薩分別眼界
解了真諦以了色本则无所有何謂
以了色無有界不與色會亦不離矣
无所生長雖說色界則無所有色无

處所何以故云色無有界色无有色
無内无外亦無中間立存虚无因其
思想眼觀色光眼種清淨以見好色
假号曰色無得有處猶如明鏡見其
面像无垢清淨及想有色雖現鏡中
有形色其影乃從内出不從外入用
外形照内鏡現眼亦如是以用清淨
雖由于色為之見鏡觀夫面像以見
色空色之自然无有境界而不可取悉
無所成其色想者本无所生衆生不
解適見色已其以解色界無所生則
无有界以解色界了色本末無去來
今虛無自然歎詠光斯緣合所謂也
色界如是以眼識故真諦觀者知之
无界云何觀之無眼識種其眼色者
則无處所本淨所致眼色叵得悉無
所有眼識无法假号現耳眼識不合
無真實形眼識之界因顛倒雜從宿
世成現在因緣之所見縛與因緣會
号曰眼識用衆生在顛倒若至聖見
分別了之眼識无界所以者何眼無
所成十二因緣起對合生託於所作假
号眼識纂樂識行起所習行合成于

識雖有所覩皆虛不真託有形相因緣現耳宣說眼識使衆生了如來班宣分別衆形諸想合成故曰識无所成眼以清淨識之本相因行所趣故曰所見雖習眼識故曰無界所以者何眼不求斯我得眼識及與不得了之色識无獲令自然所以者何无所成故也假託有言而現斯義為衆生故救攝危厄眼本所行意念是地識相自然眼界色界識界三事合成諸界集會因緣業相宣諸法會故有託眼色識如是計惟是以便入衆生達彼無眼无有色界亦無識界如是所教断除諸著若能有了如來所達覺衆方便則能曉解一切三界则无有界所以者何計於諸界實無有界色不可得耳聲識界亦復如是鼻香識舌味識身觸識意法識計校思惟觀無所成意界虛无不有真實悉無所有又是種者則無所成猶如有人下種在地稍稍生牙水為因緣日光照之其種所牙无所造行其種不與牙共合成因種生牙種不離牙牙不離

種意境如是從其意業顯現種矣故
有意境界意不離念念不離意境界雖
別因緣合成其境界者无内無外意
无中間皆由宿命本行所立志由意
業因界合會現在因緣之所合生故
假曰意從已所部罪福所生十二緣
起顯有所宣故曰意境方便說之欲
令衆生解其本末究竟求之實无本
末不可得之所以者何心自放逸無
處所故所有至識柔軟言辭其境界者
悉無真諦无有過去當來現在明者
曉了意境無界法界无有何謂觀察
法界自然悉無所有而不可得法界
无成不得形像唯顛倒立無有人壽
從虛偽生興受識矣故曰法界何謂
曉了法界之无顯現其界所以者何
其法界者則無所有從因緣生以因
緣生故曰无界所以其界因緣合成
轉成顛倒如來至真解衆生界故曰
法界託集假号法界無内亦无有外
亦無中間然住合結除善不善法斷
一切諸義宣布道教故曰奉行論无
所有法界虚空無成就形假有号耳

法亦如是無所成像以斷法想取現
要說悉无境界故先歎之無去來今
為現在緣而見繫縛從緣合成衆生
不解明者曉了而證明法界无界不
多不少則以方便因言法界其了法
界皆除一切三界所生以斷諸法無
說法界因緣言相用處諸法故曰究
竟明者宣曰无所生相所以者何法
界之相悉無所成法界无處無處非
處无合住處亦無不住察了法界永
无所住法界無生无能者無合會處
无合無散法无所造亦不成就以能
如是觀法界者則察意識而无有識
當作何觀無生界則曰識界所以者
何計其意識无所有故虛偽不實合
于顛倒從意念有故曰意識由因愚
冥凡夫所行唯賢聖達見知之可以
二事宣意識所緣用衆生類不能解
了明者所別從虛無不真正想所生
有意識其意識界无有殊特班宣究
竟假託有言借于衆生不解意識本
末無界因緣所集輪轉无際諸賢聖
等不求識界無内无外無有中間明

者曉了其意識者不觀意識皆從緣起從顛倒興以二因緣而有衆生不真思想受於虛偽從心行生隨俗相有意識耳衆生本心從是緣現意識無去當來現在意識計本亦无所著意識所在无去無来无所存立意無所住所以者何意識本淨則无有二無相无二所在立處而不可見明者曉了意識如是其意識者無有法說无合會亦無離别无所生想無言教相獨賢聖了何謂識界從所來者无所從來無有因緣所以者何其意識界從因緣生察其本末無有見者明者曉了意成如是本无有作衆生自造恙無所生衆生所出相无所生佛言持人若有菩薩當作是觀曉了意識則無識著

持人菩薩經曉三界品第六

佛告持人菩薩大士以曉意識則不著欲界色界及無色界當作是觀雖存三界不見欲色无色之界既有是界悉暢無界班宣光顯衆生本末在於欲界而自示現在色无色而自示

現在是諸界現無有界粗示要說曉
了諸法自然无界三界之事无形無
處從因緣生流於三界輪轉無際智
者分別三界所有境界悉无所有從
虛無合顛倒而有是能覺了則解虛偽
自然永无便捨生死衆生以除顛倒
之業便弃三界如來至真願宣三界
衆生所在悉無有界无智習之迷惑
作是本淨自然而無有界不倚三界
明者解之此无有界觀是三界衆生
無界已身虛空无有若干一切諸法
從因緣生從顛倒合假有号耳則無
所成空而无作自然清淨等御虛空
於一切界悉無所有猶如虛空悉无
所有所以者何究竟永寂虛空本淨
而不可獲一切諸界亦如是矣無内
无外無有中間界无有界悉無所著
皆无所生諸明智者不有所生亦無
所得无住無不住不等不邪本淨无
獲智者明了不獲假託無念不能由
是智者不以諸界為境界也相无所
生隨俗名耳無所分別以无生想若
滅是已無一切界假有言耳究暢本

未悉不可知以不可知一切亦然明
者所覩佛言持人若有菩薩暢了如
是解十八種及與三界衆生之界及
已身界上虛空界達之平等以觀如
是則應平等不見境界以無所見解
一切界假託言矣一切諸界悉无有
界好喜入道曉了諸界解脫衆生其
相無二以見无二並見諸界以權方
便頒宣示衆十二因起假託有言開
化衆生入究竟義以暢見慧一切諸
界故曰無形所以者何持人如來至
真不得一切諸法處所亦非无得無
所亡失平等思惟逮得无上正真之
道所以者何一切諸法永無所有本
悉自然无成就者諸界皆空觀實空
無以等如空无所生相如來如是解
一切界如來不去諸界自然無界无
形所以者何其無所有不可强有以
无所有則知自然持人當知如來所
說若有曉諸法所來其菩薩大士便
能分別一切衆生境界本末以解本
末分別處細頒宣諸界合散之義諸
界所入曉無自然一切諸界虛空界

還自燒然无界無入假託有辭永不
可得衆生無知故有是耳猶如幻師
工學其術為諸衆生現若干變以現
諸化不可計形若干種人不能知者
聞信所化謂之實有其曉知者知幻
自然佛言如是若能曉了幻化虚无
衆生欺惑若有明智自解已身猶如
幻化了之假託是世若斯自然知幻
若有菩薩曉了入是暢幻自然以解
自然世之所居亦復如幻以權方便
為衆生類現說一切悉如幻化若有
聞見解了幻法皆無所有乃至正真
其愚冥者不能達之故為頌宣暢一
切法若了諸法一切如幻欲入是義
便當學者深要之法不求得色以不
得色便不斷除說其不斷除一切界
皆為假託演諸合散分別諸界宣權
方便所造因緣根元本末剖判真諦
現世度世有為無為有順无順諸應
不應宣權方便究竟盡言有義無義
所暢因緣而說分別處所无處皆當
達是一切如幻

持人菩薩經諸入品第七

佛告持人何謂菩薩曉了諸入於斯
菩薩觀十二入解其本末云何觀之
所可觀者得不見眼之所入處眼無
成就恙无所有所以者何眼所入者
皆從緣對從顛倒興色之所縛緣起
所合有二事因一曰眼入二曰從對
坐色故曰眼入如是眼色有二倚著
眼色所入色是眼品自見色已以幻
為門故曰諸入則盈生受眼不著色
色不著眼色不著色目不著目皆從
緣起以色為緣故号色入自以見緣
對故曰有相以入為業何謂入業由
以顛倒用以豐饒以如究竟不得入
眼諸色之无其明智者不求諸入便
見真諦從顛倒合愚冥凡夫有二相
矣眼以入色便顯入諦已解真諦色
入於目無内无外無有中間其眼衆
色无去來今現目覩色現目覩色則
貪受取愚冥凡夫所行不可明智達
之虚無无真思想顛倒便成諸入諸
入自然云何有乎其無入相皆從緣
起故曰諸入如来曰諸入虚无恙從
顛倒託於因緣無有諸作无使作者

眼不台色色不召眼亦無所知各各寂然眼色諸入俱共淡泊无有作者從因緣起愚冥凡夫心處顛倒賢聖達之然無所生无所滅矣無来无去眼色諸入眼不断眼目不想目色不捨色便知自然色不想色所以者何各各空故各各淡泊知自然故眼不倚眼色不知色自然之故眼色自然無成就者眼不求眼亦不合散各各空无目不習目是我所眼色不習色色是我所幻自然相眼色虛無則曰自然假託言矣耳聲鼻香舌味身更心法而不可得悉无所有亦無所成所以者何從因緣起處在顛倒立在二因從心法興諸品入故故曰諸入以法因緣假託入門法不著心心不著法法不著法心不著心著從緣起以立法事因心見相不得入法明智達之求諸入本觀見真諦皆顛倒合愚冥凡夫見有二相無内外亦无中間心不入法法不入心無去来今皆從緣生愚者不了明智達之所以者何悉无所有處自然故無意入法无有真

相不得成就假託現耳如是持人菩薩以得曉了若斯諸所衆入便了一切十二諸入不著不縛便斷諸入以造立證入諸分別使無所起曉了无相猶如流水在所合矣故曰水普無所不入其十二入亦復如是所云内外皆從因緣其水流至多所成就雖言自然不得處所以見縛著其諸入者向塵勞門愚冥凡夫不斷塵勞故曰入門眼著于色耳鼻口身心亦復如是無所歸趣菩薩大士曉了自然分別諸入已分別入悉除衆結如是持人菩薩大士曉了諸入

持人菩薩經十二緣品第八

佛告持人何謂曉了班宣諸入十二緣起觀十二以何觀之以用諸法恙无明業故名曰癡不了無處故曰无明不解諸法有生無明故曰為癡以不了是何故无明無明緣故有行若不法不行是法故曰无明緣故便有行有行緣故生其識故曰從行致識有其二相致名色矣故從識緣而生名色從名色便生六入故曰從名

色緣得致六入因有更痛故曰從六入緣便生所更因有痛痒故曰從所更緣致有痛痒則生恩愛故曰從痛痒緣便生恩愛從恩愛緣生所受故曰從恩愛緣便生所受從所受便生所有故曰從所受緣便致所有從所有便致生矣故曰從所有緣便致所生從所生緣便有老病死啼哭愁感不可意法大患苦會故曰從生致若干苦以何等故合是衆惱以無明故習諸顛倒從恩愛行忻樂貪欲其心在在樂慕不捨是則世俗十二品有緣起自閉盲冥無目无明羅網志存疽癰入於幽闇無明為首十二緣以觀如是了斯无明虛偽不真又其本際而不可知何以故不可知不可知不達明故用无明故其生本際而不可知若有明智當觀察之曉了本際則達無際不起思想亦不无想便断衆想以断衆想不猗無明一切諸法不達无明是諸法者不去无明自大之心所以者何以捨無明以故曰名一切諸法皆為无明矣以

能覺了一切諸法皆無明者則達明
業不更致明以消无明則曰明業何
謂消無明者解一切法悉無所有一
切諸法皆虛不真處存顛倒法无所
有假託有耳是則名曰以斷無明亦
斷有明明與無明悉虛不真所曰无
明用無明故有衆行業便致十二愚
冥凡夫所不能達自投邪冥悉无所
有及造所有故曰為行無處无言不
言不知明亦不冥諸行之業悉本空
无所法無有及行所有故曰无明之
緣使成諸行其行無常從是非業致
衆行來又察衆行无去來今其无明
空分別無明諸行本空行悉自然行
无所著因其無明故生諸行其无明
者不著諸行明行不斷無明便消行
不除行是行无明則發闇弊處存顛
倒無明叵得則曰自然行不可得亦
曰自然用幽冥塞故曰无明用冥無
明便立行耳若法无無明无所著以
虛偽法便成無明行識行无所著行
不起識行所以者何行不知行行無
有法所可至奏從行識生衆顛倒其

行與識無內无外亦無中間无起識者以行逸生其識可彼若明智求識不得識無所生亦无所見不別於識名色六入所更痛痒受有生老病死憂感啼哭痛不可意大苦陰會輪轉無際生死不断投于五江四瀆之間不能自濟曉了無根恙无所著無致无極平等之業觀十二緣亦復如是斯名曰明無二故勤精進求一切諸法以慕諸法无想不想是柔順明入十二緣是為持人諸菩薩衆曉了頌宣十二緣起在合會緣有所生起分別无會是曰逮得解無所生曉了緣起觀十二緣不當察生不至權慧若能達知十二緣起无所生者乃曰曉了逮無生慧是故持人菩薩大士欲入無生慧建立證明當分別暢十二緣起而奉行之以餘奉行於諸緣起而无所生以作是觀乃謂逮得無所生慧以能逮得无所生慧造立證明乃曰逮得無所從生曉了道慧是故持人菩薩大士如是行者於所生緣而無所生恙断三界因緣證明觀

無所生若有菩薩至无生相便疾逮
得無所從生法忍輒得親近菩薩之
行己身所奉面緣諸佛而受道決當
逮无上正真之道為寂正覺得決不
久以近受決又以自己如是色像奉
行佛教是諸正士各便受決得許信
樂分別一切世間諸法以度方俗曉
了十二緣起之元以達緣起諸佛世
尊現在目前不復恐懼諸魔波旬若
見現在陸地水中一切諸物觀見生死
已度衆厄拔無明根如是比像永得
安隱觀見正士佛言持人若有菩薩
如是解了吾我所有皆因緣故若有
聞是曉了十二緣起本末信樂不疑
諸如來所成其根元不久受決得無
所從生法忍以受決本如來不久諸
如來便得道決當逮无上正真之道
為寂正覺

持人菩薩經卷第二

癸卯歲高麗國大藏都監奉
勅彫造

持人菩薩經卷第三

萬

西晉月氏三藏竺法護譯

持人菩薩經三十七品第九

佛告持人何謂菩薩曉了意止若有
菩薩分別觀察行四意止何謂四意
自觀其身痛痒想法亦復如是何謂
自觀痛痒想法於斯菩薩自觀身行
察如真諦無常苦空非身之要身為
瘡病危厄衆害以用樂習動搖遊去
荒穢不淨以觀如是若干瑕癍滿是
身中九品瘡孔夙夜流出臭處不淨
猶如便廁諦觀如是无如毛髮可樂
可取不淨穢濁皮覆其肉筋經裏之
從罪福成積聚衆著便有盛陰何謂
積聚何謂盛陰皆宿世緣有是盛陰
由本倚慕虛偽覆之沐浴文飾謂是
我身由是積聚

何謂盛陰從因緣起而報應成從造
行轉因于四大計身本末非真之有
受于四大而成色陰因得假託所以
名曰身者何已自造作故曰為身心
以依之故曰為身罪福所為故曰為

身從思想生不肖可賤與行業合故
曰為身從因緣成身適小安便復壞
敗不得久長不可常存尋當別離故
曰為身無內無外亦无中間雖立
迫惱身不知身亦不可見不為解明
不得度岸无有思想猶如草木瓦石
之類身不成身以作是觀以立解達
則不貪身無所慕樂知身為患身无
過去當來現在非身是身如聚沫澡浴
文飾是身如宅八十種虫是身迫惱無
數百病是身无救三苦困厄所云苦
者生死之患別離之難是身苦器受
諸危厄以作是觀思惟順義則不貪
身不慕他人無所志樂是身无我雖
有便離身無所有恙无有實是身以
空自然虛無至无真正虛偽立耳結
在無益從本行成雖有是身則非我
身當興專精慕求不貪已能觀察已
身壽命不得合散不見往住立處
所不觀過去當來現在無想不想恙
无所著不倚身命身非我有亦無我
所则无所受不合不散無所從來令
心惱熱不知所趣計身本末无所起

生住立滅盡菩薩觀身如是无身已
了身虛若身欲盛輒自消滅身意則
止立存順行如義觀身便无有身

佛告持人何謂菩薩觀身痛痒若有
菩薩察身三痛樂痛苦痛不樂不苦
痛計其痛痒不知所趣无去无来唯
從虛無因緣合成受罪福報由顛倒
興知痛本无因思想立作是觀者不
得痛痒无去来今不見處所其過去
痛了空无我亦無我所无常堅固恚
顛倒法過去痛空快怕無想當来現
在亦復俱然乃知痛痒不得成立无
形可獲各自分離其痛痒者无有起
者亦無所滅亦无處所無内无外愚
冥凡夫由從顛倒而生痛痒罪福報
應適合便離故曰痛痒恚空慌惚虛
詐之法以如是知從痛因緣得心處所
痛會有竟必歸滅盡不見痛痒所合
聚處心自念言痛痒則空自然無形
不見所生痛无所生亦無有滅无有
成想以無有成想已无有相相無所
生普觀如是身所痛痒则无所荷解
知痛痒真諦本無以斷痛痒離諸入

痛不與其合不著痛痒衆行寂然速求方便速三昧定菩薩察行痛痒如是見行以了則觀十方

佛告持人何謂菩薩觀心意行若有菩薩觀心念行發意念頃察于心法若存異變以能觀者心自念曰其心未曾有所奔逸無所至到異緣所使遣所湊相心所興發亦不成就亦无形貌恙不可得心無往返立无所處無去來今以因緣現而有所念其心計之无内無外无有中間有所迫惱心無處所无自然矣不可成辦心無所斷若有所斷心以名曰若干種變使不可計生相即滅持人心无住處心無存處所在已能覺是則无心念亦無所見所以者何又其心空自然无形無有衆生又无所有不得處所無合心者无有散者心無過去无有將來不得中間無能見者心不自然心不清淨心不知心心不斷絕心无有心則曰本淨處在顛倒愚冥凡夫以虛因緣教在諸相心自發念又其彼心空无吾我而計有身心存有常長久

永安以顛倒法而自投冥觀心如是不相曉了其心而於所生無所生想所以者何心无所發不得真際不得其相心相不起明者所解分別達之知心所習所趣歸滅審知如有作是察心不有合習无滅歸處以不得心若不得心况復所習所歸究竟以是之故心不想滅亦非無想逮心清淨心已清淨不隨塵勞不為汙染所以者何知除所有心則清淨衆生心乱便添塵勞心淨則淨以能知除心自念言心有塵勞以是之故計衆生行心有所著便為塵勞心以解明則致清淨已作是觀不得欲塵心不得淨心余乃達了心本清淨菩薩如是觀心意行便通本淨

佛告持人何謂菩薩心存在法觀其法行若有菩薩觀一切法不見內法不見外法不處中間有所迫惱法無過去當來現在因十二緣而生有之諸法顛倒法无成就又察其法無有內外亦无中間法無合散一切諸法

悉無形貌无所有無不有託有音耳
一切諸法猶如虛空亦若幻想生自
然本清淨明諸各有所倚勞一切諸
法无所覩見察其真實猶如夢中
所見覺無所覩一切諸法猶如照影
本淨无形無名想諸法无思一切諸
法如呼聲響從虛無立諸法則无自
然之故不可得矣諸法野馬無所有
故以能如立觀諸法者愚冥凡夫見
若干變則知無法不用法无合無散
以見諸法永無所著以作是觀見一
切法无往無返不見諸法之所立處
所以者何无處非處一切諸法從因
緣起處在顛倒輪轉無際无言不言
無有二想亦非一想不有小想明者
所了而不可得亦非不得所以者何
諸法不生亦無所起无造無作不得
作者諸法捨形亦无身貌亦無自然自
然成矣諸法无数本真諦故以作是
觀解一切法無有吾我无人無命察
于空無心自念言一切諸法悉去本性
空法以自然亦无有想不見衆想不
造法願察一切法以無所生自心念

言法無所起亦无所滅以觀如是得
法意止於一切法了无所生知歸習
盡因法相成自然離以則無有相所
以者何无有成其無相者乃捨相耳
諸明達者分別覺了是一切法悉為本
无若有菩薩當作是觀諸法法行以
作是行不得諸法亦無所生不起諸
法有所住止亦无所滅一切諸法悉
滅度相諸根寂然相亦快相菩薩如
是觀見諸法了法意止已無止處无
所不止悉入諸法慧明之相自察心
念致法意止則名曰頌宣經典於一
切法而無所住敷演諸法攝安以慧
斯曰於一切法所觀真諦遠法意止
佛言意以止者便至意斷身意痛意
想法意解三界空不見身及痛想法
則四意斷

佛告持人菩薩若有遠解五根度俗
世本順諦察之何謂為五根一曰信
根二曰精進根三曰意根四曰定意
根五曰慧根是為五根當觀是行云
何觀之信一切法從因緣起立有顛
倒虛無合成展轉不定猶如車輪所

遊无際亦如所夢自然退逝信一切
法無常苦空非身疾病瘡癘老不長
存不得久在當復別離諸法不真皆
無有實恍惚捨放等放諸根猶如彩
畫如小兒力思想欺戲以為真實不
知虛詐恙无所有其信根者一切諸
法無去來今无去無來亦无所住空
無相願无起無行无想不惑戒清定
淨慧解度知見品淨以能奉斯信根
行者則不迴還薦信為首建立禁戒
恙无所失不違道業以無所失便順
正法住於薦信无能動搖善德報應
感來歸護則立直業而無諛諂斷諸
邪見六十二緣不求外學以為師主
如見日月不用燭火唯歸如來識知
聖衆善具足成立淨業戒忍辱仁和
如是薦信而不動搖以无能動甚懷
義信便具道法

佛告持人何謂菩薩觀精進根云何
具成曉了方便若有菩薩薦道不違
以精進故休息五蓋設值得聞如是
景摸深妙經典勤順奉行夙夜精進不
怯怯弱心不忘遠志慕博聞无罣碍

法以斷諸蔽不廢精進若心生念惡不善法以大精進而蠲除之識法已興建立勤修未曾懈倦無猗精進攝加勤修不以此行有所違失而不還返所遵力務曉了諸法分別如應不戴仰人在於世治不失精進以斯進根家有威德以義勤學得号進根佛告持人何謂菩薩逮得意根云何曉了奉行意根若有菩薩制止其意順施戒聞具足梵行究竟戒品清淨之業定意慧解度知見品淨身口意究竟謙恪建立正意在一切法今無所生住存殊異而察至行苦習盡道以除斷斯存立意止方便解達根力覺一心意定意三昧正受解暢諸法而無想願得不起慧致忍辱聖離欲滅度以得意止具足佛法不行聲聞緣覺地也奉无尋慧心不迷惑以能專精如是像法身口謹慎不失其意不依仰人察如是法家有威德逮得正本是謂曉了逮得意根何謂菩薩逮定意根云何曉了斯定意根若有菩薩以行禪思一心不虛

行賢聖業禪心无所著以無逸禪善
攝定意明解正等曉了定意无顛倒
禪觀定意門以暢不乱入于寂志從
三昧起不復定意亦無正受以能慕
樂志立道業而以禪思因用自娛不
須仰人禪思正受不隨禪教以逮威
德定意一心不貪利養行不憤開以
寂威德逮定意根所度無極

佛告持人何謂菩薩行智慧根去何
曉了逮智慧根若有菩薩滅身所行
為何謂也盡除衆苦常消身行在在
行慧普見離欲滅習盡道向無為門
以行慧根皆觀三界一切熾然知三
界苦其智慧者不猗三界察之悉空
无想不願心無所生无所復行觀者
有為悉放捨之如救頭然具足佛法
專習諸法雖處三界戲滅一切悉放
捨著而於三界悉無所慕斷諸所樂
捨諸有為一切塗汙愛欲縛結心无
所著不慕五樂不著欲界色無色界
心抱智慧聖明功勲不可限量猶如
江海所行至誠而無崖底曉了諸法
則以智慧分別三界悉无所著是寂

德義奉於智慧所度無極

持金華經卷第三

第三張萬

佛言持人何故曰根所曰根者義元能動故曰為根以無所動无所逸馳故曰為根永不迴還不依仰人義無伴侶順隨法教故曰為根不耻他人莫能搖者无所雜錯故曰為根如是持人斯則菩薩曉了諸根又復持人菩薩分別衆生諸根善學方等知衆生根不染者有欲無欲根有瞋恚无瞋恚根有愚癡無愚癡根知墮惡趣若生人間根知生天上十方佛前根心明達若柔劣及中間根恚見知之下賤貪癡根諸根不具若不損根而恚知之諸根應法有方便根无方便根恚復知之有罪無罪根荷著无著根危言根無害根恚當知之隨順根不隨順根有尋根无尋根欲行根色行根無色行根暢諸善根究竟善根恚能知之所歸趣根仁和根處邪見根立正見根慳貪根無慳慳根恚能知之卒暴根无卒暴根迷惑根不迷惑根速疾根賢和根忍辱根瞋恚根懷嫉妬根無嫉妬根具施根非具施

根信根無信根貪欲根離欲根居家根
捨家根戒具根毀戒根恚能知之誠戒
根无誠戒根清淨根忍具根恚恨根上
精進根懈怠根乱心根取要根定意
根智慧名根失智慧根具聖明根愚
駸根无所畏根自大根離自大根遠
得道根從邪見根心安和根放心恣
意根恚能知之散意根寂靜根起生
根無所生根清淨根瑕穢根解明根顯
曜根聲聞根緣覺根菩薩乘根佛乘
根皆曉了知以逮得是則謂得力而
无等侶無有放逸謂不迴還致善方
便名曰意根知諸天龍神阿須輪迦
留羅真陀羅摩休勒人非人根寂為
威尊无能勝者莫能動搖所行方便
普度無極奉行勤修如是像典疾速
曉了於一切法而得自在旋十方界
无所不濟

佛告持人何謂菩薩曉了道乎云何
致道耶若有菩薩奉八聖道一曰正
見二曰正念三曰正語四曰正命五
曰正業六曰正方便七曰正意八曰
正定何謂正見若有菩薩斷除一切

諸所邪見所以者何一切所見上至
泥洹若欲見佛皆去是等諸所見業
乃曰正見以無見不受見成名諸見
悉无所猗普無所念以无顛倒無所
无想是曰正見所見平等為何謂也
捨世虛妄以弃邪見以如見除諸所
觀住于正見悉無所著无想不想不
見泥洹遠諸欲見不習諸見何謂正
見一切寂然無生清涼亦无所滅等
觀無為本以清淨於一切法无所望
亦無不想无所不應是曰度世正見
何謂正見不得現在亦不度世正見
斷現世法亦及度世不想現度除一
切想不得等邪等諸不等斷諸等行
是名度世乃曰正見如是一切悉無
所生故曰正見見所真諦正見无邪
是曰正見如是持人菩薩大士所行
正見

何謂正念如真諦解一切所念皆是
邪想及思無為佛法聖衆所以者何
斷一切想所思平等是念故正念以
无衆相曰正念所以者何消一切思
名察正則無有邪不復懷想乃住正

念不得所思離邪正想故曰正念以
除想諸等奔眾念捨虛顛倒消想不
想等一切念不猗諸念除諸想故曰
正念

何謂正語一切言辭皆為虛妄處在
顛倒恚皆惑想見於平等心自念言
辭正斷一切言辭所宣故曰正語言
无所湊無去无來所見如是等無有
異已逮正語口之所宣皆實至誠故
曰正語口言清淨所住之處斷一切教
言辭辯才心中覺了口无所宣忘捨
邪言住於正語

何謂正業以住正業皆知一切眾邪
之業其一切業不真不諦本無所作
所以者何一切諸業无有至竟業悉
散故曰正業不於正不於邪不於是
不於非無想不想皆度眾業不造正
邪等逮諸業无作非作故曰正業皆
能等說邪正諸業如真諦解一切諸
業亦真諦見無應不應是謂正業其
以正行无有邪業等見諦行故曰正業
何謂正命知一切命皆墮及邪所以
者何其想有命想有万物而懷妄想

无為泥洹清淨之想及想見佛一心
清淨以往是中欲以淨命皆墮邪業
一切諸命若正性命不以為邪不以
懷正命是曰正命言是邪命逮一切
命悉成清淨是曰正命解一切命無
有正邪者住淨命行无有放逸無正
邪命无雙無隻无應不應是曰正命
無住邪者逮得淨命无有命想無善
无言無命不命等行真正而見不虛
是曰正命

何謂正方便弃眾邪便所以者何一
切方便皆墮及邪方便所在心在結
著是曰邪便所以者何一切諸法无
真邪便所行方便則不真正其不真
正名邪方便無方便矣無究竟无言
辭斷諸方便彼無所有弃泥洹想无
佛法想知行方便一切方便悉不真
正至無方便其以平等則无方便等
一切法無有若干无有方便超越方
計所有方義則無所計无應不應是
正方便方便叵得此之謂也所言方
便是謂定意斷諸方便謂眾真諦等
見如是不想方便以無所想是正方便

何謂正意一切所念皆為邪想意之所念皆是邪思所以者何一切墮邪彼若意生皆為邪意無所念所以者何一切所念從因緣生所曰因緣皆曰邪矣其意所念不起不滅是曰正念所以名正念若无意念住處發起業不意無意意第一淨无邪意念皆斷衆思其以邪者恚無意念是住正意其正意者不正不邪正念邪念除一切意諸念思想所曉了者心不起乱常行六事曰住正意意未曾生有意未意相解一切意皆了諸意暢如真諦不復思念有意無意應與不應是住正意无意無邪念于等行无念不念無因无思無所惟念一切無望遠致无言無意不意住思平等无言無說弃一切辭解如真諦普无宣教無思无想是乃名曰住于平等何謂正定見一切定皆為邪定所以者何若受三昧因緣之想望正著除斯皆邪定所謂取及此定不真若於諸受而無所受又不懷求三昧定想无出家教無念定意其无所猗無作

无暢消断喜悅永密安樂分別定相
於二昧定而無所住是乃名曰正定三
昧所謂正定於一切定而无所著則
無放逸明了如慧曉達定意不猗定
行而无希念等消正行如以是者無
想不想不想无想乃曰正定無正无
邪一切無望以断諸想並滅衆希乃
曰正定所去定者无正邪定心無所
生不正无邪無正定无邪定所以者
何以能覺解方便諸定乃住正定無
三昧想不積平等普曰一切乃曰正
定其不馳騁不造等逸若等若邪普
等諸法一切定意以存正受一切三
界皆是有為所思真諦以慧觀見一
切五趣往來所生佛言持人如是菩
薩曉了道義以逮如斯剖判道趣若
斯聖業解暢真諦乃曰正定

持人菩薩經卷第三

癸卯歲高麗國大藏都監奉
勅彫造

持人菩薩經卷第四

萬

西晉月氏三藏竺法護譯

世俗度世品第十

佛告持人菩薩何謂菩薩得曉了知現世度世經典之要云何名曰現世度世若有菩薩常順思惟現世度世云何順思何謂現世法何謂度世法若有住於顛倒法行皆從想有由因緣生合於虛妄有二緣立從二想生一從虛妄二從无生其虛妄語欺惑法得愚冥想猶如小兒執若干種盡於虛空虛妄經行愚冥凡夫想云有世計其世俗皆歸壞敗糜散悉盡以見一切世俗諸法從虛欺惑所因無作本无所生陰種諸入皆從緣對色聲香味觸由因緣法不說色緣猶愚凡夫心有所猗所以諸見因无数見而有猗著若彼種性放存窮匱令世間見處在顛倒所覩世法度世在彼為何所是世俗之法真諦如有達其本淨是為度世明不求世了不可得度世亦然若不能得現世度世无現世

及度世業宣其度世現世本淨何謂
宣布度世之業若世本淨至于度世
所以者何永不可得現世本淨志空
其世亦然本以自然世本淨寂以世
自然世淨寂然計世俗法無究竟成
當作是觀現世度世志不可得不得
度世不著於世不念度世以不念世
及度世者不與世諦所以者何以覺
曉了世間悉虛欺詐惑法以能覩見
世猗虛無不想於世不慕度世所以
者何佛言持人所云世者謂五盛陰
也貪求合會一切世法明知求陰永
不可得五陰自然而不可得五陰本
淨亦不可得五陰無來去无所至湊
處不可得是曰度世不知五陰所歸
處所也以無五陰諸種本淨及諸衰
入之本淨也若有菩薩觀於世俗之
法悉无所見以合度世不見度世不
與世合則無有世惟覩度世在于度
世不見世法而有異持也不轉二法
云是世俗是度世法所以者何持人其
所在世解世本末本无所有度世亦
然雖見有世悉無世法所作分別度

世俱同以了无世假使有人心自念
言世俗別異度世不同則於其人佛
不興世雖佛出世普世顛倒無發道
行用真正解以慧察世頒宣經法處
世顛倒貪受于世而救濟之故曰度
世也是故持人用真正解以慧察之
曉了世倒故曰度世也如來出世普
通諸法世俗度世皆无有二以真正
慧觀察造證故為宣布度世之法佛
言持人不以是法遊於世間無所至
湊无所消除不猗世諍乃得世義不
念度世曉了世辭達本所想以著想
二不解能達如是像法則無濟者不
能解了不暢度世所以者何用二行故
其二行者不能解了世俗度世菩薩
如是方便曉了一切諸法現世度世
靡所不達

持人菩薩經有為無為品第十一

佛告持人何謂菩薩曉了分別有為
无為法云何有為無為法若有菩薩
以真正覺有為无為順理求之云何
順理云何求之亦不作有為法有所
見者自然得号已造有為故曰有為

又有為法以虛偽轉去何為轉由已
合會自然歸之以二緣立緣本際教
用以所有自因而生一切諸法无為
作者勸使作者自然生已是有為法
斯自然法無有迴還故曰有為其有
為法无内無外亦无中間住存欺惑
無合无散由從虛妄思想興立從無
明緣生愚癡業有一切法自然轉行
无教造行從有為事受其相業因其
顛倒以愚凡夫猗名之故又明智者
覺了有為不可得邊不猗有為無合
有法乃曰明智明智分別至實有所
造行滅一切為明智割判一切諸行
虛无欺詐是諸法者悉無所有咸為
自然亦無自然從意念成一切有為
所以者何不當奉行有為因緣或曉
无為未曾復習有為緣行若曉無為
尔乃通耳去何曉之一切有為皆為
不真而无有形悉無邊際无至合會
明智觀之不以有為至生究竟其有
為者亦無所受悉以无異有為無為
亦復无異生宣断有為業是有為是
無為斯有為相斯无為相彼何謂有

為相知生當死合會別離何謂無為
相不生不滅不會無別愚冥凡夫不
能解了入斯二義不曉有為所由起
相及滅壞相不住異相因無相生住
於異也若無是相如來所說從是相
生從是相滅住如是相佛言持人如
來所去一切諸法皆無有相以能得
成无所生相無滅壞相无所住相如
來敷演無為之相是相非相其有為
相不成無為導師所以愚冥凡夫所
宣道法有為所起會歸滅盡惟無為
安以能無為不生不滅亦無所住故
曰無為從其所習而今生滅其無所
習則无究盡無行无究無異住處其
以真正解其斯慧不致合會有所起
生而有滅也無有異住若有菩薩當
作是觀其有為法及無為法無有不
无常見如應不觀有為及無為法有
為不見無為無為不見有為不見異
无為而自謂念我身有矣真有正是
見有為業無餘有為是諦有耳思念
妄想其有為無為法永無所想有為
无為以無所想分別諸想皆断諸著

以了无為除去衆緣本淨無緣其因
本淨所觀真正以能曉了悉无所作
則無合會菩薩能達是有為无為則
了諸法不有不無亦復不猗有為无
為乃逮正覺也

佛告持人若有菩薩分別五陰曉了
諸種解達六入以能暢知十二緣剖
判四意止五根八道能覺世俗度世
之業明知有為無為之事以曉了是
達解一切諸法之无宣布諸法所不
達得意力勢解暢一切諸法章句斷
生老死心不能絕壞能自究竟無上
正真道成取正覺

持人菩薩經寶光菩薩品第十二

佛告持人乃往過去无央數劫不可
稱計懸曠无限尔時於世有佛号紫
金山王如來至真等正覺明行成為
善逝世間解無上士道法御天人師
為佛世尊其紫金山王如來壽住五
劫諸聲聞衆不可計數諸菩薩會亦
不可限无能稱了知其多少其土熾
盛風雨時節五穀豐熟人民安寧强
不凌弱各得其所心行平等飲食消

化不以為病。姪怒癡。薄善自修身家。居義教。順律清淨。彼時如來為諸菩薩一切衆生。決諸疑網。令無懷恨。頒宣菩薩道法之歲。時有菩薩名曰寶光。聞佛說是諸菩薩業解陰。衰入諸種。十八十二緣起。諸根意止。八正道行。世俗度世。有為無為。即輒奉受。如是精進。十二億歲。未曾發起姪怒癡。心不貪利。養飲食衣服牀蓐卧具。病瘦醫藥。惟心精修。入如是像。曉了思惟。常修精進。盡其形壽。淨修梵行。在其佛所。壽終之後。還生本土。在於人間。適生墮地。便復出家。復受學。斯如是像。法曉了。奉行復在於彼。六十億歲。淨修梵行。心不捨遠。如是像法。慕求不廢。復壽終。竟還生佛國。其紫金山王如來。續存復在其所。淨修梵行。一一劫中。五返生沒。終而復始。其紫金山王如來。至真臨欲滅度。終五劫已。因是景。摸博聞。无量曉了諸法。於五劫中所可聞受。觀已從佛諮講解者。逮其意。力觀戴如來。便為衆生。一敷演。開發無量人。皆發無上正真。

道意佛滅度後正法住世一劫復五百
返往來周旋生於人間常出家學奉是
景摸曉了正典化無央數不可思議
衆生之類皆入至行寶光菩薩見万
億佛寂後有佛名无量光如來至真
等正覺所見授決却無數劫汝當成
无上正真之道過無數劫當復逮見
億百千娑非載諸佛逮得正覺号決
一切議如來至真等正覺諸聲聞衆
不可稱計難可限量諸菩薩衆无央
數人其國處世人壽二劫米穀平賤
人民安隱是故持人菩薩大士欲逮
得是如斯景摸曉了正典當精進學
受持諷誦是經典要

佛復告持人若有菩薩學是經典逮
權方便常修四法何謂為四一曰
弃家捐業行作沙門二曰捨于憒鬧
習在閑居三曰住清淨戒行不違閑
四曰去離懈怠精思不廢是為四以
行是四勤求博聞常立忍辱疾逮四
法何謂為四一日雖生天下常住中
國二曰因值佛世不在邊地三日常
奉正法終無相違四曰悉除罪蓋无

復殃豈是為四若有菩薩學如是像
經典之要輒逮力勢布施清淨戒禁
無穢忍辱精進一心智慧聖明无瑕
以建是法致權方便又復持人菩薩
學斯立知止足閑居功德懷無盖哀
愍于衆生以用大哀入于衆生然後
乃學如是像法解了要行又其菩薩
入摠持門學於勤修何謂得入摠持
門而學勤修志慕勤思曉了量法方
便觀察奉無限行又解了觀諸定意
門諸要法門入不可計因緣正行逮
致如是比像力勢曉了一切法分別諸
法得意力勢以能曉了断生老病死
志强無怯不失正法乃成无上正真
道意逮取正覺

佛復告持人若有菩薩通摠持門普
能曉了一切諸法言辭所趣以用一
事入百千事以用道力分別諸法无
所不達又若菩薩逮定意門入音聲
便入無限定意門辭以得入是了若
千品一切法門以入一切諸法道門
頒宣諸法靡不蒙濟又其菩薩奉行
智慧以是慧力曉了諸想勤解想已

以是慧力逮一切法疾通無碍又若
菩薩曉了无量定意門行以往是地
普致一切十方法又若菩薩曉了無
量持持門行解不可計定意門力以
定意門暢不可限衆法之元以是道
地普入諸法靡所不通又其菩薩甚
能曉了觀世間行極復分別有為无
為奉行諸法心所不著有為無為行
如是像一切諸法疾解諸法逮得明
慧又菩薩行權方便勤察一切諸法
本无所行雖作是觀不為世事不著
世法亦無所碍如是像法疾得曉了
一切諸法分別諸法意力施財剖判
章句断除生老死意行具足是故持
人菩薩大士於是摸法而度无極何
謂為四於斯法典奉如道義勤修正
法於斯經典逮無罣碍普入道慧
持人菩薩經往古品第十三

佛告持人乃往過去无央數劫不可
稱計長遠无限尔時有佛号無量光
超殊王如來至真等正覺明行成為
善逝世間解無上士道法御天人師
佛世尊其佛世時聲聞衆不可計數

大會无限諸菩薩會不可稱載其佛在世時壽一切又彼佛土皆以七寶而遍覆成七寶樹生周匝圍繞以用莊嚴一切諸樹殊異玲瓏交露帳覆又諸樹下皆施師子牀其諸牀上細好帛氎裏樹布牀一切諸牀琉璃為足以赤真珠而校諸樹自然熏香合成諸業華常茂盛而圍旋之其樹前自然浴池有八味水其水底沙悉以水精車渠赤真珠合成又以三寶造成浴池其諸浴池自生青蓮紅黃白蓮華又諸池水以七寶作校飾欄楯一切欄楯地平如掌又其佛土清淨无穢其佛國土寶樹熾盛猶忉利天晝度大樹嚴飾魏魏明月珠樹諸億千充滿佛土其光悉照覆日月耀令不復現其諸寶樹玲瓏交露出好音聲哀鸞衆鳥天諸玉女歌音樂聲如是軟音普流佛土無三惡趣不犯諸惡不為衆生喧雜句說惟以敷演如斯像法智度无極是菩薩藏化無央數諸人物衆一日皆發道心其本發心志存大道便悉具足道品之法如是

持人其無量光超殊王如來至真因
其方便化不可計無央數載衆生發
道心今生下方去此佛土在彼佛土
成菩薩行佛滅度後正法存立竟至
半劫時佛滅度後正法便沒有一菩
薩名意無限從下方佛刹來生此土
其國去斯十佛世界適生未久年十
六歲便捨捐業行作沙門在無量光
超殊王佛所諮受經典臨法沒時為
諸菩薩宣布陰種一切諸入分別解
義聞如是像精進之行在於斯法所
度無極攝權方便因是德本彼土復
決見億數佛普蒙斯法所生之處常
識宿命皆以幼童不娶妻室淨修梵
行以家有信出為沙門所生之處逮
得意力常所受身成就功勳而寂後
世逮得无上正真之道為寂正覺号
曰無量光珠王如來至真等正覺若
有菩薩疾欲得成佛逮一切智具足
佛道在後五濁臨法欲沒當勤志成
如是像法輒受宣布盡以愛樂常行
精進寂後末俗受是經典德勳无量
諷誦奉行為他人說福不可喻

持人菩薩經毘陀和五百人品第十四

尔時毘陀和等五百菩薩擣曰兜菩
薩即從坐起長跪叉手前白佛言我
等世尊寂後末世臨法滅時當受是
法住於後世五濁之世擁護正典
持是景摸諷誦奉持廣為人說復有
無數諸菩薩等各從坐起長跪叉手
諦視佛面各興至願我等世尊寂後
末世被引誓鎧受是景摸順斯深妙
佛所宣慧諸菩薩等所積德本道品
之藏並使具足所在遊居當擁護法
聞是經像益加喜樂受持諷誦宣示
未達深入大猷時佛所笑口中五色
光出遍照三千大千佛土地六返震
動賢者阿難即從坐起長跪叉手前
白佛言佛何因笑既笑當有意光明
普照地即大動佛告阿難汝寧見此
諸菩薩衆住立我前在後末世當護
正法被引誓鎧以救危厄佛識念之
徃無數劫於諸佛所被如是像引誓
之鎧面從諸佛受斯經法持護三品
開導無數衆生之類今是等來在於
佛所承三品義受是正法今立佛前

然後末世法臨沒時多所開化未達
衆生如令受佛三品正法在於賢劫
諸佛興見亦當從受千佛訓誨三品
正法又將來世諸佛聖所感受亦然
是等阿難諸族姓子功勲名德不可
得察莫能稱計所行經法是諸族姓
子安隱衆生而供養假使如來班宣
是等以受正道安隱衆生皆以不信
若不信者長夜不安墮于惡趣又復
阿難當為汝等現其證明如斯等類
安隱衆生正使三千世界一切衆生
皆由想行故墮地獄假使大衆在地
獄中有一人生告地獄人无得恐怖
當為汝等一一道利以時方便出大
地獄苦惱之患則以已身一一濟之
移著安處一人故無數千歲忍在
地獄未曾解廢普令致安阿難其人
於衆生慈愍弘哀寧增多不出大地
獄立大安隱阿難言甚多甚多天中
天佛言假使彼人顯示神足如是魏
巍令衆生類立第一取有為之安長
樂無極成大哀愍皆逮覆護其功德福
非心所思非言可暢佛告阿難今故

語汝如彼菩薩於大地獄出元數衆
立之水安所愍衆生若合集是前所
安隱順和衆生使濟大難至有為安
百倍千倍億万倍巨億万倍不如族
姓子受是像經所以者何計其所興有
為之安有極盡矣不至無為不離貪
欲不致滅度逮神通正覺之業不成
寂志泥洹之要又阿難是諸菩薩建
立衆生无上大安一切智業又是菩
薩以大士法志學道乘建立佛道度
諸衆生立諸聲聞緣覺之地勸助佛
法修菩薩行住于大道斯諸族姓子
勸助衆生行菩薩法不糾佛教咨啓
大雄受立弘慈成一切智故功無限
佛言阿難由是正法若干劫中若无
數劫不可計限億百載劫懸邈如是
諸佛世尊常不空間展轉相教及餘
無數億百千娑劫轉復相度使成佛
而无窮功故無限所以者何億千百
佛本住宿世行菩薩業建立佛道斯
等之類在在所生受是經典各用勸
助逮無上正真之道成取正覺將來
之世无数菩薩多所開化不可計衆

以是勸助具足佛法成無上正真之道也如是阿難諸族姓子訓立衆生一切智安无上大道欲平等有法父母者正當謂之諸佛菩薩道法父母今是菩薩擁護自歸普得自立是所謂安颺施和搞曰兜等五百人等則法父母斯諸菩薩護是正典族姓子族姓女等不違佛教亦不絕一切智本於將來世臨法欲沒為諸衆生建立大護住在大哀開益一切以是勸助在於末世而安護之不墮惡趣令无數千億菩薩若無數佛共嘆嘆是族姓子等功勲之德不能究竟所以者何是諸族姓名勲至德不可思議

佛告阿難佛無數劫億千兆載合集積累是正法寶其受是法族姓子等十方无數不可計會諸佛世尊遊無限土今現在者咸共擁護學是法者皆令安隱佛言阿難天上世間悉為是等諸族姓子稽首敬礼歸命諮受十方諸佛悲嘆嘆之所演經法以示不逮阿難佛以豫印印是族姓決一切疑若

後末世受如是像無上正法持諷誦
說宣布同學是族姓子及族姓女以
為疾近一切智業臨法滅時聞是景
摸深妙經法懷喜信者佛以授決行
菩薩乘如是至真寂後末世愛護是
法建立己身而愛樂法佛以勸助是
諸族姓子及族姓女而不誹謗斯深
妙法佛豫授決諸聲聞乘見弥勒佛
出現於世諸漏已盡無有愛欲用受
信是深妙法故未曾誹謗致是功報
佛言若菩薩學聞是深法信樂悅豫
亦皆授決在於弥勒如來世時出家
學寂而復誓願乃有殊特佛謂是族
姓子女德本調柔功勳無際臨法欲
沒寂後末世受斯深法奉行精進德
不可量巍巍如是

持人菩薩經囑累品第十五

尔時持人菩薩前白佛言願佛建吾
以轉法者不求名利寂後末世聞是
正典顯發忻悅受微妙義以是之故
疾解諸法逮分別慧速得意力剖判
諸法曉了道慧所生之慮識念不忘
以大法光照於十方佛言持人若有

菩薩觀是法品大智慧業无極明本
積大功德不可限量若將來世受是
法品持諷誦讀及餘深經菩薩箇藏
諸度無極勤心奉行魔事因緣不能
得便不為罪蓋之所覆蔽佛豫授決
見兩三佛輒當速得无所從生法忍
其得忍者亦當得是無上道品自解
諸法而得自在嚴淨佛土具足聲聞
受其道教奉菩薩行如是持人佛下
印封斷一切疑取後末世現得四義
自在之業行菩薩大士法受是經典
而擁護之被引誓鎧何謂為四一曰
受已德本甚大无極不可限量不可
計會二曰當為衆生顯發善光三曰
諮受如來正法經要四曰執持法藏
無央數佛所宣道化是為四復有四
法取後末世將護深法何謂為四一
曰攝取精進在弊惡世受行正法二
曰若在厄難第一苦毒諍乱正法所
持法品人共聞時化令和合擁護正
法三曰行發忍辱具足仁和四曰在
於末世心不懷恨往來周旋常行慈
愍是為四得致深法疾速一切智

今時毘陀和橋曰兜五百菩薩及餘
菩薩聞佛說是道品正法咸住佛前
心自念言於後末世擁護正法佛以
右掌摩諸菩薩而告之曰諸族姓子
佛無數劫而積習是無上正真道成
大寶藏甚用勤苦忍遭困厄所濟無
限使得大安捨身之安而憂一切乃
致道法成軍正覺以累仁等若有學
誦逮是法者廣為四輩而敷演義若
三品法欲毀壞時當建立護尔乃震
揚無極大光佛重累族姓子等如來
猶父諸賢如子佛猶國君諸仁如臣
父慈子孝君正臣忠天下和平吾无
數劫習是正法道德寶藏令普流布
八極上下諸天人民一切慈孝自歸
命佛佛以大哀皆共蒙濟尔時諸菩
薩衆從毘陀和橋曰兜等五百群衆
稽首佛足前白佛言承佛聖旨任力
盡意將護末世佛所宣教惟願如來
建立垂恩取後末世令斯正法道寶
之藏使普流布八方上下一切皆蒙
佛加威神說是法品有无央數不可
計會諸菩薩衆得一生補處德本道

慧皆以脩志無數億千諸天人民皆
發道心佛志授決於將來世皆得佛
道各有名号佛說如是持人菩薩及
一切菩薩颺隨和搞曰兜等五百群
衆四部衆會諸天世人阿修羅閻佛
所說莫不歡喜作礼而去

持人菩薩經卷第四

癸卯歲高麗國大藏都監奉
勅彫造

持世經卷第一

萬

持世經初品第一

姚秦龜茲三藏鳩摩羅什譯

如是我聞一時佛在王舍城迦蘭陀竹園與大比丘僧俱。爾時世尊與若干百千万衆恭敬圍繞而為說法。會中有菩薩摩訶薩名曰持世。為諸菩薩摩訶薩無量功德莊嚴發心欲善知一切法。彼岸欲善知發無量願具足無量莊嚴欲通達無量諸法。決定相欲發無量莊嚴願深心。所行清淨欲善知清淨具足布施欲善知畢定清淨持戒欲善知具足忍辱柔軟之心欲善知清淨精進欲善知清淨禪定欲善知通達般若波羅蜜。彼岸以如是等無量功德故。從坐而起偏袒右肩合掌向佛。白佛言。世尊。我欲問佛為利益安樂一切衆生及諸菩薩摩訶薩。不斷佛種者。具足威儀行處。不著持戒具足清淨戒受行大法。善知持無量行處道法。為是諸菩薩故。我今問佛。世尊。云何菩薩摩訶薩能善

知諸法實相亦善分別一切法章句
云何菩薩摩訶薩能得念力亦轉身
成就不斷之念乃至得阿耨多羅三
藐三菩提

尔時世尊告持世菩薩言善哉善哉
持世汝能為諸菩薩摩訶薩故問如
來是事當知汝則多所安隱衆生憐
愍世間利益安樂諸天人亦為今
世後世諸菩薩等作大光明汝之功
德不可限量能問如來如是之事汝
必欲斷一切衆生之疑愛護一切衆
生為作光明欲示衆生義利欲令衆
生得度嶮道欲為衆生作歸作舍作
洲作救欲拔三惡道衆生欲置衆生
於無上道欲脫衆生生老病死憂悲
苦惱欲與衆生无上涅槃之樂汝欲
於後世守護正法於後恐怖惡世欲
度衆生持世汝今善聽諦思念之吾
當為汝解說此事唯然世尊佛告持
世諸菩薩摩訶薩見四利故勤修習
諸法實相亦善分別一切法章句何
等四當得具足念當得不斷念當以
安慧而自增長念常在心持世是為

諸菩薩摩訶薩見此四利故勤修習
諸法實相亦善分別一切法章句持
世諸菩薩摩訶薩復見四利勤修習
諸法實相亦善分別一切法章句何
等四當善知決定諸法義當善知諸
法義當善知諸法種種因緣當善入諸
法如實門是為四持世諸菩薩摩訶
薩復見四利勤修習諸法實相亦善
分別一切法章句何等四當善知無
量法相當修習善知決定无量法當
行無量功德而自增長當知見諸法
生滅相是為四持世諸菩薩摩訶薩
復見四利勤修習諸法實相亦善分
別一切法章句何等四當近阿耨多
羅三藐三菩提當疾具足助菩提法
當不隨他語善知諸法方便故當善
知一切智慧持世是為諸菩薩摩訶
薩見四利故勤修習諸法實相亦善
分別一切法章句持世諸菩薩摩訶
薩復有四法勤修習諸法實相亦
善分別一切法章句何等四為利益
衆生故心無慳垢常行清淨戒安住
毗梨耶波羅蜜故發行精進不休不

息正思惟故善行般若波羅蜜是為
四持世諸菩薩摩訶薩復有四法勤
修習諸法實相亦善分別一切法章
句何等四成就具足深心清淨之願
具足成就清淨所行功德安住柔和
忍辱功德得分別諸法實相光明是
為四持世菩薩摩訶薩復有四法勤
修習諸法實相亦善分別一切法章
句何等四以大欲求一切智善知分
別禪定解脫諸三昧而生大欲欲得
大慈悲喜捨心故方便行清淨行處
善修習決定義是為四持世菩薩摩
訶薩復有四法勤修習諸法實相亦
善分別一切法章句何等四具足慧
行亦求清淨智行處樂無尋智亦常
不離一切智慧之願持世是為菩薩
摩訶薩有四法勤修習諸法實相亦
善分別一切法章句

持世菩薩摩訶薩見四利故能求念
力何等四當修集具足念根當行安
慧當具足不斷念當修集具足四念
處是為四持世菩薩摩訶薩復見四
利能求念力何等四具足諸助菩提法

故念常在心以利念根善修集宿命具足清淨智慧故當疾得不斷念當種一切智慧因緣是為四持世菩薩摩訶薩復見四利能求念力何等四當修集具足思惟方便當修習如實智慧當發勤精進得諸佛法故當不忘憶念得不斷念力故持世是為菩薩摩訶薩見四利故能求念力

持世菩薩摩訶薩有四法能得念力何等四念安慧故當勤精進不休不息常一其心得諸法實相故常不放逸正憶念諸法故常護諸根正思惟故是為四持世菩薩摩訶薩復有四法能得念力何等四安住清淨持戒成就清淨威儀行處除去心中五蓋不為世法所染離業障煩惱障是為四持世菩薩摩訶薩復有四法能得念力何等四以不散心求善法勤修習一心相善知正入諸法門不樂憒鬧遠離在家是為四持世菩薩摩訶薩復有四法名能得念力何等四親近善知識常修習深法常樂至諸佛菩薩所常樂請問修習智慧持世是為

菩薩摩訶薩有四法名得念力

持世菩薩摩訶薩見四利能修習一切法分別章句慧何等四當善知一切諸法實相當分別一切法所因當知諸法決定之義當善知一切法言語章句是為四持世菩薩摩訶薩見四法利能修集一切法分別章句慧何等四當善知諸法隨宜次第當善知一切法因緣方便當具足修集一切法方便當分別知了義未了義經是為四持世菩薩摩訶薩復見四法利能修集一切法分別章句慧何等四當善學是道是非道慧當得一切法義說力當疾得清淨智慧行處當具足修智波羅蜜持世是為菩薩摩訶薩見四法利能修集一切法分別章句慧何等四能修集一切法分別章句慧何等四善知修集諸法集相善知諸法因滅相善知諸法緣相能入因緣方便是為四持世菩薩摩訶薩復有四法能修集一切法分別章句慧何等四善知諸法苦善知諸法集善知諸法滅

善知諸法滅道是為四持世菩薩摩訶薩復有四法能修集一切法分別章句慧何等四善知諸法合散方便得先因力善知諸法所宜善知分別文字章句是為四持世菩薩摩訶薩復有四法能修集一切法分別章句慧何等四善知不了義經於了義經中不隨他語善知一切法相印亦善安住一切法無相智中持世是為菩薩摩訶薩有四法能修集一切法分別章句慧

持世菩薩摩訶薩有四法轉身常得不斷念乃至得阿耨多羅三藐三菩提何等四明了善不善法成就第一念安慧能離五蓋心終不忘念阿耨多羅三藐三菩提心是為四持世菩薩摩訶薩復有四法轉身常得不斷念乃至得阿耨多羅三藐三菩提何等四善修集四念處善修集學分別慧於諸禪定智慧為首於決定智慧中得通達是為四持世菩薩摩訶薩復有四法轉身常得不斷念乃至得阿耨多羅三藐三菩提何等四得諸

陀羅尼門亦修集天生智入於盡智
亦觀於滅智是為四持世菩薩摩訶薩
復有四法轉身常得不斷念乃至得
阿耨多羅三藐三菩提何等四斷於
愛恚不貪著一切有為法心通達
无為智慧至如來所行處持世是
為菩薩摩訶薩有四法轉身常得不
斷念乃至得阿耨多羅三藐三菩提心
持世菩薩摩訶薩有五淨智力能具
足得如上功德何等五深心淨智力
願淨智力善根淨智力迴向淨智力
障業淨智力是為五持世菩薩摩訶
薩復有五淨智力皆具足能得如上
功德何等五威儀行處淨智力念具
足淨智力方便淨智力緣衆生淨智
力緣相淨智力是為五持世菩薩摩
訶薩復有五淨智力能具足得如上
功德何等五捨心淨智力利益衆生
淨智力生大慈淨智力生大悲淨智
力生大喜大捨淨智力是為五持世
菩薩摩訶薩復有五淨智力皆能具
足得如上功德何等五持戒淨智力
不著持戒淨智力忍辱淨智力不著

忍辱淨智力多聞淨智力是為五持
世菩薩摩訶薩復有五淨智力皆能
具足得如上功德何等五深精進淨
智力受精進淨智力禪定淨智力禪
定方便淨智力止觀方便淨智力是
為五持世菩薩摩訶薩復有五淨智
力皆能具足得如上功德何等五慧
淨智力多聞決定方便淨智力世間
出世間淨智力慧方便淨智力有為
無為淨智力是為五持世菩薩摩訶
薩復有五淨智力皆能具足得如上
功德何等五觀方便淨智力明解脫
淨智力無生相淨智力一相无相淨
智力第一義世諦義淨智力持世是
為菩薩摩訶薩有是五淨智力疾得
具足如是一切功德持世以是利故菩
薩摩訶薩於是淨智力中應勤修集
持世菩薩摩訶薩成就三法於是淨
智力中能勤修集何等三一者欲二
者精進三者不放逸菩薩摩訶薩成
就此三法能於是具足一切功德淨
智力中能勤修集何以故持世欲精
進不放逸皆是一切法根本菩薩摩

訶薩得是淨智力能疾得一切智亦
名精進不退者亦名不退法者亦以
此功德疾得增長亦於一切法中疾
得淨智力持世若有人如是一切法
中得淨智力者是為世間福田是人
次我能消供養是人能至如來行處
是人能觀如來法是人不久能證如
來智慧持世我本無量阿僧祇劫行
菩薩道時然燈佛與我受記汝過阿
僧祇劫當得作佛即時遍知如是淨
智力持世若有人於一切法中能成
就如是淨智力者是人當得阿耨多
羅三藐三菩提如我今得是人亦轉
法輪如我今轉是人亦師子吼如我
今師子吼是人亦於一切法中得自
在力如我今也持世汝等於此淨智
力中當勤精進不久自然具足一切
智慧

持世過去无量阿僧祇劫有佛号智
高王如來應正遍知明行足善逝世
間解無上士調御丈夫天人師佛世
尊持世是智高王如來有无量眷聞
僧亦有無量諸菩薩僧是佛本願因

緣所致是智高王佛土無三惡道其諸衆生不覺有苦畢竟具足安隱快樂離欲多者能障五蓋是諸衆生成就如是清淨快樂如人入第四禪樂是智高王佛壽六百萬億那由他劫持世是時國土唯佛為王更無有王國土衆生皆号佛為法王是智高王佛多為諸菩薩說是斷一切衆生疑喜一切衆生心菩薩藏經尔時有五
百菩薩聞是諸菩薩淨智力發如是精進力盡形不生坐心盡形不生衣服想盡形不生我想衆生想人想男女想盡形終不多食但修集如是淨智力勤行精進五百菩薩以是善根因緣命終皆生過東方十萬億國土既生不久修集是法故得識宿命成就利根其國土佛号无量花積王現在說法其諸菩薩始年十六於無量華積王佛所出家六十億歲行童子梵行亦修行如是精進持世是五百菩薩得值如是等二十億佛於諸佛所勤行精進成就第一念安慧末後值無量力高王佛與其投記過万劫

已當得阿耨多羅三藐三菩提是五百人於万劫中得值二万億佛具足佛道於一劫中次第得阿耨多羅三藐三菩提持世當知菩薩摩訶薩欲疾得阿耨多羅三藐三菩提者於是淨智力中應生欲精進不放逸何以故持世諸佛阿耨多羅三藐三菩提皆以欲精進不放逸為根本及餘助道法能具足佛法者持世我以如是精進得值二十億佛於諸法中世世成就念力世世得識宿命修集是法不休不息我終不失是欲精進不放逸我當成就欲精進不放逸尔時世尊以大慈悲心願視四方現神通力使三千大千世界諸閻浮提皆有化佛為諸衆生說是斷一切衆生疑喜一切衆生心菩薩藏經復以神力令竹園中在會大衆皆見諸佛遍閻浮提各各說法大衆咸悅從坐而起皆共礼佛作是言希有世尊諸佛如來神力不可思議成就无量不可思議法尔時佛告大衆諸善男子如來是事未足為難所以者何如來善能通達

法性故若一毛孔出神通力光明普照十方恒河沙世界演說法音於一毛孔百千萬億分未盡其一如來成就如是不可思議功德諸善男子如來深觀衆生心而為說法諸善男子今世衆生少有於是法中能行欲樂諸善男子今世衆生少有於是法中能行精進諸善男子今世衆生少有於是法中能行不放逸何以故如來今出五濁惡世所謂衆生濁見濁命濁煩惱濁劫濁諸善男子若有乃至一人能信受如是甚深清淨法能至佛慧是為希有何況能信解如來所行諸善男子我常長夜莊嚴如是願如是精進忍辱行為苦惱衆生無救護者无依止者多墮惡道者我於今時當成佛道利益無量阿僧祇衆生諸善男子當知如來恩力本清淨願精進故能令无量阿僧祇衆生信解受持如是深法諸善男子我於先世教化衆生是諸衆生能解我法諸善男子今佛以十力四無所畏少能令衆生信解如是甚深之法若有衆生

住是法中者皆是如來恩力方便故
我長夜不離如是深法我亦長夜大
慈大悲大喜大捨攝取衆生少有如
來出五濁世利益衆生何以故諸善
男子我於先世以大精進力大方便
力教化衆生集是阿耨多羅三藐三
菩提

諸善男子我念過世一日之中捨千
身布施利益衆生諸善男子我於若
干千万世見飢餓衆生故自割身肉
煮以與之我於尔時心無憂悔但於
衆生普行大悲諸善男子當知我如
是以大精進大方便力教化衆生集
是阿耨多羅三藐三菩提是故諸善
男子應發如是欲精進不放逸修集
阿耨多羅三藐三菩提如我行菩薩
道時汝等亦當如我利益教化衆生
諸善男子是賢劫中諸佛出世无不
讚我作如是言釋迦牟尼佛深行精
進如是釋迦牟尼佛具足精進如是
釋迦牟尼佛具足精進波羅蜜如是
釋迦牟尼佛行菩薩道時教化衆生
如是出於五濁利益無量阿僧祇衆

生諸善男子如是行道故應勤生欲
精進不放逸諸善男子我今雖得阿
耨多羅三藐三菩提精進猶不休息
至涅槃時猶發精進碎身骨如芥子
解散支節何以故憐愍未來世衆生
故我先世行菩薩道時所化衆生或
行錯謬墮諸難處欲勉濟之起大悲
心分布舍利乃至如芥子皆與神力
我滅度後若有衆生應以舍利度者
心得清淨得清淨已處處地中隨願
成就諸善男子我先世行道時於衆
生中成就如是悲心碎身舍利普使
分布是我本願我以如是無量福德
因緣大悲心故於後惡世普覆衆生
諸善男子若諸菩薩於此法中能生
欲精進不放逸必發是願於後末世
受持讀誦為人廣說如是等經我當
以神力令諸菩薩受持讀誦為人廣
說我亦以如是經囑累是諸菩薩以
其能受持讀誦為人廣說故所以者
何諸善男子隨是經所住當知其土
有佛不滅是故如來以此經囑累諸
菩薩諸善男子當知我宿世以如是

因緣攝取衆生今世亦復攝取衆生
後世亦復攝取衆生所謂護念如是
經法於後五百歲普流布故諸善男
子若於今世若我滅後若聚落城邑
山林曠野有如是等經若能受持讀
誦為人解說當知此中則為有佛何
以故我說諸佛即是法身以見法故
則為見佛佛不應以色身見若人信
法聽法是人則為信佛亦聽佛語若
人於此法中能如說修行是人則為
見佛是人名為實語者法語者隨法
行者

諸善男子我身非法非非法是名隨
法行是名第一法施所謂不著法不
著非法何以故若著法者不名見佛
諸善男子不著一切法名為見佛若
於一切法中無所見者是名見佛何
以故如來不可以法說不可以非法
說亦不可以法見所以者何諸善男
子如經中說汝等比丘若知我法如
戔喻者法尚應捨何況非法若能捨
法非法是名見佛何以故如來名為
捨一切法者不貪不受諸法名字不

墮名字法中何況墮非法名字中諸善男子捨離一切法名字名為如來能如是見者名為見如來何以故捨離見一切法故名為見如來以一切法不可得故如實知見一切法故名為見如來諸善男子若一切法不可得捨離一切法是中即無戲論无是法非法名字无行無亦是名見如來若人能如是見法者是名見如來若能如是見如來者是名正見若異見者名為邪見若邪見者則為妄見是人名為真見諸善男子真見者斷一切語言道非真非妄非有非無離一切法不取一切法不得一切法如是見者名為見如來何以故諸善男子如來不以法性見見一切法性離者名為如來若能如是見者名為正見諸善男子汝等應如是見如來汝等且觀如我所說觀於如來如是觀者當知一切法皆是如來當得一切法如當得一切法實相當得一切法非虛妄相當知一切法是如來法當知一切法是如來行處當知一切法是

不可思議行處諸善男子是故我說一切法是如來行處如來行處是無行處何以故一切法行處是中无法可行是故說無行處是如來行處一切法行處即是无行處無行處即如來行處何以故一切法行處无所行故無行處是如來行處一切行處入如來行處則非行處如來通達證是法故是名無行處是如來行處諸善男子能知一切法无行處是人能入如來行處是人能觀如來行處是人能求如來行處是人亦不著如來行處何以故是人知無行處是如來行處離行處是如來行處所謂一切法不可得不可分別不可貪故是名非行處是如來行處是名入智行處不入一切法故何以故一切法無門故以是門入諸善男子一切法无入無出一切法无形所以者何如來於法無所得何法若出若入若見若說諸善男子是名入一切法門以不入相故一切法無合无散無縛无解是一切法門以無門故說是門名為

不可出門不可入門不可歸門不可
說門畢竟無生門以是法門於法无
所知無所見以是法門於法无證無
所入何以故諸善男子一切法无門
門不可得故虚空是一切法門從本
已來性清淨故無斷是一切法門斷
无所有故無邊是一切法門邊不可
得故无量是一切法門量不可得故
無際是一切法門諸際无所有故諸
善男子若有善男子善女人能入是
法門者則入一切法門則知一切法
門則說一切法門

持世經五陰品第二之一

尔時佛告持世菩薩持世若菩薩摩
訶薩欲得一切法實相若欲善分別
一切法章句若欲得念力若欲轉身
具足得不斷念乃至得阿耨多羅三
藐三菩提者當疾入如是法門於是
法門得智慧光明何以故於是法中
疾得具足故又復持世菩薩摩訶薩
勤修集如是法門入是法方便門者
則能得分別陰方便界方便入方便
因緣生法方便因念處方便五根方便

八聖道分方便世間出世間法方便
分別有為無為法方便

持世何謂菩薩分別五陰方便菩薩
摩訶薩正觀五取陰所謂無明陰是
五取陰苦陰是五取陰癡陰是五取
陰病陰癱陰如箭入身陰是五取陰
菩薩分別觀察選擇色取陰云何為
分別觀察選擇色取陰是色取陰從
四大生假名為色取陰是色陰无有自
性但以四大和合假名為色陰色陰
無有作者无使作者無作元起無出
名為色陰但以先業因緣四大所攝
數名色陰非陰是色陰譬如虛空陰
實無生相若說虛空陰是中无有法
生但有名字故名為虛空陰凡夫於
此無陰陰相以顛倒心故无實實相
貪著我五陰我所五陰我色陰我所
色陰如是貪著是諸凡夫貪著色已
於色中依止我我所有色受色取色
著色依色受行種種惡不善業我等
不應隨凡夫學我等應勤修集助苦
提法今應正觀色陰菩薩正觀色陰
時知同水沫聚云何知同水沫聚无

聚是水沫聚但從衆緣生不可執捉
無有堅牢水沫聚中无有聚相無聚
是水沫聚色陰亦如是色陰中无有
陰相菩薩如是觀時作是念凡夫不
能正觀虛妄色不能如實知色無常
不能如實知色相我等入正道不應
貪著虛妄不應貪著色何以故色是
不可貪著相色但有名字无決定相
當觀是色無決定相離名字故名之
為色又說色名惱壞相智者通達知
是无相我等應當善知修集色無相
方便不貪著色相若人貪著色相即
貪著色我等應善知入色相菩薩如
是正觀時如實觀察選擇色是色陰
皆從凡夫憶想分別起若法從憶想
分別起即是不生一切憶想分別皆
非真實凡夫依止顛倒所起色為色
所縛為色所害往來苦惱無明癡闇
故貪色不捨見色有常牢固是凡夫
人為色縛色所縛故往來地獄畜生
餓鬼天人深貪色味不觀色中有諸
過惡我等不應隨凡夫學應當觀察
選擇分別修習色方便分別觀察選

擇色時見色性如夢譬如夢中色皆從憶想分別覺觀起曾所見聞覺知因緣起是夢中亦知彼我亦見地水火風亦見山河菰林夢中色相无有決定但以憶想故有色陰相亦如是從先世業因緣出無有決定性菩薩如是思惟不取色若我若我所但正觀色如實无常相虛妄顛倒衆生顛倒貪著取色若我若我所色若彼色若彼所色如是正觀察選擇色時不得色不見色性亦不貪著色无常菩薩今時若於色中愛念貪著皆悉除斷善知色正相善知色平等相善知色滅相善知色滅道相善知色陰無所從來亦无所去作是念是身色陰皆從業果報覺觀起四大所攝是身色陰非我非彼無有所屬无所從起觀色陰如是内色不貪不受外色不貪不受過去色不貪不受未來色不貪不受現在色不貪不受即知一切色陰是無生相是菩薩今時不滅色亦不求滅色法持世菩薩摩訶薩觀察選擇色取陰如是

持世何謂菩薩摩訶薩觀察選擇受
取陰菩薩作是思惟是苦受樂受不苦
不樂受皆從因緣生屬諸因緣入受相
中此中無有受者但以貪著故貪著者
即是不真虛妄從憶想分別起是苦
薩如是思惟時作是念是凡夫為虛
妄受所縛為三受所害所謂苦樂不
苦不樂受是凡夫若受樂為愛結所
使以愛結所使故能起惡業若受苦
為恚結所使以恚結所使故起諸惡
業若受不苦不樂受為無明結所使
是人因無明結所使故不脫憂悲苦
惱我等今不應隨凡夫學應正觀諸
法我等應如實觀諸受菩薩如實觀
受陰作是念非陰是受陰從憶想分
別起顛倒相應无有受者但從先世
業因起今世緣故諸受自性空受中
无有受相菩薩觀達受陰譬如雨沛水
泡有生有滅無有決定受陰亦如是次
第因緣起屬諸因緣无有住時虛妄
不實從憶想顛倒相應起菩薩尔時
作是念凡夫可愍為諸受所制以不
正觀受陰故故得樂受生者得苦受亦

生者得不苦不樂受亦生者為諸受所縛馳走往來從身至身受結所縛輪轉五道無有休息是凡夫者於諸受為受所制為受所繫不脫受陰於受陰所不見出處不知正觀受陰故不知如實觀受陰元常於受陰中為欲染所縛不知受陰如實相我等今不應隨凡夫學應如實觀察選擇受陰即時如實觀受陰無陰是受陰不真陰是受陰顛倒陰是受陰不住陰是受陰是時見受陰如實相元有作者無有使作者於受陰中不見受陰相如是觀受陰不見受陰在內不見受陰在外不著受我不著受彼知受陰無所從來元有所屬無法能生受者但從顛倒相應先世業果報數名受陰見受陰虛妄因緣相續行余時過去受陰不受不貪不著未來受陰亦不受不貪不著現在受陰亦不受不貪不著是人於樂受中除却愛結於苦受中除却悲結不苦不樂受中知見無明結故勤行精進菩薩余時若受樂受心不生愛若受苦受心不

生患若受不苦不樂受心不生癡持
世凡夫多於樂受生愛苦受生患不
苦不樂受生癡是諸凡夫以愛患癡
故深入闇冥不能如實知受陰亦不
知愛患癡相深貪著愛患癡所謂是
我我所是此彼等持世菩薩摩訶薩
於此中正觀受陰者不為愛患癡所
牽若生愛患癡即能除斷行於正道
於樂受中斷愛結使故勤精進於苦
受中斷患結使故勤精進於不苦不
樂受中斷癡結使故勤精進如實知
三受相尔時有所受苦若樂若不
苦不樂皆離不著離愛結使離患結
使離癡結使諸受起時皆能知見知
受陰如實無常若能如是知已於受
陰中欲染患斷入斷受陰欲染道中
不為諸受所汙是菩薩若如是正觀
受陰如實知受陰知受陰集受陰滅
受陰滅道然後如實知受陰是无生
相以無生相通達受陰无相持世菩
薩摩訶薩如是觀察選擇受陰持世
何謂苦薩摩訶薩觀察選擇想陰苦
薩摩訶薩正觀想陰時見想陰皆從

顛倒起虛妄不堅固不真實從本已
來不生相以因緣和合從先世業力
起作是念非陰是想陰虛妄陰是想
陰顛倒陰是想陰想陰中無想陰想
譬如春後月焰以名字故說名為焰
陰想陰亦如是以識相故說名想陰
凡夫於此為虛妄想所繫或識樂或
識苦或識不苦不樂或識寒熱或識
男女或識五道生死或識合或識散
或識過去或識未來或識現在或識
好或識醜或識有或識無是凡夫想
皆為顛倒虛妄屬諸因緣但假名為
想陰此中若內若外无有想者凡夫
人虛妄想所繫故或識貪欲或識瞋
恚或識愚癡或識妻子凡夫依止是
想陰貪著虛妄以是想陰馳走往來
不能如實觀想陰是虛妄凡夫人以
我想彼想男女想繫於想陰不能得
脫貪著想陰我是想陰我所是想陰
我等不應隨凡夫學菩薩摩訶薩如
是正觀想陰想陰中想陰想不可得
如焰陰中焰陰相不可得菩薩見想
陰如焰性過去想陰不貪不受不著

未來想陰亦不貪不受不著現在想陰不住不分別若我若彼即彼滅想受陰道通達想陰是無生不見想陰若來處若去處但以顛倒相應先世業因所起現在緣所繫元陰是想陰觀察選擇想陰無所從來亦元所去即通達想陰無生亦不分別想陰滅但為滅一切想受陰故亦住如實知見故菩薩如實觀想陰時遠離一切想道心亦不住一切想道但住知見想陰亦如實想陰不貪著想陰如實觀察一切想陰如實知想陰集滅盡持世菩薩摩訶薩如是正觀察選擇想陰則離想陰欲染亦能行斷想陰欲染道

持世何謂菩薩摩訶薩觀察選擇行陰持世菩薩摩訶薩觀行陰從顛倒起虛妄憶想分別假借而有菩薩介時若身行口行意行皆觀不淨無常苦空无我如是觀時作是念非陰是行陰苦陰是行陰因緣生陰是行陰像陰是行陰諸行陰無增无減無集若身行口行意行无有作者智者不

貪受是行陰何以故是諸身行不在身內不在身外不在中間口行意行亦如是不在意內不在意外不在中間行陰中无行陰相何以故是行陰從衆因緣顛倒起虛妄不真先業果報所攝亦令因緣所繫能有所行諸所有行若身行若口行若意行皆非真行是無所有行是虛妄行是顛倒行是故說非陰是行陰何以故智者不決定得行陰相是身行是口行是意行此處彼處若內若外又身口意行尚無決定行相可得可說何況行陰可得可說是故說无陰是行陰凡夫起顛倒想貪著身口意行憶念分別是行陰為行陰所縛馳走往來是凡夫人以顛倒故起身口意行起已貪著歸趣無法生法想无陰生陰想貪著顛倒行故為行陰所繫往來五道常隨身口意行不能如實觀身口意行不能如實觀行陰故以身口意而起諸行是諸凡夫著顛倒故著不真法故著虛妄故數名行陰持世菩薩於此中如是正觀諸行無有根本

羸劣无力以衆緣和合可說行陰是
中無有真實行陰无陰是行陰從本
已來不生是行陰無性是行陰諸行
前際不可得後際不可得中際不可
得無有住時諸行念念生滅持世菩
薩如是正觀行陰空不可得不堅牢
相乃至毫釐亦不可得作是念是諸
凡夫為不堅牢法所繫行陰所繫貪
著所縛起身口意行我是行我所是
行起如是業為行陰所縛不知行陰
性入無明癡冥於諸行中生真實想
以顛倒故貪著受取行陰是人貪著
受取行陰故或起樂行或起苦行或
起不苦不樂行是人起樂行已得樂
身起苦行已得苦身起不苦不樂行
已得不苦不樂身是人得樂身已生
愛得苦身已生瞋得不苦不樂身已
生愚癡是人以愛瞋癡故不見諸行
過惡不能清淨身口意行是人身口
意行不清淨故墮不清淨道中所謂
地獄畜生餓鬼或時墮生天人中貪
著身口意行深著行陰菩薩摩訶薩
應如是正觀今我等不應隨凡夫學

我等應清淨身口意行不應貪著行陰應觀行陰過惡應求出行陰道如是觀者名為如實正觀行陰亦名正觀行陰無常即時如實觀諸行諸行集諸行滅諸行滅道不受不貪不著諸行亦不貪不著行陰如是觀時遠離行相亦行無行陰道即觀諸行空於一切諸行中驚怖生厭離心但起清淨身口意行壞行相故離行陰相故是人有所得身皆是清淨何以故是人身業清淨口業清淨意業清淨身行清淨口行清淨意行清淨是人遠離行陰相壞諸法及根本相如是正觀時見行陰無所從來亦無所去不得諸行決定生相亦不得決定滅相即觀諸行无生滅相一切諸行亦無生滅是人觀一切諸行无生滅相生厭離心正通達諸行集滅相雖證諸行無生相而善通達諸行相何以故持世是行陰无決定相譬如芭蕉堅牢相不可得無堅牢相亦不可得行陰亦如是堅牢相不可得无堅牢相亦不可得持世菩薩摩

訶薩如是觀察選擇思惟入於行陰
持世經卷第一

癸卯歲高麗國大藏都監奉
勅彫造

持世經卷第二

萬

持世經五陰品第二之二

姚秦龜茲三藏鳩摩羅什譯

持世何謂菩薩摩訶薩正觀察選擇
識陰菩薩摩訶薩觀非陰是識陰顛
倒陰是識陰虛妄陰是識陰何以故
持世是識陰從顛倒起虛妄緣所繫
從先業有現在緣所繫屬衆因緣虛
妄無所有憶想分別起從識而生有
所識故名之為識從憶想分別覺觀
生假借而有有所識故數名為識以
識諸物故以起心業故以思惟故衆緣
生相故起種種思惟故數名識陰從
有所識有識像出示心業故攝思惟
故數名識陰或名為心或名為意或
名為識皆是意業分別故識陰所攝
識相識行識性示故數名識陰如是
非陰是識陰不生不起不作但以顛
倒相應緣虛妄識故數名識陰何以
故是識陰從衆因緣生無自性次第
相續生念念生滅是識緣不生陰相
何以故是識陰生相不可得決定相

亦不可得生相不可得故決定相不
可得故根本无所有故自相無故牢
堅不可得故智者正觀察選擇通達
非陰是識陰凡夫於非識陰生識陰
相以覺觀分別憶想顛倒相應虛妄
所縛強名為識陰貪著是識陰依止
所識依止識種種示思惟故生起識
陰是人種種分別貪著內識貪著外
識貪著內外識貪著遠識貪著近識
以識相故分別起識陰是人以憶想
分別若心若意若識假借強名是心
是意是識如是知種種心相生是凡
夫貪著識陰為識陰所縛心意識合
故起種種識陰分別虛妄事故以一
相故以決定相故能得是心是意是
識能得分別愛著是人依止識陰深
貪識故亦得過去識陰貪著念有亦
得未來識陰貪著念有亦得現在識
陰貪著念有諸凡夫於見聞覺知法
中計得識陰貪著念有是人貪著見
聞覺知法為識陰所縛貴其所知以
心意識合繫故馳走往來所謂從此
世至彼世從彼世至此世皆識陰所

縛故不能如實知識陰識陰是虛妄
不實顛倒相應因見聞覺知法起此
中無有實識者若不能如是實觀或
起善識或起不善識或起善不善識
是人常隨識行不知識所生處不知
識如實相持世菩薩摩訶薩於此中
如是正觀知識陰從虛妄識起所謂
見聞覺知法中衆因緣生无法生法
想故貪著識陰我等不應隨凡夫學
人我等當如實正觀察選擇識如實
正觀察選擇識陰是諸菩薩如實觀
時知識陰虛妄不實從本已來常不
生相知非陰是識陰像陰是識陰幻
陰是識陰譬如幻所化人識不在內
亦不在外亦不在中間識性亦如是
如幻性虛妄緣生從憶想分別起無
有實事如機關木人識亦如是從顛
倒起虛妄因緣和合故有如是觀時
知識皆无常苦不淨無我知識相如
幻觀識性如幻菩薩尔時作是念世
間甚為狂癡所謂從憶想分別識起
於世間與心意識合三界但皆是識
是心意識亦无形無方不在法內不

在法外凡夫為虛妄相應所縛故於
識陰中貪著若我若我所是人貪著
識陰在內貪著識陰在外貪著識陰
在內外貪著識陰在彼我是人貴此
識陰為識陰所縛受識陰味說識陰
相所謂若心若意若識隨味行故貪
受識陰是人為識所縛識陰合故為
心意識所牽以心意識因緣力故生
是凡夫若起下思得下身若起上思
得上身若起中思得中身是人隨心
意識力故生依止諸入貪著識陰故
不脫生老病死憂悲苦惱菩薩於此
中如實正觀選擇識陰如實正觀識
陰無常相故過去識陰不貪不著不
念知非陰是識陰未來世識陰亦不
貪不著不念知非陰是識陰現在識
陰亦不依止如實知識陰无常相如
實知識陰生滅相若如是思惟正觀
識陰是名正觀入識陰道所謂如實
知識如實知識集如實知識滅如實
知識滅道是人如實觀識陰集滅相能
壞識陰能斷一切相知識陰集滅相亦
通達識陰集滅相菩薩亦不生

識陰亦不滅識陰是識陰從本已來
无生如是觀時不分別識滅相通達
識陰無生相何以故持世是識陰无
生無相无成是識陰生性虛妄故入
在無生相中持世識陰終不有生成
相是識陰相從衆因緣生持世菩薩
摩訶薩如是觀因緣法非陰是識陰
觀察選擇信解證知通達諸所有識
悉皆知實菩薩知識陰實故如是一
切所緣知皆破壞持世菩薩摩訶薩
如是觀識陰知是識陰無生者无作
者無起者无受者無所受者但以衆
緣生衆緣合故有緣見聞覺識法故
繫有從本已來常畢竟空如是觀識
陰時即知識陰是無作无起相不貴
不著持世菩薩摩訶薩如是正觀察
選擇入識陰若菩薩能如是方便入
五陰能如是方便正觀五陰是名通
達入五陰集滅道皆能斷諸陰相真
知五陰方便以是方便故於五受陰
中不貪不著不縛不繫如實知色無
常相是菩薩若於色有欲染則能除斷
亦如實知受想行識亦如實知受想

行識无常相若於受想行識中有欲
染則能除斷菩薩於五受陰中除斷
欲染故隨順通達決定五陰方便如
是觀時能知五受陰細微生滅相
持世何謂菩薩摩訶薩能觀察選擇
五受陰細微生滅相菩薩摩訶薩觀
衆生初入胎歌羅羅時先五陰滅即
更有五陰生從是已來觀五陰生滅
相雖先識滅亦知五陰非斷滅相識
雖依止歌羅羅亦知五陰不至不常
如是觀初入胎一念五受陰生滅相
從歌羅羅乃至出生及後增長乃至
死時觀此五受陰念念生滅相如是
觀察選擇五受陰細微生滅相持世
是五受陰微細生滅相者所謂先五
受陰滅次第無物有至胎識初合時
五陰即有生滅因歌羅羅五受陰假
名為人所以考何持世識无所依則
不能住識所依者五受陰是持世又
無色界中諸天五受陰細微生滅相
亦應如是知持世如是細微五受陰
生滅相辟支佛智慧所不能及何況
聲聞智慧惟諸佛如來善知五受陰從

初入胎細微生滅相及無色天諸陰
念念生滅所謂一切智慧出一切世
間智慧菩薩摩訶薩得无生法忍至
佛慧境界是人雖如是觀察選擇五
受陰細微相從初入胎乃至無色天
亦不能究盡如諸佛所知持世諸佛
如來无有隨他智慧自然得一切智
慧方便得阿耨多羅三藐三菩提諸
佛智慧無所不達諸佛无尋智慧於
一切法中得決定慧於一切法中得
自在力何以故於無量無數千万億
阿僧祇劫行於深法故持世一切凡
夫不能如是方便觀五受陰何況觀
五受陰細微生滅相何以故諸凡夫
人不能知五受陰如實凡夫不知取
不知受陰

持世何謂為取取名我取衆生取見
取戒取五陰取十八性取十二因緣
取是名為取乃至所有法若內若外
所謂欲取有取見聞覺識取我我所
取持世凡夫於此虛妄取不知不見
顛倒因緣而取諸法是人為取所繫
無明因緣取諸行諸行因緣取識識

因緣取名色名色蘊相衆生染著歸趣所謂色取色合色縛及取四無色陰受想行識分別為名持世若无諸佛衆生則無所知无所見不能正觀五受陰諸佛出於世間壞衆生依止色壞依止受想行識壞和合一相故諸佛如來作如是分別說汝等所依所歸是名為色是色但以四大和合受想行識但有名字名色相成就故說五受陰汝等衆生莫貪歸此不牢堅五受陰持世如來何故說五受陰持世是凡夫人從顛倒生入無明網馳走往來何所歸趣貪受五受陰相作是念我依止此當以得樂是人以是樂想貪歸五陰以苦想以不苦不樂想貪歸五陰凡夫人所歸所依止處是名五陰持世諸凡夫人從生以來盲不知五陰為何等不知五陰從何所來不知五陰如實故貪受五陰是故說名受陰於此中誰有受者此中受者不可得但以顛倒貪著分別虛妄自縛无明癡闇故取我取我所取此彼是故說受陰是五陰無有取

者亦无決定相是故智者知非陰是
 五受陰顛倒陰是五受陰無明陰是
 五受陰凡夫於此為所繫縛貪歸五取
 陰以貪歸故不知何等是取何等是取
 陰但為貪著所歸五陰往來生死貪著
 是五陰故馳走諸趣貪歸何等貪歸見
 貪歸聞貪歸覺貪歸識貪歸愛貪歸
 无明是諸凡夫為愛縛所縛貪愛五
 受陰為諸蓋所覆入無明闇冥不知
 不覺我等今為貪歸何處繫縛何處
 以不知故往來地獄畜生餓鬼人天
 道中生死所縛貪歸生死不放不捨
 不斷五陰亦不能知五陰如實相不
 如實知故為種種苦惱所害墮虛空
 獄不知出處是人不見出道故於無
 始生死道中受諸生死是故不能得
 脫生老病死憂悲苦惱亦不得度無
 量生死險道亦不得脫諸大苦聚
 還復歸趣於苦貪著於苦為苦所使
 何等為苦五受陰是生時但苦生滅
 時但苦滅持世我以是因緣故為弟
 子說法汝等比丘當正觀色陰亦當
 如實知色无常相汝等若於色中有

欲染者當疾除斷汝等當正觀受想
行識亦當如實知受想行識無常相
若於受想行識中有欲染者當疾除
斷除斷欲染故心得正解脫持世若
有人知我所說法義如是能如說修行
當得脫生老病死憂悲苦惱若人不
能如說修行為色縛所縛為愛繫所
繫入無明闇冥貪取五陰是人貪取
五陰故不能得脫生死險道持世以
是義故我說世間與我諍我不與世
間諍何等為世間所謂貪著五受陰
者為世間所攝是人貪歸五陰為五
陰所縛不知五陰性不知五陰空相
而與我諍是人違逆佛語與佛共諍
故墮大衰惱若有人於佛在世若佛
滅後能如是觀虛妄五受陰空无所
有從顛倒無明闇冥起虛誑妄想但
誑凡夫非五陰似五陰如是之人不
與佛諍不逆佛語故得脫地獄畜生
餓鬼苦惱持世諸佛不與人諍斷一
切諍訟名之為佛但為衆生演說實
法作是言汝等先所取者皆是顛倒
一切衆生顛倒力故貪歸五陰往來

世間是人貪歸五陰已起種種邪見
貪歸種種名字貪歸種種憂悲苦惱
是人為種種邪見煩惱種種憂悲苦
惱之所殘害無有能為作救作舍作
歸作趣唯佛能救凡夫小心小智慧
故貪嗜五欲依止多過五陰是凡夫
人與救者歸者依者脫一切苦惱者
而共諍訟持世我今舉手其有見五
陰者見陰相者貪五陰者我則不與
是人為師是人亦非我弟子不隨我
出家不隨我行不歸依我是人入於
邪道入虛妄道取不實者是為顛倒
不知佛意不知佛隨宜說五陰不知
佛第一義是人不受佛教不應受供
養而受是人我尚不聽出家何況當
得受人供養何以故如是之人是外
道徒黨所謂生五陰相者貪著歸趣
五陰者持世當來之世後五百歲法
欲滅時於我法中出家多是生五陰
相者決定說五陰相深著五陰入虛
妄邪道於我法中而得出家袈裟繞
咽常樂徃來白衣居家當知是人與
外道無異亦以我法多為衆人恭敬

供養持世我說是見五陰者決定說
五陰者貪著五陰者不聽受人一極
之水所以者何是人於我法中乃至
無有柔順法忍是人違逆我法背捨
聖行持世是故菩薩摩訶薩於後惡
世應如是發大誓願於我如是甚深
經典當共護持亦斷衆生五陰見故
而為說法

持世我是經中說破一切陰相離貪
著陰相尔時多有在家出家聞如是
等經起於諍訟不生實相菩薩摩訶
薩於此中應發大誓願我等於後惡
世貪著五陰邪見衆生作大利益所
謂度脫貪著見五陰衆生隨宜方便
以法利益是故持世菩薩摩訶薩若
欲得善知諸法實相亦善分別諸法
章句欲得念力欲得轉身成就不斷
念乃至得阿耨多羅三藐三菩提應
常觀是五陰無常相苦相无我相虛
妄相不堅牢相畢竟空相從本已來
不生相常正觀時五受陰中所有欲
染則能除斷亦得如是等深法中方便
持世過去無量阿僧祇劫尔時有佛

名大意山王如來應供正遍知明行
足善逝世間解无上士調御丈夫天
人師佛世尊持世是大意山王佛有
八十億那由他聲聞衆皆是阿羅漢
諸漏已盡及八十億那由他學地阿
那含謂菩薩摩訶薩衆四十億那由
他的大意山王佛壽八万歲持世亦
時有王名為德益是德益王有二万
大城具足豐樂人民充滿其城七重
縱廣十二由旬四寶合成有七重塹
皆有欄楯七重行樹諸寶羅網遍覆
其上城塹諸樹及上羅網皆以黃金
琉璃車渠馬瑙四寶合成一一大城
各有五百園林皆有七寶衣樹充滿
其中一一園林各有五百寶池八功
德水皆滿其中持世是德益王有八
万姝女其大夫人有二子一名無量
意二名无量力持世是二王子各年
十六夢中見佛端正無比如閻浮檀
金幢見大歡喜覺已各說偈曰其一
人言

我今夢見二足尊 金色百福相莊嚴
成就無量諸功德 見已心得大歡喜

第二人言

我夢見佛明如日 端正殊妙第一尊
猶如須彌衆山王 巍巍高顯見歡喜
持世即時无量意無量力二子詣父
母所具說是事白父母言今我二人
於夢中見佛惟願父母當聽我等俱
詣佛所佛久出世我等放逸不能覺
知沒五欲泥為色縛所縛為受想行
識縛所縛我等在家以放逸故不能
見佛持世是二王子為父母說是事
已即詣大意山王佛所到已頭面禮
佛足請佛及僧三月四事供養衣服
飲食卧具醫藥於大城邊莊嚴德益
王所遊園林懸繒幡蓋寶花覆地奉
佛及僧令止其中其二王子三月之
中以一切樂具供佛及僧供養已畢
於佛法中俱共出家持世其大意山
王佛知此二王子深心所願而為廣
說是五陰十二入十八性菩薩方便
經於四万歲中終不睡眠常不滿腹
食亦不傾卧若坐若經行又於四万
歲中不念餘事但念五受陰虛妄空
相知是五受陰從顛倒起通達是五

受陰相畢其年壽常修梵行命終即
生兜率天上於佛滅後還生閻浮提
大居士家至年十六復夢見佛為說
五陰十八性菩薩從方便經聞是法已
即覺驚怖復於佛法滿万歲中常修
梵行亦復方便深觀五陰十二入十
八性菩薩所行方便經命終生於忉
利天上畢天之壽生閻浮提大姓婆
羅門家大意山王佛法末後千歲之
中其二人以本因緣故復得出家學
問廣博其智如海亦善觀察選擇是
五陰性入法如實通了於其世中教
化二万人及二十億天於阿耨多羅
三藐三菩提持世是二菩薩從是已
後世世同心共值十億那由他佛然
後乃得无生法忍得法忍已復值一
億那由他佛然後得阿耨多羅三藐
三菩提二人共劫次第作佛一名無
量音二名无量光持世是故菩薩摩
訶薩若欲疾得阿耨多羅三藐三菩
提當於是清淨無染法中勤行修集
此陰入性及餘有為法中說實知見相
持世經十八性品第三

持世何謂菩薩摩訶薩善知十八性
菩薩摩訶薩方便正觀十八性作是
念眼性眼性中不可得是眼性無我
无我所無常无堅自性空故眼性中
眼性不可得故眼性虛妄無所有從
憶想分別起眼性无有決定相虛空
性是眼性譬如虛空無決定相无根
本故眼性亦如是無決定相亦无根
本故何以故眼性中實事不可得故
眼性無處无方不在內不在外不在
中間眼性無決定相以无事故眼性
事不可得衆因緣生故眼性不過去
不未來不現在眼性眼相不可得眼
性但以先業果報屬現在緣故數名
眼性眼性者即是無性眼性中眼性
不可得識行處故數名眼性

若眼根清淨色在可見處意根相應
以三事因緣合說名為眼性眼性中
無決定眼性相智者通達无眼性是
眼性性

持世菩薩摩訶薩若能如是觀察選
擇眼性即通達無性是色性何以故
色性中色性不可得是色性不合不

散色無決定相故說名色性色无根本無分別何況色性色性則是亦无根本色性不在色内不在色外不在中間但以憶想分別色在可見處眼根清淨以意識相應見現在色故數名色性譬如鏡中面像若鏡明淨則生色相鏡中色無決定相鏡中无人而見色像但以外有鏡内起色相如是眼性清淨所緣之色在可見處如鏡中像數名色性色無性相无形性無決定性是名色性諸色相无我故數名色性隨衆生所知故說名色性若菩薩知是色性即知無性是色性无生性是色性無作性是色性何以故是色性不過去不未來不現在示无所有性示虚妄性示假名性名為色性如是觀察選擇色性是菩薩正觀察選擇眼識性所謂眼識中無眼識无眼識性無有常性眼識性无有根本無決定法眼識性无所示是眼識性非合非散無有根本但以先業因緣起属現在緣繫色緣故數名眼識性隨凡夫顛倒心故數名眼識

性賢聖通達眼識性即是非性何以故眼識性無決定故從衆因緣生屬諸因緣故數名眼識性識所行處是眼識性是識無決定故說无決定相無生故示虛妄故能分別色相故能示緣故說是眼識性隨衆生所知如來方便分別破壞和合一相故說是十八性示識無決定相但眼清淨能知色相二法和合故說眼識性示眼識實相故說眼識性眼識性者示眼所行處能識色是眼識性即是說无性何以故智者眼識性中求眼識性相不可得眼識性中亦不得眼識性根本所以者何無決定性是眼識性眼識性者以假名說所說性者即是說不取義能有所見處是眼識意業起是眼識相故名為眼識眼性色性眼識性以是性門說三事和合以知諸緣相故即是離諸性義所謂是眼性是色性是眼識性有如是數得令衆生入於實道此中實无眼性色性眼識性諸如來說知見諸性相方便分別說是諸性若人通達是諸性

方便者則知三性無性何以故諸性中无性相故諸性中相不可得故耳性聲性耳識性鼻性香性鼻識性舌性味性舌識性身性觸性身識性皆亦如是

持世何謂菩薩摩訶薩觀擇意性菩薩作是念意性無決定根本无所有故意性中無意性无決定性是意性譬如諸種子種於大地因於水潤得日得風漸漸芽出芽不從種子出種子亦不與芽和合芽生則種子壞種子不離芽芽不離種子芽中无種子意性亦如是能起意業故示意識故如種示芽得名意性離意性則無意意性不能知意假名字故說為意性是意性不在意內不在意外不在中間但以先業因緣故起識是意業故知所緣故諸性名字合故現在緣起故數名意性即是不決定意業相即是衆緣和合相亦說意性從和合起隨衆生所知於第一義中無有意性何以故根本无所有故無生是意性生无所有故意性即是世俗語第一

義中決定無意性過去未來現在不可得智者通達无性是意性諸菩薩觀擇法性無性是法性法性无自性自性不可得無決定性是法性法性根本不可得故決定事亦不可得故但為起顛倒衆生虛妄結縛有所知故說言法性欲令衆生入無性故故說是法性何以故法性中无法性相是法性從衆緣生衆緣生法即無自性諸因緣中无有自性諸因緣皆從衆緣和合顛倒故相續而生如來於此欲教化衆生說是法性以世俗語言示無性法是法性不在內不在外不在中間但令衆生知見善不善法以法性說離一切法相知見畢竟空相故說畢竟空即是法性何以故无所是有是法性法性中無決定有相譬如虛空无決定相而數名虛空法性亦如是無決定相破法相故說名法性法性即是无性何以故是法性不在過去不在未來不在現在但屬衆緣與緣合故數名法性說名法性如衆生所知故智者證知無性是法性法

性非合非散法性中無法性相无多
無少以示性方便故說法性名為性
若行者實通達是法性相即知見无性
是三界法性中無分別相衆因緣和
合故分別諸法故說是法性示无决
定性是法性智者非以法性相故見
法性法性是無生相何以故法性
中无有相智者通達無相是法性法
性中无分別相無相无分別故說名
法性法性中無有住處无處無起无
住無依止是法性從本已來不生故
是法性无有生者何以故法性中無
性故又法性不以合故有无合無散
无作無决定名為法性菩薩摩訶薩
觀擇法性如是所謂无性是法性
持世何謂菩薩摩訶薩觀擇意識性
菩薩摩訶薩作是念不生性是意識
性不決定性是意識性意識性无根
本無有定法以意識性示无性相何
以故意識性中意識性不可得是意
識性虚妄無所有顛倒相應以意為
首識諸法故名為意識隨凡夫所行
故說意識性賢聖觀知非性是意識

性虛妄无所有是意識性但示因緣法故以意為首故識諸緣合故說為意識性隨衆生所知故如是說智者知非性是意識性從衆因緣生憶想分別起無有性相即是第一義中无性相義世俗法中為引導衆生故說是意識性欲令衆生知無性是意識性但以小法壞離諸性故說是意識性何以故聖人求之不可得意識性不在意識性内不在意識性外不在中間智者通達不合性是意識意識不知意性意性不知意識但衆因緣生從顛倒起以意為首知於諸緣二事和合故著虛妄故從覺觀起示衆生識相故說名意識性是意識不在過去不在未來不在現在是意識无所從來亦無所去无有住處從本已來不生相意識中無根本定法何以故是意識性相即是无二相即是無相是相不以二相故有无所示性是意識性智者通達意識性是意識性不在一切法中無處无方不與法若合若散聖人通達不生相是意識性是意識性无來

無去无緣何以故第一義中意識性
無緣不可得不可示故智者通達意
識性是不作是意識性作者不可得故
无生是意識性生相無所有故持世
菩薩摩訶薩如是觀擇意識性諸苦
皆是无生性無所有性云何為觀所謂
欲界中无欲界色界中無色界无色
界中無无色界以界示無界法為取
欲界相者示是欲界為取色界相者
示是色界為取无色界相者示是無
色界以界寄說无界如智者所知無
所有界是欲界色界无色界智者不
得欲界色界無色界是三界皆无根
本無有定法從衆緣起是故智者知
見无界是三界此中無有界相是三
界皆虛妄合顛倒行何以故智者不
得三界不說三界若過去若未來若
現在賢聖通達是三界虛妄无所有
無自性離諸法但是顛倒起為斷衆
生顛倒故知見三界故如來分別說三
界相欲令衆生知无界義故說三界非
以性相有智者知見三界相是無界

相持世菩薩摩訶薩如是觀時觀衆
生性我性即是虛空性無所有性无
生性何以故衆生性我性虛空性無
別无異如是諸性皆虛空出但從衆
緣生故名之為性此中決定無性相
何以故虛空中无一定性相是諸性相
皆入虛空是無所有義譬如虛空无
性是法畢竟離相無所有相一切諸
性亦如是離性相諸性中无性相性
相不在内不在外不在中間性中無
有性性中不攝性性不依止性一切
性无所依止一切性不生智者於諸
性中不得生性不得滅性不得住性
一切諸性不生不起不住從本已來
不可得智者不貪不著諸性假名不
受不念是故智者通達知見一切諸
性皆是无生相若是無生相即无有
滅第一義中一切諸性不可得世俗
法故分別說諸性第一義中不說諸
性智者知見通達一切諸性如第一義
持世菩薩摩訶薩如是觀擇通達十
八性及三界衆生性我性虛空性諸
菩薩如是觀擇通達時不得性不見

性亦通達一切諸性假名字亦信解諸入一切性は無性亦知分別諸性以世俗故分別說諸性令一切諸性入第一義中亦善通達无性方便亦為衆生分別說諸性亦令衆生善住諸性以世俗語言為衆生說無性法亦不以二相示諸性雖知一切諸性無二亦以方便說諸性從因緣起雖以世俗言說引導衆生而示衆生第一義雖善知分別諸性而信解通達一切諸性无所有何以故持世如來以第一義故於性無所得亦不得諸性相持世我於諸性无所斷無所壞得阿耨多羅三藐三菩提何以故第一義中无諸性一切諸性無所有无決定一切性同虛空一切性入虛空一切性無生相如來通達一切性如是持世如來不說諸性相亦不說諸法力勢何以故若法无所有不應更說無所有性相持世如來亦說无所有性相此中實無所說性相持世是名善分別諸性菩薩摩訶薩得是善分別能知一切諸性假名能知世俗相能知第

一義相能知諸性決定能知世諦能分別諸相能知隨宜能知諸相合能知諸相旨趣能知諸相所入能分別諸相能知諸相無性能令一切諸性同虛空性亦於諸性不作差別於諸性中不得差別不說差別亦為衆生善說破壞諸性持世譬如工幻師能示衆生種種幻事令知種種幻相若有知識親友語言是幻說幻實事是幻虛妄示顛倒衆生若有智者則知是幻持世世間性如幻諸菩薩摩訶薩入此幻法中知世間是幻性世間所行如幻是人以方便力示衆生世間如幻若有知此世間如實相為說世間虛妄如幻若有深智利根不開示之自能得知知諸法空如幻無實无有根本知一切法皆誑凡夫一切法皆繫虛妄緣中持世是故諸菩薩摩訶薩若欲入如是諸性方便於如是等深經無染无得說一切諸性知見相說一切諸性無文字无和合亦說諸性方便智慧亦說因緣所作旨趣亦說一切諸法如實相所謂世間

出世間有為無為繫不繫善知方便
言趣說第一義世俗義了義經未了
義經種種因緣解說於是甚深經中
應勤精進

持世經卷第二

癸卯歲高麗國大藏都監奉
勅周造

持世經卷第三

萬

持世經十二入品第四

姚秦龜茲三藏鳩摩羅什譯

佛告持世何謂菩薩摩訶薩善知十二入菩薩摩訶薩正觀擇十二入時作是念眼中眼入不可得眼中眼入無決定又眼入根本不可得何以故眼入從衆緣生顛倒起以緣色故繫在於色二法合故有因色有眼入因色說眼入二法相依故說名眼色所謂眼色色是眼入門與緣故眼是色入門與見故是故說入以色緣故說眼入以眼見故說色入但以世諦故說其實眼不依色色不依眼眼不依眼色不依色但從衆緣起色作緣故說名眼入又從衆因緣起眼所知見相故說名色入云何為說隨世俗顛倒法故說第一義中眼入不可得色入不可得智者求諸入不見有實入但以凡夫顛倒相應以二相說是眼入是色入是眼入是色入即示虛妄入欲令衆生如實知諸法實相故說是

諸入皆從衆因緣生顛倒相應行此
中諸入實相不可得何以故若眼入
若色入不在內不在外不在中間眼
入色入亦非過去非未來非現在但
現在因緣知色故說眼入如凡夫所
行智者通達諸入皆是虛妄无所有
從憶想顛倒分別起知見非入是入
不說諸入性諸入無決定相但以衆
因緣生故說如來說是諸入知見相
所謂是諸入虛妄无所有屬諸因緣
顛倒相應行諸入無有作者无使作
者眼入不知不分別色入色入亦不
知不分別眼入二俱離相若法離相
此中不可分別說是入相皆從因緣
生如凡夫顛倒如賢聖所通達是眼
入色入無生无滅不來不去相眼不
知眼眼不分別眼色不知色色不
分別色何以故二俱空故二皆離
故眼不知眼性色亦不知色性眼色
皆無性无法此中無一決定相眼不
自作眼亦不自知色亦不自作色亦
不自知二俱无所有故眼不作是念
我是眼色亦不作是念我是色眼色

性如幻性以虛妄假名故說是眼是色諸菩薩摩訶薩觀擇眼入色入如是耳聲鼻香舌味身觸亦如是

持世何謂菩薩摩訶薩觀擇意入菩薩摩訶薩觀擇意入時作是念意入中意入不可得意無決定入相意入无根本何以故意入即是衆因緣生從顛倒起繫法入緣二法和合能有所作是意入因法入起因法入可分別說是二相依意是法入處意是法入門法入是意入門是故說名法入緣法入門故說是意入示意相門故說是法入以世諦故說其實意不依法法不依意因緣生故以諸法為緣故說意入因緣生故示意相故說法入隨世諦顛倒故說第一義中意入不可得法入亦不可得智者求諸入不見有實但凡夫顛倒相應以二相說是意入是法入是意入法入虛妄無所有如來如實通達故示是諸入如是諸入從因緣生顛倒相應行此中意入法入實不可得又意入法入不在內不在外不在中間又意入非

過去非未來非現在但能覺現在因緣故說意入法入隨凡夫心故說智者通達是意入法入虛妄無所有從憶想顛倒分別起非入是入何以故諸入中无決定入相智者通達是諸入虛妄無所有意入法入自性不可得亦不得是意入法入所起實相是意入法入但因緣生如來說是諸入知見相是諸入虛妄无所有顛倒相應行屬諸因緣意入法入無有作者无使作者意入不知不分別法入法入亦不知不分別意入何以故二俱離故若法離相此中無可分別是諸入皆從因緣生隨凡夫顛倒心故說如賢聖所通達意入法入不生不滅不來不去意入不知意不分別意法入不知法不分別法二俱空故二俱離故意不知意性法不知法性是二性無所有此中无一決定法意不能成意不能壞意法不能成法不能壞法二俱無所有故意入不作是念我是意入法入不作是念我是法入是二俱空皆如幻相但假名字故分別

說菩薩摩訶薩觀擇意入法入如是
持世何謂菩薩摩訶薩正觀擇內六
入外六入所謂是十二入皆虛妄從
衆緣生顛倒相應以二相故有內外
用凡夫不聞真法不知十二入如實
相故貪著眼入我是眼入我所是眼
入貪著色入我是色入我所是色入
耳聲鼻香舌味身觸意法亦如是我
是意入我所是意入我是法入我所
是法入以貪著故為十二入所縛馳
走往來五道生死不知出道菩薩摩
訶薩於此中正觀十二入時見是十二
入虛誑不牢堅空如幻相不貪著眼
入若我若我所乃至不貪著法入若
我若我所以不貪著故不憶念分別
菩薩如是善知十二入持世菩薩摩
訶薩得如是諸入方便於一切十二
入中不繫不縛亦證諸入而能分別
諸入亦以衆緣生法通達十二入亦
以無相相壞十二入亦不墮是諸入
所依道中亦知諸入性則是元性亦
知諸入方便究竟到邊持世譬如機
關出水四面俱灑十二入亦如是內

外因緣能有所作此中實事不可得
是十二入先業機閑所繫故能有所
作持世所謂入者是諸凡夫無知見
者煩惱所入門眼是色門以生愛患
故色是眼門以生愛患故耳鼻舌身
意是法門以生愛患故法是意門以
生愛患故如是十二入與愛患共合
故不知實相持世菩薩摩訶薩於此
中善知諸入性知是諸入實相故不
為愛患所制持世菩薩摩訶薩善知
諸入如是

持世經十二因緣品第五

持世何謂菩薩摩訶薩善觀擇十二
因緣善菩薩摩訶薩觀擇十二因緣所
謂无有故說名無明於无明中無法
故說名无明不知明故說名無明云
何不知明不知无明決定法不可得
是名無明何以故說无明因緣諸行
諸行無所有而凡夫起作故說无明因
緣諸行從行起故有識生是故說諸
行因緣識名色二相是故說識因緣
名色從名色生六入是故說名色因
緣六入從六入生觸是故說六入因

緣觸從觸生受是故說觸因緣受從受生愛是故說受因緣愛從愛生取是故說愛因緣取從取生有是故說生從生有老死憂悲苦惱聚集是故說生因緣老死憂悲苦惱聚集如是大苦惱聚於此中為集何法但知顛倒與明相違无明聚為後身受依止喜染求處處生則是愛集持世世間如是為十二因緣所繫縛盲無眼故入无明網墮黑闇中無明為首故具足起十二因緣諸菩薩如是思惟觀无明實相知無明空故本際不可得何以故无明無故本際无智者觀非際是本際則不分別本際斷憶想分別故不貪著無明知一切法无所有是法不尔如所說若說一切法無所有即是說知見不明能通達一切法无所有是為即得明於此中更無餘明但知見无明是名為明云何為知見無明所謂一切法无所有一切法無所得一切法虛妄顛倒一切法不尔如所說是名知見无明知見無明即

為是明何以故明無所有故

元明因緣諸行者諸法無所有凡夫入元明闇冥中狂惑作諸行業是行業無形无處是無明不能生行業无法而起作故說無明因緣諸行業諸行業元有聚集若是處若彼處來諸行業亦非過去亦非未來亦非現在無明元明性空行業行業性空諸行業無所依但依無明起諸行業諸行業不依无明無明不依行業无明不知無明行業不知行業如是無明諸行業以顛倒故從无明生此中不得無明不得諸行業不得无明性不得諸行業性但以闇冥數名闇冥以是無明闇冥故分別說行業從无所有法而起作故無明行業皆无所有

行業因緣識者識不依行業亦不離行業生識行業亦不生識何以故行業不知行業行業亦無持來者但顛倒衆生從行業生識是識不在行業内不在行業外亦不在中間是識無有生者亦无使生者但緣行業相續不斷故有識生智者求識相不可得亦

不得識生識亦不知識識亦不見識
識不依識

識因緣名色者名色不依識亦不離
識生名色是名色亦不從識中来但
緣識故凡夫闇冥貪著名色識亦不
至名色智者於此求名色不可得不
可見是名色無形无方從憶想分別
起是名色相識因緣故有識性尚不可
得何況從識緣生名色若決定得是名
色性者无有是處

名色因緣六入者是六入因名色起
名在身中故有出入息利益身及心
心數法是六入皆虛誑無所有從分
別起有顛倒用

六入因緣觸者是觸依色而有觸不
觸色何以故色无所知與草木瓦石
無異但從六入起故分別說觸何以
故六入尚虛妄無所有何況從六入
生觸觸空无所有從憶想顛倒起是
觸無方无處觸空以無觸性故觸不
知六入六入亦不知觸

觸因緣受者是受不在觸內不在觸
外不在中間是觸亦不餘處持受來

而從觸起受是觸尚虛妄无所有何
况從觸生受諸受無一決定相諸受
皆无所有從顛倒起有顛倒用

受因緣愛者是受不於餘處持受來
受亦不與愛合受亦不知愛不分別
愛愛亦不知受不分別受愛不與受
合是愛亦不依受亦不離受有愛受
中尚無受相何况受因緣生愛愛不
在受內不在受外不在中間愛亦不
在愛內亦不在愛外亦不在中間愛
中愛相不可得是愛但從虛妄憶想
顛倒相應故名為愛是愛非過去未
來現在是愛非以縛相故起是愛亦
非縛相但以因緣相續不斷故說受
因緣愛智者知見是愛無處无方空無
牢堅虛妄无所有愛因緣取者愛不
於餘處持取來愛不與取合愛亦不
能生取有愛故說名取隨因緣和合
故說取不與愛合亦不散愛不與取
合亦不散取不在愛內不在愛外亦
不在中間愛尚無有何况愛因緣生
取諸取決定相不可得智者知見是
取虛妄無所有取中无取相是取非

過去未來現在取不在取內不在取外不在中間是取但從顛倒起因本緣生今衆緣故有取無有法若合若散是取无有根本無一定法可得凡夫受是虛妄取是諸行皆虛妄故世間為取所繫縛智者通達是取虛妄空無牢堅无有根本無一定法可得取因緣有者是取不持有來是取不能生有而說取因緣有是有不在取內不在取外不在中間有不依止取取不與有合亦不散但以衆緣和合故說取因緣有取不能生有取不分別有取尚虛妄無所有何況從取因緣生有有無有持來者有中有不可得有不在內有不在外有不在中間是有非過去未來現在智者通達是有虛妄顛倒相應无合無散有无所知無所分別是有无處無方是有无前際無後際无中際是有非有故非無故但隨順十二因緣故說是有智者通達有相空無牢堅

有因緣生者是有不持生來生亦不與有合亦不散是生不在有內不在

有外不在中間有不能生生亦不離
有有生但示十二因緣相續說有因
緣生有與生非緣非不緣有尚不可
得何況從有生生智者通達是生不
依於有生生中無生相生中无自性
生中無根本无一定法可得智者通
達是生無性无所有但示十二因緣
和合相續故說有因緣生生無有法
若合若散生不在有內不在有外亦
不在中間是生非過去非未來非現
在是生前際後際中際不可得是生
根本不可得智者通達從衆因緣生
顛倒相應虛妄無所有如幻化相

生因緣老死憂悲苦惱者是生不持
老死憂悲苦惱來生亦不能生老死
憂悲苦惱老死憂悲苦惱不在生內
不在生外不在中間老死憂悲苦惱
亦不依生以生故老死憂悲苦惱可
說但示衆因緣生法故生不與老死
憂悲苦惱合亦不散生中生尚不可
得何況生因緣老死苦惱老死苦惱
中老死苦惱不可得何以故老死苦
惱不在老死苦惱內亦不在外亦不

在中間老死苦惱非過去非未來非
現在老死苦惱不與老死合亦不散
但顛倒相應衆緣和合具足十二因
緣故說生因緣老死苦惱老死苦惱
无所依止老死苦惱決定相不可得
老死苦惱前際後際中際不可得智
者通達老死苦惱虛妄無所有顛倒
相應无有根本不作不起不生如是
觀十二因緣法不見因緣法若過去若未
來若現在亦不見因緣相但知因緣
是无緣無生无相無作无起無根本
從本已來一切法无所有故通達是
十二因緣亦見是十二因緣無有作
者受者若法所從因生是因无故是
法亦無菩薩隨無明義故一切法不
可得入如是觀中无緣即是十二因
緣此中無所生菩薩觀十二因緣是
虛妄生隨順无明義通達十二因緣
若法無者是法亦无是故說隨順無
明義通達十二因緣无明是不生不
作不起無根本无一定法無緣无所
有菩薩亦時不分別是明是无明无
明實相即是明因無明故一切法无

所有一切法無緣无憶想分別是故
隨順无明義通達十二因緣持世是
名菩薩摩訶薩十二因緣方便智慧
若菩薩能如是通達十二因緣合散
是名菩薩善得無生智慧何以故以
生滅觀則不能善知十二因緣若觀
十二因緣集散是名得無生智慧若
得无生智慧是名通達十二因緣持
世是故菩薩摩訶薩欲入通達欲
證無生智慧應當如是勤行修集是
十二因緣智慧則能觀證十二因緣
无生相

持世若菩薩摩訶薩知無生即是十
二因緣者即能得如是十二因緣方
便是人以无生相知見三界疾得無
生法忍當知是菩薩於諸現在佛得
近受阿耨多羅三藐三菩提記是菩
薩不久當得受記次第受記持世如
是善人因與受記得安隱心於一切
法旨趣方便中得智慧光明是人通
達十二因緣是無生是人得近現在
諸佛是人於諸惡魔无所怖畏是人
度生死流得到陸地是人得度無明

淤泥是人得到安隱之處持世若我
今世若我滅後若聞若信若讀誦若
修習是十二因緣方便者我與是人
授記不久當得無生法忍我亦記是人
不久當於現在諸佛所得受阿耨多
羅三藐三菩提記

持世經四念處品第六

佛告持世何謂菩薩摩訶薩善知四
念處菩薩摩訶薩觀擇四念處順身
觀身順受觀受順心觀心順法觀法
何謂為順身觀身順受心法觀受心
法持世菩薩摩訶薩順身觀身時如
實觀身相所謂是身無常苦如病如
瘡苦惱憂衰動壞之相是身不淨可
惡惡露身中種種充滿其內九瘡孔
中常流臭穢身之不淨猶如行廁如
是正觀身時不得是身一毫清淨無
不可惡者知是身骨體筋纏皮肉所
裹從本業因緣果報所起集取所縛
何等為集何等為取從先因緣起是
身是名為取今以沐浴飲食衣被牀卧
被褥醫藥是名為集如是現在因緣
為集取所縛本業果報力故有用又

是身四大所造無決定實色陰所攝
數名為身何故說名為身能有所作
故說名為身貪著依止處故說名為
身隨意有用故說名為身從憶想分
別起故說名為身假合作故說名為
身與業合故說名為身是身不久終
歸壞敗无常無定變異之相是身不
在身內不在身外不在中間是身不
知身亦不見身是身无作無動无有
願求亦無有心與草木瓦石等无有
異身中無有決定身相如是正觀擇
身知是无有作者亦無使作者是身
无前際無後際无中際是身無一常
定堅牢之相如水沫聚不可揀摩是
身八万重之所住處是身百種諸病
之所侵惱以三苦故是身為苦無有
救者所謂行苦壞苦苦苦是身衆苦
之器如是正觀身時又復思惟是身
非我非彼不得自在不得隨意作是
不作是是身无根本無一定法可得
是身性空无一決定相是身虛妄所
起繫於機關作法從大業因緣起不
應於身中生我我所想我等不應惜

身壽命菩薩如是觀時不得身若合
若散不見有所從來去有所至有所
住處不分別是身若過去若未來若
現在則不依止身命不貪惜身若我
若我所常離身受是菩薩觀身空无
我無我所是身中我我所不可得故
是身相不可得是菩薩若不得身相
即不願身入身不起作道云何為人
是身無有作者无有起者是身不作
不起相從衆因緣生是因緣能和合
身而是因緣亦虛誑無所有顛倒相
應空无牢堅亦以是因緣故是身得
生是因緣亦無生无相如是觀身即
入身無生相中入已觀身无相以無
相相觀身知是身无相相不可得故
無生是身過去相未來相現在相不
可得何以故是身無根本无一定法
可得是身若此若彼不可得如是觀
時知身無所從來亦无所去即入身
不生不滅道持世菩薩摩訶薩如是
順身觀身入如實相於身欲染則能
除斷疾令其念正住身中是名順身
觀身

持世何謂菩薩摩訶薩順受觀受苦
薩摩訶薩觀苦受樂受不苦不樂受
見是三受無所從來亦無所去但虛
妄緣合本業果報所持顛倒相應知
諸受虛妄從憶想分別起菩薩如是
觀諸受不得過去受不得未來受不
得現在受是菩薩見過去諸受空無
我无我所無常无牢堅无不變異
相如是觀是過去諸受空相寂滅相
無相相觀未來諸受空无我無我所
无常无牢无堅无不變異相觀未來
諸受空相寂滅相无相相是菩薩如
是觀時作是念諸受無決定相无有
根本無一定法不相似故新新生滅
无有住時菩薩作是念是諸受無作
亦无作者但凡夫顛倒相應心中起
三種受属本業因今世緣合故有是
諸受是諸受皆空無有牢固虛妄之法
猶如空拳如是觀受心住一處菩薩尔
時得通達諸受集沒滅相見諸受不合
不散又受中不見受作是念諸受空
性空故即通達諸受無生相此諸受
无生無滅无有成相是諸受皆無相

无成相如是思惟受諸受時皆能不
著如寶知見諸受相離諸所受於此
諸受亦無所依於諸受中心皆放捨
則疾得捨三昧持世菩薩摩訶薩如
是順受觀受

持世何謂菩薩摩訶薩順心觀心菩
薩摩訶薩觀心生滅住異相如是觀
時作是念是心無所從來亦无所去
但識緣相故生元有根本無一定法
可得是心无來無去无住異可得是
心非過去未來現在是心識緣故從
憶念起是心不在內不在外不在中
間是心無一生相是心无性無定无
有生者無使生者起離業故說名為
心能識雜緣故說名為心心念念生滅
相續不斷故說名為心但令衆生通
達心緣相故心中無心相是心從本
已來不生不起性常清淨客塵煩惱
染故有分別心不知心亦不見心何
以故是心空性自空故根本無所有
故是心无一定法定法不可得故是
心無法若合若散是心前際不可得
後際不可得中際不可得是心无形

無能見者心不自見不知自性但凡
夫顛倒相應以虛妄緣識相故起是
心空無我无我所無常无牢無堅无
不變異相如是思惟得順心念處是
人亦時不分別是心是非心但善知
心无生相通達是心無生性何以故
心无決定性亦無決定相智者通達
是心无生無相亦時如實觀心生集
沒滅相如是觀時不得心若集相若滅
相不復分別心滅不滅而能得心真
清淨相菩薩以是清淨心客塵所不
能惱何以故菩薩見知心清淨相亦
知衆生心清淨相作是念心垢故衆
生垢心淨故衆生淨如是思惟時不
得心垢相不得心淨相但知是心常
清淨相持世菩薩摩訶薩如是順心
觀心

持世何謂菩薩摩訶薩順法觀法菩
薩觀一切法不見內不見外不見中
間亦不得諸法若過去若未來若現
在但知諸法從衆緣生顛倒起諸法
无有決定相所謂是諸法屬是人諸
法本體於諸法中無諸法諸法不在

諸法內不在諸法外不在中間諸法
不與諸法合亦不散一切法無根本
无一定相諸法無所有故不動不作
一切法如虛空无所有故一切法虛
誑如幻幻相無所有故一切法常淨
相俱不汙故一切法是不受相諸受
无所有故一切法如夢夢性無所有
故一切法无形形無所有故一切法
如像性常无故一切法無名无相名
相無所有故一切法如響虛妄所作
无所有故一切法無性性不可得故
一切法如焰知无所有故菩薩如是
觀一切法時不見諸法若一相若異
相亦不見法與法若合若散亦不見
法依止於法如是觀時見一切法無
所從來亦不見一切法住處何以故
一切法無住无依無起一切法无
住處住處無所有故住處不可得故
持世諸法无有差別一切法無分別
相從衆生顛倒故有用是諸法无處
無方智者得諸法非一相非二相非
異相何以故持世一切法不生不作
不起无能作者一切法離根本一切

法無自性過諸性故一切法无歸處
諸歸處無所有故如是觀諸法善知
諸法无我無人觀擇諸法性空是諸
法皆空性自空故諸法無相不見相
故於諸法中不起願即時觀擇一切
法无生作是念此中實無有法若生
若滅如是觀時心住一處尔時便得
通達一切法无生亦知見一切法集
盡滅亦能入一切法離相離性何以
故持世一切法無決定性智者通達
諸法无相離相持世菩薩摩訶薩順
法觀法如是觀者於法無所得无所
受於法不為生不為住不為滅故行
而見一切法盡滅相寂滅相持世是
名菩薩摩訶薩善觀四念處何故說
名念處念處者即是一切法無處无
起處無所有處能如是入一切法則
念不乱名為念處又念處是一切法
不住不生不取如實知見處名為念處
持世經五根品第七

持世何謂菩薩摩訶薩善知諸根菩
薩摩訶薩正觀出世間五根何等五
所謂信根精進根念根定根慧根菩

薩修習五根時信一切法皆從衆因緣生顛倒所起虛妄緣合似如火輪又如夢性信一切法無常苦不淨无我如病如瘡無有堅牢虛偽不實敗壞之相又信一切法虛妄无所有猶如空拳如虹雜色誑於小兒憶想分別假借而有無有本體无一定法又信一切法非過去非未來非現在信一切法無所從來亦无所去信一切法空無相无作信一切法無生无作無起无相離諸相而信持戒清淨禪定清淨智慧清淨解脫清淨解脫知見清淨菩薩如是成就信根得不退轉以信為首故能信持戒是信常不退不失成就不退法安住不動信中常隨業果報成就信人斷一切邪見不離法求師但以諸佛為師常隨諸法實相知僧行正道住清淨戒成就忍辱得如是不動不壞信增上信故名為成就信根

持世何謂菩薩摩訶薩正觀精進根成就精進根善知精進根菩薩摩訶薩行精進不休不息常欲除五蓋故

勤行精進乃至為聽如是等深法名為精進是菩薩求法不休不息精進不退亦欲斷諸障尋法故勤行精進而不怯弱亦為斷種種惡不善衰惱法故勤行精進又為增長種種善法故勤行精進是菩薩決定成就精進不貪著是精進而入是平等精進成就不退精進是人為正方便通達一切法故發心精進於精進中不隨他人於精進中得智慧明成不退相能得如是不退精進增上精進故得名成就精進根

持世何謂菩薩摩訶薩能得念根善修習念根菩薩摩訶薩常攝念一處布施柔和具足梵行持畢竟清淨戒衆定衆慧衆解脫衆解脫知見衆常思念淨身口意業常思念究竟其事常思念一切法生滅住異相方便常思念知見苦集滅道諦常思念諸根力覺道禪定解脫諸三昧方便常思念一切法不生不滅不作不起不可說相常思念欲得無生智慧常思念欲得具足忍智常思念離智滅智常

思念欲得具足佛法常思念不使聲聞辟支佛法入心常思念无寻智慧常不忘不失不退是念入如是觀中而不隨他是人得如是堅牢增上念故名為成就念根

持世何謂菩薩摩訶薩能得定根能得定根方便菩薩摩訶薩於聖地中常行禪定不依禪定不貪禪定善取禪定相善得禪定方便解善生禪定亦能行無緣禪定悉知諸禪定門善知入禪定善知住禪定善知起禪定而於禪定无所依止善知所緣相善知緣真相亦不貪受禪味於諸定中自在遊戲而不隨他亦不隨禪生於諸定中得自在力於諸定中不以為難不以為少隨意所欲是人得如是增上禪定故名得定根得定根方便持世何謂菩薩摩訶薩成就慧根得慧根方便菩薩摩訶薩能成就通達慧根所謂能正滅諸苦是人成就通達慧處處所用皆得離觀捨觀成就隨涅槃智慧成就慧根故善知三界皆悉熾然善知三界皆是苦以

是智慧不處三界是人觀擇三界一切皆空皆無相无願無生无作無起見出一切有為法道為具足諸佛法故勤行精進如救頭然是菩薩智慧无能沮壞以是通達智慧能出三界亦不依止三界事斷一切有為法中喜一切可染可著繫縛法中心不貪嗜於諸五欲心皆厭離心亦不住色无色界成就增上智慧成就无量功德猶如大海以是智慧於一切法方便中無有疑難是人以是智慧通達三界於三界中心无所繫得是增上慧故說名度慧根得慧根方便持世何故名之為根增上義故說名為根不動義故說名為根無能壞故說名為根无能退故說名為根不隨他故說名為根不退轉故說名為根無能牽故說名為根隨順正法故說名為根不貪著故說名為根不雜故說名為根又持世菩薩摩訶薩善知衆生諸根亦能善學分別諸根菩薩知染欲衆生諸根知離染欲衆生諸根知瞋恚衆生諸根知離瞋恚衆生諸根知愚癡

衆生諸根知離愚癡衆生諸根知欲
墮惡道衆生諸根知欲生人中衆生
諸根知欲生天上衆生諸根知軟心
衆生諸根知上衆生知中衆生知下
衆生諸根知壞敗不壞敗衆生諸根
知勤修不勤修衆生諸根知巧不巧衆
生諸根知有罪無罪有垢无垢知瞋
尋不瞋尋知隨順不隨順知障尋不
障尋衆生諸根知欲界行知色界無
色界行衆生諸根知厚善根薄善根
知畢定不畢定邪定衆生諸根知慳
貪離慳貪知戲調不戲調知狂惑不狂
惑知輕躁不輕躁知瞋恚不忍知柔軟
能忍知深厚慳知具足施衆生諸根知
信者知不信者知恭敬者知不恭敬
者知具足持戒知清淨持戒知具足
忍辱知懈怠知精進知散心知得定
知无智慧知有智慧知闇鈍知不闇
鈍知增上慢知不增上慢知行正道
知行邪道知忘念知得念安慧知散
根知攝根知壞根不壞根知淨根不
淨根知明根知發小乘根知發辟支
佛乘根知諸菩薩根知發佛乘根

是菩薩得度如是諸根分別方便
於如是等衆生分別諸根智慧中
方便不隨他故說名得諸根方便
亦名不為他所牽亦名不可破壞
亦名不退轉亦名得方便力亦名得
人根亦名得諸天龍神夜叉乾闥婆
阿修羅迦樓羅緊那羅摩睺羅伽人
非人等根亦名得取自在亦名得不
壞不動亦名到彼岸者成就如是功
德者於一切法中疾得自在力
持世經卷第三

癸卯歲高麗國大藏都監奉
勅彫造

持世經卷第四

萬

持世經八聖道分品第八

姚秦龜茲三藏鳩摩羅什譯

持世何謂菩薩摩訶薩善能知道菩薩摩訶薩安住道中何等為道所謂八聖道分正見正思惟正語正業正命正精進正念正定持世何謂菩薩摩訶薩名為行八聖道分何謂名為得八聖道分方便菩薩摩訶薩得正見安住正見為斷一切見故行道為斷一切諸見故安住於道乃至斷涅槃見佛見何以故持世一切諸見皆名為邪乃至涅槃見佛見破壞一切貪著諸見故名為正見又無諸見无取諸見不念不貪著不緣不行不分別一切諸見是名正見以是正見為見何等見一切世間虛妄顛倒為諸見所縛如是見時名為安住斷一切見於是正見亦不念不見不貪著分別乃至涅槃見佛見為不起一切見故行去何名為正見一切法寂滅念相不生不滅同於涅槃如是亦不念不

分別是一切法不念不分別不現在
前不正不邪不取不捨是名出世間
正見何故名為出世間正見是人不
得世間不得出世間度世間已無所
分別是故名為出世間正見正見者
如知見世間出世間亦如是是人不
復分別是世界間是出世間斷諸憶想
分別名為出世間正見是人不見邪
不見正斷一切心所念名為正見又
正見者於諸法中更無差別是故說
名正見又正見者如實知諸邪見義
又正見者觀諸邪見即是平等是名
菩薩摩訶薩安住正見

持世菩薩摩訶薩住正見中如實知
正思惟作是念一切思惟皆為是邪
乃至涅槃思惟佛思惟皆是邪思惟
何以故斷諸分別名為正思惟無所
分別名為正分別斷分別是正分別
何以故是人知見一切思惟相已則
無有邪是人更不分別是此是彼住
如是正分別中更不得諸分別若正
若邪如是之人離諸分別過諸分別
故說名正思惟正思惟者即是分別

知見一切分別皆虛誑不實從顛倒起諸分別中無有分別是人安住正思惟更不得分別若正若邪離諸分別過諸分別斷諸分別故說名正分別是人於時於一切分別中无所繫縛知見諸分別性皆平等故是名安住正思惟

持世菩薩摩訶薩勤集正語是人見一切語言虛妄不實從顛倒起但憶想分別從衆因緣有作是念是語言相語言中不可得滅一切語如實知一切口業名為正語是語言无所從來亦無所去能如是見者名為正語是人於時安住實相中有所語言皆是正語是故說安住正語中是人得住第一清淨口業亦知見諸口業相亦通達一切語言是人所說終不有邪是故說名住於正語持世菩薩摩訶薩善知一切語業皆是邪業知一切諸業虛妄無所有不作不起何以故諸業中无一決定滅一切業名為正業正業者於業不分別若正若邪入諸業平等故不分別

業若正若邪是故說名正業又正業者則是不繫三界義如實知見義如實平等中更無分別是正是邪菩薩行如是正業如實知見一切業故如實於法无取無捨是故說名行正業正業中无有邪業是人如實知見故說名住於正業中

持世何謂菩薩摩訶薩善知一切諸命皆是邪命何以故若有命相法相取相乃至涅槃相佛相乃至清淨佛法相住於是中作清淨命皆名邪命正命者捨諸資生所著斷諸販賣分別不戲論過一切戲論是名正命正命中更不分別是邪命是正命即得一切清淨命是故說名得清淨正命又一切諸命皆不生無有邪正是人名為得清淨命安住正道无有戲論住是正命中不取正命不捨邪命是故說名住正命中是人亦時不名住正不名住邪得清淨平等命離於命相無動无作不念命不念非命但名為如實知者如實見者是故說名住正命中

持世何謂菩薩摩訶薩善知正精進

滿

菩薩摩訶薩住正精進若菩薩為斷一切精進道故名為住正精進何以故一切精進皆為是邪諸有所發有作有行皆名為邪何以故一切法皆是邪作有所發作皆是虛妄若虛妄者即亦是邪正精進者無發无作無行无願一切法中断有所作是菩薩於一切法中断有所作乃至涅槃相佛相中不生有所作相是人善知一切所作皆為虛妄為无所作故行道若是正者則無所作一切法平等无差別無有所作過所作相是菩薩善知精進非是精進道不取不捨故說名住正精進正精進者即是諸精進不可得義即是諸法如實知見義所謂正精進如是見者不復分別是邪精進是正精進是故說名正精進持世何謂菩薩摩訶薩善知正念菩薩摩訶薩知見一切念皆是邪念有所念處皆是邪念何以故一切念是邪念若於處所念生皆是邪念無憶无念是名正念何以故一切念從虛

妄因緣起是故有生念處皆為邪念
若於處所無生无滅是名正念無有
處所起念業是名安住清淨念中無
處生邪念是人知見一切法皆為是
邪是正法中无念是故說安住正念中
又正念者於法無有分別是正念是
邪念是人通達一切念皆无念相常
行六捨心故說名住正念是人更無
所貪樂亦不分別是无念以諸法平
等通達一切念是人如實知見一切
念故若念若非念無取无捨是故說
安住正念中是人所念更不分別是
等是不等於念非念不隨不緣以無
緣故知一切念非念若念若非念不
復在心是人安住正念故不可說不
可示斷一切語言離一切語言如實
知一切語言不分別此彼故說名安
住正念

持世何謂菩薩摩訶薩安住正定菩
薩摩訶薩觀一切定皆是邪定何以
故凡諸法中所取緣定相所取知定
相所取三昧戲論定相皆名為邪邪
者即是貪著義是定不尔如所緣取

相不取相無求无戲論無憶念名為
正定若不貪著不分別此彼斷貪著
喜不受定味壞取定相心无所住是
名正定又正定者不依止一切定中
而不戲論如實通達法之本體善知
定相心不貪著欲破彼此念道如是語
亦不分別斷一切分別故名為正定又
正定中更不生邪正想破一切想斷
一切想滅一切想故名為正定正定
者不生邪正不分別邪正是名正定
何以故是菩薩通達諸定方便住是
正定中不復為若定若定相所繫過諸
定相故說名正定正定名於法無所
戲論諸法平等中无有戲論所謂
是正是邪正定者即是諸法平等義
正定者能出諸禪定三界一切有為
法能如實知見一切五道生死義持
世是名諸菩薩摩訶薩住如是定中
名為得正定方便名為善知道善知
道方便所謂如實知見能至涅槃道
持世經世間出世間品第九

持世何謂菩薩摩訶薩善知世間出
世間法何謂得世間出世間法方便

持世菩薩摩訶薩正觀世間出世間法何等為世間法

菩薩作是念凡所有法憶想分別從顛倒起衆因緣生繫虛妄緣從二相起空无所有如虹雜色亦如火輪誑於凡夫破壞義故假名世間是名世間諸世間法皆非是實從虛妄緣起不作不起相但因陰界入色聲香味觸法故說因名色故說隨凡夫人心所貪著又隨種種貪著邪見如乱系无緒如茅根莠草互相連著隨顛倒相應故說名世間法何等為出世間法如是世間法從本已來如實性離是名出世間何以故智者求世間法不可得求出世間法不可得無世間无出世間處是中無分別是世間是出世間但為世間故說出世間世間實相即是出世間何以故世間无定相可得世間相從本已來常空世間法不決定故世間從本已來是寂滅相是菩薩如是觀世間出世間不可得世間亦不貪著出世間是人不会不著世間出世間故不與世間諍訟

何以故智者通達世間是虛妄相見
世間實相故更不分別是世界是出
世間何以故持世世間者即是五受
陰義一切世間法皆攝在中智者求
陰不得陰不得陰性不得陰來處不
得住處不得去處无五陰十二入十
八性無分別无名字無性无相無行
即名出世間

持世菩薩觀世間出世間法時不見
世間與出世間合不見出世間離世
間是人不離世間見出世間亦不離
出世間見世間是人不復緣於二行
所謂是世界間是出世間何以故持世
世間如實相即是出世間世間中世
間相不可得世間法中世間法不可
得以無所有故通達是法即是出世
間持世若世間與出世間異者諸佛
不出於世諸佛亦不說一切世間不
可得一切世間不生如實知見一切
世間持世若不得世間不取世間即
是出世間是故當知如實知見世間
通達世間不可得故即說出世間是
故諸佛出於世間一切諸法若世間

若出世間以不二不分別證如實知見故即是說出世間法持世如是世間甚深難可得底依世間法者得世間法者惴望出世間法者於世俗語生第一義相者住在二法者不能得入如是法中何以故是人不知世間不知出世間是皆行二法者持世行二法者不能通達世間出世間持世菩薩摩訶薩如是善知世間出世間法亦得世間出世間法方便

持世經有為無為法品第十

持世何謂菩薩摩訶薩善知有為無為法得有為無為法方便持世菩薩觀擇是有為法無有作者无有受者是有為法自生自墮數中是故名有為法是有為法以虛妄因緣和合行云何為行自墮數中以二相緣和故名有為法生是法无有作者無使作者是法自生无能起作者是故說名有為法是諸有為法不在內不在外不在中間不合不散從虛妄根本分別起無明因緣故皆无所有但以諸行

力故有用是法無有作者无有起者是名有為有為者即是繫義隨凡夫顛倒所貪著說智者通達不得有為法不得有為所攝法智者所不數故名有為法何以故諸智者不得有為分別為凡夫世俗假名故分別是有為賢聖不隨一切諸法名數諸賢聖離諸法名數是故說得無為者名為賢聖智者通達一切有為法皆是无為是故不復起作諸業智者知見一切有為法起相虛誑妄想是故不復起作有為何以故有為法無有定性一切有為法皆无性無起作何以故持世无有行有為緣而能通達無為通達无為者更不復緣有為云何為通達智者見一切有為法皆虛妄無有根本无所繫屬不墮數中如是觀時不復貪著有為緣亦不取有為法何以故持世非離有為得無為非離无為得持世非離有為如實相即名無為何以故有為中无有為無為中无無為但為顛倒相應衆生今知見有為法故分別說是有為法是无為法是有為相

是無為相於是中何等為有為相所謂
生滅住異何等為无為相所謂無生
无滅無住異是有為相无為相但為
引導凡夫故說持世有為法無生相
无滅相無住異相是故說生滅住異相
无相无生若是有為法定有三相佛當
決定說如是相是生如是相是滅如
是相是住異持世如如來說一切法
皆是無相持世无生若當有相無滅
若當有相无住異若當有相佛應決
定說是無為相持世若无為有相有
說即非無為以說相故但凡夫以
數法故說有為三相所謂生滅住異
無為三相所謂无生無滅无住異持
世若人通達知見有為無為法是人
更不復有生滅住異是故說得无為
者持世生滅者即是見集沒義若法
無集则无有沒若不起集則不有退
亦無住異持世是名有為如實知見
若人如實知見有為則不墮數中所
謂生滅住異菩薩如是思惟有為无
為法不見有為法與無為法合亦不
見无為法與有為法合但作是念有

為法如實相即是无為則更不復有所
分別若不分別有為无為法即是無
為法若分別是有為是无為則不能
通達無為斷一切分別是名通達无
為如實通達緣性斷諸緣故不在數
不在非數持世是名菩薩摩訶薩有
為無為法方便所謂於諸法无所住
無所繫亦不貪受若有為若无為法
持世經本事品第十一

持世若菩薩摩訶薩能如是善知五
陰善知十八性善知十二入善知十
二因緣善知四念處善知五根善知
八聖道分善知世間出世間法善知
有為無為法當得善知諸法實相亦
善分別一切法文辭章句亦得念力
以是念力轉身成就不斷念乃至得
阿耨多羅三藐三菩提

持世過去无量阿僧祇劫亦有佛
号閻浮檀金須弥山王如来應供正
遍知明行足善逝世間解無上士調
御丈夫天人師佛世尊持世是閻浮檀
金須弥山王佛壽命五劫有无量聲
聞眾其佛國土清淨嚴飾豐樂安隱

其諸衆生具足快樂少於貪欲瞋恚
愚癡易化易度易淨持世是閻浮檀
金須弥山王佛為諸菩薩亦說是斷
衆生疑菩薩藏經持世時有菩薩名
曰寶光聞是陰界入緣四念處五根
八聖道分世間出世間有為無為法
方便即時發於精進二十億歲終不
生惡心若貪欲若瞋恚若愚癡若利
養若飲食若衣鉢但為入如是法
方便門故常勤精進持世是寶光菩
薩於閻浮檀金須弥山王佛所盡其
形壽常修梵行命終之後還生其佛
國土人中年少命終即復還生於其
佛所修行梵行於一一劫五百生死
寂後生閻浮檀金須弥山王佛欲涅槃
時在第五劫成就如是多聞法亦
得如是諸法實相方便所從佛聞諸
法皆能憶念得如是念力故白佛言
聽我廣演諸法即於其世中度脫無
量無邊衆生今住阿耨多羅三藐三
菩提道中是閻浮檀金須弥山王佛
入涅槃時為持法故護念寶光菩薩
佛滅度後法住一劫是人於是一劫

五百世中常生人間出家學道亦常
於是諸法實相得自增長亦復利益
无量無邊衆生持世是寶光菩薩如
是展轉得值万億諸佛末後无量光
佛為其授記過阿僧祇劫當得阿耨
多羅三藐三菩提於阿僧祇劫中更
值百千万億那由他諸佛後得阿耨
多羅三藐三菩提成佛号一切義决
定莊嚴如來應供正遍知明行足善
逝世間解無上士調御丈夫天人師
佛世尊有元量無邊阿僧祇菩薩衆
無量聲聞僧佛壽二劫其佛國土豐
樂安隱普皆莊嚴持世是故菩薩若
欲得如是法中善知方便當勤行精
進勤求讀誦修集如是之法又復菩
薩摩訶薩欲得如是諸法方便故於
四法中勤行精進何等為四一者出
家二者獨行三者持戒清淨四者除
懈怠心是為四菩薩有是四法勤求
多聞安住忍辱當疾得值遇四法何
等四一者生中間淨提二者得值佛
三者隨法行四者除罪業障是為四
又復持世菩薩摩訶薩如是法中應

勤行精進當得清淨布施力清淨持戒清淨忍辱清淨精進清淨禪定清淨智慧力菩薩摩訶薩住是法中疾得如是方便力又持世菩薩摩訶薩雖行頭陀細法亦能常於衆生有大悲心是人入大悲心於是法方便中勤行精進

持世復有菩薩摩訶薩欲得如是法當入諸陀羅尼門勤行精進何謂為入陀羅尼門故勤行精進所謂善觀一切法無量緣觀一切法无量方便亦觀無量方便起如是觀時以三昧門方便善入諸法門無量緣亦入无量方便亦入无量方便起於是法中得力故善知諸法實相亦善分別一切文辭章句亦得念力亦得轉身成就不斷念不退法乃至得阿耨多羅三藐三菩提又復持世菩薩摩訶薩入諸陀羅尼門故通達一切諸法隨宜因緣以一因緣能入千種因緣隨智慧力得諸法方便又復持世菩薩摩訶薩如是法中勤精進故入一相門三昧得一相門三昧故入

無量相門三昧如是入已以種種因緣方便故能入是諸法門如是諸菩薩入一切諸法門已當得一切諸法方便又復持世菩薩摩訶薩多行智慧故善知諸禪定相亦善知無緣三昧是三昧力故能善知無量緣無量禪定起是菩薩住此地中能得一切諸法實相方便又復持世菩薩摩訶薩常觀世間緣方便常觀有為法緣方便常觀世諦緣方便亦常勤行壞散一切法緣方便亦無貪著處是菩薩修集如是法疾得諸法實相方便又復持世菩薩摩訶薩勤行精進起方便力而亦常觀諸法實相不依止世樂亦不雜行世間之法成就如是法者疾得諸法實相亦善分別一切法文辭章句亦得念力亦得轉身成就不斷念乃至得阿耨多羅三藐三菩提持世是故菩薩摩訶薩欲得度如是諸法彼岸當於是法如說修行持世汝等於是法中勤行精進汝等不久當於此法得无尋智慧持世過去無量无边不可思議阿僧祇劫

今時有佛号無量光德高王如來應
供正遍知明行足善逝世間解无上
士調御丈夫天人師佛世尊是無量光
德高王佛壽命一切其佛國土以七
寶網羅覆其上普以七寶諸多羅樹
莊嚴世界是諸多羅樹亦復以七寶
網羅覆其上一一樹下敷師子座諸
多羅樹皆出天衣諸座皆以琉璃寶
閣浮檀金赤真珠所成諸多羅樹四
邊皆有香樹華樹圍繞莊嚴一一樹
下各各有池八功德水充滿其中諸
池皆以頗梨車渠赤真珠所成諸池
水上皆有青赤白紅蓮華遍覆水上
諸池皆以七寶為欄楯持世彼佛國
土皆以如是衆寶莊嚴世界四邊復
有寶樹如忉利天波利耶多羅迦持
毗陀羅樹如是寶樹千萬億數圍繞
世界是諸寶樹光明障蔽一切日月
光明不復現持世諸多羅樹及諸寶
網自然皆出種種妙音如天伎女歌
頌之聲其佛國土常出如是微妙音
聲無三惡道亦无三惡道名持世是
無量光德高王佛為諸衆生多說如

是之法所謂般若波羅蜜及菩薩藏
斷一切衆生疑喜一切衆生心經持
世其無量光德高王佛說法時一日
之中无量百千万億衆生發阿耨多
羅三藐三菩提心已發心者皆得具
足助菩提法持世は無量光德高王
佛以是因緣教化成就无量無邊衆
生於阿耨多羅三藐三菩提其佛國
土菩薩摩訶薩其數甚多持世彼佛
滅後法住半劫は無量光德高王佛
滅度之後法欲盡時下方過十佛世
界有菩薩名无量意命終來生始年
十六出家學道於無量光德高王佛
法欲滅時聞是菩薩摩訶薩解說是
陰界入方便經是无量意菩薩聞此
經已發大精進於是法中盡到其邊
成就深方便力是菩薩善根因緣故
於彼命終得值二十億佛皆得成就
如是之法常識宿命童真出家修行
梵行常得念力世世不離如是之法
世世成就不斷念然後得成阿耨多
羅三藐三菩提号無量光莊嚴王佛
持世是故菩薩摩訶薩若欲疾得阿

釋多羅三藐三菩提若欲疾得具足一切智慧於我滅後後五百歲惡世之中當勤護持發大誓願應生大欲大精進大不放逸於後世中常當護持如是等經

尔時跋陀婆羅伽羅訶達多菩薩等為上首從坐而起向佛合掌白佛言世尊我等於佛滅後後五百歲法欲滅時我等當為守護如是等經勤行精進讀誦聽受亦當復為他人廣說復有若干千數菩薩從坐而起合掌向佛瞻仰尊顏發是願言世尊我等後世後五百歲作是誓願於如是等甚深无染汙諸佛所聽能生菩薩諸善功德能具足諸菩薩助善提法我等當共護持聞如是法當大清淨其心歡喜專心勤求受持讀誦佛便微笑即時三千大千世界无量光明遍滿其中三千大千世界六種震動尔時阿難從坐而起偏袒右肩右膝著地合掌白佛言世尊何因緣故今者微笑地大震動佛告阿難汝見此等菩薩發大誓願後世護持如是甚深無

染汙法不阿難是諸菩薩非但今世發
是誓願阿難我念是諸菩薩於无量
無邊諸佛所發如是誓願三時護持
諸佛之法亦能利益无量衆生今者
亦復三時護持我法於今現在及我
滅後法欲滅時亦大利益無量衆生
持世如跋陀婆羅等三時護持我法
亦復於此賢劫之中三時護持諸佛
之法亦於未來諸佛所三時護持如
是之法阿難我今讚說是人成就如
是无量功德說不可盡憐愍利益安
隱衆生阿難若我志說是人如是功
德人不能信若人不信佛語是人長
夜失於利益受諸苦惱墜墮惡趣阿
難我今粗說是等菩薩利益衆生假
使如三千大千世界滿中衆生皆墮
大地獄中中有一人語諸衆生汝等
莫怖我今一一代汝受此大地獄苦
是人即時出地獄衆生一一皆為多
千万歲受地獄苦阿難於汝意云何
是人為大利益大安樂不阿難言世
尊為大利益大安樂阿難是人出諸
衆生已現其力勢皆使令得成就世

間第一快樂阿難是人為能有恩能
與衆生樂不阿難言世尊是人所利
益非言所說阿難我今實說是跋陀
婆羅伽羅訶達多菩薩等利益衆生
是人利益衆生是二利益安樂之事
等數譬喻不可為比何以故阿難是
人樂具皆是有為相違之法不為厭
足故不為離欲故不為智慧故不為
沙門果故不為涅槃故阿難是諸菩
薩等利益衆生與無上樂一切智人
樂為求佛道者皆作佛事未入正位
者令得聲聞辟支佛地以佛法化諸
菩薩示教利喜阿難是諸菩薩能示
教利喜諸菩薩衆為不斷佛種故為
守護一切智種故住於世間阿難是
人過去本行菩薩道時无量百千万
億那由他劫皆使有佛不令斷絕亦
於未來無量百千万那由他劫皆使
有佛亦不斷絕何以故阿難是諸菩
薩本行菩薩道時已令無量諸佛住
於佛道是諸菩薩世世護持教化成
就百千万億諸佛皆使成阿耨多羅
三藐三菩提從是以後亦復教化無

數百千万億衆生令住佛道教化力
故具足佛法亦皆當得阿耨多羅三
藐三菩提

阿難是跋陀婆羅等為與衆生佛樂
一切智慧樂故勤行精進阿難若人
實說何等是諸菩薩父母救舍依洲
生諸菩薩當說是跋陀婆羅伽羅訶
達多等五百菩薩是阿難若人實問何
等是諸菩薩種當言跋陀婆羅伽羅
訶達多等五百人是如是善男子等為
不斷佛種不斷一切智慧種故住於
世間是善男子等亦於後世後五百
歲以是教化方便力故以樂因緣令
諸衆生不墮三惡道中亦令无量百
千衆生住菩薩乘阿難若干千佛說
是善男子等功德不可得盡何以故
是善男子等成就如是不可思議功
德阿難我於无量百千万億阿僧祇
劫所集法藏是善男子等能受護持
阿難我今以是無量億劫所集法寶
囑累是人善男子等為无量阿僧
祇國土中現在諸佛之所護念阿難
是善男子等一切天人世間所應禮

事阿難是人十方千佛講說法時常
所讚嘆阿難我已印可為斷一切衆
生疑故若人於後末世受持是經讀
誦通利為人廣說當知是善男子善
女人近一切種智有人於後末世乃
至得聞如是深經信解而發誓願我
皆與受阿耨多羅三藐三菩提記若
於後世後五百歲生信解心勤行精
進護持是經是善男子善女人我今
亦以是阿耨多羅三藐三菩提法而
囑累之若聲聞人信受如是深法心
無違逆我與受記後當得值弥勒佛
會若求佛道者聞如是法受持信解是
人皆為弥勒佛所授記以本願故出
家學道阿難當知是善男子善女人
等若於後世後五百歲時於是法中
勤行精進當知是人善根猛利

持世經囑累品第十二

尔時持世菩薩摩訶薩白佛言世尊
惟願利益諸菩薩摩訶薩故護念是
經菩薩摩訶薩若於後世得聞是法
心淨喜樂亦為具足如是法故勤行
精進尔時世尊護念是經即以神力

今此三千大千世界香氣遍滿所未
曾有一切衆生慈心相向佛護念已
告持世菩薩持世我今護念是法印
品經斷一切疑故持世若有能受持
讀誦是經者不久當得一切智慧惟
除本願我今亦與是人受記疾得具
足一切智慧故持世菩薩摩訶薩若
受持讀誦是法印品經思惟廣為人
說是人不久當疾得五陰方便十二
入十八界十二因緣四念處五根八
聖道分世間出世間法有為無為法
方便亦疾得諸法實相亦疾得分別
一切法章句亦疾得念力亦疾得轉
身成就不斷念乃至得阿耨多羅三
藐三菩提持世是經後世能與衆生
作大法明大智慧光福德因緣亦能
與諸菩薩具足助阿耨多羅三藐三
菩提法持世若諸菩薩於後末世時
得值是經及餘深經菩薩藏所攝與
諸波羅蜜相應是人不為魔事所覆
不為業障所惱持世若是人未得無
生法忍者我與受記於當來世第二
第三佛當得无生法忍已得無生法

忍者於一切法中疾得自在力疾得
淨佛國土疾得無量聲聞衆疾得无
量菩薩衆持世我今說是法印為斷
後世一切疑故持世菩薩摩訶薩見
四利故於後末世護持如是等經而
發誓願何等為四諸菩薩作是念我
當疾得无量無邊功德亦令衆生生
大善根亦為諸佛護持正法亦作諸
佛持法藏人亦為无量諸佛所見讚
歎是名四持世菩薩摩訶薩復見四
利於後末世護持是經而發誓願何
等為四諸菩薩作是念我等於後恐
怖惡世守護法故行大精進於後惡
世正法壞時能持法藏為此難事於
後惡世中法亂衆生亂時我等守護
法故其心不乱今時當得具足忍辱
以無瞋道守護於法是名四持世菩
薩摩訶薩見是四利故於後惡世護
持如是等深經而發誓願跋陀婆羅
伽羅訶達多等五百菩薩及餘菩薩
得聞是法印品經佛前合掌於後惡
世發願護持是深法者佛以右手皆
摩其頭作如是言諸善男子我於無

量阿僧祇劫所集阿耨多羅三藐三
菩提大法寶藏甚為難集受諸无量
無邊憂悲苦惱亦捨无量無邊歡喜
快樂今以羈累汝等於後末世當以
是无量劫所集法藏善開與人廣為
四眾分別解說此正法種令不斷絕
汝等還當燃大法炬諸善男子如來
今者請汝等佛子住佛所住我於是
无量百千万億阿僧祇劫所集法寶
藏為諸天人廣宣流布即時跋陀婆
羅伽羅訶達多等即礼佛足作如是
言我等隨力所能亦承佛威神當於
後世廣宣流布是法寶藏說是法印
品經時無量无边阿僧祇一生諸菩
薩善根成就亦有無量百千万億眾
生發阿耨多羅三藐三菩提心畢定
受阿耨多羅三藐三菩提記佛說是
經已持世菩薩及跋陀婆羅伽羅訶
達多等及餘菩薩并諸四眾一切天
人阿修羅等聞佛所說皆大歡喜
持世經卷第四

癸卯歲高麗國大藏都監奉
勅彫造

佛說濟諸方等學經一卷

萬

西晉月氏三歲竺法護譯

聞如是一時佛遊王舍城靈鷲山與
大比丘衆俱比丘六萬菩薩八十億
摩竭國中衆優婆塞六百萬臨滅度
時寂後末年至羅閱祇初首新歲於時
世尊即如其像三昧正受莊嚴於斯
三千大千世界懸繒幡綵豎諸幢蓋
散華燒香布諸蓮華其葉百千三千
世界億億梵天王各與無央數億百
千眷屬往詣佛所稽首足下退住一
面又手自歸此大千界淨居身天威
靈尊勢大神妙天王諸龍王鬼神王
阿須倫王迦留羅王真陀羅王摩睺
勒王各與無數億百千官屬往詣佛
所稽首足下却住一面又手自歸其
於十方各江沙等諸佛世界神聖殊
絕巍巍高節菩薩大士來詣佛所稽
首足下遷住一面又手自歸諸來會
者應時周遍於此三千大千世界極
於上界三十二天無有空缺間不容
杖鍼不得入靡不稠密大神無極天

龍鬼神阿須倫迦留羅真陀羅摩睺勒各各住立瞻佛尊顏其身各異其心同一釋弃因緣等心歸佛

尔時世尊安然庠序從三昧起三返觀察諸來衆會三返觀已三返自察師子頻申三頻申已三返出舌三出舌已三返以舌覆三千大千世界靡不周遍光明煌煌照於十方於是大聖還縮其舌重復顧眄諸來會者諸來會者僉然起住稽首作礼自歸命佛尔時世尊告於弥勒菩薩大士阿逸仁識知之正覺不久當取滅度欲有所問今是其時應宜諮請諸有疑結志不解者前質如來无得後悔面值大聖何不決之弥勒菩薩前白佛言世尊知時明徹六通諸度無極靡不宜暢決一切疑善哉世尊隨時便宜頒宣經道令斯法目永得久存於是大神妙天王與八十億淨居天人營從圍遶行詣佛所稽首足下叉手自歸前白佛言唯然世尊今斯經典其号名曰濟諸方等學過去諸佛如來至真等正覺之所講說今日大

聖惟當垂哀重為散意多所愍哀多
所安隱使如來法訓誨久存時佛默
然可大神妙天王所啓天王見佛默
然可已退住一面尔時世尊告弥勒
菩薩阿逸當知諸過去如來至真等
正覺无不講說此濟諸方等經典之
要當來現在十方世界如來至真皆
亦說是其不宜斯謗佛違經毀諸聖
衆所以者何若說此經有無益想謂
不脩悲為誹謗佛違失經典毀訾聖
衆毀三寶者必歸地獄是故弥勒若
族姓子及族姓女學菩薩乘通暢諸
經衆他異法尔乃分別演衆經義若
欲周脩不闕文字隨正典教不自損
已又仁弥勒宜當專精思惟是門然
後末世攝護正法弥勒應曰唯然世
尊誠如聖教當傳神旨不敢違命
佛復告弥勒菩薩如來至真某日於
夜得逮无上正真之道為衆正覺至
於无餘泥洹界滅度日夜如來至真
寧有缺漏意誤忘乎宜惡念非瑕疵
行耶弥勒報曰無也世尊復謂阿逸
如來某夜成寂正覺至滅度日所可

講說皆實至誠順時應宜而无虛妄
佛言或有愚人不別如來善權方便
不覺真實誠諦之言及傳狂語出意
自說此事合義此義不合以是比類
誹謗正道若誹謗經則為謗佛吾謂
此黨必歸地獄佛言弥勒當來末世
五濁之俗餘五十歲當有四輩比丘
比丘尼優婆塞優婆夷志學菩薩慕
本所誓外異學意奉事如來見佛所
說法律出家修為沙門謙敬種姓其
人所志惟求利養毀壞種姓貪嫉室
家亂其居業面无好色志慕小意性
不開解不能寬泰不壞情欲多求汲
汲遠於一切諸法門行三昧正定常
住諛諂心念各異言行不同貪其種
姓依有勢者見諸明智曉了法藏謂
之無知已无所知自嘆有慧已無聰
明自歎聰智因荷佛道建立其意等
心衆生興發大哀又不忘捨善權方
便依蒙佛力而已違越所講信樂於其
學中或復說言若有經卷說聲聞事
其行菩薩不當學此亦不當聽非吾
等法非吾道義聲聞所行也修菩薩

者慎勿學彼辟支佛法亦復如是慎莫聽之佛語阿逸佛為信樂開化諸天隨時說法教諸龍神阿須倫迦留羅真陀羅摩睺勒捷沓和人與非人隨其本行志所應脫說法開化普至十方各江沙等導利衆生各隨本行隨宜當度利益衆生因斯志操願宣經道度脫一切皆使得道

佛告弥勒當是世時菩薩學中志自懷結諸菩薩中剛強難化獎惡凶暴妄言兩舌妙聞智少宣傳佛道別為兩分欲為菩薩當學此法不當學是而懷是心誹謗於佛毀訾經典鬪亂聖衆壽終身散便墮地獄在彼見者當經無數劫痛罪猶不畢從地獄出當復還生貧賤之門所當經歷衆難之患極遠難量乃得受決雖得受決在五濁世乃成為佛亦如我本遭難長遠无央數劫在五濁世成取正覺若聞其言而信聽受篤信思惟從其教者亦當如是歸於惡趣所以然者信惡親友故遭此患

佛告阿逸過去久遠不可計劫尔時

有佛号離垢煥成就功稱如來至真等正覺出現於世八十娑歲為諸衆生頒宣經道時有比丘名淨命為法都講宣若干教言辭柔軟辯才至真勸助發起無央數人顯揚等教多所歡悅時離垢成就功稱如來囑累淨命比丘於後末世當護正法囑累已後乃取滅度如來至真滅度之後彼比丘於億歲執法品宣佛教因得普入濟諸方等經典之要宣傳道化發起一切順諸衆生本心所樂應當解者而分別之周旋往返八万城邑觀察衆生本願發意令得飽滿除去飢虛衆情之難於彼世時有大國城名曰仁賢有八十億衆民居中亦觀根源而為說法於時城中八十億家忻然受教化一億家發菩薩意七十九億立聲聞乘於是淨命比丘與万菩薩同心俱往詣修道處出去未久時有比丘名曰為法行來周旋遠他鄉來在仁賢城奉持方等千餘經卷現得四禪自以為遠淨命比丘學方等經十四億卷及修餘經六百万卷時法比丘在

仁賢城惟但宣散一品法教不知隨

時觀其本行講說經法也不能覺了達諸法界專以空法而開化之言一切法空悉無所有所可宣講但論空法言无罪福輕蔑諸行復稱已言如今吾說悉佛所教淨命比丘所可演者荷著雜碎志性不清為人穢濁誰本為彼比丘作字号淨命者實不清淨所以者何受取衆華取衆華已而服食之亦受名香諸雜塗香亦服食之彼學愚冥癡无所知吾身學來久修梵行彼適新學而受其誠從來未久勿得信之又其比丘放逸自恣衆人橫敬一心悅豫歸淨命比丘其法比丘作是謗毀宣其惡行衆人不信不從其教其法比丘用懷毒心誹謗智士壽終之後墮地獄中竟八十劫用誹謗佛毀訾正法在地獄中七十劫已加六十劫迷荒失志盡斯數已乃逮前行本發道意香寶光明如來佛所其佛為講更說法義勸發道意墮畜生中九百万世後生人間六百万世常遭貧厄所生之處常瘞無舌然

後於世見六十三姨諸佛正覺在諸
佛所常為法師世所生普成五通
皆為諸佛所見教勅悉解諸法說清
淨義佛告阿逸欲知尔時淨命比丘
豈異人乎莫作斯觀所以者何是阿
弥随佛也其法比丘則我身是吾於
彼世所更如是

佛告阿逸衆事諸法難了難了義微
如是吾以是故於五濁世得成正覺
佛言阿逸若有菩薩說兩品法因是
之故在五濁世當成佛道又其佛土
多有諸魔數數興乱成佛道時若宣
經法亦燒乱之當尔之時諸來衆會
咸皆郁咿流淚于面各自說言莫令
學人宣二品法講說經義勿令偏黨
專愚放恣自是惡彼如法比丘為諸
比丘及在家學所分別說說是非法
時彼會中有百菩薩尋從座起避席
地坐嘘唏流淚於時世尊知此菩薩
心念本末故復發問諸族姓子何故
坐地嘘唏流淚即白佛言我等世尊
各自識察犯此殃墮佛言如是族姓
子等所察念也錠光佛時有一菩薩

名曰智積佛滅度後建為法師諸賢者等求其缺漏從是以來未曾復與諸佛相見不識道心不得捻持不逮三昧諸族姓子前世之時亦與我俱同發道意又族姓子是披陁劫末後有佛名曰樓由當於彼世乃能逮得无所從生法忍然後三阿僧祇劫逮致無上正真之道為取正覺是故族姓子菩薩菩薩展轉相見莫生異心相求短也若見菩薩當自念言今吾覩佛寺見佛正覺佛立吾前假使族姓子若有菩薩見餘菩薩發起異心視不如佛則自毀損由是之故莫懷瞋恨其見初發菩薩心者視不如佛輒為侵欺諸佛世尊於今現在不可計數无限世界又族姓子今佛豫覩將來末世餘五十歲有得捻持若逮三昧皆是如來威神所致故族姓子若誹謗法師求其短者為謗如來如來滅度後若有曉了隨時之宜從衆生心本所信行為說法要若於衆會有菩薩學一發意須衣毛為豎一返聞經尋即諷誦則當知之如來聖旨之

所接也於彼世時有愚慧士无菩薩
行自謂菩薩在諸菩薩中堅自用分
別經典侏張匿功獨謂已達以為二
行常自說言此人何知此何所解佛
告弥勒我身現在所宜頌教行佛道
時布施頭目支體肌肉妻子國邑佛
志識念以一頌故布施天下是等愚
惑求獲利養不往敬佛宣道教者不
隨佛教違失道節佛言阿逸當以清
和可奉此法不以諍訟阿逸且觀此
黨衆生習隨瑕疵發起瞋恚不熟思惟
識達義故也如吾所修成取正覺宣
傳佛慧而為說法便當說言莫傳此
教於彼世時利供養故其法比丘講
說方等千餘經卷興發四禪因是乃
致如此艱難何況妄說違失義理不
順道教若有比丘奉方等教宣方等
藏故發道心及更興心誹謗法師則
為誹謗諸佛經典甚懷慢恣求其瑕
缺佛不謂此得至究竟盡生死源是
等之類必墮地獄所以者何若有求
取法師短者則為憊佛患厭經法其
輕法師則不敬佛若不欲觀於法師

者其人則為不欲見佛若毀法師為毀諸佛若興害心念初發意菩薩惡者從其發心害意諸無數劫若干劫失其道意以其惡眼視菩薩數更若干世世生盲從本字數口宣誹謗說法師惡更若干劫瘡痍無舌

佛告阿逸佛普觀察見諸菩薩不因餘法速墮惡趣惟由惡心向餘菩薩想吾我人貪住求法故墮惡趣佛言阿逸如來不謂宣傳經典隨顛倒教念在生死自恣放逸住我人想行若干法為是菩薩因是之故墮地獄是故阿逸菩薩遵習六波羅蜜能成佛慧无上正真或有愚人口自宣言菩薩惟當學般若波羅蜜其餘經者非波羅蜜說其之短於阿逸意所趣云何本時國王所以持頭施與人者為无智乎弥勒答曰不也世尊佛本所修六波羅蜜所為至誠真實行乎為不行是得佛道耶弥勒報曰不也世尊佛語阿逸仁本宿世具六十劫行檀波羅蜜尸羼惟逮所修禪定般若波羅蜜亦復如是各六十劫而愚

憊等各自發言當以一品行般若波羅蜜至於佛道奉隨顛倒無所慕樂是等之類雖口有言行不清白虛言及教常行猗著悌望於空不肯作行但口發言以為第一雖行甚遠貪妬懷嫉敬重種姓親屬知識吾本寧以頭施於人不用轉輪聖王之位斯等貪著衣食利養入他家居當說此言行道如是如是行者其理如是无復異義多有法師不了斯教利供養故多生害意念法師惡佛言阿逸佛不以是貪愛其命無道愚夫為學道也正使百劫不得柔順法忍也况當獲致至佛道乎佛言阿逸行諛諂者慍惜貪嫉不行恭敬无有明智懷妬種姓造二品行為求道也斯愚人等自謂智明想勝佛慧所以然者橫自發言如來說法言辭不尔是聲聞事佛亦不說聲聞之法

尔時佛告賢者須菩提般若波羅蜜其原為一無二行乎須菩提白曰唯然天中天又問須菩提菩薩所行捨衆望想无所著乎唯然世尊復問須

菩提菩薩所修奔諸馳騁無放逸乎
唯然世尊佛告須菩提豈見學士已
不自修不知著慙欲得希望功勲之
報當致貧厄欲求勢姓慕得援助何
甚愚哉

佛復告阿逸菩薩假使聞說一切諸
法皆聲聞法不當恐怖一切諸法皆
緣覺法一切諸法皆為佛法不當恐
怖莫懷惴惴有所矜著一切諸法皆
凡夫法一切諸法皆塵勞法設聞是
言不當恐怖一切諸法皆瞋恚法一
切諸法無瞋恨法設聞是言不當恐
怖若有所受若无所受作與不作覆
不覆清不清有心無心有念无念有
罪無罪有福无福有報無報有安无
安有脫無脫精進懈怠有行无行修
賢聖法無賢聖法寂然不寂然受與
不受至誠虛詐順念不順念住與不
住於此諸法永无所畏佛本學時在
佛樹下所達諸法成寂正覺暢解一
切衆生境界悉無顛倒曉了諸法皆為
自然不著无處故為世人分別說此
如來至真不名諸法亦無所諍菩薩

以故逮致聖光无極法曜興發摠持
稱舉法印為諸法故無所上下佛語
阿逸佛以法故為四方域頒宣經道
衆生各念如來為我如是比類演出
經義至二十四阿加膩吒天次復開
化第二方域至二十四天三千大千
世界亦復如是衆生皆念如來生此
而轉法輪講說經法如是比像無數
方便至無央數无際世界開化衆生
吾於明旦所周旋處興作佛事不可
限量日中晡時亦復如是如來至真
常余不廢目無蔽尋普見一切衆生
境界一切佛土如是无限諸佛部界
其亦然矣菩薩皆當學如此義住在
諸法妄想之處而開化之其住諸佛
有所悕望則已住在誹謗諸佛其已
住在誹謗諸佛彼則住在墮於嶮路
其墮嶮路則墮惡趣其住惡趣則住
諸法諍訟之處是故阿逸當護如來
善權方便佛自隨時說此法耳於是
文殊師利告趣聚福菩薩不虛見菩
薩一辯心菩薩善了說心菩薩訶辯
菩薩喜王菩薩離怨毛豎无畏行菩

陸心願無量佛土菩薩光世音菩薩
衆香手菩薩除諸陰蓋菩薩不置遠
菩薩合百千德菩薩威神音菩薩心
不捨諸慧菩薩宣名稱英幢菩薩念
求諸義菩薩行不離佛界菩薩起月
殿威灼灼菩薩嚴諸大界菩薩文殊
師利告於此等二十菩薩復白佛言
如是如是世尊誠如聖教吾詣東方
過是六十江沙諸佛刹土札諸世尊
聞所說法亦如今日西南北佛土四
維上下亦復如是遊觀七日轉復前
行不見餘佛尋復還及來至此土稽
首聽經尔時世尊告文殊師利仁且
觀此如來聖慧无量若茲諸佛境界
不可思議巍巍如是如來所入等無
有侶靡不周悉或有愚騃不識義理
趣自說言般若波羅蜜如來所行是
諸如來无極修教餘經皆非佛語文
殊菩薩行者無合會行乃是開士正
真之行无等倫行則菩薩行無所受
行為菩薩行无所著行亦無不著是
菩薩行如是文殊菩薩所行為无輕
慢吾以隨時分別宣說諸法難見亦

難曉了是故文殊諸賢一切當修寂
然無放逸行順從正士堅固之行常
懷慈心不為瞋害以往諸法修等行
者則從佛教佛無數劫遵習此道以
權方便而頒宣之有無智人各懷異
意墮大艱難當興譏謗謗訕經道非
如來所宣毀訾法者不覺微失坐不
護口或自心念是事嘉快或謂不快
故誹謗法以誹謗法則誹謗佛已誹
謗佛則毀聖衆口橫說言是事為應
是事不應如是言者為誹謗法為諸
菩薩講說此事為諸聲聞演如是教
口說此言為誹謗法諸菩薩等當學
此法當捨此法不當習學也妄說如
此為誹謗法某有辯才某不辯才某
性便利某性訥鈍妄有譏訶說經如
是為誹謗法若以宣言值佛世時可
得摠持不值佛世不得摠持為誹謗
法雖以修行逮得摠持所逮摠持未
必清淨若說如是為誹謗法求法師
短瞻其法則所行缺漏為誹謗法不
信法師所行具足假使法師不應威
儀為誹謗法宣於法師放逸之業馳

駢由已不能專一為誹謗法札節不
徧失經違節非所奉戒擾擾凶凶則
誹謗法有所宣義理其明不廣妄有
所講為誹謗法言語不了辯才不暢
欲傳道教為誹謗法本學不勤所知
甚妙明不廣遠欲宣道教為誹謗法
心自念言某不知限不了隨時當教
開化達令至義為誹謗法興發想念
不護佛教懷抱危害為誹謗法各獲
一卷文字經教各是所學諍義失義
為誹謗法各頌一偈諍其義理自說
是非為誹謗法某有信樂某不罵道
某當得脫某不得脫為誹謗法若講
法時所言各異及其義理非某所講
故來乱坐談語說事為誹謗法是人
應行是不應行某為隨順某不隨順
為誹謗法某以隨時某不知時違失
義理不從道節為誹謗法佛告文殊
師利諸聲聞衆有所懷累分別說者
諸菩薩等聰明辯才有所頌宣皆承
如來威神聖旨佛言文殊如來道教
隨時之宜所誓如是斯等愚夫唯念
毀譽求其長短不從佛教及非如來

所念法師而譏謗之是等志為魔之
所亂猗求利養故發此意當歸惡趣
將護居家所依善厚及不慎護住如
來教猗其尊勢有勢位者王者長者
梵志若使有人難問義者誦說義理
咸共嘆言善說此事所知嘉快如佛
所說所可頒宣極有義理僉然勸助
由是勸助墮誹謗法同等群黨出入
進退然後沒已俱墮惡趣佛復告文
殊師利若有菩薩猗著諸行我不謂
此為菩薩也佛言阿逸其依種姓有
豪居位佛不謂此為清淨也其有宣
傳兩品經義言行各異佛不謂此當
得解脫必歸地獄假使有人專一品
說謂義趣是莫能過者佛不謂此越
度惡趣衆患之難其多辯說樂於衆
鬧佛不謂此應清白行佛語文殊佛
所頒宣理諸顛倒進退法門如江沙
等所宣法門樂著空者其數多少亦
如江沙為諸妄想而計有人宣法
門教其限多少亦如江沙衆生亦如
无想之業諸有想原無願之業諸有
願本為說法門亦如江沙有人无人

有命無命有壽无壽有欲無欲有貪
無貪有為无為某人慙慙隨從計常
某不慙慙但念斷滅是樂隨俗是為
度世某貪欲門某瞋恚門某樂癡門
如來皆使除此諸門故說法門矣佛
語文殊若有修行平等之宜永無所
著一切皆應般若波羅蜜教若有講
說慧各各異心在見聞演不如慧則
謗如來也於是文殊師利復問佛言
唯然世尊此等之類為從惡友誤啓
受教乃能興發如是譏謗以何方便
現世自責能除罪法世尊即告文殊
師利假使此人於七歲中晝夜各三
悔過自責然後乃除所造謗罪微微
消化當復曾更十五劫行乃遠法忍
佛言文殊菩薩習此經典之要不能
曉了而妄宣傳欲解其事甚難得度
文字之法散義不暢是故菩薩先善
諦學然後能宣如是學者不自傷損
佛言文殊菩薩有四法曉了諸行何
謂為四一曰等心愍於衆生二曰等
解諸法而无偏黨三曰等於道義不
猗邪正四曰所說平等不懷妄想是

為四若不解此四平等妄有所說則
自傷損若族姓子及族姓女逮住四
法不自傷損何謂為四一日不懷害
心加於衆生二日不與法師而共諍
訟三日已身少明不毀他人博達慧
者四日心自念言此一切義皆佛所
說故當敬奉謙下恭順是為四法不
自傷損佛言文殊若有菩薩於江河
沙諸佛刹土滿中七寶如江沙劫一
切供養十方諸佛日日各舍布施
奉佛而不休息若復受此濟方等學
經典之要書著竹帛一迭宣說其福
過彼供養諸佛所以然者布施持戒
忍辱精進一心智慧皆不能及斯人
善業濟方等學經典之要菩薩學是
德無等倫獨步无侶說是經時三十
江河沙等菩薩皆悉得無所從生法
忍七十江河沙等菩薩普悉得立不
退轉地當成无上正真之道六十億
姪百千衆人生在於此三千大千國
者聞是經典咸共勸助悉發道意僉
然意解越八十劫生死之難亦皆一
時得不退轉佛說如是諸比丘及菩

薩一切衆會天龍鬼神捷咎惹阿湏
倫世間人民聞佛所說莫不歡喜作
札而去

濟諸方等學經

癸卯歲高麗國大藏都監奉
勅彫造

大乘方廣總持經一卷

萬

隋天竺三藏毗尼多流支譯

如是我聞一時佛在王舍城耆闍崛
山中與大比丘衆六万二千人俱菩
薩摩訶薩八十億衆摩伽陀國優婆
塞六十億百千人尔時世尊夏安居
已臨涅槃時入如法三昧入三昧已
是時三千大千世界普遍莊嚴懸繒
幡蓋置寶香瓶衆香塗飾處處遍散
千葉蓮花尔時此三千大千世界億
百千衆諸梵天王及億百千眷属来
詣佛所到佛所已頭面礼足合掌向
佛却住一面復有億百千淨居天子
自在天王大自在天王龍王夜叉王
阿修羅王迦樓羅王緊那羅王摩睺
羅伽王各與億百千眷属来詣佛所
到佛所已頭面礼足合掌向佛却住
一面尔時十方如恒河沙大威德菩
薩摩訶薩来詣佛所到佛所已頭面
礼足合掌向佛却住一面尔時此三
千大千世界乃至有頂皆悉来集大
衆充滿間無空處尔時復有餘大威

力天龍夜叉乾闥婆阿修羅迦樓羅
緊那羅摩睺羅伽等皆來集會。爾時
世尊正念現前，從三昧起，遍觀大衆。
欠咄頻申如師子王。如是至三。爾時
世尊從其面門出廣長舌，遍覆三千
大千世界。是時如來現神通已，復觀
大衆。爾時一切大衆即從坐起，合掌
作禮。默然而住。爾時佛告彌勒菩薩：
摩訶薩言阿逸多，如來不久當入涅
槃。汝於諸法有所疑者，我今現在欲
有所問。今正是時。佛滅度後，勿生憂
悔。爾時彌勒菩薩摩訶薩白佛言：唯
然。世尊。善。自知時。諸佛如來於一切
法皆悉究竟。惟願宣說。今此法眼久
住於世。爾時會中有大自在天子及
八十億淨居天衆眷屬，圍遶頂禮佛。
足合掌恭敬而白佛言：世尊，此大衆
方廣，搃持法門過去無量諸佛如來
應供，正遍知已，曾宣說。惟願世尊今
復敷演利益安樂無量人天，能令佛
法久住世間。爾時世尊默然而許。是
時大自在天子知佛許已，歡喜踊躍，
合掌作禮却住一面。爾時佛告彌勒

菩薩摩訶薩言阿逸多此大乘方廣
持持法門非我獨說過去未來及今
現在十方世界無量諸佛亦常宣說
若有衆生於佛所說言非佛說及謗
法僧而此謗者當墮惡道受地獄苦
尔時佛告弥勒菩薩摩訶薩言若有
善男子善女人發菩提心於此大乘
方廣持持經典受持讀誦復為人說
當知是人不得墮惡道

尔時世尊復告弥勒菩薩摩訶薩言
阿逸多我從成佛夜乃至將入無餘
涅槃於其中間佛身口意所作所說
所念所思惟頗有忘失起惡業不弥
勒菩薩言不也世尊佛言弥勒如汝
所說我從成道乃至涅槃於其中間
所言所說皆悉真實无有虛妄若有
愚人不解如來方便所說而作是言
是法如是是法不如是誹謗正法及
佛菩薩我說是輩趣向地獄佛言阿
逸多於我滅後五濁世中若有比丘
比丘尼優婆塞優婆夷實非菩薩自
謂菩薩是外道人曾於過去供養諸
佛發願力故於佛法律而得出家隨

所至處多求親友名聞利養恣行穢
汙奔捨信心成就惡行不自禁制不
自調伏貪諸利養於一切法門及出
生堅固三昧皆悉遠離實无所知為
親屬故妄稱知解住於諂曲口說異
言身行異行阿逸多我菩提道於一
切衆生皆悉平等安住大悲以善方
便正念不忘如來安住無等等力无
障無尋而為說法若有衆生作如是
言佛為聲聞所說經典諸菩薩等不
應習學不應聽受此非正法此非正
道辟支佛法亦不應學復作是言諸
菩薩等所修行法聲聞之人亦不應
學不應聽受辟支佛法亦復如是復
作是言諸菩薩等所有言說聲聞辟
支佛不應聽受彼此言行更相違背
不與修多羅相應於如實說真解脫
法不能信受依彼法者不得生天何
况解脫阿逸多我今說法隨其信心
而調伏之如恒河沙阿逸多我今欲
徃十方世界隨順說法利益衆生不
為實非菩薩而作菩薩相者亦不為
毒惡欺誑少聞之人於我法中作二

說者其二說人或作是言是菩薩應學是不應學謗佛法僧是人身壞命終墮於地獄多百千劫不可得出設令得出生貧窮家至於後時雖得授記五濁惡世成等正覺如我今日於是生死五濁世中成於佛道以是因緣汝應諦聽應當信知隨順惡友所行如是阿逸多我念過去无央數劫彼時有佛名曰無垢焰稱起王如來應供正遍知明行足善逝世間解无上士調御丈夫天人師佛世尊出現於世是時彼佛壽命八万那由他歲為衆說法今時无垢焰稱起王如來法中有一比丘名曰淨命摠持諸經十四億部大乘經典六百万部為大法師言辭清美辯才無尋利益无量無邊衆生示教利喜今時无垢焰稱起王如來臨涅槃時告彼比丘淨命言未來世中汝當護持我正法眼今時淨命受佛教已於佛滅後千万歲中守護流通諸佛秘藏於此方廣摠持法門受持讀誦深解義趣於彼世界八万城中所有衆生隨其願樂廣為

宣說。爾時有一大城名曰跋陀。往彼城中。為八十億家隨其所樂而為說法。是時城中八十億人獲淨信心。一億人眾住菩提道。七十九億人住聲聞乘。而得調伏。爾時淨命法師復與十千比丘眾相隨俱往。修菩提行。爾時跋陀城中復有比丘名曰達摩。於大乘經方廣正典受持。千部獲得四禪。唯以方廣空法化彼城中一切眾生。不能以善方便隨欲而說。作如是言。一切諸法悉皆空寂。我所說者。真是佛說。彼淨命比丘所說雜穢不淨。此比丘實非淨命。而稱淨命。何以故。而此比丘所受諸華。不持供養。而自受用塗香。末香亦復如是。淨命比丘愚癡無智。不能知我久修梵行。彼既年少出家未久。我慢无信。多諸放逸。是諸人等無所知曉。謂是淨命持戒比丘。尔時達摩以其惡心謗持法者。身壞命終墮於地獄。經七十劫。具受眾苦。滿七十劫已。墮畜生中。過六十劫後。值遇香寶光佛。於彼法中發菩提心。於九万世猶生畜生中。過九万

世已得生人中於六万世貧窮下賤
恒无吉根其淨命比丘於諸法中得
淨信心為人說法彼於後時得值六
十三那由他佛恒為法師具足五通
勸請彼佛轉妙法輪阿逸多汝今當
知過去淨命比丘者豈異人乎莫作
異觀今阿弥随佛是阿逸多汝今當知
過去達摩比丘者豈異人乎莫作異
觀今我身是由我過去愚癡无智毀
謗他故受苦如是我以此業因緣故
處五濁世成等正覺是故阿逸多若
有菩薩於諸法中作二說者以是因
緣後五濁世成於佛道其佛國中有
諸魔等於說法時恒作障難今時大
衆聞佛說已皆慈悲泣涕淚交流俱
發是言願於佛法莫作二說如達摩
比丘今時會中有百菩薩即從座起
右膝著地悲號墮淚今時世尊知而
故問彼菩薩言善男子汝等何為悲
號如是今時諸菩薩等異口同音俱
白佛言世尊我等自觀亦應有此諸
惡業障今時世尊作如是言如是如
是汝亦曾於過去燃燈佛所在彼法

中出家修道是然燈佛滅度之後時
有比丘名曰智積汝等今時謗是比
丘因是已來不得見佛不能發菩提
心不得陀羅尼及諸三昧後共汝等
同時安住菩提之道汝等善男子此
賢劫末後佛所當獲無生法忍復於
後時過三阿僧祇劫行菩薩道當得
阿耨多羅三藐三菩提是故善男子
若菩薩見餘菩薩不應生於彼此之
心當如塔想如見佛想是故菩薩見
餘菩薩莫作異念謂非佛想若起異
念為自侵欺當受持此莫作異想共
相和合我今觀初發心菩薩不如佛
想者我便欺誑十方現在一切無量
阿僧祇諸佛是故善男子菩薩未來
於五濁世中得陀羅尼三昧者一切
皆是佛之威力是故善男子若有誹
謗其法師者即為謗佛等无有異善
男子佛滅度後若有法師善隨樂欲
為人說法能令菩薩學大乘者及諸
大眾有發一毛歡喜之心乃至暫下
一涕淚者當知皆是佛之神力若有
愚人實非菩薩假稱菩薩謗真菩薩

及所行法復作是言彼何所知彼何
所解弥勒我憶過去於閻浮提學菩
薩時愛重法故為一句一偈棄捨所
愛頭目妻子及捨王位何以故以求
法故如彼愚人專為名聞耽著利養
自恃少能不往如來傳法人所聽受
正法弥勒若彼此和合則能住持流
通我法若彼此違諍則正法不行阿逸
多汝可觀此謗法之人成就如是極
大罪業墮三惡道難可出離復次弥
勒我初成佛以妙智慧廣為衆生宣
說正法若有愚人於佛所說而不信
受如彼達摩比丘雖復讀誦千部大
乘為人解說獲得四禪以謗他故七
十劫中受大苦惱况彼愚癡下劣之
人實無所知而作是言我是法師明
解大乘能廣流布謗正法師言无所
解亦謗佛法而自貢高若彼愚人於
佛大乘乃至誹謗一四句偈當知是
業定墮地獄何以故毀謗佛法及法
師故以是因緣常處惡道永不見佛
以曾誹謗佛法僧故亦於初發菩提
心者能作障尋令退正道當知是人

以大罪業而自莊嚴於無量劫身墮地獄受大苦報以惡眼視發菩提心人故得无眼報以惡口謗發菩提心人故得無舌報阿逸多我更不見有一惡法能過毀破發菩提心罪之重也以此罪故墮於惡道况復毀謗餘菩薩等若有菩薩為諸衆生能如實說不起斷常言諸衆生定有定无亦不專執諸法有無阿逸多學菩薩者應如是住如是住者是諸菩薩清淨善業凡所修集皆不取著若有衆生起執著者當知是人生五濁世復有菩薩善隨根欲能為衆生種種說法阿逸多菩薩如是具足修行六波羅蜜乃能成就無上菩提彼愚癡人信已自執作如是說菩薩惟學般若波羅蜜勿學餘波羅蜜以般若波羅蜜取殊勝故作是說者是義不然何以故阿逸多往昔迦尸迦王學菩薩時捨所愛身頭目髓腦今時此王豈无智慧弥勒白佛言世尊誠如聖說實有智慧佛告阿逸多我從昔來經無量時具足修行六波羅蜜若不具修六

波羅蜜終不得成无上菩提如是世尊佛告阿逸多如汝所說我曾往昔於六十劫行檀波羅蜜尸羅波羅蜜羼提波羅蜜毗梨耶波羅蜜禪那波羅蜜般若波羅蜜各六十劫彼愚癡人妄作是說唯修一般若波羅蜜得成菩提無有是處彼懷空見故作如是不淨說法作此說者身口意業與法相違雖解空法為人宣說而於空法不如說行以無行故去空義遠心懷嫉妬深者利養踰於親戚阿逸多我於往昔作轉輪王捨諸珍寶頭目手足猶不得成无上菩提况彼愚人為飲食故緣歷他家有祈宣說唯讚空法言已所說是菩提道是菩薩行唯此法是餘法皆非復作是言而我所解無量法師悉皆證知彼為名聞自讚已能憎妬明解阿逸多我見彼心規求利養以自活命雖有善行經於百劫尚不能得少法忍心何况能成無上菩提阿逸多我不為心口相違誑惑之人而說菩提不為嫉妬之人而說菩提不為傲慢不敬之人而說

善提不為無信之人而說善提不為
不調伏人而說善提不為邪淫之人
而說善提不為自是非他之人而說
善提阿逸多彼愚癡人以此慢故自
謂勝佛謗佛所說大乘經典言是聲
聞小乘所說今時佛告尊者須善提
不應為二見人說般若波羅蜜須善
提白佛言唯然世尊如佛所說佛言
如是須善提以无著心施是名善提
須善提言如是世尊佛言須善提不
自讚毀他施是名善提須善提言如
是世尊佛言須善提汝觀愚人起我
我見無慚无愧為愛親戚貪求活命
好受他施當知是人專造惡業
復次阿逸多菩薩於一切法於一切
菩薩法莫生恐怖於一切辟支佛法
亦莫恐怖於一切聲聞法亦莫恐怖
於一切凡夫法亦莫恐怖於一切煩
惱法亦莫恐怖於一切盡法亦莫恐
怖於難精進亦莫恐怖於是於非亦
莫恐怖於作不作亦莫恐怖於畏不
畏亦莫恐怖於有於無亦莫恐怖於
心非心亦莫恐怖於覺不覺亦莫恐

怖於業非業亦莫恐怖於善不善亦
莫恐怖於安不安亦莫恐怖於解脫
不解脫亦莫恐怖於修不修亦莫恐
怖於法非法亦莫恐怖於靜於亂亦
莫恐怖於假於實亦莫恐怖於信不
信亦莫恐怖於善念不善念亦莫恐
怖於住不住亦莫恐怖如是菩薩於
一切法莫生恐怖阿逸多我於往昔
修如是等無畏法故得成正覺悉能
了知一切衆生心之境界而於所知
不起知相以我所證隨機演說能令
聞法諸菩薩等獲得光明陀羅尼印
得法印故永不退轉若於此法不如
實知言无善巧終不得成無上菩提
阿逸多我為四天下衆生說此法時
是諸衆生以佛神力各自見釋迦如
來為我說法如是次第乃至阿迦尼
吒天彼諸衆生亦謂如來唯為我說
如一四天下乃至三千大千世界亦
復如是此諸衆生成作是念釋迦如
來獨生我國唯為於我轉大法輪阿
逸多我以如是大方便力能於無量
无边世界常於晨朝遍觀衆生所應

化者而為說法於中及暮恒以法眼
等觀衆生於彼世界而為衆生說一
切法如是無量諸佛境界所有衆生
學菩薩者應如是修若彼愚人於佛
所說謗誹正法妄執自解用為真實
若謗法者則不信佛以此惡業墮於
地獄具受衆苦永不聞法復次阿逸
多汝當受持如來密教以善方便廣
為人說今時文殊師利童子徧光平
等菩薩無疑惑菩薩定發心菩薩妙
心開意菩薩光明菩薩歡喜王菩薩
無畏菩薩心念遍到無邊佛刹菩薩
觀世音菩薩香象菩薩滅一切惡業
菩薩住定菩薩百千功德莊嚴菩薩
妙音遠聞菩薩一切智不忘菩薩大
名遠震寶幢莊嚴菩薩求一切法菩
薩住佛境界菩薩月光莊嚴菩薩一
切世間大衆莊嚴菩薩如是等菩薩
摩訶薩白佛言世尊如是如是誠如
聖說我等於此東方過六十恒河沙
佛刹於諸佛所恭敬禮拜一一佛刹
唯見釋迦如來出現於世我等於其
七日之中遍遊十方亦見釋迦如來

出現於世不覩餘佛遍遊歷已還歸
本土聽受正法尔時佛告文殊師利
童子汝今諦觀如來智慧不可思議
如來境界亦不可思議如是無等等
是如來法彼愚癡人作如是說唯一
般若波羅蜜是如來行是菩薩行是
甘露行佛告文殊師利作此說者與
法相違何以故菩薩行法具足甚難
无著行是菩薩行無我我行是菩薩
行空行是菩薩行无相行是菩薩行
文殊師利如是等行是菩薩行學菩
薩者如是受持若彼愚人心懷邪見
當知是人不了我法文殊師利汝等
諸菩薩守護身口於不善法勿令放
逸堅固其心使不退轉為諸衆生具
足說法亦當自身住於法中我從久
遠阿僧祇劫具足成就無上菩提以
善方便廣為人說令諸衆生遠離惡
趣文殊師利若有愚人謗微妙法即
是謗佛亦名謗僧又作是說此法是彼
法非如是說者亦名謗法此法為菩
薩說此法為聲聞說作是說者亦名
謗法此是菩薩學此非菩薩學作是

說者亦名謗法復作是言過去佛已滅未來佛未至現在佛无住唯我獲得陀羅尼法作此說者亦名謗法以謗法故言得陀羅尼者是不淨法於真法師毀謗所修復謗法師雖有解慧不如說行復謗法師行違於道復謗法師身不持戒復謗法師心無智慧復謗法師意无明解復謗法師言無辯了復於如來所說文字心无信受復作是言此修多羅是此修多羅非此偈經是此偈經非此法可信此法不可信見正說者妄作異論於聽正法者為作留碍此是行此非行此成就此非成就此是時此非時諸如此說皆名謗法復次文殊師利若聲聞說法若菩薩說法當知皆是如來威神護念力故令諸菩薩等作如是說文殊師利如彼愚人於佛現在猶生誹謗况我滅後受持我法諸法師等而不被謗何以故魔眷屬故當知是人墮於惡道如彼愚人貪求利養以活親屬於如來法心無信念而復破壞如來教法被人親戚以朋黨心

往婆羅門家及長者所作如是說讚
彼愚人於法於義能知能解明達根
欲善為人說受他信施曾無慚愧以
謗法故身及眷屬俱墮地獄文殊師
利我終不為无信之人說菩薩行亦
不為貪著在家之人說清淨法不為
二見之人說解脫法不為一見之人
說出苦法不為樂世之人說真淨法
文殊師利我於恒河沙等法門以無
著心為人演說又於恒河沙等法門
以有著心為衆生說若有樂空衆生
為說空法若有樂智衆生為說智法
若有樂無相衆生為說无相法若有
樂有相衆生說有相法若有樂慈衆
生為說慈法若有樂因緣衆生說因
緣法若有樂無因緣衆生說无因緣
法此是有威儀法此是無威儀法此
是空法此是有法此是有為法此是
无為法此是攝受法此是覆蓋法此
是凡夫法此是聖人法此是色法此
是不善法此是愚人法此是定法佛
告文殊師利如是等一切法是般若
波羅蜜道彼愚癡人在所言說不依

如來真淨教法謗佛正法。今時文殊師利童子白佛言。世尊。如佛所說。如是愚人。以近惡友。現身起謗。如是世尊。以何因緣。能免斯咎。佛告文殊師利。我於往昔七年之中。晝夜六時。懺悔身口及與意業所作重罪。從是已後。乃得清淨。經十劫已。獲得法忍。文殊師利。當知此經是菩薩乘。未覺悟者。能令覺悟。聞說此經。若不信受。以此謗因。墮於惡道。是諸菩薩。明受我法。然後乃可為人宣說。如是受持。能遠離惡趣。佛告文殊師利。有四平等法。菩薩當學。云何為四。一者菩薩於一切衆生平等。二者於一切法平等。三者於菩提平等。四者於說法平等。如是等四法。菩薩當知。是四種法。菩薩知己為衆生說。若有信者。遠離惡趣。若不信者。當墮惡道。若善男子。善女人。住此四法。當知是人。不墮惡趣。復有四法。云何為四。一者於諸衆生。心無退轉。二者於諸法師。而不輕毀。三者於諸智人。心不生謗。四者於諸如來。一切所說。恒生尊重。如是四法。若

有善男子善女人能善修學終不墮
於諸惡趣中

復次文殊師利菩薩以恒河沙等諸
佛剎土滿中七寶於恒河沙劫日日
奉施恒河沙等諸佛世尊若有善男
子善女人能於如是大乘方廣微妙
經典乃至一句一偈讀誦三遍所獲
功德勝前布施所得功德若有誦持
此經典者所獲功德倍多於彼設復
有人修行布施持戒忍辱精進禪定
智慧六波羅蜜所得功德亦不能及
文殊師利如此經典名義廣大無與
等者汝諸菩薩摩訶薩應善修學受
持讀誦廣為衆生分別解說今時一
切大衆乃至十方諸來菩薩摩訶薩
等俱白佛言世尊如是如是如佛所
說我等受持說此法時三十恒河沙
諸菩薩等得无生法忍七十恒河沙
諸菩薩等於阿耨多羅三藐三菩提
得不退轉復有六十三億百千那由
他三千大千世界一切大衆聞佛所
說心生歡喜於八十劫度生死流復
於阿耨多羅三藐三菩提不退轉經

六十三劫已具足成就無上菩提彼
諸菩薩及一切大衆天龍夜叉乾闥
婆阿修羅迦樓羅緊那羅摩睺羅伽
人非人等聞佛所說皆大歡喜作禮
奉行

大乘方廣持經

癸卯歲高麗國大藏都監奉
勅彫造

佛說文殊師利現寶藏經卷上

六

西晉月氏三藏竺法護譯

聞如是一時佛遊舍衛祇樹給孤獨
精舍與大比丘衆俱比丘千二百五
十菩薩万人尔時佛於迦利羅講堂
上坐與無央數百千之衆周匝圍繞
而為說經於是文殊師利與五百菩
薩及諸天釋梵四天王眷屬俱詣佛
所稽首佛足繞佛三匝却坐一面文
殊師利白佛言向者世尊為說何法
願天中天尊蒙所講賢者須菩提承
佛威神白文殊師利向者世尊說第
子事願今上人說菩薩行文殊師利
答須菩提一切弟子緣覺所行非菩
薩器焉用問為曰願解說審是器者
當聽受之文殊師利答曰尊者須菩
提為知何者是器云何非器須菩提
曰其諸弟子每以聲音而得解脫我
等豈知是器非器今請問之願樂欲聞
文殊師利答曰唯須菩提其有出於
冥者皆非佛法器假使於冥為現照
明亦不墮冥救護衆生不與冥合

一切所有造佛法器又須菩提得限而學學法已成視一切人見不與取其意恐懼心猒穢之畏諸三界不以喜樂則為非是諸佛法器設御當來未行數千劫周旋三界而無恐畏於三垢而无心欲樂於生死僻如遊觀園囿講堂歡悅一切所有往來無有六事是謂為佛法器又須菩提菩薩現在愛欲而无欲樂示現瞋怒而無恚害示現愚癡而无闇冥示現痴癡剛強屠戮而無塵垢現在三界諸无御者為之正導於憤亂中順而不荒於貢高者謙卑為礼為諸群生除其重擔教授一切令三寶不絕得三達智而普示現此謂為是諸佛法器於是須菩提問文殊師利諸法等耳俱共同舉本際一也是器非器何得知乎文殊師利答曰譬如陶家泥土一等作種種器皆共一處合而燒之或受醍醐或受麻油或受甘露蜜或受於不淨其泥一等無若干也如是須菩提諸法同等俱共一也其本際一從緣起行則有差特彼醍醐油器喻弟

子緣覺甘露蜜器謂諸菩薩不淨器者方如下賤凡夫之士也又問文殊師利可令諸有器為非器不答曰可使非器耳須菩提曰以何因緣答曰唯須菩提其受一切欲塵之器住在有中若復有能斷諸欲塵是悉非為佛法之器又問文殊師利器者有何高下答曰唯須菩提器者无高無下又問云何文殊師利器无高下答曰實無高无下用法所住無高下故則為牢堅之器假使有高下行則知是為破壞之器唯須菩提譬如虛空非是一切藥草樹木万物之器如是須菩提菩薩為一切佛法器亦无有餘器譬如地上生樹虛空能受令長大器如是須菩提菩薩發清淨等意承智慧度无極而得長育又問文殊師利云何菩薩而得長育答曰譬如虛空之所長育菩薩亦然虛空及菩薩終無增益亦无損耗又問文殊師利是語何謂答曰不增塵垢不損佛法又問文殊師利塵與佛法有何異乎答曰譬如近須弥山者光明同照令現一貌

皆為金色菩薩如是以智慧光明消諸塵垢使同其貌為佛法色唯須菩提是故諸塵皆是佛法智慧明者當作是觀等無有異一切諸法是謂佛法又問曷云一切諸法皆為佛法答曰所作如諸佛所為又問云何文殊如不增不減是謂為如又問文殊師利何謂為本云何為末答曰本者空末者寂是謂本末又問文殊師利空之與寂有何異乎答曰譬如金之與寶寧有異无須菩提曰其物一等但名異耳答曰如是空以寂寞但名異耳智者不著於字數也又問文殊師利何謂癡相云何點相答曰如佛所教因緣為癡相法義為點相又問文殊師利何所為因緣相答曰十二因緣相則須菩提為因緣相也彼若有念造便有想知假使無念造无想則不現知彼癡者有念起是等即有言說知點者無念造则无言說知彼若無所住便普遍至是賢聖行於行有行无行者非是賢聖行須菩提又問

文殊師利何謂為賢聖答曰賢聖者
謂御空而無跡又問文殊師利一切
法寧復是无垢空等御不答曰然須
菩提又問何緣尔乎文殊師利曰辟
如衆水歸于大海合為一味如是須
菩提無垢空等以御諸法皆作一味
用脫衆生又問文殊師利何說解脫
曰云何須菩提何緣有尋曰用无智
故而有尋答曰如是須菩提用度無
智故說解脫又問文殊師利一切諸
法而无有異何從得是有智無智之
說答曰譬如夏月熱時說水冬日寒
冷亦復說水其水無異如是須菩提
用想不清白而有塵垢以有塵垢便
有无智說作淨想者便無有者以故
有智說彼諸正士而无中間有智無
智之說須菩提又問文殊師利其義
遠行答曰用有二行故須菩提曰文
殊師利義者難見答曰為離智慧眼
須菩提曰義者難受持文殊師利答
曰不可得取須菩提曰其義難知答
曰用不解故須菩提曰義者難了答
曰已離諸覺意故須菩提曰義者難

說答曰為空等故須菩提曰義者无
思答曰用無想行須菩提曰義者无
念答曰是故無言說須菩提曰義者
无賢聖答曰是故離想願須菩提曰
點者現智義答曰是故不自見須菩
提又問文殊師利若如來曰求利義
而不得義不求利義而得義為誰說
是章句文殊師利答曰唯須菩提其
利義無有得彼若有求欲得義於義
則无利義其義者為寂義彼若身意
念欲求得利義是為於義不得利
義如佛言曰不求義而得義求義
者反不得義須菩提又問文殊師利
奚為佛言一切法悉非法文殊師利
答曰唯然須菩提世尊說譬喻經言
當除斷所欲法况於非法耶假使斷
者其法即為不非法之謂也須菩提
又問云何文殊師利佛法寧復是非
法耶答曰不也佛法者無興盛其不
興盛是謂為法如佛言曰一切諸法
皆為非法須菩提曰未曾有也甚難
及文殊師利新學菩薩聞是說而不
恐畏文殊師利曰唯須菩提有四事

師子之子聞師子吼而不怖懼衣毛
不豎何等為四一者其種姓真二者
為師子所生三者蒙尊者所有四者
不著諸有是為四如是行者為如來
種誠諦菩薩也如來所生為法所進
過於弟子緣覺之上則非其類彼聞
說一切法終不恐懼在所講說一切
所語而無畏懷衣毛不豎心不懈怠
亦無疑怯又須菩提鳥子飛行在於
虛空寧有恐耶答曰无也文殊師利
曰如是須菩提菩薩住於空界彼聞
諸法而不恐懼於一切法亦無畏懷
无所疑難用了諸法故聞諸所說不
恐不懷而無畏怖文殊師利謂須菩
提從何致畏答曰用貪見身故而有
恐畏文殊師利曰菩薩以知貪身於
一切法所說不畏亦无怖懷須菩提
問文殊師利假使菩薩了寂不貪身
去何得道文殊師利答曰唯須菩提
菩薩不見得道知貪身設使菩薩見
得道知貪身者是故不得道須菩提
曰唯文殊師利菩薩為行大善權用
菩薩見貪身不得道文殊師利曰唯

須菩提菩薩蒙智慧善權為是菩薩
聖性以故菩薩知貪身不得道譬如
取大利斧斷截大樹段段解之還著
故處續復如故終不蹕地如是菩薩
有智慧善權為聖性以故菩薩知貪
身不得道或時天大雨樹生茂盛故
有莖節枝葉華實有益一切如是菩
薩行大悲慈知貪身者現生三界種
種形類隨其色貌以益衆生又須菩
提或作暴雨疾風吹墮其樹菩薩以
大智慧放柔軟大雨在佛樹下便復
現墮

今時世尊讚文殊師利曰善哉善哉
文殊師利快說諸菩薩智慧善權而
為聖性乃如是乎為說大慈大悲法
行今文殊師利且復聽我所言譬如
有國既強且大雲霧四起放大熱石
欲焚其國所有草木皆當被燒復雨
洪水沛如車軸令諸草木普得生長
如是文殊師利菩薩雨於智慧善權
方便示現入一切愚癡凡夫之士教
授諸實現賢聖行為生死奉律人示
義令悅辭如有香樹其根香莖香枝

香葉香華香實香各各別異如是菩薩以智慧事自然之性隨一切人之所欲從其本行而為說法各令歡喜其心開解不捨大悲之本譬如大摩尼珍寶名曰釋迦惟羅迦天帝釋者此寶時照其被服姝女舍宅講堂宮殿一切皆見清淨光明大明月寶亦无念也如是菩薩明慧之果清淨解脫如明月寶普現諸義永无想念佛言文殊師利譬如有大明月寶名曰施一切願隨眾所欲皆令具足而得所饒施諸願寶亦無念也如是菩薩清淨如寶具足眾生諸所欲願其菩薩者亦无想念譬如虛空之中有大火起復放大雨其於虛空不寒不熱如是菩薩處三界火中若在寂寞无為之界無寒无熱譬如彼虛空中令生毒樹復生藥樹其毒樹者不害虛空其藥樹香無所除淨如是菩薩以善權方便入諸毒樹令得成就以藥樹莖節護諸根本眾垢塵勞不著菩薩除淨諸根亦无所淨俱入二事無所沾汙辭如穿漏之器但補一處令

不得漏捨餘不補而皆穿漏如是菩薩所住常定具大神通無有異漏有所住者便現別異之漏示現出生隨一切本而為說法譬如騏驎高足強而有勢守護馬畜不貪衛已如是菩薩立大慈悲強而有勢超越諸力救護衆人不自念身譬如猛師子者百獸之王无所懼也唯畏大火如是菩薩亦無所畏畏墮弟子緣覺之地譬如伊羅湯龍王雖為畜獸皆能示現清淨變化悉是帝釋本德所致如是菩薩假使墮於畜獸之中則能現說諸清淨法隨其本行而開導之譬如鑽木出火明珠放光其於二者俱有所益如是文殊師利其有初發意及坐佛樹下後當發意此二菩薩俱除一切衆垢之塵燒諸勤苦譬如諸樹種種各各有名其色不同枝葉各異華實不相類此諸樹者皆因四大而得滋茂如是菩薩奉若干行積衆德本皆用成道意悉勸助一切智而得成就譬如轉輪聖王在所至奏七寶四種兵皆悉從之如是菩薩得善權方便

智慧度無極无所不入一切諸道品之法皆悉隨從譬如鵝隨之鳥王假使墮於羅網之中續出哀音如是文殊師利設使菩薩而墮擲窟未了佛法不壞貪身不出三界續作師子覺吼說空無想不願之法講无造起滅之事譬如鵝隨鳥王在山頂住而不肯鳴得其輩類乃聞驚音如是文殊師利若有菩薩入諸弟子中不講不事講佛不可思議之音譬如隨藍之風不能持地固闍浮利及樹木講堂舍宅如是文殊師利一切弟子緣覺不能堪忍无思議佛法名字及佛神通清淨變化有信而無疑者非自功德所致皆佛威神而令得信譬如日之光明照淨不淨亦无喜悅亦無憎惡日月殿舍无冥沒時如是菩薩放智慧善摧光明與弟子緣覺諸凡夫士共周旋從事不用在弟子中而歡喜不以在凡夫之士而為愁悵亦不失菩薩摧慧之場也譬如忉利天上晝度樹初生葉時諸天見之皆悉歡

喜心念言晝度樹不久當有華實而得成就如是文殊師利假使菩薩一切所有施而不惜諸佛世尊歎是菩薩不久當得佛法華實施諸群生譬如其樹柔軟根株深固雖現曲板終不恐墮如是文殊師利若有菩薩恭敬礼事於一切人終不恐墮弟子緣覺之地譬如水墮地流菩薩如是无有憊慢從一切智稽首自歸譬如大海立於地中取為始成皆含受一切江河諸流如是菩薩用無慢故得立一切佛法之頂譬如大明月珠名曰照明諸所欲得皆從中出衆明月珠无與等者悉皆照諸明月珠寶其明不减如是菩薩教授諸弟子緣覺令得入律不墮彼行譬如蔓陀勒華柔軟妙好其香周匝聞四十里菩薩如是以聖賢智發大慈悲普遍衆生令得安隱譬如蔓陀勒華若有病者聞此華香其病即愈菩薩如是以大慈大悲香行遍至除解一切塵勞之病譬如無有佛時優曇鉢樹无華有實未有菩薩不出佛法之華譬如阿耨

達龍王假令雨時遍閭浮利如是菩薩若放法雨皆遍一切人民歸動辟如阿耨達大洲流出四江悉歸于海常而得滿如是菩薩流四恩行以具足滿大智慧海譬如來有大海時閭浮利入得自然小摩且珠如是文殊師利未發菩薩意時皆承用弟子緣覺法寶譬如其有色像者皆有四大菩薩如是諸所說法皆欲度脫一切令入法門故譬如樹木生於山澤之中无益衆人弟子如是畏生死難無益一切譬如大城中衆而生藥樹多所療治於一切人菩薩如是入大慈悲發一切智其以寶意多所饒益一切群生譬如天雨之水不能久在弟子如是教授說法而不久立譬如春月大流水無減盡時菩薩如是教授說法而得久立譬如冬坐山中樹若有斷截者應時疾生如是文殊師利佛之所現作如來雖般涅槃三寶之教猶不斷絕

於是賢者須菩提白佛言未曾有也世尊是諸菩薩名德之行巍巍无量

莫能稱焉向者如來講說誠諦功德
是亦難反假使菩薩聞如是德義而
不歡喜亦不愁悵是為甚善佛言菩
薩本清淨所致是故聞說一切德義
淨世尊曰無我之本无壽命本無貪
身本而无愚癡恩愛之本是我所非
我所本如是菩薩於此諸本而行清
淨須菩提又問世尊何謂為淨佛言
無取无捨是謂為淨不起不滅是謂
為淨無思无想無纖无繫是謂為淨
無高无下是謂為淨不作非不作不
冥亦不明無塵垢亦无諍乱不脫亦
不縛是謂為淨須菩提白佛言無生
死亦無涅槃彼何謂為淨佛告須菩
提如是為淨不念涅槃不遠生死介
乃為淨譬如虛空為淨无有淨虛空
者如是行者為清淨彼無有為作清
淨者若聞此不恐畏是謂為淨佛言
於須菩提意云何有淨法者耶須菩
提白佛言從本已淨佛言聞諸所說
不著言說是謂為淨著於无審者豈
可謂淨乎須菩提白佛言法界為自

然淨而有等知佛言云何須菩提可知法界耶須菩提言可知佛言假令法有知便生即為異法彼為求法界其法界亦不了知法佛言設使須菩提無有知餘法界解脫其知法界者不得解脫如是云何了知法界今時賢者須菩提默然不答

於是文殊師利謂須菩提云何賢者世尊有教默而不答須菩提曰所以默者用本不發無上正真道意故所以者何弟子之辯有限有尋菩薩辯才无限無尋文殊師利又問云何須菩提法界寧有限尋不乎答曰法界无限無尋文殊師利曰假使法界无限尋賢者曷為言默而尋須菩提答曰其欲知盡法界者便以言說而為望尋若有了知法界无量不可盡者聞其所言則不為尋又問於須菩提意云何至於法界為有盡不答曰不可盡法者普門以故法不可盡文殊師利曰設使法不可盡云何賢者說法而尋答曰我限弟子所講說法而有盡尋觀於佛界而無有量講說法

界而无盡時文殊師利又問云何須
菩提法寧復有境界說乎其有於法
作境界者說法則有分數答曰吾不
說法有境界法無境界文殊師利曰
曷為賢者說若干境界須菩提答曰
向者本說弟子之辯有限有尋菩薩
辯才無限无尋文殊師利曰云何賢
者得明慧耶須菩提答曰如是得明
慧文殊師利又問賢者云何言默而
尋答曰用弟子不能了知一切人根
故用言說而作尋耳菩薩辯慧曉衆
生本是故不以言說而為尋文殊
師利曰世尊辯才之慧无有往來其
智慧想寧有限乎答曰不也其智慧
者无罣尋相無所住相文殊師利曰
假使智慧无罣尋相無所住相何故
賢者而默作尋須菩提曰尊者舍利
弗佛所稱歎智慧為最當問此賢為
仁解說舍利弗謂須菩提欲聞我說
文殊師利所講法乎今欲宣之所以
者何吾曾聞智昔者文殊師利於无
央數百千佛前說法令諸大弟子默
而無言又憶往時吾與文殊師利共

出東遊諸佛國度無央數百千佛土
有世界名喜信淨其佛号光英如來
无所著等正覺今現在說法有大弟
子名曰聖智燈明智慧寂尊適見如
來閑居宴坐其聖智燈明弟子即踊
身往第七梵天其聲遍告三千大千
世界為一切說法吾與文殊師利俱
至彼國及諸無數百千菩薩十萬天
皆俱侍從文殊師利欲聞法故尔時
文殊師利便往光音天上聲揚大聲
其音普遍三千大千世界動魔宮殿
滅諸惡道令得悅信於是聖智燈明
大弟子聞彼洪音即大恐怖尋便蹠
地不能自制譬如隨藍大風起時有
所崩墮莫能自固聖智燈明於時恐
怖衣毛為豎得未曾有往詣光英如
來所白世尊言唯天中天誰為比丘
色像出大音聲我聞其音怖不自制
即便蹠地如隨藍風起靡不摧落其
佛告言有菩薩名文殊師利得不退
轉以神通聖樂明慧之力來至此國
欲見如來稽首作礼請問諸義向者
曜形於光音天舉大洪音普聞三千

大千世界震動魔宮除滅惡道皆令
喜悅其弟子白佛言願欲見文殊師
利唯天中天得觀正士如是之等則
為幸甚時光英佛即作感應請文殊
師利於是文殊師利與諸菩薩及諸
天從虛空中忽然來下往詣光英如
來佛所稽首佛足繞佛三匝各以神
力化作法座而坐尔時光英佛問文
殊師利仁者何興到此世界欲何觀
採文殊師利白佛欲見世尊稽首致
敬啓問法事故來至此又問文殊師
利云何觀如來而為淨見云何禮如
來云何問評如來云何講問云何聽
受如來所說文殊師利曰觀諸法寂
為清淨見如來為清淨觀亦无身無
意无心無礼无敬無平无暴無壞无
住不常得從空生無心行常寂寞如
是為觀如來而无我不作等色亦不
以等為等不以邪為邪而一平等諸
佛世尊法身俱為已身亦見入法身
所見亦無見无所見亦無遠无所近
如是為礼如來而作寂寞問無有想
念亦无見有法亦不見無寂寞法我

者已寂於一切法便默作平等問不
迷惑問其有欲問及問者彼無有二
求度无極所問淨三道場如是為問
評如來如無去問无沉浮所言柔順
可如來意悅諸衆會不著他心以是
所問令無數人立於道義不捨德鎧
至坐佛樹如是聽講為問如來於是
光英如來正覺讚文殊師利童子曰
善哉善哉仁者如是為見如來稽首
作礼講問法義於是文殊師利問聖
智燈明大弟子尊者云何見如來稽
首作礼云何問法義答曰唯文殊師
利我不及此亦非其類弟子以音而
得解脫不了是事又問云何賢者意
而證時言是信證而解脫耶答曰文
殊師利我應說耳未講深義又問何
謂講暢深義之平等乎答曰不御平
等不導深義又曰何說起滅空義无
深而得空義無平等想如是為一審
諦則是深入誠實之義曰新學菩薩
聞此言者得无恐懼文殊師利答曰
仁者今已恐懼况於新學聖智曰无
能恐我者答曰向者何為恐懼賢者

未厭解脫乎曰非不恐非無厭而得解脫也文殊師利曰用賢者本恐懼俱合以故說仁今已恐懼况新學耶問文殊師利曰菩薩何因而得解脫曰致無恐懼而不穢厭又問文殊師利此言何謂答曰不畏億百千魔及官屬為一切說法而無疲厭不畏積切累无量德殖無數慧所行不憊時彼會中有諸天各持種種奇異之華用散文殊師利上悉俱言曰文殊師利所止頃處則當等觀是則如來為正威神文殊師利所在擁護以一切德救濟衆人為講說法

於是文殊師利謂聖智燈明弟子世尊歎詠耆年智慧云何智慧有為無為乎假使有為則為起分設使無為彼亦造相答文殊師利曰諸聖賢所念但講無為又問無為寧有念說耶答曰无也文殊師利又問諸聖賢何為講說無為之行乎尔時聖智燈明弟子默然无以加報於是光英如來無所著等正覺告文殊師利為是衆會講說法門令諸天聞受其法衆菩

薩聞立不退轉速無上正真道文殊
師利曰其正法門者行寂寞於寂門
无言說以恬然為清淨時彼衆中有
菩薩号曰法意在於會坐問文殊師
利設使如來說婬怒癡事時豈是寂
寞法乎其恬然門寧為靜泊清淨法
耶文殊師利答曰仁意云何婬怒癡
焉在從何起乎曰從念起想而有又
問想念從何起答曰從習起又問習
者從何有答曰從我所非我所而有
又問是我所非我所從何起答曰從
貪身有又問貪身復從何起答曰用
住吾我故又問吾我從何起答曰文
殊師利吾我者不見所住亦無有處
亦非无處所以者何普至十方求於
吾我不可得也文殊師利曰如是族
姓子其有詣十方欲索法處亦不可
得亦不可見所以者何彼法寧有門
不答曰有無門之門文殊師利曰我
以是故言諸法門悉寂寞一切所說
而淡泊門靜然而致清淨說是語時
八千菩薩得不起法忍今時文殊師
利廣為衆會說法便從坐起而去用

是故須菩提當了知此无有弟子及菩薩者吾等莫能當其辯才豈敢堪任與文殊師利講法談乎

尔時賢者須菩提問舍利弗仁者復見文殊師利有何異神通變化往來遊諸佛土舍利弗答須菩提曰我憶念昔者曾與文殊師利共遊諸國有佛土火起而燒刹便有自然蓮華遍布具足文殊師利蹈上而行或有滿火其火柔軟譬如細靡之衣好食美味香如栴檀塗身及衣卧具從其佛國於虛空中自然化作梵之宮殿立之嚴飾時諸菩薩入坐其中定意正受或有佛國而現興盛發一切信得致佛道行無蔽匿之慈普救衆生何謂為佛道行无蔽匿之慈以一切人有婬怒癡塵勞之火若得無上正真道取正覺者三垢以斷為衆說法以慈哀心定意正受是謂佛道行無蔽匿慈唯須菩提吾時獨處心自念言我為住是三千大千世界以神足力與文殊師利等矣於是文殊師利知吾所念來謂我言當用賢者舍利弗

神足共過此世界吾盡現神力超度
大火晝夜精進行積七日與文殊師
利越彼佛國然後到第二三千大千
世界其剎亦燒火炎甚廣周遍佛土
文殊師利便住於彼謂我言唯舍利
弗當承誰神足度彼世界吾答當以
仁者文殊師利神足度是佛土於是
文殊師利發意之頃令其世界滿布
蓮華便即度去謂我言唯舍利弗神
力孰踰吾答曰雀以蠹虫比金翅鳥
鳳凰王至於二者不可相方金翅鳥
王一舉無數我身譬如蠹虫雀耳神
力相超其猶如是文殊師利謂我言
曷云仁者舍利弗獨處心念文殊師
利神足及我神足等焉文殊師利曰
效之於今何者為智吾答曰弟子止
處其限未斷无所比自見止處限斷
而遂平等文殊師利讚曰善哉善哉
唯舍利弗如若所言昔者住世有兩
仙人止頻海邊一人名曰好妙法一
人名曰施信安其好妙法得仙五通
以用自娛施信安以言說神呪飛行
虛空時兩仙人俱從海邊欲共飛度

巨海周旋彼岸彼施信安心念言其
好妙法神足與我等矣然後復共飛
度大海到女鬼界尔時羅刹鼓人妓
樂施信安仙人聞其樂音及見女鬼
即便恐怖從虛空墮地不能復識海
邊居處於是好妙法時慰傷之右手
舉之還故所止文殊師利謂舍利弗
尔時好妙法仙人者則吾身是施信
安仙人者舍利弗是也彼時耆年誠
非其類自謂為等今亦如之舍利弗
謂須菩提我復憶念曾與文殊師利
南遊諸佛國越無央數百千佛土有
世界名諸好莊飾佛号德寶尊如來
詣彼佛土欲見世尊稽首作礼文殊
師利謂我言唯舍利弗寧見此諸所
共度佛國不乎我荅曰已見矣文殊
師利問吾舍利弗如何見此諸佛土
我荅曰或見滿火者或不具足者或
自然如虛空者或以神足而立又問
我言唯舍利弗當何以觀是佛國吾
荅曰其滿火者當觀滿火其不具足
者視之為不具足其如虛空者當觀
如虛空其以神足立者當瞻以神足

立文殊師利曰如舍利弗境界所講
說亦然我即問文殊師利仁者如何
觀諸佛國文殊師利曰唯舍利弗一
切佛界皆為虛空之土所以者何悉
如幻化所現滿火而不具足如虛空
自然以神足立耳曷玄來起此之因
緣起分之行虛空無緣常自然住如
是諸塵勞汙著意心不立淨譬如恒
沙佛國悉皆被火不燒虛空如是舍
利佛一人犯恒沙諸不善本積衆
殃惡其意終已不立清淨若男子
人能入淨法界者无有所住及諸覆
蓋亦不作想無能令其意有所受住
是謂无所受住法門以一門了御諸
法皆受諸法不生衆蓋而蔽法意亦
無善惡如是仁者須菩提文殊師利
神足變化所在說法吾目所觀矣
時賢者阿難謂舍利弗唯仁者我亦
更見文殊師利於祇樹園所現變化
吾憶念昔佛遊舍衛給飯孤獨精舍
與大比丘衆千二百五十菩薩万二
千俱時大淋雨雲霧黯黯至于七日
七夜其有比丘立得大神通普行一心

解脫之門定意正受雖不得食以三
昧三摩越而以自立其未定意及正
受者晝夜五日斷不得供身體羸劣
而無氣力不任見佛吾心念言是諸
比丘或不存命我時詣佛所而白言
諸比丘衆斷不得食餓來五日羸頓
虛劣不能自起佛告我言阿難汝往
語文殊師利為說是事用比丘僧故
我時受教往詣文殊師利之室時文
殊師利為釋梵四天王說法吾將是
事告文殊師利佛遣我來令仁立檀
文殊師利謂我言阿難並設座具時
至搥捷搥我即受其教出敷牀座訖
還至其室欲知文殊師利出精舍不
文殊師利故在室住更作化為釋梵
四天王說法有三昧名行入諸身定
意正受出其精舍入舍衛城分衛時
魔波旬即心念言今文殊師利為師
子吼入城分衛我寧可亂文殊師利
所立功德魔即化令舍衛城中長者
衆人无迎逆文殊師利者亦不與分
衛於是文殊師利所之家居皆見門
閑無出迎者時文殊師利即知魔嬈

固化梵志諸長者即作誠信之願假我一一之毛所有功德智慧所現具足恒沙世界滿其中魔不及吾身一毛之德審諦如是而不虛者魔之所化即當消滅使魔自往告諸街里及四衢道令長者梵志施文殊師利分衛之具惠此人者其福最大若有供養三千大千世界諸有著人百千歲不如施文殊師利福第一多文殊師利適發是願尋如所念一切門戶皆為之開人悉自往迎文殊師利獎魔入諸街里家家唱令及四衢道使諸凡民長者梵志施與文殊師利供具者其福最大若供三千大千世界諸著之人百千歲中施以諸安隨其所欲不及善與文殊師利分衛其福德最厚於是文殊師利化所得食盈滿應器種種甘美其味各異味殊別不相錯入過踰足請千二百五十比丘二千菩薩鉢中所變其如是也尔時文殊師利分衛周已出舍衛大城魔即侍隨是時文殊師利於中道住持鉢著地謂魔波旬汝且舉鉢在於前

行於是波旬從地舉鉢而不能稱白
文殊師利我實不能舉搖此鉢文殊
師利告波旬曰卿有力勢神通无極
以八神足擎舉此鉢於是波旬盡現
神力了不能稱變化舉鉢不能令鉢
離地如髮彼時波旬得未曾有謂文
殊師利有山名曰伊沙陁發意之頃
我能以掌跳置虛空今此小鉢而不
能稱文殊師利謂魔波旬所以不能
舉稱鉢者卿每自以比諸菩薩大人
力著此鉢故不能舉文殊師利於是
從地舉鉢授魔曰波旬汝執此鉢且
於前行尔時波旬甚自歡苦舉鉢纔
勝魔為自在諸天中尊與万二千天
俱眷屬圍繞在前持鉢稽首文殊師
利足諸天謂魔波旬仁者曷為持鉢
在文殊師利前譬如侍者波旬答諸
天曰不當與强者共爭又問波旬仁
者亦有大神通無極之力何故不堪
於是波旬承文殊師利聖旨雖為尊
天由无所堪波旬答諸天曰魔力者
為癡菩薩力者為智慧魔力者受諸
見而住立菩薩力者曉解大空魔力

者欺詐菩薩力者誠實魔力者是我
所非我所菩薩力者大慈大悲魔力
者姪怒癡門菩薩力者三脫門魔力
者終始往來生死菩薩力者不生不
滅不起法忍天魔波旬說是語時諸
天衆中五百天發無上正真道意三
百菩薩得不起法忍余時文殊師利
及魔波旬持鉢置講堂上賢者阿難
亦不察之飯時已到亦不見文殊師
利從室出時心念言文殊師利得无
欺諸比丘僧我宜乎往白世尊言時
今已到文殊師利不出其室阿難即
往白佛不見文殊師利出其室時佛
告阿難汝寧察講堂上不平阿難白
佛唯然世尊已見滿鉢之食在講堂
上佛告阿難汝過捷搥聚比丘衆我
白佛言唯然世尊大比丘衆其數甚
多一鉢飯食何所足乎佛言阿難且
止默然而行假使滿三千大千世界
中人百千歲共食此飯終不耗減所
以者何文殊師利聖智神化令此鉢
食无有盡時文殊師利智慧具足神
通所立興造布施以度無極阿難受

教即搗捷捷會衆比丘一鉢飯出種種滋味銷餚甚美甘醲無量譬如衆器各盛殊異若干之味皆以供養諸比丘衆及諸菩薩悉得充滿其鉢之饌如故不盡

文殊師利現寶藏經卷上

癸卯歲高麗國大藏都監奉
勅彫造

佛說文殊師利現寶藏經卷下

方

西晉月氏三藏竺法護譯

於是天魔波旬念欲燒固文殊師利所饌供饌化作四万比丘著弊壞裂衣垢穢臭處持破鉢住習背志露面貌醜惡跛蹇禿僂心懷遑遽而坐衆中亦復持鉢受種種供其鉢飯食亦不減盡波旬所化比丘而極大食鉢無缺減文殊師利現威神之變令諸化比丘鉢食常滿搏食在口噎不得咽手食向口手齊口止而皆蹉地不能自安於是文殊師利問魔波旬此諸比丘何故不食波旬答曰今諸比丘將欲死矣得无以雜毒食與之手文殊師利曰無毒之人豈復行毒耶身无垢穢寧以垢毒用與人耶有姪怒癡是則為毒於菩薩懷來法品律儀者無此衆毒所謂之毒用者无點恩愛之著是我所非我所見因緣罪福名色所行不等而造所緣有我見人諸盖受住貪身著念有諸種受諸人住在三界有取有受有率有暴有往

有來貪身為尋有壽命近者想念清
淨瞋恚蔽立不了十二因緣之本諍
訟諸見無斷自見有念有知輕慢有
淨想不淨想分數衆事謂足觀有無
及諸業諸恩愛是我所无所行畏於
空謂有二欲度二想於無想有墮想
无有願起無想无有得作有想於無
行行起種說想起二欲作度想於菩
薩法品為非法想為邪見行有正法
觀想於惡知識為善友想乱佛行誹
謗正法自貢高無所救護聞訟罵
詈至誠為妄語想想虛欺為誠諦想起
諸婬欲為住想於諸有為安隱想於
生死為教授起見想懷泥洹之所現
文殊師利曰波旬如是像法行為是
毒於佛法教而无有也甘露教為佛
教一安隱教為佛教二無放逸教為
佛教三无惡恨教為佛教四無受住
教為佛教五正法藏教為佛教六无
諍訟教為佛教七無所起教為佛教
八彼我无執教為佛教九不誹謗教
為佛教十救念擁護教為佛教一寂
寞恬然无所生教為佛教二以淨復

淨澹泊无所然教為佛教三以正懷
來平等明教為佛教四無怒善立教
為佛教五尊復尊積諸善本教為佛
教六已脫復脫教為佛教七化諸異道
教為佛教八一切衆欲慧者无有也此
教者則為佛教九無終始死生教為
佛教二十定意教為佛教本一法二意
止教為佛教三平等斷教為佛教四
一切諸惡无所造神足教為佛教五
身意寂無有二根教為佛教六為衆
信寂力教為佛教七一切塵勞无現
不現覺意教為佛教八普了覺體解
道教為佛教九所行無衍寂寞教為
佛教三十恬然无爭教為佛教一來
諸解脫審諦教為佛教二無怒辯慧
教為佛教三法義无分離非常苦空
愁悵教為佛教四有讚歎罵詈者而
無我教為佛教五降伏諸道令得靜
然教為佛教六至无為心度無極教
為佛教七度彼諸岸發善權教為佛
教八以慈悲護群生教為佛教九无
害意愍哀之教為佛教四十脫諸所
有被德鎧教為佛教一无所樂无所

造無所語敏教為佛教二所作已辦
興智慧教為佛教三無貢高諸念不
斷三寶教為佛教四發菩薩意安一切
令清淨教為佛教五用不起諸有故
說是語時其諸天子從魔波旬來者
五百天子發無上正真道意俱而說
曰唯世尊我等亦當如是奉佛法教
佛時便笑賢者阿難問佛言何因緣
笑既笑當有意佛告阿難汝為見此
諸化比丘不平阿難答佛已見佛言
後五濁弊惡世臨法欲盡時當有是
輩比丘不知厭足所行不善衣服不
能自正其性率暴而不安祥所以者
何如是阿難彼時比丘食飲無恭敬
作種種誹謗欲得奉事捨律犯禁沙
門以袈裟掛掖現在不敬諸尊長比
丘所從往來所為迷亂為人多病便
作沙門求安名聞但索恭敬不念志
法彼時之世於我法中當有此輩無
所見人行不清淨諸天皆當愁憂弊
魔悉當歡喜阿難問佛魔何故喜佛
言是諸正士自起魔事非魔波旬所
燒得便也所以者何弊魔不求懈怠

者便其有比丘精進修行如救頭然
波旬求此精勤者便以故阿難當勤
力精進莫有懈怠當得未得當成未
成當得明諦除諸不審降魔官屬興
如來教奉受正法供養經義是我所
教也說是語時五千比丘皆放身命
而般涅槃我等不欲見法亂壞時坐
於虛空身中放火還自間維數千天
子共供養其骨二百比丘速塵離垢
諸法眼生二百比丘得無起餘漏
盡意解三万二千諸天得柔順法忍
釋梵四天王及諸眷屬皆叉手往白
佛言唯世尊願佛久住而廣教授莫
令我等見法亂壞滅盡時若有逮聞
說是經法者終不懈怠亦無眾垢不
著諸受意行无所住亦不起諸魔事
亦無有我无所求如賢者舍利弗文
殊師利童子所現神通變化講說經
法其乃如是我今時自所覩見也

今時賢者大迦葉謂舍利弗言我亦
見文殊師利神通變化仁者且聽佛得
正覺未久我初下鬚髮時文殊師利
來詣此世界從寶英如來佛國而來

欲見世尊稽首作禮時佛在舍衛祇樹之園給飯孤獨精舍文殊師利盡夏三月初不現佛邊亦不見在衆僧亦不見在請會亦不在說戒中於是文殊師利竟夏三月已說戒尚新時來在衆中現我即問文殊師利仁者三月為所在耶周旋所奏乎文殊師利曰唯迦葉吾在此舍衛城於和悅王宮采女中及諸姪女小兒之中三月我心念言何緣如此等人與吾清淨衆僧共為鵬佛吾即從講堂而出搥捷提欲逐出文殊師利時佛告文殊師利仁寧見摩訶迦葉搥捷提不乎文殊師利白佛已見世尊欲逐出我故耳佛言文殊師利仁自現境界神通變化無令迦葉起亂意向仁於是文殊師利有三昧名曰現一切佛及國土應時以是定意正受文殊師利適三昧已尋見十方恒沙世界各各悉有摩訶迦葉年老手執捷提而搥之欲逐出文殊師利佛告迦葉汝何緣搥捷提乎迦葉白佛言唯世尊文殊師利盡夏三月而靜不現潛去

止宿藏匿之室故搥捷提欲逐出之時佛從身皆放大光通照十方謂我言迦葉汝且觀十方應時視十方无央數不可計世界自現其身年老往十方佛邊而搥捷提欲逐出文殊師利復覩諸佛邊各有文殊師利住佛告我言大迦葉汝欲逐出何文殊師利欲出十方无央數不可計佛邊文殊師利耶欲逐此文殊師利乎我即慚愧便欲持捷提置地而不能也盡現神力捷提不肯墮地正住不動如此祇樹十方佛國亦然无異審諦自在世尊告我言自歸文殊師利乃得脫耳我即還礼文殊師利捷提乃墮地便前稽首佛足白佛言願世尊救我所犯殃咎唯天中天吾已見文殊師利所現假使我欲講說文殊師利智慧具足无有盡時菩薩境界之行而無限量我以无智故搥捷提佛告我言如卿屬者所見十方佛國中文殊師利在於佛邊者文殊師利普於諸佛國三月不現教授衆人佛言迦葉文殊師利於此舍衛城中開解五百女

人教化和悅王宮中采女令得不退轉於无上正真道使五百童子及五百童女立不退轉當逮無上正真道令無數人得聲聞及生天上者我即問佛言文殊師利為說何法所度人民乃如是佛告我言汝自問文殊師利為說何法能度尔所人我即問文殊師利文殊師利答我言唯迦葉隨一切人本而為說法令得入律又以戲樂而教授衆人或以共行或以遊觀供養或以錢財交通或入貧窮慳貪中而誘立之或現大清淨行或以神通現變化或以釋梵色像或以四天王色像或以轉輪聖王色像或現如世尊色像或以恐懼色像或以嚴獷或以柔軟或以虛或以實或以諸天色像所以者何人之本行若干不同亦為說若干種法而得入道唯迦葉如是之比說五種法而得入審諦律我問言仁者為度幾何人答我言如法界吾又問法界為幾何乎答曰如虛空界諸法及虛空界人種亦如是也此人種法界虛空界而無有二亦無二造我

又問文殊師利我雖見有佛將為得
无所益乎亦不能有所教授度脫人
也佛法為空無人何者有教度脫乎
文殊師利曰唯迦葉譬如有人得熱
病其人作種種調言嚩語或有人見
謂言此人得鬼神病便有良醫來飲
病人湯藥其疾即愈不復調言嚩語
於迦葉意云何寧有鬼神及天從其
人身中出不乎答曰不也以飲湯藥
故其病得愈文殊師利曰如是迦葉
其醫於彼而多有所益耶答曰唯然
文殊師利曰如是迦葉世間人意欺
詐者則為熱病起貪著心无有我謂
有我想流墮生死是故諸佛世尊有
大慈悲具足之行現出世間為斷二
事及諸想行以善摧法令入法門為
除我想无他想又斷欺詐為衆人說
法為除一切想令不復樂入吾我及
他人想得度無極而致无為於迦葉
意云何彼寧有吾我人壽命般涅槃
者不乎答曰无也文殊師利曰唯迦
葉當知是義所以有佛者何其覺常
現正義不以起故亦不用律故欲覺

度者無審塵勞者也迦葉曰甚難及
菩薩勤行如此擁護衆生救濟一切不
捨德鎧亦无所著亦不諍乱清淨自
然度於無為用群萌故而被德鎧文
殊師利曰唯然迦葉以故菩薩被大德
鎧迦葉又曰願文殊師利說諸菩薩
德鎧文殊師利曰菩薩有三十二德
鎧行菩薩被是德鎧往來周旋何等
為三十二

文殊師利言唯迦葉一者菩薩入无
量生死德鎧擁護終始所為自然相
二者度無數人德鎧无有吾我想三
者供養無量佛德鎧皆為法身相四
者諸逆德鎧如呼聲之響相五者護
一切諸佛德鎧法界平等相六者降
一切魔德鎧於諸塵勞為清淨相七
者以正法化諸異道德鎧若有若无
了入十二緣無根本相八者一切所
有施而不惜德鎧願入一切勾跡共
相習樂相九者為一切衆生積累戒
忍功德德鎧而無所造相十者普加
有所至德鎧為无所到相十一者大
精進力德鎧身意空寂相十二者一

切而為一心法身定意正受德鎧除一切諸者相十三者無所罣碍智慧度无極德鎧諸無罣碍所有恩愛為清淨相十四者大善權方便德鎧普現一切行相十五者大慈德鎧无所傷害相十六者行大悲德鎧視五道得如處空相十七者大喜悅德鎧无有厭足相十八者大護德鎧於苦樂不動轉相十九者具足諸願德鎧觀脫如掌無所疑相二十者不思一切蓋德鎧諸冥无有跡相二十一者四大五陰所起德鎧如幻法化現好妙相二十二者四種如供視毒蛇德鎧法界為平等相二十三諸入如空聚德鎧諸身無復罣碍相二十四者三界所有德鎧不起有念相二十五者審諦受諸有德鎧无所起相二十六者大勇猛德鎧為不退轉相二十七者大通達德鎧隨一切人行而施藥相二十八者大導師德鎧示現三道相二十九者不斷三寶教德鎧皆現諸佛慧化普示義相三十者一切諸法無所受无所生德鎧得不起法忍

相三十一者得住無動轉地德鎧
降伏過弟子緣覺相三十二者莊嚴
道場德鎧為一心行平等智慧於一
切諸法如審正覺相唯迦葉是為菩
薩行三十二大德鎧若有信受是三
十二德鎧者可使四大有異其菩薩
終不可動轉於無上正真道迦葉
問文殊師利諸弟子於是德鎧而元
有一文殊師利曰以是故唯迦葉諸
弟子不得被大德鎧於迦葉意云何
其勇猛大力之人所被鎧下劣不肖
之子亦被是鎧耶迦葉曰不也文殊
師利曰唯迦葉菩薩所被大德之鎧
一切弟子緣覺不能得被彼德鎧也
說是諸菩薩德鎧時三万二千諸天
人皆發无上正真道意迦葉謂舍利
弗唯賢者文殊師利童子神通變化
說法所現乃如是矣我目所觀也

余時賢者外稱文陀居弗謂舍利弗
唯仁者我亦見文殊師利所現變化
憶念昔者佛遊維耶離時與六万比
丘衆圍繞供養於佛是時我定意正
受觀諸異道見無數百千人當得度

脫者我便詣諸異道所而說法聞吾所講而不受行不念著意誹謗形笑罵詈言恚怒在彼三月不能教授開解一人也厭而捨退時文殊師利化作五百異道人自以為師與五百眷屬俱詣薩埵尸提弗所前稽首札而立一面白言我聞大師功名遠稱吾故從他方大國來詣維耶離今者大師是我世尊當為和上願見勅教當頂受其命觀如瞿曇吾未曾聞大沙門說柔順妙法彼時審裸形子曰善哉善哉仁者不久即當了我法律之行所以者何用至心故於是審裸形子自告其衆汝等當與此五百學志俱悅和合通同為行轉相受法化等共學經義假使此五百人有所說卿等便當諦受善思念之今時文殊師利與五百學志等輩聚會稍現其行審諦功德戒遂踰於本而普自現於其中間讚說三寶亦復歎詠審裸形子正德之行捨是因緣所講便默而止時外道人異日更會文殊師利言如我等仁者經書所說諷誦講義以

是觀之沙門瞿曇有審諦德所以者
何生大豪家種姓具足父母苗裔清
淨帝王轉輪聖種一相有百福功德
我聞初始生時釋梵奉敬皆動天地
三千世界而无受取墮地而行至于
七步舉手而言我為天上天下最尊
當為衆庶斷生老病死龍王吐水釋
梵共浴諸天人民弦鼓伎樂放大光
明休息衆惡道一切諸根皆而具足
及於其本不具足者皆令群生去塵
勞恚恚使安隱相師梵志豫說瑞應
若在家者作轉輪聖王假使出家便
當得佛則為法王而轉法輪然後棄
國捐王在佛樹下降伏億百千魔及
官屬致得正覺便轉法輪无能當者
為諸沙門梵志天龍鬼神梵天及世
間人民說經講義上中亦善其竟亦
善所謂上亦善者身行善口言善心
念善中亦善者其意甚諦戒禁具足
超踰衆智竟亦善者以得脫空無想
无願之法門又上亦善者信寂無放
逸中亦善者意得定而等一竟亦善
者以見正智而了慧又上亦善者於

佛得無壞信中亦善者於法得无乱
淨竟亦善者於衆僧得无敗信又上
亦善者不從他音聲中亦善者而念
寂靜竟亦善者為聖賢平等見又上
亦善者為斷苦除集中亦善者奉行
八道竟亦善者而盡滅取證是為諸
弟子上亦善中亦善竟亦善也文殊
師利曰諸菩薩上亦善者為遵大道
意中亦善者不樂小道意竟亦善者
勸助一切智又上亦善者於諸衆生而
發等意之慈中亦善者用一切人故
不厭大悲竟亦善者喜悅護等意之
行又上亦善者為攝諸犯戒令諸貢
高無行之人進奉正義其乱性者令
得平等行為除邪惡之智中亦善者謂
施戒忍精進一心智慧竟亦善者以
承六度无極勸一切智又上亦善者
行四恩教攝於衆人中亦善者不惜
身命而救護法竟亦善者不墮諸冥
滅盡又上亦善者持心如地奉菩薩
行而无合會中亦善者於慧則不動
搖立不退轉竟亦善者心無所著得
一生補處是為諸菩薩上亦善中亦

善竟亦善也

現寶藏經卷下

第十六

方

於是文殊師利為諸異道而應說法
令五百人遠塵離垢諸法眼生八
千人發無上正真道意念時五百化
人便於地五心自歸舉聲言南无佛
歸命覺諸異道人亦復效諸化人於
地五心自歸言南无佛歸命覺天帝
釋尋時兩心華曰汝等持此華供養
世尊於是文殊師利與大眾俱眷屬
圍繞往詣迦梨羅講堂上到佛所稽
首佛足却住一面諸外異道及眾弟
子以此眾華用上正覺繞佛三匝却
住一面五百化人承文殊師利之德
前白佛言唯世尊我等不敬見佛如
來者法身我等不欲聞法法者不可
得我等亦不用眾僧功德世尊賢聖
之眾无合會行我亦不用佛功德其
法界者無有德衍我等不用世尊妙
御一切諸法永寂无御我等不用如
來土地之義其解脫者已離華業實
我等不欲知苦義其願无二我等不
欲斷習一切諸法真無有習我不欲行
道其道以離行非行我等不用盡證

諸法皆為未寂亦不用止意一切諸法住無所住不用平等斷德非德為非常生死而致衆行我等亦不用神足无猶豫行亦無狐疑无性来起生我等不用諸根信得諸根為失義我等不用力一切諸有万物無力悉羸劣我等亦不用覺意諸有永空无所覺我等亦不用道無數无世亦無求非利我等亦不用寂滅亦不澹泊我等亦不有度世智慧之見我等亦不求識義如是為常有解脫義法界而无縛我等亦不用沙門義寂志者以起諸六所寻我等亦不斷梵志色像如是為梵志亦不斷誹謗我等亦不用比丘其自然者無所壞我等亦不用諸度無極如是六入為滅盡我等不用止足何為行无止足吾亦無所欲我亦无所厭足如也於法無所受於言亦无言如也無有身无意無說我等亦非无住如是三界皆平等吾等亦非無所習如也无樂亦不等見我等亦無閑居一切三界而无有行閑吾等亦不行空亦無所行如也所

舉為者亦空吾等亦不乞句如也以
除諸想我等亦無生死畏如也審諦
平等見吾等亦不嗔怒癡亦无誹謗
如也亦不想念亦不無想吾等亦不斷
塵勞之行忘无所著為應自然我等
亦無有身亦无所出如也是身非身
吾等亦不觀往見亦無如也尊嚴相
我等亦不除諸瑕穢平等非常苦樂
清淨吾我自然解脫吾等亦不度使
水如是我等不見此際彼岸我等亦
不斷他亦不求等度如也空言解
脫無念我等不受處无所起無所求
欲其本際无所起住亦不除猶豫亦
不疑於寂志我等亦不無正心嫉妬
以脫於信亦不欲斷言說如也以脫
過去亦无想念唯世尊吾等亦不
欲度無為一切諸法皆寂而无為
說是語時二百比丘得無起餘漏盡
意解二百比丘從坐起皆得四禪遊
易士去取後得諸未得說是言一切
世間悉乱用說此法故吾等本聞柔
軟而應所講令者所說法不入律行
亦不是世尊所教化於是卻轉文陀

居士曰文殊師利唯文殊師利此二
百比丘從坐起避易亡去說是言乃
講是法為亂一切世間文殊師利曰
唯邪穢有是緣講說此法為亂一切
世間所以者何唯邪穢世間之本者
謂身五陰四大六入著畏生死願求
無為不知以為生死所受取亦不得
柔順无為如愁憂於生死中無所樂
亦無泥洹其不畏忍无所亂四諦無
住若有所著便為迷亂亦无空諦四
事無住於道无諍亂著於經欲得道
則為二以有二則為亂於是平等者
一切法則正假使無二以无二則無
亂有行求是我所則為憍慢貢高已
有貢高則為亂設使不有所著非有
所作亦无等造亦無邪作亦不作亦
非不作亦不樂度亦非不樂度是為
无亂以無亂则无二而世尊言曰我
不與世間諍世間與吾諍所以者何
如來以斷諍亂之本何謂諍亂之本
是誠信此欺詐故世尊曰誠諦之語
有何言欺詐語者為何說其有無平
等无偏邪彼有何言說謂有清淨

尔時文殊師利於亡去二百比丘前
中道化作大火皆遍滿彼佛土諸比
丘所欲越度皆見滿火亦不能起火
欲以神足飛行過虛空見空中有普
鐵網亦復見大水遍十方恐懼衣毛
為豎遙見祇樹道徑遍布青蓮華白
蓮華黃蓮華紅蓮華及觀衆人大會
即自迴還至佛所欲聽受法入祇樹
到迦梨羅講堂詣佛所稽首佛足却
住一面邠耨問此諸比丘衆賢者去
至何所從何所來諸比丘答曰唯仁
者吾等以得阿羅漢諸漏為盡所作
已辦而得一心逮神足度无極從此
文殊師利聞說乱法故從坐起而捨
去吾等適行見佛國中皆滿火亦不
能得度大火我等故還問世尊何謂
羅漢盡漏之地尔時佛告邠耨曰若
不自在供事於火欲得度火者此則
不得過墮在見網欲度鐵網立在愛
欲沒溺之行欲得度大水此不可得
越過也所以者何邠耨此諸比丘未
脫婬怒癡火故豈能度大火乎墮在
見網豈能度鐵網耶在恩愛沒溺之

中寧能度大水耶佛告邠耨其水火
鐵網無所從來亦无所至則是文殊
師利所現變化也如是邠耨其姪然
癡及諸見恩愛無所從來亦无所至
悉從想念他念及邪之行為本用起
吾我及他人等色像無吾无我無所
受彼獨行等行却乱意發一心寂定
積功德行專志亦無所得亦无所念
亦無所著入於一心起念經法何等
為法事何謂為法緣如審諦觀已有
癡因緣便起行已有行因緣便起識
已有識因緣便起名色已有名色因
緣便起六入已有六入因緣便起習
已有習因緣便起痛痒已有痛痒因
緣便起恩愛已有恩愛因緣便起受
已有受因緣便起有已有有因緣便
起生以有生因緣便有老病死啼泣
愁憂其苦惱不可意曰生焉如是為
與大苦惱俱會是謂從癡得長養身愚
癡已盡其行便滅其行已盡諸識便
滅諸識已盡名色便滅名色已盡六
入便滅六入已盡其習便滅所習已
盡痛痒便滅痛痒已盡恩愛便滅恩

受已盡所受便滅其受以盡所有便滅其有已盡起生便滅老病死愁悵不可意悉盡如是其大苦惱即除為得平等逮無為无合會得寂寞彼過法亦不滅過去无點亦不滅當来無點亦不盡現在无點為用念無清淨寂即立无點所念靜點無點則不立已无有立則為永寂是謂無點盡彼以念靜盡觀四大之身是為愚癡之身譬如草木假使有意有心有識無色亦不可見无有聲亦無言說譬若幻亦无内亦無外亦无二中間亦無得此立作此靜寂念者於一切法為无所起已無有起彼則為真空義說是語時其二百比丘得無起餘漏盡意解

尔時薩遮尼捷子失其眾弟子與五百眷属俱往到祇樹迦梨羅講堂上詣佛所與世尊捐讓談語白佛言我數數聞沙門瞿曇以幻盡道迷乱轉他弟子今者乃自覩見文殊師利壞我眾會增益沙門瞿曇弟子如是世尊為用邪行受取不復来詣我受

教勅亦不諷誦不用吾語言亦不受
命者心彼時有道人名闍耶末在衆
會中坐是薩遮尼捷親厚於道中謂
尼捷子言且止無得於佛起无淨意
亦無得於佛諸弟子及文殊師利心
懷乱意用是故得无利之義長夜不
得安隱當趣勤苦惡道尼捷子且聽
今欲說譬喻譬如愚癡之人欲得醍醐
行求酥持木著瓶中搖動其瓶終竟疲
勞獸極亦不能得醍醐如是尼捷子諸
異外道所行亦尔雖行學道不能斷
邪行譬如大瓶中水不能出醍醐不奉
如來上妙法律之行死墮地獄譬如尼
捷有智者人點慧明詰欲得醍醐而
行求蘓彼以乳酪持著瓶中而動搖
之便生醍醐用乳酪故則成醍醐如
是尼捷其有於如來法中若白衣及
出家學道至心信佛法喜行精進即
疾得賢聖解脫如從乳酪而致醍醐
譬如尼捷有人從他家借百千凡器
而破壞之便以寶器還償其主主寧
恚罵耶答曰不也曰如是尼捷諸外
異道弟子譬如凡器以故破之於如

來所更造法寶器不當瞋恨罵詈辭
如居捷衆人有導師而无善權方便
將大衆賈人詣邪惡道若有導師為
善權方便悉將衆賈人出邪惡道詣
著正道如是居捷卿等諸師以於邪徑
不了道義將無數人墮於惡道如來
无所著等正覺知道解義將无量人
出於惡道而著正路於是居捷自將
卿衆而去彼時万二千人與居捷子
俱去其餘者皆得神通世尊悉下鬚
髮為比丘也今時佛告闍耶末沒為
見此万二千人與薩遮俱去者不平
闍耶末曰唯然世尊已見佛言是万
二千人皆當於弥勒如來下鬚髮作
沙門在於第一大會所以者何用聞
是深法故薩遮居捷子當於弥勒如
來作弟子智慧取尊辟如我第一弟
子舍利弗所以者何用於佛法起貢
高輕慢意然後棄捨諸見故於是
闍耶末道士白文殊師利後五濁惡
世多有貢高文殊師利答曰唯族姓
子後濁惡世衆下劣卑賤之子等喜
貢高所以者何不能具得四禪用自

大故而墮落五濁惡世時不復供養
比丘衆是諸比丘意不得定立何況
致第四禪用彼後世有諸瑕穢為五
濁惡世多喜自大憍慢於是族姓子
諸善男子為有二事而造憍慢何者
為二一者自見以智慧而貢高二者
以用衣食供養現已持戒智慧功德
便自墮落其有而貢高誹謗如來法
當墮地獄餓鬼畜生又問文殊師利
何緣而知他人有貢高意乎答曰凡
夫之士意亂不定不謂阿羅漢者假
使聞是說而恐畏者則知為貢高凡
夫之士得見如來阿羅漢不見設使
聞此語而恐畏者則知為貢高凡夫
之士為衆祐當施與之不當慧羅漢
假使聞此恐畏者則知為貢高如來
讚歎凡夫之士不舉阿羅漢設使聞
此言而恐畏者則知為貢高其有不
出於諸塵勞是為無所著此謂於世
間為最厚假使有出塵勞是則為著
非是世間衆祐若於此作行者則
為貢高一切諸法但以言說而為受
是謂貢高不知一切亦無所斷亦无

所行亦不作證是為入於審諦又問
文殊師利以智慧貢高者有何言說
乎荅曰不諍亦非不諍不稱憍慢辭
如師子百獸之王吼時一切皆畏其
音如是善男子比丘不樂貢高者不
畏一切音所以者何謂音譬如呼聲
之響音報應其響音亦无心意識用因緣
合故其音響出如是族姓子其心意
識審如慧彼不分別諸因緣音聲皆
衍諸響音應而無所起彼佛音響音亦无
來外異道聲亦無憂佛音聲亦不覺
衆音響音於諸取慧音亦不憂衆塵勞
響音一切音聲无去來本末意即印無
所樂印諸所語无高無下印其印為
立平等印其相自然印以一印入為
法界平等御印无所壞印審如本無
住印真空義印三世平等印无起無
滅印自然現印以是印印諸法所樂
无樂亦無有貢高比丘聞是不狐疑
无猶豫不得吾我也今時闇耶末道
士白佛唯天中天我從鬱閭異道人
親友聞說是大乘功德今者亦復從
文殊師利聞所講辯才發无上正真

道意是故願世尊為我如應說法令
吾具足道品疾得無上正真道取正
覺教授開度不可計無央數人佛言
闍耶末今當為汝說菩薩行有二法
疾得智慧而建大乘何等為二者
精進二者无放逸何謂精進謂求法
才一切所有而施不惜不望其報勸
助道意一所謂精進用斷諸不善法
故皆具足眾賢善法意平等行而无
放逸於戒清淨不願諸所生二精進
者謂不貪身意忍辱之行無有放逸
无害心救護眾生三精進者謂積累
諸功德法無有放逸不知厭足諸所修
善積德賢良之法以勸道意四精進者
謂一心具足无厭無放逸禪无所欲不
遷轉五精進者謂多求博聞於彼施
無放逸常寂靜然奉聖賢智慧六精
進者謂習四恩之行以善權慧教授
放逸七精進者謂身意行其身意不
乱心為空寂八精進者謂為一切故
於諸行等慈意於法義精進而无放
逸慈於諸法無所著九精進者謂為
他人及眾生皆發道意无放逸觀諸

世間譬如火幻不捨道也十精進者
謂所造行如救頭然入於誠諦無放
逸滅於盡證慧無起施十一精進者
謂具足諸相好積累善本入无放逸
觀於法身無所起十二精進者謂嚴
其佛國而无放逸淨於衆生之土十
三精進者謂嚴淨具足三十七道品
之法已脫諸滅冥喜樂如來菩薩善
權方便是皆從精進而致之是謂善
權智慧菩薩受是則致擁護不退轉
立無上正真道說是語時閼耶末菩
薩得不起法忍欣然而踊住於虛空
去地四丈九尺三千大千世界地則
為六反震動其大光明普遍佛國於
虛空中而雨天華篋篋樂器不鼓
自鳴

尔時佛便笑諸佛世尊笑法无央數
不可計百千光色從佛口出青黃赤
白黑遍諸無量佛國還繞佛三匝於
頂上忽然不現於是賢者阿難整衣
服從坐起右膝著地長跪叉手以偈
嗟歎而問佛曰

智慧力吉祥明 導師光七尺華

微妙相三十二

諸種好為具足

如師子在衆中

行步威猛勢至

今佛者何緣笑

願尊將為解說

所說法駛如電

音殊妙師子吼

羯隨鳴振寶響

其聲勝於梵天

佛語普遍衆人

其聲皆暢三千

於一切常如應

聞柔軟無不了

語弟子以緣覺

彼智慧无善明

終不與普慧等

衆菩薩亦難及

今誰當得慧力

願導師說開度

若天龍世間人

阿湏倫皆發意

以脫於一切受

心中聞無所著

无量行无罣碍

踰不等無數億

不可限无計數

以平等為度世

今願問空正慧

以何故而喜笑

青赤黃白之色

種種光甚照曜

其妙暉從口出

照无数恒沙土

遍無量百佛國

諸種大等无身

一切寂無所見

佛善利无恐懼

其光明欲出時

諸弟子莫能及

得未曾見而照

佛亦說緣覺事

今願解大乘行

一切智慧最上

其光炎從頂入

今所至無垢穢

善哉快過諸天

及世人所奉事

願審諦而說義

佛一言无有異

斷六會諸狐疑

今正覺何緣笑

聞佛語歡喜悅

无数人悉踊躍

佛告賢者阿難汝為見闍耶末族姓

子踊在虚空去地四丈九尺住於空

中已得法忍叉手如立稽首礼我百

千諸天來共供養阿難言唯然已見

世尊佛告阿難是闍耶末族姓子已

奉事七十二億佛修善積德常作轉

輪聖王志奉事諸佛世尊佛般泥曰

已後皆於七十二億佛所建清淨梵

行皆護佛正法佛言阿難是闍耶末

族姓子後當見奉事五恒沙等如來

供承教述清淨行當教授无央數菩

薩然後積累覺意之法無數劫已得

作佛号曰慧王如來无所著等正覺

在世教授具足慧行天人師無上士

道法御天上天下尊佛天中天其世

界名曰喜見劫号一寶嚴淨佛告阿

難其喜見世界譬如他化自在第六

天上所有喜見佛國人民所居處供

養亦如是是諸人民無有六境界之

法來至其前一切人民相見皆歡喜
悉喜樂見慧王如來皆忻悅以是故
彼世界名曰喜見彼時如來教授一
劫為作佛事其正覺壽亦一劫是故
其劫号曰一寶嚴淨彼世尊但以純
菩薩為衆九十二億菩薩皆不退轉
諸菩薩逮無所罣碍起光德本其
慧王如來欲般泥洹有菩薩名曰師
子過而行當受彼决我般泥洹曰已後
是師子過而行菩薩當得佛亦号師
子過而行如來在世間教授彼如來
般泥洹曰已後其法住十小劫其如來
舍利并合俱起一塔廣長二千四百
里高三千二百里皆以七寶作塔衆
人悉各各共供養塔於是閼耶末族
姓子從虛空來下前稽首佛足住世
尊前說法界無所壞以偈而讚佛曰
我種及法界人土亦俱等是界為慧壇
以此授吾决法界及塵勞空種亦平等
一切法如是我為已至法法壇姪欲種
瞋怒亦如此虛空界為同以此授吾决
生死無為土法界而无異水種為如是
及火土亦然陰壇與界法眼識諸有分

意部法境界諸分數悉定其諸有為種
亦并无為界不見法有二則為授吾決
世尊無五陰四大及諸入无名亦無色
亦不有内外佛以音聲說而授於我決
於此悉寂寞以是定受決佛者无有意
如此授吾決我者無有識佛為授我決
此決為誠諦如是則平等法界元所壞
即如來無住等覺諸天人正立於正法
寂然如虚空權慧善具足

今時闍耶末族姓子以此偈讚佛已
繞三帀却坐一面於是佛告賢者阿
難受是經諷誦讚廣為他人說之阿
難白佛唯然受已是經名曰何等云
何奉行佛言是經名曰文殊師利所
現變化降伏衆魔化諸異學奉受正
法讚說經義名曰寶藏當奉持之佛
說如是文殊師利童子闍耶末菩薩
賢者阿難諸天人阿須倫世間人民
聞經歡喜皆前為佛稽首作礼而退
文殊師利現實藏經卷下

癸卯歲高麗國大藏都監奉
勅彫造

大方廣寶篋經卷上

方

宋天生三歲末那跋陀羅譯

如是我聞一時佛在舍衛國祇陀林
給孤窮精舍與大比丘僧千二百五
十人俱菩薩五千卽時世尊住迦利
羅花園場上菩薩聲聞大眾圍繞而
演說法卽時文殊師利童子與五百
菩薩釋梵護世兼敬圍繞往世尊所
至已頂礼佛足繞七匝已却坐一面
及菩薩眷屬亦坐一面卽時文殊師
利童子白世尊言今日如來為說何
法隨次續說勿令斷絕時大德須菩
提語文殊師利世尊先為聲聞說法
文殊師利我今請汝說菩薩法於時
文殊師利童子語須菩提大德今用
菩薩法為大德須菩提一切聲聞及
與緣覺非菩薩法器須菩提言文殊
師利唯願演說諸器衆生自當聽受
文殊師利童子報言大德須菩提汝
今能知是佛法器及非器耶須菩提
言文殊師利我等聲聞因他聲解豈
能得知是佛法器及非器乎文殊師

利我請汝說是佛法器非佛法器文殊師利言大德須菩提諸入正位皆是非器已為法界所繫持故若觀法界而不捨放一切衆生不墮正位不共結住如是等人是佛法器復次大德須菩提若到學法無學法界為所縛者捨一切衆生焦然結縛心生疲倦怖畏三界乃至一念不樂住結是等名為非佛法器大德須菩提若有能盡未來際劫發大莊嚴不怖不畏行三界行不為三垢之所染汙於生死中起園觀想欲樂諸有不集有行如是等人名佛法器復次大德須菩提若無欲染示現染欲非為瞋惱示現有瞋不為癡覆示現有癡除斷結使現住三界導引衆生无有自高荷擔重任一切衆生能令無上三寶種性具足不斷住三昧門如是等人名佛法器大德須菩提語文殊師利法性是一如一實際云何分別說器非器文殊師利言大德須菩提譬如陶家以一種泥造種種器一火所熟或作油器藥器蜜器或盛不淨然是泥

性无有差別。然亦尔。無有差別。如是。是大德。須菩提。於一法性。一如一實際。隨其業行。器有差別。蘊。油。器者。喻聲聞緣覺。彼。蜜。器者。喻諸菩薩。不淨器。喻小凡夫。須菩提言。文殊師利。頗有是器。說名非器。非器為器。文殊師利言。有須菩提言。何者是也。文殊師利言。大德。須菩提。一切結使。名為非器。一切結習。名為非器。是名非器。是亦說名為佛法器。若斷一切諸煩惱者。如是之器。非佛法器。須菩提言。所言器者。為何所盛。文殊師利言。无盛為盛。若所盛不漏。知是完器。若所盛漏失。知是破器。大德。須菩提。猶如虛空。是諸藥木。聚林之器。然非是器。如是。大德。須菩提。菩薩亦尔。是佛法器。然非是器。大德。須菩提。猶如從地出生。諸樹以空器。故得有增長。如是。大德。須菩提。菩薩從諸善心出生。為般若波羅蜜。器之所增長。須菩提言。而是菩薩。何所增長。文殊師利言。如虛空增長。菩薩增長。亦復如是。而是菩薩。無有增長。亦无退減。何以故。

不增結使不退佛法須菩提言文殊
師利佛法結使有何差別文殊師利
言大德須菩提如須弥山王光所照
處悉同一色所謂金色如是須菩提
般若光照一切結使悉同一色謂佛
法色是故須菩提佛法結使以般若
慧觀等無差別是故大德須菩提一
切諸法皆是佛法須菩提言文殊師
利以何緣故一切諸法皆是佛文
殊答言如佛智所覺又問云何如佛
智所覺文殊答言如汝初始後亦如
是不離如故是以說言如佛智所覺又
問所言初後云何初後文殊答言初空
後寂故名初後須菩提言空之與寂
有何差別文殊師利言大德須菩提
於意云何如生金與熟金有何差別答
言以言說故而有差別文殊師利言
如是大德須菩提以言說故言空言
寂若有智者不著文字不執文字須
菩提言文殊師利凡夫智者有何別
相文殊師利言大德須菩提如佛所
說以業相故名爲凡夫以業相故名
爲智者須菩提言文殊師利業有何

相文殊師利言因緣為相隨其所行有差別名若無所行則无別名凡夫有行有差別名慧者無行无差別名有無中間名為聖行然此聖行於諸凡夫名為非行又問文殊師利所言聖者為何謂也文殊答言同入无著無諍句故又問文殊師利頗有諸法亦入无著無諍句不文殊言有大德須菩提須菩提言何者是也答言須菩提一切衆流入大海已為一鹹味如是須菩提一切諸法皆悉入於無著无諍同為一味謂解脫味須菩提言解脫何事說名解脫文殊師利言大德須菩提以何因緣故或有縛者或有无縛須菩提言无智故縛文殊師利言如是斷無智故名為解脫須菩提言諸法平等云何說智及與無智文殊師利言如春熱時名為熱水如冬降寒名為冷水然其水性无有差別如是須菩提不正思惟煩惱所熱名為無智若正思惟名曰為智然其此中无有士夫名智無智須菩提言文殊師利此義難覺文殊師利言

大德須菩提行二行故須菩提言是
義難見文殊師利言無慧眼故須菩
提言此義難入文殊師利言不得底
故須菩提言此義難知文殊師利言
增上慢故須菩提言此義難覺文殊
師利言捨離覺故須菩提言此義難
脫文殊師利言樂慳窟故須菩提言
此義難思文殊師利言是中無相行
故須菩提言此義難覺難觀文殊師
利言是中无言說故須菩提言此義
叵得文殊師利言是中乃至無少義
故須菩提言此義乃是智者所解文
殊師利言解自心如故文殊師利如
來所說謂利非利何故世尊說如是
句文殊師利言大德須菩提所言利
者名不可得於是事中欲有所得是
利名非利大德須菩提又復利者名
為寂靜是中若起身心之行是利名
非利是故如來說利非利須菩提言
如佛所說一切法非法此何謂也文
殊師利言大德須菩提如佛所說能
知我法如筏喻者法尚應捨况復非
法若法應捨則不名法不名非法須

菩提言文殊師利如來佛法可非法
耶文殊師利言大德須菩提如來佛
法无有決定若無決定則不應說是
法非法是故佛說一切法非法須菩
提言希有文殊師利新行菩薩聞如
是說而不驚怖文殊師利言汝意云
何師子王子聞師子吼有驚怖不如
鴈王子行虛空中畏墮空不須菩提
言不也文殊師利文殊師利言如是
須菩提若有如來種性菩薩云至如
中從如出生聞一切法一切音聲一
切所說而不驚畏大德須菩提凡有
畏者於何而畏須菩提言若以我見
為實有者是則有畏文殊師利言菩
薩解知了我見故於一切法一切音
聲一切所說不生驚畏須菩提言文
殊師利若其菩薩知解我見何不得
果文殊師利言无有菩薩得證果者
菩薩之人唯觀察知為趣佛智不取
果證菩薩常於一切衆生修行大悲
雖知我見不墮證果須菩提言而是
菩薩善巧方便雖知我見而不取果
文殊師利言如是大德若有菩薩為

知方便界所攝者而是菩薩雖知我見而不取果大德須菩提如大力士執持利刀斬娑羅樹雖斷猶住不即墮落如是須菩提菩薩若於一切衆生有大慈悲大方便智雖知我見而不證果大德須菩提或時天降大潤澤雨是娑羅樹即便還生生葉花果利益衆生如是須菩提菩薩若為大慈大悲之所潤洽菩薩智界還生三界示現受於種性生死為諸衆生作大利益大德須菩提設有大風吹是娑羅樹觚枝莖果便墮于地如是大德須菩提是諸菩薩為大智慧猛風吹墮道場上畢竟永滅今時世尊讚文殊師利善哉善哉善說菩薩智方便界大慈大悲相應說法文殊師利聽吾說喻如大龍王生於是心興起大雲遍是雲中雨熱霹靂至處皆燒復雨大雨為生長故如是文殊師利方便菩薩起大智慧及方便雲現行一切諸凡夫事教化凡夫現行聖行調伏衆生文殊師利如大香樹根香有異莖香葉香花香果香各各別異

如是文殊師利菩薩所有智慧香身亦復如是隨諸衆生所應聞解出相應法香然大悲根而不移動文殊師利如毗楞伽摩尼寶珠在帝釋頸悉遍普照三十三天以珠力故一切所有皆悉照現然此寶珠無有憶想如是文殊師利淨寶珠者喻菩薩智性現一切事而是菩薩无一切想文殊師利如如意珠能滿一切衆生所願然此寶珠無有憶想如是文殊師利菩薩所有淨意寶珠能滿一切衆生所願於一切處无有憶想文殊師利如因虚空火得熾然因空下雨而是虚空無有寒熱如是文殊師利方便菩薩住在三界行寂涅槃不為結熱在佛法中无所染著二俱利益文殊師利如因虚空出生毒樹亦生藥樹然是虚空不為毒害非藥除淨如是文殊師利若有智慧方便菩薩五陰之身猶如毒樹信等五根如彼藥樹非陰結染非根淨結二俱有利文殊師利如漉水甬若暫一塞水則不漏若復暫放其水便漏如是文殊師利

若有智慧方便菩薩住於三昧成就
大通不著諸界若暫起定現漏諸界
隨其所應而演說法文殊師利如極
好鳥善護翫者不自惜身如是文殊
師利住大悲菩薩善護衆生不自惜
身文殊師利如師子獸王無所畏懼
惟除猛火如是文殊師利方便菩薩
不畏一切唯除聲聞緣覺解脫文殊
師利如伊羅寧龍鳥是畜生道能現
一切諸莊嚴事由是帝釋福德力故
如是文殊師利菩薩乃能作於畜生
現法莊嚴隨所應度而化度之文殊
師利如火燄出火寶珠出火二俱能
燒如是文殊師利若有菩薩始初發
心乃至道場取後之心二俱能燒一
切衆生一切結使文殊師利猶如諸
樹有種種色種種香種種果皆因四
大而得生長如是文殊師利菩薩以
種種門集諸善根一切皆攝在菩提
心迴向菩提以為增長文殊師利如
轉輪王輪寶若去四兵皆從如是文
殊師利菩薩方便智波羅蜜隨所至
處所有一切助菩提法皆悉隨從文

殊師利猶如迦陵頻伽鳥王苑中鳥
子其鳴未現便出迦陵頻伽妙聲如
是文殊師利佛法苑中諸菩薩等未
壞我見未出三界然能演出佛法妙
音謂空無想无作行音文殊師利如
迦陵頻伽至孔雀群終不鳴呼還至
迦陵頻伽鳥中乃復嗚呼如是文殊
師利菩薩若至一切聲聞緣覺衆中
終不演說不可思議諸佛之法至菩
薩衆亦乃演說文殊師利如旋嵐大
風閭浮界內樹木諸山无能當者如
是文殊師利菩薩演說不可思議諸
佛法時學及無學聲聞緣覺除佛護
持不能信解若信解者是佛護持文
殊師利猶如日宮所出光明淨穢等
照无有增減無能呵者如是文殊師
利方便菩薩放智光明雖與一切凡
夫共俱不為所壞與聲聞緣覺俱不
為所染無有能呵菩薩方便智慧光
者文殊師利如波利質多拘毗陀羅
樹若葉落時三十三天歡喜踊躍作
如是言是樹不久當生花果如是文
殊師利若有菩薩能一切捨是時諸

佛皆大歡喜而是菩薩不久當與一切衆生生法花法果文殊師利如調弱樹隨風動轉不畏摧折如是文殊師利菩薩善能隨順衆生則不畏墮一切聲聞緣覺地中文殊師利猶如水流順下而去如是文殊師利無慢菩薩亦復如是流趣順向於一切智文殊師利猶如大海始初安時其處寂卑然後衆流悉皆歸之如是文殊師利菩薩除滅憍慢貢高然後佛法悉流歸之文殊師利如金剛珠能破一切諸餘衆寶而此寶珠无能壞者如是文殊師利方便菩薩調伏一切聲聞緣覺而不墮中文殊師利如鼻施羅花无風之時香氣普遍滿一由旬如是文殊師利方便菩薩無聖慧根慈香普遍一切衆生文殊師利如鼻施羅花有麝香者一切病愈无諸苦患如是文殊師利大慈大悲諸菩薩等若有隨喜一切結病悉皆除滅無有逼惱文殊師利如佛出世優曇鉢花則便出現如是文殊師利有菩薩出世諸佛法花皆悉出現文殊師

利如阿那婆達多大龍王雨遍閻浮
提如是文殊師利菩薩如是以大法
雨等心普潤一切衆生文殊師利如
彼阿那婆達多池流出四河滿於大
海如是文殊師利諸菩薩等以四攝
法流注充滿一切智海文殊師利由
有大海閻浮提人有諸珍寶如是文
殊師利由菩薩故令諸聲聞緣覺充
足解脫法寶文殊師利一切諸色皆
依四大如是文殊師利菩薩所有一
切諸法為諸衆生住解脫依文殊師
利如山嶮處生大藥樹不能利益諸
多人衆如是文殊師利若從聲聞法
調伏者不能利益一切衆生文殊師
利如火城中生大藥樹利益多人如
是文殊師利菩薩從於大悲中
出生已不捨一切智寶之心能多利
益一切衆生文殊師利如暴雨水勢
不久流如是文殊師利說法勢
不久住文殊師利如春水流便得經
久如是文殊師利菩薩說法得久住
世文殊師利如雪山樹雖復斫截不
久還生如是文殊師利如來施作諸

佛事已便入涅槃三寶之種而不斷
絕今時大德須菩提白佛言希有世
尊今乃演說菩薩所有無量无边諸
法功德真實功德世尊倍復希有菩
薩聞是真實功德無喜无高佛言須
菩提諸菩薩根本自淨故聞諸功德
不喜不高須菩提言世尊云何菩薩
根本自淨佛言須菩提无我根淨無
衆生根淨无命根淨無丈夫根淨无
人根淨無身見根淨無光明有愛根淨
無我我所根淨須菩提言世尊何謂
為淨佛言須菩提無縛无解是名為
淨無生无滅無去无來是名為淨無
妄想无分別無高无下無作无不作
無闇无明無惱无不惱無縛无解無
生死无涅槃是名為淨須菩提言世
尊若無生死无涅槃者云何名淨佛
言須菩提是淨無憶想生死及與涅
槃亦无染著須菩提猶如有言淨於
虚空實無所除今虚空淨如是須菩
提所言淨者實无有法名之為淨若
有聞是而不驚怖名之為淨須菩提
汝今淨不須菩提言世尊我淨以無

垢故佛言須菩提若无有垢為何所
淨須菩提言世尊法性清淨我已知
之佛言須菩提汝今能知法界性耶
須菩提言世尊若離法界有餘法者
可知法界無有法界能知法界佛語
須菩提无有一法離於法界誰知法
界時須菩提默然不答今時文殊師
利語須菩提大德汝今何故不答如
來須菩提言以我本不發阿耨多羅
三藐三菩提心故何以故以我本不
修習無盡无尋辯故如是無盡无尋
辯者是菩薩有有尋有盡是聲聞有
文殊師利語須菩提是法界中有障
有尋耶須菩提言是法界中無障无
尋無障无尋是法界相文殊師利言
大德若其法界無障无尋汝今何故
說時有尋須菩提言文殊師利我已
證斷故辯有尋若知法界而不證者
則辯無尋文殊師利言大德須菩提
法界之中有可斷耶須菩提言文殊
師利而是法界无能斷者一切法門
悉法界故文殊師利言若一切法悉
是法界汝何故說我證於斷須菩提

言聲聞境界有限齊故說時有斷佛之境界无限量故說無尋无滯文殊師利言法界有生耶須菩提言是法界者无有境界滅諸境界是名法界文殊師利言大德須菩提若無境界滅諸境界汝今何故无境界中說法界也何故說有種種境界須菩提言我先不言有尋有滯是聲聞辯无尋无滯是菩薩辯也文殊師利言大德須菩提汝今不得无尋辯耶如是文殊師利我得是辯文殊師利言得無尋辯何故默然須菩提言不知一切衆生根故辯有滯尋知入一切諸衆生根是菩薩辯是故菩薩說时无尋文殊師利言大德須菩提汝知法界得證辯時是知境界有尋相耶不也文殊師利是智境界是无尋相非是尋相文殊師利言若智境界无有尋相汝何不說而默然乎是時須菩提語大德舍利弗佛常稱為智慧第一汝今可問彼當答汝舍利弗言汝今可說我欲從汝及文殊師利聽聞於法須菩提言我今不說何以故我曾

見是文殊師利遊諸佛土百千万億
佛前說法令諸聲聞悉皆默然我今
何能於文殊師利前敢有所說大德
舍利弗東方有國名曰端嚴彼中有
佛号曰光相如來應正遍覺今現說
法有大聲聞名曰智燈智慧第一時
彼如來入於寂定是智燈大聲聞即
至梵世以大音聲而演說法聲遍三
千大千世界我隨文殊至彼世界及
無量菩薩百千天子侍從文殊為聽
法故時文殊師利住光音天發大音
聲遍聞三千大千世界時彼智燈大
聲聞聞如是大聲不能堪忍從上墜
落其心驚怖身毛皆豎即便往詣光
相佛所到已頂礼佛足繞三匝已合
掌向佛問於是事世尊誰作如是可
畏音聲我聞是音不能堪忍從上墜
下如旋嵐風吹於小鳥時彼佛告智
燈比丘有不退菩薩名文殊師利現
大神通來至此土為欲見我供養恭
敬尊重讚歎住光音天發大音聲是
聲遍三千大千佛之世界一切魔宮
皆悉隱蔽時智燈聲聞白光相佛願

欲見是文殊師利大善丈夫于時彼佛光相如來即為文殊師利現相令文殊師利與菩薩衆諸天眷屬來至佛所到已頂礼佛足右繞三匝化作蓮花師子座已却坐一面時智燈大聲聞問文殊師利汝為何利來至此土尔時文殊師利童子語大德智燈我今為見光相如來礼敬親近問評請法故來至此智燈問言文殊師利云何名為清淨見佛云何礼佛云何親近云何問評云何請問文殊師利言大德智燈若見法淨名見佛淨若身若心不但仰若不但仰正直而住不動不搖其心寂靜行寂靜行大德智燈是名礼佛若不自觀亦不觀他不觀佛不觀法不觀僧不觀難不觀易不觀作不觀不作一體一身一切佛身等入法身見於自身同入法性見如不見無近无遠大德智燈是則名為親近於佛若如來所為修行問非不修行不見有法不修行者見自及法入於修行所問心定无有散亂問者問處及問評法俱不可得無

所貪著於三世中求不可得如是三
場清淨問評大德智燈是則名為問
評於佛若往來問答不求覓過隨順
所問如來即可大衆歡喜不嫉他問
有所問時令無量衆生起莊嚴道乃
至道場大德智燈是則名為請問於
佛時光相如來讚文殊師利善哉善
哉文殊師利應當如是見於如來應
如是礼如是親近如是問評如是請
問今時文殊師利童子問智燈比丘
大德智燈云何見佛云何礼佛云何
親近云何問評云何請問智燈答云
文殊師利如汝所問非我境界我隨
音聲從他而聞如是所說文殊師利
言大德智燈若不解是汝云何得心
解脫耶智燈答言因聖諦故心得解
脫文殊師利言云何名聖諦智燈答
言獨修無侶名為聖諦又復問言若
獨修无侶名為聖諦云何見平等心
得聖解脫答言文殊我依世諦說非
第一義又問是世諦者入第一義不
答言文殊若不入中非第一義又問
智燈汝云何言依世諦說非第一義

若其世諦入第一義即是一諦謂第一義時智燈言文殊師利初行菩薩聞汝所說則生驚畏文殊師利言大德智燈汝亦驚畏況復初行智燈答言都無有能驚畏我者文殊師利言大德豈不怖畏生死心得解脫也智燈言文殊師利怖畏歎患心得解脫文殊師利言是故我說大德智燈亦怖畏況復初行智燈問言文殊師利菩薩云何而得解脫文殊答言不畏不歎菩薩解脫問言文殊不畏不歎言得解脫此義云何文殊答言菩薩不畏百千万億魔諸軍衆菩薩不歎爲於一切生死衆生菩薩不畏集諸善根菩薩不歎集智莊嚴以是義故我作是說不畏不歎心得解脫余時會中有諸天子以種種花散供文殊師利童子如是歎言若有住處見文殊師利則爲見佛所說法處應起塔想若有衆生聞是法者當知是人攝諸德已時文殊師利語智燈比丘佛說大德智慧第一是智慧者爲是有爲爲是无爲若是有爲是生滅

三相若是无為則無三相智燈答言
修无為故佛說名聖文殊問言大德
智燈是無為者可修習不不也文殊
文殊又言云何大德說修无為名之
為聖時智燈大聲聞即便默然今時
光相如來告文殊師利可說法門令
諸會眾不退無上正真之道文殊師
利白言世尊一切諸法是寂靜門一
切言說是寂靜門示寂靜故時有菩
薩名曰法勇在會而坐問文殊師利
如來所說及貪瞋癡是寂靜門示寂
靜耶文殊答言善男子是貪瞋癡徒
何所起答言文殊徒妄想起文殊又
問是妄想者為住何處答言文殊住
於顛倒文殊問言是顛倒者復住何
處答言文殊住不正思念文殊又問
不正思念為住何處答言文殊住我
我所文殊又問我我所者為住何處
答言文殊住於身見文殊又問是身
見者為住何處答言文殊住於我見
文殊又問是我見者為住何處答言
文殊是我見者則無住處无處是我
見處何以故而是我者十方推求了

不可得况復有處文殊又問善男子
若法十方求不得者為何門答言
文殊都無有門文殊又問善男子而
是寂靜頗有門不答言文殊是亦无
門善男子以是義故我說諸法是寂
靜門一切言說是寂靜門顯示寂靜
說是法時八百菩薩逮得於忍文殊
師利廣說法已從坐而起礼敬光相
世尊足已出衆而去是故舍利弗當
知無有聲聞菩薩能盡文殊師利辯
者我今何敢與文殊師利有所論說
今時大德須菩提語舍利弗大德復
見文殊師利何等神變遊諸佛國舍
利弗言大德須菩提我昔曾與文殊
師利在於西方遊諸佛土見有佛土
大火灾起於彼火中作蓮花網文殊
師利從中而過復見佛土火灾充滿
文殊師利從中而過是火觸人如以
堅鞞栴檀塗身卧迦尸衣柔軟和適
甚為快樂復有佛土空无所有文殊
師利化作梵宮入於禪定從中而過
復有佛土極為窄狹其中衆生造諸
惡業文殊師利從中而過皆令休止

而不為惡成覺慧慈我當得成无上
正道為斷衆生貪瞋癡故而演說法
令諸衆生得慈三昧是名菩薩成覺
慧慈大德須菩提我於今時曾見是
事我又獨處曾作是念文殊師利所
有神通與我神通等無有異文殊師
利知我心已即便將我遊諸佛國至
火災土而語我言汝以神力從是中
過我時盡以神通之力滅是火已經
七日夜我及文殊乃過此界過已復
至第二三千大千火災世界倍復廣
大在中住已文殊師利而語我言用
誰神力過此世界我時答言文殊師
利用汝神力過是世界
大方廣寶篋經卷上

癸卯歲高麗國大藏都監奉
勅彫造

大方廣寶篋經卷中

方

宋天生三歲求那跋陀羅譯

尔時文殊師利童子繫心在前以菩薩神力於一念頃作蓮花網遍覆火上從中過已便語我言大德舍利弗於意云何汝神力勝為我勝也我即答言文殊師利金翅鳥王飛速疾耶為小鳥疾耶文殊師利還問我言汝意云何而是二鳥何者為疾我時即答我之神力如彼小鳥汝神力勝疾殊特過金翅鳥文殊師利即語我言大德舍利弗汝獨處念文殊神力我之神力等無有異我復答言不可為比文殊問言汝云何知我即答言聲聞之人不斷習氣是故我本以不等為等文殊師利言善哉善哉如汝所言舍利弗乃往過世於大海邊有二仙住一名欲法二名梵與是時欲法獲得五通是梵與仙以呪術力能遊空行時彼二人各以自力度過大海還至住處時梵與仙作如是言欲法神力我之神力等无有異復更異時從

海此岸至於彼岸到羅叉渚時有羅叉出簫笛音時梵與仙聞是聲已從空而墮失呪術力時欲法仙愍梵與故捉其右臂將至住處大德舍利弗於意云何是梵與仙豈異人乎勿作異觀即汝身是我即是彼欲法仙人舍利弗汝於今時亦以不等為等今亦復以不等為等何以故以偏見故今時舍利弗復語須菩提我又復念與文殊師利南方界分遊過百千諸佛土已有國名曰一切莊嚴佛號寶大我與文殊師利俱到彼國文殊師利既至彼已而語我言汝今見此佛土不也所經諸國皆悉見不我言見已復問我言是諸國中悉見何事我時答言或見滿水或見滿火或見空界或見豐樂文殊復言汝云何見我時答言若見滿水便言見水若見滿火便言見火若見空界言見空界若見豐樂言見豐樂文殊師利言汝之所見境界如是我時問言文殊師利汝復云何見諸佛土文殊答言虛空世界是諸佛世界何以故汝幻惑故

見滿水滿火空界豐樂舍利弗汝之所見皆各不實生滅相應虛空世界不因緣有其性安住如是舍利弗客塵煩惱汙染於心然其心性終不可汙大德舍利弗如恒沙劫火災熾然終不燒空如是舍利弗一一衆生恒河沙劫造作逆罪不善之業然其心性終不可汙舍利弗若善男子善女人能解知是法界性淨無覆蓋纏无結垢行能惱心者是名無有蓋纏法門若依此門一切諸法无能覆蓋解一切法體性清淨終無有法能覆心者大德須菩提文殊師利神通變化說法如是我見其為諸神通事菩薩不達况復聲聞余時大德阿難復語舍利弗我亦曾見文殊師利神通變化大德舍利弗昔於一時世尊在此舍衛國祇陀林中給孤窮精舍與大比丘僧八百人俱諸菩薩衆万二千人是時興大非時雲雨經七日夜而不休止諸大德聲聞若得禪定及解脫者若入禪定七日不食餘凡夫人及諸學人五日絕食飢困羸瘦不能

往觀見佛世尊礼敬供養我時念言
是諸比丘甚為大苦當往白佛我時
便往佛世尊所頂礼佛足白言世尊
諸比丘僧絕食五日極為羸瘦不能
從牀而自起止世尊告我阿難汝今
可以了事往語文殊師利彼當充足
比丘僧食我承佛勅往詣彼文殊師
利所住室中到已具說如是之事時
文殊師利為釋梵護世而演說法即
答我言阿難汝往敷座若時已至便
擊鍵提我從文殊師利聞是語已即
便敷座住在一處看文殊師利何時
出房是文殊師利甫為釋梵護世天
王廣演說法名曰分別一切身三昧
不出於房我作是念文殊師利將不
令諸比丘失食時文殊師利化作已
身為諸釋梵護世說是分別一切身
三昧文殊師利亦即入此分別一切
身三昧已從房而出入舍衛大城次
第乞食我時不見魔王波旬作是念
言文殊師利師子吼已入舍衛大城
而行乞食我今當蔽舍衛城中諸婆
羅門長者居士无入出者不令施食

尔時文殊師利童子隨所至處門戶
悉閉無往來者文殊師利即時觀知
是魔波旬隱蔽諸人我今當作誠實
言誓尔時即作是志誠言我之所集
一毛孔中所有福慧設恒河沙等諸
佛世界滿中諸魔之所无有我此語
實魔蔽當去令魔自身作居士像於
四衢道諸巷陌中唱如是言當施文
殊當施文殊若施是者獲大果報若
施三千大千世界其中所有一切衆
生給諸樂具百千億歲不如施此文
殊師利一爪端許所生福勝文殊師
利須臾之間立此誓已尔時諸天遍
開城中一切門戶令諸人衆皆趣文
殊師利童子時魔波旬作居士像於
諸四衢街巷陌中唱如是言當施文
殊當施文殊若施是者獲大果報若
施三千大千世界一切衆生諸樂供
具經百千歲不如施此文殊師利一
爪端許所生福勝時文殊師利以神
通力令所持鉢受諸種種美妙飲食
及餅果等不相和雜如別器盛八百
比丘万二千菩薩所食之食在一鉢

中不見此鉢若減若滿尔時文殊師利童子於舍衛大城乞食已足出舍衛城以鉢置地語魔波旬汝為淨人可持此鉢在前而去時魔波旬不能舉鉢生慚耻心語文殊師利我今不能舉此地鉢文殊師利語波旬言汝今成就大威神力去何不能舉地小鉢時魔波旬盡其神力不能舉鉢如毛分許恠未曾有語文殊師利我之神力舉伊沙陀山置之手掌擲虛空中今不能舉如此小鉢一毛分許文殊師利語波旬言若大衆生大人大力彼所持鉢非汝波旬所能擎舉是時文殊師利童子即以一拍持舉地鉢著波旬手語波旬言汝為淨人持鉢前行時魔波旬盡力持鉢在前而去尔時自在天子與万二千天子侍從圍繞來向文殊師利童子頂礼其足右繞已畢語波旬言汝非使人何故持鉢在他前行魔言天子我今不堪與有力者諍天子語言波旬汝亦成就大威神力尔時波旬為文殊師利力所持故答言天子愚癡之力是

為魔力慧明之力是菩薩力憍慢之
力是為魔力大智慧力是菩薩力諸
邪見力是為魔力空無相无作力是
菩薩力諸顛倒力是為魔力正真諦
力是菩薩力我我所力是為魔力大
慈悲力是菩薩力貪瞋癡力是為魔
力三解脫力是菩薩力生死之力
是為魔力无生無滅无有諸行無生
忍力是菩薩力魔王波旬說是法時
於天衆中五百天子發阿耨多羅三
藐三菩提心千二百菩薩得無生法
忍時文殊師利共魔波旬持此鉢食
置迦利羅花園中已俱出外去我時
不見文殊師利乃至食時猶不出房
我作是念文殊師利將不令諸比丘
僧衆失於日時當往佛所具白是事
即至佛所頂礼佛足白言世尊日時
已至文殊師利猶不出房佛告我言
阿難汝不到此迦利羅園而看之耶
我白佛言大德世尊見一小鉢其食
滿中佛告我言速打捷槌集比丘僧
我言世尊比丘僧多是一鉢食當與
誰耶佛語我言汝勿慮是設使三千

大千世界所有一切諸衆生等於百千歲食此鉢食猶不能盡何以故是文殊師利力所持鉢文殊師利有檀波羅蜜無量功德我聞佛語便打撻捉集比丘僧時此鉢食不相和雜香美衆味取不可盡充飽大衆鉢食不減時魔波旬欲惱文殊師利童子即便化作四千比丘衣服弊壞威儀麤惡執持破鉢鼻眼角眯捲手脚跛其形醜惡在下行坐以此鉢食復充足之時魔波旬令化比丘人人各食摩伽陀國十種之食然此鉢食猶滿不減令諸守園作使之人賦食疲頓時文殊師利以神力持令魔波旬所化比丘鉢食不減手口俱滿而不能咽氣閉眼張舌皆躡地文殊師利語波旬言汝諸比丘何不更食惡魔答言文殊師利是諸比丘在地垂死汝將不以毒食與耶文殊師利語波旬言已盡毒人當有何毒內有毒者則施人毒內无毒者不施人毒波旬所謂毒者名貪瞋癡善讚法中所調伏者若與人毒無有是處又魔波旬所謂

毒者无明有愛見我我所見無因緣
見於名色見愛恚瞋見我見衆生見
諸蓋纏計著諸陰起種性慢執著諸
入常住三界繫著所依守護取捨若
來若去愛著於身堅著壽命不淨思
念愛樂染心多起諸過違逆因緣斷
見常見諂曲憍慢妄想分別示現詐
偽執著操窟出沒卷舒驚畏於空於
无想中生墮落想於無作中生死畏
想於无著處生起畏想於出生死生
起縛想於使流中不生度想助菩提
法生非法想於邪見中生正見想於
惡知識生善知識想違佛謗法輕慢
衆僧不捨憍慢增長諍訟實不實想
不實實想於欲樂中生功德想於有
為中心生狂惑於生死行不見其過
於涅槃中生驚怖想波旬如是諸法
於妙法中名之為毒佛正法中無如
是事波旬甘露法者是名佛法安隱
法者是名佛法無戲論法是名佛法
无過惡法是名佛法無結使法是名
佛法出要之法是名佛法无怖畏法
是名佛法無分別法是名佛法不執

自他法是名佛法無譏呵法是名佛
法作舍作依歸依洲渚作守護法是
名佛法調伏寂法是名佛法自淨无
垢照明之法是名佛法正向正趣法
是名佛法無諸妄想善調伏法是名
佛法善教善導隨宜之法是名佛法
自說說他法是名佛法如法調伏諸
外道法是名佛法降諸魔法是名佛
法斷生死流法是名佛法正念之法
是名佛法住念處故正斷法是名佛
法斷諸惡故神足法是名佛法觀身
心輕故諸根法是名佛法信為首故
諸力法是名佛法無能降伏故諸覺
法是名佛法次第覺故正道法是名
佛法正流入故三昧法是名佛法究
竟寂靜故智慧法是名佛法貫穿諸
聖解脫法故真諦法是名佛法無忽
恚故諸辯法是名佛法法辯及義樂
說无滯故明了無常苦無我法是名
佛法呵毀一切諸有為故空法是名
佛法降伏一切諸外道故寂靜法是
名佛法趣涅槃故波羅蜜法是名佛
法至彼岸故方便法是名佛法善攝

取故慈法是名佛法无過智故悲法
是名佛法無逼故喜法是名佛法滅
不悟故捨法是名佛法所作辦故禪
法是名佛法滅慍慢故不斷三寶法
是名佛法發菩提心故一切安樂无
苦惱法是名佛法不來諸有故說是
法時魔王所將五百天子發阿耨多
羅三藐三菩提心而作是言世尊是
所歎法願令我等住是法中尔時世
尊即便微笑大德阿難前白佛言大
德世尊今何緣笑佛告阿難汝見波
旬化比丘不阿難白言見已世尊佛
言阿難後五百歲法欲滅時當有如
是惡形比丘如是惡衣者不齊故如
是下賤如是無智何以故後世比丘
重於結使貪著利養多營眾事捨諸
毗尼越解脫戒離白淨法其所去來
重現法利不重後世盲翳跛蹇老謬
无智著種種病是等皆來於我法中
出家受戒以重眷屬給使人故不為
重法阿難我所說法如是正直如是
可愛當于尔時不見不聞諸天憂感
魔王波旬當大歡喜無復憂慮我時

問佛何故魔王波旬歡喜而無憂慮
佛告阿難以彼惡人作魔業故魔王
波旬无所營作何以故由彼比丘無
正行故若有比丘勤加精進如救頭
然如是等人魔則求短是故阿難應
勤方便未得令得未解令解未證令
證降伏魔黨熾然佛法護持正法作法
供養莫作放逸是我教法說是法時
五百比丘放捨身命白言世尊我等
不欲見是惡世踊處虛空以火焚身
百千諸天而供養之二百比丘遠離
塵垢得法眼淨二百比丘永盡諸漏
心得解脫三万二千菩薩速得法忍
釋梵護世及諸眷屬礼佛足已作如
是言唯願世尊久壽住世勿使我等
見是惡世世尊若有衆生得聞此經
終不更作懈怠非法亦更不作魔諸
惡業我時聞已悶絕躡地大德舍利
弗我見文殊師利童子成就如是不
可思議神通之力及所說法我自親
見時大德迦葉語舍利弗我曾見
文殊師利希有神通舍利弗尔時世
尊成佛未久我久出家是時文殊師

利童子始初至此娑婆世界從寶王
世界寶相佛所來欲見佛釋迦牟尼
供養恭敬爾時世尊在舍衛國祇陀
林中給孤窮精舍夏坐三月我時不
見文殊師利若如來前若衆僧中若
於食時若說戒日若僧行次都不見
之過三月已臨自恣時乃見其面我
即問言文殊師利何處夏坐即答我
言大德迦葉我住在是舍衛大城波
斯匿王后宮一月復一月住童子學
堂復一月住諸婬女舍我聞是已心
甚不悅即作是念云何當共是不淨
人而作自恣我即出堂便擊捷槌欲
擯文殊師利童子爾時世尊即告文
殊師利童子汝往看是摩訶迦葉今
者何故打捷槌也白言世尊我已見
之欲擯於我佛語文殊師利童子今
可現汝自在神力神通境界令彼聲
聞心得清淨勿於汝所生不淨心於
時文殊師利童子即入三昧其三昧
名現一切佛土文殊師利入三昧時十
方各如恒河沙等諸佛世界其中皆
有摩訶迦葉頭陀第一悉打捷槌于

時世尊即問我言摩訶迦葉汝今何故打於捷耜我言世尊文殊師利自說是言夏三月中住王后宮及婬女舍為擯是故打於捷耜尔時世尊身放光明遍照十方而告我言汝今遍觀十方世界為見何事我時遍觀无量無邊恒河沙數十方世界其中皆有摩訶迦葉而打捷耜欲擯文殊是一切處亦有文殊在佛前坐佛告我言汝今欲擯何處文殊為此世界為十方界我時即礼佛世尊足作如是言聽我悔過世尊是文殊師利法王子成就菩薩如是不可思議功德我從佛所成有量智而欲度量无量智慧以不知故而打捷耜佛告我言摩訶迦葉汝之所見十方世界文殊師利亦復夏三月住王后宮及婬女舍此間文殊師利童子令是波斯匿王宮中五百女人不退阿耨多羅三藐三菩提亦令五百婬女五百童子得不退轉無上正道復有百千衆生以聲聞法而調伏之无量衆生得生天上我時白言大德世尊文殊師利

為說何法乃能如是教化衆生佛言
迦葉汝今可問文殊師利自當答汝
我時即問文殊師利汝說何法教化
調伏如是衆生彼答我言非唯說法
教導衆生大德迦葉或有衆生以娛
樂樂而調伏之或以護持或以威伏
或以財攝或以貪求或現大莊嚴或
現神通或現釋身或現梵身或現護
世身或轉輪王身或隨各各所事諸
天而為現身或以軟語或以麤語或
二俱用或以譴罰或以密益或現作
子何以故大德迦葉衆生有於雜種
之行以雜種法而調伏之大德迦葉
我以方便化衆生界然後說法令其
究竟畢竟調伏我時問言文殊師利
汝所調伏有幾衆生即答我言大德
迦葉我所調伏等如法界我又問言
法界幾許文殊答言如衆生界我又
問言衆生界者復有幾許即答我言
如虛空界如是迦葉衆生界法界虛
空界等無有二无有別異我又問言
文殊師利佛空出世無所調伏文殊
師利言大德迦葉如人熱病是人種

種妄有所說是中寧有天鬼持耶有
大明醫飲彼人酥熱病即愈止不妄
說於意云何是中頗有天鬼去不我
言不也文殊師利由飲藥故熱病除
差大德迦葉是良醫者多利彼不我
言如是文殊師利文殊師利言大德
迦葉世間如是顛倒熱病無我我想
住我想已流轉生死是故如來出現
于世隨彼形色應解法門知解我想
斷於顛倒為彼衆生而演說法既聞
法已除一切想无所執著知解想已
越度諸流到於彼岸名為涅槃大德
迦葉於意云何是中頗有我及衆生
壽命養育人及丈夫可涅槃者不我
時答言無也文殊師利文殊師利言
大德迦葉為是利故如來出世但為
顯示平等想故不為生不為滅但為
解知煩惱不實我時語言文殊師利
菩薩所作甚為難有所謂觀知衆生
之性畢竟寂靜為欲利益一切衆生
不捨莊嚴不沒不出衆生之性畢竟
涅槃猶復能發大誓莊嚴文殊師利
言大德迦葉菩薩莊嚴等同如我

又問文殊師利願說菩薩發大莊嚴
文殊師利言菩薩摩訶薩發大莊嚴
有三十二何等三十二菩薩攝取無
量生死發大莊嚴如夢空性故菩薩
滅度无量衆生發大莊嚴無我相故
菩薩供養給事无量諸佛世尊發大
莊嚴同法身相故菩薩聽受一切佛
法發大莊嚴如響聲相故菩薩守護
一切佛法發大莊嚴解達諸法平等
相故菩薩降伏一切諸魔發大莊嚴
一切結使性相淨故菩薩降伏一切
外道發大莊嚴令有無見者解因緣
相故菩薩所有一切悉捨發大莊嚴
一切悉捨无餘相故菩薩集戒頭陀
功德發大莊嚴無行相故菩薩忍力
發大莊嚴无傷相故菩薩精進發大
莊嚴解知身心寂靜相故菩薩一切
禪定解脫發大莊嚴捨離一切所依
相故菩薩无尋般若波羅蜜發大莊
嚴淨除無明癡見相故菩薩方便發
大莊嚴示現一切所作相故菩薩大
慈發大莊嚴如空相故菩薩大悲發
大莊嚴解知五道虚空相故菩薩大

喜發大莊嚴無憂惱相故菩薩大捨
發大莊嚴離苦樂相故菩薩修滿大
神通智發大莊嚴猶如掌中觀見解
脫无疑相故菩薩不念諸法無我發
大莊嚴不畏墮彼聲聞緣覺地之相
故菩薩觀陰猶如怨賊發大莊嚴知
幻相故菩薩觀四大猶如毒地發大莊
嚴同法界相故菩薩觀入猶如空聚
發大莊嚴知怨賊相故菩薩不著三
界發大莊嚴無操窟故菩薩決定攝
取諸有發大莊嚴有非有相故菩薩
大悲發大莊嚴不退相故菩薩為大
醫王發大莊嚴隨諸衆生所有疾患
施法藥相故菩薩為大商主發大莊
嚴示導三乘出道相故菩薩不斷於
三寶種發大莊嚴知報一切佛恩相
故菩薩知諸法性无生發大莊嚴得
於無生法忍相故菩薩為得不退轉
地發大莊嚴捨於三界一切結使及
捨聲聞緣覺地相故菩薩莊嚴道場
發大莊嚴以一念相應慧如實了知
諸法相故如是迦葉是名菩薩三十
二種發大莊嚴菩薩摩訶薩以是莊

嚴自莊嚴者是四大體可易其性而
是菩薩於無上道終不退轉我即答
言發大莊嚴猶尚不退況三十二文
殊師利聲聞法中無有莊嚴文殊師
利言大德迦葉是故聲聞无大莊嚴
如諸菩薩乃至名字大德迦葉於意
云何如大健夫以諸鎧仗善自莊嚴
執持利刃有怯弱人粗自莊嚴是二
莊嚴可相比不我言不也文殊師利
言以是義故大德迦葉菩薩莊嚴一
切聲聞及諸緣覺之所无有說是菩
薩大莊嚴時万二千天子發於無上
正真道心是故舍利弗我見文殊師
利童子不可思議神通智慧如是无
量今時大德富樓那多羅居士語
舍利弗我亦曾見文殊師利童子所
為昔於一時佛在毗舍離菴羅樹林
與大比丘五百人俱是時薩遮居士
陀子住毗舍離大城之中與六万眷
屬俱供養恭敬我入三昧觀是居士
我時見有百千居士應當受化我時
即往而為說法无有專聽無善好心
反見輕笑出急惡言我時唐苦於三

月中無一受化過三月已我心不悅
便捨而去時文殊師利即便化作五
百異道自為師範將五百弟子往詣
薩遮居軋子所頂礼其足白薩遮言
我遙承聞大師名德故遠而來至毗
舍離汝是我師我為弟子願見納受
垂愍教誨令我不見沙門瞿曇令我
不聞彼相連法薩遮答言善哉善哉
沒意純淨不久當解我調伏法尔時
薩遮即便宣令已之徒眾此五百摩
納自今以去和合同住互相諮問彼
若所說汝專心受尔時文殊師利童
子及五百化弟子聽次第坐受用居
捷戒法威儀殊勝於彼時時讚說三
寶功德亦復讚歎薩遮功德令彼諸
人心相親附復於異時知眾已集文
殊師利便作是言我等所行呪術經
書毗提遮經若讀誦時沙門瞿曇所
有功德有入我等經中來者是沙門
瞿曇有實法功德何以故是沙門瞿
曇所生成就父母清淨轉輪王種以
百福相莊嚴其身又聞生時大地震
動釋梵扶持自行七步口出是言我

於一切世中取勝世中取大我今當
為滅諸生死空中自然出生二水釋
梵洗浴人天伎樂不鼓自鳴放大光
明遍照世界滅諸惡道瞽盲視聽當
于是時一切衆生不為結惱安樂無
為婆羅門相若不出家作轉輪王若
其出家作佛法王而彼瞿曇捨轉輪
王位出家修道於道場上降伏百億
魔成菩提道轉妙法輪沙門婆羅門
魔梵及世若天若人一切世間无能
轉者所說真正初中後善云何初善
謂身善行口意善行云何中善學行
勝戒學勝定勝慧云何後善謂空三
昧解脫法門無相三昧解脫法門无
願三昧解脫法門復次初善者信欲不
放逸中善者定念一處後善者善妙
智慧復次初善者信佛不壞中善者
信法不壞後善者信於聖僧得果不
壞復次初善者從他聞法中善者正
念修行後善者得聖正見復次初善
者知苦斷集中善者修行正道後善
者證於盡滅是名聲聞初中後善云
何菩薩初中後善若不捨於菩提之

心是名初善不念下乘是名中善迴向一切智是名後善復次初善者於諸衆生慈心平等中善者於諸衆生起大悲心設何方便後善者喜捨同等復次初善者降伏慳貪捨離破戒遠離瞋恚斷除懈怠不住亂心煞害无知中善者施戒忍進禪定智慧後善者以諸波羅蜜迴向一切智復次初善者謂四攝法教化衆生中善者不惜身命守護正法後善者善巧方便不墮正位復次初善者如地等持不捨一切菩薩行心中善者以善方便知進知退住不退地後善者於一生灌頂正位是名菩薩初中後善大方廣寶篋經卷中

癸卯歲高麗國大藏都監奉
勅彫造

大方廣寶篋經卷下

宋天竺三藏求那跋陀羅譯

尔時文殊師利童子外道衆中漸次
開示如是正法令五百外道遠離塵
垢得法眼淨八千外道發於無上正
真道心尔時文殊師利童子所可化
作五百徒衆於文殊師利前五體投
地作如是言南无佛陀南無佛陀餘
諸外道未信解者見五百摩納作如
是語亦皆效彼五體投地而作是言
南無佛陀南无佛陀尔時釋提桓因
以曼陀羅花各與諸人而作是言汝
可以此供養於佛尔時文殊師利童
子與諸大衆恭敬圍繞詣世尊所到
已頂礼佛足却住一面時諸大衆亦
皆礼佛却住一面尔時居軋外道第
子以曼陀羅花散供佛已右繞三匝
於一面住文殊師利所化摩納以文
殊師利力所持故白言世尊我等今
来不為見佛何以故如来者名為法
身世尊我等不為聽法何以故不可
聽者名之為法世尊我等不為僧德

何以故如來聖僧修無為故世尊我等不為功德何以故是法界中无有功德咸稱讚故世尊我等不為修造何以故一切諸法究竟道故世尊我等不為得果何以故無茶花果名為解脫世尊我等不為知苦何以故離於二行名為解脫世尊我等不為斷集何以故諸法究竟无和合故世尊我等不為證滅何以故一切諸法畢竟滅故世尊我等不為修道何以故離有無故世尊我等不修念處何以故一切諸法離處非處故世尊我等不為正斷何以故一切諸法離善不善无記行故世尊我等不為神足何以故一切諸法無去來故世尊我等不為於根何以故一切諸根是離義故世尊我等不為於力何以故一切諸法无力非力故世尊我等不為於覺何以故第一義中無有覺故世尊我等不為正道何以故无有去盡世間邊故世尊我等不為修定何以故常寂定中無燒動故世尊我等不為修慧何以故出世間慧无餘雜故世

尊我等不為三明何以故彼此明處
畢竟無故世尊我等不為解脫何以
故性法善繫故世尊我等不為沙門
何以故離結聚故名為沙門世尊我
等不為婆羅門何以故斷諸形色名
婆羅門世尊我等不為比丘何以故
法性無壞故世尊我等不為彼岸何
以故六入常滅故世尊我等不為少
欲何以故乃至无有少許欲故世尊
我等不為知足何以故法無取故世
尊我等不為寂靜何以故身心无失
故世尊我等不為知識何以故不與
三界共住止故世尊我等不近親友
何以故不見有二故世尊我等不為
阿練兒何以故三界諸行皆阿練兒
故世尊我等不修无諍何以故獨一
無侶名為无諍世尊我等不為乞食
何以故我等永斷於食相故世尊我
等不畏一切生死諸行何以故不見
實故世尊我等不怖畏避貪瞋愚癡
何以故无有妄想諸分別故世尊我
等不勤斷結何以故一切煩惱其性
如如無染汙故世尊我等不出我見

何以故自身非身故世尊我等不淨
諸見何以故諸煩惱性如如相故世
尊我等不斷顛倒何以故常樂我淨
性解脫故世尊我等不度諸流何以
故不見此岸及彼岸故世尊我等不
斷五蓋何以故是蓋解脫所貫穿故
世尊我等不出諸纏何以故是真實
際无纏相故世尊我等不為斷悔何
以故不悔真諦名為沙門世尊我等
不捨離疑何以故常信清淨解脫法
故世尊我等不拔憂箭何以故為解
脫信所貫穿故世尊我等不為涅槃
何以故一切諸法究竟涅槃故說是
法時二百比丘不起諸漏心得解脫
是時衆中二百比丘先得四禪住增
上慢謂最後身輕慢他人從坐起去
作如是言是所說法與諸一切世間
相違我等本聞說隨順法而今聞說
非法非毗尼非導師說富樓那言我
時即語文殊師利是二百比丘從坐
起去作如是言是所說法與諸世間
共相違反文殊師利言大德富樓那
有因緣故是所說法與世相違何以

故富樓那世間住著陰界諸入是諸人等欲捨生死趣向涅槃而不能知生死實性永不可得即是涅槃不知是中無生死行无至涅槃忍是不知言與生死世間相違計有四諦者與是相違第一義中无有是四又無道无德言相違者以住二故若已住二便有相違道平等故一切法等名為無二若解无二則不相違若計我者有增上慢有增上慢則有相違若不作上亦不作下是平等中不作上下無作无不作若如是者名無增上慢若无增上慢則無相違如佛所說我不與世諍世間與我諍何以故諍訟等事佛悉斷故何等是名為諍訟本所謂是實是不實是正是邪如佛說言婆羅門所言實者於汝意云何為是虛妄非是實耶正也邪也若是俱無汝以何事而得知也今時文殊師利於二百比丘所去道前化滿大火令不能過隨所趣方皆見滿火而不能過即以神力欲乘空去上見鐵網而籠遮之時是比丘上見鐵網下見

大火不知方所驚怖毛豎唯見趣向
祇陀林道以雜蓮花而莊嚴之及見
多衆趣向佛所欲聽受法即便迴還
至祇陀林迦利羅花園向世尊所到
已頂禮佛足却住一面富樓那言我
時即問彼諸比丘汝至何處從何所
來諸比丘言大德富樓那我是羅漢
諸漏已盡成就四禪具諸神通我從
文殊師利童子聞相違法棄捨而去
見此佛土滿中大火而不能過即以
神力上昇虛空復見鐵網籠遮於上
下見大火我等今欲問佛漏盡阿羅
漢地時佛告我富樓那若有大火能
避大火無有是處富樓那若墮見網
籠出鐵網無有是處富樓那若墮愛
水能過水界无有是處何以故富樓
那 是諸比丘有貪瞋癡火未斷滅以
是事故不能出火富樓那是諸比丘
墮在見網是故不能出於鐵網富樓
那 是諸比丘墮在愛水能過大水無
有是處富樓那是火界鐵網水界
无有來處去無所至文殊師利力所
持故見如是事富樓那貪欲瞋癡諸

見有愛如是諸法無有來處去无所
至從於顛倒妄想分別欲貪自他由
是故生死生无我無有所屬若无乱
心起正修行於一靜處莊嚴修禪若
得禪已不起憍慢不住不著定心所
作觀察諸法何法是因何法是緣如
是觀察如實而見所謂無明緣行乃
至憂悲大苦聚集是名墮邪如是无
明滅則行滅乃至憂悲大苦聚滅是
名正見是无為正位无有過去無明
可滅无未來現在無明可滅但不正
思念便起無明若无明滅不正思惟
更不復起若是不正思惟滅者無明
亦滅无明若滅名畢竟滅是故無明
滅則諸行滅若正思惟如實觀知是
四大身癡无所知如草木凡礫如影
如焰如我所說是身如是是心如是
是意如是是識如是是心無形色不
可抱持猶之如幻不可言說非外非
內非兩中間而可得之若有比丘如
是成就正思惟者知一切法本來不
生若法不生即第一義說是法時是
二百比丘不受諸法諸漏永盡心得

解脫介時薩遮尼乾陀子失諸徒衆
愁憂不悅來趣舍衛至祇施林給孤
窮精舍迦利羅園佛世尊所共相問
訊却住一面白言瞿曇我數數聞沙
門瞿曇以幻術力棄他徒衆今乃親
見令文殊師利破我徒衆將至佛所
受行邪法不來我所不受我教聽用
在意是時有一出家外道名曰勝志
在會而坐是勝志外道以親厚意語
薩遮言止止尼乾勿於世尊及比丘
僧文殊師利所生不敬心莫長夜失
利受苦不樂墮在惡道薩遮尼乾聽
我說喻以明斯義譬如有人愚癡无
智欲求索酥持瓶往趣恒河取水至
於異處以鑽鑽之甚大疲苦了不見
酥如是尼乾汝諸外道欲修斷結受
戒炙身威儀法用恚皆是邪無所能
斷猶如彼取恒河水人復於世尊調
伏法中而起瞋恚當墮地獄畜生餓
鬼又言尼乾復有一人生便聰慧欲
求糝時取純好乳盛著器中以鑽鑽
之用功甚少大得生酥從於生酥轉
得熟酥復因熟酥轉得醍醐如是尼乾

佛正法中在家出家具足淨信多有
解向勤修勝進速得解脫如彼智人
為得酥故以乳置器又復居軋如有
二人其一人者破彼一人百千凡器
以好寶器而用償之居軋於意云何
是人為損彼人不也居軋答言不也
勝志如是居軋外道弟子如彼凡器
破已便入如來法中如得寶器增而
無損又復居軋如有商主愚无方便
將諸人家至於非道復有商主有大
智慧愍是諸人安置正路如是居軋
汝等如彼自稱為師是不知道者不
善道者不見道者不能說道是故汝
等引導衆生趣於非道今者世尊為
大商主知導善道見道說道導諸外
道安置正路居軋汝之徒衆悉在於
此汝可將去是時餘有万二千人還
從薩遮服道而去其餘住者已逮得
明佛即告言善來比丘皆成沙門尔
時佛告勝志外道汝今見此万二千
人隨從薩遮去者不也見已世尊佛
言勝志是等諸人悉當至彼弥勒佛
所初會數中何以故是等由聞如是

深法及供養我而是薩遮亦弥勒佛
所智慧第一如今我所舍利弗也何
以故我知是人於我信解以我慢故
不捨是見尔時勝志語文殊師利後
末世中多有比丘起增上慢文殊師
利言善男子後末世中法欲滅時增
上慢者甚為難得何以故不能修行
得四禪故得四禪已起增上慢後末
世中法欲滅時諸比丘等不能住心
况得四禪是故善男子後末世時增
上慢者甚為難得又善男子增上慢
者凡有二種何等二一者信見二者
禪慢起禪慢者為於利養及名稱故
起增上慢是信見者起增上慢謗佛
正法是增上慢者當墮地獄畜生餓
鬼勝志問言文殊師利欲知他心是
增上慢當云何知文殊師利言凡夫
人者欲得涅槃實非羅漢若聞是說
驚畏恐怖當知此是凡夫之人增上
慢也非是如來實阿羅漢若從他聞
驚畏恐怖當知是人即是凡夫是增
上慢非是羅漢是猶能淨報所施恩
然非羅漢若无一切結使煩惱彼無

所依是世福田若有一切結使煩惱
則有所依非世福田若在中當知
是人為增上慢一切諸法攝入涅槃
若於是中分別觀察當知是人為增
上慢一切諸法不應知不應斷不應
證不應修不知此實當知是人名增
上慢勝志問言文殊師利无增上慢
者有何印相文殊師利无增上慢
是无增上慢之印相何以故无有音
聲能令其人生驚怖畏如師子王一
切音聲不能令其驚畏恐怖无增上
慢比丘亦尔聞諸音聲不生恐怖何
以故彼知音聲猶如響故如彼響聲
無心意識而有音聲如是如實知心
意識一切音聲皆從緣起无有真實
如是知已不知何法定名為聲若聞
佛聲而不貪愛聞外道聲復不呵毀
聞善淨法心不貪愛聞垢汙法而不
呵毀善知一切所有音聲前後際故
如是印相無增上慢无高下印如實
印正見道印入一道印入法界平等
印如不懷印不違如印住實際印第
一義空印三世等印初元生印觀正

法性印如是等印印一切法如是比
丘名為无諍聞已無疑不驚不畏不
恐不怖不得於我不得於法一切平
等余時勝志外道白言世尊我今從
是善知識所聞是真道大乘功德世
尊我今從是文殊師利聞說是法發
阿耨多羅三藐三菩提心善哉世尊
唯願如來如應說法令我聞已速疾
修集助菩提法速得無上正真之道
廣為一切无量阿僧祇諸衆生故佛
告勝志菩薩有二法速得明達具足
大乘何等二所謂精進及不放逸是
中精進謂如法得財一切悉捨不放
逸者施不望報皆以迴向於一切智
又精進者正斷一切惡不善法成滿
具足一切善法不放逸者謂堅持淨
戒不為後生悲以迴向於無上道又
精進者不惜身命修行忍辱不放逸
者於諸衆生无侵害心又精進者進
諸善法無有厭倦不放逸者進諸善
根向无上道又精進者於諸禪支心
无疲倦不放逸者於諸禪支不貪味
著又精進者進諸多聞無有厭足不

放逸者正念修行聖智聖慧又精進者不捨四攝不放逸者起化衆生又精進者身心堅住不放逸者不得身心捨離著法又精進者慈心等緣一切衆生不放逸者不得所緣衆生慈法又精進者教他衆生發一切智心不放逸者觀一切法皆悉如幻而不捨離一切智心又精進者發起三昧不放逸者將護不令墮於漏盡又精進者如救頭然修集聖諦不放逸者不隨證滅又精進者為滿諸相集善無憊不放逸者觀於法身又精進者修淨佛土不放逸者淨衆生界又精進者集三十七助菩提法不放逸者安住寂靜解脫之法勝志當知菩薩所有善方便業皆由精進而得成辦菩薩所有一切智業因不放逸而得成就是故說言菩薩成就智慧方便不畏退轉無上正道說是法時勝志外道得无生法忍心淨喜悅上昇虛空高七多羅樹三千大千世界六種震動大光普照諸天伎樂不鼓自鳴天雨衆花尔時世尊知勝志心而便微笑諸

佛常法若微笑時若干百千雜色光
炎從面門出普照无量無邊世界上
過梵世障日月光隱蔽魔宮還右繞
身百千帀已從頂上入尔時大德阿
難承佛神力從坐而起正於衣服偏
袒右肩右膝著地向佛合掌而說偈言
智慧福力花圓光導世間三十二相花
雜好以自嚴行如象師子精進力勇出
世尊何故笑願導師演說其言如雷音
佛音師子吼迦陵頻伽音柔軟梵音聲
三千世界聲諸天及與人欲比佛音聲
竿數不能及聲聞及緣覺并及諸菩薩
智無與佛等不知一切智今凡智力說
為於何事笑人天龍修羅聞疾得菩提
心得離二邊亦不執於中一切无執著
等同如虛空一切無能數過一切世上
我問等空智以何因緣笑青綠金色光
紅紫赤白色從面門出炎如恒河沙等
普照无量界廣遠如虛空滅惡道得樂
導師光觸故若放膝光明是授聲聞記
若手放光明是記辟支佛佛定記大乘
一切智慧道光利衆生已還入無垢頂
善哉人中天三界所供仙願如寶敷演

導師一向說斷疑悅大衆以何因緣笑
千萬億衆生聞已心歡悅

如是請已佛告阿難汝今見是勝志
善男子不上昇虛空高七多羅樹得
無生忍合掌礼我百千諸天而供養
之阿難白言見已世尊佛言阿難是
勝志善男子曾於七十二億佛所種
諸善根行菩薩道修集元上正真之
道今時常作大轉輪王恭敬供養是
諸如來尊重讚歎常修梵行悉皆護
持是諸佛法阿難是勝志善男子從
今已往當值无量無數諸佛恭敬供
養尊重讚歎常修梵行今无量阿僧
祇衆生住菩提道過是無量阿僧祇
劫集菩提道已當得无上正真之道
成取正覺号智光王如來應供正遍
覺乃至佛世尊出現於世國名嬉見
劫名一寶嚴阿難是嬉見土所受用
物猶如他化自在天中彼國衆生不
漏色聲香味觸法无諸惡色彼諸衆
生互相恭敬歡喜悅樂是諸衆生皆
悉往見智光王佛乃至夢中亦常見
佛不離念佛是故彼土名曰嬉見於

是劫中唯一如來施作佛事佛及衆
生壽等一劫是故彼劫名一寶嚴阿
難是智光王佛統菩薩僧九十二億
皆是初會得不退轉是智光王如來
欲涅槃時先當授彼師子進去菩薩
記當得作佛号師子相如來應供正
遍覺乃至佛世尊壽十中劫然後涅
槃當有無量無邊菩薩僧佛涅槃時
以全身舍利起一寶塔縱廣六十由
旬高八十由旬衆寶嚴飾無量衆生
而供養之今時勝志菩薩從空來下
頂礼佛足右繞七匝向佛歎說不壞
法界偈

色界及法界衆生界同等是界等智界
今授我記已受界煩惱界與空界同等
諸法同是界今我同此來法界及欲界
及與於三界等同如虛空我記同於是
生死界涅槃等住如法界是界及水界
地界風火界陰入及與界眼界眼識界
意界及法界是境界同等不授我陰記
不授界入記不授名色記不授内外記
以音聲故知道導師受我記音聲是寂靜
佛無有心意作心而授記我亦无有識

得受於道記如我佛亦然如佛我亦然
諸衆生亦尔授記受記尔受記是真實
如如悉捨離不壞於法界安住真實際
我礼等正覺同入一切法如虛空無作
學知方便故

尔時勝志菩薩偈讚佛已頂礼佛足
右繞七匝却坐一面尔時佛告阿難
汝受持是經讀誦書寫於大衆中廣
為人說阿難白言我已受持世尊此
經何名當云何奉持之佛告阿難是經
名為文殊師利神通所持亦名滅除一
切諸魔外道音聲亦名採寶亦名寶
篋如是受持說是經已文殊師利童
子勝志菩薩等及大聲聞大德阿難
及諸大衆天龍夜叉諸天及人乾闥
婆等聞佛所說皆大歡喜

大方廣寶篋經卷下

癸卯歲高麗國大藏都監奉
勅彫造

大乘同性經卷上

亦名一切難行入智
毗盧遮那佛說經

方

周宇文氏天竺三藏闍那耶舍譯

如是我聞一時婆伽婆住在大摩羅
耶精妙山頂摩訶園林華池沿邊大
持呪神所居止處人不能行取得道
者所居之處共大比丘千二百五十
人俱一切皆是摩訶聲聞所作已辦
已過一切凡夫之地其名曰尊者阿
若憍陳如尊者阿說示尊者摩訶迦
葉尊者舍利弗尊者摩訶目犍連與
如是等諸大聲聞復有菩薩摩訶薩
衆皆大菩薩悉得一切菩薩三昧陀
羅尼行一切已住諸菩薩地其名曰
聖者弥勒菩薩摩訶薩大意菩薩摩
訶薩益意菩薩摩訶薩堅意菩薩摩
訶薩定意菩薩摩訶薩無盡意菩薩
摩訶薩无邊意菩薩摩訶薩海意菩
薩摩訶薩正定意菩薩摩訶薩淨意
菩薩摩訶薩智意菩薩摩訶薩如是
等一切各各佛刹已得受記為阿耨
多羅三藐三菩提轉法輪故復有取
上寂勝天龍夜叉捷闍婆阿修羅迦

樓羅緊那羅摩睺羅伽

經卷上 第二張 方

三

并持呪神及非人等種種形容天冠衣服執持器杖并諸幢蓋及諸鬼神仙人衆等皆來集坐為欲聽法

今時世尊衆如大海前後圍繞有所說法初中後善其義深遠其語巧妙具足廣說清淨梵行今時楞伽大城之中有羅刹王名毗毗沙那治化於彼時毗毗沙那楞伽王聞佛今住大摩羅耶精妙山頂摩訶園林華池沿邊大持呪神所居之處人不能行寂得道處與千二百五十比丘現說梵行時毗毗沙那楞伽王即生念言如來名字世間希有如優曇華於無數時乃一得聞何況值佛我於是中無量無數時不得聞法猶如盲龜遇浮木孔是中諸佛及以佛法入佛境界證佛道者如是之事倍復寂難我若實持多諸珍寶及真珠貫无量香華末香塗香華冠衣服寶幢幡蓋并及繒束音樂歌讚與我眷屬往詣佛所到佛所已以此種種供養之具供養如來欲問正法報我一生

時毗毗沙那楞伽王普皆宣告諸羅刹衆汝等可共同心和合捉持豐足勝妙金銀摩尼寶珠珂玉琉璃珊瑚馬瑙真珠瓔珞并赤真珠種種精妙無量香華作諸音樂及以歌讚湏向佛所如來法王三界最勝无上福聚具足衆相一切智見無上福田我等向彼持此供具以用供養所以者何於無數時值佛出世得見佛難離八難難聞三寶難作此念已今時毗毗沙那楞伽王於其衆中說偈告言

無量無數時佛乃現世間欲離於八難復經無量世百千億劫中希逢於世尊譬如優曇華無數時乃出地獄與畜生寂苦餓鬼道往來於六趣展轉如車輪令此衆生類離諸八難厄利益衆生故故出世間燈智日光所照能破無明盲相隨至彼處供養无上尊教天人世中供養獲大果

今時毗毗沙那楞伽王說此偈已佛神力故於虛空中放百千億那由他大光明網遍照楞伽大城照已毗毗沙那及一切羅刹衆皆悉踊躍今時

彼大光明焰中演出甚深法相之偈
諸法本寂空无我 衆生初中後亘得
譬如虛幻夢泡焰 霧電水沫旋火輪
世諦緣法悉非真 無明愛根世間現
真觀无愛及无明 諸法如空淨亘說
尔時毗毗沙那楞伽王聞彼光明網
中演出如是法相偈已即得甚深無
我法忍彼羅刹衆中或得忍者或有
發於菩提心者或有發順忍者有實
見者時毗毗沙那楞伽王於佛法中
明了無疑既著菩提堅鉀鎧已復發
此願而說偈言

天人及與阿修羅 一切梵王上天衆
如此無上寂妙法 彼等未曾得覺見
我應未來得斯法 具足一切无尋智
此世界中成佛道 度脫無量億衆生
演說諸佛微妙法 寂勝无漏八聖道
令我所作無邊智 三十二相莊嚴身
若有精勤行善行 及佛功德行滿足
利益衆生脫怖畏 持諸功德滅有塵
面如日月淨光明 於三界中得作佛
尔時毗毗沙那楞伽王於阿耨多羅
三藐三菩提得不退轉即隨其意應

念出生種種精妙華香塗香末香華
冠衣服寶幢幡蓋摩尼繒束真珠瓔
珞作諸伎樂擊掌歌讚妙聲遍滿讚
歎如來功德相好持如是等諸供養
具與其眷屬於虛空中如鵝王行來
向佛所至佛所已從空而下時毗毗
沙那楞伽王與眷屬俱向佛合掌接
世尊足頂礼百遍礼拜訖已遶佛三
帀乃至千帀時毗毗沙那楞伽王即
於佛所五體投地如斫樹倒復說此
言南無无量功德莊嚴最上法身師
子丈夫三界最勝世尊釋迦牟尼至
真等正覺出此語已即起合掌於世
尊前說偈讚歎

昔世億生轉精事 難行苦行求菩提
布施飲食及衣乘 億數七珍與乞者
不思議却无悔怯 捨國聚落及臣民
王宮莊嚴寶豐滿 億劫難捨皆能捨
昔名王子須大拏 於山林中施妻子
前捨自身救產虎 割其身肉濟窮餓
挑眼施盲婆羅門 於彼生中無怨恨
施頭為求菩提因 心於索者常歡喜
為護戒品長清淨 不犯聖行順元為

不斷生命盜他物
離於飲酒不妄語
昔不兩舌諸惡言
世尊離邪常調順
功德如意離邪見
出家無垢除五欲
前行忍辱受諸苦
往昔所受諸苦痛
若在佛邊起殺惱
佛生於世常修忍
如來往昔求道時
彼所生中被割截
為彼國王及夫人
不思億劫常精進
昔諸苦行皆能忍
經行不睡亦无乏
衆生所須常隨順
昔行禪定為伏心
三昧念五神通力
如來智慧滿無漏
无我衆生命及人
欲界不淨四種惑
既知實淨衆生本

常順梵行世無妬
護諸衆生如已身
亦无瞋恚說綺語
於前衆生無惱觸
供養三寶无壞心
依順佛戒解脫行
誹謗毀訾及困責
為衆生故无恨心
於彼慈心視如子
解脫億數苦衆生
作大仙人名曰忍
忍痛於王無害心
演說白法令歡喜
懈怠邪意狹劣除
廣大精進覺菩提
尊重供養無量佛
熏修成佛无上法
已善四禪無色定
往昔行滿无漏禪
知法如幻悉虛假
煩惱網纏因業轉
衆生煩惱界本淨
得具六種波羅蜜

誰能說此智方便 勤求無盡佛福聚
發勝三業向如來 來世得佛我頂礼
尔時毗毗沙那楞伽王說此偈已復
以无量種種寂妙及以香華末香塗
香華冠衣服寶幢幡盖音樂歌詠讚
歎如來尊重恭敬具足承事供養於
佛并諸聲聞大菩薩衆彼羅刹衆亦
復如是如法發起供養如來稱可佛
意尔時毗毗沙那楞伽王供養訖已
白佛言世尊我今有疑欲問如來至
真等正覺唯願世尊為我開解說此
語已佛告楞伽王言楞伽王吾常開
汝問佛所疑隨汝意樂當為解說令
心歡喜時楞伽王得開許已白佛言
世尊衆生衆生者世尊以何義故名
為衆生佛言楞伽王衆生衆生者衆
縁和合名曰衆生所謂地水火風空
識名色六入因縁生又衆生者猶如束
竹縁業故報縁業得果我人衆生壽
命畜養衆數知者見者作者觸者受
者是名衆生毗毗沙那楞伽王言世
尊彼衆生者以何為本依何而住以
何為因佛言楞伽王此衆生者无明

為本依愛而住以業為因毗毗沙那
楞伽王言世尊業有幾種佛言業有
三種何等為三身口意業復有三相
淨不淨非淨非不淨時毗毗沙那楞
伽王復白佛言世尊云何衆生捨此
壽命受彼壽命捨此故身受彼新身
佛言楞伽王衆生捨此身已業風力
吹移識將去自所造業而受其果若
善及不善非善非不善衆生如此造
業行者即於彼處而受新身或受卵
生或受濕生或受胎生或受化生皆
是一切業風所造而業亦不自知所
造各自受報楞伽王衆生如是捨此
身命受彼新身楞伽王言世尊衆生
捨此身命未受彼身於其中間識停
何處佛言楞伽王於汝意云何田中
種子至生牙時為當子先滅已然後
牙生為當其牙先生然後子滅為當
唯子滅時其牙即生毗毗沙那王言
不也世尊佛言楞伽王是義云何楞
伽王言世尊其子若滅其牙即生非
先子滅然後牙生非先生牙然後子
滅佛言如是楞伽王非識先滅後識

方生楞伽王亦非先生前識後識方
滅楞伽王唯後識滅前識即生楞伽
王如步屈曲先安頭足次後足隨其
形屈申間無斷絕如是如是楞伽王
此之神識見前有中生處了已識即
令移託就於彼間无斷絕毗毗沙那
楞伽王言世尊若如是者無中陰耶
佛言楞伽王一種衆生卵生是也捨
此身已入於卵中而是神識業風所
捉停住卵中昏鈍不覺及至覆成識
方覺了當知彼卵已為熟也何以故
卵生衆生法如是故未成熟時不覺
不了所以者何為業力故楞伽王復
有衆生福力純厚得於轉輪王家作
子而彼在胎不為胎汙亦不與胎不
淨共住亦不汙染楞伽王其轉輪王
所生子者多受化生設受胎者初入
胎中結子已成及生出後破膜出身
楞伽王是因緣故說有中陰時毗毗
沙那楞伽王言世尊衆生神識為當
幾大為作何色佛言楞伽王衆生神
識無邊大无色無相不可見无尋無
形无定處不可說毗毗沙那言世尊

識相如此無有邊大无色無相不可見无尋無形无定處不可說者豈非斷絕佛言楞伽王吾今問汝隨汝意答當為汝說楞伽王譬如大王在宮殿中或高樓上姝女圍遶安樂坐時著種種衣及諸瓔珞時大園林阿輪歌樹種種雜華莊嚴精麗其園在處有細軟風或大駛風吹彼園林阿輪歌樹衆華香氣至王所者王聞之不眈眈沙那白言世尊我聞此香佛言尊我能得知佛言楞伽王此華香氣王言知者見大小耶定作何色楞伽王言不也世尊何以故此香氣相無色无現無尋无相無定處不可說是故不見大小形色佛言楞伽王於意云何若不見彼香氣大小非斷絕相耶眈眈沙那言不也世尊何以故若此衆香是斷相者無人得聞佛言如是如是楞伽王識相亦尔應如是見楞伽王若識斷相则无生死而可得知如是楞伽王識相清淨唯是无明貪愛習氣業等諸客煩惱之所覆障

楞伽王辭如清淨虛空之界唯有四
種客塵汙染何等為四所謂烟雲塵
霧楞伽王識相如是本清淨故无邊
不可捉無有色染唯是諸客煩惱之
所覆染所以者何楞伽王若正觀時
不得衆生无我無衆生无壽命無畜
養无人無衆生數无知者無見者无
覺者無受者无聽者乃至無色受想
行識等楞伽王若正觀时无有分別
而可得者楞伽王諸法和合無有實
相汝雖得是衆生實相亦莫捨此生
有曠野去何名得衆生實相所謂得
彼大智同性尔時世尊而說偈言
衆生業力自迴轉 不得入聖寂上道
若離諸業證无漏 行無上行利衆生
時毗沙鄰言世尊有无量恒河沙
等衆生於此三界稠林有海到彼岸
者復欲到者有證聲聞法者有證緣
覺法者亦有若干已證無上大智同
性者於未來世亦有无量無邊不可
數阿僧祇過是數恒河沙等衆生乘
此三乘各各別乘得入涅槃而衆生
界無增无減如是世尊我知如是心

生厭憊佛言楞伽王汝莫於此生厭
憊想所以者何諸衆生界前後不可
盡故虛空界法界亦亦是故楞伽王
諸衆生界不可言說以是得知不增
不減如是三界稠林有為海中已得
度者當欲度者而衆生界亦不增減
楞伽王譬如虛空界不增不減無前
無後亦無中間是故虛空不可得知
遍一切處无尋無憂无作無想如是
如是楞伽王非衆生界有初中後求
之可得楞伽王唯有已得聖法同性
是名盡於衆生界耳而有為道不盡
不滅楞伽王亦不離彼有解脫道何
以故是衆生界法如此故是故無初
无中無後

毗毗沙那復問佛言世尊衆生有為
行海相貌何似佛言楞伽王衆生有
為行海猶如大海復問佛言世尊諸
佛之法復似何等佛言楞伽王諸佛
之法猶如船舶復問佛言世尊出家
比丘受具戒法復似何等佛言楞伽
王出家比丘受具戒法似治生人乘
於船舶復問佛言世尊如世尊說依

誰能說此智方便

勤求無盡佛福聚

發勝三業向如來

來世得佛我頂礼

尔時毗毗沙那楞伽王說此偈已復

以无量種種最妙及以香華末香塗

香華冠衣服寶幢幡蓋音樂歌詠讚

歎如來尊重恭敬具足承事供養於

佛并諸聲聞大菩薩眾彼羅刹眾亦

復如是如法發起供養如來稱可佛

意尔時毗毗沙那楞伽王供養訖已

白佛言世尊我今有疑欲問如來至

真等正覺唯願世尊為我開解說此

語已佛告楞伽王言楞伽王吾常開

汝問佛所疑隨汝意樂當為解說令

心歡喜時楞伽王得開許已白佛言

世尊眾生眾生者世尊以何義故名

為眾生佛言楞伽王眾生眾生者眾

緣和合名曰眾生所謂地水火風空

識名色六入因緣生又眾生者猶如束

竹緣業故報緣業得果我人眾生壽

命畜養眾數知者見者作者觸者受

者是名眾生毗毗沙那楞伽王言世

尊彼眾生者以何為本依何而住以

何為因佛言楞伽王此眾生者无明

為本依愛而住以業為因毗毗沙鄰
楞伽王言世尊業有幾種佛言業有
三種何等為三身口意業復有三相
淨不淨非淨非不淨時毗毗沙鄰楞
伽王復白佛言世尊云何衆生捨此
壽命受彼壽命捨此故身受彼新身
佛言楞伽王衆生捨此身已業風力
吹移識將去自所造業而受其果若
善及不善非善非不善衆生如此造
業行者即於彼處而受新身或受卵
生或受濕生或受胎生或受化生皆
是一切業風所造而業亦不自知所
造各自受報楞伽王衆生如是捨此
身命受彼新身楞伽王言世尊衆生
捨此身命未受彼身於其中間識停
何處佛言楞伽王於汝意云何田中
種子至生牙時為當子先滅已然後
牙生為當其牙先生然後子滅為當
唯子滅時其牙即生毗毗沙鄰王言
不也世尊佛言楞伽王是義云何楞
伽王言世尊其子若滅其牙即生非
先子滅然後牙生非先生牙然後子
滅佛言如是楞伽王非識先滅後識

方生楞伽王亦非先生前識後識方
滅楞伽王唯後識滅前識即生楞伽
王如步屈垂先安頭足次後足隨其
形屈申間無斷絕如是如是楞伽王
此之神識見前有中生處了已識即
令移託就於彼間无斷絕毗毗沙那
楞伽王言世尊若如是者無中陰耶
佛言楞伽王一種衆生卵生是也捨
此身已入於卵中而是神識業風所
捉停住卵中昏鈍不覺及至覆成識
方覺了當知彼卵已為熟也何以故
卵生衆生法如是故未成熟時不覺
不了所以者何為業力故楞伽王復
有衆生福力純厚得於轉輪王家作
子而彼在胎不為胎汙亦不與胎不
淨共住亦不汙染楞伽王其轉輪王
所生子者多受化生設受胎者初入
胎中結子已成及生出後破膜出身
楞伽王是因緣故說有中陰時毗毗
沙那楞伽王言世尊衆生神識為當
幾大為作何色佛言楞伽王衆生神
識無邊大无色無相不可見无尋無
形无定處不可說毗毗沙那言世尊

王復更圍遶世尊三匝以諸雜色七寶之華散於佛上散已右膝著地合掌向佛驚歎如來而說偈言

云何菩薩諸聖行 生精進意利世間
施戒忍辱及精進 發最上意為菩提
求彼无漏智慧時 攝化多億諸衆生
衆寶莊嚴無濁垢 精妙剎中得成佛
尔時世尊告毗沙那楞伽王言善哉善哉楞伽王汝能諮問如來此事諦聽諦聽善思念之當為解說楞伽王菩薩摩訶薩常須行六波羅蜜於一切衆生邊不生惡心楞伽王菩薩行如是法時不減不少於諸佛法常得增長亦不染著世間之法攝受教化无量衆生亦能清淨如來剎土復能具得大智同性於佛法中無障无碍尔時毗沙那楞伽王白佛言世尊云何修行云何得住阿耨多羅三藐三菩提佛言放捨憍慢貢高嫉妬常行四種清淨梵行歡喜普為一切衆生恒行正真須捨殺盜妄言綺語兩舌惡口飲酒婬嫉莫使暫忘菩提之心意樂勤行六波羅蜜所作恒為

安樂衆生於有為中心常寂靜欲度
有海多諸怖畏汝當正觀三界衆生
令得度脫

復次楞伽王汝若欲求菩提之者須
如是知言菩提者但有名字言語謂
菩提耳何以故楞伽王无有是菩提
無根是菩提无住是菩提無垢是菩提
无塵是菩提無我是菩提不可捉是
菩提无色是菩提無形是菩提无此
是菩提無彼是菩提无憂是菩提無
惱是菩提无著是菩提無染是菩提
无邊是菩提無為是菩提无濁是菩
提已過一切根是菩提除一切憶想
念是菩提已過一切有行是菩提无
底是菩提難知是菩提甚深是菩提
無字是菩提无相是菩提寂靜是菩
提清淨是菩提無上是菩提无譬喻
是菩提無求是菩提无斷是菩提不
壞是菩提無破是菩提无思惟是菩
提無物是菩提无為是菩提無見是
菩提无害是菩提無明是菩提无流
注是菩提常住是菩提虛空是菩提
無等等是菩提不可說是菩提初伽

王欲求菩提者若不求法是求菩提
何以故楞伽王若無有著得證阿耨
多羅三藐三菩提又无我相衆生相
命相人相畜養相衆數相作相受相知
相見相乃可得證阿耨多羅三藐三
菩提若不得世諦相者不執著法不
執著陰界乃至不執著諸佛菩薩乃
可得證阿耨多羅三藐三菩提何以
故楞伽王無所執著即是菩提若不
執著物若不執著常若不執著斷者
於未來世證成菩提所以者何楞伽
王一切諸法後際滅故

時毗毗沙那楞伽王復白佛言世尊
云何得知一切世諦法耶佛言楞伽
王知一切世諦法如幻如化如夢如
焰如水中月如乾闥婆城一切世諦
法應如是知如是覺如是觀尔時毗
毗沙那楞伽王即得菩薩三昧名无
等等法光明智相得陀羅尼名一切
巧音得如是等無量无边諸三昧陀
羅尼已時毗毗沙那楞伽王即白佛
言世尊我今得此三昧陀羅尼已覺
知一切世諦之法佛言楞伽王云何

覺知毗毗沙那言世尊一切世諦之法如夢如幻如響聲等如山水駛如水中月如風吹空華如秋雲起如珠光明如燈焰火如華上露如捷闌婆城如水上泡如虹如焰世尊我已覺知世諦諸法現皆无常今時世尊即放頂上百千億那由他種種妙色光明所謂青黃赤白紅紫頗梨及金等色普照无量無邊阿僧祇諸佛刹土既遍照已還入頂上今時尊者大目犍連即從座起偏袒右肩右膝著地合掌向佛說偈問言

佛上妙德非無因 開放清淨光明網
智慧精妙覺發誰 放百光網願佛說
佛告目犍連言汝見此毗毗沙那楞伽王在於我前合掌正立以此廣大供養之具用供養我及聲聞衆諸菩薩衆因此功德發阿耨多羅三藐三菩提心不目犍連言世尊我見世尊我見佛言目犍連是毗毗沙那楞伽王從我已去乃至當欲供養承事百千億那由他諸佛過是已後彼身功德奉力具足有世界名蓮華城彼有

世尊号蓮華功德相震聲威王如來
阿羅呵三藐三佛施現在彼住遊行
說法彼佛如來壽命无量世界清淨
此毗毗沙那楞伽王化生彼刹生彼
中已即得菩薩歡喜之地如是乃至
得菩薩十地過無量劫數已於後生
此娑婆世界當得成佛号曰善妙震
聲金威善淨光明現功德寶蓋莊嚴
頂相毗盧遮那王如來應供正遍知
明行足善逝世間解无上士調御丈
夫天人師佛世尊是寂後生彼世界
者名電寶冠除諸山埳坑坎崖坂土
石糞穢無有女身及惡道等而被佛
刹清淨勝彼現在阿彌陀如來佛刹
諸菩薩衆充滿彼國劫名善觀明彼
佛如來壽命無量目捷連是故如來
至真等正覺微笑時毗毗沙那楞伽
王得受阿耨多羅三藐三菩提記時
以為法故歡喜踊躍遍體戰慄飛上
虛空高十多羅樹於虛空中說此偈言
一切諸法空如夢 清淨非有同虛空
我及無我悉皆无 我知如化如電光
衆生有中自生滅 諦求一法不可得

初中後等无所有 畜養衆生命亦然
衆生隨業得果報 有中展轉不休息
若行如此菩提行 得知諸法體皆空
尔時毗毗沙那楞伽王說是偈已從
空中下遶佛三帀遶三帀已蒙佛威
神却坐一面時海衆中或有天龍阿
修羅等證法得果者或有夜叉羅刹
發菩提心者或有緊那羅摩睺羅伽
於諸佛法得无疑者或有迦樓羅軋
闍婆及呪神等得陀羅尼證法得果
於一切法得不退轉者即時大地震
動自然光明遍滿佛刹乃至大小鐵
圍山間普皆明照一切惡道諸苦悉
除上虚空中雨諸天華響擊天鼓叫
嘯等聲并諸衣服空中舒卷自然顯
現如是種種不思議事時毗毗沙那
楞伽王觀其自衆如是告言汝等一
切相與和合來向世尊生恭敬心發
於阿耨多羅三藐三菩提心時彼無
量百千羅刹相與和合向佛合掌白
言世尊我等聚集相與和合從今已
去歸依於佛及以法僧發菩提心世
尊我等從今已去行大乘行如來證

知世尊我等於未來世在此娑婆剎中得成正覺定斷惡業為无上尊為一切衆生作利益故佛言善哉善哉汝等若能發菩提心者汝等當行四種善法凡善行者行此四法得不忘彼菩提之心何等為四一者所有願行不違不失二者於諸衆生常行慈心三者一日三時供養三寶晝夜不絕四者不願聲聞辟支佛果此為汝等四法具足不忘失彼菩提之心

尔時海龍王從坐而起偏袒右肩右膝著地向佛合掌白佛世尊毗沙毘那楞伽王往昔造何善根乃能如是廣供養具供養於佛及無數聲聞菩薩衆等供養訖已發菩提心發菩提心已證不退轉得受阿耨多羅三藐三菩提記作是語已佛告海龍王言龍王往昔過無量阿僧祇劫數時彼有佛号大悲所生智相幢如来至真等正覺應供正遍知明行足善逝世間解无上士調御丈夫天人師佛世尊而彼如来亦還生此娑婆世界五濁世中而彼如来至真等正覺於衆

生中演說分別三乘之法龍王時彼
如來亦還住此摩羅耶山頂上與五
百比丘大聲聞衆無量天龍及非人
等衆中說法龍王時有羅刹童子名
毗毗沙歌亦還住此楞伽大城形貌
雄猛大膽巨力其性輕惡面目鄙醜
唯食肉血口牙可畏龍王時彼毗毗
沙歌羅刹童子聞佛世尊住摩羅耶
山頂上即作是念我不欲此沙門及
比丘衆在摩羅耶山頂上居住何以
故若彼沙門住在摩羅耶山頂上者
我不能攝大海雜類亦无衆生可殺
害者我今住此則恒飢餓龍王時彼
毗毗沙歌羅刹童子即告其衆諸羅
刹言汝等有大力者宜可速來著堅
牢甲各執刁杵提弩斧戟弓箭鉾楯
并金剛杵鬪輪璫等嚴持如是種種
器械何以故我今應當駭彼沙門及
沙門衆去我境界令其捨離我所住
處龍王時毗毗沙歌羅刹童子帶好
堅甲及羅刹衆各持種種別色器械
飛行虛空向彼大悲所生智相幢如
來往至彼已住在虛空與其徒衆語

世尊言去去沙門我不用汝住此山頂
莫復令我殺汝沙門及汝衆等龍王
今時大悲所生智相幢如來即現神
通現神通已時毗毗沙歌羅剎童子
及其徒衆各見自身被五繫縛又見
十方鐵網羅布欲走無路憊然定住
龍王時毗毗沙歌羅剎童子及羅剎
衆心驚惶怖即生是念我等今者欲
何處去求歸命誰向誰求救誰脫我
等難龍王今時彼佛衆中有呪神王名
正定深滿功德威與彼毗毗沙歌羅
剎童子宿作善友在彼世尊衆中集
坐龍王今時正定深滿功德威持呪
神王語毗毗沙歌羅剎童子言善友
諸佛世尊教化人天所得无量諸功
德法三界獨尊衆生中寶有大悲行
汝善友及羅剎衆此可歸依及以法
僧汝等歸依三寶發菩提心一切繫
縛即得解脫說是語已龍王今時正
定深滿功德威持呪神王教化力故
及佛神力即時毗毗沙歌羅剎童子
及羅剎衆俱共合掌出如是言南无
無邊功德莊嚴身者南无寂上大悲

覺者我等與汝今日已去歸依於佛
及以法僧我等恒行歸依三寶發阿
耨多羅三藐三菩提心龍王時毗毗
沙歌羅剎童子及一切羅剎衆出此
言已一切繫縛即得解脫從虛空來
向大悲所生智相幢王如來至彼世
尊三帀圍遶時毗毗沙歌羅剎童子
及羅剎衆一切俱時頂禮佛足於彼
如來乞求懺悔乞懺悔已各還本處
龍王於汝意云何汝今當知是時世
中毗毗沙歌羅剎童子者豈異人乎
今毗毗沙那楞伽王是也時彼世中
羅剎衆者更非別衆今毗毗沙那楞
伽王羅剎衆者是也龍王於汝意云
何時彼世中正定深滿功德威持呪
神王者亦非別人即是海妙深持自
在智通菩薩摩訶薩是也作是語已
此三千大千世界即時震動猶如舩
舶在大海中隨波動搖衆生類中無
見驚怖及以害者唯得一切安隱快
樂一切衆生持十善行時此娑婆佛
剎除去高山須弥大海國土聚落山
林海島黑山龕窟稠林園池河泉陂

澤丘陵坑坎崖隴石壁沙鹵棘刺泥
糞臭穢可惡除闇淨檀金大光普照
此三千大千世界所有一切大小鐵
圍山中一切諸闇一切光明及以日
月所不照處彼明遍照隱蔽日月況
餘光明一切諸影是時不現滅除一
切地獄畜生餓鬼等苦即時此娑婆
世界諸天人等若有苦惱一切皆得
安隱受樂若有衆生飢者得食渴者
得飲裸者得衣貧者得寶盲者見色
聾者聞聲啞者能語六根殘缺悉得
具足閉在牢獄普皆解脫

大乘同性經卷上

癸卯歲高麗國大藏都監奉
勅彫造

大乘同性經卷下

方

周宇文氏天竺三藏闍那耶舍譯

是時雜類衆生無有貪欲瞋恚愚癡
慳妬等心各各唯有善心慈心安樂
之心猶如父母兄弟姊妹當於是時
一切衆生得如是等心行安樂歡喜
踊躍遍滿諸根无復寒熱及以憂愁
如是一切衆生樂心具足不聞高聲
及諸大聲復此大地平正如掌琉璃
所成化出種種深廣妙池七寶為砌
金沙布底八功德水清淨盈滿彼諸
池中自然化出無量蓮華大如車輪
彼諸妙華有七寶色開敷微妙其葉
柔軟或復化出无量蓮華廣一由旬
雜色精妙香氣柔軟如迦陵伽衣又
復化出百千億那由他多諸種種蓮
華莊嚴或復化出無量蓮華廣二由
旬或三四五乃至一十二三十四
十五十及百由旬或復化出無量蓮
華廣千由旬是時娑婆佛剎雨大香
雨灑散於地彼水香氣柔軟微妙能
令衆生歡喜踊躍諸微妙風吹彼種

種天妙華雨自然墮落所謂曇陀羅
華摩訶曇陀羅華曇殊沙華摩訶曇
殊沙華月華大月華意華大意華雨
如是等廣大諸華復有勝妙諸末香
雨復有沉水香多伽羅香黑沉水香
牛頭栴檀此等香烟如是出現處處
遍滿又復出生過无量百千億那由
他阿僧祇數大如意樹七寶所成縱
廣高下或一由旬乃至百由旬取勝
端嚴悉皆樂見其諸寶樹以種種寶
衣服繒綵白拂垂旒鈴網莊嚴彼諸
寶樹雨於種種精妙七寶所謂金銀
琉璃摩尼真珠車渠馬瑙赤真珠貫
如是等雨又諸寶樹雨種種柔軟雜
色衣服所謂歌奢衣俱奢衣憍奢耶
衣歌尸歌衣如是等雨又諸寶樹雨
諸瓔珞以閻浮檀金所作成就種種
雜寶間錯微妙所謂鐶釧耳璫天冠
臂印珠繩寶瓔金鎖瓔珞如是等雨
又彼諸寶如意樹下出生百千億那
由他師子之座各以種種七寶所成
彼師子座高於七刃菩薩坐上三十
二相莊嚴其身容貌端嚴衆所憐見

其身內外自然明徹彼一切諸菩薩
前出生百千億那由他劫各七寶成
彼諸榻上各千天子而坐其上奏五
音樂并出歌歎其聲精妙能令聞者
心意喜躍其音聲中出諸歌讚說是
偈言

平等无等等我所悉皆無具功德莊嚴
一切世希有精進諸苦行此法如是生
微妙莊嚴事故現一切世能除地獄等
此法如是生微妙事莊嚴故現一切世
能除地獄等所有生道苦及諸有等苦
是時皆得滅除彼塵垢穢諸人等癡垢
善勝微妙事故現諸人中今者無邊刹
是時皆平廣大山及諸河湏弥海悉无
以琉璃為地清淨平如掌諸寶雜色樹
精妙音樂見刹中復有此嚴淨焰光明
金色諸精妙翳障於日月多種雜寶座
有諸菩薩坐威光如百日照衆相莊嚴身
无量諸池邊周匝摩尼寶八分功德水
清淨盈滿中百千種蓮花莊嚴陂池裏
廣大如車輪展轉倍於前復有堅牢座
一切寶所成百千億千天天衆悉端嚴
奏諸微妙音讚歎及歌詠如來神力故

出此衆妙聲

同經卷下 第四張方

第

出如是等音樂歌詠事相偈法有過
無量無邊阿僧祇法句今時世尊集
會之中所有諸天及以人等有大乘
行者樂大乘者信廣大意者因此無
邊光明力故見彼一切佛刹如是功
德莊嚴清淨其中天人有行聲聞辟
支佛行者不見不知佛刹功德莊嚴
清淨其諸菩薩摩訶薩等在此刹中
悉得無量無邊阿僧祇三昧陀羅尼
神通法句復有諸大聲聞得入一切
寂滅三昧今時有師子座縱廣正等
高百億由旬自然而現七寶所成天
衣敷上時有如來身大無邊現於座
上加趺而坐其身相好端嚴無譬顯
現具足有大蓮花縱廣正等高八万
四千由旬七寶所作出現佛前有无
量百千億那由他蓮花莊嚴圍遶開
敷柔軟精妙端嚴復有過無量阿僧
祇數幢幡懸蓋種種雜寶間錯而成
於虛空中懸无量無邊真珠等寶及
諸繒絲復懸无量無邊寶鈴羅網有
如是等功德莊嚴於此佛刹自然顯

現如是不可說無量无邊阿僧祇未曾有事於此娑婆佛剎中現又不可說不可量不可數大莊嚴神通之力昔所未見今未曾聞於此娑婆世界中現如是等最大家勝希有之法

今時弥勒菩薩摩訶薩即發此念何因何緣此佛剎中顯現希有不可思議大莊嚴事神通之力令衆踊躍我當問佛至真等正覺破此疑心尔時弥勒菩薩摩訶薩從座而起偏袒右肩以其右膝置蓮華上向佛合掌而白佛言世尊我今有疑欲問如来願開疑網佛告弥勒如来至真等正覺常開汝問若有疑惑當為解說尔時弥勒菩薩摩訶薩蒙佛許已白佛言世尊是誰因緣有此事相於此娑婆佛剎顯現如是希有奇特踊躍之法所謂現神通力一切功德莊嚴佛剎勝淨嚴飾明徹無垢一切惡心悉已除滅乃至不可稱說无有窮盡未曾聞見世尊此菩薩衆見如是等神通為法世間顯現一切疑惑世尊欲為何事尔時弥勒菩薩摩訶薩說偈

問佛

世間希有今是何 顯現如是大世尊
驚怖未曾有斯法 今於此事生疑惑
震動大地并巨海 或有安住淨世界
開敷清淨金光網 除滅世間一切闇
蓮花百千無有邊 復有雜花妙寶樹
億數幢蓋及繒幡 并真珠貫鈴網等
無量種種福慧光明 滅除一切惡道苦
世尊何事現此相 妙淨娑婆佛剎中
說此語已佛告弥勒菩薩摩訶薩言
汝可復坐吾當為汝分別解說何因
何緣大希有法世間現者弥勒東方
過阿僧祇恒河沙等佛剎彼有佛剎
名清淨光輪切德莊嚴寶縷界廁彼
佛剎有佛名開敷精妙具莊嚴神通
法界輪一蓋吼聲毗盧遮那藏安自
在王如來至真等正覺現在遊行演
說法要世界清淨除滅慳貪瞋癡一
切煩惱諸惡道等彼佛剎中十住菩
薩摩訶薩之所居住彼佛剎中有菩
薩摩訶薩名海妙深持自在智通得
一切菩薩禪定三昧神通陀羅尼寂
為第一持一切寶莊嚴殿與過無邊

數諸菩薩摩訶薩從虛空中欲來至此娑婆佛刹是善丈夫威神力故於此世界作大莊嚴神通自在先現是事。爾時世尊說此事已海妙深持自在智通菩薩摩訶薩及其徒衆即時現大威德光輪莊嚴之中有无量億光明羅網具足圍遶虛空中行作百千種音樂歌詠部別各各雨衆天花復放百千億那由他光明來至於此娑婆佛刹即以寶莊嚴殿安置欲色三界空中既安置已與其徒衆從空中下至於佛所合掌向佛接足頂礼圍繞三匝。爾時海妙深持自在智通菩薩摩訶薩與其徒衆合掌恭敬白佛言世尊唯願如來憐愍我等納受坐此寶莊嚴殿世尊於此寶莊嚴殿為大菩薩衆說无等等深妙之法。爾時世尊告海妙深持自在智通菩薩摩訶薩言善哉善哉善丈夫汝今以此寶莊嚴殿奉施如來至真等正覺善丈夫汝於此賢劫中毗婆尸佛已來乃至賢劫千佛以此一切寶莊嚴殿過去亦施現在亦施未來亦施善哉。

丈夫乃能以此大寶莊嚴嚴飾此中
娑婆佛刹

尔時海龍王白佛言世尊寶莊嚴殿
今在何處復若大小尔時世尊告龍
王言龍王彼寶莊嚴殿置在欲色二
界空中縱廣三千大千世界龍王彼
寶莊嚴殿一切諸佛菩薩神通三昧
力故出彼寶殿一切菩薩安樂之處
堪以供養奉獻如來龍王得彼寶殿
佛所居處又是如來福力故生能令
菩薩心得清淨復能照明十方世界
使諸衆生心意歡喜隱翳一切諸天
宮殿不可說無邊莊嚴之事成就具
足普告十方一切菩薩皆令覺知龍
王彼寶莊嚴殿白琉璃為上閭浮檀
金為壁切德藏寶以為女牆馬瑙藏
寶以為却敵摩尼寶藏以為欄楯淨
光明寶以為欄柱普光明寶以為其
輦一切衆寶以為其座一切雜寶如
半月形光明无邊以覆殿上八万四
千億那由他柱雜色端嚴衆寶所成
精妙具足取勝供養稱可如來龍王
其彼寶殿懸諸雜寶無量无邊真珠

繒綵金鈴羅網立正妙幢懸諸幡蓋
牛頭栴檀以塗其地燒堅栴檀及以
沉水取上妙香以之為栴龍珠寶華
間錯莊嚴以種種華遍散其地龍王
彼寶莊嚴殿一切所有諸殿柱上無
數千億諸天子坐作天五音取妙歌
讚出聲踊躍諸法明門從音樂出龍
王彼寶莊嚴殿周匝輪迴大風所持
有千億七寶妙池金沙為底八功德
水清淨盈滿一一池中無數百千億
卍由他蓮華開敷七寶填飾妙色端
正是諸蓮華大如車輪龍王彼寶莊
嚴殿有寶樹園周匝圍遶有如意樹
種種雜寶花果莊嚴懸諸鈴網及真
珠貫繒綵細疊以為莊飾出微妙香
令心踊躍種種寶塔妙色端正以為
莊嚴龍王一一樹下各有七寶師子
之座天迦尸迦衣以為敷具彼師子
座高廣微妙成就具足稱可一切諸
佛菩薩龍王十方所有一切諸佛剎
所有瓔珞莊嚴及諸花雨一切現彼
寶莊嚴殿龍王彼寶莊嚴殿如是等
大及以安住尔時世尊告菩薩衆言

諸善丈夫為滿海妙深持自在智通
菩薩摩訶薩願故汝等隨我向於寶
莊嚴殿彼處俱坐尔時世尊從座而
起與不可數諸菩薩摩訶薩前後圍
遶時海妙深持自在智通菩薩在於
右邊弥勒菩薩在於左邊於虛空中
安庠而去向寶莊嚴殿至彼處已尔
時世尊與菩薩衆入彼寶莊嚴殿殿
中東面有師子座高無數由旬縱廣
正等是時世尊即坐其上世尊坐於
師子座時彼寶莊嚴殿六種震動出
百千億那由他无量種種大光明網
所謂青黃赤白紅紫金色彼諸天子
作天音樂及以歌讚雨大天花然諸
天香恒不斷絕尔時世尊告菩薩衆
言諸善丈夫汝等各各敷蓮華座而
坐其上世尊勅已彼菩薩衆各就蓮
華座上而坐佛及菩薩摩訶薩衆皆
悉坐已時海妙深持自在智通菩薩
摩訶薩作是思惟我於今者供養如
來至真等正覺無復諮請問於佛地
時海妙深持自在智通菩薩摩訶薩
即從坐起隨意所生種種无量無邊

阿僧祇花香塗香末香花冠衣服幢
幡寶蓋音樂歌歎供養世尊及菩薩
衆恭敬尊重承事供養生希有心供
養訖已又復出此勝供養具所謂寶
真珠貫牛頭栴檀七寶為花以大寶
珠名師子無尋寶藏清淨明徹以手
執持供養世尊及菩薩衆為供養故
散於如來遍覆其上散已礼世尊足
遶百千帀向佛合掌以偈讚曰

顯現無量妙相身 平正端嚴无闕少
螺髻孔雀烏蜂色 額平悅澤而廣開
毫相圓開如妙花 雙眉形似初生月
鼻高隆直妙無譬 眼如日照青蓮色
耳埵妙如芭蕉莖 齒齊如白拘勿頭
舌廣紅色得勝味 脣厚圓滿赤朱色
妙肩洪滿現無闕 垂臂如風吹娑羅
爪甲長妙赤銅色 手指縵網如鵝王
足下千輻妙輪相 皆由往昔大施主
功德勝形師子臆 體相莊嚴妙端正
腰如弓弣金剛杵 陰相不現如馬藏
脰脰圓滿如為鼻 脚腩端正而平滿
拍掌輪相鵝王網 進止徐庠師子步
如來具此一切相 是故頂礼功德王

尔時海妙深持自在智通菩薩摩訶
薩讚歎訖已復白佛言世尊我今有
疑欲問如來至真等正覺若佛世尊
開我疑問乃敢請說作是語已佛告
海妙深持自在智通菩薩摩訶薩言
善丈夫今若有疑恣汝樂問吾當為
汝分別解說令心歡喜尔時海妙深
持自在智通菩薩摩訶薩白佛言世
尊佛地有幾一切菩薩及聲聞辟
支佛所不能行作是語已佛告海妙
深持自在智通菩薩摩訶薩言善哉
善哉善丈夫汝今欲令一切菩薩能
作明了利益安樂顯現佛智乃能問
於如來此事汝善丈夫諦聽諦受善
思念之吾當為汝分別解說善丈夫
佛有十地一切菩薩及聲聞辟支佛
等所不能行何者為十一名甚深難
知廣明智德地二名清淨身分威嚴
不思議明德地三名善明月幢寶相
海藏地四名精妙金光功德神通智
德地五名火輪威藏明德地六名虛
空內清淨无垢焰光開相地七名廣
勝法界藏明界地八名寂淨普覺智

藏能淨无垢遍無尋智通地九名无
邊億莊嚴迴向能照明地十名毗盧
遮那智海藏地善丈夫此地是如來
十地名号諸佛智慧不可具說善丈
夫佛初地者一切微細習氣除故復
一切法得自在故第二地者轉法輪
故說深法故第三地者說諸聲聞戒
故又復顯說三乘故第四地者說八
万四千法門故又復降伏四種魔故
第五地者如法降伏諸外道故又復
降伏傲慢及衆數故第六地者教示
無量衆生六通中故又復顯現六種
大神通故謂現无邊清淨佛刹功德
莊嚴顯現無邊菩薩大衆圍遶顯現
无邊廣大佛刹顯現无邊佛刹自體
顯現無邊諸佛刹中從兜率天下託
胎乃至法滅示現无邊種種神通第
七地者為諸菩薩如實說七菩提分
無所有故復无所著故第八地者受
一切菩薩阿耨多羅三藐三菩提四
種記故第九地者為諸菩薩現善方
便故第十地者為諸菩薩說一切諸
法無所有故復告令知一切諸法太

來寂滅大涅槃故世尊說此如來十
地名已即時此娑婆佛刹乃至十方
不可說諸佛刹等一切現大十八種
相所謂地動中動大動小搖中搖及
以大搖小震中震及以大震小聲中
聲及以大聲小吼中吼及以大吼小
踊中踊及以大踊是諸佛刹或東傾
西起西傾東起或南傾北起北傾南
起或中沒邊起邊沒中起一切佛刹
如是旋轉現十二相其中無一衆生
有惱害者放大勝光照諸佛刹滅除
一切世間諸闇普得光明所有一切
諸佛刹土皆悉於此佛刹中現或佛
刹中有佛無佛若成若壞亦皆於此
佛刹中現彼諸佛刹雨天華遍滿
十方不可說不可說諸佛刹中所謂
曼陀羅花摩訶曼陀羅花曼珠沙花
摩訶曼珠沙花盧遮花摩訶盧遮花
月華大月華蓋月華等乃至一切刹
中所有音樂不鼓自鳴大希有事皆
悉出現諸佛刹中彼諸佛刹所有侍
者悉從坐起各問如來諸希有事時
彼諸如來為其廣說解所疑問

尔時此寶莊嚴殿中海妙深持自在
智通菩薩摩訶薩及諸菩薩集坐衆
等咸悉驚恠竒哉竒異何因何緣世
尊說此佛深境界如來所行甚深難
知微密難見一切菩薩非所行處况
諸聲聞及辟支佛何以故我等未曾
得聞如此如來十地不可思議諸佛
境界我等為此善事和合相隨請於
如來至真等正覺廣說佛地諸菩薩
摩訶薩各從坐起合掌向佛說偈請言
寂勝无上尊 此間無等說一切佛諸地
向者已說名我等今驚恠未曾聞此法
聞諸地名已 心意俱踊躍如飢思美食
渴者念甘泉如是我欲聞願佛說諸地
說此語已彼諸菩薩遶佛三匝礼世
尊足各各在於蓮華座坐尔時世尊
如師子王安庠顧視觀察十方觀十
方已告海妙深持自在智通菩薩摩
訶薩言善丈夫如來諸地甚深難知
不可得底難可覺了出過一切文辭
言說何以故善丈夫聲聞辟支佛等
諸地尚不可說何況菩薩諸地一切
如來佛地名也時海妙深持菩薩白

佛言世尊聲聞諸地為有幾多佛言
善丈夫聲聞之地凡有十種何等為
十一者受三歸地二者信地三者信
法地四者內凡夫地五者學信戒地
六者八人地七者須陀洹地八者斯
陀含地九者阿那含地十者阿羅漢
地善丈夫是名十種聲聞之地海妙
深持菩薩復問佛言世尊辟支佛地
復有幾許佛言善丈夫辟支佛地有
其十種何等為十一者昔行具足地
二者自覺甚深十二因緣地三者覺
了四聖諦地四者甚深利智地五者
八聖道地六者覺了法界虛空界衆
生界地七者證寂滅地八者六通地
九者徹秘密地十者習氣漸薄地善
丈夫是名十種辟支佛地海妙深持
菩薩復問佛言世尊諸菩薩地復有
幾種佛言善丈夫菩薩諸地有其十
種何者為十一者歡喜地二者離垢
地三者明地四者焰慧地五者難勝
地六者現前地七者遠行地八者不
動地九者善慧地十者法雲地善丈
夫是名菩薩十種諸地海妙深持菩

薩復問佛言世尊一切自地從何處
生佛言善丈夫一切自地從佛地生
海妙深持菩薩復問佛言世尊解脫
解脫彼此何異佛言善丈夫河水海
水彼此異不海妙深持菩薩言世尊
河水海水廣狹有異佛言如是如是
善丈夫聲聞辟支佛解脫如彼河水
如來解脫如大海水海妙深持菩薩
復問佛言世尊諸大小河流入海不
佛言如是如是善丈夫如汝所說何
以故所有聲聞法辟支佛法菩薩法
諸佛法如是一切諸法皆悉流入毗
盧遮那智藏大海海妙深持菩薩復
問言世尊唯願世尊現初佛地住彼
初地顯現一切如來境界及諸聲聞
辟支佛等歡喜踊躍

尔時世尊現自佛刹名無邊阿僧祇
功德諸寶具蓋不思議莊嚴佛刹王
縱廣百千億那由他恒河沙數三千
大千世界微塵等諸佛刹是時諸佛
刹入无邊阿僧祇功德諸寶具蓋不
思議莊嚴佛刹中皆同一名所有小須
彌中須彌大須彌一切黑山及小河

中河大河及諸大海諸山林谷槃石
峯崖糞穢沙鹵險惡之處悉皆除滅
無有地獄畜生餓鬼等道及天龍夜
叉捷闍婆阿修羅迦樓羅緊那羅摩
睺羅伽人非人等亦悉除滅无有舊
佛刹土功德莊嚴諸瓔珞等此佛刹
中所有地際皆琉璃成平整如掌大
因陀羅紺色金剛為佛刹中出眾上
微妙莊嚴寶花阿輪歌林名菩提樹
王七寶所成有雜妙色此菩提樹王
高無邊恒河沙佛刹微塵世界縱廣
正等彼菩提王種種妙寶以為花葉
果實枝柯師子无罣摩尼雜寶以為
莊嚴毗琉璃赤真珠貫鈴網繒綵彼
菩提樹出電光焰不斷不絕或放金
光或摩尼光或因陀羅紺光或頗梨
光或曰寶光或月寶光彼菩提樹王
出最妙香所謂沉水香多伽羅香黑
沉水香多摩羅跋香黑栴檀香龍栴
檀香牛頭栴檀等香香氣出時遍彼
佛刹其菩提樹王出歌讚聲或雨寶
雨遍諸世界彼菩提樹下於其東面
出生大池七寶所成清淨无濁名曰

摩訶菩提池王深无边恒河沙等三千大千微塵等世界縱廣正等以閻浮檀金沙布底八功德水具足盈滿池四方面各四階道衆寶所填種種雜寶欄楯具足彼池水中出大蓮花名善開敷菩提蓮花相王七寶所成縱廣無邊恒河沙等三千大千微塵等世界七寶所作復有百千億那由他无量無邊諸寶蓮花周匝圍繞衆妙七寶莊嚴為綦柔軟妙香令人愛樂其蓮花王臺上出菩提輦王名無邊寶嚴飾七寶所成高阿僧祇恒河沙等三千大千微塵數等世界縱廣正等彼寶嚴飾菩提輦王所有服飾寂勝寂多上中之上彼寶莊嚴殿中所有服飾所有莊嚴及神通力百分千分百千億分不及其一譬如螢火在日光前其明隱翳如是如是寶莊嚴殿在无邊寶嚴飾菩提輦王前時全不復現如是種種無量无边莊嚴瓔珞所有服飾神通莊嚴及以光明能令一切日月光明悉不能照無有精光一切帝釋光一切梵天光一切

首陀會天光於彼無邊寶嚴飾菩提
輦王前所有若明若光若精若照者
无有此事於彼輦中出摩訶菩提師
子座王名善照無尋師子莊嚴七寶
所成光色无等衆事具足迦尸迦天
衣以覆其上高百億恒河沙等微塵
等世界縱廣正等釋迦牟尼即便坐
彼師子座上轉名無垢威功德師子
月光毗盧遮那藏琉璃幢圓通光相
功德威聚日月智光王如來大身正
等如百億恒河沙佛剎微塵數三千
大千世界等一切身分皆悉具足滿
三十二大人之相八十種好莊嚴其
身頂背輪光莊嚴其頭不可見頂其
身清淨譬如日月照鏡中光彼如來
身亦復如是无有肉血及以骨髓非
因父母歌羅邏時其身化生清淨如
彼閻浮檀金及淨琉璃因陀羅寶紺
光等色彼如來身清淨如是無有一
切微細習氣彼佛世尊衆相具足一
切智師諸法自在度於彼岸无上等
覺最勝大慈是最大人師子丈夫已
得漏盡堅金剛身百福德聚具足十

力及四無畏十八不共法正師子吼
壽命无量清淨佛剎成道自在光明
自然無量无边菩薩之衆前後圍繞
彼諸菩薩各各身皆得具足在寶
樹下於彼池中蓮華輦上坐師子座
其身相稱菩薩各各而自莊嚴猶如
如來莊嚴具足如是佛剎功德嚴淨
身清淨衆清淨劫名无边際莊嚴摩
訶劫王其劫清淨若欲說此廣大佛
剎及佛行者無有是處若如是覺名
為如來住佛初地

尔時世尊告海妙深持自在智通菩
薩摩訶薩言善丈夫汝見如來神通
智不海妙深持自在智通菩薩答言
見也世尊見也如來佛言善丈夫此
是佛之初地名甚深難知廣明智德
善丈夫汝今當知有正真願莊嚴切
德相一盖震聲主威王如來寶德明
徹藏功德身相淨如來不動離難光
明如來有神通力蓮華生功德威相
勝瓔珞摩尼王如來在喜樂剎中天
人尊重復有阿弥陀如來蓮華開敷
星王如來龍主王如來寶德如來有

如是等生淨佛剎所得道者彼諸如
來得初佛地如來在此地中作是神
通如我今日神通无異海妙深持自
在智通菩薩復問佛言世尊若有五
濁剎中諸佛如來現得道者當成道
者而彼世尊現得當得如來地不佛
言善丈夫若諸佛菩薩能現善巧方
便者得所以者何為諸衆生起大慈
心見諸衆生閉在三有稠林之中是
諸衆生無明闇中愛網所覆信其不
淨顛倒邪見无量諸苦臨三惡岸輪
迴六道煩惱展轉無有前際不知本
際彼諸衆生不知諸佛及諸佛法諸
菩薩法亦不如實知諸解脫善丈夫
諸佛菩薩如是知彼一切衆生多受
諸苦善丈夫今時應佛出現五濁世
界或兜率下入胎住胎初生及長宮
中喜樂出家苦行向於道場降魔成
佛轉大法輪與諸外道共論議時依
法降伏傲慢衆數乃至促壽現大涅
槃入涅槃已三昧力故顯現自身分
布舍利大如芥子天龍人非人等生
其喜心為供養故造作无量百千億

那由他諸舍利藏或有於彼法中出家修持苦行或為菩提而作種子度於煩惱有海彼岸善丈夫一切諸佛有如此法令無量无邊諸衆生等度於煩惱有海彼岸善丈夫汝今當知若五濁世中如來所現神通之力皆佛應化或諸菩薩神通力故善巧方便便化所出海妙深持自在智通菩薩復問佛言世尊佛身幾種佛言善丈夫略說有三何等為三一者報二者應三者真身海妙深持自在智通菩薩復問佛言世尊何者名為如來報身佛言善丈夫若欲見彼佛報者汝今當知如汝今日見我現諸如來清淨佛刹現得道者當得道者如是一切即是報身海妙深持自在智通菩薩復問佛言世尊何者名為如來應身佛言善丈夫猶若今日踊步捷如來魔恐怖如來大慈意如來有如是等一切彼如來穢濁世中現成佛者當成佛者如來顯現從兜率下乃至住持一切正法一切像法一切末法善丈夫汝今當知如是化事皆是應

身海妙深持自在智通菩薩復問佛
言世尊何者名為如來法身佛言善
丈夫如來真法身者無色无現無著
不可見无言說無住處无相無報无
生無滅无譬喻如是善丈夫如來不
可說身法身智身無等身无等等身
毗盧遮那身虚空身不斷身不壞身
無邊身至真身非虛假身无譬喻身
是名真身海妙深持自在智通菩薩
復問佛言世尊若諸佛真體無色无
現乃至不可說不可說者豈非斷相
也佛言善丈夫於汝意云何虚空界
者可有斷絕及有相不海妙深持自
在智通菩薩答言世尊虚空界者不
可斷絕亦無有相世尊何以故若虛
空界有斷絕者彼虚空界不名无尋
世尊虚空界无有相處聚處邊處色
處及以物處是故世尊彼虚空界不
可斷絕非是有相世尊是虚空界遍
一切處佛言善哉善哉善丈夫如是
如是善丈夫如來真實身無有斷絕
亦无有相何以故善丈夫若如來真
實身有斷絕者亦無佛出及現无边

神通之力若有相者即有聚處及以處所可執可捉一切凡夫悉皆一時即得成佛不應依時而有次第善丈夫是故如來真實之身非可斷絕亦非有相惟是普為一切衆生作其佛事海妙深持自在智通菩薩復問佛言世尊供養如來真身報身及以應身所得福業何者取多佛言善丈夫若供養一如來身即是供養一切佛身何以故善丈夫一切光明能破諸闇普使得明而此光明不共闇住如是如是善丈夫若有各各供養如來身者所造福業能破一切是無明闇開解脫明路亦復不共諸闇障住海妙深持自在智通菩薩復白佛言世尊唯願顯現第二佛地佛言善丈夫汝能見不海妙深持自在智通菩薩言世尊我於今者欲依相見尔時世尊一毛孔中即放光明名无相照乃至不可說不可說諸佛刹所有諸色一切除滅尔時世尊問彼一切菩薩衆言汝等今者有何所見諸菩薩言世尊都无所有惟見光明佛言諸善

丈夫汝等見此光明何似諸菩薩言
世尊我惟遍見無量百千億那由他
恒河沙微塵等諸佛剎一大光明介
時世尊還攝光明佛剎如舊如是安
住是時世尊告一切諸菩薩衆言如
來若說第二佛地汝等一切尚難知
聞何況得見如來三地乃至十地善
丈夫譬如日月光明與一切衆生作
大利益彼日月力令衆生知有一日
半日一月半月乃至一年及以時分
衆生不能分別見彼日月色身汝等
惟見光輪形相如是如是如來至真
等正覺一切衆生作大利益是如來
力令彼衆生得知諸法若罪若福若
世間若出世間若有漏若无漏知諸
法已彼如實證得度一切諸有曠野
彼諸衆生不能分別得見如來報身
色相惟觀神通力用應化之形是故
汝等應如是知如來諸地出過於一
切音聲語言惟有名字而可說耳
尔時海妙深持自在智通菩薩摩訶
薩白佛言世尊誰是迴度一切惡道
佛言善丈夫若有於此一切佛智行

入毗盧遮那藏甚深如來十地大乘同性經典聞已生信信已受持讀誦書寫若教他書廣為人說乃至受持此經典名善丈夫所有應墮諸惡道者即皆得度菩薩復問佛言世尊誰是發菩提心者佛言善丈夫若能受持如此經典乃至受持名字者是菩薩復問佛言世尊誰是行菩薩行者佛言善丈夫若有受持此經者是菩薩復問佛言世尊誰是速滿具足六波羅蜜者佛言善丈夫若能受持此經典者是菩薩復問評言世尊誰是當得值如來者佛言善丈夫若有能聽此經典者是菩薩復問佛言世尊誰是值佛得授記者佛言善丈夫持此如來秘密者是菩薩復問佛言世尊誰是為諸衆生作大商主佛言善丈夫若有持此如來奧藏者是菩薩復問佛言世尊誰是佛子佛言善丈夫有能信此經典者是菩薩復問佛言世尊誰是當得一切菩薩地佛言善丈夫有能聽此經典者是菩薩復問佛言世尊誰是得一切諸佛法者

佛言善丈夫有能供養此妙法明者是菩薩復問佛言世尊誰是知聲聞辟支佛法而不取彼涅槃佛言善丈夫有能受此妙法藏者是菩薩復問佛言世尊云何名此經我等云何奉持佛言善丈夫此經名為大乘同性亦名說一切佛智行入毗盧遮那藏如是受持今時世尊而說偈言

欲覺佛菩提無上勝精進 欲轉聖无漏
難思智法輪 若欲建法幢 欲打於法鼓
欲得然法燈 欲得吹法蠶 欲得智明照
欲滅愚癡闇 欲集諸衆生 安立菩提智
欲降伏魔軍 供養一切佛 欲照諸世間
尊勝妙清淨 不染世諸法 欲得无漏智
行行利衆生 欲生清淨刹 教寫聽授持
如是妙經寶 為令通佛地 讀誦及宣揚
今時世尊說此經已海妙深持自在
智通菩薩摩訶薩并及一切諸菩薩
衆聞佛所說歡喜奉行
大乘同性經卷下

癸卯歲高麗國大藏都監奉
勅彫造

證契大乘經卷上

亦名入一切佛境
智陪盧遮那藏經

方

唐天竺三藏地婆訶羅譯

如是我聞一時薄伽梵在摩羅耶頂
大山勝處園林廣茂池流皎潔諸大
持明遊華栖託靈神所居非人所履
獲果仙通上成就域與大比丘衆千
二百五十人俱皆大聲聞所作已辦
所謂超度一切婆羅凡夫等地其名
曰長老阿若憍陳如阿說視多摩訶
迦葉舍利弗大目軋連如是等而為
上首復與大菩薩衆一切皆是極超
越者一切菩薩三昧陀羅尼咸證現
前自在無碍住於一切菩薩之地其
名曰聖者弥勒菩薩大慧菩薩勝慧
菩薩堅慧菩薩寂慧菩薩无盡慧菩
薩無邊慧菩薩智慧菩薩如是等菩薩
无垢慧菩薩智慧菩薩如是等菩薩
摩訶薩而為上首皆獲授記各於世
界成正等覺而轉法輪及餘諸大天
龍夜叉乾闥婆阿修羅迦樓羅緊那
羅摩睺羅伽仙通鬼神種種形身種
種衣服種種冠飾持種種仗種種幢

幟俱來聽法咸在會坐

尔時世尊大衆如海圍繞瞻仰恭敬
供養敷演妙法初善中善後善善義
善顯惟一圓滿具足開說白淨梵行
尔時楞迦大城有羅刹三名毗毗產
為其城主時毗毗產聞佛世尊在摩
羅耶頂大山勝處大園池沿仙通遊
止非人所行上成就域與大比丘衆
千二百五十人俱并諸菩薩及諸天
等大會圍繞敷演妙法乃至開顯白
淨梵行於是毗毗產主作如是念佛
聲難聞如優曇花况逢佛出聽受正
法如海盲龜遇浮木孔斯為甚難佛
極難遇正法難聞聞法見道見佛世
尊獲大菩提覺悟衆生甚難甚難希
得逢遇我於今者難遇得遇應速嚴
賣種種珍寶真珠瓔珞无量花鬘燒
塗末香衣服繖蓋幢幡帷障及笙鼓
等衆樂妓人種種供養并率部属同
詣佛所供養於佛請問正法是不虛
生便於此身獲大利益

尔時毗毗產普告部属汝等宜速多
賣財寶金銀摩尼真珠琉璃珊瑚馬

腦赤珠珂玉珠頸瓔珞上妙花香乃
至笙鼓諸音樂等及諸妓戲衆雜供
養咸速嚴持與我同詣如來法主三
界勝尊无上福聚具取勝相一切知
見取勝福田一切智所親修供養所
以者何佛出甚難時或一現與福時
會刹那希遇三寶之聲世間難聞時
不可失毗毗產主以偈告曰

時或佛出世刹那會極難百千俱胝劫
希有逢遇者導師難值遇猶如優曇花
元邊衆生界輪轉乘六趣地獄受苦毒
畜生及鬼道生於八難中棄捨諸如來
聖光出於世普利諸衆生以大智慧日
照滅元明闇今當俱詣彼同修大供養
摩訶那伽尊一切世間導天人之大師
供養獲大果

時毗毗產說此偈已佛神力故俱脰
那由他百千光明從佛所出騰輝空
中入楞迦大城照毗毗產及其部屬
毗毗產等遇此光明踊躍歡喜大光
網中出妙伽他演甚深法

諸法本寂 空性無我 一切衆生
皆不可得 无初無中 亦无終後

虛假不實 猶如幻夢 如雲如電

陽焰浮泡 如旋火輪 如水聚沫

因緣生法 皆無自性 一切有為

當知悉介 無明渴愛 是生死本

諦觀熏修 无無明愛 一切諸法

離於言說 寂實淨性 猶若虛空

光網聲中演伽他已楞迦大城毗毗

產主即得无我甚深法忍其餘部屬

有得忍者或有發菩提心者有得順

忍者有見諦者毗毗產主於佛法僧

獲无疑信作如是念我當著堅信甲

以取佛果即說偈言

天人阿修羅 无上取勝解 梵主諸天衆

不見不能知 我當於世間 獲得如是法

一切智之智 決定无有疑 當於此世界

成佛度衆生 無邊俱脛數 開顯佛淨法

无漏八解支 勝上真正道 无邊智徧顯

三十二相具 成佛證菩提 以此莊嚴身

普令諸衆生 修行清淨業 超度生死流

滅除衆怖畏 荷持德智行 拯濟廣饒益

日身開月口 滅塵破生死 持德當成佛

顯示三有中

時毗毗產說此偈已即於阿耨多羅

三藐三菩提得不退轉賣持无量如
心所欲奇妙異物種種顯現種種花
鬘燒香塗香末香衣幢幡繖摩尼衆
寶繒幕帷障真珠寶頸諸莊嚴具笙
鼓衆音歌唱唄讚美聲悅意遍滿虛
空而來供養歎佛功德色相莊嚴率
其部屬從空中下猶如鵝王前詣佛
所同於佛前右膝著地頂禮佛足數
百拜已起右繞佛復數千匝毗毗產
主便於佛前投身布地如大樹倒作
如是言南無南摩无邊妙德莊嚴身
尊最上丈夫丈夫師子三界最勝婆
伽婆但釋迦牟尼如來阿羅訶三藐
三佛陀言已而起合掌一心頌佛功德
無量俱胝生積修清淨行行於難行行
難得菩提因飲食衣騎乘珠璣金七寶
施諸求乞者无量百千億棄捨國城邑
親愛及部屬福勝富王都豐樂財寶積
志勇無怯劣拯濟不思議百千万億劫
常行難捨施往昔為王子名曰須達拏
止於苦行林捨妻及男女昔見飢乳虎
慈悲捨身肉又為救鵠命不恡自屠割
見盲婆羅門乞眼便挑與未曾生苦惱

亦無悔恨心見來求乞者大喜恭敬施
為修菩提因捨頭奉乞者長夜護戒聚
不濁不虧缺純一淨聖行不與衆惡雜
不害衆生命不盜他財物梵行常清淨
不染恡戀著口不出妄語禁酒酒類飲
等觀諸衆生與己一無別終不行閒說
護搆破於他不出兇暴言語不綺无義
常行善利行禁除諸損害不於諸衆生
而暫起嫌怒常斷諸邪見專持正善德
佛法僧之所徹誠修供養昔捨諸五欲
出家遠愛染奉佛清淨戒波羅提木叉
昔行於忍德安受衆苦痛陵打瞋罵詈
嚴毒苦皆忍曾无恨悔心心不暫生惡
於諸衆生所无害無嫌忿慈眼觀衆生
普視猶如子令脫大苦毒无量百千億
生生世世中常修大忍行昔為忍辱仙
修道演白法王妃宮妓等歡喜來聽受
王瞋害大忍大忍心安悅聖尊建大進
不思俱胆劫狹劣邪怠心常禁不令起
大志廣精進開悟佛菩提以佛大菩提
覺照於一切昔行難行行勤策不懈怠
供養諸尊重及无量如來乃至為衆生
而處於生死隨順作僮僕種種方便導

無量百千生為大勤苦行 積修佛真法
以祈无上果 往昔修禪定 寂靜調伏心
四禪與五通 無色等咸達 正思三摩提
无漏定圓滿 昔時修般若 滿足无漏智
了諸法无性 幻偽假誑惑 無我无衆生
壽者養育者 生者因業轉 煩惱網連續
欲界常不淨 四染煩惱俱 衆生界清淨
乃知煩惱本 逮得實清淨 斯見衆生始
施戒忍進定 般若等超過 以何義開顯
方便及智度 无邊勝福聚 大進正覺尊
勤身語意業 今獲佛真果 我今稽首礼
世界大依父 願我於未來 當得佛正覺
時毗毗產主 偈頌佛已 以無量種種
上妙花鬘燒香塗香末香衣服繖蓋
幢幡笙鼓衆雜音樂歌唱頌讚與其
部属最上尊重如法至誠同供養佛
及諸聲聞諸菩薩衆時毗毗產白佛
言世尊欲少請問如來應正等覺願
垂聽許佛告毗毗產恣汝所問當如
汝心為汝解說毗毗產主蒙佛聽許
即白佛言世尊衆生梵音薩埵舊譯為衆生或為有情
衆生者是何義佛告楞迦主言衆生
者是有性想衆和合故所謂地水火

風空識名色界入緣起及因業果會
對而生猶如蘆束或執為我或曰衆
生生者養育者丈夫者或稱富伽羅
或稱摩那婆或稱知者或稱視者或
稱作者受者想者楞迦主當知此皆
是衆生想毗毗產復白佛言世尊彼
諸衆生以何為根何所止住復何流
運佛言一切衆生无明為根止住於
愛隨業流運毗毗產言世尊業有幾
種佛言楞迦主業有三種三相云何
三種謂身業語業意業云何三相謂
善相不善相善不善相毗毗產言世
尊云何衆生死已而更受生云何捨
身更取新身佛言楞迦主衆生身死
識遷隨業風運受已業果善及不善
善不善等如業所引以取身報或受
外生或受胎生濕生化生皆業風運
不勞而至毗毗產言世尊衆生死已
受中陰身新身未受云何而住佛言
楞迦主於意云何如種生牙為先種
滅而後牙生為先牙生而後種滅為
種滅經久而牙乃生毗毗產言世尊
非種滅已而後牙生非牙生已而後

種滅生滅同時無先无後佛言如是
楞迦主非舊身後識滅已而新身初
識生亦非新身初識生已而舊身後識
滅生滅同時無先无後楞迦主如吉
弥重行頭有所至身捻隨之一著不
移步易乃去如是先識託身識捻隨
之一託不離死方遷捨毗毗產言若
如是者有中陰不佛言楞迦主如如
生衆生棄身託如以業風力在於如
中凝汙无知至如熟時識方有覺所
以者何業法如是以業力故如生衆
生熟時未至無所覺知又轉輪王及
轉輪王子以福業故受身之時不為
胎穢所汙不與胎穢和雜無胎穢染
故多化生如或胎生便有胎如不染
胎穢熟時至已剖如而出楞迦主應
當以是而表中陰毗毗產言世尊識
量如何作何形色佛言楞迦主識無
限量无色無形不可顯現无身無似
无住無表毗毗產言世尊識體若无
限量無色无形不可顯現無身无似
無住无表豈非是断相耶佛言不也
楞迦主我今以譬開喻汝心當令汝

悟如汝在已宮中處堂殿上嫖妓部
屬侍奉圍繞牀座卧具敷施適樂種
種妙好以莊嚴身是時无憂大園卉
木敷榮衆花舒發或和風調吹或猛
風暴激無憂林香流入宮殿楞迦主
於意云何其風之香可嗅知不毗毗
產言世尊香可嗅知楞迦主亦可別
知某花香不毗毗產言可分別知楞
迦主以嗅可知而便能見香體限量
形色等不毗毗產言不也世尊何以
故香體無色可顯不可執持无有同
似無表无住寧得見其量色等也楞
迦主於意云何豈以汝不能見香體
量色即是断相毗毗產言不也世尊
若是断相豈可嗅知如是如是楞迦
主識體若断即无生死了別之相楞
迦主當知識體至妙清淨而為客染
之所染汙所謂無明渴愛熏習業等
如虛空界至妙清淨而為烟雲塵霧
四染所染楞迦主識體淨妙无色無
量無所執尋客染穢現亦復如是何
以故實智觀察畢竟无有衆生可得
無命者无生者無丈夫无富伽羅無

知者無視者无想者受者作者聞者
乃至無色受想行等楞迦主實智諦
觀皆不可得諸法自性皆和合生无
有異性楞迦主應當如是修學衆生
貞實微妙勿趣空曠生死有野去何
衆生貞實所謂逮得證契摩訶若那
尔時世尊而說偈言

為業牽轉者未具八支道 脫業獲无漏
乃為世上利

時毗毖產復白佛言世尊衆生界中
無量无邊如恒河沙得渡三有廣大
深海或以聲聞乘渡或以獨覺乘渡
或有證契無上摩訶若那成等正覺
无際無窮无量無數當來亦尔以三
乘渡逮得涅槃无量無邊如恒河沙
而衆生界不增不减世尊我見是事
不知所為如廢業者佛言楞迦主勿
為廢業何以故衆生界無始无終虚
空界法界亦復如是是故楞迦主當
知衆生界不可說增不可說減此三
有廣大生死深海衆生已渡當渡无
量無邊而衆生界无增無減如虚空
界无增無減无初中後而虚空界普

遍一切無障无勞無作无分別如是
楞迦主衆生界若初若中若後皆不
可得若得證契聖法則衆生界終而
無盡滅然有得渡所以者何衆生界
法尔如是无始無終毗毗産言世尊
云何生死有海佛言楞迦主生死有
海猶如大海毗毗産言云何佛大師
教佛言諸佛教法當知如船又問云
何出家具法比丘佛言具法比丘如
商人乘船又問云何大師教戒奉持
無缺佛言愛法奉法知足護戒遵大
師教慎守无缺如修理船關綴牢固
什物備足商者乘之欲渡大海又問
云何善知識佛言善知識者如彼船
師將運於船又問云何八正支力佛
言八聖正支如正信風持船速進又
問云何禪通三昧三摩鉢底佛言禪
通三昧三摩鉢底猶如寶洲又問云
何七菩提分佛言七菩提分如七姓
寶又問得七菩提分證契摩訶衍者
此復如何佛言譬如商人取七姓寶
恣意滿足成大豪富楞迦主得七菩
提分證契摩訶衍無上修行安隱成

佛當知亦尔善哉出家在如来教尔時世尊而說偈言

諸有苦蒙密纏縛於衆生拯已及他人
斷彼有苦縛 出家在佛教為真如來子
衆生貞大我 積修成世依

時毗毗產復白佛言世尊若有衆生
於佛法中出家受戒不善護持毀破
制禁或有出家不修梵行戒多虧缺
捨戒歸俗此愚人輩其譬如何佛言
譬如商者於大海中所乘舩破溺水
而死楞迦主愚癡人輩於我法中出
家受戒不能善護多有毀破淪諸惡
趣當知亦尔世尊其有破戒不修梵
行而作清淨梵行容儀或破戒已捨
戒歸俗此輩捨身有生善趣其譬如
何佛言楞迦主譬如商人在大海中
舩破漂溺遇得破板或遇死屍或勇
進浮渡得破板者假於風力而至洲
島得死屍者海中法不停屍憑以漂
出其專心勇進力浮渡者或為海神
哀愍接置岸上如所希望於我法中
出家破戒或破戒歸俗有於佛所淨
信徹悔或直心淳淨或雖犯戒然不

捨慈心願衆生樂或更受戒自新護持楞迦主以是因緣於我法中出家破戒或捨戒歸俗而亦得有生善趣者今時世尊而說偈言

百千俱旺生積造衆罪業徹悔自新受罪淨不復增

毗毗產復白佛言世尊有幾助菩提法佛言楞迦主助菩提法有三十七謂四念處四正勤四神足五根五力七覺分八聖道是名三十七品助菩提法毗毗產言世尊解脫門有幾佛言解脫門有三謂空無相无願毗毗產言云何修成佛言修成有三謂離染修滅修涅槃度修毗毗產言療法有幾佛言療法略說有三多欲者以不淨觀療多瞋者以慈觀療愚癡者以緣起觀療毗毗產言善修有幾佛言善修有四謂善陰修善界修善入修善方便修毗毗產言云何觀察佛言楞迦主當深觀緣起及四諦因果時毗毗產三右繞佛以七寶雜花而散佛上右膝著地合掌向佛得未曾有歡喜踊躍以偈問曰

菩薩行何行勇猛利世間施戒定忍進
發趣上菩提求無漏正智化導諸衆生
成佛取勝田無垢寶莊嚴

說此偈已佛告毗毗產言善哉善哉
楞迦主汝問如來此義諦聽諦聽善
思念之當為汝說楞迦主菩薩常與
六波羅蜜相應修行於一切衆生心
無罣碍楞迦主菩薩如是之行勿令
退減勿染世法當更進修佛法勝行
成熟无邊衆生淨佛國土證契摩訶
尊我今云何修行當得阿耨多羅三
藐三菩提佛言楞迦主當去慍慢過
惡不嫉不恠行四梵行心念饒益一
切衆生不殺生不妄語不飲酒不婬
不盜不兩舌不惡口不非眞語常專
修行菩提之心六波羅蜜心利衆生
心寂靜淨心觀諸有趣衆多怖畏度
脫三有苦惱衆生楞迦主汝今欲求
佛果當如是知所言佛者但以名字
假施設耳何以故楞迦主佛體無體
故佛體无根故佛體無住故佛體至
淨故佛體無塵故佛體無我故佛體

无取故佛體無形故佛體无相故佛
體無入故佛體无出故佛體無勞故
佛體无支分故佛體無著故佛體无
染故佛體無量故佛體无所緣故佛
體無雜故佛體超一切入故佛體離
一切分別妄想計度故佛體超一切
有趣故佛體難入故佛體難知故佛
體甚深故佛體无字故佛體無色故
佛體本寂故佛體妙无垢故佛體無
上故佛體无辟故佛體不可得故佛
體不可断故佛體不可破故佛體不
可別故佛體不可思故佛體无自性
故佛體無處所故佛體无示現故佛
體無導故佛體无似故佛體非断故
佛體非常故佛體等虚空故佛體无
等等故佛體不可說故楞迦主佛體
如是欲求佛者當以無求而求佛果
何以故不可以性想而證阿耨多羅
三藐三菩提不可以我想衆生想命
者想生者養育者丈夫者富伽羅者
作者受者知者視者想者等想而證
阿耨多羅三藐三菩提不起有為想
不起法執不起陰界等執乃至不起

佛執此菩薩能證阿耨多羅三藐三菩提所以者何楞迦主菩提者不可緣不可以性執非常斷執而能證了何以故楞迦主一切諸法必歸壞故毗毗產言世尊當云何知諸有為法佛言楞迦主如幻如夢如陽焰如水中月如乾闥婆城諸有為法應如是知如是覺悟說是法時毗毗產主便獲無等等法炬智光幢菩薩三昧善一切語言陀羅尼等无量三昧陀羅尼毗毗產主得諸三昧陀羅尼已白佛言世尊我今了知諸有為法佛言楞迦主汝今云何了知諸有為法毗毗產言如夢如幻如響如山瀑流如水中月如大力風而吹空花如秋雲雷光荷上水滴如泡如燈乾闥婆城虹蜺陽焰我今了知有為自性皆悉如是

尔時世尊頂放青黃赤白頗梨銀紫俱胝那由他百千種種雜色无邊光明散照无数諸佛上已還攝光相入於頂中時長老目犍連從坐而起偏袒右肩右膝著地合掌鉤躬以頌

問曰

勝德世依非無因

開顯无邊淨光網

誰悟勝慧獲佛記

今居百光網普照

佛告大目犍連汝見楞迦城主名毗
毗產在於我前合掌而住以大供養
供養於我及諸聲聞諸菩薩衆以此
善根發阿耨多羅三藐三菩提心者
不大目犍連白佛言我見世尊我見
善逝佛告大目犍連此毗毗產楞迦
城主供養我等俱脰那由他百千佛
已持此善根捨身化生蓮華生世界
佛号蓮華積德懺聲光自在王如來
應正等覺以立持安說法教化世界
清淨佛壽無量毗毗產生彼佛土即
得菩薩歡喜地乃至得菩薩十地過
數量劫當於此娑訶世界成等正覺
号妙雄猛雷音吼寂上莊嚴金光威
清淨無垢光明幢懺勝寶積嚴功德
莊嚴頂髻莊嚴開敷妙生无邊光毗
盧遮那自在王如來阿羅訶三藐三
佛陀出現於世明行足善逝世間解
無上士調御丈夫天人師佛世尊世
界名電珠鬘其地平正无有高下丘

陵坑坎礫石穢惡亦无女人及諸惡趣國土嚴淨菩薩衆多過無邊光如來世界劫名照闇彼佛壽命无量無邊大目捷連此因緣故如來應正等覺熙怡微笑現頂光相時毗毗產蒙佛授阿耨多羅三藐三菩提記歡喜踊躍舉身震肅法樂充滿上昇虛空高七多羅樹於虛空中而說偈言

一切諸法 虛假如夢 自性無性

淨若虛空 我者无我 亦無自性

我知如幻 如流電轉 有趣生死

衆生命壽 初後中内 無少法體

業果異熟 衆生有趣 若修菩提

淨智方了 无自性法

時毗毗產說此偈已從空中下三右繞佛受教而坐是時如海大會天龍阿脩羅有得證契法者夜叉羅刹有發菩提心者緊那羅摩睺羅伽有於佛法得無疑信者迦樓羅軋闍婆持明仙通有得三昧陀羅尼證契法不退轉者於是地大震動妙光普照乃至此佛世界中間闇處皆遇光明一切惡道及諸苦惱咸得休息空中諸

天雨花擊鼓歌叫交雜掉曳衣物喜
遇奇特

尔時毗毗產羅刹主願已部屬普告
之曰汝等咸可同來佛所尊重供養
發阿耨多羅三藐三菩提心尔時無
量百千羅刹俱詣佛所合掌曲躬白
佛言我等今者同於佛前歸依佛歸
依法歸依比丘僧發菩提心發趣大
乘受持大乘願於未來在此娑訶佛
土成佛世尊滅无上罪與一切衆生
作大利益佛言善哉善哉汝等今為
求成佛故發菩提心應修四法何等
為四一者所願修行勿令虧缺二者
於諸衆生常起慈心三者日日三時
至誠供養供給三寶四者心不樂求
聲聞獨覺二乘之果汝等專勤修此
四法即不迷惑失菩提心

尔時娑竭羅龍王從坐而起偏袒右
肩右膝著地曲躬合掌而白佛言世
尊此毗毗產楞迦城主往昔修何善
根今作如是廣大供養供給如來及
聲聞衆并諸菩薩發菩提心便獲授
記於阿耨多羅三藐三菩提得不退

轉佛告娑竭羅龍王過去無量阿僧祇劫此娑訶世界有佛名大悲生智懺幢如來應供正遍知出現於世明行足善逝世間解無上士調御丈夫天人師佛世尊世界亦名娑訶國土五濁猶如今日彼佛以三乘法教化衆生有五百聲聞比丘其時佛在摩羅耶山頂无量天龍乃至非人等衆圍繞說法此毗毗產楞迦城主時為羅刹少童亦名毗毗產在楞迦大城暴烈勇壯牙齒弊惡形容可畏寬腹小面飲血食肉龍王時羅刹少童聞佛在摩羅耶山頂作如是念我不能忍今當逐彼沙門及比丘衆令離此山去我境界何以故若此沙門在摩羅耶山頂令我不得於大海中捕殺衆生恒受飢餓便告諸羅刹衆汝等有大力勇健者宜悉嚴備甲棒弓箭狼伽羅都摩羅三鋒利戟長短矛槊金剛鬘輪拋丸鉞斧種種戰具速至我所當共汝等逐彼沙門及其徒衆令出我境禁絕不使重擾壇城於是毗毗產羅刹少童被甲持仗與羅刹

衆將諸戰具乘空而往大悲生智懺
懺如來之所於空中住與羅刹衆語
彼佛言去去沙門離此山頂遠我境
界汝及徒衆勿夜被殺時大悲生智
懺懺如來現大神通佛神力故令諸
羅刹皆見已身被五繫縛十面鐵網
齊來擁逼遮竄无所復得住諸羅
刹衆戰慄驚怖作如是念我等今者
當於何去歸投於誰誰能救護尔時
彼佛會中有持明仙王名妙深定德
積威光與毗毗產羅刹少童先為親
友時持明仙謂少童曰天人大師無
邊德法具足圓滿三界最尊衆生之
寶大悲普救佛薄伽梵知友可與部
衆速歸依佛及歸依法并比丘僧具
足三歸發菩提心諸縛自解時持明
仙作是語已佛神力故羅刹少童與
其部衆合掌同聲唱如是言南无南
摩無邊妙德莊嚴身尊无上大悲三
藐三佛隨我等今者先歸依佛歸依
法歸依比丘僧我等歸三歸已住於
三歸發阿耨多羅三藐三菩提心作
是語時羅刹少童及羅刹衆身諸繫

縛咸得解散從空中下至大悲生智
懺懺王佛所右繞三匝禮佛足懺
謝佛已俱還本處龍王汝勿懷疑今
此毗毗產主即是往昔羅刹少童名
毗毗產者毗毗產主所將部屬即是
往昔羅刹少童羅刹之衆少童親友
妙深定德積威光持明仙王即是海
勝持深遊戲智神通菩薩摩訶薩也
說是語時三千大千世界咸大震動
搖蕩不定如舟在海時諸衆生无有
驚怖損害一切安樂皆修十善此三
千大千世界無弥樓須弥及諸河海
城邑聚落山川洲島埵阜巖險黑山
風窟園林藪澤河池泉湖所有高下
崎嶇坑穽土石沙礫蟲刺泥糞諸穢
惡物咸悉滌淨此娑訶三千大千世
界閻浮檀金大光普照乃至鐵圍山
間及諸幽冥皆遇金光照除黑闇以
金光故諸光隱蔽日月不現一切畜
生及諸鬼趣苦痛咸息天人安樂无
諸苦患飢得妙膳渴得美飲裸者得
衣貧得寶聚盲者能視聵者能聽瘡
者能言病者得愈不完具者皆得具

足拘繫囚禁皆得解脫時諸衆生安
寧快樂不為貪瞋愚癡之所逼惱無
嫉无恚慈心相向于為利益如父如
母如兄如弟如姊如妹和順喜悅喧
囂諍競聲不露耳憂愁疲勞一切休
息地平如掌瑩若琉璃種種嚴飾廣
博莊嚴諸七寶池八支水滿金沙布
底澄明皎潔衆蓮美妙鮮潤開敷大
如車輪生於池內天七寶蓮種種光
色種種香馥其觸細軟如迦遮隣陀
上妙適樂億載百千處處布列其實
蓮華或有大一由旬或二由旬或三
四五至十由旬二十三十四十五十
乃至大百由旬大千由旬天寶蓮華
現此娑訶佛土香澤輕灑軟潤安適
和風吹拂雨衆妙花曼陀羅花摩訶
曼陀羅花曼珠沙花摩訶曼珠沙花
月花大月花光明花大光明花廣嚴
花等周遍而下細末香雨空中散墜
沉水多伽黑沉牛頭龍貞栴檀衆烟
流馥遍此佛刹俱脰那由他百千万
億無量阿僧祇過諸數量高廣圍覆
七寶體成勝妙劫樹垂懸種種珍寶

衣物繒綺連貫雜色旄拂藍婆鈴網
衆妙莊嚴雨諸金銀摩尼真珠琉璃
鞋鞞頗梨珊瑚馬瑙赤珠珠頸瓔珞
璧玉種種七寶炫曜暉煥繽紛而下
復雨種種雜綵衣物空俱舍高奢伽
尸伽嬌尸迦等諸天繒綺復雨閻浮
檀金種種寶鈿妙莊嚴具冠帽飾花
鬘珠咽飾半頸全頸半月耳璫臂印
指環及手足釧曳縵襦等雨諸劫樹
上及四方面各百由旬乃至百千由旬
周遍而墜諸劫樹下各有衆妙七寶
俱脰那由他百千師子之座其座各
高七丈夫量諸座之上現菩薩坐三
十二相圓滿具足勝好莊嚴光明照
爛諸菩薩前各有俱脰那由他七寶
之輪諸輪之上各有千天童坐作諸
天樂五音諧會歌唱雜舉巧說間和
喜悅暢心清音勝妙演伽他曰

无等等等

無性我性

衆德德性

世間奇特

修戒行等

逮極淨法

勝妙莊嚴

顯一切世

去地獄等

衆苦惡道

除滅染患

愚癡嫉妬

以至清淨

清淨人間

國土廣博

平坦無垠

无山河海

弥樓須弥

其地如掌

淨若帝青

衆色寶林

行列齊直

諸菩薩衆

各坐寶座

金光赫奕

掩蔽日月

無數寶池

八支水滿

寶蓮如輪

敷榮池內

天宮寶殿

煥麗百億

天童衆坐

作妙天樂

其音調美

悅耳暢心

如來神力

樂聲演法

衆樂音中演伽他等無量无数微妙

法句時諸天人在佛會中發起大乘

求大乘者皆見如是功德莊嚴清淨

佛刹如來神通无邊光明其諸天人

行聲聞獨覺乘者不見不知佛刹清

淨功德莊嚴諸菩薩衆覩見如來神

通光明嚴淨佛刹便得無量三昧陀

羅尼无尋解脫諸大聲聞不覺不知

皆入滅定尔時世尊現無比具足色

身於高廣正等百俱胝由旬師子座

上敷天寶衣結加趺坐當於佛前有

七寶蓮華高廣正等八十四俱胝由

旬復有无量蓮華俱胝那由他百千

莊嚴開敷柔妙光明顯發復樹無量

无数超等數量種種殊妙衆寶莊嚴

幢幡繖蓋復有无量珠璣繒貫衆寶
鈴網空中垂下如是等如來廣大神
通功德莊嚴無量無數不可言說不
可指示昔未曾見昔未曾聞衆希有
法現此佛土

證契大乘經卷上

癸卯歲高麗國大藏都監奉
勅彫造

證契大乘經卷下

亦名入一切佛境
智陪盧遮那藏經

方

唐天竺三藏地婆訶羅譯

尔時弥勒菩薩摩訶薩作是念何因緣故佛今現大神通未曾有事莊嚴佛刹當問如來應正等覺決所不了於是弥勒菩薩摩訶薩從坐而起偏袒右肩即以右膝跪蓮華上曲躬合掌而白佛言世尊我有所疑欲請開曉願垂聽許佛告弥勒汝有所疑恣汝所問如來應正等覺當為除斷弥勒菩薩摩訶薩蒙佛聽許白佛言世尊何因何緣是誰之故此娑訶世界現大希奇未曾有法如來神通一切佛土功德莊嚴廣博殊麗清淨光明除一切惡不可言說昔未曾見昔未曾聞世尊當有何事一切菩薩見大神通現此世界咸不能了弥勒菩薩以偈問曰

何大牟尼尊奇特現於此地動極海際世界清淨住金光網遍照普滅世間闇寶蓮無數億寶樹眾花嚴俱脰蓋幢幡珠纓寶鈴鐸眾福智慧光盡除諸惡道

說此偈已佛告弥勒汝可復坐未曾
有法現此世界我當為汝說其因緣
弥勒東方過此阿僧祇恒河沙佛土
有世界名勝妙清淨功德聚寶莊嚴
場作光明佛号取上微妙開敷光明
莊嚴神通法界場一蓋顯現吼音自
在教智毗盧遮那藏建立神通王如
來應正等覺今現在以立持安說法
教化世界清淨無諸惡道十地菩薩
摩訶薩衆止住其中彼有菩薩摩訶
薩名海勝持深遊戲智神通一切菩
薩禪定三昧三摩鉢底神通陀羅尼
通達无碍今與衆寶莊嚴之宮及過
數量菩薩摩訶薩衆乘空來此娑訶
佛土彼正士故現斯莊嚴神通以為
先相佛說此語時大光寶宮無量俱
胝光網周帀莊嚴於空中現百千音
樂歌唱讚會散衆天花百億那由他
種種光明赫奕普照至此娑訶世界
尔時海勝持深遊戲智神通菩薩摩
訶薩置寶莊嚴宮於欲界色界中間
徒衆圍繞從空而下來詢佛所合掌

向佛頂礼雙足右繞三匝俱修敬已
海勝持深遊戲智神通菩薩摩訶薩
白佛言世尊惟願悲愍受我寶莊嚴
宮佛坐此宮與諸菩薩摩訶薩衆說
無等等甚深妙法佛告海勝持深遊
戲智神通菩薩摩訶薩言善哉善哉
正士汝以寶莊嚴宮奉獻如來應正
等覺毗婆尸佛等及賢劫千佛汝皆
以寶莊嚴宮次第供養今供養我善
哉正士以此寶莊嚴宮莊嚴娑訶佛
刹尔時娑竭羅龍王白佛言世尊寶
莊嚴宮今何所在其量大小佛告娑
竭羅龍王寶莊嚴宮今於欲色界間
虛空中住其量大小如三千大千世
界龍王彼寶莊嚴宮是一切佛菩薩
神通三昧力生一切菩薩法遊戲樂
供養如來佛所行止佛善根成淨菩
薩心照明十方世界滿樂无量衆生
之心超勝一切諸天宮殿十方菩薩
咸志集會無邊勝色周妙莊嚴龍王
寶莊嚴宮白琉璃為地閻浮檀金為
壁以勝藏寶為都欄拏諸門樓觀皆
是馬瑙摩尼藏寶以為帑栴无垢光

寶為其欄楯普光妙寶為臺殿等覆
以一切妙寶半月無邊長剎暉赫妙
麗其數八十樹於寶宮俱脰那由他
百千莊嚴光明顯現種種妙寶周帀
間飾咸是如來所應勝境垂諸瓔珞
樹衆幢剎懸无量無邊阿僧祇妙麗
幡繖繒貫鈴網龍貞栴檀磨以塗地
焚沉水等貞妙之香龍珠寶花種種
天花布散供養諸幢剎上有千俱脰
諸天童子坐作衆樂五聲間和雜音
部次勝妙清亮暢心悅耳普流世界
咸悉適樂龍王寶莊嚴宮處積風上
千俱脰數衆七寶池金沙布底清明
皎潔八支水滿无量俱脰那由他百
千衆妙七寶雜色蓮華光明暉煥開
敷廣大猶如車輪寶林周布劫樹間
列種種寶花種種鈴網珠頸瓔珞繒
貫衣物迦羅波等微妙莊嚴衆香馥
馥寶臺錯峙光明交映芬芳煥爛諸
寶樹下各有高廣勝妙師子之座具
足莊嚴敷天妙衣周帀垂覆是佛菩
薩之所應坐十方世界所有妙好麗
飾殊勝莊嚴及香花寶雨皆悉現此

寶宮之中龍王寶莊嚴宮處及形量
當知如是。今時佛告海勝持深遊戲
智神通菩薩衆言。諸正士。咸宜與我
同昇寶宮。我坐寶宮。當令海勝持深
遊戲智神通菩薩摩訶薩所願滿足。
於是世尊從座而起。過算數量菩薩
摩訶薩衆供養恭敬。前後圍繞海勝
持深遊戲智神通菩薩侍右。弥勒菩
薩侍左。容與安詳。乘空而往。佛與諸
菩薩衆昇于寶宮正中東面坐高廣
无量由旬師子之座。佛昇師子座時
寶莊嚴宮六種震動。俱毘那由他百
千青黃赤白銀紫頗梨種種異色大
光明網從宮流出。諸天童子擊吹歌
唱。作衆音樂。雨大天花。燒天妙香。馨
馥繽紛散湯流墜。佛告諸菩薩。汝等
宜各坐已蓮華。如所施設。時諸菩薩
承佛教坐。衆皆坐已。海勝持深遊戲
智神通菩薩首於佛前。與菩薩衆俱
作是念。我等今當供養如來。應正等
覺。請問佛地。

今時海勝持深遊戲智神通菩薩摩
訶薩即從坐起。如心而作。取上勝妙

過人境量無量无边種種花鬘燒塗
末香衣幢幡繖擊吹歌唱衆音和發
梵頌唄讚與菩薩衆恭敬尊重奇特
至誠供養於佛及菩薩已復更重修
無上供養以供養佛寶頸珠瓔龍貞
栴檀七寶花葉不空寶藏清淨光明
大摩尼寶持散如來并用敷布頂礼
雙足右繞世尊數百千匝合掌向佛
以偈頌曰

開敷殊勝衆妙相 無等圓滿莊嚴身
頂髻淨髮紺右旋 猶如孔雀黑蜂光
額廣平正潤明顯 毫端皎白開俱茂
雙眉曲半如初月 鼻相端嚴无與比
目若新開青蓮葉 耳垂柔澤芭蕉莖
勝齒光鮮白齊密 皎如俱茂花初發
舌相廣薄赤銅暉 第一味中得勝味
面如滿月光照朗 丹脣色類頻婆果
頰頤豐滿洪威顯 妙脣垂長如娑羅
鵝王網鞞脩妙指 勝甲光色如赤銅
掌中安相妙輪文 俱脰積生廣施德
半屈前分若師子 妙好勝相莊嚴頸
金剛相覆遮波腹 下密秘相隱不現
髀脰順直如象鼻 鵝網妙指勝顰蹙

足下平正輪莊嚴

聖尊遊行師子步

具衆勝相逮正覺

我今頂禮德相尊

爾時海勝持深遊戲智神通菩薩摩訶薩偈頌佛已白佛言世尊欲有所問惟願如來應正等覺垂聽許佛言正士恣汝所問當如汝問為汝解說今汝開曉海勝持深遊戲智神通菩薩蒙佛聽許便白佛言世尊如來地有幾一切菩薩所不能行非諸聲聞獨覺境界佛讚海勝持深遊戲智神通菩薩言善哉善哉正士今問如來此義普與一切菩薩發大光明開佛實智作大利益作大安樂諦聽諦聽善思念之當為汝說正士如來地有十一切菩薩摩訶薩尚不能行況諸聲聞獨覺如來十地者第一名寂勝甚深難識毗富羅光明智作地第二名無垢身威莊嚴不思議光明作地第三名作妙光明月幢寶幟海藏地第四名淨妙金光功德神通智作地第五名光明味場威藏照作地第六名空中勝淨无垢持炬開敷作地第七名勝廣法界藏光明起地第八

名最勝妙淨佛智藏光明遍照清淨
諸障智通地第九名無邊莊嚴俱胆
願毗盧遮那光作地第十名智海陪
盧遮那地正土是名不可言說如來
智十地

如來初地微細習氣皆悉正斷於一
切法自在无碍如來二地轉正法輪
顯甚深法如來三地施設聲聞教戒
安立三乘如來四地說八万四千法
聚降伏四魔如來五地摧諸異論及
其邪法調伏一切行惡道者如來六
地安立無邊衆生於六神通及六大
通所謂示現无邊佛土以佛功德莊
嚴清淨示現無邊菩薩侍奉圍繞示
現佛土廣博无邊示現於無邊佛土
顯現自身示現滅度乃至現法隱沒
示現无邊神力神通變化如來七地
七菩提分以無自性无所著故為諸
菩薩如實開顯如來八地以四記法
授一切菩薩阿耨多羅三藐三菩提
記如來九地以善方便示諸菩薩如
來十地以一切法無性教諸菩薩開
大般涅槃聲說一切法究竟般涅槃

說此如來十地名時從娑訶佛土乃至十方不可說諸佛國土皆現十八大相所謂動大動普動搖大搖普搖轉大轉普轉聲大聲普聲吼大吼普吼擊聲大擊聲普擊聲一切佛土東涌西沒西涌東沒南涌北沒北涌南沒中涌邊沒邊涌中沒諸佛國土皆現十二相轉而諸衆生無有怖害咸悉安隱一切佛土放大光明一切極闇幽冥乃至世界中間皆大明照一切世界若成若壞有佛无佛皆現此土天諸妙花普雨十方不可言說無邊佛土所謂曼陀羅花摩訶曼陀羅花曼珠沙花摩訶曼珠沙花光花大光花月花大月花乃至一切佛土衆音樂器不作自鳴皆悉大現未曾有法一切佛土佛之親侍皆從坐起各問已佛此大奇特未曾有法諸佛各各如問廣說尔時海勝持深遊戲智神通菩薩等坐寶莊嚴宮菩薩衆會咸悉歎異諸佛所行如來深境界上難知微妙難見一切菩薩所不能行况諸聲聞獨覺何以故此不可思議

如來十地我輩昔未曾聞今應同請
如來阿羅訶三藐三佛陀廣說斯義
時諸菩薩各從坐起曲躬合掌以偈
請曰

無等世勝尊說諸佛地号昔所未曾聞
无上無倫比踊躍一心請希廣演地義
如飢思妙膳渴者思美飲願佛普垂愍
具說如來地

諸菩薩衆偈請佛已右繞三匝頂礼
雙足各各退坐蓮華之座尔時世尊
師子頻伸周顧十方告海勝持深遊
戲智神通菩薩摩訶薩言正士如來
地義取上深妙難識難入難悟非言
語境出過一切音聲辯說所以者何
聲聞獨覺之地尚不可說况菩薩地
如來地而得言說海勝持深遊戲智
神通菩薩白佛言世尊聲聞地有幾
佛言聲聞地有十謂住三歸行地隨
信行地隨法行地善凡夫地學戒地
第八人地須陀洹地斯陀舍地阿那
舍地阿羅漢地世尊獨覺地有幾佛
言獨覺地有十謂衆善資地自覺深
緣起地覺四聖諦地勝深利智地八

聖支道地知法界虛空界衆生界地
證滅地六通性地入微妙地習氣薄
地世尊菩薩地有幾佛言菩薩地有
十謂歡喜地無垢地明地焰地極難
勝地現前地遠行地不動地善慧地
法雲地世尊一切自地從何而生佛
言正士從如來地生諸自地世尊諸
解脫云何老別佛言河水大海水云
何老別世尊河水海水大小為老佛
言如是如是正士聲聞獨覺解脫猶
如河水如來解脫如大海水世尊大
河小河一切衆流豈不皆入海耶佛
言如是如是如汝所言若聲聞法若
獨覺法若菩薩法若佛法一切同入
智海陪盧遮那藏世尊請現住如來
初地如來自境非一切菩薩所知况
諸聲聞獨覺尔時世尊現自佛土名
無邊阿僧祇功德寶蓋不可思議莊
嚴其土廣博俱胝那由他恒河沙三
千大千世界微塵等佛土一一皆入
无邊阿僧祇功德寶蓋不可思議莊
嚴佛土王中其佛土王彌樓須彌摩
訶彌樓及諸黑山衆流河海川阜堆

險土石凡礫糞汙諸蟲泥穢不淨地
獄畜生閻魔鬼界天龍夜叉軋闍婆
阿修羅迦樓羅緊那羅摩睺羅伽人
與非人及舊佛土莊嚴咸悉除去地
平如掌琉璃所成佛土正中紺寶之
地從金剛際起最上勝妙寶花莊嚴
無憂菩提樹王七寶體成挺特煥麗
高无量恒河沙佛土微塵等世界廣
覆亦尔寶葉寶花寶果種種莊嚴枝
幹橫茂皆妙寶成摩尼諸珎不空寶
藥光明顯發珠頸瓔珞繒貫鈴網垂
懸蒙覆流電鬘光金光摩尼帝青頗
梨日愛月愛等光又出沉水多伽羅
黑沉多摩羅葉迦羅努娑利龍貞栴
檀牛頭栴檀種種勝妙悅意之香遍
滿佛土衆樂流聲一切世界普雨衆
寶菩提樹東有菩提池王名無垢最
上清淨其池廣大无量恒河沙三千
大千世界微塵等世界之量七寶體
成八支水滿閻浮檀金沙遍布其底
四隅四階衆寶鈿飾種種寶榻欄楯
備設周匝列布菩提池中有菩提蓮
華王名妙開敷面廣大无量恒河沙

三千大千世界微塵等世界之量其
蓮華葉無量俱胝那由他百千種種
七寶莊嚴柔潤光澤微妙香潔蓮華
臺上有菩提殿王名无邊莊嚴高廣
無數恒河沙三千大千世界微塵等
世界之量七寶體成勝上妙好神通
顯盛過前寶莊嚴宮億俱胝倍譬如
螢火而對日輪寶莊嚴宮對菩提殿
諸光不現亦復如是菩提殿王无邊
勝妙莊嚴神通光明熾盛日月息照
無有威色一切帝釋梵天淨居天等
光咸隱蔽嚴好不現菩提殿中有大
菩提師子座王名妙光明不空樂嚴
其座之量高廣正等如无量那由他
恒河沙世界微塵等世界極妙光色
種種七寶周匝莊嚴迦尸迦毗陀訶
憍奢耶等微妙天繒覆垂敷布釋迦
牟尼佛号无垢光明功德花離洙月
照陪盧遮那藏幢毗琉璃場莊嚴圓
光妙相功德聚神通勝藏日月智光
王如來坐於菩提師子座上身量大
如俱胝百恒河沙佛土微塵等三千
大千世界體分圓滿三十二相八十

種好圓光莊嚴妙髮勝頂無能見者
微妙顯淨猶如日光入於明鏡非血
肉骨髓迦羅邏身至妙清淨光色赫
弈如閻浮檀金皎潔明徹如毗琉璃
帝青等寶滅除一切微細習氣大覺
世尊具一切勝一切智師於一切法
自在無身无上度一切解寂上大悲
寂上丈夫丈夫師子極盡漏流金剛
之身百福莊嚴具佛十力大功德聚
四無所畏佛十八不共法吼正師子
吼壽量无边無有衰老於清淨土證
三菩提得自真自光化生无量菩薩
摩訶薩衆供養圍繞其諸菩薩各各
如已色相資用於寶池中蓮華之臺
寶殿之內衆寶樹下師子座上如佛
所應莊嚴而現莊嚴此佛世界功德
莊嚴勝妙清淨佛身徒衆勝妙清淨
劫勝清淨劫名大劫王其劫限量及
莊嚴量皆不可說佛土限量如來境
界出過言語无有處所如是證三菩
提說名住如來地

尔時佛告海勝持深遊戲智神通菩
薩摩訶薩言正士汝見如來此盛事

不海勝持深遊戲智神通菩薩言唯
然已見世尊已見修伽多佛言正士
寂勝甚深難識毗富羅光智作如來
初地佛住此地神通如是如我今現
神通其次定願莊嚴功德懺場一蓋
音自在威王寶積陪盧遮那藏勝相
起頂髻清淨面阿閼無聞光如來亦
於歡喜世界如是現大神通天人敬
奉勝威德蓮華生衆德勝莊嚴摩尼
光王如來无邊光如來蓮華開敷宿
王神通那伽自在王如來寶積如來
如是等佛及餘現在當來諸佛處於
勝妙清淨土者當知皆悉住於佛地
海勝持深遊戲智神通菩薩白佛言
世尊現在當來諸佛於五濁世成正
等覺者豈皆不得如來地耶佛言正
士諸佛菩薩方便大悲見諸衆生深
溺三有處無明闇愛網纏裹邪見顛
倒信根虧缺墜於无邊衆苦之内往
來六趣諸衆生界漂淪無始莫知其
本不知佛不知佛法不知菩薩法不
能如實知出離道諸佛菩薩愍此衆
生故以化身現生惡土或示滅邊轉

或現處胎生長盛年戲樂遊宮妓內
或現獸雜出修苦行詣於道場降伏
魔軍證三菩提勸請說法轉大法輪
摧外道論制破邪法趣惡邪者調令
歸正乃至示現短壽大般涅槃以三
昧力碎身支分猶如芥子建立俱胷
那由他百千舍利之藏元量天龍乃
至人非人等奇特至誠尊重供養或
於教中出家受法修行或植成佛之
種出生死海正士如是諸佛微妙法
性拔濟無邊阿僧祇流轉生死苦海
衆生以神通方便示生穢土或菩薩
神通方便化身示現菩薩及菩薩衆
海勝持深遊戲智神通菩薩言世尊
如來身有幾佛言正士如來身略說
有三謂滿資用身化身自性身世尊
云何如來滿資用身佛言正士汝今
見我者是如來滿資用身及餘諸佛
於清淨土證三佛陀現證當證當知
皆是如來滿資用身世尊云何如來
化身佛言正士如力超勇佛破魔佛
大悲思佛及餘諸佛現於穢土證三
佛陀已證當證或示遷逝示衆法住

正法像法乃至示現一切佛法隱沒
滅盡正士汝皆勿作實解何以故如
是諸法當知皆為大悲方便如應化
現世尊云何如來法身亦名自性身佛言正
士法身者無色无現無尋无似無表
无住無依无取不滅不生不可譬喻
如是正士如來自性之身不可言說
如來之身是法身智身無等身无等
等身陪廬遮那身虚空身不断身不
壞身無量身最上身真實身无譬喻
身自性身世尊如來自性身若無色
无現乃至不可言說者豈非是断相
耶佛言正士於意云何虚空界是断
耶是有耶世尊虚空界非断非有何
以故虚空界若是断者即无无尋作
用若是有者即有積聚量色物體世
尊是故虚空界非断非有普遍一切
佛言正士善哉善哉如是如是如來
自性身非断非有所以者何正士如
来自性身若是断者即無佛出世示
現无量神通作大利益若是有者即
有積聚處所可取與一切婆羅凡夫
等無有異應无前後同時得佛是故

如来自性之身非斷非有與一切衆
生作諸佛事世尊供養如来自性身
滿資用身化身何者福大佛言正士
若供養一如來身即為供養一切如
來之身何以故一切光明皆能除闇
作照无有光明與闇俱者如是正士
如來諸身隨供養者彼皆善根廣大
滅除一切無明積闇開照涅槃解脫
之路一切障闇皆不與俱世尊請示
如來第二之地佛言正士汝能見耶
世尊望得觀相於是佛便於一毛孔
出无性光乃至普照不可言說諸佛
國土無一切色凡所有相皆悉不現
佛告諸菩薩汝等今何所見時諸菩
薩俱白佛言惟見光明更无所見佛
言汝等所見光明其光如何諸菩薩
言無量恒河沙俱胝那由他百千佛
土微塵等佛土我等惟見一普光場
如是語已佛攝光網諸佛刹土還復
如故佛告諸菩薩汝等於如來二地
尚不能識不能曉了况能說能見如
來三地乃至十地諸正士譬如日月
衆生資其光明以自生育由日月流

運而有晝夜博又月歲羅婆謨忽氣
序時節使衆生知而諸衆生但見日
月宮之光相日月具足色身皆不能
見諸正士如是如來應正等覺養育
一切衆生由如來故衆生知法善及
不善世與出世有漏無漏衆生知已
如實修行得渡生死衆苦有野而諸
衆生皆不能見如來圓滿資用具足
身色惟見如來大悲神力方便應化
諸正士當知如來之地出過一切音
聲言語我今但以名字說耳

尔時海勝持深遊戲智神通菩薩白
佛言世尊誰能超渡一切惡道佛言
正士此入一切佛境智陪盧遮那藏
取勝甚深如來十地證契大乘法門
若聞聞已深信信已受持讀誦書寫
為他解說廣宣流布若但持此法門
之名斯皆超渡一切惡道衆苦之地
世尊誰發菩提心佛言正士受持此
法門乃至但持名者發菩提心世尊
誰行菩薩行佛言正士持此法門者
行菩薩行世尊誰能少勞滿足六波
羅蜜佛言正士持此法門者世尊誰

與佛俱佛言聞此法門者世尊誰能
易得授記佛言正士持此如來深秘
密者世尊誰與一切衆生作大導師
佛言正士持此如來藏者世尊誰是
佛子佛言正士深信此法門者世尊
誰得一切菩薩地佛言正士聽此法
門者世尊誰得一切佛法佛言正士
供養尊重此法炬者世尊誰知聲聞
獨覺乘法而不以其乘度佛言正士
修行此正法藏者世尊當何名斯經
云何奉持佛言正士此法門名證契
大乘亦名入一切佛境智陪盧遮那
藏當如是持今時世尊而說偈言
若欲證悟佛菩提 無上廣勝真實道
開不思議寂上智 轉聖無漏妙法輪
欲豎法幟擊法鼓 耀大法炬吹法螺
欲以智光破无明 解脫衆生處覺智
欲降魔軍供養佛 寂上光明照一切
世法不著無染智 為利衆生修淨土
咸當聽持此寶經 書寫讀誦廣流布
宣說思惟佛勝藏 一切如來深妙地
佛說此經已海勝持深遊戲智神通
菩薩摩訶薩并諸菩薩摩訶薩衆聞

證契大乘經卷下 第三十二張方

佛所說歡喜奉行

證契大乘經卷下

癸卯歲高麗國大藏都監奉
勅彫造

深密解脫經卷第一

蓋

元魏天竺三藏菩提流支譯

序品第一

歸命釋迦牟尼佛

如是我聞一時婆伽婆住法界殿如
來境界處衆寶赫焰一切莊嚴第一
之處遍至无量諸世界處放大光明
普照之處無量善巧差別住處无有
分齊過分齊處過諸一切三界境界
出世間上上善根境界成就之處善得
清淨自在解脫无碍之處諸佛如來神
力住持之處无量菩薩衆所行處無
量諸衆天龍夜叉乾闥婆阿修羅迦
樓羅緊那羅摩睺羅伽人非人等之
所行處是大法界究竟滿足喜樂之
處畢竟能與一切衆生利益之處離
諸一切煩惱垢處離諸一切諸魔怨
敵諸佛住持莊嚴之處大法意去之
所明處奢摩他毗婆舍那大乘之處
入空無相無願大解脫樂處無量切
德衆大寶蓮華王之所莊嚴處婆伽
婆住如是等不可思議自在之處

諸佛如來善覺所覺離於二行到無
相處行諸佛行得諸如來一切平等
到無障尋之所去處能到一切不退
法輪能到不可降伏境界不可思議
體能到一切三世平等遍至一切諸
世界身到於諸法無疑之處能到一
切究竟智行悉能到於法智無疑得
諸一切無分別身能答一切菩薩問
智能到无二行之彼岸能到諸佛無
有差別解脫智處能到无边無中三
昧境界廣大如法界究竟如虚空盡
未來際與諸無量聲聞衆俱心善調
伏皆是佛子善得心解脫善得惠解
脫善得清淨戒求法者與樂成就多
聞住持多聞具足多聞善思所思善
說所說善作所作善得一切速疾般
若善得一切疾去般若善得一切猛
利般若具足三明見第一法得究竟
行能作清淨受大施主具足成就寂
靜威儀畢竟成就忍辱柔和善受佛
教能如說行時諸无量菩薩衆皆
從無量種種佛土而來集會是諸菩
薩皆住一切所求大處畢竟能取無

上大法得一切衆生平等之心離諸一切分別分別降伏一切諸魔怨敵離諸一切聲聞辟支佛之所念處得大法味喜樂具足過五怖畏得不退地一乘之體現前能滅一切衆生怖畏之地如是等不可說不可思不可稱不可量不可數菩薩衆俱

聖者善問菩薩問品第二

今時婆伽婆百千萬阿僧祇大衆前後圍遶為諸菩薩說甚深法時大衆中有聖者菩薩摩訶薩名曰善問在衆中坐即依無言无有二相第一義諦問聖者深密解脫菩薩言佛子言一切法不二一切法不二者何者為一切法云何名不二今時深密解脫菩薩告善問菩薩言善男子言一切法者有二種何等為二一者有為法二者無為法善男子有為法者非有為非无為無為法者非有為非无為

菩薩言佛子云何有為法非有為非無為云何無為法非有為非無為深密解脫菩薩言善男子言有為法者唯是如來名字說法所言如來名字

說法者惟分別言語名為說法善男子若惟名字分別言語名說法者常不如是但種種名字聚集言語成是故言非有為善男子言无為者惟言語體善男子假使離於有為无為者彼法亦如是善男子虽无言語而不空說事佛子何者為事而言不空說所謂聖人知聖人見聖智知聖見見無言所證為欲說彼無言語法依相說彼有為无為善男子言無為者惟是如來名字說法名字說法者是分別相分別相者即言語相善男子言語相者即是名字之所集法名字集者是虛妄法虛妄法者常無如是體種種分別名字不成即言語相是故我說非無為善男子言有為者但是名字若離有為无為法者彼亦如是善男子而非无事說彼言語善男子何者為事而言聖智知聖智見无言證法無言證法故說名非有為善問菩薩言佛子云何彼事无言所證聖智知聖智見而言為彼無言證法說彼有為无為言語深密解脫善薩言善男子時

如幻師幻師弟子住四衢道積聚草木枝葉瓦石在於一處示現種種幻術所作所謂象馬車步諸兵摩尼真珠琉璃珂貝珊瑚帟珀車渠馬瑙錢財穀帛庫藏等物以現見故彼愚癡人如是見聞即取修行畢竟為實餘者虛妄善男子彼人復更須求上上法善男子復有智慧非愚癡者見象馬等知是草木瓦石等體彼人見聞生如是心彼諸如是象馬車等我見非實此幻所作有此象馬車步兵等虛妄之相種種異事幻惑人眼彼智慧人如所見聞不取為實亦不執著亦不取此畢竟為實餘者虛妄而知為義取彼言語此人不須更觀勝法善男子凡夫衆生未得聖人出世間智亦復如是凡夫愚癡不如實知無言語法見聞有為無為之法生如是心有此

有為無為之法如我見聞是故彼人
如所見聞畢竟而取執著為實如所
見聞如是受行此畢竟實餘者虛妄
彼人更須觀察勝法善男子復有衆
生非是愚癡見於實諦得諸聖人出
世間智如實能知一切諸法證無言
語真實法體而彼衆生見聞有為无
為之法生如是心如所見聞無如是
等有為无為名字等法復作是念有
此有為無為言說從虛妄分別行相
而生如彼幻法迷惑於智以生有為
無為異異名相彼人了知不如見聞
如是取著此是真實餘者虛妄為顯
彼義而取言語彼人不須更觀勝法
善男子如是彼事聖人智知聖人見
見無言所證為欲證彼無言之法說
彼有為无為名相今時深密解脫菩
薩而說偈言

深義无言語 諸佛說不二 癡人依無明
戲論著三法 長行世間道 往來无休息
生於畜生中 以離第一義

聖者曇無竭菩薩問品第三

今時聖者曇无竭菩薩摩訶薩依於

如實第一義諦過諸一切世間覺觀
境界之相白佛言世尊我憶過去世
復過彼過去世離此世界七十七恒
河沙世界過彼无量恒河沙世界已
有佛國土号名稱世界彼中有佛名
毗摩羅吉諦如來住彼國土我於今
時遊化衆生往彼世界今時見有一外
道師止住一處有七万七千弟子聚
集其所依第一義相思惟諸法彼諸
外道迭共推覓第一義相稱量第一
義相思惟第一義相觀察不見第一
義相生異異意異異見異異執著立
異朋黨起於諍論口力交諍出不善
言迭共相乱起散而去世尊我於今
時即生心念希有諸佛如來出世以
依如來出世間故今得見聞過於一
切世間境界第一義相得證第一義
相見第一義相證一切滅相

今時世尊告曇无竭菩薩言曇无竭
如是如是我覺過諸世間境界第一
義相如是覺已而為人說以示於人
顯示於人建立是法何以故我為聖
人說我內身自所證法為諸凡夫說

覺觀境界迭共所知曇无竭汝今當
依此義而知所謂過諸世間境界是
第一義相復次曇无竭我說第一義
者是過一切諸相境界覺觀是名諸
相境界如是我說第一義者是无言
境界覺觀是名言說境界曇无竭我
說離諸言語是第一義相覺觀名字
是世諦相如是我說離諸諍論是第
一義相覺觀名字是諍論相曇无竭
依此義相汝今應知過諸世間覺觀
境界是第一義相曇无竭譬如有人
盡於一形取辛苦味樂辛苦味彼人
不能知不能覺不能量不能信石蜜
阿婆婆婆等甘美之味曇无竭有人長
夜信貪欲樂樂著貪欲為貪欲火燒
內心身不能知不能覺不能量不能
信離諸一切色聲香味觸无貪欲樂
曇无竭有人長夜信分別樂樂於分
別不能知不能覺不能量不能信內
身寂靜无分別樂曇无竭有人長夜
樂見聞覺知樂信樂而行彼人不能
知不能覺不能量不能信內身寂滅
離見聞覺知樂曇无竭如人長夜取

我我相樂信樂而行彼人不能知不能覺不能量不能信比譬單越无我我所樂曇无竭如是覺觀之人不能知不能覺不能量不能信離諸覺觀

第一義相今時世尊而說偈言

我說身證法 第一離言境 離覺觀諍相 无言第一義

聖者善清淨慧菩薩問品第四

今時聖者善清淨惠菩薩摩訶薩依第一義過一異相白佛言世尊世尊善說希有妙法第一義諦微細極細甚深之義過一異相所謂難證世尊我憶往昔在於一處見住信行地諸菩薩等集坐一處思有為行第一義諦為一為異有諸菩薩言有為行相異第一義復有菩薩作如是言非有為行異第一義而作是言有為之行不異第一義復有菩薩生於疑心而起異意作如是言此諸菩薩中何者是實說何者虛妄說何者是正念修行法何者是邪念修行法世尊彼諸菩薩作是思惟此諸善男子等皆是愚癡非善黠惠不善知法墮邪

念中何以故以不能知有為之行微細无相過一異相第一義相故尔時佛告善清淨惠菩薩摩訶薩言善清淨惠如是如是彼諸一切善男子等皆是愚癡不善黠惠不知正法墮邪念中何以故以不能知微細行相過一異相第一義相故何以故善清淨惠若有為行不異第一義相者一切愚癡諸凡夫等悉亦應見第一義諦即凡夫身亦應得彼无上清淨涅槃之樂亦應得彼阿耨多羅三藐三菩提善清淨惠若有為行不異第一義相者見第一義諦時應見有為行相若有為行相是有相者相即是縛不應得解脫若見實諦不離相縛者不彼二種縛故不應得彼无上清淨涅槃之樂亦不應得阿耨多羅三藐三菩提善清淨惠以是義故愚癡凡夫不見實諦亦非即此凡夫之身得彼无上清淨涅槃亦非即彼凡夫之身能得阿耨多羅三藐三菩提是故見實諦者不應見彼有為無為行相一之

與異是故彼人見有為行相第一義相
一異之義不成一異善清淨惠汝當
應知彼諸菩薩言有為之行第一義
相是一是異者彼諸菩薩非正念是
邪念復次善清淨惠若有為行相第
一義相二不異者如有為行墮在染
相第一義相亦應墮染善清淨惠若
有為行相離第一義相異者如是一
切有為之行不應與彼第一義同故
善清淨惠第一義諦不墮一切煩惱
染中以是得言有為之行第一義諦
得言同相是故善清淨惠汝不應言
有為行相第一義諦有一有異復次
善清淨惠若有為行相第一義相二
不異者第一義諦不異有為一切諸
行如是一切有為之行亦應不異第
一義相而彼有為異第一義若不異
者如實行者見聞覺知有為行相不
應更求无上勝法善清淨惠若有為
行相第一義相不異者即有為行應
名無我无自體相是第一義相善清
淨惠復有過失謂於一時差別異相
此是染相此是淨相是故善清淨惠

第一義相具有為行相而非不具有為行相是故彼諸如實行者見聞覺知更求勝法以如實知有為行故得於无我第一義名而不一時有染有淨二相差別是故離彼有為行相第一義相不一不異義亦不成善清淨惠彼諸菩薩作如是言有為行相第一義相不一不異者彼諸菩薩不名善說善清淨惠汝當應知彼諸菩薩不名正念如實修行是名邪念善清淨惠譬如珂白不可說一不可說異如是金黃筌篋妙聲沉水香味華荂辛味訶梨勒苦味苦蔗甜味梵羅柔軟蘇乃至醍醐不可說一不可說異善清淨惠如是一切有為行體无常之相不可說一不可說異一切有漏所有苦相不可說一不可說異一切法中無我之相不可說一不可說異貪瞋癡染不寂靜相不可說一不可說異善清淨惠如是一切有為之行第一義相不可說一不可說異善清淨惠如是我得細微細深甚深難證極難證過一異相第一義諦覺覺已為人

說示開示現示建立今時如來而說
偈言

有為界實諦一異相離相 若分別一異
彼癡非正念 彼人為相縛 及為煩惱縛
修毗婆奢那 奢摩他得脫

惠命須菩提問品第五

尔時世尊依一切處一味等味第一義
諦告惠命須菩提言須菩提汝知一
切衆生界中幾所衆生依我依慢說
我所得須菩提汝知一切衆生界中
幾所衆生離我離慢說我所得須菩
提白佛言世尊我於衆生界中實少
見衆生離我我慢說我所得世尊而
我實見无量阿僧祇不可說衆生於
衆生界中依我我慢說我所得世尊
如我憶念過去世時住於一處阿蘭
若園今時多有諸比丘等依於我所
四面而住世尊我於今時見彼比丘
於日西下一處聚集取種種法相說
所證諦法世尊有諸比丘取於陰相
說為證法有諸比丘見陰生相說為
證法有諸比丘見陰滅相說為證法
有諸比丘說陰滅法有諸比丘說陰

滅現證法有諸比丘見於八相說為
證法有諸比丘取十二因緣相說為
證法有諸比丘取起行相說為證法
有諸比丘取於諦相說為證法有諸
比丘取諦因相說為證法有諸比丘
取知諦相說為證法有諸比丘取離
諦相說為證法有諸比丘取證諦相
說為證法有諸比丘取修行諦相說
為證法有諸比丘取界法相說為證
法有諸比丘取於界相說為證法有
諸比丘取種種界相說為證法有諸
比丘取無量界相說為證法有諸比
丘取滅界相說為證法有諸比丘取
滅界證相說為證法如是諸比丘取
四念處相說為證法有諸比丘取四
念相說為證法有諸比丘取四念處
對對治相說為證法有諸比丘取四
念處修行相說為證法有諸比丘取
未生四念處為生四念處修行相故
說為證法有諸比丘取已生四念處
為證法有諸比丘取已生四念處為
不失修行相故說為證法有諸比丘
取已生四念處為增廣修行相故說
為證法如是諸比丘取正勤如意根

力覺道未生為生為住為不忘失為增廣取相說為證法世尊我見彼諸比丘生如是念是諸比丘以著我相取我慢相如是說證何以故以不能知第一義諦一味等味相是故世尊我作是念世尊出世希有希有善說勝法一切處第一義一味等味微妙甚深難覺難知何況外道而能得解佛告須菩提如是如是如汝所說我所證法細微極微深甚深極甚深難覺覺極難覺一切處一味等味相第一義諦是我所證證已為人開示演說示極示開示現示何以故須菩提所謂陰界入因緣起行實諦境界念處正勤如意根力覺道等須菩提我說五陰中清淨觀三十七品是第一義相一切陰界入念處正勤如意根力覺道一味等味相須菩提依於此義汝今應知一切處一味等味第一義相復次須菩提如實修行比丘如實知一陰如第一義諦法無我於餘界入因緣起行界念處正勤如意根力覺道等更不別觀真如第一義法無我

惟依隨順真如依止不二法證一切處
一味等味第一義相須菩提汝依此
義應如是知所謂一味等味第一義
相復次須菩提如彼陰界入因緣起
行界念處正勤如意根力覺道等彼
老別若真如第一義諦法無我有老
別相者真如證法第一義諦亦應有
因若有因者應從因生若從因生應
是有為若是有為不應得名第一義
諦若非第一義諦者應更推求第一
義諦須菩提是故真如第一義諦法
无我非從因生亦非有為法亦非不
第一義諦亦非為彼第一義諦更求
第一義諦惟是常常時恒恒時如來
出世若不出世法性常住法體常住
法界常住須菩提汝依此義應知此
諸一切法相一味等味第一義諦須
菩提譬如無量種種老別色相无相
无有分別無有老異一切處虚空等
味一體一相須菩提一切諸法自相老
別一切處一味等味第一義相今時
世尊而說偈言

如來應說法一切一味相不離第一義

見別是憍慢

聖者廣惠菩薩問品第六

今時聖者廣惠菩薩摩訶薩依於心
相白佛言世尊如來說諸菩薩善知
心意意識深密法者世尊云何菩薩
善知心意意識深密之法世尊以何
義故如來說諸菩薩善知心意意識
深密之法今時世尊告廣惠菩薩言
善哉善哉廣惠汝今乃能問於如來
如此深義廣惠汝能為與一切衆生
安隱樂具足今滿足廣惠汝為哀愍
一切天人多所安樂多所饒益乃能
問我如是之義善哉廣惠諦聽諦聽
我為汝說心意意識深密之義廣惠
於諸六道生死之中何等何等衆生
卵生胎生濕生化生受身生身及增
長身初有一切種子心生和合不同
差別增長廣所成就依二種取何
等二種一者謂依色心根取二者依
於不分別相言語戲論熏集而取廣
惠色界中依二種取生無色界中非
二種取生廣惠彼識名阿陀那識何
以故以彼阿陀那識取此身相應身

故廣惠亦名阿黎耶識何以故以彼身中住著故一體相應故廣惠亦名為心何以故以彼心為色聲香味觸法增長故廣惠依彼阿陀那識能生六種識所謂眼耳鼻舌身意識身廣惠若一境界現前一識身起無分別意識即共眼識一時俱生廣惠若二三四五境界現前五識身起无分別意識即與五識一時俱生廣惠譬如流水若一緣起即生一波若二若三乃至衆多因緣俱起即生衆波廣惠而彼流水亦不斷絕復次廣惠譬如無垢清淨明鏡若有一像因緣現前即見一像若有二三衆多像現即能具見衆多異像廣惠而彼明鏡為彼種種諸像不異廣惠如彼流水明鏡像等依止阿陀那識住持阿陀那識若一眼識因緣現前即一意識共彼眼識同時取境廣惠若五識身五種因緣一時現前无分別意識即共五識一時取境廣惠如是菩薩摩訶薩依法住智如寶善知心意識深密之法廣惠而佛不說諸菩薩等是善解

知心意意識深密之法廣惠若菩薩
不見內外阿陀那不見阿陀那識能
如實知不見阿黎耶不見阿黎耶識
不戲論心不見眼不見色不見眼識
不見耳不見聲不見耳識不見鼻不
見香不見鼻識不見舌不見味不見
舌識不見身不見觸不見身識廣惠
菩薩不見內外意不見內外法不見
諸菩薩等善知第一義廣惠是故我
說菩薩應知心意意識深密之法廣
惠菩薩如是解知心意意識深密法
已我說是人是真菩薩今時世尊而
說偈言

諸種阿陀那 能生於諸法 我說水鏡喻
不為愚人說

深密解脫經卷第一

癸卯歲高麗國大藏都監奉
勅彫造

深密解脫經卷第二

蓋

元魏天竺三藏菩提流支譯

聖者功德林菩薩問品第七

尔時聖者功德林菩薩摩訶薩依一切法相白佛言世尊世尊說諸菩薩善知法相世尊菩薩善知諸法相者云何名善知諸法相世尊菩薩能知幾種法故名為善知一切法相而如來說菩薩善知一切法相尔時佛告功德林菩薩摩訶薩言善哉善哉功德林汝今乃能問佛此義功德林汝能為與一切衆生安隱樂具足令滿足功德林汝能哀愍一切人天多所安樂多所饒益乃能問我如是之義善哉善哉功德林汝今一心諦聽諦聽我為汝說功德林一切法相有三種相何等為三所謂虛妄分別相因緣相第一義相功德林何者虛妄分別相所謂名相所說法體及種種相名用義等功德林何者諸法因緣之相所謂十二因緣依此法生彼法謂依无明緣行乃至生大苦聚處功德林何者

是諸法第一義相所謂諸法真如之體諸菩薩等正念修行至心修行證不二法證彼法已乃至得成就阿耨多羅三藐三菩提功德林辟如有人目中有瞖是眼識過功德林虛妄分別亦復如是功德林辟如有人眼中有瞖見毛輪繩及胡麻子青黃赤白等相現前功德林因緣之相亦復如是功德林辟如有人眼淨無濁離眼瞖過即彼眼見自性境界不生迷惑功德林第一義相亦復如是功德林辟如世間清淨琉璃置青色中即因陀羅青色出大因陀羅摩尼寶光明因陀羅青色大因陀羅摩尼之寶光明現前迷惑衆生以為實寶功德林即彼清淨琉璃之體置赤色中即出赤波頭摩摩尼之寶光明現前迷惑衆生以為赤寶功德林即彼清淨琉璃之體置綠色中即出綠色摩尼之寶光明現前迷惑衆生以為綠寶功德林即彼清淨琉璃之體置黃色中即出金色摩尼之寶光明現前迷惑衆生以為金寶功德林如彼清淨琉

璃之中種種異色如是他力因緣相
 中虛妄分別名字章句熏習之體亦
 亦應知功德林如彼清淨琉璃因陀
 羅青色大因陀羅青色因赤色綠色
 黃色為金等寶種種現前迷惑衆生
 皆以為寶功德林如是他力因緣相
 中虛妄分別名字章句亦亦應知功
 德林如彼清淨白琉璃體他力因緣
 亦亦應知功德林即彼清淨琉璃之
 體无彼因陀羅青色大因陀羅青色
 無彼青寶赤綠黃金等寶如是寶體
 常常時恒恒時無如是等一切寶體
 功德林即彼他力因緣相中彼虛妄
 分別名字章句常常時恒恒時無如
 是等虛妄分別名字章句體相應知
 功德林而依名相因緣分別因緣相
 應知功德林依虛妄因緣執著名相
 是故見他力因緣功德林依他力因
 緣執著虛妄分別之相見第一義相
 功德林菩薩於彼因緣相中如實能
 知是知虛妄分別之相菩薩亦時名
 為能知諸法无相功德林菩薩若知
 因緣法相如實知諸因緣法已能如

實知諸法染相能如實知染相法已
能知第一義相能如實知第一義相
已能如實知清淨法相功德林菩薩
若於他力因緣法中能如實知无相
之法如實知已遠離染法離染法已
得證一切清淨法相功德林菩薩如
實能知虛妄法相能知他力因緣法
相能知第一義相无相如實能知染
相淨相離染法相證淨法相功德林
菩薩摩訶薩應當如是善知諸法是
故佛說菩薩摩訶薩善知諸法今時
世尊而說偈言

如實知諸法 即捨染法相 捨染法相已
證於清淨法 不觀有為過 慇懃放逸害
諸法常不動 離相名菩薩

聖者成就第一義菩薩問品第八

今時聖者成就第一義菩薩依无體
相第一義相白佛言世尊世尊我獨
在於空閑之處生覺觀心作如是念
如來種種說於諸陰自體相法所謂能
知生滅之相離於如是諸入因緣而
起諸行如是說諸諦自體相所謂知
離證修如是說諸界自體相種種別

相種種界相無量界相如是說諸念
處正勤如意根力覺道自體對治修
行未生令生已生令增廣世尊復說
一切法本來无體一切法本來不生
一切法本來不滅一切法本來寂靜一
切法本来自性涅槃世尊是故我問
如來此義如來何意作如是說今時
佛告成就第一義菩薩言善哉善哉
成就第一義汝能如是正念思惟生
此覺觀復言善哉成就第一義汝今乃
能問佛此義何以故汝為安樂一切衆
生安隱一切衆生為欲利益一切衆
生安隱一切天人故問此義成就第一
義汝一心聽我意何故作如是說一
切法本來無體相一切法本來不生
一切法本來不滅一切法本來寂靜一
切法本來涅槃成就第一義我意依
諸法三種無體相作如是說一切諸
法无自體相何等為三所謂依諸法
无自體相無生體相第一義諦无自
體相成就第一義諸法无自體相者
諸分別相何以故以彼諸法隨名相
說非有自體是故我言无自體相成

就第一義何者諸法無生體相謂諸法無體相何以故以彼生法依他力因緣非自體相是故我說無生體相成就第一義何者是第一義无體相成就第一義第一義无體相者一切諸法本无生體是故我說一切諸法無自體相以彼依於因緣生故以依第一義无體相故何以故成就第一義於諸法中清淨觀相我說彼是第一義相成就第一義以他力相中清淨觀故是故我說第一義諦無自體相成就第一義一切諸法無成就相是故我說彼第一義諦无自體相何以故成就第一義諸法無我无我體相是故我說彼一切法无自體相成就第一義以是彼法依無體得名是故我說第一義諦无自體相成就第一義如空中華無自體相一切諸法无自體相亦復如是是故我說一切諸法無自體相法應如是應知成就第一義譬如幻作種種色像諸因緣法无自體相亦復如是是故我說一切諸法無自體相成就第一義第一義諦无

自體相亦復如是是故我說第一義諦無自體相成就第一義如空中華色无體相得名如是第一義諦無自體相亦復如是成就第一義我意依此三種法無體相故說言諸法无自體相法復次成就第一義我意依相无自體相說言諸法無自體相彼法本來不生彼法本來不滅彼法本來寂靜彼法本來涅槃何以故成就第一義若一切法无自體相彼法不生若法不生彼法不滅若不滅不生彼法本來寂靜若法本來寂靜彼法本來清淨若法本來清淨彼法本來涅槃若如是彼法無有少法可滅令入涅槃成就第一義是故我意依彼相說彼法無自體相就第一義第一義者依无我得名是故我意依第一義无體相故說言諸法本來不生何以故成就第一義以第一義法無我得名是故名為第一義諦无自體相常常時恒恒時一切法體常住謂無為體離諸一切煩惱相應若法常常時恒恒時依彼法體

住彼法不生不滅以無為故若法无
為彼法本來寂靜若法本來寂靜彼
法本來涅槃以遠離一切煩惱毒相
應故是故第一義法无我得名我說
諸法無自體相一切法本來不生一
切法本來不滅一切法本來寂靜一
切法本來涅槃成就第一義一切衆
生衆生界中不知不覺虛妄分別法
體差別亦不能知他力因緣法體差
別亦復不見第一義諦法體差別是
故我說三種法无自體相成就第一
義而諸衆生虛妄分別諸法體相他
力法體第一義體虛妄分別名字體相
說因緣法第一義法成就第一義一切
衆生如是如是說如是受用依名字
心依隨順心依名用使心依彼分別
名字體相執著他力因緣法體第一
義體成就第一義如是如是執著如
是如是依他力法虛妄執著因緣法
體依彼因緣生未來世他力法體為
煩惱染業染生染流轉六道長夜受
苦不能出離生死苦縛所謂地獄畜
生餓鬼阿修羅天人諸趣成就第一

義隨所有衆生不種善根不能清淨
一切罪業不能成就諸善根力不多
信法不集功德智慧之業我為彼說
諸法不生彼諸衆生聞我所說因緣
和合有為行生彼衆生知諸法无常
不恒不可歸依異異轉滅於諸一切
有為行中生驚怖心生遠離心生驚
怖心生遠離心已彼諸衆生不行惡
法修行善法修行善法者依善法因
不種善根者種諸善根不清淨罪業
者清淨罪業不成熟諸根者能令成
熟依彼成熟善根力故能多信法多
信法者能集功德智慧之藏成就第
一義彼諸衆生雖種善根乃至能集
一切功德智慧之藏成就第一義而
彼衆生於彼因緣諸法之體无生體
相及第一義無體相法不如實知不
如實知故於諸一切有為行中不能
生厭不能遠離是故彼諸一切衆生
不得解脫煩惱染業染生染成就第
一義如來為彼諸衆生故重說彼法
所謂因緣無體第一義无體令彼衆
生於有為行生厭離心為得解脫煩

惱染業染生染彼諸衆生聞我所說
於彼諸法无生相中於一切法虚妄
分別中第一義諦无體相中能生正
信思惟彼法如實覺知於他方中不
生執著虚妄分別諸法體相但知唯
是名用得名唯是隨順名用得名唯
是隨順名用彼諸煩惱得名是故彼
諸一切衆生能滅他力因緣諸相依
於現法智慧之力斷彼未來一切因
緣是故依彼因緣正見能離一切有
為諸行歇離一切有為行已得正解
脫遠離業染煩惱染生染成就第一
義聲聞性衆生依此道依此法得聲
聞涅槃緣覺性衆生亦復如是依此
道依此法得緣覺涅槃佛乘性衆生
亦復如是依此道依此法得阿耨多
羅三藐三菩提成就第一義是故我
說聲聞緣覺菩薩一清淨道成就第
一義唯一清淨道更無第二我意依
此故說一乘成就第一義而衆生界
中非无種種性軟中上根衆生成就
第一義寂滅聲聞性人一切諸佛盡
力教化下能令其坐於道場得阿耨

多羅三藐三菩提何以故成就第一
 義以彼自性本來狹劣一向少於慈
 悲之心一向怖畏一切諸苦以少慈悲
 一向捨於利益衆生成就第一義若
 遠離利益衆生遠離能度諸衆生業
 是故我說彼人不能證阿耨多羅三
 藐三菩提我說名為寂滅聲聞成就
 第一義發菩提心聲聞人者而我說
 彼名為菩薩何以故以彼菩薩先離
 煩惱障得慧解脫後離智障得心解
 脫彼菩薩如來初化依自身利益而
 得解脫是故我說彼是聲聞性人菩
 薩成就第一義我善說法中善如意
 法中善毗尼法中善清淨法中清淨
 法中不錯依種種性說種種法相成
 就第一義是故佛意依此三種無體
 相法說不了義修多羅法所謂諸法
 本來不生本來不滅本來寂靜本來
 涅槃成就第一義若有衆生種諸一切
 增上善根清淨罪業成就諸根多信
 諸法善集一切善根智慧彼諸衆生
 聞我法音能如實知彼諸衆生信我

法信我義智慧觀察能如實覺依彼
證法隨順行力速得究竟阿耨多羅
三藐三菩提我依彼諸一切衆生能
於我身生恭敬心作如是言此是正
覺知一切法是故名為應正遍知成
就第一義若有衆生不種一切增上
善根不能清淨一切罪業不能淳熟
一切善根不多信法无增上心不集
功德智慧之藏直心體性不能觀察
是法非法是法可取是法可捨依自
心見執著而行彼諸衆生雖聞我法
亦復不知依何意說而彼衆生信於
我法恭敬我法而作是言我信諸佛
如來所說修多羅甚深甚深相依空
相應難見難覺不可覺形相不可覺
微細極微點慧人智慧境界如來說
諸修多羅義我不能知默然而信而
作是言諸佛如來菩提甚深諸法體
相亦復甚深唯佛所知非我境界諸
佛如來隨諸衆生種種信心說種種
法以諸如來无量智慧所知如海而
我知見如牛跡水是故衆生於彼修多
羅若能至心受持書寫寫已住持讀

示供養為他人說誦常誦隨喜施他而彼衆生不能於中如實修行以未知我甚深之意以不覺故成就第一義彼諸衆生依因彼故功德智慧增長滿足亦復令彼未淳熟心令得淳熟成就第一義復有衆生衆生界中不能種諸一切善根乃至不能成就功德智慧之業无直心無直意而彼衆生知是法是非法是可取是可捨自智生見是可取是可捨而彼衆生聞我所說甚深之法不知我意是故不知如實之法不知如實法故不能覺知一切諸法聞聲執著義亦如是是故彼諸一切衆生說如是言諸法無體相一切法本來不生一切法本來不滅一切法本來寂靜一切法本來涅槃而彼衆生依因此見於諸法中起於邪見無諸法相隨於邪見以見諸法无无相以見諸法無無相故而謗一切諸法為無所謂虛妄分別相因緣法體相第一義法體相何以故成就第一義依彼他力因緣體相依於第一義諦體相有名字相成就第一

義若衆生見因緣體相第一義相言
是无相彼衆生謗假名名字相是故
我說彼諸衆生謗三種相成就第一
義彼諸衆生於無法中起法相於无
義中生義相無法依法住持无義依
義住持成就第一義彼諸衆生依我
信法增長善法而取非義為義智不
增長智不增長者離諸善法於聞法
衆生住持是法法住持非義為義墮
於邪見彼諸衆生以取無法法相無義
義相以取無法法非義義相是故彼諸
一切衆生依不正見離諸善法應知
成就第一義復有衆生於彼邪見人
邊聞法說如是言諸法无體不生不
滅寂靜涅槃驚懼怖畏而說是言此
非佛語是魔所說是故彼諸邪見衆
生謗諸修多羅說諸修多羅毀諸修
多羅言是非法而彼衆生因彼謗法
得无量罪成就无量極惡罪業成就
第一義是故我說謗法衆生見无諸
法亦无於義依義說法成就無量極
惡罪業亦令無量諸衆生等多生罪
業成就第一義若有衆生不種善根

不清淨罪業不熟身業多不信法不能集彼功德智慧不直心不隨順直心而依自見邪智分別是法非法是法可取是法可捨彼諸衆生雖聞我法不得我意不生信心亦復不能如實知我所說之意是故彼諸一切衆生於諸非法生於法想於諸非義生於義想執著非法生是法想執著非義生是義想而作是言此非佛語是魔所說而彼邪智如是解故而謗諸法不順諸法毀此諸法輕論諸法於正法中加置邪法為減修多羅為壞修多羅為不行修多羅為不說修多羅於信修多羅者生怨家想彼諸衆生先有无量罪業重障復因謗法而謗於人轉更增長無量罪障而彼罪障根本之罪不可說盡何況復加謗法之罪墮大地獄無有出期乃至无量百千万億阿僧祇劫說其歲數亦不能盡成就第一義我今善說如是諸法善示善清淨善說衆生如是種種異信種種異見今時世尊而說偈言無法體不生本寂靜不滅自性涅槃法

是故我說常 三種无體相 第一義无體
若能知我意 是人得解脫 一道法進趣
諸衆生解脫 是故一乘法 隨聞差別說
諸衆生無量 為身求涅槃 如來其希有
安隱諸衆生 若證无漏界 平等無二相
成就佛諸義 彼人離煩惱

尔時成就第一義菩薩白佛言希有
世尊未曾有未曾聞如來所說如是
微細極微細甚深極甚深難覺極難
覺諸佛如來意趣難知世尊我知如
來所說義意所謂分別境界彼依分
別有為行相於名字中說彼色陰自
體相相名為勝相所謂色陰生色陰
滅離色陰知色陰是故如來依彼法
相說彼諸法為无體相世尊彼分別
境界依彼分別境界行相是他力相
是故如來依於彼法而說諸法不生
諸法无體亦依彼法說第一義言無
體相世尊我知世尊所說法義謂即
依彼分別境界虛妄分別有為行相
即彼虛妄分別之相无如是相即彼
無體相无體相法无我真如清淨觀
相是第一義是故如來依第一義說

彼諸法名无體相世尊如一色陰餘陰亦如是如是十二入十八界二入一切法亦如是世尊我知如來所說法義所謂分別境界中虛妄分別有為行相所謂苦諦知苦諦依於名字說自體相勝相虛妄分別如來依彼說言諸法無有體相世尊彼分別境界相依止分別有為行相名因緣相世尊是故我說我知如來所說法義何以故世尊即彼分別境界分別諸相依止虛妄行相而生而彼虛妄分別行相无如是體無如是相是法無我真如清淨觀名第一義是故如來依彼法說第一義无體相世尊如苦諦餘諦亦如是如是四念處四正勤四如意足五根五力七覺分八聖道以要言之一切諸法亦復如是世尊我知世尊所說法義於分別境界中依虛妄分別有為行相正覺三昧對治對治生正三昧生三昧已而復住持不忘不失修行增長名字所說法相勝相是分別相是故如來依彼法相說言諸法無有體相世尊彼分別

境界依止他力因緣行相是他力相
是故如來依彼法相說言諸法无有
體相亦說第一義是无體相世尊我
知世尊所說義相即彼名字分別境
界依止分別名字行相即彼分別无
如是相即彼無相即彼無相體无體
法无我真如清淨觀相即第一義是
故世尊說言諸法无有體相是第一
義相世尊譬如毗呬婆藥草著諸藥
中一切食中世尊如來說法亦復如
是諸法无體相諸法不生諸法不滅
諸法寂靜諸法自性涅槃說了義修
多羅置於一切不了義修多羅中世
尊譬如盡地種種一相所謂青黃赤
白能了別彼種種盡相世尊如來說
法亦復如是諸法无體相不生不滅
寂靜自性涅槃說了義言教置於一切
不了義中成一味相亦能了別彼不
了義修多羅等名字故世尊譬如一
切諸飲食中若置熟酥生增上味佛
說此法亦復如是依一切法無有體
相不生不滅寂靜自性涅槃說此了
義修多羅置諸一切不了義中能生

增上歡喜踊躍世尊譬如虛空一切處等於諸一切種種作業无有障礙皆悉能成世尊如來亦尔說言諸法無有體相諸法不生諸法不滅諸法寂靜諸法自性而是涅槃說了義經於諸一切不了義經等同一味成就一切聲聞辟支佛大乘修行作无障礙尔時世尊告成就第一義菩薩言善哉成就第一義汝實能知諸佛如來說法之意汝今善說此義譬喻如彼毗舒婆樂草畫地置酥虛空等譬成就第一義如是如是如汝所說不異汝說如是受持

尔時成就第一義菩薩白佛言世尊如來初成應正等覺於波羅捺城仙人集處諸禽獸遊處為諸修行聲聞行人一轉四諦希有法輪世間一切沙門婆羅門天人魔梵无能轉者若有能轉依法相應无有是處世尊此第二轉法輪說上法相可入法相分別彼諸不了義修多羅為住大乘衆生說於諸法無有體相諸法不生諸法不滅諸

法寂靜諸法自性涅槃希有之中復是希有世尊此是第三轉法輪為住一切大乘衆生說諸法無體相不生不滅寂靜自性涅槃善說四諦老別之相希有中希有無人能入無人能對無人能諍更無有上更元有勝了義修多羅元諍論處尔時成就第一義菩薩白佛言世尊若善男子善女人聞如來說諸法本來无體相本來不生本來不滅本來寂靜本來自性涅槃正信書寫寫已受持供養施與他人為自說自誦自讀修行隨喜彼善男子善女人得幾所功德尔時世尊告成就第一義菩薩摩訶薩言彼善男子善女人成就无量阿僧祇功德聚成就第一義彼之功德无有譬喻可以况說以要言之略說少分成就第一義譬如指甲上土依大地土百分不及一迦羅分不及一髮波厘沙陀分不及一乃至算數譬喻不能及一成就第一義譬如牛跡中水依大海水百分不及一千分不及一迦羅分不及一髮波厘沙陀分不及一乃至

算數譬喻亦不及一成就第一義如是我說信不了義修多羅乃至修行不了義修多羅所得功德依此所說了義修多羅生於信心乃至修行所得功德受持讀誦彼不了義修多羅百分不及一千分不及一百分不及一迦羅分不及一憂波厘沙陀分不及一乃至算數譬喻所不能知尔時成就第一義菩薩白佛言世尊此深密解脫修多羅中此法門名為何等去何奉持佛言成就第一義此法門名說第一義了義修多羅汝應如是受持佛說此法門時六千衆生發阿耨多羅三藐三菩提心三百千聲聞遠塵離垢得法眼淨復有五百千聲聞得无漏心解脫七万五千菩薩得無生法忍

深密解脫經卷第二

癸卯歲高麗國六歲都監奉
勅彫造

深密解脫經卷第三

蓋

元魏天竺三藏菩提流支譯

聖者弥勒菩薩問品第九

尔時聖者弥勒菩薩摩訶薩依奢摩
他毗婆舍那所攝法相白佛言世尊
世尊菩薩依止何法住持何法於大
乘中修行奢摩他毗婆舍那佛告弥
勒菩薩言弥勒依說諸法老別之相
及能住持阿耨多羅三藐三菩提心
弥勒如我所說四種觀法菩薩依彼
四種觀法修行大乘奢摩他毗婆舍
那何等為四一者分別觀二者無分
別觀三者事別四者所作成就弥勒
菩薩問佛言世尊有幾種奢摩他觀
佛言弥勒惟有一種奢摩他觀所謂
无分別觀弥勒菩薩復言世尊可有
幾種毗婆舍那觀佛言弥勒惟有一
種所謂善別觀弥勒菩薩復言世尊
有幾數名向二觀佛言弥勒有於二種
一者事別二者事成就弥勒菩薩言
世尊云何菩薩依四種法修行奢摩
他毗婆舍那觀善知奢摩他毗婆舍

那佛言弥勒如我為諸菩薩所說老
別法相所謂修多羅祇夜和伽羅那
伽他憂陀那屈陀那阿婆陀那伊帝
憂多伽闍多伽毗佛略阿浮陀檀摩
憂波提舍弥勒一切菩薩於如是等
修多羅中應善諦聽口常善誦心常
善知智常善觀惠如實覺弥勒諸菩
薩等於彼修多羅中善思惟已於空
閑處獨坐觀察觀察彼心內常隨順
如是觀心如是不断心彼菩薩得身
樂心樂弥勒是名我說菩薩修行奢
摩他法彼菩薩得身心樂已依身心
樂觀所說法如向思惟一切諸法觀
察內心三昧境界像能信諸法離於
思惟弥勒諸菩薩等如是觀彼三昧
鏡像可知彼義覺觀思惟忍怖見意
知覺現前弥勒是名我說菩薩修行
毗婆舍那弥勒諸菩薩等應當如是
善知毗婆舍那

尔時聖者弥勒菩薩白佛言世尊世
尊菩薩未得內心觀像未得身樂未
得心樂佛說彼觀名何等觀佛言弥
勒非奢摩他是隨順奢摩他是故我

說名為隨順信奢摩他。彌勒菩薩言世尊。善菩薩未得身樂。心樂觀於內身。三昧境界。思惟彼法。如是觀心。佛說彼觀名何等。觀佛言。彌勒。我說彼觀非毗婆舍那。名隨順信。毗婆舍那。彌勒。善菩薩言。世尊。說奢摩他行。毗婆舍那行為一。為異。佛言。我說非異。非不異。彌勒。以何義故。我說不異。毗婆舍那觀不離奢摩他。是故不異。彌勒。以何義故。我說異。以觀分別境界。差別是故。為異。彌勒。善菩薩言。世尊。毗婆舍那三昧境界。為異。彼心不異。彼心。佛言。彌勒。我說不異。何義不異。以唯是心觀彼境界。何以故。我說但是心意識觀得名。故彌勒。善菩薩言。世尊。若彼心境像不異於心。云何心即能觀於心。佛言。彌勒。彼處無有一法能觀一法。而彼心生。如是現見。彌勒。譬如清淨明鏡。依因境界。能見境界。而不作心。我見境界。依彼境界。現見境界。彌勒。如彼心生。不離於心。離心見境。彼三昧鏡像。現見境界。彌勒。善菩薩言。世尊。一切衆生所有心。

法色等境界為異於心為不異心佛
言弥勒不異於心而諸凡夫顛倒智
取不能識知但是心法以不如實知
彼種種境像顛倒取顛倒法弥勒菩
薩言世尊云何菩薩一向修行毗婆
舍那佛言弥勒若菩薩隨順觀彼心
相不斷如是菩薩一向修行毗婆舍
那弥勒菩薩言世尊云何菩薩一向
觀彼奢摩他法佛言弥勒若菩薩隨
順觀彼心相不斷如是菩薩一向觀
彼奢摩他法弥勒菩薩言世尊云何
菩薩奢摩他毗婆舍那二法和合一
時修行佛言弥勒若菩薩觀心一心
如是奢摩他毗婆舍那一時修行弥
勒菩薩言世尊何者是心相佛言弥
勒所謂分別三昧境界鏡像觀毗婆
舍那是名心相弥勒菩薩言世尊何
者是心无間佛言弥勒謂觀像心奢
摩他觀是名心無間弥勒菩薩言世
尊何者是心而言一心佛言弥勒所
謂觀彼三昧境像覺知是心覺知是
心已修真如觀弥勒是名一心

弥勒菩薩言世尊毗婆舍那行有幾

種佛言弥勒毗婆舍那有於三種何等三種一者相二者修行三者觀弥勒何者是相毗婆舍那所謂但觀三昧境界分別境像是名相毗婆舍那弥勒何者是修行毗婆舍那所謂智慧善見彼彼法相是名修行毗婆舍那彼法中智慧善觀彼彼法相而不證彼寂滅解脫弥勒是名善觀察修行毗婆舍那弥勒菩薩復言世尊奢摩他有幾種佛言弥勒依前法後三種亦如是應知復次弥勒奢摩他有八種所謂初禪奢摩他如是二禪三禪四禪無邊空處无邊識處見少處非想非非想處復次弥勒有四種奢摩他謂慈奢摩他悲奢摩他喜奢摩他捨奢摩他弥勒菩薩言世尊如世尊說依止奢摩他毗婆舍那不依止奢摩他毗婆舍那世尊何者是依止法何者是不依止法佛言弥勒如所聞法隨順法相弥勒是名依止法奢摩他毗婆舍那弥勒離所聞法思惟取法依他教觀奢摩他毗婆舍那義

所謂觀彼諸相青黃赤白晃爛一切
有行无常苦一切法無我一切法寂
靜一切法涅槃如是等奢摩他毘婆
舍那弥勒是名不依止法奢摩他毘
婆舍那應知弥勒所謂依止法奢摩
他毘婆舍那而我為彼隨順法相利
根菩薩作如是說弥勒不依止法隨
順他教而我為彼軟根菩薩作如是說
弥勒菩薩言世尊如世尊說老別觀
奢摩他毘婆舍那法何者不老別觀
奢摩他毘婆舍那法佛言弥勒若菩
薩二觀修多羅等法如聞如取思惟
諸法修行奢摩他毘婆舍那是名老
別觀奢摩他毘婆舍那法弥勒若菩
薩即彼修多羅等法作一段一分一聚
如是思惟此一切法隨順真如流順
真如隨向真如隨順彼真如隨順善
提隨順涅槃隨心識轉隨順彼法隨
向彼法如實能知無量阿僧祇諸善
法相弥勒是名无老別觀奢摩他毘
婆舍那法

彌勒菩薩言世尊如世尊說少相老
別觀奢摩他毗婆舍那法大相差別
觀奢摩他毗婆舍那法世尊何者是
少相老別觀奢摩他毗婆舍那法何
者是大相老別觀奢摩他毗婆舍那
法何者是无量相老別觀奢摩他毗
婆舍那法佛言彌勒若菩薩老別觀
修多羅二乃至憂波提舍作一段思
惟彌勒是名少相老別觀奢摩他毗
婆舍那法彌勒若菩薩即被修多羅
等不差別作一段思惟彌勒是名大
相老別觀奢摩他毗婆舍那法彌勒
若菩薩諸佛如來說無量法無量名
字无量章句無量上上智慧樂說辯
才作一段思惟是名无量老別觀奢
摩他毗婆舍那法彌勒菩薩言世尊
云何菩薩證得老別觀奢摩他毗婆
舍那法佛言彌勒有五種觀觀彼法
何等五種所謂思惟奢摩他毗婆舍
那念念滅一切煩惱身離種種相得
法樂樂如實知十方无量無畔齊知
無量法光明所作成就相應清淨分
无分別相現前為得成就法身證上

上勝勝因。彌勒菩薩言。世尊。何處隨順修行。老別觀奢摩他毗婆舍那法。何處證得。老別觀奢摩他毗婆舍那法。佛言。彌勒。初歡喜地菩薩摩訶薩。隨順證少於第三光明地菩薩善證得。應知。彌勒。初學菩薩亦修行此老別觀奢摩他毗婆舍那法。學思惟不休息故。

彌勒菩薩言。世尊。何者奢摩他毗婆舍那有覺有觀三昧。何者是无覺有觀三昧。佛言。觀三昧。何者是无覺無觀三昧。佛言。彌勒。若菩薩隨如所聞。攝受諸法於一切法。覺觀相麤細隨順。能生奢摩他毗婆舍那法。是名有覺有觀三昧。他毗婆舍那法。是名有覺有觀三昧。彌勒。若菩薩於彼法。相不了。了。麤細相隨順。彼法修行而得。彼法光明正念心隨順。細觀察奢摩他毗婆舍那。彌勒。是名無覺有觀三昧。彌勒。若菩薩離一切相。自然隨順法。思惟觀察奢摩他毗婆舍那。是名無覺无觀三昧。復次。彌勒。初修行奢摩他毗婆舍那。是名有覺有觀三昧。彌勒。若菩薩觀一切法。是名无覺少觀三昧。彌勒。

若菩薩觀无老別法三昧是名無覺
无觀三昧弥勒菩薩言世尊何者是
奢摩他相何者是取奢摩他相何者
是奢摩他捨相佛言弥勒若菩薩掉
動心疑心中生驚畏心或欲遠離思
惟諸法而不斷絕是名奢摩他相弥
勒若菩薩心沉没沉没相疑思惟於
法生歡喜心是名取相奢摩他弥勒
若菩薩一向於奢摩他道一向毗婆
舍那道雙道觀彼二法煩惱不染於
心自然思惟自然隨順彼法修行是
名奢摩他捨相弥勒菩薩言世尊如
世尊說菩薩修行奢摩他毗婆舍那
法如實知法如實知義世尊云何菩
薩知法知義佛言弥勒若菩薩知五
種觀法名如實知法何等為五一者
名二者句三者字四者老別五者同
弥勒何者是名謂於染法淨法中觀
自體相說法相弥勒是名為名弥勒
何者是句即彼法種種名名聚染法
淨法義為名用依止住持是名為句弥
勒何者是字即彼名句依彼一法名
是名為字弥勒何者是老別謂二法

別異觀是名耆別弥勒何者是同所謂無耆別觀法說名為同弥勒若菩薩如是觀者名為如實知法弥勒云何菩薩觀義菩薩觀義有十種何等為十一者所應修行者修行二者修行至究竟處三者知能取義四者知可取義五者知住持義六者知受用義七者知顛倒義八者知不顛倒義九者知染義十者知淨義弥勒若菩薩染淨法中一切種耆別修行謂陰五種數內入六種數外入六種數如是等耆別修行弥勒是名菩薩所應修行者修行弥勒若菩薩於染淨法中如實知真如弥勒是名菩薩修行至究竟處復次弥勒真如有七種何等為七所謂無始有為行相真如相真如所謂我空法空唯識真如知有為行惟是心執耆真如所謂我說告諦邪行真如所謂我說集諦清淨真如所謂我說滅諦正修行真如所謂我說道諦弥勒行相真如執耆真如邪行真如此三真如一切衆生平等無耆別弥勒相真如唯識真如此二真如一切法

平等无老别弥勒清淨真如聲聞緣
覺菩薩阿耨多羅三藐三菩提平等
无老别弥勒修行真如如聞妙法老
别觀奢摩他毗婆舍那攝取般若平
等無老别弥勒菩薩知能取義者所
謂五種入相及心意意識心數法是
名知能取義弥勒可取義者所謂外
六入弥勒能取義者即是可取義是
名知能取可取義

弥勒菩薩知住持義者所謂世界衆
生住處依彼住處衆生可見所謂聚
落田地彼百聚落地彼千聚落地彼
千萬聚落地名盡海畔地彼百千彼
百千闍浮提彼百千彼百千萬名為
一千世界彼一千世界百倍彼百倍
十倍彼十倍百千倍名為二千中世
界彼二千中世界百倍千倍百千倍
名為三千大千世界彼三千大千世
界百倍彼復十倍復十倍復百千萬
倍彼百千萬倍名為一億彼一億百倍
彼百倍復十倍彼千倍復一億彼一
億復千億復百千億名為一阿僧祇
彼百億千億彼千億百千億彼百千

億阿僧祇祇彼阿僧祇百阿僧祇祇彼百
阿僧祇千阿僧祇祇彼百千阿僧祇百
千萬三千大千百千萬阿僧祇世界
百千萬微塵數十方世界无量世界
弥勒是名菩薩知住持義弥勒何者
菩薩知資生義所謂我為衆生說種
種資生所受用故弥勒何者是菩薩
知顛倒義弥勒即彼取受用於无常
義中生常相顛倒心相顛倒見相顛
倒於苦中生樂相顛倒不淨中生淨
相顛倒於無我中生我相顛倒心相
顛倒見相顛倒弥勒是名菩薩知顛
倒義弥勒何者是菩薩知非顛倒義
弥勒即遠離彼四顛倒是名菩薩知
非顛倒義弥勒何者是菩薩知染相
義弥勒於三界中有三種染相所謂
煩惱染業染生染弥勒是名菩薩知
染義弥勒云何菩薩知淨義弥勒即
遠離彼三種染修行菩提分法弥勒
是名菩薩知淨義弥勒此十種義攝
取一切義應知弥勒是名菩薩如實
知義相

復次弥勒若菩薩知五種法彼菩薩

名善知義何等為五者可知境界二
者可知義三者知法四者依知得證果
五者如實受彼法弥勒何者是可知法
弥勒一切境界所謂五陰內諸入外諸
入等是名知境界弥勒何者是可知
義弥勒無量種觀如實知彼法所謂
世諦第一義諦功德法過各法因緣
法三世法生法住法滅法病等諸法
苦集等法真如法實際法法界法略
法廣法一向老別說問答法置答法
秘密法直說法弥勒如是等可知義
應知弥勒何者是知法弥勒能生彼
知三十七品所謂四念處乃至八聖
道弥勒是名知法弥勒何者是菩薩
依知得證法所謂滅貪瞋癡煩惱遠
離貪瞋癡煩惱得四沙門果所謂我
說聲聞如來世間出世間一切功德
彼諸功德如實證知弥勒是名菩薩
依知證果法弥勒何者是菩薩如實
受彼法弥勒即彼所證法知解脫受
解脫復為一切衆生廣說示現開發
弥勒此五法攝取一切義應知
復次弥勒菩薩知四種觀名如實知

義何等為四所謂知心生義知受用
義知隨心義知染淨義知彌勒菩薩畢
竟得四種義亦名攝取一切義應知
復次菩薩如實知三種法名為如實
知義何等為三所謂字義義義界義
彌勒何者字義所謂名身等應知彌
勒是名字義知彌勒何者義義彌勒義
義有十種何等為十所謂實相知相
遠離相證相修行相即彼實相等種
種差別相依止所依止相應相即彼
知相等障尋相隨順法相不知過咎
相知利益相知彌勒是名菩薩知義義
相知彌勒何者是菩薩知界義相知彌
勒界義相有五種所謂世界衆生界法
界可化界可化方便界知此五種
界攝取一切義應知

今時彌勒菩薩白佛言世尊所言聞
慧思慧奢摩他毗婆舍那三種修行
義此三種慧云何差別佛言知彌勒聞
慧修行者依止名字如聞不稱意非
現前解脫隨順解脫知彌勒是名聞慧
修行義知彌勒思慧修行義者知彌勒思
慧亦依名字唯如聞不如是隨順心

非現前解脫而轉轉隨順解脫非現
證解脫弥勒是名思慧修行義弥勒
修慧修行義者弥勒菩薩依名字不
依名字依如聞不依如聞隨順心隨
智可知法三昧境界像現前轉轉隨
順解脫增長解脫弥勒是名修慧修
行義弥勒是名三慧異相義

弥勒菩薩言世尊菩薩修行奢摩他
毗婆舍那何等為智何等為見佛言
弥勒我應說彼無量智見相以略言
之於耆別法相中奢摩他毗婆舍那
般若為名為智弥勒觀諸法無耆別
相是名為見弥勒菩薩言世尊菩薩
修行奢摩他毗婆舍那以何等心觀
何法相佛言弥勒真如觀心修行法
相義相亦不見名亦不見名體相亦
不見彼名字因相如是句字一切義
應知乃至不見十八界自體相亦見
彼因相修行奢摩他毗婆舍那是名
修行奢摩他毗婆舍那義應知

弥勒菩薩言世尊菩薩修行真如義
相亦修行彼相不佛言弥勒真如形
相无相可見若無相者云何修行弥

勒菩薩修行真如相者降伏一切法一切義相而彼諸法不能降伏真如義相弥勒菩薩言世尊世尊常說器不清淨鏡不清淨諸水等濁不見面相清淨器等能見面相如是世尊不修行如實心者不能見諸一切法相修行者見世尊依何等心觀何等真如觀說如是義佛言弥勒我依三種觀說如是義何等為三所謂聞慧思慧修慧三種觀心能識真如弥勒我依如是義說

弥勒菩薩言世尊菩薩如是解諸法義修行諸法相幾法相難修行以何等法何等觀觀彼難修行佛言弥勒有十種難修行相依十八空觀彼難修行相何等為十弥勒觀法義相種種名字相依一切法空斷彼難修行相弥勒取如實義相受用所謂生相滅相住相異相相應行相依相空無始空斷彼難修行相弥勒取能取義相所謂依身相依我相依內空依不見空斷彼難修行相弥勒取可取相所謂資生相依外空斷彼難修行相

彌勒取受用義男女相種種資生所
謂內外清淨相依內外空自性空斷
彼難修行相彌勒取住持義有无量
相依大空斷彼難修行相彌勒取無
色修行相內寂靜解脫相依有為空
斷彼難修行相彌勒取真如相義所
謂我空法空唯是心第一義相依本
空无物空自體空無體自體空第一
義空斷彼難修行相彌勒取清淨真
如無為相義離諸相無異相依無為
空不異空斷彼難修行相彌勒取彼
无為空無異空為斷彼空相對治无
為空无異空依空空斷彼二空彌勒
菩薩言世尊菩薩如是修行十種相
於何等縛相而得解脫佛言彌勒修
行三昧境界見形像相染縛煩惱中
而得解脫即觀彼鏡像不取境界相
是名斷彼難修行相彌勒當知差別
而言是諸空等對十種相非一空
不能對治斷十種相彌勒譬如无明
不能生生乃至老死染煩惱等但依
本言无明緣行生依近因緣故如是
說彌勒此義如是應知

弥勒菩薩言世尊何者是略空相菩薩知彼略空相不失一切空相離諸一切憍慢空相

尔時世尊告弥勒菩薩言善哉弥勒善哉弥勒汝今乃能問佛此義弥勒汝能為於諸菩薩等不失空相故如是問善哉是問何以故弥勒若菩薩不知空相則失一切大乘法相弥勒汝今諦聽我為汝說略相空義弥勒於他力相第一義相一切法中无染淨相彼虛妄分別相常離彼相不見有相是名大乘中說略相空弥勒菩薩言世尊奢摩他毗婆舍那攝幾種三昧佛言弥勒我說種種三昧所謂聲聞菩薩如來三昧攝取彼諸一切三昧應知

弥勒菩薩言世尊奢摩他毗婆舍那能成何等法因佛言弥勒能成清淨戒因能成聞慧思慧見因弥勒菩薩言世尊彼清淨戒聞思慧因成何等果佛言弥勒能成心清淨果智慧清淨果復次弥勒能成一切世間出世間善法一切聲聞菩薩諸佛奢摩他

毗婆舍那果應知

弥勒菩薩言世尊奢摩他毗婆舍那
作何等業佛言弥勒遠離二種縛何
者為二所謂遠離相縛遠離煩惱縛
弥勒是名奢摩他毗婆舍那業弥勒
菩薩言世尊佛說五種障幾種障奢
摩他幾種障毗婆舍那幾種障向二障
佛言弥勒惜身資生此二種障奢摩
他弥勒聖人所說一切善法得聞不
喜此障毗婆舍那弥勒喜憤聞處得
少為足此二障奢摩他毗婆舍那應
知弥勒喜聞亂處不能發修行法得
少為足不能畢竟得究竟處弥勒菩
薩言世尊如來說五種蓋幾是奢摩
他耶幾是毗婆舍那障幾是向二障
佛言弥勒掉悔是奢摩他障睡眠是
毗婆舍那障欲貪二種是向二障弥
勒菩薩言世尊云何善清淨奢摩他
道佛言弥勒善伏睡眠如是名為善
能清淨奢摩他道弥勒菩薩言世尊
云何善清淨毗婆舍那道佛言弥勒
若能善斷掉悔二蓋如是則名善能
清淨毗婆舍那道弥勒菩薩言世尊

菩薩修行者摩他毗婆舍那行有幾
種法能知心散乱不名相應佛言弥勒
菩薩知五種法所謂正念散乱外心
散乱內心散乱相散乱煩惱散乱弥
勒若菩薩捨正念大乘相應相隨念
聲聞辟支佛相應念相弥勒是名菩薩
正念散乱弥勒若菩薩著外五欲樂
憤鬧處著諸覺觀隨順煩惱相念是
名外心散乱弥勒若菩薩為睡不利心
著三昧及餘三昧三摩婆提染於所
染弥勒是名內心散乱弥勒若菩薩
依外相內身三昧境界相思惟是名
心散乱弥勒若菩薩依內心思惟因
緣生覺觀煩惱如是心是我弥勒是
名煩惱散乱心弥勒菩薩言世尊奢
摩他毗婆舍那從初菩薩地乃至如
來地對治何等過佛言弥勒奢摩他
毗婆舍那於初地中對治惡道業生
煩惱染第二地中對治微細過失第
三地中對治欲得善法過第四地中
對治愛三摩拔提心過第五地中對
治世間涅槃一向現前不一向現前
過第六地中對治諸相行過第七地

中對治微細相行過第八地中對治
无相行自然行過第九地中對治一
切種說法不得自在過第十地中對
治未得滿足法身過弥勒第十一地
中對治細極細微細智障弥勒菩薩
斷彼一切障已得无障等一切智處
成就所求法得清淨法身弥勒菩薩
言世尊云何菩薩修行奢摩他毗婆
舍那得阿耨多羅三藐三菩提佛言
弥勒菩薩修行奢摩他毗婆舍那依
七種真如為本如聞思法入於定心
即念彼法如聞思慧善思惟內心老
別觀彼真如菩薩觀彼真如之法尚
捨微細修行之心何況麤法弥勒何
者是微細修行心相所謂生心識受
心識染淨識內外及彼二彼行利益
一切衆生真如智苦集滅道有為无
為常無常苦集不異自性業有為相
一切人無我法无我相如是等法修行
捨心弥勒菩薩如是發心修行如是
多修行刹那刹那離一切蓋得清淨
心得清淨心已入七種真如內身證
彼七種覺相應知弥勒是名菩薩摩

訶薩善得見道菩薩得彼見道智已
名定聚菩薩生在佛家受用初地利
益歡喜是菩薩先已修行奢摩他毗
婆舍那道於此始得事究竟觀是菩
薩復於上上地中修行念彼二種觀
故離諸微細相弥勒辟如有人巧以
細楔出彼廣楔弥勒菩薩修行亦復
如是觀內心相離彼一切諸染相分
離染相分已離取一切諸善法相離
取一切諸善法相已離一切相如是
次第上上地中念相似法內心清淨
乃至證阿耨多羅三藐三菩提得所
作修行觀行成就弥勒菩薩如是修
行得阿耨多羅三藐三菩提

深密解脫經卷第三

癸卯歲高麗國大藏都監奉

勅彫造

深密解脫經卷第四

蓋

彌勒菩薩問品之二

元魏三藏菩提流支譯

彌勒菩薩言世尊云何菩薩摩訶薩
修菩薩行現得菩薩諸勝妙果佛言
彌勒若菩薩如實能知六種法者是
人能得菩薩妙果何等六種所謂善
知心生善知心住善知心起善知法
來善知善法增長善知巧方便彌勒
云何菩薩善知心生彌勒若菩薩知
十六種心生所謂不覺不知不動器
世間識辟如阿陀那識取種種相觀
識辟如一時取色等可取境界元分
別意識知内外色一念間入無量三
昧見无量佛國土見無量諸佛彌勒
少相觀相應識辟如欲界相相應識
彌勒大相觀相應識辟如色界相相
應識彌勒无量相觀相應識辟如一切
虛空一切識相相應識彌勒細相觀相
應識辟如少相相應識彌勒遍相觀
相應識辟如非想非非想相應識彌
勒極細相觀相應識辟如出世間相

相應識弥勒苦相觀相應識辟如惡
道識弥勒雜相受相觀相應識辟如
欲界識弥勒喜相觀相應識辟如初
禪二禪識弥勒樂相觀相應識辟如
第三禪識弥勒不苦不樂相觀相應
識辟如第四禪乃至非想非非想識
弥勒染相觀相應識辟如染煩惱隨
順煩惱識弥勒善法相觀相應識辟
如修行信等相應識弥勒無記相觀
相應識辟如遠離彼二法識弥勒是
名菩薩知諸法生

弥勒云何菩薩如實知諸法住弥勒
若菩薩如實能知唯是識體是名菩
薩知諸法住弥勒云何菩薩善知諸
法起弥勒若菩薩如實能知二種相
煩惱縛若知彼已作是思惟應捨此
法弥勒菩薩如是名善知諸法起弥
勒云何菩薩善知法來弥勒若菩薩
善知彼煩惱對治心增長知諸法增
長已是名菩薩善知我法增長弥勒
云何菩薩善知諸法下弥勒若菩薩
知彼對治法煩惱染相心下損善知
諸法損弥勒是名菩薩善知諸法下

彌勒云何菩薩善知巧方便彌勒若
菩薩觀察解脫勝處一切入彌勒是
名菩薩善知巧方便彌勒菩薩摩訶
薩善知如是修行菩薩行者能得菩
薩寂勝妙果彌勒過去一切菩薩亦
如是未來一切菩薩亦如是現在一
切菩薩亦如是修行菩薩行得菩薩
妙果

彌勒菩薩言世尊如來常說无餘涅
槃界中一切受滅盡无餘世尊何者
是彼受相而言一切受相滅佛言彌
勒略說二種受滅所謂見身受相滅
受彼果境界受相滅彌勒身受相滅
者有四種受應知何等四種所謂依
止色受相依止非色受相成就果受
相不成就果受相彌勒成就果受相
者謂現前受相不成就受果相者謂
未來世因受彼果報境界受相亦有
四種所謂住持受相資生受相受用
受相對受相彌勒有餘涅槃界中非
成就受相果明觸受相受是故依彼
對一切受相未滅以有餘受相彌勒
成就果相受相一切種彼二受相滅

但有明觸受相受无餘涅槃界中彼受亦滅以無餘涅槃中更无明觸相是故我說无餘涅槃中滅一切受相今時世尊告弥勒菩薩摩訶薩言善哉善哉弥勒汝依如實修行故問滿足清淨菩薩行相弥勒汝於如實修行法中善學具足是故問我如實行法弥勒我已善說菩薩滿足清淨修行法應知弥勒過去諸佛亦如是說未來諸佛亦如是說現在諸佛亦如是說過去未來現在一切諸善男子亦如是問是故一切諸善男子善女人等應當至心行菩薩行今時世尊而說偈言

此說法行中 若人不放逸 智人正思惟 能得无上道 若人取法相 欲得彼法體 彼離如實行 空地不相應 見為衆生性 利衆生勇猛 得無染著相 一切出世善 為求欲說法 彼人還得法 彼得无價寶 乞求行世間 解脫諸戲論 精進行堅固 為利益衆生 修行此實行 今時弥勒菩薩摩訶薩白佛言世尊此深密解脫經中當何名此法門云

何奉持佛言弥勒此法門名為如實
修行了義修多羅汝當奉持說是如
實修行了義修多羅時六千衆生發
阿耨多羅三藐三菩提心三千聲聞
遠塵離垢得法眼淨十萬五千聲聞
離諸漏得心解脫七萬五千菩薩得
大乘如實修行觀成就

聖者觀世自在菩薩問品第十之一

今時聖者觀世自在菩薩摩訶薩白
佛言世尊世尊為諸菩薩說十地老
別所謂歡喜地離垢地光明地炎地
難勝地現前地遠行地不動地善慧
地法雲地第十一佛地世尊有幾種
清淨攝此諸地有幾種分佛言觀世
自在有四種清淨十一分攝此諸地
應知觀世自在增上清淨攝初地增
上戒清淨攝二地增上心清淨攝三
地增上慧清淨攝四地乃至上上勝
妙從四地乃至佛地觀世自在是名
四種清淨攝諸地應知觀世自在在何
者十一分攝諸地義觀世自在從菩
薩起信行地修行十種信心能善思
惟菩薩乘彼信行地行過彼信地入

於定聚滿足彼分觀世自在彼諸菩薩雖滿彼分於微細行中而猶不能如實修行彼諸菩薩不滿彼分為滿足故修行進求得滿彼分雖滿彼分而猶不能如實滿足世間三昧三摩跋提及未滿足聞持陀羅尼彼諸菩薩不滿彼分為滿足故修行進求得滿彼分雖滿彼分如菩提分而猶不能如實修行心不能捨三昧愛法彼諸菩薩不滿彼分為滿足故修行進求得滿彼分雖滿彼分而猶不能如實觀察一切諸諦亦不能捨方便所攝修菩提分世間涅槃一向現前一向不現前彼諸菩薩不滿彼分為滿足故修行進求得滿彼分雖滿彼分而猶不能如實知諸世間生死現見修行及无相正念不能多修彼諸菩薩不滿彼分為滿足故修行進求得滿彼分雖滿彼分而猶不能如實而知彼分雖滿彼分為滿足故修行進求得滿彼分雖滿彼分為滿足故修行進求得滿彼分雖滿彼分而猶不能捨无相行自然而行无相行中不得自在

彼諸菩薩彼分不滿為滿足故修行
進求得滿彼分雖滿彼分而猶不能
於彼種種名字諸相無尋而說一切
諸法及不能得說法自在彼諸菩薩
不滿彼分為滿足故修行進求得滿
彼分雖滿彼分而不能得滿足法身
及不能得受樂法身彼諸菩薩不滿
彼分為滿足故修行進求得滿彼分
雖滿彼分而不能得於諸一切境界
相中无障無尋智慧具足彼諸菩薩
不滿彼分為滿足故修行進求得滿
彼分得滿彼分已名為滿足一切菩
提分得滿菩提菩薩名之為佛觀世
自在如是十一種分攝諸地應知
觀世自在菩薩白佛言世尊世尊何
故說初名歡喜地乃至佛地說名佛
地佛言觀世自在菩薩初離生死得
出世間大利清淨勝妙歡喜踊躍是
故初地名歡喜地遠離一切微細破
戒障故是故第二名離垢地依无量
智光明照曜照諸三昧及聞持陀羅尼
而得自在能作光明是故第三名光
明地智火炎熾燒菩提煩惱習垢

是故第四名為炎地即彼菩提分方便修行難勝得勝是故第五名難勝地正念思惟諸有為行現前證知諸法无相是故第六名現前地无間無斷無相正念遠入行近清淨地是故第七名遠行地无有諸相自然修行相不能動是故第八名不動地說一切法一切種智无尋自在得廣大智他不降伏是故第九名善慧地衆生煩惱過患之身如虛空等如來法身猶如大雲覆衆生界說法示現是故第十名法雲地離一切无明微細習氣離一切境界智障習氣无障無尋於一切法中而得自在是故第十一名為佛地

觀世自在菩薩白佛言世尊世尊此諸地有幾種無明幾種障對佛言觀世自在有二十二種無明十一種障觀世自在在於初地中執著人我法我无明惡道煩惱染相無明迷沒彼二是故名障於二地中微細過无明種種業道無明迷沒彼二是故名障於三地中求欲法无明滿足聞持陀羅

居元明迷沒彼二是故名障於四地
中愛三摩跋提元明愛法無明迷沒
彼二是故名障於五地中於世間正
念思惟非一向背世間非一向現世
間元明於涅槃正念思惟非一向背
涅槃非一向趣涅槃元明迷沒彼二
是故名障於六地中不如實知有為
行現前元明多集諸相無明迷沒彼
二是故名障於七地中微細相行無
明一向思惟方便元明迷沒彼二是
故名障於八地中元自然無相元明
諸相不得自在元明迷沒彼二是故
名障於九地中無量說法无量名句
上上樂說智慧陀羅尼元明樂說辯
才自在無明迷沒彼二是故名障於
十地中大通無明入微細密元明迷
沒彼二是故名障於佛地中於一切
境界極微細元明他障元明迷沒彼
二是故名障觀世自在是名二十二
種無明十一種障說諸地差別觀世
自在而阿耨多羅三藐三菩提此諸
法不相應觀世自在菩薩言希有世
尊阿耨多羅三藐三菩提大利大果

彼諸菩薩破大元明迷沒羅網亦滅一切虛妄對稠林得阿耨多羅三藐三菩提

觀世自在菩薩白佛言世尊世尊說此諸地有幾種殊勝佛言觀世自在有八種清淨所謂直心清淨慈清淨悲清淨波羅蜜清淨見諸佛供養清淨教化衆生清淨生清淨力清淨觀世自在於初地中直心清淨乃至力清淨復有上上地乃至佛地直心清淨力清淨彼清淨極清淨增上清淨應知觀世自在除佛地生清淨所謂初地諸功德彼諸地功德乃至上上地彼初地功德平等無差別而地地有勝功德應知

觀世自在菩薩白佛言世尊世尊何故說一切諸生中菩薩摩訶薩生為最勝佛言觀世自在有四種法所謂善集諸善根清淨故得內心方便故起大慈悲救護一切諸衆生故自無染故能令一切衆生元染

觀世自在菩薩白佛言世尊世尊何故說諸菩薩能發一切妙願勝願殊

勝力願佛言觀世自在有四種法菩薩能如實知涅槃妙樂故速得阿耨多羅三藐三菩提復能捨彼速得菩提勝妙樂行不為報恩而發大心為利衆生於六道中長夜受諸種種苦惱觀世自在是故我說諸菩薩摩訶薩妙願勝願殊勝力願

觀世自在菩薩白佛言世尊世尊菩薩摩訶薩有幾種學事佛告觀世自在菩薩言觀世自在菩薩學事有六種何等為六所謂檀波羅蜜尸羅波羅蜜羼提波羅蜜毗梨耶波羅蜜禪波羅蜜般若波羅蜜

觀世自在菩薩白佛言世尊此六種學幾增上戒學幾增上心學幾增上慧學佛言觀世自在初三學檀波羅蜜尸羅波羅蜜羼提波羅蜜增上戒學禪波羅蜜增上心學般若波羅蜜增上慧學毗梨耶波羅蜜遍諸波羅蜜觀世自在三種增上攝六種學事應知

觀世自在菩薩白佛言世尊此六種修行幾功德莊嚴幾智慧莊嚴佛言

觀世自在增上或學初德莊嚴增上
慧學智慧莊嚴精進波羅蜜禪波羅
蜜遍諸波羅蜜應知

觀世自在菩薩白佛言世尊世尊菩
薩云何學此諸學佛言觀世自在有
五種觀法學此諸學何等為五所謂
依諸波羅蜜說法依菩薩藏初至心
信次有十種法行如實修行聞思修
慧智故護諸菩提心故親近善知識
故不休息修行一切諸善根故觀世
自在是名菩薩學諸學事應知

觀世自在菩薩白佛言世尊世尊此
諸學事何故說六種數佛言觀世自
在有二種義何等為二所謂攝取一
切衆生故對治諸障故觀世自在三
種學攝取衆生利益故三種學對治
諸障故觀世自在菩薩修行檀波羅
蜜資生利益攝取衆生菩薩修行尸
波羅蜜不惱不害以无畏施攝取衆
生菩薩修行羣提波羅蜜无報怨心
攝取衆生觀世自在以此三學攝取
衆生觀世自在菩薩修行毗梨耶波
羅蜜動諸煩惱殺害諸使修行分中

不為一切煩惱所動菩薩修行禪波
羅蜜縛諸煩惱菩薩修行般若波羅
蜜斷一切使觀世自在是三種波羅
蜜對治所治煩惱故

觀世自在菩薩白佛世尊世尊何故
說餘四波羅蜜但有四數佛言觀世
自在為成就彼六波羅蜜伴故說餘
四波羅蜜觀世自在菩薩三波羅蜜
攝取衆生攝事方便攝取衆生置善
法中是故我說方便波羅蜜與三波
羅蜜為伴觀世自在菩薩現身依多
煩惱而亂其心不能修行如實之法
而復信樂少行少法微薄直心不能
攝取內心正定聞菩薩藏如聞而觀
不能入定而不能起出世間智但修
少分功德智慧莊嚴之相依彼少分
智慧莊嚴為薄未來煩惱作願是菩
薩願波羅蜜願未來世諸煩惱薄能
成精進波羅蜜是故我說願波羅蜜
與毗梨耶波羅蜜為伴

觀世自在菩薩親近善知識故聽聞
正法如實思惟而能隨順如實修行
轉彼薄心增長善力於彼真如法界

之中得增上力是菩薩力波羅蜜得
內心定是故我說力波羅蜜與禪波
羅蜜為伴

觀世自在菩薩依於菩薩藏故聞慧
正觀修禪波羅蜜是菩薩智波羅蜜
依智波羅蜜能生出世般若波羅蜜
是故我說智波羅蜜與般若波羅蜜
為伴

觀世自在菩薩白佛言世尊世尊何
故說六波羅蜜如是次第佛言觀世
自在依前後上上轉勝故觀世自在
菩薩遠離受用欲心受持淨戒受
持淨戒已能忍諸惡能忍諸惡已能
成精進能成精進已能入諸禪能入
諸禪已能得出世間智慧觀世自在
是故我說六波羅蜜如是次第應知
觀世自在菩薩白佛言世尊世尊說
諸波羅蜜各有幾種老別佛言觀世
自在諸波羅蜜各有三種老別觀世
自在檀波羅蜜有三種所謂法施財
施無畏施尸羅波羅蜜有三種所謂
離諸惡行戒修諸善行戒利益衆生
戒羣提波羅蜜有三種所謂忍諸惡

忍忍諸苦忍忍諸法忍毗梨耶波羅
蜜有三種所謂發起精進修行善法
精進利益衆生精進禪波羅蜜有三
種所謂无分別寂靜極寂靜對治煩
惱受樂行禪起諸功德禪起利益衆
生禪般若波羅蜜有三種所謂觀世
諦般若觀第一義諦般若觀利益衆
生般若觀世自在是名諸法波羅蜜
各有三種差別應知

觀世自在菩薩白佛言世尊以何義
故說諸波羅蜜名波羅蜜佛言觀世
自在有五種義說名波羅蜜所謂不
著不怖望无過不分別迴向觀世自
在不著者所謂不著諸波羅蜜相違
事不怖望者於諸波羅蜜受用果報
報恩中无求心無過者遠離諸波羅
蜜无方便雜染法不分別者諸波羅
蜜中不如所聞執著自相迴向者諸
波羅蜜所作所集迴取大菩提果故
觀世自在是故我說名波羅蜜

觀世自在菩薩白佛言世尊諸波羅
蜜相違事有幾種佛言觀世自在波
羅蜜相違事有六種何等為六所謂

樂於五欲資生自在在我受樂見功德
利自在故隨身口意行自在故於他
輕惱心不堪忍故著自身樂故專念
世間散亂行故於世間中見聞覺知
名字分別為勝功德故觀世自在是
名諸波羅蜜相違事

觀世自在菩薩白佛言世尊世尊何
者是諸波羅蜜果報佛言觀世自在
諸波羅蜜果報有六種應知何等為
六所謂得富財故趣善道故無怨敵
故不壞多喜樂故常為衆生主故不
害自身故大威德力故觀世自在是
名諸波羅蜜六種果報

觀世自在菩薩白佛言世尊何者是
諸波羅蜜雜染法佛言觀世自在諸
波羅蜜有四種不如法行名為雜染
何等為四所謂无慈心行故不正念
行故不斷惡行故不至心行故

觀世自在菩薩白佛言世尊何者是
不正思惟佛言觀世自在所謂修行
諸波羅蜜離餘波羅蜜行是名不正
思惟

觀世自在菩薩白佛言世尊何者是

菩薩元方便修行佛言觀世自在若
菩薩修波羅蜜行攝取衆生但施飲
食資生等樂以為滿足而不能令離
不善處置於善處是名菩薩元方便
修行何以故觀世自在非施飲食如
是等樂名為利益觀世自在譬如糞
穢若多若少無人能令生香美氣觀
世自在如是一切有為行苦一切衆
生自性諸苦飲食資生攝取衆生不
可為樂觀觀世自在若置衆生在於第
一上善法中究竟樂處名為攝取與
大利益

觀世自在菩薩白佛言世尊世尊此
諸波羅蜜有幾種清淨佛言觀世自
在我下說離五種清淨更有清淨觀
世自在而我依此五種清淨略廣說
諸波羅蜜清淨之相觀世自在何者
是略說諸波羅蜜清淨之相觀世自
在一切波羅蜜有七種清淨何等為
七所謂菩薩離我說法復於他邊不
求智慧故此見諸法不生執著知一
切法能取大菩提故不生異意異疑
故不自讚歎不毀他人故不欺不憍慢

不放逸故得少善法不生滿足心故
得此諸法於他人邊不生嫉妬慳慳
心故觀世自在是名略說諸波羅蜜
七種清淨應知

觀世自在在我復廣說諸波羅蜜清淨
之相依彼七種說諸波羅蜜清淨何
等七種觀世自在在我說諸菩薩摩訶
薩檀波羅蜜七種清淨如實修行何
等為七所謂依悲心施清淨施清淨
即戒清淨見清淨心清淨口清淨智
清淨意清淨是名檀波羅蜜七種清
淨應知

觀世自在如是戒波羅蜜有七種清
淨何等為七所謂菩薩摩訶薩於菩
薩受持戒如實知一切戒如實能知
離諸過法彼法恒持堅固戒至心戒
常隨順戒於諸學中如實持戒

觀世自在是名戒波羅蜜七種清淨
應知

觀世自在如是羣提波羅蜜有七種
清淨何等為七所謂菩薩自信業報
於諸一切不饒益事心不瞋恨若罵
若瞋若打一切惡事來加其身不生

報心不懷結恨若彼求悔應時即受
不令他惱不求他求不為有畏不為
飲食而行忍辱於受他恩不忘還報
觀世自在是名忍辱波羅蜜七種清
淨應知

觀世自在毗梨耶波羅蜜有七種清
淨何等為七所謂菩薩如實知精進
平等故不為精進自高下他故身體
安住如山不動故常勤精進故心不
怯弱故所行堅固故於諸善法起精
進心不休息故觀世自在是名毗梨
耶波羅蜜七種清淨應知

觀世自在禪波羅蜜有七種清淨何
等為七所謂菩薩善決定知諸相三
昧禪波羅蜜滿足三昧禪波羅蜜如
實知二分三昧禪波羅蜜如實知隨
順三昧去禪波羅蜜不依止三昧禪
波羅蜜善練諸業所作善三昧禪波
羅蜜觀菩薩藏无量三昧禪波羅蜜
觀世自在是名禪波羅蜜七種清淨
應知

觀世自在般若波羅蜜有七種清淨
何等為七所謂離有无謗中道般若

依般若力如實能知三解脫義謂空无相無願如實能知三種分別他力第一義諦如實能知三種名相生相處如實能知第一義諦於七種真如不分別不戲論一味多修行无量差別觀法奢摩他毗婆舍那隨聞如實修行成就觀世自在是名般若波羅蜜七種清淨應知

觀世自在菩薩白佛言世尊世尊此五種觀一一觀有何等業佛言觀世自在此五種觀各有五業應知何等為五所謂菩薩不著現報常至心行諸波羅蜜不放逸故不怖望報恩攝取未來不放逸故無諸過失能善滿足善清淨善白淨修諸波羅蜜故依元分別巧方便速滿諸波羅蜜故依迴向力一切生處得善果報依彼如實修行諸波羅蜜不盡乃至得阿耨多羅三藐三菩提故觀世自在是名菩薩諸波羅蜜差別業應知

觀世自在菩薩白佛言世尊世尊此諸波羅蜜何者最勝佛言觀世自在

所謂不恡資財不著果報趣向大菩提觀世自在是名寂勝應知觀世自在言世尊何者是无染法佛言所謂無諸過无分別是名無染法應知觀世自在言世尊何者為明妙佛言所謂緣滅諸法應知觀世自在菩薩白佛言世尊世尊何者是菩薩不動地佛言觀世自在菩薩入初歡喜地具足大力不退諸法是名菩薩不動地應知觀世自在言世尊何等法是善清淨法佛言所謂滿足十地乃至滿足佛地應知觀世自在菩薩白佛言世尊世尊何故菩薩諸波羅蜜不盡愛樂果報亦不盡佛言所謂迭相因生妙果應知

深密解脫經卷第四

癸卯歲高麗國大藏都監奉
勅雕造

深密解脫經卷第五

蓋

元魏天竺三藏菩提流支譯

聖者觀世自在菩薩問品之二

聖者觀世自在菩薩白佛言世尊世尊何故諸菩薩心不多樂諸波羅蜜果報而多樂諸波羅蜜行佛言觀世自在有五種法何等為五所謂樂於增上歡喜樂故攝取日利利他故樂未來世樂報恩故不染諸法故不失彼法故應知觀世自在菩薩白佛言世尊世尊此諸波羅蜜各有幾種勝妙之力佛言觀世自在此諸波羅蜜各有四種妙力應知何等為四一謂菩薩修行諸波羅蜜遠離慳嫉心遠離破戒心遠離瞋心遠離懈怠心遠離散亂心遠離諸見心故能成就阿耨多羅三藐三菩提諸功德故現身攝取自身他身故於未來世能得廣大無盡愛果報故

觀世自在菩薩白佛言世尊世尊此諸波羅蜜何等為因何等為果何等為力佛言觀世自在大悲為因愛樂

攝取衆生為果能滿足菩提為力應知
觀世自在菩薩白佛言世尊世尊若
諸菩薩一切資財隨心所用不可窮
盡菩薩復有大悲愍心何故世間貧
窮衆生受種種苦佛言觀世自在此
諸衆生自業罪過菩薩大悲常欲與
諸一切衆生無盡富樂常懷憐愍堅
固不動觀世自在若諸衆生無自罪
障世間无有貧窮衆生觀世自在譬
如一切諸餓鬼等為渴逼惱往見一切
諸河大海悉皆乾竭此非諸河大海
過咎是諸餓鬼自罪業報諸菩薩等
施諸衆生一切資財如彼大海无有
過咎而諸衆生受貧窮苦如彼餓鬼
自作惡業有如是報非菩薩過觀世
自在菩薩白佛言世尊世尊菩薩何
等波羅蜜取諸法无體相佛言觀世
自在般若波羅蜜取諸法無體相觀世
自在言世尊若菩薩般若波羅蜜取
諸法无體相者世尊何故般若波羅
蜜不取諸法有體相佛言觀世自在
我說取无體相无體相者汝當莫著
言語何以故无體相法離諸一切名

字言語內身證法不可以名字章句
說我依名字說言般若取諸法无體相
觀世自在菩薩白佛言世尊如世尊
說諸波羅蜜隨近波羅蜜大波羅蜜
世尊何者是波羅蜜何者是近波羅
蜜何者是大波羅蜜佛言觀世自在菩
薩從无量劫修行布施等諸波羅蜜
畢竟能得一切善法而彼菩薩具煩
惱性現行於心而被煩惱不能殊菩
薩而菩薩能降伏煩惱謂信行地於
軟中信心而修諸行是名波羅蜜觀
世自在復有無量劫時畢竟修行增
上善法心行煩惱而彼菩薩能伏煩
惱煩惱不能降伏菩薩謂未入初地
應知觀世自在是名近波羅蜜復次
觀世自在菩薩於无量劫畢竟修行
上上善法彼菩薩一切煩惱不行於
心所謂初地至八地第十地觀世自
在是名大波羅蜜應知

觀世自在菩薩白佛言世尊世尊此
諸地中有幾種使煩惱佛言觀世自
在有三種使煩惱何等為三所謂害
伴使煩惱薄使煩惱微細使煩惱觀

世自在何者害伴使煩惱謂從初地乃至第五地不俱生煩惱俱生煩惱伴彼菩薩害伴使煩惱不行於心是故我說害伴使煩惱觀世自在何者是薄使煩惱謂六地七地中微細無明使煩惱菩薩修行薄彼无明煩惱是名薄使煩惱觀世自在何者微細極微細煩惱謂八地上上地一切無明使煩惱不行於心唯有一切境界微細障觀世自在是名三種使煩惱應知

觀世自在菩薩白佛言世尊世尊說菩薩斷一切過得斷諸使世尊菩薩斷幾種過名斷諸使佛言觀世自在菩薩斷三種過能斷諸使何等為三所謂皮膚及骨觀世自在初斷皮障離第一過次斷骨障離第二過次斷骨障離第三過我說一切使盡是名佛地應知觀世自在菩薩白佛言世尊世尊幾阿僧祇劫斷彼諸過佛言觀世自在三大阿僧祇劫無量時无量月無量半月无量夜無量晝日無量念无量剎那无量無睺多无量羅

觀世自在菩薩白佛言世尊此諸地中諸菩薩煩惱有何等相有何功德願為我說而我應知佛言觀世自在无有染相生諸煩惱無量功德生諸煩惱應知何以故菩薩於初地中性證於一切法界善能覺知一切法界是故菩薩如實能知生諸煩惱非為不知是故於自身中无有染相以不能生諸苦過故无有諸過為衆生界斷因果故菩薩無量功德是煩惱生觀世自在菩薩言希有世尊是大菩提能大利益以諸菩薩生諸煩惱降伏一切聲聞緣覺一切善根何況諸餘無量功德觀世自在菩薩白佛言世尊如世尊說聲聞乘大乘是為一乘世尊何意作如是說佛言觀世自在我聲聞乘中說種種法所謂五陰內六入外六入如是等我說彼法界一味而彼聲聞不能覺知是故我說有種種乘觀世自在如有衆生聞說如是分別執著彼人不知一乘之體取種種乘而證彼法異異而取迭

共諍論我意如是應知今時世尊而說偈言

種種諸法相 我依一理說 生於下劣解
我說名二乘 如聞聲分別 而不知彼義
故諸乘相違 憍慢衆生諍 知諸地妙相
及諸願生處 此勝相對治 我說是大乘
今時觀世自在菩薩自佛言世尊深
密解脫修多羅中此法門者名為何
等云何奉持佛告觀世自在菩薩言
觀世自在在此修多羅名地波羅蜜了
義法門汝今應當如是受持說此地
波羅蜜了義經時七万五千菩薩得
大乘光明三昧

聖者文殊師利法王子菩薩問品第十一

今時文殊師利法王子菩薩摩訶薩
依如來所作住持業差別白佛言世
尊世尊如來法身有何等相佛告文
殊師利如實修行十地波羅蜜轉身
成就得妙法身是名諸佛如來法身
相應知文殊師利彼佛法身有二種
相不可思議何等為二所謂法身離
諸戲論離諸一切有為行相而諸衆
生執著戲論有為行相文殊師利白

佛言世尊聲聞緣覺轉身所得為是
法身為非法身佛告文殊師利非法
身也文殊師利白佛言世尊若非法
身是何等身佛言文殊師利名解脫
身非法身也依解脫身聲聞緣覺諸
佛如來其身平等而佛法身差別殊
勝法身勝者勝彼一切聲聞緣覺无
量无边阿僧祇功德奇特殊勝不可
為譬為分別顛倒對治彼人說如來生
文殊師利白佛言世尊諸佛生世有
何等相佛告文殊師利化身生相隨
世界相一切種一切功德莊嚴住持
相相應是即化身生世間相應知文
殊師利而佛如來法身不生文殊師
利白佛言世尊我云何知化身所作
現方便相佛告文殊師利一切佛國
土三千大千世界中大勢力家及福
田家一時退入胎住胎出胎生已增
長受五欲樂而行大捨出家苦行證
菩提轉法輪入涅槃文殊師利是應
化身所作方便示現應知

文殊師利白佛言世尊世尊依如來
法身住持力幾種語為衆生說法如

來說法依可化衆生未熟者令熟已
熟者令得解脫佛言文殊師利如來
有三種語何等為三謂說修多羅毗
尼摩得勒伽文殊師利是為三種應
知文殊師利言世尊何等修多羅何
等毗尼何等摩得勒伽佛言文殊師
利我所說少事法是名修多羅少事
法者謂四種事九種事二十九種事
文殊師利所言四種事者謂聞事歸
依事學事菩提事是名四種事文殊
師利所言九種事者謂施設事衆生
向受用事向生事向生住事向染淨
事向種種事能說事可說事眷屬事
是名九種事文殊師利所言二十九
事者謂依煩惱對染諸行事隨順事
何者是隨順事謂隨順彼人相未來世
生因事故依法相未來行因事依淨
分觀事即彼處修行事令心住事現
身受樂法行事過一切苦觀行事即
如實知彼事彼事有三種依顛倒住
持故依衆生相外觀邪行住持相故
內心无憍慢住持故修行住事現證
事修行事作向堅固事觀彼九種事

觀察遠離不遠離方便事向散亂事不散亂不失事修行無障事修行利益事向堅固事向彼實證事具足得涅槃事如來善說毗尼法世間正見出諸外道一切勝事不修行彼法退事何以故文殊師利若於如來善說毗尼法中不能修行令善法退非邪見過文殊師利言世尊何者是毗尼相文殊師利毗尼相者我為聲聞及諸菩薩說波羅提木叉及波羅提木叉相應法是名毗尼事文殊師利言世尊菩薩有幾種法攝波羅提木叉佛言文殊師利菩薩有七種法攝波羅提木叉何等為七所謂菩薩知說受持法知說波羅夷事知說過事知說過事體知說无過事體知說起過事知說受持法失事文殊師利是名菩薩七種法攝波羅提木叉應知文殊師利言世尊何者是摩得勒伽文殊師利我所說十一種相示現了義經是名摩得勒伽文殊師利言世尊何等是摩得勒伽十一種相佛言文殊師利所謂世諦相第一義諦相

觀菩提分法相彼法相自體相彼法
果相受彼法說相彼法障相彼法隨
順相彼法過失相彼法利益相
文殊師利言世尊何者是世諦相文
殊師利世諦相者有三種何等為三
說人相說分別體相觀諸法思惟作
種種業相應知文殊師利言世尊何
者第一義諦相文殊師利第一義諦
相有七種如前七種真如中所說一
者所謂無始有為行相第一義諦二
者相第一義諦所謂我空法空三者
唯識第一義諦知有為行唯是心識
四者執著第一義諦所謂我說苦諦
五者邪行第一義諦所謂我說集諦
六者清淨第一義諦所謂我說滅諦
七者正修行第一義諦所謂我說道
諦文殊師利行相第一義諦執著第
一義諦邪行第一義諦此三第一義諦
一切衆生平等無差別文殊師利相
第一義諦唯識第一義諦此二第一
義諦一切法平等無差別文殊師利
清淨第一義諦聲聞緣覺菩薩阿耨
多羅三藐三菩提平等無差別文殊

師利正修行第一義諦如聞妙法老
別觀奢摩他毗婆舍那攝取般若
波羅蜜平等無差別應知文殊師
利言世尊何者是觀菩提分法相文
殊師利觀菩提分法相者所謂觀一
切種事應知文殊師利言世尊何者
是彼法相文殊師利彼法相者如八種
觀中應知文殊師利言世尊何等八
種觀文殊師利所謂依實諦住諦過
失功德通相形相相應相廣略說相
文殊師利實諦相者所謂真如住諦
相者所謂人相分別差別體一向答
相隨問分別答相置答相密事示現
相過失相者所謂我說諸法染過功
德相者所謂我說一切淨法无量利
益相通相者有六種應知何等六種
謂真實義通得通說通離二邊通不
可思議通意通形相者所謂三世
三有為相四種因緣相應相者有
四種應知何等為四謂相待相應
能作所作相應生相應法體相應相
待相應者謂何等因何等緣能生有
為行名字等用是名相待相應能作

所作相應者何等因何等緣能得法
能生法能生法已能成辨業是名能
作所作相應生相應者謂何等因何
等緣知法說法示法能成能正覺知
是名生相應法體相應者略說有二
種何等為二謂一者淨二者不淨文
殊師利淨有五種相不淨有七種相
文殊師利何者淨五種相一者彼現
前見相二者依彼現前見相三者自
相譬喻相四者成就相五者說清淨
阿含相文殊師利何者是彼現前見
相謂一切有為行無常一切有為行
苦一切法无我世間現前見法如是
等是名彼現前見相應知文殊師利
何者是依彼現前見相所謂一切諸
有為行一相故不失未來善不善業
依彼處法現見故依種種業見種種
衆生現見故依善不善業受苦受樂
現見故於現見法中譬喻如是等彼
依止現見相應知

文殊師利自相譬喻相者所謂內外
一切世間現見譬喻因緣如是等名
為自相因緣譬喻應知如是依彼現

見相依止彼現見相辭喻相一向成
就彼事名為成就相應知文殊師利
何者是說清淨阿舍相所謂一切智
人說彼寂靜涅槃之相如是等名清
淨阿舍相應知文殊師利汝應如是
深觀察五種清淨相深觀察已知清
淨知清淨已修行應知

文殊師利白佛言世尊有幾種法知
一切智人相佛言文殊師利有五種法
知一切智人相何等為五有人出世
於諸一切天人世間名一切智有人
畢竟成就三十二大人之相得十力
法能斷一切衆生疑具四无畏降伏
一切諸魔怨敵說法更無能作尋
於說法中善說八聖菩提道分現證
成就四沙門果文殊師利如是依生
依相斷疑降伏无人能難現見沙門
五種法現前是名一切智人相應知
文殊師利此依生成相應現見相應
量相應比智相應聖人說法相應知
五種相是名清淨相應知文殊師利
何者是七種不清淨相所謂彼相似
見相彼不相似見相有一切相似見

相一切不相似見相自譬喻異相不成
相說法不清淨阿含相文殊師利何
者是有一切相似見相謂一切法依
意識知同相如是等名為一切法相似
同見相文殊師利何者是一切法不相
似見相謂法相體相業法因果異相
一二相異相畢竟彼彼相待異相如
是等是名一切不相似不同見相文
殊師利何者是自譬喻異相謂彼相
似見相譬喻中有一切不相似不同
相為成彼事一向不成是故我說彼
不成相文殊師利自譬喻中彼不相
似見相有一切相似同相為成彼事一
向不成是故我說不成相若不成相
者彼法不清淨若法不清淨者不應
修行是故我說不清淨阿含相以自
性不清淨應知文殊師利何者是法
體所謂如來出世及不出世法住法
體法界是名法體相應知

文殊師利言世尊何者是略廣相文
殊師利所謂略說一句彼一句上上句
差別无量句乃至說應至處是名略
說應知

文殊師利言世尊何者是得相文殊師利謂取諸法見觀菩提分法我說菩提分法四念處等是名彼法自體相共世間出世間遠離染相彼法果起世間出世間功德是名彼得相文殊師利即彼法依解脫智受用應知廣為人說示現是名彼法隨順示現相文殊師利即彼修行菩提分法離道相違染法是名向障法應知文殊師利為彼法多生增長是名隨順彼法相文殊師利障諸法是名過相文殊師利隨順彼法功德是名利益相應知

尔時文殊師利菩薩白佛言世尊惟願世尊為諸菩薩更重略說修多羅毗尼摩得勒伽義不共一切外道二乘陀羅尼相諸佛如來說甚深法諸菩薩得甚深意得已能入一切佛法佛告文殊師利汝今諦聽我當為汝略說陀羅尼義諸菩薩等聞我法已能得我意得我意已入於我法文殊師利何者略說陀羅尼義所謂我說一切染法一切淨法彼一切法不覺相

無作相无分別相無我相如是如是
法我說不覺無作无分別無我相以
一切無覺无我相是故染法非先是
染後時得淨諸淨法者亦非先淨後
得名染愚癡凡夫依虚妄染身執者
我法計自體相依因邪見而言有所
謂我能見能聞能嗅能味能觸我能
知我能食我染我淨生如是等諸邪
見行若人如是如實能知離煩惱身
彼人能得離諸煩惱斷諸戲論畢竟
清淨得无為身无有一切諸有為行
文殊師利是名略說陀羅尼義應知
尔時世尊而說偈言

諸法本无染 後時不清淨 染及於清淨
是諸法無我 染身見有我 生於我所相
我染及清淨 我見及以食 若能如是知
彼人離煩惱 能得无染身 是故名无為
文殊師利菩薩白佛言世尊世尊如
來心生有何等相願為我說佛告文
殊師利文殊師利如來非心意意識
得名而无諸行心生得名依應化身
說名為生文殊師利言世尊若法身
離於諸行去何離作心行而能生心

佛言文殊師利依本方便般若修行自然而生文殊師利譬如睡眠無心覺起而能覺起文殊師利如入滅盡定而元起心依本作心自然而起文殊師利如眠滅定二無起心依本而起如是如來心生依本般若方便修行成就應知

文殊師利菩薩白佛言世尊世尊說如來應化所作化身為是有心為是無心佛言文殊師利得言有心得言无心何以故以自心不得自在故言無心假他力故言有心文殊師利白佛言世尊如世尊說如來行處如來境界此二種法有何差別佛言文殊師利言如來行處者一切諸佛功德平等不可思議无量功德莊嚴清淨佛之國土是名諸佛如來行處文殊師利言如來境界者有五種何等為五所謂衆生界世界法界可化衆生界方便界文殊師利如來行處如來境界如是差別應知

文殊師利菩薩白佛言世尊世尊如來得大菩提轉大法輪入大涅槃此

三種相云何。耆別應云。何知佛告文殊師利言。文殊師利。元有二相。不證菩提。非不證菩提。不轉法輪。非不轉法輪。非不入大涅槃。非不入大涅槃。文殊師利言。世尊。我解世尊所說之義。何以故。如來法身。本來常清淨。故應化身。示現。故文殊師利言。世尊。衆生見彼應化之身。聞應化身。解應化身。供養讚歎。應化之身。得諸功德。於何身。得佛言。文殊師利。以能正念如來身故。以應化身。依如來法身。住持力得。文殊師利白佛言。世尊。世尊等。无心無作。无行。何義。故如來法身為諸衆生出大光明。及出无量應化鏡像。而諸聲聞辟支佛等。解脫之身。无如是相。佛言。文殊師利等。无心無作。辟如日月摩尼珠等。為諸衆生。出大光明。吸種種物。而水琉璃頗黎珠等。无心无作。不出一切光明等物。何以故。依大衆生。住持力。故依諸衆生。增上業。故文殊師利。辟如善巧練治珠寶。能出影像。餘不善者。不出光明。文殊師利諸佛如來。亦復如是。依無量法正。

觀修行方便般若作諸善業集諸善根依佛法身方便智慧出諸光明及出無量應化色像聲聞緣覺解脫之身不能修集一切善根故不能出

文殊師利菩薩白佛言世尊世尊說依諸佛菩薩住持力故一切衆生成就世間功德之身所謂生於刹利婆羅門大長者家欲界色界无色界一切處一切身一切功德果報成就皆依諸佛及諸菩薩住持力得世尊何意作如是說佛言文殊師利如來住持之力及菩薩力隨說何等道何等修行若有人能像於彼道如實修行彼人一切生處一切身一切世間果報成就文殊師利若人不能信於彼道又復不能如實修行謗我法諍我法而於我身生惡瞋心彼人命終一切生處常得一切下劣惡身受惡果報文殊師利依於此義汝今應知非但成就上妙勝身及勝果報依佛如來住持力得下劣惡身及惡果報亦依如來住持力得

文殊師利白佛言世尊世尊不淨國土中何法易得何法難得世尊淨佛

國土中何法易得何法難得佛告文殊師利言文殊師利不淨國土中有八事易得二事難得何等為八所謂外道易得受苦衆生易得生下姓家勢力敗壞易得惡行衆生易得破戒衆生易得入惡道衆生易得發下品心小乘衆生易得發菩提心菩薩狹劣心易得

文殊師利何者二事難得高心修行菩薩難得諸佛如來出世難得文殊師利淨佛國土中八事難得二事易得應如是知尔時文殊師利法王子菩薩白佛言世尊此深密解脫修多羅中此法門當名何等云何奉持佛告文殊師利法王子菩薩言文殊師利此法門名說諸佛如來住持力了義經文殊師利如來所說了義修多羅其義如是汝當奉持說此如來住持力了義經時七万五千菩薩得滿足法身文殊師利法王子菩薩摩訶薩及諸一切天人阿修羅大衆歡喜奉行

癸卯歲高麗國大歲都監奉
勅彫造

解深密經卷第一

蓋

序品第一

大唐三藏法師玄奘奉 詔譯

如是我聞一時薄伽梵住寂勝光曜
七寶莊嚴放大光明普照一切無邊
世界无量方所妙飭間列周圍無際
其量難測超過三界所行之處勝出
世間善根所起寂極自在淨識為相
如來所都諸大菩薩衆所雲集无量
天龍藥叉健達縛阿素洛揭路荼緊捺
洛牟呼洛伽人非人等常所翼從廣大
法味喜樂所持作諸衆生一切義利滅
諸煩惱災橫纏垢遠離衆魔過諸莊嚴
如來莊嚴之所依處大念慧行以為
遊路大止妙觀以為所乘大空無相
無願解脫為所入門无量功德衆所
莊嚴大寶花王衆所建立大宮殿中
是薄伽梵寂清淨覺不二現行趣無
相法住於佛住逮得一切佛平等性
到無障處不可轉法所行無尋其所
成立不可思議遊於三世平等法性
其身流布一切世界於一切法智无
疑滯於一切行成就大覺於諸法智

無有疑惑凡所現身不可分別一切
菩薩正所未智得佛无二住勝彼岸
不相間雜如來解脫妙智究竟證無
中邊佛地平等極於法界盡虛空性
窮未來際與無量大聲聞衆俱一切
調順皆是佛子心善解脫慧善解脫
戒善清淨趣求法樂多聞聞持其聞
積集善思所思善說所說善作所作
捷慧速慧利慧出慧勝决擇慧大慧
廣慧及无等慧慧寶成就具足三明
逮得第一現法樂住大淨福田威儀
寂靜無不圓滿大忍柔和成就无減
已善奉行如來聖教

復有无量菩薩摩訶薩從種種佛土
而來集會皆住大乘遊大乘法於諸
衆生其心平等離諸分別及不分別
種種分別摧伏一切衆魔怨敵遠離
一切聲聞獨覺所有作意廣大法味
喜樂所持超五怖畏一向趣入不退
轉地息一切衆生一切苦惱所逼迫地
而現在前其名曰解甚深義密意菩薩
摩訶薩如理請問菩薩摩訶薩法涌
菩薩摩訶薩善清淨慧菩薩摩訶薩

廣慧菩薩摩訶薩德本菩薩摩訶薩
勝義生菩薩摩訶薩觀自在菩薩摩
訶薩慈氏菩薩摩訶薩曼殊室利菩
薩摩訶薩等而為上首

解深密經勝義諦相品第二

尔時如理請問菩薩摩訶薩即於佛前
問解甚深義密意菩薩言寂勝子言
一切法无二一切法無二者何等一切
法云何為無二解甚深義密意菩薩
告如理請問菩薩曰善男子一切法
者略有二種一者有為二者无為是
中有為非有為非無為无為亦非無為
非有為如理請問菩薩復問解甚深義
密意菩薩言寂勝子如何有為非有為非
無為无為亦非無為非有為解甚深義密
意菩薩謂如理請問菩薩曰善男子言有
為者乃是本師假施設句若是本師假施
設句即是遍計所執言辭所說若是遍計
所執言辭所說即是究竟種種遍計言辭
所說不成實故非是有為善男子言无為
者亦墮言辭施設離有為无為少有所說
其相亦尔然非無事而有所說何等為事
謂諸聖者以聖智聖見離名言故現等正

覺所於如是離言法性爲欲令他現等覺
故假立名想謂之有爲善男子言无爲者
亦是本師假施設句若是本師假施設
句即是遍計所執言辭所說若是遍計所
執言辭所說即是究竟種種遍計言辭所
說不成實故非是无爲善男子言有爲者
亦墮言辭設離无爲有爲少有所說其相
亦尔然非無事而有所說何等爲事謂諸
聖者以聖智聖見離名言故現等正覺即
於如是離言法性爲欲令他現等覺故假
立名想謂之无爲尔時如理請問菩薩摩
訶薩復問解甚深義密意菩薩摩訶薩言
寂勝子如何此事彼諸聖者以聖智聖見
離名言故現等正覺即於如是離言法性
爲欲令他現等覺故假立名想或謂有爲
或謂无爲解甚深義密意菩薩謂如理請
問菩薩曰善男子如善幻師或彼弟子住
四衢道積集瓦礫草葉木等現作種種幻
化事業所謂象身馬身車身步身未尼真
珠琉璃螺貝壁玉珊瑚種種財穀庫藏等
身若諸衆生愚癡頑鈍惡慧種類無所曉
知於瓦礫草葉木等上諸幻化事見已
聞已作如是念此所見者實有象身實

有馬身車身步身末尼真珠琉璃螺貝
壁玉珊瑚種種財穀庫藏等身如其所
見如其所聞堅固執著隨起言說唯此
諦實餘皆愚妄彼於後時應更觀察
若有衆生非愚非鈍善慧種類有所
曉知於凡礫草葉木等上諸幻化事
見已聞已作如是念此所見者無實
象身无實馬身車身步身末尼真珠
琉璃螺貝壁玉珊瑚種種財穀庫藏
等身然有幻狀迷惑眼事於中發起
大象身想或大象身差別之想乃至
發起種種財穀庫藏等想或彼種類
差別之想不如所見不如所聞堅固
執著隨起言說唯此諦實餘皆愚妄
為欲表知如是義故亦於此中隨起
言說彼於後時不須觀察如是若有
衆生是愚夫類是異生類未得諸聖
出世間慧於一切法離言法性不能
了知彼於一切有為无為見已聞已
作如是念此所得者決定實有有為
無為如其所見如其所聞堅固執著
隨起言說唯此諦實餘皆癡妄彼於
後時應更觀察若有衆生非愚夫類

已見聖諦已得諸聖出世間慧於一切法離言法性如實了知彼於一切有為无為見已聞已作如是念此所得者決定無實有為无為然有分別所起行相猶如幻事迷惑覺慧於中發起為無為想或為无為差別之想不如所見不如所聞堅固執著隨起言說唯此諦實餘皆癡妄為欲表知如是義故亦於此中隨起言說彼於後時不須觀察如是善男子彼諸聖者於此事中以聖智聖見離名言故現等正覺即於如是離言法性為欲令也現等覺故假立名想謂之有為謂之无為尔時解甚深義密意菩薩欲重宣此義而說頌曰

佛說離言無二義 甚深非愚之所行
愚夫於此癡所惑 樂著二依言戲論
彼或不定或邪定 流轉極長生死苦
復違如是正智論 當生牛羊等類中
尔時法涌菩薩白佛言世尊從此東方過七十二殑伽河沙等世界有世界名具大名稱是中如來号廣大名稱我於先日從彼佛土發來至此我

於彼佛土曾見一處有七万七千外
道并其師首同一會坐為思諸法勝
義諦相彼共思議稱量觀察遍推求
時於一切法勝義諦相竟不能得唯
除種種意解別異意解變異意解不
相違背共興諍論口出矛積更相積
已刺已惱已壞已各各離散世尊我
於今時竊作是念如來出世甚奇希
有由出世故乃於如是超過一切尋
思所行勝義諦相亦有通達作證可
得說是語已今時世尊告法涌菩薩
曰善男子如是如是如汝所說我於
超過一切尋思勝義諦相現等正覺
現等覺已為他宣說顯現開解施設
照了何以故我說勝義是諸聖者內
自所證尋思所行是諸異生展轉所
證是故法涌由此道理當知勝義超
過一切尋思境相復次法涌我說勝
義元相所行尋思但行有相境界是
故法涌由此道理當知勝義超過一
切尋思境相復次法涌我說勝義不
可言說尋思但行言說境界是故法
涌由此道理當知勝義超過一切尋

思境相復次法涌我說勝義絕諸表示尋思但行表示境界是故法涌由此道理當知勝義超過一切尋思境相復次法涌我說勝義絕諸諍論尋思但行諍論境界是故法涌由此道理當知勝義超過一切尋思境相法涌當知譬如有人盡其壽量習辛苦味於蜜石蜜上妙美味不能尋思不能比度不能信解或於長夜由欲貪勝解諸欲熾火所燒然故於內除滅一切色聲香味觸相妙遠離樂不能尋思不能比度不能信解或於長夜由言說勝解樂著世間綺言說故於內寂靜聖默然樂不能尋思不能比度不能信解或於長夜由見聞覺知表示勝解樂著世間諸表示故於永除斷一切表示薩迦耶滅究竟涅槃不能尋思不能比度不能信解法涌當知譬如有人於其長夜由有種種我所攝受諍論勝解樂著世間諸諍論故於此拘盧洲無我所无攝受離諍論不能尋思不能比度不能信解如是法涌諸尋思者於超一切尋思

所行勝義諦相不能尋思不能比度
不能信解今時世尊欲重宣此義而
說頌曰

內證無相之所行 不可言說絕表示
息諸諍論勝義諦 超過一切尋思相
今時善清淨慧菩薩白佛言世尊甚
奇乃至世尊善說如世尊言勝義諦
相微細甚深超過諸法一異性相難
可通達世尊我即於此曾見一處有
衆菩薩等正修行勝解行地同一會
坐皆共思議勝義諦相與諸行相一
異性相於此會中一類菩薩作如是
言勝義諦相與諸行相都無有異一
類菩薩復作是言非勝義諦相與諸
行相都无有異然勝義諦相異諸行
相有餘菩薩疑惑猶豫復作是言是
諸菩薩誰言諦實誰言虛妄誰如理
行誰不如理或唱是言勝義諦相與
諸行相都无有異或唱是言勝義諦
相異諸行相世尊我見彼已竊作是
念此諸善男子愚癡頑鈍不明不善
不如理行於勝義諦微細甚深超過
諸行一異性相不能解了說是語已

尔時世尊告善清淨慧菩薩曰善男子如是如是如汝所說彼諸善男子愚癡頑鈍不明不善不如理行於勝義諦微細甚深超過諸行一異性相不能解了何以故善清淨慧非於諸行如是行時名能通達勝義諦相或於勝義諦而得作證何以故善清淨慧若勝義諦相與諸行相都无異者應於今時一切異生皆已見諦又諸異生皆應已得無上方便安隱涅槃或應已證阿耨多羅三藐三菩提若勝義諦相與諸行相一向異者已見諦者於諸行相應不除遣若不除遣諸行相者應於相縛不得解脫此見諦者於諸相縛不解脫故於麤重縛亦應不脫由於二縛不解脫故已見諦者應不能得無上方便安隱涅槃或不應證阿耨多羅三藐三菩提善清淨慧由於今時非諸異生皆已見諦非諸異生已能獲得無上方便安隱涅槃亦非已證阿耨多羅三藐三菩提是故勝義諦相與諸行相都无異相不應道理若於此中作如是言

勝義諦相與諸行相都无異者由此道理當知一切非如理行不如正理善清淨慧由於今時非見諦者於諸行相不能除遣然能除遣非見諦者於諸相縛不能解脫然能解脫非見諦者於麁重縛不能解脫然能解脫以於二障能解脫故亦能獲得無上方便安隱涅槃或有能證阿耨多羅三藐三菩提是故勝義諦相與諸行相一向異相不應道理若於此中作如是言勝義諦相與諸行相一向異者由此道理當知一切非如理行不如正理復次善清淨慧若勝義諦相與諸行相都无異者如諸行相墮雜染相此勝義諦相亦應如是墮雜染相善清淨慧若勝義諦相與諸行相一向異者應非一切行相共相名勝義諦相善清淨慧由於今時勝義諦相非墮雜染相諸行共相名勝義諦相是故勝義諦相與諸行相都无異相不應道理勝義諦相與諸行相一向異相不應道理若於此中作如是言勝義諦相與諸行相都无有異或勝義

諦相與諸行相一向異者由此道理
當知一切非如理行不如正理復次
善清淨慧若勝義諦相與諸行相都
無異者如勝義諦相於諸行相無有
差別一切行相亦應如是无有差別
修觀行者於諸行中如其所見如其
所聞如其所覺如其所知不應後時
更求勝義若勝義諦相與諸行相一
向異者應非諸行唯无我性唯無自
性之所顯現是勝義相又應俱時別
相成立謂雜染相及清淨相善清淨
慧由於今時一切行相皆有差別非
无差別修觀行者於諸行中如其所
見如其所聞如其所覺如其所知復
於後時更求勝義又即諸行唯无我
性唯无自性之所顯現名勝義相又
非俱時染淨二相別相成立是故勝
義諦相與諸行相都无有異或一向
異不應道理若於此中作如是言勝
義諦相與諸行相都无有異或一向
異者由此道理當知一切非如理行
不如正理善清淨慧如螺貝上鮮白
色性不易施設與彼螺貝一相異相

如螺貝上鮮白色性金上黃色亦復如是如塋篋聲上美妙曲性不易施設與塋篋聲一相異相如黑沉上有妙香性不易施設與彼黑沉一相異相如胡椒上辛猛利性不易施設與彼胡椒一相異相如胡椒上辛猛利性訶梨淡性亦復如是如蠹羅絲上有柔軟性不易施設與蠹羅絲一相異相如熟酥上所有醍醐不易施設與彼熟酥一相異相又如一切行上無常性一切有漏法上苦性一切法上補特伽羅无我性不易施設與彼行等一相異相又如貪上不寂靜相及雜染相不易施設此與彼貪一相異相如於貪上於瞋癡上當知亦尔如是善清淨慧勝義諦相不可施設與諸行相一相異相善清淨慧我於如是微細極微細甚深極甚深難通達極難通達超過諸法一異性相勝義諦相現正等覺現等覺已為他宣說顯示開解施設照了今時世尊欲重宣此義而說頌曰

行界勝義相離一異性相若分別一異

彼非如理行 衆生為相縛 及彼麁重縛
要勤修止觀 尔乃得解脫

尔時世尊告長老善現曰善現汝於
有情界中知幾有情懷增上慢為增
上慢所執持故記別所解汝於有情
界中知幾有情離增上慢記別所解
長老善現白佛言世尊我知有情界
中少分有情離增上慢記別所解世
尊我知有情界中有无量無數不可
說有情懷增上慢為增上慢所執持
故記別所解世尊我於一時住阿練
若大樹林中時有衆多苾芻亦於此
林依近我住我見彼諸苾芻於日後
分展轉聚集依有所得現觀各說種
種相法記別所解於中一類由得蘊
故得蘊相故得蘊起故得蘊盡故得
蘊滅故得蘊滅作證故記別所解如
此一類由得蘊故復有一類由得處
故復有一類得緣起故當知亦尔復
有一類由得食故得食相故得食起
故得食盡故得食滅故得食滅作證
故記別所解復有一類由得諦故得
諦相故得諦遍知故得諦永斷故得

諦作證故得諦修習故記別所解復
有一類由得界故得界相故得界種
種性故得界非一性故得界滅故得
界滅作證故記別所解復有一類由
得念住故得念住相故得念住能治
所治故得念住修故得念住未生令
生故得念住生已堅住不忘倍修增
廣故記別所解如有一類得念住故
復有一類得正斷故得神足故得諸
根故得諸力故得覺支故當知亦亦
復有一類得八支聖道故得八支聖
道相故得八支聖道能治所治故得
八支聖道修故得八支聖道未生令
生故得八支聖道生已堅住不忘倍
修增廣故記別所解世尊我見彼已
竊作是念此諸長老休有所得現觀
各說種種相法記別所解當知彼諸
長老一切皆懷增上慢為增上慢所
執持故於勝義諦遍一切一味相不
解了是故世尊甚奇乃至世尊善說
如世尊言勝義諦相微細寂微細甚
深寂甚深難通達寂難通達遍一切
一味相世尊此聖教中修行必當於

勝義諦遍一切一味相尚難通達况
諸外道今時世尊告長老善現曰如
是如是善現我於微細取微細甚深
寂甚深難通達寂難通達遍一切一
味相勝義諦現正等覺現等覺已為
他宣說顯示開解施設照了何以故
善現我已顯示於一切蘊中清淨所
緣是勝義諦我已顯示於一切處緣
起食諦界念住正斷神足根力覺支
道支中清淨所緣是勝義諦此清淨
所緣於一切蘊中是一味相無別異
相如於蘊中如是於一切處中乃至
一切道支中是一味相无別異相是
故善現由此道理當知勝義諦是遍
一切一味相復次善現修觀行苾芻通
達一蘊真如勝義法无我性已更不
尋求各別餘蘊諸處緣起食諦界念
住正斷神足根力覺支道支真如勝義
法無我性唯即隨此真如勝義无二
智為依止故於遍一切一味相勝義諦
審察趣證是故善現由此道理當知
勝義諦是遍一切一味相復次善現如
彼諸蘊展轉異相如彼諸處緣起食

諦界念住正斷神足根力覺支道支
展轉異相若一切法真如勝義法无
我性亦異相者是則真如勝義法无
應是有為若是有為應非勝義若非
勝義應更尋求餘勝義諦善現由此
真如勝義法无我性不名有因非因
所生亦非有為是勝義諦得此勝義
更不尋求餘勝義諦唯有常常時恒
恒時如來出世若不出世諸法法性
安立法界安住是故善現由此道理
當知勝義諦是遍一切一味相善現
譬如種種非一品類異相色中虛空
无相無分別無變異遍一切一味相
如是異性異相一切法中勝義諦遍
一切一味相當知亦然尔時世尊欲
重宣此義而說頌曰
此遍一切一味相 勝義諸佛說无異
若有於中異分別 彼定愚癡依上慢
心意識相品第三

尔時廣慧菩薩摩訶薩白佛言世尊如
世尊說於心意識秘密善巧菩薩
於心意識秘密善巧菩薩者齊何名為

於心意識秘密善巧菩薩如來齊何
施設彼為於心意識秘密善巧菩薩
說是語已。爾時世尊告廣慧善巧菩薩
摩訶薩曰。善哉善哉。廣慧。汝今乃能
請問如來如是深義。汝今為欲利益
安樂無量衆生。哀愍世間及諸天人
阿素洛等。為令獲得義利安樂。故發
斯問。汝應諦聽。吾當為汝說心意識
秘密之義。廣慧。當知於六趣生死。彼
彼有情。墮彼彼有情衆中。或在卵生
或在胎生。或在濕生。或在化生。身分
生起於中。最初一切種子心識成熟
展轉和合。增長廣大。依二執受一者
有色諸根及所依執受二者相名分
別。言說戲論習氣。執受有色界中具
二執受。無色界中不具二種。廣慧。此
識亦名阿陀那識。何以故。由此識於
身隨逐執持。故亦名阿賴耶識。何以
故。由此識於身攝受藏隱。同安危義。
故亦名爲心。何以故。由此識色聲香
味觸等積集滋長。故廣慧。阿陀那識
為依止。為建立。故六識身轉。謂眼識
耳鼻舌身意識。此中有識眼及色為

緣生眼識與眼識俱隨行同時同境
有分別意識轉有識耳鼻舌身及聲
香味觸為緣生耳鼻舌身識與耳鼻
舌身識俱隨行同時同境有分別意
識轉廣慧若於今時一眼識轉即於
此時唯有一分別意識與眼識同所
行轉若於今時二三四五諸識身轉
即於此時唯有一分別意識與五識
身同所行轉廣慧譬如大瀑水流若
有一浪生緣現前唯一浪轉若二若
多浪生緣現前有多浪轉然此瀑水
自類恒流無斷無盡又如善淨鏡面
若有一影生緣現前唯一影起若二若
多影生緣現前有多影起非此鏡面
轉變為影亦無受用滅盡可得如是
廣慧由似瀑流阿陀那識為依止為
建立故若於今時有一眼識生緣現
前即於此時一眼識轉若於今時乃
至有五識身生緣現前即於此時五
識身轉廣慧如是菩薩雖由法住智
為依止為建立故於心意識秘密善
巧然諸如來不齊於此施設彼為於
心意識一切秘密善巧菩薩廣慧若

諸菩薩於內各別如實不見阿陀那
不見阿陀那識不見阿賴耶不見阿
賴耶識不見積集不見心不見眼色
及眼識不見耳聲及耳識不見鼻香
及鼻識不見舌味及舌識不見身觸
及身識不見意法及意識是名勝義
善巧菩薩如來施設彼為勝義善巧
菩薩廣慧齊此名為於心意識一切
秘密善巧菩薩如來齊此施設彼為
於心意識一切秘密善巧菩薩今時
世尊欲重宣此義而說頌曰

阿陀那識甚深細 我於凡愚不開演
一切種子如瀑流 恐彼分別執為我

解深密經卷第一

癸卯歲高麗國大藏都監奉
勅彫造

解深密經卷第二

三

大唐三藏法師玄奘奉詔譯

一切法相品第四

尔時德本菩薩摩訶薩白佛言世尊如世尊說於諸法相善巧菩薩於諸法相善巧菩薩者齊何名為於諸法相善巧菩薩如來齊何施設彼為於諸法相善巧菩薩說是語已

尔時世尊告德本菩薩曰善哉德本汝今乃能請問如來如是深義汝今為欲利益安樂无量衆生哀愍世間及諸天人阿素洛等為令獲得義利安樂故發斯問汝應諦聽吾當為汝說諸法相謂諸法相略有三種何等為三一者遍計所執相二者依他起相三者圓成實相云何諸法遍計所執相謂一切法名假安立自性差別乃至為令隨起言說云何諸法依他起相謂一切法緣生自性則此有故彼有此生故彼生謂无明緣行乃至招集純大苦蘊云何諸法圓成實相謂一切法平等真如於此真如諸菩

薩衆勇猛精進為因緣故如理作意
无倒思惟為因緣故乃能通達於此
通達漸漸修集乃至無上正等菩提
方證圓滿善男子如眩瞶人眼中所
有眩瞶過患遍計所執相當知亦尔
如眩瞶人眩瞶衆相或髮毛輪蜂蠅
巨勝或復青黃赤白等相老別現前
依他起相當知亦尔如淨眼人遠離
眼中眩瞶過患即此淨眼本性所行
无乱境界圓成實相當知亦尔善男
子譬如清淨頗脰如寶若與青染色
合則似帝青大青末足寶像由邪執
取帝青大青末足寶故惑乱有情若
與赤染色合則似琥珀末足寶像由
邪執取琥珀末足寶故惑乱有情若
與綠染色合則似末羅羯多末足寶
像由邪執取末羅羯多末足寶故惑
乱有情若與黃染色合則似金像由
邪執取真金像故惑乱有情如是德
本如彼清淨頗脰如上所有染色相
應依他起相上遍計所執相言說習氣
當知亦尔如彼清淨頗脰如上所有
帝青大青琥珀末羅羯多金等邪執

依他起相上遍計所執相執當知亦
亦如彼清淨頗脰迦寶依他起相當
知亦亦如彼清淨頗脰迦上所有帝
青大青琥珀末羅羯多真金等相於
常常時於恒恒時无有真實無自性
性即依他起相上由遍計所執相於
常常時於恒恒時无有真實无自性
性圓成實相當知亦亦

復次德本相名相應以為緣故遍計
所執相而可了知依他起相上遍計所
執相執以為緣故依他起相而可了
知依他起相上遍計所執相無執以
為緣故圓成實相而可了知善男子
若諸菩薩能於諸法依他起相上如
實了知遍計所執相即能如實了知
一切无相之法若諸菩薩如實了知
依他起相即能如實了知一切雜染
相法若諸菩薩如實了知圓成實相
即能如實了知一切清淨相法善男
子若諸菩薩能於依他起相上如實
了知无相之法即能斷滅雜染相法
若能斷滅雜染相法即能證得清淨
相法如是德本由諸菩薩如實了知

遍計所執相依他起相圓成實相故
如實了知諸无相法雜染相法清淨
相法如實了知无相法故斷滅一切
雜染相法斷滅一切染相法故證得
一切清淨相法齊此名為於諸法相
善巧菩薩如來齊此施設彼為於諸
法相善巧菩薩今時世尊欲重宣此
義而說頌曰

若不了知无相法 雜染相法不能斷
不斷雜染相法故 壞證微妙淨相法
不觀諸行衆過失 放逸過失害衆生
懈怠住法動法中 无有失壞可憐愍
解深密經無自性相品第五

今時勝義生菩薩摩訶薩白佛言世
尊我曾獨在靜處心生如是尋思世
尊以无量門曾說諸蘊所有自相生
相滅相永斷遍知如說諸蘊諸處緣
起諸食亦尔以無量門曾說諸諦所
有自相遍知永斷作證修習以无量
門曾說諸界所有自相種種界性非
一界性永斷遍知以无量門曾說念
住所有自相能治所治及以修習未
生令生生已堅住不忘倍修增長廣

大如說念住正斷神足根力覺支亦復如是以無量門曾說八支聖道所有自相能治所治及以修習未生令生生已堅住不忘倍修增長廣大世尊復說一切諸法皆无自性無生无滅本來寂靜自性涅槃未審世尊依何密意作如是說一切諸法皆無自性無生无滅本來寂靜自性涅槃我今請問如來斯義惟願如來哀愍解釋說一切法皆无自性無生無滅本來寂靜自性涅槃所有密意

尔時世尊告勝義生菩薩曰善哉善哉勝義生汝所尋思甚為如理善哉善哉善男子汝今乃能請問如來如是深義汝今為欲利益安樂无量眾生哀愍世間及諸天人阿素洛等為令獲得義利安樂故發斯問汝應諦聽吾當為汝解釋所說一切諸法皆无自性無生无滅本來寂靜自性涅槃所有密意

勝義生當知我依三種无自性性密意說言一切諸法皆無自性所謂相无自性性生無自性性勝義元自性

性善男子云何諸法相无自性性謂諸法遍計所執相何以故此由假名安立為相非由自相安立為相是故說名相无自性性云何諸法生無自性性謂諸法依他起相何以故此由依他緣力故有非自然有是故說名生無自性性云何諸法勝義无自性性謂諸法由生無自性性故說名无自性性即緣生法亦名勝義无自性性何以故於諸法中若是清淨所緣境界我顯示彼以為勝義无自性性依他起相非是清淨所緣境界是故亦說名為勝義無自性性復有諸法圓成實相亦无自性性何以故一切諸法法无自性性

得名為无自性性是一切法勝義諦故无自性性之所顯故由此因緣名為勝義无自性性善男子譬如空花相無自性性當知亦尔譬如幻像生无自性性當知亦尔一分勝義无自性性當知亦尔譬如虚空惟是衆色无性所顯遍一切處一分勝義無自性性當知亦尔法无我性之所顯故遍

一切故善男子我依如是三種無自
性性密意說言一切諸法皆无自性
勝義生當知我依相无自性性密意
說言一切諸法無生无滅本來寂靜
自性涅槃何以故若法自相都無所
有則无有生若无有生則無有滅若
无生無滅則本來寂靜若本來寂靜
則自性涅槃於中都无少分所有更
可令其般涅槃故是故我依相无自
性性密意說言一切諸法无生無滅
本來寂靜自性涅槃善男子我亦依
法無我性所顯勝義无自性性密意
說言一切諸法无生無滅本來寂靜
自性涅槃何以故法无我性所顯勝
義无自性性於常一時於恒恒時諸
法法性安住無為一切雜染不相應
故於常常時於恒恒時諸法法性安
住故无為由無為故无生無滅一切
雜染不相應故本來寂靜自性涅槃
是故我依法无我性所顯勝義無自
性性密意說言一切諸法无生無滅
本來寂靜自性涅槃

復次勝義生非由有情界中諸有情

類別觀遍計所執自性為自性故亦
非由彼別觀依他起自性及圓成實
自性為自性故我立三種無自性性
然由有情於依他起自性及圓成實
自性上增益遍計所執自性故我立
三種无自性性由遍計所執自性相
故彼諸有情於依他起自性及圓成
實自性中隨起言說如如隨起言說
如是如是由言說熏習心故由言說
隨覺故由言說隨眠故於依他起自
性及圓成實自性中執著遍計所執
自性相如如執著如是如是於依他
起自性及圓成實自性上執著遍計
所執自性由是因緣生當來世依他
起自性由此因緣或為煩惱雜染所
染或為業雜染所染或為生雜染所
染於生死中長時馳騁長時流轉無
有休息或在那落迦或在傍生或在
餓鬼或在天上或在阿素洛或在人
中受諸苦惱

復次勝義生若諸有情從本已來未
種善根未清淨障未成熟相續未多
修勝解未能積集福德智慧二種資

糧我為彼故依生無自性性宣說諸法彼聞是已能於一切緣生行中隨分解了無常无恒是不安隱變壞法已於一切行心生怖畏深起厭患心生怖畏深厭患已遮止諸惡於諸惡法能不造作於諸善法能勤修習習善因故未種善根能種善根未清淨障能令清淨未熟相續能令成熟由此因緣多修勝解亦多積集福德智慧二種資糧彼雖如是種諸善根乃至積集福德智慧二種資糧然於生无自性性中未能如實了知相无自性性及二種勝義无自性性於一切行未能正厭未正離欲未正解脫未遍解脫煩惱雜染未遍解脫諸業雜染未遍解脫諸生雜染如來為彼更說法要謂相无自性性及勝義无自性性為欲令其於一切行能正厭故正離欲故正解脫故超過一切煩惱雜染故超過一切業雜染故超過一切生雜染故彼聞如是所說法已於生无自性性中能正信解相无自性性及勝義无自性性簡擇思惟如實

通達於依他起自性中能不執著遍計所執自性相由言說不熏習智故由言說不隨覺智故由言說離隨眠智故能滅依他起相於現法中智力所持能永斷滅當來世因由此因緣於一切行能正厭患能正離欲能正解脫能遍解脫煩惱業生三種雜染復次勝義生諸聲聞乘種性有情亦由此道此行迹故證得无上安隱涅槃諸獨覺乘種性有情諸如來乘種性有情亦由此道此行迹故證得无上安隱涅槃一切聲聞獨覺菩薩皆共此一妙清淨道皆同此一究竟清淨更元第二我依此故密意說言唯有一乘非於一切有情界中无有種種有情種性或鈍根性或中根性或利根性有情差別善男子若一向趣寂聲聞種性補特伽羅雖蒙諸佛施設種種勇猛加行方便化導終不能令當坐道場證得阿耨多羅三藐三菩提何以故由彼本來唯在下劣種性故一向慈悲薄弱故一向怖畏衆苦故由彼一向慈悲薄弱是故一向

棄背利益諸衆生事由彼一向怖畏
衆苦是故一向棄背發起諸行所作
我終不說一向棄背利益衆生事者
一向棄背發起諸行所作者當坐道場
能得阿耨多羅三藐三菩提是故說
彼名為一向趣寂聲聞若迴向菩提
聲聞種性補特伽羅我亦異門說為
菩薩何以故彼既解脫煩惱障已若
蒙諸佛等覺悟時於所知障其心亦
可當得解脫由彼取初為自利益修
行加行脫煩惱障是故如來施設彼
為聲聞種性

復次勝義生如是於我善說善制法
毗奈耶取極清淨意樂所說善教法
中諸有情類意解種種差別可得善
男子如來但依如是三種無自性性
由深密意於所宣說不了義經以隱
密相說諸法要謂一切法皆无自性
无生無滅本來寂靜自性涅槃於是
經中若諸有情已種上品善根已清
淨諸障已成熟相續已多修勝解已
能積集上品福德智慧資糧彼若聽
聞如是法已於我甚深密意言說如

實解了於如是法深生信解於如是
義以無倒慧如實通達依此通達善
修習故速疾能證取極究竟亦於我
所深生淨信知是如來應正等覺於
一切法現正等覺若諸有情已種上
品善根已清淨諸障已成熟相續已
多修勝解未能積集上品福德智慧
資糧其性質直是質直類雖无力能
思擇廢立而不安住自見取中彼若
聽聞如是法已於我甚深秘密言說
雖無力能如實解了然於此法能生
勝解發清淨信信此經典是如來說
是其甚深顯現甚深空性相應難見
難悟不可尋思非諸尋思所行境界
微細詳審聰明智者之所解了於此
經典所說義中自輕而住作如是言
諸佛菩提為最甚深諸法法性亦最
甚深唯佛如來能善了達非是我等
所能解了諸佛如來為彼種種勝解
有情轉正法教諸佛如來無邊智見
我等智見猶如牛跡於此經典雖能
恭敬為他宣說書寫護持披閱流布
殷重供養受誦溫習然猶未能以其

修相發起加行是故於我甚深密意
所說言辭不能通達由此因緣彼諸
有情亦能增長福德智慧二種資糧
於彼相續未成熟者亦能成熟若諸
有情廣說乃至未能積集上品福德
智慧資糧性非質直非質直類雖有
力能思擇廢立而復安住自見取中
彼若聽聞如是法已於我甚深密意
言說不能如實解了於如是法雖生
信解然於其義隨言執著謂一切法
決定皆无自性決定不生不滅決定
本來寂靜決定自性涅槃由此因緣
於一切法獲得無見及無相見由得
無見無相見故撥一切相皆是無相
誹撥諸法遍計所執相依他起相圓
成實相何以故由有依他起相及圓
成實相故遍計所執相方可施設若
於依他起相及圓成實相見為无相
彼亦誹撥遍計所執相是故說彼誹
撥三相雖於我法起於法想而非義
中起於義想由於我法起法想故及
非義中起義想故於是法中持為是
法於非義中持為是義彼雖於法起

信解故福德增長然於非義起執著
故退失智慧智慧退故退失廣大無
量善法復有有情從他聽聞謂法為
法非義為義若隨其見彼即於法起
於法想於非義中起於義想執法為
法非義為義由此因緣當知同彼退
失善法若有有情不隨其見從彼歛
聞一切諸法皆无自性無生无滅本
來寂靜自性涅槃便生恐怖生恐怖
已作如是言此非佛語是魔所說作
此解已於是經典誹謗毀罵由此因
緣獲大衰損觸大業障由是緣故我
說若有於一切相起無相見於非義
中宣說為義是起廣大業障方便由
彼陷墜無量衆生令其獲得大業障
故善男子若諸有情未種善根未清
淨障未熟相續无多勝解未集福德
智慧資糧性非質直非質直類雖有
力能思擇廢立而常安住自見取中
彼若聽聞如是法已不能如實解我
甚深密意言說亦於此法不生信解
於是法中起非法想於是義中起非
義想於是法中執為非法於是義中

執為非義唱如是言此非佛語是魔
所說作此解已於是經典誹謗毀罵
撥為虛偽以无量門毀滅摧伏如是
經典於諸信解此經典者起怨家想
彼先為諸業障所障由此因緣復為
如是業障所障如是業障初易施設
乃至齊於百千俱胝那庾多劫無有
出期善男子如是於我善說善制法
毗奈耶最極清淨意樂所說善教法
中有如是等諸有情類意解種種老
別可得

尔時世尊欲重宣此義而說頌曰

一切諸法皆无性 無生无滅本來寂
諸法自性恒涅槃 誰有智言无密意
相生勝義无自性 如是我皆已顯示
若不知佛此密意 失壞正道不能往
依諸淨道清淨者 惟依此一無第二
故於其中立一乘 非有情性无差別
衆生界中无量生 惟度一身趣寂滅
大悲勇猛證涅槃 不捨衆生甚難得
微妙難思無漏界 於中解心等一老
一切義成離惑苦 二種異說謂常樂
尔時勝義生菩薩復白佛言世尊諸

佛如來密意語言甚奇希有乃至微妙取微妙甚深取甚深難通達取難通達如是我今領解世尊所說義者若於分別所行遍計所執相所依行相中假名安立以為色蘊或自性相或老別相假名安立為色蘊生為色蘊滅及為色蘊永斷遍知或自性相或老別相是名遍計所執相世尊依此施設諸法相无自性性若即分別所行遍計所執相所依行相是名依他起相世尊依此施設諸法生無自性性及一分勝義无自性性如是我今領解世尊所說義者若即於此分別所行遍計所執相所依行相中由遍計所執相不成實故即此自性无自性性法無我真如清淨所緣是名圓成實相世尊依此施設一分勝義无自性性如於色蘊如是於餘蘊皆應廣說如於諸蘊如是於十二處二處中皆應廣說於十二有支二支中皆應廣說於四種食二食中皆應廣說於六界十八界二界中皆應廣說如是我今領解世尊所說義者

若於分別所行遍計所執相所依行
相中假名安立以為苦諦苦諦遍知
或自性相或老別相是名遍計所執
相世尊依此施設諸法相无自性性
若即分別所行遍計所執相所依行
相是名依他起相世尊依此施設諸
法生無自性性及一分勝義無自性
性如是我今領解世尊所說義者若
即於此分別所行遍計所執相所依
行相中由遍計所執相不成實故即
此自性无自性性法無我真如清淨
所緣是名圓成實相世尊依此施設
一分勝義无自性性如於苦諦如是
於餘諦皆應廣說如於聖諦如是於
諸念住正斷神足根力覺支道支中
二皆應廣說如是我今領解世尊
所說義者若於分別所行遍計所執
相所依行相中假名安立以為正定
及為正定能治所治若正修未生今
生生已堅住不忘倍修增長廣大或
自性相或老別相是名遍計所執相
世尊依此施設諸法相無自性性若
即分別所行遍計所執相所依行相

是名依他起相世尊依此施設諸法
生无自性性及一分勝義無自性性
如是我今領解世尊所說義者若即
於此分別所行遍計所執相所依行
相中由遍計所執相不成實故即此
自性無自性性法无我真如清淨所
緣是名圓成實相世尊依此施設諸
法一分勝義無自性性世尊譬如毗
濕縛藥一切散藥仙藥方中皆應安
處如是世尊依此諸法皆无自性無
生无滅本來寂靜自性涅槃無自性
性了義言教遍於一切不了義經皆
應安處世尊如彩畫地遍於一切彩
畫事業皆同一味或青或黃或赤或
白復能顯發彩畫事業如是世尊依
此諸法皆无自性廣說乃至自性涅
槃无自性性了義言教遍於一切不
了義經皆同一味復能顯發彼諸經
中所不了義世尊譬如一切成熟珍
著諸餅果內投之熟酥更生勝味如
是世尊依此諸法皆无自性廣說乃
至自性涅槃無自性性了義言教置
於一切不了義經生勝歡喜世尊譬

如虛空遍一切處皆同一味不障一切所作事業如是世尊依此諸法皆无自性廣說乃至自性涅槃無自性性了義言教遍於一切不了義經皆同一味不障一切聲聞獨覺及諸大乘所修事業說是語已

今時世尊歎勝義生菩薩曰善哉善哉善男子汝今乃能善解如來所說甚深密意言義復於此義善作譬喻所謂世間毗濕縛藥雜彩畫地熟酥虛空勝義生如是如是更無有異如是如是汝應受持

今時勝義生菩薩復白佛言世尊初於一時在婆羅痾斯仙人墮處施鹿林中惟為發趣聲聞乘者以四諦相轉正法輪雖是甚奇甚為希有一切世間諸天人等先无有能如法轉者而於彼時所轉法輪有上有容是未了義是諸諍論安足處所世尊在昔第二時中惟為發趣修大乘者依一切法皆無自性无生無滅本來寂靜自性涅槃以隱密相轉正法輪雖更甚奇甚為希有而於彼時所轉法輪

亦是有上有所容受猶未了義是諸
諍論安足處所世尊於今第三時中
普為發趣一切乘者依一切法皆無自
性無生無滅本來寂靜自性涅槃無
自性性以顯了相轉正法輪第一甚
奇寂為希有于今世尊所轉法輪无
上无容是真了義非諸諍論安足處
所世尊若善男子或善女人於此如
來依一切法皆无自性無生无滅本
來寂靜自性涅槃所說甚深了義言
教聞已信解書寫護持供養流布受
誦修習如理思惟以其修相發起加
行生幾所福說是語已

余時世尊告勝義生菩薩曰勝義生
是善男子或善女人其所生福无量
無數難可喻知吾今為汝略說少分
如水上土比大地土百分不及一千分
不及一百千分不及一數筭計喻鄒
波尼殺曇分亦不及一或如牛跡中
水比四大海水百分不及一廣說乃
至鄒波尼殺曇分亦不及一如是於
諸不了義經聞已信解廣說乃至以
其修相發起加行所獲功德比此所

說了義經教聞已信解所集功德廣說乃至以其修相發起加行所集功德百分不及一廣說乃至鄒波尸殺曇分亦不及一說是語已

尔時勝義生菩薩復白佛言世尊於是解深密法門中當何名此教我當云何奉持佛告勝義生菩薩曰善男子此名勝義了義之教於此勝義了義之教汝當奉持說此勝義了義教時於大會中有六百千衆生發阿耨多羅三藐三菩提心三百千聲聞遠塵離垢於諸法中得法眼淨一百五十千聲聞永盡諸漏心得解脫七十五千菩薩得無生法忍

解深密經卷第二

癸卯歲高麗國大藏都監奉
勅彫造

解深密經卷第三

蓋

大唐三藏法師玄奘奉 詔譯

分別瑜伽品第六

尔時慈氏菩薩摩訶薩白佛言世尊
菩薩何依何住於大乘中修奢摩他
毗鉢舍那佛告慈氏菩薩曰善男子
當知菩薩法假安立及不捨阿耨多
羅三藐三菩提願為依為住於大乘
中修奢摩他毗鉢舍那慈氏菩薩復
白佛言如世尊說四種所緣境事一
者有分別影像所緣境事二者无分
別影像所緣境事三者事邊際所緣
境事四者所作成辦所緣境事於此
四中幾是奢摩他所緣境事幾是毗
鉢舍那所緣境事幾是俱所緣境事
佛告慈氏菩薩曰善男子一是奢摩
他所緣境事謂无分別影像一是毗
鉢舍那所緣境事謂有分別影像二
是俱所緣境事謂事邊際所作成辦
慈氏菩薩復白佛言世尊云何菩薩
依是四種奢摩他毗鉢舍那所緣境
事能求奢摩他能善毗鉢舍那佛告

慈氏菩薩曰善男子如我為諸菩薩
所說法假安立所謂契經應誦記別
諷誦自說因緣譬喻本事本生方廣
希法論議菩薩於此善聽善受言善
通利意善尋思見善通達即於如所
善思惟法獨處空閑作意思惟復即
於此能思惟心內心相續作意思惟
如是正行多安住故起身輕安及心
輕安是名奢摩他如是菩薩能求奢
摩他彼由獲得身心輕安為所依故
即於如所善思惟法內三摩地所行
影像觀察勝解捨離心相即於如是
三摩地影像所知義中能正思擇寂
極思擇周遍尋思周遍伺察若忍若
樂若慧若見若觀是名毗鉢舍那如
是菩薩能善毗鉢舍那慈氏菩薩復
白佛言世尊若諸菩薩緣心為境內
思惟心乃至未得身心輕安所有作
意當名何等佛告慈氏菩薩曰善男
子非奢摩他作意是隨順奢摩他勝
解相應作意世尊若諸菩薩乃至未
得身心輕安於如所思所有諸法內
三摩地所緣影像作意思惟如是作

意當名何等善男子非毗鉢舍那作
意是隨順毗鉢舍那勝解相應作意
慈氏菩薩復白佛言世尊奢摩他道
與毗鉢舍那道當言有異當言无異
佛告慈氏菩薩曰善男子當言非有
異非无異何故非有異以毗鉢舍那
所緣境心為所緣故何故非無異有
分別影像非所緣故慈氏菩薩復白
佛言世尊諸毗鉢舍那三摩地所行
影像彼與此心當言有異當言无異
佛告慈氏菩薩曰善男子當言无異
何以故由彼影像唯是識故善男子
我說識所緣唯識所現故世尊若彼
所行影像即與此心無有異者云何
此心還見此心善男子此中無有少
法能見少法然即此心如生時即
有如是影像顯現善男子如依善瑩
清淨鏡面以質為緣還見本質而謂
我今見於影像及謂離質別有所行
影像顯現如是此心生時相似有異
三摩地所行影像顯現世尊若諸有
情自性而住緣色等心所行影像彼
與此心亦無異耶善男子亦无有異

而諸愚夫由顛倒覺於諸影像不能
如實知唯是識作顛倒解慈氏菩薩
復白佛言世尊齊何當言菩薩一向
修毗鉢舍那佛告慈氏菩薩曰善男
子若相續作意唯思惟心相世尊齊
何當言菩薩一向修奢摩他善男子
若相續作意唯思惟無間心世尊齊
何當言菩薩奢摩他毗鉢舍那和合
俱轉善男子若正思惟心一境性世
尊云何心相善男子謂三摩地所行
有分別影像毗鉢舍那所緣世尊云
何元間心善男子謂緣彼影像心奢
摩他所緣世尊云何心一境性善男
子謂通達三摩地所行影像唯是其
識或通達此已復思惟如性慈氏菩
薩復白佛言世尊毗鉢舍那凡有幾
種佛告慈氏菩薩曰善男子略有三
種一者有相毗鉢舍那二者尋求毗
鉢舍那三者伺察毗鉢舍那云何有
相毗鉢舍那謂純思惟三摩地所行
有分別影像毗鉢舍那云何尋求毗
鉢舍那謂由慧故遍於彼彼未善解
了一切法中為善了故作意思惟毗

鉢舍那云何伺察毗鉢舍那謂由慧
故遍於彼彼已善解了一切法中為
善證得極解脫故作意思惟毗鉢舍
那慈氏菩薩復白佛言世尊是奢摩
他凡有幾種佛告慈氏菩薩曰善男
子即由隨彼无間心故當知此中亦
有三種復有八種謂初靜慮乃至非
想非非想處各有一種奢摩他故復
有四種謂慈悲喜捨四無量中各有
一種奢摩他故慈氏菩薩復白佛言
世尊如說依法奢摩他毗鉢舍那復
說不依法奢摩他毗鉢舍那云何名
依法奢摩他毗鉢舍那云何復名不
依法奢摩他毗鉢舍那佛告慈氏菩
薩曰善男子若諸菩薩隨先所受所
思法相而於其義得奢摩他毗鉢舍
那名依法奢摩他毗鉢舍那若諸菩
薩不待所受所思法相但依於他教
誡教授而於其義得奢摩他毗鉢舍
那謂觀青瘀及膿爛等或一切行皆
是无常或諸行苦或一切法皆無有
我或復涅槃畢竟寂靜如是等類奢
摩他毗鉢舍那名不依法奢摩他毗

鉢舍那由依止法得奢摩他毗鉢舍
那故我施設隨法行菩薩是利根性
由不依法得奢摩他毗鉢舍那故我
施設隨信行菩薩是鈍根性

慈氏菩薩復白佛言世尊如說緣別
法奢摩他毗鉢舍那復說緣惣法奢
摩他毗鉢舍那云何名為緣別法奢
摩他毗鉢舍那佛告慈氏菩薩曰善
男子若諸菩薩緣於各別契經等法
於如所受所思惟法修奢摩他毗鉢
舍那是名緣別法奢摩他毗鉢舍那
若諸菩薩即緣一切契經等法集為
一團一積一分一聚作意思惟此一切
法隨順真如趣向真如臨入真如隨
順菩提隨順涅槃隨順轉依及趣向
彼若臨入彼此一切法宣說無量无
數善法如是思惟修奢摩他毗鉢舍
那是名緣惣法奢摩他毗鉢舍那慈
氏菩薩復白佛言世尊如說緣小惣
法奢摩他毗鉢舍那復說緣大惣法
奢摩他毗鉢舍那又說緣无量惣法
奢摩他毗鉢舍那云何名緣小惣法

奢摩他毗鉢舍那云何名緣大惣法
奢摩他毗鉢舍那云何復名緣無量
惣法奢摩他毗鉢舍那佛告慈氏菩
薩曰善男子若緣各別契經乃至各
別論義為一團等作意思惟當知是
名緣小惣法奢摩他毗鉢舍那若緣
乃至所受所思契經等法為一團等
作意思惟非緣各別當知是名緣大
惣法奢摩他毗鉢舍那若緣無量如
來法教無量法句文字無量後後慈
所照了為一團等作意思惟非緣乃
至所受所思當知是名緣無量惣法
奢摩他毗鉢舍那慈氏菩薩復白佛
言世尊菩薩齊何名得緣惣法奢摩
他毗鉢舍那佛告慈氏菩薩曰善男
子由五緣故當知名得一者於思惟
時剎那剎那融銷一切麁重所依二
者離種種想得樂法樂三者解了十
方無差別相无量法光四者所作成
滿相應淨分无分別相恒現在前五
者為令法身得成滿故攝受後後轉
勝妙因慈氏菩薩復白佛言世尊此
緣惣法奢摩他毗鉢舍那當知從何

名為通達從何名得佛告慈氏菩薩
曰善男子從初極喜地名為通達從
第三發光地乃名為得善男子初業
菩薩亦於是中隨學作意雖未可歎
不應解廢慈氏菩薩復白佛言世尊
是奢摩他毗鉢舍那云何名有尋有
伺三摩地云何名无尋唯伺三摩地
云何名无尋無伺三摩地佛告慈氏
菩薩曰善男子於如所取尋伺法相
若有麤顯領受觀察諸奢摩他毗鉢
舍那是名有尋有伺三摩地若於彼
相雖无麤顯領受觀察而有微細彼
光明念領受觀察諸奢摩他毗鉢舍
那是名无尋唯伺三摩地若即於彼
一切法相都无作意領受觀察諸奢
摩他毗鉢舍那是名无尋無伺三摩
地復次善男子若有尋求奢摩他毗
鉢舍那是名有尋有伺三摩地若有
伺察奢摩他毗鉢舍那是名无尋唯
伺三摩地若緣惣法奢摩他毗鉢舍
那是名无尋無伺三摩地慈氏菩薩
復白佛言世尊云何止相云何舉相
云何捨相佛告慈氏菩薩曰善男子

若心掉舉或恐掉舉時諸可厭法作
意及彼無開心作意是名止相若心
沉沒或恐沉沒時諸可欣法作意及
彼心相作意是名舉相若於一向止
道或於一向觀道或於雙運轉道三
隨煩惱所染汙時諸无功用作意及
心任運轉中所有作意是名捨相慈
氏菩薩復白佛言世尊修奢摩他毗
鉢舍那諸菩薩衆知法知義云何知
法云何知義佛告慈氏菩薩曰善男
子彼諸菩薩由五種相了知於法一
者知名二者知句三者知文四者知
別五者知惣云何為名謂於一切染
淨法中所立自性想假施設云何為
句謂即於彼名聚集中能隨宣說諸
染淨義依持建立云何為文謂即彼
二所依止字云何於彼各別了知謂
由各別所緣作意云何於彼惣合了
知謂由惣合所緣作意如是一切惣
略為一名為知法如是名為菩薩知
法善男子彼諸菩薩由十種相了知
於義一者知盡所有性二者知如所
有性三者知能取義四者知所取義

五者知建立義六者知受用義七者知顛倒義八者知无倒義九者知雜染義十者知清淨義善男子盡所有性者謂諸雜染清淨法中所有一切品別邊際是名此中盡所有性如五數蘊六數內處六數外處如是一切如所有性者謂即一切染淨法中所

有真如是名此中如所有性此復七種一者流轉真如謂一切行無先後性二者相真如謂一切法補特伽羅無我性及法无我性三者了別真如謂一切行唯是識性四者安立真如謂我所說諸苦聖諦五者邪行真如謂我所說諸集聖諦六者清淨真如謂我所說諸滅聖諦七者正行真如謂我所說諸道聖諦當知此中由流轉真如安立真如邪行真如故一切有情平等平等由相真如了別真如故一切諸法平等平等由清淨真如故一切聲聞菩提獨覺菩提阿耨多羅三藐三菩提平等平等由正行真如故故聽聞正法緣惣境界勝奢摩他毗鉢舍那所攝受慧平等平等能取

義者謂內五色處若心意識及諸心
法所取義者謂外六處又能取義亦
所取義建立義者謂器世界於中可
得建立一切諸有情界謂一村田若百
村田若千村田若百千村田或一大
地至海邊際此百此千若此百千或
一瞻部洲此百此千若此百千或一四
大洲此百此千若此百千或一小千
世界此百此千若此百千或一中千
世界此百此千若此百千或三千大
千世界此百此千若此百千或此拘
脰此百拘脰此千拘脰此百千拘脰
或此無數此百無數此千無數此百
千無數或三千大千世界無數百千
微塵量等於十方面无量無數諸器
世界受用義者謂我所說諸有情類
為受用故攝受資具顛倒義者謂即
於彼能取等義無常計常想倒心倒
見倒苦計為樂不淨計淨元我計我
想倒心倒見倒無倒義者與上相違
能對治彼應知其相雜染義者謂三
界中三種雜染一者煩惱雜染二者
業雜染三者生雜染清淨義者謂即

如是三種雜染所有離繫菩提分法
善男子如是十種當知普攝一切諸義
復次善男子彼諸菩薩由能了知五
種義故名為知義何等五義一者遍
知事二者遍知義三者遍知因四者得
遍知果五者於此覺了善男子此中
遍知事者當知即是一切所知謂或
諸蘊或諸內處或諸外處如是一切
遍知義者乃至所有品類老別所應
知境謂世俗故或勝義故或功德故
或過失故緣故世故或生或住或壞
相故或如病等故或苦集等故或真
如實際法界等故或廣略故或一向
記故或分別記故或反問記故或置
記故或隱密故或顯了故如是等類
當知一切名遍知義言遍知因者當知
即是能取前二菩提分法所謂念住
或正斷等得遍知果者謂貪恚癡永
斷毗奈耶及貪恚癡一切永斷諸沙
門果及我所說聲聞如來若共不共
世出世間所有功德於彼作證於此
覺了者謂即於此作證法中諸解脫
智廣為他說宣揚開示善男子如是

五義當知普攝一切諸義復次善男子彼諸菩薩由能了知四種義故名爲知義何等四義一者心執受義二者領納義三者了別義四者雜染清淨義善男子如是四義當知普攝一切諸義復次善男子彼諸菩薩由能了知三種義故名爲知義何等三義一者文義二者義義三者界義善男子言文義者謂名身等義義當知復有十種一者真實相二者遍知相三者永斷相四者作證相五者修習相六者即彼真實相等品差別相七者所依能依相屬相八者即遍知等障尋法相九者即彼隨順法相十者不遍知等及遍知等過患功德相言界義者謂五種界一者器世界二者有情界三者法界四者所調伏界五者調伏方便界善男子如是五義當知普攝一切諸義

慈氏菩薩復白佛言世尊若聞所成慧了知其義若思所成慧了知其義若奢摩他毗鉢舍那修所成慧了知其義此何差別佛告慈氏菩薩曰善

男子聞所成慧依止於文但如其說未善意趣未現在前隨順解脫未能領受成解脫義思所成慧亦依於文不唯如說能善意趣未現在前轉順解脫未能領受成解脫義若諸菩薩修所成慧亦依於文亦不依文亦如其說亦不如說能善意趣所知事同分三摩地所行影像現前極順解脫已能領受成解脫義善男子是名三種知義善別慈氏菩薩復白佛言世尊修奢摩他毗鉢舍那諸菩薩衆知法知義云何為智云何為見佛告慈氏菩薩曰善男子我无量門宣說智見二種差別今當為汝略說其相若緣惣法修奢摩他毗鉢舍那所有妙慧是名為智若緣別法修奢摩他毗鉢舍那所有妙慧是名為見慈氏菩薩復白佛言世尊修奢摩他毗鉢舍那諸菩薩衆由何作意何等云何除遣諸相佛告慈氏菩薩曰善男子由真如作意除遣法相及與義相若於其名及名自性无所得時亦不觀彼所依之相如是除遣如於其名於句

於文於一切義當知亦尔乃至於界及界自性无所得時亦不觀彼所依之相如是除遣世尊諸所了知真如義相此真如相亦可遣不善男子於所了知真如義中都無有相亦无所得當何所遣善男子我說了知真如義時能伏一切法義之相非此了達餘所能伏世尊如世尊說濁水器喻不淨鏡喻撓象池喻不任觀察自面影相若堪任者與上相違如是若有不善修心則不堪任如實觀察所有真如若善修心堪任觀察此說何等能觀察心依何真如而作是說善男子此說三種能觀察心謂聞所成能觀察心若思所成能觀察心若修所成能觀察心依了別真如作如是說世尊如是了知法義菩薩為遣諸相勤修加行有幾種相難可除遣誰能除遣善男子有十種相空能除遣何等為十一者了知法義故有種種文字相此由一切法空能正除遣二者了知安立真如義故有生滅住異性相續隨轉相此由相空及无先後空

能正除遣三者了知能取義故有願
戀身相及我慢相此由內空及元所
得空能正除遣四者了知所取義故
有願戀財相此由外空能正除遣五
者了知受用義男女承事資具相應
故有內安樂相外淨妙相此由內外
空及本性空能正除遣六者了知建
立義故有元量相此由大空能正除
遣七者了知无色故有內寂靜解脫
相此由有為空能正除遣八者了知
相真如義故有補特伽羅无我相法
無我相若唯識相及勝義相此由畢
竟空无性空無性自性空及勝義空
能正除遣九者由了知清淨真如義
故有元為相無變異相此由无為空
无變異空能正除遣十者即於彼相
對治空性作意思惟故有空性相此
由空空能正除遣世尊除遣如是十
種相時除遣何等從何等相而得解
脫善男子除遣三摩地所行影像相
從難染縛相而得解脫彼亦除遣善
男子當知就勝說如是空治如是相
非不二治一切相譬如无明非不能

生乃至老死諸雜染法就勝但說能
生於行由是諸行親近緣故此中道
理當知亦尔

尔時慈氏菩薩復白佛言世尊此中
何等空是惣空性相若諸菩薩了知
是已無有失壞於空性相離增上慢
尔時世尊歎慈氏菩薩曰善哉善哉
善男子汝今乃能請問如来如是深
義今諸菩薩於空性相无有失壞何
以故善男子若諸菩薩於空性相有
失壞者便為失壞一切大乘是故汝
應諦聽諦聽當為汝說惣空性相善
男子若於依他起相及圓成實相中
一切品類雜染清淨遍計所執相畢
竟遠離性及於此中都无所得如是
名為於大乘中惣空性相

慈氏菩薩復白佛言世尊此奢摩他
毗鉢舍那能攝幾種勝三摩地佛告
慈氏菩薩曰善男子如我所說無量
聲聞菩薩如來有無量種勝三摩地
當知一切皆此所攝世尊此奢摩他
毗鉢舍那以何為因善男子清淨尸
羅清淨聞思所成正見以為其因世

尊此奢摩他毗鉢舍那以何為果善
男子善清淨戒清淨心善清淨慧以為
其果復次善男子一切聲聞及如來等
所有世間及出世間一切善法當知皆
是此奢摩他毗鉢舍那所得之果世
尊此奢摩他毗鉢舍那能作何業善
男子此能解脫二縛為業所謂相縛
及麤重縛世尊如佛所說五種繫中
幾是奢摩他障幾是毗鉢舍那障幾
是俱障善男子願聽身財是奢摩他
障於諸聖教不得隨欲是毗鉢舍那
障樂相雜住於少喜足當知俱障由
第一故不能造修由第二故所修加
行不到究竟世尊於五蓋中幾是奢
摩他障幾是毗鉢舍那障幾是俱障
善男子掉舉惡作是奢摩他障惛沉
睡眠疑是毗鉢舍那障貪欲瞋恚當
知俱障世尊齊何名得奢摩他道圓
滿清淨善男子乃至所有惛沉睡眠
正善除遣齊是名得奢摩他道圓滿
清淨世尊齊何名得毗鉢舍那道圓
滿清淨善男子乃至所有掉舉惡作
正善除遣齊是名得毗鉢舍那道圓

滿清淨世尊若諸菩薩於奢摩他毗
鉢舍那現在前時應知幾種心散動
法善男子應知五種一者作意散動
二者外心散動三者內心散動四者
相散動五者麤重散動善男子若諸
菩薩捨於大乘相應作意墮在聲聞
獨覺相應諸作意中當知是名作意
散動若於其外五種妙欲諸雜亂相
所有尋思隨煩惱中及於其外所緣
境中縱心流散當知是名外心散動
若由惛沉及以睡眠或由沉沒或由
愛味三摩鉢底或由隨一三摩鉢底
諸隨煩惱之所染汙當知是名內心
散動若依外相於內等持所行諸相
作意思惟名相散動若內作意為緣
生起所有諸受由麤重身計我起慢
當知是名麤重散動世尊此奢摩他
毗鉢舍那從初菩薩地乃至如來地
能對治何障善男子此奢摩他毗鉢
舍那於初地中對治惡趣煩惱業生
雜染障第二地中對治微細誤犯現
行障第三地中對治欲貪障第四地
中對治定受及法愛障第五地中對

治生死涅槃一向背趣障第六地中
對治相多現行障第七地中對治細
相現行障第八地中對治於无相作
功用及於有相不得自在障第九地
中對治於一切種善巧言辭不得自
在障第十地中對治不得圓滿法身
證得障善男子此奢摩他毗鉢舍那
於如來地對治極微細寂極微細煩
惱障及所知障由能永害如是障故
究竟證得无著無尋一切智見依於
所作成滿所緣建立寂極清淨法身
慈氏菩薩復白佛言世尊云何菩薩
依奢摩他毗鉢舍那勤修行故證得
阿耨多羅三藐三菩提

佛告慈氏菩薩曰善男子若諸菩薩
已得奢摩他毗鉢舍那依七真如於如
所聞所思法中由勝定心於善審定
於善思量於善安立真如性中內正
思惟彼於真如正思惟故心於一切細
相現行尚能棄捨何況麤相善男子
言細相者謂心所執受相或領納相
或了別相或雜染清淨相或內相或
外相或內外相或謂我當修行一切

利有情相或正智相或真如相或苦
集滅道相或有為相或无為相或有
常相或無常相或苦有變異性相或
苦无變異性相或有為異相相或有
為同相相或知一切是一切已有一切
相或補特伽羅無我相或法無我相
於彼現行心能棄捨彼既多住如是
行故於時時間從其一切繫蓋散動
善修治心從是已後於七真如有七
各別自內所證通達智生名為見道
由得此故名入菩薩正性離生生如
來家證得初地又能受用此地勝德
彼於先時由得奢摩他毗鉢舍那故
已得二種所緣謂有分別影像所緣
及无分別影像所緣彼於今時得見
道故更證得事邊際所緣復於後後
一切地中進修修道即於如是三種
所緣作意思惟譬如有人以其細楔
出於麁楔如是菩薩依此以楔出楔
方便遣內相故一切隨順雜染分相
皆患除遣相除遣故麁重亦遣永害
一切相麁重故漸次於彼後後地中
如煉金法陶煉其心乃至證得阿耨

多羅三藐三菩提又得所作成滿所緣善男子如是菩薩於內止觀正修行故證得阿耨多羅三藐三菩提慈氏菩薩復白佛言世尊云何修行引發菩薩廣大威德善男子若諸菩薩善知六處便能引發菩薩所有廣大威德一者善知心生二者善知心住三者善知心出四者善知心增五者善知心減六者善知方便云何善知心生謂如實知十六行心生起差別是名善知心生十六行心生起差別者一者不可覺知堅住器識生謂阿陀那識二者種種行相所緣識生謂頻取一切色等境界分別意識及頻取內外境界覺受或頻於一念瞬息須臾現入多定見多佛土見多如來分別意識三者小相所緣識生謂欲界繫識四者大相所緣識生謂色界繫識五者无量相所緣識生謂空識无邊處繫識六者微細相所緣識生謂无所有處繫識七者邊際相所緣識生謂非想非非想處繫識八者无相識生謂出世識及緣滅識九者苦

俱行識生謂地獄識十者雜受俱行
識生謂欲行識十一喜俱行識生謂
初二靜慮識十二樂俱行識生謂第
三靜慮識十三不苦不樂俱行識生
謂從第四靜慮乃至非想非非想處
識十四染汙俱行識生謂諸煩惱及
隨煩惱相應識十五善俱行識生謂
信等相應識十六无記俱行識生謂
彼俱不相應識云何善知心住謂如
實知了別真如云何善知心出謂如
實知出二種縛所謂相縛及麤重縛
此能善知應令其心從如是出云何
善知心增謂如實知能治相縛麤重
縛心彼增長時彼積集時亦得增長
亦得積集名善知增云何善知心減
謂如實知彼所對治相及麤重所雜
染心彼衰退時彼損減時此亦衰退
此亦損減名善知減云何善知方便
謂如實知解脫勝處及與遍處或修
或遣善男子如是菩薩於諸菩薩廣
大威德或已引發或當引發或現引發
慈氏菩薩復白佛言世尊如世尊說
於無餘依涅槃界中一切諸受无餘

永滅何等諸受於此永滅善男子以
要言之有二種受無餘永滅何等為
二一者所依處重受二者彼果境界
受所依處重受當知有四種一者有
色所依受二者無色所依受三者果
已成滿處重受四者果未成滿處重
受果已成滿受者謂現在受果未成
滿受者謂未來因受彼果境界受亦
有四種一者依持受二者資具受三
者受用受四者願樂受於有餘依涅
槃界中果未成滿受一切已滅領彼
對治明觸生受領受共有或復彼果
已成滿受又二種受一切已滅唯現
領受明觸生受於無餘依涅槃界中
般涅槃時此亦永滅是故說言於無
餘依涅槃界中一切諸受無餘永滅
尔時世尊說是語已復告慈氏菩薩
曰善哉善哉善男子汝今善能依止
圓滿寂極清淨妙瑜伽道請問如來
汝於瑜伽已得決定寂極善巧吾已
為汝宣說圓滿寂極清淨妙瑜伽道
所有一切過去未來正等覺者已說
當說皆亦如是諸善男子若善女人

皆應依此勇猛精進當正修學。爾時世尊欲重宣此義而說頌曰

於法假立瑜伽中 若行放逸失大義
依止此法及瑜伽 若正修行得大覺
見有所得求免離 若謂此見為得法
慈氏彼去瑜伽遠 譬如大地與虛空
利生堅固而不作 悟已勤修利有情
智者作此窮劫量 便得寂上離染喜
若人為欲而說法 彼名捨欲還取欲
愚癡得法无價寶 反更遊行而乞白
於諍諠雜戲論著 應捨發起上精進
為度諸天及世間 於此瑜伽汝當學
爾時慈氏菩薩復白佛言世尊於是
解深密法門中當何名此教我當云
何奉持佛告慈氏菩薩曰善男子此
名瑜伽了義之教於此瑜伽了義之
教汝當奉持說此瑜伽了義教時於
大會中有六百千衆生發阿耨多羅
三藐三菩提心三百千聲聞遠塵離
垢於諸法中得法眼淨一百五十千
聲聞諸漏永盡心得解脫七十五千
菩薩獲得廣大瑜伽作意

解深密經卷第三

癸卯歲高麗國大藏都監奉
勅彫造

解深密經卷第四

蓋

大唐三藏法師玄奘奉詔譯

地波羅蜜多品第七

尔時觀自在菩薩白佛言世尊如佛所說菩薩十地所謂極喜地離垢地發光地焰慧地極難勝地現前地遠行地不動地善慧地法雲地復說佛地為第十一如是諸地幾種清淨幾分所攝

尔時世尊告觀自在菩薩曰善男子當知諸地四種清淨十一分攝云何名為四種清淨能攝諸地謂增上意樂清淨攝於初地增上戒清淨攝第二地增上心清淨攝第三地增上慧清淨於後後地轉勝妙故當知能攝從第四地乃至佛地善男子當知如是四種清淨普攝諸地云何名為十一種分能攝諸地謂諸菩薩先於勝解行地依十法行極善修習勝解忍故超過彼地證入菩薩正性離生彼諸菩薩由是因緣此分圓滿而未能於微細毀犯誤現行中正知而行

由是因緣於此分中猶未圓滿為令
此分得圓滿故精勤修習便能證得彼
諸菩薩由是因緣此分圓滿而未能
得世間圓滿等持等至及圓滿間持
陀羅尼由是因緣於此分中猶未圓
滿為令此分得圓滿故精勤修習便
能證得彼諸菩薩由是因緣此分圓
滿而未能令隨所獲得菩提分法多
修習住心未能捨諸等至愛及與法
愛由是因緣於此分中猶未圓滿為
令此分得圓滿故精勤修習便能證
得彼諸菩薩由是因緣此分圓滿而
未能於諸諦道理如實觀察又未能
於生死涅槃棄捨一向背趣作意又
未能修方便所攝菩提分法由是因
緣於此分中猶未圓滿為令此分得
圓滿故精勤修習便能證得彼諸菩
薩由是因緣此分圓滿而未能於生
死流轉如實觀察又由於彼多生狀
故未能多住無相作意由是因緣於
此分中猶未圓滿為令此分得圓滿
故精勤修習便能證得彼諸菩薩由
是因緣此分圓滿而未能令無相作

意无缺無間多修習住由是因緣於此分中猶未圓滿為令此分得圓滿故精勤修習便能證得彼諸菩薩由是因緣此分圓滿而未能於無相住中捨離功用又未能得於相自在由是因緣於此分中猶未圓滿為令此分得圓滿故精勤修習便能證得彼諸菩薩由是因緣此分圓滿而未能於異名衆相訓詞差別一切品類宣說法中得大自在由是因緣於此分中猶未圓滿為令此分得圓滿故精勤修習便能證得彼諸菩薩由是因緣此分圓滿而未能得圓滿法身現前證受由是因緣於此分中猶未圓滿為令此分得圓滿故精勤修習便能證得彼諸菩薩由是因緣此分圓滿而未能得遍於一切所知境界無著无尋妙智妙見由是因緣於此分中猶未圓滿為令此分得圓滿故精勤修習便能證得由是因緣此分圓滿此分滿故於一切分皆得圓滿善男子當知如是十一種分普攝諸地觀自在菩薩復白佛言世尊何緣寂

初名極喜地乃至何緣說名佛地佛告觀自在菩薩曰善男子成就大義得未曾得出世間心生大歡喜是故寂初名極喜地遠離一切微細犯戒是故第二名離垢地由彼所得三摩地及聞持陀羅尼能為无量智光依止是故第三名發光地由彼所得菩提分法燒諸煩惱智如火焰是故第四名焰慧地由即於彼菩提分法方便修習寂極艱難方得自在是故第五名極難勝地現前觀察諸行流轉又於无相多修作意方現在前是故第六名現前地能遠證入無缺無間無相作意與清淨地共相隣接是故第七名遠行地由於无相得無功用於諸相中不為現行煩惱所動是故第八名不動地於一切種說法自在獲得无罪廣大智慧是故第九名善慧地能重之身廣如虛空法身圓滿辟如大雲皆能遍覆是故第十名法雲地永斷寂極微細煩惱及所知障无著无碍於一切種所知境界現正等覺故第十一說名佛地

觀自在菩薩復白佛言於此諸地有幾愚癡有幾麤重為所對治佛告觀自在菩薩曰善男子此諸地中有十二種愚癡十一種麤重為所對治謂於初地有二愚癡一者執著補特伽羅及法愚癡二者惡趣雜染愚癡及彼麤重為所對治於第二地有二愚癡一者微細誤犯愚癡二者種種業趣愚癡及彼麤重為所對治於第三地有二愚癡一者欲貪愚癡二者圓滿間持施羅尼愚癡及彼麤重為所對治於第四地有二愚癡一者等至愛愚癡二者法愛愚癡及彼麤重為所對治於第五地有二愚癡一者一向作意棄背生死愚癡二者一向作意趣向涅槃愚癡及彼麤重為所對治於第六地有二愚癡一者現前觀察諸行流轉愚癡二者相多現行愚癡及彼麤重為所對治於第七地有二愚癡一者微細相現行愚癡二者一向无相作意方便愚癡及彼麤重為所對治於第八地有二愚癡一者於無相作功用愚癡二者於相自

在愚癡及彼麤重為所對治於第九地有二愚癡一者於元量說法無量法句文字後後慧辯陀羅尼自在愚癡二者辯才自在愚癡及彼麤重為所對治於第十地有二愚癡一者大神通愚癡二者悟入微細秘密愚癡及彼麤重為所對治於如來地有二愚癡一者於一切所知境界極微細著愚癡二者極微細尋愚癡及彼麤重為所對治善男子由此二十二種愚癡及十一種麤重故安立諸地而阿耨多羅三藐三菩提離彼繫縛觀自在菩薩復白佛言世尊阿耨多羅三藐三菩提甚奇希有乃至成就大利大果令諸菩薩能破如是大愚癡羅網能越如是大麤重稠林現前證得阿耨多羅三藐三菩提

觀自在菩薩復白佛言世尊如是諸地幾種殊勝之所安立佛告觀自在菩薩曰善男子略有八種一者增上意樂清淨二者心清淨三者悲清淨四者到彼岸清淨五者見佛供養承事清淨六者成熟有情清淨七者生

清淨八者威德清淨善男子於初地中所有增上意樂清淨乃至威德清淨後後諸地乃至佛地所有增上意樂清淨乃至威德清淨當知彼諸清淨展轉增勝唯於佛地除生清淨又初地中所有功德於上諸地平等皆有當知自地功德殊勝一切菩薩十地功德皆是有上佛地功德當知无上觀自在菩薩復白佛言世尊何因緣故說菩薩生於諸有生處為殊勝佛告觀自在菩薩曰善男子四因緣故一者極淨善根所集起故二者故意思擇力所取故三者悲愍濟度諸衆生故四者自能無染除他染故

觀自在菩薩復白佛言世尊何因緣故說諸菩薩行廣大願妙願勝願佛告觀自在菩薩曰善男子四因緣故謂諸菩薩能善了知涅槃樂住堪能速證而復棄捨速證樂住无緣無待發大願心為欲利益諸有情故處多種種長時大苦是故我說彼諸菩薩行廣大願妙願勝願

觀自在菩薩復白佛言世尊是諸菩

薩凡有幾種所應學事佛告觀自在菩薩曰善男子菩薩學事略有六種所謂布施持戒忍辱精進靜慮慧到彼岸

觀自在菩薩復白佛言世尊如是六種所應學事幾是增上戒學所攝幾是增上心學所攝幾是增上慧學所攝佛告觀自在菩薩曰善男子當知初三但是增上戒學所攝靜慮一種但是增上心學所攝慧是增上慧學所攝我說精進過於一切

觀自在菩薩復白佛言世尊如是六種所應學事幾是福德資糧所攝幾是智慧資糧所攝佛告觀自在菩薩曰善男子若增上戒學所攝者是名福德資糧所攝若增上慧學所攝者是名智慧資糧所攝我說精進靜慮二種過於一切

觀自在菩薩復白佛言若尊於六種所學事中菩薩云何應當修學佛告觀自在菩薩曰善男子由五種相應當修學一者取初於菩薩藏波羅蜜多相應微妙正法教中猛利信解二者

次於十種法行以聞思修所成妙智
精進修行三者隨護菩提之心四者
親近真善知識五者無間勤修善品
觀自在菩薩復白佛言世尊何因緣
故施設如是我所應學事但有六數佛
告觀自在菩薩曰善男子二因緣故
一者饒益諸有情故二者對治諸煩
惱故當知前三饒益有情後三對治
一切煩惱前三饒益諸有情者謂諸
菩薩由布施故攝受資具饒益有情
由持戒故不行損害逼迫惱亂饒益
有情由忍辱故於彼損害逼迫惱亂
堪能忍受饒益有情後三對治諸煩
惱者謂諸菩薩由精進故雖未永伏
一切煩惱亦未永害一切隨眠而能勇
猛修諸善品彼諸煩惱不能傾動善
品加行由靜慮故永伏煩惱由般若
故永害隨眠觀自在菩薩復白佛言
世尊何因緣故施設所餘波羅蜜多
但有四數佛告觀自在菩薩曰善男
子由前六種波羅蜜多為助伴故謂
諸菩薩於前三種波羅蜜多所攝有
情以諸攝事方便善巧而攝受之安

置善品是故我說方便善巧波羅蜜
多與前三種而為助伴若諸菩薩於
現法中煩惱多故於修無間無有堪
能羸劣意樂故下界勝解故於內心
住無有堪能於菩薩藏不能聞緣善
修習故所有靜慮不能引發出世間
慧彼便攝受少分殊劣福德資糧為
未來世煩惱輕微心生正願如是名
願波羅蜜多由此願故煩惱微薄能
修精進是故我說願波羅蜜多與精
進波羅蜜多而為助伴若諸菩薩親
近善士聽聞正法如理作意為因緣
故轉劣意樂成勝意樂亦能獲得上
界勝解如是名力波羅蜜多由此力
故於內心住有所堪能是故我說力
波羅蜜多與靜慮波羅蜜多而為助
伴若諸菩薩於菩薩藏已能聞緣善
修習故能發靜慮如是名智波羅蜜
多由此智故堪能引發出世間慧是
故我說智波羅蜜多與慧波羅蜜多
而為助伴

觀自在菩薩復白佛言世尊何因緣
故宣說六種波羅蜜多如是次第佛

告觀自在菩薩曰善男子能為後後引發依故謂諸菩薩若於身財无所顧怯便能受持清淨禁戒為護禁戒便修忍辱修忍辱已能發精進發精進已能辨靜慮具靜慮已便能獲得出世間慧是故我說波羅蜜多如是次第

觀自在菩薩復白佛言世尊如是六種波羅蜜多各有幾種品類若別佛告觀自在菩薩曰善男子各有三種施三種者一者法施二者財施三者无畏施戒三種者一者轉捨不善戒二者轉生善戒三者轉生饒益有情戒忍三種者一者耐怨害忍二者安受苦忍三者諦察法忍精進三種者一者被甲精進二者轉生善法加行精進三者饒益有情加行精進靜慮三種者一者无分別寂靜極寂靜无罪故對治煩惱衆苦樂住靜慮二者引發功德靜慮三者引發饒益有情靜慮慧三種者一者緣世俗諦慧二者緣勝義諦慧三者緣饒益有情慧觀自在菩薩復白佛言世尊何因緣故

波羅蜜多說名波羅蜜多佛告觀自在菩薩曰善男子五因緣故一者無染著故二者無願戀故三者無罪過故四者無分別故五者正迴向故無染著者謂不染著波羅蜜多諸相違事無願戀者謂於一切波羅蜜多諸果異熟及報恩中心無繫縛無罪過者謂於如是波羅蜜多無間雜染法離非方便行无分別者謂於如是波羅蜜多不如言詞執著自相正迴向者謂以如是所作所集波羅蜜多迴求无上大菩提果世尊何等名為波羅蜜多諸相違事善男子當知此事略有六種一者於喜樂欲財富自在諸欲樂中深見功德及與勝利二者於隨所樂縱身語意而現行中深見功德及與勝利三者於他輕蔑不堪忍中深見功德及與勝利四者於不勤修著欲樂中深見功德及與勝利五者於處憤肉世雜乱行深見功德及與勝利六者於見聞覺知言談戲論深見功德及與勝利世尊如是一切波羅蜜多何果異熟善男子當知此

亦略有六種一者得大財富二者往生
善趣三者无悉無壞多諸喜樂四者
為衆生主五者身无惱害六者有大
宗葉世尊何等名為波羅蜜多開雜
殊法善男子當知略由四種加行一者
無悲加行故二者不如理加行故三
者不常加行故四者不懇重加行故
不如理加行者謂修行餘波羅蜜多
時於餘波羅蜜多遠離失壞世尊何
等名為非方便行善男子若諸菩薩
以波羅蜜多饒益衆生時但攝財物
饒益衆生便為喜足而不令其出不
善處安置善處如是名為非方便行
何以故善男子非於衆生唯作此事
名實饒益譬如糞穢若多若少終無
有能令成香潔如是衆生由行苦故
其性是苦无有方便但以財物麁相
饒益可令成樂唯有安處妙善法中
方可得名第一饒益

觀自在菩薩復白佛言世尊如是一
切波羅蜜多有幾清淨佛告觀自在
菩薩曰善男子我終不說波羅蜜多
除上五相有餘清淨然我即依如是

諸事揔別當說波羅蜜多清淨之相
揔說一切波羅蜜多清淨相者當知
七種何等為七一者菩薩於此諸法
不求他知二者於此諸法見已不生
執著三者即於如是諸法不生疑惑
謂為能得大菩提不四者終不自讚
毀他有所輕蔑五者終不憍傲放逸
六者終不少有所得便生喜足七者
終不由此諸法於他發起嫉妬慳恚
別說一切波羅蜜多清淨相者亦有
七種何等為七謂諸菩薩如我所說
七種布施清淨之相隨順修行一者
由施物清淨行清淨施二者由戒清
淨行清淨施三者由見清淨行清淨
施四者由心清淨行清淨施五者由
語清淨行清淨施六者由智清淨行
清淨施七者由垢清淨行清淨施是
名七種施清淨相又諸菩薩能善了
知制立律儀一切學處能善了知出離
所執具常尸羅堅固尸羅常作尸羅
常轉尸羅受學一切所有學處是名
七種戒清淨相若諸菩薩於自所有
業果異熟深生依信一切所有不饒

益事現在前時不生憤發亦不反罵
不嗔不打不恐不弄不以種種不饒
益事反相加害不懷惡結若諫誨時
不令恚惱亦復不待他來諫誨不由
恐怖有染愛心而行忍辱不以作恩
而便放捨是名七種忍清淨相若諸
菩薩通達精進平等之性不由勇猛
勤精進故自舉陵他具大勢力具大
精進有所堪能堅固勇猛於諸善法
終不捨輒如是名為七種精進清淨
之相若諸菩薩有善通達相三摩地
靜慮有圓滿三摩地靜慮有俱分三
摩地靜慮有運轉三摩地靜慮有無
所依三摩地靜慮有善修治三摩地
靜慮有於菩薩藏聞緣修習无量三
摩地靜慮如是名為七種靜慮清淨
之相若諸菩薩遠離增益損減二邊
行於中道是名為慧由此慧故如實
了知解脫門義謂空无願無相三解脫
門如實了知有自性義謂遍計所執
若依他起若圓成實三種自性如實
了知无自性義謂相生勝義三種無
自性性如實了知世俗諦義謂於五

明處如實了知勝義諦義謂於七真如又無分別離諸戲論純一理趣多所住故無量惣法為所緣故及毗鉢舍那故能善成辦法隨法行是名七種慧清淨相

觀自在菩薩復白佛言世尊如是五相各有何業佛告觀自在菩薩曰善男子當知彼相有五種業謂諸菩薩无染著故於現法中於所修習波羅蜜多恒常殷重勤修加行無有放逸无顧戀故攝受當來不放逸因無罪過故能正修習極善圓滿極善清淨極善鮮白波羅蜜多无分別故方便善巧波羅蜜多速得圓滿正迴向故一切生處波羅蜜多及彼可愛諸果異熟皆得无盡乃至無上正等菩提觀自在菩薩復白佛言世尊如是所說波羅蜜多何者寂廣大何者无染汙何者寂明盛何者不可動何者寂清淨佛告觀自在菩薩曰善男子无染著性无顧戀性正迴向性寂為廣大无罪過性無分別性无有染汙思擇所作寂為明盛已入无退轉法地

者名不可動若十地攝佛地攝者名
軍清淨

觀自在菩薩復白佛言世尊何因緣
故菩薩所得波羅蜜多諸可愛果及
諸異熟常无有盡波羅蜜多亦無有
盡佛告觀自在菩薩曰善男子展轉
相依生起修習无間斷故

觀自在菩薩復白佛言世尊何因緣
故是諸菩薩深信愛樂波羅蜜多非
於如是波羅蜜多所得可愛諸果異
熟佛告觀自在菩薩曰善男子五因
緣故一者波羅蜜多是軍增上喜樂
因故二者波羅蜜多是其究竟饒益
一切自他因故三者波羅蜜多是當
來世彼可愛果異熟因故四者波羅
蜜多非諸雜染所依事故五者波羅
蜜多非是畢竟變壞法故觀自在菩
薩復白佛言世尊一切波羅蜜多各
有幾種軍勝威德佛告觀自在菩薩
曰善男子當知一切波羅蜜多各有
四種軍勝威德一者於此波羅蜜多
正修行時能捨慳慳犯戒心憤懈怠
散亂見趣所治二者於此正修行時

能為無上正等菩提真實資糧三者
於此正修行時於現法中能自攝受
饒益有情四者於此正修行時於未
來世能得廣大無盡可愛諸果異熟
觀自在菩薩復白佛言世尊如是一
切波羅蜜多何因何果有何義利佛
告觀自在菩薩曰善男子如是一切
波羅蜜多大悲為因微妙可愛諸果
異熟饒益一切有情為果圓滿無上
廣大菩提為大義利

觀自在菩薩白佛言世尊若諸菩薩
具足一切無盡財寶成就大悲何緣
世間現有衆生貧窮可得佛告觀自
在菩薩曰善男子是諸衆生自業過
失若不念者菩薩常懷饒益他心又
常具足無盡財寶若諸衆生無自惡
業能為障罽何有世間貧窮可得譬
如餓鬼為大熱渴逼迫其身見大海
水悉皆涸竭非大海過是諸餓鬼自
業過耳如是菩薩所施財寶猶如大
海无有過失是諸衆生自業過耳猶
如餓鬼自惡業力令无有果

觀自在菩薩復白佛言世尊菩薩以

何等波羅蜜多取一切法無自性性
佛告觀自在菩薩曰善男子以般若
波羅蜜多能取諸法無自性性世尊
若般若波羅蜜多能取諸法無自性
性何故不取有自性性善男子我終
不說以无自性性取無自性性然无
自性性離諸文字自內所證不可捨
於言說文字而能宣說是故我說般
若波羅蜜多能取諸法无自性性

觀自在菩薩復白佛言世尊如佛所
說波羅蜜多近波羅蜜多大波羅蜜
多云何波羅蜜多云何近波羅蜜多
云何大波羅蜜多佛告觀自在菩薩
曰善男子若諸菩薩經无量時修行
施等成就善法而諸煩惱猶故現行
未能制伏然為彼伏謂於勝解行地
軟中勝解轉時是名波羅蜜多復於
无量時修行施等漸復增上成就善
法而諸煩惱猶故現行然能制伏非
彼所伏謂從初地已上是名近波羅
蜜多復於无量時修行布施等轉復
增上成就善法一切煩惱皆不現行謂
從八地已上是名大波羅蜜多

觀自在菩薩復白佛言世尊此諸地中煩惱隨眠可有幾種佛告觀自在菩薩曰善男子略有三種一者客伴隨眠謂於前五地何以故善男子諸不俱生現行煩惱是俱生煩惱現行助伴彼於介時永无復有是故說名客伴隨眠二者羸劣隨眠謂於第六第七地中微細現行若修所伏不現行故三者微細隨眠謂於第八地已上從此已去一切煩惱不復現行唯有所知障為依止故

觀自在菩薩復白佛言世尊此諸隨眠幾種麤重斷所顯示佛告觀自在菩薩曰善男子但由二種謂由在皮麤重斷故顯彼初二復由在膚麤重斷故顯彼第三若在於骨麤重斷者我說永離一切隨眠位在佛地

觀自在菩薩復白佛言世尊經幾不可數劫能斷如是麤重佛告觀自在菩薩曰善男子經於三大不可數劫或無量劫所謂年月半月晝夜一時半時須臾瞬息刹那量劫不可數故觀自在菩薩復白佛言世尊是諸菩

薩於諸地中所生煩惱當知何相何失何德佛告觀自在菩薩曰善男子無染汙相何以故是諸菩薩於初地中定於一切諸法法界已善通達由此因緣菩薩要知方起煩惱非為不知是故說名无染汙相於自身中不能生苦故無過失菩薩生起如是煩惱於有情界能斷苦因是故彼有无量功德觀自在菩薩復白佛言甚奇世尊无上菩提乃有如是大力德利令諸菩薩生起煩惱尚勝一切有情聲聞獨覺善根何況其餘無量功德觀自在菩薩復白佛言世尊如世尊說若聲聞乘若復大乘唯是一乘此何密意佛告觀自在菩薩曰善男子如我於彼聲聞乘中宣說種種諸法自性所謂五蘊或內六處或外六處如是等類於大乘中即說彼法同一法界同一理趣故我不說乘差別性於中或有如言於義妄起分別一類增益一類損減又於諸乘差別道理謂不相違如是展轉遞興評論如是名為此中密意尔時世尊欲重宣此

義而說頌曰

諸地攝想所對治 殊勝生願及諸學

由依佛說是大乘 於此善修成大覺

宣說諸法種種性 復說皆同一理趣

謂於下乘或上乘 故我說乘元異性

如言於義妄分別 或有增益或損減

謂此二種不相違 愚癡意解成乖諍

今時觀自在菩薩摩訶薩復白佛言

世尊於是解深密法門中此名何教

我當云何奉持佛告觀自在菩薩曰

善男子此名諸地波羅蜜多了義之

教於此諸地波羅蜜多了義之教汝

當奉持說此諸地波羅蜜多了義教

時於大會中有七十五千菩薩皆得

菩薩大乘光明三摩地

解深密經卷第四

癸卯歲高麗國大藏都監奉

勅彫造

解深密經卷第五

蓋

大唐三藏法師玄奘奉 詔譯

如來成所作事品第八

爾時曼殊室利菩薩摩訶薩請問佛言世尊如佛所說如來法身如來法身有何等相佛告曼殊室利菩薩曰善男子若於諸地波羅蜜多善修出離轉依成滿是名如來法身之相當知此相二因緣故不可思議無戲論故无所為故而諸衆生計著戲論有所為故

世尊聲聞獨覺所得轉依名法身不善男子不名法身世尊當名何身善男子名解脫身由解脫身故說一切聲聞獨覺與諸如來平等平等由法身故說有老別如來法身有老別故无量功德寂勝老別算數譬喻所不能及曼殊室利菩薩復白佛言

世尊我當云何應知如來生起之相佛告曼殊室利菩薩曰善男子一切如來化身作業如世界起一切種類如來功德衆所莊嚴住持為相當知化身相有生起法身之相無有生起

曼殊室利菩薩復白佛言世尊云何
應知示現化身方便善巧佛告曼殊
室利菩薩曰善男子遍於一切三千
大千佛國土中或衆推許增上王家
或衆推許大福田家同時入胎誕生
長大受欲出家示行苦行捨苦行已
成等正覺次第示現是名如來示現
化身方便善巧曼殊室利菩薩復白
佛言世尊凡有幾種一切如來身所
住持言音差別由此言音所化有情
未成熟者令其成熟已成熟者緣此
為境速得解脫佛告曼殊室利菩薩
曰善男子如來言音略有三種一者
契經二者調伏三者本母世尊云何
契經云何調伏云何本母曼殊室利
若於是處我依攝事顯示諸法是名
契經謂依四事或依九事或復依於
二十九事云何四事一者聽聞事二
者歸趣事三者修學事四者菩提事
云何九事一者施設有情事二者彼
所受用事三者彼生起事四者彼生
已住事五者彼染淨事六者彼差別
事七者能宣說事八者所宣說事九

者諸衆會事云何名為二十九事謂
依雜染品有攝諸行事彼次第隨轉
事即於是中作補特伽羅想已於當
來世流轉因事作是想已於當來世
流轉因事依清淨品有繫念於所緣
事即於是中勤精進事心安住事現
法樂住事超一切苦緣方便事彼遍
知事此復三種顛倒遍知所依處故
依有情想外有情中邪行遍知所依
處故內離增上慢遍知所依處故修
依處事作證事修習事令彼堅固事
彼行相事彼所緣事已斷未斷觀察
善巧事彼散乱事彼不散乱事不散
乱依處事不棄修習劬勞加行事修
習勝利事彼堅牢事攝聖行事攝聖
行眷屬事通達真實事證得涅槃事
於善說法毗奈耶中世間正見超昇
一切外道所得正見頂事及即於此
不修退事於善說法毗奈耶中不修
習故說名為退非見過失故名為退
勇殊室利若於是處我依聲聞及諸
菩薩顯示別解脫及別解脫相應之
法是名調伏世尊菩薩別解脫幾相

所攝善男子當知七相一者宣說受軌則事故二者宣說隨順他勝事故三者宣說隨順毀犯事故四者宣說有犯自性故五者宣說无犯自性故六者宣說出所犯故七者宣說捨律儀故

易殊室利若於是處我以十一種相決了分別顯示諸法是名本母何等名為十一種相一者世俗相二者勝義相三者菩提分法所緣相四者行相五者自性相六者彼果相七者彼領受開示相八者彼障尋法相九者彼隨順法相十者彼過患相十一者彼勝利相世俗相者當知三種一者宣說補特伽羅故二者宣說遍計所執自性故三者宣說諸法作用事業故勝義相者當知宣說七種真如故菩提分法所緣相者當知宣說遍一切種所知事故行相者當知宣說八行觀故云何名為八行觀耶一者諦實故二者安住故三者過失故四者功德故五者理趣故六者流轉故七者道理故八者捨別故諦實者謂諸

法真如安住者謂或安立補特伽羅
或復安立諸法遍計所執自性或復
安立一向分別及問置記或復安立
隱密顯了記別差別過失者謂我宣
說諸雜染法有無量門差別過患功
德者謂我宣說諸清淨法有無量門
差別勝利理趣者當知六種一者真
義理趣二者證得理趣三者教導理
趣四者遠離二邊理趣五者不可思
議理趣六者意趣理趣流轉者所謂
三世三有為相及四種緣道理者當
知四種一者觀待道理二者作用道
理三者證成道理四者法外道理觀
待道理者謂若因若緣能生諸行及
起隨說如是名為觀待道理作用道
理者謂若因若緣能得諸法或能成
辦或復生已作諸業用如是名為作
用道理證成道理者謂若因若緣能
令所立所說所標義得成立令正覺
悟如是名為證成道理

又此道理略有二種一者清淨二者
不清淨由五種相名為清淨由七種
相名不清淨

云何由五種相名為清淨一者現見所得相二者依止現見所得相三者自類譬喻所引相四者圓成實相五者善清淨言教相現見所得相者謂一切行皆无常性一切行皆是苦性一切法皆無我性此為世間現量所得如是等類是名現見所得相依止現見所得相者謂一切行皆剎那性他世有性淨不淨業无失壞性由彼能依處無常性現可得故由諸有情種種差別依種種業現可得故由諸有情若樂若苦淨不淨業以為依止現可得故由此因緣於不現見可為比度如是等類是名依止現見所得相自類譬喻所引相者謂於内外諸行聚中引諸世間共所了知所得生死以為譬喻引諸世間共所了知所得生等種種苦相以為譬喻引諸世間共所了知所得不自在相以為譬喻又復於外引諸世間共所了知所得衰盛以為譬喻如是等類當知是名自類譬喻所引相圓成實相者謂即如是現見所得相若依止現見所得

相若自類譬喻所得相於所成立決定能成當知是名圓成實相善清淨言教相者謂一切智者之所宣說如言涅槃究竟寂靜如是等類當知是名善清淨言教相善男子是故由此五種相故名善觀察清淨道理由清淨故應可修習曼殊室利菩薩復白佛言世尊一切智相者當知有幾種佛告曼殊室利菩薩曰善男子略有五種一者若有出現世間一切智聲元不普聞二者成就三十二種大丈夫相三者具足十力能斷一切衆生一切疑惑四者具足四無所畏宣說正法不為一切他論所伏而能摧伏一切邪論五者於善說法毗奈耶中八支聖道四沙門等皆現可得如是生故相故斷疑網故非他所伏能伏他故聖道沙門現可得故如是五種當知名為一切智相善男子如是證成道理由現量故由比量故由聖教量故由五種相名為清淨云何由七種相名不清淨一者此餘同類可得相二者此餘異類可得相

三者一切同類可得相四者一切異類可得相五者異類譬喻所得相六者非圓成實相七者非善清淨言教相若一切法意識所識性是名一切同類可得相若一切法相性業法因果異相由隨如是一一異相決定展轉各各異相是名一切異類可得相善男子若於此餘同類可得相及譬喻中有一切異類相者由此因緣於所成立非決定故是名非圓成實相又於此餘異類可得相及譬喻中有一切同類相者由此因緣於所成立不決定故亦名非圓成實相非圓成實故非善觀察清淨道理不清淨故不應修習若異類譬喻所引相若非善清淨言教相當知體性皆不清淨法尔道理者謂如來出世若不出世法性安住法住法界是名法尔道理摠別者謂先摠說一句法已後後諸句差別分別究竟顯了

自性相者謂我所說有行有緣所有能取菩提分法謂念住等如是名為彼自性相彼果相者謂若世間若出

世間諸煩惱斷及所引發世出世間諸果功德如是名為得彼果相彼領受開示相者謂即於彼以解脫智而領受之及廣為他宣說開示如是名為彼領受開示相彼障尋法相者謂即於修菩提分法能隨障尋諸染汙法是名彼障尋法相彼隨順法相者謂即於彼多所作法是名彼隨順法相彼過患相者當知即彼諸障尋法所有過失是名彼過患相彼勝利相者當知即彼諸隨順法所有功德是名彼勝利相

舅殊室利菩薩復白佛言唯願世尊為諸菩薩略說契經調伏本母不共外道陀羅尼義由此不共陀羅尼義令諸菩薩得入如來所說諸法甚深密意佛告舅殊室利菩薩曰善男子汝今諦聽吾當為汝略說不共陀羅尼義令諸菩薩於我所說密意言詞能善悟入善男子若雜染法若清淨法我說一切皆无作用亦都无有補特伽羅以一切種離所為故非雜染法先染後淨非清淨法後淨先染凡

夫異生於麤重身執著諸法補特伽羅自性老別隨眠妄見以為緣故計我我所由此妄見謂我見我聞我嗅我嘗我觸我知我食我作我染我淨如是等類邪加行轉若有如實知如是者便能永斷麤重之身獲得一切煩惱不住寂極清淨離諸戲論無為依止元有加行善男子當知是名略說不共陀羅尼義今時世尊欲重宣此義而說頌曰

一切雜染清淨法 皆无作用數取趣
由我宣說離所為 染汙清淨非先後
於麤重身隨眠見 為緣計我及我所
由此妄謂我見等 我食我為我染淨
若如實知如是者 乃能永斷麤重身
得無染淨無戲論 元為依止無加行
今時易殊室利菩薩摩訶薩復白佛
言世尊云何應知諸如來心生起之
相佛告易殊室利菩薩曰善男子夫
如來者非心意識生起所顯然諸如
來有无加行心法生起當知此事猶
如變化易殊室利菩薩復白佛言世
尊若諸如來法身遠離一切加行既

无加行云何而有心法生起佛告曼殊室利菩薩曰善男子先所修習方便般若加行力故有心生起善男子譬如正入無心睡眠非於覺悟而作加行由先所作加行勢力而復覺悟又如正在滅盡定中非於起定而作加行由先所作加行勢力還從定起如從睡眠及滅盡定心更生起如是如來由先修習方便般若加行力故當知復有心法生起曼殊室利菩薩復白佛言世尊如來化身當言有心為無心耶佛告曼殊室利菩薩曰善男子非是有心亦非无心何以故無自依心故有依他心故曼殊室利菩薩復白佛言世尊如來所行如來境界此之二種有何差別佛告曼殊室利菩薩曰善男子如來所行謂一切種如來共有不可思議无量功德衆所莊嚴清淨佛土如來境界謂一切種五界差別何等為五一者有情界二者世界三者法界四者調伏界五者調伏方便界如是名為二種差別曼殊室利菩薩復白佛言世尊如來

成等正覺轉正法輪入大涅槃如是
三種當知何相

佛告曼殊室利菩薩曰善男子當知此
三皆無二相謂非成等正覺非不成等
正覺非轉正法輪非不轉正法輪非入
大涅槃非不入大涅槃何以故如來
法身究竟淨故如來化身常示現故
曼殊室利菩薩復白佛言世尊諸有
情類但於化身見聞奉事生諸功德
如來於彼有何因緣佛告曼殊室利
菩薩曰善男子如來是彼增上所緣
之因緣故又彼化身是如來力所住
持故曼殊室利菩薩復白佛言世尊
等元加行何因緣故如來法身為諸
有情放大智光及出无量化身影像
聲聞獨覺解脫之身無如是事佛告
曼殊室利菩薩曰善男子譬如等無
加行從日月輪水火二種頗脰迦寶
放大光明非餘水火頗脰迦寶謂大
威德有情所住持故諸有情業增上
力故又如從彼善工業者之所雕飾
末尼寶珠出印文像不從所餘不雕
飾者如是緣於无量法界方便般若

極善修習磨瑩集成如來法身從是能放大智光明及出種種化身影像非唯從彼解脫之身有如斯事曼殊室利菩薩復白佛言世尊如世尊說如來菩薩威德住持令諸衆生於欲界中生刹帝利婆羅門等大富貴家人身財寶无不圓滿或欲界天色無色界一切身財圓滿可得世尊此中有何密意佛告曼殊室利菩薩曰善男子如來菩薩威德住持若道若行於一切處能令衆生獲得身財皆圓滿者即隨所應為彼宣說此道此行若有能於此道此行正修行者於一切處所獲身財无不圓滿若有衆生於此道行違背輕毀又於我所起損惱心及瞋恚心命終已後於一切處所得身財无不下劣曼殊室利由是口緣當知如來及諸菩薩威德住持非但能令身財圓滿如來菩薩住持威德亦令衆生身財下劣曼殊室利菩薩復白佛言世尊諸穢土中何事易得何事難得諸淨土中何事易得何事難得佛告曼殊室利菩薩曰善男

子諸穢土中八事易得二事難得何等名為八事易得一者外道二者有苦衆生三者種姓家世興衰差別四者行諸惡行五者毀犯尸羅六者惡趣七者下乘八者下劣意樂加行菩薩何等名為二事難得一者增上意樂加行菩薩之所遊集二者如來出現于世曼殊室利諸淨土中與上相違當知八事甚為難得二事易得
尔時曼殊室利菩薩白佛言世尊於此解深密法門中此名何教我當云何奉持佛告曼殊室利菩薩曰善男子此名如來成所作事了義之教於此如來成所作事了義之教汝當奉持說是如來成所作事了義教時於大會中有七十五千菩薩摩訶薩皆得圓滿法身證覺
解深密經卷第五

癸卯歲高麗國大藏都監奉
勅彫造

佛說解節經一卷

此

陳天竺三藏真諦譯

不可言無二品第一

如是我聞一時佛娑伽婆住王舍城耆闍崛山與大比丘衆九万九千人俱皆阿羅漢諸漏已盡所作已辦捨諸重擔獲得已利盡諸有結心善得解脫善得自在善得奢摩他毗婆舍那其名曰淨命阿若憍陳如等乃至住阿羅漢三昧定須菩提等復有大比丘尼衆三万六千人俱摩訶波闍波提乃至跋陀迦比羅比丘尼等以為上首復有元量無數優婆塞優婆夷頻婆娑羅王等而為上首復有菩薩摩訶薩元量百千是賢劫中諸菩薩衆或住此土或他方來一生補處弥勒菩薩文殊師利菩薩觀世音菩薩等而為上首皆悉通達大深法性調順易化善行平等修菩薩道一切衆生真善知識得無尋陀羅尼轉不退法輪已曾供養元量諸佛如是等衆皆悉聚集

尔時如理正聞菩薩問能解甚深義
節菩薩言佛子一切法無二一切法
無二此言云何能解甚深義節菩薩
言善男子是一切法不過此二謂所
作非所作所作者非所作非非所作
非所作者非非所作亦非所作如理
正聞菩薩問言佛子云何所作非所
作非非所作及非所作非非所作亦
非所作能解甚深義節菩薩言善男
子所作者此是大師正教言句若是
大師正教言句即是世間所立言說
從分別起此世言說若分別起由種
種分別及所言說一向不成故非所
作善男子非所作者屬言教攝若有
法離所作及非所作是法亦如是亦
如是若如是者大師說教可無義不
非無有義若有義者義相云何所謂
不可言體惟是聖人無分別知見之
所覺了為欲令他了達如是不可言
體是故大師說此言教謂是法所作
善男子非所作者此是大師正教言
句若是大師正教言句即是世間所
立言說從分別起此世言說若分別

起由種種分別及所言說一向不成
故非非所作善男子所作者屬言教
攝若有法離非所作及於所作是法
亦如是亦如是若如是者大師說教
可無義不非無有義若有義者義相
云何所謂不可言體惟是聖人無分
別知見之所覺了為欲令他了達如
是不可言體是故大師說此言教謂
是法非所作善男子如巧幻師及幻
弟子於四衢道或取草葉及木石等
聚集一處現種種幻事謂為兵馬兵
車兵步兵摩尼真珠珊瑚玉石及倉
庫等若有諸人嬰兒凡夫愚癡邪智
不能了別草等幻本是人若見若聞
作是思惟謂實有此為馬四兵及以
庫藏若見若聞隨能隨力執著見聞
作是言說此是真實異此非真是人
則應重更思量若有諸人非嬰兒凡
夫及愚癡邪智識知如是草等幻本
若見若聞作是思惟無有如是為馬
等物及以庫藏是人若見若聞隨能
隨力不著見聞作如是言如我所思
此是真實異此非真雖隨世言為顯

實義是人不得重更思惟善男子如
此嬰兒凡夫未得出世真如聖慧未
識諸法不可言體是人若見若聞諸
法所作及非所作作是思惟實有如
是諸法所作及非所作何以故可見
可知故是人若見若聞隨能隨力執
著見聞隨見聞說此是真實異此非
真是人應當須重思量若有諸人非
嬰兒凡夫已見真實及得出世真如
聖慧已識諸法不可言體若見若聞
作是思惟如所見知諸法所作及非
所作皆非實有但有假相從分別起
如幻化事欺誑凡心於此中起所作
非所作名及餘衆名是人如所見聞
不生執著不作是言此是真實異此
非真雖隨世言為顯實義是人不得
重更思惟善男子如是聖人由聖知
見已能覺了不可言體為欲令他見
法實相故說教句謂是所作非所作等
今時能解甚深義節菩薩即說偈言
佛說絕言法 無二非凡境 愚夫於中迷
緣二者戲論 不決邪決故 常輪轉諸有
智人離見聞 簡擇中實義

解節經過覺觀境界第二

尔時曇無竭菩薩白佛言世尊從此
娑訶世界向東遼極東方世界過
七十七恒河沙數世界有世界曰善
名聞佛号廣大善聞修伽陀住處我
於一時往彼佛所即於彼中見一方
地有七十七千諸外道衆以師為先
聚集而坐為欲思量諸法實相時外
道衆思惟稱量簡擇安立諸法實相
依其所學求覓實相無能得者起種
種執相違鬭諍乃至言相違害由口
刀杖手相傷毀便各分散我見此已
作是思惟希有希有諸佛世尊出於
世間由佛出世過覺觀境甚深法相
通達覺了皆得顯現菩薩說已佛即
告言如是法上如是實相過覺觀境
我覺了已為他解說安立正教開示
顯現今義淺易何以故我說真實但
是聖人自所證見若是凡夫覺觀境
界自他可證法上以是義故應知實
相過於一切覺觀境界復次法上我
說真實非相行處一切覺觀緣相行
處以是義故應知實相過覺觀境復

次法上我說真實不可言說一切覺
觀但由言說故知實相過覺觀境復
次法上我說真實絕於四事謂見聞
覺知一切覺觀緣四事起復次法上
我說真相離諸闕諍一切覺觀闕諍
境界以是義故應知實相過覺觀境
法上辟如有人盡一期壽恒食苦味
復能覺觀比度憶持蜜等甜味无有
是處復次辟如有人恒樂欲塵塵欲
焦熱之所燒然復能覺觀比度憶持
不緣塵相依內離樂無有是處復次
辟如有人恒樂言諍邪談話戲復能
覺觀比度憶持聖默然定無有是處
復次辟如有人恒樂恒行見聞覺知
復能覺觀比度憶持絕四事處滅離
身見是般涅槃无有是處復次法上
辟如有人由恒蓄財樂行征伐復能
覺觀比度憶持比薺單越無有我所
無所積蓄不相闕諍是現法樂无有
是處法上如是諸人在於覺觀復能
思量比度憶持非覺觀境无有是處
佛說經竟重說偈言

自證無相法 離言絕四事 無諍法通相

過諸覺觀境

解即經

卷之五 此

及

解節經過一異品第三

尔時淨慧菩薩白佛言世尊是言正說甚深希有如世尊說是真實理微細甚深難可通達謂過一異相世尊我於一時見一方地大菩薩衆修菩提行在願樂地於此方所聚集而坐為欲思量諸法實相與諸行法為一為異是時衆中有諸菩薩說如是言是真實相不異諸行復有菩薩說真實相與行不一復有菩薩起疑惑心不信一異說如是言此一異中何人說實何人說虛何者正行何者邪行為當執一為當執異世尊我見此事作是思惟諸善男子嬰兒愚癡無覺無了非如理行何以故是善男子未能通達微細甚深真實之法與諸行等過一異相善薩說已佛即告言如是淨慧如是法善男子嬰兒愚癡無覺無了非如理行如來通達微細甚深真實之法與諸行等過一異相何以故淨慧若執如此依諸行法修真實觀能達能證真如之理無有是處

何以故淨慧若真如與行相不異者一切凡夫應見真如復次一切衆生正在凡位應得無上如安涅槃復次一切衆生於凡位中亦應能得無上菩提若真如相異於行相一切聖人已見真如則應不能伏滅行相由不伏滅諸行相故雖見真諦不能解脫衆相繫縛若於衆相不得解脫亦不解脫麤重繫縛若不解脫二種繫縛則不能得無上如安無餘涅槃亦應不得無上菩提淨慧由諸凡夫不見真如在凡夫位不得無上如安涅槃亦不能得無上菩提以是義故真如之理與諸行一是義不然若有人說真如與行相不異者由此義故當知是人不如理行復次淨慧一切聖人由見真如已能伏滅諸法行相非不能故已能解脫一切相結及麤重惑非不解脫由二解脫已得無上如安涅槃乃至已得無上菩提是故真如與行相異是義不然若有人說真異行相以是義故當知此人不如理行復次淨慧若真如與行相不異者猶

如行相墮於惑相真相亦尔應墮惑
相復次淨慧若真如相異行相者真
如則非諸行通相淨慧以此真如不
墮惑相復為一切諸行通相由是義
故真如與行亦一亦異義皆不然若
有人說真如與行亦一亦異以是義
故當知是人不如理行復次淨慧若
真如與行相不異者如真實相於諸
行中通无老別行相亦尔應通無別
是故修觀行人於諸行中不應過此
見聞覺知修勝真觀復次若真如相
異行相者以是義故一切諸行但惟
無我及以無性應非真實復次一時
淨不淨品各各別相淨慧由諸行相
但別不通由觀行人於諸行中過見
聞覺知修勝真觀由諸行无我無性
所顯是真乃至淨不淨品亦非一時
各各別相以是義故真如與行亦一
亦異是義不然若有人說真如與行
亦一亦異當知是人不如理行淨慧譬
如傷佉白色不可安立與螺一異赤
色與金不一不異亦復如是譬如毗
拏音聲美妙不可安立與毗拏一與

毗拏異復如沉香香氣可愛不可安
立與沉一異亦如摩梨遮其味辛粹
不可安立與摩梨遮為一為異呵梨
勒澀亦復如是復如綿續其觸柔軟
不可安立與綿一異蘇與醍醐不一
不異亦復如是復如一切有流苦一
切行無常一切法無我如是苦等不
可安立與法一異亦如貪欲瞋恚愚
癡慢等无寂靜相不可安立與其一
異淨慧如是真如與一切行不可安
立為一為異淨慧如是真如微細甚
深難可通達我覺了已為他解說安
立正教開示顯現令義淺易佛說經
已重說偈言

真實與行法 無一異俱相 若執一異俱
說行不如理 修行奢摩他 及毗鉢舍那
是人能解脫 相惑展重結

解節經一味品第四

尔時佛告須菩提言須菩提汝見汝
知幾多衆生在衆生界有增上慢由
此慢心記自所得復次汝見汝知幾
多衆生在衆生界无增上慢不由慢
心記自所得須菩提言世尊我見我

知少有衆生在衆生界无增上慢不由慢心記自所得世尊我見我知無量無數不可稱說諸衆生等在衆生界有增上慢由此慢心記自所得世尊我又一時住阿練若遠寂林中有多比丘大衆聚集去我不遠住練若處我又一時日中後分見此大衆互相聚集隨其所證種種法相說已修行記自所得有諸比丘由證見陰記其所得或有比丘證見陰相或有比丘證見陰生或有比丘證陰變異或有比丘證見陰滅或有比丘證陰滅道如於陰中有六證相或有比丘證見諸入記自所得乃至入滅及入滅道或有比丘證見緣生記自所得乃至緣生滅緣生滅道或有比丘證見證食或有比丘證見四諦或有比丘證見諸界及界差別并種種界乃至界滅及界滅道或有比丘證見念處及念處相念處對治念對治道念處修習未生念處證見念生已生念處證見念住及不志失增長圓滿記自所得如證念處正勤如意足根力覺

分聖道聖道相聖道對治聖道對治
道聖道修習未生聖道證聖道生已
生聖道證聖道住及不忘失增長圓
滿記自所得世尊我見此已作是思
惟如諸長老隨所證見種種法相記
自所得此諸長老有增上慢由此慢
心記自所得是事決尔何以故如其
所說自證見法當知是人未能了別
一味真如遍一切處世尊如世尊言
一味真實遍一切處微細甚深難可
通達此言希有是無對說世尊若世
尊正教中勤修觀行諸比丘等一味
真實遍一切處尚難通達况諸外道
在正教外豈能證知一味真實佛言
如是須菩提如是微細寂微細甚深
寂甚深難見寂難見遍一切處一味
真實我覺了已為他解說安立正教
開示顯現令義淺易何以故須菩提
於五陰中清淨境界是我所說名為
真實須菩提於十二入十二緣生四
食四諦諸界念處正慧如意足根力
覺分八聖道中清淨境界是我所說
名為真實此清淨境界一切陰處三

等一味無老別相如於陰中乃至聖道分中清淨境界平等一味皆无老別須菩提以是義故應知一味真如遍一切處復次須菩提修行比丘若已通達一陰真如人法無我不勞更觀一一餘陰所有真如於十二入十二緣生四食四諦諸界念處正勤如意足根力覺分八聖道分若已通達一分真如人法無我不勞更觀餘聖道分所有真如離無分別後智无有別觀能順真如觀所餘法一味真實遍一切處但以無分別後智隨順前無分別智觀一切法一味真實憶持至得須菩提以是義故汝應當知真實之理遍一切處唯一味相復次須菩提猶如諸陰所有別相如十二入十二緣生四食四諦諸界念處正勤如意足根力覺分八聖道分所有別相若諸法真如人法無我不有別相則諸法如如人法無我不成真實應由因生若由因生則成有為若是有為則非真實若非真實更應於此求別真實須菩提由此真實不從因生非是有為非不真實於中不勞求別真

實何以故此法恒常若佛出世若不
出世法性法界法住皆悉常住須菩
提以是義故汝應當知一味真實等
一切處須菩提譬如衆色種種老別
更牙不同於諸色中虛空无相無有
老別無有變異於一切處同一味相
如是諸法各各別異汝應當知於諸
法中一味真如等無老別亦復如是
尔時世尊說是經已重說偈言
法通相一味 諸佛說平等 若於中執異
是人增上慢 逆生死流道 微細深難見
欲涂癡覆故 凡人不能得

尔時觀世音菩薩右膝著地合掌恭
敬而白佛言世尊我今從佛聞得如
是解節深法得未曾有頂戴奉持世
尊當何名此經云何受持佛告觀世
音菩薩此經名為了義正說亦名真
實境智正說亦名十地波羅蜜依止
正說汝等應當如是受持佛說是經
已八万菩薩皆得大乘威德三昧無量
無邊諸菩薩衆於無生法得无生法
忍無數衆生從於諸沅心得解脫無
數衆生於大乘法生信樂心

佛說解節經

癸卯歲高麗國大藏都監奉
勅彫造

相續解脫地波羅蜜了義經一卷

山

宋天竺三藏求那跋陀羅譯

如相續解脫經說觀世音菩薩白佛
言世尊菩薩有十地所謂歡喜地離
垢地明地焰地難勝地現前地遠行
地不動地善慧地法雲地佛地第十
一此諸地幾種清淨攝為有幾分佛
告觀世音菩薩有四種清淨十一分
攝此諸地觀世音怖望清淨攝初地
增上戒淨攝第二地增上心清淨攝
第三地增上慧淨增上上妙淨攝
第四地乃至佛地是四種淨攝彼諸
地云何十一分觀世音解行地菩薩
有十法行善修習菩薩解脫忍度此
地已菩薩超昇離生彼分滿足而未
能於微細犯戒行正知住此則分不
滿足為滿足故方便進求到已滿足
而未能具足世俗三昧正受及滿足
聞持陀羅尼此則分不滿足為滿足
故方便進求到已滿足而未能如所
得善提分法數數修習亦未能捨正
受法愛心此則分不滿足為滿足故

方便進求到已滿足而未能觀察真諦不能捨一向背生死向涅槃意行方便攝修菩提分法此則今不滿足為滿足故方便進求到已滿足而未能能現前觀諸行生多住歇離多住無相此則今不滿足為滿足故方便進求到已滿足而未能多住不斷无間無相思惟此則今不滿足為滿足故方便進求到已滿足而未能捨離無相有行及得相力此則分不滿足為滿足故滿足故方便進求到已滿足而未能究竟分別衆相分別諸名一切種說法得自在此則分不滿足為滿足故方便進求到已滿足而未能受得滿足法身此則分不滿足為滿足故方便進求到已滿足而未能得一切余焰無尋無障知見此則分不滿足為滿足故方便進求到已滿足而未能彼分滿足故一切分滿足觀世音是名四種清淨十一種分攝一切諸地觀世音白佛言世尊何故初地名歡喜地乃至佛地名為佛地佛告觀世音出昇大義得出世間心勝妙歡喜

故初地名歡喜地離一切細微犯戒
故第二地名離垢地彼三昧聞持依
無量智光明故第三地名明地以智
火焰燒諸煩惱修習菩提分法故第
四地名焰地彼方便修習諸菩提分
法艱難勤苦而得自在故第五地名
難勝地現前觀察諸行生及多相思
惟故第六地名現前地不斷無間無
相思惟遠入近清淨地故第七地名
遠行地無相無開發相煩惱不行不
動故第八地名不動地一切種說法
自在得無過廣大智故第九地名善
慧地如虛空等過惡以如大雲法身
周遍覆故第十地名法雲地細微煩
惱余焰障斷得無尋無障余焰一切
種覺故第十一地名佛地

觀世音白佛言世尊此諸地有幾種
愚幾種所治過佛告觀世音有二十
二種愚十一種所治過初地衆生及
法計著愚惡趣煩惱愚彼即所治過
第二地微細犯戒行愚種種業趣愚
彼即所治過第三地欲愛愚滿足聞
持愚彼即所治過第四地正受愛愚

及法愛愚彼即所治過第五地一向
生死向背思惟愚一向涅槃向背思
惟愚彼即所治過第六地現前觀察
諸行生愚多行相愚彼即所治過第
七地微細相行愚一向無相思惟方
便行愚彼即所治過第八地無相無
開發愚相自在愚彼即所治過第九
地無量說法無量法字句上上智慧
樂說揔持自在愚樂說自在愚彼即
所治過第十地大神通愚入微細秘
密愚彼即所治過佛地一切余焰微
細正受愚障導愚彼即所治過觀世
音是名二十二愚十一種所治過於
彼諸地建立不與無上菩提相應觀
世音白佛言奇哉世尊無上菩提大
利大果彼諸菩薩破大癡網度大罪
過得無上菩提

觀世音白佛言世尊於此諸地建立
幾種殊勝佛告觀世音有八事謂佈
望清淨心清淨悲清淨波羅密清淨
見佛供養清淨成熟衆生清淨生清
淨力清淨觀世音於初地中增怖望
清淨乃至力清淨乃至上上地乃至

佛地增飾望清淨乃至力清淨當知
彼是清淨彼佛地中唯除生清淨從
初地至上上地彼功德等當知自地
功德殊勝一切菩薩地是有上功德
唯如來地功德無上

觀世音白佛言世尊以何等故菩薩
於一切有生取勝佛告觀世音有四
種謂快淨善根等集故隨智慧取故
慈悲救一切衆生故自離染汙亦令
他離故

觀世音白佛言世尊菩薩何故發妙
願勝願名力願佛告觀世音有四事
彼菩薩巧住涅槃樂及堪能疾得捨
疾得及樂住無所因無所為久受衆
苦為衆生故發願是故妙願勝願名
力願

觀世音白佛言世尊菩薩學有幾事
佛告觀世音菩薩學有六事所謂六
波羅蜜檀波羅蜜乃至般若波羅蜜
觀世音白佛言世尊此六事幾增
上戒學幾增上心學幾增上慧學佛
告觀世音施戒忍此三事是增上戒
學禪是增上心學慧是增上慧學精

通通一切

觀世音白佛言世尊此六事幾是福德衆具幾是智慧衆具佛告觀世音增上戒學是福德衆具增上慧學是智慧衆具禪及精進通一切

觀世音白佛言世尊菩薩於此六學事云何學佛告觀世音有五種與波羅蜜相應謂說正法菩薩藏先極信解於彼行十法行聞思修慧隨護菩提心習近善知識方便修學无間善業觀世音白佛言世尊何故此諸學事六種施設佛告觀世音有二事一者攝取衆生二者對治煩惱彼三學攝取衆生三學對治煩惱菩薩布施衆具衆具饒益攝取衆生菩薩持戒不行惱害亦不恐迫無畏饒益攝取衆生菩薩忍辱於彼惱害逼迫恐怖堪忍饒益攝取衆生以此三學攝取衆生以勤精進折伏煩惱生斷煩惱修學善業修學善業不為一切煩惱所動以禪伏煩惱以慧斷諸使以此三學對治煩惱

觀世音白佛言世尊何故施設餘四

波羅蜜佛告觀世音此等是六波羅蜜伴故彼三波羅蜜攝取衆生菩薩攝事方便善業建立是故我說方便波羅蜜是三波羅蜜伴復次觀世音菩薩現法多行煩惱不能堪任常修習忍貪樂下界故怖望羸劣不能內一其心及菩薩藏聞緣修習不能開引出世間慧受行少福願未來世煩惱微薄是願波羅蜜煩惱薄已能勤精進是故我說願波羅蜜是精進波羅蜜伴親近善知識聽聞善法內正思惟轉劣怖望得力怖望殊勝上界能內一心是故我說力波羅蜜是禪波羅蜜伴於菩薩藏聞緣修禪是智波羅蜜堪能開引出世間慧是故我說智波羅蜜是般若波羅蜜伴觀世音菩薩白佛言世尊何故六波羅蜜作如是次第說佛告觀世音彼上上招引伴故菩薩棄捨身財受持淨戒護戒故忍忍已精進進已能禪禪具足已得出世間慧觀世音白佛言世尊彼諸波羅蜜有幾種分別佛告觀世音各有三種檀波羅蜜三種者謂

法施財施無畏施尸波羅蜜三種者
謂轉捨不善戒轉生善戒轉利衆生
戒羣提波羅蜜三種者謂不饒益忍
安苦忍觀法忍毗梨耶波羅蜜三種
者謂引捨精進善方便精進利衆生
精進禪波羅蜜三種者謂離妄想寂
靜煩惱苦對治樂住禪開引功德禪
開引利衆生禪般若波羅蜜三種者
謂世諦緣第一義諦緣利衆生緣
觀世音白佛言世尊何以故此諸波
羅蜜名波羅蜜佛告觀世音有五種
一者無尋二者無願三者無過四者
無妄想五者迴向無尋者謂於波羅
蜜相違事不染著無願者謂於波羅
蜜果報及現世利心不繫縛無過者
謂於諸波羅蜜離雜染汙無方便法
無妄想者謂於諸波羅蜜不如言說
計著自相迴向者謂此諸波羅蜜已
作已長養為求無上大菩提果
觀世音白佛言世尊何等為違波羅
蜜事佛告觀世音當知有六事一者
欲樂錢財自在增上主自見安樂功
德福利二者隨其所欲縱身口意三

者於他輕慢心不堪忍四者於諸善法不勤方便五者習近世間雜亂眾事見聞覺識六者世間戲論作福利見觀世音白佛言世尊此諸波羅蜜有何果報佛告觀世音彼亦有六種一者大財二者善趣三者無怨四者不壞五者多喜樂眾生增上主六者不害自身有大堪能

觀世音白佛言世尊此諸波羅蜜有何染汙法雜佛告觀世音當知有四種一者無悲方便二者不正思惟方便三者不常方便四者不頻方便不正思惟方便者於此諸波羅蜜餘波羅蜜雜亂修習

觀世音白佛言世尊云何非方便佛告觀世音於此諸波羅蜜已作長養攝取眾生少財饒益心則歡喜不令眾生覺悟不善安立善處是名非方便所以者何此非菩薩饒益眾生如不淨物若多若少無有方便能令其香如是諸行性苦眾生非少利饒益能令安樂第一攝取者安立善處觀世音白佛言世尊此諸波羅蜜有

幾種清淨佛告觀世音我不說此諸
波羅蜜離彼五種更有清淨然我今
日即於彼事摠別分別摠說者一切
波羅蜜清淨當知有七種何等為七
謂菩薩於此法不求人知於此法不
執著見於此菩提乘法不生疑惑若
是若非不自舉不下他不高不放逸不
以少劣生知足想不於此法起慳嫉
心今當別相說波羅蜜淨當知七種
何等為七謂菩薩於我所說七種淨
施受持修行施物清淨清淨施戒清
淨見清淨心清淨語清淨智清淨垢
清淨清淨施是七種名檀波羅蜜淨
謂菩薩善制一切種律儀戒善於出
罪戒彼恒戒堅固戒常作戒常轉戒受
學戒是七種名尸波羅蜜淨謂菩薩
自依業報於一切不饒益事心不瞋
恨若罵若瞋若打若諍諸不饒益恚
不反報於諸怨憎心不懷結若彼求
悔虛受無尋若他觸犯不望懺謝如
法哀受無畏無求常行饒益心不廢
捨是七種名羼提波羅蜜淨謂菩薩
善知平等精進不以精進自舉下人

於諸善法專著精進堪能堅固不捨
是七種名毗梨耶波羅蜜淨謂菩薩
善入無相三昧禪滿足三昧禪戒俱
三昧禪大三昧禪無依三昧禪善修
治三昧禪於善薩藏聞緣修習無量
三昧禪是七種名禪波羅蜜淨謂菩
薩建立及謗二俱捨離中道慧出即
以彼慧解脫門義如實了知空無相
無作三脫門自性義如實了知若妄
想若緣起若成此三種自性離自性
義如實了知若相若因緣若第一義
此三種離自性及世諦義如實了知
五明處第一義諦義如實了知多住
七種如不妄想離虛偽一度門起無
量下地法緣觀法次法向是七種名
般若波羅蜜淨

觀世音白佛言世尊彼五種各有何
業佛告觀世音當知有五業菩薩无
悶者現法波羅蜜常頻方便不放逸
無願者攝受未來不放逸因無過者
修滿淨波羅蜜无妄想者彼巧方便
疾滿足波羅蜜迴向者於一切生常
得善受果報無盡波羅蜜乃至阿耨

相續解脫經 第十一卷 此
多羅三藐三菩提

觀世音白佛言世尊此諸波羅蜜何者寂勝佛告觀世音謂无尋無願迴向何者不染汙謂無過無妄想何者熾燃謂不計數何者不動謂入不退法地何者快淨謂住十地求佛地觀世音白佛言世尊何故菩薩常得無盡波羅蜜受果報及无盡波羅蜜佛告觀世音展轉相依捨修習故觀世音白佛言世尊何故菩薩深樂波羅蜜受果報佛告觀世音菩薩有五事一者諸波羅蜜增上喜樂真實因二者攝取自他因三者來世受果報因四者離煩惱事五者不住惡趣觀世音白佛言世尊此諸波羅蜜各有何德力佛告觀世音當知各有四種一者菩薩修諸波羅蜜時捨離慳貪犯戒懈怠亂心諸見二者為無上菩提真實眾具三者於現法中攝取自他四者於未來世得廣大无盡受果報

觀世音白佛言世尊此諸波羅蜜何因何果何義佛告觀世音此諸波羅

蜜悲為因受報攝衆生為果滿足大菩提為大義

觀世音白佛言世尊若菩薩有元盡財及有悲心者何故世間有貧窮衆生佛告觀世音此是衆生自業過耳若異者他常為作彼則應有無盡之財世間何有貧窮衆生若然者衆生作惡不應為障觀世音譬如餓鬼為渴所逼唯見空塵非彼海過但彼餓鬼自業過耳如彼大海無有過咎菩薩無過亦復如是如彼餓鬼自業果報衆生業報亦復如是觀世音白佛言世尊一切諸法悉無自性菩薩以何等波羅蜜取佛告觀世音般若波羅蜜取無自性者何故不取自性佛告觀世音我不說無自性取無自性然無自性無字自知彼不能離字說而說以是故離自性取離自性

觀世音白佛言世尊所說波羅蜜上波羅蜜大波羅蜜何等為波羅蜜何等為上波羅蜜何等為大波羅蜜佛告觀世音菩薩於無量時修習檀等

善法成就而煩惱亦行而能降伏非
彼所勝謂解行地軟中解轉名波羅
蜜復無量時修如是等善法成就煩
惱亦行而能斷煩惱非彼所勝謂徒
初地起名上波羅蜜復無量時修如
是等善法成就一切煩惱一切不行
謂第八地起是名大波羅蜜

觀世音白佛言世尊此諸地幾種煩
惱使佛告觀世音有三種一者害伴
謂五地觀世音不俱生煩惱行俱生
煩惱行伴緣今時元是故名害伴二者

羸使謂六地七地細微行

行音

修抑止

不行三者細微使謂第八地彼上上
一切煩惱一切不行及余焰障依少故
觀世音白佛言世尊菩薩幾種過斷
名斷彼使佛告觀世音有三種初皮
過斷第二膚過斷第三骨過斷離一
切使者我說唯佛地

觀世音白佛言世尊菩薩幾阿僧祇
劫斷彼諸過佛告觀世音有三無量
或剎那羅婆摩睺路半時一時日

夜半月一月離梵

三劫月為一劫
一劫名離梵

觀世音白佛言世尊此諸地菩薩煩

惱起有何相何過何德佛告觀世音
不染汙相所以者何謂菩薩於初地
入一切法界彼知煩惱起非不知是
故名不染汙相不能令自身生苦故
無過為衆生界作離苦因故菩薩起
煩惱有無量功德觀世音白佛言奇
哉世尊乃至大義菩提令諸菩薩起
煩惱勝一切衆生聲聞緣覺善根功
德況餘功德

觀世音白佛言世尊世尊所說聲聞
乘及大乘即是一乘有何義佛告觀
世音我說聲聞乘法所謂五陰內六
入外六入如是等我說即是大乘一
法界一道是故我不說有種種乘而
彼如所說義而起妄想或建立或誹
謗說種種乘彼見相違各各諍論故
作是說今時世尊欲重宣此義而說
偈言

說種種自性 是皆同一道 下劣上妙乘
無有種種異 如說隨妄想 建立或誹謗
彼見義相違 愚惑種種解 地攝想所治
勝生及願學 此說大乘道 勤修速成佛
今時觀世音菩薩白佛言世尊相續

解脫經中此經何名云何奉持佛告
觀世音此經名地波羅蜜了義說如
是奉持說是地波羅蜜了義說時七
万五千菩薩得大乘光三昧

相續解脫如來所作隨順處了義經

如相續解脫經說文殊師利白佛言
世尊世尊所說如來法身如來法身
有何相佛告文殊師利地波羅蜜善
修習乘身轉集成文殊師利是如來
法身相當知復有不可思議相有二
因緣謂彼離虛偽無行衆生計著虛
偽行

文殊師利白佛言世尊聲聞緣覺身
轉亦是法身耶佛告文殊師利不名
法身文殊師利白佛言世尊名何等
身佛告文殊師利名解脫身

五分法身名
解脫梵音云

毗尼本又涅槃解
脫梵音云本又也

文殊師利解脫身者聲聞

緣覺諸如來等唯法身差別法身差
別者謂無量功德殊勝奇特不可為
譬文殊師利白佛言世尊如來因起
有何相佛告文殊師利化身相如世
界起一切種如來功德及清淨莊嚴
住相當知化身相起法身无起文殊

師利白佛言世尊以何等巧方便示
現化身佛告文殊師利一切三千大
千諸佛世界增上主家生福田家生
入胎出胎生長受五欲出家苦行往
詣道場菩提樹下降魔成佛轉法輪
已現般涅槃當知是示現化身巧方便
文殊師利白佛言世尊如來化身幾
種語為衆生說法諸未熟者調伏令
熟已熟者令於緣解脫

佛告文殊師利如來語者說修多羅
語毗尼語摩德勒伽語文殊師利白
佛言世尊云何修多羅云何毗尼云
何摩德勒伽

佛告文殊師利若我說諸法攝事分
齊名修多羅謂因四事九事二十九
事如是四十二事何等四事謂聞事
歸依事戒事菩薩事何等九事謂施
設衆生事受用事彼因起事起已住
事彼滅事彼種種事說事所說事徒
衆事何等二十九事謂從捺汙分行
攝事彼主漸次隨起事彼作如是人
想已未來生因事作法想已未來生
因事從清淨分緣中繫念事於彼決

定事心住事現法樂住事起一切苦
緣方便事彼斷知事彼亦三種謂顛
倒處斷知從衆生想外衆生邪向處
斷知內離增上慢處斷知修處事作
證事修事彼所作堅固事彼行事彼
緣事斷不斷觀察巧便事彼散乱事
彼不散乱事不散乱處事修習無狀
方便不捨所作事修福利事彼堅固
修事真實覺知事到涅槃事善說法
律世俗正見得一切內外正見頂事
彼修退事文殊師利彼善說法律不
修習退非見過

文殊師利若我為弟子聲聞菩薩說
波羅提木叉波羅提木叉相應學是
名毗尼事文殊師利白佛言菩薩有
幾種波羅提木叉佛告文殊師利有
七種一者說受威儀二者說波羅夷
處事三者說犯自性四者說不犯自
性五者說出犯六者說受律儀七者
說捨律儀文殊師利有十一種相宣
通分別廣說顯示是名摩德勒伽云
何十一種相一者等相二者第一義
相三者菩提分法攀緣相四者行相

五者果相六者神力顯示相七者自性相八者彼持相九者彼順法相十者彼患相十一者彼利相文殊師利等相者說人說妄想自性說諸法動作業事第一義相者說七種如緣相者說一切種念焰事行相者說八行觀察何等八行觀察一者諦二者立三者過四者德五者通六者生七者成八者略廣諦者如立者建立衆生等若建立妄想自性若建立一向分別詰問置答若建立隱覆顯現記說過者我於煩惱法無量因緣說過患德者我於清淨元量因緣說福利通者有六種一者真實義通二者得通三者說通四者離二邊通五者不可思議通六者意通生者謂三禪三有為相及四緣成者有四種一者以有成二者所作事成三者助成四者法成若因若緣諸行起及隨說是名以有成若因若緣諸法若得若成若已起者作所作是名所作事成若因若緣或宗或說或授或義而成之覺之彼復略說二種一者淨二者不淨淨

有五種相不淨有七種相何等為五
淨相一者彼現前得相二者彼依現
前得相二者自種比相四者成相五
者快淨語說相一切行無常一切行
苦一切法無我若世間現前得如是
等名現前得相一切行剎鄰故有他
世及淨不淨業不壞若依現見麤無
常故得若依現見種種衆生及種種
業故得若依現見苦樂衆生淨不淨
名彼依現前得相若復內外諸行一
切世間緣起沒生得如是比苦等得
如是比不自在得如是比外世間緣
起成敗得如是比如是等名自種比
相彼現前得相彼依現前得相自種
比相作一向成相已當知是相若廣
演說一切智所說謂涅槃寂靜如是
等名快淨語說相文殊師利是故此
五相成清淨觀以清淨故應當修習
文殊師利白佛言世尊一切智相有
幾種佛告文殊師利有五種一者若
一切智名聞出于世間二者成就三
十二大人相三者十力決斷一切衆

生疑網四者四無畏說法一切外論
不能難問不能屈伏五者若彼法律
知有八聖道四沙門果當知此五行
是一切智相若此助成如是現前量
比量信言量是名五種快淨相云何
七種相一者彼異相似得相二者彼
異不相似得相三者一切相似得相
四者一切不相似得相五者異生比
相六者不成相七者不淨語說相若
彼一切法意識識是名一切相似得
相若復形自性業法因果異相名各
各異相決定各各異相是名一切不
相似得相文殊師利彼有比異一切
相似得相有一切不相似相以彼不
一向成故是名不成相又復彼有比
異不相似得相有一切相似相以彼
不一向成故是名不成相不成故不
成清淨觀不淨故不應習近不淨語
說相者當知是性不清淨若如來出
世若不出世如是法住住法界是名
法成彼略廣者捻說一句法漸增廣
句分別解說乃至究竟若有行有攀
緣決定菩提分法我說念處等是名

自性相世間出世間道共斷諸煩惱
招引世間出世間功德果是名彼得
果相若彼解脫智知廣為衆生演說
顯示是名神力顯示相如是修菩提
分法彼違道處染汙是名障法相彼
多利益是名順法相若障過是名過
患相若隨順功德是名利相

尔時文殊師利白佛言世尊唯願更
為諸菩薩衆說修多羅毗尼摩德勒
伽略受持義不與一切諸外道共令
諸菩薩於如來所說甚深之法次第
隨順入佛告文殊師利汝今諦聽我
當為說略受持義令諸菩薩善入如
來不了義說文殊師利若染汙法若
清淨法我說一切法無作無人一切
無所取非染汙法先染汙後清淨非
清淨法後清淨先染汙彼愚癡凡夫
於罪過身若法若人計著先自性妄
見因緣言此是我此是我所見聞嗅
嘗及觸識相妄作淨穢而起邪行若
有如實知者捨離過身一切煩惱所不
能染得畢竟快淨離諸虛偽得無為
身永離諸行文殊師利當知此是略說

受持義。爾時世尊欲重宣此義而說偈言。

染汙清淨法。無作亦無人。我說无所取。
淨穢無先後。愚於過患身。計我及我所。
緣彼起見著。我食我所作。此是我煩惱。
此是我清淨。如是如實知。永捨過惡身。
煩惱不染著。畢竟快清淨。永離諸虛偽。
无為常住身。

爾時文殊師利白佛言。世尊。如來心起有何相。佛告文殊師利。如來無心意識起。然如來無行心起。當知如化。若諸如來法身離一切行者。云何無行。中間心起。文殊師利。本所修智慧起。故辟如非無心。眠作覺行。然有覺本。作行力故。辟如非入滅。受想定作覺行。然有起。本。作行力故。如眠及滅。受想定心起。如來心起亦復如是。本修習慧所起。故文殊師利。白佛言。世尊。如來身為有心為無心耶。佛告文殊師利。无心。心不自在。大自在。故文殊師利。復白佛言。世尊。如來行處。如來境界有何差別。

佛告文殊師利。如來行處者。乃至一

切如來共謂不思議無量功德嚴淨
佛國文殊師利如來境界有五種一
切種衆生界世界法界調伏界調伏
方便界是則老別文殊師利白佛言
世尊如來成正覺及轉法輪乃至大
般涅槃此有何相佛告文殊師利无
有二相不成正覺非不成正覺非轉
法輪非不轉法輪不大般涅槃非不
大般涅槃法身究竟清淨故示現化
身故文殊師利白佛言世尊化身者
衆生見聞供養何故生功德佛告文
殊師利緣淨心攀緣如來故化身是
如來化故般涅槃行故

文殊師利白佛言世尊同有无行何
故如來法身為衆生出大智光明及
出無量化像非聲聞緣覺解脫身耶
佛告文殊師利譬如日月水火頗梨
珠寶彼同無行而出光明普照衆生
善法頗梨衆生大威德故衆生增上
業故是淨頗梨現衆色像如是攀緣
無量法界修方便慧得善治如來法
身故出智光明及化色像非純解脫身
文殊師利白佛言世尊所說如來神

力令欲界人自身具足謂剎利婆羅門大姓家欲界天一切自身具足色界天一切自身具足無色界天一切自身具足有何義佛告文殊師利如來神力建立若道若迹令一切處得一切自身具足謂於彼道彼迹隨所說行彼一切處得一切自身具足若違背道迹譏訶毀訾復於我所起恚害心若命終時彼一切處得一切下劣身以是故文殊師利當知非但由如來神力建立得自身具足亦有由於如來所起恚害心得下劣身文殊師利白佛言世尊不淨佛國何者難得易得耶清淨佛國何者難得易得耶佛告文殊師利不淨佛國八事易得二事難得所謂外道貧窮衆生生下姓家具足不具足壞行諸惡行犯戒惡趣下劣怖望方便行菩薩是名八事易得勝怖望方便行菩薩及如來出世是名二事難得文殊師利清淨佛國與上相違八事難得二事易得

今時文殊師利白佛言世尊相續解

脫經中此經何名云何奉持佛告文殊師利此經名如來所作隨順處了義說如是奉持說是如來所作隨順處了義說經時七万五千菩薩得分別滿足法身三昧

如來所作隨順處了義說經

癸卯歲高麗國大藏都監
勅彫造

緣生經并論序

卷上

此

原是一心積為三界癡流湯遠苦樹
鬱高欲討其際難測其本理極實相
之門筌窮假名之域五因七果十有
二分緣生之法惣脩於此凡則迷而
起妄聖則悟以通真下似兔浮上如
為渡大哉妙覺淵乎洞盡十地與雙
林俱暢聞城共稻芋咸敷至若此經
獨包彼例彼所未說此乃具演攀緣
為首對治為末惣則一十一門別則
百二十問其旨微而密其詞約而隱
經之綱目攝在茲焉并有聖者鬱楞
迦附此經旨作論顯發其論也遍取
三乘之意不執一部之筌先立偈章
後興論釋偈有三十故亦名三十論也
大業二年十月南賢豆國舊名天竺
者訛也三藏
法師達磨笈多與故翻經法師彦琮
在東都上林園依林邑所獲賢豆梵
本譯為隋言三年九月其功乃竟經
二卷論一卷三藏師字論開明義解
沉密琮法師博通經論兼善梵文共
對葉本更相扣擊一言靡遺三覆逾

審諦頗簡質意存允正比之昔人老
無尤失真曰法燈足稱智藏願窮後
際常益世間云尔

緣生初勝分法本經卷上

隋天竺三藏達磨笈多譯

如是我聞一時婆伽婆在舍囉婆耆
帝城勝林給孤獨園尔時衆多比丘
集坐任堂作是議論言諸命者等世
尊曾以無量諸門說十二分緣生於
彼寂初演說無明以為緣體有何因
緣一切煩惱諸行緣中惟說无明以
為緣體於此無明見何勝異是諸比
丘集坐任堂議論未竟世尊晝日遊
於定行以天耳清淨過人聞其議論
於日後分從定行起詣彼任堂到已
在比丘衆前於常所設座上坐坐訖
世尊告諸比丘言比丘何故集坐任
堂議論未竟有何議論於此集坐諸
比丘言大德此衆多比丘集坐在堂
作是議論言諸命者等世尊曾以無
量諸門說十二分緣生於彼寂初演
說無明以為緣體有何因緣一切煩
惱諸行緣中惟說無明以為緣體於

此無明見何勝異大德我等衆多比丘集坐住堂議論未竟有如是議於法門名緣生初勝分善聽善思當為汝說何者緣生初勝分法門諸比丘有十一種勝異中勝異故安立無明為緣生初緣何者十一所謂攀緣勝異種相勝異由緒勝異等起勝異轉生勝異顛倒勝異相勝異業勝異障尋勝異順縛勝異對治勝異

尔時有異比丘即從坐起整衣一跏向世尊所合掌曲躬白言大德何者無明攀緣勝異佛言比丘因果俱過惡一切染分因果俱功德一切淨分並為無明之所攀緣比丘此是無明攀緣勝異

比丘白佛大德何者無明種類勝異佛言比丘覆於真實顯不真實比丘此是無明種類勝異

比丘白佛大德何者無明由緒勝異佛言比丘於一切煩惱染業染生染而作由緒根本住處故

比丘白佛大德何者一切煩惱染佛

言比丘略說三種煩惱一切煩惱染
所謂無慧煩惱疑慧煩惱邪慧煩惱
比丘白佛大德何者一切業染佛言
比丘略說自相三種差別謂身口及障
導對治相三種差別障導者非福也對治者福及不動也 惣

攝業染

比丘白佛大德何者一切種生染佛
言比丘略說三受依止所謂苦受樂
受不苦不樂受三種苦故所謂苦苦
壞苦行苦惣攝生染

比丘白佛大德云何此一切種煩惱
染業染生染皆以無明而作由緒根
本住處佛言比丘於實諦中二種愚
故未生煩惱染而令其生若已生者
漸大增多未生業染而令其生若已
生者復隨積集未生生染而令其生
若已生者不可移轉是故說言一切
種煩惱染業染生染皆以無明而作
由緒根本住處比丘此是無明由緒
勝異

比丘白佛大德何者無明等起勝異
佛言比丘此無明於來世苦諦所攝
更生之身愚惑不了於現在苦諦所

攝已得之身亦愚惑不了由此愚惑故攝聚緣生及轉出緣生和合攝聚和合轉出此二種緣生及來世現在二身愚惑皆以無明為等起之緣比丘白佛大德何者攝聚緣生和合攝聚佛言比丘初無明緣行行緣識如是名色六入觸緣受是名攝聚緣生和合攝聚

比丘白佛大德何者轉出緣生和合轉出佛言比丘第二無明緣中受緣受愛緣取如有緣生乃至生緣老死是名轉出緣生和合轉出

比丘白佛大德云何初無明於彼攝聚緣生和合攝聚而作起緣佛言比丘此一於更生身愚惑不了求於更生以此愚惑求更生故於更生中見其好事然於現在愛不愛境由執著分別故作非福行所謂於眾具生貪於損惱生瞋相應故則於好惡不持思量便作放逸迷惑之行他世惡事思念而不覺知是故彼非福行無明作緣若復於更生中或見好事或見出道乃作福行及不動行或因說法

覺知或自修習靜念彼覺念中雖有善心而非正思彼以此故則為更生迷惑之所牽引所謂於更生中見其好事不怯弱故見其出道不怯弱故彼福非福不動行惡對對治相等六識身中共生共滅則於現在報識生滅之中安置彼等諸行熏習後新出生所有種子攝取相應故所有種子既皆攝取後若出生則有次第謂攝名色六入觸等漸當出生彼名色等於此現在報識之中且生因相未是果相是故說名攝聚緣生比丘此是第一元明於攝聚緣生和合攝聚而作起緣比丘白佛大德云何後無明於彼轉出緣生和合轉出而作起緣佛言比丘此一於現在身所起迷惑以六入觸作緣生受即得其味以得味故當來還求此類之受有所求時便起於取於樂受中渴愛作緣則生欲取言欲取者分別欲故彼為先首方有欲界煩惱若復新受為緣則生無有渴愛共厭離行此與厭離相應未為道理彼依渴愛以非方便求

無有時則有出離邪見決定邪見及

彼二依止邪見

依亦有二
合為四種

由彼令此渴愛

緣取若復彼取為依未得離欲如是
死時然此四見及欲界煩惱以欲渴
愛作緣生取若復離欲離色彼色界
渴愛無色界渴愛生得常有若色界
無色界中煩惱生時色界无色界便
起於取彼色無色界煩惱及此諸見
或以色界渴愛作緣生取或以無色
界渴愛作緣生取如是渴愛緣取故
已得諸行熏習報識共取而生彼取
攝已先所集行所有所有渴愛未滅
彼處彼處則當現前為令自身轉出
故以是因緣有於出生故說彼行為
有彼取力故行既為有於此死已先
所攝聚當出生者作緣轉出是故說
名有緣生於轉出中出生時相壞異
於昔復至彼邊則有死退壽命終盡
是故說名生緣老死比丘此是第二
無明於轉出緣生和合轉出而作起緣
比丘白佛大德何故轉出緣生中渴
取二種而不說為諸行緣也佛言比
丘渴取自界分齊斷故如欲渴及取

不應作色界无色界不動行緣非境界
故如欲渴於不動行中如是色渴於
無色界中無色渴於欲界色界中色
渴於欲界中亦尔

比丘白佛大德何故欲渴及取不與
福非福行為緣佛言比丘於此現前
所有境界愛與不愛而為增上以有
欲渴起不善根作非福行由於共因
果非福行中不知其惡故所謂心惡
及所作惡以不知故起非福行而彼
心及所作惡等惟以無明為緣非渴
為緣與不善根不共境界故若以欲
渴作於福行依信乃作謂信死必生
生必籍緣以信攝故所有渴取我但
施設為障覆無記若法障覆无記則
不能起行由於共因果福行中不知
出離故求可愛生便作福行是故雖
云福行亦以无明為緣
比丘白佛大德何故色界渴取不與
色界不動行為緣佛言比丘未離欲
者色渴未生未得住處彼未有時未
得住處故不能為色界不動行緣令
其得起如色界渴於色界不動行中如

是無色界渴於無色界不動行中亦
尔由於色界身無色界身有過惡中
見其好事想而思惟或因說法或因
教授法故有此不正思惟與彼行為
緣然此不正思惟為無明所引不正
思惟果共無明和合與不動行為緣
故是故彼不動行亦以無明為緣應
知比丘又一無有渴為依故作諸福
行及不動行由无有渴故則見諸有
過惡何肯更求當有然復於无有中
不如實知以不如實知又未得對治
道故迷非對治為對治想便作福行
及不動行比丘以此因緣應知惟以
無明緣行非渴取為緣

比丘白佛大德若行於六識身中和
合共生者何故說言行緣於識佛言
比丘此六識身中福非福不動等行
和合共生共滅即於果報識中安置
諸行熏習於後新異出生報識作引
方便是故說言行緣於識

比丘白佛大德名色六入觸受諸分
於識中同時攝聚種子何故說時隨
次第說佛言比丘未來次第生轉故

比丘白佛大德何故說名色六入觸受等為禪磨義翻為生謂一報未死已前惣名非初受生佛言比丘共因受用依止及共因受用故

比丘白佛大德若惟名生无色當有何過佛言比丘若名不住色中者禪磨續轉則不相應

比丘白佛大德若惟色生无名當有何過佛言比丘色若不與名合不被攝持則當壞失不得增長

比丘白佛大德若惟識緣六入當有何過佛言比丘於其始時未滿六入惟有身根及以意根其所轉生未可得有此兩根體其惟名色在於初時以為次第與彼六入滿足為緣是故說言名色緣六入

比丘白佛大德若惟六入滿足則是禪磨究竟何故復說觸及受也佛言比丘此六入禪磨究竟者是受用依止究竟而未受用必受用究竟者乃是共因領受是故受用依止究竟及受用究竟得名禪磨究竟應知

比丘白佛大德此以無明緣渴亦說

受緣若惟無明緣渴不以受緣當有
何過佛言比丘三種渴三種有一時
轉生故然以受緣渴故相待為力則
不轉生是故不惟无明緣渴比丘白
佛大德若惟受緣於渴當有何過佛
言比丘一切諸渴皆以受為緣然後
有受非是渴緣乃與諸渴而作滅緣
是故不惟受緣於渴

比丘白佛大德若惟渴緣於有不以
取緣當有何過佛言比丘渴名為求
於彼惡趣必無求者然作非福之行
雖求善趣恒與相連果轉生時非渴
為緣自以取緣令其轉生比丘所云
無有渴者名无有求此無有求雖是
相違然作福不動行果亦轉生比丘
以此因緣不惟渴緣於有

比丘白佛大德若取緣有有緣生者
何故不說彼取及有以為集諦佛言
比丘以渴能作四種業故一者於自
身境界受中作貪美縛業二者於
渴取中作等起業三者於行有中作
牽引業四者於死已後作相續縛業
是故惟說渴為集諦

比丘白佛大德有生有老有死何故
名色六入觸受等禪磨之相乃皆顯
為老死之名佛言比丘彼所有出生
相者以三苦順縛示現故

比丘白佛大德生以何苦示現佛言
比丘行苦示現

比丘白佛大德老以何苦示現佛言
比丘壞苦示現

比丘白佛大德死以何苦示現佛言
比丘苦苦示現

比丘白佛大德所有四種出生之相
與生老死有何老別佛言比丘彼四
種出生之相隨次第生若生隨相似
生彼出生中生相如是應知

比丘白佛大德出生之相次第而生
當何所似佛言比丘彼初下種即當
有生彼次第增長生彼次第出胎生
彼次第增長生彼增長已能得受用
世俗生此次第生復誰所生眾界入
生而無有我何以故五眾等增長遷
流以無常故及命根力限量時住亦
為无常所生故比丘彼四種出生之
相時分破壞即作五種衰惡說名為老

比丘白佛大德何者是五種衰惡佛
言比丘一者疑衰惡疑壞離色故二
者依衰惡依體身也肉處色力衰惡故三者
業衰惡語時上氣喘息故住時曲如
牛脊曲故坐時向前重身故行時按
杖故意智繫縛及念弱少故四者受
用衰惡於現在眾具中受用下劣故
於諸遊戲所可意中皆不受用故於
色根自境界中不速疾行及不行故
五者命根衰惡壽盡死近及少緣死
不堪忍故比丘於彼四種出生相中
亦有六種死老別應知一者盡竟死
二者不盡竟死三者自相死四者不
盡竟死分五者盡竟死分六者非時
時死比丘於中自相死者識於身中
移出別分及色根滅沒如是應知比
丘名色等出生之相與生老死有此
差別

比丘白佛大德二種渴愛皆說緣生
與生作因何故惟說欲界生佛言比
丘以欲界生麤故不可讚歎亦不可
教知以迴還非解脫法體故

比丘白佛大德若此攝聚緣生及以

轉出說十二分於中幾是能攝聚分
幾是所攝聚分幾是能轉出分幾是
所轉出分佛言比丘無明與行及一
分識是能攝聚分彼一分識及名色
六入觸受是所攝聚分比丘彼一分
受及渴愛取有是能轉出分生老死
是所轉出分及彼一分名色六入觸
受亦是所轉出分應知

比丘白佛大德此能攝聚分及此能
轉出分為一時生可見為當次第佛
言比丘一時生次第說

比丘白佛大德能攝聚分能轉出分
既一時生何故初說能攝聚分後說
能轉出分佛言比丘由所攝聚有更
轉出是故無不由所攝聚

比丘白佛大德无明緣不正思何故
說與無明作緣佛言比丘以其無明
由不正思牽已與行作緣從无明生
觸受及與渴愛作緣

比丘白佛大德幾相略說緣生可知

佛言比丘略說三相緣生可知一者

不動緣生相

涅槃經云為不動而是
空義以空故无所動作

二者無

常緣生相三者堪能緣生相

比丘白佛大德有四種緣世尊所說

謂因緣无間緣

舊名六第緣

攀緣增上緣

亦名生緣

大德於中以何等緣无明與行作緣乃至以何等緣生與老死作緣佛言比丘諸行轉生同相故我說四種緣於此義中惟增上緣我意說为无明緣行乃至生緣老死彼增上緣復有不相著及相著

比丘白佛大德何者是不相著增上緣何者是相著增上緣佛言比丘未生不正思中無明順眠與諸行不相著而作緣若生已即相著比丘其不正思與行和合於六識身和合共生而未滅與識不相著而作緣若生滅已即相著比丘所有未到死時之識與名色不相著而作緣

識與名色相著作緣梵本亦无

此如識於名色如是攝聚名色於轉出

名色亦如是如名色於名色如是六入於六入觸於觸受於受亦如是如无明於行如是無明於渴愛渴愛於取取於有亦如是如識於名色名色等於名色等如是有於生亦如是又比丘生中胎藏童子少年時與老死

不相著而作緣若到根熟壽盡時中
相著作緣應知

比丘白佛大德若世尊曾於共因共
緣共由法門之中因渴愛故說業於
中是何密意佛言比丘有之所攝業
者因渴愛故說此是密意

比丘白佛大德因以何義可見緣以
何義可見由以何義可見佛言比丘
安置後生處種子故因義可見決定
住持彼生轉出故緣義可見死已出
向生處與生故由義可見

比丘白佛大德緣生者是何句義佛
言比丘各自有緣同聚相續故此諸
分生

緣生初勝分法本經卷上

癸卯歲高麗國大藏都監奉
勅彫造

緣生初勝分法本經卷下

此

隋天竺三藏達磨笈多譯

比丘白佛大德惟此出生相續緣生為更別有緣生佛言比丘我說八門緣生一謂受用世俗者如眼緣色生眼識三和有觸觸緣受如是等二謂說助持者緣生如四食作緣根大得住當有增益三謂說助持因者緣生如諸穀中種子田水緣故便有牙等四謂說出生續繫者緣生如能攝聚分及能轉出分於出生攝聚及所轉出五謂說於出生所續繫緣生如世界若因若緣轉成轉壞可知六謂說出生入者緣生如不善及善有漏業故三惡趣及天人趣等差別可知七謂說清淨者緣生如以他音及自正思為因正見生故無明滅无明滅故行滅如是乃至生滅故老死滅比丘白佛大德如次第无明緣等行等生亦還次第如是滅不佛言比丘不也

比丘白佛大德彼何故次第說滅佛

言比丘前分无生能故後分則無生
法示現比丘無有不生之相即有滅
轉八謂說自在者緣生如比丘善治
思惟修定修作緣若欲如是隨所信
解即如有是彼无別異比丘此是我
說八門緣生

比丘白佛大德若世尊曾說因業故
受生因渴愛故轉出有何密意作如
是說佛言比丘以无明緣故種種福
非福不動行往昔有中已作已集種
種身受生種子聚而攝之於中渴愛
猶未除滅以渴愛故還於有中彼身
轉出彼行有能非无渴愛是故說名
因業故受生因渴愛故轉出

比丘白佛大德若因渴愛故轉出彼
何故取緣有非渴愛緣佛言比丘此
有渴愛如其無取不能緣非福行於
惡趣中出生及无有渴愛如其無取
不能緣福不動行於非定地身及定
地身二種善趣中出生是故非惟渴
愛緣有取亦緣有

比丘白佛大德若世尊曾於大由法
門中說云阿難陀彼諸衆生於中衆

生種類或无有生然亦有生若其一切諸種皆無生緣老死亦是可知世尊有何密意作如是說佛言比丘密意所說攝聚之生及轉出之生於老死增上緣不相著及相著此是密意比丘白佛大德世尊已說緣生句義未說緣生義彼云何可見佛言比丘略說有十一種緣生義可見所謂無作者義是緣生義共因者義无衆生義他生義不動義无常義念念空義因果相續不斷義種種因果義相似因果義決定因果義是緣生義如是可見

比丘白佛大德若世尊曾說甚深即此緣生是也然此緣生甚深云何可見佛言比丘如是以十一種義故五種甚深可見所謂因其深相甚深生甚深轉住甚深發轉甚深比丘復有五種緣生甚深可見所謂相甚深攝種甚深因其甚深果甚深轉出因果差別對治甚深比丘復有五種緣生甚深可見所謂攝甚深順甚深逆甚深收住深境界甚深比丘此是无明等

起殊勝

比丘白佛大德何者是无明轉住殊勝佛言比丘略說無明有四種轉住所謂順眠轉住舊名伏起處轉住舊名縛心名上心相應轉住獨不共轉住

比丘白佛大德誰所轉住无明作緣佛言比丘此外凡夫以不正思牽引四種无明與福非福不動行作緣比丘此外凡夫若與福不動相應善業之心猶是不正思之津氣比丘此内法放逸凡夫且置不共无明彼餘無明放逸牽引與行作緣比丘此内法不放逸凡夫學者及聖學者妄念牽引三種無明與非福作緣然彼非福不能作惡趣有是故彼非福不是無明緣行我曾說不共无明此内法不放逸凡夫學者未斷而聖學者已斷彼不放逸凡夫若發生福不動行於正法中發生正思相應心時解脫因及解脫向皆亦發生彼增上故二善趣生則當轉出而未斷四種无明增上故比丘然聖學者由斷不共無明不作新業所有故業由順眠力若未

除斷彼頻觸已亦可盡邊如是彼元明緣行生生漸減不復增長以此因緣故應知此內法學者不作無明緣行比丘為此外凡夫故發起我說隨順滿足染汙緣生非為此內法者也比丘此是無明轉住殊勝

比丘白佛大德何者是无明顛倒殊勝佛言比丘此四種無明於諦中無而增有及有而謗無二種顛倒

比丘白佛大德云何无而增有及有而謗無二種顛倒佛言比丘以四種因緣故所謂非法見法法見非法天趣及解脫中非方便見方便是為無而增有顛倒以邪見故皆謗言无是為有而謗無顛倒比丘此是无明顛倒殊勝

比丘白佛大德何者是无明相貌殊勝佛言比丘彼有二種可見一者微細自相老別二者愛不愛及俱二顛倒境界同相老別比丘如是所有起處无明微細難知及難見故何況復順眠者所有相應無明微細難知及難見故何況復不共者諸愛不愛及

俱二顛倒境界之中覆真實相及見顛倒相同等轉行其餘煩惱則不如此若餘身見等同相煩惱亦復以彼無明而作依止乃得轉生比丘此是無明相貌殊勝

比丘白佛大德何者是无明作業殊勝佛言比丘略說無明有二種業應知一者一切諸種發轉與作依止業者無明二者一切諸種背轉與作障導業者无明

比丘白佛大德何者是一切諸種發轉佛言比丘若處轉生若轉生如轉生是為一切諸種發轉比丘白佛大德何處轉生佛言比丘流轉道中以自我分別故

比丘白佛大德何法轉生佛言比丘內外諸入以自我攝取故

比丘白佛大德云何轉生佛言比丘業之與報相續發轉以自我分別及邪分別故

比丘白佛大德何者是一切諸種背轉佛言比丘略說四種背轉所謂一者背轉依止二者背轉攀緣三者背

轉思念四者皆轉果成比丘此是無明作業殊勝比丘白佛大德何者是无明惡對殊勝佛言比丘勝法惡對無明及廣法惡對無明此二應見比丘白佛大德云何勝法惡對无明佛言比丘其五根中以此攝取以此和合所謂慧根彼之惡對则是无明是故說名勝法惡對

比丘白佛大德云何廣法惡對無明佛言比丘所有聞體智思體智修體智彼之惡對则是无明是故說名廣法惡對

比丘白佛大德若言無智是无明者彼豈無有是无明耶佛言比丘不尔比丘白佛大德若智无有是无明者當有何過佛言比丘若尔無明之相不可安立何以故比丘聞體智無有思體智思體智无有修體智世間修體智無有出世修體智出世學智無有無學智无學聲聞智无有如來智彼如是者彼亦是有智彼亦是无智如是有无明故得立其相又比丘三善根中我說無癡彼中癡无而有無

癡非以癡无是其無癡今亦非以明
无是其無明又心數法不知真實故
名無明亦如心數法知真實故名智
又比丘若當无有是無明者此中諸
十一種無明殊勝此則無有是故非
明無有是其無明比丘此是無明惡
對殊勝

比丘白佛大德何者是无明順縛殊
勝佛言比丘乃至有頂趣等三界衆
生於此諸中若未有智彼无空歟順
眠恒縛亦以彼故謂彼衆生為具足
縛若復善趣惡趣因果分中亦未有
智彼微細者無色界衆生次中者色
界增上者欲界然彼微細次中增上
當來有生法尔順縛又比丘若阿羅
漢盡諸漏者應知之障彼亦是无明
順縛如此無明遠行順縛亦應可見
比丘此是无明順縛殊勝
比丘白佛大德何者是无明對治殊
勝佛言比丘有二種智以為無明對
治一者曰他音聲或有不因是少分
法界智二者因他音聲而非少分是
無量法界智

比丘白佛大德所有少分法界智何攀緣何種相何作業云何可見佛言比丘其少分法界智四念攀緣十六種相與無明共而於煩惱業生諸染作速離業應如是見

比丘白佛大德生苦云何可見佛言比丘內因苦依止故外因苦依止故及彼二苦依止故

比丘白佛大德何者是內因苦佛言比丘病苦老苦死苦

比丘白佛大德何者是外因苦佛言比丘不愛和合苦愛別離苦若欲求時不得苦

比丘白佛大德何者是彼二依止苦佛言比丘略說五受衆

比丘白佛大德何者是渴愛佛言比丘若於現在身中而有貪愛

比丘白佛大德何者是更有渴愛佛言比丘若於未來身中而有願求

比丘白佛大德何者是喜欲共行渴愛佛言比丘若於已得攝取受用現在境界之中而有味著

比丘白佛大德何者是屢屢喜欲渴

愛佛言比丘若於未得境界之中種種追求

比丘白佛大德此之渴愛何者是无餘斷佛言比丘見道應斷煩惱斷故下分上分結斷故未來苦果者渴愛斷故現在苦果者渴愛斷故斷

比丘白佛大德何者是捨佛言比丘若見道應斷煩惱斷故斷

比丘白佛大德何者是究竟邊佛言比丘若修道應斷煩惱斷故斷

比丘白佛大德何者是盡佛言比丘若下分結斷故斷

比丘白佛大德何者是離佛言比丘若上分結斷故斷

比丘白佛大德何者是滅佛言比丘若畢竟斷故斷

比丘白佛大德何者是寂佛言比丘若未來苦果者渴愛斷故斷

比丘白佛大德何者是沒佛言比丘若現在苦果者渴愛斷故斷

比丘白佛大德何者是正見佛言比丘若證見時前行智若證見時智若證見時後得智超越所知方便教行故

比丘白佛大德何者是正分別佛言
比丘於三寶中若正知已依正信故
於彼功德順念分別超越異論等教故
比丘白佛大德何者是正語佛言比
丘若聖所愛戒無漏所攝无漏思惟
共轉者遠離四種口業超越惡趣故
比丘白佛大德何者是正命佛言比
丘若聖所愛戒無漏所攝无漏思惟
共轉者遠離邪命所起身口業超越
惡趣故

比丘白佛大德何者是正發佛言比
丘若於上解脫中依止樂欲發起精
進遠離惡對滿足對治故
比丘白佛大德何者是正念佛言比
丘若於止觀合相應時三種之相作
依止已時時於此三種相中以不放
逸共入正住於緣境中心數不忘於
修道中超越不相應故
比丘白佛大德何者是正定佛言比
丘若其此等七種定具修治作已一

心專向乃至此等七種與老別行作
依止故與殊勝功德出生作依止故
比丘白佛大德若如是念處等諸覺
助法皆攝為道何故惟說聖八分道
以為道相佛言比丘以聖八分道故
彼餘所有諸覺助法皆此攝故

比丘白佛大德若此苦中有四種相
於中何者是无常相佛言比丘苦中
若見生滅之法此是其相

比丘白佛大德何者是苦相佛言比
丘仍彼生滅之法作依止已若見三
苦順縛此是其相

比丘白佛大德何者是空相佛言比
丘苦中若見離於我物此是其相

比丘白佛大德何者是无我相佛言
比丘苦中若見我自離相此是其相

比丘白佛大德若此四種以為集相
於中何者是因相佛言比丘於渴愛

中若見種苦種子因體此是其相

比丘白佛大德何者是集相佛言比

丘於渴愛中若見相續生因體此是

其相

比丘白佛大德何者是生相佛言比

丘於渴愛中若見五趣老別生曰體此是其相

比丘白佛大德何者是緣相佛言比丘於渴愛中若見彼餘別緣執持因體此是其相

比丘白佛大德若此滅諦有四種相於中何者是滅相佛言比丘於解脫中若見滅煩惱此是其相

比丘白佛大德何者是止相佛言比丘於解脫中若見止苦此是其相

比丘白佛大德何者是妙相佛言比丘於解脫中若見无罪淨樂此是其相

比丘白佛大德何者是出相佛言比丘於解脫中若見出无常此是其相

比丘白佛大德若此四種以為道相於中何者是道相佛言比丘於此道

中若見所知相應及無顛倒此是其相

比丘白佛大德何者是如相佛言比

丘於此道中若見出世无漏此是其相

比丘白佛大德何者是跡相佛言比

丘於聖道中若見行於順行此是

其相

比丘白佛大德何者是乘相佛言比

丘於此道中若見无上此是其相

比丘白佛大德何故惟四聖諦佛言

比丘共因果染淨皆此攝故

共因果者染則因果共淨

淨則因果共淨故名共也

比丘白佛大德此苦等諦何故漸次

說諦佛言比丘病由脫藥相似法故

病謂苦由謂集脫謂滅藥謂道

比丘白佛大德此四聖諦為一時證

見為漸次證見佛言比丘有道理故

一時證見有道理故漸次證見

道理亦名理緣亦名方便

比丘白佛大德若一時證見有何道

理佛言比丘自內知諦真智境界攀

緣非安立義以惣攀緣故一時證見

比丘白佛大德若漸次證見有何道

理佛言比丘已修治智及後得者自

相因果觀察其相以非惣攀緣故漸

次證見

比丘白佛大德若世尊說四聖諦何

故復說二諦世諦及最勝義諦佛言

比丘於此四聖諦中若法住智境界

彼是世諦若復自內取勝義智境界

非安立智境界彼是取勝義諦應如

是見

緣生經下卷 第十五 此

比丘白佛大德若四聖諦非聖亦諦
聖亦諦何故以聖而名此諦以聖諦
故世尊所說佛言比丘雖非聖者亦
於此諦法體之中無智而信故聖者
於此法體之中有智而信故以是義
故此為聖諦應如是見

比丘白佛大德非少分无量法界智
何攀緣何種相何作業佛言比丘亦
四聖諦以為攀緣清淨想諦為相一
切種入諦為相與一切衆生作一切
義利為相又少分法界智者聲聞不
肯衆生義利不現前為相緣覺者
衆生義利為相又無量法界智者遠
離為業謂離一切種煩惱及所應知
障故與依止為業謂與得至一切種
遍智善淨法界作依止故覆護為業
謂覆護諸衆生等諸處逼惱故比丘
此是無明對治殊勝諸比丘言善哉
大德彼等比丘於世尊說歡喜默然
而住彼諸比丘於世尊說其心悅樂
皆大歡喜

緣生初勝分法本經卷下

癸卯歲高麗國大藏都監奉
勅彫造

分別緣起初勝法門經卷上

此

大唐三藏聖教序

御製

蓋聞二儀有像顯覆載以含生四時無形潛寒暑以化物是以窺天鑑地庸愚皆識其端明陰洞陽賢哲罕窮其數然而天地苞乎陰陽而易識者以其有像也陰陽處乎天地而難窮者以其無形也故知像顯可徵雖愚不惑形潛莫覩在智猶迷況乎佛道崇虛乘幽控寂弘濟萬品典御十方舉威靈而無上抑神力而無下大之則弥於宇宙細之則攝於毫釐无滅無生歷千劫而不古若隱若顯運百福而長今妙道凝玄遵之莫知其際法流湛寂挹之莫測其源故知蠢蠢凡愚區區庸鄙投其盲趣能無疑惑者哉然則大教之興基乎西土騰漢庭而皎夢照東域而流慈昔者分形分跡之時言未馳而成化當常現常之世民仰德而知遵及乎晦影歸真遷儀越世金容掩色不鏡三千之光麗象開圖空端四八之相於是微言廣

被拯舍類於三途遺訓遐宣導群生
於十地然而真教難仰莫能一其旨
歸曲學易遵邪正於焉紛紜所以空
有之論或習俗而是非大小之乘乍
必時而隆替有玄奘法師者法門之
領袖也幼懷貞敏早悟三空之心長
契神情先苞四忍之行松風水月未
足比其清華仙露明珠詎能方其朗
潤故以智通无累神測未形超六塵
而迥出隻千古而無對疑心內境悲
正法之陵遲拙慮玄門慨深文之訛
謬思欲分條指理廣彼前聞截偽續
真開茲後學是以翹心淨土往遊西
域乘危遠邁杖策孤征積雪晨飛途
間失地驚砂夕起空外迷天万里山
川撥煙霞而進影百重寒暑躡霜雨
而前蹤誠重勞輕求深願達周遊西
宇十有七年窮歷道邦詢求正教雙
林八水味道食風鹿苑鷲峯瞻奇仰
異承至言於先聖受真教於上賢探
續妙門精窮奧業一乘五律之道馳
驟於心田八藏三篋之文波濤於口
海爰自所歷之國搃將三藏要文凡

六百五十七部譯布中夏宣揚勝業
引慈雲於西極注法雨於東垂聖教
歟而復全蒼生罪而還福濕火宅之
乾焰共拔迷途朗愛水之昏波同臻
彼岸是知惡因業墜善以緣昇昇墜
之端惟人所託譬夫桂生高嶺雲露
方得滋其華蓮出渌波飛塵不能汙
其葉非蓮性自潔而桂質本貞良由
所附者高則微物不能累所憑者淨
則濁類不能沾夫以卉木無知猶資
善而成善況乎人倫有識不緣慶而
求慶方冀茲經流施將日月而無窮
斯福遐敷與乾坤而永大

皇太子臣治述

聖記

夫顯揚正教非智無以廣其文崇闡
微言非賢莫能定其旨蓋真如聖教
者諸法之玄宗衆經之軌躅也綜括
宏遠奧旨遐深極空有之精微體生
滅之機要詞茂道曠尋之者不究其
源文顯義幽履之者莫測其際故知
聖慈所被業無善而不臻妙化所敷
緣無惡而不翦開法網之綱紀弘六
度之正教拯羣有之塗炭啓三藏之

秘局是以名無翼而長飛道無根而
永固道名流慶歷遂古而鎮常赴感
應身經塵劫而不朽晨鍾夕梵交二
音於鷲峯慧日法流轉雙輪於鹿苑
排空寶蓋接翔雲而共飛莊野春林
與天花而合彩伏惟

皇帝陛下上玄資福垂拱而治八荒
德被黔黎綏枉而朝萬國恩加朽骨
石室歸貝葉之文澤及昆蟲金匱流
梵說之偈遂使阿耨達水通神甸之
八川耆闍崛山接嵩華之翠嶺竊以
法性凝寂靡歸心而不通智地玄奧
感懇誠而遂顯豈謂重昏之夜燭慧
炬之光火宅之朝降法雨之澤於是
百川異流同會於海萬區分義摠成
乎實豈與湯武校其優劣堯舜比其
聖德者哉玄奘法師者夙懷聰令立
志夷簡神清韶齒之年體拔浮華之
世凝情定室匿迹幽巖栖息三禪巡
遊十地超六塵之境獨步迦維會一
乘之旨隨機化物以中華之元質尋
印度之真文遠涉恒河終期滿字頻
登雪嶺更獲半珠問道往還十有七

載脩通釋典利物為心以貞觀十九年
二月六日奉 勅於弘福寺翻譯聖
教要文凡六百五十七部引大海之
法流洗塵勞而不竭傳智燈之長焰
皎幽暗而恒明自非久植勝緣何以
顯揚斯旨所謂法相常住齊三光之
明 我皇福臻同二儀之固伏見
御製衆經論序照古騰今理舍金石
之聲文抱風雲之潤治輒以輕塵足
岳墜露添流略舉大綱以為斯記
分別緣起初勝法門經卷上

大唐三藏法師玄奘奉

詔譯

如是我聞一時薄伽梵在室羅筏住
誓多林給孤獨園時有衆多大苾芻
衆在安適堂同集會坐作如是類往
復談論言諸大德世尊曾以無量異
門說十二分甚深緣起於彼取初宣
說無明以為緣性何因緣故一切煩
惱諸行緣中唯說无明以為緣性於
此無明見何殊勝由是因緣便興諍
論于時世尊遊於天住以超過人清
淨天耳聞如是事於日晚時從宴坐
起詣安適堂在大衆前敷如常座結

加趺坐以清美音告諸大眾汝等何故集此堂中而興諍論汝等今者為何所論於此集會時諸大眾白言世尊我等集此作如是類往復談論言諸大德世尊曾以無量異門說十二分甚深緣起於彼取初宣說無明以爲緣性何因緣故一切煩惱諸行緣中唯說无明以爲緣性於此無明見何殊勝世尊我等由是因緣便興諍論我等今者爲論是事於此集會作是語已

尔時世尊告彼大眾我有如是分別緣起初勝法門汝應諦聽極善作意當爲汝說云何名爲分別緣起初勝法門謂十一種殊勝事故於緣起初宣說無明以爲緣性何等十一謂所緣殊勝行相殊勝因緣殊勝等起殊勝轉異殊勝邪行殊勝相狀殊勝作業殊勝障尋殊勝隨縛殊勝對治殊勝尔時衆中有一苾芻從座而起偏袒右肩合掌礼佛白言世尊云何無明所緣殊勝世尊告曰無明所緣即是

一切若因若果有衆過患諸雜染品

反以一切若因若果有衆功德諸清淨品是名無明所緣殊勝

復言世尊云何無明行相殊勝世尊告曰如是無明隱覆真實顯現虛妄以為行相是名無明行相殊勝

復言世尊云何無明因緣殊勝世尊告曰如是無明普於一切煩惱雜染諸業雜染諸生雜染能作因緣根本依處云何一切煩惱雜染謂略有三煩惱品類普攝一切煩惱雜染謂无知煩惱猶預煩惱顛倒煩惱云何一切諸業雜染謂略有三自相差別身語意業及三障尋對治差別謂福非福及不動業普攝一切諸業雜染云何一切諸生雜染謂略有三依止三受謂樂及若不若不樂所起三苦壞苦苦及以行苦普攝一切諸生雜染云何無明普於一切煩惱雜染諸業雜染諸生雜染能作因緣根本依處謂於諸諦有二種愚能令一切煩惱雜染未生而生生已增廣及令一切諸業雜染未生而生生已積集亦令一切諸生雜染未生而生生已不

轉是故我說如是無明普於一切煩惱雜染諸業雜染諸生雜染能作因緣根本依處是名無明因緣殊勝復言世尊云何無明等起殊勝世尊告曰謂此無明或愚當來苦諦所攝後有自體或愚現法苦諦所攝已得自體如是愚者或有能引所引緣起或有能生所生緣起此二緣起即以愚於當來現法自體無明作等起緣復言世尊云何能引所引緣起世尊告曰第一無明緣行行緣識識緣名色名色緣六處六處緣觸觸緣受是名能引所引緣起

復言世尊云何能生所生緣起世尊告曰第二無明緣受受緣愛愛緣取取緣有有緣生生緣老死是名能生所生緣起

復言世尊云何名為第一無明與其能引所引緣起作等起緣世尊告曰謂有一類愚於當來後有自體即便發起後有希求由愚所生後有希求便於後有見勝功德若於現法執著可愛不可愛境邪分別故造非福行

彼於資具生貪著故或於怨憎生瞋
恚故及彼相應不能決了功德過患
放逸愚故造斯惡行即於後世所有
過失不能思惟不能解了行相元明
能作如是非福行緣若於後有見勝
功德或見出離便造福行或不動行
彼依教法或依誨法發起思擇及修
習故能造斯行應知如是思擇修習
雖在善心然不如理作意思惟故是
後有愚癡所引謂於後有見勝功德
癡覆藏故及見出離癡覆藏故如是
非福福不動行障導對治與六識身
俱生俱滅能於現在已得生滅異熟
識中安置諸行三種習氣由此方便
攝受後有新生種子攝受後有新種
子故於當生中所起後有所攝名色
六處觸受次第而生此名色等於現
已得異熟識中但起因性未有果性
是故但名所引緣起如是名為第一
無明與其能引所引緣起作等起緣
復言世尊云何名為第二無明與其
能生所生緣起作等起緣世尊告曰
謂有一類愚於現在已得自體於六

觸處為緣生受便起味著由味著故希求當來如是類受由希求故於追求時便起於取樂受所起愛為緣故發生欲取言欲取者謂於諸欲妄分別貪此為上首此為前行便有欲界一切煩惱若復以其苦受為緣生無有愛歇離俱行非理所引歇離相應依止此愛不正方便求無有時即便發起出離惡見定期惡見及此二種所依惡見由此義故名愛緣取若即以此取為所依不離欲貪而命終者由此諸見及與欲界一切煩惱名有欲界愛為緣取若離欲貪或離色貪彼色界愛或無色愛便得生處彼於色界或無色界煩惱轉時發起色界無色界取由此諸色無色煩惱及彼諸見名有色界愛為緣取及無色界愛為緣取彼由如是愛為緣取先得種種行所熏習異熟果識名為有取彼由如是取所攝受先所積集行等種子若彼彼處諸愛未斷即彼彼處功能現前能生後有由彼行等能有當生能令生有將入現在故說名有

由彼取力行等成有以是為緣從此
命終先所引發漸次生起由此義故
名有緣生生既生已先起時分變異
名老於寂後邊命盡名死由是故名
生緣老死如是名為第二無明與其
能生所生緣起為等起緣復言世尊何
緣不說愛取二種能生緣起與行為緣
世尊告曰愛取二種自界所行有分
齊故所以者何欲界愛取與彼色界
或無色界諸不動行為等起緣不應
道理非境界故如說欲界愛取二種
於不動行如是色界愛取二種於无
色界諸不動行若无色界愛取二種
於欲界行或色界行及以色界愛取
二種於欲界行當知亦尔
復言世尊何緣欲界愛取二種不與
非福福行為緣世尊告曰諸有現前
愛非愛境增上力故發生欲愛起不
善根造非福行一切皆由於因於果
非福行中不知過患彼由意樂有過
失故或由加行有過失故起非福行
如是意樂加行過失唯用无明以為
勝緣非境界愛及不善根若由欲愛

造諸福行彼信為依乃造斯行於死
於生起定信故此愛及取由信攝伏
我施設為有覆無記若法欲界有覆
無記於發諸行無勝功能以於因果
及福行中不知出離未可愛生造斯
福行故此福行亦唯無明以為勝緣
復言世尊何緣色界愛取二種不作
色界不動行緣世尊告曰諸有未離
欲界貪者色界愛等未得生處若无
生處則無堪能故非色界不動行緣
如說色界愛取二種於其色界諸不
動行如是無色愛取二種於無色界
諸不動行應知亦亦彼於色界或无
色界有過患身起有功德作意想見
或依教法或依誨法發起如是非理
作意能為彼界不動行緣如是非起
非理作意無明所引如是無明由此
所起非理作意及果為伴能為彼界
不動行緣是故應知彼不動行亦唯
无明以為勝緣復有一類依無有愛
造諸福行或不動行彼由如是无有
愛故既於諸有見多過患豈更怖求
當來諸有然於無有不如實知由無

知故不得諸有真對治道又無知故
於非對治起對治想造諸福行或不
動行由是道理如是諸行應知唯用
無明為緣非愛及取為諸行緣
復言世尊諸所有行與六識身相應
俱有同生同滅何緣故說行是識緣
世尊告曰以六識身與福非福及不
動行相應俱有同生同滅異熟識中
安置諸行熏習種子引發餘生新異
熟識由此道理是故宣說行是識緣
復言世尊何緣名色六處觸受諸分
種子異熟識中同時引發而復說有
先後次第世尊告曰彼於當來先後
次第而生起故如是而說復言世尊
何緣名色六處觸受說為當來生身
之相世尊告曰由彼是因受用依止
及是其因受用體故
復言世尊若唯名生都無其色斯有
何過世尊告曰若一生中唯有其名
不依色住相續生起不應道理
復言世尊若唯色生都无其名斯有
何過世尊告曰若唯有色無名執受
即應散壞不得增長

復言世尊若但說言識緣六處斯有何過世尊告曰初受生時六處未滿惟有身根及意根轉應不可得由此兩根為體名色軍初有故次第增長與後圓滿六處為緣故說名色是六處緣復言世尊者六處滿生身究竟何緣復說觸受二種世尊告曰若於生身六處已滿雖是受用所依究竟而未得名受用究竟由因及受方得說名受用究竟是故應知要須受用所依究竟及與受用因體究竟方得說名生身究竟

復言世尊如說無明為緣生愛又復說言受是愛緣若唯無明是其愛緣不緣於受斯有何過世尊告曰愛有三種應於一時三種俱起由愛觀待受為緣故非一時起由此道理非唯無明與愛為緣

復言世尊者若今此愛唯受為緣斯有何過世尊告曰應一切受皆是愛緣然復有受非是愛緣彼能為緣斷滅諸愛是故非唯受為愛緣

復言世尊者唯說愛與有作緣不緣

於取斯有何過世尊告曰怖求名愛
於嶮惡趣無有怖求然由所作非福
行故雖求善趣相違果生彼果生時
豈緣於愛唯應用彼取為其緣又如
所說無有愛者怖求無有求无有時
由造福行不動行故相違果生此果
生時豈緣於愛唯應說彼取為其緣
由此道理非唯用愛與有為緣

復言世尊若取緣有有緣生者何緣
不說取之與有以為集諦世尊告曰
愛能造作四種業故一者此愛於其
自體境界受中能作貪味繫縛業故
二者此愛能作發起諸取業故三者
此愛能作令先所引行等成有業故
四者此愛能作死後續生業故由是
因緣唯說此愛以為集諦

復言世尊若生老死名色六處觸受
為相於此生身何緣顯示生老死名
世尊告曰為顯如是生身之相有三
種苦成苦性故

復言世尊生顯何苦世尊告曰生顯
行苦復言世尊老顯何苦世尊告曰
老顯壞苦復言世尊死顯何苦世尊

告曰死顯苦苦復言世尊如是四種
生身之相由生老死有何老別世尊
告曰即此四種生身之相若次第生
若屬彼生若如是生應知是名生身
生相復言世尊云何次第生身生相
世尊告曰於其最初有下種生從此
無間有漸增生從此無間有出胎生
從此無間有漸長生既成長已受用
言說能得等生如是品類名次第生
復言世尊此屬誰生世尊告曰蘊界
處生都無有我所以者何以諸蘊等
漸增長故其性无常即無常法有此
生相復言世尊云何而生世尊告曰
由命根力有暫時住分限法故其性
無常即无常法如是而生即此四種
生身之相時分變異應知能作五種
衰損說名為老復言世尊云何名為
五種衰損世尊告曰一者鬚髮衰損以
彼鬚髮色衰壞故二者身相衰損形
色膚力皆衰損故三者作業衰損發
言氣上喘息逾急身戰掉故住便僂
曲以其臂脊皆無力故坐即佝屈身
羸弱故行必按杖身虛勞故凡所思

惟智識愚鈍念昏亂故四者受用衰損於現資具受用劣故於戲樂具一切不能現受用故於諸色根所行境界不能速疾明利而行或不行故五者命根衰損壽量將盡隣近死故遇少死緣不堪忍故即於此四生身相中復有六種死老別相一者究竟死二者不究竟死三者自相死四者不究竟死分老別相五者究竟死分老別相六者時非時死應知此中自相死者謂識離身色相滅沒老別之相如是名為生身相中名色等相由生老死而有老別復言世尊於緣起中說三種愛一切皆是生身之緣何緣處處多分唯說欲界生身世尊告曰欲界生身相寂麁故易顯了故非永解脫退還道故復言世尊如先所說諸引緣起諸生緣起有十二分於諸分中幾是能引幾是所引幾是能生幾是所生世尊告曰應知於此十二分中無明與行及識一分名為能引復有一分識及名色六處觸受名為所引復有一分受愛取有名為能生

生及老死名為所生應知一分名色
六處及與觸受亦名所生復言世尊
如是諸分若引若生為一時起為次
第起世尊告曰一時而起次第宣說
復言世尊如是諸分若一時起何因
緣故先說其引後說其生世尊告曰
要由有引後有方生非無引故
復言世尊無明亦緣非理作意何故
唯說無明為緣世尊告曰无明亦引
非理作意與行為緣又從無明所生
觸受為緣生愛是故偏說

復言世尊略由幾相應知緣起世尊
告曰略由三相應知緣起一者由無
動作知緣起相二者由性无常知緣
起相三者由有堪能知緣起相

分別緣起初勝法門經卷上

癸卯歲高麗國大藏都監奉
勅彫造

分別緣起初勝法門經卷下

此

大唐三藏法師玄奘奉

詔譯

復次世尊如餘處說緣有四種所謂
因緣等無間緣及所緣緣并增上緣
世尊今者依何緣說无明緣行依何
緣說次第乃至生緣老死世尊告曰
我依諸行摠相宜說有四種緣今此
義中我惟依一增上緣說无明緣行
次第乃至生緣老死此增上緣復有
二種一遠二近復言世尊此增上緣
云何為遠云何為近世尊告曰非理
作意若未生時无明隨眠能為諸行
遠增上緣生已便作近增上緣非理
作意所引諸行與六識身相應俱有
同生同滅若未生時彼能為識遠增
上緣彼若生已便能為識近增上緣
未死沒時識為名色遠增上緣既死
沒已識為名色近增上緣如以其識
望彼名色如是以其所引名色望彼
所生名色亦尔如以名色望彼名色
如是六處望彼六處觸望於觸受望
於受亦復如是如以無明望彼諸行

無明望愛愛望於取取望於有亦復如是如以其識望彼名色以名色等望名色等如是以有望生亦尔若在胎藏嬰孩童子少年時生能為老死遠增上緣諸根成熟命將盡時應知能作近增上緣復言世尊如彼有因有緣有由法門經說愛是業因有何密意世尊告曰有所攝業用愛為因是為此中所說密意

復言世尊此因緣由三種別義云何應知世尊告曰諸能引發後生種子是其因義若與此生作依作持令得生起是其緣義既命終已道引近生令得生起是其由義如是應知三義差別

復言世尊言緣起者是何句義世尊告曰如是諸分各由自緣和合無闕相續而起如是名為緣起句義

復言世尊惟有此生相續緣起為更別有所餘緣起世尊告曰我說緣起略有八門一者說有受用世俗境界緣起謂緣眼色生於眼識三事和合便有其觸觸為緣受如是廣說二者

說有任持緣起謂緣四食諸根大種
安住增長三者說有食因緣起謂求
諸槃田種水緣發生牙等四者說有
一切生身相續緣起謂由能引能生
諸分別生一切所引所生五者說有
一切生身依持緣起謂諸世界由諸
因緣施設成壞六者說有一切生身
老別緣起謂由不善善有漏業施設
三惡人天趣別七者說有清淨緣起
謂依他音及依自內如理作意發生
正見能滅無明無明滅故諸行隨滅
廣說乃至由生滅故老死隨滅

復言世尊如無明等次第為緣能生
行等為即如是次第滅耶佛言不尔
復言世尊何緣次第而說彼滅世尊
告曰為欲顯示由先諸分不生功能
令後諸分得不生法故次第說然非
不為生相滅法有次第轉八者說有
自在緣起謂善修治靜慮為緣諸修
定者隨所願樂如是皆成終無別異
如是名為我所略說八門緣起
復言世尊如佛所說因業故生因愛
故轉依何密意作如是說世尊告曰

无明為緣先於諸有造作增長種種
福行或非福行或不動行引發攝受
種種生身種子老別於此有中若愛
未斷由此愛故能令行等轉成其有
有起後有自體功能如是功能不離
於愛依此密意故說是言因業故生
因愛故轉

復言世尊若世尊說愛是轉因何緣
但說取為有緣非愛緣有世尊告曰
若離於取有愛不能為緣轉變非福
行等今成有支生諸惡趣又若離取
諸無有愛不能為緣轉變福行不動
行等今成有支於不定地及於定地
生諸善趣是故非唯愛為有緣然彼
有支定緣於取

復言世尊如大因緣法門經說汝阿
難陀若於彼彼有情類中无有生者
應無如是如是類生若一切生都无
有者應不施設生緣老死依何密意
作如是說世尊告曰依所引生及所
生生二種密意作如是說又依老死
遠增上緣及依老死近增上緣二種
密意作如是說

復言世尊先為略說緣起句義其緣起義猶未為說云何應知世尊告曰諸緣起義略有十一如是應知謂無作者義是緣起義有因生義是緣起義離有情義是緣起義依他起義是緣起義無動作義是緣起義性無常義是緣起義剎那滅義是緣起義因果相續無間絕義是緣起義種種因果品類別義是緣起義因果更互相符順義是緣起義因果決定無雜亂義是緣起義如是應知緣起略義復言世尊如餘經說緣起甚深云何應知如是緣起甚深之相世尊告曰即依十一緣起略義應知緣起五甚深相何等為五一因甚深二相甚深三生甚深四老別甚深五流轉甚深應知緣起甚深之相復有五種何等為五謂相甚深引發因果諸分甚深生起因果諸分甚深老別甚深對治甚深應知緣起復有五種甚深之相何等為五謂攝甚深順次甚深逆次甚深執取甚深所行甚深是名无明等起殊勝

復言世尊云何無明轉異殊勝世尊
告曰略有四種轉異無明何等為四
一者隨眠轉異無明二者纏縛轉異
無明三者相應轉異無明四者不共
轉異無明復言世尊誰有何等轉異
無明而說無明為緣生行世尊告曰
外法異生非理作意所引四種轉異
無明由此為緣生福非福及不動行
如是所說外法異生所有福行及不
動行相應善心一切皆是非理作意
所引等流內法異生若放逸者彼除
一種不共無明所餘无明引發放逸
為緣生行內法異生若不放逸勤修
學者及聖有學三種無明引發妄念
為非福緣然此非福不能為緣招三
惡趣故此非福我不說為无明緣行
如是所說不共无明內法異生雖不
放逸而修學者亦未能斷諸聖有學
應知永斷又不放逸內法異生若造
福行及不動行彼是正法如理作意
相應善心之所引發解脫為依迴向
解脫而引發故雖於善趣感殊勝生
而非無明起增上緣然能作彼四種

無明斷增上緣諸聖有學不共无明已永斷故不造新業所有故業由隨眠力未永斷滅暫觸還吐如是所有无明緣行生生漸滅不復增長由此道理應知内法諸有學者不緣无明更造諸行是故惟依外法異生我說順次雜染緣起寂極圓滿非住内法是名無明轉異殊勝

復言世尊云何無明邪行殊勝世尊告曰彼四無明於諸諦中皆能發起增益損減二種邪行復言世尊如何名為增益損減二種邪行世尊告曰由四顛倒謂於非法見為是法或於是法見為非法或於生天解脫道中非方便者見是方便是方便者見非方便如是名為增益邪行諸有誹謗一切邪見如是名為損減邪行是名无明邪行殊勝

復言世尊云何无明相狀殊勝世尊告曰應知无明有二種相一者微細自相殊勝二者遍於可愛非愛俱非境界共相殊勝所以者何纏縛无明尚為微細難知難了况彼所有隨眠

無明相應無明尚為微細難知難了

況彼所有不共無明遍於一切可愛
非愛俱非境界覆真實相顯虛妄相
共相而轉非餘煩惱有如是相是故
殊勝餘身見等共相煩惱亦用無明
為依而轉是名無明相狀殊勝

復言世尊云何無明作業殊勝世尊
告曰應知無明略有二種所作事業
一者無明普能造作一切流轉所依
事業二者無明普能造作一切寂止
能障事業復言世尊何等名為一切
流轉世尊告曰若是處轉若是事轉
若如是轉我捻說為一切流轉復言
世尊是何處轉世尊告曰於三世處
由我分別復言世尊是何事轉世尊
告曰內外六處由我取執復言世尊
云何而轉世尊告曰諸業異熟相續
流轉由我分別由邪分別復言世尊
云何名為一切寂止世尊告曰一切
寂止略有四種一者寂止所依二者
寂止所緣三者寂止作意四者寂止
果成是名無明作業殊勝

復言世尊云何無明障身殊勝世尊

告曰應知无明障碍勝法障碍廣法
復言世尊如何無明障碍勝法世尊
告曰言勝法者能攝五根令其和合
所謂慧根障碍此者即是无明是故
說名障碍勝法復言世尊如何無明
障碍廣法世尊告曰言廣法者聞所
成智思所成智修所成智障碍此者
即是無明是故說名障碍廣法復言
世尊如說无智名為无明此惟智無
名无明耶世尊告曰非惟智无名為
無明復言世尊若惟智无名為無明
斯有何過世尊告曰若尔无明應不
可立決定體相所以者何聞所成智
體上無有思所成智思所成智體上
无有修所成智一切世間修所成智
體上無有一切出世修所成智出世
有學智上无有諸無學智无學聲聞
智上無有如來等智若如是者應即
是智即是无智如是无明應不可立
決定體相又我於彼三善根中說有
无癡應但癡無說名无癡然非癡無
說名无癡故非明無說名无明而別
有一心所有法不知真實說名無明

如別有一心所有法了知真實說名為智又惟明无名無明者應无如是一切無明十一殊勝是故應知非惟明無說名無明是名无明障碍殊勝復言世尊云何無明隨縛殊勝世尊告曰乃至有頂三界有情於諸諦中所有無智隨眠隨縛未減由彼有情說名具縛又此無智善趣惡趣因果差別无色有情有其下品色界有情有其上品欲界有情有其上品如是成就三品無明諸有情類當來可生一一法介三品隨縛此說異生若諸聖者漸次永斷若具上中定有中下或有中下而无上中又阿羅漢雖盡諸漏脫煩惱障應知尚有所知障攝无明隨縛如是無明應知極遠隨逐有情惟除諸佛餘皆隨縛是名无明隨縛殊勝復言世尊云何無明對治殊勝世尊告曰有二妙智對治無明何等為二一依他音或不依止少分有量法界妙智二依他音全分无量法界妙智

復言世尊少分有量法界妙智為何

所緣有何行相作何事業世尊告曰
少分有量法界妙智緣四聖諦十六
行相作無明等煩惱業生一切雜染
離繫事業

復言世尊云何應知生苦之相世尊
告曰是內緣苦所依性故是外緣苦
所依性故是俱緣苦所依性故復言
世尊內緣苦者其相云何世尊告曰
所謂痛苦老苦死苦復言世尊外緣
苦者其相云何世尊告曰非愛和合
所愛別離求不得苦復言世尊俱緣
苦者其相云何世尊告曰所謂略說
五取蘊苦

復言世尊云何名愛世尊告曰謂於
現在自體貪著復言世尊後有愛者
其相云何世尊告曰謂於未來自體
諦求復言世尊云何意貪俱行愛耶
世尊告曰謂於已得攝受資財現前
境界深生味著復言世尊云何名為
彼彼意愛世尊告曰謂於未得攝受
資財非現境界種種追求

復言世尊云何此愛永斷无餘世尊
告曰見修所斷煩惱斷故下分上分諸

結斷故畢竟斷故未來苦果諸愛斷
故現在苦果諸愛斷故是名此愛無
餘永斷復言世尊云何棄捨世尊告
曰諸見所斷煩惱斷故復言世尊云
何變吐世尊告曰諸修所斷煩惱斷
故復言世尊云何永盡世尊告曰諸
下分結已永斷故復言世尊云何遠
離世尊告曰諸上分結已永斷故復
言世尊云何永滅世尊告曰畢竟斷
故復言世尊云何寂靜世尊告曰未
來苦果愛永斷故復言世尊云何隱
沒世尊告曰現在苦果愛永斷故
復言世尊云何正見世尊告曰所謂
現觀前方便慧正現觀慧及與現觀
後所得慧超越所知方便聖教諸邪
解行復言世尊云何正思世尊告曰
謂於三寶已得證淨為所依止於彼
功德隨念思惟超越歸依外道師等
復言世尊云何正語世尊告曰謂聖
所愛無漏戒攝无漏作意同時而轉
於四語業能正遠離超越一切諸險
惡趣復言世尊云何正業世尊告曰
謂聖所愛无漏戒攝無漏作意同時

而轉於三身業能正遠離超越一切
諸險惡趣復言世尊云何正命世尊
告曰謂聖所愛无漏戒攝无漏作意
同時而轉於邪命趣身語二業能正
遠離超越一切諸險惡趣復言世尊
云何正勤世尊告曰於上解脫欲樂
為依發勤精進遠離障身圓滿對治
復言世尊云何正念世尊告曰勤修
止觀諸瑜伽師依止三相時時於彼
三種相中及不放逸俱行境界心現
明記超越遠離修道加行復言世尊
云何正定世尊告曰謂由如是七種
定具資助瑩飾心一境性乃至能作
如是七支勝進依止及與引發殊勝
功德作所依止復言世尊所有一切
四念住等菩提分法皆聖道攝何緣
惟說八聖道支以為道諦世尊告曰
如是指所言八聖道支普攝一切菩提
分法復言世尊於苦諦中有四行相
云何初名无常行相謂於苦諦生滅
法性正觀行相云何第二名苦行相
謂於苦諦即以生滅法性為依於三
種苦隨逐法性正觀行相云何第三

名空行相謂於苦諦離實我性正觀
行相云何第四無我行相謂於苦諦
非我相性正觀行相

復言世尊於集諦中有四行相云何
第一名因行相謂於能植眾苦種子
因緣愛中正觀行相云何第二名集
行相謂於續起因緣愛中正觀行相
云何第三名生行相謂於五趣老別
生起因緣愛中正觀行相云何第四
名緣行相謂於能作餘緣引發因緣
愛中正觀行相

復言世尊於滅諦中有四行相云何
第一名滅行相謂於永斷煩惱滅中
正觀行相云何第二名靜行相謂於
永斷眾苦靜中正觀行相云何第三
名妙行相謂於永斷无罪清淨安樂
性中正觀行相云何第四名離行相
謂於永斷常住性中正觀行相

復言世尊於道諦中有四行相云何
第一名道行相謂於聖道與境相應
無顛倒性正觀行相云何第二名如
行相謂於聖道永出世間離諸漏性
正觀行相云何第三名行行相謂於

聖道先聖後聖同所遊履正觀行相
去何第四名出行相謂於聖道無上
性中正觀行相

復言世尊何緣聖諦惟有四種世尊
告曰如是四諦普攝一切染淨因果
老別性故

復言世尊何緣四諦如是先後次第
說耶世尊告曰由是世間諸病病因
病滅良藥相似法故

復言世尊入見道時於此四諦為類
現觀為漸現觀世尊告曰有別道理
名類現觀有別道理名漸現觀何別
道理名類現觀謂自內證真諦聖智
於真智境非安立義捨相緣故名類
現觀何別道理名漸現觀謂初業智
及後得智觀察自相及因果相由作
行相別相緣故名漸現觀

復言世尊若有如是四聖諦者何緣
世尊復說二諦謂世俗諦及勝義諦
世尊告曰即於如是四聖諦中若法
住智所行境界是世俗諦若自內證
寂勝義智所行境界非安立智所行
境界名勝義諦

復言世尊如是四諦於聖非聖皆悉
是諦何緣如來惟說聖諦世尊告曰
如是四諦於非聖者惟由法尔說名
為諦不由正智決定信故說名為諦
於諸聖者亦由法尔說名為諦亦由
正智決定信故說名為諦是故如來
惟說四種名為聖諦

復言世尊全分无量法界妙智為何
所緣有何行相作何事業世尊告曰
此智亦以如是四諦為其所緣除諦
相想清淨行相入一切種諸諦行相
於作有情一切義利趣向行相少分
有量法界妙智若諸聲聞於作有情
一切義利無有棄背趣向行相若諸
獨覺於作有情一切義利棄背行相
全分无量法界妙智能作一切煩惱
所知二障離繫所依事業又作證得
一切種智極淨法界所依事業又作
救濟一切有情一切灾患所依事業
是名无明對治殊勝時薄伽梵說是
經已諸苾芻眾默然領悟深心隨喜
歎未曾有聞佛所說皆大歡喜信受

奉行

分別緣起初勝法門經卷下

癸卯歲高麗國大藏都監奉
勅彫造

楞伽阿跋多羅寶經卷第一

此

宋天竺三藏求那跋陀羅譯

一切佛語心品第二之一

如是我聞一時佛住南海濱楞伽山頂種種寶華以為莊嚴與大比丘僧及大菩薩衆俱從彼種種異佛剎來是諸菩薩摩訶薩無量三昧自在之力神通遊戲大慧菩薩摩訶薩而為上首一切諸佛手灌其頂自心現境界善解其義種種衆生種種心色無量度門隨類普現於五法自性識二種无我究竟通達今時大慧菩薩與摩帝菩薩俱遊一切諸佛剎土承佛神力從坐而起偏袒右肩右膝著地合掌恭敬以偈讚曰

世間離生滅猶如虛空花 智不得有无而興大悲心 一切法如幻 遠離於心識智不得有无 而興大悲心 遠離於斷常世間恒如夢 智不得有无 而興大悲心 知人法無我 煩惱及余炎 常清淨无相而興大悲心 一切無涅槃 无有涅槃佛無有佛涅槃 遠離覺所覺 若有若無有

是二患俱離 牟尼寂靜觀 是則遠離生
是名為不取 今世後世淨

尔時大慧菩薩摩訶讚佛已自說姓名
我名為大慧 通達於大乘 今以百八義
仰諮尊中上 世間解之士 聞彼所說偈
觀察一切衆 告諸佛子言 汝等諸佛子
今皆恣所問 我當為汝說 自覺之境界
尔時大慧菩薩摩訶薩承佛所聽頂
禮佛足合掌恭敬以偈問曰

云何淨其念 云何念增長 云何見癡惑
云何惑增長 何故剎土化 相及諸外道
云何無受欲 何故名無受 何故名佛子
解脫至何所 誰縛誰解脫 何等禪境界
云何有三乘 唯願為解說 緣起何所生
云何作所作 云何俱異說 云何為增長
云何无色定 及以滅正受 云何為想滅
何因從定覺 云何所作生 進去及持身
云何現分別 云何生諸地 破三有者誰
何處身云何 往生何所至 云何取勝子
何因得神通 及自在三昧 云何三昧心
取勝為我說 云何名為藏 云何意及識
云何生與滅 云何見已還 云何為種姓
非種及心量 云何建立相 及與非我義

云何无衆生 云何世俗說 云何為斷見
及常見不生 云何佛外道 其相不相違
云何當來世 種種諸異部 云何空何因
云何剎那壞 云何胎藏生 云何世不動
何因如幻夢 及捷闍婆城 世間熱時炎
及與水月光 何因說覺支 及與菩提分
云何國土乱 云何作有見 云何不生滅
世如虛空花 云何覺世間 云何說離字
離妄想者誰 云何虛空譬 如實有幾種
幾波羅蜜心 何因度諸地 誰至无所受
何等二元我 云何尔炎淨 諸智有幾種
幾戒衆生性 誰生諸寶性 摩尼真珠等
誰生諸語言 衆生種種性 明處及伎術
誰之所顯示 伽陀有幾種 長頌及短頌
成為有幾種 云何名為論 云何生飲食
及生諸愛欲 云何名為王 轉輪及小王
云何守護國 諸天有幾種 云何名為地
星宿及日月 解脫修行者 是各有幾種
弟子有幾種 云何阿闍梨 佛復有幾種
復有幾種生 魔及諸異學 彼各有幾種
自性及與心 彼復各幾種 云何施設量
唯願取勝說 云何空風雲 云何念聰明
云何為林樹 云何為蔓草 云何象馬鹿

云何而捕取 云何為卑陋 何因而卑陋
云何六師攝 云何一闡提 男女及不男
斯皆云何生 云何修行退 云何修行生
禪師以何法 建立何等入 衆生生諸趣
何相何像類 云何為財富 何因致財富
云何為釋種 何因有釋種 云何甘遮種
无上尊願說 云何長苦仙 彼云何教授
如來云何於 一切時刹現 種種名色類
取勝子圍繞 云何不食肉 云何制斷肉
食肉諸種類 何因故食肉 云何日月形
須弥及蓮花 師子勝相刹 側住覆世界
如回陀羅網 或悉諸珍寶 瑩篋細腰鼓
狀種種諸花 或離日月光 如是等无量
云何為化佛 云何報生佛 云何如如佛
云何智慧佛 云何於欲界 不成等正覺
何故色究竟 離欲得菩提 善逝般涅槃
誰當持正法 天師住久如 正法幾時住
悉檀及與見 各復有幾種 毗尼比丘分
云何何因緣 彼諸取勝子 緣覺及聲聞
何因百變易 云何百無受 云何世俗通
云何出世間 云何為七地 唯願為演說
僧伽有幾種 云何為壞僧 云何醫方論
是復何因緣 何故大牟尼 唱說如是言

迦葉拘留孫拘鄰舍是我何故說斷常
及與我無我何不一切時演說真實義
而復為衆生分別說心量何因男女林
訶梨阿摩勒雞羅及鐵圍金剛等諸山
無量寶莊嚴仙闍婆充滿无上世間解
聞彼所說偈大乘諸度門諸佛心第一
此心如樹木堅實心非念慮心也善哉善哉問大慧善諦聽

我今當次第如汝所問說生及與不生
涅槃空剎那趣至無自性佛諸波羅蜜
佛子與聲聞緣覺諸外道及與无色行
如是種種事須弥巨海山洲渚剎土地
星宿及日月外道天修羅解脫自在通
力禪三摩提滅及如意足覺支及道品
諸禪定无量諸陰身往來正受滅盡定
三昧起心說心意及與識無我法有五
自性想所想及與現二見乘及諸種性
金銀摩尼等一闍提大種荒乱及一佛
智亦焰得向衆生有无有象馬諸禽獸
云何而捕取辟因成志擅及與作所作
鬱林迷惑通心量不現有諸地不相至
百變百無受醫方工巧論伎術諸明處
諸山須弥地巨海日月量下中上衆生
身各幾微塵一一剎幾塵弓弓數有幾

肘步拘樓舍 半由延由延 兔毫窓塵蟻
羊毛麤麥塵 鉢他幾麤麥 阿羅麤麥幾
是各有幾數 為有幾阿菟 名舍梨沙婆
幾舍梨沙婆 名為一賴提 幾賴提摩沙
為摩沙陀那 幾摩沙陀那 名為陀那羅
復幾陀那羅 為迦梨沙那
幾迦梨沙那 為成一波羅 此等積聚相
幾波羅彌樓 是等所應請 何須問餘事
聲聞辟支佛 佛及寂勝子 身各有幾數
何故不問此 火焰幾阿菟 風阿菟復幾
根根幾阿菟 毛孔眉毛幾 護財自在王
轉輪聖帝王 云何王守護 云何為解脫
廣說及句說 如汝之所問 衆生種種欲
種種諸飲食 云何男女林 金剛堅固山
云何如幻夢 野鹿渴愛僻 云何山天仙
捷聞婆在嚴 解脫至何所 誰縛誰解脫
云何禪境界 變化及外道 云何無因作
云何有因作 有因無因作 及非有无因
云何現已滅 云何淨諸覺 云何諸覺轉
及轉諸所作 云何斷諸想 云何三昧起
破三有者誰 何處為何身 云何无衆生
而說有吾我 云何世俗說 唯願廣分別

所問相云何，及所問非我云何為胎藏
及種種異身云何斷常見云何心得定
言說及諸智戒種性佛子云何成及論
云何師弟子種種諸衆生斯等復云何
云何為飲食聰明廣施設云何樹葛藤
寂勝子所問云何種種刹仙人長苦行
云何為族姓從何師受學云何為醜陋
云何人修行欲界何不覺阿迦膩吒成
云何俗神通云何為比丘云何為化佛
云何為報佛云何為如如平等智慧佛
云何為衆僧佛子如是問塗篋腰鼓花
刹土離光明心地者有七所問皆如實
此及餘衆多佛子所應問一一相相應
遠離諸見過患檀離言說我今當顯示
次第建立句佛子善諦聽此上百八句
如諸佛所說

不生句生句常句無常句相句無相
句住異句非住異句刹那句非刹那
句自性句離自性句空句不空句斷
句不斷句邊句非邊句中句非中句
常句非常句凡有三常此常梵音與上常音異也緣句非緣
句因句非因句煩惱句非煩惱句愛
句非愛句方便句非方便句巧句非

巧句淨句非淨句成句非成句譬句
非譬句弟子句非弟子句師句非師
句種性句非種性句三乘句非三乘
句所有句无所有句願句非願句三
輪句非三輪句相句非相句有品句
非有品句俱句非俱句緣自聖智現
法樂句非現法樂句剎土句非剎土
句阿菟句非阿菟句水句非水句弓
句非弓句實句非實句數句非數句

此物之
數也

數句非數句

此數需
緣反

明句非明句

虛空句非虛空句雲句非雲句工巧
伎術明處句非明處句風句非風句
地句非地句心句非心句施設句非
施設句自性句非自性句陰句非陰
句衆生句非衆生句慧句非慧句涅
槃句非涅槃句余焰句非余焰句外
道句非外道句荒亂句非荒亂句幻
句非幻句夢句非夢句焰句非焰句
像句非像句輪句非輪句捷闍婆句
非捷闍婆句天句非天句飲食句非
飲食句姪欲句非姪欲句見句非見
句波羅蜜句非波羅蜜句戒句非戒
句日月星宿句非日月星宿句諦句

非諦句果句非果句滅起句非滅起
句治句非治句相句非相句支句非
支句巧明處句非巧明處句禪句非
禪句迷句非迷句現句非現句護句
非護句族句非族句仙句非仙句王
句非王句攝受句非攝受句實句非
實句記句非記句一闡提句非一闡
提句女男不男句非女男不男句味
句非味句事句非事句身句非身句
覺句非覺句動句非動句根句非根
句有為句非有為句無為句非無為
句因果句非因果句色究竟句非色
究竟句節句非節句鬱樹藤句非鬱
樹藤句雜句非雜句說句非說句毗
屈句非毗屈句比丘句非比丘句處
句非處句字句非字句大慧是百八句
先佛所說汝及諸菩薩摩訶薩應當
修學

今時大慧菩薩摩訶薩復白佛言世
尊諸識有幾種生住滅佛告大慧諸
識有二種生住滅非思量所知諸識
有二種生謂流注生及相生有二種
住謂流注住及相住有二種滅謂流

注滅及相滅諸識有三種相謂轉相
業相真相大慧略說有三種識廣說
有八相何等為三謂真識現識及分
別事識大慧譬如明鏡持諸色像現
識處現亦復如是大慧現識及分別
事識此二壞不壞相展轉因大慧不
思議薰及不思議變是現識因大慧
取種種塵及无始妄想薰是分別事
識因大慧若覆彼真識種種不實諸
虛妄滅則一切根識滅大慧是名相
滅大慧相續滅者相續所因滅則相
續滅所從滅及所緣滅則相續滅大
慧所以者何是其所依故依者謂无
始妄想薰緣者謂自心見等識境妄
想大慧譬如泥團微塵非異非不異
金莊嚴具亦復如是大慧若泥團微
塵異者非彼所成而實彼成是故不
異若不異者則泥團微塵應無分別
如是大慧轉識藏識真相若異者藏
識非因若不異者轉識滅藏識亦應
滅而自真相實不滅是故大慧非自
真相識滅但業相滅若自真相滅者
藏識則滅大慧藏識滅者不異外道

斷見論議大慧彼諸外道作如是論
謂攝受境界滅識流注亦滅若識流
注滅者无始流注應斷大慧外道說
流注生因非眼識色明集會而生更
有異因大慧彼因者說言若勝妙若
士夫若自在若時若微塵

復次大慧有七種性自性所謂集性
自性性自性相性自性大種性自性
因性自性緣性自性成性自性復次
大慧有七種第一義所謂心境界慧
境界智境界見境界超二見境界超
子地境界如来自到境界大慧此是
過去未來現在諸如來應供等正覺
性自性第一義心

此心梵音肝栗大肝栗大亦言
心謂如樹木心非念慮心念慮

心義音云
竹實多也

以性自性第一義心成就如來

世間出世間出世間上上法聖慧眼
入自共相建立如所建立不與外道
論惡見共大慧云何外道論惡見共
所謂自境界妄想見不覺識自心所
現分齊不通大慧愚癡凡夫性无性
自性第一義作二見論復次大慧妄
想三有苦滅無知愛業緣滅自心所
現幻境隨見今當說大慧若有沙門

婆羅門欲令無種有種因果現及事
時住緣陰界入生住或言生已滅大
慧彼若相續若事若生若有若涅槃
若道若業若果若諦破壞斷滅論所
以者何以此現前不可得及見始非
分故大慧譬如破瓶不作瓶事亦如
焦種不作牙事如是大慧若陰界入
性已滅今滅當滅自心妄想見无因
故彼無次第生大慧若復說無種有
種識三緣合生者龜應生毛沙應出
油汝宗則壞違決定義有種无種說
有如是過所作事業悉空無義大慧
彼諸外道說有三緣合生者所作方
便因果自相過去未來現在有種無
種相從本已來成事相承覺想地轉
自見過習氣作如是說如是大慧愚
癡凡夫惡見所害邪曲迷醉无智妄
稱一切智說大慧若復諸餘沙門婆
羅門見離自性浮雲火輪捷闍婆城
無生幻焰水月及夢内外心現妄想
无始虛偽不離自心妄想因緣滅盡
離妄想說所說觀所觀受用建立身
之藏識於識境界攝受及攝受者不

相應無所有境界離生住滅自心起
隨入分別大慧彼菩薩不久當得生
死涅槃平等大悲巧方便無開發方
便大慧彼一切衆生界皆悉如幻不
勤因緣遠離內外境界心外無所見
次第隨入無相處次第隨入從地至
地三昧境界解三界如幻分別觀察
當得如幻三昧度自心現無所有得
住般若波羅蜜捨離彼生所作方便
金剛喻三摩提隨入如來身隨入如
如化神通自在慈悲方便具足莊嚴
等入一切佛剎外道入處離心意意
識是菩薩漸次轉身得如來身大慧
是故欲得如來隨入身者當遠離陰
界入心因緣所作方便生住滅妄想
虛偽唯心直進觀察无始虛偽過妄
想習氣因三有思惟無所有佛地無
生到自覺聖趣自心自在到無開發
行如隨衆色摩尼隨入衆生微細之
心而以化身隨心量度諸地漸次相
續建立是故大慧自恚檀善應當修
學尔時大慧菩薩復白佛言世尊所
說心意意識五法自性相一切諸佛

菩薩所行自心見等所緣境界不和合顯示一切說成真實相一切佛語心為楞伽國摩羅耶山海中住處諸大菩薩說如來所歎海浪藏識境界法身今時世尊告大慧菩薩言四因緣故眼識轉何等為四謂自心現攝受不覺无始虛偽過色習氣計著識性自性欲見種種色相大慧是名四種因緣水流處藏識轉識浪生大慧如眼識一切諸根微塵毛孔俱生隨次境界生亦復如是譬如明鏡現衆色像大慧猶如猛風吹大海水外境界風飄蕩心海識浪不斷因所作相異不異合業生相深入計著不能了知色等自性故五識身轉大慧即彼五識身俱因老別分段相知當知是意識因彼身轉彼不作是念我展轉相因自心現妄想計著轉而彼各各壞相俱轉分別境界分段老別謂彼轉如修行者入禪三昧微細習氣轉而不覺知而作是念識滅然後入禪正受實不識滅而入正受以習氣種子不滅故不滅以境界轉攝受不具故

滅大慧如是微細藏識究竟邊際除諸如來及住地菩薩諸聲聞緣覺外道修行所得三昧智慧之力一切不能測量決了餘地相智慧巧便分別決斷句義寂勝無邊善根成熟離自心現妄想虛偽宴坐山林下中上修能見自心妄想沉注無量剎土諸佛灌頂得自在力神通三昧諸善知識佛子眷屬彼心意意識自心所現自性境界虛妄之想生死有海業愛元知如是等因患以超度是故大慧諸修行者應當親近寂勝知識今時世尊欲重宣此義而說偈言

譬如巨海浪斯由猛風起洪波鼓冥壑无有斷絕時藏識海常住境界風所動種種諸識浪騰躍而轉生青赤種種色珂乳及石蜜淡味衆花果日月與光明非異非不異海水起波浪七識亦如是心俱和合生譬如海水變種種波浪轉七識亦如是心俱和合生謂彼藏識處種種諸識轉謂以彼意識思惟諸相義不壞相有八無相亦無相譬如海波浪是則无老別諸識心如是異亦不可得

心名採集業。意名廣採集。諸識識所識。現等境說五。

余時大慧菩薩以偈問曰

青赤諸色像。衆生發諸識。如浪種種法。云何唯願說。

余時世尊以偈答曰

青赤諸雜色。波浪悉無有。採集業說心。開悟諸凡夫。彼業悉无有。自心所攝離。所攝無所攝。與彼波浪同。受用建立身。是衆生現識。於彼現諸業。譬如水波浪。余時大慧菩薩復說偈言

大海波浪性。鼓躍可分別。藏與業如是。何故不覺知。

余時世尊以偈答曰

凡夫無智慧。藏識如巨海。業相猶波浪。依彼譬類通。

余時大慧菩薩復說偈言

日出光等照。下中上衆生。如來照世間。為愚說真實。已分部諸法。何故不說實。余時世尊以偈答曰

若說真實者。彼心無真實。譬如海波浪。鏡中像及夢。一切俱時現。心境界亦然。境界不具故。次第業轉生。識者識所識。

意者意謂然五則以顯現 无有定次第
譬如工畫師 及與畫弟子 布彩圖衆形
我說亦如是 彩色本无文 非筆亦非素
為悅衆生故 綺錯續衆像 言說別施行
真實離名字 分別應初業 修行示真實
真實自悟處 覺想所覺離 此為佛子說
愚者廣分別 種種皆如幻 雖現无真實
如是種種說 隨事別施設 所說非所應
於彼為非說 彼彼諸病人 良醫隨處方
如來為衆生 隨心應量說 妄想非境界
聲聞亦非分 哀愍者所說 自覺之境界
復次大慧若菩薩摩訶薩欲知自心現
量攝受及攝受者妄想境界當離群
聚習俗睡眠初中後夜常自覺悟修
行方便當離惡見經論言說及諸聲
聞緣覺乘相當通達自心現妄想之相
復次大慧菩薩摩訶薩建立智慧相
住已於上聖智三相當勤修學何等
為聖智三相當勤修學所謂无所有
相一切諸佛自願處相自覺聖智究
竟之相修行得此已能捨跋驢心慧
智相得寂勝子第八之地則於彼上
三相修生大慧无所有相者謂聲聞

緣覺及外道相彼修習生大慧自願
處相者謂諸先佛自願處修生大慧
自覺聖智究竟相者一切法相無所
計著得如幻三昧身諸佛地處進趣
行生大慧是名聖智三相若成就此
聖智三相者能到自覺聖智境界是
故大慧聖智三相當勤修學尔時大
慧菩薩摩訶薩知大菩薩衆心之所
念名聖智事分別自性經承一切佛
威神之力而白佛言世尊唯願為說
聖智事分別自性經百八句分別所
依如來應供等正覺依此分別說菩
薩摩訶薩入自相共相妄想自性以
分別說妄想自性故則能善知周遍
觀察人法無我淨除妄想照明諸地
超越一切聲聞緣覺及諸外道諸禪
定樂觀察如來不可思議所行境界
畢定捨離五法自性諸佛如來法身
智慧善自在嚴超幻境界昇一切佛
剎埏率天宮乃至色究竟天宮逮得
如來常住法身佛告大慧有一種外
道作無所有妄想計著覺知因盡免
無角想如兔無角一切法亦復如是

大慧復有餘外道見種求那極微陀羅驃形處橫法各各差別見已計著無兔角橫法作牛有角想大慧彼墮二見不解心量自心境界妄想增長身受用建立妄想限量大慧一切法性亦復如是離有无不應作想大慧若復離有無而作兔无角想是名邪想彼因待觀故兔無角不應作想乃至微塵分別事性悉不可得大慧聖境界離不應作牛有角想尔時大慧菩薩摩訶薩白佛言世尊得无妄想者見不生想已隨比思量觀察不生妄想言無耶佛告大慧非觀察不生妄想言無所以者何妄想者因彼生故依彼角生妄想以依角生妄想是故言依因故離異不異故非觀察不生妄想言無角大慧若復妄想異角者則不因角生若不異者則因彼故乃至微塵分拊推求悉不可得不異角故彼亦非性二俱無性者何法何故而言無耶大慧若无故無角觀有故言兔无角者不應作想大慧不正因故而說有无二俱不成大慧徧有

餘外道見計著色空事形處橫法不能善知虛空分齊言色離虛空起分齊見妄想大慧虛空是色隨入色種大慧色是虛空持所持處所建立性色空事分別當知大慧四大種生時自相各別亦不住虛空非彼无虛空如是大慧觀牛有角故兔無角大慧又牛角者拊為微塵又分別微塵剎那不住彼何所觀故而言无耶若言觀餘物者彼法亦然

尔時世尊告大慧菩薩摩訶薩言當離兔角牛角虛空形色異見妄想汝等諸菩薩摩訶薩當思惟自心現妄想隨入為一切剎土寂勝子以自心現方便而教授之尔時世尊欲重宣此義而說偈言

色等及心無色等長養心身受用安立識藏現衆生心意及與識自性法有五无我二種淨廣說者所說長短有无等展轉互相生以無故成有以有故成無微塵分別事不起色妄想心量安立處惡見所不樂覺想非境界聲聞亦復然救世之所說自覺之境界

尔時大慧菩薩為淨自心現流故復請
如來白佛言世尊云何淨除一切衆
生自心現流為頓為漸耶佛告大慧
漸淨非頓如菴羅果漸熟非頓如來
淨除一切衆生自心現流亦復如是
漸淨非頓譬如陶家造作諸器漸成
非頓如來淨除一切衆生自心現流亦
復如是漸淨非頓譬如大地漸生万
物非頓生也如來淨除一切衆生自
心現流亦復如是漸淨非頓譬如人
學音樂書畫種種伎術漸成非頓如
來淨除一切衆生自心現流亦復如
是漸淨非頓譬如明鏡頓現一切無
相色像如來淨除一切衆生自心現
流亦復如是頓現無相无有所有清
淨境界如日月輪頓照顯示一切色像
如來為離自心現習氣過患衆生亦
復如是頓為顯示不思議智最勝境
界譬如藏識頓分別知自心現及身
安立受用境界彼諸依佛亦復如是
修者胡本去津賦謂
化佛是真佛氣分也頓熟衆生所處境界以
修行者安處於彼色究竟天譬如法
佛所作依佛光明照耀自覺聖趣亦

復如是彼於法相有性无性惡見妄想照令除滅大慧法依佛說一切法入自相共相自心現習氣因相續妄想自性計著因種種无實幻種種計著不可得復次大慧計著緣起自性生妄想自性相大慧如工幻師依草木瓦石作種種幻起一切衆生若干形色起種種妄想彼諸妄想亦无真實如是大慧依緣起自性起妄想自性種種妄想心種種想行事妄想相計著習氣妄想大慧是為妄想自性相生大慧是名依佛說法大慧法佛者離心自性相自覺聖所緣境界建立施作大慧化佛者說施戒忍精進禪定及心智慧離陰界入解脫識相分別觀察建立超外道見无色見大慧又法佛者離攀緣所緣離一切所作根量相滅非諸凡夫聲聞緣覺外道計著我相所著境界自覺聖究竟差別相建立是故大慧自覺聖差別相當勤修學自心現見應當除滅復次大慧有二種聲聞乘通分別相謂得自覺聖差別相及性妄想自性計著相

云何得自覺聖老別相聲聞謂元常
苦空無我境界真諦離欲寂滅息陰
界入自共相外不壞相如實知心得
寂止心寂止已禪定解脫三昧道果
正受解脫不離習氣不思議變易死
得自覺聖樂住聲聞是名得自覺聖
老別相聲聞大慧得自覺聖老別樂
住菩薩摩訶薩非滅門樂正受樂願
愍衆生及本願不作證大慧是名聲
聞得自覺聖老別相樂菩薩摩訶薩
於彼得自覺聖老別相樂不應修學
大慧云何性妄想自性計著相聲聞
所謂大種青黃赤白堅濕煖動非作
生自相共相先勝善說見已於彼起
自性妄想菩薩摩訶薩於彼應知應
捨隨入法無我想滅人無我相見漸
次諸地相續建立是名諸聲聞性妄
想自性計著相今時大慧菩薩摩訶
薩白佛言世尊世尊所說常及不思
議自覺聖趣境界及第一義境界世
尊非諸外道所說常不思議目緣耶
佛告大慧非諸外道目緣得常不思
議所以者何諸外道常不思議不因

自相成若常不思議不因自相成者
何因顯現常不思議

復次大慧不思議若因自相成者彼
則應常由作者因相故常不思議不
成大慧我第一義常不思議第一義
因相成離性非性得自覺相故有相
第一義智因故有曰離性非性故譬
如無作虛空涅槃滅盡故常如是大
慧不同外道常不思議論如是大慧
此常不思議諸如來自覺聖智所得
是故常不思議自覺聖智所得應得
修學

復次大慧外道常不思議无常性異
相曰故非自作曰相力故常復次大
慧諸外道常不思議於所作性非性
无常見已思量計常大慧我亦以如
是因緣所作者性非性无常見已自
覺聖境界說彼常無曰大慧若復
諸外道因相成常不思議因自相性
非性同於兔角此常不思議但言說
妄想諸外道輩有如是過所以者何
謂但言說妄想同於兔角自因相非
分大慧我常不思議因自覺得相故

離所作性非性故常非外性非性无
常思量計常大慧若復外性非性無
常思量計常不思議常而彼不知常
不思議自因之相去得自覺聖智境
界相遠彼不應說

復次大慧諸聲聞畏生死妄想苦而
求涅槃不知生死涅槃老別一切性
妄想非性未來諸根境界休息作涅
槃想非自覺聖智趣藏識轉是故凡
愚說有三乘說心量趣无所有是故
大慧彼不知過去未來現在諸如來
自心現境界計著外心現境界生死
輪常轉

復次大慧一切法不生是過去未來
現在諸如來所說所以者何謂自心
現性非性離有非有生故大慧一切
性不生一切法如兔馬等角愚癡凡
夫不實妄想自性妄想故大慧一切
法不生自覺聖智趣境界者一切性
自性相不生非彼愚夫妄想二境界
自性身財建立趣自性相大慧藏識
攝所攝相轉愚夫墮生住滅二見怖
望一切性生有非有妄想生非賢聖

也大慧於彼應當修學

復次大慧有五无間種性云何為五
謂聲聞乘無間種性緣覺乘无間種
性如來乘无間種性不定種性各別
種性云何知聲聞乘無間種性若聞
說得陰界入自共相斷知時舉身毛
孔熙怡欣悅及樂修相智不修緣起
發悟之相是名聲聞乘无間種性聲
聞無間見第八地起煩惱斷習氣煩
惱不斷不度不思議變易死度分段
死正師子吼我生已盡梵行已立不
受後有如實知修習人无我乃至得
般涅槃覺大慧各别无間者我人衆
生壽命長養士夫彼諸衆生作如是
覺求般涅槃復有異外道說悉由作
者見一切性已言此是般涅槃作如
是覺法无我見非分彼無解脫大慧
此諸聲聞乘无間外道種性不出出
覺為轉彼惡見故應當修學

大慧緣覺乘無間種性者若聞說各
別緣無間舉身毛豎悲泣流淚不相
近緣所有不著種種自身種種神通
若離若合種種變化聞說是時其心

隨入若知彼緣覺乘元聞種性已隨
順為說緣覺之乘是名緣覺乘元聞
種性相大慧彼如來乘無聞種性有
四種謂自性法無聞種性離自相法
元聞種性得自覺聖無聞種性外剎
殊勝無聞種性大慧若聞此四事一
一說時及說自心現身財建立不思
議境界時心不驚怖者是名如來乘
無聞種性相

大慧不定種性者謂說彼三種時隨
說而入隨彼而成大慧此是初治地
者謂種性建立為起入無所有地故
作是建立彼自覺藏者自煩惱習淨
見法無我得三昧樂住聲聞當得如
來寂勝之身今時世尊欲重宣此義
說偈言

須陀那果 往來及不還 遠得阿羅漢
是等心惑亂 三乘與一乘 非乘我所說
愚夫少智慧 諸聖遠離寂 第一義法門
遠離於二教 住於无所有 何建立三乘
諸禪無量等 無色三摩提 受想念寂滅
亦无有心量

大慧彼一闡提非一闡提世間解脫

誰轉大慧一闡提有二種一者捨一
切善根及於無始衆生發願云何捨
一切善根謂謗菩薩藏及作惡言此
非隨順修多羅毗尼解脫之說捨一
切善根故不般涅槃二者菩薩本自
願方便故非不般涅槃一切衆生而
般涅槃大慧彼般涅槃是名不般涅
槃法相此亦到一闡提趣大慧白佛
言世尊此中云何畢竟不般涅槃佛
告大慧菩薩一闡提者知一切法本
來般涅槃已畢竟不般涅槃而非捨
一切善根一闡提也大慧捨一切善
根一闡提者復以如來神力故或時
善根生所以者何謂如來不捨一切
衆生故以是故菩薩一闡提不般涅
槃復次大慧菩薩摩訶薩當善三自
性云何三自性謂妄想自性緣起自
性成自性大慧妄想自性從相生大
慧白佛言世尊云何妄想自性從相
生佛告大慧緣起自性事相相行顯
現事相相計著有二種妄想自性如
來應供等正覺之所建立謂名相計
著相及事相計著相名相計著相者

謂內外法計著事相計著相者謂即
彼如是內外自共相計著是名二種
妄想自性相若依若緣生是名緣起
士何成自性謂離名相事相妄想聖
智所得及自覺聖智趣所行境界是
名成自性如來藏心今時世尊欲重
宣此義而說偈言

名相覺想 自性二相 正智如如
是則成相

大慧是名觀察五法自性相經自覺
聖智趣所行境界汝等諸菩薩摩訶
薩應當修學復次大慧菩薩摩訶薩
善觀二種無我相云何二種无我相
謂人無我及法无我云何人無我謂離
我我所陰界入聚無知業受生眼色
等攝受計著生識一切諸根自心現
器身等藏自妄想相施設顯示如河
流如種子如燈如風如雲剎那展轉
壞躁動如猿猴樂不淨處如飛蠅无
厭足如風火無始虛偽習氣因如汲
水輪生死趣有輪種種身色幻術神
呪機發像起善彼相知是名人無我
智云何法無我智謂覺陰界入妄想

相自性如陰界入離我我所陰界入
積聚因業愛繩縛展轉相緣生無動
搖諸法亦尔離自共相不實妄想相
妄想力是凡夫生非聖賢也心意識
王法自性離故大慧菩薩摩訶薩當
善分別一切法無我善法无我菩薩
摩訶薩不久當得初地菩薩無所有
觀地相觀察開覺歡喜次第漸進超
九地相得法雲地於彼建立無量寶
莊嚴大寶蓮華王像大寶宮殿幻自
性境界修習生於彼而坐同一像類
諸取勝子眷屬圍繞從一切佛剎來
佛手灌頂如轉輪聖王太子灌頂超
佛子地到自覺聖法趣當得如來自
在法身見法無我故是名法無我相
汝等諸菩薩摩訶薩應當修學
尔時大慧菩薩摩訶薩復白佛言世
尊建立誹謗相唯願說之令我及諸
菩薩摩訶薩離建立誹謗二邊惡見
疾得阿耨多羅三藐三菩提覺已離
常建立斷誹謗見不謗正法尔時世
尊受大慧菩薩請已而說偈言
建立及誹謗 无有彼心量身受用建立

及心不能知。愚癡無智慧建立及誹謗
亦時世尊於此偈義復重顯示告大
慧言有四種非有有建立云何為四
謂非有相建立非有見建立非有因
建立非有性建立是名四種建立又
誹謗者謂於彼所立無所得觀察非
分而起誹謗是名建立誹謗相
復次大慧云何非有相建立相謂陰
界入非有自共相而起計著此如是
此不異是名非有相建立相此非有
相建立妄想無始虛偽過種種習氣
計著生大慧非有見建立相者若彼
如是陰界入我人衆生壽命長養土
夫見建立是名非有見建立相大慧
非有因建立相者謂初識元因生後
不實如幻本不生眼色眼界念前生
生已實已還壞是名非有因建立相
大慧非有性建立相者謂虛空滅般
涅槃非作計性建立此離性非性一
切法如兔馬等角如垂髮現離有非
有建立及誹謗愚夫妄想不善觀察
自心現量非賢聖也是名非有性建
立相是故離建立誹謗惡見應當修

學復次大慧菩薩摩訶薩善知心意
意識五法自性二無我相趣究竟為
安衆生故作種種種類像如妄想自性
處依於緣起譬如衆色如意寶珠普
現一切諸佛刹土一切如來大衆集
會悉於其中聽受經法所謂一切法
如幻如夢光影水月於一切法離生
滅斷常及離聲聞緣覺之法得百千
三昧乃至百千億那由他三昧得三
昧已遊諸佛刹供養諸佛生諸天宮
宣揚三寶示現佛身聲聞菩薩大衆
圍繞以自心現量度脫衆生分別演
說外性无性悉令遠離有無等見尔
時世尊欲重宣此義而說偈言

心量世間 佛子觀察 種類之身
離所作行 得力神通 自在成就
尔時大慧菩薩摩訶薩復請佛言唯
願世尊為我等說一切法空無生無
二離自性相我等及餘諸菩薩衆覺
悟是空無生無二離自性相已離有
無妄想疾得阿耨多羅三藐三菩提
尔時世尊告大慧菩薩摩訶薩言諦
聽諦聽善思念之今當為汝廣分別

說大慧白佛言善哉世尊唯然以教
佛告大慧空空者即是妄想自性處
大慧妄想自性計著者說空無生無
二離自性相大慧彼略說七種空謂
相空性自性空行空无行空一切法
離言說空第一義聖智大空彼彼空
云何相空謂一切性自共相空觀展
轉積聚故分別無性自共相不生自
他俱性無性故相不住是故說一切
性相空是名相空云何性自性空謂
自己性自性不生是名一切法性自性
空是故說性自性空云何行空謂陰
離我我所因所成所作業方便生是
名行空大惠即此如是行空展轉緣
起自性无性是名無行空云何一切
法離言說空謂妄想自性無言說故
一切法離言說是名一切法離言說
空云何一切法第一義聖智大空謂
得自覺聖智一切見過習氣空是名
一切法第一義聖智大空云何彼彼
空謂於彼無彼空是名彼彼空大慧
譬如鹿子母舍無象馬牛羊等非无
比丘衆而說彼空非舍舍性空亦非

比丘比丘性空非餘處無爲馬是名
一切法自相彼於彼无彼是名彼彼
空是名七種空彼彼空者是空寂處
汝當遠離大慧不自生非不生除住
三昧是名无生離自性即是無生離
自性剎那相續流注及異性現一切
性離自性是故一切性離自性云何
無二謂一切法如冷熱如長短如黑
白大慧一切法無二非於涅槃彼生
死非於生死彼涅槃異相因有性故是
名無二如涅槃生死一切法亦如是
是故空无生無二離自性相應當修
學尔時世尊欲重宣此義而說偈言
我常說空法 遠離於斷常 生死如幻夢
而彼業不壞 虛空及涅槃 滅二亦如是
愚夫作妄想 諸聖離有无

尔時世尊復告大慧菩薩摩訶薩言
大慧空無生無二離自性相普入諸
佛一切修多羅凡所有經悉說此義
諸修多羅悉隨衆生怖望心故為分
別說顯示其義而非真實在於言說
如鹿渴想誑惑群鹿鹿於彼相計著
水性而彼水无如是一切修多羅所

說諸法為令愚夫發歡喜故非實聖
智在於言說是故當依於義莫著言說
楞伽阿跋多羅寶經卷第一

癸卯歲高麗國大藏都監奉
勅彫造

楞伽阿跋多羅寶經卷第二

此

宋天竺三藏求那跋陀羅譯

一切佛語心品之二

尔時大慧菩薩摩訶薩白佛言世尊
世尊修多羅說如來藏自性清淨轉
三十二相入於一切衆生身中如大
價寶垢衣所纏如來之藏常住不變
亦復如是而陰界入垢衣所纏貪欲
恚癡不實妄想塵勞所汙一切諸佛
之所演說云何世尊同外道說我言
有如來藏耶世尊外道亦說有常作
者離於求那周遍不滅世尊彼說有
我佛告大慧我說如來藏不同外道
所說之我大慧有時說空无相無願如
實際法性法身涅槃離自性不生不
滅本來寂靜自性涅槃如是等句說
如來藏已如來應供等正覺為斷愚
夫畏無我句故說離妄想無所有境
界如來藏門大慧未來現在菩薩摩
訶薩不應作我見計著譬如陶家於
一泥聚以人工水木輪繩方便作種
種器如來亦復如是於法无我離一

切妄想相以種種智慧善巧方便或說如來藏或說無我以是因緣故說如來藏不同外道所說之我是名說如來藏開引計我諸外道故說如來藏令離不實我見妄想入三解脫門境界怖望疾得阿耨多羅三藐三菩提是故如來應供等正覺作如是說如來之藏若不如是則同外道所說之我是故大慧為離外道見故當休无我如來之藏尔時世尊欲重宣此義而說偈言

人相續陰 緣與微塵 勝自在作
心量妄想

尔時大慧菩薩摩訶薩觀未來衆生復請世尊唯願為說修行無間如諸菩薩摩訶薩修行者大方便佛告大慧菩薩摩訶薩成就四法得修行者大方便云何為四謂善分別自心現觀外性非性離生住滅見得自覺聖智善樂是名菩薩摩訶薩成就四法得修行者大方便云何菩薩摩訶薩善分別自心現謂如是觀三界唯心分齊離我我所無動搖離去來無始

虛偽習氣所熏三界種種色行繫縛
身財建立妄想隨入現是名菩薩摩
訶薩善分別自心現云何菩薩摩訶
薩善觀外性非性謂炎夢等一切性
無始虛偽妄想習因觀一切性自性
菩薩摩訶薩作如是善觀外性非性
是名菩薩摩訶薩善觀外性非性云
何菩薩摩訶薩善離生住滅見謂如
幻夢一切性自他俱性不生隨入自
心分齊故見外性非性見識不生及
緣不積聚見妄想緣生於三界內外
一切法不可得見離自性生見悉滅
知如幻等諸法自性得无生法忍得
無生法忍已離生住滅見是名菩薩
摩訶薩善分別離生住滅見云何菩
薩摩訶薩得自覺聖智善樂謂得无
生法忍住第八菩薩地得離心意意
識五法自性二無我相得意生身世
尊意生身者何因緣佛告大慧意生
者譬如意去还疾无寻故名意生譬
如意去石壁無寻於彼異方無量由
延因先所見憶念不忘自心流注不
絕於身無障碍生大慧如是意生身

得一時俱菩薩摩訶薩意生身如幻
三昧力自在神通妙相莊嚴聖種類
身一時俱生猶如意生无有障尋隨
所憶念本願境界為成熟衆生得自
覺聖智善樂如是菩薩摩訶薩得无
生法忍住第八菩薩地轉捨心意意
識五法自性二無我相身及得意生
身得自覺聖智善樂是名菩薩摩訶
薩成就四法得修行者大方便當如
是學

尔時大慧菩薩摩訶薩復請世尊唯
願為說一切諸法緣因之相以覺緣
因相故我及諸菩薩離一切性有無
妄見無妄想見漸次俱生佛告大慧
一切法二種緣相謂外及内外緣者
謂泥團柱輪繩水木人工諸方便緣
有瓶生如泥瓶縷疊草席種牙酪酥
等方便緣生亦復如是是名外緣前
後轉生云何内緣謂無明愛業等法
得緣名從彼生陰界入法得緣所起
名彼无老别而愚夫妄想是名内緣
法大慧彼因者有六種謂當有因相
續因相因作因顯示因待因當有因

者作因已內外法生相續因者作攀緣已內外法生陰種子等相因者作無間相相續生作因者作增上事如轉輪王顯示因者妄想事生已相現作所作如燈照色等待因者滅時作相續斷不妄想性生大慧彼自妄想相愚夫不漸次生不俱生所以者何若復俱生者作所作无分別不得因相故若漸次生者不得我相故漸次生不生如不生子無父名大慧漸次生相續方便不然但妄想耳因攀緣次第增上緣等生所生故大慧漸次不生妄想自性計著相故漸次俱不生自心現受用故自相共相外性非性大慧漸次俱不生除自心現不覺妄想故相生是故因緣作事方便相當離漸次俱見尔時世尊欲重宣此義而說偈言

一切都無生亦无因緣滅於彼生滅中而起因緣想非遽滅復生相續因緣起唯為斷凡愚癡惑妄想緣有无緣起法是恙無有生習氣所迷轉從是三有現真實无生緣亦復無有滅觀一切有為

猶如虛空花 攝受及所攝 捨離惑亂見
非已生當生 亦復无因緣 一切無所有
斯皆是言說

尔時大慧菩薩摩訶薩復白佛言世

尊唯願為說言說妄想相心經

此同上佛
語心也

世尊我及餘菩薩摩訶薩若善知言
說妄想相心經則能通達言說所說
二種義疾得阿耨多羅三藐三菩提
以言說所說二種趣淨一切衆生佛
告大慧諦聽諦聽善思念之當為汝
說大慧白佛言善哉世尊唯然受教
佛告大慧有四種言說妄想相謂相
言說夢言說過妄想計著言說无始
妄想言說相言說者從自妄想色相
計著生夢言說者先所經境界隨憶
念生從覺已境界無性生過妄想計著
言說者先然所作業隨憶念生无始妄
想言說者無始虛偽計著過自種習
氣生是名四種言說妄想相尔時大
慧菩薩摩訶薩復以此義勸請世尊
唯願更說言說妄想所現境界世尊
何處何故云何何因衆生妄想言說
生佛告大慧頭曾嗅鼻屑舌斷齒和

合出音聲大慧白佛言世尊言說妄想為異為不異佛告大慧言說妄想非異非不異所以者何謂彼因生相故大慧若言說妄想異者妄想不應是因若不異者語不顯義而有顯示是故非異非不異大慧復白佛言世尊為言說即是第一義為所說者是第一義佛告大慧非言說是第一義亦非所說是第一義所以者何謂第一義聖樂言說所入是第一義非言說是第一義第一義者聖智自覺所得非言說妄想覺境界是故言說妄想不顯示第一義言說者生滅動搖展轉因緣起若展轉因緣起者彼不顯示第一義大慧自他相无性故言說相不顯示第一義復次大慧隨入自心現量故種種相外性非性言說妄想不顯示第一義是故大慧當離言說諸妄想相尔時世尊欲重宣此義而說偈言

諸性無自性 亦復无言說 甚深空空義 愚夫不能了 一切性自性 言說法如影 自覺聖智子 實際我所說

尔時大慧菩薩摩訶薩復白佛言世尊唯願為說離有无一異俱不俱非有非無常無常一切外道所不行自覺聖智所行離妄想自相共相入於第一真實之義諸地相續漸次上上增進清淨之相隨入如來地相無開發本願譬如衆色摩屈境界无邊相行自心現趣部分之相一切諸法我及餘菩薩摩訶薩離如是等妄想自性自共相見疾得阿耨多羅三藐三菩提令一切衆生一切安樂具足充滿佛告大慧善哉善哉汝能問我如是之義多所安樂多所饒益哀愍一切諸天世人佛告大慧諦聽諦聽善思念之吾當為汝分別解說大慧白佛言善哉世尊唯然受教佛告大慧不知心量愚癡凡夫取内外性依於一異俱不俱有无非有无常無常自性習因計著妄想譬如群鹿為渴所逼見春時炎而作水想迷乱馳趣不知非水如是愚夫无始虚偽妄想所熏三毒燒心樂色境界見生住滅取内外性墮於一異俱不俱有无非

有非無常无常想妄見攝受如乾闥婆城凡愚无智而起城想無始習氣計著想現彼非有城非無城如是外道无始虛偽習氣計著依於一異俱不俱有無非有非无常無常見不能了知自心現量譬如有人夢見男女為馬車步城邑園林山河浴池種種莊嚴自身入中覺已憶念大慧於意云何如是士夫於前所夢憶念不捨為點慧不大慧白佛言不也世尊佛告大慧如是凡夫愚見所墜外道智慧不知如夢自心現量依於一異俱不俱有无非有非無常无常見譬如畫像不高不下而彼凡愚作高下想如是未來外道愚見習氣充滿依於一異俱不俱有無非有非无常無常見自壞壞他餘離有無無生之論亦說言無謗因果見拔善根本壞清淨因勝求者當遠離去作如是說彼墮自他俱見有无妄想已墮建立誹謗以是愚見當墮地獄譬如翳目見有垂髮謂衆人言汝等觀此而是垂髮畢竟非性非無性見不見故如是外

道妄見怖望依於一異俱不俱有無
非有非无常無常見誹謗正法自陷
陷他譬如火輪非輪愚夫輪想非有
智者如是外道惡見怖望依於一異
俱不俱有無非有非無常無常想一
切性生譬如水泡似摩尼珠愚小無
智作摩尼想計著追逐而彼水泡非
摩尼非非摩尼取不取故如是外道
惡見妄想習氣所熏於无所有說有
生緣有者言滅

復次大慧有三種量五分論各建立
已得聖智自覺離二自性事而作有
性妄想計著大慧心意意識身心轉
變自心現攝所攝諸妄想斷如來地
自覺聖智修行者不應於彼作性非
性想若復修行者如是境界性非性
攝取想生者彼即取長養及取我人
大慧若說彼性自性共相一切皆
是化佛所說非法佛說又諸言說悉
由愚夫怖望見生不為別建立趣自
性法得聖智自覺三昧樂住者分別
顯示譬如水中樹影現彼非影非
非影非樹形非非樹形如是外道見

習所熏妄想計著依於一異俱不俱
有無非有非无常無常想而不能知
自心現量譬如明鏡隨緣顯現一切
色像而無妄想彼非像非非像而見
像非像妄想愚夫而作像想如是外
道惡見自心像現妄想計著依於一
異俱不俱有無非有非无常無常見
譬如風水和合出聲彼非性非非性
如是外道惡見妄想依於一異俱不
俱有無非有非无常無常見譬如大
地無草木處熱炎川流洪浪雲踴彼
非性非非性貪無貪故如是愚夫無
始虛偽習氣所熏妄想計著依生住
滅一異俱不俱有無非有非无常無
常緣自住事門亦復如彼熱炎波浪
譬如有人呪術機發以非衆生數毗
舍闍鬼方便合成動搖云為凡愚妄
想計著往來如是外道惡見惴望依
於一異俱不俱有無非有非无常無
常見戲論計著不實建立大慧是故欲
得自覺聖智事當離生住滅一異俱不
俱有無非有非无常无常等惡見妄
想尔時世尊欲重宣此義而說偈言

幻夢水樹影 垂髮熱時炎 如是觀三有
究竟得解脫 譬如鹿渴想 動轉迷亂心
鹿想謂為水 而實無水事 如是識種子
動轉見境界 愚夫妄想生 如為翳所翳
於無始生死 計著攝受性 如逆指出指
捨離貪攝受 如幻呪機發 浮雲夢電光
觀是得解脫 永斷三相續 於彼无有作
猶如炎虛空 如是知諸法 則為无所知
言教唯假名 彼亦無有相 於彼起妄想
陰行如垂髮 如畫垂髮幻 夢乳闍婆城
火輪熱時炎 無而現衆生 常无常一異
俱不俱亦然 无始過相續 愚夫癡妄想
明鏡水淨眼 摩尼妙寶珠 於中現衆色
而實无所有 一切性顯現 如畫熱時炎
種種衆色現 如夢無所有
復次大慧如來說法離如是四句謂
一異俱不俱有無非有非无常無常
離於有無建立誹謗分別結集真諦
緣起道滅解脫如來說法以是為首
非性非自在非無因非微塵非時非
自性相續而為說法復次大慧為淨
煩惱尔炎障故譬如商主次第建立
百八句無所有善分別諸乘及諸地相

復次大慧有四種禪云何為四謂愚夫所行禪觀察義禪攀緣如禪如來禪云何愚夫所行禪謂聲聞緣覺外道修行者觀人無我性自相共相骨錄元常苦不淨相計著為首如是相不異觀前後轉進想不除滅是名愚夫所行禪云何觀察義禪謂人無我自相共相外道自他俱無性已觀法無我彼地相義漸次增進是名觀察義禪云何攀緣如禪謂妄想二無我妄想如實處不生妄想是名攀緣如禪云何如來禪謂入如來地行自覺聖智相三種樂住成辦衆生不思議事是名如來禪余時世尊欲重宣此義而說偈言

凡夫所行禪 觀察相義禪 攀緣如實禪
如來清淨禪 譬如日月形 鉢頭摩深嶮
如虛空火燼 修行者觀察 如是種種相
外道道通禪 亦復墮聲聞 及緣覺境界
捨離彼一切 則是無所有一切剎諸佛
以不思議乎一時摩其頂 隨順入如相
余時大慧菩薩摩訶薩復白佛言世
尊般涅槃者說何等法 謂為涅槃佛

告大慧一切自性習氣藏意識見習
轉變名為涅槃諸佛及我涅槃自性
空事境界復次大慧涅槃者聖智自
覺境界離斷常妄想性非性云何非
常謂自相共相妄想斷故非常云何
非斷謂一切聖去來現在得自覺故
非斷大慧涅槃不壞不死若涅槃死
者復應受生相續若壞者應墮有為
相是故涅槃離離死是故修行者
之所歸依復次大慧涅槃非捨非得
非斷非常非一義非種種義是名涅
槃復次大慧聲聞緣覺涅槃者覺自
相共相不習近境界不顛倒見妄想
不生彼等於彼作涅槃覺復次大慧
二種自性相云何為二謂言說自性
相計著事自性相計著言說自性相
計著者從无始言說虛偽習氣計著
生事自性相計著者從不覺自心現
分齊生

復次大慧如來以二種神力建立菩
薩摩訶薩頂礼諸佛聽受問義云何
二種神力建立謂三昧正受為現一
切身面言說神力及手灌頂神力大

慧菩薩摩訶薩初菩薩地住佛神力
所謂入菩薩大衆照明三昧入是三
昧已十方世界一切諸佛以神通力
為現一切身面言說如金剛藏菩薩
摩訶薩及餘如是相功德成就菩薩
摩訶薩大慧是名初菩薩地菩薩摩
訶薩得菩薩三昧正受神力於百千
劫積集善根之所成就次第諸地對
治所治相通達究竟至法雲地住大
蓮花微妙宮殿坐大蓮花寶師子座
同類菩薩摩訶薩眷屬圍遶衆寶瓔
珞莊嚴其身如黃金瞻蔔日月光明
諸眾勝手從十方來就大蓮花宮殿
坐上而灌其頂譬如自在轉輪聖王
及天帝釋太子灌頂是名菩薩手灌
頂神力大慧是名菩薩摩訶薩二種
神力若菩薩摩訶薩住二種神力面
見諸佛如來若不如是則不能見復
次大慧菩薩摩訶薩凡所分別三昧
神足說法之行是等一切志住如來
二種神力大慧若菩薩摩訶薩離佛
神力能辯說者一切凡夫亦應能說
所以者何謂不住神力故大慧山石

樹木及諸樂器城墻宮殿以如來入
城威神力故皆自然出音樂之聲何
況有心者聾盲瘡痼无量衆苦皆得
解脫如來有如是等無量神力利安
衆生大慧菩薩復白佛言世尊以何
因緣如來應供等正覺菩薩摩訶薩
住三昧正受時及勝進地灌頂時加
其神力佛告大慧為離魔業煩惱故
及不墮聲聞地禪故為得如來自覺
地故及增進所得法故是故如來應
供等正覺咸以神力建立諸菩薩摩
訶薩若不以神力建立者則墮外道
惡見妄想及諸聲聞衆魔怖望不得
阿耨多羅三藐三菩提以是故諸佛
如來咸以神力攝受諸菩薩摩訶薩
尔時世尊欲重宣此義而說偈言
神力人中尊 大願悉清淨 三摩提灌頂
初地及十地

尔時大慧菩薩摩訶薩復白佛言世
尊佛說緣起如是說因緣不自說道
世尊外道亦說因緣謂勝自在時微
塵生如是諸性生然世尊所謂因緣
生諸性言說有聞悉檀无聞悉檀

言成或言說

世尊外道亦說有無有

生世尊亦說無有生已滅如世尊
所說無明緣行乃至老死此是世尊
無因說非有因說世尊建立作如是
說此有故彼有非建立漸生觀外道
說勝非如來也所以者何世尊外道
說因不從緣生而有所生世尊說觀
因有事觀事有因如是因緣雜亂如
是展轉無窮佛告大慧我非无因說
及因緣雜亂說此有故彼有者攝所
攝非性覺自心現量大慧若攝所攝
計著不覺自心現量外境界性非性
彼有如是過非我說緣起我常說言
因緣和合而生諸法非无因生大慧
復白佛言世尊非言說有性有一切
性耶世尊若无性者言說不生世尊
是故言說有性有一切性佛告大慧
無性而作言說謂兔角龜毛等世間
現言說大慧非性非非性但言說可
如汝所說言說自性有一切性者汝
論則壞大慧非一切刹土有言說言
說者是作相耳或有佛刹瞻視顯法或
有作相或有揚眉或有動睛或笑或

欠或聲咳或念刹土或動搖大慧如
瞻視及香積世界普賢如來國土但
以瞻視令諸菩薩得無生法忍及殊
勝三昧是故非言說有性有一切性
大慧見此世界蚊蚋虫蟻是等衆生
無有言說而各辦事今時世尊欲重
宣此義而說偈言

如虛空兔角 及與豚夫子 无而有言說
如是性妄想 因緣和合法 凡愚起妄想
不能如實知 輪迴三有宅

今時大慧菩薩摩訶薩復白佛言世
尊常聲者何事說佛告大慧為惑亂
以彼惑亂諸聖示現而非顛倒大慧
如春時炎火輪垂駮軋聞婆城幻夢
鏡像世間顛倒非明智也然非不現
大慧彼惑亂者有種種現非惑亂作
無常所以者何謂離性非性故大慧
云何離性非性惑亂謂一切愚夫種
種境界故如彼恒河餓鬼見不見故
无惑亂性於餘現故非無性如是惑
亂諸聖離顛倒不顛倒是故惑亂常
謂相相不壞故大慧非惑亂種種相
妄想相壞是故惑亂常大慧云何惑

亂真實者復因緣諸聖於此惑亂不起顛倒覺非不顛倒覺大慧除諸聖於此惑亂有少分想非聖智事想大慧凡有者愚夫妄說非聖言說彼惑亂者倒不倒妄想起二種種性謂聖種性及愚夫種性聖種性者三種分別謂聲聞緣覺乘佛乘云何愚夫妄想起聲聞乘種性謂自共相計著起聲聞乘種性是名妄想起聲聞乘種性大慧即彼惑亂妄想起緣覺乘種性謂即彼惑亂自共相不觀計著起緣覺乘種性云何智者即彼惑亂想起佛乘種性謂覺自心現量外性非性不妄想起佛乘種性是名即彼惑亂起佛乘種性又種種事性凡夫惑想起愚夫種性彼非有事非元事是名種性義大慧即彼惑亂不妄想起諸聖心意意識過習氣自性法轉變性是名為如是故說如離心我說此句顯示離想即說離一切想

大慧白佛言世尊惑亂為有為无佛告大慧如幻無計著相若惑亂有計著相者計著性不可滅緣起應如外

道說因緣生法大慧白佛言世尊若
惑亂如幻者復當與餘惑作因佛告
大慧非幻惑因不起過故大慧幻不
起過無有妄想大慧幻者從他明處
生非自妄想過習氣處生是故不起
過大慧此是愚夫心惑計著非聖賢
也余時世尊欲重宣此義而說偈言
聖不見惑亂 中間亦無實中間若真實
惑亂即真實 捨離一切惑若有相生者
是亦為惑亂 不淨猶如翳

復次大慧非幻無有相似見一切法
如幻大慧白佛言世尊為種種幻相
計著言一切法如幻為異相計著若
種種幻相計著言一切性如幻者世
尊有性不如幻者所以者何謂色種
種相非因世尊無有因色種種相現
如幻世尊是故无種種幻相計著相
似性如幻佛告大慧非種種幻相計
著相似一切法如幻大慧然不實一
切法速滅如電是則如幻大慧譬如
電光剎那頃現現已即滅非愚夫現
如是一切性自妄想自共相觀察無
性非現色相計著余時世尊欲重宣

此義而說偈言

非幻無有譬說法性如幻不實速如電
是故說如幻

大慧復白佛言如世尊所說一切性
無生及如幻將無世尊前後所說自
相違耶說無生性如幻佛告大慧非
我說無生性如幻前後相違過所以
者何謂生無生覺自心現量有非有
外性非性無生現大慧非我前後說
相違過然壞外道因生故我說一切
性無生大慧外道癡聚欲令有无有
生非自妄想種種計著緣大慧我非
有無有生是故我以無生說而說大
慧說性者為攝受生死故壞无見斷
見故為我弟子攝受種種業受生處
故以性聲說攝受生死大慧說幻性
自性相為離性自性相故墮愚夫惡
見相怖望不知自心現量壞因所作
生緣自性相計著說幻夢自性相一
切法不令愚夫惡見怖望計著自及
他一切法如實處見作不正論大慧
如實處見一切法者謂起自心現量
今時世尊欲重宣此義而說偈言

無生作非性 有性攝生死 觀察如幻等
於相不妄想

復次大慧當說名句形身相善觀名
句形身菩薩摩訶薩隨入義句形身
疾得阿耨多羅三藐三菩提如是覺
已覺一切衆生大慧名身者謂若依
事立名是名名身句身者謂句有義
身自性決定究竟是名句身形身者
謂顯示名句是名形身形身即字也又形身
者謂長短高下又句身者謂徑跡如
爲馬人獸等所行徑跡得句身名大
慧名及形者謂以名說無色四陰故
說名自相現故說形是名名句形身
說名句形身相分齊應當修學今時
世尊欲重宣此義而說偈言

名身與句身 及形身差別 凡夫愚計著
如爲溺深泥

復次大慧未來世智者當以離一異
俱不俱見相我所通義問无智者彼
即答言此非正問謂色等常無常爲
異不異如是涅槃諸行相所相求卽
所求卽造所造見所見塵及微塵修
與修者如是比展轉相如是等問而

言佛說無記止論非彼癡人之所能
知謂聞慧不具故如來應供等正覺
令彼離恐怖句故說言無記不為記
說又止外道見論故而不為說大慧
外道作如是說謂命即是身如是等
無記論大慧彼諸外道愚癡於因作
无記論非我所說大慧我所說者離
攝所攝妄想不生云何止彼大慧若
攝所攝計著者不知自心現量故止
彼大慧如來應供等正覺以四種記
論為衆生說法大慧止記論者我時
時說為根未熟不為熟者

復次大慧一切法離所作因緣不生
無作者故一切法不生大慧何故一
切性離自性以自覺觀時自共性相
不可得故說一切法不生何故一切
法不可持來不可持去以自共相欲
持來無所來欲持去無所去是故一
切法離持來去大慧何故一切諸法
不滅謂性自性相無故一切法不可
得故一切法不滅大慧何故一切法
無常謂相起無常性是故說一切法
无常大慧何故一切法常謂相起無

生性無常常故說一切法常今時世尊欲重宣此義而說偈言

記論有四種一向及詰問分別及止論以制諸外道有及非有生信佞毗舍師一切悉無記彼如是顯示正覺所分別自性不可得以離於言說故說離自性今時大慧菩薩摩訶薩復白佛言世尊唯願為說諸須陀洹須陀洹趣老別通相及斯陀含阿那含阿羅漢方便相分別知已如是如是為衆生說法謂二無我相及二障淨度諸地相究竟通達得諸如來不思議究竟境界如衆色摩尼善能饒益一切衆生以一切法境界无盡身財攝養一切佛告大慧諦聽諦聽善思念之今為汝說大慧白佛言善哉世尊唯然聽受佛告大慧有三種須陀洹須陀洹果差別云何為三謂下中上三者極七有生中者三五有生而般涅槃上者即彼生而般涅槃此三種有三結下中上云何三結謂身見疑戒取是三結老別上上昇進得阿羅漢

大慧身見有二種謂俱生及妄想如緣起妄想自性妄想譬如依緣起自性種種妄想自性計著生以彼非有非無非有無無實妄想相故愚夫妄想種種妄想自性相計著如熱時炎鹿渴水想是須陀洹妄想身見彼以人無我攝受無性斷除久遠無知計著大慧俱生者須陀洹身見自他身等四陰無色相故色生造及所造故展轉相因相故大種及色不集故須陀洹觀有無品見身見則斷如是身見斷貪則不生是名身見相大慧疑相者謂得法善見相故及先二種身見妄想斷故疑法不生不於餘處起大師見為淨不淨是名疑相須陀洹斷大慧戒取者云何須陀洹不取戒謂善見受生處苦相故是故不取大慧取者謂愚夫決定受習苦行為衆樂具故求受生彼則不取除迴向自覺勝離妄想無漏法相行方便受持戒支是名須陀洹取戒相斷須陀洹斷三結貪癡不生若須陀洹作是念此諸結我不成就者應有二過墮

身見及諸結不斷大慧白佛言世尊
世尊說衆多貪欲彼何者貪斷佛告
大慧愛樂女人纏綿貪著種種方便
身口惡業受現在樂種未來苦彼則
不生所以者何得三昧正受樂故是
故彼斷非趣涅槃貪斷大慧云何斯
陀舍相謂頓照色相妄想生相見相
不生善見禪趣相故頓來此世盡苦
際得涅槃是故名斯陀舍大慧云何
阿那含謂過去未來現在色相性非
性生見過患使妄想不生故及結斷
故名阿那舍大慧阿羅漢者謂諸禪
三昧解脫力明煩惱苦妄想非性故
名阿羅漢

大慧白佛言世尊世尊說三種阿羅
漢此說何等阿羅漢世尊為得寂靜
一乘道為菩薩摩訶薩方便示現阿
羅漢為佛化化佛告大慧得寂靜一
乘道聲聞非餘餘者行菩薩行及佛
化化巧方便本願故於大衆中示現
受生為莊嚴佛眷屬故大慧於妄想
處種種說法謂得果得禪者入禪志
遠離故示現得自心現量得果相說

名得果復次大慧欲超禪無量無色
界者當離自心現量相大慧受想正受
超自心現量者不然何以故有心量
故今時世尊欲重宣此義而說偈言
諸禪四無量無色三摩提一切受想滅
心量彼无有須陀那果往來及不還
及與阿羅漢斯等心惑亂禪者禪及緣
斷知是真諦此則妄想量若覺得解脫
復次大慧有二種覺謂觀察覺及妄
想相攝受計著建立覺大慧觀察覺
者謂若覺性自性相選擇離四句不
可得是名觀察覺大慧彼四句者謂
離一異俱不俱有无非有非無常无
常是名四句大慧此四句離是名一
切法大慧此四句觀察一切法應當
修學大慧云何妄想相攝受計著建
立覺謂妄想相攝受計著堅濕煖動
不實妄想相四大種宗因想譬喻計
著不實建立而建立是名妄想相攝
受計著建立覺是名二種覺相若菩
薩摩訶薩成就此二覺相人法無我
相究竟善知方便无所有覺觀察行
地得初地八百三昧得差別三昧見

百佛及百菩薩知前後際各百劫事
光照百剎土知上上地相大願殊勝
神力自在法雲灌頂當得如來自覺
地善繫心十无盡句成熟衆生種種
變化光明莊嚴得自覺聖樂三昧
正受故

復次大慧菩薩摩訶薩當善四大造
色云何善菩薩善四大造色大慧菩薩
摩訶薩作是學彼真諦者四大不生
於彼四大不生作如是觀察觀察已
覺名相妄想分齊自心現分齊外性
非性是名自心現妄想分齊謂三界觀
彼四大造色性離四句通淨離我我
所如實相自相分齊住无生自相成
大慧彼四大種云何生造色謂津潤
妄想大種生内外水界堪能妄想大
種生内外火界飄動妄想大種生内
外風界斷截色妄想大種生内外地
界色及虛空俱計著邪諦五陰集聚
四大造色生大慧識者因樂種種跡
境界故餘趣相續大慧地等四大及
造色等有四大緣非彼四大緣所以
者何謂性形相處所作方便无性大

種不上大慧性形相處所作方便和
合生非無形是故四大造色相外道
妄想非我

復次大慧當說諸陰自性相云何諸
陰自性相謂五陰云何五謂色受想
行識彼四陰非色謂受想行識大慧
色者四大及造色各各異相大慧非
無色有四數如虛空譬如虛空過數
相離於數而妄想言一虛空大慧如
是陰過數相離於數離性非性離四
句數相者愚夫言說所說非聖賢也
大慧聖者如幻種種色像離異不異
施設又如夢影士夫身離異不異故
大慧聖智趣同陰妄想現是名諸陰
自性相汝當除滅滅已說寂靜法斷
一切佛剎諸外道見大慧說寂靜時
法無我見淨及入不動地入不動地
已無量三昧自在及得意生身得如
幻三昧通達究竟力明自在救攝饒
益一切衆生猶如大地載育衆生菩
薩摩訶薩普濟衆生亦復如是

復次大慧諸外道有四種涅槃云何
為四謂性自性非性涅槃種種相性

非性涅槃自相自性非性覺涅槃諸陰自共相相續流注斷涅槃是名諸外道四種涅槃非我所說法大慧我所說者妄想識滅名為涅槃

大慧白佛言世尊不建立八識耶佛言建立大慧白佛言若建立者云何離意識非七識佛告大慧彼因及彼攀緣故七識不生意識者境界分段計著生習氣長養藏識意俱我我所計著思惟因緣生不壞身相藏識因攀緣自心現境界計著心聚生展轉相因譬如海浪自心現境界風吹若生若滅亦如是是故意識滅七識亦滅今時世尊欲重宣此義而說偈言我不涅槃性所作及與相妄想今炎識此滅我涅槃彼因彼攀緣意趣等成身與因者是心為識之所依如水大流盡波浪則不起如是意識滅種種識不生復次大慧今當說妄想自性分別通相若妄想自性分別通相善分別汝及餘菩薩摩訶薩離妄想到自覺聖外道通趣善見覺攝所攝妄想斷緣起種種相妄想自性行不復妄想大

慧云何妄想自性分別通相謂言說
妄想所說事妄想相妄想利妄想自
性妄想因妄想見妄想起成妄想生妄
想不生妄想相續妄想縛不縛妄想
是名妄想自性分別通相大慧云何
言說妄想謂種種妙音歌詠之聲美
樂計著是名言說妄想大慧云何所
說事妄想謂有所說事自性聖智所
知依彼而生言說妄想是名所說事
妄想大慧云何相妄想謂即彼所說
事如鹿渴想種種計著而計著謂堅
濕煖動相一切性妄想是名相妄想
大慧云何利妄想謂樂種種金銀珍
寶是名利妄想大慧云何自性妄想
謂自性持此如是不異惡見妄想是
名自性妄想大慧云何因妄想謂若
因若緣有无分別因相生是名因妄
想大慧云何見妄想謂有無一異俱
不俱惡見外道妄想計著妄想是名
見妄想大慧云何成妄想謂我我所
想成決定論是名成妄想

大慧云何生妄想謂緣有無性生計
著是名生妄想大慧云何不生妄想

謂一切性本無生無種因緣生無因
身是名不生妄想。大慧云何相續？妄
想謂彼俱相續如金縷。是名相續。妄
想大慧云何縛不縛？妄想謂縛。因緣
計著如士夫方便。若縛若解是名縛
不縛。妄想於此妄想自性分別通相
一切愚夫計著有。无大慧計著緣起
而計著者種種妄想計著自性如幻
示現種種之身。凡夫妄想見種種異
幻大慧。幻與種種非異非不異。若異
者幻非種種。因若不異者幻與種種
無差別而見差別。是故非異非不異
是故大慧。汝及餘菩薩摩訶薩如幻
緣起妄想自性異不異有無莫計著
。今時世尊欲重宣此義而說偈言
心縛於境界 覺想智隨轉 无所有及勝
平等智慧生 妄想自性有 於緣起則无
妄想或攝受 緣起非妄想 種種支分生
如幻則不成 彼相有種種 妄想則不成
彼相則是過 皆從心縛生 妄想无所知
於緣起妄想 此諸妄想性 即是彼緣起
妄想有種種 於緣起妄想 世諦第一義
第三無因生 妄想說世諦 斷則聖境界

譬如修行事 於一種種現 於彼無種種
妄想相如是 譬如種種翳 妄想衆色現
翳無色非色 緣起不覺然 譬如鍊真金
遠離諸垢穢 虛空无雲翳 妄想淨亦然
无有妄想性 及有彼緣起 建立及誹謗
悉由妄想壞 妄想若无性 而有緣起性
無性而有性 有性無性生 依因於妄想
而得彼緣起 相名常相隨 而生諸妄想
究竟不成就 則度諸妄想 然後知清淨
是名第一義 妄想有十二 緣起有六種
自覺知今矣 彼無有差別 五法為真實
自性有三種 修行分別此 不越於如如
衆相及緣起 彼名起妄想 彼諸妄想相
從彼緣起生 覺慧善觀察 无緣無妄想
成已無有性 云何妄想覺 彼妄想自性
建立二自性 妄想種種現 清淨聖境界
妄想如畫色 緣起計妄想 若異妄想者
即依外道論 妄想說所想 目見和合生
離二妄想者 如是則為成
大慧菩薩摩訶薩復白佛言世尊唯
願為說自覺聖智相及一乘若說自覺
聖智相及一乘我及餘菩薩善自覺
聖智相及一乘不由於他通達佛法

佛告大慧諦聽諦聽善思念之當為
汝說大慧白佛言唯然受教佛告大
慧前聖所知轉相傳授妄想無性菩
薩摩訶薩獨一靜處自覺觀察不由
於他離見妄想上上昇進入如來地
是名自覺聖智相大慧云何一乘相
謂得一乘道覺我說一乘云何得一
乘道覺謂攝所攝妄想如實處不生
妄想是名一乘覺大慧一乘覺者非
餘外道聲聞緣覺梵天王等之所能
得唯除如來以是故說名一乘大慧
白佛言世尊何故說三乘而不說一
乘佛告大慧不自般涅槃法故不說
一切聲聞緣覺一乘以一切聲聞緣
覺如來調伏授寂靜方便而得解脫
非自己力是故不說一乘
復次大慧煩惱障業習氣不斷故不
說一切聲聞緣覺一乘不覺法无我
不離分段死故說三乘大慧彼諸一
切起煩惱過習氣斷及覺法無我彼
一切起煩惱過習氣斷三昧樂味著
非性無漏界覺覺已復入出世間上
上无漏界滿足衆具當得如來不思

議自在法身今時世尊欲重宣此義而說偈言

諸天及梵乘 聲聞緣覺乘 諸佛如來乘
我說此諸乘 乃至有心轉 諸乘非究竟
若彼心滅盡 无乘及乘者 无有乘建立
我說為一乘 引導衆生故 分別說諸乘
解脫有三種 及與法無我 煩惱智慧等
解脫則遠離 譬如海浮木 常隨波浪轉
聲聞愚亦然 相風所飄蕩 彼起煩惱滅
除習煩惱愚 味著三昧樂 安住无漏界
無有究竟趣 亦復不退還 得諸三昧身
乃至劫不覺 譬如昏醉人 酒消然後覺
彼覺法亦然 得佛無上身

楞伽阿跋多羅寶經卷第二

癸卯歲高麗國大藏都監奉
勅彫造

楞伽阿跋多羅寶經卷第三

此

一切佛語心品之三

宋天竺三藏求那跋陀羅譯

尔時世尊告大慧菩薩摩訶薩言意
生身分別通相我今當說諦聽諦聽
善思念之大慧白佛言善哉世尊唯
然受教佛告大慧有三種意生身云
何為三所謂三昧樂正受意生身覺
法自性性意生身種類俱生無行作
意生身修行者了知初地上增進相
得三種身大慧云何三昧樂正受意
生身謂第三第四第五地三昧樂正
受故種種自心寂靜安住心海起浪
識相不生知自心現境界性非性是
名三昧樂正受意生身大慧云何覺
法自性性意生身謂第八地觀察覺
了如幻等法悉無所有身心轉變得
如幻三昧及餘三昧門無量相力自
在明如妙華莊嚴莊嚴如意猶如幻
夢水月鏡像非造非所造如造所造
一切色種種支分具足莊嚴隨入一
切佛剎大衆通達自性法故是名覺

法自性性意生身大慧云何種類俱
生無行作意生身所謂覺一切佛法
緣自得樂相是名種類俱生無行作
意生身大慧於彼三種身相觀察覺
了應當修學尔時世尊欲重宣此義
而說偈言

非我乘大乘非說亦非字非諦非解脫
非無有境界然乘摩訶衍三摩提自在
種種意生身自在華莊嚴

尔時大慧菩薩摩訶薩白佛言世尊
如世尊說若男子女人行五無間業
不入無擇地獄世尊云何男子女人
行五無間業不入無擇地獄佛告大
慧諦聽諦聽善思念之當為汝說大
慧白佛言善哉世尊唯然受教佛告
大慧云何五無間業所謂煞父母及
害羅漢破壞衆僧惡心出佛身血大
慧云何衆生母謂愛更受生貪喜俱
如緣母立無明為父生入處聚落斷
二根本名害父母彼諸使不現如鼠
毒發諸法究竟斷彼名害羅漢云何
破僧謂異相諸陰和合積聚究竟斷
彼名為破僧大慧不覺外自共相自

心現量七識身以三解脫無漏惡想
究竟斷彼七種識佛名為惡心出佛
身血若男子女人行此無間者名五
無間事亦名无間業

復次大慧有外無間今當演說汝及
餘菩薩摩訶薩聞是義已於未來世
不墮愚癡云何五無間謂先所說無
間若行此者於三解脫一一不得無
間等法除此法已餘化神力現无間等
謂聲聞化神力菩薩化神力如來
化神力為餘作無間罪者除疑悔過
為勸發故神力變化現無間等无有
一向作無間事不得無間等法除覺自
心現量離身財妄想離我所攝受
或時遇善知識解脫餘趣相續妄想
尔時世尊欲重宣此義而說偈言
貪憂名為母 无明則為父 覺境識為佛
諸使為羅漢 陰集名為僧 無間次第斷
謂是五無間 不入無擇獄

尔時大慧菩薩復白佛言世尊唯願
為說佛之知覺世尊何等是佛之知
覺佛告大慧覺人法无我了知二障
離二種死斷二煩惱是名佛之知覺

聲聞緣覺得此法者亦名為佛以是因緣故我說一乘今時世尊欲重宣此義而說偈言

善知二無我 二障煩惱斷 永離二種死
是名佛知覺

尔時大慧菩薩白佛言世尊何故世尊於大衆中唱如是言我是過去一切佛及種種受生我今時作湯陀轉輪聖王六牙大鳥及鸚鵡鳥釋提桓因善眼仙人如是等百千生經說佛告大慧以四等故如來應供等正覺於大衆中唱如是言我今時作拘留孫鈎那含牟尼迦葉佛云何四等謂字等語等法等身等是名四等以四種等故如來應供等正覺於大衆中唱如是言云何字等若字稱我為佛彼字亦稱一切諸佛彼字自性无有差別是名字等云何語等謂我六十四種梵音言語相生彼諸如來應供等正覺亦如是六十四種梵音言語相生無增無減無有差別迦陵頻伽梵音聲性云何身等謂我與諸佛法身及色身相好无有差別除為調伏

彼彼諸趣老別衆生故示現種種老
別色身是名身等云何法等謂我及
彼佛得三十七菩提分法略說佛法
無障尋智是名四等是故如來應供
等正覺於大衆中唱如是言今時世
尊欲重宣此義而說偈言

迦葉拘留孫 鈎部合是我 以此四種等
我為佛子說

大慧復白佛言如世尊所說我從某
夜得寂正覺乃至某夜入般涅槃於
其中間乃至不說一字亦不已說當
說不說是佛說大慧白佛言世尊如
來應供等正覺何因說言不說是佛
說佛告大慧我因二法故作如是說
云何二法謂緣自得法及本住法是
名二法因此二法故我如是說云何
緣自得法若彼如來所得我亦得之
無增無減緣自得法究竟境界離言
說妄想離字二趣云何本住法謂古
先聖道如金銀等性法界常住若如
來出世若不出世法界常住如趣彼
成道辟如士夫行曠野中見向古城
平坦正道即隨入城受如意樂大慧

於意云何彼士夫作是道及城中種種
樂耶答言不也佛告大慧我及過去一
切諸佛法界常住亦復如是是故說
言我從某夜得取正覺乃至某夜入
般涅槃於其中間不說一字亦不已
說當說今時世尊欲重宣此義而說
偈言

我某夜成道 至某夜涅槃 於此二中間
我都無所說 緣自得法住 故我作是說
彼佛及與我 悉無有差別

今時大慧菩薩復請世尊唯願為說
一切法有無有相令我及餘菩薩摩
訶薩離有元有相疾得阿耨多羅三
藐三菩提佛告大慧諦聽諦聽善思
念之當為汝說大慧白佛言善哉世
尊唯然受教佛告大慧此世間依有
二種謂依有無及墮性非性欲見不離
離相大慧云何世間依有謂有世間
因緣生非不有從有生非元有生大
慧彼如是說者是說世間無因大慧
云何世間依無謂受貪恚癡性已然
後妄想計著貪恚癡性非性大慧若
不取有性者性相寂靜故謂諸如來

聲聞緣覺不取貪恚癡性為有為無
大慧此中何等為壞者大慧白佛言
世尊若彼取貪恚癡性後不復取佛
告大慧善哉善哉汝如是解大慧非
但貪恚癡性非性為壞者於聲聞緣
覺及佛亦是壞者所以者何謂內外
不可得故煩惱性異不異故大慧貪
恚癡若內若外不可得貪恚癡性無
身故無取故非佛聲聞緣覺是壞者
佛聲聞緣覺自性解脫故縛與縛因
非性故大慧若有縛者應有縛是縛
因故大慧如是說壞者是名無所有相
大慧因是故我說寧取人見如須弥
山不起無所有增上慢空見大慧無
所有增上慢者是名為壞墮自共相
見怖望不知自心現量見外性元常
剎那展轉壞陰界入相續流注變滅
離文字相妄想是名壞者余時世尊
欲重宣此義而說偈言

有无是二邊 乃至心境界 淨除彼境界
平等心寂滅 无取境界性 滅非无所有
有事悉如如 如賢聖境界 無種而有生
生已而復滅 因緣有非有 不住我教法

非外道非佛 非我亦非餘 因緣所集起
云何而得無 誰集因緣有 而復說言無
邪見論生法 妄想計有無 若知無所生
亦復无所滅 觀世悉空寂 有無二俱離
尔時大慧菩薩復白佛言世尊唯願
為我及諸菩薩說宗通相若善分別
宗通相者我及諸菩薩通達是相通
是相已速成阿耨多羅三藐三菩提
不隨覺想及眾魔外道佛告大慧諦
聽諦聽善思念之當為汝說大慧白
佛言唯然受教佛告大慧一切聲聞
緣覺菩薩有二種通相謂宗通及說
通大慧宗通者謂緣自得勝進相遠
離言說文字妄想趣無漏界自覺地
自相遠離一切虛妄覺想降伏一切
外道眾魔緣自覺起光明暉發是名
宗通相云何說通相謂說九部種種
教法離異不異有無等相以巧方便
隨順眾生如應說法令得度脫是名
說通相大慧汝及餘菩薩應當修學
尔時世尊欲重宣此義而說偈言
宗及說通相 緣自與教法 若見善分別
不隨諸覺想 非有真實性 如愚夫妄想

云何起欲想 非性為解脫 觀察諸有為
生滅等相續 增長於二見 顛倒無所知
一是為真諦 元罪為涅槃 觀察世妄想
如幻夢芭蕉 雖有貪恚癡 而實無有人
從愛生諸陰 有皆如幻夢

尔時大慧菩薩白佛言世尊唯願為
說不實妄想相不實妄想云何而生
說何等法名不實妄想於何等法中
不實妄想佛告大慧善哉善哉能問
如來如是之義多所饒益多所安樂
哀愍世間一切天人諦聽諦聽善思
念之當為汝說大慧白佛言善哉世
尊唯然受教佛告大慧種種義種種
不實妄想計著妄想生大慧攝所攝
計著不知自心現量及墮有无見增
長外道見妄想習氣計著外種種義
心心數妄想計著我我所生大慧白
佛言世尊若種種義種種不實妄想
計著妄想生攝所攝計著不知自心
現量及墮有无見增長外道見妄想
習氣計著外種種義心心數妄想我
我所計著生世尊若如是外種種義
相墮有無相離性非性離見相世尊

第一義亦如是離量限分譬喻因相世尊何故一處妄想不實義種種性計者妄想生非計者第一義處相妄想生將無世尊說邪因論邪說一生一不生佛告大慧非妄想一生一不生所以者何謂有無妄想不生故外現性非性覺自心現量妄想不生大慧我說餘愚夫自心種種妄想相故事業在前種種妄想性想計者生云何愚夫得離我我所計者見離作所作因緣過覺自妄想心量身心轉變究竟明解一切地如來自覺境界離五法自性事見妄想以是因緣故我說妄想從種種不實義計者生知如實義得解脫息種種妄想今時世尊欲重宣此義而說偈言

諸因及與緣 從此生世間 妄想著四句
不知我所通 世間非有生 亦復非无生
不從有無生 亦非非有無 諸因及與緣
云何愚妄想 非有亦非無 亦復非有無
如是觀世間 心轉得無我 一切性不生
以從緣生故 一切緣所作 所作非自有
事不自生事 有二事過故 無二事過故

非有性可得 觀諸有為法 離攀緣所緣
無心之心量 我說為心量 量者自性處
緣性二俱離 性究竟妙淨 我說名為量
施設世諦我 彼則無實事 諸陰陰施設
無事亦復然 有四種平等 相及因性生
第三無我等 第四修修者 妄想習氣轉
有種種心生 境界於外現 是世俗心量
外現而非有 心見彼種種 建立於身財
我說為心量 離一切諸見 及離想所想
無得亦无生 我說為心量 非性非非性
性非性患離 謂彼心解脫 我說為心量
如如與空際 涅槃及法界 種種意生身
我說為心量

今時大慧菩薩白佛言世尊如世尊
所說菩薩摩訶薩當善語義云何為
菩薩善語義云何為語云何為義佛
告大慧諦聽諦聽善思念之當為汝
說大慧白佛言善哉世尊唯然受教
佛告大慧云何為語謂言字妄想和
合依咽唯唇舌齒斷頰輔因彼我言
說妄想習氣計著生是名為語大慧
云何為義謂離一切妄想相言說相
是名為義大慧菩薩摩訶薩於如是

義獨一靜處聞思修慧緣自覺了向
涅槃城習氣身轉變已自覺境界觀
地地中間勝進義相是名菩薩摩訶
薩善義

復次大慧善語義菩薩摩訶薩觀語
與義非異非不異觀義與語亦復如
是若語異義者則不因語辯義而以
語入義如燈照色復次大慧不生不
滅自性涅槃三乘一乘心自性等如
緣言說義計著墮建立及誹謗見異
建立異妄想如幻種種妄想現辟如
種種幻凡愚衆生作異妄想非聖賢
也今時世尊欲重宣此義而說偈言
彼言既妄想 建立於諸法 以彼建立故
死墮涅槃中 陰中無有我 陰非即是我
不如彼妄想 亦復非無我 一切悉有性
如凡愚妄想 若如彼所見 一切應見諦
一切法無性 淨穢悉無有 不實如彼見
亦非无所有

復次大慧智識相今當說若善分別
智識相者汝及諸菩薩則能通達智
識之相疾成阿耨多羅三藐三菩提
大慧彼智有三種謂世間出世間出

世間上上智云何世間智謂一切外
道凡夫計著有無云何出世間智謂
一切聲聞緣覺墮自共相怖望計著
云何出世間上上智謂諸佛菩薩觀
無所有法見不生不滅離有無品入如
來地人法無我緣自得生大慧彼生
滅者是識不生不滅者是智復次墮
相無相及墮有元種種相因是識超
有無相是智復次長養相是識非長
養相是智復次有三種智謂知生滅
知自共相知不生不滅復次無尋相
是智境界種種尋相是識復次三事
和合生方便相是識無事方便自性
相是智復次得相是識不得相是智
自得聖智境界不出不入故如水中
月尔時世尊欲重宣此義而說偈言
採集業為識 不採集為智 觀察一切法
通達无所有 逮得自在力 是則名為慧
縛境界為心 覺想生為智 無所有及勝
慧則從是生 心意及與識 遠離思惟想
得無思想法 佛子非聲聞 寂靜勝進忍
如來清淨智 生於善勝義 所行悉遠離
我有三種智 聖開發真實 於彼想思惟

悉攝受諸性二乘不相應智離諸所有
計者於自性從諸聲聞生超度諸心量
如來智清淨

復次大慧外道有九種轉變論外道
轉變見生所謂形處轉變相轉變因
轉變成轉變見轉變性轉變緣分明
轉變所作分明轉變事轉變大慧是
名九種轉變見一切外道因是起有
無生轉變論云何形處轉變謂形處
異見譬如金變作諸器物則有種種
形處顯現非金性變一切性變亦復
如是或有外道作如是妄想乃至事
轉變妄想彼非如非異妄想故如是一
切性轉變當知如乳酪酒果等熟外
道轉變妄想彼亦無有轉變若有若
無自心現外性非性大慧如是凡愚
衆生自妄想修習生大慧元有法若
生若滅如見幻夢色生今時世尊欲
重宣此義而說偈言

形處時轉變四大種諸根中陰漸次生
妄想非明智取勝於緣起非如彼妄想
然世間緣起如乳闍婆城

今時大慧菩薩復白佛言世尊唯願

為說一切法相續義解脫義若善分別一切法相續不相續相我及諸菩薩善解一切相續巧方便不墮如所說義計著相續善於一切諸法相續不相續相及離言說文字妄想覺遊行一切諸佛刹土無量大衆力自在神通提持之印種種變化光明照曜覺慧善入十無盡句無方便行猶如日月摩尼四大於一切地離自妄想相見見一切法如幻夢等入佛地身於一切衆生界隨其所應而為說法而引導之悉令安住一切諸法如幻夢等離有無品及生滅妄想異言說義其身轉勝佛告大慧善哉善哉諦聽諦聽善思念之當為汝說大慧白佛言唯然受教佛告大慧無量一切諸法如所說義計著相續所謂相計著相續緣計著相續性非性計著相續生不生妄想計著相續滅不滅妄想計著相續乘非乘妄想計著相續有為無為妄想計著相續地地自相妄想計著相續自妄想無間妄想計著相續有無品外道依妄想計著相續

三乘一乘無間妄想計著相續復次
大慧此及餘凡愚衆生自妄想相續
以此相續故凡愚妄想如蠶作璽以
妄想絲自纏纏他有無相續相計著
復次大慧彼中亦无相續及不相續相
見一切法寂靜妄想不生故菩薩摩
訶薩見一切法寂靜復次大慧覺外
性非性自心現相無所有隨順觀
察自心現量有無一切性無相見相
續寂靜故於一切法無相續不相續
相復次大慧彼中无有若縛若解餘
墮不如實覺知有縛有解所以者何
謂於一切法有無有無衆生可得故
復次大慧愚夫有三相續謂貪恚癡
及愛未來有喜愛俱以此相續故有
趣相續彼相續者續五趣大慧相續
斷者無有相續不相續相復次大慧
三和合緣作方便計著識相續无間
生方便計著則有相續三和合緣識
斷見三解脫一切相續不生今時世
尊欲重宣此義而說偈言

不真實妄想 是說相續相 若知彼真實
相續細則斷 於諸性無知 隨言說攝受

譬如彼蠶虫結網而自纏愚夫妄想縛相續不觀察

大慧復白佛言如世尊所說以彼彼妄想妄想彼彼性非有彼自性但妄想自性耳大慧白佛言世尊若但妄想自性非性自性相待者非為世尊如是說煩惱清淨無性過耶一切法妄想自性非性故佛告大慧如是如是如汝所說大慧非如愚夫性自性妄想真實此妄想自性非有性自性相然大慧如聖智有性自性聖知聖見聖慧眼如是性自性知大慧白佛言若使如聖以聖知聖見聖慧眼非天眼非肉眼性自性如是知非如愚夫妄想世尊云何愚夫離是妄想不覺聖性事故世尊彼亦非顛倒非不顛倒所以者何謂不覺聖事性自性故不見離有無相故世尊聖亦不如是見如是妄想不以自相境界為境界故世尊彼亦性自性相妄想自性如是現不說因無因故謂墮性相見故異境界非如彼等如是无窮過世尊不覺性自性相故世尊亦非妄想

自性因性自性相彼云何妄想非妄想如實知妄想世尊妄想異自性相異世尊不相似因妄想自性想彼云何各各不妄想愚夫不如實知然為衆生離妄想故說如妄想相不如實有世尊何故遮衆生有元見事自性計著聖智所行境界計著隨有見說空法非性而說聖智自性事佛告大慧非我說空法非性亦不墮有見說聖智自性事然為令衆生離恐怖句故衆生无始已來計著性自性相聖智事自性計著相見說空法大慧我不說性自性相大慧但我住自得如實空法離惑亂相見離自心現性非性見得三解脫如實印所印於性自性得緣自覺觀察住離有元事見相復次大慧一切法不生者菩薩摩訶薩不應立是宗所以者何謂宗一切性非性故及彼因生相故說一切法不生宗彼宗則壞彼宗一切法不生彼宗壞者以宗有待而生故又彼宗不生入一切法故不壞相不生故立一切法不生宗者彼說則壞大慧

有無不生宗彼宗入一切性有无相
不可得大慧若使彼宗不生一切性不
生而立宗如是彼宗壞以有無性相
不生故不應立宗五分論多過故展
轉因異相故及為作故不應立宗分
謂一切法不生如是一切法空如是
一切法無自性不應立宗大慧然菩
薩摩訶薩說一切法如幻夢性現不現
相故及見覺過故當說一切法如幻
夢性除為愚夫離恐怖句故大慧愚
夫墮有無見莫令彼恐怖遠離摩訶
衍今時世尊欲重宣此義而說偈曰
无自性無說 无事無相續彼愚夫妄想
如死尸惡覺 一切法不生非彼外道宗
至竟无所生 性緣所成就一切法不生
慧者不作想 彼宗因生故覺者悉除滅
譬如翳目視 妄見垂髮相計著性亦然
愚夫邪妄想 施設於三有 无有事自性
施設事自性 思惟起妄想 相事設言教
意乱極震掉 佛子能超出 遠離諸妄想
非水水相受 斯從渴愛生 愚夫如是惑
聖見則不然 聖人見清淨 三脫三昧生
遠離於生死 遊行無所畏 修行无所有

亦無性非性 性非性平等 從是生聖果
云何性非性 云何為平等 謂彼心不知
內外極漂動 若能壞彼者 心則平等見
尔時大慧菩薩白佛言 世尊如世尊
說如攀緣事 智慧不得是施設量建
立施設所攝受非性攝受亦非性以
無攝故智則不生 唯施設名耳云何
世尊為不覺性自相共相異不異故
智不得耶為自相共相種種性自性
相隱蔽故智不得耶為山巖石壁地
水火風障故智不得耶為極遠極近
故智不得耶為老小盲冥諸根不具
故智不得耶 世尊若不覺自共相異
不異智不得者 不應說智應說无智
以有事不可得故 若復種種自共相性
自性相隱蔽故智不得者 彼亦无智
非是智 世尊有云 炎故智生非無性
會余炎故名為智 若山巖石壁地水
火風極遠極近 老小盲冥諸根不具
智不得者 此亦非智 應是无智 以有
事不可得故 佛告大慧 不如是无智
應是智 非非智 我不如是隱覆說 攀
緣事 智慧不得是施設 重建立覺自

心現量有無有外性非性智而事不得不得故智於尔炎不生順三解脫智亦不得非妄想者无始性非性虛偽習智作如是知是知彼不知故於外事處所相性作無性妄想不斷自心現量建立說我我所相攝受計者不覺自心現量於智尔炎而起妄想妄想故外性非性觀察不得依於斷見尔時世尊欲重宣此義而說偈言

有諸攀緣事 智慧不觀察 此無智非智 是妄想者說 於不異相性 智慧不觀察 障尋及遠近 是名為邪智 老小諸根冥 而智慧不生 而實有尔炎 是亦說邪智 復次大慧愚癡凡夫無始虛偽惡邪 妄想之所迴轉迴轉時自宗通及說 通不善了知者自心現外性相故著 方便說於自宗四句清淨通相不善 分別大慧白佛言誠如尊教唯願世 尊為我分別說通及宗通我及餘菩 薩摩訶薩善於二通來世凡夫聲聞 緣覺不得其短佛告大慧善哉善哉 諦聽諦聽善思念之當為汝說大慧 白佛言唯然受教佛告大慧三世如

來有二種法通謂說通及自宗通說
通者謂隨衆生心之所應為說種種
衆具契經是名說通自宗通者謂修
行者離自心現種種妄想謂不墮一
異俱不俱品超度一切心意意識自
覺聖境離因成見相一切外道聲聞
緣覺墮二邊者所不能知我說是名
自宗通法大慧是名自宗通及說通
相汝及餘菩薩摩訶薩應當修學尔
時世尊欲重宣此義而說偈言

謂我二種通 宗通及言說 說者授童蒙
宗為修行者

尔時大慧菩薩白佛言世尊如世尊
一時說言世間諸論種種辯說慎勿
習近若習近者攝受貪欲不攝受法
世尊何故作如是說佛告大慧世間
言論種種句味因緣譬喻採習莊嚴
誘引誑惑愚癡凡夫不入真實自通
不覺一切法妄想顛倒墮於二邊凡
愚癡惑而自破壞諸趣相續不得解
脫不能覺知自心現量不離外性自
性妄想計著是故世間言論種種辯
說不脫生老病死憂悲苦惱誑惑迷

乱大慧釋提桓因廣解衆論自造聲
論彼世論者有一弟子持龍形像詣
釋天宮建立論宗要壞帝釋千輻之
輪隨我不如斷一一頭以謝所屈作
是要已即以釋法摧伏帝釋釋墮負
處即壞其輪還來人間如是大慧世
間言論因辟莊嚴乃至畜生亦能以
種種句味惑彼諸天及阿修羅者生
滅見而況於人是故大慧世間言論
應當遠離以能招致苦生因故慎勿
習近大慧世論者惟說身覺境界而
已大慧彼世論者乃有百千但於後
時後五十年當破壞結集惡覺因見
咸故惡弟子受如是大慧世論破壞
結集種種句末因辟莊嚴說外道事
者自因緣无有自通大慧彼諸外道
無自通論於餘世論廣說無量百千
事門無有自通亦不自知愚癡世論
尔時大慧白佛言世尊若外道世論
種種句味因辟莊嚴無有自通自事
計著者世尊亦說世論為種種異方
諸來會衆天人阿修羅廣說无量種
種句味亦非自通耶亦入一切外道

智慧言說數耶佛告大慧我不說世
論亦無來去惟說不來不去大慧來
者趣聚會生去者散壞不來不去者
是不生不滅我所說不墮世論妄想
數中所以者何謂不計者外性非性
自心現處二邊妄想所不能轉相境
非性覺自心現則自心現妄想不生
妄想不生者空無相无作入三脫門
名為解脫大慧我念一時於一處住
有世論婆羅門來詣我所不請空閑
便問我言瞿曇一切所作耶我時答
言婆羅門一切所作是初世論彼復
問言一切非所作耶我復報言一切
非所作是第二世論彼復問言一切
常耶一切无常耶一切生耶一切不
生耶我時報言是六世論大慧彼復
問我言一切一耶一切異耶一切俱
耶一切不俱耶一切因種種受生現
耶我時報言是十一世論大慧彼復
問言一切無記耶一切有記耶有我耶
無我耶有此世耶無此世耶有他世
耶無他世耶有解脫耶无解脫耶一
切剎那耶一切不剎那耶虛空耶非

數滅耶涅槃耶瞿曇作耶非作耶有中陰耶無中陰耶大慧我時報言婆羅門如是說者志是世論非我所說是汝世論我唯說无始虛偽妄想習氣種種諸惡三有之因不能覺知自心現量而生妄想攀緣外性如外道法我諸根義三合智生我不如是婆羅門我不說因不說无因惟說妄想攝所攝性施設緣起非汝所及餘墮受我相續者所能覺知大慧涅槃虛空滅非有三種但數有三耳復次大慧余時世論婆羅門復問我言癡愛業因故有三有耶為無因耶我時報言此二者亦是世論耳彼復問言一切性皆入自共相耶我復報言此亦世論婆羅門乃至意流妄計外塵皆是世論

復次大慧余時世論婆羅門復問我言頗有非世論者不我是一切外道之宗說種種句味因緣譬喻在嚴我復報言婆羅門有非汝有者非為非宗非說非不說種種句味非不因譬在嚴婆羅門言何等為非世論非非

宗非非說我時報言婆羅門有非世
論汝諸外道所不能知以於外性不
實妄想虛偽計著故謂妄想不生覺
了有無自心現量妄想不生不受外
塵妄想永息是名非世論此是我法
非汝有也婆羅門略說彼識若來若
去若死若生若樂若苦若溺若見若
觸若著種種相若和合相續若受若
因計著婆羅門如是等比皆是汝等世
論非是我有大慧世論婆羅門作如
是問我如是答彼即默然不辭而退
思自通處作是念言沙門擇子出於
通外說无生無相無因覺自妄想現
妄想不生大慧此即是汝向所問我
何故說習近世論種種辯說攝受貪
欲不攝受法

大慧白佛言世尊攝受貪欲及法有
何句義佛告大慧善哉善哉汝乃能
為未來衆生思惟諮問如是句義諦
聽諦聽善思念之當為汝說大慧白
佛言唯然受教佛告大慧所謂貪者
若取若捨若觸若味繫著外塵墮二
邊見復生苦陰生老病死憂悲苦惱

如是諸惠皆從愛起斯由習近世論
及世論者我及諸佛說名為貪是名
攝受貪欲不攝受法大慧云何攝受
法謂善覺知自心現量見人無我及
法無我相妄想不生善知上下_上地離
心意意識一切諸佛智慧灌頂具足
攝受十無盡句於一切法無開發自
在是名為法所謂不墮一切見一切
虛偽一切妄想一切性一切二邊大
慧多有外道癡人墮於二邊若常若
斷非黯慧者受无因論則起常見外
因壞因緣非性則起斷見大慧我下
見生住滅故說名為法大慧是名貪
欲及法汝及餘菩薩摩訶薩應當修
學尔時世尊欲重宣此義而說偈言
一切世間論 外道虛妄說 妄見作所作
彼則无自宗 惟我一自宗 離於作所作
為諸弟子說 遠離諸世論 心量不可見
不觀察二心 攝所攝非性 斷常二俱離
乃至心流轉 是則為世論 妄想不轉者
是人見自心 來者謂事生 去者事不現
明了知去來 妄想不復生 有常及无常
所作無所作 此世他世等 斯皆世論通

尔時大慧菩薩復白佛言世尊所言
涅槃者為何等法名為涅槃而諸外
道各起妄想佛告大慧諦聽諦聽善
思念之當為汝說如諸外道妄想涅
槃非彼妄想隨順涅槃大慧白佛言
唯然受教佛告大慧或有外道陰界
入滅境界離欲見法无常心心法品
不生不念去來現在境界諸受陰盡
如燈火滅如種子壞妄想不生斯等
於此作涅槃想大慧非以見壞名為
涅槃大慧或以從方至方名為解脫
境界想滅猶如風止或復以覺所覺
見壞名為解脫或見常无常作解脫
想或見種種相想招致苦生因思惟
是已不善覺知自心現量怖畏於相
而見无相深生愛樂作涅槃想或有
覺知內外諸法自相共相去來現在
有性不壞作涅槃想或謂我人衆生
壽命一切法壞作涅槃想或以外道
愚燒智慧見自性及士夫彼二有間
轉變求邨是作者作涅槃想或謂福
非福盡或謂諸煩惱盡或謂智慧或

見自在是真實作生死者作涅槃想
或謂展轉相生生死更元餘因如是
即是計著因而彼愚癡不能覺知不
知故作涅槃想或有外道言得真諦
道作涅槃想或見功德功德所起和
合一異俱不俱作涅槃想或見自性
所起孔雀文彩種種雜寶及利刺等
性見已作涅槃想大慧或有覺二十
五真實或王守護國受六德論作涅
槃想或見時是作者時節世間如是
覺者作涅槃想或謂性或謂非性或
謂知性非性或見有覺與涅槃差別
作涅槃想有如是比種種妄想外道
所說不成所成智者所棄大慧如是
一切悉墮二邊作涅槃想如是等外
道涅槃妄想彼中都无若生若滅大
慧彼一一外道涅槃彼等自論智慧
觀察都无所立如彼妄想心意來去
漂馳流動一切無有得涅槃者大慧
如我所說涅槃者謂善覺知自心現
量量有四種一現見二比知三尋隨四先勝相傳被外道於四度盡悉皆不成也不著外
性離於四句見如實處不隨自心現
妄想二邊攝所攝不可得一切度量

不見所成愚於真實不應攝受棄捨
彼已得自覺聖法知二无我離二煩
惱淨除二障永離二死上上地如來
地如影幻等諸深三昧離心意意識
說名涅槃大慧汝等及餘菩薩摩
訶薩應當修學當疾遠離一切外道
諸涅槃見尔時世尊欲重宣此義而
說偈言

外道涅槃見 各各起妄想 斯從心想生
无解脫方便 愚於縛縛者 遠離善方便
外道解脫想 解脫終不生 衆智各異趣
外道所見通 彼悉无解脫 愚癡妄想故
一切癡外道 妄見作所作 有无有品論
彼悉無解脫 凡愚樂妄想 不聞真實慧
言語三苦本 真實滅苦因 譬如鏡中像
雖現而非有 於妄想心鏡 愚夫見有二
不識心及緣 則起二妄想 了心及境界
妄想則不生 心者即種種 遠離相所相
事現而无現 如彼愚妄想 三有惟妄想
外義悉無有 妄想種種現 凡愚不能了
經經說妄想 終不出於名 若離於言語
亦无有所說

楞伽阿跋多羅寶經卷第三

癸卯歲高麗國大藏都監奉
勅彫造

楞伽阿跋多羅寶經卷第四

此

宋天竺三藏求那跋陀羅譯

一切佛語心品之四

今時大慧菩薩白佛言世尊唯願為
說三藐三佛施我及餘菩薩摩訶薩
善於如來自性自覺覺他佛告大慧
恣所欲問我當為汝隨所問說大慧
白佛言世尊如來應供等正覺為作
耶為不作耶為事耶為因耶為相耶
為所相耶為說耶為所說耶為覺耶
為所覺耶如是等辭句為異為不異
佛告大慧如來應供等正覺於如是
等辭句非事非因所以者何俱有過
故大慧若如來是事者或作或無常
無常故一切事應是如來我及諸佛
皆所不欲若非所作者无所得故方
便則空同於兔角般大之子以無所
有故大慧若無事無因者則非有非
無若非有非無則出於四句四句者
是世間言說若出四句者則不墮四
句不墮故智者所取一切如來句義
亦如是慧者當知如我所說一切法

無我當知此義無我性は無我一切法有自性無他性如牛馬大慧譬如非牛馬性馬牛性其實非有非無彼非無自相如是大慧一切諸法非無自相有自相但非無我愚夫之所能知以妄想故如是一切法空無生無自性當如是知如是如來與陰非異非不異若不異陰者應是无常若異者方便則空若二者應有異如牛角相似故不異長短老別故有異一切法亦如是大慧如牛右角異左角左角異右角如是長短種種色各各異大慧如來於陰界入非異非不異如是如來解脫非異非不異如是如來以解脫名說若如來異解脫者應色相成色相成故應無常若不異者修行者得相應無分別而修行者見分別是故非異非不異如是智及余炎非異非不異大慧智及余炎非異非不異者非常非无常非作非所作非有為非無為非覺非所覺非相非所相非陰非異陰非說非所說非一非異非俱非不俱非一非異非俱非不俱

故志離一切量

見聞覺識
識名為量

離一切量則

無言說无言說則無生無生則無滅
無滅則寂滅寂滅則自性涅槃自性
涅槃則無事无因無事无因則無攀
緣無攀緣則出過一切虛偽出過一
切虛偽則是如來如來則是三藐三
佛陀大慧是名三藐三佛陀佛陀者
離一切根量

尔時世尊欲重宣此義而說偈言

志離諸根量 無事亦無因 已離覺所覺
亦離相所相 陰緣等正覺 一異莫能見
若无有見者 云何而分別 非作非不作
非事亦非因 非陰不在陰 亦非有餘雜
亦非有諸性 如彼妄想見 當知亦非无
此法法自尔 以有故有無 以無故有有
若無不應受 若有不應想 或於我非我
言說量留連 沉溺於二邊 自壞壞世間
解脫一切過 正觀察我通 是名為正觀
不毀大導師

尔時大慧菩薩復白佛言世尊如世
尊說修多羅攝受不生不滅又世尊
說不生不滅是如來異名云何世尊
為無性故說不生不滅為是如來異

名佛告大慧我說一切法不生不滅
有無品不現大慧白佛言世尊若一
切法不生者則攝受法不可得一切
法不生故若名字中有法者惟願為
說佛告大慧善哉善哉諦聽善思念
之吾當為汝分別解說大慧白佛言
唯然受教佛告大慧我說如來非無
性亦非不生不滅攝一切法亦不待
緣故不生不滅亦非無義大慧我說
意生法身如來名号彼不生者一切
外道聲聞緣覺七住菩薩非其境界
大慧彼不生即如來異名大慧譬如
因陀羅釋迦不蘭陀羅如是等諸物
二各有多名亦非多名而有多性亦
非無自性如是大慧我於此娑呵世
界娑呵譯言能忍有三阿僧祇百千名号愚夫
恚聞各說我名而不解我如來異名
大慧或有衆生知我如來者有知一
切智者有知佛者有知救世者有知
自覺者有知導師者有知廣導者有
知一切導者有知仙人者有知梵者
有知毗紐者有知自在者有知勝者
有知迦毗羅者有知真實邊者有知

月者有知日者有知生者有知無生
者有知無滅者有知空者有知如如
者有知諦者有知實際者有知法性
者有知涅槃者有知常者有知平等
者有知不二者有知無相者有知解
脫者有知道者有知意生者大慧如
是等三阿僧祇百千名号不增不減
此及餘世界皆悉知我如水中月不
出不在彼諸愚夫不能知我墮二邊
故然悉恭敬供養於我而不善解知
辭句義趣不分別名不解自通計者
種種言說章句於不生不滅作無性
想不知如來名号差別如因陀羅釋
迦不闍陀羅不解自通會歸終極於一
切法隨說計著大慧彼諸癡人作如
是言義如言說義說無異所以者何
謂義無身故言說之外更無餘義惟
止言說大慧彼惡燒智不知言說自
性不知言說生滅義不生滅大慧一
切言說墮於文字義則不墮離性非
性故無受生亦無身故大慧如來不說
墮文字法文字有無不可得故除不
墮文字大慧若有說言如來說墮文

字法者此則妄說法離文字故是故
大慧我等諸佛及諸菩薩不說一字不
答一字所以者何法離文字故非不饒
益義說言說者衆生妄想故大慧若
不說一切法者教法則壞教法壞者
則無諸佛菩薩緣覺聲聞若无者誰
說為誰是故大慧菩薩摩訶薩莫著
言說隨宜方便廣說經法以衆生怖
望煩惱不一故我及諸佛為彼種種
異解衆生而說諸法令離心意意識
故不為得自覺聖智處大慧於一切
法無所有覺自心現量離二妄想諸
菩薩摩訶薩依於義不依文字若善
男子善女人依文字者自壞第一義
亦不能覺他墮惡見相續而為衆說
不善了知一切法一切地一切相亦
不知章句若善一切法一切地一切
相通達章句具足性義彼則能以正
無相樂而自娛樂平等大乘建立衆
生大慧攝受大乘者則攝受諸佛菩
薩緣覺聲聞攝受諸佛菩薩緣覺聲
聞者則攝受一切衆生攝受一切衆
生者則攝受正法攝受正法者則佛

種不斷佛種不斷者則能了知得殊勝入處知得殊勝入處菩薩摩訶薩常得化生建立大乘十自在力現衆色像通達衆生形類怖望煩惱諸相如實說法如實者不異如實者不來不去相一切虛偽息是名如實大慧善男子善女人不應攝受隨說計者真實者離名字故大慧如為愚夫以指指物愚夫觀指不得實義如是愚夫隨言說指攝受計者至竟不捨終不能得離言說指第一實義大慧譬如嬰兒應食熟食不應食生若食生者則令發狂不知次第方便熟故大慧如是不生不滅不方便修則為不善是故應當善修方便莫隨言說如視指端是故大慧於真實義當方便修真實義者微妙寂靜是涅槃因言說者妄想合妄想者集生死大慧實義者從多聞者得大慧多聞者謂善於義非善言說善義者不隨一切外道經論身自不隨亦不令他隨是則名曰大德多聞是故欲求義者當親近多聞所謂善義者當親近多聞所謂

善義與此相違計者言說應當遠離
今時大慧菩薩復承佛威神而白佛
言世尊世尊顯示不生不滅無有奇
特所以者何一切外道因亦不生不
滅世尊亦說虛空非數緣滅及涅槃
界不生不滅世尊外道說因生諸世
間世尊亦說無明愛業妄想為緣生
諸世間彼因此緣名老別耳外物因
緣亦如是如是世尊與外道論无有老
別微塵勝妙自在衆生主等如是九物
不生不滅世尊亦說一切性不生不
滅有无不可得外道亦說四大不壞
自性不生不滅四大常是四大乃至
周流諸趣不捨自性世尊所說亦復
如是是故我言無有奇特惟願世尊
為說老別所以奇特勝諸外道若無
老別者一切外道皆亦是佛以不生
不滅故而世尊說一世界中多佛出
世者無有是處如向所說一世界中
應有多佛无老別故佛告大慧我說
不生不滅不同外道不生不滅所以
者何彼諸外道有性自性得不生不
變相我不如是墮有无品大慧我者

離有無品離生滅非性非無性如種種幻夢現故非無性云何無性謂色無自性相攝受現不現故攝不攝故以是故一切性無性非無性但覺自心現量妄想不生安隱快樂世事永息愚癡凡夫妄想作事非諸賢聖不實妄想如捷闍婆城及幻化人大慧如捷闍婆城及幻化人種種衆生商賈出入愚夫妄想謂真出入而實無有出者入者但彼妄想故如是大慧愚癡凡夫起不生不滅彼亦無有有為無為如幻人生其實无有若生若滅性無性無所有故一切法亦如是離於生滅愚癡凡夫墮不如實起生滅妄想非諸賢聖不如實者不尔如性自性妄想亦不異若異妄想者計著一切性自性不見寂靜不見寂靜者終不離妄想是故大慧无相見勝非相見相者受生因故不勝大慧無相者妄想不生不起不滅我說涅槃大慧涅槃者如真實義見離先妄想心心數法逮得如来自覺聖智我說涅槃是涅槃尔時世尊欲重宣此義而說

偈言

滅除彼生論 建立不生義 我說如是法
愚夫不能知 一切法不生 無性無所有
軋闍婆幻夢 有性者無因 無生無自性
何因空當說 以離於和合 覺知性不現
是故空不生 我說無自性 謂一一和合
性現而非有 分指無和合 非如外道見
夢幻及垂髮 野馬軋闍婆 世間種種事
無因而相現 折伏有因論 申暢無生義
申暢無生者 法流永不斷 熾然無因論
恐怖諸外道 云何何所因 彼以何故生
於何處和合 而作無因論 觀察有為法
非無因有因 彼生滅論者 所見從是滅
云何為無生 為是無性耶 為願視諸緣
有法名無生 名不應無義 惟為分別說
非無性無生 亦非願諸緣 非有性而名
名亦非无義 一切諸外道 聲聞及緣覺
七住非境界 是名無生相 遠離諸因緣
亦離一切事 惟有微心住 想所想俱離
其身隨轉變 我說是無生 無外性無性
亦無心攝受 斷除一切見 我說是無生
如是無自性 空等應分別 非空故說空
無生故說空 因緣數和合 則有生有滅

離諸因緣數無別有生成捨離因緣數
更無有異性若言一異者是外道妄想
有無性不生非有亦非無除其數轉變
是志不可得但有諸俗數展轉為鈎鏤
離彼因緣鏤生義不可得生無性不起
離諸外道過但說緣鈎鏤凡愚不能了
若離緣鈎鏤別有生性者是則無因論
破壞鈎鏤義如燈顯衆像鈎鏤現若然
是則離鈎鏤別更有諸性無性無有生
如虛空自性若離於鈎鏤慧无所分別
復有餘無生賢聖所得法彼生无生者彼是四聖
是則無生忍若使諸世間觀察鈎鏤者
一切離鈎鏤從是得三昧癡愛諸業等
是則內鈎鏤攢燧泥團輪種子等名外
若使有他性而從因緣生彼非鈎鏤義
是則不成就若生無自性彼為誰鈎鏤
展轉相生故當知因緣義使生有他性
而從因緣生彼非鈎鏤義是則不成就
堅濕煖動法凡愚生妄想離數無異法
是則說無性如醫療衆病无有若干論
以病老別故為設種種治我為彼衆生
破壞諸煩惱知其根優劣為彼說度門
非煩惱根異而有種種法唯說一乘法

是則為大乘

今時大慧菩薩摩訶薩復白佛言世尊一切外道皆起無常妄想世尊亦說一切行無常是生滅法此義云何為邪為正為有幾種無常佛告大慧一切外道有七種無常非我法也何等為七彼有說言作已而捨是名無常有說形處壞是名無常有說即色是無常有說色轉變中間是名無常無間自之散壞如乳酪等轉變中間不可見無常毀壞一切性轉有說性無常有說性無性无常有說一切法不生無常入一切法大慧性無性无常者謂四大及所造自相壞四大自性不可得不生彼不生無常者非常无常一切法有無不生分拏乃至微塵不可見是不生義非生是名不生無常相若不覺此者墮一切外道生無常義大慧性無常者是自心妄想非常無常性所以者何謂无常自性不壞大慧此是一切性無性無常事除無常無有能令一切法性無性者如杖瓦石破壞諸物現見各各不異是

性無常事非作所作有差別此是無常此是事作所作无異者一切性常無因性大慧一切性無性有因非凡愚所知非因不相似事生若生者一切性悉皆無常是不相似事作所作無有別異而悉見有異若性無常者墮作因性相若墮者一切性不究竟一切性作因相墮者自無常應无常無常無常故一切性不無常應是常若無常入一切性者應墮三世彼過去色與壞俱未來不生色不生故現在色與壞相俱色者四大積集差別四大及造色自性不壞離異不異故一切外道一切四大不壞一切三有四大及造色在所知有生滅離四大造色一切外道於何所思惟无常四大不生自性相不壞故離始造無常者非四大復有異四大各各異相自相故非差別可得彼无差別斯等不更造二方便不作當知是無常彼形處壞無常者謂四大及造色不壞至竟不壞大慧竟者分指乃至微塵觀察壞四大及造色形處異見長短不

可得非四大四大不壞形處壞現墮
在數論色即无常者謂色即是无常
彼則形處無常非四大若四大無常
者非俗數言說世俗言說非性者則
墮世論見一切性但有言說不見自
相生轉變無常者謂色異性現非四
大如金作在嚴具轉變現非金性壞
但莊嚴具處所壞如是餘性轉變等
亦如是如是等種種外道無常見妄
想火燒四大時自相不燒各各自相
相壞者四大造色應斷大慧我法起
非常非無常所以者何謂外性不決
定故惟說三有微心不說種種相有
生有滅四大合會差別四大及造色
故妄想二種事攝所攝知二種妄想
離外性無性二種見覺自心現量妄
想者思想作行生非不作行離心性
無性妄想世間出世間上上一切法
非常非無常不覺自心現量墮二邊
惡見相續一切外道不覺自妄想此
凡夫無有根本謂世間出世間上上法
從說妄想生非凡愚所覺尔時世尊
欲重宣此義而說偈言

遠離於始造 及與形處異 性與色無常
外道愚妄想 諸性無有壞 大大自然住
外道無常想 沒在種種見 彼諸外道等
無若生若滅 大大性自常 何謂無常想
一切唯心量 二種心流轉 攝受及所攝
無有我我所 梵天為樹根 枝條普周遍
如是我所說 惟是彼心量

尔時大慧菩薩復白佛言世尊惟願
為說一切菩薩聲聞緣覺滅正受次
第相續若善於滅正受次第相續相
者我及餘菩薩終不妄捨滅正受樂
門不墮一切聲聞緣覺外道愚癡佛
告大慧諦聽諦聽善思念之當為汝
說大慧白佛言世尊惟願為說佛告
大慧六地起菩薩摩訶薩及聲聞緣
覺入滅正受第七地菩薩摩訶薩念
念正受離一切性自性相正受非聲
聞緣覺諸聲聞緣覺墮有行攝所攝
相滅正受是故七地非念正受得一
切法無差別相非分得種種相性覺
一切法善不善性相正受是故七地
無善念正受大慧八地菩薩及聲聞
緣覺心意意識妄想相滅初地乃至

七地菩薩摩訶薩觀三界心意意識
量離我我所自妄想修墮外性種種
相愚夫二種自心攝所攝向無知不
覺無始過惡虛偽習氣所薰大慧八
地菩薩摩訶薩聲聞緣覺涅槃菩薩
者三昧覺所持是故三昧門樂不般
涅槃若不持者如來地不滿足棄捨
一切為衆生事佛種則斷諸佛世尊
為示如來不可思議無量功德聲聞
緣覺三昧門得樂所牽故作涅槃想
大慧我分部七地善修心意意識相
善修我我所攝受人法無我生滅自
共相善四無尋決定力三昧門地次
第相續入道品法不令菩薩摩訶薩
不覺自共相不善七地墮外道邪徑故
立地次第大慧彼實无有若生若滅
除自心現量所謂地次第相續及三
界種種行愚夫所不覺愚夫所不覺
者謂我及諸佛說地次第相續及說
三界種種行復次大慧聲聞緣覺第
八菩薩地滅三昧樂門醉所醉不善
自心現量自共相習氣所障墮人法
無我法攝受見妄想涅槃想非寂滅

智慧覺大慧菩薩者見滅三昧門樂
本願哀愍大悲成就知分別十無盡
句不妄想涅槃想彼已涅槃妄想不
生故離攝所攝妄想覺了自心現量
一切諸法妄想不生不墮心意意識
外性自性相計著妄想非佛法因不
生隨智慧生得如來自覺地如人夢
中方便度水未度而覺覺已思惟為
正為邪非正非邪餘無始見聞覺識
因想種種習氣種種形處墮有無想
心意意識夢現大慧如是菩薩摩訶
薩於第八菩薩地見妄想生從初地
轉進至第七地見一切法如幻等方
便度攝所攝心妄想行已作佛法方
便未得者令得大慧此是菩薩涅槃
方便不懷離心意意識得无生法忍
大慧於第一義無次第相續說無所
有妄想寂滅法今時世尊欲重宣此
義而說偈言

心量无所有 此住及佛地 去來及現在
三世諸佛說 心量地第七 無所有第八
二地名為住 佛地名寂勝 自覺智及淨
此則是我地 自在寂勝處 清淨妙莊嚴

照耀如盛火 光明悉遍至 熾炎不壞目
周輪化三有 化現在三有 或有先時化
於彼演說乘 皆是如來地 十地則為初
初則為八地 第九則為七 七亦復為八
第二為第三 第四為第五 第三為第六
無所有何次

尔時大慧菩薩復白佛言世尊如來
應供等正覺為常無常佛告大慧如
來應供等正覺非常非無常謂二俱
有過常者有作主過常者一切外道
說作者無所作是故如來常非常非
作常有過故若如來無常者有作无
常過陰所相相無性陰壞則應斷而
如來不斷大慧一切所作皆无常如
瓶衣等一切皆無常過一切智眾具
方便應無義以所作故一切所作皆
應是如來無老別因性故是故大慧
如來非常非無常復次大慧如來非
如虛空常如虛空常者自覺聖智眾
具無義過大慧譬如虛空非常非无
常離常無常一異俱不俱常無常過
故不可說是故如來非常復次大慧
若如來無生常者如兔馬等角以無

生常故方便無義以無生常過故
如來非常復次大慧更有餘事知如
來常所以者何謂無間所得智常故
如來常大慧若如來出世若不出世
法畢定住聲聞緣覺諸佛如來無間
住不住虛空亦非愚夫之所覺知大
慧如來所得智是般若所熏大慧如
來非心意意識彼諸陰界入處所熏
大慧一切三有皆是不實妄想所生
如來不從不實虛妄想生大慧以二
法故有常無常非不二二者寂靜
一切法無二生相故是故如來應供
等正覺非常非无常大慧乃至言說
分別生則有常無常過分別覺滅者
則離愚夫常無常見寂靜慧者永
離常無常非常无常熏今時世尊欲
重宣此義而說偈言

衆具無義者 生常無常過 若无分別覺
永離常無常 從其所立宗 則有衆雜義
等觀自心量 言說不可得

今時大慧菩薩復白佛言世尊惟願
世尊更爲我說陰界入生滅彼無有
我誰生誰滅愚夫者依於生滅不覺

苦盡不識涅槃佛言善哉諦聽當為
汝說大慧白佛言唯然受教佛告大
慧如來之藏是善不善因能遍興
造一切趣生譬如伎兒變現諸趣離
我我所不覺彼故三緣和合方便而
生外道不覺計著作者為无始虛偽
惡習所薰名為識藏生無明住地與
七識俱如海浪身常生不斷離无常
過離於我論自性無垢畢竟清淨其
諸餘識有生有滅意意識等念念有
去因不實妄想取諸境界種種形處
計著名相不覺自心所現色相不覺
苦樂不至解脫名相諸經貪生生貪
若因若攀緣彼諸受根滅次第不生
除自心妄想不知苦樂入滅受想正
受第四禪善真諦解脫修行者作解
脫想不離不轉名如來藏識藏七識
流轉不滅所以者何彼因攀緣諸識
生故非聲聞緣覺修行境界不覺无
我自共相攝受生陰界入見如來藏五
法自性人法無我則滅地次第相續
轉進餘外道見不能傾動是名住苦
薩不動地得十三昧道門樂三昧覺

所持觀察不思議佛法自願不受三昧門樂及實際向自覺聖趣不共一切聲聞緣覺及諸外道所修行道得十賢聖種性道及身智意生離三昧行是故大慧菩薩摩訶薩欲求勝進者當淨如來藏及藏識名大慧若無識藏名如來藏者則無生滅大慧然諸凡聖志有生滅修行者自覺聖趣現法樂住不捨方便大慧此如來藏識藏一切聲聞緣覺心想所見雖自性淨客塵所覆故猶見不淨非諸如來大慧如來者現前境界猶如掌中視阿摩勒果大慧我於此義以神力建立令勝鬬夫人及利智滿足諸菩薩等宣揚演說如來藏及識藏名與七識俱生聲聞計著見人法無我故勝鬬夫人承佛威神說如來境界非聲聞緣覺及外道境界如來藏識藏唯佛及餘利智依義菩薩智慧境界是故汝及餘菩薩摩訶薩於如來藏識藏當勤修學莫但聞覺作知足想尔時世尊欲重宣此義而說偈言
甚深如來藏 而與七識俱 二種攝受生

智者則遠離如鏡像現心無始習所薰
如實觀察者諸事悉无事如愚見指月
觀指不觀月計者名字者不見我真實
心為工伎兒意如和伎者五識為伴侶
妄想觀伎衆

尔時大慧菩薩白佛言世尊惟願為
說五法自性識二種無我究竟分別
相我及餘菩薩摩訶薩於一切地次
第相續分別此法入一切佛法入一
切佛法者乃至如來自覺地佛告大
慧諦聽諦聽善思念之大慧白佛唯
然受教佛告大慧五法自性識二無
我分別趣相者謂名相妄想正智如
如若修行者修行入如來自覺聖趣
離於斷常有無等見現法樂正受住
現在前大慧不覺彼五法自性識二
無我自心現外性凡夫妄想非諸賢
聖大慧白佛言世尊云何愚夫妄想
生非諸賢聖佛告大慧愚夫計著俗
數名相隨心流散流散已種種相像
貌墮我我所見怖望計著妙色計著
已無知覆障生染著染著已貪恚所
生業積集積集已妄想自經如罽作

墮墮生死海諸趣曠野如汲井輪以
愚癡故不能知如幻野馬水月自性
離我我所起於一切不實妄想離相
所相及生住滅從自心妄想生非自
在時節微塵勝妙生愚癡凡夫隨名
相流大慧彼相者眼識所照名為色
耳鼻舌身意識所照名為聲香味觸
法是名為相大慧彼妄想者施設衆
名顯示諸相如此不異爲馬車步男
女等名是名妄想大慧正智者彼名
相不可得猶如過客諸識不生不斷
不常不墮一切外道聲聞緣覺之地
復次大慧菩薩摩訶薩以此正智不
立名相非不立名相捨離二見建立
及誹謗知名相不生是名如如大慧
菩薩摩訶薩住如如者得无所有境
界故得菩薩歡喜地得菩薩歡喜地
已永離一切外道惡趣正住出世間
趣法相成熟分別幻等一切法自覺
法趣相離諸妄見恠異相次第乃至
法雲地於其中間三昧力自在神通
開敷得如來地已種種變化圓照示
現成熟衆生如水中月善究竟滿足

十無盡句為種種意解衆生分別說法法身離意所作是名菩薩入如如所得

今時大慧菩薩白佛言世尊云何世尊為三種自性入於五法為各有自相宗佛告大慧三種自性及八識二種無我悉入五法大慧彼名及相是妄想自性大慧若依彼妄想生心心法名俱時生如日光俱種種相各別分別持是名緣起自性大慧正智如如者不可壞故名成自性復次大慧自心現妄想八種分別謂識藏意意識及五識身相者不實相妄想故我所二攝受滅二無我生是故大慧此五法者聲聞緣覺菩薩如來自覺聖智諸地相續次第一切佛法悉入其中復次大慧五法者相名妄想如如正智大慧相者若處所形相色像等現是名為相若彼有如是相名為瓶等即此非餘是說為名施設衆名顯示諸相瓶等心心法是名妄想彼名彼相畢竟不可得始終無覺於諸法無展轉離不實妄想是名如如真

實決定究竟自性不可得彼是如相
我及諸佛隨順入處普為衆生如寶
演說施設顯示於彼隨入正覺不斷
不常妄想不起隨順自覺聖趣一切
外道聲聞緣覺所不得相是名正智
大慧是名五法三種自性八識二種
無我一切佛法悉入其中是故大慧
當自方便學亦教他人勿隨於他
時世尊欲重宣此義而說偈言
五法三自性 及與八種識 二種無有我
悉攝摩訶衍 名相虛妄想 自性二種相
正智及如如 是則為成相

今時大慧菩薩復白佛言世尊如世
尊所說句過去諸佛如恒河沙未來
現在亦復如是云何世尊為如說而
受為更有餘義惟願如來哀愍解說
佛告大慧莫如說而受三世諸佛量非
如恒河沙所以者何過世間望非辟
所辟以凡愚計常外道妄想長養惡
見生死無窮欲令厭離生死趣轉精
勤勝進故為彼說言諸佛易見非如
優曇鉢華難得見故息方便求有時
復觀諸受化者作是說言佛難值遇

如優曇鉢華優曇鉢華无已見今見
當見如來者世間悉見不以建立自
通故說言如來出世如優曇鉢華大
慧自建立自通者過世間望彼諸凡
愚所不能信自覺聖智境界无以為
譬真實如來過心意意識所見之相
不可為譬大慧然我說譬佛如恒沙
無有過咎大慧譬如恒沙一切魚鼈
輸牧魔羅師子為馬人獸踐踏沙不
念言彼惱乱我而生妄想自性清淨
無諸垢汙如來應供等正覺自覺聖
智恒河大力神通自在等沙一切外
道諸人獸等一切惱乱如來不念而
生妄想如來寂然無有念想如來本
願以三昧樂安衆生故无有惱乱猶
如恒沙等無有異又斷貪恚故譬如
恒沙是地自性劫盡燒時燒一切地
而彼地大不捨自性與火大俱生故
其餘愚夫作地燒想而地不燒以火
因故如是大慧如來法身如恒沙不
壞大慧譬如恒沙無有限量如來光
明亦復如是無有限量為成熟衆生
故普照一切諸佛大衆大慧譬如恒

沙別求異沙永不可得如是大慧如
來應供等正覺無生死生滅有因緣
斷故大慧譬如恒河沙增減不可得知
如是大慧如來智慧成熟衆生不增
不減非身法故身法者有壞如來法
身非是身法如堅恒沙油不可得如
是一切極苦衆生逼迫如來乃至衆
生未得涅槃不捨法界自三昧願樂
以大悲故大慧譬如恒沙隨水而流非
無水也如是大慧如來所說一切諸
法隨涅槃流是故說言如恒河沙如
來不隨諸去流轉去是壞義故大慧
生死本際不可知不知故云何說去
大慧去者斷義而愚夫不知大慧白
佛言世尊若衆生生死本際不可知者
云何解脫可知佛告大慧无始虛偽
過惡妄想習氣因滅自心現知外義
妄想身轉解脫不滅是故无邊非都
無所有為彼妄想作无邊等異名觀
察内外離於妄想無異衆生智及尔
炎一切諸法志皆寂靜不識自心現
妄想故妄想生若識則滅尔時世尊
欲重宣此義而說偈言

觀察諸導師猶如恒河沙不壞亦不去
亦復不究竟是則為平等觀察諸如來
猶如恒沙等悉離一切過隨流而性常
是則佛正覺

尔時大慧菩薩復白佛言惟願為說
一切諸法剎那壞相世尊云何一切
法剎那佛告大慧諦聽諦聽善思念
之當為汝說佛告大慧一切法者謂
善不善无記有為無為世間出世間
有罪無罪有漏無漏受不受大慧略
說心意意識及習氣是五受陰因是
心意意識習氣長養凡愚善不善妄
想大慧修三昧樂三昧正受現法樂
住名為賢聖善無漏大慧善不善者
謂八識何等為八謂如來藏名識藏
心意意識及五識身非外道所說大
慧五識身者心意意識俱善不善相
展轉變壞相續流注不壞身生亦生
亦滅不覺自心現次第滅餘識生形相
差別攝受意識五識俱相應生剎那時
不住名為剎那大慧剎那者名識藏
如來藏意俱生識習氣剎那无漏習
氣非剎那非凡愚所覺計著剎那論

故不覺一切法剎那非剎那以斷見
壞无為法大慧七識不流轉不受苦
樂非涅槃因大慧如來藏者受苦樂
與因俱若生若滅四住地無明住地所
醉凡愚不覺剎那見妄想勲心復次
大慧如金金剛佛舍利得奇特性能
不損壞大慧若得無間有剎那者聖
應非聖而聖未曾不聖如金金剛雖
經劫數稱量不減云何凡愚不善於
我隱覆之說於內外一切法作剎那
想大慧菩薩復白佛言世尊如世尊
說六波羅蜜滿足得成正覺何等為
六佛告大慧波羅蜜有三種分別謂
世間出世間出世間上上大慧世間
波羅蜜者我我所攝受計著攝受二
邊為種種受生處樂色聲香味觸故
滿足檀波羅蜜戒忍精進禪定智慧
亦如是凡夫神通及生梵天大慧出
世間波羅蜜者聲聞緣覺墮攝受涅
槃故行六波羅蜜樂自己涅槃樂出
世間上上波羅蜜者覺自心現妄想
量攝受及自心二故不生妄想於諸
趣攝受非分自心色相不計著為安

樂一切衆生故生檀波羅蜜起上方
便即於彼緣妄想不生戒是尸波羅
蜜即彼妄想不生忍知攝所攝是羼
提波羅蜜初中後夜精勤方便隨順
修行方便妄想不生是毗梨耶波羅
蜜妄想忘滅不墮聲聞涅槃攝受是
禪波羅蜜自心妄想非性智慧觀察
不墮二邊先身轉勝而不可壞得自
覺聖趣是般若波羅蜜尔時世尊欲
重宣此義而說偈言

空無常剎那 愚夫妄想作如河燈種子
而作剎那想 剎那息煩亂寂靜離所作
一切法不生 我說剎那義物生則有滅
不為愚者說 无間相續性妄想之所熏
無明為其因 心則從彼生乃至色未生
中間有何分 相續次第滅餘心隨彼生
不住於色時 何所緣而生以從彼生故
不如實因生 云何无所成而知剎那壞
修行者正受 金剛佛舍利光音天宮殿
世間不壞事 住於正法得如來智具足
比丘得平等 云何見剎那 乾闥婆幻等
色元有剎那 於不實色等視之若真實
尔時大慧菩薩復白佛言世尊世尊

記阿羅漢得成阿耨多羅三藐三菩
提與諸菩薩等无老别一切衆生法
不沮脛誰至佛道從初得佛至般涅
槃於其中間不說一字亦無所答如
來常定故亦無慮亦無察化佛化作
佛事何故說識刹那展轉壞相金剛
力士常隨侍衛不施設本際現魔魔
業惡業果報旃遮摩納孫陀利女空
鋒而出惡業障現云何如來得一切
種智而不離諸過佛告大慧諦聽諦
聽善思念之當為汝說大慧白佛善
哉世尊唯然受教佛告大慧為無餘
涅槃故說誘進行菩薩行者故此及
餘世界修菩薩行者樂聲聞乘涅槃
為令離聲聞乘進向大乘化佛授聲
聞記非是法佛大慧因是故記諸聲
聞與菩薩不異大慧不異者聲聞緣
覺諸佛如來煩惱障斷解脫一味非
智障斷大慧智障者見法无我殊勝
清淨煩惱障者先習見人無我斷七
識滅法障解脫識藏習滅究竟清淨
因本住法故前後非性無盡本願故
如來無慮无察而演說法正智所化

故念不忘故無慮無察四住地無明
住地習氣斷故二煩惱斷離二種死覺
人法無我及二障斷大慧心意意識
眼識等七剎那習氣因離善无漏品
離不復輪轉大慧如來藏者輪轉涅
槃苦樂因空乱意大慧愚癡凡夫所
不能覺大慧金剛力士所隨護者是
化佛耳非真如來大慧真如來者離
一切根量一切凡夫聲聞緣覺及外
道根量悉滅得現法樂住無間法智
忍故非金剛力士所護一切化佛不
從業生化化佛者非佛不離佛因陶
家輪等衆生所作相而說法非自通
處說自覺境界復次大慧愚夫依七
識身滅起斷見不覺識藏故起常見
自妄想故不知本際自妄想慧滅故
解脫四住地無明住地習氣斷故一
切過斷尔時世尊欲重宣此義而說
偈言

三乘亦非乘 如來不磨滅 一切佛所說
說離諸過惡 為諸無間智 及无餘涅槃
誘進諸下劣 是故隱覆說 諸佛所起智
即分別說道 諸乘非為乘 彼則非涅槃

欲色有及見 說是四住地 意識之所起
識宅意所住 意及眼識等 斷滅說无常
或作涅槃見 而為說常住

尔時大慧菩薩以偈問言

彼諸菩薩等 志求佛道者 酒肉及與恣
飲食為云何 惟願無上尊 哀愍為演說
愚夫所貪著 臭穢無名稱 虎狼所甘嗜
云何而可食 食者生諸過 不食為福善
惟願為我說 食不食罪福

大慧菩薩說偈問已復白佛言惟願
世尊為我等說食不食肉功德過惡
我及諸菩薩於現在未來當為種種
怖望食肉衆生分別說法令彼衆生
慈心相向得慈心已各於住地清淨
明了疾得究竟無上菩提聲聞緣覺
自地止息已亦復逮成无上菩提惡
邪論法諸外道輩邪見斷常顛倒計
著尚有遮法不聽食肉况復如來世
間救護正法成就而食肉耶

佛告大慧善哉善哉諦聽諦聽善思
念之當為汝說大慧白佛唯然受教
佛告大慧有無量因緣不應食肉然
我今當為汝略說謂一切衆生從本

已來展轉因緣常為六親以親想故
不應食肉驢騾駱駝狐狗牛馬人獸
等肉屠者雜賣故不應食肉不淨氣
分所生長故不應食肉衆生聞氣悉
生恐怖如旃陀羅及譚婆等狗見憎
惡驚怖羣吠故不應食肉又令修行
者慈心不生故不應食肉凡愚所嗜
臭穢不淨无善名稱故不應食肉令
諸呪術不成就故不應食肉以煞生
者見形起識深味著故不應食肉彼
食肉者諸天所棄故不應食肉令口
氣臭故不應食肉多惡夢故不應食
肉空閑林中虎狼聞香故不應食肉
令飲食无節量故不應食肉令修行
者不生厭離故不應食肉我常說言
凡所飲食作食子肉想作服藥想故
不應食肉聽食肉者無有是處復次
大慧過去有王名師子蘇陀婆食種
種肉遂至食人臣民不堪即便謀反
斷其奉祿以食肉者有如是過故不
應食肉

復次大慧凡諸煞者為財利故煞生
屠販彼諸愚癡食肉衆生以錢為網

而捕諸肉彼煞生者若以財物若以
鈎網取彼空行水陸衆生種種煞害
屠販求利大慧亦無不教不求不想
而有魚肉以是義故不應食肉大慧
我有時說遮五種肉或制十種今於
此經一切種一切時開除方便一切
悉斷大慧如來應供等正覺尚无所
食况食魚肉亦不教人以大悲前行
故視一切衆生猶如一子是故不聽
令食子肉今時世尊欲重宣此義而
說偈言

曾悲為親屬 鄙穢不淨雜 不淨所生長
聞氣悉恐怖 一切肉與葱 及諸薑蒜等
種種放逸酒 修行常遠離 亦常離麻油
及諸穿孔床 以彼諸細重 於中極恐怖
飲食生放逸 放逸生諸覺 從覺生貪欲
是故不應食 由食生貪欲 貪令心迷醉
迷醉長愛欲 生死不解脫 為利煞衆生
以財網諸肉 二俱是惡業 死墮叫呼獄
若無教想求 則無三淨肉 彼非無因有
是故不應食 彼諸修行者 由是悉離遠
十方佛世尊 一切咸呵責 展轉更相食
死墮虎狼類 臭穢可厭惡 所生常愚癡

多生旃陀羅 鴉師譚婆種 或生陀夷尸
及諸肉食性 羅刹猫狸等 遍於是中生
縛象與大雲 央掘利魔羅 及此楞伽經
我悉制斷肉 諸佛及菩薩 聲聞所呵責
食已無慚愧 生生常癡冥 先說見聞疑
已斷一切肉 妄想不覺知 故生食肉處
如彼貪欲過 障導聖解脫 酒肉葱韭蒜
悉為聖道障 未來世衆生 於肉愚癡說
言此淨無罪 佛聽我等食 食如服藥想
亦如食子肉 知足生獸離 修行行乞食
安住慈心者 我說常獸離 虎狼諸惡獸
恒可同遊止 若食諸血肉 衆生悉恐怖
是故修行者 慈心不食肉 食肉無慈悲
永背正解脫 及違聖表相 是故不應食
得生梵志種 及諸修行處 智慧富貴家
斯由不食肉

楞伽阿跋多羅寶經卷第四

癸卯歲高麗國大藏都監奉
勅彫造

入楞伽經卷第一

身

請佛品第二

元龜天竺三藏菩提留支譯

歸命大智海峽盧遮那佛如是我
聞一時婆伽婆住大海畔摩羅耶山
頂上楞伽城中彼山種種寶性所成
諸寶間錯光明赫炎如百千日照曜
金山復有無量花園香樹皆寶香林
微風吹擊搖枝動葉百千妙香一時
流布百千妙音一時俱發重巖屈曲
巖處皆有仙堂靈室金龍窟無數衆寶
所成內外明徹日光暉不能復現
皆是古昔諸仙賢聖思如實法得道
之處與大比丘僧及大菩薩衆皆從
種種他方佛土俱來集會是諸菩薩
具足无量自在三昧神通之力奮迅
遊化五法自性二種無我究竟通達
大慧菩薩摩訶薩而為上首一切諸
佛手灌其頂而授佛位自心為境善
解其義種種衆生種種心色隨種種
心種種異念无量度門隨所應度隨
所應見而為普現

今時婆伽婆於大海龍王宮說法滿
七日已度至南岸時有無量那由他
釋梵天王諸龍王等無邊大衆悉皆
隨從向海南岸今時婆伽婆遙望觀
察摩羅耶山楞伽城光顏舒悅如動
金山熙怡微笑而作是言過去諸佛
應正通知於彼摩羅耶山頂上楞伽
城中說自內身聖智證法離於一切
邪見覺觀非諸外道聲聞辟支佛等
修行境界我亦應彼摩羅耶山楞伽
城中為羅婆那夜叉王上首說於此法
今時羅婆那夜叉王以佛神力聞如
來聲時婆伽婆離海龍王宮度大海
已與諸那由他無量釋梵天王諸龍王
等圍繞恭敬今時如來觀察衆生阿
梨耶識大海水波為諸境界猛風吹
動轉識波浪隨緣而起今時羅婆那
夜叉王而自歎言我應請如來入楞
伽城令我長夜於天人中與諸人天
得大利益快得安樂今時楞伽城主
羅婆那夜叉王與諸眷屬乘花宮殿
至如來所與諸眷屬從宮殿下遶佛
三匝以種種伎樂樂於如來所持樂器

皆是大青因陀羅寶而用造作大毗琉璃馬瑙諸寶以為間錯无價色水以用纏裹以梵聲等無量種音歌歎如來一切功德而說偈言

心具於法藏離无我見垢世尊說諸行内心所知法白法得佛身内身所證法化身示化身時到入楞伽今此楞伽城過去无量佛及諸佛子等無量身受用世尊若說法无量諸夜又能現无量身欲聞說法聲

今時羅婆那楞伽王以都吒迦種種妙聲歌歎如來諸功德已復更以伽他妙聲歌歎如來而說偈言

如來於七日大海惡獸中渡海至彼岸出已即便住羅婆那王共妻子夜叉等及无量眷屬大智諸大臣肘迦婆羅那如是等天衆各各悉皆現無量諸神通乘妙花宮殿俱來到佛所到已下花殿禮拜供養佛依佛住持力即於如來前自說已名字我十頭羅刹願垂哀愍我及此城衆生受此楞伽城摩羅耶寶山過去无量佛於此楞伽城種種寶山上說身所證法如來亦應今於此寶山中

同諸過去佛亦說如是法願共諸佛子
說此清淨法我及楞伽衆咸皆欲聽聞
入楞伽經典過去佛讚歎內身智境界
離所說名字我念過去世无量諸如來
諸佛子圍遶說此修多羅如來於今日
亦應為我等及諸一切衆說此甚深法
未來諸世尊及諸佛子等於此寶山上
亦說此深法今此楞伽城微妙過天宮
牆壁非土石諸寶羅網覆此諸夜叉等
已於過去佛修行離諸過畢竟住大衆
內心善思惟如實念相應願佛憐愍故
為諸夜叉說願佛天人師入摩羅耶山
夜叉及妻子欲得摩訶衍應耳等羅刹
亦住此城中曾供養過去无量億諸佛
今復願供養現在大法王欲聞內心行
欲得摩訶衍願佛憐愍我及諸夜叉衆
共諸佛子等入此楞伽城我所有宮殿
妻子及眷屬寶冠諸瓔珞種種莊嚴具
阿舒迦園林種種皆可樂及所樂花殿
施佛及大衆我於如來所無有不捨物
願大牟尼尊哀愍我受用我及諸佛子
受佛所說法願佛垂哀愍為我受用說
今時三界尊聞夜叉請已即為夜叉說

過去未來佛 夜叉過去佛 此勝寶山中
憐愍夜叉故 說內身證法 未來佛亦亦
於此寶山中 為諸夜叉等 亦說此深法
夜叉此寶山 如實修行人 現見法行人
乃能住此處 夜叉今告汝 我及諸佛子
憐愍汝等故 受汝施請說 如來略略竟
寂靜默然住 羅婆那羅刹 奉佛花宮殿
如來及佛子 受已即皆乘 羅婆那夜叉
亦自乘華殿 以諸姝女樂 樂佛到彼城
到彼妙城已 羅婆那夜叉 及其夜叉妻
夜叉男女等 更持勝供具 種種皆微妙
供養於如來 及諸佛子等 諸佛及菩薩
皆受彼供養 羅婆那等衆 供養說法者
觀察所說法 內身證境界 供養大慧士
數數而請言 大士能問佛 內身行境界
我與夜叉衆 及諸佛子等 一切諸聽者
咸請仁者問 大士說法勝 修行亦取勝
我尊重大士 請問佛勝行 離諸外道邊
亦離二乘過 說內法清淨 究竟如來地
亦時佛神力 復化作山城 羅剎鬼百千相
嚴飾對須弥 无量億花園 皆是衆寶林
香氣廣流布 芬馥未曾聞 一一寶山中
皆示現佛身 亦有羅婆那 夜叉衆等住

十方佛國土 及於諸佛身 佛子夜叉王
皆來集彼山 而此楞伽城 所有諸衆等
皆悉見自身 入化楞伽中 如來神力作
亦同彼楞伽 諸山及園林 寶莊嚴亦尔
二山中佛 皆有大智問 如來悉為說
內身所證法 出百千妙聲 說此經法已
佛及諸佛子 一切隱不現 羅婆那夜叉
忽然見自身 在己本宮殿 更不見餘物
而作是思惟 向見者誰作 說法者為誰
是誰而聽聞 我所見何法 而有此等事
彼諸佛國土 及諸如來身 如此諸妙事
今皆何處去 為是夢所憶 為是幻所作
為是實城邑 為乾闥婆城 為是翳妄見
為是陽炎起 為夢石女生 為我見火輪
為見火輪烟 我所見云何 復自深思惟
諸法體如是 唯自心境界 內心能證知
而諸凡夫等 无明所覆障 虛妄心分別
而不能覺知 能見及所見 一切不可得
說者及所說 如是等亦無 佛法真實體
非有亦非無 法相恒如是 唯自心分別
如見物為實 彼人不見佛 不住分別心
亦不能見佛 不見有諸行 如是名為佛
若能如是見 彼人見如來 智者如是觀

一切諸境界 轉身得妙身 是即佛菩提

今時羅婆那十頭羅刹楞伽王見分別心過而不住於分別心中以過去世善根力故如實覺知一切諸論如實能見諸法實相不隨他教善自思惟覺知諸法能離一切邪見覺知善能修行如實行法於自身中能現一切種種色像而得究竟大方便解善知一切諸地上上自體相貌樂觀心意意識自體見於三界相續身斷離諸外道常見因智如實善知如來之藏善住佛地內心實智聞虛空中及自身中出於妙聲而作是言善哉善哉楞伽王諸修行者悉應如汝之所修學復作是言善哉楞伽王諸佛如來法及非法如汝所見若不如汝之所見者名為斷見楞伽王汝應遠離心意識如實修行諸法實相汝今應當修行內法莫著外義邪見之相楞伽王汝莫修行聲聞緣覺諸外道等修行境界汝不應住一切外道諸餘三昧汝不應樂一切外道種種戲論汝不應住一切外道圍陀邪見汝不

應著王位放逸自在力中汝不應著
禪定神通自在力中楞伽王如此等
事皆是如實修行者行能降一切外
道邪論能破一切虛妄邪見能轉一
切見我見過能轉一切微細識行修
大乘行楞伽王汝應內身入如來地
修如實行如是修行者得轉上上清
淨之法楞伽王汝莫捨汝所證之
道善修三昧三摩跋提莫著聲聞
緣覺外道三昧境界以為勝樂如毛
道凡夫外道修行者汝莫分別楞伽
王外道著我見有我相故虛妄分別
外道見有四大之相而著色聲香味
觸法以為實有聲聞緣覺見元明緣
行以為實有起執著心離如實空虛
妄分別專著有法而墮能見所見心
中楞伽王此勝道法能令衆生內身
覺觀能令衆生得勝大乘能生三有
楞伽王此入大乘行能破衆生種種
翳膜種種識波不墮外道諸見行中
楞伽王此是入大乘行非入外道行
外道行者依於內身有我而行見識
色二法以為實故見有生滅善哉楞

伽王思惟此義如汝思惟即是見佛
今時羅婆部楞伽王復作是念我應
問佛如實行法轉於一切諸外道行
內心修行所觀境界離於應佛所作
應事更有勝法所謂如實修行者證
於法時所得三昧究竟之樂若得彼
樂是則名為如實修行者是故我應
問大慈悲如來世尊如來能燒煩惱
薪盡及諸佛子亦能燒盡如來能知
一切衆生心使煩惱如來遍至一切
智處如來如實善能知解是相非相
我今應以妙神通力見於如來見如
來已未得者得已得者不退得无分
別三昧三摩跋提得增長滿足如來
行處

今時世尊如實照知楞伽王應證無
生法忍時至憐愍十頭羅刹王故所
隱宮殿還復如本身於種種寶網莊
嚴山城中現

今時十頭羅刹楞伽王見諸宮殿還
復如本一一山中處處皆見有佛世
尊應正遍知三十二相妙莊嚴身而
在山中自見已身遍諸佛前又見一

切諸佛國土及諸國王念身無常由
貪王位妻子眷屬五欲相縛元解脫
期便捨國土宮殿妻妾象馬珍寶施
佛及僧入於山林出家學道又見佛
子在山林中勇猛精進投身餓虎師
子羅刹以求佛道又見佛子在林樹
下讀誦經典為人演說以求佛道又
見菩薩念苦衆生坐於道場菩提樹
下思惟佛道又見一一佛前皆有聖
者大慧菩薩說於內身修行境界亦
見一切夜叉眷屬圍遶而說名字章句
今時世尊智慧觀察現在大衆非肉
眼觀如師子王奮迅視眴呵呵大笑
頂上肉髻放无量光肩脇胷臆臂肘
德處及諸毛孔皆放一切無量光明
如空中虹如日千光如劫盡時大火
熾然猛炎之相帝釋梵王四天王等
於虛空中觀察如來見佛坐於須弥
相對楞伽山頂上呵呵大笑今時菩
薩衆帝釋梵天四天王等作是思惟
何因何緣如來應正遍知於一切法
中而得自在未曾如是呵呵大笑復
於自身出无量光默然而住專念內

身智慧境界不以為勝如師子視觀
楞伽王念如實行

尔時聖者大慧菩薩摩訶薩先受楞
伽羅婆那王所啓請已念楞伽王知
諸一切大菩薩衆心行之法觀察未
来一切衆生心皆樂於名字說法心
迷生疑如說而取著於一切聲聞緣
覺外道之行諸佛世尊離諸一切心
識之行能笑大笑為彼大衆斷於疑
心而問佛言如來何因何緣何事呵
呵大笑佛告聖者大慧菩薩善哉善
哉善哉大慧復善哉大慧汝能觀察
世間妄想分別之心邪見顛倒汝實
能知三世之事而問此事如汝所問
智者之問亦復如是為自利利他故
大慧此楞伽王曾問過去一切諸佛
應正遍知如是二法今復現在亦欲
問我如是二法此二法者一切聲聞
緣覺外道未嘗知此二法之相大慧
此十頭羅刹亦問未来一切諸佛如
此二法尔時如來知而故問羅婆那
王而作是言楞伽王汝欲問我隨汝
疑心今恚可問我恚能答斷汝疑心

令得歡喜楞伽王汝斷虛妄分別之
身得地對治方便觀察如實智慧能
入內身如實之相三昧樂行三昧佛
即攝取汝汝身善住奢摩他樂境界
中過諸聲聞緣覺三昧不淨之垢能住
不動善慧法雲等地善知如實无我
之法大寶蓮花王座上而坐得無量
三昧而受佛職楞伽王汝當不久自
見己身亦在如是蓮花王座上而坐
法今住持无量蓮花王眷屬无量善
薩眷屬各各皆坐蓮花王座而自圍
遶迭相瞻視各各不久皆得住彼不
可思議境界所謂起一行方便行住
諸地中能見不可思議境界見如來
地无量無邊種種法相一切聲聞緣
覺四天王帝釋梵王等所未曾見
今時楞伽王聞佛世尊聽已問已彼
於無垢无量光明大寶蓮花衆寶莊
嚴山上無量天女而自圍遶現於无
量種種異花種種異香散香塗香寶
幢幡蓋寶冠瓔珞莊嚴身具復現世
間未曾聞見種種勝妙莊嚴之具復
現无量種種樂器過諸天龍夜叉軋

闍婆阿修羅迦樓羅緊陀羅摩睺羅
伽人非人等所有樂具復隨三界欲
界色界无色界所有樂具皆悉化作
復隨十方諸佛國土所有種種勝妙
樂具皆悉化作化作无量大寶羅網
遍覆一切諸佛菩薩大衆之上復豎
無量種種寶幢羅婆娑王作如是等
變化事已身昇虛空高七多羅樹住
虛空中雨種種伎樂雨種種花雨種
種香雨種種衣滿虛空中如澍大雨
以用供養佛及佛子雨供養已從上
而下於虛空中即坐第二電光明大
寶蓮花王種種寶山上

今時如來見其坐已發於微笑聽楞
伽王問二種法時楞伽王白佛言世
尊此二種法我已曾問過去諸佛應
正遍知彼佛世尊已為我說世尊我
今現在依名字章句亦問如來如來
畢竟應為我說世尊應化化佛說此
二法非根本如來世尊根本如來修
集三昧樂境界者不說心識外諸境
界善哉世尊如來自身於一切法而
得自在惟願世尊應正遍知說此二

法一切佛子及我已身亦願欲聞。爾時世尊知而即告楞伽王言。楞伽王。汝問此二法。今時夜叉王更著種種金冠瓔珞金莊嚴具而作是言。如來常說法尚應捨。何況非法。世尊云何言二法捨。世尊何者是法。何者非法。世尊捨法云何有二。以墮分別相中虛妄分別。是有无法。無大有大。世尊阿梨耶識知名識相。所有體相如虛空中有毛輪住。不淨盡智所知境界。世尊法若如是云何而捨。佛告楞伽王。楞伽王。汝不見瓶等无常敗壞之法。毛道凡夫分別境界差別之相。楞伽王何故不如是取有法非法差別之相。依毛道凡夫分別心有非聖證智以為可見。楞伽王且置瓶等種種相事。毛道凡夫心謂為有非謂聖人以為有法。楞伽王譬如火炎燒宮殿園林草木。見種種火光。明色炎各各差別。依種種薪草木長短分別。見有勝負之相。此中何故不如是知有法非法差別之相。楞伽王非但火炎依一相續身中見有種種諸相差別。楞

伽王如一種子一相續生牙莖枝葉
華果樹林種種異相如是內外所生
諸法无明及行陰界入等一切諸法
三界所生皆有差別現樂形相言語
去來勝智異相一相境界而取於相
見下中上勝相染淨善不善相楞伽
王非但種種法中見差別相覺如實
道者內證行中亦有見於種種異相
何況法非法无分別種種差別相楞
伽王有法非法種種差別相楞伽王
何者為法所謂一切外道聲聞緣覺
毛道凡夫分別之見從因實物以為
根本生種種法如是等法應捨應離
莫取於相而生分別見自心法計以
為實楞伽王無瓶實法而毛道凡夫
虛妄分別法本无相如實知觀名捨
諸法楞伽王何等為非法所謂无有
身相唯自心滅妄想分別而諸凡夫
見實法非實法菩薩如實見如是捨
非法

復次楞伽王何者復為非法所謂兔
馬驢駝角石女兒等无身無相而毛
道凡夫取以為無為世間義說於名

字非取相如彼瓶等法可捨智者不
取如是虛妄分別兔角等名字法亦
是可捨是故捨法及非法楞伽王汝
今問我法及非法云何捨我已說竟
楞伽王汝言我於過去應正遍知已
問此法彼諸如來已為我說楞伽王
汝言過去者即分別相未來現在分
別亦亦楞伽王我說真如法體是如
實者亦是分別如分別色為實際為
證實智樂修行无相智慧是故莫分
別如來為智身智體心中莫分別意
中莫取我人命等云何不分別意識
中取種種境界如色形相如是莫取
莫分別可分別

復次楞伽王譬如壁上畫種種相一
切衆生亦復如是楞伽王一切衆生
猶如草木无業無行楞伽王一切法
非法无聞無說楞伽王一切世間法
皆如幻而諸外道凡夫不知楞伽王
若能如是見如實見者名為正見若
異見者名為邪見若分別者名為取
二楞伽王譬如鏡中像自見像譬如
水中影自見影如月燈光在屋室中

影自見影如空中響聲自出聲取以
為聲若如是取法與非法皆是虛妄
妄想分別是故不知法及非法增長
虛妄不得寂滅寂滅者名為一心二
心者名為如來藏入自內身智慧境
界得无生法忍三昧

入楞伽經問答品第二

今時聖者大慧菩薩與諸一切大慧
菩薩俱遊一切諸佛國土承佛神力
從坐而起更整衣服合掌恭敬以偈
讚佛

佛慧大悲觀 世間離生滅 猶如虛空花
有无不可得 佛慧大悲觀 一切法如幻
遠離心意識 有无不可得 佛慧大悲觀
世間猶如夢 遠離於斷常 有无不可得
佛慧大悲觀 煩惱障智障 二無我清淨
有无不可得 佛不入不滅 涅槃亦不住
離覺所覺法 有无二俱離 若如是觀佛
寂靜離生滅 彼人今後世 離垢无染取
今時大慧菩薩摩訶薩如法偈讚佛
已自說姓名

我名為大慧 願通達大乘 今以百八問
叩諮无上尊 最勝世間解 聞彼大慧問

觀察諸衆生 告諸佛子言 汝等諸佛子
及大慧諮問 我當為汝說 自覺之境界
今時聖者大慧菩薩摩訶薩聞佛聽
問頂禮佛足合掌恭敬以偈問曰

云何淨諸覺 何因而有覺 何因見迷惑
何因有迷惑 何因有國土 化相諸外道
云何名佛子 寂靜及次第 解脫何所至
誰縛何因脫 禪者觀何法 何因有三乘
何因緣生法 何因作所作 何因俱異說
何因無而現 何因无色定 及與滅盡定
何因想滅定 何因從定覺 云何因果生
何因身去住 何因觀所見 何因生諸地
破三有者誰 何身至何所 云何處而住
云何諸佛子 何因得神通 及自在三昧
何因得定心 軍勝為我說 何因為藏識
何因意及識 何因見諸法 何因斷所見
云何性非性 云何心無法 何因說法相
云何名無我 何因无衆生 何因有世諦
何因不見常 何因不見斷 云何佛外道
二相不相違 何因當來世 種種諸異部
云何名為空 何因念不住 何因有胎藏
何因世不動 云何如幻夢 說如捷闍婆
陽炎水中月 世尊為我說 云何說覺支

何因菩提分	何因國土動	何因作有見
何因不生滅	何因如空花	何因覺世間
何因无字說	云何無分別	何因如虛空
真如有幾種	何名心幾岸	何因地次第
真如無次第	何因二无我	何因境界淨
幾種智幾戒	何因衆生生	誰作諸寶性
金摩尼珠等	誰生於語言	衆生種種異
五明處伎術	誰能如是說	伽陀有幾種
云何長短句	法復有幾種	解義復有幾
何因飲食種	何因生愛欲	云何名為王
轉輪及小王	何因護國土	諸天有幾種
何因而有地	何因星日月	解脫有幾種
行者有幾種	弟子有幾種	阿闍梨幾種
如來有幾種	本生有幾種	摩羅有幾種
異學有幾種		
自性有幾種	心復有幾種	云何施假名
世尊為我說	何因有風雲	何因有黯慧
何因有樹林	世尊為我說	何因象馬鹿
何因人捕取	何因為矬陋	世尊為我說
何因為六時	何因成闍提	男女及不男
為我說其生	何因修行退	何因修行進
教何等人修	令住何等法	諸衆生去來
何因何像類	何因致財富	世尊為我說

云何為釋種 何因有釋種 何因甘蔗種
何因長壽仙 長壽仙何親 云何彼教授
世尊如虛空 為我分別說 何因佛世尊
一切時刻現 種種名色類 佛子衆圍遶
何因不食肉 云何制斷肉 食肉諸種類
何因故食肉 何因日月形 須弥及蓮花
師子形勝相 國土為我說 乱側覆世界
如因陀羅網 一切寶國土 何因為我說
如瑩篋琵琶 鼓種種花形 離日月光土
何因為我說 何等為化佛 何等為報佛
何等如智佛 何因為我說 云何於欲界
不成等正覺 云何色究竟 離欲中得道
如來般涅槃 何人持正法 世尊住又如
正法幾時住 如來立幾法 各見有幾種
比丘及比丘 世尊為我說 何因百變易
何因百寂靜 聲聞辟支佛 世尊為我說
何因世間通 何因出世通 何因七地心
世尊為我說 僧伽有幾種 何因為破僧
云何醫方論 世尊為我說 迦葉拘留孫
拘那含是我 常為諸佛子 何故如是說
何故說人我 何故說斷常 何故不但說
唯有於一心 何因男女林 呵梨阿摩勒
雞羅及鐵圍 金剛等諸山 次及無量山

種種寶莊嚴 仙樂人充滿 世尊為我說
大天佛聞彼 所說諸偈句 大乘諸度門
諸佛心第一 善哉善哉問 大慧善諦聽
我今當次第 如汝問而說 生及與不生
涅槃空剎那 趣至无自體 佛波羅蜜子
聲聞辟支佛 外道無色者 須弥海及山
四天下土地 日月諸星宿 外道天修羅
解脫自在通 力思惟寂定 滅及如意足
覺支及道品 諸禪定无量 五陰及去來
四空定滅盡 發起心而說 心意及意識
無我法有五 自性相所想 所見能見二
云何種種乘 金摩尼珠性 一闍提四大
荒乱及一佛 智境界教得 衆生有无有
象馬諸禽獸 云何如捕取 譬如因相應
力說法云何 何因有因果 林迷惑如實
但心无境界 諸地無次第 百變及无相
醫方工巧論 呪術諸明處 何故而問我
諸山須弥地 其形量大小 大海日月星
云何而問我 上中下衆生 身各幾微塵
肘步至十里 四十及二十 兔毫密塵幾
羊毛麤麥塵 一升幾麤麥 半升幾頭數
一斛及十斛 百万及一億 頻婆羅幾塵
芥子幾微塵 幾不成草子 幾草子成豆

幾鉢成一兩 幾兩成一分 如是次第數
幾分成須弥 佛子今何故 不如是問我
緣覺聲聞等 諸佛及佛子 身幾微塵成
何故不問此 火災有幾塵 風微塵有幾
根根幾塵數 毛孔有幾塵 何因則自在
轉輪聖帝主 何因王守護 解脫廣略說
種種衆生欲 云何而問我 何因諸飲食
何因男女林 金剛堅固山 為我說云何
何因如幻夢 野鹿渴愛譬 何因而有雲
何因有六時 何因種種味 男女非男女
何因諸莊嚴 佛子何因問 云何諸妙山
仙樂人莊嚴 解脫至何所 誰縛云何縛
云何禪境界 涅槃及外道 云何無因作
何因可見縛 何因淨諸覺 何因有諸覺
何因轉所作 幸願為我說 何因斷諸想
何因出三昧 破三有者誰 何因身何處
云何無人我 何因依世說 何因問我相
云何問无我 云何為胎藏 汝何因問我
何因斷常見 何因心得定 何因言及智
界性諸佛子 勘解師弟子 種種諸衆生
云何飲食魔 虛空聰明施 何因有樹林
佛子何因問 云何種種刹 何因長壽仙
何因種種師 汝何因問我 何因有醜陋

修行不欲成色究竟成道云何而問我
何因世間通何因為比丘云何化報佛
何因而問我云何如智佛云何為衆僧
變作鼓花刹云何離光明云何為心地
佛子而問我此及餘衆生佛子所應問
二相相應遠離諸見過離諸外道法
我說汝諦聽此上百八見如諸佛所說
我今說少分佛子善諦聽

生見不生見常見無常見相見无相
見住異見非住異見刹鄰見非刹鄰
見離自性見非離自性見空見不空
見斷見非斷見心見非心見邊見非
邊見中見非中見變見非變見緣見
非緣見因見非因見煩惱見非煩惱
見愛見非愛見方便見非方便見巧
見非巧見淨見非淨見相應見非相
應見譬喻見非譬喻見弟子見非弟
子見師見非師見性見非性見乘見
非乘見寂靜見非寂靜見願見非願
見三輪見非三輪見相見非相見有
无立見非有无立見有二見无二見
緣內身聖見非緣內身聖見現法樂
見非現法樂見國土見非國土見微

塵見非微塵見水見非水見弓見非
弓見四大見非四大見數見非數見
通見非通見虛妄見非虛妄見雲見
非雲見工巧見非工巧見明處見非
明處見風見非風見地見非地見心
見非心見假名見非假名見自性見
非自性見陰見非陰見衆生見非衆
生見智見非智見涅槃見非涅槃見
境界見非境界見外道見非外道見
亂見非亂見幻見非幻見夢見非夢
見陽炎見非陽炎見像見非像見輪
見非輪見捷闍婆見非捷闍婆見天
見非天見飲食見非飲食見婬欲見
非婬欲見見非見見波羅蜜見非波
羅蜜見戒見非戒見日月星宿見非
日月星宿見諦見非諦見果見非果
見滅見非滅見起滅盡定見非起滅
盡定見治見非治見相見非相見支
見非支見巧明見非巧明見禪見非
禪見迷見非迷見現見非現見護見
非護見族姓見非族姓見仙人見非
仙人見王見非王見捕取見非捕取
見實見非實見記見非記見一闍提

見非一聞提見男女見非男女見味
見非味見作見非作見身見非身見
覺見非覺見動見非動見根見非根
見有為見非有為見因果見非因果
見色究竟見非色究竟見時見非時
見樹林見非樹林見種種見非種種
見說見非說見比丘見非比丘見比
丘居見非比丘居見住持見非住持
見字見非字見大慧此百八見過去
諸佛所說汝及諸菩薩當如是學
入楞伽經卷第一

癸卯歲高麗國大藏都監奉
勅彫造

入楞伽經卷第二

元魏天竺三藏菩提留支譯

集一切佛法品第三之一

今時聖者大慧菩薩復白佛言世尊
諸識有幾種生住滅佛告聖者大慧
菩薩言大慧諸識生住滅非思量者
之所能知大慧諸識各有二種生住
滅大慧諸識二種滅者一者相滅二
者相續滅大慧諸識又二種住一者
相住二者相續住大慧諸識有二種
生一者相生二者相續生大慧識有
三種何等三種一者轉相識二者業
相識三者智相識大慧有八種識略
說有二種何等為二一者了別識二
者分別事識大慧如明鏡中見諸色
像大慧了別識亦如是見種種鏡像
大慧了別識分別事識彼二種識无
差別相迭共為因大慧了別識不可
思議熏變因大慧分別事識分別取
境界因無始來戲論熏習大慧阿梨
耶識虛妄分別種種熏滅諸根亦滅
大慧是名相滅大慧相續滅者相續

因滅則相續滅因滅緣滅則相續滅
大慧所謂依法依緣言依法者謂无
始戲論妄想熏習言依緣者謂自心
識見境界分別大慧譬如泥團微塵
非異非不異金莊嚴具亦復如是非
異非不異大慧若泥團異者非彼所
成而實彼成是故不異若不異者泥
團微塵應無差別大慧如是轉識阿
梨耶識若異相者不從阿梨耶識生
若不異者轉識滅阿梨耶識亦應滅
而自相阿梨耶識不滅是故大慧諸
識自相滅自相滅者業相滅若自相
滅者阿梨耶識應滅大慧若阿梨耶
識滅者此不異外道斷見戲論大慧
彼諸外道作如是說所謂離諸境界
相續識滅相續識滅已即滅諸識大
慧若相續識滅者无始世來諸識應
滅大慧諸外道說相續諸識從作者
生不說識依眼色空明和合而生而
說有作者大慧何者是外道作者勝
人自在時微塵等是能作者復次大
慧有七種自性何等為七一者集性
自性二者性自性三者相性自性四

者大性自性五者因性自性六者緣性自性七者成性自性

復次大慧有七種第一義何等為七一者心境界二者智境界三者慧境界四者二見境界五者過二見境界六者過佛子地境界七者入如來地內行境界大慧此是過去未來現在諸佛如來應正遍知性自性第一義心大慧依此性自性第一義心諸佛如來畢竟得於世間出世間諸佛智慧眼同相別相諸法建立如所建立不與外道邪見共同大慧云何不與外道邪見共同所謂分別自心境界妄想見而不覺知自心想見大慧諸愚癡凡夫无有實體以為第一義說二見論復次大慧汝今諦聽我為汝說虛妄分別以為有物為斷三種苦何等為三謂無知愛業因緣滅自心所見如幻境界大慧諸沙門婆羅門作如是說本无始生依因果而現復作是說實有物住依諸緣故有陰界入生住滅以生者滅故大慧彼沙門婆羅門說相續體本無始有若生若滅若涅槃

若道若業若果若諦破壞諸法是斷
滅論非我所說何以故以現法不久當可
得故不見根本故大慧譬如瓶破不
得瓶用大慧譬如焦種不生芽等大
慧彼陰界入是滅過去陰界入滅現
在未來亦滅何以故因自心虛妄分
別見故大慧无彼陰界入相續體故
大慧若本無始生依三法生種種識
者龜毛何故不生沙不出油汝之所
立決定之義是即自壞汝說有无說
生所成因果亦壞大慧若如是依三
法因緣應生諸法因果自相過去現
在未來有无諸相譬喻及阿含自覺
觀地依自見薰心作如是說大慧愚
癡凡夫亦復如是惡見所害邪見迷
意无智妄稱一切智說大慧若復有
沙門婆羅門見諸法離自性故如雲
火輪捷闍婆城不生不滅故如幻陽
炎水中月故如夢内外心依無始世
來虛妄分別戲論而現故離自心虛
妄分別可見因緣故離滅盡妄想說
所說法故離身資生持用法故離阿
梨師識取境界相應故入寂靜境界

故離生住滅法故如是思惟觀察自
心以為生故大慧如是菩薩不久當得
世間涅槃平等之心大慧汝巧方便開
發方便觀察一切諸衆生界皆悉如
幻如鏡中像故无因緣起遠離內境
故自心見外境界故次第隨入無相
處故次第隨入從地至地三昧境界故
信三界自心幻故大慧如是修行者
當得如幻三昧故入自心寂靜境界
故到彼岸境界故離作者生法故得
金剛三昧故入如來身故入如來化
身故入諸力通自在大慈大悲莊嚴
身故入一切佛國土故入一切衆生
所樂故離心意意識境界故轉身得
妙身故大慧諸菩薩摩訶薩如是修
行者必得如來无上妙身大慧菩薩
欲證如來身者當遠離陰界入心因
緣和合法故遠離生住滅虛妄分別
戲論故諸法唯心當如是知見三界因
無始世來虛妄分別戲論而有故觀
如來地寂靜不生故進趣內身聖行
故大慧汝當不久得心自在无功用
行究竟故如衆色隨摩尼寶化身入

諸衆生微細心故以入隨心地故令
諸衆生次第入地故是故大慧諸菩
薩摩訶薩應當善知諸菩薩修行自
內法故

今時聖者大慧菩薩摩訶薩復白佛
言惟願世尊為諸菩薩摩訶薩說心
意意識五法自體相應法門諸佛菩
薩修行之處遠離自心邪見境界和
合故能破一切言語譬喻體相故一
切諸佛所說法心為楞伽城摩羅耶
山大海中諸菩薩說觀察阿梨耶識
大海波境界說法身如來所說法故
今時佛告聖者大慧菩薩摩訶薩言
大慧有四因緣眼識生何等為四一
者不覺自內身取境界故二者无始
世來虛妄分別色境界薰習執著戲
論故三者識自性體如是故四者樂
見種種色相故大慧是名四種因緣
於阿梨耶識海起大勇波能生轉識
大慧如眼識起識一切諸根毛孔一
時轉識生如鏡中像多少一時復有
隨因緣次第生大慧猶如猛風吹境
心海而識波生不斷因事相故迭共

不相離故業體相使縛故不覺色體
故而五識身轉故大慧不離彼五識
因了別識相名為意識共彼因常轉
故大慧五識及心識不作是念我迭
共為因自心見虛妄分別取諸境界
而彼各各不異相俱現分別境界如
是彼識微細生滅以入修行三昧者
不覺不知微細熏習而修行者作是
心我滅諸識入三昧而修行者不滅
諸識入三昧大慧熏集種子心不滅
取外境界諸識滅大慧如是微細阿
梨耶識行除佛如來及入地諸菩薩
摩訶薩諸餘聲聞辟支佛外道修行
者不能知故入三昧智力亦不能覺
以其不知諸地相故以不知智慧方
便差別善決定故以不能覺諸佛如
來集諸善根故以不能知自現境界
分別戲論故以不能入種種稠林阿
梨耶識窟故大慧惟下中上如實修
行者乃能分別見自心中虛妄見故
能於無量國土為諸如來授位故得
无量自在力神通三昧故依善知識
佛子眷屬而能得見心意意識自心

自體境界故分別生死大海以業愛
無智以為因有故大慧是故如實修
行者應推覓親近善知識故尔時世
尊而說偈言

譬如巨海浪 斯由猛風起 洪波鼓冥壑
無有斷絕時 梨耶識亦尔 境界風吹動
種種諸識浪 騰躍而轉生 青赤鹽珂乳
味及於石蜜 衆華與果實 如日月光明
非異非不異 海水起波浪 七識亦如是
心俱和合生 譬如海水動 種種波浪轉
梨耶識亦尔 種種諸識生 心意及意識
為諸相故說 諸識无別相 非見所見相
譬如海水波 是則無差別 諸識心如是
異亦不可得 心能集諸業 意能觀集境
識能了所識 五識現分別
尔時聖者大慧菩薩摩訶薩以偈問佛
青赤諸色像 自識如是見 水波相對法
何故如是說
尔時世尊以偈答曰

青赤諸雜色 波中悉皆無 說轉識心中
為凡夫相說 彼業悉皆无 自心離可取
可取及能取 與彼波浪同 身資生住持
衆生惟識見 是故現轉識 水波浪相似

大海波浪動 鼓躍可分別 阿梨耶識轉
何故不覺知 凡夫无智慧 梨耶識如海
波浪轉對法 是故譬喻說

今時聖者大慧菩薩摩訶薩復說偈言
日出光等照 下中上衆生 如來出世間
為凡夫說實 佛得究竟法 何故不說實
若說真實者 彼心無真實 譬如海波浪
鏡中像及夢 俱時而得現 境界亦然
境界不具故 是故次第現 識者識所識
意者然不然 吾則以現見 定中无如是
譬如巧畫師 及畫師弟子 布綵面衆像
我說法亦尔 綵色本无文 非筆亦非器
為衆生說故 綺錯畫衆像 言說離真實
真實離名字 我得真實處 如實內身知
離覺所覺相 解如實為說 此為佛子說
愚者異分別 種種皆如幻 唯見非真實
如是種種說 隨事實不實 為此人故說
於彼為非說 彼彼諸病人 良醫隨處藥
如來為衆生 唯心應器說 妄想非境界
聲聞亦非分 諸如來世尊 自覺境界說
復次大慧若菩薩摩訶薩欲知自心
離虛妄分別能取可取境界相者當
離憤鬧離睡眠盖初夜後夜常自覺

悟修行方便離諸外道一切戲論離
聲聞緣覺乘相當通達自心現見虛
妄分別之相

復次大慧菩薩摩訶薩建立住持智
慧心相者於上聖智三相當勤修學
大慧何等為上聖智三相所謂无所
有相一切諸佛自願住持相內身聖
智自覺知相修行此已能捨跋驢智
慧之相得勝子第八地三相修行大
慧何者無所有相謂觀聲聞緣覺外
道相大慧何者一切諸佛自願住持
相謂諸佛本自作願住持諸法大慧
何者內身聖智自覺知相一切法相無
所執著得如幻三昧身諸佛地處進
趣修行大慧是名上聖智三相若成
就此三相者能到自覺聖智境界是
故大慧諸菩薩摩訶薩求上聖智三
相者當如是學

尔時聖者大慧菩薩摩訶薩知諸大
菩薩衆心之所念承佛如來住持之
力問於如來名聖智行分別法門體
世尊願為我說名聖智行分別法
門體依百八見分別說如來應正

遍知依此百八見為諸菩薩摩訶薩分別說自相同相妄想分別體修行差別法大慧諸菩薩善得此妄想分別自體法行差別能清淨人無我法无我善解諸地過諸聲聞辟支佛禪定三摩跋提之樂得諸佛如來不可思議境界修行故得離五法自體相行入諸佛法身體真實行故得如來法身善決定處如幻境界所成故一切國土從兜率天阿迦尼吒處得如來法身故

佛告聖者大慧菩薩有一種外道邪見執著空无所有妄想分別智因有二自體無體分別兔角无如兔角無諸法亦无大慧復有餘外道見四大功德實有物見各各有差別相實无兔角虛妄執著妄想分別實有牛角大慧彼諸外道墮於二見不知唯心妄想分別增長自心界大慧如身資生器世間等惟是心分別不得分別兔角離於有无大慧不得分別一切諸法離於有无大慧若有人離於有无作如是言无有有兔角分別不得分

別無有有兔角彼人見相待因不得分別无兔角何以故大慧乃至觀察微細微塵不見實事離聖人智境界不得分別有牛角

尔時聖者大慧菩薩摩訶薩白佛言世尊世尊愚癡凡夫不見分別相而比智分別彼人见无佛告聖者大慧菩薩言大慧非觀分別心彼人無相何以故因虛妄分別心依角有分別心大慧依止虛妄角有分別心是故依依止因離相待法非見法彼无角大慧若離分別心更有分別應離角有非因角有大慧若不離彼分別心彼法乃至觀察微塵不見有實物大慧不離於心彼法應无以彼二法有無不可得若尔見何等法有何等法无大慧若不如是見有無不得分別有無此義云何見有牛角見无兔角不得如是分別大慧以因不相似故有无義不成以諸外道凡夫聲聞說有無義二俱不成故

大慧復有餘外道見色有因妄想執著形相長短見虚空无形相分齊見

諸色相異於虛空有其分齊大慧虛空即是色以色大入虛空故大慧色即是虛空依此法有彼法依彼法有此法故以依色分別虛空依虛空分別色故大慧四大種生自相各別不住虛空而四大中非无虛空大慧兔角亦如是因牛角有言兔角無大慧又彼牛角指為微塵分別微塵相不可得見彼何等何等法有何等何等法无而言有耶無耶若如是觀餘法亦然

尔時佛告聖者大慧菩薩言大慧汝當應離兔角牛角虛空色異妄想見等大慧汝亦應為諸菩薩說離兔角等相大慧汝應當知自心所見虛妄分別之相大慧汝當於諸佛國土中為諸佛子說汝自心現見一切虛妄境界尔時世尊重說偈言

色於心中無 心依境見有 內識衆生見 身資生住處 心意與意識 自性及五法 二種无我淨 如来如是說 長短有无等 展轉于相生 以無故成有 以有故成無 分別微塵體 不起色妄想 但心安住處

惡見不能淨 非妄智境界 聲聞亦不知
如來之所說 自覺之境界

尔時聖者大慧菩薩摩訶薩為淨自
心現流復請如來而作是言世尊云
何淨除自心現流為次第淨為一時
耶佛告聖者大慧菩薩摩訶薩言大
慧淨自心現流次第漸淨非為一時
大慧譬如菴摩羅果漸次成熟非為
一時大慧眾生清淨自心現流亦復
如是漸次清淨非為一時譬如陶師
造作諸器漸次成就非為一時大慧
諸佛如來淨諸眾生自心現流亦復
如是漸次而淨非一時淨大慧譬如
大地生諸樹林藥草万物漸次增長
非一時成大慧諸佛如來淨諸眾生
自心現流亦復如是漸次而淨非一
時淨大慧譬如有人學諸音樂歌儻
書畫種種伎術漸次而解非一時知
大慧諸佛如來淨諸眾生自心現流
亦復如是漸次而淨非一時淨大慧
譬如明鏡无分別心一時俱現一切
色像如來世尊亦復如是无有分別
淨諸眾生自心現流一時清淨非漸

次淨令住寂靜無分別處大慧譬如
日月輪相光明一時遍照一切色像
非為前後大慧如來世尊亦復如是
為令衆生離自心煩惱見薰習氣過
患一時示現不思議智寂勝境界大
慧譬如阿梨耶識分別現境自身資
生器世間等一時而知非是前後大
慧報佛如來亦復如是一時成熟諸
衆生界置究竟天淨妙宮殿修行清
淨之處大慧譬如法佛報佛放諸光
明有應化佛照諸世間大慧內身聖
行光明法體照除世間有无邪見亦
復如是復次大慧法佛報佛說一切
法自相同相故因自心現見薰習相
故因虛妄分別戲論相縛故如所說
法无如是體故大慧譬如幻師幻作
一切種種形像諸愚癡人取以為實
而彼諸像實不可得復次大慧虛妄
法體依因緣法執著有實分別而生
大慧如巧幻師依草木瓦石作種種
事依於呪術人工之力成就一切衆
生形色身分之相名幻人像衆生見
幻種種形色執著為人而實無人大

慧衆生雖見以為是人无實人體大
慧因緣法體隨心分別亦復如是以
見心相種種幻故何以故以執著虛
妄相因分別心熏習故大慧是名分
別虛妄體相大慧是名報佛說法之相
大慧法佛說法者離心相應體故內
證聖行境界故大慧是名法佛說法
之相

大慧應化佛所作應佛說施戒忍精
進禪定智慧故陰界入解脫故建立
識想差別行故說諸外道无色三摩
跋提次第相大慧是名應佛所作應
佛說法相復次大慧法佛說法者離
攀緣故離能觀所觀故離所作相量相
故大慧非諸凡夫聲聞緣覺外道境
界故以諸外道執著虛妄我相故是故
大慧如是內身自覺修行勝相當如是
學大慧汝當應離見自心相以為非
實復次大慧聲聞乘有二種差別相
謂於內身證得聖相故執著虛妄相
分別有物故大慧何者聲聞內身證
得聖相謂无常苦空無我境界故真
諦離欲寂滅故陰界入故自相同相

故內外不滅相故見如實法故得心
三昧得心三昧已得禪定解脫三昧
道果三摩跋提不退解脫故離不可
思議薰習變易死故內身證得聖樂
行法住聲聞地故大慧是名聲聞內
身證得聖相大慧菩薩摩訶薩入諸
聲聞內證聖行三昧樂法而不取寂
滅空門樂不取三摩跋提樂以憐愍
衆生故起本願力行是故雖知不取
為究竟大慧是名聲聞內身證聖修
行樂相大慧菩薩摩訶薩應當修行
內身證聖修行樂門而不取著大慧何
者是聲聞分別有物執著虛妄相謂於
四大堅濕熱動相青黃赤白等相故
無作者而有生故自相同相故計量
相應阿含先勝見善說故依彼法虛
妄執著以為實有大慧是名聲聞分
別有物執著虛妄相大慧菩薩摩訶
薩於彼聲聞法應知而捨捨已入法
無我相入法无我相已入人無我觀
察无我相已次第入諸地大慧是名
聲聞分別有物執著虛妄相大慧所
言聲聞乘有二種相者我已說竟

今時聖者大慧菩薩摩訶薩復白佛
言世尊世尊所說常不可思議法內
身證聖境界法第一義法世尊外道
亦說常不可思議因果此義云何佛
告聖者大慧菩薩言大慧諸外道說
常不可思議因果不成何以故大慧
諸外道說常不可思議非因自相相
應故大慧諸外道說常不可思議若
因自相不相應者此何等法何等法
了出是故外道不得言常不可思議
復次大慧諸外道說常不可思議者
若因自相相應者應成无常不可思
議以有因相故是故不成常不可思
議大慧我說常不可思議第一義常
不可思議與第一義相因果相應以
離有无故以內身證相故以有彼相
故以第一義智因相相應以離有無
故以非所作故與虛空涅槃寂滅辟
喻相應故是故常不可思議是故大
慧我說常不可思議不同外道常不
可思議論大慧此常不可思議諸佛
如來應正遍知實是常法以諸佛聖
智內身證得故非心意意識境界故

大慧是故菩薩摩訶薩應當修行常
不可思議內身所證聖智行法復次
大慧諸外道常不可思議无常法相
因相應故是故無常非因相而得名
故是故常法不可思議大慧若諸外
道常不可思議見有无法而言常以
彼法比智知言有常大慧我亦如是
即因此法作有无見無常應常何以
故以無因故復次大慧諸外道說若
因相相應成常不可思議以彼外道
言因自相有无故者同於兎角大慧
此常不可思議諸外道等但虛妄分
別何以故以無兎角但虛妄分別故
自因相无故大慧我常不可思議惟
內身證相因故離作有无法故是故
常不可思議以无外相故常法相應
故大慧諸外道等見無外相比智知
常不可思議以為常彼外道等不知
常不可思議自因相彼因相故以內
身聖智證境界相故大慧彼外道於
我法不應為說

復次大慧諸聲聞辟支佛畏生死妄
想苦而求涅槃不知世間涅槃无差

別故分別一切法與非法而滅諸根
不取未來境界妄取以為涅槃不知
內身證修行法故不知阿梨耶識轉
故大慧是故彼愚癡人說有三乘法
而不能知唯心想寂滅得寂滅法是故
彼无智愚人不知過去未來現在諸
佛如來應正遍知自心見境界故執
著外心境界故是故大慧彼愚癡人
於世間生死輪中常轉不住

復次大慧過去未來現在一切諸佛
皆說諸法不生何以故謂自心見有
无法故若離有無諸法不生故是故
大慧一切法不生大慧一切法如兔
角驢馳等角大慧愚癡凡夫妄想分
別分別諸法是故一切諸法不生大
慧一切諸法自體相不生是內身證
聖智境界故非諸凡夫自體分別二
境界故大慧是阿梨耶識身資生器
世間去來自體相故見能取可取轉
故諸凡夫墮於生住滅二相心故分
別諸法生有元故大慧汝應知如是
法故

復次大慧我說五種乘性證法何等

為五一者聲聞乘性證法二者辟支
佛乘性證法三者如來乘性證法四
者不定乘性證法五者无性證法大
慧何者聲聞乘性證法謂說陰界
入法故說自相同相證智法故彼身
毛孔熙怡欣悅樂修相智不修因緣
不相離相故大慧是名聲聞乘性證
法故彼聲聞人邪見證智離起麁煩
惱不離无明熏習煩惱見已身證相
謂初地中乃至五地六地離諸煩惱
同已所離故熏習無明煩惱故墮
不可思議變易死故而作是言我生
已盡梵行已立所作已辦不受後有
如是等得入人無我乃至生心以為
得涅槃故大慧復有餘外道求證涅
槃而作是言覺知我人衆生壽命作
者受者丈夫以為涅槃大慧復有餘
外道見一切諸法依因而有生涅槃心
故大慧彼諸外道無涅槃解脫以不
見法無我故大慧是名聲聞乘外道
性於非離處而生離想大慧汝應轉
此邪見修行如實行故
大慧何者辟支佛乘性證法謂聞說

緣覺證法舉身毛豎悲泣流淚不樂
憤開故觀察諸因緣法故不著諸因
緣法故聞說自身種種神通若離若
合種種變化其心隨入故大慧是名
緣覺乘性證法汝當應知隨順緣覺說
大慧何者如來乘性證法大慧如來
乘性證法有四種何等為四一者證
實法性二者離實法證性三者自身
內證聖智性四者外諸國土勝妙莊
嚴證法性大慧若聞說此一二法時
但阿梨耶心見外身所依資生器世
間不可思議境界不驚不怖不畏者
大慧當知是證如來乘性人大慧是
名如來乘性證法人相
大慧何者不定乘性證法大慧若人
聞說此三種法於一一中有所樂者
隨順為說大慧說三乘者為發起修
行地故說諸性差別非究竟地為欲
建立畢竟能取寂靜之地故大慧彼
三種人離煩惱障薰習得清淨故見
法無我得三昧樂行故聲聞緣覺畢
竟證得如來法身故尔時世尊重說
偈言

逆流修无漏 往來及不還 應供阿羅漢
是等心乱惑 我說於三乘 一乘及非乘
諸聖如實解 凡夫不能知 第一義法門
遠離於二教 建立於三乘 為住寂靜處
諸禪及无量 無色三摩提 无想定滅盡
亦皆心中無

大慧何者无性乘謂一闍提大慧一
闍提者無涅槃性何以故於解脫中
不生信心不入涅槃大慧一闍提者
有二種何等為二一者焚燒一切善
根二者憐愍一切衆生作盡一切衆
生界願大慧云何焚燒一切善根謂
謗菩薩藏作如是言彼非隨順修多
羅毗尼解脫說捨諸善根是故不得
涅槃大慧憐愍衆生作盡衆生界願
者是為菩薩大慧菩薩方便作願若
諸衆生不入涅槃者我亦不入涅槃
是故菩薩摩訶薩不入涅槃大慧是
名二種一闍提无涅槃性以是義故
決定取一闍提行大慧菩薩白佛言
世尊此二種一闍提何等一闍提常
不入涅槃佛告大慧菩薩摩訶薩一
闍提常不入涅槃何以故以能善知

一切諸法本來涅槃是故不入涅槃
非捨一切善根闡提何以故大慧彼
捨一切善根闡提若值諸佛善知識
等發菩提心生諸善根便證涅槃何
以故大慧諸佛如來不捨一切諸衆
生故是故大慧菩薩一闡提常不入
涅槃

入楞伽經卷第二

癸卯歲高麗國大藏都監奉
勅彫造

入楞伽經卷第三

身

九魏天竺三藏菩提留支譯

集一切佛法品第三之二

復次大慧菩薩摩訶薩當善知三法
自體相大慧何等三法自體相一者
虛妄分別名字相二者因緣法體自
相相三者第一義諦法體相大慧何
者虛妄分別名字相謂從名字虛妄
分別一切法相是名虛妄分別名字
之相大慧何者因緣法體自相相大
慧因緣法體自相相者從境界事生
故大慧因緣法體境界事相諸佛如
來應正遍知說虛妄分別差別有二
種何等二種一者妄執名字戲論分
別二者妄執名字相分別境界相事
相大慧何者妄執名字相境界相事
相謂即彼內外法自相同相大慧是
名因緣法體二種自相相以依彼法
觀彼法生故大慧是名因緣法體自
相相大慧何者第一義諦法體相謂
諸佛如來離名字相境界相事相相
聖智修行境界行處大慧是名第一

義諦相諸佛如來藏心念時世尊重
說偈言

名相分別事 及法有二相 真如正妙智
是第一義相

大慧是名觀察五法自相法門諸佛
菩薩修行內證境界之相汝及諸菩
薩應如是學復次大慧菩薩摩訶薩
應當善觀二元我相大慧何等二種
一者人無我智二者法无我智云何
人无我智謂離我我所陰界入聚故
無智業愛生故依眼色等虛妄執著
故自心現見一切諸根器身屋宅故
自心分別分別故分別分別識故如
河流種子燈焰風雲念念展轉前後
差別輕躁動轉如猿猴蠅等愛樂不
淨境界處故无厭足如火故因無始
來戲論境界熏習故猶如轆轤車輪
機關於三界中生種種色種種身如
幻起尸大慧如是觀諸法相巧方便
智是名善知人无我智境界之相大
慧何者法無我智謂如實分別陰界
入相大慧善菩薩觀察陰界入等无我
我所陰界入聚因業愛繩迭共相縛

因緣生故无我無作者大慧陰界入
等離同相異相故依不實相分別得
名愚癡凡夫妄相分別以為有故非
證實者見以為有大慧菩薩如是觀
察心意意識五法體相一切離故諸
因緣無是名善知諸法无我智境界
相大慧菩薩善知諸法無我已觀察
真如修寂靜行不久當得初歡喜地
善能觀察歡喜地已如是諸地次第
轉明乃至得證法雲之地菩薩住彼
法雲地已无量諸寶間錯莊嚴大蓮
華王座大寶宮殿如實業幻境界所
生而坐其上一切同行諸佛子等恭
敬圍繞十方諸佛伸手灌頂授於佛
位如轉輪王灌太子頂過佛子地過
佛子地已觀諸佛法如實修行於諸
法中而得自在得自在已名得如來
無上法身以見法无我故大慧是名
如實法无我相大慧汝及諸菩薩應
如是學

尔時聖者大慧菩薩復白佛言世尊
世尊有无謗相願為我說世尊我及
諸菩薩摩訶薩若聞得離有无邪見

速得阿耨多羅三藐三菩提得阿耨
多羅三藐三菩提已遠離斷常邪見
建立便能建立諸佛正法今時世尊
復受聖者大慧菩薩摩訶薩請已而
說偈言

心中無斷常 身資生住處 惟心愚元智
无物而見有

今時世尊於此偈義復重宣說告聖
者大慧菩薩言大慧有四種建立謗
相何等為四一者建立非有相二者
建立非正見相三者建立非有因相
四者建立非有體相大慧是名四種
建立大慧何者是謗相大慧觀察邪
見所建立法不見實相即謗諸法言
一切無大慧是名建立謗相

復次大慧何者建立非有相謂分別
陰界入非有法无始來戲論非有實
故而執著同相異相此法如是如是
畢竟不異大慧依此無量世來煩惱
薰習執著而起大慧是名建立非有
相大慧何者建立非正見相大慧彼
陰界入中无我人衆生壽者作者受
者而建立邪見謂有我等故大慧是

名建立非正見相大慧何者建立非有
因相謂初識不從因生本不生後時
生如幻本无因物而有因眼色明念
故識生生已還滅大慧是名建立非有
因相大慧何者建立非有體謗法相
謂虚空滅涅槃无作無物建立執著
大慧彼三法離有无故大慧一切諸
法如兔馬驢駝角毛輪等故離有无
建立相故大慧建立謗相者諸凡夫
虛妄分別故不知但是心見諸法是
有非聖人所見故大慧是名建立非
有體謗法相大慧汝當遠離不正見
建立謗法相故

復次大慧諸菩薩摩訶薩如實知心
意意識五法體相二種無我為安隱
衆生現種種類像如彼虛妄无所分
別依因緣法而有種種大慧菩薩摩
訶薩亦復如是依衆生現種種色如
如意寶隨諸一切衆生心念於諸佛
土大衆中現如幻如夢如響如水中
月鏡中像故遠離諸法不生不滅非
常非斷故現佛如來離諸聲聞緣覺
乘故聞諸佛法即得无量百千万億諸

深三昧得三昧已依三昧力從一佛
土至一佛土供養諸佛示現生於諸
宮殿中讚歎三寶現作佛身菩薩聲
聞大衆圍繞令諸一切衆生得入自心
見境為說外境无物有物令得遠離
建立有無法故今時世尊重說偈言
佛子見世間 惟心无諸法 種類非身作
得力自在成

今時聖者大慧菩薩復請佛言惟願
世尊為我等說一切法空無生无二
離自體相我及一切諸菩薩衆知諸
法空無生无二離自體相已離有無
妄想速得阿耨多羅三藐三菩提今
時佛告聖者大慧菩薩摩訶薩言善
哉善哉善哉大慧諦聽諦聽我當為
汝廣分別說大慧白佛言善哉世尊
唯然受教佛告大慧言大慧空者即
是妄想法體句大慧依執者妄想法
體說空无生無體相不二大慧空有
七種何等為七一者相空二者一切
法有物无物空三者行空四者不行
空五者一切法無言空六者第一義
聖智大空七者彼彼空大慧何者是

相空謂一切法自相同相空見迭共
積聚大慧觀察一二法自相同相无
一法可得離自相他相二相無相可
住可見是故名為自相空大慧何者
一切法有物無物空謂自體相實有
法生大慧諸法自體相有无俱空是
故名為自體相有物無物空大慧何
者是行空謂諸陰等離我我所依因
作業而得有生大慧是故名為行空
大慧何者不行空謂陰法中涅槃未
曾行大慧是名不行空大慧何者一
切法無言空謂妄想分別一切諸法
无言可說大慧是名一切法無言空
大慧何者第一義聖智大空謂自身
內證聖智法空離諸邪見熏習之過
大慧是名第一義聖智大空大慧何
者彼彼空謂何等何等法處彼法无
此法有彼法有此法無是故言空大
慧我昔曾為鹿母說殿堂空者無象
馬牛羊等名為空有諸比丘等名為
不空而殿堂殿堂體无比丘比丘體
亦不可得而被象馬牛羊等非餘處
無大慧如是諸法自相同相亦不可

得離此彼處是故我言彼彼空大慧
是名七種空大慧此彼彼空取為義
淺大慧汝當應離彼彼空不須修習
大慧言何者不生大慧自體不生而
非不生依世諦故說名為生依本不
生故言不生大慧言何者无體相大
慧我說無體相者一切諸法體本不
生是故我言諸法无體而相續體刹
鄰不住大慧以見異異相故是故一
切法無體相大慧言何者名為不二
法相大慧二法相者謂日光影長短
黑白彼如是等法各各別名不得言
不二大慧如世間涅槃一切諸法各
各有二大慧何等涅槃彼處无世間
何處世間彼處无涅槃以異因相故
是故我言一切諸法不二一切諸法
不二者世間涅槃無二故是故汝應
修學諸法空不生无體不二故今時
世尊重說偈言

我常說空法 遠離於斷常 生死如幻夢
而被業不失 虛空及涅槃 滅二亦如是
凡夫分別生 聖人離有无

今時佛告聖者大慧菩薩摩訶薩言

大慧一切法空不生无體不二相入
於諸佛如來所說修多羅中凡諸法
門皆說此義大慧一切修多羅隨諸
一切衆生心故分別顯示大慧譬如
陽焰迷惑禽獸虛妄執著生於水想
而陽焰中實无有水大慧一切修多
羅說法亦復如是為諸凡夫自心分
別令得歡喜非如實聖智在於言說
大慧汝應隨順於義莫著所說名字
章句

尔時聖者大慧菩薩摩訶薩向佛言
世尊世尊如修多羅說如來藏自性
清淨具三十二相在於一切衆生身
中為貪瞋癡不實垢染陰界入衆之
所纏裹如無價寶垢衣所纏如來世
尊復說常恒清涼不變世尊若尔外
道亦說我有神我常在不變如來亦
說如來藏常乃至不變世尊外道亦
說有常作者不依諸緣自然而有同
遍不滅若如是者如來外道說无差
別佛告聖者大慧菩薩言大慧我說
如來藏常不同外道所有神我大慧
我說如來藏空實際涅槃不生不滅

無相无願等文辭章句說名如來藏
大慧如來應正遍知為諸一切愚癡
凡夫聞說無我生於驚怖是故我說
有如來藏而如來藏无所分別寂靜
無相說名如來藏大慧未來現在諸
菩薩等不應執著有我之相大慧譬
如陶師依於泥聚微塵輪繩人巧手
木方便力故作種種器大慧如來世
尊亦復如是彼法无我離諸一切分
別之相智慧巧便說名如來藏或說
無我或說實際及涅槃等種種名字
章句示現如彼陶師作種種器是故
大慧我說如來藏不同外道說有我
相大慧我說如來藏者為諸外道執
著於我攝取彼故說如來藏令彼外
道離於神我妄想見心執著之處入
三解脫門速得阿耨多羅三藐三菩
提大慧以是義故諸佛如來應正遍
知說如來藏是故我說有如來藏不
同外道執著神我是故大慧為離一
切外道邪見諸佛如來作如是說汝
當修學如來无我相法今時世尊重
說偈言

人我及於陰 衆緣與微塵 自性自在作
唯心安分別

今時聖者大慧菩薩觀察未來一切
衆生復請佛言唯願世尊為諸菩薩
說如實修行法彼諸菩薩聞說如實
修行之法便得成就如實修行者佛
告聖者大慧菩薩摩訶薩言大慧有
四種法得名為大如實修行者何等
為四一者善知自心現見故二者遠
離生住滅故三者善解外法有无故四
者樂修內身證智故大慧菩薩成就
如是四法得成就大如實修行者大
慧何者菩薩摩訶薩觀察三界但是
一心作故離我我所故無動无覺故
離取捨故從无始來虛妄執著三界
薰習戲論心故種種色行常繫縛故
身及資生器世間中六道虛妄現故
大慧是名諸菩薩摩訶薩善知自心
現見相大慧云何一切菩薩摩訶薩
見遠離生住滅法謂觀諸法如幻如
夢故一切諸法自他二種無故不生
以隨自心現知見故以无外法故諸
識不起觀諸因緣無積聚故見諸三

界因緣有故不見內外一切諸法元
實體故遠離生諸法不正見故入一
切法如幻相故菩薩今時名得初地
无生法忍遠離心意意識五法體相
故得二無我如意見身乃至得第八
不動地如意見身故大慧菩薩白佛
言世尊何故名為如意見身佛告大
慧隨意速去如念即至无有障碍名
如意身大慧言如意見者於石壁山障
无量百千万億由旬念本所見種種
境界自心中縛不能障碍自在而去
大慧如意身者亦復如是得如幻三
昧自在神力莊嚴其身進趣一切聖
智種類身无障碍隨意而去以念本
願力境界故為化一切諸衆生故大
慧是名菩薩摩訶薩遠離生住滅相
大慧云何菩薩摩訶薩善解外法有
无之相所謂菩薩見一切法如陽焰
如夢如毛輪故因无始來執著種種
戲論分別妄想薰習故見一切法無
體相求證聖智境界修行故大慧是
名菩薩善解外法有无之相即成就
大如實修行者大慧汝應如是修學

尔時聖者大慧菩薩復請佛言世尊
唯願世尊說一切法因緣之相我及
一切諸菩薩等善知諸法因緣之相
離於有無不正見等妄想分別諸法
次第一時生過佛告大慧菩薩言大
慧一切諸法有於二種因緣集相所
謂内外大慧外法因緣集相者所謂
泥團等柱輪繩人功方便緣故則有
瓶生大慧如泥團等因緣生瓶如是
縷疊草席種牙渾等人功生酪生酪
已生酥生酥已得醍醐大慧是名外
法因緣集相從下上上應知大慧何
者内法因緣集相大慧所謂无明業
愛如是等法名内因緣集相大慧因
无明等陰界入等而得名為因緣集
相而諸凡夫虛妄分別各見別相大
慧因有六種何等為六一者當因二
者相續因三者相因四者作因五者
了因六者相待因大慧當因者作因
已能生内外法大慧相續因者能攀
緣内外法陰種子等大慧相因者能
生相續次第作事而不斷絕大慧作
因者能作增上因如轉輪王大慧了

因者妄想事生已能顯示如燈照色
等大慧相待因者於滅時不見虛妄
生法相續事斷絕故大慧如是諸法
凡夫自心虛妄分別大慧是諸法非
次第生非一時生何以故大慧若一
切法一時生者因果不可差別以不
見因果身相故若次第生者未得身
相不得言次第生如未有子不能言
父大慧愚癡凡夫自心觀察次第相
續不相應故作如是言因緣次第緣所
緣緣增上緣等能生諸法大慧如是
次第諸法不生大慧虛妄分別取法
體相一時次第俱亦不生復次大慧
自心中見身及資生故大慧自相同
相外法无法是故次第一時不生大
慧但虛妄識生自心見故大慧汝當
應離不正見因緣生事次第一時生
法今時世尊重說偈言
因緣无不生不生故不滅 生滅因緣虛
非生亦非滅 為遮諸因緣 愚人虛妄取
有無緣不生 故諸法不起 以於三界中
熏習迷惑心 因緣本自无 不生亦不滅
見諸有為法 石女虛空花 轉可取能取

不生惑妄見現本皆不生緣本亦不有
如是等諸法自體是空無亦无有住處
為世間說有

今時聖者大慧菩薩復白佛言世尊
惟願世尊為我說名分別言語相心
法門我及一切諸菩薩等若得善知
名分別言語相心法門則能通達言
說及義二種之法速得阿耨多羅三
藐三菩提得菩提已言說及義能令
一切諸衆生等得清淨解佛告聖者
大慧菩薩言善哉大慧諦聽諦聽當
為汝說大慧菩薩言善哉世尊唯然
受教佛告大慧菩薩言大慧有四種
妄相言語何等為四一者相言說二
者夢言說三者妄執言說四者无始
言說大慧相言說者所謂執著色等
諸相而生大慧夢言說者念本受用
虛妄境界依境界夢覺已知依虛妄
境界不實而生大慧執著言說者念
本所聞所作業生大慧无始言說者
從无始來執著戲論煩惱種子熏習
而生大慧我言四種言說虛妄執著
者我已說竟

今時聖者大慧菩薩復以此義勸請
如來而白佛言世尊惟願為我重說
四種虛妄執著言語之相衆生言語
何處出云何出何因出佛告大慧菩
薩言大慧從頭聞喉鼻唇舌牙齒轉
故和合出聲大慧菩薩白佛言世尊
口中言語虛妄法相為異為不異佛
告大慧言大慧言語虛妄者非異非
不異何以故大慧因彼虛妄法相生
言語故大慧若言語異者應无因生
大慧若不異者言說不能了前境界
大慧說彼言語能了前境是故非異
非不異大慧復白佛言世尊為言語
即第一義為言語所說為第一義佛
告大慧非言語即第一義何以故大
慧為令第一義隨順言語入聖境界
故有言語說第二義非言語即第一義
大慧第一義者聖智內證非言語法
是智境界以言語能了彼境界大慧
說第一義言語者是生滅法念念不
住因緣和合有言語生大慧因緣和
合者彼不能了第一義何以故以無
自相他相故是故大慧言語不能了

第一義復次大慧隨順自心見外諸法无法分別是故不能了知第一義是故大慧汝當應離種種言語妄分別相今時世尊重說偈言

諸法本虛妄 无有自體實 是故諸言語不能說有無 空及與不空 凡夫不能知諸法无體相 說衆生亦尔 分別有无法猶如化夢等 觀察一切法 不住於涅槃亦不住世間 如王長者等 為令諸子喜泥作諸禽獸 先與虛偽物 後乃授實事我說種種法 自法鏡像等 為諸佛子喜後說明實際

今時聖者大慧菩薩復白佛言世尊唯願世尊為諸菩薩及我身說離有無一異俱不俱有无非有非無常无常一切外道所不能行聖智自證覺所行故離於自相同相法故入第一義實法性故諸地次第上上清淨故入如來地相故依本願力如如意寶无量境界修行之相自然行故於一切法自心現見差別相故我及一切諸菩薩等離於如是妄想分別同相異相速得阿耨多羅三藐三菩提得

菩提已與一切衆生安隱樂具志令
滿足故佛告大慧善哉善哉善哉大
慧汝為哀愍一切天人多所安樂多
所饒益乃能問我如是之義善哉善
哉善哉大慧諦聽諦聽我當為汝分
別解說大慧白佛言善哉世尊唯然
受教佛告大慧愚癡凡夫不能覺知
惟自心見執著外諸種種法相以為
實有是故虛妄分別一異俱不俱有
无非有非無常无常因自心熏習依
虛妄分別心故大慧譬如群獸為渴
所逼依熱陽焰自心迷亂而作水想
東西馳走不知非水大慧如是凡夫
愚癡心見生住滅法不善分別因無
始來虛妄執著戲論熏習貪瞋癡熱
迷心逼惱樂求種種諸色境界是故
凡夫墮於一異俱不俱有无非有非
無常无常等大慧譬如凡夫見捷闢
婆城生實城想因無始來虛妄分別
城想種子熏習而見大慧彼城非城
非不城大慧一切外道亦復如是因無
始來戲論熏習執著一異俱不俱有
无非有非無常无常法故大慧以不

覺知唯是自心虛妄見故大慧譬如
有人於睡夢中見諸男女象馬車步
城邑聚落牛與水牛園林樹木種種
山河泉流浴池宮殿樓閣種種莊嚴
廣大嚴博見身在中忽然即覺覺已
憶念彼廣大城大慧於意云何彼人
名為是聖者不大慧白佛言不也世
尊佛告大慧一切愚癡凡夫外道邪
見諸見亦復如是不能覺知諸法夢
睡自心見故執著一異俱不俱有無
非有非无常無常見故大慧譬如畫
像不高不下大慧愚癡凡夫妄見諸
法有高有下大慧於未來世依諸外
道邪見心熏習增長虛妄分別一異
俱不俱有無非有非无常無常等大
慧而彼外道自壞壞他說如是言諸
法不生不滅有无寂靜彼人名為不
正見者大慧彼諸外道謗因果法因
邪見故拔諸一切善根白法清淨之
因大慧欲求勝法者當遠離說如是
法人被人心著自他二見執虛妄法
墮於誹謗建立邪心入於惡道大慧
譬如目瞽見虛空中有於毛輪為他

說言如是如是青黃赤白汝何不觀
大慧而彼毛輪本自无體何以故有
見不見故大慧諸外道等依邪見心
虛妄分別亦復如是虛妄執著一異
俱不俱有无非有非無常无常生諸
法故大慧譬如天雨生於水泡似頗
梨珠愚癡凡夫妄見執著生於珠想
東西走逐大慧而彼水泡非寶珠非
不寶珠何以故有取不取故大慧彼
諸外道因虛妄心分別熏習亦復如
是說非有法依因緣生復有說言實
有法滅復次大慧彼諸外道建立三
種量五分論而作是言實有聖者內
證之法離二自體虛妄分別故大慧
離心意意識轉身便得聖種類身修
行諸行无如是心離自心見能取可
取虛妄境界故入如來地自身進趣
證聖智故如實修行者不生有無心
故大慧如實修行必得如是境界故
大慧若取有无法者即為我相人相
衆生相壽者相故大慧說有无法自
相同相是名應化佛說非法佛說復
次大慧應化如來說如是法隨順愚

癡凡夫見心令其修行非為建立如
實修行示現自身內證聖智三昧樂
行故大慧譬如人見水中樹影大慧
彼非影非不影何以故有樹則有无
樹則無故大慧彼諸外道依邪見心
妄想熏習亦復如是分別一異俱不
俱有无非有非無常无常妄想分別
故何以故以不覺知唯自心見故大
慧譬如明鏡隨緣得見一切色像无
分別心大慧彼非像非不像何以故
有緣得見无緣不見故大慧愚癡凡
夫自心分別見像有無大慧一切外
道自心妄想分別鏡像亦復如是見
一異俱不俱故大慧譬如諸響因人
山河水風空屋和合而聞彼所聞響
非有非无何以故因聲聞聲故大慧
一切外道自心虛妄分別熏習見一
異俱不俱有无非有非無常无常故
大慧譬如大地無諸草木園林之慮
因於日光塵土和合見水波動而彼
水波非有非无何以故令衆生歡喜
不歡喜故大慧一切外道愚癡凡夫
亦復如是因無始來煩惱心熏習戲

論分別生住滅一異俱不俱有無非
有非无常無常聖人內身證智門中
示現陽焰渴愛事故大慧譬如有人
依呪術力起於死尸機關木人無衆
生體依毗舍闍力依巧師力作去來
事而諸愚癡凡夫執著以為實有以
去來故大慧愚癡凡夫諸外道等墮
邪見心亦復如是執著虛妄一異俱
不俱有无非有非無常无常故是故
凡夫外道虛妄建立如是法故是故
大慧汝當遠離生住滅一異俱不俱
有无非有非無常无常故自身內證
聖智分別故今時世尊重說偈言

五陰及於識 如水中樹影 如幻夢所見
莫依意識取 諸法如毛輪 如焰水迷惑
觀察於三界 一切如幻夢 若能如是觀
修行得解脫 如夏獸愛水 搖動迷惑心
彼處无水事 妄想見為水 如意識種子
境界動生見 愚癡取為實 彼法生如翳
无始世愚癡 取物如懷抱 如因搨出搨
誑凡夫入法 幻起尸機關 夢電雲恒尔
觀世間如是 断有得解脫 陽焰虛空中
無有諸識知 觀諸法如是不著一切法

諸識唯有名以諸相空無見陰如毛輪
何法中分別盡及諸毛輪幻夢捷闔婆
火輪翕趣水實无而見有常無常及二
俱及不俱依無始因縛凡夫迷惑心
鏡寶水眼中現諸種種像妄見種種色
如夢石女兒一切法无實如獸愛空水
復次大慧諸佛如來說法雖四種見
謂離一異俱不俱故遠離建立有無
故大慧一切諸佛如來說法依實際
因緣寂滅解脫故大慧一切諸佛如
來說法依究竟境界非因自性自在
天無因微塵時不依如是說法
復次大慧諸佛說法離二種障煩惱
障智障如大商主將諸人衆次第置
於至未曾見究竟安隱寂靜之處次
第安置令善解知乘地差別相故
復次大慧有四種禪何等為四一者
愚癡凡夫所行禪二者觀察義禪三
者念真如禪四者諸佛如來禪大慧
何者愚癡凡夫所行禪謂聲聞緣覺
外道修行者觀人无我自相同相骨
鎖故无常苦無我不淨執著諸相如
是如是決定畢竟不異故如是次第因

前觀次第上上乃至非想滅盡定解脫是名愚癡凡夫外道聲聞等禪大慧何者觀察義禪謂觀人無我自相同相故見愚癡凡夫外道自相同相自他相无實故觀法無我諸地行相義次第故大慧是名觀察義禪大慧何者觀真如禪謂觀察虛妄分別因緣如實知二種无我如實分別一切諸法无實體相尔時不住分別心中得寂靜境界大慧是名觀真如禪大慧何者觀察如來禪謂如實入如來地故入內身聖智相三空三種樂行故能成辦衆生所作不可思議大慧是名觀察如來禪尔時世尊重說偈言

凡夫等行禪 觀察義相禪 觀念真如禪
究竟佛淨禪 辟如日月形 鉢頭摩海相
虛空火盡相 行者如是觀 如是種種相
墮於外道法 亦墮於聲聞 辟支佛等行
捨離於一切 則是無所有 時十方刹土
諸佛真如手 摩彼行者頂 入真如无相
尔時聖者大慧菩薩摩訶薩白佛言
世尊言涅槃涅槃者說何等法名為

涅槃佛告聖者大慧菩薩言大慧言
涅槃者轉滅諸識法體相故轉諸見
熏習故轉心意阿梨耶識法相熏習
名為涅槃大慧我及諸佛說如是涅
槃法體境界空事故復次大慧言涅
槃者謂內身聖智修行境界故離虛
妄分別有无法故大慧云何非常謂
離自相同相分別法故是故非常大
慧云何非斷謂過去未來現在一切
聖人內身證得故是故非斷大慧般
涅槃者非死非滅大慧若般涅槃是
死法者應有生縛故大慧若般涅槃
是滅法者應墮有為法故是故大慧
般涅槃者非死非滅如實修行者之
所歸依故復次大慧言涅槃者非可
取非可捨非此處非彼處非斷非常
非一義非種種義是故名為涅槃復
次大慧聲聞涅槃者觀察自相同相
覺諸法故名聲聞涅槃大慧辟支佛
涅槃者不樂憤鬧見諸境界無常无
樂无我無淨不生顛倒相是故聲聞
辟支佛非究竟處生涅槃想故復次
大慧我為汝說二法體相何等為二

一者執著言說體相二者執著世事體相大慧何者執著言說體相謂无始來執著言說戲論熏習生故大慧何者執著世事體相謂不如實知唯是自心見外境界故復次大慧諸菩薩摩訶薩依二種願力住持故頂礼諸佛如來應正遍知問所疑事大慧何等二種願力住持一者依三昧三摩跋提住持力二者遍身得樂謂佛如來手摩其頂受位住持力大慧諸菩薩摩訶薩住初地中承諸如來住持力故名入菩薩大衆光明三昧大慧諸菩薩摩訶薩入大乘光明三昧已今時十方諸佛如來應正遍知與諸菩薩住持力故現身口意大慧如金剛藏菩薩摩訶薩及餘成就如是功德相菩薩摩訶薩大慧如是諸菩薩摩訶薩住初地中三昧三摩跋提力住持故以百千万億劫修集善根力故次第如實知地對治法相成就菩薩摩訶薩至法雲地住大寶蓮華王宮殿師子座上坐同類菩薩摩訶薩眷屬圍繞寶冠瓔珞莊嚴其身如

閻浮檀金瞻蔔日月光明勝蓮花色
今時十方一切諸佛各申其手遥摩
蓮花王座上菩薩摩訶薩頂如得自
在王帝釋王轉輪王灌太子頂授位
故大慧彼授位菩薩及眷屬菩薩摩
訶薩依如來手摩頂故得遍身樂是
故言手摩菩薩頂住持力大慧是名
諸菩薩摩訶薩二種住持力大慧諸
菩薩摩訶薩依此二種住持力故能
觀察一切諸如來身大慧若无二種
住持力者則不得見諸佛如來大慧
若諸菩薩摩訶薩離二種住持力能
說法者愚癡凡夫亦應說法何以故
謂不以得諸佛住持力故大慧依諸
如來住持力故山河石壁草木園林
及種種伎樂城邑聚落宮殿屋宅皆
能出於說法之聲自然皆出伎樂之
音大慧何況有心者聾盲瘖瘂无量
衆生離諸苦惱大慧諸佛如來住持
之力无量利益安樂衆生大慧菩薩
復白佛言世尊世尊何故諸菩薩摩
訶薩入三昧三摩跋提及入諸地時
諸佛如來應正遍知作住持力佛告

大慧為護魔業煩惱散亂心故為不
墮聲聞禪定地故為內身證如來地
故為增長內身證法故大慧是故諸
佛如來應正遍知為諸菩薩作住持
力大慧若諸如來不為菩薩作住持
力者墮諸外道聲聞辟支佛魔事故
不得阿耨多羅三藐三菩提是故諸
佛如來應正遍知大慈攝取諸菩薩
故尔時世尊重說偈言

菩薩依自身 本願力清淨 入三昧授位
初地至十地 諸佛人中尊 神力作住持
入楞伽經卷第三

癸卯歲高麗國大藏都監奉
勅彫造

入楞伽經卷第四

身

元魏天竺三藏菩提留支譯

集一切佛法品第三之三

今時聖者大慧菩薩摩訶薩復白佛
言世尊如世尊說十二因緣從因生
果不說自心妄想分別見大而生世
尊若尔外道亦說從因生果世尊外
道說言從於自性自在天時微塵等
因生一切法如來亦說依於因緣而
生諸法而不說有自建立法世尊外
道亦說從於有無而生諸法世尊說
言諸法本无依因緣生生已還滅世
尊說從無明緣行乃至於有依眼識
等生一切法如世尊說亦有諸法无
因而生何以故不從因生一時無前
後生以因此法生此法世尊自說因
虛妄因法生此法非次第生故世尊
若尔外道說法勝而如來不如何以
故世尊外道說因无因緣能生果如
來說法因亦依果果亦依因若尔因
緣无因無果世尊若尔彼此因果展
轉無窮世尊說言從此法生彼法若

尔无因生法佛告聖者大慧菩薩摩訶薩言大慧我今當說因此法生彼法不同外道所立因果無因之法亦從因生我不如是我說諸法從因緣生非無因緣亦不雜乱亦无展轉無窮之過何以故以无能取可取法故大慧外道不知自心見故執著能取可取之法不知不覺惟自心見内外法故大慧彼諸外道不知自心内境界故見有無物是故外道有如是過非我過也我常說言因緣和合而生諸法非无因生大慧復言世尊有言語說應有諸法世尊若無諸法者應不說言語世尊是故依言說應有諸法佛告大慧亦有无法而說言語謂兔角龜毛石女兒等於世間中而有言說大慧彼兔角非有非无而說言語大慧汝言以有言說應有諸法者此義已破大慧非一切佛國土言語說法何以故以諸言語惟是人心分別說故是故大慧有佛國土直視不瞬口無言語名為說法有佛國土直尔示相名為說法有佛國土但動眉

相名為說法有佛國土惟動眼相名
為說法有佛國土笑名說法有佛國
土欠呿名說法有佛國土呿名說法
有佛國土念名說法有佛國土身名
說法大慧如無瞬世界及衆香世界
於普賢如來應正遍知彼菩薩摩訶
薩觀察如來目不暫瞬得无生法忍
亦得无量勝三昧法是故大慧汝不
得言有言語說應有諸法大慧如來
亦見諸世界中一切微虫蚊虫蠅等
衆生之類不說言語共作自事而得
成辦今時世尊重說偈言

如虛空兔角 及與石女兒 無而有言說
如是妄分別 因緣和合法 愚癡分別生
不知如實法 輪迴三有中

今時聖者大慧菩薩摩訶薩復白佛
言世尊世尊說常語法依何等法作
如是說佛告聖者大慧菩薩言大慧
依迷惑法我說為常何以故大慧聖
人亦見世間迷惑法非顛倒心大慧譬
如陽焰火輪毛輪輒聞婆城幻夢水
中月鏡中像世間非智慧者見有諸
像顛倒見故有智慧者不生分別非

不見彼迷惑之事大慧有智慧者見彼種種迷惑之事不生實心何以故離有无法故

佛復告聖者大慧菩薩言大慧云何迷惑法離於有无謂諸愚癡凡夫見有種種境界如諸餓鬼大海恒河見水不見大慧是迷惑法不得言有不
得言无大慧餘衆生見彼是水故不得言無大慧迷惑之事亦復如是以
諸聖人離顛倒見故大慧言迷惑法常者以想差別故大慧因迷惑法見
種種相而迷惑法不分別異差別是故大慧迷惑法常大慧云何迷惑法
名之為實以諸聖人迷惑法中不生顛倒心亦不生實心大慧而諸聖人
見彼迷惑法起少心想不生聖智事相大慧起少想者是謂凡夫非謂聖
人大慧分別彼迷惑法顛倒非顛倒者能生二種性何等二種一者能生
凡夫性二者能生聖人性大慧彼聖人性者能生三種差別之性所謂聲
聞辟支佛佛國土差別性故大慧云何毛道凡夫分別迷惑法而能生彼

聲聞乘性大慧所謂執著彼迷惑法
自相同相能成聲聞乘性大慧是名
迷惑法能生能成聲聞乘性大慧云
何愚癡凡夫分別迷惑法而能生彼
辟支佛乘性大慧所謂執著彼迷惑
法觀察諸法自相同相不樂憤鬧能
生辟支佛乘性大慧是名迷惑法能
生能成辟支佛乘性大慧云何智者
即分別彼迷惑之法能生佛乘性大
慧所謂見彼能見可見惟是自心而
不分別有无法故大慧如是觀察
迷惑之法能生能成如來乘性大慧
如是名為性義大慧何者一切毛道
凡夫即分別彼迷惑之法見種種事
能生世間所有乘性以觀察諸法如
是如是決定不異是故大慧彼迷惑
法愚癡凡夫虛妄分別種種法體大
慧彼迷惑法非是實事非不實事何
以故大慧聖人觀察彼迷惑法不虛
妄分別是故聖人能轉心意意識身
相離煩惱習故是故聖人轉彼迷惑
法名為真如大慧此名何等法大慧
此名真如法離分別法故大慧為此

義故我重宣說真如法體離分別法
彼真如中无彼虛妄分別法故大慧
菩薩復白佛言世尊彼迷惑法為有
為无佛告大慧彼迷惑法執著種種
相故名有大慧彼迷惑法於妄想中
若是有者一切聖人皆應不離執著
有无虛妄法故大慧如外道說十二
因緣有從因生不從因生此義亦如
是大慧言世尊者迷惑法如幻見者
此迷惑法異於迷惑以迷惑法能生
法故佛告大慧大慧非迷惑法生煩
惱過大慧若不分別迷惑法者不生
諸過復次大慧一切幻法依於人巧
呪術而生非自心分別煩惱而生是
故大慧彼迷惑法不生諸過惟是愚
癡人見迷惑法故大慧愚癡凡夫執
著虛妄微細之事而生諸過非謂聖
人尔時世尊重說偈言

聖不見迷惑 世間亦无實 迷惑即是實
實法次迷惑 捨離諸迷惑 若有相生者
即彼是迷惑 不淨猶如翳

復次大慧汝不得言幻是无故一切
諸法亦无如幻大慧言世尊為執著

諸法如幻相故言諸法如幻為執著
諸法顛倒相故言諸法如幻也世尊
若執著諸法如幻相者世尊不得言
一切法皆如幻相若執著諸法顛倒
相故言如幻者不得言一切法如幻
何以故世尊色有種種因相見故世
尊无有異因色有諸相可見如幻是
故世尊不得說言執著諸法一切如
幻佛告大慧非謂執著種種法相說
言諸法一切如幻大慧諸法顛倒速
滅如電故言如幻大慧一切諸法譬
如電光即見即滅凡夫不見大慧一
切諸法亦復如是以一切法自心分
別同相異相以不能觀察故不如實
見以妄執著色等法故今時世尊重
說偈言

非見色等法 說言无幻法 故不違上下
我說一切法 不見有本性 如幻无生體
大慧菩薩復白佛言世尊如世尊說
諸法不生復言如幻將无世尊前後
所說自相違耶以如來說一切諸法
不如幻故佛告大慧我說一切法不
生如幻者不成前後有相違過何以

故以諸一切愚癡凡夫不見生法及
不生法不能覺知自心有無外法有
無何以故以不能見不生法故大慧
我如是說諸法前後无有相違大慧
我遮外道建立因果義不相當是故
我說諸法不生大慧一切外道愚癡
群聚作如是說從於有無生一切法
不說自心分別執著因緣而生大慧
我說諸法有亦不生無亦不生是故
大慧我說諸法不生不滅大慧我說
一切諸法有者護諸弟子令知二法
何等為二一者攝取諸世間故二者
為護諸斷見故何以故以依業故有
種種身攝六道生是故我說言有諸
法攝取世間大慧我說一切法如幻
者為令一切愚癡凡夫畢竟能離自
相同相故以諸凡夫癡心執著墮於
邪見以不能知但是自心虛妄見故
令離執著者因緣生法是故我說一切
諸法如幻如夢无有實體何以故若
不如是說者愚癡凡夫執邪見心欺
誑自身及於他身離如實見一切法
故大慧云何住如實見謂入自心見

諸法故介時世尊重說偈言

如汝言諸法一切不生者 是則謗因果
不生如實見 我說有生法 攝受諸世間
見諸法同幻 不取諸見相

復次佛告聖者大慧菩薩言大慧我
今為諸菩薩摩訶薩說名句字身相
以諸菩薩善知名句字身相故依名
句字身相速得阿耨多羅三藐三菩
提得菩提已為衆生說名句字相大
慧菩薩白佛言善哉世尊惟願速說
大慧何者名身謂依何等何等法作
名名身事物名異義一大慧是名我
說名身大慧何者是句身謂義事決
定究竟見義故大慧是名我說句身
大慧何者是字身謂文句畢竟故大
慧復次名身者依何等法了別名句
能了知自形相故大慧復次句身者
謂句事畢竟故大慧復次名身者所
謂諸字從名差別從阿字乃至呵字
名為名身大慧復次字身者謂聲長
短音韻高下名為字身大慧復次句
身者謂巷路行迹如人象馬諸獸行
迹等得名為句大慧復次名字者謂

无色四陰依名而說大慧復次名字
相者謂能了別名字相故大慧是名
名句字身相大慧如是名句字相汝
應當學為人演說今時世尊重說偈言
名身與句身 及字身差別 凡夫癡計著
如象溺深泥

復次大慧未來世中无智慧者以邪
見心不知如實法故因世間論自言
智者有智者問如實之法離邪見相
一異俱不俱而彼愚人作如是言是
問非是非正念問謂色等法常无常
為一為異如是涅槃有為諸行為一
為異相中所有能見所見為一為異
作者所作為一為異四大中色香味
觸為一為異能見所見為一為異泥
團微塵為一為異智者所知為一為
異如是等上上次第相上上無記置
答佛如是說是為謗我大慧而我不
說如是法者為遮外道邪見說故何
以故大慧外道等說謂身即命身異
命異如是等法外道所說是无記法
大慧外道迷於因果義故是故无記
非我法中名無記也大慧我佛法中

離能見可見見虛妄之想无分別心是故我法中無有置答諸外道等執著可取能取不知但是自心見法為彼人故我說言有四種問法无記置答非我法中大慧諸佛如來應正遍知為諸衆生有四種說言置答者大慧為待時故說如是法為根未熟非為根熟是故我說置答之義

復次大慧一切諸法若離作者及因不生以无作者故是故我說諸法不生佛告大慧一切諸法無有體相大慧白佛言世尊何故一切諸法无實體相佛告大慧自智觀察一切諸法自相同相不見諸法是故我說一切諸法无實體相佛告大慧一切諸法亦無取相大慧言世尊以何義故一切諸法亦无取相佛告大慧自相同相无法可取是故我說無法可取佛告大慧一切諸法亦无捨相大慧言世尊何故諸法亦無捨相佛告大慧觀察自相同相法无法可捨是故我說一切諸法亦無捨相佛告大慧諸法不滅大慧言世尊何故一切諸法

不滅佛告大慧觀一切法自相同相
无體相故是故我說諸法不滅佛告
大慧諸法無常大慧言世尊何故一
切諸法无常佛告大慧一切諸法常
無常想常不生相是故我說諸法无
常復次大慧我說一切諸法无常大
慧言世尊何故一切諸法無常佛告
大慧以相不生以不生體相是故常
无常是故我說諸法無常今時世尊
重說偈言

記論有四種 直答反質答 分別答置答
以制諸外道 有及非有生 僧佉毗世師
而說悉无記 彼作如是說 正智慧觀察
自性不可得 是故不可說 及說无體相
今時聖者大慧菩薩摩訶薩白佛言
世尊惟願世尊為我等說須陀洹等
行差別相我及一切菩薩摩訶薩等
善知須陀洹等修行相已如實知須
陀洹斯陀含阿那含阿羅漢等如是
如是為衆生說衆生聞已入二無我
相淨二種障次第進取地地勝相得
如來不可思議境界修行得修行處
已如如意寶隨衆生念受用境界身

口意行故佛告大慧言善哉善哉善哉善
哉大慧諦聽諦聽今為汝說大慧白
佛言善哉世尊唯然聽受佛告大慧
言大慧須陀洹有三種果差別大慧
言何等三種佛告大慧謂下中上大
慧何者須陀洹下謂三有中七返受
生大慧何者為中謂三生五生入於
涅槃大慧何者為上謂即一生入於
涅槃大慧是三種須陀洹有三種結
謂下中上大慧何者三結謂身見疑
戒取大慧彼三種結上上勝進得阿
羅漢果大慧身見有二種何等為二
一者俱生二者虛妄分別而生如團
緣分別法故大慧譬如依諸因緣法中
相虛妄分別而生實相彼因緣法中
非有非無以分別有無非實相故愚
癡凡夫執著種種法相如諸禽獸見
於陽炎取以為水大慧是名須陀洹
分別身見何以故以無智故无始世
來虛妄取相故大慧此身見垢見人
無我乃能遠離大慧何者須陀洹俱
生身見所謂自身他身俱見彼二四
陰无色色陰生時依於四大及四塵

等彼此因緣和合生色而須陀洹知
已能離有无邪見斷於身見斷身見
已不生貪心大慧是名須陀洹身見
之相大慧何者須陀洹疑相謂得證
法善見相已先斷身見及於二見分
別之心是故於諸法中不生疑心復
不生心於餘尊者以為尊相為淨不
淨故大慧是名須陀洹疑相大慧何
者須陀洹戒取相謂善見受生處苦
相故是故不取戒相大慧戒取者謂
諸凡夫持戒精進種種善行求樂境
界生諸天中彼須陀洹不取是相而
取自身內證迴向進趣勝處離諸妄
想修無漏戒分大慧是名須陀洹戒
取相大慧須陀洹斷三結煩惱離貪
瞋癡大慧白佛言世尊世尊說衆多
貪須陀洹離何等貪佛告大慧須陀
洹速離與諸女人和合不為現在樂
種未來苦因速離打搦嗚抱眄視大
慧須陀洹不生如是貪心何以故以
得三昧樂行故大慧須陀洹速離如
是等貪非離涅槃瞋貪大慧何者斯陀
含果相謂一往見色相現前生心非

虛妄分別想見以善見禪修行相故
一往來世間便斷苦盡入於涅槃是
名斯陀含大慧何者阿那含相謂於
過去現在未來色相中生有無心以
見使虛妄分別心諸結不生不來故
名阿那含大慧何者阿羅漢相謂不
生分別思惟可思惟三昧解脫力通
煩惱苦等分別心故名阿羅漢

大慧菩薩白佛言世尊說三種阿羅
漢此說何等羅漢名阿羅漢世尊為
說得決定寂滅羅漢為發菩提願善
根忘善根羅漢為化應化羅漢佛告
大慧為說得決定寂滅聲聞羅漢非
餘羅漢大慧餘羅漢者謂曾修行善
薩行者復有應化佛所化羅漢本願
善根方便力故現諸佛土生大衆中
莊嚴諸佛大會衆故大慧分別去來
說種種事遠離證果能思惟所思惟
可思惟故以見自心為見所見說得
果相復次大慧若須陀洹生如是心
此是三結我離三結者大慧是名見
三法墮於身見彼若如是不離三結
大慧是故須陀洹不生如是心復次

大慧若欲遠離禪無量无色界者應
當遠離自心見相遠離少相寂滅定
三摩跋提相故大慧若不如是彼菩
薩心見諸法以惟心故亦時世尊重
說偈言

諸禪四無量 无色三摩提 少相寂滅定
一切心中无 逆流修無漏 及於一往來
往來及不還 羅漢心迷沒 思可思能思
遠離見真諦 惟是虛妄心 能知得解脫
復次大慧有二種智何等為二一者
觀察智二者虛妄分別取相住智大
慧何者觀察智謂何等智觀察一切
諸法體相離於四法无法可得是名
觀察智大慧何者四法謂一異俱不
俱是名四法大慧若離四法一切法
不可得大慧若欲觀察一切法者當
依四法而觀諸法大慧妄想分別取
相住智者所謂執著堅熱濕動虛妄
分別四大相故執著建立因譬喻相
故建立非實法以為實大慧是名虛
妄分別執著取相住持智大慧是名
二種智相大慧諸菩薩摩訶薩畢竟
知此二相進趣法无我相善知真實

智地行相知已即得初地得百三昧
依三昧力見百佛見百菩薩能知過
去未來各百劫事照百佛世界照百
佛世界已善知諸地上上智相以本
願力故能奮迅示現種種神通於法
雲地中依法而授位證如來內究竟法
身智慧地依十無量善根願轉為教
化衆生種種應化自身示現種種光
明以得自身修行證智三昧樂故
復次大慧菩薩摩訶薩應善知四大
及四塵相大慧云何菩薩善知四大
及四塵相大慧菩薩摩訶薩應如是
修行所言實者謂无四大處觀察四
大本來不生如是觀已復作是念言
觀察者惟自心見虛妄覺知以見外
塵无有實物惟是名字分別心見所
謂三界離於四大及四塵相見如是
已離四種見見清淨法離我我所住
於自相如實法中大慧住自相如實
法中者謂住建立諸法無生自相法
中大慧於四大中云何有四塵大慧
謂妄想分別柔軟濕潤生內外水大
大慧妄想分別煖增長力生內外火

大大慧妄想分別輕轉動相生內外
風大大慧妄想分別所有堅相生內
外地大大慧妄想分別內外共虛空
生內外想以執著虛妄內外邪見五
陰聚落四大及四塵生故佛告大慧
識能執著種種境界樂求異道取彼
境界故大慧四大有四謂色香味觸
大慧四大无因何以故謂地自體形
相長短不生四大相故大慧依形相
大小上下容貌而生諸法不離形相
大小長短而有法故是故大慧外道
虛妄分別四大及四塵非我法中如
此分別復次大慧我為汝說五陰體
相大慧何者五陰相謂色受想行識
大慧四陰無色相謂受想行識大慧
色依四大生四大彼此不同相大慧
无色相法同如虛空云何得成四種
數相大慧譬如虛空離於數相而虛
妄分別此是虛空大慧陰之數相離
於諸相離有无相離於四相愚癡凡
夫說諸數相非謂聖人大慧我說諸
相如幻種種形相離一二相依假名
說如夢鏡像不離所依大慧如聖人

智修行分別見五陰虛妄大慧是名
五陰无五陰體相大慧汝今應離如
是虛妄分別之相離如是已為諸菩
薩說離諸法相寂靜之法為度外道
諸見之相大慧說寂靜法得證清淨
無我之相入遠行地入遠行地已得
无量三昧自在如意生身故以得諸
法如幻三昧故以得自在神通力修
行進趣故隨一切衆生自在用如大
地故大慧譬如大地一切衆生隨意
而用大慧菩薩摩訶薩隨衆生用亦
復如是

復次大慧外道說有四種涅槃何等
為四一者自體相涅槃二者種種相
有无涅槃三者自覺體有无涅槃四
者諸陰自相同相斷相續體涅槃大
慧是名外道四種涅槃非我所說大
慧我所說者見虛妄境界分別識滅
名為涅槃大慧白佛言世尊世尊可
不說八種識耶佛告大慧我說八種
識大慧言若世尊說八種識者何故
但言意識轉滅不言七識轉滅佛告
大慧以依彼念觀有故轉識滅七識

亦滅復次大慧意識執著取境界生
生已種種熏習增長阿梨耶識共意
識故離我我所相著虛妄空而生分
別大慧彼二種識無差別相以依
阿梨耶識因觀自心見境妄想執著
生種種心猶如束竹迭共為因如大
海波以自心見境界風吹而有生滅
是故大慧意識轉滅七種識轉滅今
時世尊重重說偈言

我不取涅槃 亦不捨作相 轉滅虛妄心
故言得涅槃 依彼因及念 意趣諸境界
識與心作因 為識之所依 如水流枯竭
波浪則不起 如是意識滅 種種識不生
復次大慧我為汝說虛妄分別法體
差別相汝及諸菩薩摩訶薩善分別
知虛妄法體差別之相離分別所分
別法善知自身內修行法遠離外道
能取可取境界遠離種種虛妄分別
因緣法體相遠離已不復分別虛妄
之相大慧何者虛妄分別法體差別
之相大慧虛妄分別自體差別相有
十二種何等為十二一者言語分別
二者可知分別三者相分別四者義

分別五者實體分別六者因分別七者見分別八者建立分別九者生分別十者不生分別十一者和合分別十二者縛不縛分別大慧是名分別自體相差別法相大慧言語分別者謂樂著種種言語美妙音聲大慧是名言語分別大慧可知分別者謂作是思惟應有前法實事之相聖人修行知依彼法而生言語如是分別大慧是名可知分別大慧相分別者謂即彼可知境界中熱濕動堅種種相執以為實如空陽焰諸禽獸見生於水想大慧是名相分別大慧義分別者謂樂金銀等種種實境界大慧是名義分別大慧自體分別者謂專念有法自體形相此法如是如是不異非正見見分別大慧是名自體分別大慧因分別者謂何等因何等因何等緣有無了別因相生了別相大慧是名因分別大慧見分別者謂有無一異俱不俱邪見外道執著分別大慧是名見分別大慧建立分別者謂取我我所相說虛妄法大慧是名建立

分別大慧生分別者謂依衆緣有无
法中生執著心大慧是名生分別大
慧不生分別者謂一切法本來不生
以本無故依因緣有而无因果大慧
是名无生分別大慧和合分別者謂
何等何等法和合如金縷共何等何
等法和合如金縷和合大慧是名和
合分別大慧縛不縛分別者謂縛因
執著如所縛大慧如人方便結繩作
結結已還解大慧是名縛不縛分別
大慧是名虛妄分別法體差別之相
以此虛妄分別法體差別之相一切
凡夫執著有無故執著法相種種因
緣是故大慧分別法體差別之相見
種種法執著為實如依於幻見種種
事凡夫分別知異於幻有如是法大
慧我於種種法中不異幻說亦非不
異何以故若幻異於種種法者不應
因幻而生種種若幻即是種種法者
不應異見此是幻此是種種而見差
別是故我說不異非不異是故大慧
汝及諸菩薩摩訶薩莫分別幻有實
無實今時世尊重說偈言

心依境界縛。知覺隨境生。於寂靜勝處。
生平等智慧。妄想分別有。於緣法則無。
取虛妄迷亂。不知他力生。種種緣生法。
即是幻不實。彼有種種想。妄分別不成。
彼想則是過。皆從心縛生。愚癡人无智。
分別因緣法。此諸妄想體。即是緣起法。
妄想有種種。衆緣中分別。世諦第一義。
第三無因生。妄想說世諦。斷則聖境界。
譬如修行者。一事見種種。彼法无種種。
分別相如是。如目種種瞖。妄想見衆色。
瞖无色非色。無智取法尔。如真金離垢。
如水離泥濁。如虛空離雲。真法淨亦尔。
无有妄想法。因緣法亦無。取有及謗无。
分別觀者見。妄想若无實。因緣法若實。
離因應生法。實法生實法。因虛妄名法。
見諸因緣生。想名不相離。如是生虛妄。
虛妄本无實。則度諸妄想。然後知清淨。
是名第一義。妄想有十二。緣法有六種。
內身證境界。彼无有差別。五法為真實。
及三種亦尔。修行者行此。不離於真如。
衆生及因緣。名分別彼法。彼諸妄想相。
從彼因緣生。真實智善觀。无緣無妄想。
第一義無物。云何智分別。若真實有法。

遠離於有无 若離於有無 去何有二法
分別二法體 二種法體有 虛妄見種種
清淨聖境界 見妄想種種 因緣中分別
若異分別者 則墮於外道 妄想說妄想
因見和合生 離二種妄想 即是真實法
今時大慧菩薩摩訶薩復向佛言世
尊惟願為說自身內證聖智修行相
及一乘法不由於他遊行一切諸佛
國土通達佛法佛告聖者大慧菩薩
言善哉善哉善哉大慧諦聽諦聽當
為汝說大慧言善哉世尊唯然受教
佛告大慧菩薩摩訶薩離阿含名字
法諸論師所說分別法相在寂靜處
獨坐思惟自內智慧觀察諸法不隨
他教離種種見虛妄之相當勤修行
入如來地上上證智大慧是名自身
內證聖智修行之相大慧更有三界
中修一乘相大慧何者一乘相大慧
如實覺知一乘道故我說名一乘大
慧何者如實覺知一乘道相謂不分
別可取能取境界不生如是諸法相
住以不分別一切諸法故大慧是名
如實覺知一乘道相大慧如是覺知

一乘道相一切外道聲聞辟支佛梵
天等未曾得知惟除於我大慧故我
說名一乘道相大慧白佛言世尊世
尊何因說於三乘不說一乘佛告大
慧聲聞緣覺不能自知證於涅槃是
故我說惟一乘道大慧以一切聲聞
辟支佛隨受佛教厭離世間自不能
得解脫是故我說惟一乘道復次大
慧一切聲聞辟支佛不離智障不離
業煩惱習氣障故是故我說惟一乘
道大慧聲聞辟支佛未證法元我未得
離不可思議變易生是故我為諸聲
聞故說一乘道大慧聲聞辟支佛若
離一切諸過熏習得證法無我今時
離於諸過三昧无漏醉法覺已修行
出世間无漏界中一切功德修行已
得不可思議自在法身今時世尊重
說偈言

天乘及梵乘 聲聞緣覺乘 諸佛如來乘
我說此諸乘 以心有生滅 諸乘非究竟
若彼心滅盡 无乘及乘者 無有乘差別
我說為一乘 引導衆生故 分別說諸乘
解脫有三種 及二法無我 不離二種障

遠離真解脫 譬如海浮木 當隨波浪轉
諸聲聞亦然 相風所漂蕩 雖諸隨煩惱
熏習煩惱縛 味著三昧樂 安住无漏界
无有究竟趣 亦復不退還 得諸三昧身
無量劫不覺 譬如惛醉人 酒消然後悟
得佛无上體 是我真法身

入楞伽經卷第四

癸卯歲高麗國大藏都監奉
勅彫造

入楞伽經卷第五

身

元魏天竺三藏菩提留支譯

佛心品第四

尔時佛告聖者大慧菩薩言大慧我
今為汝說意生身修行差別大慧諦
聽諦聽當為汝說大慧白佛言善哉
世尊唯然受教佛告大慧有三種意
生身何等為三一者得三昧樂三摩
跋提意生身二者如實覺知諸法相
意生身三者種類生無作行意生身
菩薩從於初地如實修行得上上地
證智之相大慧何者菩薩摩訶薩得
三昧樂三摩跋提意生身謂第三第
四第五地中自心寂靜行種種行大
海心波轉識之相三摩跋提樂名意
識生以見自心境界故如實知有無
相大慧是名意生身相大慧何者如
實覺知諸法相意生身謂菩薩摩訶
薩於八地中觀察覺了得諸法无相
如幻等法悉無所有身心轉變得如
幻三昧及餘无量三摩跋提樂門无
量相力自在神通妙華莊嚴迅疾如

意猶如幻夢水中月鏡中像非四大生似四大相具足身分一切修行得如意自在隨入諸佛國土大衆大慧是名如實覺知諸法相意生身大慧何者種類生无作行意生身謂自身內證一切諸法如實樂相法相樂故大慧是名種類生無作行意生身大慧汝當於彼三種身相觀察了知尔時世尊重說偈言

我乘非大乘 非說亦非字 非諦非解脫
非无有境界 然乘摩訶衍 三摩提自在
種種意生身 自在華莊嚴

尔時聖者大慧菩薩復白佛言世尊如世尊說善男子善女人行五無間業世尊何等是五无間業而善男子善女人行五無間入於无間佛告聖者大慧菩薩言善哉善哉善哉大慧諦聽諦聽當為汝說大慧白佛言善哉世尊唯然受教佛告大慧五無間者一者殺母二者殺父三者殺阿羅漢四者破和合僧五者惡心出佛身血大慧何者衆生母謂更受後生貪喜俱生如緣母立大慧何者為父謂

无明為父生六入聚落大慧斷彼二
種能生根本名殺父母大慧何者殺
阿羅漢謂諸使如鼠毒發拔諸使忍
根本不生大慧是名殺阿羅漢大慧
何者破和合僧謂五陰異相和合積
聚究竟斷破名為破僧大慧何者惡
心出佛身血謂自相同相見外自心
相八種識身依无漏三解脫門究竟
斷八種識佛名為惡心出佛身血大
慧是名内身五種無間若善男子善
女人行此无間得名無間者无間者
名證如實法故

復次大慧我為汝等說外五種無間
之相諸菩薩聞是義已於未來世不
生疑心大慧何者是外五種无間謂
殺父母羅漢破和合僧出佛身血行
此無間者於彼三種解脫門中不能
得證一一解脫除依如来力住持應
化聲聞菩薩如来神力為五種罪人
懺悔疑心斷此疑心令生善根為彼
罪人作應化說大慧若犯五種无間
罪者畢竟不得證入道分除見自心
惟是虛妄離身資生所依住處分別

見我我所相於無量無邊劫中遇善知識於異道身離於自心虛妄見過
尔時世尊重說偈言

貪愛名為母 无明則為父 了境識為佛
諸使為羅漢 陰聚名為僧 无間斷相續
更无有業間 得真如無間

尔時聖者大慧菩薩復白佛言世尊
惟願為我說諸如來知覺之相佛告
聖者大慧菩薩摩訶薩言大慧如實
知人無我法无我如實能知二種障
故遠離二種煩惱大慧是名如來如
實知覺大慧聲聞辟支佛得此法者
亦名為佛大慧是因緣故我說一乘
尔時世尊重說偈言

善知二無我 二障二煩惱 得不思議變
是名佛知覺

尔時聖者大慧菩薩復白佛言世尊
世尊何故於大眾中說如是言我是
過去一切佛及說種種本生經我於
尔時作頂生王六牙大象鸚鵡鳥毗
耶婆仙人帝釋王善眼菩薩如是等
百千經皆說本生佛告聖者大慧菩
薩摩訶薩言大慧依四種平等如來

應正遍知於大衆中唱如是言我於
尔時作拘留孫佛拘那含牟尼佛迦
葉佛何等為四一者字平等二者語
平等三者法平等四者身平等大慧
依此四種平等法故諸佛如來在於
衆中說如是言大慧何者字平等謂
何等字過去佛名佛我同彼字亦名
為佛不過彼字與彼字等无異無別
大慧是名字平等大慧何者諸佛語
平等謂過去佛有六十四種美妙梵
聲言語說法我亦六十四種微妙梵
聲言語說法大慧未來諸佛亦以六
十四種微妙梵聲言語說法不增不
減不異无差別迦陵頻伽梵聲美妙
大慧是名諸佛語平等大慧何者諸
佛身平等大慧我及諸佛法身色身
相好莊嚴无異無差別除依可度衆
生彼彼衆生種種生處諸佛如來現
種種身大慧是名諸佛身平等大慧
云何諸佛法平等謂彼佛及我得三
十七菩提分法十力四無畏等大慧
是名諸佛法平等大慧依此四種平
等法故如來於大衆中作如是說我

是過去頂生王等。尔時世尊重說偈言。
迦葉拘留孫。拘鄰舍是我。說諸佛子等。
依四平等故。

大慧菩薩復白佛言。世尊。如來說言。
我何等夜證大菩提。何等夜入般涅槃。
我於中間不說一字。佛言。非言。世
尊。依何等義說如是語。佛語非語。佛
告大慧。言大慧。如來依二種法說。如
是言。何者。為二。我說如是一者。依自
身內證法。二者。依本住法。我依此二
法作如是言。大慧。云何依自身內證
法。謂彼過去諸佛如來。所證得法。我亦
如是證得。不增不減。自身內證諸境
界。行離言語。分別相離二種字。故大
慧。何者。本住法。大慧。謂本行路平坦。
譬如金銀真珠等寶。在於彼處。大慧。
是名法性。本住處。大慧。諸佛如來出
世。不出世。法性法界。法住法相。法證。
常住。如城。本道。大慧。譬如有人行曠
野中。見向本城平坦正道。即隨入城。
入彼城已。受種種樂。作種種業。大慧。
於意云何。彼人始作是道。隨入城耶。
始作種種諸莊嚴耶。大慧。白佛不也。

世尊大慧我及過去一切諸佛法性
法界法住法相法證常住亦復如是
大慧我依此義於大眾中作如是說
我何等夜得大菩提何等夜入般涅
槃此二中間不說一字亦不巳說當
說現說今時世尊重說偈言

我何夜成道何等夜涅槃於此二中間
我都无所說內身證法性我依如是說
十方佛及我諸法無差別

今時聖者大慧菩薩復請佛言惟願
世尊說一切法有无相令我及餘菩
薩大眾得聞是已離有無相疾得阿
耨多羅三藐三菩提佛告聖者大慧
菩薩言善哉善哉善哉大慧諦聽諦
聽當為汝說大慧白佛言善哉世尊
唯然受教佛告大慧世間人多墮於
二見何等二見一者見有二者見無
以見有諸法見无諸法故非究竟法
生究竟想大慧云何世間墮於有見
謂實有因緣而生諸法非不實有實
有法生非无法生大慧世間人如是
說者是名為說無因无緣及謗世間
無因无緣而生諸法大慧世間人云何

墮於無見謂說言貪瞋癡實有貪瞋
癡而復說言无貪瞋癡分別有無大
慧若復有人作如是言無有諸法以
不見諸物相故大慧若復有人作如
是言聲聞辟支佛无貪無瞋无癡復
言先有此二人者何等人勝何等人
不如大慧菩薩言若人言先有貪瞋癡
後時無此人不如佛告大慧善哉善
哉善哉大慧汝解我問大慧非但言
先實有貪瞋癡後時言無同衛世師
等是故不如大慧非但不如滅一切
聲聞辟支佛法何以故大慧以實无
内外諸法故以非一非異故以諸煩
惱非一非異故大慧貪瞋癡法内身
不可得外法中亦不可得无實體故
故我不許大慧我不許者不許有貪
瞋癡是故彼人滅聲聞辟支佛法何
以故諸佛如來知寂靜法聲聞緣覺
不見法故以无能縛所縛因故大慧
若有能縛必有所縛若有所縛必有
能縛因大慧如是說者名滅諸法大
慧是名无法相大慧我依此義餘經
中說寧起我見如須弥山而起憍慢

不言諸法是空無也大慧增上慢人
言諸法无者是滅諸法墮自相同相
見故以見自心見法故以見外物無
常故諸相展轉彼彼差別故以見陰
界入相續體彼彼因展轉而生以自
心虛妄分別是故大慧如此人者滅
諸佛法今時世尊重說偈言

有无是二邊以為心境界 離諸境界法
平等心寂靜無取境界法 滅非有非無
如真如本有 彼是聖境界 本无而有生
生已還復滅 非有非无生 彼不住我教
非外道非佛 非我亦非餘 從因緣不成
云何得言有 若因緣不生 云何而言無
邪見論生法 妄想計有无 若知無所生
亦知无所滅 觀世悉空寂 彼不隨者无
今時聖者大慧菩薩復白佛言世尊
惟願如來應正遍知天人師為我及
諸一切菩薩建立修行正法之相我
及一切菩薩摩訶薩善知修行正法
相已速得成就阿耨多羅三藐三菩
提不隨一切虛妄覺觀魔事故佛告
大慧菩薩言善哉善哉善哉大慧諦
聽諦聽我為汝說大慧言善哉世尊

唯然受教佛告大慧言大慧有二種
法諸佛如來菩薩聲聞辟支佛建立
修行正法之相何等為二一者建立
正法相二者說建立正法相大慧何
者建立正法相謂自身內證諸勝法
相離文字語言章句能取无漏正戒
諸證地修行相法離諸外道虛妄覺
觀諸魔境界降伏一切外道諸魔顯
示自身內證之法如實修行大慧是
名建立正法之相大慧何者建立說
法之相謂說九部種種教法離於一
異有无取相先說善巧方便為令衆
生入所樂處謂隨衆生信彼彼法說
彼彼法大慧是名建立說法相大慧
汝及諸菩薩應當修學如是正法亦
時世尊重說偈言

建立內證法 及說法相名 若能善分別
不隨他教相 實无外諸法 如凡夫分別
若諸法虛妄 何故取解脫 觀察諸有為
生滅等相續 增長於二見 不能知因緣
涅槃離於識 唯此一法實 觀世間虛妄
如幻夢芭蕉 雖有貪瞋癡 而無有作者
從愛生諸陰 有皆如幻夢

尔時聖者大慧菩薩復請佛言世尊
惟願如來應正遍知為諸菩薩說不
實妄想何等法中不實妄想佛告大
慧菩薩言善哉善哉善哉大慧汝為
安隱一切衆生饒益一切衆生安樂
一切衆生哀愍一切世間天人請我
此事大慧諦聽諦聽當為汝說大慧
言善哉世尊唯然受教佛告大慧一
切衆生執著不實虛妄想著從見種
種虛妄法生以著虛妄能取可取諸
境界故入自心見生虛妄想故墮於
有无二見朋黨非法聚中增長成就
外道虛妄異見熏習故大慧以取外
諸戲論義故起於虛妄心心數法猶
如草束分別我我所法大慧以是義
故生不實妄想大慧白佛言世尊若
諸衆生執著不實虛妄想著從見種
種虛妄法生執著虛妄能取可取一
切境界入自心見生虛妄想墮於有
無二見朋黨分別聚中增長成就外
道虛妄異見熏習以取外諸戲論之
義不實妄想起於虛妄心心數法猶
如草束取我我所者世尊如彼彼依

外種種境界種種相墮有墮无朋黨
相中離有無見相世尊第一義諦亦
應如是遠離阿含聖所說法遠離諸
根遠離建立三種之法譬喻因相世
尊云何一處種種分別執著種種虛
妄想生何故不著第一義諦虛妄分
別而生分別世尊世尊如是說法非
平等說无因而說何以故一處生一
處不生故若世尊如是說者墮二朋
黨以見執著虛妄分別而生分別以
世尊說如世幻師依種種因緣生種
種色像以世尊自心虛妄分別以世
尊言種種虛妄若有若无不可言說
為離分別如是如來墮世間論入邪
見心朋黨聚中佛告大慧我分別虛
妄不生不滅何以故不生有無分別
相故不見一切外有无故大慧以見
自心如實見故虛妄分別不生不滅
大慧我此所說惟為愚癡凡夫而說
自心分別分別種種隨先心生分別
種種有相執著何以故若不說者愚
癡凡夫不離自心虛妄覺知不離執
著我我所見不離因果諸因緣過如

實覺知二種心故善知一切諸地行相善知諸佛自身所行內證境界轉五法體見分別相入如來地大慧因是事故我說一切諸衆生等執著不實虛妄生心自心分別種種諸義以是義故一切衆生知如實義而得解脫今時世尊重說偈言

諸因及與緣從此生世間妄想著四句彼不知我說世有无不生離有无不生云何愚分別依因緣生法若能見世間有无非有無轉於虛妄心得真无我法諸法本不生故依因緣生諸緣即是果從果不生有從果不生果若余有二果若有二果者果中果難得離念及所念觀諸有為法見諸唯心法故我說唯心量體及形相離緣及諸法究竟有真淨我說如是量假名世諦我彼則无實事諸陰陰假名假名非實法有四種平等相因生無我如是四平等是修行者法轉一切諸見離分別分別不見及不生故我說唯心非有非无法離有無諸法如是離心法故我說唯心真如空實際涅槃及法界意身身心等故我說唯心

分別依熏縛心依諸境生衆生見外境
故我說唯心可見外法无心盡見如是
身資生住處故我說唯心

今時聖者大慧菩薩復白佛言世尊
如來說言如我所說汝及諸菩薩莫
著音聲言語之義世尊云何菩薩不
著言語之義世尊何者為言語何者
為義佛告聖者大慧菩薩言善哉善
哉善哉大慧當為汝說大慧言善哉
世尊唯然受教佛告大慧何者為聲
謂依无始熏習言語名字和合分別
因於喉鼻齒頰唇舌和合動轉出彼
言語分別諸法是名為聲大慧何者
為義菩薩摩訶薩依聞思修聖智慧
力於空閑處獨坐思惟云何涅槃趣
涅槃道觀察內身修行境界地處
處修行勝相轉彼无始熏習之因大
慧是名菩薩善解義相復次大慧云
何菩薩摩訶薩善解言語義大慧菩
薩見言語聲義不一不異見義言語
聲不一不異大慧若言言語離於義
者不應因彼言語聲故而有於義而
義依彼言語了別大慧如依於燈了

別衆色大慧譬如有入然燈觀察種種珍寶此處如是如是彼處如是如是是大慧菩薩依言語聲證離言語入自內身修行義故復次大慧一切諸法不生不滅自性本來入於涅槃三乘一乘五法心諸法體等同言語聲義依衆緣取相墮有無見謗於諸法見諸法體各住異相分別異相如是分別已見種種法相如幻見種種分別大慧譬如幻種種異異分別非謂聖人是凡夫見今時世尊重說偈言分別言語聲建立於諸法以彼建立故故墮於惡道五陰中無我我中元五陰不如彼妄相亦復非是元凡夫妄分別見諸法實有若如彼所見一切應見真一切法若無染淨亦應无彼見無如是亦非元所有

復次大慧我今為汝說智識相汝及諸菩薩摩訶薩應善知彼智識之相如實修行智識相故疾得阿耨多羅三藐三菩提大慧有三種智何等為三一者世間智二者出世間智三者出世間上上智大慧識者生滅相智

者不生滅相復次大慧識者墮於有相無相墮彼有无種種相因大慧智相者遠離有相無相有无因相名為智相復次大慧集諸法者名為識相不集諸法名為智相大慧智有三種何等為三一者觀察自相同相二者觀察生相滅相三者觀察不生不滅相大慧何者世間智諸外道凡夫人等執著一切諸法有无是名世間智相大慧何者出世間智謂諸一切聲聞緣覺虛妄分別自相同相是名出世間智大慧何者出世間上上智謂佛如來菩薩摩訶薩觀察一切諸法寂靜不生不滅得如來地無我證法離彼有无朋黨二見復次大慧所言智者無障尋相識者識彼諸境界相復次大慧識者和合起作所作名為識相無尋法相應名為智相復次大慧无所得相名之為智以自内身證得聖智修行境界故出入諸法如水中月是名智相尔時世尊重說偈言識能集諸業智能了分別慧能得無相及妙莊嚴境識為境界縛智能了諸境

无相及勝境 是慧所住處 心意及意識
遠離於諸相 聲聞分別法 非是諸弟子
寂靜勝進忍 如來清淨智 生於善勝智
遠離諸所行 我有三種慧 依彼得聖名
於彼想分別 能聞於有无 離於二乘行
慧離於境界 取於有无想 從諸聲聞生
能入唯是心 智慧无垢相

復次大慧諸外道有九種轉變見何
等為九一者形相轉變二者相轉變
三者因轉變四者相應轉變五者見
轉變六者物轉變七者緣了別轉變
八者作法了別轉變九者生轉變大
慧是名九種轉變見依九種轉變見
故一切外道說於轉變從有无生大
慧何者外道形相轉變大慧譬如以
金作莊嚴具鐶釧瓔珞種種各異形
相雖殊金體不變一切外道分別諸
法形相轉變亦復如是大慧復有外
道分別諸法依因轉變大慧而彼諸
法亦非如是非不如是以依分別故
大慧如是一切轉變亦亦應知譬如
乳酪酒果等熟一一轉變一切外道
分別轉變亦復如是而無實法可以

轉變以自心見有无可取分別有无
故大慧一切凡夫亦復如是以依自
心分別而生一切諸法大慧無有法
生无有法轉如幻夢中見諸色事大
慧譬如夢中見一切事石女兒生死
尔時世尊重說偈言

轉變時形相四大種諸根 中陰及諸取
如是取非智 因緣生世間 佛不如是說
因緣即世間 如軋闍婆城

尔時大慧菩薩摩訶薩復白佛言世
尊惟願如來應正遍知善說一切諸
法相續不相續相惟願善逝說一切
法相續不相續相我及一切諸菩薩
衆善解諸法相續不相續相善巧方
便知已不墮執著諸法相續不相續
相離一切法相續不相續言說文字
妄想已得力自在神通遊化十方一
切諸佛國土大衆之中陀羅尼門善
印所印十盡句善轉所轉種種變化
光明照耀譬如四大日月摩尼自然
而行衆生受用遠離諸地惟自心見
分別之相示一切法如幻如夢示入
依止諸佛之地於衆生界隨其所應

而為說法攝取令住一切諸法如幻
如夢離於有無一切朋黨生滅妄想
異言說義轉身自在往勝處生

佛告聖者大慧菩薩言善哉善哉善
哉大慧諦聽諦聽當為汝說大慧白
佛言善哉世尊唯然受教佛告大慧
一切諸法相續不相續相者謂如聲
聞執著義相續相執著相續緣執著
相續有無執著相續分別生不生執
著相續分別滅不滅執著相續分別
乘非乘執著相續分別有為無為執
著相續分別地地相執著相續分別
自分別執著相續分別有無入外道
朋黨執著相續大慧如是愚癡凡夫
无量異心分別相續依此相續愚癡
分別如蠶作蠶依自心見分別縱相
續樂於和合自纏纏他執著有無和
合相續大慧然无相續無相續相以
見諸法寂靜故大慧以諸菩薩見一
切法無分別相是故名見一切菩薩
寂靜法門復次大慧如實能知外一
切法離於有無如實覺知自心見相
以入无相自心相故大慧以見分別

有無法故名為相續以見諸法寂靜故名元相續無相續相元相續諸法相續大慧無縛元脫墮於二見自心分別有縛有脫何以故以不能知諸法有無故復次大慧愚癡凡夫有三種相續何等為三謂貪瞋癡及愛樂生以此相續故有後生大慧相續者衆生相續生於五道大慧斷相續者無相續无相續相復次大慧執著因緣相續故生於三有以諸識展轉相續不斷見三解脫門轉滅執著三有因識名斷相續尔時世尊重說偈言
不實妄分別 名為相續相 能如實知彼
相續網則斷 若取聲為實 如蚕蠶自纏
自心妄想縛 凡夫不能知

大慧菩薩復白佛言如世尊說以何等何等分別心分別何等何等法而彼彼法无彼如是如是體相惟自心分別世尊若惟自心分別非彼法相者如世尊說一切諸法應无染淨何以故如來說言一切諸法妄分別見無實體故佛告大慧如是如是如汝所說大慧而諸一切愚癡凡夫分別諸

法而彼諸法无如是相虛妄分別以
為實有大慧彼是凡夫虛妄分別諸
法體相虛妄覺知非如實見大慧如
聖人知一切諸法自體性相依聖人
智依聖人見依聖慧眼如如實知諸
法自體大慧菩薩言世尊世尊如諸
聖人等依聖智依聖見依聖慧眼非
肉眼天眼覺知一切諸法體相無如
是相非如凡夫虛妄分別世尊云何
愚癡凡夫轉虛妄相佛告大慧能如
實覺知聖人境界轉虛妄識世尊彼
癡凡夫非顛倒見非不顛倒見何以
故以不能見聖人境界如實法體故
以見轉變有元相故大慧白佛言世
尊一切聖人亦有分別一切種種諸
事元如是相以自心見境界相故世
尊彼諸聖人見有法體分別法相以
世尊不說有因不說無因何以故以
墮有法相故餘人見境不如是見世
尊如是說者有无窮過何以故以不
覺知所有法相無自體相故世尊非
因分別有法體相而有諸法世尊彼
云何分別不如彼分別應如彼分別

世尊分別相異相自體相異相世尊而彼二種因不相似彼彼分別法體相異云何凡夫如此分別此因不成如彼所見世尊說言我為斷諸一切衆生虛妄分別心故作如是說如彼凡夫虛妄分別無如是法世尊何故遮諸衆生有无見事而執著實法聖智境界世尊復令一切衆生墮无見處何以故以言諸法寂靜無相聖智法體如是无相故佛告大慧我不說言一切諸法寂靜無相亦不說言諸法悉無亦不令其墮於无見亦不令不著一切聖人境界如是何以故我為衆生離驚怖處故以諸衆生无始世來執著實有諸法體相是故我說聖人知法體相實有復說諸法寂靜無相大慧我不說言法體有无我說自身如實證法以聞我法修行寂靜諸法无相得見真如無相境界入自心見法遠離見外諸法有无得三解脫門得已以如實印善印諸法自身內證智慧觀察離有无見復次大慧菩薩不應建立諸法不生何以故以建

立法同諸法有若不尔者同諸法无
復次大慧因建立諸法有故說一切
法於建立法中同何以故以彼建立
不同一切法不生是故建立說一切
法是言自破何以故以建立中无彼
建立若不尔者彼建立亦不生以同
諸法无差別相故是故建立諸法不
生名為自破以彼建立三法五法和
合有故離於建立有無不生大慧彼
建立入諸法中不見有无法故大慧
若彼建立諸法不生而作是言一切法
不生大慧如是說者建立則破何以
故離於建立有無相不可得故大慧
是故不應建立諸法不生大慧以彼
建立同彼一切不生法體是故不應
建立諸法不生以有多過故大慧復
有不應建立諸法不生何以故以三
法五法彼彼因不同故大慧復有不
應建立諸法不生何以故以彼三法
五法作有為无常故是故不應建立
一切諸法不生大慧如是不應建立
一切法空一切諸法无實體相大慧
而諸菩薩為衆生說一切諸法如幻

如夢以見不見相故以諸法相迷惑見智故是故應說如幻如夢除遮一切愚癡凡夫離驚怖處大慧以諸凡夫墮在有无邪見中故以凡夫聞如幻如夢生驚怖故諸凡夫聞生驚怖已遠離大乘亦時世尊重說偈言

無自體元識 無阿梨耶識 愚癡妄分別
邪見如死屍 一切法不生 餘見說不成
諸法畢不生 因緣不能成 一切法不生
莫建如是法 同不同不成 是故建立壞
辟如目有翳 虛妄見毛輪 分別於有無
凡夫虛妄見 三有惟假名 无有實法體
執假名為實 凡夫起分別 相事及假名
心意所受用 佛子能遠離 住寂境界行
无水取水相 諸獸癡妄心 凡夫見法亦
聖人則不然 聖人見清淨 三脫三昧生
遠離於生滅 得无鄣寂靜 修行无所有
亦復不見無 有無法平等 是故生聖果
有无法云何 云何成平等 以心不能見
内外法無常 若能滅彼法 見心成平等
亦時聖者大慧菩薩白佛言世尊如
世尊說智慧觀察不能見前境界諸
法亦時善知惟是内心心意意識如

實覺知无法可取亦無能取是故智
亦不能分別而取世尊若言智慧不
能取者為見諸法自相同相異異法
相種種異法體不同故智不能知為
見諸法種種體相不可異故智不能
知為是山巖石壁牆幕樹林草木地
水火風之所障故智不能知為是極
遠極近處故智不能知為是老小為
是盲冥諸根不具智不能知世尊若
一切法異異法相異異法體自相同
相種種不同故智不能知者世尊若
余彼智非智何以故不能知前實境
界故世尊若一切法種種體相自相
同相不見異故智不能知者若余彼
智不得言智何以故實有境界不能
知故世尊有前境界如實能見名之
為智若為山巖石壁牆幕樹林草木
地水火風極遠極近老小盲冥諸根
不具不能知見者彼智无智有實境
界而不知故佛告大慧如汝所說言
無智者是義不然何以故有實智故
大慧我不依汝如是之說境界是无
惟自心見我說不覺惟是自心見諸

外物以為有無是故智慧不見境界
智不見者不行於心是故我說入三
解脫門智亦不見而諸凡夫無始世
來虛妄分別依戲論熏習熏彼心故
如是分別見外境界形相有元為離
如是虛妄心故說一切法惟自心見
執著我我所故不能覺知但是自心
虛妄分別是智是境界分別是智是
境界故觀察外法不見有元墮於斷
見亦時世尊重說偈言

有諸境界事 智慧不能見 彼無智非智
虛妄見者說 言諸法无量 是智不能知
障尋及遠近 是妄智非智 老小諸根冥
不能生智慧 而實有境界 彼智非實智
復次大慧愚癡凡夫依無始身戲論
煩惱分別煩惱幻舞之身建立自法
執著自心見外境界執著名字章句
言說而不能知建立正法不修正行
離四種句清淨之法大慧菩薩言如
是如是如是世尊如世尊說世尊為
我說所說法建立法相我及一切諸
菩薩等於未來世善知建立說法之
相不迷外道邪見聲聞辟支佛不正

見法佛告大慧善菩薩言善哉善哉善哉善哉大慧諦聽諦聽我為汝說大慧言善哉世尊唯然受教佛告大慧有二種過去未來現在如來應正遍知所說法何等為二一者建立說法相二者建立如實法相大慧何者建立說法相謂種種功德修多羅優波提舍隨衆生信心而為說法大慧是名建立說法相大慧何者建立如實法相謂依何等法而修正行遠離自心虛妄分別諸法相故不墮一異俱不俱明黨聚中離心意意識內證聖智所行境界離諸因緣相應見相離一切外道邪見離諸一切聲聞辟支佛見離於有無二明黨見大慧是名建立如實法相大慧汝及諸菩薩摩訶薩應當修學今時世尊重說偈言
我建立二法 說法如實法 依名字說法 為實修行者

入楞伽經卷第五

癸卯歲高麗國大歲都監奉
勅彫造

入楞伽經卷第六

身

元魏天竺三藏菩提留支譯

盧迦耶陀品第五

今時聖者大慧菩薩復白佛言世尊
如來應正遍知一時說言盧迦耶陀
種種辯說若有親近供養彼人攝受
欲食不攝法食世尊何故說言盧迦
耶陀種種辯說親近供養攝受欲食
不攝法食佛告大慧盧迦耶陀種種
辯才巧妙辭句迷惑世間不依如法
說不依如義說但隨世間愚癡凡夫
情所樂故說世俗事但有巧辭言章
美妙失於正義大慧是名盧迦耶陀
種種辯才樂說之過大慧盧迦耶陀
如是辯才但攝世間愚癡凡夫非入
如實法相說法自不覺知一切法故
墮於二邊邪見聚中自失正道亦令
他失是故不能離於諸趣以不能見
唯是自心分別執著外法有相是故
不離虛妄分別大慧是故我說盧迦
耶陀雖有種種巧妙辯才樂說諸法
失正理故不得出離生老病死憂悲

苦惱一切苦聚以依種種名字章句
譬喻巧說迷誑人故大慧釋提桓因
廣解諸論自造聲論彼盧迦耶陀有
一弟子證世間通詣帝釋天宮建立
論法而作是言憍尸迦我共汝賭與
汝論義若不如者要受屈伏令諸一
切天人知見即共立要我若勝汝要
當打汝千輻輪碎我若不如從頭至
足節節分解以謝於汝作是要已盧
迦耶陀弟子現作龍身共釋提桓因
論義以其論法即能勝彼釋提桓因
令其屈伏即於天中打千輻輪車碎
如微塵即下人間大慧盧迦耶陀婆羅
門如是種種譬喻相應乃至現畜生
身依種種名字迷惑世間天人阿修
羅以諸世間一切衆生執著生滅法
故何況於人大慧以是義故應當遠
離盧迦耶陀婆羅門以因彼說能生
苦聚故是故不應親近供養恭敬諮
請盧迦耶陀婆羅門大慧盧迦耶陀
婆羅門所說之法但見現前身智境
界依世名字說諸邪法大慧盧迦耶
陀婆羅門所造之論有百千偈後世

末世分為多部各各異名依自心見
因所造故大慧盧迦耶陀婆羅門无
有弟子能受其論是故後世分為多
部種種異名大慧諸外道等內心無
有如實解故依種種因種種異解隨
自心造而為人說執著自在因等故
大慧一切外道所造論中无如是法
惟是一切盧迦耶陀種種因門說百
千万法而彼不知是盧迦耶陀大慧
菩薩白佛言世尊若一切外道惟說
盧迦耶陀依於世間種種名字章句
譬喻執著諸因者世尊十方一切國
土衆生天人阿修羅集如來所如來
亦以世間種種名字章句譬喻說法
不說自身內智證法若尔亦同一切
外道所說不異佛告大慧我不說於
盧迦耶陀亦不說言諸法不來不去
大慧我說諸法不來不去大慧何者
名來大慧所言來者名為生聚以和
合生故大慧何者名去大慧所言去
者名之為滅大慧我說不去不來名為
不生不滅大慧我說不同彼外道法何
以故以不執著外物有无故建立說

於自心見故不住二處不行分別諸相境界故以如實知自心見故不生自心分別見故以不分別一切相者而能入空無相无願三解脫門名為解脫大慧我念過去於一處住今時有一盧迦耶陀大婆羅門來詣我所而請我言瞿曇一切作耶大慧我時答言婆羅門一切作者此是第一盧迦耶陀婆羅門言瞿曇一切不作耶我時答言婆羅門一切不作者是第二盧迦耶陀如是一切常一切无常一切生一切不生我時答言婆羅門是第六盧迦耶陀大慧盧迦耶陀復問我言瞿曇一切一耶一切異耶一切俱耶一切不俱耶一切諸法依於因生見種種因生故大慧我時答言婆羅門是第十一盧迦耶陀大慧彼復問我瞿曇一切無記耶一切有記耶有我耶无我耶有此世耶无此世耶有後世耶無後世耶有解脫耶无解脫耶一切空耶一切不空耶一切虚空耶非緣滅耶涅槃耶瞿曇作耶非作耶有中陰耶无中陰耶大慧我

時荅言婆羅門如是說者一切皆是
盧迦耶陀非我所說是汝說法婆羅
門我說因无始戲論虛妄分別煩惱
熏習故說彼三有以不覺知唯是自
心分別見有非見外有如外道法大
慧外道說言我根意義三種和合能
生於知婆羅門我不如是我不說因
亦不說无因唯說自心分別見有可
取能取境界之相我說假名因緣集
故而生諸法非汝婆羅門及餘境界
以墮我見故大慧涅槃虛空緣滅不
成三數何況言作有作不作大慧復
有盧迦耶陀婆羅門來問我言瞿曇
此諸世間无明愛業因故生三有耶
無因耶我時荅言婆羅門此二法盧
迦耶陀非我法耶婆羅門復問我言
瞿曇一切法墮自相耶同相耶我時
荅言婆羅門此是盧迦耶陀非我法
耶婆羅門但有心意識執著外物
皆是盧迦耶陀非我法耶大慧盧迦
耶陀婆羅門復問我言瞿曇頗有法
非盧迦耶陀耶瞿曇一切外道建立
種種名字章句因譬喻說者皆是我

法我時答言婆羅門有法非汝法非
不建立亦非不說種種名字章句亦
非不依義依義說而非盧迦耶陀建
立法婆羅門有法非盧迦耶陀以彼
諸法一切外道乃至於汝不能了知
以妄執著外不實法分別戲論故何
者是謂遠離分別心觀察有無自心
見相如實覺知是故不生一切分別
不取外諸境界法故分別心息住自
住處寂靜境界是名非盧迦耶陀是
我論法非汝論耶婆羅門住自住處
者不生不滅故不生不滅者不生分
別心故婆羅門是名非盧迦耶陀婆羅
門略說言之以何等處識不行不取
不退不求不生不執著不樂不見不
覩不住不觸是名為住名異義一婆
羅門執著種種相自我和合愛著諸
因是婆羅門盧迦耶陀法非我法耶
大慧盧迦耶陀婆羅門來詣我所問
如是法我時答彼婆羅門如向所說
時婆羅門默然而去而不問我建立
真法時盧迦耶陀婆羅門心作是念
此沙門釋子外於我法是可憐愍說

一切法無因无緣無有生相惟說自
心分別見法若能覺知自心見相則
分別心滅大慧汝今問我何故盧迦
耶陀種種辯說親近供養恭敬彼人
但攝欲味不攝法味大慧白佛言世
尊何者名食句義何者名法句義佛
告大慧善哉善哉善哉大慧汝能為
於未來衆生諮問如來如是二義善
哉大慧諦聽諦聽我為汝說大慧白
佛言善哉世尊唯然受教佛告大慧
何者為食謂食味觸味樂求方便巧
諂著味執著外境如是等法名異義
一以不能入無二境界法門義故復
次大慧名為食者依於邪見生陰有
支不離生老病死憂悲苦惱愛生於
有如是等法名之為食是故我及一
切諸佛說彼親近供養盧迦耶陀婆
羅門者名得食味不得法味大慧何
者為法味謂如實能知二種無我以
見人无我法無我相是故不生分別
之相如實能知諸地上上智故尔時
能離心意意識入諸佛智受位之地
攝取一切諸句盡處如實能知一切

諸佛自在之處名為法味不墮一切
邪見戲論分別二邊大慧外道說法
多令衆生墮於二邊不令智者墮於
二邊何以故大慧諸外道等多說斷
常以無因故墮於常見見因滅故墮
於斷見大慧我說如實見不著生滅
是故我說名為法味大慧是名我說
食味法味大慧汝及諸菩薩摩訶薩
當學此法今時世尊重說偈言

我攝取衆生 依戒降諸惡 智慧滅邪見
三解脫增長 外道虛妄說 皆是世俗論
以邪見因果 无正見立論 我立建立法
離虛妄因見 為諸弟子說 離於世俗法
惟心无外法 以無二邊心 能取可取法
離於斷常見 但心所行處 皆是世俗論
若能觀自心 不見諸虛妄 來者見因生
去者見果滅 如實知去來 不分別虛妄
常无常及作 不作彼此物 如是等諸法
皆是世俗論

入楞伽經涅槃品第六

今時聖者大慧菩薩白佛言世尊如
佛所言涅槃涅槃者以何等法名為
涅槃而諸外道各各虛妄分別涅槃

佛告大慧善菩薩言善哉善哉善哉大
慧諦聽諦聽當為汝說諸外道等虛
妄分別涅槃之相如彼外道所分別
者无是涅槃大慧白佛言善哉世尊
唯然受教佛告大慧有諸外道獸諸
境界見陰界入滅諸法无常心心數
法不生現前以不憶念過去未來現
樂境界諸陰盡處如燈火滅種種風止
不取諸相妄想分別名為涅槃大慧
而彼外道見如是法生涅槃心非見
滅故名為涅槃大慧或有外道從方
至方名為涅槃大慧復有外道分別
諸境如風是故分別名為涅槃大慧
復有外道作如是說不見能見所見
境界不滅名為涅槃復次大慧復有
外道作如是說不見分別見常无常
名為涅槃復次大慧復有外道作如
是言分別見諸種種異相能生諸苦
以自心見虛妄分別一切諸相怖畏
諸相見於无相深心愛樂生涅槃想
復次大慧復有外道見一切法自相
同相不生滅想分別過去未來現在
諸法是有名為涅槃復次大慧復有

外道見我人衆生壽命壽者諸法不
滅虛妄分別名為涅槃復次大慧有
餘外道无智慧故分別所見自性人
命轉變分別轉變名為涅槃復次大
慧有餘外道說如是言罪盡故福德
亦盡名為涅槃復次大慧有餘外道
言煩惱盡依智故名為涅槃復次大
慧有餘外道說如是言見自在天造
作衆生虛妄分別名為涅槃復次大
慧有餘外道言諸衆生迭共因生非
餘因作如彼外道執著於因不知不
覺愚癡闇鈍虛妄分別名為涅槃復
次大慧有餘外道說證諦道虛妄分
別名為涅槃復次大慧有餘外道作
如是言有作所作而共和合見一異
俱不俱虛妄分別名為涅槃復次大
慧有餘外道言一切法自然而生猶
如幻師出種種形像見種種實棘刺
等物自然而生虛妄分別名為涅槃
復次大慧有餘外道言諸万物皆是時
作覺知唯時虛妄分別名為涅槃復次
大慧有餘外道言見有物見無物見有
無物如是分別名為涅槃復次大慧

餘建立法智者說言如實見者唯是自
心而不取著外諸境界離四種法見
一切法如彼彼法住不見自心分別
之相不墮二邊不見能取可取境界
見世間建立一切不實迷如實法以
不取諸法名之為實以自內身證聖
智法如實而知二種无我離於二種
諸煩惱垢清淨二障如實能知上上
地相入如來地得如幻三昧遠離心
意意識分別如是等見名為涅槃大
慧復有諸外道等邪見覺觀而說諸
論不與如實正法相應而諸智者遠
離訶嘖大慧如是等外道皆墮二邊
虛妄分別无實涅槃大慧一切外道
如是虛妄分別涅槃無人住世間无
人入涅槃何以故一切外道依自心
論虛妄分別无如實智如彼外道自
心分別無如是法去來搖動無有如
是外道涅槃大慧汝及一切諸菩薩
等應當遠離一切外道虛妄涅槃今
時世尊重說偈言

外道涅槃見 各各起分別 皆從心相生
无解脫方便 不離縛所縛 遠離諸方便

自生解脫想而實无解脫外道建立法
衆智各異取彼悉無解脫愚癡妄分別
一切癡外道妄見作所作是故无解脫
以說有无法凡夫樂戲論不聞真實慧
言語三界本如實智滅苦譬如鏡中像
雖見而非有熏習鏡心見凡夫言有二
不知唯心見是故分別二如實知但心
分別則不生心名為種種離能見可見
見相无可見凡夫妄分別三有惟妄想
外境界實無妄想見種種凡夫不能知
經經說分別種種異名字離於言語法
不說不可得

入楞伽經法身品第七

今時聖者大慧菩薩白佛言世尊如
來應正遍知惟願演說自身所證內
覺知法以何等法名為法身我及一
切諸菩薩等善知如來法身之相自
身及他俱入無疑佛告大慧菩薩言
善哉善哉善哉大慧汝有所疑隨意
所問為汝分別大慧白佛言善哉世
尊唯然受教即白佛言世尊如來應
正遍知法身者為作法耶非作法耶
為是因耶為是果耶為能見耶為所

見耶為是說耶為可說耶為是智耶
智所覺耶如是等辭句如來法身為
異耶為不異耶佛告大慧如來應正
遍知法身之相如是辭句等非作法
非不作法非因非果何以故以二邊
有過故大慧若言如來是作法者是
則无常若無常者一切作法應是如
來而佛如來應正遍知不許此法大
慧若如來法身非作法者则是无身
言有修行无量功德一切行者則是
虛妄大慧若不作者應同兔角石女
兒等以无作因亦無身故大慧若法
非因非果非有非无而彼法體離四
種相大慧彼四種法名世間言說大
慧若法離於四種法者彼法但有名
字如石女兒大慧石女兒等惟是名
字章句之法說同四法若墮四法者
則智者不取如是一切問如來句智
者應知佛復告大慧我說一切諸法
無我汝當諦聽无我之義夫無我者
内身无我是故無我大慧一切諸法
自身為有他身為无如似牛馬大慧
譬如牛身非是馬身馬亦非牛是故

不得言有言無而彼自體非是无耶
大慧一切諸法亦復如是非無體相
有自體相愚癡凡夫不知諸法无我
體相以分別心非不分別心大慧如
是一切法空一切法不生一切法無
體相亦尔大慧如来法身亦復如是
於五陰中非一非異大慧如来法身
五陰一者則是无常以五陰是所作
法故大慧如来法身五陰異者則有
二法不同體相如牛二角相似不異
見有別體長短似異大慧若如是一
切諸法應无異相而有異相如牛左
角異右角右角異左角如是長短相
待各別如色種種彼此差別大慧如
是如来法身之相於五陰中不可說
一不可說異於解脫中不可說一不
可說異於涅槃中不可說一不可說
異如是依解脫故說名如来法身之
相大慧若如来法身異解脫者則同
色相則是无常若如来法身不異解
脫者則無能證所證差別大慧而修
行者則見能證及於所證是故非一
大慧如是知於可知境界非一非異

大慧若法非常非元常非因非果非
有為非無為非覺非不覺非能見非
可見非離陰界入非即陰界入非名
非境界非一非異非俱非不俱非相
續非不相續過一切諸法若過諸法
但有其名若但有名彼法不生以不
生故彼法不滅以不滅故彼法則如
虛空平等大慧虛空非因非果若法
非因非果者彼法則為不可觀察不
可觀察者彼法過諸一切戲論若過
一切諸戲論者名如來法身大慧是
名如來應正遍知法身之相以過一
切諸根境界故今時世尊重說偈言
離諸法及根 非果亦非因 已離覺所覺
離能見可見 諸緣及五陰 佛无有見法
若無有見法 云何而分別 非作非不作
非因亦非果 非陰非離陰 亦不在餘處
何等心分別 分別不能見 彼法非是無
諸法法自尔 先有故言无 先無故言有
是故不說無 亦不得說有 迷於我无我
但著於音聲 彼墮於二邊 妄說壞世間
離諸一切過 則能見我法 是名為正見
不謗於諸佛

今時聖者大慧菩薩復白佛言世尊
惟願世尊為我解說惟願善逝為我
解說如來處處說言諸法不生不滅世
尊復言不生不滅者名如來法身故
言不生不滅世尊如來言不生不滅
者為是無法故名不生不滅為是如
來異名不生不滅而佛如來常說諸
法不生不滅以離建立有無法故世
尊若一切法不生者此不得言一切
法以一切法不生故若依餘法有此
名者世尊應為我說

佛告大慧菩薩言善哉善哉善哉大
慧諦聽諦聽當為汝說大慧菩薩白
佛言善哉世尊唯然受教佛告大慧
如來法身非是无物亦非一切法不
生不滅亦不得言依因緣有亦非虛
妄說不生不滅大慧我常說言不生
不滅者名意生身如來法身非諸外
道聲聞辟支佛境界故住七地菩薩
亦非境界大慧我言不生不滅者即
如來異名大慧譬如釋提桓因帝釋
王不蘭陀羅手爪身體地浮弥虛空
无尋如是等種種名号名異義一不

依多名言有多體帝釋等耶大慧我亦如是於娑婆世界中三阿僧祇百千名号凡夫雖說而不知是如來異名大慧或有衆生知如來者有知自在者有知一切智者有知救世間者有知為導者有知為將者有知為勝者有知為妙者有知世尊者有知佛者有知牛王者有知師子者有知仙人者有知梵者有知那羅延者有知勝者有知迦毗羅者有知究竟者有知阿利吒尼弥者有知月者有知日者有知婆樓那者有知毗耶娑者有知帝釋者有知力者有知海者有知不生者有知不滅者有知空者有知真如者有知實際者有知涅槃者有知法界者有知法性者有知常者有知平等者有知不二者有知無相者有知緣者有知佛體者有知因者有知解脫者有知道者有知實諦者有知一切智者有知意生身者大慧如是等種種名号如來應正遍知於娑婆世界及餘世界中三阿僧祇百千名号不增不減衆生皆知如水中月

不入不出而諸凡夫不覺不知以墮
二邊相續法中然悉恭敬供養於我
而不善解名字句義取差別相不能
自知執著名字故虛妄分別不生不
滅名為无法而不知是如來名号差
別之相如因陀羅帝釋王不蘭陀羅
等以不能決定名與真實隨順名字
音聲取法亦復如是大慧於未來世
愚癡凡夫說如是言如名義亦如是
而不能知異名有義何以故以義无
體相故復作是言不異名字音聲有
義名字音聲即是義何以故不知名
字體相故大慧彼愚癡人不知音聲
即生即滅義不生滅故大慧音聲之
性墮於名字而義不同墮於名字以
離有無故无生無體故大慧如來說
法依自聲說不見諸字是有无故不
著名字大慧若人執著名字說者彼
人不名善說法者何以故法無名字
故大慧是故我經中說諸佛如來乃
至不說一字不示一名何以故諸法
无字依義無說依分別說故大慧若
不說法者諸佛如來法輪斷滅法輪

滅者亦无聲聞緣覺菩薩无聲聞緣
覺菩薩者為何等人何等法何事說
大慧是故菩薩摩訶薩不應著於言
說名字大慧名字章句非定法故依
衆生心說諸佛如來隨衆生信而說
諸法為令遠離心意意識故不說自
身內證聖智建立諸法如實能知一
切諸法寂靜相故但見自心覺所知
法離二種心分別之相不如是說大
慧菩薩摩訶薩依義不依語若善男
子善女人隨文字說者墮在邪見自
身失壞第一義諦亦壞他人令不覺
知大慧諸外道等各依自論異見言
說大慧汝應善知一切地相善知樂
說辯才文辭章句善知一切諸地相
已進取名句樂說辯才善知諸法義
相應相介時自身於无相法樂而受
樂受住大乘中令衆生知大慧取大
乘者即是攝受諸佛聲聞緣覺菩薩
攝受諸佛聲聞緣覺及菩薩者即是
攝受一切衆生攝受一切諸衆生者
即是攝受勝妙法藏攝受法藏者即
不斷佛種不斷佛種者不斷一切勝

妙生處以彼勝處諸菩薩等願生彼
故置諸衆生大乘法中十自在力隨
諸衆生形色諸使而能隨現說如實
法大慧何者如實法如實法者不異
不差不取不捨離諸戲論名如實法
大慧善男子善女人不得執著文字
音聲以一切法无文字故大慧譬如
有人為示人物以指指示而彼愚人
即執著指不取因指所示之物大慧
愚癡凡夫亦復如是聞聲執著名字
指故乃至沒命殤不能捨文字之指
取第一義大慧譬如穀粟名凡夫食
不舂不吹不可得食若其有人未作
食者名為顛狂要須次第乃至吹熟
方得成食大慧不生不滅亦復如是
不修巧智方便行者不得具足莊嚴
法身大慧執著名字言得義者如彼
癡人不知舂吹噉文字穀不得義食
以是義故當學於義莫著文字大慧
所言義者名為涅槃言名字者分別
相縛生世間解大慧義者從於多聞
人得大慧言多聞者謂義巧方便非
聲巧方便大慧義方便者離於一切

外道邪說亦不和雜如是說者自身
不墮外道邪法亦不令他墮外道法
大慧是名多聞有義方便大慧欲得
義者應當親近多聞智者供養恭敬
著名字者應當遠離不應親近今時
大慧菩薩承諸佛力白佛言世尊如
來世尊說一切法不生不滅非為奇
特何以故一切外道亦說諸因不生
不滅如來亦說虛空非數緣滅及涅
槃界不生不滅世尊諸外道亦說依
諸因緣生諸衆生如來亦說无明愛
業分別因緣生諸世間若尔如來亦
說因緣名字相異依外因緣能生諸
法外道亦說依外因緣而生諸法是
故如來與外道說无有差別世尊外
道因微塵勝自在天梵天等共外九
種因緣說言諸法不生不滅如來亦
說一切諸法不生不滅有无不可得
以諸四大不滅自相不生不滅隨佛
如來種種異說而不離於外道所說
而諸外道亦說諸大不離大體世尊
諸外道分別諸大如來亦尔分別諸
大世尊以是義故如來所說不異外

道若不同者如來應說所有異相若有異相當知不同外道所說世尊若佛如來於自法中不說勝相者諸外道中亦應有佛以說諸法不生不滅如來常說一世界中而有多佛俱出世者无有是處如向所說一世界中應有多佛何以故所說有无因無差故如佛所說言無虛謬云何世尊於自法中不說勝相佛告大慧言大慧我所說法不生不滅者不同外道不生不滅亦不同彼不生無常法何以故大慧諸外道說有實有體性不生不變相我不如是墮於有无明黨聚中大慧我說離有無法離生住滅相非有非无見諸一切種種色像如幻如夢是故不得言其有無大慧云何不得言其是无謂色體相有見不見取不取故大慧是故我說一切諸法非有非無大慧以不覺知唯是自心分別生見一切世間諸法本來不生不滅而諸凡夫生於分別非聖人耶大慧迷心分別不實義者譬如凡夫見軋闍婆城幻師所作種種幻人種

種象馬見其入出虛妄分別作如是言此如是如是入如是如是出大慧而彼實處无人出入惟自心見迷惑分別生不生法亦復如是大慧而彼實處無此有為无為諸法如彼幻師所作幻事而彼幻師不生不滅大慧諸法有无亦無所為以離生滅故惟諸凡夫墮顛倒心分別生滅非謂聖人大慧顛倒者如心分別此法如是如是而彼法不如是如是亦非顛倒分別顛倒者執著諸法是有是无非見寂靜故不見寂靜者不能遠離虛妄分別是故大慧見寂靜者名為勝相非見諸相名為勝相以不能斷生因相故大慧言无相者遠離一切諸分別心無生无相者是我所說名為涅槃大慧言涅槃者謂見諸法如實住處遠離分別心心數法依於次第如實修行於自内身聖智所證我說如是名為涅槃今時世尊重說偈言為遮生諸法建立無生法我說法无因凡夫不能知我說法无因而凡夫不知一切法不生亦不得言無 乳闍婆幻夢

諸法無因有 諸法空无相 云何為我說
離諸和合緣 智慧不能見 以空本不生
是故說无體 一一緣和合 見物不可得
非外道所見 和合不可得 夢幻及毛輪
軋闍婆陽焰 无因而妄見 世間事亦尔
降伏无因論 能成無生義 能成无生者
我法不滅壞 說無因諸論 外道生驚怖
云何何等人 何因於何處 生諸法無因
非因非无因 智者若能見 能離生滅見
無法生不生 為无因緣相 若為法名字
无義為我說 非法有無生 亦非待因緣
非前法有名 亦名不空說 聲聞辟支佛
外道非境界 住在於七地 彼處无生相
離諸因緣法 為遮諸因緣 說建立惟心
我說名无生 諸法無因緣 離分別分別
離有無朋黨 我說名无生 心離於見法
及離二法體 轉身依正相 我說名无生
外非實无實 亦非心所取 幻夢及毛輪
軋闍婆陽焰 遠離於諸見 是名無生相
如是空等法 諸文句應知 非生及空空
而無於生空 諸因緣和合 有生及有滅
離於諸因緣 不生亦不滅 離因緣无法
離和合無得 外道妄分別 而見有一異

有无不生法 有無不可得 惟和合諸法
而見有生滅 但有於名字 展轉為鈎鏤
離彼因緣鏤 生法不可得 生法不見生
離諸外道過 我說緣鈎鏤 諸凡夫不知
若離緣鈎鏤 更无有別法 是則無因緣
破壞緣鏤義 如燈顯眾像 鈎鏤生亦然
是則離鈎鏤 別更有法生 生法本无體
自性如虛空 離鈎鏤求法 愚人無所知
復有餘无生 聖人所得法 彼生无生者
是則無生忍 若見諸世間 則是見鈎鏤
一切皆鈎鏤 是則心得定 无明愛業等
是則內鈎鏤 攢軸泥團輪 種子大鈎鏤
若更有他法 而從因緣生 離於鈎鏤義
彼不住聖教 若生法是无 彼為誰鈎鏤
展轉相生故 是名因緣義 堅濕熱動法
凡夫生分別 離鏤更无法 是故說无體
如醫療眾病 依病出對治 而論無差別
病殊故方異 我念諸眾生 為煩惱過染
知根力差別 隨堪受為說 我法无差別
隨根病異說 我唯一乘法 八聖道清淨
入楞伽經卷第六

癸卯歲高麗國大藏都監奉
勅影造

八楞伽經卷第七

元魏天竺三藏菩提留支譯

無常品第八

尔時聖者大慧菩薩復白佛言世尊
世尊說無常无常者一切外道亦說
无常世尊如來依於名字章句說如
是言諸行無常是生滅法世尊此法
為是真實為是虛妄世尊復有幾種
無常

佛告聖者大慧菩薩言善哉善哉善
哉大慧一切外道虛妄分別說八種
無常何等為八一者發起所作而不
作是名无常何者名為發起謂生法
不生法常法無常法名為發起无常
二者形相休息名為无常三者色等
即是無常四者色轉變故異異无常
諸法相續自然而滅如乳酪轉變於
一切法不見其轉亦不見滅名為無
常五者復有餘外道等以无物故名
為无常六者有法无法而忘無常以
一切法本不生故名為無常以无常
法彼中和合是故无常七者復有餘

外道等本無後有名為无常謂依諸大所生相滅不見其生離相續體名為無常八者不生无常謂為非常是故无常見諸法有無生不生乃至微塵觀察不見法生故言不生諸法非生大慧是名无生無常相而諸外道不知彼法所以不生是故分別諸法不生故言無常復次大慧外道分別无常之法言有於物彼諸外道自心虛妄分別無常常非无常以有物故何以故自體不滅故自體不滅者无常之體常不滅故大慧若無常法是有物者應生諸法以彼无常能作因故大慧若一切法不離無常者諸法有无一切應見何以故如杖木瓦石能破可破之物悉皆破壞見彼種種異異相故是故無常因一切法无法亦非因亦非果大慧復有諸過以彼因果无差別故而不得言此是無常而彼是果以因果差別故不得言一切法常以一切法无因故大慧諸法有因而諸凡夫不覺不知異因不能生異果故大慧若異因能生異果者因

異應生一切諸法若今復更有過應
因果差別而見差別大慧若其无常
是有物者應同因體所作之事復更
有過於一法中即應具足一切諸法
以同一切所作因果業相无差別故復
更有過自有无常无常有无常體故
復更有過一切諸法無常應常故復
更有過若其无常同諸法者墮三世
法大慧過去色同無常故已滅未來
法未生以同色无常故不生現在有
法不離於色以色與彼諸大相依五
大依塵是故不滅以彼彼不相離故
大慧一切外道不滅諸大三界依大
依微塵等是故依彼法說生住滅大
慧離於此法更无四大諸塵等法以
彼外道虛妄分別離一切法更有无
常是故外道說言諸大不生不滅以
自體相常不滅故是故彼說發起作
事中間不作名為无常諸大更有發
起諸大無彼彼異相同相不生滅法以
見諸法不生滅故而於彼處生无常
智大慧何者名為形相休息無常謂
能造所造形相見形相異如長短非

諸大滅而見諸大形相轉變彼人墮
在僧法法中大慧復形相无常者謂
何等人即色名无常彼人見於形相
無常而非諸大是无常法若諸大無
常則諸世間一切不得論說世事若
論世事墮盧迦耶陀邪見朋黨以說
一切諸法唯名復見諸法自體相生
大慧轉變无常者謂見諸色種種異
相非諸大轉變譬如見金作莊嚴具
形相轉變金體不異餘法轉變亦復
如是大慧如是外道虛妄分別見法
无常火不燒諸大自體不燒以彼諸
大自體差別故大慧諸外道說若火
能燒諸大者則諸大斷滅是故不燒
大慧我說大及諸塵非常非无常何
以故我不說外境界有故我說三界
但是自心不說種種諸相是有是故
說言不生不滅唯是四大因緣和合
非大及塵是實有法以虛妄心分別
二種可取能取法如實能知二種分
別是故離外有无見相唯是自心分
別作業而名為生而業不生以離有
无分別心故大慧何故非常非不常

以有世間及出世間上上諸法是故
不得說言是常何故非元常以能覺
知唯是自心分別見故是故非無常
而諸外道墮在邪見執著二邊不知
自心虛妄分別非諸聖人分別元常
大慧一切諸法惣有三種何等為三
一者世間法相二者出世間法相三
者出世間上上勝法相以依言語種
種說法而諸凡夫不覺不知今時世
尊重說偈言

遠離於始造 及與形相異 無常名有物
外道妄分別 諸法无有滅 諸大自性住
墮於種種見 外道說無常 彼諸外道說
諸法不生滅 諸大體自常 何等法无常
一切世唯心 而心見二境 可取能取法
我我所法无 三界上下法 我說皆是心
離於諸心法 更無有可得

八楞伽經入道品第九

今時聖者大慧菩薩摩訶薩復白佛
言世尊惟願世尊為我說諸一切菩
薩聲聞辟支佛入滅盡定次第相我
及一切諸菩薩等若得善知入滅盡
定次第之相巧方便者不墮聲聞辟

支佛三昧三摩跋提滅盡定樂不墮
聲聞辟支佛外道迷惑之法佛告聖
者大慧菩薩言善哉善哉善哉大慧
諦聽諦聽當為汝說大慧菩薩白佛
言善哉世尊唯然受教佛告大慧菩
薩從初地乃至六地入滅盡定聲聞
辟支佛亦入滅盡定大慧諸菩薩摩
訶薩於七地中念念入滅盡定以諸
菩薩志能遠離一切諸法有无相故
大慧聲聞辟支佛不能念念入滅盡
定以聲聞辟支佛緣有為行入滅盡
定墮在可取能取境界是故聲聞辟
支佛不能入七地中念念滅盡定以
聲聞辟支佛生驚怖想恐墮諸法无
異相故以覺諸法種種異相有法無
法善不善法同相異相而入滅盡定
是故聲聞辟支佛不能入七地中念
念滅盡定以无善巧方便智故大慧
七地菩薩摩訶薩轉滅聲聞辟支佛
心意意識大慧初地乃至六地菩薩
摩訶薩見於三界但是自心心意識
識離我我所法唯是自心分別不墮
外法種種諸相唯是凡夫內心思癡

墮於二邊見於可取能取之法以無
知故而不覺知无始世來身口及意
妄想煩惱戲論熏習而生諸法大慧
於八地中一切菩薩聲聞辟支佛入
涅槃想大慧諸菩薩摩訶薩承已自
心三昧佛力不入三昧樂門墮涅槃
而住以不滿足如來地故若彼菩薩住
三昧分者休息度脫一切衆生斷如
來種滅如來家為示如來不可思議
諸境界故是故不入涅槃大慧聲聞
辟支佛墮三昧樂門法是故聲聞辟
支佛生涅槃想大慧諸菩薩摩訶薩
從初地來乃至七地具巧方便觀察
心意意識之相遠離我我所取相之
法觀察我空法空觀察同相異相善
解四无尋巧方便義自在次第入於
諸地菩提分法大慧我若不說諸菩
薩摩訶薩同相異相法者一切菩薩
不如實知諸地次第恐墮外道邪見
等法故我次第說諸地相大慧若人
次第入諸地者不墮餘道我說諸地
次第相者唯自心見諸地次第及
三界中種種行相而諸凡夫不覺不

知以諸凡夫不覺知故是故我及一切諸佛說於諸地次第之相及建立三界種種行相復次大慧聲聞辟支佛於第八菩薩地中樂著寂滅三昧樂門醉故不能善知唯自心見墮自相同相熏習障尋故墮人无我法無我見過故以分別心名為惛昧而不能知諸法寂靜大慧諸菩薩摩訶薩以見寂靜三昧樂門憶念本願大慈悲心度諸衆生知十無盡如實行智是故不即入於惛昧大慧諸菩薩摩訶薩遠離虛妄分別之心遠離能取可取境界名入惛昧以如實智知一切諸法唯是自心是故不生分別之心是故菩薩不取心意意識不著外法實有之相而非不為佛法修行依根本智展轉修行為於自身求佛如來證地智故大慧如人睡夢度大海水起大方便欲度自身未度中間忽然便寤作是思惟此為是實為是虛妄彼復思惟如是之相非實非虛唯是我本虛妄分別不實境界熏習因故見種種色形相顛倒不離有无意

識熏習於夢中見大慧菩薩摩訶薩亦復如是於八地中見分別心初地七地諸法同相如夢如幻平等无差離諸功用可取能取分別之心見心心數法為於未得上上佛法修行者令得故菩薩摩訶薩修行勝法名為涅槃非滅諸法名為涅槃菩薩摩訶薩遠離心意意識分別相故得无生法忍大慧第一義中亦無次第无次第行諸法寂靜亦如虛空大慧菩薩白佛言世尊世尊說聲聞辟支佛入第八菩薩地寂滅樂門如來復說聲聞辟支佛不知但是自心分別復說諸聲聞得人无我而不得法無我空若如是說聲聞辟支佛尚未能證初地之法何況八地寂滅樂門佛告大慧我今為汝分別宣說大慧聲聞有三種言入八地寂滅門者此是先修菩薩行者墮聲聞地還依本心修菩薩行同入八地寂滅樂門非增上慢寂滅聲聞以彼不能入菩薩行未曾覺知三界唯心未曾修行菩薩諸法未曾修行諸波羅蜜十地之行是故決

定寂滅聲聞不能證彼菩薩所行寂滅樂門。今時世尊重說偈言。

唯心無所有 諸行及佛地 去來現在佛
三世說如是 七地為心地 无所有八地
二地名為行 餘地名我地 內身證及淨
此名為我地 自在取勝處 阿迦尼吒天
焰曜如炎火 出妙諸光明 種種美可樂
化作於三界 化現三界色 或有在光化
彼處說諸乘 是我自在地 十地為初地
初地為八地 九地為七地 七地為八地
二地為三地 四地為五地 三地為六地
寂滅有何次 決定諸聲聞 不行菩薩行
同入八地者 是本菩薩行

入楞伽經問如來常無常品第十

今時聖者大慧菩薩摩訶薩白佛言
世尊如來應正遍知為是常耶為無
常耶佛告聖者大慧菩薩言大慧如
來應正遍知非常非无常何以故二
邊有過故大慧有無二邊應有過失
大慧若言如來是常法者則同常因
大慧以諸外道說言微塵諸因常故
非是作法大慧是故不得言如來常
以非作法而言常故大慧亦不得言

如來無常言无常者即是同於有為作法五陰可見能見法無五陰滅故五陰滅者諸佛如來亦應同滅而佛如來非斷絕法大慧凡作法者皆是无常如瓶衣車屋及疊席等皆是作法是故無常大慧若言一切皆無常者一切智一切智人一切功德亦應無常以同一切作法相故又復有過若言一切皆无常者諸佛如來應是作法而佛如來非是作法以無更說有勝因故是故我言如來非常亦非无常復次大慧如來非常何以故虚空之性亦無修行諸功德故大慧譬如虚空非常非无常何以故以離常無常故以不墮一異俱不俱有無非有非无常無常非常非无常是故離於一切諸過不可得說復次大慧亦不得言如來是常何以故若言常者同於兔馬騮驢龜蛇蠅魚等角是故不得言如來常復次大慧亦不得言如來是常恐墮不生常故是故不得言如來世尊常復次大慧更有餘法依彼法故得言如來世尊是常何以故

依內證智證常法故是故得言如來
是常大慧諸佛如來內證智法常恒
清涼不變大慧諸佛如來應正遍知
若出於世不出於世法性常如是法
體常如是法軌則常如是以彼法性
一切聲聞辟支佛等亦不曾聞亦不
曾見如是法體非虛空中毛道凡夫
不覺不知大慧諸佛如來內證智者
依彼得名大慧以依如實智慧修行
得名為佛非心意意識無明五陰熏
習得名大慧一切三界不實妄想分
別戲論得名大慧不實分別二種法
者而得名為常與無常而佛如來不
墮二法不墮能取可取二邊如來寂
靜二法不生故是故大慧諸佛如來
應正遍知不得言是常與無常大慧
凡所言語而得說言常與無常遠離
一切分別盡者不得言取常無常法
是故我遮一切凡夫不得分別常與
無常以得真實寂靜法者得盡分別
不生分別今時世尊重說偈言

離於常無常非常非無常 若見如是佛
彼不墮惡道 若說常無常 諸功德虛妄

無智者分別 遮說常無常 所有立法者
皆有諸過失 若能見唯心 彼不墮諸過
入楞伽經佛性品第十

尔時聖者大慧菩薩摩訶薩復請佛
言世尊惟願如來應正遍知為我說
善逝為我說陰界入生滅之相世尊
若无我者誰生誰滅世尊一切凡夫
依生滅住不見苦盡是故不知涅槃
之相佛告聖者大慧菩薩言善哉善
哉善哉大慧汝今諦聽當為汝說大
慧白佛言善哉世尊唯然受教佛告
大慧如來之藏是善不善因故能與
六道作生死因緣譬如伎兒出種種
伎衆生依於如來藏故五道生死大
慧而如來藏離我我所諸外道等不
知不覺是故三界生死因緣不斷大
慧諸外道等妄計我故不能如實見
如來藏以諸外道无始世來虛妄執
著種種戲論諸熏習故大慧阿梨耶
識者名如來藏而與無明七識共俱
如大海波常不斷絕身俱生故離無
常過離於我過自性清淨餘七識者
心意意識等念念不住是生滅法七

識由彼虛妄因生不能如實分別諸
法觀於高下長短形相故執著名相
故能令自心見色相故能得苦樂故
能離解脫因故因名相生隨煩惱貪
故依彼念因諸根滅盡故不次第生
故餘自意分別不生苦樂受故是故
入少想定滅盡定入三摩跋提四禪
實諦解脫而修行者生解脫相以不
知轉滅虛妄相故大慧如來藏識不
在阿梨耶識中是故七種識有生有
滅如來藏識不生不滅何以故彼七
種識依諸境界念觀而生此七識境
界一切聲聞辟支佛外道修行者不
能覺知不如實知人無我故以取同
相別相法故以見陰界入法等故大
慧如來藏如實見五法體相法无我
故不生如實知諸地次第展轉和合
故餘外道不正見不能觀察大慧菩
薩住不動地亦時得十種三昧門等
為上首得無量无边三昧依三昧佛
住持觀察不可思議諸佛法及自本
願力故遮護三昧門實際境界遮已
入自內身聖智證法真實實境界不同

聲聞辟支佛外道修行所觀境界介
時過彼十種聖道入於如來意生身
智身離諸功用三昧心故是故大慧
諸菩薩摩訶薩欲證勝法如來藏阿
梨耶識者應當修行令清淨故大慧
若如來藏阿梨耶識名為无者離阿
梨耶識无生無滅一切凡夫及諸聖
人依彼阿梨耶識故有生有滅以依
阿梨耶識故諸修行者入自內身聖
行所證現法樂行而不息大慧此
如來心阿梨耶識如來藏諸境界一
切聲聞辟支佛諸外道等不能分別
何以故以如來藏是清淨相客塵煩
惱垢染不淨大慧我依此義依勝鬘
夫人依餘菩薩摩訶薩深智慧者說
如來藏阿梨耶識共七種識生名轉
滅相為諸聲聞辟支佛等示法无我
對勝鬘說言如來藏是如來境界大
慧如來藏識阿梨耶識境界我今與
汝及諸菩薩甚深智者能了分別此
二種法諸餘聲聞辟支佛及外道等
執著名字者不能了知如此二法大
慧是故汝及諸菩薩摩訶薩當學此

法今時世尊重說偈言

甚深如來藏 與七識俱生 取二法則生
如實知不生 如鏡像現心 无始習所熏
如實觀察者 諸境悉空無 如癡見指月
觀指不觀月 計著名字者 不見我真實
心如巧伎兒 意如狡猾者 意識及五識
虛妄取境界 如伎兒和合 誑惑於凡夫
入楞伽經五法門品第十二

今時聖者大慧菩薩摩訶薩復請佛
言世尊惟願如來應正遍知為我說
善逝為我說五法體相及二無我老
別行相我及一切諸菩薩等若得善
知五法體相二種無我老別相者修
行是法次第入於一切諸地修行是
法能入一切諸佛法中入諸佛法者
乃至能入如來自身內證智地佛告
聖者大慧菩薩言善哉善哉善哉大
慧汝今諦聽當為汝說大慧菩薩言
善哉世尊唯然受教佛告大慧我為
汝說五法體相二種無我老別行相
大慧何等五法一者名二者相三者
分別四者正智五者真如內身修行
證聖人智辨斷常見現如實修行者

入三昧樂三摩跋提行門故大慧一切凡夫不覺不知五法體相二種無我惟以自心見於外物是故生於分別之心非謂聖人大慧白佛言世尊云何凡夫生分別心非聖人也佛告大慧一切凡夫執著名相隨順生法隨順生法已見種種相墮我我所邪見心中執著具足一切法相執著已入於无明黑闇障處入障處已起於貪心起貪心已而能造作貪瞋癡業造業行已不能自止如墜作墜以分別心而自纏身墮在六道大海險難如轆轤迴轉不自覺知以无智故不知一切諸法如幻不知無我我所諸法非實從於妄想分別而生而不知離可見能見而不知離生住滅相不知自心虛妄而生謂知隨順自在天時微塵我生大慧何者為名謂眼識見前色等法相如聲相耳相鼻相舌相身相大慧如是等相我說名為名相大慧何者分別以依何等法說名取相了別此法如是如是畢竟不異謂象馬車步人民等分別種種相是名分

別大慧何者正智以觀察名相觀察
已不見實法以彼迭共因生故見迭
共生者諸識不復起分別識相不斷
不常是故不墮一切外道聲聞辟支
佛地大慧是名正智復次大慧菩薩
摩訶薩依正智不取名相法以為有
不取不見相以為无何以故以離有
無邪見故以不見名相是正智義是
故我說名為真如大慧菩薩住真如
法者得入無相寂靜境界入已得入
菩薩摩訶薩初歡喜地菩薩得初歡
喜地時證百金剛三昧明門捨離二
十五有一切果業過諸聲聞辟支佛
地住如來家真如境界如實修行知
五法相如幻如夢如實觀察一切諸
法起自內身證聖智修行如是展轉
遠離虛妄世間覺觀所樂之地次第
乃至法雲地入法雲地已次入三昧力
自在神通諸華莊嚴如來之地入如
來地已為教化衆生現種種光明應
莊嚴身如水中月依无盡句善縛所
縛隨衆生信者而為說法離心意意
識身故大慧菩薩入真如已得佛地

中如是如是無量无边法大慧復白
佛言世尊世尊為五法入三法為三
法入五法中為自體相各各差別佛
告大慧三法入五法中大慧非但三
法入五法中八種識二種无我亦入
五法大慧云何三法入五法中大慧
名相名為分別法相大慧依彼二法
分別生心心數法一時非前後如日
共光明一時而有分別種種相大慧
是名三相依因緣力生故大慧正智
真如名第一義諦相依不滅法故有
次大慧著於自心見分別法差別有
八種以分別諸相以為實故離我我
所生滅之法今時得證二无我法大
慧五法法門入諸佛地諸地法相亦
入五法門中一切聲聞辟支佛法亦
入五法門中如來內身證聖智法亦
入五法門中復次大慧五法相名分
別真如正智大慧何者名為相相者
見色形相狀貌勝不如是名為相大
慧依彼法相起分別相此是瓶此是
牛馬羊等此法如是如是不異大慧
是名為名大慧依於彼法立名了別

示現彼相是故立彼種種名字牛羊馬等是名分別心心數法大慧觀察名相乃至微塵常不見一法相諸法不實以虛妄心生分別故大慧言真如者名為不虛決定畢竟盡自性自體正見真如相我及諸菩薩及諸佛如來應正遍知說名異義一大慧如是等隨順正智不斷不常无分別分別不行處隨順自身內證聖智離諸一切外道聲聞辟支佛等惡見朋黨不正智中大慧於五法三法相八種識二種无我一切佛法皆入五法中大慧汝及諸菩薩摩訶薩為求勝智應當修學大慧汝知五法不隨他教故今時世尊重說偈言

五法自體相 及與八種識 二種無我法
攝取諸大乘 名相及分別 二法自體相
正智及真如 是第一義相
入楞伽經恒河沙品第十三

今時聖者大慧菩薩摩訶薩白佛言
世尊如世尊依名字說過去未來現在諸佛如恒河河沙世尊佛說如是為依如來口中所說我隨順取為更

有義願為我說佛告聖者大慧菩薩
言大慧如我所說名字章句莫如是
取大慧大慧三世諸佛非恒河河沙
等何以故所說譬喻過世間者非如
譬喻何以故以有相似不相似故大
慧諸佛如來應正遍知不定說過世
間相似不相似譬喻何以故大慧我
說譬喻但是少分故大慧我及諸佛
如來應正遍知所說譬喻但說少義
何以故愚癡凡夫諸外道等著諸法
常增長邪見隨順世間輪迴生死為
彼生獸聞生驚怖又聞諸佛如恒河
沙便於如來无上聖道生易得想求
出世法大慧是故我說諸佛如來如
恒河河沙何以故我餘經中說佛出
世如優曇華衆生聞已言佛道難得
不修精進是故我說諸佛如來如恒
河河沙大慧我說諸佛出世如優曇
華者依可化衆生義故我說諸佛如
優曇華大慧而優曇華於世間中无
人曾見當亦不見大慧諸佛如來世
間曾見現見當見大慧我說如是非
依自身所得法說是故說言如優曇

華諸佛如來亦復如是大慧我依內
身證法說法是故說過世間譬喻以
諸凡夫无信衆生不能信我所說譬
喻何以故說自內身聖智境界无譬
喻可說遠離心意意識過諸見地諸
佛如來真如之法不可說故是故我
說種種譬喻大慧我說諸佛如恒河
河沙者是少分譬喻大慧諸佛如來
平等非不平等以非分別分別故大
慧譬如恒河河中所有之沙魚鼈龜
龍牛羊象馬諸獸踐踏而彼河沙不
生分別不瞋不恚亦不生心彼惱亂
我无分別故淨離諸垢大慧諸佛如
來應正遍知亦復如是內身證得聖
智滿足諸力神通自在功德如恒河
沙一切外道邪論諸師愚癡魚鼈以
瞋恚心毀罵如來如來不動不生分
別本願力故為與衆生三昧三摩跋
提一切諸樂令滿足故不分別分別
大慧是故我說諸佛如來如恒河河
沙等等者平等无有異相以離愛身
故大慧譬如恒河河沙不離地相大
慧大地火燒火不異地故火不燒地

地大有火相續體故大慧愚癡凡夫
墮顛倒智自心分別言地被燒而地
不燒以不離地而得更更有四大火身
故大慧諸佛如來亦復如是諸佛如
來法身之體如恒河河沙等不滅不
失故大慧譬如恒河河沙無量無邊
大慧諸佛如來亦復如是出於世間
放無量光遍於一切諸佛大會為化
衆生令覺知故大慧如恒河河沙更
不生相如彼微塵微塵體相如是而
住大慧諸佛如來亦復如是於世間
中不生不滅諸佛如來斷有因故大
慧如恒河河沙若出於河亦不可見
入於河中亦不可見亦不起心我出
入河大慧諸佛如來智慧之力亦復
如是度諸衆生亦不盡滅亦不增長
何以故諸法无身故大慧一切有身
皆是無常磨滅之法非无身法諸佛
如來唯法身故大慧譬如有人欲得
蘓油押恒河沙終不可得无蘓油故
大慧諸佛如來為諸衆生苦惱所押
瞋不可得不捨自法界相不捨自法
味相不捨本願與衆生樂以得具足

大慈大悲我若不令一切衆生入涅槃者我身亦不入於涅槃大慧如恒河河沙隨水而流終不逆流大慧諸佛如來為諸衆生說法亦亦隨順涅槃而非逆流大慧是故我說諸佛如來如恒河河沙大慧言恒河河沙隨順流者非是去義若佛如來有去義者諸佛如來應元常滅大慧世間本際尚不可知不可知者我去何依而說去義是故如來非為去義大慧去義者名為斷義愚癡凡夫不覺不知大慧白佛言世尊世尊若衆生在於世間輪迴去來本際不可知者去何如來而得解脫復令衆生得於解脫佛告大慧言大慧言解脫者離於一切戲論煩惱无始熏習分別心故如實能知唯自心見外所分別心迴轉故是故我說名為解脫大慧言解脫者非是滅法是故汝今問我若不知本際云何得解脫者此問不成大慧言本際者是分別心一體異名大慧離分別心更无衆生即此分別名為衆生大慧真實智慧觀内外法無法

可知能知故大慧以一切法本際來
寂靜大慧不如實知唯自心見虛妄
分別是故生於分別之心如實知者
不生分別今時世尊重說偈言

觀察於諸佛 譬如恒河沙 不滅亦不生
彼人能見佛 遠離諸塵垢 如恒河河沙
隨順流不變 法身亦如是

入楞伽經卷第七

癸卯歲高麗國大藏都監奉
勅彫造

入楞伽經卷第八

身

元魏天竺三藏菩提留支譯

剎鄰品第十四

尔時聖者大慧菩薩摩訶薩復白佛
言世尊惟願如來應正遍知為我說
善逝為我說一切法生滅之相云何
如來說一切法念念不住佛告大慧
菩薩言善哉善哉善哉大慧汝今諦
聽當為汝說大慧言善哉世尊唯然
受教佛告大慧一切法一切法者所
謂善法不善法有為法无為法世間
法出世間法有漏法無漏法內法外
法大慧略說五陰法因心意意識熏
習增長諸凡夫人依心意意識熏習
故分別善不善法大慧聖人現證三
昧三摩跋提无漏善法樂行大慧是
名善法復次大慧言善不善法者所
謂八識何等為八一者阿梨耶識二
者意三者意識四者眼識五者耳識
六者鼻識七者舌識八者身識大慧
五識身共意識身善不善法展轉差
別相續體无差別身隨順生法生已

還滅不知自心見虛妄境界即滅時
能取境界形相大小勝如之狀大慧
意識共五識身相應生一念時不住
是故我說彼法念時不住大慧言刹
尼迦者名之為空阿梨耶識名如來
藏无共意轉識熏習故名為空具足
無漏熏習法故名為不空大慧愚癡
凡夫不覺不知執著諸法刹那不住
墮在邪見而作是言无漏之法亦刹
那不住破彼真如如來藏故大慧五
識身者不生六道不受苦樂不作涅
槃因大慧如來藏不受苦樂非生死
因餘法者共生共滅依於四種熏習
醉故而諸凡夫不覺不知邪見熏習
言一切法刹那不住復次大慧金剛
如來藏如來證法非刹那不住大慧
如來證法若刹那不住者一切聖者
不成聖人大慧非非聖人以聖人故
大慧金剛住於一切稱量等住不
增不減大慧云何愚癡凡夫分別諸
法言刹那不住而諸凡夫不得我意
不覺不知内外諸法念念不住大慧
復白佛言世尊如來常說滿足六波

羅蜜法得阿耨多羅三藐三菩提世尊何等為六波羅蜜云何滿足佛告大慧菩薩言大慧波羅蜜差別有三種謂世間波羅蜜出世間波羅蜜出世間上上波羅蜜大慧言世間波羅蜜者愚癡凡夫執著我我所法墮於二邊為於種種勝妙境界行波羅蜜求於色等境界果報大慧愚癡凡夫行尸波羅蜜羈提波羅蜜毗梨耶波羅蜜禪波羅蜜般若波羅蜜乃至生於梵天求五神通世間之法大慧是名世間諸波羅蜜大慧言出世間波羅蜜者謂聲聞辟支佛取聲聞辟支佛涅槃心修行波羅蜜大慧如彼世間愚癡凡夫為於自身求涅槃樂而行世間波羅蜜行聲聞緣覺亦復如是為自身故求涅槃樂行出世間波羅蜜行而乃求彼非究竟樂大慧出世間上上波羅蜜者如實能知但是自心虛妄分別見外境界尔時實知惟是自心見內外法不分別虛妄分別不取內外自心色相故菩薩摩訶薩如實能知一切法故行檀波羅蜜

為令一切衆生得无怖畏安隱樂故
是名檀波羅蜜大慧菩薩觀彼一切
諸法不生分別隨順清涼是名尸波羅
蜜大慧菩薩離分別心忍彼修行如
實而知能取可取境界非實是名菩
薩羣提波羅蜜大慧菩薩云何修精
進行初中後夜常勤修行隨順如實
法斷諸分別是名毗梨耶波羅蜜大
慧菩薩離於分別心不隨外道能
取可取境界之相是名禪波羅蜜大
慧何者菩薩般若波羅蜜菩薩如實
觀察自心分別之相不見分別不墮
二邊依如實修行轉身不見一法生
不見一法滅自身內證聖行修行是
名菩薩般若波羅蜜大慧波羅蜜義
如是滿足者得阿耨多羅三藐三菩
提今時世尊重說偈言

空无常剎那 愚分別有為 如河燈種子
空無常剎那 分別剎那義 剎那亦如是
剎尼迦不生 寂靜離所作 一切法不生
我說剎那義 物生即有滅 不為凡夫說
分別相續法 妄想見六道 若无明為因
能生諸心者 乃至色未生 中間依何住

即生即有滅餘心隨彼生色不一念住
觀於何法生依何因生法心无因而生
是故生不成云何知念壞修行者證定
金剛佛舍利光音天宮殿世間不壞事
其如證法實如來智成就比立證平等
云何念不住乳闍婆幻色何故念不住
無四大見色四大何所為
入楞伽經化品第十五

尔時聖者大慧菩薩摩訶薩復白佛
言世尊如佛世尊與諸羅漢授阿耨
多羅三藐三菩提記如來復說諸佛
如來不入涅槃復說如來應正遍知
何等夜證大菩提何等夜入般涅槃
於其中間不說一字如來復說諸佛
如來常入无覺無觀无分別定復言
作諸種種應化度諸衆生世尊復說
諸識念念差別不住金剛密迹常隨
侍衛復說世間本際難知復言衆生
入般涅槃若入涅槃應有本際復說
諸佛无有怨敵而見諸魔復說如來
斷一切障而見旃遮摩那毗孫陀梨
等謗佛入娑梨那村竟不得食空鉢
而出世尊若如是者如來便有无量

罪業云何如來不離一切諸罪過惡
而得阿耨多羅三藐三菩提一切種智
佛告聖者大慧菩薩言善哉善哉善
哉大慧汝今諦聽當為汝說大慧白
佛言善哉世尊唯然受教佛告大慧
我為曾行菩薩行諸聲聞等依無餘
涅槃而與授記大慧我與聲聞授記
者為怯弱衆生生勇猛心大慧此世
界中及餘佛國有諸衆生行菩薩行
而復樂於聲聞法行為轉彼取大菩
提應化佛為應化聲聞授記非報佛
法身佛而授記別大慧聲聞辟支佛
涅槃無差別何以故斷煩惱無差異
故斷煩惱障非斷智障復次大慧見
法无我斷於智障見人無我斷煩惱
障大慧轉意識故斷法障業障以轉
意阿梨耶識熏習故究竟清淨大慧
我常依本法體而住更不生法依本
名字章句不覺不思而說諸法大慧
如來常如意知常不失念是故如來
无覺無觀諸佛如來離四種地已遠
離二種死二種障二種業故大慧七
種識意識識眼耳鼻舌身念念不住

因虛妄熏習離於无漏諸善法故大
慧如來藏世間不生不死不來不去
常恒清涼不變復次大慧依如來藏
故有世間涅槃苦樂之因而諸凡夫
不覺不知而墮於空虛妄顛倒大慧
金剛密迹常隨侍衛應化如來前後
圍遶非法佛報佛根本如來應正遍
知大慧根本如來遠離諸根大小諸
量遠離一切凡夫聲聞辟支佛等大
慧如實修行得彼真如樂行境界者
知根本佛以得平等法忍故是故金
剛密迹隨應化佛大慧應化佛者无
業無謗而應化佛不異法佛報佛如
來而亦不一如陶師鹽等作所作事
應化佛作化衆生事異真實相說法
不說內所證法聖智境界復次大慧
一切凡夫外道聲聞辟支佛等見六
識滅墮於斷見不見阿梨耶識墮於
常見復次大慧不見自心分別本際
是故世間名无本際大慧遠離自心
分別見者名為解脫得涅槃證大慧
諸佛如來遠離四種熏習氣故是故
无過尔時世尊重說偈言

三乘及非乘 諸佛无量乘 一切記佛地
說諸煩惱斷 內身證聖智 及無餘涅槃
誘進怯衆生 是故隱覆說 如來得證智
亦說於彼道 衆生依入道 二乘无涅槃
見欲色及有 及四種熏地 意識亦所生
見意識共住 見意見識等 常无常斷滅
常見依意等 而起涅槃見

入楞伽經遮食肉品第十六

尔時聖者大慧菩薩摩訶薩白佛言
世尊我觀世間生死流轉怨結相連
墮諸惡道皆由食肉更相煞害增長
貪瞋不得出離甚為大苦世尊食肉
之人斷大慈種修聖道者不應得食
世尊諸外道等說邪見法盧迦耶陀
墮俗之論墮於斷常有无見中皆遮
食肉自己已不食不聽他食云何如來
清淨法中修梵行者自食他食一切
不制如來世尊於諸衆生慈悲一等
云何而聽以肉為食善哉世尊哀愍
世間願為我說食肉之過不食功德
我及一切諸菩薩等聞已得依如實
修行廣宣流布令諸現在未來衆生
一切識知

佛告聖者大慧菩薩言善哉善哉善哉
我大慧汝大慈悲愍衆生故能問此
義汝今諦聽當為汝說大慧菩薩白
佛言善哉世尊唯然受教佛告大慧
夫食肉者有无量過諸菩薩摩訶薩
修大慈悲不得食肉食與不食功德
罪過我說少分汝今諦聽大慧我觀
衆生從無始來食肉習故貪著肉味
更相煞害遠離賢聖受生死苦捨肉
味者聞正法味於菩薩地如實修行
速得阿耨多羅三藐三菩提復令衆
生入於聲聞辟支佛地止息之處息
已令人如來之地大慧如是等利慈
心為本食肉之人斷大慈種云何當
得如是大利是故大慧我觀衆生輪
迴六道同在生死共相生育迭為父
母兄弟姊妹若男若女中表内外六
親眷屬或生餘道善道惡道常為眷
屬以是因緣我觀衆生更相噉肉無
非親者由貪肉味迭互相噉常生害
心增長苦業流轉生死不得出離佛
說是時諸惡羅刹聞佛所說悉捨惡
心止不食肉迭相勸發慈悲之心護

衆生命過自護身捨離一切諸肉不
食悲泣流淚而白佛言世尊我聞佛
說諦觀六道我所啖肉皆是我親乃
知食肉衆生大怨斷大慈種長不善
業是大苦本世尊我從今日斷不食
肉及我眷屬亦不聽食如來弟子有
不食者我當晝夜親近擁護若食肉
者我當與作大不饒益佛言大慧羅刹
惡鬼常食肉者聞我所說尚發慈心捨
肉不食況我弟子行善法者當聽食
肉若食肉者當知即是衆生大怨斷
我聖種大慧若我弟子聞我所說不
諦觀察而食肉者當知即是旃陀羅
種非我弟子我非其師是故大慧若
欲與我作眷屬者一切諸肉悉不應食
復次大慧菩薩應觀一切是肉皆依
父母膿血不淨赤白和合生不淨身
是故菩薩觀肉不淨不應食肉
復次大慧食肉之人衆生聞氣悉皆
驚怖逃走遠離是故菩薩修如實行
為化衆生不應食肉大慧譬如旃陀
羅獵師屠兒捕魚鳥人一切行處衆
生遙見作如是念我今定死而此來

者是大惡人不識罪福斷衆生命求現前利今來至此為覓我等今我等身悉皆有肉是故今來我等定死大慧由人食肉能令衆生見者皆生如是驚怖大慧一切虛空地中衆生見食肉者皆生驚怖而起疑念我於今者為死為活如是惡人不修慈心亦如豺狼遊行世間常覓肉食如牛噉草蟻蛄逐糞不知飽足我身是肉正是其食不應逢見即捨逃走離之速去如人畏懼羅刹无異大慧食肉之人能令衆生見者皆生如是驚怖當知食肉衆生大怨是故菩薩修行慈悲為攝衆生不應食彼非聖慧人所食之味惡名流布聖人呵嘖是故大慧菩薩為攝諸衆生故不應食肉復次大慧菩薩為護衆生信心不應食肉何以故大慧言菩薩者衆生皆知是佛如來慈心之種能與衆生作歸依處聞者自然不生疑怖生親友想善知識想不怖畏想言得歸依處得安隱處得善導師大慧由不食肉能生衆生如是信心若食肉者衆生

即失一切信心便言世間無可信者
斷於信根是故大慧菩薩為護衆生
信心一切諸肉悉不應食

復次大慧我諸弟子為護世間謗三
寶故不應食肉何以故世間有人見
食肉故謗毀三寶作如是言於佛法
中何處當有真實沙門婆羅門修梵
行者捨於聖人本所應食食衆生肉
猶如羅剎食肉滿腹醉眠不動依世
凡人豪貴勢力覓肉食噉如羅剎王
驚怖衆生是故處處唱如是言何處當
有真實沙門婆羅門修淨行者無法无
沙門無毗尼无淨行者生如是等無量
无邊惡不善心斷我法輪絕滅聖種
一切皆由食肉者過是故大慧我弟
子者為護惡人毀謗三寶乃至不應
生念肉想何況食肉

復次大慧菩薩為求清淨佛土教化
衆生不應食肉應觀諸肉如人死屍
眼不欲見不用聞氣何況可喫而著
口中一切諸肉亦復如是大慧如燒
死屍臭氣不淨與燒餘肉臭穢无異
去何於中有食不食是故大慧菩薩

為求清淨佛土教化衆生不應食肉
復次大慧菩薩為求出離生死應當
專念慈悲之行少欲知足厭世間苦
速求解脫當捨憤鬧就於空閑住屍
陀林阿蘭若處塚間樹下獨坐思惟
觀諸世間无一可樂妻子眷屬如枷
鎖想宮殿臺觀如牢獄想觀諸珍寶
如糞聚想見諸飲食如膿血想受諸
飲食如塗癰瘡趣得存命繫念聖道
不為貪味酒肉葱韭蒜薤臭味悉捨
不食大慧若如是者是真修行堪受
一切人天供養若於世間不生厭離
貪著滋味酒肉薑辛得便噉食不應
受於世間信施

復次大慧有諸衆生過去曾修无量
因緣有微善根得聞我法信心出家
在我法中過去曾作羅刹眷屬虎狼
師子猫狸中生雖在我法食肉餘習
見食肉者歡喜親近入諸城邑聚落
塔寺飲酒噉肉以為歡樂諸天下觀
猶如羅刹爭噉死屍等无有異而不
自知已失我衆成羅刹眷屬雖服袈
裟剃除鬚髮有命者見心生恐怖如

畏羅刹是故大慧若以我為師者一切諸肉悉不應食

復次大慧世間邪見諸呪術師若其食肉呪術不成為成邪術尚不食肉况我弟子為求如來无上聖道出世解脫修大慈悲精勤苦行猶恐不得何處當有如是解脫為彼癡人食肉而得是故大慧我諸弟子為求出世解脫樂故不應食肉

復次大慧食肉能起色力食味人多貪著者應當諦觀一切世間有身命者各自寶重畏於死苦護惜身命人畜无別寧當樂存疥野干身不能捨命受諸天樂何以故畏死苦故大慧以是觀察死為大苦是可畏法自身畏死去何當得而食他肉是故大慧欲食肉者先自念身次觀衆生不應食肉復次大慧夫食肉者諸天遠離何況聖人是故菩薩為見聖人當修慈悲不應食肉大慧食肉之人睡眠亦苦起時亦苦若於夢中見種種惡驚怖毛豎心常不安无慈心故乏諸善力若其獨在空閑之處多為非人而伺

其便虎狼師子亦來伺求欲食其肉
心常驚怖不得安隱

復次大慧諸食肉者貪心難滿食不
知量不能消化增益四大口氣腥臊
腹中多有无量惡虫身多瘡癬白癩
病疾種種不淨現在凡夫不慧聞見
何況未來无病香潔人身可得復次
大慧我說凡夫為求淨命噉於淨食
尚應生心如子肉想何況聽食非聖
人食聖人離者以肉能生无量諸過
失於出世一切功德去何言我聽諸
弟子食諸肉血不淨等味言我聽者
是則謗我大慧我聽弟子食諸聖人
所應食食非謂聖人遠離之食聖食
能生无量功德遠離諸過大慧過去
現在聖人食者所謂粳米大小麦豆
種種油蜜甘蔗甘蔗汁騫阇末干提
等隨時得者聽食為淨大慧於未來
世有愚癡人說種種毗尼言得食肉
因於過去食肉熏習愛著肉味隨自
心見作如是說非佛聖人說為美食
大慧不食肉者要因過去供養諸佛
種諸善根能信佛語堅住毗尼信諸

因果至於身口能自節量不為世間貪著諸味見食肉者能生慈心大慧我憶過去有王名師子奴食種種肉愛著肉味次第乃至食於人肉因食人肉父母兄弟妻子眷屬皆悉捨離一切臣民國土聚落即便謀反共斷其命以食肉者有如是過是故不應食一切肉復次大慧自在天王化身為鵠釋提桓因是諸天主因於過去食肉習氣化身作鷹驚逐此鵠鵠來投我我於今時作尸毗王憐愍衆生更相食噉稱己身肉與鷹代鵠割肉不足身上秤上受大苦惱大慧如是無量世來食肉熏習自身他身有如是過何況元愧常食肉者大慧復有餘王不食肉者乘馬遊戲為馬驚波牽入深山失於侍從不知歸路不食肉故師子虎狼見元害心與雌師子共行欲事乃至生子斑足王等以過去世食肉熏習及作人王亦常食肉在七家村多樂食肉食肉太過遂食人肉生諸男女盡為羅刹大慧食肉衆生依於過去食肉熏習多生羅刹

師子虎狼豺豹貓狸鷄鳥鵲鷲鷹鷂
等中有命之類各自護身不令得便
受飢餓苦常生惡心念食他肉命終
復墮惡道受生人身難得何況當有
得涅槃道大慧當知食肉之人有如
是等无量諸過不食肉者即是无量
功德之聚大慧而諸凡夫不知如是
食肉之過不食功德我今略說不聽
食肉大慧若一切人不食肉者亦無
有人煞害衆生由人食肉若无可食
處處求買為財利者煞以販賣為買
者煞是故買者與煞无異是故食肉
能障聖道大慧食肉之人愛著肉味
至无畜生乃食人肉何況麋鹿雉兔
鵝鴈鵞羊鷄狗驢象馬龍蛇魚鼈
水陸有命得而不食由著肉味設諸
方便煞害衆生造作種種罣羅機網
羅山罣地截河壅海遍諸水陸安置
罣網機撥坑塹弓刀毒箭閒无空處
虛空地水種種衆生皆被煞害為食
肉故大慧獵師屠兒食肉人等惡心
堅固能行不忍見諸衆生形體鮮肥
膚肉充悅生食味心更相指示言

是可噉不生一念不忍之心是故我
說食肉之人斷大慈種

大慧我觀世間无有是肉而非命者
自己不煞不教人煞他不為煞不從
命來而是肉者无有是處若有是肉
不從命出而是美食我以何故不聽
人食遍求世間无如是肉是故我說
食肉是罪斷如來種故不聽食

大慧我涅槃後於未來世法欲滅時
於我法中有出家者剃除鬚髮自稱
我是沙門釋子披我袈裟癡如小兒
自稱律師墮在二邊種種虛妄覺觀
亂心貪著肉味隨自心見說毗尼中
言得食肉亦謗我言諸佛如來聽人
食肉亦說因制而聽食肉亦謗我言
如來世尊亦自食肉大慧我於象腋
央掘魔涅槃大雲等一切修多羅中
不聽食肉亦不說肉入於食味大慧
我若聽諸聲聞弟子肉為食者我終
不得口常讚歎修大慈悲行如實行
者亦不讚歎屍陀林中頭陀行者亦
不讚歎修行大乘住大乘者亦不讚
歎不食肉者我不自食不聽他食是

故我勸修菩薩行歎不食肉勸觀衆
生應如一子去何唱言我聽食肉我
為弟子修三乘行者速得果故遮一
切肉食不聽食去何說言我毗尼中
聽人食肉又復說言如來餘修多羅
中說三種肉聽人食者當知是人不
解毗尼次第斷故唱言得食何以故
大慈肉有二種一者他煞二者自死
以世人言有肉得食有不得者象馬
龍蛇人鬼獼猴猪狗及牛言不得食
餘者得食屠兒不問得食不得一切
盡煞處處街賣衆生无過橫被煞害
是故我制他煞自死悉不得食見聞
疑者所謂他煞不見聞疑者所謂自
死是故大慧我毗尼中唱如是言凡
所有肉於一切沙門釋子皆不淨食
汙清淨命障聖道分无有方便而可
得食若有說言佛毗尼中說三種肉
為不聽食非為聽食當知是人堅住
毗尼是不謗我大慧今此楞伽修多
羅中一切時一切肉亦无方便而可
得食是故大慧我遮食肉不為一人
現在未來 切不得是故大慧若彼

癡人自言律師言毗尼中聽人食肉
亦謗我言如来自食彼愚癡人成大
罪障長夜墮於无利益處無聖人處
不聞法處亦不得見現在未來賢聖
弟子況當得見諸佛如來大慧諸聲
聞人常所應食米麴油蜜種種麻豆
能生淨命非法貯畜非法受取我說
不淨尚不聽食何況聽食血肉不淨
大慧我諸聲聞辟支佛菩薩弟子食
於法食非食飲食何況如來大慧諸
佛如來法食法住非飲食身非諸一
切飲食住身雖諸資生愛有求等遠
離一切煩惱習過善分別知心心智
慧一切智一切見見諸衆生平等憐
愍是故大慧我見一切諸衆生等猶
如一子去何而聽以肉為食亦不隨
喜何況自食大慧如是一切葱韭蒜
薤臭穢不淨能障聖道亦障世間人
天淨處何況諸佛淨土果報淨土如
是能障聖道能損善業能生諸過是
故大慧求聖道者酒肉葱韭及薤薤
等能熏之味悉不應食今時世尊重
說偈言

大慧菩薩問 酒肉葱韭蒜 佛言是不淨
一切不聽食 羅刹等食噉 非聖所食味
食者聖訶嘖 及惡名流布 願佛分別說
食不食罪福 大慧汝諦聽 我說食中過
酒肉葱韭蒜 是障聖道分 我觀三界中
及得聖道衆 无始世界來 展轉莫非親
云何於其中 而有食不食 觀肉所從來
出處寂不淨 膿血和雜生 屎屎膿涕合
修行淨行者 當觀不應食 種種肉及葱
酒亦不得飲 種種韭及蒜 修行常遠離
常遠離麻油 穿孔床不眠 飛揚諸細虫
斷害他命故 肉食長身力 由力生邪念
邪念生貪欲 故不聽食肉 由食肉生貪
貪心致迷醉 迷醉長愛欲 不解脫生死
為利煞衆生 為肉追錢財 彼二人惡業
死墮叫喚獄 三種名淨肉 不見聞不疑
世无如是肉 生墮食肉中 臭穢可厭患
常生顛狂中 多生旃陀羅 獵師屠兒家
或生羅刹女 及諸食肉處 羅刹猫狸種
食肉生彼中 象肢與大雲 淫豚勝鬘經
及入楞伽經 我不聽食肉 諸佛及菩薩
聲聞亦呵嘖 食肉无慚愧 生生常顛狂
先說見聞疑 已斷一切肉 妄想不覺知

故生食肉想 如彼貪欲過 障尋聖解脫
酒肉恣菲藉 忘為聖道障 未來世衆生
於肉愚癡說 言此淨無罪 佛聽我等食
淨食如樂想 猶如食子肉 知足生厭離
修行行乞食 安住慈心者 我說常厭離
師子豺虎狼 恒可同遊止 食肉見者怖
去何而可食 是故修行者 慈心不食肉
食肉斷慈心 離涅槃解脫 及違聖人教
故不聽食肉 不食生梵種 及諸修行道
智慧及富貴 斯由不食肉

入楞伽經陀羅尼品第十七

尔時世尊告聖者大慧菩薩摩訶薩
言大慧汝應諦聽受持我楞伽經呪
是呪過去未來現在諸佛已說今說
當說大慧我今亦說為諸法師受持
讀誦楞伽經者而說呪曰

兜諦兜諦 祝諦祝諦 蘓頗諦蘓頗

諦 迦諦迦諦 阿摩利 阿摩諦 毗摩

梨毗摩梨 尼弥尼弥 奚弥奚弥 娑

迷婆迷 歌梨歌梨 歌羅歌梨 阿

躋摩躋 迦躋兜躋 讓躋 蘓弗躋

葛弟葛弟 波弟波弟 奚咪奚咪

地咪地咪 羅制羅制 波制波制

槃弟槃弟 阿制弥制 竹荼梨兜荼
弟波羅弟 遏計遏計 斫計斫計
梨利 介犀咪 屎咪 奚咪奚咪 晝
晝晝晝 抽畜抽畜 紬紬紬紬 除
除除除 蕪婆呵

大慧是名楞伽大經中呪文句善男
子善女人比丘比丘尼優婆塞優婆
夷等能受持誦此文句為人演說无
有人能覓其罪過若天天女若龍龍
女若夜叉夜叉女阿修羅阿修羅女
迦樓羅迦樓羅女緊那羅緊那羅女
摩睺羅伽摩睺羅伽女浮多浮多女
鳩睺荼鳩睺荼女毗舍闍毗舍闍女
嗚多羅嗚多羅女阿波羅阿波羅女
羅刹羅刹女荼伽荼伽女嗚周何羅
嗚周何羅女伽咤福多羅伽咤福多
羅女若人非人若人女非人女不能
覓其過若有惡鬼神損害人欲速令
彼惡鬼去者一百遍轉此陀羅尼呪
彼諸惡鬼驚怖號哭疾走而去佛復
告大慧大慧我為護此護法法師更
說陀羅尼而說呪
波頭弥 波頭弥提婢 莫尼莫尼奚拏

諸梨

諸羅

諸麗

侯羅

侯麗

入楞伽經第八卷 第三十五張身

七

由麗

由羅

由麗

波麗

波羅

波麗

聞制

瞋迭

頻迭

槃迭

迭埵

都迦梨蘊波呵

大慧是陀羅尼呪文句若善男子善
女人受持讀誦為人演說無人能得
與作過失若天若天女若龍若龍女
夜叉夜叉女阿修羅阿修羅女迦樓
羅迦樓羅女緊那羅緊那羅女摩睺
羅伽摩睺羅伽女乳闍婆乳闍婆女
浮多浮多女鳩睺茶鳩睺茶女毗舍
闍毗舍闍女嗚多羅嗚多羅女阿拔
摩羅阿拔摩羅女羅叉羅叉女嗚闍
阿羅嗚闍阿羅女伽吒福單那伽吒
福單那女若人若非人若人女非人
女彼一切不能得其過失大慧若有
人能受持讀誦此呪文句彼人得名
誦一切楞伽經是故我說此陀羅尼
句為遮一切諸羅刹護一切善男子
善女人護持此經者
入楞伽經卷第八

癸卯歲高麗國大藏都監奉
勅彫造

楞伽經卷第九

身

揔品第十八之一

元魏天竺三藏菩提留支譯

今時世尊欲重宣此修多羅深義而說偈言

如夏諸禽獸迷惑心見波 諸禽獸愛水
彼水無實事 如是識種子 見諸境界動
諸愚癡衆生如眼瞠見物 思惟可思惟
及離能思惟 見實諦分別 能知得解脫
是諸法非堅 虛妄分別生 虛妄分別空
依彼空分別 五陰識等法 如水中樹影
如見幻夢等 識中莫分別 幻起尸機關
夢電雲常介 絕三相續法 衆生得解脫
依諸邪念法 是故有識生 八九種種識
如水中諸波 依熏種子法 常堅固縛身
心流轉境界 如鐵依磁石 依止諸衆生
真性離諸覺 遠離諸作事 離知可知法
行如幻三昧 出諸十地行 汝觀心王法
離心境識相 時知心常轉 即住恒不變
住蓮花宮殿 如幻境界相 住彼勝處已
得諸自在行 如摩尼現色 作度衆生業
無有為无為 除諸分別心 愚癡无智取

如石女夢兒 寂靜及無生 五陰人相續
因緣諸境界 空有及非有 我說諸方便
无如是實相 愚癡取實有 無能相可相
我覺一切法 而不覺一切 我有一切智
而無一切智 凡夫愚分別 自言世智者
我未曾覺知 亦不覺衆生 一切法惟心
諸陰如毛輪 輪相畢竟無 何處有分別
本無始生物 諸緣中亦无 石女兒空華
若能見有為 今時見可見 見迷法即住
我不入涅槃 不滅諸相業 滅諸分別識
此是我涅槃 非滅諸法相 愚癡妄分別
如瀑水竭盡 今時波不生 如種種識滅
滅而不復生 空及无識相 如幻本不生
有无離有無 此諸法如夢 我說一實法
離於諸覺觀 聖人妙境界 離二法體相
如見螢火相 種種而無實 世間見四大
種種亦如是 如依草木石 示現諸幻相
彼幻無是相 諸法體如是 无取者可取
無解脫无縛 如幻如陽焰 如夢眼中瞤
若如是實見 離諸分別垢 即住如實定
彼見我無疑 此中无心識 如虛空陽焰
如是知諸法 而不知一法 離有无諸緣
故諸法不生 三界心迷惑 是故種種見

夢及世間法此二法平等可見與資生
諸觸及於量身无常世間種種色亦亦
世間尊者說如是所作事心三界種子
迷惑見現未知世間分別无如是實法
見世間如是能離諸生死生及與不生
愚癡迷惑見不生及不滅修智慧者見
阿迦尼妙境離諸惡行處常无分別行
離諸心數法得力通自在到諸三昧處
彼處成正覺化佛此中成諸法不生滅
諸法如是體應化无量億彼體中出世
愚人聞佛法如響不思議遠離初中後
及離有无法遍不動清淨無諸相現相
識性覆法身一切身中有迷惑是幻有
幻非迷惑因心無迷惑法亦非不少有
心依二法縛阿梨耶識起但心如是見
我法如瀑水觀世間如是今時轉諸心
乃是我真子成就實法行煖濕及堅動
愚分別諸法非實專念有元能相可相
八種物一身形相及諸根愚分別諸色
迷惑身羅網諸因緣和合愚癡分別生
不知如是法流轉三界中諸法及言語
是衆生分別而諸法是无如化如夢等
觀諸法如是不住世涅槃心種種種子

現見心境界 可見分別生 愚癡樂二法
无智愛及業 是心心法因 依他力法生
故說他力法 依法分別事 心迷惑境界
故不成分別 迷惑邪分別 心依因緣縛
是故生諸身 若離諸因緣 我說不見法
離諸因緣法 離於諸法相 不住諸法中
我說不見境 如王長者等 以種種禽獸
會集宅野中 以示於諸子 我如是諸相
種種鏡像法 內身智為子 說於實際法
如大海波浪 從風因緣生 能起舞現前
而无有斷絕 阿梨耶識常 依風境界起
種種水波識 能舞生不絕 能取可取相
衆生見如是 可見无諸相 毛道如是見
阿梨耶本識 意及於意識 離可取能取
我說如是相 五陰中無我 及无人衆生
生即諸識生 滅即諸識滅 如畫中高下
可見无如是 如是諸物體 見無如是相
如軋闍婆城 禽獸渴愛水 如是可見見
智觀无如是 離可量及想 非因亦非果
離能覺所覺 離能見可見 依陰因緣覺
無人見可見 若不見可見 云何修彼法
因緣因譬喻 立意及因緣 夢軋闍婆輪
陽焰及日月 光焰幻等喻 我遮諸法生

如夢幻迷惑 空分別衆生 不依於三界
內外亦皆無 見諸有不生 乃得无生忍
得如幻三昧 及於如意身 諸通及自在
力心種種法 諸法本不生 空无法體相
彼人迷不覺 隨因緣生滅 如愚癡分別
心見於自心 見外種種相 實無可見法
見骨相佛像 及諸大雜散 善覺心能知
住持世間相 身住持資生 可取三種境
識取識境界 意識分別三 分別可分別
所有字境界 不能見實法 彼覺迷不見
諸法无自體 智慧者能覺 行者今乃息
住於無相處 如墨畫於雞 愚取是我雞
如癡凡夫取 三乘同是一 无諸聲聞人
亦无辟支佛 所見聲聞色 及見諸如來
諸菩薩太慈 示現是化身 三界唯是心
離二種體相 轉變彼諸相 彼即是真如
法及人行相 日月光焰熾 大諸摩尼寶
无分別作事 諸佛法如是 如瞽取毛輪
如是分別法 愚癡虛妄取 離於生住滅
及離常无常 可見染淨法 如空中毛輪
如中莖若人 見諸像大地 一切如金色
彼不曾有金 如是愚癡人 无始心法染
幻陽焰生有 愚人取為實 一子及無子

大海是一子亦是無量子 汝觀心種子
一子如清淨轉於无種子 平等無分別
起即是生死能生種種子 是故說種子
因緣不生法 因緣不滅法 生法惟因緣
心如是分別 三界惟假名 實无事法體
妄覺者分別 取假名為實 觀諸法實體
我不遮迷惑 實體不生法 觀是得解脫
我不見幻無 說諸法是有 顛倒速如電
是故說如幻 非本生如生 諸因緣无體
无有處及體 惟有於言語 不遮緣生滅
不遮緣和合 遮諸愚癡見 分別因緣生
實无識體法 無事及本識 愚癡生分別
如死尸惡覺 三界但是心 諸佛子能見
即得種類身 離作有為法 得力通自在
及共相應法 現諸一切色 心法如是生
而無心及色 無始心迷惑 今時修行者
得見於无相 智慧中觀察 不見諸衆生
相及事假名 意取諸動法 我諸子過是
无分別修行 乳闍婆城幻 毛輪及陽焰
無實而見實 諸法體如是 如心見諸法
无如是體相 一切法不生 但見迷惑法
毛道迷分別 以往於二法 初識生分別
種種熏種子 識如瀑水起 斷彼則不生

種種念觀法 若但心中生 如虛空壁中
何故而不生 若有少相觀 心則從緣生
若從因緣生 不得言惟心 心取於自心
無法无因生 心法體清淨 虛空中无熏
虛妄取自心 是故心現生 外法無可見
是故說惟心 本識但是心 意能念境界
能取諸境界 故我說惟心 心常無記法
意二邊取相 取現法是識 彼是善不善
離二種識相 是第一義門 說三乘差別
寂靜无是相 若心住寂靜 及行於佛地
是過去佛說 現未亦如是 初七是心地
寂靜第八地 二地是行處 餘地是我法
自内身清淨 是我自在地 自在究竟處
阿迦尼吒現 如諸火焰等 而出諸光明
種種心可樂 化作於三界 或有先有化
而化作三有 彼處說諸法 是我自在地
諸地无時節 國土轉亦然 過諸心地法
是住寂靜果 實无而謂實 而見於種種
愚人顛倒取 是種種顛倒 如无分別智
有事不相應 以心非諸色 是故無分別
諸禪及無量 及无色三昧 諸相畢竟滅
是故心中无 須陀洹果法 往來及不還
及諸羅漢果 一切心迷惑 空无常剎那

愚分別有為河種子譬喻分別剎那義
剎那无分別離諸所作法一切法不生
我說剎那義有無說於生僧伽等妄說
一切法無說亦是彼人說有四種記法
一往答反問分別差別答默答遮外道
世諦一切有第一義諦無而實體无相
是第一義諦見於虛妄法是故說世諦
因於言語生无如是實體無事有言語
世諦中實无是即顛倒事可見亦是無
若事顛倒有寂靜畢竟无依於顛倒事
及見諸法生畢竟定是無即是无體相
所見諸種種熏習煩惱生心見外迷惑
現取於前境分別无分別是空實相法
如幻像諸相如樹葉金色是可見人見
心無明熏習聖人不見迷中間不見實
迷惑即是實以實即中間遠離諸迷惑
若能生諸相即是其迷惑如眼瞽不淨
如瞽見毛輪依迷取諸法於諸境界中
愚癡取是法諸法如毛輪陽炎水迷惑
三界如夢幻修行得解脫分別可分別
能生於分別縛可縛及因六種解脫因
无地及諸諦無國土及化佛辟支聲聞
惟是心分別人體及五陰諸緣及微塵

勝人自在作惟是心分別心遍一切處
一切處皆心以心不善觀心性无諸相
五陰中无我我中無五陰分別無是法
而彼法非無如愚癡分別有諸一切法
如是見實有一切應見實一切法若无
無染亦无淨愚癡見如是彼法不如是
迷惑分別相是他力分別彼相所有名
是名分別相名相是分別因緣事和合
若不生彼心是第一義相報相佛實體
及所化佛相衆生及菩薩并十方國土
習氣法化佛及作於化佛是皆一切從
阿弥陀國出應化所說法及報佛說法
修多羅廣說汝應知密意所有佛子說
及於諸如來是皆化佛說非淳熟者說
是諸法不生而彼法非無乳闍婆城幻
如夢化相似種種隨心轉惟心非餘法
心生種種生心滅種種滅衆生妄分別
无物而見物无義惟是心無分別得脫
無始世戲論依止於煩惱諸分別熏修
是故邪見生識无分別義真如是智境
轉彼是寂靜是諸聖境界觀察義思惟
諸凡夫思惟念真如思惟諸佛淨思惟
分別諸法體一切法不生依他力因緣

衆生迷分別 他力若清淨 離分別相應
轉彼即真如 離分別 是行 莫分別分別
分別是无實 分別迷惑法 取可取不盡
見外分別境 分別是實體 心分別分別
彼法因緣生 邪見見外義 无義但是心
觀斟酌量相應 能滅取可取 無諸外境界
愚癡妄分別 熏習增長心 似生於諸法
滅二種分別 真如智境界 生於無法相
不思議聖境 名相及分別 實體二種相
正智及真如 是成就實體 依父母和合
阿梨耶意合 如藕瓶等鼠 共赤白增長
辟尸厚泡瘡 不淨依節畫 業風長四大
如諸果成熟 五及於五五 及有九種孔
諸毛甲遍覆 如是增長生 生如糞中虫
如人睡中寤 眼見色起念 增長生分別
分別及專念 斷齒屑和合 口始說言語
如鸚鵡拈聲 諸外道說定 大乘不決定
依衆生心定 邪見不能近 我乘內證知
妄覺非境界 如來滅世後 誰持為我說
如來滅度後 未來當有人 大慧汝諦聽
有人持我法 於南大國中 有大德比丘
名龍樹菩薩 能破有無見 為人說我法
大乘无上法 證得歡喜地 往生安樂國

智慧觀察法 不見實法體 是故不可說
及說亦無體 若因緣生法 不得言有无
因緣中有物 愚分別有无 邪見二邪法
我知離我法 一切法名字 無量劫常學
以學復更學 迭共相分別 若不說諸名
諸世間迷惑 是故作名字 為除迷惑業
依三種分別 愚癡分別法 依名迷分別
及因緣能生 法不滅不生 自性如虛空
法无體是體 分別相即體 影像及於幻
陽焰與夢響 火輪乳闍婆 諸法如是生
不二真如空 實際及法體 我說无分別
成就彼法相 口心境界虛 實乃立虛妄
心墮於二邊 是故立分別 有無墮二邊
以在心境界 遠離諸境界 今時正滅心
以離取境界 彼滅非有無 如聖人境界
愚人不能知 有滅住真如 智慧者能見
如彼諸法住 智慧者能見 法體不如是
以諸法無相 愚癡人見鐵 分別以為金
非金而見金 外道取法介 本无言始生
始生後還滅 從因緣有无 此說非我教
無始无終法 無始是相住 以世間住相
邪覺者不知 過去法是有 未來法非无
現在法亦有 不應言法生 轉時及行相

諸大及諸根 虛妄取中陰 若取非覺者
一切佛世尊 不說因緣生 因緣即世間
如乳闍婆城 但法緣和合 依此法生法
離諸和合法 不滅亦不生 鏡及於水中
眼及器摩尼 而見諸鏡像 諸影像是無
如獸愛空水 見諸種種色 種種似如有
如夢石女兒 我乘非大乘 非聲亦非字
非諦非解脫 非寂靜境界 而我乘大乘
諸三昧自在 身如意種種 自在花莊嚴
一體及別體 因緣中无法 略說諸法生
廣說諸法滅 不生空是一 而生空是二
不生空是勝 生滅即是空 真如空實際
涅槃與法界 身及意種種 我說異名法
經毗尼毗曇 分別我清淨 依名不依義
彼不知无我 非外道非佛 非我亦非餘
從緣成有法 云何无諸法 何人成就有
從因緣說無 說法生邪見 有无妄分別
若人見不生 亦見法不滅 彼人離有無
見世間寂靜 衆生分別見 可見如兔角
分別是迷惑 如禽愛陽焰 虛妄分別法
依彼分別見 無因緣分別 无因不應分
無水而取水 如獸妄生愛 愚癡如是見
聖者无如是 聖人見清淨 以生三解脫

離諸生死法 修行寂靜處 深快妙方便
知國土妙事 我為諸子說 不為諸小乘
三有是无常 空无我離我 同相及別相
我為聲聞說 不著一切法 離世間獨行
我說緣覺果 非思量境界 分別外實體
從他力故生 見自身迷惑 今時轉諸心
十地即初地 初地即八地 九地即七地
七地即八地 二地即三地 四地即五地
三地即六地 寂靜无次第 諸法常寂靜
修行者无法 有無法平等 今時聖得果
諸法無體相 云何於无法 而能作平等
寂寂无分別 若不見諸心 內及外動法
今時滅諸法 已見平等心 愚无始流轉
取法如懷抱 誑凡夫而轉 如因搢出搢
依彼因及觀 共意取境界 依於識種子
能作於心因 修得及住持 隨種類身得
及夢中所得 是通有四種 夢中所得通
及於諸佛恩 取種類身得 彼通非實通
熏種子熏心 似有法生轉 愚人不覺知
為說生諸法 分別於外物 諸法相成就
今時心悶沒 不見自迷惑 何故說於生
何故說无見 不可見而見 願必為我說
為於何等人 說何等法有 為於何等人

說何等法无 心體自清淨 意起共諸濁
意及一切識 能作熏種子 阿梨耶出身
意出求諸法 意識取境界 迷惑見貪取
自心所見法 外法无外法 如是觀迷惑
常憶念真如 修禪者境界 業諸佛大事
此三不思議 是智者境界 過現及未來
涅槃及虛空 我依世諦說 真諦无名字
二乘及外道 等著於邪見 迷没於心中
分別於外法 緣覺佛菩提 羅漢見諸佛
菩提堅種子 及夢中成就 何處為何等
云何為何因 所為為何義 惟願為我說
幻心去寂靜 有无朋黨說 心中迷堅固
說有幻無幻 生滅相相應 相可相有无
分別惟是意 共於五種識 鏡像水波等
從心種子生 若心及於意 而諸識不生
時得如意身 乃至於佛地 諸緣及陰界
是法自體相 假名及人心 如夢如毛輪
世間如幻夢 見依止得實 諸相實相應
離諸對量因 諸聖人內境 常觀諸妙行
迷覆對量因 令世間實解 離一切戲論
智不住迷惑 諸法无體相 空及常无常
心住於愚癡 迷惑故分別 說是諸法者
非說於无生 一二及於二 忽然自在有

依時勝微塵緣分別世間世種子
是識依止彼因生如依壁畫像
知實即是滅如人見於幻
見生死亦尔愚癡人依闇
縛及解脫生内外諸種種
諸法及因緣如是觀修行
住於寂靜處熏習中无心
心不共熏習心無差別相
熏習纏於心如垢見熏習
意從於識生如鳥心亦尔
依熏習不顯如物非無物
我說虛空然阿梨耶身中
離於有无物意識轉滅已
心離於濁法覺知一切法
故我說心佛斷絕於三世
離於有无法世法四相應
諸有患如幻是二法體相
七地從心生餘地亦成就
二地及佛地色界及无色
欲界及涅槃一切心境界
不離於身中若見諸法生
是生迷惑法覺自心迷惑
是不生諸法无生法體相
生即著世間見諸相如幻
法體相如是自心虛妄取
莫分別諸法為癡无智說
三乘與一乘及說於无乘
諸聖人寂靜我法有二種
相法及於證四種斟量相
立量相應法形及相勝種
見迷惑分別名字及行處
聖行實清淨依分別分別
故有分別相離分別分別
實體聖境界常恒實不變

性事及實體 真如離心法 遠離於分別
若无清淨法 亦无有於染 以有清淨心
而見有染法 清淨聖境界 是故元實事
是諸法體相 聖人之境界 從因生世間
離於諸分別 如幻與夢等 見法得解脫
煩惱熏種種 共心相應生 衆生見外境
非諸心法體 心法常清淨 非是迷惑生
迷從煩惱起 是故心不見 迷惑即真實
餘處不可得 非陰非餘處 觀陰行如實
離見能見相 若見有為法 見自心世間
彼人能離相 莫見惟心法 莫分別外義
住於真如觀 過於心境界 過心境界已
遠離諸寂靜 修行住寂靜 行者寂靜住
不見摩訶衍 自然去寂靜 依諸願清淨
智无我寂靜 應觀心境界 亦觀智境界
智慧觀境界 不迷於相中 心境界苦諦
智境界是集 二諦及佛地 是般若境界
得果及涅槃 及於八聖道 覺知一切法
得清淨佛智 眼色及於明 虛空與心意
如是等和合 識從梨耶生 能取可取受
無名亦无事 無因分別者 若取於覺者
於義中無名 名中義亦尔 因無因而生
莫分別分別 一切法無實 言語亦復然

空不空義亦 愚癡見法是 妄取於實住
邪見說假名 一法成五種 如實能遠離
五種是魔法 超越過有無 非修行境界
是外道之法 不求有邪法 亦无相見我
以作自常法 惟從言語生 實諦不可說
寂滅見諸法 依止阿黎耶 能轉生意識
依止依心意 能生於轉識 依虛虛妄成
真如是心法 如是修行者 能知心性體
分別常无常 意相及於事 生及與不生
行者不應取 莫分別二法 識從梨耶生
一義二心生 不知如是生 取一二之法
是凡夫境界 无說者及說 不空以見心
不見於自心 故生見羅網 諸因緣不生
諸根亦如是 界及五陰无 無貪无有為
本无有作業 不作非有為 无除亦無縛
無縛无解脫 無无記無物 無法无非法
无時無涅槃 法體亦是無 无佛無實諦
無因亦无果 無顛倒无滅 無滅亦无生
十二支亦無 邊无邊亦亦 離於諸邪見
是故說惟心 煩惱業及身 作者與果報
如陽焰及夢 乳闍婆城等 住於心法中
而生諸法相 住於心法中 而見於斷常
涅槃中无陰 無我亦无相 能入惟是心

解脫不取相 見他何過失 諸衆生見外
心非有非無 由熏習不顯 垢中不見白
台中不見垢 如雲蓋虛空 是故心不見
心能作諸業 智於中分別 慧能觀寂靜
得大妙法體 心依境界縛 智依覺觀生
寂靜勝境界 慧能於中行 心意及意識
於相中分別 得无分別體 二乘非諸子
寂靜勝人相 諸佛智慧淨 能生於勝義
已離諸行相 分別法體有 他力法是無
迷惑取分別 不分別他力 非諸大有色
有色非諸大 夢幻軋闍婆 獸渴愛无水
我有三種慧 依止得聖名 心無法中生
是故心不見 身資生住持 衆生依熏見
依彼分別相 而說於諸法 離二乘相應
慧離現法相 虛妄取法故 聲聞見於法
能入惟是心 如來智无垢 若實及不實
從因緣生法 一二取見 畢竟能取著
種種諸因緣 如幻無有實 如是相種種
不能成分別 依於煩惱相 諸縛從心生
不知分別法 他力是分別 所有分別體
即是他力法 種種分別見 於他力分別
世諦第一義 第三无因生 分別說相續
斷即聖境界 修行者一事 惟心種種見

彼處无心體

如是分別相

如人眼中翳

分別種種色

譬非色非色

愚見他力亦

如金離塵垢

如水離泥濁

如虛空離雲

如是淨分別

聲聞有三種

應化及願生

離諸貪癡垢

聲聞從法生

菩薩亦三種

諸如來無相

衆生心心中

見佛如來像

分別无如是

他力法體有

見有無二邊

是故見分別

若无分別法

他力云何有

遠離有法體

實有法體生

依止於分別

而見於他力

依名相和合

而生於分別

常无所成就

他力分別生

亦時知清淨

第一義實體

分別有十種

他力有六種

真如是內身

是故无異相

五法是實法

及三種實相

如是修行者

不壞真如法

星宿雲形像

似於日月體

諸衆生見心

可見熏集生

諸大无自體

非能見可見

若色從大生

諸大生諸大

如是不生大

大中無四大

若果是四大

因是地水等

實及假名色

幻生作亦亦

夢及軋闍婆

獸愛水第五

一闍提五種

諸性亦如是

五乘及非乘

涅槃有六種

陰有二十四

色復有八種

佛有二十四

佛子有二種

度門有百種

聲聞有三種

諸佛國土二

而佛亦有一解脫有三種 心慮有四種
我无我六種 可知境四種 離於諸因緣
亦離邪見過 知內身離垢 大乘無上法
生及於不生 有八種九種 一時證次第
立法惟是一 无色有八種 禪差別六種
緣覺及佛子 能取有七種 无有三世法
常無常亦尔 作及於業果 如夢中作事
佛從來不生 聲聞佛子尔 心離於可見
亦常如幻法 胎生轉法輪 出家及兜率
住諸國土中 可見而不生 去行及衆生
說法及涅槃 實諦國土覺 從因緣生法
世間諸樹林 无我外道行 禪樂阿梨耶
證果不思議 月及星宿性 諸王阿修羅
夜叉乾闥婆 因業而發生 不可思議變
退依熏習緣 斷絕諸變易 時煩惱罪滅
一切諸菩薩 如實修行者 不畜諸財寶
金銀及象馬 牛羊奴婢等 米穀與田宅
不卧穿孔牀 不得泥塗地 金銀赤白銅
鉢盂及諸器 修行淨行者 一切不得畜
憍奢耶衣服 一切不得著 欽婆羅袈裟
牛糞草果葉 青赤泥土汁 塗壞於白色
石泥及與鐵 珂及於琉璃 如是鉢聽畜
滿足摩陀量 為割截衣故 聽畜四寸刀

刀如半月曲 不得學伎術 如實修行人
不得市販買 所須情白衣 及諸優婆塞
常護於諸根 知於如實義 讀誦修多羅
及學諸毗尼 不與白衣雜 修行人如是
空處與塚間 窟中林樹下 尸陀林草中
乃至於露地 如實修行人 應住如是處
三衣常隨身 不畜餘錢財 為身須衣服
他自與聽受 為乞食出行 亦不左右視
視前六尺地 安庠而直進 如蜂採諸花
乞食亦如是 比丘比丘尼 衆中衆所雜
我為佛子說 此是惡命活 如實修行人
不聽此處食 王小王王子 大臣及長者
為求於飲食 一切不得往 死家及生家
親家所愛家 比丘雜等衆 修行者不食
寺舍煙不斷 常作種種食 故為人所作
行者不應食 離有无朋黨 能見可見縛
行者觀世間 離於生滅法 三昧力相應
及諸通自在 若不生分別 不久得如法
從微塵勝人 緣中莫分別 諸因緣和合
行者不分別 分別諸世間 種種從熏生
行者如實觀 三有如幻夢 莫分別三有
身資生住持 離於有无謗 亦離有无見
飲食如服藥 身心常正直 一心專恭敬

佛及諸菩薩 如實修行者 應知諸律相
及諸修多羅 簡擇諸法相 五法體及心
修行无我相 清淨内法身 諸地及佛地
如是修行者 住於大蓮花 諸佛大慈悲
如意手摩頂 去來於六道 諸有生獸心
發起如實行 至尸陀林中 日月形體相
及於花海相 虛空火種種 修行者見法
見如是諸相 取於外道法 亦隨聲聞道
及緣覺境界 遠離如是等 住於寂靜處
時佛妙光明 往於諸國土 摩彼菩薩頂
此摩頂妙相 隨順真如法 亦時得妙身
有无因法體 離於斷常法 謗於有无法
是分別中道 分別無諸因 无因是斷見
見種種外法 是人滅中道 不捨諸法相
恐有斷絕相 有無是謗法 如是說中道
覺但是内心 不滅於外法 轉虛妄分別
即是中道法 惟心无可見 離於心不生
即是中道法 我及諸佛說 生及於不生
有物無物空 諸法无自體 莫分別二法
分別是有法 愚分別解脫 不覺心分別
離於二取相 覺知自心見 時離於二見
如實知遠離 不滅分別相 實知可見心
時知分別生 不生諸分別 是真如離心

離諸外道過 若見生諸法 彼智者應取
涅槃而不滅 知此法是佛 我說及餘佛
若異見諸法 是說外道事 不生現於生
不退常現退 同時如水月 万億國土見
一身及無量 然火及注雨 心心體不異
故說但是心 心中但是心 心無心而生
種種色形相 所見惟是心 佛及聲聞身
辟支佛身等 復種種色身 但說是內心
無色界无色 色界及地獄 色現為衆生
但是心因緣 如幻三昧法 而身如意生
十地心自在 菩薩轉得彼 自心分別名
戲論而搖動 依見聞生知 愚癡依相知
相是他力體 彼依名分別 分別是諸相
依他力法生 智慧觀諸法 無他力无相
畢竟无成就 智依何分別 若有成就法
離於有無法 離於有无體 二體云何有
分別二種體 二種體應有 分別見種種
清淨聖境界 分別是種種 分別是他力
若異分別者 是墮外道法 分別是分別
見是因體相 分別說分別 見是因相生
離於二分別 即是成就法 國土佛化身
一乘及三乘 无涅槃一切 空離一切生
佛三十差別 別復有十種 一切國土器

依諸衆生心 如分別法相 現見種種法
彼法无種種 法佛世間介 法佛是真佛
餘者依彼化 衆生自種子 見一切佛相
依迷惑轉心 能生於分別 真不離分別
及不離於相 實體及受樂 化復作諸化
佛衆三十六 是諸佛實體 如青赤及鹽
珂乳及石蜜 新果諸花等 如月諸光明
非一亦非異 如水中洪波 如是七識種
共於心和合 如大海轉變 是故波種種
阿梨耶亦介 名識亦如是 心意及意識
分別外相義 八無差別相 非能見可見
如大海水波 无有差別相 諸識於心中
轉變不可得 心能造諸業 意是能分別
意識能知法 五識虛妄見 青赤白種種
衆生識現見 水波相對法 牟尼為我說
青赤白種種 水波中无是 愚癡見諸相
說於心中轉 心中無是體 離心无外見
若有於可取 應有於能取 身資生住持
說水波相似 衆生識現見 水波共相似
大海水波起 如舞轉現見 本識如是轉
何故知不取 愚癡无智慧 本識如海波
水波轉相對 是故說譬喻 如日出世間
平等照衆生 如是世尊燈 不為愚說法

住於真如法。何故不說實。若說於實法。
心中无實法。如海中水波。如鏡及於夢。
如自心境界。等見无前後。无一時境界。
是故次第生。識能知諸法。意復能分別。
五識現見法。寂靜无次第。如世間畫師。
及畫師弟子。我住於妙法。為實修行說。
離分別分別。是內身實智。我諸佛子說。
不為於愚人。亦如幻種種。可見無如是。
說種種亦亦。說亦亦不亦。為一人說法。
不為餘人說。如人病不同。醫師處藥別。
諸佛為衆生。隨心說諸法。依外法種子。
分別說現法。心取他力法。可取是分別。
依止心種子。觀取外境界。二種轉迷惑。
更無第三因。以迷惑不生。依何法不生。
六十十八法。是故惟說心。自心見外法。
見彼離於我。若入心分別。能離諸法相。
依於阿梨耶。能生於諸識。愚癡內身入。
心見於外入。取星宿毛輪。如夢中見色。
有為无為常。分別無如是。乳闍婆城幻。
如禽獸愛水。无如是見有。他力法亦亦。
我諸根形相。我說三種心。心意及意識。
離於自體相。心意及意識。離於他體相。
心意及意識。無我无二體。五法自體相。

是諸佛境界 就相有三種 依於一熏因
如綵色一種 壁上見種種 二種無我心
意及諸識相 五種法體相 我性无如是
遠離諸心相 識離於意相 諸法體如是
是我之境界 離於諸法體 是諸如來性
身口及意業 彼不作白法 如來性清淨
離於諸修行 自在淨諸通 三昧力莊嚴
種種意生身 是淨如來性 內身智離垢
離於諸因相 八地及佛地 是諸如來性
遠行善慧地 法雲與佛地 是諸佛之性
餘地三乘雜 依衆主身別 及為愚癡相
為說七種地 故佛說心地 口身心諸障
七地中無是 八地中妙身 如夢瀑水相
八地及五地 學種種伎術 一切諸佛子
三有中作王 生及與不生 不分空不空
實及於不實 心中无如是 此實此非實
莫分別此實 緣覺及聲聞 非為佛子說
有无有非實 亦無有空相 假名及實法
心中一切無 依世諦有法 第一義悉无
无實法迷惑 是諸世諦法 一切法無法
我說於假名 言語及受用 愚癡見是實
從於言語法 是實有境界 從言語生法
見法无如是 如離壁無盡 亦如影離像

本淨識亦尔 為水波不現 如幻心亦尔
意如狡猾者 識共於五種 分別見如象
說是真法習 所有集作化 是諸佛根本
餘者應化佛 心迷可見中 可見心中無
身資生住持 即阿梨耶現 心意及意識
實體五種法 二種无我淨 諸佛如來說
虛妄覺非境 及聲聞亦尔 是內身境界
諸佛如來說 長短等相待 彼此相依生
有能成於无 無能成於有 及分別微塵
色體不分別 說但是於心 邪見不能淨
是中分別空 不空亦如是 有无但分別
可說無如是 功德微塵合 愚癡分別色
一一微塵无 是故無是義 自心見形相
衆生見外有 外无可見法 是故無是義
心如毛輪幻 夢亂闍婆城 火輪禽獸愛
實无而人見 常無常及二 二及於不二
無始過所縛 愚癡迷分別 我不說三乘
但說於一乘 為攝取衆生 是故說一乘
解脫有三種 亦說法无我 平等智煩惱
依解脫分別 亦如水中木 為波之所漂
如是癡聲聞 為諸相漂蕩 彼无究竟處
亦復不還生 得寂滅三昧 无量劫不覺
是聲聞之定 非我諸菩薩 離諸隨煩惱

依習煩惱縛 三昧樂境醉 住彼无漏界
如世間醉人 酒消然後寤 彼人然後得
我佛法身體 如象没深泥 身東西動搖
如是三昧醉 聲聞没亦尔

入楞伽經卷第九

癸卯歲高麗國大藏都監奉
勅彫造

入楞伽經卷第十

身 薩

九觀天生三歲菩提留支譯

揔品第十八之二

依諸佛住持 諸願力清淨 受職及三昧
功德及十地 虛空及兔角 及與石女兒
分別法如是 无而說名字 因熏種世間
非有非无處 能見得解脫 解於法無我
實體分別名 他體從因生 我說是成就
諸經常說是 字句名身等 於名身勝法
愚癡人分別 如象沒深泥 天乘及梵乘
及於聲聞乘 如來及緣覺 我說如是乘
諸乘不可盡 有心如是生 心轉滅亦無
无乘及乘者 心分別及識 意及於意識
阿梨耶三有 思惟心異名 命及於煖識
阿梨耶命根 意及於意識 是分別異名
心住持於身 意常覺諸法 識自心境界
共於識分別 我說愛是母 无明以為父
識覺諸境界 是故說名佛 諸使是怨家
衆和合是陰 无於相續體 斷彼名無間
二無我煩惱 及二種无我 不可思議變
无生死名佛 意相應法體 我法是內身
若能如是見 彼不隨妄覺 實无於諸法

如愚癡分別 依虛妄無法 云何得解脫
生滅和合縛 見於有為法 增長於二見
不失因緣法 芭蕉夢幻等 是世間如是
惟是一法實 涅槃離意識 有貪及與瞋
及有癡無人 從愛生諸陰 陰有亦如夢
何等夜證法 何等夜入滅 於此二中間
我不說一字 內身證於法 我依如是說
彼佛及我身 无有說勝法 實有神我物
五陰離彼相 陰體是實有 彼陰中無我
各各見分別 隨煩惱及使 得世間自心
離苦得解脫 諸因及因緣 世間如是生
是四法相應 彼不住我教 非有無生法
離有无不生 愚云何分別 從因及諸緣
有無四句離 若能見世間 今時轉心識
即得无我法 諸法本不生 是故因緣生
諸緣即是果 果中生於有 果中生二種
果中應有二 而二中無果 果中不見物
離於觀可觀 若見有為法 離心惟是心
故我說惟心 量實體形相 離於緣實體
究竟第一淨 我說如是量 如假名為我
无實法可見 如是陰陰體 是假名非實
平等有四種 相因及於生 无我亦平等
四修行者法 轉諸一切見 分別可分別

不見及不生。故我說惟心。無法亦非无。
離於有无體。真如離於心。故我說惟心。
真如空實際。涅槃及法界。意生身及心。
故我說惟心。分別依熏習。種種生種種。
衆生心見外。故我說惟心。可見无外物。
見心種種見。身資生住持。故我說惟心。
諸聲聞盡智。諸佛如來生。一切辟支佛。
無和合而生。无外諸色相。自心見外法。
覺知於自心。愚分別有為。愚人不知外。
自心種種見。譬喻遮愚人。著於四種法。
無因无分別。譬喻五種論。自心體形相。
能知是點慧。依分別可別。此是分別相。
依止於分別。分別於現生。二別和合。
是一種子因。客二法是二。故人心不生。
分別心心法。住於二界中。現生於諸法。
彼體是虛妄。因依現和合。故有十二入。
依因觀和合。我不說是法。如鏡中見像。
眼瞠見毛輪。如是依熏心。愚癡人心見。
共分別可別。而生於分別。如外道分別。
無如是外相。如人不識繩。而取以為蛇。
不識自心義。分別於外法。而乘於乘體。
離於一二中。以分別於乘。是自心過失。
依何法何體。分別不能見。不得言彼無。

諸法體如是 依有故言无 依無故言有
故不得言无 亦不得言有 即分別分別
此非彼法體 云何見無體 而生於分別
色體无色身 如瓶及疊等 可見是无法
云何有分別 若分別是迷 有為法無始
何法迷衆生 牟尼為我說 諸法无法體
而說惟是心 不見於自心 而起於分別
若分別是无 如愚癡分別 彼法無異體
而智不能覺 若聖有彼法 非凡妄分別
若聖妄有彼 聖愚癡无別 聖人無迷惑
以得心清淨 愚人無信心 故分別分別
如母為諸子 虚空將果來 汝取果莫啼
兒取種種果 我於諸衆生 分別種種果
今貪種種說 離有无朋黨 若本无法體
非因非從因 本不生始生 亦無其身體
无身亦非生 離因緣無處 生滅諸法體
離因緣處无 略觀察如是 有无非餘處
從因緣生法 智者莫分別 說一體二體
外道愚癡說 世間如幻夢 不從因緣生
依言語境界 大乘無上法 我依了義說
而愚癡不覺 聲聞及外道 依嫉妬說法
於義不相應 以依妄覺說 相體及形相
名是四種法 觀於如是法 故生於分別

分別一二多 彼隨梵天縛 日月及諸天
是見非我子 聖人見正法 以如實修行
能轉虛妄相 亦離於去來 此是解脫印
我教諸佛子 離於有無法 亦離去來相
轉種種色識 若滅一切業 不應常无常
无世間生法 於轉時若滅 色離於彼處
離於無過失 業住阿梨耶 色是滅體相
識中有亦尔 色識共和合 而不失諸業
若共彼和合 衆生失諸業 若滅和合業
无縛無涅槃 若共於彼滅 生於世間中
色亦共和合 无差別應有 有別亦无別
但是心分別 諸法無滅體 離有无明黨
假名因緣法 迭共无差別 如色中無常
迭共生諸法 離於彼此相 分別不可知
无有有何成 如色中无常 若善見分別
即不起他力 見於他力法 亦不起分別
若滅於分別 是滅於我法 於我法中作
亦謗於有無 是諸謗法人 於何時中有
是滅我法輪 不得共彼語 智者不共語
不共比丘法 已滅於分別 妄見離有无
見如毛輪幻 如夢軋闍婆 亦見如陽焰
時見於有無 彼人不覺佛 若有人攝彼
彼人墮二邊 亦壞於餘人 若知寂靜法

是實修行者。離於有元法。應攝取彼人。
如有處可出。金銀諸珍寶。無業作種種。
而衆生受用。衆生真如性。不由於業有。
不見故元業。亦非作業生。諸法無法體。
如聖人分別。而有於諸法。如愚癡分別。
若法无如是。如愚癡分別。无有一切法。
衆生亦無染。諸法依心有。煩惱亦如是。
生死諸世間。隨於諸根轉。无明愛和合。
而生於諸身。餘人恒無法。如愚癡分別。
若人法不生。行者不見根。若諸法是无。
能作世間因。愚人離於作。自然應解脫。
愚聖无差別。有無去何成。聖人元法體。
以修三解脫。五陰及人法。有同有異相。
諸因緣及根。我為聲聞說。無因惟於心。
妙事及諸地。內身真如淨。為諸佛子說。
於未來世有。謗於我法輪。身披於袈裟。
說有元諸法。无法因緣有。是聖人境界。
分別無法體。妄覺著分別。未來世有人。
噉糠愚癡種。无因而邪見。破壞世間人。
從微塵生世。而微塵无因。九種物是常。
邪見如是說。從物生於物。功德生功德。
此法異於法。分別是體是。若本无始生。
世間應有本。我說於世間。無有於本際。

三界諸衆生 是本無始生 狗馳驢无角
必應生无疑 眼本无始有 色及識亦尔
席冠自覺等 泥團中應生 於疊中無瓶
蒲中亦无疊 一於一中實 何故因不生
即命即是身 是本无始生 此是他說法
我說諸法異 我領因緣法 然後遮他法
遮彼邪見者 後說於自法 故領外道法
然後說正法 恐諸弟子迷 立於有无法
從勝人生世 迦毗羅惡意 為諸弟子說
諸功德轉變 非實非不實 非從緣即緣
以无諸因緣 无實法不生 離於有无法
離因亦離緣 離於生滅法 自法離可見
世間如幻夢 離諸因緣法 立因緣者見
是故生分別 如禽獸愛水 乳闍婆毛輪
離於有无法 離因及於緣 見三有無因
如是見淨心 何等人无事 但有於內心
遠離於心事 不得說惟心 若觀於外事
衆生起於心 云何心無因 不得說惟心
真如惟心有 何人无聖法 有及於非有
彼不解我法 能取可取法 若心如是生
此是世間心 不應說惟心 身資生住持
若如夢中生 應有二種心 而心無二相
如刀不自割 指亦不自指 如心不自見

其事亦如是 非他非因緣 分別分別事
五法及二心 寂靜无如是 能生及於生
及二種法相 我意無能生 說法无自相
種種形相體 若生於分別 虛空兔角等
彼體无應生 若有諸法相 應有於外事
以無外分別 離心更无法 於無始世間
无有外諸法 以心無生因 而見於外義
若無因生長 兔角亦應生 以无因增長
云何生分別 如現在無法 如是本亦无
無體體和合 云何心能生 真如空實際
涅槃及法界 一切諸法生 是第一義法
凡夫墮有无 分別因及緣 无因本不生
不知於三有 心見於可見 無始因異見
无始亦無法 云何見異生 若无物能生
貧人應多財 云何生無物 牟尼為我說
此一切无心 而不无諸法 軋闍婆夢幻
諸法無因有 无生無體相 空法為我說
離於和合法 是不見諸法 今時空无生
我說无法相 夢及毛輪幻 軋闍婆愛水
無因而有見 世間法亦尔 如是和合一
離於可見无 非諸外道見 和合无如是
降伏依無因 成就於无生 若能成無生
我法輪不滅 說於無因相 外道生怖畏

云何為何人何處來諸法何處生於法
無因而生法生於无因中而無於二因
若能智者見尔時轉邪見說生一切法
无生為無物為觀諸因緣尔時轉邪見
為有法有名為无法無名而无法不生
亦非待因緣名非依於法而名非無體
聲聞辟支佛外道非境界住七地菩薩
彼則无生相轉於因緣法是故遮因義
惟說依於心故我說無生无因生諸法
離分別分別離立於有无故我說無生
心離於可見亦離於二體轉於依止法
故我說无生不失外法體亦不取内心
離一切邪見此是无生相如是空無相
一切應觀察非生空空法本不生是空
諸因緣和合生及與於滅離於和合法
不生亦不滅若離和合法更无實法體
一體及異體如外道分別有無不生法
非實生不生離於諸因緣生及與不生
惟是於名字彼此迭共鏢可生體畢无
差別因緣鏢離可生無生是離諸外道
我說惟是鏢而凡夫不知而可生法體
離鏢更无別彼人無說因破滅壞諸鏢
如燈了諸物鏢亦應能了若更有別法

離於鈎鐐體無體亦不生自性如虛空
離於鈎鐐法愚癡異分別此是異不生
聖人所得法彼法生不生不生是無生
若見諸世間即是緣鈎鐐世誰是鈎鐐
今時心得定无明愛業等是內鈎鐐法
幢泥團輪等子四大外法依於他法體
是從因緣生非惟鈎鐐體不住量阿含
若可生法无智何法為因彼法迭共生
非是諸因緣煖濕動及堅愚癡分別法
此鈎鐐無法是故无體相如醫師依病
說治病差別而論無差別依病故差別
我依衆生身為說煩惱濁知諸根及力
我為愚法說煩惱根差別我教无差別
我惟有一乘清涼八聖道瓶罌冠及角
兔角无是因無因依彼生而无彼因法
而彼是無法汝不得取无依有因故無
依无不相應有法對於無是共相待法
若依少有法見於少有法无因見少法
少法是无因若彼依餘法彼此迭共見
如是無窮過少亦无少體依於色木等
如幻可見法如是依止事人見有種種
幻師非色等非木亦非石愚癡見如幻
依止於幻身依止於實事若見於少事

見時无二法 云何見少事 分別无分別
而非無分別 若分別无法 無縛无解脫
以分別无法 故不生分別 若不生分別
不得說惟心 種種心差別 法中無實法
以无實法故 无解脫世間 無外物可見
愚癡妄分別 如鏡像現心 因熏心迷沒
一切法不生 非有似有生 此一切惟心
離於諸分別 愚人說諸法 從因非智者
實體離於心 聖人心是淨 僧佉毗世師
標形婆羅門 及於自在天 无實墮邪見
無體亦无生 如空幻無垢 諸佛為何說
佛為何人說 修行清淨人 離邪見覺觀
諸佛如法說 我說亦如是 若一切惟心
世間何處住 去來依何法 云何見地中
如鳥虛空中 依止風而去 不住不觀察
於地上而去 如是諸衆生 依分別風動
自心中去來 如空中飛鳥 見身資生器
佛說心如是 云何因現見 惟心為我說
身資生住持 現見依熏生 无修行者生
現見生分別 分別境界體 心依境界生
知於可見心 不復生分別 若能見分別
離於覺所覺 名名不相合 是說有為法
此惟是可覺 名名不相離 離於知可知

是說有為法

此惟是可覺 名名中不離 若人異覺知
不自覺他覺 五法實法本 及於八種識
二種元我法 攝取於大乘 若見知可知
寂靜見世間 名名中分別 念時不復生
作名字分別 見彼不復生 不見於自心
是故生分別 四陰无諸相 彼則无数法
云何色多種 四大異異相 捨於諸相法
無諸大及大 若有異色相 何故陰不生
若見如是相 不見諸陰入 依境根及識
故生八種識 依相有三種 寂滅無如是
阿梨耶意我 我所及於智 因取於二法
知彼法即滅 離於彼此法 若見不相離
世間惟心分 世尊為我說 不復分別二
我及於我所 不增長分別 亦无意識因
離於因及緣 非物亦非生 分別但是心
世尊為我說 離於諸因緣 離能見可見
見自心種種 可見妄分別 不知自心見
不覺異心義 無見邪見成 若於智不見
彼何故不有 彼人心取有 分別非有無
故不生有心 不知惟心見 是故生分別
无分別分別 是滅已无因 遠四種明黨
若諸法有因 此異名字相 彼人作不成

彼應異自生 不尔應因生 因緣應和合
以遮因生法 我遮於常過 若諸緣无常
是不生不滅 愚癡无常見 滅相法無法
不見作於因 故無常生有 云何人不見
我攝取衆生 依持戒降伏 智慧滅邪見
依解脫增長 一切諸世俗 外道妄語說
依因果邪見 自法不能立 但成自立法
離於因緣果 說諸弟子衆 離於世俗法
惟心可見无 心見於二種 離可取能取
亦離於斷常 但有心動轉 皆是世俗法
不復起轉生 見世是自心 來者是事生
去者是事滅 如實知去來 不復生分別
常元常及作 亦不作彼此 如是等一切
是皆世俗法 天人阿修羅 畜生鬼夜摩
衆生去彼處 我說於六道 上中下業因
能生於彼處 善護諸善法 得勝處解脫
佛說念念生 生死及於退 為比丘衆說
何意為我說 心不至第二 已滅壞不續
我為弟子說 念屢轉生滅 色色分別有
生及滅即已 分別即是人 離分別无人
我說於念法 依彼我說竟 離於取色相
不生亦不滅 因緣從緣生 無明真如等
於二法生 真如元是體 因緣從緣生

若尔无異法 從常生於果 果即是因緣
無異於外道 因果共相雜 佛及諸佛說
大半是无異 此一尋身中 苦諦及集諦
滅及於道諦 我為諸弟子 取三為實者
取可取邪見 世間出世法 凡夫人分別
我領於他法 是故說三法 為遮彼邪見
莫分別實體 說過无定法 亦復无心生
實亦不二取 真如無二種 无明及愛業
識等從邪生 无窮過不作 作中不生有
諸法四種滅 無智者所說 分別二種生
有物无有物 離於四種法 亦離四種見
二種生分別 見者更不生 諸法本不生
起於智差別 現生於諸法 平等莫分別
願大半足尊 為我及一切 如法相應說
離二種二見 我離於邪見 及諸餘菩薩
常不見有无 以不見彼法 離外道和雜
離聲聞緣覺 佛證法諸聖 為我說不失
顛倒因緣因 無生及一切 異名諸迷惑
智者所遠離 譬如雲雨樓 宮閣及於虹
陽焰毛輪幻 有无從心生 諸外道分別
世間自因生 不生真如法 及與實際空
是諸異法名 莫分別無物 於色上種種
莫分別无法 如世間手爪 自在能破物

如是一切法 莫分別无法 離色空不異
亦无生法體 莫分別無異 分別著邪見
分別可分別 攝取於諸事 長短方圓等
是攝分別相 分別是心法 可分別是意
若能如法知 離能相可相 外道說不生
及取於我法 分別如是相 此二見無差
何意如是說 若能如是知 彼人入於量
能解我說法 因見是沉沒 無生是不依
知是二種義 故我說无生 諸法无有生
牟尼為我說 無因不相當 无有有法雜
无因亦無生 異因見外道 離有無无法
是故說惟心 生及於不生 離法是邪見
說无因無生 說有是著因 自然無作者
作者是邪見 方便諸願等 是見為我說
若諸法是无 云何生三世 離可取能取
不生亦不滅 從物見異物 依彼法生心
諸法不生化 云何為我說 實有而不知
是故我說法 牟尼諸法中 前後自相違
離諸外道過 離於顛倒因 生及與不生
大師為我說 離有及於无 不失於因果
地及於次第 為說一無相 世間墮三邊
為諸見迷惑 無生无生等 不知寂滅因
我无三世法 我亦不說法 有二畢有過

諸佛三清淨 諸法空剎那 无體亦不生
說邪法覆心 分別非如來 生及與不生
唯願為我說 云何何等法 離於境界生
色具足和合 從於戲論集 聚於外色相
從分別而生 知於彼法者 是如實解義
隨順聖人性 而心不復生 離於一切大
生法不相應 心虛妄觀大 觀如是无生
莫分別可別 智者不分別 分別於分別
是二无涅槃 立於無生法 如幻不見法
從幻等因生 所立諸法破 見心如鏡像
无始熏習因 似義而無義 觀諸法亦尔
如鏡中色像 離於一二相 可見無非无
諸相亦如是 乳園婆幻等 依於因緣觀
如是諸法體 生非不生法 分別似如人
二種相而現 說我及於法 而愚人不知
相違及无因 聲聞諸羅漢 自成及佛力
是五種聲聞 時攝及於滅 第一離第一
是四種無常 愚无智分別 愚癡墮二邊
功德及微塵 不知解脫因 以著有无法
譬如愚癡人 取指即是月 如是樂名字
不知我實法 諸大各異相 无色體相生
而諸大和合 無大无依大 火能燒諸色
水能爛諸物 風能動諸色 云何大相生

色陰及於識 是法二無五 是諸陰異名
我說如帝釋 心心數差別 現轉諸法生
四大彼此別 色心非從依 依青等有白
依白有青等 依因果可生 空有及於无
能作可作作 寒熱見等見 如是等一切
妄覺不能成 心意及餘六 諸識共和合
離於一異體 生死虛妄生 僧佉毗世師
裸形自在天 隨有无明黨 離於寂靜義
形相貌勝生 四大生非塵 是外道說生
四大及四塵 餘者无處生 外道分別因
愚癡而不覺 以依有無黨 生共心相應
死不共相應 清淨實相法 共智相應住
業及於色相 五陰境界因 衆生无因體
無色界不住 佛說法无我 無色同外道
說无我是斷 識亦不應生 心有四種住
無色云何住 內外諸法相 而識不能行
妄覺者計有 中陰有五陰 如是無色生
有而是无色 自然應解脫 无衆生及識
是外道無疑 妄覺不能知 若彼處無色
是故見无色 彼无非立法 非乘无乘者
識從種子生 共諸根和合 八種色一分
於念時不取 色不住於時 根不共根住
是故如來說 諸根念不住 若不見色體

識云何分別 若智不生者 云何生世間
即生時即滅 佛不如是說 一時亦不念
虛妄分別取 諸根及境界 愚癡非智者
愚癡聞名取 聖人如實知 第六無依止
以无因可取 不善知於我 離於有法過
愚於有無法 覺者離實智 有為無為我
愚癡不能知 一中有施法 異中亦如是
共心中一體 意識能覺知 若施是心者
心數是名字 云何離能取 分別於一異
共因依止見 業生作業等 如大如是說
相似相似法 如火一時間 可燒能燒異
如是我依因 妄覺何不念 生及與不生
而心常清淨 妄覺者立我 何故不說喻
迷於識稠林 離於真實法 妄覺東西走
覓神我亦念 內身修實行 我是清淨相
如來藏佛境 妄覺非境界 可取及能取
差別五陰我 若能知於相 念時生真智
外道說意識 阿梨耶藏體 共於我相應
我法說不念 若如實知法 實諦得解脫
修行於見道 斷煩惱清淨 心自性清淨
如來淨法身 是法依眾生 離於邊无邊
如金及與色 石性與真金 陶冶人能見
眾生於陰念 非人亦非陰 佛是无漏智

無漏常世尊 是故我歸依 心自性清淨
煩惱及意作 共五陰相應 說中勝者說
心自性清淨 意等是因緣 彼能作諸業
故彼二種染 意等客塵法 煩惱我清淨
彼依煩惱染 如垢依清淨 如依離於垢
亦如金離垢 有而不可見 我離過亦亦
如琴及鼗鼓 種種美妙聲 陰中我亦亦
愚癡覓異 地中諸寶藏 及與清淨水
陰中我亦亦 實有不可見 心及心數法
功德陰和合 陰中我亦亦 无智不能見
如女人胎藏 雖有而不見 我於五陰中
无智故不見 如香藥重擔 火及於諸薪
陰中我亦亦 無智不能見 一切諸法中
無常及與空 陰中我亦亦 无智有不見
諸地及自在 通及於受位 無上妙諸法
及餘諸三昧 及諸勝境界 若陰中无我
而此諸法等 一切亦應無 有人破壞言
若有應示我 智者應答言 汝心應示我
說无真如我 惟是虛妄說 作比上業者
不應共和合 是人立有元 墮於二朋黨
破壞諸佛法 彼不住我法 離諸外道過
焚燒无我見 令我見熾然 如劫盡火炎
如石蜜蒲桃 乳酪蘊油等 彼處所有味

不嘗者不知 取於五種中 五陰我亦亦
愚癡人不見 智見得解脫 明等諸譬喻
心法不可見 何處何因緣 和合不可見
諸法異體相 一心不能取 無因亦无生
虛妄覺者過 實行者見心 心中不見心
可見從見生 能見何因生 我姓迦旃延
首陀會天出 為衆生說法 趣於涅槃城
是過去行路 我及彼諸佛 三千修多羅
說於涅槃法 欲界及无色 佛不彼成佛
色界中上天 離欲成菩提 境界非縛因
因境界是縛 依智斷煩惱 修行者利劍
有我有幻等 法有无云何 愚不見如是
云何有无我 以有作不作 無因而轉生
一切法不生 愚癡不覺知 諸因不能生
諸緣亦不作 彼二不能生 云何分別緣
先後及一時 妄覺者說因 虛空瓶弟子
一切諸物生 佛非有為作 諸相相莊嚴
是轉輪功德 非諸佛得名 諸佛是智相
離諸邪見過 內身是智見 離諸一切過
聾瞎盲及啞 老少懷惡人 是等一切人
名无梵行者 廣大勝妙體 是轉輪王相
出家或一二 餘者是放逸 毗耶婆迦那
及於梨沙婆 迦毗羅釋迦 我入涅槃後

未來世當有如是等出世我滅後百年
毗耶婆圖陀及於般荼婆鳩羅婆失羅
然後復更有及於毛釐等次毛釐掘多
次有无道王次有刀鋌亂次刀鋌末世
次於末世世無法无修行如是等過未
如輪轉世間日火共和合焚燒於欲界
復成妙世界彼器世間生四姓及國王
諸仙人及法供養大會施時法還如本
話笑本如是長行及子註子註復重作
種種說无量如是我聞等迷沒諸世間
不知真實法何者為是非衣裳如法染
擣治令潔淨清淨牛糞等壞色而受用
諸香塗身衣離於外道相流通我法輪
是諸如來相不漉水不飲腰繩及內衣
依時行乞食離於下賤家生於如天境
及人中勝處諸寶相成就天人中自在
依法修行者生天四天下多時而受用
依多貪還滅正時及三灾及於二惡世
我及餘正時釋迦末世時釋種悉達他
八辟及自在如是等外道我滅出於世
如是我聞等釋迦師子說曾有如是事
毗耶婆說是八辟鄰羅延及摩醯首羅
說如是等言我化作世間我母名善才

父名梵天王 我姓迦旃延 離於諸煩惱
生於瞻波城 我父及祖父 父名為月護
從於月種生 出家修實行 說於十種句
授記入涅槃 付慧轉法輪 大慧與法勝
勝與彌佉梨 彌佉无弟子 於後時法滅
迦葉拘留孫 拘那含及我 離於諸煩惱
一切名正時 過彼正法後 有佛名如意
於彼成正覺 為人說五法 無二三次中
過末世亦尔 諸佛不出世 正時出於世
无人奪有相 衣裳不割裁 納衣碎破離
如孔雀畫色 二寸或三寸 間錯而補納
若不如是者 愚人所貪棄 常滅貪欲火
智水常洗浴 日夜六時中 如實修行法
如放箭石木 勢極則還下 放一還下一
善不善亦尔 一中無多種 以相无如是
如風取一切 如田地被燒 若一能作多
一切无作有 不尔一切失 是妄覺者法
如燈及種子 去何多相似 一能生於多
是妄覺者法 如麻不生豆 稻不生麴麦
小麦等種子 去何一生多 波尼出聲論
阿叉波太白 末世有梵藏 說於世俗論
迦旃延作經 夜婆伽亦尔 淨稠迦天文
是後末世論 婆梨說世福 世人依福德

能護於諸法 王婆離施地 彌迦摩修羅
阿舒羅等說 迷惑及王論 末世諸仙現
悉達他釋種 浮單陀五角 口力及點慧
我滅後出世 阿示那三掘 弥佉羅澡罐
我住阿蘭若 梵天施與我 汝當未來世
名大離塵垢 能說真解脫 是諸牟尼尊
梵天共梵衆 及餘諸天衆 鹿皮等施我
還沒自在天 諸雜間錯衣 及為乞食鉢
帝釋四天王 閑處施與我 說无生及因
生及與不生 欲成於不生 是但說言語
若无明等因 能生於諸心 未生於色時
中間去何住 即時滅於心 而更生餘心
色不一念住 觀何法能生 依於何因緣
心是顛倒因 彼不能成法 云何知生滅
修行者合定 金安闍那性 光音天宮殿
世間法不壞 住於所證法 是諸一切佛
如來等智慧 比丘證於法 及餘所證法
彼法常不壞 云何虛妄見 諸法念不住
軋闍婆幻色 何故念不住 諸色无四大
諸大何所為 因無明有心 无始世界習
依生滅和合 妄覺者分別 僧佉有二種
從勝及轉變 勝中有於果 果復成就果
勝是大體相 說功德差別 因果二種法

於轉變中无 如水鏡清淨 諸塵土不染
真如如是淨 依止於衆生 如興求及惑
女人懷胎藏 鹽及鹽中味 種子云何有
異體不異體 二體離二法 有法无因緣
非無於有為 如馬中无牛 陰中我亦尔
說有為无為 是法無可說 惡見量阿含
依邪覺垢染 不覺說有我 非因不離因
五陰中無我 取我是過失 一中及異中
妄覺者不覺 水鏡及眼中 如見鏡中像
遠離於一異 陰中我亦尔 可觀及能觀
禪道見衆生 觀察是三法 離於邪見法
即滅於知見 如孔中見空 諸法轉變相
愚人妄分別 涅槃離有無 住如實見處
遠離生滅法 亦離有无體 離能見可見
觀察轉變法 離諸外道說 離名相形體
依内身邪見 觀察轉變法 諸天及地獄
觸及於逼惱 无有中陰法 云何依識生
胎卵濕化等 生於中陰中 衆生身種種
應觀於去來 離量及阿含 能生煩惱種
諸外道浪言 智慧者莫取 先觀察於我
後觀於因緣 不知有說有 故石女兒勝
般若離肉眼 妙眼見衆生 離於有為陰
妙身體衆生 住好惡色中 出離縛解脫

妙體住有為 能見妙法身 在於六趣中
妄覺非境界 我過於人道 非餘妄覺者
而无生我心 何因如是生 如河燈種子
何不如是說 而識未生時 未有无明等
離於闇无識 云何相續生 三世及無世
第五不可說 是諸佛境界 妄覺者觀行
行中不可說 以離智行中 取於諸行中
智離於行法 依此法生此 現見是无因
諸緣不可見 離於无作者 依風火能燒
因風動能生 風能吹動火 風還能滅火
愚者不分別 云何生衆生 說有為无為
離於依所依 云何成彼法 風火愚分別
彼此增長力 彼此法不及 云何而生火
惟言語无義 衆生是誰作 而分別如火
能作陰入軀 意等因能生 如常无我義
共心常轉生 二法常清淨 離於諸因果
火不能成彼 妄覺者不知 心衆生涅槃
自性體清淨 无始等過染 如虛空无差
外道邪見垢 如白象牀城 依意識識覆
六等能清淨 彼人見如實 見已破煩惱
捨譬喻稠林 彼人取聖境 知能知差別
彼分別異體 昧鈍人不覺 後言不可說
譬如拊檀鼓 愚人作異說 如拊檀沉水

諸佛智亦尔 愚人不知覺 以依虛妄見
中後不受食 以鉢依量取 離口等諸過
嗽於清淨食 此是如法行 不能知相應
依於法能信 莫分別邪行 不著世間物
能取於正義 彼人取真金 能然於法燈
癡有无因緣 邪見網分別 一切煩惱垢
離於貪瞋恚 尔時不復生 以無一切染
諸如來身手 而授於佛位 外道迷因果
餘者迷因緣 及无因有物 斷見無聖人
受於果轉變 識及於意識 意從本識生
識從於意生 一切識從本 能生如海波
一切從熏因 隨因緣而生 念差別鈎鏤
縛自心取境 似於形體相 意眼等識生
无始來過縛 依熏生取境 見外心諸法
遮諸外道見 依彼更生餘 及依彼觀生
是故生邪見 及世間生死 諸法如夢幻
如乳闍婆城 陽焰水中月 觀察是自心
行差非真如 正智幻三昧 依首楞嚴定
及餘諸三昧 入於初地得 諸通及三昧
智及如意身 受位入佛地 尔時心不生
以見世虛妄 得觀地餘地 及得於佛地
轉於依止身 如諸色摩尼 亦如水中月
作諸衆生業 離有无明黨 離二及不二

出於二乘地 及出第七地 內身見諸法
地地中清淨 離外道外物 今時說大乘
轉於分別識 離於變易滅 如兔角摩尼
得解脫者說 如依結相應 依法亦如是
依相應相應 莫分別於異 眼識業及受
無明及正見 眼色及於意 意識染如是
佛說此妙經 聖者大慧士 菩薩摩訶薩
羅婆那大王 叔迦婆羅那 堯耳等羅叉
天龍夜叉等 乳闍婆修羅 諸天比丘僧
大歡喜奉行

入楞伽經卷第十

癸卯歲高麗國大藏都監奉
勅彫造

新譯大乘入楞伽經序

御製

賡

蓋聞摩羅山頂旣寂崇而寂嚴楞伽
城中寶難往而難入先佛弘宣之地
曩聖修行之所爰有城主彌羅婆那
乘宮殿以謁尊顏奏樂音而析妙法
因鵲峯以表興指藏海以明宗所言
入楞伽經者斯乃諸佛心量之玄樞
群經理窟之妙鍵廣喻幽旨洞明深
義不生不滅非有非無絕去來之二
途離斷常之雙執以第一義諦得寂
上妙珍體諸法之皆虛知前境之如
幻混假名之分別等生死與涅槃大
慧之問初陳法王之旨斯發一百八
義應實相而離世間三十九門破邪
見而宣政法曉名相之並假祛妄想
之迷矜依正智以會真如悟緣起而
歸妙理境風旣息識浪方澄三自性
皆空二無我俱泯入如來之藏遊解
脫之門原此經文來自西國至若元
嘉建號踐阼之譯未弘延昌紀年流
支之義多舛朕虔思付囑情切紹隆
以久視元年歲次庚子林鍾紀律炎

帝司辰于時避暑箕峯觀風頽水二陽宮內重出斯經討三本之要詮成七卷之了教三歲沙門于闐國僧寶又難陀大德大福先寺僧復禮等並名追安遠德契騰蘭龍襲龍樹之芳猷探馬鳴之秘府戒香與覺花齊馥意珠共性月同圓故能了達冲微發揮奧蹟以長安四年正月十五日繕寫云畢自惟菲薄言謝珪璋顧四辯而多慙瞻一乘而同測難連緇俗之請強申翰墨之文詞拙理乖弥增媿慙伏以此經微妙寂為希有所冀破重昏之暗傳燈之句不窮演流注之功湧泉之義無盡題目品次列於後云大乘入楞伽經卷第一

大周于闐國三藏法師實叉難陀奉勅譯

羅婆那王勸請品第一

如是我聞一時佛住大海濱摩羅耶山頂楞伽城中與大比丘衆及大菩薩衆俱其諸菩薩摩訶薩悉已通達五法三性諸識無我善知境界自心現義遊戲無量自在三昧神通諸力隨衆生心現種種形方便調伏一切諸佛

手灌其頂皆從種種諸佛國土而來
此會大慧菩薩摩訶薩為其上首今時
世尊於海龍王宮說法過七日已從
大海出有無量億梵釋護世諸天龍
等奉迎於佛今時如來舉目觀見摩
羅耶山楞伽大城即便微笑而作是言
昔諸如來應正等覺皆於此城說自
所得聖智證法非諸外道臆度邪見及
以二乘修行境界我今亦當為羅婆
那王開示此法今時羅婆那夜叉王
以佛神力聞佛言音遙知如來從龍宮
出梵釋護世天龍圍遶見海波浪觀
其衆會藏識大海境界風動轉識浪
起發歡喜心於其城中高聲唱言我
當詣佛請入此城令我及與諸天世
人於長夜中得大饒益作是語已即
與眷屬乘花宮殿往世尊所到已下
殿右遶三匝作衆伎樂供養如來所
持樂器皆是大青因陀羅寶琉璃等寶
以為間錯無價上衣而用經裏其聲
美妙音節相和於中說偈而讚佛曰
心自性法藏無我離見垢證智之所知
願佛為宣說善法集為身證智常安樂

變化自在者願入楞伽城過去佛菩薩
皆曾住此城此諸夜叉衆一心願聽法
今時羅婆那楞伽王以都宅迦音歌
讚佛已復以歌聲而說頌言

世尊於七日住摩竭海中然後出龍宮
安詳昇此岸我與諸姝女及夜叉眷屬
輸迦娑剌那衆中聰慧者悉以其神力
往詣如來所各下花宮殿礼敬世所尊
復以佛威神對佛稱己名我是羅刹王
十首羅婆那今來詣佛所願佛攝受我
及楞伽城中所有諸衆生過去無量佛
咸昇寶山頂住楞伽城中說自所證法
世尊亦應今住彼寶嚴山菩薩衆圍遶
演說清淨法我等於今日及住楞伽衆
一心共欲聞離言自證法我念去來世
所有無量佛菩薩共圍遶演說楞伽經
此入楞伽典昔佛所稱讚願佛同往尊
亦為衆開演請佛為哀愍無量夜叉衆
入彼寶嚴城說此妙法門此妙楞伽城
種種寶嚴飾牆壁非土石羅網悉珍寶
此諸夜叉衆昔曾供養佛修行離諸過
證知常明了夜叉男女等渴仰於大乘
自信摩訶衍亦樂令他住惟願無上尊

為諸羅刹衆 甕耳等眷屬 往詣楞伽城
我於去來今 勤供養諸佛 願聞自證法
究竟大乘道 願佛哀愍我 及諸夜叉衆
共諸佛子等 入此楞伽城 我宮殿姝女
及以諸瓔珞 可愛無憂園 願佛哀納受
我於佛菩薩 無有不捨物 乃至身給侍
惟願哀納受

今時世尊聞是語已 即告之言 夜叉
王過去世中 諸大導師 咸哀愍汝 受
汝勸請 詣寶山中 說自證法 未來諸
佛亦復如是 此是修行 甚深觀行 現
法樂者之所住處 我及諸菩薩 哀愍
汝 故受汝所請 作是語已 默然而住
時 羅婆那王 即以所乘妙花宮殿 奉
施於佛 佛坐其上 王及諸菩薩 前後
導從 無量姝女 歌詠讚歎 供養於佛
往詣彼城 到彼城已 羅婆那王 及諸
眷屬 復作種種上妙供養 夜叉衆中
童男童女 以寶羅網 供養於佛 羅婆
那王 施寶瓔珞 奉佛菩薩 以掛其頸
今時世尊 及諸菩薩 受供養已 各為
略說 自證境界 甚深之法 時 羅婆那
王 并其眷屬 復更供養 大慧菩薩 而

勸請言

大乘入楞伽經卷第一

第六頌

我

我今請大士奉問於世尊一切諸如來
自證智境界我與夜叉衆及此諸菩薩
一心願欲聞是故咸勸請汝是修行者
言論中寂勝是故生尊敬勸汝請問法
自證清淨法究竟入佛地離外道二乘
一切諸過失

今時世尊以神通力於彼山中復更
化作無量寶山悉以諸天百千萬億
妙寶嚴飾一一山上皆現佛身一一
佛前皆有羅婆那王及其衆會十方
所有一切國土皆於中現一一國中
悉有如來一一佛前咸有羅婆那王
并其眷屬楞伽大城阿輸迦園如是
莊嚴等無有異一一皆有大慧菩薩
而興請問佛為開示自證智境以百
千妙音說此經已佛及諸菩薩皆於
空中隱而不現羅婆那王唯自見身
住本宮中作是思惟向者是誰誰聽
其說所見何物是誰能見佛及國城
衆寶山林如是等物今何所在為夢
所作為幻所成為復猶如乾闥婆城
為翳所見為焰所惑為如夢中石女

生子為如煙焰旋火輪耶復更思惟一切諸法性皆如是唯是自心分別境界凡夫迷惑不能解了無有能見亦無所見无有能說亦無所說見佛聞法皆是分別如向所見不能見佛不起分別是則能見時楞伽王尋即開悟離諸雜染證唯自心住無分別往昔所種善根力故於一切法得如實見不隨他悟能以自智善巧觀察永離一切臆度邪解住大修行為修行師現種種身善達方便巧知諸地上增進相常樂遠離心意意識斷三相續見離外道執著內自覺悟入如來藏趣於佛地聞虛空中及宮殿內咸出聲言善哉大王如汝所學諸修行者應如是學應如是見一切如來應如是見一切諸法若異見者則是斷見汝應永離心意意識應勤觀察一切諸法應修內行莫著外見莫墮二乘及以外道所修句義所見境界及所應得諸三昧法汝不應樂戲論談笑汝不應起圍陀諸見亦不應著正位自在亦不應住六定等中若能如

是即是如實修行者行能摧他論能
破惡見能捨一切我見執著能以妙
慧轉所依識能修菩薩大乘之道能
入如來自證之地汝應如是勤加修
學令所得法轉更清淨善修三昧三
摩鉢底莫著二乘外道境界以為勝
樂如凡修者之所分別外道執我見
有我相及實求那而生取著二乘見
有無明緣行於性空中亂想分別楞
伽王此法殊勝是大乘道能令成就
自證聖智於諸有中受上妙生楞伽
王此大乘行破無明翳滅識波浪不
墮外道諸邪行中楞伽王外道行者
執著於我作諸異論不能演說離執
著見識性二義善哉楞伽王汝先見
佛思惟此義如是思惟乃是見佛
今時羅婆那王復作是念願我更得
奉見如來如來世尊於觀自在離外
道法能說自證聖智境界超諸應化
所應作事住如來定入三昧樂是故說
名大觀行師亦復名為大哀愍者能
燒煩惱分別薪盡諸佛子衆所共圍
遶普入一切衆生心中遍一切處具

一切智永離一切分別事相我今願
得重見如來大神通力以得見故未
得者得已得不退離諸分別住三昧
樂增長滿足如來智地

今時世尊知楞伽王即當證悟無生
法忍為哀愍故便現其身令所化事
還復如本時十頭王見所曾觀無量
山城悉實莊嚴一一城中皆有如來
應正等覺三十二相以嚴其身自見
其身遍諸佛前悉有大慧夜叉圍遶
說自證智所行之法亦見十方諸佛
國土如是等事悉無有別

今時世尊普觀衆會以慧眼觀非肉
眼觀如師子王奮迅迴翔欣然大笑
於其眉間脰脇胷頸及以肩臂德字
之中一一毛孔皆放無量妙色光明
如虹拖暉如日舒光亦如劫火猛焰
熾然時虛空中梵釋四天遙見如來
坐如須弥楞伽山頂欣然大笑今時
諸菩薩及諸天衆咸作是念如來世
尊於法自在何因緣故欣然大笑身
放光明默然不動住自證境入三昧
樂如師子王周迴顧視觀羅婆那念

如實法

尔時大慧菩薩摩訶薩先受羅婆那王請復知菩薩衆會之心及觀未來一切衆生皆悉樂著語言文字隨言取義而生迷惑執取二乘外道之行或作是念世尊已離諸識境界何因緣故欣然大笑為斷彼疑而問於佛佛即告言善哉大慧善哉大慧汝觀世間惑諸衆生於三世中悉見所經欲令開悟而問於我諸智慧人為利自他能作是問大慧此楞伽王曾問過去一切如來應正等覺二種之義今亦欲問未來亦尔此二種義老別之相一切二乘及諸外道皆不能測尔時如來知楞伽王欲問此義而告之曰楞伽王汝欲問我宜應速問我當為汝分別解釋滿汝所願令汝歡喜能以智慧思惟觀察離諸分別善知諸地修習對治證真實義入三昧樂為諸如來之所攝受住奢摩他樂遠離二乘三昧過失住於不動善慧法雲菩薩之地能如實知諸法無我當於大寶蓮花宮中以三昧水而灌

其頂復現無量蓮花圍繞無數菩薩於中止住與諸衆會通相瞻覩如是境界不可思議楞伽王汝起一方便行住修行地復起無量諸方便行汝定當得如上所說不思議事處如來位隨形應物汝所當得一切二乘及諸外道梵釋天等所未曾見

於時楞伽王蒙佛許已即於清淨光明如大蓮華寶山頂上從座而起諸娑女衆之所圍繞化作无量種種色花種種色香末香塗香幢幡幢蓋冠珮瓔珞及餘世間未曾見聞種種勝妙莊嚴之具又復化作欲界所有種種無量諸音樂器過諸天龍乾闥婆等一切世間之所有者又復化作十方佛土昔所曾見諸音樂器又復化作大寶羅網遍覆一切佛菩薩上復現種種上妙衣服建立幢幡以為供養作是事已即昇虛空高十多羅樹於虛空中復雨種種諸供養雲作諸音樂從空而下即坐第二日電光明如大蓮花寶山頂上歡喜恭敬而作是言我今欲問如來二義如是二義

我已曾問過去如來應正等覺彼佛
世尊已為我說我今亦欲問於是義
唯願如來為我宣說世尊變化如來
說此二義非根本佛根本佛說三昧
樂境不說虛妄分別所行善哉世尊
於法自在唯願哀愍說此二義一切
佛子心皆樂聞

今時世尊告彼王言汝應問我當為
汝說時夜叉王更著種種寶冠瓔珞
諸莊嚴具以嚴其身而作是言如來
常說法尚應捨何況非法云何得捨
此二種法何者是法何者非法法若
應捨云何有二有二即墮分別相中
有體無體是實非實如是一切皆是
分別不能了知阿賴耶識无差別相
如毛輪住非淨智境法性如是云何
可捨今時佛告楞伽王言楞伽王汝
豈不見瓶等无常敗壞之法凡夫於
中妄生分別汝今何故不如是知法
與非法差別之相此是凡夫之所分
別非證智見凡夫墮在種種相中非
諸證者楞伽王如燒宮殿園林見種
種焰火性是一所出光焰由薪力故

長短大小各各老別汝今云何不如
是知法與非法老別之相楞伽王如
一種子生牙莖枝葉及以花果無量
老別外法如是內法亦然謂無明為
緣生蘊界處一切諸法於三界中受
諸趣生有苦樂好醜語默行止各各
老別又如諸識相雖是一隨於境界
有上中下染淨善惡種種老別楞伽
王非但如上法有老別諸修行者修
觀行時自智所行亦復見有老別之
相況法與非法而無種種老別分別
楞伽王法與非法老別相者當知志
是相分別故楞伽王何者是法所謂
二乘及諸外道虛妄分別說有實等
為諸法因如是等法應捨應離不應
於中分別取相見自心法性則無執
著瓶等諸物凡愚所取本無有體諸
觀行人以毗鉢舍那如實觀察名捨
諸法楞伽王何者是非法所謂諸法
無性无相永離分別如實見者若有
若無如是境界彼皆不起是名捨非
法復有非法所謂兔角石女兒等皆
無性相不可分別但隨世俗說有名

字非如瓶等而可取著以彼非是識之所取如是分別亦應捨離是名捨法及捨非法楞伽王汝先所問我已說竟楞伽王汝言我於過去諸如來所已問是義彼諸如來已為我說楞伽王汝言過去但是分別未來亦然我亦同彼楞伽王彼諸佛法皆離分別已出一切分別戲論非如色相唯智能證為令衆生得安樂故而演說法以無相智說名如來是故如來以智為體智為身故不可分別不可以所分別不可以我人衆生相分別何故不能分別以意識因境界起取色形相是故離能分別亦離所分別楞伽王譬如壁上彩畫衆生無有覺知世間衆生悉亦如是元業無報諸法亦然無聞無說楞伽王世間衆生猶如變化凡夫外道不能了達楞伽王能如是見名為正見若他見者名分別見由分別故取著於二楞伽王譬如有人於水鏡中自見其像於燈月中自見其影於山谷中自聞其響便生分別而起取著此亦如是法與非

法唯是分別由分別故不能捨離但更增長一切虛妄不得寂滅寂滅者所謂一緣一緣者是寂勝三昧從此能生自證聖智以如來藏而為境界大乘入楞伽經集一切法品第二之一

今時大慧菩薩摩訶薩與摩帝菩薩俱遊一切諸佛國土承佛神力從座而起偏袒右肩右膝著地向佛合掌曲躬恭敬而說頌言

世間離生滅 譬如虛空花 智不得有無 而興大悲心 一切法如幻 遠離於心識 智不得有無 而興大悲心 世間恒如夢 遠離於斷常 智不得有無 而興大悲心 知人法無我 煩惱及余焰 常清淨無相 而興大悲心 佛不住涅槃 涅槃不住佛 遠離覺不覺 若有若非有 法身如幻夢 云何可稱讚 知無性无生 乃名稱讚佛 佛無根境相 不見名見佛 云何於牟尼 而能有讚毀 若見於牟尼 寂靜遠離生 是人今後世 離著無所見

今時大慧菩薩摩訶薩偈讚佛已自說姓名

我名為大慧 通達於大乘 今以百八義

仰諮尊中上

時世間解聞是語已普觀衆會而說是言

汝等諸佛子今皆恣所問我當為汝說自證之境界

今時大慧菩薩摩訶薩蒙佛許已頂禮佛足以頌問曰

云何起計度云何淨計度云何起迷惑云何淨迷惑云何名佛子及無影次第云何剎土化相及諸外道解脫至何所誰縛誰能解

云何禪境界何故有三乘彼以何緣生何作何能作誰說二俱異云何諸有起云何無色定及與滅盡定云何為想滅云何從定覺云何所作生進去及持身云何見諸物云何入諸地云何有佛子誰能破三有何處身云何生復住何處云何得神通自在及三昧三昧心何相願佛為我說云何名藏識云何名意識云何起諸見云何退諸見云何姓非姓云何唯是心何因建立相云何成无我云何無衆生云何隨俗說云何得不起常見及斷見云何佛外道其相不相違

何故當來世種種諸異部云何為性空
云何剎那滅胎藏云何起云何世不動
云何諸世間如幻亦如夢乾城及陽焰
乃至水中月云何菩提分覺分從何起
云何國土乱何故見諸有云何知世法
云何離文字云何如空花不生亦不滅
真如有幾種諸度心有幾云何如虛空
云何離分別云何地次第云何得無影
何者二無我云何所知淨聖智有幾種
戒衆生亦然摩尼等諸寶斯並云何出
誰起於語言衆生及諸物明處與伎術
誰之所顯示伽他有幾種長行句亦然
道理幾不同解釋幾差別飲食是誰作
愛欲云何起云何轉輪王及以諸小王
云何王守護天衆幾種別地日月星宿
斯等並是何解脫有幾種修行師復幾
云何阿闍梨弟子幾差別如來有幾種
本生事亦然衆魔及異學如是各有幾
自性幾種異心有幾種別云何唯假設
願佛為開演云何為風雲念智何因有
藤樹等行列此並誰能作云何為馬獸
何因而捕取云何卑陋人此並誰能作
云何六時攝云何一闡提女男及不男

此並云何生 云何修行進 云何修行退
瑜伽師有幾 令人住其中 衆生生諸趣
何形何色相 富饒大自在 此復何因得
云何釋迦種 云何甘蔗種 仙人長苦行
是誰之教授 何因佛世尊 一切剎中現
異名諸色類 佛子衆圍遶 何因不食肉
何因令斷肉 食肉諸衆生 以何因故食
何故諸國土 猶如日月形 須弥及蓮花
卅字師子像 何故諸國土 如因陀羅網
覆住或側住 一切寶所成 何故諸國土
無垢日月光 或如花果形 塗篋細罽鼓
云何變化佛 云何為報佛 真如智慧佛
願皆為我說 云何於欲界 不成等正覺
何故色究竟 離染得菩提 如來滅度後
誰當持正法 世尊住久如 正法幾時住
悉檀有幾種 諸見復有幾 何故立毗尼
及以諸比丘 一切諸佛子 獨覺及聲聞
云何轉所依 云何得無相 云何得世通
云何得出世 復以何因緣 心住七地中
僧伽有幾種 云何成破僧 云何為衆生
廣說醫方論 何故大牟尼 唱說如是言
迦葉拘留孫 拘那含是我 何故說斷常
及與我无我 何不恒說實 一切唯是心

云何男女林訶梨菴摩羅雞羅娑輪圍
及以金剛山如是處中間无量寶莊嚴
仙人乳園婆一切皆充滿此皆何因緣
願尊為我說

尔時世尊聞其所請大乘微妙諸佛
之心取上法門即告之言善哉大慧
諦聽諦聽如汝所問當次第說即說
頌言

若生若不生涅槃及空相流轉無自性
波羅蜜佛子聲聞辟支佛外道無色行
須弥巨海山洲渚剎土地星宿與日月
天衆阿修羅解脫自在通力禪諸三昧
滅及如意足菩提分及道禪定與无量
諸蘊及往來乃至滅盡定心生起言說
心意識無我五法及自性分別所分別
能所二種見諸乘種性處金摩尼真珠
一闍提大種荒乱及一佛智所智教得
衆生有无有爲馬獸何因云何而捕取
云何因譬喻相應成悉檀所作及能作
衆林與迷惑如是真實理唯心無境界
諸地無次第无相轉所依醫方工巧論
伎術諸明處須弥諸山地巨海日月量
上中下衆生身各幾微塵一二剎幾塵

二弓幾肘幾弓俱盧舍半由旬由旬
兔毫與隙遊幾羊毛糠麥半升與一升
是各幾穰麥一斛及十斛十萬暨千億
乃至頻婆羅是等各幾數幾塵成芥子
幾芥成草子復以幾草子而成於一豆
幾豆成一鉢幾鉢成一兩幾兩成一斤
幾斤成須弥此等所應請何因問餘事
聲聞辟支佛諸佛及佛子如是等身量
各有幾微塵火風各幾塵一一根有幾
眉及諸毛孔復各幾塵成如是等諸事
云何不問我云何得財富云何轉輪王
云何王守護云何得解脫云何長行句
姪欲及飲食云何男女林金剛等諸山
幻夢渴愛辟諸雲從何起時節云何有
何因種種味女男及不男佛菩薩嚴飾
云何諸妙山仙闍婆莊嚴解脫至何所
誰縛誰解脫云何禪境界變化及外道
云何無因作云何有因作云何轉諸見
云何起計度云何淨計度所作云何起
云何而轉去云何斷諸想云何起三昧
破三有者誰何處身云何云何无有我
云何隨俗說汝問相云何及所問非我
云何為胎藏及以餘支分云何斷常見

云何心一境 云何言說智 戒種性佛子
云何經理釋 云何師弟子 衆生種性別
飲食及虛空 聰明魔施設 云何樹行布
是汝之所問 何因一切刹 種種相不同
或有如笙篳 罽鼓及衆花 或有離光明
仙人長苦行 或有好族姓 今衆生尊重
或有體卑陋 為人所輕賤 云何欲界中
修行不成佛 而於色究竟 乃昇等正覺
云何世間人 而能獲神通 何因稱比丘
何故名僧伽 云何化及報 真如智慧佛
云何使其心 得佳亡地中 此及於餘義
汝今咸問我 如先佛所說 一百八種句
一一相相應 遠離諸見過 亦離於世俗
言語所成法 我當為汝說 佛子應聽受
今時大慧菩薩摩訶薩 白佛言 世尊
何者 是一百八句 佛言 大慧 所謂生
句 非生句 常句 非常句 相句 非相句 住
異句 非住異句 剎那句 非剎那句 自
性句 非自性句 空句 非空句 斷句 非
斷句 心句 非心句 中句 非中句 緣句
非緣句 因句 非因句 煩惱句 非煩惱
句 愛句 非愛句 方便句 非方便句 善
巧句 非善巧句 清淨句 非清淨句 相

應句非相應句譬喻句非譬喻句弟子句非弟子句師句非師句種性句非種性句三乘句非三乘句无影像句非無影像句願句非願句三輪句非三輪句標相句非標相句有句非有句無句非無句俱句非俱句自證聖智句非自證聖智句現法樂句非現法樂句剎句非剎句塵句非塵句水句非水句弓句非弓句大種句非大種句算數句非算數句神通句非神通句虛空句非虛空句雲句非雲句巧明句非巧明句伎術句非伎術句風句非風句地句非地句心句非心句假立句非假立句體性句非體性句蘊句非蘊句衆生句非衆生句覺句非覺句涅槃句非涅槃句所知句非所知句外道句非外道句荒亂句非荒亂句幻句非幻句夢句非夢句陽焰句非陽焰句影像句非影像句火輪句非火輪句軋闍婆句非軋闍婆句天句非天句飲食句非飲食句姪欲句非姪欲句見句非見句波羅蜜句非波羅蜜句戒句非戒句日

月星宿句非日月星宿句諦句非諦
句果句非果句滅句非滅句滅起句
非滅起句醫方句非醫方句相句非
相句支分句非支分句禪句非禪句
迷句非迷句現句非現句護句非護
句種族句非種族句仙句非仙句王
句非王句攝受句非攝受句寶句非
寶句記句非記句一闡提句非一闡
提句女男不男句非女男不男句味
句非味句作句非作句身句非身句
計度句非計度句動句非動句根句
非根句有為句非有為句因果句非
因果句色究竟句非色究竟句時節
句非時節句樹藤句非樹藤句種種
句非種種句演說句非演說句決定
句非決定句毗尼句非毗尼句比丘
句非比丘句住持句非住持句文字
句非文字句大慧此百八句皆是過

去諸佛所說

上正列中少
二句應訪尋

今時大慧菩薩摩訶薩復白佛言世
尊諸識有幾種生住滅佛言大慧諸
識有二種生住滅非臆度者之所能
知所謂相續生及相生相續住及相

住相續滅及相滅諸識有三相謂轉
相業相真相大慧識廣說有八略則
唯二謂現識及分別事識大慧如明
鏡中現諸色像現識亦尔大慧現識
與分別事識此二識無異相乎為因
大慧現識以不思議熏變為因分別
事識以分別境界及無始戲論習氣
為因大慧阿賴耶識虛妄分別種種
習氣滅即一切根識滅是名相滅大
慧相續滅者謂所依因滅及所緣滅
即相續滅所依因者謂無始戲論虛
妄習氣所緣者謂自心所見分別境
界大慧譬如泥團與微塵非異非不
異金與莊嚴具亦如是大慧若泥團
與微塵異者應非彼成而實彼成是
故不異若不異者泥團微塵應无分
別大慧轉識藏識若異者藏識非彼
因若不異者轉識滅藏識亦應滅然
彼真相不滅大慧識真相不滅但業
相滅若真相滅者藏識應滅若藏識
滅者即不異外道斷滅論大慧彼諸
外道作如是說取境界相續識滅即
無始相續識滅大慧彼諸外道說相

續識從作者生不說眼識依色光明
和合而生唯說作者為生因故作者
是何彼計勝性丈夫自在時及微塵
為能作者復次大慧有七種自性所
謂集自性性自性相自性大種自性
因自性緣自性成自性復次大慧有
七種第一義所謂心所行智所行二
見所行超二見所行超于地所行如
來所行如來自證聖智所行大慧此
是過去未來現在一切如來應正等
覺法自性第一義心以此心成就如
來世間出世間寂上法以聖慧眼入
自共相種種安立其所安立不與外
道惡見共大慧云何為外道惡見謂
不知境界自分別現於自性第一義
見有見無而起言說大慧我今當說
若了境如幻自心所現則滅妄想三
有苦及无知愛業緣大慧有諸沙門
婆羅門妄計非有及有於因果外顯
現諸物依時而住或計蘊界處依緣
生住有已即滅大慧彼於若相續若
作用若生若滅若諸有若涅槃若道
若業若果若諦是破壞斷滅論何以

故不得現法故不見根本故大慧譬
如瓶破不作瓶事又如焦種不能生
牙此亦如是若蘊界處法已現當滅
應知此則無相續生以無因故但是自
心虛妄所見復次大慧若本無有識
三緣合生龜應生毛沙應出油汝宗
則壞違決定義所作事業悉空無益
大慧三合為緣是因果性可說為有
過現未來從無生有此依住覺想地
者所有理教及自惡見熏習餘氣作
如是說大慧愚癡凡夫惡見所噬邪
見迷醉無智妄稱一切智說大慧復
有沙門婆羅門觀一切法皆無自性
如空中雲如旋火輪如軋闔婆城如
幻如焰如水中月如夢所見不離自
心由無始來虛妄見故取以為外作
是觀已斷分別緣亦離妄心所取名
義知身及物并所住處一切皆是藏
識境界無能所取及生住滅如是思
惟恒住不捨大慧此菩薩摩訶薩不
久當得生死涅槃二種平等大悲方
便無功用行觀衆生如幻如影從緣
而起知一切境界離心無得行無相

道漸昇諸地住三昧境了達三界皆
唯自心得如幻定絕衆影像成就智
慧證無生法入金剛喻三昧當得佛
身恒住如如起諸變化力通自在大
慧方便以為嚴飾遊衆佛國離諸外
道及心意識轉依次第成如來身大
慧菩薩摩訶薩欲得佛身應當遠離
蘊界處心因緣所作生住滅法戲論
分別但住心量觀察三有无始時來
妄習所起思惟佛地无相無生自證
聖法得心自在無功用行如如意寶
隨宜現身令達唯心漸入諸地是故
大慧菩薩摩訶薩於自悉檀應善修學
大乘入楞伽經卷第一

癸卯歲高麗國大庵都監奉
勅彫造

大乘入楞伽經卷第二

疑

集一切法品第二之二

大周于闐國三藏法師實叉難陀奉勅譯

尔時大慧菩薩摩訶薩復白佛言世尊唯願為我說心意意識五法自性相衆妙法門此是一切諸佛菩薩入自心境離所行相稱真實義諸佛教心唯願如來為此山中諸菩薩衆隨順過去諸佛演說藏識海浪法身境界尔時世尊告大慧菩薩摩訶薩言有四種因緣眼識轉何等為四所謂不覺自心現而執取故無始時來取著於色虛妄習氣故識本性如是故樂見種種諸色相故大慧以此四緣阿賴耶識如瀑流水生轉識浪如眼識餘亦如是於一切諸根微塵毛孔眼等轉識或頻生譬如明鏡現衆色像或漸生猶如猛風吹大海水心海亦尔境界風吹起諸識浪相續不絕大慧因所作相非一非異業與生相相繫深縛不能了知色等自性五識身轉大慧與五識俱或因了別差別境相

有意識生然彼諸識不作是念我等
同時展轉為因而於自心所現境界
分別執著俱時而起无差別相各了
自境大慧諸修行者入於三昧以習
力微起而不覺知但作是念我滅諸
識入於三昧實不滅識而入三昧以
彼不滅習氣種故但不取諸境名為
識滅大慧如是藏識行相微細唯除
諸佛及住地菩薩其餘一切二乘外
道定慧之力皆不能知唯有修行如
實行者以智慧力了諸地相善達句
義無邊佛所廣集善報不妄分別自
心所見能知之耳大慧諸修行人宴
處山林上中下修能見自心分別流
注得諸三昧自在力通諸佛灌頂菩
薩圍繞知心意意識所行境界超愛
業無明生死大海是故汝等應當親
近諸佛菩薩如實修行大善知識今
時世尊重說頌言

譬如巨海浪 斯由猛風起 洪波鼓溟壑
無有斷絕時 藏識海常住 境界風所動
種種諸識浪 騰躍而轉生 青赤等諸色
鹽貝乳石璫 花果日月光 非異非不異

意等七種識應知亦如是如海共波浪
心俱和合生譬如海水動種種波浪轉
藏識亦如是種種諸識生心意及意識
為諸相故說八識無別相无能相所相
譬如海波浪是則無差別諸識心如是
異亦不可得心能積集業意能廣積集
了別故名識對現境說五

尔時大慧菩薩摩訶薩以頌問曰
青赤諸色像衆生識顯現如浪種種法
云何願佛說

尔時世尊以頌答曰

青赤諸色像浪中不可得言心起衆相
開悟諸凡夫而彼本無起自心所取離
能取及所取與彼波浪同身資財安住
衆生識所現是故見此起與浪无差別
尔時大慧復說頌言

大海波浪性鼓躍可分別藏識如是起
何故不覺知

尔時世尊以頌答曰

阿賴耶如海轉識同波浪為凡夫無智
譬喻廣開演

尔時大慧復說頌言

譬如日光出上下等皆照世間豈亦然

應為愚說實已能開示法何不顯真實
今時世尊以頌答曰

若說真實者彼心无真實 譬如海波浪
鏡中像及夢 俱時而顯現 心境界亦然
境界不具故 次第而轉生 識以能了知
意復意謂然 五識了現境 无有定次第
譬如王畫師 及畫師弟子 布彩圖眾像
我說亦如是 彩色中無文 非筆亦非素
為悅眾主故 綺煥成眾像 言說則變異
真實離文字 我所住實法 為諸修行說
真實自證處 能所分別離 此為佛子說
愚夫別開演 種種皆如幻 所見不可得
如是種種說 隨事而變異 所說非所應
於彼為非說 譬如眾病人 良醫隨授藥
如來為眾主 隨心應量說 世間依怙者
證智所行處 外道非境界 聲聞亦復然
復次大慧菩薩摩訶薩若欲了知能
取所取分別境界皆是自心之所現
者當離憤悶昏滯睡眠初中後夜勤
加修習遠離曾聞外道邪論及二乘
法通達自心分別之相

復次大慧菩薩摩訶薩住智慧心所
住相已於上聖智三相當勤修學何

者為三所謂無影像相一切諸佛願持相自證聖智所趣相諸修行者獲此相已即捨跛驢智慧心相入菩薩第八地於此三相修行不捨大慧无影像相者謂由慣習一切二乘外道相故而得生起一切諸佛願持相者謂由諸佛自本願力所加持故而得生起自證聖智所趣相者謂由不取一切法相成就如幻諸三昧身趣佛地智故而得生起大慧是名上聖智三種相若得此相即到自證聖智所行之處汝及諸菩薩摩訶薩應勤修學今時大慧菩薩摩訶薩知諸菩薩心之所念承一切佛威神之力白佛言唯願為說百八句老別所依聖智事目性法門一切如來應正等覺為諸菩薩摩訶薩墮自共相者說此妄計性老別義門知此義已則能淨治二無我觀境照明諸地超越一切二乘外道三昧之樂見諸如來不可思議所行境界畢竟捨離五法自性以一切佛法身智慧而自在嚴入如幻境住一切剎毖率陀宮色究竟天成如

來身佛言大慧有一類外道見一切法隨因而盡生分別解想兔無角起於無見如兔角無一切諸法悉亦如是復有外道見大種求那塵等諸物形量分位各差別已執兔無角於此而生牛有角想大慧彼墮二見不了唯心但於自心增長分別大慧身及資生器世間等一切皆唯分別所現大慧應知兔角離於有無諸法悉然勿生分別云何兔角離於有無乎因待故分拈牛角乃至微塵求其體相終不可得聖智所行遠離彼見是故於此不應分別

今時大慧菩薩摩訶薩復白佛言世尊彼豈不以妄見起相比度觀待妄計無耶佛言不以分別起相待以言無何以故彼以分別為生因故以角分別為其所依所依為因離異不異非由相待顯兔角无大慧若此分別異兔角者則非角因若不異者因彼而起大慧分拈牛角乃至極微求不可得異於有角言無角者如是分別決定非理二俱非有誰待於誰若相待不成待於

有故言鬼角無不應分別不正因故
有無論者執有執無二俱不成大慧
復有外道見色形狀虛空分齊而生
執者言色異虛空起於分別大慧虛
空是色隨入色種大慧色是虛空能
持所持建立性故色空分齊應如是
知大慧大種生時自相各別不住虛
空中非彼無虛空大慧鬼角亦余觀
待牛角言彼角无大慧分折牛角乃
至微塵又指彼塵其相不現彼何所
待而言無耶若待餘物彼亦如是大
慧汝應遠離鬼角牛角虛空及色所
有分別汝及諸菩薩摩訶薩應常觀
察自心所見分別之相於一切國土
為諸佛子說觀察自心修行之法今
時世尊即說頌言

心所見无有 唯依心故起 身資所住影
衆生蔽識現 心意及與識 自性五種法
二無我清淨 諸導師演說 長短共觀待
展轉互相生 因有故成無 因无故成有
微塵分拊事 不起色分別 唯心所安立
惡見者不信 外道非行處 聲聞亦復然
救世之所說 自證之境界

今時大慧菩薩摩訶薩為淨心現流
故而請佛言世尊云何淨諸衆生自
心現流為漸次淨為頓淨耶佛言大
慧漸淨非頓如菴羅果漸熟非頓諸
佛如來淨諸衆生自心現流亦復如
是漸淨非頓如陶師造器漸成非頓
諸佛如來淨諸衆生自心現流亦復
如是漸而非頓譬如大地生諸草木
漸生非頓諸佛如來淨諸衆生自心
現流亦復如是漸而非頓大慧譬如
人學音樂書畫種種技術漸成非頓
諸佛如來淨諸衆生自心現流亦復
如是漸而非頓譬如明鏡頓現衆像
而無分別諸佛如來淨諸衆生自心
現流亦復如是頓現一切無相境界
而無分別如日月輪一時遍照一切
色像諸佛如來淨諸衆生自心過習
亦復如是頓為示現不可思議諸佛
如來智慧境界譬如藏識頓現於身
及資生國土一切境界報佛亦令於
色究竟天頓能成熟一切衆生令修
諸行譬如法佛頓現報佛及以化佛
光明照曜自證聖境亦復如是頓現

法相而為照曜令離一切有无惡見
復次大慧法性所流佛說一切法自
相共相自心現習氣因相妄計性所
執因相更相繫屬種種幻事皆無自
性而諸衆生種種執著取以為實恣
不可得復次大慧妄計自性執著緣
起自性起大慧譬如幻師以幻術力
依草木瓦石幻作衆生若干色像令
其見者種種分別皆無真實大慧此
亦如是由取著境界習氣力故於緣
起性中有妄計性種種相現是名妄
計性生大慧是名法性所流佛說法
相大慧法性佛者建立自證智所行
離心自性相大慧化佛說施戒忍進
禪定智慧蘊界處法及諸解脫諸識
行相建立老別越外道見超無色行
復次大慧法性佛非所攀緣一切所
緣一切所作相根量等相悉皆遠離
非凡夫二乘及諸外道執著我相所
取境界是故大慧於自證聖智勝境
界相當勤修學於自心所現分別見
相當遠離捨離復次大慧聲聞乘有二
種老別相所謂自證聖智殊勝相分

別執著自性相云何自證聖智殊勝
相謂明見苦空无常無我諸諦境界
離欲寂滅故於蘊界處若自若共外
不壞相如實了知故心住一境住一
境已獲禪解脫三昧道果而得出離
住自證聖智境界樂未離習氣及不
思議變易死是名聲聞乘自證聖智
境界相菩薩摩訶薩雖亦得此聖智
境界以憐愍衆生故本願所持故不
證寂滅門及三昧樂諸菩薩摩訶薩
於此自證聖智樂中不應修學大慧
云何分別執著自性相所謂知堅濕
煖動青黃赤白如是等法非作者生
然依教理見自共相分別執著是名
聲聞乘分別執著相菩薩摩訶薩於
此法中應知應捨離人无我見入法
無我相漸住諸地

尔時大慧菩薩摩訶薩白佛言世尊
如來所說常不思議自證聖智第一
義境將无同諸外道所說常不思議
作者耶佛言大慧非諸外道作者得
常不思議所以者何諸外道常不思議
因自相不成既因自相不成以何顯示

常不思議大慧外道所說常不思議若
因自相成彼則有常但以作者為因
相故常不思議不成大慧我第一義
常不思議第一義因相成遠離有無
自證聖智所行相故有相第一義智
為其因故有因離有無故非作者如
虛空涅槃寂滅法故常不思議是故
我說常不思議不同外道所有評論
大慧此常不思議是諸如來自證聖
智所行真理是故菩薩當勤修學復
次大慧外道常不思議以無常異相
因故常非自相因力故常大慧外道
常不思議以見所作法有已還无無
常已比知是常我亦見所作法有已
還無无常已不因此說為常大慧外
道以如是因相成常不思議此因相
非有同於兔角故常不思議唯是分
別但有言說何故彼因同於兔角無
自因相故大慧我常不思議以自證
為因相不以外法有已還無無常為因
外道反此曾不能知常不思議自因
之相而恒在於自證聖智所行相外
此不應說

復次大慧諸聲聞畏生死妄想苦而求涅槃不知生死涅槃差別之相一切皆是妄分別有無所有故妄計未來諸根境滅以為涅槃不知證自智境界轉所依藏識為大涅槃彼愚癡人說有三乘不說唯心无有境界大慧彼人不知去來現在諸佛所說自心境界取心外境常於生死輪轉不絕復次大慧去來現在諸如來說一切法不生何以故自心所見非有性故離有無生故如兔馬等角凡愚妄取唯自證聖智所行之處非諸愚夫二分別境大慧身及資生器世間等一切皆是藏識影像所取能取二種相現彼諸愚夫墮生住滅二見中故於中妄起有无分別大慧汝於此義當勤修學

復次大慧有五種種性何等為五謂聲聞乘種性緣覺乘種性如來乘種性不定種性無種性大慧云何知是聲聞乘種性謂若聞說於蘊界處自相共相若知若證舉身毛豎心樂修習於緣起相不樂觀察應知此是聲

聞乘種性彼於自乘見所證已於五
六地漸煩惱結不斷煩惱習住不思
議死正師子孔言我生已盡梵行已
立所作已辦不受後有修習人無我
乃至生於得涅槃覺大慧復有衆生
求證涅槃言能覺知我人衆生養者
取者此是涅槃復有說言見一切法
因作者有此是涅槃大慧彼无解脫
以未能見法無我故此是聲聞乘及
外道種性於未出中生出離想應勤
修習捨此惡見大慧云何知是緣覺
乘種性謂若聞說緣覺乘法舉身毛
豎悲泣流淚離憤開緣無所染著有
時聞說現種種身或聚或散神通變
化其心信受无所違逆當知此是緣
覺乘種性應為其說緣覺乘法大慧
如來乘種性所證法有三種所謂自
性無自性法內身自證聖智法外諸
佛刹廣大法大慧若有聞說此二
法及自心所現身財建立阿賴耶識
不思議境不驚不怖不畏當知此是
如來乘性大慧不定種性者謂聞說
彼三種法時隨生信解而順修學大

慧為初治地人而說種性欲令其入
無影像地作此建立大慧彼住三昧
樂聲聞若能證知自所依識見法無
我淨煩惱習畢竟當得如來之身今
時世尊即說頌言

預流一來果不還阿羅漢是等諸聖人
其心悉迷惑我所立三乘一乘及非乘
為愚夫少智樂寂諸聖說第一義法門
遠離於二取住於无境界何建立三乘
諸禪及無量无色三摩提乃至滅受想
唯心不可得

復次大慧此中一闍提何故於解脫
中不生欲樂大慧以捨一切善根故
為无始衆生起願故云何捨一切善
根謂謗菩薩截言此非隨順契經調
伏解脫之說作是語時善根悉斷不入
涅槃云何為無始衆生起願謂諸菩
薩以本願方便願一切衆生悉入涅槃
若一衆生未涅槃者我終不入此亦
住一闍提趣此是无涅槃種性相大
慧菩薩言世尊此中何者畢竟不入
涅槃佛言大慧彼菩薩一闍提知一
切法本來涅槃畢竟不入非捨善根

何以故捨善根一闡提以佛威力故
或時善根生所以者何佛於一切衆
生無捨時故是故菩薩一闡提不入
涅槃

復次大慧菩薩摩訶薩當善知三自
性相何者為三所謂妄計自性緣起
自性圓成自性大慧妄計自性從相
生云何從相生謂彼依緣起事相種
類顯現生計著故大慧彼計著事相
有二種妄計性生是諸如來之所演
說謂名相計著相事相計著相大慧
事計著相者謂計著内外法相計著
相者謂即彼内外法中計著自共相
是名二種妄計自性相大慧從所依
所緣起是緣起性何者圓成自性謂
離名相事相一切分別自證聖智所
行真如大慧此是圓成自性如來藏
心今時世尊即說頌言

名相分別 二自性相 正智真如
是圓成性

大慧是名觀察五法自性相法門自
證聖智所行境界汝及諸菩薩摩訶
薩當勤修學復次大慧菩薩摩訶薩

當善觀察二無我相何者為二所謂

人无我相法無我相大慧何者是人

無我相謂蘊界處離我我所无知愛

業之所生起眼等識生取於色等而

生計著又自心所見身器世間皆是

藏心之所顯現剎那相續變壞不停

如河流如種子如燈焰如迅風如浮

雲躁動不安如猿猴樂不淨處如飛

蠅不知馱足如猛火無始虛偽習氣

為因諸有趣中流轉不息如汲水輪

種種色身威儀進止辟如死屍呪力

故行亦如木人因機運動若能於此

善知其相是名人无我智大慧云何

為法無我智謂知蘊界處是妄計性

如蘊界處離我我所唯共積聚愛業

繩縛于為緣起無能作者蘊等亦亦

離自共相虛妄分別種種相現愚夫

分別非諸聖者如是觀察一切諸法

離心意意識五法自性是名菩薩摩

訶薩法無我智得此智已知无境界

了諸地相即入初地心生歡喜次第

漸進乃至善慧及以法雲諸有所作

皆悉已辦住是地已有大寶蓮花王

衆寶莊嚴於其花上有寶宮殿狀如蓮花菩薩往修幻性法門之所成就而坐其上同行佛子前後圍繞一切佛刹所有如來皆舒其手如轉輪王子灌頂之法而灌其頂超佛子地獲自證法成就如來自在法身大慧是名見法無我相汝及諸菩薩摩訶薩應勤修學

今時大慧菩薩摩訶薩復白佛言世尊願說建立誹謗相令我及諸菩薩摩訶薩離此惡見疾得阿耨多羅三藐三菩提得菩提已破建立常誹謗斷見今於正法不生毀謗佛受其請即說頌言

身資財所住皆唯心影像凡愚不能了起建立誹謗所起但是心離心不可得今時世尊欲重說此義告大慧言有四種無有有建立何者為四所謂无有相建立相無有見建立見无有因建立因無有性建立性是為四大慧誹謗者謂於諸惡見所建立法求不可得不善觀察遂生誹謗此是建立誹謗相大慧云何無有相建立相謂於蘊

界處自相共相本無所有而生計著
此如是此不異而此分別從无始種
種惡習所生是名無有相建立相云
何無有見建立見謂於蘊界處建立
我人衆生等見是名无有見建立見
云何無有因建立因謂初識前無因
不生其初識本无後眼色明念等為
因如幻生生已有有還滅是名無有
因建立因云何无有性建立性謂於
虛空涅槃非數滅無作性執著建立
大慧此離性非性一切諸法離於有
無猶如毛輪兔馬等角是名无有性
建立性大慧建立誹謗皆是凡愚不
了唯心而生分別非諸聖者是故汝
等當勤觀察遠離此見大慧菩薩摩
訶薩善知心意識五法自性二无
我相已為衆生故作種種身如依緣
起起妄計性亦如摩尼隨心現色普
入佛會聽聞佛說諸法如幻如夢如
影如鏡中像如水中月遠離生滅及
以斷常不住聲聞辟支佛道間已成
就无量百千億那由他三昧得此三
昧已遍遊一切諸佛國土供養諸佛

生諸天上顯揚三寶示現佛身為諸
聲聞菩薩大衆說外境界皆唯是心
悉令遠離有無等執今時世尊即說
頌言

佛子能觀見世間唯是心示現種種身
所作無障碍神通力自在一切皆成就
余時大慧菩薩摩訶薩復請佛言願
為我說一切法空無生无二無自性
相我及諸菩薩悟此相故離有无分
別疾得阿耨多羅三藐三菩提佛言
諦聽當為汝說大慧空者即是妄計
性句義大慧為執著妄計自性故說
空无生無二元自性大慧略說空性
有七種謂相空自性空無行空行空
一切法不可說空第一義聖智大空
彼彼空云何相空謂一切法自相共
相空展轉積聚互相待故分拈推求
無所有故自他及共皆不生故自共相
無生亦无住是故名一切法自相空
云何自性空謂一切法自性不生是
名自性空云何無行空所謂諸蘊本
來涅槃无有諸行是名無行空云何
行空所謂諸蘊由業及因和合而起

離我我所是名行空云何一切法不可說空謂一切法妄計自性无可言說是名不可說空云何第一義聖智大空謂得自證聖智時一切諸見過習悉離是名第一義聖智大空云何彼彼空謂於此無彼是名彼彼空譬如鹿子母堂無爲馬牛羊等我說彼堂空非无比丘衆大慧非謂堂无堂自性非謂比丘無比丘自性非謂餘處無爲馬牛羊大慧一切諸法自共相彼彼求不可得是故說名彼彼空是名七種空大慧此彼彼空空中空無汝應遠離

復次大慧無生者自體不生而非不生除住三昧是名無生大慧无自性者以無生故密意而說大慧一切法無自性以剎那不住故見後變異故是名無自性云何无二相大慧如光影如長短如黑白皆相待立獨則不成大慧非於生死外有涅槃非於涅槃外有生死生死涅槃无相違相如生死涅槃一切法亦如是是名無二相大慧空無生无二無自性相汝當

勤學今時世尊重說頌言

我常說空法 遠離於斷常生死如幻夢
而業亦不壞 虛空及涅槃滅二亦如是
愚夫妄分別 諸聖離有無

余時世尊復告大慧菩薩摩訶薩言
大慧此空無生无自性无二相志入
一切諸佛所說修多羅中佛所說經
皆有是義大慧諸修多羅隨順一切
衆生心說而非真實在於言中譬如
陽焰誑惑諸獸令生水想而實無水
衆經所說亦復如是隨諸愚夫自所
分別今生歡喜非皆顯亦聖智證處
真實之法大慧應隨順義莫著言說
余時大慧菩薩摩訶薩白佛言世尊
修多羅中說如來藏本性清淨常恒
不斷無有變易具三十二相在於一
切衆生身中為蘊界處垢衣所纏貪
恚癡等妄分別垢之所汙染如無價
寶在垢衣中外道說我是常作者離
於求那自在无滅世尊所說如來藏
義豈不同於外道我耶佛言大慧我
說如來藏不同外道所說之我大慧
如來應正等覺以性空實際涅槃不生

無相无願等諸句義說如來藏為令
愚夫離無我怖說无分別無影像處
如來藏門未來現在諸菩薩摩訶薩
不應於此執著於我大慧譬如陶師
於泥聚中以人功水杖輪繩方便作
種種器如來亦於遠離一切分別
相無我法中以種種智慧方便善巧
或說如來藏或說為無我種種名字
各各差別大慧我說如來藏為攝著
我諸外道衆令離妄見入三解脫速
得證於阿耨多羅三藐三菩提是故
諸佛說如來藏不同外道所說之我
若欲離於外道見者應知無我如來
藏義今時世尊即說頌曰
士夫相續蘊 衆緣及微塵 勝自在作者
此但心分別

今時大慧菩薩普觀未來一切衆生
復請佛言願為我說具修行法如諸
菩薩摩訶薩成大修行佛言大慧菩
薩摩訶薩具四種法成大修行何者
為四謂觀察自心所現故遠離生住
滅見故善知外法無性故專求自證
聖智故若諸菩薩成此四法則得名

為大修行者大慧云何觀察自心所
現謂觀三界唯是自心離我我所无
動作無來去无始執著過習所熏三
界種種色行名言繫縛身資所住分
別隨入之所顯現菩薩摩訶薩如是
觀察自心所現大慧云何得離生住
滅見所謂觀一切法如幻夢生自他
及俱皆不生故隨自心量之所現故
見外物無有故見諸識不起故及衆
緣無積故分別因緣起三界故如是
觀時若內若外一切諸法皆不可得
知無體實遠離生見證如幻性即時
逮得無生法忍住第八地了心意意
識五法自性二無我境轉所依止獲
意生身大慧言世尊以何因緣名意
生身佛言大慧意生身者譬如意去
速疾無尋名意生身大慧譬如心意
於無量百千由旬之外憶先所見種種
諸物念念相續疾詣於彼非是其身
及山河石壁所能為尋意生身者亦
復如是如幻三昧力通自在諸相莊
嚴憶本成就衆生願故猶如意去生
於一切諸聖衆中是名菩薩摩訶薩

得遠離於生住滅見大慧云何觀察
外法無性謂觀察一切法如陽焰如
夢境如毛輪無始戲論種種執著虛
妄惡習為其因故如是觀察一切法
時即是專求自證聖智大慧是名菩
薩具四種法成大修行汝應如是勤
加修學

今時大慧菩薩摩訶薩復請佛言願
說一切法因緣相令我及諸菩薩摩
訶薩了達其義離有無見不妄執諸
法漸生頓生佛言大慧一切法因緣
生有二種謂內及外外者謂以泥團
木杖輪繩人功等緣和合成瓶如泥
瓶縷疊草席種牙酪蘇悉亦如是名
外緣前後轉生內者謂無明愛業等
生蘊界處法是為內緣起此但愚夫
之所分別大慧因有六種謂當有因
相屬因相因能作因顯了因觀待因
大慧當有因者謂內外法作因生果
相屬因者謂內外法作緣生果蘊種
子等相因者作無間相生相續果能
作因者謂作增上而生於果如轉輪
王顯了因者謂分別生能顯境相如

燈照物觀待因者謂滅時相續斷無
妄想生大慧此是愚夫自所分別非
漸次生亦非頓生何以故大慧若頓
生者則作與所作無有差別求其因
相不可得故若漸生者求其體相亦
不可得如未生子云何名父諸計度
人言以因緣所緣緣無間緣增上緣
等所生能生手相繫屬次第生者理
不得成皆是妄情執著相故大慧漸
次與頓皆悉不生但有心現身資等
故外自共相皆無性故惟除識起自
分別見大慧是故應離因緣所作和
合相中漸頓生見余時世尊重說頌言
一切法無生亦復無有滅於彼諸緣中
分別生滅相非遮諸緣會如是滅復生
但止於凡愚妄情之所著緣中法有無
是悉無有生習氣迷轉心從是三有現
本來無有生亦復無有滅觀一切有為
譬如虛空花離能取所取一切迷惑見
無能生所生亦復无因緣但隨世俗故
而說有生滅

大乘入楞伽經卷第二

癸卯歲高麗國大藏都監奉
勅彫造

大乘入楞伽經卷第三

跋

大周于闐國三藏法師實叉難陀奉勅譯

集一切法品第二之三

尔時大慧菩薩摩訶薩復白佛言世尊願為我說言說分別相心法門我及諸菩薩摩訶薩善知此故通達能說所說二義疾得阿耨多羅三藐三菩提今一切衆生於二義中而得清淨佛言大慧有四種言說分別相所謂相言說夢言說計著過惡言說無始妄想言說大慧相言說者所謂執著自分別色相生夢言說者謂夢人所經境界覺已憶念依不實境生計著過惡言說者謂憶念怛憚先所作業生無始妄想言說者以无始戲論妄執習氣生是為四大慧復言世尊願更為說言語分別所行之相何處何因去何而起佛言大慧依頭習喉鼻唇齟齒舌和合而起大慧復言世尊言語分別為異不異佛言大慧非異非不異何以故分別為因起言語故若異者分別不應為因若不異者語

言不應顯義是故非異亦非不異大
慧復言世尊為言語是第一義為所
說是第一義佛告大慧非言語是亦
非所說何以故第一義者是聖樂處
因言而入非即是言第一義者是聖
智內自證境非言語分別智境言語
分別不能顯亦大慧言語者起滅動
搖展轉因緣生若展轉緣生於第一
義不能顯亦第一義者無自他相言語
有相不能顯亦第一義者但唯自心種
種外想悉皆無有言語分別不能顯
亦是故大慧應當遠離言語分別今
時世尊重說頌言

諸法無自性 亦復無言說 不見空空義
愚夫故流轉 一切法無性 離語言分別
諸有如夢化 非生死涅槃 如王及長者
為令諸子喜 先亦相似物 後賜真實者
我今亦復然 先說相似法 後乃為其演
自證實際法

今時大慧菩薩摩訶薩復白佛言世
尊願為我說離一異俱不俱有无非
有無常无常等一切外道所不能行
自證聖智所行境界遠離妄計自相

共相入於真實第一義境漸淨諸地
入如來位以無功用本願力故如如
意寶普現一切無邊境界一切諸法
皆是自心所見老別令我及餘諸菩
薩等於如是等法離妄計自性自共
相見速證阿耨多羅三藐三菩提普
令衆生具足圓滿一切功德佛言大
慧善哉善哉汝哀愍世間請我此義
多所利益多所安樂大慧凡夫無智
不知心量妄習為因執著外物分別
一異俱不俱有無非有无常無常等
一切自性大慧譬如群獸為渴所逼
於熱時焰而生水想迷惑馳趣不知
非水愚癡凡夫亦復如是无始戲論
分別所熏三毒燒心樂色境界見生
住滅取内外法墮一異等執著之中
大慧如乾闥婆城非城非城无智
之人無始時來執著城種妄習熏故
而作城想外道亦尔以無始來妄習
熏故不能了達自心所現著一異等
種種言說大慧譬如有人夢見男女
為馬車步城邑園林種種嚴飾覺已
憶念彼不實事大慧汝意云何如是

之人是點慧不答言不也大慧外道
亦尔惡見所噬不了唯心執著一異
有無等見大慧譬如畫像無高无下
愚夫妄見作高下想未來外道亦復
如是惡見熏習妄心增長執一異等
自壞壞他於離有无無生之論亦說
為無此謗因果拔善根本應知此人
分別有無起自他見當墮地獄欲求
勝法宜速遠離大慧譬如翳目見有
毛輪乎相謂言此事希有而此毛輪
非有非無見不見故外道亦尔惡見
分別執著一異俱不俱等誹謗正法
自陷陷他大慧譬如火輪實非是輪
愚夫取著非諸智者外道亦尔惡見樂
欲執著一異俱不俱等一切法生大慧
譬如水泡似玻璃珠愚夫執實奔馳而
取然彼水泡非珠非非珠取不取故外
道亦尔惡見分別習氣所熏說非有為
生壞於緣有復次大慧立三種量已
於聖智內證離二自性法起有性分
別大慧諸修行者轉心意識離能所
取住如來地自證聖法於有及无不
起於想大慧諸修行者若於境界起

有無執則著我人衆生壽者大慧一切諸法自相共相是化佛說非法佛說大慧化佛說法但順愚夫所起之見不為顯亦自證聖智三昧樂境大慧譬如水中有樹影現彼非影非非影非樹形非非樹形外道亦余諸見所熏不了自心於一異等而生分別大慧譬如明鏡無有分別隨順衆緣現諸色像彼非像非非像而見像非像愚夫分別而作像想外道亦余於自心所現種種形像而執一異俱不俱相大慧譬如各響依於風水人等音聲和合而起彼非有非無以聞聲非聲故外道亦余自心分別熏習力故起於一異俱不俱見大慧譬如大地無草木處日光照觸焰水波動彼非有非无以倒想非想故愚癡凡夫亦復如是無始戲論惡習所熏於聖智自證法性門中見生住滅一異有無俱不俱性大慧譬如大人及以起死以毗舍闍機関力故動搖運轉去為不絕無智之人取以為實愚癡凡夫亦復如是隨逐外道起諸惡見著一異等虛

妄言說是故大慧當於聖智所證法
中離生住滅一異有無俱不俱等一
切分別今時世尊重說頌言

諸識蘊有五猶如水樹影所見如幻夢
不應妄分別三有如陽焰幻夢及毛輪
若能如是觀究竟得解脫譬如熱時焰
動轉迷亂心渴獸取為水而實無水事
如是識種子動轉見境界如翳者所見
愚夫生執著無始生死中執著所緣覆
退捨令出離如因搯出搯幻呪機所作
浮雲夢電光觀世恒如是永斷三相續
此中無所有如空中陽焰如是知諸法
則為無所知諸蘊如毛輪於中妄分別
唯假施設名求相不可得如畫無髮幻
夢乾闥婆城火輪熱時焰實無而見有
如是常無常一異俱不俱無始繫縛故
愚夫妄分別明鏡水淨眼摩尼妙寶珠
於中現色像而實無所有心識亦如是
普現衆色相如夢空中焰亦如石女兒
復次大慧諸佛說法離於四句謂離
一異俱不俱及有无等建立誹謗大
慧諸佛說法以諦緣起滅道解脫而
為其首非與勝性自在宿作自然時

微塵等而共相應大慧諸佛說法為
淨感智二種障故次第令住一百八
句無相法中而善分別諸乘地相猶
如商主善導衆人復次大慧有四種
禪何等為四謂愚夫所行禪觀察義
禪攀緣真如禪諸如來禪大慧云何
愚夫所行禪謂聲聞緣覺諸修行者
知人無我見自他身骨鎖相連皆是
无常苦不淨相如是觀察堅著不捨
漸次增勝至無想滅定是名愚夫所
行禪云何觀察義禪謂知自共相人
無我已亦離外道自他俱作於法无
我諸地相義隨順觀察是名觀察義
禪云何攀緣真如禪謂若分別無我有
二是虛妄念若如實知彼念不起是
名攀緣真如禪云何諸如來禪謂入佛
地住自證聖智三種樂為諸衆生作
不思議事是名諸如來禪今時世尊
重說頌言

愚夫所行禪觀察義相禪攀緣真如禪
如來清淨禪修行者在定觀見日月形
波頭摩深險虛空火及盡如是種種相
墮於外道法亦墮於聲聞辟支佛境界

捨離此一切住於無所緣是則能隨入
如如真實相十方諸國土所有無量佛
悉引光明手而摩是人頂

今時大慧菩薩摩訶薩復白佛言世
尊諸佛如來所說涅槃說何等法名
為涅槃佛告大慧一切識自性習氣
及藏識意意識見習轉已我及諸佛
說名涅槃即是諸法性空境界復次
大慧涅槃者自證聖智所行境界遠
離斷常及以有無云何非常謂離自
相共相諸分別故云何非斷謂去來
現在一切聖者自證智所行故復次
大慧大般涅槃不壞不死若死者應
更受生若壞者應是有為是故涅槃
不壞不死諸修行者之所歸趣復次
大慧無捨无得故非斷非常故不一
不異故說名涅槃復次大慧聲聞緣
覺知自共相捨離憤內不生顛倒不
起分別彼於其中生涅槃想復次大
慧有二種自性相何者為二謂執著
言說自性相執著諸法自性相執著
言說自性相者以無始戲論執著言
說習氣故起執著諸法自性相者以

不覺自心所現故起復次大慧諸佛
有二種加持持諸菩薩令頂礼佛足
請問衆義云何為二謂令人三昧及身
現其前手灌其頂大慧初地菩薩摩訶
薩蒙諸佛持力故入菩薩大乘光明
定入已十方諸佛普現其前身語加
持如金剛藏及餘成就如是功德相
菩薩摩訶薩者是大慧此菩薩摩訶
薩蒙佛持力入三昧已於百千劫集
諸善根漸入諸地善能通達治所治
相至法雲地處大蓮花微妙宮殿坐
於寶座同類菩薩所共圍繞首戴寶
冠身如黃金瞻蔔花色如盛滿月放
大光明十方諸佛舒蓮花手於其座
上而灌其頂如轉輪王太子受灌頂
已而得自在在此諸菩薩亦復如是是
名為二諸菩薩摩訶薩為二種持之
所持故即能親見一切諸佛異則不
能復次大慧諸菩薩摩訶薩入於三
昧現通說法如是一切皆由諸佛二
種持力大慧若諸菩薩離佛加持能
說法者則諸凡夫亦應能說大慧山
林草樹城郭宮殿及諸樂器如來至

處以佛持力尚演法音況有心者翫
盲瘖癡離苦解脫大慧如來持力有
如是等廣大作用大慧菩薩復白佛
言何故如來以其持力令諸菩薩入
於三昧及殊勝地中手灌其頂佛言
大慧為欲令其遠離魔業諸煩惱故
為令不墮聲聞地故為令速入如來
地故令所得法倍增長故是故諸佛
以加持力持諸菩薩大慧若不如是
彼菩薩便墮外道及以聲聞魔境之
中則不能得無上菩提是故如來以加
持力攝諸菩薩今時世尊重說頌言
世尊清淨願有大加持力 初地十地中
三昧及灌頂

今時大慧菩薩摩訶薩復白佛言世
尊佛說緣起是由作起非自體起外
道亦說勝性自在時我微塵生於諸
法今佛世尊但以異名說作緣起非
義有別世尊外道亦說以作者故從
無生有世尊亦說以因緣故一切諸
法今無而生生已歸滅如佛所說無
明緣行乃至老死此說無因非說有
因世尊說言此有故彼有若一時建

立非次第相待者其義不成是故外
道說勝非如來也何以故外道說因
不從緣生而有所生世尊所說果待
於因因復待因如是展轉成無窮過
又此有故彼有者則無有因佛言大
慧我了諸法唯心所現無能取所取
說此有故彼有非是無因及因緣過
失大慧若不了諸法唯心所現計有
能取及以所取執著外境若有若無
彼有是過非我所說大慧菩薩復白
佛言世尊有言說故必有諸法若無
諸法言依何起佛言大慧雖無諸法
亦有言說豈不現見龜毛兔角石女
兒等世人於中皆起言說大慧彼非
有非非有而有言說耳大慧如汝所說
有言說故有諸法者此論則壞大慧非
一切佛土皆有言說言說者假安立
耳大慧或有佛土瞪視顯法或現異
相或復揚眉或動目睛或示微笑頻
呻聲歎憶念動搖以如是等而顯於
法大慧如不瞬世界妙香世界及普
賢如來佛土之中但瞪視不瞬令諸
菩薩獲無生法忍及諸勝三昧大慧

非由言說而有諸法此世界中蠅蟻
等蟲雖無言說成自事故今時世尊
重說頌言

如虛空兔角 及與石女兒 無而有言說
妄計法如是 因緣和合中 愚夫妄謂生
不能如實解 流轉於三有

今時大慧菩薩摩訶薩復白佛言世
尊所說常聲依何處說佛言大慧依
妄法說以諸妄法聖人亦現然不顛
倒大慧譬如陽焰火輪垂綫輒闍婆
城夢幻鏡像世無智者生顛倒解有
智不然然非不現大慧妄法現時无
量差別然非無常何以故離有无故
云何離有無一切愚夫種種解故如
恒河水有見不見見不見不可言
有餘所見故不可言無聖於妄法
離顛倒見大慧妄法是常相不異
故非諸妄法有差別相以分別故
而有別異是故妄法其體是常大慧
云何而得妄法真實謂諸聖者於妄
法中不起顛倒非顛倒覺若於妄法
有少分想則非聖智有少想者當知
則是愚夫戲論非聖言說大慧若分

別妄法是倒非倒彼則成就二種種性謂聖種性凡夫種性大慧聖種性者彼復三種謂聲聞緣覺佛乘別故大慧云何愚夫分別妄法生聲聞乘種性所謂計著自相共相大慧何謂復有愚夫分別妄法成緣覺乘種性謂即執著自共相時離於憤內大慧何謂智人分別妄法而得成就佛乘種性所謂了達一切唯是自心分別所見無有外法大慧有諸愚夫分別妄法種種事物決定如是決定不異此則成就生死乘性大慧彼妄法中種種事物非即是物亦非非物大慧即彼妄法諸聖智者心意意識諸惡習氣自性法轉依故即說此妄名為真如是故真如離於心識我今明了顯示此句離分別者悉離一切諸分別故大慧菩薩白言世尊所說妄法為有為無佛言如幻無執著相故若執著相體是有者應不可轉則諸緣起應如外道說作者生大慧又言若諸妄法同於幻者此則當與餘妄作因佛言大慧非諸幻事為妄惑因以幻不生諸過

惡故以諸幻事無分別故大慧夫幻
事者從他明呪而得生起非自分別
過習力起是故幻事不生過惡大慧
此妄惑法唯是愚夫心所執著非諸
聖者亦時世尊重說頌言

聖不見妄法中間亦非實以妄即真故
中間亦真實若離於妄法而有相生者
此還即是妄如醫未清淨

復次大慧見諸法非幻無有相似故
說一切法如幻大慧言世尊為依執
著種種幻相言一切法猶如幻耶為
異依此執著顛倒相耶若依執著種
種幻相言一切法猶如幻者世尊非
一切法悉皆如幻何以故見種種色
相不無因故世尊都無有因今種種
色相顯現如幻是故世尊不可說言
依於執著種種幻相言一切法與幻
相似佛言大慧不依執著種種幻相
言一切法如幻大慧以一切法不實
速滅如電故說如幻大慧譬如電光
見已即滅世間凡愚悉皆現見一切
諸法依自分別自共相現亦復如是
以不能觀察無所有故而妄計著種

非幻無相似亦非有諸法不實速如電如幻應當知

今時大慧菩薩摩訶薩復白佛言世尊如佛先說一切諸法皆悉無生又言如幻將非所說前後相違佛言大慧無有相違何以故我了於生即是無生唯是自心之所見故若有若無一切外法見其無性本不生故大慧為離外道因生義故我說諸法皆悉不生大慧外道群聚共興惡見言從有無生一切法非自執著分別為緣大慧我說諸法非有无生故名無生大慧說諸法者為令弟子知依諸業攝受生死遮其無有斷滅見故大慧說諸法相猶如幻者令離諸法自性相故為諸凡愚墮惡見欲不知諸法唯心所現為令遠離執著因緣生起之相說一切法如幻如夢彼諸愚夫執著惡見欺誑自他不能明見一切諸法如實住處大慧見一切法如實處者謂能了達唯心所現今時世尊重說頌言

無作故無生有法攝生死了達如幻等
於相不分別

復次大慧我當說名句文身相諸菩
薩摩訶薩善觀此相了達其義疾得
阿耨多羅三藐三菩提復能開悟一
切衆生大慧名身者謂依事立名名
即是身是名名身句身者謂能顯義
決定究竟是名句身文身者謂由於
此能成名句是名文身復次大慧句
身者謂句事究竟名身者謂諸字名
各各差別如從阿字乃至呵字文身
者謂長短高下復次句身者如足跡
如衢巷中人畜等跡名謂非色四蘊
以名說故文謂名之自相由文顯故
是名名句文身此名句文身相汝應
修學今時世尊重說頌言
名身與句身及字身差別凡愚所計著
如鳥溺深泥

復次大慧未來世中有諸邪智惡思
覺者離如實法以見一異俱不俱相
問諸智者彼即荅言此非正問謂色
與无常為異為不異如是涅槃諸行
相所相依所依造所造見所見地與

微塵智與智者為異為不異如是等不可記事次第而問世尊說此當止記答愚夫無智非所能知佛欲令其離驚怖處不為記說大慧不記說者欲令外道永得出離作者見故大慧諸外道眾計有作者作如是說命即是身命異身異如是等說名無記論大慧外道癡惑說無記論非我教中說離能所取不起分別云何可止大慧若有執著能取所取不了唯是自心所見彼應可止大慧諸佛如來以四種記論為眾生說法大慧止記論者我別時說以根未熟且止說故復次大慧何故一切法不生以離能作所作无作者故何故一切法無自性以證智觀自相共相不可得故何故一切法無來去以自共相来无所從去無所至故何故一切法不滅謂一切法無性相故不可得故何故一切法無常謂諸相起無常性故何故一切法常謂諸相起即是不起无所

有故無常性常是故我說一切法常

今時世尊重說頌言

一向及返問分別與置答如是四種說
摧伏諸外道數論與勝論言有非有生
如是等諸說一切皆無記以智觀察時
體性不可得以彼無可說故說无自性
今時大慧菩薩摩訶薩復白佛言世尊
願為我說諸須陀洹果行老別
相我及諸菩薩摩訶薩聞是義故於須
陀洹斯陀舍阿那舍阿羅漢方便相皆
得善巧如是而為衆生演說令其證得
二無我法淨除二障於諸地相漸次通
達獲於如來不可思議智慧境界如
衆色摩尼普令衆生悉得饒益佛言
諦聽當為汝說大慧言唯佛言大慧
諸須陀洹須陀洹果老別有三謂下
中上大慧下者於諸有中極七反生
中者三生五生上者即於此生而入
涅槃大慧此三種人斷三種結謂身
見疑戒禁取上上勝進得阿羅漢果
大慧身見有二種謂俱生及分別如
依緣起有妄計性大慧譬如依止緣
起性故種種妄計執著性生彼法但
是妄分別相非有非無非亦有亦无
凡夫愚癡而橫執著猶如渴獸妄生

水想此分別身見無智慧故久遠相應見人無我即時捨離大慧俱生身見以普觀察自他之身受等四蘊无色相故色由大種而得生故是諸大種亦相因故色不集故如是觀已明見有無即時捨離捨身見故貪則不生是名身見相大慧疑相者於所證法善見相故及先二種身見分別斷故於諸法中疑不得生亦不於餘生大師想為淨不淨是名疑相大慧何苦相是故不取夫其取者謂諸凡愚於諸有中貪著世樂苦行持戒願生於彼須陀洹人不取是相惟求所證寂勝無漏無分別法修行戒品是名戒禁取相大慧須陀洹人捨三結故離貪瞋癡大慧白言貪有多種捨何等貪佛言大慧捨於女色纏綿貪欲見此現樂生來苦故又得三昧殊勝樂故是故捨彼非涅槃貪大慧云何斯陀含果謂不了色相起色分別一往來已善修禪行盡苦邊際而般涅槃是名斯陀含大慧云何阿那含果謂於

過未現在色相起有無見分別過惡
隨眠不起永捨諸結更不還來是名
阿那含大慧阿羅漢者謂諸禪三昧
解脫力通悉已成就煩惱諸苦分別
永盡是名阿羅漢大慧言世尊阿羅
漢有三種謂一向趣寂退菩提願佛
所變化此說何者佛言大慧此說趣
寂非是其餘大慧餘二種人謂已曾
發巧方便願及為莊嚴諸佛來會於彼
不生大慧於虛妄處說種種法所謂
證果禪者及禪智性離故自心所見
得果相故大慧若須陀洹作如是念
我離諸結則有二過謂墮我見及諸
結不斷

復次大慧若欲超過諸禪无量無色
界者應離自心所見諸相大慧想受
滅三昧起自心所見境者不然不離
心故今時世尊重說頌言

諸禪與無量無色三摩提及以想受滅
惟心不可得預流一來果不還阿羅漢
如是諸聖人悉伏心妄有禪者禪所緣
斷惑見真諦此皆是妄想了知即解脫
復次大慧有二種覺智謂觀察智及

取相分別執著建立智觀察智者謂
觀一切法離四句不可得四句者謂
一異俱不俱有非有常無常等我以
諸法離此四句是故說言一切法離
大慧如是觀法汝應修學云何取相
分別執著建立智謂於堅濕煖動
諸大種性取相執著虛妄分別以
宗因喻而妄建立是名取相分別
執著建立智是名二種覺智相善
薩摩訶薩知此智相即能通達人法
無我以无相智於解行地善巧觀察
入於初地得百三昧以勝三昧力見
百佛百菩薩知前後際各百劫事光
明照耀百佛世界善能了知上上地
相以勝願力變現自在至法雲地而
受灌頂入於佛地十無盡願成就衆
生種種應現無有休息而恒安住自
覺境界三昧勝樂復次大慧菩薩摩
訶薩當善了知大種造色云何了知
大慧菩薩摩訶薩應如是觀彼諸大
種真實不生以諸三界但是分別惟
心所現無有外物如是觀時大種所
造悉皆性離超過四句無我我所住

如實處成無生相大慧彼諸大種六
何造色大慧謂虛妄分別津潤大種
成内外水界炎盛大種成内外火界
飄動大種成内外風界色分段大種
五蘊聚集大種造色生大慧識者以
執著種種言說境界為因起故於餘
趣中相續受生大慧地等造色有大
種因非四大種為大種因何以故謂
若有法有形相者則是所作非无形
者大慧此大種造色相外道分別非
是我說復次大慧我今當說五蘊體
相謂色受想行識大慧色謂四大及
所造色此各異相受等非色大慧非
色諸蘊猶如虛空無有四數大慧譬
如虛空超過數相然分別言此是虛
空非色諸蘊亦復如是離諸數相離
有無等四種句故數相者愚夫所說
非諸聖者諸聖但說如幻所作唯假
施設離異不異如夢如像無別所有
不了聖智所行境故見有諸蘊分別
現前是名諸蘊自性相大慧如是分
別汝應捨離捨離此已說寂靜法斷

一切剎諸外道見淨法無我入遠行
地成就無量自在三昧獲意生身如
幻三昧力通自在皆悉具足猶如大
地普益群生

復次大慧涅槃有四種何等為四謂
諸法自性無性涅槃種種相性无性
涅槃覺自相性無性涅槃斷諸蘊自
共相流注涅槃大慧此四涅槃是外
道義非我所說大慧我所說者分別
亦災識滅名為涅槃大慧言世尊豈
不建立八種識耶佛言建立大慧言
若建立者云何但說意識滅非七識
滅佛言大慧以彼為因及所緣故七
識得生大慧意識分別境界起執著
時生諸習氣長養藏識由是意俱我
我所執思量隨轉無別體相藏識為
因為所緣故執著自心所現境界心
聚生起展轉為因大慧譬如海浪自
心所現境界風吹而有起滅是故意
識滅時七識亦滅今時世尊重說頌曰
我不以自性及以於作相分別境識滅
如是說涅槃意識為心因心為意境界
因及所緣故諸識依止生如大瀑流盡

波浪則不起如是意識滅種種識不生
復次大慧我今當說妄計自性老別
相令汝及諸菩薩摩訶薩善知此義
超諸妄想證聖智境知外道法遠離
能取所取分別於依他起種種相中
不更取著妄所計相大慧云何妄計
自性老別相所謂言說分別所說分
別相分別財分別自性分別因分別
見分別理分別生分別不生分別相
屬分別縛解分別大慧此是妄計自
性老別相云何言說分別謂執著種
種美妙音詞是名言說分別云何所
說分別謂執有所說事是聖智所證
境依此起說是名所說分別云何相
分別謂即於彼所說事中如渴獸想
分別執著堅濕煖動等一切諸相是
名相分別云何財分別謂取著種種
金銀等寶而起言說是名財分別云
何自性分別謂以惡見如是分別此
自性決定非餘是名自性分別云何
因分別謂於因緣分別有無以此因
相而能生故是名因分別云何見分別
謂諸外道惡見執著有無一異俱不俱

等是名見分別云何理分別謂有執
著我我所相而起言說是名理分別
云何生分別謂計諸法若有若無從
緣而生是名生分別云何不生分別
謂計一切法本來不生未有諸緣而
先有體不從因起是名不生分別云
何相屬分別謂此與彼迤相繫屬如
針與線是名相屬分別云何縛解分別
謂執因能縛而有所縛如人以繩方
便力故縛已復解是名縛解分別大
慧此是妄計性老別相一切凡愚於
中執著若有若無大慧於緣起中執
著種種妄計自性如依於幻見種種
物凡愚分別見異於幻大慧幻與種
種非異非不異若異者應幻非種種
因若一者幻與種種應無老別然見
老別是故非異非不異大慧汝及諸
菩薩摩訶薩於幻有無不應生著亦
時世尊重說頌言

心為境所縛 覺想智隨轉 無相取勝處
平等智慧生 在妄計是有 於緣起則無
妄計迷惑取 緣起離分別 種種支分生
如幻不成就 雖現種種相 妄分別則無

彼相即是過皆從心縛生妄計者不了
分別緣起法此諸妄計性皆即是緣起
妄計有種種緣起中分別世俗第一義
第三無因生妄計是世俗斷則聖境界
如修觀行者於一種種現於彼無種種
妄計相如是如目種種翳妄想見衆色
彼無色非色不了緣起然如金離塵垢
如水離泥濁如虛空無雲妄想淨如是
無有妄計性而有於緣起建立及誹謗
斯由分別壞若無妄計性而有緣起者
无法而有法有法從無生依因於妄計
而得有緣起相名常相隨而生於妄計
以緣起依妄究竟不成就 是時現清淨
名為第一義妄計有十二緣起有六種
自證真如境彼無有差別五法為真實
三自性亦尔 修行者觀此不越於真如
依於緣起相妄計種種名彼諸妄計相
皆因緣起有智慧善觀察無緣無妄計
真實中無物云何起分別圓成若是有
此則離有無既已離有無云何有二性
妄計有二性二性是安立分別見種種
清淨聖所行妄計種種相緣起中分別
若異此分別則墮外道論以諸妄見故

妄計於妄計離此二計者則為真實法

大慧菩薩摩訶薩復白佛言世尊惟願為說自證聖智行相及一乘行相我及諸菩薩摩訶薩得此善巧於佛法中不由他悟佛言諦聽當為汝說大慧言唯佛言大慧菩薩摩訶薩依諸聖教無有分別獨處閑靜觀察自覺不由他悟離分別見上上昇進入如來地如是修行名自證聖智行相云何名一乘行相謂得證知一乘道故云何名為知一乘道謂離能取所取分別如實而住大慧此一乘道惟除如來非外道二乘梵天王等之所能得大慧白佛言世尊何故說有三乘不說一乘佛言大慧聲聞緣覺无自般涅槃法故我說一乘以彼但依如來所說調伏遠離如是修行而得解脫非自所得又彼未能除滅智障及業習氣未覺法無我未名不思議變易死是故我說以為三乘若彼能除一切過習覺法無我是時乃離三昧所醉於無漏界而得覺悟已於出世上上無漏界中修諸功德普使滿

足獲不思議自在法身今時世尊重

說頌言

天乘及梵乘聲聞緣覺乘諸佛如來乘
諸乘我所說乃至有心起諸乘未究竟
彼心轉滅已無乘及乘者无有乘建立
我說為一乘為攝愚夫故說諸乘差別
解脫有三種謂離諸煩惱及以法無我
平等智解脫譬如海中木常隨波浪轉
聲聞心亦然相風所漂激雖滅起煩惱
猶被習氣縛三昧酒所醉住於無漏界
彼非究竟趣亦復不退轉以得三昧身
乃至劫不覺譬如昏醉人酒消然後悟
聲聞亦如是覺後當成佛
大乘入楞伽經卷第三

癸卯歲高麗國大藏都監奉
勅彫造

大乘入楞伽經卷第四

長

大周于闐國三藏法師實叉難陀奉勅譯

無常品第三之一

尔時佛告大慧菩薩摩訶薩言今當
為汝說意成身老別相諦聽諦聽善
思念之大慧言唯佛言大慧意成身
有三種何者為三謂入三昧樂意成
身覺法自性意成身種類俱生無
作行意成身諸修行者入初地已漸
次證得大慧云何入三昧樂意成身
謂三四五地入於三昧離種種心寂
然不動心海不起轉識波浪了境心
現皆無所有是名入三昧樂意成身
云何覺法自性意成身謂八地中了
法如幻皆無有相心轉所依住如幻
定及餘三昧能現無量自在神通如
花開敷速疾如意如幻如夢如影如
像非四大造與造相似一切色相具
足莊嚴普入佛刹了諸法性是名覺
法自性意成身云何種類俱生无作
行意成身謂了達諸佛自證法相是
名種類俱生無作行意成身大慧三

種身相當勤觀察今時世尊重說頌言
我大乘非樂非聲亦非字非諦非解脫
亦非無相竟然樂摩訶衍三摩提自在
種種意成身自在花莊嚴

今時大慧菩薩摩訶薩復白佛言世
尊如世尊說五無間業何者為五若
人作已墮阿鼻獄佛言諦聽當為汝
說大慧言唯佛告大慧五無間者所
謂殺母殺父殺阿羅漢破和合僧懷
惡逆心出佛身血大慧何者為衆生
母謂引生愛與貪喜俱如母養育何
者為父所謂無明今生六處聚落中
故斷二根本名殺父母云何殺阿羅
漢謂隨眠為怨如鼠毒發究竟斷彼
是故說名殺阿羅漢云何破和合僧
謂諸蘊異相和合積聚究竟斷彼名
為破僧云何惡心出佛身血謂八識
身妄生思覺見自心外自相共相以三
解脫無漏惡心究竟斷彼八識身佛名
為惡心出佛身血大慧是為內五無
間若有作者無間即得現證實法復
次大慧今為汝說外五無間今汝及
餘菩薩聞是義已於未來世不生疑

惑亡何外五無間謂餘教中所說無
間若有作者於三解脫不能現證唯
除如來諸大菩薩及大聲聞見其有
造無間業者為欲勸發令其改過以
神通力亦同其事尋即悔除證於解
脫此皆化現非是實造若有實造無
間業者終無現身而得解脫唯除覺
了自心所現身資所住離我我所分
別執見或於來世餘處受生遇善知
識離分別過方證解脫今時世尊重
說頌言

貪愛名為母無明則是父識了於境界
此則名為佛隨眠阿羅漢蘊聚和合僧
斷彼無餘間是名無間業

今時大慧菩薩摩訶薩復白佛言世
尊願為我說諸佛體性佛言大慧覺二
無我除二種障離二種死斷二煩惱
是佛體性大慧聲聞緣覺得此法已
亦名為佛我以是義但說一乘今時
世尊重說頌言

善知二無我除二障二惱及不思議死
是故名如來

今時大慧菩薩摩訶薩復白佛言世

尊如來以何密意於大眾中唱如是言我是過去一切諸佛及說百千奉生之事我於今時作頂生王大烏鵲鵲月光妙眼如是等佛言大慧如來應正等覺依四平等秘密意故於大眾中作如是言我於昔時作拘留孫佛拘那含牟尼佛迦葉佛云何為四所謂字平等語平等身平等法平等云何字平等謂我名佛一切如來亦名為佛佛名無別是謂字等云何語平等謂我作六十四種梵音聲語一切如來亦作此語迦陵頻伽梵音聲性不增不減無有差別是名語等云何身平等謂我與諸佛法身色相及隨形好等無差別除為調伏種種衆生現隨類身是謂身等云何法平等謂我與諸佛皆同證得三十七種菩提分法是謂法等是故如來應正等覺於大眾中作如是說今時世尊重說頌言

迦葉拘留孫拘那含是我依四平等故為諸佛子說

今時大慧菩薩摩訶薩復白佛言世

尊如世尊說我於某夜成正覺乃至某夜當入涅槃於其中間不說一字亦不已說亦不當說不說是佛說世尊依何密意作如是語佛言大慧依二密法故作如是說云何二法謂自證法及本住法云何自證法謂諸佛所證我亦同證不增不減證智所行離言說相離分別相離名字相云何本住法謂法本性如金等在鑛若佛出世若不出世法住法位法界法性皆悉常住大慧譬如有人行曠野中見向古城平坦舊道即便隨入止息遊戲大慧於汝意云何彼作是道及以城中種種物耶白言不也佛言大慧我及諸佛所證真如常住法性亦復如是是故說言始從成佛乃至涅槃於其中間不說一字亦不已說亦不當說今時世尊重說頌言

某夜成正覺某夜般涅槃於此二中間我都無所說自證本住法故作是密語我及諸如來無有少差別

今時大慧菩薩摩訶薩復白佛言世尊願說一切法有無相令我及諸菩

薩摩訶薩離此相疾得阿耨多羅三
藐三菩提佛言諦聽當為汝說大慧
言唯佛言大慧世間衆生多墮二見
謂有見無見墮二見故非出出想云何
有見謂實有因緣而生諸法非不實
有實有諸法從因緣生非無法生大
慧如是說者則說无因云何無見謂
知受貪瞋癡已而妄計言無大慧及
彼分別有相而不受諸法有復有知
諸如來聲聞緣覺無貪瞋癡性而計
為非有此中誰為壞者大慧白言謂
有貪瞋癡性後取於無名為壞者佛
言善哉汝解我問此人非止無貪瞋
癡名為壞者亦壞如來聲聞緣覺何
以故煩惱内外不可得故體性非異
非不異故大慧貪瞋癡性若内若外
皆不可得無體性故無可取故聲聞
緣覺及以如來本性解脫无有能縛
及縛因故大慧若有能縛及以縛因
則有所縛作如是說名為壞者是為
無有相我依此義密意而說寧起我
見如須弥山不起空見懷增上慢若
起此見名為壞者墮自共見樂欲之

中不了諸法惟心所現以不了故見
有外法剎那無常展轉老別蘊界處
相相續流轉起已還滅虛妄分別離
文字相亦成壞者今時世尊重說頌言
有無是二邊乃至心所行 淨除彼所行
平等心寂滅不取於境界 非滅無所有
有真如妙物如諸聖所行 本無而有生
生已而復滅因緣有及无 彼非住我法
非外道非佛非我非餘衆 能以緣成有
云何而得無誰以緣成有 而復得言无
惡見說為生妄想計有無 若知無所生
亦復无所滅 觀世志空寂 有無二俱離
今時大慧菩薩摩訶薩復請佛言世
尊惟願為說宗趣之相令我及諸菩
薩摩訶薩善達此義不隨一切衆邪
妄解疾得阿耨多羅三藐三菩提佛
言諦聽當為汝說大慧言唯佛言大
慧一切二乘及諸菩薩有二種宗法
相何等為二謂宗趣法相言說法相
宗趣法相者謂自所證殊勝之相離
於文字語言分別入無漏界成自地
行超過一切不正思覺伏魔外道生
智慧光是名宗趣法相言說法相者

謂說九部種種教法離於一異有无等相以巧方便隨衆生心令入此法是名言說法相汝及諸菩薩當勤修學今時世尊重說頌言

宗趣與言說自證及教法若能善知見不隨他妄解如愚所分別非是真實相彼豈不求度無法而可得觀察諸有為生滅等相續增長於二見顛倒无所知涅槃離心意唯此一法實觀世志虛妄如幻夢芭蕉無有貪患癡亦復無有人從愛生諸蘊如夢之所見

今時大慧菩薩摩訶薩復白佛言世尊願為我說虛妄分別相此虛妄分別云何而生是何而生因何而生誰之所生何故名為虛妄分別佛言大慧善哉善哉汝為哀愍世間天人而問此義多所利益多所安樂諦聽諦聽善善思念之當為汝說大慧言唯佛言大慧一切衆生於種種境不能了達自心所現計能所取虛妄執著起諸分別墮有無見增長外道妄見習氣心心所法相應起時執有外義種種可得計著於我及以我所是故名為

虛妄分別大慧白言若如是者外種種義性離有無起諸見相世尊第一義諦亦復如是離諸根量宗因譬喻世尊何故於種種義言起分別第一義中不言起耶將無世尊所言承理一處言起一不言故世尊又說虛妄分別墮有無見譬如幻事種種非實分別亦亦有無相離去何而說墮二見耶此說豈不墮於世見佛言大慧分別不生不滅何以故不起有無分別相故所見外法皆無有故了唯自心之所現故但以愚夫分別自心種種諸法著種種相而作是說令知所見皆是自心斷我我所一切見著離作所作諸惡因緣覺唯心故轉其意樂善明諸地入佛境界捨五法自性諸分別見是故我說虛妄分別執著種種自心所現諸境界生如實了知則得解脫今時世尊重說頌言

諸因及與緣從此生世間與四句相應不知於我法世非有無生亦非俱不俱
云何諸愚夫分別因緣起非有亦非无亦復非有無如是觀世間心轉謬無我

一切法不生以從緣生故諸緣之所作
所作法非生果不自生果有二果失故
無有二果故非有性可得觀諸有為法
離能緣所緣決定唯是心故我說心量
量之自性處緣法二俱離究竟妙淨事
我說名心量施設假名我而實不可得
諸蘊蘊假名亦皆無實事有四種平等
相因及所生無我為第四修行者觀察
離一切諸見及能所分別无得亦無生
我說是心量非有亦非無有无二俱離
如是心亦離我說是心量真如空實際
涅槃及法界種種意成身我說是心量
妄想習氣縛種種從心生衆生見為外
我說是心量外所見非有而心種種現
身資及所住我說是心量

余時大慧菩薩摩訶薩復白佛言世
尊如來說言如我所說汝及諸菩薩
不應依語而取其義世尊何故不應
依語取義云何為語云何為義佛言
諦聽當為汝說大慧言唯佛言大慧
語者所謂分別習氣而為其因依於
喉舌唇齦齒輔而出種種音聲文字
相對談說是名為語云何為義我菩薩

摩訶薩住獨一靜處以聞思修慧思
惟觀察向涅槃道自智境界轉諸習
氣行於諸地種種行相是名為義復次
大慧菩薩摩訶薩善於語義知語與
義不一不異義之與語亦復如是若
義異語則不應因語而顯於義而因
語見義如燈照色大慧譬如有人持
燈照物知此物如是在如是處菩薩摩
訶薩亦復如是因語言燈入離言說
自證境界復次大慧若有於不生不
滅自性涅槃三乘一乘五法諸心自
性等中如言取義則墮建立及誹謗
見以異於彼起分別故如見幻事計
以為實是愚夫見非賢聖也今時世
尊重說頌言

若隨言取義建立於諸法以彼建立故
死墮地獄中蘊中無有我非蘊即是我
不如彼分別亦復非無有如愚所分別
一切皆有性若如彼所見皆應見真實
一切染淨法悉皆無體性不如彼所見
亦非無所有

復次大慧我當為汝說智識相汝及
諸菩薩摩訶薩若善了知智識之相

則能疾得阿耨多羅三藐三菩提大
慧智有三種謂世間智出世間智出
世間上上智云何世間智謂一切外
道凡愚計有無法云何出世間智謂
一切二乘著自共相云何出世間上
上智謂諸佛菩薩觀一切法皆無有
相不生不滅非有非無證法無我入
如來地大慧復有三種智謂知自相
共相知生滅智知不生不滅智復
次大慧生滅是識不生滅是智墮相
無相及以有無種種相因是識離相
无相及有無因是智有積集相是識
無積集相是智著境界相是識不著
境界相是智三和合相應生是識无
身相應自性相是智有得相是識無
得相是智證自聖智所行境界如水
中月不入不出故亦時世尊重說頌言
採集業為心 觀察法為智 慧能證無相
逮自在威光 境界縛為心 覺想生為智
無相及增勝 智慧於中起 心意及與識
離諸分別想 得無分別法 佛子非聲聞
寂滅殊勝忍 如來清淨智 生於善勝義
遠離諸所行 我有三種智 聖者能明照

分別於諸相開示一切法我智離諸相
超過於二乘以諸聲聞等執著諸法有
如來智無垢了達唯心故

復次大慧諸外道有九種轉變見所
謂形轉變相轉變因轉變相應轉變
見轉變生轉變物轉變緣明了轉變
所作明了轉變是為九一切外道因
是見故起有無轉變論此中形轉變
者謂形別異見譬如以金作莊嚴具
環釧瓔珞種種不同形狀有殊金體
無易一切法變亦復如是諸餘外道
種種計著皆非如是亦非別異但分
別故一切轉變如是應知譬如乳酪
酒果等熟外道言此皆有轉變而實
無有若有若無自心所見無外物故
如此皆是愚迷凡夫從自分別習氣
而起實無一法若生若滅如因幻夢
所見諸色如石女兒說有生死今時
世尊重說頌言

形處時轉變大種及諸根中有漸次生
妄想非明智諸佛不分別緣起及世間
但諸緣世間如乳闍婆城
今時大慧菩薩摩訶薩復白佛言世

尊惟願如來為我解說於一切法深
密義及解義相令我及諸菩薩摩訶
薩善知此法不墮如言取義深密執
著離文字語言虛妄分別普入一切
諸佛國土力通自在捻持所印覺慧
善住十無盡願以无功用種種變
現光明照耀如日月摩尼地水火風
住於諸地離分別見知一切法如幻
如夢入如來位普化衆生令知諸法
虛妄不實離有無品斷生滅執不著
言說令轉所依佛言諦聽當為汝說
大慧於一切法如言取義執著深密
其數無量所謂相執著緣執著有非
有執著生非生執著滅非滅執著乘
非乘執著為無為執著地地自相執
著自分別現證執著外道宗有無品
執著三乘一乘執著大慧此等密執
有無量種皆是凡愚自分別執而密
執著此諸分別如瑩作璽以妄想絲
自纏經他執著有無欲樂堅密大慧
此中實無密非密相以菩薩摩訶薩
見一切法住寂靜故無分別故若了
諸法唯心所見無有外物皆同无相

隨順觀察於若有若無分別密執恚見寂靜是故無有密非密相大慧此中無縛亦無有解不了實者見縛解耳何以故一切諸法若有若无求其體性不可得故復次大慧愚癡凡夫有三種密縛謂貪恚癡及愛來生與貪喜俱以此密縛令諸衆生續生五趣密縛若斷是則無有密非密相復次大慧若有執著三和合緣諸識密縛次第而起有執著故則有密縛若見三解脫離三和合識一切諸密皆恚不生今時世尊重說頌言

不實妄分別 是名為密相 若能如實知 諸密網皆斷 凡愚不能了 隨言而取義 譬如登處壘 妄想自纏縛

今時大慧菩薩摩訶薩復白佛言世尊如世尊說由種種心分別諸法非諸法有自性此但妄計耳世尊若但妄計無諸法者染淨諸法將無恚壞佛言大慧如是如是如汝所說一切凡愚分別諸法而諸法性非如是有此但妄執無有性相然諸聖者以聖慧眼如實知見有諸法自性大慧白言若諸

聖人以聖慧眼見有諸法性非天眼
肉眼不同凡愚之所分別云何凡愚
得離分別不能覺了諸聖法故世尊
彼非顛倒非不顛倒何以故不見聖
人所見法故聖見遠離有無相故聖
亦不如凡所分別如是得故非自所
行境界相故彼亦見有諸法性相如
妄執性而顯現故不說有因及無因
故墮於諸法性相見故世尊其餘境
界既不同此如是則成無窮之失孰
能於法了知性相世尊諸法性相不
因分別云何而言以分別故而有諸
法世尊分別相異諸法相異因不相
似云何諸法而由分別復以何故凡
愚分別不如是有而作是言為令衆
生捨分別故說如分別所見法相無
如是法世尊何故令諸衆生離有元
見所執著法而復執著聖智境界墮
於有見何以故不說寂靜空無之法
而說聖智自性事故佛言大慧我非
不說寂靜空法墮於有見何以故已
說聖智自性事故我為衆生無始時
來計著於有於寂靜法以聖事說今

其間已不生恐怖能如實證寂靜空
法離惑亂相入唯識理知其所見無
有外法悟三脫門獲如實印見法自
性了聖境界遠離有無一切諸著復
次大慧菩薩摩訶薩不應成立一切
諸法皆悉不生何以故一切法本無
有故及彼宗因生相故復次大慧一
切法不生此言自壞何以故彼宗有
待而生故又彼宗即入一切法中不
生相亦不生故又彼宗諸分而成故
又彼宗有無法皆不生此宗即入一
切法中有無相亦不生故是故一切
法不生此宗自壞不應如是立諸分
多過故展轉因異相故如不生一切
法空無自性亦如是大慧菩薩摩訶
薩應說一切法如幻如夢見不見故一
切皆是惑亂相故除為愚夫而生恐
怖大慧凡夫愚癡墮有無見莫令於
彼而生驚恐遠離大乘今時世尊重
說頌言

無自性無說無事无依處凡愚妄分別
惡覺如死屍一切法不生外道所成立
以彼所有生非緣所成故一切法不生

智者不分別 彼宗因生故 此覺則便壞
譬如目有瞽 妄想見毛輪 諸法亦如是
凡愚妄分別 三有唯假名 無有實法體
由此假施設 分別妄計度 假名諸事相
動亂於心識 佛子悉超過 遊行無分別
無水取水相 斯由渴愛起 凡愚見法今
諸聖則不然 聖人見清淨 生於三解脫
遠離於生滅 常行无相境 修行無相境
亦復無有無 有无悉平等 是故生聖果
云何法有無 云何成平等 若心不了法
内外斯動亂 了已則平等 亂相今時滅
今時大慧菩薩摩訶薩復白佛言 世
尊如佛所說 若知境界 但是假名 都
不可得 則無所取 无所取 故亦無能
取 能取 所取 二俱無故 不起分別 說
名為智世尊 何故彼智 不得於境 為
不能了一切 諸法自相共相 一異義
故言不得耶 為以諸法自相共相 種
種不同 更相隱蔽 而不得耶 為山巖
石 壁簾幔帷障之所覆隔 而不得耶
為極遠極近 老小盲冥 諸根不具 而
不得耶 若不了諸法自相共相 一異
義 故言不得者 此不名智 應是無智

以有境界而不知故若以諸法自相
共相種種不同更相隱蔽而不得者
此亦非智以知於境說名為智非不
知故若山巖石壁簾幔帷障之所覆
隔極遠極近老小盲冥而不知者彼
亦非智以有境界智不具足而不知故
佛言大慧此實是智非如汝說我之
所說非隱覆說我言境界唯是假名
不可得者以了但是自心所見外法
有無智慧於中畢竟無得以无得故
今焰不起入三脫門智體亦忘非如
一切覺想凡夫無始已來戲論熏習
計著外法若有若無種種形相如是
而知名為知不了諸法唯心所見
著我我所分別境智不知外法是有
是無其心住於斷見中故為令捨離
如是分別說一切法唯心建立今時
世尊重說頌言

若有於所緣智慧不觀見彼無智非智
是名妄計者無邊相于隱障尋及遠近
智慧不能見是名為邪智老小諸根冥
而實有境界不能生智慧是名為邪智
復次大慧愚癡凡夫無始虛偽惡邪

分別之所幻惑不了如實及言說法
計心外相著方便說不能修習清淨
真實離四句法大慧白言如是如是
誠如尊教願為我說如實之法及言
說法令我及諸菩薩摩訶薩於此二
法而得善巧非外道二乘之所能入
佛言諦聽當為汝說大慧三世如來
有二種法謂言說法及如實法言說
法者謂隨衆生心為說種種諸方便
教如實法者謂修行者於心所現離
諸分別不墮一異俱不俱品超度一切
心意意識於自覺聖智所行境界離
諸因緣相應見相一切外道聲聞緣
覺墮二邊者所不能知是名如實法
此二種法汝及諸菩薩摩訶薩當善
修學今時世尊復說頌言
我說二種法言教及如實教法示凡夫
實為修行者

今時大慧菩薩摩訶薩復白佛言世
尊如來一時說盧迦耶陀呪術詞論
但能攝取世間財利不得法利不得
法利不應親近承事供養世尊何故
作如是說佛言大慧盧迦耶陀所有詞

論但飾文句誑惑凡愚隨順世間虛妄言說不如於義不稱於理不能證入真實境界不能覺了一切諸法恒墮二邊自失正道亦令他失輪迴諸趣永不出離何以故不了諸法唯心所見執著外境增分別故是故我說世論文句因喻莊嚴但誑愚夫不能解脫生老病死憂悲等患大慧釋提桓因廣解衆論自造諸論彼世論者有一弟子現作龍身詣釋天宮而立論宗作是要言憍尸迦我共汝論汝若不如我當破汝千輻之輪我若不如此斷一一頭以謝所屈說是語已即以論法摧伏帝釋壞千輻輪還來人間大慧世間言論因喻莊嚴乃至能現龍形以妙文詞迷惑諸天及阿修羅令其執著生滅等見而況於人是故大慧不應親近承事供養以彼能作生苦因故大慧世論唯說身覺境界大慧彼世論有百千字句後末世中惡見乖離邪衆崩散分成多部各執自因大慧非餘外道能立教法唯盧迦耶以百千句廣說無量差別因

相非如實理亦不自知是惑世法亦
時大慧白言世尊若盧迦耶所造之
論種種文字因喻莊嚴執著自宗非
如實法名外道者世尊亦說世間之
事謂以種種文句言詞廣說十方一
切國土天人等衆而來集會非是自
智所證之法世尊亦同外道說耶佛
言大慧我非世說亦無來去我說諸
法不來不去大慧來者集生去者壞
滅不來不去此則名為不生不滅大
慧我之所說不同外道墮分別中何
以故外法有無无所著故了唯自心
不見二取不行相境不生分別入空
無相无願之門而解脫故大慧我憶
有時於一處住有世論婆羅門來至
我所遽問我言瞿曇一切是所作耶
我時報言婆羅門一切所作是初世
論又問我言一切非所作耶我時報言
一切非所作是第二世論彼復問言一
切常耶一切無常耶一切生耶一切不
生耶我時報言是第六世論彼復問言
一切一耶一切異耶一切俱耶一切不
俱耶一切皆由種種因緣而受生耶

我時報言是第十一世論彼復問言一切有記耶一切無記耶有我耶無我耶有此世耶無此世耶有他世耶無他世耶有解脫耶無解脫耶是剎那耶非剎那耶虛空涅槃及非擇滅是所作耶非所作耶有中有耶无中有耶我時報言婆羅門如是皆是汝之世論非我所說婆羅門我說因於無始戲論諸惡習氣而生三有不了唯是自心所見而取外法實无可得如外道說我及根境三合知生我不如是我不說因不說無因唯緣妄心似能所取而說緣起非汝及餘取者我者之所能測大慧虛空涅槃及非擇滅但有三數本無體性何況而說作與非作大慧尔時世論婆羅門復問我言無明愛業為因緣故有三有耶為無因耶我言此二亦是世論又問我言一切諸法皆入自相及共相耶我時報言此亦世論婆羅門乃至少有心識流動分別外境皆是世論大慧尔時彼婆羅門復問我言頗有非是世論者不一切外道所有詞論

種種文句因喻莊嚴莫不皆從我法
中出我報言有非汝所許非世不許
非不說種種文句義理相應非不相
應彼復問言豈有世許非世論耶我
答言有但非於汝及以一切外道能
知何以故以於外法虛妄分別生執
著故若能了達有無等法一切皆是
自心所見不生分別不取外境於自
處住自處住者是不起義不起於何
不起分別此是我法非汝有也婆羅
門略而言之隨何處中心識往來死
生求戀若受若見若觸若住取種種
相和合相續於愛於因而生計著皆
汝世論非是我法大慧世論婆羅門
作如是問我如是答不問於我自宗
實法默然而去作是念言沙門瞿曇
無可尊重說一切法無生无相無因
無緣唯是自心分別所見若能了此
分別不生大慧汝今亦復問我是義
何故親近諸世論者唯得財利不得
法利大慧自言所言財法是何等義
佛言善哉汝乃能為未來衆生思惟
是義諦聽諦聽當為汝說大慧所言

財者可觸可受可取可味今著外境
墮在二邊增長貪愛生老病死憂悲
苦惱我及諸佛說名財利親近世論
之所獲得云何法利謂了法是心見
二無我不取於相無有分別善知諸
地離心意識一切諸佛所共灌頂具
足受行十无盡願於一切法悉得自
在是名法利以是不墮一切諸見戲
論分別常斷二邊大慧外道世論令
諸癡人墮在二邊謂常及斷受無因
論則起常見以因壞滅則生斷見我
說不見生住滅者名得法利是名財
法二老別相汝及諸菩薩摩訶薩應
勤觀察今時世尊重說頌言

調伏攝衆生以戒降諸惡 智慧滅諸見
解脫得增長外道虛妄說 皆是世俗論
橫計作所作不能自成立 唯我一自宗
不著於能所為諸弟子說 令離於世論
能取所取法 唯心無所有 二種皆心現
斷常不可得 乃至心流動 是則為世論
分別不起者 是人見自心 來者見事生
去者事不現 明了知來去 不起於分別
有常及無常 所作无所作 此世他世等

皆是世論法

大華嚴經卷第四

第三十六

發

三

尔時大慧菩薩摩訶薩復白佛言世尊佛說涅槃說何等法以為涅槃而諸外道種種分別佛言大慧如諸外道分別涅槃皆不隨順涅槃之相諦聽諦聽當為汝說大慧或有外道言見法無常不貪境界蘊界處滅心心所法不現在前不念過現未來境界如燈盡如種敗如火滅諸取不起分別不生起涅槃想大慧非以見壞名為涅槃或謂至方名得涅槃境界想離猶如風止或謂不見能覺所覺名為涅槃或謂不起分別常無常見名得涅槃或有說言分別諸相發生於苦而不能知自心所現以不知故怖畏於相以求無相深生愛樂執為涅槃或謂覺知內外諸法自相共相去來現在有性不壞作涅槃想或計我人衆生壽命及一切法無有壞滅作涅槃想復有外道無有智慧計有自性及以士夫求那轉變作一切物以為涅槃或有外道計福非福盡或計不由智慧諸煩惱盡或計自在是實

作者以為涅槃或謂衆生展轉相生以此為因更無異因彼無智故不能覺了以不了故執為涅槃或計證於諦道虛妄分別以為涅槃或計求那與求那者而共和合一性異性俱及不俱執為涅槃或計諸物從自然生孔雀文彩棘針鈎利生實之處出種種寶如此等事是誰能作即執自然以為涅槃或謂能解二十五諦即得涅槃或有說言能受六分守護衆生斯得涅槃或有說言時生世間時即涅槃或執有物以為涅槃或計無物以為涅槃或有計著有物無物為涅槃者或計諸物與涅槃無別作涅槃想大慧復有異彼外道所說以一切智大師子吼說能了達唯心所現不取外境遠離四句住如實見不墮二邊離能所取不入諸量不著真實住於聖智所現證法悟二無我離二煩惱淨二種障轉修諸地入於佛地得如幻等諸大三昧永起心意及以意識名得涅槃大慧彼諸外道虛妄計度不如於理智者所棄皆墮二邊作涅

眼想於此無有若住若出彼諸外道
皆依自宗而生妄想覺違背於理無所
成就唯令心意馳散往來一切無有
得涅槃者汝及諸菩薩宜應遠離余
時世尊重說頌言

外道涅槃見各各異分別彼唯是妄想
無解脫方便遠離諸方便不至無縛處
妄生解脫想而實無解脫外道所成立
衆智各異取彼志無解脫愚癡妄分別
一切癡外道妄見作所作悉著有無論
是故無解脫凡愚樂分別不生真實慧
言說三界本真實滅苦因譬如鏡中像
雖現而非實習氣心鏡中凡愚見有二
不了唯心現故起二分別若知但是心
分別則不生心即是種種遠離想所相
如愚所分別雖見而無見三有唯分別
外境悉無有妄想種種現凡愚不能覺
經經說分別但是異名字若離於語言
其義不可得

大乘入楞伽經卷第四

癸卯歲高麗國大藏都監奉
勅彫造

大乘入楞伽經卷第五

談

大周于闐國三藏法師實叉難陀奉勅譯

無常品第三之餘

尔時大慧菩薩摩訶薩復白佛言世尊願為我說如來應正等覺自覺性令我及諸菩薩摩訶薩而得善巧自悟悟他佛言大慧如汝所問當為汝說大慧言唯世尊如來應供正等覺為作非作為果為因為相所相為說所說為覺所覺如是等為異不異佛言大慧如來應正等覺非作非非作非果非因非相非所相非說非所說非覺非所覺何以故俱有過故大慧若如來是作則是無常若是無常一切作法應是如來我及諸佛皆不忍可若非作法則無體性所修方便悉空無益同於兔角石女之子非作因成故若非因非果則非有非無若非有非無則超過四句言四句者但隨世間而有言說若超過四句惟有言說則如石女兒大慧石女兒者惟有言說不墮四句以不墮故不可度量

諸有智者應如是知如來所有一切
句義大慧如我所說諸法無我以諸
法中無有我性故說无我非是无
有諸法自性如來句義應知亦然大
慧譬如牛無馬性馬无牛性非無自
性一切諸法亦復如是無有自相而
非有即有非諸凡愚之所能知何
故不知以分別故一切法空一切法
無生一切法無自性悉亦如是大慧
如來與蘊非異非不異若不異者應
是无常五蘊諸法是所作故若異者
如牛二角有異不異牙相似故不異
長短別故有異如牛右角異左左角
異右長短不同色相各別然亦不異
如於蘊於界處等一切法亦如是大
慧如來者依解脫說如來解脫非異
非不異若異者如來便與色相相應
色相相應即是無常若不異者修行者
見應无老別然有老別故非不異如是
智與所知非異非不異若非異非不異
則非常非無常非作非所作非為非無
為非覺非所覺非相非所相非蘊非
異蘊非說非所說非一非異非俱非

不俱以是義故超一切量超一切量故
惟有言說惟有言說故則無有生无
有生故則無有滅無有滅故則如虛
空大慧虛空非作非所作非作非所
作故遠離攀緣遠離攀緣故出過一切
諸戲論法出過一切諸戲論法即是如
來如來即是正等覺體正等覺者永離
一切諸根境界今時世尊重說頌曰

出過諸根量非果亦非因相及所相等
如是悉皆離蘊緣與正覺一異莫能見
既無有見者云何起分別非作非非作
非因非非因非蘊非不蘊亦不離餘物
非有一法體如彼分別見亦復非是无
諸法性如是待有故成無待無故成有
無既不可取有亦不應說不了我無我
但著於語言彼溺於二邊自壞壞世間
若能見此法則離一切過是名為正觀
不毀大導師

今時大慧菩薩摩訶薩復白佛言世
尊如佛經中分別攝取不生不滅言
此即是如來異名世尊願為我說不
生不滅此則無法云何說是如來異
名如世尊說一切諸法不生不滅當知

此則墮有無見世尊若法不生則不可
取無有少法誰是如來惟願世尊為我
宣說佛言諦聽當為汝說大慧我說
如來非是無法亦非攝取不生不滅
亦不待緣亦非無義我說無生即是
如來意生法身別異之名一切外道
聲聞獨覺七地菩薩不了其義大慧
譬如帝釋地及虛空乃至手足隨一
一物各有多名非以名多而有多體
亦非無體大慧我亦是於此娑婆
世界有三阿僧祇百千名号諸凡愚人
雖聞雖說而不知是如來異名其中或
有知如來者知無師者知道導師者知
勝導者知普導者知是佛者知牛王者
知梵王者知毗紐者知自在者知是勝
者知迦毗羅者知真實邊者知無盡者
知瑞相者知如風者知如火者知如俱
毗羅者知如月者知如日者知如王
者知如仙者知或迦者知因陀羅者
知明星者知大力者知如水者知無
滅者知無生者知性空者知真如者
知是諦者知實性者知實際者知法
界者知涅槃者知常住者知平等者

知無二者知無相者知寂滅者知具相者知因緣者知佛性者知教導者知解脫者知道路者知一切智者知寂勝者知意成身者如是等滿足三阿僧祇百千名号不增不減於此及餘諸世界中有能知我如水中月不入不出但諸凡愚心沒二邊不能解了然亦尊重承事供養而不善解名字句義執著言教昧於真實謂无生無滅是无體性不知是佛老别名号如因陀羅釋揭羅等以信言教昧於真實於一切法如言取義彼諸凡愚作如是言義如言說義說無異何以故義無體故是人不了言音自性謂言即義无別義體大慧彼人愚癡不知言說是生是滅義不生滅大慧一切言說墮於文字義則不墮離有離無故无生無體故大慧如來不說墮文字法文字有無不可得故惟除不墮於文字者大慧若人說法墮文字者是虛誑說何以故諸法自性離文字故是故大慧我經中說我與諸佛及諸菩薩不說一字不答一

字所以者何一切諸法離文字故非
不隨義而分別說大慧若不說者教
法則斷教法斷者則無聲聞緣覺菩
薩諸佛若捨无者誰說為誰是故大
慧菩薩摩訶薩應不著文字隨宜說
法我及諸佛皆隨衆生煩惱解欲種
種不同而為開演令知諸法自心所
見無外境界捨二分別轉心意識非為
成立聖自證處大慧菩薩摩訶薩應
隨於義莫依文字依文字者墮於惡
見執著自宗而起言說不能善了一
切法相文辭章句既自損壞亦壞於
他不能令人心得悟解若能善知一
切法相文辭句義悉皆通達則能令
自身受無相樂亦能令他安住大乘
若能令他安住大乘則得一切諸佛
聲聞緣覺及諸菩薩之所攝受若得
諸佛聲聞緣覺及諸菩薩之所攝受
則能攝受一切衆生若能攝受一切
衆生則能攝受一切正法若能攝受一
切正法則不斷佛種若不斷佛種則得
勝妙處大慧菩薩摩訶薩生勝妙處
欲令衆生安住大乘以十自在力現衆

色像隨其所宜說真實法真實法者
無異无別不來不去一切戲論悉皆息
滅是故大慧善男子善女人不應如言
執著於義何以故真實之法離文字故
大慧譬如有人以指指物小兒觀指
不觀於物愚癡凡夫亦復如是隨言
說指而生執著乃至盡命不能捨
文字之指取第一義大慧譬如嬰兒
應食熟食有人不解成熟方便而食
生者則發狂亂不生不滅亦復如是
不方便修則為不善是故宜應善修
方便莫隨言說如觀指端大慧實義
者微妙寂靜是涅槃因言說者與交
想合流轉生死大慧實義者從多聞
得多聞者謂善於義非善言說善義
者不隨一切外道惡見身自不隨亦
令他不隨是則名曰於義多聞欲求
義者應當親近與此相違著文字者
宜速捨離

尔時大慧菩薩摩訶薩承佛威神復
白佛言世尊如來演說不生不滅非
為奇特何以故一切外道亦說作者
不生不滅世尊亦說虛空涅槃及非

數滅不生不滅外道亦說作者因緣
生於世間世尊亦說無明愛業生諸
世間俱是因緣但名別耳外物因緣
亦復如是是故佛說與外道說無有
老別外道說言微塵勝妙自在生主
等如是九物不生不滅世尊亦說一
切諸法不生不滅若有若无皆不可
得世尊大種不壞以其自相不生不
滅周流諸趣不捨自性世尊分別雖
稍變異一切無非外道已說是故佛
法同於外道若有不同願佛為演有
何所以佛說為勝若無別異外道即
佛以其亦說不生不滅故世尊常說
一世界中無有多佛如向所說是
則應有佛言大慧我之所說不生不
滅不同外道不生不滅不生无常論
何以故外道所說有實性相不生不
變我不如是墮有無品我所說法非
有非無離生離滅去何非無如幻夢
色種種見故去何非有色相自性非
是有故見不見故取不取故是故我
說一切諸法非有非無若覺惟是自
心所見住於自性分別不生世間所

作悉皆永息分別者是凡愚事非賢聖耳大慧安心分別不實境界如乾闥婆城幻所作人大慧譬如小兒見乾闥婆城及以幻人商賈入出迷心分別言有實事凡愚所見生與不生有為無為悉亦如是如幻人生如幻人滅幻人其實不生不滅諸法亦亦離於生滅大慧凡夫虛妄起生滅見非諸聖人言虛妄者不如法性起顛倒見顛倒見者執法有性不見寂滅不見寂滅故不能遠離虛妄分別是故大慧無相見勝非是相見相是生因若無有相則無分別不生不滅則是涅槃大慧言涅槃者見如實處捨離分別心心所法獲於如來內證聖智我說此是寂滅涅槃今時世尊重說頌言
為除有生執成立無生義 我說無因論
非愚所能了 一切法无生 亦非是無法
如乾城幻夢 雖有而無因 空无生無性
云何為我說 離諸和合緣 智慧不能見
以是故我說 空無生无性 一一緣和合
雖現而非有 分析無和合 非如外道見
如夢及垂髮 野馬與乾城 無因而妄現

世事皆如是。折伏有因論。申述无生旨。
無生義若存。法眼恒不滅。我說無因論。
外道咸驚怖。云何何所因。復以何故生。
於何處和合。而作無因論。觀察有為法。
非因非無因。彼生滅論者。所見從是滅。
為無故不生。為待於衆緣。為有名無義。
願為我宣說。非無法不生。亦非以待緣。
非有物而名。亦非名無義。一切諸外道。
聲聞及緣覺。十住非所行。此是無生相。
遠離諸因緣。無有能作者。惟心所建立。
我說是无生。諸法非因生。非無亦非有。
能所分別離。我說是无生。惟心無所見。
亦離於二性。如是轉所依。我說是無生。
外物有非有。其心無所取。一切見咸斷。
此是無生相。空無性等句。其義皆如是。
非以空故空。無生故說空。因緣共集會。
是故有生滅。分散於因緣。生滅則无有。
若離諸因緣。則更無有法。一性及異性。
凡愚所分別。有無不生法。俱非亦復然。
惟除衆緣會。於中見起滅。隨俗假言說。
因緣迤鈎瑣。若離因緣瑣。生義不可得。
我說惟鈎瑣。生無故不生。離諸外道過。
非凡愚所了。若離緣鈎瑣。別有生法者。

是則無因論破壞鈎瑣義如燈能照物
鈎瑣現若然此則離鈎瑣別有於諸法
无生則無性體相如虚空離鈎瑣求法
愚夫所分別復有餘無生衆聖所得法
彼生無生者是則無生忍一切諸世間
無非是鈎瑣若能如是解此人心得定
無明與愛業是則內鈎瑣種子泥輪等
如是名為外若言有他法而從因緣生
離於鈎瑣義此則非教理生法若非有
彼為誰因緣展轉而相生此是因緣義
堅濕暖動等凡愚所分別但緣無有法
故說無自性如醫療衆病其論無差別
以病不同故方藥種種殊我為諸衆生
滅除煩惱病知其根勝劣演說諸法門
非煩惱根異而有種種法惟有一大乘
清涼八支道

今時大慧菩薩摩訶薩復白佛言世
尊一切外道妄說無常世尊亦言諸
行無常是生滅法未知此說是邪是
正所言無常復有幾種佛言大慧外
道說有七種无常非是我法何等為
七謂有說始起即捨是名无常生已
不生無常性故有說形處變壞是名

無常有說色即无常有說色之變異是
名無常一切諸法相續不斷能令變異
自然歸滅猶如乳酪前後變異雖不可
見然在法中壞一切法有說物無常有
說物無物無常有說不生無常遍住一
切諸法之中其中物無物無常者謂能
造所造其相滅壞大種自性本來無
起不生無常者謂常與無常有無等
法如是一切皆無有起乃至分拊至
於微塵亦無所見以不起故說名無
生此是不生無常相若不了此則墮
外道生無常義有物無常義有物無
常者謂於非常非無常處自生分別
其義云何彼立無常自不滅壞能壞
諸法若無無常壞一切法法終不滅
成於無有如杖起瓦石能壞於物而自
不壞此亦如是大慧現見无常與一
切法無有能作所作老別云此是无
常此是所作無老別故能作所作應
俱是常不見有因能令諸法成於无
故大慧諸法壞滅實亦有因但非凡
愚之所能了大慧異因不應生於異
果若能生者一切異法應並相生彼法

此法能生所生應无有別現見有別去
何異因生於異果大慧若無常性是
有法者應同所作自是無常自无常
故所無常法皆應是常大慧若無常
性住諸法中應同諸法墮於三世與
過去色同時已滅未來不生現在俱
壞一切外道計四大種體性不壞色
者即是大種差別大種造色離異不
異故其自性亦不壞滅大慧三有之
中能造所造莫不皆是生住滅相豈
更別有無常之性能生於物而不滅
耶始造即捨无常者非大種乎造大
種以各別故非自相造以無異故非
復共造以乖離故當知非是始造無
常形狀壞無常者此非能造及所造
壞但形狀壞其義云何謂分析色乃
至微塵但滅形狀長短等見不滅能
造所造色體此見墮在數論之中色即
是無常者謂此即是形狀无常非大種
性若大種性亦無常者則無世事無世
事者當知則墮盧迦耶見以見一切法
自相生惟有言說故轉變无常者謂色
體變非大種變譬如以金作莊嚴具嚴

具有變而金無改此亦如是大慧如是等種種外道虛妄分別見無常性彼作是說火不能燒諸火自相但各分散若能燒者能造所造則皆斷滅大慧我說諸法非常無常何以故不取外法故三界唯心故不說諸相故大種性處種種差別不生不滅故非能造所造故能取所取二種體性一切皆從分別起故如實而知二取性故了達惟是自心現故離外有無二種見故離有无見則不分別能所造故大慧世間出世間及出世間上上諸法惟是自心非常非无常不能了達墮於外道二邊惡見大慧一切外道不能解了此三種法依自分別而起言說著無常性大慧此三種法所有語言分別境界非諸凡愚之所能知今時世尊重說頌言

始造即便捨形狀有轉變色物等无常外道妄分別諸法無壞滅諸大自性住外道種種見如是說無常彼諸外道衆皆說不生滅諸大性自常誰是无常法能取及所取一切惟是心二種從心現

無有我我所梵天等諸法我說惟是心
若離於心者一切不可得

大乘入楞伽經現證品第四

尔時大慧菩薩摩訶薩復白佛言世
尊願為我說一切聲聞緣覺入滅次
第相續相令我及諸菩薩摩訶薩善
知此已於滅盡三昧樂心无所惑不
墮二乘及諸外道錯乱之中佛言諦
聽當為汝說

大慧菩薩摩訶薩至于六地及聲聞
緣覺入於滅定七地菩薩念念恒入
離一切法自性相故非諸二乘二乘
有作墮能所取不得諸法无差別相
了善不善自相共相入於滅定是故
不能念念恒入大慧八地菩薩聲聞
緣覺心意意識分別想滅始從初地
乃至六地觀察三界一切唯是心意
意識自分別起離我我所不見外法
種種諸相凡愚不知由无始來過惡
薰習於自心內變作能取所取之相
而生執著大慧八地菩薩所得三昧
同諸聲聞緣覺涅槃以諸佛力所加
持故於三昧門不入涅槃若不持者

便不化度一切衆生不能滿足如來之地亦則斷絕如來種性是故諸佛為說如來不可思議諸大功德令其究竟不入涅槃聲聞緣覺著三昧樂是故於中生涅槃想大慧七地菩薩善能觀察心意意識我我所執生法无我若生若滅自相共相四无尋辯善巧決定於三昧門而得自在漸入諸地具菩提分法大慧我恐諸菩薩不善了知自相共相不知諸地相續次第墮於外道諸惡見中故如是說大慧彼實無有若生若滅諸地次第三界往來一切皆是自心所見面諸凡愚不能了知以不知故我及諸佛為如是說大慧聲聞緣覺至於菩薩第八地中為三昧樂之所昏醉未能善了惟心所見自共相習纏覆其心著二無我生涅槃覺非寂滅慧大慧諸菩薩摩訶薩見於寂滅三昧樂門即便憶念本願大悲具足修行十無盡句是故不即入於涅槃以入涅槃不生果故離能所取故了達惟心故於一切法無分別故不墮心意及以意

識外法性相執著中故然非不起佛法正因隨智慧行如是起故得於如來自證地故大慧如人夢中方便度河未度便覺覺已思惟向之所見為是真實為是虛妄復自念言非實非妄如是但是見聞覺知曾所更事分別習氣雖有无念意識夢中之所現耳大慧菩薩摩訶薩亦復如是始從初地而至七地乃至增進入於第八得無分別見一切法如幻夢等離能所取見心心所廣大力用勤修佛法未證令證離心意意識妄分別想獲無生忍此是菩薩所得涅槃非滅壞也大慧第一義中無有次第亦无相續遠離一切境界分別此則名為寂滅之法今時世尊重說頌言

諸住及佛地惟心無影像此是去來今諸佛之所說七地是有心八地無影像此二地名住餘則我所得自證及清淨此則是我地摩醯鞞勝處色究竟莊嚴譬如大火聚光焰熾然發化現於三有悅意而清涼或有現變化或有先時化於彼說諸乘皆是如來地十地則為初

初則為八地 第九則為七 第七復為八
第二為第三 第四為第五 第二為第六
無相有何次

大乘入楞伽經如來常無常品第五

今時大慧菩薩摩訶薩復白佛言世
尊如來應正等覺為常為無常佛言
大慧如來應正等覺非常非無常何
以故俱有過故云何有過大慧若如
來常者有能作過一切外道說能作
常若无常者有所作過同於諸蘊為
相所相畢竟斷滅而成無有然佛如
來實非斷滅大慧一切所作如瓶衣
等皆是無常是則如來有無常過所
修福智悉空無益又諸作法應是如
來無異因故是故如來非常非无常
復次大慧如來非常若是常者應如
虛空不待因成大慧譬如虛空非常
非無常何以故離常無常若一若異
俱不俱等諸過失故復次大慧如來
非常若是常者則是不生同於兔馬
魚蛇等角

復次大慧以別義故亦得言常何以
故謂以現智證常法故證智是常如

來亦常。大慧。諸佛如來所證法性。法住法位。如來出世。若不出世。常住。不易。在於一切二乘外道所得法中。非是空無。然非凡愚之所能知。大慧。夫如來者。以清淨慧內證法性而得其名。非以心意意識蘊界處法妄習得名。一切三界皆從虛妄分別而生。如來不從妄分別生。大慧。若有於二有常無常。如來无二證一切法無生相。故是故非常亦非無常。大慧。乃至少有言說分別生。即有常無常過。是故應除二分別。覺勿令少在。尔時世尊重說頌言。

遠離常無常。而現常無常。如是恒觀佛。不生於惡見。若常無常者。所集皆無益。為除分別覺。不說常無常。乃至有所立。一切皆錯亂。若見惟自心。是則無違諍。大乘入楞伽經剎那品第六。

尔時大慧菩薩摩訶薩復白佛言。世尊。惟願為我說。蘊界處生滅之相。若無有我。誰生誰滅。而諸凡夫依於生滅。不求盡苦。不證涅槃。佛言。大慧。諦聽。諦聽。當為汝說。大慧。如來藏是善。

不善因能遍興造一切趣生譬如伎
兒變現諸趣離我我所以不覺故三
緣和合而有果生外道不知執為作
者無始虛偽惡習所熏名為藏識生
於七識無明住地譬如大海而有波
浪其體相續恒注不斷本性清淨離
無常過離於我論其餘七識意識識
等念念生滅妄想為因境相為緣和合
而生不了色等自心所現計著名相起
苦樂受名相纏縛既從貪生復生於貪
若因及所緣諸取根滅不相續生自
慧分別苦樂受者或得滅定或得四
禪或復善入諸諦解脫便妄生於得
解脫想而實未捨未轉如來藏中藏
識之名若無藏識七識則滅何以故
因彼及所緣而得生故然非一切外
道二乘諸修行者所知境界以彼惟
了人無我性於蘊界處取於自相及
共相故若見如來藏五法自性諸法
無我隨地次第而漸轉滅不為外道
惡見所動住不動地得於十種三昧
樂門為三昧力諸佛所持觀察不思
議佛法及本願力不住實際及三昧

樂獲自證智不與二乘諸外道共得
十聖種性道及意生智身離於諸行
是故大慧菩薩摩訶薩欲得勝法應
淨如來藏藏識之名大慧若無如來藏
名藏識者則無生滅然諸凡夫及以
聖人悉有生滅是故一切諸修行者
雖見內境界住現法樂而不捨於勇
猛精進大慧此如來藏藏識本性清
淨客塵所染而為不淨一切二乘及
諸外道臆度起見不能現證如來於
此分明現見如觀掌中菴摩勒果大
慧我為勝鬺夫人及餘深妙淨智菩
薩說如來藏名藏識與七識俱起今
諸聲聞見法無我大慧為勝鬺夫人
說佛境界非是外道二乘境界大慧
此如來藏藏識是佛境界與汝等比
淨智菩薩隨順義者所行之處非是
一切執著文字外道二乘之所行處
是故汝及諸菩薩摩訶薩於如來藏
藏識當勤觀察莫但聞已便生足想
尔時世尊重重說頌言

甚深如來藏而與七識俱執著二種生
了知則遠離無始習所熏如像現於心

若能如實觀境相悉無有如愚見指月
觀指不觀月計著文字者不見我真實
心如工伎兒意如和伎者五識為伴侶
妄想觀伎衆

今時大慧菩薩摩訶薩復白佛言世
尊願為我說五法自性諸識無我老
別之相我及諸菩薩摩訶薩善知此
已漸修諸地具諸佛法至於如來自
證之位佛言諦聽當為汝說大慧五
法自性諸識無我所謂名相分別正
智如如若修行者觀察此法入於如
來自證境界遠離常斷有無等見得
現法樂甚深三昧大慧凡愚不了五
法自性諸識無我於心所現見有外
物而起分別非諸聖人大慧白言云
何不了而起分別佛言大慧凡愚不
知名是假立心隨流動見種種相計
我我所染著於色覆障聖智起貪瞋
癡造作諸業如墮作墮妄想自纏墮
於諸趣生死大海如汲水輪循環不
絕不知諸法如幻如焰如水中月自
心所見妄分別起離能所取及生住
滅謂從自在時節微塵勝性而生隨

名相流大慧此中相者謂眼識所見
名之為色耳鼻舌身意識得者名之
為聲香味觸法如是等我說為相分
別者施設衆名顯示諸相謂以爲馬
車步男女等名而顯其相此事如是
決定不異是名分別正智者謂觀名
相不為其客識心不起不斷不常不
墮外道二乘之地是名正智大慧菩
薩摩訶薩以其正智觀察名相非有
非无遠離損益二邊惡見名相及識
本來不起我說此法名為如如大慧
菩薩摩訶薩住如如已得无照現境
昇歡喜地離外道惡趣入出世法法相
淳熟知一切法猶如幻等證自聖智
所行之法離臆度見如是次第乃至
法雲至法雲已三昧諸力自在神通
周敷滿足成於如來成如來已為衆
生故如水中月普現其身隨其欲樂
而為說法其身清淨離心意識被引
擔甲具足成滿十無盡願是名菩薩
摩訶薩入於如如之所獲得

尔時大慧菩薩摩訶薩復白佛言世
尊為三性入五法中為各有自相佛

言大慧三性八識及二無我志入五法其中名及相是妄計性以依彼分別心心所法俱時而起如日與光是緣起性正智如如不可壞故是圓成性大慧於自心所現生執著時有八種分別起此差別相皆是不實惟妄計性若能捨離二種我執二無我智即得生長大慧聲聞緣覺菩薩如來自證聖智諸地位次一切佛法悉皆攝入此五法中復次大慧五法者所謂相名分別如如正智此中相者謂所見色等形狀各別是名為相依彼諸相立瓶等名此如是此不異是名為名施設衆名顯亦諸相心心所法是名分別彼名彼相畢竟無有但是妄心展轉分別如是觀察乃至覺滅是名如如大慧真實決定究竟根本自性可得是如如相我及諸佛隨順證入如其實相開示演說若能於此隨順悟解離斷離常不生分別入自證處出於外道二乘境界是名正智大慧此五種法三性八識及二無我一切佛法普皆攝盡大慧於此法中

汝應以自智善巧通達亦勸他人令
其通達通達此已心則決定不隨他
轉尔時世尊重說頌言

五法三自性及與八種識二種无我法
普攝於大乘名相及分別二種自性攝
正智與如如是則圓成相

尔時大慧菩薩摩訶薩復白佛言世
尊如經中說過去未來現在諸佛如
恒河沙此當云何為如言而受為別
有義

佛告大慧勿如言受大慧三世諸佛
非如恒沙何以故如來寂勝超諸世
間無與等者非喻所及唯以少分為
其喻耳我以凡愚諸外道等心恒執
著常與無常惡見增長生死輪迴令其
厭離發勝怖望言佛易成易可逢值
若言難遇如優曇花彼便退怯不勤
精進是故我說如恒河沙我復有時
觀受化者說佛難值如優曇花大慧
優曇鉢花无有曾見現見當見如來
則有已見當見大慧如是譬喻非說
自法自法者內證聖智所行境界世
間无等過諸譬喻一切凡愚不能信

受大慧真實如來起心意意識所見之相不可於中而立譬喻然亦有時而為建立言恒河沙等無有相違大慧譬如恒沙龜魚為馬之所踐蹋不生分別恒淨無垢如來聖智如彼恒河力通自在以為其沙外道龜魚競來擾亂而佛不起一念分別何以故如來本願以三昧樂普安衆生如恒河沙無有愛憎无分別故大慧譬如恒沙是地自性劫盡燒時燒一切地而彼地大不捨本性恒與火大俱時生故諸凡愚人謂地被燒而實不燒火所因故如來法身亦復如是如恒河沙終不壞滅大慧譬如恒沙无有限量如來光明亦復如是為欲成就無量衆生普照一切諸佛大會大慧譬如恒沙住沙自性不更改變而作餘物如來亦尔於世間中不生不滅諸有生因悉已斷故大慧譬如恒沙取不知滅投不見增諸佛亦尔以方便智成熟衆生無減無增何以故如來法身無有身故大慧以有身故而有滅壞法身無身故無滅壞大慧

譬如恒沙雖苦壓治欲求蘇油終不
可得如來亦尔雖為衆生衆苦所壓
乃至蠢動未盡涅槃欲令捨離於法
界中深心願樂亦不可得何以故具
足成就大悲心故大悲譬如恒沙隨
水而流非無水也如來亦尔所有說
法莫不隨順涅槃之流以是說言諸
佛如來如恒河沙大悲如來說法不
隨於趣趣是壞義生死本際不可得
知既不可知云何說趣大悲趣義是
斷凡愚莫知大悲菩薩復白佛言若
生死本際不可知者云何衆生在生
死中而得解脫佛言大悲無始虛偽
過習因滅了知外境自心所現分別
轉依名為解脫非滅壞也是故不得言
無邊際大悲無邊際者但是分別異
名大悲離分別心無別衆生以智觀
察内外諸法知與所知悉皆寂滅大
慧一切諸法唯是自心分別所見不
了知故分別心起了心則滅尔時世
尊重說頌言

觀察諸導師譬如恒河沙非壞亦非趣
是人能見佛譬如恒河沙悉離一切過

而恒隨順流佛體亦如是

尔時大慧菩薩摩訶薩復白佛言世尊願為我說一切諸法剎那壞相何等諸法名有剎那佛言諦聽當為汝說大慧一切法者所謂善法不善法有為法無為法世間法出世間法有漏法無漏法有受法無受法大慧舉要言之五取蘊法以心意意識習氣為因而得增長凡愚於此而生分別謂善不善聖人現證三昧樂住是則名為善無漏法復次大慧善不善者所謂八識何等為八謂如來藏名藏識意及意識并五識身大慧彼五識身與意識俱善不善相展轉老別相續不斷無異體生生已即滅不了於境自心所現次第滅時別識生起意識與彼五識共俱取於種種老別形相剎那不住我說此等名剎那法大慧如來藏名藏識所與意等諸習氣俱是剎那法無漏習氣非剎那法此非凡愚剎那論者之所能知彼不能知一切諸法有是剎那非剎那故彼計無為同諸法壞墮於斷

見大慧五識身非流轉不受苦樂
非涅槃因如來藏受苦樂與因俱有
生滅四種習氣之所迷覆而諸凡愚
分別熏心不能了知起剎那見大慧
如金金剛佛之舍利是奇特性終不
損壞若得證法有剎那者聖應非
聖而彼聖人未曾非聖如金金剛雖
經劫住稱量不減云何凡愚不解於
我秘密之說於一切法作剎那想大
慧菩薩復白佛言世尊常說六波羅
蜜若得滿足便成正覺何等為六云
何滿足

佛言大慧波羅蜜者老別有三所謂
世間出世間出世間上上大慧世間波
羅蜜者謂諸凡愚者我我所執取二邊
求諸有身貪色等境如是修行檀波
羅蜜持戒忍辱精進禪定成就神通
生於梵世大慧出世間波羅蜜者謂
聲聞緣覺執著涅槃希求自樂如是
修習諸波羅蜜大慧出世間上上波
羅蜜者謂菩薩摩訶薩於自心二法
了知惟是分別所現不起妄想不生
執著不取色相為欲利樂一切衆生

而恒修行檀波羅蜜於諸境界不起

分別是則修行尸波羅蜜即於不起

分別之時忍知能取所取自性是則

名為羣提波羅蜜初中後夜勤修匪

懈隨順實解不生分別是則名為毘

梨耶波羅蜜不生分別不起外道涅

槃之見是則名為禪波羅蜜以智觀

察心無分別不墮二邊轉淨所依而

不壞滅獲於聖智內證境界是則名

為般若波羅蜜尔時世尊重誑頌曰

愚分別有為空無常剎那分別剎那義

如河燈種子一切法不生寂靜无所作

諸事性皆離是我剎那義生無間即滅

不為凡愚說無間相續法諸趣分別起

无明為其因心則從彼生未能了色來

中間何所住無間相續滅而有別心起

不住於色時何所緣而生若緣彼而起

其因則虛妄因妄體不成云何剎那滅

修行者正受金剛佛舍利及以光音宮

世間不壞事如來圓滿智及比丘證得

諸法性常住云何見剎那軋城幻等色

何故非剎那大種無實性云何說能造

大乘入楞伽經卷第五

癸卯歲高麗國大藏都監奉
勅彫造

大乘入楞伽經卷第六

段

大周于闐國三藏法師實叉難陀奉勅譯

變化品第七

今時大慧菩薩摩訶薩復白佛言世尊如來何故授阿羅漢阿耨多羅三藐三菩提記何故復說無般涅槃法衆生得成佛道又何故說從初得佛至般涅槃於其中間不說一字又言如來常在於定無覺无觀又言佛事皆是化作又言諸識剎那變壞又言金剛神常隨衛護又言前際不可知而說有般涅槃又現有魔及以魔業又有餘報謂旃遮婆羅門女孫陀利外道女及空鉢而還等事世尊既有如是業障云何得成一切種智既已成於一切種智云何不離如是諸過佛言諦聽當為汝說大慧我為無餘涅槃界故密勸令彼修菩薩行此界他土有諸菩薩心樂求於聲聞涅槃令捨是心進修大行故作是說又變化佛與化聲聞而授記別非法性佛大慧授聲聞記是秘密說大慧佛與二

乘無差別者據斷惑障解脫一味非
謂智障智障要見法無我性乃清淨
故煩惱障者見人無我意識捨離是
時初斷藏識習滅法障解脫方得永
淨大慧我依本住法作是密語非異
前佛後更有說先具如是諸文字故
大慧如來正知無有妄念不待思慮
然後說法如來久已斷四種習離二
種死除二種障大慧意及意識眼識
等七習氣為因是剎那性離無漏善
非流轉法大慧如來藏者生死流轉
及是涅槃苦樂之因凡愚不知妄著
於空大慧變化如來金剛力士常隨
衛護非真實佛真實如來離諸限量
二乘外道所不能知住現法樂成就
智忍不假金剛力士所護一切化佛
不從業生非即是佛亦非非佛譬如
陶師衆事和合而有所作化佛亦尔
衆相具足而演說法然不能說自證
聖智所行之境

復次大慧諸凡愚人見六識滅起於
斷見不了藏識起於常見大慧自心
分別是其本際故不可得離此分別

大乘人楞伽經卷第六 第三十二
即得解脫四種習斷離一切過今時

世尊重說頌言

三乘及非乘 無有佛涅槃 悉授如來記
說離衆過惡 成就究竟智 及無餘涅槃
誘進怯劣人 依此密意說 諸佛所得智
演說如是道 惟此更非餘 故彼无涅槃
欲色有諸見 如是四種習 意識所從生
藏意亦在中 見意識眼等 無常故說斷
迷意藏起常 邪智謂涅槃

大乘人楞伽經斷食肉品第八

今時大慧菩薩摩訶薩復白佛言世
尊願為我說食不食肉功德過失我
及諸菩薩摩訶薩知其義已為未來
現在報習所熏食肉衆生而演說之
今捨肉味求於法味於一切衆生起
大慈心更相親愛如一子想住菩薩
地得阿耨多羅三藐三菩提或二乘
地暫時止息究竟當成無上正覺世
尊路迦耶等諸外道輩起有無見執
著斷常尚有遮禁不聽食肉何況如
來應正等覺大悲含育世所依怙而
許自他俱食肉耶善哉世尊具大慈悲
哀愍世間等觀衆生猶如一子願為解

說食肉過惡不食功德令我及與諸
菩薩等聞已奉行廣為他說今時大
慧菩薩重說頌言

菩薩摩訶薩志求無上覺酒肉及與葱
為食為不食愚夫貪嗜肉臭穢無名稱
與彼惡獸同云何而可食食者有何過
不食有何德惟願最勝尊為我具開演
今時佛告大慧菩薩摩訶薩言大慧
諦聽諦聽善思念之吾當為汝分別
解說大慧一切諸肉有無量緣菩薩
於中當生悲愍不應取食我今為汝
說其少分大慧一切衆生從无始來在
生死中輪迴不息靡不曾作父母兄弟
男女眷屬乃至朋友親愛侍使易生
而受鳥獸等身云何於中取之而食
大慧菩薩摩訶薩觀諸衆生同於已
身念肉皆從有命而來云何而食大
慧諸羅刹等聞我此說尚應斷肉況
樂法人大慧菩薩摩訶薩在在生處
觀諸衆生皆是親屬乃至慈念如一
子想是故不應食一切肉大慧衢路
市肆諸賣肉人或將犬馬人牛等肉
為求利故而販鬻之如是雜穢云何

可食

大華嚴經卷第六 勢至品

三

大慧一切諸肉皆是精血汙穢所成
求清淨人云何取食大慧食肉之人
衆生見之悉皆驚怖修慈心者云何
食肉大慧譬如獵師及旃陀羅捕魚
網鳥諸惡人等狗見驚吠獸見奔走
空飛水住一切衆生若有見之咸作
是念此人氣息猶如羅刹今來至此
必當殺我為護命故悉皆走避食肉
之人亦復如是是故菩薩為修慈行
不應食肉大慧夫食肉者身體臭穢
惡名流布賢聖善人不用親狎是故
菩薩不應食肉大慧夫血肉者衆仙
所棄群聖不食是故菩薩不應食肉
大慧菩薩為護衆生信心令於佛法
不生譏謗以慈愍故不應食肉大慧
若我弟子食瞰於肉令諸世人悉懷
譏謗而作是言云何沙門修淨行人
棄捨天仙所食之味猶如惡獸食肉滿
腹遊行世間令諸衆生悉懷驚怖壞清
淨行失沙門道是故當知佛法之中
無調伏行菩薩慈愍為護衆生令不
生於如是之心不應食肉大慧如燒

人肉其氣臭穢與燒餘肉等无差別
云何於中有食不食是故一切樂清
淨者不應食肉大慧諸善男女狂聞
樹下阿蘭若處寂靜修行或住慈心
或持呪術或求解脫或趣大乘以食
肉故一切障尋不得成就是故菩薩
欲利自他不應食肉大慧夫食肉者
見其形色則已生於貪滋味心菩薩
慈念一切衆生猶如已身云何見之
而作食想是故菩薩不應食肉大慧
夫食肉者諸天遠離口氣常臭睡夢
不安覺已憂悚夜叉惡鬼奪其精氣
心多驚怖食不知足增長疾病易生
瘡癰恒被諸蟲之所啖食不能於食
深生厭離大慧我常說言凡所食噉
作子肉想餘食尚然云何而聽弟子
食肉大慧肉非美好肉不清淨生諸
罪惡敗諸功德諸仙聖人之所棄捨
云何而許弟子食耶若言許食此人
誇我大慧淨美食者應知則是粃米
粟米大小麦豆蘆油石蜜如是等類
此是過去諸佛所許我所稱說我種
性中諸善男女心懷淨信久植善根

於身命財不生貪著慈愍一切猶如
己身如是之人之所應食非諸惡習
虎狼性者心所愛重

大慧過去有王名師子生耽著肉味
食種種肉如是不已遂至食人臣民
不堪悉皆離叛亡失國位受大苦惱
大慧釋提桓因處天王位以於過去食
肉餘習變身為鷹而逐於鵠我時作
王名曰尸毗愍念其鵠自割身肉以
代其命

大慧帝釋餘習尚惱衆生況餘无慙
常食肉者當知食肉自惱惱他是故
菩薩不應食肉大慧昔有一王乘馬
遊獵馬驚奔逸入於山險既無歸路
又絕人居有牝師子與同遊處遂行
醜行生諸子息其最長者名曰斑足
後得作王領七億家食肉餘習非肉
不食初食禽獸後乃至人所生男女
悉是羅刹轉此身已復生師子豺狼
虎豹鷃鷲等中欲求人身終不可得
況出生死涅槃之道

大慧夫食肉者有如是等無量過失
斷而不食獲大功德凡愚不知如是

損益是故我今為汝開演凡是肉者
悉不應食大慧凡煞生者多為人食
人若不食亦無煞事是故食肉與煞
同罪奇哉世間貪著肉味於人身肉尚
取食之況於鳥獸有不食者以貪味
故廣設方便置羅網罟處處安施水
陸飛行皆被煞害設自不食為貪價
直而作是事

大慧世復有人心無慈愍專行慘暴
猶如羅刹若見衆生其身充盛便生
肉想言此可食大慧世無有肉非是
自然亦非他煞心不疑煞而可食者
以是義故我許聲聞食如是肉大慧
未來之世有愚癡人於我法中而為
出家妄說毗尼壞亂正法誹謗於我
言聽食肉亦自曾食大慧我若聽許
聲聞食肉我則非是住慈心者修觀
行者行頭陀者趣大乘者云何而勸
諸善男子及善女人於諸衆生生一
子想斷一切肉大慧我於諸處說遮
十種許三種者是漸禁斷令其修學
今此經中自死他煞凡是肉者一切
悉斷大慧我不曾許弟子食肉亦不

現許亦不當許大慧凡是肉食於出家人悉是不淨

大慧若有癡人謗言如來聽許食肉亦自食者當知是人惡業所纏必當永墮不饒益處大慧我之所有諸聖弟子尚不食於凡夫段食況食血肉不淨之食大慧聲聞緣覺及諸菩薩尚惟法食豈況如來大慧如來法身非雜食身大慧我已斷除一切煩惱我已浣滌一切習氣我已善擇諸心智慧大悲平等普觀衆生猶如一子云何而許聲聞弟子食於子肉何況自食作是說者無有是處今時世尊重說頌言

悉曾為親屬衆穢所成長恐怖諸舍生是故不應食一切肉與葱韭蒜及諸酒如是不淨物修行者遠離亦常離麻油及諸穿孔牀以彼諸細蟲於中大驚怖飲食生放逸放逸生邪覺從覺生於貪是故不應食邪覺生貪故心為貪所醉心醉長愛欲生死不解脫為利養衆生以財取諸肉二俱是惡業死墮叫喚獄不想不教求此三種名淨世無如是肉

食者我訶責更手相食噉死墮惡獸中
臭穢而癡狂是故不應食獵師旃荼羅
屠兒羅刹婆此等種中生斯皆食肉報
食已無慚愧生生常癡狂諸佛及菩薩
聲聞所嫌惡烏鴉與大雲涅槃央掘摩
及此楞伽經我皆制斷肉先說見聞疑
已斷一切肉以其惡習故愚者妄分別
如貪障解脫肉等亦復然若有食之者
不能入聖道未來世衆生於肉愚癡說
言此淨無罪佛聽我等食淨食尚如藥
猶如子肉想是故修行者知量而行乞
食肉背解脫及違聖表相令衆生生怖
是故不應食安住慈心者我說常厭離
師子及虎狼應共同遮止若於酒肉等
一切皆不食必生賢聖中豐財具智慧
大乘入楞伽經隨羅尼品第九

今時佛告大慧菩薩摩訶薩言大慧
過去未來現在諸佛為欲擁護持此經
者皆為演說楞伽經呪我今亦說汝
當受持即說呪曰

怛姪他 一觀吒觀吒

都跋及杜吒吒三下同二

鉢吒鉢吒 葛吒葛吒 五阿麼隸阿

麼隸 六毗麼隸 毗麼隸 七你謹你謹 八

四謎四謎九縛我可謎縛謎十葛隸葛

隸一十揭囉葛隸二十阿吒末吒三十折吒

咄吒四十耆若二合吒三合隆普二合吒五十葛

地雅計反刺地六十鉢地七十四謎四謎八十

第九折隸折隸十鉢利鉢利十一畔第毗

第二十案制滿制三十點服尸反茶去聲隸四十

杜茶隸五十鉢茶隸六十過計過計七十末

計末計八十斫結斫結九十地休字謎地

謎三十四謎四謎一十點點點點二十椿答德

椿椿椿三杜杜杜四十杜合杜合杜合杜合

席杜五十莎婆訶六十

大慧未來世中若有善男子善女人

受持讀誦為他解說此陀羅尼當知

此人不為一切人與非人諸鬼神等

之所得便若復有人卒中於惡為其

誦念一百八遍即時惡鬼疾走而去

大慧我更為汝說陀羅尼即說呪曰

怛姪他一鉢頭摩第鞞二鉢頭迷三

醯去聲泥醯下祢下泥四隸主羅主隸五

席隸席羅席隸六庾隸庾隸七跋隸

跋羅跋隸八眞上聲第臙九畔逝夫

第十尼羅迦隸十一莎婆訶二十

大慧若有善男子善女人受持讀誦

為他解說此陀羅尼不為一切天龍
夜叉人非人等諸惡鬼神之所得便
我為禁止諸羅刹故說此神呪若持
此呪則為受持入楞伽經一切文句
志已具足

大乘入楞伽經偈頌品第十之初

今時世尊欲重宣此修多羅中諸廣
義故而說偈言

諸法不堅固 皆從分別生 以分別即空
所分別非有 由虛妄分別 是則有識生
八九識種種 如海衆波浪 習氣常增長
眼根堅固依 心隨境界流 如鐵於磁石
衆生所依性 遠離諸計度 及離智所知
轉依得解脫 得如幻三昧 超過於十地
觀見心王時 想識皆遠離 今時心轉依
是則為常住 在於蓮花宮 幻境之所起
既住彼宮已 自在無功用 利益諸衆生
如衆色摩尼 無有為无為 惟除妄分別
愚夫迷執取 如石女夢子 應知補伽羅
蘊界諸緣等 悉空无自性 無生有非有
我以方便說 而實無有相 愚夫妄執取
能相及所相 一切知非知 一切非一切
愚夫所分別 佛無覺自他 諸法如幻夢

無生无自性以皆性空故無有不可得
我惟說一性離於妄計度自性无有二
衆聖之所行如四人不調變吐見螢光
所見皆非有世間亦如是猶如幻所現
草木凡礫等彼幻無所有諸法亦如是
非取非所取非縛非所縛如幻如陽焰
如夢亦如翳若欲見真實離諸分別取
應修真實觀見佛必无疑世間等於夢
色資具亦尔若能如是見身為世所尊
三界由心起迷惑妄所見離妄无世間
知已轉染依愚夫之所見妄謂有生滅
智者如實觀不生亦不滅常行無分別
遠離心心法住色究竟天離諸過失處
於彼成正覺具力通自在及諸勝三昧
現化於此成化身無量億遍遊一切處
令愚夫得聞如響難思法遠離初中後
亦離於有無非多而現多不動而普遍
說衆生身中所覆之性實迷惑令幻有
非幻為迷惑由心迷惑故一切皆悉有
以此相繫縛藏識起世間如是諸世間
惟有假施設諸見如暴流行於人法中
若能如是知是則轉所依乃為我真字
成就隨順法愚夫所分別堅濕暖動法

假名無有實 亦無相所相 身形及諸根
皆以八物成 凡愚妄計色 迷惑身籠檻
凡愚妄分別 因緣和合生 不了真實相
流轉於三有 識中諸種子 能現心境界
愚夫起分別 妄計於二取 無明愛及業
諸心依彼生 以是我了知 為依他起性
妄分別有物 迷惑心所行 此分別都無
迷妄計為有 心為諸緣縛 生起於衆生
自相所分別 身中不復起 我為無所行
衆生心所起 能取及所取 所見皆無相
愚夫妄分別 顯亦阿賴耶 殊勝之藏識
離於能所取 我說為真如 蘊中无有人
無我無衆生 生唯是識生 滅亦唯識滅
猶如畫高下 雖見無所有 諸法亦如是
雖見而非有 如乳闍婆城 亦如熱時燄
所見恒如是 智觀不可得 因緣及譬喻
以此而立宗 乳城夢火輪 陽焰日月光
火焰毛等喻 以此顯无生 世分別皆空
迷惑如幻夢 見諸有不生 三界無所依
内外亦如是 成就無生忍 得如幻三昧
及以意生身 種種諸神通 諸力及自在
諸法本無生 空無有自性 迷惑諸因緣

而謂有生滅。愚夫妄分別以心而現心
及現於外色。而實無所有。如定力觀見
佛像與骨鎖。及分拊大種。假施設世間
身資及所住。此三為所取。意取及分別
此三為能取。迷惑妄計者。以能所分別
但隨文字境。而不見真實。行者以慧觀
諸法無自性。是時住無相。一切皆休息
如以墨塗鷄。無智者妄取。實無有三乘
愚夫不能見。若見諸聲聞。及以辟支佛
皆大悲菩薩。變化之所現。三界唯是心
分別二自性。轉依離人法。是則為真如
日月燈光焰。大種及摩尼。無分別作用
諸佛亦如是。諸法如毛輪。遠離生住滅
亦離常無常。染淨亦如是。如著陀都藥
見地作金色。而實彼地中。本無有金相
愚夫亦如是。無始迷亂心。妄取諸有實
如幻如陽焰。應觀一種子。與非種同即
一種一切種。是名心種種。種種子為一
轉依為非種。平等同法即。悉皆無分別
種種諸種子。能感諸趣生。種種衆雜苦
名一切種子。觀諸法自性。迷惑不待遣
物性本無生。了知即解脫。定者觀世間
衆色由心起。無始心迷惑。實無色無心

如幻與軋城毛輪及陽焰非有而現有
諸法亦如是一切法不生唯迷惑所見
以從迷妄生愚妄計著二由種種習氣
生諸波浪心若彼習斷時心浪不復起
心緣諸境起如畫依於壁不介虛空中
何不起於畫若緣少分相令心得生者
心既從緣起唯心義不成心性本清淨
猶若淨虛空令心還取心由習非異因
執著自心現今心而得起所見實非外
是故說唯心藏識說名心思量以為意
能了諸境界是則名為識心常為無記
意具二種行現在識通具善與不善等
證乃無定時超地及諸刹亦越於心量
而住無相果所見有與無及以種種相
皆是諸愚夫顛倒所執著智若離分別
物有則相違由心故無色是故無分別
諸根猶如幻境界悉如夢能作及所作
一切皆非有世諦一切有第一義則無
諸法無性性說為第一義於無自性中
因諸言說故而有物起者是名為俗諦
若無有言說所起物亦無世諦中無有
有言無事者顛倒虛妄法而實不可得
若倒是有者則無無自性以有元性故

而彼顛倒法一切諸所有是皆不可得
惡習熏於心所現種種相迷惑謂心外
妄取諸色像分別無分別分別是可斷
無分別能見實性證真空無明熏於心
所現諸衆生如幻爲馬等及樹葉爲金
猶如翳目者迷惑見毛輪愚夫亦如是
妄取諸境界分別所分別及起分別者
轉所轉轉因此六解脫由於妄計故
無地无諸諦亦无諸刹土化佛及二乘
心起一切法一切處及身心性實无相
無智取種種分別迷惑相是名依他起
相中所有名是則為妄計諸緣法和合
分別於名相此等皆不生是則圓成實
十方諸刹土衆生菩薩中所有法報佛
化身及變化皆從无量壽極樂界中出
於方廣經中應知密意說所有佛子說
及諸導師說悉是化身說非是實報佛
諸法無有生彼亦非非有如幻亦如夢
如化如軋城種種由心起種種由心脫
心起更非餘心滅亦如是以衆生分別
所現虛妄相惟心實無境離分別解脫
由無始積集分別諸戲論惡習之所熏
起此虛妄境妄計自性故諸法皆無生

依止於緣起 衆生迷分別 分別不相應
依他即清淨 所住離分別 轉依即真如
勿妄計虛妄 妄計即無實 迷惑妄分別
取所取皆無 分別見外境 是妄計自性
由此虛妄計 緣起自性生 邪見諸外境
無境但是心 如理正觀察 能所取皆滅
如愚所分別 外境實非有 習氣擾濁心
似外境而轉 已滅二分別 智契於真如
起於無影像 難思聖所行 依父母和合
如蘊在於瓶 阿賴耶意俱 令赤白增長
開尸及稠胞 穢業種種生 業風增四大
出生如果熟 五與五及五 瘡竅有九種
爪甲齒毛具 滿足即便生 初生猶糞虫
亦如人睡覺 眼開見於色 分別漸增長
分別決了已 脣齟等和合 始發於語言
猶如鸚鵡等 隨衆生意樂 安立於大乘
非惡見行處 外道不能受 自內所證乘
非計度所行 願說佛滅後 誰能受持此
大慧汝應知 善逝涅槃後 未來世當有
持於我法者 南天竺國中 大名德比丘
厥号为龍樹 能破有無宗 世間中顯我
無上大乘法 得初歡喜地 往生安樂國
衆緣所起義 有無俱不可 緣中妄計物

分別於有無如是外道見遠離於佛法
一切法名字生處常隨逐已習及現習
展轉共分別若不說於名世間皆迷惑
為除迷惑故是故立名言愚分別諸法
迷惑於名字及以諸緣生是三種分別
以不生不滅本性如虛空自性無所有
是名妄計相如幻影陽焰鏡像夢火輪
如響及乳城是則依他起真如空不二
實際及法性皆無有分別我說是圓成
語言心所行虛妄墮二邊慧分別實諦
是慧無分別於智者所現於愚則不現
如是智所現一切法無相
如假金瓔珞非金愚謂金諸法亦如是
外道妄計度諸法無始終住於真實相
世間皆無作妄計不能了過去所有法
未來及現在如是一切法皆悉是無生
諸緣和合故是故說有法若離於和合
不生亦不滅而諸緣起法一異不可得
略說以為生廣說則為滅一是不生空
一復是生空不生空為勝生空則滅壞
真如空實際涅槃及法界種種意生身
我說皆異名於諸經律論而起淨分別
若不了无我依教不依義衆生妄分別

所見如兔角分別即迷惑如渴獸逐焰
由於妄執著而起於分別若離妄執因
分別則不起甚深大方廣知諸刹自在
我為佛子說非為諸聲聞三有空元常
遠離我我所我為諸聲聞如是摠相說
不著一切法寂淨獨所行思念辟支果
我為彼人說身是依他起迷惑不自見
分別外自性而今心妄起報得及加持
諸趣種類生及夢中所得是神通四性
夢中之所得及以佛威力諸趣種類等
皆非報得通習氣熏於心似物而影起
凡愚未能悟是故說為生隨於妄分別
外相幾時有今所時增妄不見自心迷
何以說有生而不說所見無所見而見
為誰云何說心體自本淨意及諸識俱
習氣常熏故而作諸濁亂藏識捨於身
意乃求諸趣識迷似境界見已而貪取
所見唯自心外境不可得若修如是觀
捨妄念真如諸定者境界業及佛威力
此三不思議難思智所行過未捕伽羅
虛空及涅槃我隨世俗事真諦離文字
二乘及外道同依止諸見迷惑於唯心
妄分別外境羅漢辟支佛及以佛菩提

種子堅成就夢佛灌其頂心幻趣寂靜
何為說有無何處及為誰何故願為說
迷惑於惟心故說幻有無生滅相應
相所相平等分別名意識及與五識俱
如影像暴流從心種子起若心及與意
諸識不起者即得意生身亦得於佛地
諸緣及蘊界人法之自相皆心假施設
如夢及毛輪觀世如幻夢依止於真實
真實離諸相亦離因相應聖者內所證
常住於無念迷惑因相應執世間為實
一切戲論滅迷惑則不生隨有迷分別
癡心常現起諸法空无性而是常無常
生論者所見非是無生論一異俱不俱
自然及自在時微塵勝性緣分別世間
識為生死種有種故有生如畫依於壁
了知即便滅譬如見幻人而有幻生死
凡愚亦如是癡故起縛脫內外二種法
及以彼因緣修行者觀察皆住於无相
習氣不離心亦不與心俱雖為習所纏
心相無差別心如白色衣意識習為垢
垢習之所汙令心不顯現我說如虛空
非有亦非無藏識亦如是有元皆遠離
意識者轉依心則離濁亂我說心為佛

覺了一切法 永斷三相續 亦離於四句
有無皆捨離 諸有恒如幻 前七地心起
故有二自性 餘地及佛地 忘是圓成實
欲色无色界 及以於涅槃 於彼一切身
皆是心境界 隨其有所得 是則迷惑起
若覺自心已 迷惑則不生 我立二種法
諸相及以證 以四種理趣 方便說成就
見種種名相 是迷惑分別 若離於名相
性淨聖所行 隨能所分別 則有妄計相
若離彼分別 自性聖所行 心若解脫時
則常恒真實 種性及法性 真如離分別
以有清淨心 而有雜染現 無淨則无染
真淨聖所行 世間從緣生 增長於分別
觀彼如幻夢 是時即解脫 種種惡習氣
與心和合故 衆生見外境 不覩心法性
心性本清淨 不生諸迷惑 迷從惡習起
是故不見心 唯迷惑即真 真實非餘處
以諸行非行 非餘處見故 若觀諸有為
遠離相所相 以離衆相故 見世惟自心
安住於唯心 不分別外境 住真如所緣
超過於心量 若超過心量 亦超於无相
以住無相者 不見於大乘 行寂无功用
淨修諸六願 及我寂勝智 無相故不見

應觀心所行亦觀智所行觀見慧所行
於相無迷惑心所行苦諦智所行是集
餘二及佛地皆是慧所行得果與涅槃
及以八聖道覺了一切法是佛清淨智
眼根及色境空明與作意故令從藏識
衆生眼識生取者能所取名事俱無有
無因妄分別是為無智者名義不生
名義別亦計因無因生不離於分別
妄謂住實諦隨見施設說一性五不成
捨離於諦義戲論於有無應超此等魔
以見無我故不妄求諸有計作者為常
呪術與諍論實諦離言說而見寂滅法
依於藏識故而得有意轉心意為依故
而有諸識生虛妄所立法及心性真如
定者如是觀通達唯心性觀意與相事
不念常無常及以生不生分別二義
從於阿賴耶生起於諸識終不於一義
而生二種心由見自心故非空非言說
若不見自心為見網所縛諸緣無有生
諸根無所有無貪無蘊界悉無諸有為
平無諸業報无作無有為執著本來無
無縛亦无脫無有无記法法非法皆无
非時非涅槃法性不可得非佛非真諦

非因亦非果 非倒非涅槃 非生亦非滅
亦無十二支 邊無邊非有一切見皆斷
我說是唯心 煩惱業與身及業所得果
皆如焰如夢 如乳闍婆城以住唯心故
諸相皆捨離 以住唯心故能見於斷常
涅槃無諸蘊 無我亦无相以入於唯心
轉依得解脫 惡習為因故外現於大地
及以諸衆生 唯心无所見身資土影像
衆生習所現 心非是有无習氣令不顯
垢現於淨中 非淨現於垢如雲翳虛空
心不現亦尔 妄計性為有於緣起則无
以妄計迷執 緣起無分別非所造皆色
有色非所造 夢幻焰乳城此等非所造
若於緣生法 謂實及不實此人決定依
一異等諸見 聲聞有三種願生與變化
及離貪瞋等 從於法所生菩薩亦三種
未有諸佛相 思念於衆生而現於佛像
衆生心所現 皆從習氣生種種諸影像
如星雲日月 若大種是有可有所造生
大種無性故 無能相所相大種是能造
地等是所造 大種本无生故無所造色
假實等諸色 及幻所造色夢色乳城色
焰色為第五 一闡提五種種性五亦然

五乘及非乘 涅槃有六種 諸蘊二十四

諸色有八種 佛有二十四 佛子有二種

法門有百八 聲聞有三種 諸佛刹惟一

佛一亦復然 解脫有三種 心流注有四

無我有六種 所知亦有四 遠離於作者

及離諸見過 內自證不動 是無上大乘

生及與不生 有八種九種 一念與漸次

證得宗唯一 無色界八種 禪老別有六

辟支諸佛子 出離有七種 三世悉無有

常無常亦無 作業及果報 皆如夢中事

諸佛本不生 為聲聞佛子 心恒不能見

如幻等法故 故於一切刹 從兜率入胎

初生及出家 不從生處生 為流轉衆生

而說於涅槃 諸諦及諸刹 隨機令覺悟

世間洲樹林 無我外道行 禪乘阿賴耶

果境不思議 星宿月種類 諸王諸天種

軋闍夜叉種 皆因業受生 不思變易死

猶與習氣俱 若死永盡時 煩惱網已斷

財穀與金銀 田宅及僮僕 為馬牛羊等

皆悉不應畜 不卧穿孔牀 亦不泥塗地

金銀銅鉢等 皆悉不應畜 土石及與鐵

釜及頗梨器 滿於摩竭量 隨鉢故聽畜

常以青等色 牛糞泥果菜 染白欽婆等

令作袈裟色 四指量刀子 刀如半月形
為以割截衣 修行者聽畜 勿學工巧明
亦不應賣買 若須使淨人 此法我所說
常守護諸根 善解經律義 不狎諸俗人
是名修行者 樹下及巖穴 野屋與塚間
草窟及露地 修行者應住 塚間及餘處
三衣常隨身 若闕衣服時 來施者應受
乞食出遊行 前覘一尋地 攝念而行乞
猶如蜂採花 丙衆所集處 衆雜比丘尼
活命與俗交 皆不應乞食 諸王及王子
大目與長者 修行者乞食 皆不應親近
生家及死家 親友所愛家 僧尼和雜家
修行者不食 寺中烟不斷 常作種種食
及故為所造 修行者不食 行者觀世間
能相與所相 皆悉離生滅 亦離於有无
大乘入楞伽經卷第六

癸卯歲高麗國大藏都監奉
勅彫造

大乘入楞伽經卷第七

跋

大周三闍國三藏法師實叉難陀奉勅譯

偈頌品第十之二

若諸修行者不起於分別不久得三昧
力通及自在修行者不應妄執從微塵
時勝性作者緣生於世間世從自分別
種種習氣生修行者應觀諸有如夢幻
恒常見遠離誹謗及建立身資及所住
不分別三有不思想飲食正念端身住
數數恭敬札諸佛及菩薩善解經律中
真實理趣法五法二无我亦思惟自心
內證淨法性諸地及佛地行者修習此
處蓮花灌頂沉輪諸趣中歇離於諸有
徃採閒靜處修習諸觀行有物無因生
妄謂離斷常亦謂離有无妄計為中道
妄計無因論无因是斷見不了外物故
壞滅於中道恐墮於斷見不捨所執法
以建立誹謗妄說為中道以覺了惟心
捨離於外法亦離妄分別此行契中道
惟心無有境无境心不生我及諸如來
說此為中道若生若不生自性無自性
有無等皆空不應分別二不能起分別

愚夫謂解脫心無覺智生豈能斷二執

以覺自心故能斷二所執了知故能斷

非不能分別了知心所現分別即不起

分別不起故真如心轉依若見所起法

離諸外道過是智者所取涅槃非滅壞

我及諸佛說覺此即成佛若更異分別

是則外道論不生而現生不滅而現滅

普於諸億刹頓現如水月一身為多身

然火及注雨隨機心中現是故說惟心

心亦是惟心非心亦心起種種諸色相

通達皆惟心諸佛與聲聞緣覺等形像

及餘種種色皆說是惟心從於元色界

乃至地獄中普現為衆生皆是惟心作

如幻諸三昧及以意生身十地與自在

皆由轉依得愚夫為相縛隨見聞覺知

自分別顛倒戲論之所動一切空无生

我實不涅槃化佛於諸刹演三乘一乘

佛有三十六復各有十種隨衆生心器

而現諸刹土法佛於世間猶如妄計性

雖見有種種而實無所有法佛是真佛

餘皆是化佛隨衆生種子見佛所現身

以迷惑諸相而起於分別分別不異真

相不即分別自性及受用化身復現化

佛德三十六皆自性所成由外熏習種
而生於分別不取於真實而取妄所執
迷惑依內心及緣於外境但由此二起
更無第三緣迷惑依內外而得生起已
六十二十八故我說為心知但有根境
則離於我執悟心無境界則離於法執
由依本識故而有諸識生由依內處故
有似外影現無智恒分別有為及无為
皆悉不可得如夢星毛輪如乳閻婆城
如幻如焰水非有而見有緣起法亦然
我依三種心假說根境我而彼心意識
自性無所有心意及與識無我有二種
五法與自性是諸佛境界習氣因為一
而成於三相如以一彩色畫壁見種種
五法二無我自性心意識於佛種性中
皆悉不可得遠離心意識亦離於五法
復離於自性是為佛種性若身語意業
不修白淨法如來淨種性則離於現行
神通力自在三昧淨莊嚴種種意生身
是佛淨種性內自證无垢遠離於因相
八地及佛地如來性所成遠行與善慧
法雲及佛地皆是佛種性餘悉二乘攝
如來心自在而為諸愚夫心相差別故

說於七種地 第七地不起身語意過失
第八地所依如夢渡河等 八地及五地
解了工巧明 諸佛子能作 諸有中之王
智者不分別 若生若不生 空及與不空
自性無自性 但惟是心量 而實不可得
為諸二乘說 此實此虛妄 非為諸佛子
故不應分別 有非有悉非 亦無剎那相
假實法亦無 惟心不可得 有法是俗諦
無性第一義 迷惑於无性 是則為世俗
一切法皆空 我為諸凡愚 隨俗假施設
而彼無真實 由言所起法 則有所行義
觀見言所生 皆悉不可得 如離譬無盡
離質亦無影 藏識若清淨 諸識浪不生
依法身有報 從報起化身 此為根本佛
餘皆化所現 不應妄分別 空及以不空
妄計於有无 言義不可得 凡愚妄分別
德實塵聚色 一一塵皆無 是故无境界
衆生見外相 皆由自心現 所見既非有
故無諸外境 如鳥溺深泥 不能復移動
聲聞住三昧 昏墊亦復然 若見諸世間
習氣以為因 離有無俱非法 無我解脫
自性名妄計 緣起是依他 真如是圓成
我經中常說 心意及與識 分別與表示

本識作三有 皆心之異名 壽及於煖識
阿賴耶命根 意及與意識 皆分別異名
心能持於身 意恒審思慮 意識諸識俱
了自心境界 若實有我體 異蘊及蘊中
於彼求我體 畢竟不可得 二觀世間
皆是自心現 於煩惱隨眠 離苦得解脫
聲聞為盡智 緣覺寂靜智 如來之智慧
生起無窮盡 外實無有色 惟自心所現
愚夫不覺知 妄分別有為 不知外境界
種種皆自心 愚夫以因喻 四句而成立
智者悉了知 境界自心現 不以宗因喻
諸句而成立 分別所分別 是為妄計相
依止於妄計 而復起分別 展轉相依
皆因一習氣 此二俱為客 非衆生心起
安住三界中 心心所分別 所起似境界
是妄計自性 影像與種子 合為十二處
所依所緣合 說有所作事 猶如鏡中像
譬眼見毛輪 習氣覆亦然 凡夫起妄見
於自分別境 而起於分別 如外道分別
外境不可得 如愚不了繩 妄取以為蛇
不了自心現 妄分別外境 如是繩自體
一異性皆離 但自心倒惑 妄起繩分別
妄計分別時 而彼性非有 云何見非有

而起於分別色性無所有瓶衣等亦然
但由分別生所見終无有無始有為中
迷惑起分別何法令迷惑願佛為我說
諸法無自性但惟心所現不了於自心
是故生分別如愚所分別妄計實非有
異此之所有而彼不能知諸聖者所有
非愚所分別若聖同於凡聖應有虛妄
以聖治心淨是故無迷惑凡愚心不淨
故有妄分別如母語嬰兒汝勿須啼泣
空中有果來種種任汝取我為衆生說
種種妄計果令彼愛樂已法實離有无
諸法先非有諸緣不和合本不生而生
自性無所有未生法不生離緣無生處
現生法亦亦離緣不可得觀實緣起要
非有亦非無非有無俱非智者不分別
外道諸愚夫妄說一異性不了諸緣起
世間如幻夢我無上大乘超越於名言
其義甚明了愚夫不覺知聲聞及外道
所說皆慳悵令義悉改變皆由妄計起
諸相及自體形狀及與名攀緣此四種
而起諸分別計梵自在作一身與多身
及日月運行彼非是我子具足於聖見
通達如實法善巧轉諸想到於識彼岸

以此解脫印

永離於有無及離於去來

是我法中子

若色識轉滅諸業失壞者

是則無生死

亦无常無常而彼轉滅時

色處雖捨離

業住阿賴耶離有無過失

色識雖轉滅

而業不失壞今於諸有中

色識復相續

若彼諸衆生所起業失壞

是則無生死

亦無有涅槃苦業與色識

俱時而滅壞

生死中若生色業應無別

色心與分別

非異非不異愚夫謂滅壞

而實離有無

緣起與妄計展轉無別相

如色與無常

展轉生亦尔既離異非異

妄計不可知

如色無常性云何說有無

善達於妄計

緣起則不生由見於緣起

妄計則真如

若滅妄計性是則壞法眼

便於我法中

建立及誹謗如是色類人

當毀謗正法

彼皆以非法滅壞我法眼

智者勿共語

比丘事亦弃以滅壞妄計

建立誹謗故

若隨於分別起於有无見

彼如幻毛輪

夢焰與乳城彼非學佛法

不應與同住

以自墮二邊亦壞他人故

若有修行者

觀於妄計性寂靜離有无

攝取與同住

如世間有處出金摩尼珠

彼雖無造作

而衆生受用業性亦如是

遠離種種性所見業非有非不生諸趣
如聖所了知法皆無所有愚夫所分別
妄計法非無若愚所分別彼法非有者
既無一切法衆生無雜染以有雜染法
無明愛所繫能起生死身諸根悉具足
若謂愚分別此法皆无者則無諸根生
彼非正修行若無有此法而為生死因
愚夫不待修自然而解脫若無有彼法
凡聖云何別亦則無聖人修行三解脫
諸緣及人法自共相无相諸緣及諸根
我為聲聞說惟心及非因諸地與自在
內證淨真如我為佛子說未來世當有
身著於袈裟妄說於有無毀壞我正法
緣起法无性是諸聖所行妄計性無物
計度者分別未來有愚癡揭那諸外道
說於無因論惡見壞世間妄說諸世間
從於微塵生而彼塵無因九種實物常
從實而成實從德能生德真法性異此
毀謗說言無若本无而生世間則有始
生死無前際是我之所說三界一切物
本無而生者駝驢狗生角亦應無有疑
眼色識本無而今有生者衣冠及席等
應從泥團生如疊中無席蒲中亦無席

何不諸緣中一一皆生。席彼命者與身。若本無而生。我先已說。彼皆是外道論。我先所說宗。為遮於彼意。既遮於彼已。然後說自宗。恐諸弟子衆迷。著有無宗。是故我為其先說外道論。迦毗羅惡慧。為諸弟子說。勝性生世間。求那所轉變。諸緣無有故。非已生現生。諸緣既非緣。非生非不生。我宗離有無。亦離諸因緣。生滅及所相。一切皆遠離。世間如幻夢。因緣皆無性。常作如是觀。分別永不起。若能觀諸有。如焰及毛輪。亦如尋香城。常離於有無。因緣俱捨離。令心悉清淨。若言無外境。而惟有心者。無境則無心。云何成唯識。以有所緣境。衆生心得起。無因心不生。云何成唯識。真如及惟識。是衆聖所行。此有言非有。彼非解我法。由能取所取。而心得生起。世間心如是。故非是唯心。身資土影像。如夢從心生。心雖成二分。而心無二相。如刀不自割。如指不自觸。而心不自見。其事亦如是。無有影像處。則無依他起。妄計性亦無。五法二心盡。能生及所生。皆是自心相。密意說能生。而實無自性。種種境形狀。

若由妄計生 虛空與兔角 亦應成境相
以境從心起 此境非妄計 然彼妄計境
離心不可得 無始生死中 境界悉非有
心無有起處 云何成影像 若無物有生
兔角亦應生 不可無物生 而起於分別
如境現非有 彼則先亦無 云何无境中
而心緣境起 真如空實際 涅槃及法界
一切法不生 是第一義性 愚夫墮有無
分別諸因緣 不能知諸有 無生無作者
無始心所因 惟心無所見 既無无始境
心從何所生 無物而得生 如貧應是富
無境而生心 願佛為我說 一切若無因
無心亦無境 心既無所生 離三有所作
因瓶衣角等 而說兔角無 是故不應言
無彼相因法 無因有故無 是无不成無
有待无亦尔 展轉相因起 若依止少法
而有少法起 是則前所依 无因而自有
若彼別有依 彼依復有依 如是則无窮
亦無有少法 如依木葉等 現種種幻相
衆生亦如是 依事種種現 依於幻師力
令愚見幻相 而於木葉等 實無幻可得
若依止於事 此法則便壞 所見既無二
何有少分別 分別無妄計 分別亦無有

以分別無故 无生死涅槃 由無所分別
分別則不起 云何心不起 而得有惟心
意差別無量 皆無真實法 無實無解脫
亦無諸世間 如愚所分別 外所見皆無
習氣擾濁心 似影像而現 有無等諸法
一切皆不生 但惟自心現 遠離於分別
說諸法從緣 為愚非智者 心自性解脫
淨心聖所住 數勝及露形 梵志與自在
皆墮於無見 遠離寂靜義 無生无自性
離垢空如幻 諸佛及今佛 為誰如是說
淨心修行者 離諸見計度 諸佛為彼說
我亦如是說 若一切皆心 世間何處住
何因見大地 衆生有去來 如鳥遊虛空
隨分別而去 無依亦无住 如履地而行
衆生亦如是 隨於妄分別 遊履於自心
如鳥在虛空 身資國土影 佛說惟心起
願說影惟心 何因云何起 身資國土影
皆由習氣轉 亦因不如理 分別之所生
外境是妄計 心緣彼境生 了境是惟心
分別則不起 若見妄計性 名義不和合
遠離覺所覺 解脫諸有為 名義皆捨離
此是諸佛法 若離此求悟 彼無覺自他
若能見世間 離能覺所覺 是時則不起

名所名分別 由見自心故 妄作名字滅
不見於自心 則起彼分別 四蘊无色相
彼數不可得 大種性各異 云何共生色
由離諸相故 能所造非有 異色別有相
諸蘊何不生 若見於无相 蘊處皆捨離
是時心亦離 見法無我故 由根境差別
生於八種識 於彼無相中 是三相皆離
意緣阿賴耶 起我我所執 及識二執取
了知皆遠離 觀見離一異 是則無所動
離於我我所 二種妄分別 無生无增長
亦不為識因 既離能所作 滅已不復生
世間無能作 及離能所相 妄計及惟心
云何願為說 自心現種種 分別諸形相
不了心所現 妄取謂心外 由無智覺故
而起於無見 云何於有性 而心不生著
分別非有无 故於有不生 了所見惟心
分別則不起 分別不起故 轉依無所著
則遮於四宗 謂法有因等 此但異名別
所立皆不成 應知能作因 亦復不成立
為遮於能作 說因緣和合 為遮於常過
說緣是無常 愚夫謂無常 而實不生滅
不見滅壞法 而能有所作 何有无常法
而能有所生 天人阿修羅 鬼畜閻羅等

衆生在中生我說為六道由業上中下
於中而受生守護諸善法而得勝解脫
佛為諸比丘說於所受生念念皆生滅
請為我宣說色色不整停心心亦生滅
我為弟子說受生念遷謝色色中分別
生滅亦復然分別是衆生離分別非有
我為此緣故說於念念生若離取著色
不生亦不滅緣生非緣生無明真如等
二法故有起無二即真如若彼緣非緣
生法有差別常等與諸緣有能作所作
是則大牟尼及諸佛所說有能作所作
與外道無異我為弟子說身是苦世間
亦是世間集滅道皆悉具凡夫妄分別
取三自性故見有能所取世及出世法
我先觀待故說取於自性今為遮諸見
不應妄分別求過為非法亦令心不定
皆由二取起無二即真如若無明愛業
而生於識等邪念復有因是則無窮過
無智說諸法有四種滅壞妄起二分別
法實離有無遠離於四句亦離於二見
分別所起二了已不復生不生中知生
生中知不生彼法同等故不應起分別
願佛為我說遮二見之理令我及餘衆

恒不墮有無不離諸外道亦離於二乘
諸佛證所行佛子不退處解脫因非因
同一無生相迷故執異名智者應常離
法從分別生如毛輪幻焰外道妄分別
世從自性生無生及真如性空與實際
此等異名說不應執為無如手有多名
帝釋名亦尔諸法亦如是不應執為無
色與空無異元生亦復然不應執為異
成諸見過失以摠別分別及遍分別故
執著諸事相長短方圓等惣分別是心
遍分別為意別分別是識皆離能所相
我法中起見及外道無生皆是妄分別
過失等無異若有能解了我所說無生
及無生所為是人解我法為破於諸見
元生無住處今知此二義故我說元生
佛說無生法若是有是無則同諸外道
無因不生論我說惟心量遠離於有无
若生若不生是見應皆離無因論不生
生則著作者作則雜諸見無則自然生
佛說諸方便正見大願等一切法若無
道場何所成離能取所取非生亦非滅
所見法非法皆從自心起牟尼之所說
前後自相違云何說諸法而復言不生

衆生不能知 願佛為我說得離外道過
及彼顛倒因 惟願勝說者 說生及與滅
皆離於有元 而不壞因果 世間墮二邊
諸見所迷惑 惟願青蓮眼 說諸地次第
取生不生等 不了寂滅因 道場無所得
我亦無所說 剎那法皆空 無生无自性
諸佛已淨二 有二即成過 惡見之所覆
分別非如來 妄計於生滅 願為我等說
積集於戲論 和合之所生 隨其類現前
色境皆具足 見於外色已 而起於分別
若能了知此 則見真實義 若離於大種
諸物皆不成 大種既惟心 當知無所生
此心亦不生 則順聖種性 勿分別分別
無分別是智 分別於分別 是二非涅槃
若立無生宗 則壞於幻法 亦无因起幻
損減於自宗 猶如錯中像 雖離一異性
所見非是無 生相亦如是 如乳城幻等
悉待因緣有 諸法亦如是 是生非不生
分別於人法 而起二種我 此但世俗說
愚夫不覺知 由願與緣集 自力及取勝
聲聞法第五 而有羅漢等 時隔及滅壞
勝義與通遷 是四種無常 愚分別非智
愚夫墮二邊 德塵自性作 以取有無宗

不知解脫因 大種互相違 安能起於色
但是大種性 無大所造色 火乃燒於色
水復為爛壞 風能令散滅 云何色得生
色蘊及識蘊 惟此二非五 餘但是異名
我說彼如怨 心心所老別 而起於現法
分析於諸色 惟心無所造 青白等相待
作所作亦然 所生及性空 冷熱相所相
有無等一切 妄計不成立 心意及餘六
諸識共相應 皆因藏識生 非一亦非異
數勝及露形 計自在能生 皆隨有無宗
遠離寂靜義 大種生形相 非生於大種
外道說大種 生大種及色 於無生法外
外道計作者 依止有无宗 愚夫不覺知
清淨真實相 而與大智俱 但共心相應
非意等和合 若業皆生色 則違諸蘊因
衆生應無取 無有住无色 說色為无者
衆生亦應无 無色論是斷 諸識不應生
識依四種住 無色云何成 内外既不成
識亦不應起 衆生識若無 自然得解脫
必是外道論 妄計者不知 或有隨樂執
中有中諸蘊 女生於無色 無色云何有
無色中之色 彼非是可見 無色則違宗
非乘及乘者 識從習氣生 與諸根和合

八種於剎那取皆不可得若諸色不起
諸根則非根是故世尊說根色剎膩迦
亡何不了色而得有識生云何識不生
而得受生死諸根及根境聖者了其義
愚癡無智者妄執取其名不應執第六
有取及无取為離諸過失聖者無定說
諸外道無智怖畏於斷常計有為無為
與我無差別或計與心一或與意等異
一性有可取異性有亦然若取是決了
名為心心所此取何不能決了於一性
有取及作業可得而受生猶如火所成
理趣似非似如火頻燒時然可然皆具
妄取我亦然云何無所取若生若不生
心性常清淨外道所立我何不以為喻
迷惑識稠林妄計離真法樂於我論故
馳求於彼此內證智所行清淨真我相
此即如來藏非外道所知分別於諸蘊
能取及所取若能了此相則生真實智
是諸外道等於賴耶藏處計意與我俱
此非佛所說若能辯了此解脫見真諦
見修諸煩惱斷除悉清淨本性清淨心
衆生所迷取無垢如來藏遠離邊无邊
本識在蘊中如金銀在鑛陶冶鍊治已

金銀皆顯現佛非人非蘊但是無漏智
了知常寂靜是我之所歸本性清淨心
隨煩惱意等及與我相應願佛為解說
自性清淨心意等以為他彼所積集業
雜染故為二意等我煩惱染汙於淨心
猶如彼淨衣而有諸垢染如衣得離垢
亦如金出鑛衣金俱不壞心離過亦然
無智者推求笙篴鼙鼓等而覓妙音聲
蘊中我亦尔猶如伏藏寶亦如地下水
雖有不可見蘊真我亦然心心所功能
聚集蘊相應無智不能取蘊中我亦尔
如女懷胎藏雖有不可見蘊中真實我
無智不能知如藥中勝力亦如木中火
蘊中真實我無智不能知諸法中空性
及以無常性蘊中真實我無智不能知
諸地自在通灌頂勝三昧若無此真我
是等悉皆無有人破壞言若有應亦我
智者應答言汝分別示我說無真我者
謗法著有無比丘應羯磨擯弃不共語
說真我熾然猶如劫火起燒無我稠林
離諸外道過如蘊酪石蜜及以麻油等
彼皆悉有味未嘗者不知於諸蘊身中
五種推求我愚者不能了智見即解脫

明智所立喻猶未顯於心 其中所集義

豈能使明了 諸法別異相 不了惟一心
計度者妄執 無因及无起 定者觀於心
心不見於心 見從所見生 所見何因起
我姓迦旃延 淨居天中出 為衆生說法
令入涅槃城 緣於本住法 我及諸如來
於三千經中 廣說涅槃法 欲界及無色
不於彼成佛 色界究竟矣 離欲得菩提
境界非縛因 因縛於境界 修行利智劍
割斷彼煩惱 無我云何有 幻等法有无
愚應顯真如 云何無真我 已作未作法
皆非因所起 一切悉无生 愚夫不能了
能作者不生 所作及諸緣 此二皆無生
云何計能作 妄計者說有 先後一時因
顯瓶弟子等 說諸物生起 佛非是有為
所具諸相好 是輪王功德 非此名如來
佛以智為相 遠離於諸見 自內證所行
一切過皆斷 瞢盲瘖瘂等 老小及懷怨
是等尤重者 皆無梵行分 隨好隱為天
相隱為輪王 此二者放逸 惟顯者出家
我釋迦滅後 當有毗耶婆 迦那梨沙婆
劫比羅等出 我滅百年後 毗耶婆所說
婆羅多等論 次有半擇婆 憍拉婆囉摩

次有肩狸王 難陀及邴多 次篋利車王
於後刀兵起 次有極惡時 彼時諸世間
不修行正法 如是等過後 世間如輪轉
日火共和合 焚燒於欲界 復立於諸天
世間還成就 諸王及四姓 諸仙垂法化
羣陀祠施等 當有此法興 談論戲笑法
長行與解釋 我聞如是等 迷惑於世間
所受種種衣 若有正色者 青泥牛糞等
染之令壞色 所服一切衣 今離外道相
現於修行者 諸佛之幢相 亦繫於罽條
漉水而飲用 次第而乞食 不至於非處
生於勝妙天 及生於人中 實相具足者
生天及人王 王有四天下 法教久臨御
上昇於天宮 由貪皆退失 純善及三時
二時并極惡 餘佛出善時 釋迦出惡世
於我涅槃後 釋種悉達多 毗紐大自在
外道等俱出 如是我聞等 釋師子所說
談古及笑語 毗夜婆仙說 於我涅槃後
毗紐大自在 彼說如是言 我能作世間
我名離塵佛 姓迦多衍那 父名世間主
母号為具財 我生瞻婆國 我之先祖父
從於月種生 故号為月藏 出家修苦行
演說千法門 與大慧授記 然後當滅度

大慧付達摩次付弥佉梨弥佉梨惡時
劫盡法當滅迦葉拘留孫拘那含牟尼
及我離塵垢皆出純善時純善漸減時
有導師名慧成就大勇猛覺悟於五法
非二時三時亦非極惡時於彼純善時
現成等正覺衣雖不割縷雜碎而補成
如孔雀尾目無有人侵奪或二指三指
間錯而補成異此之所作愚夫生貪著
惟畜於三衣恒滅貪欲火沐以智慧水
日夜三時修如放箭勢極一墜還放一
亦如枰酪木善不善亦然若一能生多
則有別異相施者應如田受者應如風
若一能生多一切無因有所作因滅壞
是妄計所立若妄計所立如燈及種子
一能生多者但相似非多胡麻不生豆
稻非穰麥因小豆非穀種云何一生多
名手作聲論廣主造王論順世論妄說
當生梵藏中迦多延造經樹皮仙說祀
鵠鷗出天文惡世時當有世間諸衆生
福力感於王如法御一切守護於國土
青蟻及赤豆側僻與馬行此等大福仙
未來世當出釋子悉達多步多五居者
口力及聰慧亦於未來出我在於林野

梵王來惠我 鹿皮三岐杖 膊條及軍持
此大修行者 當成離垢尊 說於真解脫
牟尼之幢相 梵王與梵衆 諸天及天衆
施我鹿皮衣 還歸自在宮 我在林樹間
帝釋四天王 施我妙衣服 及以乞食鉢
若立不生論 是因生復生 如是立無生
惟是虛言說 無始所積集 元明為心因
生滅而相續 妄計所分別 僧佉論有二
勝性及變異 勝中有所作 所作應自成
勝性與物俱 求那說差別 作所作種種
變異不可得 如水銀清淨 塵垢不能染
藏識淨亦然 衆生所依止 如興渠慈氣
蓋味及胎藏 種子亦如是 云何而不生
一性及異性 俱不俱亦然 非所取之有
非無非有為 馬中牛性雜 蘊中我亦然
所說為無為 忘皆無自性 理教等求我
是妄垢惡見 不了故說有 惟妄取無餘
諸蘊中之我 一異皆不成 彼過失顯然
妄計者不覺 如水鏡及眼 現於種種影
遠離一異性 蘊中我亦然 行者修於定
見諦及以道 勤修此三種 解脫諸惡見
猶如孔隙中 見電光速滅 法遷變亦然
不應起分別 愚夫心迷惑 取沮睩有無

若得聖見者 如實而能了

應知變異法 遠離於生滅 亦離於有無

及以能所相 應知變異法 遠離外道論

亦離於名相 內我見亦滅 諸天樂觸身

地獄苦逼體 若無彼中有 諸識不得生

應知諸趣中 衆生種種身 胎卵濕生等

皆隨中有生 離聖教正理 欲滅惑反增

是外道狂言 智者不應說 先應決了我

及分別諸取 以如石女兒 無決了分別

我離於肉眼 以天眼慧眼 見諸衆生身

離諸行諸蘊 觀見諸行中 有好色惡色

解脫非解脫 有住天中者 諸趣所受身

惟我能了達 超過世所知 非計度境界

無我而生心 此心云何生 豈不說心生

如河燈種子 若無无明等 心識則不生

離無明无識 云何生相續 妄計者所說

三世及非世 第五不可說 諸佛之所知

諸行取所住 彼亦為智因 不應說智慧

而名為諸行 有此因緣故 則有此法生

無別有作者 是我之所說 風不能生火

而今火熾然 亦由風故滅 云何喻於我

所說為無為 皆離於諸取 云何愚分別

以火成立我 諸緣展轉力 是故能生火

若分別如火 是我從誰生意等為因故
諸蘊處積集 無我之商主 常與心俱起
此二常如日 遠離能所作 非火能成立
妄計者不知 衆生心涅槃 本性常清淨
無始過習染 无異如虛空 爲卧等外道
諸見所雜染 意識之所覆 計火等為淨
若得如實見 便能斷煩惱 捨邪喻稠林
到聖所行處 智所知老別 各異而分別
無智者不知 說所不應說 如愚執異材
作梅檀沉水 妄計與真智 當知亦復然
食訖持鉢歸 洗濯令清淨 澡漱口餘味
應當如是修 若於此法門 如理正思惟
淨信離分別 成就寂勝定 離著處於義
成金光法燈 分別於有無 及諸惡見網
三毒等皆離 得佛手灌頂 外道執能作
迷方及無因 於緣起驚怖 斷滅無聖性
變起諸果報 謂諸識及意 意從賴耶生
識依末那起 賴耶起諸心 如海起波浪
習氣以為因 隨緣而生起 刹那相鈎鎖
取自心境界 種種諸形相 意根等識生
由無始惡習 似外境而生 所見惟自心
非外道所了 因彼而緣彼 而生於餘識
是故起諸見 流轉於生死 諸法如幻夢

水月焰乳城當知一切法惟是自分別
正智依真如而起諸三昧如幻首楞嚴
如是等差別得入於諸地自在及神通
成就如幻智諸佛灌其頂見世間虛妄
是時心轉依獲得歡喜地諸地及佛地
既得轉依已如衆色摩尼利益諸衆生
應現如水月捨離有無見及以俱不俱
過於二乘行亦超第七地自內現證法
地地而修治遠離諸外道應說是大乘
說解脫法門如兔角摩尼捨離於分別
離死及遷滅教由理故成理由教故顯
當依此教理勿更餘分別
大乘入楞伽經卷第七

癸卯歲高麗國大藏都監奉
勅彫造

佛說菩薩行方便境界神通變化經卷上 跋

宋天竺三藏法師求那跋陀羅譯

如是我聞一時佛在優禪延國住旃
茶鉢樹提王園其中多有諸娑羅樹
多羅樹迦尼迦羅樹尼拘羅樹博叉
樹優曇鉢羅樹復有婆師華陀膩迦
華阿提目多華瞻婆華阿叔迦樹波
吒羅樹以為莊嚴又有泉井池沼江
河清流莊嚴又有青黃赤白蓮華遍
諸水上鵝鴈鴛鴦拘那羅鳥鉢吒軍
陀鸚鵡鸛鵒命命諸鳥出種種音多
諸黑蜂出妙音聲多軟深草遍布大
林與大比丘衆十二億俱大德舍利
弗大目犍連摩訶迦葉阿尼揅陀須
菩提大迦旃延摩訶劫賓那離波多
波賓那難提翅那那提迦葉伽耶迦葉
富樓那弥多羅尼子憍梵波提那陀
翅那周梨睺特闍婆摩羅子呾陀婆
林難陀摩訶拘絺羅羅睺羅大德阿
難等而為上首十二億俱一切入一
法界處行進入一切諸法如性行虛
空行無依止處無依止行離諸一切

所起覆蓋障碍結纏入度如來无有法
界近一法界向一切智道而不休廢
欲一切智心無退轉智慧了別得到
彼岸勤進修行方便境界摩訶波闍
波提耶輸陀羅等與八億比丘尼俱
一切成就白淨之法皆悉善行一切
智道近一切智善行進入无有法性
觀一切法無有性相自解諸法實際
無際得於無尋解脫智慧隨應衆生
所應調伏善能示現復與七十二億
大菩薩衆其名曰大力菩薩大力持
菩薩大變化菩薩大變化王菩薩大
進趣菩薩大進捷菩薩大吼菩薩大
吼意菩薩大衆主菩薩大香爲菩薩
大月菩薩善月菩薩功德月菩薩寶
月菩薩普照月菩薩法無垢月菩薩
月照菩薩妙名月菩薩放光月菩薩
滿月菩薩梵音菩薩梵主雷音菩薩
地音菩薩法界音聲菩薩降一切魔
場音菩薩妙音聲菩薩普告音菩薩
無妄想分別音菩薩地輪音菩薩一
切無障音菩薩普藏菩薩無垢普藏
菩薩德藏菩薩照藏菩薩寶藏菩薩

月藏菩薩日藏菩薩熾藏菩薩蓮華
藏菩薩蓮華德藏菩薩大意菩薩益
意菩薩妙意菩薩好意菩薩勝意菩
薩增意菩薩無邊意菩薩廣意菩薩覺
意菩薩無盡意菩薩須弥燈菩薩大燈
菩薩法炬燈菩薩照一切方燈菩薩普
燈菩薩滅一切闇燈菩薩照一切道
燈菩薩一照明燈菩薩月燈菩薩日
燈菩薩離一切惡道菩薩魔不降伏
菩薩大魔不降伏菩薩威德菩薩無
降伏菩薩無能測菩薩威德覺乳惡
菩薩得大勢菩薩觀世音菩薩弥勒
菩薩文殊師利童子菩薩摩訶薩等
七十二億俱皆是一生得陀羅尼得
諸三昧得無邊樂說得无碍無所畏
獲得神通到於彼岸能過無邊佛之
刹土遊於神通身心解脫諸无碍
智見成就無佛世界現佛出世善轉
法輪無有錯謬隨於一切衆生所解
而為說法說無作法於法性中無有
動發非不動發其心入度到於彼岸
演說空法吼大師子吼降伏破壞一
切外道伏魔忤敵得諸菩薩所行神

通斷離愛瞋其心平等如地水火風
入於一切如來密處為一切衆生而作
佛事常為諸佛之所讚歎受持一切
未來世却受持一切如來法性雨於
法寶歎其所有的一切功德不可窮盡
為世界主本願成就行於如來解脫
之行先已善修行於大乘信眼清淨
無有垢汙常恒勤進供養給事諸
佛如來能善莊嚴不退莊嚴趣向
大悲其心解性無可比喻超度疑佛
猶豫惑心為過諸佛之所護持復有
無量優婆塞優婆塞於此三千大千
世界威德無喻諸天天主諸龍龍
主夜叉夜叉主乾闥婆乾闥婆主
阿修羅阿修羅主迦樓羅迦樓羅主
摩睺羅摩睺羅主緊那羅緊那羅主
人非人人非人主一切各與百千眷
屬皆來會坐忉時世尊無量百千大
衆圍繞坐於德藏師子之座蔽諸大
衆身光猛盛照明無垢猶如須彌顯于
大海映蔽諸山照明挺特世尊亦忉
坐師子座覆蔽一切諸天世人殊特
猛盛照明無垢猶十五日月盛滿已

隱蔽衆星照明清淨世尊亦尔隱蔽
一切諸天世人照明清淨猶如虛空
清明淨潔無有雲翳日放明網隱蔽
山光熒火闇已極照明清淨世尊亦尔
坐師子座降伏隱蔽諸天世人極為
照明亦復隱蔽釋梵護世等光猶如
闇夜於高山頂熾然大火照明清淨
世尊亦尔處師子座降伏隱蔽諸天
世人光極照明清淨無垢如師子獸
王降伏一切諸小禽獸世尊亦尔處
師子座降伏隱蔽一切天人如毗琉
璃如意寶珠八楞無垢放淨光明世
尊亦尔處師子座端嚴殊妙明照十
方如轉輪王降伏四域所有衆生世
尊亦尔處師子座降伏隱蔽諸天
世人如釋提桓因著釋迦毗伽寶
瓔珞已處善法堂降伏隱蔽諸天光
明世尊亦尔處師子座降伏隱蔽諸
天世人照明清淨尔時文殊師利童
子知大衆心已見如來身威德隆盛
作是思惟是何光瑞世尊今坐於師
子座極為光明清淨殊特大會甚多
我今當問如來是義尔時文殊師利

童子即從座起正於衣服偏袒右肩
右膝著地合掌向佛以偈讚曰

十力照光明 降伏天世人 三有無與等
衆生無有過如須弥天居 悉照明諸方
降伏蔽諸山 勇出照衆山 佛持德亦尔
智山勇出世 降伏蔽諸衆 常恒淨照明
如月處虚空 日月功德照 威滿極圓足
降伏蔽諸宿 十力亦如是 弟子星圍遠
放淨月光明 能照人天世 喻如日宮殿
照明降一切人尊主如是 降伏人天世
猶如山頂火 闇夜照諸方 智光明如是
調御放妙光 如師子獸王 顯威德降獸
外道衆如是 顯照明降伏 人主轉輪王
威德降伏世 世調御如是 降伏照諸世
三十三天王 降伏勝諸天 无等亦如是
降伏照諸衆

尔時文殊師利童子偈讚佛已合掌
白佛言惟願世尊今為此衆說菩薩
行方便境界神通變化經若衆生聞
趣上行者當發阿耨多羅三藐三菩
提心向下行者得上勝進已發无上
菩提心者增益無上菩提境界懈怠
衆生發大欲樂退道衆生安菩提道

趣菩提道諸衆生等具足莊嚴如來
智度文殊師利如是請已佛告文殊
師利如來應供正遍知所說難解當
何緣說何緣進入難知難覺難可測
量難教難度諸天世人壞威儀者及
破戒者不能解知下衆生等所不能
解諸壞心者所不能信為惡知識之
所攝者所不能入離善知識者所不
能知不為諸佛所護持者不能聽受
況當解趣無有是處惟除諸佛所護
持者今時世尊而說偈言

文殊聽我說汝所問事義下暗不能行
不知此法性於先佛不行調御世不護
若聞此法者無有恭敬心惡知識所攝
離善知識人若聞如是法疾退墮大山
小心無進行無有勝妙心下人无信解
是等聞不喜佛悲彼不說勿燒彼衆生
不信此法故長夜無利益

今時文殊師利童子白佛言世尊此
所集衆皆悉清淨先有善行多供給
事過去諸佛善知識攝善淨信根恭
敬出世解脫之法善知淨心畢竟善解
善教如此等衆皆悉集會能知能解

如此之法善哉世尊願今演說攝取
利益諸衆生故重說偈言

此多衆生求法利 善知解了此法性
過去諸佛所修行 是故說法調御師
悉皆恭敬合掌住 瞻視諦觀世調御
調御為此生悲心 大覺願說勝妙法
我今咸請於法王 願當演說勝妙法
為利攝取菩薩故 人尊願開善法藏
文殊師利如是請已佛即讚言善哉
善哉文殊師利汝問如來應供正遍
知如是之義文殊師利汝今悉知一
切法行於諸法中無有疑惑汝已善
覺智慧方便文殊師利汝多利益諸
衆生行文殊師利汝為未來諸菩薩
等作大光明文殊師利汝今諦聽善
思念之吾今當說菩薩所行方便境
界神通變化經文殊師利諸菩薩言
如是世尊當至心聽佛言善男子若
有成就十二功德法是善男子善女
人等能發阿耨多羅三藐三菩提心
何等十二有妙解性離下解行有性
行悲生於白淨有心專行堅受無為
有善莊嚴久修善行有善恭敬供養

諸佛善集白淨法有身業口業意業
無作離一切惡有遠惡知識近善知
識有如說如作無有諛諂有善覺知
法不貪於味節量而食有如來護持
離魔所持有常一切諸衆生中生於
悲心亦不放捨一切衆生心亦不貪
有因緣力功德莊嚴善男子是名成
就十二功德法善男子善女人發於
阿耨多羅三藐三菩提心是利益心
能與一切衆生樂故哀愍心不作諸
惡故大悲心堪任荷負諸衆生故大
慈心消滅一切諸惡道故白淨心不
求餘乘故無愛心離於一切結使濁
故是淨心其性淨故如幻心無有物
故無所有心離所有故堅固心不動
搖故不退轉心達諸法故度於一切
衆生之心如說作故今時世尊而說
偈言

若有佛子善修行 清淨之法滿足心
一切衆生慈悲心 柔軟之心為菩提
本先遠離惡知識 近示菩提善知識
誓願勤進菩提果 生於覺知菩提心
恒常不生疲厭心 所修行行如本際

猶如金剛不退心 如是等生菩提心
於諸衆生慈悲心 安諸衆生住樂故
遠離一切諸惡故 是等疾生菩提心
慧者不求於餘乘 思惟菩提勝功德
淨心無垢亦無愛 如是等欲菩提心
離物悲物无有愛 其性猶如電幻等
離一切物無有相 佛說菩提心等是
離一切使一切惡 無垢明了如虛空
一切文字不可見 此說菩提心清淨
是菩提根勝妙行 亦隨羅尼諸辯者
亦是諸根及衆好 此是得佛諸功德
佛告文殊師利菩薩安住見於如是
十二功德勤進修行檀波羅蜜何等
十二見菩提道安和調適勤進修行
檀波羅蜜見大富族勤進修行檀波
羅蜜見生可愛種姓中故勤進修行
檀波羅蜜見離慳垢勤進修行檀波
羅蜜見施心具足勤進修行檀波羅
蜜見關閉於餓鬼門故勤進修行檀
波羅蜜見財多共欲求堅固勤進修
行檀波羅蜜見諸所須自在具足勤
進修行檀波羅蜜見修習行一切捨
已勤進修行檀波羅蜜見離貪惜捨

一切物勤進修行檀波羅蜜見我當
滿檀波羅蜜故勤進修行檀波羅蜜
見應慎行如來教勅故勤進修行檀
波羅蜜所有布施悉皆迴向阿耨多
羅三藐三菩提善男子是名菩薩見
於如是十二功德勤進修行檀波羅
蜜今時世尊以偈頌曰

施求無等一切智 手足淨目頭骨髓
不惜內外一切捨 後無貪惜增益德
當成妙封生勝家 後增菩提降貪垢
得自在滿於檀度 一切諸佛所讚施
慧見是諸功德利 我當修行一切捨
復次諸善男子若菩薩見如是十二
功德事故勤精進修行尸波羅蜜何
等十二見我當護持攝成就戒勤進
修行尸波羅蜜見我當向菩薩道故
勤進修行尸波羅蜜見我當緩結使
縛故勤進修行尸波羅蜜見我當離
一切惡道勤進修行尸波羅蜜見我
當淨一切惡道勤進修行尸波羅蜜
見我當成於身口意無作業故勤進
修行尸波羅蜜見我當為慧者不訶
勤進修行尸波羅蜜見我當習不放

逸戒勤進修行尸波羅蜜見我當施
一切衆生無所畏故勤進修行尸波
羅蜜見我當得身口意戒勤進修行尸
波羅蜜見我當於一切法中得自在
故勤進修行尸波羅蜜見我當學無
上如來戒勤進修行尸波羅蜜見善
男子是名菩薩見於十二功德事故
切智余時世尊以偈頌曰

我當得緩結使縛 我當闕於惡道門
我當思量勝妙事 我當護戒牛愛尾
我當如佛所教住 我當慧者所稱讚
我當護持常不離 我當有住戒功德
我當身口得無作 我當行意无作法
我當善護身口意 我當不復行惡道
若不放逸善逝讚 是諸一切善業本
我當常住於是處 捨離一切諸放逸
我當行尸波羅蜜 我當成就於佛法
我當淨於如來戒 是一切戒勝無上
不憚望求此功德 若菩提薩求勝道
護戒猶如鬘牛尾 當得一切功德利
復次諸善男子菩薩念於是十三行
修行於忍何等十三一切行空修行

於忍不得我故修行於忍不得衆生
修行於忍不偏自他修行於忍究竟
無瞋修行於忍覆蔽結使修行於忍
永斷貪瞋修行於忍成就相好修行
於忍欲生梵世修行於忍離他逼切
修行於忍欲得盡智無生智故修行
於忍欲降諸魔修行於忍欲知見如
來無量身故修行於忍以是忍辱悉
用迴向於一切智善男子是名菩薩
見十三行修行於忍今時世尊以偈
頌曰

此法空無有求不得衆生解知於此法
安住忍功德俱遠離一邊自他無有瞋
慧者修忍力大悲如是示究竟無有瞋
進修忍無憂覺知於盡故修忍寂結使
相好色嚴淨是生於梵宮堅進近忍力
樂思惟吉忍無大忍力等令魔力非力
一切德來歸是故修妙忍

復次諸善男子菩薩有於十二莊嚴
莊嚴修進何等十二莊嚴覺了一切
佛法勤修行進莊嚴往詣一切佛所
勤修行進莊嚴供給一切如來勤修
行進莊嚴教化一切衆生勤修行進

莊嚴安住一切衆生於佛法中勤修
行進莊嚴滅諸衆生无明勤修行進
莊嚴施諸衆生佛智勤修行進莊嚴
淨於一切佛土勤修行進莊嚴盡於
未來際劫修菩薩行而不疲厭勤修
行進莊嚴欲於一彈指頃遍至一切
佛之世界勤修行進莊嚴一切佛之
世界成無上道轉妙法輪勤修行進
諸善男子是名菩薩十二莊嚴勤修
行進今時世尊以偈頌曰

無上勇進無懈怠 是佛子向勝菩提
往多佛刹猶復斷 是所行處無疲厭
為化衆生堅精進 堪百千億劫苦聚
常恒勤進無懈怠 施與衆生滅度樂
我願修淨諸佛刹 盡志覺知一切法
我諸世界中勝輪 轉已多億衆生調
一念心覺勝菩提 遣化多刹調伏故
佛子常度進彼岸 現衆莊嚴為衆生
復次諸善男子菩薩十二行修於禪
定何等十二焦結使行究竟不發故
正心住行不隨境界故無依止行離
欲界色界無色界故出過世行降伏
非聖凡夫定故增益勝行無我心故

次第定行分別禪故無所有行離有想故無邊之行呵責有邊三昧禪故以是定行善寂靜故調心行无不知故寂靜之行護諸根故方便境界行菩薩修禪不捨不發非慧非慢非見非愛非念修故是故菩薩降伏一切諸修禪者諸善男子是名菩薩見十二行修於禪定尔時世尊以偈頌曰

此禪定尊貴是彼菩薩行
煇一切結使究竟不復發
專修寂定禪不修逐境界
若有不佳心勸令住於定
修無依止禪彼無所依止
欲色無色界思惟無所著
是禪超出世是菩薩所知
是故降一切諸非聖定者
行於次第禪欲得自在故
是故捨禪定還生於欲界
增益勝妙行智慧者修禪
是無我心禪為於菩薩說
無量無邊行修行取上禪
是故少分禪照明令降伏
智慧方便俱修禪大名稱
都無所見得一向白淨行
元所依止故亦不住於物
智慧者修禪捨離於物相
行如是等行智慧者修禪
於緣覺自在是故无所行

諸善男子菩薩十二行智入般若波

羅蜜何等十二明了行不闇蔽故大
炬行照明一切諸結使故放智明網
行離無智故智慧鉤行拔無明根故
善利樂行破愛網故金剛行破結山
故日宮行乾焦結泥故火大行燒生
樹故摩尼寶行不迷惑故是空行無
有物故無相行无有相故無願行過
三界故善男子是名菩薩十二行智
入般若波羅蜜今時世尊以偈頌曰
此慧勝世間 作光滅諸闇 日炬甚清淨
照諸結使衆 慧利滅無明 覺知破壞愛
破諸結使山 天主金剛杵 破壞阿修羅
所有諸軍衆 得照明離闇 慧示現如燈
猶日乾焦泥 勝慧猶如日 度結海彼岸
猶如舟渡水 拔斷無知樹 如刀斬諸樹
得不迷摩尼 空無物性相 常離於覺觀
不依諸有道 得破壞疑惑 能論出言說
示生死過患 示現涅槃炬 此慧調世眼
現無迷相事 因慧菩薩健 離闇行菩提
諸善男子是菩薩知見十二境界不
現方便何等十二善男子是菩薩到
涅槃境界方便示現生死境界到寂
靜境界方便示現在衆闍中到禪境

界方便亦現后宫姝女到無作境界
方便亦現諸作境界到無生境界方
便亦現生死境界離四魔境界方便
示現降伏諸魔到聖人境界方便示現
近非聖境界離世境界方便示現世間
境界得智境界方便亦現凡夫境界
現了見於實際境界方便示現不墮
聲聞緣覺境界達解得到無相法界
方便亦現相好嚴身為化衆生境界
故入佛境界方便亦現諸魔境界諸
善男子是名菩薩知見十二境界方
便亦現今時世尊以偈頌曰

是方便境界 菩薩淨衆生 是住於境界
示一切境界 得涅槃境界 方便現有為
又到是境界 無二過患汙 得到寂靜處
方便現衆閑 於二俱無著 無著行如蜂
示現姝女中 宮中貪娛樂 彼得於寂靜
持德者方便 不退於禪定 方便現亂心
是無諸念務 方便智示現 亦無有恭敬
無妄相戲論 非妄妄想界 方便智亦現
不生亦不死 不生法豪貴 亦現於生死
方便智勇健 出過魔境界 住威德佛界
而現魔境界 是佛子方便 到聖功德頂

方便凡夫行 淨智力衆生方便智變化
一切法無際 知於本際空 不求於滅度
是方便所持 一切法無相 是達空無有
以化衆生故 示現相好身 是方便境界
大威德佛子 是佛子安住 示現百變化
諸善男子汝今當知 如來方便出生
十二功德成就 精練佛土成於无上
正真道已 示現劫濁見濁衆生濁煩
惱濁命濁現老別乘 示現佛土汙穢
不淨現衆生鈍現說法異現衆生異
現異道諍訟現魔魔業都无過各當
知一切是如來方便佛說是已 今時
文殊師利童子白佛言 世尊願說十
二功德成就 精練佛土諸佛世尊於
是功德精練佛土成於無上正真之
道佛言 文殊師利 是精練佛土有精
練劫成就具足 不捨精練諸功德故
諸佛世尊即於是處成於無上正真
之道 是精練佛土有精練時成就具
足 不違失於行法時故 是精練佛土
有於精練衆生成就無不知法故 是
精練佛土有於精練福田成就善妙
淨故 是精練佛土有於精練易解衆

生成就具足不頑鈍故是精練佛土
有精練乘成就具足出一乘故是精
練佛土有於精練妙地成就無有物
故是精練佛土有於精練妙地成就
一切不外行道法故是精練佛土有
於精練功德成就無諛諂故是精練
佛土有精練心畢竟成就白淨性
衆生住故是精練佛土有於精練聖
人成就福田不空故是精練佛土有
於精練道場成就往古先佛所住處
故文殊師利是名十二功德成就精
練佛土是處一切諸佛如來成於无
上正真之道文殊師利汝今當知我
此都無聲聞緣覺所安止處何以故
如來捨離諸異相故文殊師利若其
如來或有欲於衆生大乘或有欲於
衆生小乘則是如來有不淨心有不
等心有執著過有小分大悲有異想
各我便有於憐惜法各文殊師利我
若為衆生有所說法皆趣菩提皆
趣大乘入一切智得到一切智以
是義故無有異乘所止住處文殊
師利白佛言世尊若其無有異乘住

處何故如來序說三乘為衆生說法
此是聲聞乘此是緣覺乘此是大乘
佛言文殊師利乘止住處如來為作
安止地耳非乘止處非法相作安止
住處如來為人作安止處若少莊嚴
無量莊嚴彼安止處是乘無老法界
無別故文殊師利如來演說無障導
門次第到於所住止處文殊師利猶
工初學從善巧師到巧智岸種種方
便隨於弟子所欲學事令其巧智示
現種種精勤之事是巧智一也文殊
師利如來世尊亦復如是善法巧師
是一切智作三種說文殊師利猶如
少火漸漸增長能燒至劫文殊師利
是一切智明亦復如是漸次增長乃
至得到如來大智智慧之明燒於一
切衆生結使

文殊師利須彌山王無所分別若有
衆生往到其所一切同色謂一金色
文殊師利是無上如來大智須彌亦
復如是無所分別若有觀於如來法
性皆同一色謂一切智文殊師利喻
如紺青大摩尼寶在所住處是摩尼

寶境界之內有異色光謂種種色種種異形是摩尼寶威德力故皆為一色所謂青色文殊師利如來无上紺摩尼寶亦復如是若有衆生觸如來光一切一色一切智色文殊師利喻如大海雖種種門衆水流入入已一味所謂鹹味以常住故文殊師利大海者謂如來大智種種水入謂諸一切聲聞緣覺菩薩法也入已一味所謂一乘无老別故文殊師利以是方便當知如來安虛妄地名如來分別引導說作安止入如來法安住處故如來示現次第入於佛法中故令小莊嚴大莊嚴者安住佛法如來以是方便智辯種種變化說於出世是第一義者一乘无二文殊師利此佛刹土若諸外道有出家行如來是中現方便行如來護持自在引導何以故文殊師利如來善能降伏一切諸怨敵故如來一切常無怨敵
佛說菩薩行方便經卷上

癸卯歲高麗國大藏都監奉
勅彫造

佛說菩薩行方便境界神通變化經卷中 後

宋天竺三藏法師求那跋陀羅譯

文殊師利如轉輪王小功德成有盡
德聚有貪有瞋有癡有取有結有使
是轉輪王一切無有作怨敵者所以
者何文殊師利是轉輪王無有諍惱
文殊師利豈況如來轉大法輪無量
大智功德莊嚴具足成就得无斷大
悲遊行無漏法虛空中七助菩提法
寶成就以不忘法轉大法輪外有諍
訟諸怨敵怖無有是憂文殊師利當
知若見此佛刹土外道出家汝善男
子當知一切安住一道所謂佛道文
殊師利喻諸禽獸無力能住師子王
前如是文殊師利諸外道出家無能
便入如來境界亦不能與如來諍論
大人師子持於十力得四無畏在其
前吼無有是憂惟除如來之所加持
文殊師利喻日宮出放光明網一切
螢火皆悉隱蔽一切珍寶火光星宿
悉無照明如是文殊師利無上如來
大日宮出時放大智光明諸外道出

家皆志隱蔽無有照明文殊師利喻
勝鐵王隨其地分所出之處一切諸
鐵無有住者以諸鐵聚不共相故如
是文殊師利若有佛土有佛出世當
知一切諸外道等無出家行何以故
不共相佛出於世故文殊師利喻如
意寶王隨所出處不生一切偽摩尼
寶如是文殊師利如來大智寶所出
處當知是處不出外道文殊師利
喻如寶性有出閻浮檀金之處是處
不出下賤銅等如是文殊師利若有
世界有佛出世是處不出一切外道
文殊師利當知方便隨佛出處不應
出諸外道出家文殊師利汝今當知
如來受持不可思議方便境界以是
緣故此佛刹土現諸一切外道出家
所以者何一切外道上首皆是住於
不可思議解脫從般若波羅蜜出遊
戲方便亦不捨離念佛法僧教化衆
生到於彼岸如來受持化衆生故說
是法時八千天子依聲聞乘者聞說
一乘發於無上正真道心五百比丘
得一乘燈三昧千二百菩薩得無生
法思普此三千大千世界六種震動

天於空中雨天青黃赤白蓮華雨天
末梅檀於佛之前百千天子住虛空
中發聲唱呼天衣空中而自迴轉諸
天作樂說如是言本未曾聞是經出
世世尊今此經典久行於閻浮提八
百比丘比丘尼脫優多羅僧以奉上
佛今時世尊欲重宣此義而說偈言
方便境界不思議 文殊師利當知我
我精練時覺菩提 我又示現如此時
時節過各我所無 常恒有於妙法時
衆生聞我法過度 衆生過患我所无
精練劫殘功德物 精練福田淨無垢
我精練時得菩提 是故知我無有濁
我已從久多億劫 成就無量佛智慧
如我得道命亦尔 於是中間無滅度
我方便現示滅度 有常想故亦無常
我今示現於餘殘 我壽命等未來劫
我惟一乘一滅度 我老別乘不可得
作如是三說三乘 當知方便之境界
有懈怠心及小心 聞即生於驚怖畏
為是等故示三乘 惟有一乘无有二
我隨欲於法者說 入於佛道法事故
以是一乘演說三 然於此乘无傷損

如巧智度到彼岸 以是智示現於三
世尊亦示知勝法 以是一乘演說三
等心調御諸衆生 我都無有於異想
我意喜於於下乘 我則有於慳悋各
紺琉璃寶衆寶上 隨其所在住止處
一切皆同作一色 而是紺色无差別
調御智寶亦如是 一切佛土普放光
一切衆生作一色 菩提心色無差別
猶如小火之所燒 漸漸增長成大焰
聲聞智焰亦如是 斯亦放佛功德光
須弥山王歸向者 以威德故同一色
歸依十力亦如是 柔忍者得菩提色
喻如一切衆蜂口 採拾種種衆淨妙
一切衆物共和合 皆悉作於一蜜相
知世讚世亦如是 亦現作於三乘已
一切白淨和合已 作菩提想無異想
轉輪人王無憂惱 無有餘方怨敵故
我以法界普告勅 云何當有外道界
猶如日宮初出時 隱蔽螢火諸星宿
智慧宮出亦如是 蔽諸外道無明照
隨有勝鐵所住處 一切餘鐵无能行
若有國土如來行 是處无有外道行
隨有金玉所出處 是處不出生餘銅

若有刹土證菩提 是處不雜外道衆
意珠偽珠不和雜 過去未來亦不雜
佛寶外道亦如是 一刹土中常不雜
禪定神通忍自在 一切智門此外道
慧方便行智慧者 亦現種種諸變化
聞於方便境界已 尔時佛子甚歡喜
生於慶樂喜無量 散華供養於調御
此地六種大震動 空中伎樂而鼓作
億天虛空中合掌 讚言善哉調御說
說此偈時薩遮尼軋子與八十億諸
尼軋俱從南方次第遊行於諸國界向
優禪尼大城之所百千大衆圍遶莊
嚴唱叫喚呼尔時旃荼鉢樹提王遙
見薩遮尼軋子來於是薩遮生愛樂
心生清淨心與諸大臣內宮眷屬國
土人民子息四兵大王威德大王神
力百千滿瓊以用莊嚴鼓百千伎樂擎
幢幡寶蓋以為莊嚴即出往迎薩遮
尼軋尔時薩遮尼軋子遙見旃荼鉢
樹提王柔軟愛語善來大王汝國界
中無有怨敵相逼切也無有病患苦
惱熱也是國臣屬諸伎卒惡不肖之
人守羅關稅是等不亂壞國土不大

王汝國沙門諸婆羅門安樂行不大
王汝常安法治理國不大王不應害
於衆生猶鰲魚捕逼諸衆生何以故
大王當知一切衆生皆悉愛命是故
大王應受不殺不應偷奪於自國封
應生知足不應邪淫自足妻色終不
妄語真實而言不應兩舌有異言說
不應惡口常柔軟語不應綺語隨
所念語於他財封勿生貪心大王應
當離於瞋恚以慈莊嚴於身口意大
王不應生於邪見行聖正見大王汝
今不應放逸善觀無常大王當知壽
命短促速至他世大王汝今應怖畏
後世應信業報重說勝偈

人主常應不放逸 護持境土不放逸
若放逸者墮惡道 若不放逸生善道
亦莫枉斷衆生命 一切衆生愛壽命
慧者不應害衆生 愛護衆生如己身
常應遠離於偷盜 常不應說於妄語
常應護持實言誓 大王當來生善趣
所說言語耳樂聞 不應說強虜惡語
常應愛語柔軟語 大王不應說兩舌
人主不應說綺語 有所言說隨順說

離於瞋恚過患惡

如大爲王生善道

王不應行於邪淫

於他妻女離欲心

於自妻色常知足

汝當來生於善道

大王不應懷於見

當安住於妙善見

當修行於如是法

大王受天娛樂樂

持戒沙門婆羅門

及孝順供於父母

得遠離於惡道已

當受天中歡喜樂

是薩遮尼軋子以此不放逸法勸鉢

樹提王已今時梅茶鉢樹提王向薩遮尼

軋子說於愛軟安樂之語自言不作

如是之事汝婆羅門可至我家何以

故我今請汝及諸眷屬欲設飯食尼

軋子言善哉善哉當如是作何以故

大王我來道遠飢乏所須大王如是

如汝所請今時大王在薩遮尼軋子

眷屬後行前入王宮入已薩遮尼軋

子坐御座餘諸尼軋隨次而坐今時彼

王善心恭敬手自料理薩遮尼軋及

其眷屬食充足已今時此王如是思

惟我今當少問是薩遮尼軋子於如

來所有信敬不王思是已取小卑牀

坐於薩遮尼軋子前作如是言婆羅

門我欲少論若聽許者我當問汝汝

為我說薩遮尼軋語大王言隨汝所欲自恣而問我當善答悅可汝心王聞聽已問言婆羅門世衆生中頗有衆生慧者明了無乱心智然有過耶薩遮答言實有大王王又問言婆羅門此是誰也薩遮答言跋沙婆羅門是王又問言跋沙婆羅門有何過耶薩遮答言跋沙婆羅門善瞻星曆善知節會善學唱說善知月蝕善知地動善知豐儉善知世俗會善學瞻相然實邪婬愛他妻婦大王慧人不應行於邪婬何以故大王行邪婬者現世來世得大苦法乃至天人之所呵責如說偈言

貪欲他婦女不護惡境界不足自妻色世所有呵責

王言婆羅門世衆生中復有衆生慧者明了無乱心智然有過耶薩遮答言實有大王王言誰是薩遮答言此頗羅墮婆羅門是慧者明了知時非時彼有過患王又問言有何過耶答言大王此婆羅門多所睡眠大王慧者不應多於睡眠何以故大王睡眠

退失世出世法若智若斷如說偈言
若多樂睡眠懈怠所覆蔽睡眠放逸覆
凡夫退諸利

王復問言婆羅門世衆生中復有衆
生成就如是諸法然有過耶薩遮答
言實有大王王言誰是答言大王黑
王子是王又問言是黑王子有何過
耶答言大王多於嫉妬大王慧者不
應多於嫉妬何以故大王若得成就
於封邑行於嫉妬是人封邑不得堅
牢空手而死死已便墮於餓鬼界如
說偈言

嫉妬覆蔽心 彼人成封邑 彼有空手死
墮在餓鬼界

王又問言復有衆生成就如是上切
德法有過患耶薩遮答言實有大王王
言誰是答言大王此吉軍王子是王
又問言吉軍王子有何過耶答言大
王是吉軍王子甚嬉殺生大王慧者
不應好嬉殺生何以故殺生短壽當
墮地獄餓鬼畜生如說偈言

人王殺生者 少力及短命 命終墮地獄
是故不害生

王又問言婆羅門復有衆生慧者明了無乱心智有過患耶薩遮答言實有大王王言誰是答言大王此即无畏王子是也王又問言無畏王子有何過耶答言大王多悲愍他大王慧者不應多悲愍他何以故大王多悲愍他若自在者是國多賊難可降伏多有過患如說偈言
多悲愍於他若人自在者不能降伏是不能執短已

王又問言頗衆生中復有衆生慧者慧讚有過患耶薩遮答言實有大王王言誰是答言大王此天力王子是慧者慧讚然實有過王言婆羅門天力王子有何過耶答言大王天力王子飲酒放逸大王慧者不應多飲酒也何以故大王酒多失念障碍上義亦失於世及出世義如說偈言

常作放逸一切王事
酒放逸蔽退出世義

王又問言婆羅門復有衆生慧者慧讚有過患耶薩遮答言實有大王王言誰是答言大王此天勲王子是慧

者慧讚然有過患王言婆羅門天勲王子有何過患答言大王天勲王子長思慮過大王慧者不應有長思慮何以故大王長思慮者妨廢失利令重事起不得寂靜是故大王大聰慧者不應長思如說偈言

若有長思慮事失不吉利以是善莊嚴妨廢發意事

王又問言薩遮復有衆生慧者慧讚有過患耶薩遮答言實有大王王言誰是答言大王此大軍王子是慧者慧讚然有過患王又問言大軍王子有何過耶答言大王有大慳惡覆蔽之過劫奪他財大王慧者不應有大慳惡如說偈言

若人主有慳得封不知足是所聚集財至他世憂愁

王又問言薩遮復有慧者慧讚然有過患薩遮答言實有大王王言誰是答言大王波斯匿王慧者慧讚然有過患王言婆羅門波斯匿王有何過患答言大王波斯匿王有多食過大王夫有慧者不應多食何以故大王

若有多食懶怠身重所食難消如說
偈言

人主多食 懶怠身重 又損覺知

顏狀不鮮

王又問言婆羅門世衆生中復有慧
者慧讚然有過患薩遮答言實有大
王王言誰是答言大王汝是世間慧
者慧讚汝亦有過王言婆羅門我有
何過答言大王汝多暴虐惡性平急
廣無慈大王夫有慧者不應廣暴若
慧者廣暴人不多附乃至父母亦不
適意況餘衆生大王若聰慧者不應
廣暴大王有慧之人應深長思如說
偈言

若有廣暴 不長覺思 必有呵責
無人親附

尔時梅茶鉢樹提王面聞自過瞋
恚忿惱不適其意不能忍耐語薩
遮尼軋子言汝應於是大衆之中呵
責我耶以瞋恚故勅令斬然尔時薩
遮驚怖向王說如是言大王不應作
是卒暴施我無畏聽我所白王言與
汝無畏汝欲何說大王我亦有過我

王面前說王過惡言多暴虐惡性率
意鹿獮無慈如實而說大王慧者不
應於一切時說他實事大王慧者應
當知時非時何以故大王如實說他多
不滿意人不親附无慧者呵如說偈言
如實說人王凡夫者所毀是以智慧者
思量然後說

尔時此王歎言善說復重問論婆羅
門世衆生中頗有衆生慧者明了無
乱心智無過各耶薩遮答言實有大
王王言誰是答言大王此沙門瞿曇
是釋王種釋種出家如我等所瞻彼
無過各其種貴故無有過各生於轉
輪王種姓故無有過各不生厮下種
姓中故无有過各釋種生故無有過
各色貌威德極端嚴故無有過各相
好莊嚴故無有過各以是義故無有
過各是釋瞿曇若不出家當作於大
轉輪王七寶成就所謂輪寶烏寶馬
寶摩尼寶女寶藏臣寶主兵寶千子
具足勇健端正能壞他衆亦皆成就
轉輪王相於四天下統領自在正法之
王兵仗不用正法治國既出家已苦

行六年日日食於一麻一米坐菩提
樹降伏魔衆既降伏已一念心慧如
所知如所得如所觸如所覺如所證
一切覺知無有衆生與等等者何況
有勝是沙門瞿曇無有等者故无過
各何以故大王是沙門瞿曇家種無
等端正威德無與等者智慧威德無
與等者是故無過如說偈言

持於三十二相好 出生釋種人師子
是淨飯王之太子 世尊一切智无各

薩遮尼軋子如是說已鉢樹提王言
大婆羅門汝今當說何等是如來三
十二大丈夫相婆羅門言我今當說
王言何謂也大王是沙門瞿曇善安
跏立足下平滿輪輻圓足手足柔軟
指長臍臍手足細軟是沙門瞿曇足
跟臍平足骨鈎鐐是沙門瞿曇其跽
鹿跽是沙門瞿曇其身端正是沙門
瞿曇陰藏隱密是沙門瞿曇其毛一一
右旋是沙門瞿曇毛悉上靡是沙門瞿
曇其髮紺青是沙門瞿曇皮膚金色
極上細軟是沙門瞿曇七處圓滿是
沙門瞿曇身體臍滿是沙門瞿曇極

好支節是沙門瞿曇身不逶迤是沙
門瞿曇身極長廣是沙門瞿曇周身
團圓如尼拘陀樹是沙門瞿曇身如
師子王是沙門瞿曇具四十齒是沙
門瞿曇其齒密緻是沙門瞿曇牙齒
齊平是沙門瞿曇牙齒鮮白是沙門
瞿曇得上勝味是沙門瞿曇其舌廣
長是沙門瞿曇有梵音聲是沙門瞿
曇眴則俱眴是沙門瞿曇其目紺青
是沙門瞿曇白毫相具是沙門瞿曇其
頂有髻大王是沙門瞿曇具三十二大
丈夫相以是義故無有過咎如說偈言
出生釋種頂有髻 其髮紺青而右旋
目如青蓮牛王眴 是故世尊无過咎
迦陵頻伽梵音聲 其舌長廣淨鮮薄
人中世尊齒齊密 含齒四十而白淨
一切世人及諸天 瞻觀其美皆歡喜
佛世尊舌遍覆面 是故衆生無與等
一切衆味悉和集 世尊舌相之所出
一切衆味作一味 是故世尊无過咎
如師子身頻婆脣 其肩端嚴廣滿好
世尊身如尼拘樹 周匝團圓善安住
世尊莊嚴身端直 人師子身極長廣

七處旋滿無與等

上妙金色善鮮淨

人師子毛而上靡

其體皮膚極細軟

其髭各各合螺成

是故衆生無與等

又師子時不曲垂

陰藏隱密如馬王

脰臄圓滿鹿王蹲

其誰瞻視不歡喜

世尊手足有網罟

其指纖長赤銅爪

足跟臄平鈎鏤骨

足下平滿無高下

世尊手足庄柔軟

纖長指普有輪相

人尊足安而平時

履行地時不傾動

無與等者如是相

世燈如是善莊嚴

處在大衆甚尊妙

猶如月王處衆星

是大丈夫色如是

世尊為世作燈明

何況其餘無漏法

以是法故自然覺

大王是沙門瞿曇

其色尊妙一切衆

生無與等者以是義

故無有過各大

王是沙門瞿曇大慈

力成於諸衆生

其心無尋常行大慈

無尋無著自歎普

到一切世界入諸衆

生大王如摩尼

寶能清濁水寶性淨

故能令一切濁

水清淨大王沙門瞿

曇亦復如是內

清淨故能淨一切衆

生結使濁汙泥

泥是故無過如說偈言

慈心普遍世三世諸

世界一切衆生心

一切智普慈無處不普至是慈無與等
普覆虛空界一切智無過善淨摩尼寶
能淨淤泥水世尊淨諸有淨衆生結垢
大王是沙門瞿曇成三十二大悲之行
何等三十二見世衆生沒愚癡闇
是沙門瞿曇於是衆生行於大悲見
世衆生在大無明聲是沙門瞿曇於
是衆生行於大悲見世衆生墮在於
大生死輪迴是沙門瞿曇於是衆生行
於大悲見世衆生常勤行於不善寂法
是沙門瞿曇於是衆生行於大悲見世
衆生隨於大流順流而去是沙門瞿
曇於是衆生而起大悲見世衆生墮
於大山大苦逼切是沙門瞿曇於是
衆生而起大悲見世衆生離於聖道
墮於邪道是沙門瞿曇於是衆生而
起大悲見世衆生閉大牢獄自然經
縛是沙門瞿曇於是衆生而起大悲
見世衆生貪於色聲香味觸故無厭
無滿是沙門瞿曇於是衆生而起大
悲見世衆生是愛奴僕常繫屬他是沙
門瞿曇於是衆生而起大悲見世衆
生老死逼切羸劣困悴是沙門瞿曇

於是衆生而起大悲見世衆生常病
逼切是沙門瞿曇於是衆生而起大
悲見世衆生為三火燒常觸燒熾是
沙門瞿曇於是衆生而起大悲見世
衆生下纏所纏增長生死是沙門瞿
曇於是衆生而起大悲見世衆生心
常驚怖是沙門瞿曇於是衆生而起
大悲見世衆生貪嗜少味不見過患
是沙門瞿曇於是衆生而起大悲見
世衆生久眠放逸是沙門瞿曇於是
衆生而起大悲見世衆生墮大飢餓
常互相害是沙門瞿曇於是衆生而
起大悲見世衆生常在衰損互相劫
奪是沙門瞿曇於是衆生而起大悲
見世衆生無明所盲常不明了是沙
門瞿曇於是衆生而起大悲見世衆
生共相鬪諍惱亂不息是沙門瞿曇
於是衆生而起大悲見世衆生如芒
草滋萁是沙門瞿曇於是衆生而起
大悲見世衆生不淨交會離於清淨
是沙門瞿曇於是衆生而起大悲見
世衆生行於諸難離於無難是沙門
瞿曇於是衆生而起大悲見世衆生

多於疑惑著諸邪見是沙門瞿曇於
是衆生而起大悲見世衆生如梵羅
華依種種見是沙門瞿曇於是衆生
而起大悲見世衆生想心見倒無常
常想苦有樂想不淨淨想無我我想
是沙門瞿曇於是衆生而起大悲見
世衆生擔負重擔常受苦之是沙門
瞿曇於是衆生而起大悲見世衆生
依止羸劣不堅牢想是沙門瞿曇於
是衆生而起大悲見世衆生常在垢
汙是沙門瞿曇於是衆生而起大悲
見世衆生繫縛欲有而心貪著是沙
門瞿曇於是衆生而起大悲見世衆
生利養覆蔽常求於利是沙門瞿曇於
是衆生而起大悲見世衆生墮在種
種病苦憂悲啼哭愁惱衆苦大聚是
沙門瞿曇於是衆生而起大悲大王
此沙門瞿曇成就如是三十二種大
悲行故是故無過如說偈言

無明愚癡大闇黑 見無明聲蔽衆生

見衆生趣生死獄 是故人尊生大悲

衆生常勤造衆行 正覺見衆生流漂

恒常隨順此流漂 十力常生大悲心

墜墮於極高大山

見衆生行於邪道

善安止於聖道中

安寂靜處无煩惱

諸邪見者所繫縛

愛怒境界無滿足

為生老死之所沒

是故十力有大悲

種種衆苦所逼切

見世三火燒熾然

驚怖畏之被鹿皮

以是緣故十力悲

衆生貪著嗜於味

放逸貪著於境界

見其墮於飢餓道

調御能救於怨害

見諸衆生互相害

為無明闇所覆蔽

猶如芒草蔓滋蔓

以是緣故十力悲

婬欲所生諸繫縛

見諸衆生行難行

行於邪見稠林中

以是緣故十力悲

於不淨中有淨想

無常有常無我我

見諸衆生耽重擔

是故十力生於悲

見擔負於大重擔

凡夫常依止羸劣

常為諸結所汙染

是故十力有大悲

見為利養所覆蔽

復次境界無厭足

墮於欲有之大海

是故十力有大悲

多於種種憂愁病

見諸衆生苦惱已

為是一切諸苦惱

是故十力有大悲

知於非有亦非無

彼常有於大悲心

一切衆生普遍心

是故一切智无過

大王今復略說是沙門瞿曇成就四

念處四正勤四如意足四禪五根五
力七助道法八聖道分成就具足是
故大王是沙門瞿曇元有過各如說偈言
常勤精進修念處 大覺善知於正斷
大仙禪定得自在 勝出衆生元過各
調御世成諸神通 諸辯自在到彼岸
如來善知解脫呪 大覺善通達諸諦
於梵行處得自在 修於慈悲及喜捨
善安止住於定慧 是故常元衆過各
大仙善知助菩提 如來善知八聖道
見衆生苦於聖道 究竟安止安樂渚
一切世界無衆生 有與世調齊等者
一切智成一切德 恒常不毀訾於他
大王是沙門瞿曇成就十力大王言大
婆羅門何等是名如來十力大王是
佛如來是處如實知是處非處如實
知非處去來現在作業受業住處因
報如實而知無量諸界種種世界如
實知之若諸餘人餘衆生等種種所
解如實而知若餘衆生餘人等根勝
非勝根如實而知一切至道如實而
知若餘衆生餘人諸根諸力助道諸
禪解脫定次第定一切結使汙染白

淨隨各各處如實了知念於無量種
種宿命若於一生若无量生如其所
行如其所說如實而知天眼清淨過
於人眼見諸衆生種種生死乃至生
於善道惡道如實而知諸漏盡无濕
解脫及慧解脫如實而知大王是名如
來十力成就具足力故名持十力名
無降伏是故无過如說偈言

是處非處 如實而知 實說大人

彼无有過 過去無障 彼有智慧

未來現在 知不失之 善知業報

知有因緣 如實不錯 世調御知

知於無量 種種諸界 善知諸界

世人无等 世種種解 無量諸佛

照世明知 如實不異 知於鉅根

亦知中根 又知熟根 到於彼岸

一切至道 如實而知 根力助道

神通解脫 汙染白淨 各各了知

无有障尋 知見無尋 念於平等

無量稱實 自身及他 如實不異

天眼清淨 過於人眼 生死衆生

調御悉見 知諸漏盡 亦知解脫

無漏有異 亦悉知見 是人尊力

覺了自在 是一念有 心無分別
動發非發 自然而有 始初轉輪
無分別行 一心而知 諸衆生思
及衆生心 无有二相 是故無過
佛得自在 一切善法 出諸德事
大王是沙門瞿曇成就四无畏王又
問言大婆羅門何等如來四无畏也
大王是沙門瞿曇自言我得於正遍
知若有沙門諸婆羅門魔梵及世言
汝於諸法不正遍知我不見是相不
見相故得安隱行得无畏行自言我
得寂勝處行在大衆中正師子吼能
轉梵輪沙門婆羅門及餘諸世無有
能轉是正法者佛自誓言我諸漏盡
若有說言汝漏未盡佛不見是相不
見相故如來得於安樂之行得无畏
行得勝處行在大衆中正師子吼能
轉梵輪沙門婆羅門及餘諸世無有
能轉是正法者佛說障道法若有說
言親近是法無有障尋佛不見是相
不見相故得安樂行得无畏行得勝
處行在大衆中正師子吼轉於梵輪
沙門婆羅門及餘諸世无有能轉是

正法者我說聖出道若有說言親近
是者不能出世佛不見是相不見相故
得安樂行得無畏行得勝處行在大
衆中正師子吼能轉梵輪沙門婆羅
門及餘諸世無有能轉是正法輪大
王此是如來四無所畏如來成就是
四無畏在大衆中正師子吼是故無
過如說偈言

衆中師子吼人調無所畏 更無與我等
况衆生有過若我所覺法 是真實不虛
是正遍知見鹿王師子吼 若有違逆者
不見有彼相以不見相故人調無所畏
我一切漏盡我身是無漏無有似等者
諸天及世人有是障罣法 世調御所說
是真實空虛無有可變異 我說出道法
自覺已演說修行此法者 無有於障罣
大健知是已如來得安樂 得於無畏樂
勝大丈夫行轉於梵法輪 餘無有能轉
世間所不轉惟除兩足尊
佛說菩薩行方便經卷中

癸卯歲高麗國大藏都監奉
勅彫造

佛說菩薩行方便境界神通變化經卷下 跋

宋天竺三藏法師求那跋陀羅譯

復次大王是沙門瞿曇成就十八不共佛法大王何等十八不共佛法大王是佛如來無有錯亂口无言說無有失念無有異想無不定心無不知已捨欲無退減進無退減念无退減慧無退減解脫無退減解脫知見亦无退減一切身業以智為首隨於智行一切意業以智為首隨於智行知於過去無尋知見知於未來無尋知見知於現在無尋知見大王是名如來十八不共佛法成就是故無過如說偈曰世尊無錯亂口無有言說其念無有失是故彼無過無有於異想正智心不乱隨時不生捨一切智無過欲無有退減善擔進無減其念無有失彼无能毀者慧无損退減解無有退減解知見无減彼智無有惱一切諸身業口業及意業以智力自在智亦無有失知於過去世彼智無有尋未來亦无尋現在世無尋

有如是功德是沙門瞿曇復過是元量
非我說能盡

今時栴荼鉢樹提王聞如來如是不
可思議諸功德已甚適其意歡喜踊
躍生於愛樂於是薩遮尼軋子所得
無量歡喜得不可思議想得世尊想
得善知識想得亦菩提想得度到彼
一切智想得啓請想得於念想又得
菩薩不可思議解脫之想得於如是
諸想心已以價直百千真珠瓔珞又
復以上無價之衣供養薩遮尼軋子
已如是讚言善哉善哉薩遮尼軋子
善說次第方便之法又言薩遮汝所
說法順一切智汝所說法到一切智
沒所說法出於生死汝所說法滅結
使垢汝所說法破嫉妬門汝所說法
擊大施鼓汝所說法能破壞魔大憍
慢山汝所說法能乾愛海汝所說法
照愚癡林汝所說法教化衆生不過
失時王說是已薩遮尼軋子語大王
言如是大王菩薩威儀無不調伏諸
衆生者無有說法逆大乘者若不能
增進一切智若不能盡一切結使若

不能亦生死過患若其不能到於涅槃
若不能近菩薩之行若不能到自利
利他及俱利者無有是處大王若有
一切初發意時便到自利利他俱利
薩遶尼軋說是事時旃荼鉢樹提王
得斷疑信得不壞信十六王子得於
歡喜信行之界八千天子獲得三昧
名莊嚴佛行是王宮中所坐尼軋有
万三千發於無上正真道心各各脫
衣供養薩遶尼軋子已作如是言我
等今者得於善利見是薩遶大善男
子又聞演說是隨順法復言薩遶可
與俱往欲見世尊是佛如來今在我
園薩遶答言一切悉來和合共往今
時大王與其眷屬大臣人民設大莊
嚴今時大王遍城行令唱如是言若
不至於如來所者當斬殺之舉城一
切男子女人童男童女聞王令已各
各持諸華鬘塗香末香種種伎樂出
於優禪大城外已向園而住待於大
王今時鉢樹提王與薩遶尼軋子諸
大臣等王子兵衆內宮嫔女國土人
民騎乘園遶大王威德王大神力三

大變化王大遊戲擎幢幡蓋百千音
樂歌舞唱伎蕭笛擊節出種種妙音
爲馬槃戲百千吉瓦在前行列以
金鑠莊校爲車馬車九十八億人衆
圍遶趣向自園詣世尊所到已頂礼
佛足右遶三币却住一面薩遮尼軋
及其眷屬頂礼佛足右遶無量百千
币已住立合掌觀佛不瞬尔時大德
舍利弗見薩遮尼軋子佛前觀佛目
不暫瞬見是事已作是思惟薩遮尼
軋子何緣來此如是思已語薩遮尼
軋子言薩遮汝何緣故詣如來所欲
見如來爲欲聽法薩遮尼軋子言大
德舍利弗我不見佛不爲聽法大德
舍利弗我今不用一切法故詣如來所
何以故大德舍利弗見色不名見於如
來見受相行識亦不名爲見於如來不
見地大水火風大名見如來不見於我
名見如來不見衆生不見壽命不見養
育名見如來不見丈夫名見如來不見
我勝我所勝名見如來不見於想名
見如來大德舍利弗不見一切相者
名見如來不見執著名見如來見無

有物名見如來見於性故名見如來
見本際故名見如來見眼色離欲名見
如來見耳聲無教名見如來見鼻香
不和合名見如來見舌味無知名見
如來見身觸無覺名見如來見意法無
分別名見如來舍利弗言薩遮以如是
相見如來者云何見如來耶薩遮答
言大德舍利弗非以種故見於如來
不以性故見於如來非相非無相非
法非無法非實非不實非境界非不
境界非思惟非不思惟非分別非不
分別非有為非無為非物非不物非
聚非散非色非受非想非行非識非取
非不取名見如來舍利弗言薩遮以
如是相見如來者汝善丈夫云何得
見於如來耶薩遮答言大德舍利弗
我非到色見於如來亦不離色見於
如來亦不壞色見於如來如是受想
行識非到於識見於如來不離於識
見於如來亦不壞識見於如來非現
世分見於如來非過世分見於如來
非以陰分見於如來非以界分見於
如來我以如是見於如來我見一切

言說非言說名見如來我非見非不見非有非不有非分別非不分別非憶想非諍非惱非起非取非捨非戲論非作想非不作想非作物非不作物非動發非不動發非作見非無作見非境界見非不境界見非言語非不言語見於如來離於一切所有言語談論音聲名見如來亦無所見大德舍利弗菩薩如是見於如來我亦是見於如來舍利弗言汝以如是見於如來汝復云何聞說法耶薩遮答言大德舍利弗若我聽於如來說法若生法想非是法想何以故大德舍利弗菩薩一切所有言說皆出於法然不執著亦不生想何以故離法想故舍利弗言汝今薩遮不求聽法誚如來耶薩遮答言大德舍利弗我非求法非不求法誚如來耶何以故大德舍利弗夫求法者名不求於一切諸法大德舍利弗夫求法者不著佛求不著法求不著僧求不知苦求非斷集求非修道求非證滅求非過欲界非過色界無色界求非生死求非

涅槃求大德舍利弗汝當知我都不
求於一切法故詣如來所舍利弗言
以何緣故作如是說薩遮答言大德
舍利弗一切諸法無因緣故我如是
說又法界性無有因緣非無因緣俱
不可得故舍利弗言汝今流轉於諸
道耶薩遮答言大德舍利弗若有道
者我則流轉若有生者我則有生若
有去者我則有死大德舍利弗一切諸
法元去無生死舍利弗言薩遮如佛所
說汝等比丘生老病死薩遮答言大德
舍利弗一切衆生依止有道及憍慢
故為壞依止如來世尊作如是說佛
法如性無有如是生老病死舍利弗
言善哉善哉薩遮汝說大乘知分別
義薩遮答言大德舍利弗汝今能知
云何是義云何分別舍利弗言善男
子我非說者我今欲聽善男子汝當
演說云何是義云何分別薩遮答言
大德舍利弗義者謂無言說若有言說
名為分別又復義者謂不可說若有
言說名為分別又復義者名謂默然
若有言說名為分別又復義者謂无

動搖無諸戲論無有分別無有莊嚴非
有非物无有我想非勇不可取不可
見無有居止離於一切居止言說又
分別者謂思量數觀徃至他心又復
義者名謂義辯分別者謂法辯辭辯
樂說之辯大德舍利弗是名略說義
及分別今時世尊讚薩遮尼乾子善
哉善哉善男子如汝所說說此法時
三千天子得无生法忍二万衆生聞
此大辯發於無上正真道心

今時大德目連白佛言世尊是薩遮
善男子作是外道尼乾子服化幾衆
生佛告目連若聞此事一切天人皆
當迷惑唯除菩薩摩訶薩等目連諦
聽我今演說薩遮尼乾子種種形服色
像威儀教化衆生少分之事目連是
薩遮善男子作外道服教化須弥塵
數衆生今發無上正真道心作遮勒
形服化四天下塵數衆生發於无上
正真道心作餘異道出家之像化八
十四恒河沙等衆生發於无上正真
道心現聲聞形化十恒河沙等衆生
示聲聞乘已然後復化令發無上正

真道心作緣覺像教化衆生復過是
數菩薩形服教化衆生復過是數復
作釋像復作梵像復作轉輪大王之
像復作護世像復作緊那羅像復作
阿修羅像復作迦樓羅像復作摩睺
羅像復作人像復作非人像復作男
子像復作女人像復作童子像復作
童女像復作地天像復作即化生天
像復作仙人像復作年少婆羅門
像復作比丘像復作比丘尼像復作
優婆塞像復作優婆塞像目連薩遮
善男子教化衆生如是甚多今時目
連白佛言世尊是薩遮尼乾子奉事
供養幾如來耶佛告目連假量虛空
可得其邊無有能得薩遮善男子以
種種形供養奉事諸佛如來得其邊
者目連假令能得地界水界火界風
界衆生界邊無有能得是薩遮善男
子奉事供養諸佛如來得其邊者今
時大德大迦葉語薩遮善男子言善
男子汝多奉事供養諸佛汝之功德
具足成就何故不成無上正真道薩
遮答言大德迦葉若有菩提有覺菩

提者我當覺於无上正道大德迦葉
語薩遮言恒河沙等菩薩摩訶薩發
菩提願覺於無上正真之道已覺今
覺當覺薩遮答言大德迦葉為憍慢
衆生作如是數第一義中無有菩提
無覺菩提者何以故大德迦葉菩提
是无為離一切數菩提非色不可見
故菩提非青非黃非赤非白非紫非
頗梨色無有形像无顏無相過一切相
無有居止斷一切居止非有離一切
有非相離一切相无有言說口業不
及故非見非聚亦非有物非聞非明
無形無體不可言說非不可說非觸
非知非聞非聲非匂非繫非縛非解
非染非瞋非癡非一切事非假名非
不假名大德迦葉菩提性尔又菩提者
非身所覺又菩提者非心所覺何以
故大德迦葉身癡無智猶如草木牆
壁土塊是故不能覺於菩提心者非
色又不可見是亦不能覺於菩提亦
無衆生可覺菩提大德迦葉一切法
性皆悉如是汝云何言汝何不成無
上正道尔時菩薩大聲聞衆優婆塞

優婆斯及釋梵護世如是思惟世

尊如實知衆生心如所解知如來當

斷我等疑惑猶豫之心當說薩遮善

男子記幾時當成無上正道世界何

名得菩提已名号何等住壽幾何大

衆有幾尔時世尊知諸菩薩聲聞優

婆塞優婆斯釋梵護世心之所念即

告文殊師利是薩遮善男子此賢劫

過已然後復過於竿數劫當得作佛

号寶意相王如來應供正遍知其佛

世界名善觀稱劫名滅刺文殊師利

是善觀稱世界端嚴甚可愛樂七寶

莊嚴周匝百千七寶垣牆以為莊嚴

有百千塹七種香水充滿其中復有

百千高大臺觀七種琉璃大寶所成

有百千万閻浮檀金網以為莊嚴而

遍覆之有百千万摩尼之寶間錯臺

有百千万過師子摩尼寶莊嚴幢響

有百千万師子幢摩尼寶莊嚴寶座

有百千万大幢摩尼寶照明一切百

千万鈴網出於和適軟妙音聲遍滿

其中懸百千万珠寶金網豎立百千

万種相幢文殊師利是善觀稱世界

地平如掌寶樹遍覆生柔軟草其草
右旋如難提跋且孔雀頂色觸如天
衣是草普遍善觀稱界有百千万園
以為莊嚴其一一園復以百千万園
圍遶莊嚴有百千万池周遍莊嚴是
一一池以八楞摩尼寶而間錯之閤
浮檀金以為梯橙底布金沙滿八味
水寶華遍布有鵝鴈鴛鴦相和而鳴
文殊師利善觀稱世界百千万國及
城邑村落周遍莊嚴其一大城復
有百千万城周匝莊嚴諸村邑聚落
亦復如是是一切國城邑村落男女充
滿文殊師利是善觀稱世界之中有
四天下名適意見甚為殊特極妙端
嚴極盛豐樂男女甚多彼實意相王
如來應供正遍知當生其中文殊師
利是實意相王如來出婆羅門種母
名勇猛如今我母名曰摩耶父名梵
摩婆秀如今我父王名曰淨飯彼當有
子名曰遍聲如今我子名羅睺羅有
妻勝后名曰大意如今我妻瞿婆伽
釋種童女當有乳母名曰大稱如我
乳母名摩訶波闍波提瞿曇彌彼佛

世尊當有侍使名常順行如我侍使
名曰闍陀彼佛如來有大馬王名曰
大力寶意相王當乘出家如今我馬
王名建持迦彼佛如來當有道場名
曰法勇彼佛如來於是場上當成無
上正真之道當有八十億菩提樹周
匝莊嚴文殊師利彼佛今時无魔無
魔天衆文殊師利彼當來世寶意相
王成於無上正真道時彼佛世界所
有衆生悉以一切諸華香鬘種種伎
樂作衆伎樂當共往詣法勇道場上
至阿迦膩吒天衆一切來集龍衆夜
叉衆乾闥婆衆阿修羅衆迦樓羅衆
緊那羅衆摩睺羅伽衆皆當來集東
西南北諸大菩薩皆當來集文殊師
利是寶意相王初覺菩提已在大衆
中說此菩薩行方便境界神通變化
經無量百十億經而圍繞之文殊師
利彼寶意相王如來說此經時恒河
沙等衆生於阿耨多羅三藐三菩提
得不退轉文殊師利是寶意相王如
來不說於三乘法彼佛世界無聲聞
緣覺惟皆一乘妙解衆生生彼世界

文殊師利彼實意相王如來世尊初
會說法當有恒河沙等菩薩得不退
轉第二大會有八十那由他菩薩當
得一生第三大會當有六十頻婆羅
數菩薩自是以後當有過於竿數菩
薩安住不退無上正真道文殊師利
彼實意相王佛得成道已壽六十中
劫佛涅槃後正法住世八十億百千
那由他歲當廣流布佛之舍利所調
衆生其數如先文殊師利彼佛臨欲
入滅度時授於大相菩薩記已後乃
滅度此大相菩薩次於我後當得成
於無上正真道号大莊嚴如來應供
正遍知時此大衆心生驚疑誰是余
時大相菩薩次彼世尊當成元上正
真之道号大莊嚴如來應供正遍知
余時世尊知大衆心即告文殊師利
童子是薩遮善男子前坐外道小童
子者名實歡喜得勝一切諸餘童子
彼當成佛号大莊嚴如來應供正遍
知彼佛世界所莊嚴事如彼實意相
王如來等無有異此衆聞彼佛刹功
德莊嚴威德會中六十億百千那由

他諸菩薩等發心願生彼佛世界白
佛言世尊是實意相王得成佛時我
等當生彼佛世界世尊即記當生彼
國有八十億諸尼軋等同聲唱言世
尊我等亦當生彼佛土佛一切記當
生彼國於上空中有九十億百千那
由他諸天子等說如是言世尊彼實
意相王佛得菩提時我等當生彼善
觀稱世界之中當見如是功德莊嚴
佛即記言汝等天子亦當生彼善觀
稱界奉事彼佛汝諸天子亦當於彼
善觀稱界成於無上正真之道各有
異名等同壽命即時三千大千世界
六種震動其地自然湧出無量百千
億那由他大寶蓮華閻浮檀金為葉
天紺琉璃摩尼為臺車渠為鬘琉璃
為莖諸蓮華中有菩薩現結加趺坐
相好嚴身恭敬禮佛以於種種瓔珞
雲網供佛世尊皆言我等各各在於異
佛世界遙聞說此不可思議菩薩功德
經故來至此見佛世尊禮敬右遶亦
為見薩遮善男子及諸大眾又言世
尊有不可思議諸佛刹土無數衆生

聞此經已皆得不退無上正道。爾時世尊欲重宣此義而說偈言。

聽我說此義一心勿亂念。如來語无虛調御無異說。薩婆佛出世過年數億劫。号實意相王。劫淨無垢剎。無有姪欲剎。無有多過咎。亦無惡癡剎。彼劫無有剎。世界善觀稱。雜色妙莊嚴。人天喜樂觀。調御世當有。遊寶高臺觀。當有普嚴淨。閻浮金網覆。妙軟聲適意。豎師子寶幢。懸珍寶金網。珠寶高牆壁。當有天宮殿。當有江池井。當一切莊嚴。青白蓮遍布。八味水溢滿。當中四天下。名曰適意見。善逝所生城。出婆羅門種。母名曰勇猛。父梵摩婆秀。子曰遍名聲。如我子羅睺。彼善逝勝后。其名曰大意。如我后瞿婆。乳母名大稱。如今我乳母。名曰瞿曇彌。侍使名順行。當為調御使。供給於善逝。如我使闍陀。二足尊馬王。當名曰大力。負善逝出家。如我健持迦。彼如來道場。當名曰法勇。八十億百千樹周帀圍遶。人尊坐此已。實意自无等。無上无憂道。道樹下善覺。無魔无魔衆。終無有魔業。善逝土無刺。有無等丈夫。彼界有衆生。

作人天功德 華身諸伎樂 出詣世尊所
調御知衆集 知畢竟心淨 當說此經王
有億經國遠 聞於此勝經 二足尊說時
多億恒沙衆 有不退佛智 終不聞下乘
亦無緣覺乘 慧健諸菩薩 彼佛世界有
二足尊初會 當有恒河沙 功德海不退
菩薩大名稱

二會八十那由他 悉皆得住於一生
三會六十頻婆羅 諸善菩薩多利益
滿六十中劫 善逝所壽命 人調御滅已
正法廣流布 八十億千歲 法住那由他
舍利廣流布 亦多調衆生 世調滅度時
記大相菩薩 汝當調御世 号名大莊嚴
彼莊嚴亦尔 利衆生亦等 當作調世覺
無上无塵道 我知見無上 知當无量劫
何況現在前 一切智無身 信我語无量
如來語無空 請住於我教 取我所說語
聞善逝說已 大衆生喜勇 贊頌彼世界
我等當生彼 世調御說記 畢彼无始刹
汝當覺勝道 廣利來衆生 說此經王時
大地六種動 華中出菩薩 合掌礼調御
善哉覺丈夫 善說法不斷 佛說法我聞
遠來此為法

當于尔時一切大衆甚適其意歡喜
踊躍愛樂受持唯留一衣餘衣悉以
奉上供佛說如是言世尊出世再轉
法輪於波羅捺初轉法輪今復更轉
取大法輪咸言世尊願令我等常不
離於如此法寶亦常不離此善丈夫
時上空中作種種天樂雨大青黃赤
白蓮華於佛足前諸天天衣於虛空
中而自迴轉唱如是言是善丈夫於
當來世成就不可思議功德所謂若
有受持此經讀誦通利為他廣說說
是語已文殊師利白佛言世尊是善
男子善女人等書寫此經受持讀誦
令通利已為他廣說得幾所功德如
是問已佛言文殊師利若有一善男
子善女人三千大千世界之中所有
衆生有色無色有想无想有衆生界
唯佛能知諸有一切未得人身悉得
人身成於無上正真道已是一善男
子善女人恭敬供養尊重禮拜是一
切佛施諸所安壽命一劫文殊師利
於汝意云何是善男子善女人以是
因緣得福多不文殊師利答言甚多

世尊甚多善逝無有能數無有計量
佛言文殊師利是善男子善女人書
寫受持讀誦通利為他廣說福多於
彼善男子善女人供諸佛者文殊師
利言世尊未曾有也世尊利益一切
世間說此經典世尊此經當於閻浮
提中流布幾時佛言文殊師利我涅槃
後我之舍利當廣流布尔時八王
當以寶箱分我舍利作八分已各各
自國造作大塔阿闍世王取我舍利
第八之分盛寶香鉢王舍城外穿鑿
於地而藏隱之安置種種衆妙雜香
豎立種種幢幡寶蓋散衆寶華然百
歲燈藏舍利箱待阿叔迦王於金葉
上書此經王并藏去之文殊師利我
涅槃後百歲當有阿叔迦王是王當
出於莫刹利種王閻浮提得自在住
四渚轉輪彼王尔時修念我行於佛
法中得清淨心

尔時有比丘名因陀舍摩得大神通
有大威德攝持正法持方等經是王
種出家出入阿叔迦大王宮中文殊
師利阿叔迦王為廣流布我舍利故

大多將從諸貴人等大王威德而自莊嚴持諸華鬘末香塗香種種伎樂到王舍城大設供養墾掘其地取舍利箱七日之中設種種供養以一切華一切鬘一切末香一切塗香一切伎樂作於如是大供養已然後隨於種種多人所居止處一日一時安起八万四千大塔今時因陀舍摩法師從於寶箱出此經已安置北方多人住處此經又無多人識知無多人解無多人受少人受持讀誦此經文殊師利此經多隱在箱篋中何以故無人受故非真器故文殊師利當知此經難解難信難得其底非是常人所能信受非凡下人能讀能入文殊師利後五十歲時若復有人聞此經典信解恭敬文殊師利不應作疑當知是人供養多佛善行於此大乘經典有真實器若有書寫受持此經讀誦通利是衆生等應當自知我等已見恒河沙等諸佛如來奉事供養右遶礼拜亦見於我在此園中說是經時及見大衆衆時佛告阿難汝受此經

讀誦通利汝慎勿於所下人前說此
經典不知根故何以故阿難是如來
功德是如來密處是如來說純無雜
法是如來印是如來堅法是如來勝
財阿難汝當堅持勿妄與人唯除我
長子持我法藏護我法藏與是等人
阿難白言我持此經已世尊此經何
名云何受持佛言阿難此經名曰說
菩薩行方便境界神通變化經亦名
如來密處亦名如來說純無雜法
亦名如來說出一乘亦名文殊師
利所問亦名薩遮受記亦名薩遮
品如是受持如來演說此經法時有
三十那由他諸衆生等本未曾發無
上道心今悉發心六万菩薩得無生
法忍无量衆生必定無上正真之道
佛說是經已大德阿難歡喜適意文
殊師利童子一切菩薩比丘比丘尼
優婆塞優婆塞釋梵護世天及世人
聞佛說已歡喜信受
佛說菩薩行方便經卷下

癸卯歲高麗國大藏都監奉

勅彫造

大薩遮尼釁子所說經卷第一

四

序品第一

元魏天竺三藏菩提留支譯

歸命大智海毗盧遮那佛

外國本一切經首皆有此句

如是我聞一時婆伽婆在鬱闍延城
王名嚴熾住王園中其園所有殊勝
莊嚴不可稱計所謂娑羅樹多羅樹多
摩羅樹迦尼迦羅樹尼拘律樹波羅叉
樹鬱曇鉢華樹婆師迦華樹陀菟尼
迦華樹阿提目多伽華樹瞻蔔華樹
阿輪迦華樹波吒羅華樹如是無量
百千衆妙樹林莊嚴復有種種異相
之水所謂泉水海水直流水曲流水
多羅迦水池水從上注下水從下涌
上水如是無量百千妙相衆水莊嚴
復有種種衆妙雜華所謂優波羅華
鉢頭摩華拘牟頭華分陀利華他羅
華摩訶他羅華盧遮華摩訶盧遮華
如是無量百千妙華以為莊嚴復有
種種妙音聲鳥所謂鵝鳥崑崙遮鳥
拘只羅鳥鈎那羅鳥具多鳥崛多鳥
鸚鵡鳥鸚鵡鳥耆婆耆婆鳥迦陵頻

伽鳥有如是等無量百千衆妙聲鳥
以為莊嚴復有種種妙色衆蜂飛在
虛空迭相連接猶如羅網遍覆於上
以為莊嚴復有種種衆雜色草柔軟
香潔无量百千異種文色莊嚴其地
如是衆妙莊嚴園中與大比丘衆七
十二百千萬等諸大衆俱其名曰慧
命舍利弗大目犍連摩訶迦葉阿菟
樓陀須菩提摩訶迦旃延摩訶劫賓
那離波多難陀那提迦葉伽耶迦葉
富樓那弥多羅居士憍毓波提般他
迦周羅般他迦陀駟摩羅子佉陀林
純陀摩訶拘絺羅羅睺羅慧命阿難
等七十二百千萬億諸大衆中而為
上首一切皆修如實法界境界諸行
一切皆入法界實性一切皆得無障
無碍虛空境界殊勝妙行一切皆得
無所著行一切皆離煩惱諸垢一切
結使一切皆入如來法性光明照處
一切皆證同一法性平等大慧一切
皆得現諸如來一切智門一切皆得
常不休息大菩提道一切皆得轉不
退轉大菩提道一切皆得證不退轉

大菩提心一切皆到第一彼岸般若
智見一切皆得究竟彼岸方便智慧
復有摩訶波闍提比丘尼耶輸陀
羅比丘尼等八千比丘尼於百千萬
億比丘尼中而為上首一切皆悉具
足善集諸妙白法一切善入一切智
道一切皆近一切智智一切皆入無
所有性一切能觀諸法无相一切善
信法際無際一切皆得无障解脫一
切皆得隨諸有緣可化衆生示佛色
身諸菩薩摩訶薩七十二百千萬億
諸大衆俱其名曰大速行菩薩大速
行住持菩薩大奮迅菩薩大奮迅王
菩薩大精進奮迅菩薩大勇奮迅菩
薩現大勇勢奮迅菩薩大力奮迅菩
薩大衆自在菩薩大香像菩薩大月
菩薩善月菩薩月功德菩薩寶月菩
薩月光普照菩薩法無垢月菩薩月
普照菩薩月名稱菩薩放月光明菩
薩滿月菩薩軌聲菩薩軌自在吼聲
菩薩地吼聲菩薩法界吼聲菩薩驚
怖一切魔宮吼聲菩薩出法鼓聲菩
薩普職聲菩薩无分別離分別聲菩

薩師子吼地勇聲菩薩閉塞一切聲
菩薩普藏菩薩功德藏菩薩普照藏
菩薩寶藏菩薩月藏菩薩日藏菩薩
日光藏菩薩波頭摩藏菩薩福德藏
菩薩智勝藏菩薩大慧菩薩勝慧菩
薩名稱慧菩薩使慧菩薩上慧菩薩
增長慧菩薩無邊慧菩薩廣慧菩薩
佛慧菩薩無盡慧菩薩彌留山燈明
菩薩燃大燈明菩薩法燈明菩薩遍
十方燈明菩薩普照菩薩普滅一切
闇燈明菩薩普照諸趣燈明菩薩常
放火光燈明菩薩月光燈明菩薩日
光燈明菩薩離惡道菩薩降魔菩薩
大降魔菩薩希生菩薩難降菩薩難
量菩薩難知智菩薩竭惡道菩薩大
勢至菩薩觀世自在菩薩弥勒菩薩
文殊師利法王子菩薩等七十二百
千萬衆而為上首如是諸菩薩摩訶
薩等一切皆得一生補處一切皆得
諸陀羅尼一切皆得諸三昧海一切
皆得無邊樂說无尋辯才一切皆得
無畏說法一切皆到第一彼岸功德
聚林如意自在一切皆得大神通道

奮迅自在到諸佛國一切皆得無尋
自在身心解脫一切皆得无障無尋
畢竟知見一切皆得普現佛身邊諸
十方無佛國土一切皆得如實正智
轉大法輪無過无謬一切皆得隨順
十方堪聞衆生而為說法一切皆得
陀羅尼門說无非法一切皆得無取
无捨如實法界一切皆得能說諸法
空義無尋一切皆能師子吼吼一切
皆能降伏外道一切皆能摧魔怨敵
一切皆得菩薩神通諸勝妙行一切
皆得離諸怨憎一切皆得地水火風
平等大心一切皆得入諸如來深密
之處一切皆得為諸衆生住持佛事
一切皆得諸佛如來所共讚歎稱譽
隨喜說其勝行一切皆能具足住持
無邊際劫一切皆能住持如來所說
法輪一切皆得放大法寶勝妙光明
一切皆得說不可盡勝行功德一切
皆得於諸世間具足自在一切皆得
具足成就過去諸願一切皆得諸佛
如來信行境界一切皆得過去所修
善行具足一切皆得具足清淨佛无

折智一切皆得常不休息勇猛精進
供養一切諸佛如來一切皆得勇猛
發起畢定取於不退轉地一切皆得
大悲現前一切皆得自性清淨深心
解脫一切皆得離諸疑悔戒取煩惱
一切皆得過去諸佛神力所加復有
無量諸優婆塞諸優婆夷復有三千
大千世界具大威德具大威德上下
殊勝諸天天王諸龍龍王諸夜叉夜
叉王諸乾闥婆乾闥婆王諸阿修羅
阿修羅王諸迦樓羅迦樓羅王諸緊
那羅緊那羅王諸摩睺羅伽摩睺羅
伽王人及人王彼時一切諸大衆等
各有百千萬億眷屬俱集會坐
尔時世尊為諸無量百千萬億諸大
衆等恭敬圍繞處在百千萬福莊嚴
功德勝哉師子座上結加趺坐如來
妙色身光威德其相殊特照曜顯現
蓋諸一切天龍八部譬如須弥山王
涌出大海威光殊勝照曜顯現蓋諸
小山如來世尊大須弥王處在百千
萬福莊嚴師子妙座威光殊特照曜
顯現蓋諸大衆亦復如是譬如初月

光輪漸長至月滿足其光殊勝照曜
顯現映奪一切星宿諸光如來世尊
處在百千萬福莊嚴師子妙座威光
殊特照曜顯現映諸一切天人大衆
亦復如是譬如虛空清淨無垢離諸
一切雲翳塵染其中日輪放大光明
其光殊勝照曜顯現映奪一切諸虫
螢火所有光明皆悉不現如來日輪
處在百千萬福莊嚴師子妙座威光
殊特照曜顯現映蔽一切釋提桓因
諸梵天王四天王等光明不現亦復
如是譬如闇夜在大山頂然大火輪
光明殊勝照曜顯現一切皆見如來
山火處在百千萬福莊嚴師子妙座
光明殊特照曜顯現有緣皆見亦復
如是譬如師子諸獸之王在於深山
威力殊勝照曜顯現降伏一切諸虫
獸等如來師子諸法之王處在百千
萬福莊嚴師子妙座威光殊特照曜
顯現降伏一切外道異見諸衆生等
亦復如是譬如離垢八楞摩尼如意
寶珠置在高幢放大光明隨衆生願
雨令滿足其光殊勝照曜顯現遍照

十方如來摩尼處在百千萬福莊嚴
師子妙座大智慧明威光殊特照曜
顯現遍照十方滿衆生願亦復如是
譬如自在轉輪聖王威德殊勝照曜
顯現志能降伏遍四下一切無有
能敵對者如來世尊轉法輪王處在
百千萬福莊嚴師子妙座威光殊特
照曜顯現降伏一切諸魔怨敵亦復
如是譬如釋提桓因以帝釋寶摩尼
瓔珞繫在頸上處善法堂諸天衆中
威德殊勝照曜顯現降伏一切諸天
大衆如來帝釋處在百千萬福莊嚴
師子妙座威光殊特照曜顯現蓋諸
天人亦復如是

大薩遮尼乾子所說經問疑品第二

今時聖者文殊師利法王子菩薩見
諸無量大衆雲集見佛世尊現大勝
妙希有之相作是思惟今者世尊為
何事故先現此相我有疑事今應當
問何以故如來世尊處在百千萬福
莊嚴師子妙座威光殊特照曜顯現
如是无量大衆集會難可值遇作是
念已即從坐起偏袒右肩右膝著地

合掌向佛即以偈頌讚歎如來而說
偈言

世尊十力雄 天人諸世間 三界無與等
何有能過者 譬如須彌王 出大海小山
深固不傾動 諸天蒙安隱 如來須彌王
過聖生死海 諸功德住持 安住不可動
切德須彌身 顯出諸世間 一切依如來
安隱住涅槃 譬如空无障 滿月獨明照
一切星宿光 隱沒不能現 如來十力淨
智慧月明朗 神通弟子衆 亦如星宿光
譬如日光輪 照曜諸世間 除滅一切闇
諸小光不現 如來智日輪 照除世間闇
諸梵王等光 隱沒不能現 譬如夜然火
置在高山頂 以體明淨故 十方闇皆見
如來大明火 智慧山高顯 照煩惱闇界
法性令開現 譬如師子王 雄猛蓋諸獸
不現威怒相 一切獸降伏 如來師子王
無畏力具足 慈心諸外道 自然皆降伏
譬如摩尼珠 放光照世間 隨諸衆生願
一切雨滿足 如來摩尼珠 智慧幢照遠
能雨大法雨 滿足衆生願 譬如轉輪王
具足七寶福 遊諸四天下 悉對生親友
如來轉輪王 具足十力寶 攝諸四魔衆

皆歸如來道。辭如帝釋王三十三天主
布正善法堂。諸天歡喜受。如來天帝釋
三界大法王。慈心觀諸趣。坐涅槃法堂
興大慈悲雲。雨甘露法雨。天人歡喜受
修行无上道。

今時聖者文殊師利法王子菩薩說
諸偈頌讚歎佛已合掌白佛言世尊
如來乃能為諸大衆說菩薩行方便
境界奮迅法門以聞此經諸有信樂
無上大乘善根衆生皆發阿耨多羅
三藐三菩提心及信小乘狹劣衆生
亦發無上菩提之心已發无上大心
衆生而能增長菩提之念諸狹劣行
小見衆生能發大行退道衆生而能
進取大菩提道以取菩提勝道衆生
能入如來智慧莊嚴深密法中今時
世尊告文殊師利法王子菩薩言文
殊師利諸佛如來應正遍知所有難
信難知難覺難識難量難入深密之
法一切天人不知如來依何意說文
殊師利如此甚深微妙之法若有衆
生行惡行者不知此法不識此法諸
破戒者不知此法不識此法樂小行

者不信此法破壞心者不信此法為
惡知識所攝持者不入此法諸善知
識所不攝者不入此法不為諸佛住
持衆生不聞此法除諸如來加力持
者能聞此法能信此法无有是處尔
時世尊重宣此義而說偈言

美妙聲法子能問我此事汝今至心聽
我當為汝說衆生無明覆唯有信小心
聞此大乘法不信故不說若於无量世
過去諸佛所修行諸善行善根具成熟
如是諸衆生常被如來加聞說生歡喜
乃能諦信受若為惡知識毒蛇之所噬
離於善知識不聞甘露法於諸勝法中
起於放逸心墮大邪見坑聞說不生信
衆生心狹劣不堪受大法聞退生不信
起於誹謗心長夜墮惡道永不聞佛法
為彼起悲心故我不速說

尔時聖者文殊師利法王子菩薩白
佛言世尊此會大衆皆善清淨善行
諸行善能供養諸佛如來善能將護
諸善知識善能修集清淨信眼善入
大智信諸境界善具清淨深心直心
此會大衆一切善能觀諸境界能知

此法能識此法善哉世尊唯願為我
及時會大衆樂聞之心善說此法而
說偈言

此會諸衆生 已於無量劫 一切諸佛所
種善根滿足 如是衆生等 能入佛境界
為滿法器故 願佛今速說 一切皆瞻仰
天人師面門 恭敬合掌觀 渴仰目不捨
願世尊愍此 渴仰衆生心 雨大妙法雨
令生善法芽 我今請如來 无人大法王
願開甘露門 轉寂勝法輪 是諸衆生等
若聞佛所說 能行無上道 究竟涅槃法
大薩遮星軋子所說經一乘品第三之一

尔時聖者文殊師利法王子菩薩如
是問已佛告文殊師利善哉善哉法
王子善哉文殊師利汝今善能問於
如來應正遍知菩薩所行甚深法門
何以故文殊師利汝見諸法實義現
前無有疑惑究竟到於智波羅蜜第
一彼岸為欲利益无量衆生令入菩
薩無上道故問如是法文殊師利汝
能復為未來衆生然大明燈滅諸闍
故問如是法善哉善哉文殊師利汝
今諦聽我當為汝說菩薩行方便境

界奮迅法門文殊師利白佛言善哉
世尊願樂欲聞時諸一切菩薩大衆
一心同聲俱白佛言善哉世尊願樂
欲聞

今時世尊欲說此法告諸大衆諸善
男子若有善男子善女人等畢竟成
就十二法者乃能發於阿耨多羅三
藐三菩提心何等十二一者自性信
大乘法為離小乘狹劣心故發菩提
心二者自性成就大悲為欲具足諸
白法故發菩提心三者直心奉行堅
固為厭生死向彼岸故發菩提心四
者善集一切功德為欲修滿諸願行
故發菩提心五者能善供養諸佛為
欲善起諸白法故發菩提心六者身
口意業清淨為離一切諸惡行故發
菩提心七者遠離諸惡知識為欲親
近善知識故發菩提心八者聞法如
說修行為不虛妄誑衆生故發菩提
心九者為欲利益一切畜諸資生不
貪不慳故發菩提心十者以得諸佛
加護為離一切諸魔加故發菩提心
十一者於諸衆生常起大悲能捨內

外一切諸物為離慳嫉故發菩提心
十二者具法行力為能成就諸功德
故發菩提心善男子是名十二妙法
若善男子善女人成就此十二法者
乃能發於阿耨多羅三藐三菩提心
善男子復有十二種勝法菩薩成就
名發阿耨多羅三藐三菩提心何等
十二一者安隱心為與一切衆生樂
故發菩提心二者愍念心他惡來加能
忍將護不生異相故發菩提心三者
大悲心為荷衆生大重擔故發菩提
心四者大慈心為拔一切惡道苦故
發菩提心五者清淨心能於餘乘不
生願樂故發菩提心六者無染心為
離一切煩惱濁故發菩提心七者光
明心為求无上自性清淨光明照故
發菩提心八者幻心能知諸法究竟
無物故發菩提心九者无物心能知
一切無所有故發菩提心十者堅固
心於諸法中不可動故發菩提心十
一者不退心能證諸法究竟盡故發
菩提心十二者度諸衆生不生厭心
如說修行故發菩提心尔時世尊重

諸善男子等 若有諸衆生 欲修諸白法
成就無垢法 能於怨親中 悲潤心平等
如是諸菩薩 名發菩提心 若有衆生等
已於無量劫 將護惡知識 供養善知識
護持菩提門 起諸大願行 如是諸菩薩
名發菩提心 若有諸衆生 憶念過去世
無量億劫事 堅固如山王 精進心無倦
常行不休息 如是諸菩薩 名發菩提心
若有衆生等 捨離諸惡法 具足悲愍心
安隱心成就 念亦諸衆生 一切善業道
如是諸菩薩 名發菩提心 若有衆生等
見諸勝智者 念於大菩提 無上勝功德
欲於餘乘中 心淨无點穢 如是諸菩薩
名發菩提心 菩薩得淨心 離虛妄分別
觀世間涅槃 平等无差別 雖行化衆生
如見鏡中像 如是發心者 是實菩提心
已離煩惱過 一切諸塵勞 清淨如虚空
不為垢所染 諸相永寂滅 出離言語道
是名滿足修 清淨菩提心 如是諸菩薩
不久坐道場 得大陀羅尼 無上勝辯才
具足三十二 八十相好身 能住一切佛
本性功德中

復次文殊師利菩薩摩訶薩能住如是勝功德中有十二種布施妙行能大利益疾到菩提菩薩應行檀波羅蜜何等十二一者布施能速增長无上菩提功德利故菩薩應行檀波羅蜜二者布施生處富足手中常出无盡寶故菩薩應行檀波羅蜜三者布施隨願得生釋梵天王諸大家故菩薩應行檀波羅蜜四者布施能離一切慳貪心過棄捨諸有不生願樂故菩薩應行檀波羅蜜五者布施能捨世間貪染縛故菩薩應行檀波羅蜜六者布施出餓鬼門離諸惡趣故菩薩應行檀波羅蜜七者布施離諸世間多人共物能得菩提不共物故菩薩應行檀波羅蜜八者布施能稱衆生歡喜心故菩薩應行檀波羅蜜九者布施能捨内外行佛行故菩薩應行檀波羅蜜十者布施於諸一切所愛事中能離縛著垢害心故菩薩應行檀波羅蜜十一者布施行能滿足無上檀波羅蜜故菩薩應行檀波羅蜜十二者布施行能隨如來教所願

成就故菩薩應行檀波羅蜜善男子
是名菩薩摩訶薩十二種修行檀波
羅蜜得大利益迴向阿耨多羅三藐
三菩提今時世尊即以偈頌讚歎檀
波羅蜜重說偈言

欲求無上道 修行諸功德 破於慳貪心
布施取第一 佛子行捨心 見來乞求者
能生歡喜心 一切無怯惜 國城及妻子
乃至天王位 身肉及手足 頭目諸髓腦
清淨无垢眼 施已心歡喜 如是行捨心
名檀波羅蜜 一切諸如來 滿足諸功德
具勝涅槃道 皆由布施故 是故諸佛子
欲求無上道 常當修捨心 行檀波羅蜜
施能得菩提 不住於世間 是故諸菩薩
常當行捨心 施能斷貧窮 富足无淨財
慳嫉妬心盡 清淨佛菩提 布施能滿足
成就十自在 是故諸如來 讚歎行施福
菩薩見是利 為成波羅蜜 是故修捨心
常施一切物

善男子菩薩復有十二種持戒得大
利益菩薩應行尸波羅蜜何等十二
一者持戒能攝一切諸善根故菩薩
應行尸波羅蜜二者持戒入菩薩道

故菩薩應行尸波羅蜜三者持戒解脫一切煩惱縛故菩薩應行尸波羅蜜四者持戒能過一切諸惡道故菩薩應行尸波羅蜜五者持戒能拔惡道苦衆生故菩薩應行尸波羅蜜六者持戒身口意業不為諸佛如來訶故菩薩應行尸波羅蜜七者持戒諸佛如來常讚歎故菩薩應行尸波羅蜜八者持戒能入諸有不放逸故菩薩應行尸波羅蜜九者持戒即施衆生無怖畏故菩薩應行尸波羅蜜十者持戒成就身口意業善故菩薩應行尸波羅蜜十一者持戒能得於諸法中隨順自在故菩薩應行尸波羅蜜十二者持戒成就第一彼岸功德波羅蜜業故菩薩應行尸波羅蜜善男子是名菩薩摩訶薩十二種修行尸波羅蜜得大利益迴向阿耨多羅三藐三菩提今時世尊即以偈頌讚歎尸波羅蜜重說偈言

欲離諸生死 安隱到涅槃 一切如來說
持戒第一戒 如清涼池 能生諸善花
亦如猛熾火 能燒諸惡草 戒善持行者

如鳥飛虛空 不懼墮生死 諸趣惡道中
惡道大毒蛇 無明諸羅刹 見持淨戒者
恭敬捨害心 一切諸如來 安隱住涅槃
斷諸惡趣道 皆由持戒故 是故諸佛子
欲求無上道 堅固諸善本 持戒波羅蜜
菩薩應思惟 善住戒品中 解脫煩惱縛
閉諸惡趣門 若欲持淨戒 應當如犍牛
為護一毛故 守死不惜命 如是護諸業
是名持戒人 如來常讚歎 所求皆成就
能持淨戒者 有如是功德 是故諸菩薩
常當持淨戒 身口意業淨 諸惡皆不行
是能到菩提 一切智現前 持戒不放逸
諸善皆堅固 法中得自在 能淨諸佛戒
菩薩持淨戒 視物無怨親 等心諸群生
見者無怖心 我住於彼處 常修不放逸
是故今得離 一切諸惡趣 到第一彼岸
如實功德地 是故諸菩薩 常當持淨戒
菩薩若欲求 菩提佛功德 持戒如犍牛
常念不放逸 如是諸菩薩 是名為智者
能速到彼岸 住佛果菩提
善男子菩薩如是修行諸法已復有
十三種觀修行羣提波羅蜜得大利
益菩薩應行忍波羅蜜何等十三一

者忍行堪忍諸惱能證一切諸法空
故菩薩應行忍波羅蜜二者忍行不
見有我為他害故菩薩應行忍波羅
蜜三者忍行不見衆生有怨親故菩薩
應行忍波羅蜜四者忍行不見自他
身可損故菩薩應行忍波羅蜜五者
忍行聞毀讚歎心常不動故菩薩應
行忍波羅蜜六者忍行能斷煩惱諸
結使故菩薩應行忍波羅蜜七者忍
行能斷瞋恨諸結使故菩薩應行忍
波羅蜜八者忍行能成三十二相八
十種好故菩薩應行忍波羅蜜九者
忍行能離惡道生梵天故菩薩應行
忍波羅蜜十者忍行能過一切損害
境界故菩薩應行忍波羅蜜十一者
忍行能得盡智無生智故菩薩應行
忍波羅蜜十二者忍行能降一切惡
魔諸境界故菩薩應行忍波羅蜜十
三者忍行能見如來無量功德莊嚴
身故菩薩應行忍波羅蜜善男子是
名菩薩十三種觀修羣提波羅蜜得
大利益迴向阿耨多羅三藐三菩提
今時世尊即以偈頌讚歎忍辱波羅

若欲為衆生作諸歸依處 今生無畏心
忍辱寂第一 能行忍辱者 見者皆歡喜
怨家捨毒心 皆生親友想 一切諸如來
成就平等心 衆生所歸依 皆由行忍故
是故諸佛子 欲求無上道 為物作依止
當堅固忍辱 菩薩若欲住 一切佛菩提
當觀諸法空 衆生不可得 如是行忍行
能具佛功德 是故諸菩薩 常應修忍辱
菩薩若修忍 當遠離二邊 不見自他身
能有損益者 如來大慈悲 讚歎如是觀
是故諸菩薩 常應修忍辱 若欲得盡智
滅諸使煩惱 不怯弱修忍 常無分別心
如是觀諸法 成忍波羅蜜 是故諸菩薩
常應修忍辱 菩薩欲莊嚴 如來相好身
復生梵世界 出離諸魔道 樂行忍辱行
一切皆成就 是故諸菩薩 應堅固忍辱
忍辱力寂上 諸行無過者 一切諸功德
住在忍行中 四魔力難敵 忍力能除滅
是故諸菩薩 常應修忍辱

大薩遮尼闍子所說經卷第一

癸卯歲高麗國大藏部監奏
勅彫造

大薩遮尼乾子所說經卷第二

四

元魏天生三歲菩提留支譯

一乘品第三之二

善男子菩薩復有十二種發勇猛心
修行毗梨耶波羅蜜得大利益菩薩
應行精進波羅蜜何等十二一者精
進能速覺知諸佛法海故菩薩應發
大勇猛心修行精進波羅蜜二者精
進能速往詣諸佛所故菩薩應發大
勇猛心修行精進波羅蜜三者精進
能遍十方供養恭敬一切佛故菩薩
應發大勇猛心修行精進波羅蜜四
者精進所作之業能稱一切諸佛意
故菩薩應發大勇猛心修行精進波
羅蜜五者精進能勤化度一切衆生
不生厭足故菩薩應發大勇猛心修
行精進波羅蜜六者精進能置衆生
諸佛法中趣解脫門故菩薩應發大
勇猛心修行精進波羅蜜七者精進
速能令諸一切衆生離諸愚癡故菩
薩應發大勇猛心修行精進波羅蜜
八者精進速能悉與一切衆生諸佛

智慧故菩薩應發大勇猛心修行精進波羅蜜九者精進速能清淨諸佛國土故菩薩應發大勇猛心修行精進波羅蜜十者精進行能建立盡未來際一切劫數為諸衆生行菩薩行不生疲倦心故菩薩應發大勇猛心修行精進波羅蜜十一者精進行能於一念中遍諸佛國種諸善根故菩薩應發大勇猛心修行精進波羅蜜十二者精進行能遍詣一切諸佛國土成無上道轉大法輪故菩薩應發大勇猛心修行精進波羅蜜善男子是名菩薩十二種發勇猛心修行毗梨耶波羅蜜得大利益迴向阿耨多羅三藐三菩提今時世尊即以偈頌讚歎精進波羅蜜重說偈言

若欲為衆生修行菩薩行速成無上道精進取第一如來無量劫所行諸苦行一切皆能忍不生怯弱故是故諸佛子欲速成佛道常當勤修行精進波羅蜜菩薩行精進能速到勝處過諸百千國供養觀諸佛菩薩求大樂為拔衆生苦修行菩薩道堅固不轉退能為諸衆生

無量百千劫 受苦无懈怠 皆由精進故
願我常精進 清淨佛國土 次願能覺知
一切諸佛法 能遍諸佛國 轉大妙法輪
願諸衆生類 一切皆覺知 悉入大乘中
離餘乘魔界 滿足諸大願 速到無畏地
菩薩精進故 能於一念時 覺大菩提法
開示涅槃門 化作无量身 遍滿十方國
為利益衆生 亦如是勝事

善男子菩薩復有十二種觀行禪波
羅蜜得大利益菩薩應修禪波羅蜜
何等十二一者禪定能滅一切諸煩
惱染菩薩應修禪波羅蜜常无分別
心故二者禪定心住寂靜念不散亂
菩薩應修禪波羅蜜不取諸境界故
三者禪定心無所著能滿諸行菩薩
應修禪波羅蜜能過三界故四者禪
定能出世間不著諸有菩薩應修禪
波羅蜜過世間故五者禪定能觀勝
法心無疲憊菩薩應修禪波羅蜜不
以為足故六者禪定柔軟自在不隨
禪生菩薩應修禪波羅蜜自在轉諸
禪故七者禪定得无相心不見諸物
菩薩應修禪波羅蜜以離諸相故八

者禪定心淨能照無量境界菩薩應
修禪波羅蜜以過有量諸三昧等呵
責過故九者禪定能滅觀心不見能
觀菩薩應修禪波羅蜜以得寂靜心
故十者禪定證柔軟心滅諸覺觀菩
薩應修禪波羅蜜以得調伏心故十
一者禪定心能寂滅一觀諸根不動
菩薩應修禪波羅蜜以得降伏不善
根故十二者禪定心能於諸法中有
大方便菩薩應修禪波羅蜜以能不
捨大菩提心故何以故以諸菩薩住
禪波羅蜜故不起憍慢心住禪波羅
蜜故不起邪見心住禪波羅蜜故不
起憎愛心是故諸菩薩能降一切學
諸禪定聲聞辟支佛外道梵行入禪
三昧者善男子是名菩薩十二種修
行禪波羅蜜得大利益迴向阿耨多
羅三藐三菩提今時世尊即以偈頌
讚歎禪波羅蜜而說偈言

欲修無漏智 出離欲淤泥 滅除諸業障
禪定寂第一 禪定難思議 是諸佛境界
二乘諸凡夫 三昧不能知 大地諸山海
劫火能燒除 若心住禪定 安隱无損害

如來智慧日 無漏摩尼珠 不從餘處生
禪定海中出 是故諸佛子 求佛大智寶
當除散亂心 念禪波羅蜜 諸菩薩禪定
寂滅諸煩惱 是故智者說 勝修餘禪者
深心常寂滅 不樂諸境界 能攝諸亂心
住勝涅槃處 菩薩修禪定 三界無所住
是故不依止 彼非依止處 菩薩禪能過
世間出世間 是故三昧勝 勝世間二乘
菩薩禪柔軟 隨意无罣碍 是故能迴轉
生於欲界中 菩薩所修禪 勝餘一切觀
諸禪非究竟 故佛說勝者 菩薩禪无量
從於勝境生 離諸衆生相 及離諸垢法
是故諸菩薩 所修禪定勝 降修餘禪者
及諸少分禪 菩薩一向觀 清淨諸境界
如是所修禪 從慧方便生 正智為根本
不起邪見心 是故菩薩禪 无有可譏嫌
菩薩入禪定 不住有無中 以觀實境故
能離有无相 如是勝智禪 不同餘境界
羅漢辟支佛 智慧悉迷悶

善男子菩薩復有十二種觀修行般
若波羅蜜得大利益菩薩應修慧波
羅蜜何等十二一者般若遠離諸垢
能發光明菩薩應修慧波羅蜜以能

離諸黑闇法故二者般若若志能覺了

諸闇障尋菩薩應修慧波羅蜜以能
照除煩惱稠林故三者般若若能放一
切智慧光明菩薩應修慧波羅蜜以
離一切諸無智故四者般若如犁耕
地除諸草穢菩薩應修慧波羅蜜以
能拔諸無明根本故五者般若如利
鐵鈎隨意琢斫菩薩應修慧波羅蜜
以能鈎斷諸愛網故六者般若如金
剛杵不為一切諸物所壞菩薩應修
慧波羅蜜以能破碎煩惱山故七者
般若如大日輪離諸雲翳菩薩應修
慧波羅蜜以能乾竭一切煩惱諸淤
泥故八者般若如大火聚燒諸穢草
菩薩應修慧波羅蜜以能焚燒業煩
惱樹故九者般若如摩尼珠能照一
切菩薩應修慧波羅蜜以無闇心不
迷諸法故十者般若能住寂滅究竟
實際菩薩應修慧波羅蜜以無所有
故十一者般若能滅有相心無分別
菩薩應修慧波羅蜜以無相故十二
者般若能成无願心無求樂菩薩應
修慧波羅蜜以過三界故善男子是

名菩薩十二種修行般若波羅蜜得
大利益今時世尊即以偈頌讚歎般
若波羅蜜而說偈言

究竟斷有種安隱入涅槃 諸波羅蜜中
智慧寂第一 譬如世間燈 能破一切闇
亦如高幢火 世間取勝觀 一切諸如來
出離諸有流 降伏四魔衆 智慧為猛將
諸佛子若欲 自利利衆生 常當勤修行
般若波羅蜜 譬如犁耕地 能除諸荒穢
智滅疑愛草 如犁耕淨地 帝釋金剛杵
滅惡阿修羅 智碎煩惱山 能壞亦如是
一切諸如來 說於智慧力 猶如夏中日
亦如世間燈 能竭煩惱海 照除无明闇
以體出世間 無漏火明故 智慧能割截
无明癡闇樹 猶如快利刀 剪除諸細草
智如摩尼珠 平等照世間 如空無分別
不住有涅槃 智慧心自在 決定於一切
能斷諸疑悔 及斷所有問 說世間惡報
及顯涅槃果 普示諸衆生 如闇示明燈
諸佛明月眼 現見諸法相 諸菩薩同彼
无垢智修行 如人夜執燈 去處皆明了
生死黑闇中 慧明能度彼

善男子菩薩復有十二種境界修方

便行得大利益是故菩薩應修方便
波羅蜜何等十二一者方便不離涅
槃清淨境界而現世間垢濁境界故
菩薩應修方便波羅蜜二者方便不
離一處寂靜境界而現世間憤鬧境
界故菩薩應修方便波羅蜜三者方
便不離禪定甚深境界而現世間王
宮境界故菩薩應修方便波羅蜜四
者方便不離清淨無功用境界而現
世間功用境界故菩薩應修方便波
羅蜜五者方便不離無生真實境界
而現世間生此退彼退此生彼諸境
界故菩薩應修方便波羅蜜六者方
便能過一切四魔境界而現世間降
魔境界故菩薩應修方便波羅蜜七
者方便不離一切聖人境界而現世
間凡夫境界故菩薩應修方便波羅
蜜八者方便不離能出世間境界而
住世間諸有境界故菩薩應修方便波
羅蜜九者方便不離一切智慧境界
而現世間无智境界故菩薩應修方
便波羅蜜十者方便不離菩薩實際
境界而現聲聞緣覺境界故菩薩應

修方便波羅蜜十一者方便力能善
知一切諸法無相而能示現三十二
相八十種好教化衆生故菩薩應修
方便波羅蜜十二者方便力能入諸
一切平等境界而能示現諸魔境界
故菩薩應住方便波羅蜜善男子是
名菩薩十二種住方便波羅蜜得大
利益今時世尊即以偈頌讚歎方便
波羅蜜而說偈言

一切諸菩薩 行諸波羅蜜 若無方便者
不能到彼岸 自利亦利他 住世間涅槃
如是無淨染 皆由方便故 一切諸如來
所行諸境界 二乘不思議 斯由方便力
是故諸佛子 欲行如來事 常當勤修行
方便波羅蜜 菩薩常清淨 方便利衆生
實無諸欲垢 亦現行染行 涅槃池中浴
方便現諸有 是名諸菩薩 不住於二邊
身口意常住 第一義寂靜 為利益衆生
方便同世間 如蜂入華林 不專採一華
菩薩方便行 一切諸境界 或現種種相
殊妙莊嚴身 遍諸宮女中 行於放逸行
或現在地獄 救諸苦衆生 雖現如是相
常不捨禪定 不捨諸三昧 而現散亂中

亦現行損害是名方便力 菩薩已能離
一切有為行於諸有無中 亦无分別心
雖現行諸染 不生妄欲火 方便中亦現
分別有為相 菩薩於諸有 不生亦无退
亦現生退事 方便智力故 棄捨魔業處
住佛境界中 智慧不怯弱 示現諸魔事
菩薩大悲力 奮迅方便智 住聖無上處
而現凡夫事 以入諸法相 知諸法體空
常處於涅槃 而不捨世間 諸法自體空
寂靜及无相 為利益衆生 相好莊嚴身
無礙現无智 無瞋現无慈 而能益衆生
是名為方便 菩薩摩訶薩 住彼如是處
是名亦聖人 種種諸方便

復次諸善男子如來應正遍知更有
方便汝等應知何以故諸善男子諸
佛如來有十二種勝妙功德猶如醍
醐於諸味中軍為勝上清淨第一能
淨一切諸佛國土如來於中成阿耨
多羅三藐三菩提何等十二一者示
現劫濁二者示現時濁三者示現衆
生濁四者示現煩惱濁五者示現命
濁六者示現三乘差別濁七者示現
不淨佛國土濁八者示現難化衆生

濁九者亦現說種種煩惱濁十者示
現外道亂濁十一者亦現魔濁十二
者示現魔業濁善男子一切諸佛所
有國土皆是出世功德莊嚴具足清
淨無有諸濁如此過者皆是諸佛方
便力現為利衆生汝等應知今時聖
者文殊師利法王子菩薩白佛言世
尊如來應正遍知說此十二取上功
德清淨佛國如來當於何等國土成
阿耨多羅三藐三菩提佛告文殊師
利一者彼佛國土衆生畢竟能成勝
清淨劫離諸劫濁具足功德如是淨
土如來於中成阿耨多羅三藐三菩
提二者彼佛國土衆生畢竟能成寂
勝妙時諸佛法行不失時節如是淨
土如來於中成阿耨多羅三藐三菩
提三者彼佛國土衆生畢竟能成寂
勝法器受佛正法如是淨土如來於
中成阿耨多羅三藐三菩提四者彼
佛國土衆生畢竟能成淨妙智海清
淨一切諸煩惱垢如是淨土如來於
中成阿耨多羅三藐三菩提五者彼
佛國土衆生畢竟能成柔軟之心其

中常有調伏衆生如是淨土如來於
中成阿耨多羅三藐三菩提六者彼
佛國土衆生畢竟能成寂勝妙乘能
以一乘究竟取於無上涅槃如是淨
土如來於中成阿耨多羅三藐三菩
提七者彼佛國土衆生畢竟能成勝
器世間無有餘相如是淨土如來於
中成阿耨多羅三藐三菩提八者彼
佛國土衆生畢竟能成如來正教無
諸一切外道邪法如是淨土如來於
中成阿耨多羅三藐三菩提九者彼
佛國土衆生畢竟能成直心正心無
有諂曲如是淨土如來於中成阿耨
多羅三藐三菩提十者彼佛國土衆
生畢竟能成无垢功德成就一切清
淨白法如是淨土如來於中成阿耨
多羅三藐三菩提十一者彼佛國土
所有衆生畢竟能成諸聖人法其中
常有勝福田衆如是淨土如來於中
成阿耨多羅三藐三菩提十二者彼
佛國土所有衆生畢竟能成勝妙道
場過去諸佛於中成道如是淨土如
來於中成阿耨多羅三藐三菩提文

殊師利是名十二種寂勝功德能淨
佛土如是淨土如來於中成阿耨多
羅三藐三菩提文殊師利我佛國土
無有聲聞辟支佛等差別之說何以
故諸佛如來離於種種取相過故文
殊師利如來若為一種衆生說於大
乘一種衆生說緣覺乘一種衆生說
聲聞乘如是說者是如來成不清淨
心是如來成不平等心是如來成閹
諍過心是如來成無有平等慈悲之
心是如來成諸相過心是如來成於
諸法中生慳悋心文殊師利我為衆
生說於何等何等之法彼一切法隨
順菩提隨順大乘取一切智畢竟究
竟能到一處謂能到於一切智處文
殊師利是故我土無乘差別
尔時聖者文殊師利法王子菩薩白
佛言世尊若無三乘差別性者何故
如來為諸衆生說三乘法而言此是
聲聞學乘而言此是緣覺學乘而言
此是菩薩學乘佛告文殊師利諸佛
如來說三乘者示地差別非乘差別
諸佛如來說三乘者說法相差別非

乘差別諸佛如來說三乘者說人差別非乘差別諸佛如來說三乘者示少功德知多功德而佛法中無乘差別何以故以法界性無差別故文殊師利諸佛如來說三乘者令諸衆生悉入如來諸佛法門令諸衆生漸入如來大乘法門如學諸伎次第修習文殊師利譬如射師於射智中究竟到射第一彼岸能以種種无量方便教諸弟子如已知見一切究竟文殊師利如來射師亦復如是於諸法中皆悉究竟到於彼岸即以如來一切智智分別而說亦諸衆生三乘差別如世射師教諸弟子文殊師利譬如少火所有災炎漸漸增長能遍世界乃至成於劫燒大火文殊師利如來智火亦復如是即彼一智光明之性次第增長成就如來一切知見大智光明能燒一切諸染煩惱文殊師利譬如諸大須彌山王無分別心衆生到者皆同一色所謂金色文殊師利如來世尊无上大智須彌山王亦復如是於諸衆生無有分別若有衆生入

佛法者彼諸衆生皆成一色所謂一切種智妙色文殊師利譬如因陀羅淨妙清色摩尼寶珠置在一切器世間中彼摩尼寶所有境界彼境界中一切諸色種種諸相摩尼珠力皆同一色所謂青色文殊師利如來世尊無上青色摩尼寶珠亦復如是智慧光明照衆生者皆同一色所謂一切種智之色文殊師利譬如大海无量百千河澗水入入已一切皆同一味所謂鹽味以常住故文殊師利大海水者名為如來一切智慧種種河澗水皆入者名為聲聞緣覺菩薩入已一切同鹽味者名為一乘常住者名無分別一切種智文殊師利依此義故汝應當知无乘差別文殊師利是故佛說地差別者亦諸衆生三乘作業漸次令入說法相差別者亦現衆生如來種智漸次令入說少功德知多功德者亦諸衆生三人差別亦現如來奮迅方便無碍辯才文殊師利諸佛如來說三乘者依世諦說文殊師利諸佛如來說一乘者依第一義

說第一義者唯是一乘更無第二故
文殊師利我佛國土所有外道僧佉
毗世師遮梨迦尼乾子等皆是諸佛
如來方便皆是如來神力住持世間
能見何以故以諸如來善除一切諸
惡對故文殊師利諸佛如來名為善
逝有怨對者無有是處文殊師利譬
如世間轉輪聖王成就少分善根切
德斷絕善根非究竟法具足一切貪
瞋癡等諸結煩惱不離三有不離一
切諸使煩惱不離一切垢染煩惱彼
轉輪王畢竟無有一切怨對畢竟无
有一切敵對何以故文殊師利以轉
輪王无怨對故文殊師利何況如來
成就一切切德智慧得不斷絕大慈
悲心行於無漏虛空法界滿足七覺
諸善功德畢竟成就不忘失法能轉
無上大妙法輪畢竟成就无上菩提
而有棘刺諸魔然刺外道敵對無有
是處文殊師利我佛國土所有僧佉
毗世師遮梨迦尼乾子等皆是如來
住持力故方便示現文殊師利此諸
外道善男子等雖行種種諸異學相

皆同佛法一橋梁度更無餘濟故文殊師利一切禽獸無有能於師子王前立出聲者文殊師利如來師子大丈夫王具足十力四無所畏一切外道凡軋子等无一敢於如來境中與佛世尊諍法是非作師子吼者無有是處除諸如來方便力者文殊師利譬如日輪出能放大光明羅網一切諸虫螢火光明皆悉休息一切摩尼諸火光明亦不能現文殊師利如來出世放大智慧日輪光明一切外道凡軋子虫螢火智慧諸光明等皆悉閉塞不能顯現文殊師利譬如鐵王名阿塞件隨彼所在處一切凡鐵皆不敢住何以故以獨相故不共凡鐵同在一處文殊師利如來鐵王亦復如是隨何國土出世之處一切凡鐵諸外道等皆不得生何以故以佛如來獨相出世故文殊師利如何何等何等處所有如意寶摩尼王出彼處不生偽琉璃珠文殊師利如來如意大智寶王隨何國土出現於世彼處一切諸外道等皆不得生文殊師利譬

如何等寶性中出閻浮檀金彼處不出諸銅鐵等文殊師利如來寶性亦復如是隨何國土出現於世彼處不生諸外道等文殊師利依此義故汝應當知隨何國土如來出世彼處不生諸外道等何以故文殊師利我佛國土有諸外道是軋子等皆是如來住持力故為欲示現不可思議方便境界何以故此諸一切諸外道等皆是住於不可思議解脫門故皆是大智究竟般若波羅蜜門故一切皆得大方便力奮迅自在故一切皆得不捨佛法僧等念故一切皆到第一彼岸以大神力教化衆生故一切皆得如來加力教化衆生故說此一乘門時八十天子依聲聞行聞一乘已發阿耨多羅三藐三菩提心五百比丘得住一乘平等大智燈明三昧千二百萬菩薩得無生忍此三千大千世界六種震動諸天在於虛空界中悉皆雨天優鉢羅華鉢頭摩華拘牟頭華分陀利華雨天栴檀諸末香等一切盈滿如來足下无量百千諸天子等

住虛空中作諸百千種種伎樂俱出
妙聲供養如來雨天衣雨華諸天鼓
而作是言我於世間未曾聞此希有
上妙寂勝法門復白佛言世尊願此
法門究竟住於閻浮提中作大饒益
一切衆生八千比丘各各脫身所
著上衣奉獻如來尔時世尊而說
偈言

文殊汝當知 諸佛勝方便 我出有法時
方便亦時濁 一切時有法 畢竟常清淨
隨衆生受法 故現衆生濁 諸佛勝智人
出於妙劫中 國土常清淨 是故說无濁
我於無量劫 具足修苦行 清淨諸業障
得勝智功德 能於无量劫 壽命常无盡
除佛方便力 是故無命濁 衆生起常想
故我亦无常 以無數劫命 示行短壽相
如來勝功德 无量劫所修 薄福怯衆生
聞生驚怖心 為此衆生故 分別差別說
究竟皆成佛 更無有餘衆 我為化衆生
分別說餘道 漸化令入一 故無三差別
譬如善射師 快能知刀箭 為教諸弟子
一藝種種說 如來亦如是 為成就衆生
而於一法中 種種差別說 我於諸衆生

無有差別心 以器不同故 所說有分別
若无平等心 人說我慳嫉 自取取上乘
與衆生下法 上因陀羅寶 隨處青光色
普照物皆同 而實无分別 佛无上智寶
光明照世間 同一菩提色 離諸分別心
譬如微少火 增長成大明 諸羅漢少智
增長成佛慧 一切諸衆生 往詣須弥處
依須弥光力 一切同一色 如是諸衆生
住佛須弥法 如來法力故 同一佛色身
譬如蜜蜂嘯 集諸種種物 置在一器中
和合成一味 佛說三亦尔 為熟衆生根
說諸種種法 成佛菩提味 譬如轉輪王
出無怨敵對 我法王出時 亦无外道刺
譬如日輪出 餘光皆閉塞 佛日輪出已
外道自除滅 隨生鐵王處 不生餘凡鐵
隨佛所生處 不生諸外道 隨生妙金處
不生餘銅鐵 隨佛成道處 自然無外道
譬如摩尼寶 不共穢雜住 是故出生處
無偽琉璃珠 如來摩尼珠 出處亦如是
不雜諸外道 同時一國土 外道大神通
皆自在菩薩 汝當知方便 亦現如是相
一切諸菩薩 聞諸外道等 具足方便力
皆發歡喜心 各各生尊重 奉獻恭敬意

散花供養佛 種種妙香薰 於彼說法時
大地六種動 虛空出聲言 希有未曾聞
無量諸天子 空中合掌讚 同聲言善哉
善哉修伽陀

大薩遮尼釵子所說經詣嚴熾王品第四

尔時南方國大薩遮尼釵子與八十
八千萬尼釵子俱遊行諸國教化衆
生次第到於鬱闍延城復有無量百
千諸衆或歌或舞吹脣唱嘯作百千
万種種伎樂前後侍從大薩遮尼釵
子詣鬱闍延城尔時國主嚴熾大王
聞大薩遮尼釵子衆從南大國與无
量衆詣鬱闍延聞如是已即生尊重
大薩遮尼釵子心生尊重心已為欲
迎大薩遮尼釵子以大王力王神通
力王奮迅力與諸大目及諸王子受
學師長合家眷屬國大長者諸小城
邑聚落土主爲馬車步四部大衆前
後導從恭敬圍遶推鍾鳴鼓作百千
種無量伎樂打百千種諸妙聲鼓吹
百千種諸妙聲疊建百千万種種雜
色繒蓋幢幡散百千万種種妙華優
波羅華鈴頭摩華拘牟頭華分陀利

華阿輸迦華薄拘羅華鞞羅迦華阿
提目多加華遍布道路金瓶銀瓶盛
百千種諸雜妙花以百千種諸寶香
爐燒無價香置前而行詣薩遮尼軻
子處時大薩遮尼軻子遙見嚴熾王
與大眾來薩遮尼軻子見已下道在
一樹下敷座而坐時嚴熾王遙見薩
遮尼軻子下坐即下爲舉步詣薩遮尼
軻子所坐摩尼寶百千巧妙无價莊
嚴如意寶牀時大薩遮尼軻子問計
於王作如是言善來大王王今善種
無上寂勝希有功德福多不少何以
故以王能降天尊貴重自在之心屈
意卑下來詣沙門問訊起居大王於
汝所治國內無諸盜賊亡命羣黨亂
人民不無有諸官殘暴侵食諸人民
不無諸異業奸偽僞詐欺誑世間諸
人民不无諸反叛燒亂國土諸人民
不無諸偷劫相竊盜不所在邊國諸
官禁司无欺大王不行王命不大王
汝所治化國內所有沙門修淨行人
安樂住不衣服飲食房舍卧具疾病
湯藥資生所須一切之物不乏不少

不汝國人民皆得善心尊重供養諸沙門衆淨行人不大王汝今所治國內無諸屠獵羅網河岳焚燒山澤放鷹走狗鈎刺魚鼈彈射禽獸作諸坑陷毒箭機撥行煞害不大王汝今一國之主制命自在教令善惡無敢違者汝登王位所設教令無不善不國內人民所行善惡汝悉知不能行善者汝勸進不行不善者汝勸捨不大王汝身不起惡念加害一切二足四足多足無足諸衆生不何以故大王當知一切衆生有識之類寶重身命無不畏死至於業對百年壽終莫問老少無一引分言應去者何以故愛命重故何況加害而不生惱命終之後更相怨嫉與怨相報无有窮已是故大王汝當遠離煞生之罪捨離刀杖無起害心大王汝今應當遠離偷盜之罪捨自資生當生知足於他資生無起欲心大王汝今應當遠離邪婬之罪自妻知足他妻无求無起邪心大王汝今應當遠離妄語之罪常作實語出言成法無發虛言大王汝

今應當遠離兩舌之罪無破壞語於已
破者當念和合無起壞心大王汝今
應當遠離惡口之罪常作愛語柔軟
妙語无起麤語大王汝今應當遠離
綺語之罪常決定語憶念語無不正
語大王汝今應當遠離貪欲之罪於
他受用無希望心於他所護无生奪
心生歡喜心大王汝今應當遠離瞋
恚之罪常生慈心清淨心業無起恨
心大王汝今應當遠離邪見之罪見
自業果隨順聖人而生正見無起異
見何以故煞生之罪能令衆生墮於
地獄畜生餓鬼若生人中得二種果
報一者短命二者多病偷盜之罪亦
令衆生墮於地獄畜生餓鬼若生人
中得二種果報一者貧窮二者共財
不得自在邪淫之罪亦令衆生墮於
地獄畜生餓鬼若生人中得二種果
報一者婦不受語二者自妻為他侵
奪妄語之罪亦令衆生墮於地獄畜
生餓鬼若生人中得二種果報一者
常為他人所謗二者常為他人所誑
兩舌之罪亦令衆生墮於地獄畜生

餓鬼若生人中得二種果報一者得破壞眷屬二者得弊惡眷屬惡口之罪亦令衆生墮於地獄畜生餓鬼若生人中得二種果報一者不聞善名二者常起鬭諍綺語之罪亦令衆生墮於地獄畜生餓鬼若生人中得二種果報一者得不敬重語二者言無定實不為他樂貪欲之罪亦令衆生墮於地獄畜生餓鬼若生人中得二種果報一者不知足二者常生貪心瞋恚之罪亦令衆生墮於地獄畜生餓鬼若生人中得二種果報一者无安隱心二者常念損害無有慈心邪見之罪亦令衆生墮於地獄畜生餓鬼若生人中得二種果報一者常生邪見家二者心常詬曲大王當知如是無量无边苦聚皆由十不善業集因緣故是故大王汝莫放逸輕作惡業當觀諸法有為無常一切世間无可保者人命無常住少時間勿生常想大王當觀劫初已來天尊王位土地人民皆就無常无一在者當知此身甚為危脆如焰如響如影如電如水

中月如鏡中像如水聚沫如水上泡
如芭蕉實如珠石火如夢所見如山
谷中瀑水卒起遍滿溝澗須臾過盡
還就枯竭大王當知身命非實元常
亦尔俄尔零落就未来世不可免脫
是故大王莫恃現在當畏未来大王
當知善惡果報共相追逐如聲發響
如影隨形無能免者亦如連鎖不可
斷絕莫輕作業自招重苦尔時大薩
遮尼乳子重說偈言

大王汝今當 莫作放逸行 若不捨諸惡
死必入地獄 以作惡行者 定入泥犁故
攝心不放逸 生天帝釋處 一切諸衆生
無不愛壽命 王若求長生 不應行煞害
大王知世人 辛苦集財寶 常憂不活命
不應起侵奪 以不侵奪故 生處常富足
若故侵損他 常生貧窮家 節已莫婬他
自妻生足心 是故妻愛已 不為他人侵
莫說虛妄言 常念依實語 實語生帝釋
妄語生餓鬼 常念離兩舌 和合破壞人
眷屬常離殃 遇此生梵天 出言莫虛鑛
說令他樂聞 善語生天上 常聞美妙音
念離諸綺語 善思美妙言 報生天帝釋

諸天欽受教 若欲自利益 莫令侵惱他
生貪來世報 錢財資五家 若不修慈悲
能行瞋害心 雖行諸善行 死入於泥犁
大王汝今當 應捨瞋恚癡 常慈念衆生
莫行諸惡害 王當捨邪見 堅固正見心
常持清淨法 天中受樂身 比丘修梵行
汝當常供養 是故捨惡道 受樂於天上
尔時大薩遮尼乾子問訊王已為嚴
熾王說不放逸十善業道相應法已
默然而住

大薩遮尼乾子所說經卷第二

癸卯歲高麗國大藏都監奉
勅彫造

大薩遮尼釁子所說經卷第三

四

元魏天生三藏菩提留支譯

王論品第五之一

尔時國主嚴熾王聞大薩遮尼釁子
所說正法歡喜信受即時問訊大薩
遮尼釁子言大師仁慈而能遠涉遊
化衆生道路多難不審大師四大調
和氣力安不衆生易化不諸弟子衆
如說行不幸蒙大師不耻我國今得
奉見聞說正法我心歡喜如見慈母
如飢得食如渴得水如裸得衣如貧
得寶如熱得涼如寒得火如盲得視
如聾得聽如囚得赦如賤得貴如迷
得返如學逢師我心歡喜亦復如是
復作是言大師當知我從向來心自
思念正法難聞良師難遇人身難得
諸根難具正見難生信心難發合會
難俱自在難逢太平難值如是諸難
我皆免離今遇大師如入大海欲採
珍寶得大寶渚我有所疑志欲請問
惟願大師賜決所疑

持大薩遮尼釁子告嚴熾王言隨王

所疑今恁可問我當為王分別解說
除決所疑令王開解令時嚴熾王見
大薩遮尼輒子聽許問已心生歡喜
而發問言大師何等生法何等住持
於何法上而有此名薩遮尼輒子言
大王當知所言生者謂諸衆生言住
持者謂器世間言衆生者謂五取陰
聚名為衆生以何等法名五取陰謂
色取陰聚受取陰聚想取陰聚行取
陰聚識取陰聚大王當知依此五法
說名衆生說器世間說衆生者謂攝
四生外生胎生濕生化生說器世間
者謂攝虛空地水火風王言大師誰
能護此一切衆生誰能護持此器世
間答言大王皆是衆生自業果報及
王國主力能護持王復問言大師云
何自業果報能護衆生答言大王有
諸衆生自業增上果報力故而生勝
處而彼衆生於一切物無恠護心不
生彼我自他之心一切所須資生之
物不加功力隨念具足盡其命住安
隱使樂離塵病苦寒熱飢渴種種痛
惱亦無惡心迭相加害亦无欺誑虛

妄之心聚落城邑七寶莊嚴常行勝樂妙觸境界滿足千歲壽盡捨身而生天上善道受樂如此所謂北鬱單越業護衆生大王當知復有衆生依於自業果報力故生勝妙處身有光明飛騰虛空處憚悅樂以為美食不入胎生壽命無量住世長遠如此所謂劫初衆生大王當知復有衆生依自業報過去功德勝因力故生世間中而知敬心尊重父母及家尊長并諸沙門淨行人等以為福田常行善行作所應作畏於惡行常受善持五戒八戒而作布施集諸福德此謂劫初第二時中善根衆生大王當知今時衆生善根滿足不起諸惡是故世間未立王法如是名為自業果報能護衆生

王言大師如是業護我已知竟云何名為國主王力能護衆生答言大王諸王衆生是衆生主而彼主力能護衆生王言大師彼諸王等何故名王答言大王王者民之父母以能依法攝護衆生今安樂故名之為王大王

當知王之養民當如赤子推軋去濕
不待其言何以故大王當知王者得
立以民為國民心不安國將危矣是
故王者常當憂民如念赤子不離於
心當知國內人民苦樂以時安行知
水知旱知風知雨知熟不熟知豐知
儉知有知無知憂知喜知老知少知
病不病知諸獄訟知有罪知無罪知
輕知重於諸王子大目諸官知有功
者知无功者如是知者名不離心大
王當知王於國內如是知已以力將
護所應與者及時給與所應取者念
當籌量役使知時不奪民利禁肅貪
暴民得安樂是名攝護名之為王
大王當知王有四種一者轉輪王二
者少分王三者次少分王四者邊地
王轉輪王者有一種轉輪王謂灌頂
刹利統四邊畔獨尊取勝護法法王
彼轉輪王七寶具足何等七寶一者
夫人寶二者摩尼寶三者輪寶四者
為寶五者馬寶六者大目寶七者主
藏寶彼轉輪王如是七寶具足成就
遍行大地無有敵對无有怨刺無有

諸惱無諸刀仗依於正法平等无偏
安慰降伏王言大師云何名為轉輪
聖王統四邊畔答言大王以王四天
下得自在故王言大師云何名為獨
尊軍勝答言大王所出教令無違逆
故王言大師云何護法答言大王修
十善法不令邪法殺生等壞名為護
法王言大師云何護法答言大王轉
輪聖王以十善道化四天下志令受
持離十惡業行十善道具足成就名
為法王王言大師彼轉輪王依何因
得第一夫人寶云何成就答言大王
轉輪聖王依離瞋心不善業故得夫
人寶與已相對受軍勝樂名為成就
云何名為受軍勝樂大王當知彼轉
輪王夫人身中常出無價栴檀妙香
口中常出優鉢羅華無價之香身體
柔軟如迦陵伽鳥迦陵伽鳥在大海
渚彼諸衆生若有觸彼迦陵伽鳥者
即得遠離身諸疲勞亦離飢渴并諸
憂惱受軍第一無極快樂轉輪聖王
見彼夫人所受快樂亦復如是大王
當知彼夫人身寒時能暖熱時能涼世

間無人手能觸彼夫人身者何以故
以離貪心不善業道依善根因故一
切衆生觀察敬重如母如女如姊妹
故而彼夫人於轉輪王生三種心何
等為三一者心常尊奉於王不生異
心二者心常恭敬於王三者心常念
轉輪王何以故以王能離貪心垢故
復次大王轉輪聖王夫人寶者離於
女人五種惡法何等為五一者離於
女人無志輕躁之心二者離貪餘男
子心三者離於怪嫉妬心四者離於
非處起貪顛倒之心五者轉輪聖王
命盡彼亦俱盡復次大王彼夫人寶
有五種功德何等為五一者知念不
違王心二者能生千子具足三者自
然姓尊豪貴四者能令住處具足一
切資生五者若王與諸女人受欲樂
時不起嫉妬瞋恨惡心復次大王彼
轉輪王夫人成就三種功德何等為
三一者離惡口二者離邪見三者若
王餘行不在五欲境界不能動心大
王當知轉輪聖王夫人捨身生於天
上何以故以離貪嫉故如是名為轉

輪聖王夫人功德令王受於寂勝
上樂

王言大師轉輪聖王依何因得彼摩
尼寶答言大王轉輪聖王依離瞋心
不善業故得彼第二摩尼珠寶得受
寂勝光明資生無上樂故云何寂勝
大王當知轉輪聖王摩尼珠寶有八
種功德何等為八第一功德者彼摩
尼寶於夜黑闇放大光明如秋滿月
光明能照一百由旬至於夏日衆生
患熱以摩尼寶放光觸身得清涼故
第二功德者轉輪聖王若行曠野无
水之處衆生飢渴時摩尼寶即放八
味具功德水充足飢渴第三功德者
轉輪聖王有所須者一切皆從摩尼
寶出第四功德者彼摩尼寶有八楞
相一一楞中出種種光謂青黃赤白
頗梨紅紫第五功德者彼摩尼寶在
所能令一百由旬所有衆生皆離病
苦常得定心所作善業無空過者第
六功德者彼摩尼寶所住境界无諸
惡龍能放毒氣雹風惡雨傷害衆生
第七功德者一切山川溪谷溝澗泉

水乳竭恣令還復樹林草木華果枯
悴能令滋茂鉉頭摩等池水華林一
切具足第八功德者彼摩尼寶所在
之處人民無有疾疫諸毒非時死者
至於畜生虎狼師子蛇鼠猫狸鷹鷄
之類相食取者不起害心復次大王
轉輪聖王千子滿足身體洪壯勇猛
雄傑降伏世間隨順王命能護大法
隨順法行心能慈愍一切衆生是名
轉輪聖王摩尼寶用令王得受最上
勝樂

王言大師轉輪聖王依何因得第三
輪寶答言大王轉輪聖王依離瞋心
不善業故得彼輪寶所住之處自然
降伏得大勝樂王言大師云何名為
得大勝樂大王當知轉輪聖王所有
輪寶具足能有五種功德何等為五
一功德者彼輪寶體純閻浮檀金具
足千輻廣五由旬顯現世間如第二
日輪二功德者彼輪寶去飛騰虛空
無能障碍一日能行八千由旬三功
德者隨順轉輪王心中念欲詣四天
王行四天下南閻浮提西拘耶尼北

鬱單越東弗波提時彼輪寶隨王念
處即飛虛空在前而去依彼輪力四
兵爲馬及車步等一切悉皆飛騰而
去四功德者所有不伏轉輪王者王
若心念而彼輪寶隨所念處即飛而
去悉令降伏五功德者彼輪寶勢无
有敵對一切小王見者降伏以轉輪
王依法修行離瞋心故是名轉輪聖
王輪寶之用令王受於寂勝大樂
王言大師轉輪聖王依何因得第四
爲寶答言大王轉輪聖王依離瞋心
不善業故得於爲寶受於第一軍勝
乘樂王言大師云何名為寂勝乘樂
大王當知彼大爲寶猶如良馬調伏
柔軟隨自在用降伏他國七支善住
所謂四足首及陰尾是七種支善住
大力力能堪敵凡爲千數白如凝雪
譬如帝釋伊羅鉢羅爲一切凡爲無
能現前來嗅香者大王彼爲能於三
處有自在用所謂虛空水中陸地大
王彼爲能速疾行一日三匝行閻浮
提大王當知彼轉輪王乘爲王者彼
時爲王與王心同隨王念處即從而

去行步平正猶如鵝王不疾不遲不曲不戾凡人中行不令驚怖乃至女人有摩觸者心不瞋嫉至鬪戰時極能現大兇害之相不可侵近行住坐卧眠食拘繫一絲能掣牽挽去住隨順無違是名轉輪聖王爲寶之用令王受於寂勝乘樂

王言大師轉輪聖王依何因得第五馬寶答言大王轉輪聖王依離瞋心不善業故得彼馬寶受寂近疾第一乘樂王言大師云何近疾大王當知彼馬寶者色白如彼拘牟頭華天旋輪文遍滿身相不大不小不高不下身體正足心性柔軟善能調伏如帝釋王婆羅何馬隨意去住一日三遍行間浮提無疲勞想大王當知如是名為轉輪聖王爲寶之用令王受於第一近疾上勝乘樂

王言大師轉輪聖王依何因得第六大目寶答言大王轉輪聖王依離瞋心得大目寶令王閑遊得受第一無事勝樂王言大師云何無事第一勝樂大王當知彼大目者代王理政一

如王心憂國忘身不營私務念護百姓如養雙目隨王所念如念即辦不尋不著修行正道離於非法隨時隨處不行惱害正依王命行十善法不違善行不違如法不違如法義皆能具足大王當知如是名為轉輪聖王大臣實用令王得受第一勝樂

王言大師轉輪聖王依何因得第七主藏寶答言大王轉輪聖王依離瞋心不善業故得主藏寶滿王願心安隱受樂王言大師云何滿足安隱受樂大王當知彼主藏寶有大功德一切諸山深澗幽谷曠野川澤丘陵堆埤坑坎高下不平之處能以金剛寶因陀羅寶摩羅迦多寶馬瑙寶等一切珍寶以用填滿而寶不盡何況金銀琉璃頗梨不在數者彼主藏寶心常歡喜無諂曲相无異心相不生他惱一切見者心皆歡喜大王當知如是名為轉輪聖王主藏寶實用令王滿足一切願樂大王當知轉輪聖王具足如是七寶用故王四天下及諸龍王二種人王謂四天下三十三天共

天帝釋分座而坐以依離一瞋恨惡心不善業道得如是等七寶具足受用勝樂何況具足行十善道

大王當知轉輪聖王復有七種名為軟寶所有功德少前七寶何等為七一者劔寶二者皮寶三者牀寶四者園寶五者屋舍寶六者衣寶七者足所用寶王言大師云何轉輪聖王第一劔寶有何等用大王當知彼劔寶者轉輪聖王所王國內若有心念違王命者時彼劔寶即從虛空飛往詣彼彼諸小王見即降伏拜問劔寶而彼劔寶不起煞心害一衆生是名轉輪聖王劔寶功德一切國土不加刀仗自然隨順大師云何轉輪聖王第二皮寶大王當知彼轉輪王所有皮寶者海龍王皮出大海中大海商主所持奉獻轉輪聖王彼皮寶身廣五由旬長十由旬體淨鮮潔光曜白日火燒不焦水漬不爛猛風摧岳吹不能動體含溫涼能却寒熱隨王去處皮寶亦去而彼皮寶隨轉輪王所有土衆滿十由旬遍覆其上能作屋舍

充足一切人衆所居而彼人衆各得別屋不相防碍是名皮寶功德之用大師云何轉輪聖王第三牀寶大王當知彼轉輪王所有牀寶立能平正安隱不動不高不下不廣不狹不長不短不埤不垤不堅不軟不澁不滑柔軟得所若王入禪坐彼牀寶即入解脫禪定三昧若王欲起貪瞋癡心坐彼牀寶即時俱滅女人見王坐寶牀者即皆得離貪瞋癡心是名牀寶功德之用大師云何轉輪聖王第四園寶大王當知彼轉輪王若欲入於禪定之時入彼園中即得定心若王欲受五欲樂時入彼園中依王所行善業功德諸天界中所有可樂華果諸鳥泉水流水池水河水妓樂歌舞戲樂之具於彼天中自然隱沒現於王前時轉輪王亦如諸天受諸欲樂是名園寶功德之用大師云何轉輪聖王第五舍寶大王當知彼轉輪王若入彼屋欲見日月彼諸星宿即彼屋內一切悉見彼天宮殿所有種種殊異珍翫悉見无碍彼諸天中所作

妓樂屋中恚聞即離憂惱一切疲勞
於睡眠中極受快樂於其睡中夢見
種種希妙瑞相寒時暖風柔軟香美
熱時涼風清冷適悅受快觸樂夜二
分眠第三分起遠離睡眠起受法樂
第四分中說法教化是名含寶功德
之用大師云何轉輪聖王第六衣寶
大王當知彼轉輪王所有衣寶元如
世間綃布絲縷縱橫文章第一柔軟
一切塵垢不能點汙著彼寶衣即離
寒熱飢渴病瘦憂惱疲極大王當知
而彼衣寶火不能燒刀不能割水不
能爛是名衣寶功德之用大師云何
轉輪聖王足所用寶大王當知轉輪
聖王足所用寶者所謂鞞等若王者
者涉水不沒如行陸地入火不燒如
清涼池王欲遊行步受戲樂雖復遠
行百千由旬不覺疲極是名足寶功
德之用大王是名轉輪聖王七種軟
寶是十善中少分習氣功德果報非
正具足十善業道

王言大師云何名為遍行大地無有
敵對云何名為無有諸刺云何名為

無有諸惱云何名為無有刀仗云何
名為依於正法云何平等云何名為
安慰降伏答言大王通行大地無敵
對者以遍大地得自在故無諸刺者
以无惡對怨敵刺故無諸惱者不以
強力威逼人故无刀杖者離於刀仗
不行損害故依正法者以離非法貪
瞋癡使行於正法化愚闇故平等者
等慈衆生如念一子不偏護故安慰
降伏者餘王衆生各各住處不移不
奪安隱住故何以故大王當知轉輪
聖王王四天下彼時彼處所有城邑
有諸小王彼諸小王迎轉輪王而作
是言大王當知此諸大地如是安隱
如是滿足如是大豐如是大樂如是
無病衣服飲食自然而得无諸苦惱
多諸衆生人民爲馬一切滿足皆是
大天聖王所有隨王受用我等隨順
大王教命無敢違逆時轉輪王告諸
王言汝諸王等各安汝國我来爲汝
不爲國土汝等當依正法行化莫依
邪法依平等心莫依偏心汝等國內
若邪法起速除滅者是順我命名受

汝國若不除滅我當與汝極大重罪
大王當知如是名為轉輪聖王護諸
衆生諸小王者謂少分王次少分王
邊地王彼二種王隨順轉輪聖王教
令大王當知如是名為大地國主王
化衆生王言大師諸餘小王依何等
法治國養民得為如法答言大王諸
小王等依王論法以道治國護諸衆
生除轉輪王何以故轉輪聖王出在
世時彼時衆生離諸不善惡貪法心
離顛倒貪心離邪見心彼彼諸國無
有非法屠獵師等何以故依法王法
明識罪福心不迷悶不疑於法動則
合理不生過非故大王當知如是名
為轉輪聖王依自業力功德護持於
彼世時諸小王論一切不行

大薩遮星乳子所說經卷第三

癸卯歲高麗國大藏都監奉
勅彫造

大薩遮尼乾子所說經卷第四

四

元魏天生三藏菩提留支譯

王論品第五之二

王言大師於何時中諸小王等行王
論法答言大王於末世時轉輪聖王
隱沒不現正法不行邪法竟興衆生
心惡起三種過一者樂於非法貪心
二者起於顛倒貪心三者邪法羅網
纏心彼諸小王自無智慧退失明解
是故聖人說諸小王治國論法為行
正法護世衆生王言大師云何名為
樂於非法貪心答言大王於十不善
惡業道中生於樂心是名樂於非法
貪心云何名為顛倒貪心自己手力
得諸資生依時節得依正法得依如
法得不生足心更求他財如是名為
顛倒貪心王言大師云何名為邪法
羅網之所纏心答言大王於諸外道
非義論中起義論想於無益論生利
益想於非法中生是法想於末世時
非是智者所作論中以為正論生於
信心熏修邪見以為福德是名邪法

羅網纏心王言大師以何等法名為
王論令諸小王依彼論法治國理民
是名如法能護衆生答言大王離諸
顛倒貪欲之心離諸顛倒瞋恚之心
離諸顛倒愚癡之心依對治依實體
依差別依利益依對治依實體者對
所治法所謂名為不貪善根不瞋善
根不癡善根云何能起所治法能治
法所治法者謂放逸心及無慈心能
治法者謂行法行王不放逸心大慈
悲心知身無常資生无常善自觀身
見諸過失能如實知如是速離受用
資生行法行王雖得自在不行非法
如是名為不放逸心大王當知依王
論法不應得物得不應取所應得者
非時不敢取若依時節應得之物於
貧窮人不逼惱取至於儉難賊難逐
逆難相害難如此難時當起慈心不
避危害護諸衆生於貧窮者施與衣
食於惡行者教以善法是名慈心大
王當知依此二法是則名為行法行
王正護衆生不放逸心大慈悲心
王言大師行法行王有慈悲心云何

而能治彼惡行諸衆生等答言大王
彼法行王若欲治彼惡行衆生先起
慈心智慧觀察思惟五法然後當治
何等為五一者依實非不實二者依
時非不時三者依義非無義四者依
柔軟語非麤獷語五者依慈心非瞋
心王言大師云何依實非不實慈言
大王如法詰問取其自言依實過治
不依不實是名依實非不實王言大
師云何依時非不時答言大王王有
力時彼違王命應治其罪若王无力
應止不治是名依時非不時王言大
師云何依義非無義答言大王當問
前人何心起罪若從惡心應如法治
若非惡心不應治罪是名依義非无
義王言大師云何柔軟非麤獷語答
言大王知此衆生所犯王法但應呵
責不合餘治應如其過正說不隱善
說若言如是呵責非不呵責是名軟
語非麤獷語王言大師云何慈心非
瞋心答言大王智者知此非但呵責
斷此罪過除却斷命不得割截手脚
眼耳鼻舌依於大慈大悲之心聽繫

閉牢獄枷鎖打縛種種呵責奪取資
生駭擯他方為令改悔非常惡心捨
此衆生是名慈心非瞋心王言大師
行法行王去何如是苦他衆生繫閉
打縛駭擯他方而復說言有慈悲心
二法相違云何名為行法行王今時
大薩遮屈乳子告言大王如此之義
我今為汝說於譬喻大王當知譬如
父母於惡行子為念子故欲令改悔
方便苦治除不斷命不壞諸根餘打
罵等隨心苦治不名捨心不名惡心
不名惱心以念子重為令改悔更不
作故而彼父母不名非法名為念子
不失慈心大王當知行法行王治諸
一切惡行衆生亦復如是慈心重故
為令改悔除却斷命不壞諸根生大
慈心起大悲心繫閉打縛惡口呵罵
奪其資生駭擯他方為令改悔捨惡
從善亦令其餘念惡衆生不作非法
非常惡心捨此衆生亦不故心為惱
衆生而行苦切如是名為行法行王
以慈悲心行惡口等治罪衆生不名
非法不失慈心是故二行名雖有返

而不相違

王言大師何等是惡行衆生答言八
王惡行衆生略說有五如是應知何
等為五一者於王無利益衆生二者
迭共作無利益衆生三者起逆衆生
四者邪行衆生五者邪命衆生大王
當知於王无利益衆生有十一種何
等為十一一者返逆衆生二者教他
返衆生三者與王毒藥衆生四者奪
王資生衆生五者破王所應作事衆
生六者侵奪王妻宮女衆生七者違
王命衆生八者出王密語衆生九者
覘伺國土衆生十者罵王衆生十一
者毀訾王衆生如是等大王當知是
名於王无利益衆生
大王當知迭共作無利益衆生者有
十種何等為十一者迭共相煞衆生
二者迭相劫奪衆生三者迭相侵婁
衆生四者虛妄證他衆生五者虛妄
誑他衆生六者壞他親友衆生七者
惡口罵他衆生八者惡業斗秤欺誑
損他衆生九者迭相毀訾衆生十者
迭相焚燒衆生大王當知如是等名

迭共作無利益衆生

大王當知返逆衆生者謂諸邊地城邑小王聚落主等不臣根本大王教命如是名為返逆衆生

大王當知邪行衆生者謂无戒衆生何等無戒所謂具足諸惡律儀屠兒獵師畜養猪羊鷄犬鵝鴨猫狸鷹鷄釣射魚鼈造諸羅網火坑毒箭劫奪虫獸斷害他命自恣作惡如是名為邪行衆生

大王當知邪命衆生者所謂出家剃除鬚髮斷諸資生修無著行著諸種種異相衣服不護禁戒起種種見行諸異行種種方便求諸利養非法活命各各不能自法中住如是名為邪命衆生

王言大師行法行王云何治彼五種衆生答言大王行法行王治彼罪人不斷其命不行割截眼耳鼻舌手足身根有三種治法何等三法一者呵責以為治罪二者奪其所有資生以為治罪三者牢獄繫閉枷鎖打縛呵罵毆擯以為治罪隨彼五種作惡衆

生上中下罪三種法治是名行法行

王治彼五種作惡衆生

王言大師行法行王云何治彼於王作無利益衆生答言大王如是罪人除不斷命不壞諸根得繫閉牢獄枷鎖打縛奪其資生駢擯他處以為治罪大王當知如是名為行法行王治彼於王作无利益衆生之罪

王言大師行法行王云何治彼迭共作無利益衆生答言大王除不斷命不壞諸根得繫閉牢獄枷鎖打縛不得全奪所有資生六分之一得全奪所有資生六分之中奪其一分駢擯他處大王當知如是名為行法行王治彼迭共作无利益衆生之罪王言大師行法行王云何治彼起逆衆生答言大王行法行王先以善言如法開示若聞王命即捨逆心請罪王所者王放大恩恕其重罪依其國土王領之處不減不奪亦不駢出何以故為令知王有三種事故何等三事一者有信二者有恩三者大力未降伏者為令降伏已降伏者令不更作欲返逆者令不敢起大王當知

彼有罪人得免其罪還伏王位人民
安隱彼如法王得福無量善名流布
若彼罪人聞大王命不肯伏罪當加
重治不得斷命不壞諸根盡奪資生
國土人民駭擯他處何以故為餘衆
生不起逆故大王當知如是名為行
法行王治彼起逆衆生之罪

王言大師行法行王云何治彼邪行
衆生答言大王如是惡人不得斷命
不壞諸根不得駭擯不得奪其資生
之物惟呵責治罪而作是言若汝更
作如是如是事者與汝重罪是名行
法行王治彼邪行衆生之罪

王言大師行法行王云何治彼邪命
衆生答言大王應當隨順如法僧衆
大王當知若彼比丘破戒邪見不依
正法如實修行邪命自活者僧當和
合喚令現前取其自言彼若自引所
作是罪隨犯輕重當如法治若彼比
丘拒違僧命不從師友善知識語惱
亂衆僧不得修道者若彼國主是法
王者僧當往語令王教勅順從僧命
今時行法行王先應喚彼破戒比丘

善言勸喻令順僧命若其不從當集
二衆現前對實若得其罪助如法衆
治彼比丘不得斷命不得割壞一切
諸根不得囚閉不得枷鎖不得撻打
不得脫袈裟不得奪其資生之物得
呵責得駭擯大王當知若有二衆朋
黨諍訟依破戒依邪見依顛倒邪行
依種種邪命起種種異諍種種異說
種種異語行法行王若自知法若自
知義應當如法斷彼諍事若彼國王
闇鈍無知不自知法不自知義不知
正法不知邪法不知如法衆不知非
法衆不知如法語不知非法語今時
彼王應問國內大德沙門知法知義
有大智慧常行正法利益衆生善知
斷諍能如法語者問其正法知犯非
犯如是知已然後如法為滅彼諍大
王當知如是名為行法行王治彼邪
命衆生之罪

王言大師若彼國王闇鈍無智國內
多諸沙門婆羅門所行各異不相是
非各各自言我是沙門修正道者能
利衆生我是福田應受供者如是各

各求相是非云何得知是真沙門非
真沙門是正道是邪道是如法語非
法語大王當知有大沙門釋迦子出
家為道得神通證有大名稱如來應
正遍知彼諸弟子比丘比丘居於彼
瞿曇法中住者是真沙門能行正道
利益衆生是福田者能知正法是如
法語者大王當知除彼沙門瞿曇法
外餘諸一切婆羅門等是名邪道非
實沙門非法語者不應取語何以故
大王當知彼無正法云何能得如法
之語

王言大師若彼國王闇鈍无智不知
王論不行正法自在作惡是國王罪
誰應當治荅言大王彼王自身自罪
自治王言大師云何自身而自治罪
荅言大王彼王當依二法自治何等
二法一者依自力二者依外力依自
力者彼王應當如是思惟我今所行
為是放逸為非放逸為有慈心為無
慈心為是應作為不應作為是善業
為是惡業若知所作是不應作是惡
業者即止不作生慚愧心悔過自責

畏惡名稱畏墮惡道當依二法護惜
自身何等二法一者放逸二者無慈
悲心如如是名為依自智力自罪自治
若王無智不能如是自思惟者應於
國內處處推求有大智慧善知王論
常行正法能如實語諸沙門等王應
自往彼沙門所若不自往當遣大臣
王子貴人人所重者詣彼沙門宣王
渴仰尊重之心將至王所若彼來者
王應迎送禮拜問訊盡恭敬心盡尊
重心問沙門言何等善行何等惡行
行何等法能有益行何等法無有
利益我心闇鈍無有智慧願為我說
時彼沙門應當為王廣說過去行法
行王所行之法諸王論法以柔軟語
語彼王言如是如是法應當奉行有
大利益謂十善法不然生等如是如
是法不應行无有利益謂十惡法如
煞生等如是如是等是行法行王所
行之法王今不知應捨十惡等惡行
法應行十善等善行法聞已受持如
法改悔若能如是名依外力自罪自
治王言大師行法行王云何護器世

問答言大王行法行王不焚燒不破壞不澆灌是名護器世間行何以故一切皆是作不善業是故行法行王不應焚燒破壞澆灌城邑聚落山林川澤園觀宮殿莊嚴樓閣一切行路及諸橋梁自然窟宅一切穀豆麻麥花果草木叢林不應焚燒不應破壞不應澆灌不應斫伐何以故以彼諸物皆共有命畜生等有無不用者而彼衆生無有罪過不應損其所受用物令生苦惱又彼一切外樹林等諸善淨天一切鬼神皆念共有於中受用屋舍宮殿莊嚴樓觀諸天共住又彼園池屋舍宮殿莊嚴樓觀一切水陸有命諸虫悉皆共用所謂雀鼠鷄狗鳩鵲鸚鵡烏馬牛羊猫狸蛇蝎龜鴨魚鼈乃至一切微細諸虫所共受用行法行王與諸衆生共依止此器世間活不應破壞如是名為行法行王護器世間安樂衆生王言大師行法行王無量諸天侍從護王天力自在能護於人云何而言人能護天答言大王行法行王能與彼天正命淨

食所謂為說如來正教甘露法門禪定解脫十善道等令其得離諸惡道苦以是為護除諸不善煞生鬼等何以故攝在惡命自活衆生分故是故行法行王即身能集無量功德資益現在未來復能集諸善果大王當知行法行王不應焚燒破壞除滅如來塔廟及諸沙門淨行人等房舍窟宅資生之物園觀樓閣樹林華果亦不應取亦不應貸除欲為利佛法僧者王言大師行法行王所有臣佐宰官禁司不憂國計但求利已或從私忿以害公政或受貨財以枉治道增長百姓迭相欺亂以強陵弱以貴輕賤以富欺貧以曲枉直富者獲申貧者受屈諂佞宰政忠賢隱退或時在朝懼危自默或行求財貨用安已百姓貧苦不堪充濟猷苦思亂不聞王命斯由目吏不行忠節欺上亂下冒受王祿如是之人攝在何等衆生數中答言大王如是惡人攝在劫奪衆生數中上品治罪何以故大王當知其受王名官重祿捨公念私不存公

政禍亂之生莫不由之此是國之害
大惡賊王是法王不得斷命是故攝
在劫奪數中上品治罪

王言大師行法行王國內若有不孝
衆生不念父母生養之恩捨背父母
與妻子居所所有衣食病瘦醫藥念給
妻子不與父母父母衰老出入無力
曾不生憂親近扶持於其妻子晝夜
不離得一美味不敢自取持與妻子
或偷父母所有財寶私共妻子歡樂
食取父母善言不肯隨順妻子惡語
信用無捨或為妻子呵罵父母或共
親族母女姊妹尊卑上下行於姪欲
無慚愧心如是衆生攝在何等衆生
數中答言大王如是惡人攝在劫奪
衆生數中上品治罪何以故大王當
知父母恩重至心孝養猶不能報何況
棄捨違逆教命是名世間最大劫賊
王言大師行法行王國內有人放逸
无慈於其妻子奴婢眷屬能行不忍
非法驅使非時驅使不應作者強逼
令作至於打罵無過能行衣食不充
眠卧無所喚不及應走則嫌遲出言

常罵如似怨家如是之人攝在何等
衆生分中答言大王攝在邪行衆生
分中中品治罪何以故大王當知居
家資生奴婢共報有其半分自分衣
食恣意著取奴婢之分護惜不與設
令給與不依時節應多與少常令不
足是名世間大邪行

王言大師行法行王國內有人於佛
法僧作不利益焚燒破壞塔寺形像
及諸經書惡言毀訾言造作者无有
福利其供養者虛損現在無益未來
或嫌塔寺及諸形像妨碍處所破壞
除滅送置餘處或破沙門淨行人等
房舍窟宅或取佛物法物僧物園林
田宅爲馬車牛驢騾駱駝奴婢僮僕
衣服飲食金銀琉璃車乘馬瑙一切
珍寶或捉沙門策役驅使責其發調
罷令還俗或時輕心持諸沙門欲爲
戲笑不備時供虛誑請喚不與飲食
設與飲食不及時節與非法食或時
輕賤毀訾罵詈惡言誹謗或以杖木
土塊瓦石及自手捲打諸沙門或捉
刀槊弓箭鋒戟斫射傷害或推水中

或推火中或推山巘坑陷之中或放
爲馬虎狼師子惡狗毒獸傷害其身
如是惡人攝在何等衆生分中答言
大王如是惡人攝在惡逆衆生分中
上品治罪何以故以作根本極重罪
故王言大師何者根本罪答言大王
有五種罪名爲根本何等爲五一者
破壞塔寺焚燒經像或取佛物法物
僧物若教人作見作助喜是名第一
根本重罪若謗聲聞辟支佛法及大
乘法毀訾留難隱蔽覆藏是名第二
根本重罪若有沙門信心出家剃除
鬚髮身著染衣或有持戒或不持戒
繫閉牢獄枷鎖打縛禁役驅使責諸
發調或脫袈裟逼令還俗或斷其命
是名第三根本重罪於五逆中若作
一業是名第四根本重罪謗無一切
善惡業報長夜常行十不善業不畏
後世自作教人堅住不捨是名第五
根本重罪大王當知若犯如是根本
重罪而不自悔決定燒滅一切善根
趣大地獄受無間苦大王當知以王
國內行此不善極重業故梵行羅漢

諸仙聖人出國而去諸天悲泣一切善鬼大力諸神不護其國大日相煞輔相爭覓四方逆賊一時俱起天王不下龍王隱伏水旱不調風雨失時諸龍皆去泉流河池悉皆枯涸草木焦然五穀不熟人民飢餓劫賊縱橫迭相食取白骨滿野疫毒疫病死亡無數時諸人民不知自思所作是過而怨諸天訴諸鬼神是故行法行王為救此苦行治罪法

王言大師行法行王若無染心無惡心者何故不得慈心斷命割截諸根答言大王行法行王以無染心無惡心故不能得起如是心念斷眾生命割截諸根何以故彼法行王見彼眾生至於死時依自業過生瞋恨心死已命斷生惡道中惡心隨逐長夜不斷是故行法行王不行斷命不壞諸根何以故此事難故若斷其命割截諸根一作已後不可收故繫閉枷鎖打縛呵罵等非永棄捨是故佛聽行法行王為護眾生若斷其命割截諸根不名滿足護眾生者大王當知斷

衆生命割截諸根竅是世間大怖畏
事故佛不聽行法行王作如是事王
言大師行法行王國內人民所應輸
王課調物者為是王物為是他物答
言大王非王自物亦非他物何以故
他自手力能作能得是故非王自己
有物非他物者以王能護彼衆生故
是故非是一向他物彼衆生等立如
是法是故輸王王應得分非是他物
王言大師行法行王若有人民應輸
王物而不輸王彼民為是偷盜王物
為非偷盜答言大王非偷王物彼民
貪惜欺王不輸得無量罪何以故以
應輸物不輸王故王言大師於王國
內合輸物者而不肯輸然王即行鞭
杖打責若取彼物為是劫奪為非劫
奪答言大王非是劫奪何以故大王
當知以王有力能護其難彼由王護
得安自業應輸王物故非劫奪王言
大師若貧窮人應輸王物以無物故
強加鞭打而責其物為是劫奪為非
劫奪答言大王有人邊是劫奪有人
邊非劫奪有人邊非劫奪者彼人若

竊墮懈怠不勤家業非法邪姓樗蒲
某博如是等戲輸他財物致貧窮者
如是人邊行法行王鞭打徵責乃至
他邊貨物輸王王非劫奪何以故王
作是念為令彼人更不敢作非法之
事損失財物故如是王民二俱有益
王得益者庫藏滿足民得益者資生
成就又得无罪故王言大師何等人
邊王是劫奪大王當知王雖合得若
知彼人所有家業為賊劫奪詐親人
奪非法王奪失火焚燒暴風疾雨飛
沙電石壞其家業或時住處不得安
隱人民走散失沒家生或有虫螟雀
鼠鸚鵡噉傷五穀或時復值天旱不
熟水滯不收如是等緣家業不立資
生壞盡於此人邊應當默然不應徵
責若取此物名為劫奪何以故以不
慈愍此貧窮人不名具足護眾生故
大王當知我為此事說一譬喻智者
於中以喻得解譬如有人欲以飲食
供養沙門淨行人等備具種種一切
美味其家忽然失火焚燒風吹水漂
賊所劫奪飲食都盡或為不淨惡物

所汙不任食噉諸沙門等食時既至
到施主家見其損失反助憂苦乞食
來與何心敢責施主飲食然彼施主
不與飲食亦無有罪大王當知行法
行王亦復如是王雖合得彼人不與
不犯王法不合打責如是行法行王
在世治化民常願樂

大薩遮尼乾子所說經卷第四

癸卯歲高麗國大藏都監奉
勅彫造

大薩遮尼乾子所說經卷第三

四

元魏天生三藏菩提留支譯

王論品第五之三

王言大師如是不放逸行法行王成就幾法得名行法行王荅言大王成就十法而得名為行法行王何等為十一者自性成就二者眷屬有禮三者智慧成就四者常勤精進五者尊重法六者猛利七者恩厚八者善解世間所行法九者能忍諸苦十者不顛倒法大王當知自性成就王者有於二種功德成就一者王子大臣長者居士城邑聚落所有人民皆愛重王二者無諸一切疾病大王當知眷屬有禮王者亦有二種功德成就一者於王所作事中即各覓辦不須王憂二者謹慎不犯王法大王當知智慧成就王者亦有二種功德成就一者善知方便依法善護衆生二者於欲所作之事自智能知不依他作大王當知常勤精進王者亦有二種功德成就一者一切庫藏滿足二者

無諸一切怨賊歡喜安住大王當知
尊重法王者亦有二種功德成就一
者常行一切善法无有休息二者能
化惡行衆生大王當知猛利王者亦
有二種功德成就一者於心所欲求
事速能滿足二者發心所欲作事不
久思惟即成如法大王當知恩厚王
者亦有二種功德成就一者所有眷
屬樂王二者大臣一切人民皆信重
王大王當知善解世間所行法王者
亦有二種功德成就一者能知惡行
衆生善行衆生二者王應民邊得物
不令有失大王當知能忍諸苦王者
亦有二種功德成就一者於王所欲
行事能滿成就二者不畏諸苦惱事
大王當知不取顛倒法王者亦有二
種功德成就一者自能進趣勝道二
者常不離善知識大王當知成就如
是十種功德者名為成就行法行王
王言大師成就如是十種功德而得
名為行法行王者若其國內有逆賊
主具四種兵與法行王鬪諍國土及
外國王來相侵奪欲與大鬪集四部

兵一切現前行法行王云何與彼而
共鬪戰答言大王行法行王當應思
惟於三時中出三方便入陣鬪戰何
等三時謂初入時中入時後入時大
王當知初欲入時作方便者行法行
王若見逆王介時復作三種思惟一
者思惟此逆王所有兵馬為與我
等為當勝我若與我等共鬪戰者俱
損無益若其勝我彼活我死如是念
已應覓逆王所有親友及善知識當
令和解滅此鬪諍二者行法行王見
彼逆王與已平等及勝已力者心自
思惟不應與戰當與其物求滅鬪諍
三者若見逆王多有士衆眷屬朋黨
為馬車步四兵力勝行法行王士衆
雖少能以方便現大勇健難敵之相
令彼逆王生驚畏心以滅鬪諍如是
名為於初時中思惟三種方便之用
大王當知若以親友與物驚怖如此
三事不能滅彼鬪諍事者行法行王
介時復起三種思惟入陣鬪戰何等
三種一者思惟此逆王無慈悲心
自然衆生餘人煞者亦不遮護我今

不令如此相煞此是初心護諸衆生
二者思惟當以方便降伏逆王士馬
兵衆不與鬪戰三者思惟當以方便
活繫縛取不作煞害生此三種慈悲
心已然後莊嚴四種兵衆分布士馬
唱說号令簡選兵衆分作三品於上
品中有上中下以上品中下勇猛者
列在於前次列第二中品健者次列
上品軍健兵馬分在兩廂令護步衆
不生畏心行法行王處在軍中與軍
上品爲馬車步猛健衆俱如是入鬪
何以故有五種事能令大軍覓進不
退何等爲五一者慚愧王二者畏王三
者取王意四者令衆背後無畏五者
令念報國王恩如力如分不生退轉
能勇戰鬪大王當知行法行王設是
方便入陣鬪戰尔時雖復煞害衆生
而彼王得輕微少罪非決定受懺悔
能滅何以故彼法行王爲欲入戰先
生三種慈悲心故雖作此惡得罪輕
微非決定受大王當知彼法行王爲
令衆生爲護沙門護沙門法爲護妻
子族姓知識能捨自身及資生物作

如是業因此事故彼法行王得無量
福大王當知若為護國養活人民興
兵鬪戰彼時國王應當先發如上三
心勅令主將一依王教如是聞者有
福無罪王言大師行法行王生幾種
心常能如是護諸衆生答言大王行
法行王於諸衆生生八種心何等八
種一者念諸一切衆生如念子想二
者念於惡行衆生如病子想三者常
念受苦衆生生大慈心四者念受勝
樂衆生生歡喜心五者念於怨家衆
生生護過想六者能於親友衆生生
覆護想七者能於資生之中生如藥
想八者能於自身生無我想大王當
知念諸衆生如念子想者起二種心
一者能如父母念子遮護諸惡二者
常於一切衆生不捨慈心大王當知
念惡行衆生如病子想者起二種心
一者能忍如世病人罵諸良師良師不
生瞋恨之心二者為斷一切過失行
如是心大王當知念受苦衆生生大
慈心者起二種心一者能於諸惡難
中赦免其苦二者能與勝安隱樂大

王當知於受樂衆生生歡喜心者起二種心一者能於他財物中他資生中不生貪心二者於他富貴勝樂不生嫉心大王當知於怨家衆生生護過想者起二種心一者常念斷彼過因遠離怨家二者能於怨家衆生生親友心何況其餘非怨家者大王當知於親友衆生生覆護想者起二種心一者念令親友堅固二者念令一切衆生不生怨憎大王當知於資生中生藥想者起二種心一者有欲不行邪婬二者能於色香味中隨世受用不生貪著大王當知於自身中无我想者起二種心一者往詣沙門大智人邊問法二者聞法如說修行大王當知行法行王常念思惟如是八法故不求資生而世間人自然奉獻珍奇異物國內無者庫藏盈溢而諸世間非法惡王鞭打百姓逼惱索者了無其一大王當知行法行王行此八法者於所作業歲時日月星宿節朔常與吉會一切非人諸惡邪鬼欲覓其便無能得者於其國內風雨以

時五穀豐熟人民飽足無飢渴想一切諸虫雀鼠龍電能與世間作無利者悉皆息滅若有怨賊在其國內一切即依自業罪過受諸苦惱依自業盡依自業滅大王當知行法行王若能如是護諸衆生護器世間者不負一切世間衆生諸善行人智慧人聖人一切衆生无能呵責者何以故無罪過故大王當知如是善行王若命終時當生天上受彼諸天妙境界樂而說偈言

重法不放逸

常念利衆生

眷屬有札法

善能知他行

自身常清淨

離諸无益業

彼王勝世間

名行法行王

貌重言常和

於善勤精進

善能知世間

一切諸伎藝

以常不懈怠

方便護世間

衆生得安樂

無有苦惱者

常樂利益他

將護一切心

出口說愛語

安隱決定言

知過有功德

知勝知不如

如是王能共

衆生受安樂

於他平等心

能捨物解義

諸目及眷屬

一切愛樂王

具足善衆集

常有大勢力

如是正法王

能久住王位

慈心離煞生

布施斷偷盜

正欲防邪婬

實言止妄語

和合除兩舌 軟語遮惡口 正說治綺語
淨命對飲酒 淨心捨三毒 受妙天王位
大王應當知 常善護諸戒

大薩遮尼乳子所說經請食品第六

今時嚴熾王聞大薩遮尼乳子所說
法已心大歡喜即語薩遮尼乳子言
大師仁慈不遺我國今此曠野不可
停止願降神德將諸大眾與我俱詣
宮內寢息何以故我今心念欲為大
師及諸大眾設於時供薩遮尼乳子
言善哉善哉善哉大王欲與我食今
正是時何以故大王當知我從遠來
道路疲極常多飢渴日時已至我受
王請時嚴熾王聞大薩遮尼乳子受
其請已心大歡喜即以薩遮尼乳子
及諸大眾置在於前王與四兵導從
前後俱入王宮入已王請薩遮尼乳
子坐王七寶莊嚴間錯無價寶牀餘諸
一切尼乳子衆隨所應坐悉皆令坐
薩遮尼乳子受坐已嚴熾王即生至
心恭敬心尊重心希有心自手供給
薩遮尼乳子及諸大眾百味飲食極
令飽足恣意令取豐滿盈溢薩遮尼

乳子食已嚴熾王即以價直百千万
億上下衣服奉施薩遮尼釁子餘弟
子衆所應得者悉皆施與上下衣服
今時薩遮尼釁子食食訖已攝諸鉢
器澡漱清淨即語嚴熾王言大王當
知王今至心奉施沙門飲食衣服福
不可量今且略說十五功德何等十
五一者閉塞慳貪之心二者能開布
施心三者能滅無布施福邪見之
心四者能生果報不亡正見之心五
者隨順善知識人六者遠離下无智
人七者能開諸善道門八者能閉諸
惡趣門九者能種善根種子十者能
拔不善根我十一者能漸薄一切諸
煩惱結十二者能增長一切諸善根
分十三者能飽足一切諸持戒人十
四者能應為自身所作已作十五者
能為利益他應作已作何以故大王
當知能施布施得大富施好色食後
得妙色觀者無厭施好香食後得名
稱世間普聞施美味食後得資生過
諸世間種種勝妙施樂觸食後得手
脚細滑柔軟施能至心後得一切世

人親愛恭敬供養自手布施得多僮僕園遠給侍依時節施隨心所須應時即得以愛物施後得勝妙資生境界不損宮施後得資生堅固不壞不疲勞施安坐受報眷屬常愛與飲食者後得大力自在無尋與衣裳者得好妙色世間敬愛施燈明者得明淨眼無諸病壞施伎樂者得耳不聾常聞妙聲施諸乘者常得安樂輦輦隨身施湯藥者得無疾病形色肥鮮施屋舍者離諸恐怖得安隱樂布施法者後得不死甘露法藥離煞生者後得長壽命不中天離劫盜者後得大富資生无盡離邪姪者後得好妻他不能奪離妄語者後得實報不被他謗離兩舌者後得和合眷屬無諍離惡口者後得常聞勝妙音聲離綺語者有所言說他人受用離貪心者得不增上厚重貪心離瞋心者得不增上厚重瞋心離邪見者得不增上厚重癡心離憍慢者生豪貴家得人尊敬離瞋心者得身端正見者愛樂離嫉心者得大威力所願皆成離慳心

者生處富足資生無乏離非處姪者
得勝諸根具丈夫相大王當知施飲
食者即是與命與色與力與樂與辯
大王當知施主愛衆生智者讚歎名
聞十方入諸大衆心不怯弱若命終
已生上天中受妙境界於寂後身得
無上道今時薩遮尼軋子而說偈言
至心持戒人能生歡喜心時食施沙門
來世得七福得勝色命力樂辯才樂說
生天善道中終得至涅槃所為事布施
畢竟得彼事為求樂布施後畢得安樂
施福寂勝樂所求者畢成當生天人中
及色無色界智慧聖施主若修精進行
畢竟盡諸苦得上勝智慧以作無量福
天魔魔眷屬行惡不善者不能作障難
以故常布施求三種勝事善道及富貴
能證无上道

大薩遮尼軋子所說經問罪過品第七

今時嚴熾王即生是心薩遮尼軋子
所說法者皆是隨順如來正法作是
思惟我今當問薩遮尼軋子於如來
所有尊重心不今時嚴熾王作是念
已即移座處更敷下座恭敬而坐問

薩遮尼軋子言大師當知我有少疑
今欲請問為見聽不尔時薩遮尼軋
子荅言大王隨汝所問我當為汝分
別解說令得開解時嚴熾王聞大薩
遮尼軋子聽其問已即作是言大師
世間頗有衆生於衆生界中聰明大
智利根黠慧有罪過不荅言大王有
此衆生亦有罪過王言大師如是衆
生今者誰是荅言大王此能雨婆羅
門聰明大智利根黠慧善知星宿善
知祭祀種種諸天善知呪術善知事
火善知天文日月八星善知天雨石
雹灾害善知地動吉凶變異善知日
月運蝕殃灾善知年歲國土豐儉善
知世間安隱破壞彼婆羅門而有罪
過王言大師彼能雨婆羅門罪過去
何荅言大王此能雨婆羅門常多姪
欲喜侵他妻大王當知黠慧之人不
應侵他妻何以故大王當知侵他妻
者現在未來多受苦惱一切天人之
所呵責而說偈言

自妻不生足好姪他婦女是人無慚愧
常被世呵責現在未來世受苦及打縛

捨身生地獄受苦常无樂

王言大師世間頗更有諸衆生聰明
大智利根黠慧有罪過不答言大王
有此衆生亦有罪過王言大師如是
衆生今者誰是答言大王此頗羅墮
婆羅門聰明大智利根黠慧知法知
礼而有罪過王言大師彼頗羅墮婆
羅門罪過云何答言大王此頗羅墮
婆羅門常多睡眠大王當知黠慧之
人不應睡眠何以故大王當知多睡
眠人退失諸行失於世間出世間法
妨導智慧離諸煩惱而說偈言

若人多睡眠懈怠妨有得未得者不得
已得者退失若欲得勝道除睡眠放逸
精進策諸念離惡功德集

王言大師世間頗更有諸衆生聰明
大智利根黠慧有罪過不答言大王
有此衆生亦有罪過王言大師如此
衆生今者誰是答言大王此黑王子
聰明大智利根黠慧有大威力而有
罪過王言大師彼黑王子罪過去何
答言大王此黑王子多諸嫉妬大王
當知黠慧之人不應嫉妬何以故大

王當知若有人得生富貴家資財豐足不肯布施懷嫉妬心如是之人於資生中不取堅固彼人空手命終即去生餓鬼中生彼處已受諸種種飢餓苦惱而說偈言

惜財不布施 藏積恐人知 捨身空手去 餓鬼中受苦 飢渴寒熱等 憂悲常煎責 智者不聚積 為破慳貪故

王言大師世間頗更有諸衆生聰明白智利根黠慧有罪過不答言大王有此衆生亦有罪過王言大師如此衆生今者誰是答言大王此勝仙王子聰明大智利根黠慧有大威力而不怯弱好行布施有大威德而有罪過王言大師彼勝仙王子罪過去何答言大王此勝仙王子多作煞生大王當知有黠慧者不應煞生何以故大王當知煞生之罪得短命報命終生於地獄畜生餓鬼之中而說偈言煞生無善報 短命多諸疾 來世生惡道 具受種種苦 欲離諸苦惱 未來求勝樂 應當護他身 如愛自己命 王言大師世間頗更有諸衆生聰明

大智利根黠慧有罪過不答言大王
有此衆生亦有罪過王言大師如是
衆生今者誰是答言大王此無畏王
子聰明大智利根黠慧而有罪過王
言大師彼無畏王子罪過云何答言
大王此無畏王子慈心太過大王當
知黠慧之人不應慈心太過何以故
大王當知若王王子慈心太過者彼
王王子國內多有群賊亂民不可遮
護多有讎難而說偈言

若王及王子慈悲心太過 長賊多欺誑
民怖王命危 王應思此過 壽量行慈悲
念世間受苦 捨離太過心

王言大師世間頗更有諸衆生聰明
大智利根黠慧有罪過不答言大王
有此衆生亦有罪過王言大師如是
衆生今者誰是答言大王此天力王
子聰明大智利根黠慧而有罪過王
言大師彼天力王子罪過去何答言
大王此天力王子飲酒太過大王當
知黠慧之人不應飲酒太過何以故
大王當知飲酒太過忘失諸事障修
大道失於世間出世間利而說偈言

飲酒多放逸 現世常愚癡 忘失一切事
常被智者呵 來世常闇鈍 多失諸功德
是故黠慧人 離諸飲酒失

王言大師世間頗更有諸衆生聰明
大智利根黠慧有罪過不答言大王
有此衆生亦有罪過王言大師如是
衆生今者誰是答言大王此婆藪天
王子聰明大智利根黠慧有大威力
心不怯弱常好布施有大威德而有
罪過王言大師彼婆藪天王子罪過
云何答言大王此婆藪天王子了達
諸事而行事太遲大王當知有黠慧
人不應行事太遲何以故大王當知
行事太遲者不及時節多失諸利令
闔諍事堅固難滅是故大王黠慧之
人有所作事不失時節不應太遲而
說偈言

行事太遲人多失所作業 未得者不得
已得者便失 應捨遲行事 慕速及時節
過時不得利 是故多所失

王言大師世間頗更有諸衆生聰明
大智利根黠慧有罪過不答言大王
有此衆生亦有罪過王言大師如是

衆生今者誰是答言大王此大仙王
子聰明大智利根黠慧有大威力而
有罪過王言大師彼大仙王子罪過
云何荅言大王此大仙王子貪心太
過為顛倒覆心常奪他財大王當知
黠慧之人不應過貪何以故大王當
知過貪之人不為一切衆生親附捨
此身命即生地獄而說偈言

貪人多積聚得不生厭足無明顛倒心
常念侵損他現在多怨憎捨身墮惡道
是故有智者應當念知足

王言大師世間頗更有諸衆生聰明
大智利根黠慧有罪過不荅言大王
有此衆生亦有罪過王言大師如是
衆生今者誰是荅言大王此大天王
子聰明大智利根黠慧有大威力而
有罪過王言大師彼大天王子罪過
云何荅言大王此大天王子輕躁戲
笑放逸太過大王當知黠慧之人不
應輕躁放逸太過何以故大王當知
放逸太過者能障奢摩他毗婆舍那
法此戲笑之罪是惡道因而說偈言
戲笑垢染心心不住三昧為智者所呵

行善不解脫 欲得速利益 應離諸放逸
現世無安隱 失名稱功德

王言大師世間頗更有諸衆生聰明
大智利根黠慧有罪過不答言大王
有此衆生亦有罪過王言大師如是
衆生今者誰是答言大王此憍薩羅
國波斯匿王聰明大智利根黠慧而
有罪過王言大師彼波斯匿王罪過
云何答言大王此波斯匿王噉食太
過大王當知黠慧之人不應噉食太
過何以故大王當知噉食太過者體
難迴動嬾惰懈怠所食難消速離現
在未來二世善法利益而說偈言
噉食太過人 身重多懈怠 現在未來世
於身失大利 睡眠自受苦 亦惱於他人
迷悶難寤寤 應時籌量食

王言大師世間頗更有諸衆生聰明
大智利根黠慧有罪過不答言大王
有此衆生亦有罪過王言大師如是
衆生今者誰是答言大王此衆生者
即王身是大王亦甚聰明大智利根
黠慧有大威力心不怯弱好喜布施
威德具足亦有罪過王言大師我之

所有罪過去何答言大王大王之罪
太極暴惡大王太嚴大王太忽大王
太鞞大王太率大王當知黠慧之人
不應太惡何以故大王當知若王王
子性太惡者彼為一切多人不用多
人不愛多人不喜乃至父母亦不喜
見何況餘人大臣王子長者居士等
是故大王黠慧之人不應太惡大王
當知有點慧人所欲作事應當安詳
不應太平而說偈言

若王行惡行瞋心不見事動則帶來生
乃至父母畏何況餘非親而當有念愛
大王應當知智者捨瞋恚

今時嚴熾王在坐對面間大薩遮尼
軻子毀咄自身心生不忍瞋心恚心
懊惱心無歡喜心生毒害心即作是
言薩遮尼軻子汝今云何於大眾中
說我過惡毀咄於我我從昔來無人
敢正看我面者汝今毀我罪應合死
作是語已以瞋恚心告諸目言汝當
捉此說不愛語愚癡沙門斷其命根
今時薩遮尼軻子驚怖毛豎語嚴熾
王言大王汝今莫速卒作如是惡事

不饒益我我有善言願王慧時施我
无畏聽我所說王言沙門與汝無畏
所欲說者汝當速說薩遮尼軋子言
大王當知我亦有罪王言沙門何者
汝罪薩遮尼軋子言大王當知我罪
過者由太實語不虛語稱事語以我
如是大惡人前可畏人前急性人前
無慈悲人前平作事人前如是惡行
人前說如實語大王當知黠慧之人
不應一切時一切處常說實語何以
故有不饒益故大王當知黠慧之人
應當善觀可與語人不可與語人應
當善知可語時非語時應當善知可
語處非語處然後說語何以故大王
當知實語人者世人不愛世人不喜
智者不讚歎世間癡人瞋而說偈言
智者不知時卒隨意說實彼人智者呵
何況无智者智者一切處亦不皆實語
是實憍尸迦實語人惡道
尔時嚴熾王聞薩遮尼軋子說自身
過即便開解心生歡喜白薩遮尼軋
子言大師師無罪過由我太子今聞
師教如闇得燈如盲得眼常當受持

我今懺悔願師於我莫捨實語而說
偈言

我實愚癡闇 不識知識語 是故生惡心
出如是惡口 我今聖人前懺悔如是罪
願愍諸衆生 令我罪除滅

大薩遮尼乾子所說經卷第五

癸卯歲高麗國大藏都監奉
勅彫造

大薩遮尼釁子所說經卷第六

四

元魏天生三藏菩提留支譯

如來無過功德品第八之一

尔時嚴熾王聞薩遮尼釁子所說得
歡喜已更問所疑作如是言大師今
此衆生界中衆生聚中頗更有人聰
明大智利根黠慧知法非法無過失
不答言大王有此衆生無諸過失王
言大師今者誰是答言大王此沙門
瞿曇釋家子生釋王家出家為道大
王當知如我有四圍陀經中說彼釋
種沙門瞿曇無有過失所謂生在大
家不可譏嫌何以故以是轉輪王家
生故種姓豪貴不可譏嫌何以故以
甘蔗姓種家生故福德莊嚴不可譏
嫌何以故以三十二相八十種好莊
嚴身故具足實事不可譏嫌何以故
以具持戒十力四無所畏十八不共
法畢竟成就故是故知彼沙門瞿曇
無有過失大王當知彼釋種子沙門
瞿曇若不捨家出家為道者當作轉
輪聖王王四天下當行法行而為法

王具足七寶輪寶爲寶馬寶如意寶
夫人寶大日寶主藏寶千子具足勇
猛雄傑有丈夫相身諸威德無可嫌
毀力能降伏他諸軍衆具足成就轉
輪王相於四天下而得自在無與等
者於此大地無諸怨刺无諸惱害無
有刀杖依法降伏行於平等自在而
住而彼王子沙門瞿曇不樂如是世
間之樂捨家出家勇猛精進行大苦
行日食一麻或食一米心不懈怠六
年苦行成等正覺坐於道場菩提樹
下降諸魔力一心念於相應智慧所
有應知所有應得所有應見所有應
覺所有應證彼諸一切所應得法不
從師學自智即能如實覺知是故知
彼沙門瞿曇一切世間天人魔梵沙
門婆羅門等無與等者何況有勝彼
沙門瞿曇无等等無勝等是故彼无
一切過失何以故以彼沙門瞿曇家
姓無等形色无等智慧無等是故无
過失重說偈言

家色生姓勝 諸相百福勝 八十種妙好
莊嚴佛自身 六年修苦行 坐於菩提樹

降伏諸魔衆 逮得一切智 是諸天人師
常念利世間 慈悲心平等 救苦無怨親
波羅捺城說 四諦相應法 無我命衆生
是故无過失

今時嚴熾王語大薩遮尼乾子言大
師應說何者是如來三十二大丈夫
相以是三十二相莊嚴身故得大丈
夫師子王名今時大薩遮尼乾子告
嚴熾王言大王今當一心諦聽當為
汝說王言大師願樂欲聞薩遮尼乾
子言大王當知沙門瞿曇三十二相
者一者沙門瞿曇足下平滿蹈地善
住二者沙門瞿曇足下具足千輻輪
相三者沙門瞿曇手脚柔軟如天劫
貝四者沙門瞿曇諸指纖長五者沙
門瞿曇指皆網縐六者沙門瞿曇足
跟圓滿七者沙門瞿曇足趺上隆八
者沙門瞿曇鹿王踰相九者沙門瞿
曇身相端嚴十者沙門瞿曇馬王陰
藏十一者沙門瞿曇一孔一毛不相
雜乱十二者沙門瞿曇髮如青妙淨
琉璃色十三者沙門瞿曇身毛上靡
十四者沙門瞿曇皮如金色十五者

沙門瞿曇皮膚細軟十六者沙門瞿
曇七處平滿十七者沙門瞿曇兩肩
圓厚十八者沙門瞿曇兩肩高峻圓
如金山十九者沙門瞿曇身體廣長
二十者沙門瞿曇身圓正直如屈拘
樹王二十一者沙門瞿曇類如師子
一十二者沙門瞿曇四十齒滿二十
三者沙門瞿曇齒間明密二十四者
沙門瞿曇齒方齊平二十五者沙門
瞿曇齒白如雪二十六者沙門瞿曇
舌得上味二十七者沙門瞿曇舌能
覆面二十八者沙門瞿曇聲如梵聲
二十九者沙門瞿曇眼如牛王上下
俱瞬三十者沙門瞿曇目相鮮明如
青蓮華三十一者沙門瞿曇額上
毫相功德滿足三十二者沙門瞿曇
頭相高顯無見頂者大王當知此沙
門瞿曇三十二相沙門瞿曇以此三
十二相莊嚴身故說名大丈夫師子
王而說偈言

頂高相微妙 寂勝莊嚴身 髮如青琉璃
色淨輪右旋 眼瞬如牛王 青蓮華葉形
是故瞿曇身 皆歎不可嫌 瞿曇微妙聲

過諸梵世音 如彼迦陵伽 衆鳥悲非倫
舌能覆面門 淨如蓮花葉 妙相過群生
是故世無及 舌根得上味 諸味无差別
速成妙相人 故佛無過失 瞿曇齒功德
一切無與等 明淨如珂雪 齊平无差跌
頰相稱上廣 方如師子王 脣色衆歎美
喻如頻婆果 兩肩相高顯 前後俱團圓
神光曜衆目 峻美如金山 瞿曇身諸相
三十二莊嚴 上下體圓滿 如丘拘樹王
瞿曇身廣長 善住不可嫌 智者常渴仰
樂觀無厭心 瞿曇功德體 七處俱滿足
皮色常暉鮮 如闍浮檀金 身毛細柔軟
塵垢無能染 生則輪右旋 相著俱上靡
跋淨色青美 厚滿不偏布 是故瞿曇相
過諸世間姿 瞿曇身正直 坐立無委曲
馬王陰藏相 亦如大龍王 跽如鹿王踞
髮細上下均 是故智者觀 無有疲厭心
手足指細縵 內外常鮮明 甲如赤銅素
指如銅指形 足趺上豐高 體滿如珂圓
脚跟相端嚴 圓滿無高下 諸指皆纖長
屈申相柔軟 足下平善住 蹈地常安隱
此是瞿曇福 功德諸相山 依此功德聚
顯成瞿曇身 如是功德身 過天人世間

如彼淨滿月 顯於衆星中 瞿曇丈夫相
功德莊嚴身 大悲自在現 能利諸世間
法身淨无垢 無量諸功德 如是諸妙相
唯瞿曇境界

王言大師何者如來八十種好百福
功德以是相好莊嚴身故名為如來
百福莊嚴功德相身答言大王我今
為成此事說喻大王當知若三千大
千世界所攝四生衆生謂卵生胎生
濕生化生此等衆生假使一時得於
人身得人身已彼一一衆生皆修十
善成就轉輪聖王福德彼諸衆生所
修成就轉輪聖王福德之聚彼一一
福德更增百倍始得成就沙門瞿曇
一毛孔中下相功德如是一毛孔中
功德餘一一毛孔所有功德亦復如
是大王當知如是一切毛孔功德更
增百倍始得成就沙門瞿曇身中所
有一好功德如是一好功德餘一一
好功德亦復如是大王當知如是一
切諸好功德更增百倍始得成就沙
門瞿曇身中所有大丈夫相一相切
德如是一相功德餘一一相功德亦

復如是大王當知如是三十二相功德更增百倍始得成就沙門瞿曇眉間白毫一相功德如是眉間白毫功德更增百倍始得成就沙門瞿曇丈夫相中一項相功德大王當知如是成就沙門瞿曇丈夫相中一法蠶聲功德沙門瞿曇以此法蠶聲功德故所有衆生界衆生所攝彼一一衆生言音不同一時各各作百千種種種種異問彼一一衆生所問之事餘不重問能以一念相應智慧以一音答令所衆生能令一時各得其解大王當知沙門瞿曇以此功德莊嚴身故名為成就大丈夫相是故瞿曇成就百福功德身相是故瞿曇成就梵王法蠶妙聲而說偈言

瞿曇功德身 百福相住持 導濟諸群生
故号天人師 見聞及受物 其福不可量
瞿曇出世間 饒益諸衆生 衆生界差別
隨類各異問 瞿曇一念智 一音答令解
瞿曇現世間 能以梵音聲 轉取上法輪
今天人苦盡

今時嚴熾王問薩遮尼乾子而說偈言
大師向說名 如來諸小相 願為諸衆生
及我分別說

今時薩遮尼乾子答嚴熾王言大王
汝能為諸衆生顯發如來功德小相
多有益汝今諦聽我當一一分別
顯說沙門瞿曇八十種好依彼諸好
廣宣瞿曇諸功德相如秋滿月現衆
星中何等八十一者沙門瞿曇頭相
端嚴上下相稱二者沙門瞿曇頭相
滿美如摩陀羅樹果三者沙門瞿曇
髮長弱美如委黑絲四者沙門瞿曇
髮縷條理不相雜亂五者沙門瞿曇
髮毛婉轉垂文右旋六者沙門瞿曇
髮色光澤如青瑠璃七者沙門瞿曇
眉長皎潔如月初生八者沙門瞿曇
眼相長廣如青蓮華葉九者沙門瞿
曇耳瑤輪成如似垂露十者沙門瞿
曇鼻脩高直孔相不現十一者沙門
瞿曇口氣香潔嗅者無厭十二者沙
門瞿曇舌色光赤如赤銅鏤十三者
沙門瞿曇舌相細滑薄利柔軟十四
者沙門瞿曇脣色紅赤如頻婆果十

五者沙門瞿曇牙白纖利光曜面門
十六者沙門瞿曇面色華艷光如明
鏡十七者沙門瞿曇面貌上下廣狹
相稱十八者沙門瞿曇面貌豐美如
似滿月十九者沙門瞿曇面貌端正
殊特可美二十者沙門瞿曇身體常
淨塵垢不染二十一者沙門瞿曇身
體淨軟如練春華二十二者沙門瞿
曇洪身正直如帝釋幢二十三者沙
門瞿曇身諸文相福德超絕二十四
者沙門瞿曇身體柔潤如塗膏澤二
十五者沙門瞿曇身相麤細如屈拘
樹王臙圓得所二十六者沙門瞿曇
身諸相好無能嫌者二十七者沙門
瞿曇身力無敵如那羅延二十八者
沙門瞿曇威儀容止進退有法二十
九者沙門瞿曇身諸相好一切衆生
樂觀無厭三十者沙門瞿曇身諸形
相惡衆生見生歡喜心三十一者沙
門瞿曇行步容儀衆生見者觀无厭
足三十二者沙門瞿曇迴身顧視如
大爲王三十三者沙門瞿曇身動威
相如師子王三十四者沙門瞿曇身

相凝重無輕舉相三十五者沙門瞿
曇身相廣大不可度量三十六者沙
門瞿曇身相廣長無短小相三十七
者沙門瞿曇光輪遍身周匝一丈三
十八者沙門瞿曇身諸光相照耀十
方三十九者沙門瞿曇身相尊重見
者歸伏四十者沙門瞿曇皮膚細密
常有光澤四十一者沙門瞿曇皮膚
平滿無老皺相四十二者沙門瞿曇
身色光明曜衆生目不能正視四十
三者沙門瞿曇身色光明晝夜无異
四十四者沙門瞿曇身諸毛孔常出
妙香四十五者沙門瞿曇形貌威德
過諸世間四十六者沙門瞿曇身諸
筋脉深隱不現四十七者沙門瞿曇
骨節相連如似鈎鎖四十八者沙門
瞿曇身毛細軟一一右旋四十九者
沙門瞿曇毛色光曜如閻浮檀金五
十者沙門瞿曇手足赤白如旋花色
五十一者沙門瞿曇手足鮮淨常有
潤澤五十二者沙門瞿曇十指纖長
臍圓可美五十三者沙門瞿曇蹠相
不現平無高下五十四者沙門瞿曇

端骨堅長上下滿好五十五者沙門
瞿曇手足圓滿無有高下五十六者
沙門瞿曇手指柔軟內外受握五十
七者沙門瞿曇手所有文細現深隱
五十八者沙門瞿曇手所有文正直
分明五十九者沙門瞿曇手所有文
文不中断六十者沙門瞿曇指甲薄
潤如赤銅色六十一者沙門瞿曇立
不傾斜平正得所六十二者沙門瞿
曇住立安隱無能動者六十三者沙
門瞿曇身動威勢如師子王六十四
者沙門瞿曇迴身顧視如大鳥王六
十五者沙門瞿曇行步平正无有傾
曲六十六者沙門瞿曇行步安詳如
似爲王六十七者沙門瞿曇動足去
步如白鵝王六十八者沙門瞿曇行
不履地輪相炳著六十九者沙門瞿
曇九孔門滿相皆具足七十者沙門
瞿曇腹小不現七十一者沙門瞿曇
齋孔深圓七十二者沙門瞿曇聲響
調和處細俱美七十三者沙門瞿曇
妙聲遠徹隨聞無障七十四者沙門
瞿曇所有言音隨衆生意聞皆和悅

七十五者沙門瞿曇語隨方音不增
不減七十六者沙門瞿曇說法應機
無有差謬七十七者沙門瞿曇語能
隨俗方音為說七十八者沙門瞿曇
一音說法令諸異類一時俱解七十
九者沙門瞿曇隨有因緣次第說法
八十者沙門瞿曇曾有萬字示功德
相大王當知是名沙門瞿曇八十種
好莊嚴成就功德相身一切聲聞辟
支佛諸天魔梵沙門婆羅門及諸外
道莫能有者是故我言無有過失而
說偈言

地主聽我說 如來八十好 以是諸相好
莊嚴瞿曇身 瞿曇甲圓好 形如半竹筒
美艷赤銅色 光澤如油漆 指間肉平滿
次第均無差 手文齊正直 深細相分明
脉深无異相 膚色如頗婆 脚善住无差
是故常安隱 踝骨隱不現 高下難分別
手中相明顯 示現諸功德 舌相妙柔軟
如天新華綿 薄如赤銅葉 光色常暉鮮
諸節皆深隱 妙相甚難見 兩手過雙膝
天人皆讚歎 妙聲甚深遠 猶如大龍王
如天中雨雷 聲微妙取勝 瞿曇滿月身

實相淨相應

妙形善端美

上下俱臍圓

永盡惡身相

滿足諸功德

膚滿如師子

一一好差別

手足善光澤

皮如金色鮮

如是諸功德

二不可嫌

身相次第好

離諸塵澁觸

齋輪相圓正

孔深無窪曲

一切諸身分

功德所集成

諸行皆清淨

光明離闇濁

如是功德身

善脩不可嫌

以是諸世間

樂觀無厭足

起如大龍王

奮迅動重洲

步如牛王相

威如師子轉

身相甚柔軟

骨節不相違

趨進如鵝王

不疾亦不遲

腹相小不現

脇柔軟肋平

毛右旋燭燿

光色如流電

行步及去來

諸相甚端妍

離隨瞋恚愛

成就諸好因

瞿曇无諸惡

萬相表吉祥

離於黃黑等

不好諸驚相

眉如月初生

色如金精黑

淨眼无妬眼

廣眼曜如星

面門方圓好

妙聲吐和音

諸相過群生

離諸煩惱纏

眉相甚妍美

鼻高如懸筒

雙目相廣長

如青蓮花葉

眉齊不相離

相滿圓如規

齒高次第利

二牙光面門

身毛無叅差

咽頸離高下

是故瞿曇相

天人無等者

頭圓如傘蓋

缺骨項夷平

皮額俱不皺

如珂體圓實

瞿曇毛細滑

不乱亦不散

宛轉輪右旋 常出諸妙音 瞿曇毛鮮潔
塵垢不能染 如彼淨琉璃 不為淤泥點
瞿曇毛滿足 一二次第住 如多楞祇草
齊細不相繞 瞿曇毛細軟 如蜂王腹毛
離病衰老相 髮甲不變白 瞿曇面相滿
亦如師子坐 如魚如高幢 亦如金剛鉤
如似立金甕 如畫還復旋 如鋒頭摩花
如珂功德天 如結加趺坐 一一諸節中
力如那羅延 是故過世間 瞿曇曾萬字
具足千輻輪 手脚相不異 千輻輪无差
人主此正是 瞿曇諸小相 二乘及外道
天人皆無等

大王當知沙門瞿曇成就如是諸相
好身一切衆生無如此者是故我言
沙門瞿曇无有過失

大王當知沙門瞿曇究竟成就大慈
心力能大饒益一切衆生無有害心
彼大慈心無尋故无障故常行故自
然照故遍至一切世間境界入諸衆
生煩惱使故大王當知辟如淨水摩
尼寶珠自體淨故而能清淨一切濁
水大王當知沙門瞿曇大慈心水亦
復如是自身清淨復能清淨一切衆

生煩惱淤泥諸見濁水大王當知沙門瞿曇畢竟成就如是大慈是故我言無有過失而說偈言

瞿曇大慈悲 遍觀十方界 一切衆生心 無時能捨離 故名佛世尊 成就大慈心 是故一切智 无有諸過失 如彼能淨水 如意摩尼珠 以體明淨故 能清諸濁水 瞿曇亦如是 自性離諸垢 能以慈心水 淨衆生濁心

大王當知沙門瞿曇於諸衆生畢竟成就三十二種大悲觀心何等三十二一者沙門瞿曇見諸衆生墜墮癡闇大黑處故起大悲心二者沙門瞿曇見諸衆生墜墮无明所纏窟故起大悲心三者沙門瞿曇見諸衆生墜墮世間大險處故起大悲心四者沙門瞿曇見諸衆生離寂靜處墜世間故起大悲心五者沙門瞿曇見諸衆生墜大瀑水隨漂流故起大悲心六者沙門瞿曇見諸衆生墜在顛倒險難大苦處故起大悲心七者沙門瞿曇見諸衆生墜在惡道離聖道故起大悲心八者沙門瞿曇見諸衆生為

大煩惱能縛所縛常為種種煩惱羅網所纏累故起大悲心九者沙門瞿曇見諸衆生於諸境界常不可足不可滿故起大悲心十者沙門瞿曇見諸衆生屬諸愛主不自在故起大悲心十一者沙門瞿曇見諸衆生常為老死大苦劫害不生歇故起大悲心十二者沙門瞿曇見諸衆生不離諸赤為諸一切種種病苦所逼惱故起大悲心十三者沙門瞿曇見諸衆生三火常然晝夜常燒常不滅故起大悲心十四者沙門瞿曇見諸衆生下業所纏增長世間諸苦惱故起大悲心十五者沙門瞿曇見諸衆生常懷驚怖無安隱心故起大悲心十六者沙門瞿曇見諸衆生少利所纏忘大過故起大悲心十七者沙門瞿曇見諸衆生為諸種種放逸所醉無始瞋地常瞋在心在曠野道常為五陰怨家逐故起大悲心十八者沙門瞿曇見諸衆生常為諸蓋劫善財故起大悲心十九者沙門瞿曇見諸衆生无明覆眼常瞋不見善知識故起大悲

心二十者沙門瞿曇見諸衆生常為種種事乱其心猶如乱絲無理者故起大悲心二十一者沙門瞿曇見諸衆生常在憤鬧離寂靜故起大悲心二十二者沙門瞿曇見諸衆生常在難處離无難故起大悲心二十三沙門瞿曇見諸衆生云何云何邪見經故起大悲心二十四者沙門瞿曇見諸衆生隨逐貪餌依止種種邪見使故起大悲心二十五者沙門瞿曇見諸衆生長夜執在想倒心倒無常法中生於常想於苦法中生於樂想不淨法中生於淨想無我法中生我想故起大悲心二十六者沙門瞿曇見諸衆生無始世來常負生死諸惡重擔受大苦惱不疲厭故起大悲心二十七者沙門瞿曇見諸衆生依止世間羸薄少力非堅固中謂堅固故起大悲心二十八者沙門瞿曇見諸衆生為染所染常在无量諸垢中故起大悲心二十九者沙門瞿曇見諸衆生為有貪縛不厭捨故起大悲心三十者沙門瞿曇見諸衆生為諸供養

恭敬降伏常求資生諸供養故起大
悲心三十一者沙門瞿曇見諸衆生
常為種種境界纏心生憂惱故起大
悲心三十二者沙門瞿曇見諸衆生
墜墮憍慢我慢地故起大悲心大王
當知是名沙門瞿曇於諸衆生畢竟
成就三十二種大悲觀心是故我言
無有過失而說偈言

瞿曇見衆生 閉在世間獄 輪迴遍諸趣
常受一切苦 癡闇覆其心 不知生獸離
是故无上尊 常起大悲心 瞿曇見衆生
樂著諸世間 四流河所漂 隨順不得返
常沒生死海 不知求出離 是故十力者
常起大悲心 瞿曇見衆生 墜墮大險中
入於非正道 無有能救者 是故瞿曇觀
起於大悲心 置於佛菩提 取勝無畏處
瞿曇見衆生 縛在牢獄中 與愛作僮僕
策使諸境界 宛轉老死海 不覺亦不知
是故十力者 常起大悲心 瞿曇見衆生
熾然三種火 常在諸惡趣 種種苦所害
怖畏諸惡道 無有依止處 是故十力者
常起大悲心 瞿曇見衆生 樂著於諸有
放逸心自在 貪著諸境界 常被種種害

而不生怖畏。是故十力者。常起大悲心。
瞿曇見衆生。無明黑所覆。種種暗所障。
不離一切蓋。諸見亂如絲。無有能解者。
是故十力者。常起大悲心。瞿曇見衆生。
墮在八邪見。為愛久住處。以是常縛心。
如是諸難中。樂不生厭離。是故十力者。
常起大悲心。瞿曇見衆生。起於顛倒心。
於苦不淨中。而生樂淨想。无常無我中。
而反我常實。是故十力者。常起大悲心。
瞿曇見衆生。依止羸薄力。常為重擔押。
無心生厭離。起於堅固想。染著不能捨。
是故十力者。常起大悲心。瞿曇見衆生。
在有貪海中。利養覆心故。常求愛境界。
貪心如野火。熾然不知足。是故十力者。
常起大悲心。瞿曇見衆生。具造諸苦業。
常為諸憂悲。苦惱之所逼。為拔彼衆生。
種種諸惱害。是故十力者。常起大悲心。
瞿曇恒觀彼。一切衆生界。常起大悲心。
是故無過失。

大王當知沙門瞿曇畢竟成就三念。
虜王言大師何者。如來三念處。答言。
大王一者無喜心。二者無瞋心。三者。
無瞋无喜心。王言大師云何无喜心。

答言大王無喜心者沙門瞿曇在衆說法若有衆生身正恭敬攝耳不散隨順受教如說修行沙門瞿曇不以爲喜不生踊悅不生踊躍何以故沙門瞿曇捨心平等安住一心故王言大師云何無瞋心答言大王沙門瞿曇在衆說法若有衆生身不恭敬耳不專聽違背聖教不如說行沙門瞿曇不生瞋心亦復不起不忍之心亦復不生非可信心亦不生彼違我教心何以故沙門瞿曇捨心平等安住一心故王言大師云何不喜不瞋心答言大王沙門瞿曇在衆說法於其衆中身正恭敬攝耳不散隨順受教如說修行有不恭敬失耳境界違背聖教不如說行沙門瞿曇於此二人不生喜心踊悅心踊躍心不生瞋心亦復不起不忍之心亦復不生不可信心亦不念彼違我教心何以故沙門瞿曇捨心平等安住一心故大王當知沙門瞿曇依三念處不染心住是故我言无有過失而說偈言

瞿曇說法中一心正受者 常住正念故

不起歡喜心 瞿曇說法中 不正心諦受
常住正念故 亦不起瞋心 瞿曇說法中
受不受二分 常住平等故 不瞋亦不喜
大王當知沙門瞿曇畢竟成就三不
護業王言大師何者如來三不護業
荅言大王一者身業不護二者口業
不護三者意業不護王言大師云何
身業不護荅言大王沙門瞿曇身行
清淨沙門瞿曇無有諸行不清淨者
是故沙門瞿曇不作心念我身業不
清淨恐畏他知作心防護何以故沙
門瞿曇無有身行不清淨故是名第
一身業不護王言大師云何口業不
護荅言大王沙門瞿曇口業清淨沙
門瞿曇無有口業不清淨者是故沙
門瞿曇不作心念我口業不清淨恐
畏他知作心防護何以故沙門瞿曇
無有口業不清淨故是名第二口業
不護王言大師云何意業不護荅言
大王沙門瞿曇意業清淨沙門瞿曇
无有意業不清淨者是故沙門瞿曇
不作心念我意業不清淨恐畏他知
作心防護何以故沙門瞿曇无有意

業不清淨故是名第三意業不護大王當知沙門瞿曇畢竟成就三不護業是故我言無有過失而說偈言

瞿曇三種業 離妄及無記 是故常清淨
出諸護境界 為諸弟子衆 平等心說法
有過者能除 無過者便攝

大王當知沙門瞿曇畢竟成就一切種智清淨王言大師何者如來一切種智清淨答言大王沙門瞿曇一切種智清淨有四種一者身一切種智清淨二者觀一切種智清淨三者心一切種智清淨四者智一切種智清淨王言大師云何如來身一切種智清淨答言大王沙門瞿曇身一切種智清淨者離諸煩惱一切習氣皆滅无餘隨意所欲取捨生退於一切處身得自在是名身一切種智清淨王言大師云何如來觀一切種智清淨答言大王沙門瞿曇觀一切種智清淨者於應化身離一切煩惱及煩惱習氣皆滅無餘迴轉現沒一切觀中而得自在是名觀一切種智清淨王言大師云何如來心一切種智清淨

答言大王沙門瞿曇心一切種智清淨者一切煩惱煩惱習氣及心所染皆悉遠離心得自在聚集一切善根滿足是名心一切種智清淨王言大師云何如來智一切種智清淨答言大王沙門瞿曇智一切種智清淨者一切無明分及諸煩惱煩惱習氣皆滅無餘一切法中得無障碍自在是名智一切種智清淨大王當知沙門瞿曇畢竟成就如是一切種智清淨是故我言無有過失而說偈言

瞿曇一切智依止四淨法是故見无垢
智慧身自在瞿曇清淨慧具足四種智
煩惱習氣滅是故無過失
大薩遮尼乾子所說經卷第六

癸卯歲高麗國大藏都監奉
勅彫造

大薩遮尼乳子所說經卷第七

四

元魏天竺三藏菩提留支譯

如來無過功德品第八之二

至言大師何者如來自在答言大王
沙門瞿曇有十自在一者命自在二
者心自在三者物自在四者業自在
五者生自在六者如意自在七者信
自在八者願自在九者智自在十者
法自在大王當知得上甘露名命自
在能知一切惟是一心名心自在於
虛空中攬成珍寶名物自在遠離一
切煩惱及習無明諸使名業自在於
深禪定解脫三昧三摩拔提隨意迴
轉名生自在在於一切行自然而行名
如意自在在於諸入中得自在觀名信
自在即生心時現前成就一切諸事
名願自在在身口意業以智為本名智
自在現住平等真如法界无垢實際
名法自在大王當知遠離煞生無瞋
害心是命自在因平等心捨一切事
物求大菩提是物自在因三業所作
清淨無染是業自在因以菩提心攝

諸善根是生自在因捨諸一切供養
恭敬禮拜讚歎為馬車乘施與衆生
是如意自在因常說三寶教化衆生
是信自在因稱諸一切衆生所求應
時給與是願自在因常行法施不為
利養名聞恭敬是智自在因常為衆
生說諸如來及諸衆生真如平等法
身為體非飲食身是法自在因大王
當知得命自在故對治一切生死怖
畏得心自在故對治一切煩惱怖畏
得物自在故對治一切貧窮怖畏得
業自在故對治一切惡道怖畏得生
自在故對治一切生縛怖畏得如意
自在故對治一切追求怖畏得信自
在故對治一切謗法怖畏得願自在
故對治一切心念縛怖畏得智自在
故對治一切疑刺怖畏得法自在故
對治一切大衆怖畏大王當知沙門
瞿曇畢竟成就如是自在是故我言
無有過失而說偈言

瞿曇復正行為利諸群生 是故諸法中
一切得自在 念護諸衆生 不行煞盜心
是故諸法中 生處常自在 常行禪法施

求斷諸惡因 心業无障碍 生處常自在
常念菩提本 不惱衆生心 讚歎三寶福
廣利諸衆生 三業依智行 心常住法界
生處意信願 智法常自在

大王當知沙門瞿曇畢竟成就三十
七品菩提分法所謂四念處四正勤
四如意足五根五力七覺分八正道
沙門瞿曇成就如是清淨道法是故
我言無有過失王言大師何者如來
四念處荅言大王沙門瞿曇四念處
者一者身念處二者受念處三者心
念處四者法念處大王當知沙門瞿
曇身念處者謂觀內身外身內外身
於此身中作二種觀一者不淨觀二
者淨觀不淨觀者觀身不淨穢惡充
滿誑諸凡夫故淨觀者作是思惟我
今因此不淨身故得淨佛身得淨法
身淨功德身一切衆生所樂見身作
是觀已能淨二行一者無常二者常
去何無常觀身无常畢定當死如是
觀已不為身故造諸惡業邪命自活
當為此身修三堅法一修身堅二修
命堅三修財堅如是觀已遠離一切

身口意曲行正直心云何為常觀无
常已得於常身因無常故得功德身
因无常故不断佛種法種僧種何以
故修身念處觀察一切衆生之身畢
竟成就諸佛法身以有法身故作是
觀故得平等心無分別心不起諸漏
所謂欲漏有漏無明漏不見有我及
我所住如實際成一切智是名身念
處大王當知沙門瞿曇受念處者謂
觀內受外受內外受於是受中作二
種觀謂常无常起慈悲心觀諸衆生
若受樂時生於貪心若受苦時生於
瞋心若受不苦不樂受時生於癡心
作是思惟有受皆苦畢竟樂者斷一
切受即是常樂隨所受生常生一切
慈心悲心若自若他受樂受時遠離
染心生於慈心若受苦時觀三惡道
遠離瞋心生於悲心若受不苦不樂
受時離無明心生於捨心觀一切受
无常苦無我見受樂者即知是苦見
受苦者如癰如瘡見受不苦不樂受
者是不寂靜觀於樂受即知無常觀
於苦受即知是空觀不苦不樂受即

知無我如是觀者名受念處

大王當知沙門瞿曇心念處者謂觀
內心外心內外心於是心中作二種
觀謂常无常常觀者觀於自身菩提
之性不忘不失正念不亂如是觀心
又觀所發菩提之心是心性者生已
即滅念念不住不在內入不在外入
不在內外入不在陰中不在界中作
是思惟如是心緣為異不異若心異
緣則一時中有於二心若心即緣不
應復能觀於自心亦如拍端不能自
觸心亦如是作是觀已見心無住无
常變異即知是心非從緣生非不緣
生非常非斷非內非外非有非無菩
提之心亦復如是是心非色不可觀
見如幻如化無所罣碍自觀心已觀
諸一切衆生心性如自心性如自心
相一切衆生心性心相亦復如是知
自心空一切衆生心空亦尔觀自心
平等觀諸衆生心性平等亦復如是
是名心念處大王當知沙門瞿曇法
念處者謂觀內法外法內外法於是
法中作二種觀謂常无常常以佛眼

見一切法至坐道場未曾中失觀諸法時不見一法乃至一切微細諸相離空無相无願無作无生無滅无物不見一切法乃至微細相不入十二緣者見法非法無非是法云何為法謂无我無衆生无壽命無人是名為法云何非法謂我見衆生見命見人見斷見常見有見無見是名非法沙門瞿曇觀一切法是法非法何以故觀空无相無願是名一切法是法我慢憍慢我及我所攝取諸見是名一切法非法作如是觀諸法性已不見有法非菩提因非出道因恚是出法若不如是求諸法者是名滅法出者從緣滅者從緣如是觀時觀於三行所謂惡行善行不動行於三行中常行福行行十善法為淨三業淨身業者為求諸佛三十二相八十種好他不能害故淨口業者有所說法衆生樂聞故淨心業者於諸衆生其心平等常入禪定故如是方便觀法念處離諸一切障菩提垢不著常見不善斷見行中道見如是中道世間智

慧所不能見不可宣說不可顯亦無有相貌無色无處無取无捨清淨寂靜不可眼見乃至不可觸亦无至處不在世間不出世間不可宣說非多非少非常非斷非相非非相非覺非非覺非虛非實非此非彼非有非無非有為非无為非行非非行非生非死非涅槃非作法是名中道不以肉眼天眼慧眼觀法念處何以故如三眼無相貌故是故觀法以法眼觀而心不著不失諸法是名法念處大王當知修四念處得四種離法觀身不淨出離淨倒觀受是苦出離樂倒觀心無常出離常倒觀法無我出離我倒又觀身念處離於掃食觀受念處離於觸食觀心念處離於識食觀法念處離於思食大王當知沙門瞿曇畢竟成就如是念處是故我言無有過失王言大師云何如來四正勤法答言大王沙門瞿曇四正勤者謂四種精進遮二種惡法集二種善法沙門瞿曇善性成就心住善法未生惡法及已生惡不以精進令滅未生

善法已生善法不以精進令生何以故
沙門瞿曇於無量世常修善性一切
惡法自然不生一切善法自然滿足
惡法者謂非戒聚伴非定聚伴非慧
聚伴於四念處觀時諸懈怠心五蓋
煩惱覆障心眼離於信等五種善根
是諸惡法未生不生已生即滅勤精
進故善法者謂信等善根未生令生
已生增廣勤精進故是名四正勤法
大王當知沙門瞿曇畢竟成就如是
四正勤法是故我言无有過失

王言大師何者如來四如意分答言
大王沙門瞿曇四如意分者一者欲
如意二者精進如意三者心如意四
者思惟如意如是四法慈悲喜捨而
為根本是四无量心常親近常親近
故心得調柔心調柔故得入初禪第
二禪第三禪第四禪入諸禪故身得
輕軟成就如是身輕心柔入如意分
善入如意分已即生神通若欲若精
進若心若思惟欲者專向彼法精進
者成就彼法心者觀察彼法思惟者
彼法方便成就如是如意分已能得

神通欲者莊嚴精進者成就心者
正住思惟者善能分別沙門瞿曇得
四如意隨其所解如其所作心得自
在隨意所往善作諸業畢竟成就一
切本行如風行空無所罣碍得四自
在一者命自在二者身自在三者法
自在四者神力自在命自在者為調
衆生隨所生處若天若人於短命中
能現長壽於長壽中能現短壽是名
命自在身自在者以自在故隨心作
身隨心作色亦現威儀為衆生故若
欲與諸一切衆生同其身相悉皆能
作是名身自在法自在者能知一切
出世之法亦諸衆生世間之事善知
甚深十二因緣得无罣碍能隨種種
衆生言說令住正信是名法自在神
力自在者能令四大海水合作一海
不來不去無有動相能令三千大千
世界諸須彌山合為一山不來不去
无有增損如本不異於四天王三十
三天無所妨碍欲令三千大千世界
悉作金銀七寶莊嚴栴檀花香隨現
能作是名神力自在大王當知沙門

瞿曇畢竟成就如是四如意分是故
我言無有過失大王當知沙門瞿曇
成就如是四如意分已能入一切禪
定解脫神通無尋四无量心

王言大師何者如來禪定荅言大王
沙門瞿曇有九次第定入三摩拔提
一者初禪二者二禪三者三禪四者
四禪五者空處六者識處七者不用
處八者非有想非無想處九者入滅
盡處大王當知沙門瞿曇離諸欲惡
不善法有覺有觀離生喜樂入初禪
行離諸欲惡者謂初禪所對諸愛染
法速離彼法名離諸欲離諸惡不善
法者謂因貪瞋癡起煞生等十不善
業是名不善法速離彼法是名初禪
有覺者謂共覺故何者是覺依何境
界隨順初禪是覺多種謂知覺思惟
觀集定等是名為覺何者是觀即彼
隨順初禪覺行思惟觀受欲定知覺
是名為觀依於猗行共彼有覺有觀
而成初禪依於猗行共彼有喜有樂
而成初禪行是名有喜有樂入初禪
行行者所謂受持念護喜樂智等是

名為行大王當知沙門瞿曇住初禪
中得無生法忍增上欲心是故入初
禪求無生法忍為求轉勝无生忍故
於初禪中生不堅固想起上欲心捨
彼初禪求第二禪為欲入彼第二禪
故離彼初禪有覺有觀心滅於彼心
離於彼心淨於彼心寂靜彼心內淨
心一處無覺无觀定生喜樂入第二
禪行內淨者謂對治彼障第二禪法
寂靜彼法清淨无濁是名內淨心一
處者謂滅彼初禪一切覺觀寂靜一
味猶如大海一切諸水入皆一味所
謂鹽味入第二禪滅彼初禪一切覺
觀寂靜一味無覺无觀如是名得無
覺无觀三昧依彼三昧生喜謂於佛
法僧中生於喜心依彼喜心諸善功
德自然滿足為欲令彼無生法忍轉
轉增勝轉轉光明轉轉勝妙轉轉柔
軟得上欲心於彼第二禪中不住不樂
更求勝上第三禪行生如是心知彼
喜心障第三禪及無生法忍是故離
喜行捨憶念安慧身受樂是樂聖人
亦說亦捨依彼二禪无生法忍勝上欲

心離彼喜樂入三禪行得三昧樂歇
於彼喜生如是心此無喜樂是無常
樂是盡滅法非常非恒非真實樂非
究竟樂如是知已轉更復起勝无生
忍增上欲心依彼勝忍增上欲心不
樂苦樂遠離苦樂先滅憂喜不苦不
樂捨念清淨入第四禪行得第四禪
三摩拔提柔軟心自在心寂靜心光
明心正直心捨彼一切所有樂事與
諸衆生與彼衆生安隱樂時即時得
彼勝無生忍光明現前得彼勝忍光
明現前故令行速疾於第四禪勝妙
樂中不生樂心遠離彼樂捨念清淨
惟見無邊虛空現前過一切色相滅
一切有對相不念種種相知无邊虛
空即入無邊虛空行如是觀色略有
二種一者四大二者依四大四大者
謂地水火風依四大者謂色香味觸
如是廣有八種色相離彼色相无彼
色相滅彼一切諸色相名過一切色
相隨何等法有其色相彼法必有所
對尋相滅彼一切所有對相不念不
行種種異相而能過彼種種異相而

不念彼種種異相故惟見虛空相是
故知無邊虛空即入无邊虛空行是
故說言過一切色相入彼無邊虛空
三昧已生如是心虛空无邊虛空無
際虛空无岸隨何等法以無邊等故
彼法无有前際中際後際如是觀一
切法无前中後際入如是三昧即於
一切衆生起大慈心即捨一切法得
平等智而現在前今時於彼無生忍
中始得勝進光明現前過一切无邊
虛空相現前知無邊識相入无邊識
處行生如是心是無邊虛空相惟是
識想分別得如是心知一切法惟是
識相是識无量入如是三昧得無生
法忍非究竟成就无生法忍過一切
無邊識相處現前知无所有處入無
所有少處行无所有者無彼所有貪
瞋癡等分別之心種種分別虛妄分
別一切世間有為之法皆從虛妄分
別心生无彼所有故言無所有少者
如向所說法中少相細相微相等名
少相無彼少相故言無少過彼一切
處細想故言无所有無所少住是三

昧得於轉勝無生法忍光明現前為
得彼勝无生法忍而不樂彼無所有
无少三昧生勝欲心轉求增上三昧
勝行生如是心是無所有無少行相
亦是細相虛妄分別故次觀非想非
非想何等是非想非非想非想者是
空非非想者從因緣生今時非想非
非想三昧現前過一切無所有處少
相入非想非非想處三昧行住於彼
處生如是心彼非想非非想處无所
可樂遠離彼法即證諸法不生不滅
三昧現前知一切法不生不滅見一
切法自性寂滅不行不住今時名
得勝上清淨無生法忍是名九種
次第入三摩拔提大王當知沙門瞿
曇畢竟成就如是定法是故我言無
有過失王言大師何者如來解脫之
相答言大王沙門瞿曇解脫有八種
一者有色見色二者內有色相見外
色三者信淨四者過一切色相滅一
切有對相不念一切別異相知無邊
虛空即入无邊虛空行五者過一切
虛空無邊相知无邊識即入無邊識

行六者過一切無邊識相知無所有
少即入元所有處行七者過一切無
所有處知非有想非无想安隱即入
非有想非無想處行八者過一切非
有想非无想行滅一切受想入滅盡
定行是名八解脫有色見色者有色
者皆是因緣生法見空无壽者能如
是見得脫於縛名為解脫內有色相
見外色者見空無壽者皆是因緣生
法能如是見得脫於縛名為解脫信
淨者若分別淨不淨相名為邪見以
信淨故得脫於縛名為解脫過一切
色相滅一切有對相不念別異相知
無邊虛空即入无邊虛空行者無量
虛空虛空能如是知得脫於縛名為
解脫過一切虛空無邊相知无邊識
即入無邊識行者無量識无邊識此
无邊識即是空能如是知得脫於縛
名為解脫過無邊識知无所有少即
入無所有行者所有者名貪瞋癡煩
惱入无所有行者滅彼煩惱能如是
知得脫於縛名為解脫過無所有知
非有想非无想安隱即入非有想非

無想行者非有想者性空寂靜非无
想者以依因緣而有能如是見得脫
於縛名為解脫過一切非有想非無
想滅一切受想入滅盡定行者如是
見想如陽焰受如泡想即是受受即
是想無知者无壽者能如是見得脫
於縛名為解脫大王當知沙門瞿曇
畢竟成就如是解脫是故我言無有
過失王言大師何者如來神通智行
答言大王沙門瞿曇神通行有六種
一者天眼通二者天耳通三者他心
通四者宿命通五者如意通六者漏
盡通大王當知沙門瞿曇所有天眼
過諸一切天龍八部聲聞緣覺所有
天眼一切志能明見十方功德智慧
所成悉見十方所有形色光明諸像
若塵若細若近若遠一切悉見明了
分別其中所有一切衆生遍諸趣中
生死相續若業業果分別諸根悉知
無餘於十方界諸佛如來所有莊嚴
淨妙國土亦見其中菩薩聲聞五道
衆生所修行業悉見無餘何以故是
眼清淨見无尋故是眼不汙不著色

故是眼解脫遠離諸見煩惱縛故是
眼清淨性明了故是眼無依離所緣
故是眼不發斷煩惱故是眼无垢斷
諸惡故是眼無智斷疑網故是眼不
起斷障等故是眼无貪瞋恚愚癡能
斷一切諸結使故是眼得明照了法
故是眼念知不行識故是眼無上究
竟聖道故是眼無等平等照衆生故
是眼無染性清淨故何以故沙門瞿
曇住大悲心善分別義无有諍訟隨
見聞說捨諸不善趣於道場心無障
碍見慳貪者能以財施見犯戒者勸
攝諸根見瞋恚者勸忍不諍見懈怠
者勸勤精進見散亂者示禪定樂見
愚癡者教修智慧故得天眼清淨无
障是名天眼神通智行

大王當知沙門瞿曇所有天耳盡十
方界其中所有一切諸聲天龍鬼神
輒闍婆阿修羅迦樓羅緊那羅摩睺
羅伽人非人聲恚能分別及知諸佛
說法之聲菩薩聲聞緣覺之聲一切耳
根所能對聲乃至地獄畜生餓鬼蚊
虻蠅蚤所有諸聲恚皆能聞若諸衆

生心有所緣善惡無記所出音聲一切解了悉聞過去未來諸聲皆盡本際何以故沙門瞿曇安住大悲能聞諸聲無有障導斷諸煩惱習氣滅故是名天耳神通智行

大王當知沙門瞿曇所有他心神通智行所有衆生衆生所攝如其心念所謂善心不善心無記心順煩惱心背煩惱心聲聞心辟支佛心菩薩心佛心天心龍心夜叉心乾闥婆心阿修羅心迦樓羅心緊那羅心摩睺羅伽心人非人心地獄心畜生心餓鬼心閻羅衆生心過去心未來心悉分別知何以故沙門瞿曇安住大悲能知他心無尋无障無諸煩惱故斷諸習氣故照一切法故能如是解是名他心神通智行大王當知沙門瞿曇所有宿命神通智行念知過去一生二生乃至十生百生千生無量百生无量千生無量百千生及天地成壞无量世界成無量世界壞无量成壞世界無量成壞劫知諸衆生於是中生如是種姓如是名字如是色像如

是壽命如是受苦如是受樂如是住
處如是衣服飲食於是中死還是中
生於彼中死還彼中生死此生彼死
彼生此盡過去際悉知無餘又知過
去盡過去際所有諸佛如是眷屬又
母妻子兄弟姊妹從初發心出家求
道修集願行供養諸佛教化調伏一
切衆生坐菩提樹成等正覺如是名
号如是住處如是勝坐如是聲聞如
是侍者如是天如是人如是大衆如
是外道如是說法如是度衆生如是
壽命如是滅度如是正法住如是像
法住悉能念知何以故安住大悲善
解作業故是智無惱安住禪定故是
智無畏善攝智慧故是智自然不從
他求現得善知故是智正憶畢竟不
失故是智功德究竟大乘故是智善
根從波羅蜜生到彼岸故是名知宿
命神通智行

大薩遮尼乾子所說經卷第七

癸卯歲高麗國大藏都監奉
勅彫造

大薩遮尼乾子所說經卷第八

四

如來無過功德品第八之三

元魏天竺三藏菩提留支譯

大王當知沙門瞿曇如意神通智行者為欲調伏邪見剛強難化衆生令從正法是故沙門瞿曇能示種種神通教化若色相若勢力若變化色相者謂示佛色像菩薩色像緣覺色像聲聞色像釋提桓因梵天王四天王色像轉輪聖王色像及餘種種乃至畜生色像隨諸衆生應見受化悲能示現而為說法若有衆生恃身強力而起憍慢瞋恚貢高為欲調伏如是衆生示現大力如那羅延以須弥山置一指端擲著他方無量世界或時斷取三千大千世界下至水際以一手舉高至有頂位經一劫現如是力令彼憍慢自大衆生貢高心息而為說法變化者以變化力能變大海如牛跡水大海不減牛跡不大變牛跡水能成大海若劫將盡火災起時應見水者即變為水應見風者即變為

風水災起時應見火者即變為火應見風者即變為風風災起時應見水者即變為水應見火者即變為火作如是等種種變化示諸衆生令生歡喜而為說法何以故是神通力信欲精進禪定智慧諸法所攝調伏柔和心得自在善修集故是名如意神通大王當知沙門瞿曇漏盡通智行者諸漏已盡遠離一切煩惱習氣所謂欲漏有漏見漏無明漏不同一切聲聞辟支佛等所得漏盡何以故一切聲聞辟支佛等得漏盡已一切生處而有障導不具自在教化衆生是故有導沙門瞿曇无有障導是名漏盡智通大王當知沙門瞿曇畢竟成就如是神通智行是故我言无有過失王言大師云何如來四無導智答言大王四無導智者一者法無導二者義无導三者辭無導四者樂說无導大王當知沙門瞿曇法無導者謂觀衆生初發心行多欲心行少欲心行及善法惡法世間法出世間法可作法不可作法有漏法無漏法有為法

無為法黑法白法生死法涅槃法菩提平等法性平等如實而知隨所應聞而為演說是名法無尋智

大王當知沙門瞿曇義无尋者於諸法中知第一義智是無我智无衆生智無人智无壽命智知於過去無有里尋智知於未来无有邊智知於現在一切種智知諸諦智是苦不和合智知集不作智知滅自性智知道能到智知諸衆生心行隨入智皆如實知隨所應聞而能為說是名義無尋智

大王當知沙門瞿曇辭无尋智者悉能了知一切音聲語言所謂知諸天龍鬼神軋閼婆阿修羅迦樓羅緊那羅摩睺羅伽人非人等所有音聲語言文字悉能了知隨所應聞種類差別一一能同方音差別說法說義是名辭無尋智

大王當知沙門瞿曇樂說无尋智者隨所應聞隨所來問一切語言及諸文字口所分別正直而答心無厭息所謂一切禪定三摩跋提辯說三乘

隨諸衆生一切心行如應而答言辭
美妙說無罣碍猶如流水不可窮盡
是名樂說无碍智大王當知沙門瞿
曇成就如是四無碍智是故我言无
有過失

王言大師何者如來四無量心答言
大王四無量者所謂慈心无量悲心
無量喜心无量捨心無量大王當知
沙門瞿曇有十種无量大慈之心一
者平等大慈不選擇一切衆生故二
者饒益大慈能開天人善道涅槃閑
諸惡趣故三者救護大慈畢竟能度
一切衆生生死險難故四者哀愍大
慈不捨一切衆生長養諸根故五者
解脫大慈滅諸衆生煩惱熱故六者
出生菩提大慈示諸衆生無上涅槃
大菩提故七者於諸衆生無碍大慈
放大光明普照一切衆生界故八者
虛空等大慈救護一切諸衆生故九
者法緣大慈覺悟一切諸衆生等知
真實法故十者无緣大慈證離生死
實法性故大王當知是名慈心无量
大王當知沙門瞿曇有十種無量大

悲之心一者不共大悲性大悲故二者不厭大悲代一切衆生受大苦故三者入一切惡道大悲處在生死度衆生故四者於諸天人受生大悲示現諸法悉無常故五者不捨一切邪定衆生大悲於无量劫起大擔心莊嚴成就故六者不著已樂大悲為與一切衆生樂故七者不求報大悲自心清淨故八者除滅一切衆生倒心大悲說實法故九者說真法性大悲知諸法界自性清淨故十者說空空無所有大悲不為諸客塵煩惱染故大王當知是名悲心無量

大王當知沙門瞿曇有十種无量大喜之心一者大喜慶諸衆生發菩提心故二者大喜念諸衆生捨諸有故三者大喜於犯戒者不生惡心教化成就故四者大喜於諸一切諍訟衆生悉令和合得無上智故五者大喜為諸衆生常護正法故六者大喜遠離世間出世間故七者大喜令諸衆生不著一切資生之具常樂正法故八者大喜不共一切難摧伏故九者

大喜不壞法界令諸衆生常樂禪定
解脫三昧相續不斷故十者大喜令
諸衆生專求寂靜除滅亂心得無上
慧遠離邪見滿足諸願故是名喜心
無量

大王當知沙門瞿曇有十種無量大
捨之心一者大捨一切衆生恭敬供
養心不加喜一切衆生輕慢毀辱不
生惱故二者大捨常行世間不為世
間八法所染故三者大捨知器知時
於器非器心行平等故四者大捨不
與衆生聲聞辟支佛學无學法故五
者大捨遠離一切煩惱習氣故六者
大捨不歎修行二乘菩提厭生死故
七者大捨遠離世間涅槃語非離欲
語戲笑語惱他語聲聞緣覺乃至一
切障菩提語故八者大捨若有衆生
待時受化如來於中暫時放捨故九
者大捨若有衆生應受佛化隨彼應
見種種色像即能現故十者大捨遠
離二法無上无下無取无捨無虛无
實觀察平等安住真實得淨忍故是
名捨心無量大王當知沙門瞿曇畢

竟成就如是四無量心是故我言无有過失

王言大師何者如來五根之相荅言
大王五根相者所謂信根精進根念
根定根慧根大王當知沙門瞿曇信
根者信於四法何等四法一者於生
死中行施正見信於業報乃至奪命
終不作惡故二者信菩薩行不隨諸
見專求菩提不求餘乘故三者信解
諸法同空無相无願同第一義同於
了義甚深因緣无我無人无衆生無
有分別故四者信一切佛十力四無
畏十八不共法如是信已除諸疑網
集一切佛法是名信根

大王當知沙門瞿曇精進根者若法
信根所攝是法即為精進根修是名
精進根若法精進根所攝是法終不
忘失是名念根若法念根所攝是法
不忘不失一心不乱是名定根若法
定根所攝是慧所觀是慧體性内自
照了不從他知自住正行是名慧根
大王當知沙門瞿曇畢竟成就如是
五根是故我言無有過失

王言大師何者如來五力之相答言
 大王五力相者所謂信力精進力念
 力定力慧力大王當知沙門瞿曇信
 變為佛身亦現出入禪定解脫不能
 傾動是名信力於諸善法得堅固門
 如所得力修諸禪定諸天及人所不
 能壞如本所願皆悉成就是名精進
 力所住諸法不為煩惱之所破壞何
 以故是正念力能摧伏故如是念力
 無能壞者是名念力遠離憤鬧常樂
 獨行雖有所說言語音聲不尋初禪
 善住覺觀不尋二禪心生歡喜不尋
 三禪雖樂教化一切衆生不捨佛法
 而亦不尋第四禪心行四禪時諸妨
 定法無所障尋不捨諸定亦不隨定
 而能自在處處受生是名定力知世
 間法出世間法無有一法能壞是智
 在在生處一切伎藝不從師受悉自
 然知一切世間外道苦行為化衆生
 悉能受行是出世間法能過世間者
 慧力所成是名慧力大王當知沙門
 瞿曇畢竟成就如是五力是故我言

無有過失

王言大師何者如來七覺分相答言
大王七覺分者所謂念覺分擇法覺
分精進覺分喜覺分猗覺分定覺分
捨覺分大王當知沙門瞿曇念覺分
者能觀諸法能分別法亦能觀察諸
法自相去何自相觀一切法自性皆
空念如是等一切覺了名念覺分若
能分別曉了八萬四千法聚如所了
法了義是了義不了義是不了義世
諦是世諦第一義諦是第一義諦假
名是假名正了無疑分別選擇如是
等法是名擇法覺分若念法擇法喜
法倚法定法捨法以智攝取精進勇
猛欲不退轉勤修進趣不捨本意行
於正道是名精進覺分於所修行無
量清淨勝樂法中心生悅豫無有懈
怠是喜踊躍能除身心所有煩惱是
名喜覺分若除身心諸煩惱垢離於
諸蓋入定境界令心正住是名倚覺
分如所入定恚能覺了非不入定是
覺了法又了諸見煩惱結縛其心平
等一切諸法無別異相能如是覺是

名定覺分若法憂喜其心不沒亦復不為世法所牽無高无下正住不動無有諸漏无喜無著无諸障尋隨順真諦正直正道是名捨覺分大王當知沙門瞿曇畢竟成就如是七覺分是故我言無有過失

王言大師何者如來八正道分答言大王八聖道分者所謂正見正思惟正語正業正命正精進正念正定大王當知沙門瞿曇正見者若見出世不起我人衆生壽命養育士夫斷見常見有見無見亦復不起善以不善无記等見乃至不起生死涅槃二相之見是名正見若能起彼貪欲瞋癡諸煩惱等是名不正不起是事惟思戒定智慧解脫解脫知見能如是思住戒聚中名正思惟凡所有說不令自身及以他身而有損惱成就如是善好語言起於正道是名正語若業是黑有黑報白有白報若業黑白有黑白報終不敢作若業非黑非白有非黑非白報若業能盡業是業必作是名正業修行聖種頭陀威儀不

動不轉無諸姦諂不為世間利養所牽見他得利心不生熱於已利養常知止足如是正行聖人所讚是名正命若精進向邪非聖所讚所謂貪欲瞋恚愚癡煩惱是正精進終不為之若法能入正諦聖道寂滅涅槃是正精進若念不失不動於法正直不曲見生死過進求涅槃繫心不忘不失正道是名正念若定不乱於一切法住是定時成正決定是名正定大王當知住是三昧者為一切衆生得解脫故成正決定是名正定是八聖道患是過去未來現在諸佛所行是名聖道大王當知沙門瞿曇具足成就如是三十七助菩提法依此法故沙門瞿曇名為如來應正遍知是故我言無有過失而說偈言

瞿曇四念處 及以四正勤 禪定諸三昧 於中得自在 惟瞿曇究竟 更無第二人 是故說瞿曇 无有諸過失 瞿曇如意道 寂勝無有比 修諸四无尋 具足到彼岸 大聖能善解 解脫器差別 是故如實知 能淨諸衆生 梵行得自在 慈悲及喜捨

得正見寂靜 是故無過失 八聖正道水
清淨無垢濁 洗諸罪衆生 服七覺寶衣
將置彼不動 無畏涅槃處 是故說瞿曇
無有諸過失 瞿曇如牛王 獨勝過諸群
衆聖皆尊仰 世間無等倫 離諸一切惡
具足諸功德 常念利世間 是故无過失
大王當知沙門瞿曇畢竟成就十種
智力王言大師何者是如來十種智
力荅言大王十力者所謂知是處非
處智力知業集智力知性智力知信
智力知根智力知至處道智力知定
盡智力大王當知沙門瞿曇知是處
非處智力者決定了知因果中智知
從是因能生是果不生是果知行不
善定得苦報不生樂報修行善因定
得樂果不生苦果是處者有是報非
處者无是報是名知是處非處智力
大王當知沙門瞿曇知業集智力者
如實能知過去未來現在諸業所得
果報知處知事知因知果或謂過去
事滅皆無沙門瞿曇說於過去雖无
現相是業能得未來世報若有作業

是聲聞因是辟支佛因是菩薩因是
如來因沙門瞿曇志能了知是名知
業集智力大王當知沙門瞿曇知欲
力者如實能知一切衆生種種欲樂
知是衆生樂於五欲知是衆生樂於
修道知是衆生住邪定聚知是衆生
住正定聚知是衆生住不定聚知是
衆生樂聲聞道知是衆生樂辟支佛
道知是衆生樂無上道如是知已隨
宜說法廣度一切諸衆生等是名知
欲智力

大王當知沙門瞿曇知性力者如實
能知一切衆生无量種性有漏種性
無漏種性世間性出世間性常性无
常性法界性無差別性又知衆生所
樂習成難改之性從性起欲知其所
樂及知所起善性不善性起聲聞性
辟支佛性無上菩提性皆如實知隨
宜說法是名知性智力

大王當知沙門瞿曇知根力者如實
能知一切衆生諸根差別知有漏根
無漏根利根鈍根知增知減能知貪
欲瞋恚愚癡有無量種各有輕重恚

如實知知有根能增長生死知有根能損減生死知善根不善根知非善非不善根知眼根耳根鼻根舌根身根意根男根女根命根苦根樂根憂根喜根捨根信根精進根念根定根慧根未知欲知根知根知已根知眼根因乃至意根因知耳根因作眼根緣知鼻根因作舌根緣知舌根因作身根緣知戒莊嚴能修於施知施莊嚴能修於戒能知誰可說施說戒乃至智慧亦復如是能知誰可為說四念處乃至八正道分知誰可為說聲聞乘辟支佛乘无上佛乘知緣覺根學聲聞乘知正覺根學聲聞乘辟支佛乘知下根人能修上根之人修於下根知衆生根未可調者則生捨心可調伏者為說正法知根熟不熟相不熟熟相不熟不熟相熟有熟相知生死根知解脫根知莊嚴根知具足根如是知已而為說法是名知根智力

大王當知沙門瞿曇知至處道力者如實能知行是道者墮於地獄乃至

生天行是道者得至涅槃是業皆從根欲性生知有漏業故生於五道无漏業故得至涅槃如是能知正定聚邪定聚及不定聚知於因力及果報力知過去世福德因緣知現在世莊嚴因緣難調易調略說廣解廣說略解知是衆生能得解脫知是衆生不得解脫知不定者遇善知識住正定衆不得善友則无解脫如是知已隨所應聞而為說法是名能知至處道力大王當知沙門瞿曇知禪定力者如實能知禪定解脫三昧三摩拔提知垢知淨知住知增知諸衆生以是因緣貪樂生死以是因緣貪樂涅槃云何名因云何名緣知諸衆生思惟不善是生死因緣因不善思惟故生長無明是故不善為因无明為緣因無明故則生於行是故无明為因諸行為緣如是乃至因生則有老死等苦是故生則為因老死為緣煩惱為因諸業為緣諸見為因愛結為緣煩惱為因五蓋為緣是名為因是名為緣而諸衆生以是因緣貪樂生死何因

緣故貪樂涅槃有二因二法令諸衆生樂於涅槃一者慧樂聽法二者樂正思惟復有二法一者舍摩他二者毗婆舍那又知說法因緣得聲聞三昧緣覺三昧菩薩三昧如是知已而為說法是名知定智力

大王當知沙門瞿曇知宿命智力者如實能知自身過去一切生處有色无色種性名字飲食色貌形相苦樂壽命長短念他有滅生於他有如知自身知他亦尔知是衆生所有業因是諸衆生造是業因得他有身知諸衆生心及因緣如是滅已次第生心悉知三世無有始終勸諸衆生觀諸過去所作善惡果報苦樂如是知已隨所應聞而為說法是名知宿命智力

大王當知沙門瞿曇知天眼智力者如實知見一切衆生生滅墮落若受善色若受惡色若生善有若生惡有知諸業因皆悉明了知是衆生身口意惡誹謗聖人增長邪見以惡業故捨此身已即墮地獄知是衆生身口意

善不誇聖人增長正見以是業緣捨
此身已即生善有能見十方諸佛世
界無有邊際猶如虛空無有限量志
見衆生生時滅時見諸世界成時壞
時亦知衆生發菩提心生時滅時見
一切佛始成正覺轉正法輪入涅槃
時見諸聲聞證解脫已取涅槃時見
諸緣覺以神通力報諸衆生信施恩
時如是等事一切五通聲聞緣覺及
諸菩薩所不能見沙門瞿曇天眼成
就如是功德以天眼故觀諸衆生誰
應為佛之所化度誰復應為聲聞緣
覺之所化度如是見已隨應度者亦
現其身而為說法是名知天眼智力
大王當知沙門瞿曇知漏盡力者諸
漏已盡畢竟解脫是故唱言我生已
盡梵行已立所作已辦更無後有佛
漏盡智清淨微妙言清淨者无習氣
故聲聞之智有邊有量何以故有習
氣故辟支佛智亦有邊量何以故無
大悲故佛漏盡智无量無邊何以故
知一切行故具足成就一切智故永
斷一切諸習氣故攝取大慈大悲莊

嚴四無所畏於一切法無取相習一切
世間所不能勝行住坐卧无諸過失
猶如虚空清淨無尋不雜烟雲佛漏
盡智亦復如是不雜一切煩惱習故
能為一切衆生說法令彼聞者斷諸
煩惱是名知漏盡智力大王當知沙
門瞿曇畢竟成就如是十種智力以
是莊嚴故名如來應正遍知是故我
言無有過失而說偈言

是處及非處 諸佛如實知 大尊實語者
是故無過失 於諸過去世 聖照無障尋
未來及現在 智慧不迷沒 業及業果報
所有果因智 皆能如實知 是故名為佛
世人無量性 種種如實知 於性中善解
是名無等人 世間種種信 及无量信者
如實智慧知 是故不異語 如實知下根
及知中根者 如實知根熟 於根得自在
生一切處道 世尊如實知 力通根禪定
覺分解脫者 知染及清淨 差別如實解
如來無有障 以離諸障故 過去无量生
種種知力見 自身及他身 智者如實知
佛淨眼无垢 過天人世間 依彼清淨眼
見衆生生退 知諸漏盡智 及知於解脫

所有無漏界聖人如實知是力无等等
佛世尊自在於一心中現而心无分別
不取亦不捨自然而現前如輪依本業
自然而迴轉一念如實知衆生諸心念
於心及衆生不起二種相於一切法中
具足諸功德是故說瞿曇自在无過失
大薩遮尼乾子所說經卷第八

癸卯歲高麗國大藏都監奉
勅彫造

九魏天生三歲菩提留支譯

如來無過功德品第八之四

大王當知沙門瞿曇畢竟成就四無所畏王言大師何者如來四無所畏
答言大王所謂一切智无畏漏盡無畏障道无畏盡苦道無畏大王當知
一切智无畏者沙門瞿曇恣以覺知一切諸法若諸世間天人魔梵沙門
婆羅門作如是言沙門瞿曇不能覺知一切諸法如實說者無有是處何
以故沙門瞿曇恣能覺知一切諸法是故名為平等正覺所謂凡夫法聖
人法聲聞法緣覺法佛法菩薩法學法無學法世間法出世間法善法不善
法有漏法無漏法有為法无為法覺如是法故名正覺言平等者見空
平等法真實故无相平等壞諸相故無願平等不著三界故不生平等无
生性故無行平等无行性故無出平等無出性故无至處平等無至處性
故真實平等无三世故解脫平等無

無明性故涅槃平等无生死性故是

佛

故沙門瞿曇悉能覺知一切諸法至
无畏處以大悲心在大衆中作師子
吼轉梵法輪一切世間天人魔梵沙
門婆羅門未曾有能如法轉者是名
一切智無畏大王當知漏盡无畏者
沙門瞿曇諸漏已盡是故唱言我漏
已盡若諸世間天人魔梵沙門婆羅
門作如是言沙門瞿曇諸漏未盡如
實說者無有是處何以故沙門瞿曇
諸漏已盡於欲漏有漏无明漏見漏
心得解脫諸習氣滅是故沙門瞿曇
諸漏已盡至無畏處在大衆中作師
子吼轉梵法輪一切世間天人魔梵
沙門婆羅門未曾有能如是轉者是
名漏盡無畏大王當知障道无畏者
沙門瞿曇知諸欲法能障聖道是故
說言欲能障道若諸世間天人魔梵
沙門婆羅門作如是言是諸欲法不
能障道如實說者無有是處何以故
沙門瞿曇如實覺知障道法故障道
法者謂十不善業能障聖道沙門瞿
曇能如實知至无畏處在大衆中作

師子吼轉梵法輪一切世間天人魔
梵沙門婆羅門未曾有能如法轉者
是名說障道无畏大王當知盡苦道
無畏者沙門瞿曇說言修習聖道能
盡苦際得無上解脫若諸世間天人
魔梵沙門婆羅門作如是言修習聖
道不能畢竟盡諸苦際如實說者无
有是處何以故沙門瞿曇已證無上
解脫盡諸苦故云何名為真實聖道
所謂一乘復有二種謂舍摩陀毗婆
舍那復有三種謂空三昧無相无願
三昧復有七法謂四念處乃至八聖
道是名畢竟真實聖道畢竟道者无
增無減无取無捨无執無放非正非
邪非一非二是名真實畢竟正道沙
門瞿曇如實能知至無畏處在大眾中
作師子吼轉梵法輪一切世間天人
魔梵沙門婆羅門未曾有能如法轉
者是名盡苦道無畏大王當知沙門
瞿曇畢竟成就如是四無畏智能師
子吼是故我言无有過失而說偈言
瞿曇如師子 處眾无畏說 世間無與等
何況有勝者 瞿曇證諸法 如實不虛妄

以是實見故 出師子王說 若有能說言
瞿曇說不正 瞿曇不能見 無有如是慶
以不見相者 在於天人中 自在師子吼
出妙無畏聲 瞿曇漏已盡 已得无漏身
過天人世間 是故言無等 瞿曇為衆生
說諸障道法 一切皆如實 故不虛妄說
瞿曇說進取 自證如是說 修行彼法者
無有諸障尋 瞿曇如是知 至勝无畏處
得無畏妙樂 瞿曇安隱住 轉梵正法輪
餘未曾轉彼 世人不能轉 除兩足尊者
大王當知沙門瞿曇畢竟成就就不共
之法王言大師何者如來不共之法
答言大王沙門瞿曇不共法者所謂
無有一切過名不共法何以故沙門
瞿曇身業無失故無一切過名不共
法何以故沙門瞿曇口業无失故無
一切妄名不共法何以故沙門瞿曇
意業无失故無種種相名不共法何
以故沙門瞿曇若得供養不生高心
若得毀辱不生下心故無不定心名
不共法何以故沙門瞿曇若行若住
若坐若卧若語若默常在定故无不
住心捨心名不共法何以故沙門瞿

曇修身故修戒故修心故修慧故斷
癡故是名聖捨欲無休息名不共法
何以故沙門瞿曇大慈大悲說法度
人安住寂靜無增減故精進无休息
名不共法何以故沙門瞿曇為一切
衆生於無量劫受大苦惱不生疲厭
故念無休息名不共法何以故沙門
瞿曇初得道時遍觀一切去來現在
衆生之心後為說法不須更觀不失
先念故智慧无休息名不共法何以
故沙門瞿曇於三世中憶念不忘故
解脫无休息名不共法何以故沙門
瞿曇不從師學自然覺悟不同二乘
從他聞故因緣生故解脫知見無休
息名不共法何以故沙門瞿曇得无
尋智知一切義一切字一切句於一
句法无量劫說義無窮盡故一切身
業智為本智展轉名不共法何以故
沙門瞿曇所有身業隨智行故一切
口業智為本智展轉名不共法何以
故沙門瞿曇所有口業隨智行故一
切意業智為本智展轉名不共法何
以故沙門瞿曇所有意業隨智行故

知過去世無障无寻名不共法何以故
沙門瞿曇具宿命明故知未來世無
障无寻名不共法何以故沙門瞿曇
得天眼明故知現在世無障无寻名
不共法何以故沙門瞿曇得漏盡明
故無見頂者名不共法何以故沙門
瞿曇无邊身故無能勝者名不共法
何以故沙門瞿曇過諸天人聲聞辟
支佛故衆生各各見在已前名不共
法何以故沙門瞿曇身不可思議故
所有言說聞者生善名不共法何以
故沙門瞿曇成就一切諸功德故說
法之音隨受者聞名不共法何以故
沙門瞿曇善知餘者聞无益故出言
清淨名不共法何以故沙門瞿曇口
常不說非義語故出口所說盡言軟
語聞者歡喜名不共法何以故沙門
瞿曇其心平等離怨親故所說言音
聞者無厭名不共法何以故沙門瞿
曇說微妙故處衆无畏名不共法何
以故沙門瞿曇清淨一切諸智障故
於衆言說不生怯弱名不共法何以
故沙門瞿曇畢竟成就四無畏故隨

意言說名不共法何以故沙門瞿曇
善知一切衆生心故弟子寂靜名不
共法何以故沙門瞿曇所有徒衆隨
順受教故見者離惱除諸不善名不
共法何以故沙門瞿曇常願其身如
藥樹王故觀者無歎名不共法何以
故沙門瞿曇能令見者覺一切法故
動身迴顧如大爲王名不共法何以
在於四衆能師子吼名不共法何以
故沙門瞿曇具足十力善決衆疑故
常受上供名不共法何以故沙門瞿
曇無上福田故功德無盡名不共法
何以故沙門瞿曇所修諸行不求果
報故一切天人魔王梵衆無能壞者
名不共法何以故一一節中有辦羅
延力故所記之事無有虛謬名不共
法何以故善知一切諸根使故知一
切行名不共法何以故沙門瞿曇覺
一切法故所有智慧無有疑濁名不
共法何以故沙門瞿曇善知三世智
清淨故煩惱習盡名不共法何以故
沙門瞿曇善能清淨煩惱因故於諸

世間天人魔梵沙門婆羅門衆中而
為師首名不共法何以故沙門瞿曇
通達一切諸法相故所得法身名不
共法何以故沙門瞿曇壽命无盡故
見聞親近得大利益名不共法何以
故沙門瞿曇成就善法三業不空故
出身血者犯於逆罪名不共法何以
故沙門瞿曇成就無上勝善根故大
王當知沙門瞿曇畢竟成就如是不
共法是故我言無有過失而說偈言
瞿曇無過失 亦無一切習 諸念皆清淨
是智者无過 一切無異相 而心不忘失
捨心非無作 諸欲皆不減 精進无懈怠
有念不曾忘 慧解脫不退 正見无失減
智慧不可動 身口業亦尔 以智為根本
如是常展轉 常智无過失 過去世亦尔
未來及現在 諸處无障碍 瞿曇是智者
如是諸功德 更有餘勝法 地主不可數
王言大師如來成就如是功德莊嚴
之身為是常也為無常也如是功德
為有盡也為无盡也答言大王沙門
瞿曇住是功德盡生死際最後邊身
是常住身非无常也大王當知勿觀

瞿曇同無常也王言大師如是常身
當云何觀答言大王如自觀已法性
之身觀於瞿曇法身亦亦是身為色
不可如色見故是身為心不可如心
知故是身為性不闡故是身勇健
降衆惡故是身為力無降伏故是身
无違性平等故是身為空離見聞故
是身無相離覺觀故是身无願出三
界故是身一相無異相故是身如虛
空無相似故是身非生從緣生故是
身非滅本不生故是身非住非三世
故是身非方不離方故是身非衆生
不離一切衆生故大王當知如是觀
者名觀常身名見法身大王當知如
是觀者名為正觀若他觀者名為邪
觀王言大師云何非生而從緣生大
王當知法身非生從緣生故王言大
師云何從緣生大王當知從緣生者
從無量功德智慧生從戒生從定生
從慧生從解脫生從解脫知見生從
慈悲喜捨生從布施生從持戒生從
忍辱生從精進生從禪定生從智慧
生從解脫三昧生從諸方便波羅蜜

生從六通生從三明生從四無尋生從十力四无所畏十八不共法生從斷一切不善法集一切善法生從實慧生從不放逸生大王當知從如是無量清淨功德法生瞿曇身功德無盡故法身无盡王言大師生法有盡云何有生而無有盡答言大王本不生故而无有盡王言大師何者本不生故答言大王法身非生以本有故緣者無量无邊若欲行者以何為本從何為始答言大王一切功德助道之行舉要言之以戒為本持戒為始若不持戒乃至不得芥野干身何況當得功德之身大王當知以戒淨故不斷佛種成等正覺不斷法種分別法性不斷僧種修無為道以持淨戒相續不斷故功德無盡王言大師一切戒善皆無有盡亦有盡也答言大王非一切盡亦非不盡何以故相續斷故有盡不斷故无盡王言大師何者相續斷何者相續不斷答言大王淨戒相續不中断故功德無盡何以

故凡夫戒者在所受生斷故有盡人
中十善所得果報斷故有盡欲界諸
天福報功德斷故有盡色界諸天禪
無量心斷故有盡無色諸天取入諸
定斷故有盡一切聲聞學无學戒入
涅槃際斷故有盡辟支佛戒無大悲
心斷故有盡諸菩薩戒到於菩提成
大悲故功德無盡何以故於是戒中
出生一切凡夫二乘所有諸戒如種
無盡故果亦无盡是故菩提種不可
盡王言大師如此法身當依何法作
如是觀答言大王當依一切衆生煩
惱身觀當依貪欲瞋恚愚癡衆生中
觀當依四顛倒見衆生中觀當依陰
界諸入中觀當依地獄畜生餓鬼乃
至阿修羅等諸身中觀何以故此身
即是如來藏故大王當知一切煩惱
諸垢藏中有如來性湛然滿足如石
中金如木中火如地下水如乳中酪
如麻中油如子中牙如藏中寶如摸
中像如孕中胎如雲中日是故我言
煩惱身中有如來藏尔時薩遮尼釁
子重說偈言

瞿曇法性身妙色常湛然清淨常寂滅
其相如虛空如是法性身衆生等无差
此境界甚深二乘不能知

尔時嚴熾王聞大薩遮尼乳子說於
如來不可思議功德法身生歡喜心
生踊悅心生踊躍心生無量歡喜心
生无量信敬心生無量愛念心生无
量慶悅心於大薩遮尼乳子所復生
不可思議者心生不可量者心生可
尊者心生可尊重者心生可恭敬者
心生善知菩提道者心生一切智者
心生到彼岸者心生寤寐者心生與
念者心生住不可思議解脫菩薩心
生如是等不可思議種種心已以價
直百千万阿僧祇瓔珞及不可量上
價妙衣持用奉施薩遮尼乳子復作
是言善哉善哉薩遮大師能說如是
勝大方便巧妙法門復作是言薩遮
大師師所說法善巧隨順一切智智
此法能到一切智地師所說法能度
一切諸世間流師所說法能洗一切
諸煩惱垢師所說法能破一切諸嫉
妬門師所說法能拔一切諸惡道苦

師所說法能善方便壞散一切大憍
慢山師所說法能恣能乾竭一切世間
愛欲大海師所說法能照一切無智
稠林師所說法能不失時不失受時
今時薩遮尼乾子告嚴熾王言如是
如是大王諸菩薩摩訶薩无有威儀
不化衆生無有一法不能隨順大乘
法門無有一法不能到於一切智地
无有一法不能斷於一切煩惱無有
一法不亦世間一切過失无有一法
不亦涅槃無上功德无有一法不亦
菩薩無上勝行大王當知諸菩薩摩
訶薩所行一切行皆為自利亦為他
利彼二俱利薩遮尼乾子說此法門
時嚴熾王得大堅固不退轉菩提之
心王十六子所得名為歡喜踊躍境
界信心八千天子得名觀佛莊嚴三
昧時嚴熾王所有眷屬及大薩遮尼
乾子諸眷屬等十三千人發阿耨多
羅三藐三菩提心彼諸衆生各各脫
身所著上衣持用奉施薩遮尼乾子
而作是言我今善得無上大利以我
得見薩遮善男子故得聞說此一切

智慧勝妙法門

大薩遮尼乳子所說經詣如來品第九

尔時嚴熾王及諸眷屬作是言薩遮
善男子師今應往詣如來所見佛世
尊禮拜如來供養如來何以故今佛
世尊在我園中為諸大眾說微妙法
薩遮尼乳子言善哉大王欲見如來
今正是時可共國內城邑小王諸聚
落主大臣王子長者居士及王夫人
後宮嫔女并王大力臣如是等眾一時
同心俱往佛所尔時嚴熾王勅令國
內一切城邑乃至聚落主等各將所
領及家眷屬悉共在嚴俱詣佛所若
其不往如來所者當斷其命尔時國
內所有的一切善男子善女人及童男
童女等聞王教令欲與薩遮大師俱
往佛所親覲供養心生歡喜各各莊
嚴綵飾綺妙備諸一切種種香華塗
香末香花鬘幡蓋執諸種種一切伎樂
出薊闍延城在於大路待嚴熾王尔
時嚴熾王駕七寶繩交絡輦輿以諸
無量金瓶銀瓶挿種種華帔在兩廂
王與大力現大王勢作大王神通作

大王奮迅爲馬車步作大王戲樂豎
諸種種幢幡華蓋打八千種諸妙聲
鼓種種歌舞與大薩遮尸乳子大臣
王子與王大力夫人宮人及諸小王
長者居士乃至守門守宮人等九万
八千万人前後圍繞俱往園中詣如
來所到佛所已頂礼佛足繞佛三匝
薩遮尸乳子與諸眷屬頂礼佛足繞
佛无量百千匝已却坐一面一心合
掌觀佛不捨默然而住

大薩遮尸乳子所說經說法品第十之一

尔時慧命舍利弗見大薩遮尸乳子
在佛前坐一心合掌觀佛不捨默然
而住作是思惟此薩遮尸乳子為何
事故來詣佛所作是念已語大薩遮
尸乳子言汝為何事來詣佛所為見
佛也為聞法乎尔時薩遮尸乳子語
慧命舍利弗言大德舍利弗我今來
詣佛世尊所不為見佛不為聞法大
德舍利弗我今不為一切法故來詣
佛所何以故大德舍利弗非見色故
名見如來非見受想行識故名見如
來非見地性故名見如來非見水性

火性風性故名見如來非見我故名
見如來非見衆生故名見如來非見
壽命故名見如來非見人故名見如
來非見作者故名見如來非見我所
故名見如來非見所見事故名見如
來非見相故名見如來非見無相故
名見如來何以故大德舍利弗不見
一切相名見如來不執著見名見如
來不見物故名見如來如實見故名
見如來見實際非際故名見如來猷
眼猷色故名見如來不見耳不聞聲
故名見如來不見鼻不嗅香故名見
如來不見舌不知味故名見如來不
見身不見觸故名見如來不見意法
不分別意法故名見如來舍利弗言
薩遮大德若如是相見不見如來者
云何名見佛世尊也薩遮居乳子答
言大德舍利弗非見家故名見如來
非見姓故名見如來非相故名見如
來非非相故名見如來非法故名見
如來非非法故名見如來非實故名
見如來非非實故名見如來非觀故
名見如來非非觀故名見如來非念

故名見如來非非念故名見如來非
分別故名見如來非非分別故名見
如來非有為故名見如來非無為故
名見如來非有物故名見如來非无
物故名見如來非和合故名見如來
非別離故名見如來非色故名見如
來非受想行識故名見如來非取故
名見如來非不取故名見如來非生
故名見如來非不生故名見如來今
時慧命舍利弗語大薩遮尼乾子言
薩遮大德若如是見名見如來者薩
遮大德云何而見佛世尊也薩遮尼
乾子答言大德舍利弗我非見色見
如來亦不離色見如來我不滅壞色
名見如來如是非見受想行識名見
如來不離受想行識名見如來我不
滅壞受想行識名見如來我不見如
來世間所攝亦不見如來出世間攝
我不見如來為陰所攝不見如來為
界所攝不見如來為入所攝我見如
來離諸一切音聲言語我今如是見
於如來如是不見非不見不知不分
別不起不亦不生不增長不取不捨

不戲論不作相不作非不作物
非不作物不受不護非作心見非自
然見非觀見非不觀見非可語見非
不可語見離一切言語名字章句音
聲名見如來何以故以不可如是相
見故大德舍利弗諸菩薩摩訶薩如
是見佛我亦是見於如來舍利弗
言薩遮大德若能如是見如來者如
來說法大德云何而得聞也答言大
德舍利弗我若起法相非法相應聞
如來所說之法何以故大德舍利弗
諸菩薩摩訶薩於諸一切名字章句
言語之音聞說法聲而不作心法相
非法相何以故以離一切諸法相故
舍利弗言薩遮大德汝來佛所非為
法來也答言大德舍利弗我不為法
非不為法來詣佛所何以故大德舍
利弗夫為法者不為一切法名為為
法大德舍利弗若有人言為法來者
彼人不著此法名為佛不見此法名
為法不著生名為僧夫為法者不為
知苦不為離集不為修道不為證滅
不為過欲界不為過色界不為過无

色界不為得涅槃大德舍利弗汝依此法應知我今不為法故來詣佛所
爾時慧命舍利弗告大薩遮尼乾子
言薩遮大德今依何法作如是說答
言大德舍利弗我今都不依於一法
作如是說何以故法界中无依法界
中依不可得法界中無依亦不可得
何以故以不見二故舍利弗言薩遮
大德汝今不依六道去來也答言大
德舍利弗我若見彼六道相者應有
去來我若有生亦應受生有退應退
有去應去大德舍利弗一切法不動
不轉不去不退不生舍利弗言薩遮
尼乾子若如是者如來何故說言比
丘汝生老死亦退亦生答言大德舍
利弗如來依著六道衆生作如是說
為欲拔彼依止六道是故如來作如
是說大德舍利弗於佛法中不去不
來不退不生舍利弗言善哉善哉薩
遮大德如薩遮大德所說是大乘行
者知義知字者薩遮尼乾子言大德
舍利弗汝知何者為義何者為字舍
利弗言善男子我不欲說我欲聞說

大德當說何者為義何者為字今時
薩遮尼軋子告舍利弗言大德舍利
弗所言義者名不可說說不可說名
之為字所言義者名不可語說彼語
者名之為字所言義者名不可名說
彼名者名之為字所言義者不可動
不可知不可戲論不可分別不可生
不可聚非物非實無我非起非可取
非可依遠離一切依言語名字所言
字者思惟數稱量觀察令他解名之
為字所言義者為義无尋所言字者
名法無尋辭无尋樂說無尋大德舍
利弗是名略說義略說字今時世尊
告薩遮尼軋子言善哉善哉薩遮尼
善哉若有善男子欲說法者應如是
說如汝所說說此法門今時衆中三
千天子聞大薩遮尼軋子樂說辯才
得無生法忍二十千衆生發阿耨多
羅三藐三菩提心

大薩遮尼軋子所說經卷第九

癸卯歲高麗國大藏都監奉
勅彫造

大薩遮尼乾子所說經卷第十

四

元魏天生三藏菩提留支譯

說法品第十之三

尔時慧命大目犍連白佛言世尊此
薩遮尼乾子現此外道相教化幾所
衆生發阿耨多羅三藐三菩提心佛
告目連目連汝今問我此事天人聞
說皆悉迷沒除諸菩薩摩訶薩衆目
連我今說其少分令衆生入薩遮善
男子以種種形種種色種種威儀教
化衆生發阿耨多羅三藐三菩提心
目連如須弥山微塵數等衆生住外
道法中薩遮善男子行外道法教化
令發阿耨多羅三藐三菩提心四天
下微塵數等衆生住遮羅伽外道法
中薩遮善男子行遮羅伽法教化令
發阿耨多羅三藐三菩提心八萬四
千恒河沙等衆生住波利婆闍外道
法中薩遮善男子行波利婆闍外道
法教化令發阿耨多羅三藐三菩提
心十恒河沙等衆生樂聲聞行薩遮
善男子現聲聞行教化令住聲聞菩

提後發阿耨多羅三藐三菩提心過
是聲聞數等身現行辟支佛形教化
令發阿耨多羅三藐三菩提心無數
衆生薩遮善男子行菩薩道教化令
發阿耨多羅三藐三菩提心應見帝
釋身而受化者即現帝釋身教化衆
生應見梵王身而受化者即現梵王
身教化衆生應見轉輪王身而受化
者即現轉輪王身教化衆生應見四
天王身而受化者即現四天王身教
化衆生應見緊那羅身而受化者即
現緊那羅身教化衆生應見阿修羅
身而受化者即現阿修羅身教化衆
生應見迦樓羅身而受化者即現迦
樓羅身教化衆生應見摩睺羅伽身
而受化者即現摩睺羅伽身教化衆
生應見人身而受化者即現人身教
化衆生應見女身而受化者即現女
身教化衆生應見童男童女身而受
化者即現童男童女身教化衆生應
見地天身而受化者即現地天身教
化衆生應見同生天身而受化者即
現同生天身教化衆生應見聖人身

而受化者即現聖人身教化衆生應見摩那婆身而受化者即現摩那婆身教化衆生應見比丘比丘尼身而受化者即現比丘比丘尼身教化衆生應見優婆塞優婆夷身而受化者即現優婆塞優婆夷身教化衆生目連薩遮善男子現如是等一切種種無量身相教化如是无量衆生發阿耨多羅三藐三菩提心目連白佛言世尊薩遮善男子供養幾所諸佛佛告目連目連地界水界火界風界虛空分界等悉可量數而薩遮善男子以種種身所供養佛不可量數

大薩遮尼乾子所說經授記品第十一

今時大德摩訶迦葉告薩遮善男子言善男子汝已供養無量諸佛具足成就無量无边諸功德聚何故不成阿耨多羅三藐三菩提薩遮答言大德迦葉我若有見此是菩提此是證者我應得阿耨多羅三藐三菩提迦葉言薩遮善男子無量无边菩薩發阿耨多羅三藐三菩提心可不已成阿耨多羅三藐三菩提當成阿耨多

羅三藐三菩提現成阿耨多羅三藐
三菩提也薩遮荅言大德迦葉汝今
所言無量无边諸衆生等成阿耨多
羅三藐三菩提者此是憍慢衆生之
異何以故大德迦葉於第一義中菩
提不可得菩薩不可得何以故大德
迦葉言菩提者名為无為菩提者離
一切數菩提者非色法菩提者不可
見菩提者非青非黃非赤非白非紅
非黑非頗梨色無色无形無相无表
過一切相無依離一切依無物離一
切物無相離一切相不可言不可說
不可見不可和合知不可別異知非
闇非明无形无相無可觀非言語離
言語不可觸不可知不可聞非音聲
非口道無擁无罣無縛无脫非瞋非
癡不可以一切事示現不可說大德
迦葉菩提體如是相彼不可以身證
不可以心知何以故大德迦葉是身
無知如草木是身无覺如石壁是身
無識如鏡像是故不可以身得菩提
大德迦葉心亦不可見不可示是故
不以心得菩提大德迦葉衆生不可

見無衆生故是故不得阿耨多羅三藐三菩提大德迦葉一切諸法若如是者云何迦葉而作是言汝已供養無量諸佛滿足無量無邊功德何故不成阿耨多羅三藐三菩提今時會山諸菩薩摩訶薩比丘比丘尼優婆塞優婆夷釋提桓因四天王梵天王等一切大衆作如是念如來世尊應除我等疑惑心故隨我心信應與薩遮善男子授阿耨多羅三藐三菩提記於幾所時當成阿耨多羅三藐三菩提於何等劫何等世界何等國何等姓何等家何等眷屬云何出家何等樹下成阿耨多羅三藐三菩提成阿耨多羅三藐三菩提已佛名何等幾時住世幾衆集會今時世尊知彼衆會諸菩薩摩訶薩比丘比丘尼優婆塞優婆夷釋提桓因四天王梵天王等心之所念諸覺觀已告文殊師利法王子言文殊師利此薩遮善男子過此賢劫復過無量無數劫已當成阿耨多羅三藐三菩提佛名實慧幢王世界名善觀名稱彼世界中無

諸怨敵文殊師利彼善觀名稱世界
莊嚴希有殊特極妙可樂其地七寶
間錯莊嚴城郭周匝七寶牆障百千
萬重其中復有七百千萬重大香水
海周匝圍遶七百千萬大毗琉璃摩
尼寶珠以為門闕十百千萬閻浮檀
金以為羅網遍覆世界十百千萬摩
尼寶間錯其闕懸十百千萬師子愛
摩尼寶遍諸宮殿以為嚴飾十百千
萬師子幢摩尼寶莊嚴街道十百千
萬火幢摩尼寶日夜常然普照世界
十百千萬七寶和鈴常出妙聲遍諸
世界堅十百千萬摩尼寶高幢普遍
世界懸十百千萬金幡置在高幢文
殊師利彼善觀名稱世界地平如掌
寶樹普覆諸草柔軟右旋婉轉如善
巧畫如孔雀項毛其觸柔軟如迦陵
伽鳥遍覆世界十百千萬妙莊嚴園
普遍世界一一園中十百千萬諸大
寶池普遍莊嚴一一池皆八道側方
八楞摩尼寶以為間錯閻浮檀金沙
遍布其底一一池中皆各滿足八味
香水七寶鈴頭摩花以覆水上昆崙

遮鳥耆婆耆婆鳥常出妙聲遍諸世界文殊師利彼善觀世界有八千萬城邑聚落遍滿國土以為莊嚴一大城中有十百千萬小城以為莊嚴一切城邑皆亦如是一一城邑一一聚落滿百千萬男子女人童男童女文殊師利彼善觀名稱世界中有二四天下名曰見者歡喜世界諸四天下此寂勝妙人民熾盛安隱快樂寶慧幢王如來應正遍知彼世界中出現於世文殊師利彼寶慧幢王如來生在婆羅門家母名速行如我現世母名摩耶父名梵才如我現世父名白淨王兒名名稱如我現世子羅睺羅妻名大慧如我現世釋種瞿夷乳母名大稱如我現世摩訶波闍波提瞿曇彌奉侍人名常隨順如我現世闍陀迦馬名大速如我現世馬王捷陟寶慧幢王如來乘彼大速踰城出家如我現世所乘捷陟馬王出家彼佛道場名曰法尚寶慧幢王如來於彼道場成阿耨多羅三藐三菩提如我現在寂滅道場彼道場樹有八十

萬百千萬億樹以為眷屬文殊師利
實慧幢王如來於彼劫中出世之時
無諸魔怨及魔眷屬文殊師利彼實
慧幢王如來成阿耨多羅三藐三菩
提時彼世界中所有衆生一切執持
種種華香塗香末香散香作諸種種
伎樂歌舞一時往詣法尚道場乃至
阿迦尼吒天一切天衆作諸種種天
妙伎樂集彼道場一切夜叉衆作諸
伎樂集彼道場彼世界中所有一切
乾闥婆衆一切阿修羅衆一切迦樓
羅衆一切緊那羅衆一切摩睺羅伽
衆各作百千萬種伎樂與其眷屬集
會道場東方南方西方北方四維上
下無量無邊世界菩薩俱來集會文
殊師利實慧幢王如來初成正覺為
彼時會所集大衆說此菩薩行方便
境界奮迅大法門有無量百千萬億
那由他修多羅以為眷屬文殊師利
彼實慧幢王如來說此法門時恒河
沙等衆生得不退轉阿耨多羅三藐
三菩提文殊師利彼實慧幢王如來
出世下說三衆教化之法何以故彼

佛國土無諸聲聞辟支佛人彼世界中所有衆生皆信一乘皆信菩薩上妙勝行文殊師利彼實慧幢王如來初集會時有諸无量恒河沙等不退菩薩而來集會第二會時有八十億百千萬那由他一生補處菩薩而來集會第三會時有六十頌婆羅菩薩而來集會文殊師利次於後時無量無邊衆生得不退轉阿耨多羅三藐三菩提心文殊師利彼實慧幢王如來得阿耨多羅三藐三菩提已六十小劫住世說法後入涅槃佛涅槃後正法住世八十萬億百千億那由他劫正法流行教化衆生人衆多少所得利益如佛在世所度不異文殊師利彼實慧幢王如來臨涅槃時與大幢王菩薩授記然後入般涅槃作如是言大幢王菩薩次我後成阿耨多羅三藐三菩提名大莊嚴如來應正遍知今時大衆欲知衆中何者是彼大幢王菩薩次彼實慧幢王如來後成阿耨多羅三藐三菩提何者名大莊嚴如來應正遍知今時世尊知彼

時衆覺觀心念知心念已告文殊師利法王子言文殊師利此薩遮善男子坐前坐者名實喜摩那婆於一切弟子衆中竅為第一此摩那婆於彼時中成大莊嚴如來應正遍知彼佛世界莊嚴勝妙如實慧幢王如來世界不異今時會中間說彼佛國土勝妙功德莊嚴彼六十百千萬億那由他菩薩願生彼國作如是言此實慧幢王如來成佛之時願我往生彼佛國土今時世尊即與授記皆當往生彼佛國土八十千萬那由他衆一時同聲白言世尊我亦願往生彼佛國世尊亦即皆與授記汝善男子一切皆當生彼佛國八千萬億那由他天子虛空界中作如是言世尊我等亦願實慧幢王如來得菩提時俱往生彼善觀名稱世界得見彼佛不可思議功德莊嚴清淨國土時佛即告彼諸天子諸善男子汝等皆當生彼善觀名稱世界供養彼佛諸天子汝等亦當在彼善觀名稱世界皆成阿耨多羅三藐三菩提種種名字壽命住

世劫數多少如彼寶慧幢王如來住
世不異彼時三千大千世界六種振
動大地涌出百千萬億鉢頭摩花閻
浮檀金為葉大青因陀羅摩尼寶以
為其臺瑪瑙日光寶為瑱大毗琉璃
摩尼寶以為其莖彼諸一切鉢頭摩
花一一花上見有無量百千萬億諸
菩薩衆結跏趺坐三十二相八十種
好莊嚴其身一切皆共歸命如來彼
諸菩薩各以種種寶雲羅網奉施如
來作如是言世尊我等種種世界來
詣佛所為聞佛說不可思議示現菩薩
功德法門為見如來禮拜如來供養
如來為見薩遮大善男子為欲見此
大會所有諸菩薩衆
如來說此妙法門時於不可思議佛
國土中無量無邊諸來菩薩皆得不
退阿耨多羅三藐三菩提尔時世尊
敬重宣此義而說偈言

一心攝諸報 聽我說妙法 如來無妄語

諸佛不虛說 薩遮及大眾 未來無量世
過不可數劫 無刺淨劫中 尔乃得成佛
号寶慧幢王 時世無垢害 故名無刺劫

時彼佛世界 号善觀名稱 具足諸功德
天人皆歎仰 國界諸莊嚴 一切皆殊妙
門闕諸樓閣 百千諸寶成 閻浮金羅網
遍覆相映發 光明常普照 晝夜无差別
懸諸百千寶 建立師子幢 寶鈴出妙聲
說於如寶法 無垢寶垣牆 過諸天宮殿
泉流諸池水 具足八美味 鉢頭摩諸花
拘迦那陀等 鮮明滿諸池 不雜諸塵垢
彼世界住處 四天下中寂 具足妙莊嚴
是故名樂見 彼處如來生 婆羅門出家
母名曰速行 父字名梵才 子名曰妙稱
如我羅睺羅 彼夫人大慧 如我今瞿夷
乳母大名稱 如我波闍提 給侍名隨順
亦名闍厘迦 如我闍厘迦 恭敬隨我心
第一寂勝馬 字名曰大速 彼能出如來
如我乘捷步 彼佛菩提樹 字名曰法尚
勝樹為眷屬 八十百千萬 彼樹下法王
字名寶惠佛 坐彼道樹下 成於大菩提
無諸魔眷屬 亦无諸魔業 彼佛國土中
無有諸怨刺 无量諸天人 俱集彼淨土
各執妙花鬘 百千諸伎樂 各以恭敬心
俱詣如來所 如來知彼心 為說諸妙法
無量修多羅 以為諸眷屬 彼佛初集時

聞此法門者過恒沙塵衆不退之菩提
彼無聲聞乘及無辟支佛諸勇猛菩薩
充滿彼淨土第二時會中有諸菩薩衆
八十那由他一生住補處第三會所集
諸大勝菩薩六十頻婆羅住於如實處
彼如來住世壽命六十劫時佛滅度後
法燈住世間舍利廣流布八十億萬千
那由他劫住利益諸衆生彼佛記大幢
然後入涅槃佛名大莊嚴名稱顯世間
彼世界莊嚴不異實慧佛於彼國土中
成無垢菩提汝等當信我智慧如虛空
無盡性常住遍處無障導悉能見未來
未有當有事何況過去劫曾有而不記
我住第一義如實智慧中出言無虛妄
亦不令他說我今說真實美妙甘露法
是故汝大衆聞應諦信受大衆聞佛說
皆生歡喜心彼佛成道時咸願生彼國
世尊志記彼無量諸衆生彼佛出於世
汝等皆往生汝等彼世界教化諸衆生
即彼成菩提世界亦不異說此法門時
大地六種動蓮花中菩薩合掌向佛言
善哉佛世尊不可得思議為諸無量衆
善說此法門我等諸大衆無量世界來

生觀字釋義第十 第十四
皆為欲聞此 寂上妙法輪

三

大薩遮尼乾子所說經信功德品第十二

今時會中一切大衆皆大歡喜踊躍
各各脫身所著上衣奉施如來而作
是言如來世尊今於世間第二轉法
輪如來昔於波羅捺城初轉法輪今
復於此鬱闍延城第二轉法輪復作
是言世尊我等願常不離聞此妙寶
法門願常不離薩遮善男子時虛空
中諸天伎樂妙鼓出聲天雨曼鉢羅
花鉢頭摩花拘牟頭花分陀利花婆
師迦花等滿佛足下天於空中滿天
寶衣如雲而下而作是言若有善男
子善女人有能受持讀誦書寫為人
解說此妙法門彼人決定已得無量
无边功德今時文殊師利法王子菩
薩白佛言世尊善男子善女人有能
受持讀誦書寫廣為人說此妙法門
成就幾許功德佛告文殊師利法王
子言文殊師利若有善男子善女人
數此三千大千世界衆生若有色若无
色若有想若无想於衆生界中所有
衆生佛智慧知彼諸一切所有衆生

一時俱生得於人身得人身已彼共俱修波羅蜜行一時俱成阿耨多羅三藐三菩提彼諸佛等一劫住世有善男子善女人滿足一劫供養承所諸佛如來礼拜恭敬尊重讚歎具足一切諸勝供養乃至一切花香伎樂文殊師利於意云何彼善男子善女人得福多不文殊師利言甚多婆伽婆甚多修伽陀彼善男子善女人所得功德無量无边不可量不可數不可知不可說佛告文殊師利若有善男子善女人受持讀誦書寫流布為人廣說此菩薩行方便功德法門所得功德過彼善男子善女人供養諸佛功德無量无边不可稱數不可校量文殊師利白佛言世尊希有婆伽婆希有修伽陀如來為欲安樂一切諸衆生故說此法門復作是言世尊此妙法門於閻浮提幾時住世佛告文殊師利我涅槃時有八大國王為欲流布我舍利故彼時八國分為八分置八函中人取一函各還本國立大塔廟尊重供養

余時阿闍世王於我舍利所得一分
於金疊上書此修多羅并與舍利一
時俱置七寶函中於王舍大城外掘
地作坑於中立塔莊嚴殊妙以舍利
函置彼塔中懸百千萬阿僧祇寶蓋
幢幡散諸无價一切香花七寶香甕
盛滿香油然大燈炷滿一百年住持
不滅文殊師利我入涅槃一百年後
有阿輸迦王於毛梨家生出現於世
作轉輪王王闍浮提而得自在得具
足力善能降伏剛強衆生彼王余時
必觀察我能憶念我護持我法於我
身上得尊重心文殊師利彼阿輸迦
王有一比丘名淨自在王子中生出
家求道阿輸迦王以為門師有大神
通力有大威德力護諸佛法護大方
廣阿輸迦王深心尊重淨自在比丘
故不令餘處常在王家身自供養文
殊師利阿輸迦王為欲流布我身舍
利饒益一切諸衆生故欲出地下舍
利寶函與諸無量大目王子長者居
士眷屬圍繞設大莊嚴顯大王力執
持香花塗香末香散香作百千種諸

妙伎樂詣王舍大城設諸一切勝妙
供養無量無邊不可稱數掘出地中
舍利寶函出已七日以一切香一切
花一切花鬘一切散香一切塗香一
切伎樂供養恭敬滿七日已於閻浮
提種種國土非前後時於一日一時
一須臾間遍閻浮提一時建立八萬
四千佛舍利塔令時淨自在比丘於
彼舍利函中取此法門在於北廂大
國土中廣宣流布文殊師利彼淨自
在比丘雖加流布而此法門受持者
少多人不知多人不覺多人不攝多
人不受希有人能受持讀誦此法門者
何以故此是勝法衆生薄福不應聞
故文殊師利此妙法門人多秘掌置
經函中諸庫藏中何以故以無法器
不應得種無上善根故何以故文殊
師利此妙法門難信難行難量故文
殊師利凡所有人宿無善根曾聞大
乘生疑毀謗是故聞此无上法門不
能生信不能得入文殊師利後末世
中法欲滅時聞此法門能生信者能
推求者能解入者文殊師利汝知此

人已曾供養過去無量无边諸佛善行諸行乃能信入此大乘門文殊師利若有善男子善女人於後末世聞此經名聞能生信受持讀誦書寫解說書已尊重供養經卷彼諸衆生應自念知已於過去曾見无量恒沙諸佛供養恭敬恒沙諸佛文殊師利彼諸衆生亦見我身在此園中說此法門亦見此諸大會之衆尔時世尊告阿難言阿難汝當受持讀誦此妙法門為諸衆生而廣宣說當觀衆生有大乘根堪信受者乃可為說不得率尔不觀而說何以故薄福衆生聞生不信得罪無量故阿難此法門者名為如來真實功德名為如來秘密之藏名為如來純淨妙藏名為如來法印之藏名為如來心所護藏名為如來現實信藏是故阿難汝當秘掌莫卒宣說除諸佛子菩薩摩訶薩等何以故彼善男子於諸佛所深種善根能護法藏能利自己亦能利他應為彼說阿難言世尊我已受此淨妙法門世尊今此法門名為何等云何奉

持佛告阿難此妙法門名為菩薩行
方便境界奮迅法門名為如來深秘
密藏名為如來具足功德名為如來
甚深境界名為一乘名為文殊師利
所說經名為薩遮尼乾子授記經名
為薩遮尼乾子所說經汝今應當如
是奉持如來說此法門時三十億那
由他衆生發阿耨多羅三藐三菩提
心六十千菩薩得無生忍無量無邊
衆生畢竟不退阿耨多羅三藐三菩
提心 佛說此經已慧命阿難文殊
師利法王子菩薩及諸一切菩薩摩
訶薩比丘比丘尼優婆塞優婆夷釋
提桓因四天王梵天王天人阿脩羅
等聞佛所說皆大歡喜信受奉行
大薩遮尼乾子經卷第十

癸卯歲高麗國大藏都監
勅彫造

大方等無想經卷第一

大

大雲初分大衆健度第一

北涼天竺三藏曇無讖譯

如是我聞一時佛在王舍城耆闍崛
山中興大比丘僧九万八千大迦葉
等而為上首一切皆是大阿羅漢諸
漏已盡皆得自在其心調柔如香象
王隨順善道心得解脫智慧無尋捨
離重擔所作已辦永斷諸有所修禁
戒清淨微妙心到彼岸威德巍巍有
大名稱具足成就得八解脫皆於晨
朝從禪定起往至佛所頭面礼佛合
掌恭敬右遶三匝修敬已畢却坐二
面復有比丘尼衆六万五千摩訶波
闍波提比丘尼而為上首亦於晨朝
從禪定起往至佛所頭面礼足合掌
恭敬右遶三匝修敬已畢却坐一面
復有菩薩摩訶薩六万八千一切皆
是大香象王其名曰大雲密嚴菩薩
摩訶薩大雲得志菩薩摩訶薩大雲電
光菩薩摩訶薩大雲雷震菩薩摩訶
薩大雲勤嚴菩薩摩訶薩大雲愛樂

菩薩摩訶薩大雲歡喜菩薩摩訶薩
大雲性菩薩摩訶薩大雲金剛首菩
薩摩訶薩大雲寶首菩薩摩訶薩大
雲吼菩薩摩訶薩大雲名稱菩薩摩
訶薩大雲願華菩薩摩訶薩大雲施
雨菩薩摩訶薩大雲不輕菩薩摩訶
薩大雲勤行菩薩摩訶薩大雲師子
吼王菩薩摩訶薩大雲滿雨心王菩
薩摩訶薩大雲普光菩薩摩訶薩大
雲正見菩薩摩訶薩大雲遍雨王菩
薩摩訶薩大雲身通王菩薩摩訶薩
大雲上妙菩薩摩訶薩大雲自在菩
薩摩訶薩大雲大海菩薩摩訶薩大
雲一切自在菩薩摩訶薩大雲福田
菩薩摩訶薩大雲一切施安菩薩摩
訶薩大雲日光菩薩摩訶薩大雲月
光菩薩摩訶薩大雲琉璃光菩薩摩
訶薩大雲無量寶菩薩摩訶薩大雲
常見菩薩摩訶薩大雲我見菩薩摩
訶薩大雲淨見菩薩摩訶薩大雲樂
見菩薩摩訶薩大雲無尋菩薩摩訶
薩大雲常勝菩薩摩訶薩大雲淨光
菩薩摩訶薩大雲得稱菩薩摩訶薩

大雲愛命菩薩摩訶薩大雲賈主菩薩摩訶薩大雲順師菩薩摩訶薩大雲現道菩薩摩訶薩大雲護子菩薩摩訶薩大雲勝分陀利菩薩摩訶薩大雲火光菩薩摩訶薩大雲波頭摩菩薩摩訶薩大雲優鉢羅香菩薩摩訶薩大雲威德王菩薩摩訶薩大雲動搖菩薩摩訶薩大雲無所畏菩薩摩訶薩大雲多摩羅跋樹葉涼菩薩摩訶薩大雲赤柈檀樹涼菩薩摩訶薩大雲極深菩薩摩訶薩大雲知善師菩薩摩訶薩大雲鄒羅延大喜菩薩摩訶薩大雲大牛王菩薩摩訶薩大雲大樹王菩薩摩訶薩大雲大法分陀利敷菩薩摩訶薩大雲執持法光菩薩摩訶薩大雲稱王門菩薩摩訶薩大雲金山有德王菩薩摩訶薩大雲無怖王菩薩摩訶薩大雲大醫王菩薩摩訶薩大雲大身王菩薩摩訶薩大雲虛空王菩薩摩訶薩大雲修髮王菩薩摩訶薩大雲壞雲王菩薩摩訶薩大雲壞風王菩薩摩訶薩大雲壞雨王菩薩摩訶薩大雲俾倪王

菩薩摩訶薩大雲斷闇王菩薩摩訶
薩大雲斷電王菩薩摩訶薩大雲迦
葉菩薩摩訶薩如是等菩薩摩訶薩
亦於晨朝從禪定起往至佛所頭面
作礼合掌恭敬右遶三匝修敬已畢
却坐一面

復有五万八千梨車童子其名曰師
子光梨車法德梨車法羨梨車釋德
梨車釋幢梨車釋幡梨車師子吼梨
車寶鈴聲梨車愛德梨車名貴德梨
車金剛鬘梨車佛奴梨車如來奴梨
車世尊奴梨車婆伽婆奴梨車正覺
奴梨車世尊月奴梨車大手梨車大
精進梨車恒河得梨車文殊師利梨
車弥勒梨車大龍梨車龍護梨車法
護梨車廣稱梨車虛空雲梨車恒河
護梨車金華梨車電光梨車大廣面
梨車性廣梨車淨光梨車自在得梨
車自在地利梨車地慧梨車方等奴梨
車金剛奴梨車如是等梨車一切皆
發阿耨多羅三藐三菩提心守護大
乘愛樂大乘其所教化悉向大乘亦
於晨朝從禪定起往至佛所頭面作

札合掌恭敬右遶三匝修敬畢已却
坐一面復有四萬四千天王其名曰
愛見天王一切愛天王月鬚天王日
色天王長耳天王青色天王精進天
王深目天王大黑天王速慧天王虛
空日天王愛德天王愛翹天王愛稱
光天王愛面光天王一切喜念天王
琉璃光天王光愛天王半月天王大
聲微妙天王勇壞煩惱天王一切愛
天王童子愛天王男陀羅華天王無
常天王屬昂星天王如是等諸大天
王愛樂大乘廣說大乘護持大乘受
持一切三昧持惠施衆生安樂之
事亦於晨朝從禪定起往至佛所頭
面札足合掌恭敬右遶三匝修敬已
畢却坐一面復有三萬八千龍王其
名曰蓮華龍王德叉迦龍王迦迦羅
龍王起修吉龍王愛德翹龍王大地
龍王牙利龍王淨日龍王獅子龍王
鼉聲龍王鼓聲龍王金光龍王金色
龍王黑鬚龍王持大雨龍王大海龍
王枳羅婆龍王梵龍王願愛龍王伊
羅鉢龍王陀毗羅龍王恒河龍王辛

頭龍王憍叉龍王私陀龍王有德龍
王阿釋達龍王鉢隼那龍王人龍王
非人龍王人頭龍王吉龍王熱律龍
王毗舍羅龍王螯龍王黃色龍王難
陀龍王優波難陀龍王毗樓勒叉龍王
提頭賴吒龍王毗樓博叉龍王毗沙
門龍王半闍羅龍王摩那斯龍王如
是等龍王樂欲聽受大乘經典既得
聞已欲為一切廣宣分別欲持正法
守護正法為護法故堅持禁戒荷法
重擔亦於晨朝從禪定起往至佛所
頭面作禮合掌恭敬右遶三匝修敬
已畢却坐一面

復有三萬六千夜叉神王其名曰毗
沙門鬼王虛空鬼王愛德鬼王畢施
鬼王大理珞莊嚴鬼王一向視鬼王
動大地鬼王善毛鬼王善愛家鬼王
摩尼跋陀鬼王蒲城鬼王蓮花光鬼
王車輪臺鬼王大海勝鬼王如是等
夜叉鬼王隨順阿闍如來道行為護
正法受持禁戒亦於晨朝從禪定起
往至佛所頭面作禮合掌恭敬右遶
三匝修敬畢已却坐一面

復有四萬九千金翅鳥王其名曰力
等香象金翅鳥王堅固金翅鳥王鼓
聲金翅鳥王壞一切龍王力金翅鳥
王火光金翅鳥王斑翅金翅鳥王輪
面金翅鳥王惡性金翅鳥王壞和修
吉龍王眷屬金翅鳥王壞和修吉眷
屬大喜金翅鳥王實見金翅鳥王喜
說大慈金翅鳥王法喜金翅鳥王金
翅愛金翅鳥王如是等金翅鳥王一
切無有憍慢放逸皆得愛護大乘之
心守護一切諸佛正法亦於晨朝從
禪定起往至佛所頭面作礼合掌恭
敬右遶三匝修敬已畢却坐一面
復有六萬八千金翅鳥王其名曰喜
乳闍婆王自在歌乳闍婆王現在愛
乳闍婆王牛王得乳闍婆王雲覆乳
闍婆王命命乳闍婆王名名聲乳闍
婆王如是等乳闍婆王亦於晨朝從
禪定起往至佛所頭面作礼合掌恭
敬右遶三匝修敬已畢却坐一面
復有九萬八千金翅鳥王其名曰善
見緊那羅王長鼻緊那羅王引心緊
那羅王妻愛緊那羅王壞煩惱緊那

羅王壞怨緊鄰羅王魔王女愛緊鄰
羅王壞魔眷屬緊鄰羅王慧藏緊鄰
羅王深目緊鄰羅王淨貴德緊鄰羅
王調根緊鄰羅王遠見緊鄰羅王如
是等緊鄰羅王亦於晨朝從禪定起
往至佛所頭面作礼合掌恭敬右遶
三匝修敬已畢却坐一面

復有一万八千羅刹王其名曰煮灰
羅刹王水牛頭羅刹王黃髮羅刹王
老齒羅刹王髑髏耳羅刹王貪蜜羅
刹王蜜色羅刹王大咽羅刹王大飲
羅刹王以髮覆身羅刹王大力羅刹
王可畏色羅刹王如是等羅刹王一
切皆斷羅刹之想統以大乘調伏其
心亦於晨朝從禪定起往至佛所頭
面作礼合掌恭敬右遶三匝修敬已
畢却坐一面

復有三万八千陀鄰婆神王其名曰
象面陀鄰婆王牙陀鄰婆王支足陀
鄰婆王驢聲陀鄰婆王華耳陀鄰婆
王寶耳陀鄰婆王髡狼疑陀鄰婆王狸
得陀鄰婆王鬚狼疑陀鄰婆王獼猴
面陀鄰婆王月面陀鄰婆王如是等

陀那婆王亦於晨朝從禪定起往至
佛所頭面作禮合掌恭敬右遶三匝
修敬已畢却坐一面

復有七萬八千鳩胝茶王其名曰象
耳鳩胝茶王箕耳鳩胝茶王大肥鳩
胝茶王如是等鳩胝茶王皆已捨離
鳩胝茶想亦於晨朝從禪定起往至
佛所頭面作禮合掌恭敬右遶三匝
修敬已畢却坐一面

復有三萬八千餓鬼王其名曰電光
明王大施王一切美王箭王大海濤
波王如是等王悉皆受樂大乘經典
護持正法常為衆生廣宣分別渴仰
大乘飢虛大乘貪慕大乘純以大乘
以自莊嚴常發誓願得戒得慧亦於
晨朝從禪定起往至佛所頭面作禮
合掌恭敬右遶三匝修敬已畢却坐
一面

復有八萬八千阿修羅王其名曰毗
摩質多阿修羅王富婁那阿修羅王
念國阿修羅王淨恒河毗紐阿修羅
王利安阿修羅王象咽阿修羅王三
角山阿修羅王灰駿阿修羅王大惡

性阿修羅王火光阿修羅王如是等
阿修羅王皆悉捨離阿修羅想其心
調伏永離憍慢無有放逸亦於晨朝
從禪定起往至佛所頭面作礼合掌
恭敬右遶三匝修敬已畢却坐一面
復有六萬五千大神呪王其名曰寶
持王無盡意王無盡財王無尋王不
對王如是等大神呪王愛重大乘樂
說大乘擁護大乘渴仰大乘貪慕大
乘得大乘定具平等行常欲除斷所
有疑心為護正法受持淨戒亦於晨
朝從禪定起往至佛所頭面作礼合
掌恭敬右遶三匝修敬已畢却坐一面
復有九萬九千五通仙人其名曰解
羅他仙人銳浮羅仙人跋弥迦仙人
善奴仙人竭伽仙人太白仙人熒惑
仙人鹿角仙人鹿目仙人離慢仙人
婆私吒仙人歡喜仙人五陰仙人劫
初仙人大雲色衣仙人天衣仙人憍
尸迦仙人頗羅墮仙人龍聲仙人有
德得仙人斷向仙人施一切命仙人
如是等五通仙人亦於晨朝從禪定
起往至佛所頭面作礼合掌恭敬右

遠三匝修敬已畢却坐一面

復有天帝釋與無量無數三十三天亦於晨朝從禪定起往至佛所頭面作礼合掌恭敬右遶三匝修敬已畢却坐一面

復有四天王亦於晨朝從禪定起往至佛所頭面作礼合掌恭敬右遶三匝修敬已畢却坐一面

復有舍衛國主波斯匿王與諸小王莊嚴四兵是諸王等愛重大乘樂說大乘渴仰大乘為護正法受持淨戒亦於晨朝從禪定起往至佛所頭面作礼合掌恭敬右遶三匝修敬已畢却坐一面

復有五万三千諸大長者須達多等悉受五戒皆發阿耨多羅三藐三菩提心愛重大乘渴仰大乘貪慕大乘為護大乘受持淨戒為衆生故隨順菩提亦於晨朝從禪定起往至佛所頭面作礼合掌恭敬右遶三匝修敬已畢却坐一面

復有瞻婆國主名日月護與諸小王受持五戒一切皆發阿耨多羅三藐

三菩提心亦於晨朝從禪定起往至
佛所頭面作礼合掌恭敬右遶三匝
修敬已畢却坐一面

復有十六大國焉伽陀國摩伽陀國迦
尸國拘薩羅國跋耆國摩羅國分陀
國須摩國阿摩國阿睺提國拘留國
半時羅國跋耆國首羅先那國夜睺
那國劄蒲闍國如是十六諸大國土
其中所有一切衆生皆發阿耨多羅
三藐三菩提心亦於晨朝從禪定起
往至佛所頭面作礼合掌恭敬右遶
三匝修敬已畢却坐一面

復有末利夫人與一萬六千諸夫人
等亦於晨朝從禪定起往至佛所頭
面作礼合掌恭敬右遶三匝修敬已
畢却坐一面

復有一萬八千優婆夷毗舍佉等一
切皆發阿耨多羅三藐三菩提心愛
樂大乘渴仰大乘為護正法受持淨
戒為欲集助無上道法修菩提道一
切皆得不退轉心為度衆生現受女
身常樂宣說大乘經典亦於晨朝從
禪定起往至佛所頭面作礼合掌恭

敬右遶三匝修敬已畢却坐一面

復有自在天子與無量天衆現大神
變放五色光所持諸華如須弥等所
謂優鉢羅波頭摩拘勿頭分陀利香
華大香華微妙華大微妙華愛見華
大愛見華時華常華男陀羅華摩訶
男陀羅華及持諸香所謂栴檀香花
香鬘迦香及諸伎樂復持諸華大如
車輪亦於晨朝從禪定起往至佛所
頭面作礼合掌恭敬右遶三匝修敬
已畢却坐一面

復有梵天鵝鷖梵等無量梵俱放五
色光其光能壞耆闍崛山所有衆生
貪欲黑闇持種種香雜華伎樂來至
佛所王舍大城耆闍崛山迦蘭陀竹
林其地縱廣足一由旬天衣遍覆閒
無空處所謂憍尸迦衣迦陵伽衣葛
摩衣拘釳婆衣復敷七寶師子之座
座高百萬八千由旬設此供已右遶
如來滿三十匝脫身寶衣以覆佛上
發如是言唯願世尊為衆生故當雨
法雨時虛空中復出大聲世尊一切
衆生雖得聽聞常樂我淨而不能解

唯願如來敷演解說復有無量羯王
師子鵝王等持諸種種華香供具以
用供養寶師子座復有無量孔雀王
善目孔雀王等持諸香華微妙妓樂
以供養佛復有無量拘呖羅鳥王善
行王等亦於晨朝從禪定起往至佛
所頭面作礼合掌恭敬右遶三匝修
敬已畢却坐一面

復有雪山迦蘭陀鳥王蓮華王等持
諸香華亦於晨朝從禪定起往至佛
所頭面作礼合掌恭敬右遶三匝修
敬已畢却坐一面

復有無量命命鳥王無尋王等亦於
晨朝從禪定起往至佛所頭面作礼
合掌恭敬右遶三匝修敬已畢却坐
一面

復有無量山王須弥山王而為上首
亦於晨朝從禪定起往至佛所頭面
作礼合掌恭敬右遶三匝修敬已畢
却坐一面

復有香山諸藥草王忍辱王等亦於
晨朝從禪定起往至佛所頭面作礼
合掌恭敬右遶三匝修敬已畢却坐

一面

今時所有一切樹木常出華果一切
伎樂無振觸者自然演出微妙音聲
時雪山中所有師子諸惡獸等慈心
相視如母如子復有一切畜畜毒虫
皆得慈心亦如一子諸惡鳥等亦復
如是復有四種毒地所謂視毒噓毒
齒毒觸毒亦得慈心及十六種諸惡
律儀亦復如是諸惡衆生悉受五戒
今時一切大衆悉共受持清淨戒行
樂欲聽受大乘經典恭敬大乘擁護
大乘可責誹謗大乘經者見有受持
恭敬供養

今時大雲密藏菩薩摩訶薩即從座
起偏袒右肩為佛作札長跪合掌白
佛言世尊此諸大衆咸有疑心我今
欲問唯願聽許佛言善哉善哉善男
子我今能破此衆疑心恣汝所問大
雲密藏菩薩言世尊菩薩摩訶薩云
何修行得陀羅尼云何能得大海三
昧云何能解諸佛實語云何得知具
足法味云何得見微密之藏云何得
入安隱之處亦得覩見如來常住云

何能得如來寶藏永斷衆生貧窮困
苦云何能解諸佛如來甚深之義云
何能到諸佛如來大海彼岸云何菩
薩得入諸佛如來境界云何菩薩護
持諸佛所有幻法云何菩薩得如來
法得已能說云何能知一切法界云
何得佛日身月身彗星之身云何得
盡如來邊際云何能得諸佛淨業云
何逮得如來所行云何得佛甚深淨
池云何得佛分陀利華云何得佛自
在之力云何能得諸佛財貨云何能
見如來實相云何見佛常住不變云
何能得如來金色云何菩薩得佛法
王云何能得金剛法身云何得佛常
身常聲云何菩薩得到如來所安之
處而無安想云何見於諸佛如來常
樂我淨而非惡見云何如來真實生
身真實法身云何如來金剛之身破
壞離身云何見壞身而名為真見云
何如來身不名為血肉筋骨所成立
若有如是身云何為空見如來說法
時云何有所獲云何說法時俱聞無
所獲法若無所有云何復得說如來

真實常云何入於涅槃若不入涅槃
云何名實語戒若無淨穢云何讚持
戒者佛法若無滅云何說法滅復言法
滅時多有毀禁者如來佛性淨上淨
畢竟淨其性如是者云何樂生死云
何諸菩薩常說生死樂云何諸菩薩
樂見如來性云何煩惱常云何愛煩
惱云何復得入一切煩惱門云何能
得修一切佛土業云何得善知煩惱
之根本云何諸菩薩善能得除滅於
佛所起疑常樂我淨心若無疑心者
云何畏生死若畏於生死云何復樂
著云何得佛道云何轉法輪云何度
衆生知不斷佛性云何治魔衆使離
魔境界云何度衆生生死大苦海云
何說生死亦導生死道云何得生死
無量之大海云何求生死渴仰生死
道云何貪生死慊惜不放捨云何開
生死猶如分陀利云何煩惱結猶如
四大海云何諸煩惱常起如發願云
何而得地獄之心云何常求地獄之
心云何修集地獄戒禁云何滋息地
獄業行地獄之身刀劍弓箭錐鋼輪

火云何能破壞衆生地獄果云何為地獄衆生作安樂云何注大雨能滅地獄火云何處地獄而不受其報云何為地獄而作船導師云何為地獄而作大良藥云何而能得閉塞地獄道云何作慧燈壞於生死闇云何在生死煩惱毒不汙雖住無所住而不生同空住能消諸煩惱猶如日照雪見於如來常樂我淨其心安住如須彌山不動不轉如帝釋幢如來實不畢竟涅槃亦說如來入於涅槃其心不壞猶如金剛云何得慚愧云何得好身云何復能得衆所愛敬身云何得不貪云何得不瞋云何能得微妙光明云何得正性云何得自在云何能得大衆眷屬云何能得不壞眷屬不退不失不貪飲食常修知足終不食肉於諸衆生常生愛心常為世間之所恭敬得名一切大施之主得名大力得名健行大慈大悲大捨大喜大慧捻持隨順世間為安世間為樂世間云何而得世間無上世間無勝世間無邊常行正語修行梵行行大悲

行喜行聖行見空法界隨順而說見
不空界說亦如是說佛法相見佛真
法得淨自在持戒之財德財法財不
食之財為貧眾生得財藏身為諸眾
生得三種定空無相願欲生淨土得
隨願身雖為眾生受此陰身不於眾
生求其恩報讚嘆持戒呵破戒者不
為群邪之所沮壞雖讀外典不隨其
義其所說法句義不斷雖名沙門及
婆羅門終不生於沙門之想婆羅門
想雖復曉了算數呪術心初未曾有
貪著想雖為眾生入天寺供養恭
敬依止禮拜而其內心常依法界現
行十惡實是梵行諸佛護念如視一
子善能護持諸佛法身能轉一切諸
佛法輪深見諸佛甚深法界及真實
相其所修行等諸佛行得無量身及
無量行善解諸佛所有語密除去憍
慢猶如諸佛善說法界深密之義雖
說憍慢無憍慢想亦不教他生於憍
慢心無貪恚愚癡怖畏猶如諸佛其
行無量微密無量諸法無量樂說無
量性相無量真實無量見真見實見

性見法為諸衆生斷煩惱故而演說法常得知見諸佛世尊永度煩惱諸結大海為度衆生故說度煩惱諸結海法自得度已度未度者自得脫已脫未脫者自得安已安未安者未涅槃者令得涅槃自見法界了了真實或為衆生說實不實於無量劫已壞四魔為衆生故現處道樹方降魔衆內實知見久破諸魔為衆生故唱言今壞以善方便轉於法輪以善方便現入涅槃云何能得諸佛神通云何得佛如來法王云何得佛微密法藏云何得佛不可思議云何能得諸佛無量無稱無數無勝無邊云何能施一切衆生甘露法味

今時世尊告大雲密藏菩薩言善哉善哉善男子汝今所問甚為快善為欲安樂世間衆生故發斯問一切衆生無明所盲而不能知諸佛所有真實功德善男子汝今欲令一切衆生悉得智慧眼常眼常光永度生死煩惱大河了知諸佛菩提之行欲壞衆生無明結轂示導無上菩提之行一

切衆生常樂演說無常無我無樂無淨而今欲開常樂我淨如來畢竟入於涅槃無常無我無樂無淨而今欲開諸佛世尊不畢竟滅常住不變善男子一切衆生常於法界妄生分別而法界性實無分別汝今欲問無分別義是故發問善男子一切衆生常為邪毒之所塗染如來世尊為大良醫汝意欲令如來醫王說呪授藥療其所苦善男子如遮羅迦梵志及尼軋子諸婆羅門實非羅漢作羅漢想非聖聖想非天天想實非常樂我淨之法而作常樂我淨之想汝今欲為如是衆生拔邪毒箭解邪縛破邪獄出邪網施法味食甘露安寢四禪塗淨戒香四等為華慚愧為衣故發此問善男子一切衆生不知捨相不知別相相無相非相非無相非相相非無相相不可知非不可知非此非彼非手非指非此彼中非作非不作非示非不示非因非不因非瞬非不瞬非知非智知非識非識識非住非不住非闇非明非相非名非輕非重非贏

非力非處非不處非淨非不淨非有
為非無為非有非無非可說非不可
說非取非捨不生不滅非實非虛非
正非邪非畢竟非不畢竟非福田非
不福田非時非不時非可淨非不可
淨非作非能作非生非滅非冷非熱
非陰入界非結因非業因非生非墮
是有法永斷諸有非過去非未來非
現在非實非不實非性非不性非色
非等非無等亦無與等非地水火風
一切法界實無有身實相之相畢竟
真實是名如來無量無邊不可思議
諸大功德之所成就如是身者即是
諸佛真法身也其義甚深不可思議
如來法界深遠幽遠不移本處宣說
正法十方諸佛皆得聞知所以者何
如來自在神力行故如是深語聲聞
緣覺所不得聞善男子諸佛何故不
為彼說今彼得聞善男子聲聞緣覺
乃至不解一字之義猶如生盲飲毒
狂人如螫處墮如被毒箭如病瘕飲

是故諸佛不為說之善男子一切衆生常為諸結煩惱所病諸佛如來能施法藥以妙呪術拔其毒箭除其膚醫衆生真實不知如來常住不變如來為然智慧法燈悉令得見常樂我淨譬如日出悉令衆生普見大地高下等相如來亦令一切衆生不知方等亦不能得悉持三昧不知佛時不知佛財不見佛身不解如來涅槃之相不知佛法滅與不滅而言如來無常無樂無我無淨有煩惱箭是雜毒食是故我為如是等人演說諸佛常樂我淨欲除此人無明黑闇善男子善哉善哉聲聞緣覺未曾得聞是一字義汝今欲令彼得聞故發是問諦聽諦聽善思念之吾今為汝分別解說有大方等甘露經王開大寶藏賑給貧窮啓發諸佛功德之藏一切衆生皆有佛性其性無盡昔來隱蔽今欲顯示諸佛如來然大慧燈今諸衆生了了明見善男子吾將欲說汝便發問訓汝昔來所發誓願大雲密藏菩薩摩訶薩言世尊我從昔來實無

此願乃是世尊大慈愍事神通力故
為度衆生今我發問欲破衆生貧窮
困苦令諸衆生意無盡故如來今說
則能消滅一切衆生無明大闇得智
慧寶令諸衆生明見佛性得見如來
常樂我淨佛言善哉善哉善男子汝
今所問其義甚深為度衆生生死海
故為廣流布方等經故為常法故惠
施一切甘露法味除斷衆生貧窮苦
故諦聽諦聽吾當為汝分別解說令
諸衆生得安樂故汝今當為一切衆
生善持是義善男子一切如來應供
正遍知明行足善逝世間解無上士
調御丈夫天人師佛世尊等有一法
名曰法界以此法界諸佛世尊等有
常慧以常慧水淨自洗浴服甘露味
并以惠施一切衆生修集一切諸佛
所行汝今當服是甘露味汝既服已
復當轉施我今當說汝便善聽初語
亦善中語亦善後語亦善其義真實
言辭巧妙其音清淨統一無雜具足
清白梵行之相

大方等無想經卷第一

癸卯歲高麗國大藏都監奉
勅彫造

大方等無想經卷第二

大

北凉天竺三藏曇無讖譯

大雲初分大衆健度餘

善男子有大雲經捻持大海三昧大海如來法印諸佛法城法界甚深常住不變不可思議常樂我淨善男子若有受持書寫讀誦解說之者則能破壞衆生煩惱斷除一切貧窮困苦若遭飢荒穀米勇貴讀誦是經則得豐壤若時焰旱天則降雨若有飢虛渴仰法食讀誦是經則得捻持甘露法味若欲具足大神通者當受是經欲雨法雨潤漬枯槁當讀是經若遭大病亦當受持所以者何此經即是一切大病之良藥也此經能斷一切諸毒大陀羅尼是大三昧此經即是塗末燒香微妙淨華善男子汝今當然大智慧燈破諸衆生狂愚黑闇而諸衆生常言如來無常無我無樂無淨是磨滅法如是衆生即是飲毒被大毒箭澹飲發動狂醉失心無明所覆聲聞緣覺如羸老牛是故汝當廣

宣分別如來功德以實相油潤益慧
燈開發慧眼除無明闇若言如來真
實出生輪頭檀舍出家學道修集苦
行壞魔兵衆坐於道場成菩提道當
知是人即是謗佛寧當斷首拔出其
舌不應出此虛妄之言何以故非是
善解諸佛如來秘密語故若經中言
沙門瞿曇當知是語即是密語善男
子為衆生故示現神足當知即是佛
之真子善男子汝則已為得大果報
授與聲聞辟支佛等吐藥下藥巢藥
眼藥治諸病藥何等是藥所謂大乘
方等經典當知是經即是諸經轉輪
聖王何以故是經典中宣說衆生實
性佛性常住法哉衆生不解乃至一
句一字汝今當聽聽已即當為汝法
藏汝復當觀是經境界善男子此經
中有諸佛菩薩四百不可思議解脫
法門善男子此經中有諸法寶藏神
通王三昧門善男子此經典中有諸菩
薩三十六不退智慧寶藏陀羅尼門
善男子此經復有諸佛菩薩三十三
種入衆生音大行方便解脫法門善

男子此經復有諸佛菩薩十種神足
入密行藏大行光王法門此經復有
諸佛菩薩十種生死行業道地得心定
解脫慧願藏法門此經復有諸佛菩薩
十智不滅入思惟神通王法門此經
復有諸佛菩薩十種不生思惟法藏
得入神足王法門此經復有諸佛菩
薩甚深十智入無畏行法王法門此
經復有諸佛菩薩十種大雲見法不
可思議功德藏法門此經復有諸佛
菩薩入十種衆生語言修大行法
方便不斷解脫法門此經復有諸佛
菩薩十種神通所入生行有行行藏
光王法門此經復有諸佛菩薩十種
生死煩惱業行心住三昧解脫誓願
法藏法門此經復有諸佛菩薩十種
智住不可思議所入神足王法門此
經復有諸佛菩薩十種不生不可思
議通達密藏神足王法門此經復有
諸佛菩薩十智甚深入精進行法門
此經復有諸佛菩薩十智大雲衆法
和合神足王法門此經復有諸佛菩
薩大雲光明眼目法門此經復有諸

佛菩薩十種大雲電光具足入行法

門此經復有諸佛菩薩通暢大雲大

乘經法門此經復有諸佛菩薩神足

變現燈明法門此經復有諸佛菩薩

十種法電說神足王所入法門此經

復有諸佛菩薩十金剛智入藏法門

此經復有諸佛菩薩十種正行性入

法門此經復有諸佛菩薩十無盡行

神通王所入法門此經復有諸佛菩

薩十種甚深微塵業行所入法門此

經復有諸佛菩薩十種師子吼所入法

門此經復有諸佛菩薩十生和合行

入世間業狹心法門此經復有諸佛

菩薩十神通寶所入法門此經復有

諸佛菩薩十金翅鳥神通所入法門

此經復有諸佛菩薩十大施時微妙

三法門此經復有諸佛菩薩十無所

畏大力神通所入法門此經復有諸

佛菩薩十大海行所入法門此經復

有諸佛菩薩十種至心所入法門此

經復有諸佛菩薩十勇猛王大力微

妙法門此經復有諸佛菩薩十種善

行入神通王所入法門此經復有諸

佛菩薩十二神通藏得開亦法門此
經復有諸佛菩薩十智寶藏法門此經
復有諸佛菩薩十智境界行所入法
門此經復有諸佛菩薩十正智微妙
寶藏法門此經復有諸佛菩薩十種福
田種子法門此經復有諸佛菩薩十種
真實神通安樂之王所入法門善男
子汝觀是經不可思議功德境界亦
不可思議乃是諸佛菩薩不可思議
不可量法藏亦是衆生不可思議無
盡寶藏復次善男子此經境界不可
思議善男子此經復有諸佛菩薩陀
羅尼藏法門此經復有諸佛菩薩如
來微密寶藏法門此經復有諸佛菩
薩如來大海法門此經復有諸佛菩
薩如來時藏法門此經復有諸佛菩
薩如來世藏法門此經復有諸佛菩
薩如來日藏法門此經復有諸佛菩薩
如來月藏法門此經復有諸佛菩薩如
來境界法門此經復有諸佛菩薩甚
深法門此經復有諸佛菩薩如來無
所畏法門此經復有諸佛菩薩如來
勇健法門此經復有諸佛菩薩如來

地法門此經復有諸佛菩薩如來法
門此經復有諸佛菩薩阿梨呵法門
此經復有諸佛菩薩如來聚法門善
男子汝觀此經大法陀羅尼即是一
切衆生無盡福藏是即諸佛不可思
議解脫三昧陀羅尼門非是汝等所
知境界諸佛世尊隨世故說其義甚
深難可消服唯是如來之所知見我
今當說如來如是甚深境界至心諦
聽汝從昔來於是事中乃至未聞一
字一句大雲密藏菩薩摩訶薩言實
如聖教世尊我猶童蟻常為一切無
明所闇唯願如來開慈愍心廣及衆
生宣說一句乃至一字如來法王不
可思議世尊聲聞緣覺猶如老牛盲
翳瘖瘂如嬰孩兒我亦如是從昔已
來實未曾聞如是一句乃至一字唯
願如來廣開大慈為衆生故諸佛如
來所有境界不可思議常住無變通
達諸法惟願如來為我等故及諸衆
生開闡如是秘密之藏乃至一字一
句之義令我等輩及諸衆生知見如
來常恒不變佛言善哉善哉善男子

汝今已為善解諸佛所有密語善男子是方等經不可思議汝所發願亦不可思議諸佛如來陀羅尼法不可思議此經境界亦不可思議甚深智光不可思議善男子如汝所言我於是經不能解了猶如老牛盲翳瘡症嬰孩小兒善男子汝今不應生此憂懼疑慮之心善男子若行若住若坐若卧常應繫念如是經典若遇水火盜賊諸難亦應堅持慎勿放捨所以者何是經典中有五文字其義甚深一者如來二常三樂四我五淨是名如來無上功德不可思議復次善男子假使恒河沙等十方世界滿中大火有人在中念是經者火不能燒常應供養尊重三寶勿令其心中有忘失汝今所有微妙功德已為諸佛之所讚歎所謂能問所未曾聞一句一字甚深之義汝等不久亦復當得知見是義汝若欲知諸佛如來常恒不變應當受持如是經典讀誦書寫解說其義何以故是經所說不可思議如來常恒無有變易終不畢竟入於

涅槃汝當廣為一切衆生敷揚解說
常樂我淨諸佛如來無有畢竟入涅槃者
法僧常住亦無減盡今時毗藍大毗藍風王所受樂報如天無別放
清涼風六時無變華果常有無時暫替
寶持供具來至佛所頭面作禮合掌恭敬右遶三匝却坐一面

今時世尊神通力故起四黑雲甘水俱遍興三種雷謂下中上發甘露聲
如天伎樂一切衆生之所樂聞今時世尊即說呪曰

竭帝波利竭帝僧竭帝波羅僧竭帝
波羅卑羅延埵 三波羅卑羅延埵
婆羅婆羅波沙羅 波婆羅 摩文闍
摩文闍遮羅帝遮羅埵 波遮羅埵波
遮羅埵 三波羅遮羅埵比提嘻利嘻梨
薩隸醯 薩隸醯 富盧富盧莎呵

若有諸龍聞是神呪不降甘雨頭破
七分今時十萬億那由他阿僧祇等
諸佛世界六種震動今時衆生因是
地動各各相見展轉相動乃至淨居
淨居動已龍雲俱動龍雲動時降澍
大雨時閻浮提所有九萬八千大河

七寶盈滿一切泉池具上藥味雨雖
七日無所傷損衆生快樂如服甘露
諸河盈滿八功德水所謂美冷輕軟
清淨香潔飲時調適飲已無患一切
水出微妙聲時王舍城耆闍崛山
七寶遍地無空缺處處虚空復雨七寶
所成優鉢羅華波頭摩華拘勿頭華
分陀利華水性之屬悉發阿耨多羅
三藐三菩提心畜生衆生貪樂大乘
渴仰大乘慈心相向猶如一子皆共
同心供養於佛今時大衆天龍夜叉
乾闥婆阿修羅迦樓羅緊那羅摩睺
羅伽持諸供具華香伎樂供養於佛
時虚空中復雨種種香華寶衣伎樂
幡蓋供養於佛善男子此經乃是無
量功德之所成就是故能致如是瑞
應今時大衆作如是言世尊我今始
知諸佛如來常樂我淨惟願如來慈
哀矜愍受我所獻優多羅僧即嘆頌曰
如來真實常無量德所成我今為常樂
是故稽首礼諸佛捨無常故得無邊身
無上天中天大力難思議如來常無變
勤進無邊身為衆雨法雨猶如大雲王

佛自得安樂	為衆說安樂	自獲諸功德
誨彼令同已	如來慧無勝	常住如虛空
為衆作福田	常行於聖行	憐愍諸衆生
亦知其行業	開示秘密藏	清涼如初月
今宣大雲經	端嚴如滿月	定知無量衆
發起菩提心	世尊号法王	於法得自在
是故名真我	成就無上樂	如來昇寶座
而作師子吼	宣說諸衆生	一切有佛性
譬如香山中	常生忍辱草	見此驚頭山
如來神力故	普令一切衆	觀已甚愛樂
悉是七寶成	今時大衆會	如來大福田
猶如四天王	樂住須彌山	煩惱諸閻障
其力不可量	能除衆生結	猶如諸世尊
一切諸衆生	不退菩提心	成就妙善戒
安樂不傾動	衆生斷惡業	隨順行梵行
修行菩提行	決定見佛性	若得聞此經
乃至一字義	即得菩提道	普使一切衆
惟願無上尊	演說於一句	鉢根無智慧
咸得解其義	我等諸衆生	一切諸衆生
如來憐愍故	願開令得解	施之令滿足
虛乏於法食	惟願大慈哀	復當轉施他
我等得受已	亦令一切衆	貧窮無福德
皆悉得充足	一切諸衆生	

無常無有我 亦無歸依處 如來所成就
無上大功德 惟願大慈尊 施我及一切
如來為法主 如海眾流尊 眾生不知依
我今得依止 為眾作依止 猶如慈父母
施眾甘露味 普使斷煩惱

世尊如來正覺不可思議憐愍眾生
亦不可思議所說秘密難可面度諸
佛世尊三昧之王大船師王不可稱
計不可數量如是境界非諸聲聞緣
覺所知如來月王常無增減是諸功
德之大猛將無量福報珍寶之聚是
大光明無上日王等觀眾生同羅睺
羅所成大力以施一切自無所畏復
令眾生成無所畏自破無明復除眾
生無明重闇世尊我亦無知無明所
障不知如來常樂我淨一切眾生無
明覆故妄說如來無常無我無樂無
淨是故流轉三惡道中若言如來永
滅涅槃當知是人必墮地獄世尊我
今始知諸佛如來不畢竟滅知己則
得無上大寶以佛力故復令我知諸
佛實性得服無上甘露法味永斷一
切諸結煩惱昔來所有狂瞞癡今

患除愈

大雲初分三昧健度第二

今時大雲密藏菩薩摩訶薩言甚奇
世尊如來正覺不可思議今說此經
今無量衆生發阿耨多羅三藐三菩提
心是經境界不可思議乃為一切無
量衆生現大神通雨諸寶味衆生聞
者得遇無上甘露法雨是故如來不
可思議是經境界亦不可思議一切
衆生成大功德乃得值遇衆生業報
不可思議世尊今日衆生所受快樂
如第三禪形貌瓊瑋如天無別如來
今日說此經藏即是衆生無盡之藏
降大法雨所謂如來常住不變三昧
持所言雲者謂諸菩薩摩訶薩也震
大雷者謂破煩惱諸結業等電光明
者謂諸衆生皆有佛性聲者謂諸菩
薩為衆生故說有為法無常無樂無
我無淨電者謂八聖道分能壞一切
諸結煩惱又有電者所謂此經能壞
聲聞辟支佛心是即名為雨大法雨
充飽衆生飢虛渴之所謂如來常住
不變是名甘雨佛言善哉善哉善男

子汝今善解如是法兩善男子若諸
菩薩欲兩法兩潤益一切當受是經
修行讀誦書寫供養解說其義善男
子諦聽諦聽如是經典不可思議中
有解脫住入寶藏神足法王四百三
昧我今當說善男子此經復有諸佛
菩薩深猛大海眼目三昧若有菩薩
成就具足是三昧者得具菩薩多聞
大海多聞寶藏於阿耨多羅三藐三
菩提心無疑尋言無尋者所謂身得
無尋遍生諸佛淨妙世界又無尋者
得宿命智為諸衆生轉於五有又無
尋者不貪著業而得果報又無尋者
若一見佛心生歡喜則於後世得端
嚴身衆所愛身無貪身無惡身大身
上族身大富身眷屬不壞身不破壞
身不退身不減身所修行願念喜作
業忠向阿耨多羅三藐三菩提成就
慚愧破諸憍慢勤修精進慈悲喜捨
空無相願以薰其心又無尋者願生
他土即得往生諸邪異見所不能壞
其所樂說句義無盡若天若魔梵沙
門婆羅門不能惑亂令其心動雖讀

外典心無貪著不貪天龍夜叉等身
乾闥婆阿修羅迦樓羅緊那羅摩睺
羅伽身又不貪著房舍卧具衣服飲
食天魔波旬不得其便所行善法終
不中忘凡所言說人所敬受其心弘
曠猶如大海所有智慧亦復如是具
足圓滿猶如盛月能壞黑闇如日如
燈不可捉持如虛空性不著世間如
華處水於一切有心無貪著能壞法
界猶如金剛持諸法界如須弥山其
性清淨如琉璃寶得如來戒慧心念
明性力幻化不動不住善男子是經復
有第一甚深解脫寶幢三昧若有菩薩
具是三昧則得名為多聞大海多聞
寶藏心無疑尋乃至幻化不動不住
善男子此經復有淨智甚深法門三
昧若有菩薩能具足者則得名為多
聞大海多聞寶藏心無疑尋乃至幻
化不動不住善男子此經復有佛根
香象王解脫三昧首楞嚴三昧勇力
三昧勇勝三昧健勇三昧好香三昧
正光三昧無我光三昧甚深行藏三
昧行深解脫三昧行力解脫三昧一

切法行三昧恒河沙等行三昧一切
解脫三昧一切三昧王三昧正上三
昧大海潮三昧本解脫三昧壞魔億
衆三昧住戒電光三昧火光三昧無
盡意王三昧雲盡意三昧海王神足
三昧大高意三昧種子三昧住大海
三昧無導三昧無導戒三昧高解脫
三昧因緣意三昧業作三昧健行王
三昧大力三昧甚深琉璃王三昧須
彌山三昧師子吼三昧甘露味三昧
莊嚴三昧火光三昧蓮華光三昧國土喜
三昧一切身三昧動大海王三昧動
大地王三昧一切三昧母三昧壞一
切女身三昧師子行王三昧圓王三
昧細行三昧鼓聲微妙三昧增長三
昧斷有三昧流三昧廣慧三昧變化
三昧光明三昧壞闇三昧大海智慧
三昧讚嘆三昧大讚歎三昧時三昧
大時三昧現在解脫三昧合散三昧
分陀利華三昧輕三昧大樂三昧虛
空三昧解脫身三昧斷語三昧斷聲
三昧無愛三昧無勝三昧一切三昧鴉
三昧龍王三昧風三昧風行王三昧

無邊三昧無色三昧無邊色三昧法
意三昧微妙香三昧身意三昧首楞
嚴三昧壞惡三昧蓮華意三昧大力
翅三昧壞無明三昧菩提樹三昧寶
命命三昧大力命三昧日光三昧月
光三昧大海門三昧一切法界三昧
結使根三昧戒雨三昧戒雲三昧菴
羅果三昧菴羅華三昧淨三昧水三
昧曇三昧時三昧時王三昧衆三昧
無身三昧界三昧善界三昧地三昧
地神足三昧水等三昧青蓮華三昧
甘露味三昧無繫三昧鶯鶯三昧車
輪三昧轉輪聖王三昧不動三昧不
輕三昧不長三昧憐愍三昧淨意三
昧一切功德意三昧伊羅鉢羅三昧
無疑解脫三昧風神足王三昧無量
幢三昧虛空界三昧無慧星三昧光
寶三昧電時三昧童子三昧王子三
昧斷毒三昧法燈三昧國土王三昧
施世界三昧法貴德三昧法力三昧
上華三昧喜三昧大喜三昧知大力
三昧鎮頭迦果三昧精進三昧攝三
昧白鵝王三昧身光三昧無盡力三

昧無盡力解脫三昧增長名三昧端
正三昧能破壞三昧摩樓迦華三昧
善行三三昧善光三昧寶地三昧白
三昧白種三昧淨行意三昧愛光三
昧虛空心三昧天冠三昧轉輪聖王
冠三昧念菩薩三昧護意三昧護其
深三昧力乘三昧力乘光三昧力士
三昧力士精進三昧閻浮國三昧錯
魚三昧鱗蛇三昧境界王三昧淨境
界三昧使心三昧朝青三昧有德意
三昧大青三昧大海色三昧大安三
昧眴三昧無眴三昧金剛意三昧世
尊目三昧須彌山王三昧雪山王三
昧世尊現行三昧勝三昧蓮華三昧
拘勿頭華三昧月藏三昧月樂藏三
昧華敷三昧地髻三昧現在念世尊
王三昧勝住三昧善住三昧善行三
昧大海三昧一切入平等三昧入一
切疑三昧大藥三昧大藥力三昧甘
露藥王三昧大藥力三昧大藥王三
昧大冷三昧大海三昧大冷王三昧無
冷無熱三昧安三昧安力三昧一乘三
昧三乘三昧釋慧星三昧有德三昧寶

圓王三昧無定色三昧定華三昧六
入真淨三昧大界三昧能壞欲界三
昧瓔珞三昧金色三昧智愛三昧智
圓王三昧智子三昧分陲利華三昧
日光王三昧月愛三昧光王三昧光
圓王三昧淨光王三昧光藏三昧青
光三昧時光三昧斷闇三昧光潮三
昧箭光三昧一切善根三昧婆羅那
香象王三昧末生惡王三昧調柔三
昧能壞憍慢三昧妙德三昧妙聲三
昧貪味三昧圓地王三昧神通王三
昧神通根三昧轉輪聖王三昧轉
輪聖王幢三昧師子頭三昧日神通
三昧法護三昧廣三昧知業神通王
三昧高三昧無上三昧燈王三昧舍
宅三昧多喜三昧初地三昧戒地三
昧大海喜王三昧大海慈王三昧大
海悲王三昧大海捨王三昧忍辱王
三昧忍辱力界王三昧神通至心三
昧八解脫門三昧法界畢竟三昧無界
三昧無性三昧大田種子三昧智池三
昧海三昧海力三昧佛眼三昧佛門三
昧智行三昧佛面三昧一切親三昧一

切福德王三昧虛空藏三昧虛空幻
三昧佛幻三昧惡性三昧治毒三昧
眠三昧覺三昧夢三昧得三昧神通
王三昧無我神通三昧勝見三昧勝
喜三昧隨世三昧佛面住三昧正見
三昧一切微塵三昧語無碍三昧淨
三昧身光三昧身燈三昧不癡三昧
不狂三昧一切勝光三昧水意三昧
漂三昧水沫三昧無勝三昧無勝智
三昧無勝身三昧精進三昧恒河沙
等勝王三昧知見圓光王三昧斷
畜生三昧願生畜生有三昧畜生神
通三昧樂畜生三昧不染畜生業三
昧入地獄三昧喜地獄三昧不染地
獄業三昧不染地獄業行神通王三
昧安樂行體三昧有德河三昧有德
海三昧淨河三昧淨行功德三昧福德
三昧福德青三昧淨福德聞三昧有
德夢三昧讚歎三昧有德夢得三昧
有德夢行三昧正有德三昧正有德
王三昧淨增長三昧智雨三昧風同
行三昧吉三昧吉莊嚴三昧吉神通
三昧吉神通王三昧無戒三昧雜色

三昧受戒三昧讚戒三昧戒實三昧
智燈三昧得戒實三昧常戒三昧常
戒入藏見三昧心三昧心王三昧常
戒喜三昧常樂戒三昧戒瓔珞三昧
戒天冠三昧戒具足三昧戒鬘三昧
戒香三昧戒華三昧戒塗末香三昧
戒神通王三昧一切昧三昧一切華
三昧一切香醉三昧斷一切虛空三
昧受安樂三昧斷一切世法王三昧
常三昧恒三昧不變三昧地三昧無
刺地三昧無石沙三昧地等三昧大
雲琉璃王三昧聲鼓三昧大雲雷三昧
大雲瀑水王三昧大雲水藏三昧大
雲水鬘三昧大雲安水三昧大雲水
疑三昧大雲智海三昧大雲勝力三
昧大雲水光持王三昧大雲水潮海
三昧大雲海種三昧大雲不動水三
昧大雲水不動神通王三昧大雲端
正王三昧大雲一味三昧大雲一乘
三昧大雲安水流三昧大雲多水三
昧大雲冷水三昧大雲不冷不熱神
通王三昧大雲月王三昧大雲有德
三昧大雲初力三昧大雲渴三昧大

雲樂三昧大雲水行王三昧大雲虛
空行三昧大雲水寶三昧大雲喜三昧
大雲寶種三昧大雲護三昧大雲水淨
王三昧大雲水歸依印三昧大雲法
印三昧大雲水淨光三昧大雲大水
藏王三昧大雲水定三昧大雲蓮華
三昧大雲水界三昧大雲水等三昧
大雲夜行三昧大雲水清三昧大雲
海無盡意三昧大雲放光三昧大雲
藏三昧大雲水聚三昧大雲水柱三
昧大雲師子王三昧大雲樂三昧大
雲淨三昧大雲貪三昧大雲幢三昧
大雲甚深三昧大雲雷三昧大雲增
長水三昧大雲藥王三昧大雲醉味
三昧大雲師子行三昧大雲大香象
王三昧大雲安樂三昧大雲風三昧大
雲水行不動三昧大雲無畏三昧大雲
水順三昧大雲無盡意三昧大雲漏
難數三昧大雲雷大力三昧大雲水
喜三昧大雲海水圓三昧大雲水幡三
昧大雲甘露雨三昧大雲梅檀涼三
昧大雲吉三昧大雲畢竟三昧大雲
無終始三昧大雲羅網三昧大雲寶

雨三昧大雲秘密三昧大雲慧星三
昧大雲意密三昧大雲大動三昧大
雲滅三昧大雲微妙音三昧大雲恒
河沙等三昧大雲水健三昧大雲鵝
王三昧大雲水行三昧大雲命三昧
大雲狂王三昧大雲誑三昧大雲首
楞嚴三昧大雲馬王三昧大雲拍樹
三昧大雲無盡雲三昧大雲一切等
三昧大雲一切雨三昧大雲一切和合
三昧大雲菴羅樹果三昧大雲山埵
三昧大雲堅韌三昧大雲密行三昧
大雲密實三昧大雲鵝王行三昧大
雲不可思議三昧大雲入住神通王
三昧善男子若有菩薩具足如是諸
三昧門則得菩薩多聞大海多聞寶
藏於阿耨多羅三藐三菩提心無疑
異終不墮落於三惡道不生邊地得
宿命智造生死業樂於生死常得值
遇佛法僧寶乃至夢中亦不捨離得
端正身人所愛身無貪身無惡身大
身種姓身眷屬和樂不可沮壞不退
不滅不墮不沒其所修行深心念慧
悉皆趣向阿耨多羅三藐三菩提得

慚愧力斷除憍慢勤修精進慈悲喜
捨空無相願以薰其心願生淨土即
得往生衆邪異見所不能壞說法次
第句義不斷雖讀外典心不貪著終
不願求天身龍身夜叉乃至轉輪王
身亦不造作生死行業不求世間供
養恭敬護持正法魔不得便見持法
者深生恭敬所得智慧猶如大海不
增不減如月盛滿除衆闇冥如日如
燈不受煩惱猶如虛空煩惱不染如
華處水住無所住如空無別破散諸
法如真金剛持一切法猶如雪山定
知如來常不變易其智清淨如琉璃
寶得如來戒勢力大海其心慈哀憐
愍衆生不動不轉如帝釋幢壞諸惡
法得上妙味猶如美妙迦陀果隨
順世法無所違逆善男子是則名為
初三昧門善男子若有成就具足如
是四百三昧當知是人善護法藏今
時衆中有一天子名曰淨密與萬八
千諸天子俱來至佛所頭面作禮合
掌恭敬雨天華香幢幡伎樂以供養
佛右邊三匝即說讚曰

如來不思議法僧亦復然我見三昧雨
如世觀甘露

大方等無想經卷第二

癸卯歲高麗國大藏都監奉

勅彫造

大方等無想經卷第三

大

北凉天竺三藏曇無讖譯

大雲初分陀羅尼健度第三

尔時大雲密藏菩薩白佛言世尊若有衆生未入如是方等經者當知是輩猶如盲聾此經中有三十六種不退智寶無邊心行意入陀羅尼門即是一切諸法初門唯願如來為是等故廣宣分別佛言善哉善哉善男子諦聽諦聽善思念之今當為汝分別解說此經中有諸佛菩薩不退寶輪藏陀羅尼門此經復有諸佛菩薩大雲不退清淨密水陀羅尼復有諸佛菩薩大雲不退秘密光明陀羅尼復有諸佛菩薩大雲不退大雨陀羅尼復有諸佛菩薩大雲不退流水陀羅尼復有諸佛菩薩大雲不退盡意陀羅尼復有諸佛菩薩大雲不退電光陀羅尼復有諸佛菩薩大雲不退涼淨光陀羅尼復有諸佛菩薩大雲不退彗星意陀羅尼復有諸佛菩薩大

雲不退密藏光意陀羅尼復有諸
佛菩薩大雲不退大咒意陀羅尼復
有諸佛菩薩大雲不退有德意陀羅
尼復有諸佛菩薩大雲不退虛空藏
王陀羅尼復有諸佛菩薩大雲不退
大藥王陀羅尼復有諸佛菩薩大雲
不退大雨王陀羅尼復有諸佛菩薩
大雲不退稱意陀羅尼復有諸佛菩
薩大雲不退枳羅娑山意陀羅尼復
有諸佛菩薩大雲不退意行陀羅尼
復有諸佛菩薩大雲不退上高王陀
羅尼復有諸佛菩薩大雲不退潮王
陀羅尼復有諸佛菩薩大雲不退獼
王目陀羅尼復有諸佛菩薩大雲不
退大海智陀羅尼復有諸佛菩薩大
雲不退甚深意王精進陀羅尼復有
諸佛菩薩大雲不退雨種陀羅尼復
有諸佛菩薩大雲不退地騁陀羅尼
復有諸佛菩薩大雲不退歡喜陀羅
尼復有諸佛菩薩大雲不退世意陀
羅尼復有諸佛菩薩大雲不退不動
意陀羅尼復有諸佛菩薩大雲不退
地陀羅尼復有諸佛菩薩大雲不退

積聚陀羅尼復有諸佛菩薩大雲不退水光陀羅尼復有諸佛菩薩大雲不退無盡水藏陀羅尼復有諸佛菩薩大雲不退水性月光陀羅尼復有諸佛菩薩大雲不退水光體陀羅尼復有諸佛菩薩大雲不退智實無邊心行意入陀羅尼
余時衆中有一天女名曰寶璽上昇虛空高七多羅樹雨種種華塗香末香惜蓋伎樂以供養佛說偈讚曰
如來大醫王 金剛身不壞 意等慧殊勝 戒淨愍衆生 除斷諸煩惱 猶如日破闇
今說陀羅尼 如雲降大雨

大雲初分密語健度第四

余時大雲密藏菩薩言世尊一切衆生無明所盲唯賴如來廣開顯示諸佛密語然深智燈作大明導佛言善哉善哉善男子諦聽諦聽善思念之吾當為汝然大法燈此經中有諸佛菩薩二十三種密語道迹入不狂行大法方便解脫門斷我我所密語所入行解脫門可畏色不可畏色下色

密語所入解脫門貪求不得密語所
入解脫門斷界有界無界密語門有
無明無無明有無無明密語門有貪
無貪者斷貪密語門有愛無愛者斷
愛密語門有繫無繫者斷繫密語門
有瞋無瞋者斷瞋密語門有闇無闇
有光密語門有鈍無鈍有利大利密
語門有破有析有壞密語門有苦有
樂無有受者密語門有慈無慈無愍密
語門有施無受者有大施主密語門有
罵無受者斷罵密語門有淨無淨斷
一切淨密語門有等無等斷一切等
密語門有放逸無放逸斷放逸不放
逸密語門空不空非空非不空如來
密語門常無常非常非無常如來密
語門我無我非我非無我如來密語
門愛無愛非愛非無愛如來密語門
善男子是名二十三種密語道迹入
不狂行大法方便解脫門今時衆中
有一天子名曰衆愛與無量天子上
昇虛空高十七多羅樹兩諸華香幡
蓋伎樂以供養佛說偈讚曰

如來深密語二衆所不解為衆故宣說

志今得安樂

大雲初分轉生有藏健度第五

尔時大雲密藏菩薩言世尊有十神通行入有生行藏微妙光王法門唯願如來分別廣說佛言善哉善哉善男子諦聽諦聽善思念之吾當為汝廣宣分別此經中有諸佛菩薩十有生樂王法門復有有生求喜法門復有有生虛渴法門復有有生樂說法門復有有生安法門復有有生願法門復有有生稱法門復有有生體王法門復有有生善王法門復有有生無善不染行藏微妙法王法門善男子是名十神通行入有生行藏微妙光王法門時大衆中有一天女名曰愛光以諸天華種種雜香幡蓋伎樂以供養佛而讚嘆曰我今稽首礼不生於諸有方便行諸趣昔為一切衆如來心自在是故其身常為衆轉生死如華無所染

大雲初分得轉生死業煩惱健度第六

尔時大雲密藏菩薩言世尊有十生死煩惱業田得心定願藏法門唯願

如來廣為衆生分別解說佛言善哉
善哉善男子諦聽諦聽善思念之吾
當為汝開示解說此經中有得生死
煩惱田果實法門復有生死田樂王
法門復有生死莊嚴住心法門復有
生死喜地法門復有生死期地法門復
有生死正見法門復有生死眴法門
復有生死衣法門復有生死久住法
門復有生死光明法門善男子是名
十生死煩惱業田得心定願藏法門
今時衆中有龍王名曰無毒以諸雜
香上妙諸花幡蓋伎樂供養於佛即
說讚曰
為諸衆生故顯示生死義 佛無煩惱業
為衆故處之

大雲初分智狂入健度第七

今時大雲密藏菩薩言世尊有十種
智狂不可思議神通王所入法門唯
願如來廣開分別佛言善哉善哉善
男子諦聽諦聽善思念之吾當為汝
分別解說此經中有得大安隱法門
無勝勝神通王法門無稱稱光所入
法門無量量光所入法門菩提時法

門期光法門高梯法門寬腹法門持一切衆生法門現在光法門善男子是名十種智狂不可思議神通王所入法門於是衆中有一天女名曰善塲以種種雜華上妙諸香幡蓋伎樂以供養佛即說讚曰
佛心難思議智身亦復然為化衆生故廣開此法門

大雲初分解脫轉福德藏法門健度第八
今時大雲密藏菩薩言世尊有十智甚深入無畏行法王法門唯願如來廣分別說佛言善哉善哉善男子諦聽諦聽善思念之吾當為汝分別解說有解脫一切惡法法門虛空藏法門甚深安入法門細針法門海不動法門智燈法門身口法門斷入一切煩惱法門堅意入法門淨意無尋法門善男子是名十智甚深入無畏行法王法門時大衆中有一天女名金光明以種種雜華上妙諸香幡蓋伎樂以供養佛即說讚曰
如來金色身智寶為瓔珞善法之寶聚猶須弥草木

大雲初分解脫有德轉藏健度第九

今時大雲密藏菩薩言世尊有十種
大雲見流不可思議功德寶藏法門
唯願如來分別解說佛言善哉善哉
善男子諦聽諦聽善思念之吾當為
汝分別演說有樂慈藏法門樂悲藏
法門樂喜藏法門樂捨藏法門寶水
流藏法門大海行法門如來所說法
流法門時入藏法門想意寶藏入法
門一切大法聚法門善男子是名十
種大雲見流不可思議功德寶藏法
門時大衆中有一天子名智愛樂以
種種雜華上妙諸香幡蓋伎樂以供
養佛即說讚曰

如來無生滅 佛法難測量 衆生無明覆
廣演於法界

大雲初分轉功德行健度第十

今時大雲密藏菩薩言世尊有十種
雨流不可思議功德藏法門唯願如
來分別解說佛言善哉善哉善男子
諦聽諦聽善思念之吾當為汝廣宣
分別善男子有雨網法門有寶王法
門有雨大海王法門有雨塵法門有

雨斷毒法門有雨滿安樂法門有雨
體法門有雨種種正見法門有雨功
德法門有雨涼藥法門善男子是名
十種雨流不可思議功德藏法門時
大衆中有一天子名虛空雷持諸華
香幡蓋伎樂以供養佛即說讚曰
諸佛如來說上妙微密藏能令一切衆
永度煩惱流斷滅生死苦一切永無餘
深自覺悟得涅槃常樂俱如來天中天
成就無量德今說大雲經為衆發道心
大雲初分雲虛空生健度第十一

今時大雲密藏菩薩言世尊有十種
大雲得虛空定法門唯願如來善分
別說佛言善哉善哉善男子諦聽諦
聽善思念之吾當為汝分別解說有
善法王法門見性法門智無勝王法
門無憍慢法門無盡意法門不可思
議法門無尋法門甚深法門質直法
門虛空相法門善男子是名十種法門
時大衆中有一天女名妙族姓持諸
香華幡蓋伎樂以供養佛即說讚曰
如來深密藏衆生所不解唯願為一切
分別今淺易

大雲初分電光轉健度第十二

今時大雲密藏菩薩言世尊有十種
大雲電光法門唯願如來廣分別說
佛言善哉善哉善男子諦聽諦聽善
思念之吾當為汝分別解說有六通
法門功德法門寶光法門虛空精進
法門藏法門戒調法門功德藏法門
斷疑法門琉璃意法門清淨法門功
德甚深大海法門壞一切結法門金
垢法門梵本長三善男子是名十法門時
大衆中有一天女名曰善喜持諸花
香幡蓋伎樂以供養佛而讚嘆曰
如來大醫王無身方便身無尋如虛空
廣說大雲經

大雲初分電轉健度第十三

今時大雲密藏菩薩言世尊有十種
寶電行法門唯願如來廣開分別佛
言善哉善哉善男子諦聽諦聽善思
念之吾當為汝分別解說有電光寶
王法門利智慧法門智慧能壞法門初
智法門智海法門法疑法門吉祥法門
法鼓法門須弥山法門能壞闇法門
風等行法門梵本長一善男子是名十法

門。今時衆中有一天女名恒河神持諸香華幡蓋伎樂以供養佛而讚嘆曰無畏無我心無貪慾衆生以大方便故而為一切世。如來功德力故令我得知無上無邊身不可得思議。我聞是經已永斷諸煩惱。

大雲初分神通健度第十四

今時大雲密藏菩薩言世尊有十種大雲電光幻法門。惟願如來廣分別說。佛言善哉善哉。善男子諦聽諦聽。善思念之。吾當為汝分別解說。善男子有調幻法門。調藏法門。樂法法門。求法法門。燒結法門。生一切法法門。斷諸諍訟法門。能消煩惱法門。上高法門。念無盡法門。度一切衆生法門。梵本長一善男子是名十法門。時大衆中有一天女名曰大喜。持諸華香幡蓋伎樂以供養佛。以偈讚曰。如來大神通。其身無動轉。為衆斷生死。故說大雲經。

大雲初分寶電健度第十五

今時大雲密藏菩薩言世尊有十種大神通法門。惟願如來分別解說。佛

言善哉善哉善男子諦聽諦聽善思念之今當為汝分別解說善男子有寶電法門電等法門電莊嚴王法門電燈法門電藥法門電同法門電無盡意法門電上上法門電上容法門電甚深法門善男子是名十種法門尔時衆中有一天女名曰嚴飾自喜持諸香華幡蓋伎樂以供養佛即說讚曰世尊大電王天中天滿雨知諸煩惱業而能永斷之凡夫結無邊輪轉受生死菩薩無煩惱故不至諸趣

大雲初分金剛智健度第十六

尔時大雲密藏菩薩言世尊有十智金剛行入智法門惟願如來廣分別說佛言善哉善哉善男子諦聽諦聽善思念之吾當為汝分別解說有神通寶聚法門喜王法門神通平等法門白鵝聲法門虛空無碍法門藥王法門法幢法門甚深大海法門不動法門無邊光法門不可思議法門無量劫法門梵本長二善男子是名十法門時大衆中有一天女名深智愛持諸香華幡蓋伎樂以供養佛即說讚曰

如來無上王無生亦無滅為諸衆生故
示現於生滅真實常不變為衆說無我
其身如金剛不可得沮壞

大雲初分無盡健度第十七

尔時大雲密藏菩薩言世尊有十無
盡意入神通法門惟願如來廣分別
說佛言善哉善哉善男子諦聽諦聽
善思念之吾當為汝分別解說有甘
露意入法門安寶法門樂法門喜法
門甚深精進法門意行法門無盡樂
法門常喜樂法門善男子是名十法
門梵本
少二尔時衆中有一天女名大寶
輪持諸香華幡蓋伎樂以供養佛即
說讚曰

如來無貧富其身無觸尋憐愍一切故
樂說大乘經

大雲初分正行健度第十八

尔時大雲密藏菩薩言世尊有十正
道法門惟願如來廣分別說佛言善
哉善哉善男子諦聽諦聽善思念之
吾當為汝分別宣說有深廣行法門
健行法門現力法門健勝法門一切
天人法門入一切時法門不染一切

時法門一切道喜法門斷一切惡道
法門大海常潮法門大海神通法門
梵本善男子是名十法門今時衆中
長一善男子曰善得持諸香華幡蓋
有一天女名曰善得持諸香華幡蓋
伎樂以供養佛即說讚曰

如來無上尊 修集於正道 雖成堅固藏
其心初無恚 慈愍於衆生 及為我等故
今於此寶座 宣說如是經

大雲初分師子吼健度第十九

今時大雲密藏菩薩言世尊有十種
甚深師子吼行法門惟願如來分別
解說佛言善哉善哉善男子諦聽諦
聽善思念之吾當為汝分別解說有
一切味吼法門一切味喜法門時神
通王法門蓮華法門喜地法門大喜
地法門四威儀法門聖行法門淨法
門一切法體法門善男子是名十法
門時大衆中有一天女名微妙聲持
諸香華幡蓋伎樂以供養佛而說讚曰
無上智微妙 猶如大海水 其力難思議
故能師子吼 為諸衆生故 生於憐愍心
今說方等經 其意無所畏

大雲初分師子吼神通健度第二十

今時大雲密藏菩薩言世尊有十師
子吼神通法門惟願如來分別解說
佛言善哉善哉善男子諦聽諦聽善
思念之吾當為汝分別解說有光法
門法蜂法門法鼓法門法寶法門法
藏法門法力法門法動法門三匝法
門大地法門難近法門一切纓絡法
門梵本長一善男子是名十法門時大衆
中有一天子名師子吼持諸香華幡
蓋伎樂以供養佛而說讚曰

如來無因喻無勝無有邊為諸衆生故
方便師子吼

大雲初分善方便健度第二十一

今時大雲密藏菩薩言世尊有十八
世間方便法門惟願如來廣分別
說佛言善哉善哉善男子諦聽諦聽
善思念之吾當為汝分別解說有生
王入法門畢竟多方便入法門信心
入法門師子神通法門世界非世界
法門時入法門善不善法門能調惡
人法門有德王入法門得一切恭敬
法門下業行法門梵本長一善男子是名
十法門是時衆中有一天子名婆羅

可迦持諸華香幡蓋伎樂以供養佛
而說讚曰

如來方便入涅槃 其身不動亦不滅
所入禪定難思議 衆生不解謂永滅

大雲初分神通健度第二十二

今時大雲密藏菩薩言世尊有十神
通寶藏入法門惟願如來分別解說佛
言善哉善哉善男子諦聽諦聽善思
念之吾當為汝分別解說有法周羅
法門大神通法門寶香藏法門師子
吼入聚法門破法相法門栴檀涼法
門無相法門無語法門蓮華法門稱
法門善男子是名十法門是時衆中
有一天子名增長有德持諸華香幡
蓋伎樂以供養佛即說讚曰

三千大千界佛於法自在法身不可見
為衆現相好

大雲初分金翅鳥健度第二十三

今時大雲密藏菩薩言世尊有十金
翅鳥神通所入法門惟願如來分別
解說佛言善哉善哉善男子諦聽諦
聽善思念之吾當為汝分別宣示有
能壞婆修吉龍王力神通王法門自

在力入法門喜入法門開勇入法門大海時入法門能壞大山法門能壞風力法門長見法門能壞一切毒法門得寶鴨法門善男子是名十法門是時衆中有一天子名深淨行持諸華香幡蓋伎樂以供養佛即說讚曰
如來大法王慧眼喻千日定根金剛手
能壞諸煩惱

大雲初分大捨健度第二十四

余時大雲密藏菩薩言世尊有十大捨時微妙神通王法門惟願如來分別解說佛言善哉善哉善男子諦聽諦聽善思念之吾當為汝分別解說有無量力甚深法門戒住法門戒廣王法門戒界王法門寶乳流法門功德流微妙法門慈力流法門忍辱流法門喜力流法門捨力流法門善男子是名十法門是時衆中有一天子名寶貴德持諸花香幡幢伎樂以供養佛即說讚曰

礼佛無量力常住不壞身為諸衆生故
說種種法界

大雲初分無畏健度第二十五

今時大雲密藏菩薩言世尊有十無
所畏大力神通所入法門惟願如來分
別解說佛言善哉善哉善男子諦聽
諦聽善思念之吾當為汝分別解說
有無所畏力神通法門不怖樂根法
門寶聚法門十有德法門淨陀法門
淨光行法門淨寶光法門喜入法門
淨等法門電光法門善男子是名十
法門是時衆中有一天子名寶華星
持諸華香幡蓋伎樂以供養佛即說
讚曰

如來秘密藏甚深如大海 為諸衆生故
淨行於法界

大雲初分入行健度第二十六

今時大雲密藏菩薩言世尊有十八
行法門惟願如來分別解說佛言善
哉善哉善男子諦聽諦聽善思念之
吾當為汝分別解說有入藏法門正
行法門正實法門吉稱法門稱法門
常喜法門日鬚法門悲力法門忍辱
法門常淨法門善男子是名十法門
是時衆中有一天子名寶正光持諸
華香幡蓋伎樂以供養佛即說偈讚曰

如來智慧海 甚深難可測 普為衆生故
今說大雲經

大雲初分至心健度第二十七

今時大雲密藏菩薩言世尊有十種
至心所入法門惟願如來分別解說
佛言善哉善哉善男子諦聽諦聽善
思念之吾當為汝分別解說有住善
界法門大海智法門智潮法門神通
行法門虛空神通法門無熱法門初
成法門隨行法門施喜法門善至心
法門善男子是名十法門是時衆中
有一天子名波頭摩智持諸華香幡
蓋伎樂以供養佛即說讚曰
如來無見頂 無勝無有上 今放大光明
廣為諸衆生

大雲初分勇力健度第二十八

今時大雲密藏菩薩言世尊有十勇
王大力微妙法門惟願如來分別解
說佛言善哉善哉善男子諦聽諦聽
善思念之吾當為汝分別宣說有健
勝田行法門首楞嚴法門勇健神通
法門健力法門健歸法門衆生具足
法門智堅健行法門壞壞墮法門廣

力法門健調光法門健意法門梵本一善

男子是名十法門是時衆中有一天
子名曰勇武持諸花香幡幢伎樂以
供養佛即說讚曰

眷屬不可壞猶如金剛寶推伏魔官屬
為衆說是經

大雲初分善健度第二十九

今時大雲密藏菩薩言世尊有十種
善行大神通王所入法門惟願如來
分別解說佛言善哉善哉善男子諦
聽諦聽善思念之吾當為汝分別說
之有善寶調法門善聚法門善堂法
門善行法門善意法門善德法門善
淨法門善調光法門一切善行瓔珞
法門梵本一善男子是名十法門是時
衆中有一天女名曰善護持諸香華
幡蓋伎樂以供養佛即說讚曰
成就於善相安坐善妙床廣為諸衆生
敷演無上法

大雲初分神通健度第三十

今時大雲密藏菩薩言世尊有十三
神通藏得開示法門惟願如來分別
解說佛言善哉善哉善男子諦聽諦

聽善思念之吾當為汝分別宣亦有
樂神通窟法門喜神通窟法門大喜
神通窟法門行神通窟法門師子神
通窟法門等神通窟法門示神通窟
法門悲神通窟法門捨神通窟法門
梵本善男子是名十三法門是時衆
中有四一天女名大海意持諸華香幡
蓋伎樂以供養佛即說讚曰

菩提樹常住 弟子樂依止 安根不動搖
故得生定牙 獲果常不變 是故稽首礼
大雲初分智健度第三十一

尔時大雲密藏菩薩言世尊有十智
初行法門惟願如來分別說之佛言
善哉善哉善男子諦聽諦聽善思念
之吾當為汝分別解說有法增長法
門喜食法門無盡意法門貪神通法
門施舟法門不樂世間法門莊嚴地
法門莊嚴界法門樂調法門住時法
門善男子是名十法門是時衆中有
一天女名須臾那華持諸華香幡蓋
伎樂以供養佛即說讚曰

如來戒無上 智慧無上上 憐愍衆生故
廣說大雲經

大雲初分智寶藏健度第三十二

今時大雲密藏菩薩言世尊有十智
寶藏法門惟願如來分別解說佛言
善哉善哉善男子諦聽諦聽善思念
之吾當為汝分別宣示有善持寶藏
法門法持法門恭敬法門心持法門
調王法門正精進法門大海寶藏法
門樂吉法門智果法門大吉法門成
就功德法門端正法門持戒精進法門
梵本
長三善男子是名十法門是時衆中
有一天女字蓮華鬘持諸華香幡蓋
伎樂以供養佛即說讚曰

如來大智海我今至心礼深定秘密藏
大悲故宣說如來既自獲常樂我淨等
亦復令衆生同已之所得

大雲初分施健度第三十三

今時大雲密藏菩薩言世尊有十正知
微妙寶藏法門惟願如來分別解說佛
言善哉善哉善男子諦聽諦聽善思
念之吾當為汝分別解說有寶藏法
門淨藏法門淨樂法門施樂法門施
目法門深藏法門深法莊嚴法門正
見法門愍一切衆生法門梵本
少一善男子

是名十法門是時衆中有一天女字
法寶樂持諸花香幡蓋伎樂以供養
佛即說讚曰

如來大施主 莊嚴大施聚施一切衆生
不觀田非田

大雲初分福田健度第三十四

今時大雲密藏菩薩言世尊有十種
福田種子法門惟願如來分別解說
佛言善哉善哉善男子諦聽諦聽善
思念之吾當為汝分別解說有寶行
勝法門寶流雨法門寶行聚法門寶
功德聚法門寶正意法門寶目法門
寶意法門寶光法門寶燈法門寶電
法門無盡意法門寶住法門一切寶
田法門梵本長三善男子是名十法門是
時衆中有一天子名曰寶雨持諸香
華幡蓋伎樂以供養佛即說讚曰

諸佛等正覺是世之福田 大慈悲憐愍
一切諸衆生能了田非田 故名阿梨呵
大雲初分正法健度第三十五

今時大雲密藏菩薩言世尊有十種
真實神通安樂樂王所入法門惟願如
來分別解說佛言善哉善哉善男子

諦聽諦聽善思念之吾當為汝分別
解說有不動法門住貌法門不動樂
法門深住法門不可思議聚法門不可
思議聚解脫法門樂意法門不可思
議住法門如來智印法門一切大海
無盡意法門善男子是名十法門是
時衆中有一天子名曰大光持諸香
華幡蓋伎樂以供養佛即說讚曰
諸佛婆伽婆 所說微妙法 所為諸衆生
悉皆難思議

大方等無想經卷第三

癸卯歲高麗國大藏都監奉
勅彫造

大方等無想經卷第四

六

北京天竺三藏曇摩無識譯

大雲初分如來涅槃健康度第三十六

於是衆中有大梵王名曰健行持諸供具供養於佛合掌恭敬右遶三匝上昇虛空高大多羅樹白佛言世尊大乘經典凡有幾種三昧摠持所修行道秘密之藏樂說無尋如來境界國土世間復有幾種如來大慈憐愍一切故我今日敢生此問願二足尊哀矜宣說說已我當頂戴受持時有天子名無盡意在大衆中承佛威神即為梵天而說偈言

善哉大梵王 問佛真實義 佛當如實答
廣度諸衆生 應當至心聽 恭敬而尊重
二方等經 恒沙義難解 如來大法王
廣開闡法界 佛得摠持法 非二乘所解
大梵大乘經義非惟一種乃至萬種假
使有人智如阿難所得壽命如恒河
沙不能受持知其義理復使是人其
舌辯利數如恒沙說亦不盡何以故
是大乘經其義深邃不可思議不可

稱量境界難知過去未來現在諸佛
說其句義猶不可盡梵天辟如醫師
為療病故所說藥方亦不能盡諸佛
世尊亦復如是梵天辟如女人惟有
一子欲令長大漸令服蘇諸佛世尊
亦復如是梵天已為衆生興發此問
我當至心聽受其義

今時大雲密藏菩薩白佛言世尊此
經中說四百三昧其義甚深難可得
解惟願如來分別解說佛言善哉善
哉善男子如汝所問欲療衆生雜惡
穢垢令得忍辱正信之心正精進心
念心定心欲令未來薄福之人生福
德故故發此問善男子若有國土城
邑聚落四部之衆受持讀誦書寫解
說如是經者時旱則雨雨過則止善
男子隨有國土其中衆生受持讀誦
書寫解說聽此經者當知是人得金
剛身何以故是經典中有神呪故為
衆生故三世諸佛悉共宣說

郁究隸 牟究隸 頭垣 比頭垣 陀尼
羯垣 陀那賴垣 陀那僧塔兮
若有四衆讀誦此呪則為諸佛之所

稱讚若有國土欲祈雨者六齋之日
其王應當淨自洗浴供養三寶尊重
讚嘆稱龍王名善男子四大之性可
令變易誦持此呪天不降雨無有是
處汝先所問四百三昧義至心諦聽
當為汝說善男子此經中有諸佛菩
薩甚深淨水大海三昧非諸聲聞緣
覺所知故名甚深能斷一切生死渴
乏故名淨水邊不可得故名大海諸
佛世尊同平等故故名三昧若有菩
薩具是三昧則得常樂我淨之身得
多聞海多聞寶藏於菩提心無有動
轉不退佛慧常住之身無有變易心
無疑尋不離法雨常遇三寶值善知
識成就一切真正福德善男子汝當
受持如是三昧持已則得具足成就
無量功德復次善男子復有甚深淨
水大海所入三昧無有三昧而能宣
說是三昧相故名甚深洗濯生死故
名為水無能得底故曰大海得不動
身常樂我淨故名為入畢竟故故名
三昧善男子若有菩薩具是三昧則
能變為諸天形像見事梵者即作梵

像為破梵事而心不著見事自在天作自在天像見事八臂作八臂像見事建馱作建馱像見事天母作天母像見事鬼者即作鬼像雖亦如是種種形像為壞彼見心實無著見有屠者即現屠像為欲化彼令不煞生酒家乃至旃陀羅像亦復如是見有博奕戲笑之處恚現其像為斷貧窮現畜妻息奴婢僕從而其內心常修梵行雖服寶飾心常清淨亦現服食甘美衆饍內常法喜以自充潤入諸婬舍為化欲惡諸不善者博士卜噬鳥驚之身乃至一切畜生雜類亦復現入一切形殘身不具足為欲宣說身過患故乃至九十五種邪道隨亦其像破彼見故亦現自身四百四病為治衆生內外病故讀誦外書解種種語亦現奴婢僕從男女老少之像及亦生老病死等像為欲調伏諸衆生故能解一切鳥獸等語現作香華藥草果菰或亦王身王子大臣長者身像或亦沙門婆羅門像帝釋天王轉輪聖王日月等像所以亦現四大天王

為欲擁護四天下故亦現諸佛自在神通終不畢竟入於涅槃變作衆色不壞色性雖得往生諸佛淨土終不分別國土之相獲得諸佛甚深三昧而於法界無所分別為人天主心無憍慢雖說夢事不見夢相外現魔事實無魔業行於世間世法不汙猶如蓮華處汙不染善男子如是之果名為成就甚深大海所入三昧今時衆中有婆羅門名曰善德白佛言世尊如來之法甚深秘密為諸衆生分別演說而是薄福鈍根愚癡提婆達多不聽不受不知恩分純與六群惡惡比丘同其所行增長地獄出佛身血破壞衆僧生於釋種增長憍慢實非人類強名為人察其行迹畜生無別復從無量阿僧祇世常於如來生惡逆心其有施者無有果報自所修善亦不成就如尼軋子等無差別尼軋子說無受無施提婆達多亦復如是真是魔黨非佛眷屬何以故常於如來起害心故雖名沙門無沙門義猶如袈裟裏覆利刀實是禿人名為無

命所有徒衆亦復如是實非世尊作
世尊想世尊如來若是一切智者何
故聽此弊惡之人出家剃髮受具足
戒如來所說普令衆生生於善根是
人何故獨不得生如來慈哀常以樂
說為諸衆生廣宣正法聞者蒙潤善
根開敷提婆達多何故不得預斯利益
如來性淨身淨心淨眷屬應淨何故
衆中而有此輩今時大雲密藏菩薩
承佛神力語善德言善哉善哉大婆
羅門一切聲聞辟支佛等於是事中
都不能問汝今乃能諮問是義至心
諦聽我當承佛威神道力為汝廣說
汝不應言提婆達多不知恩分是人
知恩非不知也雖與六群同其所行
不名為惡提婆達多不可思議所修
業行皆同如來如來業行即是提婆
達多業行一切衆生不能開顯如來
世尊真實功德提婆達多能開示人
令阿僧祇無量衆生安住善根如來
業行非地獄種云何而言提婆達多
是地獄人汝言同於六群所行汝今
當知六群比丘實非弊惡所行之法

亦同佛行大婆羅門如來身血實無
有出提婆達多亦不能出若言樹影
有出血者無有是處如來之身亦復
如是若言出血當知即是善權方便
不可思議大婆羅門釋迦如來種性
清淨如紺琉璃所有弟子無有毀禁
我亦不見如來弟子有破戒者如來
所說無上正法實令聞者生於善根
非不生也如來大衆成就持戒悉入
佛境徒衆眷屬如栴檀林純以栴檀
而為圍遶不可沮壞如金剛山亦不
見有能得壞者有怖畏者則可破壞如
來弟子永無憂怖若無憂怖云何可
壞不可破壞如師子群如來法王如
師子王純以師子而為眷屬如是眷
屬難可測度非是聲聞緣覺境界不
可毀滅如灰覆火如來無上一切智
人若聽剌駭受具戒者終無毀禁一
切衆生皆入如來所知境界是故如
來名一切智提婆達多具足如是不
名壞僧大婆羅門假使千萬無量諸
魔亦不能壞若言弊惡提婆達多壞
衆僧者當知即是善方便也云何而

言行同畜生提婆達多真實生於釋迦如來淨種姓中不生畜生若言釋種作諸惡者無有是處提婆達多所行惡行為欲顯示釋迦如來功德力故釋種中生名禿人者亦無是處提婆達多善能護持解脫淨戒云何而言尼乾子耶有惡欲者乃名惡人提婆達多心無惡欲云何而言惡比丘耶修行如來善方便者提婆達多即其人也大婆羅門若有人言提婆達多集地獄業當知即是菩薩業也菩薩業者即是神通為化衆生故在地獄當知實亦不處地獄譬如二人道路共行後各別去一東一西若言是人故和合者亦無是處若言如來提婆達多相遠離者亦無是處大婆羅門有人煞生造作惡業法應無量百千世中地獄受果有人修善法應無量百千世中天上受報有修善者地獄受果行惡之人天上受報此乃諸佛如來境界非諸聲聞緣覺所知如來成就無量微妙真實功德云何而言提婆達多能壞佛身實無量世中

於如來所生惡逆心提婆達多實無
害心何以故是人真實決定了知善惡
報故知一念惡無量世中地獄受報以
是義故提婆達多終不造惡如來
已於無量世中永斷諸惡云何衆生
能於如來起惡心耶若言提婆達多
是地獄人云何得與如來法王同一
種姓地獄衆生得與如來同眷屬者
亦無是處若言提婆達多無量世中
造作諸惡應無量世地獄受報云何
得與如來一處若與如來同一處者
當知是人非是癡惡若提婆達多真
實惡人云何得與如來和合如彼二
人東西路乖理無和合提婆達多隨
順佛語聞東則東不違聖言云何當
名地獄人耶若令至東故違西去則
不得名非地獄人若言提婆達多地
獄人者是無惡人所以者何地者名
人獄者名天往來人天名地獄人復
次地者名常獄名無相提婆達多亦
常無相故名地獄復次地名為樂獄
者名斷樂斷生死故名地獄復次地
者名善方便獄名能說說善方便故

名地獄大婆羅門如來世尊有善方便復能宣說不名地獄云何得名提婆達多為地獄人提婆達多所有境界實非聲聞緣覺所知大婆羅門如來世尊常所稱讚黃頭大士即是提婆達多比丘六群比丘亦大菩薩提婆達多與共同行云何得名地獄人耶如栴檀樹栴檀園遶如香象躋踏非驢所堪還是香象之所能忍大婆羅門如來世尊大香象王亦復如是所說深義非是二乘之所能知還是香象諸大菩薩乃能受持提婆達多成就如是無量功德汝應懺悔恭敬供養尊重讚嘆大婆羅門比丘比丘尼優婆塞優婆夷能知提婆達多功德了了不疑當知是人真佛弟子得佛功德二分之一得佛一目得佛半身大婆羅門提婆達多所有功德一切衆生所不能知如來功德所有境界一切衆生亦不能知復不能見如來法身大婆羅門提婆達多真實能知如來所有微妙功德聲聞緣覺實所不知惟有提婆達多了了不疑亦

能示現如來所現無量神通能示衆生如來所行知佛如來所有國土提婆達多是大丈夫如來所遊在在處處提婆達多亦隨逐行以是義故名大丈夫諸佛如來境界甚深秘密之言不可思議惟有提婆達多比丘能得了知如來今者當開密語仁可善聽今時大眾異口同音而讚頌曰

假使魔波旬其數無有量盡其神通力不能壞衆僧如來無上尊大慈憐愍心為諸衆生故亦現業果報

今時世尊讚嘆大雲密藏菩薩摩訶薩言善哉善哉汝今使說提婆達多真實功德一切聲聞辟支佛等不能解了大乘方等功德勢力汝將欲壞一切衆生所有疑心是故開顯提婆達多菩薩功德

復次善男子此經復有諸佛菩薩深進大海水潮三昧若有菩薩成就具足是三昧者須彌山王高大堅韌能以口吹令其碎破猶如微塵入於空塵猶而亭歷猶亦不增長四大天王亦不驚怖不破不壞不自覺知所安之

處三十三天亦復如是善男子是名
菩薩成就具足深進大海水潮三昧
復次善男子若有菩薩成就具足是
三昧者以四大海水入一毛孔不燒
龜鼉龜龍魚鼈水性之屬壽命如常
無有損夭諸龍王阿修羅乾闥婆不
自覺知所至之處能以三千大千世
界安置右掌斷取大地如陶家輪擲
置他方恒沙界外其中衆生都不覺
有往來之想取彼世界安置此土亦
復如是

余時善德以諸香華幡蓋伎樂供養
於佛合掌恭敬白佛言世尊大慈憐
愍一切如羅睺羅今欲啓請惟願聽
許余時世尊嘿然不答是時衆中有
梨車童子名曰一切衆生樂見語善
德言如來嘿然已不相許我今當答隨
疑致問婆羅門言梨車我曾從他聞
如是義若能供養如來舍利如芥子
許福報應得忉利天主梨車是大雲
經其義甚深如來密語難可得解非
諸聲聞緣覺所知何況我等邊地之
人我今欲得如來舍利如芥子許恭

敬禮拜莫處初利為彼天主我從昔
來常有此願今時梨車即說偈言

假使恒河中 駛流生蓮花 拘提羅鳥白

舍利乃可得 假使龜生毛 任作僧伽梨

冬日能消冰 舍利乃可得 假使蚤子脚

堪任作橋梁 能度一切眾 舍利乃可得

假使水中蛭 忽然生白齒 大如香象牙

舍利乃可得 假使兔生角 堪任作梯橙

高至淨居天 舍利乃可得 假使鼯鼠等

緣於兔角梯 在上而食月 舍利乃可得

假使蠅能飲 鍾石淳好酒 迷荒而耽醉

舍利乃可得 假使驢口脣 形如頻婆果

善能歌詠舞 舍利乃可得 假使烏角鵝

同共一樹棲 飲食不相離 舍利乃可得

假使棘刺葉 周遍覆三千 大千世界上

舍利乃可得 假使小舟舩 能載須彌山

度於大海水 舍利乃可得 假使小鳥雀

喙銜大香山 移置於他處 舍利乃可得

時婆羅門即說偈頌答梨車言

善哉梨車子 能知深方便 今當至心聽

我說佛功德 佛境難思議 所得已畢竟

諸佛常無變 是故無生處 諸佛色平等

是名佛法界 如來非作法 亦復非有生

如來金剛身不可得破壞以是故舍利
真實不可得如來無舍利乃至如芥子
無有血肉骨云何有舍利如來為衆生
現受方便身諸佛身常住法界亦復然
隨應諸衆生方便為說法亦隨其所宜
而現種種身若佛有慈悲普及諸衆生
何故不見為分身施舍利

尔時衆中有一天女名曰淨光復以
香華幡蓋伎樂供養於佛合掌恭敬
白佛言世尊如是二賢成就甚深微
妙智慧能開如來秘密之藏從何處
來惟願演說佛言善哉善哉天女汝
為衆生故問是義諦聽諦聽吾當說
之如是二人是佛真子如香象王是
大丈夫為衆生故樂處生死知恩報
恩我所護念善能護持諸佛種姓為
佛重任熾然法燈天女過去無量億
邨由他阿僧祇劫尔時有佛号同性
燈如來應正遍知明行足善逝世間
解無上士調御丈夫天人師佛世尊
時閻浮提多有衆生無量無邊不可算
數悉皆成就安隱快樂無諸飢渴苦
惱等患其地廣博清淨嚴事廣縱六

万八千由旬多有諸城七万八千一
一大城七寶所作其城四壁有九万
却敵

尔時大城名曰寶聚即是今之王舍
城也時寶聚城有八万千億人同姓
燈佛出生彼城彼城所有無量衆生
悉發阿耨多羅三藐三菩提心成就
神通人中象王天女尔時如來在大
衆中作師子吼宣說如是大雲經典
時彼城中有王名曰大精進龍王王
有夫人名曰護法有一大臣名法林
聚尔時國王與其夫人及其大臣往
彼佛所供養恭敬合掌作礼右遶三
匝却坐一面尔時同姓燈佛知大精
進龍王心中所念放大光明名無所
畏王遇此光心得法喜尔時大臣承
佛神力白佛言世尊如來舍利為可
得不尔時世尊默然不答天女尔時
大王為正法故即共大臣翻覆往反
論講舍利時佛聞已即讚嘆言善哉
善哉彼佛衆中有大弟子字摩訶男
心生善欲而作是念善哉大王善解
如來甚深法界時佛即為時會大衆

說王所解深法妙義大衆已聞皆生
驚疑時佛即告諸大衆言此王功德
不可思議深不可測非是汝等所能
得解尔時大王聞佛稱讚已之功德
心大歡喜即起供養右遶千匝以採
寶華用散佛上而復讚嘆即發願言
未來當有釋迦如來興出於世以大
方便示法滅時我當於中出家修道
受持淨戒具大勢力見有破戒行惡
比丘我當驅擯至於邊方無佛法處
為正法故不惜身命尔時大臣復作
是願釋迦如來以大方便現涅槃已
我當於中作大國王護持如來無上
正法見惡比丘唱令驅出有持法者
恭敬供養是時夫人復作是願釋迦
如來出現之時令我勢力能伏邪見
時摩訶男復作是願使我尔時為彼
如來作大弟子得大神通於佛功德
能師子吼天女如是四人今於我世
為法重任不但今日方於未來復當
護持我之正法是時天女即白佛言
我今未知如是四人斯為是誰惟願
如來說其名字佛言善哉天女至心

諦聽諦聽吾當為汝分別解說今時
大臣即今善德婆羅門是是婆羅門於
我滅後百二十年王閻浮提字阿叔
迦住於波梨弗羅城中姓无邪氏得
轉輪王所有福德二分之一於閻浮
提得大自在護持正法大師子吼為
法流布大得舍利供養恭敬尊重讚
嘆見惡比丘治令修善天女復言惟
願解說今時佛告天女且待須臾
我今先當說汝因緣是時天女聞
是說已即生慚愧佯頭伏地佛即讚
言善哉善哉夫慚愧者即是衆生善
法衣服天女時王夫人即汝身是汝
於彼佛暫得一聞大涅槃經以是因
緣今得天身值我出世復聞深義捨
是天形即以女身當王國土得轉輪
王所統領處四分之一得大自在受
持五戒作優婆夷教化所屬城邑聚
落男子女人大小受持五戒守護正
法摧伏外道諸邪異見汝於今時實
是菩薩為化衆生現受女身是時王
者即今一切衆生樂見梨車子是深
達正法甚深之義能開如來微密法

藏護持佛法無所虧損時摩訶男者
即今大雲密藏菩薩是得我真身二分
之一知恩報恩護持正法能答深義
無所滯碍天女我今此衆雖有上智
大迦葉等不能宣辯甚深之義如大
雲密藏菩薩摩訶薩也

尔時衆中有一天子字曰奇才與千
天子即起向佛以諸華香幡蓋伎樂
供養於佛合掌恭敬以偈讚佛

大海可度量須弥可稱知如來法境界
難可得思議

說是法時無數千人發阿耨多羅三
藐三菩提心

尔時如來告善德言善哉善哉大婆
羅門汝今善發歡喜之心得無上果
大婆羅門從是南去度三十万恒河
沙等世界彼有世界名須曷鄰有佛
世尊号淨光秘密如來應正遍知明
行足善逝世間解無上士調御丈夫
天人師佛世尊常住在世為化衆生
轉正法輪從彼南去復度五十万恒
河沙等世界彼有世界名法喜寶佛
号法藏如來應正遍知明行足善逝

世間解無上士調御丈夫天人師佛
世尊常住在世為化衆生轉正法輪
從彼南去復過六十万恒河沙世界
彼有世界名一切池佛号師子吼神
足王如來應正遍知明行足善逝世
間解無上士調御丈夫天人師佛世
尊常住在世為化衆生轉正法輪從
彼南去復過三十六万恒河沙等世
界彼有世界名曰華幢佛号高須弥
十号具足乃至轉正法輪從彼南去
復過八十万恒河沙等世界彼有世
界名曰寶手佛号法護十号具足乃
至轉正法輪大婆羅門如是諸佛世
界嚴淨其土無有山陵埵埤石沙穢
惡其地柔軟如迦陵伽衣世無五濁
亦無女身二乘之人乃至無有二乘
之名女人名字純諸菩薩摩訶薩等
甘樂大乘護持大乘樂說大乘大婆
羅門若有善男子善女人受持如是
諸佛名号墮三惡道者無有是處必
定當得阿耨多羅三藐三菩提大婆
羅門以是義故我涅槃後是經當於
南方國土廣行流布正法欲滅餘四

十年當至北方北方有王名曰安樂
見有受持書寫經卷讀誦說者隨時
給施四事無乏尔時北方當有八万
四千衆生受持是經卷善男子若有
人聞如是經已捨放遠離無有是處
若有善男子善女人頂戴受持諸佛
名号若中兵毒水火盜賊無有是處
除其宿業復次大婆羅門若内四部若
外衆生為供養故為怖畏故為壞法
故奉持如是諸佛名号終不墮於三
惡道中若至三惡無有是處

尔時善德復作是言世尊若有衆生
聞是經名尚得如是無量善利况有
受持讀誦書寫解說之者若得聞彼
諸佛名号則為已得無上大寶阿耨
多羅三藐三菩提已在其手諸佛如
來已到其舍其地金剛其身亦尔心
堅不動不可移轉世尊我今亦當恭
敬供養如是之人佛言善哉善哉大
婆羅門汝今善知善解如来功德之
力若有衆生聞彼佛名敬信不疑無
諸怖畏所謂王怖人怖鬼怖無諸疾
病常為諸佛學道弟子八部鬼神及

大雲經第四卷 第三十張 大
其眷屬之所守護諸佛所念

尔時衆中有乾闥婆王名曰喜見從
座而起往至佛所合掌恭敬白佛言
世尊如來滅後何等衆生能受持是
經廣令流布何等衆生不能受持令
法毀滅尔時如來默然不荅時大迦
葉語喜見言善男子如來真實無有
涅槃法無滅盡云何而言如來滅後
誰受是經喜見王言大德一切衆生
狂愚無智惟願大德宣說如來所以
不滅一切衆生癡闇所覆願燃法燈
令得開明我於未來亦當廣為一切
衆生開發是義惟願大德哀愍故說
大迦葉言善男子如來法身不名肉
身佛身金剛非破壞身成就具足無
量功德方便之身不名食身如是之
身云何言滅喜見王言大德我今定
知如來世尊方便涅槃非畢竟滅尔
時迦葉讚喜見言善哉善哉實如所
說善男子大海可量如來功德不可
稱知喜見王言如來何時當畢竟滅
大迦葉言假使一切所有衆生乃至
蚊蟻悉得阿耨多羅三藐三菩提入

於涅槃如來今時乃當涅槃喜見王
言大德如來成就如是無量無邊功
德一切衆生何故不發阿耨多羅三
藐三菩提心苦哉苦哉衆生薄福不
知如來常住不變金剛之身非雜食
身大德如是之身惟佛能知非諸聲
聞緣覺所及

迦葉復言善男子一切衆生悉有佛
性得菩提心說是法時一万二千天
子發阿耨多羅三藐三菩提心異口
同音而說偈言

如來不涅槃 真法無有滅 為諸衆生故
亦現有滅度 如來常不滅 為衆方便說
如來不思議 法僧亦復然
大方等無想經卷第四

癸卯歲高麗國大藏都監奉
勅雕造

大方等無想經卷第五

大

北涼天竺三藏曇無讖譯

大雲初分增長健度第三十一之一

尔時南方有諸天子其數無量從黑
山中来至佛所以諸香華幡盖伎樂
供養於佛頭面作礼右遶三匝白佛
言世尊如來今日說是經典南方世
界無量无邊恒河沙等諸佛世尊亦
說是經世尊如是經典名字何等善
男子如是經典凡有三名一名大雲
二名大般涅槃三名無想大雲密藏
菩薩所問故名大雲如來常住無有
畢竟入涅槃者一切衆生悉有佛性
故得名為大般涅槃受持讀誦如是
經典斷一切想故名無想善男子有
人親近無量恒河沙諸佛世尊於諸
佛所受持淨戒供養恭敬尊重讚嘆
成大功德然後乃得聞是經典雖得
聞受不能廣說若於不可計不可數
恒河沙等諸佛世尊受持淨戒乃至
成大功德聞已則能分別廣說善男
子正法欲滅是經當於閻浮提中具

足流布佛涅槃後初四十年亦當流布正法垂滅餘四十年復當流布行惡之時謗方等時惡王治時我諸弟子毀禁戒時遭值荒亂世人輕時四部弟子不修身不修戒不修心不修慧無明狂癡習放逸時凡所造作同畜生時不隨和上師長教時違反上座耆宿長老當今之時我諸弟子於是經中不能信受輕笑譏呵互相訾謏云何邪見說為方等剃頭之人名為沙門云何反讀邪見經書實非佛語為利養故說為佛語公於眾中唱如是言如此經者真是邪見非佛所說慎勿讀誦書寫受持今時大眾即共答言大德莫作是語此經相義實是佛說我今為經當相供給我此弟子為供養故素無信心受持誦說是名滅法復次天子未來之世法欲滅時我四部眾薄福少智不知厭足退失善根貧於法財無心親近佛法僧寶為衣食故剃頭染衣其心麁穢如禿居士畜養奴婢金銀珍寶錢財珂貝琉璃頗梨貯聚穀米牛馬畜生田

宅屋舍雜色卧具食肉嗜味背捨諸
佛成就十六不善律儀親近國王太
目長者受使隣國通致信命受人供
養及生惡心成就一切非沙門法非
婆羅門法天子如是惡世惡比丘時
余時我當有一弟子持戒清淨少欲
知足如大迦葉善能教化閻浮提內
我弟子中習行惡者說真正語不惜
身命廣開如來深密秘藏讚嘆持戒
行頭陀者成就具足波羅提木叉稱
美知足真掃衣服廣為惡人說如是
言諸大德世尊不聽受畜一切不淨
之物貪味食肉如來常讚持淨戒者
呵責毀禁大德汝今若不受我語者
我教有大力勢能相降伏我此弟子
福德力故咸令一切信伏無違何以
故是人已曾親近無量諸佛世尊廣
修慈悲貪樂大乘護正法故

余時常有五万八千諸善鬼神隨從
侍衛為欲守護佛正法故天子復言
世尊我等未來亦當護是持法比丘
佛言善哉善哉天子如汝所說法欲
滅時當勤守護天子當余之時我亦

能以威神道力摧伏惡魔治惡比丘
今時十方無量諸佛亦同讚嘆我此
弟子今時一切南方天子復以華香
供養世尊白佛言世尊如是弟子何
時當出在何國土名字何等佛言善
男子我涅槃後千二百年南天竺地
有大國王名娑多婆呵那法垂欲滅
餘四十年是人今時當於中出講宣
大乘方等經典悉振興起垂滅之法
廣令是經流布於世教人具足執持
讀誦書寫解說聽受其義今時若有
不能如是受持解說是經典者當知
是人非我弟子魔之眷屬今時樂見
乳闍婆王白佛言世尊唯願矜哀解
說未來持法弟子如迦葉者成就大
慈具足淨戒種姓眷屬無可譏呵佛
言善男子諦聽諦聽當為汝說我此
弟子守護正法持佛種姓一切衆生
所樂見者善男子是南天竺有小國
土名須賴吒其土有河名善方便其
河有村名曰華鬘華鬘村中有婆羅
門產一童子即是今之一切衆生樂
見梨車後時復名衆生樂見是大菩

薩大香象王常為一切恭敬供養尊重讚嘆其年二十出家修道多有徒衆修持淨戒稱詠諸佛大乘經典為護正法不惜身命其諸弟子亦復如是若有比丘比丘尼優婆塞優婆夷聞是比丘所說正法必定當得阿耨多羅三藐三菩提今時國王大臣長者及一切人為此經故供養恭敬是持法者是經力故令彼國王得大勢力所有國土無能侵陵我此弟子魔不得便

今時若有受持讀誦書寫是經則得名為大菩薩也名為福田在淨僧數軋闍婆王當於今時我諸弟子多有信受如是經典得解脫者亦復不少善男子若有人能成就四事則能受持如是經典一者得聞深進大海水潮三昧二者得聞南方佛名三者親近於善知識四者至心信佛法僧今時若有不能信受是經典者是魔眷屬若有信者是佛弟子善男子未來之世有信心者名為親近諸佛世尊何以故如是經典諸佛封印所謂印

者一切衆生悉有佛性如來常住無有變易善男子若有人能信是經者當知是人真佛弟子有能恭敬是持法者是人當為未來諸佛徒衆眷屬何以故無量諸佛已於是人生已有心故所以者何是持法比丘不可思議已於過去同然燈佛發大誓願未來之世釋迦如來法垂欲滅我當於中出家修道為護正法不惜身命時王精進龍王者即今樂見梨車是樂見梨車即是未來護法比丘善男子汝善觀察我此弟子未來功德若有人能恭敬供養我此弟子當知是人即為十方三世諸佛之所恭敬若未來世比丘比丘尼優婆塞優婆夷信受如是持法比丘所可演說即是信受十方諸佛所有言說若有比丘比丘尼優婆塞優婆夷愛敬如是持法比丘不惜身命即為十方三世諸佛之所愛念增長壽命若未來世比丘比丘尼優婆塞優婆夷恭敬供養是持法者專心繫念聽其所說不求其短當為十方三世諸佛之所推覓護

念守持如羅睺羅護念禁戒善男子
未來之世薄福衆生比丘比丘尼優
婆塞優婆夷當作是言咄哉咄哉如
是衆生樂見比丘實非比丘作比丘
像遠離諸佛所說經典自說所造名
大雲經遠離諸佛所制禁戒自爲衆
生更制禁戒諸大德各各諦聽若言
貯蓄金銀珍寶名爲破戒不貯蓄者
名爲持戒如來何處當作此說此非
佛語說爲佛語我當云何不惜身命
恭敬供養如是惡人宣說惡語以爲
佛語唱說惡戒以爲佛戒諸大德我
實不能信受如是惡比丘言若有供
養如是人者唐捐其功終無果報今
時諸人聞是語已所有信心各各壞
滅若有信受是惡語者當知是人從
閻入閻若不信受是人則得從明入
明善男子若有隨順是惡語者是魔
眷屬若不隨順真我弟子善男子是
大雲經其義幽隱難可解了若未來
世有四部衆福德純厚得菩提心勤
修行者作如是言善哉比丘真佛弟
子善住大地是大菩薩勇猛大士非

下人也下劣之人不能如是迴轉大海諸大德汝等可來當共供養如是比丘諸大德我今見是持法比丘即是過世無量功德之果報也隨是比丘所住之處當知其地及其衆生功德成滿安樂無患若得覩見是比丘者當知是人已得天眼法眼具足我為是人不惜身命若聞其言寧捨身命終不忘失我今寧為如是一人不惜身命終不能為非法徒黨百千萬人捨於身命善男子如是惡法興出之時我此弟子當於是中護持我法善男子未來之世法欲滅時若有比丘比丘尼優婆塞優婆夷為護法故不惜身命是則名為熾然慧燈度脫衆生修行一切諸佛所行得法翅用破魔境界身得自在心得自在身不可思議為諸衆生之所愛敬善男子法欲滅時是持法者一日一夜六時唱令告諸衆生汝等當共受持正法諸惡比丘聞是語已心不甘樂不甘樂故便作是言大德如是邪法誰當信受嘿然者善若不嘿然當奪汝命是

持法者復作是言我寧捨命終不嘿然諸惡比丘尋共害是持法比丘善男子如是人者是我取後持法弟子當知今時我法則滅若言今時我弟子中更有如是護持法者無有是處乳闍婆王言是持法者捨是身已更得何身佛言善男子捨是身已當得佛身無邊之身乳闍婆王言唯願世尊為諸衆生說是比丘云何捨身而得佛身佛言善男子善哉善哉聽我說此持法弟子功德之事過此賢劫千佛滅後具滿六万二千劫中空過無佛今時當有無量億那由他諸辟支佛在世教化過是劫已有七佛出是七如來般涅槃已此國今時轉名喜光是喜光國當有佛出号智聚光如來應供正遍知明行足善逝世間解無上士調御丈夫天人師佛世尊是佛世界所有人民顏貌端正信心成就若有人能於我法中沒命護持悉當生於彼佛世界而為彼佛作大弟子大弟子者即是菩薩摩訶薩也真大丈夫大智者彼界人

民一切無有貪欲恚癡皆悉成就清淨
信心智聚光佛壽十五中劫為諸弟
子開三乘教雖開三乘多說菩薩一
乘之行今時雖有魔王魔子恚發阿
耨多羅三藐三菩提心一切衆生悉
得大慈大悲之心皆得遠離三惡道
苦無有八難世界常淨猶如北方鬱
單越土天魔波旬不得其便永斷邪
見彼佛如來入涅槃已法住千億然
後滅盡說是語時一切大衆諸天龍
神乾闥婆阿修羅迦樓羅緊那羅摩
睺羅伽持諸華香微妙伎樂供養於
佛大迦葉等諸大弟子歡喜讚嘆恭
敬作禮諸大菩薩復持妙華大如須
弥供養於佛悉共發願願我未來生
彼佛世

今時大雲密藏菩薩白佛言世尊唯
願如來為未來世薄福德衆生演說
如是深進大海水潮三昧佛言善男
子汝今不應作如是言何以故佛出
世難此大雲經聞者亦難若有書寫
受持讀誦一句一字亦復難得云何
偏為未來之人吾當普為三世衆生

廣開分別善男子我以未來薄福衆
生罪根深重是故唱言此經當於未
來流布善男子未來之世若能於此
大雲經中信心不疑讀誦一偈如是
之人甚為難得世尊如來何故作如
是言善男子我亦不獨為未來說何
故而生如是疑心若有能聽如來所
說一偈一句不生疑心於三世中亦
復難得何以故三世衆生難得三昧
陀羅尼門知恩報恩未來衆生不知
恩分不能報恩不知恩故信心難得
信難得故是故我言為未來世說此
經典若能讀誦受持是經一偈一句
是人難得未來衆生薄福罪重是故
復言為未來世說此經典大雲密藏
菩薩言世尊若有菩薩安住如是深
進大海水潮三昧成就無量無邊功
德非是聲聞緣覺所知佛言善哉善
哉善男子住是三昧諸菩薩等深不
可測譬如大海衆流所歸不可量數
善男子如是大海猶可量數而諸菩
薩不可量數何以故安住如是深三
昧故

復次善男子若有菩薩住是三昧能以足指一毛舉此恒河沙等三千大千諸大世界高至上方無量世界令諸衆生無有怖畏往反之想而令他方一切悉見為化度故乃至十方亦復如是世尊如是三昧乃為無量無邊功德之所成就是故佛說普為三世善男子善哉善哉實如所言善男子譬如大海搖攝一切諸河泉流此大雲經亦復如是搖攝一切無量經典復次善男子若諸經典有如是等無著三昧當知彼經已為攝在此經典中一切聲聞辟支佛等所得三昧比此三昧不可為喻何以故聲聞緣覺無常無我無樂無淨無著三昧廣開如來常樂我淨無有變易是故此二不得相喻善男子若聞如來常不變易信心清淨當知是人得阿耨多羅三藐三菩提心修菩提道善男子若男若女欲得常住無有變易應當受持讀誦書寫演說是經若能如是受持演說是經典者當知是人不久當得阿耨多羅三藐三菩提若有人聞

如來常住無有變易心生疑怖當知
是人不見如來真實之相真實相者
所謂如來常恒不變湛然安住是故
聞者不應疑怖應當受持廣為人說
如是說者當知佛法常住無滅善男
子如一切衆生跡入衆跡中一切三昧
亦復如是入此經中善男子如闍浮
提一切山河藥林樹木及四天下山
河樹木日月星宿悉皆入於三千大
千世界之中一切凡夫聲聞緣覺諸
佛菩薩所有功德禪定三昧亦復如
是皆悉入此大雲經中若有衆生能
於一念念諸如來常住不變當知即
得阿耨多羅三藐三菩提善男子譬
如秋月無諸雲霧虛空清淨日初出
時光明端嚴人所愛樂除破一切幽
闇黑冥是大雲經亦復如是演出如來
常恒不變猛盛之日處在清淨密語
虛空破除衆生無常無我無樂無淨
一切闇障端嚴愛樂者喻於如來終
不畢竟入於涅槃

復次善男子譬如有人身輕行疾喻
四風王壽命滿足天數千年飛行周

遊十方世界遍已還到本所住處如是
行處滿中七寶并以已身供養三寶復
滿無數千年之中善男子如是福德可
數量不不也世尊善男子如是福德
不比有人一念之中念如來常法僧
不滅善男子若復有人為利養故為
恐怖故為親近故演說如來常恒不
變一字一句所得福德比前功德百
分不及一分千分百千万分乃至算
數譬喻所不能及善男子譬如藥樹
若有衆生取枝取莖取葉取華取果
取皮是樹亦不生念取枝莫取莖取
莖莫取葉取葉莫取華取華莫取果
取果莫取皮而今一切衆病除愈隨
上中下衆生所用若以合水若以合
蘇若末若丸若塗若服若能愈病是
大雲經亦復如是不觀衆生若舉一
偈若半偈一名一義一句半句信受
二字言如來常亦不觀察衆生有修
深進大海水潮三昧大慈大悲及不
修行怎能令斷三惡道病如來亦不
觀察衆生取一偈不取半偈取半偈
不取名取名不取義取義不取句取

句不取半句取半句乃至二字皆恚
能令四部之衆離三惡道善男子未
來之人不修身不修戒不修心不修
慧輕笑賤慢為求過失及以利養少
多讀誦書寫聽受亦得遠離無量惡
業永斷貪欲恚癡等病善男子如日
出時能消冰雪是大雲經亦復如是
說如來常能消一切無常冰雪復次
善男子譬如虛空猛風起時吹衆生
身入諸毛孔能令熱病一切除愈身
得清涼虛空者喻大雲經猛風起者
喻如來常風入毛孔者喻諸衆生悉
有佛性除熱病者喻斷聲聞辟支佛心
復次善男子若有人能讀誦受持如
是經典終不為於須陀洹果護持禁
戒終不為向斯陀含得斯陀含向阿
那含得阿那含向阿羅漢得阿羅漢
護持禁戒若為向佛取無上果是則
名為真持禁戒非為三十二相八十
種好護持禁戒若為如來不可思議
乃名護戒如來非為住心修集無量
三昧亦復不為住心修集與諸佛等
亦復不為住心修集無量因果不為

住心修集諸佛無量功德如來住於
無所住者是為實相若欺如來無上
印者不名護戒若言如來為是印故
名護戒者汝於此中慎勿生疑如來
無相故名為護戒若言如來為於相
故名護戒者亦勿生疑如來無種好
故名為護戒若言如來為種好故名
持戒者亦勿生疑如來非神通因緣
故名為護戒如來非密藏故名為護
戒如來非無上福田故名為護戒如
來非為如來藏故名為護戒如來為
斷一切衆生生老病死衆苦逼切名
為護戒為欲安樂諸衆生故名為護
戒為斷衆生生死縛故名為護戒為
令衆生專向無上菩提道故名為護
戒為諸衆生得阿耨多羅三藐三菩
提故名為護戒欲為衆生轉法輪故
名為護戒為令衆生一切皆得聖僧
名故名為護戒為令衆生不斷如來
聖種姓故名為護戒為令衆生一切
不斷法僧種故名為護戒為令衆生
一切悉得三昧禪定智慧解脫故名
為護戒為令衆生悉得淨戒具足無

缺故名為護戒如來無戒故名護戒
斷一切戒故名護戒如來非有此戒
故名護戒非無此戒故名護戒

今時大雲密藏菩薩摩訶薩白佛言
世尊若言如來不護戒者其義云何
若復有言菩薩住是深進大海水潮
三昧不護戒者其義云何如來非為
無上印故名護戒者義復云何佛言善
男子菩薩摩訶薩自從住是三昧已
來初不曾住有為法中具足成就一
切佛法何以故如是三昧志已攝取
一切佛法故善男子如大寶聚有青
琉璃其色清淨人見之者不生疑心
菩薩摩訶薩從得住是三昧已來即
見佛性了了無疑何以故見了了故
若有疑者無有是處如來境界不可
思議善男子菩薩住是三昧已成就
具足諸佛功德世尊菩薩摩訶薩住
是三昧得畢竟不善男子汝不應言
如是菩薩得畢竟不何以故若一切
衆生得是三昧志成阿耨多羅三藐
三菩提盡畢竟已然後乃當問是菩
薩得畢竟不世尊如是三昧甚為希

有若諸衆生不得聞受甚可憐愍若
得聞者當知是人得大饒益佛言善
哉善哉若有聞是三昧名者當知是
人人中之上譬如族姓端正王子威
猛勇健心無慳慳持戒清淨無可譏
訶人所樂見眷屬敬念統領國土人
民歸順菩薩摩訶薩住是三昧亦復
如是皆悉成就諸佛功德善男子如
旃陀羅終不作王若作王者無有是
處何以故諸上族等所生笑故若有
衆生不能受持讀誦書寫如三昧
欲得成就諸佛所有微妙功德亦無
是處何以故當為一切諸菩薩等所
嗤笑故善男子汝今觀是安住三昧
諸菩薩等能知如來常恒不變若有
不能住是三昧則不能知如來常恒
無有變易菩薩摩訶薩為衆生故受
持讀誦如三昧則得具足檀波羅
蜜何以故如是菩薩見有求索頭目
髓腦支節手足國城妻子奴婢僕從
象馬七珍則能隨彼種種給施尚以
身施況復外寶施時歡喜施已無悔
於阿耨多羅三藐三菩提若得不得

心無疑慮終不為報而行布施若言
為報行布施者無有是處不為貪故
而行布施為憐愍故而行惠施為如
來常故為護法故為欲具足檀波羅
蜜演說如來常恒不變故行惠施
復次善男子菩薩摩訶薩住是三昧
已則能少知一切衆生悉有佛性如
來常恒無有變易住是三昧菩薩摩
訶薩常作是觀我今此身空無所有
已得無上大利益事我今以此支節
手足頭目髓腦肌皮血肉布施於人
未來當得阿耨多羅三藐三菩提世
尊菩薩摩訶薩住是三昧云何而作
如是觀身善男子是菩薩摩訶薩不
見是身去來坐卧猶如空瓶是故菩
薩觀身空寂血肉骨髓名為空身住
是三昧諸菩薩等得非血肉骨髓之
身成就法身不名食身世尊如來法
身不名食身其義云何法身無像不
可覩見云何而得教化衆生如來常
於諸經中說如鳥飛空無有足跡如
來法身亦復如是無有去來無轉無
說不可破壞

大方等無想經卷第五

癸卯歲高麗國大藏都監奉
勅彫造

大方等無想經卷第六

六

大雲初分增長健度第三十七之餘

北凉天竺三藏曇無讖譯

佛言善男子勿作是語如來常所化衆生身是名化身世尊其義云何世尊如佛所說住是三昧則得法身云何復言是變化身如來法身若為教化作雜食身云何此身非虛妄耶真法身者云何復作雜食之身若作食身是義不然佛言止止勿作是語住是三昧菩薩摩訶薩若有化身是名幻身世尊何故顛倒以此非身而名為身無物者名之為幻若是幻身云何而得不誑衆生佛言善男子莫作是觀住是三昧菩薩摩訶薩無有住身雖無住身如藥樹王如草木瓦礫我身亦尔何以故我身無我無有我有所無命無語無心無實無陰界入猶如藥樹能除衆生一切病苦我身亦尔除滅衆生無量病苦何以故身如幻故復次善男子譬如藥樹終不思念取葉莫取枝菩薩摩訶薩亦復如

是終不生念取手莫取足何以故是三昧力故亦能除斷一切衆生貪欲瞋恚愚癡等病住是三昧菩薩摩訶薩無內身無外身無內外身無死生身得甘露身甘露身故能斷衆生貪欲瞋恚愚癡等病復次善男子住是三昧菩薩摩訶薩作變化身為斷一切諸惡鳥獸及三惡道猶如藥樹若有人言諸惡鳥獸遇菩薩身到三惡道無有是處若言捨身轉至人天見諸佛者斯有是處復次善男子若言四衆住是三昧則得親近無量諸佛亦有是處

復次善男子比丘比丘尼優婆塞優婆夷若欲修習是三昧者先當思惟如來常恒無有變易佛法不滅無有畢竟入涅槃者復作是念一切衆生種種所須我當給施若脚若手若頭若目為正法故志捨所有捨時歡樂捨已無悔何以故我此身者猶如藥樹若能作是一念思惟當知不久得是三昧復次善男子譬如駿馬髦尾纖長於十五日布薩之時在大海中

悲鳴三唱誰欲度海誰欲度海若有
諸人乘其背者及捉髭尾頸項首脚
悉得到於大海彼岸是大雲經亦復
如是若有人能受持讀誦解說書寫
乃至一句一字二字一切皆度三惡
彼岸永得解脫復次善男子比丘比
丘尼優婆塞優婆夷若有得聞是三
昧名生生常得轉輪聖王帝釋梵王
終無退轉常得親近佛法聖衆於菩
提心堅固不動不捨大乘方等經典
世尊云何菩薩摩訶薩住是三昧於
一切法所見真正佛言善男子若有
成就是三昧者見於如來無常無樂
無我無淨畢竟涅槃則不得名所見
真正若見如來常樂我淨終不畢竟
入於涅槃如是乃名所見真正世尊
如佛所說若見如來常樂我淨其義
云何善男子常樂我淨即是如來真
實之性世尊若如是者一切凡夫亦
得成就如是實性何以故凡夫之人
亦復計於常樂我淨善男子汝今不
應作如是說我言具是三昧菩薩乃能
見於常樂我淨不說凡夫所計顛倒

常樂我淨世尊如佛所說若見諸法
無常無樂無我無淨是人則見上道
下道得須陀洹果乃至得阿耨多羅
三藐三菩提若見諸法常樂我淨則
不能得須陀洹果乃至阿耨多羅三
藐三菩提云何世尊言菩薩成就是
三昧已則得見於常樂我淨又如佛
言真解脫者猶如虛空如是解脫即
是涅槃云何如來說言涅槃常樂我
淨一切衆生亦如虛空水月夢幻芭
蕉雲電空無性相不得變住猶如畫
水隨畫隨合見覺無常無樂無我無
淨見如是相則名真見真見者得須
陀洹果乃至阿耨多羅三藐三菩提
云何如來說言菩薩成就是三昧乃
得見於常樂我淨如佛先說諸佛如
來觀一切法無常無樂無我無淨無
有壽命士夫衆生空無所有是名諸
法真實之性今者復言見一切法常
樂我淨是義云何善男子止止莫作
是言善男子若有菩薩成就具足是
三昧已則不復與諸法和合不和合
故得名護戒修習三昧菩薩摩訶薩

不見諸法斷常之相不見斷故不生
喜悅不見常故不生憂感為知法印
不為護戒亦不得名修習三昧如來
不著護戒毀戒常無常覺不覺作不
作淨不淨空不空戒非戒知非知名
非名取非取怖非怖畏非畏因非因
滅非滅善提非善提解脫非解脫涅
脩非涅脩一切諸法無有怖畏為解
脫故護持禁戒修習三昧一切諸法
無有退滅菩薩知己其心甘樂修是
三昧為諸衆生說佛如來常恒不變
正法不滅是故護戒修習三昧復次
善男子若有欲得如是三昧應當修
習常想我想命想人想習此想已則
得成就具是三昧若言不得無有
是處

世尊如來或說無常無樂無我無淨
或時復說常樂我淨其義云何善男
子世俗之道謬見諸法常樂我淨是
故我說無常無我無樂無淨世尊出
世之法頗復得有常樂我淨不善男
子若有菩薩住是三昧欲說我時先
說五事何等為五一者穀子二者樹

子三者肥味四者伏藏五者地悅善
男子如穀子者芽時莖時莖時華時名
為無常若收果實衆生受用則名為
常菩薩摩訶薩若未成就是三昧者
無常無我無樂無淨若能度脫則得
名為常樂我淨若能度脫一切衆生
名為無常無我無樂無淨若能度脫則
得名為常樂我淨不能永斷諸煩惱
故名無常無樂無我無淨若能永斷
是則名為常樂我淨善男子是名穀
子復次善男子如菴羅樹未得果時
名無常無樂無我無淨若得果實衆
生受用是則名為常樂我淨菩薩摩
訶薩未得成就是三昧者名無常無我
無樂無淨若能成就已則得名為常樂
我淨若能度脫諸衆生故名無常無
樂無我無淨若能度脫則得名為常
樂我淨不能破壞一切邪見名無常
無樂無我無淨若能破壞則得名為
常樂我淨不能永斷諸煩惱故名無
常無樂無我無淨若能永斷則得名

為常樂我淨善男子是名樹子復次
善男子如胡麻子未成油時不能消
除衆生病苦名無常無樂無我無淨
若成油已能除衆生所有病苦是故
得名常樂我淨菩薩摩訶薩未得成
就是三昧者名無常無樂無我無淨若
成就已則得名為常樂我淨未能度
脫諸衆生故名無常無樂無我無淨
若能度脫則得名為常樂我淨不能
破壞一切邪見名無常無樂無我無
淨若能破壞是則名為常樂我淨不
能永斷諸煩惱故名無常無樂無我
無淨若能永斷是則名為常樂我淨
善男子是名肥味復次善男子如有
寶藏隱伏地中不能潤益一切衆生
故名無常無樂無我無淨若出地已
衆生受用為大利益是則名為常樂
我淨菩薩摩訶薩若未成就是三昧
者名無常無樂無我無淨若成就已
則得名為常樂我淨未能度脫諸衆
生故名無常無樂無我無淨若能度
脫則得名為常樂我淨不能壞一
切邪見名無常無樂無我無淨若能

破壞是則名為常樂我淨不能永斷
諸煩惱故名無常無我無樂無淨若
能永斷則得名為常樂我淨善男子
是名寶藏復次善男子如地脫皮未
脫皮時名無常無樂無我無淨若脫
皮已則得名為常樂我淨菩薩摩訶
薩未得成就是三昧者名無常無樂
無我無淨若成就已則得名為常樂
我淨未能度脫一切衆生名無常無
樂無我無淨若能度脫則得名為常
樂我淨若不能壞一切邪見名無常
無樂無我無淨若能破壞則得名為
常樂我淨不能永斷諸煩惱故名無
常無樂無我無淨若能永斷則得名
為常樂我淨又斷衆生於佛所起四
種疑心常樂我淨善男子是名地脫
善男子菩薩摩訶薩住是三昧以
此五事演說如來常樂我淨能說我
人壽命衆生士夫能如是見名為正見
世尊如來所說如是五事是義不然
何以故如來常於諸經中說諸法無
常如向五事因亦無常果亦無常若
使菩薩住是三昧如五事者亦應無

常以是義故一切諸法無非無常世尊有因必有果有果必有因一切衆生及諸菩薩亦復如是有生必有死有死必有生若如是者常亦無常無常亦常以是義故一切諸法悉有二性常與無常不應定言世法無常出世法常如來實語云何出是虛妄之言善男子汝今何故如璺自累善男子若有人言端正之人猶如滿月香象姝白猶如雪山人實非月象非雪山少有相似故引為喻善男子世間五事亦復如是有少常故故以為喻諸佛如來實不可喻猶引喻為喻世尊若如來常者何故復於餘經中說猶如燈滅解脫亦今世尊如來若常云何得滅如其滅者云何言常如來若言亦常亦滅如是之言非虛妄耶又如佛言一切諸法猶如水月諸法若常云何復言猶如水月善男子我說有為如水中月是故我說餘法有常餘法無常若有衆生未得解脫未斷煩惱未斷名相未斷衆生相不得法相未得修習如是三昧是名無常

若有衆生已得解脫永斷煩惱名相
衆生相得於法相修習三昧是名為
常是故我說餘法有常餘法無常
世尊若尔者如来何故說佛涅槃猶
如燈滅如燈滅者為喻身滅為喻結
滅如膏不離燈燈不離膏衆生亦尔
身不離結結不離身云何言滅佛言
善哉善哉善男子若如是見名為正
見善男子身有二種一者煩惱身二
者法身煩惱身滅猶如燈滅是故
我說餘法無常法身無滅猶如虛空
是故我說餘法是常斷煩惱器名為
解脫得解脫已無常身者諸佛世尊
則是斷見若煩惱氣常不滅者諸佛
世尊則是常見諸佛世尊定無有此
斷常二見諸佛世尊已於無量阿僧
祇劫斷此二見如来若有衆生相者
則應無常如来已於無量劫中斷衆
生相若言如来有衆生相無有是處
善男子譬如大王出入遊巡若在外
時內則不見內雖不見不得言無外
亦如是菩薩摩訶薩住是三昧無常
已斷為衆生故受無常身若言如来

身無常者無有是處是故我說常與
無常說我無我說衆生非衆生說人
非人說命非命說士夫非士夫如來
常說有為之法皆是無常終不言常
若言常者無有是處

復次善男子菩薩摩訶薩住是三昧
則得斷除世見命見聲聞緣覺見無
有貪愛無取無求常不變易成就安
住得無所畏無有憍慢垢不能汙是
故我說常樂我淨善男子我說聲聞
辟支佛乘一切世人之所不解雖世
人不解終不得言慧者亦今世間之
人雖見如來無常無樂無我無淨亦
不得言有智慧者同於彼見薄福鈍
根行邪道者作如是言如來無常永
滅涅槃若言如來永滅度者當知是
人不離三惡善男子譬如深汪其水
渾濁中有寶珠人所不見有人唱言
此濁水中有大寶珠衆人聞已競共
求覓或得瓦石沙礫草木然無有能
得真實寶者以不得故便言虛妄復更
有人善知方便以無價珠置之濁水
水即為清衆人因是共見真實善男

子聲聞緣覺不解如是三昧力故說
言如來無常無樂無我無淨空無所
有不知如來常恒不變輪轉生死菩
薩摩訶薩住是三昧善解如來所有
密語是故以此無價寶珠喻於三昧
善男子若男若女欲見如來常恒不
變應當修習如是三昧菩薩摩訶薩
住是三昧則見如來常恒不變解脫
亦令善男子譬如樹蔭行路之人因
之憩息住是三昧諸菩薩等亦復如
是為諸衆生而作蔭覆善男子若有
人言如來無常永涅槃者是魔弟子
若不如是真我弟子若言如來畢入
涅槃當知是人汗辱我法若有信受
如是語者甚可悲傷說是語時於會
右面出大光明其光金色遍照三千
大千世界悉蔽日月梵天之明惟不
能障佛之光明其餘光明黯黯不現
大小須弥草木叢林二國中間幽闇
之處無不大明地獄衆生遇斯光已
苦痛休息身得安樂今時一切大衆
之前即時出生六方億蓮華其華微妙
色香具足千葉盛滿四寶為質二

蓮華出微妙香遍滿三千大千世界
其中所有天龍鬼神乾闥婆阿修羅
迦樓羅緊那羅摩睺羅伽釋梵魔天
沙門婆羅門一切衆生聞香氣已皆
得愛法心樂大乘樂欲聽法斷諸煩
惱是華成就如是功德微妙之香

尔時大雲密藏菩薩摩訶薩在大會
中見是神變即從座起合掌恭敬白
佛言世尊是何相貌誰之德力是大
衆中有是妙華出無量香於是淨光
天女語大雲密藏菩薩言善男子一
切諸法皆悉無相云何問言是何相
貌諸法如夢何故顛倒如狂所問大
雲密藏言善哉善哉天女我非不見
諸法如夢為欲斷彼著相故問天女
言大德何故見於著相而生此問天
女是故我先言為衆生故欲令度脫是
故而問大德若不自斷我見我疑云
何而能度脫衆生若不自斷我見我
疑欲為衆生除斷見疑無有是處佛
言善哉善哉善男子實如天女之所
宣說菩薩摩訶薩住是三昧惟見無
相善男子若男若女欲見無相應當

精勤修是三昧菩薩摩訶薩住是三昧能於三千大千世界現種種身世尊云何菩薩住是三昧能於三千大千世界現種種身善男子若有幻師若幻弟子於大衆中能作種種若男若女若大若小若生若死若去若來若舍若林若象若馬若斷若折若破若壞若續若絕大衆見已不生驚怖何以故了知幻故菩薩摩訶薩亦復如是住是三昧修習正道於此三千大千世界化種種身為度衆生故住是三昧諸菩薩等見是化已不生驚怖無有疑心隨順於義無有違逆何以故定知即是三昧力故

復次善男子菩薩摩訶薩住是三昧能於三千大千世界隨諸衆生種種所行處處現身或閻浮提現處母胎一切衆生實見菩薩處在母胎而是菩薩實不在胎或閻浮提現出母胎衆生亦見菩薩出胎而是菩薩實不出胎或閻浮提現初剎後造制周羅一切衆生皆見如是而於菩薩實無是相或閻浮提現詣學堂習諸伎藝

書疏筭計一切衆生皆見菩薩始初
習學而是菩薩已於過去無量劫中
志修學已或閻浮提現行如人師子
白鵝一切衆生皆見菩薩現行如人
師子白鵝而是菩薩都無此相或閻
浮提示有妻子五欲相樂一切衆生
皆見是相而是菩薩已於昔劫久遠
離之惟以法樂而自娛樂或閻浮提
示大小便一切衆生亦見是相而此
菩薩得真法身非雜食身云何而有
大小便利咀嚼嚼楊枝著衣洗手履踐
草屣執持傘蓋身服纓絡飲食飢渴
生老病死行檀波羅蜜得轉輪王奴
婢僕從男女大小或作人天頭陀苦
行現為比丘福利衆生現湏陀洹果斯
陀舍果阿那含果阿羅漢果破壞衆
僧聽法說法食噉毒飯犯四重禁作
五逆罪作聲聞像辟支佛像出家學
道菩提樹下轉正法輪現大神足入
於涅槃或作釋梵天魔波旬流轉諸
有猶如車輪亦復如是善男子菩薩
摩訶薩雖作如是隨順世間種種諸
行為欲度脫終不生於衆生之相常

修法相何以故是三昧力故菩薩摩訶薩無有著處不著聲聞不著緣覺為欲憐愍一切世間度衆生故在在處處隨其所樂而現其身是故菩薩修習無相見於無相若人能見如是無相是名正見淨光天女亦修無相諸佛世尊住是三昧故不可思議世尊是淨光天女成就具足甚深智慧若無相境界不可思議其修習者亦不可思議今時世尊熙怡微笑從其面門出無量光其光五色遍照無量無邊世界上至梵世一切周遍遶身三匝還從口入今時大地六種震動莊嚴清淨如薔華越三千大千世界亦復如是一切衆生佛神力故悉得覩見今時大雲密藏菩薩復從座起整衣服合掌恭敬白佛言世尊何因緣故放是光明佛言善男子汝向所疑我今欲答是故放是瑞相光明善男子於此西方有一世界名曰安樂其土有佛号無量壽今現在世常為衆生講宣正法告一菩薩汝善男子娑婆世界釋迦牟尼佛為諸少福鈍

根衆生說大雲經汝可往彼至心聽受
是彼菩薩欲來至此故先現瑞善男
子汝觀彼土諸菩薩身滿足五万六
千由旬世尊彼來菩薩字号何等復
以何緣而來此土將非為度衆生故
來惟願如來為諸衆生分別解說善
男子彼土菩薩欲聞淨光授記別事
并欲供養如是三昧是故而來善男子
是菩薩名無邊光通達方便善能教
導世尊惟願如來說是天女在何佛
所發阿耨多羅三藐三菩提心何時
當得轉此女身善男子汝今不應問
轉女身是天女者常於無量阿僧祇
劫為衆生故現受女身當知乃是方
便之身非實女身云何當言何時當
得轉此女身善男子菩薩摩訶薩住
是三昧其身自在能作種種隨宜方
便雖受女像心無貪著欲結不汙世
尊惟願如來為諸衆生說是天女未
來之事善男子汝今諦聽我當說之
以方便故我涅槃已七百年後是南
天竺有一小國名曰無明彼國有河
名曰黑闍南岸有城名曰熟穀其城

有王名曰等乘其王夫人產育一女
名曰增長其形端嚴人所愛敬護持
禁戒精進不倦其王國土以生此女故
穀米豐熟快樂無極人民熾盛無有
衰耗病苦憂惱恐怖禍難成就具足
一切吉事隣比諸王咸來歸屬有為
之法無常遷代其王未免忽然崩亡
今時諸日即奉此女以繼王嗣女既
承正威伏天下閭浮提中所有國土
悉來承奉無拒違者女王自在摧伏
邪見為欲供養佛舍利故遍閭浮提
起七寶塔賣持雜絲上妙幡蓋栴檀
妙香周遍供養見有護法持淨戒者
供養恭敬見有破戒毀正法者呵責
毀辱令滅無餘具足修習十波羅蜜
受持五戒拯濟貧窮教導無量一切
衆生說大雲經以調其心若聞大乘
方等經者恭敬供養尊重讚嘆滿二
十年受持讀誦書寫解說是大雲經
然後壽盡是時乃當轉此女身為衆
生故亦大神通為欲供養無量壽佛
故故生彼界世尊是女王者未來當
得阿耨多羅三藐三菩提不耶善男

子如是女王未來之世過無量劫當
得作佛号淨寶增長如來應正遍知
明行足善逝世間解無上士調御大
夫天人師佛世尊此娑婆世界今時
轉名淨潔浣濯有城名曰清淨妙香
其城純以七寶莊嚴寂勝無上猶如
利宮其城凡有九万億人土地平正
無有荆棘土沙礫石其土人民不生
邪見愛重大乘無有聲聞緣覺之名
一切純是菩薩大士修習慈悲喜捨
之心成就忍辱壽命無量善男子若
有衆生得聞彼佛如來名号不墮三
惡轉生人天說是經已無量衆生得
阿毗跋致

大方等無想經卷第六

癸卯歲高麗國大藏都監奉
勅彫造

大雲經請雨品第六十四

大

周宇文氏天生三藏閣那耶舍譯

如是我聞一時佛住難陀跋難陀龍
王宮於摩尼德大雲輪藏寶樓閣中
與大比丘及大菩薩并諸大龍一切
衆等其名曰難陀龍王優鉢難陀龍
王娑伽羅龍王阿那婆達多龍王摩
郝斯龍王婆留拏龍王德叉迦龍王
提頭賴吒龍王婆蘇吉龍王目真隣
陀龍王伊羅跋槃拏龍王裏荼龍王
德威龍王德賢龍王電變龍王大髻
龍王珠髻龍王光曜尸棄龍王因陀
羅劒戟鋒刃龍王因陀羅幢龍王因
陀羅杖龍王閻浮金幢龍王安隱龍
王大輪龍王大隣龍王火味龍王月
威龍王尸利摩多闍龍王易見龍王
大易見龍王善住龍王寶頸龍王雲
中生龍王持雨龍王奮迅龍王左右
奮迅龍王奮迅壞上龍王摩訶頻拏
龍王大項龍王深聲龍王大聲龍王
毗鄰利地帝龍王優鉢羅龍王大行
龍王大雨龍王質多囉斯郝龍王大

羅索龍王伊羅鉢多羅龍王先慰問
訖龍王驢耳龍王海貝龍王達駄囉
龍王優波達駄囉龍王大安隱龍王
匍匐龍王大匍匐龍王大力龍王休
樓茶龍王阿波羅邏龍王藍浮犁龍
王吉利寐世龍王黑色龍王因陀羅
軍龍王那荼龍王優波那荼龍王甘
浮紇利那龍王跋陀羅毗利那遮龍
王取端正龍王象掖龍王利劍龍王
黃色龍王電耀龍王大電光龍王天
力龍王甘婆羅龍王婆羅制龍王甘
露龍王佉利他翅那龍王毗琉璃光
龍王金色髮龍王金光龍王月幢光
龍王日光龍王優陀延那龍王牛頭
龍王白色龍王黑色龍王閻摩龍王
沙蔓祢龍王蝦蟇龍王僧呵荼龍王
尼民陀羅龍王持地龍王千頭龍王
寶髻龍王不空見龍王雲龍王蘇疑
那龍王多牛龍王人德龍王毗尼多
龍王闍羅耶龍王金毗羅龍王金毗
羅口龍王毗那陀羅龍王阿尸毗師
那龍王蓮花龍王長尾龍王鉢羅藍
毗那龍王怖畏龍王善威德龍王五

頭龍王婆梨龍王闍羅陀那龍王上
尾龍王大頭龍王賓卑鷄龍王毗荼
龍王馬龍王三頭龍王龍軍龍王大
威德龍王那羅達佉龍王毗摩鷄龍
王照曜光龍王七頭龍王大樹龍王
善愛見龍王大惡龍王離垢威德龍
王善見龍王摩訶瞿利那龍王焰聚
龍王大旃陀龍王大瞋忿龍王寶雲
龍王大雲施水龍王因陀羅光龍王
樹龍王雲月龍王海雲龍王大香鳩
牟陀龍王鳩牟陀獼龍王寶眼龍王
大鷄闍幢龍王大雲藏龍王雪山龍
王德藏龍王雲梨龍王何囉闍鎮達
犁龍王雲龍王大雲出水龍王大雲
大出水龍王大火威德龍王大雲富
龍王離嗔怒龍王鳩鳩婆龍王勇壯
龍王水池龍王雲蓋龍王因祇囉口
龍王威德龍王出雲龍王無量行龍
王蘇出那龍王大身龍王大腹龍王
吉龍王壯龍王烏眼龍王優突羅龍
王毗踈其梨那龍王妙聲龍王甘露
牢固注大雨龍王毗求休尼佉龍王
相擊出聲龍王妙鼓聲龍王甘露連

注龍王歡喜龍王震雷音龍王勇健
將龍王那羅延龍王婆荼婆目佉龍
王毗迦吒龍王如是等一切大龍王
而為上首與八十四億百千那由他
龍王俱在會坐

今時彼諸龍王并其眷屬從坐而起
偏袒右肩右膝著地合掌向佛以無
量阿僧祇種種殊勝上妙香華塗香
末香燒香及諸華鬘種種衣服幢幡
繒綵音樂歌詠寶花寶帳雜珮旒蘇
垂諸瓔珞龍華珠網廣設供具以大
堅固尊重恭敬不可思議上勝清淨
淳厚信心供養如來作是供養右遶
佛已於一面住同時舉聲發大誓願
願以一切世界微塵一一微塵廣大
如海我等身海諸佛菩薩道場衆海
一切世界不可數海一切四大地水
火風微塵等海一切色光如微塵等
一一塵中過算數海無量阿僧祇不
可數不可思量不可稱說過說身海
一一身中以無量手其不可數猶如
海雲化出種種諸供養具普十方面
一一微塵不斷不散亦如海雲又願

一切諸佛及菩薩海我等常當在在處處作諸供養所有無量阿僧祇不可思量不可稱說不斷不散一切十方皆如普賢菩薩行身海雲十方虛空悉皆普覆心願力故成就菩薩之身亦如海雲今時一切寶色光焰不斷不散一切日月身輪海雲一切寶帳旒蘇衆花海雲一切寶帳大光明藏樓閣海雲一切樹枝篋藏海雲一切香色示現海雲一切言語妙聲種種音樂海雲一切香樹海雲充滿虛空威神建立如是等無量阿僧祇不可思量不可稱說不斷不散海雲供養一切諸佛及菩薩海盡未來際恭敬尊重禮拜供給如是供養一切大莊嚴境界摩尼王藏猶如電光海雲充滿虛空威神建立又願一切諸佛及菩薩海盡未來際恭敬尊重禮拜供給如是供養一切普照寶雨莊嚴摩尼王海雲一切寶焰照明佛化音響常不休息摩尼王海雲普樂一切佛法音響摩尼王海雲普十方面示現寶焰諸佛化光海雲一切莊嚴不

壞不散皆悉影現摩尼王焰燈海雲
一切諸佛境界隨順摩尼王海雲不
可思議諸佛刹土諸如來處皆悉影
現摩尼王海雲如是等我皆供養一
切種種寶塵三世佛身及影毗盧遮
那摩尼王海雲充滿虛空威神建立
示現訖已於一切佛菩薩海雲猶如
大海盡未來際我恭敬尊重禮拜供
給如是供養不散不斷又願一切寶
香衆花樓閣海雲無量色寶一切摩
尼王莊嚴樓閣海雲寶燈香焰樓閣
海雲一切真珠種種樓閣海雲一切
華鬘海雲無量衆寶莊嚴瓔珞蘇
樓閣海雲充滿虛空如是建立已十
方無量普焰火藏一切莊嚴和合化
成樓閣海雲一切寶篋寶輪示現無
量莊嚴十方樓閣海雲一切莊嚴彫
飾普遍樓閣海雲普十方門飛樓欄
楯鈴網帳帷海雲充滿虛空威神建
立皆悉示現於一切佛及菩薩海盡
未來際恭敬尊重禮拜供給如是供
養又願以吐金寶雜縷瓔珞寶歡喜
藏師子座海雲花光雜藏師子座海

雲因陀尼羅閻浮那池蓮華雜藏師子座海雲摩尼燈蓮華藏師子座海雲焰幢摩尼蓮華雜藏師子座海雲寶飾蓮華雜藏師子座海雲因陀羅青色妙麗光焰蓮華藏師子座海雲無盡光焰照耀威勢蓮華藏師子座海雲一切蓮花藏出諸寶焰師子座海雲佛蓮華藏生諸妙聲寶焰師子座海雲不斷不散充滿虛空威神建立已盡未來際恭敬尊重禮拜供給如是供養又願以一切寶香雜樹海雲普十方門所有樹葉皆如合掌其雲芬馥海雲一切樹色無有邊際莊嚴示現海雲一切樹間花雲垂布海雲諸樹莊嚴出無邊篋海雲一切寶樹焰幢照耀海雲所有一切旃檀樹枝皆悉示現半身菩薩海雲一切菩薩勝輪光樹不可思議莊嚴放光一切無邊寶衣篋筭日電照耀海雲一切諸樹普出妙響聞者愛樂海雲無邊色寶妙蓮華藏師子座海雲普十方面摩尼寶王電光曜藏師子座海雲諸瓔珞藏莊嚴雕刻師子座海雲種

種寶焰燈鬘之藏師子座海雲普聲
音藏能出寶雨師子座海雲一切香
華瓔珞寶藏師子座海雲一切佛座
莊嚴示現摩尼王藏師子座海雲一
切莊嚴旒蘇帷帳欄楯妙藏師子座
海雲一切諸樹摩尼枝條寶篋笥藏
師子座海雲雜香鈴網垂帷周布日
電曜藏師子座海雲不斷不散充滿
虛空作是事已於一切佛及菩薩海
恭敬尊重禮拜供給如是供養又願
以諸如意王摩尼寶帳海雲因陀羅
青莊嚴校飾寶花鬘帳海雲一切衆
香摩尼寶帳海雲寶焰色身燈光明
帳海雲諸佛神通放光出響摩尼王
帳海雲雜種摩尼諸寶衣服一切莊
嚴現放光帳海雲一切衆花放光寶
帳海雲種種鈴聲普震網帳海雲無
邊際色蓮花羅網雜摩尼臺蓮華網
帳海雲金色鬘焰火幢帳海雲不可
思議莊嚴光影諸瓔珞帳海雲充滿
虛空不斷不散如是建立已於一切
佛及菩薩婆伽羅海雲恭敬尊重禮
拜供給如是供養又願以一切摩尼

寶蓋海雲如是建立等充滿虛空十方焰火莊嚴華蓋海雲無邊際色真珠篋蓋海雲一切諸佛菩薩大悲門響摩尼王蓋海雲種種雜寶光焰鬘蓋海雲普寶麗光莊嚴鈴網垂帶帳雲日焰照耀摩尼王寶燒香散香一切香蓋海雲栴檀末香猶如篋藏普震遍蓋海雲諸佛境界普廣莊嚴照耀震蓋海雲不斷不散於一切佛諸菩薩海恭敬尊重禮拜供給如是供養又願以一切眾寶光輪海雲眾寶焰身照耀不絕光輪海雲華雲照耀光輪海雲一切寶焰佛化光輪海雲一切佛刹影現光輪海雲普佛境界能出雷音寶枝光輪海雲一切毗琉璃寶性摩尼王焰光輪海雲無邊眾生色心剎剎示現光輪海雲音聲悅可諸佛光輪海雲一切眾會道場音聲教化眾生摩尼寶王光輪海雲於一切佛諸菩薩海恭敬尊重禮拜供給如是供養又願以一切摩尼篋焰海雲一切諸佛色聲香味觸光焰海雲

一切寶焰海雲一切佛法出聲震焰
海雲一切佛剎莊嚴照耀光焰海雲
一切樓閣華焰海雲一切寶笛光焰
海雲一切諸劫劫展轉諸佛出世教
化衆生法音震焰海雲無盡衆生妙
寶示現一切華鬘光焰海雲一切諸
座莊嚴示現光焰海雲不斷不散於
一切佛諸菩薩海恭敬尊重禮拜供
給如是供養又願以不斷不散無邊
色寶光焰海雲普光摩尼王海雲一
切佛剎普廣莊嚴照耀光焰海雲一
切香焰海雲一切莊嚴光焰海雲一
切化佛身焰海雲諸雜寶樹花鬘光
焰海雲一切衣服光焰海雲菩薩無
邊諸行名稱摩尼王焰海雲一切真
珠燈焰海雲不斷不散於一切佛菩
薩海雲猶如大海恭敬尊重禮拜供
給如是供養又願以不可思議一切
香華種種海雲一切寶焰蓮華羅網
海雲無邊際色摩尼王寶光輪海雲
一切寶色真珠璫筍海雲一切寶香
栴檀末香海雲一切寶蓋海雲悅可
衆意清淨妙音摩尼寶王海雲日焰

摩尼光輪瓔珞旒蘇海雲無邊寶蓮
海雲一切普賢色身海雲不斷不散
於一切佛菩薩海雲猶如大海恭敬
尊重禮拜供給如是供養是時八十
四億那由他百千諸龍作是願已遶
佛三匝頭面作禮於一面立佛言汝
坐今時諸龍各各坐已是大衆中有
大龍王名阿難多波利迦娑伽羅
迷伽訶毗踰呵佉樹鼻荼羅吒多囉
伽邏王於三千大千世界諸龍中主
住不退地以大願力到閻浮提為欲
供養如來世尊至心禮拜聽正法故
今時阿難多波利迦娑伽羅龍王從
座而起偏袒右肩右膝著地合掌向
佛一心而禮白佛言世尊我今欲問
如來世尊應正遍知一微小事若見
聽許乃敢發問今時世尊聞此語已
告阿難多波利迦娑伽羅龍王言大
王恣汝所問若有欲問今正是時我
當為汝分別解說滿汝所願今時龍
王即白佛言世尊云何能令一切諸
龍離於苦惱得一切樂適我願已此
閻浮提以時降雨百穀果藥卉木叢

林地上所生增長其味味增長故閻
浮提人得受安樂作是問已佛告娑
伽羅大龍王言善哉善哉龍王汝今
憐愍一切衆生問如是事諦聽諦聽
善思念之我今當說善男子我有一
法若一切龍能受持者即盡諸苦身
心安樂何者一法所謂慈心若天若
人能習行者火不能燒刀不能傷水
不能漂毒藥不害内外諸賊所不能
侵睡覺安隱能自謹慎以護其身大
福威德生生世世受身端正見者愛
樂所往無尋一切天人不能惱亂離
諸苦惱心常歡喜受諸快樂得上人
法設命終時生於梵世大龍王如是
慈心利益天人身口意慈常應修習
復次大龍王有陀羅尼句名施安樂
是諸龍等應常誦持能除一切諸龍
苦惱能令一切安隱快樂既得樂已
彼諸龍等於閻浮提依時降雨百穀
果藥卉木叢林皆得生長龍王白佛
何者名為施一切樂陀羅尼句尔時
世尊即說呪曰

怛地也他

其呪文中字口傍作者皆轉舌
讀之注引字者皆頌引聲讀一

陀呵引囉尼引陀呵引囉尼引囉尼引鬱多引

囉尼二三波囉帝丁利師尿褚利比闍耶反三

跋剎拏薩帝夜波羅帝闍若長那跋

坛四鬱多波引達你五比那引漢你六

阿比疑引遮你七阿陞毗耶引呵引囉八

首婆呵引跋帝九阿那引末多十野啞

香利反宮婆引羅引擗啞香利反婆引呵引

摩引囉吉犁引舍引達那波瞞藍反輪十四

陀耶摩引紺尼喇引呵引迦達摩多十五

輪陀呵引盧迦十六毗帝寐囉何囉闍

婆豆佉舍摩那十七薩婆佛陀呵引婆

盧引迦那引地師耻坛引波羅闍若引

闍若引那擗醯引莎呵

佛言大龍王此陀羅尼名施一切諸

龍安樂是諸龍等應常誦持一切資

生恒得自在入自在門為諸如來威

神所護與一切龍身心安樂復次大

龍王有佛世尊号曰雲生建大莊嚴

威勢之藏華光智幢持水鋒輪金德

淨光毗盧遮那跋際生性如來應供

正遍知大龍王應當受持讀誦憶念

稱名禮拜聞是佛名能除龍種一切

龍宮一切龍姓一切和合一切龍踰

尼南一切龍王一切龍女一切龍眷
屬諸有苦惱能與安樂復有無量諸

佛名号 其名曰

南無婆伽婆帝毗盧遮那藏大雲如來

南無婆伽婆帝雲生雲照曜如來

南無婆伽婆帝雲持水如來

南無婆伽婆帝雲威德如來

南無婆伽婆帝生大雲如來

南無婆伽婆帝奮迅輪能壞雲如來

南無婆伽婆帝電焰聚如來

南無婆伽婆帝大雲羯摩勇健如來

南無婆伽婆帝須弥善雲如來

南無婆伽婆帝摩訶伽那雲如來

南無婆伽婆帝大雲輪如來

南無婆伽婆帝雲光如來

南無婆伽婆帝大雲師子座如來

南無婆伽婆帝大雲蓋如來

南無婆伽婆帝善示現大雲如來

南無婆伽婆帝雲覆如來

南無婆伽婆帝雲生光輪覆十方

頻申雷震大妙鼓音如來

南無婆伽婆帝大雲清涼歡喜奮迅

雷如來

南無婆伽婆帝廣雲如來

南無婆伽婆帝虛空雲如來

南無婆伽婆帝毗羯磨勇雲如來

南無婆伽婆帝雲出妙聲如來

南無婆伽婆帝雲示現如來

南無婆伽婆帝廣出雲如來

南無婆伽婆帝雲羅羅如來

南無婆伽婆帝雲奮震如來

南無婆伽婆帝雲央伽那如來

南無婆伽婆帝雲如衣覆如來

南無婆伽婆帝雲婆盧訶迦夜如來

南無婆伽婆帝雲衣如來

南無婆伽婆帝彌伽婆羅呵迦耶如來

南無婆伽婆帝出雲如來

南無婆伽婆帝散雲如來

南無婆伽婆帝雲鬱鉢鉢羅化如來

南無婆伽婆帝火雲香如來

南無婆伽婆帝大上雲如來

南無婆伽婆帝大雲自在如來

南無婆伽婆帝大雲作光如來

南無婆伽婆帝大雲德如來

南無婆伽婆帝大雲作摩尼寶雲如來

南無婆伽婆帝雲碎壞如來

南無婆伽婆帝雲蓋如來

南無婆伽婆帝灌水雲華如來

南無婆伽婆帝壞虛空雹如來

南無婆伽婆帝大雲勝聲如來

南無婆伽婆帝大雲出聲如來

南無婆伽婆帝大雲出雨如來

南無婆伽婆帝贊妻俱殊婆三訶

羅拏雲如來

南無婆伽婆帝大六字水雲如來

南無婆伽婆帝大雲饒水如來

南無婆伽婆帝海滿雲如來

南無婆伽婆帝潤澤遍身雲如來

南無婆伽婆帝無邊雲色如來

南無婆伽婆帝毗耶一切老別大雲

閻浮德威月光焰雲如來等應正遍

知三藐三佛陀大龍王此諸佛名一

切龍等若能誦持稱名禮拜除一切

苦得歡喜樂於閻浮提隨時降雨百

穀果藥卉木叢林皆得生長

今時三千大千世界主大龍王白佛

言我今當請諸佛所說陀羅尼章句

於未來世末世閻浮提中不降雨處

若誦此呪即降甘雨若惡時世兇險

艱難非法起時疫病流行星宿失度
若欲滅上諸惡事者以佛力故大悲
心故憐愍一切諸衆生故受持如是
陀羅尼句說是呪時一切諸龍皆生
歡喜一切諸天皆悉踊躍壞魔境界
一切衆生四百四病皆令不起諸入
安隱一切惡事皆得除滅

尔時世尊聞此三千大千世界龍王
如是言已讚言善哉善哉大龍王汝
亦如諸佛饒益衆生憐愍與樂使請
是事諦聽諦聽善思念之大龍王我
今當說昔從大悲雲生如來所聞頻
申勇猛幢陀羅尼過去諸佛已說威
神加護我今亦當隨順而說利益一
切諸衆生故憐愍與樂於未來世若
旱旱時能令降雨若水潦時亦令止
息疫死險難皆得滅除能集諸龍能
令龍天歡喜踊躍能壞一切諸魔境
界能令衆生具足安樂而說呪曰
怛姪他摩訶若_引 都_引 婆娑訶_引 薩尼
失梨帝殊羅敬弥_二 地履荼毗迦囉
鉢鉢耶囉僧呵怛祢_三 波羅摩避囉
閣_四 尼摩羅求都難闍蘇栗耶波羅

毗^五毗摩嵐伽耶師致^六婆呵囉婆呵囉

三婆呵囉三婆呵囉^八豆毗^九呵那

呵那^十摩呵鉢利鞞^{十一}比豆那摸呵陀

迦嵐^{十二}鉢囉若伽囉輸提^{十三}鉢利富

利那弥帝利弥帝利地囉摩那婆斤

提^{十四}弥多嵐步陀利^{十五}闍羅闍羅^{十六}

闍羅闍羅^{十七}闍嵐步大離^{十八}苦澄伽

俱蘇弥^{十九}達舍跋耆^{二十}遮妬裴舍阿囉

提^{二十一}呵吒達舍毗尼吒佛陀達弥^{二十二}

輸頗魔帝分若曷囉翅^{二十三}叔迦羅

達摩三摩鉢垣^{二十四}鉢毗囉毗囉闍息

難^{二十五}毗富耆毗舍師沙波羅鉢帝^{二十六}

祇囉蘇羅波達弥^{二十七}薩婆盧迦摺薩

吒^{二十八}失離薩吒波羅^{二十九}鉢羅婆梨^{三十}

阿奴怛利^{三十一}阿僧祇^{三十二}陀羅陀羅^{三十三}

地利地利^{三十四}豆留豆留^{三十五}羶哆末垣^{三十六}

羶哆波卑^{三十七}遮羅遮羅百利百利^{三十八}

朱留朱留^{三十九}波羅摩佛陀菟末垣^{四十}

摩呵鉢羅若波羅塞垣^{四十一}莎呵

南无若那^{四十二}婆伽羅毗盧遮那耶^{四十三}多他

竭多耶^{四十四}南無薩婆佛陀^{四十五}菩提薩埵

毗呵^{四十六}

余時一切諸龍為閻浮提降甘雨故

受持此呪若後末世惡灾行時能令
不起諸佛菩薩發真實語重說呪曰
三耶梯淡^一娑羅娑羅^二斯利斯利^三蘇
留蘇留^四那伽男^五闍婆闍婆^六時毗
時毗^七殊復殊復^八摩呵那伽男^九阿伽
車也^十佛陀薩祢呵^{十一}閻浮提垣^{十二}婆
羅婆利沙曇^{十三}遮羅遮羅^{十四}百利百利
^{十五}周留周留^{十六}摩呵那伽地般帝男^{十七}
阿伽車多蒲慮^{十八}摩呵那伽佛陀薩
垣祢呵^{十九}閻浮提卑^{二十}波羅婆沙曇
^{二十一}波羅波羅^{二十二}毗利毗利^{二十三}浮留浮
留^{二十四}佛陀薩垣那^{二十五}薩婆那伽婆
呵耶沙祢^{二十六}迷帝囉質垣那^{二十七}迦樓
那質垣那^{二十八}迦樓那質垣那^{二十九}牟地
多質垣那^{三十}憂卑又質垣那^{三十一}薩婆
佛陀^{三十二}菩提薩埵地師毗祢那薩垣
那^{三十三}摩呵耶那舍移那^{三十四}阿伽車他
^{三十五}摩呵那伽提波怛耶^{三十六}蘇摩羅他
佛陀那^{三十七}佛陀達摩那^{三十八}菩提薩埵
求那男^{三十九}波羅波羅^{四十}毗利毗利^{四十一}
浮休留浮休留^{四十二}摩呵折嵐浮^{四十三}弥
伽婆利陀利那^{四十四}摩呵浮閻迦波利
迦羅^{四十五}弥帝利質帝那^{四十六}阿伽車他

四十 三摩羅多婆羅舍三男舍薩女^{四十}

伽茶伽茶^{四十}祇治祇治^{五十}渠等渠等

一^{五十}憂伽囉俱嚧陀^{五十}摩呵毗伽嚧囉

嗜呵婆^{五十}摩呵毗沙^{五十}阿伽叱他迷帝

羅質多^{五十}婆利沙馱敷伊呵閻浮提

卑^{五十}薩婆多他竭多薩垣都^{五十}蘇

和呵

若誦此呪閻浮提內一切諸龍皆來

集聚悲喜捨心又以慈心降注甘雨

諸佛如來威神所加真實不虛

怛吒怛吒^一帝致帝致^二闍闍闍闍^三

摩呵摩尼^四摩俱吒^五毛林達羅尼比

沙^六于留必都^七三摩羅他帝利^八曷囉

怛都地師吒南^九跋折囉陀羅薩垣

都^十跋利沙他伊呵閻浮地卑沙呵^{十一}

迦羅迦羅^一翅利翅利^二俱盧俱盧^三

摩^四陀迦婆斯都^四摩訶跋囉俱吒

耶都毗耶以都^五阿伽車他^六迷怛囉

質垣^七尼呵閻浮提卑^八跋利沙陀羅^九

憂乙利闍他^十多他竭哆薩垣都^{十一}怛

他竭多地利師吒尼都^{十二}跋折囉波

尼何囉闍若波夜垣^{十三}何囉邏何囉

邏^{十四}侯利履侯利履^{十五}乎抑嚧乎抑

噓^六毗伽多蜜陀婆跋他^七薩婆佛

閼迦^八帝利也途呵婆^九怛他竭多薩

垣那^二鉗摩鉗摩^{二十}鉗寐鉗寐^{二十}鉗

慕鉗慕莎呵^{三十}

阿婆何夜寐^一薩婆那鉗^二迷帝羅

質垣那^三菩提質哆弗婆鉗寐那^四

那羅那羅^五祢梨祢梨^六奴盧奴盧^七

莎呵

毗迦吒^一那那毗訖利哆尸利沙^二婆

呵婆羅尸利沙^三曷囉哆叉^四摩呵婆

羅^五摩呵摩睺何羅伽^六那婆呵耶

寐^七步呼步呼^八摩呵蒲闍伽^九蘇磨

囉他^十波羅摩伽乎盧尼迦男^{十一}薩

婆分若薩帝闍^{十二}悉帝嗜多南^{十三}毗

多翅梨舍南^{十四}多他竭多南^{十五}那摩

地師吒南^{十六}伽茶伽茶^{十七}耆稚耆稚

求求胃求胃莎呵^{十八}

唵波羅垣呵多^一婆羅波羅迦邏毛

殊陀羅^二跋利沙陀羅^三波羅跋利

沙陀^四帝呵閻浮提卑^五舍羅舍羅

室利室利^六舒留舒留莎呵^八

蒲呼蒲呼^一摩呵那伽^二婆俱羅瞿多

羅三摩奴蘇摩羅他^四跋利師陀羅

五 贊此利闍垣呵閻浮提卑^六 薩婆
提婆^七 薩底耶地沙咤泥娜^八 摩毗嵐
末他莎訶^九

婆囉呵^一 薩垣耶地師咤泥娜^二 般
囉婆利沙^三 帝呵閻浮地卑蘇呵

釋迦羅薩垣那^一 鉢羅婆羅沙他^二
摩呵那伽^三 伊呵閻浮提卑莎訶^四

遮妬摩呵何羅闍薩垣那^一 鉢囉跋
利沙^二 伊呵閻浮提卑莎訶^三

阿師吒摩迦^一 薩垣那^二 鉢囉婆利
沙他^三 摩呵那伽^四 伊呵閻浮提卑莎

訶^五

跋利沙他^一 摩呵那伽^二 蘇盧多般男
薩垣那^三 伊呵閻浮提卑莎訶^四

跋利沙他^一 摩呵那伽^二 薩吉多那伽
弥那^三 薩垣那伊呵閻浮提卑莎訶^四

跋利沙他摩呵那伽^一 那伽弥薩垣那^二
伊呵閻浮提卑莎訶^三

跋利沙他摩呵那伽^一 阿羅漢薩垣那^二
伊呵閻浮提卑莎訶^三

跋利沙他^一 摩訶那伽^二 鉢囉迦^三 佛
陀薩垣那^四 伊呵閻浮地卑^五 蘇和訶^六

跋利沙他摩呵那伽^一 薩婆佛陀菩

提薩埵薩埵那^二伊呵閻浮提卑莎
呵^三

鉢利跋利沙他摩呵那伽一薩婆多他
竭多薩埵地師吒尼那^二伊呵閻浮提
卑莎呵^三

薩婆提婆男^一薩埵男^二舍摩耶他
^三薩蒲波達羅婆尼莎呵^四

薩婆那伽男^一薩埵男^二跋波利沙帝
呵^三摩呵利剌毗閻莎呵^四

薩婆夜叉南^一薩帝男夜叉他^二薩婆
薩埵莎呵^三

薩婆軋闍婆男^一薩帝那波呵羅多
^二薩婆耶蘇波陀羅婆尼^三薩婆摩

奴沙男莎呵^四

薩婆阿修羅男^一薩埵那^二毗尼跋多
夜多^三薩婆毗沙摩那叉多羅尼莎

呵^四

薩婆迦樓羅男^一薩帝那^二迷帝林鳩
盧多^三薩婆那伽男^四世地呵閻浮提

卑^五摩呵跋利沙陀羅^六鬱次嗜與

莎呵^七

薩婆安緊陀羅男^一薩帝那奢摩耶他

^二薩婆波波^{補藍}波羅呵邏大耶他^三

薩婆薩埵埵沙呵^四

薩婆摩睺何羅伽男^一薩埵那^二毗

富羅毗志提利拏^三跋利沙陀呵羅^四

贊次梨闍他^五那陀羅夜他^六般遮跋

利沙跋羅奴莎呵^七

薩婆摩奴沙唎^一薩埵那^二波利波羅

耶他^三薩婆摩男^四莎呵^五

迦羅迦羅^一只利只利^二俱留俱留^三陀

羅陀羅^四地利地利^五豆留豆留^六那吒

那吒^七祇致祇致^八訥晝訥晝^九蘇尸

伽囉呵婆醯尼^十摩呵彌鉗浮達利^{十一}弥

岐弥岐^{十二}摩訶弥岐^{十三}摩訶弥鉗佛達

利^{十四}弥瞿除地埵^{十五}弥伽三婆鞞^{十六}迦

羅弥岐^{十七}弥伽迦利^{十八}弥伽竭利闍尼

九^{十九}弥瞿虱帝^{二十}弥伽毛利^{二十一}弥伽摩羅

達利^{二十二}弥伽毗浮師帝^{二十三}弥伽耶祇

四^{二十四}弥伽祇婆私尼^{二十五}弥伽竭毗^{二十六}弥伽

闍知^{二十七}弥伽般羅鞞^{二十八}弥伽般利婆

利^{二十九}毗富羅弥伽除師帝^{三十}弥伽拙

鴉波毗帝^{三十一}薩埵樹呵梨^{三十二}祇利干

陀羅祇婆斯尼^{三十三}那伽摩埵^{三十四}婆

伽婆帝^{三十五}摩訶弥岐^{三十六}尸末樹埵

何羅斯^{三十七}尸利多三般利施^{三十八}摩

呵婆多

三十

男茶利瞿遮利

四十

摩呵那伽

毗訖利埤埵

四十

婆伽婆帝

四十

哀地利

煎茶囉婆耶那

四十

陀憐尼波羅婆利

沙

四十

佛陀薩埵那

四十

伊呵閻浮提卑

莎呵

四十

伽羅伽羅

岐利岐利

二

瞿留瞿留

三

岐利尼岐利尼岐利尼

四

瞿摩瞿摩

瞿摩瞿摩

瞿摩瞿摩

瞿摩瞿摩

瞿摩瞿摩

瞿摩瞿摩

瞿摩瞿摩

瞿摩瞿摩

瞿摩瞿摩

瞿摩瞿摩

瞿摩瞿摩

瞿摩末利

五

那婆尸利師

六

摩呵弥伽

摩利尼

七

比住迦羅波摩利尼

八

薩婆

浮虛闍伽陀

呵憐尼

九

弥伽鉢吒跋薩

怛囉

十

陀憐尼

十一

薩婆比沙伽囉瞿

遮利

十二

弥伽比呵婆呵祢

十三

揭利闍尼

十四

地尼

十五

那伽伽拏那珠達尼

十六

朱達耶提比

十七

摩呵弥伽摩利尼

十八

怛他揭多薩埵那

十九

婆利沙他

二十

摩比嵐婆

二十一

伊呵閻浮

提卑莎呵

二十二

夜羅夜羅

一

溢利溢利

二

與盧與盧

三

樹盧樹盧

四

視利視利

五

閻羅閻羅

六

舊茶舊茶

舊茶

七

伽茶伽茶

八

岐

治

九

呵羅呵羅

十

泥利泥利

十一

漏牟漏牟

十二

多羅多羅

十三

帝利帝利

十四

帝利帝利

十五

帝利帝利

十六

帝利帝利

十七

帝利帝利

十八

帝利帝利

十九

帝利帝利

二十

帝利帝利

二十一

帝利帝利

帝利帝利

二十二

帝利帝利

二十三

帝利帝利

二十四

帝利帝利

二十五

帝利帝利

二十六

帝利帝利

二十七

帝利帝利

帝利帝利

二十八

帝利帝利

二十九

帝利帝利

三十

帝利帝利

三十一

帝利帝利

三十二

帝利帝利

三十三

帝利帝利

帝利帝利

三十四

帝利帝利

三十五

帝利帝利

三十六

帝利帝利

三十七

帝利帝利

三十八

帝利帝利

三十九

帝利帝利

帝利帝利

四十

帝利帝利

四十一

帝利帝利

四十二

帝利帝利

四十三

帝利帝利

四十四

帝利帝利

四十五

帝利帝利

帝利帝利

四十六

帝利帝利

四十七

帝利帝利

四十八

帝利帝利

四十九

帝利帝利

五十

帝利帝利

五十一

帝利帝利

帝利帝利

五十二

帝利帝利

五十三

帝利帝利

五十四

帝利帝利

五十五

帝利帝利

五十六

帝利帝利

五十七

帝利帝利

帝利帝利

五十八

帝利帝利

五十九

帝利帝利

六十

帝利帝利

六十一

帝利帝利

六十二

帝利帝利

六十三

帝利帝利

闕漏闕漏

^五呵部呵部^六陀呵陀呵^七

鉢遮鉢遮

^八姑利呵拏姑利呵拏^九

末利馱末利馱

^十鉢囉末馱鉢囉末

馱^{十一}

^{十二}薩婆跋利沙比揭部呵^{十三}迷帝

利余折壞數曳帝莎呵

^{十四}

佛提醢佛提醢佛提醢一佛佛提醢

佛提呵囉波波

^{補藍}

薩婆薩婆墻男

阿地煞吒耶奔男

^五

薩婆佛陀男^六

陀憐尼達利

^七

叔波末帝

^八瞿部揭

囉鉢囉鉢尼

^九

摩呵闍若奴力翅^十叔

訖囉達迷

^{十一}

薩帝也鉢帝時尼

^{十二}摩

呵耶部豆師帝

^{十三}

盧迦祇師

^{十四}婆伽

婆帝

^{十五}

佛陀迷帝利

^{十六}

何否何囉耶

薩婆老多囉尼

^{十七}

叔迦羅

^{十八}施航

跋利

^{十九}

般茶囉婆私尼

^{二十}

豆豆餘^{二十一}

豆豆留

^{二十二}

睽摩睽摩

^{二十三}

嚩哆摩部私

薩婆跋利沙比其部呵

^{二十四}

比師紺

婆耶莎呵

^{二十五}

薩婆帝利豆婆一多他揭多薩垣部

迷多羅質多

^{二十六}

薩紺婆囉哆^{二十七}多逋

祢耶摩質哆

^{二十八}

多耶

^{二十九}

摩呵部伽囉

闍

^{三十}薩珠陀耶寐莎呵

^{三十一}

阿難哆

^{三十二}

波利迦羅

^{三十三}

婆伽羅^{三十四}彌伽比

余呵^四 垣殊曼多羅車多羅^五 迦囉何

羅闍^六 都伽地鉢帝^七 刪珠達耶寐^八

鉢羅跋利師呵閻浮提卑莎呵^九

難途般難導都伽羅韶^一 薩珠達也

弥^二 鉢跋利沙他呵閻浮提卑莎呵^三

娑伽羅蓋都伽曷羅閻^一 都珠駄耶

寐^二 鉢跋利沙呵閻浮提卑莎呵^三

阿難跋耆耽^一 都伽羅閻^二 薩珠駄

耶寐^三 跋利沙呵閻浮提卑莎呵^四

摩都斯毗都伽羅閻^一 薩珠駄耶寐

^二 鉢跋利沙呵閻浮提卑莎呵^三

跋留明都伽羅閻^一 薩珠駄耶寐^二

鉢跋利沙呵閻浮提卑莎呵^三

多叉鉗都伽羅閻^一 薩珠駄耶寐^二

鉢跋利沙呵閻浮提卑莎呵^三

提頭賴多阿羅煞欽^一 都伽羅閻^二

都珠駄耶寐鉢跋利沙呵閻浮提卑

莎呵^三

婆須吉都伽羅閻^一 薩珠駄耶寐^二

鉢跋利沙呵閻浮提卑莎呵^三

目真陀都伽羅閻^一 薩珠駄耶寐^二 鉢

跋利沙呵閻浮提卑莎呵^三

伊蘭跋明都伽羅閻^一 薩珠駄耶寐

二鉢跋利呵閻浮提卑莎呵^二

哀雲達藍部伽羅閻^一薩珠馱耶寐

二鉢跋利呵閻浮提卑莎呵^三

尸利帝閻部伽羅閻^一薩珠馱耶寐

二鉢跋利沙呵閻浮提卑莎呵^三

尸利婆呵曇般伽婆閻^一薩珠馱耶

寐^二鉢跋利沙呵閻浮提卑莎呵^三

比住與摩利唎部伽羅閻^一刪珠馱

耶寐^二鉢跋利沙呵閻浮提卑莎呵^三

摩呵摩尼珠曇部伽羅閻^一刪珠馱

耶寐^二鉢跋利沙呵閻浮提卑莎呵^三

周茶末尼馱藍部伽羅閻^一刪珠馱

耶寐^二鉢跋利沙呵閻浮提卑莎呵^三

阿婆婆娑部式欠部伽羅閻^一刪珠

馱耶寐^二鉢跋利沙呵閻浮提卑莎呵^三

伊梵^一鉢利目元^二薩婆部伽羅閻^三

刪珠地耶弥^四鉢利婆師伊呵閻浮提

卑莎呵^五

部岐部岐^一摩呵部岐^二瞿羅摩部斯

三部伽唎利施耶^四頭摩鳩隸^五隨其

囉于嚧師^六波羅耨茶垣祇^七比疎姑

梨^八阿尸比師^九阿唎瞿梨^十訖師拏

賓伽隸^{十一}瞻遮隸^{十二}嚧羅時鞞^{十三}摩

呵破部迦梨^四迦囉波施^十何嚧陀羅

婆斯尼^六頭沉比^七波羅波羅^八必

利必利^九富樓富樓^十比志剖利閻泥

浮留浮留^{二十}摩呵浮盧祇^{三十}摩尼

達利^{四十}達利達利^{五十}等留等留^{六十}茶

囉茶囉^{七十}跋利沙跋利沙^{八十}折藍浮達

利^{九十}苦浮苦浮^十跋羅呵雞^{三十}部吒

部吒^{二十}欽欽毗^{三十}琛琛琛琛^{四十}彌

伽波羅鞞^{五十}彌伽波醯泥^{六十}茶迦茶

迦茶迦^{七十}茶籌鞞^{八十}伽拏伽拏^{九十}

尸棄祢^十迦拏迦拏^{四十}伽拏伽拏^{五十}

摩呵部伽伽拏^{三十}祢羅多嵐晝與

數^{四十}閻羅得迦訖利^{五十}摩呵部伽

訖利馱曳^{六十}瞿摩瞿摩^{七十}瞿摩

波耶^{四十}志垣迦閻利浮閻鉗迷^{五十}比

迦吒^{五十}僧迦吒^{六十}瞿嚧囉比四捋利

閻尼^{五十}毗折林波尼^{六十}阿婆呵耶寐

娑婆娑^{五十}鉗^{五十}薩婆佛陀地虱吒

泥娜^{六十}薩婆帝利也豆婆^{七十}怛他

揭多薩垣部^{五十}迷多囉折垣娜^{六十}鉢

婆囉波利沙^{六十}垣呵閻浮提卑莎呵^{七十}

若請大雨及止雨法汝今諦聽其請

雨主於一切衆生起慈悲心受八戒

齋於空露地應張青帳懸十青幡淨
治其地牛糞塗場請誦呪師坐青座
上若在家人受八戒齋若比丘者應
持禁戒皆著清淨衣燒好名香又以
末香散法師座應食三種白淨之食
所謂牛乳酪及粳米誦此大雲輪品
時面向東坐晝夜至心令聲不斷供
養一切諸佛復以淨水置新瓶中安
置四維隨其財辦作種種食供養諸
龍復以香華散道場中及與四面法
座四面各用純新淨牛糞汁畫作龍
形東面去座三肘已外畫作龍形一
身三頭并龍眷屬南面去座五肘已
外畫作龍形一身五頭并龍眷屬西
面去座七肘已外畫作龍形一身七
頭并龍眷屬北面去座九肘已外畫
作龍形一身九頭并龍眷屬其誦呪
師應自護身或呪淨水或呪白灰自
心憶念以結場界或畫一步乃至多
步若水若灰用為界畔或呪縷繫頸
若手若足呪水灰時散灑頂上若於
額上應作是念有惡心者不得入此
界場其誦呪者於一切衆生起慈悲

心勸請一切諸佛菩薩憐愍加護迴
此功德分施諸龍若時無雨讀誦此
經一日二日乃至七日音聲不斷亦
如上法必定降雨大海水潮可留過
限若能具足依此修行不降雨者無
有是處唯除不信不至心者

六雲經請雨品第六十四

癸卯歲高麗國大藏都監奉
勅彫造

大雲輪請雨經卷上

大

隋天竺三藏那連提耶舍譯

如是我聞一時佛在難陀優婆難陀
龍王宮內住大威德摩尼之藏大雲
輪殿寶樓閣中與大比丘及諸菩薩
摩訶薩衆周匝圍繞復有無量諸大
龍王

其名曰難陀龍王 優鉢難陀龍王
娑伽羅龍王 阿那婆達多龍王
摩那斯龍王 婆婁那龍王
德叉迦龍王 提頭賴吒龍王
婆修吉龍王 目真隣陀龍王
伊羅跋那龍王 分陀利龍王
威光龍王 德賢龍王
電冠龍王 大摩尼寶髻龍王
摩尼珠髻龍王 光耀頂龍王
帝釋鋒伏龍王 帝釋幢龍王
帝釋杖龍王 閻浮金幢龍王
善和龍王 大輪龍王
大鱗純龍王 火光味龍王
月耀龍王 慧威龍王
善見龍王 大善見龍王

善住

龍王

摩尼

瓔

龍王

興雲

龍王

持雨

龍王

大忿吒

聲龍王

小忿吒

聲龍王

奮迅

龍王

大頻拏

龍王

大頂

龍王

深聲

龍王

大深聲

龍王

大雄猛

龍王

優鉢

羅龍王

大步

龍王

螺駿

龍王

質多羅斯

那龍王

持大羅索

龍王

伊羅樹

荼龍王

先慰問

龍王

驢耳

龍王

海貝

龍王

達陀

羅龍王

優波達陀

羅龍王

安隱

龍王

大安隱

龍王

毒地

龍王

大毒地

龍王

大力

龍王

呼婁荼

龍王

阿波羅

龍王

藍浮

龍王

吉利弥

餘龍王

黑色

龍王

因陀羅

軍龍王

邨荼

龍王

優波邨荼

龍王

甘浮訖利

邨龍王

陀毗荼

龍王

端正

龍王

象耳

龍王

猛利

龍王

黃目

龍王

電光

龍王

大電光

龍王

天力

龍王

金婆羅

龍王

妙蓋龍王	甘露龍王	得道泉龍王	琉璃光龍王	金色髮龍王	金光龍王	月光相龍王	日光龍王	始興龍王	牛頭龍王	白相龍王	黑相龍王	耶摩龍王	沙彌龍王	蝦蟇龍王	僧伽茶龍王	尼民陀羅龍王	持地龍王	千頭龍王	寶頂龍王	滿願龍王	細雨龍王	須彌鄒龍王	瞿波羅龍王	仁德龍王	善行龍王	宿德龍王	金毗羅龍王	持毒龍王	地身龍王	蓮華龍王	大尾龍王	騰轉龍王	大尾龍王	可畏龍王	善威德龍王	五頭龍王	婆利羅龍王	妙車龍王	優多羅龍王	長尾龍王	大頭龍王	賓卑迦龍王	毗荼龍王	三頭龍王	馬形龍王
------	------	-------	-------	-------	------	-------	------	------	------	------	------	------	------	------	-------	--------	------	------	------	------	------	-------	-------	------	------	------	-------	------	------	------	------	------	------	------	-------	------	-------	------	-------	------	------	-------	------	------	------

龍仙龍王大威德龍王

火德龍王恐人龍王

焰光龍王七頭龍王

現大身龍王善愛見龍王

大惡龍王淨威德龍王

妙眼龍王大毒龍王

焰聚龍王大害龍王

大瞋忿龍王寶雲龍王

大雲施水龍王帝釋光龍王

波陀波龍王月雲龍王

海雲龍王大香華龍王

華出龍王寶眼龍王

大相幢龍王大雲藏龍王

降雪龍王威德藏龍王

雲戟龍王持夜龍王

降雨龍王雲雨龍王

大雲雨龍王火光龍王

大雲主龍王無瞋恚龍王

鳩鳩婆龍王郁伽首羅龍王

閼隣提龍王雲蓋龍王

應祁羅目佉龍王威德龍王

出雲龍王無盡步龍王

妙相龍王大身龍王

大腹龍王安審龍王

丈夫龍王歌歌那龍王

鬱頭羅龍王猛毒龍王

妙聲龍王甘露寶龍王

大散雨龍王隱隱聲龍王

雷相擊聲龍王鼓震聲龍王

注甘露龍王天帝鼓龍王

霹靂音龍王首羅仙龍王

那羅延龍王涸水龍王

毗迦吒龍王

有如是等諸大龍王而為上首復有
八十四億那由他數諸龍王俱同來
彼會

時彼一切諸龍王等從坐而起各整
衣服偏袒右臂右膝著地合掌向佛
即以種種無量無邊阿僧祇數微妙
香華塗香末香華冠衣服寶幢幡蓋
龍華寶冠真珠瓔珞寶華繒綵真珠
羅網雜珮旒蘇覆如來上作衆妓樂
擊掌歌讚起大勢重奇特之心繞百
千匝却住一面

今時諸龍住一面已咸發願言願以
一切諸世界海微塵身海一切諸佛

菩薩衆海遍於一切諸世界海已過
所有一切四大地水火風微塵等海
所有一切諸色光明微塵數海已過
無量不可思議不可宣說阿僧祇數
諸身等海於一身化作無量阿僧
祇諸手海雲遍滿十方又於一一微
塵分中化出無量供養海雲遍滿十
方將以供養一切諸佛菩薩衆海恒
不斷絕如是無量不可思議不可宣
說阿僧祇數普賢菩薩行身海雲遍
滿虛空住持不絕如是菩薩諸身海雲
所謂一切輪相海雲

一切寶冠海雲

一切大明寶藏輦海雲

一切末香樹藏海雲

一切香煙現諸色海雲

一切諸樂音聲海雲

一切香樹海雲

諸如是等無量無邊不可思議不可
宣說阿僧祇數如是一切供養海雲
遍滿虛空住持不絕供養恭敬尊重
禮拜一切諸佛菩薩衆海復出一切
莊嚴境界電藏摩尼王海雲

一切普明寶雨莊嚴摩尼王海雲

一切寶光焰順佛音聲摩尼王海雲

一切佛法音聲遍滿摩尼寶王海雲

一切普門寶焰諸佛化光海雲

一切衆光明莊嚴顯現不絕摩尼寶

王海雲

一切光焰順佛聖行摩尼寶王海雲

一切顯現如來不可思議佛剎電光

明摩尼王海雲

一切諸妙寶色明徹三世佛身摩尼

王海雲

諸如是等一切諸寶光色遍滿虛空

住持不絕供養恭敬尊重禮拜一切

諸佛菩薩衆海

復出一切不壞妙寶香華輦海雲

一切無邊色摩尼寶王莊嚴輦海雲

一切寶燈香焰光輦海雲

一切真珠妙色輦海雲

一切華臺輦海雲

一切寶冠莊嚴輦海雲

一切十方光焰遍滿莊嚴不絕寶藏

輦海雲

一切無邊顯現勝寶莊嚴輦海雲

一切遍滿妙莊嚴輦海雲

一切門欄華鈴羅網輦海雲

諸如是等遍滿虛空住持不絕供養

恭敬禮拜一切諸佛菩薩衆海雲

復出一切妙金寶瓔珞藏師子座海雲

一切華明妙色藏師子座海雲

一切紺摩尼閻浮檀妙色蓮華藏師

子座海雲

一切摩尼燈蓮華藏師子座海雲

一切摩尼寶幢火色妙華藏師子座

海雲

一切寶莊嚴妙色蓮華藏師子座海雲

一切樂見因陀羅蓮華光藏師子座

海雲

一切樂見無盡焰光蓮華藏師子座

海雲

一切寶光普照蓮華藏師子座海雲

一切佛音蓮華光藏師子座海雲

諸如是等遍滿虛空住持不絕供養

恭敬禮拜一切諸佛菩薩衆海

復出一切妙音摩尼樹海雲

一切諸樂周匝合掌出香氣樹海雲

一切莊嚴現無邊明色樹海雲

一切華雲出寶樹海雲

一切出於無邊莊嚴藏樹海雲

一切寶輪焰電樹海雲

一切亦現菩薩半身出栴檀末樹海雲

一切不思議無邊樹神莊嚴菩薩道

場樹海雲

一切寶衣蔽日電光明樹海雲

一切遍出真妙音聲喜見樹海雲

諸如是等遍滿虛空住持不絕供養

恭敬尊重禮拜一切諸佛菩薩衆海

復出一切無邊寶色蓮華藏師子座

海雲

一切周匝摩尼王電藏師子座海雲

一切瓔珞莊嚴藏師子座海雲

一切諸妙寶冠燈焰藏師子座海雲

一切圓音出寶雨藏師子座海雲

一切華冠香華寶藏師子座海雲

一切佛坐現莊嚴摩尼王藏師子座

海雲

一切欄栢垂瓔莊嚴藏師子座海雲

一切摩尼寶樹枝葉末香藏師子座

海雲

一切妙香寶鈴羅網普莊嚴日電藏

師子座海雲

諸如是等遍滿虛空住持不絕供養
恭敬尊重禮拜一切諸佛菩薩衆海
復出一切如意摩尼寶王帳海雲

一切因陀羅寶華臺諸華莊嚴帳海雲
一切香摩尼帳海雲

一切寶燈焰相帳海雲

一切佛神力出聲摩尼寶王帳海雲

一切顯現摩尼妙衣諸光莊嚴帳海雲

一切華光焰寶帳海雲

一切羅網妙鈴出聲遍滿帳海雲

一切無盡妙色摩尼珠臺蓮花羅網

帳海雲

一切金華臺火光寶幢帳海雲

一切不思議莊嚴諸光瓔珞帳海雲

諸如是等遍滿虛空住持不絕供養

恭敬尊重禮拜一切諸佛菩薩衆海

復出一切雜妙摩尼寶蓋海雲

一切無量光明莊嚴華蓋海雲

一切無邊色真珠藏妙蓋海雲

一切諸佛菩薩慈門音摩尼王蓋海雲

一切妙色寶焰華冠妙蓋海雲

一切寶光明莊嚴垂鈴羅網妙蓋海雲

一切摩尼樹枝瓔珞蓋海雲

一切日照明徹焰摩尼王諸香煙蓋
海雲

一切栴檀末藏普熏蓋海雲

一切極佛境界電光焰莊嚴普遍蓋
海雲

諸如是等遍滿虛空住持不絕供養
恭敬尊重禮拜一切諸佛菩薩衆海雲
復出一切寶明輪海雲

一切寶焰相光輪海雲

一切華雲焰光輪海雲

一切佛花寶光明輪海雲

一切佛刹現八光明輪海雲

一切諸佛境界普門音聲寶枝光輪
海雲

一切琉璃寶性摩尼王焰光輪海雲

一切衆生於一念時現於色相光輪

海雲

一切音聲悅可諸佛大震光輪海雲

一切所化衆生衆會妙音摩尼王光

輪海雲

諸如是等遍滿虛空住持不絕供養
恭敬尊重禮拜一切諸佛菩薩衆海雲

復出一切摩尼藏焰海雲

一切佛色聲香味觸光焰海雲

一切寶焰海雲

一切佛法震聲遍滿焰海雲

一切佛剎莊嚴電光焰海雲

一切華輦光焰海雲

一切寶笛光焰海雲

一切劫數佛出音聲教化衆生光焰

海雲

一切無盡寶華鬘亦現衆生光焰海雲

一切諸座亦現莊嚴光焰海雲

諸如是等遍滿虛空住持不絕供養

恭敬尊重禮拜一切諸佛菩薩衆海雲

復出一切不斷不散無邊色寶光海雲

一切摩尼寶王普光海雲

一切佛剎莊嚴電光海雲

一切香光海雲

一切莊嚴光海雲

一切佛化身光海雲

一切雜寶樹華鬘光海雲

一切衣服光海雲

一切無邊菩薩諸行名稱寶王光海雲

一切真珠燈光海雲

諸如是等遍滿虛空住持不絕供養
恭敬尊重禮拜一切諸佛菩薩衆海雲
復出一切不可思議種種諸雜香華
海雲

一切寶焰蓮華羅網海雲

一切無量無邊際色摩尼寶王光輪
海雲

一切摩尼真珠色藏篋筭海雲

一切摩尼妙寶栴檀末香海雲

一切摩尼寶蓋海雲

一切清淨諸妙音聲悅可衆心寶王
海雲

一切日光寶輪瓔珞旒蘇海雲

一切無邊寶藏海雲

一切普賢色身海雲

諸如是等遍滿虛空住持不絕供養
恭敬尊重禮拜一切諸佛菩薩衆海雲
今時此衆八十四億百千那由他諸
龍王等作是願已繞佛三匝頭面作
禮於一面立是時佛告諸龍王言汝
等龍王各宜復坐時諸龍王聞佛語
已各各還依次第而坐

今時衆中有一龍王名曰無邊莊嚴

海雲威德輪蓋於此三千大千世界
龍王之中取為勝大得不退轉本願
力故受此龍身為欲供養恭敬礼拜
於如來故聽受正法來生至此閻浮
提內時彼龍王從坐而起整理衣服
偏袒右臂右膝著地合掌向佛而作
是言世尊我今有疑欲問如來至真
等正覺若佛聽許我乃敢問作是語
已默然而住

尔時世尊告無邊莊嚴海雲威德輪
蓋龍王作如是言汝大龍王若有疑
者恣聽汝問吾當為汝分別解說令
汝歡喜作是語已時無邊莊嚴海雲
威德輪蓋龍王即白佛言唯然世尊
云何能使諸龍王等滅一切苦得受
安樂受安樂已又令於此閻浮提內
時降甘雨生長一切樹木藥林藥草
苗稼皆生滋味使閻浮提一切人等
悉受快樂

尔時世尊聞是語已即告無邊莊嚴
海雲威德輪蓋大龍王言善哉善哉
汝今為彼諸衆生等作利益故能問
如來如是等事汝大龍王諦聽諦聽

善思念之我當為汝分別解說輪蓋
龍王我有一法汝等若能具足行者
令一切龍除滅諸苦具足安樂何者
一法謂行大慈汝大龍王若有天人
行大慈者火不能燒水不能溺毒不
能害刃不能傷內外怨賊不能侵掠
若瞋若寤皆得安隱行大慈力有大
威德諸天世等不能擾亂形貌端嚴
衆所愛敬所行之處一切無尋諸苦
滅除心得歡喜諸樂具足大慈力故
命終之後得生梵天汝大龍王若有
天人行大慈者獲如是等無量無邊
利益之事是故龍王身口意業常應
須行彼大慈行

復次龍王有陀羅尼名施一切衆生
安樂汝諸龍等常須讀誦繫念受持
能滅一切諸龍苦惱而其實樂彼諸
龍等既得樂已於閻浮提始能依時
降注甘雨使令一切樹木叢林藥草
苗稼皆出滋味

今時龍王復白佛言何者名為施一
切樂陀羅尼句今時世尊即說呪曰
怛攖吽其呪字口傳作者轉古讀之注引字者引聲讀之陀囉尼

陀引囉尼優多引囉尼三引波羅

帝諸呪帝皆師都捷利毗闍耶跋蘭那

引薩底夜波羅帝若女賀波羅呵若

鄰跋帝五優多波引達尼六毗鄰引嚩

臧七阿引毗展引遮臧八阿陞毗耶引

呵邏九輸婆引跋帝十頌耆市摩哆

一野哇頤利宮婆羅引鞞引哇香利婆

呵十摩羅吉梨舍引達那引波含十輸

輪律陀引耶摩引伽尼梨呵迦達摩多

六輪陀引盧迦七毗帝寐囉何囉

閻婆獨佉餘摩那去聲薩波女佛陀婆

盧歌那去聲波羅闍若引闍那引鞞

醯莎引呵

汝大龍王此呪名為施一切樂陀羅

尼句諸佛所持汝等常須受持讀誦

吉事成就得入法門獲安隱樂

復次龍王有大雲所生威神莊嚴切

德智相雲輪水藏化金色光毗盧遮

那一毛孔中出於同姓諸佛名号汝

等亦須憶念受持若持彼諸如來名

号能滅一切所有諸龍種姓一切龍

王眷屬徒眾并諸龍女生龍宮者所

有苦惱與其安樂是故龍王應當稱

彼如來名号

南無婆伽婆帝毗盧遮那祇大雲如來

南無婆伽婆帝性現出雲如來

南無婆伽婆帝持雲雨如來

南無婆伽婆帝威德雲如來

南無婆伽婆帝大興雲如來

南無婆伽婆帝大散風雲如來

南無婆伽婆帝大雲閃電如來

南無婆伽婆帝大雲勇步如來

南無婆伽婆帝須弥善雲如來

南無婆伽婆帝大密雲如來

南無婆伽婆帝大雲輪如來

南無婆伽婆帝雲光如來

南無婆伽婆帝大雲師子座如來

南無婆伽婆帝大雲盖如來

南無婆伽婆帝大善現雲如來

南無婆伽婆帝雲覆如來

南無婆伽婆帝光輪普遍照於十方

雷鼓震聲起雲如來

南無婆伽婆帝大雲清涼雷聲深隱

奮迅如來

南無婆伽婆帝布雲如來

南無婆伽婆帝虛空雨雲如來

南無婆伽婆帝疾行雲如來

南無婆伽婆帝雲垂出聲如來

南無婆伽婆帝雲示現如來

南無婆伽婆帝廣出雲如來

南無婆伽婆帝沫雲如來

南無婆伽婆帝雲雷震如來

南無婆伽婆帝雲際如來

南無婆伽婆帝雲如衣如來

南無婆伽婆帝潤生稼雲如來

南無婆伽婆帝乘上雲如來

南無婆伽婆帝飛雲如來

南無婆伽婆帝任雲如來

南無婆伽婆帝散雲如來

南無婆伽婆帝大優鉢羅華雲如來

南無婆伽婆帝大香體雲如來

南無婆伽婆帝大涌雲如來

南無婆伽婆帝大自在雲如來

南無婆伽婆帝大光明雲如來

南無婆伽婆帝大威德雲如來

南無婆伽婆帝得大摩尼寶雲如來

南無婆伽婆帝降伏雲如來

南無婆伽婆帝雲根本如來

南無婆伽婆帝欣喜雲如來

南無婆伽婆帝散壞非時電雲如來

南無婆伽婆帝大空高響雲如來

南無婆伽婆帝大發聲雲如來

南無婆伽婆帝大降雨雲如來

南無婆伽婆帝施色力雲如來

南無婆伽婆帝雨六味雲如來

南無婆伽婆帝大力雨雲如來

南無婆伽婆帝滿海雲如來

南無婆伽婆帝陽炎旱時注雨雲如來

南無婆伽婆帝無邊色雲如來

南無婆伽婆帝一切差別大雲亦現

閻浮飛雲威德月光焰雲如來等應

正遍知三藐三佛隨

大雲輪請雨經卷上

癸卯歲高麗國大藏都監奉

勅彫造

大雲輪請雨經卷下

大

隋天竺三藏那連提耶舍譯

尔時世尊說是諸佛如來名已告於
無邊莊嚴海雲威德輪蓋龍王作如
是言汝大龍王此諸佛名汝等一切
諸龍眷屬若能誦持稱彼佛名及礼
拜者一切諸龍所有苦厄皆悉解脫
普獲安樂得安樂已即能於此閻浮
提中風雨隨時令諸藥草樹木叢林
悉皆生長五穀成熟

尔時娑婆三千大千世界之主無邊
莊嚴海雲威德輪蓋龍王復白佛言
世尊我今啓請諸佛所說陀羅尼句
令於未來末世之時閻浮提內若有
亢旱不降雨處誦此神呪即當降雨
飢饉惡世多饒疾疫非法乱行人民
恐怖妖星變怪灾厲相續有如是等
無量苦惱以佛力故悉得滅除唯願
世尊大慈悲愍諸衆生故住持為說
所有神呪陀羅尼句告諸龍知能使
諸天歡喜踊躍復能破散一切諸魔
一切衆生身中所有苦難之事并及

大雲輪請雨經卷下 第三張大
惡星變恠灾障恚皆除滅

又復如來曾說五種雨障之灾亦皆
消滅彼障除已即能使此閻浮提內
雨澤以時唯願如來為我等說

尔時世尊聞此無邊莊嚴海雲威德
輪蓋龍王如是語已即讚歎言善哉
善哉汝大龍王汝今亦如諸佛饒益
一切衆生憐愍安樂能請如來說此
神呪汝大龍王諦聽諦聽善思念之
我當為汝說於往昔從彼大悲雲生
如來所聞震吼奮迅勇猛幢陀羅尼
過去諸佛已曾宣說威神加護我今
亦當隨順而說利益一切諸衆生故
憐愍與樂於未來世若炎旱時能令
降雨若沆雨時亦能令止飢饉疾疫
恚能除滅普告諸龍令使知聞復令
諸天歡喜踊躍散一切魔安隱衆生
即說呪曰

怛綴他 摩訶若那 引 婆波女 引 薩尼

尼梨伍殊 引 洛教弥 去聲 提利 茶 引

毗迦囉摩 跋闍羅 引 僧伽怛臧 三

波羅摩毗囉闍 引 娑摩求那雞 瑟城

境 引 修梨耶 引 波羅鞞 引 毗摩嵐 引

伽耶師

六

婆娑羅引波娑羅去聲三婆娑羅引

三婆娑羅

六聲

豆潭

反

鞞去聲呵那呵那

摩訶波羅薛

十一

毗頭多摸

訶陀迦餘波囉若伽囉輸悌

十三

波梨富婁那引迷帝餘迷怛利

引

帝囉引摩那娑捷提

去聲

彌多羅浮

默利

五

杜羅杜羅

六

杜羅杜羅

七

杜羅浮默利八蒲登伽俱蘇迷

去聲

十九

達舍婆利二遮闍菟餘

引

何囉提

頗瑟吒達舍毗尼迦佛陀

引

達迷

去聲

二十二

輸頗摩帝

二十

分若羅翅

四

叔迦羅

達摩

引

三摩泥比

五

紺毗梨

六

毗羅閣

悉難

經疏反

二十七

毗富荼毗舍沙波羅鉢帝

尼囉蘇羅

引

婆

引

達彌

九

薩婆盧迦

匙引瑟吒

三

失梨沙吒

十一

波羅波羅婆

兮唎

三十

阿奴

引

怛利

三十

阿僧祇

三十

陀囉陀囉

三十

地唎地唎

三十

豆漏豆漏

遮羅遮羅

四十

目唎目唎

四十

呪漏呪漏

波羅遮

引

佛陀喃

引南

摩帝

四十

摩訶般利若

引

波

引

羅

引

蜜帝沙

呵

四十

南無智海毗盧遮那藏如來

大聖輪請雨經卷下 第四品 大
南無一切諸菩提薩埵

尔時一切諸龍王等為降雨故受持
此呪若後末世惡災行時能令不起
又復一切諸佛菩薩真實力故遂復
勅諸一切龍等於閻浮提所祈請處
降澍大雨除滅五種雨之障導而說
呪曰

多緻他^一娑邏娑邏^二四剎四剎^三

素漏素漏^四那^引伽喃^{去聲}閻婆閻婆

^{一句並}侍毗侍毗^{並去}樹附樹附^八

佛實力故大龍王等速來在於閻浮
提內所祈請處降澍大雨而說呪曰

遮羅遮羅^{並去}至利至利^二朱漏朱漏^三

佛實力故咄諸龍王於閻浮提請雨
國內降澍大雨而說呪曰

婆邏婆邏^{並去}避利避利^{避字並色}

復漏復漏^三

諸佛菩薩威神之力大乘真實行業
力故諸龍王等速來至此各各憶念
諸如來法及菩薩行起於慈心悲心
喜心及以捨心而說呪曰

婆邏婆邏 毗梨毗梨^二蒲盧蒲盧^三

大意氣龍王慈心正念妙密佛法持

大雲雨速來至此而說呪曰

伽茶伽茶 祁埤祁埤 三 瞿厨瞿厨 三

一切諸佛真實力故大健瞋者大疾行者睽電舌者治諸惡毒來起慈心於閻浮提請雨國內降澍大雨莎 引 呵又說呪曰

怛吒怛吒 此並六聲一 底致底致 一 闍書闍書 三

金剛密迹真實力故頭上戴大摩尼天冠地身相者念三寶力於閻浮提此請雨國內降澍大雨莎 引 呵又說呪曰迦羅迦羅 一 繼利繼利 二 句漏句漏 三

佛實力故金剛密跡勅彼一切澍大水者乘大雲者起慈悲心志來於此闍浮提中請雨國內降澍大雨又說呪曰何邏邏何邏羅 一 兮利履兮利履 二

候漏塿 畫 候漏塿 三

三世諸佛真實力故能令一切諸龍眷屬捨於睡眠又說呪曰

伽磨伽磨 姑寐姑寐 二 求牟求牟 三 莎呵

我勅一切諸龍王等起大慈心為菩提本而說呪曰

那囉那囉 一 尼梨尼梨 二 奴漏奴漏 一

莎呵

咄咄龍等種種異形千頭可畏赤眼大力大地身者我今勅汝應當憶念寂上慈悲威神功德滅煩惱者一切諸佛如來名字而說呪曰

揭^{其謂}茶^{去聲}揭茶^一耆耨耆耨^二

崛住崛住^三莎呵

無尋身健奪於世間人色力耆耨耨浮提請雨國內降澍大雨而說呪曰

舍囉舍囉尸利尸利^二輸^{入聲}嚧輸嚧莎呵

一切諸天真實力故咄諸大龍念自種姓速來於此閭浮提中請雨國內降澍大雨莎呵

大梵天王實行力故令諸龍王於閭浮提請雨國內降澍大雨莎呵

天主帝釋實行力故令諸龍王於閭浮提請雨國內降澍大雨莎呵

四大天王實行力故令諸龍王於閭浮提請雨國內降澍大雨莎呵

八人實行力故令諸龍王於閭浮提請雨國內降澍大雨莎呵

須陀洹實行力故令諸龍王於閭浮提請雨國內降澍大雨莎呵

斯陀含實行力故令諸龍王於閻浮
提請雨國內降澍大雨莎呵

阿那含實行力故令諸龍王於閻浮
提請雨國內降澍大雨莎呵

阿羅漢實行力故令諸龍王於閻浮
提請雨國內降澍大雨莎呵

辟支佛實行力故令諸龍王於閻浮
提請雨國內降澍大雨莎呵

菩薩實行力故令諸龍王於閻浮提
請雨國內降澍大雨莎呵

諸佛實行力故令諸龍王於閻浮提
請雨國內降澍大雨莎呵

切諸天實行力故令速除滅灾障
苦惱莎呵

切諸龍實行力故能速降雨潤此
大地莎呵

一切夜叉實行力故能速覆護一切
衆生莎呵

一切捷闍婆實行力故能速除滅一
切衆生所有憂惱莎呵

一切阿修羅實行力故能速迴轉惡
星變恠莎呵

一切迦樓羅實行力故於諸龍邊起

大慈悲降澍大雨莎訶

一切緊那羅實行力故速能滅除一

切衆生諸重罪業令起踊躍莎訶

一切摩睺羅伽實行力故能降大雨

普使充足滅除五種雨之障罣莎訶

一切善男子善女人實行力故善能

覆護一切衆生莎訶 又說呪曰

迦邏迦邏 枳利枳利 句噓句噓 去聲

陀囉陀囉 地利地利 豆漏豆噓 三

那吒那吒 臙臙 噉臙噉臙 二

奴晝奴晝 三

持大雲雨疾行之者如雲者著雲衣

者生雲中者能作雲者雲雷響者住

雲中者雲天冠者雲莊嚴者乘大雲

者雲中隱者雲中藏者被雲髮者耀

雲光者雲圍遶者處大雲者雲瓔珞

者能奪五穀精氣之者住在深山藂

林中者尊者龍母名分陀羅大雲威

德喜樂尊大龍王身體清涼持大風

輪諸佛實行力故放六味雨而說呪曰

伽邏伽邏 岐利岐利 二

求漏求漏 其利尼其利尼 四

求磨求磨求磨求磨求磨求磨求磨

求磨求磨

凡九求磨五

九頭龍母勅告首冠大雲閃電華冠之者持一切龍者服雲衣者攝諸境界毒氣者乘雲嚴者雷聲遠震能告諸龍者大雲圍遶者諸佛實行力故令閻浮提請雨國內降澍大雨使令充足莎呵 又說呪曰

野邏野邏 一逸利逸利 一

喻屢喻屢 三樹屢樹屢 四嗜利嗜利 五

社邏社邏社邏 六求茶求茶求茶 七

伽茶伽茶 八耆邏耆邏 九呵邏呵邏 十

醯利醯利 一十半漏半漏 二十多邏多邏 三十

帝利帝利 四十兜漏兜漏 五十阿那阿那 六十

陀呵陀呵 七十鉢遮鉢遮 八十祁利祁利 九十

醯那醯那 二十求利陀 三十末利陀 四十

鉢囉末利陀 五十

彌勒菩薩告勅令除一切雨障莎呵

又說呪曰

佛提佛提 一浮佛提浮佛提 二

令諸衆生持佛功德除滅一切障業

重罪而說呪曰

陀羅尼 一馱離 二輸婆摩帝 三

求那伽囉鉢囉鉢泥 四

摩呵若奴盧挾

五

輸說羅

引

達弥

薩底夜波羅

引

底若

七

摩訶耶那殊

瑟致

八

阿殊

引

瑟致

九

盧歌哪

引

瑟致

婆伽婆帝佛陀弥帝隸

一十

阿鉢羅夜薩婆耆多羅尼

二十

叔訖離施

三十

卑當婆離

四十

部荼羅

引

婆

引

私臆

五十

頭頭隸頭頭漏

賒摩賒摩

六十

羶多

引

摩那賜

八十

除一切雨障莎訶

三世諸佛真實力故大慈心故正行

正業精進心故勅召一切諸大龍王

莎訶

我勅無邊海莊嚴威德輪蓋龍王於

閻浮提請雨國內降澍大雨莎訶

我勅難陀優波難陀龍王於閻浮提

請雨國內降澍大雨莎訶

我勅婆伽龍王於閻浮提請雨國內

降澍大雨莎訶

我勅阿耨達多龍王於閻浮提請雨

國內降澍大雨莎訶

我勅摩那斯龍王於閻浮提請雨國

內降澍大雨莎訶

我勅婆婁那龍王於閻浮提請雨國

內降澍大雨莎呵

我勅德叉迦龍王於閻浮提請雨國
內降澍大雨莎呵

我勅提頭賴吒龍王於閻浮提請雨
國內降澍大雨莎呵

我勅婆娑修吉龍王於閻浮提請雨國
內降澍大雨莎呵

我勅目真隣陀龍王於閻浮提請雨
國內降澍大雨莎呵

我勅伊羅跋耆龍王於閻浮提請雨
國內降澍大雨莎呵

我勅分荼羅龍王於閻浮提請雨國
內降澍大雨莎呵

我勅大威光龍王於閻浮提請雨國
內降澍大雨莎呵

我勅威賢龍王於閻浮提請雨國內
降澍大雨莎呵

我勅雷冠龍王於閻浮提請雨國內
降澍大雨莎呵

我勅大摩尼髻龍王於閻浮提請雨
國內降澍大雨莎呵

我勅戴摩尼髻龍王於閻浮提請雨
國內降澍大雨莎呵

我勅光鬚龍王於閻浮提請雨國內
降澍大雨莎呵

我勅是等一切龍王於閻浮提請雨
國內降澍大雨訖又說呪曰

那祇那祇瞿羅^引摩^引奈賜^三那伽^引咀

喜梨^四梨陀易頭摩鳩隸^五郁伽羅盂路

曬^六波羅梅陀佉鼓^七毗毘姑利^八阿尸

引毗師^九阿唾^引瞿^十訖栗瑟那^去崩

引伽隸^十旃^引遮隸^十盧羅^引啗薛^十

摩訶頗那^引咤隸咤羅^引波施^十勞陀

羅^引波^引尸臙^十頭冲薛^十波羅波

羅^十底利底利^十富路富路^十毗私^引呼

四光^五婁閻臙^十浮路浮路^{二十}摩訶蒲祇

下^一摩尼達隸^{三十}匹利匹利^{四十}副漏副

漏^{二十}破邏破邏^{二十}跋利沙跋利沙^{二十}

閻藍浮^引陀隸^{二十}睽浮睽浮^{二十}婆羅

引訶翅^{三十}那吒^引毘薛^{三十}那吒^引毘薛

二十^一忡忡忡忡薛^{三十}弥伽波羅^引薛

三十^二弥伽婆^引唾臙^{三十}茶迦茶迦

六十^三茶沉薛^{三十}伽那^去伽那^去尸棄

厥^{三十}迦那迦那^{四十}伽那伽那^{四十}摩訶

那伽^引伽那^去尼囉^引恒藍^{四十}糝^引

波闍羅^{四十}得迦訖唎^{四十}摩訶那伽

引統利施

引曳

六

瞿摩瞿摩瞿摩

波引耶

四十

頌悉佉迦

引

承伽唎

四十

浮承

引伽弥

四十

毗迦吒僧迦吒瞿

五

毘私

十

毘私

孚盧閣泥

五十

毗折

時列

林

引

婆泥

五十

二

我今召集此會一切諸龍王等於閻浮提請雨國內降澍大雨一切諸佛如來力故三世諸佛真實力故慈悲心故莎呵

今時世尊說此呪已告龍王言若天旱時欲請雨者其請雨主必於一切諸衆生等起慈悲心若有比丘及比丘尼必須戒行本來清淨若曾違犯七夜輕重懺悔若在俗人亦須於前七日七夜日別須受八關齋戒乃至請雨行道之日志須清淨無得懈慢當於空地實淨土上除去沙礫無諸棘草方十二步以為道場場中起壇方十步壇高一尺用犍牛糞取新淨者周匝泥壇於壇中央施一高座座上敷設新青淨褥張新青帳從高座東量三肘外用牛糞汁畫作龍王一身三頭亦畫彼龍左右眷屬圍遶龍王從

高座南量五肘外畫作龍王一身五頭亦畫諸龍左右圍遶

從高座西量七肘外畫作龍王一身七頭亦畫諸龍左右圍遶

從高座北量九肘外畫作龍王一身九頭亦畫諸龍左右圍遶

其壇四角安四華瓶各容三升又以金精或復石黛和水令清恣使瓶滿種種華木諸雜華藥插著瓶內道場四門各各置一大妙香爐燒種種香熏陸沉水蘇合栴檀及安息等四角各懸青幡七枚合二十八幡各長一丈然蘇油燈亦隨幡數設諸雜果蘇酪乳糜安置四面

諸龍王前散華燒香勿令斷絕其果飲食及以瓶水日別使新不得滿宿恒以晨朝日初出時施設供具

讀經之者一日三時香湯澡浴著新青衣持齋靜思惟食蘇酪及乳糜等粳米果菜若大小便又須澡浴

昇高座時先礼十方一切諸佛燒香散花奉請十方一切諸佛諸大菩薩及以一切諸天龍王

其誦呪人為護身故或呪淨水或呪白灰自心繫念以結場界或於一步乃至多步若水若灰用為界畔又呪縷綖為結繫頂及以手足當呪水時散灑頂上及灑額上應作是念有惡心者不得入此壇場界內其誦呪者於諸衆生恒起慈心勿生惡念又願以此礼佛念誦及諸功德迴施一切諸天龍王并及含識有形之類

昇法座時高聲讀誦此經及呪晝夜不絕若一七日若二七日遠至三七日必降甘雨除不專念無慈心人及穢濁者

佛告龍王海水潮來尚可盈縮此言真實決定不虛時諸龍王蒙佛教已歡喜踊躍頂礼奉行

大雲輪請雨經卷下

癸卯歲高麗國大藏都監奉
勅彫造

大方等大雲經請雨品第六十四

大

周宇文氏天竺三藏闍那耶舍譯

如是我聞一時佛在難陀優波難陀
龍王宮中大威德摩尼寶藏雲輪輦
上與大比丘及諸菩薩摩訶薩衆復
有大龍王等其名曰難陀龍王優波
難陀龍王娑伽羅龍王阿耨達多龍
王摩那斯龍王婆樓那龍王德叉迦
龍王提頭賴吒龍王娑修騶龍王目
真隣陀龍王伊羅跋那龍王分陀羅
龍王威光龍王善威龍王電冠龍王
大摩尼寶髻龍王摩尼珠髻龍王光
頂龍王帝釋峯仗龍王帝釋幢龍王
帝釋杖龍王閻浮幢龍王善和龍王
大輪龍王大地龍王火光味龍王月
曜龍王慧威龍王善現龍王善見龍
王善住龍王摩尼瓔龍王興雲龍王
持雨龍王大忿吒聲龍王小忿吒聲
龍王奮迅龍王大頂龍王深聲龍王
大聲龍王大雄猛龍王優波羅龍王
大步龍王螺髻龍王質多羅仙龍王
持大索龍王伊羅樹荼龍王先發言

龍王驢耳龍王商佉龍王達陀羅龍
王優婆達陀羅龍王和靜龍王安靜
龍王毒地龍王大毒地龍王大力龍
王呼律龍王阿波羅羅龍王濫佛龍
王金彌賒龍王烏色龍王因陀羅仙
龍王那荼龍王優波那荼龍王金復
羅龍王陀毗荼龍王端正龍王象耳
龍王猛利龍王黃目龍王電光龍王
大電光龍王天力龍王金婆羅龍王
妙蓋龍王甘露龍王得道泉龍王琉
璃光龍王金跋龍王金光龍王月光
相龍王日光龍王始興龍王牛頭龍
王白相龍王黑相龍王耶摩龍王沙
彌龍王門籌迦龍王僧伽荼龍王尼
民陀羅龍王持地龍王千頭龍王摩
尼頂龍王滿願龍王細雨龍王須弥
那龍王瞿波羅龍王仁德龍王善行
龍王宿德龍王蛟龍王蛟頭龍王持
毒龍王地身龍王蓮華龍王大尾龍
王騰轉龍王可畏龍王善光龍王五
頭龍王婆利羅龍王妙車龍王優多
羅龍王長尾龍王大頭龍王賓比迦
龍王醜相龍王鳥形龍王三頭龍王

龍仙龍王大威龍王火德龍王恐人
龍王炎光龍王七頭龍王現大身龍
王愛現龍王大惡龍王淨威龍王妙
眼龍王大毒龍王炎肩龍王火害龍
王急德龍王寶雲龍王大雲龍王帝
釋光龍王波陀波龍王月雲龍王海
雲龍王大香華龍王華出龍王赤目
龍王大相幢龍王大雲藏龍王降雪
龍王威德藏龍王雲戟龍王持夜龍
王降雨龍王雲雨龍王大雨龍王火
光龍王雲王龍王無瞋龍王鳩鳩婆
龍王那伽首羅龍王閼隣提龍王雲
蓋龍王應祁羅目佉龍王威德龍王
雲生龍王無盡步龍王妙相龍王大
身龍王大腹龍王安審龍王丈夫龍
王歌歌那龍王贊頭羅龍王猛毒龍
王妙聲龍王甘露堅龍王大散雨龍
王礫聲龍王雷相擊聲龍王鼓震聲
龍王注甘露龍王天帝鼓龍王霹靂
音龍王首羅仙龍王那羅延龍王涸
水龍王毗迦吒龍王如是等一切大
龍王衆而為上首復有八万四千百
千億那由他諸龍皆來會坐

時彼一切諸龍王等從座而起各整衣服右膝著地向佛合掌以無量無邊阿僧祇種種微妙華香塗香末香華冠衣服寶幢幡蓋龍華寶貫真珠瓔珞寶華繒絲真珠羅網覆如來上作衆妓樂擊掌歌讚起大般重奇特之心遶百千匝却住一面住一面已咸發願言願一切世界海微塵等身海一切諸佛菩薩衆海過一切世界海已過所有一切地水火風微塵等所有一切色明微塵數海已過無量不思議無等不可說阿僧祇數諸身海一一身中化作無量阿僧祇諸手海雲遍滿十方一一微塵分中一切供養海雲遍滿十方供養一切諸佛菩薩衆海恒不斷絕如是無量不可思議無等不可說阿僧祇普賢行身海雲遍滿虛空住持不絕如菩薩身海雲一切輪相海雲一切寶冠海雲一切大明寶藏輦海雲一切末香樹藏海雲一切香煙現諸色海雲一切音樂聲海雲一切香樹海雲如是無量不可思議無等無數不可說阿僧

祇一切供養海雲遍滿虛空住持不
絕供養恭敬尊重承事一切諸佛菩
薩衆海一切莊嚴境界電光藏摩尼
王海雲遍滿虛空住持不絕供養恭
敬尊重承事一切諸佛菩薩衆海一
切普明寶雨莊嚴摩尼王海雲一切
寶光炎順佛音聲摩尼王海雲一切
佛法音聲遍滿摩尼寶王海雲一切
普門光明寶化佛海雲一切衆光明
莊嚴顯現不絕摩尼寶王海雲一切
光炎順佛聖行摩尼寶王海雲一切
顯現如來不可思議佛剎殿光明摩
尼王海雲一切妙寶色明徹三世佛
身摩尼王海雲如是一切諸寶光色
遍滿虛空住持不絕供養恭敬尊重
承事一切諸佛菩薩衆海一切不壞
妙寶香華輦海雲一切無邊色摩尼
寶王莊嚴輦海雲一切寶燈香炎輦
海雲一切真珠妙色輦海雲一切華
臺輦海雲一切寶冠莊嚴輦海雲一
切十方光炎遍滿莊嚴不絕寶藏輦
海雲一切無邊顯現勝寶莊嚴輦海
雲一切遍滿妙莊嚴輦海雲一切門

欄華鈴羅網輦海雲如是等遍滿虛空住持不絕供養恭敬尊重承事一切諸佛菩薩衆海

一切妙金寶瓔珞藏師子座海雲一切紺摩尼閻浮檀妙色蓮華藏師子座海雲一切摩尼寶幢火色妙花藏師子座海雲一切寶莊嚴妙色蓮華藏師子座海雲一切樂見因陀羅蓮華光藏師子座海雲一切樂見無盡炎光蓮華藏師子座海雲一切寶光普照蓮華藏師子座海雲一切佛音聲蓮華光藏師子座海雲如是等遍滿虛空住持不絕供養恭敬尊重承事一切諸佛菩薩衆海

復出一切妙香摩尼樹海雲一切栴周匝合掌出香氣樹海雲一切莊嚴現無邊明色樹海雲一切華雲出寶樹海雲一切出無邊莊嚴藏樹海雲一切寶輪炎電樹海雲一切示現菩薩半身出栴檀末樹海雲一切不思議無邊樹神莊嚴菩薩道場樹海

雲一切寶衣蔽日電光明樹海雲一
切遍出真妙音聲喜見樹海雲有如
是等遍滿虛空住持不絕供養恭敬
尊重承事一切諸佛菩薩衆海復出
一切無邊寶色蓮華蔽師子座海雲
一切周匝摩尼王電蔽師子座海雲
一切瓔珞莊嚴蔽師子座海雲一切
妙寶冠燈炎蔽師子座海雲一切圓
音出寶雨蔽師子座海雲一切華冠
香華寶蔽師子座海雲一切佛座現
莊嚴摩尼王蔽師子座海雲一切欄
栴垂瓔珞莊嚴蔽師子座海雲一切
摩尼寶樹枝葉末香蔽師子座海雲
一切妙香寶鈴羅網普莊嚴日電蔽
師子座海雲有如是等遍滿虛空住
持不絕供養恭敬尊重承事一切諸
佛菩薩衆海

復出一切如意摩尼寶王帳海雲一
切因陀羅寶華臺諸華莊嚴帳海雲
一切香摩尼帳海雲一切寶燈炎相
帳海雲一切佛神力出聲摩尼寶王
帳海雲一切顯現摩尼妙衣諸光莊
嚴帳海雲一切華光炎寶帳海雲一

切羅網妙鈴出聲遍滿帳海雲一切
無盡妙色摩尼珠臺蓮華羅網帳海
雲一切金花臺火光寶幢帳海雲一
切不可思議莊嚴諸光瓔珞帳海雲
如是等遍滿虛空住持不絕供養恭
敬尊重承事一切諸佛菩薩衆海
復出一切雜妙摩尼寶蓋海雲一切
無量光明莊嚴華蓋海雲一切無邊
色真珠蔽蓋海雲一切佛菩薩慈門
音摩尼王蓋海雲一切妙色寶炎華
冠蓋海雲一切寶光明莊嚴垂鈴羅
網蓋海雲一切摩尼樹枝瓔珞蓋海
雲一切日照明微炎摩尼王諸香煙
蓋海雲一切栴檀末蔽普熏蓋海雲
一切極佛境界電光炎莊嚴普遍蓋
海雲如是等遍滿虛空住持不絕供
養恭敬尊重承事一切諸佛菩薩衆海
復出一切寶明輪海雲一切寶炎相
光輪海雲一切華雲炎光輪海雲一
切佛化寶光明輪海雲一切佛剎現
八光輪海雲一切佛境界普門音寶
枝光輪海雲一切琉璃寶性摩尼王
炎光輪海雲一切衆生念時現色相

光輪海雲一切佛妙願生大震聲光
輪海雲一切化衆生衆會音摩尼王
光輪海雲如是等遍滿虛空住持不
絕供養恭敬尊重承事一切諸佛菩
薩衆海

復出一切摩尼藏炎海雲一切佛色
聲香味觸炎海雲一切寶炎海雲一
切佛法振聲遍滿炎海雲一切佛刹
莊嚴電炎海雲一切華輦炎海雲一
切寶光炎海雲一切劫數佛出音聲
化衆生炎海雲一切無盡寶華鬘現
諸衆生炎海雲一切座現莊嚴炎海
雲如是等遍滿虛空住持不絕供養
恭敬尊重承事一切諸佛菩薩衆海
復出一切無邊色寶光海雲一切摩
尼寶王普光海雲一切極佛刹土莊
嚴電光海雲一切香光海雲一切莊
嚴光海雲一切佛化光海雲一切雜
寶樹華光海雲一切衣光海雲一切
無邊菩薩行音摩尼王光海雲一切
真珠燈光海雲如是等遍滿虛空住
持不絕供養恭敬尊重承事一切諸
佛菩薩衆海

復出一切不思議雜香華海雲一切
寶炎蓮華羅網海雲一切無量色摩
尼寶光輪海雲一切真珠寶色藏海
雲一切寶栴檀末香海雲一切寶蓋
海雲一切淨妙音聲摩尼王海雲一
切日照摩尼寶輪海雲一切無邊寶
藏海雲如是等一切普賢身海雲遍
滿虛空住持不絕供養恭敬尊重承
事一切諸佛菩薩衆海

時彼一切龍王作如是等迴向事已
遶佛三匝接足頂礼承佛威神各復
本座

今時衆中有一龍王名無邊莊嚴海
雲威德輪蓋於三千大千世界龍王
之中取為勝大得不退轉本願力故
受此龍身為欲供養恭敬礼拜如來
聽受正法故來至此閻浮提內時彼
龍王從座而起整理衣服偏袒右肩
右膝著地合掌向佛而作是言世尊
我今有疑欲問如來至真等正覺若
佛聽許我乃敢問作是語已今時世
尊告無邊莊嚴海雲威德輪蓋龍王
言龍王若有疑者恣聽汝問吾當為

汝分別解說令汝歡喜作是語已時
無邊莊嚴海雲威德輪蓋龍王即白
佛言世尊云何使諸龍王滅一切苦
得受安樂受安樂已於此閻浮提內
時降甘雨生長一切樹木叢林藥草
苗稼皆出滋味使閻浮提中一切人
等悉受快樂作是語已

今時世尊告無邊莊嚴海雲威德輪
蓋龍王言善哉善哉汝今為彼諸衆
生等作利益故能問如來如是等事
龍王汝於今者諦聽諦聽善思念之
吾當為汝分別解說龍王有一法汝
等若能具足行者令一切龍除滅諸
苦具足安樂何者一法謂行大慈龍
王若有天人行大慈者火不能燒水
不能溺毒不能害刀不能傷他方怨
賊不能侵掠若睡若悟皆得安隱行
大慈力有大威德諸天世等不能擾
惱形貌端嚴衆所愛敬所行之處一
切無旱諸苦滅除心得歡喜諸樂具
足大慈力故命終之後得生梵天龍
王若有天人行大慈者獲如是等無
量利益是故龍王身口意業常應須

行彼大慈行

復次龍王有陀羅尼名與一切安樂
汝等常須讀誦受持能滅一切諸龍
苦惱與其安樂於閻浮提中雨澤以
時能令一切樹木叢林藥草苗稼皆
出滋味龍王何者是與一切安樂陀
羅尼今為汝說

多^上經^地也他陀羅尼陀羅尼優多羅

尼三波羅脰師都^反都^{德履}毗闍耶跋蘭

都羅底耶^{余架}波羅脰若娑羅呵若

都跋底優多波陀尼毗都呵尼

阿毗徒移遮尼阿毗毗耶呵邏

輸婆跋鞞阿時摩多嚩唎^{顯利}

婆羅毗婆呵呵羅鷄梨舍頭都

波波輸陀耶摩勒伽尼梨呵歌達

摩多輸^{書橋}陀盧歌毗脰眉羅

羅闍娑獨佉餘摩都薩婆佛陀婆

盧歌都阿地師^瑟耻底^疑波羅若都

鞞莎婆呵

龍王此是與一切安樂陀羅尼諸佛
所持汝等當須受持讀誦吉事成就
得入法門獲安隱樂

復次龍王有大雲所生威神莊嚴切

德智相雲輪水蔽化金色光毗盧遮
那一毛孔中出於同性諸如來名号
汝等亦須憶念受持彼諸如來名号
能滅一切所有諸龍種性一切龍王
眷屬徒衆并諸龍女生龍宮者所有
苦惱與其安樂是故龍王應當稱彼
一切如來名号

南無毗盧遮那藏大雲如來

南無性現出雲如來 南無持雨雲如來

南無威德雲如來 南無大興雲如來

南無大散風雲如來 南無大睽電雲如來

南無大勇步雲如來 南無善喜雲如來

南無大密雲如來 南無大雲輪如來

南無光雲如來

南無大師子座雲如來

南無大蓋雲如來 南無大善現雲如來

南無覆雲如來

南無光輪普遍十方雷鼓震聲起雲

如來

南無大寒結戰噤雷深聲雲如來

南無布雲如來 南無虛空雨雲如來

南無疾行雲如來 南無乘雲如來

南無現雲如來 南無廣雲如來

南無沫雲如來

南無雷雲如來

南無際雲如來

南無等衣雲如來

南無潤生稼雲如來

南無乘上雲如來

南無飛雲如來

南無伍雲如來

南無散雲如來

南無大優波羅雲如來

南無大香體雲如來

南無大踊雲如來

南無大自在雲如來

南無大光明雲如來

南無大威德雲如來

南無得大摩尼寶雲如來

南無降伏雲如來

南無根本雲如來

南無忻喜雲如來

南無散非時電雲如來

南無大空高響雲如來

南無大發聲雲如來

南無大降雨雲如來

南無施色力雲如來

南無大雨六味雲如來

南無大力雨雲如來

南無能滿海雲如來

南無旱時注雨雲如來

南無無邊色雲如來

南無一切大雲亦現閻浮飛雲威德

明雲光一切諸如來至真等正覺

龍王汝等若能稱彼佛名一切諸龍

所有苦厄皆悉解脫普獲安樂得安樂已於此閻浮提內風雨隨時令諸藥草樹木叢林悉皆生長

今時無邊莊嚴海雲威德輪蓋龍王復白佛言世尊惟願如來為我說此陀羅尼章句使閻浮提末世之中旱時降雨飢饉惡世多饒病死非法亂行人民恐怖妖星變恠灾厲相續有如是等無量苦惱以佛力故悉得滅除世尊大慈愍諸衆生住持說此所有陀羅尼章句告諸龍知能使諸天歡喜踊躍能破散一切諸魔一切衆生身中所有苦難并及惡星變恠灾障除滅又復如來曾說五種雨障亦皆消滅彼障除已使此閻浮提內雨澤以時惟願如來為我等說作是語已佛讚無邊莊嚴海雲威德輪蓋龍王言善哉善哉龍王汝今為諸衆生利益安樂能請如來說此神呪龍王諦聽諦受善思念之我為汝說有陀羅尼名大慈所生雲聲震吼奮迅健相一切諸佛已曾宣說住持隨喜為諸衆生利益安樂旱時降雨雨時能

止飢饉疾疫恚能滅除普告諸龍令
使得知復令諸天歡喜踊躍散一切
魔安隱衆生

多^上姪他摩訶若那婆婆娑臆尸梨

佉殊落叉咩^{音列下同}提梨茶毗迦羅摩

跋闍羅僧伽多臆波羅摩毗羅闍泥

摩羅求那鷄^{經岐反}兜修梨耶波羅鞞

毗摩楞伽耶師致婆羅婆羅三婆

羅三婆羅至臆^{徒威反}鞞阿那^上呵那^上

摩^上訶波羅薛^{蒲閉反}毗頭多摸訶寒陀

迦隸波蘭若伽邏首第波梨富樓那

迷夷佉隸迷夷多羅帝羅摩那婆

捷帝迷夷多羅浮歇子利杜羅杜

羅杜羅杜羅杜邏浮歇子利捕捷

伽俱數咩陀隸婆利遮^上兜鞞餘何

羅提阿沙吒陀隸鞞尼迦佛陀達咩

輸婆摩帝分若羅拖叔迦邏達摩

娑摩泥鞞帝鉗毗子利毗邏杜肆雞

^{經岐反}毗富茶毗施沙波羅鉢帝尸羅

娑羅婆達弥薩婆盧迦匙沙吒施

離沙吒婆羅波羅婆子利阿耨多

子利阿僧祇陀囉陀囉提唎提唎

杜嚕杜嚕餘塞多摩帝餘塞多波

闇遮^上
遮^上
邏^上
遮^上
邏^上
遮^上
邏^上
盲利

百利主魯主魯波邏遮佛陀奴摩帝

摩訶般利若波羅蜜帝 莎婆訶

南無智海毗盧遮那藏如來

南無一切諸佛菩薩

一切諸佛菩薩實力故勅一切諸龍

於此閩浮提內降注大雨除滅五種

雨之障旱

多姓他娑^上囉^上娑^上囉^上徒^上喇^上徒

喇素^上 路素^上 路那^去 南^去 閻婆^上 閻

婆^上時毗時毗
樹附樹附

佛實力故大龍王等速來於此間浮

提中降注大雨

遮^上羅^上遮^上羅^上只利只利朱^上路^上

朱上
路
諸佛如來實力故咄諸龍王

於此閭浮提中降注大雨

渡女^上 羅^上 婆^上 羅^上 毗^上 利^上 毗^上 利^上

浮漏浮漏

一切諸佛菩薩威神之力大乘真實

行力故諸龍王等速來至此各各憶

念諸佛佛法及菩薩行起於慈心悲

心喜心及以捨心

婆羅婆羅
反補賀囉
轉舌言
之餘同
以上
梨
以上
毗梨

上 苦嚕苦^上嚕

大音^意氣龍王慈心正念妙密佛法

持大雲雨速來至此

伽^上茶^上伽^上茶^上祁^上堀^上祁^上堀^上

瞿厨瞿^上厨^上

一切諸佛實力故大健瞋者大疾行

者睽電舌者治諸惡毒來起慈心於

閻浮提降注大雨莎波呵

多^上吒^上多^上吒^上底致底致斗畫斗畫

金剛密迹實力故頭戴大摩尼天冠

弛相身者念三寶力於此閻浮提中

降注大雨莎波呵

迦^上邏^上迦^上邏^上枳^反利枳利炬魯

炬魯

如來實力故令金剛密迹勅彼住大

水者乘大雲者起慈悲心速來於閻

浮提中降注大雨

荷囉羅^上荷囉羅^上兮利嚩^上兮利

唎^上候陋婁^上候陋婁

三世諸佛實力故令一切諸龍捨於

睡眠

伽^上摩^上伽^上摩^上耆^上弭耆弭求謀

求謀沙婆呵

我勅一切諸龍王等起大慈心為菩
提本

部羅部羅 尼梨尼梨 呬婁呬婁
莎波呵

咄咄龍等種種異形千頭可畏赤眼
大力大蛇身者我今勅汝憶念取上
慈悲威神功德滅煩惱者一切如來
名字

伽^上茶^上伽^上茶^上耆^上遲^上耆^上遲^上
瞿^上厨^上瞿^上厨^上莎波呵

無導大力奪人色力者於此閻浮提
中降注大雨

舍囉舍囉^上尸梨尸利輸^上嚧^上輸^上
嚧^上莎波呵

一切諸天實力故咄咄諸大龍念自
種性速來於此閻浮提中降注大雨
莎波呵

大梵天王實行力故令諸龍王於閻
浮提降注大雨莎波呵

天主帝釋實行力故令諸龍王於閻
浮提降注大雨莎波呵

四大天王實行力故令諸龍王於閻
浮提降注大雨莎波呵

八人實行力故令諸龍王於閻浮提
降注大雨莎波呵

須陀洹實行力故令諸龍王於閻浮
提降注大雨莎波呵

斯陀含實行力故令諸龍王於閻浮
提降注大雨莎波呵

阿那含實行力故令諸龍王於閻浮
提降注大雨莎波呵

阿羅漢實行力故令諸龍王於閻浮
提降注大雨莎波呵

辟支佛實行力故令諸龍王於閻浮
提降注大雨莎波呵

菩薩實行力故令諸龍王於閻浮提
降注大雨莎波呵

諸佛實行力故令諸龍王於閻浮提
降注大雨莎波呵

一切諸天實行力故能速滅除一切
災障苦惱莎波呵

一切諸龍實行力故能速降雨潤此
大地莎波呵

一切夜叉實行力故能速覆護一切
衆生莎波呵

一切捷闍婆實行力故能速滅除一

陀羅大雲威德喜樂尊大龍王身體
清涼持大風輪諸佛實力故放六味
雨莎波呵

伽^上邏^上伽邏^上岐^上利^上具^上魯^上具

魯其利尼其利尼求魔求魔求魔
求魔求魔求魔求魔求魔求魔
九頭龍母勅告首冠大雲睽電華冠
者持一切龍者著雲衣服者攝諸境
界有毒氣者乘雲莊嚴者雷聲遠震
能告龍衆者大雲圍遶者諸佛實力
故令閻浮提降雨勿停莎波呵

野邏野邏逸利逸利喻屢喻屢

樹屢樹屢市利市利社邏社邏

社邏社邏求茶求茶求茶求茶伽茶

伽茶耆遲耆遲呵邏呵邏醯利醯

利牟樓牟樓多羅多羅佉利佉利

兜陁兜陁呵那呵那陀呵陀呵波遮

波遮奇利醯那奇利醯那末利陀

末利陀鉢羅末利陀

彌勒菩薩告勅除一切雨障莎波呵

佛提佛提浮佛提浮佛提

令諸衆生持佛功德除一切障業重罪

陀羅尼默離輸婆摩^上佉求那伽

羅波羅波泥摩^上訶若奴盧枳軟歌

羅達弥薩吒波羅底若摩訶耶那

殊使佉盧歌蛇使知^上婆伽婆底佛陀

弥帝餘阿不邏耶薩婆耆多羅尼

輸迦離陀卑當婆離般荼羅婆私

賦頭頭餘頭頭陁餘摩餘摩羶多

摩那賜除一切雨障莎波呵

三世諸佛實力故慈心故正行精進

心故勅召一切諸大龍王

我勅持無邊海莊嚴威德輪蓋大龍

王於閻浮提降澍大雨莎波呵

我勅難陀優波難陀龍王於閻浮提

降澍大雨莎波呵

我勅娑伽龍王於閻浮提降澍大雨

莎波呵

我勅阿耨達多龍王於閻浮提降注

大雨莎波呵

我勅摩那斯龍王於閻浮提降注大

雨莎波呵

我勅婆婁那龍王於閻浮提降注大

雨莎呵

我勅德迦龍王於閻浮提降注大

雨莎呵

我勅提頭賴吒龍王於閻浮提降注
大雨莎呵

我勅婆修鞞龍王於閻浮提降注大
雨莎呵

我勅目真隣陀龍王於閻浮提降注
大雨莎呵

我勅伊羅跋那龍王於閻浮提降注
大雨莎呵

我勅分荼羅龍王於閻浮提降注大
雨莎呵

我勅大威光龍王於閻浮提降注大
雨莎呵

我勅威賢龍王於閻浮提降注大雨
莎呵

我勅電冠龍王於閻浮提降注大雨
莎呵

我勅大摩尼毖龍王於閻浮提降注
大雨莎呵

我勅戴摩尼毖龍王於閻浮提降注
大雨莎呵

我勅光毖龍王於閻浮提降注大雨
莎呵

我勅如是等一切龍王於閻浮提降

那祇那祇摩訶那祇

瞿羅摩那

賜那伽越

喜梨

梨陀移

頭摩鳩隸

優伽羅路徒

波羅旃陀伍致

毗數

祇隸阿尸毗徒

阿越瞿隸

頡梨師

那米伽上隸旃遮隸

盧羅嗜越避

摩訶頗那佉隸

佉羅波施

勞陀羅

波尸尼

頭冲避

婆羅婆娑羅

庇利

庇利富魯富魯

毗私呼

方不

婁闍尼

浮魯浮魯

摩訶蒲祇

摩尼陀隸

匹利匹利

副陋副陋

破羅破羅

婆利沙婆利沙

闍藍浮陀隸睽浮

睽浮婆羅訶翅

那上吒

那上吒株

中脾忡忡忡脾

弥伽波羅脾

弥伽婆越尼

茶佉茶佉茶佉

茶沉

脾伽上那

伽那

棄尸

棄尸

歌那歌

那伽上那

伽那

摩上訶那

伽上伽

伽上

那尼羅多羅絲波闍羅得歌利

摩訶那伽越梨陀耶

瞿摩瞿摩

瞿摩波耶

阿私鞞歌承伽利

浮承

伽弥

毗歌吒

僧歌吒瞿隸

毗私呼

盧

闍泥

毗闍波女訶泥

我召集一切諸龍等於闍浮提降注

大雨一切諸佛力故三世諸佛實力
故慈心故莎呵

今時世尊說此呪已告龍王言若天
旱時欲請雨者須於露地實淨土上
除去沙礫無諸棘草方十二步以為
道場場中起壇辟方十步壇高一尺
用犢牛糞取新淨者周匝泥之於壇
中央施一高座座上敷新青氍毹張新
青帳從高座東量三肘外用牛糞汁
畫作龍王一身三頭龍王左右畫作
種種諸龍圍遶高座南方去五肘外
畫作龍王一身五頭亦畫諸龍左右
圍遶高座西方去七肘外畫作龍王
一身七頭亦畫諸龍左右圍遶高座
北方去九肘外畫作龍王一身九頭
亦畫諸龍左右圍遶其壇四角安四
華瓶各容三升以金精若青黛等和
水令清悉使滿瓶種種草木華葉挿
置瓶內道場四門各施一大香爐燒
種種香熏陸沉水蘇合栴檀及安息
等四面各懸青幡七枚合二十八幡
幡長一丈然蘇油燈亦隨幡數諸雜
果蘇酪乳糜安置四面諸龍王前散

華燒香不令斷絕其果飲食及瓶水
日日須新不得用古恒以陵晨日初
出時施設供具讀經之人若比丘比
丘尼必須戒行清淨若在俗人日日
受持八禁齋戒一日三時香湯洗浴
著新青衣持齋靜思比丘亦尔唯得
食蘇酪乳糜粳米果菜大小便竟必
須澡浴昇高座時先礼十方一切諸
佛燒香散華請十方一切諸佛諸大
菩薩及以一切諸天龍王為衆生故
恒起慈心不生惡念以此礼佛及諸
功德迴施一切諸天龍王并及含識
有形之類昇法座時高聲讀經晝夜
不絕若一七日若二七日乃至三七
日中必降甘雨佛告龍王海水潮來
尚有盈縮此言真實決定不虛時諸
龍王蒙佛教已歡喜踊躍頂礼奉行
大方等大雲經請雨品第六十四

癸卯歲高麗國大藏都監奉
勅彫造

諸法無行經卷上

五

地素龜茲三歲鳩摩羅什譯

如是我聞一時佛在王舍城耆闍崛
山中共大比丘僧五百人俱菩薩九
萬二千人其名曰衆德莊嚴菩薩摩
訶薩師子遊步菩薩光無障淨王菩
薩高山頂自在王菩薩愛喜淨光菩
薩光蔽日月菩薩妙淨鬘菩薩身出
蓮華光菩薩梵自在王音菩薩遊戲
世師子王音菩薩金色淨光威德菩
薩柔軟身菩薩金色相莊嚴身菩薩
十光破魔力菩薩諸根威儀善寂菩
薩德如高山菩薩天音聲菩薩法力
自在遊行菩薩山德淨身菩薩妙德
菩薩摩訶薩如是等九萬二千人俱
時師子遊步菩薩見是大會即從座
起偏袒右肩右膝著地合掌向佛以
偈問曰

世尊大導師名德稱無量今此大衆集
願說寂滅法邪見諸愛憍嫉妬瞋恚性
云何即是道大音方便說云何涅槃相
與世法無異諸法無有二大悲為演說

云何諸法性畢竟無有尋其性如涅槃
亦同於解脫無縛亦無解亦復如虛空
迦羅頻伽音大梵清淨聲身色喻天金
淨命無量德演說實相法畢竟無縛解
云何此五蓋而等於菩提云何是菩提
即同諸業性是法是非法云何同一相
如是畢竟淨唯願為演說無數無非數
諸法畢竟滅一切種智相及以菩提道
二法云何無惟願為演說無作無非作
無著無非著畢竟無衆生諸法中無尋
無戒無忍辱亦無有毀戒無智亦無慧
亦無非智慧是法常清淨惟願為演說
云何一切法寂滅如虛空無心心數法
無見斷證修一切諸衆生同如虛空相
一相法亦無心行亦叵得諸法無生滅
無學無羅漢亦無辟支佛亦無求菩薩
無住無休止無來亦無去諸法無動相
常住如須弥無相亦無色色性即是道
色性佛道一如是法願說云何無佛法
亦無有衆僧是三寶一相惟願為演說
無空無無相亦無有無作不合亦不散
名相法亦無諸法畢竟空如響無作者
無生無無生無滅無往來無天無龍神

夜叉緊那等無人無地獄無餓鬼畜生
無衆生五道願說如是法如導世師人
外道非見者其有所演說云何等無二
諸文字語言是法皆一相世尊大慈愍
願開是法門

今時世尊讚師子遊步菩薩摩訶薩
言善哉善哉善男子汝所問者甚為
希有一切世間之所難信善男子止
止勿問所以者何新發意菩薩於此
空見無相見無作見無生見無所有
見無取相見佛見菩提見所不能及
善男子如此法者不應在新學菩薩
前說何以故若聞是法或斷善業於
佛道中則行邪道若墮斷滅若墮計
常不知如來以何方便隨宜所說今
時師子遊步菩薩摩訶薩白佛言世
尊哀愍世間願必為說當來世中有
菩薩空見無相見無作見無生見無
所有見無取相見佛見菩提見者分別
是空是無相無作好常讚學勤於事業
樂著文辭以辯說為妙貴於名利如
是之人聞如來說是無文字法畢竟
清淨當捨是諸見是諸菩薩隨衆生

所能信解以方便力而為說法雖說
少欲知足而不以為寂雖說經戒亦
不以為寂雖說在眾過惡亦知一切法
遠離相常稱讚獨處不在憤內而不
以為寂雖讚發菩提心而知心性即
是菩提雖讚大乘經而知一切諸法
皆是大相雖說菩薩道而不分別何
羅漢辟支佛諸佛雖讚布施而通達
布施平等相雖讚持戒而了知諸法
同是戒性雖讚忍辱而知諸法無生
無滅無盡相雖讚精進而知諸法不
發不行相雖種種讚歎禪定而知一
切法常定相雖種種讚於智慧而了
智慧之實性雖說貪欲之過而不見
法有可貪者雖說瞋恚之過而不見
法有可瞋者雖說愚癡之過而知諸
法無癡無尋雖亦眾生墮三惡道怖
畏之苦而不得地獄餓鬼畜生之相
如是諸菩薩雖隨眾生所能信解以
方便力而為說法而自信解一相之
法所謂空無相無作無生無所有無
取相世尊惟願說是不可思議方便
之法一切聲聞辟支佛與新發意菩

薩所不能及但為信解甚深一相法
者說之今時佛告師子遊步菩薩摩
訶薩言善男子汝今諦聽善思念之
吾當為汝解說此義唯然世尊我當
受之今時世尊以偈答曰

若人欲成佛勿壞於貪欲諸法即貪欲
知是則成佛貪欲及患癡無有能得者
是法皆如空知是則成佛見非見一相
著不著亦然此無佛無法知是名大智
如人於夢中得道度眾生無道無眾生
佛法性亦然道場無所得若得則不有
明無明一相知是為世尊眾生即菩提
菩提即眾生菩提眾生一知是為世尊
譬如巧幻師幻作種種事所見無有實
無智數若干貪瞋癡如幻幻不異三毒
凡夫自分別我貪我瞋患如是愚癡人
則墮三惡道實相無貪患癡亦不可得
分別如幻法自生煩惱熱實相無煩惱
無眾生無佛分別無生法凡夫願作佛
不見諸佛法亦不見眾生知是法相者
疾成眾生尊若人求菩提則無有菩提
是人遠菩提譬如天與地知諸法如幻
速成人中上若人分別戒是則無有戒

若有見戒者是則為失戒戒非戒一相
知是為導師如夢受五欲娛樂自快樂
分別見女色此中實無女戒毀戒如夢
凡夫分別二實無戒毀戒知是為導師
凡夫著名字不知語言性名字非名字
知是得無生自謂是菩薩讀誦為人說
已身無所行但依恃種性但讀經求道
常見他人過著威儀文頌見人敬自貴
恃種性文頌不知法實相如是之人等
終不能得佛為說諸法空惡心好諍訟
是人無佛法亦無有菩提知瞋忍同相
達是終不瞋不了衆生性是則生瞋恚
自言菩薩者復作如是說我慈悲一切
成佛度衆生他惱生瞋恚懷忿不與語
常求他人過樂於鬭諍訟亦稱歎忍辱
及說諸法空我心多憍慢常觀他人過
貪著於美味晝夜念五欲是人入城邑
自說度人者悲念於衆生常為求饒益
口雖如是說而心好惱他我未曾見聞
慈悲而行惱辱共相瞋惱願生阿彌陀
若人如恒沙惡口加刀杖如是皆能忍
則生清淨土佛土非佛土知如虛空相
不分別國土及國土功德如是之人等

能生諸佛國 自言忍衆惡 見菩薩如佛
我未曾見聞 佛相而瞋者 各自美毀他
樂擅越知識 言我所教化 護使令如法
汝應我所度 莫親近餘人 彼人行不純
常處於憤內 是人於佛道 不能勤修行
真求佛道者 晝夜各三時 頂礼諸菩薩
應生恭敬心 隨其所行道 不說其過失
若見著五欲 不說其過惡 應當念彼人
久後亦得道 次第行業道 不可頓成佛
或非久發心 是以行此事 勿分別貪欲
貪欲性是道 煩惱先自無 未來亦無有
能如是信解 便得無生忍 觀好惡音聲
知非音聲性 當入無文字 實相之法門
若能信是法 則無婬怒癡 觀貪欲愚癡
即是無量相 是二無文字 以文字故說
諸有文字處 是皆無有實 一切諸音聲
觀是一音性 佛說及邪說 是皆無分別
法雖以言說 實無法無說 能入一相門
則得無上忍 是忍是非忍 勿作是分別
於欲瞋恚心 勿計其中利 知是二無生
當為世中尊 東西南北方 如恒河沙土
皆碎為微塵 一塵為一國 滿中諸珍寶
於無央數劫 供養諸如來 其所得功德

若人聞是經過彼百千倍若有出家人
一心求佛道我囑累是人此秘密要法
若有誦是經及以解其義無量搃持辯
自然皆當得利根無盡慧樂說之辯才
無量億諸佛皆亦與是人諸經妙法寶
自然皆能說

今時師子遊步菩薩白佛言世尊今
說是偈有幾所人得自利益佛言善
男子汝見是大衆不唯然已見佛言
今說此法時會中有無量無數衆生共
集與天龍夜叉乾闥婆阿修羅緊那
羅迦樓羅摩睺羅伽等滿在虛空以
說法之明乃至他方世界多所饒益
九万二千夜叉神皆發阿耨多羅三
藐三菩提心增上慢比丘有五百人
未得謂得聞是法無增上慢得真法信
解一切法皆是一相不受諸法故漏
盡得解脫於是菩薩衆中六万二千
人信解諸法無鄣碍相得無生法忍
何以故如是說法於諸說法中寂為
第一善男子如我於然燈佛所信解
諸法一相無碍然後乃得無生法忍
具足六波羅蜜所以者何若菩薩於

恒河沙劫布施持戒忍辱精進禪定
智慧若不知如是法相是人或能斷
滅一切善根善男子汝見提婆達多
有大功德善根成就三十二大人相
有如是功德不知如是法相故斷滅
善根墮大地獄

善男子當知雖久發心有大功德不
入是法門皆能斷滅善根功德善男
子如過去無量無邊不可思議阿僧
祇劫有佛名高須彌山王如來應供
正遍知明行足善逝世間解無上士
道法御天人師佛世尊壽命九千九
百千万億那由他歲國土名金焰明
其國皆以黃金為地其所說法亦以
三乘度脫衆生其佛初會有八十百
千万億那由他聲聞弟子次第二會
七十百千万億那由他聲聞弟子第
三會六十百千万億那由他聲聞弟子第
四會五十百千万億那由他聲聞弟子
皆得阿羅漢捨諸重擔逮得已利盡
諸有結正智得解脫比丘尼衆倍於
上數優婆塞衆亦倍上數優婆夷衆
亦倍上數菩薩衆亦倍上數皆得阿

惟越致無生法忍皆得無量無邊陀
羅尼門三昧門能轉不退法輪何況
新發菩薩意者又發辟支佛道心者
亦無量無邊善男子今時彼佛會中
弟子衆數無量無邊彼金焰國中皆
以七寶為樹於其實樹常出法音所
謂一切諸法空音無相音無作音無
生音無所有音無取相音其國人民
聞是法音自然皆得諸法實相心得
解脫其佛滅後法住千歲諸寶樹音
亦不復出善男子是高須彌山王佛
以法囑累淨威儀菩薩令守護法囑
累已後便入無餘涅槃時有比丘名
有威儀持戒不淨得四禪四無色定
及五神通善誦毗尼藏樂於苦行不
能善知他心其弟子衆亦皆苦行貴頭
陀法是淨威儀法師持戒清淨於無
所有法中得巧方便復於一時淨威
儀法師將諸弟子到有威儀比丘住
處與共同止淨威儀法師憐愍衆生
故從所住處常入聚落食訖而還教
化百千万家皆作弟子今發阿耨多
羅三藐三菩提心其弟子衆亦善教

化到諸聚落而為說法令若干百千
衆生皆發阿耨多羅三藐三菩提心
有威儀比丘常樂住塔寺其弟子衆
不持淨戒而樂行頭陀有威儀比丘
勤行精進其心決定自以所行化諸
弟子貪著善法有所見得所謂說一
切有為法皆無常皆苦一切法無我
不能善行諸禪定法亦不能善於菩
薩所行之道本心不純故淨威儀法
師善知衆生諸根利鈍知有威儀比
丘心故不復常入聚落其諸弟子如
本不異有威儀比丘見淨威儀法師
諸弟子衆常入聚落生不淨心即鳴
犍椎集衆立制汝等自今已去不應
入於聚落不能一心徐行靜嘿數入
聚落得何等利佛所稱讚阿練若住
處汝等當行禪樂莫好入他家淨威
儀法師諸弟子衆不受其語猶入聚
落後於一時有威儀比丘見從聚落
中出更鳴犍椎集衆說如是言若復
更入聚落者不復得住於此

今時淨威儀法師將護有威儀比丘
故告諸弟子汝等從今已去勿入聚

落即如師教不入聚落。爾時諸人民衆不見其師及諸弟子。故皆懷憂惱。善根退失。淨威儀法師過三月。自恣竟。從是中出。至餘僧坊。於其所止。師徒還入城邑。聚落為人說法。後時有威儀比丘見淨威儀法師還入他家。見其弟子毀失常儀。復生不淨惡心。作是念。是比丘破戒毀戒。何有菩提。便語衆人。是比丘雜行去。佛道甚遠。有威儀比丘起。是業已後。時命終。是業果報。故墮阿鼻大地獄。九百千億劫。受諸苦惱。從地獄出。六十三萬世。常被誹謗。其罪漸薄。後作比丘。三十萬世出家之後。是業因緣。反道入俗。又餘罪業。因緣。故於淨明佛所出家。入道殷勤精進。如救頭然。千萬億歲中。乃至不得柔順。法忍無量。千萬世諸根闇鈍。師子遊步於汝。意去何。爾時有威儀比丘。豈異人乎。勿造斯觀。則我身是我時起。是微細不淨心。受此罪業。墮於地獄。師子遊步。若人。不欲起。是微細罪業者。於彼菩薩。不應起於惡心。菩薩諸所行道。皆當信。

解不應起於瞋恨之心應作是念我不能善知他人心中衆生所行是亦難知善男子如來見是利故常說是法是故行者不應平量於人唯有如來及似如來者乃能知是是故行者若欲自護其身慎莫平量於人而相違逆菩薩若欲脩集佛法常當晝夜勤心專念深發菩薩心者不當好求人長短菩薩若能教三千大千世界中衆生令行十善不如菩薩如一食頃一心靜處念一相法門乃至聞受讀誦解說是人福德勝彼甚多何以故諸菩薩用是法門能滅一切業障罪亦於一切衆生之中離憎愛心便能疾得一切種智尔時文殊師利法王子白佛言世尊如佛所說滅業障罪云何滅業障罪佛告文殊師利若菩薩見一切法性無業無報則能畢滅業障之罪又文殊師利若菩薩見貪欲際即是真際見瞋恚際即是真際見愚癡際即是真際則能畢滅業障之罪又文殊師利若菩薩能見一切衆生性即是涅槃性則能畢滅業障之

罪所以者何若人自有所見即能起
業無知無聞凡夫愚人不知諸法畢
竟滅相故自見其身亦見他人以是
見故便起身口意業是人妄見憶想
分別作是念我是貪欲瞋恚愚癡如
是分別故於佛法中出家學道復作
是念我是持戒修梵行人我當越度
生死得於涅槃免諸苦惱是人分別
諸法是善是不善是應知是應斷是
應證是應修所謂苦應見集應斷滅
應證道應修而復分別一切諸行皆
悉無常一切諸行皆悉是苦一切諸
行皆三毒熾然我當疾捨此有為法
常作如是思惟於諸行中種種取相
而生厭心

尔時便作是念見諸行如是是名見
苦惡厭諸行是名斷集分別諸行見
於滅諦即作是念我今見滅是名證
滅我當脩道便至靜處念如是法作
是念已攝心定住是人先得厭心今
得定心故於諸行中心便捨離而自
愧厭不喜不樂復作是念我今於一
切法中已得解脫更無所作我身已

得阿羅漢道是人命終之時見受生處即菩提中心生疑悔以此疑故命終之後墮大地獄何以故是人於無生法中而分別故

今時文殊師利法王子白佛言世尊今云何應觀四聖諦佛告文殊師利若行者能見一切法即是無生性是名見苦苦能見一切法不集不起是名斷集若能見一切法畢竟滅相是名證滅若能見一切法無所有性是名修道文殊師利若行者能如是見四聖諦是人不作如是分別是法善是法不善是法應見是法應斷是法應證是法應修所謂苦應見集應斷滅應證道應修所以者何凡夫所行貪欲瞋恚愚癡行者見是法皆空無生無所有不可分別但積集虛妄今時於法無所取無所捨於三界中心無所尋見一切三界畢竟不生見一切善不善法虛誑不實如幻如夢如影如響如焰行者見貪欲性即是涅槃性瞋恚性即是涅槃性愚癡性即是涅槃性若能見一切法性如是便

於一切衆生之中不起憎愛所以者何是行者不得是法若生愛處若生憎處安住虛空中乃至不見佛不見法不見僧是則不見一切法若不見一切法於諸法中則不生疑不生疑故則不受一切法不受一切法故則自寂滅文殊師利長老須菩提知如是法故不來扎佛足須菩提尚不得自身何況得如來身不得自身而得如來身者無有是處

文殊師利復白佛言世尊行者云何應觀四念處佛告文殊師利當來世有比丘如是說觀內身處若觀不淨是身念處觀樂皆苦是受念處觀心生滅性是心念處觀壞和合相但得法相是法念處文殊師利白佛言世尊今云何真觀四念處佛言止止文殊師利不洎問也如來隨宜說法難可得解文殊師利言世尊愍念衆生故願必為說佛告文殊師利若行者見身如虛空是為身念處若行者見受不得內外兩間是為受念處若行者知心唯有名字是為心念處若行者

不得善法不得不善法是為法念處
文殊師利應如是觀四念處文殊師
利復白佛言世尊行者云何應觀八
聖道分

佛告文殊師利若行者見一切法平
等無二無分別是名正見見一切法
無思惟無分別以是見故是名正思
惟見一切法無言說相善修語言平
等相故是名正語見一切法不作相
作者不可得故是名正業不分別正
命邪命善修習平等命故是名正命
不發不起一切法以無所行故是名
正精進於一切法無所憶念諸憶念
性難故是名正念見一切法性常定
以不散不緣不可得故是名正定文
殊師利行者應如是觀八聖道分文
殊師利復白佛言世尊行者云何應
觀五根
佛告文殊師利若行者信一切法畢
竟不生從本已來常自尔故是名信
根於一切法中心無所住遠近相離
故是名精進根於一切法無所憶念
緣性難故不繫念於緣是名念根於

一切法無所思惟二法不可得故是名定根見一切法常空離於生相是名慧根文殊師利行者應如是觀五根文殊師利復白佛言世尊行者六何應觀七菩提分

佛言文殊師利行者能見一切法無憶念是名念菩提分若一切法若善若不善若無記不可選擇不可得無決定故是名擇菩提分若不取一切三界相善壞三界故是名精進菩提分若一切有為法中不生喜相善壞有喜相故是名喜菩提分若一切法中除却其心緣相不可得故是名除菩提分若一切法不可得善修壞相故是名定菩提分若於一切法無所依止不貪不著不見一切法故得捨心是名捨菩提分文殊師利行者應如是觀七菩提分若行者能如是見四聖諦四念處八聖道分五根七菩提分我說是人名為已得度者到於彼岸出在陸地無畏之處已離重擔除諸塵垢是人名為無所有者無所憂者無所受者是名阿羅漢是名沙門是名婆羅門是名比丘

是名澡浴潔淨者是名智者是名解者是名聞者是名佛子是名釋子是名破刺棘者是名却關鍵者是名已度塹者是名出欲求者是名開門扇者是名賢聖勝相者

文殊師利若有比丘成就如是法者於天人世間名為福田應受供養文殊師利是比丘若欲不虛食國中施者破壞魔網者欲度生死海者欲得涅槃者欲脫一切苦惱者欲為一切天人世間作福田者應當勤修習如是之法說是法時三萬二千諸天得諸法實相各以天身陀羅華而散佛上白言世尊若人得聞如是之法是人名為善出家者何況信受讀誦如所說行世尊若有須臾聞是法者是則名為無增上慢

尔時文殊師利法王子白佛言惟願世尊當說陀羅尼以是陀羅尼故令諸菩薩得無尋辯才於諸音聲無所怖畏能令諸法皆作佛法又信解諸法皆是一相佛告文殊師利汝今諦聽當為汝說不動種性法門諸菩薩

得入是法門者能以智慧光明照一切法疾得無生法忍文殊師利白佛言世尊云何名不動處種性法門佛告文殊師利一切衆生其心皆一是名種性世尊云何是事名為種性佛告文殊師利一切衆生皆無有心緣性不可得故是名種性文殊師利一切衆生皆同一量是名種子世尊云何是事名為種性佛言一切衆生皆如虛空量終歸無障碍是名種子文殊師利一切衆生皆是一衆生是名種子世尊云何是事名為種性文殊師利一切衆生皆是一相畢竟不生離諸名字一異不可得故是名種性文殊師利貪欲是不動相世尊云何是事名不動相

佛言文殊師利貪欲是不動相安住法性中以不住故是貪欲不可得性常離故是名不動相文殊師利瞋恚是金剛世尊云何是事名為金剛文殊師利瞋恚不可斷不可壞亦如金剛不可斷不可壞一切法亦如是不可斷不可壞諸法本不決定故是名如金

剛文殊師利愚癡是智慧性世尊云
何是事名智慧性文殊師利一切法
離智慧亦離愚癡譬如虛空無有智
慧亦無愚癡一切法亦如是無有智
慧亦無愚癡智慧愚癡智可知法從
本已來俱寂滅故是名愚癡智慧處
文殊師利色陰是不動處世尊云何
是事名不動處文殊師利如天帝之
幢深根安固不可動搖一切法亦如
是以不住法故安住法性中是法無
來處無去處無取無捨安住無住處
故是故色名不動相文殊師利受陰
是滅性世尊云何是事名為滅性文
殊師利一切諸受相性常寂滅故諸
受非內外非東方非南西方四維
上下来何以故若樂受在內一切衆
生常應受樂若苦受在內一切衆生
常應受苦若不苦不樂受在內一切
衆生應受不苦不樂

文殊師利今一切諸受實不在內不
在外不在兩中間不在東方南西北
方四維上下是故一切諸受如草木
瓦石畢竟不生不滅無相是故受

名寂滅相文殊師利想陰是種性世尊云何是事名為種性文殊師利是想皆憶想分別起從虛妄中生如空拳如野馬本性自離是故想陰名種性文殊師利行陰是種性世尊云何是事名為種性文殊師利一切諸行離數無數入平等數譬如芭蕉畢竟無實本性自尔一切法亦如是無名字無性故是故行陰名為種性文殊師利識陰是種性世尊云何是事名為種性文殊師利是識如幻無實無起無生空無相無性如五指塗空空無相現是故識陰名為種性文殊師利色是種性世尊云何色為種性文殊師利譬如鏡中像雖可目見而無有實一切色亦如是雖見無實但誑眼誑心虛妄不實是故色名種性文殊師利聲是種性世尊云何聲為種性文殊師利一切法無別異相畢竟空如山中響是故聲為種性文殊師利香是種性世尊云何香是種性文殊師利一切法無香相性無知故空如虛空鼻香識者皆不可得是故香為種

性文殊師利味是種性世尊云何味為種性

文殊師利味性即是不可思議性不可知離於知故自性常離故是故味名種性文殊師利觸是種性世尊云何觸為種性文殊師利觸如虛空其性自離無觸無合一切法亦如是善壞身故離於觸相觸者不可得故是故觸是種性文殊師利法是種性世尊云何法為種性文殊師利一切法無相無心離心性離名字無決定故皆是法性相是故法是種性文殊師利地是種性世尊云何地為種性文殊師利一切法無堅相無軟相虛妄和合人以為堅是故地為種性文殊師利水是種性世尊云何水為種性文殊師利一切法無濕無合如野馬無水是故水為種性文殊師利火是種性世尊云何火是種性文殊師利一切法無熱離虛妄熱相本性寂滅離顛倒故分別其實無定無生是故火名種性文殊師利風是種性世尊云何風為種性文殊師利一切法無

障無尋無相無性不動搖故離風相
故是故風名種性文殊師利佛是種
性世尊云何佛為種性文殊師利一
切法無覺無知離知相故是故佛名
種性文殊師利法是種性世尊云何
法為種性文殊師利諸法不可壞不
可斷離壞斷故無相無名無性出言
語道是故法名種性

文殊師利僧是不動相世尊云何僧
為不動相文殊師利聖眾安住如法
性實際定亂平等中安住智慧愚癡
解脫煩惱平等一切法中心無所住
住不可得故是故僧名不動性文殊
師利一切法行處名為不動世尊云
何是事名為不動相文殊師利一切
虛空行處不可思議行處斷行處無
根本無別異不可得故是故一切法行
處名不動相文殊師利一切法無緣
名不動相世尊云何是事名不動相
文殊師利一切法無依止無住處無
緣無順離諸緣故是故一切法無緣
名不動相文殊師利一切法不取不
捨相名不動相世尊云何是事名不

動相文殊師利一切法皆歸於如同
於法性是法不可取不可捨無求無
願諸願斷故從本已來常寂滅相同
於虛空是故不取不捨名不動相文
殊師利一切法無名名不動相世尊云
何是事名不動相文殊師利一切法
無垢無所有清淨顯曜如虛空無翳
諸罪定相不可得故是故一切法無
各名不動相文殊師利一切法無歸
處名不動相世尊云何是事名不動
相文殊師利一切法空無根本故無
歸處是故無歸處名不動相文殊師
利一切法無學名不動相世尊云何
是事名不動相文殊師利一切法性
無學不應學不應修不應思不應念
不應住不應發不應行不應斷不應
證不應語不應言不應求不應說不
應取不應捨不應離不應除何以故
文殊師利一切諸相畢竟離故從本已
來無所取常是捨相諸法非智慧所
及非愚癡所及是故無學名不動相
諸法無行經卷上

諸法無行經卷下

五 非

姚秦龜茲三藏鳩摩羅什譯

尔時文殊師利法王子白佛言世尊
我亦樂說不動相佛言汝樂說者便
可說之文殊師利言世尊一切衆生
皆得菩提是名不動相文殊師利云
何是事名不動相世尊一切法無向
無得一切衆生皆入菩提性中是故
說一切衆生皆得菩提又是菩提非
是得相何以故衆生性即是菩提故
是故一切衆生皆得菩提名不動相
世尊一切衆生皆成就一切智慧名
不動相文殊師利云何是事名不動
相世尊一切衆生無性無性故入如來
平等中從本已來是一切智慧性性
同故名不動相世尊一切衆生皆是
道場是不動相文殊師利云何是事
名不動相世尊道場者有何義文殊
師利一切法寂滅相無生相無所有
相不可取相是名道場義世尊一切
衆生不入此道場耶佛言如是如是
是故世尊一切衆生皆是道場名不

動相世尊一切衆生皆得無生法忍
名不動相

文殊師利云何是事名不動相世尊
一切衆生無盡無生無滅性離無性
入平等忍故是故一切衆生皆得無
生法忍名不動相世尊一切衆生皆
得無尋辯才名為不動相云何是事
名不動相世尊一切衆生諸所有樂
說於十方界索不可得所以者何皆入
無尋辯才平等法中故世尊諸所樂
說自性皆離無決定故無所有故是
故一切衆生皆得無尋辯才名不動
相世尊一切衆生皆得陀羅尼名不
動相文殊師利云何是事名不動相
世尊一切衆生以衆生相能持色聲
香味觸法以虛誑不實憶想分別取
相故是故一切衆生皆得陀羅尼名
不動相世尊一切衆生皆得慈心名
不動相文殊師利云何是事名不動
相世尊一切衆生無衆生性從本已
來無瞋無慈得瞋慈平等無分別故
是故一切衆生皆得慈心名不動相
世尊一切衆生皆成就大悲名不動

相文殊師利云何是事名不動相世尊一切衆生無起無作相皆入如來平等法中不出大悲之性以惱悲無分別故是故一切衆生皆成就大悲名不動相

世尊一切衆生皆得三昧名不動相文殊師利云何是事名不動相世尊一切衆生性常定離諸緣故若衆生從緣生知於緣中生知不名為知所以者何諸知念念無常畢竟空故是故一切衆生皆成就三昧名不動相世尊一切諸佛皆成就貪欲名不動相文殊師利云何是事名不動相世尊一切諸佛皆入貪欲平等法中故遠離諍訟通達貪欲性故世尊貪欲即是菩提何以故知貪欲實性說名菩提是故一切諸佛皆成就貪欲名不動相世尊一切諸佛皆成就瞋恚名不動相文殊師利云何是事名不動相世尊一切諸佛皆說有為法過罪者安住瞋恚平等性中連達瞋恚性故是名一切諸佛皆成就瞋恚名不動相世尊一切諸佛皆成就愚癡名不動相

文殊師利云何是事名不動相世尊
一切諸佛能度一切貪著名字衆生
安住愚癡平等性中通達愚癡性故
是名一切諸佛成就愚癡名不動相
世尊一切諸佛皆成就身見名不動
相文殊師利云何是事名不動相世
尊一切諸佛安住身見性中於一切
法中不退不畏不動畢竟安住以不
住法故通達知身見無生無起無性
故是故一切諸佛皆成就身見名不
動相世尊一切諸佛皆是邪見名不
動相文殊師利云何是事名不動相
世尊一切諸佛一切有為法是邪虛
誑不實者通達邪見性平等故是故
一切諸佛皆是邪見名不動相世尊
一切諸佛住四顛倒五蓋五欲三毒
得阿耨多羅三藐三菩提名不動相
文殊師利云何是事名不動相世尊
住處性即是非住處文殊師利非住
處有何義世尊非住處者返動還相
即是一切凡夫人一切諸佛安住是
貪欲瞋恚愚癡四顛倒五蓋五欲平
等中是諸佛安住貪欲性故得阿耨

多羅三藐三菩提安住瞋恚愚癡四顛倒五蓋五欲性故得阿耨多羅三藐三菩提是故一切諸佛住四顛倒五蓋五欲三毒中得阿耨多羅三藐三菩提名不動相

尔時佛告文殊師利法王子若有人問汝斷一切不善法成就一切善法名為如來汝云何答文殊師利言世尊若有人問我斷一切不善法成就一切善法名為如來者我當如是答善男子汝先當親近善知識修集善道於法無所合無所散勿取勿捨莫緣莫求勿舉勿下莫求莫覓勿願勿分別諸法是上是中是下然後當知不可思議行處無行處斷行處佛所行處

佛告文殊師利汝如是答者為答何義文殊師利言世尊我如是答者名為無所答世尊如佛坐於道場頗見法有所生滅不佛言不也世尊若法無生無滅是法可得說斷一切不善法成就一切善法不佛言不也世尊若法不生不滅不斷一切不善法不

成一切善法是何所見何所斷何所
證何所修何所得說是語時虛空中
万天子以天青黃赤白蓮華散佛及文
殊師利上皆下礼佛及文殊師利足
而作是言世尊文殊師利名為無等
尸利文殊師利名為不二尸利名為
無餘尸利名為無所有尸利名為如
尸利法性尸利實際尸利第一尸利
上尸利無上尸利文殊師利語諸天
子言止止諸天子汝等勿取相分別
我不見諸法是上是中是下不如沒
說文殊師利言我者我是貪欲尸利瞋
恚尸利愚癡尸利是故我名文殊師
利諸天子我不出貪欲瞋恚愚癡凡
夫人分別諸法求過出至到諸菩薩
於法無過無出無至無到諸天子言
菩薩不到十地不至佛法耶文殊師
利言於諸天子意云何幻人能到十地
至佛法不諸天子言幻化人尚無住處
何況從此住地至於餘地文殊師利言
諸天子一切法如幻無去無來無過
無出無至無到諸天子言汝不當得
阿耨多羅三藐三菩提耶文殊師利

言諸天子於意云何凡夫貪欲覆心
能坐道場得一切智不諸天子言不
也諸天子言文殊師利汝今貪欲覆
心是凡夫耶文殊師利言如是如是
我是凡夫從貪欲起從瞋恚起從愚
癡起我是外道是邪行人諸天子言
以何故自言我是凡夫從貪欲起瞋
恚起愚癡起文殊師利言是貪欲瞋
恚愚癡性十方求之不可得我以不
住法住是性中故說我是凡夫三毒
所覆文殊師利汝云何名外道文殊
師利言我終不到外道諸道性不可
得故我於一切道為外諸天子言汝
云何是邪行人文殊師利言我已知
一切法皆是邪虛妄不實是故我是
邪行人說是法時万天子得聞是語
皆得無生法悉各作是言是諸眾生
皆得大利得聞真正金剛語句何況
聞已信解受持讀誦為人解說如說
修行當得無碍辯才一切法中得真
慧照明巧說諸法一相一門能示眾
生一切諸法皆是佛法
今時華嚴慧菩薩白佛言世尊願說

入音聲慧法門令當來菩薩聞如是法不驚不怖亦知一切音聲究竟之性不疑不悔於諸音聲無所障導佛言止止用問是事為是入音聲慧法門不應於新發意菩薩前說所以者何新發意者不能解不能知不能思若菩薩摩訶薩入是音聲慧法門者假使有人於恒河沙劫惡口罵詈誹謗毀訾是人不生恚恨若人於恒河沙劫以一切樂具供養不生愛心譬如漏盡阿羅漢一切愛處不生愛心一切瞋處不生瞋心善男子是音聲慧法門菩薩於利衰毀譽稱譏苦樂等八法已過心不傾動譬如須弥山王

今時華嚴慧菩薩復白佛言願必為說入音聲慧法門當來菩薩得聞是法門當自知過各亦教餘人今時佛告華嚴慧菩薩善男子汝今諦聽善思念之當為汝說唯然世尊佛告華嚴慧菩薩若菩薩聞貪欲音聲生過罪想聞離貪欲音聲生利益想即是不學佛法若聞瞋恚音聲生過罪想聞離瞋恚音聲生利益想若聞愚癡

音聲生過罪想於離惡癡音聲生利
益想則是不學佛法若於少欲音聲
生喜想於多欲音聲生尋想即是不
行音聲法門於知足音聲生喜想於
法門若於細行音聲生喜想於麤行
音聲生尋想則是不行音聲法門若
於樂靜音聲則喜於憤鬧音聲則尋
則是不學佛法若於忍辱音聲生利
想於瞋恚音聲生尋想則是不學佛
法若於精進音聲生利想於懈怠音
聲生尋想則是不學佛法於禪定音
聲生利想於散亂音聲生尋想則是
不學佛法於智慧音聲生利想於愚
癡音聲生尋想則是不學佛法若於
近道音聲則喜於遠道音聲則尋則是
不學音聲法門於生死見過各於涅槃
見利益則是不入音聲法門於彼岸
則喜於此岸則尋則是不學音聲法
門於聚落音聲生尋想於空閑音聲
生喜想則是不學音聲法門若於獨
行音聲生喜想於衆行音聲生尋想
則是不學音聲法門於比丘所行音

聲生喜想於白衣所行音聲生尋想
則是不學音聲法門於有威儀則喜
於無威儀則尋則是不學佛法於清
淨行則喜於不清淨行則尋則是不
學佛法於一行則喜於雜行則尋則
是不學佛法於離欲行則喜於婬慾
行則尋則是不學佛法於離瞋想則
喜於瞋想則尋則是不學佛法於離
癡想則喜於癡想則尋則是不學佛
法於空則喜於有則尋則是不學佛
法於無相則喜於有相則尋則是不
學佛法於無作則喜於有作則尋則
是不學佛法於菩薩行則喜於聲聞
辟支佛行則尋則是不學佛法若說
菩薩過各則遠阿耨多羅三藐三菩
提亦受業障罪若說菩薩威儀過罪
則遠阿耨多羅三藐三菩提若菩薩
於他菩薩生下想於已生勝想則為
自傷亦受業障罪若菩薩欲教餘
菩薩當生佛想然後教之菩薩若欲
不捨阿耨多羅三藐三菩提不應生
心輕恚餘菩薩善男子無有滅失功
德如輕恚餘菩薩者是故菩薩多欲

守護功德善根亦於一切法中得無
障碍慧當晝夜各三時礼一切求佛
道菩薩

今時文殊師利法王子白佛言世尊
如我知佛所說義貪欲音聲佛音聲
等無有異瞋恚音聲佛音聲等愚癡
音聲佛音聲等外道音聲佛音聲等
少欲音聲多欲音聲等知足音聲不
知足音聲等細音聲麤音聲等樂獨
音聲樂眾音聲等此岸音聲彼岸音
聲等遠音聲近音聲等生音聲涅槃
音聲等聚落音聲空閑音聲等布
施音聲慳音聲等持戒音聲毀戒音
聲等忍辱音聲瞋恚音聲等精進音
聲懈怠音聲等禪定音聲亂意音聲
等智慧音聲愚癡音聲等
今時華嚴慧菩薩問文殊師利法王
子以何因緣故皆等文殊師利言天
子於意云何貪欲音聲何者為是天
子言貪欲聲空如響文殊師利言汝
知佛音聲亦復云何天子言不出於
空亦如響法文殊師利言以是因緣
故我說二聲皆是平等

今時佛告文殊師利汝先世住初發
意地未入如是諸法相時為起何障
尋罪汝今說之當來世假名菩薩聞
汝所說障尋之罪當自守護文殊師
利白佛言唯然世尊我當自說障尋
之罪惟聞之者當有憂怖然其能滅
業障之罪亦於一切法中得無尋慧
世尊過去無量無邊不可思議阿僧
祇劫今時有佛号師子吼鼓音王如
來應供正遍知明行足善逝世間解
無上士調御丈夫天人師佛世尊其
佛壽命十萬億那由他歲以三乘法
而度衆生國名千光明其國樹木皆
七寶成其樹皆出如是法音所謂空
音無相音無作音無生音無所有音
無取相音以是諸法之音令衆生得
道其師子吼鼓音王佛初會說法九
十九億聲聞弟子皆得阿羅漢諸漏
已盡捨諸重擔逮得已利盡諸有結
以正智得解脫菩薩衆亦九十九億
皆得無生法忍能善入種種法門親
近供養若干百千萬億諸佛亦為若
千百千萬億諸佛之所稱歎能度若

千百千萬億無量衆生能生無量陀
羅尼門能起無量百千萬億三昧門
及餘新發菩薩意者不可稱數其佛
國土無量莊嚴說不可盡彼佛住世
教化已訖入無餘涅槃滅度之後法
住六萬歲諸樹法音皆不復出

尔時有菩薩比丘名曰喜根時為法
師質直端正不壞威儀不捨世法尔
時衆生普皆利根樂聞深論其喜根
法師於衆人前不稱讚少欲知足細
行獨處但教衆人諸法實相所謂一
切法性即貪欲之性貪欲性即是諸
法性瞋恚性即是諸法性愚癡性即
是諸法性其喜根法師以是方便教
化衆生衆生所行皆是一相各不相
是非所行之道心無瞋癡以無瞋等
因緣故疾得法忍於佛法中決定不
壞世尊

尔時復有比丘法師行菩薩道名曰
勝意其勝意比丘護持禁戒得四禪
四無色定行十二頭陀世尊是勝意
比丘有諸弟子其心輕動樂見他過
世尊後於一時勝意菩薩入聚落乞

食誤到喜報弟子寒見會主居士子
即到其所敷座而坐為居士子稱讚
少欲知足細行說無利語過讚歎遠
眾樂獨行者又於居士子前說喜根
法師過失是比丘不實以邪見道教
化眾生是雜行者說姪欲無障尋瞋
恚無障尋愚癡無障尋一切諸法皆
無障尋是居士子利根得無生法忍
即語勝意比丘大德汝知貪欲為是
何法勝意言居士我知貪欲是煩惱
居士子言大德是煩惱為在內在在
耶勝意言不在內不在外大德若貪
欲不在內不在外不在東西南北四
維上下十方者即是無生若無生者
云何言若垢若淨

余時勝意比丘瞋恚不喜從座起去
作如是言是喜根比丘以妄語法多
惑眾人是人以不學入音聲法門故
聞佛音聲則喜聞外道音聲則瞋於
梵行音聲則喜於非梵行音聲則瞋
以不學入音聲法門故於淨音聲則
喜於垢音聲則瞋以不學入音聲法
門故於聖道音聲則喜於凡夫音聲

則尋以不學入音聲法門故於樂音
聲則喜於苦音聲則尋以不學入音
聲法門故於出家音聲則喜於在家
音聲則尋以不學入音聲法門故於
出世間音聲則喜於世間音聲則尋
以不學入音聲法門故於布施則生
利想於慳則生尋想以不學佛法故
於持戒則生利想於毀戒則生尋想
以不學佛法故是時勝意比丘出其
舍已還到所止衆僧中見喜根菩薩
語衆人言是比丘多以虛妄邪見教
化衆生所謂婬欲非障尋瞋恚非障
尋愚癡非障尋一切法非障尋尔時
喜根菩薩作是念是比丘今者必當
起於障尋罪業我今當為說如是深
法乃至令作修助菩提道法因緣尔
時喜根菩薩於衆僧前說是諸偈
貪欲是涅槃 患癡亦如是 如此三事中
有無量佛道若有人分別貪欲瞋恚癡
是人去佛遠 譬如天與地 菩提與貪欲
是一而非二 皆入一法門 平等無有異
凡夫聞怖畏去佛道甚遠 貪欲不生滅
不能令心惱 若人有我心 及有得見者

是人為貪欲將入於地獄貪欲之實性
即是佛法性佛法之實性亦是貪欲性
是二法一相所謂是無相若能如是知
則為世間導若有人分別是持戒毀戒
以持戒狂故輕蔑於他人是人無菩提
亦無有佛法但自安住立有所得見中
若住空閑處自貴而賤人尚不得生天
何況於菩提皆由著空閑住於邪見故
邪見與菩提皆等無有異但以名字數
語言故別異若人通達此則為近菩提
分別煩惱垢即是著淨見無菩提佛法
住有得見中若貪著佛法是則遠佛法
貪無尋法故則還受苦惱若人無分別
貪欲瞋恚癡入三毒性故則為見菩提
是人近佛道疾得無生忍
若見有為法與無為法異是人終不得
脫於有為法若知二性同必為人中尊
佛不見菩提亦不見佛法不著諸法故
降魔成佛道若欲度衆生勿分別其性
一切諸衆生皆同於涅槃若能如是見
是則得成佛其心不閑寂而現閑靜相
是於天人中則為是大賊是人無菩提
亦無有佛法若作如是願我當得作佛

如是之凡夫無明力所牽佛法湛清淨
其喻如虛空此中無可取亦無有可捨
佛不得佛道亦不度衆生凡夫強分別
作佛度衆生是人於佛法則為甚大遠
若見衆生苦則是受苦者衆生無衆生
而說有衆生住衆生相中則無有菩提
若人見衆生是畢竟解脫無有婬恚癡
知是為世將若人見衆生不見非衆生
不得佛法實佛同衆生性
若能如是知則為世間將若人欲成佛
莫壞貪欲性貪欲性即是諸佛之功德
若人欲發心隨順菩提道莫自有分別
心異於菩提發心即菩提知是為世將
若說外道惡稱佛世中尊是二說非異
知是為世將若人求菩提是人無菩提
若見菩提相是則遠菩提菩提非菩提
佛以及非佛若知是一相是為世間導
若人作是念我當度衆生即著衆生相
是人無菩提亦無有佛法住於有見中
貪欲無内外亦不在諸方分別是空法
凡夫為所燒如幻如焰響如夢石女兒
諸煩惱如是決定不可得不知是空故
凡夫為狂惑若求煩惱性煩惱即是道

若有人分別是道是非道是人終不得
無分別菩提凡夫畏佛法去佛法甚遠
若不疑空法是人得菩提一切有為法
即是無為法是數不可得無數故無為
若以菩提心自高無所畏自念當作佛
是人無菩提亦無有佛法離菩提寶印
若有但誦經憶想作分別不深思義趣
但為貪名利自念當作佛必成無有疑
唯貪於名利讀經住閑靜分別少欲行
還為貪心牽若欲捨遠貪不得遠於貪
若達貪實法是人能離貪不得法實際
雖長夜持戒得諸無尋禪不入佛法味
知法無有性不壞一切法不言戒非戒
得脫有見中以無持戒性知於持戒法
如是知戒相終不毀於戒諸佛之法王
法藏叵思議無量方便力引導諸衆生
以一相法門令入寂滅道凡夫聞佛說
無我無有法一相自性空不信墮深坑
雖白衣受欲聞是法不畏勝於頭陀者
住在有見中現在十方佛利益諸世間
知法如虛空皆以得菩提若有無智者
樂於分別法聞是實法者則生疑怖畏
是人無量劫備受諸苦分

說是諸偈法時三萬諸天子得無生
法忍萬八千人漏盡解脫即時地裂
勝意比丘墮大地獄以是業障罪因
緣故百千億那由他劫於大地獄受諸
苦毒從地獄出七十四萬世常被誹謗
若干百千劫乃至不聞佛之名字自是
已後還得值佛出家學道而無志樂於
六十三萬世常反道入俗亦以業障餘
罪故於若干百千世諸根闇鈍世尊
亦時喜根法師於今東方過十萬億
佛土有國名寶莊嚴於中得阿耨多
羅三藐三菩提号勝日光明威德王
如來應供正遍知於今現在其勝意
比丘今我身是世尊我未入如是法
相門時受如是苦分別苦顛倒苦是
故若發菩提心者若發小乘心者不
欲起如是業障罪不欲受如是苦惱
者不應拒逆佛法無有處所可生瞋
尋佛告文殊師利汝聞是諸偈得何
等利世尊我畢是業障罪已聞是偈
因緣故在所生處利根智慧得深法
忍得決定忍巧說深法文殊師利為
誰力故能憶如是無量阿僧祇劫罪

業因緣世尊諸菩薩有所念有所說
有所思惟皆是佛之神力所以者何
一切諸法皆從佛出

佛告文殊師利若得佛十力若有聞
是經者等無有異若得無生法忍聞
是經者亦等無異文殊師利言如我
知佛所說義聞此經者得無量不可
思議功德之利文殊師利如是如是
聞是經得無量不可思議功德之利
但佛不廣說何以故不修道不精進
者如是惡人間說是利則不能信受
尔時文殊師利法王子及弥勒菩薩
白佛言世尊護念是經於未來世後
五百歲當今此經普宣流布皆得受
持魔若魔天不得其便尔時佛欲
護念是法故左右顧視即時十方恒
河沙無量國土六種震動如是則為
護念是經及十方恒河沙諸佛亦護
念是經說是經時十方國土中恒河沙
等無量衆生得無生法忍何況得聲
聞無學者何況住學地者尔時阿難
即從坐起偏袒右肩白佛言世尊當
以何名此經云何奉持佛告阿難是

經名為諸法無行說是經已文殊師利法王子弥勒菩薩摩訶薩師子遊步菩薩摩訶薩華戲慧天子等一切菩薩衆及阿難天人阿修羅等聞佛所說皆大歡喜

諸法無行經卷下

癸卯歲高麗國大藏都監奉
勅彫造

佛說諸法本無經卷上

五

隋天竺三藏闍那崛多譯

復次婆伽婆遊於王舍鷲聚山中與
大比丘衆五百人俱菩薩九万二千
所謂莊嚴瑩飾菩薩摩訶薩師子遊
步菩薩摩訶薩無尋焰淨光德威王
菩薩摩訶薩迷留山頂音王菩薩摩
訶薩受笑無垢光菩薩摩訶薩出光
藏日月光菩薩摩訶薩寂勝無垢持
冠菩薩摩訶薩出威蓮華開身菩薩
摩訶薩梵自在音菩薩摩訶薩爲戲
師子王意菩薩摩訶薩金光淨無垢
威菩薩摩訶薩柔軟觸身菩薩摩訶
薩金莊嚴相開身菩薩摩訶薩百光
休摩羅力菩薩摩訶薩寂根威儀寂
行菩薩摩訶薩地寂上王菩薩摩訶
薩天言碎鳴音菩薩摩訶薩法力自
在寂靜遊行菩薩摩訶薩德威無垢
身菩薩摩訶薩勇殊尸利菩薩摩訶
薩如是等上首九万二千菩薩

尔時師子遊步菩薩摩訶薩見是菩
薩等集從坐而起整理衣服一肩郁

多羅僧伽作已右膝著地向佛合掌
即以歌頌而問佛義

無我無命無有法 無邊名稱為我宣
寂靜極寂常寂然 如是此眾寂勝者
諸見云何是菩提 憍慢瞋恚及嫉妬
欲體云何是菩提 為說導師無邊稱
涅槃若無無煩惱 行界云何是菩提
其體無二佛亦然 為我演說大悲者
諸法云何畢竟脫 涅槃相似解脫同
云何當復等虛空 無尋無著無處繫
迦羅頻伽梵天音 無垢光明金光色
清淨光音無邊德 當為說法畢無塵
云何諸蓋等菩提 云何欲是菩提體
法非法道云何一 無垢清淨等虛空
若無有數無無數 已滅度法云何是
菩提若無無著者 遍智云何亦復無
是作非作無有諍 取及不取並無體
眾生於中不曾有 法中障尋亦復無
於中無戒復無忍 破戒亦復無一處
定之與智如是無 無智及智無所得
云何是法淨無垢 而無所有等虛空
心於一時無得處 無心云何而是法
於中知見無所有 無有念修亦無證

於中亦復無所斷 衆生云何空界同
於中法體是一行 於中無生亦無轉
發起及生無所有 如是等法勝人談
於中無學無羅漢 緣覺亦復無所有
求菩提者不可得 此法無來亦無去
於中無住亦無處 亦無有去亦無來
無來去法復云何 如彼須弥住不動
於中無想亦無色 色體云何是菩提
色與菩提無有二 如是法體勝人演
於中無空無無相 無有染著無無著
名與無名法云何 言道猶如於山響
於中無生無惱者 於中亦復無無生
無有已滅亦無遮 諸法云何是一行
於中無天亦無龍 無緊那羅夜叉等
於中泥犁無所有 無有所趣及衆生
若說導師最勝法 若說惡意諸外道
此二云何是一行 諸字如是皆入一
今時世尊讚師子遊步菩薩摩訶薩
言甚善甚善希有善家子汝今所問
乃至諸世不能信受諸天等世當住
迷惑善家子汝今不須問是因緣善
家子初業菩薩於此非地謂空見者
無相見者無願見者無生見者無有

見者無相貌見者涅槃見者佛陀見者菩提見者善家子初業菩薩前不應說此法何以故諸善根斷必有是處於佛菩提則行非道若墮斷常不知如來以何意義而說此法如是語已師子遊步菩薩摩訶薩復白佛言說婆伽婆說修伽多世尊若有未來菩薩摩訶薩空見者無相見者無願見者無生見者無有見者無相貌見者涅槃見者佛陀見者菩提見者於空無相言說境界染著言說以字為淨言道為勝重於名利彼聞如來說一無名字法已當捨諸見當知諸法是一相道如衆生信如信說法巧方便中彼當善學雖說少欲知足減省而皆不信為淨雖說在衆過惡而信諸法遠離雖讚說獨一無間無雜而亦不信為淨雖讚說發菩提心而亦知心自性菩提雖讚說廣修多羅而信諸法是廣雖讚說於菩薩而信聲聞獨覺及佛無有別異雖讚說陀那而善通達陀那平等雖讚說尸羅而善通達尸羅本性雖讚說羼帝而於盡

滅無生法等善通達見雖讚說毗梨耶而善擇諸法不發雖讚說第耶那三摩地三摩撥帝說三摩地出生百千俱致三摩地門而知見本性三摩般那雖讚說般若數千種相而善通達智及無智本性自體善擇諸法說毀欲過不見一法可染說毀瞋過不見一法可惡說毀癡過而信諸法離癡無尋雖為衆生顯說泥犁畜生閻摩世等過惡而亦不見泥犁畜生閻摩世等彼等如衆生信如信說法當信一行所謂信空信無相信無願信無生信無所有信無相貌大德世尊但當說之彼不可思巧方便句於中若諸聲聞獨覺及初乘發行菩薩摩訶薩等皆非其地唯除信深一行菩薩摩訶薩等

如是語已世尊復告師子遊步菩薩摩訶薩言善家子彼若然者汝宜善聽正念善思當為演說師子遊步菩薩摩訶薩言如是世尊我當正聞今時世尊說此伽他

若欲當覺妙菩提 彼莫分別貪欲過

諸法常是貪自性 若知是者得勝尊
貪瞋及癡不可得 亦無已得今得者
諸法皆與虛空等 若知是者得勝尊
見及不見常一行 僧非僧二是一等
於中無佛無妙法 若知是者得世智
猶如丈夫於夢中 得菩提已教衆生
於中無道無衆生 如是自性即諸法
菩提坐處無可得 彼無可得亦無有
明無明二是一相 若知是者得導師
說衆生性是菩提 菩提性即諸衆生
衆生菩提二不一 若知是者得人上
猶如丈夫善覺幻 彼幻化現無邊種
於中所現畢竟無 惑亂衆生數非一
貪欲瞋恚與幻等 諸此煩惱各如幻
凡夫皆念我染恚 彼癡亂心惡趣行
於中無有貪恚癡 於中亦無異煩惱
幻等法體分別已 如是凡夫煩惱然
若無煩惱無衆生 於中無佛無當有
此無生法分別已 凡夫念我當作佛
既無有佛無佛法 衆生亦無一處見
若知法體似虛空 彼速當作人上者
若求菩提彼無覺 彼速菩提如天地
若知法體等於幻 彼速當作人上者

若分別戒彼無戒 若見持戒則破戒
戒破戒二是一相 若知是者作導師
猶如丈夫於夢中 受用欲事生歡喜
癡亂分別想婦女 於中婦女常是無
破戒持戒如夢性 凡夫分別此二種
於中無戒無破戒 若知是者作導師
著名此是凡夫覺 以彼不知聲自性
若覺此名非是名 彼當得於勝妙忍
有諸衆生誓作佛 以說告於餘人知
住言為淨無修行 彼即普聞菩提道
於威儀中取乖錯 慧言重說彼無知
不以言淨覺菩提 以彼不知法自性
雖於空法常顯說 而慧聞諍惡意生
何有菩提及佛法 乃是說瞋無智者
瞋忍二種是一相 若知是者不分別
衆生自性彼不知 生諸過惡是凡智
自言衆生我皆愛 我作勝尊脫衆生
被動彼即生瞋惡 以有惡心不與語
恒意闢諍求他過 而復讚說此忍心
亦說諸法皆是空 意中貢高求錯失
於食貪著無智者 晝夜思念於欲事
彼等來入村邑已 說我當脫諸衆生
諸衆生中我悲轉 我於衆生有利益

是類法體雖顯說而著害心常惡意
然我未聞亦未見有悲而復有害心
各各共作破瘡已而求阿彌多由國
恒伽河沙如有是常常得毀辱及打罵
不能堪忍諸惡事不至彼土人牛王
土即非土若能知空土猶如空自性
不念土及土功德當至彼土人牛王
說我能忍諸惡事我於菩薩教師想
然我未聞亦未見教師想所而生惡
各各相毀所有行善乞食家及婆家
說是我所成熟者於中莫令餘人入
我能脫汝莫親餘其彼無有清淨行
雜內遊行是無智於善提利彼未有
晝夜如是作三時當礼諸佛及菩薩
莫求彼所有錯失如欲行導常修行
若見意於欲事樂彼所錯失亦勿求
如此久必當觸證寂勝菩提無邊德
當漸次學漸次作不可一時佛即成
多劫俱致無由多我著鎧甲非今日
莫以分別分別欲我觸菩提如欲性
無此煩惱當不生若能信此得勝忍
觀此諸聲即非聲無字法體便已入
如是聲類諸法體當不生欲亦無瞋

於欲及瞋觀無生 應知此二無有字
此二唯可以名轉 字若無有於中無
若知諸辭即一辭 名亦不生本非有
我之所說外道說 是類法體彼不知
說此諸法以聲言 而法及聲不可得
能入諸法一相道 無上勝忍便觸證
莫分別忍莫不忍 莫分別瞋莫欲渴
此等無生常解知 當得世親人中勝
東西南北諸方中 恒伽許沙如有
一一沙顆人民置 若所有土多無邊
諸寶滿中施軍勝 無邊百劫過於上
若有聞此修多羅 如此福德當無數
求此菩提出家已 彼所我當付此經
必速得於寂勝忍 經無邊門此當說
於陀羅尼不難得 當得俱致那由經
利智辯才彼當得 少動多知疾得解
即得無邊樂說辯 諸佛皆與彼辯才
說修多羅寶非一 無邊辯說彼當有
尔時師子遊步菩薩摩訶薩而白佛
言大德世尊說此伽他幾許衆生聞
作利益如是語已佛告師子遊步菩
薩摩訶薩言善家子見此衆集論不
答言我已見婆伽婆我已見修伽多

已過竿數於此說法集會滿虛空中
天龍夜叉乾闥婆阿修羅伽留荼緊
那羅摩睺羅伽及餘諸世界中衆生
亦皆聞此說法如是語已佛告師子
遊步菩薩摩訶薩言善家子說此法
時九十八千天子無生法中得忍九
十二千夜叉阿耨多羅三藐三菩提
心生三十六千龍阿耨多羅三藐三
菩提心生五百比丘增上慢意未得
得想彼等聞此說五慢法信解諸法
一相道已無所受故漏心解脫於彼
菩薩數中六十二千菩薩信解諸
法無障碍已無生法中得忍何以故
善家子此法說中取上善家子如我
於作燈如來應正遍知所現前信解
諸法一相道已我於彼時然後無生
法中得忍善家子若得諸六波羅蜜
若復聞此法本稱量一等善家子菩
薩摩訶薩因此道故滿足六波羅蜜
我如是說何以故善家子若有菩薩
恒河沙等劫行施護戒具忍發勤入
定修智於此法道以不知故諸有善
根還復滅盡善家子汝看提婆達多

如是善根具足有三十相彼雖如是
善根具足而更斷諸善根遂墮泥犁
耶中於此法道以不知故善家子以
是因緣當知如諸善根斷者於此法
道以不知故善家子於先過去阿僧
祇劫復過無數廣大無量不可思不
可量過已復過於彼時節有佛出世
名迷留上王如來應正遍知明行具
足善逝世間解無上士調御丈夫天
人教師佛婆伽婆彼如來壽量九十
九俱致那由多百千歲彼世界名金
焰影其彼佛土皆用金作亦以三乘
令衆生涅槃何者為三所謂聲聞乘
獨覺乘菩薩乘彼如來第一集會聲
聞有八十俱致那由多百千彼皆阿
羅漢諸漏已盡應作者作所作已辦
棄捨重擔得到自利盡諸有結以平
等智得善解脫第二集會比丘有七
十俱致那由多百千第三集會比丘
有六十俱致那由多百千第四集會
比丘有二十五俱致那由多百千又
倍上數比丘尼集又倍上數憂波塞
迦集又倍上數憂波斯迦集又倍上

數諸菩薩集彼諸菩薩具足無生法
忍巧出無邊三摩地道得無邊門
持轉不退轉法輪何況初乘發行善
薩於中復有無量無數獨覺乘者善
家子於彼時節彼佛有無量無數無
竿諸聲聞眾善家子彼金焰影世界
若樹若柱彼皆七寶所成彼樹出如
是聲所謂空聲無相聲無願聲無生
聲無所有聲無相貌聲彼出如是等
聲於中如是等聲出時彼諸眾生其
心解脫彼如來滅度千歲正法住已
彼聲亦不復出善家子彼迷留上王
如來應正遍知勸請說法比丘名淨
善行令其說法尔乃滅度善家子彼
時復有說法比丘名善行意其人具
足善淨戒聚復得世間五通勝智亦
能轉誦毗鄰耶藏彼比丘復有嚴熾
苦行信樂廣饒領眾說教彼安立住
處已於中止住彼之徒眾善住戒聚
信樂頭多功德及以減省彼比丘亦
發勤行而離於菩提心彼有餘菩薩
眾亦教以威儀道令其相應見有所
得而行教化取諸行無常取諸行苦

說諸行無我彼無巧慧於菩薩行亦無善巧彼比丘雖尔而善根具足又彼說法比丘淨善行者善知衆生各各別根彼所有衆不重頭多功德及以減省乃於無所得忍善巧方便善家子尔時說法比丘淨善行者與其徒衆到善行意比丘住處止宿然亦以時數數入村慰衆生故村中食業作已而出彼令多百千家已作淨信彼之徒衆亦善化導到衆生所為其說法令多百千衆生建立阿耨多羅三藐三菩提若善行意所有徒衆喜樂脩定不數入村尔時善行意比丘於淨善行說法者及徒衆邊不淨心生而言此是嬾惰比丘常數入村即鳴犍遲集比丘衆自作制住汝等一莫入村向淨善行所有徒衆作如是言汝等不善知行不少言語何因汝等數數入村諸佛世尊讚歎許可住阿蘭拏汝等莫到他家汝等應住思惟定樂善家子尔時淨善行比丘所有徒衆於善行意比丘所制言教不順其轉復數入村為成熟衆生故善

家子時彼比丘徒村出已彼善行意
比丘復鳴犍稚集比丘衆作如是言
汝等若更入村於此住處不得共住
善家子時淨善行說法者護彼比丘
故於自徒衆告言汝等一莫入村時
彼村中所有衆生是彼比丘所成熟
者彼等不見諸比丘故悉懷熱惱善
法損減善家子時淨善行說法者彼
三月過已從住處出到別住處及共
徒衆復入村城國邑王都入已為諸
衆生說法善家子時善行意比丘復
見淨善行說法者數入村家亦見彼
衆本性威儀入他家中彼復唯有不
淨心生今此比丘惡戒破戒自身既
尔徒衆亦然此充何有善提唯是詐
誑便告多人作如是言此比丘雜行
去善提遠貴重利養涂善他家善家
子尔時善行意比丘於他時死然其
死時以於彼邊不淨心生作業熟故
墮阿毗至大泥犁耶中經九十九俱
致百千劫在大泥犁耶中所有大泥
犁耶苦皆具受已於六十三百千生
中常得誹謗於三十三百千生中行

出家已還退在俗以彼餘業障故於
無垢焰如來應正遍知教中出家壽
量既長於俱致百千歲如救頭然發
勤修行猶未曾得隨順道忍復多百
千生中闇鈍以彼餘業故善家子彼
時說法比丘名淨善行汝莫異見何
以故不動如來即是彼時說法比丘
名淨善行善家子彼時說法比丘名
善行意汝莫異見何以故我身即是
彼時說法比丘名善行意我於彼所
乃至微細方便於中不淨心生已作
此業障墮大泥犁耶中善家子有如
是微細業障善家子若有菩薩不欲
如是業障者於第二菩薩所諸修行
中不應違背諸作業中皆當信順應
生如是心我不知他心衆生所行是
亦難知善家子如來見是義故說如
是法於富伽羅富伽羅所不應選擇
唯我能選擇富伽羅及餘似我者善
家子若欲自護不應選擇有所行者
不於他所而作遮尋此如是相當於
佛法勤作相應晝夜勤念與法相應
善家子發行深心菩薩不應復於他

所而作遮尋當勤隨順相應修行善
家子假使三千大千世界衆生若有
菩薩令彼安立十善業道若有菩薩
獨到閑處乃至一彈指頃信諸法一
相道若問若共議若說若教誦若自
誦此生福德過多於彼何以故善家
子菩薩摩訶薩因此道故得淨業障
諸衆生中遠離愛憎速到遍智

佛說諸法本無經卷上

癸卯歲高麗國大藏都監奉
勅彫造

隋天竺三藏闍那崛多譯

今時易殊尸利童真而白佛言佛說
業障淨者世尊菩薩云何業障當淨
佛言易殊尸利若有菩薩見於諸法
無業無報彼當到業障淨復次易殊
尸利若有菩薩即於欲際而見實際
彼當到業障淨瞋際癡際即見實際
彼當到業障淨復次易殊尸利若有
菩薩見諸衆生即涅槃界彼當到業
障淨何以故易殊尸利彼以順見業
障得淨易殊尸利於四聖諦不如實
見有四倒心衆生於不實流轉不能
超過如是語已易殊尸利復於佛所
白言世尊為說衆生云何當有所見
而於流轉不能超過佛言易殊尸利
衆生著我我所故於流轉不能超過何
以故易殊尸利若見自他彼有業行
易殊尸利凡夫小兒衆生以無聞故
不知諸法畢竟滅度彼於自他而有
所見見已作三種業身語及意彼於
無有有取分別我貪我瞋我癡彼若

如來教中出家當作是念我具戒我
淨行我當過流轉我當得涅槃我當
解脫若彼復分別此法善此法不善
此法漏此法無漏此法知此法斷此
法證此法修所謂苦應知集應斷滅
應證道應修彼復分別諸行無常諸
行苦諸行熾然我於諸行應當走出
彼如是觀察生時即於和合想念而
有厭捨此相先行彼作是念此苦應知
若此諸法所應知者彼作是念我應
斷集彼於諸法羞慙厭怖彼作是念
此集應斷若此諸法所羞厭者彼作
是念滅應證道應修彼法分別已復
知於滅彼作是念此是彼滅應證若
此諸法所應證者彼作是念我應修
道彼便獨到閑處思念諸法得舍摩
他滅於思念彼得舍摩他故於諸法
中其心自然開敷涼潤轉生羞慙不
意樂心彼作是念我脫諸苦於上更
無所作自謂是阿羅漢作如是知彼
欲死時見受生處則於佛菩提中有
疑惑不正意彼以心墮疑惑故一死已
當墮諸大泥犁耶中何以故墮無生

諸法中分別故於佛菩提有毀害心
今時身殊尸利童真復白佛言世尊
云何當見四聖諦佛言身殊尸利若
見諸行無生彼即知苦若見諸行無
起彼即斷集若見諸法畢竟滅度彼
即證滅若見諸法無有彼即修道身
殊尸利若如是見四聖諦彼不分別
此法善此法不善此法當知此法當
斷此法當證此法當修所謂苦應知
集應斷滅應證道應修何以故若諸
凡夫小兒染患癡處於中見彼諸法
無生無有不實分別所繫如是見已
彼於法中無取無捨見諸欲瞋癡等
皆如虛空自性彼於諸三界中無所
著於諸三界彼見無生見諸三界如
幻如夢如響如影於諸善不善法見
其如焰見彼欲界即淫脬界見瞋恚
界即淫脬界見愚癡界即淫脬界彼
見諸法如是自性便於諸衆生中遠
離愛憎何以故彼於諸法不見若愛
若憎心等虛空亦不見佛及以法僧
彼既不見諸法便於法中無處作疑
既不作疑則無有取既無有取則無

有生便當涅槃。是身殊尸利。上座須淨。帝知如是法。故不來。如來足何以。故彼尚不見自身。何況當見如來。無有是處。

今時身殊尸利。童真復白。佛言。世尊。云何當見四念處。佛言。身殊尸利。於未來世。當有比丘。彼於不淨身中。隨順身觀。說為念處。見心。乃是生法滅法。於是心中隨順心觀。說為念處。彼如是說。若有圓想。彼則非有。若有法想。彼亦非有。於是法中隨順法觀。說為念處。如是語已。身殊尸利復白。佛言。世尊。四念處。更云何薰修。佛言。不須。身殊尸利。如來所說。別意難知。身殊尸利白言。大德。世尊。但當為說。薰修念處。佛言。身殊尸利。若見其身等如虛空。此是身中隨順身觀。念處。身殊尸利。若不得受。內外兩間。此是受中隨順受觀。念處。身殊尸利。若知其心。唯有名量。此是心中隨順心觀。念處。身殊尸利。若不得諸善不善法。此是法中隨順法觀。念處。身殊尸利。如是應。

見四念處。身殊尸利。復言世尊。云何當見聖八分道。佛言。身殊尸利。若見諸法無不平等。無二。亦不作二。此是正見。身殊尸利。若見諸法不分別。不種種分別。不普分別。無所見。故此是正分別。身殊尸利。若見諸法不可言說。言說平等。善薰修。故此是正語。身殊尸利。若見諸法無作。無作者。不得作者。故此是正業。身殊尸利。若於諸法不聚不散。正住活命。此是正命。身殊尸利。若於諸法不起不發行。故此是正精進。身殊尸利。若諸法中皆不作。念念業已離。亦不追憶。此是正念。身殊尸利。若見諸法本性入定。無散亂。無攀緣。不可得。故此是正定。身殊尸利。如是應見聖八分道。

佛言。身殊尸利。若信諸法不生。以本性不生。故此是信根。身殊尸利。若諸法中心不發遣。以近想遠想離。故此是精進根。身殊尸利。若於諸法不作念意。以攀緣性離。故念不繫縛。此是念根。身殊尸利。若於諸法不念不思。

如幻不可得故此是定根。覺殊尸利。若見諸法離生離無智。本性空故。此是慧根。覺殊尸利。如是應見五根。覺殊尸利。復言世尊云。何當見七覺。分佛言。覺殊尸利。若見諸法無有自性。不作念意。此是念覺。分覺殊尸利。若選擇諸法。已不得善。不善無記。以不成就。故此是擇法覺。分覺殊尸利。若於三界。不取不捨。以知界想壞。故此是精進覺。分覺殊尸利。若諸行中。不繫於喜。以知喜不喜壞。故此是喜覺。分覺殊尸利。若諸法中。其心止息。此是止息覺。分覺殊尸利。若知諸法。心不可得。隨順覺。故此是定覺。分覺殊尸利。若諸法中。不依不住。不著不縛。不見諸法。而得於捨。此是捨覺。分覺殊尸利。如是應見七覺。分覺殊尸利。若有如是見。四聖諦。四念處。聖八者。名為到彼岸者。名為到陸地者。名為得安隱者。名為得無畏者。名為抖擻塵者。名為無所有者。名為無欲惱。無障碍者。名為阿羅漢。名為盡漏者。名

為作所應作所作已辦者名為離重
擔者名為得自利者名為盡有結者
乃至名為心皆自在得勝彼岸者名
為沙門名為婆羅門名為能度者名
為度鞞陀迦者名為輸盧帝疑夜者
名為佛名為佛子名為奢迦子名為
踏破荆棘者名為除却塹者名為度
塹者名為拔箭鏃者名為離熱惱者
名為比丘名為聖者名為滿足幢者
毘殊尸利比丘具足如是忍者則能
淨施應得諸天世等供養是故毘殊
尸利比丘欲不虛食國人食者欲破
摩羅者欲超過流轉者欲順到涅槃
者欲解脫苦者欲作諸天世等淨施
福田者於此法中應當勤習相應說
此言時三十二千天子法中證見彼
以毘陀羅華摩訶毘陀羅華而散於
佛說如是言大德世尊若說此法耳
得聞者彼於如來教中是善出家何
況聞已信解為緣如實奉行世尊彼
等眾生乃至若聞此說當得無增上慢
今時毘殊尸利復白佛言大德世尊
為說陀羅尼句以是陀羅尼故當令

菩薩得無著辯無一聲中而有怖畏
於佛法中出生諸法信解諸法是一
相道如是語已佛告毘殊尸利童真
菩薩言毘殊尸利以彼因緣汝當善
聽今說法門名雞羅句及種子句以
是法門故令諸菩薩於諸法中當得
明照速於無生法中得忍毘殊尸利
言云何名雞羅句種子句法門佛言
毘殊尸利諸衆生一心是種子句毘
殊尸利言世尊何因是種子句佛言
毘殊尸利諸衆生心皆無所有攀緣
不可得故彼是此種子句毘殊尸利
諸衆生心皆同一量是種子句毘殊
尸利言世尊何因是種子句佛言毘
殊尸利諸衆生心如虛空量入於無
著平等行故彼是此種子句毘殊尸
利諸衆生一衆生是種子句毘殊尸
利言何因是種子句佛言毘殊尸利
說諸衆生唯是其一畢竟不生遠離
於名一異不可得故彼是此種子句
毘殊尸利欲是雞羅句毘殊尸利言
世尊何因是雞羅句佛言毘殊尸利
欲不可動於法界住以不住故彼不

動搖本性難故彼是此難羅句易殊尸利瞋是金剛句易殊尸利言世尊何因是金剛句佛言易殊尸利瞋不可破亦不可斷如彼金剛不破不斷如是如是易殊尸利諸法亦皆不破不斷諸事不成就故彼是此金剛句易殊尸利癡是智句易殊尸利言世尊何因是智句佛言易殊尸利即此諸法轉滅於智遠離無智如彼虛空非智具足亦非無智具足如是如是易殊尸利諸法非智具足亦非無智具足智與無智及所應知本性寂靜故彼是此智句易殊尸利色是難羅句易殊尸利言世尊何因是難羅句佛言易殊尸利如彼天帝門橛不動不搖以善住故如是如是易殊尸利諸法於法界住以不住故彼亦無去無來無取無捨亦不於他有所行作以住無住處故彼是此難羅句易殊尸利受是寂靜句易殊尸利言世尊何因是寂靜句佛言易殊尸利諸受本性寂靜不內不外不東方不南方不西方不北方不下方不上方不十

方中易殊尸利若樂受在內者衆生
應一向樂易殊尸利若苦受在內者
衆生應一向苦易殊尸利若不苦不
樂受在內者衆生應一向癡易殊尸
利是故諸受不內不外不東方不南
方不西方不北方不下方不上方不
十方中可得是故諸衆生等皆似草
木及壁本性不生不滅故彼是此寂
靜句易殊尸利想是種子句易殊尸
利言世尊何因是種子句佛言易殊
尸利分別起想不如實生空拳相似
如焰自相本性離故彼是此種子句
易殊尸利行是種子句易殊尸利言
世尊何因是種子句佛言易殊尸利
不正思惟故而生於行諸數已離無
數過數如芭蕉實易殊尸利如芭蕉
實畢竟自無以不可得本性不生如
是如是易殊尸利諸法本性自離名
已離故彼是此種子句易殊尸利識
是種子句易殊尸利言世尊何因是
種子句佛言易殊尸利識如幻相不
生不出空無相無自性無狀貌如虛
空以五指託畫故彼是此種子句易

殊尸利色是種子句鼻殊尸利言世尊何因是種子句佛言鼻殊尸利不生諸色故鼻殊尸利如影雖見而無所有如是如是鼻殊尸利諸色雖見而無所有唯迷惑眼唯迷惑心虛妄不實法故彼是此種子句鼻殊尸利聲是種子句鼻殊尸利言世尊何因是種子句佛言鼻殊尸利諸法無種種無種種相鼻殊尸利諸聲無二所有語道亦如山鳴響故彼是此種子句鼻殊尸利香是種子句鼻殊尸利言世尊何因是種子句佛言鼻殊尸利味是種子句鼻殊尸利言世尊何因是種子句佛言鼻殊尸利味界即不可思味不可識遠離於識本來自性離故彼是此種子句鼻殊尸利觸是種子句鼻殊尸利言世尊何因是種子句佛言鼻殊尸利諸法不可觸著如虛空離故善壞身故觸不起作故觸自離故彼是此種子句鼻殊尸利法是種子句鼻殊尸利言世

尊何因是種子句佛言粁殊尸利諸
法無心離心自性不成離名離相如
法界本性故彼是此種子句粁殊尸
利地是種子句粁殊尸利言世尊何
因是種子句佛言粁殊尸利諸法無
堅無軟虛妄和合人以為堅彼是此
種子句粁殊尸利水是種子句粁殊
尸利言世尊何因是種子句佛言粁
殊尸利諸法無濕無雜無膩如火網
故彼是此種子句粁殊尸利火是種
子句粁殊尸利言世尊何因是種子
句佛言粁殊尸利諸法無暖無熱其
已捨離自性寂靜無實無生以顛倒
分別故彼是此種子句粁殊尸利風
是種子句粁殊尸利言世尊何因是
種子句佛言粁殊尸利諸法無著無
尋無急行無自性風道已過不吹動
故彼是此種子句粁殊尸利佛是種
子句粁殊尸利言世尊何因是種子
句佛言粁殊尸利諸法不作覺者不
覺不隨順覺不等覺以覺離故彼是
此種子句粁殊尸利法是種子句粁
殊尸利言世尊何因是種子句佛言

曼殊尸利諸法不斷不破斷離破
無名無相離名離相亦無自性語道
已過故彼是此種子句曼殊尸利僧
是雞羅句曼殊尸利言世尊何因是
雞羅句佛言曼殊尸利不住聖衆如
法界際持戒破戒平等故定亂平等
故智無智平等故解脫煩惱平等故
於諸法中無所安住以處非處不可
得故彼是此雞羅句曼殊尸利諸法
境界是雞羅句曼殊尸利言世尊何
因是雞羅句佛言曼殊尸利諸法如
虛空境界不可思境界諸境界斷無
諸事物其中空虛斷不可得故彼是
此雞羅句曼殊尸利諸法無攀緣是
雞羅句曼殊尸利言世尊何因是雞
羅句佛言曼殊尸利諸法無住處無
依倚故彼是此雞羅句曼殊尸利諸
法不破是雞羅句曼殊尸利言世尊
何因是雞羅句佛言曼殊尸利諸法
不可見以無色不可見故不可斷不
可破不可得不可著不可解脫故彼
是此雞羅句曼殊尸利諸法不取不
捨是雞羅句曼殊尸利言世尊何因

是雞羅句佛言易殊尸利諸法等歸
於如等合法界彼不起取彼不捨出
不求不願諸願已斷本性寂靜等虛
空故彼是此雞羅句易殊尸利諸法無
咎是雞羅句易殊尸利言世尊何因
是雞羅句佛言易殊尸利諸法無垢
亦無所有清淨光顯取善清淨如虛
空清淨故罪不可得故無咎彼是此
雞羅句易殊尸利諸法無住處是雞
羅句易殊尸利言世尊何因是雞羅
句佛言易殊尸利諸法無事寂靜無
住持故彼是此雞羅句易殊尸利諸
法無學是雞羅句易殊尸利言世尊
何因是雞羅句佛言易殊尸利諸法
無學彼不應學不應修不應思不應
念不應住不應發不應行不應斷不
應證不應說不應顯不應求不施設
名不開不淺不生不滅不洗非不淨
不分別說不衆言說不攀緣不執取
不脫不棄不捨何以故易殊尸利諸
法畢竟已捨本性不取常是棄捨彼
非智所行非無智所行故彼是此雞
羅句

佛說諸法本無經卷中

癸卯歲高麗國大藏都監奉
勅彫造

隋天竺三藏闍那崛多譯

尔時毘殊尸利童真復白佛言世尊
我欲說雞羅句佛言毘殊尸利汝可
辯說毘殊尸利言世尊諸衆生得到
菩提是雞羅句佛言毘殊尸利何因
是雞羅句毘殊尸利言諸法不到不
普到不順到已離到非證時非不證
時過智離到故彼是此雞羅句世尊
諸衆生得到遍智是雞羅句佛言毘
殊尸利何因諸衆生得到遍智是雞
羅句毘殊尸利言世尊諸種諸處無
諸衆生順到遍智自性故名得到遍
智世尊其遍智者無有得到相應現
住何以故世尊衆生自性即遍智故
彼是此雞羅句世尊諸衆生具足遍
智是雞羅句佛言毘殊尸利何因是
雞羅句毘殊尸利言世尊諸法無自
離自無自性等順至於如遍智本性
一性相故彼是此雞羅句世尊諸衆
生無量具足是雞羅句佛言毘殊尸
利何因是雞羅句毘殊尸利言世尊

諸衆生過等離數若如是知彼不可
量如虛空量故彼是此雞羅句世尊
諸衆生菩提場是雞羅句佛言毘殊
尸利何因是雞羅句毘殊尸利言世
尊菩提場者是何句義佛言毘殊尸
利菩提場者諸法寂靜場諸法無生
法無自性場毘殊尸利此是菩提場
句義毘殊尸利言世尊諸衆生不常
入此場耶佛言如是如是毘殊尸利
毘殊尸利言世尊以此因緣諸衆生
菩提場是雞羅句世尊諸衆生得忍
是雞羅句佛言毘殊尸利何因是雞
羅句毘殊尸利言世尊諸衆生是無
盡法無滅法不生法名相已離順入
平等忍故彼是此雞羅句世尊諸衆
生無著辯是雞羅句佛言毘殊尸利
何因是雞羅句毘殊尸利言世尊若
諸衆生有如是辯彼於十方皆無所
有無著無障平等順到世尊諸辯已
離自相不住故彼無所著世尊以此
因緣彼是此雞羅句世尊諸衆生得
陀羅尼是雞羅句佛言毘殊尸利何

因是雞羅句舅殊尸利言世尊諸衆
生想持諸衆生色聲香味觸等不實
顛倒分別取相故彼是此雞羅句世
尊諸衆生慈心是雞羅句佛言舅殊
尸利何因是雞羅句舅殊尸利言世
尊諸衆生非衆生本性不瞋於瞋與
慈而不分別平等得到故彼是此雞
羅句世尊諸衆生大悲具足是雞羅
句佛言舅殊尸利何因是雞羅句舅
殊尸利言世尊諸衆生本性無作及
無作者如來平等不過大悲自性具
足故彼是此雞羅句世尊諸衆生得
三摩地是雞羅句佛言舅殊尸利何
因是雞羅句舅殊尸利言世尊諸衆
生本性入定無散乱無略攝無異緣
本性不生畢竟入定攀緣離故世尊
若諸衆生因於攀緣而有識知彼攀
緣中則無有識何以故世尊其攀緣
識念念速滅故彼是此雞羅句佛言
舅殊尸利諸衆生不種種分別思覺
耶舅殊尸利言諸思覺何處住佛言
於中住虛空界舅殊尸利言世尊虛
空界有散乱耶佛言舅殊尸利虛空

界無散乱。身殊尸利言世尊。諸衆生
不行虛空界耶。佛言如是。身殊尸利
身殊尸利言世尊。若虛空界如彼。諸
衆生如若諸衆生如彼。虛空界如然。
世尊。諸衆生如虛空界如此。無有二
無二相。故彼是此。雞羅句世尊。諸佛
貪欲具足。是雞羅句。佛言身殊尸利
何因是雞羅句。身殊尸利言世尊。諸
佛順入貪欲平等。無染離染。捨離諍
竟。不過貪欲平等。順覺貪欲自性。故
世尊。貪欲即是菩提。何以故。世尊。順
覺貪欲自性。說名菩提。故彼是此。雞
羅句世尊。諸佛瞋惡具足。是雞羅句。
佛言身殊尸利。何因是雞羅句。身殊
尸利言世尊。佛說諸有為行過惡者。
諸佛安住瞋惡平等。順覺瞋惡自性。
故說名瞋惡具足。彼是此。雞羅句世
尊。諸佛愚癡具足。是雞羅句。佛言身
殊尸利。何因是雞羅句。身殊尸利言
世尊。諸佛能脫愚癡。諸名諸著安住愚
癡平等。順覺愚癡自性。故彼是此。雞
羅句世尊。諸佛身見具足。是雞羅句。
佛言身殊尸利。何因是雞羅句。身殊

尸利言世尊諸佛安住身見於諸法
中不入不出亦不入出畢竟安住無
住相故順覺身見不生不出無自性
故彼是此雞羅句世尊諸佛邪見具
足是雞羅句佛言易殊尸利何因是
雞羅句易殊尸利言世尊諸佛示現
有為是邪示現不實示現離如示現
有為是空無虛妄法順覺邪見自性
相故彼是此雞羅句世尊諸佛住顛
倒得菩提世尊諸佛住諸蓋住五欲
住欲住瞋住癡得菩提是雞羅句佛
言易殊尸利何因是雞羅句易殊尸
利言世尊住處者即無住處句佛言
易殊尸利無住處者是何句義易殊
尸利言世尊無住處者難住及以動
震即是凡夫小兒又諸佛善住欲平
等故瞋平等故癡平等故五欲平等
故諸蓋平等故顛倒平等故彼住欲
自性處如是證覺阿耨多羅三藐三
菩提彼住瞋癡五欲功德諸蓋顛倒
自性處如是證覺阿耨多羅三藐三
菩提是故諸佛住顛倒蓋五欲三毒
證覺阿耨多羅三藐三菩提是雞羅

句如是語已佛告毘殊尸利童真言
毘殊尸利若復有人問汝如來應正
遍知諸不善法斷諸善法具足如是
問時汝何發遣毘殊尸利言世尊若
復有人如是問我如來應正遍知諸
不善法斷諸善法具足世尊彼如是
問時我作如是說汝先親近善友勤
作方便相應莫一法合亦莫作離莫
取莫放莫攀緣莫不攀緣莫依莫住
莫棄莫掌莫聚莫求莫願莫見一法
為勝若小若寂勝彼後當知如來境
界不思境界離境界斷境界法佛言
毘殊尸利汝作如是解說是何發遣
毘殊尸利言世尊我作如是解說無
有一法可發遣者世尊佛坐菩提場
已有法若生若滅可見不佛言不然
毘殊尸利毘殊尸利言世尊者法無
生無滅彼有善法具足不善法具足
耶佛言不然毘殊尸利毘殊尸利言
世尊若法不生不出彼無善法具足
不善法具足彼何所知何所斷何所
修何所證何所見道今時上虛空中
十千天子聞此佛及毘殊尸利童真

說已即散憂波羅花接施摩訶目
施華奔荼梨迦華曼陀羅華摩訶曼
陀羅華札佛及曼殊尸利童真足已
如是說言世尊無著尸利此謂曼殊
尸利世尊無二尸利此謂曼殊尸利
世尊無有尸利此謂曼殊尸利世尊
無餘尸利此謂曼殊尸利世尊如尸
利實際尸利法界尸利勝尸利寂勝
尸利無上尸利無上上尸利無等尸
利無等等尸利世尊此謂曼殊尸利
童真如是語已曼殊尸利童真告彼
天子言止止天子莫分別我我不見
一法若勝若劣若寂勝若妙又天子
汝若說言曼殊尸利者我欲尸利彼
是我曼殊尸利我瞋尸利彼是我曼
殊尸利我癡尸利彼是我曼殊尸利
如是說者名為正說何以故天子我
不過欲不過瞋不過癡天子諸凡夫
小兒有行有到諸菩薩無一處法中
有行有到天子言曼殊尸利諸菩薩
不到佛法不行十地耶曼殊尸利言
天子於意云何幻人心心數法行十
地耶天子言曼殊尸利如是幻人本

無住處何處於地復有行到是殊尸
利言如是天子諸法喻幻彼無行踐
無他處到無用力行無自主行天子
言舅殊尸利汝不當覺菩提耶舅殊
尸利言天子於意云何凡夫小兒貪
欲繞住能坐菩提場具足遍智不天
子言舅殊尸利汝豈復貪欲繞住是
凡夫小兒耶舅殊尸利言如是天子
我欲繞住我瞋繞住我癡繞住我是
外道我是邪行天子言舅殊尸利以
何義意說如是言我欲繞住我瞋繞
住我癡繞住我是外道我是邪行舅
殊尸利言天子我所有繞住無有住
處於十方中無欲瞋癡自性住處故
以無住處相應故天子言舅殊尸利
汝云何是外道舅殊尸利言天子我
於外道無所行到彼因緣故我是外
道天子言舅殊尸利汝云何是邪行
舅殊尸利言天子我知諸法是邪不
實不如但是分別彼因緣故我是邪
行尔時十千天子於舅殊尸利童真
邊聞此說已無生法中得忍彼得忍
已說如是言世尊若彼衆生善此金

剛句光明到耳者得勝利何況聞已
信解為緣受持讀誦修習演說如所
說行世尊彼於諸法中當得無著辯
才及得明照善說一相諸法於佛法
中相續不斷顯示諸法皆是佛法
今時衆中復有天子名蓮華遊戲智
通來集會坐今時蓮華遊戲智通天
子而白佛言世尊宜說十種音聲入
智於後世時五十歲中菩薩聞如是
等法已不驚不怖不畏於諸法行當
知入行不疑不惑如是語已佛告蓮
花遊戲智通天子言止止天子何須
問如是處此音聲入門初業菩薩不
能知覺思惟稱量共議善家子此法
說時亦不得於初業菩薩前說何以
故說意難知故天子音聲入門菩薩
如恒伽河沙等劫若彼不如實言訶
罵彼於其中無瞋尋心又復恒伽河
沙等劫若得淨心好意供養尊重諸
樂因緣衣食卧牀病緣藥等諸事彼
於其中亦無順愛心生善家子如呵
羅漢漏盡於諸順愛住處法中終不
生愛於諸瞋尋住處法中亦不生憎

善家子如是音聲入門菩薩於恒伽河沙等劫若得供養諸樂因緣彼於其中而無順愛心生於恒伽河沙等劫若彼不如實言訶罵彼於其中無瞋尋心善家子如是音聲入門菩薩於諸衰利毀譽稱譏苦樂無受無著過於世法而住猶如山王如是語已蓮華遊戲智通天子復白佛言世尊菩薩學時復去何學音聲入門佛言善家子汝今何須問如是處天子言世尊為說音聲入智於彼未來若有菩薩入於此忍當作淨想信想愛想彼等聞此音聲入智已當覺自惡亦教餘人如是語已佛告蓮華遊戲智通天子言彼若然者天子善聽正念善思吾當為汝演說此義蓮花遊戲智通天子對曰如是我甚樂聞佛言天子若有菩薩於欲聲中生過罪想離欲聲中生讚利想即不學佛法中於瞋聲中生過罪想離瞋聲中生讚利想即不學佛法中於癡聲中生過罪想離癡聲中生讚利想即不學佛法中於少欲聲順愛於多欲聲背憎

即不學音聲入門中於知足聲順愛於不知足聲背憎即不學音聲入門中於減省聲順愛於不減省聲背憎即不學音聲入門中如是略說當知於樂獨聲順愛於多人聲背憎於佛聲順愛於外道聲背憎於梵行聲順愛於非梵行聲背憎於毗鄰耶聲順愛於非毗鄰耶聲背憎於清白聲順愛於煩惱聲背憎於愛聲順愛於非愛聲背憎即不學音聲入門中於果聲順愛於凡夫聲背憎於樂聲順愛於苦聲背憎於出世聲順愛於世聲背憎即不學音聲入門中於出家聲順愛於在家聲背憎即不學音聲入門中於施聲順愛於慳聲背憎而生尋想即不學佛法中於持戒聲生讚利想於破戒聲背憎而生尋想即不學佛法中於忍聲生讚利想於瞋聲生尋想即不學佛法中如是略說於精進聲生讚利想於懈怠聲生尋想於定意聲生讚利想於亂聲生尋想於智聲生讚利想於無智聲生尋想即不學佛法中於近聲順愛於遠聲

背憎即不學音聲入門中於流轉聲
生過罪想於涅槃聲生讚利想即不
學音聲入門中於此岸聲背憎於彼
岸聲順愛於村落聲生過罪想於阿
蘭拏聲生讚利想即不學音聲入門
中於獨行順愛於共行背憎即不學
佛法中於比丘行順愛於在家行背
憎於威儀業順愛於非威儀業背憎
於淨妙行順愛於非淨妙行背憎於
戒行順愛於惡戒行背憎於不雜行
順愛於雜行背憎於離貪欲行順愛
於貪欲行背憎於離瞋惡行順愛於
瞋惡行背憎於離愚癡行順愛於愚
癡行背憎於空行順愛於有見行背
憎於無相順愛於相背憎於無願順
愛於願背憎於菩薩行順愛於聲聞
獨覺行背憎即不學佛法中若譏菩
薩過失則遠菩提亦取業障若譏威
儀則遠菩提亦取牢固業障若有菩
薩於菩薩邊生界小想於已勝想則
為自傷亦取業障如是菩薩於他菩
薩若教若誡生教師想然後教誡菩
薩若欲不捨菩提於菩薩邊莫生小

想善家子菩薩如是無有一處令善根斷如輕第二菩薩者是故菩薩若欲護諸善根欲清淨諸業障欲速於諸法中得無尋行應當晝夜各作三時禮諸菩薩乘者富伽羅

尔時昇殊尸利童真復白佛言世尊如我解佛所說義欲聲佛聲稱量一等瞋聲佛聲等癡聲佛聲等外道聲佛聲等少欲聲多欲聲等知足聲不知足聲等減省聲不減省聲等樂獨聲共衆住聲等此岸聲彼岸聲等遠聲近聲等流轉聲涅槃聲等村落聲阿蘭拏聲等施聲慳聲等持戒聲破戒聲等瞋恨聲忍聲等精進聲懈怠聲等亂聲定意聲等無智聲智聲等尔時蓮華遊戲智通天子語昇殊尸利童真言昇殊尸利何因緣故稱量一等昇殊尸利言天子如是欲聲於汝意謂是何天子言昇殊尸利如我意謂欲聲如響昇殊尸利言天子如是佛聲汝意復謂是何天子言昇殊尸利如我意謂亦與響法不別昇殊尸利言此因緣故稱量一等

今時佛告曷殊尸利童真言曷殊尸利汝於前世住初業地未入如是法道作何業障汝今可說若未來世所有假名菩薩聞如是等業障惡已當自守護如是語已曷殊尸利童真復白佛言世尊彼聞如是等業障惡已雖當憂怖而得淨於業障亦得諸法無尋世尊乃往過去無數劫復過無數廣不可量無量不可思復過彼已於彼時節有佛出世名師子鼓音王如來應正遍知明行具足善逝世間解無上調御丈夫天人教師佛婆伽婆彼如來壽量六十俱致那由多百千歲說法調伏恒伽河沙等衆生亦以三乘成熟衆生彼世界名大光於中若樹若柱七寶所作於彼樹中有如是等聲出所謂空聲無相聲無願聲無生聲無滅聲無所有聲無狀貌聲常出如是等聲若聲出時彼諸衆生於法見證彼時如來初集聲聞有九十九俱致彼皆阿羅漢乃至以平等智善解脫心第二集有九十六俱致比丘第三集有九十三俱致比丘

第四集有九十俱致比丘亦皆阿羅漢乃至以平等智善解脫心彼菩薩集亦如是數彼皆無生法忍具足善能出生種種法道供養多百千俱致部由多佛名稱聞於百千俱致部由多佛土度脫多百千俱致部由多衆生得無邊門陀羅尼出生百千俱致部由多三摩地自餘始業初乘發行菩薩摩訶薩亦多無量無數彼如來土功德莊嚴具足若以言說終不能盡彼如來滅後正法住九十九百千歲彼諸樹聲皆不復出世尊彼時有菩薩比丘名曰喜根作說法者世尊彼喜根菩薩先行質直不分別威儀不捨世間不尋世法彼時衆生諸根悉利少聞即知有深信解為彼衆生不讚說少欲不讚說知足減省樂獨亦不讚說不共衆住亦不示現發起精進亦現自身行於雜行令彼衆生攝取諸法即欲自性攝取諸法即瞋自性攝取諸法即癡自性攝取諸法而無障尋彼以方便令彼攝取諸行一相若彼衆生彼以方便令攝取已

無有一處衆生若行若威儀而有瞋
尋彼不瞋尋心已便得忍地於如來
教中當得決定不壞深心世尊彼時
復有菩薩比丘名曰勝意亦作說法者
世尊勝意說法者得四第耶都四無
色入受行十二頭多功德世尊勝意
菩薩所調伏者取他過惡其智動搖
世尊尔時勝意菩薩於村落中為食
而行至喜根菩薩所乞之家以不知
故彼於其中見舍主子即至彼舍主
子所至已設如是座坐已為彼舍主
子說少欲說知足說減省說共衆住
過惡讚說樂獨讚說不共衆住仍於
彼舍主子前惡說喜根菩薩云彼比
丘者乃令多人取於邪見其彼比丘是雜
行者取欲無尋取瞋無尋取癡無尋
取諸法無尋彼舍主子利根得忍語
彼比丘言大德意謂貪欲是何比丘
言如我意謂欲是煩惱舍主子言大
德貪欲為內為外比丘言貪欲非內非
外舍主子言貪欲從何所來去至何
所復住何處比丘言貪欲無來無去

亦無住處舍主子言大德貪欲若非內
外非東方分亦非南西北方上下四
維無有處住亦非無住彼之貪欲豈
非無生若無有生何有煩惱及以清淨
今時勝意比丘瞋恚不喜從坐起去
說如是言彼比丘者乃令多人取不
如實以不學入音聲故於佛隨聲則
喜於外道聲則瞋以不學入音聲故
於梵行聲則喜於非梵行聲則瞋以
不學入音聲故於清淨聲則喜於染
汙聲則瞋以不學入音聲故於聖果
聲則喜於凡夫聲則瞋以不學入音
聲故於樂聲則喜於苦聲則瞋以不
學入音聲故於出家聲則喜於在家
聲則瞋以不學入音聲故於出世間
聲則喜於世間聲則瞋以不學入音
聲故於施聲則生利想於慳聲則生
尋想以不學佛法中故於持戒聲則
生利想於破戒聲則生尋想於彼乞
家出已還向阿蘭拏處至住處已令
餘比丘亦如是取即於衆中見喜根
菩薩已說如是言此比丘者乃令多
人取於顛倒此比丘者乃令多人取

於邪見其此比丘是雜行者取欲無
尋如是亦取瞋癡無尋及取諸法無
尋喜根善菩薩作如是念今此比丘必
作業障我須為說如是深言乃至令
作修助菩提法因今時喜根善菩薩欲
令衆信即於諸比丘僧前說此伽陀
貪欲說涅槃 恚癡亦如是 於出道當覺
佛菩提不思 若分別貪欲及諸恚癡等
遠彼佛菩提 譬如天與地

若不破壞欲瞋已 入於癡者見菩提
彼即近於勝菩提 當得於忍亦不久
貪欲菩提二非二 一入平等與相應
若不如是隨順覺 彼佛菩提遠復遠
貪欲不生亦不滅 未曾作惱染於心
若有我想有得見 為彼貪欲泥犁入
所有欲法即佛法 所有佛法即欲法
此二一字而無相 如是知者為導師
若分別戒破戒已 以戒自高而醉逸
彼不生天况菩提 但自安住有得見
若於煩惱分別已 常好依倚瞋見中
此道非是勝菩提 若念彼則凡夫縛
若住蘭拏分別已 高貴自我而欺他
彼無菩提無佛法 但自安住蘭拏見

蘭拏法中既不見於村落中作威儀
天修羅中彼是賊何有菩提及佛法
若分別我當作佛彼凡無智亦所牽
所有佛法如虛空於中無取亦無捨
見行菩提本不二名字數音說為人
若不入於此法中彼佛菩提遠復遠
若求菩提無菩提若見菩提遠菩提
不此教中至滅度分別此法無有實
若佛法中生羨樂彼則遠此佛菩提
無實法中既生羨則當復受於苦惱
若以供養異不供供養法中則聚著
若知此界同平等彼當作佛人中尊
若不於佛及佛法諸種諸處未曾見
彼於諸法則不染覺菩提已破摩羅
若欲度脫諸衆生彼衆生界未曾念
諸法猶如涅槃等彼若見是作人尊
若說外道是惡意若說諸佛人勝者
於此二中無差別如是知者作導師
若覺菩提無所覺若如是知無所知
佛與非佛不等佛此不分別人中上
佛於菩提未曾覺衆生未曾有脫者
凡夫分別無有法彼遠復遠佛法中
若有為法非有為彼所有數未曾有

若無有數千亦無此諸方便不說二
若無衆生無成就不見佛法是實有
如佛亦如諸衆生如是知者觸菩提
若欲當覺勝菩提於彼欲法莫分別
所有欲法自性相彼即佛德不可思
若佛法中未曾發於佛菩提不生心
無異菩提無異心如是知者作導師
以菩提心凡自高若分別念我作佛
彼無菩提無佛法則捨此法自性印
若念衆生我欲脫愚癡著彼衆生想
說衆生者無衆生菩提不於衆生住
若見衆生如是怖彼則無邊恐怖生
諸衆生言如山響如是知者人中上
若見衆生畢竟脫常無貪欲瞋癡等
衆生寂靜常大寂如是知者作導師
貪欲非內亦非外欲於諸方無依倚
無實諸法分別已如是我想凡所迷
如響如幻如焰等如石女兒亦如夢
如諸煩惱不可見凡夫轉行由無知
若求煩惱彼有惱正念選擇莫懈怠
不分別道及煩惱觸無分別菩提地
若空法中凡夫畏於佛法中彼當遠
若空法中無有疑寂勝菩提彼當得

若以言說分別境 言說及義不可思
染著名稱及利報 自謂念道無疑惑
不以著名念所說 而見蘭摩有所住
少欲知足分別已 復為貪欲力所牽
若人避於欲法走 彼於欲法不可脫
若能順覺欲法實 彼則見法欲乃離
守護禁戒雖長夜 出生定意無邊劫
此佛教中彼不脫 以不覺此真實際
若覺此法無所有 於諸法中彼無著
不以分別戒破戒 而脫凡夫有見境
若見持戒常無戒 若覺戒義破戒法
彼於破戒不可得 彼覺戒行相如是
法王所有不思法 俱致方便化衆生
以一方便令其入 此菩提中寂無漏
凡夫墮於大墮中 說勝法所聞法已
無作無物無有相 一道方便自性空
雖在勝家喜欲樂 而聞法已不驚怖
不於此教出家已 頭多自高有見得
所有十方佛世尊 住世作利大仙主
皆知諸法如空已 法無起作觸菩提
無知而有淨相想 聞此實法有驚怖
彼俱致劫受多苦 常受苦分無有間
說此伽陀時三十 千天子等無生法

中得忍十八千比丘以不受故諸漏
心皆解脫即時地裂勝意菩薩死墮
大帝叫泥犁耶中彼業障故於百千
俱致劫大泥犁耶中受諸極重苦毒
受已於七十百千生中常得誹謗於
多百千俱致劫中不聞如來應正遍
知名字彼後值遇如來於彼教中出
家而不憚樂六十百千生中出家已
反戒入俗以彼殘業障故於多百千
生中闇鈍而行於彼時節名憚根比
丘菩薩摩訶薩說法者今已證覺阿
耨多羅三藐三菩提現住說法在東
方分過百千俱致佛土於寶盡世界
中名密無垢蔽日光福德威熾王如
來應正遍知現住說法於彼時節名
勝意比丘說法者即我彼時作說法
者名勝意比丘世尊我受如是苦惱
如是住時以未入此法道故受如是
苦於無苦中分別苦顛倒苦是故若發
菩薩乘者若發獨覺乘者若發聲聞
乘者不用如是業障者不用如是苦
者於諸種法不應毀棄於彼正法亦
不應毀棄亦不應一處而作瞋尋

尔時佛告易殊尸利童真言易殊尸
利彼時汝因聞彼伽陀有何勝作易
殊尸利言世尊我因聞彼伽陀從彼
業^鄣而起處處馳走遍流轉已於諸
處中得其甚深忍得決定忍善說深法
佛言易殊尸利是誰神力憶念如是
久遠所作業障易殊尸利言世尊所
有菩薩若思若念若隨順念彼皆如
來神力何以故世尊如是諸法皆是
如來本性佛言若得如來十力與聞
此者稱量一等若於無生法中得忍
與聞此者稱量一等易殊尸利言世尊
如我解佛所說義聞此法本果不可
思佛言如是如是易殊尸利如汝所
說聞此法本果不可思但如來不記
說何以故彼不勤修非善丈夫若聞
此已當不信解易殊尸利此是諸法
入門尔時易殊尸利童真及慈氏菩
薩摩訶薩復白佛言世尊當住持此
法本令末後世後五百歲法轉之時
廣至多人手中不使摩羅及摩羅身
天得入其便尔時世尊為住持此法
本故左右觀視如是無間世尊觀已

彼時十方恒伽河沙等佛土六種振動於彼時中世尊則為已住持此法本自餘諸佛世尊於恒伽河沙等世界亦住持此法本說此法本時乃至十方恒伽河沙倍多於彼衆生無生法中得忍彼復倍多於法證見何況復言住聲聞乘獨覺地無學地此時命者阿難陀而白佛言世尊云何名此法本我去何持佛言阿難陀此法本名說諸法不轉此名當持佛說此時舅殊尸利童真歡喜慈氏菩薩摩訶薩師子遊步菩薩摩訶薩蓮華遊戲智通天子及餘天子并彼大菩薩衆諸天人犍闥婆阿修羅等聞佛所說皆大歡喜
諸法本無經卷下

癸卯歲高麗國大藏都監奉
勅彫造

無極寶三昧經卷上

五

西晉月氏三藏竺法護譯

聞如是一時佛在羅閱祇竹園中與
千二百五十比丘俱菩薩九十億人
皆如文殊師利等是時竹園四面周
布地自然生文陀般華種種妙色
非世所有華華各有百万之紫華上
各各有佛坐之佛上各有交露寶蓋
蓋間各有伎樂之聲一佛之前各有
菩薩皆如文殊而坐問事竹園之地
如三彌佛刹皆悉平等大千刹土日
月之光皆悉蔽沒無復明耀百日之
中但見諸佛諸大泥犁皆得休息百
鳥禽獸不飲不食皆得法味百日安
寧見佛歡喜自忘食心一切人民普
得法味百日安隱無飲食想心意快
然發無上意一切樹木皆有音聲竹
園之中化有浴池池中生十万種華
華有交露師子之座各有菩薩而處
其上其邊各有天人立侍帳間各各
万種音樂千歲枯樹悉生華葉一切
樹木皆傾相向竹園左右女人見佛

者皆化作男子無復愛欲悉得法眼
今時佛作寶如來三昧遍悉感動九
萬億刹四方四隅上下方面無極佛
刹各遣菩薩賣持妙華來詣竹園礼
事供養訖各却坐釋梵四王愛欲諸
天各與眷屬於虛空中以天華香伎
樂供養諸大龍王阿須倫王迦樓羅
真陀羅摩休勒等各各自與無數官
屬來詣佛所礼事供養舍利弗白佛
言今所感動是何瑞應佛言無應之
應是其應也舍利弗言無應之應其
義云何佛言汝往問於寶來菩薩則
當為汝演說此義即時舍利弗問寶來
曰今此感動為何瑞應寶來菩薩答
舍利弗羅漢疑重故不解乎有想想
者非盡之法無想無作是為法寶菩
者我始發意之時與三十六億人求
菩薩道時釋迦文亦在其中一切所
志皆有起滅諸法本空譬如野馬無
想起作持是作法而滅行求願想欲
得是自言得道起想罪根壞滅諸慧
求於三尊想取泥洹疑盡滅身而生
死不斷羅漢得泥洹譬如寐人其身

在牀一時休息命不離身羅漢得禪
故是大疑寶來又問舍利弗言譬如
龍王興作雲雨四面合冥不知所從
來菩薩從第九已下悉已逮得六万三
昧其所興為固不可限亦何復疑所
從來處舍利弗言我學未得善知識
故令我疑根不斷絕耳今聞尊法無
所復益譬若如人為百鳥作樂樂雖
和妙鳥不聽受今我如是不了是法
一切新學菩薩大士聞是三昧德尊
無量譬如夜時暫見火明火滅之後
故冥無見今我如是無益已矣願作
八千里火以身投中如是億劫然後
乃出復入三惡道為一切所斂食數
千億劫後生作人求善知識寧可得
不寶來答曰火雖廣大心垢叵燒學
無溫起拘舍羅不得善知識者不得
薩芸若也寶來菩薩白佛言諸法無
主誰為成薩芸若者誰成正覺弟子
緣覺惟加大恩演示其義佛言善哉
所問深妙乃欲破斷生死之根今為
汝說諦聽受之若善男子善女人欲
得阿耨多羅三藐三菩提者當行九

法寶一者見諸天無有處但有名耳
二者見世間人民但有字耳三者見
五道勤苦但有習耳四者地水火風
亦本空耳五者當來過去現在如芭
蕉無想六者現生死無本際七者觀
諸三昧寂無往來八者當觀大千諸
佛刹土了無得三昧者九者見大千
刹土中一切蠕動悉欲度之令與佛
等是為九寶得是無作之想者可得
決斷一切大想寶來又問諸法無想
當作何住得無所住佛言諸法無住
住則為想無起之念非想非道亦復
是想斷求無想得住無住寶來又問
當作何緣度於衆欲佛言衆欲無垢
無度無主無往無來如虛空觀與泥
洹等與無名等寶來菩薩言善哉善
哉深妙乃尔

般施菩薩白佛言菩薩欲得坐佛樹
下莊嚴刹土教導十方令諸佛土如
今竹園普使逮得無所從生修行何
法而得致此佛言當行八直一者直
無名之響二者直無名之聲三者直
觀十方佛土等無有二四者直見大

千刹法等無異五者直觀十方一切
欲令與佛等六者直於無形見一切
無有起滅七者直見八諸三昧無有
往來相報之想八者直見十方諸
佛般泥洹不般泥洹亦等無異是為
八法菩薩從是疾得無所從生法忍
教授十方得如竹園

寶來菩薩復白佛言今諸上人各從
遠來觀見世尊歡喜忘食乃得值聞
是尊三昧為是宿福本願所致耶佛
言亦非本願亦不離本願所行常精
進不失諸三昧常隨善知識遠離於
衆事寂然不數會但志在三昧今故
以寶珠來雨衆會上寶來復問新
發意菩薩欲行是三昧當云何行而
得致是佛言當行八法寶得是三昧
一者即於佛前得是三昧二者供養
十方羅漢真人行菩薩法億劫不憊
一時聞是三昧尊法解說親近奉不
遠離三者供養舍利起塔彌滿殖福
無缺而於法無益一時轉意作行者
即向慧門四者得四無畏於十方生
死無所遠離五者菩薩見五道勤苦

意欲度之沒命救濟不以為劇又欲令彼得安至佛六者菩薩事人如奴事大夫貴欲度之不以勤苦所以者何知本無故七者菩薩觀見九十六種道於中覺知欲起法住八者奉行六波羅蜜供養比丘僧雖億万劫不如一時間是三昧十方其有當作佛者用何為證聞是三昧即知是人為得佛證也其有發意向是三昧惟喜信樂而解慧者即為已解六万三昧是為八法實行是三昧即得陀隣尼門佛於尔時欣然而笑光耀燁燁靡不遍照文殊師利稽首白佛佛不虛笑笑將有意佛語文殊審如所言是寶來菩薩從寶如來佛剎來去是九億万佛國其剎名曰諸法自然其有善男子善女人往生者不從胞胎不更苦痛無有恩愛皆於自然華香中生即住立無乳哺者自然伎樂朝暮娛樂寂然清淨以為法僧若善男子善女人聞是三昧即却六百四十万劫之罪罪盡命終便得往生彼國寶如來剎無日月光雖有日月明蔽

不現若人往生者日月星宿即為出現其見日月星宿有光明者即知有人當往生也而諸聲聞不逮知此唯佛世尊及神通菩薩乃見知之是故我今而笑之耳

賢者須菩提及舍利弗俱前稽首而白佛言願加大恩加我威神得至彼刹諸法自然國札事供養須臾來還佛即聽往俱到彼國即至而見其中所有俱亦復有羅閱祇城亦有竹園釋迦文佛一切所有如此無異舍利弗問須菩提恒薩阿竭隨我來乎須菩提舍利弗札事畢訖從彼來還至觀衆會續自如故佛問舍利弗向至彼國皆何等見對曰我見彼國悉如此間諸佛之功德甚尊甚尊僥哉會者得遇見此也

三彌菩薩從座起整衣服稽首佛足願欲所問無生之法為有想無未起之想有識無泥洹寂然有定無泥曰不起有形無設無形而在彼間教生死五道誰是主者佛言諸法本無一切清淨因緣起滅故生諸法以空造

空本無是主三彌菩薩聞佛所說諸
天及人八万六千皆得無所從生法
忍昇住空中去地百六十丈從上來
下稽首佛足是時三千大千剎土地
大震動弥勒菩薩白佛言向者地動
是何瑞應佛告弥勒今地之動非獨
此也十方諸剎地亦普動諸剎亦復
各有八万六千天與人得無所從生
住在空中皆如此也弥勒復問菩薩
云何得致無所從生法忍佛言有六
法得致之一者知天及人當得佛者
未得剎者我當往剎之不與十方天
下人共知之二者大千剎中若善男
子善女人當得佛未得剎者我往剎
之不與十方天下人共知之三者諸
地獄中人當得佛者我悉當往剎之
不與十方天下人共知之四者十方
人絕命所生處我悉知之不與十方
天下人共知之五者十方天下人壽命
盡我悉知之不與十方天下人共知
之六者十方諸佛取泥洹不取泥洹
我悉知之不與十方天下人共知之是
為六法疾得無所從生法忍弥勒菩

薩白佛言是三昧者為極大尊欲令
衆會普共逮得當行何法而令得之
佛言當行九法一者視諸法悉清淨
無邊二者視諸天亦清淨無邊三者
視諸生死清淨無邊四者視五道悉
清淨五者於欲無所求悉清淨六者
視三界色悉清淨無有邊七者視泥
洹悉清淨無有邊八者觀泥洹悉清
淨無有邊九者見十方無有舉名者
是為九法菩薩行如是者疾得是三
昧弥勒白佛言菩薩得六万三昧三
昧寧有邊幅無耶而得六万三昧是
為無邊幅乎佛言雖得六万三昧但
有名耳不可極盡三昧悉具足又三
昧者非但一品有無念三昧有離欲
三昧有坐聽十方佛三昧有莊嚴諸
佛國土華香自然來三昧有所說法
一切人悉運本三昧有出諸法無還
想三昧有說經時化為百種音聲三
昧有說法億千万佛國華香自然三
昧有伏諸群生三昧有發師子意獨
行獨步三昧有所見處莫不發阿耨
多羅三耶三菩提三昧有所在處莫

不供養三昧有乱風一起時如佛說
經聲三昧有所向門莫不開三昧有
所在處師子為現三昧有飛到十方
三昧有向門莫不開十方菩薩往來
無極三昧有坐知十方人意三昧有
壞滅諸想三昧有壞滅諸識三昧有
合十方諸剎土合為一剎三昧有發
意不盡三昧有視三界了無一人三
昧有住一佛國到一佛國三昧有所
在處令法不斷絕三昧有所在常與
佛相遇三昧有坐觀十方大兵大火
大水大風於其中不恐怖悉往教導
之三昧有所在處但以法作器三昧
有善男子善女人聞是三昧即得往
來無還之想三昧如是三昧不可極
盡今為會中粗說之耳有無名三昧
有住諸法三昧有名諸慧三昧有教
法三昧有滅壞羅漢辟支佛三昧有
法寶三昧有捻持無名法三昧有知
人意三昧有斷諸煩惱三昧有制力
欲覺三昧有滅十方種力三昧有智
慧光明所處三昧有不可計三昧有
見法時如水影三昧有不可盡淨慧

三昧有空諸惡三昧有無願想三昧
有住禪乃到泥洹三昧有譬若金剛
無穢三昧有極明三昧有過諸煩已
盡三昧有廣大水法三昧有莊嚴大
船三昧有入無名三昧有不盡喜意
三昧有摠持無所忘三昧有在冥恣
令明三昧有所樂恣樂三昧有慈行
三昧有淨大哀三昧有入等心三昧
有出等心三昧有名已脫未脫三昧
有光明所從來處三昧有曉無所曉
三昧有脫慧脫教三昧有蓮華為現
三昧有離無常三昧有尊智慧無主
三昧有勇猛無所不伏三昧有開闢
諸剎三昧有清淨無形三昧有無名
寶三昧有如海無所不受三昧有神
足廣大三昧有如彈指無所不及三
昧曇摩菩薩語舍利弗言所問慧住
故曰不可極是應時聞所聞如意不
自貢高所作不忘常敬意如所教習
慧用意無所受故不失禮節所作法
不忘不乱意如珍寶除諸老病以意
為法器是為樂忍辱所思但想諦言
所樂但法意慧不用足時所施無所

惜所與無適莫所聞諦意觀懼喜無所得其意已悅身體為輕意不在外道但欲聞法味及比羅經但欲聞遍起拘舍羅但欲聞四等心欲聞無底法如意不異念欲意受遍起拘舍羅欲聞無所從生法不貪觀但欲意受慈度之欲知無常聲欲知寂然之意欲知空復是空欲知無想生死及布施一切不欲聞但欲聞音樂隨樂十方忠信以作正降伏諸欲根

曇摩菩薩白佛言菩薩已得寶如來三昧自在所為衆慧已具便得三寶一者譬如水中影影亦不在水中亦不在水外菩薩於是聞坐其身悉在十方其身亦不在十方二者菩薩於是聞坐分身悉現十方佛前坐其身亦不在十方佛前坐三者譬如山中呼響音聲還報音響亦不在內亦不在外菩薩於是聞坐悉遍說十方佛諸菩薩事十方諸菩薩亦無往來到彼者彼亦無往者如是也佛語曇摩菩薩已得陀隣尼門辭如持弓弩布矢在欲所射無所不到菩薩持一慧入

萬億慧靡所不至如是也佛告曇摩
菩薩汝見阿須倫欲興兵時彈指之
頃兵到六天中間無空缺菩薩已從
第九以下欲說法時如是也寶來菩
薩語舍利弗言淨者貪欲消伏其意
無貪欲者是不可盡其諸惡意者不
能伏復亂其意護於惡意是故不可
盡其意瞋恚有形欲貢高諸所不可
索可欲作菩薩常欲護是意知不可
盡去諸垢當知意不可盡護者不令
慳忌當知其意不可盡其狂亂者轉
以法護之當知意不可極無智慧者
欲護之知意不可極一切以法施與
法脫之當知意不可盡欲教一切人
皆令為功德當知是意不可盡

寶來菩薩語舍利弗言菩薩有四法
一者意作陀隣尼行不可盡二者陀
隣尼所入行不可盡三者以陀隣尼
教一切是不可盡四者博學問故陀
隣尼不可盡是為四復有四事不可
盡一者上脫中脫不可盡二者四馬
之路不可極三者可意之王不可極
四者十二因緣無有主不可盡是為

四復有九法不可盡一者無我之語不可盡二者無作之想不可盡三者寂寞泥洹之語不可盡四者所度不可盡五者大海流水無有懸倦不可盡六者諸惡無垢不可盡七者苦痛之聲不可盡八者去來之想不可盡九者所度無主不可盡是為九復有二法不可盡一者諸佛剎土不可極二者諸菩薩所從來處不可極三者發阿耨多羅三耶三菩提心者不可極四者失願取羅漢辟支佛不可極五者十方菩薩從一佛剎飛到一佛剎不可極六者六波羅蜜不可極七者三三昧不可極八者過於泥洹亦如化不可極九者三昧不可極是為九寶來菩薩語舍利弗言菩薩有十二寶一者其心不著愛欲是即忍辱不可極二者不起我非我亦無所造是故忍辱不可極三者不念一切善惡是為忍辱不可極四者不恨心意於一切是為忍辱不可極五者不瞋怒向一切人是為忍辱不可極六者不懷念他人惡是為忍辱不可極七者

亦不安燒人有所擊是為忍辱不可
極八者於大會不調戲於座上定為
忍辱不可極九者自護護他人身是
為忍辱不可極十者有貧窮者給與
護之從後無所怖望是為忍辱不可
極十一者自制不隨惡知識是為忍
辱不可極十二者無有愛欲意於身
及他人身是為忍辱不可極十三者
不起諸想無念善惡如彈指頃是為
忍辱不可極十四者護於功德莊嚴
身相是為忍辱不可極十五者信作
善不離於三昧是為忍辱不可極十
六者常護口不妄言是為忍辱不可
極十七者心意清淨是為忍辱不可
極十八者堅住善知識世世與相隨
不於他處說其過惡是為忍辱不可
極十九者自校計他人有惡者我亦
有惡是為忍辱不可極二十者所念
無有邪邪即覺是為忍辱不可極二
十一者軟心和意是為忍辱不可極
二十二者護惡人令心不起是為忍
辱不可極二十三生天者教導諸
天是為忍辱不可極二十四生天

上世間教兩道中不更三道是為忍辱不可極二十五者具足諸種好是為忍辱不可極二十六者得音如梵天聲是為忍辱不可極二十七者脫婬怒癡是為忍辱不可極二十八者不於諸色及名有想是為忍辱不可極二十九者所作功德不着但欲起衆法耳是為忍辱不可極三十者降伏諸外道是為忍辱不可極三十一者已出諸病中是為忍辱不可極三十二者具足諸佛法使不傷誤是則為寶不可極三十二事

復次舍利弗復有三十三事為所入寶一者欲入響欲入觀觀無所觀是即為寶二者欲入心離心是即為寶三者於心無主是即為寶四者欲入身求脫本無脫者是即為寶五者欲入十二因緣無有住者是即為寶六者欲入不斷離於不斷是即為寶七者欲入無常視之無形是即為寶八者欲入無名主離於無名是即為寶九者欲入寂不離於起是即為寶十者欲入三界不離三界是即為寶十

一者受無所受是即為寶十二者欲入當來過去亦出當來過去是即為寶十三者欲入功德觀本無主是即為寶十四者欲入空空空中空是即為寶十五者欲入無相不起無相是即為寶十六者欲入願離願是即為寶十七者欲入空離空想是即為寶十八者欲入三昧無有合所以者何法無二故是即為寶十九者不以三昧有所願生處是即為寶二十者三昧不為一切諸法作證是即為寶二十一者欲入無生之道無有度者是即為寶二十二者欲入無生處是即為寶二十三三者欲入不動搖處是即為寶二十四者欲入一切無我不離無我是即為寶二十五者欲與生死初無相知者是即為寶二十六者欲與三昧初無相識者是即為寶二十七者欲入相初無相知者是即為寶二十八者欲入欲能欲意是即為寶二十九者欲入不念無有念是即為寶三十者欲入陀隣尼門無所不捨是即為寶三十一者欲入者所作惡欲

不為惡是即為寶三十二者欲入漚
和拘舍羅以意作法器是即為寶三
十三者欲與万事相應不相遠是即
為寶三十三事

佛語文殊師利辭如欲入城當從其
門欲知因緣無所諍欲知諍者不如
自守欲知不欲語言者不如莫在中
不欲動者勿得轉欲無怖望者當無
所想不欲色者當正住不欲有異者
當寂自守能自守者不稱說不自高
自下者其人已具足故欲有所便者
所作無所失得道亦如是無有疑無
有疑者知本無故知本無者無所失
故三世等無有異三世無增減者不
住色已不住色為不住衆法也眼見
色者但是眼睛住非是色也耳聞聲
聲無所住鼻識香香亦無所住口識
味味亦無所住意亦不知識識亦不
知意意無所住如本行無有想慧行
諦諦如是無有我是我所諸法見但
見無我慧不知所有所有亦不知慧
慧不知習習不知慧菩薩心不離心
曇摩菩薩白佛言道不與想合者為

有合者無佛言諸法不以想為證但以音響為法譬如人吹笛聲音悲快與歌相入音均合同諸三昧者亦如是諸化亦如是念亦如是覺亦如是生死無名離於無名念化覺亦如是諸名無處我不想之無作之想為離無離無作之作以為作想想行寂然都無所有諸法非欲一切皆然實來菩薩白佛言諸寂不起欲決斷大疑各還本處佛言諸法處無有處化亦無處念亦無處又問生生處有生處無化化處有化化無念念處有念念無覺覺處有覺覺無佛言生生復生泥洹生是為合怛薩阿竭意生生復生不生泥洹生是為不合怛薩阿竭意化化復化泥洹化是為合怛薩阿竭意化化復化不化泥洹化是為不合怛薩阿竭意念念念復念念泥洹念是為合怛薩阿竭意念念念復念念不念泥洹念是為不合怛薩阿竭意覺覺復覺泥洹覺是為合怛薩阿竭意覺覺復覺不覺泥洹覺是為不合怛薩阿竭意文殊師利菩薩說頌言

法法無有生合為一淨耳生生不復生
泥洹皆如是化者從本無化化無脫者
化與泥洹等寂然無處所念者本無識
發念因空耳泥洹與念等所念諦如是
覺覺平等行所覺無所到所覺無常住
是恒薩阿竭化處無有處所覺無所到
若化無處所諸法皆如是生處有本無
無生是其處化處無名處一切為三昧
念處有念無從空到其處非本無所諦
其慧已如是覺行不相連覺不離其處
行從覺見諦離覺無有脫所生法不絕
所在常如是三千日月中所明無有上
法者非思想所當還行者於欲不起垢
非空亦非想如來意常淨亦不處法名
所脫非常住一切如本處華香自然來
所出無處所清淨竟無處所有皆悉令
千歲枯樹生皆從發意起皆見大光明
世明寂無有虛空為音樂晝夜光明見
是時大會者悉發菩薩意人民大歡喜
皆得聞是經即動三千剎得受不動身
寂然法為見無名是其應何況世所有
一切皆如是清淨不為定癡慧本無是
淨癡合同本慧本無脫者三昧無所起

一切皆如是 菩薩住道地 在意所從生
五事不可親 今墮三道中 遠離如是行
得佛遠十方 百日得法味 奉行是三昧
皆從諸刹來 飛來至佛所 諸天及國王
悉得見佛身 志意大歡喜 身體為悉輕
不當以色想 觀法有三尊 般若比羅經
所處無三千 如來本發意 願不離十方
常作大法園 所處無三千 三界之中人
及上忉利天 悉荷陀那佛 其号天中天
發意到其國 須臾復來還 摩提那菩薩
飛還到竹園

舍利弗白 寶來菩薩言 仁所來處 刹
土何類 本願何如 無極國土 寶來答
曰 無極國土 為何如耶 舍利弗言 無
極國中 悉皆菩薩 無有羅漢 異種雜
人也 一切所有 皆是七寶 寶來言 我
發願以來 所度不逮 不願無極國土
所有也 法無起處 豈有思想 一切刹
土 有起願者 今復逮見 無極想願 舍
刹弗言 仁者來時 賣持妙華 貴其珍
琦 不亦想乎 答曰 是華無形 但以為
主 而於竹園 以法授之耳 又舍利弗
見佛像者 為作礼 佛道威神 豈在像

中雖不在像中亦不離於像但有想者謂有威神觀之了無所有也願者譬如忉利天上有華名拘耆諸天莫不受樂者菩薩以法為一切導眼目道本所有但以意作法器耳舍利弗言意者獨有主耶寶來曰意者與諸法合諸法與意合道者無主以無起作主是故為法器也又謂舍利弗汝見化未曰見之寶來曰化道在何所從何所來去至何所舍利弗言化無處所寶來言何知為化舍利弗言但見化成時不見本末故名為化寶來曰是故無所有也舍利弗言見者為到見乎無所見何等為見寶來曰諸想如化是為見未起法如化未來法無名是為見無造法未作法是為見無有造化者但作無名之想是為見但薩阿竭作無造之作是為見舍利弗言於是見中有往來無寶來言無往來者以故為見設有往來者是不為見是為倒見也

舍利弗問寶來言乃有斷輪門者無寶來曰薩婆若者已見無形之門是

為已斷輪門已空可致脫無脫者可
致於空譬如空無所不入何以故都
無有處用是故無所不入用脫於本
故其輪不轉曇摩菩薩語寶來言諸
新學者我欲皆使逮得是法寶來曰
欲得空定者當行九法一者當定十方
人志令作菩薩二者見諸惡意令心
不起是為定三者視五道勤苦悉欲
脫之是為定四者於癡運中不起吾
我是為定五者視諸不明悉欲令明
是為定六者所作功德悉令不失是
為定七者視十方人皆等是為定八
者觀當來過去諸可意生勿復作識
是為定九者使諸佛剎人悉忘菩薩
意不動轉徙是疾得三昧是為定弥
勒菩薩白佛言今在會者誰不發阿
耨多羅三耶三菩提心佛語弥勒昔
沙河樓陀佛時我初發意為垢所蓋
不得大慧但聞菩薩謂發意當得其
處也但想空不得善師不得導

舍羅遠離善知識為欲王所欺言

不斷失波羅蜜沒六十二劫後於法
自然佛會斷我諸疑逮得本無立於

空中諸根即斷見於慧門得無動之
形從是轉行便斷法輪便從正覺受
是三昧雖六十二劫發意於法無益
後與法自然佛會便得大樹乃更發
意發意時有九十億人俱共發心求
阿耨多羅三耶三菩提

弥勒菩薩白佛言初發意者有幾法
佛言有九法一者遠離衆會常志寂
靜二者得善知識從受法不失三者
遠惡知識不與從事四者常遠離五
事一者惡沙門二者惡婆羅門三者
惡黃門四者惡牛惡馬五者蛇虺毒
虫此五者不當與從事未得道須令
人入泥犁以故當遠之五者初發意
求羅漢辟支佛心者當遠之當覺諸
魔事不當與共事也六者但夢中見
佛說深法七者但為法發意不在飯
食八者不當數聚會有所怖望九者
當等心於十方等心於三昧志欲坐
佛座不恐怖是為九法佛說是時六
万愛欲天子皆得是三昧諸天飛在
空中悉言善哉善哉得聞是法福德
無量弥勒菩薩白佛言是諸天子得

聞是法自持功德持佛威神耶佛言
是諸天子今聞是者宿命已事二万
佛供養舍利如須弥山雖有是福無
益於泥洹今聞是三昧起壞前福所
以者何前世所殖福皆有生滅今是
三昧以空壞有弥勒又言聞是三昧
者後得無復壞滅耶佛言是三昧終
不可壞所以者何三昧無名處無想
處無念處無形處無識處無威神處
無有結行求脫處三昧清淨是不到
彼彼不到是無有願想非想處無有
造作於化無有形處無生死斷無斷
處但有名但有響但有開慧之處慧
無所到無作器是故不可壞不可滅
無色處於欲無作識處無起行處不
受衆味無有形無出無入無生處無
應處寂然無動無邊幅不可壞敗欲
壞敗者是大癡根生死之門也又舍
利弗有五不直不當與從事一者不
當處法有二二者不當於法有所起
三者不當現諸法是非無有名者四
者不當於當來過去有所見五者諸
法不可斷是為五菩薩得是無去無

無極寶三昧經卷上 第二十六張五

來法者疾得阿耨多羅三耶三菩提
無極寶三昧經卷上

癸卯歲高麗國大藏都監奉
勅彫造

無極寶三昧經卷下

五

西晉月氏三藏竺法護譯

須菩提白佛言若有念苦樂者則不離於苦樂是則為二法菩薩者不中離不上離不脫離不中無所離於所作遠無作是為作所起如幻以幻脫幻幻中無幻幻中無名如是亦不從法得度亦不離法得度於脫中復脫是為無有主但有名耳於字無知名者是為法輪斷舍利弗言法輪本清淨無所有誰有斷輪者寶來日不知輪有處者是即為斷佛言貪可法者是為生死根滅法亦為無結之作也無作之作是為不離作離貪諸可即為無有斷者無貪不起是即道無可不可無生不生無識不識無死不死無斷不斷無遠不遠諸可不可所住無想離於無想所念無念所說無所說泥洹無滅離於無滅泥洹無形離於無形泥洹曰滅盡無所盡諸法寂然離於寂然諸法無可不可不有所失於慧離本非名無想所明無所明於明冥無相

知者癡慧無相入者於道無有得道者若苦若樂無相識者所起無所想於清淨無難易所度無有主所至無相離者諸法非名離於非名所度如流水於名無轉者如是者皆即道也佛以三昧度如人意以万物自在莊嚴但莊嚴無形莊嚴倒見莊嚴諸可意三莊嚴是想非想耳

文殊師利菩薩白佛言此諸天人來在會者有幾所人得是三昧佛語文殊今是會者諸天及人一切普悉得是三昧逮是功德悉當作佛當受尊決斷於五道今時會者聞佛所語八千億諸天及人悉得無所從生法忍即昇虛空去地三百丈其身上各有萬億華香却乃來下稽首佛足阿樓菩薩呵提菩薩從坐起白佛言是諸上人飛在空中身上華香從何所出佛言譬如淨帛本自淨潔在所染之五色鮮好帛本自淨色本亦淨二物因緣故得明好色亦不入帛帛亦不入色以淨因緣而得發明菩薩清淨故致華香其所因緣亦復如是菩薩

亦不在華香中華香亦不著菩薩諸
天及人得斷念想逮明慧法便有華
見用華淨故因緣興耳法亦如是無
住者成諸功德住想行者開生死門
羅漢辟支佛所以由逮五道者但用
十倒見故一者見諸功德悉言說者
悉為倒見二者見五道勤苦欲取泥
洹是為倒見三者見万物無常欲疾
離之是為倒見四者求安本自無本
是為倒見五者知出無間入無處世
自無出求之不止是為倒見六者羅
漢取泥洹時身中自火出火亦無處
便起想出身中火自燒者故知生死
不斷是為倒見七者本末不可盡而
自求盡是為倒見八者欲於泥洹滅
盡諸惡不知無主反欲滅之是為倒
見九者所施與不發一切人意但欲
法不斷是為倒見十者於苦於樂不
等淨行言有二法是為倒見行菩薩
道當知是事而疾離之

佛語阿樓菩薩摩提菩薩等今是諸
天及在會人皆是往昔阿呵釋佛時
人也今於我前悉薊之者宿命已於

六万佛所受是三昧今故於此而剃之耳却後我法欲斷絕時是等當有四十万人當持法住今不斷絕然後久久有惡沙門若壞戒人當壞我法須菩提白佛言何所菩薩護法今不斷絕佛語須菩提是四十万菩薩住第八已下於法煩惱之想是為護持法今不斷絕也須菩提白佛言何等為壞法者願佛說之佛告須菩提若有得羅漢辟支佛若沙門及天與人起想煩惱於法求名壞乱本慧妄增減法枝枝解說以偽錯真以辯乱道不惟空慧而務嚴飾聞佛可得志存超獲不知逼恕拘舍羅而不勤殖德行為是法賊破我道者也阿須夷天潘那提天提樓尼天拘屬提天施那利天俱白佛言願持形壽歸持法者千億万劫無休息時常令我等得是三昧佛言其有德人奉行三昧如法不失則得佛疾其有發意行是三昧者譬如泥洹天上有寶諸寶中王天上天下寶中取尊有佛在世寶乃現耳名曰精摩尼珠有得是珠持

著器中若著手中視之四面空中在
欲得幾日雨珍寶所向莫不如願是
尊寶珠不當貪惜當雨三界普令獲
寶是三昧者德亦如是也羅閱祇王
白佛言佛者尊祐世之大導常有
大慈救濟十方願以寶珠雨我國界
得令人民普得福利佛則時笑神光
燁燁阿難整服前白佛言佛不妄笑
願聞其意佛語阿難見是王不欲得
泥洹天上寶珠雨羅閱祇使普富饒
不知寶來三昧已得是寶也佛語王
言寧見人民百日不食普得安隱以
法為味又諸女人化為男子是法之
利不亦大乎王心歡悅即脫珠寶以
散佛上及菩薩上化成華蓋列在空
中其間悉有百千音樂王倍踊躍忘
食之想王白佛言是花蓋者從何而
出佛言從無處出又問無處從何出
佛言從無所起來又問無所起從何
所來佛言從無所生來又問無所生
從何所來答曰從不動來又問不動
從何所來答曰從無造來又問無造
從何所來曰從無名來又問無名從
何所來

曰從無生來又問無生從何所來曰
從無音來又問無音從何所來曰從
無二來又問無二從何所來曰從無
形來又問無形從何所來曰從自然
來又問自然從何所來曰從化來又
問化從何所來曰離於化來又問離
化從何所來曰離於不化無相知
處來又問無相知處從何所來佛言
以是故為諸法也王聞佛語倍大歡
喜白佛言此諸菩薩從遠方來願悉
請之明日到宮佛即許之皆受其請
王即還宮莊嚴供具使道施帳幢幡
祭懸宮中皆以珍寶作座夫人采女
齋戒盡敬明日文殊及寶來等與諸
菩薩俱詣王宮寶來菩薩讓文殊曰
今諸上人宜於前入諸菩薩言於慧
無處於意無形於念無想於法無所
施所施不離道已斷於法輪於法無念
想無多少如是者故為尊多人於權於
薩芸若無相知者已被法鎚於三昧
無增減是則為尊故宜處前寶來菩
薩答曰今諸上人年耆德高以故為
尊宜在前入諸菩薩言我等之年亦

如枯樹根本已死無有華葉剎於蔭
覆於世為薄仁者雖初入慧甚深辟
如寶樹益世弘多以故為尊故宜在
前既皆入宮就座而坐諸天在上以
樂樂之王使夫人及諸采女燒衆名香
進奉供具飯食畢訖王問寶來我今
欲得見十方佛當行何法而得見之
寶來曰欲見諸佛當行九法一者視
十方佛與是無異二者當視道無有
徑三者視一切人無有脫者四者當視
飯食如化所見五者當知五陰無有
識想六者當知六情觀之如幻七者
當知所觀但是倒見八者於法中大
施與九者當知所施無所施是為九
也空其意等所視無披此志寂然得
淨定無所見則普見佛今時讚寶來
曰快哉快哉審如所說佛說頌曰
常當願是劫所生常遇尊從受大智慧
常除愛欲根不貪亦不嫉惡意不復生
乃於無數佛得聞是三昧入於三千剎
常行尊三昧不於一切人所有諸珍寶
法不從五陰亦不離其處從觀得脫名
一切皆如是從觀得懽喜發意無所生

其處已如是故為天中天若在三界中
不生亦不死泥洹及泥曰一切無有是
意不當邪念所行作非法若在三界中
持心令不起音響有還答內外悉相應
不起悉寂然諸法亦如是三千諸佛刹
名字悉如是無聞亦無見非法所當議
三昧不按計以數持作多慧者解是言
得佛無常處法者悉清淨曠大無有雙
常作無邊水所載蔽三千意願施隣尼
發意無有前法者已如是一切當奉行
我念求法時從來若干劫志意常棄家
於欲無所求常依善知識得立正法住
是時於大會得聞尊三昧悉意大歡喜
即住虛空中去地百卅丈叉手在佛邊
今坐諸菩薩受別亦如是其意增歡喜
得聞諸三昧便從一佛刹飛到諸佛前
不動亦不搖震動諸刹中龍王大歡喜
即雨萬種香化為諸水池上到三千中
華香自然來亂風自然生百種諸音樂
悉住於空中

於是寶來菩薩問文殊師利言今此
香花從他刹來及諸音樂來在會中
為佛威神將菩薩力耶文殊答曰佛

及菩薩得力神變皆不可見知是樂

者無名之樂有所在處法音無名處

若樂是樂處所有如化是樂無二法

是樂於羅漢辟支佛悉欲度之是樂

所見異道悉欲令得佛是樂所度無

有主是樂一切處無所無所起於三昧

無煩惱是樂一切處無有名是樂諸

所有皆如化是樂非音處無所生處

是樂法所施無所施是樂大千剎中

無常處是即樂一切人令得信無所

得是其樂當來過去現在三處盡無

所盡是樂今還本無所見是樂見法

輪是為無所見是樂三千剎中一切

等是樂十方三千樹法之藏是樂十

方剎但有名是樂色欲合是樂於名

字無有主是樂無邊幅一切寂是樂

一切明與冥合是樂諸所行不失戒

是樂諸所念不離三昧是樂虛空寶

度無極是樂諸慧覺無有處是樂諸

所可是樂一切受無受者是樂三界

中無與等是樂貪於法不惜命是樂

一切明令復明是樂諸所有但倒見

見正者是樂布施無所怖望是樂意

無極作大船師是樂無邊園脫無極
是樂意寂靖是樂無所定是樂諸三
昧門無倒者是樂亦無聽亦無聞是
樂諸所念非政意是樂一切人無脫
者是樂諸所度譬若幻是樂初發意
三昧俱是樂諸菩薩所從來無有處
是樂諸菩薩在意生到十方是樂非
青黃白黑無道徑是樂如是寶來欲
知佛及菩薩威神音樂所樂如是寶
來菩薩說頌曰

文殊師利意慧尊無有前所施弊三千
其智莫不尊威神所施行悉除三千中
諸樂無所欲但為不脫施法樂為寂大
於化無度者所施樂法與若空無度者
法與樂俱行無有過是寶所樂不有主
若空無處所深入諸微妙曉了一切人
使之得大法斷滅勤苦根一切世間人
悉有意不解以法為覺意以慧救一切
佛今時運為寶來菩薩說頌曰

離空非想是想非空於法不起
即為是起常當軟意淨無所有
色欲同合無相入者所說無形
不離有形因法如夢所可無底

是寂離寂 無離不造 衆法無主
所可如化 都無所受 法無所捨
所作到見 一切皆然 非色離色
是色不離 其法如色 其處如是
非音是響 無聞不見 不聽不觀
所有如是 於化無名 自言為是
法無是計 所度如是 於幻無見
所見離見 離貪諸欲 非法所儀
於欲無垢 不著無離 如是諦見
無有見者 於淨離淨 十方無造
所可若實 如化無主

寶來菩薩知佛所說便於宮中說頌曰
疑本不解 謂法皆然 本無常住
疑慧如是 於想無勞 識念無苦
舉名住字 非求法者 於本不介
不還不是 所可無可 遠離無可
脫生無滅 是即為滅 於滅無想
是為非滅 於法無生 亦不想成
所以者何 諸法皆空 亦不求言
我離泥洹 所以者何 本末淨故
不盡十方 舉之為證 有言是我
是即為證 不當遠念 念於十方
法無二法 即得無名 法非思想

可當逮者 起行如是 不見尊法
要當解慧 於妙不忍 深行不主
可謂慧門

寶來菩薩問文殊師利今在會中新
發意者我欲使得無極法當何以致
之文殊荅曰於想無作即得無極法
又問何謂無想作者文殊言當逮九
法寶一者意無處所是即寶二者觀
法無主是即寶三者不見有當來過
去是即寶四者於法無有造作者是
即寶五者所施但施經法是即寶六
者見五道勤苦於其中不轉是即寶
七者所覺不遠徧起拘舍羅是即寶
八者直見諸法不處法有二是即寶
九者到於泥洹亦如化是即寶是為
九法寶於是文殊師利說偈曰
於可無所欲所住無常名 若空無有垢
佛笑無不可 笑空不離末 如本無笑者
已住諸法名 一切皆如笑 本末皆自然
無有往來者 笑者有還報 不還亦不笑
法者皆是一 已笑便有二 於二無名字
是故為是尊 所笑無所著 但為衆法施
所動無所動 是故無上尊 笑者無還報

一切無有主 其笑不離本 是故天中天
笑者無所起 但為倒見耳 於法悉寂然
寂者本無故 笑者不離化 以化大施與
於化無舉名 是故乃為法 於法無有是
但為不脫施 所脫不為脫 佛者亦如是
故於大會中 議度無度者 於法作施與
無有與比者

舍利弗問寶來曰欲使十方一切學
者皆得摠持諸陀鄰尼修行何法當
得致之寶來曰當行三十二法寶一
者欲使一切未發意者皆當度之如
化無身二者未發無上正真道意者
皆令住正法三者視三千大千刹土
等無異四者若住限者令遠離眾欲
在於慧門無動無轉得至泥洹五者
人說有天無天志不動還六者志道
堅固意不怯弱七者一切無來受生
者視當來過去無有二八者觀諸三
昧禪寂然無處所九者諸所度無有
主一切從空致空十者三千大千諸
佛我悉從受法十一者他方刹土敢
有來聽經者悉令得決十二者諸佛
刹土所有花香來者亦不喜不來者

亦不求十三者諸發意者使得法住
十四者當來過去意無增減所以者
何知本無二故十五者悲欲令十方
諸飛蠕動奉持禁戒終無毀犯十六
者無有邪念在於十方轉意還本則
向慧門十七者無所不忍常無邪恨
十八者從觀至觀無有度者十九者
如本無住無常住處二十者所度無
有主如空無念相二十一者於慧作
施與無有舉名者於欲無所著便從
是得脫二十二者所說不離對因作
施與故於大國衆中度無脫者二十
三者於無數刹飛到他刹在諸佛前
無所呈号二十四者視諸刹等無得
脫者二十五者淨癡同合本淨無異
二十六者住大千中主作攝梁勸進
未覺令冥見明二十七者於大海中
作大船師渡諸群生無有厭極二十
八者作無邊蓋閉塞衆垢二十九者
作無極惠不離十方三十者作大慈
哀苞潤一切諸未度者悉當度之故
号之曰天中之天三十一者常行等
心無有偏適救濟無雙故号無上尊

祐三十二者菩薩所說不離經法遍大千剎中莫不等聞是故空中自然生華是為菩薩三十二法寶於是寶來菩薩說頌曰

十方普如化一切皆無常真法正諦寂演說度衆生有想不離想一切實本空若華未施葉其色不可當一切所衆欲立之可意王諸寶無上尊号为天中天故於大會中識度未脫者其本無常住故字十力尊一切為倒見世間謂之冥所可若如化能脫十方中虛空無常處佛藏悉在中以脫無脫者故教十方人十方諸佛剎合之為一國自然衆大會悉滿十方中佛者一切覺矣不離其容不離黃金色以示未脫人十方為作導意不離法王所施無所施華布於十方金色大蓮華遍滿諸空中起想而作行不住諸天中文殊師利意曠大無有雙使得道剎者住在虛空中寶來慧意尊光明遍宮中可意諸天人悉得到法門十方諸菩薩感動諸剎中今會諸天子得聞是尊經徹見諸一切乃到可意宮化為交露坐萬種天華香聽受諸三昧

坐觀大衆中諸來宿功德發意供養尊
道者不直見所有皆如是諸脫無有數
三界不可極

文殊師利菩薩問寶來曰衆音如化
所作法無想亦不可盡故有自然當
以何脫之寶來答曰有九法寶一者
自然無處亦如化二者諸法無處亦
如化三者當來無處亦如化四者諸
所有世處亦如化五者觀過去處亦
如化六者觀見諸法如幻耳亦無有
處亦如化七者所見無處亦如化八
者得道無脫處亦如化九者得於泥
洹本無住處亦如化是為九法可得
脫慧文殊又問過於泥洹皆亦自然
誰為是化本者誰是化主者化為有
本無化有所起處無道為有處無寶
來答曰有九法知化無處一者非道
無處是則化二者化非處無想是則
化三者化者無起化處無處是則化
四者非常名無有盡時是則化五者
化處無處是則化六者於道無想是
則化七者化者於起無起是則化八
者化者於諸欲無有處是則化九者

化者於所度無所處是則化是為九
法知化本於是文殊師利又說偈答曰
十方無化者化化無有形一切無常寶
是故為化主道者不化得亦不離其處
所說無常形自然在其處諸寶從化得
本離從無有其本同化生是故人中尊
欲者從化起法本無有是化而住五道
無有見化主生死及五道與化不相連
以世貪不斷故現正覺耳如來及化主
十方尊無極持化大其世世間無知者
法輪無色轉於化無轉者繫色有思想
深法無轉者想色化十方莫不受法者
所施大智慧世間無說者諸欲及羅漢
不逮覺是寶故於衆會中廣說無二寶
智慧不可極光明寂無有十方作搞梁
所說無有二十方諸佛剎悉令為平等
一切法度垢亦不從世間於法無脫者
於惠無有脫不見往來者於寂復見寂
明中復見明法者非慧得自然本無是
慧冥俱同合故無相識者寂慧不同合
其惠衆冥明所施但為法如華在高山
諸惡不可極色欲不可盡泥洹及生死

一切皆如是十方諸佛慧無知無覺者
所以見淨法故言世無有

曇摩菩薩復問寶來菩薩言於化無
起離誰為成主者泥洹不生滅不遠
五道當來發意轉住法輪淨無諸垢
一切衆生誰為度者寶來答曰使哉
所問欲決一切生死之根乃如是乎
菩薩有九法寶一者於化化主無主
二者於泥洹與生死初無相知者三
者於生死於滅無滅四者一切天上
使不還生無生處五者當起意未起
意如處住六者三千大千佛刹觀了
無得度者七者於念無起處八者悉
使三千佛刹皆取泥洹意亦不喜不
取泥洹意亦不瞋所以者何諸法無
處故九者隨願取羅漢我悉令發意
若有發意求願者不令復還不起諸
生無有還願是為九法又說偈言
於可無不可於欲無所欲所度無見者
法轉無常處慧者無所說因度無往者
故見大正法世之取無有道者無常名
故為十方寶以得無得者生死無有道
四馬不可盡可意無有足世間悉樂之

不捨不得道畏生無有脫不畏無脫者
生死當舉名立之為五道有報無答者
可謂為是法法者本無二所有諦以覺
無邊亦無幅無極不可計本際如影響
無有往來者於起無所起法無諸欲者
生死本無處生死化如是於淨無有淨
於垢無有垢悉為十方人斷絕諸五道
淨意若如水一切無瑕垢青黃及白黑
悉得見其形諸法不可呵即得無上寶
吾我及與人世間無得者不住無住諦
所有諦如是所覺無所見世間諦如是
不度無不度世時誰不有十方立正覺
悉得無上寶

曇摩菩薩問寶來菩薩言欲使十方
諸天人民自然皆令得如其處當行
何等法得致之乎寶來答曰有六事
得逮是法一者聞知是會時是即為
寶二者得聞是經是即為寶三者逮
本功德是即為寶四者得聞是經法
者悉得六万三昧是即為寶五者已
得六万三昧欲十方人發無上意是
即為寶六者皆使十方悉得會於佛
樹是即為寶說是經時九十億菩薩

六十七億諸天人民皆得無所從生
法處九億菩薩得是三昧三千大千
佛剎六反震動諸天於空中大作伎
樂諸龍阿須倫皆得聞見是深三昧
阿難正衣服長跪白佛言是名何經
云何奉持佛語阿難是名為無極寶
當奉持之佛說經已諸天人阿須倫
人非人皆歡喜各前為佛作禮而去
佛說無極寶三昧經卷下

癸卯歲高麗國大藏都監奉
勅彫造

佛說寶如來三昧經卷上

五

東晉天竺三藏祇多蜜譯

聞如是一時佛在羅閱祇竹園中時
與千二百五十比丘僧菩薩有九十
億人悉皆如文殊師利是時羅閱國
及竹園四面廣縱上到三十六天下
到無極佛剎地悉生文陀般華悉有
九十萬億種種色各各異非世之明
一華有百萬葉葉上悉有一恒薩阿
竭悉有交絡萬寶之蓋一蓋之上各
各有萬種之音樂聲相娛樂一佛前
各各有一菩薩如文殊師利菩薩等
問事是時竹園地悉平等如三彌佛
剎是三千日月諸佛境界光明悉蔽
隱無有明一時諸佛境界諸大泥犁
毒痛勤苦悉為不行皆得安隱百日
悉得見十方佛當是時禽獸飛鳥悉
百日不飯食但聽法味耳不自知是
衆生亦復見佛尔時羅閱國中人民
悉百日無復食五味者悉以法作
味皆發阿耨多羅三耶三菩提心三
千大千佛境界樹木自有音樂自復

相娛樂是時竹園化作水池池中有
十萬種蓮華大如小山一華有四十
萬葉葉上悉有交露師子座一座上
各各有一菩薩如文殊師利一座前
各各有天侍菩薩交露帳間各各有
萬種音樂相娛樂千歲枯死樹悉為
生華三千大千佛刹諸樹悉為屈枝
四面相向是時竹園佛教導處女人
悉化為男子無有愛欲悉得法眼佛
尔時為廣大現實如來三昧即動九
億萬佛刹土尔時三昧都無所捨有
東方無極佛刹土遣無數菩薩悉如
如來等各各自持無形之華十萬種
異色之華來到竹園為正覺作礼以
華散正覺上却就坐復有南方無極
佛國土復遣無數菩薩悉如如來各
各持二十萬種華來到竹園中為正
覺作礼以華散正覺上却坐復有西
方無極佛復各各遣無數菩薩悉如
如來等各各復持三十萬種異色華
來到竹園為正覺作礼以華散眾會
上却坐復有北方無極佛刹亦復遣
無數菩薩悉如如來等各各復持異

色四十萬種之華來到竹園為正覺作禮以華散眾會上却坐復有東角佛剎復遣無數菩薩悉如如來等各持無形華來到竹園為正覺作禮以華散佛及眾會上却坐復有南角佛剎亦復遣無數菩薩悉如如來等各各持無想欲之華來到竹園為正覺作禮以花散正覺及大會却坐復有西角無數佛剎復遣無數菩薩悉如如來等各各持無響之華來到竹園為正覺作禮以華散佛及大會却坐復有北角無極佛剎遣無數菩薩悉如如來等各各持文尼之華來到竹園為佛作禮以華散佛上及眾會却坐復有上方無極佛剎各各復遣無數菩薩悉如如來等各各持亂色之華來到竹園為正覺作禮以華散正覺及大會却坐下方無數佛剎各各遣無數菩薩悉如如來等各各持諸妙華來到竹園為正覺作禮以華散正覺及大會却坐上方諸天宿命功德甚尊遇佛大會曠大寶如來三昧各各自莊嚴天上諸天子皆令初

發意梵天將無數天各各持天香天
華梵多會天復將無數天各各持天
上雜華香遍淨天持非世間名華諸
尊天盡持天上伎樂在虛空中立樂
之三千大千悉以法音晝夜百曰如
是受之來到竹園為佛作禮愛欲天
子復將無數天子各各持天伎樂來
到竹園為佛作禮於虛空中娛樂諸
天迦翼天上諸天持千萬種雜香以
散佛上及諸菩薩上為佛作禮盡天
上諸天悉來會竹園中上到三十六
天中間無缺悉諸天子諸大龍王各
各復將無數官屬持世間人所不能
得華以雨竹園諸阿須倫王各各復
將無數官屬各各持雜華以雨佛上
及諸菩薩上諸迦樓羅各各復將無數
官屬來到竹園諸真陀羅各各復將
無數官屬來到竹園諸摩睺勒復將
官屬來到竹園佛示時現寶如來三
昧即動九億万佛刹舍利弗見地大
動舍利弗白佛言今諸遠方菩薩諸
天人民悉會上到三十六天地為大
動是何等應佛告舍利弗無應之應

是其應舍利弗復白天中天言無應之應是何應是何等佛告舍利弗若疑不斷若往到寶如來菩薩所舍利弗正衣服禮如來若干過又手白如來言今日諸十方上到三十六天百千億佛剎菩薩悉會何等之應願如來說之如來謂舍利弗言若阿羅漢本疑大重故來解耶如來菩薩言舍利弗若常有想想者非盡之作無想無作是故寶法如來告舍利弗我初發意時與三十六億人求菩薩道正覺時亦在其中一切恙起我不作諸恙作我不念空法恙無我無求生死生死無道無有斷者虛空無主我非所有現法辟若野馬無相起作持是作法滅行求願想欲得是為懷重者罪之明自言得道起想罪想壞滅諸慧求得三尊徒是作想取泥洹疑盡滅身然生死不斷言得泥洹羅漢辟如命盡之人其身存於一得聞須臾休息命盡猶不離於身羅漢辟支佛自得禪是非大積疑耶如來謂舍利弗佛所問乃尔如來謂舍利弗言

若當見龍欲作雨起雲時不舍利弗
言見之四面不知雲所從來何況苦
薩從第九以下悉得逮六万三昧何道
菩薩所從來處舍利弗白如來言解
慧如是心意疑結今悉破壞都無復
有疑根但學本不得善知識相得今
故斷滅我意令我不脫法輪令我疑
根不絕耳今我聞尊法無所益譬如
為百鳥作音樂會無有聽受知者如
是但當為坐中新發意諸摩訶薩故
令大會諸天及人得聞是尊三昧何
一巍巍乃余但當親近尊但我前世
不與善知識相得故令我不得見是
三昧如來慧如是心意所疑今散解
譬如冥處須臾以火明之火滅冥復
在處今我聞之如是舍利弗叉手白
如來言今乞得作八千里大火上到
三十六天持我身置其中億万劫後
出復入三惡道為天下人所取食數
千億劫後生作人如奴事大夫求善
知識相得求我心中所願可得真實
如來言大火上至三十六天尚可燒
滅若本發意微薄功德無厚覺本不

得薩云若不得遍想拘舍羅不得善
知識故不致是耳舍利弗問事竟還
坐如來正衣服為正覺作礼願欲有
所問佛言善哉善哉當問如來白佛
言諸法無主誰為成薩云若者誰為
成正覺者誰為成阿羅漢辟支佛者
願怛薩阿竭當為坐中諸摩訶薩分
別其決佛言善哉善哉如來乃欲決
斷十方大生死根若有善男子善女
人欲使發阿耨多羅三耶三菩提心
當行九法寶何等為九法寶一者見
諸天無有處但有名耳二寶者世間
人民但有字耳三寶者五道勤苦但
有苦習耳四寶者水火風地但有戲
耳五者當來過去現在如芭蕉無想
六者現生死無本際也七者觀諸三
昧寂然無有往來者也八者當觀三
千大千日月諸佛剎土見之了無得
三昧者九者見三千大千日月中人
民蠕動悉欲度之令與佛等佛告如
來得是無作之想者即可決斷十方
之大想如來復白正覺言諸法不以
想見知之當作何等住得無所住法

佛言諸法無住是即為想無起之念
是亦復為想非想非道亦復為想斷
求之作如來白天中天言當作何緣
度衆欲佛言善哉善哉如來所問乃
尔故非羅漢辟支佛所及者衆欲無
垢衆欲無過度衆欲無主衆欲無往
來者衆欲如虛空無有能蔽隱者與
泥洹等與無名等如來問事竟為天
中天作礼却坐般施白佛言今日大
會菩薩欲於佛樹欲得無所從生處
立欲得莊嚴千億佛刹土欲得教授
十方悉使十方諸佛刹土各如今日
會竹園中時佛言善哉善哉般施菩
薩所問甚深甚深佛語般施菩薩言
欲得使十方大會欲坐於佛樹欲得
無所從生處立欲得莊嚴諸佛刹土
欲得教授十方悉使諸佛刹土各自
會如今日會竹園中時者當行八直
一者直無名之響二者直無名之聲
三者直觀十方佛刹土無有二四者
見三千大千刹土直之法皆同無相
離者五者直觀十方一切欲令與佛
等六者直於法無作形見一切不生

死者七者所見直恙入諸三昧藏於
無住相報之想八者直見十方佛泥
洹不泥洹亦復恙等是為八直法行
菩薩從是疾得無所從生法從是得
教授諸佛刹土從是疾得大會竹園
如今日會時如來復白正覺言今日
遠方恙來會竹園恙得見佛如其處
是歡喜不食若干日各各自是諸菩
薩諸天及人民皆得見佛皆見諸三
昧是其本願所致耶佛當為新發意
摩訶薩解說如是

佛言善哉善哉如來所問甚深恙欲
為諸來會菩薩新發意諸天人民作
槁樑如是佛語如來是今日諸菩薩
摩訶薩諸天人民大龍王諸鬼神王
恙來會竹園者皆聞見諸三昧亦非
本願亦不離於本願所行常精進不
失諸三昧不失善知識世世遠來事
寂然不數會但願是三昧今故以寶
精泥洹珠以雨大會耳如來白正覺
言今會有新發意摩訶薩欲行是三
昧當何以致之佛言如來所問甚快
若新發意摩訶薩欲行是三昧當行

八法寶何等為八法寶一者即於佛

陀

前是三昧是為一法寶二法寶者供養十方諸羅漢從其相隨億億萬劫一時聞是即解親近尊三昧不遠是為二法寶三者供養舍利從上至三十六天中無空缺無益一時也轉意作行即向慧問是為三法寶四法寶者得四無所畏不與十方於生死無所遠離是為四法寶五法寶者菩薩見五道勤苦心意欲悉止度之以其身救之命不用作勤劇趣令得佛耳是為五法寶六法寶者菩薩事十方天下人常如奴事大夫不用作苦貴度之所以者何知本求無故本無所起故是六法寶七法寶者菩薩觀見九十六種外道於其中覺知之欲起想取法住是為七法寶八法寶者奉行六波羅蜜供養比丘僧供養億萬劫不如一時間是寶如來三昧十方當作佛者用何為證聞是寶如來三昧者即十方人得佛證若新發意向是三昧歡喜解是三昧者即是為以解万万三昧為已得如來三昧是為

八法寶令行是三昧即可得施隣尼
門如來問事竟還坐佛便笑文殊師
利正衣服頭面著地叉手為佛作礼
白佛言佛不妄笑既笑當有意願佛
說之佛語文殊師利言寶如來所從
來佛剎過是九億万佛國土其剎名
曰諸法自然無厭敢有善男子善女
人往者無有胞生者無有苦痛生者
無恩愛生者悉於百億万雜華香中
生即立住悉有乱音樂聲朝暮相娛
樂但以無作法但以寂然法為唱樂
若善男子善女人聞是三昧即却六
百四十劫罪盡絕命即得往生往生
者但以諸三昧為樂寶如來剎無有
日月光明雖有為不現若有善男子
善女人往生者日月光明星宿明即
為現應是三昧當往生者星宿日月
光明悉為見十方佛言今日復往生
寶如來剎十方諸菩薩問十方佛何
以為證十方佛言以星宿日月明見
作證羅漢辟支佛其數如是非諸羅
漢辟支佛所及知以往生其國中善
男子善女人菩薩自知之耳我故笑

也須菩提及舍利弗二第一賢者起頭面著地為正覺作禮願佛加大恩廣大哀我等以佛威神神足與我我等欲到寶如來剎土諸法自然國觀須臾復還佛言善哉善哉舍利弗尊羅漢須菩提乘佛威神須臾即到寶如來菩薩剎便復見寶如來國中亦復羅閱竹園如釋迦文佛會時也見東方遣無央數菩薩見南方無數菩薩十方上至三十六天會如是舍利弗問須菩提恒薩阿竭隨我人來到是剎也須菩提舍利弗須臾便還到竹園眾會如故佛問舍利弗向觀寶如來國土人民何類教授幾人須菩提舍利弗白佛言觀彼國志如今日會竹園中時也舍利弗為佛作禮佛功德甚尊今大會諸天人民得見明乃如是三彌菩薩從坐起正衣服頭面著地為佛作禮願欲所問佛言善哉善哉當問三彌菩薩白佛言無生之法有想無未起之想有識無泥洹寂然有無泥曰不起有形無形者在彼聞教生死立處誰是主者以空造空

是為主三。彌聞佛解說。是事如是。即時諸天及人八萬六千人。即得無所從。生法忍。即住虛空中。去地百六十丈。來下。為佛作禮。是時三千大千日月。即復大動。彌勒菩薩。從坐起。為佛作禮。問佛言。向者地大動。是何之應。佛語彌勒菩薩言。所以地大動者。非但剎動十方諸佛。剎悉復動。亦復各各八萬六千諸天及人。得無所從。生法住。即住虛空中。如是以故。地大動耳。彌勒白佛言。何從致。若有發意。常當六法。何等為六。一法者。知三十六天。當得佛者。未得剎者。我當往剎。之不與十方天下人共知之。二法者。三千大千日月中。善男子。善女人。當得佛者。我悉當往剎。之不與十方天下人共知之。三法者。百千泥犁中人。當得佛者。我悉往剎。之不與十方天下人共知之。四法者。十方人。絕命當所生處。我悉知之。不與十方天下人共知之。五法者。十方天下人命盡。我悉知之。不與十方天下人共知之。六法者。十方諸佛。當取泥洹。不取泥洹者。

不與十方天下人共知之也是為六
法住從是疾得無所從生法忍弥勒
菩薩復白佛言是三昧甚尊甚尊今
我欲使來會者悉得是三昧當行何
等法佛言當行九法何等為九一法
者視諸法悉清淨無邊二法者視天
悉清淨三法者視諸生死亦清淨無
邊四法者視五道悉清淨五法者於
欲無所求悉清淨六法者視三界色
悉清淨無有邊七法者見諸泥犁悉
清淨無邊八法者觀視泥洹悉無邊
九法者十方無有舉名者是為九法
作是行者疾得是三昧弥勒白佛言
說是如來時即得六万三昧三昧乃
有邊幅無如得六万三昧是為有
邊幅耶佛言雖得六万三昧但有名
耳不可極盡三昧悉具足佛言三昧
非但一輩有無念三昧有離欲三昧
有坐聽十方佛三昧有莊嚴諸佛國
土華香三昧有所說法一切人悉還
本三昧有出諸欲無還想三昧有說
經時化為百種音樂聲三昧有說法
億千万佛國華香自然來三昧有伏

諸魔三昧有發師子意獨行獨步三
昧有所向處莫不發阿耨多羅三耶
三菩提三昧有所在處莫不供養者三
昧有亂風一起時如佛說經聲三昧
有所向門莫不開三昧有所處悉師
子座為現三昧有飛到十方三昧有
所向門十方菩薩往來無極三昧有
所知十方人意三昧有壞滅諸想三
昧有壞滅諸識三昧有合十方諸剎
土合為一剎三昧有發意不盡三昧
有視三界中了不有一人三昧有從
一佛國到一佛國三昧有所在處令
法不斷絕三昧有所在處常與佛相
遇三昧有坐觀十方大兵大火大水
大風於其中不恐怖恙住教導之二
昧有所在處但以法作器三昧有善
男子善女人聞是三昧即得住無還
之想三昧是三昧大多不可極盡故
住大會說之有無名三昧有住諸法
三昧有名諸慧三昧有教法三昧有
滅壞羅漢辟支佛三昧有法寶三昧
有摠持無名法三昧有知人意三昧
有斷諸煩惱三昧有制力欲覺三昧

有十種力三昧有智慧三昧有光明所
行處三昧有不可計三昧有見法時
如水中影三昧有不可盡淨慧三昧
有人空衆惡無有無願想三昧有住
禪乃到泥洹三昧有譬若金剛無穢
三昧有無極明三昧有度諸煩惱已
盡三昧有廣大水法三昧有莊嚴大
船三昧有入無名三昧有不可盡喜
意三昧有摠持無忘三昧有在冥恚
令明三昧有所樂恚樂三昧有慈行
三昧有淨大哀三昧有入等心三昧
有出等心三昧有名已脫未脫三昧
有光明所從來處三昧有曉無所不
曉三昧有脫慧脫教三昧有金色蓮
華為現三昧有無離無常三昧有尊
智慧無生三昧有勇猛無所不伏三
昧有開闢諸剎三昧有清淨於無形
三昧有無名珍寶三昧有如海無所
不受三昧有神足廣大三昧有彈指
頃無所不及三昧曇摩竭菩薩語舍
利弗言所問慧住故曰不可極應時
聞所聞如意不自貢高所作不妄常
敬意如所教習慧用意無所受故不

失礼節所作法不妄不乱意如珍寶
除諸老病以意為法器也是為樂忍
辱所思但想諸所樂但法意慧不有
足時所施無所惜與無適莫所問諦
意觀歡喜無所得其意已悅身體悉
為輕意不在外道但欲聞法味及毗
羅經但欲聞遍起拘舍羅但欲聞四
平等心但欲聞無底法如意無異念
欲意受遍起拘舍羅欲聞無所從生
法不貪觀但欲慈度之欲知無常聲
欲知寂然之意欲知空復空欲知無
想生死及布施一切不欲聞但欲聞
音樂隨樂十方中忠信以作正降伏
諸欲根曇摩竭菩薩從坐起正衣服
白佛言菩薩已得寶如來三昧自然
所為衆慧已具便得三寶何等為三
寶一者譬如水中影影亦不在水中
亦不在水外菩薩於是間坐其身悉
在十方其身亦不在十方二者菩薩
於是間坐分身悉現十方佛前坐其
身亦不在十方佛前坐三者譬如山
中呼響音聲還報音響亦不在中亦
不在外菩薩於是坐悉還說十方諸

菩薩事十方諸菩薩亦無來到彼者
彼亦無往者如是佛語曇摩竭菩薩
已得陀隣尼門辟如持弓弩布矢在
所欲射無所不到菩薩持一慧入万
慧靡所不至如是佛言曇摩竭菩薩
若乃見阿須倫欲興兵時彈指頃兵
便到二十八天中間無空缺菩薩以
次第九以下說法時如是

如來菩薩語舍利弗言淨者貪欲消
伏其意無貪欲者是不可盡其諸惡
意者不能復亂其意護於惡意是故
不可盡其意瞋恚有形欲貪高諸所
不可索可作者菩薩常欲護是意知
不可盡去無瞻諸垢當知是意不可
盡護者不令懈怠當知其意不可盡
其狂亂者輕已法護之當知是意不
可極無智慧者欲護之當知其意不
可極一切以法施與以法脫之當知
其意不可盡欲教一切人皆令為功
德當知其意不可盡極如來語舍利
弗言菩薩有四法何等為四一者意
作陀隣尼行不可盡二者陀隣尼行
不可盡三者教一切人是不可盡四

者不厭學問故陀隣尼不可盡如來
菩薩復語舍利弗復有四事不可極
一者上脫中脫不可盡二者四馬之
路不可極三者可意之王不可極四
者十二因緣無有主不可盡極如是
為不可極如來菩薩語舍利弗復有
八法不可盡何等為八一者無我之
語不可極二者無作之極想不可極
三者寂寞泥洹之語不可極四者菩
薩所度不可極五者大海流水無有
懈憊不可極六者衆惡無垢不可極
七者苦痛之聲不可極八者去來之
想不可極是為八法所度無主不可
極如來菩薩語舍利弗復有九法不
可極何等為九法一者諸佛剎土不
可極二者諸菩薩所從來處不可極
三者發阿耨多羅三耶三菩提者不
可極四者失願取羅漢辟支佛不可
極五者十方菩薩從一佛剎土飛到
一佛剎土不可極六者六波羅蜜不
可極七者三昧不可極八者過於泥
洹亦如化視之無極九者三界不可
極是為九法不可極

如來語舍利弗言菩薩有三十二寶

何謂三十二寶一者其心不著愛欲

是忍辱不可極是即為寶二者不起

是我非我亦無所造是故忍辱不可

極是即為寶三者不念一切善惡是

為忍辱不可極是即為寶四者不恒

心意於一切是為忍辱不可極是即

為寶五者不瞋怒向於一切人是為

忍辱不可極是即為寶六者不懷念

他人亂惡是為忍辱不可極是即為

寶七者亦不妄燒人有所擊是為忍

辱不可極是即為寶八者不調戲於

大會中是為忍辱不可極是即為寶

九者自護護他人身是為忍辱不可

極是即為寶十者若貧窮者給護之

後不徒有所怖望是為忍辱不可極

是即為寶十一者自護不隨惡知識

不隨眾會是為忍辱不可極是即為寶

十二者無愛欲意於身於他人身是

為忍辱不可極是即為寶十三者不

起諸想無念於菩薩如彈拍項是為

忍辱不可極是即為寶十四者護功

德莊嚴身相是為忍辱不可極是即

為寶十五者信作善不離於三昧是
為忍辱不可極是即為寶十六者口
不安語是為忍辱不可極是即為寶
十七者心淨是為忍辱不可極是即
為寶十八者堅住善知識世世與相
隨不捨不於他處說其過失不說之
惡是為忍辱不可極是即為寶十九
者自按計他人有惡者我亦有惡是
為忍辱不可極是即為寶二十者所
念無有邪即覺是為忍辱不可極是
即為寶二十一者軟心和意是為忍辱
不可極是即為寶二十二者護惡人
令心不起是為忍辱不可極是即為
寶二十三生於諸天教導諸天是
為忍辱不可極是即為寶二十四者
生天上世間教兩道中不更二惡道
是為忍辱不可極是即為寶二十五
者具足諸種好是為忍辱不可極是
即為寶二十六者得音如梵天聲是
為忍辱不可極是即為寶二十七者
脫婬怒癡是為忍辱不可極是即為
寶二十八者不於諸色與名是為忍
辱不可極是即為寶二十九者所作

功德不着但欲起衆法耳是為忍辱
不可極是即為寶三十者降伏諸外
道是為忍辱不可極是即為寶三十
一者已出於衆侯中是為忍辱不可
極是即為寶三十二者具足諸佛法
使不傷毀是為忍辱不可極是即為
寶如來菩薩語舍利弗菩薩有三十
二事為寶如所入何謂三十二事一者
欲入響欲入觀無所觀是即為寶二者
欲入心離心於心無主是即寶三者欲
入身求脫本無脫者是即寶四者不
入十二因緣無有住者是即寶五者
欲入斷離於不斷是即寶六者欲入
無常視之無形是即寶七者欲入無
名主離於無名是即寶八者欲入寂
不離於起是即寶九者欲入三界不
離三界是即寶十者欲入受無所受
是即寶十一者欲入當來過去亦出
當來過去是即寶十二者欲入功德
觀本末無主是即寶十三者欲入空
空中空是即寶十四者欲入無想不
起無想是即寶十五者欲入願不起
願是即寶十六者欲入空離想空是

即寶十七者欲入三昧無有合者所以者何法無二法是即寶十八者不以三昧有所願生處是即寶十九者三昧不為一切諸法作證是即寶二十者欲入無生之道有度者是即寶二十一者欲入無生處是即寶二十二者欲入不動搖處是即寶二十三

者欲入一切無我不離無我是即寶二十四者欲與生死初無相知者是即寶二十五者欲與三昧初無所識者是即寶二十六者相欲切相知者是即寶二十七者欲猒欲意是即寶二十八者欲入不念無有是即寶二十九者欲入諸陀隣尼門無所不摠是即寶三十者欲入諸所作惡欲不為惡是即寶三十一者欲入漚起拘舍羅以意作法器是即寶三十二者欲興万事相應不相遠是即寶三十三者欲知因緣無所諍欲知諍者不如自守欲知不欲語言者不如莫鄉中居不動者勿得轉欲無怖望者無所想是故等不欲危者當正位謂至故欲

有不與者當自守其家能自守者不稱說不自高不自下者其人已具足故不欲成者無而譴之者欲有所使者所作無所失得道亦如是無癡無癡者知本無故耳知本無者無所失故三世等無異三世無增減者不住色已不住色為不住衆法也眼見色者但是眼眼精住是色也耳聞聲聲識無所住鼻聞香香識無所住口所識味味亦無所住身知細滑識亦無所住意不知識識不知意無所住如本行無有想慧行諦諦如我無有我是我所非識法見我但見無我名者慧不知諸所有亦不知慧欲不知習習不知慧慧不知身身不知慧菩薩其心不離其心是非耶曇摩竭菩薩白佛言天中天道不與想合為有合者無佛語菩薩諸法不以為證但以音響為法譬若人吹長笛音聲悲快與歌相入知歌氣笛氣合同一音出菩薩諸三昧亦如是諸法無生壞者亦離於壞滅諸化亦如是諸念亦如是諸覺亦如是諸生無名離於無名諸

念無名離於無名諸化無名離於無
名覺無諸名離於無名無處我不想
之但無作之想為離但已無作之作
已為作想想行寂然都無所著法非
欲一切皆然

如來正衣服白正覺言諸法不起今
復欲問如來曇摩竭菩薩向者所問
欲決斷大疑各還本處佛語如來諸
法若生處無有處若化處無有處諸法
若覺處無覺處諸法若念處無念處
如來菩薩白天中天言生生處有生
處無化化處有化無無念處有念無
無覺處有覺無如來言生生復生泥
洹生是為合怛薩阿竭意非合生生
復生不生泥洹生是不合怛薩阿竭
意是合化化復化泥洹化是為合怛
薩阿竭意非合化化復化不化泥洹
化是為不合怛薩阿竭意是合念念
復念泥洹念是為合怛薩阿竭意非
合念念不念泥洹念是不合怛薩阿
竭意是合覺覺復覺泥洹覺是為合
怛薩阿竭意不合覺覺復覺不覺泥
洹覺是為不合怛薩阿竭意是合文

殊菩薩說偈言

法者無有生合為一剎耳生生不復生
泥洹皆如是化者從本無化化無脫者
化與泥洹等寂然無處所念者本無識
發念因空耳泥洹與念等所念諦如是
覺覺平等等所覺無所到所覺無常住
是故恒薩竭化處無有處所覺無所到
若化無處所諸法皆如是生處有本無
無生是其處化處無名處一切為三昧
念處有念無從空到是處非本無所諦
其慧已如是覺不行相連覺不離其處
行從覺見諦離覺無有脫所生法不絕
所在常如是三千日月中所明無有上
法有非思想可得還行者於欲不起垢
非空亦非想如來意常淨亦不處法名
所脫非常住一切如本處華香自然來
所出無處所清淨意無處所有皆悉尔
千歲枯樹生皆從發意起皆見大光明
世間寂無有虛空為音樂晝夜光明現
是時及大會悉發菩薩意人民大歡欣
皆得聞是經即動三千剎得受不動身
寂然法為現無名是其應何況世所有
一切皆如是清淨不為定癡慧本無現

清癡合用本慧本無脫者三昧無所造
一切皆如是菩薩住道地在意所從生
五事不可親今墮五道中遠離如是行
得佛達十方百日法為時奉行是三昧
皆從諸剎來飛到怛薩前諸天及國王
悉得見佛身志意大歡喜身體為悉輕
不當以色想觀法有三千般若毗羅法
所處無三千如來本發意願不離十方
常作大法國所處無三千三界及已上
乃到忉利天悉阿陀那佛其号天中天
發意到其國須臾復來還摩提那菩薩
飛到竹園中

舍利弗白如來言願復有所問如來
所從來處剎土何類厚薄何如本願
何如無極國土如來語舍利弗言本
願無極無極國中悉菩薩無阿羅漢
之名無女人之聲宮殿皆水精黃金
為樹白銀為業珊瑚瑪瑙為實鉈鉈
鑽鑽非世所明諸菩薩皆生蓮華中
如來語舍利弗言舍利弗我發願已
來所度不還無願不極所願也珍寶
金銀樹木我欲皆不欲耶法者無起
之處起願珍寶是非思想耶百千億

佛刹土有起願者今復還是無極之想願也舍利弗白如來言寶如來時持億萬種華來各各異色豈非想耶如來語舍利弗是無形之華但已華作法器授之耳諸菩薩以花所竹園中者悉已法授之不於中願生持華為主不於華中生也如來語舍利弗若初見佛形像不舍利弗言見之人悉為佛像作礼其佛威神無有不歸之者其中有道威神無舍利弗言威神在何所如來言亦不在像中亦不離於像但有想者言有威神耳觀之了無威神願者譬如忉利天上有樹名拘者而華熾盛諸天莫不愛樂者菩薩已法為一切識可意王作眼目耳道者俱無但以意作器耳舍利弗言意者獨有主耶如來言意者與諸法合諸法與意合道者無主但以無起作主耳是故為法器如來語舍利弗若見化未舍利弗言見之如來言化道徑在何所去來到何許從何所來有道路無舍利弗言化無有道徑何知為化舍利弗言但見化成時了

不見本末故呼之為化耳如來化無所
有舍利弗言見者不見到見耶舍利
弗白如來言無所見何等為見者如
來答言諸想如化是為見未起法如化
是為見未來法無有名是為見無造
法是為見未作法是為見無有造化
者是故見但作無名之想是為見但
作無造之化是為見舍利弗言云何
於是見中為有往來無如來答言故
無往來者已故為是見設使有往來
者是不為是見是為到見耳如來見事
寶如來三昧經卷上

癸卯歲高麗國大藏都監奉
勅彫造

佛說寶如來三昧經卷下

五

東晉天竺三藏祇多蜜譯

舍利弗問如來言乃有斷法輪者無
如來答舍利弗言菩薩若已見無形
之門是為已斷輪門已空可破其脫
無脫者可致於空譬若空無所不入
何以故觀無有處用是故無所不入
用脫於本故其輪不轉故曇摩竭菩
薩白如來菩薩言諸新學者摩訶薩
我欲令得是法定如來答曇摩竭菩
薩言欲得是三昧者當行九法何等
九法一者當定十方天下人悉令作
菩薩二者見諸惡意令心了不起是
為定三者視五道勤苦悉欲得脫之
是為定四者癡塗於其中不起吾我
是為定意五者視諸冥悉令明是為
定意六者所作功德悉令不失是為
定七者視十方天下人皆令為等是
為定意八者觀當來過去諸可意王勿
令復使有作之識是為定九法者悉
使千億佛刹土人悉不動轉者是為
定意菩薩從是疾得三昧弥勒菩薩

問如來言今日敢來在會者何所菩薩不發阿耨多羅三耶三菩心佛語彌勒往昔沙樓陀佛時我初發意學悉為衆垢所蓋不得大慧但聞菩薩謂發意當至其處起想識空不得善知識不逮漚沲拘舍羅遠離善知識為欲王所欺可意王斷如是今我失波羅蜜失意沒六十二劫後與法自然佛會斷我諸可便得還本即得樂於空中住斷諸可根即見慧門便得無動之形從是轉行便斷法輪是時從正覺受是三昧雖六十二劫發意於法無益後與自然法佛會便得大樹更初發意我發意時有九十億人善男子善女人亦初發意如是為阿耨多羅三耶三菩心彌勒自謂如來發意有幾事如來言有九法何等為九一者遠離衆會寂然二者得善知識從受法不失三者遠惡知識四者當遠離五事一者惡沙門二者婆羅門三者黃門四者惡牛惡馬惡蛇多毒不當與從事未得道項令人入泥犁中當遠離之五者初發意求羅漢辟

支佛心者當遠之五者當覺衆魔事
不當與共事也六者但當於夢見說
深法七者但為法發意不在飯八者
不當數聚會有所怖望入飯食九者
當等心於十方當等心於三昧於佛
坐不恐怖是為菩薩九法發意佛現
寶如來三昧時有六万諸愛欲天子
皆得是三昧是時空中飛天悉共善
之快哉愛欲天子得聞是三昧弥勒
白佛言是諸天子得是三昧巍巍尊
自是其主發意持佛威神耶佛言是
諸天子前後供養舍利大須弥山無
益於泥洹今得是三昧前功德悉滅
壞所以者何三昧無名處三昧無想
處三昧無念處三昧無形處三昧無
識處三昧無威神處三昧無有結行
求脫處三昧清淨處三昧是不到彼
彼至是處三昧無有是相非想處三
昧無有造作處三昧於化無形處三
昧無生死不斷無處但有名耳三昧
但有響耳三昧但有音耳三昧但有
開慧之處慧無所生處三昧無作器
處是故三昧不可壞滅如是處三昧

無出入治處三昧亦無作識處三昧
無有起行處三昧不受衆味受處三
昧無形處三昧無出入欲處三昧不
定諸法處三昧無生處三昧無應處
三昧寂然處三昧無動處三昧無邊
幅處是三昧不可壞敗若有壞敗三
昧是大癡根生之門也故不壞敗如
來語舍利弗言有五不直不當與從
事何等為五一者不當處法有二二
者不當於所起三者不當觀諸法是
作非作無有名之者四者不當於當
來過去有所見五者諸法不可斷是
為五法菩薩摩訶薩得無去來之作
者疾可發阿耨多羅三耶三菩心須
菩提白佛言若有於苦於樂者不言
離苦樂是即為二法不字為菩薩菩
薩者不中離不止離不脫離中無所
離於所作遠無作之為作所起如幻
耳以幻說幻之中無名如是亦不從
法得度者亦不離法得度脫者於脫
中復脫是為無有主者但有住名耳
於字無知名者是為法輪斷舍利弗
法輪自本清無所有誰有斷法輪者

如來語舍利弗言不知輪有處者是即
為斷佛語如來言貪可法者是生死
根滅法者亦為無結之作也無作之
作是為不離作離貪諸可即為無有
斷有無貪不起是即道無可無不可
是即道無生不生是即道無識不識
是即道無死不死是即道無斷不斷
是即道無遠不遠是即道諸可不可
是即道所住無想離於無想是即道
所念無念是即道所說無所說是即
道泥洹無滅離於無滅是即道泥洹
無形離於無形是即道泥洹滅盡無
所盡是即道法自寂然離於寂然諸
法無可不有所失是即道於慧離本
是即道非名非想是即道所明無所
明是即道於明冥無想知者是即道
癡慧無想入者是即道於道無有得
道者即是道若苦若樂無想識者是
即道所起無所想想是即道於清無
難易是即道所度無有主是即道所
至無想者是即道諸法非名離於非
名是即道菩薩所度如流水是即道
於名無轉者是即道佛已三昧成度

如人意以万物自莊嚴但莊嚴無形
耳但莊嚴到見耳但莊嚴諸可意王
但莊嚴是想非想耳如來問事竟文
殊師利菩薩白佛言三十六天人悉
會者乃有幾人持受是三昧佛語文
殊師利菩薩言諸會者非但天人敢
來會者悉得是三昧悉當作佛悉當
受十方悉當斷五道勤苦如今日會
時諸菩薩聞佛授與剎八十億諸天
及人悉得無所從生法住虛空中去
地三百丈觀身上万千億香華下為
正覺作礼阿樓菩薩阿提菩薩從坐
起白佛是諸受剎菩薩即住虛空中
去地三百丈觀身上華好妙是華從
何所來佛言菩薩譬青本青本自白
以雜色著之隨青黃赤黑悉見其色
如是所以諸色悉現者但用帛本淨
故但用青黃赤黑本亦復淨故現於
色亦不入帛帛亦不入色但用本俱淨
故現之色耳諸得剎菩薩觀身上雜
種華者亦如是菩薩亦不在華華亦不
在菩薩許但諸天及人得斷無念法
慧作明淨故便有華現耳用華淨故

便現耳如是無住者而成諸功德有
住想行者開生死之門阿羅漢辟支
佛所已由遠五道者但有十見何等
十見一者見諸功德忘言脫者是為
倒見二者見五道勤苦欲取泥洹是
為倒見三者見厭万物無主欲疾離
之是為倒見四者求安本自無本是
為倒見五者欲出無間入無處世自
無出求之不止是為倒見六者羅漢
取泥洹時身中火自出火無處起想
出身中火自燒煮故知生死不斷是
為倒見七者未自無盡是故為倒見
八者但欲時欲於泥洹盡之成惡亦
無主反欲滅之是故倒見九者所施
與不發十方人意但欲法不斷是故倒
見十者於苦於樂不等淨行言有二
法是故倒見十事倒見佛語阿惟阿
樓菩薩摩提菩薩今諸天及人皆是
阿訶釋佛時人也今我悉剎之者亦
於六万佛所受是三昧今故復於我
記剎之耳却後若干億万歲我法斷
絕是今日會發意當有四十万人持
住於法轉不退輪今法不斷絕當護

持法至使各得佛故法不斷如今日
會時是諸發意者若干千歲我弟子
當共壞我法若惡沙門若男子女人
須菩提白正覺言何所菩薩以何等
行護法令不斷絕佛語賢者須菩提
諸四十萬菩薩悉住第八已下於法
無煩惱之想是即為已護持法令十
方不斷須菩提白佛言何等為壞法
者願天中天解之佛言須菩提若有
諸羅漢辟支佛若有沙門諸天及人
起煩惱想於慧求名壞滅本末增減
尊法毀壞經言但好飯食為是道遂
不知空何所是空但欲莊嚴剎土非
尊法者聞佛可得末佛亦不知法言
有二法是為壞敗我法天上尊天阿
須夷天潘那天子樓尼天拘屬提天
施天那利天諸天白天中天言乞持
形壽歸是持法法者千万劫億万劫
無有休息時但令我等得是三昧佛
言奉行是三昧如其未者便是佛語
如來言後有發意行是三昧者得是
三昧者譬如精泥洹天上有寶諸寶
中王天上天下寶中尊尊有佛在

世時乃現耳名精泥洹珠有得是一
寶珠持是珠者竹上若著手中見之
四面空中在欲得幾日雨珍寶向莫
不得如其願者有得精泥洹珠者不
當貪有亦持雨三界各令得寶如是
行是三昧亦如是羅閱國王從諸群
臣到佛所為佛作礼白佛言是天上
之大尊儻加大恩已度脫十方儻持
天上精泥洹珠寶儻已雨於羅閱令
我國中人民悉得是寶佛便笑阿難
正衣服為佛作礼白佛言佛不安笑
既笑當有意佛語阿難羅閱國王從
諸群臣欲乞得泥洹天上珠寶精泥
洹珠欲使雨之於羅閱國國中亦樂是
寶不知如來時悉已得是寶佛語羅
閱王言見人民悉百日不食五味但
以法為味女人悉化為男子王見之
不至言見之悉得是三昧王大歡喜
悉以身上珠寶以散佛上及諸菩薩
上珠寶悉化成香華虛空中住皆成
行其間悉有百千種音樂相娛樂王
見衣服如是王便歡喜王若干百日
復不食王白佛言是諸華乃從無處

出生佛答從無處出復問無處從何
出生佛言從無所起來王復問無所
起從何所來佛言從無所生來王復
問無所生從何所來從不動來王復問
不動從何所來從無造來王復問無
造從何所來佛言從無名來無名從
何所來從無生來無生從何所來從
無音來王復問無音從何所來從無
二來王復問無二從何所來從無形
來王復問無形從何所來佛言從自
然來王復問自然從何所來從化來
王復問化從何來佛言離於不化來
王復問離於不化從何來佛言離於
不化從無相知處來王復問無相知
處從何來佛言已故為諸法王問佛
事大歡喜晝夜百日但樂是三昧王
為佛作禮而還坐白佛言如來菩薩
及遠方諸菩薩尊賢者皆從遠來今
恐與佛相見但去我今願乞請文殊
如來菩薩等到舍飯食願如來許之
佛默然無應者即可意王為佛作禮
還宮即勅臣下疾使國中莊嚴俠道華
香皆結好名華俠道志華為帳王宮

中掃除世間極好華香悉作百種坐
皆琉璃金銀皆使宮中掃除諸夫人
姝女悉齋戒文殊師利如來等悉詣
羅閱國入城未到宮門王出迎諸菩
薩是時菩薩如來文殊師利等六十
億万人如來讓使在前入宮諸尊菩
薩不於前入宮如來言諸尊菩薩何
以故不於前入宮諸菩薩致尊當於
前入如來言我不於前入宮諸尊菩
薩當入諸菩薩言何所為尊者於慧
無處是即尊於意無形是故尊於念
不想是故尊於法無所施是故尊所
作不離於道是故尊已斷法輪是故
尊無念法不想是故尊於法無有多
少是故尊欲遍起拘舍羅甚多是故
尊於薩芸若無相知者是故尊已被
法鎧是故尊於三昧無有多少是故
尊如是者如來故當於前入宮也如
來語菩薩故尊何等為尊年故尊故
諸菩薩言今我年雖長尊者譬如萬
歲之枯死樹根本以永盡無復有華
實可陰覆蓋世者今如來雖年少者
入慧甚深譬如寶樹間人得之華實

莫不得度者已故當於前入宮如來
於前入諸尊天持萬種音樂隨如樂
之文殊師利及如來等各坐王使夫
人利修諸菩薩所食金器悉有八種
味出宮中燒萬種雜香飯食竟王白
文殊師利及如來言我今欲得見十
方佛大會時當以何致之如來言欲
得見十方佛會者悉欲見衆慧者但
行九法何等為九一者當觀十方佛
與是無異二者當觀我所道無有道
徑三者當觀一切人無有脫者四者
當觀飯食如化所見五者當知五陰
無有識想六者當知六情觀之如幻
耳七者當知觀但是倒見八者當於
法中大施與九者當知所施非施王
聞如來解之歡喜却坐佛前時便在
彼笑言快哉快哉如來為說偈言

常當顯是功 所生常遇尊 從受大智慧
常除愛欲根 不貪亦不嫉 惡意不復生
乃從無數佛 得聞是三昧 乃於三千剎
常行尊三昧 不於一切人 所有諸珍寶
法不從五陰 亦不離是處 從觀得脫名
一切皆如是 從觀得歡喜 發意無所生

其處已如是故為天中天若在三界中
不生亦不死泥洹及泥曰一切無有是
意不當邪念所行作非法若在三界中
持心令不起音響有還答内外悉相應
不起悉寂然諸法亦如是三千諸佛刹
名字悉如是無聞亦無見非法所當議
三昧不按計已數持作多慧者解是言
得佛無常海法者悉清淨廣大無有雙
常作無邊水所載蔽三千意願施隣尼
發慧無有前法者已如是一切當奉行
我念求意時從來若干劫志意常棄家
於欲無所求常依善知識得立正法住
是時於大會得聞尊三昧志意大歡喜
即住虛空中去地百卅丈叉手在佛邊
今坐諸菩薩受別亦如是其意增歡喜
得聞諸三昧便從一佛刹飛到諸佛前
不動亦不搖驚動諸刹中花香自然來
乱風自然生百種諸音樂悉住於座中
龍王大喜即雨万種香化為諸小池
上到三千中

如來謂文殊師利菩薩言今自然華
香從三千刹土來到是會音樂悉具
足是為佛威神如來之神足文殊師利

菩薩語如來言卿欲知佛之威神及諸
菩薩威神者不可見知是樂者所處無
名之樂有所在處法者無名處若苦
若樂是樂處所有如化耳是其樂法
無二法是其樂於羅漢辟支佛悉欲
度之是其樂所見五道悉欲令得佛
是其樂諸所度無有生是其樂一切
無處無所起是其樂於三昧無煩惱
是其樂一切處無有名是其樂諸所
有皆如化是其樂非音處無所生處
是其樂法所施無所施無所有是其
樂三千中無常處是其樂一切人令
得信無所得是其樂當來過去現在
三處盡無有盡是其樂令還本無所
見是其樂見法輪是為無所見是其
樂三千剎一切等是其樂十方三千
樹法之藏是其樂十方諸剎但有名
是其樂色欲合是其樂於名字無有
主是其樂無邊幅一切寂是其樂一
切明與冥合是其樂諸所行不失戒
是其樂諸所念不離三昧是其樂虛
空實度無極是其樂諸慧覺無有處
是其樂諸所可是其樂一切決無受

者是其樂三界中無與等是其樂貪
於法不惜命是其樂一切明合復明
是其樂諸所有但倒見是其樂若布
施無所望是其樂意無極作大船師
是其樂無邊國脫無極是其樂意寂
是其樂無所定是其樂諸三昧門無
到者是其樂亦無聽亦無聞是其樂
諸所念非正道是其樂一切人無極
者是其樂諸所度譬如幻是其樂初
發意三昧具是其樂諸菩薩所從來
無有處是其樂諸菩薩在意生到十
方是其樂非青黃及白黑無道徑是
其樂文殊師利菩薩謂如來欲知佛
及諸菩薩威神及所樂其諸所樂如
是文殊師利答如來菩薩所問樂五
事如來便說偈言

文殊師利意 慧尊無有前所施蔽三上
其智莫不尊 威神所施行悉除三千中
諸樂無所欲 但為不奪施樂法為寂大
於化無度者 所施樂法與若空無惡者
法與樂俱行 無有過是實所樂不有主
若空無處所 深入諸微妙曉了一切人
使之得大法 斷滅勤苦根一切世間人

志有意不解以法為覺意以慧救一切
佛是時說偈言

離空非想	是想非空	於法不起
即為是起	常當軟意	淨無所有
色欲同合	無相入者	所說無形
不離形有	因法如夢	所欲無底
是寂離寂	無離不造	衆法無主
所可如化	都無所受	法無所捨
所作徧見	一切皆然	非色離色
是色所離	其法如色	其處如是
非音是響	無聞不見	不聽不觀
所有如是	於礼無名	自言為是
法無是計	所度如是	於幻無見
所見離見	離貪著欲	非法所議
於欲無垢	不著無離	如是諦見
無有見者		

如來菩薩知佛笑便於宮中說偈言

疑本不解	謂法自然	本無常住
疑慧無是	於想無勞	識念無苦
舉名住字	非求法者	於本不介
不還不退	所可無可	遠離無可
於生無滅	是即為滅	於義無想
是為非滅	於法無生	亦非相滅

所以者何 衆法皆空 亦不求言
我離泥洹 所以者何 本末淨故
不盡十方 舉之為證 有言是我
是即是證 不當遠念 念於十方
真法不煩 是受無名 法非思念
可當還者 起行如是 不見尊法
要當解慧 於眇不恐 湯行不至
可謂慧門

如來問文殊師利菩薩言今日來會
新發意者我欲使得無極法何以致
之文殊師利語如來言於念無作即
可得無極法如來復問何等為念無
作者文殊師利答如來當建九法寶
何等為九法寶一者意無處所是即
寶二者觀法無主是即寶三者不見
有當來過去是即寶四者於法無有
造作者是即寶五者所施但施法音
是即寶六者見五道勤苦於中意不
轉是即寶七者所覺不遠遍起拘舍
羅是即寶八者直見諸法不處有二
法是即寶九者到於泥洹亦如化是
即寶如來語舍利弗言是為九法寶
文殊師利菩薩說偈言

於可無所笑所作無常名若空無有垢
佛笑無不可笑空不離末如本無所笑
已住諸法名一切皆如笑本末皆自然
無有往來者笑者有還報不還亦不笑
法者皆是一以笑便有二於二無名字
是故為是尊所笑無所可但為衆法施
所動無所動是故無上尊
文殊師利報如來偈

笑者無還報一切無有主其笑不離本
是故天中天笑者無所趣但為倒見耳
於法悉寂然寂然本無是笑者不離化
以化大施與於化無舉名是故乃為法
於法無有是但為不脫施已脫不為脫
佛者皆如是故於大會中議度無度者
於法作施與無有與比者
是寂離寂無離不造衆法無主
所向如化

舍利弗復問如來言欲使十方發意
陀隣尼行者當行何等法當行三十
二法寶何等為三十二法寶文殊師
利言一法寶者欲使十方未發意皆
度之如化二法寶者未發阿耨多羅
三耶三菩提者皆令住正法三法寶

者欲使三千大千日月視之一切等
四法寶者若在住意者皆令遠離衆
欲在慧門無動無搖至於泥洹五法
寶者人說有天無天志不動還六法
寶者意不動還七法寶者一切無來
受生者視當來過去無有二八法寶
者觀諸三昧禪寂然無處所九法寶
者諸所度無有主一切從空引空十
法寶者三千日月諸佛者我從得定
十一法寶者十方諸佛三千日月敢
有來聽經者悉得佛剎即住虛空中
亦如是十二法寶者諸佛剎土華香
自然來繒蓋來者亦不喜不來者亦
不求十三法寶者皆使敢有發意使
得法住如其處十四法寶者當來過
去無增減所以者何知本無二故十
五法寶者悉欲使十方蚬飛蠕動持
佛經戒令不毀傷十六法寶者無有
邪念在於十方轉意還本則向慧門
十七法寶者常行忍辱十八法寶者
從觀至觀無有度者十九法寶者本
住無常住處如是無常住處二十法
寶者所度無有主名空為衆欲施於

欲無常處是故為道二十一法寶者
施慧作施與無有舉名者於欲無所
可但為脫耳二十二法寶者所說不離
對因作施與故曰大法故獲度無脫
者二十三法寶者常於無數佛剎飛
到一佛前二十四法寶者十方諸剎
等無得脫者二十五法寶者淨穢同
合本淨無異二十六法寶者住於三
千住作槁梁故是進學如冥見光明
二十七法寶者常於無邊水廣作大
船師所度無有挫二十八法寶者常
作無邊蓋閉塞三千垢二十九法寶
者常作無極慧不離十方三十法寶
者常作大慈動於十方未度悉度之
未脫悉脫之故無字為天中天三十
一法寶者等行無有雙於無有及與
人字為無上尊發意平等是故為佛
三十二法寶者如來為是尊所說不
離法遍聞三千剎中虛空為自然王
故立華香中菩薩三十二法寶如是
十方都大化一切名無常真法不煩荷
即說度十方有想不離想一切諸寶空
若華及於葉其色不可當一切衆欲所

立之可意王諸寶無上尊號為天中天
故於大會中議度無脫者其本無常住
故字十方尊一切為倒見世間樂之具
所可若如化能脫十方中虛空無常處
佛藏悉在中已脫無脫者故教十方中
十方諸佛剎合之為一國自然衆大會
悉滿十方中佛者一切覺笑不離其容
不離黃金色已亦未脫人十方為作道
意不離法王所施無所施華布施十方
金色大蓮華周遍滿剎中起想起作行
不住諸天中文殊師利意曠大無有雙
譬如初得剎住在虛空中如來慧意尊
光明遍宮中可意諸天人悉得到法門
十方諸菩薩驚動諸剎中今會諸天人
得聞是尊經徹見諸一切乃到可意宮
化為交露坐萬種天華香聽受諸三昧
坐觀大衆中諸來宿功德發意供養尊
道者不見見所有皆如是諸脫無有數
三界不可極

文殊師利菩薩問如來菩薩言衆音
如化所作於法無想亦不可盡極故
有自然當以何脫之如來菩薩語文
殊師利菩薩言復有九法寶何等為

九法寶一法寶者自然無處亦如化
二法寶者諸法無處亦如化三法寶
者當來無處亦如化四法寶者諸所
有皆世直處亦如化作五法寶者觀
過去處亦如化六法寶者觀見諸法
如幻耳亦無有處亦如化七法寶者
所可無處亦如化八法寶者得道無
脫處亦如化九法寶者得於泥洹本
無住處亦如化文殊師利復問如來
過於泥洹皆自然誰為是化本者誰
是化主者化為有本無化為所起處
無非道無處如來菩薩謂文殊師利
復有九法一者化無處化者非道無
處是即化二者非處無想是即化三
法寶者非處化為作處是即化四法
寶者非常名所有無盡時是即化五
法寶者化處無處是即化六法寶者
於道無想是即化七法寶者於起無
起是即化八法寶者於諸欲無諸欲
處是即化九法寶者於所度無所度是
即化文殊師利菩薩說偈答如來

十方無化者化化無有形一切無常寶
是故為化生 道者不化得亦不離其處

所說無常形自然在其處諸法從化得
本離從無有其本因化生是故人中尊
欲者從化起法本無有是化而住五道
無有見化主死生及五道與化不相連
以世貪不斷故現正覺者如來及化主
十方尊無極持化大施世世間無知者
法輪無色轉於世無轉者繫色有思想
深法無轉者想色化十方莫不受法者
所施大智慧世間無聽者諸欲及羅漢
不還與是實故於衆會中度脫無上寶
智惠不可極光明寂無有十方作橋梁
所說無有二十方諸佛刹志令為平等
亦不使其人發意有異心十方諸法園
一切住脫垢亦不從世間於法無奪者
於慧無有脫不見往來者於寂復見寂
明中復見明法者非慧得自然無本是
慧實俱同合都無相識者癡慧不同合
其慧衆實明所施但為法若華在高山
諸惡不可極色欲不可盡泥洹及生死
一切皆如是十方諸佛慧無知無覺者
所以見淨法故言世無有

曇摩竭菩薩復問如來菩薩言於化
無起離於誰成主者泥洹不生滅不

遠五道當使來發意轉住法輪無諸垢今悉不生誰為度者如來言曇摩竭所問欲決斷十方生死根乃如是當行九法寶何等為九法寶一者於無主是即寶二法寶者於泥洹與生死初無相知者是即寶三法寶者於死生於滅無滅是即寶四法寶者上到三十六天使不還生死生處是即寶五法寶者當起意未起忘如處住是即寶六法寶者三千大千佛剎觀了無得度者是即寶七法寶者於念無起處是即寶八法寶者悉使三千佛剎悉取泥洹意亦不喜不取泥洹者意亦不怒所以者何諸法無處故是即寶九法寶者隨願取羅漢我悉令發意求願者不令復還願是即為法寶不起諸生無有還願是即為菩薩法寶

如來答曇摩竭菩薩說偈言

於可無所可 於欲無所欲 所度無見者
法常無常處 慧者無所說 因度無往者
故見大正法 世之取無有 道者無常名
故為十方寶 已得無得者 生死無有道

四馬不可盡可意無有足世間悉樂者
不捨不得道畏生無有脫不畏無脫者
生死當舉名立之為五道有報無答者
可謂為是法法者本無二所有諦已覺
無邊亦無幅無極不可計本際如影響
無有往來者於起無所起法無諸欲者
生死本無處生死化如是於淨無有淨
於垢無有垢悉為十方人斷絕諸五道
淨意若如水一切無瑕垢青黃及白黑
悉得見其形諸法不可荷即得無上寶
吾我及與人世間無得者不住無住諦
所有諦如是所覺無所見世間諦如是
無度無不度世時誰不有十方立正覺
悉得無上寶

曇摩竭菩薩問如來言欲使十方自
然諸天人民皆令得如其處當行六
法寶何等六法寶一者聞知是會時
是即寶二法寶者諸來會者得聞是
經是即寶三法寶者非今功德是即
寶四法寶者敢問是經法已得六万
三昧但欲使十方人祭無上意是即
寶五法寶者皆使十方會於佛樹下
是即寶六法寶者佛所說經法使十

方人悉令得之是即實說是三昧時
會中有九十億萬菩薩諸天人民有
六十七億萬人皆得無所從生法處
當是時九億萬菩薩皆得是三昧三
千大千佛剎土復即九反大動三十
六天諸天王在虛空中亂風音樂樂
佛諸大龍王諸阿須倫皆得見是法
阿難正衣服頭面著地叉手為佛作
禮白佛言是經名為何等經我當云
何奉行之佛言阿難是名為諸剎無
極園自然華香自然号为會無極寶
說是經時無數諸天人民阿須倫人
非人間經皆大歡喜各前為佛作禮
而去

佛說寶如來三昧經卷下

癸卯歲高麗國大藏部監奉

勅雕造

佛說慧印三昧經一卷

五

吳月氏優婆塞支謙譯

聞如是一時佛在羅閱祇耆闍崛山中與摩訶比丘僧千二百五十比丘俱菩薩有四十億人皆逮得陀隣尼悉得諸三昧皆逮得空法皆得寂無想法悉逮得不動搖願悉得無所著陀鄰尼行得無央數陀鄰尼門佛今時便三昧三摩越燿然無色不可見不可得如虛空不可知無所住不可得無吾無作亦無來亦無去亦非住亦非止亦非偶亦非不偶亦非身亦非憂亦非喜亦非心亦非不隨心亦非行所語亦不有是語空亦非著佛今時作是三昧三摩越便不見佛身亦不可得想佛身佛心意亦不可得想亦不見中衣外衣及與坐亦不見經行時亦非聲今時三昧威神照三千大千日月於是三千大千佛剎諸日月光明皆為覆蔽不見諸摩尼寶諸踰填寶諸天及天坐諸釋梵所有名香悉為其歇是皆三昧威神力之

所蔽隱三千大千刹土但聞是三昧
香照於諸佛刹其中人民眼不爲遮迦
怒摩訶遮迦怒及須弥山諸黑山之
所覆蔽尔時便有七寶交露覆蓋三
千大千刹土一切諸佛刹及與竹園
耆闍崛山若干種華悉遍布滿其中
其地悉平等地爲生蓮華其華大如
車輪一華者有十萬葉其花上悉有
七寶蓋摩竭提國界地悉爲柔軟如
天綻綻有東方恒邊沙佛等遣無央
數一生補處菩薩令到沙訶樓陀刹
土有多陀竭阿羅訶三耶三佛名爲
釋迦文今現在一切諸佛境界深入
多陀竭慧印三昧三摩越若有菩薩
積累功德奉行六波羅蜜百劫除濕
想拘舍羅不如一時聞是三昧諸菩
薩即受其佛教持神足飛到竹園中
前爲佛作礼皆却坐蓮花上如是南
方恒邊沙佛等亦復遣無央數菩薩
西方北方東南方西南方西北方東
北方上方下方如是恒邊沙諸佛等
各復遣無央數一生補處菩薩令到
沙訶樓陀刹土有陀竭阿羅訶三耶

三佛名為釋迦文今現在一切諸佛境界深入陀竭慧印三昧三摩越若有菩薩積累功德奉行六波羅蜜百劫除遍起拘舍羅不如一時間是三昧諸菩薩即受其佛教持神足飛到竹園中前為佛作礼皆却坐蓮華上尔時於是三千大千刹土諸比丘僧及諸菩薩所在遠方皆來會於竹園在於佛前尔時無央數菩薩及四十億比丘菩薩皆來會於竹園用是三昧威神故於是三千大千刹土諸釋諸梵諸摩夷亘天諸遍淨天一切諸龍王諸鬼神王諸捷陀羅王諸阿須輪王諸迦留羅王諸真陀羅王諸摩睺勒王是諸王皆各從無央數官屬來到佛所前為佛作礼却住一面尔時於是三千大千刹土諸天及人非人從下上至二十八天中無空缺皆悉遍滿尊弟子舍利弗羅摩訶目迦蘭拘提迦梅延邠耨文陀尼弗羅等即到文殊師利前問文殊師利言佛向者三昧三摩越今皆不見不知所至到處願為吾等說之文殊師利答舍

利弗羅言仁者智慧而具足何以不
各各自三昧共推索無央數佛剎知
佛身何如行即時舍利弗羅等各各
自三昧共推索無央數佛剎了不見
佛身亦不知所至到處舍利弗羅等
即從三昧起復前問文殊師利言吾
等以各各三昧推索無央數佛剎亦
不見佛身亦不知所湊願欲聞知惟
為說之文殊師利言賢者舍利弗羅
等不知佛所至到處者悉且安坐佛
湏臾頃自當來還尔時佛從慧印三
昧起便動三千大千佛剎舍利弗羅
等便前白佛言佛住何三昧吾等以
智慧眼推索佛了無有能知其處者
佛語舍利弗羅言佛所至到處非若
阿羅漢辟支佛等所可知獨佛自知
之耳所以者何無念不動不搖故

舍利弗羅佛身有百六十二事難可
得知何等百六十二事非身無作無
起無滅未常有無有比亦無所比亦
無行亦無所至不可知亦無習一切
淨無所有亦不有亦不行亦不住亦
非生亦非受亦非聞亦非見亦非香

亦非味亦非細滑亦無往唇亦無還
答亦非唇答亦非心亦非念亦非心
心念離於心心等心無所等無所與
無來無去亦非潤亦非澤淨不復有
亦非恐亦非懼亦非動亦非搖亦無
造亦無成亦非滿亦非不滿亦非見
亦非明亦非不明亦非冥亦非不冥
亦非滅已離滅於滅中淨復淨清淨
於色無所有無愛欲一切非我離於
非我住無所住亦無處亦無從亦非
無從亦非法亦非不法亦非福田亦
非不福田亦非盡亦不可盡無所有
離於無所有遠離於字遠離於嚮遠
離於教遠離於行遠離於念亦非禍
亦非不禍亦非量亦非不量亦非來
亦非去亦非雙亦非不雙亦非荷亦
非不荷亦非相亦非不相無有相能
現相無諸入亦非著離諸著一切人
令得信不受入住於諦諦復諦一切
非我度無所度淨無所淨度尼難為
無所度所說不說二無所等於等無
所等無量等與空等無處等無生等
不可得等所安無所安寂復寂寂明

中復明於行無轉能轉行一切斷諸
所著諸法諦無有二從本來無所有
所覺者已諦覺已度於一切行行所
度無所度亦非是亦非不是亦非長
亦非短亦非圓亦非方亦非身亦非
體亦非入亦無所入亦非世亦非世
所有亦未曾有見者亦未曾有知者
亦非去亦非不去亦非世因緣亦非
不世因緣如是身不可獲亦非有亦
非無亦無有去亦無有來亦非心念亦
非憂亦非作亦非不作亦非諍亦非
不諍亦非泥洹亦非不泥洹亦非行
亦非不行是為百六十二事

佛告舍利弗羅言佛身如是欲想觀
佛身無有能見者所以者何佛身不
可以想見知佛亦時欲曠大慧印三
昧於十方便說偈言

是身亦非身於身已度脫亦無作無有
壞亦無所得一切諸法相雙亦非不雙
欲見諸佛身所處皆如是不是非不是
非憂非不憂不取亦不放不等亦不長
不樂亦不住一切無從生佛身已如是
便能致安隱亦非作不可獲空無有想

亦非色心無有我亦非一於受無所受
於有無所有一切諸正覺其身諦如是
不剛亦不弱無瑕亦不穢不斷亦不連
不有亦不壞亦無所得於多少無所亡
欲見諸佛身一切無塵垢不見亦不聞
非香無細滑不知亦不動譬之若如影
住形於一切曉諸著人心佛已成其身
一切各如是非身亦非體非等亦非諦
非淨非不淨諸根無所有不藏非不藏
譬如水中月欲見諸佛身一切悉如是
身復與身從因緣本自然不生亦不滅
無來亦無往不見於三界然現若如幻
欲見諸佛身不動亦不搖非聲亦非靜
非默亦非寂非獲未常有不有亦無彼
譬如虛空本自然無所有見佛已如是
晝夜當供養一切及十方億千諸佛刹
上至廿八天滿中諸珍寶悉以供養佛
乃至無數劫不如書是經其福出彼上
譬如恒邊沙復倍無數劫展轉於其中
常等行慈心不如曉了惠解是印三昧
如是無數載其德過彼上若在五道中
展轉無數劫如是若干劫一切能悉忍
不如一時慧解是印三昧其福如芥子

在於須彌邊者人在三界生已便最大
一切悉戴之能忍無數劫其身不以勞
不用作勤劇如是悉能忍不如解三昧
譬人生恙遍復多於劫數其百劫中沙
一切以為數不如晝夜力行是印三昧
其福欲譬之不可以比慧其如是智者
常與行相隨於無數劫中譬之如一塵
能諦曉了是慧印三昧者其福欲譬之
若海取一滴莫持色相好想視欲見佛
莫如者有者欲見多陀竭慧印三昧諸
見者為見佛見佛已如是一切無三千
如是舍利弗羅多陀竭慧印三昧諸
菩薩摩訶薩於十方無所罣碍悉使
願欲見諸佛當內至意晝夜行是三
昧便見一切十方諸菩薩無央數行
三昧門住於無所罣碍法是為陀隣
尼所猗門從是中成其相從是中成
其好如是行者諸罪盡悉得除諸魔
事悉已過佛所說皆審諦佛所住及
所語無空缺恙具足身所行無瑕穢
意念所行淨無垢若欲曉佛所行欲
解了一切人意令各得其所欲起願
成佛刹者當行是三昧欲得佛頂中

光明者欲起比丘僧者欲莊嚴其刹
土者自在所欲作所欲行當奉行是
三昧所以者何譬如一切藥樹在所
求索悉具足是三昧亦如是菩薩於是
三昧中所求索亦悉具足佛亦時
便說偈言

無上慧為慧王	慧能散諸欲著
是尊慧入慧門	是印經無量慧
知根行住智地	智無尋智去冥
智消暑智說法	經如日照三界
常等行於三昧	一切著諦所斷
諸三昧慧印將	諸佛者等是種
欲得寶度無極	願福相福神足
志所願從是得	是三昧諸佛樂
王樂國及臣下	寶無上寶如來
婬怒垢悉消除	寶三昧說是經
從我學恭敬意	持淨清除吾我
勇猛者壞生死	持諦法得三昧
慧能說所當說	持是慧智能多
慧能放光明遍	是經者慧之門
等能降盡吾我	六十二諸所疑
到佛門無恐懼	便從是相好具
三尊中佛為尊	獨能說七覺意

為懈怠亦現法 是三昧不可盡
一切法當廣說 入無佉陀隣尼
持是法入十方 陀隣尼辭如海
於是中成施與 戒忍辱及精進
禪智慧不可盡 住是經成無極
莫恐懼施罪地 及諸魔與惡道
行三昧無能害 如所願得為佛
菩薩住於是法 以十方為明證
其來者索法器 持是經得法住
過去佛經是母 當來者亦從是
現在佛從是出 行是者為佛子
罪垢除行不轉 過第七住法去
其有住是經者 便具足諸佛寶
說是法時三十恒邊沙等諸菩薩皆
得是三昧六十八那術他菩薩諸罪
蓋皆除恙住阿惟越致地皆得不可
盡陀隣尼所入聲六十億天與人從
本已來未曾起菩薩意今皆發阿耨
多羅三耶三菩提心聞是三昧皆恙
願樂願樂已後便住阿惟越致地當
為阿耨多羅三耶三菩提佛亦時便
授其決却後三十億百千劫皆當為
佛号名離於恐怖諸菩薩各自起願

便得無所從生法忍然後於其剎土
悉得為佛皆同一字佛尔時三昧遍
觀衆會告文殊師利言以是故文殊
師利菩薩欲護我法者當作無所著
住當悔當持當說之常當清淨獨處
不當有所倚文殊師利便從坐起整
衣服以頭面著地為佛作禮白佛言
我能忍護是無所著法於菩薩道無
吾無我不有亦未曾有不見亦不聞
不得亦不亡尔時衆會中三十億菩
薩皆叉手起住白佛言我等能忍是
無數阿僧祇劫擁護菩薩行諸菩薩
各以身上衣供養佛便即起願佛語
彌勒菩薩言念若本所願行於後當
持是法於是三十億菩薩中八十菩
薩能持是法耳其餘菩薩者皆剛強
不能持法於後皆當亂我法亦不悔
亦不持彌勒有七事起菩薩意何等
為七事一者起菩薩意二者法欲盡
時護法使不盡起菩薩意三者為十
方人非人起哀起菩薩意四者見菩
薩便起菩薩意五者施與起菩薩意
六者見他人起菩薩意便效起菩薩

意七者聞佛身有三十二相端正人
向讚歎便起菩薩意弥勒是為七事
其可起怛薩阿竭菩薩意其護法使
不盡其哀十方人非人起菩薩意是
三昧輩能護菩薩意疾得阿惟越致
其四輩起菩薩意者皆為剛強菩薩佛
語弥勒菩薩言有五法住疾得阿惟越
致何等為五法一者等心於十方人
非人二者無所適莫於他人財寶三
者其有說經法者沒命從後終不說
其惡四者其有供養衣被若床卧具
病瘦醫藥所當得者適無所慕五者
深入微妙法中是為五法菩薩住知
是阿惟越致菩薩相復有五法菩薩
住為剛強何等為五法一者面目無
好色二者所作皆怯弱三者慳貪四
者論諂五者口但道空是為五法住
菩薩剛強相也復有五法菩薩住知
是阿惟越致法何等為五法一者無
我二者無人三者不處法有二四者
不著於菩薩五者不持想觀佛是為
菩薩五法住疾得阿惟越致佛小時
便說偈言

不當貢高 及與嫉妬 妄造非說
索人長短 亦非口語 及與怯弱
如是曹人 不能護法 若有行者
在於空閑 能忍微妙 不但口言
譬若如犀 常樂獨處 如是曹輩
能護後法 常喜獨處 樂於清淨
譬如怖翁 樂在深山 不樂供養
譬如虛空 如是人者 能護尊法
朽棄軀體 及與壽命 何況世間
所有珍寶 力行精進 於無所著
如是法器 能護後法 於後來世
當有是人 當自說言 我菩薩行
志意迷亂 著於世間 不能奉行
護於明法 我念宿命 提起竭佛
過於今時 八十億劫 今時有佛
号为光明 為一切人 說是三昧
第一大會 八十部術 第二會六
七十部術 第三會七 十三部術
皆悉逮得 阿惟越致 其佛壽命
住世一億 項中光明 七十踰旬
比丘僧數 九十九億 逮得自在
皆阿羅漢 今時有王 典主人民
名為慧上 是遮迦越 今時縱廣

閻浮利地 其里數計 二萬踰旬
四天其數 皆悉如是 王有采女
六十億人 其子千人 皆悉具足
其國土名 極樂無厭 王治諸國
二萬郡縣 國中人民 各有戲園
常樂安隱 五聲自然 譬如天上
無所不有 今時尊王 於夢中聞
有佛於世 名為光明 從夢悟起
便到佛所 從諸臣下 六十億乘
今時從佛 聞是尊經 微妙三昧
諸佛奧藏 便以諸國 奉上與佛
所當供養 無所乏少 一切諸國
為佛供養 立起講堂 用栴檀香
一切講堂 具人供養 所可經行
金薄布地 具足於八 萬四千歲
不起王事 但供於佛 不樂睡卧
勤力事尊 亦不起俗 無愛於國
設使有人 說王功德 日日說之
不能究竟 所可供佛 不可稱數
所以者何 怖望三昧 便即獨處
內自思惟 今是三昧 甚深微妙
今我不可 在於飲食 欲得怖望
成是三昧 便即棄國 剝去驢象

因入深山受行正戒於三千歲
無有休息行是三昧未嘗睡眠
佛天中天中間所道所可說法
皆悉啓受其光明佛般泥日後
國縣起塔六十四億諸塔供養
各五百蓋七寶交露及與香華
諸天繒綵及與帳幔挂樹燈火
各有八千約省飲食以為節度
積累其數八十萬歲為一切人
說印三昧未常從人有所怖望
若人讚歎不用為喜何況於世
當有愛欲若有請者意常遠離
至心內行常護後法七十那街
與八十億於是數中世世逢佛
如是計數供養無極常遇明法
得是三昧若有起意護菩薩行
其欲學者當如我學不穢財寶
欲解微妙內行至意無有虛餽
後來世人當自說言我所作業
是菩薩行欲得供養非求法者
住在有中言一切空亦不曉空
何所是空內意不除所行非法
口但說空住在有中說菩薩行

我無所疑 時王慧上 阿彌陀是
尔時千子 是劫得佛 令大眾會
於我前者 時皆棄家 志為比丘
我念宿命 無數佛時 住於名字
常作沙門 佛所說經 皆悉諷誦
奉行空事 猶在有中 如是作行
不可稱數 持想荷任 供養諸佛
供養如是 不得慧行 轉意作行
便向慧門 却後與提 悉竭佛會
斷吾狐疑 便見平等 尔時封拜
得諦要决 當於後世 人中為佛
尔時瓶沙王第一夫人名為拔陀斯
利阿闍世之母也 亘鄰瞞者拘隣之
女也 瓶沙王第一夫人拔陀斯利便
從坐起前到佛所 為佛作礼以雜練
珠衣及五百七寶華蓋 供養於佛 便
自說言 我於後來世當解是三昧當
持是三昧 其有持是法者 比丘比丘
居優婆塞 優婆夷 我當擁護之 衣被
飲食 牀卧具 病瘦醫藥 教一切人 發
菩薩意 不誹謗於空法 不但口說空
朽身 不惜壽命 何況世間 所有尔時
瓶沙王宮中 八千采女及摩竭提國

中六万優婆夷聞是三昧皆發菩薩
意皆悉願樂是三昧然其後世皆當
持是法佛今時便笑若干種色光色
色各異從口中出青黃赤白遍照無
央數佛刹皆覆蔽日月之明還繞身
三帀便從頂上忽然不現今時拔施
斯利便於佛前讚歎佛而說偈言
在人中無有上 於行中無所等
今三界無有比 佛威神如盛華
如飛鳥在虛空 若欲笑一切可
所可說皆柔軟 悉飽滿於十方
口所說如蓮花 人中上悉與眼
今所說無不可 聲軟好如梵天
今佛笑當何感

佛今時為瓶沙王夫人拔施斯利亘
那臍說偈言

我自念無央數恒邊沙劫今時於世有
佛名為福明教授世間住壽六十七劫
今之法王衆僧復無央數時有遮迦越
三名為慧剛王有兩夫人一名為月明
於欲無所索 諸法無所著棄家行學道
一億歲護法 如是不可計於無數諸佛
法欲盡時生彼護於後法然後來世世

恒邊沙佛等當復於彼處生護於後法
遮迦越慧剛王於阿閼佛與諸夫人數
皆生於彼國悉已護法壽終後為男子
生須摩訶提見阿彌陀佛八十姝女及
摩竭優婆夷若法欲盡時常當護佛法
壽終後皆得卅二相如佛坐於蓮華到
阿彌陀佛前是諸姝女供養當如慧王
然於後來劫一切無愛欲便於後來劫
一切當為佛教授諸天人為其說正法
是時佛剎中亦無有魔事其剎無愛欲
亦無三惡道常以無央數諸菩薩為僧
亦不聞道有阿羅漢之名若有人欲護
於諸佛法者不求欲得名聞及與壽命
如是行住者疾近為菩薩自在其意願
欲起何剎土若等諸菩薩當起恭敬意
我起恭敬意無所倚護法作是行者便
得去離生死莫於世間作習貪著於欲
我所以於無數劫以妻子捨國及頭目
用索佛法故無行者用供養故壞佛法
便展轉起諍欲得供養故時坐八十億
人垂淚而言若法盡時吾等當護後法
說經動三千剎諸天散花使善哉世間
人乃聞是經一切恒邊沙無數諸佛剎

滿中諸珍寶悉以供養佛不如一時信解是印三昧其福欲譬之不可以比慧不用力及強可得菩薩行聞佛尊正法便起菩薩意其有起恭敬於是尊經者作行如是者便疾得為佛

今時弥勒菩薩白佛言後當有幾人能受持是三昧者佛語弥勒菩薩言弥勒若有後來世人持想起功德者設使我說若便不樂弥勒菩薩白佛言願佛愍傷一切人故唯為說之若有諸菩薩諦欲學者菩薩當護其行令無缺減於阿耨多羅三藐三菩提心佛語弥勒菩薩言若有菩薩於百佛已起菩薩意然後壞敗菩薩行若有菩薩於千佛已起菩薩意然後復起菩薩意誹謗方等經亦不解若於十萬佛已起菩薩意然後亦復起菩薩意不誹謗方等經亦不誚誦讀之若於百萬佛已起菩薩意然後亦復起菩薩意不誹謗方等經亦不誚誦讀之若於一億佛已起菩薩意然後亦復起菩薩意聞方等經書之於其中不曉了若於十億佛已起菩薩意

然後亦復起菩薩意得方等經書之
諷誦讀之亦不能得法忍亦不能得
是三昧亦不樂是三昧若於八十億
佛聞是三昧持之諷誦讀之已於八
十億佛前皆起菩薩心得方等經持
之書之諷誦讀之得是三昧堅持無
瑕穢奉行之終不為魔所得不為罪
所蓋若於阿僧祇劫中所作諸罪若
頭痛便除其罪若亂意若見誹謗若
見輕易若少得供養於一世皆畢其
宿命罪若供養阿僧祇佛然後終不
怯弱心堅住內曉了若菩薩有惡道
罪然後所生不端正便除其罪若多
病瘦若不為人所敬生於卑賤家生
於見輕易家生於貧窮家生於邊遠
家生於慳貪家生於外道家生與怨
憎不可共會與不解意共會心多憂
念在國國相攻伐處生在郡郡相攻
伐處生在縣縣相攻伐處生在聚聚
相攻伐處生於種姓諸家相攻伐處
生所可處相攻伐處生不見善知識
不數聞法不能得衣被飯食牀卧具
病瘦醫藥既得少少耳所說可於凡

人不可長者亦不能解了其意於功德不能致得增益數在於讀過中數為他人所乱不能得所便供養若得聞法不解若見惡夢於夢中除其宿罪為罪垢所可摧魔所可作不覺魔事常為不可共會若有好衣被食飲一切諸可持與他人若於百佛手自作功德心無瑕穢今時皆壞敗以是故諦復諦內起好心可當忍者一切僧那僧涅於深微妙法堅住於行行於後來世人當持是法今時可意王菩薩與文殊師利菩薩及六十賢者留於後世令護後法佛今時便說偈言

莫行諛諂	荷有所著	當正其意
持慧行住	深行微妙	住不動忍
當作是行	疾求三昧	莫作諂荷
遠離著垢	莫貪諸有	樂於所諍
當行平等	譬如虛空	如是行者
十種力寶	常當堅意	住於菩薩
當學微妙	佛之奧藏	一切諸受
慧意無欲	已有是行	得寶三昧
常當等心	於諸憎愛	視善知識
如見諸佛	樂於施與	內行平等

有是行者 疾曉三昧 慧經光明
不可盡寶 住是三昧 不可勝數
是經之明 過於日光 故說是經
當入尊慧 譬如日月 諸寶燈明
若如冬月 高山上雪 譬如釋梵
及與四天 是經光明 出於彼上
是經除結 及與意罪 降伏衆魔
便得安隱 神足徹視 得知宿命
曉知一切 人意所欲 我念宿命
無數劫時 愛欲悉盡 一切無餘
時佛讚歎 說是印經 當如我學
疾得不久 若有行者 諦知空虛
內意曉空 其本自然 作是行者
為著於空 持法行者 遠離於空
我泥日後 人當說言 一切諸法
視之若夢 若持諸法 欲有所辟
其意所起 故為是著 空無有生
亦無作者 亦無來者 不見有住
不行是法 著於有中 便自說言
我已知空 得善知識 從其間法
衣毛豎起 淚出如言 今師實尊
是賢者人 轉後便說 百惡之言
多有昇賤 貧窮之人 望供養故

便自稱譽 求安名聞 因作沙門
汚乱正教 持法弟子 荷於佛道
便作沙門 作菩薩行 不住菩薩
譬如海邊 遙視彼岸 行不具者
非是菩薩 若在空中 言我行淨
於其內行 不住清淨 常望供養
親近厚善 便自說言 我是沙門
若於我道 作沙門者 住於佛法
如水蓮華 於是經中 行之如法
有是行者 能護佛法 今可意王
當受我教 莫作著行 如世間人
遠離世俗 可得佛好 以故罵若
可護後法 譬如邠術 刹土中人
取恒邊沙 皆悉種之 一一諸沙
皆或為實 是一實者 成一恒沙
如是計數 千反種之 如是轉計
諸恒邊沙 計數如是 過若干刹
舉一沙者 以為計數 以是計數
東方如是 是沙計數 皆令使盡
十方一切 皆悉如是 如是刹數
諸佛滿中 一一諸佛 各數如是
一切諸佛 有萬種聲 於無央數
恒邊沙劫 說經功德 無有盡時

若人有行 於是經義 常當內意
住是經法 當諦奉行 如上所說
是經道慧 無有邊幅 譬如芥子
在須弥邊 若人從海 取水一滴
說經功德 其譬如是 見經尊故
作無著行

今時可意王菩薩與文殊師利及六
十賢者白佛言法名為法何等為法
寧可得知法貌不佛語可意王菩薩
與文殊師利及六十賢者法法名善
男子無作之貌也無作者為何等貌
也不可得之貌也不可得者為何等
貌不可盡之貌也不可盡者為何等
貌無所起之貌也無所起者為何等
貌也無所滅之貌也無所滅者為何
等貌無所獲之貌也無所獲者為何
等貌無所倚之貌也無所倚者為何
等貌無所處之貌也無所處者為何
貌無所出之貌也無所出者為何等
貌不動搖之貌也不動搖者為何等
貌離於動搖之貌也離於動搖者為
何等貌無心之貌也無心者為何等
貌無念之貌也無念者為何等貌無

二之貌也無二者為何等貌平等之貌也平等者為何等貌也非有之貌也非有者為何等貌無所住之貌也無所住者為何等貌無所行之貌也無所行者為何等貌無懈怠之貌也無懈怠者為何等貌法無處所之貌也法無處所者為何等貌泥洹之貌也文殊師利白佛言設使是法展轉不相知何所法當盡者令吾等護後法佛語文殊師利菩薩言起法法想者欲得度欲得度者住於法住於法者便處二法處二法者為滅法之行也法亦不滅亦非不滅我今若等護是後法佛今時便說偈言

已住吾我便言有世持想作行欲脫於世起是念者為住二法是為惑事非正法行法無作者亦無壞者不可見知亦無人所著於有者因起想行便自說言我已忍空起想念空是為非法法無所有便行有法一切所起為無所有於行寂然是為法印於想有動便即自縛法本清淨

便起有法 一切諸法 辟若如響
著於有者 便處二法 清淨慧法
慧不得慧 於慧慧中 無有遠者
一切不見 可起習者 癡慧皆空
俱無所有 若使自然 當有所有
便可滅壞 就於泥洹 設使諸法
有所住處 人與非人 皆為泥洹
若人於世 自取自放 是想非想
而求泥洹 自起吾我 一切皆尔
所起諸法 亦無識念 愚癡與智
於是二事 語從口出 為無所有
起想行者 便惑其中 壞滅生死
欲求泥洹 心不知心 其本自然
於本自然 亦不知心 一切諸法
自然如夢 能欲起行 持有作諦
起有法者 非是諦行 滅行法者
非是諦法 假令滅行 為是諦者
諸起有法 皆當為佛 佛所覺者
為無所覺 所可說法 為無所說
所可度人 為無所度 佛為諦見
無所起法 設使泥洹 當為是色
佛諸弟子 悉當在中 假令泥洹
為常住法 大哀四等 皆成蠕動

一切人人不能相見於世自号
持我作人諦觀世間無我無人
空無所著是為泥洹偶皆言者
自呼為諦壞敗滅受欲得為道
已不起法便為一法持有行法
處是四諦諸佛所處皆處一法
坐於佛樹何有四諦如是行者
不曉菩薩作行如是壞敗佛法
作沙門者當如其法所可愛欲
不當稽積欲成三昧諦其行者
譬若如犀常樂獨處八十億佛
人中之王行是三昧諸佛悉知
若有尊天已見諦者晝夜擁護
持法之人經不可盡照明一切
入是法藏無端底門其有信行
是三昧者常於夢中與諸佛會
佛今時告文殊師利菩薩言若有人
欲得菩薩道者菩薩當奉行是三昧
若欲成相若欲成好十種力四無所
畏十八法不共若大哀無所著欲得
自然慧眼若欲成比丘僧若欲成菩
薩若欲成佛刹若欲得慧陀隣尼一
切人所可說聲欲離於世欲知一切

人所可道欲得力欲得曉了三昧當
奉行如上所教即為如佛如將如大
將如將中將為一切上為一切大哀
為怛薩阿竭所可說皆平等無量等
與空等無處等所說等人中上所以
者何我住於是三昧提想竭佛時我
已得佛道文殊師利白佛言設使提
想竭佛時得佛道何復為世間佛告
文殊師利菩薩言用三事故在於世
間何等為三一者作佛事二者度十
方人非人三者不違本願我今時已
得佛道為泥洹已佛今時便說偈言
行是三昧於無定念疾得為佛
一切十方無央數佛護持法者
便悉得聞無量無底諸經正教
持是經者便得無極隨隣尼門
欲知人聲諸慧三昧當於是經
四諦度脫無所著慧能伏諸有
無起無滅無有處所能致清淨
便速相好一切功德及十種力
欲解微妙諸深慧法當行是經
欲得解了一切世人墮於冥者
欲諦教人除其婬怒清淨行者

當於是經晝夜勤力作無上行
當樂精進於二十一日奉行印經
莫持懈怠及與安隱欲求是法
常持柔軟無嫉妬意在於空閑
以法施與持戒供養便得其願
等意自守亦一切人以三昧經
莫樂受欲辭如蓮華不著於水
堅住精進譬如飛鳥在於虛空
行是已後便得無極施隣尼門
說是經時三千刹土六反震動
諸天億百華香伎樂及與幢幡
繒蓋交露七寶瓔珞金敷色華
及摩尼寶水精琉璃以供養佛
一切尊天諸天王女及龍鬼神
阿須倫迦留羅比丘僧優婆塞
諸優婆夷皆大歡喜悉棄捐家
放捨所有妻子諸寶起菩薩意
於一那術說行菩薩不能究竟
其起菩薩意者皆得阿惟越致
無央數恒邊沙人皆得阿羅漢
十方諸飛來菩薩皆得歡喜去
佛說是經法時阿僧祇人皆發菩薩
意八十那術人皆得阿惟越致三億六

萬菩薩得是三昧無央數人皆得阿
羅漢道可從十方諸來菩薩皆得是
三昧佛亦時說經已竟可意王菩薩
文殊師利及六十賢者瓶沙王夫人
跋陀斯利旦那臈諸天人民龍鬼神
阿須倫聞經皆大歡喜前為佛作禮
而去

佛說慧印三昧經

癸卯歲高麗國大藏都監奉
勅彫造

佛說如來智印經一卷

五

僧祐去闕譯人今附宋錄

如是我聞一時佛在王舍城迦蘭陀
竹園與大比丘衆千二百五十人俱
菩薩三万億皆得陀羅尼住空無相
無願三昧無著法門得陀羅尼門知
一切衆生諸根具足及不具足又知
衆生一切所行

尔時世尊即入佛境界三昧無色無
執無示無形無施設無根本無變無
得無我無主無作無不作無來無去
無住無攀緣無為非為非相應非不
相應無心非心行非實非不實非在
非近非離諸法入是三昧時不見如
來身及身相不見心及心相不見衣
不見坐不見所坐不見行如是三昧
生諸功德是佛境界即於此定放大
光明遍照三千大千世界於此世界
日月星辰妙寶神珠火光電曜天宮
釋宮乃至梵宮光悉不現如來三昧
力故三千世界聞衆妙香無有餘天
聞光香者一切世界中間幽冥之處

佛光普照莫不大明斫迦羅山摩訶
斫迦羅山須弥山王及諸名山其中
衆生不見本相今時三千大千世界
七寶羅網弥覆其上現希有相一切
世界生奇妙華迦蘭陀竹園及耆闍崛
山通為一會坦然平正生千葉華大
如車輪華上皆有七寶羅網莊飾嚴
麗垂布如雲摩竭提界皆悉柔軟如
迦陵伽衣今時東方恒沙世界諸佛
告万阿僧祇菩薩皆一生補處汝往
娑婆世界其國有佛名釋迦牟尼如
來應供正遍知當說入一切佛境三
昧名如來智印佛今入此定也若有
菩薩聞此三昧勝百千劫行六波羅
蜜汝應往聽彼諸菩薩各以神力如
屈伸臂頃至娑婆世界迦蘭陀竹園
前詣佛所頂礼佛足遶佛七匝坐蓮
華座南西北方四維上下亦復如是
時此三千大千世界聲聞緣覺及發
大心者皆悉來集俱詣竹園共至佛
所於此世界復有八十億菩薩於一
念頃一時來集於四部衆次第而坐
復有三十万聲聞承佛禪定皆悉在會

此三千大千世界釋提桓因護世四王乃至大自在天淨居天等一切龍王一切夜叉王一切乾闥婆王一切迦樓羅王一切修和那王各與眷屬無數圍遶而來集會頂禮佛足隨次就坐時此三千大千世界大威德衆皆悉雲集上至梵世無空缺處尔時舍利弗大目犍連摩訶迦葉摩訶俱絺羅摩訶迦旃延須菩提邠釋文陀尼子問文殊師利如來今在何處以何色像見如來乎如來繫念其相云何文殊答言汝諸聲聞大智成就三昧自在各以定力觀察佛身及繫念處為在何所諸大聲聞入三昧觀不見佛身及繫念處時諸聲聞於此三千大千世界觀察推求不見佛身不見身相如是文殊師利不見如來及繫念處我今云何得見佛身文殊答曰且待須臾自當見佛尔時世尊從三昧起三千世界即大震動佛身殊特威光顯曜尔時舍利弗白佛言世尊如來所入三昧以何為相諸大聲聞慧眼觀察悉不能見此三昧者以

何境界今時佛告舍利弗此三昧者
無緣無處是佛境界非一切聲聞緣
覺所知如是舍利弗如來境界不可
思議是佛神力舍利弗佛身真實非
身非作非起非滅亦非長養非化非
信寂滅無為無跡無行無此無彼本
性清淨無有一法非受非願非生非
報非見非聞非覺非施設非嗅非嘗
非觸非惱非籌量非對非心非憶非
思非非思非入非來非去去來道斷
非影非瑕非斷非物非實非作非造
非成就非取非覆非現非依非闇非
明寂靜非寂靜常住靜定淨非淨本
性清淨無有一法非生非起非愛寂
住非處非動非患非語非法非非法
非福田非不福田非盡非非盡捨諸
著名為空非違諍無音聲離名字捨
憶想非相應非不相應非滅非不滅
非量非不量非往非返非二非不二
非此岸非彼岸非中流非分非非分
非業非報非聽非思非量非障非相
非非相非門非離非著樂行諸法法
法同相如真實為度眾生實無所度

解未解者調未調者救未救者亦無
示法非等非非等非相似非不相似
無等甘露等與空等無處等無得等
寂滅盡滅善調伏行處轉不退輪決
定無疑非離異非二法所習清淨本
行威儀解脫具足非長非短非方非
圓非身相非陰相非入相非界相非
有為起非無為起非無為真實非命
非非命非生非現無有見者非實生
非言說非忍身相不動非倒非搖非
實非憶非和合非作非不作非明非
相非涅槃不入涅槃非定非非定佛
告舍利弗是名如來身相一切衆生
皆依於相有能知此三昧者不唯然
世尊一切相中不得佛身亦時世尊
欲增廣如來智印三昧而說偈言
如身非身身解脫 無作無壞亦無得
法非相應不相應 是為顯示善逝身
非合不合無染著 非執非捨非等長
非造非處非非處 此身非顯無所欲
非執非作無所有 非色非心非二一
無分非分無起滅 真實無我現佛身
非強非弱亦非斷 非默非顯非盡供

非得非定非依止

實身無染如是現

非見非聞非嗅觸

非依施設現影像

若有見者心歡喜

如是成就演說法

非陰非界非虛實

諸根非生非垢淨

非固不固水月現

欲觀善逝身如是

從因緣生非真實

非起非滅非動去

非現現三如幻師

如是觀佛無所依

非寂不寂非相應

非繫非欲非合散

猶如空拳實虛空

如是觀佛真供養

十方世界千億土

積聚珍寶至梵世

無量劫施一切佛

若有書寫福勝彼

若有過於恒沙劫

修習四等遍世間

及持淨戒無能比

信解此經福取勝

無始生死至今身

普於衆生行忍辱

若有暫信智印經

彼如須弥芥子分

三界衆生若干種

於無量劫頂戴行

身不疲懈無悔恨

能忍此經福無比

百世界沙衆生數

於無量劫修禪定

一日一夜持此經

功德勝彼不可數

智捨二邊行中道

過於無量塵數劫

若於此經如說解

彼如大海一滂分

不應以色色相觀

勿如愚人思察佛

見我實者須菩提

三界福田取清淨

今時世尊說是偈已告舍利弗是為
如來智印三昧能滿足十方一切
世界菩薩無闕智慧舍利弗若欲速
見十方諸佛及諸菩薩晝夜精勤修
此三昧悉皆得見舍利弗此三昧是
菩薩無量門通行諸行陀羅尼能持
法界令不斷絕此陀羅尼執諸法門
若成就此相名為菩薩能成三十二
相八十種好具相應行業行清淨出
魔境界不動不出等行佛行身口意
業皆悉清淨欲解如來密法應當修
學如是三昧欲次第說法亦學此三
昧欲遍知諸法欲知真諦欲解万億
生死作證欲解十二因緣欲解一切
衆生意趣所行欲取淨妙佛國當學
此三昧欲得妙光欲成就眷屬欲為
衆生作依欲成就相好欲成就樂說
辯欲知諸法應學是三昧何以故舍
利弗猶如意珠隨衆所欲皆得滿願
如是舍利弗此三昧者是諸菩薩一
切妙事悉能滿足一切願行今時世
尊而說偈言

最勝智慧上智光 智光智富智富藏

智慧所作入智門 無量智印印此經
慧根智作智慧地 智起智光滅衆闇
慧不可盡慧開示 衆經日月照三界
平等等富等三昧 真實法相斷諸結
一切三昧智印門 此是佛種四妙辯
滅垢無盡渡彼岸 德藏福起福普應
是我所得快樂本 此三昧是善逝寶
如王愛國善執衆 威勝妙寶隨應至
洗除貪欲及恚癡 寶海今說此經典
善寂能滅作憶念 善除諸穢淨我見
如健執劍壞無壞 佛報得此捺持印
智能覆護諸衆生 智慧所作智滿富
智光普照無邊際 此經當得智慧門
自調調彼二想斷 滅六十二見愛等
得入如來甘露門 當成相好三十二
道及勝道次第道 助菩提法非助法
善能覺悟懈怠者 慧相無量不可盡
與法相應次第解 無量慧光陀羅尼
檀波羅蜜得成就 尸羅羣提亦如是
毗梨禪那智無盡 住此智慧成就度
勿畏業報及煩惱 亦勿畏魔衆惡趣
脩集此經無障閼 隨其所念得成道
住賢劫中諸佛子 十方來會為我證

不壞法器皆集此 志應奉持此經法
此經能生過去佛 亦是未來諸佛母
又能生於現在佛 勤修此經佛兄弟
業淨無垢行不退 超出淤泥昇不動
應此經者住真實 則得如來妙法藏
尔時世尊廣說是法三十恒沙菩薩
得此三昧六十八億那由他菩薩已
於百千劫淨修諸行於無上道得不
退轉音聲無盡慧光陀羅尼復有六
十萬天及人未發無上菩提心者今
皆發意聞此三昧皆生隨喜生隨喜
時即得阿毗跋致佛為授記於未來
世過三萬劫當得成佛号曰無畏復
有久修行者得無生忍各於異國成
無上道盡同一号尔時世尊四眾圍
繞告文殊師利汝等住不住法不戲
論不作行一切法無所依應當守護
此無上道廣為人說尔時文殊童子
從座而起整衣服胡跪合掌白佛言
世尊我觀一切法不可得我當護此
無上菩提如世尊無上道無在無不
在無處所不現不可執無得無失尔
時會中三十億菩薩從座而起偏袒

右肩合掌白佛言世尊我等亦欲守護如來無量阿僧祇那由他劫之所修習難得阿耨多羅三藐三菩提法各各脫身所著上衣奉獻如來發無上願今時世尊告弥勒菩薩汝當善聽弥勒當知此是汝事於未來世後五十歲當護此經弥勒白佛唯然世尊我當守護佛告弥勒三十億菩薩中當有八千菩薩護持正法其餘菩薩未能自調不護正法於後末世於如來阿僧祇劫之所修集難得阿耨多羅三藐三菩提正法之中當起諍訟輕毀不說不能聽受不能護持弥勒有七法發菩提心何等為七一者如佛菩薩發菩提心二者正法將滅為護持故發菩提心三者見諸衆生衆苦所逼起大悲念發菩提心四者菩薩教餘衆生發菩提心五者布施時自發菩提心六者見他發意隨學發心七者見如來三十二相八十種好具足莊嚴若聞發心弥勒如是七因緣發菩提心如佛菩薩發菩提心正法將滅為護持故發菩提心見諸

衆生衆苦所逼起大悲念發菩提心
發此三心能為諸佛菩薩護持正法
又能疾得不退轉地成就佛道後四
發心剛強難伏不能護法復次弥勒
菩薩成就五法應當如是阿毗跋致
何等為五一者於諸衆生起平等心
二者見他得利不生嫉妬三者見護
法者寧失身命不說其過四者能捨
一切利養五者信甚深法不信世間
經書文頌弥勒菩薩成此五法名不
退轉復次弥勒菩薩復有五法其心
剛強能壞正法何等為五一者起不
善色二者信用鄙行三者貪著利養
四者護惜檀越五者心懷諂曲行不真
實口雖說空而行不稱是名為五毀
滅正法復次弥勒菩薩復有五法成
就阿毗跋致何等為五一者不得我
二者不得衆生三者了達法界無得
無說四者不得菩提五者不以色身
觀於如來弥勒菩薩成就如是五法
名為阿毗跋致今時世尊而說偈曰
為智興嫉妬如鳥虫壞木非言說信鄙
能護佛菩提曠野修精進深忍常宴默

如犀離眷屬善護道不失遠衆樂空閑
如驚鹿思靜無著如空風是行能持法
不惜身及命於親不染愛勤修空無我
是能成菩提後世有衆生說我行菩提
心輕躁諂曲不能護正法念然燈佛前
過八十億劫有佛名月髻演說此三昧
初會八十億那由他菩薩聞佛演說法
皆得不退轉第二會說法七十三由他
第三會聞法七十億由他佛壽無量劫
光六十由旬僧九十九億無生心自在
時有轉輪王号名曰慧起王領閭浮提
七十千由旬并王四天下婢女六十億
其王有千子所住名樂光百千城莊嚴
園觀志具足皆豐樂熾盛猶如忉利天
其王夢聞音月髻佛興世百六十億衆
俱行詣佛前時王聞此經甚深法身定
即捨國奉佛惟願隨所用諸城起精舍
皆以妙栴檀兼施衆僕使金布經行地
時王供養佛具滿八万歲專精不睡卧
無厭無恹惜一日所設供其數無有量
諸供養施佛為求此三昧閑居修靜念
三昧甚深妙不以有相獲亦非巧便得
即捨國出家被以舍那服繫念三千歲

思定不倚卧佛於是中間說法令開解
滅度後起塔六万四千億各施五百盖
七寶而莊嚴一百妓樂照以八十燈
被服毳垢衣七万三千歲常說此三昧
其心無所欲稱歎不著名不求世勝智
乞食不受請護法依止住八万億那由
佛所持淨戒悉如上供養具足此三昧
若欲得菩提應當如佛學勿信非道論
敬修此經者後世說行道而返毀禁戒
為利不為法雖讀不解空說空不解達
邪命不清淨論空而取空自言不疑道
今時慧起王阿弥陀佛是時王千子者
則賢劫千佛時同王出家眷屬弟二等
於今在我前此會四眾是念億那由佛
出家聞正法聞即能受持得空無所倚
起無量方便供養諸如來不得菩提相
皆由行真實得見然燈佛斷求獲平等
今時即授記未來當成佛

時有女人名曰賢首頻婆羅三大夫
人也又彼夫人名曰金光拘達女也
從座而起往詣佛所皆以衣祴盛七
寶華各五百裹以散佛上并以劫貝
青末價直百千奉上如來而白佛言

世尊我於此定信解受持。有讀誦者。

我當擁護。隨其求欲。供養所須。我當

以摩訶行法教化衆生。不言是空。是

不空。不但言說。決定受持。必如說行。

不惜身命。何況財寶。亦當如說展轉

相教。今時頻婆羅王後宮八千女人。

摩伽陀國六万優婆夷。悉發無上菩

提之心。於此三昧。皆生隨喜。而發誓

言。於後末世。當護正法。今時世尊。知

其心念。即便微笑。衆妙色光。從口而

出。普照十方。還從頂入。今時賢首金

光生信敬心。即共同聲。以偈頌曰。

勝人德聚。無如佛。功德華樹。星中王。

言軟怡悅。次第味。十力世尊。笑何緣。

面圓如月。開世眼。梵音清淨。音樂聞。

調柔剛強。悅身心。人雄師子。笑何因。

和忍無濁言。真正。應聲圓滿。衆味具。

明了諸行。無量義。願功德聚。演笑意。

八種妙音。悉具足。六十莊嚴。和雅聲。

解衆言音。七百種。通達義味。六十億。

八十億數。相應音。十那由他聲。亦然。

不可限量。無極尊。惟願演說。笑因緣。

衆山中。寂無能動。解相應義。滅衆疑。

能斷衆苦得安樂 寶衆如實說笑緣
金山解說七寶乘 猶如華月衆所樂
獨步音聲如師子 願說放光微笑緣
三界特尊淨三垢 於無量劫善寂行
笑光充滿十方界 善利放演甘露門
琴瑟銅鈸簫笛聲 擊鼓鳴貝衆妙音
緊陀羅聲迦陵伽 哀鸞鳴鵠拘翅羅
鞞節莖篴俱暢發 不及如來一妙音
如此十方來會衆 種種意見各不同
願如實說滅見愛 還彼國已滿衆願
十方各遣一億衆 皆為正法來會此
笑因必為雨法雨 演說何法令歡喜
賢首金光說此頌 已念時世尊以偈
答曰

我念過去恒沙劫 佛号福光世間解
其壽七十六萬億 聲聞衆數無限量
有轉輪王名慧御 夫人月觀次名炎
捨離家愛求正法 於一億歲常護持
六十萬億三十萬 於此諸佛護正法
三十恒沙未來佛 護持正法不斷絕
時慧御王阿閼佛 汝等於彼常俱生
以護法緣捨女身 當生無量極樂國
此衆護法亦當生 汝將欲滅為已住

必生極樂千葉華 相好莊嚴為佛子
既得生彼供正覺 莊嚴王劫無荆棘
於彼得成無上道 執持正法及天人
彼佛國土無魔事 無惡業報無胎生
日有無量菩薩集 又無聲聞緣覺名
不惜身命護佛道 不為名譽而退轉
為無上道速成就 又欲疾成一切國
汝等和合信敬佛 恭敬無依護菩提
大法將壞世末時 不應從彼貪利養
我方億劫妻子施 捨頭目體求佛道
非法為利說法過 怯惜施主生瞋嫉
八萬億人起悲涕 當護滅法依菩提
三千界動天雨華 愛敬此經壽命寂
如此佛土恒沙等 滿中金施無量劫
若能信此智印經 恒沙實施無與比
勿妄授與不樂道 聞佛希有生道心
應次第學此經典 如說而行成菩提
曠野持戒修恭敬 三業於眾如親想
修六和敬生佛想 欲求妙法學此經
若有書寫此法印 讀誦宣示為人說
此功德身不可識 佛子當生極樂國
尔時弥勒菩薩白佛言世尊未來當
有幾數菩薩受持此三昧佛告弥勒

未來世中少有信樂多壞善根斷滅
正法行此法者甚難甚難佛告弥勒
我若盡說未來菩薩不相应行不可
窮盡弥勒白佛惟願說之惟願說之
愍我等故未來世中或有修習真實
行者得聞此經如說修行應無上道
佛告弥勒如汝所說若有菩薩已於
百佛發菩提心殖諸善根於未來世
忘失道心弥勒復有菩薩於千佛所
發無上心殖諸善根於未來世生苦
提心不信大乘輕持摩訶行弥勒復
有菩薩於万佛所發菩提心殖諸善
根於未來世生菩提心信重大乘而
不受持亦不讀誦弥勒復有菩薩於
億佛所發菩提心殖諸善根於未來
世生菩提心能聽能書不解深義不
能決定弥勒復有菩薩於十億佛所
發菩提心殖諸善根於未來世生苦
提心聽受大乘書寫讀誦而於菩提
忍不成就弥勒復有菩薩三十億佛
所發菩提心殖諸善根於未來世生
菩提心聞摩訶行能聽能受書寫讀
誦大忍成就於此三昧猶未相應不

得應辯弥勒復有菩薩八十億佛所
發菩提心殖諸善根於未來世生善
提心聞摩訶衍能受能持書寫讀誦
得此三昧忍力滿足解一切法廣說
菩提魔不能壞無諸業障阿僧祇劫
所作惡行頭熱心惱為人誹謗輕持
坐笑現世即除當於無量無數佛所
恭敬供養終不退轉菩提之心得堅
固志繫念不散如是菩薩先世惡業
於未來世受惡色身眾罪即滅或多
病苦為人所憎生下賤家或生貧家
或生邊地及邪見家惡友相得得不
同志人不恭敬多諸憂惱為王所忿
值國荒壞聚落分散親族乖離知識
殊越不遇法會諸所須欲人不惠施
設有所得眾不會樂或得少施貴者
所弃貧者親敬欲修善業多諸乖閤
頑闇散亂不達法次無諸僕使卧輒
惡夢或復餘夢罪業即除往業所拘
魔所障蔽虛妄取相為魔得便不解
諸法有利養處自生下心端正人眾
形我醜陋人不愛念見他得利心生
憎嫉更相輕毀如是略說弥勒若有

菩薩於百佛所共作功德不欲虧失
以是因緣示相毀壞況不作者如是
弥勒應堅精進以正憶念起大忍力
成就深法妙智方便於未來世欲持
此法當起精進今時弥勒菩薩文殊
師利菩薩喜王菩薩如是等六十菩
薩為上首白佛言世尊我今聞此護
法功德於未來世護持此經今時世
尊而說偈言

少欲無垢無邪諂 常正憶念遠離行
深忍堅固無動搖 為護十方珍寶聚
威儀靜默無染著 無求無欲離諍訟
心等如空無轍跡 行應真如體三昧
堅固菩提常現前 解了甚深名正覺
不觀憎愛無所著 乃能獲得此三昧
於怨親中心平等 於佛善友無異想
信六和敬戒清淨 是能速解此三昧
明了世間取殊勝 應辯印法百億相
智慧照明喻日光 於此中說入智門
日月晝夜處虛空 又如雪山常處地
帝釋梵王轉輪王 如醫善治此亦然
此經淨心滅業報 此經降魔名甘露
此神足眼知他心 一切異類若干應

此能憶知卽由劫

此能滅除一切愛

此佛所讚如來印

此道相應如觀掌

此經撰釋諸空義

此是空寂真實住

有無二邊名戲論

永捨無著持正法

佛涅槃後有說言

我見諸法空如夢

諸法不起無作者

於中施設作想住

法空無生無作者

無見無來亦無動

凡所著法名法賊

而自說言我學空

若從彼聞名聞法

悲涕流淚衣毛豎

又自稱讚不退轉

後復說彼衆惡相

貴賤貧窮失財寶

我若得法獲衆利

我若出家榮親族

而於佛子生嫉恚

為無上道故出家

欲行菩提而不住

如渡大海彼岸遠

是於菩提無正信

靜住山澤威儀具

師友清淨眷屬善

為利養故求親友

而自稱說真出家

出家能應此正法

猶如蓮華無染著

此經相應次第行

是真菩提常守護

喜王我今教誡汝

慎莫隨彼不善學

如法修行具佛德

沒等應當如我學

假使田如卍由界

恒沙數種殖其中

一種生於恒沙寶

一切種生亦如是

如是展轉千万種

彌綸繁茂滋別生

如其所種不可數 一切猶尚無計量
以是巧便盡東方 如是所種無有餘
一切諸方亦如是 是諸子數佛充滿
一一諸佛有百頭 一一佛頭有百舌
如是經歷無量劫 悉共讚歎應此經
書寫受持及讀誦 演說功德不可盡
如須弥山芥子分 滿虛空草一葉分
如大海水一滴分 當應此經離有行
為聞受持書讀誦 是故我說如是偈
今時喜王菩薩文殊師利法王子菩
薩如是六十菩薩得無緣行而白佛
言世尊所言法云何為法佛告喜王
所言法者無作無施設而有言說唯
然世尊若法無作無施設何故而有
言說佛言若法無作無施設無可得
如是言說遍觀諸法不得不盡不越
不減不滅不貪無生無處無處所無
彼無此非有為非無為假名非假名
非心非非心非對非非對非相應非
不相應等非等境界非境界分非分
近非近非染非言說唯然世尊云何
非染非言說佛言善男子非染非言
說名涅槃今時文殊師利法王子白

佛言世尊若法如是相何等法滅何
法可護佛告文殊師利起法相者戲
持諸法戲持諸法起有無二邊起二
邊者此則滅法第一義中無法無法
滅亦無有諍今時世尊而說偈言
或有說實而不異 或復有異說無常
若有得法計二邊 是名戲論不相應
法無有作亦無壞 本不見自不見他
亦無相應施設念 若自說言我忍空
繫念於空不相應 是法不生妄思量
諸所施作皆魔網 心無所緣名法印
若有思計名凡夫 諸法本無而妄取
籌量諸法計言聲 愚人妄取有無二
智求於智不得智 智慧終不生於智
演說有為虛假相 亦非有智非無智
若法少分是實有 壞敗則成斷滅法
若使有法實住者 一切諸法則常住
愚人放捨復還得 是則壞陰乖法相
計著於我得我實 智人知法非有無
明與無明法無二 若聞演說則驚疑
此則繫念邊見相 有為壞敗說涅槃
心不能知心實相 實相亦復不知心
一切諸法皆如夢 或說真實著我見

法從緣起非真諦

若法滅盡亦非諦

以是方便得真實

起法若實佛應起

如來智慧不可得

雖說諸法無顯示

雖治衆病無解脫

如是名為善寂解

若使涅槃有分者

諸佛聲聞應往彼

牆壁諸法無涅槃

智者不應生戲論

莫能見實衆生者

亦無可亦言說有

衆生自起可見相

此是涅槃無所著

或有說陰是真諦

或說滅受名為道

惟一真諦不生滅

或復演說四真諦

推求不得一法本

況坐道樹見四諦

衆雜穢心共出家

轉壞我法妄起作

為沙門果及名譽

勿近惡友親善友

如犀獨處在曠野

與此三昧義相應

八十億佛二足尊

護念書持此經者

見諦諸天亦護念

晝夜防護不捨離

無量光照無窮盡

慧明道示百法門

於夢開悟今成就

持此三昧甚希有

今時佛告文殊師利若欲成就佛菩

提者於此三昧應專心學成就三十

二相八十種好十力四無所畏大慈

大悲成就佛眼自成菩提成聲聞衆

成菩薩衆成佛國土成大智陀羅尼

欲解一切衆生語言欲得應辯欲得決定辯欲得神足欲說不退法欲解一切相應法欲明解諸法應當修習如是三昧何以故菩薩與此三昧相應則得如上功德名為佛名為遍學名洲名救名為應供名一切智名為調伏名世間解名無上士名為如來如說而行無等無等等名第一論實論為寔勝何以故文殊師利我住此三昧見然燈佛即得菩提文殊師利白佛言唯然世尊若世尊見然燈佛即得菩提何故阿僧祇劫在生死中修難行苦行佛告文殊師利我為衆生作佛事化衆生令住三乘為說本願文殊師利我於今時亦得菩提亦入涅槃今時世尊而說偈言

能與此相應自覺福無量十方百億佛皆護念此人不退轉甘露不思顯百相修習必獲得無盡持王此智三昧定解一切言音能壞諸法相解脫滅衆結善寂不起滅不著除衆疑成十力相好一切佛功德善靜解衆音種種異類聲次第解令喜淨有無二邊決定智寂勝

滅除一切結。若能學此經。決了道無疑。
若於三七日。專心學此經。不解不睡卧。
不隨親愛樂。柔軟和悅言。慈悲不嫉妬。
修習六和敬。持戒得三昧。等心具威儀。
直心樂解脫。不造作緣起。知足垢不著。
堅固不輕躁。不現邪偽相。如禽無繫者。
必獲摠持王。三千界震動。天奏衆樂音。
雨散妙香花。并幢蓋百千。又雨妙天冠。
車渠寶瓔珞。摩尼及真珠。圓寶光悅衣。
於上無量天。諸龍金翅鳥。龍阿修羅王。
比丘清信士。尼及清信女。各脫身上衣。
圓寶以散佛。願求無上道。我說無限量。
亦不可顯示。若發菩提心。即得不退轉。
調伏得羅漢。其數如恒沙。百世界衆生。
聞法速歡喜。

今時世尊說是法時。阿僧祇衆生皆。
發無上菩提之心。八十那由他天及。
人皆得不退轉於無上道。六万三十。
億天人得無生法。忍無數衆生得阿。
羅漢。如是十方來會菩薩摩訶薩。皆。
得此三昧。佛說經已。喜王菩薩文殊。
師利為上首。如是六十不可思議菩。
薩賢劫一切菩薩。弥勒為上首。賢首。

金光如是十方來會菩薩諸大聲聞
及四部衆天人輒闍婆阿修羅一切
世間聞佛所說皆大歡喜
佛說如來智印經

癸卯歲高麗國大藏都監奉
勅彫造

佛說灌頂七万二千神王護比丘呪經卷第一

常

東晉天竺三藏帛尸梨蜜多羅譯

聞如是一時世尊遊於羅閱祇梵志
丘聚從是北上鰈提山中天帝石室
尔時無數比丘各各馳走忿忿不安
如捕魚師布網捕魚魚都馳散世尊
遥見無數比丘各各馳散擾擾不安
佛知而故問諸比丘言何故繞轉如
是不樂若魚畏網比丘對曰我為魔
所燒在所不安晝則遇諸賊盜毒蛇
蚊虻及諸龍為熊羆所燒不得定意
求四道果見惱如是當奈之何

佛告比丘勿生憂惱當為汝說灌頂
章句百二十神王導從前後為汝作
護辟除邪惡諸燒害者不令得便在
所至到營衛佐人獲善吉利万邪皆
伏諸比丘喜聞佛所說心開意解前礼
佛足長跪叉手白佛言世尊惟願演
說灌頂章句擁護我等及未來世諸
比丘輩令得安隱使入定行
佛告諸比丘我今為汝一一分明說
灌頂章句百七十二大鬼神王名字

如是諦聽憶念慎莫忘之也諸比丘

言諾受教叉手靜聽佛言

神名道軻弥伽羅移嘻𣵿

神名嘻𣵿般𣵿阿羅𣵿

神名摩比丘披賴兜呵賴沙

神名翅拘梨因提𣵿比丘披

神名漚羅須弥者羅阿羅因

神名阿羅耶阿耆破者

神名耶勿遮垣𣵿移阿𣵿

神名漚邨是陀漚弥提屠

佛告諸比丘此十八神王護諸比丘

及未來世諸比丘等及護僧伽藍佛

見𣵿提山中諸比丘輩忿忿不安晝

則為盜賊惡人所惱夜則為鬼神所

困及諸龍為熊羆虎狼之所驚怖又

為盪毒所中佛於是廣為諸比丘輩

說是無上灌頂章句諸大鬼神名号

令諸比丘常獲安隱吉祥之福無諸

禍害

神名閼梨摩訶閼梨

神名閼羅尼優佉目佉

神名沙波提阿知和知

神名邨知鳩邨知波邨提

神名提我沙羅波提

神名阿那波提波那提

佛告比丘此十二神王護諸比丘等
陀鬼神若人非人不敢燒近毒藥不
中不為水火焚漂縣官盜賊不令得
便怨家債主不能剝奪神王眷屬七
百徒黨常為作護辟除凶惡万事
吉祥

神名加和尼摩訶加和尼

神名阿佉尼佉尼佉尼

神名阿佉尼阿比羅慢多羅

神名波陀尼波提梨伽

佛告比丘此十神王護今現在及未
來世諸比丘輩不令五溫疫毒之所
侵害若為虐鬼所持呼十神王名号
之時虐鬼退散自護汝身亦當為他
說使獲吉祥之福

神名摩呵留邏迦梨區惹

神名金洹陀越阿耨三菩

神名迦梨三耶摩訶阿輸

神名拔陀沙羅曷陀羅阿

神名迦柰國舍呵呵羅羅

神名沙沙陀陀摩摩迦迦

神名拔陀沙羅曼陀羅羅

神名起起伊伊耶耶呵呵

佛告比丘此十六神王與其眷屬萬
五千鬼神擁護今現在及未來世諸
比丘等昔伊洹比丘為八十一億魔
所燒誦此十六神王名字諸魔眷屬
顛倒墮落匍匐離散形體變化莫知
截匿告諸比丘若有危厄恐怖之日
呼此神名即獲吉祥諸神祐助辟除
凶惡

神名阿波竭證證竭無多薩

神名嚕遲比遲沾波沾

神名波迦羅喉拔無因輸無

神名胎輸無因臺羅末和羅

神名琛林羅波耶越羅羅

神名檀特羅沙羅佉半駄

佛告比丘此十六神王與其眷屬五
千之眾各以已之威神為諸比丘辟
除鬼神凶惡之變昔我子羅雲樹下
禪思為鬼神所燒驚起明日來到我
所我即語言當為汝說辟鬼神呪即
為說此十六神王佛語羅雲若四輩
弟子為鬼神所燒者當為說此十六神

王灌頂章句令離諸橫獲吉祥之福

神名阿羅域金毗羅羅

神名般耆遮和耆羅洹

神名摩尸鉢羅沙呵呵波

神名曇無和羅捷陀尸吁

神名拘摩和羅脩摩捷陀

神名取披鞬陀叱闍叱者

佛告比丘此十二大神諸鬼中之雄

與其眷屬三万五千俱諸天闍時

遇伏羅刹昔不知法以血為食常噉

人民小兒之屬我為說法今皆得道

作大誓願若佛滅後五濁亂時護諸

弟子比丘僧眾令獲吉祥之福德也

神名闍離摩呵闍離

神名闍羅尸郁佉目佉

神名三波提摩訶三波提

神名頻提拔提鳩迦鐵離

神名莎羅波提安都波提

神名半都波提闍都波提

神名迦偷尸摩呵迦偷尸

神名波沙檀尸耶醯迦弥

佛告比丘此十九神王他方國土世

界号華積佛号或上天王如來至真

等正覺遣二菩薩一號無量光明二
日大光明遣二菩薩獻此十九神王
神呪作是言娑婆世界一切人民行
善者少為惡者多是故獻此十九神
王以佐世尊令諸衆生調伏信解今
我為汝等輩說彼佛所獻神呪十九
王此諸鬼神三万六千以為眷屬當
為汝等設諸擁護度厄難苦令獲吉
祥普入法門

神名迦多梨離摩蘭泥

神名迦梨羅牟提歐梨

神名酸梨枝貢_跢梨移

神名摩梨枝阿迦締移

神名_鼻提移阿那耨羅伽

神名富吒羅子鳩羅羅子

神名那迦離子不吒羅子

神名鳩蘭子陀羅子

神名不吒吒羅子鳩羅子

神名多迦利離摩摩蘭泥

神名鳩蘭鞞吒羅鳩梨提

神名迦私羅牟尼提歐梨

神名迦蘭因梨提遮披莎

佛告比丘此二十七神王昔化提比

丘治護屋室辟間有黑虵來齧化提
化提即問絕躡地阿難即往至佛所
啓問此事佛即答阿難汝語化提我
當為其說辟虵毒二十七神王護化
提身語化提言汝當慈心哀天下万
主誦我此言汝毒當歇阿難即以神
水漬灑化提化提醒悟阿難即語化
提言佛已為汝說二十七神王辟虵
毒法汝但慈心於天下人非人毒自
當滅阿難即為化提說佛所說二十
七王神呪法呪化提即愈阿難語諸
比丘若有安居住止之處應說此言
虵毒七歲不復齧人三七遍誦此神
名即獲吉祥

神名安陀尼沙多摩尼

神名闍摩尼摩訶尼羅

神名摸呵尼烏羅利

神名摸羅陀提遮波頭摩逸

佛告比丘此十二神王佛昔為迦奈
比丘說此神名有惡凶人常剝奪比
丘衣裳比丘往到佛所啓白是事佛
語比丘汝若在山間樹下狂墓之間
行十二頭隨時有諸凶人來燒汝者

汝當說此十二神王名号凶惡之人
自然退散復道而去不能為害可得
修禪求四道果獲吉祥之福無衆
患難

神名頻呾敷頻吒般呾敷

神名般呾敷劬離敷波羅那

神名拘離比敷波羅比敷

神名沙騰波提敷波羅那

神名檀陀醯羅波羅那

神名須摩提陀薩提那墮

佛告諸比丘此十二神王昔有比丘
名般若提婆誦習經法中諸寒冷遂
為重所齧齒我為是比丘及未來世
諸弟子等說是章句若有比丘及諸
四輩為重所齧齒者以淨水一器含
水一口牙臨其上七遍誦此十二神
王便吐口中所含水如是法用四十
九遍重便破散隨水流迸無不除愈
得吉祥之福

神名伊離敷伊騰毗敷

神名烏呵左摸呵瀨漏瀨漏

神名道加舍梨耶那

神名莫梨陀僧坡牟阿那

佛告比丘昔有求那陀比丘患眼風痛又患濕重痒痛難忍往到我所具以啓問我即為其說此神呪六王為護若有末世諸比丘輩及清信士女為虫所咬眼者汝當為說此六神章句無不得愈吉祥之福

佛告四衆諸比丘等昔有比丘名曰善可住在山間樹下禪思日時欲至便著衣持鉢入城聚落分衛乞食時有惡魔與八万四千小鬼神以為眷屬與善可相逢魔作是念此善可沙門以得羅漢既能自度當復教導一切餘人使入應真生嫉妬心作是念已便勑諸小魔輩使來從善可口中直入腹者嫉乱善可使意顛倒不得正念然善可已得羅漢心中自然廓尔開解即得憶念時佛昔為諸比丘輩說百七十二神王灌頂章句憶念此已即便彈指一心而誦舉聲唱誦惡魔眷屬退散馳走部伍營從莫知藏處

佛語比丘我今為汝及未來世諸比丘等廣演灌頂百七十二神王名此

諸神王將從七万二千鬼神以為眷屬各以已之威力共護汝等使諸小魔不得汝便在所至到無所罣碍辟除惡毒魑蜮等諸獸鳥龍熊羆之屬自然消滅無敢當者若有鬼神往來不去者四天諸王當遣使者持金剛之杵破頭作七分佛告比丘此大章句至真至妙三世諸佛盡說是大章句我亦復開此寶函出是章句若有比丘帶持之者所到遊行善神祐助辟除万惡魔不敢當設有惡意自然滅亡此大神典帶持之者如王佩劍謀賊不敢當此大神典亦復如是若帶持者外諸惡魔及身中五陰之魔莫不為伏佛說此語竟阿難在右邊即便正衣服頭面礼足胡跪白佛言世尊如来為諸比丘說七万二千神灌頂章句於未來世法欲滅時此大章句設有受者云何授與佛語阿難此大神典至尊至重諸佛如来不妄宣說度與人也若有持戒不犯禁者護念十方諸衆生者開大乘意度苦人者近善知識聞而信受不誹謗者

如是之人專心求者應當授與阿難
又復叉手白佛言云何授與佛言若
有受此護身神典者先當禮敬十方佛
次禮經寶次禮聖僧次禮度經之師
皆當專心一意偏露右肩長跪合掌
師當右手持文弟子以右手受之師
以左手持法水灌弟子頂上阿難以
是因緣故名灌頂章句所以然者如
王太子紹王位時法應以水灌其頂
上然後統領治國之事我法亦余佛
語阿難若有比丘樂受是典應懸五
色幡蓋長四十九尺散五方之華各
隨方之色燒栴檀香安息婆膠等膏
戒一心不食五辛不得飲酒及噉臭
肉醍醐酪蘇雜膩諸物悉不得食先
當洗浴身體著鮮潔之衣於高山上
以香汁塗地縱廣七尺名之為壇當
從此上度是灌頂十二部微妙經典
當受之曰思念十方諸佛菩薩應真
聖僧歸誠作禮及度經師莫念東西
南北之事譬如禪思比丘無他想念
惟守一法然後見真若有比丘受章
句經如是不亂七万二千鬼神導從

前後為身作護為神作護亦能為他人作護辟除邪惡万毒不行

佛告阿難我說是時羅閱祇國城西數里有大金山其中多諸比丘輩修四道果聞說是灌頂章句皆齊整衣服來到我所頭面礼足却坐一面聽說經法是時衆中有一少年比丘已得羅漢名曰真實從坐而起前礼佛足長跪合掌白佛言天尊演說无上真妙之法灌頂章句十二部妙典我當於佛滅度之後廣宣流布此深妙典若有國土遭疾厄者縣官所呼召万疾流行我當於中誦讀此經百毒万惡莫不消散說此語已便諷誦宣傳說是十二部妙典如是展轉授與諸比丘輩各令宣傳在所國土盡得此典是比丘臨終之時餘三七二十一日在心自念言如來所說十二部灌頂章句微密妙典於後如來滅度三百歲中而此經典當隱没不現何以故佛始滅度行善者多為惡者少到於末世九百歲中魔道興盛諸外道輩採佛妙經以為已有訓道万姓

令其受持而復盟誓變秘經法當受之日皆用珍寶種種雜絲以為重信然後授與當今歲時國國相伐民多荒亂飲食勇貴多諸盜賊橫死者半又諸惡王斷滅三寶使法言不通破塔滅僧三寶漸末中國之王雖有信心不能究竟多所禁制心不專一迷惑於異道今時當有比丘出現於世名曰普濟在諸名山石室之中禪思專心如是展轉遇好巖室見有寶函開而看之見此經目以紫金書刻鏤梅檀簡上此比丘見已一心合掌頭面作禮誦持修行如是妙典佛法既滅出千歲時災變如是諸佛菩薩應真聖僧天龍八部一切鬼神見此災恠慙念衆生於末世中受諸苦惱使是比丘出現於世救度危厄苦患衆生不為九橫之所得便以此經典使諸四輩比丘比丘尼清信士清信女讀誦宣傳教授後世一切善男子善女人等輩使其獲得吉祥之福佛告阿難吾去世後法言薄淡雖復慇懃不計勞苦為諸一切四輩弟子

演說微妙無上聖王過去未來現在
十方無量諸佛說灌頂大章句經十
二部妙典諸佛如來秘密之藏我既
以演欲令此經流傳世間使未聞者
悉得知見諸有疑惑未解法者心開
意釋獲大利安復次阿難我說此經
初始滅度百歲之中時多諸比丘讀
誦通利宣傳之者亦甚衆多到二百
歲四輩弟子多得道者於此經法都
無復用至三百歲是故隱沒不現世
間故言為善者多不大為惡此玄妙
神典釋梵四王護世善神山川龍王
攝持經文十二部呪灌頂章句七寶
之函盛持神文內著巖石室窟之中
未來末世當有比丘學頭陀者遊行
山間覓好禪室遇得此經開而看之
礼敬合掌頂受宣傳遠近各使聞知
此大章句經文既出少有受者多行
誹謗不肯信受

佛告阿難末世之中雖有清信士清
信女於我法中奉受三歸及五戒法
不解苦空四大非我恒著我想顛倒
分別起諸邪見到疾厄之日為橫所

惱便向諸異道邪見師所召諸邪妖
魍魎鬼神煞衆生命欲求長生愚癡
之人信邪倒見為邪師所誤死入地
獄備受諸痛哀哉可傷甚可憐愍是
故吾今為其演說灌頂章句十二部
要截拔除邪惡令得長生佛復告阿
難我有廣大之言深妙之語淺近之
化教未及者末世之中諸比丘輩聞
有國土城邑聚落異封之處有諸餘
比丘師師相承受此經典未聞未見
諸比丘輩謂此沙門是邪見之人說
外道法為利養故作如是言我不信
此如來世尊有所言說義味深遠如
此經所言但取人情若有比丘出此
言者坐誹謗故有讀誦書持此灌頂
章句經者意中悵恨不復讀誦修行
此經使是行人轉生進退讀誦經者
作如是言若是佛說諸餘大德比丘
等輩不應謂我是邪見人真非佛說
我於此深妙經典不應好樂若廣說
者便是邪見墮惡道中以此因緣若
於末世五濁亂時若有比丘比丘尼
清信士清信女奉受此十二部灌頂

章句經者如法修行不應毀訾而誹謗之見有行者恭敬禮拜想身如佛諸大菩薩應真聖僧等无有異若有輕毀罵辱之者當於現世得不吉報佛又告阿難於後末世若有比丘比丘尼清信士女讀持此經者為人廣說解釋中義諸餘沙門及比丘尼清信士女未聞未見若相誹謗疾惡此經聞有說者不樂聽聞反信邪法緣是罪故當有數万比丘墮鬼神道中若有惡心於此經典當墮魍魎毒蠍之中若見經文起瞋恚心緣此罪故當有數万人坐誹謗故墮在龍中阿難於後末世誹謗此經毀訾不信不欲聽聞謂諸行者是邪見人緣是不欲毀經墮鬼神道及地龍中不可稱數我今為諸四輩弟子敷演少耳若說其罪不可得盡非文筆所記今故出此示於未聞從今已後見證誓者不應誹謗見有修行十二部經者皆應供養供給衣服病瘦醫藥恭敬禮拜如大師想頭面恭敬應從啓受不得輕毀此深妙典我諸四輩弟子之

中轉相毀謗不肯信受此神妙經緣
此過惡墮罪無窮佛說如是諸誹謗
之過坐中有諸比丘作如是念如來
世尊有所言說皆不虛妄語諸同坐
諸比丘輩未來之世當有如是破法
之人毀謗此經今佛世尊故出此語
破法之過阿難因從座而起稽首佛
足長跪合掌白佛言如來所說無有
前却有所言說皆實不虛如阿難解
佛所說義多諸憂和俱舍羅然末世
中多有誹謗佛先說諸經法有呪術
者或云應學誦持修行或云不應修習
禁呪諸經法中更尋不同反覆前後
故使末世諸比丘輩有信行者有誹
謗者是故重問於世尊耳惟願更演
化於未來聞

佛語阿難善哉善哉汝能為未來四
輩弟子重問此義快矣阿難諦聽諦
聽審詳行之佛言我經中說諸禁呪
所不應行者謂諸異道邪見法術亂
惑於百姓但為利養以活身命我所
不許今吾所演灌頂章句十二部真
實呪術阿舍所出諸經雜呪盡欲化

導諸衆生故不如異道為利養也但為度脫衆生厄難遭苦患者不於其中怖望利養令諸衆生得蘇息耳以是因緣吾今聽許

佛告阿難我說是經利益一切無量衆生我若不說此經呪術當來末世一切衆生雖見我法微妙真實心意貪樂由其業行習惡來久信根淺薄未解深法至真之化

佛告阿難四輩弟子入我法中受持禁戒多所缺犯心不專一急難之時遭疾苦患既不專一向諸異道邪見法中以求福祐欲脫衆難不可得離不知宿對前世業緣歸命往到異道師所跪拜問訊我遭苦厄願見救護異道師言隨汝所願吾當祈請上通五官下言地祇令汝得福救度厄厄不復遭苦師又復言或汝先身犯諸過惡或言七世殃咎所引為五官所錄受諸罰謫或云牽引滅及門族前人既已病苦所惱逢諸危難心意不定無所歸趣恍惚失所猶如狂人師又語言汝七祖為九幽所羅覓在大

山當以疋帛隨方之色救贖汝等七祖之鬼拔除汝等七世之過又有一師復作是言汝為山神樹木鬼神星宿之神所嫉害也致諸病痛受諸疾厄必為犯此星宿神耶當以白牛白馬種種衆生甘美飲食設諸伎樂歌詠鬼神可獲大福除汝厄難所在安寧無復恐懼獲善吉祥

佛告阿難我滅度後濁惡之世信正者少多習邪見不樂真法不欲聽聞為諸惡師作雜毒法煞衆生命欲救危厄煞者得罪天神地祇悉不食噉是故我今廣演灌頂十二部章句真實呪術化諸未信不解道者汝當宣傳在所國土令護此經諷誦受持勿令毀缺佛說是語時欲界六天及上諸天作天伎樂已用讚歎燒天之香鬱鬱如雲天雨名華翩翩而下供養大會又有諸天龍鬼之王數千圍繞以為眷屬因說此經因緣力故脫鬼神身皆得人身大衆人民各隨業緣得道不同佛說經已阿難長跪叉手白佛言演說此經當何名之佛言此

經名為灌頂章句七万二千神王衛
護比丘呪經佛說是時四衆人民聞
經歡喜作禮奉行

灌頂經卷第一

癸卯歲高麗國大藏都監奉

勅彫造

佛說灌頂十二方神王護比丘尼經卷第二

常

東晉天竺三藏帛尸梨蜜多羅譯

聞如是一時佛遊於舍衛祇樹給孤
獨園與大比丘衆千二百五十人俱
今時有七比丘尼名修陀利在山中
冢墓間禪思一心有諸惡鬼神瞰人
精氣者燒是比丘尼脫其衣裳不聽
遊行入村乞食是時修陀利比丘尼
語同座諸比丘尼言汝等當正心憶
念我師釋迦牟尼多陀阿伽度阿羅
訶三藐三佛陀作是言已是諸瞰精
氣鬼神退散馳走於是修陀利比丘
尼等相將俱到佛所稽首作禮白佛
言天尊我等七人受天中天無上真
法思惟一心求四道果是諸瞰精氣
鬼神七万餘頭來乱我等不得正念
亦復遮圍不令行求飲食之具現惱
如是當奈之何唯願天尊說於聖術
而辟除之說是語時阿難在右邊佛
顧語阿難言汝見是修陀利比丘尼
七人等不阿難答曰見佛言阿難是
諸比丘尼常為七千万鬼神所燒我今

當為其召須弥頂上及海中諸大神
當護是等諸比丘尼不令諸小鬼神
得其便也

佛於是便以神力召須弥頂上諸鬼
神王來已是諸鬼神王將從七万鬼
神來到佛所稽首礼足

佛告諸鬼神王等我若在世及滅度
後在所國土城邑聚落護諸比丘尼
不令諸小鬼神之所得便令諸比丘
尼所到之處常隨護助使得安隱諸
惡之鬼不得娆近

佛復告勅大海居止水精山中龍宮
所住處有五万鬼神將其營從來到
佛所各礼佛足却住一面

佛又告須弥頂上七万神王及海中
五万神王等汝從今以後當護諸比
丘尼令得安隱離諸恐怖得定意得
定行令諸小鬼退散馳走遠於是處
百千由旬不得作害佛說是已賢者
阿難長跪叉手前白佛言是等神王
其字云何願為解說佛言阿難其神
名字我今說之灌頂章句其名如是
神名枝活吒貨墜字淨自在此神主

護某頭

神名倪提起和擗字妙善生此神主
護某眼

神名波羅怒和擗字暉日光此神主
護某鼻

神名和沙頭提手字信堅固此神主
護某耳

神名頭荷尼迦移字開疑惑此神主
護某口

神名牘迦利迦移字光普攝此神主
護某頸

神名沙提舍鳩羅字善安吉此神主
護某肩

神名波羅閼迦提字耀雪山此神主
護某臂

神名波羅頭阿鉢字演光明此神主
護某手

神名迦摩鉢吒遮字香珍寶此神主
護某臂

神名俱波婁閑叉字如福輪此神主
護某背

神名沙善般遮壚字清微徹此神主
護某腹

神名梅遮款摩休字音和柔此神主護某脇

神名遮捷陀利手字福德光此神主護某心

神名遮羅捷波頭字真實種此神主護某肝

神名波羅斯奴遮字遠聞聲此神主護某肺

神名蘇賀迦闍羅字建行至此神主護某脾

神名劍浮耆梨惹字慈悲普此神主護某腎

神名迦俱壚締迦字越衆行此神主護某腸

神名恒多羅菩提字威解振此神主護某脬

神名摩多羅和提字真如天此神主護某臍

神名至那比舍尸字愛事業此神主護某腔

神名易比舍尸羅字除恐畏此神主護某膝

神名迦羅鋪阿尼字願施廣此神主

護某脚

神名阿沙耶迷和字消諸惡此神主
護某出

神名抄伊摩陀伊字護世王此神主
護某入

神名阿提摩陀伊字加諸願此神主
護某坐

神名阿奴摩陀伊字星中王此神主
護某卧

神名破仇摩陀陀字首安寂此神主
護某夢

神名蘭睥留波利字行寂然此神主
護某起

神名耶頭破邨埝字德明遠此神主
護某食

神名比丘槃頭倚字蓋天地此神主
護某飲

神名波斯離次離字真不邪此神主
護某語

神名具梨捷陀離字施願普此神主
護某笑

神名跪離邨波羅字使善意此神主
護某戲

神名末梨游沙梨字頭高明此神主護某樂

佛語阿難是須弥頂上三十六神王名字如有七万鬼神以為眷屬當作擁護令修陀利比丘尼及未來末世中諸比丘尼等若為邪鬼神所惱乱者不令得便所到安寧不為邪惡所中設有燒者心當存呼灌頂章句三十六神王應念即至導從左右為諸比丘尼現威神力攘諸魑魔使不得便辟除凶惡消滅不善令得吉祥佛復告賢者阿難大海之中龍宮居止有三七大神王之女我昔得道與其眷屬來到我所稽首作礼說如是言當於佛滅度後五濁末世之中護佛弟子我已面勅此諸神王今當擁護修陀利及未來末世諸比丘尼等此諸神王亦不違本誓若有危厄禍害之日常當淨心歸命三寶然後呼其名字無不為護輒在左右阿難白佛言是諸神王有如是利益唯願速說灌頂章句善神名字為守護故使諸比丘尼離諸恐懼不為邪媛之所

灌頂比丘尼傳卷第七 常 第
臨近佛言阿難是大神王女名字如是

神王女藍婆惟藍波字珠瓔珞此神女為

神王女鴛鄉多烏鄉施字摩屈實此神

其辟除邪惡翹媚鬼魅逐百千由旬不令得住

神王女蘇貨迦羅閣字好莊嚴此神女主

女除去烏鳴野狐變恠因裏燒人者不令住某舍屋中

神王女摩奴羅摩遮字嚴飾妙此神女若

遊出時異道聚會飲食有毒自然消化

神王女劍浮耆梨起字寶連珠此神女護

諸怨家若相見時起諸毒惡即使和解相向

神王女惟舍羅遮迦字流離光此神女若

嫉妬惡心相向者以帶持故不生貪心

神王女攄樓迦攄樓字身撒照此神女若

有債主求諸財寶以神護故便寬除消息

神王女迦羅博多屈字華開敷此神女某

若為盜賊惡伴所引至縣時即使解脫

神王女渾迦施羅遮字香烟氣此神女主

治墮尸客氣之鬼復連鬼神即使磨滅不現

神王女稜迦移施羅鄉字妙王頂此神女若

為龍鳥所害種種惡畏以其誦持自然消滅

神王女劍捕閣浮無耶字遊戲樂此神

女護某苞腫東衰頭痛寒熱即便不行燒害

神王女迦俱攬締迦字淨如梵

此神女護

其不為山神樹神星死善死鬼神所燒害

神王女遮羅締迦鄰字音深妙

此神女護

其至大小便利之時不為惡鬼神觸燒也

神王女憊羅鳩梨陀字信善法

此神女護

其屋舍床席帳幔不使他餘鬼神自縛宅中

神王女臂頭梨架羅字師子音

此神女護

護人門戶宅舍四方八神之王勅令鎮護除去不祥

神王女訶栗提羅伽字樂音樂

此神女護

領八十億神諸神之母護其使万病除愈百事吉祥

神王女薩遮摩陀利字聲清徹

此神女護

其不令他人厭禱增疾之者使厭禱不行害也

神王女憊多羅阿佉字欣樂使

此神女護

女使五溫疫毒若頭痛寒熱其若呼名者即為作護

神王女鳩蘭鞠吒羅子字結明誓

此神女護

諸毒蛇蛇螫若齧人者存呼七遍毒即不行

神王女抄多摩尼摸字柔軟音

此神女護

其不令盜賊剽奪衣裳呵其名賊退散去

神王女沙臘波提敷字心安詳

此神女護

其牙齒若為虫所齧者若存呼其名七遍虫即消滅

佛告阿難我所說海中灌頂章句神王女其名字如是此諸神王女與其眷屬五万鬼神繞海邊行一日一夜

周市八万四千由旬以血肉為食今皆得道末世比丘尼輩現威神力作大護助辟除邪惡万毒不行

佛語修陀利及未來諸比丘尼等若有能持是灌頂章句則離一切無數恐懼若持此神呪夢安覺歡不畏縣官水火盜賊怨家債主自然避去鬼神羅刹姦魅魍魎邪惡薛荔厭鎮之鬼樹木精神百虫精神畜生精魅溪谷精魅門中内外鬼神户中内外鬼神舍宅四方井竈鬼神滂池鬼神廁溷中鬼神若比丘尼帶持經者此諸惡鬼終不得便若有厭禱呪咀之者其人帶持神呪經故自然辟除兩作和解俱生慈心惡意悉滅無復惱害諸比丘尼若在山中溪谷曠路抄賊劫掠自然不現師子虎狼熊羆魍魎恚自縮藏不害人也何以故此十二万神王大神呪經至尊至重能為諸比丘尼作大利安

佛語修陀利及未來諸比丘尼等說此灌頂無上章句若後九百歲中為諸邪惡魅鬼燒人因衰作害或有惡

魔吐種種雜毒之氣以害汝等復有鬼神吸汝五脉又有鬼神噉汝精髓如是惡鬼噉人肉者不可稱數我今為汝略說少耳

佛告阿難若後末世諸比丘尼為惡鬼神所燒惱者當洗浴身體著鮮潔之衣當專心一意讚誦此經當以五色之綵作好幡蓋香汁泥地縱廣七尺然十方燈散雜色華燒眾名香膠香婆香安息香等禮拜十方七日七夜長齋菜食不噉五辛審諦莫疑是諸惡魔聞見此經神呪力故即馳散而去遠百千由旬不能為害消滅不善吉祥感應

於是以後修陀利及未來諸比丘尼等悉共讀誦書持是典而供養之中有閻鉞比丘尼輩不能讀誦者但書持是典以好繒綵作囊盛之若欲行來出入之時輒著衣前所往來處獲善吉安若有惡魔自然消亡無敢當者此大神典至尊至妙極有威神若後末世書持此典佩帶在身遊行十方無所復畏以是因緣出此神呪令

人讀誦受持供養而帶佩之佛說是
語時天帝釋如人屈申辭傾從天來
下往到佛所稽首作禮長跪叉手白
佛言天尊然諸佛至真德過須弥智
超江海慧踰虛空獨步三界無能及
者十方一切莫不蒙度天帝釋說此
讚歎時虛空中雨天香華以散佛上
諸天歡喜鬼神亦然佛說經竟阿難
從坐而起長跪叉手白佛言演說此
經當何名之佛語阿難及諸四輩我
說此經名十二万鬼神之王灌頂章
句汝善持之於吾滅後若有清信諸
比丘尼歸命求者應當授與佛說經
已阿難叉手白佛言設有諸比丘尼
若欲受者云何授與佛言當如大比
丘受七万二千神王灌頂大法無有
異也佛說是已四輩弟子天龍八部
莫不歡喜作禮奉行

灌頂經卷第二

癸卯歲高麗國大藏都監奉
勅彫造

佛說灌頂三歸五戒帶佩護身呪經卷第三常

東晉天竺三藏帛尸梨蜜多羅譯

聞如是一時佛在舍衛國祇樹給孤
獨園時與千二百五十比丘菩薩乃
人天龍八部悉來在會咸然一心叉
手聽法於是異道有鹿頭梵志來到
佛所稽首作禮胡跪合掌白佛言久
聞瞿曇名聲遠振今欲捨置異學受
三自歸并五戒法佛言善哉善哉梵
志汝能捨置餘道歸命我者當自悔
過生死之罪其劫無量不可稱計梵
志言諾受教即淨身口意復作是念
惟願世尊施我法戒終身奉行不敢
毀缺佛言是為如來至真等正覺三
世諸佛說是戒法佛言梵志諦聽諦
受心持念之又言梵志盡形壽歸命
諸佛無上尊盡形壽歸命法離欲尊
盡形壽歸命僧衆中尊佛言梵志以
三自歸竟是為真正弟子不為邪惡
之所忤燒

佛告梵志汝能一心受三自歸已我
當為汝及十方人勅天帝釋所遣諸

鬼神以護男子女人輩受三歸者梵志因問佛言何等是也願欲聞之開化十方諸受歸者佛言如是灌頂善神今當為汝略說三十六

四天上遣神名弥栗頭不羅婆

漢言善光
主疾病

四天上遣神名弥栗頭婆訶婆

漢言善明
主頭痛

四天上遣神名弥栗頭婆邏波

漢言善方
主寒熱

四天上遣神名弥栗頭旃陀羅

漢言善月
主腹滿

四天上遣神名弥栗頭陀利奢

漢言善見
主癰腫

四天上遣神名弥栗頭阿樓呵

漢言善供
主癰狂

四天上遣神名弥栗頭伽婆帝

漢言善捨
主愚疾

四天上遣神名弥栗頭悉垣哆

漢言善寂
主眼患

四天上遣神名弥栗頭菩提薩

漢言善覺
主狂欲

四天上遣神名弥栗頭提波羅

漢言善天
主邪鬼

四天上遣神名弥栗頭呵波帝

漢言善住
主傷亡

四天上遣神名弥栗頭不若羅

漢言善福
主狂暴

四天上遣神名弥栗頭苾闍伽

漢言善術
主四方

四天上遣神名弥栗頭伽麗婆

漢言善帝
主怨家

四天上遣神名弥栗頭羅闍遮

漢言善王
主偷盜

四天上遣神名弥栗頭修軋陀

漢言善香
主債主

四天上遣神名弥栗頭檀那波

漢言善施
主初賊

四天上遣神名弥栗頭支多那

漢言善意
主疾毒

四天上遣神名弥栗頭羅婆那

漢言善吉
主五過

四天上遣神名弥栗頭鉢婆馱

漢言善山
主望尸

四天上遣神名弥栗頭三摩陀

漢言善調
主注連

四天上遣神名弥栗頭戾禰馱

漢言善備
主注腹

四天上遣神名弥栗頭波利陀

漢言善敬
主相引

四天上遣神名弥栗頭波利邨

漢言善導
主惡黨

四天上遣神名弥栗頭虔伽地

漢言善品
主惡毒

四天上遣神名弥栗頭毗梨馱

漢言善結
主恐怖

四天上遣神名弥栗頭支陀邨

漢言善壽
主厄難

四天上遣神名弥栗頭伽林摩

漢言善遊
主產乳

四天上遣神名弥栗頭阿留伽

漢言善願
主縣官

四天上遣神名弥栗頭闍梨馱

漢言善因
主口舌

四天上遣神名弥栗頭阿伽馱

漢言善照
主憂懼

四天上遣神名弥栗頭阿呵婆

漢言善生
主不安

四天上遣神名弥栗頭娑和邏

漢言善至
主百怪

四天上遣神名弥栗頭波利邨

漢言善歲
主嫉妬

四天上遣神名弥栗頭韋陀羅

漢言善妙
主厭禱

佛語梵志是為三十六部神王此諸

善神凡有万億恒河沙鬼神以為眷

屬陰相番代以護男子女人等輩受

三歸者當書神王名字帶在身上行

來出入無所畏也辟除邪惡消滅不

善梵志言諾唯唯天中天梵志又曰佛

言世尊以賜三自歸法天帝遣善神三十六大王護助我身已蒙世尊哀愍救度今更頂禮請受法戒佛言善哉梵志汝當淨身口意懇惻至心敬受法戒

佛言十方三世如來至真等正覺皆由三歸五戒得之佛言梵志盡形壽不煞生不教他煞是戒能持不若能持有五神王隨逐護汝身不令邪神惡鬼之所得便

梵志盡形壽不盜他人財寶不教他行盜是戒能持不若能持有五善神王隨逐護汝身梵志盡形壽不邪淫是戒能持不若能持有五神王隨逐護汝身衆魔皆不得便梵志盡形壽不妄言綺語兩舌聞亂是戒能持不若能持有五神王隨逐護汝身梵志盡形壽不飲穀酒甘蔗酒葡萄酒能放逸酒如是等酒皆不得飲是戒能持不若能持有五善神王隨逐護汝身

佛語梵志是為三歸五戒法也汝善持之勿有毀犯說已梵志因白佛言

世尊說言若持五戒者有二十五善神
衛護人身在人左右守於宮宅門戶
之上使万事吉祥惟願世尊為我說
之佛言梵志我今略演勅天帝釋使
四天王遣諸善神營護汝身如是章
句善神名字二十五王其名如是

神名蔡耆毗愈他尼主護人身辟除
邪惡

神名輸多利輸陀尼主護人六情悉
令完具

神名毗樓遮耶波主護人腹內五藏
平調

神名阿陀龍摩埵主護人血脉悉令
通暢

神名波羅桓尼和尼主護人爪指無
所毀傷

神名拉摩阿毗婆歌主護人出入行
來安寧

神名阿修輪婆羅陀主護人所噉飲
食甘香

神名婆羅摩豐雄雌主護人夢安覺
歡悅

神名婆羅門地鞞哆主護人不為重

毒所中

神名那摩吁多耶舍主護人不為霧
露惡毒所害

神名佛馱仙陀樓多主護人問諍口
舌不行

神名鞞闍耶數多婆主護人不為溫
瘧鬼所持

神名涅槃醯馱多耶主護人不為縣
官所得

神名阿邏多賴都耶主護人舍宅四
方逐凶殃

神名波羅那佛曇主護人平定舍宅
八神

神名阿提梵耆珊耶主護人不為冢
墓鬼所燒

神名因臺羅因臺羅主護人門戶辟
除邪惡

神名三摩毗羅尸陀主護人四大安
隱無病

此神名書本無

神名阿伽嵐施婆多主護人不為外
氣鬼神害

神名佛曇彌摩多主護人不為火
火所近

神名多賴又三塞施主護人不為偷盜所侵

神名阿摩羅斯梵嚩嚩主護人若入山林不為虎狼所害

神名都羅門閻兜帝主護人不為傷亡所燒

神名薩鞞尼乳娜波主護人除諸鳥鳴狐鳴

神名荼鞞閻毗舍羅主護人除犬鼠變怪

神名加摩毗都閻尼佉主護人不為凶注所牽

佛告梵志言若男子女人帶佩此二十五灌頂章句善神名者若入軍陣

鬪諍之時刀不傷身箭射不入鬼神羅剎終不燒近若到盪道家亦不能

害若行來出入有小魔鬼亦不得近帶佩此神王名者夜無惡夢縣官盜

賊水火災怖怨家閻謀口舌間乱自然歡喜兩作和解俱生慈心惡意志

滅魃魃魃邪忤辟劫外道符呪厭禱之者樹木精魅百虫精魅鳥狩精

魅溪谷精魅門中鬼神戶中鬼神井

竈鬼神灣池鬼神廁溷中鬼一切諸鬼神皆不得留住某甲身中若男子女人帶此三歸五戒善神名字者某甲入山陵溪谷曠路抄賊自然不現師子虎狼羆熊之屬悉自藏縮不害人也

佛告梵志昔迦羅奈大國有婆羅門子名曰執持富貴大姓不奉三寶事九十五種之道以求福祐久久之後聞其國中有賢善長者輩盡奉佛法聖僧化導皆得富貴長壽安隱又能度脫生老病死受法無窮今世後世不入三惡道中執持長者作是念言不如捨置餘道奉敬三寶即便詣佛頭面著地為佛作礼長跪白佛言我本愚癡無所知識久聞三寶不能奉事我於今日始得信解佛法大慈普濟天下我今欲捨餘道歸命於佛唯願天尊哀愍我等使得法戒為清信士佛言汝善思量之人能止惡為善者何憂不得安隱富貴壽命延長解脫衆難者乎執持白佛言今我以所事非真故歸命於佛耳唯願哀愍去我濁

穢之行受佛清淨決言

佛語執持長者汝審能尔者可礼敬
三寶執持長者即便胡跪合掌礼佛
於是世尊與授三歸受三歸已當有
三十六善神王隨逐護汝身佛復告
言善男子汝能遠惡求善知識世之
希有我當更授汝五戒之法佛言第一
不煞第二不盜第三不邪淫第四不
兩舌惡口妄言綺語第五不飲酒長
者執持已受三歸及五戒竟佛語長
者汝能持是歸戒遊行之處可無所
畏戒神二十五歸神三十六常隨護
汝外諸惡魔無敢當汝者長者從佛受
歸戒竟佛為說法歡喜信解礼佛而去
於是已後長者執持到他國中見人
煞生盜人財物見好色女貪愛戀之
見人好惡便論說之見人飲酒便欲
追之心意如是無一時定便自念言
悔從佛受三歸五戒重誓之法作如
是念我當還佛三歸五戒之法即詣
佛所而白佛言前受三歸五戒之法
多所禁制不得復從本意所作今自
思惟欲罷不能事佛可尔以不何以

故佛法尊重非凡類所及可得還法
戒不乎佛默然不應言猶未絕口中便
有自然鬼神持鐵椎拍長者頭復有
鬼神解脫其衣裳復有鬼神以鐵鉤
就其口中曳取其舌復有姪女鬼神
以刀割其陰復有鬼神洋銅灌其口
前後左右有諸鬼神覓來分裂取其
血肉而噉食之長者執持恐怖戰掉
無所歸憑面如土色又有自然之火
焚燒其身求生不得求死不得諸鬼
神輦急持長者不令得動佛見如是
哀而念之因問長者汝今當復去何
長者口噤不能復言但得舉手自搏
而已從佛求哀悔惡歸善佛便以威
神救度長者諸鬼神王見佛世尊以
威神力救度長者各各住立一面長
者於是小得蘇息便起叩頭前白佛
言我身中有是五賊牽我入三惡道
中坐欲作罪違負所受願佛哀我受
我懺悔佛言汝自心口所為當各於
誰長者白佛我從今日改往修來奉
受三歸及五戒法持月六齋年三長
齋燒香散華懸雜幡蓋供事三寶從

今以去不敢復犯破歸戒法佛言如汝今所言者是為大善如汝眼所見身所更自作自得非天授與

佛語長者汝今受是三歸五戒莫復如前受歸戒法也破是歸戒名為再犯若三犯者為五官所得便輔王大臣都錄監伺五帝使者之所得便収神錄命皆依本罪是故我說是言令清信士女勸受歸戒歸有三十六鬼神之王隨逐護助戒有二十五神營護左右門戶之上辟除凶惡六天之上帝所遣歸戒之神凡有億億恒沙之數諸鬼神王番代擁護不令衰耗諸天歡喜皆言善哉當共護之如是持戒者完具者十方現在無量諸佛菩薩羅漢皆共稱譽是清信士女臨其終時佛皆分身而往迎之不使持戒男子女人墮惡道中若戒羸者當益作福德布施持戒忍辱精進一心智慧然燈燒香散雜色華懸繒幡蓋歌詠讚歎恭敬禮拜益持齋戒亦得過度若不能如上修行如是功德復持戒不完向諸邪道冀求福祐三

歸五戒億億恒沙諸鬼神王各各離之惡鬼數來而燒近之因衰致病耗亂其家起諸病痛遂致喪亡財物不聚所向不偶死復還墮地獄之中雖戒具足不持六齋猶花樹無果婦人不產種穀不滋治生無利折耗失本更無衣憤不持齋戒无利如是佛言長者人犯所受破是歸戒凡為天上二百七十神王之所得便更非外魔之所得便此鬼神視人善惡若持禁戒不毀犯者開人心意示人善惡人若不善便為作害疏記善惡奏上大王大王執持隨罪輕重盡其壽命如法苦治不令有怨使破戒者甘心受之佛告梵志長者執持捨彼異道於我法中受持歸戒心不安定而復破犯遂為鬼神之所得便受諸苦痛今自悔責求哀懺謝改更修善作諸福德滅諸惡法今皆得道合家大小宗族之中見長者執持罪福報應悉從我受三歸五戒堅持不犯皆得法眼淨我今於此會中廣說長者宿命因緣明驗罪福示於後世廣宣流布使得

佛語梵志若有清信士清信女若為
邪神惡鬼所得便者若橫為縣官所
羅盜賊剝奪遇大疾病厄難之日當
洗浴身體男子著單衣白帙女當素
衣澡漱口齒七日七夜長齋菜食敷
好高座懸繒幡蓋香汁灑地燒栴檀
香一日七轉讚誦此灌頂大章句如
是妙典至真秘藏消滅一切無量災變
梵志白佛言天中天已能為我及十
方衆生說三歸五戒鬼神名竟若男
子女人欲受者當云何授與佛言若
人欲受先礼十方佛長跪叉手作如
是言我弟子某甲盡形壽受三歸五
戒諸佛菩薩真人聖衆哀念我等梵
志又問受歸戒有差別不佛言無差
別若人受者先當列三歸五戒之法
然後以神王名字著歸戒下以好素
帛書持此神王名字帶持而行當
燒香礼敬十方佛當取月八日七日
持齋若欲行來常著身上若著頂上
若著臂前若惡魔相逢無不除却若
男子女人著此三歸五戒善神名字

時若入神祠是諸邪神皆驚起為其人作礼何以故此人帶持諸佛所說三歸五戒神名字故佛語梵志此歸戒鬼神名字至尊至重諸佛護念汝好宣行之佛說如是阿難從坐而起前白佛言演說此法當何名之佛告阿難是經名為灌頂章句歸戒帶佩經佛說是已四衆人民天龍八部一切鬼神皆大歡喜作礼奉行

灌頂經卷第三

癸卯歲高麗國大藏都監奉
勅彫造

佛說灌頂百結神王護身呪經 卷第四 常

東晉天竺三藏帛尸梨蜜多羅譯

聞如是一時佛在羅閱祇國大精舍
中有千二百五十弟子各住餘室佛
獨一房自思念言我涅槃後四部弟
子持戒不具多所毀犯造作非法不
行十善我法既滅末世之中鬼魔亂
起行諸邪惡燒惱人民又有毒龍吐
毒害人我當去何而辟除之作是念
已默然而住於是天帝知佛所念從
坐而起如人屈申解頰來至佛所稽
首佛足作禮畢已長跪叉手前請佛
言惟願世尊愍濟衆生為說無上灌
頂章句大神王名字守護万姓故使
得安隱離諸危厄度於邪惡使諸魔
鬼不得作害結願神名常在左右為
人防惡使毒不行所請如是惟願演之
佛告天帝釋善哉善哉諦聽諦受吾
今為汝而演說之今諸世間一切衆
生有受三自歸者盡帶持此百大神
王名以護人身辟除邪惡使万毒不
行百姓安寧若干億神恒沙數鬼皆

不得留住帶神名者身中有鬼神在其身中不去者四天王當遣使者持金剛杵碎頭作七分

天帝釋白佛言世尊所稱譽者其法微妙惟願演說化於未聞佛語天帝此灌頂章句結願呪經甚深微妙不可妄說諸佛世尊不妄宣授度與人也今我出世值於五惡我若不說此結願呪經者諸弊小鬼未來燒人覓人飲食求人長短我今為汝及一切人而演說之

佛語天帝釋言有百神王今在須彌山頂上居止我以威神召其使來面勅神王以護汝等不令遭橫結縷呼其名字是諸神王常當在汝左右為汝作護天帝釋言其名何等佛言

神名伊利寐鞞 字德無尋

神名尼烏厨遮 字棄自大

神名波羅鄰頭 字遊安寧

神名無和遮樓 字端正化

神名薩多波羅 字救脫厄

神名嘻摩和頭 字暉光照

神名天樓降俱 字宣言教

神名阿羅或駒

字開達明

神名部羅部移

字隨順彼

是九神王當以威神為某作護辟除
凶惡無諸惱患他餘鬼神不得其便
遠百由旬無相燒害帶持結願神王
名字外諸惡魔無不除却獲善利安
令得吉祥

神名摩醯首羅

字威靈帝

神名摩尸拔陀

字威伏行

神名富部拔陀

字集至誠

神名金毗羅陀

字威如王

神名質多斯那

字知敬上

神名賓頭盧伽

字立不動

神名車鉢羅婆

字忍德脫

是七神王當以已之威力共擁護某
除不吉祥鳥鳴惡夢野獸變恠因衰
燒人者不得害某帶持結願神名字
故獲福如是

神名曇摩拔羅

字學帝王

神名摩竭波羅

字除曲心

神名繡利密多

字有功勲

神名勒那翅奢

字調和平

神名斂摩舍帝

字伏衆根

神名耆羅密帝

字獨處使

神名醯摩拔陀

字應念至

是七神王當以威神之力爲某作護
若入江海湖池溪谷水中雜毒蛟龍
之屬懷惡心者風波起時以某帶持
結願神名自然安隱過度厄難所到
安寧吉利度岸

神名隆多琦梨

字大力天

神名波梨羅睺

字勇猛進

神名毗摩質多

字響高遠

神名睺摩利子

字琰雄德

神名波阿梨子

字威武盛

神名佉羅騫陀

字吼如雷

神名鳩羅檀提

字戰無敵

是七神王當以威德在所作護若入
異道聚會之中飲食有毒盡道所中
食其飲食自然消化毒爲不行帶持
結願神王力故現世獲福其報如是

神名和耆羅桓

字堅不動

神名摩尼鉢羅

字演暢音

神名阿波提羅

字喜無懼

神名曇無利羅

字赫嚴飾

神名捷陀尼吁

字堅住行

神名劬摩和羅

字清淨明

神名摩呵闍離

字越諸難

是七神王當以威神為某作護若有

怨家以毒惡心妬賢嫉能或諍財寶已

為各恨闍諍不已是七神王即以威

力解除二家使其和解俱生善心惡

意悉滅帶持結縷神王名字現報如是

神名闍那阿梨

字善威光

神名耆羅斯耨

字事業得

神名勒迦設婁

字除煩惱

神名摩遮多梨

字補天位

神名羅摩奴遮

字開正路

神名臚迦盧遮

字力堅固

神名阿梨盧黃

字離諸趣

是七神王當以威神佐助左右治生

賣買常獲倍利不與怨家盜賊惡伴

之所牽引所在遊行見者悉喜和悅

相向無瞋惱色帶持結縷神王名故

現報如是

神名驚那檀遮

字除怖懼

神名惟舍羅遮

字超出難

神名蠅迦陀羅

字覆天地

神名遮羅路迦

字自無畏

神名醫頭梨迦

字德如山

神名郵惟師左

字思無愛

神名陀優陀羅

字住無畏

是七神王當以威神為某作護辟除
縣官危厄之難若合死事鞭撻便除
枷鎖杻械杖楚之罰罵辱唾吐即便
除解以某帶持神名力故現報如是

神名富阿陀羅

字勝幡懸

神名沙羅和羅

字引聖言

神名郵羅訶摩

字施無盡

神名醯波舍摩

字將導安

神名阿抄牟羅

字覺無常

神名比抄倚耶

字分別解

神名至羅和移

字善勸吉

是七神王當以威神主產生者不令
他餘邪惡鬼神開其生門帶持結願
神名力故到產之日身體安寧無諸
痛惱兒則易生左右善神扶佐生者
帶持結縷獲福如是

神名抄摩如提

字滿無及

神名首抄和提

字威如天

神名阿抄瑟泥

字辯無喻

神名腓羅摩左

字無復疑

神名修吼摩耶

字降小魔

神名提摩陀伊

字解生死

神名架抄優陀

字拔愛根

是七神王當以威神主五溫山海之中諸小弊龍各吐惡毒五色之氣侵陵万民被輒頭痛身體寒熱或時致死以某帶持結願力故惡龍攝毒不復害人帶持結願縷現報如是

神名半都波提

字精勇健

神名莎羅波提

字救世者

神名沙和迦羅

字離邪行

神名尼遲樓瑩

字滅思想

神名波羅般然

字威靈祇

神名嘻蘭譚耆

字如江海

神名金羅伊頭

字不畏兵

是七神王當以威神主逐詐稱浮游鬼神名籍未定者天上不攝地獄不受來往世間若在城邑聚落村里作諸變恠恐動人情愚人惶怖為設福食謂之為神或言汝命屬我作諸疾痛保汝不死以某帶持結縷神名此諸惡鬼不復嬈近索人飲食帶持結願福德力故現報如是

神名胎難雷耶

字通達顯

神名捐摩質樓

字堅正懂

神名倪和無呵

字至大祇

神名懼頭摩醯

字寧上勝

神名差陀離遮

字久建行

神名難頭譚難

字吉安寧

神名嘻遲嘻遲

字勢力強

是七神王當以威神主治飛尸客氣之鬼復連注鬼或有魅鬼來入人身者使意擾亂湯藥針灸悉不得治呪術不行者此鬼流轉在人百節五脉之中使人惶惑諸治不差者以某帶持結願神名此諸注鬼不能為害結願福德現報如是

神名阿波利移

字慧無窮

神名較垣細耶

字斷諸結

神名摩梨摩羅

字住正昌

神名阿泥梨移

字積財施

神名波泥梨移

字不捨願

神名阿吼羅迷

字除垢穢

神名阿都摩梨

字誠信篤

是七神王當以威神主入溪谷山野之中毒蛇蝮螭諸雜毒虫烏龍熊羆

虎狼禽獸種種恐懼人血肉者以
某帶持結願神名常隨左右為某作
護除却諸惡無眾衰惱帶持結願現
報如是

神名阿迦至提

字正真治

神名修波梨阿

字正佳安

神名訶羅卑羅

字伏魔魅

神名阿呵閉羅

字教令從

神名卑羅摩鈔

字朗赫照

神名師羅摩提

字嚴整住

神名佉飢梨丘

字立安明

是七神王當以威神主治逆賊侵陵
境土劫奪人財寶偷竊為意恒生惡
念不絕以貪求故壞王國土村營市
里更相讒害以某帶持結願神名十
方怨賊劫盜等侶自然消滅不能為
害帶持結願經故現報如是

神名丘陀勝丘

字殊勝彼

神名丘拔散丘

字深寂滅

神名摩呵鼻那

字辟章句

神名寃陀梨那

字曉了度

神名漚那提奴

字吉定安

神名漚那提陀

字虛空住

神名遍弥提屠

字法呪術

是七神王當以威神護國土之中有
雜毒之氣以擊人身被輒寒熱起諸
苞腫或乃徹骨至潰之日濃血臭爛
不可得近唾呪不行或時致死末世
之中生此毒害以某帶持結願經故
雜氣之毒不害某身辟除万惡魔邪
敢當帶持結願現報如是

佛告天帝釋若男子女人為邪鬼所
得便者應當洗手漱口清淨正心敬
禮諸佛三寶燒諸名香膠香婆香安
息香等香汁泥地縱廣七尺散五色
華然十方燈以五色之縷各七條長
七尺而左索之存百神王名字亦並
結之若人受者當長跪叉手專心三
寶莫念東西南北方事亦復莫念家
室之事聽師所言稽首頂受諸鬼神
王當以已之威力為男子女人作大
護助行來出入帶在身上諸鬼魔輒
聞見之者馳散亡走各自隱藏不近
人也

佛告天帝釋此灌頂章句百神王不
但結縷呼其名而已若人危厄眾難

所惱隨其所主存呼憶念常在人在左右不離須臾書持名字厭除不祥隨神擁護百恠消滅魔邪敢當無不吉祥過度衆厄壽命延長

佛說灌頂章句百神王名字時有八菩薩從他方來稽首佛足而問佛言說是神名餘諸神王少有及者天中天怛薩阿竭乃說是神名諸菩薩樂精進者行無懈怠佛般泥洹後是諸神王當久在閻浮利內不

佛告八菩薩我般泥洹後是諸神王當現在世二百歲至三百歲其後不復現却後濁亂世佛經欲滅時諸比丘輩不復用法威儀戒律恒相嫉妬毀滅正化至吾法沒國國相伐於是結縷神名當復現耳佛法漸末有諸少學比丘用佛威神故讀是經典老比丘不欲聽聞謂諸少學諸比丘輩汝破佛法行此邪見當墮鬼神道及地獄中當知佛法於此漸滅尔時摩訶須薩怒菩薩憍曰兜菩薩那羅達菩薩須深弥菩薩和林調菩薩共白佛言天中天般泥洹却後世時是

經卷者我輩護持使佛道久存若人未聞是經典者我當授度諷誦宣傳持是經典

佛告阿難及天帝釋四部弟子是毘陀和於五百菩薩人中之師當持正法合會隨順教莫不從歡喜心隨順心清潔心却欲心是時五百人皆叉手立佛前毘陀和菩薩白佛言菩薩持幾事得行是神呪佛言有四事能行是神呪一者不信餘道二者斷除愛欲三者如法修行四者無所貪生若菩薩行是四事乃能得是灌頂章句結願大呪經

佛告八菩薩摩訶薩若男子女人行是神呪書持讀誦為他人說今世現得五百功德譬如慈心比丘終不中毒亦不中兵火不能燒水不能漂帝王不能得其便也如是男子女人修行是結願呪經有如是功德不為水火所害若龍若師子虎狼若薜荔若鳩洎鬼神喜燒人者若欲殺人若奪人財寶若壞人禪定設中害者使不得便

佛言如我所語無有異也惟除宿命
不請耳若人淨持齋戒行是呪經不
患目痛身體无病心意無憂終無厄
難若近死事皆得解脫無復惱害若
男子女人修行是神呪者為天護敬
亦復稱譽讚歎其善龍王鬼神閼叉
捷陀羅阿須淪迦樓羅真陀羅摩睺
勒鬼神王人非人等各共敬愛稱揚
其善為諸佛菩薩聲聞聖衆之所護
念若命終時是八大菩薩迎其精神
往生西方自在隨意於是天尊以頌
讚曰

我說灌頂章句義 辟除邪惡精魅鬼
餘他鬼神不得便 結縷神名常擁護
鳥獸變恠野狐鳴 帶持誦者災禍滅
若乘船行江海中 水中鯨龍魚鼈鼉
種種雜類無央數 終不為害安隱度
若入異道盡毒家 飲食有藥自消化
以帶持故能除惡 生嫉妬者使滅恨
怨家為伏喜相向 債主寬意不誚財
買賣万倍利自来 盜賊不引恐懼除
縣官死事莫憂慮 帶持結願嚙即除
若有產者輒生男 設生女者皆端嚴

生門有鬼化為護 小小危厄無不度
魅鬼雖燒善神佐 離諸危難无恐怖
海中弊龍吐惡氣 雖欲侵陵無能害
浮游鬼神覓人食 見持結願皆消息
注連魔魅入人腹 誦持結願皆自出
溪谷曠野雜毒虫 以帶持故無不降
他方怨賊奪人財 見有誦者復道歸
俗惡末世生毒腫 帶持結願無不滅
若有男子學誦是 佛說神呪結願經
假使欲歎其功德 辟如恒邊減一沙
刀劍矛戟不傷身 盜賊怨家無能害
國王大臣喜悅向 學此神呪福如是
魘蛇含毒誠可畏 見彼誦者毒疾除
不復瞋恚吐惡氣 持此神呪福如是
怨讎嫌恨莫能害 天龍鬼神真陀羅
覩其威光默然信 學誦此典德如是
山野弊狼及大蟒 師子猛虎鹿蝦蟇
無傷害心悉藏毒 衆惡消滅魔敢當
弊惡鬼神將人鬼 諸天人民懷害心
感其威神自然伏 學此結願無所畏
其人不少病無苦痛 耳目聰明無闇塞
言辭辯慧有殊餘 行是神典能除惡
其人終不墮地獄 離餓鬼道及畜生

世世所生識宿命 學誦此經人所敬
鬼神捷陀共擁護 諸天四王亦如是
及阿須淪摩睺勒 行此神呪福能護
諸天悉共頌其德 天人龍鬼甄陀羅
諸佛嗟歎令如願 誦誦說經為人故
其人道意不退轉 法慧之義而無盡
姿顏美艷無與等 誦習此經開化人
國國相伐民荒亂 飢饉荐臻懷苦窮
終不於中天其命 能誦此經化人者
勇猛降伏諸魔事 心無所畏毛不豎
其功德行不思議 降伏外道令入正
娑藍幻化及符呪 穢濁邪道不正行
持是神呪莫能中 用愛樂法建立故
一切悉共歌其德 具足空慧佛弟子
然後當來在末世 手得結願神呪經
常行精進喜踊躍 同心和悅奉此法
受持經卷講誦誦 令此法言無遺失
在所宣傳令廣知 法言流布有利益
余時世尊說此偈已告阿難言假使
有人今面見佛至心供養衣被飯飴
牀卧之具病瘦醫藥不如有人受持
是灌頂章句結願神呪經書持讀誦
書著竹帛為他說者則為具足供養

於佛時天帝釋與無央數諸天俱來
各賫天華香供養散佛而白佛言我
當將護持結願經者四天王及上諸
天各賫華香以供養佛各白佛言我
當擁護善男子善女人受此經典書
持讀誦為他人說所在遊行周匝營
護令無伺求得其便也

佛告阿難我今為汝及四眾弟子說
此灌頂章句百神王名護身結願大
神呪經汝當受持度與男子女人等
輩令其諷誦宣傳吾言示於未聞佛
說如是天龍鬼神四部弟子聞經歡
喜作禮奉行

灌頂經卷第四

癸卯歲高麗國大歲都監奉
勅彫造

佛說灌頂咒官宅神王守鎮左右經卷第三

常

東晉天竺三藏帛尸梨蜜多羅譯

聞如是一時佛在摩竭國與千二百五十比丘俱菩薩萬七千人清信士三萬人清信女萬二千人諸天人民鬼神龍王不可稱計皆悉來集聽佛說法莫不樂聞

佛語目連波羅閱國去城千里有七百餘家未覩聖化不識真道多事神鬼山川樹神及日月五星二十八宿水火神等舉村奉事以為真正煞生祭祠以此為常

是時村民宗王名曰迦羅鄰門室大小一百餘人春分之中為惡鬼神所共燒觸此迦羅鄰居山谷之邊或言山神燒我或言樹神燒我或言水火日月星宿神燒我作是念已生大愁苦

今時惡魔明旦復將五方鬼魅悉共并力掘地大呼恐怖迦羅鄰家室大小或有鬼神身如師子或如熊羆虎狼為龍牛馬犬狗猴猿之形不可具

說或重頭人身玩蛇之形龜龜之手
或六目三頭或一頭而三面齒牙爪
距或擔山吐火雷電霹靂村民聞之
莫不助憂然迦羅那心中煩惱語諸
宗族鄉等當佐我作方計

余時村中有學梵志道者語迦羅那
言汝可請大學淨信梵志迦羅那答
言可余便擇良日吉時設大供辦諸
梵志集來迦羅那大客堂上迦羅那
自行澡水行水已訖飯食竟便敷小
卑座從坐而起白諸大德淨信梵志
我等從春分以來常為諸魔之所燒
觸願諸梵志各出聖術以却鬼神灾
惡之變諸大梵志各各皆言善哉善
哉當為汝說先師之法昔時波羅捺
國亦有此變汝可於村中平淨之地
謝四山諸神及日月星宿神等當得
百頭種種衆生各各異類并二小兒
殺以祠天汝將家中大小眷屬詣於村
中平淨地處祠祀壇所使人人跪拜
請命求護然後乃安余時迦羅那即
如其言明且具兩小兒及異類衆生
種種各百頭平治村中便將家大小

及諸衆生往彼祠壇所爲馬牛羊隨道悲鳴震動大地從東門出當就祭壇於是世尊大悲普濟一切衆生愍是迦羅那頑愚之甚云何興大惡意殺衆生命欲救一家便勅弟子大目犍連汝可往爲迦羅那說辟鬼神呪護迦羅那目連受教便承佛威神卽爲迦羅那召五方諸善神以衛護迦羅那門戶左右悉獲安隱辟除邪惡往來鬼神爲汝作害者從今以去遠汝村舍不使爲害迦羅那見目連現神飛來歡喜踊躍頭面禮目連足下作是念言尊者不以我愚賤現神顧我度我災難令得蘇息無復愁惱我今便是蒙尊者威靈救度我危厄使諸惡魔隱藏不現迦羅那說此語已諸梵志輩悉見目連現神化來爲迦羅那說大神呪當呪之日天地大動諸梵志輩使迦羅那祭祀鬼神飲食之具并其座席悉皆飛颺在於虛空諸衆生輩各得解脫無人留斷隨行而去諸梵志輩見目連現呪術變化威德如是四衆咸然稽首目連足下

而問評言尊者目連宗事何師其法
真妙乃如是乎摧滅我等鬼神災變
令一村人悉得蘇息皆尊者恩使之
然也目連語迦羅那梵志四眾等今
我師者天人之尊智慧弘廣靡所不
通深知來今過去之事身長丈六紫
磨金色三十二相而自在嚴度人厄
難無不解脫四眾聞說大聖威神无
不欲見世尊身者迦羅那白目連言
今佛世尊可得見不目連語言今佛
世尊近在羅閱祇為諸天人四部弟
子說真妙法迦羅那語大目捷連我
今便欲相隨往見世尊目連語言佛
神通聖達自見汝心不須去也但燒
香散華世尊今日現神化來亦不
久迦羅那但燒香散華靜心念佛須
臾之頃佛現神來將從千二百五十
比丘四輩弟子諸菩薩无央數悉來
集會迦羅那大客堂上客堂自然廣
博嚴好變為殿舍悉以琉璃為柱梁
七寶莊嚴懸雜幡蓋四面皆有諸小
菩薩執持幢蓋侍立左右迦羅那及
梵志四眾等見佛心中歡喜踊躍無

量頭面接佛足下稽首作礼迦羅那
前進長跪叉手白佛言世尊我從歷
劫以來信邪倒見不識真正有危厄
之日輒殺衆生請求福祐今者世尊
大慈普濟救度衆生危厄之患皆蒙
解脫離諸恐怖皆天中天目連思也
室家大小及村中人悉獲度脫迦羅
那及梵志四衆等從佛乞受戒法佛
為廣說業行因緣得法眼淨宗室大
小及村中人聞法音歡喜各發善心
有受戒者有生天者各隨業行得道
不同今時坐中有一菩薩名曰普觀
從坐而起前白佛言世尊已為迦羅
那說五方辟鬼神呪營護門戶鎮守
左右竟惟願更演向者目連所說章
句為未來世諸衆生輩若有如迦羅
那比惡鬼神所燒者我當書持讀誦
經文示於後世廣宣流傳遠近使聞
普得度脫無復憂懼

佛告普觀菩薩汝能為未來濁惡之
世重問灌頂無上章句神名字者諦
聽憶念我當重演如是章句普觀菩
薩言唯唯天尊四衆渴仰唯願速說

佛言灌頂章句其名如是

神名阿修呵比丘尼膝頭荷

神名波梨梨波斯離次離

神名優吵知具利捷陀離

神名阿泥梨移波泥梨羅

神名阿吼羅迷比路波祇

神名氣利弥提波羅弥提

神名陀羅住留富那佉尼

神名師阿羅陀羅慢陀羅

神名具利捷陀利闇吒羅

神名住利旃吵利嘻摩陀

神名阿波提梨摩那斯尔

神名脂波弗夢懼頭摩醯

神名嘻蕪夢羅呵梨弥醯

神名多遮枝嘻遮惟留賴

神名老陀離遮難頭謗難

神名貨樓老陀輸柔羅弥

神名丘波題金波羅優候

神名東波須摩羅提迦波

神名伊提牟羅嘻遲佉

神名阿提嘻惹遲比難邏

神名沙摩頭伽優頭摩陀

佛告普觀菩薩摩訶薩東方有七

大神其上首者有三七鬼神之王守
護東方不令邪惡觸犯万姓若有鳥
鳴野獸變恠災禍起時種種不吉惡
夢衆衰橫羅縣官枷鎖著身危厄之
人衆所憎賤當以此三七神王辟除
東方如是災厄使諸邪橫不得妄生
此諸神王守護東方除去七十億雜
魅之鬼為人作害者聞有善男子女
人讀誦呼是七十鬼神上首名者七
十億魅鬼馳走而去一万由旬不害
人也當說其名獲吉祥福灌頂章句
其名如是汝善持之

神名耶頭化提阿梨鳩梨

神名提多瞿佉難阿梨加

神名迦梨波梨金摩多尼

神名波柰羅迦荼支由羅

神名沙彈吒迦勒迦摩夜

神名拔柰細耶般遮戒提

神名柰梨柁梨摩梨摩梨

神名師佉准沙老尼河藍

神名辟師霧耶嚩次弥次

神名鷄頭貨提土蒲耻瘡淨

神名突迦多極都于陀伎

神名陀舍屈兒沙門多頭

神名伊犁寐提薛茹迦移

神名鳩舍羅臚迦拘多墊

神名因樓賴天沙伊多釋

神名甄左烏厨遮摩多梨

神名摩耜吒遮夫樓摩俱

神名羅閣迦提阿鉢迦耜

神名摩左摩左遮樓旃陀

神名俱波樓閱叉阿羅域

神名鄰羅鄰移閣那阿梨

神名沙善般遮爐梨波梨

神名旃遮賴摩休迦設樓

神名遮梨架阿擘烏遲

神名羅摩奴遮臚迦爐遮

神名波羅斯奴遮斯叉奴

神名遮羅捷放頭那爐遮

神名乳提于呵梨爐閣

佛告普觀菩薩摩訶薩南方有九千

大神其上首者有二十八神王能為

一切辟除衆惡守持南方除去五溫

疫毒之病飛尸邪忤殃各之注口舌

闔亂災火變恠毒蛇魘蝮熱氣惡病

志出南方是二十八神王有人知其

名字諷誦宣傳是二十八神王即為
佐助消滅邪惡使一切毒厭卒不得行
以知神王名字力故南方魅鬼七千
億數一去万由旬不能為害灌頂章
句其名如是汝善持之

神名呵婁薩叉尸遮那

神名藍波藍波貨那多

神名蘇貨迦羅闍烏那陀

神名摩奴羅摩遮檀樓迦

神名劍浮者梨瑟迦羅博

神名惟舍羅遮經迦陀羅

神名遮拔迦移陀那羅浮

神名迦俱締闍羅給迦

神名多羅舍脂慢鳩梨

神名鬘頭梨阿多四瑟伎

神名阿耆尼羅鷄祇迦遮

神名菩提尼菩提多菩提

神名恒多羅夜尼耶迷

神名陀優他優富阿陀羅

佛告普觀菩薩摩訶薩西方有六千

大神其上首者有二七神王主持西
方怨家逆賊伐王國土偷竊之人懷
惡心者聞有男子女人等輩呼二七

神王名字之者即便退散惶惑而去
五億魔魅退乃由旬不復害人也此
二七神王灌頂章句其名如是汝善
持之

神名那葉提樓比舍慢破

神名沙伊摩陀阿仇伊陀

神名破仇摩至多羅和架

神名比丰垠羅泥架那紫

神名迦蘭腓留波摩迦羅

神名耶頭破舍羅首梨沙

神名拘陀利比呵梨多陀

神名慢陀波沙多陀罔留

神名阿知和知阿那波提

神名那知鳩那知提我沙

神名摩呵迦和左羅閼摩

神名阿佉左波陀那迦利

神名阿比羅慢多羅波陀

神名羅那多羅摩羅提離

神名耽波羅提梨吼樓壽

神名樓壽閼輦叉輦善叉

神名魔呵留羅迦利區瑟

神名舍洹陀越阿耨三菩

神名迦三耶魔呵阿輪

神名拔陀沙羅曼陀羅阿

神名迦奈國舍嚩遲比遲

佛告普觀菩薩摩訶薩北方九千大神其上首者有三七神王主持北方五万億魅鬼及詐稱之神求人飲食者故氣之魔聞有男子女人等輦呼三七神王名号是諸魅鬼退散馳去不能為害遠百千由旬移置無人之處還其所在灌頂章句其名如是汝善持之

佛告普觀菩薩摩訶薩我說四方諸神王竟今復更演中央神王有二十万以為眷屬其上首者有十二神王能為一切無量衆生除去四方灾惡諸變鳥鳴惡夢縣官之厄口舌鬭乱五温之病毒氣地魘怨家債主逆賊侵陵壞王國土他餘雜鬼厭禱呪咀魔邪鬼神及諸精魅見有男子女人等輦讀誦宣說此十二神王名字之時四方妖邪惡鬼等類無不弭伏復能為人作鎮護故我今演說如是章句示諸未聞普使受持此十二神王名字為人守鎮辟除凶惡灌頂章句

其名如是汝善持之

神名優婆塞那仙妳

神名優婆僧那涅姪餘

神名跋臭修婆羅毗姪

神名多婆斯阿修羅婆履

神名摩薩羅波拘蘭荼

神名垣摩阿修羅婆履那

神名佛亶姪和婆娑斯

神名伽施陀臚為氏仇陀

神名多羅浮多鞞闍曳

神名婆視涅脬伽羅呵衍

神名毗真部貳娑姪衍

神名多羅哆斯陀尼波

佛告普觀菩薩摩訶薩我今已說五

方逐魔鬼竟取中央三万大神上首

者十二神王名字為守鎮法當以好

函盛之題四天王名字書函四邊稱

吾釋迦名号而封印之緣傘覆蓋安

淨潔處若有邪神惡鬼往來人宮宅

中者見此神王名字鎮函之處莫不

退散馳走者也

佛告普觀菩薩摩訶薩若後末世遭

灾禍者為諸魔鬼之所傷犯當淨身

口意不呶雜食五辛之屬齋戒一心
禮敬十方三世諸佛然十方燈燒雜
名香膠香婆香安息香等懸五方逐
魔神幡各長一丈四尺上作鬼神之
形怖諸浮遊魔鬼精魅當在人定之
時露出中連讀此神呪以青銅之鏡
照曜五方使諸魔魅不得隱藏其形
向五方燒香散諸名華師當專心一
意說是五方守護神名一方至四十
九遍誦是章句是諸惡魔聞見之
者莫不驚惶馳走而去不復為害
遠百千由旬不燒人也普觀菩薩白
佛言世尊向所說幡蓋作鬼神形像
者出何法中云何驅魔令其退散佛
語普觀菩薩摩訶薩言善男子我所
說幡蓋作鬼神形像者取上五方諸
神之中第一者耳又問云何驅逐眾
魔答言當以好淨器先呪五龍之水
以灑五方諸魅魔邪無不退散馳走
而去部伍營從形體裸露莫知蔽匿
此大章句至真致重能消滅諸鬼神
灾橫之變使誦持者獲得無上吉祥之
福普觀菩薩復白佛言作諸雜術種

種相貌不似耶也佛言不也我若在世不須如是相貌法也我既涅槃未來惡世五濁衆生信正者少多習邪見不識真正為此等輩說是章句雜法之術以化羣生故我出此雜碎章句非邪法也以化万姓諸比丘輩不解我意見有書持讀誦之者謂此法言非佛真說起邪見想誹謗不信我已於前護比丘章說諸誹謗慙吝之過若見聞者唯應專修勿生不信見有行者恭敬禮拜如大師想可獲大福至得佛道佛又告普觀菩薩汝當宣布流傳此經至吾法沒莫效外道誹謗我法若起憍心即墮惡道况復毀此墮阿鼻地獄億劫無救今故宣示勿有謗毀佛說如是阿難長跪叉手白佛言演說此經當何名之佛語阿難此法名為灌頂章句宮宅神呪守鎮左右辟除邪惡使獲吉祥魔鬼敢當經阿難汝好宣傳使諸四輩廣宣流布利益万姓得入正法無諸邪曲佛說此經已會中人民外道梵志天龍八部悉得解悟各隨本願得道

不同聞佛所說歡喜奉行

灌頂經卷第五

癸卯歲高麗國大藏部監奏
勅彫造

佛說灌頂陀墓因緣四方神呪經卷第六常

東晉天竺三藏帛尸梨蜜多羅譯

聞如是一時佛在鳩尸那城臨欲滅度千二百五十比丘及諸弟子無央數衆諸菩薩僧數千萬億諸天龍神四方人民悉來集會於時末利伽五百人等同聲合掌竊問阿難如來涅槃云何殯葬賢者阿難即持此言胡跪合掌請問佛言如來般涅槃後云何殯葬五百末利伽及諸信心居士欲知此事惟願分別為我說之令諸弟子末利伽等當得處所具諸儀式與世間人令有差別

佛告賢者阿難汝可語諸末利伽及信心居士我葬之法如轉輪聖王法則無異賢者阿難復白佛言轉輪聖王葬法云何佛語阿難轉輪聖王命終之時王后太子諸臣百官用鮮潔白疊三百餘端以纏王身擣細末香以塗王身有三種棺第一棺者紫磨黃金第二棺者以鐵為棺第三棺者栴檀雜香以是三棺盛持王身灌以

蘇油香薪燒之火盡以後收取骨末
於四衢道頭露淨之處起于窣塔表
刹高妙高四十九尺以五色雜綵以
為幡号令四方人民見者悲喜思王
正治率化臣下我今聖王般涅槃後
欲為塋法亦復如是令十方人思慕
正法學我道言精勤苦行晝夜不廢
可得至道涅槃之樂

賢者阿難因復問佛言閻浮提界有
幾種塋法為今現在及未來衆生重
更問耳佛語阿難塋法無數吾今當
為略說少事示現未來諸衆生也我
此國土水塋火塋塔窣之塋其事有
三閻浮界內有震旦國我遣三聖在
中化導人民慈哀礼義具足上下相
率無逆忤者震旦國中人民塋法莊
嚴之具金銀珍寶刻鏤車乘飛天仙
人以為莊嚴衆伎鼓樂鈴鍾之音歌
詠讚歎用為哀樂終亡者身衣服具
足棺槨微妙香烟芬芬百千万衆送
于山野莊嚴山林樹木鬱鬱行行相
值無虧盈者墳栢茂威碑闕儼然人
民見者莫不歡欣

佛告阿難震旦國中又有小國不識真正無有禮法但知殺害無有慈心三聖教化遺言不著至吾法沒千歲之後三聖又過法言衰薄設聞道法不肯信受但相侵陵謗于國土欲滅三寶使法言不行破塔滅僧真言無用佛又語阿難震旦邊國諸小王輩所領人民不知有法不識真正言語難了無有音章命終已後欲塋之時棺槨盛持內著巖石室窟之中疾病之日開看骸骨洗浴求福使病得愈又有衆生命終已後無有棺槨取其尸骸置高閣上疾急之日下尸呪願以求福祐佛語阿難是諸衆生不了塋法三聖教化遺言不著故使然也我法中學欲修福時應當精進修行六度布施持戒忍辱精進一心智慧守行十善可得生天漸向無上正真道也不如外道殺生禱祀邪見修福洗浴死骸以求解脫無有是處

佛又語阿難此諸愚人不知修福殺衆生命喫諸邪魅魍魎鬼神求覓福德不能得也應當燒香散衆名華禮

敬十方三世諸佛為過命者悔過衆罪可得解脫憂苦之患

阿難又問佛言若人命終送著山野造立墳塔是人精魂在中與不佛言阿難是人精魂亦在亦不在阿難又問云何亦在亦不在佛言阿難其魂在者若人生時不種善根不識三寶而不為惡無善受福無惡受殃无善知識為其修福是以精魂在塚塔中未有去處是故言在阿難又言不在云何佛言阿難魂不在者或其前生在世之時大修福德精勤行道或生天上三十三天在中受福或生人間豪姓之家封受自然隨意所生又言不在或其前生在世之時殺生禱祀不信真正邪命自活詭為欺人墮在餓鬼畜生之中倍受衆苦經歷地獄故言不在冢塔中也佛語阿難又言在者或是五穀之精骨未朽爛故有微靈骨若糜爛此靈即滅无有氣勢亦不能為人作諸禍福靈未滅時或是鄉親新命殁人在世無福又行邪詖應墮鬼神或為樹木雜物之精無

天福可受地獄不攝縱橫世間淨遊人村既無天饒恐動於人作諸變恠扇動人心或有魃魅邪師以倚為神覓諸福祐欲得長生愚癡邪見殺生祠祀死入地獄餓鬼畜生無有出生時可不慎之

佛語阿難吾現王宮出生之时无量無邊恒沙衆生見我身者喜踊無量各隨本願悉得道跡吾得道時遍化諸國婆羅門居士在所人衆無不受道降為弟子無憍慢心今已周訖於此娑羅雙樹之間欲取涅槃使遺身舍利起諸塔廟用為饒益諸衆生故佛語阿難我今於此大衆之中廣說舍利福德因緣此舍利者雖如麻米各有威神我滅度後若有善男子善女人等至心思念欲起塔寺專心一意思念舍利舍利為感便得起塔以為供養遂其本心不違本願故言舍利雖如麻米大有威神若有善男子善女人等起于冢塔亦感四天三天雨三天細末種種雜香以用供養散此塔上緣此功德長得值佛不墮

八難積功累德至成正覺

佛又語阿難我滅度後不但末利伽香性婆羅門及八大王摩伽陀等起諸塔廟當有阿育王於吾滅後在此閻浮以是舍利一日之中起于八万四千塔廟我般涅槃舍利之骨於閻浮提廣作佛事

尔時如來說是羝塔垂欲周訖釋種童子從外而來往詣世尊脫屣却蓋五體投地胡跪合掌問訊世尊起居增損佛問釋種童子從何而來身蒙塵土顏色憔悴何所憂愁狀似怖悸釋種童子而白佛言我今躋至羝塔之上朝拜先亡瞻視山野忽為鬼神之所燒乱是故恐怖戰掉如是我今歸命於佛世尊施我法術令身安寧及餘一切無量衆生皆令離苦得安隱樂不為鬼神之所燒乱佛語釋種童子汝今日來此大衆中始為幾會五百末利伽及賢者阿難適問於我羝塔因緣始竟於今會汝復請法術妙義汝今當一心信受諦聽吾言佛語釋種童子一切羝塔皆有善惡鬼

神之衆釋種童子又白佛言邪塔之中何故有此善惡鬼神佛言童子如我塔者有真身舍利在此塔中四王諸神三十三天不問晝夜雨細末香散衆名華以用散灑邪塔之上作天妓樂以為供養又有善神摩醯首羅摩尸毘陀修陀修利捷陀八部鬼神五羅刹鬼神鬼子母神五百兒子不問晝夜常現威神以為護念我之邪塔不令邪惡異鬼神輩及惡衆生外道邪見欲毀壞者不令侵壞我之塔廟若有惡心來向此塔是諸鬼神以其神力塞諸惡心使惡衆生輩頭破作七分佛又告童子若我塔廟五百歲時人多供養無侵毀者九百歲時諸比丘輩不修齋戒設有修者但相嫉妬貪人利養不肯至心求吾真道於是塔廟小當毀壞護塔善神威勢轉少若出千歲當有比丘樂習兵法附近國王及諸王子輔相臣民以毀吾法因是以後當遇惡友斷滅吾法塔像毀壞無有神驗當知善神不復營護故使毀壞無人遮制是故當知

我之法化於是漸滅

佛告釋種童子吾滅度後所以窣塔毀壞者有七事乎一者善神不復營護二者吾法時自欲滅三者惡比丘輩手為非法四者不行律戒破犯所受五者更相毀謗以破吾法典六者四輩弟子學諸異道待書禁呪用為消伏不歸正法七者我法將沒當值惡王毀滅吾法破塔滅僧表刹不現當知吾法出千歲時災變如是釋種童子復白佛言凡夫窣塔何故有此諸鬼神輩而來依附佛答童子我已先說凡夫窣塔有精靈者皆是五穀之精魃魅幻化或橫死之鬼無所附著依以為靈或是樹木山林之精既無飲食往來人間作諸變怪恐動於人凡夫衆生聞見之者即便請福謂之為神釋種童子又白佛言當以何物而禁制之斷絕邪惡使精魅消滅毒氣不行得吉祥福

佛語釋種童子汝當諦聽專心念之吾有無上灌頂章句消滅鬼魅使魔無敢當者汝當誦念受持莫忘童子

問佛何等是也佛告童子諦聽諦受
灌頂章句其名如是

摩摩拘拘樓樓羅羅

毗毗樓樓羅羅

旃陀那伽摩世致

迦尼延豆尼延波那檀

嗚呼奴奴提婆蘇暮

摩頭邏支多羅斯那

軋沓波那羅王問尼沙

尼阿無連陀羅

鼻波密多羅樹塵陀羅

那閭尼訶外淨樓 輸支婆遮婆

佛告童子我今日結束方天王提頭

賴吒所領軋沓婆等九十一字為諸

凡夫而演說之汝當告諸四輩男女

羣塔所在誦是章句東方魑魅自然

消散不復害人獲吉祥福

阿醯那他瑟那頭毗舍離婆呵帶叉

鉢婆提提歌毗羅 帝婆婆呵若梨耶

迦毗羅攝婆那伽 阿陀伽摩天提伽

伊羅婆陀摩阿那伽 毗摩那伽多吽陀

餘那伽羅闍婆呵婆呵叉

提婆提羅帝毗取大迹闍

毗呵四婆嚩訶婆四

質多羅連和尼那末

阿樓由那伽羅唵阿四

修跋羅薩帝奴 阿伽佛 陀灑

佛告童子我今結是南方天王毗樓
勒灌頂章句伏諸惡龍吐毒害人今
已結竟令諸惡龍攝取毒氣使不得
行甌塔之處有灾恠時應當說是灌
頂章句即能辟除山海毒氣還其處
所不能為害

掘地跋聞訶諸

三物第訶修羅阿失陀

婆延地婆三婆四

伊第阿陀提婆摩天地

伽梨沙摩訶秘摩

阿修羅陀那秘羅唵

鞞摩質兜樓

修質諦麗婆羅訶梨

無夷連郵婆

舍梨阿細跋梨弗多羅

鞞鞞樓耶那那迷

薩那迷端婆梨細那

苾梨醯埵提豫婆由多他兜

佛告童子今結是西方天王毗樓博
叉所領鳩睺荼鬼使攝精魅喜嬈人
鬼使歛毒惡不害於人令得吉祥無
諸惱患惡魔等侶山精雜魅隱蔽
不現

跋樓菟娑尼世帝蘇珂耶貪呵頭
弥多羅婆伽羅那移婆阿邏婆摩天
梯與陀陀舍提舍伽伽子薩那難多
羅婆跋那伊地婆那陀阿醯捷大比
丘那婆米弟婆尼

鞞弩提步舍伽利阿醯地勇迷

那剎帝隸富羅息幾大阿陀蔓陀羅
鞞梅大蘇婆尼稍提婆阿陀梅富羅
翅大

佛告童子是為北方灌頂章句毗沙
門天王所領鬼神乳闍婆等山精雜
魅往來人所作諸變恠應當說是灌
頂章句精魅惡魔不能為害

佛告童子我今於此大衆之中臨滅
度時說是甞塔因緣譬喻令諸四輩
各得其所若諸賢聖四道果人及諸
凡夫甞塔之處皆應說是灌頂章句
護於四方不令他餘精魅鬼神善死

惡死橫死鬼神之所附著燒香供養
於冢塔上向是四方說是章句時諸
鬼魔輦各自馳散隱藏不現无有勢
力不得男子女人之便也釋種童子
復白佛言今日世尊已說冢塔因緣
之福甚喜無量今諸衆生得設供養
舍利流布於閭浮提廣作佛事善哉
世尊佛之舍利威神如是我等今日
快得供養及未來世諸衆生輦皆亦
復然廣設供養以為軌則

佛語童子諸賢聖塔盡有善神四天
大王龍神八部晝夜愛敬而無休息
常共守護不令毀壞凡夫冢塔无善
神護有諸山精雜魅鬼神之所附著
依因假託覓人飲食亦能復作種種
變已恐怖凡夫人愚者惶怖謂之為
神汝當正心莫效凡人以邪為正以
鬼為神汝當憶念我之所說灌頂章
句無上提持大神呪經若有恐怖遊
行冢墓為諸邪鬼嬈乱汝者即當說
是灌頂章句諸鬼魔輦即當破散馳
走而去

佛告童子汝與阿難於我滅後當廣

宣流傳此窣塔因緣普使聞知佛語童子若人面值於我以種種供養無所乏少不如有人於我滅後以此灌頂十二部鬼神呪持之王示於人民令其讀誦其福勝彼百千万分不及一也我結是灌頂無上章句十二部要雖不同時然欲利益無量元邊邪見衆生學習之者捨諸邪見積功累德漸得至佛道

佛告童子我說是語時三十三天皆讚善哉釋迦如來乃能憂念閻浮提人說種種法以用化導諸衆生故我等咸喜即以天華而散佛上及諸大衆無不見者佛說經竟比丘僧比丘尼清信士女無央數衆諸菩薩衆不可稱數蠢飛蠕動亦不可計天龍八部無不歡喜阿難整服更問世尊向所說者窣塔因緣及此四方灌頂章句更無異号佛言如是大會聞法靡不歡喜釋種童子礼佛而退

灌頂經卷第六

癸卯歲高麗國大藏都監奉
勅彫造

佛說灌頂伏魔封印大神呪經

卷第七

常

東晉天竺三藏帛尸梨蜜多羅譯

聞如是一時佛在舍衛國祇樹精廬與千二百五十人俱於時天尊在禪室中正正是長齋之始月十五日明星好時天帝釋及四天大王地下鬼神王臣長者國中吏民悉詣佛所各欲問其所疑天尊默然一無所說佛憐思念言一切十方無量衆生常處愚冥不識真正樂為魔事造諸邪見沒生死海誰能知者輪迴五道獨吾知耳心念是已便復閉目繫心寂定久久不覺天帝承佛威神知佛所念即起合掌前為作禮却在一面彈右手拍而覺佛曰欲有啓請佛於是覺問天帝釋曰欲何所問天帝釋稽首佛足長跪合掌而白佛言九十五種道法之中尚有文頭婁法况復世尊無上微妙寔勝法中而無此術唯願天尊顯揚方便化於愚冥未達道眼使得開解離諸危厄無量重病脫三界苦登泥洹道所問如是唯願敷演

佛告天帝釋善哉善哉諦聽諦受吾當為汝說大仙之法若是佛四輩弟子中有諸邪惡鬼神所嬈恐怖毛豎當先自存念汝身如我之像三十二相八十種好紫磨金色身長一丈六尺項背日光存想吾身已次復存念一千二百五十弟子次復存念諸菩薩僧存念是三想已又復存念五方大神一者名曰亶遮阿加其身長大一丈二尺著青色之衣吐于青氣住在東方二者名曰摩呵祇斗其身長大一丈二尺著赤色之衣吐于赤氣住在南方三者名曰移兜涅羅其身長大一丈二尺著白色之衣吐于白氣住在西方四者名曰摩訶伽尼其身長大一丈二尺著黑色之衣吐于黑氣住在北方五者名曰烏咀羅姪其身長大一丈二尺著黃色之衣吐于黃氣住在中央此五方之神各有眷屬一神王者有七万鬼神相隨逐也五方各有七万鬼神七五三十五万諸鬼神志來左右扶佐病者令免危厄過度諸難此鬼神王為人作護

令諸邪惡不得妄行

佛告天帝釋是為五方神王名字若
後末世四輩弟子危厄之日取上五
方神王名字及其眷屬寫著貞木之
上名為文頭婁法其義如是汝宣行
之天帝釋言貞木文頭婁縱廣幾許
佛言縱廣七七分天帝釋言何木取
勝佛言金銀玕寶取為上者次栴檀木
種種雜香以此為文頭婁形若有疾
病危難恐怖邪鬼往來中傷燒人者
當如前法存思三想及五方之神形
色相類使一二分明如對目前如人
照鏡表裏盡見如此成就無餘分散
專心一意病者除愈恐者安隱邪鬼
惡神無不辟除

胡言文頭婁者晉言

神印也此印所向之處無不致福却

諸惡前諸善若佛四輩弟子欲行此
神印之者先當洗浴身體著香潔之
衣札敬十方無量諸佛至真等正覺
持印之法左手擎之右手捉牛卷駞
魔之杖長七尺頭戴赤色咀魔押懺
神帽去病者七步閉口七息之頃令
存想成就存想成就已舉右脚為先還

向病者持此神印致病者身當曾上而安之若是女人復退還七步如前一意而立存五大神青氣之神吐青氣來入病者左手大母指中赤氣之神吐赤色之氣來入病者左足大母指中白色之神吐于白氣來入病者右手大母指中黑色之神吐于黑氣來入病者右足大母指中黃色之神吐于黃氣來入病者口中此五氣之神吐五種正氣入病人身中諸邪惡氣一時消散從臍中而出煒煒如煙辟如大風吹破雲雨能善持神印威力如是病苦除愈鬼氣亦滅佛語天帝釋五方神王常應存思其形相也皆盡被鎧甲持弓帶箭各隨其名位在印五方為病者作護不令他餘鬼神往來身中逐諸邪惡令魔退散不得留住其身中也

佛告天帝釋此文頭婁一切鬼神厭迹磨滅不得妄行非法之事此文頭婁印山令山崩倒印一切樹木樹木為之摧折印於河海源池泉水為之枯竭印向水火為之消滅若四方本

風吹揚塵土舉印向之即住不行舉印向地地為之動若諸方盜賊乱起之時舉印向之即便消散無復惡意皆生慈心兩作和解不相掠奪各還正治此大神王之印章有所向處無不為益印身中四百四病無不除愈若持此印者誦一章以為呪說佛又告言有一文頭曼七神名字印人宅舍為人作護除滅邪惡延延外鬼面百由旬各馳散而去不致當人也今我說之佛言九人所居處常有七鬼神為人作衛護何等是耶神名多賴哆神名僧伽履神名婆摩斯神名垣婆鄰神名曇婆羅神名弥輸多神名耆都舍是七神者印人宅中諸魔行惡心者聞見此神印即散而走若不去往來相疑迷頭破七分佛語天帝釋是七神王於我滅後護佛弟子逐諸邪惡不令得住汝當宣示一切衆生出入行來當當慎護是七神王以著心中莫有違犯若犯是神則便捨離人舍宅中也若佛弟子淨持齋戒是七神王常在左右為人作

福德擁護佐人四面惡鬼無敢近者
舍宅應以好色土牆而印門戶上好
函盛之繖蓋覆上諸神營衛惡魔退散
佛告天帝釋我今為諸衆生演此相
印略說少耳天帝釋聞佛演說文頭
婁歡喜無量稽首佛足長跪白佛言
我今欲承佛威神勅四天王并其神名
字為文頭婁法勸佐世尊唯願許可
佛言聽汝演說天帝釋即便前禮佛
足三自歸命歸命已訖語四衆言今
佛世尊聽我演說四王名字以護四
輦諸弟子衆舍宅四方攘災却禍逐
諸邪鬼遠於界內既已聽說今我
演之

東方天王名提多羅吒主諸災橫水
火變恠以神王名厭之吉

西方天王名毗留波叉主諸逆賊怨
家偷盜以神王名厭之吉

南方天王名毗留離主諸五溫疲勞
疫氣惡毒聞諍口舌以神王名厭之吉

北方天王名毗沙門主諸鬼魅魍魎
往來鬼神作災異者以神王名厭之吉
佛告天帝釋汝已能為未來衆生略

演灌頂大神印呪四王名字次第如是
今我釋迦牟尼多陀阿伽度阿羅
訶三藐三菩提順本諸佛各說灌頂
無相神印章句次第名字如是第一
維衛佛所說文頭婁無相章句次第
如是

怛署他安陀尼牟尼訶尼瞻波尼
探婆尼阿難陀阿婆陀阿婆摩
阿毗部攘

第二式佛所說文頭婁無相章句次
第如是

怛署他修摩那婆和呵摩他尼
頗陀尼闍婆羅阿僧伽摩伽利攘
第三隨葉佛所說文頭婁無相章句
次第如是

怛署他阿婆羅牟尼訶蓋闍訶難陀
蔚多羅提婆阿婆羅時哆阿婆尸瞿利
彌曇毗訶羅阿闍訶利陀攘

第四拘樓秦佛所說文頭婁無相章
句次第如是

怛署他伊利彌利只利嘻利
毗利阿利伽利攘

第五拘那含牟尼佛所說文頭婁無

相章句次第如是

怛署他 伊羅 弥羅 埏羅 毗羅

摩羅 伽羅 尼羅 穰

第六迦葉佛所說文頭婁無相章句

次第如是

怛署他 婆留 休留 沙留 拘留

周留 閤留 摩留 穰

第七我釋迦牟尼佛亦復順本如來

所說文頭婁無相章句次第如是

怛署他 頭毗 羅夜 摩訶 弥提

優呵 婆梵 婆陀 穰

佛告天帝釋我今為汝及十方衆生

說是灌頂無相章句諸佛如來不妄

宣說此四十九章句我今開此寶函

之中出此章句為未來世五濁衆生

貪著愛欲不樂正法多起邪見不行

十善令諸魔鬼之所得便若四輩弟

子危厄之日若欲說此無相章句當

以一氣存呼章句憶念莫忘至四十

九喚一章句如是次第四十九章句

皆亦如是此大章印無相功德能消

衆魔令獲吉祥

佛語天帝釋我結是伏魔印呪經時

有女人神居止雪山之東名曰阿利
陀有七百鬼神以為官屬作如是言
瞿曇沙門未說是章句封印呪經時
我等所在遊行心無怖懼今聞此印
經舉聲稱怨嗚呼痛哉何故今乎我
本昔時取眾生精氣以為飲食害於
人民而今不能燒於人也沙門福德
威神如是我等相將俱到其所作如
是言我久聞瞿曇名聲高遠今者又
聞章句封印大神呪經我伏我信敬
禮佛足長跪叉手我今歸命於天中
天願為弟子乞受戒法佛言善哉善
哉汝先世有福值遇見我時佛便授
阿利陀三歸五戒之法為清信女阿
利陀已受戒作禮白佛言我等官屬
七百鬼神護四輩弟子在所國土城
邑聚落奉法之處我當佐助令無伺
求得其便也阿利陀復白佛言我等
鬼神官屬七百常以精氣血肉為食
今日歸命於佛世尊既授戒法不殺
物命唯願天尊勅諸弟子法食之時
惠施少少飯食之餘阿利陀說此語
已世尊許可便於佛前得須陀洹道

佛告阿難吾去世後若有男子女人等輩行此灌頂十二部封印大神呪經時香汁塗地圓如車輪散好香華應然七燈燒婆香膠香安息香等以青銅鏡照曜五方使魔不得隱蔽其身復以七箭為神王信又言阿難阿利陀鬼神之中別有七神取大雄桀諸魔闔時獨伏羅刹見阿利陀以降信解亦於佛前合掌叉手復作誓願於佛滅後在所國土行此封印大神呪處我當作護佛言阿難若有男子女人等輩行此神典當造其形像以蘇油麩果而施與之若人久為邪鬼所病當行此印呪又持五穀灑散諸方行呪欲半取少飲食著一器中使一人捐置三道口復使一人於戶邊伺來還者以神呪水而灌前人師當一心並誦灌頂無相章句一氣呼誦一章句也四十九章皆亦如是呪欲竟時三說沙羅佉欲呪之時勿令邊有異人作聲語笑之事皆不得也若有惡魔憊嬈人者遠百由旬不害人也阿難問言此七神王其名云何佛言

一者名因臺羅二者名和林羅三者名波耶越羅四者名宋林羅五者名檀特羅六者名照頭摩羅七者名金毗羅佛言阿難此七神王於我滅後當護諸弟子不令諸小魔得其便也若施食時當作七聚淨草銅器悉令潔淨勿生慢心若非意起神王離體不護人也阿難又手白佛言世尊如來有所言說皆順正法今者說灌頂章句神呪封印危厄之人欲修行者而復賜與阿利陀鬼神飲食不當似外道邪見法也佛答阿難言若不解我意也吾所以施飲食者欲使阿利陀佐助四輩作威神耳

佛告阿難譬如王有他方怨敵欲來侵境王賜臣下諸將士輩種種甘饌蘇油石蜜美味之屬而復賜與種種衣被珍寶雜物然後討伐諸逆賊輩無不降伏退散歸本不相擾亂各還正治佛語阿難我今施與阿利陀飲食之具亦如王者賜諸將士無有異也令阿利陀降伏外魔及諸鬼神無不散滅馳走去者還其處所隱匿不

現阿難是灌頂章句大封印呪經利
益一切無量衆生是故稱歎名大章
句賢聖之句無上尊句出邪論句八
聖道句無邪曲句脫厄難句遠魔道
句解生死句除八難句解除身中四
百四病無不吉祥以是因緣名曰章
句佛說經已阿難即長跪叉手白佛
言世尊演說此經當何名之佛語阿
難此經名為天帝釋所問灌頂伏魔
大神呪經說此言已諸天龍王善鬼
神等及阿利陀七百眷屬四部弟子
聞經歡喜作禮奉受

灌頂經卷第七

癸卯歲高麗國大藏都監奉
勅彫造

佛說灌頂摩尼羅蜜大神呪經卷第八 常

東晉天竺三藏帛尸梨蜜多羅譯

聞如是一時佛在舍衛國祇樹給孤獨園與千二百五十比丘俱佛愍念世間天下人民為諸邪魅鬼神所惱佛便結是摩尼羅蜜大神呪經於是世尊便舉過去七佛名字以為經證第一維衛佛第二式佛第三隨葉佛第四拘樓素佛第五拘那含牟尼佛第六迦葉佛今我第七釋迦文佛

佛告阿難我今又舉是八大菩薩隨和菩薩羅隣竭菩薩憍日兜菩薩那羅達菩薩須深弥菩薩摩訶薩和和菩薩因立達菩薩和輪調菩薩是為八菩薩及五百開士佛告賢者阿難此諸菩薩有大誓願於我滅後五濁世中救諸厄人若為邪神惡鬼所持皆當一心呼其名字即不違本願為人作護令諸小魔自然消滅

佛又告賢者阿難我十大弟子各有威德智慧齊等悉皆第一我今結之各現其威神護諸四輩佛言阿難舍

利弗大目捷連大迦葉須菩提富樓
那阿那律迦旃延優波離羅睺阿難
若四輩弟子為邪惡所中者皆當呼其
名号為人除憂去諸厄難万事吉祥
佛告阿難有諸天子常樂佛法於閑
靜時來到我所我為說法各得道跡
亦作誓願於我滅後護諸四輩不令
邪惡得其便也四天大王提頭賴吒
天毗樓勒天惟睺門天毗沙門天忉
利天監摩羅天兜率陀天不憍樂天
化應聲天化自在天梵眾妙天梵輔
禰天摩訶梵天水行梵天水微梵天
水無量梵天水應梵天約淨天遍淨
天淨明天守妙天微妙天廣妙天極
妙天福愛天愛勝天近際天普觀天
快見天無結愛天色究竟天淨光天
普等天是為三十三天各現威神為
四輩弟子作大擁護辟除凶惡
佛告阿難我今說是三十五龍王名
字其所居處各在異國齊心等意以
其所翫龍宮珍寶摩尼雜珠以奉獻
我我為諸龍說其因緣業報之事各
於我所得法眼淨建大誓願於未來

世佛法滅時在所國土城邑聚落護
諸四輩令離危厄不為邪橫之所侵
害使万事吉祥

波覽摩龍王 阿梨伽龍王 因陀羅龍王
娑伽婁龍王 思普陀龍王 修陀利龍王
婆修只龍王 波利沙龍王 得叉迦龍王
伽婁盧龍王 阿梨伽龍王 沙梁瞿龍王
阿婆盧龍王 波利伽龍王 修婆睺龍王
那栗陀龍王 須弥弗龍王 苾闍陀龍王
質多斯龍王 那某古龍王 質多勒龍王
思利那龍王 只利弥龍王 難婁陀龍王
阿那俱龍王 憍陀俱龍王 水伽婁龍王
伽多俱龍王 達婆婁龍王 阿勒叉龍王
思羅婆龍王 茫伽婁龍王 毗大都龍王
跋陀羅龍王 摩根陀龍王

佛告阿難是諸龍王不可稱數我今
為汝及諸四輩略說三十五龍王名
字上首者也若有厄難恐怖之日令
諸弟子演其名字至心呼者立在左
右辟除邪惡万事吉祥

佛語阿難我昔遊化諸國土中有諸
神王強梁難化不受教者我悉降伏
令其受道既受道已皆作誓願我滅

之後後五濁世時護佛弟子不令諸
邪雜魅小鬼求人長短若有厄難恐
怖之日皆當一心呼其名号我今說
之灌頂神名一切善聽

大神將軍摩醯首羅

大神將軍墮沙俗羅

大神將軍金毗羅

大神將軍半耆羅

大神將軍和耆羅

大神將軍摩尼跋陀羅

大神將軍波提羅

大神將軍摩和羅

大神將軍羅剎陀羅

大神將軍鳩摩和羅

大神將軍修摩乳羅

大神將軍波迦羅

大神將軍因輪無羅

大神將軍因持羅

大神將軍和林羅

大神將軍波耶越羅

大神將軍宋林羅

大神將軍檀特羅

大神將軍式叉羅

大神將軍健陀羅

大神將軍軋頭羅

大神將軍弥佉羅

大神將軍軋朱羅

大神將軍摩油羅

大神將軍阿須輪羅

大神將軍隨沙門羅

大神將軍隨孫羅

大神將軍曷提羅

大神將軍母阿宿提

大神將軍母設婁陀

大神將軍女薩遮摩

大神將軍女毗藍婆

大神將軍女持瓔珞

佛告阿難是諸大神及神母女等三

十三王若四輩弟子橫遭難者呼其

名字令人得福万事吉祥

佛告阿難又有六万二十四鬼神亦

皆誓願於未來世五濁乱時在所國

土城邑聚落護諸四輩不令小鬼之

所得便使獲吉利我今說之其名如是

東方四鬼神恒署陀

鬼神疾佉 鬼神修涅多羅 鬼神不輪

鬼師伽毗羅

南方四鬼師怛署陀

鬼師斯睺 鬼師婆斯睺 鬼師傷伽

鬼師賴遮

西方四鬼師怛署陀

鬼師嚩利 鬼師嚩羅只 鬼師輪波羅浮睺

鬼師水和和利

北方四鬼師怛署陀

鬼師陀羅尼 鬼師陀羅多升 鬼師復度伽

鬼師波盧毗多

上方四鬼師怛署陀

鬼師浮摩 鬼師修浮摩 鬼師波由

鬼師夜摩

下方四鬼師怛署陀

鬼師根頭波 鬼師修摩 鬼師根陀

鬼師修利耶

佛告阿難我以略說諸佛名字菩薩

羅漢諸天龍善神及二十四鬼師名

字如是今當又說四山河海川谷并

衆有諸精魅喜行毒惡以害百姓汝

當正心誦是摩尼大神呪經并說山

海精魅名字若有行毒害百姓者各

使攝毒不復害人

佛告阿難國土之中四山河海有二
精魅鬼我今說之其名如是

一名深沙 二名浮丘 國中魅鬼
山中魅鬼 林中魅鬼 草中魅鬼
墓中魅鬼 冢中魅鬼 地上魅鬼
地下魅鬼 水邊魅鬼 水中魅鬼
空中魅鬼 市中魅鬼 死人魅鬼
生人魅鬼 飽死魅鬼 餓死魅鬼
渴死魅鬼 道中魅鬼 道外魅鬼
堂中魅鬼 堂上魅鬼 堂外魅鬼
簷邊魅鬼 四壁魅鬼 火中魅鬼
火邊魅鬼 身中魅鬼 身外魅鬼
飯時魅鬼 噎時魅鬼 金銀魅鬼
坐時魅鬼 卧時魅鬼 赤色魅鬼
黑色魅鬼 有長魅鬼 有短魅鬼
有大魅鬼 有小魅鬼 中適魅鬼
白色魅鬼 黃色魅鬼 青色魅鬼
斑色魅鬼 紅色魅鬼 紫色魅鬼
厭人魅鬼 夢中魅鬼 朝起魅鬼
步行魅鬼 飛行魅鬼

佛語阿難是諸山精溪瀆之中人間
作害若人知其名者喚其名字不能
害人吾故說是四十九鬼今吾更說

汝一心聽

佛告阿難有問人覓鬼擊人鬼鬼

喜鬪呼鬼大語言鬼有大笑鬼

有大戲鬼相叔打鬼相搏掇鬼

遶生門鬼噉人精鬼食人血鬼

屠人肉鬼喫人骨鬼拍人骨鬼

噉人五藏鬼食人腸鬼抽人筋鬼

縮人脉鬼壞人胎鬼使難產鬼

喜瞋惱鬼喜恚恨鬼持刀行鬼

持杖行鬼有汙穢鬼有仰行鬼

有叉脊鬼有反倒鬼有頸行鬼

有破髓鬼碎身塵鬼有疑阻鬼

有懸頭鬼有五掣鬼有鍾心鬼

有寒戰鬼有熱悶鬼有沙中鬼

有崗埏間鬼有健行鬼有舉手鬼

有摩頭鬼有白頭鬼有赤頭鬼

有黃頭鬼有斷頭鬼有吐火鬼

有恚燒人鬼有血光鬼

佛告阿難若人疾厄為此諸鬼所撓

害者當說其名字即當攝毒不能為

害還其處所隱匿不現

佛告阿難又四十九山精之鬼我今

說之令諸四輩離諸邪惡不復遭惱

百病除愈然害不生得吉祥福佛語
阿難山精之中五色精魅我今說之
其名如是

青色山精 赤色山精 白色山精
黃色山精 黑色山精 高大山精
卑小山精 廣大山精 無頭山精
無手山精 無脚山精 龍頭山精
蛇頭山精 馬頭山精 狗頭山精
虎頭山精 人頭山精 獾頭山精
鳥頭山精 銜火山精 火殃山精
蛇形山精 龍形山精 男形山精
女形山精 三脚山精 六手山精
九頭山精 三頭山精 四眼山精
四十九眼山精 三眼山精 聚會山精
歌樂山精 喜歡山精 愁憂山精
悲哭山精 跛脚山精 暗啞山精
歎吒山精 相拘牽山精 鬪爭山精
吐青毒山精 吐赤毒山精 吐白毒山精
吐黑毒山精 吐黃毒山精 兩頭共身山精
龜形山精

佛言是為四十九山精之鬼若四輩為
山精鬼所害者呼其名字即便攝毒
不得為害

佛言阿難國土四方山精雜魅惡鬼

伴侶水中雜精我今更說諸精魅鬼

火中魅鬼水中魅鬼水邊魅鬼

飄風之鬼東方青色鬼為惡夢鬼

為變恠鬼鳥鳴恠鬼百狩變恠鬼

有狐鳴鬼有鳥鳴鬼鼠鳴恠鬼

南方赤氣溫鬼白氣溫鬼青氣溫鬼

黑氣溫鬼黃氣溫鬼五注之鬼

青色注鬼白色注鬼赤色注鬼

黃色注鬼黑色注鬼墜床死鬼

喜為縣官鬼

金惕鬼薜荔鬼慳貪鬼

勤苦鬼病瘦鬼痛痒鬼

思想鬼身中鬼隆殘鬼

絆繼鬼有顛狂鬼有癡瞽鬼

呻吟鬼啼哭鬼困病鬼

虛耗鬼嫉妬鬼籬間鬼

籬上鬼門邊死鬼戶邊死鬼

魍魎鬼北方黑色鬼熒惑鬼

遊光鬼詐稱鬼斷人毛髮鬼

飲人血鬼怨家鬼故氣神鬼

蜚尸鬼伏尸鬼有樹上鬼

有樹下鬼溝澗死鬼屋上鬼

屋頭鬼 呪咀鬼 宮舍鬼
軍營鬼 停傳鬼 獄死鬼
囚死鬼 水死鬼 溺水死鬼
火死鬼 有客死鬼 有未葬鬼
有兩舌鬼 有惡口鬼 酒死鬼
有陷死鬼 有復連死鬼 市死鬼
道路死鬼 有渴死鬼 有凍死鬼
有兵死鬼 有藥死鬼 鎮死鬼
血死鬼 有碓死鬼 捕搏死鬼
有鬪死鬼 有絞死鬼 有自刺死鬼
有恐死鬼 强死鬼 逆煞死鬼
斷頭鬼 剪人毛髮鬼 有騎乘鬼
駕車鬼

佛言阿難中央及水中諸雜魅鬼我
今更說

步行魅鬼 逢忤魅鬼 山神魅鬼
樹神魅鬼 石神魅鬼 土神魅鬼
風神魅鬼 海邊魅鬼 海中魅鬼
槁梁魅鬼 宅中魅鬼 雜破器魅鬼
溝渠魅鬼 道中魅鬼 道外魅鬼
湖中魅鬼 夷國魅鬼 蠻國魅鬼
老國魅鬼 虜國魅鬼 中國魅鬼
越國魅鬼 百國魅鬼 百符魅鬼

馬行魅鬼 百虫魅鬼 溪中魅鬼
谷中魅鬼 門中魅鬼 戶中魅鬼
竈中魅鬼 竈上魅鬼 竈四邊魅鬼
注池魅鬼 廁中呪術魅鬼 遮道魅鬼
遮蓋魅鬼 不臣屬鬼 祇人頭鬼
帳中魅鬼 屏風間鬼 梁上魅鬼
室中魅鬼 使人嘔吐鬼 取屎尿鬼
客忤魅鬼 凶注魅鬼
佛言阿難是為六万四十九鬼汝當
一心為万姓故誦持是摩尼羅摩灌
頂章句摩訶神呪急難之日當齋戒
一心思念十方一切諸佛過去七佛
八大菩薩十大弟子五百開士十三
天諸大龍王善神將軍及鬼神等正
心一意莫念東西南北之事亦復莫
念家室之事觀是諸佛菩薩羅漢諸
天龍神善鬼神等觀念是已呼是諸
鬼神為人作護喚其名字即攝毒氣
還其所止不能為害即便獲得吉祥
之福

佛告阿難若有善男子善女人等須
習誦是摩尼羅摩灌頂大神呪時有
此事行不生誹謗何者是耶願聞其

事生信誹謗唯願天尊說是諸事佛言阿難有人聞是大神呪經不生誹謗有四事因緣一者從過去佛聞二者從善知識受三者直信不毀四者作菩薩道欲度群生生誹謗者又有四事一者不從佛聞二者不從師受三者無專信心四者无菩薩意以是因緣故生誹謗有如是不應授與佛語阿難若人信樂有前四事行不生誹謗汝當為說大神呪經傳度與人若有四事莫授與之令彼前人獲無量罪佛說是語竟阿難唯諾受天尊教

佛語阿難我既說是摩丘羅賈大神呪經甚深微妙灌頂章句十二部典不可妄授持與人也若有信心欲受之者師當一心如法度與師師相承受是章句法應七歲授與一人不得輕慢深妙神呪諸佛菩薩羅漢真人又為諸天善鬼神等之所守護不得輕度授與人也若有受者當如上法然後乃授是經法也今時衆中有一居士名曰善可問阿難言佛滅度後

出千歲時若有善男子善女人等疾
急苦惱欲讀誦是大神呪時法則云
何阿難言善可居士若人欲讀神呪
經者香花供養十方諸佛過去七佛
菩薩羅漢及諸天子善鬼神輩佛昔
教授得法淨眼已各自作誓於未來世
千歲之外魔道興盛佛法欲滅山海
魅鬼人間惡魔欲吐惡毒害四輩時
我當遊入聚落之中護僧伽藍四輩
弟子世尊今時許可讀善善鬼神等
皆悉胡跪作是誓願佛即可之鬼神
又言當為一切出家之人作大檀越
若有大嚫我者我即施僧是故我護
檀越施主唯願世尊勅諸弟子法食
之時施餘麤果佛亦許可阿難語居
士言此諸善神誓願如此常護佛法
四輩弟子若有善男子善女人等有
疾急之日欲行讀是灌頂章句大神
呪時應當如是案上科法散衆名花
燒種種香然千燈明施雜麤果酥油
石蜜得飲食已是諸善神為人作護
當讀誦是摩訶羅漢大神呪經便捷
獲得吉祥果報佛說經竟比丘比丘

尼優婆塞優婆塞諸天龍善神不可
稱數阿難頭面礼佛足四輩亦然歡
喜無量頂受奉行

灌頂經卷第八

癸卯歲高麗國大藏都監奉
勅彫造

佛說灌頂白五方龍王攝疫毒神呪上品經卷第九常

東晉天竺三藏帛尸梨蜜多羅譯

聞如是一時佛遊王舍大城竹林精舍與四部弟子眷屬圍繞天龍八部悉來集會佛為說法垂欲竟時於是阿難從坐而起齊整衣服稽首佛足長跪合掌而白佛言維耶離國癘氣疾疫猛盛赫赫猶如熾火中毒病者頭痛寒熱百節欲解蘇者甚少死者無數世尊大慈愍如群生願為救護使得蘇息不遭苦患病愈熱除復為說法使得至道

佛告阿難維耶離國中所以遭此疫毒病者是其國人多煞群生無有慈心以煞獵為業是諸麀鹿麋麋禽獸熊羆之屬有智慧者作是誓願願我來世墮鬼神中願為鬼殃銜火燒人有犯觸我者若煞若縛強取我者我當放火燒其山野及所居村舍於我有怨恚令被害令諸衆生不得蔽匿是故阿難當化導一切令其慈仁勿煞群生普慈一切受持禁戒行於十

善若能如此可得至道

佛又告阿難其世間人遭諸火殃或燒一家乃至五三十家或燒一里乃至五三十里或燒百里乃至五三千里或燒千里乃至五千万里如此因緣不可稱數與此衆生有業緣者必為火殃之所燒害是故不得避藏得脫以是因緣勿行煞獵化行十善可得至道

佛又告阿難此國中人又網水中鼃黿魚鼃雜類衆生不可稱數而噉食之以為美饍諸衆生等有智慧者各各懷忿願我後世墮大海中作毒蛟龍吐種種毒氣猶如雲霧以害維耶離國中人民食我肉者使病不死萎黃困篤從死得生煞我命者毒著便死我今先叙彼諸因緣然後請召五方諸大龍王勅語之曰莫令諸小毒龍害於人民各使攝毒還其處所解於罪福攝取惡毒不復為害令一切人民得離病惱無復厄難拔度生死得涅槃道阿難白佛唯願速說五方龍王名字隨方所攝諸小龍輩吐惡毒

氣害於人者使其撿校不行諸毒惟
耶離國受苦如是唯願世尊一一解
說令彼衆生得脫厄難解脫彼苦得
聞法音

佛告阿難汝當諦聽諦受東方青龍
神王其上首者名曰阿修訶七七四
十九龍王與領東方小龍伴侶七十
萬億山精雜魅毒病厄難皆當說其
名字護病者身能使小龍攝毒不害
病者使身中諸毒自然消滅病愈熱
除平復如本

佛告卽卽龍王三物都路龍王
娑攬摩龍王三物弗路龍王
因臺羅龍王婆伽樓龍王
摩伽婁龍王難陀那龍王
優鉢難陀龍王修陀利舍龍王
婆修只龍王德叉迦龍王
阿婁盧龍王婆婁盧龍王
伽婁盧龍王沙梁瞿龍王
思利易陀龍王思利健陀龍王
思利婆栗陀奴龍王
思梨毖陀龍王阿婆盧龍王
思婆盧龍王修婆瞿龍王

須弥瞿龍王 修弥弗多羅龍王
旃陀羅弗多羅龍王

那栗陀奴龍王 伽栗闍奴龍王
苾闍陀奴龍王 思普陀奴龍王
婆梨沙奴龍王 毗摩婁龍王
阿梨伽思梨沙龍王

婆伽梨思龍王 竭波思梨沙龍王
伽婆思梨沙龍王 無勒思利龍王
害垣思梨沙龍王
竭陀羅婆梨俱龍王

閼那栗陀龍王 質多斯龍王
質多勒叉龍王 那某旨龍王
阿羅婆婁龍王 某旨隣陀龍王
阿勒伽浮龍王 思利龍王
思梨祇吉龍王 攬菩盧龍王
佛告阿難南方赤龍神王其上首者
名曰那頌化提五七三十五龍王典
領南方五十一萬億諸山精魅鬼二十
萬億弊小龍輩吐毒氣者害於人民
令其攝毒莫復害於人民有得毒病
者皆當呼此龍王名字令諸百姓休息
安寧病消熱除龍王施命平復如本
只利弥龍王 阿那俱龍王

阿難陀婁龍王 害多蓋朱龍王
慢陀俱龍王 氷伽婁龍王
伊羅毖陀羅龍王 傷瞿龍王
阿婆羅婁龍王 阿多俱龍王
優婆伽多俱龍王 波羅提浮龍王
鄰羅耶菟龍王 達婆婁龍王
毗無龍王 阿勒叉龍王
思羅婆睺龍王 彊伽鄰龍王
思度龍王 薄耆龍王
思陀龍王 茫伽婁龍王
毗大都龍王 修波羅坵度龍王
毗羅婆奴龍王 陀羅難陀龍王
毖陀羅龍王 居弥陀婁龍王
修毖陀羅龍王 修梵陀羅龍王
波羅旃陀羅龍王 慢陀奴龍王
摩根陀羅龍王 陀婆伽羅龍王
徒菩比多俱龍王
佛告阿難西方白龍神王其上首者
名曰訶樓薩又提三十七龍王
典領西方九十萬億諸小龍輩及山
精魅鬼二十萬億有疾患者喚是龍王
名字之時是諸小龍各攝毒惡不害
萬民長得歡樂衆病除愈乎復如本

徒菩曾嘻多俱龍王

摩那利龍王 三 斯為多俱龍王

阿勒多龍王 敗兜多羅龍王

毖陀羅波兜龍王 牝頭毗龍王

安婆羅垺陀羅龍王

半陀修都龍王 提梨垺賴兜龍王

毗婁勒俱龍王 毗婁博叉龍王

毗舍羅摩龍王 奢伽某伽龍王

旃陀婆耶龍王 瞿陀無那龍王

半闍婁龍王 半闍周婁龍王

波羅獨都龍王 便頭龍王

優婆便頭龍王

佛告阿難北方黑龍神王其上首者

名曰郵業提婁四七二十八龍王與

領北方百億諸小龍輩及山精魅鬼

十三万億毒病疾厄恐怖之日喚是

龍王名字之時諸小龍輩各攝毒氣

不復害人万民安樂病苦消除衆善

補處平復如本龍王力也

波利俱龍王 只遮尼俱龍王

伽闍那俱龍王 深林婆俱龍王

某栗那瞿曇龍王 某羅摩奴須龍王

憇多羅摩寃婁龍王

阿摩菟婁龍王 佉伽婁那龍王
易陀羅俱龍王 慰多棋龍王
阿羅婆羅龍王 摩羅摩菟龍王
毗住龍王 伊他婆婁龍王
摩那思龍王 只羅哆俱龍王
伽毗盧龍王 思婆婁龍王
慰婆婁龍王 恒伽懼龍王
毘陀摩菟龍王 木叉俱龍王
婆羅木叉龍王 俱佛提龍王
甘婆羅思和婁龍王

伊羅弥丘龍王

難陀優婆難陀喻龍王

佛告阿難中央黃龍神王其上首者
名曰闍羅波提四七二十八龍王與
領中央諸小龍輦六十万億及山精
雜魅鬼十二万億若諸人民悲憂衰
惱變恠衆灾水火之厄諸恠屢生亦
當應寫上龍王名字各隨所主厭除
万恠令其消滅呼是龍王名字之時
是諸小龍山精雜魅即便隱毒不復
害人万民歡樂國土安寧雨澤以時
民無荒乱人王喜悅稱善無量
阿周都龍王 波利伽留龍王

修某丘阿施合龍王

健陀阿婁龍王 僧伽婁龍王

提梨弥阿婁龍王 固修訶龍王

部頭伽提部龍王 訶數薩伽提龍王

部僕提婁龍王 部速提龍王

薩迦陀部龍王 優耨薩龍王

禪然薩龍王 阿宿提龍王

娑伽羅龍王 和修吉龍王

阿那婆達多龍王 薩迦陀部伽龍王

優耨達龍王 禪然薩龍王

阿宿羅龍王 娑伽羅龍王

和修周龍王 阿那婆達龍王

摩那斯龍王 難陀龍王

毘難陀龍王

佛告阿難是為請召龍王名字如是

我勅諸方大龍王等及山精魅鬼攝

諸小龍五色之氣雲霧毒害侵陵万

民我以勅竟龍王受教魅鬼亦然便

攝小龍使不行毒害於人也龍王歡

喜受吾教命歡喜奉行

佛告阿難我說是五方龍神王竟於

此衆中誰能施行召五方一百六十

一諸龍王名逐諸小龍及山精魅鬼

便攝其毒不復得行燒於人民使諸
國土無諸苦者毒氣既除人民歡樂
我法興隆魔道隱閉諸毒消滅聖衆
能化靡不受行時佛世尊唱是語已
大衆寂然默無言者於是衆中有一
少年比丘名曰禪提從坐而起胡跪
合掌而白佛言世尊阿難今日於大
衆中請於如來說說是五方召龍神呪
世尊以說召龍王竟欲令諸比丘輩
宣天尊言使此法言流演世間禪提
比丘不以愚癡今當承佛威神之力
往彼維耶離大城之中說今如來所
說龍王無上神呪說是語已受天尊
教礼佛而去

於是禪提比丘往彼維耶離大國之
中救治人民諸疾病者悉得除愈百
姓歡樂喜慶無極如是漸漸國王大
臣長者居士豪姓之屬悉皆供養為
起精舍四事供養無所乏少人民無
憂毒氣不行

尔時是禪提比丘住是國中二十九
年以佛世尊所說召龍摩訶神呪化
導人民悉皆奉受常為四輩之所供

養乃至命終未曾休息是禪提比丘
命終已後諸弟子輩以香樵薪焚燒
其身收取舍利起于塔廟禪提比丘
命終之後毒氣復興疫病衆多死亡
者無數无人救療是諸人民作是念
言憶我本昔有禪提比丘誦說如來
召龍神呪設有病苦皆悉除愈今已
命過我今遭諸厄難誰救我者即便
奔趣往至禪提先精舍所往彼住處
見禪提比丘所嚼楊枝擲地成樹樹
下有清泉水諸人民輩即禮拜此樹
如見禪提在世無異折此楊枝取下
泉水還歸到家以楊柳枝拂除病者
以水灑諸病人輩悉得休息身體清
涼百病除愈於是國中國王大日長
者居士四輩人民有病苦者悉皆往
彼故精舍所取此楊枝并取泉水浴
洗病者灑散五方諸魔惡鬼毒氣消
亡辟除衆惡万事吉祥

賢者阿難語諸四輩言不但禪提比
丘行是神呪有効驗也昔南天竺有
一居士名曰求若先奉持五戒守行
十善亦復誦是如來所說召龍神呪

時世飢窮求若先居士遊他國土以求衣食漸漸遊行至迦羅葉國中往釋印迦羅越舍時是長者家門之中一百餘口為此雲氣毒病所羅得病之人有死有蘇居士既到諸有病者悉得除愈釋印迦羅越耳自得聞諸鬼神輦更相語言我前本時欲令此國疫氣流行病者使死不令得活今者遠方有神人居士從天竺來口中誦習如來所說召龍灌頂微妙法術我今當往無人之處擷取毒氣不能得行一鬼語言何故尔乎一鬼荅言迦羅越舍車屋之中有此神人誦習呪術本欲行毒而今不能不去何待若留在此為彼神人之所傷害

於是以後諸鬼神輦各各惶怖兩兩相牽三三相隨五五相逐馳走而去往彼山谷無人之處各自隱藏不現身形於是以後毒氣不行國中人民有病苦者悉得老愈國王流聞迦羅越舍有是神人即便嚴駕車乘往到其所到已前拜而問評言何來居士乃有如此微妙聖術居士荅言南天

竺來居士名何荅言求若先王將居士往到宮中七日七夜作倡伎樂而娛樂之設種種美饌金銀珍寶衣服數通而施與之求若居士為王說法亦教利喜王聞法音喜踊無量國中人民無不獲福王於是後遂與居士相將往到竹林精舍禮拜世尊作礼畢訖却坐一面佛為說法王及臣民靡不歡喜各隨本緣悉得道跡

於是阿難又告四眾今佛世尊說是灌頂召龍神呪不但為今維耶離也標心乃在像法之中千歲之末佛法欲滅魔道興盛當有惡王斷滅三寶使法言不通破塔滅僧五濁乱時為是當來諸眾生輩演說此法示於未聞普使宣傳流布世間人民受者不遭患難眾病除愈死得昇天

阿難又言諸四輩弟子若有國土有疾厄者橫為邪神諸惡龍輩及諸山精銜火燒人又吐惡毒氣侵陵万姓有此灾變不吉祥時當澡嗽口齒清淨受行齋戒不食五辛不得飲酒噉肉當礼敬十方諸佛懸繒幡盖請召眾

僧一日七遍轉是召龍大神呪經邪氣
雲除衆善集身解釋病者熱毒消除
病苦得愈得吉祥福賢者阿難又復
告言諸四輩弟子若疾厄之日當以
香泥泥地然十方燈散雜色花燒衆
雜香咒婁婆畢力伽沉水膠香婆香
安息香等燒是香時亦能使魔隱藏
不現不復害人即得吉祥万病除愈
佛說經竟四衆人民無不歡喜釋梵
諸天以好香花供散佛上以為供養
阿難問佛言說是語已當何名之去
何奉行佛言阿難此經名為灌頂召
龍大神呪經又名行經之人因緣奉
事經如法受持大衆人民天龍鬼神
聞經歡喜作禮奉行

灌頂經卷第九

癸卯歲高麗國大藏都監奉
勅彫造

佛說灌頂梵天神策經卷第十

常

東晉天竺三藏帛尸梨蜜多羅譯

聞如是一時佛在因沙崛山中與千二百五十比丘俱菩薩三萬人佛為天龍八部說法人民鬼神各隨業緣得道不同說法既竟於是梵王從座而起長跪合掌而白佛言世尊我於衆生有微因緣多歸依者又見人民悉受苦惱心中疑惑不能決了今欲承佛威神之力出梵天結願一百偈頌以為神策惟願世尊許可此事復作是言我常見諸異道輩九十五種各有雜術為人決疑而今世尊正覺寂上更無此法是故啓問惟願聽許佛言梵王善哉善哉汝能為未來五濁惡世像法衆生多諸疑惑信邪倒見不識真正汝既慈悲欲為說者嘉也梵王我助汝喜善也梵王隨意演說梵王聞佛讚歎策經歡喜踊躍即於衆中語四輩言今我梵王承佛威神演說卜經一百偈頌以示百姓決了狐疑知人吉凶今以偈頌而說卦曰

若聞佛咒經 百魅皆消形 舍宅得安隱
縣官不橫生 迴向無上道 梵天帝相榮
仕官得高遷 世世獲嘉名 既能有好心
不能平其本 供養不專一 功德日減損
前行已不善 改更亦不晚 今悉令吉利
祿位自然送 先身無福慶 是故墮罪中
不信於三寶 輕笑慢世雄 現世獲苦惱
從此致命終 積罪如丘山 業報真元窮
若欲覓福祐 懺謝燒衆香 帝釋常扶助
所向皆吉祥 疫毒自消除 至終無遺殃
世世享其福 得生昇天堂 恐此事不成
終為人所發 喪死非一人 哭泣弥年月
魔邪之所作 遂便從此沒 若能念三寶
更得無遺穢 汝常好情性 何故生怨惡
輕笑於沙門 謂之如寄託 世世得其報
終為邪所掠 出道逢官家 恒為吏所縛
念汝少孤苦 踰跼在道門 正心和順
勿令他生怨 報心無虧盈 祿位加子孫
安隱無疾病 當知梵天恩 既已墮罪中
又以罪誤人 殃法相結連 皆是宿世因
可共修正行 專意習精勤 保此得解脫
遠離地獄身 不欲行仁義 欺詐常為先
若入江海中 逢風不得前 縱逸隨流浪

風波覆其船 沉溺在水中 性命豈得全
既有嘉善心 又有好名祿 修於諸正行
世世蒙其福 安隱而無為 親友亦歡穆
發願無不果 所求皆應速 若欲遠治生
求貢諸財寶 莫行不慈心 中路見不好
專心念於佛 疾得無上道 世世獲果報
安隱壽得老 貢高作魔師 教人煞衆生
業報既無窮 一到入幽冥 邪鬼不能祐
禍橫百端生 可歸於三寶 能拔罪苦名
一子行五逆 為汝作禍灾 劫奪人財物
離散失骨髓 當在空野中 骼露不得埋
世世不見好 地獄中徘徊 已能有好心
便宜盡其功 何為寂寞住 徒勞守於空
若必成其願 受報亦无窮 世世所生處
常在天人中 所遇皆不好 每每不從意
此是心不淨 故與如斯事 不肯悔其過
將欲求何異 若能盡心持 祿官自然至
每見不良人 事事皆惡好 恐是罪未至
此榮非長保 一報墮地獄 出入生憂惱
世間愚劣人 意謂當至老 一身既獲好
親友亦忻忻 常見梵釋衆 與之為等隣
意業亦滋茂 道心亦日新 万物皆有報
豈不習精勤 遂為賊所得 剝奪失珍寶

奉法莫進退 如是致不好 從今可改更
敬崇於三寶 魔邪皆馳散 眾魅不能惱
汝昔有慈悲 割口飯餒人 羸老得救命
色力具足鮮 慙念眾生故 濟物常在貧
尋得歡樂報 當在明年春 奉法不堅意
迷惑信魔邪 邪見煞眾生 百魅皆得祠
墮罪入地獄 億劫無出時 悔過於三寶
解脫無狐疑 汝欲居此宅 大凶不可止
子孫多零落 灾火四面起 每每見不好
牛犢悉疫死 梵天語汝實 移可安隱耳
其福何燿燿 及致於鳳凰 騏驎為汝感
聖王亦來翔 難有世無雙 諸天散花香
得報獲其功 百事皆吉祥 造心既不清
梵天所不護 出門逢毒狼 坐自生禍故
大小手相向 晝夜懷荒怖 何不奉正真
自獲安隱度 等心施於人 獲報無窮已
相與種福田 減割於身已 慳悋懷貪惜
坐守財物死 布施持淨戒 世世從緣起
汝有嘉福田 後便致富貴 今現人所敬
德行亦鬱鬱 高顯而無比 眾中之大師
壽命亦延長 眾聖為等類 汝雖有廣慮
不知念無常 作善得其福 作惡得其殃
禮拜向三寶 供養散華香 釋梵相擁護

万事皆吉祥 是人福力多 每每蒙神護
所求自如意 無不安隱度 必無他險難
名聞亦流布 釋梵口所說 吉祥不相誤
汝有諸兒子 一子五逆惡 為汝作禍灾
恒為人所薄 撩亂生罪過 魔魅年來作
疾病不咒治 一以安湯藥 師有所言說
憶在不失忘 修作諸福德 魔邪自消藏
但當礼三寶 正念魔敢當 令汝得財寶
然後亦吉祥 種惡得其殃 合家悉疾病
困者非一人 乃得慮滅性 皆是先世因
所以致危命 若能誨今身 灾邪悉流迸
汝是不吉人 故使居此間 中有邪魅鬼
恒來相流連 三魂及七鬼 繫縛在空山
恍惚既不定 終當墮深淵 產乳悉通利
男女皆聰明 梵天說神策 魔邪不得生
專心向正覺 礼拜無虧盈 漸漸增其福
祿位自来榮 前可寄財物 本不令生長
何忽說欺誑 過失非一兩 可還此財寶
造經及形像 輕生輕慢心 必當墮羅網
五逆欺君父 謂之是長保 恐此有業報
世世生煩惱 意業所纏綿 是以不見好
子可自改心 歸命無上道
我念汝一身 颺薄在軍中 君主相護念

保令結始終

入陣常雄以勝

意勇必有功

此是梵天助

勢力長無窮

為人懷弊惡

坐此危身命

五逆誣君父

恒與財利覓

諸天所不護

兒孫悉流迸

善當學忍辱

莫恣於情性

莫信於邪師

欺誑多誤人

但自一心念

保離罪各身

今雖見不好

後當生福因

子可悔衆穢

正覺度苦人

汝欲貨雜物

所向皆吉利

但當勤精進

財物自如意

牛馬猪羊犬

長益而昌盛

疫鬼不得便

善神為汝記

雖言奉三寶

不行恭敬心

破齋毀經戒

言輒生醜音

輕慢於神明

罪報不可任

每行不善意

死入地獄深

汝家有十人

返逆無反覆

口舌相鬪亂

言音難盡究

治生不獲利

畜養不滋茂

懷惡終不滅

梵天所不祐

大義有此人

何為江湖間

可還入親里

自然得高遷

今日雖未獲

必當在來年

家室歡且樂

然後信梵天

汝常信罪福

及作不善事

空言畏无常

無修政更意

今者既不專

便不獲吉利

梵釋語汝實

慎勿生疑思

人能奉寂勝

正覺第一道

但當念經戒

魔邪不能惱

衆魔不能干

善神常相保

愛法如珠玉

入惡無不好

人欲奉三寶。端正却衆邪。意中不理盡。
魔邪悉來加。燒觸作諸恠。禍至必不賒。
灾耗連日生。負罪如恒沙。財物不可保。
分散理無常。慳貪懷嫉妬。世世受其殃。
慘惜不布施。坐守財物亡。欲避路無從。
是名不吉祥。自言信道德。精進常自守。
內心懷不吉。後身墮餓鬼。罵詈無本末。
謂師是老叟。傳語後世人。師恩不可負。
勤修於人務。福祿及子孫。如是之報應。
皆由宿世恩。出入常見好。流布於宗門。
世世所生處。梵釋相譁誼。神通有大小。
勿生不信心。人亦有貴賤。宿命所延任。
何故助小魔。貢高發疑音。但當平等觀。
子息如說林。所求多罣碍。疾病不能愈。
晝夜生憂惱。泣淚如雲雨。神策度世難。
梵天之所許。齋戒修法會。心求自得叙。
父母行不善。子孫多死亡。寂後生一兒。
復為人所傷。孤獨無依怙。泣涕痛心腸。
漸漸不吉利。尋復遇禍殃。子有好心行。
奉法悉具足。君主相護念。視之如珠玉。
正念皆如此。梵釋相警衛。是語皆謂可。
順從心所欲。此人勤精進。持戒又具足。
三歸五戒神。乃有三十六。常隨共擁護。

所願無毀辱 但當修善行 死不入地獄
迴邪奉正法 無不獲善報 壽命亦延長
財物不虛耗 世世蒙其福 吉利自然到
色力常鮮潔 吐氣亦清妙 雖欲信正覺
無有堅固本 奄忽遭禍橫 心中生退轉
邪師之所欺 煞生求增損 既不專一心
必不獲利返 夫人懷憂惱 必有不好想
財物從此散 棄減日增長 梵天說神策
患好無疑象 三界度苦人 解脫八羅網
煞生多天命 惡心亦如斯 剝奪人財物
惟得以為佳 此人億劫來 今身不自知
竊盜非好名 真是不足為 事師當如法
勿有懈怠辭 背叛設輕慢 罵詈生狐疑
灾厄從中生 卜易問良醫 禍害自然生
未有忻樂時 何不奉正法 歸命自發露
悔過洗惡心 無不獲濟度 心行既不定
不為神所護 宗室多死亡 夜見惡夢寤
所作輒不善 還自中其身 若能端正覺
解脫罪苦身 魔邪之所作 鬼魅之所親
僻僧好罵詈 動起及四隣 墮落於水中
魂魄隨流浪 作鬼屬河神 長有萍泊憂
苦謫不能堪 復還從家求 灾耗四面起
生見無盡休 前行作五逆 常不信正法

邪心逐異道 每事懷餘因 宗室相嫌恨
小語呼天神 怨對相牽引 衆墮地獄身
汝家多財物 呪咀更相欺 今日得重病
皆是宿生疑 湯藥不得行 此病不可治
大小乱相向 諸神不護之 六畜疫所害
非是人所治 皆從業緣報 綺語多所欺
不孝違師父 常輕懷狐疑 一到入地獄
億劫無出期 精進莫煞生 煞者心不仁
後罪短命死 不得復人身 拘羅諸罪過
苦惱不生忻 正念不放逸 專心畏於神
軍中何足貪 刀兵若在頭 四面無所見
惟有諸鬪醜 但當念道德 何能為他憂
保還得安隱 不使空勞軀 汝前取婦時
相視如鴛鴦 和合共為家 必令保久長
不悟忽中道 便欲相夫傷 鬪諍不脫時
財物亦消亡 正覺久滅度 沙門承遺教
苦行修功德 受訓金顏貌 濁世罪衆生
輕賤為末効 百事不吉祥 坐生諸殃考
夫欲修仁義 皆應淨心行 常念於正覺
世世不遭橫 三界拔苦惱 宗族蒙福慶
自歸無上道 所生值衆聖 常念受罪人
獲報得命天 不見好可論 禍害相纏繞
衆魔共燒試 邪心增其表 煞生祠諸鬼

業報真不少 改更歸魔道 必當破汝家
子孫多疾病 恒與官相羅 治生不得利
無事生罪瑕 緣汝業行惡 誤計信於邪
所作不如法 恒與惡相連 所求垂應得
忽便致流遷 往往非一事 悉是罪所延
禍至亦不賒 必當在來年 專心既無定
夜卧生夢寤 惟見罪自纏 不見受福路
財物悉流散 傾家無歸訴 若能奉正覺
終身不遭遇 一母生十子 房室各各立
長大異計業 毫利不相及 恩愛起鬪亂
財色致憂悵 兩舌相誹謗 縣官相連習
常見愚劣人 不信於三寶 縱逆無所畏
煞生而無道 怨對自在近 不得終耆老
若能不為此 每事無不好 念此無知人
飲毒求自活 煞生倒祠神 意怙為恃賴
返逆不恭敬 適意以為快 天神不營護
衆魔作禍害 車牛出入行 前後皆吉利
神母與汝願 所作悉如意 但當弭目心
勿思衆魔事 所向無罣碍 位官自然至
善行多恩福 祿位自顯昌 常無疾病憂
所作皆吉祥 遊處他方土 善神自扶將
親友蒙其祐 樂報真未殃 疾病當除愈
魔鬼不能加 善心向三寶 福祿自無遐

功德漸漸勝 流布宗室家 正真定可修
莫信於衆邪 但當念修善 慎勿行五逆
雖為吏所呼 縣官不能責 慈心念清淨
能拔諸憂厄 如水洗塵滓 惡氣無遺跡
何忽壞道心 邪行以自立 輕慢於三寶
謂言是不惡 世世受其殃 相見輒號泣
念子獲其報 地獄實難入 五逆無所知
至老無兒息 倒祠天下神 十方皆同極
遂不果其願 魔魅所隱匿 乃至世世生
不得所求力 勿與惡人好 致令生閻譚
呪咀汝兒子 禍熾如火盛 遂為灾所害
危厄見身命 三寶可歸心 梵天懷欽誅
念此孤遺子 一身在軍中 遠離舊鄉土
道邇逐異風 雖在他封境 梵釋所興隆
言歸保安隱 親友亦歡顯 慎莫懷憂惱
福德至無窮 官祿自到前 更生昇天宮
咸同識宿命 皆習衆聖風 庠序而無為
積福致興隆 莫作不善行 信義當溫厚
積財不欲施 諫言不肯受 奴婢作口舌
無事生怨各 慳貪所結縛 竊盜言無有
汝欲結姻媾 才伎不具足 既無好行迹
夫豈不拘錄 常懷輕賤心 每言輒毀辱
進退无宜體 怨恨聲相續 何意相聞諍

口舌紛紜生 縣官吏卒起 憂苦輒身嬰
悔過滅罪垢 梵釋常相營 命終昇天堂
善神悉來迎 花色不久停 會當有萎落
人生如電過 恒恐奄忽著 憂畏長時有
歡樂暫纏縛 暫娶嘗及吉 必好莫前却
汝昔有恩福 神明所祐佐 令汝有男女
強健無軼軻 不能重修善 還奉正真化
必當獲福利 跡行無穢汙 汝昔歸三寶
至心皆清淨 中為人所誤 迴心向邪影
意業起煩惱 邪心自然棄 還返向正真
梵天乃捻領 前世無福田 今身不獲好
所作不吉祥 終日懷憂惱 罪報既無窮
可歸於三寶 持戒不毀犯 自致無上道
愚癡不信法 縱逸無所畏 百苦纏身形
出輒遇禍崇 誹謗說人惡 善事則隱諱
五逆無慈心 後墮畜生類 精勤奉正真
晝夜修六度 齋戒消魔鬼 功德亦流布
行善無惡緣 戒神常擁護 梵天說神策
吉祥不相誤 汝欲入山林 求取諸異藥
直心行四等 豺狼為退却 伏藏及珍寶
悉令汝經略 善神相營衛 不令有遺落
汝欲案礼法 惡子嚴教呵 朝夕礼三寶
情性令柔和 譬如有大樹 覆蔭其衆多

汝莫自促促 保令事無他 人生於世間
各有宿身緣 負債作奴婢 罪根相牽連
以償其宿罪 世世有對冤 斯由宿身來
積行相纏綿 若能專精進 便當守一心
世世得福報 終不入魔林 現在無罪垢
功德日滋深 子孫樂相向 祿位自來任
子欲遠治生 慎莫信他語 但正一心念
釋梵為等侶 所求自如意 大利天當與
存情向三寶 衆聖之所許 慎莫作偷盜
偷竊非好名 貪心取他物 後報作畜生
以償其宿罪 輪轉靡不經 出入不自由
鎖械其身形 得善無惡緣 戒神常擁護
梵天說神策 吉祥不相誤

佛語梵天大王汝今以為一切人民
說此神策竟利益一切功德不少令
諸疑惑各得開解我今當演善神灌
頂章句以為勸助若有人民間策之
者或信不信令得正念使一切魔不得
破壞生嫉惡心設有惡意自然消滅
說是語竟梵王請佛惟願說之於是
世尊即說灌頂無上偈頌神名如是
地神畢栗締毗
水神阿婆提婆多

火神帝沙陀提婆哆

風神婆由馱提婆哆

山神阿迦奢提婆哆

三頭神垣梨尸棄提婆哆

六眼神毗摩提婆哆

五頭神般闍尸棄

佛告阿難梵天大王等若四輩弟子
欲為人行此神策法時當以竹帛書此
上偈以五色絲作囊盛之若欲卜時
採取三策至于七策審定無疑漂漱
口齒莫食酒肉及噉五辛出策之法
不得過七人後設探者衆事不中不
護人也梵王說已佛於衆中印可善
哉四衆聞說梵王神策淨心歡喜作
禮奉行

灌頂經卷第十

癸卯歲高麗國大藏部監奉
勅彫造

佛說灌頂隨願往生十方淨土經 卷第十二 常

東晉天竺三藏帛尸梨蜜多羅譯

聞如是一時佛在鳩尸那竭國娑羅
雙樹間。今時世尊般涅槃時。十方國
土無央數衆天龍八部悉皆悲號歎息。
禽獸雜類悉皆如是。來到佛所稽首
作禮畢。訖却坐。世尊告曰。若有疑者
今皆當問。正覺滅度多所矜愍。設有
問者。為究竟說。

今時他方國土有一菩薩名曰普廣。
從座而起。稽首作禮。而白佛言。四輩
弟子臨終之日。若已終者。願欲往生
十方國土。修何功德而得往生。

佛告普廣。菩薩摩訶薩。汝能愍念四
輩弟子及未來世諸衆生等。問此願
生因緣之福。汝今諦聽。吾當為汝而
演說之。

佛告普廣。菩薩摩訶薩。若四輩弟子
若臨終時。若未終者。願生東方香林
剎者。其佛号曰入精進菩薩。無央數
國土莊嚴。若人臨終之日。願生彼者。
隨願往生。

佛告普廣菩薩摩訶薩若有善男子
善女人等臨終之日願生東南方金林剎
者其佛号曰盡精進菩薩無央數國
土莊嚴若人臨終願生彼者隨願往生
佛告普廣菩薩摩訶薩若有善男子
善女人等臨終之日願生南方樂林剎
者其佛号曰不捨樂菩薩无央數國
土莊嚴若人命終願生彼者隨願往生
佛告普廣菩薩摩訶薩若有善男子
善女人等臨終之日願生西南方寶林
剎者其佛号曰上精進菩薩无央數
國土莊嚴若臨終時願生彼者隨願
往生

佛告普廣菩薩摩訶薩若有善男子
善女人等臨終之日願生西方華林剎
者其佛号曰習精進菩薩无央數國
土莊嚴若人臨終願生彼者隨願往生
佛告普廣菩薩摩訶薩若有善男子
善女人等臨終之日願生西北方金剛
剎者其佛号曰一乘度菩薩無央數
國土莊嚴若人臨終願生彼者隨願
往生

佛告普廣菩薩摩訶薩若有善男子

善女人等臨終之日願生北方道林剎者其佛号曰行精進菩薩無央數國土莊嚴若人臨終願生彼者隨願往生佛告普廣菩薩摩訶薩若有善男子善女人等臨終之日願生東北方青蓮剎者其佛号曰悲精進菩薩無央數國土莊嚴若人臨終願生彼者隨願往生

佛告普廣菩薩摩訶薩若有善男子善女人等臨終之日願生下方水精剎者其佛号曰淨命精進菩薩无央數國土莊嚴若人臨終願生彼者隨願往生

佛告普廣菩薩摩訶薩若有善男子善女人等命終之日願生上方欲林剎者其佛号曰至誠精進菩薩無央數國土莊嚴若人臨終願生彼者隨願往生

佛告普廣菩薩摩訶薩若四輩男女臨終之日願生十方佛剎土者當洗除身體著鮮潔之衣燒衆名香懸繒幡盖歌詠三寶讀誦尊經廣為病者說因緣譬喻言辭微妙經義苦空非

身四大假合形如芭蕉中無有實又如電光不得久停故太色不久鮮當歸敗壞精誠行道可得度苦隨心所願無不獲果

佛又復告普廣菩薩摩訶薩十方妙土通洞無窮不可度量諸佛如來所居淨土亦復無量不可稱數今我於此大衆之中為諸四輩未來之世像法衆生說是十方諸佛國土及佛名号不可稱說略演少耳普廣菩薩摩訶薩又白佛言世尊十方佛刹淨妙國土有差別不佛言普廣無差別也普廣又白佛言世尊何故經中讚歎阿彌陀刹七寶諸樹宮殿樓閣諸願生者皆悉隨彼心中所欲應念而至佛告普廣菩薩摩訶薩汝不解我意娑婆世界人多貪濁信向者少習邪者多不信正法不能專一心亂無志實無老別令諸衆生專心有在是故讚歎彼國土耳諸往生者悉隨彼願無不獲果

普廣菩薩復白佛言若四衆男女若命未終若已終者我今當勸修諸福

業得生十方諸佛刹也佛言善哉普
廣菩薩摩訶薩隨意教導十方人也
普廣菩薩語四輩言若人臨終未終
之日當為燒香然燈續明於塔寺中
表刹之上懸命過幡轉讀尊經竟三
七日所以然者命終之人在中陰中
身如小兒罪福未定應為修福願亡
者神使生十方無量刹土承此功德
必得往生亡者在世若有罪業應墮
八難幡燈功德必得解脫若善願應生
父母在異方不得疾生以幡燈功德
皆得疾生無復留難若得生已當為
人作福德之子不為邪鬼之所得便
種族豪強是故應修幡燈功德諸過
命者修行福業至心懇惻應代亡者
悔過眾罪罪垢即滅為亡者修福如
餉遠人無不獲果譬如世間犯罪之
人心中思惟望諸親屬求諸大力救
其危厄今日燒香望得解脫為亡者
稱其名号修諸功德以福德之力緣
是解脫亦復如是運生十方無願不得
普廣菩薩又白佛言若人在世不歸
三寶不行法戒若其命終應墮三塗

受諸苦痛其人臨終方欲精誠歸命
三寶受行法戒悔過罪疊發露懺謝
改更修善臨壽終時聞說經法善師
化導得聞法音欲終之日生是善心
得解脫不佛言普廣菩薩摩訶薩若
有男子善女人等臨終之時得生此
心無不解脫衆苦者也所以者何如
人負債依附王者債主便畏不從求
財此譬亦然天帝放赦閻羅除遣及
諸五官伺候之神反更恭敬不生惡
心緣此福故不墮惡道解脫厄難隨
心所願皆得往生

普廣菩薩復白佛言又有衆生不信
三寶不行法戒或時生信或時誹謗
或時父母兄弟親族卒得病苦緣此
命終或墮在三塗八難之中受諸苦
惱無有休息父母兄弟及諸親族為
其修福為得福不佛言普廣為此
修福七分之一中為獲一也何故尔乎
緣其前世不信道德故使福德七分
獲一若以亡者嚴身之具堂宇室宅
園林浴池以施三寶此福最多功德
力强可得拔彼地獄之殃以是因緣

便得解脫憂苦之患長得度脫往生
十方諸佛淨土

普廣菩薩復白佛言若四輩男女善
解法戒知身如幻精勤修習行菩提
道未終之時逆修三七然燈續明懸
繒幡蓋請召衆僧轉讀尊經修諸福
業得福多不佛言普廣其福無量不
可度量隨心所願獲其果實普廣菩
薩白佛言世尊若四輩男女若臨終
時若已過命是其亡日我今亦勸造
作黃幡懸著刹上使獲福德離八難
苦得生十方諸佛淨土幡蓋供養隨
心所願至成菩提幡隨風轉破碎都
盡至成微塵風吹幡塵其福無量幡
一轉時轉輪王位乃至吹塵小王之
位其報無量燈四十九照諸幽冥苦
痛衆生蒙此光明皆得相見緣此福
德拔彼衆生悉得休息

佛告普廣若四輩男女若行齋戒心
當存想請十方僧不擇善惡持戒毀
戒高下之行到諸塔寺請僧之時僧
次供養無別異想其福取多無量无
邊若值羅漢四道果人及大心者緣

此功德受福無窮一聞說法可得至道無上涅槃

佛告普廣及大眾人民天龍八部諸鬼神等各各諦聽思惟吾言我今欲於此大眾之中說鄒舍長者本昔因緣罪福之事此大長者居羅閱祇國恒修仁義飢窮乏者沙門婆羅門諸求索者悉欲供養無所遺惜父母大慳無供養心長者有緣行至他方晨朝澡洗著衣結束已畢跪拜父母又手白言今有緣事往至他方有少財物分為三分一分供養供給父母一分珍寶施諸沙門及貧乏者餘有一分自欲持行父母言受於兒行後修諸福德若有人來從求索者悉當施與於是長者便辭父母遠至他方如是去後父母邪見無念子心沙門婆羅門及貧乏者往乞向慳貪邪見無施與心子行去後若干日數應還到舍父母計其應還歸家往到市所取猪羊骨頭蹄膏血果蔬雜穀持散家中鄒舍長者從遠方還見其父母歡喜無量接足禮拜問訊起居父母

亦復歡喜踊躍語鄰舍言我於汝行
後為汝設福沙門婆羅門國中孤老
貧窮乞者以汝財物悉施與之兒聞
設福布施貧乏心大歡喜又語兒言
我亦復請諸沙門設福始竟今日家
中草穢狼藉猶未掃除兒見狼藉相
貌如是信其父母為設福德倍復歡
喜踊躍無量又後之間父母衰老得
諸病苦便即命終鄰舍即便殯殮屍
骸安厝粗畢從父母命終轉讀尊經
燒香禮拜歌詠讚歎無一時廢責于
三七經聲不絕作是思惟我父母在
世極憂念我多修福德今我又復請
諸聖衆想我父母緣此功德故應往
生十方刹土供養恭敬面見諸佛
於是鄰舍忽得重病奄奄欲死唯心
上暖家中大小未便殯殮至七日後
乃得蘇解家中問言鄰舍長者病苦
如是本死今蘇從何而來長者鄰舍
語其家言我數日來善神將我示以
福堂無極之樂又到地獄靡不經歷
眼中所覩唯苦痛耳今我又見餓鬼
住處所生父母在中受苦見我來看

悲踴懊惱欲求免脫不能得出我思
父母在世之時大修福德意謂生天
而更墮在餓鬼獄中受諸苦惱都舍
長者說此語已向其家中懊惱流淚
我今家中當作何方功德之力拔我
父母使得解脫都舍長者又自思惟
我父母昔病苦之時大修福德欲終
未終及命終已然燈續明轉經行道
齋戒一心乃至三七未曾懈廢而今
父母而更生此罪苦地獄必當有意
便問親族及諸耆宿耆宿答言我不
了此深妙之事可往諮問佛世尊也
於是長者便往到佛所頭面作禮胡
跪合掌而白佛言欲有啓請唯願世
尊慈愍不惟佛言便說長者都舍說
向因緣父母在世常修福德及命終
後為供三七至安曆畢謂言生天而
更墮在地獄中已向耆宿耆宿不了
今故問佛為我決疑緣我重病奄便
欲死七日乃蘇善神將我經歷地獄
靡不周遍以是因緣得見父母在苦
劇地修福如此而更墮罪不解所以
今故問佛唯願世尊解釋我疑修何

福業令我父母解脫厄難不遭苦患
悉得生天封受自然快樂無極得涅槃道

佛語長者汝一心諦聽我之所說汝
前欲行往至他方留財寶物與汝父
母令汝父母修諸福德父母邪見欺
誑於汝實不修福妄言為作修諸福
緣以慳貪故墮彼地獄長者聞佛神
口所說疑惑永除作如是言是我之
過非父母咎即於佛前代其父母悔
過此罪慳貪之殃長者父母於彼地
獄小得休息

佛語長者今我借汝天眼使汝得見
父母休息長者於是承佛威神見其
父母皆得休息邨舍長者又白佛言
今者又當作何福業使我父母解脫
彼苦佛語長者今請諸聖衆安居三
月行道欲竟可還家中作百味飲食
之具種種甘美以好淨器盛持供養
及好衣服種種華香金銀珍寶雜碎
供具以施於僧令汝得福使汝父母
解脫此難不復更受餓鬼形也
長者邨舍即如佛言還家供辦不違

尊教作供養已緣此生天封受自然
無為快樂汝今欲見汝父母所生宮
殿處不今更以威神令汝得見不復
受亡長者承佛威神之力見其父母
生在天上諸天娛樂自在隨意无復
望尋佛告那舍罪福如是不可不慎
如長者眼所見心所聞故言自作自
得非天與人如長者父母雖在餓鬼
其罪小輕一切餓鬼受罪甚重不可
具說長者父母其罪輕者有小福德
扶接使令長者修福竟于三七日於諸
餓鬼受罪輕也所以然者前章中言
若人在世不識三寶不修齋戒無善
師教過命已後兄弟父母親屬知識
為其修福七分之一中為獲一也是故
長者父母有罪雖在地獄餓鬼之中
受罪輕者緣修福故七分獲一今修
福德供養眾僧以是因緣解脫眾難
故得生天

佛告普廣菩薩摩訶薩若人未終臨
終之日若已終竟又是終日父母親
族知識朋友為命終者修諸福業齋
戒一心洗浴身體著鮮潔之衣一心

禮敬十方諸佛又當稱揚十方佛號
別以華香供養諸佛可得解脫憂苦
之患得昇天上證泥洹道

佛告普廣菩薩摩訶薩若未終時禮
拜十方諸佛命終之人所生之處常
得值佛千劫万劫億万劫數重罪之
殃無不得脫亦復當為說是灌頂無
上章句三世諸佛天中之天各皆順
奉三世如來說是無上持持章句普
廣菩薩摩訶薩汝當諦聽我今為汝
及一切衆生諸病苦者若其臨終若
已終竟復是終日間此章句所生之
處當得見佛不墮八難遠於惡道於
是世尊在大衆中宣說諸佛无上章
句即作偈頌而說之曰

波利富樓那 遮利三怛陀 達舍尼羅佉
摩訶毗羅訶 伽帝三怛陀 毗陀摩伽帝
摩訶伽利波 波帝婆伽陀 娑婆婁伽提
修鉢利富那 阿利那達摩 摩訶毗波提
帝利毗波伽 修勒波僧祇 毗帝三博叉
毗鼓三怛陀 達尼佉羅陀 阿利摩羅多
佛語普廣菩薩摩訶薩是為灌頂無

上章句必定不二解除亡者無量罪
厄令過命者得生天上隨心所願往
生十方此大章句真實之言在所生
處常見十方微妙淨土若在世時應
當受持如是章句齋戒一心為過命
者七日七夜受持八禁長齋菜食乳
敬十方諸佛世尊當發大誓願我獲
得僧鄒僧涅諸衆生輩使向無上正
真大道

尔時世尊說是語已告諸大衆善男
子善女人等及天龍八部一切鬼神
汝等衆輩聞說十方淨佛國土復聞
說是鄒舍長者因緣罪福生信心不
普廣菩薩復從坐起白世尊言說是
十方諸佛淨土無量功德莊嚴快樂
復得聞是鄒舍因緣世尊又說衆事
因緣甚善心大歡喜踊躍無量世尊
說是多所利益後世衆生緣此解脫
以為軌則不復貪恡資生之物聞此
經言但生施心無所愛惜隨意施與
貧乏使足國土豐饒施心平等如是
漸漸積功累德悉成佛道

普廣菩薩摩訶薩又白佛言若四輩

男女欲修學是願生淨土灌頂經典

有幾事行得此經法佛言普廣有十
二事可得修學是經典也一者不信
九十五種邪見之道二者堅持禁戒
至終不犯三者勤學禪定教未學者
四者忍辱不瞋見惡不惱五者常樂
布施愍念孤老六者常勤精進晝夜
不懈七者若行來出入朝拜塔像及
諸尊長然後捨去八者合集衆人為
作唱導普得信心九者不貪世榮衣
服伎樂資生之物常好苦行依四依
法十者行此法時無所怖望但欲利
益諸衆生輩不於其中怖人利養十
一者至終不諂邪命自活十二者行
此經時不擇富貴豪樂之人貧苦求
者等心看之無有異想是為十二正
化之事時普廣聞此心大歡喜我當
奉行至終不犯

佛說經竟是諸大衆無不歡喜阿難
因從坐起演說法竟當何名之佛語
阿難此經名為普廣所問十方淨土
隨願往生亦名部舍罪福因緣又名
灌頂無上章句佛說是經已四衆人

民天龍八部聞佛所說作禮奉行

灌頂經卷第十

癸卯歲高麗國大藏都監奉

勅彫造

佛說灌頂拔除過罪生死得度經卷第十二 常

東晉天竺三藏帛尸梨蜜多羅譯

聞如是一時佛遊維耶離音樂樹下與八千比丘衆菩薩三万六千人俱國王大臣人民及諸天龍八部鬼神共會說法於是文殊師利法王子菩薩摩訶薩承佛威神從座而起長跪叉手前白佛言世尊願為未來像法衆生宣揚顯說往昔過去諸佛名字及清淨國土莊嚴之事願為解說得聞法要

佛告文殊師利善哉善哉汝大慈無量愍念罪苦一切衆生問此往昔諸佛名字及國土清淨莊嚴之事利益一切無量衆生度諸危厄令得安隱汝今諦聽諦受善思念之吾當為汝分別說之衆坐諸菩薩摩訶薩无央數衆及諸應真國王長者大臣人民天龍鬼神四輩弟子皆各默然聽佛所說莫不歡喜一心樂聞

佛告文殊師利東方去此佛刹十恒河沙世界有佛名曰藥師琉璃光如來無

所著至真等正覺明行足善逝世間
解無上士調御丈夫天人師佛世尊
度脫生老病死苦患此藥師琉璃光
本所修行菩薩道時發心自誓行十
二上願令一切衆生所求皆得

第一願者使我來世得作佛時自身
光明普照十方三十二相八十種好
而自莊嚴令一切衆生如我無異

第二願者使我來世自身猶如琉璃
內外明徹淨無瑕穢妙色廣大功德
巍巍安住十方如日照世幽冥衆生
悉蒙開曉

第三願者使我來世智慧廣大如海
無窮潤澤枯涸無量衆生普使蒙益
悉令飽滿無飢渴想甘食美饌悉持
施與

第四願者使我來世佛道成就巍巍
堂堂如星中之月消除生死之雲令
無有翳明照世界行者見道熱得清
涼解除垢穢

第五願者使我來世發大精進淨持
戒地令無濁穢慎護所受令無缺犯
亦令一切戒行具足堅持不犯至無

為道

第六願者使我来世若有衆生諸根毀敗盲者使視聾者能聽瘖者得語跛者能申跛者能行如是不完具者悉令具足

第七願者使我来世十方世界若有苦惱無救護者我為此等設大法藥令諸疾病皆得除愈無復苦患至得佛道

第八願者使我来世以善業因緣為諸愚冥無量衆生講宣妙法令得度脫入智慧門普使明了無諸疑惑

第九願者使我来世摧伏惡魔及諸外道顯揚清淨無上道法使入正真無諸邪僻迴向菩提八正覺路

第十願者使我来世若有衆生王法所加臨當刑戮無量怖畏愁憂苦惱若復鞭撻枷鎖其體種種恐懼逼切其身如是無量諸苦惱等悉令解脫無有衆難

第十一願者使我来世若有衆生飢火所惱令得種種甘美飲食天諸餽饍種種無數悉以賜與令身充足

第十二願者使我来世若有貧凍裸露衆生即得衣服窮乏之者施以珍寶倉庫盈溢無所乏少一切皆受無量快樂乃至無有一人受苦使諸衆生和顏悅色形貌端嚴人所喜見琴瑟鼓吹如是無量最上音聲施與一切無量衆生是為十二微妙上願

佛告文殊師利此藥師琉璃光佛本願功德如是我今為汝略說其國莊嚴之事此藥師琉璃光如來國土清淨無五濁无愛欲無意垢以白銀琉璃為地宮殿樓閣悉用七寶亦如西方無量壽國無有異也有二菩薩一名日曜二名月淨是二菩薩次輔佛處諸善男子及善女人亦當願生彼國土也文殊師利白佛言唯願演說藥師琉璃光如來無量功德饒益衆生今得佛道

佛言若有男子女人新破衆魔來入正道得聞我說是藥師琉璃光如來名字者魔家眷屬退散馳走如是無量拔衆生苦我今說之佛告文殊師利世間有人不解罪福慳貪不知布

施今世後世當得其福世人愚癡但知貪惜寧自割身肉而噉食之不肯持錢財布施求後世之福世又有人身不衣食此大慳貪命終已後當墮餓鬼及在畜生中間我說是藥師琉璃光如來名字之時無不解脫憂苦者也皆作信心貪福畏罪人從索頭與頭索眼與眼乞妻與妻父子與子求金銀珍寶皆大布施一時歡喜即發無上正真道意

佛言若復有人受佛淨戒遵奉明法不解罪福雖知明經不及中義不能分別曉了中事以自貢高恒常瞋憤乃與世間衆魔從事更作縛著不解行之應著婦女愚愛之情口為說空行在有中不能發覺復不自知但能論說他人是非如此人輩皆當墮三惡道中聞我說是藥師琉璃光佛本願功德無不歡喜念欲捨家行作沙門者也

佛言世間有人好自稱譽皆是貢高當墮三惡道中後還為人作牛馬奴婢生下賤中人當乘其力負重而行困

苦疲極亡失人身聞我說是藥師琉璃光佛如來本願功德者皆當一心歡喜踊躍更作謙敬即得解脫衆苦之患長得歡樂聰明智慧遠離惡道得生善處與善知識共相值遇無復憂惱離諸魔縛長得安隱

佛言世間愚癡人輩兩舌鬭諍惡口罵詈更相嫌恨或就山神樹下鬼神日月之神南斗北辰諸鬼神所作諸呪誓或作人名字或作人形像或作符書以相厭禱呪咀言說聞我說是藥師琉璃光佛本願功德無不兩作和解俱生慈心惡意悉滅各各歡喜無復惡念

佛言若四輩弟子比丘比丘尼清信士清信女常修月六齋年三長齋或晝夜精勤一心苦行願欲往生西方阿彌陀佛國者憶念晝夜若一日二日三日四日五日六日七日或復中悔聞我說是藥師琉璃光佛本願功德盡其壽命欲終之日有八菩薩其名曰

文殊師利菩薩觀世音菩薩得大勢

菩薩無盡意菩薩寶檀華菩薩藥三
菩薩藥上菩薩弥勒菩薩是八菩薩
皆當飛往迎其精神不經八難生蓮
華中自然音樂而相娛樂

佛言假使壽命自欲盡時臨終之日
得聞我說是藥師琉璃光佛本願功
德者命終之後皆得上生天上不復
歷三惡道中天上福盡若下生人間
當為帝王家作子或於豪姓長者居
士富貴家生皆當端正聰明智慧高
才勇猛若是女人化成男子無復憂
苦患難者也

佛語文殊我稱譽顯說藥師琉璃光
佛至真等正覺本所修集無量行願
功德如是文殊師利從座而起長跪
叉手白佛言世尊佛去世後當以此
法開化十方一切衆生使其受持是
經典也若有男子女人愛樂是經受
持讀誦宣通之者復能專念若一日
二日三日四日五日乃至七日憶念
不忘能以好素帛紙書取是經五色雜
綵作囊盛之者是時當有諸天善神
四天王龍神八部常來營衛愛敬

此經能日日作礼是持經者不墮橫死所在安隱惡氣消滅諸魔鬼神亦不中害佛言如是如是如汝所說文殊師利言天尊所說言無不善

佛言文殊若有善男子善女人等發心造立藥師琉璃光如來形像供養礼拜懸雜色幡蓋燒香散花歌詠讚歎圍遶百帀還本座處端坐思惟念藥師琉璃光佛無量功德若有男子女人七日七夜菜食長齋供養礼拜藥師琉璃光佛求心中所願者無不獲得求長壽得長壽求富饒得富饒求安隱得安隱求男女得男女求官位得官位若命過已後欲生妙樂天上者亦當礼敬藥師琉璃光佛至真等正覺者欲上生三十三天者亦當礼敬琉璃光佛必得往生若欲與明師世世相值遇者亦當礼敬琉璃光佛

佛告文殊若欲生十方妙樂國土者亦當礼敬琉璃光佛欲得生兜率天見弥勒者亦應礼敬琉璃光佛若欲遠詣邪道亦應礼敬琉璃光佛若夜

惡夢鳥鳴百怪蜚尸邪忤魍魎鬼神之所燒者亦當恭敬琉璃光佛若為水火所焚漂者亦當恭敬琉璃光佛龍蛇蝮蠍種種雜類若有惡心來相向者心當存念琉璃光佛山中諸難不能為害若他方怨賊偷竊惡人怨家債主欲來侵陵心當存念琉璃光佛則不為害以善男女恭敬琉璃光如來功德所致華報如是況果報也是故吾今勸諸四輩礼事琉璃光佛至真等正覺

佛告文殊我但為汝略說藥師琉璃光佛礼敬功德若使我廣說是琉璃光佛無量功德與一切人求心中所願者從一劫至二劫故無不周遍其世間人若有著牀癢黃困篤惡病連年累月不差者聞我說是藥師琉璃光佛名字之時橫病之厄無不除愈唯宿殃不請耳

佛告文殊若男子女人受三自歸若五戒若十戒若善信菩薩二十四戒若沙門二百五十戒若比丘尼五百

戒若菩薩戒若破是諸戒若能至心
一懺悔者復聞我說藥師琉璃光佛
終不墮三惡道中必得解脫若人愚
癡不受父母師友教誨不信佛不信
經戒不信聖僧應墮三惡道中者亡
失人種受畜生身聞我說是琉璃光
佛善願功德者即得解脫

佛告文殊世有惡人雖受佛禁戒觸
事違犯或然无道偷竊他人財寶欺
詐妄語姪他婦女飲酒鬪亂兩舌惡
口罵詈毀人犯戒為惡復祠祀鬼神
有如是過罪當墮地獄中若當屠割
若抱銅柱若卧鐵牀若鐵鉤出舌若
洋銅灌口者聞我說是藥師琉璃光
佛無不即得解脫者也佛告文殊其
世間人豪貴下賤不信佛不信經道
不信沙門不信有須陀洹不信有斯
陀含不信有阿那含不信有阿羅漢
不信有辟支佛不信有十住菩薩不
信有三世之事不信有十方諸佛不
信有本師釋迦文佛不信人死神明
更生善者受福惡者受殃有如是之
罪應墮惡道聞我說是藥師琉璃光

佛名字之者一切過罪自然消滅

佛告文殊若有善男子善女人聞我說是藥師琉璃光佛至真等正覺其誰不發无上正真道意後皆當得作佛人居世間仕官不遷治生不得飢寒困厄亡失財產無復方計聞我說是藥師琉璃光佛各各得心中所願仕官皆得高遷財物自然長益飲食充饒皆得富貴若為縣官之所拘錄惡人侵枉若為怨家所得便害心當存念琉璃光佛若他婦女生產難者皆當念是琉璃光佛兒則易生身體平正無諸疾痛六情完具聰明智慧壽命得長不遭枉橫善神擁護不為惡鬼舐其頭也

佛說是語時阿難在右邊佛顧語阿難言汝信我為文殊師利說往昔東方過十恒河沙有佛名藥師琉璃光本願功德者不阿難白佛言唯天中天佛之所說何敢不信耶佛復語阿難言其世間人雖有眼耳鼻舌身意人常用是六事以自迷惑但信世間魔邪之言不信至真至誠度世苦切之

語如是輩人難可開化也阿難白佛
言世尊世人多有惡逆下賤之者若
聞佛說經開人耳目破治人病除人
陰冥使觀光明解人疑結去人重罪
千劫万劫無復憂患皆因佛說是藥
師琉璃光佛本願功德悉令安隱
得其福也佛言阿難汝口為言善
而汝內心狐疑不信我言阿難汝
莫作是念以自毀敗汝之功德佛
言阿難我見汝心我知汝意汝知
之不阿難即以頭面著地長跪白佛
言審如天中天所說我造次聞佛說
是藥師琉璃光極大尊貴智慧巍巍
難可度量我心有小疑耳敢不首伏佛
言汝智慧狹劣少見少聞汝聞我說
深妙之法無上空義應生信敬貴重
之心必當得至无上正真道也

文殊問佛言世尊佛說是藥師琉璃
光如來無量功德如是不審誰肯
信此言者佛荅文殊言唯有百億諸
菩薩摩訶薩當信是言耳唯有十方
三世諸佛當信是言

佛言我說是藥師琉璃光佛如來本

願功德難可得見何況得聞亦難得
說難得書寫亦難得讀文殊師利若
有男子女人能信是經受持讀誦書
著竹帛復能為他人解說中義此皆
先世已發道意今復得聞此微妙法
開化十方無量衆生當知此人必當
得至無上正真道也

佛告阿難我作佛以來從生死復至
生死勤苦累劫無所不經無所不歷
無所不作無所不為如是不可思議
況復琉璃光佛本願功德者乎汝所
以有疑者亦復如是阿難汝聞佛所
說汝諦信之莫作疑惑佛語至誠無
有虛偽亦無二言佛為信者施不為
疑者說也阿難汝莫作小疑以毀大
乘之業汝却後亦當發摩訶衍心莫以
小道毀汝功德也阿難言唯唯天中
天我從今日以去無復尔心唯佛自
當知我心耳

佛語阿難此經能照諸天宮宅若三
灾起時中有天人發心念此琉璃光
佛本願功德經者皆得離於彼處之
難是經能除水涸不調是經能除他

方逆賊志令斷滅四方夷狄各還正
治不相燒惱國土交通人民歡樂是
經能除穀貴飢凍是經能滅惡星變
怪是經能除疫毒之病是經能救三
惡道苦地獄餓鬼畜生等苦若人得
聞此經典者無不解脫厄難者也
今時衆中有一菩薩名曰救脫從座
而起整衣服叉手合掌而白佛言我
等今日聞佛世尊演說過東方十恒河
沙世界有佛号琉璃光一切衆會
靡不歡喜救脫菩薩又白佛言若族
姓男女其有在羸者牀痛惱無救護
者我今當勸請衆僧七日七夜齋戒一
心受持八禁六時行道四十九遍讀
是經典勸然七層之燈亦勸懸五色
續命神幡阿難問救脫菩薩言續命
幡燈法則云何救脫菩薩語阿難言
神幡五色四十九尺燈亦復尔七層
之燈一層七燈燈如車輪若遭厄難
閉在牢獄枷鎖著身亦應造立五色
神幡然四十九燈應放雜類衆生至
四十九可得過度危厄之難不為諸
橫惡鬼所持

救脫菩薩語阿難言若國王大臣及諸輔相王子妃主中宮綵女若為病苦所惱亦應造立五色繒幡然燈續明救諸生命散雜色花燒衆名香王當放赦屈厄之人徒鐐解脫王得其福天下太平雨澤以時人民歡樂惡龍攝毒無病苦者四方夷狄不生逆害國土通洞慈心相向無諸怨害四海歌詠稱王之德乘此福祿在意所生見佛聞法信受教誨從是福報至無上道

阿難又問救脫菩薩言命可續也救脫菩薩答阿難言我聞世尊說有諸橫勸造幡蓋令其修福又言阿難昔沙彌救蟻以修福故盡其壽命不更苦患身躰安寧福德力強使之然也阿難因復問救脫菩薩言世橫有幾種救脫菩薩答阿難言世尊說言橫乃無數略而言之大橫有九一者橫病二者橫有口舌三者橫遭縣官四者身羸無福又持戒不完橫為鬼神之所便五者橫為劫賊所剝六者橫為水火焚漂七者橫

為雜類禽獸所取八者橫為念辭符書厭禱邪神牽引未得其福但受其殃先亡牽引亦名橫死九者有病不治又不修福湯藥不順針灸失度不值良醫為病所困於是滅亡又信世間妖孽之師為作恐動寒熱言語妄發禍福所犯者多心不自正不能自定卜問覓禍煞猪狗牛羊種種衆生解奏神明呼諸邪妖魍魎鬼神請乞福祚欲望長生終不能得愚癡迷惑信邪倒見死入地獄展轉其中无解脫時是名九橫

救脫菩薩語阿難言其世間人痿黃之病困篤著牀求生不得求死不得考楚万端此病人者或其前世造作惡業罪過所招殃咎所引故使然也救脫菩薩語阿難言閻羅王者主領世間名籍之記若人為惡作諸非法無孝順心造作五逆破滅三寶無君臣法又有衆生不持五戒不信正法設有受者多所毀犯於是地下鬼神及伺候者奏上五官五官料簡除死定生或注錄精神未判是非若已定

者奏上閻羅閻羅監察隨罪輕重者而治之世間痿黃之病困篤不死一絕一生由其罪福未得料簡錄其精神在彼王所或七日二三日乃至七七日名籍定者放其精神還其身中如從夢中見其善惡其人若明了者信驗罪福是故我今勸諸四輩造續命神幡然四十九燈放諸生命以此幡燈放生功德拔彼精神令得度苦今世後世不遭厄難救脫菩薩語何難言如來世尊說是經典威神功德利益不少座中諸鬼神有十二神王從座而起往到佛所胡跪合掌白佛言我等十二鬼神在所作護若城邑聚落空閑林中若四輩弟子誦持此經今所結願無求不得阿難問言其名云何為我說之救脫菩薩言灌頂章句其名如是

神名金毗羅 神名和耆羅 神名弥佉羅
神名安陀羅 神名摩屈羅 神名宋林羅
神名因持羅 神名波耶羅 神名摩休羅
神名真陀羅 神名照頭羅 神名毗伽羅
救脫菩薩語阿難言此諸鬼神別有

七千以為眷屬皆悉叉手低頭聽佛
世尊說是藥師琉璃光如來本願
功德莫不一時捨鬼神形得受人身
長得度脫無眾惱患若人疾惡厄難
之日當以五色縷結其名字得如願
已然後解結令人得福灌頂章句法
應如是即說呪曰

南謨鼻煞

所界反下同

遮俱嚧呌琉璃耶

鉢波喝邏社耶哆姪他鼻煞遮鼻
煞遮娑婆揭帝薩婆訶

佛說是經時比丘僧八千人諸菩薩
三万六千人諸天龍鬼神八部大王
无不歡喜阿難從座而起前白佛言
演說此法當何名之佛言此經凡有
三名一名藥師琉璃光佛本願功德
二名灌頂章句十二神王結願神呪
三名拔除過罪生死得度佛說經竟
大衆人民作礼奉行

灌頂經卷第十二

癸卯歲高麗國大藏都監奉
勅彫造

文殊師利普超三昧經卷上

一名阿闍世王品

恭

西晉月氏三藏竺法護譯

正士品第一

軟首或作濡首或作溥首

聞如是一時佛遊王舍城靈鷲山與大比丘衆俱比丘三萬二千菩薩八萬四千一切聖達靡所不明開士大士神通已暢已得捻持辯才無尋得無所著不起法忍曉了定行見衆生心隨所應度而為說法四天王天帝釋梵忍天王及餘無數諸天龍神捷杳和阿須倫加留羅真陀羅摩休勒人與非人各百千衆而俱來會

爾時軟首童真菩薩在山一面異處梁上與二十五正士俱而講論法其名曰龍首菩薩龍施菩薩首具菩薩首藏菩薩蓮首菩薩蓮首藏菩薩持人菩薩持地菩薩寶掌菩薩寶印手菩薩師子意菩薩師子步雷音菩薩虛空藏菩薩發意轉法輪菩薩辯諸句菩薩辯積菩薩海意菩薩大山菩薩喜見菩薩喜王菩薩察無垢菩薩遊無際法行菩薩超魔見菩薩無憂

施菩薩諸議告菩薩是為二十五正士
兜率天上有四天子俱造軟首童真
於後侍焉其名普華天子光華天子
美香天子常進法行天子復有異天
子不可計數僉然來侍如斯正士諸
天子等亦志會坐各各講論如是之
儔迭相謂曰仁者欲知佛之智慧弘
普無限不可思議不可稱量無能滅
度盡極際者不可以小意思原大德
鎧當以何方便擔被戒德鎧而能逮
茲大乘佛乘諸通慧乘不可思乘斯
應道乎

龍首菩薩曰積累功德不以厭足建
立休祚不可限量而不毀失戒德之
鎧一切所作無所怖望則應大乘諸
通慧矣

龍施菩薩曰普弘等心調和其志溫
潤其性柔軟其意而心仁厚堅住正
願於諸通慧被戒德鎧化度生死則
應大乘諸通慧矣

首具菩薩曰不可計劫趣斯大乘被
戒德鎧於無數劫不念劫數則應大
乘諸通慧矣

首藏菩薩曰其自建立獨安已者不能逮趣大乘通慧捨已之安建立衆生欲使大安隨其所便令無僥冀而無所起勸進群衆立於道法則應大乘諸通慧矣

蓮首菩薩曰族姓子憶如來所講假使有人自不柔順無有靜寂不隨律教而欲調伏靜寂於他以律勸人者未之有也其自調順靜寂奉律乃能化厲剛強憤亂抑挫犯禁則應大乘諸通慧矣

蓮首藏菩薩曰其同塵勞於世法者則不度世其不同塵於世法者乃能度世是故菩薩有利無利若譽若毀有名無名若苦若樂不動不搖則應大乘諸通慧矣

持人菩薩曰不可從他而致大乘諸通慧也吾獨一已而無有侶以衆生故擔被德鎧設護一切則吾所應將濟救攝須臾精進而不懈怠教化衆元建發學斯則應大乘諸通慧矣持地菩薩曰譬如仁者地之所載一切衆果百穀藥木因地而生地無所

置亦不求報群庶品類皆仰地活地
不辭厭不以為勞開士大士亦當如
是發心如地心無所著不以喜怒勸
諸黎元使趣佛慧而不想報則應大
乘諸通慧矣

寶掌菩薩曰仁者當知被上德鎧乃
至佛慧無能沮敗令釋大乘若於夢
中不志二乘聲聞緣覺常以寶心諸
通慧心為人講宣於珍寶心無所貪
惜無所愛恠勸衆大乘擔被德鎧彼
所學乘非無有乘不增不減其心如
是無所歆慕則應大乘諸通慧矣
寶印手菩薩曰觀於群黎墮墜六趣
而發愍哀惠施衆生授以法手其無
信者為造信手其少智者為博聞手
其慳貪者為惠施手其犯戒者為護
禁手其瞋怒者為忍辱手其慳急者
為精進手其亂意者為一心手其邪
智者為智慧手而隨衆生離清白法
各各應時具設法手開士殖斯德本
之手印于三寶何謂三具立群生於
佛智慧勸助至于寶印之手成已德
本則寶印手念一切法猶如虛空則

寶印手與立如斯是則為三則應大
乘諸通慧矣

師子意菩薩曰仁者當知被無畏鎧
是為無懼所摧德鎧無難鎧無畏尋
鎧無怯弱鎧無懈怠鎧斯則佛慧是
故行者不當恐怖無難無尋无怯无
怠離諸危懼表毛不豎在於終始無
有瑕穢亦不希仰泥洹之德等住苦
樂而無二行則應大乘諸通慧矣

師子步雷音菩薩曰仁者當知其斯
事者非下才行則為正士之所建造
其正士者歸趣平等離于邪見其正
士者其心質朴而無諛諂其正士者
勞謙柔順尊師敬聖其正士者勸學
不倦所受根究其正士者欽悅正治
建立正業其正士者若有所欲損廢
穢法其正士者若有瞋怒意無結恨
其正士者若有愚癡照除幽冥其正
士者寂然澹泊近于定藏其正士者
具足恩施惠及貧厄一切轉濟其正
士者護身口意喟而靜實其正士者
言行相副情性質直其正士者所志堅
強尚真諦法其正士者離於非法親

存正與其正士者樂于法樂護以正
法其正士者輕忽身命不釋衆生其
正士者所立鏗然善施無美其正士
者志純淑法消化凶偽其正士者則
以寶藏救濟貧匱其正士者則為良
藥療諸殊疾其正士者護諸畏懼令
得自歸其正士者導諸邪見至無崖
際其正士者勉濟勞穢勸以經典其
正士者調忍瞋怒而順所宜是故建
立正士之法則應大乘諸通慧矣

虛空藏菩薩曰修以無量虛空之慈
其精進行未曾釋廢大哀之行諸根
悅豫志懷踊躍於諸愛欲所可娛樂
察如虛空布施持戒忍辱精進一心
智慧等如虛空則應大乘諸通慧矣
發意轉法輪菩薩曰發菩薩意所發
意者不當發意令魔得便無令如來
而不欣樂使諸天人所不悅喜不令
德本而有耗減若欲興建為道意者
隨順誘勸當令弊魔不得其便順如
來意天人悅豫不失已身所造德本
所修如斯一切發意則轉法輪所以
者何其菩薩者諸所發意因緣所造

而無所生曉了諸法永無所起無所起者諸佛如來順如正覺之轉法輪如是發心被戒德鎧則應大乘諸通慧矣

辯諸句菩薩曰正士當知其道心者正士普入塵勞怒害有漏無漏有為無為亦入於罪不罪殃福亦入於善亦入不善亦入世法度世之法亦入終始無為之為亦入斷滅有常之計亦入諸陰襲入之事亦入地水火風所以者何此諸因緣悉為自然志性本淨所在之處有所言說一切所講皆悉為空而無所有譬如虛空無所不入道心如是一切普至菩薩喜樂如是慧者除棄一切文字辯才分別衆庶遠得辯慧若能入斯一聖達者則應大乘諸通慧矣

辯積菩薩曰一切所說皆無有言一切音聲而不可得菩薩喜樂如斯慧者好言惡言不悅不感譬如太山風來吹之尋復還反山不動搖菩薩如是於諸異學一切語言不動不搖在諸外徑亦無所著若如來言外徑異

語等法察之不以增減亦無所乱見諸辯才一切法盡於諸盡法不念自天亦無所思菩薩能行如斯慧者則應大乘諸通慧矣

海意菩薩曰菩薩所入當如入海覺了大道一切聲聞所不能及信樂專心於一法味入若干法無有若干觀深妙法未曾惑乱於緣起法不增不減於諸經典無有若干是則名曰不生不起一切衆生所業起者不殖德本福無有盡所教無邊當分別了棄捐斷滅有常之事不受諸法不斷諸法當建立志為無量器不忘捨法習諸通慧亦不釋法以平等法為衆生說當習一切諸德善法如是具足無數佛法以如是心被戒德鎧則應大乘諸通慧矣

大山菩薩曰仁者當知其此乘者普超諸世則謂佛慧其行所入不可限量由是之故超度一切世間志性已能超度世間所行其所信者過於俗間已過俗間其所施者持戒忍辱精進一心智慧亦復如是患能超度一

切世間之所有慧其所造福過於世間所興福祚則應大乘諸通慧矣喜見菩薩曰假使菩薩目所視色而無所惡色之自然其心清淨耳所聽聞亦無所惡音聲自然其心清淨鼻香舌味及身更心法於六情界而無所惡其六情界自然本寂其心清淨其於憎愛心無所著其心清淨觀于衆生順佛法者器無不應又其衆生處邪見者亦復覩之在佛法器其愛已者在於王者歡喜習俗有所施與尋復悔者等敬若茲菩薩大士所行如是則應大乘諸通慧矣

喜王菩薩曰假使有人罵詈誹謗輕易毀辱撻捶打撲於菩薩者心不懷恨而加喜悅以善友想待遇對者而能忍辱現于忍力其心欣豫思惟其法何所是罵誰為罵者信解內空不疑外空自見已身又覩他人則歡喜悅便能惠施身命支體頭眼手足妻子男女國城丘聚財穀珍寶倍復踊躍寧聞一頌恬忽世榮轉輪王位常樂為人講說經法不羨帝釋恩開一

人使發道心不憍梵天願見如來不貪三千大千世界滿溢珂珎從生明達不乏諸根信樂愛敬諸道品法如是悅樂所造行者則應大乘諸通慧矣
察無垢菩薩曰假使見一切法度于彼岸不墮貪身淨諸佛土觀諸佛國皆亦清淨亦無想行見一切佛不發色想見諸群黎想雖有肉眼觀罪福淨具足天眼得無所壞雖得慧眼離諸塵勞信樂佛眼具足成就十八不共諸佛之法已得法眼具足如來十種之力假使菩薩所被德鎧信行如斯則應大乘諸通慧矣

遊無際法行菩薩曰族姓子知一切緣菩薩所為則志竭趣諸通敬慧所以者何觀諸所有一切因緣不住於內不處於外不在口言假使菩薩不住因緣亦不御趣塵勞之尋亦不勸導罪福之尋無報應尋無諸根尋無諸法尋無非慧尋已度罪福塵垢魔界則應大乘諸通慧矣

起魔見菩薩曰惟族姓子已住吾我自見已身則便處于魔之事業已斷

吾我不觀所虛已除所見則無諸陰
已除諸陰則不見魔已度魔界則尋
逮成無尋脫門菩薩已逮無尋脫門
則應大乘諸通慧矣

無憂施菩薩曰仁者當知其犯惡者
後懷湯火其為善業後無憂感是故
菩薩當修善業其所作者無能說短
所興造者後無所悔無諸尋蓋假使
衆生愁憂不樂則為講說離憂之法
菩薩大士如是行者則應大乘諸通
慧矣

諸議告菩薩曰惟族姓子其有士夫
奉禁戒者所願必獲已獲所願所獲
立本由無放逸立無逸已具道品法
已能具立道品之法則諸通慧戒禁
之正也菩薩已住無逸道法則應大
乘諸通慧矣

普花天子曰辟族姓子樹花盛時多
所饒益於一切人菩薩以功德本而
自在嚴猶樹花茂饒益群黎如忉利
天晝度之樹紛葩茂盛忉利諸天莫
不敬仰菩薩如是以諸法門而自校
飾諸天龍神提沓和世人阿須倫摩

不宗戴猶如天上明月之珠無有瑕
穢衆德具足開士志性清淨無瑕德
議顯備則應大乘諸通慧矣

光華天子曰辟族姓子曰出光明滅
除衆冥終始光現菩薩如是具足慧
光慧法施世為諸愚冥無明衆生顯
示大光導自然法其幽闇者不能蔽
暉其光明者則能消冥導示徑路已
住徑路菩薩大士其在邪徑示現正
路已住正路則應大乘諸通慧矣
心華香天子曰辟族姓子心華之樹
其香普熏周四十里其香無想菩薩
如是以戒博聞定慧解度知見之香
以為芬熏三千大千世界以法之香
靡不周遍一切衆病香即療愈假使
菩薩被此法香則應大乘諸通慧矣
常進法行天子曰仁者當知其精進
者無懈怠心是故菩薩修諸德本而
不厭倦常當遵崇志八法行何等八
六度無極四等梵行遊步五通而以
四恩救攝群萌志三脫門遠得法忍
勸勉佛慧開化衆生令發道意導權
方便接濟有為所有諸法是為八遵

崇八法之行則應大乘諸通慧矣
於是軟首語諸正士及天子曰仁者
欲知菩薩精進若不精進至諸通慧
所以者何其翫習者行在三界若遵修
者謂諸往見其翫習者是謂為內亦不
翫習是謂為外其翫習者謂聲聞地
若遵修者謂緣覺地其翫習者謂在
衆結所行勤勞若遵修者則謂所著
凡夫之法其翫習者即謂為名若遵修
者則謂為色其翫習者即謂報應若遵
修者則謂所見其翫習者謂有所著
若遵修者則謂有所得其翫習者即謂
我所若遵修者則謂吾身其翫習者
即謂慳貪若遵修者則謂布施而不慳
慢其翫習者即謂犯戒若遵修者則謂
持戒而不慳慢其翫習者謂瞋怒若
遵修者則謂忍辱而不慳慢其翫習
者謂懈怠若遵修者則謂精進而不
想慢其翫習者謂亂意若遵修者則
謂一心而不想慢其翫習者謂愚癡
若遵修者則謂智慧而不想慢其翫
習者謂不善本若遵修者謂等善本
而不

修者謂殖德本而不想慢其翫習者
謂世俗法若遵修者謂度世法而不
想慢其翫習者謂有為法若遵修者
謂無為法而不想慢其翫習者謂為
罪若遵修者謂無罪法而不想慢其
翫習者謂諸漏若遵修者則謂無漏
而不想慢是謂翫習至於遵修離諸
所見不著不斷菩薩指趣則應大乘
諸通慧矣又次仁者而不得至於諸
通慧何故不至以何等至諸通敏慧
諸通慧者離諸所作其諸通慧亦無
所至亦無有逮諸通慧者又諸通慧
亦無色像亦無痛痒思想生死識之
形貌也其諸通慧亦無法則亦無非
法其諸通慧亦無有施所以者何諸
通慧者則為施與又諸通慧無有持
戒忍辱精進一智慧所以者何諸
通慧者則自然聖諸通慧者無去來
今所以者何其諸通慧超度三世諸
通慧者無眼耳鼻口身心識所以者
何度諸界故諸仁欲知諸通慧者若
有菩薩欲得通慧住如通慧當云何
住於一切法而無所住斯則為住於

諸通慧一切諸法皆非我所斯諸通
慧於一切法無所倚著斯諸通慧等
凡夫地等於佛地於一切法亦為平
等斯諸通慧又行菩薩不當於餘求
諸通慧惟當從此四大界求自然造
行所以睹何斯自然者此無所有斯
自然者則無有形於是善法名曰我
身於我身者而無有身無有善惡无
我無壽無命無人假令我身则无所
有亦復無有彼則無行亦無所有彼
所有形則亦無實其所見者亦無所
有亦無有實其慧見於所有無有有
實無實等斯諸慧則諸通慧軟首童
真說是語時二千天子得不起法忍
万二千人皆發無上正真道意

化佛品第二

於是辯積菩薩白軟首曰且當俱往
覲于如來面問大聖菩薩大士當興
何行軟首尋於其處化作如來其體
形像如能仁佛軟首童真謂辯積曰
族姓子如來在斯何不啓問菩薩大
士所設之行於是辯積問化如來唯
然世尊菩薩大士當設何行時佛告

曰如我所設菩薩亦當修如是行又問云何世尊所造立行其佛答曰亦不行施不行禁戒不行忍辱不行精進不行一心不行智慧不行欲界不行色界不行無色界不造身行不造言行心無念行一切無行亦無因緣是菩薩行於族姓子心趣云何其化現者豈有行乎答曰天中天化者無行報曰如是族姓子菩薩大士當造斯行辯積菩薩白軟首曰豈所見佛將無化乎軟首答曰仁者不聞一切諸法化自然乎幻變之相而不退轉報曰如是諸法實化自然幻變而不退轉答曰今族姓子何故發言今現如來將無化乎一切諸佛及一切法豈不化耶又問誰為化者答曰自然業淨而化之耳又族姓子菩薩不當住於我人壽命佛之聖道及凡夫者而計有住辯積問化如來世尊何學自致得佛答曰無所學者則菩薩學菩薩所學無有形像亦無倫比亦無所受亦非不受亦無想念亦不離想亦無所行無行不行則菩薩學无著

不著無慢不慢亦不調戲亦不遵修
不離遵修無想無取無所遊居亦無
有想不起不滅不來不去無住無化
亦無有形亦無言詞普離一切諸所
想行則菩薩學其作斯學是為等學
造斯學者則無所趣則無所增亦無
所損造斯學者亦無所著亦無所脫
亦無所染亦無離塵亦無結慢不墮
愚冥如是學者乃名為學學如斯者
不誚諸趣是故族姓子菩薩大士欲
得逮成無上正真道者學我所學又
問云何佛學者答曰如我無戒亦無所
犯不施不受不戒不犯不忍不瞋不
進不急不憚不乱不智不愚無學非
無學無所不行而吾無得亦無所等
無佛無法亦無我想亦無人想亦無
壽想亦無命想亦無法想亦無有想
亦無無想所以者何一切諸法悉無
所造一切諸法以無所造自然如幻
亦無有相亦無有二一切諸法離諸
所樂一切諸法而不可見一切諸法
超度眼句諸法平等而無著特諸法
愚冥亦無所往無為無人故無人言

教故無處所無有言教則無所生其
信此者不念所信亦不自大亦不念
道是故族姓子若有菩薩如是比類
學佛道者不恐不懼不難不畏乃為
菩薩如族姓子虛空之畏不畏於火
不畏於風不畏於雨不畏於霧不畏
於塵不畏於雪不畏於雲不畏於
雷不畏於雪所以者何空者自然
故曰空畏菩薩如是於一切法而無
所畏於一切法不念苦樂假使菩薩
心等如是則能成佛降伏衆魔則成
無上正真之道為軍正覺亦能導利
一切衆生時化如來說此語竟尋即
化滅不知其處辯積菩薩問軟首曰
今者如來為所至湊答曰從所來處
又問何所從來答曰如所去處又問
軟首其化現者無所從來無所從去
答曰族姓子譬如化者無所從來無
所從去一切諸法亦復如是
一切衆生等無有異不來不去又問軟首一
切諸法為何所趣答曰所趣自然又
問一切衆生為何所歸答曰隨其所
作又問軟首一切諸法無作無報答

曰族姓子其法界者無作無報無往等御諸法則為法界又問云何言有作有報有往而謂無往答曰族姓子如其所作如其所報所往亦然又問軟首曰何謂為作云何報應何因所往答曰如所作者報應亦如所往亦如又問軟首其如無本者亦無有作無有報應無有往趣答曰如族姓子如無本者亦無所作亦無報應亦無往趣所作報應往趣亦然無來無去所作報應所往至處其如無本無所歸趣說是語時如在世尊能仁佛前賢者舍利弗賢者阿難及餘大弟子悉聞斯講舍利弗白佛唯然如來恆未曾有斯諸正士為大聖人而師子吼等同一法說若干種音聲言說與法會同而無錯謬誰聞斯者不發無上正真之道乎佛告舍利弗誠如所云菩薩大學無罣碍故今者所說無所罣碍如其所種必獲其果如其所出報應亦然菩薩如是學無罣碍從其聖慧而分別說如舍利弗本所學禁自故斯慧辯才亦然光淨菩薩問

世尊曰何謂聲聞學何謂菩薩學佛
言有限有尋是聲聞學無限無尋是
菩薩學其聲聞學因其所限而致罣
罣由是之故所說有限致於罣罣而
諸菩薩學無有限致無罣罣由是之
故所說無限無有罣罣光淨菩薩前
白佛言惟天中天願現感應使諸正
士來至於斯令此衆會聞所說法各
得其所無令唐舉所以者何軟首童
真所行深奧所論經法亦復要妙尔
時世尊即現瑞應軟首尋時與二十
五正士及諸天子往詣佛所稽首足
下遷住一面光淨菩薩謂軟首曰仁
者何故越如來會獨於屏處而論講
經軟首答曰族姓子知如來甚尊而
不可當諸佛大聖由是之故一切所
說或懼不可故在一面又問軟首說
何所法可如來乎軟首答曰如吾所
說世尊知之光淨曰雖尔願說其意
答曰如吾所及今當宣現惟族姓子
如有所說不違法界不失本無不失
本際所說如是則可如來又若所說
無所訟理無所訶叱無所興為亦無

因緣無有色像亦無比類如是說者
奉順如來無我同像無他人形不等
法貌無非法貌無終始貌無泥洹貌
如是說者為可如來於是世尊告軟
首曰善哉善哉快說此言誠如所云
如是說者不違如來又次軟首假使
悉離一切戲樂而無憤亂若不平要
離諸所想無有衆想有所說者所趣
寂然而不動轉被一德鎧定意說法
無能毀敗其經典者不見諸法有所
增者有所減者如斯所說則可如來說
是語時八百菩薩得不起法忍

舉鉢品第三

尔時天子千二百人在於會中乃於
往古造菩薩行則忘道意志不堅固
心自念曰佛慧巍巍不可限量無上
正真道意難可獲致菩薩所學而不
可逮取正覺者甚難可得吾等於是
不能學辦不如改求聲聞緣覺而取
減度尔時世尊知諸天子心之所念
以此等倫堪成無上正真之道為寂
正覺而欲中廢隨取小乘佛欲勸化
諸天子故離於道場在衆會表化作

長者手擎滿鉢百種飲食齎詣佛所
白世尊曰惟願大聖加哀受食佛即
取鉢軟首菩薩興詣佛所叉手啓曰
今食盛饒當念故恩吾誠信聞大聖
雖食而不以法惠及於鄙惟宜加施
以法相惠剋復往意於是賢者舍利
弗心自念言軟首往古有何恩德於
世尊所而言雖食願前法恩則白佛
言軟首童真宿有何恩於大聖乎而
置如來雖當食者念前法恩佛告且
待斯須自當發遣如來所知非余所
及佛即尋時捨鉢于地鉢即下沒遊
諸佛土諸佛正覺今現在者各各見
鉢降其足下在於下方過七十二江
河沙等諸佛國土至光明王如來國
界界号焰耀鉢住於彼處于虛空无執
持者自然而立所往諸佛諸弟子衆
各各前啓問其世尊鉢所從來諸佛
各告說其意故上方世界界号为忍
彼有如來名曰能仁現在說法能仁
如來故降斯鉢而欲勸化諸異菩薩
志退落者於時世尊告舍利弗汝行
求鉢察知所在而赴致來即時受教

自以智力承佛聖旨三昧正受以一
万定超万佛土遍求索鉢不知所
還白佛言唯然世尊求之不見不知
所在於時世尊告大目連汝今且行
求索鉢來察其所在為處何方目連
受教以神足力承佛聖旨三昧正受
入八千定條忽超過八千佛國求之
不見不知所處還白佛言輒竭神力不
蒙執鉢焉能致乎世尊復告須菩提
曰汝行求鉢知其所竭索賣致來即
亦受教三昧正受万二千定恍惚超
越万二千佛土求不見鉢不知所止
如是五百諸大聲聞在於虛空各現
神足三昧之力神通聖勢天眼徹睹
各行求鉢不知所所在亦不能得時須
菩提即前告白慈氏菩薩曰仁者高
才一生補處如來所剎當為無上正
真道成寂正覺仁慈恩廣智慧弘達
衆所不及獨步三界而無有侶當知
鉢處惟能致之奉賣來耳幸屈威尊
而舉鉢還慈氏菩薩報須菩提曰誠
如所云受如來慧當成正覺今者軟
首所興定意進止坐起予所不及不

能曉了於斯三昧惟須菩提雖於來世吾當成佛佛菩薩衆數如江河沙悉為軟首之所開道欲知一步舉足所念不識所歸是故仁者當請軟首惟斯大士知鉢處所所止之土堪任致來時須菩提啓世尊曰願垂思教大聖則遣軟首取鉢軟首奉命自思念曰吾不起座不離衆會而舉鉢來軟首三昧名曰普超是諸菩薩定意正受於時軟首伸其右掌而內于地過踰下方所經諸佛無極大聖一次第以首礼之其手掌中自然有音稱能仁如來至真等正覺敬問无量興處輕利力勢如常遊居安耶其掌手辟一一毛孔尋自然出億百千炫光曜之明一一光明各各變現百千蓮花一一蓮花各化如來相好具足處蓮花上加趺而坐一一世尊各各讚揚能仁如來名德功勳所可遊歷諸佛之土應時諸國六反震動又諸佛國自然大光靡不同遍一切佛國各各而現有斯手掌又諸佛土自然懸繒幢幡衆蓋莫不莊嚴遍散衆花

處處校飾軟首手掌過七十二江河沙等諸佛國土札諸佛音斯須之間忽然即至照曜世界光明王佛國札畢自然有大音出稱能仁如來敬問無量光明王如來有侍菩薩名曰光英自啓如來此何手掌殊妙巍巍威神難及而自然出億百千妙光明暉赫一二光明而各化出億百千妙嚴淨蓮花一一蓮花如來各坐咨嗟能仁聖詰之勲光明王佛告光英曰有族姓子上方去此七十二江河沙等諸佛國土有忍世界如來至真等正覺号曰能仁現在說法彼有大士名曰軟首被戒德鎧不可思議一切神通力度無極自在於座而不移起延手掌來欲舉鉢還時光明王佛土諸菩薩衆皆共渴仰欲得覩見彼忍世界能仁如來軟首大士光明王佛悉知衆會意之所見便放眉頂相光其光通照七十二江河沙等諸佛國土上至忍界靡不見昱其有衆生被蒙光者一切獲安無有諸患如四域皇帝轉輪聖王諸修行者專精學定被斯

光者志得道迹其得禪者志過三界
獲四證德其漏盡者得八脫門禪定
羅漢得無著原其諸菩薩光照身者
普皆逮得日光三昧如是之比光明
王邊如來佛土菩薩大士見斯忍界
世尊能仁軟首童真一切聲聞比丘
聖衆諸菩薩等光英菩薩觀忍世界
諸菩薩衆尋即淚出便說斯言自白
佛曰唯然世尊如妙水精如意明珠
墮不淨中誠可矜惜此諸菩薩生忍
界者亦復如是甚可憐感光明王佛
謂光英曰勿宜是語所以者何在此
佛土精修禪行至千十劫不如忍界
從明晨且至早食頃興發慈心哀念
衆生此之功德寧勝無倫難可逮及
所以者何斯諸菩薩大士之衆無有
陰蓋塵勞以盡其於忍界護正法者
德不可量尔時忍界諸菩薩衆光明
照身則問能仁天中天曰唯然世尊
此何光明孰演出来滅諸塵勞令無
瑕穢時佛告曰有族姓子下方度此
七十二江河沙等諸佛國土而有世
界名曰照曜彼有如來号光明王現

在說法其光明王如來至真放眉頂
光其光通照七十二江河沙等諸佛
國土而大晃昱逮照斯土時諸菩薩
及衆聲聞各啓佛曰唯然世尊我等
欲見照曜世界光明王如來諸菩薩
衆能仁如來放足心千輻輪光其光
普照下方七十二江河沙等諸佛國
土至照曜界靡不周遍下方世界諸
菩薩衆身蒙斯光皆悉逮得須彌光
明三昧當尔之時於斯佛土及彼世
界斯土見彼彼土見此轉相覩達猶
如此土閻浮提人住於地上仰瞻日
月下方世界觀諸菩薩能仁如來及
忍世界亦復如是此土人民見於下
方猶如諸天住須彌頂俯于天下閻
浮提城斯諸菩薩見光明王如來諸
菩薩等被大德鎧難及難量於是軟
首以右掌至照曜界彼光明王如來
佛土於虛空中即握取鉢與無央數
億百千姪諸菩薩衆眷屬圍繞踊出
上方手掌敬奉鉢所歷佛國轉來上者
光明蓮花稍便不現右手執鉢還忍
世界於大聖前跪而奉授啓世尊曰

垂恩受之佛即受鉢時諸菩薩與軟
首掌而俱來者前詣佛所稽首于地
各各自宣如來之名某佛大聖致敬
無量聖體勝常遊步無限慧力平康
諸菩薩衆敬問已畢退坐一面如佛
所教安隱之座

今時世尊告舍利弗今且聽斯善思
念之今為若說乃去往古吾身造行
為菩薩時則是軟首本所建發今者
所以宣置斯惠世尊雖食當念疇昔
法施之恩乃曩過去久遠世時無央
數不可計會億百千劫復踰此數今
時有佛名莫能勝幢如來至真等正
覺世界名無別異莫能勝幢如來諸
聲聞衆八万四千菩薩大士十二億
衆其佛世尊於五濁世演三乘教有
一比丘而為法師名曰慧王明旦著衣
執持應器入弘廣國而行分衛得百
味飯若干種食分衛竟出行於街路
有尊者子名離垢僻為乳母所抱而
行遊戲時離垢僻遙見比丘遊行趣
之下乳母抱尋隨比丘從求飯食於
時比丘與摸持蜜搏幼童即食知其

甘美遂隨比丘蜜搏欲盡願助乳母
意欲還抱比丘復授蜜搏幼童復進
稍稍轉至莫能勝幢如來之所稽首
足下則住其前於時比丘慧王所得
分衛食饌授與幼童而謂之曰童子
受斯分衛之具供養如來尋即受之
已滿佛鉢食不減損次與聲聞八万
四千菩薩十二億佛及聖衆皆志充
飽如是之供至于七日飯則如故亦
不損減於時幼童踊躍歡喜善心生
焉住世尊前則而頌曰

佛聖衆飽滿鉢食不損耗 奉事於衆祐
福田無有競世吼食充足 餽饌而不減
獻進于衆祐不疑道無盡 其饌既不損
供具轉弘多恭敬等正覺 增長清白法
佛告舍利弗於時幼童以一鉢食供
養世尊及聖衆承佛聖旨已心清白
具足七日食不損耗慧王比丘教訓
幼童歸命於佛及法聖衆令受禁戒
剋心悔過勸使請問發無上正真道
意於時父母求索其子便詣莫能勝幢
如來所稽首作礼退住一面幼童拜
謁問訊父母以偈讚曰

我志願佛道 愍哀諸群生 閑暇難得值

親亦宜捨意 且觀正覺身 諸相好在嚴

慧度於无極 孰不發道意 惟父母見釋

得出棄捨家 順妙智慧教 得學為寂志

父母即答曰 我等好樂道 從今為明則

亦欲願捨家

佛告舍利弗於時幼童化其父母及
五百人悉念學法志於無上正真之
道皆於佛世棄家為道時佛教之行
菩薩道六度無極四等四恩分別解
空精進不憊自致得佛如舍利弗欲
知今時慧王比丘為法師者豈異人
乎勿作斯觀所以者何則軟首童真
也其離垢辟尊者子者則吾是也昔
往古世軟首童真以饒見施供養佛
衆今發無上正真道意則是本身初
發意原以是之故而當知之今者如
來所成聖覺無極之慧十種力四無
所畏十八不共無量等慧皆是軟首
所勸之恩所以者何因從發意至諸
通慧如佛所蒙因致大道今吾觀觀
十方世界不可稱限不可計會諸佛
國土今現在者諸佛世尊同号能仁

志是仁者軟首所勸或号咸聖或号
明星或名所歡或名錠光或謂離漏
或謂妙勝佛告舍利弗今我一劫若
過一劫宣揚演說諸佛名号軟首大
士所開化者於今現在轉于法輪不
可稱限何況有行菩薩乘者或有處
於兜率天者或有退來入母胞胎而
復出生捨家為道或坐佛樹或處道
場成取正覺不可限喻其有欲說誠
諦之事審實無虛軟首童真則諸菩
薩之父母也慙哀勸化興顯大道所
生親者則當謂於軟首童真向者軟
首宣揚報恩今復伸說雖當食者施
我鉢餌所食之餘吾前世時先有所
施正謂於斯尔時千二百諸天子欲
墮落者各心念言當堅其志恭哥於
法察諸因緣去諸根原今者現在世
尊前所發願軟首勸化及開餘人使
至于道而不退轉於無上正真吾等
云何而欲墮落吾等何故在如來前
興卑賤意志崇小節今當捨於聲聞
緣覺懇勤志求無上正真道意軟首
伸掌示現變化乃至下方光明王佛

所處國土而致鉢來一切普入又復
講說往古開化所說經典下方佛土
此世尊界不可計數衆生之類即發
道心十方世界群萌之儔悉來供養
軟首童真諸佛世尊皆遣寶蓋供施
經典彼時寶蓋則覆三千大千佛國從
其實蓋自然出音誠如能仁尊如如
來所讚稱揚悉是軟首之所勸化
文殊師利普超三昧經卷上

癸卯歲高麗國大藏都監奉
勅彫造

幻童品第四

西晉月氏三藏竺法護譯

今時世尊告舍利弗假使有人為族
姓子若族姓女欲疾滅度當發無上
正真道意所以者何今吾覩見懼終
始難而不肯發無上正真道意志願聲
聞疾欲滅度續在生死而有所慕然
諸菩薩通達精進等住於法逮諸通
慧為一切智所以者何乃往久遠過
去世時不可計會不可思議無央數
劫時有如來号一切達興出于世如
來至真等正覺明行成為善逝世間
解無上士道法御天人師為佛眾祐
佛告舍利弗其一切達如來正覺聲
聞集會有百億眾其佛壽命住百千
歲佛有聲聞上首弟子智慧巍巍名
曰超殊神足飄捷次名大達於時如
來興五濁世明旦正服著衣持鉢與
諸聖眾眷屬圍遶有大國号名聞物
入於斯城而行分衛其大聲聞智慧
最尊侍佛之右神足最上侍佛之左

智慧博聞寂殊勝者隨從佛後八千
菩薩而在前導或化現身若如帝釋
或如梵天如四天王或天子形嚴治
道路佛告舍利弗彼時如來向欲入
城見三幼童衆寶莊校瓔珞其身逍
遙中路而共遊戲時一幼童遙見如
來晃然顯赫威神巍巍端正無倫諸
相寂定志性澹泊獲上調順第一靜
冥降伏諸根如仁賢龍鳥如大剎亭
清澄無垢有三十二大人相八十種
好遍布其體如日出時光耀亦與
大衆俱如星中月時一幼童謂二童
曰汝等豈見如來乎是者則為一切
之尊無上衆祐為世福田光明灼灼
煒燁難當吾等僉然宜供養之其進
施者利慶弘大以頌讚曰

斯者衆生尊 福田無有上 當供俱供養
施此祚無量

第二幼童曰

今我無異花 亦無雜澤香 斯聖無等倫
當何以供養

於是一童即脫頸著珠瓔價直百千
以頌讚曰

當以此供養 無上之福田 何所明智者
見斯有所悵

於時二童効彼童子各各解脫頸著
珠璣以手執持而歌頌曰

具供養正覺 度汎湍江波 脫無量志意
住于平等法

今時一童謂二童曰汝等以斯德本
何所志求一童子曰其在世尊傍右
面大聲聞智慧尊第一吾誓願如斯
二童子曰

猶如世尊傍左面大聲聞神足起寂
尊吾誓願如斯

於時二童謂一童曰族姓子以斯德
本欲擔何願一童報曰

如今者如來 至真等正覺 普見一切達
猶若師子步 昭耀大衆會 吾身擔若斯
三界尊第一 度脫諸十方

時一幼童這說此已尋虛空中八千
天子俱讚歎曰善哉善哉快說此言
今仁發意天上世間悉蒙救護佛告
舍利弗時一切達如來正覺邊有侍
者名曰海意博聞最尊而告之曰寧見
三童各執珠璣而遊來乎對曰已見

天中之天世尊告曰比丘欲知中央
幼童建其志性巍巍難量二一步中
超越百劫終始之患其一舉足功德
之本當更百臨轉輪聖王受帝釋位
亦復如斯昇生梵天為梵天王亦當
如是一一舉足功德之本更見百佛
時三幼童往詣一切達如來所稽首
足下以寶珠瓔散世尊上其發小意
為聲聞者所散珠瓔住兩肩上其一
童發諸通慧心所散珠瓔在於佛上
虛空之中變為交露重閣棚帳四峙
周障莊嚴平等化於其中而為牀座
如來處之於是一切達如來尋而欣笑
侍者啓問唯然世尊以何故笑笑會有
意如來告曰海意汝覩於斯二童發
聲聞意手執珠瓔散如來乎對曰已
見大聖又告比丘欲知二童懼生死
難發怯弱意意求救護猶是不發無
上正真道意欲得聲聞為尊弟子然
後來世皆當得證一者智慧寂尊二者
神足無雙佛告舍利弗卿意疑乎時
中央童發諸通慧者則吾身是願右
面童者舍利弗是願左面童者大目

捷連是舍利弗觀卿等本時懼生死
難雖殖德本不能發無上正真道意
心志怯弱欲疾滅度不能超速甫因
吾法而得無為今寧觀吾諸通慧耶
汝等之友為佛弟子乃得解脫以是
之故當作斯觀假使有人欲成滅度
當發無上正真道意所以者何所言
超速謂諸通慧莫能過者諦而無欺
其乘第一普安一切群生之類則諸
通慧也為寂微妙特尊無上為無等
倫無有疇疋為無雙比無能出來無
聖尋乘一切聲聞緣覺之乘所不能
及是則名曰諸通慧乘佛時說斯大
乘法典則一萬衆人發無上正真道
意應時彼諸大聲聞賢者舍利弗大
目犍連大迦葉離越阿難律毘利分
解大陀居子尊者須菩提等自投于
地稽首佛足俱白世尊唯然大聖若
族姓子族姓女發大意者當供養之
微妙解脫處至真行所以者何正使
百千諸佛世尊為吾等說諸通慧行
不能堪任無有勢力發通慧心一切
慧者無所聖尋殊勝難及寧令吾等

犯五逆罪在於無間而不中止不捨
於無上正真道意而為聲聞所以者
何設犯逆罪墜于地獄受諸苦毒其
痛會畢從地獄出而不違遠無所罣
碍諸通慧心計如今者當何所施無
所堪諧焚燒正真敗壞根原於茲佛
慧無罣碍智非是佛器譬如終沒之
士無益親屬吾等如是以聲聞乘而
志解脫捨於一切無益衆生譬如此
地多所饒潤一切群萌二足四足若
多是者如是世尊其發無上正真道
意天上天下蒙恩獲度

無吾我品第五

尔時世尊說斯本末向欲竟已王阿
闍世乘駟馬將四部兵為車步騎往
詣佛所稽首佛足右遶三匝退坐一
面白世尊曰唯天中天衆生所住何
所依因何緣而興何由得罪佛告王
曰已住吾我人壽命者衆生由此而
造罪豐依倚貪身興緣顛倒群萌因
斯而起灾患又問其貪身者根原所
在世尊答曰其貪身者無慧為本又
問其無慧者何所為本答曰所念邪

支則是其本又問所念邪支何所是
根荅曰虛爲是根又問虛偽何所是
根荅曰無實諸想是則爲根又問無
實諸想何所是根荅曰謂無所有無
覺是根又問何謂無有無覺荅曰謂
無生無有是謂無覺又問不生不有
當何計之數在何所荅曰其不生不
有彼無有計又問狐疑之事何因緣
起荅曰其狐疑者從猶豫起又問猶
豫爲何所是荅曰賢聖所說誠諦之
語聞則懷疑斯謂猶豫又問何所賢
聖何言審諦世尊荅曰其賢聖者謂
除一切愛欲諸見其審諦者知一切
法悉無所有王阿闍世白世尊曰所
謂賢聖無所有者實爲虛偽世尊安
住從已勞塵而造立之猗著于世間
諸賢聖所講說者而心猶豫獲不可
計殃豐之罪我乎世尊父無愆咎无
所鞿綴而危其命貪國土故或於財
寶迷于榮貴荒於產業耽利宰民而圖
逆害持疑怵惕不能自寧若在歡會
戲樂無娛若在中宮姝女嬉遊若坐
若卧有所決正若在獨處聽省國事處

群僚上晝夜憂悸不能捨却沉吟
之結不歆飲食雖有美饌不以為甘
其目昧昧所覩瞢瞢顏貌憔悴心恒
戰灼所處不安畏壽終後墜于地獄
仰惟如來其恐怖者能使无懼其盲
冥者惠授眼目其沉沒者而拯拔之
遭苦惱者使獲大安無所歸者而受
其歸其無護者而為救濟其貧窮者
給施財業其有病者消息療治其墮
邪徑示以正路其在正路為興大哀
其心忍勞不以為患等恤群黎其慈
堅固究竟本末不以苦樂而有動轉如
來所興救度衆生無所遺漏不捨一
人私怙世尊垂恩安慰除其惶懼孤
無有救惟為作救令飢渴者而得飽
滿今已虛乏而欲蹕地惟蒙扶接今
拔我身得無墮大地獄至于無擇唯然
大聖如應說法決我狐疑解散愁結
令無猶豫使其重罪而得微輕於時
世尊而心念曰王阿闍世所說聰達
而甚微妙所入之法甚為優奧其餘
人者莫能堪任為決狐疑今無餘結

其惟濡首能雪滯尋時舍利弗承佛
聖旨謂王阿闍世欲辨疑惑當饌餽
饌請濡首童真則當決王虛偽塵勞
狐疑之結鎮安國土及與中宮受王牀
搶衆諸供饌中宮姝女及諸侍從獲
無量福羅閱祇城摩竭大國無數衆
生皆亨利議阿闍世王即前啓白濡
首童真惟加慰哀與其營從受小食
食濡首答曰大王且止已具足供於
正法律未有是記受于衣服若食饌
具悌望加哀王則又曰當何陳露呈
現丹赤濡首答曰假使大王聞深妙
業殊特真議不恐不怖不以畏懼不
以震懼不難不懼乃為加哀正使大
王不想念法亦非無想無想不想如
是行者乃為加哀縱使大王不想去
心亦無不想不念來心亦無不想於
現在心亦無所受乃為加哀設使大
王不墮邪見亦不滅除亦無所見亦
無不見乃為加哀王阿闍世又白濡
首曰今之所說悉法所載惟見慈傷
當受其請濡首答曰王當知之法律
所載不以恩施供養分衛衣食之饌

若使大王不計有我不計有人不計有壽不計有命乃為加哀為受供施設使大王不自愛身不愛他人志無所取乃為加哀假使大王不攝殺心不計因緣不在陰種諸入之事無有內法無有外法不受三界不度三界無善不善無德不德不處於世亦不度世無罪無福亦無有漏亦無不漏亦不有為亦不無為不捨生死不受滅度是為加哀王荅曰唯然濡首吾當啓受如斯法議以是之故當就余請哀垂愍傷下劣徒類濡首荅曰王當了之設使諸法有所猗者有所受者有所得者有所救護則不蒙哀不得至安如使於法有所著者而為想念有所立處而為放逸皆為依著想念有處放逸之護設使大王究竟望畢極至永安乃無有患如今大王復有所作則不荷哀不至安隱王阿闍世又問濡首曰受何所法而無有患至無所有濡首荅曰若了空者而無所作亦無所不作無想無願亦無有作亦無不作若使大王有所造立而

為行者身口意行則是所作假使不
有所作亦無所行以身口意而無所
造則無所作是故大王一切諸法悉
無有相其無所行無所有者則是其
相又問濡首何謂所行而無所行不
有所造亦無不造不增不減濡首答
曰假能不念過去已盡不念當來未
至不念現在而無所起不想有常无
常是為無行亦無不行其能等色於
諸因緣而為眾緣不增不減又問濡
首塵勞之欲為是道乎云何與合濡
首答曰王意云何其曰明者與冥合
耶答曰不也日明這出眾冥滅滅王
寧別知冥所去處乎在於何方積聚何
所答曰不及濡首曰如是大王興道
慧者塵勞則消不知塵勞之所湊處
亦無有處無有方面以是之故當了
知之道與塵勞而不俱合又等塵勞
則名曰道等於道者塵勞亦等塵勞
與道等無差特一切諸法亦復平等
假使分別如斯議者塵勞則道所以
者何以塵勞故現有道耳塵勞无形
亦無所有其未塵勞者則為道也王又

問曰云何求於塵勞而為道乎濡首
曰設有所求不越人心亦不念言是
者塵勞是為道也以是之故塵勞為
道其塵勞者亦入於道王又問曰云
何塵勞而入於道云何為行濡首曰
於一切法而無所行乃為道行於一切法
亦無不行是為道行王又問曰行道如
斯為何歸趣濡首曰如是行者為无
所趣王又問曰道豈不至泥洹乎濡
首問曰寧有諸法至滅度乎荅曰不
也濡首曰是故大王至無所至為賢
聖道又問曰其賢聖者為何所處濡
首曰其賢聖道則無所住又問曰其
賢聖道不處禁戒博聞定慧乎濡首
曰賢聖戒者無有行相無放逸相為
聖定意無所著相為聖定意無所念
相為聖智慧王意云何其无所行無
有放逸有所處乎荅曰不也濡首曰
以是之故王當知之無所住者則賢
聖道王又問曰族姓子族姓女云何
向道濡首曰假使所求不覩諸法有
常無常亦無所得不計諸法有淨无
淨有空無空若我無我若苦若樂於

諸法者亦無所得不見諸法在於終始若滅度者如是行者為向於道王阿闍世白濡首曰以是之故惟當受請因斯使余離諸顛倒令得解脫分別淨行與諸眷屬而就宮食濡首曰向者說之志無所有無有生者無有善哉與不善哉其無所有無有解脫其解脫者則無所有亦無解脫亦無脫者所以者何一切諸法皆自然淨尔時世尊告濡首曰受阿闍世王請以此之緣令無數人速得利誼至安隱度濡首童真見世尊勸則言唯諾當受其請不敢違失如來教故阿闍世王歡喜踊躍已見受請善心生焉稽首佛足及濡首童真一切聖眾便退還出請舍利弗濡首眷屬為有幾人舍利弗答曰五百人俱而當往就王入于城還於宮中即夜興設若干食饌百種之味施五百榻無量坐具而敷其上莊嚴宮殿懸繒幡蓋燒名雜香而散眾花及四衢路普城內外皆悉掃除灑以香汁令國人民男女大小莊校嚴飾賣持香花咸俱奉迎濡首

童真

摠持品第六

於是濡首於初夜中從其室出而自
思念吾身不宜與少少人眷屬而俱
就於王請今吾且當詣異佛土請諸
菩薩皆令普聞講說經法斷諸狐疑
就阿闍世王宮而食濡首童真如勇
猛士屈伸臂頃忽然不現斯須超越
八万佛國至千東方常名聞界其佛
号離聞首如來至真等正覺今現在
說法為諸菩薩說清淨典其佛世界
如來一時等轉六度無極自然通達
具足廣宣不退轉法其佛國土一切
諸樹若干種花菓實茂盛每從其樹
常自然出佛聲法聲不退轉輪菩薩
衆聲是故世界号常名聞斯道寶聲
常不斷絕故日常名聞濡首童真詣
離聞首佛所稽首足下白其如來唯
然世尊遣諸菩薩與余俱往至于忍
界詣阿闍世宮而就其請離聞首如
來告諸菩薩曰諸族姓子與濡首俱
詣忍世界從意所樂於是會中二万
二千菩薩大士同時發聲應唯世尊

我等願與濡首俱詣忍界於是濡首
與二万二千菩薩從常名聞國忽然
不現至於忍界自處其室濡首會諸
菩薩大士而於初夜說總持法何謂
總持所以總持統御諸法

心未嘗忘^二所至無亂^三其心未嘗
有捨廢時^四學智慧業^五精覈諸法
審諦之義^六分別正慧^七得果證者
但文字耳^八度至寂然^九條列一切
諸法章句^十攬賢聖要^一不斷佛教
^二不違法令^三攝取一切賢聖之衆
^四於諸經法部分典籍^五入於一切
殊絕智慧^六不著衆會亦不怯弱^七
遊步衆會宣揚經典無所畏憚^八出
諸天音料簡明智^九於天龍神阿湏
倫迦留羅真陀羅摩休勒探暢其音
而為說法^十出釋梵音一覺了平正
知諸根原^二識練邪見諸所立處^三
總持觀察一切衆生根原所趣^四所
住等心^五於世八法而不動轉^六具
足一切真正之法^七隨其罪福報應
果證而為說法^八興發衆生所造志
業^九立諸群衆處于禁戒^十其慧普

入一為諸衆庶代負重擔二不以勤勞而有患厭三解脫諸法本性清淨四以斯本淨而為人演五以本淨慧解說道誼六慧無罣碍七習設法施八其心堅固未嘗慙倦九有所說者無有疑結十不貪一切供養利入一而不忘捨諸通慧心二力勵集累衆行基靖三布施無厭而每勸助於諸通慧四禁戒無厭以斯勸化一切衆生五忍辱無厭求佛色像六精進無厭積衆德本七一心無厭修行專精使無衆冥八智慧無厭入一切行九以道法業於此一切而無所生十諸族姓子所謂摠持攝取一切不可思議諸法要誼持諸法無所行無行故曰摠持又族姓子其摠持者攝持諸法何謂摠持諸法攬執諸法一切皆空攬執諸法一切無想攬執諸法一切無願離諸所行寂寞無形志無所有亦無所覺亦無所行無有處所亦無所生亦無所起亦無所趣亦不滅盡無來無往亦无所壞亦無所度亦無所敗亦無所淨亦無不淨亦無所嚴

亦無不嚴亦無所著亦無所有亦无
所見亦無所聞亦無所志亦無所教
亦無有漏亦无想念亦不離想无應
不應亦無顛倒亦無滿足无我無人
無壽無命亦無放逸亦無所受亦无
所取亦無殊特猶如虛空無有名聞
亦無所獲無所破壞亦無有二審住
本際一切法界一切諸法住於無本
是謂捨持又族姓子一切諸法譬若如
幻而患自然捨持諸法自然如夢自
然如野馬自然如影自然如響自然
如化自然如沫自然如泡自然如空
分別諸法而如此者是謂捨持
濡首曰譬如族姓子地之所載無所
不統不增不減亦無所置不以為獸
假使菩薩得捨持者則能利益一切
衆生恩施救濟无央數劫衆德之本
至諸通慧心而捨統持亦無所置不
以為獸
譬如族姓子於斯地上一切衆生而
仰得活兩足四足靡不應之菩薩大
士得捨持者亦復如是於群生類多
所饒益

譬如族姓子藥草樹木百穀衆果皆因地生假令菩薩逮得摠持亦復如是便能興闡一切德本諸佛之法譬如族姓子地之所載亦無所置亦不憂感不動不搖不以增減菩薩如是亦無所置不以憂感不增不減亦不動搖

譬如族姓子於斯地上志受天雨不以為厭菩薩如是逮摠持者志受一切諸佛典誥及諸菩薩一切緣覺聲聞之法餘正見士平等行者沙門梵志一切衆生天上世間聞其說法不以為厭聽所說經不以為倦

譬如族姓子地之所種皆以時生不失其節亦不違錯應時滋長菩薩如是逮得摠持統攝一切諸功德法不侵欺人亦不失時具足所行坐於佛樹處在道場至諸通慧

譬如族姓子勇猛高士在於邦域而入戰鬪降伏怨敵無不歸依菩薩如是得摠持者處於道場坐於佛樹降伏衆魔

譬如族姓子檢一切法有常无常若

微妙者安隱非我及計無常及諸礙
穢及苦非我所以者何惟族姓子已
離二故則謂總持

譬如族姓子虛空無不受持亦非總
持亦無不持菩薩如是得總持者攬
攝一切諸法之要

譬如族姓子一切諸法及諸邪見皆
悉為空悉總持之菩薩如是得總持
者無所不攬總持如是救攝一切諸
法之誼是為族姓子計總持者無有
盡時已無有盡則無放逸已无放逸
則處中間已等處者即無有身則虛
空界已如虛空虛空及地則無有二
濡首童真說此言時五百菩薩得斯
總持

三藏品第七

時濡首童真於中夜為菩薩大士講
三選藏菩薩秘典何謂菩薩選藏秘
要都諸經法無不歸入於此選藏若
世俗法度世法有為法無為法若善
法不善法有罪無罪法有漏無漏法
悉來歸趣入菩薩藏所以者何菩薩
選藏經典要者曉了一切諸法之誼

辭族姓子此三千大千世界百億四
天下大地百億日月百億須弥山王
百億大海悉卷合入三千大千世界
為一佛土如是族姓子若凡夫法及
餘學法若聲聞法緣覺法若菩薩法
及與佛法志來入歸菩薩篋藏所以
者何菩薩篋藏一切攝護聲聞緣覺將
養大乘辭族姓子其樹根株堅固盛
者枝葉華實則為滋茂又族姓子設
有攝取菩薩篋藏菩薩大士則為攝
取一切諸乘將養一切衆德之法菩
薩藏者名無量器所以名曰無量器
者譬如大海受無量水為包含器不
可計實諸龍鬼神捷沓起阿湏倫迦
留羅真陀羅摩睺勒及衆生類在禽
獸者含受此等為無限器菩薩藏者
經典秘要亦復如是為無限施聞戒
定慧度知見器以故名曰菩薩篋藏
譬如含血之類生大海者以生於彼
不飲餘水惟服海水菩薩如是行菩
薩藏不於餘法有所造行惟常修行
諸通慧誼以故名曰菩薩篋藏又族
姓子菩薩有斯三篋要藏何謂三一

曰聲聞二曰緣覺三曰菩薩藏聲聞
藏者承他音響而得解脫緣覺藏者曉
了緣起十二所因分別報應因起所盡
菩薩藏者綜理无量諸法正誼自分別
覺又族姓子其聲聞乘無有三藏其
緣覺者亦無斯藏諸所說法菩薩究
練三藏秘要因菩薩法而生三藏聲
聞緣覺無上正真道故曰三藏菩薩
說法勸化衆生今處三乘聲聞緣覺
無上正覺是故菩薩名曰三藏有斯
三藏無餘藏學何謂為三聲聞學緣
覺學菩薩學何謂聲聞學但能焰已身
行之相緣覺學者是謂中學行大悲者
謂菩薩學至無量慧攝取大哀其聲聞
者不學緣覺之所學者亦不曉了其
緣覺者不學菩薩所學亦不曉了又
菩薩者悉學聲聞所道學者皆曉了
之不願樂彼亦不勸助修其所行學
於緣覺所道學者悉曉了之不願樂
彼亦不勸化使修其乘又菩薩者學
於菩薩當所學者悉曉了之願樂勸
修其乘所行勸所行已則說聲聞所
行解脫亦講緣覺所行解脫分別菩

薩所導解脫如是族姓子其有曉了此
所學者是則名曰菩薩薩藏如琉璃
器有所盛者應時一切示自然性如
琉璃色如是族姓子菩薩假使入菩
薩藏所可遊居於諸法者見一切法
悉為佛法菩薩假使入菩薩藏不覩
諸法而有處所設有覺了諸佛乘者
不見諸法之所像類其不學於菩薩
學者則見諸法而有處所設學菩薩
之所學者不見諸法而有處所設學
菩薩之所學者不見諸法有所住處
其不修行計斯一切皆為自然如是
族姓子假使菩薩入菩薩藏存在所
行所遊諸法一切悉見諸佛之法假
使菩薩入菩薩藏不見諸法有所像
類設使曉了諸佛法者則亦不覩諸
法之處學菩薩學不見諸法之所歸
趣其不修觀彼則覩見一切諸法而
有逆順一切衆生觀不順者菩薩皆
見諸法順正觀於諸法無有一法非
佛法者是故名曰菩薩薩藏又族姓
子菩薩藏者說無崖底文字所演順
而應時不可計量所立之處不可思

議垂顯光明靡不通達無有邊際莫
不焰曜多所利益志令歸趣於諸通
慧而令群萌志樂無本假使有學於
彼學者甫當學者一切志當入此菩
薩筵藏則至大乘已欲學者方當獲
者其不至者志使得至而令普入如
是濡首為諸菩薩衆會者在於中夜
說菩薩藏經典秘要廣分別演誼竭
所趣

不退轉輪品第八

濡首重鼻復於後夜為諸菩薩大士廣
宣講說不退轉輪金剛句跡何謂不
退轉輪又族姓子所以名曰不退輪
者如今菩薩說經法時若來聽者志
獲誼歸不復迴還便而講說不退轉
輪令其信樂不退轉輪菩薩行者不
為衆生造若干行不為諸法修若干行
不於諸國土興若干行不於諸佛尊
若干行不於諸乘行若干行一切所至
而悉普見轉於法輪不壞法界是謂
乃為轉於法輪是故名曰不退轉輪
彼所轉輪而無斷絕其輪修理無有
二輪其輪如是如悲哀輪其輪所趣

自然之誼在已所至其輪所趣法界

場輪又族姓子假使菩薩信樂於斯

不退轉輪則得解脫已身之患則為

信樂一切所信一切所想如來所興

患亦信之以信得脫於如來者無有

二脫亦不說二如其如來相好解脫

諸法之相一切法想信如來脫則無

有想已離脫相則至自然濟于已身

如是之行莫能勝者亦莫能踰於斯

慧者是故名曰不退轉輪又族姓子

不退轉輪不退于色色自然故痛想

行識亦復如是識不退轉識自然故

所以者何則不退轉一切諸法猶如

無本則為法輪是故名曰不退轉輪

其法輪者無有邊限無維无隅无有

斷絕無常輪故其法輪者亦無有門

無有二故則法輪門其法輪者無能

轉者無所轉故其法輪者亦無所說

法輪無言故其法輪者亦無名稱無

所顯曜輪無獲故又復計此不退轉

輪入於空無所遊相故澹泊門者无

來相故普有所至為空相故一切等

御本淨無相是故名曰不退轉輪又族

姓子不退轉輪有所遊行而有所至
是故名曰不退轉輪有所放捨徑有
所至是故名曰不退轉輪

如是濡首謂諸菩薩又族姓子所以
名曰金剛句跡一切諸法皆悉滅寂
何謂滅寂一切諸法又族姓子已了
空者金剛句跡也消諸邪疑六十二
故其無想者金剛句跡也斷絕一切
諸想念故其無願者金剛句跡也皆
度一切五趣有為令滅寂故其法界
者金剛句跡也超越若干諸疆界故
其無本者金剛句跡也致無我滅寂
故離色欲者金剛句跡也蠲除貪欲
諸所有故緣起行者金剛句跡也不
壞本性故察無為者金剛句跡也見
諸法自然故濡首童真為諸菩薩竟
於三夜普分別法彼諸菩薩皆得親
近光明華三昧菩薩設逮於此定者
二毛孔放百千光一一光明化現百
千諸佛儀容又斯諸佛天中之天所
在佛土現作佛事開導衆生群萌疇
類迎逆接納聽受法教

變動品第九

尔時王阿闍世明旦早起詣濡首所

而稽首曰供具已辦時至可行賢者

大迦葉晨朝夙興著衣持鉢與諸比丘

五百人俱欲入舍衛大城分衛於中

路念吾行分衛時如大早寧可造見

濡首童真這設斯念尋使往至則與

濡首言談叙闊演說堅要濡首而謂

之曰唯大迦葉晨何所湊答曰欲行

分衛故來詣受濡首曰今當就吾食

所設饌與眷屬俱吾當與仁分衛之

具迦葉答曰供具已達吾以法故而

來至斯不以食饌又曰迦葉惟當受請

供受二事大法供養飲食之饌言不

釋法亦不失食迦葉答曰鄙等之舉

以用法故絕饌不食盡其形壽志在

於法所以者何不從他人乃能得致

如斯法門如從仁者所說正誼又問

今者濡首及諸菩薩為於何食濡首

報曰吾等所食及施與者亦不長益

亦不耗減不動生死不近泥洹亦不

超度凡夫之地亦不證明賢聖之法不

越聲聞不捨緣覺吾等當說彼之所

請其布施者亦不淨除慧與所識不

損而益不至解脫於諸經法亦無所
興亦不得法亦無所釋迦葉答曰是
為大施無極廣施已入無本之所
致也今時濡首心自念言今日入城
寧可如佛感動變化應時以衆神足
變動三昧而為正受這以是定為正
受時尋即一切於是三千大千世界
普悉等住平若手掌普此佛國其大
光明靡不周遍其在地獄遭苦患者
即時休息畜生餓鬼諸不安者尋獲
安隱衆生之類心悉開解無婬怒癡
無慳嫉者亦無諛諂無有瞋恚憍慢
之結無所興起亦無熱惱今時衆生
展轉相瞻如父如母親此三千大千
世界六反震動欲行天子色行天子
悉來集會供奉溥首鼓樂絃歌倡伎
百千兩於天花嚴治途路濡首童真
這興斯定從其室宇至于城門自然
莊嚴途路平整既廣且長皆以七寶
無央數珍若干校飾自然出現不可
計寶化為寶漸中生蓮花芙蓉衛花
充滿煒燁漸上化造珠交露帳而起
幢幡繒綵花蓋其漸周匝遍有欄楯欄

褚左右皆有寶樹而其高大以諸寶
繩展轉連綿繫諸寶樹一一寶樹
有寶架皆置香鑪燒諸名香一二香
鑪燒諸香者聞四十里諸樹中間化
寶浴池有八味水盈滿池中底悉金
沙以寶欄楯周帀繞池琉璃為崖志
生青蓮芙蓉荷花諸寶樹下以寶為
地一切寶地列寶香瓶而燒名香一
一寶樹五百玉女儼然羅住各各建
立布施之德濡首這以斯定三昧正
受應時即有為彼異學外道之師示
現變化巍巍無量靡不亘然濡首童
真則從坐起者衣持鉢而欲發行謂
迦葉曰唯大迦葉便可在前吾今尋
後所以者何尊大迦葉年即耆宿素
修梵行久為沙門未見如來而出家
學計於世間所有羅漢皆從仁後有
所啓受以是之故宜當在前吾今在
後迦葉答曰計於法律不以年歲而
為尊長法律所載智慧為尊神智聖
達乃可為尊博聞才辯乃曰為尊諸
根明徹乃曰為尊法律所記以斯為
尊由是計之濡首童真智慧巍巍博

聞普達辯才無尋曉了一切衆生根
本以是之故取長弘遠仁為大尊宜
當在前余應在後今欲假喻分別此
誼迦葉又曰譬師子之子這生未久
雖為幼少氣力未成其師子子有所
遊步其氣所流野鹿諸獸聞其猛氣
皆悉奔走若有大鳥而有六牙其歲
六十又身高大若以革繩繫之三重
聞師子子威猛之氣恐怖畏懼跳騰
盡力斷三重繫馳走奔突入于山谷
谿澗林藪巖樹之間若入大水而自
沉沒樹禽搏翳走獸藏竄水居魚鼈
潛逃于淵又諸飛鳥翱翔虛空發意
菩薩亦復如是假使發意智慧道力
未孚成就心猶憍仰習師子步過諸
聲聞緣覺之路一切衆魔自在宮殿
志懷恐懼不能自安設師子子見餘
師子威力猛勢若師子吼聞其音聲
不恐不怖亦不懷懼無所畏難益以
踊躍衣毛悅澤乘其力勢亦當鳴吼
如是濡首大士聞佛師子吼時不恐
不怖亦不懷懼無所畏難歡喜踊躍
安心生焉吾亦當習猶如今佛師子

之吼假使有說平等正真聲聞緣覺
如來為尊發意菩薩則是為本斯言
至誠平等無邪所以者何由是出生
一切諸法而普顯現以故明知濡首
為尊其年幼少則是聖長宜當在前
吾當從後濡首童真尋在前行菩薩
次之諸聲聞眾乃繼其蹤濡首這向
嚴莊寶路則雨天花無數伎樂不鼓
自鳴應時其地六反震動其大光明
靡不灼徹於時濡首所現變化威神
感動放大光明雨花香熏諸音樂聲
相和而鳴入王舍城王阿闍世等慮
濡首與二万三千眾菩薩俱及諸聲
聞眷屬圍遶而來進路即懷恐懼今
吾整設五百人供來者猥多安能周
遍當馬所坐以何飼之心又念言濡
首童真果相疑誤則發此心應時濡
首威神聖德之所建立息意天王即
自化身金伽鬼神變微妙體則謂王
阿闍世曰大王且止勿以為慮無用
勞悞濡首童真善權方便智慧無極
現大功德威靈赫弈恢闡神力光祚
堂堂昇路來臻一人之食能以周遍

三千大千世界衆生疇類悉令充滿
何況於斯二万三千眷屬來者以是
之故不足勞慮大王且安勿復加供
一切來者悉當豐足所以者何濡首
大賁求得無盡衆祐難量王阿闍世
應時踊躍不能自勝則以弼意念於
濡首如佛世尊王阿闍世與諸群臣
中宮官屬賁持花香雜搗澤香衣服
之具幢幡繒蓋伎樂琴瑟笙篴奉迎
濡首稽首禮畢侍從濡首入城歸宮濡
首與諸眷屬初入城時城內羣民各
賁所有以來供養時於會中有一菩
薩名曰普觀濡首告曰卿族姓子使
其殿舍包容會者尋即受教察其左
右而普周觀阿闍世殿自然寬大懸
繒花蓋時立幢幡其地平博散衆花
香復有菩薩名曰法超濡首告曰卿
族姓子嚴辦衆座應時受教舉手彈
指於彼殿館二万三千牀座自然具
足若干種飾微妙莊嚴無數座具而
敷其上濡首童真諸菩薩衆悉俱就
座聲聞次之王見濡首與諸菩薩聲
聞坐畢前自啓白且待斯須增辦供

具濡首答曰大王自安自當備足勿以為勞時四天王與其眷屬悉來供侍濡首童真又天帝釋良善夫人及餘玉女無央數千賣持天上栴檀雜香蜜香搗香以用供散一切菩薩及諸聲聞時諸菩薩見諸花香及諸玉女無玉女想無花香想梵忍跡天化作梵志摩納之形手執拂扇住侍濡首左面以扇扇之諸梵天子各執拂扇侍諸菩薩立而扇焉無梵龍王不現其身在於虛空垂貫真珠從其貫珠出八味水清涼且美供給所當其諸菩薩一切聲聞其前各各有垂貫珠而出美水亦給所用王阿闍世心自念言是諸菩薩而不賣鉢當於何食濡首知王心念而告之曰斯諸正士有所遊至不賣鉢行所可遊行諸佛國土這坐欲食鉢自然至斯諸菩薩本所建立又彼如來昔所造願鉢從虛空來在於掌王阿闍世問濡首曰是諸菩薩從何佛國來世界名何如來正覺号曰何等濡首答曰世界名常名聞如來号離聞首今現在說法是諸菩薩從彼而來就於仁食欲得聽

省王之狐疑所懷虛妄時諸菩薩志
所建立如來本願鉢於空中自然飛
來投於無焚八味浴池洗滌清淨諸
族姓子二万三千諸龍采女各賣香著
諸菩薩掌中時王見茲信用踊躍則
前稽首濡首童真濡首童真而告王
曰可設供饌宜知是時王即受教則
便陳列若干種食琦妙珍膳供具悉
遍食不消滅如是阿闍世本所供施
五百人饌悉令二万三千皆得飽足
飲食如故阿闍世王白濡首曰今饌
如故而不消賜濡首荅曰如今仁者
狐疑未盡疑不盡故猶斯食饌用不
消索時諸菩薩飯食畢竟尋以其鉢
跳擲空中鉢處虛無無所依據而不
墮落王阿闍世問濡首曰今斯諸鉢
為何所止濡首荅曰猶如大王狐疑
所存今此諸鉢亦處於彼時王荅曰
鉢無所立濡首荅曰猶如大王所有
狐疑亦無所立今此諸鉢無所依據
而不墮落諸法如是悉無所有亦無
所住以是諸法亦無墮落
文殊師利普超三昧經卷中

癸卯歲高麗國大藏都監奉
勅彫造

大殊師利普超三昧經卷下

恭

決疑品第十

西晉月氏三藏竺法護譯

於是王阿闍世見諸菩薩及聲聞衆
食訖澡畢更取卑榻於薄首前坐欲
聽聞法惟願薄首解我狐疑薄首答
曰大王所疑江河沙等諸佛世尊所
不能決時王自省无救無護從搶而
墮如斷大樹摧折擗地大迦葉曰大王
自安莫懷恐懼勿以為懼所以者何
薄首童真被大德鎧善權方便而設
此言可徐而問時王即起問薄首曰
向者何說江河沙等諸佛世尊不能
為我而決狐疑薄首報曰王意云何
諸佛世尊緣心行乎答曰不也薄首
又問諸佛世尊發心行乎答曰不也
又問諸佛世尊滅心行乎答曰不也
又問諸佛世尊行有為乎答曰不也
又問諸佛世尊行無為乎答曰不也
又問諸佛世尊所教行無為乎答曰
不也薄首又曰王意云何其諸法者而
无有行無有行者無所竭經寧能有人

教化於法決斷之乎。答曰：不也。王當了之。吾以是故而說斯言。王之狐疑江河沙等諸佛正覺所不能決。復次大王假使有人而自說言：我以塵冥灰烟雲霧汙染虛空。寧堪任乎？答曰：不能。汙溥首又問：設令大王吾取此空洗之，使淨寧堪任乎？答曰：不能。溥首報曰：如是大王如來之身，曉了諸法，猶如虛空。成取正覺，自然淨者，无所染汙。以是之故，何所有法而染汙者？見逆限乎？豈可決了？普淨除乎？大王等觀於斯法，誼吾以是故向者說言：江河沙等諸佛世尊所不能決。了復次大王諸佛世尊不得內心而有所住，不得外心而有所住。所以者何？一切諸法自然清淨，无有處所，自然淨者，无有處所，無有志願有所住者，所以者何？得自在於諸法，自然故，无自然於諸法，无興立故，無蹉跌於諸法，无所有故，無所有於諸法，離形貌故，無形貌於諸法，虛無故，无弊碍於諸法，无教相故，无教化於諸法，自然無所有故，離所有於諸法，釋竭趣故，无歸趣。

我諸法无別離故無別離我諸法无
所生故無所倚我諸法自然淨故心
性淨我諸法无分如空等故無倫比
我諸法无伴黨故无侶我諸法離於
二故無有二我諸法澹泊故无量我
諸法无斷絕故無邊際我諸法无崖
畔故無誠諦我諸法顛倒從不誠諦
而有所住故无顛倒我諸法常淨得
安已故有常我諸法无歸嚮故清淨
我諸法本淨因明達故已自然我諸
法无我而顯曜故安隱我諸法無想
念故無猶豫我諸法内寂然故無欺妄
我諸法究竟无誠諦故靜寞我諸法
澹泊相故无吾我我諸法除於我故
无穿漏我諸法解脫相故趣寂滅我
諸法離所念故无恐懼我諸法離着
干故造一等我諸法等御脫故故愜忽
我諸法不想本際故无有想我諸法无
壞閑默緣故順空我諸法離衆見故
无有願我諸法離三世故斷三世我
諸法无去來今故無爲等我諸法究
竟无生故王意云何彼法無生亦无
所起亦无所所有無有真諦豈能有人

汙染之乎。答曰：不也。溥首曰：彼法寧可決斷不耶？答曰：不也。溥首又曰：一切諸法等如泥洹，如來解此致寂正覺，猶是之故。王狐疑者，不可決斷。是故大王不可修行有所造立，不從倒心當修造立，真諦之觀觀於无本。設能察者，則於諸法而无所受，亦无所曉，不與遊居。若使大王不與諸法俱遊，居者斯乃為信，其有信者乃為寂寞。其寂寞者，乃自然淨，自然淨者，乃无所造，无所造者，一切諸法則無有主。彼則造忍，一切諸法无有造者。王當知之，无所造者，則為滅度。計彼諸法亦无所造，無所破壞，亦无有造，亦無不造。斯謂滅度。假使大王順此脫者，則平等脫，以等脫者，則於其法无趣，無逮，不增不减。所以者何？於一切法无所利，誼亦無所求。諸法无本，其無本者，則无所生。无所生者，則亦无本。其无本者，等无差特。故曰：无本无異。設使大王解信，無本一切狐疑，自然為斷。又若大王眼無染汙，亦无所淨，眼之自然為无本。故無本自然，則曰：眼矣耳。

鼻口身心亦復如是心者大王無有
染汙亦無所淨心之自然為無本故
無本自然則曰心矣王當了之色無
染汙亦无所淨色者自然為无本故
無本自然則曰色矣痛想行識亦復
如是識无染汙亦無所淨識之自然
為無本故无本自然則曰識矣王當
了之一切諸法無有染汙亦無所淨
諸法自然為无本故無本自然則曰
諸法心無形色亦不可見無所危害
無有處所无有言教譬若如幻不處
於外不處於内心者本淨而自然明
設心淨者則無染汙亦無所淨王當
解此其本淨心不可染汙无有淨者
無有虛妄亦无所著無所危害因無
諦想而有所造無諦思想設有所住
凡夫愚騃猗欲塵勞彼則何謂无有
誠諦則而發起無誠諦想其無誠者
則不興諦一切諸法住不真諦以存
於彼無誠諦想譬如大王喻此虛空
無色无見不可執持亦無所捨亦無
言教假使有人而說言曰今此虛空
無色无見不可執持亦無所捨无有

言教吾今欲以塵烟焰雲霧汙染虛空王荅曰不能溥首曰如是大王心本之淨自然顯明則不可以塵烟焰雲霧蔽淨汙之譬如塵烟焰雲霧住於虛空終不染空而為垢汙如是大王發吾我相謂是我所因鑒緣結為婬怒癡不汙心法不汙心法自然之淨是故大王仁者於彼勿懷狐疑王欲知之其過去心及當來心則無形貌其當來心及過去心亦无形貌現在心者無所依倚亦無所有前心所念不尋後心後心所念不尋前心其現在心亦復如是明知於彼而造斯觀心無所有亦無不有過去心者以滅盡未來心未至現在无住觀見諸法當來無住獨除諸見無所恠者為解脫故清淨想者諸法離垢普等于世普等於明無所生者无有言教及无言教無處不處世尊所說寂然之議其寂然者計於彼法則無有處假使有人求處言教推索諸法設使大王在於諸法而無所念則除一切狐疑之結而於諸法無所決除所以者何

其狐疑者與法適等而無差特故曰
法界御於平等一切諸法及與法界
於此諸法當御平等所以者何一切
諸法則入法界設等法界則等諸法
是故名曰法界平等一切諸法其法
界者等御諸法說是語時王阿闍世
得柔順法忍歡喜踴躍心獲大安尋
即叉手歎曰善哉快說斯言辯除余
疑溥首荅曰王當知之斯為大冥狐
疑之結也如王究竟釋一切法而說
斯言善哉溥首快說斯言辯除疑惑
王又荅曰以為滅盡吾諸陰蓋假使
我身命終沒者則當至道溥首荅曰
是為大王之甚疑尋乃欲究竟一切
諸法至於滅度乃能怖望想於滅度
竟泥洹一切諸法而復望想於滅度
乎究竟泥洹者諸法本淨而无所生
今時王阿闍世取軟妙衣價直百千
即以手持奉上溥首欲報法恩而覆
其身溥首童真忽然不現不見其身
何所歸趣空中聲曰如今大王而不
覩見溥首之身觀其狐疑亦當如斯
如見狐疑見一切諸法亦復如是如

觀諸法所見如是見无所見又曰大王所見身者以衣與之次于溥首有坐菩薩名慧英幢王阿闍世以衣與之於時菩薩不肯受衣而說斯曰吾不欲脫於所有亦不瞋恨亦不滅度吾亦不近於凡夫法而受斯衣亦不從度凡夫行者不從學者亦復不從度塵法者不從不學不從無學而度法者不從緣覺亦復不從度緣覺者而受斯衣吾亦不從如來所受亦不從度如來法者而有所受假使大王不行斯法不捨此法吾乃從彼而有所受斯當受者若有施者俱同一等而無差特如此施者則為清淨衆祐所說王阿闍世則以其衣著慧英幢身即於座上忽然不現已於空中復聞聲曰其身現者以衣施之次有菩薩名信喜寂王阿闍世以衣施之其菩薩曰吾亦不從自見身如有所受不從見他不從見著塵而有所受不從離塵亦不從寂獨而有所受不從無猗不從定意不從亂志不從智慧不從無慧而有所受王即以衣著菩薩

上則亦不現而於空中如有聲曰有現身者以衣施之次有菩薩名不捨所念王阿闍世以衣施之於時菩薩亦不肯受而說斯曰吾不從猗身而有所受不從猗言不從猗心不從猗慧不從猗誼不從猗陰不從猗種不從猗衰入不從猗諦不從猗佛音聲而有所受所以者何一切諸法皆無所猗亦無所著究竟永安亦無震動王阿闍世以衣施之於時菩薩則亦不現空中有聲而語王曰其身現者以衣施之次坐菩薩名曰尊志王阿闍世以衣施之於時菩薩亦不肯受而說斯曰王當知之吾不從卑脫而有所受假使大王發於無上正真道心其心等者道意則等信道意等道已平等其心亦等已等道意諸法則等已能平等一切法者乃從受衣於一切法不受不捨亦無所收脫於諸法而無有意亦無不意觀一切法不見吾我不計吾我如是行者乃從受衣王阿闍世以衣施之則便不現以於空中而有聲曰其有現者以衣與之次有

菩薩名定華王王阿闍世以衣施之於時菩薩亦不肯受而說斯曰假使大王行諸三昧不於定意而有所懷信解諸法本淨平等无有脫者我乃從彼而受斯衣王阿闍世以衣著其身於時時菩薩則亦不現以於空中而聞聲曰其身現者以衣與之次坐菩薩名無逮得王阿闍世以衣施之時彼菩薩亦不肯受而說斯曰假使大王嚴飾作斯行者我乃從彼而有所受王阿闍世以衣擲之時彼菩薩忽然不現以於空中而有聲曰其身現者以衣施之次有菩薩名淨三垢王阿闍世以衣施之時彼菩薩亦不肯受而說斯曰假使大王不自得身亦無受者其有施者亦無憍望若如是者我乃受衣王阿闍世以衣擲之則亦不現以於空中而有聲曰其身現者以衣與之次坐菩薩名化諸法王王阿闍世以衣施之於時菩薩亦不肯

受假使大王示現聲聞而般泥洹亦
不滅度示現緣覺而般泥洹亦不滅
度示現如來而般泥洹亦不滅度無
終始法無滅度法吾乃受衣王阿闍
世以衣擲之則亦不現空中聲曰其
有現身以衣與之王阿闍世以次第
以衣施諸菩薩一一不現各各說曰
其有現者以衣與之林檎机案亦空
不現王阿闍世謂賢者大迦葉曰於
今現者當受斯衣仁者默然佛所咨
歎宜當受之大迦葉曰吾無愁癢無
除盡也如今吾身不應受衣不捨無
明不除欲索不斷苦惱不滅於智不
為盡證亦不由路吾不見佛亦不聞
法不御聖衆不擇塵勞不發思想不
離思想不建立慧亦不離慧吾眼不
淨亦不造慧亦無所滅其施我者不
獲大福亦非無福吾亦不在於生死
法無滅度法其施我者不能究竟衆
祐之德假使大王能行如斯等護諸
誼我受斯衣王阿闍世以衣擲之忽
然不現在於空中而聞聲曰其身現
者以衣與之王阿闍世次第施衣則

各不現如是一切諸大弟子一一恍
惚沒不復現盡五百人復聞聲曰王
所見身以衣施之即自念言善哉善
聞志不復現善哉還與第一之君則
入宮裏而遙觀察亦不覩見一切殊
女王阿闍世便得親近如斯定意其
目所睹不見諸色亦不見男女不見
童子不見童女不見大小不見牆壁
不見樹木不見屋宅不見城郭續見
身想復聞空中而有聲曰其身現者
以衣與之王即自善不見自身尋則
雪除一切色想復聞聲曰假使大王
不見諸色形像所有柔軟安隱觀於狐
疑亦當如見狐疑觀一切法亦復如
此如無所見者斯乃為見離於諸見設
使離見有所見者則無所見不離諸
見如是見者能為等觀設於諸法不有
所見已無所見則為等觀於時王阿
闍世皆離一切想念所善從三昧起
尋則還復見衆會者諸后妹女城郭殿
宅亦復如故王阿闍世白薄伽梵曰向
者衆會為何所湊又吾在爾而不見
之薄伽梵曰猶如大王執疑所湊其

衆會者向在干彼又問大王見衆會
乎答曰已見溥首問曰云何見而見
孤疑觀衆會者亦復如是又問以何
等見於孤疑乎答曰如觀會者目前
所見諸形色者孤疑亦然不見內外
又問大王世尊說曰其犯逆者不得
中止處無有間王自知當至地獄乎
王尋答曰云何溥首如來至真成正
覺時豈見有法碍因圍乎斯趣三塗
斯趣天上斯趣泥洹乎答曰不也大
王溥首察見吾今覺了一切諸法所
覺了法於諸經法亦無所得趣於地獄
若生天上般泥洹者一切諸法皆悉
為如若分別空之所碍趣瞻於空者無
趣地獄不至天上不碍泥洹一切諸
法無所破壞一切諸法悉碍法界其
法界者不碍惡趣不上於天不碍泥
洹其逆無間則謂法界諸逆之原則
謂法界其本淨者則謂諸逆其諸逆
者則謂本淨是故言曰諸法本淨是
故溥首一切諸法至無所生由斯自
知不碍惡趣亦不上天不碍泥洹溥
首答曰云何大王亂佛法教答曰吾

亦不違世尊教命不詭佛法所以者
何世尊分別演無我際說真諦原已
無有我彼則無人人無所有衆生虛
无无有實者如是計之則无所造亦无
作者亦無受者又問大王狐疑斷乎
答曰已究除矣溥首問曰云何大王
猶豫絕乎答曰永絕溥首又問今王
云何於衆會中知王有逆而言无逆
答曰不也又問云何答曰其已逆者
脫於無結而造證者彼諸逆者斯會
逆者其諸逆者則是菩薩柔順法忍
而今衆人得入斯忍不當於彼攬持
諸逆溥首所謂逆者從彼至斯無有
諸逆以是之故不當於彼摠攝諸逆
時慧英幢菩薩舉聲歎曰以為嚴除
大王之路乃能逮得如斯法忍王則
答曰一切諸法本末悉淨又一切法
究竟閑默無所染汙以是之故不可
汙染而為作垢無所著道斯名曰道
又彼道者不歸生死不至泥洹諸賢
聖道無道御者无所起道斯名為道
道无有道王阿闍世說此言時逮得明
達柔順法忍於時中宮四十二女見

溥首威神變化皆發無上正真道意
五百庶民遠塵離垢諸法眼淨時無
央數百千人衆皆來集會至宮門下欲
得聞法供養奉事溥首童真以脚足
拍而案此地時王舍城悉作琉璃一
切城里所居民者悉見溥首菩薩聲
聞辟如明鏡照其面像自見其影溥
首童真為諸來者如應說法八万四
千人聽經法者得法眼淨五百人皆
發無上正真道意

心本淨品第十一

今時溥首為王阿闍世及諸眷屬并
餘來者無數之衆開化說法即從坐
起與比丘衆王阿闍世群臣寮屬及
無數人出宮門行行於途路見一男
子自害其母住他樹下啼哭懊惱稱
叫奈何其人究竟現在應度而自剋
責所作無狀而造大逆自危其母當
墮地獄雖念其人當修律行時溥首
於比丘衆前化作異化即時往詣害
母人所去之不遠而中道住其害母
者遇見父母與子共侶父母謂子是
者正路其子答曰斯非正路通乎起

靜於是化子現懷瞋怒殺化父母其
逆罪子遙見化子害化父母啼哭酸
毒不能自勝尋即往詣害母人所而
謂之曰我煞父母當墮地獄哭言奈
何當設何計其害母者而自念言今
此來人乃害二親我但危母其人癡
冥罪莫大焉我之為逆尚老於彼如
彼受罪吾猶覺輕其化人者悲哀酸酷
口並宣言吾當往詣能仁佛所其無
救者佛為設救其恐懼者慰除所患
如佛所教我當奉遵於時化人啼哭
進路在其前行而害母者尋隨其後
如彼悔過吾亦當尔吾罪微薄彼人
且重化人詣佛稽首于地而白佛言
唯然世尊吾造大逆而害二親犯斯
大罪佛告化人善哉善哉子為至誠
而無所欺言行相副詣如來前說誠
諦言而不兩舌亦不自慢當自惟察
觀心之法以何所心危二親者用過
去心當來心乎現在心耶其過去心
即以滅盡其現在心即以別去無有
處所亦無方面不知安在當來心者
則亦未至无集聚處未見旋返亦无往

還子當知之心亦不立於身之內亦不由外亦無境界不處兩間不得中止察其心者亦無五色青赤黃白黑子當了之心者無色亦不可見亦無所住亦不退轉無有言教不可執持猶若如幻子欲察心不可分別不可解了不可名婬不可究怒不可知癡無婬怒癡子當知心無生死行亦無所作亦無所現亦不現在心者清淨亦無垢染亦無淨者心不在此亦不在彼不在異處猶如虛空亦无等倫亦無色像亦無言教有明智者不當依倚勿得言吾謂是我所莫得造處无得為想莫造畢竟勿有所為無言已身勿去吾我莫念過去所以者何子當知之一切諸法悉無所住猶如虛空子且聽之解如是者佛不謂人於法有脫若染汙者不歸惡趣設心清淨而無垢染則無諸趣於時化人即而歎曰得未曾有天中之天如來所因成取正覺了知法界無有作者亦無有受無有生者无滅度者无所依倚願得出家因佛世尊得作沙門受

具足戒佛言比丘善來於時化人前
作沙門即白佛言唯然世尊吾獲神
通今欲滅度佛之威神使彼化人去
地四丈九尺於虛空中而取滅度身
中出火還自燒體於時逆子見彼化
人得作沙門聽受經法聞佛所說心
自念言向者彼人自危二親在世尊
前而作沙門便得滅度今吾何故不
效彼人而作沙門亦當滅度作是念已
往詣佛所稽首聖足前白佛言我亦造
逆自危母命佛言善哉善哉子熱至
誠而無所欺言行相副詣如來前說
誠諦之言而不兩舌亦不自慢當自
惟察觀心之法以何所心危其親者用
過去心當來心乎現在心耶其過去
心即已滅盡其現在心印以別去無
有處所亦無方面不知安在當來心
者則亦未至無集聚處未見旋返亦
無往還子當知之心亦不立於身之
內亦不由外亦無境界不處兩間不
得中止察其心者亦無五色青赤
黃白黑子當了之心者無色亦不可
見亦無所住亦不退轉無有言教不

可執持猶若如幻子欲察心不可分別不可解了不可名姪不可究怒不可知癡無姪怒癡子當知心在生死行亦無所作亦無所現亦不現在心者清淨亦無垢染亦無淨者心不在此亦不在彼不在異處猶如虛空亦無等倫亦無色像亦無言教有明知者不當依倚勿得言吾謂是我所莫得造處無得為想莫造畢言勿有所為無言已身勿云吾我莫念過去所以者何子當知之一切諸法悉無所住猶如虛無子且聽之解如是者佛不謂人於法有脫若染汙者不歸惡趣設心清淨而無垢染則無諸趣於時逆人地獄之火從毛孔出毒痛甚劇而無救護則白佛言我今被燒惟天中天而見救濟歸命大聖於是世尊出金色臂著實人頂上火時即滅無復苦痛見如來身若干相好身痛休息而得安隱又前白佛欲作沙門佛尋聽之即為寂志於時世尊為說四諦其人聞之遠塵離垢得法眼淨修行法教逮得往還證至得羅漢

又白佛言欲般涅槃世尊告曰隨意
所存於時比丘踊在虛空去地四丈
九尺身中出火還自燒體百千天人
於虛空中而來供養時舍利弗見於彼
人受斯律教而得滅度則驚怖之前
白佛言誠難及也天中之天如來思
施所說法律乃令逆者得受法教如
是行者然有殊別堪救濟者惟有如
來溥首童真被大德鎧諸菩薩論能
觀一切群萌根原隨而度之地非聲
聞緣覺境界佛言如是舍利弗誠如
所云是佛大士法忍菩薩之境界也
又舍利弗汝等所見想墮地獄而佛
觀之至滅度法汝等視人應滅度者
世尊省知而墜惡趣或以知足有德
之士閑居奉戒而三昧定汝等謂之
至滅度法如來見之反墮地獄所以
者何汝等之類離於心行不能遍察
衆生心原群萌所行不可思議又舍
利弗汝為見此然母者乎聞說深法
得至無餘而般涅槃對曰惟見天中
天佛告舍利弗斯害母者於五百佛
殖衆德本聞深妙法解暢心本清淨

顯曜又如其人入此典誥受一切法而得解脫佛言舍利弗以是之故若族姓子族姓女我滅度後能聞是法誼即便信樂又人迷惑而心乖者隨惡知友而犯罪墮不失法忍乃至無餘而得解脫吾不謂斯等墮惡趣也有信樂如是像類深妙之法所得如是以斯之故若茲等倫處於正路其聞斯典即信樂者講說平等章句歎頌廣為他人分別演者德悉如是何況奉行修如所教導首與諸菩薩大士迦葉王阿闍世及無數人往詣佛所稽首禮足却坐一面

余時舍利弗見溥首與諸會者悉坐定已謂王阿闍世大王狐疑寧為斷乎荅曰唯然仁者尋則斷矣又問云何斷荅曰不受不捨是謂為斷亦無所得本末永了無有垢染則為斷矣舍利弗白世尊曰王阿闍世所畢幾如餘有樂如世尊告曰王之餘殃猶如芥子所滅之罪如須弥山入於深法所說經誼至無生法舍利弗又白佛言王阿闍世當復往歸於惡趣乎荅

曰如忉利天子在於七寶重閣交露
下閻浮提尋還本處如是舍利弗王
阿闍世所入地獄名宿陀羅晉曰集欲
這入尋出其身不遭苦惱之患舍
利弗言難及世尊王阿闍世諸根明
達乃如斯乎又能蠲除若干罪疊如
斯重殃地獄之毒佛告舍利弗王阿
闍世前已供養七十二億諸佛世尊
殖衆德本咸受經典所聞法者勸无
上正真之道汝豈見溥首乎對曰已
見世尊告曰溥首童真勸阿闍世使
發無上正真道意於難計劫離垢歲
如來無數諸佛於彼劫中而有三億
平等正覺悉是溥首所可誘勸使轉
法輪長壽久存設百千世尊終不能
為王阿闍世說法決疑其惟溥首能
為斯王決除疑網所以者何溥首童真
數從諸佛聞是深法以是故當作斯
觀其有菩薩應所度者本從發意得
其本師為之說法乃能解耳王阿闍
世從集欲輕地獄出生於上方去是
五百佛國其世界曰莊嚴其佛号寶
英如來至真等正覺今現說法當復

重見薄首從聞深經在於彼土即當逮得不起法忍弥勒菩薩成正覺時當復來下還斯忍界号曰不動菩薩大士弥勒如来當為衆會宣講不動菩薩前所興為又復分別於此經典敷陳至誼不動大士能仁佛世作大國王名阿閼世從惡友言自害其父從薄首聞所說經典得柔順法忍目此除罪令無有餘弥勒如来緣不動菩薩說此經法八千菩薩得不起法忍八万四千菩薩蠲除無數不可計會罪墮積聚如是舍利弗王阿閼世從今已往八百難計會劫修菩薩行開化衆生嚴淨佛土又舍利弗王阿閼世所化衆生為聲聞地若緣覺地若行大乘斯等衆生當有罪蓋无塵垢弊狐疑志除無有猶豫過於八千不可計劫當得無上正真之道為最正覺劫名喜見世界曰無造陰佛号淨界如来至真等正覺壽十四劫諸聲聞衆七十万入而為大會一切慧解志八脫門諸菩薩衆有十二億皆得智慧度無極善權方便滅度之後

正法當住一億歲無造陰世界所有
黎庶至於壽盡無狐疑者終沒之後
不歸三塗淨界如來設為群生講說
經者悉去諸垢無有塵勞皆得清淨
是故舍利弗人人相見莫相平相所
以不當相平相者人根難見獨有如
來能平相人行如佛者可平相人也賢
者舍利弗及大眾會驚喜踴躍而說
斯言從今日始盡其形壽不觀他人
不敢說人某趣地獄某當滅度所以
者何群生之行不可思議時佛說此
喻阿闍世決三萬二千天子發無上
正真道意各擔願曰淨界世尊成正
覺時吾等當生於彼佛土不造欲世
界佛即記之當生彼土

月首受決品第十二

王阿闍世有一太子名曰月首厥年
八歲解頸瓔珞用散佛上而曰吾以
此德勸助無上正真之道以斯善本
淨界如來成正覺時願於彼土為四
城主轉輪聖王盡其形壽供養如來
及比丘衆佛滅度後奉持舍利而受
經典然後得成無上正真之道為最

正覺這散珠瓔便於虛空則成七寶
交露棚閣四方四植上下平等嚴正
微妙於其閣內安四寶牀敷天繒綵
如來坐之相好莊嚴佛時即笑世尊
笑法則有無數不可訾限百千光色
從其口出照難思議无有邊際諸佛
世界超于梵天魔之宮殿日月光明
自然蔽瞽燦燦徧繞身無央數而從頂
上入賢者阿難即從坐起徧袒右肩
長跪叉手以偈讚曰

度一切智慧 超越衆聖尋 解了群生類
心行之根原 以分別本末 應時而說法
普照世願說 何因而欣笑 衆生在十方
一切處其前 無數億姪衆 一一而難問
能仁之聖師 乃堪決其疑 善哉願解說
愍哀何故欣 其過去諸佛 寂勝所住立
又當來世尊 猶如洹河沙 分別知六趣
慧度於无極 所以現欣笑 離垢願決疑
光明超日月 翳魔釋梵宮 通徹諸鐵圍
超照衆山頂 安隱蒸黎元 枯竭衆勤勞
善說除諸垢 何故熙欣笑

於是世尊告阿難曰寧見月首太
子乎對曰唯然已見佛言今此月首

而於佛前殖衆德本則以勸助無上
正真道猶當漸積修菩薩行淨界如
來成佛道時又此太子生彼佛土為
轉輪王供養奉事淨界如來至真等
正覺盡其形壽施以所安滅度之後
供養舍利將御正法法滅盡後即當
遷沒生兜率天則於其劫得為無上
正真道成取正覺号月英如來至真
等正覺明行成為善逝世間解無上
士道法御天人師為佛衆祐國土所
有佛之壽命諸比丘衆亦如淨界世
尊等無差特也今時他方世界諸來
會者菩薩大士與薄首俱至此忍界
聞說斯言前啓白佛薄首童真所可
遊至則當觀之其土處所悉為如來
無有空缺諸佛世尊不復勞慮所以
者何唯然世尊薄首所攝終無惡趣
不劇不閑及諸魔事罪蓋塵穢其有
州域郡國縣邑丘聚城墾於斯正典
而流布者則觀其處如來遊居無有
虛空世尊告曰如是如是族姓子誠如
所云今斯經典所宣布處則是如來
之所遊止則是如來懇懃垂教又族

姓子乃昔往古錠光佛時吾於彼世而受得決所敷跋地錠光如來蹈越跋上散以蓮花逮得法忍授吾剎曰後無數劫當得作佛号能仁如來如是族姓子時錠光佛告諸比丘汝等不當越踏斯地所以者何是者則為天上世間神寺佛塔菩薩敷跋其處所者而違法忍誰欲於此而起塔者彼諸天子八十億人同時稱曰吾等當起今時會中有一長者名曰賢天白世尊曰吾於斯地當起塔寺佛言可與族姓子賢天長者即於彼處起七寶塔莊嚴具足還詣錠光而問佛言予在其地興七寶塔福何所趣錠光如來尋報之曰長者欲知菩薩大士得不起忍計其地處若如車輪下盡地際一切衆生各取土塵皆如舍利而供養之乃復上至三十三天滿中七寶以布施佛若欲比之起塔寺福終不相及塔寺之福眾多難計長者於此所殖德本如我今授摩納之剎當為無上正真之道若成佛者亦當立卿於大道決於族姓子意念云何

尔時長者名賢天者豈異人乎莫作
斯觀所以者何此衆會中有長者子
名曰受行今吾授決當於來世而得佛
道号善見如來至真等正覺明行成
為善逝世間解無上士道法御天人
師為佛衆祐以是之故族姓子族姓
女比丘比丘尼清信士清信女若住
若坐書是經典持誦誦讀為他人說
則於其處下盡地際一切諸塵悉為
衆生又此土者悉如舍利所以者何
得忍菩薩成就衆德亦復如是佛故
告汝慇懃屬累若族姓子族姓女
於是三千大千世界滿中七寶布施
如來至真等正覺晝夜各三而不懈
怠布施隨時至於一切若復過却不
如受是經典王阿闍世除諸狐疑無
有猶豫淨諸陰蓋分別一切諸法平
等若書若讀受持誦誦聞之信樂書
著竹帛匹素經卷矜莊執翫令此正
法而得久住此功德福過彼甚多不可
稱限佛言族姓子若於百劫奉持禁
戒普知止足乃得閑居志樂不捨其聞
是經而信樂者其功德福則過於彼

守禁戒上若於百劫而行忍辱一切
衆生罵詈搥捶以加杖痛而皆忍之
若復有人聞此經要而信樂者其功
德福則便超越彼忍辱上若於百劫
而行精進供養一切衆生之類而不
愛身及與壽命不如聞是經歡喜信
者若於百劫而行禪思有觸燒者而
不惑亂不如聞是經歡喜信者若於
百劫而行智慧博攬曉了無所不達
設復聞此究竟本淨心暢自然經典
之品而歡喜信受持戒諷誦其功德
福則超越彼能速勸立諸通慧矣
時諸菩薩俱白佛言唯然世尊吾等
已受於斯經典在在所遊諸佛國
者有所住處便當宣布所以者何衆
經典者則興佛事時諸菩薩舉聲歎
曰便復散花遍于三千大千世界而
說斯言說此經典布閭浮提而住長
久世尊能仁正法顯成溥首童真當
使永存所以吾等未曾省聞如是像
經假使聞者吾等不能加報佛恩及
與溥首當以何等興大供養若族姓
子從人聞斯經典者其恩難報假使

有人欲見如來從聞是經當觀其人
如見世尊設欲供養如來至真等正
覺者便當供養此族姓子若覩族姓
子族姓女當瞻之如佛世尊諸菩薩
等咨嗟已畢稽首佛足右繞三匝於
此佛土忽然不現各各遷還其本國
土各各自住其如來前如所受法廣
為人說則於佛前一彼土開導教
化無數群生使發無上正真道意

屬累品第十三

今時世尊告彌勒曰仁當受斯正法
明典為無量人而分別說多所安隱
多所哀念諸天世人志當蒙恩彌勒
菩薩而白佛言唯然世尊吾則受斯
經典教已亦從過去等正覺所啓受
是經於今現在面值世尊得聞斯法
唯然大聖如來現在吾以此經演令
流普佛滅度後在兜率天當為群生
分別說此殖衆德本若族姓子族姓
女然於後世耳聞斯經志大乘者當知
彌勒之所建立奉持斯經若有弊魔
伺求其便吾等當承世尊聖旨而將
護之使無瑕短佛告帝釋當受斯經

阿闍世品斷一切結所以者何天阿
須倫假使懷恨而戰鬪者當念斯經
典諸天則勝阿須倫降佛言拘翼今
囑累汝若斯經典在於州域郡國縣
邑城鄣丘聚則護其土怨歆讎隙不
得其便若至縣官若在賊中若逢禽
獸若值鬼神若遇盜賊若遭水火恐
懼之難便當思念於斯經典而說歌
頌若有怨家殺逆惡賊不能得其便
尔時佛告賢者阿難受斯經典持誦
誦讀所以者何假使有人從汝求此
經典要者其族姓子若族姓女斷一
切疑無有猶豫洗除衆結永已除了
諸魔罪蓋不能覆蔽宿之殃疊邪害
星尋自然消滅所以者何設聞斯經
則無狐疑佛告阿難吾屬累汝懇懃
戒勅若犯逆者入斯典要歡喜欣悅
則無有逆亦无危害而無罪蓋者年
迦葉白世尊曰唯然大聖吾見證明
於斯經典向者就王阿闍世宮分別
逆事王阿闍世尋時逮得不起法忍
疑網即除我時念言阿闍世本不曉
了一切諸法亦不分別諸逆之事唯

然世尊諸法本淨自然之性而反思
想計有吾我而立諸見不能理練一
切諸逆之本淨也如阿闍世習近顛
倒虛偽衆想成勤苦患若究暢此則
無衆難吾從今始說諸群生亦無有
罪無惡趣法其入此者則超絕去無
有終始佛言善哉善哉迦葉誠如所
云諸佛世尊道義之政無有塵垢賢
者阿難前白佛言唯然世尊建立斯
經典令後末世遊閻浮提今時世尊
從左右脅放大光明普照三千大千
世界樹木牆壁普自然出如茲音響
如來則建斯經典已設此經典在大
海中若劫燒時應聞是經不得中斷
而不聞也佛告阿難悉如樹木牆
壁所出音聲誠如所云斯諸正士殖
衆德本取後世時受是經者終不中失
佛說是經時九万六千天人遠塵離垢
諸法眼淨六万八千人悲發無上正
真道意二万二千菩薩得不起法忍
八千人離諸貪欲三千大千世界六
反震動應時大音普告天上世間悉
來供養於斯經典諸天伎樂不鼓自

鳴普告天上世間悉來散華燒香雜
香搗香澤香面悉值斯所轉法輪如
來於此所說經者悉為降伏衆邪異
道却諸邪行抑制衆魔斯如來印則
為精修如來之法諸族姓子便當
分別求此法印究竟正見佛說如是
王阿闍世溥首童真弥勒大士一切
菩薩諸大聲聞舍利弗大迦葉須菩
提阿難等諸天世人阿須倫聞佛所
說莫不歡喜

文殊師利普超三昧經卷下

癸卯歲高麗國大藏都監奉
勅彫造

佛說藥師如來本願經

卷

新翻藥師經大業十二年十二月八日沙門慧矩等六人於東都洛水南上林園譯出此本奉定諸讀誦者願莫更疑得罪不輕

佛說藥師如來本願經

隋天竺三藏達摩笈多譯

如是我聞一時婆伽婆遊行人間至毗舍離國住樂音樹下與大比丘衆八千人俱菩薩三萬六千國王大臣婆羅門居士天龍阿修羅捷達婆伽樓茶緊那羅摩呼羅伽等大衆圍遶於前說法

爾時毘殊室利法王子承佛威神即從座起偏露一體右膝著地向婆伽婆合掌曲躬白言世尊唯願演說諸佛名号及本昔所發殊勝大願令衆生聞已業障消除攝受來世正法壞時諸衆生故

爾時婆伽婆讚毘殊室利童子言善哉善哉毘殊室利大慈悲者起無量悲勸請我說為欲義利種種業障所纏

衆生饒益安樂諸天人故。曷殊室利當善憶念。聽我所說時。曷殊室利童子。樂聽佛說。自言唯然。世尊。佛告曷殊室利。東方過此佛土十恒河沙等佛土之外。有世界名淨琉璃。彼土有佛名樂師琉璃光如來。應正遍知。明行足。善逝。世間解。無上士。調御丈夫。天人師。佛世尊。曷殊室利。彼世尊樂師琉璃光如來。本行菩薩行時。發十二大願。何者。十二

第一大願。願我來世於佛菩提得正覺時。自身光明熾然。照曜無量無數無邊世界。三十二丈夫大相。及八十小好。以為莊嚴。我身既令一切衆生如我無異。

第二大願。願我來世得菩提時。身如琉璃。內外清淨。無復瑕垢。光明曠大。威德熾然。身善安住。焰網莊嚴。過於日月。若有衆生生世界之間。或復人中。昏暗及夜。莫知方所。所以我光故。隨意所趣。作諸事業。

第三大願。願我來世得菩提時。以無邊無限智慧方便。令無量衆生界受

用無盡莫令一人有所少乏

第四大願願我來世得菩提時諸有衆生行異道者一切安立菩提道中行聲聞道行辟支佛道者皆以大乘而安立之

第五大願願我來世得菩提時若有衆生於我法中修行梵行此諸衆生無量無邊一切皆得不缺減戒具三聚戒無有破戒趣惡道者

第六大願願我來世得菩提時若有衆生其身下劣諸根不具醜陋頑愚聾盲跛躄身孿背偻白癩癲狂若復有餘種種身病聞我名已一切皆得諸根具足身分成滿

第七大願願我來世得菩提時若有衆生諸患逼切无護無依无有住處遠離一切資生醫藥又無親屬貧窮可愍此人若得聞我名号衆患悉除無諸痛惱乃至究竟無上菩提

第八大願願我來世得菩提時若有女人為婦人百惡所逼惱故厭離女身願捨女形聞我名已轉女人身成丈夫相乃至究竟無上菩提

第九大願願我來世得菩提時令一切衆生解脫魔網若墮種種異見稠林悉當安立置於正見次第亦以菩薩行門

第十大願願我來世得菩提時若有衆生種種王法繫縛鞭撻牢獄應死無量災難悲憂煎迫身心受苦此等衆生以我福力皆得解脫一切苦惱十一大願願我來世得菩提時若有衆生飢火燒身為求食故作諸惡業我於彼所先以取妙色香味食飽足其身後以法味畢竟安樂而建立之十二大願願我來世得菩提時若有衆生貧無衣服寒熱蚊蠅日夜逼惱我當施彼隨用衣服種種雜色如其所好亦以一切寶莊嚴具花鬘塗香鼓樂衆伎隨諸衆生所須之具皆令滿足

此十二大願是彼世尊藥師琉璃光如來應正遍知行菩薩時本昔所作復次曷殊室利藥師琉璃光如來所有諸願及彼佛土功德莊嚴乃至窮劫說不可盡彼佛國土一向清淨無

女人形離諸欲惡亦無一切惡道苦
聲琉璃為地城闕垣牆門窓堂閣柱
樑斗拱周匝羅網皆七寶成如極樂
國淨琉璃界莊嚴如是於其國中有
二菩薩摩訶薩一名日光二名月光
於彼無量無數諸菩薩衆取為上首
持彼世尊藥師琉璃光如來正法之
藏是故昇殊室利信心善男子善女
人應當願生彼佛國土

今時世尊復告昇殊室利童子言昇
殊室利或有衆生不識善惡多貪无
厭不知布施及施果報愚癡無智關
於信根聚財護惜不欲分施此等衆
生無施心故見乞者來其心不喜如
割身肉復有無量慳貪衆生自不受
用亦不欲與父母妻子况奴婢作使
及餘乞人此等衆生人間命終生餓
鬼道或畜生道由昔人間曾得聞彼
藥師琉璃光如來名号故或在鬼道
或畜生道如來名号暫得現前即於
念時彼處命終還生人道得宿命智
怖畏惡趣不樂欲趣好行慧施讚歎
施者一切所有悉能捨施漸以頭目

手足血肉身分皆與求者況餘財物
復次曷殊室利有諸衆生雖奉如來
受持學句然破戒破行破於正見或
受學句護持禁戒然不求多聞不解
如來所說修多羅中甚深之義或復
多聞而增上慢自是非他嫌謗正法
為魔伴黨此等癡人及餘元量百千
俱脛那由他衆生行邪道者當墮地
獄此等衆生應於地獄流轉無期以
得聞彼世尊藥師琉璃光如來名号
故於地獄處彼佛威力如來名号暫
得現前即時捨命還生人道正見精
進淳善淨心便能捨家於如來教中
出家學道漸次修行菩薩諸行

復次曷殊室利或有衆生以妬忌故
但自稱讚不讚他人此諸衆生以自
高輕他故於三惡道無量千歲受諸
苦毒過無量千歲已於彼命終生畜
生趣作牛馬馳驅鞭杖撻擊飢渴逼
惱身負重擔隨路而行若生人道常
居下賤為人奴婢受他駭役若昔人
中間彼世尊藥師琉璃光如來名号
者以此善根衆苦解脫諸根猛利聰

慧博識恒求善本得與良友常相隨
逐能斷魔習破無明聲竭煩惱河解
脫一切生老病死憂悲苦惱

復次昇殊室利有諸衆生好喜乖離
更相鬭訟此等平起惡心衆生身口
及意恒作諸惡為欲相損各各常以
無益相加或告林神樹神山神塚神
種種別神煞諸畜生取其血肉祭祀
一切夜叉羅刹食血肉者書怨人字
并作其形成就種種毒害呪術厭魅
蠱道起屍鬼呪欲斷彼命及壞其身
由聞世尊藥師琉璃光如來名号故
此諸惡事不能傷損皆得平起慈心
益心無嫌恨心各各歡悅更相攝受
復次昇殊室利此諸四衆比丘比丘
尼優婆塞優婆私及餘信心善男子
善女人等受八分齋或復一年或復
三月受持諸戒以此善根隨所意樂
隨所願求若欲往生西方極樂世界
阿彌陀如來所者由得聞彼世尊藥
師琉璃光如來名号故於命終時有
八菩薩乘空而來示其道徑即於彼
界種種異色波頭摩花中自然化生

若復此人欲生天上即得往生本昔善根無有窮盡不復更生諸餘惡趣天上命盡當生人間為轉輪王四洲自在安立无量百千俱胝那由他衆生於十善業道或復生於刹利大族婆羅門大族居士大家金銀粟帛倉庫盈滿形色具足自在具足眷屬具足勇健多力如大力士若有女人得聞說此如來名号至心受持此人於後永離女身

尔時曼殊室利童子白佛言世尊我於後時以彼世尊藥師琉璃光如來名号於信心善男子善女人所種種方便流布令聞乃至睡中亦以佛名覺寤寤其耳若受持此經讀誦宣說或復為他分別開解若自書若令人書若取經卷五色淨綵以盛裹之灑掃淨處以安置之持種種花種種香塗香花鬘寶幢幡盖而用供養尔時四大天王與其眷屬并餘百千俱胝那由他諸天皆詣其所若此經卷流行之處若復有人誦持此經以得聞彼世尊藥師琉璃光如來名号及本昔

所發殊勝大願故當知是處無復橫
死亦復不為諸鬼所持奪其魂魄設
已奪者還復如故佛言如是如是男
殊室利如汝所說男殊室利信心善
男子善女人若欲供養彼如來者此
人應作如來形像七日七夜受八分
齋食清淨食於清淨處散種種華燒
種種香以種種繒綵種種幡幢莊嚴
其處澡浴清潔著新淨衣應生无垢
濁心無怒害心於一切衆生起利益
心慈悲喜捨平等之心鼓樂歌讚右
遶佛像應念彼如來本昔大願并解
釋此經如所思念如所願求一切所
欲皆得圓滿求長壽得長壽求福報
得福報求自在得自在求男女得男
女或復有人忽得惡夢或見諸惡相
或恠鳥來集於其住所百恠出現此
人若能以種種衆具供養恭敬彼藥
師琉璃光如來者一切惡夢惡相不
吉祥事皆悉隱沒或有水怖火怖刀
怖毒怖懸嶮之怖惡鳥師子虎狼熊
羆毒蛇惡蠍蜈蚣蚰蜒如是等怖憶
念供養彼如來者一切怖畏皆得解

脫若他國侵擾賊盜反亂如是等怖亦應念彼如來恭敬尊重

復次男殊室利若有信心善男子善女人乃至盡形受三歸依不事餘天或持五戒或持十戒或持菩薩一百四戒或復出家受持比丘二百五十戒若比丘尼受持五百戒於隨所受中毀犯禁戒畏墮惡道若能供養彼世尊藥師琉璃光如來者決定不受三惡道報或有女人臨當產時受於極苦若能稱名供養彼世尊藥師琉璃光如來者速得解脫所生之子身分具足形色端正見者歡喜利根聰明安隱少病無有非人奪其魂魄

余時世尊告慧命阿難言阿難如我稱揚彼世尊藥師琉璃光如來所有功德汝信受耶汝於如是諸佛如來甚深境界多生疑惑時慧命阿難白佛言大德世尊我於如來所說法中無復疑惑何以故一切如來身口意行無不清淨世尊此日月有如是大神通有如是大力可令墮落須彌山王可得移動諸佛所言無有差異

大德世尊或有衆生信根不具聞說
如來佛境界已作是思惟云何但念
彼如來名獲念許功德心不信受生
於誹謗此等長夜無義饒益當墮苦
趣佛言阿難若彼如來所有名号入
其耳中此人墮惡道者无有是處阿
難諸佛境界誠為難信汝今信受應
知皆是如來威力非一切聲聞辟支
佛地所能信受唯除一生補處菩薩
摩訶薩阿難人身難得於三寶中信
敬尊重亦難可得聞彼如來名号倍
難於此阿難彼世尊藥師琉璃光如
來无量菩薩行无量諸巧便无量曠大
願我欲一切若過一切說彼如來菩
薩行願乃至窮劫彼世尊藥師琉璃
光如來本昔所行及殊勝大願亦不
究盡

尔時衆中有菩薩摩訶薩名曰授脫
即從座起偏露一臂右膝著地向婆
伽婆合掌曲躬自言大德世尊於未
來世當有衆生身嬰重病長患羸瘦
不食飢渴喉膺乾燥死相現前目无
所見父母親眷朋友知識啼泣圍遶

其人屍形卧在本處閻摩使人引其神識置於閻摩法王之前此人背後有同生神隨其所作若罪若福一切皆書盡持授與閻摩法王時閻摩法王推問其人等計所作隨善隨惡而處分之若能為此病人歸依彼世尊藥師琉璃光如來如法供養即得還復此人神識得迴還時如從夢覺皆自憶知或經七日或二十一日或三十五日或四十九日神識還已具憶所有善惡業報由自證故乃至失命不造惡業是故信心善男子善女人應當供養藥師如來

尔時慧命阿難問授脫菩薩言善男子應云何供養彼世尊藥師琉璃光如來也授脫菩薩言大德阿難若有患人欲脫重病當為此入七日七夜受八分齋當以飲食及種種眾具隨力所辦供養比丘僧晝夜六時礼拜供養彼世尊藥師琉璃光如來四十九遍讀誦此經然四十九燈應造七軀彼如來像一一像前各置七燈二燈量大如車輪或復乃至四十九日

光明不絕當造五色綵幡長四十九尺
復次大德阿難灌頂剎利王等若災
難起時所謂人民疾疫難他方侵逼
難自界反逆難星宿變恠難日月薄
蝕難非時風雨難過時不雨難今時
此灌頂剎利王當於一切衆生起慈
愍心救諸繫閉依前所說供養法式
供養彼世尊藥師琉璃光如來時灌
頂剎利王用此善根由彼世尊藥師
琉璃光如來本昔勝願故其王境界
即得安隱風雨以時禾稼成就國土
豐熟一切國界所有衆生無病安樂
多生歡喜於其國界亦無夜叉羅剎
毗舍闍等諸惡鬼神擾亂衆生所有
惡相皆即不現彼灌頂剎利王壽命
色力無病自在並得增益

今時慧命阿難問救脫苦薩言善男
子云何已盡之命而可更延救脫苦
薩言阿難汝豈不聞如來所說九橫
死耶是故教以呪藥方便或有衆生
得病非重然無醫藥及看病人或復
醫人療治失所非時而死是為初橫
第二橫者王法所煞第三橫者遊獵

放逸姪醉無度為諸非人害其魂魄
第四橫者為火所燒第五橫者為水
所溺第六橫者入師子虎豹諸惡獸
中第七橫者飢渴所困不得飲食因
此致死第八橫者厭禱毒藥起屍鬼
等之所損害第九橫者投巖取死是
名如來略說大橫有此九種其餘復
有无量諸橫

今時衆中有十二夜又大將俱在會
坐所謂

宮毗羅大將 跋折羅大將 迷佉羅大將
安捺羅大將 安怛羅大將 摩涅羅大將
因陀羅大將 波異羅大將 摩呼羅大將
真達羅大將 招度羅大將 鼻羯羅大將
此等十二夜又大將一一各有七千夜
又以為眷屬皆同一聲白世尊言我
等今者蒙佛威力得聞世尊藥師琉
璃光如來名号已不復更有惡道之
怖我今相與皆同一心乃至壽盡歸
依佛歸依法歸依僧皆當荷負一切
衆生為作義利饒益安樂隨於何等
村城聚落阿蘭拏處若流布此經若
復持彼世尊藥師琉璃光如來名号

親近供養者我等眷屬衛護是人皆
使解脫一切苦難諸有所求悉令滿
足。爾時世尊讚諸夜叉大將言善哉
善哉。大夜叉將汝等若念彼世尊藥
師琉璃光如來恩德者當念饒益一
切衆生。

爾時慧命阿難白佛言世尊此經何
名。云何奉持。佛言阿難此法門者名
為藥師琉璃光如來。本昔所發殊勝
大願。當如是持名為淨一切業障。當
自誓當如是持名為淨一切業障。當
如是持時。娑伽婆謔是語已。諸菩薩
摩訶薩諸大聲聞國王大臣婆羅門
居士及一切大衆阿修羅捷達婆等
聞佛所說歡喜奉行。

佛說藥師如來本願經

癸卯歲高麗國大藏都監奉
勅彫造

藥師琉璃光如來本願功德經

恭

大唐三藏法師玄奘奉

詔譯

如是我聞一時薄伽梵遊化諸國至
廣嚴城住樂音樹下與大苾芻衆八
千人俱菩薩摩訶薩三万六千及國
王大臣婆羅門居士天龍藥叉人非
人等無量大衆恭敬圍遶而為說法
尔時昇殊室利法王子承佛威神從
座而起偏袒一肩右膝著地向薄伽
梵曲躬合掌白言世尊惟願演說如
是相類諸佛名号及本大願殊勝功
德令諸聞者業障消除為欲利樂像
法轉時諸有情故

尔時世尊讚昇殊室利童子言善哉
善哉昇殊室利汝以大悲勸請我說
諸佛名号本願功德為拔業障所經
有情利益安樂像法轉時諸有情故
汝今諦聽極善思惟當為汝說昇殊
室利言唯然願說我等樂聞

佛告昇殊室利東方去此過十殍伽
沙等佛土有世界名淨琉璃佛号藥
師琉璃光如來應正等覺明行圓滿

善逝世間解無上丈夫調御士天人
師佛薄伽梵勇殊室利彼佛世尊藥
師琉璃光如來本行菩薩道時發十
二大願令諸有情所求皆得

第一大願願我來世得阿耨多羅三
藐三菩提時自身光明熾然照曜无
量無數无边世界以三十二大丈夫
相八十隨好莊嚴其身令一切有情
如我無異

第二大願願我來世得菩提時身如
琉璃内外明徹淨无瑕穢光明廣大
功德巍巍身善安住焰網莊嚴過於
日月幽冥衆生悲蒙開曉隨意所趣
作諸事業

第三大願願我來世得菩提時以無
量无边智慧方便令諸有情皆得无
盡所受用物莫令衆生有所乏少

第四大願願我來世得菩提時若諸
有情行邪道者悉令安住菩提道中
若行聲聞獨覺乘者皆以大乘而安
立之

第五大願願我來世得菩提時若有
無量无边有情於我法中修行梵行

一切皆令得不缺戒具三聚戒設有
毀犯聞我名已還得清淨不墮惡趣
第六大願願我來世得菩提時若諸
有情其身下劣諸根不具醜陋頑愚
盲聾瘖瘂癱瘓背僂白癩癩狂種種
病苦聞我名已一切皆得端正點慧
諸根完具无諸疾苦

第七大願願我來世得菩提時若諸
有情衆病逼切無救無歸无醫无藥
無親无家貧窮多苦我之名号一經
其耳病患得除身心安樂家屬資具
悉皆豐足乃至證得无上菩提

第八大願願我來世得菩提時若有
女人為女百惡之所逼惱極生厭離
願捨女身聞我名已一切皆得轉女
成男具丈夫相乃至證得無上菩提

第九大願願我來世得菩提時令諸
有情出魔羅網解脫一切外道纏縛
若墮種種惡見稠林皆當引攝置於
正見漸令修習諸菩薩行速證無上
正等菩提

第十大願願我來世得菩提時若諸
有情正法所錄縲縛鞭撻繫閉牢獄

或當刑戮及餘無量災難凌辱悲愁
煎迫身心受苦若聞我名以我福德
威神力故皆得解脫一切憂苦

第十一大願願我來世得菩提時若
諸有情飢渴所惱為求食故造諸惡
業得聞我名專念受持我當先以上
妙飲食飽足其身後以法味畢竟安
樂而建立之

第十二大願願我來世得菩提時若
諸有情貧無衣服蚊虻寒熱晝夜逼
惱若聞我名專念受持如其所好即
得種種上妙衣服亦得一切寶莊嚴
具花鬘塗香鼓樂衆伎隨心所翫皆
令滿足

舅殊室利是為彼世尊藥師琉璃光
如來應正等覺行菩薩道時所發十
二微妙上願

復次舅殊室利彼世尊藥師琉璃光
如來行菩薩道時所發大願及彼佛
土功德莊嚴我若一劫若一劫餘說
不能盡然彼佛土一向清淨無有女
人亦無惡趣及苦音聲琉璃為地金
網界道城闕宮閣軒窓羅網皆七寶

成亦如西方極樂世界功德莊嚴等
無差別於其國中有二菩薩摩訶薩
一名日光遍照二名月光遍照是彼
無量無數菩薩衆之上首悉能持彼
世尊樂師琉璃光如來正法寶藏是
故昇殊室利諸有信心善男子善女
人等應當願生彼佛世界

尔時世尊復告昇殊室利童子言昇
殊室利有諸衆生不識善惡唯懷貪怯
不知布施及施果報愚癡无智闕於
信根多聚財寶勤加守護見乞者來
其心不喜設不獲已而行施時如割
身肉深生痛惜復有無量慳貪有情
積集資財於其自身尚不受用何況
能與父母妻子奴婢作使及來乞者
彼諸有情從此命終生餓鬼界或傍
生趣由昔人間曾得暫聞樂師琉璃
光如來名故念在惡趣暫得憶念彼
如來名即於念時從彼處沒還生人
中得宿命念畏惡趣苦不樂欲樂好
行惠施讚歎施者一切所有悉無貪
惜漸次尚能以頭目手足血肉身分
施來求者况餘財物

復次鼻殊室利若諸有情雖於如來
受諸學處而破尸羅有雖不破尸羅
而破軌則有於尸羅軌則雖得不壞
然毀正見有雖不毀正見而棄多聞
於佛所說契經深義不能解了有雖
多聞而增上慢由增上慢覆蔽心故
自是非他嫌謗正法為魔伴黨如是
愚人自行邪見復令無量俱胙有情
墮大險坑此諸有情應於地獄傍生
鬼趣流轉無窮若得聞此藥師琉璃
光如來名号便捨惡行修諸善法不
墮惡趣設有不能捨諸惡行修行善
法墮惡趣者以彼如來本願威力令
其現前暫聞名号從彼命終還生人
趣得正見精進善調意樂便能捨家
趣於非家如來法中受持學處无有
毀犯正見多聞解甚深義離增上慢
不謗正法不為魔伴漸次修行諸善
薩行速得圓滿

復次鼻殊室利若諸有情慳貪嫉妬
自讚毀他當墮三惡趣中无量千歲
受諸劇苦受劇苦已從彼命終來生
人間作牛馬駝驢恒被鞭撻飢渴逼

惱又常負重隨路而行或得為人生
居下賤作人奴婢受他駟役恒不自
在若昔人中曾聞世尊藥師琉璃光
如來名号由此善因今復憶念至心
歸依以佛神力衆苦解脫諸根聰利
智慧多聞恒求勝法常遇善友永斷
魔網破无明翳竭煩惱河解脫一切
生老病死憂悲苦惱

復次男殊室利若諸有情好喜乖離
更相鬪訟惱亂自他以身語意造作
增長種種惡業展轉常為不饒益事
互相謀害告言山林樹塚等神殺諸
衆生取其血肉祭祀藥叉羅刹婆等
書怨人名作其形像以惡呪術而呪
詛之厭媚蠱道呪起屍鬼令斷彼命
及壞其身是諸有情若得聞此藥師
琉璃光如來名号彼諸惡事悉不能
害一切展轉皆起慈心利益安樂無
損惱意及嫌恨心各各歡悅於自所
受生於喜足不相侵凌手為饒益
復次男殊室利若有四衆苾芻苾芻
尼鄒波索迦鄒波斯迦及餘淨信善
男子善女人等有能受持八分齋戒

或經一年或復三月受持學處以此善根願生西方極樂世界无量壽佛所聽聞正法而未定者若聞世尊藥師琉璃光如來名号臨命終時有八菩薩乘神通來示其道路即於彼界種種雜色衆寶花中自然化生或有因此生於天上雖生天中而本善根亦未窮盡不復更生諸餘惡趣天上壽盡還生人間或為輪王統攝四洲威德自在安立無量百千有情於十善道或生刹帝利婆羅門居士大家多饒財寶倉庫盈溢形相端嚴眷屬具足聰明智慧勇健威猛如大力士若是女人得聞世尊藥師如來名号至心受持於後不復更受女身

尔時昇殊室利童子白佛言世尊我當擔於像法轉時以種種方便令諸淨信善男子善女人等得聞世尊藥師琉璃光如來名号乃至睡中亦以佛名覺悟其耳世尊若於此經受持讀誦或復為他演說開示若自書若教人書恭敬尊重以種種花香塗香鉢香燒香花鬘瓔珞幡蓋伎樂而為

供養以五色綵作囊盛之掃灑淨處
敷設高座而用安處尔時四大天王
與其眷屬及餘无量百千天衆皆詣
其所供養守護世尊若此經寶流行
之處有能受持以彼世尊藥師琉璃
光如來本願功德及聞名号當知是
處無復橫死亦復不為諸惡鬼神奪
其精氣設已奪者還得如故身心安樂
佛告曇室利如是如是如汝所說
曇室利若有淨信善男子善女人
等欲供養彼世尊藥師琉璃光如來
者應先造立彼佛形像敷清淨座而
安處之散種種花燒種種香以種種
幢幡莊嚴其處七日七夜受持八分齋
戒食清淨食澡浴香潔著新淨衣應
生无垢濁心无怒害心於一切有情
起利益安樂慈悲喜捨平等之心鼓
樂歌讚右遶佛像復應念彼如來本
願功德讀誦此經思惟其義演說開
示隨所樂願一切皆遂求長壽得長
壽求富饒得富饒求官位得官位求
男女得男女若復有人忽得惡夢見
諸惡相或怖鳥來集或於住處百怪

出現此人若以衆妙資具恭敬供養
彼世尊藥師琉璃光如來者惡夢惡
相諸不吉祥皆悉隱沒不能為患或
有水火刀毒懸嶮惡為師子虎狼熊
羆毒蛇惡獸蜈蚣蚰蜒蚊虻等怖若能
至心憶念彼佛恭敬供養一切怖畏
皆得解脫若他國侵擾盜賊反亂憶
念恭敬彼如來者亦皆解脫
復次男殊室利若有淨信善男子善
女人等乃至盡形不事餘天惟當一
心歸佛法僧受持禁戒若五戒十戒
菩薩四百戒苾芻二百五十戒苾芻
尼五百戒於所受中或有毀犯怖墮
惡趣若能專念彼佛名号恭敬供養
者必定不受三惡趣生或有女人臨
當產時受於極苦若能至心稱名礼
讚恭敬供養彼如來者衆苦皆除所
生之子身分具足形色端正見者歡
喜利根聰明安隱少病无有非人奪
其精氣

尔時世尊告阿難言如我稱揚彼佛
世尊藥師琉璃光如來所有功德此
是諸佛甚深行處難可解了汝為信

不阿難白言大德世尊我於如來所
說契經不生疑惑所以者何一切如
來身語意業无不清淨世尊此日月
輪可令墮落如高山王可使傾動諸
佛所言无有異也世尊有諸衆生信
根不具聞說諸佛甚深行處作是思
惟云何但念藥師琉璃光如來一佛
名号便獲尔所功德勝利由此不信
反生誹謗彼於長夜失大利樂墮諸
惡趣流轉无窮佛告阿難是諸有情
若聞世尊藥師琉璃光如來名号至
心受持不生疑惑墮惡趣者無有是
處阿難此是諸佛甚深所行難可信
解汝今能受當知皆是如來威力阿
難一切聲聞獨覺及未登地諸菩薩
等皆悉不能如實信解唯除一生所
繫菩薩阿難人身難得於三寶中信
敬尊重亦難可得得聞世尊藥師琉
璃光如來名号復難於是阿難彼藥
師琉璃光如來无量菩薩行無量善
巧方便无量廣大願我若一劫若一
劫餘而廣說者劫可速盡彼佛行願
善巧方便無有盡也

余時衆中有一菩薩摩訶薩名曰救
脫即從座起偏袒右肩右膝著地曲
躬合掌而白佛言大德世尊像法轉
時有諸衆生為種種患之所困厄長
病羸瘦不能飲食喉膺乾燥見諸方
暗死相現前父母親屬朋友知識啼
泣圍遶然彼自身卧在本處見琰魔
使引其神識至于琰魔法王之前然
諸有情有俱生神隨其所作若罪若
福皆具書之盡持授與琰魔法王余
時彼王推問其人筭計所作隨其罪
福而處斷之時彼病人親屬知識若
能為彼歸依世尊藥師琉璃光如來
請諸衆僧轉讀此經然七層之燈懸
五色續命神幡或有是處彼識得還
如在夢中明了自見或經七日或二
十一日或三十五日或四十九日彼識
還時如從夢覺皆自憶知善不善業
所得果報由自證見業果報故乃至
命難亦不造作諸惡之業是故淨信
善男子善女人等皆應受持藥師琉
璃光如來名号隨力所能恭敬供養
余時阿難問救脫菩薩曰善男子應

云何恭敬供養彼世尊藥師琉璃光
如來續命幡燈復云何造救脫菩薩
言大德若有病人欲脫病苦當為其
人七日七夜受持八分齋戒應以飲
食及餘資具隨力所辦供養苾芻僧
晝夜六時札拜供養彼世尊藥師琉
璃光如來讀誦此經四十九遍然四
十九燈造彼如來形像七軀一一像
前各置七燈一一燈量大如車輪乃
至四十九日光明不絕造五色綵幡
長四十九搩手應放雜類衆生至四
十九可得過度危厄之難不為諸橫
惡鬼所持

復次阿難若刹帝利灌頂王等災難
起時所謂人衆疾疫難他國侵逼難
自界叛逆難星宿變恠難日月薄蝕
難非時風雨難過時不雨難彼刹帝
利灌頂王等今時應於一切有情起
慈悲心敬諸繫閑依前所說供養之
法供養彼世尊藥師琉璃光如來由
此善根及彼如來本願力故令其國
界即得安隱風雨順時穀稼成熟一
切有情无病歡樂於其國中无有暴

虐藥又等神惱有情者一切惡相皆
即隱沒而刹帝利灌頂王等壽命色
力無病自在皆得增益阿難若帝后
妃主儲君王子大臣輔相中宮采女
百官黎庶為病所苦及餘尼難亦應
造立五色神幡然燈續明放諸生命
散雜色花燒衆名香病得除愈衆難
解脫

尔時阿難問救脫菩薩言善男子去
何已盡之命而可增益救脫菩薩言
大德汝豈不聞如來說有九橫死耶
是故勸造續命幡燈修諸福德以修
福故盡其壽命不經苦患阿難問言
九橫云何救脫菩薩言有諸有情得
病雖輕然无醫藥及看病者設復遇
醫授以非藥實不應死而便橫死又
信世間邪魔外道妖孽之師妄說禍
福便生恐動心不自正卜問覓禍煞
種種衆生解奏神明呼諸魍魎請乞
福祐欲冀延年終不能得愚癡迷惑
信邪倒見遂令橫死入於地獄无有
出期是名初橫二者橫被王法之所
誅戮三者畋獵嬉戲耽淫耆酒放逸

无度橫為非人奪其精氣四者橫為
火焚五者橫為水溺六者橫為種種
惡獸所敗七者橫墮山崖八者橫為
毒藥厭禱呪詛起屍鬼等之所中害
九者飢渴所困不得飲食而便橫死
是為如來略說橫死有此九種其餘
復有无量諸橫難可具說

復次阿難彼琰魔王主領世間名籍
之記若諸有情不孝五逆破辱三寶
壞君臣法毀於信戒琰魔法王隨罪
輕重考而罰之是故我今勸諸有情
然燈造幡放生修福令度苦厄不遭
衆難

今時衆中有十二藥叉大將俱在會
坐所謂

宮毗羅大將 伐折羅大將 迷企羅大將
安底羅大將 頻伽羅大將 珊底羅大將
因達羅大將 波夷羅大將 摩虎羅大將
真達羅大將 招杜羅大將 毗羯羅大將
此十二藥叉大將一一各有七千藥叉
以為眷屬同時舉聲白佛言世尊我
等今者蒙佛威力得聞世尊樂師疏
璃光如來名号不復更有惡趣之怖

我等相率皆同一心乃至盡形歸佛法僧擔當荷負一切有情為作義利饒益安樂隨於何等村城國邑空閑林中若有流布此經或復受持藥師琉璃光如來名号恭敬供養者我等眷屬衛護是人皆使解脫一切苦難諸有願求悉令滿足或有疾厄求度脫者亦應讀誦此經以五色纒結我名字得如願已然後解結

尔時世尊讚諸藥叉大將言善哉善哉大藥叉將汝等念報世尊藥師琉璃光如來恩德者常應如是利益安樂一切有情

尔時阿難白佛言世尊當何名此法門我等云何奉持佛告阿難此法門名說藥師琉璃光如來本願功德亦名說十二神將饒益有情結願神呪亦名拔除一切業障應如是持時薄伽梵說是語已諸菩薩摩訶薩及大聲聞國王大臣婆羅門居士天龍藥叉捷達縛呵素洛揭路荼緊捺洛莫呼洛伽人非人等一切大衆聞佛所說皆大歡喜信受奉行

藥師琉璃光如來本願功德經

癸卯歲高麗國大藏都監奉
勅彫造

藥師琉璃光七佛本願功德經卷上

恭

大唐三藏沙門義淨於佛光內寺譯

如是我聞一時薄伽梵遊化諸國至
廣嚴城在樂音樹下與大苾芻衆八
千人俱菩薩摩訶薩三万六千其名
曰昇殊室利菩薩觀自在菩薩慈氏
菩薩善現菩薩大慧菩薩明慧菩薩
山峯菩薩辯峯菩薩持妙高峯菩薩
不空超越菩薩微妙音菩薩常思惟
菩薩執金剛菩薩如是等諸大菩薩
而為上首及諸國王大臣婆羅門居
士天龍八部人非人等無量大衆恭
敬圍遶而為說法初中後善文義巧妙
純一圓滿清淨鮮白梵行之相示教
利喜皆令具足微妙行願趣大菩提
尔時昇殊室利法王子菩薩摩訶薩
承佛威神從座而起偏袒右肩右膝
著地合掌恭敬而白佛言世尊今有
無量人天大衆為聽法故皆已雲集
惟佛世尊從初發意乃至於今所有
无量塵沙數劫諸佛剎土無不知見
願為我等及未來世像法衆生慈悲

演說諸佛名号本願功德國土莊嚴
善巧方便差別之相令諸聞者業障
消除乃至菩提得不退轉今時世尊
讚歎殊室利菩薩言善哉善哉殊
室利汝以大悲愍念无量業障有情
種種疾病憂悲苦惱得安樂故勸請
我說諸佛名号本願功德國土莊嚴
此由如來威神之力令發斯問汝今
諦聽極善思惟當為汝說殊室利
言惟願為說我等樂聞

佛告殊室利東方去此過四殑伽
河沙佛土有世界名曰光勝佛号善
名稱吉祥王如來應正等覺明行圓
滿善逝世間解無上丈夫調御士天
人師佛世尊有无量億眾不退菩薩
之所圍遶安住七寶勝妙莊嚴師子
之座現在說法殊室利彼佛國土
清淨嚴飾縱廣正等百千踰繕那以
賸部金而為其地平正柔熯氣如天
香无諸惡趣及女人名亦无九磔沙石
棘刺寶樹行列花果滋繁多有浴池
皆以金銀真珠雜寶而為砌飾殊
室利彼國菩薩皆於七寶蓮花化生

是故淨信善男子善女人皆當願生
彼佛國土易殊室利彼佛如來應正
等覺從初發心行菩薩道時發八大
願云何為八

第一大願願我來世得无上菩提時
若有衆生為諸病苦逼切其身熱病
諸瘡蠱道厭魅起屍鬼等之所惱害
若能至心稱我名者由是力故所有
病苦悉皆消滅乃至證得无上菩提
第二大願願我來世得菩提時若有
衆生盲聾瘡痘白癩瘋狂衆病所困
若能至心稱我名者由是力故諸根
具足衆病消滅乃至菩提

第三大願願我來世得菩提時若有
衆生為貪瞋癡之所纏逼造无間罪
及諸惡行誹謗正法不修衆善當墮
地獄受諸苦痛若能至心稱我名者
由是力故令无間罪及諸業障悉皆
消滅无有衆生墮惡趣者常受人天
殊勝安樂乃至菩提

第四大願願我來世得菩提時若有
衆生少之衣食瓔珞卧具財貨珍寶
香花伎樂若能至心稱我名者由是

力故所乏資生皆得充足乃至菩提
第五大願願我來世得菩提時若有
衆生或被枷鎖繫縛其身及以鞭撻
受諸苦惱若能至心稱我名者由是
力故所有苦楚皆得解脫乃至菩提
第六大願願我來世得菩提時若有
衆生於險難處為諸惡獸熊羆師子
虎豹豺狼虺蛇蝮蠍之所侵惱欲斷
其命發聲大叫受大苦時若能至心
稱我名者由是力故所有恐怖皆得
解脫諸惡獸等悉起慈心常得安樂
乃至菩提

第七大願願我來世得菩提時若有
衆生鬭諍言訟因生憂惱若能至心
稱我名者由是力故鬭訟解散慈心
相向乃至菩提

第八大願願我來世得菩提時若有
衆生入於江海遭大惡風吹其船舫
无有洲渚而作歸依極生憂怖若能至
心稱我名者由是力故皆得隨心至
安隱處受諸快樂乃至菩提易殊室
利是謂彼佛如來應正等覺行菩薩
道時所發八種微妙大願又彼世尊

從初發心常以定力成就衆生供養
諸佛嚴淨佛土菩薩眷屬悉皆圓滿
此之福德不可思議一切聲聞及諸
獨覺縱經多劫說不能盡唯除如來
補處菩薩昇殊室利若有淨信男子
女人若王大臣長者居士心怖福德
斷諸煩惱稱彼佛名讀斯經典於彼
如來至心尊重恭敬供養所有一切
罪惡業障及諸病苦悉皆消滅諸有
願求无不隨意得不退轉乃至菩提
復次昇殊室利東方去此過五殑伽
河沙佛土有世界名曰妙寶佛号寶
月智嚴光音自在王如來應正等覺
有无量億菩薩圍遶現在說法皆演
大乘微妙深義昇殊室利彼佛如來
從初發心行菩薩道時發八大願云
何為八

第一大願願我來世得菩提時若有
衆生為營農業者及商賈事令心擾亂
廢修菩提殊勝善法於生死中不能
出離各各備受无邊苦惱若能至心
稱我名者由是力故衣服飲食資生
之具金銀珍寶隨願充足所有善根

皆得增長亦不捨離菩提之心諸惡
道苦咸蒙解脫乃至菩提

第二大願願我來世得菩提時於十方界所有衆生若為寒熱飢渴逼身受大苦惱若能至心稱我名者由是力故先世罪業悉皆消滅捨諸苦惱受人天樂乃至菩提

第三大願願我來世得菩提時於十方界若有女人貪婬煩惱常覆其心相續有娠深可厭惡臨當產時受大苦惱若我名字暫經其耳或復稱念由是力故衆苦皆除捨此身已常為男子乃至菩提

第四大願願我來世得菩提時若有衆生或與父母兄弟姊妹妻子眷屬及諸親友行險難處為賊所侵受諸苦惱暫聞我名或復稱念由是力故解脫衆難乃至菩提

第五大願願我來世得菩提時若有衆生行於闇夜作諸事業被惡鬼神之所惱亂極生憂苦暫聞我名或復稱念由是力故從闇遇明諸惡鬼神起慈悲意乃至菩提

第六大願願我來世得菩提時若有
衆生行鄙惡事不信三寶智慧甚少
不修善法根力覺道念定惣持皆不
修習若能至心稱我名者由是力故
智慧漸增三十七品悉皆修學深信
三寶乃至菩提

第七大願願我來世得菩提時若有
衆生意樂鄙劣於二乘道修行而住
棄背无上勝妙菩提若能至心稱我
名者捨二乘見於无上覺得不退轉
乃至菩提

第八大願願我來世得菩提時若有
衆生見劫將盡火欲起時生大憂怖
苦惱悲泣由彼前身惡業力故受斯
衆苦无所歸依若能至心稱我名者
所有憂苦悉皆消滅受清涼樂從此
命終於我佛土蓮華化生常修善法
乃至菩提

第九大願願我來世得菩提時若有
衆生值我當來變身如來應正等覺
行菩薩道時所發八種微妙大願又
彼如來所居佛土廣博嚴淨地平如
掌天妙香樹而為行列天花遍覆天
樂常鳴天妙鈴鐸隨處懸布天寶莊

嚴師子之座天寶砌飾諸妙浴池其地柔軟无諸凡礫亦无女人及諸煩惱皆是不退諸菩薩衆蓮花化生若起念時飲食衣服及諸資具隨意現前是故名為妙寶世界

曷殊室利若有淨信男子女人國王王子大臣輔相中宮嫔女晝夜六時殷重至心恭敬供養彼佛世尊及稱名号并造形像香花音樂燒香末香塗香而為奉獻清淨嚴潔於七日中持八戒齋於諸衆生起慈悲意願生彼土彼佛世尊及諸菩薩護念是人一切罪業悉皆消滅无上菩提得不退轉於貪恚癡漸得微薄无諸病苦增益壽命隨有怖求悉皆如意闢諍怨家咸生歡喜捨此身已往彼剎土蓮花化生當生之時念定抱持悉皆明了曷殊室利如是當知彼佛名号无量功德若得聞者所願皆成復次曷殊室利東方去此過六殍伽河沙佛土有世界名曰圓滿香積佛号金色寶光妙行成就如來應正等覺有无量億万菩薩圍遶現在說法

身殊室利彼佛如來從初發心行菩薩道時發四大願云何為四

第一大願願我來世得菩提時若有衆生造作種種屠害之業斷諸生命由斯惡業受地獄苦設得為人短壽多病或遭水火刀毒所傷當受死苦若聞我名至心稱念由是力故所有惡業悉皆消滅无病長壽不遭橫死乃至菩提

第二大願願我來世得菩提時若有衆生作諸惡業盜他財物當墮惡趣設得為人生貧窮家乏少衣食常受諸苦若聞我名至心稱念由是力故所有惡業悉皆消滅衣服飲食无所乏少乃至菩提

第三大願願我來世得菩提時若有衆生更相凌慢共為讎隙若聞我名至心稱念由是力故各起慈心猶如父母乃至菩提

第四大願願我來世得菩提時若有衆生貪欲瞋恚愚癡所纏若出家在家男女七衆毀犯如來所制學處造諸惡業當墮地獄受諸苦報若聞我

名至心稱念由是力故所有惡業悉
皆消滅斷諸煩惱敬奉尸羅於身語
心善能防護永不退轉乃至菩提
勇殊室利是為彼佛如來應正等覺
行菩薩道時所發四種微妙大願
勇殊室利又彼如來所居佛土廣博嚴
淨地平如掌皆以寶成常有香氣如
妙栴檀復以香樹而為行列天妙珠
瓔摩尼等寶處處垂下多有浴池天
寶嚴飾香水盈滿衆德皆具於其四
邊懸妙繒綵街衢八道隨處莊嚴所
有衆生无諸煩惱及憂悲苦亦无女
人多是住地諸菩薩衆勝妙音樂不
鼓自鳴演說大乘微妙深法若有衆
生聞此音者得不退轉无上菩提
勇殊室利彼佛如來由昔願力善巧
方便成就佛土圓滿莊嚴坐菩提座
作如是念於未來世若有衆生為貪
瞋癡之所纏繞衆病所逼怨家得便
或時橫死復由惡業墮地獄中受大
劇苦彼佛見此苦惱衆生為除業障
說此神呪令彼受持於現世中得大
利益遠離衆苦住菩提故即說呪曰

但姪他志睇志睇 蘇志睇 謨折

你木剎你 目帝毗目帝 菴末麗

毗末麗 忙揭例 四闌若揭鞞曷刺

咀娜 揭鞞 薩婆頰他沙但你

鉢囉摩頰他 沙但你末捺細

莫訶末捺細 頰步帝頰室步帝

毗多婆曳 蘇跋泥去跋囉紺摩

瞿俠佉 跋囉紺摩柱俠帝 薩婆

頰剎數 阿鉢囉市帝薩跋咀囉

阿鉢喇底歌帝 折觀敘瑟撒 勃施

但脰 婆使帝 納摩娑娑 咀他

揭多喃 莎訶

今時世尊說此大力大明呪時衆中

所有諸大菩薩四大天王釋梵王等

讚言善哉善哉大悲世尊能說如是

過去如來大力神呪為欲饒益无量

衆生竭煩惱海登涅槃岸除去疾病

所願皆滿

佛告大衆若有淨信男子女人國王

王子大臣輔相中宮嫔女情怖福德

於此神呪起敬信心若讀若誦若為

他人演說其義於諸含識起大悲心

晝夜六時香花燈燭殷重供養清淨

澡浴持八戒齋至誠念誦所有極重
无邊業障悉皆消滅於現身中離諸
煩惱命欲終時諸佛護念即於彼國
蓮花化生

復次昇殊室利東方去此過七殑伽
河沙佛土有世界名曰无憂佛号无
憂寂勝吉祥如來應正等覺今現在
彼為衆說法又彼如來所居佛土廣
博嚴淨地平如掌皆以寶成細滑柔
軟常有香氣无憂苦聲離諸煩惱亦
无惡趣及女人名處處皆有金砌浴
池香水盈滿寶樹行列花果滋茂勝
妙音樂不鼓自鳴譬如西方極樂世
界无量壽國功德莊嚴昇殊室利彼
佛世尊行菩薩道時發四大願云何
為四

第一大願願我來世得菩提時若有
衆生常為憂苦之所纏逼若聞我名
至心稱念由是力故所有憂悲及諸
苦惱悉皆消滅長壽安隱乃至菩提
第二大願願我來世得菩提時若有
衆生造諸惡業生在不問黑闇之處
大地獄中受諸苦惱由彼前身聞我

名字我於今時身出光明照受苦者
由是力故彼見光時所有業障悉皆
消滅解脫衆苦生人天中隨意受樂
乃至菩提

第三大願願我來世得菩提時若有
衆生造諸惡業殺盜邪淫於其現身
受刀杖苦當墮惡趣設得人身短壽
多病生貧賤家衣服飢食悉皆乏少
常受寒熱飢渴等苦身无光色所感
眷屬皆不賢良若聞我名至心稱念
由是力故隨所願求飲食衣服悉皆
充足如彼諸天身光可愛得善眷屬
乃至菩提

第四大願願我來世得菩提時若有
衆生常為藥叉諸惡鬼神之所娆亂
奪其精氣受諸苦惱若聞我名至心
稱念由是力故諸藥叉等悉皆退散
各起慈心解脫衆苦乃至菩提男姝
室利是為彼佛如來應正等覺所發
四種微妙大願若有衆生聞彼佛名
晝夜六時稱名禮敬至心供養於衆
生處起慈悲心業障消滅解脫憂苦
无病長壽得宿命智於諸佛土蓮花

化生常為諸天之所衛護。毘殊室利稱彼佛名能生。如是无量福業。而彼佛土願力莊嚴。殊勝功德聲聞獨覺。所不能知。唯除如來應正等覺。

復次。毘殊室利。東方去此過八殍伽河沙佛土。有世界名曰法幢。佛号法海。雷音如來。應正等覺。今現說法。毘殊室利。彼佛世尊所居國土清淨。无穢其地平正。頗黎所成。常有光明香氣芬馥。以帝青寶而為城郭。有八街道。砌以金銀樓閣。殿堂飛甍。戶牖欄楯。莊飾皆衆寶成。天香寶樹隨處行列。於其枝上挂以天繒。復有寶鈴。處處垂下。微風吹動。出妙音聲。演暢无常。苦空无我。衆生聞者。捨離欲纏。習氣漸除。證甚深定。天妙香花繽紛而下。於其四面有八浴池。底布金沙。香水弥滿。毘殊室利於彼佛土。无諸惡趣。亦无女人蓮花化生。無復煩惱。彼佛如來行菩薩道時發四大願云。何為四。

第一大願。願我來世得菩提時。若有衆生生邪見家。於佛法僧不生淨信。

遠離无上菩提之心若聞我名至心稱念由是力故无明邪慧日夜消滅於三寶所深生正信不復退轉乃至菩提

第二大願願我來世得菩提時若有衆生生在邊地由近惡友造衆罪業不修善品三寶名字曾不經耳命終之後墮三惡趣彼諸衆生暫聞我名者由是力故業障消除遇善知識不墮惡趣乃至菩提

第三大願願我來世得菩提時若有衆生衣服飲食卧具醫藥資具生所須悉皆乏少由此因緣生大憂苦為求覓故造衆惡業若聞我名至心稱念由是力故有所乏少隨念皆得乃至菩提

第四大願願我來世得菩提時若有衆生由先惡業共相鬪諍作不饒益弓箭刀杖手為傷損若聞我名至心稱念由是力故各起慈心不相損害不善之念尚自不生況於前人欲斷其命常行喜捨乃至菩提

昇殊室利是為彼佛如來應正等覺

行菩薩道時所發四種微妙大願若有淨信男子女人聞彼佛名至心禮敬懇慤供養受持念誦業障消滅得不退轉菩提之心具宿命智所生之處常得見佛无病長壽命終之後生彼國中衣服飲食資生之具隨念皆至无所乏少勇殊室利彼佛世尊具足如是无量功德是故衆生常當憶念勿令忘失

復次勇殊室利東方去此過九殍伽河沙佛土有世界名曰善住寶海佛号法海勝慧遊戲神通如來應正等覺現在說法勇殊室利彼佛如來行菩薩道時發四大願云何為四

第一大願願我來世得菩提時若有衆生造衆惡業種植耕耘損諸生命或復鬻易欺誑他人戰陣兵戈常為殺害若聞我名至心稱念由是力故資生之具不假營求隨心滿足常修衆善乃至菩提

第二大願願我來世得菩提時若有衆生造十惡業殺生等罪由此因緣當墮地獄若聞我名至心稱念於十

善道皆得成就。不墮惡趣。乃至菩提。
第三大願。願我來世得菩提時。若有
衆生。不得自在。繫屬於他。或被禁繫。
枷械。枷鎖。鞭杖。苦楚。乃至極刑。若聞
我名。至心稱念。由是力故。所有厄難。
皆得解脫。乃至菩提。

第四大願。願我來世得菩提時。若有
衆生。造衆惡業。不信三寶。隨虛妄見。
棄背正理。愛樂邪徒。謗毀佛經。言非
聖說。外道典籍。恭敬受持。自作教人。
俱生迷惑。當墮地獄。无有出期。設得
為人生。八難處。遠離正道。盲無慧目。
如是之人。若聞我名。至心稱念。由是
力故。臨命終時。正念現前。解脫衆難。
常生中國。受勝妙樂。乃至菩提。

第五殊室利。是為彼佛。如來應正等覺。
行菩薩道時。所發四種微妙大願。曷
殊室利。彼佛國土。功德莊嚴。與上妙
寶如來。世界等無有異。

復次。曷殊室利。東方去此。過十殑伽
河沙佛土。有世界名淨琉璃。佛号藥
師琉璃光如來。應正等覺。曷殊室利。
彼佛世尊。從初發心。行菩薩道時。發

十二大願云何十二

第一大願願我來世得菩提時自身光明照无边界三十二相八十隨好莊嚴其身令諸有情如我无異

第二大願願我來世得菩提時身如琉璃内外清徹光明廣大遍滿諸方焰網莊嚴過於日月鐵圍中間幽冥之處亦得相見或於此界闇夜遊行斯等衆生見我光明悉蒙開曉隨作衆事

第三大願願我來世得菩提時以无量无边智慧方便令諸有情所受用物皆得无盡

第四大願願我來世得菩提時若諸有情行邪道者悉令遊履菩提正路若行聲聞獨覺乘者亦令安住大乘法中

第五大願願我來世得菩提時若諸有情於我法中修行梵行一切皆令得不缺戒善防三業无有毀犯墮惡趣者設有毀犯聞我名已專念受持至心發露還得清淨乃至菩提

第六大願願我來世得菩提時若諸

有情諸根不具醜陋頑痺聾盲瘡癰
瘰癧疔瘻背癰白癰癰狂種種病苦之所
纏逼若聞我名至心稱念皆得端嚴
衆病除愈

第七大願願我來世得菩提時若諸
有情貧窮困苦无有歸趣衆病所逼
无藥無醫暫聞我名衆病消散眷屬
增盛資財無乏身心安樂乃至菩提
第八大願願我來世得菩提時若有
女人為女衆苦之所逼切極生厭離
願捨女身若聞我名至心稱念即於
現身轉成男子具丈夫相乃至菩提
第九大願願我來世得菩提時令諸
有情出魔羅網復有種種邪見之徒
皆當攝受今生正見漸令修習諸善
薩行乃至菩提

第十大願願我來世得菩提時若諸
有情王法所拘幽禁牢獄枷鎖鞭撻
乃至極刑復有衆多苦楚之事逼切
憂惱无暫樂時若聞我名以我福德
威神力故皆得解脫一切憂苦乃至
菩提

第十一大願願我來世得菩提時若

諸有情飢火所惱為求食故造諸惡業若聞我名至心稱念我當先以上妙飲食隨意飽滿後以法味令住勝樂乃至菩提

第十二大願願我來世得菩提時若諸有情身无衣服蚊蟲寒熱之所逼惱若聞我名至心稱念隨其所好即得種種上妙衣服寶莊嚴具伎樂香花皆令滿足離諸苦惱乃至菩提男殊室利是為藥師琉璃光如來應正等覺行菩薩道時所發十二微妙上願

藥師琉璃光七佛本願功德經卷上

癸卯歲高麗國大藏都監奉
勅彫造

藥師琉璃光七佛本願功德經卷下 恭

大唐異藏法師義淨於佛光內寺譯

今時佛告曇摩室利彼藥師琉璃光
如來行菩薩道時所發大願及彼佛
土功德莊嚴我於一切若過一切說
不能盡然彼佛土純一清淨無諸欲
染亦無女人及三惡趣苦惱之聲以
淨琉璃而為其地城闢宮殿及諸廊
宇軒窓羅網皆七寶成亦如西方極
樂世界功德莊嚴於彼國中有二菩
薩一名日光遍照二名月光遍照於
彼無量菩薩衆中而為上首能持彼
佛正法寶藏是故曇摩室利若有淨
信男子女人應當願生彼佛世界
復次曇摩室利若有衆生不識善惡
惟懷貪惜不知慧施及施果報愚癡
少智無有信心多畜珍財勤勞守護
見乞者來心生不喜設不獲已行惠
施時如割身肉深生慙惜復有無量
慳貪有情積集資財然於自身尚不
能用况當供給父母妻子奴婢僕使
及來乞者彼諸有情從此命終生餓

鬼中或傍生趣由昔人間曾聞藥師琉璃光如來名故雖在惡趣還得憶念彼如來名即於彼沒生在人中得宿命智念畏惡趣苦不樂欲樂好行惠施讚歎施者所有財物無慳慙心漸次尚能以頭目手足血肉身分施來求者況餘財物

復次曷殊室利若復有人歸依世尊受諸學處而破壞戒威儀及壞正見諸有持戒正見不求多聞於佛所說契經深義不能解了雖有多聞而懷憍慢由慢心故自是非他嫌謗正法為魔伴黨如是愚人自行邪見復令無量百千俱胝有情墮大險坑此諸有情墮於地獄傍生鬼趣若曾聞此藥師琉璃光如來名号由彼如來本願威力於地獄中憶佛名号從彼命盡還生人間正見精進意樂調善捨俗出家於佛法中受持學處無有毀犯正見多聞解甚深義離於憍慢不謗正法不為魔伴漸次修行諸菩薩行乃至菩提

復次曷殊室利若諸有情慳貪嫉妬

造諸惡業自讚毀他命終當墮三惡
趣中無量千歲受諸劇苦從彼終已
來生人間或作牛馬駝驢之屬恒被
鞭撻飢渴經心身常負重困苦疲極
若得為人生居下賤奴婢僕使被他
駢殺恒不自在由昔人中曾聞藥師
琉璃光如來名号彼善根力今復憶
念至心歸依以佛神力衆苦解脫諸
根聰利智慧多聞恒求勝法常遇善
友永斷魔羅破無明殼竭煩惱河解
脫一切生老病死憂悲苦惱乃至菩提
復次鼻殊室利若諸有情好意乖離
更相關訟惱亂自他以身語意造諸
惡業展轉常為不饒益事互相謀害
告召山林樹塚等神殺諸衆生取其
血肉祭祀藥叉羅刹神等書怨人名
或作形像以惡呪術而呪詛之厭魅
蠱道呪起死屍令斷彼命及壞其身
是諸有情若得聞此藥師琉璃光如
來名号彼諸惡緣悉不能害一切展
轉皆起慈悲利益安樂無損惱意及
嫌恨心於自所有常生喜足

復次鼻殊室利若有四衆苾芻苾芻

尼近事男近事女及餘淨信男子女人若能受持八支齋戒或經一年或復三月受持學處以此善根願生西方極樂世界見無量壽佛若聞藥師琉璃光如來名号臨命終時有八菩薩乘神通來示其去處即於彼界種種雜色衆寶花中自然化生或有因此生於天上雖生天中而昔善根亦不窮盡不復更生諸餘惡趣天上壽盡還生人間或為輪王統攝四洲威德自在勸化無量百千有情於十善道令其修習或生刹帝利婆羅門居士貴族多饒財寶倉庫盈溢形相端嚴眷屬隆盛聰明智慧勇健威猛有大身力若是女人得聞藥師琉璃光如來名号至心受持於後不復更受女身

復次曼珠室利彼藥師琉璃光如來得菩提時由本願力觀諸有情遇衆病苦瘦瘠乾消黃熱等病或被厭魅蠱道所中或復短命或時橫死欲令是等病苦消除所求願滿時彼世尊入三摩地名曰滅除一切衆生苦惱

既入定已於肉髻中出大光明光中
演說大陀羅尼呪曰

南謨薄伽伐帝 鞞殺社婁嚕

薛琉璃鉢喇婆 曷囉闍也 咀他

揭多也 阿囉歌帝 三藐三勃陀也

咀姪他唵 鞞殺逝鞞殺逝 鞞殺社

三沒揭帝 莎訶

尔時光中說此呪已大地震動放大
光明一切衆生病苦皆除受安隱樂
曼殊室利若見男子女人有病苦者
應當一心為彼病人清淨澡漱或食
或藥或無蟲水呪一百八遍與彼服
食所有病苦悉皆消滅若有所求至
心念誦皆得如意無病延年命終之
後生彼世界得不退轉乃至菩提是
故曼殊室利若有男子女人於彼樂
師琉璃光如來至心懇重恭敬供養
者常持此呪勿令廢忘

復次曼殊室利若有淨信男子女人
得聞如上七佛如來應正等覺所有
名号聞已誦持晨嚼齒木澡漱清淨
以諸香花末香燒香塗香作衆伎樂
供養形像於此經典若自書若教人

書一心受持聽聞其義於彼法師應
修供養一切所有資身之具悉皆施
與勿令乏少如是便蒙諸佛護念所
求願滿乃至菩提

尔時毘殊室利童子白佛言世尊我
於末法之時擔以種種方便令諸淨
信男子女人得聞七佛如來名号乃
至睡中亦以佛名令其覺悟世尊若
於此經受持讀誦或復為他演說開
示若自書若教人書恭敬尊重以種
種華香塗香末香燒香花鬘瓔珞幡
蓋伎樂而為供養以五色繒綵而裹
裝之灑掃淨處置高座上

是時四大天王與其眷屬及餘无量
百千天衆皆詣其所供養守護世尊
若此經寶流行之處及受持者以彼
七佛如來本願功德及聞名号威神
之力當知是處無復橫死亦復不為
諸惡鬼神奪其精氣設已奪者還得
如故身心安樂

佛告毘殊室利如是如是如汝所說
毘殊室利若有淨信男子女人欲供
養彼七如來者應先塑造七佛形像

安在清淨上妙之座散花燒香以諸
幢幡莊嚴其處七日七夜受八戒齋
食清淨食澡浴身體著新淨衣心无
垢濁亦無恚害於諸有情常起利樂
慈悲喜捨平等之心鼓樂絃歌稱讚
功德右遶佛像念彼如來所有本願
讀誦此經思惟其義演說開示隨其
所願求長壽得長壽求富饒得富饒
求官位得官位求男女得男女一切皆
遂若復有人忽得惡夢見諸惡相或
怖鳥來集或於其家百怖出現此人
若以上妙資具恭敬供養彼諸佛者
惡夢惡相諸不吉祥恚皆隱沒不能
為患或有水火刀毒懸崖險道惡鳥
師子虎狼熊羆蛇蠍蜈蚣如是等怖
若能至心憶念彼佛恭敬供養一切
怖畏皆得解脫若他國侵擾盜賊反
亂憶念恭敬彼如來者所有怨敵恚
皆退散

復次曼殊室利若有淨信男子女人
等乃至盡形不事餘天惟當一心歸
佛法僧受持禁戒若五戒十戒菩薩
二十四戒苾芻二百五十戒苾芻尼

五百戒於諸戒中或有毀犯怖墮惡趣若能專念彼佛名号恭敬供養者必定不生三惡趣中或有女人臨當產時受於極苦若能至心稱名札讚恭敬供養七佛如來衆苦皆除所生之子顏貌端正見者歡喜利根聰明少病安樂無有非人奪其精氣

今時世尊告阿難言如我稱揚彼七如來名号功德此是諸佛甚深境界難可了知汝勿生疑阿難白言世尊我於如來所說契經深義不生疑惑所以者何一切如來身語意業皆無虛妄世尊此日月輪可令墮落妙高山王可使傾動諸佛所言終無有異世尊然有衆生信根不具聞說諸佛甚深境界作是思惟云何但念七佛名号便獲今所功德勝利由此不信便生誹謗彼於長夜失大利樂墮諸惡趣佛告阿難彼諸有情若得耳聞諸佛名号墮惡趣者無有是處唯除定業不可轉者阿難此是諸佛甚深境界難可信解汝能信受當知皆是如來威力阿難一切聲聞及獨覺等

皆不能知唯除一生補處菩薩阿難
人身難得於三寶中信敬尊重亦難
可得得聞七佛如來名号復難於是
阿難彼諸如來無量菩薩行無量巧
方便無量廣大願如是行願善巧方
便我若一劫若過一劫說不能盡

今時衆中有一菩薩摩訶薩名曰殺
脫即從座起偏袒右肩右膝著地合
掌向佛白言世尊於後末世像法起
時若有衆生為諸病苦之所逼惱身
形羸瘦不能飲食喉脣乾燥目視皆
暗死相現前父母親屬朋友知識啼
泣圍遶身卧本處見彼琰魔法王之
使引其神識將至王所然諸有情有
俱生神隨其所作善惡之業悉皆記
錄授與彼王王即依法問其所作隨
彼罪福而處斷之是時病人親屬知
識若能為彼歸依諸佛種種莊嚴如
法供養而彼神識或經七日或二七
日乃至七七日如從夢覺復本精神
皆自憶知善不善業所得果報由自
證見業報不虛乃至命難亦不造惡
是故淨信男子女人皆應受持七佛

名号隨力所能恭敬供養

尔時具壽阿難問救脫菩薩曰善男子恭敬供養彼七如來其法云何救脫菩薩言大德若有病人及餘灾厄欲令脫者當為其人七日七夜持八戒齋應以飲食及餘資具隨其所有供佛及僧晝夜六時恭敬禮拜七佛如來讀誦此經四十九遍然四十九燈造彼如來形像七軀一一像前各置七燈其七燈狀圓若車輪乃至四十九夜光明不絕造雜綵幡四十九首并一長幡四十九尺放四十九生如是即能離灾厄難不為諸橫惡鬼所持大德阿難是為供養如來法式若有於此七佛之中隨其一佛稱名供養者皆得如是無量功德所求願滿何況盡能具足供養

復次大德阿難若刹帝利灌頂王等灾難起時所謂人眾疾疫難他國侵逼難自界叛逆難星宿變恠難日月薄蝕難非時風雨難過時不雨難彼刹帝利灌頂王等尔時當於一切有情起慈悲心放大恩赦脫諸幽厄苦

惱衆生如前法式供養諸佛由此善根及彼如來本願力故令其國界即得安隱風雨順時穀稼成熟國內衆生無病安樂又無暴惡樂又等神共相惱亂一切惡相悉皆隱沒而刹帝利灌頂王等皆得增益壽命色力無病自在大德阿難若帝后妃主儲君王子大臣輔相宮中嫖女百官黎庶為病所苦及餘厄難亦應敬造七佛形像讀誦此經然燈造幡放諸生命至誠供養燒香散花即得病苦銷除解脫衆難

尔時具壽阿難問救脫菩薩言善男子云何已盡之命而可增益救脫菩薩言大德仁豈不聞如來說有九橫死耶由是世尊為說呪藥隨事救療然燈造幡修諸福業以修福故得延壽命阿難問言九橫云何救脫菩薩言一者若諸有情得病雖輕然無醫藥及看病者設復遇醫不授其藥實不應死而便橫死又信世間邪魔外道嫉妬之師妄說禍福便生恐動心不自正卜問吉凶教諸衆生求神解

奏呼召魍魎請福祈恩欲冀延年終
不能得愚心迷倒見遂令橫死入於地
獄無有出期二者橫為王法之所誅
戮三者畋獵嬉戲耽淫嗜酒放逸無
度橫為非人奪其精氣四者橫為火
焚五者橫為水溺六者橫為種種惡
獸所斂七者橫墮山崖八者橫為毒
藥厭禱呪詛起屍鬼等之所中害九
者飢渴所困不得飲食而便橫死是
為如來略說橫死有此九種其餘復
有無量諸橫難可具說

復次阿難彼琰魔王簿錄世間所有
名籍若諸有情不孝五逆毀辱三寶
壞君臣法破於禁戒琰魔法王隨罪
輕重考而罰之是故我今勸諸有情
然燈造幡放生修福令度苦厄不遭
衆難今時衆中有十二藥叉大將俱
在會坐其名曰

宮毗羅大將 跋折羅大將 迷企羅大將
頻伽羅大將 末伽羅大將 娑伽羅大將
因陀羅大將 波夷羅大將 薄伽羅大將
真達羅大將 朱杜羅大將 毗羯羅大將
此十二藥叉大將一一各有七千藥

又以為眷屬同時舉聲白佛言世尊我等今者蒙佛威力得聞七佛如來名号於諸惡趣無復怖畏我等相率皆同一心乃至盡形歸佛法僧擔當荷負一切有情為作義利饒益安樂隨於何處城邑聚落空閑林中若有此經流布讀誦或復受持七佛名号恭敬供養者我等眷屬衛護是人令脫眾難所有願求悉令滿足或有疾厄求度脫者亦應讀誦此經以五色縷結我名字得如願已然後解結尔時世尊讚諸藥叉大將言善哉善哉大藥叉將汝等念報七佛如來恩德者常應如是利益安樂一切有情尔時會中有多天眾智慧甚少作如是念云何過是殃伽河沙諸佛世界現在如來暫聞名者便獲無邊殊勝功德尔時釋迦牟尼如來知諸天眾心之所念即入警言名一切如來甚深妙定纔入定已一切三千大千世界六種震動雨天妙花及天香末彼七如來見是相已各從其國來至索訶世界與釋迦如來共相問訊時佛世

尊由其先世本願力故各各自於天
寶莊嚴師子座上隨處安坐諸菩薩
衆天龍八部人非人等國王王子中
宮妃主并諸大臣婆羅門長者居士
前後圍遶而為說法時諸天衆見彼
如來皆已雲集生大希有疑惑便除
時諸大衆歎未曾有同聲讚言善哉
善哉釋迦如來饒益我等為除疑念
令彼如來皆至於此時諸大衆各隨
自力以妙香花及衆瓔珞諸天伎樂
供養如來右遶七匝合掌禮敬讚言
希有希有諸佛如來甚深境界不可
思議由先願力善巧方便共現如是
奇異之相今時大衆各各發願願諸
衆生皆得如是如來勝定
今時勇殊室利即從座起合掌恭敬
遶佛七匝禮雙足已白言世尊善哉
善哉如來定力不可思議由本願力
方便善巧成就衆生惟願為說大力
神呪能令來世薄福衆生病惱所纏
日月星辰所有厄難疫病怨惡及行
險道遭諸恐怖為作歸依令得安隱
彼諸衆生於此神呪若自書教人書

受持讀誦廣為他說常蒙諸佛之所
護念佛自現身令願滿足不墮惡趣
亦無橫死時諸如來讚譽殊室利言
善哉善哉此是我等威神之力令汝
勸請哀愍衆生離諸苦難為說神呪
汝應諦聽善思念之我當為說昇殊
室利有大神呪名曰如來定力琉璃
光若有男子女人書寫讀誦恭敬供
養於諸舍識起大悲心所有願求皆
得滿足諸佛現身而為護念離衆障
惱當生佛國時七如來以一音聲即
說呪曰

但姪他 具誑具誑警尼誑膩四上

未底未底 馭須怛他揭多三摩地

頻提瑟耻帝 頻帝末帝波例

波跋輪但你 薩婆波跋鄰世也

勃睇勃曷 唱荅誑鵑誑矩誑

佛鐸器怛羅 鉢里輸但你曇誑昵

曇誑誑 誑嚕誑嚕 誑嚕尸鳩囉薩

婆哥羅 蜜栗覩丁庚 尼婆嚩你

勃提蘓勃睇 佛陀陀 頻提瑟佗

泥娜曷洛叉覩誑 薩婆提波女

三誑頻三誑三曷梭和 漢闍覩誑

薩婆佛陀菩提薩埵 苦誑占誑

鉢喇苦謎
曼覲謎
隆婆伊底

鵑波達婆薩婆毗何大也 薩婆女

蔭埽難者 晡去 爛去 泥去 晡去 爛去

也
謹
薩婆阿舍
辟琉璃也
鉢

喇底婆細
陸婆波跋
著揚羯囉

沙訶

尔時七佛說此呪時光明普照大地
 震動種種神變一時俱現時諸大衆
 見此事已各各隨力以天香花塗香
 末香奉上彼佛咸唱善哉右遶七帀
 彼佛世尊同聲唱言汝等一切人天
 大衆應如是知若有善男子善女人
 若王王子妃后大臣寮庶之類若於
 此呪受持讀誦聽聞演說以妙香花
 供養經卷著新淨衣在清淨處持八
 戒齋於諸舍識常生慈愍如是供養
 得無量福若復有人有所祈願應當
 造此七佛形像可於靜處以諸香花
 懸繒幡蓋上妙飲食及諸伎樂而為
 供養并復供養菩薩諸天在佛像前
 端坐誦呪於七日中持八戒齋誦滿
 一千八遍彼諸如來及諸菩薩悉皆

護念執金剛菩薩并諸釋梵四天王
等亦來擁衛此人所有五無間罪一
切業障悉皆消滅無病延年亦无橫
死及諸疾疫他方賊盜欲來侵境闢
諍戰陣言訟讎隙飢饉旱澇如是等
怖一切皆除共起慈心猶如父母有
所願求無不遂意

尔時執金剛菩薩釋梵四天王從座而
起合掌恭敬札釋迦牟尼佛足白言
世尊我等大眾皆已得聞諸佛本願
殊勝功德及見諸佛慈悲至此令我
衆生親承供養世尊若於其處有此
經典及七佛名陀羅尼法流通供養
乃至書寫我等悉皆承佛威力即往
其處擁護於彼國王大臣城邑聚落
男子女人勿令衆苦及諸疾病之所
惱乱常得安隱財食豐足我等即是
報諸佛恩世尊我等親於佛前自立
要誓若有淨信男子女人憶念我者
應誦此咒即說咒曰

但姪他 惡婁莫婁 咀羅婁 麼

麼婁 具囉 訶呼 去 醯 去 未

囉未囉未囉 緊樹囉布囉 北沙訶

若有淨信男子女人國王王子大臣
輔相中宮嫔女誦七佛名及此神呪
讀誦書寫恭敬供養現世皆得無病
長壽離衆苦惱不墮三途得不退轉
乃至菩提彼諸佛土隨意受生常見
諸佛得宿命智念定惣持无不具足
若患鬼瘡等病當書此呪繫之肘後
病若差已置清淨處

尔時執金剛菩薩詣七佛所右遶三
匝各申礼敬自言世尊惟願慈悲護
念於我我今為欲饒益未來男子女
人持是經者我更為說陀羅尼呪時
彼七佛讚執金剛言善哉善哉執金
剛我加護汝可說神呪為護未來持
經之人令無衆惱所求滿足時執金
剛菩薩即說呪曰

南麼馱多喃 三藐三佛陀喃

南麼薩婆跋折囉達囉喃但姪他

唵 跋折囉 跋折囉 莫訶跋折囉

跋折囉波捨 陀嚩你三麼三麼

三曼頌 阿鉢嚩底嚩多 跋折囉

苦麼苦麼 鉢囉苦曼覩謎

薩婆毗阿大也 矩嚩矩嚩 薩婆

羯麼 阿伐嚩拏叉也 三麼也末奴
三末囉 薄伽畔跋折囉波你薩婆
舍謎鉢哩 脯嚩也 莎訶

世尊若復有人持七佛名憶念彼佛
本願功德并持此呪讀誦演說我令
彼人所願滿足無所乏少若欲見我
問善惡者應當書寫此經造七佛像
并執金剛菩薩像皆於像身安佛舍
利於此像前如上所說種種供養禮
拜旋繞於衆生處起慈悲心受八戒
齋日別三時澡浴清淨三時衣別從
白月八日至十五日每日誦呪一百
八遍心無散亂我於夢中即自現身
共為言說隨所求者皆令滿足時大
會中有諸菩薩皆悉唱言善哉善哉
執金剛陀羅尼不可思議實為善說
時七如來作如是語我等護汝所說
神呪為欲饒益一切衆生皆得安樂
所求願滿不令此呪隱沒於世今時
七佛告諸菩薩釋梵四天王曰我今
以此神呪付屬汝等并此經卷於未
來世後五百歲法欲滅時汝等皆應
護持是經此經威力利益甚多能除

衆罪善願皆遂勿於薄福衆生誹謗
正法毀賢聖者授與斯經令法速滅
尔時東方七佛世尊見此大衆所作
已辦機緣滿足無復疑心各還本土
於其座上忽然不現

尔時具壽阿難陀即從座起礼佛雙
足右膝著地合掌恭敬而白佛言世
尊當何名此經我等云何受持佛告
阿難陀此經名為七佛如來應正等
覺本願功德殊勝莊嚴亦名易殊室
利所問亦名藥師琉璃光如來本願
功德亦名執金剛菩薩發願要期亦
名淨除一切業障亦名所有願求皆
得圓滿亦名十二大將發願護持如
是名字汝當奉持時薄伽梵說是經
已諸大菩薩及聲聞衆天龍藥叉健
闍婆阿蘊羅揭路荼緊那羅莫呼洛
伽人非人等一切大衆聞佛所說皆
大歡喜信受奉行

藥師琉璃光七佛本願經卷下

癸卯歲高麗國大藏都監奉
勅彫造

佛說阿闍世王經卷上

恭

後漢月氏三藏支婁迦識譯

聞如是一時佛在羅閱祇耆闍崛山
中万二千比丘俱菩薩八万四千二
尊復尊諸菩薩摩訶薩悉得諸捻持
悉得无所罣闕欲悉得無所從生法
而得如是三昧慧悉得知一切人心之
所行如所欲以法教令各得其所諸
四天王及天帝釋釋天及諸天子龍
鬘叉捷陀羅阿須輪迦留羅真陀羅
摩休勒人非人悉來會時文殊師利
在山一面異處與二十五上人俱何
謂二十五人者悉是菩薩各各有名
名曰若那師利那羅達師利三波師
利劫波頭師利波頭師利劫闍因陀
樓陀羅左陀樓羅陀波尼羅陀牟訶
多私訶末師訶惟迦闍俱羅加那迦
闍沙訶質兜波沆摩遮迦波枯鎮遮
薩起波陀波坻盤拘利沙竭末摩訶
魔樓耆非陀遮阿難陀辟叉波質耆
羅耶阿難陀陀藍惟訶羅摩拉吒沙
牟迦拉陀阿喻達薩起頻悉是為二

十五上人名四兜術天子來到文殊
師利所欲聞法故其天子名沙摩陀
鳩邀摩羅无拘邀摩湯都羅捷陀沙
訶漚術曇惟訶是為四天子復有異
天子少少來到文殊師利所欲聽法
故上人諸天子志坐各各說佛智慧
甚尊无有極不可議不可度不可量
不可以凡而應僧都皆言當何作法
證方便而至无極智慧乃至佛一切
智不可議慧首菩薩言於功德無有
厭於諸功德无所憍望作是者可至
无極慧惠施菩薩言等心如寂其心悅
懌柔軟自隨其教便持薩若若心而
堅固於僧都僧涅作是者可至无極
慧具足平等菩薩言不計挾劫數其
當來劫无央數不可以為計是為僧
都於僧都不自貢高作是者可至无
極慧具足行菩薩言不自念安可至
無極慧所以者何欲令一切皆安故
作是念者不求復恙安一切作是者
可至无極慧蓮花具足菩薩言其不
自伏意者亦不能伏他人意其能自
伏意者乃能伏他人意作是者可至

无極慧蓮花具行劫菩薩言其有隨

欲者不可度欲不隨欲者是乃度欲

其菩薩者得利不得利其心无有異

若苦若樂若謗若歎若惡若善於是

无所著所以者何亦不憂亦不喜作

是者可至无極慧制持諸根菩薩言

不念他人作功德我可得作是者不

入无極慧當念獨而无有伴所以者

何念於一切故諸不辦者我當辦之

須臾精進不以懈怠欲教一切作

是者可至无極慧持行如地菩薩言

譬若如地一切草木藥舍宅城郭无

不因地而住著地亦无所置一切仰

而得活亦不以為煩荷菩薩者亦當

如是持心當若地亦不喜怒持心當

令一切各各得其所亦不念還復其

作是者可至无極慧寶願菩薩言當

持心如尊不自卑於夢中亦無二心

所以者何无羅漢辟支佛意其所作

者譬若如寶不離菩薩若不失一切

人心於珍寶心无所貪惜其從索者

皆開導為摩訶衍所以者何无心與

心等者无心慧與是心慧等者亦无

所增无所减其心無所貪惜作是者可至无極慧寶印手菩薩言視五道生死人譬如墮海菩薩若心而愍念之當以手授之所以者何為无黠者作黠首其貪者為作无所惜首其不持戒者為作戒首其瞋怒者為作忍辱首其懈怠者為作精進首其乱意者為作一心首其无慧者為作智慧首其元功德者為作功德首以功德首印三法寶何謂三令一切具足佛智慧教化而造作自解其身珍寶功德念一切諸法譬如空是故為法寶之首是為三其作是者可至无極慧師子意菩薩言其身作是僧邨者无所恐懼亦不畏亦不却亦不解衣毛不復起所以者何於生死无有惡故亦不作於泥洹等住於苦樂不作三心作是者可至无極慧師子步過无懼菩薩言其弱劣者不能逮此是者大士之所作所以者何以捨衆惡以不諛諂以應質朴則不貢高無瞋恚之心所作不從非法所以者何用忠政故則無姪嫉以无惡心其愚癡若

冥以無此者其身口意以平等所語如語不失其意甚尊所作欲成所以者何用至誠故俱以法自娛樂以如法者不貪惜壽命所以者何不貪軀命不捨一切故所施與无所貪惜欲令人得其所故所入者正則非邪道其貧者為作珍寶藏其有病者則為作醫其恐懼者則為作護其劣者則為作道地其入邪者則為作政導其无智者則為作智一切諸順何所恨起意大士以度脫此中忍所受法本如住作是者乃至無極慧紫磨金色菩薩言所念譬如空所以者何無所不遍以大哀无所不覆其心常喜面頰而悅諸所欲樂者其心不在其中所施與譬如天无所不蔽其戒忍辱精進一心智慧亦復如是作是者可至无極慧發意即轉法輪菩薩言其有新發意者不當令魔得其便不失諸佛天神意作心住者以應法輪轉所以者何用發好心故所以者何一切諸法无所生其作是者可至无極慧諸語自然普无不入菩薩言當持心

无所不入所以者何諸法自然其本
悉空一切所語皆空譬若虛空無所
不入菩薩者當復如是其心無所不
入有所作如語其智无所不曉其作
是者可至無極慧樂不動菩薩言諸
所有音无有音諸所有聲而不可得
以知是者亦不以喜亦不以憂亦不
懈怠所以者何譬若泰山而得風亦
无所動諸好音惡音菩薩心亦不以喜
歡亦不以憂感所以者何无所著无
所著謂佛語若異道語俱空无所著
視諸欲有所作者皆有盡以知盡而
不貢高作是法者疾成至佛海意菩
薩言其心當如海所受慧而无極譬
如海受於衆流合為一味菩薩以諸
所有合為一法所以者何用微妙故
不與十二因緣有所變念法身亦不
增亦不減為一切作功德所作功德
欲令一切皆得是為不可盡功德當
護不著不斷以意力制身諸所有所
作皆等无有異作是故發意慧者具
足可至无極慧大光明菩薩言當持
心其智慧其光明如佛非俗人之所

作其意習光明無所不照所以者何
欲令世間知以為法則其意習施與
光明无所不照習戒光明无所不照
忍辱精進一心智慧悉習其光明无
所不照作是者可至無極慧焰明菩
薩言以功德慧心為眼清淨所視色
無有惡聲香味細滑法亦復如是以淨
於六事何謂六眼耳鼻口身意諸所
可者不鄰中作樂用心淨故所視人
欲令悉入佛法其不正者以法率化
所有好物人來索之無所愛惜既與
不從後悔作是者可至無極慧可意
王菩薩言其有罵詈搯捶者亦不瞋
恚但念其法以何念法何所罵者何
所瞋者其搯捶亦尔以內空無所得
於外空无所疑身於身無所見亦不
見於他人所以者何其索手脚者歡
喜與之其欲取頭者其心倍悅若索
城及珍寶其有索者无所貪惜其求
妻子即持施與無有異心若諷誦起
是經得一章歡喜不樂為金輪王歡
樂為一切人說法而不作釋願樂造
一人發心為菩薩不作梵天願樂見

佛不貪三千大千刹土之珍寶作是者常无懈怠如是歡喜可至無極慧所視無底菩薩言視一切諸所有不念是我所志清淨刹土不念有與無見諸佛不想色求所以者何用法身故視一切人心不求一切人之所有所以者何其德眼逮得清淨便有道眼神足備具以得慧眼便知所有无所可貪便得佛眼十八法志具以得法眼者具足十種力其作如僧那僧涅槃者便至無極慧作无底行菩薩言一切所作如薩芸若所作何以故無所住故以无所住但念諸法菩薩作是者不以諸順何為墮亦不以罪墮亦不以魔事墮所以者何不捨法故不犯非法以故致是以度罪所作魔事以應是者可至无極慧說息愛意菩薩言一切所有者亦不從人受以所作便啖嗒諸魔以自知者無所有亦无所復作以知無所復作便制五陰以知五陰者无有魔事以度魔界者所作中道无所覆蔽已度无所覆蔽菩薩摩訶薩作是者可至無極慧

所起即悔菩薩言諸所作非法意而悔之所作如法其心無異所以者何常當專心作善其身有所作不欲令人不可若口若意所作不欲令人有不可其有愁憂者以法寬大令不愁憂作是者是為菩薩摩訶薩可至无極慧得一切願菩薩言其有如淨戒者所願必得以如淨戒者不復犯俗不犯俗者以應三十七品根林如薩芸若其以如淨戒者不犯三十七品是為菩薩摩訶薩所作以至无極慧普等花天子言譬若樹有華其見莫不歡喜所作功德一切莫不蒙者譬若忉利天上拘耆樹而有花熾盛諸天莫不愛樂菩薩以法為一切作眼譬若花若天上摩尼之寶而无瑕穢菩薩清淨其心如是其作是者可至无極慧

光明花天子言譬若如日出衆冥索盡所有諸色悉見菩薩以智慧无所不照其諸愚癡冥盡索為開闢所以者何終不而當明故其在冥者見明便得道徑菩薩以往道徑者其忘失

道徑者指亦道路以如是者可至無
極慧天香花天子言譬如湯陀羅花
其香聞縱廣上下四維各四十里菩
薩以所聞淨戒三昧持智慧以為香
三千大千无不聞者是香愈无央數
人病其以所聞淨戒三昧智慧菩薩
以往是者便至无極慧信法行得天
子言當住法當所作者以如菩薩法
者常不復懈怠无所復態无復念便
當得十事習六波羅蜜以四等心五
句四事摠三脫忍辱利令人發意其
身不離以遍起拘舍羅教志持諸法
要所信无有異是為十事其作是者
可至無極慧文殊師利謂諸上人及
諸天子菩薩住无所住何謂住無所
住於三界不以三界作習不習者是
為内亦不求習者是為外雖外不墮
弟子无所習復不墮辟支佛地習謂
生死所學習謂无所知習者是為名
所學習是為色習者是因緣所學習
謂有所見習者謂愛所學習謂有所
根習者謂我所學習謂非我習者貪
所學習所施與无有異習者謂犯戒所

學習謂不於戒自貢高習者謂瞋怒
所學習忍辱而不貢高習者无精進
所學習精進而不自貢高習者謂亂
意所學習為一心而不自貢高習者
謂無知所學習智慧不貢高習者謂
無功德所學習謂作功德而不貢高
習者謂俗法所學習謂道法不自貢
高習者謂无脫所學習謂得脫而具
足不貢高習者謂有罪所學習无有
罪亦不貢高習者謂有餘所學習无
有餘盡亦不貢高菩薩習无所習一
切護亦不着亦不斷作是者便至无
極慧諸法一切无所所得所以者何無
所入亦无所不入故是一切智便至
一切智無所得者一切智得一切智
不可以色計痛痒思想生死識亦尔
不從法數亦不從非法數亦不一切
智施與為數所以者何施與者亦不
離一切智戒忍辱精進一心智慧亦
不為數何以故一切智從智慧一切
智者无所不入亦不過去當來亦不
入現在所以者何以過三世故一切
智者不以眼而視之耳鼻舌身意亦

尔所以者何以過諸界故若男子女
人欲求一切智者當如一切智住當
去何住於諸法一切無所住是為一
切智住不自念法是我所作是者為
一切智一切人法佛法等如是元有
異是為一切智其求欲得一切智者
會從四大得所以者何為身不作身
計所以者何不以作因緣故其有功
德法元有功德法其所有是為我所
者皆非我所我者無所生无所生者
無有計其計者是為不生其示若見
者是皆無有生以知無生无所生慧
作是等者是為薩去若文殊師利說
是事時二千天子悉得无所從生法
忍万二千入悉發无上平等道意樂
不動菩薩謂文殊師利共到佛所問
菩薩當去何住應時文殊師利化作
如來在衆會中而坐其形狀被服如
釋迦文佛文殊師利謂波垣槃拘利
菩薩言屬之所問今佛在是可問菩
薩住波垣槃拘利菩薩不知是為化
佛前長跪問怛薩阿竭菩薩當去何
有所住化佛言如我所作菩薩當如

是住復問去何如佛其佛言亦不從
施與亦不從戒忍辱精進一心智慧
亦不從欲亦不從色亦不從无色亦
不從身行亦不從口行亦不從意行
諸所行無所著故其佛問波罔槃拘
利化者而有所從行不則答言无所
從行其佛言如化无所從行菩薩當
作是行波罔槃拘利菩薩復問文殊
師利是佛當无化佛乎文殊師利答
言若自知諸法如化不則答言諸法
實如化文殊師利言以知諸法化何
為復問如來化文殊師利言仁者謂
以諸佛悉化則復問文殊師利言佛
者從何所化文殊師利言所作本清
淨何以故而有化文殊師利言故佛无
有吾無有我无有人無有壽无有命
亦不依佛住亦不依凡人住波罔槃
拘利菩薩復問化佛本何所學自致
得佛其佛言无所學是菩薩學何以
故亦不自念我欲求是亦不求是亦
不憂亦不喜亦不緣亦不所化亦无
所見亦無處所亦无有想亦無有字
亦無有色一切无所希望是菩薩學

作是學者以為等學作是學者无所
著无所縛作是學者无有欲无有怒
學是者不自念我作是學是為學作
是學作是學者不墮惡道其佛言若
有求阿耨多羅三藐三菩提心欲成
至佛者當作如我學復問何所是佛
學其佛言亦不作罪亦不墮罪亦不
所與亦无所持亦無所不持亦不持
戒亦无有戒亦不忍辱亦不惡意亦
不精進亦無懈怠亦不禪亦不乱意
亦不智慧亦无所知亦無所學亦不
有所學亦不所成亦無有所成亦不
菩薩亦不佛法亦不自念有身亦不
念他人有身其所見者无有想亦不
法想亦不無法想不想无想其佛言
曉了是者菩薩當作是學所以者何
諸法一切如幻是為相諸法一切皆
合所以者何虽无央數事念之皆空
無所有合則為空諸法不可見所以
者何諸法等而无著特諸法悉嘿所
以者何不語不言是故无有處所何
以故諸法无所生其信是者亦不念所

行亦不念得脫亦不善薩自貢高其
佛言若聞是學者不恐不怖不畏是
故名爲菩薩譬若空不畏火不畏風
不畏雨不畏烟不畏雲亦不畏雷亦
不畏電所以者何是空法故菩薩者
當如是一切無所畏懼菩薩心以如
空者乃伏衆魔便能爲佛能爲一切
作護其化佛說是語竟便不復現波
垢槃拘利菩薩問文殊師利今但薩
阿竭所湊則答言所從來處而所湊
所湊處從是來波垢槃拘利謂文殊
師利其化者无所從來無所從去何
謂從來文殊師利答言譬若如化來
无道徑去无道徑諸法亦尔無所從
來无所從去波垢槃拘利復問何所
是諸法之處則答言自然住是之處
復問一切何所處是其處如所作是
其處復問諸法无所作无有罪文殊
師利言如是者諸法无所作無有罪
其法去亦无有作者无有作罪者諸
所有惡入法身則復問文殊師利无
有作无有罪何以言人隨其所作文
殊師利言審如所問人亦无所作

亦無有罪所以者何是人之法法身故亦无有作亦无有罪如所作如所得是三者等波垢槃拘利菩薩復問是三事等乎文殊師利言怛薩阿竭等故三事適等復問怛薩阿竭者无作无罪無得是三事何緣與等文殊師利言怛薩阿竭無作无罪無得其作其罪其得如所為以故等其罪以過了不見罪已過當來亦不離怛薩阿竭故說是時如在釋迦文佛所尊者舍利弗阿難及諸尊比丘悉承佛威神皆聞文殊師利所說舍利弗言善哉善哉上人之所作以法无所不感動不離法身其有智者聞是莫不發意佛言審如所語菩薩者學无所學所語平等无有異如所種得其實其菩薩者所學者慧如是所說如意佛語舍利弗汝若所學自致是慧頂中光明菩薩白佛何所聲聞所學何所菩薩所學佛言有限有著故為弟子學无有限無有尋是為菩薩學如聲聞者其學小其智少菩薩者學廣大其所知无有極所說无所罣碍光

智菩薩白佛唯怛薩阿竭作感應人
文殊師利衆會悉來到是所以者何
其在是會皆令得无所亡失所以者
何文殊師利所說甚深微妙其欲聞
者隨其所欲各令得所佛即感動文
殊師利應時與二十五上人及諸天
子俱到佛所前作禮而住光智菩薩
問文殊師利佛在是間而若何緣得
在異處而說法文殊師利言所以不
在是間者佛甚尊不可當或所語可
怛薩阿竭意或不可意故在一面其
菩薩復問說何所法而可怛薩阿竭
者文殊師利答言佛自知之復言雖
尔會說其意文殊師利則言如我所
知少當說則言何言是文殊師利言
如所說所說法而不異如怛薩阿竭
如本際而不可說如法住如法說為
怛薩阿竭意无所止無所斷亦不緣
亦无所緣亦無所增亦无所減作是
說而不失怛薩阿竭意亦於身无所
失亦不令他人有所失亦不亡法亦
不亡生死亦不亡泥洹作是說者亦
不失怛薩阿竭意佛言善哉善哉如

文殊師利所說以可怛薩阿竭意所以者何亦不過亦不減適在中无所想所以者何文殊師利俗三昧說事如故不見諸法有所增者有所減者如文殊師利所說不失怛薩阿竭意說是語時八百天子皆得无所從生法忍尔時衆會中復有二百天子皆前以發菩薩意而未堅固皆欲墮落各各有念佛法无有極難得至佛我等不在菩薩學中不如取羅漢辟支佛而般泥洹佛悉知是人可成為菩薩而中欲意轉佛便化作一迦羅越持百味飯滿鉢齎到佛所前而作礼以鉢上佛惟加哀受之佛即受鉢文殊師利便從坐起叉手白佛雖食當念故思舍利弗心念佛本從何等而文殊師利言當念故思乎則問佛文殊師利本有何功德而置怛薩阿竭佛言且忍今為汝決狐疑即以鉢捨地其鉢便下沒過諸佛刹直下過七十二恒邊沙等刹土刹土名曰漚呵沙漚呵沙者天竺語漢言名曰明闍闍其佛号茶毗羅耶漢曰光明王今

現在其鉢在彼佛剎住止空中亦無持者鉢所過諸佛剎其佛侍者皆問佛是鉢從何所來諸佛言上方有剎名曰沙呵佛號字釋迦文鉢從彼來所以者何救護墮落菩薩意故以變化感動佛語舍利弗行求鉢來舍利弗即承佛威神自以慧力入万三昧過万佛剎亦不見亦不得從三昧還白佛求之不見不得佛言且捨佛復謂大目犍連行求索鉢則承佛威神自蒙神足力入八千三昧過八千佛剎无所見無所得則從三昧還白佛求之不見不能得佛語須菩提行求鉢來則入万二千三昧過万二千佛剎亦不見亦不得即從三昧還白佛求之不見不能得則五百尊比丘各各以神足行求索鉢亦不能見亦不能得須菩提從座起白弥勒菩薩仁者高才一生補處現當來佛吾等行求鉢不能得惟行求之弥勒則答言如若所說實一生補處今者不及文殊師利所作三昧及其名字聽我所言我作佛時如恒邊沙等悉為文殊師

利復不能知我行步舉足下足之事
如今者實不逮及不如報文殊師利
而行求之則須菩提白佛唯怛薩阿
竭當令文殊師利而行求鉢來文殊師利即嘿
文殊師利行求鉢來文殊師利即嘿
聲以受教即自思念而不起坐不離
佛不捨衆會於是便能致鉢即時三
昧為无所不通入即於衆會以手指
地其手而下行所過佛剎悉為諸佛
接其足下方莫不聞其聲道釋迦文
佛致問其辭者一一毛放億百千光
明一一明者有億百千蓮花一一蓮
花上者皆有菩薩其菩薩者皆各各
歎釋迦文佛是所過剎土皆為六反
震動其剎土皆嚴莊幢幡而起所過
處悉皆見文殊師利以右手悉接諸
佛足皆言釋迦文佛之所致問過七
十二恒邊沙等剎到明開闢剎土乃
至茶毗羅耶佛所前作禮為釋迦文
佛致問其辭上毛一一毛有億百千
光明億百千蓮花一一蓮花上各有坐
菩薩悉歎釋迦文佛功德其菩薩光
明彼佛光明如不相錯各各自見光

明王佛邊有侍者而尊菩薩名曰光
尊自問其佛是誰手辟姝好乃令其
毛光明蓮花菩薩之所歌歎彼佛功
德其佛言上方過七十二恒邊沙等
刹土名曰沙呵其佛号字釋迦文佛
今現在前有菩薩名文殊師利不可
思議僧涅其智无所不度以續在彼
佛前坐用鉢故而投手乃到是間其
菩薩悲作是念皆白其佛辭如渴人
欲得飲願欲得見釋迦文佛文殊師
利及其刹土其佛即以兩眉中央相
而放光明徹照過七十二恒邊沙刹
乃至沙呵刹悉為開闢其有人見其
光明者皆得安隱其身辭如遮迦越
羅其有凡比丘者得須陀洹其過三
道上者皆有八椎務禪應時得羅漢
其菩薩身得是光明者皆逮得日明
三昧茶毗羅耶佛刹諸菩薩從彼間
悉見是間及諸聲聞諸菩薩以見是
間刹土則而淚出便言若琉璃清淨
及其摩尼墮其汙泥誠可惜之所以
者何沙呵刹土諸菩薩誠可惜之而
生彼間茶毗羅耶佛謂波鞞頭菩薩

汝不曉是勿得說之。所以者何。我剎土千劫行禪。不如彼佛剎人行慈。從日出至食。其所功德過倍。是聞彼之菩薩。雖有宿命行法。如彈指頃者。其罪盡索。是聞菩薩。志問佛。是光明從何所來。今身皆安隱。佛則言。下方過七十二恒邊沙等佛剎土。名漚訶沙。何佛者。号字茶毗羅耶。於兩眉中央。相光明菩薩。志白佛。願聞欲見漚訶沙剎土。及恒薩阿竭茶毗羅耶。應時釋迦文放足下光明。照下方過七十二恒邊沙等剎漚訶沙剎土。及茶毗羅耶佛。盡為開闢。彼剎菩薩見其光明。入其身。悉得摩訶三昧。具足。

三昧者

天竺語漢辭之名。須弥光明

是聞菩

薩。盡見彼佛。及剎。譬如在地住者。莫不見日月星宿。下方見是。聞亦如是。聞見下方茶毗羅耶。漚訶沙剎土。文殊師利。以右手取其鉢。與無央數拘剎。那術百千菩薩俱而來。上所過諸剎土。其蓮花一一毛光明稍稍而盡。其鉢便在手。中是聞文殊師利。則從座起。為佛作礼。以鉢授佛。佛則受之。其

菩薩從下上者悉作礼各各自以佛
名謝釋迦文佛怛薩阿竭即時各令
就坐悉皆受教各各而坐佛謂舍利
弗向之所問用文殊師利所問故今
為汝說之已過去无央數不可計阿
僧祇劫今時有佛號字勇莫能勝其
刹名无常今時諸聲聞八万四千人
菩薩万二千人俱悉會其佛為三道
勝於五惡世而作佛有比丘名
慧王明於經法持鉢入惟致國中而
行分衛得百味飯若干種食今時有
尊者子名離垢王為乳母所抱持在
城門外而住其兒遙見明經比丘欲
從抱下得下便取之求其食比丘即
以蜜餅授與之其兒則食之知味甘
美隨比丘而行不顧念乳母便隨至
勇莫能勝佛所則為佛作礼而坐一
面若鄰羅耶比丘以所持鉢得食而
與是兒令上其佛兒則受之以上怛
薩阿竭其佛受食鉢則為滿其兒所
持鉢食續如故復以是食遍八万四
千比丘及菩薩万二千人各各悉飽

滿其兒所持食續復如故佛以威神
令兒歡喜并蒙本之功德即為盡信
便前而住即歎其佛所持鉢食而奉
上以應時滿其所持者亦不缺減遍
比丘及諸菩薩其食續在乃知佛尊
亦不盡索而復增益其供養佛者功
德可重而增佛語舍利弗是兒以一
鉢食乃至七日其食不減滿則如故
其佛阿波羅耆陀陀教導其兒自歸
佛及法比丘僧授與五戒教令悔過
勸助功德乃發阿耨多羅三耶三菩
心其兒父母求索子無所不遍乃至
怛薩阿竭所前為佛作禮而住其子
見父母前為作禮而譽言我今入菩
薩法用一切故願復發意所以者何
難值佛故語其父母視佛相及其種
好其慧无所不遍其道以度願欲我
身令得作沙門所以者何難與怛薩
阿竭會故父母即言善哉善哉隨子
之所欲歡樂子之所求悉如子之願
吾等亦復發心當從汝為法則今悉
放其舍宅亦復効汝而為沙門佛語
舍利弗是兒之所言父母及五百人

患發阿耨多羅三耶三菩心志於阿
波羅耆陀陀佛所皆作沙門佛語舍
利弗汝之所疑者即若鄒羅耶比丘
者文殊師利是其時兒尊者子惟摩
羅惹耶者則是我身文殊師利以食
與我作其功德而令發心是則本之
初發阿耨多羅三耶三菩心恩師佛語
舍利弗汝欲知其今佛十種力四事
无所畏其智慧不可議志文殊師利
之所發動所以者何心則是根本佛
復語舍利弗如我身等不可數阿僧
祇剎土諸佛志為文殊師利之所發
動號志字釋迦文佛如是佛數復有
號為提式沸佛復有号式佛復有号
提和竭佛復有号惟衛佛佛語舍利
弗志說是諸佛字從劫至劫未有竟
時皆志文殊師利之所發動今現在
志轉法輪中有般泥洹者中有行菩
薩道者中有在兜術天上者中有在
母腹者中有生者中有捨家求佛者中
有坐佛樹下者中有成佛者猶不可
盡佛謂舍利弗文殊師利者是菩薩
之父母是則為迦羅蜜屬所問者何

緣而置怛薩阿竭而我之所得悉蒙
文殊師利思以為是思故其二百天
子即時自念諸法學者乃可有所成
吾等尚可所以者何今是釋迦文佛
為文殊師利所發意自致成佛我等
何為懈怠用是念故其心則堅悉得
盡信阿耨多羅三耶三菩心文殊師
利以手變化而得鉢无所不感動是
謂本之學習從是刹土乃到下方過
不可數人皆悉發阿耨多羅三耶三
菩心十方今現在諸佛皆以珍寶花
蓋用供養法故悉覆三千大千之刹
土徃其花蓋盡聞其音如釋迦文佛
之所言皆文殊師利之所感動

佛語舍利弗若男子女人欲疾般泥
洹者當發阿耨多羅三耶三菩心所
以者何有人畏生死而不能發心為
阿耨多羅三耶三菩心欲求聲聞作
阿羅漢早取般泥洹其作是言者我
續見在於生死中有菩薩而精進者
已成至佛所以者何以過去无央數
不可計阿僧祇劫尔時有佛号字一
切度壽一万歲有百億弟子有尊比

丘名莫能勝其智慧甚巍巍後有尊
比丘名得大願其神足甚亦巍巍
時怛陁阿竭整衣服持鉢與比丘俱
入常名聞國分衛其尊比丘智慧備
足者在佛之右其神足比丘在佛之
左有尊比丘名悔智隨佛後而侍之
八十菩薩而在前導中有如釋者中
有如天子被服者中有如天者中有
如四天王者皆悉令人治道用怛陁
阿竭故佛語舍利弗時佛以入彼城
道徑而過於市有三尊者子各各尚
小莊嚴被服甚姝好而共坐戲是一
兒遙見佛且來及諸比丘菩薩光明
甚巍巍其小兒謂二兒以手遙指示
之乃見怛陁阿竭來光明與相隨者
不甚好乃余其二兒則言以見之是
一兒便言此者一切之中極尊而无
與等者吾等當供養所以者何其福
无量其二兒則答言亦無花香當何
以供之其一兒則脫著身白珠著手
中便報謂二兒是猶可以供佛智者
見怛陁阿竭不當作貪則其二兒効
解取著頭上白珠著其手中即各歎

言行至佛所辟若度水所以者何以
其心淨而等住故是一兒復問二兒
持是功德以何求索其一兒言願如
佛右面尊比丘其一兒言願如左面
神足比丘是二兒各各有是願已復
共問一兒若願何等即報言我欲如
佛其光明无輩如師子獨步常有衆
而隨我是兒作是說時虛空中八千
天子皆言善哉善哉如若之所言天
上天下一切蒙若恩是三兒相將來
至佛前其怛薩阿竭呼侍者沙竭汝
乃見是三兒而持白珠來者不其中
央行小兒悅心精進來行舉其一足
時却其罪百劫如下一足後事事當
更百遮迦越羅如是數當復更釋亦
如是其梵天亦等如是其一舉足之
功德中百見佛語適竟是三兒已到
前為怛薩阿竭作礼各各以其白珠
散佛上其二兒發聲聞意者所散珠
各在佛上肩鼻其一兒發阿耨多羅
三耶三菩心者而散白珠在佛頭上
而在虛空化為珠花交露之帳正等
而四方中有牀怛薩阿竭而坐之其

佛則時笑沙竭勅問佛但薩阿竭所
笑會當有意願聞其說佛言見二兒
發聲聞意者不所以者何皆畏生死
之懼故是以不發菩薩心所以者何
欲疾般泥洹故其侍者問其一兒當
云何佛復謂言是中央兒以後自致
成佛是二兒乃為作聲聞其一者智
慧甚當尊一者神足亦復亦釋迦文
佛問舍利弗汝乃知是中央兒不舍
利弗言不及佛言則我身是乃知右
面之兒不舍利弗言不及尔時之兒
則舍利弗是其左面之兒則大目犍
連是佛謂舍利弗汝等本畏生死故
不發菩薩心而欲疾般泥洹觀其二
兒發阿耨多羅三耶三善心者今我
自致成佛如汝等不離吾法而作聲
聞乃得解脫佛復謂舍利弗其欲疾
般泥洹者當發意求佛如我向之所
說其疾者无過薩芸若所以者何无
所罣碍故用持尊故用无盡故用阿
耨多羅三耶三善心故莫能有及等
故持有好故以過諸聲聞辟支佛故
其欲作者便得薩芸若意亦復如是

說摩訶衍品時万人患發阿耨多羅三耶三善心其一尊比丘舍利弗摩訶目犍連阿難舍比摩訶迦葉越難頭耶愁致難離分釋頭陀須菩提等患以頭面著佛足皆譽言若男子女人欲求道者當發尊意所以者何如佛百千以法為吾等說不能復發作善薩心皆有悔為羅漢故不如本作五逆惡其罪猶有解脫可發心為阿耨多羅三耶三善心今者以无所益所以者何惟燒佛種故其器者以不堪善薩心所以者何譬若死人无益於生者今吾等以得脫无益於天上天下有兩足若四足者皆依地而得活其有發心為阿耨多羅三耶三善心者諸天及人皆蒙其恩

今時阿闍世王乘四馬車與群臣俱出而到佛所前為作礼而住白佛言一切人從何因緣而作罪佛語阿闍世以住吾我人者便作罪貪身故而有身用是故不離其中阿闍世王復問助貪愛者根為在何所佛言无點是則復問誰是无點根佛言所作與

念異是故根復問何所與念異者佛言其本異所作謂是復問本異者何謂是佛言如幻所化无所有是故異復問誰化者佛言無有造者是故化復問无所生无所有當云何計佛言用無有生无所有故不可計復問所疑從何因緣起佛言无所據故何謂无所據佛言如所說聞之則疑是謂不據復問何所是道何所為信佛言脫於婬怒癡是為道何所是信佛言不得諸法根本其心不畏是故為信阿闍世王即言善哉善哉如怛薩阿竭所說一切人所以不信者何自作故今我用惡人之言勅令臣下自然其父用貪利國故用貪財寶故用貪利宰民故用貪利尊貴故今我使臣下而害其父貪身狐疑不能自解若飲若食在戲樂若在正殿聽省國事若在中宮五樂之欲若獨與眾俱晝夜而不忘飲食則不能消亦无其卧顏色亦无和悅時其心常怖懼知不離於泥犁則復陳言若盲者承佛所得眼目若為水所溺者依佛而得脫

其有苦痛者佛而今得安其有恐懼者佛而為作護其有貧窮者佛能為作珍寶其有失道徑者能示於道路佛以加大哀不以為勤劇等心於一切堅固而作厚常忍於苦樂不捨於一切人今我身而怖懼惟佛當加護令危者而得安身无有能救者唯願而得濟无所歸者惟願受其歸命辭若无眼目惟得而視瞻如人之欲避惟令而得往今當入阿鼻乃至大泥犁中願令得不入惟怛薩阿竭今當為我解說吾之狐疑令心而得開至死无餘疑令重罪而得微輕佛念阿闍世王其所說甚深而微妙是病莫能療之者獨佛文殊師利而有感應舍利弗承佛威神謂阿闍世欲決狐疑者明旦作食請文殊師利等令到其宮受之者其若之官屬皆當得其福并羅閱國諸民皆因是功德可而為本阿闍世王則白文殊師利惟加大恩明旦屈德就宮而食則文殊師利答言以足可為供養已文殊師利復言佛法非以衣食故阿闍世即白當

何以施之則答言若深入微妙其事
審諦无所汙亦无所著亦無所疑无
所難无所畏无所一懼如是者以為
得哀文殊師利復語阿闍世念諸法
亦不念有亦不念无是者以為得哀
不當念過去意亦不當念當來意亦
不當念現在意作是者以得加哀汝
不當念一切之所可見者亦不誠作
是者以得加哀阿闍世王復白文殊
師利如所言悉法之所載无有異惟
以身故當加哀受其請文殊師利復
言且止其道者非以是故若飲若食
若王不念有吾有我壽命人以念是
者以得加哀若心无所持亦無所緣
亦不四大亦不五陰亦不六衰亦不
持三界亦不於功德亦不念无有功
德亦不於俗亦不於道亦不於罪亦
不於无罪亦不於餘亦不於无餘亦
不於脫亦不於无脫亦不於生死亦
不於泥洹作如是者以得加哀阿闍
世王復白文殊師利聞如是法倍復踊
躍以是故欲請之令我緣是而得安
隱文殊師利答言汝希望有所緣欲

得安隱是以不緣則无安隱所以者
何因其法无所緣无有安不念是亦
不貢高一切无所念是故緣是故安
於是中无惡意後復无灾變者後有
灾變者是則不安從本至竟无有異
是乃為安阿闍世復問說何所法而
无異可得安文殊師利言若空无作
者无有能作者无有想無有願无有
作亦无有作者其有念我有所作無
所作是故為異亦不求无所緣身口
意是為作所以者何无生死想是故
諸法若有所緣當知悉无所緣阿闍
世復問何謂生死无生死則言不念
過去以盡亦不念當来未至亦不念
今現在而无常於諸法不念有所增
有所減作者是生死則无生死阿闍
世復問未脫者當云何與道合文殊
師利言汝知日明與冥合不阿闍世
言不合所以者何日出衆冥晦滅文殊
師利言王寧知冥所去處乎答言不
見可處而在何所處文殊師利言所
謂道智来時譬若日出不可知衆冥所
在如是時亦不知未脫所在文殊師

利復言道與未脫等未脫與道等何
以故俱空故未脫與道等故諸法平
等其知是者未脫則為作道何以故
求不脫不知處是故曰道其求不脫
處而不可見是則道阿闍世復問云何
不脫而為道文殊師利言於不脫是為
道不作是者為道阿闍世復問其道者
當云何學則答言如學諸法阿闍世
復問以學諸法寧有處所不文殊師
利言作是學道不可至阿闍世復問
其學者當至泥洹不文殊師利言乃
有法從泥洹來言我從泥洹來阿闍
世即言亦无往者亦无來者文殊師
利謂阿闍世其學道知无處所是故
道阿闍世復問當何所住道而學作
是則答言無所住是為學道阿闍世復
問其學道者不作淨戒三昧智慧住
即答言其道者不緣戒不求三昧不
貢高於智慧住文殊師利謂阿闍世
乃可緣戒求三昧貢高於智慧作如
是則有住處不阿闍世言无文殊師
利言故當如道无所住阿闍世復問若
男子女人當云何自前於道文殊師

利言其欲學道者不見法有常无常
不見法有脫无有脫亦不見法安若
苦者亦不見法是我若一切人亦不
見法在生死至泥洹者作是學道者
為以前阿闍世王即言善哉善哉如
文殊師利菩薩之所言惟願受其請
所以者何用狐疑故熟自思念如諸
法无吾無我无壽無命而我有狐疑
文殊師利言如无者不可令有以無
者亦不脫亦无所脫其說我者而有
脫者以无有脫者亦不脫亦無所脫
所以者何諸法悉脫故佛謂文殊師
利受阿闍世王請用无央數人故文
殊師利則言惟受怛薩阿竭教所以
者何不違教故阿闍世則踊躍歡喜
便從座起為佛諸比丘及文殊師利
作礼而去阿闍世行且問舍利弗文
殊師利等輩者幾人舍利弗言五百
人悉令於宮食便從道歸於城即勅
大宮令作百味之食即日治其殿上
施其幢幡帷帳花盖以花布其地悉
持名香而薰之設五百高牀皆布名
珠琬琰其色若干合宮之内悉皆治

嚴以花香遍之勅令城郭諸街市里
皆而掃除以花香從之道邊者皆施
帷帳幢幡而起除之其里之門皆施
雙結花令諸人民明旦皆當道遙供
養文殊師利即初夜文殊自念我與
少少俱出至請亦无他感動乃可到
他方刹土請諸菩薩往到彼所令就
請復悉聽其所說法作是念時應時
如伸臂之須便從是不現到東方過
八万二千佛刹其刹名常名聞其佛
號字惟淨首今現在有衆菩薩无異
道其刹土常轉阿惟越致法輪其土
諸樹悉皆衆寶其葉花實无央數色
風一起時吹其諸樹但聞佛音但聞
法音及阿惟越致僧音用是常聞三
寶聲故其刹土名曰沙陀惟瞿吒文
殊師利已在彼所為佛作札白其怛
隆阿竭願用我故盡令菩薩到沙呵
刹土至阿闍世所而就食佛則謂之
其欲行者便可往

佛說阿闍世王經卷上

癸卯歲高麗國大藏都監奉
初彫造

佛說阿闍世王經卷下

卷

後漢月氏三藏支婁迦識譯

應時二万二千菩薩同共發聲我等
欲與文殊師利俱行即時如其數菩
薩與文殊師利俱行忽以在沙阿剌
土其處而坐其處者謂室中所以能
容者是菩薩威神故悉共坐已文殊
師利說其法其法名曰陀隣尼文殊
師利謂諸菩薩乃知何所法名陀隣
尼者而言解一切諸法故其意無所
望故所作無有異所念應時足所知
如智慧其法者悉知其本所語如諦
自護不墮用轉上故悉入諸法行陀
隣尼者則道之元不斷佛尤持法之
元惣持僧之尤於諸法無有殆在人
之所問即能知報答見衆而不却所
以者何无所畏故欲教化諸天隨天
之所欲而悉教之令各各得解及龍
閼叉阿須倫迦留羅真陀羅摩休勒
人非人及釋梵下至一切諸虫獸鳥
獸各各知其意隨其所欲而悉教化
令得其所悉曉了有功德无功德者

盡知一切人之行住其心譬如地於
世不以八事中有順何所作功德不
離於道教照於人隨其所樂令一切
皆蒙其息所作戒令一切志在中其
慧無所不遍入為一切之所重而不
以為勤苦其心無有異其法者知而
本所教化承其教常以法而施與不
以為厭所說法不望當得其復不斷
菩薩善根本所以者何以精進而養
成其根故所施與不以為厭足用薩
芸若故以戒不以為厭足所以者何
恭敬一切人故忍辱不以為厭足便
速得佛身故以精進不以為厭足合會
諸功德故以禪不以為厭足無所怖
望故以慧無厭足所以者何無所不
念故以法為奉祿而自依為得活一
切無所豫其如是者是故為陀隣尼
陀隣尼者志總持諸法故云何持空
無想無願無欲無所著無所見故以
是持無所生無所造為作是持法亦
不来亦不去亦不住亦不乱亦不趣
亦不壞亦無所持亦無所掌於脫不
想脫亦無所住亦不當住亦無吾亦

無我亦無壽亦無人亦無所執亦無
放亦不誠亦不虛亦無所聞亦無所
見亦如虛空無所稱舉亦無所觸亦
無所覺持一切諸法故曰陀隣尼復
有陀隣尼者持諸法如幻譬若如夢
若野馬譬若水中聚沫如水泡譬若
化念持諸法故曰陀隣尼復有陀隣
尼以無常持諸法若所見無我而寂
諸法根本念脫其中於法無所諍亦
不墮亦無期以是持一切諸法故曰
陀隣尼譬若如地無所不持不以為
勤劇菩薩以運得陀隣尼者為一切
作本阿僧祇劫諸所作功德念能合
會發薩芸若心無所不持亦不放
亦不以為煩所以者何若地為一切
之所載仰菩薩以運得陀隣尼者饒
益於一切若樹木万物因地而生菩
薩以運得陀隣尼者念生諸功德法
譬若如地亦不動亦不搖亦無所適
亦無所憎譬若如地受一切雨亦無
厭極菩薩以運得陀隣尼者一切諸
佛菩薩聲聞辟支佛所問法亦無厭
足為一切說法亦無厭極譬若如地

舍果諸種皆得時出菩薩以還得陀
隣居者悉舍果諸功德法種亦不失
時輒如時具足諸法乃坐佛樹不離
薩芸若菩薩以得陀隣居者勇猛如
將兵中之率無所不伏菩薩以還得
陀隣居者坐於佛樹降伏衆魔故曰
陀隣居復有陀隣居於諸法無所持
何以故於有常無常故亦無樂亦無
苦有身無有身無有人無有常一切
諸法無所持所以者何無有二心故
譬若如地不持空陀隣居一切諸法
無所持譬若空不持有所有陀隣居
者於諸法亦無所持譬若水不持諸
垢濁陀隣居者於諸法亦無所持譬
若有所至無處所故陀隣居無所持
故陀隣居者不可盡無有盡不可度
故無所不入無所不入故是為空界
陀隣居與空等說陀隣居時五百菩
薩悉得陀隣居法文殊師利於二夜
說菩薩藏諸法莫不從是若功德法
若無功德法若俗若道若有罪若無
罪若有餘若無餘若脫若不脫一切
盡入是藏何以故用諸法故無所不

得故辟若三千大千刹土舍受百億國土百億日月百億須弥山百億大海盡入三千大千亦不凡法亦不道法盡入其中聲聞辟支佛法若菩薩持聲聞持辟支佛持菩薩若如樹其根堅住者本莖枝葉花實皆而成好菩薩藏者無所不持無所不成一切持諸功德法悉持薩芸若心其菩薩藏者若器名曰受不可數辟若海舍受衆水受持珍寶龍闍叉捷陀羅真陀羅摩休勒無不苞裹為一切作其處其藏者因緣不可數亦如是受無數戒其間三昧智慧所見其器無所不受而見故曰菩薩藏辟若如海其往生者不飲餘水所以者何皆因海故其在是藏者皆因是法不在外道所以者何盡受薩芸若法味故故曰為菩薩藏是為三藏何謂三藏聲聞藏辟支佛藏菩薩藏聲聞藏者從他人聞故所以者何聞其音故辟支佛藏者緣十二因緣故以因緣盡而致是菩薩藏者入無央數法而自然還

成佛其聲聞若辟支佛其三歲者非
聲聞辟支佛所有也說是法時其三
歲者各得如所行所以者何說是法時
其聲聞辟支佛菩薩各得其行故曰
三歲其選得菩薩法者便有三歲所
以者何聲聞辟支佛不離佛法故復
有三歲學何謂三歲有聲聞學有辟
支佛學有菩薩學聲聞學者用有度
故但自明故辟支佛學者是謂中學
無有大哀菩薩法不可度入法身故
用大哀故聲聞者不學辟支佛事亦
不了辟支佛事辟支佛不學菩薩事
亦不了菩薩事菩薩者知聲聞所學
不以為樂不於是中有所悋望亦不
於是中而求脫亦知辟支佛所學不
以為樂不於是中而求脫而知菩薩
所學樂於所學而自歡樂當因於中
得脫故教聲聞而示現以其行教化
之其辟支佛亦亦是菩薩作故名曰
菩薩歲辟若以器受其琉璃用琉璃
故其器亦作琉璃之色菩薩以選入
歲者以諸法所見不離佛菩薩以選
歲者諸所見法悉見於佛法菩薩悉

無所不學諸法所以者何無有異所見諸法悉如佛證其菩薩藏者無失數字而教不可度處所以者何無增減故不可議光明悉照於冥所作者有慧利無有極入薩芸若無所不入其學是學乃為學悉入藏故便入摩訶若那摩訶若那者無極慧以入者其未入者而入之今時文殊師利為諸菩薩說其藏事已復於三處說阿惟越致輪金剛行說是時其聞者悉運得是事其輪者亦無所轉阿惟越致輪者無所怖望於一切其心無有異所以者何不念善惡以等心學法見諸佛刹亦復等視不著其好醜以諸佛等無有異其輪者無所不遍入所以者何不壞法身故以是故為阿惟越致法輪其輪者無斷絕處所以者何無二心故其輪者如所見何以故以法輪致佛故是名曰阿惟越致法輪其從阿惟越致輪者悉以脫諸想故其信是者悉當得如佛不以二事故從一事脫所說如怛薩阿竭因脫其脫者無想無想是故諸法其

有想無有脫何以故其脫無有二所
以者何無身口意故所以者何其脫
者亦不從身口意故曰脫作是者以
為自從不從他人故曰阿惟越致輪
其輪者不轉色所以者何其色自然
故痛痒思想生死識亦不轉所以者
何識自然故一切法亦不轉所以者
何法身無法轉故是曰阿惟越致輪
其輪者所入無有際何以故無有斷
絕故其輪亦無所著亦無有斷何以
故其輪無有門故所以者何不二心
故其諦亦無轉者所以者何不可說
故其輪亦無有能解者所以者何亦
不有其音何得見其形故其諦以空
可致其脫者莫能有還譬若如空無
所不入何以故無所不入用脫於本
故其輪者亦能行亦能步何謂行何
謂步如金剛鑽穿衆寶云何可以鑽
穿其法譬若以空鑽穿一切所以故
是名曰法為無所想是故金剛所以
者何鑽穿一切諸所求故無願者若
鑽金剛穿諸所未脫今而得脫法身
者若金剛諸所亂者而空理之怛薩

阿竭者如金剛志穿無所有其脫如金剛過於諸不脫者泥洹者見諸自然法文殊師利為諸菩薩說是阿惟越致法輪時菩薩志得羅毗拘連三昧

漢言者名曰日光明花

得是三昧已

其菩薩身一毛者放億百千光明其一光明者見坐億百千佛一一佛者到他方其求佛道而往教化

明日旦阿闍世王遣使者到文殊師利所唯哀用時與等人自屈摩訶迦葉時與五百比丘俱欲入城而分衛以行道半念尚早而旋還與比丘俱過候文殊師利以到所習住於門外文殊師利問摩訶迦葉今早欲到何所則言欲行分衛故文殊師利復謂摩訶迦葉我今與汝分衛摩訶迦葉則言已具足為供已所以者何以法到是不以食故文殊師利謂摩訶迦葉與諸比丘俱就是當用法故亦當用食故所以者何今亦不失其法亦令不失其食故合兩以作一摩訶迦葉則答言吾等常當忍不食當聽其法何以故一諸深法常從是聞摩訶

迦葉則復問今日與諸摩訶薩俱而
食文殊師利言今所食處其人亦不
離生死亦不入泥洹亦不過欲事亦
不以道證所食處其食亦無所增
無所減亦於諸法無所持亦無所捨
摩訶迦葉言其作是施與者是為无
極施與則言諾受所請文殊師利則
自念今當入城所作當如佛之感動
作是念時便得無所不感動三昧則
時沙河剎土平等如鏡諸丘墟山陵
一切不現其光明無所不接其在泥
犁勤苦其痛則除恚得安隱是剎諸
人用是時恚無婬怒癡亦無妬心亦
無貢高亦無起意今時諸人皆有慈
心展轉相視若父若母應時地為六
反震動諸欲天子諸色天子以百種
伎樂而供養文殊師利并雨天花而
散其上從文殊師利所止乃到城門
盡索治嚴以衆花結為交路俠道兩
邊以名殊花恚布其地已衆絕寶而
為帳幔覆蓋其上其道廣六丈三尺
兩邊悉有欄楯以衆寶化而作樹間
間行列俠道兩邊則以寶作繩纏縛

諸樹展轉相連其一樹者香四面聞
四十里兩樹間化有水池周匝其邊
志有衆寶以為擁障以琉璃為飾其
水之沙沙者志金其水有八味衆花志
生其中鳬鴈鴛鴦而走戲其間二樹
下當其根上而有衆寶之塚其塚上
者皆以珍寶而為香爐皆燒名香一
一塚者其女百人各以蓮花擎持梅
檀名香文殊師利作是三昧時其威
神無所不變化文殊師利從座起著
衣服謂摩訶迦葉便而前行我今從
後何以故其年尊老故復先佛作沙
門以是故當在前摩訶迦葉則時答
言其法者亦無前後不計年歲而有
尊幼文殊師利言當行謂為尊老摩
訶迦葉答言智慧是尊學問其多是則
為尊在所作為是則為尊索知一切
人之所行是則為尊摩訶迦葉復言
文殊師利亦有智慧其問具足在所
作為曉了一切人之所行以是當為
尊摩訶迦葉復言今若其年亦復為
大亦復為尊故當在前願樂在後今
欲說譬喻唯願聽之若師子之子其

膽勢氣力不如於大雖小豈大者之
香諸禽獸聞其臭者莫不恐怖辟若
大鳥而有六牙其歲六十若人以草
而為繩縛繫其為師子之子於草繩
之所大鳥聞之輒便奔走入山雖苦
薩發意未成力勢非聲聞辟支佛之
所而當衆魔莫不驚動縮腰而怖其
師子之子見大者而嗚呼有所作為
其心不恐亦不畏懷所以者何倍復
歡喜今如是菩薩見佛有所作為其
心不恐亦不怖懷所以者何倍復歡
喜今我敢亦當如是舍利弗言欲計
其尊者若聲聞若辟支佛其發菩薩
心者是則為尊所以者何其有所求
皆從菩薩心而起摩訶迦葉言故文
殊師利以是為尊仍當在前吾等承
後文殊師利便在前諸菩薩在後聲
聞悉從亦在後便向道天則雨華地
為六反震動諸天於上以伎樂而娛
樂應時光明一切莫不明者便至羅
閱祇末入城門王阿闍世聞文殊師
利且到從菩薩二萬二千五百人其
比丘者五百人俱王自念吾作五百

人具今當云何供當坐何所應時天
王名曰休息心與尊閼又名曰金鉞
與俱而來與阿闍世王相見則言勿
恐勿懼勿以為難則答當云何而不
以為難則報言文殊師利者作遍想
拘舍羅無極智慧以功德光明具足
而來神足功德其以一飯與文殊師
利若有三千大千一切人索飯食者
悉能飽之其食不盡索是二万三千
人何足可愛是故勿以為難所以者
何今皆可而悉足文殊師利者其功
德甚尊而不可盡阿闍世王應時而歡
喜其心無異踴躍倍喜而設所作便
將伎樂擎其華香而自出迎文殊師
利等而俱入宮時於菩薩中有一菩
薩名曰普觀悉見則文殊師利勅三
摩陀阿樓者陀令嚴治其處可容來
者其菩薩受教應時四面而視占則
時悉以辦於衆會中復有菩薩名曰
法來則得勅令而具牀座應時受教
揮指頃有二万三千牀座其統縱若
千種色名珠好繡綺異色物悉布在
上文殊師利及諸菩薩聲聞一切皆

悉就坐阿闍世王前白文殊師利所作

供具甚少願忍須臾今更欲辦其具

則答言所作已可自足勿復勞意天

王惟沙門與家室僕從悉來而謁皆

恭事左右釋提桓因自與大夫人名

曰首耶及與天女皆持名香供養散

文殊師利及諸菩薩比丘僧上其諸

菩薩亦不以天女亦不以伎樂亦不

以花香有所轉動梵天而自化作年

少婆羅門甚姝端正持扇住文殊師

利之右侍而扇之諸梵天子悉復供

侍諸菩薩比丘僧住於之右持扇而

事阿耨達龍王其在衆會虛空之上

而无見者持把貫珠垂若幡從其貫

珠其水流下水有八味若欲所作當

悉取是水文殊師利及諸菩薩比丘

僧人人前有垂珠水從中出悉給所

當得阿闍世王復念諸來會者而不持

鉢今當以何器而食之文殊師利知

王之所念則言菩薩者不賣鉢行而

所食處念鉢便從其剎土鉢自而來

在其手中阿闍世復問文殊師利是

諸菩薩悉從何剎土而來到是其佛

号字文殊師利則言其刹土名沙陀
惟瞿吒其佛号字惟首陀尸利從彼
間而來到是食於仁所以者何故來
欲聞法聽仁之所狐疑諸菩薩念鉢
應時鉢而飛來行伍而到阿耨達皆
自淨洒盛滿其水諸龍姝女皆擎持
二万三千鉢而來授與瞿吒刹土菩
薩人人著其手中阿闍世住侍文殊
師利文殊師利則謂阿闍世可分布
飯食應時受教分布而遍其食不減
如故阿闍世復白其食悉遍无所缺
減則復如故文殊師利言今為盡不
則答言不盡所以未盡者以若疑故
諸菩薩飯已持鉢跳擲虛空行列而
住亦不墮地亦不轉搖阿闍世復問
是鉢云何住而依何等文殊師利答
言是鉢所住如若狐疑所住阿闍世
復言是鉢亦無所住處亦不在地亦
不所依亦無有處所文殊師利則言
如若狐疑亦無所住諸法亦復如鉢
無所住无所墮飯事既訖阿闍世則
取一机坐文殊師利前自白言願解
我狐疑文殊師利則言若恒邊沙等

佛不能為若說是狐疑阿闍世應時
驚怖從机而墮若大樹蹠地摩訶迦
葉謂阿闍世勿恐無懼所以者何文
殊師利入漚瑟拘舍羅甚深以是故
說是徐可而問阿闍世則問言屬所
說何所恒邊沙等佛不能說我之所
狐疑文殊師利言仁者謂已從心因
緣而可見佛王即答言不用心心生
故為可見佛王言不用有心故為可
見佛王言不生死與脫是二事持是
作佛王言不而有法言從蒙是法王
言不其作如是法者能可為決說王
言不以是故吾說若之狐疑恒邊沙
等佛而不能說所以者何若人言我
能以塵汙於虛空乃能為不王言不
若有人言我能却虛空之垢能却不
王言不能文殊師利言佛知諸法一
切悉若虛空所以者何脫於本故亦
不見諸法有本若有脫者以故我言
若王之狐疑非恒邊沙等佛之所能
說文殊師利復言怛薩阿竭者不得
內外心何所當作狐疑所以者何一
切諸法本悉脫何以故復有狐疑文

殊師利復言其脫本者已不復著空
本無所有諸法故曰脫亦不自然不
有所成無所可見諸法有所有无所
諸法無所見故无所可見諸法謂嘿
然是謂想不可知諸法無想已過自
然故以過度諸法者謂生死斷故諸
法無處所謂無有願故諸法無有願
謂無有生死故等諸法無所著謂清
淨故諸法恚清淨謂本中外恚淨諸
法無有雙者謂無有侶諸法無有侶
謂一心故諸法一心謂脫故諸法無
有極謂無所斷故諸法無有邊幅謂
無有度故諸法不可見其度者謂所
作異故諸法謂所作異者求慧謂不
能得安諸法無常謂無二心故諸法
恚安謂過淨故諸法恚決謂無所求
故無自然法謂不可得身故諸法無
孤疑謂內寂故奇哉諸法謂無諦故
諸法寂者謂坦然故諸法無吾謂無
是我所諸法無餘謂脫故諸法無所
轉會上謂無有念故諸法盡信無所
著斷故諸法一味謂脫故諸法安隱
謂無有想故諸法無有想謂無所壞

故諸法悉空度諸求故諸法無有願
謂三界故諸法以斷三界謂不著過
去當來今現在一切諸法若涅槃謂
以生未生者文殊師利謂阿闍世無
所生无所生者乃可令淨王言不文
殊師利言佛知諸法如涅槃故不可
脫其所狐疑所以者何當直住視諸
法視諸法已亦無所取無所捨亦不
於諸法有所止處已無所止諸法是
故安已安者便無有疑已無有疑便
無所有作無所有作者謂無有主於
是中當作是忍何以故不自念我用
諸法故忍諸法不可作謂可為是不
可為諸法無有作無有作無所作是
故涅槃其信是者以為等脫亦無所
增亦無所減諸法本無故無有作而
能作者悉本無其本無者亦非是亦
不非是故本無無有異已信無有異
者諸狐疑已索盡其眼者亦無垢亦無
淨眼之自然是故本無本無自然故
曰眼耳鼻舌身意亦無有垢亦無有
淨其意者自然是故本無本無自然
故曰意色亦本無本無自然色痛痒

思想生死識亦無有垢亦無有淨識者自然本無本无自然故曰識諸法一切無有垢無有淨諸法自然本無本無自然故曰諸法其心亦不可見色亦不可得持何以故譬若幻不可言用內故亦不可言用外故所以者何本淨故以是無有垢其心本者亦不以受亦不以增亦不以煩亦不以憂亦不以愁聞是法者無所疑本異而念異故而有垢當知本異而念異其無是者不可以令有王不當念有是譬若人言我能令空有垢以烟若塵作是而可令空有垢不王言不文殊師利言其心本以清淨者姪怒癡無來何復言譬若空現於五事一者灰二者塵三者烟四者霧五者雲盡索可見不可言為坐作垢如人言是我所作非我所作便有姪怒癡於心本而不作垢亦不作狐疑所以者何心本有所作亦不能防後心後心有所作不尋於前心今現在心亦無處所其智者已曉是所作而不有惴望無所惴望是故清淨相一切諸法無有

垢無所不明無所生無有處所無有
處所是佛生地生地者謂為諸法諸
法者是故生地故不可說其智慧者
諸法無有脫以法為脫諸疑以無所
有無有法度者故狐疑屬法身故曰
法身無所不入諸法亦不見法身有
所入何以故諸法是法身如諸法等
故法身亦等故曰法身所入說是時
阿闍世王得所喜信忍則歡喜踊躍
則言善哉善哉解我狐疑文殊師利
則答是為大狐疑向所說法者無有本
何從得狐疑當從何所聞狐疑阿闍
世王則言蒙大恩而得小差今我命
盡者不憂不至泥洹文殊師利言如
王之所怖望者是無有本所以者何
諸法本泥洹故無所生阿闍世王則
從座起取名好奇疊其價直億百千
持遶文殊師利身應時文殊師利身
不現其疊仍在處於虛空但聞其聲
不見其形則聞其音說如見文殊師利
身王自見狐疑不以見狐疑者為以見
諸法如所見是為復從空中聞其聲謂
王有所見便以疊而與之次文殊師
利坐處有菩薩名得上願阿闍世復

欲持是疊而奉上之其菩薩言其求脫泥洹者我不從是有所受亦不受凡人有所有何以故凡人者謂有俗間事故而不受亦不從求羅漢辟支佛有所受亦不從怛薩阿竭法有所受其有不近是法不離是法而我受是物其與者亦無二心其受者亦無二心故曰所受過於脫王則欲以衣著菩薩上忽然不現不知處但聞其音不現形說言其所現身以衣與之而是菩薩坐次復有菩薩名曰見諸幻阿闍世王復以是衣而奉上之其菩薩言若有計他人有我者我不受是物亦不從有所沾汙亦不從以得脫從是而受物亦不從定意者亦不從亂意者而受是物亦不從智慧者亦不從無智慧者而受是物阿闍世便以衣擲牀上其菩薩即不現復聞其音不見其形說言其有現者以衣與之而是菩薩坐處有菩薩名曰不見幻至泥洹阿闍世以手擎衣而往趣之上坐已去仁者可受其菩薩言若有自著他人者我不受是物其不

著五陰四大六衰亦不著佛亦不著
法亦不著僧何以故諸法無所著故
王阿闍世便持衣欲著菩薩上應時
而不現但聞其音而不現形說言其
有現者以衣與之而是坐次有菩薩
名曰私呵末阿闍世則以衣奉上其
菩薩言其無瞻者我不受物今汝發
菩薩意持心如菩薩其心等諸法亦
等於諸佛法亦無所取無所捨於諸
法亦無疑亦無有疑亦不念諸法有
我不念諸法有所脫有是意者乃受
是物王阿闍世則而以衣著菩薩上
應時不現形但聞音說言其有現者
以衣與之而是菩薩坐次有菩薩名
三昧拘逮摩阿闍世持衣欲奉上其
菩薩言若有如是三昧無所疑乃受
其物本三昧悉知諸法無所脫我乃受
是物王阿闍世便持衣著其上應時
不現但聞其音言其有現者以衣與
之而是坐次有菩薩名量精進言一
切諸音字聲而不可得其作是者我
乃受是物王阿闍世復以衣起著其
上則時不現形但聞其音言其有現

者以衣與之而是坐次有菩薩名離所作垢阿闍世欲以衣上之是菩薩言其不目念我身與之亦不念有人從我取亦不念當有利其無是者我乃受是物王復以衣著其上應時不現其形但聞其音言其有現者以衣與之而是坐次有菩薩名曇摩惟懼和邨羅耶阿闍世復以衣奉上之其菩薩言若於聲聞亦現而不般泥洹於辟支佛示現而不般泥洹亦不住於生死亦不至泥洹我乃受其物王阿闍世便以衣著其上忽然而不現但聞其音言其有現者以衣與之如是二以衣與之應時不見其狀机座處忘亦不現復聞其音言其所現者以衣與之阿闍世語摩訶迦葉我從佛聞仁特尊今以衣奉上唯當受之摩訶迦葉而不肯受所以者何我姪怒癡未盡索故不可受亦不離無點亦不離惡亦不離苦知亦不習亦不盡亦不導亦不以盡為證亦不有道念亦不見怛薩阿竭亦不聞法亦不屬比丘僧亦不慧生亦不眼淨亦不以

識有所住而作其興我物者其德不能大亦不能得尊脫摩訶迦葉言如仁作意如我者我乃受之王阿闍世便以衣著其上應時而不見但聞其音言其有現者以衣與之便復以衣次第與諸比丘一一不見盡索五百人悉亦不現但聞其音言其有現者以衣與之王阿闍世熟自思念諸菩薩比丘僧悉亡當以衣與誰還自與中宮極夫人又其夫人亦不現應時阿闍世王便以得三昧不見諸色亦不見母人亦不見男子亦不見男兒亦不見女兒亦不見垣牆亦不見樹木亦不見室宅亦不見城郭尚有餘念謂有我身諸色識悉止復聞其音如一切有所見當自見其狐疑如所見狐疑見一切諸法亦復如是所見當作是觀無所觀當作是觀無所觀法是為觀法其有所見者便以興之王了無所復見便取其衣還欲自著亦復不見其身心意識諸所想已無是名曰脫於想脫於狐疑則從三昧還見衆菩薩比丘僧諸官屬所有一

初如故阿闍世復白文殊師利屬諸
衆會所而不見文殊師利言如仁
之狐疑處屬衆會在彼聞文殊師利
復言乃見衆會不阿闍世則言見云何
見如我所見狐疑見衆會如是文殊
師利復問乃見衆會不阿闍世則言
見云何如我所見狐疑見衆會如是
文殊師利復問云何見狐疑如我屬
不見衆會者是狐疑於內外亦無所
見文殊師利言乃聞佛所言其作逆
惡當入大泥犁不王言聞文殊師利
復謂王汝自知當入泥犁不阿闍世
復問其佛得佛時乃有法上天入泥
犁者不乃有安隱當至泥洹者不文
殊師利則言無王言我知諸法悉空
故所以者何泥犁亦復已空上天安
亦空諸法無所可壞敗是故入法身
法身者亦無天上亦無人間亦無泥
犁禽獸薜荔其逆者亦不離法身其
所作逆者身悉法身之所入諸逆之
本悉諸法之本已去當來無去來者
諸法亦無去來已知是者亦不入泥
犁亦不上天亦不泥洹文殊師利復

問佛說有逆如何今說無有王則答
言我不違佛所語云何王言無我是
佛之說諦其以無我是則無人亦不
作罪者亦無受罪者文殊師利復問
王已脫於狐疑不則答言從本已脫
以來亦脫文殊師利言其疑以盡未
王言已從久遠盡文殊師利復問云
何衆會而知王有逆無逆脫是中王
言以尊法持我故知無逆辟若菩薩
已得忍辱悲持諸惡菩薩若惠好願
鄒鞞頭梁耶謂阿闍世諸逆以淨以
得是忍王言一切諸法悲淨無所沾
汙故是法亦不可汙所以者何其道
無有瑕穢故以大逆道者不去生
死不見泥洹所以者何其道無已可
往者而可近者說是語時阿闍世王
便得疾信忍則時三十二人於文殊
師利前皆發阿耨多羅三耶三菩心
五百臣下悉得須陀洹道其羅閱國
民塞滿宮門欲見文殊師利說法文
殊師利則時以足大拍拍地宮壁及
地悉為琉璃一切在外皆見宮中諸
菩薩比丘僧若人照鏡自見其形亦

時所視恚亦了了皆聽文殊師利所
說法八万四千人恚得須陀洹道復
有五百人恚發阿耨多羅三耶三菩
心文殊師利為王及宮中臣下諸人
說法已各令安隱便從坐起與諸菩
薩比丘僧俱而出宮門王阿闍世及
宮中官屬俱而送之出於城門之外
見樹下有人而大呼我自教其母是
人當得脫者文殊師利化作一人與
父母俱行父母言是故正道可從是
行其子言非是正道如是至再三與
父母共諍便起意還教父母前呼教
母者見是人而煞父母便於邊舉聲
而與其他化人煞父母者便自陳說我
所作為非法所載悉煞父母其一人
則念我獨煞母耳是人煞父母其罪
甚重如子所受我尚輕微化人則語
一人我不如往到佛所佛者無所歸
者而受其歸而無護者而為作護如
佛所語我當承教不敢違失其教化
人便向道其一人即隨其後如是人
所受法我亦如是雖尔我尚嗟之俱
共啼哭而行已到佛所前作礼而住

便自白我作非法而妄殺父母佛言
善哉善哉如子之所言至誠無異所
以者何不覆藏作罪故乃至恒薩阿
竭前所說事如佛則言勿恐莫懷隨
我所言其他化人言如佛所教惟哀加
護佛言還自觀心之法視持過去當
來今現在心持何等心而煞父母佛
則復言已過去心已滅已盡亦不
可見處亦不可見所在當來心不可
說所以者何未生未有故無有故無
有想無有念今現在心亦無所住止
若心起意則滅亦不合聚亦不可知
去至何所從何所來亦不可知青亦
不知赤白黃黑心者不可見亦无有
形亦復不可得持亦無有伴譬如幻
於身亦不可見在內亦不見在外亦
不見中間佛言心者亦不可從愛可
見亦不可從瞋怒可見若卧出於夢
可見其心若作若無所作心亦無所
與無所得心者本淨故亦無有沾汙
亦無有而淨者佛復言其心亦非是
聞亦非彼聞譬若如幻不可得持所以
者何無伴侶故其知如是者不作是

想亦不念有我無我亦不念有所見
亦不念有所住諸法寂寞而有作者
其信是者不復受惡道所以者何無
所沾汙故其心法者亦無所生亦無
所著其他化人則言善哉善哉如怛薩
阿竭以法身而自成佛今知如佛所
說以信不疑無作者無受罪者無生
者無所滅者如諸法願樂得為沙門
佛言如子之願應時其他化人便如沙
門即白佛我所犯罪殺父母已脫而
得阿羅漢今欲般涅槃佛言從意如
所欲是化比丘飛去地二十丈在於
虛空便般涅槃從身火出還自燒身
其殺母者見是人已般涅槃具足聞
怛薩阿竭所說則自念言其所作
甚逆今作沙門而得度脫般涅槃我
罪尚可行何為不自歸佛亦可到是便
前為佛作禮自白我所作非法自殺
我母今以身自歸佛言善哉善哉所
語至誠無有異所說如言見怛薩阿
竭說所作罪而不覆藏且觀心法念
以過去以當來今現在心何所心煞
其母者過去心以滅盡亦不外亦不

內亦無處所當來心不可說亦未生
亦未有亦無有想亦余有所想今現
在心亦無所住止心有所生則破壞
亦無所聚亦不見有所至處亦不可
見有所從來處其心者亦不青赤黃
白黑其心者無有形不可見不可得
持亦不可聽聞所以者何無有聲故
亦不可得獲亦無有伴譬若幻亦不
於外見身於內亦無所得於中間無
有處其心者亦無沾汙亦無有惡亦
無有疑其心無所作亦不有所作亦
無所與亦無所得心者本淨故亦無
沾汙亦復無淨其心亦不在是是不
是其心若空亦不可得獲亦無有伴
其智者不念是想亦不作縛亦不作
淨不作有所見亦不作處亦不有所
止處亦不有而著心脫者是故無所
尋亦不生惡處何以故其心法亦無
所著亦無所至湊亦不在生死之所
止其殺母者應時身諸毛孔一一孔
泥犁之火從其孔出痛不可言則自
陳說今自歸怛薩阿竭惟哀加護令
得安隱佛則時以金手著其人頭上

應時火滅苦痛則除便前長跪願欲作沙門佛言如所欲則時以為沙門怛薩阿竭以四諦法而說之應時得法眼深入其事則得阿羅漢便白佛言今我欲般涅槃佛言如所欲飛在虛空去地百四十丈便於是上其身火出還自燒身諸天億百千人悉飛而來供養舍利弗白佛怛薩阿竭實尊所以者何而作惡令得解脫誰而解者獨佛若文殊師利及諸菩薩深入僧那僧涅槃者而知是事非羅漢辟支佛之所而堪知其中事若一切人之所行恚不而及還佛語舍利弗其怛薩阿竭土者是菩薩之所忍非羅漢辟支佛地及非一切人之所行所以者何若有一人所作異而當得異如是若曹見作罪者知當入涅槃我而令不入涅槃可至涅槃如若曹所知當有般涅槃者我知當入涅槃何以故若曹而不及知一切人之所行佛語舍利弗若見其殺母人而般涅槃者不則答言見佛言是人以供養五百佛盡索從一一佛聞心法本淨

何以故今復聞是法而般泥洹其有知深法入其微妙歡喜踊躍其心無懼若為惡師所誤若其心不足者而所犯罪會當解脫其以信心法本淨是人不得惡道所以者何無所尋故文殊師利即與諸菩薩摩訶迦葉比丘僧王阿闍世及群臣官屬來到佛所舍利弗問阿闍世今以聞狐疑解不則荅言以聞知云何聞其說法時無所得亦無所不得亦無所持亦無所捨聞是時從今以去無有沾汙時舍利弗問佛阿闍世餘罪有幾所佛言所聞法譬若一芥子能盡須彌山之罪舍利弗問佛王阿闍世當入泥犁不辟若忉利天子被服名衆好寶來下到是則還處所阿闍世者亦以衣服珍寶莊嚴譬若天子從上來下雖入泥犁泥犁名賓頭入中無有苦痛則為苦天子上歸本處舍利弗白佛甚善阿闍世所作罪而得微輕佛謂舍利弗汝乃知是王不則言不知是阿闍世王以供養七十三億佛各從諸佛常聞深法其心不離阿耨

多羅三耶三菩心佛復問舍利弗乃見文殊師利不則言見是本發阿闍世而令為阿耨多羅三耶三菩心尔時久遠過去時有佛號字安隱覺劫名無塵垢用是劫中而有三億億人皆文殊師利之所勸而轉法輪佛語舍利弗辟若如恒邊沙等佛為阿闍世說法而不解其狐疑所以者何是文殊師利之所發意故當從是解世世常從文殊師利聞甚深法佛言菩薩本有所造作其人必當因本所發意而得解今阿闍世雖入泥犁還上生天上方去是五百四十五剎土號字名惟位惟位者漢言為嚴淨其佛號字羅陀那鞞頭漢言寶好亦於彼當與文殊師利相得從其剎欲會聞所說法則當得無所從生法忍弥勒於是作佛阿闍世從彼剎來生是間尔時當名阿伽佉鉢菩薩弥勒佛從是因緣以法教諸菩薩所說法亦不過亦不短適平等尔時當說阿伽佉鉢者以過去釋迦文佛時有三名阿闍世用惡人言而煞其父從文殊師

利聞諸法聞已則歡喜信忍所作罪
應時盡索弥勒佛說是時八千菩薩
悉得無所從生法忍却後八阿僧祇
劫阿伽佉鉢當行菩薩道而教化人
亦當淨刹土其有人從其聞法者若
作聲聞若作辟支佛若菩薩法者皆
當無瑕穢一切無所尋諸人悉當明
於智慧無所狐疑其王阿闍世過如
所說八阿僧祇劫以後當得為佛其
劫當名唾曰鉢陀遍漢言者歡喜見
其刹土名阿迦雲漢言者為藥王其病
者莫不愈其怛薩阿竭當號字惟首
陀惟沙耶漢言者淨其所部尔時壽

四小劫當有七十万聲聞悉已從惠
得解皆當知八惟務禪尔時當有十
二億菩薩一切皆入諸慧曉了溫怒
拘舍佛般泥洹以後其法住乃至億
万歲已後乃盡其刹土一切人至死
無狐疑者壽終已後不生八惡處所
以者何用從佛聞深法故諸垢濁不
復著佛語舍利弗人而不可輕所以
者何而從輕得其罪佛言我知人而
所作而餘無知者而所趣向其佛

者乃知之舍利弗從其衆會言是事
微妙快乃知是則言從今已去不敢
復說是者罪人是者福人所以者何
一切人之所行不可議故如佛屬所
說阿闍世而得決尔時万二千天子
皆發阿耨多羅三耶三菩心各各同
願惟首陀淨所部惟沙耶作佛時我
生其刹土佛悉與次其作佛時而當
往生後刹土王阿闍世有子年八歲
名曰栴檀師利應時取身上珍寶解
散佛上則言以是發阿耨多羅三耶
三菩心若惟首陀惟沙耶而作佛時
我願為遮迦越羅其佛般涅槃以後
我願承其後作佛所散寶物悉化作
七寶交露縱廣正等中有床坐具
足若干之寶其統縱幃亦復如是佛
坐其牀上應時佛笑無央數色光明
而從口出遍於十方還遶身三匝從
頂上而入阿難從坐起白佛怛薩阿竭
不妄笑當有意阿難嘆佛其智慧甚
尊無所望尋悉知一切人心之所行
隨其所欲教照令各得所天上天下
而獨特尊所因緣笑故唯願欲聞若

十方一切人悉在前住一一人問億
百千邨術事悉則發遣而無留難屬
之所笑唯聞其說已過去當來今現
在佛悉而具足無所罣尋屬之所笑
惟決其疑其光明悉逾於日月過於
釋梵境諸遮迦和山令一切悉見其
光明見其光明者人則無所復著所
以者何佛以無瑕穢故屬之所笑惟
願發遣佛告阿難是栴檀師利者已
供養我而發阿耨多羅三耶三菩心
稍稍而至惟首陀惟沙耶作佛時而
生彼刹當作遮迦越羅舉家室僕從
當供養其佛比丘僧至竟無有已其
佛般泥洹已是兒當習其後便於遮
迦越羅壽盡當至兜術天上從上竟
壽而下當生彼佛刹而自成佛號字
栴檀霸尊所有一切如前佛無異其
壽適等諸聲聞菩薩亦復適等其從
阿闍世所諸餘菩薩悉皆言若文殊
師利在所方面亦復如佛無有空時
所以者何有所作為與佛無異其有
菩薩為文殊師利所教者無所復異
何以故無復生於惡處者不畏眾魔

亦不畏罪不有所沾汙於城郭郡國
縣邑丘聚若有學其法者若有持是
經諷誦讀者若書者見是輩人當如
見佛無有異在所方面而聞法則當
念則是佛處佛謂諸菩薩審如若之
所言所以者何已過去無央數阿僧
祇劫有佛號字提想竭則與我次當
為阿耨多羅三耶三菩心而成為佛
我以髮布地令怛薩阿竭而蹈之正
於是處而得決言汝過阿僧祇劫後
而當為佛號字釋迦文時提想竭佛
謂諸比丘僧是所受決處不當以足
蹈其地所以者何是則極尊神處諸
天人民一切當共事是處誰有於是
而起塔者應時八十億天皆念言我
我欲於是起塔則時便作七寶塔嚴
莊甚好事已訖竟至提想竭所自言
所作塔以成聞怛薩阿竭其福如何
提想竭言若菩薩在所處得法忍圓
如車輪而起作塔下行盡地際諸天
鬼神一切當已其土供養當如舍利
無異如是菩薩所授決得法忍處圓

如車輪滿中七寶上至三十三天持
施與佛有作是塔者其福出是上其
佛言如我授摩訶決而後當作釋迦
文佛汝作是塔因是功德當從釋迦
文佛授決却後阿僧祇劫亦當成佛
佛語衆會者乃知時迦羅越毼陀調
不諸會者不及佛即言今在會中迦
羅越子名曰作羅一耶闍是應時怛
薩阿竭而與決言汝當作佛號字湏
陀扇漢言者名曰波見佛復言若比丘
比丘尼優婆塞優婆夷而書是經若
誦誦讀為一切人說解其法處圓如
車輪塵等下盡地際上至三十三天
其智者取中一塵而供養之所以者
何菩薩從是法而得忍故佛言若男
子女人以七寶滿三千大千佛剎土
日三反持是施與但專念是其所復
作如是百劫千劫若復至百千劫其
有誦誦讀阿闍世品者若恭若事若
誦誦為一切說而解其中慧其心信
向無有異是福出彼所作施與功德
上若男子女人於百劫而持淨戒功
聞是法信樂喜之其福出彼淨戒功

德上雖為人所撾捶罵詈百劫亦不起意是為忍辱其間是法信向於中作忍出彼忍辱上於百劫而精進恭事一切人亦不以為勤苦不惜身命其間是法信而為一切人解其中事其福出彼精進上其身於百劫守禪不如以是法而教一切人其功德出彼守禪上若有百劫而行智慧聞是法解心本清淨其功德出彼上諸菩薩皆白佛吾等恙當奉行所至到諸佛刹當以法而化人佛語諸菩薩法所至奉行法教一切所作如佛無異所以者何是法恙解佛事故一切諸會菩薩恙以花供養散怛薩阿竭上遍三千大千刹土諸菩薩各自說是法實尊其釋迦文佛之所說當久在閻浮利地而與明文殊師利者常當久住所以者何常當從聞深妙之法諸菩薩言推身未而報其恩佛言若男子女人從人間是法亦不以身報其恩欲見怛薩阿竭者視其男子女人所聞法處當供養如佛其有信於是法者視其人當如見佛諸菩薩從

座起為釋迦文佛作禮於是恍惚而
不見各各還其剎土以是法自於處
所為一切具足解說是慧其聞是法
者無央數人志發阿耨多羅三耶三
菩心佛語弥勒菩薩持是法當誦誦
讀當為一切廣說其事當加哀天上
天下及一切弥勒菩薩自佛我以從
過去諸佛所已聞是法持誦誦讀已
今復還聞是法今亦當廣為一切說
法雖怛薩阿竭般涅槃已後我在兜
術天上若男子女人欲學是法我勸
助護之後末世法一切欲盡時其有
聞其處所有是經當知我之所護若
有魔中道而欲壞敗我當護之令不
得其便佛語釋提桓因當持是法誦
誦讀次諸狐疑若阿須倫興師起兵
欲覺擊天帝當念是經應時得勝其
兵即却佛復言若有郡國縣邑丘聚
其奉事是經皆當往護其遭縣官者
若入縣官者當念是經行賊中當念
是經若為賊所拘擊當念是經若在
曠野當念是經若見怨家若與怨家
相得當念是經其有至心於是法者

無而得其便佛語阿難持是法誦誦
讀當為一切說解其法若有男子
人從若聞是法便無狐疑諸狐疑
盡則不復為罪所覆亦不為生死
所覆亦不中道離法之所覆一切
其有作邪道者則為不行終不與
魔事而相當值所以者何用聞是
法故其已作逆惡者聞是法信樂
喜則已無逆惡亦不受逆之罪摩
訶迦葉白佛我證知是法屬文殊
師利於阿闍世所食時說是法解
作逆惡之事應時得歡喜信忍恚
為解狐疑我今說之其有犯逆者
從是法忍恚得解脫亦當如阿闍
世應時摩訶迦葉復言一切人本
悉淨而自作反是我所非我所亦
不而自知其本淨恚以曉了本淨
者所作罪則解脫無有而知如阿
闍世者是以一切愚人所作反還
自殺身便因是而得勤苦便入泥
犁摩訶迦葉言其奉事信樂是法
吾等證之不復墮惡道佛言如汝
之所說一切諸佛菩薩心無瑕穢
阿難復白佛惟怛薩阿竭令後世
人見是法怛薩

阿竭應時從身之相放光明照無央
數佛刹諸垣牆樹木皆有音聲其法
當余所以者何若劫盡火起其當聞
者會是法若當聞是法雖在於海中
會還得聞是法佛語阿難如垣牆樹
木之所聞聲審如其言其已作功德
者已作摩訶行者後世皆還得聞是
法說是經時諸天及人九万六千悉
得須陀洹道七万八千人悉發阿耨
多羅三耶三菩心二千菩薩得無所
從生法樂忍八千人皆得阿羅漢道
是三千大千刹六反震動衆冥悉開
闢而悉明諸欲天子諸色天子以若
干伎樂而供養之皆以天花天香共
散之言所謂法輪聞是法者已為選
法輪轉諸外道者聞是法即而自知
是故因為伏是者則菩薩印其得是
印者乃到佛樹下佛說是經三阿閼
世諸菩薩文殊師利是為本諸聲聞
舍利弗摩訶目犍連阿難等是其本
諸天捷陀羅一切人聞佛所說前已
頭面作礼而去
佛說阿闍世王經卷下

癸卯歲高麗國大藏部監奉
勅彫造

佛說放鉢經

共

安公玄元闕譯人今附西晉錄

佛在舍衛祇洹精舍時與諸菩薩無
央數比丘比丘尼優婆塞優婆夷諸
天王釋梵及阿須倫鬼神龍諸人非
人無央數悉會坐佛說菩薩法無央
劫勤苦泥犁禽獸辟荔一切憂勞十
方布施金銀珍寶車馬奴婢及妻子
頭目肌肉皆不愛惜用施十方人勤
苦故時忉利天上二百天子前世作
菩薩道未堅在佛所聞求道勤苦皆
念道劇難得心便轉求羅漢辟支佛
道佛知是諸天子意欲轉便化作一
端正無比令持百味飯至佛所前長
跪叉手作禮白佛言願佛哀我受此
飯佛便受之坐中有菩薩在佛前坐
字文殊師利白佛言當念故思坐中
諸菩薩悉聞展轉相問文殊師利前
世有何等恩施於佛而復欲得佛飯
佛即捨鉢于地便下入地中乃至賴
毗羅耶佛剎剎名波陀沙鉢懸止空
中現彼剎中諸菩薩見之起前長跪

白佛是懸鉢從何所來亦不墮地彼
佛言旦待須臾當見菩薩威神變化
今時釋迦文佛告摩訶目犍連行求
索鉢摩訶目犍連即入八千三昧遍
入八千佛刹視不見即還白佛言求
索鉢了不知處佛告舍利弗汝復行
求索舍利弗入万三昧下行過万佛刹
求鉢不得即還白佛言我下行過萬佛
刹求鉢了不見佛復令摩訶迦葉行
求索鉢摩訶迦葉便入万二千三昧
復下過万二千佛刹求索鉢不得還
白佛言我求索鉢了不見舍利弗白
弥勒菩薩言仁者高才功德已滿智
慧備足次當來佛當知鉢處弥勒菩
薩語舍利弗言我雖次當來佛功德
成滿其行具足不如文殊師利菩薩
譬如十方恒邊沙佛刹滿中万物草
木及今所菩薩不能知佛一步之中
所念何等文殊師利菩薩知深三昧
獨文殊師利菩薩能知佛鉢處舍利
弗即起前至佛所長跪叉手白佛願
令文殊師利菩薩行求索鉢佛語文
殊師利汝行求鉢來文殊自念舍利

弗當不起於坐而致鉢來即入三昧

譬如日出光明無所不照菩薩入三

昧者十方無所不至文殊內手從袈

裟裏下探過十佛刹手指諸節其一

節放千万光明出一光明端各有一

蓮花蓮花上有一菩薩坐皆如文殊

其下刹有佛蓮花上菩薩者皆持釋

迦文佛聲謝諸佛復持文殊聲遙為

諸佛作札如文殊手逮至賴毗羅耶

佛刹刹中諸菩薩白佛言是手何等

亦不見邊亦不見際賴毗羅耶佛語

諸菩薩言上無數佛刹刹名沙訶樓陀

佛字釋迦文前有坐菩薩字文殊寂

尊光明智慧難可當作變化如是諸

菩薩白佛言今我等欲共得見釋迦

文佛及文殊賴毗羅耶佛即放額上千

億光明出照中央無數佛刹一至釋

迦刹諸菩薩問佛今有是大火光烟

出須臾頃便火出是火泥犁火耶佛

言莫作是語是非泥犁火釋迦刹名

沙訶樓陀是中火也諸菩薩問佛言

是沙訶樓陀刹者何因名沙訶樓陀

有是火佛語諸菩薩沙訶樓陀刹者

雜惡三毒婬嫉瞋怒愚癡諸菩薩白
佛言沙訶樓陀刹中諸菩薩忍辱不
瞋怒者作是為可佛語諸菩薩釋迦
刹中人罵詈菩薩輕是過捶者菩薩
忍辱終不加瞋怒慈哀十方人欲令
度脫皆是菩薩威神所加菩薩忍辱
之恩故名沙訶樓陀諸菩薩白佛言
我等聞是大歡喜得不生釋迦刹弊
人之處賴毗羅耶佛告諸菩薩莫說是
語不可沙訶樓陀刹中諸菩薩意佛
言我為汝曹說東方佛字頭意刹名
訶波離摩垺施怛頭意佛刹中菩薩
行六度悉具足不如沙訶樓陀刹中
菩薩行六度一日一夜念十方勤苦
皆使度脫何以故沙訶樓陀刹中作
行勤苦譬如一佛刹壞敗時火燒其
刹有人著新衣從東方來入火中從
火中至西方其身出不燒是難不諸
菩薩言甚難天中天佛言沙訶樓陀
刹中菩薩一日一夜所行罵詈輕易
之菩薩忍辱終不瞋怒譬如人行
火中身不燒之難尚不及是菩薩若
百倍千倍万倍億倍諸菩薩等二万

人前白佛願欲上至沙訶樓陀刹供養釋迦文佛及文殊師利菩薩等賴毗羅耶佛語諸菩薩若欲至沙訶樓陀刹者先治汝意譬如地得香花好物不喜得屎尿涕唾膿血惡露亦不瞋佛言我何因為若曹說是語釋迦文佛刹中有菩薩先世多供養諸佛者人有急性者意善之事但口教急用今世惡故諸菩薩白佛言沙訶樓陀刹諸菩薩先世多供養諸佛求道大久何緣生沙訶樓陀弊惡人處佛告諸菩薩有二因緣今世生沙訶樓陀刹本前世與釋迦文佛俱行索佛故世世相隨復有菩薩宿命有惡不盡故生彼惡世諸菩薩白佛今是諸菩薩生沙訶樓陀刹何因緣得除宿命之惡佛言善男子善女人生沙訶樓陀刹索菩薩道生貧家舍用是故除宿命惡又多病者復除宿命之惡又遭遇父母兄弟妻子病瘦死亡憂愁感傷用是故復除宿命之殃又遭逢縣官恐怖棄捐父母家室財產亡逃憂愁用是故復除宿命之殃惡若

有一旦失財業窮厄用是故復除宿
命之殃惡若在惡國中生本為他國
所攻敗壞奔走愁憂无聊用是故復
除宿命之殃惡若生弊惡人中貧賤
面目醜陋形癯盲聾不屬逮人父母
兄弟妻子宗親皆共憎之是入愁憂
用是故復除宿命之殃惡若聞有善
道歡喜欲索明師教告經道開心
從受不得明師便愁憂用是故復除
宿命之殃惡若復遙聞遠方有師高
明智慧通達欲往從受經學身體病
瘦手足拘攣不可動搖錢用乏少又
無伴侶便不可行念之憂愁用是故
復除宿命之殃惡若有人行求善師
欲從學受經道師大明達皆知道要
弟子愚癡無慧意不開解便自愁憂
用是故復除宿命之殃惡若有善師
欲教弟子世間之事開語經道弟子
愚癡不能忍辱便棄捐師去後歸念
師法戒大歡喜意悔愁憂用是故復
除宿命之殃惡若有求菩薩道者卧
出夢中見怨家持刀兵追逐怖恐夢
中恐懼復除宿命之惡若有菩薩道

家善男子善女人宿命殃惡未盡死
當入泥犁中勤苦一切得善師教悔
過一日一夜者頭痛身熱諸病悉除
盡不復入泥犁中賴毗羅耶佛語適
貴文殊師利下手探鉢賴毗羅耶佛
刹及中央無央數佛刹上至釋迦文
佛刹皆大震動一切人皆令驚怖舍
利弗起前長跪叉手白佛言今以何因
緣震動如是莫不驚恐者佛語舍利弗
今是地震動者文殊師利探鉢是故
震動舍利弗問佛言鉢在何所止佛
言鉢乃在下過無數佛刹有佛字賴
毗羅耶其刹名波陀沙鉢止是中舍
利弗白佛言今諸菩薩阿羅漢及諸
天人阿須倫鬼神龍欲見下方賴毗
羅耶佛刹及中央諸佛刹欲見文殊
師利變化取鉢時佛便放足下百億
光明悉照十方無數諸佛刹土如是
悉遍見賴毗羅耶佛刹諸菩薩見文
殊師利變化取鉢時諸菩薩天人阿
須倫鬼神龍皆大歡喜諸阿羅漢皆
大愁毒淚出各自言菩薩尚能變化
在所作為乃余何況佛威神光明難

可當我等寧入涅槃中百劫後出闍
菩薩法便奉行何憂不得我願賴毗
羅耶佛刹中諸菩薩及中央諸佛刹
土菩薩无央數皆來上至釋迦文佛
所諸菩薩各自念言到釋迦文佛所
供養中有菩薩散花覆一佛刹有菩
薩散香有菩薩散天衣有菩薩散金
銀珍寶有菩薩作音樂聲一佛刹中
如是諸菩薩皆前持頭面著地為佛
作礼已却坐文殊師利菩薩探鉢來
出坐中諸菩薩阿羅漢諸天人阿湏
倫鬼神龍莫不歡喜舍利弗起前長
跪叉手白佛言文殊師利有何等恩
施與佛今何因緣言當念故思佛語
舍利弗乃前世无数劫時有佛字羅
毗那祇有六万比丘阿羅漢七億二
千万人諸菩薩中有一菩薩字恬那
羅耶朝起入城分衛得滿鉢來還從
街上行有一乳母抱長者子字惟摩
羅波休息沙門持鉢便下乳母抱趣
沙門所沙門以石蜜餅授與小兒小
兒取之大美便隨沙門去乳母逐護
之小兒取盡盡便還故意欲還去沙

門復取餅授之兒噉餅逐隨沙門出城到佛所見佛端正身有三十二相八十種好觀之無厭見諸菩薩比丘大歡喜沙門便教小兒澡手漱口更持鉢餅與小兒令飯佛汝今得安隱後得其福小兒取授鉢餅持至佛前以手接餅著佛鉢中復過與諸菩薩比丘僧皆悉滿足食飽餅鉢如故如是飯佛菩薩及比丘僧七日小兒大歡喜自說我日持一餅飯佛菩薩及比丘僧七日飯滿我必得福田是一功德得佛佛語諸菩薩阿羅漢言此是本時思也怙鄒羅耶菩薩今文殊是也時小兒維摩羅波休者我身是也今我得佛有三十二相八十種好威神尊貴度脫十方一切衆生者皆文殊師利之恩本是我師前過去无央數諸佛皆是文殊師利弟子當來者亦是其威神恩力所致譬如世間小兒有父母文殊者佛道中父母也佛說是經時初利天上二百菩薩自念佛奉文殊所教化令作功德成佛文殊何以故在佛前不成佛耶佛言文殊

深入善權廣化衆生故未取道佛告
諸菩薩及比丘四衆前二百天人菩
薩欲悔取二乘者見文殊變化吾應
報恩今皆更發無上心修菩薩道後
世皆當作佛佛說經已諸菩薩比丘
僧諸天人阿須倫鬼神龍皆大歡喜
起為佛作礼
佛說放鉢經

癸卯歲高麗國大藏都監奉
勅彫造